

প্রবাসী

সচিত্র মাসিক পত্র

ভাগ, দ্বিতীয় খণ্ড

কার্তিক—চৈত্র

১৩৩১

শ্রীরামানন্দ চট্টোপাধ্যায় সম্পাদিত

বার্ষিক মূল্য ছয় টাকা আট আনা

প্রবাসী, ১৩২৮

২১শ ভাগ, ২য় খণ্ড

কার্তিক—চৈত্র

(এই খণ্ডের চৈত্রের প্রবাসীতে ৮৮৫ হইতে ৯০০ পৃষ্ঠা পর্যন্ত বরাবর কুড়ি পৃষ্ঠা বাদ দিয়া পড়িতে হইবে
খণ্ড ৮৬৫ হইতে আশু হইয়া পৃষ্ঠাসংখ্যা ৮৮০তে শেষ হইবে।)

বিষয়-সূচী

জোর গান (কবিতা)—কাজী নজরুল ইসলাম	১৯৭	আগ্নেয়গিরির মধ্যে গোরস্থান	... ৫৩১
নূ পানী (কাবিতা)—প্রিয়ম্বদা দেবী, বি-এ	৬৯০	আচার্য্য প্রফুল্লচন্দ্র ও বরবোনা কাপড়—কৃষ্ণলাল ঘোষ ও সম্পাদক	... ৪৭৫
শ-আলোক (কষ্টি)—সার জগদীশচন্দ্র বসু, এফ-আর-এস	... ৯২	আচার্য্য রায় ও চর্খা	... ৭২৫
৩ মাছ (সচিত্র)	... ৬৫১	আচার্য্য সাহার গ.বষণা সম্বন্ধে আইনটাইনের মত	... ২৮২
কার (কবিতা)—প্রিয়ম্বদা দেবী, বি-এ	... ৭৭০	আদিত্যরাম ভট্টাচার্য্য (সচিত্র)	... ২৭৫
বতী না স্বাধীনতা (কষ্টি)—বিপিনচন্দ্র পাল	১০০	আধ-ডোবা ডুবো জাহাজ (সচিত্র)	... ৯২
পিক টমসনের রবীন্দ্রনাথ ঠাকুর (সমালোচনা)—ক খ গ	... ৩৭৬	আনাতোল ফ্রাঁস (সচিত্র)—প্রভাতচন্দ্র গঙ্গোপাধ্যায়, বি-এল	... ৫০০
কীর্ত্তি স্মৃতিদীপ (কবিতা)—বনকুল	৫৩২	অন্তর্জাতিক নারী সম্মিলন—ডাকহুকুরা	... ২০২
দেশের ও জাতির এবং ভারতবর্ষের সামরিক বায়ের উদ্দেশ্য	... ৮৭৫	আক্শোষ (কবিতা)—বনকুল	... ৮৪
এমানিনী (গল্প)—ফণীন্দ্রনাথ মুখোপাধ্যায়	... ৮৪৯	আবেস্তা সাহিত্য—বসন্তকুমার চট্টোপাধ্যায়, এম-এ	... ৭২৩
অভিসার (কবিতা)—জীবনময় রায়, বি-এ	... ৮১৫	আবেস্তা সাহিত্যে রমণীর অধিকার—বসন্তকুমার চট্টোপাধ্যায়, এম-এ	... ৭৭১
বমুত পিয়ারা (কবিতা)—কুমুদরঞ্জন মল্লিক, বি-এ	২০১	আকুল বাহা আব্বাস (সচিত্র)	... ৭২০
হযোগ ও ছাত্রসংখ্যার হ্রাস	... ১৫৯	আত্মদগ্নিক (কবিতা)—সুধীরকুমার চৌধুরী, বি-এ	... ৩৫৩
আহযোগ নেতাদের বিচার	... ১৩৫	আমার মালী - রায় বাহাজুর যোগেশচন্দ্র রায়, এম-এ, বিদ্যানিধি, বিজ্ঞানভূষণ, ও ভূপতিভূষণ মুখোপাধ্যায়	... ৮৪৩
"অস্পৃশ্য"দের কথা	... ১৩৮	আমেরিকার কাছে জগতের ঋণ	... ৪০৩
অহল্যা উৎসব (সচিত্র)	... ২০২	আমেরিকার চিত্র ও মূর্ত্তিশিল্পের নমুনা (সচিত্র)	... ৬৪৭
অঃসুর সীমা	... ৪৩৬	আয়ারল্যান্ড	... ৪৪০
আইন অহুযায়ী দণ্ড ও বেআইনী অত্যাচার	... ৭১১	আয়ারল্যান্ড	... ৭২৬
"আইন" ও "বিচার"	... ৪৩৪	আয়ারল্যান্ডের নেতাদের নিরঙ্কণ	... ১৪৩
আইনসঙ্গত ও বেআইনী নিরঙ্কণ	... ৪৩৩	আয়ারল্যান্ডের সহিত ব্রিটেনের সন্ধি	... ৫৪
আইনুদের গল্প (সচিত্র)—হেমচন্দ্রকুমার চট্টোপাধ্যায়, বি-এ	... ৬৬৯	আরবী ছন্দ—কাজী নজরুল ইসলাম	... ৮৪৬
আকাশ-বাসন	... ৯২	আলঙ্কারিক পঞ্চক—প্রিয়রঞ্জন সেন, বি-এ	... ৭১০
জ্বাকের ছোবড়া	... ৫২৯	আলিদের জননী	... ৭২৭
গামাী বৎসরের প্রবাসী	... ৮৫৯	আলোচনা	১৯৮, ৩৫১, ৫৫৬, ৬৭৫, ৮২৪
গুন-বাঁচানো জলের প (সচিত্র)	... ৫	আশুবাবুর রবীন্দ্রনাথ-প্রণয়াদিতা—রাজকিশোর ঠাকুর	... ৫৫৬

আশ্চর্য্য অন্ধ কাল মেঘে (সচিত্র)—চাকচক্র বন্দ্যোপাধ্যায়, বি-এ	... ৩১৯	কলের মাপে চরিত্র নির্ণয়	... ২৩৫
অ.সাম বেঙ্গল রেলওয়ের ধর্মঘট	... ১৩০	কল্পতরু হোটেল (সচিত্র)	... ৬৫
আসার আশায় (গল্প)—দেবীদাস বন্দ্যোপাধ্যায়	... ১৮০	কষ্টিপাথর...	৯৮, ২২৪, ৩৩৭, ৫৪৮, ৬৫৩, ৭৮
আহমদাবাদ (সচিত্র)—ঐতিহাসিক	... ৩৫৫	কংগ্রেস	... ৫৮০
আহমদাবাদে নারীদের কনফারেন্স	... ৫৮৩	কংগ্রেস ও মোশ্লেম লীগের কাজ	... ৫৮০
ইংলণ্ড ও ভারতবর্ষে চরকা ইত্যাদির তুলনা (কষ্টি)	... ৬৪৪	কংগ্রেসের একটি নির্ধারণ	... ৪৩৯
ইংলণ্ডে নারী দায়িত্ব—হেমন্তকুমার চট্টোপাধ্যায়	... ৩৩৪	কংগ্রেসের দাবী	... ৭১২
উড়ে জাহাজে জল ছিটানো (সচিত্র)	... ৪০৬	কাকের অহঙ্কার (কবিতা)—বেতালভট্ট	... ৭৮
উদাসী (কবিতা)—জসীম উদ্দীন	... ৮২৩	কাক্রিদের দেশ আফ্রিকা (সচিত্র)—প্যারীমোহন সেনগুপ্ত	... ৬৮, ১৮২, ৩২৭, ৫০৮
উদ্ভিদের চেতনা ও "ভারত-শ্রমজীবী"—শশিভূষণ বিশ্বাস	... ১২৯	কামারের স্বর্গরোহণ (গল্প)—রেণুকণা দেবী	... ৮০৫
১৯২২—২৩ সালের সামরিক ব্যয়	... ৮১০	কারণ কি ?—সুরেশচন্দ্র বন্দ্যোপাধ্যায়	... ৭০
উপনিষৎ (সমালোচনা)—বিদ্যুৎ শব্দর ভট্টাচার্য্য শাস্ত্রী	... ৬৬৪	কালীপ্রসন্ন বন্দ্যোপাধ্যায়, সঙ্গীতাচার্য্য (সচিত্র)	... ৪
উপেক্ষিতা (গল্প)—বিভূতিভূষণ বন্দ্যোপাধ্যায়	... ৫৩৭	কাঁথিতে অশান্তি	... ১০
উবট সাম্রাজ্য ও গ্রিকিথাদির বেদব্যাক্ষা—উমেশচন্দ্র বিদ্যারত্ন	... ৩১৩	কাঁদনগাস (সচিত্র)	... ৪০
উবট সাম্রাজ্য ও মহীধরাদির বেদব্যাক্ষা রক্ষণ—মনমথ ভট্টাচার্য্য	... ৬৭৫	কুকুরটানা গাড়ী (সচিত্র)	... ৫১
উভচর গাড়ী (সচিত্র)—অলকেশ্বর চট্টোপাধ্যায়	... ৫৩৪	কুমার-পাখা (সচিত্র)	... ৫৩০
উভচর রেলগাড়ী (সচিত্র)	... ৮১৯	কৃষ্ণবট (সচিত্র)—পিয়েমডি	... ৩০
উনবিংশ শতকের বঙ্গসাহিত্য—শ্যামল বন্দ্য	... ৫০৩	কোনু বিচ্ছেদের মন্দির—অরুণ দত্ত	... ৫৫১
ঋগ্বেদের প্রাচীনত্ব—ডাক্তার অ.বিনাশচন্দ্র দাস, এম-এ, বি-এল, পি এইচ-ডি	... ১৯৮	কোনু মাসে কি খেতে হবে—সত্যভূষণ দত্ত	... ৭৮
একটি উপাধির গূঢ় অর্থ	... ৫৮৩	কোনু মাসে কি খেতে হবে ?—উৎপলাক্ষী দাসী	... ৫৫৬
একটি গ্রাম্য বিদ্যালয়	... ১৩৯	ক্যানাডার নারী প্রাদেশিক মন্ত্রী—হেমন্তকুমার চট্টোপাধ্যায়, বি-এ	... ৩৩৪
একটি সরকারী পত্রী	... ৫৭৭	কর্ণের সঙ্গী (কবিতা)—কুমুদরঞ্জন মল্লিক, বি-এ	... ৩১৮
এক যাত্রার ভিন্ন ফল	... ৮৭২	ক্ষুধা (কবিতা)—চণ্ডীচরণ মিত্র	... ২২৩
এলাহাবাদে উদারনৈতিক সভা	... ৫৮৩	খাদি নগর ও মোশ্লেম নগর	... ৫৮০
এলিজাবেথ ফ্রাই (সচিত্র)	... ৩৩২	খালেদা খানম্ (কষ্টি)	... ২২৬
ওয়ারশিংটনে রণতরী—হুস সভা	... ৭২৬	খুলনা জেলার চরখা ও তাঁত	... ৫৮২
ওরাংজেবের ফর্ম্যান—অরুণ দত্ত	... ৩৫০	খুলনার দুর্ভিক্ষ	... ১৩০
কড়ি ও শায়কের ঘর (সচিত্র)	... ৯২	খেয়া ঘাটে (গল্প)—মণীন্দ্রলাল বসু	... ১৮৯
কথা (কবিতা)—সুধীরকুমার চৌধুরী, বি-এ	... ৫৫৭	খেলা ভোলা (কবিতা)—রবীন্দ্রনাথ ঠাকুর	... ১২২
কবি (কবিতা)—রাধাচরণ চক্রবর্তী	... ৮৫৫	খোকার আধ কথা (কবিতা)—চণ্ডীচরণ মিত্র	... ৫৭৮
কমলা তাজা রাধিবাবর সহজ উপায় - নগেন্দ্রচন্দ্র ভট্টশালী	... ২১০	খোকার পোষাক—হেমেন্দ্রনাথ সান্যাল	... ১৮৭
করাচীতে নেতাদের বিচার—	... ২৮২	খোপার ভাষা (সচিত্র)	... ৩৩৫
করণামর্গ (কবিতা)—চণ্ডীচরণ মিত্র	... ৭৪১	গঙ্গার্কুমার (সচিত্র উপাখ্যান)—সুধীরকুমার চৌধুরী, বি-এ	... ৬৮০
কলহীন এয়ারপ্লেন (সচিত্র)	... ৮২১	গাছে তৈরী হাতী (সচিত্র)	... ৫৩৫
কলিকাতা বিশ্ববিদ্যালয়ের আয়ব্যয় ও কার্যপ্রণালী	... ৮৭২	গান—রবীন্দ্রনাথ ঠাকুর	... ১১৫
কলিকাতা বিশ্ববিদ্যালয়ের একটি কমিটি	... ৮৮০	গান (কষ্টি)—রবীন্দ্রনাথ ঠাকুর	২২৫, ৫৫১, ৫৫৩
কলিকাতার কথা (কষ্টি)—প্রমথনাথ মল্লিক	২২৪, ৫৪৯	গান্ধী ও রবীন্দ্রনাথ (কষ্টি)—গুরুদাস চক্রবর্তী	... ৭৮৮
কলিকাতার গৌরীমন্দির	... ৭২৭	গান্ধী ও লেনিন (কষ্টি)—কণিভূষণ ঘোষ	... ৫৫৩
		গান্ধীকে গ্রেপ্তার করিবার প্রস্তাব	... ৭২৬
		গোলাগুলি বর্ষণ	... ২৫
		গৌরের বিবাহ সরকারি বিল	... ৭১

গ্রাম্য স্বায়ত্ত-শাসন আইন—শিবচন্দ্র সিংহ ...	৩৫০	ডুবো জাহাজ ...	৮২০
ঘরের ডাক (উপভাস)—বিশ্বপতি চৌধুরী এম-এ, ৪২, ১৫৩, ৩৮৯		ঢাকা ও কলিকাতা—তুলনায় আলোচনা ...	৮৭১
ঘোড়দৌড়ে জুয়াখেলা ...	১২৫	তাড়িজো পোয়ে (সচিত্র গল্প)—চারুচন্দ্র বন্দ্যো- পাধ্যায়, বি-এ ...	৪৭৪
চন্দ্রভাষার পদ্যপার (কবিতা)—সুনির্মল বসু ...	৮ ৩	তাতা পবেষণ-মন্দির ...	২৮৫
চন্দ্রকান্ত-সঙ্গীত (কবিতা) (কষ্টি)—যতীন্দ্রমোহন বাগ্‌চী, বি-এ ...	৩৪৬	তামিল সাহিত্য (কষ্টি) -বনমতীকুমার চট্টোপাধ্যায়, এম-এ ...	৫৫১
চন্দ্রকান্ত অক্ষকুণ্ড ...	৪৩৮	তাহারা বুদ্ধিমান, বিবেচক ও প্রাজ্ঞ কি না ? ...	৫৭৯
চন্দ্রকান্ত বেগে (কবিতা)—স্বর্ষীকেশ চৌধুরী ...	৩১২	তিব্বতে মৃতের সংস্কার - সত্যভূষণ সেন ...	৭৪২
চাউল রপ্তানী ...	৭২৫	তিমিঙ্গিল (সচিত্র) ...	৫৩২
চাপক্য ও চন্দ্রগুপ্ত—বিমলাচরণ লাহা, এম-এ, বি-এল	৪৬১	তুর্কী মহিয়ার আবেদন ...	৮৩
চার চাকার সাইকেল (সচিত্র) ...	৯৪	ত্যাগ ও গ্রহণ ...	১২৮
চিকিৎসা-বিদ্যালয়ে নারী—হেমসুন্দর চট্টোপাধ্যায়	৫১৯	ত্যাগের মাপ ...	১২৭
চিত্রকরের ভুল (কবিতা)—কুমুদ জন মল্লিক, বি-এ ...	৫০৭	থিয়েটারে আধোমগিরি ও ভূমিকম্পের অভিনয় (সচিত্র)	৮১৬
চিত্রপরিচয় ...	১৪৪	দমন-নীতির অব্যবহিত কারণ ...	৪২৬
চিত্র শর্দূলা (সচিত্র)—বিশ্বপতি চৌধুরী, এম-এ ...	৭৭৪	দরদী (কবিতা)—কুমুদরজন মল্লিক, বি-এ ...	৩২
চিনি-গাছ ...	৮২২	দশজন-চাপা বাইসাইকেল (সচিত্র) ...	৫৩৫
চেরোজাতি—অধ্যাপক অমলাচরণ বিদ্যাভূষণ ...	২৮৯	দাক্ষিণাত্যের উপদেবতা (সচিত্র)—চারুচন্দ্র বন্দ্যো- পাধ্যায়, বি-এ ...	৩৩
চোখের খুব কাছে বই পড়া—সুরেন্দ্রচন্দ্র লাহা ...	৮২৭	দাশ-পরিবার ...	৪৩১
চোখের দৃষ্টির রহস্য-শক্তি (সচিত্র)—	৮১৭	ছটি পুস্তিকা ...	১৩৫
চোখের ধাঁধা ...	৭৩	ছটি বর্ষের নৃশংস ঘটনা ...	৪৪০
ছন্দ ও অবয়ব (কষ্টি)—চারুচন্দ্র মিত্র, এম-এ, বি-এল ...	৬৪৩	ছপুরর মেঘ —“বনফুল” ...	৪৬৪
ছাত্রদের স্কুল-কলেজ ত্যাগ —	৪৩৫	ছন্দম জীবন (কবিতা)—প্যারীমোহন সেনগুপ্ত ...	৫৫৭
ছাত্রহিতসাহক কমিটি ...	৮৮০	ছত্রলোকের চালাকি ---হেমসুন্দর চট্টোপাধ্যায়, বি-এ	৫১১
ছেল্লদের পাত্তাড়ি (সচিত্র) ৬৮, ১৮২, ৩৯৭, ৫০৮, ৬৬৭, ৮০১		ছ হাজর বছরের প্রণয়-লিপি—অনাদি মুখোপাধ্যায়	৯৪
ছোট্ট সবুজ পাখী (কবিতা)—রাধাচরণ চক্রবর্তী ...	৫১৫	দেউলিয়া বাংলা গবর্নমেন্ট ...	১৩৬
জনতার দ্বারা অত্যাচার ...	৭১২	দেওয়ালের মধ্য দিয়া চলা (সচিত্র) ...	৫২৯
জন ড্যানিয়েল (সচিত্র)—হেমসুন্দর চট্টোপাধ্যায়, বি-এ ...	৬৬৭	দেবত্ব (কষ্টি)—অধ্যাপক অমলাচরণ বিদ্যাভূষণ ...	৩৪৫
জলদ বৃক্ষ বঙ্গদুপুর—রামতলাল বিদ্যানিধি ...	৪৬৩	দেশ-বিদেশের কথা ২৫৭, ৪০৮, ৫৫৮, ৬৯১, ৮২৯	৮২৯
জাতীয় আত্মকর্তৃত্ব লাভের হই পথ ...	৮৬৪	দেশ-বিদেশের মেয়েদের কথা ...	৮৩
জাপানের আদিম নিবাসী (সচিত্র) ...	২৩৬	দোড়িয়া ফিরিবার গাড়ী (সচিত্র) ...	৫৩৫
জিউজিৎসু (কষ্টি)—হেম সেন ...	২২৫	দ্রবিড় জাতির ধর্ম্মানুষ্ঠান (কষ্টি)—বনমতীকুমার চট্টোপাধ্যায়, এম-এ ...	৭৮৮
জীবন (কবিতা)—বিজয়চন্দ্র মজুমদার, বি-এল ...	৬৭	দ্রাবিড় জাতি - অধ্যাপক অমলাচরণ বিদ্যাভূষণ ...	৬১
জীবন্ত দৃশ্যপট ...	৪০৬	দ্বিজেন্দ্রনাথ বসু ...	৪৩৯
জুতার দোকানের সুখতগা দরজা (সচিত্র) ...	২৩৩	দ্বিধাতু পরিমাণ ও গ্রেস্‌হামের নিয়ম—নরেন্দ্রনাথ রায়, বি-এ ...	৮০৯
জোনাকির আলো কোথেকে আসে ?—গোপাল চন্দ্র ভট্টাচার্য্য ...	২৩৯	ধরা-পড়া (কবিতা)—সুরেন্দ্রচন্দ্র ঘোষ, বি-এসসী ...	৮৩৫
ঝড় (কবিতা)—চণ্ডীচরণ মিত্র ...	২৫৬	ধর্ম্মভীক (কবিতা)—জীবনময় রায়, বি-এ, বি-টি ...	৫৩৬
টেবিল পালা (সচিত্র) ...	৮৮	ধুলার নিধি (কবিতা)—গণেশচরণ বসু ...	৭৯১
ঠোঠের ফাঁকের দাঁতটি (কবিতা)—রাধাচরণ চক্রবর্তী	৩৩৬	ধ্বংসাবশিষ্ট ইউরোপ—প্রভাতচন্দ্র . মুখোপাধ্যায়, বি-এল ...	৮১৪
ডাকায় চলা মোটর মোটর (সচিত্র) ...	৮২০	মঙ্গলতরঙ্গ (কবিতা) (কষ্টি)—বনমতীকুমার চাকুরী ...	৩৪৪

নতুন ইঁহর-কল (সচিত্র)	...	৯৩	পথ (কবিতা)—সুধীন্দ্রকুমার চৌধুরী, বি-এ	...	৯৫
নবাব খাজা খাঁ (কবিতা)—কার্তিকচন্দ্রনাথ			পদ্মব্রজে নদী পার (সচিত্র)	...	৮২০
গুপ্ত, বি-এ	...	৪০০	পরমাণুর গঠন এবং আকৃতি—সত্যবান রায়,		
নাথপন্থ—অমৃত্যচরণ বিদ্যাভূষণ	৫৮৫, ৭২৯		এম-এমসী	...	৭০৬
নানাদেশে মহিলা-কৃতিত্ব	...	৮৩	পদ্মধীন-দেশের তালিকা	...	৫৭০
নামের খেলা (কষ্টি)—রবীন্দ্রনাথ ঠাকুর	...	৯৮	পরিশ্রমের পুরস্কার (গল্প)—সুশীলকুমার রায়	...	৬৭৪
নাগাগ্রাকীর্তি (সচিত্র)—	...	৪০৩	পল্লীসংস্কার সমস্যা—অধ্যাপক নগেন্দ্রনাথ গঙ্গো-		
নারিকেল-গাছের রক্ষাকবচ	...	২৩৩	পাধ্যায়, বি-এমসি (ইলিমস)	...	১২৩
নারী (কবিতা)—গণেশচরণ বসু	...	৩৪৯	পাকা তলোয়ারী (সচিত্র)	...	৮২৩
নারীকে আঘাত	...	৭২৫	পাটের চাষ—নিবারণচন্দ্র চৌধুরী	...	২৪৯
নারী জ্যোতিষী—হেমসুন্দর চট্টোপাধ্যায়, বি-এ	...	৫১৯	পায়ের জোর (সচিত্র)	...	৮২১
নারী প্রগতি—সুধীন্দ্রকুমার চৌধুরী, বি-এ	...	৫১৬	পারস্যে ছই মাহুঘের লাঙ্গলটানা (সচিত্র)	...	৪০৭
নারী-প্রচেষ্টা	...	২১০	পারাপারের টেউ	৯৬, ৫০০, ৬৪৫, ৮১৪	
নারীধর্ম রক্ষা	...	৭২৫	পার্লামেন্টে চোখরাঙানি	...	৭২৩
নারীর আর্থিক স্বাধীনতা (কষ্টি)—নলিনীকান্ত গুপ্ত	৫৫০		পিপ্ড়ের অনুভবশক্তি—অরুণ দত্ত	...	২৩৮
নারীর কথা (কষ্টি)—মহম্মদ লুৎফু রহমান	...	২২৫	পুচ্ছ (সচিত্র)	...	২৩৩
নারীর কার্য	...	১৩৭	পুলিশ কনফারেন্স	...	৫৮৪
নারীর কেশ (গল্প)—অধ্যাপক শ্রীমোহিনীমোহন			পুলিশের কাজে নারী—হেমসুন্দর চট্টোপাধ্যায়,		
মুখোপাধ্যায়, এম-এ	...	৮৯	বি-এ	...	৫১৯
নারীর রাষ্ট্রীয় অধিকার	...	৭২৪	পুস্তক-পরিচয়—মহেশচন্দ্র ঘোষ, বি-এ, বি-টি;		
নারীরা কি “ফাও” ?	...	১৭৩	নীরেন্দ্রনাথ রায় চৌধুরী, এম-এ; মুজারাকস,		
নারীশিক্ষার স্বতন্ত্র ব্যবস্থা	...	৭২৭	গ্রন্থগীট, প্রভৃতি	১৪৪, ২২১, ৬৫৬, ৮৫৬	
নারী-সমন্বয় আমেরিকা ও ইউরোপ (সচিত্র)—			পূজার ছুটি	...	১৪৩
সতীশচন্দ্র সেন, এম-এ	...	৭৯	পূজারী (গল্প)—হেমেন্দ্রনাথ রায়	...	২৫
নিগ্রহ	...	৮৭৮	পূর্ব আফ্রিকায় ভারতীয়	...	৭২৭
নিগ্রহ-আইন জারী বন্ধ করিবার দাবী	...	৭২৫	পৃথিবীর পুচ্ছ (সচিত্র)	...	৮১৮
নিগ্রহ-নীতি ও আতঙ্ক	...	১৪২	প্রকৃতির খেয়াল	...	৯২
নিমন্ত্রণ (কবিতা)—নীহারিকা দেবী	...	৬৬৬	প্রকৃতির খেয়াল (সচিত্র)—কাশীপ্রসাদ জয়সওয়াল,		
নিরস্ত্রীকরণ কনফারেন্স	...	৫৮৪	এম-এ, বার-এ্যাট-ল	...	৮২৩
নিরুপদ্রব অবাধতা	...	২৩৬	প্রকৃতির পাজি—চণ্ডীমা ৬৮, ১৮২, ৩৯৭, ৫০৮, ৬৬৭, ৮০১		
নির্জন অভিসার (কবিতা)—নরেন্দ্রনাথ সেন	...	৭৪৪	প্রজাপতির চাষ—হেমসুন্দর চট্টোপাধ্যায়, বি-এ	...	৫১৭
নির্কীর্ণ ও জ্ঞানান্তরবাদ (কষ্টি)—যোগেশচন্দ্র ভট্টাচার্য	৬৪৪		প্রতিবাদ—সতীশচন্দ্র গুহ	...	৪৪০
নিখাস-প্রশাসনে চরিত্র-পরিচয়	...	২৩৮	প্রতিভা চৌধুরী, শ্রীমতী	...	৫৭৯
নূতন বাদশাহী আমলের কামান (সচিত্র)—নলিনী-			প্রবাসীর মৃগা দিব'র সর্কাপেক্ষা ভালো উপায়	...	৭১১
কান্ত ভট্টাচার্য, এম-এ	...	৩১৩	প্রবাসীর ষাণ্মাসিক সূচী	...	৮৮০
নেতাদের কারাবাস (সচিত্র)	...	৪২০	প্রাচীন ভারতে আশ্বেষাজ (কষ্টি)—বিমলকান্তি		
নেতাদের কারাবাসে আশঙ্কার কারণ	...	৪১৪	মুখোপাধ্যায়	...	৩৩৯
নেতার জন্ত সাধনা	...	৪২৬	প্রাচীন ভারতে গণতন্ত্র—রাধহরি চট্টোপাধ্যায়	...	৭৮০
নেপালে বাঙালী অস্ত্র নির্মাতা	...	২৭৯	প্রাচীন ভারতে বঙ্গালকার (কষ্টি)—জিতেন্দ্রলাল বসু	...	৩৩৭
নোটের আদি	...	৮৭৩	প্রাচীন ভারতে মনুষ্যগণনা—বিমলকান্তি মুখোপাধ্যায়	...	৭৬৮
স্মারক বৈশিষ্টিক দর্শন বৃক্ষাধির সঙ্গীবহু—হরিহর			প্রাচীন ভারতে যন্ত্রপাতি—অরুণ দত্ত	...	৪৬৩
শাস্ত্রী	...	১৯৯	প্রাচীন ভারতে শিক্ষাপদ্ধতি (কষ্টি)—যোগেশচন্দ্রনাথ		
পকেটকটার সর্কনা (সচিত্র)	...	৬১০	সমাদার	...	৩৪১
পঞ্চপদা (সচিত্র)	৯২, ২৩৩, ৪০৩, ৫২৯, ৬৪৭, ৮১৬		প্রাদেশিক মন্ত্রীদের বেতন	...	২৮০

বিষয়-সূচী

শ্রীমতী পূর্ণিমা (গান) — বরীন্দ্রনাথ ঠাকুর	৮৫৭	বিবিধ প্রসঙ্গ (সচিত্র)	১২৭, ২৬৭, ৪২০, ৫৬৯, ৭১১, ৮৫৮
ফোটো-ভাস্কর্য (সচিত্র)	৮১৯	বিভিন্ন ভাষায় বর্ণমালার সংখ্যা — অলকেন্দ্র	২৩৯
বিদ্যুৎ (কষ্টি) — সত্যচরণ লাহা, এম-এ, বি-এল	২২৪	বিরাট (কবিতা) — প্যারীমোহন সেনগুপ্ত	৮২৮
বন্ধকের বন্দনাম (কষ্টি) — সত্যচরণ লাহা, এম-এ, বি-এল	২২৫	বিশ্ববিদ্যালয়ে মহিলার কৃতিত্ব	৮২
কবি জমীন্দার-সম্প্রদায়, রাজস্ব ও প্রজাস্বত্ব — বাকা	২৪১	বিশ্বভারতী	২৮১
বন্ধকের শেষ পাঠান বীর — অধ্যাপক বহুনাথ সরকার, এম-এ, পি-অর-এস	১৪৫	বিহারীলাল সরকার	৮৫৯
বন্ধকের শেষ পাঠান বীর (আলোচনা)	৫৫৬, ৬৭৫	বুড়ি (কবিতা) (কষ্টি) — বরীন্দ্রনাথ ঠাকুর	৩৪৯
বড় বোন আর ছোট বোন — কান্তিকচন্দ্র দাশগুপ্ত, বি-এ	১৮৬	বুদ্ধির মাপকাঠি — রেণুপদ. কর	২৯৯, ৪৬৫, ৬২২
বন্দুকের গুলি-রোধকারী জামা (সচিত্র)	৫৩০	বৃত্তি-শিক্ষার ব্যয়	১৩৬
বর্তমান ফ্রান্স (কষ্টি) — অধ্যাপক বিনয়কুমার সরকার	৩৪৪	বৃত্তিবৈদ্য (কষ্টি) — বীরেশ্বর সেন	৩৩৭
বিশ্ববিজ্ঞান-মন্দিরের গবেষণা	৮৭৯	বৃত্তিঘন (সচিত্র)	৫৩৩
বহুলোৎপাদিকা কৃষি — নগেন্দ্রচন্দ্র দাস গুপ্ত	২৪৫	“বেআইনীর” অর্থ	৪৩৭
বাঙ্গালী ও ড্রাবিড় — অমূল্যচরণ বিন্দ্যাভূষণ	৪৫১	বেতালের বৈঠক	৮৫, ২১৫, ৫২০, ৬৬০, ৭৯২
বাঙ্গালীর ইতিহাস — বিজয়চন্দ্র মজুমদার, বি-এস	২০১	বেদব্যাখ্যা — বিনোদবিহারী রায়, পুরাতত্ত্ব বিশারদ	৬৭৫
বাক্য বিনিময় (কবিতা) (কষ্টি) — বরীন্দ্রনাথ ঠাকুর	৭৮৪	বেদব্যাখ্যা — উমেশচন্দ্র বিন্দ্যারত্ন	৮২৮
বাক্য-মাছ — অলকেন্দ্র	২৩৮	বেনামী (গল্প) — মণীন্দ্রলাল বসু	৩৫৯
বাক্য-বেগ — অলকেন্দ্র	২৩৮	বেলুজিরাতে নারী-প্রগতি — চারুচন্দ্র বন্দ্যোপাধ্যায়, বি-এ	৭৭১
বাক্য-নির্দেশ পথে (সচিত্র) — বিনয়কুমার সরকার, এম-এ	৬০০	বৈজ্ঞানিক ক্ষেত্রে ডক্টর মেঘনাদ সাহার কৃতিত্ব — চারুচন্দ্র ভট্টাচার্য্য, এম-এ	২১১
বার্ষিক ক্ষতিলাভ গণনা	৮৬০	বৈজ্ঞানিক মহিলা — প্রভাতচন্দ্র গঙ্গোপাধ্যায়, বি-এ	২০৯
বাংলা — সেবক	১১০, ২৬২, ৪০৮, ৫৬১, ৬৯১, ৮৩৫	বৈদিক বিষ্ণু ও কৃষ্ণ (কষ্টি) — সীতাপাথ দত্ত, তত্ত্বভূষণ	৭৮৭
বাংলা দেশের বজেট	৮৭৭	বৈশালী-বাসী — বিমলাচরণ লাহা, এম-এ, বি-এল, এফ-আই-ইসি-এস	১৭৭
বাংলা ভাষার প্রথম নাটক — সরোজ প্রসন্ন রায়	৮২৭	বোম্বাইয়ে নেতাদের মন্ত্রণাসভা	৫৮২
বাংলা ভাষার প্রথম সংবাদপত্র — অমূল্যরতন গুপ্ত, শ্যামল বর্মা ও নৃসিংহচন্দ্র বন্দ্যোপাধ্যায়	৮২৬	বোলশোভিক কৃষিক্ষেত্র শিক্ষা ও জ্ঞানচর্চা	৯৭
বাংলার ইতিহাস — প্রভাতচন্দ্র গঙ্গোপাধ্যায়, বি-এল	৩১১	ব্যথার পূজা (কবিতা) — ফণীন্দ্রনাথ রায়	৬২৮
বাংলায় স্বাস্থ্য প্রদর্শনী	৭২৬	ব্যারিষ্টারী পরীক্ষায় মহিলা — সতীশচন্দ্র সেন, এম-এ	৫৩৩
বাংলা শিল্প প্রদর্শনী উদ্বাটন — সার প্রফুল্লচন্দ্র রায়, বি-এস-সি	৭৬২	ব্রহ্মার মূর্তি-পরিচয় (কষ্টি) — বিনয়তোষ ভট্টাচার্য্য	৩৪৭
বাংলায় ঘড়ী (সচিত্র)	৪০৬	ভয়ঙ্কর (কবিতা) — স্বধীরকুমার চৌধুরী, বি-এ	২১৪
বাংলায় যান (সচিত্র)	৫৩১	ভাইস্-চ্যান্সেলারের মন্তব্য	১১১
বাংলায় জুতা-আকার মোটর-সাইকেল (সচিত্র)	৪০৪	ভারতবর্ষ ডাকসংস্কার ও হে.মজুমদার রায়	১০৮, ২৫৯, ৪১৩, ৫৬৪, ৬৯৪, ৮২৯
বাংলায় দশ — প্রভাতচন্দ্র গঙ্গোপাধ্যায়, বি-এল	১০৪, ২৫৭, ৪১৭, ৫৫৮, ৭০০	ভারতবর্ষের সম্পদ — মণীন্দ্রকুমার ঘোষ	২৫৪
বাংলায় বস্ত্র কাছ	১৩৫	ভারতীয় চিত্রকলা (কষ্টি) — অতুলচন্দ্র দত্ত, বি-এ	৭৮১
বাংলায় বিদ্যে — বিমলাচরণ লাহা, এম-এ, বি-এল, এফ-আই-ইসি-এস	৪০৫	ভারতীয় বজেট সম্বন্ধে মন্তব্য	৮৭৭
বাংলায় বিজ্ঞান ও বৃত্তি শিক্ষা	১৩৮	ভারতীয় বজেটের সব অংশের আলোচনা	৭০৫
বাংলায় কবিতা (কষ্টি) — কাজী নসরুল ইসলাম	৫৫৫	ভারতীয় রূপকথার বিদেশ ভ্রমণ	৯৩
বাংলায় বিপত্তি	৪০৪	ভারতের ১৯২২-২৩ সালের আয় ব্যয়	৮৬৯
বাংলায় বার্তা — গোলকচন্দ্র	৫৫০	ভারতের বার্ষিক আয় ব্যয়	৮৬৭
বাংলায় বিজ্ঞাপন — অলকেন্দ্র	২৩৭	ভাষা অনুসারে প্রদেশ গঠন	১৩৩
		ভাষাশূন্য জাতি	৯৫
		ভুলস্বর্গ (কবিতা) — বরীন্দ্রনাথ ঠাকুর	৮৮
		ভি-পি ডাকে প্রবাসীর মূল্য প্রদান	১১১

মণিলাল; শ্রীযুক্ত (সচিত্র)	... ৪২৮	মুসলমান রাজত্ব ও ভারতবর্ষের পরাধীনতা	...
মণ্টেগু সাহেবের পদত্যাগ	... ৮৭৩	মূর্খ (কবিতা) (কষ্টি)—রবীন্দ্রনাথ ঠাকুর	...
মন্ত্রীদেব বেতন	... ৫৮৪	যাত্রার আয়োজন (কবিতা) (কষ্টি)—রবীন্দ্রনাথ ঠাকুর	...
মন্ত্রীদেব বেতন	... ৭২৭	যাত্রী (গল্প)—নীহারবালা দেবী	...
মরণ হলে বাঁচি (কবিতা)—নরেন্দ্রনাথ পেন	... ৭৪৪	যামিনীনাথ বন্দ্যোপাধ্যায় (সচিত্র)—শংকর বন্দ্যোপাধ্যায়	...
মর্শ-অভিমান (কবিতা) - স্ববীকণ গৌধুরী	... ১২৬	যুদ্ধদজ্জা সীমাবদ্ধ করিবার কনফারেন্স	...
মহাকবি ভূষণ (কষ্টি)—মণীন্দ্রকুমার দাসগুপ্ত	... ৩৪০	যুবরাজ	...
মহাত্মা গান্ধীর গ্রেপ্তার	... ৮৫৮	যুবরাজের ভারত-আগমনের উদ্দেশ্য	...
মহাত্মা গান্ধীর জন্মোৎসব	... ১৩৫	রঘুনাথ শিরোমণি—কামদেব চক্র বর্তী	...
মহাত্মা গান্ধীর দাখিল ও দেশের কর্তব্য	... ৭৩	রজনীগন্ধা (উপহাস)—নীতা দেবী, বি-এ	...
মহারাজা পুত্র—শ্রী যোগেন্দ্র বর্মা, বি-এ	... ২৯	১৩, ১৬৭, ৩১৯, ৪৪২, ৬ ৩,	
মহিলা কবি—নগেন্দ্র ভট্টাচার্য	... ৭৭১	রবারের কাগজ	...
মহিলা মজলিশ (সচিত্র)	...	রবিবার (কবিতা) (কষ্টি)—রবীন্দ্রনাথ ঠাকুর	...
৭৯, ২০২, ৩২৯, ৫. ৬, ৬৭৬, ৭৭০		রবীন্দ্রনাথের বক্তৃতা ও খুলনা হৃদিকৈ সাহায্য	...
মহিলা মেয়র—সোম	... ৭৭১	—প্রদ্যোতকুমার পেনগুপ্ত	...
মহিলার গ্রেপ্তার	... ৫৩১	রবীন্দ্র-পরিচয়—অধ্যাপক প্রশান্তচন্দ্র মহলানবিশ,	...
মহিলার প্রতি সৌজন্য	... ১৩৪	এম এ (কেম্ব্রিজ)	৪৮৭, ৫২৫, ...
মহিলা-সম্পাদিত প্রথম বৈনিক সংবাদপত্র—	...	রাজবন্দীদের প্রতি অন্ধা জ্ঞাপন	...
অন্যকেন্দ্র	... ২৩৯	রাজভাণ্ডারের সেরা মণি (গল্প)—কান্তিকচন্দ্র	...
মাছের চাম	... ৮২০	দাশগুপ্ত	...
মাধাধাওয়া টুপি (সচিত্র)—অন্যকেন্দ্রনাথ	...	রাজিয়ার শেষ জীবন (সচিত্র)—ব্রজেন্দ্রনাথ	...
চট্টোপাধ্যায়	... ৪০২	বন্দ্যোপাধ্যায়	...
মাদাম কুরির নূতন উপহার—হেমন্তকুমার চট্টা	...	রাত্রির স্মৃতি (কবিতা)—অজিতকুমার চক্রবর্তী	...
পাধ্যায়, বি-এ	... ৫১৭	রামধনু (কবিতা)—চণ্ডীচরণ মিত্র	...
মানা (কবিতা)—হেমেন্দ্রলাল রায়	... ৫৫৫	রামায়ণ মহাভারতে বঙ্গদেশের উল্লেখ—বৈকুণ্ঠ দেব	...
মাগু.সং. কাজে প্রকৃতি	... ৮২০	ও অমৃত্যুচরণ বিদ্যাহরণ	...
মারি টোপস্ (সচিত্র)—প্রভাতচন্দ্র গঙ্গোপাধ্যায়,	...	রাশিয়ার প্রধান নারী—হেমন্তকুমার চট্টোপাধ্যায়	...
বি-এল	... ৩৩৪	রাশিয়ান কমিউনিজ্‌মের তিত্তি—প্রবোধচন্দ্র বসু	...
মালবীয়েব আহুত মন্ত্রী সভা	... ৭২১	রাষ্ট্রীয় বিষয়ে আমাদের অযোগ্যতা	...
মালাবারে উপদ্রব ও হিন্দু মুসলমানের ঐক্য	... ২৮৪	রুশ সাহিত্যিক ডট্টইভেঙ্কি—প্রভাতচন্দ্র গঙ্গোপাধ্যায়,	...
মালাবারের বিপন্ন লোকদের সাহায্য	... ২৮৪	বি-এল	...
মা-হারী (কবিতা) (কষ্টি)—রবীন্দ্রনাথ ঠাকুর	... ৩৪২	রেডিয়ো-ফোন	...
মিথ্যাবাদী ধরার বৈজ্ঞানিক যন্ত্র	... ৯২	রোগী সেবার অগ্রণী মহিলা—চক্রচন্দ্র বন্দ্যোপাধ্যায়	...
মেয়েদের দেহচর্যা ও বেশভূষা—বানারী	... ৬৭৬	বি-এ	...
মোপ্লা বিদ্রোহ	... ২৭৭	লক্ষ্মীছাড়া (গল্প)—প্রিয়কান্ত সেনগুপ্ত	...
মোম-কাগজের হাতা (সচিত্র)	... ৫২৯	লর্ড দিংহ সন্থকে গুজব	...
মৌন (কবিতা)—বনফুল	... ৬৯০	লাহোরে লরেন্সের মূর্তি	...
মৌলানা হসরৎ মোহানী	... ৮৭৮	লিচ্ছবি-দেশ বৈশালী—বিমলাচরণ লাহা, এম-এ,	...
মুক্তি (কবিতা)—হিমাংশু প্রকাশ রায়	... ৮৪	বি-এল, এম-আর-হিষ্ট-এন	...
মুক্তির বাহন—হেমন্তকুমার চট্টোপাধ্যায়, বি-এ	... ৩৩৪	শত বৎসর পূর্বে হিন্দু মুসলমানের সন্তান	...
মুখ্যে মহাশয়ীর আনন্দ	... ১৩৬	শরীরের উত্তাপ কোথেকে আসে?	...
মুখের দাগ-ভেঁলা মুখোদ (সচিত্র)	... ৮২২	শর্টহ্যাণ্ডে সংবাদদেয়	...
মুরংয়ের লবণ—অতীন্দ্র	... ৪৫০		
মুর্শী কাওরাচ (সচিত্র)	... ৬৫৫		

শাখা-ছেদনে কল বুদ্ধি	... ৫৩২	সাহিত্যে মহিলার কৃতিত্ব—নগেন্দ্র ভট্টশালী	... ৩৩১
শান্তিনিকেতনে বিশ্বভারতীর প্রতিষ্ঠা (সচিত্র)	... ৫৭৭	সিন্ধবাদ (কবিতা)—রাধাচরণ চক্রবর্তী	... ৩২৮
শান্তি (কবিতা) (কষ্টি)—রবীন্দ্রনাথ ঠাকুর	... ৩৪২	সিন্ধু-পাঞ্চরত্ন (কবিতা) (কষ্টি)—সুধীরকুমার	...
শিক্ষা ও সেবা—সার প্রফুল্লচন্দ্র রায়, ডি.এস.সি	... ২৫১	চৌধুরী বি-এ	... ৫৫৩
শিক্ষার স্মৃতি শক্তির অমূল্যালন (কষ্টি)—সুশীলকুমার	...	সুন্দরী কে ?—নগেন্দ্র ভট্টশালী	... ৩৩১
রায়	... ২:৪	সুলতান ও মংলোক—শুপ্র	... ৮০২
শিক্ষার আলোচনা কেন আবশ্যিক ?—অধ্যাপক	...	সৃষ্টিছাড়া (গল্প)—শান্তা দেবী বি-এ	... ৪৯
যত্ননাথ সরকার, এম-এ, পি-আর-এস	... ৭৮৩	সেনরাজগণের কুলপরিচয় (কষ্টি)—অধ্যাপক রমেশচন্দ্র	...
শিক্ষার বনিয়াদ—নলিনীকান্ত শুপ্র	... ১৫৭	মজুমদার, এম-এ, পি-আর-এস, পি-এইচ-ডি	... ৬:৩
শিল্পে অনধিকার (কষ্টি)—ডাক্তার অবনীন্দ্রনাথ	...	সোয়েডার্গো প্যাংগোডা (সচিত্র) - সুবোধ	...
ঠাকুর, সি-আই-ই	... ৭৮৪	চট্টোপাধ্যায়	... ৪৭১
শিশুভোগনাথ (কবিতা)—রবীন্দ্রনাথ ঠাকুর	... ৪৪১	স্কুল কলেজের দীর্ঘ ছুটি	... ৮৭৯
শিশুর শিক্ষা ও পেটালটসি (কষ্টি)—যোগেশচন্দ্র	...	স্বাধীনতা প্রবর্তনে মহিলা (সচিত্র) - চারুচন্দ্র	...
দত্ত	... ৩৪৭	বন্দ্যোপাধ্যায়, বি এ	... ৫:৬
শিশুর স্বর্গ	... ৫৮৪	স্বদেশী মেলা	... ৮৭৭
শুপ্র—বিধুশেখর ভট্টাচার্য্য শাস্ত্রী	... ২২৭	স্বপন (কবিতা)—রাধাচরণ চক্রবর্তী	... ৮১৩
শব্দ লক্ষ্য ও হাতের কাজ	... ২৭৩	স্বপ্ন-দর্শন—ধীরেন্দ্রনাথ চৌধুরী, এম-এ	... ১৬৭
শাধেবোধ (কবিতায় গল্প)—নরেন্দ্র দেব	... ৭২	স্বরবিবর্ধক যন্ত্র (সচিত্র)	... ৬৫৪
শক্তি—অধ্যাপক উপেন্দ্রনাথ বসু, এম এ	... ২২৭	স্বরাজ (কষ্টি)—ইন্দুভূষণ সেন, বার-এ্যাট-ল ১০০,	...
শাক-বন্ধু মহিলা—চারুচন্দ্র বন্দ্যোপাধ্যায়, বি-এ	... ৬৭৯	৫৩৮, ৭৮৬	...
শঙ্কর (কবিতা)—নৌহারিকা দেবী	... ২৪৮	স্বরাজ-সাধনার নারী (কষ্টি)—শরৎচন্দ্র চট্টোপাধ্যায়	... ৪৯
শইয়ে শইয়ে বলা	... ৪০০	স্বরাজের প্রকৃতি	... ৫৭৫
শ্রীতকারী বৃক্ষ ও বালুকা—অলকেন্দ্রনাথ চট্টোপাধ্যায়	... ৪০২	স্বর্ণলতা দাস (বর্জাইসে মুদ্রিত অংশ 'সঞ্জীবনী' হইতে	...
শিল্প অঙ্ককূপে মোপ্লাদের মূর্ত্য	... ৭২৪	গৃহীত)	... ২৭৯
শিবানী (গল্প)—জ্ঞানেন্দ্রনাথ চক্রবর্তী	... ৭৫	স্বাধীনতাই একমাত্র লক্ষ্য হইবার যোগ্য	... ২৬৭
শিতোর আত্মন—রবীন্দ্রনাথ ঠাকুর	... ১	স্বাধীনতা ও রাজনৈতিক দলাদলি	... ২৭৩
শিবহান (কবিতা)—জীবনময় রায়, বি-এ	... ৩৭০	স্বাধীনতা কখন পাইব	... ২৭৩
শিল্পী (কবিতা)—কুমুদরঞ্জন মল্লিক, বি এ	... ৩৭৫	স্বাধীনতার অর্থ	... ৫৭২
শিল্পাতারা (কবিতা)—গোপেন্দ্রনাথ সরকার	... ১৩	স্বাধীনতার মূল্য	... ২৭২
শিল্পায় (কবিতা)—প্যারীমোহন সেনশুপ্র	... ৪৬১	স্বাধীনতার স্বরূপ (কষ্টি)—চিত্তরঞ্জন দাস	... ৭৮৮
শিল্পাসুন্দরী (কবিতা)—সুরেশচন্দ্র চক্রবর্তী	... ৪০৭	স্বাধীনতা লাভে নারীর সাহায্য (সচিত্র)—চারুচন্দ্র	...
শিল্পাতা বনাম আত্মোৎকর্ষ—তমোনাথ গঙ্গোপাধ্যায়	... ৯৬	বন্দ্যোপাধ্যায়, বি-এ	... ২৭০
শিল্প-স্রোতে (কবিতা)—চণ্ডীচরণ মিত্র	... ৮৭	স্বাধীন দেশের তালিকা	... ৫৬৯
শিল্প-সংস্কার বন্দ্যোপাধ্যায়	... ৫৮২	সাঁকো-খেয়া (সচিত্র)	... ৬৫৩
শিল্পী ও বেসরকারী গুণ্ডামি	... ৫৮০	হাতকড়ির বদলে আঙুলকড়ি (সচিত্র)	... ৪০৬
শিল্প ও নিরঙ্কুশ বিশ্ববিদ্যালয়	... ৫৮৩	হাঁটুওয়াল কৃত্রিম পা (সচিত্র)	... ৮১৭
শিল্প প্রেম (কবিতা)—বেতাল ভট্ট	... ৬৫৯	হাঁড়ি টাটা পাবী—রমেশচন্দ্র ভট্টাচার্য্য ও জগদ্বন্ধু	...
শিল্প-আইন ও মন্ত্রীগণ	... ৪৩৮	পাল	... ৮০৩
শিল্পার্থে ফসলের উন্নতি—রামজীবন গুছাইত	... ৭২৭	হিন্দু রাজত্ব ও মুসলমানের "পর্যায়ীনতা"	... ৫৭৫
শিল্পার্থকতা (কবিতা)—গণেশচরণ বসু	... ৬৩৯	হিন্দুশাস্ত্রের বিশেষত্ব (কষ্টি)—অতুলচন্দ্র দত্ত, বি-এ	... ৬৪৪
সাহিত্যিকের কৃতিত্ব ও বদান্ততা	... ২৮৮	হিপাবনিকাশ (কবিতা)—কুমুদরঞ্জন মল্লিক, বি-এ	... ৪১৯
সাহিত্যে বৈচিত্র্য (কষ্টি)—এম আনসারি	... ৩৩৭	হুসুখনি (কবিতা)—কুমুদরঞ্জন মল্লিক, বি এ	... ৭:০

চিত্র-সূচী

অদ্বুত মাছ	...	৬৫১	করকম মাথার করিমা সুজ্জিত পুজা	...	৬১
অহল্যা-উৎসবে অহল্যাবাইর পাকী বহন	...	২০৭	কলমপুচ্ছ	...	২৬
অহল্যাবাইয়ের অখারোহী নারী-সৈন্ত	...	২০৮	কলহীন এয়ারপ্লেন	...	৮২১
অহল্যাবাইয়ের নারী সৈন্ত	...	২০৮	কলতরু হোটেল	...	৬৫০
আইনু খোড়সওয়ার ও আইনু যোদ্ধা	...	২৩৭	কংগ্রেসের ছবি—আহমদাবাদ	৬২৯—৬৩৯	
আইনুদের বাড়ী	২৩৭, ২৫৮		কাইজার ফ্রিডহেল্ম ডেক্‌মাল	...	৬০১
আইনু মেয়ের অভিধানরীতি	...	৬৭০	কামানের গাধে ফারসী ভাষায় উৎকর্ষ লিপি	...	৩১৭
আইনু সর্দার	...	২৩৬	কারুপ্পন—চোর-ডাকাতের দেবতা	...	৬১
আগুন-বঁচানো জলের পর্দা	...	৫৩৪	কালী অন্ধ মেয়ে	৩২৯, ৩৩০	
আড়ুপকড়ি	...	৪০৬	কালী—কলেরার দেবতা	...	৬১
আদিত্যরাম ভট্টাচার্য	...	২৭৬	কালীপ্রসন্ন বন্দ্যোপাধ্যায় গলার বাহিরে সানাই ঠেপাইয়া	...	৬১
আদ-ডোবা ডুবো-জাহাজ	...	৯২	বাজাইতেছেন	...	৬১
আনাতোল এংস	...	৫০০	কালীর কাছে গর্ভিণী ছাগের উদর বিদারণ	...	৬১
আন্তর্জাতিক মহিলা-সম্মেলনে প্রাচ্য দেশীয়	...	২ ৪	কালের আক্রমণ হইতে মিনার্ভা কর্তৃক স্থাপত্য ভাস্কর্য	...	৬১
মহিলাগণ	...	২ ৪	ও চিত্রকে রক্ষা	...	৬১
আন্তর্জাতিক মহিলা সম্মেলনের দ্বিতীয় অধিবেশন	...	২০৫	কাদনগ্যাসের বোমা	...	৪০০
আন্তর্জাতিক মহিলা-সম্মেলনের নেত্রীগণ	...	২০৩	কিচলু, শঙ্করাচার্য ও আলিব্রাতাধর	...	৪২
আব্দুল বাহা আব্বাস	...	৭২১	কুকুরটানা গাড়ী	...	৬৫১
আমেরিকার লাল লোক	...	৬৪৭	কুম্বাসা পাখা	...	৫৩০
আলিব্রাতাধর, শঙ্করাচার্য ও ডাক্তার কিচলু	...	৪২১	কুম্বাবট	...	৩১১
আশী বছরের বৃড়	...	৬৮৪	কোন্টা সত্য ? (বাঙ্গাচিত্র)	...	৪১৫
আহত পাখী—সতীশচন্দ্র সিংহ	...	৭৭৬	কোলনের এক নগর ছয়ার	...	৬০১
আহমদাবাদ কংগ্রেসের ছবি	৬২৯-৬৩৯		কোলনের ডোম	...	৬০৪
ইকলণ ভক্তদের দুঃখভরিবাহী দেবতা	...	৪১	খজাপুচ্ছ পাখী	...	২৩১
ইহুদ-ধরা কল	...	৯৪	খাবরের দোকানে মণ্ড ওণ্ড ফে	...	৪৭৫
উজ্জয়িন্দু পাখী	...	২৩৩	খালের উপর রেলগাড়ী	...	৫৩১
উপাসিকা মা পান—চারুচন্দ্র রায়	...	৪৮২	খুলনার দুর্ভিক্ষক্লিষ্ট	...	১৩০
উভচর গাড়ী	৫৩৪, ৫৩৫		খেলার মাথী (রঙিন)—অক্ষয়প্রসাদ বন্দ্যোপাধ্যায়	৭২১	
উভচর মোটর গাড়ী	...	৫৩৫	গঞ্জার শীকার	...	৭০
উর্শ্বিলা দেবী, শ্রীমতী	...	৬৪০	গতশ্র শোচনা (বাঙ্গাচিত্র)	...	৪১৭
একটি মসজিদের আনুলা—আহমদাবাদ	...	৩৫৮	গানের টহল—টি. গাড	...	৭৭৭
এংস ব্যার্গ্যার	...	৬০১	গান্ধী, মহাত্মা	...	৪২৩
এপলো ও নয় মিত্তজ	...	৬৪৯	গুজরাটের গোয়ালিনী—রাম রাও	...	৭৭৯
এলিজাবেথ ক্রাই	...	৩৩২	গৃহযুদ্ধের যোদ্ধা	...	৬৪৮
এলিস পল, কুম্বারী	...	৮০	"গোলা-খা-ডালা" বন্দু	...	৫১০
কন্নকী—বর্ণকন্নদের দেবতা	...	৪০	ঘড়ি সারা মিত্তী—ফড়কে	...	৭৮০
কবি দাস্তে (রঙিন)—চিত্রকর গিওতো	...	৩৩৬	ঘোড়া-মাই	...	৬৫২
কন্নকী ফুলের হাজি	...	৩৪	চারচাকার সাইকেল	...	৯৫

চিত্তরঞ্জন দাশ	... ৬৪০	নমাজ—যামিনীরঞ্জন রায়	... ৭৭৫
চিৎকা হুদের ঘোড়া-মাছ	... ৬৫২	নারাগ্রার উপর দড়ির থেয়া	... ৪০৪
চুলের গাঁটছড়া বাঁধা—চারুচন্দ্র রায়	... ৪৮৬	নিরঞ্জীকরণ সভায় চীন (ব্যঙ্গচিত্র)	... ৪১৩
চোখের ধাঁধা—১ম—৫ম ছবি	৭৪—৭৫	নিরঞ্জীকরণ সভায় চীন ও জাপান (ব্যঙ্গচিত্র)	... ৪১২
জগতের বাজারে দৌড়ের বাজী (ব্যঙ্গচিত্র)	... ৪১৪	নিরঞ্জীকরণের ব্যঙ্গচিত্র	... ৪১১
কগলুল পাশা	... ৫৫৮	পকেট-কাটার সর্কনাথ	... ৬৫০
জন্ ড্যানিয়েল	... ৬৬৮	পায়ের জোর	... ৮২
জন্মপটী (রঙিন)—প্রাচীন চিত্র হইতে	... ৪৮	পায়ের হাঁটিয়া নদী পার হইবার যন্ত্র	... ৮২১
জলছিটানো উড়ো-জাহাজ	... ৪০৬	পায়েরে ছুই মানুষের লক্ষ্য টানা	... ৪০৭
জাপানী মহিলাদের বিচিত্র খোঁপা	... ৩৩৬	পিপায় নারাগ্রা-বিহার	... ৪০৪
জুতার দোকানের সুখতলা দরজা	... ২৩৩	পুণ্যশ্লোকা রানী অহল্যাবাই	... ২০৬
জুতা-সাইকেল	... ৪০৪	পূজা (রঙিন)—চারুচন্দ্র রায়	... ৬১৩
জোড়া নৌকার রেলগাড়ী	... ৮১৯	পূব আকাশে পৃথিবীর পুচ্ছদীপ্তির ছটা	... ৮১৯
জোসেফাইন্ বি বেনেট, শ্রীমতী	... ৮০	পোয়ে নর্তকী	... ৪৮৭
জ্যোতিঃপ্রকাশ গঙ্গোপাধ্যায়—যামিনী প্রকাশ গঙ্গো- পাধ্যায়	... ৭৭৬	পোয়ে নাচ	... ৪৮৩
ঝিনুরের বাড়ীর এক অংশ	... ৯৩	প্রসাধন (রঙিন)—প্রাচীন চিত্র হইতে	... ৫১৭
ঝিনুরের বাড়ীর সিংহদ্বার	... ৯৩	প্লেগ-আন্দা, প্লেগ রোগের দেবতা	... ৯৩
ঝুলন (রঙিন)—প্রাচীন চিত্র	... ১৪৫	ফিলিপিনো মহিলা স্বদেশী পোষাকে	... ৩৩১
ঝোলা-গাড়ী	... ৫৩২	ফোটো ভাস্কর্য	... ৮২০
টবিলা-পালক	... ৮১৮	ফ্রান্সেজু মেরী বাস	... ৫১৬
ট্যাসোর মোরগ সমুদ্র	... ২৩৪	ফ্লোরেন্স নাইটিঙ্গেল	... ৮২
টোগন পাখী	... ২৩৫	ভারতের স্বাধীনতার বন্ধু সমিতির অধিবেশন	... ৭২৮
টোটে উকি পরা আইনু মেয়ে	... ৬৭২	ভুবনেখরের মন্দিরের গায়ে খোদাই করা খোঁপা	... ৩৩৫
টুকুর মারি টোপু	... ৩৪৪	ভূত নামানো (ব্যঙ্গচিত্র)	... ৪১১
ডাক্তার রসের যন্ত্রে দৃষ্টিশক্তির পরীক্ষা	... ৮১৭	বদ অভ্যাসের ফল (ব্যঙ্গচিত্র)	... ৪১৬
ডাক্তার চলা মোটর নৌকা	... ৮২০	বন-মোরগ	... ২৩৪
ড্রামের ভিতরকার দৃশ্য	... ৬০৫	বাচাল মোটর	... ৬৫৪
ডাক্তার যাহুঘরে রক্ষিত কতগুলি দেওয়ানবাগ কামান	... ৩১৫	বারে বারে জালুবি বাতি হয়ত বাতি জলুবে না (রঙিন)—সমরেন্দ্রনাথ গুপ্ত	... ৫৮৫
ডাক্তার কামান কালু-ঝমঝম	... ৩১৬	বাসন্তী দেবী শ্রীমতী	... ৬৪০
ডেবলা-বাজিয়ে	... ৪৮৪	বীশের ঘড়ি	... ৪০৫
ডকুণী ও হুমার—দেবী প্রসাদ রায়চৌধুরী	... ৬৮৩	বিজাপুরের কামান মালিক-ই-ময়দান	... ৩১৩
ডলোয়ারের তাক	... ৮২৩	বিজাপুরের কামান লম্ব ছোড়ী	... ৩১৪
ডন দরওয়াজা—আহমদাবাদ	... ৩৫৫	বিজাপুরের ছুর্গপ্রাকারের উপরকার কতগুলি কামান	... ৩১৪
পিঙ্কেটারে আয়েনরি ও ভূমিকম্পের অভিনয়	... ৮১৬	বিশ্ব-ভারতীয় উদ্বোধন	... ৫৭৮
দশজন-চাপা বাইসাইকেল	... ৫৩৬	বীরন, গুড়ি ও মাজালের দেবতা	... ৪০
দেওয়ানবাগ কামানের গায়ে বাংলা অক্ষরে ঈশাখাঁর উৎকীর্ণ লিপি	... ৩১৮	বীরভদ্রন, জয়ের দেবতা	... ৩৬
দেওয়ালের মধ্য দিরা চলা	... ৫২৯	বৃষ্টিযন্ত্র	... ৫৩৩
দোলনা গাড়ী	... ৫৩২	বেঁওয়ারিশ—যামিনীরঞ্জন রায়	... ৭৭৫
দৌড়িয়া ফিরিবার গাড়ী	... ৫৩৫	মণিলাল, তাঁহার পত্নী ও সন্তানগণ	... ৪২২
দৌরী দেবী	... ৩৩	মদা-ঘোড়া মাছের নক্সা	... ৬৫০
		মহাশেতা (রঙিন)—বিপিনচন্দ্র দেব	... ২৩২

চিত্র-সূচী

মাথা-ধোওয়া টুপি	...	৪০৩	মাপ ও বিছার আকারের ফুলকপি	...	৮২৩
মা পান ও মঙ ওড় ফে কাণ্ডীর ধারে বাগানের মধ্যে	...	৪৮৬	সারণ-প্লাবনের ছবি	...	৬৪১-৬৪২
মুখশ্রী বাড়াবার মুহোম	...	৮২২	সাঁকোর খেয়া	...	৬৫৩
মুরগী-কাণ্ডাজ	...	৬৫৫	সিল্ভা লেডি রবীন্দ্রনাথের কাছে	বাংলা	
মেলায় পরে (রঙিন)—শ্রীমতী শান্তা দেবী	...	৮০৫	পড়িতেছেন	...	৪২২
মোম-কাগজের ছাতা	...	৫১৯	সিঁড়ি-গাড়ী	...	৫৩২
মোলানা মহম্মদ আলি	...	৪২০	সুদানই মদন—চোরের দেবতা	...	৪০
মোলানা শৌকত আলী	...	৪২০	সুনীতি দেবী, শ্রীমতী	...	৬৪০
যামিনীনাথ বন্দ্যোপাধ্যায়	...	৭৬৭	সুলতানা রাজিয়া	...	৩৭২
বুদ্ধাসুর (ব্যঙ্গচিত্র)	...	৪১২	সুদান বি এ্যাণ্টনি	...	৭৯
যুদ্ধে কে জয়ী হইল (ব্যঙ্গচিত্র)	...	৪১৪	সেকালের হাওরের হাঁ	...	৫৩৩
রবীন্দ্রনাথ ও ইউরোপ (ব্যঙ্গচিত্র)	...	৪১৩	সোয়ে ডাগোঁ প্যাগোডা	...	৪৭১
রাধব-দাদার বিরুদ্ধে অহম্মাবাইর নারী-সৈন্যের অভিযান-অভিনয়	...	২০৭	সোয়ে ডাগোঁ প্যাগোডার প্রধান তোরণ	...	৪৭৩
শঙ্করাচার্য্য, আলিনাতাছর ও ডাক্তার কিচলু	...	৪২১	সোয়ে ডাগোঁ প্যাগোডার প্রাঙ্গণের একদিক	...	৪৭২
শামুক-ঝিনুরের বাড়ী	...	৯৩	ফিক্স্‌স্ ও কিমেরা-	...	৬৪৮
শান্তা—গ্রাম-রক্ষক দেবতা	...	৩৭	স্ববিবর্ধক বদ	...	৬৫৩
শান্তা বা আশানার-মন্দিরে উৎসর্গিত মাটির হাতী ঘোড়া	...	৩৮	স্বর্গের পাখা	...	২১৫
শান্তার মন্দিরে উৎসর্গিত মাটির ঘোড়া	...	৩৮	হর-পার্কী (রঙিন)—বিক্ষুচরণ রায়চৌধুরী	...	১
শাহীবাগ—আহমদাবাদ	...	৩৫৮	হাওরা-গাড়ীর ট্রেন	...	৫৩২
শিশুর স্বর্গ (রঙিন)—অবনীন্দ্রনাথ ঠাকুর	...	৪৪১	হাওয়া-চলা বেলগাড়ী	...	৫৩১
শৃঙ্খলের বল তার প্রত্যেক বলয়ে	...	৪১৭	হাওর আধুনিক	...	৫৩৩
সঙ্গীত	...	৬৪৯	হাতীর আকারে ছাঁটা গাছ	...	৫৩৫
সম্বৎ (রঙিন)—শ্রীদেবী প্রসাদ রায়চৌধুরী	...	২৮৯	হাতী সিংহের মন্দির, আহমদাবাদ	...	৩৫৬
সাগর-বরে ঘোড়া-মাছ	...	৬৫০	হাতী সিংহের মন্দিরের অভ্যন্তর	...	৩৫৭
			হারোফারের টা উন-হল	...	৬১০
			হাঁটু-ওয়াল কৃত্রিম পা	...	৮১৭
			হুইডা পাখী	...	২৩৫

লেখক ও তাঁহাদের রচনা

অজিতকুমার চক্রবর্তী—		রাজ-ভাণ্ডারের সেরা মণিক (গল্প)	... ৮০৩
রাজির স্মৃতি (কবিতা)	... ৪৯৯	কুঞ্জলাল ঘোষ—	
অনাদি মুখোপাধ্যায়—		আচার্য্য প্রফুল্লচন্দ্র ও বঙ্গ-বোনা কাপড়	... ৬৭৫
‘দুহাজার বছরের প্রণয়লিপি’	... ৯৪	কুমুদরঞ্জন মল্লিক, বি-এ—	
অবিনাশচন্দ্র দাস, এম-এ, বি-এল. পি. এইচ-ডি—		দরদী (কবিতা)	... ৩২
ঋগ্বেদের প্রাচীনত্ব (আলোচনা)	... ১৯৮	অমৃত-পিরাসা (কবিতা)	... ২৬১
অমল্যচরণ বিদ্যাভূষণ—		ক্ষণের সঙ্গী (কবিতা)	... ৩১৮
দ্রাবিড় জাতি	... ৬১	সন্ধানী (কবিতা)	... ৩৭৫
চেরো জাতি	... ২৮৯	হিসাব-নিকাশ (কবিতা)	... ৪১৯
বাল্মীকী ও দ্র বিড়	... ৪৫১	চিত্রকরের ভুল (কবিতা)	... ৫০৭
নাথপন্থ	৫৮৫, ৭২৯	জলধরনি (কবিতা)	... ৭১০
রামায়ণ-মহাভারতে বঙ্গদেশের উল্লেখ		গণেশচরণ বসু—	
(আলোচনা)	... ৮২৪	নারী (কবিতা)	... ৩৪৯
অরুণ দত্ত—		সার্থকতা (কবিতা)	... ৬৩৯
পিপড়ের অমৃতভব-শক্তি	... ২৩৮	পুলার নিধি (কবিতা)	... ৭৯১
উৎসাহের ফরমান	... ৩৫০	গোপালচন্দ্র ভট্টাচার্য্য—	
প্রাচীন ভারতের যন্ত্রপাতি	... ৪৬৬	জোনাকির আলো কোথেকে আসে ?	... ২৩৯
কোন বিশ্বেশ্বর মন্দির ?	... ৫৫৬	গোপেন্দ্রনাথ সরকার, বি-এ—	
অলকেজনাথ চট্টোপাধ্যায়—		সফাতারা (কবিতা)	... ১৩
বিবাহের বিজ্ঞাপন	... ২৩৮	গোলক চন্দ্র—	
বায়ুর বেগ	... ২৩৮	বিবাহ-বাস্তা	... ৩৫০
বাতি মাছ	... ২৩৮	চণ্ডীচরণ মিত্র—	
বিভিন্ন ভাষায় বর্ণমালার সংখ্যা	... ২৩৯	সময়-স্রোতে (কবিতা)	... ৬৭
মহিলা-সম্পাদিত প্রথম দৈনিক সংবাদপত্র	... ২৩৯	ক্ষুধা (কবিতা)	... ২২৩
সঙ্গীতকালী বৃক্ষ ও বালুকা	... ৪০২	রামধনু (কবিতা)	... ২৫৩
মাথা-ধোওয়া টুপি (সচিত্র)	... ৪০২	ঝড়ে (কবিতা)	... ২৫৬
উভচর গাড়ী	... ৫৩৩	খোকর আধ কথা (কবিতা)	... ৫২৮
উৎপলাক্ষী দাসী—		করুণাময় (কবিতা)	... ৭৪১
কোন মাসে কি খেতে হবে ?	... ৫৫৬	চাক্রচন্দ্র ভট্টাচার্য্য, এম-এ—	
উপেন্দ্রনাথ বসু, এম-এ—		বৈজ্ঞানিক ক্ষেত্রে ডক্টর মেঘনাদ সাহার কৃতিত্ব	... ২১১
শ্রম-শক্তি	... ২২৭	চাক্রচন্দ্র বন্দ্যোপাধ্যায়, বি-এ—	
উমেশচন্দ্র বিদ্যাসাগর—		দাক্ষিণাত্যের উপদেবতা (সচিত্র)	... ৩৩
উবট্ সায়ণ ও গ্রিফিতাদির বেদব্যাখ্যা	... ৩৫৩	রোগী-সেবার অগ্রণী মহিলা	... ৮১
বেদব্যাখ্যা (আলোচনা)	... ৮২৮	আশ্চর্য্য অন্ধ কালা মেয়ে (সচিত্র)	... ৩২৯
কাঁজী নজরুল ইসলাম—		স্বাধীনতালাভে নারীর সাহায্য	... ৩৩০
অকেজোর গান (কবিতা)	... ১৯৭	তাড়িঞ্জো পোয়ে (সচিত্র গল্প)	... ৪৭৪
আরবী ছন্দ	... ৮৪৬	স্ত্রী-শিক্ষা প্রবর্তনে মহিলা (সচিত্র)	... ৫১৩
কীর্তিকচন্দ্র দ্যুশগুপ্ত, বি-এ—		শ্রমিক-বন্ধু মহিলা	... ৬৭৯
বড় বোন আর ছোট বোন (গল্প)	... ১৮৬	বেলজিয়মে নারী-প্রগতি	... ১০১
নবাব খাজা খাঁ (কবিতা)	... ৪০০		

জগদ্বন্ধু পাল—		নিমন্ত্রণ (কবিতা)	... ৬৬৬
ইন্ডি-চাঁচা পাখী	... ৮০৩	পিরেমডি—	
জসিমুদ্দিন—		কৃষ্ণ-বট (সচিত্র)	... ৩১০
উদাসী (কবিতা)	... ৮২৩	প্যারীমোহন সেনগুপ্ত—	
জীবনময় রায়, বি-এ, বি-টি—		কাক্রিদের বেশ আফ্রিকার	৬৮, ১৮২, ৩২৭, ৫০৮
সন্দিহান (কবিতা)	... ৩৭০	সঙ্ঘায় (কবিতা)	... ৪৬০
ধর্মভীরু (কবিতা)	... ৫৩৬	হৃদয় জীবন (কবিতা)	... ৫৫৭
অভিসার (কবিতা)	... ৮১৫	বিরাট (কবিতা)	... ৮২৮
জ্ঞানেন্দ্রনাথ চক্রবর্তী—		প্রদ্যোতকুমার সেনগুপ্ত—	
সত্যবাদী (গল্প)	... ৭৫	রুবীন্দ্রনাথের বস্তুতা ও খুলনা ছুর্ভিক্ষে সাহায্য	... ২০০
তমোনাথ গঙ্গোপাধ্যায়—		প্রফুল্লচন্দ্র রায়, ডি-এস সি, কে-টি—	
সভ্যতা বনাম আত্মোৎকর্ষ	... ৯৬	শিক্ষা ও দেবা	... ২৫১
দেবীদাস বন্দ্যোপাধ্যায়—		বাকুড়া শিল্প প্রদর্শনী উদ্বাটন	... ৭৬৩
আসার আশায় (গল্প)	... ১৮০	প্রবোধচন্দ্র বসু—	
ধীরেন্দ্রনাথ চৌধুরী, এম-এ—		রাশিয়ান কমিউনিজ্‌মের ভিত্তি	... ৬৪৫
স্বপ্ন-দর্শন	... ১৬৩	প্রভাতচন্দ্র গঙ্গোপাধ্যায়, বি-এল—	
নগেন্দ্র গঙ্গোপাধ্যায়, বি-এস সি (ইলিনয়)—		বৈজ্ঞানিক মহিলা	... ২০২
পল্লী-সংস্কার সমস্যা	... ১২৩	বিদেশ	১০৪, ২৫৭, ৪১৭, ৫৫৮, ৭০০, ৮৩২
নগেন্দ্রচন্দ্র দাশগুপ্ত—		মারি ষ্টোপ্‌স্ (সচিত্র)	... ৩৩৪
বহুলোৎপাদিকা কৃষি	... ২৪৫	বাংলার ইতিহাস (আলোচনা)	... ৩৫১
নগেন্দ্রচন্দ্র ভট্টশালী—		আনাহোল ফ্রান্স (সচিত্র)	... ৫০০
কমলা তাজা রাধিবীর সহজ উপায়	... ২১০	রুশ সাহিত্যিক ডষ্টইভেঙ্কি	... ৫০১
সাহিত্যে মহিলার কৃতিত্ব	... ৩৩১	ধ্বংসাবশিষ্ট ইউরোপ	... ৮১৪
সুন্দরী কে ?	... ৩৩১	প্রশান্তচন্দ্র মহলানবিশ, এম-এ (কেম্ব্রিজ)—	
মহিলা কবি	... ৭০১	রুবীন্দ্র-পরিচয় (সচিত্র)	৪৮৭, ৫২৫, ৭৪৫
নরেন্দ্র দেব—		প্রিয়কান্ত সেনগুপ্ত—	
শোধ-বোধ (কবিতার গল্প)	... ৭২	গঙ্গীছাড়া (গল্প)	... ১১৭
নরেন্দ্রনাথ রায়, বি-এ		প্রিয়হৃদা দেবী, বি-এ—	
দ্বিধাতু-পরিমাণ ও গ্রেস্‌হামের নিয়ম	... ৮০৯	অচিন্ পাখী (কবিতা)	... ৬৯০
নরেন্দ্রনাথ সেন—		অধিকার (কবিতা)	... ৭৭০
নির্জন অভিসার (কবিতা)	... ৭৪৪	ফণীন্দ্রনাথ মুখোপাধ্যায়—	
'মরণ হলে বাঁচি' (কবিতা)	... ৭৪৪	অভিমানিনী (গল্প)	... ৮৪২
নলিনীকান্ত গুপ্ত—		ফণীন্দ্রনাথ রায়—	
শিক্ষার বনিয়াদ	... ১৫৭	ব্যথার পূজা (কবিতা)	... ৬২৮
নলিনীকান্ত ভট্টশালী, এম-এ—		"বনকুল"—	
নূতন বাদশাহী আমলের কামান (সচিত্র)	... ৩১৩	আফশোষ (কবিতা)	... ৮৪
নিবারণচন্দ্র চৌধুরী—		হৃপ্তের মেঘ (কবিতা)	... ৪৬৪
পার্টের চাষ	... ২৪৯	মৌন (কবিতা)	... ৬৯০
নীরেন্দ্রনাথ রায়চৌধুরী, এম-এ—		অন্ধ (কবিতা)	... ৭১১
পুস্তক-পরিচয়	... ২২১	বসন্তকুমার চট্টোপাধ্যায়, এম-এ—	
নীহারবালা দেবী—		আবেস্তা সাহিত্যে রমণীর অধিকার	... ৭৭১
যাত্রী (গল্প)	... ৭৩৬	বিজয়চন্দ্র মহুমদার, বি-এল—	
নীহারিকা দেবী—		জীবন (কবিতা)	... ৬৭
কৃষ্ণকুমার (কবিতা)	... ২৪৮	বাঙালীর ইতিহাস (আলোচনা)	... ২০১

পুস্তক-পরিচয়	...	৬৫৬	রবীন্দ্রনাথ ঠাকুর—	
বিধুসেখর ভট্টাচার্য্য শাস্ত্রী—			সত্যের আহ্বান	... ১
শূদ্র	...	২২৭	ভুল স্বর্গ (কবিতা)	... ৮৮
উপনিষৎ (সমালোচনা)	...	৬৬৪	গান	... ১১৫
বিনয়কুমার সরকার, এম-এ—			শিশু ভোলানাথ (কবিতা)	... ৪৪১
বার্ণিনের পথে (সচিত্র)	...	৬০০	ফাগুন পূর্ণিমা (গান)	... ৮৫৭
বিনোদবিহারী রায়, পুরাতত্ত্ববিদ—			খেলা-ভোলা (কবিতা)	... ১২২
বেদব্যাসাখ্যা	...	৬১৫	রমেশচন্দ্র ভট্টাচার্য্য—	
বিভূতিভূষণ বন্দ্যোপাধ্যায়, বি-এ—			হাঁড়িটাচা পাখী	... ৮০১
উপেক্ষিতা (গল্প)	...	৫৩৭	রাধাচরণ চক্রবর্তী—	
বিমলকান্তি মুখোপাধ্যায়—			সিদ্ধবাদ (কবিতা)	... ৩৮
প্রাচীন ভারতে মনুষ্য-গণনা	...	৭৬৮	ঠোঁটের ফাঁকের দাঁতটি (কবিতা)	... ৩১৬
বিমলাচরণ লাহা, এম-এ, বি-এল, এফ-আর-হিষ্ট-এস—			ছোট্ট সবুজ পাখী (কবিতা)	... ৫১৫
লিচ্ছবিদেশ বৈশালী	...	২৩	স্বপন (কবিতা)	... ৮১৩
বৈশালীবাসী	...	১৭৭	কবি (কবিতা)	... ৮৪৫
নিদেহ	...	৩০৫	রামকিশোর রায়—	
চাণক্য ও চন্দ্রগুপ্ত	...	৪৬১	আশু-বাবুর রবীন্দ্রনাথ-গুণগ্রাহিতা	... ৫৫৬
বিশ্বপতি চৌধুরী, এম-এ—			রামদয়াল চক্রবর্তী—	
ঘরের ডাক (উপন্যাস)	৪১, ১৫৩, ৩৮২,		৩রঘুনাথ নিরোমণি (আলোচনা)	... ৩৫০
চিত্র প্রদর্শনী (সচিত্র)	...	৭৪	রামহলাল বিদ্যানিধি—	
বতালভট্ট —			জলদ বৃক্ষ বজ্র-ডুমুর	... ৪৬৩
সহজ প্রেম (কবিতা)	...	৬৫২	রেণুকণা দেবী—	
কাকের অহঙ্কার (কবিতা)	...	৭৮১	কামারের স্বর্গারোহণ (গল্প)	... ৮০৫
রবীন্দ্রনাথ বন্দ্যোপাধ্যায়—			রেণুপদ কর—	
রাজিয়ার শেষ জীবন (সচিত্র)	...	৩৭১	বুদ্ধির মাপকাঠি	২২২, ৪৬৫; ৬৬২
ভূপতি ভূষণ মুখোপাধ্যায়—			শরৎচন্দ্র বন্দ্যোপাধ্যায়—	
আমার মালী	...	৮৪৩	যামিনীনাথ বন্দ্যোপাধ্যায় (সচিত্র)	... ৭৬০
গীতকুমার ঘোষ—			শশিভূষণ বিশ্বাস—	
ভারতবর্ষের সম্পদ	...	২৫৪	উদ্ভিদর চেতনা ও ভারতশ্রমজী গী	... ১২২
গীতলাল বসু—			শান্তা দেবী, বি-এ—	
খেয়াঘাটে (গল্প)	...	১৮২	সৃষ্টিছাড়া (গল্প)	... ৪২
বেনামী (গল্প)	...	৩৫২	শিবচন্দ্র সিংহ—	
স্বপ্ন ভট্টাচার্য্য—			গ্রাম্য স্বায়ত্তশাসন আইন (আলোচনা)	... ৩৫০
উবট সায়ণ ও মহীধরাদির বেদব্যাসাখ্যা রক্ষণ	...	৬৭৫	শৈলেন্দ্রনাথ রায়—	
রমেশচন্দ্র ঘোষ, বি-এ, বি-টি—			কাঁটাফুল (কবিতা)	... ২২০
পুস্তক-পরিচয়	...	৬৫৬	শ্রামল বর্ম্মা—	
মাহিনীমোহন মুখোপাধ্যায়, এম-এ —			ঊনবিংশ শতকের বঙ্গসাহিত্য	... ৫৩
নারীর কেশ (গল্প)	...	৮২	বাংলাভাষার প্রথম সংবাদপত্র (আলোচনা)	... ৮২৬
হনাথ সরকার, এম-এ, পি-আর-এস—			শ্রামাপ্রসাদ বর্ম্মা, বি-এ—	
বঙ্গের শেষ পাঠান বীর	...	১৪৫	মহারাজা পূজা	... ২
বঙ্গের শেষ পাঠান বীর (আলোচনা)	...	৫২৬	সতীশচন্দ্র সেন, এম-এ—	
দীর্ঘেশচন্দ্র রায়, এম-এ, বিজ্ঞানিধি, রায় বাহাদুর—			নারী-সমস্যায় আমেরিকা ও ইউরোপ (সচিত্র)	... ৭
আমার মালী	...	১০০	স্বাধীনতা পত্রিকা	... ৩১

সত্যবান রাও, এফ-এসসি—		সুশীলকুমার রায়—	
পরমাণুর গঠন এবং আকৃতি	... ৭০৬	পরিশ্রমের পুরস্কার (গল্প)	... ১৭৪
সত্যভূষণ দত্ত—		হরিহর শাস্ত্রী—	
কোনু মাসে কি খেতে হবে ?	... ৭৮	শ্রায়-বৈশেষিক দর্শনে বৃক্ষাদির সমীচীন	... ১২৯
সত্যভূষণ সেন—		হিমাংশুপ্রকাশ রায়—	
ভিক্রান্ত মৃতের সংকার	... ৭৪২	মুক্তি (কবিতা)	... ৮৪
সরোজপ্রসন্ন রায়—		হরীকেশ চৌধুরী—	
বাংলা ভাষার প্রথম (আলোচনা)	... ৮২৭	মর্ম-অভিসার (কবিতা)	... ১২৬
সীতা দেবী, বি-এ -		জীবন-মরণ (কবিতা)	... ২২৩
রজনীগন্ধা (উপন্যাস)	১৩, ১৬৭, ৩.৯, ৪৪২, ৬১৩, ৭৫১	চন্দ্র বেগে (কবিতা)	... ৩১২
সুধীরকুমার চৌধুরী, বি এ—		হেমন্তকুমার চট্টোপাধ্যায়, বি এ—	
পথ (কবিতা)	... ৯৫	মুক্তির মহিমা	... ৩৩৪
ভাঙ্কর (কবিতা)	... ২১৪	ক্যানাডার নারী প্রাদেশিক মন্ত্রী	... ১৩৪
আভ্যাসিক (কবিতা)	... ৩৩৫	ইংলেণ্ডে নারী দায়াদ	... ৩৩৪
কথা (কবিতা)	... ৫৪৭	ছষ্ট লোকের চালাকি (গল্প)	... ৫১১
গন্ধর্ষকুমার (সচিত্র উপাখ্যান)	... ৬৮০	মাদাম কুরির নূতন উপহার	... ৫১৭
সুনির্মল বসু—		প্রজাপতির চাষ	... ৫১৩
চন্দ্রভাঙ্গার পদ্মাপার (কবিতা)	... ৮০৩	রাশিয়ার প্রধান নারী	... ৫১৮
সুবোধ চট্টোপাধ্যায়—		নারী জ্যোতিষী	... ৫১৯
নোয়ে ড'গোঁ প্যাগোঁডা (সচিত্র)	... ৪৭১	চিকিৎসা বিদ্যালয়ে নারী	... ৫১৯
সুরেন্দ্রচন্দ্র লাহা—		পুলিশের কাজে নারী	... ৫১৯
চোখের খুব কাছে বই পড়া (আলোচনা)	... ৮২৭	অন্ ড্যানিয়েল (সচিত্র)	... ৬৬৭
সুরেশচন্দ্র ঘোষ, বি-এসসি—		আইহুদের গল্প (সচিত্র)	... ৬৬৯
ধরা-পড়া (কবিতা)	... ৮০০	হেমেন্দ্রনাথ সান্মাল—	
সুরেশচন্দ্র চক্রবর্তী—		খোকার পোষাক (গল্প)	... ১৮৭
সন্ধ্যা-সুন্দরী (কবিতা)	... ৪০৭	হেমেন্দ্রলাল রায়—	
সুরেশচন্দ্র বন্দ্যোপাধ্যায়—		পূজারী (গল্প)	... ২৫
কারণ কি ?	... ৭০৩	ভারতবর্ষ	৪১৩, ৫৬৪, ৬৯৫, ৮২৯
		মানা (কবিতা)	... ৫৫৫

প্রবাসী

সচিত্র মাসিক পত্র

শ্রীরামানন্দ চট্টোপাধ্যায় সম্পাদিত

একবিংশ ভাগ—দ্বিতীয় খণ্ড
১৩২৮ সাল, কার্তিক—চৈত্র

প্রবাসী-কার্যালয়
২১০, ২১১ কর্ণওয়ালিস স্ট্রীট, কলিকাতা
মূল্য ছয় টাকা আট আনা



127.



“সত্যম্ শিবম্ সুন্দরম্ ।”

“নায়মাত্মা বলহীনেন লভ্যঃ ।”

২১শ ভাগ
২য় খণ্ড

কার্তিক, ১৩২৮

১ম সংখ্যা

সত্যের আহ্বান

পরাসক্ত কাঁট বা জন্তু পরের রস রক্ত শোষণ করে' থাকে; খাদ্যকে নিজের শক্তিতে নিজ দেহর উপকরণে পরিণত করবার দেহযন্ত্র তাদের বিকল হয়ে যায়; এমনি করে' শক্তিকে অলস করবার পাশে প্রাণিলোকে এই-সকল জীবের অধঃপতন ঘটে। মানুষের ইতিহাসেও এই কথা খাটে। কিন্তু পরাসক্ত মানুষ বললে কেবল যে পরের প্রতি জড়ভাবে আসক্ত মানুষকেই বোঝায় তা নয়। চিরদিন যা চলে আসচে তার সঙ্গে যে আপনাকে জেড়ে রেখে দেয়, প্রচলিতের শোভের টানে যে জলছাড়া থাকবে আত্মসমর্পণ করে, সেও পরাসক্ত। কেননা বাহির আমাদের অন্তরের পক্ষে পর, সে যখন কেবল অভ্যাসের তাগিদে আমাদের চালিয়ে নিয়ে যায় তখন আমাদের পরাসক্ত ভাবের নিরুদ্যম হয়ে ওঠে এবং মানুষের পরে অসাধ্যসাধন করবার যে-ভাব আছে সে সিক হয় না।

এই হিসাবে জন্তুরা এ জগতে পরাসক্ত। তারা প্রচলিতের ধারায় গা-ভাসান দিয়ে চলে; তারা প্রাকৃতিক নিরীক্ষনের শাসনে বাঁচে মরে; এগোয় বা পিছোয়। এইজন্টেই তাদের অন্তঃকরণটা বাড়তে পারল না, বেটে হয়ে রইল। লক্ষ লক্ষ বৎসর ধরে' মোমাছি যে-চাক তৈরি করে আসচে সেই-চাক তৈরি করার একটানা ঝাঁক

কিছুতেই সে কাটিয়ে বেরতে পারচে না। এতে করে তাদের চাক নিখুঁত-মত তৈরি হচ্ছে, কিন্তু তাদের অন্তঃকরণ এই চিরাত্যাসের গভীর মধ্যে বন্ধ হয়ে আছে, সে আপনাকে নানাদিকে মেলে দিতে পারচে না। এই-সকল জীবের সম্বন্ধে প্রকৃতির যেন সাহসের অভাব দেখতে পাই। সে এদের নিজের আঁচলে ঢেকে চালায়, পাছে নিজে চলতে গেলে বিপদ বাধিয়ে বসে—এই ভয়ে এদের অন্তরের চলার শক্তিকে ছেঁটে রেখে দিয়েছে।

কিন্তু সৃষ্টিকর্তার জীব-রক্ষা-পরীক্ষায় মানুষের সম্বন্ধে হঠাৎ খুব একটা সাহস দেখতে পাওয়া যায়। তিনি তার অন্তঃকরণটাকে বাধা দিলেন না। বাহিরে এই প্রাণীটিকে সর্বপ্রকারে বিবস্ত্র নিরস্ত্র দুর্বল করে' এর অন্তঃকরণকে ছেড়ে দেওয়া হল। এই নুক্তি পাওয়ার আনন্দে সে বলে—‘উল্কা-আগ্নি-অসাধ্য সাধন করব। অর্থাৎ যা চিরদিন হঠাৎ আসচে তাই যে চিরদিন হতে থাকবে সে আমি সহিব না, যা হয় না তাও হবে। সেই জন্টে মানুষ তার প্রথম যুগে যখন চারদিকে অতিকায় জন্তুদের বিকট নখদন্তের মাঝখানে পড়ে' গেল তখন সে হরিণের মত পালকিত হইল না, কচ্ছপের মত লুকোতে চাইল না, সে অসাধ্য সাধন করলে - চরমকি পাথর কেটে

কেটে ভীষণ নখদন্তের সৃষ্টি করলে। যে-হেতু জন্তুদের নখদন্ত তাদের বাসস্থানের দান এইজন্তে প্রাকৃতিক নির্বাচনের পরেই এই নখদন্তের পরিবর্তন বা উন্নতি নির্ভর করে। কিন্তু মানুষের নখদন্ত তার অন্তঃকরণের সৃষ্টি; এইজন্তে সেই পাথরের বর্ণাফলকের পরেই সে ভর করে রইল না,— তার সমস্ত হাতিয়ার পাথরের কোঠা থেকে লোহার কোঠায় এসে পৌঁছল। এতে প্রমাণ হয় মানুষের অন্তঃকরণ সন্ধান করচে; যা তার চারিদিকে আছে তাতেই সে আসক্ত হয়ে নেই—যা তার হাতের কাছে নেই তাকে হাতের তলায় আনচে। পাথর আছে তার সামনে, তাতে সে সন্তুষ্ট নয়; লোহা আছে মাটির নীচে, সেখানে গিয়ে সে ধাক্কা দেয়; পাথরকে ঘষে মেজে তার থেকে হাতিয়ার তৈরি করা সহজ; কিন্তু তাতেও তার মন উঠল না, লোহাকে আগুনে গলিয়ে হাতুড়িতে পিটিয়ে ছাঁচে ঢালাই করে' যা সবচেয়ে বাধা দেয় তাকেই আপনার সবচেয়ে অঙ্গুষ্ঠ করে তুললে। মানুষের অন্তঃকরণের ধর্মই হচ্ছে এই, আপনাকে খাটিয়ে কেবল যে তার সফলতা তা নয়, তার আনন্দ; সে কেবল উপরিতল থেকে গভীরতলে পৌঁছতে চায়, প্রত্যক্ষ থেকে অপ্রত্যক্ষ, সহজ থেকে কঠিন, পরাসক্তি থেকে আত্মকৃত্তে, প্রবৃত্তির তাড়না থেকে বিচারের ব্যবস্থায়। এমনি করে সে জয়ী হয়েছে। কিন্তু কোনো একদল মানুষ যদি বলে—“এই পাথরের ফলা আমাদের বাপপিতামহের না, এ ছাড়া আর যা-কিছু করতে যাব তাতে আমাদের জাত নষ্ট হবে,” তা হলে একেবারে তাদের মনুষ্যত্বের মূলে ঘা লাগে; তা হলে' যাকে তারা জাত-রক্ষা বলে তা হতে পারে, কিন্তু তাদের সবচেয়ে যে বড় জাত মনুষ্য জাত সেইখানে তাদের কোলিন্যা মারা যায়। আজও যারা সেই পাথরের ফলার বেশি এগিয়েনি, মানুষ তাদের কান্দে লেচে—তারা বনে জঙ্গলে লুকিয়ে লুকিয়ে বেড়ায়। তারা বহিরবহার কাছে পরাসক্ত, তারা প্রচলিতের জিন-লাগামের টানে, চোখে ঠুলি লাগিয়ে চলে; তারা অন্তরেণ স্বরাজ্য পায় নি। বাহিরের স্বরাজ্যের অধিকার থেকে তাই তারা দ্রষ্ট। এ কথা তারা জানেই না যে, মানুষকে আপনার শক্তিতে অসাধসোপান করলে হবে; যা হয়েছে তার মধ্যে সে

বন্ধ থাকবে না, যা হয় নি তার দিকে সে এগোবে;—তাল ঠুকে বুক ফুলিয়ে নয়, অন্তঃকরণের সাধনার বলে, আত্ম-শক্তির উদ্বোধনে।

আজ ত্রিশ বৎসর হয়ে গেল, যখন “সাধনা” কাগজে আমি লিখছিলাম, তখন আমার দেশের লোককে এই কথাই বলবার চেষ্টা করেছি। তখন ইংরেজি-শেখা ভারতবর্ষ পরের কাছে অধিকার-ভিক্ষার কাজে বিষম ব্যস্ত ছিল। তখন বারে বারে আমি কেবল একটি কথা বোঝাবার প্রয়াস পেয়েছি যে মানুষকে অধিকার চেয়ে নিতে হবে না, অধিকার সৃষ্টি করতে হবে। কেননা মানুষ প্রধানতঃ অন্তরের জীব, অন্তরেই সে কঠা; বাহিরের লাভে অন্তরে লোকমান ঘটে। আমি বলেছিলাম, অধিকারবঞ্চিত হবার দুঃখভার আমাদের পক্ষে তেমন বোঝা নয় যেমন বোঝা মাথার উপরে “আবেদন আর নিবেদনের খালা।” তার পরে যখন আমার হাতে বঙ্গদর্শন এসেছিল তখন বঙ্গবিভাগের ছুরি শানানোর শব্দে সমস্ত বাংলাদেশ উতলা। মনের ক্ষোভে বাঙালী সেদিন মাঝেপেরে কাপড় বর্জন করে' বোম্বাই মিলের সদাগরদের লোভটাকে বৈদেশিক ডিগ্রিতে বাড়িয়ে তুলেছিল। যে-হেতু ইংরেজ সরকারের পরে অভিমান ছিল এই বঙ্গ বর্জনের মূলে, সেইজন্তে সেই দিন এই কথা বলতে হয়েছিল, “এহ বাহ্য।” এর প্রত্যক্ষ লক্ষ্য ইংরেজ, ভারতবাসী উপলক্ষ্য, এর মুখ্য উদ্দেশ্যনা দেশের লোকের প্রতি প্রেম নয়, বিদেশী লোকের প্রতি ক্রোধ। সেদিন দেশের লোককে এই কথা বলে' সাবধান করবার দরকার ছিল যে, ভারতে ইংরেজ যে আছে এটা বাইরের ঘটনা, দেশ যে আছে এটাই আমাদের ভিতরের কথা। এই ভিতরের কথাটাই হচ্ছে চিরসত্য আর বাইরের ব্যাপারটা মায়া। মায়াকে ততক্ষণ অত্যন্ত বড় দেখায় যতক্ষণ রাগেই হোক বা অহুরাগেই হোক বাইরের দিক থেকে তার প্রতি সমস্ত মনপ্রাণ দিয়ে তাকিয়ে থাকি। তেড়ে গিয়ে তার পায়ে দাঁত বসিয়ে দেওয়া সেও একটা তার আসক্তি, আর ভক্তিতে তার পা জড়িয়ে ধরা সেও তথৈবচ—তাকে চাইনে বললেও তার ধ্যানে আমাদের সমস্ত হৃদয় রুকুবর্ণ হয়ে ওঠে, আর তাই বলে ত কথাই নেই। মায়া জ্ঞানঘটা অন্ধকারের মত, বাইরের দিক

থেকে কলের গাড়ি চালিয়েও তাকে অতিক্রম করতে পারি নে, তাকে জল দিয়ে ধুয়ে ফেলতে চাইলে সাত সমুদ্র তেরো নদী শুকিয়ে যাবে। সত্য আলোর মত, তার শিখাটা অল্বামাত্র দেখা যায় মায় নেই। এইজন্তেই শাস্ত্রে বলেছেন, স্বল্পমপ্যস্য ধর্মস্য ত্রায়তে মহতো ভয়াৎ। অর্থাৎ ভয়-হুচে মনের নাস্তিকতা, তাকে না-এর দিক থেকে নিকেশ করা যায় না, উপস্থিতমত তার একটা কারণ গেলেও রক্তবীজের মত আরেকটা কারণরূপে সে জন্ম নেয়। ধর্ম হুচে সত্য, সে মনের আস্তিকতা, তার অল্পমাত্র আবির্ভাবে হাঁ প্রকাণ্ড না-কে একেবারে মূলে গিয়ে অভিভূত করে। ভারতে ইংরেজের আবির্ভাব নামক ব্যাপারটি বহুরূপী; আজ সে ইংরেজের মূর্তিতে, কাল সে অগ্র বিদেশীর মূর্তিতে এবং তার পরদিন সে নিজের দেশী লোকের মূর্তিতে নিদারুণ হয়ে দেখা দেবে। এই পরতন্ত্রতাকে ধনুর্কাণ হাতে বাইরে থেকে ভাড়া করলে সে আপনার খোলস বদলাতে বদলাতে আমাদের হয়রান করে' তুলবে। কিন্তু আমার দেশ আছে এইটি হল সত্য, এইটিকে পাওয়ার দ্বারা বাহিরের মায় আপনি নিরস্ত হয়।

আমার দেশ আছে এই আস্তিকতার একটি সাধনা আছে। দেশে জন্মগ্রহণ করেছি বলেই দেশ আমার, এ হুচে সেইসব প্রাণীর কথা যারা বিশ্বের বাহ্যব্যাপার সম্বন্ধে পরাসক্ত। কিন্তু যেহেতু মানুষের যথার্থ স্বরূপ হুচে তার আত্মশক্তিসম্পন্ন অন্তরপ্রকৃতিতে এইজন্ত যে-দেশকে মানুষ আপনার জানে বুদ্ধিতে প্রেমে কর্মে সৃষ্টি করে' তোলে সেই দেশই তার স্বদেশ। ১৯০৫ খৃষ্টাব্দে আমি বাঙালীকে ডেকে এই কথা বলেছিলেম যে, আত্মশক্তির দ্বারা ভিতরের দিক থেকে দেশকে সৃষ্টি কর, কারণ সৃষ্টির দ্বারাই উপলব্ধি সত্য হয়। বিশ্বকর্মা আপন সৃষ্টিতে আপনাকেই লাভ করেন। দেশকে পাওয়ার মানে হুচে দেশের মধ্যে আপনার আত্মাকেই ব্যাপক করে' উপলব্ধি করা। আপনার চিন্তার দ্বারা কর্মের দ্বারা সেবার দ্বারা দেশকে যখন নিজে গড়ে' তুলতে থাকি তখনই আত্মাকে দেশের মধ্যে সত্য করে' দেখতে পাই। মানুষের দেশ মানুষের চিন্তের সৃষ্টি, এইজন্তেই দেশের মধ্যে মানুষের আত্মার ব্যাপ্তি, আত্মার প্রকাশ।

যে-দেশে জন্মেছি কি উপায়ে সেই দেশকে সম্পূর্ণ আমার আত্মা করে' তুলতে হবে বহুকাল পূর্বে স্বদেশী-সমাজ নামক প্রবন্ধে তাঁর বিস্তারিত আলোচনা করেছি। সেই আলোচনাতে যে-কোন ক্রটি থাকুক এই কথাটি জোরের সঙ্গে বলা হয়েছে যে, দেশকে জয় করে' নিতে হবে পরের হাত থেকে নয় নিজের নৈকর্ম্যা থেকে, উদাসীনা থেকে। দেশের যে-কোনো উন্নতি সাধনের জন্তে যে উপলক্ষ্যে আমরা ইংরেজ-রাজ-সরকারের দ্বারস্থ হয়েছি সেই উপলক্ষ্যেই আমাদের নৈকর্ম্যকে নিবিড়তর করে' তুলেছি মাত্র। কারণ ইংরেজ-রাজ-সরকারের কীর্তি আমাদের কীর্তি নয়, এইজন্ত বাহিরের দিক থেকে সেই কীর্তিতে আমাদের বতই উপকার হোক, ভিতরের দিক থেকে তার দ্বারা আমাদের দেশকে আমরা হারাই—অর্থাৎ আত্মার মূল্যে সফলতা পাই। যাজ্ঞবল্ক্য বলেছেন, “ন বা অরে পুত্রস্য কামায় পুত্রঃ প্রিয়ো ভবতি, আত্মনস্ত কামায় পুত্রঃ প্রিয়ো ভবতি।” দেশ সম্বন্ধেও এই কথা ধাটে। দেশ আমারই আত্মা এইজন্তই দেশ আমার প্রিয়—একথা যখন জানি তখন দেশের সৃষ্টিকার্যো পরের মুখাপেক্ষা করা সহই হয় না।

আমি সেদিন দেশকে যে-কথা বলবার চেষ্টা করেছিলুম সে বিশেষ কিছু নতুন কথা নয় এবং তার মধ্যে এমন কিছু ছিল না যাতে স্বদেশহিতৈষীর কানে সেটা কটু শোনায়। কিন্তু তার কারো মনে না থাকতে পারে, আমার স্পষ্টই মনে আছে যে, আমার এই-সকল কথায় দেশের লোক বিষম ক্রুদ্ধ হয়ে উঠেছিল। যারা কটুভাষাব্যবসায়ী সাহিত্যিক শুভ্রা আমি তাদের কথা বলছি নে, কিন্তু গণ্যমান্য এবং শিষ্টশাস্ত্র ব্যক্তিরও আমার সম্বন্ধে ধৈর্য্য রক্ষা করতে পারেন নি। এর দুটি মাত্র কারণ ;—প্রথম—ক্রোধ দ্বিতীয়—লোভ। ক্রোধের তৃপ্তিসাধন হুচে এক রকমের ভোগসুখ ; সেদিন এই ভোগসুখের মাংসামিতে আমাদের বাধা অতি অল্পই ছিল,—আমরা মনের আনন্দে কাপড় পুড়িয়ে বেড়াচ্ছি, পিকেট করছি, যারা আমাদের পথে চলছিল না তাদের পথে কাঁটা দিচ্ছি এবং ভাষায় আমাদের কোন আক্রমণ রাখছি নে। এইসকল অমিত্যাচারের কিছুকাল পরে একজন জাপানী আমাকে একদিন বলেছিলেন,

“তোমরা নিঃশব্দে দূত এবং গূঢ় বৈধর্মের সঙ্গে কাজ করতে পার না কেন? কেবলি শক্তির বাজে খরচ কর। ত উদ্দেশ্যসাধনের সূত্র নয়।” তার জবাবে সেই জাপানীকে আমার বলতে হয়েছিল, যে, “উদ্দেশ্যসাধনের কথাটাই যখন আমাদের মনে উজ্জ্বল থাকে তখন মানুষ স্বভাবতই আত্মসংযম করে’ নিজের সকল শক্তিকেই সেই দিকে নিযুক্ত করে। কিন্তু ক্রোধের তৃপ্তিসাধন যখন মত্ততার সপ্তকে সপ্তকে উদ্দেশ্যসাধনকে ছাড়িয়ে উঠতে থাকে, তখন শক্তিকে খরচ করে’ দেউলে হতে আমাদের বাধা থাকে না।” যাই হোক সে-দিন ঠিক যে-সময়ে বাঙালী কিছুকালের জন্যে ক্রোধতৃপ্তির সুখভোগে বিশেষ বিমগ্ন পাচ্ছিল না, সমস্তই যেন একটা আশ্চর্য্য স্বপ্নের মত বোধ হচ্ছিল, সেই সময়ে তাকে অত্র পথের কথা বলতে গিয়ে আমি তার ক্রোধের ভাজন হয়েছিলেম। তা ছাড়া আরও একটি কথা ছিল, সে হচ্ছে লোভ। ইতিহাসে সকল জাতি দুর্গম পথ দিয়ে দুর্লভ জিনিষ পেয়েছে, আমরা তার চেয়ে অনেক সম্ভাব্য পাব,—হাত জোড় করে ভিক্ষে না করে, চোখ রাঙিয়ে ভিক্ষে করার দ্বারা পাব, এই ফন্দির আনন্দে সে-দিন দেশ মেতেছিল। ইংরেজ দোকানদার যাকে বলে Reduced price sale, সেদিন যেন ভাগ্যের হাতে বাঙালীর কপালে পোলিটিকাল মালের সেইরকম সম্ভা দামের মৌসুম পড়েছিল। বার সম্ভল কম, সম্ভার নাম শোনবামাত্র সে এত বেশী খুসী হয়ে উঠে যে, মাষ্টা যে কি, আর তার কি অবস্থা, তার খোঁজ রাখে না, আর যে-ব্যক্তি সন্দেহ প্রকাশ করে তাকে তেড়ে মারতে যায়। মোট কথা সেদিনও আমাদের লক্ষ্য ছিল, ধ্যান ছিল ঐ বাইরের মায়াটা নিয়ে। তাই তখনকার কালের একজন নেতা বলেছিলেন—আমার এক হাত ইংরেজ সরকারের টুটিতে, আর-এক হাত তার পায়ে। অর্থাৎ-কোনো হাতই বাঁকি ছিল না দেশের জন্যে। তৎকালে এবং তার পরবর্তী কালে এই দ্বিধা হয় ত অনেকের একেবারে ঘুচে গেছে—এক দলের দুই হাতই হয়ত উঠেছে সরকারের টুটিতে আর-এক দলের দুই হাতই হয়ত নেমেছে সরকারের পায়ে, কিন্তু মায়া থেকে মুক্তি-সাধনের পক্ষে দুইই হচ্ছে বাইরের পথ। হয় ইংরেজ-

সরকারের দক্ষিণে নয় ইংরেজ-সরকারের বামে পোড়া মন ঘুরে বেড়াচ্ছে; তার হাঁ-ই বল আর না-ই বল দুইই হচ্ছে ইংরেজকে নিয়ে।

সে-দিন চারিদিক থেকে বাংলাদেশের হৃদয়বেগের উপরেই কেবল তাগিদ এসেছে। কিন্তু শুধু হৃদয়বেগ আগুনের মত জালানি বস্তুকে খরচ করে, ছাই করে ফেলে—সে ত সৃষ্টি করে না। মানুষের অন্তঃকরণ বৈধর্মের সঙ্গে, নৈপুণ্যের সঙ্গে, দূরদৃষ্টির সঙ্গে এই আগুনে কঠিন উপাদানকে গলিয়ে আপনার প্রয়োজনের সামগ্রীকে গড়ে’ তুলতে থাকে। দেশের সেই অন্তঃকরণকে সেদিন জাগানো হল না, সেইজন্তে এত বড় একটা হৃদয়বেগ থেকে কোনো একটা স্থায়ী ব্যবস্থা গড়ে’ উঠতে পারলে না।

এমনটা যে হল তার কারণ বাইরে নেই, তার কারণ আছে আমাদের নিজেরই ভিতরে। অনেকদিন থেকেই আমাদের ধর্মের কন্ঠে একদিকে আছে হৃদয়বেগ আরেক দিকে আছে অভ্যস্ত আচার। আমাদের অন্তঃকরণ অনেকদিন থেকে কোনো কাজ করে নি; তাকে ভয়ে ভয়ে চেপে রাখা হয়েছে। এইজন্তে যখন আমাদের কাছ থেকে কোন কাজ আদায় করার দরকার পড়ে তখন তাড়াতাড়ি হৃদয়বেগের উপর বরাং দিতে হয় এবং নানা-রকম জাহ্নমজ আউড়িয়ে মনকে মুগ্ধ করার প্রয়োজন ঘটে। অর্থাৎ সমস্ত দেশ জুড়ে এমন একটা অবস্থা উৎপাদন করা হয় যেটা অন্তঃকরণের কাজ করার পক্ষে বিষম প্রতিকূল।

অন্তঃকরণের জড়তার যে-ক্ষতি সে-ক্ষতিকে কোনো কিছুতেই পূরণ করা যায় না। কোনোমতে যখন পূরণ করতে চাই তখন মোহকে সহায় করতে ইচ্ছা হয়, তখন অন্ধের লোভ আলাদিনের প্রদীপের গুহব গুলেই একেবারে লাফিয়ে ওঠে। এ-কথা সকলকেই একবাক্যে স্বীকার করতে হবে যে, আলাদিনের প্রদীপের মত এমন আশ্চর্য্য সুবিধার জিনিষ আর নেই, কেবল ওর একটি মাত্র অসুবিধা এই যে, ও জিনিষ কোথাও পাওয়া যায় না। কিন্তু পাওয়া যে যায় না এ-কথা খুব জোরের সঙ্গে সে-মানুষ কিছুতেই বলতে পারে না, যার লোভ বেশী সুখের

যার সামর্থ্য কম। এইজন্তে তার উত্তম তখনি পুরোদমে জেগে ওঠে যখন তাকে কেউ আলাদিনের প্রদীপের আশ্বাস দিয়ে থাকে। সেই আশ্বাসকে হরণ করতে গেলে সে এমনি চীৎকার করতে থাকে যেন তার সর্বস্বান্ত করা হল।

সেই বছরবিভাগের উদ্ভেজনার দিনে একদল যবক রাষ্ট্রবিপ্লবের দ্বারা দেশে যুগান্তর আনবার উদ্যোগ করেছিলেন। আর যাই হোক, এই প্রলয়-হতাশনে তাঁরা নিজেকে আশ্রয় দিয়েছিলেন, এইজন্তে তাঁরা কেবল আমাদের দেশে কেন সকল দেশেই সকলেরই নমস্ত। তাঁদের নিঃফলতাও আত্মার দীপ্তিতে সমুজ্জল। তাঁরা পরমত্যাগে পরমদুঃখে আজ একটা কথা স্পষ্ট জেনেছেন, যে, রাষ্ট্র যখন তৈরি নেই তখন রাষ্ট্রবিপ্লবের চেষ্টা করা পথ ছেড়ে অপথে চলা—পথের চেয়ে অপথ মাপে ছোট, কিন্তু সেটাকে অনুসরণ করতে গেলে লক্ষ্য পৌঁছন যায় না, মাঝের থেকে পা-ছটোকে কাঁটায় কাঁটায় ছিন্নবিচ্ছিন্ন করা হয়। যে-জিনিষের যা দাম তা পুরো না দিতে পারলে দাম ত যায়ই জিনিষও জোটে না। সেদিনকার সেই দুঃসাহসিক যুবকেরা ভেবেছিলেন সমস্ত দেশের হয়ে তাঁরা কয়জন আত্মোৎসর্গ দ্বারা রাষ্ট্রবিপ্লব ঘটাবেন; তাঁদের পক্ষে এটা সর্বনাশ, কিন্তু দেশের পক্ষে এটা সম্ভা। সমস্ত দেশের অন্তঃকরণ থেকে সমস্ত দেশের উদ্ধার জেগে ওঠে, তার কোনো একটা অংশ থেকে নয়। রেল-ঘানে ফার্ট্রাক্স গাড়ির মূল্য এবং সৌষ্ঠব যেমনি থাক, সে তার নিজের সঙ্গে সংযুক্ত থার্ড ক্লাস গাড়িকে কোনোমতেই এগিয়ে যেতে পারে না। আমার মনে হয় তাঁরা আজ বুঝেছেন, সমগ্র দেশ বলে' একটি জিনিষ সমস্ত দেশের লোকের সৃষ্টি; এই সৃষ্টি তার সমস্ত হৃদয়বৃত্তি, বুদ্ধিবৃত্তি, ইচ্ছাশক্তির প্রকাশে। এ হচ্ছে যোগলব্ধ ধন—অর্থাৎ যে-যোগের দ্বারা মানুষের সকল বৃত্তি আপন সৃষ্টির মধ্যে সংহত হয়ে রূপলাভ করে। পোলিটিকাল যোগ বা ইকনমিক যোগ পূর্ণ যোগ নয়, সর্বশক্তির যোগ চাই। অগ্নিশক্তির ইতিহাস যখন লক্ষ্য করে' দেখি তখন পোলিটিকাল ঘোড়াটাকে সকলের আগে দেখি; মনে মনে ঠিক করি ঐ চতুষ্পদটারই টানে সমস্ত জাত এগিয়ে চলেচে। তখন হিসাব করে' দেখি, এর পিছনে দেশ বলে যে-

গাড়িটা আছে সেটা চলবার যোগ্য গাড়ি, তার একচাকার সঙ্গে আরেক চাকার সামঞ্জস্য আছে, তার এক অংশের সঙ্গে আরেক অংশের ভাল বন্ধ জোড় মেলানো আছে। এই গাড়িটি তৈরি করে' তুলতে শুধু আশুন এবং হাতুড়ি করাতে এবং কল-কজা লেগেচে তা নয়, এর মধ্যে অনেক দিনের অনেক লোকের অনেক চিন্তা অনেক সাধনা অনেক ত্যাগ আছে। আরো এমন দেশ আমরা দেখেছি সে বাহ্যত স্বাধীন, কিন্তু পোলিটিকাল বাহনটি যখন তাকে টানতে থাকে, তখন তার ঝড়ঝড় খড়্ খড়্ শব্দে পাড়ার ঘুম ছুটে যায়, বাঁকানির চোটে সওয়ারির বুকে পিঠে খিল ধরতে থাকে, পথ চলতে চলতে দশবার করে' সে ভেঙে ভেঙে পড়ে, দড়ি দড়া দিয়ে তাকে বাঁধতে বাঁধতে দিন কাবার হয়ে যায়। তবু ভাল হোক মন্দ হোক, ঋআল্গা হোক আর চাকা বাঁকা হোক, এগাড়িও গাড়ি, কিন্তু যে-জিনিষট ঘরে বাইরে সাত টুকুরো হয়ে আছে, যার মধ্যে সমগ্রতা কেবল যে নেই তা নয়, যা বিরুদ্ধতায় ভরা, তাকে উপস্থিতমত ক্রোধ হোক বা লোভ হোক কোনো একটা প্রবৃত্তির বাহুবন্ধনে বেঁধে হেঁই হেঁই শব্দে টান দিলে কিছুক্ষণের জন্তে তাকে নড়ানো যায়, কিন্তু এ'কে কি দেশ-দেবতার রথযাত্রা বলে? এই প্রবৃত্তির বন্ধন এবং টান কি টেকসই জিনিষ? অতএব ঘোড়াটাকে আস্তাবলে রেখে আপাতত এই গড়াপেটার কাজটাই কি সবচেয়ে দরকার নয়? ধর্মের কাঁসিকাঠের সিংহদ্বার থেকে বাংলাদেশের যে-সব যুবক ঘরে ফিরে এসেছেন তাঁদের লেখা পড়ে কথা শুনে আমার মনে হয় তাঁরা এই কথাই ভাবছেন। তাঁরা বলছেন, সকলের আগে আমাদের যোগসাধন চাই, দেশের সমস্ত চিত্ত-বৃত্তির সম্মিলন ও পরিপূর্ণতা সাধনের যোগ। বাইরের দিক থেকে কোনো অন্ধ বাধ্যতা দ্বারা এ হতেই পারে না, ভিতরের দিক থেকে জ্ঞানালোকিত চিত্তে আত্মোপলব্ধি দ্বারাই এ সম্ভব। যা-কিছুতে সমস্ত দেশের অন্তঃকরণ উদ্বোধিত হয় না, অভিব্যক্ত হয়, একাজের পক্ষে তা অন্তরায়।

নিজের সৃষ্টিশক্তির দ্বারা দেশকে নিজের করে' তোলবার যে-আহ্বান সে খুব একটা বড় আহ্বান। সে কোনো একটা বাহ্য অস্থানের ফলে তাগিদ দেওয়া নয়। কারণ, পূর্বেই বলেছি মানুষ ত মৌমাছির মত যুবক একই মাপে

মৌচাক গড়ে না, মাকড়সার মত নিরন্তর একই প্যাটার্ণে আল বোনে না; তার সকলের চেয়ে বড় শক্তি হচ্ছে তার অন্তঃকরণে,—সেই অন্তঃকরণের কাছে তার পুরো দাবী, জড় অভ্যাসপত্রের কাছে নয়। যদি কোনো লোভে পড়ে' তাকে আজ বলি তুমি চিন্তা কোরো না, কর্ম কর, তাহলে যে-মোহে আমাদের দেশ মরেচে সেই মোহকে প্রশ্রয় দেওয়া হবে। এককাল ধরে' আমরা অনুশাসনের কাছে প্রথার কাছে মানব-মনের সর্বোচ্চ অধিকার, অর্থাৎ বিচারের অধিকার বিকিয়ে দিয়ে নিশ্চিত হয়ে অলস হয়ে বসে' আছি। বলেচি, আমরা সমুদ্র-পারে যাব না, কেননা, মনুতে তার নিষেধ; মুসলমানের পাশে বসে' যাব না, কেননা শাস্ত্র তার বিরোধী। অর্থাৎ যে-প্রণালীতে চললে মানুষের মন বলে' জিনিষের কোনোই দরকার হয় না, বা কেবলমাত্র চিন্তাহীন অভ্যাস-নিষ্ঠতার কাজ, আমাদের সংসারযাত্রার পনেরো আনা কাজই সেই প্রণালীতে চালিত। যে-মানুষ সকল বিষয়েই দাসের প্রতি নির্ভর করে' চলে তার যে-রকম পঙ্গুতা, যারা বাহ্যআচারের দ্বারাই নিয়ন্ত্রিত চালিত তাদেরও সেইরকম। কেননা পূর্বেই বলেচি অন্তরের মানুষই প্রভু, সে যখন একান্তভাবে বাহ্য প্রথার পরাসক্ত জীব হয়ে ওঠে তখন তার হুর্গতির সীমা থাকে না। আচারে চালিত মানুষ কলের পুতুল, বাধ্যতার চরম সাধনার সে উত্তীর্ণ হয়েছে। পরতন্ত্রতার কারখানায় সে তৈরি; এইজন্তে এক-চালকের হাত থেকে তাকে নিষ্কৃতি দিতে গেলে আরেক চালকের হাতে তাকে সমর্পণ করতে হয়। পদার্থবিজ্ঞান যাকে ইনার্শিয়া বলে, যে-মানুষ তারই একান্ত সাধনাকে পবিত্রতা বলে' অভিমান করে, তার স্থাবরতাও যেমন জঙ্গমতাও তেমন—উভয়েই তার নিজের কর্তৃত্ব নেই। অন্তঃকরণের যে-জড়ত্ব সর্বপ্রকার দাসত্বের কারণ, তার থেকে মুক্তি দেয়ার চেষ্টা চালালে-দেওয়া বাধ্যতাও নয়, কলের পুতুলের মত বাস্তুস্থানও নয়।

বঙ্গবিভাগের আন্দোলনের পরে এবার দেশে যে আন্দোলন উপস্থিত হয়েছে তার পরিমাণ আরও অনেক বড়, সমস্ত ভারতবর্ষ জুড়ে তার প্রভাব। বহুদিন ধরে' আমাদের পোলিটিকাল নেতারা ইংরেজী-ভাষী দলের বাইরে ফিরে আসেননি—কেননা, তাঁদের দেশ ছিল ইংরেজী-ইতিহাস-পড়া

একটা পুঁথিগত দেশ। সে দেশ ইংরেজি ভাষার বাস্পরচিত একটা মরীচিকা, তাতে বার্ক্‌ মাদ্রষ্টোন ম্যাট্রসোনি গারিবাল্ডির অস্পষ্টমূর্তি ভেসে বেড়াত। তার মধ্যে প্রকৃত আত্মত্যাগ বা দেশের মানুষের প্রতি যথার্থ দরদ দেখা যায় নি। এমন সময়ে মহাত্মা গান্ধি এসে দাঁড়ালেন ভারতের বহুকোটি গরীবের দ্বারে—তাদেরই আপন বেশে, এবং তাদের সঙ্গে কথা কইলেন তাদের আপন ভাষায়।—এ একটা সত্যকার জিনিষ, এর মধ্যে পুঁথির কোনো নজির নেই। এইজন্তে তাঁকে যে মহাত্মা নাম দেওয়া হয়েছে এ তাঁর সত্য নাম। কেননা, ভারতের এত মানুষকে আপনার আত্মীয় করে' আর কে দেখেচে? আত্মার মধ্যে যে শক্তির ভাণ্ডার আছে তা খুলে যায় সত্যের স্পর্শমাত্রে। সত্যকার প্রেম ভারত-বাসীর বহুদিনের রুদ্ধদ্বারে যে-মুহুর্তে এসে দাঁড়াল অমনি তা খুলে গেল। কারো মনে আর কার্পণ্য রইল না, অর্থাৎ সত্যের স্পর্শে সত্য জেগে উঠল। চাতুরী দ্বারা যে রাষ্ট্র-নীতি চালিত হয় সে-নীতি বন্ধা, অনেকদিন থেকে এই শিক্ষার আমাদের দরকার ছিল। সত্যের যে কি শক্তি, মহাত্মার কল্যাণে আজ তা আমরা প্রত্যক্ষ দেখেচি; কিন্তু চাতুরী হচ্ছে ভীকু ও দুর্বলের সহজ ধর্ম, সেটাকে ছিন্ন করতে হলে তার চামড়া কেটে ছিন্ন করতে হয়। সেইজন্তে আজকের দিনেও দেশের অনেক বিজ্ঞলোকেই মহাত্মার চেষ্টাকেও নিজেদের পোলিটিকাল জুয়ো খেলার একটা গোপন চালেরই সামিল করে নিতে চান। মিথ্যায় জীর্ণ তাঁদের মন এই কথাটা কিছুতেই বুঝতে পারে না, যে, প্রেমের দ্বারা দেশের হৃদয়ে এই যে প্রেম উদ্বেলিত হয়েছে এটা একটা অবাস্তব বিষয় নয়—এইটেই মুক্তি, এইটেই দেশের আপনাকে পাওয়া—ইংরেজ দেশে আছে কি নেই এর মধ্যে সে কথার কোনো জায়গাই নেই। এই প্রেম হল স্বপ্রকাশ, এই হচ্ছে, হাঁ,—কোনো না-এর সঙ্গে এ তর্ক করতে যায় না, কেননা তর্ক করার দরকারই থাকে' না।

প্রেমের ডাকে ভারতবর্ষের হৃদয়ের এই যে আশ্চর্য উদ্বোধন, এর কিছু সুর সমুদ্রপারে আমার কানে গিয়ে পৌঁছেছিল। তখন বড় আনন্দে এই কথা আমার মনে হয়েছিল যে, এইবার এই উদ্বোধনের দরবারে আমাদের সকলেরই ডাক পড়বে, ভারতবাসীর চিঁতে শক্তির যে-

বিচিত্র রূপ প্রচ্ছন্ন আছে সমস্তই প্রকাশিত হবে। কারণ, আমি একেই আমার দেশের মুক্তি বলি,—প্রকাশই হচ্ছে মুক্তি। ভারতবর্ষে একদিন বুদ্ধদেব সর্বভূতের প্রতি মৈত্রী এই সত্যমন্ত্র নিজের সত্যসাধনার ভিতর দিয়ে প্রকাশ করেছিলেন; তার ফল হয়েছিল এই যে, সেই সত্যের প্রেরণায় ভারতের মনুষ্যত্ব শিল্পকলায় বিজ্ঞানে ঐশ্বর্যে পরিব্যক্ত হয়ে উঠেছিল। রাষ্ট্রশাসনের দিক থেকে সেদিনও ভারত বারে বারে এক হবার ক্ষণিক প্রয়াসের পর বারে বারে বিচ্ছিন্ন হয়ে যাচ্ছিল—কিন্তু তার চিত্ত স্থপ্তি থেকে, অপ্রকাশ থেকে মুক্তিলাভ করেছিল। এই মুক্তির জোর এত যে, সে আপনাকে দেশের কোনো ক্ষুদ্র সীমায় বদ্ধ করে রাখতে পারেনি,—সমুদ্র-মরুপারেও যে-দূরদেশকে সে স্পর্শ করেছে তারই চিত্তের ঐশ্বর্যকে উদঘাটন করেছে। আজকের দিনের কোনো বণিক কোনো সৈনিক একাজ করতে পারেনি; তারা পৃথিবীকে যেখানেই স্পর্শ করেছে সেইখানেই বিরোধ, পীড়া এবং অপমান জাগিয়েছে, সেইখানেই বিশ্বপ্রকৃতির ক্রী নষ্ট করে' দিয়েছে। কেন? কেন না, গোভ সত্য নয়, প্রেমই সত্য। এইজন্য প্রেম যখন মুক্তি দেয় সে একেবারে ভিতরের দিক থেকে। কিন্তু গোভ যখন স্বাতন্ত্র্যের জন্তে চেষ্টা করে তখন সে জনরুদ্ধতির দ্বারা নিজের উদ্দেশ্য সাধন করতে অস্থির হয়ে ওঠে। বঙ্গবিভাগের দিনে এইটে আমরা লক্ষ্য করেছি—সেদিন গরীবদের আমরা ত্যাগহুঃখ স্বীকার করতে বাধ্য করেছি প্রেমের দ্বারা নয়, বাইরে থেকে নানাপ্রকারে চাপ দিয়ে। তাঁর কারণ, গোভ অল্প সময়ের মধ্যে একটা বিশেষ সঙ্কীর্ণ ফল লাভের চেষ্টা করে; প্রেমের যে ফল সে এক দিনের নয় অল্পদিনের জন্তুও নয়, সে ফলের সার্থকতা আপনার মধ্যেই।

এতদিন পরে আমার দেশে সেই আনন্দময় মুক্তির হাওয়া বইতে এইটেই আমি করণা করে' এসেছিলুম। এসে একটা জিনিষ দেখে আমি হতাশ হয়েছি। দেখছি, দেশের মনের উপর বিষম একটা চাপ। বাইরে থেকে কিসের একটা তাড়নার সবাইকে এক কথা বলাতে এক কাজ করাতে ভয়ঙ্কর তাগিদ দিয়েছে।

আমি যখন প্রশ্ন করতে যাই বিচার করতে যাই আমার হিতৈষীরা ব্যাকুল হয়ে আমার মুখচাপা দিয়ে বলেন, আজ

তুমি কিছু বোলো না। দেশের হাওয়ার আজ প্রবল একটা উৎপীড়ন আছে—সে লাঠি-সড়্কির উৎপীড়ন নয়, তার চেয়ে ভয়ঙ্কর, সে অলক্ষ্য উৎপীড়ন। বর্তমান প্রচেষ্টা সংস্কারীদের মনে কিছুমাত্র সংশয় আছে, তাঁরা সেই সংশয় অতি ভয়ে ভয়ে অতি সাবধানে প্রকাশ করলেও পরমুহূর্তেই তার বিরুদ্ধে একটা শাসন ভিতরে ভিতরে উদ্যত হয়ে ওঠে। কোনো একটি খবরের কাগজে একদিন কাপড় পোড়ানো সংস্কারে অতি যত্নমন্ড মধুর কণ্ঠে একটুখানি আপত্তির আভাসমাত্র প্রকাশ পেয়েছিল; সম্পাদক বলেন, তার পরদিনই পাঠকমণ্ডলীর চাঞ্চল্য তাঁকে চঞ্চল করে তুললো। যে-আঙুনে কাপড় পুড়েছে সেই আঙুনে তাঁর কাগজ পুড়তে কতক্ষণ? দেখতে পাচ্ছি একপক্ষের লোক অত্যন্ত বাস্ত, আরেকপক্ষের লোক অত্যন্ত ত্রস্ত। কথা উঠেছে সমস্ত দেশের বুদ্ধিকে চাপা দিতে হবে, বিছাকেও। কেবল বাধ্যতাকে আঁকড়ে ধরে' থাকতে হবে। কার কাছে বাধ্যতা? মন্ত্রের কাছে, অন্ধবিশ্বাসের কাছে।

কেন বাধ্যতা? আবার সেই রিপূর কথা এসে পড়ে, সেই গোভ। অতি সত্তর অতি ছল'ভ ধন অতি সস্তায় পাবার একটা আশ্বাস দেশের সামনে জাগু'ছে। এ যেন সন্ন্যাসীর মন্ত্র-শক্তিতে সোনা ফলাবার আশ্বাস। এই আশ্বাসের প্রলোভনে মানুষ নিজের বিচারবুদ্ধি অনায়াসে জলাঞ্জলি দিতে পারে এবং অল্প যারা জলাঞ্জলি দিতে রাজি হয় না, তাদের পক্ষে বিষম ক্রুদ্ধ হয়ে ওঠে। বাহিরের স্বাতন্ত্র্যের নামে মানুষের অন্তরের স্বাতন্ত্র্যকে এই-রকমে বিনুশ্ট করা সহজ হয়। সকলের চেয়ে আক্ষেপের বিষয় এই যে সকলেই যে এই আশ্বাসে সম্পূর্ণ বিশ্বাস স্থাপন করে তা নয়, কিন্তু তারা বলে, এই প্রলোভনে দেশের একদল লোককে দিয়ে একটা বিশেষ উদ্দেশ্য সাধন করিয়ে নেওয়া যেতে পারে। "সত্যমেব জয়তে নানুতং" এটা যে-ভাষ্যের কথা সে-ভারত এঁদের মতে স্বরাজ পেতেই পারে না। আরো মুক্তি এই যে, যে-লাভের দাবী করা হচ্ছে তাঁর একটা নাম দেওয়া হয়েছে, কিন্তু সংজ্ঞা দেওয়া হয় নি। ভয়ের কারণটা অস্পষ্ট হলে সে যেমন অতি ভয়ঙ্কর হয়ে ওঠে, লোভের বিষয়টা অস্পষ্ট হলে তারও প্রবলতা বেড়ে যায়—কেননা তাঁর মধ্যে করণার কোনো বাধা থাকে না এবং প্রত্যেক লোকেই তাকে সম্পূর্ণ নিজেদের মনের মত

করে' গড়ে' নিতে পারে। জিজ্ঞাসা দ্বারা তাকে চেপে ধরতে গেলে সে এক আড়াল থেকে আরেক আড়ালে অতি সহজেই গা ঢাকা দেয়। এমনি করে একদিকে লোভের লক্ষ্যটাকে অনির্দিষ্টতার দ্বারা অত্যন্ত বড় করে তোলা হয়েছে; অতীতকে তার প্রাপ্তির সাধনাকে সময়ে এবং উপায়ে অত্যন্ত সঙ্কর্ণভাবে নির্দিষ্ট করে' দেওয়া হয়েছে। এমনভাবে লোকের মনকে মোহাবিষ্ট করে' তারপরে যখন তাকে বলা হয়, তোমার বুদ্ধি বিদ্যা-প্রশ্ন বিচার সমস্ত দাও ছাই করে, কেবল থাক তোমার বাধ্যতা, তখন সে রাজি হতে বিলম্ব করে না। কিন্তু কোনো একটা বাহানুষ্ঠানের দ্বারা অদূরবর্তী কোনো একটা বিশেষ মাসের বিশেষ তারিখে স্বরাজ্য লাভ হবে একথা যখন অতি সহজেই দেশের অধিকাংশ লোক বিনাতর্কে স্বীকার করে' নিলে এবং গদাহাতে সকল তর্ক নিরস্ত করতে প্রবৃত্ত হল, অর্থাৎ নিজের বুদ্ধির স্বাধীনতা বিসর্জন দিলে এবং অস্ত্রের বুদ্ধির স্বাধীনতা হরণ করতে উদ্যত হল, তখন সেটাই কি একটা বিষম ভাবনার কথা হল না? এই ভূতকেই ঝাড়া-বার জন্তে কি আমরা ওঝার খোঁজ করিনে? কিন্তু স্বয়ং ভূতই যদি ওঝা হয়ে দেখা দেয় তাহলেই ত বিপদের আর সীমা রইল না।

মহাত্মা তাঁর সত্যপ্রেমের দ্বারা ভারতের হৃদয় জয় করেচেন, সেখানে আমরা সকলেই তাঁর কাছে হার মানি। এই সত্যের শক্তিকে আমরা প্রত্যক্ষ করলুম এছাড়া আর্জ্জু আমরা কৃতার্থ। চিরন্তন সত্যকে আমরা পুঁথিতে পড়ি, কথায় বলি, যেক্ষণে তাকে আমরা সামনে দেখি সে আমাদের পূণ্যক্ষণ। বহুদিনে অকস্মাৎ আমাদের এই স্মরণ ঘটে। কনগ্রেস্ আমরা প্রতিদিন গড়তে পারি, প্রতিদিন ভাঙতে পারি, ভারতের প্রদেশে প্রদেশে ইংরেজিভাষায় পোলিটিকাল বক্তৃতা দিয়ে বেড়ানো আমাদের সম্পূর্ণ সাধ্যায়ত্ত, কিন্তু সত্যপ্রেমের যে-সোনার কাঠিতে শতবর্ষসরের স্তম্ভ চিত্ত জেগে ওঠে সে ত আমাদের 'পাড়ার স্ক্রাকরার দোকানে গড়াতে পারিনে। যার হাতে এই ছলভ জিনিষ দেখলুম তাঁকে আমরা প্রণাম করি।

কিন্তু সত্যকে প্রত্যক্ষ করা গরবও সত্যের প্রতি আমাদের নিষ্ঠা যদি দৃঢ় না হয় তাহলে ফল হল কি? প্রেমের সূতাকে প্রেমের দিকে ধ্বমন মানি, বুদ্ধির সত্যকে বুদ্ধির

দিকে তেমনি আমাদের মানতে হবে। কনগ্রেস্ প্রভৃতি কোনো রকম বাহানুষ্ঠানে দেশের হৃদয় জাগে নি, মহৎ-অস্ত্রের অকৃত্রিম প্রেমের স্পর্শে জাগল। আন্তরিক সত্যের এই প্রভাব যখন আমরা আজ এমন স্পষ্ট দেখতে পাচ্ছি তখন স্বরাজ্যলাভের বেলাতেই কি সেই সত্যকে আর আমরা বিশ্বাস করব না? উদ্বোধনের পালায় যাকে মানলুম, অনুষ্ঠানের পালায় তাকে বিসর্জন দিয়ে বসব?

মনে কর আমি বীণার ওস্তাদ খুঁজি। পূর্বে পশ্চিমে আমি নানা লোককে পরীক্ষা করে' দেখলুম কিন্তু হৃদয়ের ভূমি হল না। তারা শব্দ করে খুব, তারা কৌশল জানে বিস্তর, তারা রোজ্গার করে যথেষ্ট, কিন্তু তাদের বাহানুষ্ঠানে মনে প্রশংসা জাগে, প্রেম জাগে না। অবশেষে হঠাৎ একজনকে খুঁজে পাওয়া গেল তিনি তাঁর তারে ছুটি চারটি মৌড় লাগাবা মাত্র অস্ত্রের আনন্দ-উৎসের মুখে এতদিন যে-পাথর চাপা ছিল সেটা ধেন একমুহূর্তে গেল গলে'। এর কারণ কি? এই ওস্তাদের মনে যে আনন্দময়ী শক্তি আছে সে একটি সত্যকার জিনিষ, সে আপন আনন্দশিখা থেকে অতি সহজেই হৃদয়ে হৃদয়ে আনন্দশিখাকে জালিয়ে তোলে। আমি বুঝে নিলুম, তাঁকে ওস্তাদ বলে' মানলুম। তারপর আমার দরকার হল একটি বীণা তৈরি করানো। কিন্তু এই বীণা তৈরির বিদ্যায় যে-সত্যের দরকার সে আরেক জাতের সত্য। তার মধ্যে অনেক চিন্তা, অনেক শিক্ষা, অনেক বস্তু-তত্ত্ব, অনেক মাপজোখ, অনেক অধ্যবসায়। সেখানে আমার ওস্তাদ যদি আমার দরিদ্র অবস্থার প্রতি দয়া করে' হঠাৎ বলে' বসেন, "বাবা, বীণা তৈরি করাতে বিস্তর আয়োজনের দরকার, সে তুমি পেরে উঠবে না, তুমি বরঞ্চ এই কাঠির গায়ে একটা তার বেঁধে কঙ্কুর দাও; তাহলে অমুক মাসের অমুক তারিখে এই কাঠিই বীণা হয়ে বাজতে থাকবে।" তবে সে কথা খাটবে না; আসলে আমার গুরুর উচিত নয় আমার অক্ষমতার প্রতি দয়া করা। এ কথা তাঁর বলাই চাই, "এ-সব জিনিষ সংক্ষেপে এবং সস্তায় সারা যায় না।" তিনিই ত আমাদের স্পষ্ট বুঝিয়ে দেবেন যে, "বীণার একটি মাত্র তার নয়, এর উপকরণ বিস্তর, এর রচনাপ্রণালী সূক্ষ্ম, নিয়মে একটুমাত্র ক্রটি

হলে বেহুঁর বাজবে—অতএব জ্ঞানের তরকে ও নিয়মকে বিচারপূর্বক সবদে পালন করতে হবে।” দেশের হৃদয়ের গভীরতা থেকে সাড়া বের করা এই হল ওস্তাদজির বীণা বাজানো,—এই বিদ্যায় প্রেম যে কত বড় সত্য জিনিষ সেই কথাটা আমরা মহাত্মজির কাছ থেকে বিগুহ্ন করে’ শিখে নিতে বসেছি, এ সম্বন্ধে তাঁর প্রতি আমাদের শ্রদ্ধা অক্ষুণ্ণ থাক্। কিন্তু স্বরাজ গড়ে’ তোলবার তর বহুবিস্তৃত, তার প্রণালী ছঃসাধ্য এবং কালসাধ্য; তাতে যেমন আকাঙ্ক্ষা এবং হৃদয়বেগ তেমনি তথ্যাহুসকান এবং বিচারবুদ্ধি চাই। তাতে যারা অর্থশাল্যবিন্ তাঁদের ভাবতে হবে, যন্ত্রতন্ত্রবিন্ তাঁদের খাটতে হবে, শিক্ষাতন্ত্রবিন্ রাষ্ট্রতন্ত্রবিন্ সকলকেই ধ্যানে এবং কর্মে লাগতে হবে। অর্থাৎ দেশের অন্তঃ-করণকে সকল দিক থেকে পূর্ণ উদ্যমে জাগতে হবে। তাতে দেশের লোকের জিজ্ঞাসাবৃত্তি যেন সর্বদা নির্মল ও নিরভিভূত থাকে—কোনো গুঢ় বা প্রকাশ্য শাসনের দ্বারা সকলের বুদ্ধিকে যেন ভীক এবং নিশ্চেষ্ট করে’ তোলা না হয়। এই যে দেশের বিচিত্র শক্তিকে তলব দেওয়া এবং তাকে নিজের নিজের কাজে লাগানো, এ পারে কে? সকল ডাকে ত দেশ সাড়া দেয় না, পূর্বে ত বারবার তার পরীক্ষা হয়ে গেছে। দেশের সকল শক্তিকে দেশের সৃষ্টিকার্যে আজ পর্যন্ত কেউ যোগযুক্ত করতে পারেন নি বলেই ত এতদিন আমাদের সময় বয়ে গেল। তাই এতকাল অপেক্ষা করে’ আছি, দেশের লোককে ডাক দেবার য়ার সত্য অধিকার আছে তিনিই সকলকে সকলের আশ্রয়শক্তিতে নিযুক্ত করে’ দেবেন। একদিন ভারতের তপোবনে আমাদের দীক্ষাগুরু তাঁর সত্যজ্ঞানের অধিকারে দেশের সমস্ত ব্রহ্মচারীদের ডেকে বলেছিলেন, যথাপঃ প্রবতারস্তি, যথা মাঙ্গা অহর্জরম্ এবং মাং ব্রহ্মচারিণো ধাত আয়ত্ত্ব সর্বতঃ স্বাহা— জলসকল যেমন নিম্নদেশে গমন করে, মাস-সকল যেমন সংবৎসরের দিকে ধাবিত হয়, তেমনি সকল দিক থেকে ব্রাহ্মচারিগণ আমার নিকটে আসুন, স্বাহা। সেদিনকার সেই সত্যদীক্ষার ফল আজও জগতে অমর হয়ে আছে এবং তার আহ্বান এখনও বিশ্বের কানে বাজে। আজ আমাদের কর্মগুরু তেমনি করেই দেশের সমস্ত কর্মশক্তিকে কেন আহ্বান করবেন না, কেন বলবেন না,

আয়ত্ত্ব সর্বতঃ স্বাহা—তারা সকল দিক থেকে আসুক। দেশের সকল শক্তির জাগরণেই দেশের জাগরণ,—এবং সেই সর্বতোভাবে জাগরণেই মুক্তি। মহাত্মজির কণ্ঠে বিধাতা ডাকবার শক্তি দিয়েছেন, কেন না তাঁর মধ্যে সত্য আছে, অতএব এই ত ছিল আমাদের শুভ অবসর। কিন্তু তিনি ডাক দিলেন একটিমাত্র সক্ষীর্ণ ক্ষেত্রে। তিনি বললেন—কেবলমাত্র সকলে মিলে সূতো কাটো, কাপড় বোনো। এই ডাক কি “সেই আয়ত্ত্ব সর্বতঃ স্বাহা!” এই ডাক কি নবযুগের মহাসৃষ্টির ডাক? বিশ্ব-প্রকৃতি যখন মৌমাছিকে মৌচাকের সক্ষীর্ণ জীবনযাত্রায় ডাক দিলেন তখন লক্ষ লক্ষ মৌমাছি সেই আহ্বানে কর্মের সুবিধার জন্তে নিজেকে ক্লীব করে’ দিলে; আপনাকে খর্ব করার দ্বারা এই যে তাদের আশ্রয়ত্যাগ এ’তে তারা মুক্তির উন্টোপথে গেল। যে-দেশের অধিকাংশ লোক কোনো প্রলোভনে বা অনুশাসনে অন্ধভাবে নিজের শক্তির ক্লীবত্ব সাধন করতে কুণ্ঠিত হয় না, তাদের বন্দিদশা যে তাদের নিজের অন্তরের মধ্যেই। চরকা কাটা এক দিকে অত্যন্ত সহজ, সেইজন্তেই সকল মানুষের পক্ষে তা শক্ত। সহজের ডাক মানুষের নয়, সহজের ডাক মৌমাছির। মানুষের কাছে তার চূড়ান্ত শক্তির দাবী করলে তবেই সে আশ্রয়প্রকাশের ঐশ্বর্য উদ্ঘাটিত করতে পারে। স্পার্টা বিশেষ লক্ষ্যের দিকে তাকিয়ে মানুষের শক্তিকে সক্ষীর্ণ করে’ তাকে বল দেবার চেষ্টা করেছিল, স্পার্টার জয় হয় নি; এথেন্স্ মানুষের সকল শক্তিকে উন্মুক্ত করে’ তাকে পূর্ণতা দিতে চেয়েছিল, এথেন্সের জয় হয়েছে; তার সেই জয়পতাকা আজও মানব-সভ্যতার শিখর-চূড়ায় উড়্চে। যুরোপে সৈনিকাবাসে কারখানাঘরে মানবশক্তির ক্লীবত্বসাধন করতে না কি,—লোভের বশে উদ্দেশ্যসাধনের খাতিরে মানুষের মনুষ্যত্বকে সক্ষীর্ণ করে’ ছেঁটে দিচ্ছে না কি? আর এইজন্তেই কি যুরোপীয় সমাজে আজ নিরানন্দ ঘনীভূত হয়ে উঠ্চে না? বড় কলের দ্বারাও মানুষকে ছোট করা যায়, ছোট কলের দ্বারাও করা যায়। এঞ্জিনের দ্বারাও করা যায়, চরকার দ্বারাও। চরকা যেখানে স্বাভাবিক সেখানে সে কোনো উপদ্রব করে না, বরঞ্চ উপকার করে—

মানবমনের বৈচিত্র্যবশতই চরুকা যেখানে স্বাভাবিক নয় সেখানে চরুকার সূতা কাটার চেয়ে মন কাটা যায় অনেক-খানি। মন জিনিষটা সূতার চেয়ে কম মূল্যবান নয়।

একটি কথা উঠেছে এই যে, ভারতে শতকরা আশিজন লোক চাষ করে এবং তারা বছরে ছয় মাস বেকার থাকে, তাদের সূতা কাটতে উৎসাহিত করবার জন্তে কিছুকাল সকল ভদ্রলোকেই চরুকা ধরা দরুকার। প্রথম আবশ্যক হচ্ছে যথোচিত উপায়ে তথ্যানুসন্ধান দ্বারা এই কথাটি প্রতিপন্ন করা। অর্থাৎ কি পরিমাণ চাষা কতদিন পরিমাণ বেকার থাকে। যখন চাষ বন্ধ তখন চাষারা কোনো উপায়ে যে-পরিমাণ জীবিকা অর্জন করে সূতাকাটার দ্বারা তার চেয়ে বেশি অর্জন করবে কি না। চাষ ব্যতিরেকে জীবিকার একটিমাত্র উপায়ের দ্বারা সমস্ত কৃষাণকে বন্ধ করা দেশের কল্যাণের পক্ষে উচিত কি না সে সম্বন্ধেও সন্দেহ আছে। কিন্তু মূল কথা এই যে, কারো মুখের কথায় কোনো অনুমানমাত্রের উপর নির্ভর করে' আমরা সর্বজনীন কোনো পত্র অবলম্বন করতে পারব না, আমরা বিশ্বাস-যোগ্য প্রণালীতে তথ্যানুসন্ধান দাবী করি। তার পরে উপায়ের যথাযোগ্যতা সম্বন্ধে বিচার করা সম্ভবপর।

আমাকে কেউ ফেউ বলেচেন, দেশের চিত্তশক্তিকে আমরা ত চিরদিনের জন্তে সঞ্চার করতে চাইনে, কেবল অতি অল্পকালের জন্তে। কেনই বা অল্পকালের জন্তে? যে-হেতু এই অল্পকালের মধ্যে এই উপায়ে আমরা স্বরাজ পাব? তার যুক্তি কোথায়? স্বরাজ ত কেবল নিজের কাপড় নিজে জোগানো নয়। স্বরাজ ত একমাত্র আমাদের বন্ধস্বচ্ছলতার উপর প্রতিষ্ঠিত নয়। তার যথার্থ ভিত্তি আমাদের মনের উপর—সেই মন তার বহুধাশক্তির দ্বারা এবং সেই আত্মশক্তির উপর আস্থা দ্বারা, স্বরাজ সৃষ্টি করতে থাকে। এই স্বরাজ-সৃষ্টি কোনো দেশেই ত শেষ হয় নি—সকল দেশেই কোনো-না-কোনো অংশে লোভ বা মোহের প্ররোচনার বন্ধনদশা থেকে গেছে। কিন্তু সেই বন্ধনদশার কারণ মানুষের চিত্তে। সে-সকল দেশে নিরন্তর এই চিত্তের উপর দাবী করা হচ্ছে। আমাদের দেশেও সেই চিত্তের বিকাশের উপরেই স্বরাজ দাঁড়াতে পারবে। তার জন্তে কোনো বাহ্য ক্রিয়া বাহ্য ফল নয়, জ্ঞান

বিজ্ঞান চাই। দেশের চিত্তপ্রতিষ্ঠিত এই স্বরাজকে অল্পকাল করেকদিন চরুকা কেটে আমরা পাব, এর যুক্তি কোথায়? যুক্তির পরিবর্তে উক্তি ত কোনোমতেই চলবে না। মানুষের মুখে যদি আমরা দৈববাণী শুনতে আরম্ভ করি তা হলে আমাদের দেশে, যে হাজার রকমের মারাত্মক উপসর্গ আছে এই দৈববাণী যে তারই মধ্যে অগ্রতম এবং প্রবলতম হয়ে উঠবে। একবার যদি দেখা যায় যে, দৈববাণী ছাড়া আর-কিছুতেই আমাদের দেশ নড়ে না, তাহলে আশুপ্রয়ো-জনের গরজে সকালে সকালে দৈববাণী বানাতে হবে—অল্প সকল-রকম বাণীই নিরন্তর হয়ে যাবে। যেখানে যুক্তির অধিকার সেখানে উক্তি দিয়ে যাদের ভোলাতে হবে, তাদের পক্ষে, যেখানে আত্মার অধিকার সেখানে কোনো-না-কোনো কর্তার আসন পড়বেই। তারা স্বরাজের গোড়া কেটে বসে' আছে, আগায় জল ঢেলে কোন ফল হবে না। একথা মানুচি, আমাদের দেশে দৈববাণী, দৈব ঔষধ, বাহ্যব্যাপারে দৈবক্রিয়া, এ-সবের প্রভাব খুবই বেশি, কিন্তু সেইজন্তেই আমাদের দেশে স্বরাজের ভিত্তিপত্তন করতে হলে দৈববাণীর আসনে বিশেষ করে' বুদ্ধির বাণীকে পাকা করে' বসাতে হবে। কেন না, আমার পূর্বের প্রবন্ধে বলেছি, দৈব স্বয়ং আধি-ভৌতিক রাজ্যে বুদ্ধির রাজ্যাভিষেক করেচেন। তাই আজ বাইরের বিধে তারাই স্বরাজ পাবে এবং তাকে রক্ষা করতে পারবে যারা আত্মবুদ্ধির জোরে আত্মকর্তৃত্বের গৌরব উপলব্ধি করতে পারে—যারা সেই গৌরবকে কোনো লোভে কোনো মোহে পরের পদানত করতে চায় না। এই যে আজ বস্ত্রাভাবে লজ্জাকাতরা মাতৃভূমির প্রান্তরে রাশীকৃত করে' কাপড় পোড়ানো চলচে, কোন্ বাণীতে দেশের কাছে আজ তার তাগিদ আসচে? সে কি ঐ দৈববাণীতে নয়? কাপড় ব্যবহার বা বর্জন ব্যাপারে অর্থশাস্ত্রিকত্বের ঘনিষ্ঠ যোগ আছে—এ-সম্বন্ধে সেই তত্ত্বের ভাষাতেই দেশের সঙ্গে কথা কইতে হবে;—বুদ্ধির ভাষা মাগু করা যদি বহু-দিন থেকে দেশের অভ্যাসবিরুদ্ধ হয়, তবে আর-সব ছেড়ে দিয়ে ঐ অনভ্যাসের সঙ্গেই লড়াই করতে হবে। কেন না এই অনভ্যাসই আমাদের পক্ষে গোড়ায় গলদ, original sin। সেই গলদটারই খাতিরে, সেই গলদকেই প্রশ্রয় দিয়ে আজ ঘোষণা করা হয়েছে, বিদেশী কাপড় অপবিত্র

অতএব তাকে দণ্ড কর। অর্থশাস্ত্রকে বহিষ্কৃত করে' তার জায়গার ধর্মশাস্ত্রকে জোর করে' টেনে আনা হল। অপবিত্র কথাটা ধর্মশাস্ত্রের কথা,—অর্থের নিয়মের উপরের কথা। মিথ্যাকে বর্জন করতে হবে কেন, মিথ্যা অপবিত্র কেন, তার দ্বারা আমাদের প্রয়োজন সিদ্ধ হয় না বা নষ্ট হয় বলেই যে তা নয়। 'হোক বা না হোক, তার দ্বারা আমাদের আত্মা মলিন হয়। অতএব এক্ষেত্রে অর্থশাস্ত্র বা রাষ্ট্রশাস্ত্রের কথা খাটে না, এখানে ধর্মশাস্ত্রেরই বাণী প্রবল। কিন্তু কোনো কাপড় পরা বা না-পরার মধ্যে যদি কোনো ভুল থাকে তবে সেটা অর্থতত্ত্বের বা স্বাস্থ্যতত্ত্বের বা সৌন্দর্য্যতত্ত্বের ভুল—এটা ধর্মতত্ত্বের ভুল নয়। এর উত্তরে কেউ কেউ বলেন, যে-ভুলে দেহমনের দুঃখ আনয়ন করে সেইটেই অধর্ম। আমি তার উত্তরে এই বলি, ভুলমাত্রেরই দুঃখ আছে—জিয়োমেট্রির ভুলে রাস্তা খারাপ হয়, ভিৎ বাঁকা হয়, সাঁকো নির্মাণে এমন গলদ ঘটে যে, তার উপর রেলগাড়ি চললে ভয়ঙ্কর দুর্ঘটনা অবশ্যসম্ভাবী। কিন্তু এই ভুলের সংশোধন ধর্মশাস্ত্রের মতে হয় না। অর্থাৎ ছেলেরা যে-খাতার জিয়োমেট্রির ভুল করে, অপবিত্র বলে' সেই খাতা নষ্ট করে' এ ভুলের সংশোধন হয় না, জিয়োমেট্রিরই সত্য নিয়মে সেই খাতাকে সংশোধন করতে হবে। কিন্তু মাষ্টার-মশায়ের মনে এ কথা উঠতে পারে যে, ভুলের খাতাকে অপবিত্র যদি না বলি, তা হলে এরা ভুলকে ভুল বলে' গণ্য করবে না। তা যদি সত্য হয়, তা হলে অন্য-সব কাজ ছেড়ে সকলপ্রকার উপায়ে এই চিত্তগত দোষকে সংশোধন করতে হবে, তবেই এ ছেলেরা মানুষ হতে পারবে। কাপড় পোড়ানোর হুকুম আজ আমাদের 'পরে এসেছে। সেই হুকুমকে হুকুম বলে' আমি মানতে পারব না, তার প্রথম কারণ হচ্ছে এই যে, চোখ বুজে হুকুম মানার বিষম বিপত্তি থেকে দেশকে উদ্ধার করবার জন্তে আমাদের লড়তে হবে—এক হুকুম থেকে আরেক হুকুমে তাকে ঘুরিয়ে হুকুম-সমুদ্রের সাতঘাটে তাকে জল খাইয়ে মারতে পারব না। দ্বিতীয় কথা হচ্ছে এই যে, যে-কাপড় পোড়ানোর আয়োজন চলছে সে আমার কাপড় নয়, বসন্ত দেশবাসীদের মধ্যে যাদের আজ কাপড় নেই এ কাপড় তাদেরই, ও কাপড় আমি পোড়াবার কে? যদি তারা

বলে পোড়াও, তাহলে অন্তত আত্মঘাতীর 'গরেই আত্ম-হত্যার ভার দেওয়া হয়, তাকে বধ করবার ভার আমাদের উপর পড়ে না। যে-মানুষ ত্যাগ করছে তার অনেক কাপড় আছে আর যাকে জোর করে' ত্যাগহুঃখ ভোগ করাচ্ছি কাপড়ের অভাবে সে ঘরের বার হতে পারছে না। এমনতর জবরদস্তির প্রায়শ্চিত্তে পাপক্ষালন হয় না। বারবার বলেছি আবার বলব, বাহ্য ফলের লোভে আমরা মনকে খোয়াতে পারব না। যে-কলের দোরাছ্যা সমস্ত পৃথিবী পীড়িত, মহাআজি সেই কলের সঙ্গে লড়াই করতে চান, এখানে আমরা তাঁর দলে। কিন্তু যে মোহমুগ্ধ মগ্নমুগ্ধ অন্ধবাধ্যতা আমাদের দেশের সকল দৈন্ত ও অপমানের মূলে, তাকে সহায় করে' এ লড়াই করতে পারব না। কেন না তারই সঙ্গে আমাদের প্রধান লড়াই—তাকে তাড়াতে পারলে তবেই আমরা অন্তরে বাহিরে স্বরাজ্য পাব।

কাপড় পোড়াতে আমি রাজি আছি, কিন্তু কোনো উক্তির তাড়নায় নয়। বিশেষজ্ঞ ব্যক্তির যথেষ্ট সময় নিয়ে যথোচিত উপায়ে প্রমাণ সংগ্রহ করুন এবং স্মৃতি দ্বারা আমাদের বুঝিয়ে দিন যে, কাপড়-পরা সম্বন্ধে আমাদের দেশ অর্থনৈতিক যে-অপরাধ করেছে অর্থনৈতিক কোন ব্যবস্থার দ্বারা তার প্রতীকার হতে পারে। বিনা প্রমাণে বিনা যুক্তিতে কেমন করে' নিশ্চিত বলব যে, বিশেষ একটা কাপড় পরে' আমরা আর্থিক যে অপরাধ করেছি কাপড়টাকে পুড়িয়ে সেই অপরাধের মূলটাকে আরও বিস্তারিত করে' দিচ্চিনে, ম্যাগেষ্টারের ফাঁস তাঁতে পরিণামে ও পরিমাণে আরও কঠিন হয়ে উঠবে না? এ তর্ক আমি বিশেষজ্ঞভাবে উত্থাপিত করচিনে, কেন না আমি বিশেষজ্ঞ নই, আমি জিজ্ঞাসুভাবেই করছি। বিশেষজ্ঞ যা বলেন তাই যে বেদবাক্য আমি তা বলিনে। কিন্তু স্মৃতি এই যে বেদবাক্যের ছন্দে তাঁরা কথা বলেন না। প্রকাশ্য সভায় তাঁরা আমাদের বুদ্ধিকে আহ্বান করেন।

একটি কথা আমাদের মনে ভাববার দিন এসেছে, সে হচ্ছে এই,—ভারতের আজকের এই উদ্বোধন সমস্ত পৃথিবীর উদ্বোধনের অঙ্গ। এটি মহাযুদ্ধের তুর্য্যধ্বনিতে আজ যুগান্তের দ্বার খুলেছে। মহাভারতে পড়েছি, প্রকাশ হবার পূর্ববর্তী কাল হচ্ছে অজ্ঞাতবাসের কাল। কিছুকাল থেকে

পৃথিবীতে মানুষ যে পরস্পর কি-রকম ঘনিষ্ঠ হয়ে এসেছে সেই-কথাটা স্পষ্ট হওয়া সত্ত্বেও অজ্ঞাত ছিল। অর্থাৎ ঘটনাটা বাইরে ছিল, আমাদের মনে প্রবেশ করে নি। যুদ্ধের আঘাতে একমুহূর্তে সমস্ত পৃথিবীর মানুষ যখন বিচলিত হয়ে উঠল তখন এই কথাটা আর লুকোনো রইল না। হঠাৎ একদিনে আধুনিক সভ্যতা অর্থাৎ পাশ্চাত্য সভ্যতার ভিত্তি কেঁপে উঠল। বোঝা গেল এই কেঁপে ওঠার কারণটা স্থানিক নয় এবং ক্ষণিক নয়—এর কারণ সমস্ত পৃথিবী জুড়ে। মানুষের সঙ্গে মানুষের যে-সম্বন্ধ এক মহাদেশ থেকে আরেক মহাদেশে ব্যাপ্ত, তার মধ্যে সত্যের সামঞ্জস্য ঘটকণ না ঘটবে তত্তক্ষণ এই কারণের নিবৃত্তি হবে না। এখন থেকে যে-কোনো জাত নিজের দেশকে একান্ত স্বতন্ত্র করে দেখবে বর্তমান যুগের সঙ্গে তার বিরোধ ঘটবে, সে কিছুতেই শাস্তি পাবে না। এখন থেকে প্রত্যেক দেশকে নিজের জগৎ যে চিন্তা করতে হবে তার সে চিন্তার ক্ষেত্র হবে জগৎজোড়া। চিন্তের এই বিশ্বমুখী বৃত্তির চর্চা করাই বর্তমান যুগের শিক্ষার সাধনা। কিছুদিন থেকে আমরা দেখতে পাচ্ছি, ভারতরাষ্ট্রশাসনে একটা মূলনীতির পরিবর্তন হচ্ছে। এই পরিবর্তনের মূলে আছে ভারতরাষ্ট্রসমস্যাকে বিশ্বসমস্যার অন্তর্গত করে' দেখবার চেষ্টা। যুদ্ধ আমাদের মনের সামনে থেকে একটা পর্দা ছিঁড়ে দিয়েছে—যা বিশ্বের স্বার্থ নয় তা যে আমাদের নিজের স্বার্থের বিরোধী এই কথাটিকে মানুষ, পৃথিবীর পাতায় নয়, বাবহারের ক্ষেত্রে আজ দেখতে পাচ্ছে; এবং সে বুঝে, যেখানে অগ্রায় আছে সেখানে বাহ্য অধিকার থাকলেও সত্য অধিকার থাকে না। বাহ্য অধিকারকে ধরুঁ করে'ও যদি সত্য অধিকার পাওয়া যায় তবে সেটাতে লাভ ছাড়া লোকমান নেই। মানুষের মধ্যে এই যে একটা বুদ্ধির বিরাট পরিবর্তন ঘটেছে, তার চিত্ত সঙ্কীর্ণ থেকে ভূমার দিকে যাচ্ছে, তারই হাত এই ভারত-রাষ্ট্রনীতি-পরিবর্তনের মধ্যে কাজ করতে আরম্ভ করেছে। এর মধ্যে যথেষ্ট অসম্পূর্ণতা ও প্রভূত বাধা আছে;—স্বার্থবুদ্ধি শুভবুদ্ধিকে পদে পদে আক্রমণ করবেই, তাই বলে' একথা মনে করা অগ্রায় যে, এই শুভবুদ্ধিই সম্পূর্ণ কপটতা এবং স্বার্থবুদ্ধিই সম্পূর্ণ অকৃত্রিম। আমার এই ষাটবৎসরের অভিজ্ঞতায় একটি কথা স্মেনেচি যে, কপটতার মত দুঃসাধ্য

অতএব ছলভ জিনিষ আর নেই। খাঁটি কপট মানুষ হচ্ছে ক্ষণজন্মা লোক, অতি অকস্মাৎ তার আবির্ভাব ঘটে। আসল কথা, সকল মানুষের মধ্যেই কমবেশি পরিমাণে চারিত্রের বৈধ আছে। আমাদের বুদ্ধির মধ্যে লজিকের যে কল পাতা, তাতে দুই বিরোধী পদার্থকে ধরানো কঠিন বলেই ভালোর সঙ্গে যখন মন্দকে দেখি তখন তাড়াতাড়ি ঠিক করে' নিই, এর মধ্যে ভালোটাই চাতুরী। আজকের দিনে পৃথিবীতে সর্বজনীন যে-সকল প্রচেষ্টা চলছে তার মধ্যে পদে পদে মানুষের এই চারিত্রের বৈধ দেখা যাবে। সে অবস্থায় তাকে যদি তার অতীতযুগের দিক থেকে বিচার করি তাহলে তার স্বার্থবুদ্ধিকে মনে করব খাঁটি, কারণ, তার অতীতের নীতি ছিল ভেদবুদ্ধির নীতি। কিন্তু তাকে যদি আমাদের আগামীকালের দিক থেকে বিচার করি তাহলে বুঝব শুভবুদ্ধিটাই খাঁটি। কেননা ভাবীযুগের একটা প্রেরণা এসেছে মানুষকে সংযুক্ত করবার জগৎ। যে-বুদ্ধি সকলকে সংযুক্ত করে সেই হচ্ছে শুভবুদ্ধি। এই যে লীগ অফ নেশন্স প্রতিষ্ঠা বা ভারতশাসনসংস্কার, এ-সব হচ্ছে ভাবী যুগ সম্বন্ধে পশ্চিমদেশের বাণী। এ বাণী সত্যকে যদি বা সম্পূর্ণ প্রকাশ না করে, এর চেষ্টা হচ্ছে সেই সত্যের অভিমুখে।

আজ এই বিশ্বচিত্ত-উদ্বোধনের প্রভাতে আমাদের দেশে জাতীয় কোনো প্রচেষ্টার মধ্যে যদি বিশ্বের সর্বজনীন কোনো বাণী না থাকে তাহলে তাতে আমাদের দীনতা প্রকাশ করবে। আমি বল্চিনে, আমাদের আশু-প্রয়োজনের যা-কিছু কাজ আছে তা আমরা ছেড়ে দেব। সকাল বেলায় পাখী যখন জাগে তখন কেবলমাত্র আহার অন্বেষণে তার সমস্ত জাগরণ নিযুক্ত থাকে না, আকাশের আহ্বানে তার দুই অক্লান্ত পাখা সায় দেয় এবং আলোকের আনন্দে তার কর্ণে গান জেগে ওঠে। আজ সর্বমানবের চিত্ত আমাদের চিত্তে তার ডাক পাঠিয়েছে; আমাদের চিত্ত আমাদের ভাষায় তার সাদা' দিক,—কেননা ডাকের যোগ্য সাদা দেওয়ার ক্ষমতাই হচ্ছে প্রাণশক্তির লক্ষণ। একদা যখন পরমুখাপেক্ষী পলিটিক্সে সংস্কৃত ছিলাম তখন আমরা কেবলি পয়ের অপ-রাধের তালিকা আউড়ে পরকে তার কর্তব্য-ক্রটি স্মরণ করিয়েচি—আজ যখন আমরা পর-পরায়ণতা থেকে আমাদের পলিটিক্সকে ছিন্ন করতে চাই, আজও সেই

পরের অপরাধ অপের দ্বারাই আমাদের বর্জননীতির পোষণ পালন করতে চাচ্ছি। তাতে উত্তরোত্তর আমাদের যে-মনোভাব প্রবল হয়ে উঠে সে আমাদের চিত্তের আকাশে রক্তবর্ণ ধূলো উড়িয়ে বৃহৎ জগৎ থেকে আমাদের চিন্তাকে আবৃত করে রাখছে। প্রবৃত্তির দ্রুত চরিতার্থতার দিকে আমাদের উত্তেজনা সে কেবলি বাড়িয়ে তুলছে। সমস্ত বিশ্বের সঙ্গে যোগযুক্ত ভারতের বিরাট রূপ চোখে না পড়াতে আমাদের কর্ণে ও চিন্তায় ভারতের যে-পরিচয় আমরা দিতে প্রবৃত্ত হয়েছি সে অতি ছোট, তার দীপ্তি নেই; সে আমাদের ব্যবসায়বুদ্ধিকেই প্রধান করে তুলছে। এই বুদ্ধি কখনো কোনো বড় জিনিষকে সৃষ্টি করে নি। আজ পশ্চিমদেশে এই ব্যবসায়বুদ্ধিকে অতিক্রম করে শুভবুদ্ধি জাগিয়ে তোলবার জন্তে একটা আকাঙ্ক্ষা এবং উদ্যম দেখা দিয়েছে। সেখানে কত লোক দেখেছি যারা এই সঙ্কল্পকে মনের মধ্যে নিয়ে আজ সন্ন্যাসী। অর্থাৎ যারা স্বাজাত্যের বাধন কেটে ঐক্যের সাধনায় ঘরছাড়া হয়ে বেরিয়েছে, যারা নিজের অন্তরে মানুষের ভিতরকার অদ্বৈতকে দেখেছে। সেই-সব সন্ন্যাসীকে ইংরেজের মধ্যে অনেক দেখেছি; তাঁরা তাঁদের স্বজাতির আত্মস্মৃতি থেকে হ্রস্বলকে রক্ষা করবার সাধনায় স্বজাতির কাছ থেকে আঘাত

ও অপমান স্বীকার করতে কুণ্ঠিত হন নি। সেইরকম সন্ন্যাসী দেখেছি ফ্রান্সে; যেমন রোম্যাঁ রসাঁ,—তিনি তাঁর দেশের লোকের দ্বারা বর্জিত। সেইরকম সন্ন্যাসী আমি যুরোপের অপেক্ষাকৃত অখ্যাত দেশের প্রান্তে দেখেছি। দেখেছি যুরোপের কত ছাত্রের মধ্যে; সর্বমানবের ঐক্য-সাধনায় তাদের মুখচ্ছবি দীপ্যমান। তারা ভাবীযুগের মহিমায় বর্তমান যুগের সমস্ত আঘাত ধৈর্যের সঙ্গে বহন করতে চায়, সমস্ত অপমান বীর্যের সঙ্গে ক্ষমা করতে চায়। আর আমরাই কি কেবল যেমন “পঞ্চকল্যাণস্বরেন্নিত্যং” তেমনি করে আজ এই শুভদিনের প্রভাতে কেবল পরের অপরাধ স্বরণ করব, এবং আমাদের জাতীয়সৃষ্টিকার্য্য একটা কলহের উপর প্রতিষ্ঠিত করতে থাকব? আমরা কি এই প্রভাতে সেই শুভবুদ্ধিদাতাকে স্বরণ করব না—য একঃ, যিনি এক; অবর্ণঃ, যিনি বর্ণহীন, যার মধ্যে শাদা কালো নেই; বহুধাশক্তিয়োগাৎ বর্ণাননেক্যান্ নিহিতার্থো দধতি, যিনি বহুধাশক্তির যোগে অনেক বর্ণের লে কের জন্তু তাদের অন্তর্নিহিত প্রয়োজন বিধান করেছেন;—আর তাঁরই কাছে কি প্রার্থনা করব না, স নো বুদ্ধ্যা শুভয়া সংযুক্তঃ, তিনি আমাদের সকলকে শুভবুদ্ধিদ্বারা সংযুক্ত করুন!

শ্রীরবীন্দ্রনাথ ঠাকুর।

রজনীগন্ধা

(১৩)

ঋণিকাদের প্রবাস হইতে ফিরিবার দিন অগ্রসর হইয়া আসিতেছিল। দিনগুলোর মত মানুষ ক'জনের মন কিন্তু ততখানি অগ্রসর হইতে চাহিতেছিল না। একমাত্র যেনু থাকিয়া থাকিয়া খুব খানিকটা উৎসাহ প্রকাশ করিয়া ফেলিত। তাহার মোনা ও সোনার নাকি স্কুল খুলিয়া গিয়াছে, আর বসিয়া থাকা চলে না।

যাহা হউক যাওয়ার দিনটা আসিয়াই পড়িল। মানুষে অনেকসময়েই মুখে বলে, এবং কোনো কোনো সময়ে মনেও ভাবে, যে, আপনার ইচ্ছামত কাজ করিবার শক্তি

বুঝি যথার্থই তাহাদের আছে। কিন্তু যে অজানা অনামা শক্তি আমাদের এই সংসারে একস্থান হইতে আর এক স্থানে, এক মনোভাব হইতে আর এক মনোভাবে, বন্ধন-হীনতা হইতে বন্ধনের দিকে, পাওয়ার আগ্রহ হইতে দেওয়ার ব্যাকুলতার দিকে কেবলি ঘুরাইয়া মারে, সে কি আমাদেরই ইচ্ছা? না সেই অপরিচিতা কৌতুক-ময়ীর সহিত আমাদের মনোলোকবাসিনী ইচ্ছার সখী-সম্পর্ক পাকাইয়া আমরা মানুষের আত্মাভিমান তৃপ্ত করিবার ব্যর্থ চেষ্টা করি মাত্র?

আবার সেই যাত্রার কোণাঙ্গল ঋণিকাকে, চারিদিক

হইতে উত্যক্ত অধীর করিয়া তুলিল। তবে প্রবাসে যাত্রা করিবার আয়োজন এবং প্রবাসান্তে গৃহে ফিরিবার আয়োজনের মধ্যে অনেকখানি যে পার্থক্য আছে তাহা নারী মাত্রেই স্বীকার না করিয়া পারে না। যে ঘর দুদিনের জন্ত মাত্র ছাড়িয়া যাইতে হয়, তাহাকে কত শত ব্যবহার বন্ধনে যে বাঁধিয়া যাইতে হয়, তাহার ত আর আদি-অন্ত নাই। কিন্তু যে ঘরে আর জীবনে কোনদিন পদার্পণ করিবার কোন সম্ভাবনা দেখা যায় না, তাহাকে ত পথের ধুলার মত অত্যন্ত নিশ্চিত্ত মনে ছাড়িয়া ফেলিতে পারা যায়, সে গৃহের ভবিষ্যতের ভাবনা মনকে কোনখানেও ভারাক্রান্ত করে না। তাহা ছাড়া আসিবার বেলা কোন্ জিনিষটি যে অতি প্রয়োজনীয়, এবং কাহাকে যে না হইলেও দুদিন চলে এই নির্কীচনের পালাতেই মেজাজ ক্রমে উপরে উঠিতে থাকে এবং দেহের বল ক্রমেই জমার দিক ছাড়িয়া খরচের কোঠায় যাত্রা করে। কিন্তু ফিরিবার বেলা ভাবিবার ত কিছু নাই। যাহা আনা হইয়াছে, তাহা সবই যে লইয়া যাইতে হইবে এবিষয়ে কোথাও কাহারও কোনো সন্দেহ দেখা যায় না। জিনিষগুলিকে কোনোপ্রকারের বন্ধনের বেঁধনে আবদ্ধ করিতে পারিলেই হইল।

পরদিন গাড়ী রিজার্ভ হইয়া গিয়াছে শুনিয়া, এইরূপ সহস্র ভাবনা ভাবিতে ভাবিতে ক্ষণিকা ইতস্ততঃ বিক্ষিপ্ত জিনিষপত্র একত্র করিবার চেষ্টা করিতেছিল। কিন্তু দেখা গেল ব্যাপারখানি যতখানি সোজাশুষ্ক মনে করিয়া সে কর্মক্ষেত্রে মামিয়াছিল, ঠিক ততখানি সোজা ঠেকিল না। কলিকাতা হইতে যে জিনিষগুলি এখানে বহন করিয়া আনা হইয়াছিল, সেগুলি ও তাহাদের বাহন বাস-প্যাট্রাগুলি ত আছেই, কিন্তু এই দুই তিন মাসের প্রবাসের ফলে বেহু যে দুই তিন মণ পাথরের টুকরা জোগাড় করিয়াছে এবং গৃহিণীও যে অকুণ্ঠিত মনে সহস্র প্রকারের গৃহস্থালী ও গৃহসজ্জার উপকরণ আহরণ করিয়া রাখিয়াছেন, তাহাদের কথা সে বেশ ভুলিয়া বসিয়া ছিল। গৃহিণীকে বলিয়া কহিয়া যদি বা সে দুই-চারিখানা হাঁড়ী-কুড়ী কমাইতে পারিল, কিন্তু বেগুর অধিকারে হস্তক্ষেপ করিবার সাহস তাহার হইল না। দুই-টুকরা পাথর সরানো কিছু শঙ্ক নয়, কিন্তু তাহদের ফলে বেগুর মনের উপর যে

পাষণ্ডভার চাপিয়া বসিল তাহা দুই করা আর সাধ্যের অতীত। অতএব ইট, পাথর, স্টেটের টুকরা, সব নির্কীচাবে বাস্তব স্থান দিয়া ক্ষণিকাও বাঁচিল, বেগুও নিশ্চিত্ত হইল। তবুও কথায় বলে “স্বভাব যায় না ম’লে।” তর্কে হারমানা নিশ্চিত্ত জানিয়াও ক্ষণিকা বলিল, “বেগু, অত পাথর নাই নিয়ে গেলে? দু চার খানা রেখে যাও না?”

বেগুর ঠোট দুলিতে আরম্ভ করিল, সে বলিল, “না খাণ্ডুলি হবে।”

ক্ষণিকা বলিল, “খাণ্ডুলি কি কল্কাতায় আছে বে হবে? সে ত এখানে। বেশ ত এইখানে রেখে যাও না?”

বেগু মাথা নাড়িয়া বলিল, “না, কল্কাতায় না, মোনা সোনা টেনে করে আসবে।”

খাণ্ডুলি পাহাড় সরানোর প্রস্তাব সেখানেই চাপা পড়িল, ক্ষণিকাকে অত্র কাজে উঠিয়া যাইতে হইল।

বিকাল বেলায় শেষবার একটু চারিদিকটা ভাল করিয়া দেখিয়া লইবার আশায় ক্ষণিকা সকাল সকাল বাহির হইয়া পড়িল। ক’দিনের মধ্যেই এখানকার মাঠ বন পাহাড় সকলের সঙ্গে তার যেমন কেমন একটা প্রাণের বন্ধন জন্মিয়া গিয়াছিল। সে যে কেবল তাহাদের সৌন্দর্যের খাতিরে, এ কথা ক্ষণিকা নিজের মনের কাছে স্বীকার করিত না। এই যে গাছের ছায়ায় ঢাকা রাঙা মাটির পথখানি, ইহার তুল্য সুন্দর কি ইহা অপেক্ষাও সুন্দর পথ কি সে দেখে নাই? কিন্তু তাহারা তাহার চোখের দেখার জিনিষ মাত্র, হৃদয়ের মধ্যে তাহারা কোনদিন আসিয়া প্রবেশ করে নাই। এই পথটির উপর দিয়া সে যাহার সঙ্গে হাঁটিয়াছে চলিয়াছে, তাহার প্রতি ক্ষণিকার যে মনোভাব তাহারি একটুখানি আভাস যেন এই পথটির মূর্তিও পরিবর্তিত করিয়া দিয়াছে। এই যে সম্মুখে শীর্ণ স্বচ্ছতোয়া নদীটি, ইহা কেন এমন করিয়া তাহার হৃদয়কে শতপাকে জড়াইয়া ধরিতেছে? এই মাঠ, এই বন, কেন তাহাকে এমন করিয়া টানিতেছে? যে অপরূপ আলোর উৎসে স্নান করিয়া বিশ্ব এখন তাহার তরুণ দৃষ্টির দ্বারে অতিথির মত আসিয়া দাঁড়ায়, সে উৎস ত তাহার সঙ্গেই থাকিবে, তবে এ বিচ্ছেদকাতরতা কেন? কিন্তু মায়ের মুখে শিশুকালে যে গান প্রথমে শুনিয়া আমরা সঙ্গীত-লোকের প্রথম পরিচয় পাই তাহা চিরদিন কেন বিশেষ

একটি মাধুর্য লইয়া আমাদের মনোজগতে বরাজ করে ? শৈশবে প্রথম যে খেলনাটি উপহার পাইয়া খেলার সাথীর প্রণয়কে বুঝিতে শিখিয়াছিলাম, কেমনই বা সেটি পরবর্তী বহুমূল্য উপহার হইতে প্রিয়তর হইয়া মনে জাগিয়া থাকে ?

সন্ধ্যার শেষ আলোটুকু সেদিন যেন আকাশের বুক ছাড়িয়া বাইতে কেবলই ইতস্ততঃ করিতেছিল। সূর্য্য অনেকক্ষণ ডুবিয়া গিয়াছে, দূরবর্তী পাহাড়বন ক্রমে কাজলে আঁকা ছবির মত গাঢ়বর্ণ ধারণ করিতেছে, তবুও একটুখানি বাসন্তী আলো কাছের গাছপালার গায়ে তখন ছিটাইয়া পড়িতেছে। ক্ষণিকা বাড়ীর কাছাকাছি আসিয়া নদীর পাড়ে দাঁড়াইল। বাড়ী ফিরিবার বিশেষ কোন ব্যস্ততা নাই, অন্ধকার হইয়া গেলে ফিরিলেই চলিবে।

পিছনে পায়ে শব্দে সে ফিরিয়া চাহিল। বেণু তাহার মাথার হাত ধরিয়া ক্ষণিকার সন্ধানে বাহির হইয়াছে। কাছাকাছি আসিয়াই সে অনাদিনাথের হাত ছাড়িয়া দিয়া ক্ষণিকার গায়ের উপর আসিয়া ঝাঁপাইয়া পড়িল। “তুমি একলা কোথায় গিয়েছিলে মাসি, খাণ্ডুলিতে ?”

বেণুর মতে মাটির টিপিই হোক বা গোরীশঙ্করের অভ্রভেদী শৃঙ্গই হোক সবই খাণ্ডুলি। তবে একান্ত তর-তমের বিচার করিতে হইলে “মস্তবড় খাণ্ডুলি” বলা চলে। ক্ষণিকা হাসিয়া বলিল, “না, অন্ধকারে খাণ্ডুলিতে উঠলে যে পড়ে গিয়ে পা ভেঙে যাবে ? তা হলে কল্কাতা যাব কি করে ?”

বেণু তৎক্ষণাৎ তাহার মীমাংসা করিয়া দিল, “কেন কদমের কোলে চড়বে ?”

ক্ষণিকা বলিল, “তা না হয় চড়লাম, কিন্তু তুমি মোজা খুলে কি সব পুরছ ওর ভিতর ?”

মোজাসুদ্ধ হাতখানা পিছনে চালান করিয়া বেণু বলিল, “সোনা ‘খুঁতি’ খেলবে, সে যে কাঁদছে।” ক্ষণিকাকে আর কিছু বলিবার অবসর না দিয়াই সে সেখান হইতে দৌড় মারিল।

অনাদিনাথ বলিলেন, “পরের দোহাই দিয়ে নিজের কাজ উদ্ধার করাটা বেণু খুব সকাল-সকাল আরম্ভ করেছে। এটাও একটা বুদ্ধির ক্রমোন্নতির লক্ষণ নাকি ? আমরা [ওটা] একটু পরে স্মরণ করেছিলাম।”

ক্ষণিকা বলিল, “অর্থবা অল্প সময়ের মধ্যে সব কিছু ধরিয়ে নেবার চেষ্টা। মাসুকের আয়ু ক্রমেই কমছে, কাজেই ধীরেস্থে কিছু করার আর সময় পায় না বোধ হয়। তা না হলে বুদ্ধি যে আজকালকার লোকের, আগের কালকার চেয়ে কিছুমাত্র বেশী তা ত দেখি না।”

অনাদিনাথ হাসিয়া বলিলেন, “আপনারাও তাই বলবেন ? ছেলেদের অবস্থা ত অনেককাল থেকে একরকমই চলছে, কাজেই বুদ্ধির তারতম্য কিছু গোখে পড়ে না, কেউ অত করে চেয়ে দেখে না। কিন্তু আপনাদের এখন ভাড়াগড়ার সময়, অনেকরকম পরীক্ষা আপনাদের উপর দিয়ে হচ্ছে, ফলাফল জানতেও প্রাচীনপন্থী নবীনপন্থী সকলেই উৎসুক, কাজেই ধরা পড়বার কিছু থাকলে ধরা পড়া উচিত।”

ক্ষণিকা বলিল, “বুদ্ধি বেড়েছে কি না জানি না, তবে সে সম্বন্ধে সচেতনতা খুব বেড়েছে। আগে মেয়েরা কাজে যেমন বাঁধা নিয়ম মানত, মনেও তেমনি মানত ; এখন কাজে অবাধ্য হবার সাহস যদিও কম জাগিয়াই পায়, কিন্তু মনে মনে যে মন্ত্র আওড়ায় তা একেবারেই মন্ত্র সংহিতায় নেই।”

অনাদিনাথ বলিলেন, “হ্যাঁ, এটা আমিও বেশ বুঝতে পারি, যদিও নানাকারণে সংসারের ঠিক মাঝখান থেকে আমরা একটু সরে যেতে হয়েছে। আজকালকার মেয়েদের ক্রিয়া-কলাপ বারবরত করা সবই যেন কেমন শ্রাণহীন হয়ে পড়ছে, ওগুলো অনেকেই নিয়ম মানার খাতিরে বাইরে করে, কিন্তু হৃদয়ের যোগ না থাকলে কোনো জিনিসের ভিতর স্ত্রী আসে না। এরকম করে করার চেয়ে না-করাটা চের ভাল। সেটা বার করে তারাও যে না বোঝে তা নয়, কিন্তু অর্থহীন আচারকে বেড়ে ফেলবার মত উৎসাহ বা সাহস সাধারণ লোকের মধ্যে পাওয়া যায় না। আমার বোন তখন বেঁচে ছিল, একদিন শশুর-বাড়ীর এক বিয়ের নিমন্ত্রণে গিয়ে স্ত্রী-আচারের সমস্ত বা দৃশ্য দেখলাম তাতে হাসিও পেল রাগও হল। বর জুতো সুদ্ধ পিড়ির উপর উঠে দাঁড়াল, হুচারজন এরোর পায়েও জুতো ছিল, তাঁরা সেগুলো তাড়াতাড়ি করে খুলে ফেলে দলে এসে ঢুকলেন, কন্ঠে বরের পাশে দাঁড়িয়ে এতক্ষণ গল্প করছিলেন, ইতিমধ্যে শুভদৃষ্টির তাড়া পড়াতে চট করে চানরের তলায় ঢুকে একবার বরের দিকে কাঁদ সারা গোছ একটু চেয়ে

নিলেন। আমি মোটেই বলছি না যে আমাদের দেশের যত-
গুলো আচার আছে সব ভাল বা সব ক'টা মেনে চলা উচিত,
যদিও ছুচারটা জিনিষ যে দেখতে আমার খুবই সুন্দর লাগে
তা অস্বীকার করি না। কিন্তু আগেকার দিনের লোকেরা
এগুলোকে কাজে যেমন মানত মনেও তেমন মানত, তারা
বড়জোর বোকা ছিল, কিন্তু আজকালের লোকগুলি যে
একসঙ্গে বোকা, কাপুরুষ এবং ভণ্ড। তা ছাড়া সৌন্দর্য্য-
বোধহীন বললেও বেশী বলা হয় না।”

ফণিকা বলিল, “অত্থানি তাই বলে বলবেন না। কাজে
অনেকে অনেক কিছু করতে বাধ্য হয়, সাহসের অভাবে,
তাই বলে মনেও যে অস্বতঃ মানে না, এটা কি ভাল নয়।
মনেও ভাববার সাহস যে এতকাল ছিল না? এটা কি একটু
লাভ নয়?”

অনাদিনাথ বলিলেন, “হতে পারে, কিন্তু এই মাঝের
সময়টা চোখ-কানকে বড় পীড়া দেয়। তা ছাড়া সামান্য ছ-
চারটা ফিরিঙ্গিয়ানার মনের সাহস আছে তা কি করে বুঝব?
বরং মনে হয় আগে যেমন ফ্যাশান বলে জুতো পরত না,
এখন তেমনি ফ্যাশান বলেই পরছে, মনের সঙ্গে তার সম্পর্ক
নেই। এরি স্ত্রে আর-একটি দৃশ্য মনে পড়ে। এখানে
বছর চার পাঁচ আগে সেটা দেখেছিলাম। পূজার ছুটির
সময় বেড়াতে এসেছিলাম। ঐ যে নদীর ধারে বাড়ীটা
দেখা যাচ্ছে ওতেই ছিলাম। সকাল বেলা একদিন বাজ-
নার শব্দে বাইরে বেরিয়ে এসে দেখলাম ঢাক ঢোল বাজিয়ে
দলে দলে লোক নদীর ঘাটের দিকে এগোচ্ছে। ছুটি মানুষ
যে এই ব্যাপারটার কেন্দ্র তা দেখলামাত্র বুঝলাম—একটি
স্ত্রীলোক, একটি পুরুষ। স্ত্রীলোকটির পরিধানে শাদা কাপড়
পথের ধূলায় গেরুয়া হয়ে উঠেছে, চুল খুলে মুখের চারিদিকে
উড়ছে, সে একবার করে সাপাঙ্গে পথের উপর শুয়ে পড়ে
প্রণাম করছে, আবার উঠে দাঁড়িয়ে সূর্য্যকে নমস্কার করছে,
আবার তখনি ধুলোয় লুটিয়ে প্রণাম করছে। বাড়ীর থেকে
নদীর ঘাট অবধি সাপা পথ সে এমনিভাবেই আসছে।
পুরুষটি খুব সম্ভব তার স্বামী, পরনে বেশ ভাল নুতন কাপড়
জামা, সে খানিকটা করে হেঁটে নিচ্ছে, বন্ধুদের সঙ্গে ছুচারটে
গল্প গুজব করে নিচ্ছে, আবার থেকে থেকে এক একটা
প্রণামও করছে, তাও পাছে কাপড় জামায় ধুলো লেগে

যায় এই ভয়ে সঙ্গীরা সামনে চাদর বিছিয়ে দিচ্ছে। জিজ্ঞাসা
করে জানলাম যে, স্বামীর অসুখের জন্তই স্ত্রী মানত করেছিল
যে অসুখ সারলে সে সাপা পথ বুকে হেঁটে নদীর ঘাটে পূজা
দেবে। সমস্তক্ষণ দাঁড়িয়ে দাঁড়িয়ে দেখলাম, মনে হল
আমাদের সমাজের বর্তমান আর অতীত যেন মূর্তি ধরে এই
স্ত্রী-পুরুষরূপে আমার সামনে এসে দাঁড়াল। সে পুরুষটার
চেহারা আমার একেবারেই মনে নেই, শাদা-কাপড়-মোড়া
একটা অস্থিমাংসের স্তূপ এই মনে পড়ে, কিন্তু মেয়েটির মুখ
এখনও যেন চোখের সামনে ভাসছে। সে মুখ সুন্দর যে
খুব তা নয়, কিন্তু বিশ্বাস আর নিষ্ঠার সৌন্দর্য্যে অপূর্ব সুন্দর
লেগেছিল।”

ফণিকা চুপ করিয়া শুনিয়া যাইতেছিল, কিন্তু মনে মনে
রাগ তাহার ক্রমেই ঘনাইয়া উঠিতেছিল। এত কথা কি
দরকার? ইহা কি শুধুই গল্প করার খাতিরে কথা বলা, না
তলায় আর কিছু আছে? নানারকম ছবি আঁকিয়া অনাদি-
নাথ তাহাকে বুঝাইতে চাহিতেছেন কি? প্রাচীন রীতিনীতি
সামাজিক অবস্থা এ-সকলের প্রতি তাহার অসুযোগ আছে
ইহাই কি জানাইতে চান? সে ত অনেকেরই আছে, অবশ্য
অল্প-বিস্তর পরিমাণে। ফিরিঙ্গিয়ানা পছন্দও সকলে করে না,
ফণিকা নিজেও করে না, কিন্তু অনাদিনাথের মুখে হিন্দু কুল-
বধুর জুতা খুলিয়া স্ত্রী-আচারে যোগ দিতে যাওয়ার গল্পে
তাহার রাগ হইল কেন? কোথায় কি যে তাহাকে আহত
করিতেছে তাহা সে নিজেই বুঝিল না, কিন্তু আঘাতটা এমনই
বাস্তব যে তাহাকে উপেক্ষাও করিতে পারিল না।

চুপ করিয়া থাকিতে না পারিয়া সে বলিল, “আপনার
মতে অন্ধবিশ্বাসই তা হলে মেয়েদের সবচেয়ে মানায়?”

অনাদিনাথ বলিলেন, “একেবারেই না। বিশ্বাস, নিষ্ঠা,
এগুলি তাদের খুব মানায়, অন্ধতা মূঢ়তা ভেদ করেও তার
সৌন্দর্য্য ফুটে ওঠে। কিন্তু এর উপরে যদি পূর্ণবিকশিত
বুদ্ধির আলো পড়ে তাহলে সে যে আরো কত সুন্দর হয়।”

ফণিকার রাগ তখনও যায় নাই। সে বলিল, “অনেকে
ত বলেন বুদ্ধির চর্চা করতে গিয়ে মেয়েদের নিষ্ঠা বিশ্বাস
সবই লোপ পেরে যাচ্ছে। ও ছুটো জিনিষ নাকি একসঙ্গে
ধাকেই না।”

অনাদিনাথ বলিলেন, “যারা বলেন তাঁদের নিজেদের বুদ্ধি

সম্বন্ধে সন্দেহ করা যেতে পারে। তা ছাড়া স্বার্থরক্ষার
ধাতিরে বাজে কথা মানুষ চিরকালই বলে।”

আমোর রেখা আকাশ হইতে ইতিমধ্যে নিঃশেষে
মুছিয়া গিয়াছিল। এই বিজন অন্ধকার নদীতটে ছুটি
মানুষের মূহু কণ্ঠস্বর ছাড়া আর কোনো শব্দ নাই। চারি-
দিক ক্রমেই কালিমার শ্রোতে মিশিয়া আসিতেছে, উশীর
নির্মূল জল থাকিয়া থাকিয়া তাহারি মধো ভূতলশায়িনী
সৌদামিনীর মত ঝঙ্ঝক করিয়া উঠিতেছে। হঠাৎ অনাদি-
নাথ বলিয়া উঠিলেন, “আপনি হয়ত আমাকে ভুল বুঝলেন।
কিন্তু জানবেন এটা আমি সমস্ত অন্তঃকরণ দিয়ে বিশ্বাস করি
যে যদি কখনো প্রয়োজন হয় আপনিও ঐ সূর্য-উপাসিকার
মত কিম্বা তার চেয়েও বেশী নিষ্ঠা দেখাতে পারবেন।
হিন্দুর মেয়ে স্বামীকে ভালবাসতে বাধ্য, স্বামী ছাড়া তার
অলাদা অস্তিত্ব নেই, সে তার স্বামীর জগৎ যতটা করে, সে
মেয়ে স্বেচ্ছায় নিজের স্বামীকে বরণ করেছে, যার আলাদা
অস্তিত্ব আছে বলেই যার স্বামীর সঙ্গে মিলন বেশী নিবিড়,
সে কেন তার চেয়ে বেশী পারবে না? পশুর ভালবাসার চেয়ে
মানুষের ভালবাসা ঢের বড় জিনিষ; যার মনুষ্যত্বের বিকাশ
যতখানি হয়েছে, আমি বিশ্বাস করি তার প্রেম তত বেশী
গভীর হয়, তত বেশী আত্মত্যাগে সক্ষম হয়।”

ক্ষণিকার বুকের ভিতরটা ছলিয়া উঠিল। সে পারিবে,
একথা সে নিজে নিশ্চিতরূপে জানে। কিন্তু অনাদিনাথের
কাছে তাহা ধরা পড়িল কি করিয়া? তিনি কি করিয়া
বুঝিলেন যে এই স্বল্পভাষিনী নারী, যে নিজেকে সমস্ত
গোপন করিয়া রাখিতে চায়, তাহার মনের কোণে কোণায়
কি শক্তির ভাণ্ডার আছে? কি করিয়া তিনি জানিতে
পারিলেন যে বাহাকে অন্তঃসলিলা ফল্গু বলিয়াই সকলে জানে,
বর্ষার দিনে তাহাই বিপুল বেগশালিনী মহানদীর আকার
ধরিতে পারে?

অন্ধকারে ক্ষণিকার ছই চক্ষু জলে ভরিয়া উঠিল। মুখে
কিছু বলিবার সে খুঁজিয়া পাইল না। কিন্তু তাহার সমস্ত
হৃদয় ভরিয়া অনাদিনাথের কথার উত্তর বাজিয়া উঠিল,
“ভগবান যদি দিন দেন, আমি আপনাকে দেখিয়ে দেব যে
আপনার বিশ্বাস বৃথা নয়।”

বাড়ী ফিরিবার পথে কেহ আর একটিও কথা বলিলেন

না। অনাদিনাথ কথা বলিলেও ক্ষণিকা তাহার উত্তর
দিতে পারিত কি না সন্দেহ। তাহার হৃদয়ে যেন জোয়ার
আসিয়া পড়িয়াছিল। জীবনের যত রিক্ততা, যত দীনতা,
এই কয়টি কথার তলায় কোণায় হারাইয়া গেল? ক্ষণিকার
চোখের সম্মুখে সহসা যেন অনন্ত ঐশ্বর্যের ভাণ্ডার কোন্
যাঙ্করের স্পর্শে মূর্তি ধরিয়া উঠিল। তাহার আর
চাহিবার যেন কিছু রহিল না, পাইবার কিছু রহিল না।
বরে ঢুকিয়া সহসা সে সচেতন হইয়া অনুভব করিল তখনও
তাহার ছই চোখ বহিয়া অশ্রুবিन्दু গড়াইয়া পড়িতেছে।

পরদিন আর কিছু বলিবার বা ভাবিবার অবকাশ সে
পাইল না। যাত্রার আয়োজন করিতে এবং সকলকে সে
সম্বন্ধে ক্রমাগত সচেতন করিয়া, যথাকালে নাওয়া খাওয়াটা
তাহাদের দ্বারা শেষ করাইয়া লইতেই তাহার দিন কাটিয়া
গেল।

গৃহিণীর সর্সাপেক্ষা হয়, পাছে যাইবার তাড়ায় কেহ
জলের কঁজাটা ফেলিয়া যায়। তিনি সর্সক্ষণ ক্ষণিকাকে
সাবধান করিয়া বেড়াইতে লাগিলেন, “দেখ বাঁচা, যেন
তাড়াতাড়ি করে কঁজাটা ফেলে নেও না, শেষে এণ্ডাবাচ্চা
সব গলা শুকিয়ে মরবে।” যেন চিরকাল ক্ষণিকা ঐ
অপরাধটা করিয়া আসিতেছে, কেবল গৃহিণীর অসাধারণ
দক্ষতা ও তৎপরতায় এ পর্য্যন্ত কেহ পিপাসায় বুক ফাটিয়া
মারা যায় নাই।

গাড়ীতে উঠিবার সময় ছইটা কুঁজা দেখিয়া তিনি খুসি
হইয়া বলিলেন, “হ্যাঁ, একটা বরং বেশী থাকা ভাল, পথে
ঘাটে ভেঙেও ত যেতে পারে। ছটোতেই জল ভরিয়ে
নিয়েছ ত?”

ক্ষণিকা হাসিয়া বলিল, “হ্যাঁ, একটাতে ফোটা নো জল
আছে আর একটাতে এমনি। আপনি যে আবার জল
ফুটনো হলে খেতে চান না।”

গৃহিণী হাসিয়া বলিলেন, “এতও বাচ্চা তোমার মনে
থাকে। জন্মাবধি অনাদি এই জল ফোটা নো নিয়ে ঝগড়া
করছে, তা দেশেই বল আর এখানেই, বল। কিছতে যদি
আমার মনে থাকে। পঞ্চা মুকুন্দ ওদেরও কত বলি, তা
হতভাগারা কোন্না কথা কি মন দিয়ে শোনে? তুমি সে-
দিনের মেয়ে, খুব কিছু পাকা গিন্নি হয়েছে; আমরা যে এসে
অবধি সংসার করছি, অতটা পারি না।”

ক্ষণিকার কানে গৃহিণীর কথাগুলি প্রবেশ করিল বটে কিন্তু মনে বেশী আমল পাইল না। কিছুদিন আগে অশিভ শ্রীনারের একখানি উপন্যাসের কয়েকটি কথা তাহার বড় মনে লাগিয়াছিল, সেই কথা কয়টিই তাহার মনে কেবল ঘুরিয়া ফিরিয়া বেড়াইতে লাগিল—

"Experience teaches us in a millennium what passion teaches us in an hour. A Kaffir studies all his life the discerning of distant sounds, but he will never hear my step, when my love hears it, coming to her window in the dark, over the short grass."

(১৪)

সকালবেলাটা প্রায় সকল মানুষেরই কাজের ছড়াছড়ির মধ্যে কাটে। অন্ততঃ কলিকাতার সহরে প্রাপ্তবয়স্ক এমন পুরুষ বা নারী খুব কমই দেখিতে পাওয়া যায়, চোখ চাহিয়াই যাহার মন উদয়নুখ তপনের সহিত মিলনের আশায় পুলকিত হইয়া ওঠে। উষার রক্তিম সৌন্দর্য্য অপেক্ষা যথেষ্ট বেশী মনোযোগ পায় সেই হতভাগা ছেলেটা, মুখ ধুইয়াই যাহাকে জিওমেট্রি পড়াইতে বাইতে হয়, অথবা ভিজা কমলা বা ঘুঁটে, যাহার সাহায্যে দৈনিক সংসারের বাষ্পীয় শকটের রসদ জোগাড় করিতে হয়। যে ছচারজন লক্ষ্মীমন্তু মানুষের এ-সকলের ঝলাই নাই, তাহাদের ভোরে উঠিবার উৎপাতও নাই। সাধারণ মানুষগুলির সাধারণ নিয়ম এই— তাহারা বিছানা ছাড়িয়া উঠিয়াই একপালা কাজের চেঁউয়ে হাবুডুবু খাইয়া তাহার পর আটটা সাড়ে-আটটার সময় একটু একটু হাঁফ ছাড়িবার অবসর খুঁজিয়া পায়। ঘণ্টা খানিকের মধ্যে আবার কাজের হাঁটে তাহাদের ডাক পড়ে, কিন্তু এই সময়টুকু প্রায়ই ইচ্ছা-মত ব্যয় করা চলে।

সকালের চায়ের পালা সাঙ্গ করিয়া, বাজারের পরসাদিয়া গৃহিণীর আফিকের এক রকম ব্যবস্থা করিয়া, ক্ষণিকা এত-ক্ষণে একটু নিশ্চিন্ত হইয়া বারাণ্ডায় গিয়া দাঁড়াইল। মালী তখন সবে গাছে জল দেওয়া সুরু করিয়াছে। সেও বাত রোগে ভোগে, এই কারণে অনাদিনাথের মাতার তাহার প্রতি একটা বিশেষ করুণা আছে। সকালে উঠিতে না পারিলে তাহাকে শাসন করিবার সাহস ঐ কারণে এ বাড়ীতে কাহারও নাই।

নুবরোপিত কতগুলি চারাগাছের তত্ত্বাবধান করিবার

জন্ত নীচে যাইবার ক্ষণিকার একটু প্রয়োজন ছিল। আবার অর্ধপঠিত একখানা উপন্যাস তাহাকে নিজের শয়নকক্ষের দিকে প্রবলভাবে আকর্ষণ করিতেছিল। কোন্ দিক রক্ষা করিবে ভাবিয়া ক্ষণিকা যখন ইতস্ততঃ করিতেছে এমন সময় পঞ্চা আসিয়া বলিল, "দিদিমণি, তেওয়ারী বুড়ো নীচে এসে তখন থেকে বসে আছে।"

ক্ষণিকা বলিল, "তা আমি কি করব, বাবুর কাছে ধবর দাও।"

পঞ্চা বলিল, "বাবু এই মাত্র যে লিখতে বসলেন।"

অনাদিনাথের এই সময়টা ছিল তাঁহার নিজস্ব কাজের সময়। পনের বেগার খাটিতে বা তাহাদের আর্তনাদ শুনিতে তাঁহাকে দিনের মধ্যে বেশ খানিকটা সময় খরচ করিতে হইত, কিন্তু এই সকাল-বেলাটার উপর হস্তক্ষেপ তিনি কিছুতেই সহিতে পারিতেন না। চাকর-বাকরেও অনেক দিনের অভিজ্ঞতার ফলে ইহা আনিতে পারিয়াছিল যে গৃহ-স্বামীর অন্ত-অনেক কথা অবহেলা করিয়া স্বচ্ছন্দে নিষ্কৃতি পাওয়া যায় বটে কিন্তু এ সময়ে তাঁহার কাছে গিয়া গোলমাল করাটা একান্তই চলে না। ক্ষণিকা তাহা জানিত, কাজেই বলিল, "তাকে ও বেলা আসতে বলে দে না, অসময়ে আসে কেন?"

পঞ্চা বলিল, "দশবার কম হলেও বলেছি, শুন্বে না কোন-মতে। আজ পাঁচটাকা না পেলে তার একেবারে নাকি সর্বনাশ হয়ে যাবে।"

এই তেওয়ারীটি অনাদিনাথের পিতার আমলের পুরাতন ভৃত্য। পেন্সন হিসাবে এখনও সে মাসে পাঁচ সাত টাকা পায়, এবং তাহা আদায়ের আগ্রহে মাসের মধ্যে পনেরো দিন কলিকাতাতেই কাটাঁইয়া দেয়।

ক্ষণিকা কি করিবে ভাবিয়া পাইল না। পঞ্চার দেয়ী দেখিয়া তেওয়ারী লাঠি ঠক্ঠক্ করিতে করিতে উপরে উঠিয়া আসিয়া সশব্দে কাঁদিয়া উঠিল, "এ মা, হামার সর্বনাশ হয়ে গেল।"

ক্ষণিকা ব্যস্ত হইয়া বলিল, "চুপ কর, অমন করে চেঁচিও না, আমি বাবুকে বলছি।" পঞ্চা ও তেওয়ারীকে সেইখানে দাঁড় করাইয়া সে দ্রুতপদে অনাদিনাথের ঘরের দিকে চলিয়া গেল।

একরাশ লম্বা, চওড়া, লাল, নীল বইয়ের মধ্যে বসিয়া

অনাদিনাথ তখন গভীর মনোযোগের সহিত কি একটা কাজে ব্যস্ত। খোলা দরজার সামনে দাঁড়াইয়া কণিকা কিছুতেই ঠিক করিয়া উঠিতে পারিল না কি উপায়ে তাঁহার দৃষ্টি আকর্ষণ করা যায়। অনাদিনাথকে ডাকিবার কোনো প্রয়োজন এ পর্যন্ত তাহার বিশেষ হয় নাই, হইলেও অত্রের সাহায্যে সে সব ক্ষেত্রে কাজ উদ্ধার হইয়াছে। কিন্তু সুবিধামত একটা লোকও যে কাছে নাই, বেণু উপরের ঘরে সোনা-মোনার তদারক করিতে ব্যস্ত। অগত্যা কণিকার যখন তাহাকে সাহায্য করিতে পারিল না সেখানে সে চরণশব্দেই শরণ লইল।

ঘরে মানুষ ঢুকিবার শব্দে অনাদিনাথ অত্যন্ত বিরক্ত মুখে ফিরিয়া তাকাইলেন। কিন্তু কণিকার উপর চোখ পড়িতেই তাঁহার মুখ হইতে বিরক্তির চিহ্ন মাত্র লুপ্ত হইয়া গেল। হাসিয়া জিজ্ঞাসা করিলেন, “কিছু দরকার আছে?”

কণিকা মনে মনে বলিল, “বিনা দরকারে আসবার সাহসও নেই অধিকারও নেই।” মুখে বলিল, “তেওয়ারী এসে টাকার জন্তে ভয়ানক কান্নাকাটি করছে, না হলেই তার চলবে না।”

অনাদিনাথ সামনের দেওয়াল হইতে টাকা বাহির করিতে করিতে বলিলেন, “যতদিন কাজ করে তাকে টাকা উপার্জন করতে হয়েছিল তখন এত তাগিদ দেবার সাহস ছিল না, এখন বিনা শ্রমে পায়, কিন্তু চাইবার সাহস ঢের বেড়েছে।”

কণিকা বলিল, “যেখানে চাইলে পাওয়া নিশ্চিত সেখানে সাহসের অভাব কেনই বা হবে?” কথাটা বলিয়াই কিন্তু তাহার আপুশোষ হইল, খুব নিলজ্জের মত শুনাইল নাকি?

অনাদিনাথ হাসিতে হাসিতে বলিলেন, “তা ঠিক। আমিও কিছু চাইবার উপক্রম করছি, কিন্তু পাব কি না ঠিক বুঝতে পারছি না।”

কণিকার বকের ভিতর হৃদপিণ্ডটা যেন আছাড় খাইয়া পড়িল। সম্ভব, অসম্ভব, আশার অতীত, কত কি যে তাহার মনের মধ্যে বিজ্ঞাতের মত খেলিয়া গেল তাহার ঠিক ঠিকানা নাই। অন্তরের শিহরণটা যেন দেখিতে দেখিতে তাহার সর্বাঙ্গে ছড়াইয়া পড়িল।

উপর হইতে বৃদ্ধা তেওয়ারীর কাতরকণ্ঠ তাহাকে

খানিকটা তবু আপনাতে ফিরাইয়া আনিল। অনাদিনাথের হাত হইতে টাকা কয়টা লইয়া বলিল, “ওকে দিয়ে আসি?”

অনাদিনাথ বলিলেন, “আপনাকে বেশ ভয় পাইয়ে দিলাম দেখছি। আমার এত বয়স হল, কিন্তু এখনও কেমন করে যে মানুষের সঙ্গে কথা বলতে হয় তা শিখলাম না। ইংরেজীতে কথা বলার একটা সুবিধা আছে, তাদের কথাগুলোর খুব কাটা ছাঁটা মানে, এক বললে আর এক বোঝায় না। আমাদের ভাষাটা এমন যে অর্ধেক কথাই যা মানে তা ছাড়া অল্প কিছু কল্পনা করে নিতে বেশ পারা যায়। ‘ফেডর’ বলতে ওরা যা বোঝে, বাংলায় কি বললে যে তা বোঝা যায় তা কিছুতেই ঠিক করতে পারি না। অনুগ্রহ বলা যেতে পারে, কিন্তু তাতেও যে বিশেষ ঠিক বোঝায় তাও নয়। কিন্তু ওদিকে তেওয়ারীর কণ্ঠ যে স্পষ্টে উঠছে।”

কণিকা তাড়াতাড়ি ঘর হইতে বাহির হইয়া গেল। তেওয়ারী তখন সিঁড়ির মাঝামাঝি নামিয়া আসিয়াছে, তাহার হাতে টাকা কয়টা ফেলিয়া দিয়া সে বলিয়া উঠিল, “যাও এখন তোমার বন্ধুবান্ধি আমি গুন্টে পারব না, নীচে যাও।”

তেওয়ারী চলিয়া যাইতে সে সিঁড়ির উপর বসিয়া পড়িয়া দুইহাতে রেলিংগুলো শক্ত করিয়া চাপিয়া ধরিল। তাহার জগৎ যেন কেমন ওলটপালট হইয়া আসিতেছিল। মুহূর্তের জন্ত সে ডুল বুঝিয়াছিল, সেই অবসরে তাহার সমস্ত হৃদয় পূর্ণিমা-উদ্বেল সাগরের চেউয়ের মত কোন্‌দিকে ছুটিয়া গিয়াছিল তাহা বুঝিতে ত নিজের তাহার বাকি নাই। কিন্তু হয় নিকোঁধ, প্রাণ দিয়া চাহিতে পারাই কি পাইবার অধিকার দেয়? পৃথিবীতে মিত্য কি এই কেবল দেখা যায় না যে একান্ত সাধারণ সুলভ জিনিস যা, তাহাও তৃষ্ণার্তের চোখের সম্মুখে মরুমরীচিকার মত মিলাইয়া যায়? চাওয়ার সঙ্গে পাওয়ার মিলন এজগতে কোথায়?

কিন্তু হৃদয়ের সঙ্গে বোঝাপড়া করিবার অবসর ত সংসার অধিক দেয় না। কণিকা কয়েক মিনিটের মধ্যেই উঠিয়া পড়িয়া আবার নীচে নামিয়া গেল। এবার আর তাহাকে মনোযোগ আকর্ষণ করিবার উপায় ভাবিতে হইল না। তাহাকে দেখিতে পাইয়াই অনাদিনাথ বলিলেন,

“আপনার অবসর বলে জিনিষ খুবই কম বোধ হয়, তার মধ্যেও যদি একটু ভাগ বসাতে চাই তাহলে কি রাগ করবেন? অবশ্য এটা জিজ্ঞাসা করাই আমার অজ্ঞান, রাগ করলেও ভদ্রতার খাতিরে সত্যকথা সব সময় বলা যায় না।”

ক্ষণিকা বলিল, “এ ক্ষেত্রে কিন্তু আমি তা পারব, আমি পতিয়ে বসছি, আমি একটুও রাগ করব না। এ সময়টা আমি কি করে কাটাতে তাই ভেবে পাচ্ছিলাম না।”

কাজটা শক্ত না হইলেও অল্প সময় ক্ষণিকা নিশ্চয়ই সেটাকে প্রীতির ভাবিত না। সকাল বেলা বসিয়া বসিয়া রাজ্যের Census report খাটিয়া statistics এর অঙ্ক কষা বা সাত জন্ম আগে কে কবে কোন্ দেশের মহামারী বা দুভিক্ষের প্রতীকার সম্বন্ধে কি বলিয়াছে, ছেঁড়া বই হইতে তাহা নকল করা, কোনো তরুণীর পক্ষে বিশেষ আনন্দদায়ক হইবার কথা নয়। কিন্তু সময়-বিশেষে মত যে বদলায় তাহা কবি দ্বিজেন্দ্রলাল গাহিয়া গিয়াছেন, সে গান তাঁহার পূর্বে ও পরে মনে মনে গাহে নাই এমন মানুষই বা ক’টা আছে?

অনাদিনাথ ক্ষণিকাকে কাজ আগাইয়া দিয়া আবার আপনমনে নিজের কাজে ডুবিয়া গেলেন। ক্ষণিকার কাজ কিন্তু অত নিষ্ঠাবাদে মোটেই হইতে চাহিল না। একে ত মন কেবলি তাহার অবাধ্যতা করিতে লাগিল, বুকের কম্পন তখনও থাকিয়া থাকিয়া কেবলই জাগিয়া উঠিতে লাগিল। কিন্তু না পাওয়াটা স্ত্রীলোকের জন্মাবধি এমন অভ্যস্ত জিনিষ যে অতি বড় নিরাশার আঘাতকে গোপন করিয়া ফেলিতেও তাহার খুব বেশী সময় লাগে না। কাজেই ক্ষণিকা মনে মনে যাহাই ভাবুক না কেন, তাহার হাতের কাজে বেশী কিছু ভুল হইল না।

খানিকক্ষণ পরে অনাদিনাথ হঠাৎ মুখ তুলিয়া বলিলেন, “হয়ে গেল এরি মধ্যে আপনার? দেখি?”

ক্ষণিকা কাগজের ভাড়া তাঁহার হাতে দিয়া একটু উদ্বিগ্ন দৃষ্টিতে অনাদিনাথের মুখের দিকে তাকাইয়া রহিল। অনাদিনাথ যখন বলিলেন, “সব কাজই দেখছি আপনি সমান ভাল করে করতে পারেন,” তখন সে যেন হাঁফ ছাড়িয়া বাঁচিল। কিন্তু এ ঘরে অনাদিনাথের সামনে বসিয়া থাকিতে তাহার আর একটুও ইচ্ছা করিতেছিল

না। কাজ চুকাইয়া দিয়াই সে নিজের ঘরে চলিয়া আসিল। অনাদিনাথ সেদিন আর তাহার একটুও রুচি রহিল না। অনাদিনাথ দশটার সময়ই বাড়ী ছাড়িয়া বাহির হইয়া যান। কাজেই তাহার ইচ্ছামত কাজ করার পথে বাধা দিবার কোনও লোক বাড়ীতে না থাকাতে সে নিরুপদ্রবে ঘরের কোণে সারা ছপুর বেলাটা কাটাইয়া দিল।

ভাগ্যের প্রতি এবং নিজের প্রতি একটা তীব্র রোষ থাকিয়া থাকিয়া যেন তাহার বুকের ভিতর জলিয়া উঠিতেছিল। অভিমানে, ক্ষোভে, লজ্জায় মিলিয়া তাহার হৃদয়টাকে ভাঙিয়া ছুরিয়া ফেলিতে চাহিতেছিল। বেশ ত সে এক রকম ছিল। নিশ্চিন্ত নিদ্রার কোল ছাড়াইয়া কোন কুণ্ডল তাহাকে এই প্রথর দিবালোকদীপ্ত জাগরণের হাটে আনিয়া দাড় করাইয়া দিল? পৃথিবীকে যে আড়াল হইতে আবছায়ার মত দেখিয়া চোখে বড় ভাল লাগিয়াছিল, আড়াল চূর্ণ করিয়া দিল কে? নিজের অন্তর তাহার কাছে যে অবগুণ্ঠিতা বধুর মত এতদিন অজানা ছিল, আজ সেই লাজ-আবরণ কাড়িয়া লইল কে? নিজের ভিতর এতখানি অকাজ্জা, এত প্রবল বাসনা যে ছিল, তাহা ত সে স্বপ্নেও কোনো দিন ভাবে নাই, কিন্তু ইহারা যে তাহারই হৃদয়ে জন্মলাভ করিয়া, তাহারই হৃদয়রক্তে পরিপুষ্ট হইয়া উঠিয়াছে, ইহা ত সত্য।

ক্ষণিকা আপনার তরুণ জীবনে প্রেমের দৃতকে যে বেশে কল্পনা করিয়াছিল, আজ তাহার সাক্ষাৎ পাইয়া দেখিল কল্পনার সহিত বাস্তবের সাদৃশ্য কোথাও নাই। এত পুষ্প-বিভূষিত কোমল কিশোরমূর্ত্তি নয়, ইহার নয়নে ত প্রেমের আবেশ-বিহ্বল দৃষ্টি নাই? এ যেন মহাকালের ক্রদমূর্ত্তি, চক্ষে প্রলয়ের অগ্নিশিখা, হস্তে বিনাশেরই অস্ত্র। কিন্তু এই ত মনকে আরো বেশী করিয়া হরণ করিয়া লইল, ইহাকে যে সর্বস্ব অর্পণ করিয়া সর্বস্ব হারা হইতেই অন্তর আকুল হইয়া উঠে? পাইবার আকাজ্জা ইহার সঙ্গুথে লজ্জায় যে মরিয়া বাইতে চায়; কিন্তু সেইসঙ্গে এ কথাও যে মনে জাগিয়া ওঠে যে ইহার হাত হইতে পাওয়াই জগতের শ্রেষ্ঠ পাওয়া। কিন্তু কে সে সৌভাগ্যবতী যে সেই অমূল্য দানের অধিকারিণী হইবে? সে ক্ষণিকা নয়। নিজেকে মিথ্যা আশার কুহকে ভুলাইতে আর কি ইচ্ছা করে? কিন্তু দিন কাটিবে কেমন

করিয়া ? এই নবজাগৃত অতৃপ্ত আকাঙ্ক্ষার রাশি লইয়া কেমন করিয়া সে লোকের কাছে আপনাকে গোপন করিয়া বেড়াইবে ? সমস্ত প্রাণ যাহার হাহাকার করিয়া মরিতেছে, সে কেমন করিয়া সংসারের প্রকৃতিস্থ পাঁচটা মানুষেরই মত চলিয়া ফিরিয়া বেড়াইবে ?

কিন্তু যে ভাগ্যকে সে এতক্ষণ আপনার পীড়িত হৃদয়ের আক্রোশে অভিশাপ দিতেছিল, সেই ভাগ্যই অলক্ষ্যে তাহার পথপ্রস্তুত করিয়া রাখিতেছিল। বিকাল হইতেই একতাড়া চিঠির মধ্যে লালুর একখানা চিঠি তাহার হাতে আসিয়া পৌঁছিল। তাহাদের পিতার অসুখ আবার বাড়ি যাচ্ছে, মাতার জ্বর হইয়াছে। ক্ষণিকার অবিলম্বে আসা প্রয়োজন।

তাহার ব্যথাকাতর মন আবার যেন একটা নাড়া পাইয়া সজাগ হইয়া উঠিল। সংসারে কেবল একপ্রকার দুঃখই ত ভগবান তাহার কপালে লেখেন নাই। যাহা কেবল একান্ত আপনার দুঃখ, তাহাকে ত বহন করিতেই হয়, বিশ্বসংসারে সে ভারের ভাগ বহন করিতে আর কেহই নাই। মানুষের সকলের চেয়ে দুঃখের দিনেই সে সবার চেয়ে একলা, সাহসনার স্পর্শ এ রাজ্যে আসিতে পথ পায় না। সেটা একদিকে নিরুত্তিও বটে, অথবা মানুষের অসুখ কোলাহলে পীড়িত মনের পীড়া যে আরও শতগুণ বাড়িয়া উঠে। একান্ত একলার ধন বলিয়া অন্তরে যে দুঃখ অগ্নিশিখার মত জ্বলিয়া উঠে, তাহাই সংসারের ব্যগ্র কৌতূহলের হাতে যখন টানিয়া আনা হয়, তখন তাহাকেই অস্বাভাবিকের মত কালিমাময় বলিয়া মনে হয়।

কিন্তু কেবল একলা হইয়াই ত মানুষ জন্মগ্রহণ করে নাই ? পরিবারের, সংসারের, সমাজেরও যে সে অংশ। তাহাকে সংসারের দুঃখের একটুখানি অংশ অন্ততঃ বহন করিয়াই চলিতে হয়। ক্ষণিকাকে ঘর ছাড়িয়া বাহির হইতে হইল। যে ঘর সেদিন অবধি তাহার সকল স্নেহ ও প্রেমের নীড় ছিল, আজ সেখানে যাইবার কথায় তাহার মন যে বিচ্ছেদের ব্যথায় আকুল হইয়া উঠিবে এ কথা কে কবে ভাবিয়াছিল ?

গৃহিণী শুনিয়া বলিলেন, “তা যেতে হবে বই কি। মা-বাপের অসুখ, এ ত আর যে-সে নয় ? তা বাছা, দেখুছ ত

কিরকম অথক হয়ে পড়েছি, মা-বাপকে ভালয় ভালয় রেখে ফিরে এসো যত শিগ্গির পারে। কখন যাবে, কার সঙ্গে যাবে ?”

ক্ষণিকা বলিল, “কিছুই ঠিক করিনি, এই মাত্র ত খবর পেলাম। একবার চিন্ময়দার কাছে খবর দিতে হবে।”

গৃহিণী বলিলেন, “তাই চিঠি লিখে দাও। এ-সব কাজ একজন পুরুষমানুষ না হলে কখনো হয় না। অনাদি যে আজ কখন আসবে, তার ঠিক নেই, যা ক’দিন থেকে দেরি করতে আরম্ভ করেছে।”

ক্ষণিকা ফিরিয়া গিয়া চিন্ময়কে চিঠি লিখিতে বাসিল। অদ্ভুত এই সংসার। যাহাকে দিবার বেলা হাত গুটাইতে বিন্দুমাত্র দেরি হয় না, চাহিবার বেলা তাহারি কাছে হাত পাতিতে হয় সবার আগে। আর যাহাকে সব দিতে মন ব্যস্ত, তাহারই কাছে চাহিবার নামে সঙ্কোচে মাটিতে মিশিয়া যাইতেই বা ইচ্ছা হয় কেন ?

কলিকাতায় ফিরিবার পর চিন্ময়ের সঙ্গে মাত্র দুইবার দেখা হইয়াছে। তাহার আসিয়াছে শুনিয়াই সে একদিন মাধবী ও মেনকাকে লইয়া আসিয়াছিল। সেদিন ত ভ্রমণকাহিনী আর বাজে কথা বলিতেই সময় কাটিয়া গেল। আর একদিন সে একলাই আসিয়াছিল। কিন্তু আগেকার মত গল্প করা এখন যেন আর সহজ ছিল না। যে বাধাকে তারা মুখে অস্বীকার করিত, অন্তরে তাহাই পাহাড়ের মত উঁচু হইয়া উঠিয়া দুজনের মধ্যে দাঁড়াইয়া থাকিত। একবার চিন্ময় বলিল, “তোমাকে যতটা ভাল দেখব ভেবেছিলাম তা ত কৈ দেখছি না।”

ক্ষণিকা বলিয়াছিল, “গিরিধি আর এমন কি অপূর্ব ভাল জায়গা যে খুব ভাল হয়ে উঠবে।”

চিন্ময় উত্তরে বলিল, “জায়গার কথা বলছিলাম না।” চিঠি লিখিয়া পাঠাইয়া দিয়া ক্ষণিকা নীচে নামিয়া বাগানের মধ্যে বেড়াইতে আরম্ভ করিল। কাজকর্ম করিবার মত অবস্থা আর তাহার দেহ-মনের ছিল না। সন্ধ্যার অন্ধকার যতই ঘন হইতেছিল, তাহার হৃদয়ের ভারও ততই বাড়িয়া চলিতেছিল। এই তাহার সম্মুখে অস্বীমবিস্তৃত দুঃখের সাগর, ইহার কূল সে কবে পাইবে ? আনন্দ কি তাহাকে আলেমার

মত কেবল চকিতে দেখা দিয়া, কেবল পথ ভুলাইয়াই অদৃশ হইল? অনাদিনাথের গাড়ী আসিয়া দাঁড়াইল, তিনি নামিয়া উপরে চলিয়া গেলেন, সবই সে পাথরের মূর্তির মত দাঁড়াইয়া দেখিতে লাগিল। তাহার আর শক্তি নাই। সংসারের স্রোতে তাহাকে যেন্দিকে খুসি টানিয়া লইয়া থাক, সে বাধা দিবে না। নদীর দুই তীরই যখন কণ্টকাচ্ছন্ন, তখন যেন্দিকে হোক তাহাকে আছড়াইয়া ফেলুক, তাহার তাহাতে কিছু আসে যায় না। অনাদিনাথকে তাহার যাইবার বিষয় সব কথা বলা উচিত, কিন্তু পা তাহার চলিতে চাহিল না।

অনাদিনাথ স্বয়ংই তাহাকে ডাকিয়া পাঠাইলেন। অগত্যা তখন ঋণিকাকে আসিয়া তাঁহার সম্মুখে দাঁড়াইতেই হইল। তাহার ক্লিষ্ট বিবর্ণ মুখের দিকে তাকাইয়া অনাদিনাথের মনও যেন পীড়িত হইয়া উঠিল। ছুঃখের বোঝা বহিবার জন্তই কি ইহার সৃষ্টি? যাহার নিজেরই পরের সম্মুখে আশ্রয়ে দিন কাটাইবার বয়স, তাহারই উপরে সমস্ত সংসারের ভার আসিয়া চাপিল?

ঋণিকা জিজ্ঞাসা করিল, “আমায় ডাকছিলেন?”

অনাদিনাথ বলিলেন, “মায়ের কাছে সব শুন্লাম। আপনি যতদিন দরকার, বাড়ীতে থাকবেন, আমাদের অসুবিধার কথা ভাবার কিছু দরকার নেই। আমাকে দিয়ে কোনও রকম কিছু উপকার হয় যদি তবে নিশ্চয় সঙ্কোচ না করে বলবেন।”

ঋণিকা চুপ করিয়া রহিল। অনাদিনাথের কথার উদ্দেশ্য সে ইচ্ছা করিয়া ভুল বুঝিল। সত্যই ত, সে যতদিন ইচ্ছা থাকিতে পারে। কে বা এখানে তাহার পথ চাহিয়া বসিয়া আছে? এখানে সে উচ্চদরের দাসী বই আর কিছু নয় ত? টাকা দিলেই আর-একটা দাসী মিলিবে এখন।

বালক যেমন যে খেলনার জন্ত আঁধার করে তাহার যদলে অপর কোনো খেলনা দিতে গেলে কাঁদিয়া অস্থির হইয়া ওঠে, ঋণিকারও ঠিক তেমনি মশা হইল। অনাদিনাথের স্নেহকে সে জোর করিয়া অবহেলা মনে করিয়া, কাঁদিয়া ঘর হইতে চলিয়া গেল। তাহার স্কন্ধ মন কেবলি বলিতে লাগিল, “আমার দরকার নেই, কিছু আমি চাই না।”

চিন্ময় খানিক পরে আসিয়া পৌঁছিল। ঋণিকার মুখ

দেখিয়া বলিল, “এরি মধ্যে কেঁদে চোখ মুখ ফুলিয়ে বসে আছে? এইরকম শক্ত মন নিয়ে তুমি সংসারে টিকবে কি করে?”

ঋণিকা বলিল, “আমি কি টিকতে চাইছি? আমার জোর করে যিনি টিকিয়ে রাখছেন তিনিই সে ভাবনা ভাববেন, আমি আর পারব না।”

চিন্ময় বলিল, “এখন তত্ত্বকথা বা কবিত্ব কিছু শোন্বার সময় নেই। টাইম-টেবলটা একমাত্র আলোচনার বিষয়। কাল আর্টটায় যেতে হবে এই মনে করে সব ঠিক করে রেখো, আমি মিনুকে নিয়ে একেবারে ষ্টেশনে যাব।”

ঋণিকা খানিক চুপ করিয়া থাকিয়া বলিল, “চিন্ময়দা, যখনি দরকার হয়, বিপদে পড়ি, তোমাকে জ্বালাতন করতে আমার একটুও বাধে না, তুমি যে আমাকে কি মনে কর জানি না।”

চিন্ময় হাসিল। হাসিয়া বলিল, “তোমাকে কি মনে করি সব যদি বলতে বসি, শুনে তুমি খুসি হবে না। তবে বিপদের দিনে ডাক বলে ছুঃখিত যে হই না এটা জেনে রাখো। এককাল পৃথিবীতে থেকে এইটুকু শিখেছি যে সুখটা খুব সম্ভব কল্পনা, ছুঃখটাই খাঁটি বাস্তব। কল্পনার রাজ্যের বদলে বাস্তবের মধ্যেই যে জায়গা পেয়েছি তাতে রাগ করিনি। আচ্ছা, আমি এখন আবার মিনুকে একটুখানি প্রস্তুত করে আসি।”

ঋণিকা পরদিন সকালে বাড়ীর সকলের কাছে বিদায় গ্রহণ করিয়া যাত্রার জন্ত প্রস্তুত হইল। অনাদিনাথ বলিলেন, “আমি আপনাকে দিয়ে আসব ষ্টেশন অবধি, আমার কোন অসুবিধা হবে না।”

ঋণিকা বলিল, “মা, মা, থাক, আপনাকে যেতে হবে না।”

অনাদিনাথ তাহার ব্যগ্রতায় বিস্মিত হইয়া আর কিছু বলিলেন না। যাইবার বেলায় সে যখন তাঁহাকে প্রণাম করিল, তখনও হস্তের স্পর্শে আশীর্বাদ করা ভিন্ন তিনি আর কিছু বলিবার খুঁজিয়া পাইলেন না। ঋণিকার মনের অসাধারণ ব্যথিত অবস্থাটা তিনি বুঝিতে পারিয়াছিলেন, কিন্তু কারণটা সব তোঝেন নাই। কথায় মানুষের

ব্যথা যে কমে না, তাহা জানিতেন বলিয়াই কথা বলাটা দরকার মনে করিলেন না।

গৃহিনী বলিলেন, “এসো বাছা, মা বাপ শিগুগির ভাল হয়ে উঠুন, চট করে ফিরে এসো।”

কণিকা মুখের চেষ্টাকৃত হাসিতে বলিতে চাহিল যে সে

আবার শীঘ্রই ফিরিবে। কিন্তু তাহার সমস্ত অন্তর যেন তাহার বাহিরের মিথ্যা হাসিকে তুচ্ছ করিয়া বলিয়া উঠিল, “আর আসব না, এই শেষ।”

(ক্রমঃ)

শ্রীমতী দেবী।

লিচ্ছবিদেশ বৈশালী

লিচ্ছবিদেশের রাজধানী বৈশালী নগরে দ্বিতীয় বৌদ্ধ মহতীসভা আহূত হইয়াছিল (১)। বৈশালীনগর শাক্যমুনির বাসস্থান বলিয়া ইতিহাসপ্রসিদ্ধ। এই স্থানে তিনি তাঁহার ধর্মমত প্রচার করিয়াছিলেন (২)। লিচ্ছবিদেশের আহ্বানে তিনি এখানে আসিয়াছিলেন (৩)। মহাবীর দ্বাদশটি বর্ষ এখানে যাপন করিয়াছিলেন (৪)। এই দেশ ধনধান্যে পূর্ণ। ইহার জলবায়ু সুন্দর। এখানে শতাধিক বিহার ভগ্নাবস্থায় রহিয়াছে, মাত্র তিনটি কিংবা পাঁচটিতে কয়েকজন সন্ন্যাসী বাস করিয়া থাকেন। বিভিন্ন ধর্মের দেবালয়ও কয়েকটি এখানে আছে (৫)।

লিচ্ছবিদেশের উৎপত্তির পৌরাণিক মতের সহিত তাহাদের রাজ্যের উৎপত্তিরও পৌরাণিক মত জড়িত। লিচ্ছবিদেশের জন্মগ্রহণের সময় হইতে স্থানীয় অগ্ন্যগ্নি বালকেরা তাহাদিগকে স্বপ্নার চক্ষে দেখিত; একগু লিচ্ছবিরা তাহাদিগকে স্থানান্তরিত করিবার জন্ত বিশেষ চেষ্টা পাইয়াছিল এবং পরিশেষে কৃতকার্য হইয়া তাহাদিগকে যেখানে নির্বাসিত করিয়াছিল তাহার নাম বজ্জি (বুজ্জি) রাখিয়াছিল।

এই ‘বজ্জি’ (বুজ্জি) শব্দ ‘বজ্জতব্ব’ শব্দ হইতে উদ্ভূত। ‘বজ্জতব্ব’ শব্দের অর্থ—যাহাকে স্থানান্তরিত করা হইয়াছে। বজ্জি (বুজ্জি) রাজ্য তিনশত যোজন বিস্তৃত ছিল। লিচ্ছবিরা এই স্থানে আপনাদিগের অধিকার প্রতিষ্ঠিত করিয়াছিল। ইহাদের রাজপুত্র ও রাজকন্যা বিবাহিত হয়, এবং তাহাদের বমজ পুত্র ও কন্যা জন্মে। এইরূপে তাঁহাদিগের যোলটি পুত্র ও যোলটি কন্যা জন্মগ্রহণ করে। বংশবিস্তৃতির সহিত

ইহাদের রাজ্যও বিস্তৃত হইয়াছিল, এই কারণে রাজধানীর নাম ‘বিশাল’ বা বৈশালী হইয়াছিল (৬)।

বিষ্ণুপুরাণের মতে বিশাল-স্থাপিত বলিয়া এই রাজ্যের নাম বিশাল বা বৈশালী হইয়াছে। তৃণবিন্দুর ঔরসে ও শ্বর্গীয়া অঙ্গুরা অলম্বুসার গর্ভে বিশাল জন্মগ্রহণ করিয়াছিলেন।

রামায়ণে উক্ত হইয়াছে যে ইক্ষ্বাকুর বিশাল নামে এক পুত্র ছিলেন। তিনিই বিশাল বা বৈশালী নগরের স্থাপয়িতা (৭)। বিশ্বামিত্র রামলক্ষণসহ গঙ্গা পার হইয়া মিথিলা যাইবার পথে এই স্থানে উপস্থিত হইয়াছিলেন (৮)। অত্রত্য রাজা সুমতি তাঁহাদিগের যথোপযুক্ত আতিথ্যসংকার করিয়াছিলেন (৯)।

ইতিহাস-বিশ্রুত বৈশালীর ভৌগোলিক স্থান নির্ণয় করিতে গিয়া বড়ই সমস্যায় পড়িতে হয়। কালিদাসের উল্লিখিত উজ্জয়িনী রাজ্যের শ্রীবিশালা নগরীর সহিত ইহাকে অভিন্ন ধরিয়া অনেকেই গোল পড়িয়া গিয়াছেন। বৌদ্ধদিগের মতে ইহা প্রয়াগ বা এলাহাবাদ; কিন্তু রামায়ণের মতে ইহা গঙ্গার উত্তরতীরে শোণ নদের সন্মুখে অবস্থিত। গঙ্গার উত্তরতীরে, শোণনদের বিপরীত মুখে বৈশালীর সংস্থান। তাহা হইলে বৈশালী সারণ জেলার উত্তরাংশে অবস্থিত হইয়া পড়ে। হামিল্টন সাহেব এই মত পোষণ করিয়াছিলেন (১০)।

চৈনিক পরিব্রাজক ফা-হিয়ান বৈশালী ভ্রমণ করিয়াছিলেন, কিন্তু হুংখের বিষয় ইহার বিস্তৃত বিবরণ লিপিবদ্ধ

১। Buddhism by Monier Williams, pp. 405 and 410.

২। Anguttara Nikaya, Vol. II. Pt. I. pp. 190-194.

৩। Manual of Buddhism by S. Hardy, p. 244.

৪। Kalpa Sutra (S. B. E.) Jaina Sutras, p. 264.

৫। Buddhism by Monier Williams, p. 410.

৬। Manual of Buddhism by Spence Hardy, p. 242, f.

৭। Ramayana (Bombay edition) Balakanda, p. 47.

৮। Ibid. p. 45.

৯। Ibid. p. 48.

১০। Wilson's Vishnupurana.

করিয়া যান নাই। ছয়ন স্রাং এই নগরীর ভগ্নাবশেষ দেখিয়া-
ছিলেন। তাঁর সময়েও সहरটি ২০ মাইল বিস্তৃত ছিল।
শতাধিক বিহারের ভগ্নাবশেষ তিনি দেখিয়াছিলেন। কতিপয়
বিহার অভয় ছিল এবং এই-সকল বিহারের লোকেরা
বিধর্মাদিগের অপেক্ষা ধর্মবিষয়ে কিছু উন্নত ছিল (১১)।
দেশবাসীরা ধনশালী ছিল। জমীর উর্বরতা-শক্তি প্রচুর ছিল।
জলবায়ু নাতিশীতোষ্ণ। দেশবাসীরা নিজ নিজ অদৃষ্টে সন্তুষ্ট।
মনিয়ার উইলিয়াম্‌স সাহেবের (১২) মতে বৈশালী হাজিপুরের
২০ মাইল উত্তরে পাটনার ২৭ মাইল উত্তরপূর্বে গঙ্গার
বামতীরে অবস্থিত। ১৯১৮ সালের কলিকাতা বিশ্ব-
বিদ্যালয়ের কারমাইকেল লেকচারে অধ্যাপক ভাণ্ডারকার
লিখিয়াছেন যে লিচ্ছবিদিগের রাজধানী বৈশালী, বিহার
প্রদেশের মোজাফরপুর জেলার বেসার সहर। বীল (১৩)
সাহেবের মতে পাটনাসহরের কিছু উত্তরে গণ্ডকনদীর তীরে
বজোরা রাজ্যের রাজধানী বৈশালী অবস্থিত।

ছলভা সাহেবের মতে বৈশালীতে তিনটি জেলা ছিল।
প্রথম জেলার ভিতর স্বর্ণচূড়ামণ্ডিত ৭০০ গৃহ ছিল। মধ্যম
জেলায় ১৪০০০ গৃহ ও রৌপ্যচূড় মন্দির ছিল। শেষ জেলায়
২১০০০ গৃহ ও অনেক তাম্রচূড় বিহার ছিল। এই-সকল
জেলায় উত্তম, মধ্যম ও অধম শ্রেণীর লোকেরা যথাক্রমে
বাস করিত (১৪)। নানাবৃক্ষসম্বিত দেশটি অতীব রমণীয়
ছিল। উদেন, গৌতম, বহুপুত্রক, সন্তুষ, সারণদদ প্রভৃতি
নামে সুন্দর সুন্দর চৈত্যা ছিল (১৫)। পুরাকালে বৈশালী
সমৃদ্ধিশালী নগর ছিল। নগরের চারিদিক তিনটি প্রাচীরে
বেষ্টিত ছিল। প্রত্যেক প্রাচীরে অপরাট হইতে তিন মাইল
দূরে অবস্থিত। নগরের তিনটি দ্বার ও প্রেষণ গৃহ ছিল এবং
৭৭০৭ নৃপতি ইহা শাসন করিতেন। সমসংখ্যক রাজ-
প্রতিনিধি, সৈন্যধ্যক্ষ এবং কোষাধ্যক্ষ ছিলেন (১৬)।

নানাবিধ উৎপন্নদ্রব্যে দেশ পূর্ণ ছিল। অধিবাসীরা
সন্তুষ্ট ছিল। বৈশালী অমরাপুরীর সহিত উপমিত হইতে

পারিত। নানাপ্রকার কুম্ভসম্ভারে পূর্ণ, রসাল ফলভারে
বৃক্ষসমূহ অবনত থাকিত (১৭); ক্রমরাজের রাজকোষ
মণিমুক্তা স্বর্ণরৌপ্যে পূর্ণ ছিল (১৮)। গৌতমের এই সুন্দর
রাজ্য বহু-বিস্তৃত ছিল। রাজপুত্রেরা বেশ সন্তোষে বাস
করিত এবং তাহারা অগ্র জাতির সহিত বিবাহ-বন্ধনে আবদ্ধ
হইত না। এখানে ৭৭০৭ জন রাজপুত্র, ভিন্ন ভিন্ন
রাজবাটীতে বাস করিত। প্রত্যেকের অধীনে একজন
রাজা কোষাধ্যক্ষ ও অগ্রাগ্র রাজকর্মচারী থাকিত। প্রত্যেক
রাজপুত্র নির্দিষ্ট সময়ের জ্ঞান পর্যায়ক্রমে রাজকার্য
পর্যালোচনা করিত (১৯)।

খৃষ্টজন্মের পূর্বে ষষ্ঠ শতকে বৈশালী সहरে স্বাধীন-নরপতি-
বৃন্দ-পরিচালিত রাজ্যে যে সামাজিক ও রাজনৈতিক উন্নতি
সাধিত হইয়াছিল তাহা বাস্তবিকই বিস্ময়কর। লিচ্ছবি
নরপতির পুণ্যোদকে স্নাত হইয়া রাজকার্য করিতেন (২০)।
নগরের ভিতরে ও চারিপার্শ্বে বৌদ্ধযুগের পূর্বের বহু মন্দির
বর্তমান ছিল। অরণ্যচারী ষতি সন্ন্যাসীদিগের আশ্রয়ের
জ্ঞান লিচ্ছবির রাজধানীর সন্নিকটে ত্রিকোণ 'হল'গৃহ
নির্মাণ করিয়াছিলেন। (Rhys Davids' Buddhist
India, pp. 141-142.)

চিরদিন কখনও কাহারও সমান যায় না। বৈশালীর
সুখসমৃদ্ধির দিন শেষ হইয়া এক সময়ে দুঃখের দিন
আসিয়াছিল। দেশে দুর্ভিক্ষ দেখা দিয়াছিল। অনাবৃষ্টির
জ্ঞান শস্য উৎপন্ন হয় নাই। অনাভাবে অনেকেই মৃত্যুমুখে
পতিত হইয়াছিল। লোকাভাবে মৃতের সংকার হইতেছিল
না। কোনও গতিকে মৃতব্যক্তিকে লোকেরা রাস্তায় ফেলিয়া
দিতেছিল। মৃতদেহের দুর্গন্ধ হইতে দেশে মহামারীর প্রাদুর্ভাব
হইয়াছিল। তখন দেশবাসীরা রাজার পাপে রাজ্য নষ্ট
হইতেছে মনে করিয়া তাঁহার নিকট অভিযোগ করিল।
তখন রাজা তাহাদিগকে তাঁহার দোষ দেখাইয়া দিতে
বলিলেন। তাহারা কিন্তু রাজার কোনরূপ দোষ দেখাইতে
পারিল না। তখন অন্তোপায় হইয়া তাহারা দীনদয়াল
বুদ্ধদেবের শরণাপন্ন হইল। তাঁহারই কৃপায় আবার বৈশালীর
সুদিন ফিরিয়া আসিয়াছিল। (Paramatihajotika on
Khuddakapatha, pp. 158-165)

শ্রীবিমলাচরণ নাহা।

১১। A Manual of Buddhism by Spence Hardy,
p. 213.
১২। Buddhism, pp. 409-410.
১৩। Beal's Romantic Legend of Sākya Buddha,
p. 28.
১৪। Rockhill's Life of the Buddha, p. 62.
১৫। Divyavadana (Cowell & Neil), pp. 200-201.
১৬। Jataka (Cowell's edition), Vol. I. p. 316.

১৭। Rockhill's Life of the Buddha, p. 63.
১৮। Beal's Romantic Life of the Buddha, p. 28.
১৯। A Manual of Buddhism by S. Hardy,
pp. 242-243.
২০। Jataka (Cowell's edition), Vol. IV. p. 148.

পূজারী

গ্রামের এক টেরে পাহাড়ের কোল ঘেঁষে শালপাতার ছাউনি দিয়ে ঘেরা একখানি কুটির—টাঁদের বৃকের কলঙ্ক-রেখার মত বড় সুন্দর, আয়নার মত জলছল, স্বভাব-সুন্দরীর সখু-রচিত কবরীর মত ফিটফাট—পরিষ্কার—পরিচ্ছন্ন। সেই কুটিরের বৃকে আলোকের ঝিল্কি হেনে মহেশের ললাটনেত্রের ন্যায় যে আঙনের-পুল্লী দিনরাত জ্বলতো তারই পাশে আঙনের আলোককেও গ্রাস করে বাস করতো তরুণ দীপ্ত সন্ন্যাসী—জোয়ারের জলে ভরা নীল গভীর সমুদ্রের মত ছিল তার লাবণ্য—শরতের ঘন নিবিড় রৌদের মত ছিল তার তরুণ যৌবন। কুটিরের ভিতরে শালপাতের পুঁগি এবং ভস্ম-বিভ্রাত নিরেই এত বাস্তু থাকতো সে, যে পাইরের সাড়া তার কানের কাছে বড় পৌঁছাত না। কেবল নিবিড় সন্ধ্যা নদীর ওপারে বাঁশের ঝাড়ের ভিতর দিয়ে তরল সোনার চেউয়ের মত যখন গলে পড়তো, নদীজন্মের মুহূর্ণন বিশ্ববীণার ছন্দের সাথে তাল রাখতে গিয়ে মাঝে মাঝে যখন বড় অধীর হয়ে এক-একবার কান্নার মত করে কেঁপে উঠতো, তখন আর কেউ তাকে ধরে রাখতে পাবতো না। সদ্যস্নাত সন্ন্যাসী তখন রক্তবরণ রবির দিকে তার প্রকাণ্ড হাত ছুটো তুলে ধরে উদাত্ত কণ্ঠের বন্দনাগীতিতে নীল আকাশ ও মাতাল বাতাস প্বনিত করে তুলতো। সঙ্গে সঙ্গে চেউগুলো ভক্তের মত ছুটে এসে ভাঙ্গা নটুকনার মত তার রাঙ্গা পায়ের প্রায় ঘেঁষে একেবারে উচ্ছ্বসিত হয়ে লুটে পড়তো।

একদিন অমনি করে সন্ন্যাসী যখন সৌন্দর্যের বন্দনায় বাস্তু, তখন তার কিছু দূরে দাঁড়িয়ে তাকে দেখলো তরুণী রাজকুণ্ডী অরুণা। খেয়ালের রাণী সেদিন মরালের মত সাঁতারে সাঁতারে ভরা নদীর নীল জলধারাকে ওলটপালট করে দিয়ে বিদ্যাংপুঞ্জের মত তনুলতাপানি নিয়ে ঘরে ফিরে যাচ্ছিল—কক্ষে ছিল তার ভরা ঘট—বক্ষ জুড়ে তার আলিঙ্গনের মত হয়ে জড়িয়ে ছিল ধূসর ধোঁয়াটে একখানি শাড়ী। সন্ন্যাসীর দিকে দৃষ্টি পড়তেই জলভরা ঘট কাঁখে নিয়ে, কিন্নরার কথা ভুলে গিয়ে, বাতাসের বৃকে ফুলের

গন্ধটুকুর ন্যায় সেই দৃষ্টির ভিতরে আপনাকে অর্পণ করে সে আড়ষ্ট অচল হয়ে থমকে দাঁড়াল। আর এদিকে আলোর আরতি শেষ করে সন্ন্যাসী ফিরে চাইতেই তার দৃষ্টি গিরে পড়লো সেইখানে যেখানে জমাট যৌবনের মত রাজ-কন্যা অরুণার তরুণ তনুলতাকে বেঠেন করে অঙ্গগামী সূর্যের শেষ রশ্মিরেখা আলিঙ্গনের মত হয়ে নেমে পড়েছে।

সন্ন্যাসী দেখলো কি সে সুন্দর মুখ! বসন্তের নিবিড় স্পর্শের মত তার সমস্ত হৃদয় একটা পুলকস্পন্দনে ভরে উঠলো। উচ্ছল নদীর কলগাথার ন্যায় একটা আকুল ক্রন্দন তার বক্ষতটকে আঘাত করে ফেটে টুটে পড়তে লাগল। তার হৃদয় অত্যাগ্র বাথায় কাঁদতে গিয়ে সেদিন সাড়া দিল—সে সার্থক—ওগো আজ সে সার্থক।

সন্ন্যাসীর উদাত্ত সেই দৃষ্টির সন্মুখে সারা গায়ে রাজ্যের লজ্জা জড়িয়ে, ভরা ঘট ছলকিয়ে, নতমুখী তরুণী হাওয়ার মত লঘু পা ফেলে তেমনি করে ধীরে ধীরে সরে গেল যেমন করে প্রভাতের ফোঁটা পদ্মটি বাতাসের বায়ে আস্তে আস্তে সন্ধ্যা বেলায় জলের তলে হুয়ে পড়ে।

ওগো তুমি কে গো—তুমি কি? বসন্তের আনন্দমঞ্জরীর মত তোমার পুষ্পিত তনুলতা! বর্ষার পরিপূর্ণ তটিনীর ন্যায় পরিপূর্ণ যৌবনের স্বচ্ছ আভাস তার কুলে কুলে উচ্ছ্বসিত! গানের মুচ্ছনার মত তোমার করণ দৃষ্টি—কবিতার ছন্দের মত তোমার ললিত গতি! ওগো চেয়ে দেখ, তারই লীলা প্রতিপদক্ষেপে এক-একটি করে শতদল পদ্ম কুটিয়ে আমার বৃকের উপর তোমার গতিবেগের চিহ্ন রেখে যাচ্ছে। কি লঘু তোমার দেহ—কি মদির—কি স্নিগ্ধ তার ভঙ্গিমা!

সন্ন্যাসীর সমস্ত হৃদয়ের ভিতর দিয়ে আর্তনাদের মত কি একটা বস্মে গেল। সাথে সাথে ঝড়ের মত করে সমস্ত হৃদয়টাকে ওলটপালট করে দিয়ে গেল। সে কঠিন মাটির উপর শুয়ে পড়ে তার ভগবানকে ডেকে বললে—ওগো অন্ধকারের আলো, হৃদয়ের বন্ধ, আজ আমার হৃদয় গুরুভারে অবনত—ভয়ে ভাবনায় বিচলিত। আমার মন

বিক্ষিপ্ত—চিত্ত উদ্ভ্রান্ত—শরীর অবশ। আমাদের সবল
কর প্রভু—সবল কর।

পরের দিন ভোরের বাতাসে জেগে সন্ন্যাসী যখন চক্ষু
চাইলো তখন তার হৃদয় একেবারে হাক্কা হয়ে গেছে। কি
একটা গভীর আনন্দে তার সবটা মন ভরপুর। সাদা
মেঘের মত নীল আকাশের তলে সে যেন উধাও হয়ে উড়ে
চলেছে। মাঝে কোনোখানে কোনো বাধা নেই। কেবল
অন্তরের ভিতরে যেখানে তার মূর্তিহীন দেবতার কনক
আসনখানি ক্ষুধিত তৃষিত হয়ে এতদিন ধরে খালি পড়ে ছিল
সেইখানে ভেসে উঠেছে এক অনিন্দ্য-সুন্দর তরণীমূর্তি।

তারপর হতে ওপারের ভরা সন্ধ্যা দিনের পর দিন
এপারে যখন ঘন হয়ে নেমে আসতো, সন্ন্যাসী ঘাটে এসে
দাঁড়াত; আর তরণী রাজকন্যা সেই ভরা ঘট কাঁখে নিয়ে
গমনের পথে তার দিকে আকাশের একটি মাত্র নক্ষত্রের
ন্যায় চেয়ে থাকতো। কেউ কোনো কথা কইতো না।
কারো পরিচয় কেউ জানতে চাইতো না। শুধু তাদের
হৃদয়ের দৃষ্টির ভিতরে ভিতরে কথা চলতো—এর দৃষ্টি ওকে
ডেকে বলতো—“আমি তোমায় চিনি—ওগো আমি তোমায়
চিনি—জন্ম জন্ম আমাদের এই প্রেম আর-সবাইকে বঞ্চিত
করে এমনি করে সঞ্চিত হয়ে এসেছে। এই উন্মুখ হৃদয়ের
অগাধ প্রেমে আমরা ছইজন ছইজনকে অভিষিক্ত করে
উজ্জল করে তুলব। কোনোখানে এতটুকু সঞ্চিত করে
রাখবো না—আমি তোমাকে সব দেবো বন্ধু—সব দেবো।”

আনন্দের অশ্রুধারার মত ভরা হৃদয় নিয়ে সন্ন্যাসী ঘরে
এসে ভাবতো অরুণার সেই আনন্দ-উজ্জল মুখের কথা।
নির্ঝরক প্রণয়ের মুখর গুঞ্জন তাকে অধীর করে তুলতো।
পুলক-চঞ্চল তার দেহের ভিতর মূচ্ছার মত কি একটা
আবেশ উচ্ছ্বসিত হয়ে উঠতো তা সে নিজেই বুঝতে
পারতো না। বুকের উপর দুটি হাত তুলে ধরে, চক্ষু
দুটি মুদ্রিত করে সে স্বপ্ন দেখতো তার হৃদয়ের মাঝখানে
নেমে এসেছে কার দুটি স্নিগ্ধ বাহুর নিবিড় আলিঙ্গন।
কি সে স্পর্শ! ফুলের মতন তার ভিতর হতে গন্ধ
উচ্ছ্বসিত হয়ে উঠেছে—মদের মত তার ভিতর হতে
একটা নেশা জমাট বেঁধে বাইরে ছড়িয়ে পড়েছে।

দিনের পর দিন এমনি করে যখন তাদের ভাবহীন
পরিচয় আঘাতের মেঘের মতন গাঢ় হয়ে উঠছিল, তখনই
সহসা একদিন গ্রামবাসীদের নির্দয় বজ্র তাদের প্রতি
উদ্যত হয়ে উঠলো। এই গোপন আঁধার প্রচ্ছন্ন
অভিসারকে তারা সহ করতে পারলো না। রাজাকে
জানালো তারা—সন্ন্যাসী সাধুপুরুষের ব্যক্তিচরীর মত
এই ব্যবহার। সঙ্গে সঙ্গে রাজদরবারে সন্ন্যাসীর তলব
পড়লো।

রাজবাড়ীর ভিতর পাষাণ-প্রাচীর-ঘেরা রাজার দরবার-
খানা। সেইখানে সোনার সিংহাসনে বসে সোনার মত
কঠিনহৃদয় মহারাজ নিদারুণ হৃদয়হীনতার সাথে দণ্ড
দিতেন, আর ততোধিক হৃদয়হীনতার সাথে সভাসদগণ
তাকে বরণ করে নিত। রাজসভার করুণ কল্পিত
হৃদয় সে ঘোষণায় গভীর ব্যথায় আর্তনাদ করে উঠতো।
কেবলমাত্র রাজকন্যা অরুণার মর্জি যেদিন তাকে
রেশমের জালে ঢাকা দরবারখানার জানালার ফাঁকে টেনে
আনতো সেদিন এই পাশবিকতা আর নিষ্ঠুর হয়ে উঠতো
সাহস পেত না—বসন্তের পল্লবলতীর মত কোমল একটা
আভা সেদিন রাজসভাকে মায়ে মমতার মত করুণ
স্নেহে একেবারে ভরপুর করে রাখতো। কিন্তু কিছু
দিন হতে দরবারের জালায়নে রাজকন্যার মণিকাটা
সিংহাসনের দিকে চাইলেই দেখা যেত—সিংহাসনটা
খালি পড়ে রয়েছে। তার মণির দীপ্তিকেও নিজের
আগুনের মত দীপ্তি দিয়ে যে উজ্জল করে রাখতো সে
রাজকন্যার সন্ধান সেখানে এখন বড় একটা মিলতো
না। সকলে মনে করতো, বৃষ্টি ঋতুর ছোঁয়াচ ফুলের
মত কোমল স্থানটাকেও স্পর্শ করে দিনে দিনে পলে পলে
কঠোর করে তুলেছে—অহল্যার ঞায় রাজকন্যার শিশিরের
মত কোমল দেহটাও বৃষ্টি তার রুদ্র অভিধাপে ধীরে
ধীরে পাষাণে পরিণত হয়ে গেছে।

এমনি যে রাজদরবার সেইখানে সহসা একদিন এসে
দাঁড়ালো সেই সগর্ভ-স্বাধীন তরুণ কান্ত সন্ন্যাসী।—

এ কে—এ কে গো এ ? তরুণ তাপস যে হাসির মত
সুন্দর—শিশুর মত সরল। এর আবার অপরাধ কি!

ভীত সকলের বুকের ভিতর কেঁপে উঠলো। নিখাসের বাতাস দেয়ালে বেধে কেঁদে গাইলো—হায়-হায়-হায়রে! সঙ্গে সঙ্গে সকলের দৃষ্টি গিয়ে পড়লো জরীর জাল দিয়ে ঢাকা সিংহাসনের পিছনে। সেখানে মণির ঝাপরে ঘেরা রেশমের ওড়নাতে অনেকদিন পরে ইন্দ্রধনুর বর্ণরাগবৈচিত্র্য বিকশিত হয়ে ওঠে কি না তাই দেখবার জন্য সকলের নয়ন একসঙ্গে চলচঞ্চল হয়ে উঠল।

সন্ন্যাসীর নবাকৃপের মত সেই মুখখানির দিকে বিশ্বিতের মত কিছুক্ষণ তাকিয়ে থেকে সহসা আপনাকে সচেতন করে তুলে রাজা বললেন—সন্ন্যাসী, তোমার ব্রত ইন্দ্রিয়-সংযম—লালসার নিবৃত্তি। তুমি এ কি করেছ! আমি তোমাকে কঠোর শাস্তি দেবো।

সন্ন্যাসী হেসে উত্তর দিল—মহারাজ আপনি ভুল করেছেন। আমি সৌন্দর্যের পুরোহিত। আমি তারই পূজা করেছি। অত্যাঁ কিছু করি নি।

রাজা তাঁর স্বাভাবিক কঠোর কর্তৃত্বকে আরো কঠোর করে বললেন—তুমি তন্নয় হ'য়ে যুবতীর পানে চেয়ে থাকতে, সে সাক্ষীর অভাব হবে না।

কথার ভিতরে আপনাকে অর্পণ করে সন্ন্যাসী বলল—মহারাজ, সে যুবতী যে রূপের দীপালী—সাক্ষাৎ সৌন্দর্য্য-প্রতিমা। আমি দৃষ্টির ভিতর দিয়ে দেবতার সর্বশ্রেষ্ঠ গৌরবের গায়ের আপনাকে নিবেদন করেছি মাত্র—আর কিছু তো করি নি।

ক্রোধ-সম্পিতস্বরে রাজা বললেন—পণ্ডিত সন্ন্যাসীর প্রায়শ্চিত্ত—

কিন্তু তার কথা শেষ হবার আগেই অন্তঃপুরের ছয়াল খুলে সিংহাসনের তলে এসে দাঁড়ালো শরতের আকাশের রঙ্গের মত নীল ঘোমটার মেঘে ঢাকা রাজকন্যা অরুণার দাসী। তার জ্যোৎস্নার মত সুন্দর হাতে সোনার খালার উপর পড়ে রয়েছে ভূর্জপাতে লেখা রাজার নামের চিঠি-খানি। এইরকম অপ্রত্যাশিতভাবে রাজকন্যার চিঠি দাস্তিকতার রক্ত-লোলুপ অগ্নিজিহ্বার উপর আরো কতবার মেঘমেহুর আকাশের অবিরল জল-ধারার নিখুঁত প্রলেপ টেনে দিয়েছে—সে কথাটা মনে পড়তেই রাজসভার এক প্রান্ত হ'তে অন্য প্রান্ত পর্যন্ত রাজকন্যার

অনুধ্বনি মুখরিত হয়ে উঠলো। রাজা রুদ্র রোধ দমন করে হেসে বললেন—সন্ন্যাসী, তুমি ভাগ্যবান। রাজকুমারী তোমার বিচারভার গ্রহণ করেছেন।

সেদিন অজস্র কালো কেশের মত অন্ধকারের নাগপাশ সমস্ত আকাশ বাতাস ঢেকে ফেলে আপনার বীভৎসতায় ভীত হয়ে আপনিই মুচ্ছিত হয়ে পড়েছিল। ঝঞ্ঝার ঝাপট ফ্যাপা দৈত্যের মত পৃথিবীটাকে গুঁড়িয়ে রেণু রেণু করে ফুৎকারে উড়িয়ে ছড়িয়ে দেবার বার্থ প্রয়াসে ফুলে ফুলে গর্জাচ্ছিল এবং ভারি ভারি মেঘগুলো ঝাঁক বিছাতের তরবারের আঘাতে দিক হ'তে দিগন্ত পর্যন্ত চিরে দিয়ে কি একটা নিবিড় বেদনায় গভীর হাহাকারের মত হয়ে একেবারে ধরিত্রীর বুকের উপর ফেটে ভেঙে পড়ছিল।

রাজকন্যা অরুণা প্রকৃতির প্রলয়ের মত সেই নিমন্ত্রণকে সার্থক করে বজ্র-বৃষ্টি-ঝঞ্ঝার মধ্য দিয়ে এসে দাঁড়ালো বাহিরের অন্ধকারের মত নিবিড় কালো কারাগারের ভিতর। তার কঠিন পাষণ্ড্যূপের উপর একমুঠো ঝরে-পড়া শেফালিগুচ্ছের মত যে জায়গায় পড়ে ছিল ধ্যান-মৌন রূপকরুণের সেই সন্ন্যাসী সেখানটায় এসে তার লীলার মত ললিত পদক্ষেপ একেবারে স্থির নিশ্চল হয়ে থমকে দাঁড়ালো। তারপর কোনো ইতস্তত না করেই একটি ফুলের উপর আর-একটি ফুল গুয়ে পড়ল। রাজকন্যা আবিষ্টের মত সন্ন্যাসীর বাহুমূল স্পর্শ করে বলল—চেয়ে দেখ সন্ন্যাসী, তোমার ছয়াল আজ কে নেমে এসেছে—তোমার মৃত্যুভয়াতুর ছংখের রাত্রি আনন্দের সূর্য্যকর-লেখায় উদ্ভাসিত করে চেয়ে দেখ—হে চিরসুন্দর, হে চিরসুন্দর কে আজ নেমে এলো গো—কে আজ নেমে এলো! এ কি কর্তৃত্ব—এ কি স্পর্শ! সন্ন্যাসীর রেশমের মত পশ্চদলের ভিতর প্রভাতের অরুণ-লেখার মত আনন্দের একটা স্পন্দন জেগে উঠল—নীলপদ্মের মত তার বিস্ফারিত চোখ দুটির মুগ্ধ দৃষ্টি সে নিক্ষেপ করলো প্রজ্ঞাপতির মত বিচিত্র-বেশ-বিলসিতা রাজকন্যার মুখের উপর। কিন্তু এ কে গো—এ কে? কোণায় তার সেই মিরাত্তরণা সীদামাতা জল-কলস-ভার,

মহারা প্রেমসী যে বনস্তের অসজ্জিত গৌরবশীর মত সুন্দর, লজ্জার রক্তরাগা গণ্ডের মত অপূর্ণ—সে কোথায় গো—সে কোথায়? মণিমুক্তাভূষিতা ফিরোজা রঙের ওড়নার আড়ালে খড়ের মত উদ্ভূত রাজকুমারীর মুখের উপর জলন্ত চোখ ছোটো স্থাপন করে সন্ন্যাসী আর্তকণ্ঠে বলে উঠল—তুমি কে—তুমি কে গো! আমি তো তোমাকে চাই নি—

“ভুল করো না বন্ধু, ভুল করো না—আমি রাজকন্যা অরুণা। এই কঠিন পাষণ এ তো তোমার যোগ্য উপাধান নয় প্রিয়তম। জাগ বন্ধু, চেয়ে দেখ।” সঙ্গে-সঙ্গেই ফুলের মালার মত তার গলায় জড়িয়ে গেল রাজকুমারীর তরুণ কোমল বাহুল্যতা—আর বৃষ্টির মত তাকে আচ্ছন্ন করে নেমে এল ছুটি তপ্ত লোলুপ স্পর্শিত অধরোষ্ঠের অজস্র চুম্বনধারা।

মুহূর্তের জন্ত সন্ন্যাসীর দেহখানিও অবশ্য হয়ে এলিয়ে পড়ল—তারপর বাণাহত কুরঙ্গের মত একেবারে সোজা হয়ে দাড়িয়ে সজোরে দুই হাতে সেই কিশলয়ের মত কোমল দেহখানি সরিয়ে দিয়ে সে চীৎকার করে বলল—সরে যা, তুই সরে যা তোর আলিঙ্গনের চাইতে মৃত্যুর আলিঙ্গন অনেক মিল্ক, অনেক মধুর।

সঙ্গে সঙ্গে প্রত্যাখ্যাতা রাজকুমারী গর্জন করে বলে উঠল—তাই হোক, তবে তাই হোক। রমণীর প্রেমের সঙ্গে যে এমন করে প্রতারণা করতে পারে, জমাট তুষারের মত হিম তুহিন মৃত্যুই তার ষথার্থ পুরস্কার, বাতকের খড়্গের আলিঙ্গনই তার যোগ্য আশ্রয়। রাজকুমারী অরুণা এই প্রথম এই শেষবার ভণ্ড দাস্তিক সন্ন্যাসীর বিরুদ্ধে চরম দণ্ডাজ্ঞা প্রচার করতেন—বলেই সে স্থলিত উদ্ধার মত কক্ষের ভিতর প্রলয়ের দীপ্তি হেনে ঝড়ের মত করে বেরিয়ে গেল। আর সন্ন্যাসী সোয়ান্তির নিশ্বাস ত্যাগ করে রুঢ় পাষণের বৃকের উপর আপনাকে অর্পণ করে কেঁদে গাইল—
ওগো আমার সৌন্দর্যের অপূর্ণ প্রতিমা—তুমি কোথায় গো—তুমি কোথায়!

সেদিন ভোরের বাতাস ফুলের গন্ধের উপর ঢলে পড়বার আগেই পিশাচখানার মত রাজার কোতলখানার চারিদিকে

সাগর-কল্লোলের মত জনসমুদ্রের কলকোলাহল জেগে উঠেছে। রাজকুমারী অরুণার মোমের মত করুণ হৃদয় যাকে বাঁচবার আদেশ দিতে পারলো না, তাকেই দেখবার জন্ত সহর ভেঙে বত্মাঙ্গ শ্রোতের মত জনশ্রোত ছুটে চলেছে। কিন্তু আজ আর তাদের মুখে রাজকন্যার জয়ধ্বনি মেঘের দীর্ঘায়ত গুরুগর্জনের মত আকাশ ভরে বাতাস আলোড়িত করে তুলছে না। ‘লক্ষ লোকের চোখের দৃষ্টি ভরে রেখেছে আজ দ্বিধার মত একটা গভীর বিষয়।

পূর্বের দিক রাঙা করে একখণ্ড জলন্ত আগুনের মত নবাবুণের রক্ত আঁধি ভোরের আকাশে যেমন জেগে উঠলো মৃত্যুর মাচার উপর দিক আলো করে এসে দাঁড়ালো প্রশান্ত নির্ভীক সেই সন্ন্যাসী। তার কালো কালো চোখে একখানি দৃষ্টি বড় ব্যগ্ণ বড় করুণ। সেই একখানি দৃষ্টির ভিতরে বড় এক ফোঁটা অশ্রুর মত সবটা হৃদয় ফুটিয়ে তুলে সে আজ চারিদিকে তার সৌন্দর্য্যপ্রতিমাকে খুঁজে বেড়াচ্ছে। সে যে আজ নিঃশেষে নিজকে বোঝাতে চায়, হৃদয়ের নীরব প্রেমকে পরিষ্কৃত করে নিবেদন করতে চায়, বাইরের বাধা লোকসজ্জা সব মুছে ফেলে আপনাকে দেখাতে চায়—সে কোথায় গো—সে কোথায়!

সহসা সমস্ত জায়গা ঘুরে সন্ন্যাসীর দৃষ্টি সেইখানে এসে স্থির হয়ে দাঁড়ালো যেখানে দূরে সিংহাসনের গায়ে মিশে দাড়িয়ে আছে মূর্ত শোকের মত তরুণী রাজকুমারী অরুণা। আজ আর তার দেহ বেঁধে ধরে হীরকের সূচীমুখ অলঙ্কার-গুলো হাসির দীপ্তির মত ঝকমক করছে না—রূপের জ্যোতি বাইরে ছড়িয়ে দিয়ে তার সোনার মত গাখানি বেড়ে পড়ে আছে অতি সাধারণ ধূসর ধোঁয়াটে সেই শাড়ীখানি। তার বৃকের ভিতর রক্তের শ্রোত বরফের মত ঠাণ্ডা হয়ে জমাট বেঁধে গেছে। তার হৃদয়ময় আঘাত করে ফিরছে কেবল একটি মাত্র ধ্বনি—তোমায় আমি এ কি দিলাম বন্ধু—এ কি দিলাম!

সন্ন্যাসীর দৃষ্টি রাজকুমারীর মুখের উপর পড়েই একটা নিবিড় চুম্বনের রেখার মত হয়ে হেসে উঠলো। তার সবটা হৃদয় যেন ঝঙ্কার দিয়ে বলে উঠলো—ওগো আমার প্রতি-প্রভাতের ধ্যানের দেবতা—প্রতিসন্ধ্যার জলভার-নতা তরুণী, প্রতিরাত্রের স্বপ্নের প্রতিমা, তুমিই তবে রাজকুমারী।

অরুণা! কাল তোমাকে চিন্তে পারিনি সখী, আমার সে অপরাধ মার্জনা কর গো—মার্জনা কর। কিন্তু তোমার চোখের ভিতর অশ্রুবিহীন কান্নার মত ওকি বেদনা আজ দুটিয়ে তুলেছ? আজ তো তোমার কান্নার দিন নয় প্রিয়-তমে! যে প্রেম মানুষকে মাটির সাথে মূহুর্তে ফেলে আমি তো তাকে চাইনি। তাইতো তুমি একহাতে জীবন আর একহাতে মৃত্যু নিয়ে কুলের মত মূহুর্তে পড়ে বজ্রের মত কঠিন হ'য়ে আমার চোখে জেগে উঠেছ।

বিছাতের তরবারে আকাশকে দীর্ণ করে বজ্র যেমন হ'য়ে ধরণীর বুকের উপর ফেটে টুটে ভেঙে পড়ে তেমনি করে সন্ন্যাসীর বুকের উপর ফেটে পড়ে রাজকন্য়ার সেই একটি কথা আবার হাজার স্বরে পুনরিত হ'য়ে উঠলো— আমি তোমাকে এ কি দিলাম বন্ধু—একি দিলাম!

ধনুকের মত সুন্দর চোখ হ'তে তীরের মত হাসিরাশি ছুড়ে দিয়ে সন্ন্যাসী বলল— ছিঃ ছিঃ দুঃখ করো না রাজকুমারী, তোমার ক্রিয়বিচারে ভণ্ড পূজারীর প্রতি ষথার্থ দণ্ডই বিধান করেছ। যে নিজের খেয়ালে মগ্ন থেকে প্রাণের দেবতাকে চিন্তে পারে না—মৃত্যুই তো তার ধোগ্য পুরস্কার। পূজার ফল যে আনন্দ নিয়ে দেবতার পায়ে পড়ে পড়ে সেই আনন্দে আমার হৃদয় আজ পরিপূর্ণ হ'য়ে গেছে। তোমার

ঐ অশ্রুজলের ঝরণায় আমার এই অপূর্ণ সার্থকতা এই বিজয়-গৌরবকে ভাসিয়ে দিও না গো—ভাসিয়ে দিও না।

মুখের ভাষার মত করে সন্ন্যাসীর প্রাণের কথাগুলি চেউয়ের মত করে ধীরে ধীরে লুটে পড়লো অরুণার দলিত আঙ্গুরের মত মণিত বুকের উপর। মন্মটাকে ভেঙে চূরে রেণু রেণু করে দিয়ে এবার তার হৃদয় গেসে উঠলো—কোথায় যাবে বন্ধু, কোথায় যাবে, আমার এই উন্মথ প্রেম পরিত্যাগ করে তুমি কোথায় যাবে। কেন এই রাগসীর চোখের সম্মুখে দাঁড়িয়েছিলে প্রিয়তম,—প্রেমের এমন প্রতিদান কেউ কি কখনো দিয়েছে? কাল যদি এমনি করে একবার ডাক্তে বন্ধু—কাল যদি চিন্তে—

কিন্তু তার প্রাণের কথা চোখের ভাষায় শেষ হ'য়ে দুটে উঠবার আগেই বাতকের খড়্গা হৃর্ঘোর আলোয় ঝকমক করে উঠে বিছাতের মত নেমে এলো ফুলের অর্ঘ্যের মত সুন্দর সেই সন্ন্যাসীর মাগার উপর। সঙ্গে সঙ্গে রাজকুমারীর সংজ্ঞাহীন দেহ বোঁটাখসা শেফালিটির মত সিংহাসনের গোড়ায় লুটিয়ে পড়লো। উন্মত্তের মত পায়ের আঘাতে সিংহাসন ছুড়ে ফেলে বেপমান বাহুপুটে রাজা যখন তার তনুপতখানিকে বুকের উপর তুলে ধরলেন তখন সে শরীর হিম—জড়—অসাড় হয়ে গেছে।

শ্রীহেমেন্দ্রলাল রায়।

মহারাজা পূজা

দিনাজপুর জেলার কোন কোন স্থানে, বিশেষতঃ সদর মহকুমার পশ্চিমাঞ্চলে, “মহারাজা” পূজা নামে কৃষকদের মধ্যে একটি বারম্বারী পূজা প্রচলিত আছে। সাধারণতঃ অগ্রহায়ণ কিংবা পৌষ মাসে, ধান পাকিলে, ধান কাটা আরম্ভ হওয়ার পূর্বে, কখন কখন বা পরে, এই “মহারাজার” পূজা হয়। নবান্নের আনন্দের সময়ে মহাউল্লাসে কৃষকেরা সকলে টান্দা করিয়া ভক্তিপূত হৃদয়ে সমারোহ-আড়ম্বর-হীন পূজার অর্ঘ্য “মহারাজার” চরণে অর্পণ করিয়া তাঁহার নিকট কৃতজ্ঞতা প্রকাশ করিয়া থাকে। তাহাদের বিশ্বাস মহারাজার অনুগ্রহে তাহারা ষথাসময়ে কৃষিকাজের জন্ত

জন এবং জীবনধারণের জন্ত ভাল ফসল পাইয়া থাকে। সুতরাং মহারাজার পূজা অর্চনা করিয়া কৃতজ্ঞতা প্রকাশ করা প্রত্যেক কৃষক কর্তব্য মনে করে। প্রতিগ্রামে এই মহারাজার পূজা হইয়া থাকে। গ্রামের খোলা ও উঁচু জায়গায় “মহারাজ” দেবতার একটি করিয়া ধাম আছে। মহারাজার সঙ্গে সঙ্গে তাঁহার অনুচর দেবতাগণেরও পূজা হইয়া থাকে। দেশের রাজা-মহারাজার যেমন অনেক আমলা লঙ্কর থাকে, দেবতার মহারাজারও তেমনি অনেক অনুচর আছে। এবং মহারাজার ধামে তাহাদের পৃথক পৃথক “খান” (স্থান—বেদী) আছে। এই-সকল অনুচর

দেবতা “মহারাজার” তাবেদারীতে খাটে এবং তাঁহার হুকুম পেশ ও পরওয়ানা জারী করাই ইহাদের কাজ। মহারাজা-দেবতার অনুচরগুলির মধ্যে কতকগুলি হিতকর কর্মে এবং কতকগুলি অহিতকর কর্মে নিযুক্ত আছে। হিতকরকার্যে নিযুক্ত অনুচর হইতেছেন—মহাশাস্তি, লক্ষ্মী এবং কাণ্ডী। মহাশাস্তি দেবতা মানুষের সুখশাস্তির মালিক। লক্ষ্মী ধানের গোলার রক্ষয়িত্রী এবং ধনৈশ্বৰ্য্যদায়িনী। কাণ্ডী গো-পালক; গোধন রক্ষা এবং গরুর রোগ ব্যাধি তাহার হাতে। অনিষ্টকারী দেবতা—মহাকাল (যম), কালী, হনুমান মহাবীর, বুড়ী, ও গুটি। স্বজন-পালন-সংহারের মধ্যে শেষের কাজটি মহাকালের, কালীরও তাই। হনুমানের কাজ বাড় বৃষ্টি সৃষ্টি করিয়া মানুষের ঘর বাড়ী উল্টাইয়া ফেলা। প্রাচীন বাংলা মঙ্গলকাব্যগুলিতেও হনুমানের এই কাজ দেখা যায়। পবনদেবের পুত্র বলিয়াই বোধ হয় ইনি এই কাজ এবং শক্তি পাইয়াছেন। মহাবীর রাত্রে লোকালয়ে আসিয়া নাকি মানুষের গায়ে কামড় দিয়া বড় বড় বা ও ব্রণ করিয়া দেন। বুড়ীর কাজ খোস পাঁচড়া চুলকানীর সৃষ্টি করা। তাহার ভগিনী গুটির কাজ বসন্ত-রোগের সৃষ্টি করিয়া লোককে মারা।

এই মহারাজা দেবতাটি কে? তাহার আলোচনা করা একটু দুরকার। কৃষকেরা “মহারাজা” ছাড়া অল্প কোন নামে তাঁহাকে জানে না। তাহারা বলে তিনি সকল ভূতপ্রেতের রাজা। এই দেবতার স্বরূপ নির্ণয় করিতে হইলে তাঁহার কাজ এবং বিগ্রহের প্রতি লক্ষ্য করিতে হইবে। শাস্ত্রাদিতে বোধ হয় মহারাজা বলিয়া কোন দেবতার নাম নাই। কাজেই ইনি অনার্য্য দেবতা বলিয়া প্রতীয়মান হইতে পারেন। কিন্তু মহারাজার বিগ্রহ দেখিলেই স্পষ্ট বোধ হয় যে ইনি দেবরাজ ইন্দ্র ব্যতীত অন্য কেহ নহেন। মহারাজার বাহন হাতী, হাতে একটি অস্ত্র। মহারাজার কাজ পৃথিবীকে সুজলা সুফলা করা। পূজার সময় এবং অন্তর্ভুক্তি হইলে কৃষকেরা জলের জগ্ন “মহারাজার” নিকট প্রার্থনা করে। ইহা হইতে স্পষ্টই বোধ হয় যে কৃষকদের পূজিত “মহারাজা” এবং দেবগণের রাজা ইন্দ্র একই দেবতা। তাহারা “মহারাজা” দেবতাকে পার্থিব রাজার মতই কল্পনা করে এবং রাজার মতই তাঁহাকে ভয়

ভক্তি করে। মহারাজার নিকট প্রার্থনা জানাইবার দুইটি উপায় আছে,—প্রথম, সকলে মিলিয়া তাঁহার ধামে গিয়া নাম কীর্তন; দ্বিতীয়, ধামী বা সেবাইতের সুপারিশ। কৃষকদের বিশ্বাস যে কিছু মানত করিলেই গ্রামে কলেরা বসন্ত প্রভৃতি রোগ সারিয়া যায়, এবং সকলে কাতরভাবে প্রার্থনা করিলেই বৃষ্টি হয়।

মহারাজার প্রথম কাজ কৃষির তত্ত্বাবধান, দ্বিতীয় স্বাস্থ্যরক্ষা, তৃতীয় গোরক্ষণ। দেবদেবী মানুষের মনগড়া। তাই পূজকের অনুরূপ দেবতা হয়। কৃষক-পূজিত মহারাজা কৃষি সৃষ্টি গোরক্ষণ ও স্বাস্থ্যরক্ষার দেবতা। কৃষকেরা নিরক্ষর, সরস্বতীর ধার ধারে না, তাই তাদের দেবতা মহারাজার অনুচর দেবতাদের মধ্যে লক্ষ্মী আছেন কিন্তু সরস্বতী নাই।

অশিক্ষিত লোকেরা বিশ্বাস করে যে মানুষের রোগ-ব্যাধি দেবতার কোপে হয়। দেবতার লীলাখেলা করিতে সাধারণতঃ ভাল বাসেন। মহারাজাও নাকি লীলাখেলার জগ্ন এবং অপরাধীকে শাস্তি দিবার জগ্ন ভূত প্রেত দেও প্রভৃতিকে মানুষের উপর লাগাইয়া দেন। তাহাতে মানুষের পীড়া হয়। পূজা দিয়া মহারাজাকে সন্তুষ্ট করিতে পারিলেই সকল প্রকার অসুখ সারিয়া যায়। দুনিয়ায় যত ভূত প্রেত দেবতা উপদেবতা আছে, সকলেই মহারাজার অধীনে, সুতরাং তাঁহার আজ্ঞাবহ। তিনি ‘সদাই’ (সদয়) থাকিলে কোন দেবতাই গ্রামে কিছু করিতে পারে না। অতএব মানুষের সুখ দুঃখ, ব্যাধি পীড়া মহারাজার হাতে। নিজ-গ্রামে কিংবা নিকটবর্তী গ্রামে কলেরা বসন্ত প্রভৃতি সংক্রামক এবং মারাত্মক রোগ হইলে গ্রামবাসীরা সকলে মহারাজার নিকট কিছু মানত করে অথবা সকলে মিলিয়া টাঁদা তুলিয়া মহারাজার বাহের (বাহিরের, অসহায়ের) পূজা দেয়।

মহারাজা-পূজার বিশেষত্ব এই যে পূজা ব্রাহ্মণে করে না; কৃষকেরা নিজেরাই করে। তাহাদের মধ্যে একজন ধামী বা সেবাইত থাকে, সেই পূজা করে। কাজেই পূজার মন্ত্রগুলি সংস্কৃত না হইয়া দেশীভাষায়। মন্ত্রগুলি তিন প্রকারের—প্রথম, লাভান (নামান=আহ্বান); দ্বিতীয়, ধিয়ান (ধান); তৃতীয়—শান (শাস্তি)।

মহারাজার পূজার কোন নির্দিষ্ট তারিখ বা দিন নাই। সাধারণতঃ কার্তিক, অগ্রহায়ণ বা পৌষ মাসে এবং মঙ্গল অথবা শনিবারে পূজা হইয়া থাকে। ধানকাটা আরম্ভ হওয়ার পর মহারাজার পূজা হইলে, পূজার দিন কৃষকের ধানকাটা অথবা কৃষিসম্বন্ধে কোন কাজ করা নিষেধ। পূজার দিন বিকাল বেলায় আবাল-বৃদ্ধ-বনিতা সকলে ধোত বস্ত্র পরিধান করিয়া ভাস্কিপুত্ৰদ্বয়ে মহারাজার ধাঘে উপস্থিত হয়। বেলা ৪টা কি তাহার একটু আগে পূজা আরম্ভ হয়। পূজার সামগ্রী আঁতপ চাল কলা দুধ চিনি বাগসা ও অগ্ন্যন্ত মন্দেশ; মহাকালের ও কালীর জন্ত একছোড়া করিয়া কবুতর, কখনও কখনও পাঁঠা; কাণ্ডীর জন্ত তীরধনুক পাঁজা ককে ছকা। মহারাজা স্বয়ং, মহাশান্তি, লক্ষ্মী, হনুমান্—এই চারজন দেবতা নিরামিষাশী। আর বাকী সব দেবতা রক্ত খাইতে খুব ভালবাসেন; এইজন্য তাঁহাদের নিকট কোন “গুনাহ” (অপরাধ) করিলে তাঁহারা মানুষের কাঁচা রক্ত খাইয়া প্রতিশোধ লন।

প্রথমে মহারাজার পূজা করিতে হয়; তারপর অগ্ন্যন্ত দেবতার। পূজায় ঢাক ঢোল কাঁসর শঙ্খ ঘণ্টার দ্রব্যকার। উপরন্ত একদল কীর্তনীগা (যাহারা কীর্তন করে) চাই। ধার্মী অর্থাৎ সেবাইত—অবশ্য তিনি অব্রাজ্জণ—আসিয়া মহারাজার প্রাণ প্রতিষ্ঠা করেন। ইহাকে বসান কহে। বসানের মন্ত্র এই—

শংক সাট শংক পাট শংক সিংহাসন।

শংক পাটে মহারাজ মহাশান্তি জুরিলে আসন।

আইস প্রভু বইস পাটে পূজা-পাটী লেহ হাতে হাতে।

পূজা-পাটী লেহ হস্তে করিয়ে।

এই মন্ত্র জপিয়া পূজার সামগ্রী মহারাজাকে নিবেদন করে। পরে মহারাজার “লাভান” বা আহ্বান করে। লাভান মন্ত্র—

পহিলে (প্রথমে) বন্দিমু চান (চাঁদ) স্করজ দুইজন,
চৌদিগে বন্দিমু এতিন ভুবন।

এক মন তিন প্রাণ থির (স্থির) করিয়ে

বন্দিমু মহারাজার চরণ।

লাভ (নাম) মহারাজ স্বর্গ ছাড়িয়ে

∴ মঞ্চত (মঞ্চে) দেহ পাও

মঞ্চত আসিয়া ভকতের পূজাপানি খাও।

মহারাজ মহাশান, সকল খানে তোক্ষার ধাম।

ভকত ডাকিছে ভোগ ভাগ দিয়া,

আইস মহারাজ হাতীত চড়িয়া,

আন যেত (যত) দেবগণ সঙ্কত (সঙ্কে) করিয়া।

গীর গীর (গুরু গুরু) দেওয়ায় (মেঘে) ডাকে,

চারিদিগ পরি গেল ছাওকার (সাড়া),

উত্তরের দেবগণ সাজিয়ে আইল জনে জন।

এই বেলা কর বন্দিশাল,

সাত সমুদ্র লঙ্কা কর দেবীয়া পার।

বিচে বিচে (মাঝে মাঝে) পরি গেল ইগিস্কৌমার।

ইয়া (ইহা) মহারাজ মহাশান্তি তোক্ষার আহ্বান।”

সমস্ত মন্ত্রটির অর্থ ও ভাবসঙ্গতি করা যায় না, সেবাইত মহাশয়ও করিতে পারেন নাই।

ধ্যানের মন্ত্র।

সোনার খাট সোনার পাট সোনার সিংহাসন,

সোনার আসনে বসিয়ে মহারাজক জুড়িছু ধিয়ান (ধ্যান)।

তোক্ষার দয়াত (দয়ায়) প্রভু হামরা (আমরা) পাই জল,

তোক্ষার দয়াত প্রভু হয় ফসল।

তোক্ষার দয়াত প্রভু বাঁচে জীব স্মৃথত (স্মৃথে),

তুক্ষী স্মুহাই (সহায়) হৈলে রোগবারি পালায় দূরত।

কি দিয়ে পূজিমু মহারাজ

তোক (তোমাকে) কি দিয়ে পূজিমু।

অন (অন) দিয়ে পূজিলে

অন গরতে কোলে (করিল) বুটা (উচ্ছিষ্ট),

দুধ দিয়ে পূজিলে দুধ বাছুরে করলে বুটা।

কিছু নাই মহারাজ পূজিমু কি দিয়ে ?

ফুল জল দিয়ে পূজি তোক, লেহ পূজা আসিয়ে।

শানের মন্ত্র।

আয় শান্তি বার শান্তি মহারাজা মহাশান্তি হো শান্তি

(শান্ত, তুষ্ট), ।

মহারাজ মহাশান তুই হো শান, পূজাপাটী খাইয়ে

তুষ্ট কর মন।

অবুঝ মানুষ হামরা (আমরা) না বুঝি তোক্ষার মহিমা।

সকল দোষ মাপ করিয়ে মহারাজ তুই হো স্মুহাই (সহায়)

গ্রাম ভালয় ভালয় থাকিলে তোক পুঞ্জিমু চিরকাল,
ভাল জল ভাল ফল (ফসল) হলে তোকার লেইমু নাম ।
মহারাজ মহাশাস্তি তুই হো শান্ কি হো শান্ ।
ভূত প্রেত পিচাশ দেও (দানব) সঙ্গে লেহ বান্দিয়া,
মহাশাস্তি লক্ষ্মীক ঘরে ঘরে যা রাখিয়া ।
মোর কাথা (কথা) না শুনিলে কেবা লৈবে তোমার নাম,
হে মহারাজ তুই হো শান্ কি হো শান্ ।

আমি একজনমাত্র ধর্মীর নিকট হইতে এই মন্ত্রগুলি
সংগ্রহ করিয়াছি, সুতরাং অত্যাচার ধর্মীর মন্ত্রের সঙ্গে মিলাইয়া
দেখিবার সুযোগ পাই নাই । অত্যাচার ধর্মীর মন্ত্রের সহিত
এই মন্ত্রের অনৈক্য হইতে পারে ।

পূজা শেষ হইলে সকলে প্রসাদ এবং ধর্মীর নিকট

হইতে মহারাজার আশীর্বাদ স্বরূপ একমুষ্টি আতপ চাল
লইয়া বাড়ী প্রস্থান করে ।

এই মহারাজ-পূজার সঙ্গে আর-এক দেবতার পূজা হয় ।
এই দেবতার নাম মহীপাল । মহীপাল দেবতা দিনাজপুরের
ইতিহাসপ্রসিদ্ধ মহীপাল রাজা কি না তাহা ভাবিবার বিষয় ।
তিনি বোধ হয় ভাল, দয়াবান্ রাজা ছিলেন, কাজেই
বহুদিন পর প্রজারা তাঁহাকে দেবতা বলিয়া পূজা করিতেছে ।

মহারাজাপূজা আর্ঘ্যপূজা কি না, মহারাজা বাস্তবিক
ইন্দ্র কি না, অত্র জেলায় বা প্রদেশে এরূপ পূজা প্রচলিত
আছে কি না, এই পূজায় কোনো বৌদ্ধ দেবতা প্রচ্ছন্নরূপে
পূজা লইতেছেন কি না, সে সম্বন্ধে অনুসন্ধান হওয়া নিতান্ত
দরকার ।

শ্রীশ্যামা প্রসাদ বর্মা ।

দরদী

কোমল বুকুে বিরাত তাহার দুঃখ গো—
পুঞ্জীভূত ধরার ব্যথা অন্তরে,
চক্ষে চের'পুঞ্জী জাগে লক্ষ গো
পাগলা-ঝোরা ঝরেছে বুকুের প্রান্তরে ।

বহিতে সে বেঁ চায় না আহা সস্তিতে,
বক্ষ তাহার উদ্বেলিত উদ্বেগে,
বহু গড়ায় সেই যে তাহার অস্থিতে,
সেই বিনা হয় অত্যাচারে রুধুবে কে ?

সেই পারে হয় করুণ বাণীর স্বর দিতে,
আটকে দিতে অধমেধের অশ্বকে,
সেই সে চালায় পুষ্পকরথ স্মৃতিতে
নয়ন-নীরে চেতায় চিত্তা-ভ্রমকে ।

যুগের যুগের ব্যথার ব্যথী নিতা সে,
উৎপীড়িতের সেই যে পরম আত্মীয় ;
জীব-নিয়তির নয়কো শুধু ভূতা সে
নয়কো চরম মোক্ষ-পদের প্রার্থীও ।

মেঘ জমে হয় তাহার বুকুের বাস্পেতে,
বক্ষ তাহার আলতা-দুঃখের গঙ্গা হে,
কল্পরী চায় তাহার প্রাণের বাস্ পেতে
ভড়ের দেহে সেই যে জাগায় সংজ্ঞা হে

সেই যে প্রেমিক, সেই দরদী, তার স্বরে
বংশীধরের বংশী বাজে কোতুকে,
মর্ত মলিন মিশায় স্বয়ং ভাস্বরে
অনর্ঘ্যতার বিপুল প্রেমের যৌতুকে ।

শ্রীকুমদরঞ্জন মল্লিক

দাক্ষিণাত্যের উপদেবতা

ভারতবর্ষের হিমালয় হইতে কুমারিকা ও হিন্দুকুশ হইতে আরাকান পর্যন্ত সমস্ত দেশেই হিন্দুধর্ম প্রবল; কিন্তু এক প্রদেশের হিন্দুধর্মের সঙ্গে অপর প্রদেশের হিন্দুধর্মের মধ্যে সাদৃশ্যগত ও মর্মগত সমতা থাকিলেও, প্রত্যেক প্রদেশের স্থানীয় উপধর্ম সেই ধর্মবিশ্বাসকে নূতন ধরণে গঠিত ও পরিবর্তিত করিয়া রাখে। এইরূপে ভারতের আদিম আৰ্য্য বৈদিক ধর্ম বহু লৌকিক ও বহির্ভারতীয় ধর্মমত ও আচার-অনুষ্ঠানের মিশ্রণে পরিবর্তিত হইয়া হিন্দুধর্মে পরিণত হইয়াছে। ভারতবর্ষের প্রাকৃতিক সীমাব্যবধানে উত্তর দক্ষিণ দুই ভাগ আবহমানকাল স্বতন্ত্র পৃথক হইয়া থাকতে আৰ্য্যাবর্ত ও দাক্ষিণাত্যের আচার-অনুষ্ঠান রীতিনীতি ও ধর্মমত চিরকালই স্বতন্ত্র ও অসদৃশ হইয়া থাকিয়া গিয়াছে। যদিও বহু প্রাচীনকাল হইতে বিক্রাপর্ব্বতের সীমা অতিক্রম করিয়া আৰ্য্যরা দাক্ষিণাত্যে বারম্বার গিয়া আৰ্য্যসভ্যতা প্রচার করিয়াছিল ও আৰ্য্য ধর্মমতে শবরকুলদেবতা বিক্রাবাসিনী উচ্চপদবী লাভ করিয়াছিলেন, তথাপি আৰ্য্যাবর্ত ও দাক্ষিণাত্যের ভেদরেখা ও স্বতন্ত্রতা বিলুপ্ত হয় নাই। আৰ্য্যাবর্তের ধর্মমত যেমন বৈদিক ধর্ম, তান্ত্রিক ধর্ম, লৌকিক ধর্ম ও বহির্ভারতীয় ধর্মমতের মিশ্রণ-জাত হিন্দুধর্ম; দাক্ষিণাত্যের ধর্মমতও তেমনি দ্রবিড় ধর্মমত ও আৰ্য্য ধর্মমতের মিশ্রণজাত হিন্দুধর্ম। আৰ্য্যাবর্তের লোকের চেহারা, ও দাক্ষিণাত্যের লোকের চেহারা যেমন পৃথক, আৰ্য্যসভ্যতা ও দ্রবিড়সভ্যতার মধ্যেও তেমনি সুস্পষ্ট পার্থক্য আবহমানকাল থাকিয়া গিয়াছে। দ্রবিড় দেশের উচ্চস্তরের লোকদের মধ্যে আৰ্য্যাবর্তের ব্রাহ্মণধর্ম প্রভাব বিস্তার করিলেও নিম্নস্তরের দ্রবিড়েরা লৌকিক ধর্ম পরিত্যাগ করে নাই অথবা ব্রাহ্মণধর্মকে নিজেদের ছাঁচে ঢালাই করিয়া লইয়াছিল। দুই রকম সভ্যতার ও ধর্মমতের সংঘর্ষে ও সমন্বয়ে দাক্ষিণাত্যের লৌকিক ধর্ম বিশেষ অসুধাবনধোগ্য বিঘ্ন হইয়া দাঁড়াইয়াছে।

দ্রবিড়দেশে এমন গ্রাম নাই যেখানে কোনো গ্রাম-দেবতা নাই। এক একটা বড় গাছের তলায় যেমন-তেমন একটা গুহর বা টিপি এইসব গ্রাম-দেবতার মন্দির বা আস্তানা।

এইসব দেবতা প্রায়ই স্ত্রীদেবতা; কিন্তু তাঁদের পূজার অনুষ্ঠান প্রায়ই বীভৎস ও জুগুপ্সিত কাণ্ড। দেবতাদের সম্মুখে ছাগ ও মুরগী বলি দেওয়া হয়, এবং বলির রক্ত রান্না ভাতে মাখিয়া দেবীর ভোগ দেওয়া হয়। যত কিছু উৎপাত উপদ্রব রোগ শোক গ্রামে ঘটে, সকলের কারণ মনে করা হয় গ্রাম-দেবতার অসন্তোষ ও ক্রোধ। তখন পূজা করিয়া বলি দিয়া ভোগ খাওয়াইয়া ঘুষ দিয়া দেবতাকে সন্তুষ্ট করিবার নিষিদ্ধ চেষ্টা চলিতে থাকে। দেবতার সঞ্জাত ক্রোধ প্রশমনের জগ্ন যেমন তোয়াজ ও ঘুষ দেওয়া চলিতে



দ্রৌপদী দেবী।

থাকে, দেবতার ক্রোধ যাতে না জন্মিতে পারে তার চেষ্টাতেও মাঝে মাঝে পূজার তোয়াজ চলে। এই তুষ্টি রাখিবার চেষ্টায় পূজার বায়না উৎসবম্ নামে অভিহিত হয়।

গ্রামদেবতাদের মধ্যে প্রধানা হইলেন দ্রৌপদী। ইনি মহাভারতেরই কৃষ্ণা পাঞ্চালী; দাক্ষিণাত্যে গিয়া দেবী-পদবীতে উন্নীত হইয়াছেন। ইনি যে অনাৰ্য্য তাহা তাঁর

কৃষ্ণবর্ণ ও কৃষ্ণা নাম হইতেই জানা যায়। তাই আৰ্য্যাবর্তের সকল দেবতা ও কাব্যের নায়ক-নায়িকার মধ্য হইতে অনার্য্য দ্রবিড়দেশে কৃষ্ণা দ্রৌপদী গিয়া শ্রেষ্ঠ দেবতা হইয়া বসিয়াছেন। ইনি সেখানে কালীর অবতার কৃষ্ণা; ইনি ধরণীর নর-ভার লাঘব করিবার জন্ত অবতীর্ণা। এঁর ভূষ্টিসাধনের জন্ত পশুবলি কদাচ দেওয়া হয়; এঁর তোষণের উপায় অগ্নিভ্রমণ—কারণ এঁর জন্ম হইয়াছিল অগ্নি হইতে।—

উত্তম্বো পাবকাং তস্মাৎ কুমারো দেবসন্নিভঃ ।

* * * * *
কুমারী চাপি পাঞ্চালী বেদৌমধ্যাং সমুখিতা ॥

* * * * *
মানুসং বিগ্রহং কৃত্বা সাক্ষাদ্ অমরবর্ণিনী ।

মহাভারত, আদিপর্ব্ব, ১৬৭ অধ্যায়।


মহাভারতের টীকাকার নীলকণ্ঠ অমরবর্ণিনী শব্দের টীকা করেন—

‘অমরবর্ণিনী দেবকুমারী দৃষ্টবধায়োদ্যতা দুর্গেত্যর্থঃ ।’

এই সামান্য ইঙ্গিত অবলম্বন করিয়াই বোধ হয় দ্রৌপদীকে দক্ষিণাত্যে দুর্গা বা কালীর অবতার ও অগ্নিপ্রিয়া কল্পনা করা হইয়াছে।

দ্রৌপদী-তোষণের জন্ত প্রকাণ্ড একটা অগ্নিকুণ্ড করা হয় এবং সেই কুণ্ড গঙ্গনে আগুনের আঙারে পরিপূর্ণ থাকে; একজন পূজারী করকম্ নামক পূজার ঘট বা ডালা মাথায় করিয়া সেই আগুনের উপর দিয়া খালিপায়ে হাঁটিয়া কুণ্ড পারাপার হয়। আশ্চর্য্যের বিষয় জলন্ত আঙার উপর দিয়া চলাচল করিয়াও পূজারীর পা পুড়িয়া যায় না। কখনো কখনো যে দুর্ঘটনা ঘটে না এমনও নয়; পা পুড়িয়া ফোঁস্কা হওয়া থেকে পুড়িয়া মরিয়া যাওয়া পর্য্যন্ত দুর্ঘটনা ঘটে। কিন্তু এই দুর্ঘটনার জন্ত দায়ী করা হয় ঐ পূজারীর অবিশ্বাসী মনকে ও তার পাপ-কলুষিত চরিত্রকে। এ অগ্নিভ্রমণ উৎসবের পূর্ব্ব দিন পূজারী সংঘম করিয়া থাকে ও দ্রৌপদী-মন্দিরের অপর পূজারীরা অগ্নিপারী পূজারীকে মহাভারত হইতে দ্রৌপদী-উপাখ্যান হয় অভিনয় করিয়া দেখায়, নয় পাঠ করিয়া শুনায়। পরদিন পূজারী অগ্নিভ্রমণ করে।

এই অগ্নিভ্রমণের প্রথা বহুপ্রাচীন ও বহু দেশে বিদ্যমান আছে। এই প্রথার উৎপত্তিস্থান খুব সম্ভব ভারত-বর্ষহ। সামবেদের তাণ্ড্যব্রাহ্মণে দুজন পুরোহিতের অক্ষত-



করকম—ফুলের সাজি।

শরীরে অদগ্ধ-অবস্থায় অগ্নিভ্রমণের কথা উল্লেখ আছে। ইহা অন্ততঃ ৮০০ খ্রীষ্টপূর্ব্বাব্দের কথা। তারপরে বাইবেলেও এইরূপ অগ্নিভ্রমণের কথা তিন-চার জায়গায় আছে। আমেরিকার লাল লোকদের মধ্যে, ফিজি দ্বীপের মাওরীদের মধ্যে, প্রাচীন স্পেনে, জাপানে এইরূপ অগ্নিভ্রমণ প্রচলিত ছিল। সার উইলিয়াম ক্রুক্‌স্ প্রসিদ্ধ বৈজ্ঞানিক; তিনি অগ্নিপর্ষাটকদের নিজের ল্যাবোরেটরীতে লইয়া গিয়া পরীক্ষা করিয়া দেখিয়াছেন, তাদের গায়ে কোনো কিছুই প্রলেপ থাকে না। অগ্নিপর্ষাটকেরা বলে ইহা মানসিক বলের ফল—দৈহিক বা ভৌতিক কোনো শক্তির পরিচয় নয়। অগ্নিপর্ষাটকেরা যে-আগুনের উপর দিয়া অক্লেশে অদগ্ধ অবস্থায় বেড়াইয়া আসিয়াছে, সেই আগুনের উপর ক্রমাল ফেলিয়া দিয়া দেখা গিয়াছে যে ক্রমাল পড়িতে না পড়িতে পুড়িয়া ছাই হইয়া যায়; এমন কি সে আগুনের এমন তাপ যে অগ্নিপর্ষাটকের কাঁধের উপর ক্রমাল রাখিলেও সে ক্রমাল পুড়িয়া উঠিয়াছে। এই অগ্নিভ্রমণের শক্তির বহু পরীক্ষা



করকম মাথায় করিয়া সজ্জিত পূজারীর টেকি-কলে চড়িয়া দেবতা-ভোষণের ভঙ্গ নৃত্য।

যুরোপেও আধুনিক কালে হইয়া গিয়াছে, কিন্তু এর রহস্য আজও উদ্‌ঘাটিত হয় নাই।

দক্ষিণাত্যে অনাবৃষ্টি হইলে দ্রৌপদীদেবীর তৃপ্তির জন্য অগ্নিভ্রমণ উৎসব করা হয়; এবং লোকের বিশ্বাস এই উৎসব নির্বিলম্বে সুসম্পন্ন হইলে দেবী অনুগ্রহধারা বর্ষণ করিয়া ভক্তদের আশীর্বাদ করিতে পরাঙ্গুধ হন না।

বৃষ্টিদেবীর কৃপা আকর্ষণের জন্য আর-এক অনুষ্ঠান করা হয়। মাটি দিয়া একটা কুঞ্জী কুৎসিত স্ত্রীমূর্তি গড়িয়া তাকে মড়ার মতন মেচকোয় চড়াইয়া রাস্তা দিয়া টানিতে

টানিতে লইয়া যাওয়া হয় এবং কতকগুলি লোক সেই মেচকো ঘিরিয়া কৃত্রিম বিলাপ করিতে করিতে চলে ও মহরমের শোক-কারীদের মতন বুক চাপড়াইতে চাপড়াইতে নাচিতে নাচিতে যায়। এতে বৃষ্টিদেবীকে এই বুঝাইতে চাওয়া হয় যে দেশের পাপ-বুড়ী মরিয়া গিয়াছে; অতএব ঠার পাপের জন্য তাঁর ক্রোধ, সেই ষখন নাই, তখন আর তাঁর ক্রোধগ্নি ধারাজলে নিবাইয়া দিতে বাধা কি? এই স্তোকে ভুলিয়া বৃষ্টিদেবী করুণাবৃষ্টি করিতে থাকেন। এই রকম পাপিষ্ঠা বহিষ্কারের অনুষ্ঠান তামিল অঞ্চলে, বিশেষতঃ তাম্বোরে, খুব বেশী করা হয়।

সকল উপদেবতার মধ্যে ভীষণতম ভয়ঙ্করী বসন্ত রোগের দেবতা—তামিল নাম মারী আন্মান ও তেলেগু নাম পোলোরি আন্মান,— আন্মান বা আন্মান সংস্কৃত অশ্বাশ্বজ, মানে মা। এই দেবতা আমাদের দেশের মা-শীতলার অনুরূপ। এই দেবীকে অত্যন্ত হিংস্রপ্রকৃতির প্রতিহিংসা-পরায়ণা


মনে করা হয়; মানুষকে কুঞ্জী কুরূপ কুৎসিত করিতে পারায় তাঁর অপার আনন্দ ও আগ্রহ। ইনি কোনো এক জন্মে নাকি ব্রাহ্মণ-কন্যা ছিলেন; এর সঙ্গে ঠার বিবাহ হয় তিনি পঞ্চম জাতীয় অস্পৃশ্য; ইহা জানিতে পারিয়া ব্রাহ্মণকন্যা খেদে নির্বেদে রূগায় অগ্নিকুণ্ড জালিয়া তাতে আপনাকে দগ্ধ করিয়া আত্মহত্যা করেন এবং সমস্ত সমাজের উপর জাতক্রোধ হইয়া প্রতিহিংসা লইবার প্রতিজ্ঞা করেন। ইনি পূজা ও নৈবেদ্য পাইলে, তুষ্ট হন; এর নৈবেদ্য দুধ ফল মধু; কিন্তু তাঁর অনুচরী সহচরীদের তুষ্ট

করিতে হয় ছাগ মেঘ পক্ষী বলি দিয়া। নিমপাতা এঁর প্রিয় সামগ্রী। বসন্তমারীর প্রাচুর্য হইলে বহু ভিক্ষুক গেরুয়া কাপড় ও মালা পরিয়া চড়কের সন্ন্যাসীদের মতন বাড়ী বাড়ী ভিক্ষা করিয়া বেড়ায় এবং লোকে বিশ্বাস করে যে সেইরূপ সন্ন্যাসী ভিক্ষুককে তুষ্ট করিতে পারিলে মারী দেবীও তুষ্ট হইয়া সেই গৃহস্থের উপর অমুগ্রহদৃষ্টি নিক্ষেপ করেন না। এঁর ভয়ে লোকে এঁকে বিশেষ ভক্তি করে এবং কায়মনোবাক্যে এঁর সন্তোষ বিধানের জন্ত সচেষ্ট থাকে; মনে মনেও কেউ এঁকে অবজ্ঞা অবহেলা বা বিজ্ঞপ করিতে সাহস করে না।



কালী—কলেরার দেবতা।

এঁর পরেই কলেরার দেবতা কালী বিক্রমে ও ক্রুর হিংস্রতার লোকের ভয়ে ভক্তি আদায় করেন। লোকে কল্পনা করে এই কালী কলেরার দেবতা কালী বাঁ হাতে এক হাঁড়ি ক্যান্ডার-অয়েল অর্থাৎ রেড়ির তেল ও ডান হাতে ত্রিশূল লইয়া গ্রাম হইতে গ্রামান্তরে ঘুরিয়া ঘুরিয়া বেড়ান এবং তাঁর নিগ্রহভাজন ব্যক্তিকে ত্রিশূলের খোঁচা দিয়া পানিকটা তেল গিলাইয়া ওলাউঠার ব্যবস্থা করিয়া দিয়া করেন। অধাশ্রিত পাপীর সংখ্যা বৃদ্ধি হইলে এঁর



বীরভদ্রন—জরের দেবতা।

কোপদৃষ্টিতে পাড়িয়া গ্রামকে-গ্রাম উচ্ছন্ন উজাড় হইয়া যায়—শিশু বালাক নির্দোষ লোকও যে এঁর কৃপায় মারা যায়, সে কেবল সংসর্গদোষে! এঁর তুষ্টবিধান করিতে হয় প্রচুর রক্তপাত করিয়া নানা পশু বলি দিয়া; মহিষ বলি এঁর বিশেষ রুচিকর ও তুষ্টসাধক। কোথাও ওলাউঠা আরম্ভ হইলেও এঁর পূজা আরম্ভ হয় এবং অনেক সময় প্রতিকারের চেষ্টে প্রতরোধ শ্রেয় বলিয়া আগে থাকিতেই এঁর পূজার ব্যবস্থা করা হয়। তামিল লোকেরা এঁকে বিশেষ ভয় ভক্তি ও পূজা করে।

প্লেগ ইনফ্লুয়েঞ্জা টায়ফয়েড প্রভৃতি সাংঘাতিক জ্বর-রোগের দেবতা পুরুষ, তাঁর নাম বীরভদ্রন। ইনি মহাকাল মহাদেবের জটা হইতে সমুৎপন্ন, সূতরাং মহাদেবের অবতার। দক্ষযজ্ঞ ধ্বংসের জন্ত মহাদেব এঁকে জটা উৎপাটন করিয়া উৎপাদন করেন। এই জ্বররূপী বীরভদ্র মূর্তিমান ক্রোধ ও উষ্ণতা; তাই বহু অভিষেক দ্বারা তাঁর মেজাজ শীতল করিতে হয় ও সুস্বাদু সুগন্ধ মাংসের তরকারী দিয়া তাঁর



শাস্তা--গ্রামরক্ষক দেবতা।

তুষ্টিবিধান করিতে হয়। ঠান মহাদেবের অবতার বলিয়া কলেরার দেবী কালীর সমকক্ষ; যা-কিছু কালীর রুচিকর ও তৃপ্তিপ্রদ তাই ঐশ্বর্য গ্রহণীয়। দাক্ষিণাত্যে মাদুরা প্রভৃতি স্থানের শিবমন্দিরের মধ্যে একরকম বীভৎস বিক্রমশালী দেবমূর্তি দেখা যায়; সেইগুলিই বীরভদ্রের মূর্তি। ইনি আর্ধ্য দেশ হইতে দ্রবিড়দেশে আগত অপ্রধান দেবতা। তাই ঐর স্বতন্ত্র মন্দির নাই; শিবের অবতার বলিয়া শিবমন্দিরেই ইনি আশ্রয় পাইয়াছেন।


কিন্তু বীরভদ্রের বৈমাত্র ভাই কার্তিক ঠাকুর এ বিষয়ে বিশেষ ভাগ্যবান। দাক্ষিণাত্যে এমন নগর গ্রাম পাড়া নাই যেখানে কার্তিক ঠাকুরের মন্দির বা আস্তানা নাই। কার্তিক ঠাকুরের নাম তেলেগু অঞ্চলে শাস্তা; আর তামিল অঞ্চলে আয়ানার। ইনি গ্রামদেবতা; ইনি পূজা পাইয়া তুষ্টি থাকিলে গ্রামে আর কোনো উপদেবতার

উপদেব ঘটিতে ইনি দেন না। ইনি দেবতাদের মধ্যে ব্রাহ্মণ, ঐর অপর নাম সুব্রহ্মণ্য, কাজেই ইনি অহিংসাব্রতী, ইনি বলিপ্রিয় নন; কিন্তু ঐর অনুচরদের তুষ্টি করিতে হয় পশুমাংস দিয়া। শাস্তা অর্থাৎ কার্তিক বেশ সৌখিন বাবু দেবতা; তাই ইনি পায়ে হাঁটিয়া চলাফেরা করিতে নারাজ; এজন্য ঐর অনুগ্রহভাজন হইবার জন্য ঐর ভক্তরা গ্রাম্যকুম্ভকারের গড়া মাটির হাতী ঘোড়া আনিয়া ঐর মন্দিরে উৎসর্গ করে, যেমন আমাদের দেশে পীরের দরগায় লোকে মানত করিয়া মাটির ঘোড়া দায়। দাক্ষিণাত্যে এই শাস্তা দেব উত্তরাপথের কার্তিকের মতন শিবেরই পুত্র; কিন্তু তাঁর মা দুর্গা নন; দ্রবিড়ী মতে বিষ্ণু যখন মোহিনী মূর্তিতে শিবকে প্রলুব্ধ করেন তখন শাস্তার জন্ম হয় এবং ইনি জন্মিয়া শিবকে বধোদ্যত দানবদের বধ করেন। শাস্তার মাতা শিবের বৈধ পত্নী নন বলিয়া এই ব্যভিচারজাত সন্তান উচ্চ পদবী ও সন্মানের অধিকারী হন নাই। কিন্তু ঐর ভক্তবৎসলতা ও শরণাগতরক্ষার ক্ষমতা দেখিয়া নিম্ন জাতীয় লোকেরা ঐর পূজা করিয়া অনুগ্রহ লাভের চেষ্টা খুবই করে। লোকের বিশ্বাস ইনি প্রত্যহ রাত্রিকালে ঘোড়ায় চড়িয়া মশাল জালিয়া গ্রাম পাহারা দিয়া ফিরেন। যদি কোনো হতভাগা লোক সেই সময় সন্মুখে পড়ে তবে তার আর নিস্তার থাকে না; তবে সে যদি পুণ্যবান ও ভক্তিম্যান হয়, তবে সে বাঁচিয়া যায়, কিন্তু প্রহরী দেবতার ঐ চোকীদারীর ব্যাপার তার মন হইতে বেমালুম মুছিয়া যায়, সে তার কিছুই স্মরণ করিতে পারে না। এই আশুতোষ দেবতা একটা নারিকেল বা গোটা কয়েক কলা ভোগ পাইলেই খুসী হইয়া যান। ইনি লোকের অপকারের চেয়ে উপকারই বেশী করেন, কিন্তু ঐর সাজোপাজের মজির কথা কেউ নিশ্চয় করিয়া নিশ্চিন্ত হইতে পারে না; তাই সকল লোক


“সারাটা জীবন ভয়ে ভয়ে রয়,

আঁখি মেলিতে ভয়ে সারা হয়।”

সকল কিছুকেই ভয় করিতে করিতে আমরা ভীকু হুঙ্কল কাপুরুষ হইয়া পড়িয়াছি—আমাদের দেবতার ভয়, উপদেবতার ভয়, শাস্তার ভয়, গুরু-পুরোহিতের ভয়, জাতের ভয়, রাজ-আমলার ভয়!



শান্তা বা আয়ানার বা হুব্রকণোর মন্দিরে উৎসর্গিত মাটির হাতী ঘোড়া।



শান্তা বা আয়ানার বা হুব্রকণোর মন্দিরে উৎসর্গিত মাটির ঘোড়া।

অধুনাকালে প্লেগ-আগা নামে প্লেগের এক স্বতন্ত্র দেবী কল্পিত ও পূজিত হইতেছেন। এই দেবীর মাথায় সাপ দেখিয়া মনে হয় ইনি হয়ত মনসা-দেবী।

ত্রিচীনপল্লী (ত্রিশিরাপল্লী) জেলার মারবজাতি অত্যন্ত যুদ্ধপ্রিয় ; চুরি তাদের জাত-ব্যবসা। তাদের কুলদেবতা মারব যোদ্ধা স্বদালই মদন। এঁকে তুষ্ট করিতে প্রচুর তাড়ি মাংস-তামাক আর ভাত ভোগ দিতে হয়। শ্মশ্রন এঁর প্রিয়স্থান, তাই শ্মশানের কাছাকাছি জায়গায় এঁর মন্দির প্রতিষ্ঠা করা হয়। এঁর পূজা হয় মধ্যরাত্ৰিতে চুরি করিতে যাত্রা করিবার আগে। পূজার সময় ধুতুরীমের তুলা-ধোনা ধতুরের মতন একটা বাগুযন্ত্রের তন্ত্রী বাজাইয়া তাঁর বীরত্বগাথা পূজকেরা এককণ্ঠে গান করে। লোকে এঁকে খুব ভয় করে ; কারণ লোকের বিশ্বাস কোনো কিছু মানত করিয়া দেব-ঋণ শোধ না করিলে ইনি ক্রুদ্ধ হইয়া শাস্তি দিয়া থাকেন। ব্রাহ্মণ প্রভৃতি উচ্চ শ্রেণীর জাতের লোকেরাও এই দেবতাকে ডরায়, কি জানি তাঁর কোপে পাড়িয়া যদি তাদের বা গোরু-ছাগলের কোনো ঝনিষ্টই ঘটে। এই দেবতাকে না মানিলে ক্রুদ্ধ দেবতার কোপে কোনো অনিষ্ট হোক না

হোক দেশভক্তদের কোপে জ্ঞান ও
মাংসের বিশেষ অনিষ্টের আশঙ্কা থাকে ;
কাজেই দেবতার ভক্তদের ভয়েই
দেবতাকে মানিয়া চলিতে হয় ।

মাহুরা অঞ্চলের লোকপ্রিয় দেবতা
বীরন্। নিমগাছে এঁর বাসা ; নিম-
গাছের তলায় একখানা ইঁট বা পাথর
বসিবার আসন পাইলেই ইনি খুসী ।
ইনি শুঁড়িদের রক্ষক, শুঁড়িখানার
পাহারাওলা ; তাই ইনি তুঁট হন প্রচুর
তাড়ি, আরক (মদ) ও মাংস পাইলে ।
ইনি যখন নররূপে পৃথিবীতে বিদ্যমান
ছিলেন, তখন ইনি আশ্চর্য্য বীরত্ব
দেখাইয়া লোকের মনে দেবতার আসনে
অধিষ্ঠিত হন । মাহুরার শিবমন্দিরের
পূর্ব-তোরণের কাছে ইনি যুদ্ধে নিহত
হন ; সেখানে এখন তাঁর মন্দির নিশ্চিত
হইয়াছে । এঁকে মুড়ি, শুটুকি মাছ,
জ্যাস্ত পায়রা হাঁস মুরগী ভোগ দেওয়া
হয় ; ইনি নাকি খুব তামাকখোর, যে
কোনো আকারে হোক কিছু তামাক
সেবা করিতে পাইলেই ইনি বরদ হন ।
এই-সব উপদেবতার আর-একটি প্রিয়
খাদ্য রক্ত-মাখা ভাত ; এই ভোগের
প্রতি এই দেবতার অনুরাগ একটু বিশেষ ।

কন্নকী নামের আর-একটি দেবতাকে কালীর অবতার
মনে করা হয় । তিনি মাহুরার পাণ্ড্য রাজবংশ ধ্বংস
করিবার জন্ত ধরণাতে অবতীর্ণ হন । ত্রিচীনপল্লীর দক্ষিণ
অঞ্চলে এই দেবীর অনেক মন্দির দেখা যায় । এঁর স্বামী
ছিলেন বণিকপুত্র কবিলন্ ; কাবেরী নদীর মোহনার
কাছে এক নগরে এঁর বাড়ী ছিল । যৌবনে অনাচারী
হইয়া কবিলন শীঘ্রই দরিদ্র হইয়া পড়েন ও সর্বস্বান্ত
হইয়া সাধবী পত্নীর প্রতি অমুবুদ্ধ হইয়া উঠেন । তখন
তিনি অর্থ উপার্জনর আশায় পত্নীকে লইয়া পাণ্ড্য-
রাজধানী মাহুরায় গমন করেন । পত্নীকে এক তেলিনীর



পেগ-আম্মা—পেগ-রোগের দেবতা ।

কাছে রাখিয়া, কবিলন পত্নীর পায়ের একটা সোনার মল
বেচিতে শহরের বাজারে গেলেন । যে সেকুরার কাছে
কবিলন মল বেচিতে গেলেন সেই সেকুরা ছিল বিষম চোর ;
কিছুদিন আগে সে মাহুরার রাণীর একটা সোনার মল
চুরি করিয়া রটাইয়াছিল যে চোরে উহা চুরি করিয়া লইয়াছে ।
এই ঘটনা হইতে সেকুরা রাজার বিরক্তিতাজন হইয়াছিল ।
এখন কবিলনের হাতে সোনার মল দেখিয়া সেকুরার মনে
হইল—এই বিদেশীকে চোর বলিয়া ধরাইয়া দিয়া সে নিজের
রাজার প্রসন্নতা ফিরাইয়া পাইতে পারিবে । সেকুরা
কবিলনকে চোর বলিয়া ধরাইয়া দিল এবং রাজাও বিচার
না করিয়া কবিলনের প্রাণদণ্ড করিলেন । কন্নকী এই




সুদালই মদন—চোরের দেবতা।



বীরব—ওড়ি ও মাতালের দেবতা।

দারুণ সংবাদ শুনিয়া শোকাকুল হইয়া রাজার সভায় গিয়া উপস্থিত হইলেন এবং রাজাকে অবিচারী বলিয়া তিরস্কার করিলেন। রাজা বিধবার উগ্র শোকাস্ত মুক্তি দেখিয়া বলিলেন—তিনি চোরকে শাস্তি দিয়া জায়বিচারই করিয়াছেন। তখন কন্নকী তাঁর নিজের মলের জোড়াটা রাজার সন্মুখে ফেলিয়া দিয়া বলিলেন—ঐ মল রাণীর চে'রাই মল নিশ্চয়ই



কন্নকী—খর্গকারদের দেবতা।

নয়। রাণীর অন্য মলের সঙ্গে মিলাইয়া দেখা য়োক, আমার ফাঁপা মলের ভিতর ভরা আছে মুক্তা—সেই মুক্তার আঘাতে আমার মল বাজে।

রাজা রাণীর মল ও কন্নকীর মল ভাঙাইয়া দেখিলেন—বাস্তবিক কন্নকীর মলের মধ্যে আছে মুক্তার ঘুড়ুর, আর রাণীর মলের মধ্যে ভরা আছে কাঁকর।

পাণ্ডুরাজ নিজেকে ন্যায়বান বলিয়া মনে করিতেন।



কারপন—চোর ডাকাতের দেবতা।



ইকলন—শক্তদের দুঃখভারবাহী দেবতা।

নিজের ভুল বুঝিতে পারিয়া তিনি এমন কাতর হইলেন যে তিনি তৎক্ষণাৎ সিংহাসনের উপর পড়িয়া প্রাণত্যাগ করিলেন। রাণী স্বামীর বিয়োগ সহ করিতে না পারিয়া অমুম্বতা হইলেন।

এই ঘটনাতেও বিধবা কন্নকীর রোষণাস্তি হইল না, তিনি শাপ দিলেন যে নগরে আগুন লাগিবে। এবং রাজার উত্তরাধিকারীকে দিয়া আদেশ দেওয়াইলেন যে নগরের সব সেকরার মুণ্ডচ্ছেদ করা হইবে।

তখন মাহুরা নগরের অধিষ্ঠাত্রী দেবতা চিন্তা (সরস্বতী) দেবী আবির্ভূত হইয়া কন্নকীকে বলিলেন—তোমার স্বামী কবিলন পূর্বজন্মে মিথ্যা করিয়া একজন বণিককে শত্রুর গুপ্তচর বন্ধিয়া অভিযুক্ত করিয়া হত্যা করান; সেই পাপের ফলে সেই বণিক এবারে সেকরা হইয়া প্রতিশোধ লইয়াছে। অতএব তোমার ক্রোধ অনুচিত।

চিন্তা দেবীর কথায় সেকরা বধে নিবৃত্ত হইলেও কন্নকীর পতিশোক শান্ত হইল না। তিনি পাপগিনীর জ্ঞান চের রাজ্যের রাজধানী কারুর নগরে গিয়া উপস্থিত হইলেন। এবং সেখানে স্বর্গ হইতে ঝড় আসিয়া তাঁকে ও তাঁর নিহত

স্বামীকে স্বর্গে লইয়া যায়। চের-রাজ এই আশ্চর্য ঘটনা দেখিয়া, কন্নকী দেবার মন্দির প্রতিষ্ঠা করেন। এবং রাজ-ভ্রাতা এক কাব্য লিখিয়া ঐ কাহিনী প্রচার করেন। সেই কাব্য সম্ভবত খ্রীষ্টীয় প্রথম শতকে রচিত বলিয়া পণ্ডিতেরা অনুমান করেন।

একজন স্বর্ণকারের বিশ্বাসঘাতকতায় তিনি নিহত হন বলিয়া কন্নকী দেবী স্বর্ণকারদের শত্রু হইয়া আছেন। এইজন্য স্বর্ণকারগণ প্রতি বৎসর তাঁকে মহিষ বলি দিয়া ক্রোধ শান্তি করে; এই মহিষ হয় স্বর্ণকারদের অনুকল্প প্রতিনিধি; এই বলিদানের সময় অন্তত একজন স্বর্ণকার দেবীমন্দিরে উপস্থিত থাকে। এই কন্নকী দেবী সমস্ত তামিলজাতির দেবতা নন, স্থানীয় লৌকিক দেবী মাত্র; এঁর মহিমা দ্রাবিড় দেশেরই উত্তরাঞ্চলে অজ্ঞাত।

মাহুরা ও তাম্রোরেব কাল্লার জাতির কুলদেবতা কারপন; ইনি অতিকায় বিকটদর্শন। ইনি গদাধর ও শৃঙ্খলী। ইনি চোর-ডাকাতের পৃষ্ঠপোষক; তারা চুরি ডাকাতি করিতে যাত্রা করিবার পূর্বে প্রচুর মদ্যমাংস



কালীর কাছে গর্ভিণী ছাগের উদর বিদারণ।

ভোগ দিয়া এঁর প্রসাদ পাইয়া থাকে। ইনি খুব পুরানো গাছে বাসা করিয়া থাকেন; এবং এঁর বাসস্থান বুঝাইবার জন্ত গাছের একডাল হইতে অপর ডাল পর্য্যন্ত একটা লম্বা মোটা ভারি লোহার শিকল ঝুলাইয়া রাখা হয়। আলাগার কয়েল মন্দির-তোরণে যে কারুপ্নন আছেন তাঁর খ্যাতি প্রতিপত্তি খুব বিস্তৃত ও লোকে তাঁকে খুব ভয় ভক্তি

করে। লোকে মানত করিয়া তাঁর কাছে ছাগল পাখী-পাখালী অনেক বলি দ্বার।

রামনাদ জেলার কিদারম্ গ্রামে একটি বীভৎস বিকট অনুষ্ঠান হয়। অমাবস্যার রাত্রে কালীর কাছে বলি দিবার জন্ত একটি গর্ভবতী ছাগী আনা হয় ও তাকে হাড়কাঠে বাধিয়া রাখা হয়। দ্বিপ্রহর রাত্রে পূজারীর দল সুর করিয়া মন্ত্র পড়িয়া কালীর স্তব করে ও সেই সময় সেই ছাগীর পেট চিরিয়া তার ভিতর হইতে জীবন্ত বাচ্চা বাহির করিয়া আনা হয় এবং সেই বাচ্চাটিকে একটি দোলনার রাখিয়া দোল দেওয়া হয়। ওদিকে সেই পেটকাটা ছাগী মৃত্যুশব্দগণ ছটফট করিতে করিতে কাতর আর্তনাদ করিতে থাকে। লোকের বিশ্বাস কোনো বন্ধা বা অপূত্রবতী নারী সেই ছাগীর ক্রন্দন শুনিলে ফিরে অমাবস্যার মধ্যে গর্ভবতী হয়। অমাবস্যার মধ্য রাত্ৰিতে মশালের আলো জালিয়া এই নৃশংস ও বীভৎস অনুষ্ঠান লোকের মনে ভয় ও সন্ত্রস্ত সঞ্চার করে। বাচ্চাটিকে যখন দোলনার দোলানো হয়, তখন যদি সেটি জীবন্ত থাকিয়া না ডাকে তবে তাহা অমঙ্গল সূচ করে।

এইসব দেবতার পূজার মধ্যে একটি বিশেষ লক্ষ্য করিবার বিষয় এই যে এইসব দেবতার পুরোহিতেরা ব্রাহ্মণ ত নয়ই—অধিকাংশই অস্পৃশ্য বলিয়া গণ্য জাতের লোক।

ঘরের ডাক

(১৫)

সন্ধ্যার কিছু পূর্বে বাড়ী ফিরিয়া নলিনী নন্দরাণীকে ডাকিয়া বলিল, “সেই যে সেদিন তোমাকে একজন দিশী খুঁটান মেয়ের কথা বলিনি ছোট-মা?—সে আজ এমনি সুন্দর বক্তৃতা দিলে!”

“কি বললে?”

“সে যা বললে সবই আমাদের সমাজকে গাল দিয়ে, কিন্তু তার মধ্যে এমনি সরল-স্বভাব-তর্ক আছে, যা সহজে মানুষের মাথার আসে না। ইতিহাসি মাথা ছোট-মা! আমার সঙ্গে তার মতের মিল এক জায়গায়ও নেই, কিন্তু

তবু আমার বড় ভাল লাগলো। সে যা কিছু বললে তার একবিন্দুও তার মনের কথা নয়, কিন্তু নিজের মনকেও যে মানুষ এত সুন্দর করে ঠকাতে পারে তা আমার ধারণাতেই ছিল না,—ছোট-মা!”

কথাটা নন্দরাণীর আদবেই ভাল লাগিল না। সে কিঞ্চিৎ বিরক্ত হইয়া বলিল, “তোমার ঐ এক কথা নলিন; সে বেচারী হয়ত তার মনের কথাই বলেছে, তোমার মতের সঙ্গে মেলেনি বলেই সেটা আশ্চর্যিক নয়?”

নলিনী বুঝিল, সে না বুঝিয়া হঠাৎ নন্দরাণীর ব্যথার জায়গাটিতে যা দিয়া ফেলিয়াছে। নন্দরাণীও যে ঐ খুঁটানী

মেয়েটির মত করিয়াই আজ পর্যন্ত নিজেকে ঠকাইয়াই আসিয়াছে। একটু ধতমত খাইয়া নলিনী বলিল, “কে জানে, হয়ত আমার ভুল হয়েছে; কিন্তু সেদিন মেয়েটি আমার সঙ্গে যে-সব কথা কইলে, তা থেকে ত মনে হয়, সে আমাদের সমাজকে যথেষ্ট ভালোবাসে।”

নন্দরাণী কোঁস করিয়া উঠিল, “ভালই যদি বাসে, তবে গাল দিতে যাবে কেন শুনি!”

কি বলিতে গিয়া নলিনী হঠাৎ থামিয়া গেল এবং কিছুক্ষণ চুপ করিয়া থাকিয়া বলিল, “মানুষের জীবনে কি এমন ঘটনা নতুন, ছোট-মা?”

নলিনী যে কথাটা বলিতে গিয়াও বলিয়া উঠিতে পারিল না, সে কথাটা যে কি, নন্দরাণীর তাহা বুঝিয়া লইতে একটুও দেয়ী হইল না।

সেদিন রাত্রে শয্যা শুইয়া নলিনীর বুকের মধ্যে লক্ষ্মীর কথাই ঘুরিয়া ফিরিয়া বাজিতে লাগিল। আজ এই যে লক্ষ্মী হিন্দুসমাজকে এমন ভয়ানক ভাবে আক্রমণ করিল, ইহার জন্ত সে হুঃখিত হইয়াছিল যথেষ্ট;—হিন্দুসমাজের জন্ত নয়—লক্ষ্মীর জন্ত। লক্ষ্মীর সমস্ত বক্তৃতার মধ্যে সে স্পষ্ট দেখিতে পাইতেছিল তার অন্তরের বাথা-মুর্জিটিকে। এ যেন শুধু কেবল অভিমান আর অভিমান।

লক্ষ্মী মনে করিয়াছিল তার এই বক্তৃতার বিষয় নলিনীকে সারারাত জ্বালাইয়া পোড়াইয়া একেবারে অতিষ্ঠ করিয়া তুলিবে এবং যতই সে এ কথা ভাবিতেছিল, ততই তার মন আনন্দে নাচিয়া নাচিয়া উঠিতেছিল। কিন্তু সে জানিত না, এই অদ্ভুত হাড়জ্বালানে লোকটি আরও বেশী করিয়া তাহাকে নিতান্ত বেচারী বলিয়া মনে মনে দয়া প্রকাশ করিতেছে।

অশেষ রাত পর্যন্ত নলিনী ঘুমাইতে পারিল না। তার মনে হইতে লাগিল, “এই যে মেয়েটি আজ এত সব কড়া কথা বলিল, এ সমস্তই তাহাকেই উদ্দেশ্য করিয়া। তার মনে হইতে লাগিল, তাহার নিকট হইতে এই মেয়েটি অনেকখানি আশা করে বলিয়াই এত কথা বলিল এবং ইহার দ্বারা এই মেয়েটি তাহাকে জানাইতে চায় যে সে তার উপর অনেকখানি দাবী রাখে।”

(১৬)

আজ কদিন হইল করাচি হইতে একটি মিসনারীদের মেয়ে এখানে আসিয়া উপস্থিত হইয়াছে। বয়স তার তিরিশের ভিতর। চেহারাটি বেশ সুন্দর এবং রক্তটাও বিলাতী। এই মেয়েটির সহিত লক্ষ্মীর খুব আলাপ হইয়া গিয়াছিল।

আজ সন্ধ্যার সময় লক্ষ্মী বেড়াইতে যায় নাই, আপনার কক্ষে বাতি জালিয়া টেবিলের ধারে বসিয়া কি একখানা বই পড়িতেছিল। এমন সময়ে মেরী বেড়াইয়া ফিরিল। মাথার টুপি এবং হাতের বোলান ব্যাগটা টেবিলের উপর রাখিয়াই সে বলিল, “আজ সন্ধ্যাটা বড় সুন্দরভাবে কেটেছে লুসী!”

বই হইতে মুখ তুলিয়া লক্ষ্মী বলিল, “অর্থাৎ?”

একটা চেয়ার টানিয়া লইয়া তাহার উপর বসিয়া পড়িয়া মেরী বলিল, “একজন ভারী চমৎকার লোকের সঙ্গে আজ আলাপ হয়ে গেল।”

কেন কে জানে, লক্ষ্মীর মনে হইল, এই চমৎকার লোকটি নলিনীকান্ত ছাড়া আর কেউ নয়। এই চতুর লোকটি তাহাকেও অভিতূত করিয়া ফেলিবার জন্ত নিশ্চয়ই মোহ-জাল বিস্তার করিয়াছে। মুহূর্ত মধ্যে তার মনটা কেমন যেন ভারাক্রান্ত হইয়া উঠিল।—মুখে সে বলিল, “কে সে ভাগ্যবান পুরুষ শুনি!”

“নামটা আমার ঠিক মনে পড়ছে না—তিনি এই গ্রামেরই জমিদারের ছেলে। কিন্তু এমনি সাদাসিধে যে চোখে দেখে তা আদবেই ধর্মবার জো নেই।”

কথাটাকে নেহাতই যেন উড়াইয়া দিবার চেষ্টা করিয়া লক্ষ্মী অত্যন্ত সাধারণভাবে একটু হাসিয়া বলিল, “ওঃ—তুমি নলিনীকান্ত-বাবুর কথা বলছ!”—তার পর একটু থামিয়া বলিল, “হ্যাঁ, লোক নেহাত মন্দ নয়।”

একটু বিরক্ত হইয়া মেরী বলিল, “কেবল ‘মন্দ লোক নয়’ বললেই বোধ হয় তাঁর সঠিক পরিচয় দেওয়া হয় না লুসী!”

হাসিবার চেষ্টা করিয়া লক্ষ্মী বলিল, “তবে কি তাঁকে মহাত্মা বলতে হবে না কি?”

“কি ঠিক হাতে হলে তা আমি এখন পর্যন্ত ভেবে

দেখিনি। তবে সে রকম লোক যে বড় একটা মানুষের চোখে পড়ে ন'—এ কথা খুব জোর ক'রেই বলতে পারি।”

একটু হাসিয়া লক্ষ্মী বলিল, “আমি ত আর তোমার মতন জল্পরী নই বোন, যে, এক মিনিটে রত্ন চিনে ফেলবো।”

একটু যেন আশ্চর্য্য হইয়া গিয়া মেরী বলিল, “নলিনী-বাবুর সুখ্যাতি তোমার এত খারাপ লাগে কেন লুসী?”

একটা কাঠহাদি হাসিয়া লক্ষ্মী বলিল, “খারাপ লাগে? কেন, তিনি আমার কি করেছেন?—আমিও ত তাঁকে সুখ্যাতিই করছি মেরী; তা বলে যাকে-তাকে মহাত্মা বলতে ত আর পারি না।” কথাটা শেষ করিয়া লক্ষ্মী অত্যন্ত হাক্কাভাবে জোর করিয়া টানিয়া একটু হাসিল।

একটু বিরক্ত হইয়া মেরী বলিল, “নলিনী-বাবুকে বোধ হয় তোমার ঐ ষাট-তার মধ্যে না ধরলেই ভাল হয় লুসী!”

একটু হাসিয়া লক্ষ্মী বলিল, “আমার ত মনে হয় সাধারণ লোকের সঙ্গে তাঁর বেশী কিছু পার্থক্য নেই; তবে কিনা, আগেই ত বলেছি, তোমরা হচ্ছে জল্পরী লোক, হয়ত রত্ন এবং কাচের পার্থক্য আমাদের চেয়ে তোমাদের চোখেই পড়ে বেশী।” কথাটা লক্ষ্মী খুব ঠেস মারিয়া বলিল।

অত্যন্ত গভীরভাবে মেরী বলিল, “জল্পরী বা রত্নের কথা হচ্ছে না লুসী! আসল কথা, তুমি তাঁকে ঠিক চিনতে পার নি। অথবা তিনি তোমার কাছে কোনদিন নিজেকে ঠিক ধরা দেন নি।”

ঠিক এই সময় সেই কক্ষে মিসেস গুই আসিয়া প্রবেশ করিলেন। প্রসঙ্গটা ও মাঝখানে হঠাৎ চাপা পড়িয়া গিয়া থামিয়া গেল।

মেরীর মুখে নলিনীর এই প্রশংসা লক্ষ্মীর একটুও ভাল লাগে নাই। বিশেষ সে যখন বলিল, নলিনীকে সে ঠিক চিনতে পারে নাই এবং নলিনীও তার কাছে আপনাকে ঠিক ধরা দেয় নাই, তখন তার সমস্ত মনটা একেবারে বিযাক্ত হইয়া উঠিয়াছিল। এই কটা-চামড়া মেয়েটি মনে করিয়াছে নলিনীকে সে-ই কেবল চিনিয়াছে—আর কেউ চিনতে পারে নাই। কিন্তু সে যখন এ অঞ্চলেও আসে নাই তখন এই নলিনীকান্তকে সেই ত প্রথম আবিষ্কার করিয়াছিল, সেই ত প্রথম তার সত্যজন্মতার প্রশংসা করিয়াছিল। আজ

মেরী যে তার মুখের উপর বলিয়া গেল, নলিনীকে সে চিনতে পারে নাই এর বিষটা লক্ষ্মীর সমস্ত শরীরের মধ্যে যেন চনচন করিয়া ছুটিয়া বেড়াইতে লাগিল। কে জানে কেন তার মনে হইতে লাগিল নলিনীর প্রশংসা মেরীর পক্ষে নেহাতই অনধিকার চর্চা। কিন্তু নলিনী নিজেরই যদি তাকে এ অধিকার দিয়া থাকে। এই যে প্রশংসা, এ প্রশংসা যদি হৃতরূপা হয়! তার মনে হইতে লাগিল, নলিনী নিশ্চয়ই তার ছোট-মার কাছে এই অপরিচিতা মেয়েটির সম্বন্ধে কত কথাই না বলিতেছে;—হয়ত বলিতেছে—এমন মেয়ে সে আর কখন জীবনে দেখে নাই, হয়ত বলিতেছে—এর কাছে লুসী দাঁড়াইতেই পারে না। তাকে লক্ষ্য করিয়া নিশ্চয়ই বলিতেছে, তাকে দেখিলে দয়া হয়, কেন না সে দয়ার পাত্রী, কেন না অদৃষ্ট তাহাকে অশেষ প্রকার বিড়ম্বনার বিড়ম্বিত করিয়াছে এবং জীবনটা তার নেহাতই শোচনীয়। কিন্তু এই যে নূতন মেয়েটি—একে দেখিলে মনের মধ্যে শ্রদ্ধা জাগিয়া উঠে, মাথা আপনি নত হইয়া যায়। হয়ত এই কথার সহিত সেই অশিক্ষিতা কুসংস্কারাচ্ছন্ন নারীটিও সায় দিতেছে। লক্ষ্মী দম ফাটিয়া কান্না আসিতে লাগিল।

ইহার কিছুদিন পর একদিন বৈকালে লক্ষ্মী গ্রামের মেটে পথ ধরিয়া ষ্টেশনের দিকে বেড়াইতে যাইতেছিল, হঠাৎ একটা মোড় বাঁকিয়াই দেখে, নলিনী এবং মেরী অত্যন্ত নিবিষ্টভাবে গল্প করিতে করিতে তাহার দিকে আসিতেছে।

দূর হইতে তাকে দেখিতে পাইয়া মেরী বলিয়া উঠিল, “কি আশ্চর্য্য! ঠিক তোমার কথাই হাচ্ছল আর তুমি স্বশরীরে এসে হাজির—আচ্ছা মজা ত!”

একটু আশ্চর্য্য হইয়া লক্ষ্মী বলিল, “আমার কথা?” সমুখের দিকে অগ্রসর হইয়া নমস্কার করিয়া নলিনী বলিল, “কেন আপনার কথা হওয়াটা কি খুব একটা অদ্ভুত ব্যাপার নাকি, মিস্ লুসী?”

হাসিবার চেষ্টা করিয়া লক্ষ্মী বলিল, “কতকটা অদ্ভুত বৈকি!—আমি মহাত্মাও নই, ক্ষণজন্মাও নেই—সাধারণ—একবারে অতি সাধারণ মানুষ।”

অবাক হইয়া তার মুখের দিকে চাহিয়া নলিনী বলিল “এর অর্থ ত কিছুই বুঝলুম না মিস্ লুসী! মহাত্মা এবং ক্ষণজন্মা পুরুষ ছাড়া কারুর কথা মানুষ কি বলে না?”

লক্ষ্মী এ কথার কি একটা জবাব দিতে বাইতেছিল, হঠাৎ বাধা দিয়া মেরী বলিয়া উঠিল, “নাও, তোমাদের কথা-কাটাকাটি এখন রাখ দেখি।” তারপর লক্ষ্মীর দিকে চাহিয়া বলিল, “কত দূর বাচ্ছ বল দেখি আগে?” মেরী বুঝিতে পারিয়াছিল, লক্ষ্মীর প্রত্যেকটি কথার মধ্যে কতখানি টিটকারি লুকাইয়া রহিয়াছে, তাই সে এইসকল কথাবার্তাকে আর অধিক দূর অগ্রসর হইতে দিতে সাহস করিল না;—কে জানে, কেঁচো খুঁড়িতে খুঁড়িতে কখন হঠাৎ সাঁপ বাহির হইয়া পড়িবে।

কি বুঝিয়া নলিনীও হঠাৎ কথার স্রোত অগ্ৰদিকে ফিরাইয়া লইল—বলিল, “শুন্ছিলুম, এখানে এসে অবধি আপনার প্রায়ই জর হয়, অথচ আপনি অনাচার করতেও ছাড়েন না, এ ভারী অত্যয় কিন্তু, একটা ওষুধ-টোষুধ ব্যবহার করেন না কেন?”

একটু হাসিয়া লক্ষ্মী বলিল, “আপনি দেখছি আমার খোঁজখবরও মাঝে মাঝে রাখেন!” কথাটা বলিয়া ফেলিয়াই মনে মনে হঠাৎ ভয়ানক রকম সঙ্কুচিত হইয়া পড়িল; তার মনে হইতে লাগিল, তার ভিতরের অনেক কথাই ঐ একটি মাত্র কথার ছিদ্র দিয়া গলিয়া বাহির হইয়া পড়িয়াছে।

কথাটার মধ্যে যে অভিমানের সুরটুকু বাজিতেছিল, তাহা এতই সুস্পষ্ট হইয়া উঠিয়াছিল যে, মেরী এবং নলিনীর কাছে তাহা ধরা পড়িয়া যাইতে একটুও বিলম্ব হইল না। তাহারা বেশ বুঝিতে পারিল—ঐ কথার মধ্যে বেশ একটি প্রচ্ছন্ন অভিমান লুকাইয়া রহিয়াছে। কেবল এই অভিমানের কারণটা তাহারা কেউ নিরূপণ করিতে পারিল না।

নলিনী বলিল, “কেন, আপনার খোঁজখবর কি আমি রাখি না মনে করেন,—মিস্ মেরীকে বরং জিজ্ঞাসা করে দেখুন—”

বাধা দিয়া একটা কাষ্ঠহাসি হাসিয়া লক্ষ্মী বলিল, “আমি হাঁটা করছিলুম মাত্র; আপনি বুঝি মনে করলেন, আমি সত্যি সত্যি বলছি।”

কথাটাকে একবারে শূন্যে উড়াইয়া দিয়া মেরী বলিল “তুমি এখন বাচ্ছ কোথায় বল দেখি?”
“ষ্টেশনের দিকে।”
“কেন, কাজ আছে নাকি।”

“না, তেমন বিশেষ কিছু না।”

নলিনী বলিল, “তবে আসুন না নদীর দিকে একটু বেড়িয়ে আসি।”

হঠাৎ কি ভাবিয়া লক্ষ্মী বলিয়া উঠিল, “না আপনারা যান—আমাকে ষ্টেশনের দিকে একবার যেতে হবে।” এবং উত্তরের অপেক্ষা না করিয়াই ষ্টেশনের পথ ধরিয়া চলিতে আরম্ভ করিল।

লক্ষ্মী ষ্টেশনের দিকে গেল না, এদিক ওদিক ঘুরিয়া একটু পরেই বাড়ী ফিরিয়া আসিল এবং সন্ধ্যার অন্ধকারে নির্জন কক্ষে বাতি নিবাইয়া দিয়া চুপ করিয়া একটা ইজি-চেয়ারের উপর পড়িয়া রহিল। তার মনে হইতে লাগিল, সমস্ত জীবন ধরিয়া সে যাহাকে চাহিতেছিল এবং আর-একটু হইলেই যাহাকে পাইত হঠাৎ কোথা হইতে কে আসিয়া যেন তার সেই চিরস্পৃশিত জিনিষটিকে এক নিমেষে চুরি করিয়া লইয়া গিয়াছে—পড়িয়া রহিয়াছে কেবল তাহারই বুকভাঙ্গা অবসাদ। কিন্তু সে ত কোনদিনই নলিনীকে চায় নাই এবং তাকে পাইবার অগ্ৰ কোনদিনও ত তার মন এতটুকুও লালসিত হইয়া উঠে নাই,—তবে আজ হারাইবার সম্ভাবনায় তার মন এমন করিয়া আকুল হইয়া উঠিতেছে কেন?

হঠাৎ কি ভাবিয়া চেয়ার ছাড়িয়া উঠিয়া লক্ষ্মী বাতি জালিল, তার পর কি ভাবিয়া কালিকলম লইয়া চিঠি লিখিলে, বলিল।—চিঠি যাহাকে লিখিল সে চিদম্বরম। সে লিখিল—

“এসে অবধি কাজের বন্ধাটে আপনাকে একটিও পত্র দিতে পারি নি, সেজন্য বিশেষ লজ্জিত আছি। আপনার উপর বারবার যে-সব অত্যাচার করেছি সেইসব কথা মনে করে আজ এই সুদূর বিদেশে আপনার জন্তে আমার প্রাণ কেঁদে কেঁদে উঠছে,—মনে হচ্ছে ছুটে গিয়ে পায়ে ধরে ক্ষমা চেয়ে আসি। এবার দেশে গিয়ে নিজেকে সম্পূর্ণভাবে বদলে ফেলবো। এতদিনে বুঝতে পেরেছি আপনি ছাড়া আমার আপনার বন্ধুতে আর হুনিয়ায় কেউ নেই—” ইত্যাদি ইত্যাদি।

চিঠি লেখা শেষ করিয়া সে। কছুক্ষণ চুপ করিয়া বসিয়া রহিল, তার পর কি ভাবিয়া চিঠিখানাকে টুকু টুকু করিয়া ছিড়িয়া ধানোলা গলাইয়াওঁসুদূর বাগীচের দিয়া

এক তার পর বাতিটাকে ফুঁ দিয়া নিবাইয়া দিয়া আবার অন্ধকারে ইজিচেয়ারের উপর গিয়া শুইয়া পড়িল।

(১৭)

ইহার দু-চারদিন পর একদিন প্রাতঃকালে লক্ষ্মী টেবিলের ধারে বসিয়া একখানা খবরের কাগজ পড়িতেছিল, এমন সময় কোথা হইতে একরাশ বুনো ফুল লইয়া ফেলী আসিয়া উপস্থিত হইল।

একটু হাসিয়া লক্ষ্মী বলিল, “ভোর বেলা উঠে কোথায় গেছলি রে ফেলী?—এই বুনো ফুল তুলতে বুঝি?—আচ্ছা পাগলী ত তুই!”

অত্যন্ত গভীরভাবে ফেলী বলিল, “শুধু ফুল তুলতে গেছলুম বুঝি,—কত কাজ করে এলুম তা ত আর জান না?”

ধীরে ধীরে তার পিঠ চাপড়াইয়া লক্ষ্মী বলিল, “কি রাজ-কার্যটা করে এলি শুনি?”

অত্যন্ত গভীরভাবে ফেলী বলিল, “সে কত কাজ! পরেশ ধোপার ছেলের জন্তে ইষ্টিশানের কাছ থেকে ওষুধ কিনে এনে দিলুম,—ছুতোদের লাটুর জন্তে—” এই অবধি বলিয়াই হঠাৎ মধ্য পথে থামিয়া গিয়া সে বলিয়া উঠিল, “মেরী-বিবি খুব ভাল মেয়ে লক্ষ্মী-দিদি! নলিনী-বাবু আর মেরী-বিবি লাটুকে যে ক’রেই বাঁচিয়েছে, সে মা-গঙ্গাই জানেন।”

হঠাৎ যেন চম্কাইয়া উঠিয়া লক্ষ্মী বলিয়া উঠিল, “মেরীর সঙ্গে নলিনীবাবুর খুব ভাল হয়ে গেছে, নয় রে ফেলী?”

হাত মুখ নাড়িয়া ফেলী বলিতে লাগিল, “ও বাবা,—তা আবার হয় নি,—দুজনে রাতদিন একসঙ্গে থাকে;—আমাকেও নলিনীবাবু—”

বাধা দিয়া লক্ষ্মী বলিয়া উঠিল, “রাতদিন একসঙ্গে থেকে দুজনে কি করে রে ফেলী?”

চোখ দুটোকে বতদূর সম্ভব বিক্ষারিত করিয়া, গালে হাত দিয়া অবাক হইয়া ফেলী বলিল, “ওমা!—তুমি বুঝি কিছু জান না!—অবাক কবলে তুমি লক্ষ্মী-দিদি!—নলিনী-বাবু যে একটা ছোট হাসপাতাল খুলেছে; সেইখানেই রাতদিন থাকে;—আমিও ত সেইখানে—”

লক্ষ্মী সহস্র ঘর ছাড়িয়া উঠিয়া বাগানে গিয়া পাষাণি করিয়া দাঁড়াইতে আরম্ভ করিল। তার মনে হইতে লাগিল,

এই যে ছায়ার মত, সহকারীর মত, বন্ধুর মত, আশ্রয়ের মত মেরী নলিনীর সুখ দুঃখের সহিত ক্রমেই নিজেকে জড়াইয়া ফেলিতেছে, এ সৌভাগ্যটা একদিন তারই প্রাপ্য ছিল। সে চেষ্টা করিলেই এ সৌভাগ্যটা অনায়াসে লাভ করিতে পারিত; কিন্তু তখন ইহার জন্ত একটুও চেষ্টা করে নাই;—মনে করিয়াছিল হাতের কাছে যে জিনিষ রহিয়াছে, যেদিন ইচ্ছা হাত বাড়াইয়া তাহাকে তুলিয়া লইলেই চলবে, তার জন্ত ‘তাড়াতাড়ির কোন দরকার সে বোধ করে নাই। কিন্তু যাহাকে অনায়াসে পাওয়া যায় হারাইবার সময় যে তাহাকে অনায়াসে হারানও যাইতে পারে এ সত্যটা তখন তার মাথার মধ্যে আসে নাই। ফেলীর কথা শুনিয়া আজ তার মনে হইতে লাগিল, অল্প অল্প করিয়া যে জিনিষটিকে সে তৈরি করিয়া তুলি, একদিন হঠাৎ কোথা হইতে কে আসিয়া তার সেই অনেক-যত্নে-তৈরি-করা জিনিষটিকে নিজের বলিয়া দাবী করিয়া বসিল এবং তাহাকে দূরে ঠেলিয়া রাখিল। কেন সে একবারও চেষ্টা করে নাই, কেন সে পাইয়াও এমন করিয়া স্বেচ্ছায় হারাইল,—এখন যে কোন উপায় নাই! একবার মনে হইল, মান-অভিমান দূরে ফেলিয়া রাখিয়া নলিনীর কাছে ছুটিয়া গিয়া বলে, “আমাকেও তোমার ব্রতে দীক্ষিত ক’রে নাও!” কিন্তু না না, তা হইতেই পারে না! নলিনী ফেলীকে পর্য্যন্ত টানিয়া লইল, কিন্তু তাকে একবার এসম্বন্ধে কোন কথা বলাই প্রয়োজন বোধ করিল না। তার পর, যেখানে সে জোরের উপর গিয়া একদিন দাঁড়াইতে পারিত, সেখানে আজ মেরীর—। লক্ষ্মীর কান্না আসিতে লাগিল; তার মনে হইতে লাগিল, তার এই খাপছাড়া বিড়ম্বনাময় জীবনের একটি জায়গায় সে অতিকষ্টে অতি সন্তর্পণে যে শান্তিময় একটি বাসা বাঁধিয়াছিল, একদিনের একটি মাত্র ঝঞ্জাবাতে তার সেই বড়সাধের বাসাটি কোথায় উড়িয়া চলিয়া গেল, পড়িয়া রহিল কেবল তাহারই দু-একটা অবশিষ্ট খড় কুটো।

(১৮)

নলিনী যে লক্ষ্মীকে তুলিয়া গিয়াছিল ঠিক তা নয়। সে যখন প্রথম এই ছোট হাসপাতালখানি খুলিবার সঙ্কল্প করিত তখন হইতেই সে মনে মনে ঠিক করিয়াছিল লক্ষ্মীকে এই কথা জামাইবে এবং সে সিহাতে এই দেশহিতকর কার্যে

তার সহায়তা করে তার জন্ত তাহাকে বুঝাইয়া বলিবে। কেন না জীলোকরোগীদের জন্ত তার সহায়তা একান্তই প্রয়োজনীয় হইয়া উঠিয়াছিল। বখনকার কথা বলিতেছি তখন পর্যন্ত মেরী আসে নাই। নলিনী মনে করিয়াছিল প্রস্তাব করা মাত্রই লক্ষ্মী আঁগ্রহসহকারে তার সহায়তার জন্ত ছুটিয়া আসিবে। ঠিক এমনটি আশা করা লক্ষ্মীর পক্ষে খুব অসম্ভব হয় নাই। কেন না, এটা সে বেশ বুঝিতে পারিয়াছিল যে লক্ষ্মী মুখে বাঁই বলুক না কেন হিন্দুসমাজকে সে প্রাণের সহিত ভালবাসে এবং এই সমাজের দুর্ভেদ্য বাহটার মধ্যে প্রবেশের দ্বার খুঁজিয়া পায় নাই বলিয়াই সে এতদিন বাহিরে বাহিরে ঘুরিয়া মরিতেছে। তাই সে আশা করিয়াছিল সমাজ-সেবার জন্ত এই যে আহ্বান, এ আহ্বান শুনিয়া সে স্থির থাকিতে পারিবে না—নিশ্চয়ই ছুটিয়া আসিবে। এমনি একটা অশুভ বিশ্বাস লইয়া সে লক্ষ্মীর সহিত তাদের বাড়ীতে একদিন দেখা করিবার জন্ত গিয়াছিল। লক্ষ্মী তখন বাড়ীতে ছিল না। সে ফিরিতেছিল, এমন সময় সে গুঁই এবং রেভারেণ্ড হোয়াইট তাকে ডাকিয়া বলিল, “বুধন, আপনাকে সাবধান করে দিচ্ছি, এমন করে বখন-তখন নিঃস্বস্তির মত লক্ষ্মীর সঙ্গে গোপনে সাক্ষাৎ করিতে আসবেন না; জানেন, এর জন্তে বেচারাকে তার মার কাছ থেকে কি ভয়ানক লাঞ্ছনা এবং অপমান সহ্য করতে হয়!” বলা বাহুল্য এর এক বিন্দুও সত্য নয়। কিন্তু নলিনীর পক্ষে এ জিনিষটাকে সত্য বলিয়া ধরিয়া লইতে একটুও বাধা ছিল না এবং সেই হইতে সে মনে মনে সঙ্কল্প করিল, আর কখন সে লক্ষ্মীর ছায়া পর্যন্ত মাড়াইবে না, এমন কি তার

সঙ্কল্পে মনে মনেও কোন দিন চিন্তা করিবে না। সে নিজের মনটাকে তোলপাড় করিয়া তন্ন তন্ন করিয়া খুঁজিতে লাগিল, কোথাও একটুও গলদ জমা হইয়া উঠিয়াছে কি না—না, কোথাও ত কিছু নাই—কিন্তু লক্ষ্মীর মনের মধ্যে কি হইয়াছে তা কে জানে! হয়ত কিছু হইয়াছে, হয়ত কোথাও একটা কিছু গজাইয়া উঠিবার উপক্রম করিতেছিল এবং তার মার চক্ষে সেটা ধরা পড়িয়া গিয়াছে, তাই তিনি চটিয়া গিয়াছেন। না না!—সে তফাতে থাকিবে, এমন করিয়া নিজেকে অপরাধী করিয়া তুলিবে না।

লক্ষ্মী কিন্তু ভাবিয়াছিল অগুরূপ;—কেন না সে এসকল ব্যাপারের বিন্দুবিসর্গও জানিত না। সে মনে করিয়াছিল, সেদিন হিন্দুসমাজের বিরুদ্ধে সে যে বক্তৃতা দিয়াছিল তাহারই জন্ত নলিনী তার উপর চটিয়া গিয়াছে এবং তার আশা ত্যাগ করিয়াছে। অবশ্য এইটাকেই সে আসল কারণ বলিয়া ধরিয়া লয় নাই। কারণ এটা সে স্পষ্ট জানিত যে, এই অসহ প্রত্যাখ্যানের আসল কারণটা হচ্ছে হইয়া রহিয়াছে এই নবাগতা স্বেতাঙ্গ যুবতীটির রূপধৌবনের মধ্যে। মেরীর রূপ আছে, ধৌবন আছে এবং তাহার উপর মানুষের মন অধিকার করিবার অনেক কৌশলই তার জানা আছে। এই যে সে এমন করিয়া উঠিয়া-পড়িয়া সমাজ-সেবার নিজেকে নিয়োজিত করিয়া দিয়াছে—ইহা কি আন্তরিক? না না, তা হইতেই পারে না—এ কেবল নলিনীর চিত্ত অধিকার করিবার ছল মাত্র।

(ক্রমশঃ)

শ্রীবিষ্ণুপতি চৌধুরী।

সঙ্গীতাচার্য কালীপ্রসন্ন বন্দ্যোপাধ্যায়

১৮৪২ খৃষ্টাব্দে বাঙ্গালা ১২৪৯ সালে আষাঢ় মাসে কলিকাতার আহিরীটোলাস্থিত ভবনে কালীপ্রসন্ন জন্মগ্রহণ করেন। ইহার পিতার নাম রামবন বন্দ্যোপাধ্যায়। কালীপ্রসন্ন বাল্যকালে নানাপ্রকার অবিধার মধ্যে লালিত-পালিত হন। দ্বাদশ বৎসর বয়ঃক্রমে কালীপ্রসন্ন সঙ্গীতবিজ্ঞা শিক্ষা করিবার জন্ত ব্যাকুল হইয়া উঠেন। তিনি অসাধারণ উৎসাহে শত বাধা অতিক্রম করিয়া ললিতকলার অনুশীলনে তৎপর হইলেন।

একপাড়ার রাজবাটিতে যে সময় সংস্কৃত নাটক “রত্নাবলী” অভিনয় হয়, সে সময়ে কালীপ্রসন্ন রত্নাবলীর ভূমিকা অভিনয় করিয়া সঙ্গীত-দর্শকবর্গের পরিভূষণসাধন করেন। কলিকাতার সুপ্রসিদ্ধ কালীপ্রসন্ন মহারাজা সাব্বী যতীন্দ্রমোহন ঠাকুর ও তদীয় অনুজ রাজা

শৌরীন্দ্রমোহন ঠাকুর কালীপ্রসন্নের গুণগ্রামের পরিচয় পাইয়া তাহার প্রতি সমধিক অনুরক্ত হন। পাখুরিয়াঘাটার রাজবাটিতে তিনি সঙ্গীতাচার্য ক্ষেত্রমোহন ধোঁসামৌ মহোদয়ের নিকট সঙ্গীত-বিজ্ঞা শিক্ষা করিতে থাকেন।

১৮৭১ খৃষ্টাব্দে রাজা শৌরীন্দ্রমোহন ঠাকুর এ-দেশীয় চাক্রগণের শিক্ষার্থ যখন সঙ্গীত-বিজ্ঞালয়ের প্রতিষ্ঠা করেন, তখন কালীপ্রসন্ন উক্ত বিজ্ঞালয়ের অবৈতনিক সহকারী সম্পাদক পদে নিযুক্ত হন। এই বিজ্ঞালয়ের উন্নতিকল্পে কালীপ্রসন্ন আত্ম-বিনিয়োগ করিয়াছিলেন। উক্ত সময়ে তিনি যে বিজ্ঞালয়ের “সংকলন” শিক্ষাপদ্ধতি ও পরিদর্শনাদি করিয়াছিলেন তাহা নহে, অধিকন্তু তিনি তাহার আর্থিক আধারণ এক গতা ও অধ্যয়নের দ্বারা বঙ্গদেশের সঙ্গীতের স্বর্ণযুগ-পর্বে যথেষ্ট অবদান রাখিয়াছেন।



সঙ্গীতচাৰ্য কালীপ্রসন্ন বন্দ্যোপাধ্যায় গলার বাহিৰে জোড়া শানাই ঠেকাইয়া
অভূত কৌশলে বাজাইতেছেন।

সে-বিষয়ে বিশেষ যত্নবান ছিলেন। পূর্বে বিদেশী ও স্বদেশী ওস্তাদ ও শিক্ষাগুরুর নিকট ছাত্রেয়া মৌখিক শিক্ষা লাভ করিয়া পরে নিজ নিজ সৃষ্টিশক্তির দোষে উহার অসমানতা করিত। এইসকল কারণে তিনি যাহাতে আমাদের দেশবিখ্যাত রাগ রাগিণী-সমূহের যথাযথ স্বরলিপি-বন্ধ হইয়া ভবিষ্যতে বহুল প্রচারিত হয়, তৎক্ষণ অশেষযত্নসহকারে তাঁহার গুরুদেব ক্ষেত্রমোহন গোস্বামী কৃত "সঙ্গীতসার" গ্রন্থ পুনর্মুদ্রণ-কালে, আমাদের দেশপ্রচলিত প্রায় সমুদয় রাগ-রাগিণীগুলির যতদূর সম্ভব বিকাশ বাসনায়, তাহা স্বরলিপি-বন্ধ করিয়া শিক্ষাগুরু ক্ষেত্রমোহন গোস্বামীর স্মৃতি লইয়া সঙ্গীতসারে তাহা প্রকাশ করিয়াছিলেন। এখানে আরও বলিলে বোধ হয় অপ্রাসঙ্গিক হইবে না যে, রাজা শৌরীন্দ্রমোহন ঠাকুর কৃত "যন্ত্রক্ষেত্রদীপিকা" নামক সেতারের গৎ-শিক্ষা বিষয়ক গ্রন্থে মাত্রা স্বরীয় স্বরের 'স্থিতি কাল' এবং স্বরের বিভিন্নরূপ অলঙ্কার ও সংযোগ যেরূপ বিশদ ও সম্পূর্ণভাবে লিপিবদ্ধ করিয়াছেন, তাহা বোধ হয় এ পর্যন্ত আর কাহারও দ্বারা হয় নাই।

ক্ষেত্রমোহন গোস্বামী মহাশয়ের গুরু লক্ষ্মীচাঁদ মিশ্র মহাশয় ভারত-বর্ষের তদানীন্তন বিখ্যাত সঙ্গীতজ্ঞ ও প্রধান প্রধান গায়ক ও বাজক-বিহারক পণ্ডিতদিগকে নিমন্ত্রণ করিয়া তাঁহাদের সহায়তায় শ্রীমদ্রমোহন ঠাকুর ও তদীয় ভ্রাতৃশৌরীন্দ্রমোহন ঠাকুর মহোদয়ের অর্থসাহায্যে মহা

সমারোহে এক "কলসী" অর্থাৎ সঙ্গীতচাৰ্যের আশ্রয় করেন এবং তাঁহাদিগের রত্নাকর করিয়া উক্ত "সঙ্গীতসারে" সমস্ত রাগরাগিণী সঙ্গিবিশিষ্ট করা হয়। সেইসকল রাগরাগিণীগুলি স্বরলিপি বন্ধ করিয়া ক্ষেত্রমোহন গোস্বামী "সঙ্গীতসার" নামক গ্রন্থে প্রকাশ করিয়া তাঁহার প্রধান ছাত্র কালীপ্রসন্নের উপরই পড়িবার এবং তিনি এই চুকহ কাৰ্য্য তাঁহার অসাধারণ অধ্যবসায় যত্ন ও পরিশ্রমে সমাধা করিয়াছিলেন।

১৮৭৫ খৃষ্টাব্দে আমেরিকা কলাম্বিয়া বিশ্ব-বিদ্যালয় হইতে কালীপ্রসন্ন সঙ্গীতবিজ্ঞান অসাধারণ অধিকার থাকার দরুন একখানি "সম্মানপত্র" পাইয়াছিলেন। ১৮৮০ খৃষ্টাব্দে জর্জটনের মালিন নগরী হইতে এবং ১৮৮১ খৃষ্টাব্দে ইটালি হইতে এবং ১৮৮৪ খৃষ্টাব্দে কাসের রাজধানী প্যারী মহানগরী হইতে সঙ্গীতবিজ্ঞান পাঠদর্শিতা সম্বন্ধে কালীপ্রসন্ন উচ্চ-প্রশংসালিপি ও স্ববর্ণপদক প্রাপ্ত হইয়াছিলেন। বঙ্গ সঙ্গীত-বিদ্যালয় হইতে ১৮৮৫ খৃষ্টাব্দে কালীপ্রসন্নকে "সঙ্গীত-উপাধ্যায়" নামক পদবী ও একখানি স্ববর্ণ-পদক প্রদান করা হয়। তদীয় সঙ্গীত-গুরু ক্ষেত্রমোহন গোস্বামী মহাশয়ের সহায়তার কালীপ্রসন্ন সঙ্গীতের নূতন স্বরলিপি-ধারা প্রবর্তিত করেন। অসাধারণ সঙ্গীতপ্রিয় শেব নবাব ওরাজীদ আলী শা যখন মেটেলুরজে, কালীপ্রসন্ন "সরবাহার যন্ত্রের" অধিকার বাদক বলিয়া সে সময়ে পরিচিত। নবাব বাহাদুর অশ্রুপূর্ণনেত্রে স্বীয় কণ্ঠদেশ-বিলম্বিত পুণ্যমাল্য খুলিয়া, স্বহস্তে তাঁহার গলার পরাইয়া দিয়াছিলেন। সঙ্গীতপ্রিয় দ্বারবন্ধের মহারাজ লক্ষ্মীধর সিংহ বাহাদুর কালীপ্রসন্নকে অধিক বেতন দিয়া দ্বারবন্ধে লইয়া যাইবার জন্ত বিশেষ চেষ্টা করেন। তিনি বিনা পারিশ্রমিকে ছাত্র বৃন্দকে সঙ্গীত-বিজ্ঞান শিক্ষা দিতেন। শ্রাস্তরঙ্গ বাজকগণের কালীপ্রসন্নের

অসাধারণ অধিকার ছিল। শ্রাস্তরঙ্গ বাদন হঠাৎ সাধন ব্যতীত সাধারণ সঙ্গীত-সাধকের দ্বারা সাধিত হইতে পারে না। কালীপ্রসন্ন যোগাভ্যাস দ্বারা এমন শক্তির সঞ্চার করিয়াছিলেন যে, এই যন্ত্র কুম্বিনেশের মধ্যে চাপিয়া বায়ু নিরোধ করিয়া সমুদয় সঙ্গীত-তরঙ্গ উৎপন্ন করিতে সর্বিশেষ পারদর্শী হইয়াছিলেন। "শ্রাস্তরঙ্গ" তাঁহার তুল্য সুদক্ষ বাদক সে সময়ে ভারতবর্ষে আর কেহই ছিল না।

ভারতের বড় লাট লর্ড লিটন ও লর্ড বিপন তাঁহাকে নিমন্ত্রণ করিয়া প্রাসাদে লইয়া যাইতেন এবং তাঁহার শ্রাস্তরঙ্গ বাজ শুনিয়া যথেষ্ট প্রশংসা করিতেন। লর্ড নর্থব্রুক তাঁহার শ্রাস্তরঙ্গ বাজ-যন্ত্রে অসাধারণ অধিকার দেখিয়া, ও তাঁহার গুণে মুগ্ধ হইয়া তাঁহাকে একখানি প্রশংসালিপি পাঠাইয়া দেন।

ইয়োরোপের বিখ্যাত সঙ্গীত-শাস্ত্র-বিদ্যালয় অধ্যাপক এডওয়ার্ড রেমিনি ১৮৮৬ খৃষ্টাব্দে অস্ট্রো-হঙ্গেরী হইতে ভারতবর্ষে আগমন করেন। তিনি কালীপ্রসন্নের সেতারের আলাপ শ্রবণে মুগ্ধ হন। 'ইংলিসম্যান' পত্র কালীপ্রসন্নের বাজ-নৈপুণ্য সম্বন্ধে তিনি একটি দীর্ঘ পত্র লিপ্যন্তর হাটাইয়াছিলেন।

১৯০০ খৃষ্টাব্দে শ্রাবণ মাসে ৭ বৎসর বয়সে সঙ্গীত-শাস্ত্র-বিদ্যালয় কালীপ্রসন্ন অনন্তধামে প্রস্থান করেন।



সৃষ্টিছাড়া

(১)

লিখে মুখি ছাড়া বাড়ী ছিল। মাঝে শুধু একটা ফালির গলির ব্যবধান জান্না খুললে একবাড়ীর অন্ধিসুদ্ধি আর-এক বাড়ীর চোখে পড়ত। কিন্তু তবু এই দুই বাড়ীর মানুষগুলো ছিল সম্পূর্ণ ছোটো আলাদা জগতের লোক। তারা সবাই সবাইকার মুখ চিন্ত, একে অণ্ডের নাড়ীনক্ষত্র প্রায় সব জানত, জন্ম মৃত্যু বিবাহের আনাগোনা এক বাড়ীকে লুকিয়ে আর-এক বাড়ীতে চলতে পেত না। তবু মানুষগুলোর পরস্পরের মধ্যে পরিচয় ছিল না। কেন ছিল না? তারা যে কলকাতা সহরের মানুষ, তারা যে কখনও একপাঠশালায় পড়ে নি, এক আপিসে বেরোয় নি, এক বাড়ীতে নিমন্ত্রণ খায় নি, এক সভায় বক্তৃতাও করে নি। তবে কি হুজুে তাদের পরিচয় হবে? শুধু পাশাপাশি বাড়ীতে থাকে বলে?

বড় বাড়ীখানার মালিক ছিলেন সহরের একজন ধনামগ্ন চিকিৎসক; সে বাড়ীর কায়দাকানুন সব হাল ফ্যাশানের। সেখানে হুয়ায় হুয়ায় সাক্ষ্য সম্মিলনে পিয়ানো বাজত, চায়ের মজলিস্ বসত, ডাক্তারের তিন মেয়ে মোটরগাড়ী চড়ে নিত্য সন্ধ্যায় হাজার নিমন্ত্রণ রক্ষা করে বেড়াতেন। আগে থেকে মূল্যকাতের বন্দোবস্ত করে কার্ড হাতে এসে যথাসময়ে হাজির না হলে সে বাড়ীর লোকদের দেখা পাওয়া ভার ছিল। বাড়ীখানা ছিল যেন হ্যামিণ্টনের দোকানের সুন্দর একটা সোনার ঘড়ী। তার সব কাজই পালিশ করা, সব ব্যাপারই নিয়মে বাধা।

ছোট বাড়ীখানার কর্তা কোনো সংসারের আপিসের বড়বাবু। কায়দায় কে কাকে বলে তা সে বাড়ীর লোকে কখনও শেখেনি। পিতামহের কাল থেকে সংসারে যে সব অনিয়ম নিয়মিত চলে এসেছে আজও তার ক্রটি সেখানে ঘটে না। নিয়মিত নিমন্ত্রণের ব্যবস্থা সে সংসারে ছিল না, কিন্তু তবু অসময়ে অতিথির আবির্ভাবে সে বাড়ীর লোকদের ভাতে কম পড়াটাই যেন একটা নিয়মে দাঁড়িয়ে গিয়েছিল। ঠেঠকথনা বলে সে বাড়ীতে একটা জায়গা ছিল বটে, তবে ভৃত্য হরির ছুঁড়া তেলচিটে বিছানা সেখানে

বারোমাসের মতন এমন আসন গেড়েছিল যে বাড়ীর ছেলেদের মজলিসটা গলির মোড়েই সচরাচর বসত, অর্থাৎ দাঁড়াত। সাক্ষাৎ করতে লোকে সেখানে কখনও এতলা দিয়ে আসেনি, কাজেই আজই বা আসবে কেন? কাউকে কারুর দরকার হলে দরজার সামনে দাঁড়িয়ে সে যে-কোনো অসময়ে গলা ফাটিয়ে চীৎকার করত! কপালে সাক্ষাৎ থাকলে দেখা হত, না থাকলে ফিরে যেতে হত, দ্বিতীয় সাক্ষাৎকারের কোনো বন্দোবস্ত না করেই। ওরই মধ্যে কপাল যদি একটু ভাল থাকত তাহলে ভৃত্য হরি জানিয়ে যেত বাবু বাড়ী নেই, হরি বিমুখ হলে অতিথির গলা আর ধৈর্য্য যতক্ষণ কৃপা করত ততক্ষণ হাঁকাহাঁকি করে নিজের অদৃষ্ট ও অপরের শ্রবণেন্দ্রিয়কে ধিক্কার দিয়েই গাকে খুসি থাকতে হত। বাড়ীর মেয়েরা ঘরে বসে বসে বাইরের লোকটার বৃথা পরিশ্রমে হুঃখিত হয়ে তাকে বিদায় দেবার উপায় ভেবে ভেবে বৃথা ছটকট করত, কিন্তু হারিকে গাল দেওয়া ছাড়া আর কোনো উপায় তারা ভেবে পেত না, কারণ তারা যে মেয়েমানুষ। নিমন্ত্রণ রক্ষা করাটা সচরাচর সে বাড়ীর লোকের কপালে ঘটত না, কারণ তাদের জগতে অকারণ নিমন্ত্রণের কারণ কেউ কখনও খোঁজে নি। বিবাহাদি উৎসব উপলক্ষে ন মাসে ছ মাসে যদি কেউ নিমন্ত্রণ করত, তবে তা সদলবলেই সকলে রক্ষা করত যেত, পারলে জ্ঞাতিগুণ্ডিকে ডেকে দল বাড়িয়েও তুলত। সেদিনকার মত বাড়ীর সংসারপাট বন্ধই থাকত, ছেলেপিলে কেঁদে কেঁদে পরের বাড়ীর মেজের ঘুমিয়ে পড়লেও তাদের বাড়ী আনার অবসর হত না, কারণ সে বাড়ীতে ছেলেপিলের অভাব না থাকলেও বাড়ির অভাব ছিল।

ডাক্তার-বাবুর মেজ মেয়ের নাম ছিল মঞ্জলা। এই নিয়মে-বাধা সংসারে সোনার ঘড়ির একটি কাঁটার মতই বাইরে থেকে তাকে দেখা। কারণ আজন্ম এমনিভাবেই সে মানুষ হয়েছিল। কিন্তু যত্নের সে মোটেই এমন আট নাট বেঁধে চলত না। পৃথিবীতে বসন্তের বাতাস যেমন পাকা দেয়ালের পুটলের দ্বিতরও ফুল ফোটাতে ছাড়ে না, তার ঘনের ঐশাও তেমনি সক্রম নি

কানুনকে ফাঁকি দিয়ে স্থানে-স্থানে মন জাতি বুনতে লাগিয়াছিল। তাই তাদের চিরকালের বাড়ীর এই সোনার ঘড়িটা তার কাছে ঠেকত ঠিক লোহার শিকলের মত। বাইরে যত সযত্নে সে এখানকার নিয়মগুলো পালন করত, অন্তরে তত নিঃসমভাবে দুহাতে সে সেগুলোকে ছিঁড়ে ফেলতে চাইত। কিন্তু উপায় ছিল না ছিঁড়ে ফেলবার। কারণ নিয়মগুলোকে যতই কেন না সে অপছন্দ করুক, সেগুলোকে সে সমীহ করে ভয় করে চলত। সেগুলোকে তার ঘাড়ের উপর কেউ যদি জোর করে চাপিয়ে দিত, তাহলে শরীরে তার শক্তি হাজার কম থাকলেও বিদ্রোহের জ্বরেই সেই সেগুলো ঝেড়ে ফেলতে পারত। কিন্তু এক-তরফা জবরদস্তি ত জগতে চলে না। ঝগড়া করবে সে কার সঙ্গে? নিয়মকানুনগুলো নিজেও কোনো দিন তাকে বলে নি আমায় মানতেই হবে, তাদের স্রষ্টাও তেমন কোনো বিধি দিয়ে দেন নি। তারা যেন জগৎব্যাপারের বিশ্বনিয়মের মত আপনাপনিই চলত। অন্তত মঞ্জু জন্মাবধি তাই দেখেছে। তোমার খুশী হয় তাদের ভাঙতে পার। কিন্তু ওই যে নীরবে খুশীর উপর ছেড়ে দেওয়া ওইটাই হচ্ছে সবচেয়ে চালাক লোকের ব্যবস্থা। ওকে অমাত্র্য করতে কেউ সাহস করে না। ও তার প্রাণ্য নীরবেই আদায় করে নেয়। মানুষ কখনও ওকে ভেঙে দেখবার মত চাপ পায় নি বলে চিরকালই ভয়ে ভয়ে ভাবে ওকে ভাঙলে না জানি কি একটা প্রলয়কাণ্ড হয়ে যাবে।

মঞ্জুদের বাড়ী গাড়ী হাঁকিয়ে যে-সব মানুষ আসা-যাওয়া করত, আজন্ম তাদের কথাবার্তা শুনে শুনে চাল চলন দেখে দেখে মানুষগুলোকে যেন তার মুখস্থ হয়ে গিয়েছিল, তারা যে কিসের পর কি বলবে, কোথায় কেমন করে পি ফেলবে, হাত নাড়বে, তা সে আগে থেকেই বলে দিতে পারত। কিন্তু জগৎটা ত বাস্তবিক রিহার্সাল-দেওয়া নাটকের মত নয়, কাজেই নাটকের বাইরের পৃথিবীটাকে দেখবার ক্ষমতাও মঞ্জুর মন চঞ্চল হত।

ঘরের জানুলা খুলে অশপাশের বাড়ীগুলোর তার এই ভ্রমণটা সে মিতোতে চাইত। অল্প অল্প তাদের পরিচয় দূর থেকে দেখার মন্য দিয়ে যেত, কিন্তু অনেক-গানির অন্ধকার থেকে যেই কোণেই কোণেই কখনও

পুরানো হত না। মঞ্জুর ইচ্ছা করত সাতশবার ঘড়ি নাভলের মত তার এই পরিচিত জগৎটা ছেড়ে সে একবার ছুটে ওই অপরিচিতটার কোলে গিয়ে পড়ত কিন্তু সে পারত না। কারণ এই জগৎটার ত কেউ তাকে সর্ঘ্য বেঁধে রাখে নি; তার মনে হত ঠিক যেমন মারে সঙ্গে বাধা হয়েই জন্মেছে অথচ আকাশের কোণে পৃথিবীর রসময়, বুকের পাঁজরে পাঁজরে তার স্বাধীনতার একটা পপ থেকে গেছে, তেমনি এই সংসারের কোলে সে জন্মেছেই শরীরের বন্ধন নিয়ে, মুক্তি আছে তার মনোলোকে। শিকলের বাঁধন ছেঁড়া যায়, কিন্তু এ যেন তার নাড়ীর বাঁধন, একে সে ছিঁড়বে কি করে? তাছাড়া যে বন্ধনের মাঝে মুক্তির হাওয়া আছে সে ত দম বন্ধ করে মারে না, তাকে ছেঁড়বার দরকার অতি বড় দুঃখে না পড়লে হয় না। আর একটা কথা,—এই পরিচিত জগতের গণ্ডীটা তার খুব ছোট ছিল না। বাঙ্গালীর মেয়ে সে কোথায় না যাচ্ছে, কি না করছে। তবু এটাকে বাঁধন যদি সে লোকের কাছে বলে তবে—হয়তো কেন নিশ্চয়ই—লোকে তাতে পাগল বন্বে। মাঠের মাঝখানে খুব বড় একটা দড়ি দিয়ে গরুগুলোকে খোঁটার বেঁধে চরতে অনেক সময় রাখালেরা ছেড়ে যায়, গরু মনের সুখে ঘাস খায়, খুঁটির কেন্দ্র নিয়ে যতখানি পরিধি সে ঘুরতে পারে তা ঘোরবার আগেই ক্ষুধা তার মিটে যায়, তাই সে যে বাধা আছে এ-কথাটা ভাববার অবসর তার হয় না। সে মনে করে সে খোলাই আছে। মঞ্জু মনে হত তার পরিচিত মানুষগুলো ঠিক এই গরুগুলোর মত বোকা, তাই তাদের এ বাঁধনের কথা বলতে সে সাহস পেত না, কারণ বোকামির দল যেখানে বেশী তারী, সেখানে তাদের বোকামি দেখাতে যাওয়া মাননীয় নিজেকে বোকা প্রমাণ করা। নিত্য যে-সব কাজ মঞ্জু করত অনেক সময় তার চেয়ে ঢের বেশী ইচ্ছে করত তার রোদে পিঠ দিয়ে ভিজ়ে কাপড়ে গুচি হয়ে বড়ী দিতে, ঘোমট টেনে বন্ধ পালকা করে হঠাৎ একটা পুরীতে গিয়ে উঠতে, চিরকালের আত্মীয় স্বপ্নর-ভাস্করকে চির অপরিচয়ের মধ্যে দেখে উঠে, এমন কি প্রিয়ের অতিপ্রিয় ঠিথানা অচেনা পণ্ডিতের দিয়ে পড়িয়ে শুন্তে। কখনও তার মখ হত বেদের

মত নিত্য নূতন গাছের তলায় নূতন করে
সংসার পথে নিত্য উষার উদয়ে মহিষের পিঠে তার ধা
সখা নিয়ে পথ থেকে পথান্তরে বেরিয়ে পড়তে।
মুখে তার ঐশ্বর্য সব অনাসৃষ্টি ইচ্ছা করত। কেবল
মতামতের রসটা সে কখনও আন্বাদন করেনি বলে।
কিন্তু এ-সব করবার সুযোগ তার কোনো দিন হইত না।
যদি বা দু-একটার সুযোগ কখনও হয়, তাও সে করে
উঠতে পারবে না, কারণ তার নিত্যকর্মের মধ্যে
ঐসব নিয়ে মাথা ঘামাবার মত অথও অবসর তার
মোটাই ছিল না; তার নিয়মের জগতে পড়ার পর
গান, গানের পর সেলাই, সেলাইয়ের পর ড্রয়িং, তার
পর বেড়ানো, ইত্যাদি ভীড় করে সর্বদা চলত। পাগুলামি
করবার অবসরও তার ছিল না, ইচ্ছাও সব সময় করত না,
কারণ এই নিয়মিত কাজগুলোকে সত্যি সত্যি সে ভাল
বাসত।

মঞ্জুর পাশের বাড়িতে সওদাগরী আপিসের বড়বাবুর
খুঁটি ছেলে মোহন ছিল এই রকমই আর-একটা পাগল।
তার বড় চার ভাই পিতৃপিতামহের আমলের মর্যাদা
রক্ষা করে যথাসময়ে স্কুল পালিয়ে বিবাহ করে
আপিসে ভর্তি হয়ে ছেলেপিলে কোলে করে গৃহিনীদের
গল্পনা গড়িয়ে এবং তাদের নারীত্বকে উদ্ধ থেকে অবজ্ঞা করে
বেশ নিশ্চিন্ত সুখে দিন কাটাচ্ছিল, বিশ্বের কোনো সমস্যা
তাদের সুখ-নিদ্রা ভাঙাতে পারে নি, জগতের কোনো
দুঃখ দারিদ্র্য তাদের খেনো জমি কিম্বা গৃহিনীদের গহনার
তহবিলে টান পড়ায় নি, করনা কোনো দিন তাদের
হিসাবের খাতায় গোলমাল করে নি, বাগদেবী কোনো দিন
তাদের গড়গড়াকি স্থানচ্যুত করতে পারেন নি। মহিম,
মুকুন্দ, মুরারি আর মধব চার ভাই ঠিক একই ছাঁচে ঢালা।
মাঝখান থেকে মোহনের এমন সৃষ্টিছাড়া স্বভাব
কেন হল তার কোনো কারণ খুঁজে পাওয়া যায় না।
তার বাবা যথাসময়ে তাকেও আপিসে ভর্তি করে
দেবেন ভেবেছিলেন, কিন্তু তার প্রায় অজ্ঞাতে টুক টুক
করে কখন যে সে এম-এ পর্যন্ত পাশ করে বসল তা
তার টেরও পান নি। ছেলে যখন এম-এ পাশই
করল তখন তাকে আপিসে না ঢুকিয়ে হাকিম-টাকিম

কিছু একটা করাই বাবার মত হল। কিন্তু বেয়াড়া
ছেলেটা বগে বসল সে প্রফেসার হবে। বাবা বললেন,
“হতভাগা কোথাগোর, প্রফেসার ভদ্রলোক হয়! তার
চেয়ে বরং ল পড়া।” ছেলে কিন্তু বেকে বসল। অগত্যা
বাবা বললেন, “আচ্ছা, তোমার বিবাহের কথা হচ্ছে,
সেটা হয়ে যাক, তারপর ওসব পরে ঠিক করা যাবে
এখন।” মোহন বাবাকে বললে, “এখন নয়।”
বৌদিদিকে বললে, “তোমাদের সনাতন প্রথার কোনোটাই
যখন আমাকে দিয়ে রক্ষা করাতে পারলে না, তখন আর-
একটা স্বজাতীয় জীবকে দণ্ডাবার আর এত উৎসাহ
কেন? ও-সব আমার দ্বারা হবে না বৌদিদি।” বৌদিদি
বললেন, “ঠাকুরপোর সব তাতে বক্তিম; দোল না,
দুগ্গোচ্ছব না, করবে ত বিয়ে, তার আবার অত ভাবনা!”

মহিম, মুকুন্দ, মুরারি আর মধব বই বলতে বুঝত
এন্ট্রান্স, কোসর্স, ইউক্লিডের জ্যামিতি, ব্যাকরণ-কৌমুদী,
ইত্যাদি। কাজেই মোহন যখন এম-এ পাশ করবার
পর ল না পড়েও হরি ভূতোর অধিকৃত বৈঠকখানা ঘরটা
বইয়ে ছেয়ে ফেলতে লাগল তখন তারা ছেলেটাকে পাগল
না বলে আর বলে কি? পাশের পড়া শেষ হয়ে গেল
অগচ্ একলা দশটা পাশের বই কিনলে লোকে তার
মাথার ঠিক আছে ভাবে কি করে! খেনো জমি কিম্বা
গাওয়া বি কিম্বা পাটের দালালী বিষয়ে শিক্ষিত ভাইটির
মতামত নিতে গিয়ে তারা দেখেছে মুখটা এ বিষয়ে এক
অক্ষরও বোঝে না। অগচ্ কৃষিয়ার কোনো কেতাবের
কথা উঠলে শলীন-মাষ্টারের সঙ্গে সে যে বক্তৃতা জোড়ে
তা অর্থে যতই ভূয়ো হোক লম্বায় নেহাৎ কম হয় না।
মুকুন্দ অনেক চেষ্টা করেও তার মানে বুঝতে পারে নি,
কিন্তু তবু কেন জানি না মোহনের বলবার ভঙ্গীটতেই
তার তাকে তারিফ করতে ইচ্ছে করত।

মোহনের বড় চার ভাই ছিল না। তার উপর
হিন্দুধর্মের পালকের ছেলে হয়ে এমন উড়ু উড়ু
মন যে কেন তার হল তার ঠিক নেই। মুরারি ভেবে
পেত না তাস পাশা খিয়েটার বায়ধোপ এত থাকতে
মানুষের কলকাতা ছেলে হিলি দিলি মকার দিকেই মন
সমস্ত ক্ষণ ছোট্ট পুকন! বিদেশ-বর্ষ ই মনে

তার গায়ে জ্বর আর্ন্ত অথচ এ পাংগুলাটার যুকনির আর অস্ত নেই। আবার মহিম মেদিন বললে মোহন নাকি তার বউয়ের কাছে বলেছে, “দাদারা ত সবাই বাঙালী বিষে করে দেখলেন, ওটা ত পুরোনো হয়ে গেছে। আচ্ছা, আমি যদি কাশ্মীরী কি জাপানী বউ নিয়ে আসি কেমন হয় বল ত! বেশ একেবারে নূতন, অপরিচয়ের গৌরবে আমাদের সনাতন প্রথাকেও ছাড়িয়ে যায়।” শুনেছ একবার কথা! আচ্ছা এমন ছেলে নিয়ে মানুষে কি করে বল ত! এক কথায় বলতে গেলে যেখানে যেমনটি সেখানে ঠিক তার উন্টোটি করা অণ্ডত বলাই ছিল মোহনের স্বভাব। মাধবের অস্তত এই মত।

(২)

আপনার জগৎটা নিয়ে মঞ্জু নেহাৎ যে খুব মন্দ ছিল বললে অত্যয় হবে; কিন্তু তবু ক্ষণে ক্ষণে তার মনটা এমন বাথায় কাতর হয়ে উঠত যে নিজের সে নিজের মত দুঃখী জগতে আর খুঁজে পেত না। ভাবত কিসের জন্তে সে সংসারে এসেছে যদি চিরকাল এমনি পরের হাতে চালানো ঘড়ির কাঁটার মতই তার জীবনটা কেটে যাবে? মুক্তি কি সে কোনো দিন পাবে না? অথচ মুক্তি যে কোন্-খানে তার চাই সেটা সব সময় ঠিক সে বুঝে ঠাঠতে পারত না। অনেক সময় মুক্তির তৃষ্ণাটাই তার হারিয়ে যেত, আপনার জগৎ নিয়ে সে এমনি মেতে থাকত। নানা কাজের ফাঁকে ফাঁকে তার মনের যে অচেনারাজ্যে গোপন অভিসার চলত তার সবচেয়ে অভ্যস্তপথ ছিল গলির ধারের তার সেই জানুলাটি। এই জানুলাটার উন্টো দিকে ছিল নীচু একটা পাঁচিলের পর সেই বাড়ীটার মুখ। বাড়ীর ঘরগুলো সব একতলার পর দুতলা করে থাকে থাকে সারে সারে সাজানো ছিল। পরদা দেবার কোনো ভাবনা সে বাড়ীর লোকের মাথায় কখনও আসে নি। আর ঘরগুলোর পিছনে ঘর কল্পবার মত জায়গা ছিল না। কাজেই মঞ্জুর জানুয়ার সামনে সে বাড়ীখানা সারাদিনই একখানা চলন্ত ছবির মত ঘুরত। বাড়ীর বড় বউ, মেজ বউ সবাইকে সে চিন্ত। কিন্তু কোনোদিন সে তাদের সঙ্গে কথা বলেনি। বউরা মঞ্জুদের ব্যস্তির বিদেয় সঙ্গে কখনও কথাও বলেছে। বটে, কিন্তু মঞ্জুদের দেখলেই কেন

জানিনা তারা ঘোমটা টেনে দূরে পালিয়ে যেত। বউরা দুই বোন ও-বাড়ীর বউদের সঙ্গে গল্প করবার কোনো কখনও কখনও বোধ হয় করেনি, কিন্তু ঘের দাঁ থাকলেও সে পান্ডিত না। সে বেশ বুঝতে পারত ও-বাড়ীর বউরা মঞ্জুদের ঠিক স্বজাতীয়া বলে মনে করে। অনেকটা পুরুষদের সামিল বলেই ওরা তাদের ধরে। মঞ্জু লজ্জাটাও এত কম ছিল না যে এর পর সে ডাকাডাকি করে ও-বাড়ীর সঙ্গে আলাপের চেষ্টা করে।

বিকেল বেলা মুকুন্দ মুরারি আপিস থেকে ফিরত, বউরা গাড়ু ভরে জল দিত, জলচৌকিতে বসে খালি গায়ে লাল গামছা কাঁধে ফেলে বাবুরা সশব্দে হাত মুখ ধুত, মঞ্জু একবার উঁকি মেরে দেখে যেত। তারপর মহিম মাধব ফিরত ময়লা সাদা জিনের কোট-প্যান্টালুন পরে মাথার টুপি হাতে নিয়ে টিকি স্ক্রু চুলের উপর পিছন থেকে শ্রান্ত হাত বুলোতে বুলোতে। বউরা তালপাখা হাতে করে ছুটে এসে হাওয়া করতে করতে জুতো কোট টুপি মেঝেয় বিছানায় ছুঁড়ে ছুঁড়ে রেখে স্বামীদের শ্রান্ত দেহের ভাষা লাঘব করত, মঞ্জু সেতার হাতে করে ওস্তাদের কাছে যেতে যেতে দেখে যেত। তার পর জলখাবারের পালা। কচি ছেলেরা স্ফুর্ডি খেয়ে খাবারে ভাগ বসাতে যেত, মারা হয়ত পাথার বাট দিয়েই তাদের লোভের শাস্তি বুঝিয়ে দিত। ছোট ছেলের কান্নায় মঞ্জুর মন ব্যাকুল হয়ে উঠত। মারের পর মারের শব্দ তার কানে আসত, ক্রুদ্ধ পিতার গর্জন শোনা যেত, মঞ্জুর ইচ্ছে করত তাদের সঙ্গে বাগড়া করে আসে একপালা। কিন্তু কে তারা তার?

ঘরের জানুয়ার আবার যখন সে উঁকি দিতে আসত, ঠিক সেই সময় ফিরত মোহন। তার বেশভূষা সম্পূর্ণ ভালোদা, চাল-চলনের মধ্যেও মুকুন্দ মুরারির কোনো ছাপ নেই। তার গায়ে বনাতির কি জিনের কোট ছিল না, ছিল হাতের-বোতাম-ছেঁড়া টুইলের শার্ট। তার পায়ে ডসনের জুতো ছিল না, মোজাও ছিল না, ছিল একজোড়া মাপে-বড় কটকী চটি। মাথায় তার তেল কি টিকির কোনো বাহুল্য ছিল না, ছিল কান্না ঝাঁকড়া একমাথা চুল। মঞ্জু দেখত মোহন নিঃশব্দে আসে, নিঃশব্দে ঘরে ঢোকে, বাড়ীর লোকেও বিশেষ কোলাহল করে তার অভ্যর্থনা করে না!

আমি কোথায়ও দেখে না। পৃথিবীকে যে উপভোগ করছে তা ওদের চেহারা দেখলেই বোঝা যায়। এক মোহন যা একটু রোগা।” অঞ্জলির কথার পর মঞ্জু নিজের কথাটাকে ঠাট্টা ছাড়া আর কোনো সুর দিতে সেদিন কিছুতেই পারলে না। কিন্তু যে কথাটা তার মনে মনে এতদিন ছিল আজ ছ মাস পরে তাকে বাইরে প্রকাশ করার কথাটা যেন তাকেও পেয়ে বসল। সত্যি, কেন এমন একান্ত সোজা কাজটা তারা পারবে না! তার চোখে জল এল। অঞ্জলির কথার উত্তর আর না শুনে সে তার জানুয়ার ধারে চলে গেল। বারাণ্ডায় দাঁড়িয়ে কটকী জুতোটার মধ্যে পা ঢুকিয়ে মোহন তখন শচীন-মাষ্টারের সন্ধানে বেরোবে ভাবছিল। হঠাৎ তার চোখ পড়ল পাশের বাড়ীর জানুয়ার দিকে। মঞ্জু দাঁড়িয়ে। মঞ্জুকে মোহন চিন্ত। কিন্তু আজ তার চোখে জল কেন? মোহন অবাক হয়ে গেল। একি সত্যি মঞ্জু না আর কেউ? একবারটি খুব ভাল করে দেখেই মোহন মুখ ফিরিয়ে চলে গেল। মোহনকে চাইতে দেখে মঞ্জু তখনি সরে গেল।

মানুষের চোখে মানুষকে কেন যে ভাল লাগে তার কারণ অনেক সময়ই সাধারণে একটা ভেবে বের করে; আবার অনেক সময় কিন্তু তারা কারণ খুঁজে পায় না। মঞ্জুর চোখে মোহনকে যে ভাল লেগেছিল, একথা লোকে শুনলে তার কারণ অনেক খুঁজে হতাশ হয়ে যেত। মোহনের চেয়ে ভাল লাগবার উপযুক্ত মানুষ মঞ্জুর চেনা-জগতে অনেক ছিল। তবু মোহনকেই তার চোখে সকলের চেয়ে ভাল লেগে গেল।

একদিন নয় দুদিন নয় ছমাস ধরেই মঞ্জুর এই দেখার পালা চলছিল। দেখাটার যে এই দেখা ছাড়া আর কিছু পরিণতি থাকতে পারে একথা ভাবতে সে সাহস করত না। কিন্তু তবু শেষে তাদের এক সাপ্তাহিক কি পাক্ষিক নিমন্ত্রণের দিন সে হঠাৎ ঘেন ঠাট্টা করে তার দিদি অঞ্জলিকে বললে, “আচ্ছা দিদি, আমরা ত এই লোকগুলোকে দেখে দেখে তাদের নাড়ী নক্ষত্র কণ্ঠস্থ মুখস্থ করে ফেললাম। একটু নতুন লোক ডাকলে হয় না?”

অঞ্জলি অত্যন্ত উৎসুক হয়ে বললে, “সত্যি ভাই, নাম কর না ছোটো চারটে লোকের। কলকাতায় কি ছাই ছোটো নতুন মানুষ দেখবার জো আছে!”

মঞ্জুলা বললে, “দোকানের আবার কলকাতায় অভাব! এ যেন ঠিক বাঁশবনের ডোমকাণা। এই ধর না, মুকুন্দ, মুরারি, মোহন, এরা রয়েছে। এদের কেন একদিন বল না।”

অঞ্জলি হেসে লুটিয়ে পড়ল—“মঞ্জু, বাহোক কথা ধালিস ভাই! এতও তোমার মাথায় আসে। আমি বলি সত্যি কারুর নাম করবি বুঝি?”

মঞ্জু বললে, “কেন? ওদের চেয়ে সত্যি মানুষ ত

আমি কোথায়ও দেখে না। পৃথিবীকে যে উপভোগ করছে তা ওদের চেহারা দেখলেই বোঝা যায়। এক মোহন যা একটু রোগা।” অঞ্জলির কথার পর মঞ্জু নিজের কথাটাকে ঠাট্টা ছাড়া আর কোনো সুর দিতে সেদিন কিছুতেই পারলে না। কিন্তু যে কথাটা তার মনে মনে এতদিন ছিল আজ ছ মাস পরে তাকে বাইরে প্রকাশ করার কথাটা যেন তাকেও পেয়ে বসল। সত্যি, কেন এমন একান্ত সোজা কাজটা তারা পারবে না! তার চোখে জল এল। অঞ্জলির কথার উত্তর আর না শুনে সে তার জানুয়ার ধারে চলে গেল। বারাণ্ডায় দাঁড়িয়ে কটকী জুতোটার মধ্যে পা ঢুকিয়ে মোহন তখন শচীন-মাষ্টারের সন্ধানে বেরোবে ভাবছিল। হঠাৎ তার চোখ পড়ল পাশের বাড়ীর জানুয়ার দিকে। মঞ্জু দাঁড়িয়ে। মঞ্জুকে মোহন চিন্ত। কিন্তু আজ তার চোখে জল কেন? মোহন অবাক হয়ে গেল। একি সত্যি মঞ্জু না আর কেউ? একবারটি খুব ভাল করে দেখেই মোহন মুখ ফিরিয়ে চলে গেল। মোহনকে চাইতে দেখে মঞ্জু তখনি সরে গেল।

রাস্তায় বেরিয়ে মোহনের ঘাবার পথটা ভুল হয়ে গেল। শচীন-মাষ্টারের বাড়ী যে যেতে হবে একথা অনেক ভেবেও সে মনে করতে পারলে না। তার মনে পড়ছিল কেবলি মঞ্জুর চোখের পাতার পতনোন্মুখ জলবিন্দু দুটি। কি হয়েছে তার? মোহন পথ থেকে আবার ফিরে এল। শুনল ডাকার-বাবুর বাড়ীতে পিয়ানো খুব ঢং ঢং করে বাজছে, কার যেন হাসির উচ্চ কলরোল শোনা যাচ্ছে! নিশ্চয় এবাড়ীতে বিপদ কিছু হয় নি। তবে কেন, কেন? তার চোখে জল কেন? মোহনের মাথায় এই কথাটাই কেবল ঘুরতে লাগল।

সেদিন আর শচীন-মাষ্টারের বাড়ী তার যাওয়া হল না। ওবাড়ীর মেয়েদের সে অনেককাল থেকেই দেখেছে তাদের সম্বন্ধে তার কৌতূহলরও কৃষ্টি কোনোকালে ছিল না। কিন্তু সে ছিল সম্পূর্ণ বাইরের, কেবল চোখের কৌতূহল। ও-বাড়ীর মেয়েদের বেশ স্মৃতি আছে, হাসে, খেলে, গান,—গায় মনের দিক দিয়ে এর বেশী ভাবনা মোহন তাদের সম্বন্ধে সচরাচর খাচ করত না। যা করত তাও চোখের আড়াল হওয়ারই সুরিয়ারে যত,

কিন্তু আজ এতদিনে তার জান্নার ধারের দেখা ওই ছ ফোঁটা চোখের জল তার সমস্ত মনটাকে টেনে ধরল। আজই সে প্রথম ভাল করে অনুভব করল, এতদিনও তাদের মধ্যে এই মঞ্জুলাই তার কৌতূহল সবচেয়ে উদ্রেক করত। এ কথাটা মনে তার ছিল, কিন্তু কথাটার দিকে ফিরে চাইতে তার এতদিন সাহস হয় নি। মোহনের সমস্ত ইচ্ছিম সেদিন থেকে উন্মুখ হয়ে থাকত মঞ্জুলার নিমেষের আভাসগুলি ধরবার জন্তে।

মঞ্জুলাদের বাড়ীর সেদিনকার উৎসব তখন শেষ হয়ে গিয়েছে। মোহন নিজের ঘরে শুয়ে শুয়ে এতক্ষণ সে বাড়ীর উৎসবধ্বনি অলসভাবে নানা চিন্তার সঙ্গে মেশামিশি করে শুনছিল। ক্রমে একে একে গাড়ী করে সকলে চলে গেল। বসবার ঘরের আলো নিভে গেল। মোহন সজাগ হয়ে উঠে বসল। দেখল মঞ্জুলার ঘরে আলো জ্বলে উঠল। উৎসবসজ্জায় মঞ্জুলা এসে একবারটি জান্নার সামনে দাঁড়াল। কি যেন সে খুঁজছিল, অথচ বিশেষ পাবার আশা না করে। ছ চার সেকেন্ডের মত এদিক ওদিক তাকিয়ে মঞ্জু ফিরে যাচ্ছিল, এমন সময় তার বিষণ্ণ মুখখানা অন্ধকার ঘর থেকে দেখে মোহন বাইরে এসে দাঁড়াল। চকিত বিষয় আর সলজ্জ আনন্দের খেলায় মঞ্জুর মুখখানা একবার রাঙা হয়ে উঠল। তার পরই জান্নার পরদাটা টেনে দিয়ে সে ঘরের আলোটা নিবিয়ে দিল। মোহন বিস্মিত হয়ে ঘরে ফিরে গেল।

রাত্রে তার ঘুম হচ্ছিল না। অন্ধকারে অনেকবার জেগে উঠে সে দেখেছে জান্নার ওদিকে বাপুসা ছায়ার মত একটা মানুষের মূর্তি কেবলি ঘুরে ঘুরে বেড়াচ্ছে। অন্ধকারে সমস্ত জগৎ যখন ডোবা, স্থপ্তিতে সমস্ত বিশ্ব যখন আচ্ছন্ন, তখন একলা জেগে সে অনুভব করছিল পাঁচ হাত দূরের ওই আর একটি বিনীত মানুষের চঞ্চল মনটাকে। কতবার তার মনে হচ্ছিল, যেন তারই মনের ছায়া চঞ্চল হয়ে ঘুরে বেড়াচ্ছে তার চোখের সামনে। এত কাছে, এত আপনার তাকে তার মনে হচ্ছিল, যে, আর-একটা স্বতন্ত্র মানুষ বলেই তাকে সে ভাবতে পারছিল না সব সময়। প্রাচীর, জান্না, দরজা, সমাজ, সংসার, পরিচয়, সব কিছুর বাধা-নির্বাচন নিদ্রাচ্ছন্ন অন্ধকার রাত দূরে

সরিয়ে দিয়েছিল। তার ছায়া কেবল চঞ্চল ছায়া ও প্রাণের পরিচরটা জানিয়ে দিচ্ছিল। মোহন মনে মনে মঞ্জুলার চোখের জলের সঙ্গে তার ব্যাকুল ঝুঁকি, সলজ্জ বিষয়কে, তার চঞ্চল মনকে, তার নিদ্রাহীন রক্ত মালার মত গাঁথতে চেষ্টা করছিল। গাঁথতে গ্রেস ছিলও, কিন্তু সে মালা কার জন্তে? অচেনা কণার উদ্দেশ্যে হাওয়ার তাকে উড়ে যেতে দিতে সে পারছিল না। ইচ্ছা করছিল চেপে ধরে রাখে। কেনই বা রাখবে না। এতই কি অসম্ভব? তা ত মনে হয় না।

সকালে বেশ রোদ হবার পর মোহন বিছানা ছেড়ে উঠল। ভোর বেলা সে ঘুমিয়ে পড়েছিল। প্রথম চোখ চেয়েই তার চোখে কাঁটার মত ফুটে লাগল, সারি সারি দরজা, জান্না, পাঁচিল, পরদা, খড়খড়ি, সার্সী। পাঁচ হাত জায়গাকে সঙ্গীন উচিয়ে যেন তারা পাঁচ শ মাইল দূরে ঠেলে দিয়েছে। তার রাত্রে স্বপ্ন-বাস্তবে-মেলা জগৎটা যেন বিষয়ে লজ্জায় ধুলোয় মিশে যেতে চাইল। কি অসম্ভব তার সব করনা!

কিন্তু যতই কেন অসম্ভব হোক না, মোহনের জগৎটা তারা বদলে দিল। তার বোতাম-ছেঁড়া জামায় হঠাৎ বোতাম দেখা দিল, বোতামকেশ মূর্তি যেন ভদ্র হতে চেষ্টা করতে লাগল; তার দরজার সামনের বারান্দায় একটা ফুলের টব দর্শন দিল; শোবার ঘরে একটা ছেঁড়া শালের পরদাও ঝুলল।

মুকুন্দের প্রথম ছেলের ভাত পড়ল সেই সময়েই। মোহন গিয়ে মুকুন্দের বোকে হঠাৎ জিজ্ঞেস করল, “কাকে কাকে নেমস্তন্ন করবে?”

বৌ বললে, “কর্তারা ফর্দ করেছেন! আত্মীয় কুটুম সবাইকেই নিশ্চয় করবেন। আমি ত কি জানি?”

মোহন বললে, “তুমি কাউকে করবে না?”

বৌ হেসে বললে, “আমি একটা মস্ত মানুষ, তার আবার অত ভাবনা! করব আমার সইকে, তুমি চিঠি খানা দিয়ে আসবে?”

মোহন বললে, “আচ্ছা, দেওয়া যাবে এখন; কে তোমার সই শুনি।”

বউ বললে, “সে যুগিপাড়ার কার্তিক-বাবুর মেয়ে।”

মোহন হতাশ হয়ে বললে, “পাশের বাড়ীর মেয়েদের সঙ্গে
যেখানে গিয়ে কি দেখনহাসি পাতাও নি এখনো ?”

আমি গাংলী হাত দিয়ে বললে, “বড় আমার বাপের
আমরা গেরস্তর বৌ সায়েব-সুখোর সঙ্গে কথা
ধাক্কা পেলে তারা কাঁটা মারবে না।”

মোহন হেসে বললে, “কেন, তারা কি মানুষ নয়।
আচ্ছা, নাইবা তুমি সই পাতালে, নেমস্তন্ন করি দেখ, মোটেই
কাঁটা মারবে না, ঠিক আসবে।”

বৌ বললে, “ঠাকুরপোর এক কথা! আমি যাই
ফিরিঙ্গি-বাড়ী নেমস্তন্ন করতে, তাহলে আর কেউ না
মারুক তোমার দাদা আগে কাঁটা মারবে।”

মোহন ঘর ছেড়ে চলে গেল।

বউ বললে, “কই সইকে চিঠি দিয়ে আসবে বললে,
নিলে না ?”

মোহন তখন অনেকখানি দূরে চলে গেছে।

বাইরে খানিকটা ঘুরে মোহন এসে নিজের ঘরের দরজার
সামনে দাঁড়াল। সে পুরুষমানুষ সकारণে কাটাও তার
কোনোকালে অভ্যাস ছিল না, কিন্তু চোখের জল আজ সে
ঠেকাতে পারছিল না। এক রকম অকারণেই। আর যে
একজনের দু ফোঁটা চোখের জল তার এই চোখের জলের
অগ্রদূত তাও যে এমনি অকারণে এই জানলাটার ধারে
পড়েছিল, তা জানলে মোহনের মুখে হাসি ফুটত কি না
কেউ বলতে পারে না; কিন্তু চোখের জলটা যে কারণ
পেয়ে ধন্য হত তা অনায়াসে বলা যায়।

মঞ্জুলা শোবার ঘরে খাটের উপর একরাশ গরম কাপড়
ঢেলে বেড়ে বুড়ে তোলবার চেষ্টা করছিল। মনটা আজ
তার খুসী ছিল। তাঁর কাজের সঙ্গে গান চলছিল। হঠাৎ
ছোট বোন কুম্ভলা ঘরে ঢুকে বললে, “ছোড়দি, তুমি ভাই এ
ঘরে অমন গলা ছেড়ে গান কোরো না ত, আমি নীচ দিয়ে
ঘরে ঢুকছিলাম, মনে হল যেন মুকুন্দ না মুরারী কি ওর নাম
ঠিক তার দরজার দাঁড়িয়ে কে গান ধরেছে। কি যে তোমার
বুদ্ধি! কত বাজে লোক আসে যায়, তারা কি ভাববে বল
ত। তার উপর ও-বাড়ীর সেই ছেলোটর আবার যে রকম
সৃষ্টিগ্রহর ছাতে ওঠার ঘটনা লেগেছে।”

মঞ্জুলা গান রেখে চলে গেল, কুম্ভলার কথার হঠাৎ

থেমে গেল, কিন্তু তবু সে তাকে এক ধমক দিয়ে বললে,
“আচ্ছা, তুই খাম ত! আমি যদি মুকুন্দদের দরজাতেই দাঁড়িয়ে
গান করি তাতে তোরই বা কি আর বাজে লোকেরই বা
কি? আমার খুসী আমি করব।”

কুম্ভলা মঞ্জুলার রাগে আর সৃষ্টিছাড়া কথার বিষ্মিত
হয়ে বললে, “বেশ, বেশ, কার কি, করে দেখ না
একবার।”

মঞ্জুলা বললে, “ভেবেছিস পারি না, আচ্ছা আমি দেখাব
পারি কি না-পারি।”

কুম্ভলা বললে, “কে বলছে পার না, তুমি সব পার
বাপু, তোমায় কিছু বলাই আমার ঘাট হয়েছে।” কুম্ভলা
চলে গেল।

মঞ্জুলা গান আর গাইতে পারল না, কিন্তু কুম্ভলা যে
তার সব পারা মেনে নিয়ে তাকে এমন করে চুপ করিয়ে
দিতে পারল এইতে তার রাগটা যেন পাত্তাহারা হয়ে
কোথায় পড়বে ভেবে পাচ্ছিল না।

ঝি এল দিদিমণির কাজে সাহায্য করতে। পাড়া-
পড়সীর গল্প শোনানোও তার একটা কাজ ছিল। মঞ্জুলা
রাগটা তার মাথায় বেড়েই বললে, “কি হয়েছে আজকাল
তোমাদের সব। কাজের সময় বাড়ী মাথায় তুললেও খোঁজ
মেলে না কারুর।”

ঝি বললে, “কি করব বল দিদিমণি, মুকুন্দর মার ওখানে
গেছলাম, বড়ী সুখ-দুখের কথা তুললে, কিছুতে ছাড়ে না, তা
আসি কি করে?”

মঞ্জুর স্মরণটা একটু নেমে এসেছিল; সে বললে, “মুকুন্দর
মার সুখ-দুখের ভাবনা ভাবতে তার পাঁচ ছেলে বৌ আছে,
তোমার আর অত দরদ দেখাতে হবে না; নিজের কাজ
কর।”

ঝি বললে, “সেই ত দুঃখ দিদিমণি, তবে আর বলি কি?
বুড়ীর চার চারটে বৌ সুবকটা পর হয়ে গেল, ছেলেগুলোকে
সুস্থ পর করে দিলে। কাঁদবে না বেচারী। ছোট
ছেলেটাকে আপনা-আপনি মধ্য কোথায় বিয়ে দেবে
ভেবেছিল, সব ঠিকঠাক হয়-হয়, কি সোন্দর মেয়ে দিদিমণি,
কি বলব তারা দেখতে এল ছেলেকে, তার পর সে এক
ভুল কাণ্ড। ছেলে বলে.....” অঞ্জলি ঘরে ঢুক

বললে, “মঞ্জু, এখনও কাপড়তোলা হল না তোমার ! আজকে কি আর বেরতে হবে না ?”

মঞ্জু বললে, “কি হবে রোজ রোজ বেরিয়ে ? একদিন না হয় ঘরেই থাকলে।”

অঞ্জলি বললে, “তুই যে কি সব বকিস মঞ্জু, তার কোনো মানে হয় না।” সে ঘর ছেড়ে বেরিয়ে গেল।

হঠাৎ বি বললে, “আমি বলি কি দিদিমণি, মোহনের গায়ে তোমাদের হাওয়া লেগে গেছে।”

মঞ্জু চমকে উঠল। তারপরই বিকে অগ্র কাজে বিদায় করে দিল।

বিছানার উপর কাপড়ের স্তুপ এলোমেলো ভাবেই ফেলে রেখে মঞ্জু হঠাৎ অসময়ে ছাতে গিয়ে হাজির হল। কতক্ষণ সে ছাতে ঘুরল। মনটা তার আজ বেশ খুসী ছিল। সবাই মিলে কি যে কতকগুলো কথার জট পাکیয়ে মনটাকে বিগুড়ে দিল তার ঠিক নেই। সেটাকে সোজা পথে চালাতে সে আর কিছুতেই পারছিল না। ছাদের আলসের উপর ভর দিয়ে সে ভাবছিল আজ যেন তার লোহার শিকলটা তাকে বড় শক্ত করে বেঁধেছে। কত কি কথা যে তার আজ শুনতে ইচ্ছে করছিল, কিন্তু শিকলটা তার সব ইন্দ্রিয় এমন করে বেঁধেছে যে সে-সব শোনা তার হল না, কতখানেকই না তার আজ ছুটে গিয়ে কত কিছুর আড়াল ভেঙে সব দেখে আসতে ইচ্ছে করছে, কিন্তু সে ত তার হবে না, পায়ে শিকল যে ভারী হয়ে টেনে ধরে আছে।

পাশের বাড়ীর সিঁড়ির দরজাটা ঠিক মঞ্জুর চোখের সামনে ধড়াস্ করে খুলে গেল। কবিতার কি গানের বইয়ের মত সুন্দর একখানা বাঁধানো বই হাতে করে মোহন দরজার বাইরে এসে দাঁড়াল। মঞ্জুকে দেখে মোহন বেশী চমকে উঠেছিল কি মোহনকে দেখে মঞ্জু বেশী চমকে উঠেছিল বলা যায় না। কিন্তু কেউ তারা সরে গেল না। মঞ্জুর মনে হল মোহনের সমস্ত অন্তরটা যেন তার দৃষ্টির ভিতর দিয়ে জমাট বেঁধে মঞ্জুর মুখের উপর এসে পড়েছে, তার ঠোঁট দুখানা যেন কতকালের না-বলা কথা ভারে কেঁপে উঠল। মনে হল যেন সব বাঁধন আলগা হয়ে তারা ভিড় করে বেরিয়ে

পড়বে। মঞ্জু আকর্ষণ রক্তোচ্ছ্বাসে রাঙা হয়ে উঠে বুকটা ছক ছক করে কেঁপে উঠল। সে আলসেটা তাড়াতাড়ি উল্টো দিকে অনেকখানি চলে গিয়ে পড়ল, তারপর বোধ হয় এক মিনিট পরেই অল্প মুখ তুলে দেখল পাশের বাড়ীর ছাতটা শূন্য খাঁ খাঁ পড়ে পড়ে। মনে হল কত যুগ যুগান্তর ধরে কে তার জগ্রে ওইখানে প্রতীক্ষা করে করে শান্ত হয়ে ফিরে গেছে। তার শূন্য মনের মত মস্ত ছাতটা কেবল আকাশের দিকে মুখ তুলে পড়ে আছে। মঞ্জুলা উঠে দাঁড়াল। পাশের বাড়ীর ছাদের সিঁড়ি দিয়ে একপাল ছোট ছোট ছেলে মেয়ে কোঁচড়ে করে চীনেবাদাম নিয়ে কলরব করতে করতে ছাদ জুড়ে এসে বসল। মঞ্জু দাঁড়িয়ে তাদের দেখতে লাগল। তাদের উচ্চ কলকর্থে তারা যেন মঞ্জুর না-শোনা কথাগুলোকে অতি বড় মিথ্যা বলে প্রচার করছিল। তার এই যে দেখা এই যে শোনা এই ত সত্য। ভাল করে চোখ না মেলে কান না পেতে সে কি যে সব সূত্র বলে ধরেছিল, সব মিথ্যা, সব মিথ্যা। কিন্তু তবু সন্ধ্যার ছায়া যত ঘনিয়ে আসছিল, শিশুদের সভা যত নিস্তরূ নিঃস্বুম হয়ে উঠছিল, ততই যেন মঞ্জুকে কিসে পেয়ে বসছিল। সেও আজ মোহনের মত ছোট ছোট কত কথাকে বিনি স্তায় মালা গোঁথে তুলতে চাইছিল। সত্যি কি এইসব নানাখানে কুড়োনো ছোট কথা, এরা সব একই মালার ফুল ? কেনই বা হবে না ?

অঞ্জলি ছাতে উঠে এসে হাঁপাতে হাঁপাতে বললে, “খনি মেয়ে যাহোক তুই ! সরোজ এসে ফিরে গেল। ব্রজাণ্ডে কোথাও যদি তোকে খুঁজে পেলাম। মোহন পাগ্লার মত তোরও কি শেষকালে অন্ধকারে ছাতে ঘোরার রোগে ধরল। দেখু বাপু, সত্যি কথা বলি মেয়েমানুষের ও-সব কবিত্ব পোষায় না।”

মঞ্জুলা বললে, “মেয়েমানুষের কি পোষায় আমার এক কথায় বলতে পার !”

অঞ্জলি বললে, “যেমন আছ তেমনি থাকা। তাদের কোনো কিছু চাইতে নেই।”

মঞ্জু বললে, “আমি তবে বোধ হয় মেয়েমানুষ নই। আমার অনেক কিছু চাইতে ইচ্ছে করে। ইচ্ছে করছে

রাতা দিগে ছুটে বেরিয়ে চলে বাই কোনো অজানা দেশে
যেখানে কেউ কিছু বলবার নেই, বারণ করবার নেই,
আমরি যা খুসী তাই করি।”

অঞ্জলি বললে, “এই না বললি—‘একদিন না হয় ধরেই
ধাক্কা’—আবার এর মধ্যে উঠেটা কথা। চলনা কোথায়
যাবি কি করবি করা যাক। তোকে কবেই বা কে কি
বারণ করেছে যে অত বলছিস। যখন স্ম চাস সবই ত
পাস।”

মঞ্জুলা বললে, “তোমার মত মানুষ কোথাও দেখিনি।
তুমি কিছু বুঝতে পার না। মুখে যা বারণ করা যায়,
সেইটেই কি কেবল বারণ? কত জিনিস আছে যা কেউ
বারণ করে দেয় না, কিন্তু তারা বারণ করা থাকে। সেই
কারণগুলোকে আমার গুঁড়িয়ে ভেঙে দিতে ইচ্ছে করে।”

অঞ্জলি বললে, “কি ছাই তোর সে বারণ একটা নাম
করনা। তোর ভাঙতে ইচ্ছে হয় দুটো ভেঙে দেখাই না।”

মঞ্জুলা বললে, “সে বললেই তুমি বুঝবে না। সবাই-
কার কাছে সব বারণের অস্তিত্ব থাকে না। বারণ করা
জিনিসগুলো কোনো কোনো মানুষ তাদের জগৎ থেকে
এমন সম্পূর্ণরূপে বাদ দিয়ে রাখে যে তাদের যে ভাঙা ঘেতে
পারে এ কল্পনাই তাদের মাথায় কখনও আসে না। তারা
কেউ যদি করতে পাবে না বলে’ একটু অস্তিত্ব জোর করত,
তাহলে আমাদেরও করবার জেদটা একটু বাড়বার সুযোগ
পেত। এ বেন গোড়াতেই ঠাণ্ডা জল ঢেলে দেওয়া।”

অঞ্জলি বললে, “সত্যি, তোর কথা আমি কোনো
কালেই বুঝব না। ছেলেমানুষী করার দিন আমার
অনেক কাল কেটে গেছে।”

অঞ্জলি নীচে চলে গেল। সবাইকার কাছেই তাকে
হার মানতে হল। কুস্তলা ধরে নিয়েছে মঞ্জু সব পারে,
অঞ্জলি ত ছেলেমানুষী বলে তার সব কথাই উড়িয়ে দেয়।
কার সঙ্গে ঝগড়া করে’ যে সে তার শক্তি প্রমাণ করে তার
ঠিক নেই। কেউ একবার বলে না—“তুই এ কাজ করতে
পারিস না, ও কাজটা তোকে করতে দেব না।” তবে সে
একবার দেখিয়ে দিত নিরমশৃঙ্খলে বাধা তাদের এই জগৎ-
টাকে সে কতখানি অগ্রাণু করে, কেমন অনায়াসে সে
তার সব বন্ধন ছিঁড়ে ফেলতে পারে।

রাত যখন অনেক হল, তখন মঞ্জুলা ছাদ থেকে নেমে
এসে নীচে জানলার ধারে দাঁড়াল। গলিটার দিকে নিতান্ত
অকারণে সে তাকিয়ে দেখছিল। ‘অবাক-জলপান’ ডেকে
ডেকে একটা লোক কেবল তাদের দরজাতেই ফিরছে।
মঞ্জুর ঘরের আলো জ্বালা হয়নি। অন্ধকারে সে যে দাঁড়িয়ে
আছে, কারুর চোখেই তা বোধহয় পড়েনি। পাশের
বাড়ীতে আলো জ্বলেছিল। পায়ের শব্দ চেয়ে মঞ্জু দেখলে
উপর থেকে মোহন ঠিক সেই বেশে সেই বইখানা হাতে
নেমে আসছে। দরজার কাছে দাঁড়িয়ে দূর থেকে দেবরকে
সম্বোধন করে মুকুন্দর বউ বলছে, “ঠাকুরপো, বললে ত কথা
শোন না, আইবুড় ছেলে ভর সঙ্কায় একলা ছাতে কাটিয়ে
এলে, বে খার নাম গন্ধ নেই; দেখ, শেষে পেত্রী কি
শাঁখচুলিতে না পেয়ে বসে। পাব পাব যে করছে তা এরি
মধ্যেই হাওয়ার টের পাচ্ছি।”

মোহন বললে, “পেত্রীর সূচি কি আমার ছায়া
মাড়ায়, রক্ষাকবচ পেয়েছি তবে না এত দুঃসাহস।”

মঞ্জুর কি একটা লজ্জায় বাধল, সে আর কোনো কথা
না শুনে তাড়াতাড়ি সেখান থেকে চলে গেল। কিন্তু তার
কথাগুলো যে কেউ শোনে নি এমন সাস্থনা সে নিজেকে
দিতে পারুল না। তবে কিইবা এমন এস বলেছে! আরও
অনেক কিছু যদি বলত, যদি সে সব-কিছু কেউ শুনত?
মাগো! ক্ষণিকের মত আবার মনে হল, কেন বেশ ত হত।
তার না সব বারণ ভাঙবার বড় সাধ।

ছাদে উঠে পড়াটা হঠাৎ মোহনের ভারি পছন্দ হয়ে
গেল। চিলেকোঠার দেয়ালে ঠেস দিয়ে মঞ্জুলাদের বাড়ীর
দিকে পাশ ফিরে সে নিত্য সন্ধ্যায় পড়াগুলো লাগিয়ে দিল।
ক্রমে অন্ধকার ঘনিয়ে আসত, বইয়ের পাতা চোখে কেবল
কালির স্রোতের মত দেখাত, তবু মোহন আসন ছেড়ে
উঠতে চাইত না। পাশের বাড়ীর শূণ্য ছাদটার নীরবতা
যত নিবিড় হয়ে উঠত, তত তার মনে কবেকার শোনা
দুটি পায়ের শব্দ স্পষ্ট হয়ে উঠত। প্রতীক্ষা যত দীর্ঘ হত,
তত মনে হত আর মেরি নেই, এই এল, এল, এল! কিন্তু
মোহন নিত্য এলেও সে কোনো দিনই আসত না। হয়ত
আজ তার নিমন্ত্রণ, হয়ত বা সে মামার বাড়ী গেছে, হয়ত
তার সন্ধ্যায় এসেছে, নয়ত অল্পখ বিস্মৃতি ত করতে পারে।

তবে কি সে রাগ করেছে? কিন্তু মোহনের কি এমন ভাগ্য যে সে তার উপর রাগ করবে? মোহন রোজই একটা কারণ বার করত, রোজই ভাবত কাল যদি না আসি, ঠিক সে কালকেই এসে ওই আলসেটার পাশে দাঁড়াবে। কিন্তু হতেও ত পারে তার আসবার কোনো গরজ নেই, আলসেটার পাশে এদিকে দাঁড়ানোটা যে ওদিকে দাঁড়ানোর চেয়ে বিশেষ কোনো কারণবশত ঘটেছে, এমন কথা ত মোহনের কানে কানে কেউ বলে যায়নি। ও ত কেবল মোহনের লুকিয়ে গাঁথা স্বপ্নমালার একটি ফুল মাত্র। হয় হোক স্বপ্নমালা, হয় হোক বিনি-স্বতোয় গাঁথা, তবু নিজের হাতে সে তাকে কেন ছিঁড়বে? কিন্তু তবু দুঃখ অভিমান কতবার তা ছিঁড়ত তার ঠিক নেই।

(৪)

মানুষ নিজের যে কথাটি লুকিয়ে রাখতে চায় চিরকালই পরের সেই কথাটি খুঁচিয়ে বের করতে তার সবচেয়ে বেশী উৎসাহ। সে-কাজে বিফলও সে বড় বেশী হয় না।

যে-কথাটার উৎস এত কাছে সেই কথাটাই কত স্রোত ঘুরে কত রকমে মঞ্জুলার কানের কাছে যে এসে পৌঁছতে লাগল তার ঠিক নেই। এইটেই হল তার সবচেয়ে অসহ। মন তার দুর্ভঙ্গ ছিল, তবু এতদিন সংসারের এই লোহার শিকলটাকে অস্বীকার করেও সে চলতে পারত, আজ কিন্তু তা আর পারলে না। মানুষের কথা তাকে বুঝিয়ে দিল, সংসারের আর দশ জনেরই মতন শিকলটাকে সে ভয় করে, কিন্তু মনটাকে নিজের হাতের মুঠোর মধ্যে রাখতে পারে না বলে ভীকর চিরকালের সম্বল যে লুকোচুরি, তারই আশ্রয় সে নিয়েছে। নিজের মনকে যতদিন নিজের সে ভীকতার জন্তে অপমান করেছিল, ততদিন মনকে বোঝাতেও সে চেষ্টা করেছে। কিন্তু পরের অপমানকে সে কি বলে ঠেকিয়ে রাখবে? সত্যই ত তার মন লুকানো পথের অলিতে গলিতে ঘুরে মরে।

শুধু ছবির মত যে পাশের বাড়ীখানা, যার মধ্যে সে রূপের দেখা পেয়েছে, কিন্তু যার কর্ণে বাণী ফোটে নি, তার দিকে চেয়ে মঞ্জুলা ধিক্কার দিল তার আপনার মনকে আর একজনের মনকে। ওরে ভীক, তোমার গাহস নেই যদি, তবু এপথে পা বাড়াস কেন? তার রাগ হল তারই উপর

সবচেয়ে যে তাকে মাথা পেতে এই ভীকতার অপমান সহিতে দিচ্ছে, আর নিজের সহিতে। আজ যদি সে পুরুষ হত, যদি দেওয়া তার ধর্ম না হয়ে কেড়ে নেওয়াই তার ধর্ম হত, তবে বীরের মত জম করা কাকে বলে তা দেখিয়ে দিতে পারত। লুকিয়ে অন্ধকারে যে হাত পাতে তার জন্তে মঞ্জুলার চোখের জল পড়তে থাকল, কিন্তু গোপন দানের করণা সে ছেড়ে দিলে।

মঞ্জুলার ছাতে ওঠার অবসান হল, তার জানলা বন্ধ হয়ে গেল।

সকাল বেলা বাড়ীর সামনে গলিতে মোহন পাইচারি করছিল, বেশী দূরে বেড়াতে যেতে তার ইচ্ছা করছিল না। এই পাশের বাড়ীটার মনের চাবি যত সে খুলতে চাইছিল, তত যেন তাতে কে কুলুপের পর কুলুপ লাগিয়ে চলেছিল। মোহন অনুভব করছিল সে তারই মঞ্জুলা। কিন্তু কেন, কেন এ নিবিড়তর রহস্য-সৃষ্টি?

গলির মোড়ে শচীন-মাষ্টারের উদয় হল। মোহন হঠাৎ তার হাতখানা ধরে জিজ্ঞাসা করলে, “আচ্ছা, বলতে পার মানুষ প্রাণ দিয়ে যা চায় তা পায় না কেন?”

শচীন বললে, “খুব পারি। গায়ে জোর নেই বলে। অর্থাৎ বা কেড়ে নেওয়া যায়, তার জন্তে হাঁ করে আকাশের দিকে তাকিয়ে থাকে বলে, আর বন্ধ কাল দৈবের দরজায় কেবলি মাথা ঠোকে বলে।”

মোহন বললে, “তবে জোর করে যমের দোর থেকে ফেরাতে পার না কেন মানুষকে?”

শচীন বললে, “বাবাঃ, কোন্ আদিকাল থেকে সৃষ্টিটার রক্ত চুষে চুষে দানবটার গায়ে জোর কি কম হয়েছে? তার সঙ্গে টানাটানিতে আমরা পারব কেন? গায়ে জোর নেই বলেই পারি না। কিন্তু তবু আশ্চর্য দেখ, তার সঙ্গে লড়তে আমরা ভরসা পাই, কিন্তু হয়ত একটা সেদিনকার মেয়ের কাছে এগোতে সাহস পাই না।”

শচীন মোহনের মুখের দিকে তাকিয়ে দেখল। মোহন মুখখানা যথাসাধ্য স্বাভাবিক করে বললে, “বাস্তবিক! মানুষগুলো এমনিই মূর্খ বটে। তবে ভুলের ভয় বলে একটা জিনিষ আছে ত, যেটা যমের বেলা খাটে না।”

শচীন বললে, “ঐ ত; বা বলেছিলাম তাই হল আর

কি। ভয় ভয় করলে সেইটাই চিরকালের পাওনা থেকে যাবে। আমি হলে হয় একেবারে অভয় পদ পাই, নয়ত আপনার ভুলের বোঝা নিয়ে আপনি বাড়ী ফিরে যাই। সবুরে মেওয়া ফলে কি না জানি না, পচে নিশ্চয়ই।”

কথাটা সত্য। শুনতে খুবই সহজ, কিন্তু করার পথে যথেষ্ট কোথায় বাধে শচীনকে সে কথা বুঝিয়ে বলতেও মোহনের সাহস হল না। অথচ সাহসের অভাবই যে সব অনর্থের মূল, এই কথাই এতক্ষণ সে শুনছিল। মোহন আপনার মনকে সাস্থনা দিল এই বলে যে মৃত্যুকে যে মানুষ বরের দরজায় না দেখেছে সাস্থনা দেওয়া যেমন তার পক্ষেই সবচেয়ে সোজা, তেমনি এ ছন্দে যে কখনও পড়েনি, পথ বলে দিতে সেই সকলের চেয়ে অনায়াসে পারে। শচীনের যুক্তিকে মোহন বিদায় দিল; কিন্তু তার মনের মধ্যে যুক্তিটা আপনাপনিই এদিক ওদিক পথ খুঁজে দেখতে লাগল।

(৫)

মঞ্জুলার জন্মদিন। সকাল বেলা ঘরে বসে সে কি একটা পড়ছিল। কুস্তলা বাইরের থেকে ডাক দিয়ে বললে, “ছোড়দি, দেখ ভাই, তোমার কোন্ ভক্তের অর্ঘ্য এল।”

মঞ্জুলা বাইরে বেরিয়ে দেখল ব্রাউনকাগজে মোড়া একটা ফুলের ডালা নিয়ে একটা মুসলমান কুলী দরজায় হাজির। মঞ্জু বললে, “কোথ থেকে আসছ?”

সে বললে, “নয়া বাজার।”

মঞ্জু অবাক হয়ে তার দিকে তাকিয়ে রইল। লোকটা একটু ব্যাখ্যা করবার চেষ্টায় বললে, “মার্কিটসে বাবু কুল ভেজ দিয়া।”

মঞ্জুলা বললে, “দেখি।”

একরাশ ফুল, কেউ যে নিজের হাতে বাছাই করে বিশেষ যত্নে সাজিয়েছে, তা দেখলেই বোঝা যায়। একটা কাগজে মঞ্জুর নাম আর বাড়ীর ঠিকানা লেখা। হাতের লেখাটা মঞ্জুর চেনা কি অচেনা সে কিছুতেই ঠিক করতে পারলে না। ওই কটা অক্ষরের মধ্যে সে কি যে আবিষ্কারের চেষ্টা করছিল তা সেই জানে। উল্টে পাল্টে সেটাকে দেখে কিছুতেই তার তৃপ্তি হচ্ছিল না।

কুস্তলা কুলীকে সম্বোধন করে বললে, “তোমার কত দিতে হবে?”

কুলী বললে, “বাবু পয়সা দিয়ে দিল।”

মঞ্জুলা বোনের দিকে ফিরে বললে, “কি করব বলত।”

কুস্তলা বললে, “থাক, পরে বুঝতে পারবে হয়ত।”

ফুলগুলো ঘরে তুলে নিয়ে গিয়ে মঞ্জুলা সযত্নে সাজাতে বসল। অনেক দিন পরে সে আজ তার সেই বন্ধ জান্নাটা খুলল। ফুলের গন্ধে সমস্ত ঘর ঘোর ভরে উঠেছিল। কতবার কত জায়গায় যে সে সেগুলোকে রাখলে তার ঠিক নেই। কিন্তু কিছুতেই আর তার মনের মতন সাজানো হচ্ছিল না।

ঝি এসে বললে, “দিদিমণি, নীচে সরোজ-বাবু এসেছে।”

মঞ্জুলা “বাই” বলে তাড়াতাড়ি ফুলগুলো ঢাকা দিয়ে রাখল।

মঞ্জুলাকে দেখে সরোজ বললে, “এত সকাল সকাল নে ছাড়া পাব তা মোটেই ভাবিনি। সংসারের কাজের লোক-গুলোকে মানুষের আদত কাজের মূল্য ত বোঝানো যায় না, তাই নিজের হাতছটো থাকতে ধার করতে হল বড়ো খোদাবক্সের হাত ছখানা। যাক, ফুলগুলো ঠিকঠিক পৌঁছেছে ত?”

মঞ্জুলা বললে, “হ্যাঁ, আপনাকে অনেক ধন্যবাদ। আজ আমার একটু কাজ আছে, বসতে পারলাম না, কিছু মনে করবেন না।”

সরোজ বিস্মিত ও হতাশ হয়ে উঠে দাঁড়াল। মঞ্জুলা তাড়াতাড়ি ঘর থেকে বেরিয়ে ছুটে উপরের ঘরে চলে গেল। ব্রাউন-কাগজের মোড়কটা ছিঁড়ে ফেলে ফুলের তোড়া মালা সবগুলো সে খোলা জান্না দিয়ে একে একে পথে ফেলে দিল। তারপর ঘরের দরজা জান্না সব বন্ধ করে বিছানার উপর লুটিয়ে পড়ল। ভীক, ভীক, মন, চোখ মেলে দেখবার সাহস যার নেই, সাধ করে যে অন্ধ হতে চায়, তার এমনি দশাই ত হবে। নিজেকে কি বলে ধিক্কার দেবে মঞ্জুলা ভেবে পাচ্ছিল না।

কুস্তলা বাইরের পেকে আবার ডাক দিল, “ছোড়দিদি, দেখ আবার কোন্ ‘অচেনা পথিক’ কি পাঠিয়েছে। এক-জনের দানে এত খুসী হয়ে গেলে যে দরজাটা দিনে ছপুয়েই বন্ধ করে রাখলে পাছে আমরা ভাগ বসাই।”

মঞ্জু দরজা খুলে দিল। কুস্তলাকে বললে, “বাবু, এক বল

ফুল আর ফুল! আমার অত রাখবার জায়গা নেই, তুই ফেলে দে, নয়ত নিজের ঘরে রাখবে যা।”

কুন্তলা বললে, “আহা, আমার এতই কি পোড়াকপালে ধরেছে যে তোমার ফেলে-দেওয়া ফুল ঘরে রাখতে যাব? ফেলতে হয় তুমি ফেল, রাখতে হয় তুমি রাখ, আমার কিছু করতে গরজ পড়ে নি।” কুন্তলা ফুলগুলো রেখে চলে গেল।

মঞ্জুলা খানিকটা ইতস্তত করে সেগুলো তুলে দেখতে বসল। ফুলের তোড়ার গায়ে তারে বাঁধা সরোজের নাম-ছাপানো কার্ড ব্রাউন-কাগজের মোড়কের মধ্যে চাপা পড়ে গেছে।

মঞ্জু ফুলগুলোকে মেঝের আছড়ে ফেলে দিল। তার পর আবার কুড়িয়ে নিয়ে ফুলদানির মধ্যে রেখে জানুলাটা খুলে তার ধারে চূপ করে এসে বসল। নীচে সদর দরজার কাছে কতকগুলি ছোট ছোট শিশুর কলকল কাকলি শোনা যাচ্ছিল। কি একটা পাওয়ার আনন্দে তারা অধীর কিস্ত ভাগাভাগির গোলমালে একটা ঝগড়াও বেধেছে। মঞ্জু জানালা দিয়ে চেয়ে দেখল নীচে সে যে ফুলগুলো ফেলে দিয়েছিল, তা ধূলিধূসর পথ থেকে উঠে শিশুদের সর্কাসে আশ্রয় নিয়েছে। কেউ তিন চার পাট করে একটা মালা গলায় পরেছে, কেউ শূন্য হাতে মহা কলরব করে নিজের দাবি জানাচ্ছে।

মঞ্জুলা বসে বসে দেখছিল। ভাবছিল কার অঞ্জলি কে গ্রহণ করল? ইচ্ছে করছিল নীচে নেমে গিয়ে তাদের কাছ থেকে সব কেড়ে আনে। কিন্তু কিই বা হবে কেড়ে? সত্যিই ত সে জানে না এ কার অর্থাৎ। ভুল করে ফেলে দিয়েছিল বটে, কিন্তু আদর করে যখন রেখেছিল তখনই সে ঠিক করেছিল তা কে বলতে পারে?

পাশের বাড়ীর মুখোমুখি সেই ঘরখানায় অসময়ে শিকল-তোলার শব্দ শুনে মঞ্জু ফিরে তাকাল। দরজার গোড়ায় একরাশ জালানো কাগজ উড়ে উড়ে বেড়াচ্ছে, পড়বার টেবিলের জানুলামুখো চেয়ারখানার মুখ উন্টোদিকে ঘুরে গেছে। মোহন শুধুহাতে গায়ে চাদরখানাও বাদ দিয়ে ঘরে শিকল তুলে বেড়োবার উপক্রম করছে। মুখখানা সে একবার কোমো দিকে ফিরাতে না।

অঞ্জলি ঘরে এসে বললে, “মঞ্জু, তুই কি কেপেছিস? সকালবেলা জন্মদিনের দিন ভদ্রলোকের ছেলে ফুলগুলো পাঠিয়ে দিলে, একে ত তার সঙ্গে কথা কইলি না, তার উপর সেগুলো রাস্তায় ফেলে দিলি।”

মঞ্জু বললে, “ফেলে দিয়ে ভুল করেছি, অজান্তেই। এখন বুঝতে পারছি। যাচ্ছি আমি সেগুলো কুড়িয়ে আনতে।”

অঞ্জলি বললে, “মঞ্জু, দোহাই তোমার! আর লোক হাসিও না, এইতেই কত লোকে কত কি বলবে তার ঠিক নেই! আবার নূতন একটা কেলেকারীর সখ কেন?”

মঞ্জু বললে, “কেন, কি হয়েছে? ভুল করে আমি ফেলেছি, আমি যদি কুড়িয়ে আনি, সে ত ভাল বই মন্দ নয়, তাতে কার কি?”

মঞ্জুলা সিঁড়ি দিয়ে তর্ তর্ করে নেমে গেল। ছেলেরা কলরব করে ফুল নিয়ে ঘরে ঢুকছিল, মঞ্জু পিছন থেকে দু এক জনকে হাতের কাছে ধাক্কা পেলে বললে, “আমার ফুলগুলো তোমরা আমায় ফিরিয়ে দেবে কি মনি? আমি তোমাদের অনেক খেলনা দেব।”

শিশুরা অবাক হয়ে তার মুখের দিকে চাইল, তারপর ফুলগুলো চেপে ধরে বললে, “দেবো না, আমরা ফুল।” একটি ছোট ছেলে একটা ফুল বাড়িয়ে বললে, “তুমি এস্তা নাও, আমি এস্তা নি।” মঞ্জু নিজের গালের উপর তার মুখখানা একবার চেপে ধরে ফুলটা নিয়ে বাড়ী ফিরে গেল। পথ দিয়ে দুই চারটা লোক যাচ্ছিল, তারা একটু থমকে দাঁড়িয়ে বিস্মিত দৃষ্টিতে মঞ্জুলায় আপাদমস্তক দেখে নিল। কেউবা মুচ্কে হাসল।

ছেলেরা ছুটে যেতে যেতে পথে মোহনকে পাকড়াও করলে। তাদের অগ্রণী একজন বললে, “ছোট কাকা, রাস্তার সব ফুল নিয়ে নিয়েছি, এই দেখা রানী চাইল দি নি।”

মোহন বললে, “রানী কে রে?”

ধোকা দুই হাত খুব উঁচু করে বললে, “ও বাড়ীর এত বড় রানী, সে বললে তার ফুল।”

পিছন থেকে আর-একজন এগিয়ে এসে বললে, “রানী লক্ষী ছন্দল, আন কাঁদবে না হি। আমি এস্তা ফুল দিয়েছি।”

মোহন আর কথা না বাড়িখে পাশের বাড়ীটার মধ্যে মুকে পড়ল।

মোহনকে পাগল লোকে চিরকালই বলত, তাতে জগতের এতদিন কোনো ক্ষতি বৃদ্ধি হয় নি। কিন্তু এতদিনে দেখা গেল তার পাগলামি জগতের একটা উপকার করেছে। মোহনকে পাগল আখ্যা দেবার জন্মে এত কাল পরে পাশাপাশি এই দুটো জগৎকে অন্তত একমুহুরে গলা মিলিয়ে

কথা কহিতে হল। অপঘণ তার যথেষ্ট বেড়ে গেল, কিন্তু তার মধ্যে আর যাই থাক, ভীকতার অপঘণটা মোটেই ছিল না। তাই দুটো জগৎই যখন তাকে আপনার কোল থেকে বিদায় করে দিতে একটুও অনিচ্ছা জানাল না, তখন কেবল মাত্র মঞ্জুলাকে সাথী করে সে আর-একটা তৃতীয় জগৎ সৃষ্টি করতে মোটেই ইতস্তত করে নি।

শ্রীশান্তা দেবী।

দ্রাবিড়জাতি

বর্তমান প্রত্নতাত্ত্বিক-ফলে এসিয়ার পশ্চিমাঞ্চলে আৰ্য্য ও আৰ্য্যোত্তর জাতির ইতিহাসের অনেক বিষয়ই আবিষ্কৃত হইয়া পড়িয়াছে। আমরা যে জাতিকে আৰ্য্য জাতি বলিয়া থাকি, সেই জাতি ভারতের বাহিরে এসিয়ার উত্তর-পশ্চিমাঞ্চলের কোন স্থান হইতে বিভিন্ন শাখায় বিভক্ত হইয়া, বিভিন্ন দেশে বিস্তৃত হইয়াছিল। প্রাচ্য ও প্রতীচ্য আৰ্য্যগণ ইহাদের সর্ব-শেষ শাখা। প্রতীচ্য আৰ্য্যগণ দেশান্তর গমন করিলে পর প্রাচ্য আৰ্য্যগণও বাহির হন। ষোড়শ ও সপ্তদশ পূর্ব-খৃষ্টাব্দে সিরিয়া ও মেসোপটেমিয়ায় কয়েকটি আৰ্য্যভাষাভাষী সম্প্রদায়ের অধিবাস ছিল, তাহার যথেষ্ট প্রমাণ পাওয়া গিয়াছে। ইহাদের মধ্যে কাহারও কাহারও পূজিত দেবতার নাম বৈদিক দেবতার নামের অনুরূপ। আৰ্য্যগণ বরাবর উত্তরদিক দিয়া সগুডিয়ানার উত্তরে আসিয়া দ্বিধা বিভক্ত হইয়া, একদল পশ্চিমে ও আর-একদল পূর্বদিকে চলিয়া যান। আৰ্য্যবংশসমূহ মিতানিগণ পশ্চিম দিকে গিয়াছিলেন। খৃষ্টজন্মের দ্বিসহস্র বর্ষ পূর্বে প্রাচীন আৰ্য্যজাতি যখন ভারতের উত্তরাভিমুখে অগ্রসর হইতেছিলেন, মিতানিজাতি তখন বাবিলনের উত্তর-পশ্চিমে টাইগ্রিস ও ইউফ্রেটিস নদদ্বয়ের মধ্যবর্তী ভূখণ্ডে এক পরাক্রান্ত রাজ্য প্রতিষ্ঠা করিয়াছিলেন। সম্ভবতঃ খৃষ্টজন্মের ১৬০০ বর্ষ পূর্বে এসিয়া-মাইনরে এই মিতানিজাতির অস্তিত্বের পরিচয় পাওয়া যায়। ইহার বরুণ, অরুণ, ইন্দ্র ও নাসত্যের উপাসক ছিলেন। ১৭৪৬ পূর্বখৃষ্টাব্দে কাশীর জাতি নামক আৰ্য্য-জাতির অপর এক শাখা বাবিলনে নূতন সাম্রাজ্য প্রতিষ্ঠিত

করিয়া, ছয় শত বৎসর বাবিলনে আপনাদের প্রভাব অক্ষুণ্ণ রাখিয়াছিলেন। ইহার বহুকাল পূর্বে আৰ্য্যগণ সম্ভবতঃ সমুদ্রপথে পঞ্চনদ-প্রদেশে আগমন করিয়াছিলেন। মিতানিগণ দশরত্ন ১৩৬৭ পূর্ব খৃষ্টাব্দে স্বীয় পুত্র মত্তিইউজ (Mattiuza) কর্তৃক নিহত হন। অতঃপর মত্তিইউজকে বিতাড়িত করিয়া দশরত্নের প্রতিদ্বন্দ্বী ভ্রাতা অর্থাৎ ও তৎপুত্র শুততরুর সিংহাসন আক্রমণ করেন। মত্তিইউজ খন্তিতে পলায়ন করেন। দেশ অরাজক হইল। মিতানিগণ দশরত্নের মৃত্যুর পর পশ্চিমে আৰ্য্যবংশসমূহ হিটাইট জাতিদ্বারা এবং পূর্বদিকে অমুরদিগের দ্বারা আক্রান্ত হইয়া বিপন্ন হইয়া পড়েন। শেষে হিটাইটদিগের রাজার অনুগ্রহে বোগাজকোইর (Boghazkyoi) সন্ধিসূত্রে দশরত্নপুত্র মত্তিইউজ (Mattiuza) পিতৃসিংহাসন প্রাপ্ত হন। কিন্তু অত্যন্ত কালমধ্যে হিটাইটগণ মিতানি-রাজাকে নিজরাজ্যের অন্তর্ভুক্ত করিয়া লইয়াছিলেন। ইহার প্রায় ৪৫০ বৎসর পূর্বে হিটাইট গণ এসিয়া-মাইনরের উত্তর-পূর্বে কাপ্পাডোকিয়ায় (Cappadocia) আসিয়া উপস্থিত হন। অমুরগণ ইহাদিগকে খত্তি (Khatti) বলিতেন। মিসরে হিটাইটগণ 'খেত (Kheta) নামে পরিচিত ছিলেন। তার পর কালে প্রভাবে ইহাদের অধঃপতন ঘটে। অন্য আৰ্য্যশাখা আসিয়া ইহাদের হতরাজ্য অধিকার করেন। কয়েক বৎসর পূর্বে কয়েকজন বিশেষজ্ঞ পণ্ডিত ইহাদের ভাষা পাঠ করিতে হইয়াছেন। সম্প্রতি একজন হুন্ডেরীয় পণ্ডিত ইহাদের পর্য্যন্ত দুর্বোধ্য লিপিগুলির পাঠোদ্ধার সাধন করিয়াছেন।

পুরাতত্ত্বালোচনায় পণ্ডিতগণ স্থির করিয়াছেন যে, এই প্রাচীন আৰ্য্যজাতি যে যে স্থানে গিয়াছিলেন, সেই সেই স্থানের আদিম নিবাসীদের সঙ্গে মিশিয়া, পরস্পর ভাব ও ভাষার আদান-প্রদানে ও নূতন দেশের জলবায়ুর প্রভাবে প্রকৃতিগত পরিণাম প্রাপ্ত হইতে লাগিলেন। কিন্তু বর্তমান ক্ষেত্রে আৰ্য্যজাতির সকল শাখার বিষয়ে আলোচনায় প্রবৃত্ত হইবার প্রয়োজন নাই। ভারতীয় আৰ্য্যজাতিকে অবলম্বন করিয়াই আলোচনায় প্রবৃত্ত হইব। বেদ ও উপনিষৎসমূহ এই শাখাভুক্ত আৰ্য্যজাতির প্রধান কীর্তি। ইহাদিগকে বুঝিতে হইলে, ইহাদের বিশেষত্ব উপলব্ধি করিতে হইলে এই বেদ ও উপনিষৎ আলোচনা করিতে হয়। সকল আৰ্য্যশাখা মূলে একজাতীয় হইলেও পৃথিবীর অগাঢ় আৰ্য্যশাখার সহিত ইহাদের বিভিন্নতা এই বেদ ও উপনিষৎ সপ্রমাণ করিয়া দেয়। ইহারা ভারতে আসিয়া এক নূতন অবস্থার মধ্যে পড়িলেন;—জল, বায়ু ও প্রকৃতির এক নূতন প্রভাবের অধীন হইলেন। ভারতে আসিয়া, ইহারা ভারতের আদিম অধিবাসীদের সঙ্গে মিলিত হইলেন ও পরস্পর ভাবের আদান-প্রদান চলিতে লাগিল।

ভারতের আদিম অধিবাসী কাহারা ছিল, ইহা নিশ্চয়রূপে স্থির করা হুঃসাধ্য। ভারতবর্ষে চিরকালই নূতন নূতন বিদেশীয় জাতি আসিয়াছে। সর্বপ্রথম কোন্ জাতি আসিয়াছিল, তাহা কেহই বলিতে পারেন না।

সম্প্রতি নৃতত্ত্ববিদগণ বহু পরিশ্রম করিয়া, এসিয়ার জাতি সম্বন্ধে নূতন নূতন সিদ্ধান্ত করিয়াছেন। ইতালীয় পণ্ডিত জিউফ্রিদা-রুজেরি এ সম্বন্ধে একখানি সুন্দর গ্রন্থ প্রণয়ন করিয়াছেন। শ্রীযুক্ত হারাগচন্দ্র চাকলাদার মহাশয় ইহার ইংরেজী ভাষান্তর সটীক করিয়া প্রকাশ করিয়াছেন। ইহাদের মতে দ্রাবিড়গণ ইরাণ হইতে ভারতবর্ষে আসিয়াছে। নিগ্রিটোগণ দ্রাবিড়দের পূর্বে এখানে আগমন করে। তাঁহারা বলেন, দ্রাবিড়গণ ইথিয়পীয়দিগের সহিত ঘনিষ্ঠ সম্বন্ধযুক্ত। (Australoid Veddaic) অস্ট্রেলয়েড বেদা জাতির সহিত ইহাদের আকৃতিগত সাদৃশ্য আছে। প্রথমে নিগ্রিটো জাতি, তাঁরপর, বেদাজাতি, ভারতবর্ষে প্রবেশ করে, ইহাই তাঁহাদের মত। ইহারা এরূপও বলেন যে, দ্রাবিড়েরা সংখ্যায় খুব অল্পই ছিল। দ্রাবিড়দের পূর্বে মুণ্ডা-কোল-ভাষাভাষীদের

পূর্বপুরুষগণ উত্তরে এবং বেদারা দক্ষিণে ছিল। বাহা হউক, আৰ্য্যেরা আসিয়া এক প্রধান জাতিকে এখানে অবস্থান করিতে দেখিয়াছিলেন। এইরূপ যে প্রধান জাতিকে দেখিয়াছিলেন, যাহাদের সংঘর্ষে আসিয়া বাহাদের সহিত তাঁহাদের ভাবের আদান-প্রদান সর্বাধিক হইয়াছিল, তাঁহারা দ্রাবিড় নামে অভিহিত। মনুসংহিতায় এই দ্রাবিড়েরা পতিত ক্ষত্রিয় বলিয়া উল্লিখিত হইয়াছেন (১০।৪৩, ৪৪)। আৰ্য্যদের দ্রাবিড়দিগকে পতিত ক্ষত্রিয় বলিবার কারণ আছে। দ্রাবিড়েরা যখন প্রথম আৰ্য্যদিগের সংঘর্ষে আসেন, তখন তাঁহারা সুসভ্য ছিলেন; বেদে তাহার প্রমাণ পাওয়া যায়। ভাষাতত্ত্ব ও জাতিতত্ত্বের ভিতর দিয়া এই দ্রাবিড় জাতির সম্বন্ধে ইয়ুরোপীয় ও ভারতীয়গণ আলোচনা করিয়াছেন। কল্ডুওয়েল অনুমান করেন, সংস্কৃত 'দ্রাবিড়' শব্দের বিশেষণে 'দ্রাবিড়' শব্দ নিস্পন্ন হইয়াছে। তিনি দেখাইয়া দিয়াছেন যে, 'দ্রাবিড়' শব্দের অর্থ 'তামিল'। দাক্ষিণাত্যে তামিল, তেলুগু, তুলু, কন্নড় ও মলয়ালম ভাষার প্রচলন আছে। এই-সকল ভাষার এক সাধারণ নাম "তামিল" বা 'তামল'। সিংহল হইতে আরম্ভ করিয়া গাঙ্গেয় উপত্যকা পর্য্যন্ত এই জাতি বিস্তৃত। সমগ্র মাদ্রাজ, হায়দরাবাদ, মধ্যপ্রদেশ ও মধ্যভারতের অধিকাংশ এই জাতির নিবাসভূমি। কাহারও কাহারও মতে খাঁটি দ্রাবিড়েরাই ভারতের আদিম অধিবাসী। ভারতবর্ষে শুধু আৰ্য্যজাতিই আসে নাই—সিদিয়ান ও মঙ্গলীয় জাতিরাও আসিয়াছিল। এই বিদেশীয় জাতিদের সঙ্গে দ্রাবিড়জাতির সংমিশ্রণ ঘটিয়াছিল। এখন ভারতবর্ষে বহু জাতির বাস। দ্রাবিড়-রক্ত অল্পবিস্তর সকলেরই ধমনীতে প্রবাহিত। কোন জাতি দ্রাবিড় ও আৰ্য্যশোণিত-মিশ্রিত, কোন জাতি দ্রাবিড় ও মঙ্গলীয় শোণিত-মিশ্রিত, আবার কোন জাতি বা দ্রাবিড় ও সিদিয়ান শোণিত-মিশ্রিত। কিন্তু আৰ্য্য নামের এমনই প্রভাব যে, সকলেই আপনাদিগকে আৰ্য্য নামে পরিচিত করিয়া গৌরব অনুভব করেন। পরন্তু বিগুহ আৰ্য্য-শোণিতের জন্ম কোন জাতিই স্পষ্ট করিতে পারে না। সে খাঁটি আৰ্য্য-শোণিত আর নাই। উত্তরভারতের স্থায় কিন্তু দক্ষিণভারতে এই সংমিশ্রণ সেরূপ অধিক পরিমাণে হয় নাই। বিদ্যাপর্কতশ্রেণী উত্তর ও দক্ষিণভারতের

মধ্যে প্রাচীরের স্থান দাঁড়াইয়া, দক্ষিণভারতকে তত সহজে
বিমিশ্র হইতে দেয় নাই। এই অস্ত্রই দেখিতে পাওয়া
যায় যে, দ্রাবিড় আপনার ভাষাকে সম্পূর্ণভাবে বজায়
রাখিতে পারিয়াছে। অবশ্য নিজের, গভীর মধ্যে
প্রাকৃতিক কারণে বিভিন্ন স্থানে বহুটুকু পরিবর্তন
হওয়া সম্ভব, তাহা হইয়াছে। দ্রাবিড়দিগের এই-সমস্ত
অঞ্চলে তেলুগু, কন্নড়, মলয়ালম—বিশেষতঃ তামিল ভাষায়
যে-সমস্ত সাহিত্য গড়িয়া উঠিয়াছিল, তাহাদের ধারা
এক নূতন প্রণালীর। প্রাচীন তামিল ভাষায় যে সাহিত্য
আছে, তাহাতে তাহাদের প্রাচীন সভ্যতার যথেষ্ট পরিচয়
পাওয়া যায়। বর্তমানভাষাভাষীর। প্রাচীন সাহিত্যের
ভাষা বুঝিতেই পারে না। আর্য্যসমাগমের পূর্বের ইতিহাস
লিখিতে হইলে, কতক উপকরণ এই-সমস্ত সাহিত্য হইতে
পাওয়া যাইবে। সম্প্রতি ত্রিনিবাস আয়েঙ্গার তাঁহার
Life in Ancient India ও জাতিতত্ত্ববিষয়ক পত্রিকায়
নিঃসন্দেহরূপে সপ্রমাণ করিয়াছেন যে, প্রাচীন দ্রাবিড়গণ
বৈদিক আর্য্যদের অপেক্ষা সভ্যতায় কোন অংশে হীন ছিল
না। বরং বিষয়বিশেষে আর্য্যগণ অপেক্ষা তাহারা অধিকতর
উন্নত ছিল। বিজ্ঞানে, শিল্পে, বুদ্ধবিদ্যা ও বুদ্ধিকোশলে
তাহারা আর্য্যদের সম্যক প্রতিদ্বন্দী ছিল। যাহা হউক,
বিক্রাগিরির পূর্ব ও পশ্চিমে যে-সমস্ত নিম্ন তীরভূমি ছিল,
আর্য্য ও অগ্ৰাণ্য নবাগত জাতি এই স্থানেরই মধ্য দিয়া
ক্রমশঃ অগ্রসর হইয়া, দ্রাবিড়ভূমিতে আসিয়া পড়ে। তবে
সে অনেক পরের কথা। খৃঃ পূঃ ৪র্থ শতকের পূর্বে আর্য্য-
সাহিত্যে দক্ষিণ দ্রাবিড়ের কুত্রাপি উল্লেখ নাই। কেবল
ইহার পূর্বে পাণিনির গ্রন্থে দেখিতে পাওয়া যায় যে, আক্ৰুগণ
তখনও ছিল। এই আক্ৰুগণ দ্রাবিড়দিগের উত্তর-
পূর্ব প্রদেশ শাসন করিত। দক্ষিণাত্যে আক্ৰুদিগের
অধঃপতনের পূর্বে দ্রাবিড়দিগের বিশেষ বিবরণ জানিতে
পাওয়া যায় না। মেগাস্থিনেস্ পাণ্ড্য রাজ্যের কথা উল্লেখ
করিয়াছেন।

আর যদি পাণ্ড্যরাজ্য মেগাস্থিনিসের সময় পরাক্রান্ত ও
প্রসিদ্ধ না হইত, তাহা হইলে তিনি উত্তরভারতে পাটলি-
পুত্রের রাজসভায় সেলুকস নিকাটরের দূতরূপে (৩০২ খৃঃ
পূঃ) আগমন করিয়া দক্ষিণাঞ্চলের পাণ্ড্যরাজ্যের কথা

শুনিতে পাইতেন না। ইনি আক্ৰুদের সম্পর্কে লিখিয়াছেন
যে, ৩০০ পূর্বখৃষ্টাব্দেও আক্ৰুগণ মৌর্য্যরাজত্বের দক্ষিণাঞ্চলে
আধিপত্য বিস্তার করিয়াছিল। খৃঃপূঃ ৪র্থ শতকে ঋষি
কাত্যায়ন তাঁহার বার্ত্তিকে প্রাচীন দ্রাবিড়, পাণ্ড্য ও চোড়
রাজ্যের উল্লেখ করিয়াছেন। ইনি ইহাদের রাজধানীরও
উল্লেখ করিয়াছেন। রাজধানীর নাম ছিল—“মদুর” ও
“উরৈয়্যুর”। দ্রাবিড়-ভাষায় “উর” বলিলে নগর বা গ্রাম
বুঝায়। অক্কাডদিগের ভাষায়ও নগরার্থক ‘উর’ নামে একটি
শব্দ আছে এবং ‘উর’-সংযুক্ত অনেক শব্দও ইহাদের ভাষায়
আছে। এই উভয় উরের মধ্যে কোন সম্বন্ধ আছে কি
না, তাহা ভাষাতত্ত্ববিদগণের অনুসন্দের। কাল্দীয়গণ “উর”
নামক দেশে দ্রাবিড়ের পণ্যজাতের আদর করিত। খৃঃ পূঃ
দ্বিতীয় শতকে পতঞ্জলি তাঁহার মহাভাষ্যে পাণ্ড্য ও চোড়-
দেশের শুধু উল্লেখ করেন নাই, দক্ষিণের কাকীনগর ও
কাবেরী নদীরও নাম করিয়াছেন। খৃঃ পূঃ ২৫০ অব্দে
অশোক-অনুশাসনে “এবমপি সমন্তেষু যথা চোড় পাণ্ড্য
সতিয়পুতো কেতলিপুতো” প্রভৃতি বচনে পাণ্ড্য, চোড়
ও কেবল রাজ্যের উল্লেখ দেখিতে পাওয়া যায়।
অধিকন্তু পূর্বদিকে চেরদিগের রাজ্যের কথাও আছে।
এই-সমস্ত অনুশাসনে অশোক অঙ্কিত করিয়াছেন যে,
তিনি কলিঙ্গদিগকে কুম্ভা নদী পর্য্যন্ত জয় করিয়া,
তাহাদের এক লক্ষ অধিবাসীকে নিহত করিয়াছিলেন।
এই হত্যা-কার্য্যের জন্ত তিনি ক্ষোভ করিয়া বলিয়াছিলেন
যে, এই দেশে ব্রাহ্মণ, সাধুগণ ও বিভিন্ন সম্প্রদায়ের ব্যক্তিগণ
বাস করিতেন। দক্ষিণে মহীশূর পর্য্যন্ত অশোক-অনুশাসন
প্রচারিত হওয়ায় বেশ বুঝিতে পারা যাইতেছে যে, দ্রাবিড়-
দিগের যথেষ্ট লিপিজ্ঞান ছিল। ষ্ট্রাবো বলেন, চের নামক
এক দ্রাবিড় রাজপুত্র রোমানদিগের সহিত বন্ধুত্বপ্রার্থী
হইয়াছিলেন। প্লিনি (৭৭ খৃঃ) পাণ্ড্যরাজ্য ও তাহার
রাজধানী মহরার উল্লেখ করিয়াছেন। খৃষ্টীয় দ্বিতীয় শতকে
টলেমীর গ্রন্থে এবং তৃতীয় শতকে ‘Periplus Mari
Erythraei’ গ্রন্থে বিশেষরূপে প্রসিদ্ধ তিনটি তামিল রাজ্যের
নাম পাওয়া যায়। জ্যোতির্বিৎ বরাহমিহির (৪০৪ খৃঃ)
পাণ্ড্য, চোল, কেবল, কর্ণাটক, কলিঙ্গ ও আক্ৰু, এই কয়টি
দ্রাবিড়রাজ্যের নাম করিয়াছেন। তিনি দক্ষিণে কাবেরী ও

তাম্রপর্ণী নদীরও উল্লেখ করিয়াছেন। ৪৯০ খৃষ্টাব্দের চালুক্যবংশের শিলালিপিতে চের, চোড় ও পাণ্ড্যরাজ্যের অস্তিত্বের পরিচয় পাওয়া যায়। গ্রীক ও রোমান গ্রন্থকারগণের গ্রন্থ হইতে জানিতে পারা যায় যে, Kolkai পাণ্ড্যরাজ্যের বন্দর ছিল (Ptolemy, Table X)। এইখানে যাবতীয় বাণিজ্যব্যাপার চলিত। চৈনিক লেখকগণ বলেন, ৫০০ খৃষ্টাব্দে "লীম য়ু" নামক একজন দূত ভারতের দক্ষিণ হইতে চীনদেশে গিয়াছিলেন। এই দূত চীনদেশে গিয়া বলেন যে, রোম ও দক্ষিণ-ভারতের সঙ্গে বাণিজ্য বিশেষভাবে চলিয়াছিল। এক দিকে ফিনিসিয়া ও আরব এবং অপর দিকে পাণ্ড্য ও দক্ষিণভারতের অন্ত্যান্ত রাজ্যের সহিত যে সমুদ্রপথে বাণিজ্য চলিত, তাহা আরব ঐতিহাসিকগণও স্বীকার করিয়া থাকেন। হীক বাইবেলে ময়ূর, কপি প্রভৃতির বাচক কতকগুলি প্রাচীন তামিল শব্দ পাওয়া যায়। হীকজাতি প্রতি তিন বৎসরে একবার করিয়া এই ময়ূর, কপি প্রভৃতি তর্শিশ হইতে জাহাজে করিয়া আনয়ন করেন। কেহ কেহ অনুমান করেন যে, হীকদের রাজা সলোমনের সময়ে ১৫০০ পূঃ খৃষ্টাব্দে ফিনিসিয়দের সঙ্গে তামিলদের বাণিজ্য-সম্বন্ধ ছিল।

যে জাতি অতি প্রাচীন কাল হইতে ফিনিসিয়া, গীস, রোম, চীন ও আরবদের সহিত বাণিজ্যসূত্রে সম্বন্ধ ছিল, তাহাদের সুপ্রাচীন অতীত যুগে নিজেদের সুব্যবস্থা সাম্রাজ্য-সমূহ ছিল, তাহারা কয়েক শতাব্দী ধরিয়া সংস্কৃত ভাষার সম্পর্কে আসিয়াছিল, সেই দ্রাবিড়জাতি যে এক সময়ে বিশেষ সুসভ্য ছিল, তাহা অনায়াসেই অনুমান করা যাইতে পারে। সুপণ্ডিত হল তাঁহার গ্রন্থে প্রমাণ সহ সিদ্ধান্ত করিয়াছেন যে, এই দ্রাবিড়জাতি অতি প্রাচীন কাল হইতে ভারতবর্ষে বাস করিয়া আসিতেছেন। ইঁহারা খৃঃ পূঃ তিন সহস্র বর্ষ পূর্বে বাবিলন/অধিকার করিয়াছিলেন। ইঁহারা বাবিলন ও আসিরিয়ার সভ্যতার ভিত্তি স্থাপন করিয়াছিলেন। ৩০০০ পূঃ খৃষ্টাব্দে সুমেরজাতি নূতন রাজ্য স্থাপন করেন। সুমের ও দ্রাবিড়জাতি অভিন্ন বলিয়া হলের ধারণা। সুমেরজাতি দ্রাবিড়জাতির শাখাবিশেষ। প্রাচীন গ্রন্থে পাওয়া যায় যে, কিংবদন্তি ও মীনবর নামে দ্রাবিড়দের দুইটি অতি প্রাচীন শাখা ছিল। দ্রাবিড়ভাষায় বিহ, শব্দের অর্থ ধনু, মীন শব্দের অর্থ

মৎস্য। কাজেই বিলবর বা মীনবর বলিলে ধনুধারী ও মৎস্যজীবী বুঝাইত। পর্তুগে ও জহলে ইঁহারা বাস করিত ও শীকার করিয়া জীবিকা নির্বাহ করিত। মীনবরেরা উপত্যকায়, সমতল ভূমিতে ও সমুদ্রতীরে মৎস্যের ব্যবসায় করিয়া জীবনযাত্রা নির্বাহ করিত। এই দুটি জাতি প্রাচীন বলিয়া প্রমাণিত। ইঁহারা সমস্ত ভারতে বিস্তৃত হইয়া পড়িয়াছে। এখনও ইঁহাদিগকে রাজপুতানা ও গুজরাতে বহুসংখ্যায় দেখিতে পাওয়া যায়। ইঁহারা সেখানে ভীল ও মীন বলিয়া পরিচিত। কর্ণাটেও ইঁহাদের দেখিতে পাওয়া যায়, সেখানে তাহাদের নাম বিলবর।

দ্রাবিড়েরা সভ্য ও সম্পন্ন জাতি ছিল, তাহারা ভারতের দক্ষিণপ্রান্তে উপনিবেশ স্থাপন করিয়াছিল। তাহাদের বাসভূমির তিন দিকে সমুদ্র ও উত্তরে কঙ্কণ, কলিঙ্গ প্রভৃতি অপেক্ষাকৃত অমুন্নত জাতিদিগের বাস ছিল। এই জাতিরা দ্রাবিড় হইতে সভ্যতায় অপেক্ষাকৃত হীন বলিয়া প্রতিপন্ন। কারণ, প্রাচীন যুগের তাহাদের কোন সাহিত্য নাই। দ্রাবিড়েরাই সগর্বে বলিতে পারে যে, তাহাদের ভাষাই দক্ষিণাত্যের ভাষা এবং আর্যদের ভাষা উত্তর-ভারতের ভাষা। প্রাচীন নাগজাতিকে জয় করিয়া তাহারা রাজ্য অধিকার করে। নাগজাতি অগত্যা অমুর্কর ভূমিখণ্ডে ও জহলে বিতাড়িত হয়। উর্কর ভূখণ্ডগুলি দ্রাবিড়েরা নিজেদের অধিকারভুক্ত করিয়া লয়। তাহারা আপনাদের রাজা দ্বারাই শাসিত হইত এবং রাজাদিগকে তাহারা খুব সম্মানের চক্ষে দেখিত। তাহারা তাহাদের জাতীয়তার গর্ব করিত। কৃষি, শিল্প ও বাণিজ্যে তাহারা সমৃদ্ধ হইয়াছিল। এই দ্রাবিড়দিগের কতক উত্তরাপথে ছিল, কতক আবার দক্ষিণাপথে গিয়া বাস করে। ভারতের দক্ষিণাঞ্চলের দ্রাবিড়গণ— বিশেষতঃ আন্ধ্র ও কলিঙ্গগণ—দ্রাবিড়ের বাহিরে বঙ্গ হইতে আরম্ভ করিয়া, আরাকান ও মার্চাবান পর্যন্ত আপনাদের আধিপত্য বিস্তার করিয়াছিলেন। কিন্তু ইঁহাদের সমস্ত জারিজুরী ২৯৫ খৃষ্টাব্দে শেষ হইয়া যায়। উত্তর হইতে আর্যগণ আসিয়া ইঁহাদিগকে মলয় উপদ্বীপ, যবদ্বীপ, শ্রাম ও কঙ্কোলে বিতাড়িত করিয়া দেন। এই-সমস্ত স্থানে ইঁহারা উপনিবেশ স্থাপন করেন। যবদ্বীপের প্রাচীন কবিসাহিত্যে দ্রাবিড়-পদ্ধতিতে সিদ্ধ অনেক সংস্কৃত পদও পাওয়া

যায়। ইহা হইতে স্থির করা যাইতে পারে যে, দ্রাবিড়-জাতি যবদ্বীপে উপনিবেশ স্থাপন করিয়া, সংস্কৃত-প্রভাব বিস্তার করিয়াছিলেন।

অধুনা সংস্কৃতজাত, দ্রাবিড় ও মুণ্ডা, এই তিন শ্রেণীর ভাষা ভারতবর্ষে কথিত হইয়া থাকে। যখন বৈদিক ভাষা প্রথম ভারতবর্ষে আসে, তখন এ দেশে দ্রাবিড় ও মুণ্ডা ভিন্ন যে আর কোন ভাষা প্রচলিত ছিল, তাহার কোন প্রমাণ পাওয়া যায় না। তন্মধ্যে মুণ্ডা কেবল পূর্ববাটের পার্শ্বত্যা অঞ্চলে, বিক্রাপর্কতে ও ছোটনাগপুরে কথিত হইয়া থাকে। পূর্বকালেও যে এইরূপ ছিল না, তাহার কোন প্রমাণ নাই। মুণ্ডা-ভাষা-ভাষীরা বৈদিক কাল হইতে আজ পর্যন্ত অসভ্যই আছে। এমন মনে হয় না যে, মুণ্ডাশ্রেণীর ভাষা বৈদিক ভাষার উপর কোনরূপ প্রভাব বিস্তার করিয়াছে। তবে দ্রাবিড়ভাষা দ্বারা সংস্কৃতের অন্ততঃ কিছু পরিণতি ঘটিয়াছে। সংস্কৃত দ্রাবিড় ভাষার উপর যেমন প্রভাব বিস্তার করিয়াছে, দ্রাবিড়ও সংস্কৃতের উপর কিছু প্রভাব বিস্তার করিয়াছে, ইহা সহজেই প্রমাণ করা যাইতে পারে। ভারতে যে-সমস্ত ভাষায় এখন কথাবার্তা চলিতেছে, সেই-সমস্ত ভাষার সহিত সংস্কৃত ভাষার কি সম্পর্ক, তাহা আজও স্থির হয় নাই। মধ্যযুগের সংস্কৃত ব্যাকরণের সাহায্যে ভাষাতত্ত্ববিদ ও পুরাতত্ত্ববিদগণ যাহা কিছু মত দিয়া থাকেন মাত্র। ইহাদের মতে দ্রাবিড়ভাষা সংস্কৃতের নিকট গুলী, কিন্তু সংস্কৃত 'দ্রাবিড়ভাষার নিকট আদৌ গুলী নয়। এক শব্দ দ্রাবিড় ও সংস্কৃত, উভয় ভাষায় পাওয়া গেলেই ইহারা স্থির করিয়া থাকেন যে, দ্রাবিড় সংস্কৃত হইতেই গ্রহণ করিয়াছে। এ কথা সত্য যে, মধ্যযুগের সভ্যতায় সংস্কৃতপাঠী ব্রাহ্মণের প্রভাবে দ্রাবিড়-সাহিত্যের অধিকাংশই সংস্কৃত-সাহিত্য-জাত। এখন একটা প্রশ্ন হইতে পারে, সুমগ্র বৈদিক ভাষা কি তাহার শব্দসম্ভার বাহির হইতে আনিয়াছে? ইহার উত্তরে বলা যাইতে পারে যে, যে-সমস্ত শব্দের সামোপ্য শব্দ আবৃত্তিক, স্লাভনিক, গ্রীক, লাতিন, জার্মানিক ও কেল্টিক ভাষায় পাওয়া যায় না, সেগুলি নিশ্চয়ই যখন বৈদিকভাষা ভারতে প্রবেশ করে, তখন এখানে যে-সমস্ত ভাষা ছিল, তৎসমুদয় হইতেই গৃহীত

হওয়া সম্ভব; কারণ, ভাষা অপেক্ষাকৃত পুরাতন হইয়া গেলে তাহার ধাতু সে আবিষ্কার করে না, তাহার পূর্ব-সম্পত্তি হইতেই লইয়া থাকে। সংস্কৃতভাষায় নামবাচী এমন কতকগুলি শব্দ আছে, যেগুলি ভারতের—বিশেষতঃ দক্ষিণ-ভারতের উদাহরণস্বরূপ মুন্ডা, ময়ূর, ত্রীহি, পিঙ্গলি, মরীচ, চিঞ্চ প্রভৃতির নাম করা যাইতে পারে। এগুলি অগ্নি-উপাসকগণ ভারতে প্রবেশ করিবার পূর্বে কখনই জানিতেন বলিয়া বোধ হয় না। তাঁহারা দ্রাবিড় হইতেই গ্রহণ করিয়া থাকিবেন। আবার 'নীর'-শব্দ, 'মীন' শব্দ দ্রাবিড়েরা সংস্কৃত হইতে কখনই গ্রহণ করেন নাই কারণ, দ্রাবিড়েরা নিশ্চয়ই জল পান করিতেন এবং মৎস্যও খাইতেন। তাঁহারা যে এই দুইটি নামের জন্ত অপেক্ষা করিয়া বসিয়া ছিলেন, এরূপ অনুমান করা সম্ভব নয়। ভাষাতত্ত্ব আলোচনা করিলে দ্রাবিড়জাতির ভাষায় দ্রাবিড়-সভ্যতার অনেক উপাদান পাওয়া যায়। দ্রাবিড়জাতির ভাষা সংস্কৃতভাষার সংস্পর্শে আসিয়া এক সময়ে বিশেষরূপ পরিমার্জিত হইয়াছিল। তবে ইহাদের ভাষায় বহু অ-সংস্কৃত পদও আছে। এইগুলির সূত্র ধরিয়া, আর্য্যজাতির আগমনের পূর্বে ইহাদের কিরূপ সভ্যতা ছিল, তাহার নিদর্শন বাহির করিতে পারা যায়। বিশপ কল্ড্‌ওয়েল, কিতেল, প্রমুখ পণ্ডিত ইহাদের ভাষা অনুশীলন করিয়া সিদ্ধান্ত করিয়াছেন যে, আর্য্যদের সহিত সংঘর্ষে আসিবার পূর্বে ইহারা বেশ সূসভ্য ছিলেন। ইহাদের রাজা ছিলেন। তিনি কতকগুলি ছোট ছোট প্রদেশ শাসন করিতেন। ইহাদের উৎসবে বন্দীগণ গান করিত। ইহাদের স্বতন্ত্র বর্ণমালা ছিল। ক্ষুরিকা দিয়া তাঁহারা তালপত্রে লিখিতেন। অনেকগুলি তালপত্র গ্রন্থিবদ্ধ হইয়া ইহাদের পুস্তকের পরিচয় দিত। ইহারা দেবদেবীর উপাসনা করিতেন। পূজায় পুরোহিতের দরকার হইত। তবে বংশানুক্রমিক পুরোহিত-প্রথা ছিল না। তাঁহারা কতকগুলি দেবতা মানিতেন ও উপাসনা করিতেন। এগুলি বস্তুতঃ উপদেবতা—বড়ই নিষ্ঠুর, ক্রতিহিংসাপরায়ণ ও খেয়ালের বশবর্তী। দ্রাবিড়েরা তাহাদের উদ্দেশ্যে বলি দিয়া, নৃত্য করিয়া, দেবতাদিগকে সন্তুষ্ট করিবার প্রয়াস পাইতেন। তাঁহাদের মধ্যে যজ্ঞের

প্রচলন খুবই ছিল। পুরোহিতেরা মন্ত্রের সাহায্যে এই উপদেবতাদিগকে বশীভূত করিতেন। উপদেবতা তখন পুরোহিতের স্বক্কে চাপিতেন। পুরোহিতের উপর উপদেবতার ভর হইত। প্রথম অবস্থায় দ্রাবিড়দের স্বর্গ, নরক, পাপ বা আত্মার কোনই ধারণা ছিল না। কিন্তু তাঁহারা দেবতার অস্তিত্বে বিশ্বাস করিতেন। তাঁহারা দেবতাকে 'কো' (রাজা) নামে আখ্যাত করিতেন। এটি আৰ্য্যদের শব্দ নয়। এই দেবতাদের জন্ত তাঁহারা মন্দিরও নির্মাণ করিতেন—মন্দিরের নাম ছিল—'কো-ইল'। তাঁহাদের ভাষা হইতে তাঁহাদের পূজাপদ্ধতি কিরূপ ছিল, তাহা জানা যায় না। এই সময়কার দ্রাবিড়দের আইন-কানুন ছিল—তবে বিচারক ছিল না। বিচারে সন্দেহ উপস্থিত হইলে নজির দেখিয়াই মীমাংসার ব্যবস্থা হইত। বিবাহ-বন্ধনকে তাঁহারা আমরণ ধর্মবন্ধন বলিয়াই গণ্য করিতেন। আবশ্যক ধাতুর মধ্যে টিন, সীসা ও দস্তার ব্যবহার তাঁহাদের জানা ছিল না। বৃষ ও শনি ছাড়া অশুভ গ্রহবিষয়ে তাঁহাদের জ্ঞান ছিল। ইহারা রোগ হইলে ঔষধ ব্যবহার করিতেন। ছোট বড় সকল রকম নৌকা তাঁহারা তৈয়ারি করিতেন; এমন কি, সমুদ্রগমনোপযোগী জাহাজ নির্মাণেও তাঁহারা বিশেষ কুশলী ছিলেন। কৃষিই জীবিকার প্রধান অবলম্বন ছিল। যুদ্ধে তাঁহাদের খুব আনন্দ হইত। যুদ্ধের উপাদান ছিল—অসি, বর্ষ, তীর ও ধনুক। সৌবন, বয়ন ও রঞ্জন-শিল্পে তাঁহাদের বেশ পারদর্শিতা ছিল। তাঁহারা নৃগায় পাত্র ব্যবহার করিতেন।

তামিলভাষার ছন্দ সংস্কৃতের আদৌ অনুরূপ নয়। ইহার ছন্দ সংস্কৃতের ছায়ায় গড়িয়া উঠে নাই। সম্পূর্ণ স্বাধীনভাবে ইহার সৃষ্টি হইয়াছে। তোল-কাপ্পিয়ম্ প্রাচীনতম তামিল বৈরাগরণ। ইনি অগবল, বেণপা, কলিপ্পা ও বনচিপ্প, এই চারিটি প্রাচীন ছন্দের বিবরণ দিয়াছেন। এগুলি কোন সংস্কৃত ছন্দের অনুরূপ নয়। কিন্তু তেলুগু, কন্নড় প্রভৃতি দ্রাবিড়ভাষা সংস্কৃত হইতে বহুপ্রকারের গণচ্ছন্দ ও মাত্রাচ্ছন্দ আত্মসাৎ করিয়াছে। কিন্তু প্রাচীন তামিল ভাষায় আৰ্য্যা, বৈতালীয়, অনুষ্টুভ, গায়ত্রী প্রভৃতি কোন সাধারণ ছন্দের সদৃশ ছন্দ নাই। 'ষাণ্মকঙ্গলম্' তামিল শ্লোকের ছয়টি রেটার কথা বলিয়াছেন। তন্মধ্যে 'তড়ই' চতুর্থ। তামিল

কবিরা ইহার বিশেষ পক্ষপাতী। কিন্তু সমগ্র সংস্কৃত-সাহিত্যে ইহার মত কিছুই নাই। তামিলদের স্বতন্ত্র বর্ণমালা ছিল, তাহা ললিতবিস্তরের ৬৪ প্রকারের বর্ণমালার দ্রাবিড় বা তামিল বর্ণমালার উল্লেখ হইতেই বেশ বুঝিতে পারা যায়। ললিতবিস্তরের গ্রন্থকারের সময় যে তামিল বর্ণমালার অস্তিত্ব ছিল, তাহা অস্বীকার করিবার উপায় নাই। 'অগপ্পোকড় পুরপ্পোকড় পনিকুপদলম্' নামে তামিলদের একখানি অতি প্রাচীন গ্রন্থ আছে। ইহা দুই ভাগে বিভক্ত। ইহার প্রথম ভাগ পুরপ্পোকড়—ইহাতে প্রাচীন দ্রাবিড়দের রাষ্ট্রনীতিব্যাপারের সংবাদ আছে; প্রধানতঃ যুদ্ধনীতিই ইহার বর্ণনীয় বিষয়। শত্রুর গোধন আক্রমণ করিয়া লইয়া যাওয়ার কথা ইহাতে আছে। যিনি গোধন জয় করিয়া আনিতে পারিবেন, তিনি "বেড্‌চি" নামক পুষ্পদ্বারা ভূষিত হইয়া সম্মানিত হইবেন। যিনি শত্রুর হস্ত হইতে অপহৃত গোধন উদ্ধার করিতে পারিবেন, তাঁহাকে "করন্দই" পুষ্পমালা পরাইয়া দিয়া সম্মানিত করা হইবে। যিনি শত্রুকে বাধা দিতে পারিবেন, তাঁহাকে কাঞ্চির মালা দেওয়া হইবে। এইরূপ বহু বিষয় ইহাতে আলোচিত হইয়াছে।

তারপর 'অগপ্পোকড়'। ইহাতে আৰ্য্যদের পূর্বযুগের প্রাচীন দ্রাবিড়-সভ্যতার পরিচয় পাওয়া যায়। ইহার প্রধান কয়েকটি বিষয়ের উল্লেখ করা যাইতেছে। ইহাদের প্রাচীন কালে জাতিভেদ সম্বন্ধে কোন জ্ঞানই ছিল না। রাজ্য পাঁচটি মণ্ডলে বিভক্ত ছিল। পঞ্চ মণ্ডলে পঞ্চজাতি বাস করিত। এই পঞ্চ জাতির নাম ছিল,—

১। মরুতনিলমাকড়—ইহারা কৃষকজাতি।

২। কুরিক্কিমাকড়—ইহারা সম্পূর্ণ কৃষকের কার্য্য করে না—অন্য কার্য্যও করিয়া থাকে।

৩। মুল্লইমাকড়—গোপালন ইহাদের কার্য্য।

৪। নেয়্‌ডমাকড়—ইহারা মৎস্যজীবী।

৫। পলইমাকড়—ইহারা বাণ্যবর জাতি।

১। ইহারা দেশমধ্যে উর্বর ভূমিতে বাস করিত। জলের ধারে "মরুত" নামে একপ্রকার গাছ (Terminalia alata) জন্মিত। যেখানে এইরূপ গাছ জন্মিত, সেইখানে তাহারা বাস করিত। ইহাদের গৃহদেবতা ছিল, নামও ছিল, কিন্তু আৰ্য্য-আগমনের সঙ্গে সঙ্গে বৈদিক ইন্দ্র তাহার স্থান

অধিকার করিয়াছিল। অন্ন তাহাদের প্রধান খাদ্য ছিল। তাহাদের ক্ষেত্রের মধ্য দিয়া যে নদী প্রবাহিত হইত, তাহারই জল পান করিত।

ধান্য বপন, কর্ষণ, কর্তন এবং উৎসবের অনুষ্ঠান, ইহাই তাহাদের প্রধান কার্য ছিল। উৎসবের সময় এবং যুদ্ধে যাইবার সময় তাহারা “পব্রই” নামে বাণধ্বনি করিত। তাহারা “মরুতম্” নামে একপ্রকার বেণুবাদনও করিত। তাহাদের নগরের নাম “পেকুর” (বৃহৎগ্রাম) এবং “মুদ্র” (পুরাতন গ্রাম)। তাহাদের সর্দারদের নাম “উন্ন” ও “কিরবন”।

২। পাহাড়িয়া জায়গার নাম “কুরুক্কি”। কুরুক্কি মাকলেরা এইরূপ স্থানে বাস করিত। তাহারা যে দেবতার পূজা করিত, পরে তাহা স্কন্দ নামে অভিহিত হয়। যে স্থানে স্নগন্ধি চন্দন জন্মিত, ইহারা সেইরূপ জঙ্গলময় ভূমিতে বাস করিত। বংশ, তপুস ও ভুট্টা ইহাদের প্রধান খাদ্য। ইহারা পার্কৃত্য নদীর জল পান করিত। ইহাদের মধুর বাদ্য-যন্ত্রের নাম ‘পণ’। তাহাদের অধিপতির নাম “চিলম্বন”। ‘তোণ্ডগম্’ নামক বাদ্যধ্বনি হইলেই ইহারা যুদ্ধের জন্ত প্রস্তুত হইত। ইহাদের নগর কতকগুলি ছোট ছোট কুটারের সমষ্টি। তাই নগরের নাম “শিরুকুডি” (ছোট কুটার)।

৩। মুল্লইমাকড়গণ জঙ্গলে (মুল্লই) বাস করিত এবং কৃষ্ণবর্ণের দেবতার পূজা করিত। তাহাদের জঙ্গলে হরিণ, শশক ও বন্য কুক্কট যথেষ্ট থাকিত। এগুলিকে মারিয়া তাহারা খাইত। শস্তাদিও অল্প দ্রব্যের বিনিময়ে পাইয়া তাহাদের খাদ্য বস্ত্রিয়া গণা হইত। তাহারা একটু আমোদ-

প্রিয়। তাহাদের বেণুর নাম “কাড়ারি”। তাহাদের গ্রামের নাম “পাড়ি”।

৪। নেম্ভমাকড়গণ সমুদ্রের ধারে “পত্তনম্” বা “পাক্কন” নামে গ্রামে বাস করিত। এখানে মাছ ধরিবার খুব সুবিধা। তাহারা মাছ ধরিত, মাছের কার্ভার করিত। লবণ তৈয়ারি করিত, আর উদর পূরিয়া মাছ খাইত। তাহাদের পূজ্য দেবতা পরে বরুণ হইয়া দাঁড়াইয়াছেন। ইহাদের বেণুর নাম “বিড়রি”। অধিপতির নাম “কেরপ্পন”। পাণ্ডাদের প্রাচীন উপাধি ছিল “কুমরি-কেরপ্পন”।

৫। পালইমাকড়—মরুভূমিতে ইহাদের বাস। ইহাদের প্রতিবেশী যুবু, চিল ও ঈগল। ইহারা শিকার করিয়া ও নিকটস্থ দেশ লুণ্ঠন করিয়া বেড়াইত। ব্যাঘ্র শিকার করিবার ইহাদের বেশ শিক্ষিত কুক্কর থাকিত। ইহারা যে দেবকে পূজা করিত, তাহার নাম “কাড়ী”। এই দেবীর নিকট ইহারা মহিষ প্রভৃতি বলি দিত। সর্দারকে ইহারা কাড়ী বলিত। ইহাদের বাসস্থানের নাম ‘কুরুক্কু’, যুদ্ধবাদের নাম “তুড়ি”।

শ্রীঅনু্যচরণ বিদ্যাভূষণ।

* এই প্রবন্ধ লিখিবার সময় যে সমস্ত গ্রন্থ হইতে সাহায্য গ্রহণ করিয়াছি, কৃতজ্ঞতাসহ তাহাদের নাম নিম্নে উল্লেখ করিতেছি :—

Ancient History of the Near East—H. R. Hall.
The Tamils, eighteen hundred years ago—V. Kanakasabhai.
Life in Ancient India—S. Aiyengar [ইহার লিখিত দ্রাবিড় সংস্কীর প্রবন্ধ]।
Canarese Prosody of Nagavarma—Kittel.
Introduction to the Comparative Grammars of the Dravidian—Caldwell.

J. R. A. S.—Vol. V, VI, XIX. (N. 5.),

Journal of the Department of Letters, Vol. V.

পুরর-পোরুড় বেণবা মালই,

ইত্যাদি ইত্যাদি—

জীবন

ওগো মণির মতন উজল ! ওগো ননীর মত কাঁচা !
স্বপ্নে-চোঁয়া-ছোঁয়ার রসে হর্ষে মোরে বাঁচা ।
আশার মত সুরভি এসে দরবি যাক্ গলে ;
সাধের মত সোয়াছ মধু আদুরে যাও ঢেলে ।

হৃৎপিণ্ডে বক্ষে মিশে বিকাশ কর গীতি,
বিরহ-বাধা-মাকারে যথা সাঁতার কাটে প্রীতি ।
কৃধির-ধাবে অধীর হয়ে জাগ গো-তলু জুড়ে ;
গুঁড়িয়ে দাও, পুড়িয়ে দাও, জড়ের বাধা কুঁড়ে ।
শ্রীবিজয়চন্দ্র মজুমদার ।



প্রকৃতির পাঁজি

কার্দিক মাস থেকে হেমন্ত ঋতুর আরম্ভ। এই ঋতুর শ্রী প্রধান ভাবে প্রকাশ পায় শিউলী আর স্থলপত্র ফুলে, প্রচুর শিশিরপাতে, কাশফুলের চামরে, আর ধানের ক্ষেতে পুষ্পিত ধানের শীষে।

চশমা।

কাফ্রিদের দেশ আফ্রিকায়

(৬)

কাকার বন্ধুর কাছে গুলিবাকর অনেক ছিল। আর আমাদের কাছে যা ছিল সমস্ত নিয়ে আমাদের শেষ পথটা যে বেশ নিরাপদে যাওয়া যাবে তা বোঝা গেল। এঁদের গরু ও ঘোড়া বেশ জোয়ান ছিল। এবার পথে যে অসংখ্য হাতী আর হরিণ পাওয়া যাবে তাতে আর সন্দেহ নেই। গরু তাড়াবার জন্তে তিনজন সে-দেশী চালক আর আরো বারো জন লোক এবার সঙ্গে রইল। এবারে একটি শিকারীও সঙ্গে জুটল। কাকার বন্ধু তাকে সমুদ্রের ধার থেকে নিয়ে এসেছিলেন। তার নাম ছিল হ্যান্স। এখন জ্যানের সঙ্গে হ্যান এসে জুটলেন। হ্যান্স না কি শিকারে খুব ওস্তাদ। পনেরো জন সে-দেশী লোকদের ওপর যে কর্তার মত হয়ে যাচ্ছিল, তার চেহারা পরিষ্কার, দেহের গঠন ভাল। কালো অসভ্যদের মধ্যে তাকে বেশ সূত্রী দেখাচ্ছিল। তার নাম টোকো। ভাল ঘোড়া, প্রচুর গুলিবাকর আর জোয়ান শিকারীরা সঙ্গে থাকায় আমার খুব আনন্দ হচ্ছিল যে, এবার মনের সাধে শীকার করতে করতে বাব।

আমাদের তাঁবুর কাছেই একটা ছোট নদী ছিল। একদিন হারি আর আমি হ্যান্সকে সঙ্গে নিয়ে সেখানে গেলাম। গাছের ডালে উঠে জলে লাফালাফি করবার মতলব করলাম। হারিকে জিজ্ঞাসা করলাম, নদীটার কুমীর

আছে কি না। সে বললে, নেই। তাই সাহস করে জলে নামতে গেলাম। ও হরি! আমরা জলে লাফাবার চেষ্টা করছি, এমন সময় ডান দিক থেকে একটা লোকের আঁতনাদ কানে এল। আমি ভাবলাম আমাদের কেউ কোন জন্তুর মুখে নিশ্চয় পড়েছে। কাছে একটা লম্বা ছুরি ছিল। সেটা খুলে নিয়ে সে-দিকে দৌড়লাম। গিয়ে দেখি আমাদের শিকারী হ্যান্স জলের ধারে চিংপাত হয়ে বাঁ হাতে একটা গাছের ডাল ধরে আছে, আর তার ডান হাত একটা কুমীরে কান্ডে ধরে তাকে টানাটানি করছে। সে কাতরভাবে চীৎকার করছে।

কি করে' যে তাকে রক্ষা করবো তা ঠিক করতে পারলাম না। হঠাৎ বুদ্ধি এল। সে বাঁ হাতে যে-ডালটা ধরে' ছিল তার ওপরে উঠে ছুরি বার করে' কুমীরটার একটা চোখে ছুরিটা জোরে গুঁজে দিলাম। কুমীরটা রাগে হাঁ করে ফেললে। হ্যান্স মুহূর্তের মধ্যে সরে' এসে গাছের ওপর উঠে পড়ল। আমিও তাড়াতাড়ি গাছে উঠলাম। কুমীরটা নীচে থেকে খানিকক্ষণ তর্জনগর্জন করলে। অনেকবার জোরে জোরে ল্যাঞ্জের ঝাপটা দিলে। আমার শরীর কেঁপে উঠল—পড়ে যাই আর কি! আশ্চর্য্য এই, ছুরির আঘাতে কুমীরটা এমন জ্বম হয়েছিল যে খানিক পরেই দেখা গেল তার দেহটা ভাসতে ভাসতে চলেছে।

বিপদ দেখে কাকারা দৌড়ে কাছে এলেন। হ্যান্সকে ধরে' ধরে' গাছ থেকে নামান হল। সে তখনো কাঁপছে, তার দেহ অবশ, মাটিতে সে স্থির হয়ে বসে রইল। কাকা তার হাত দেখলেন। কেটে গিছিল খুব, কিন্তু কোন হাড় ভাঙে নি। তার হাতে ওষুধপত্র দিয়ে তাকে সারাতে সময় লাগল।

আমাদের কাছে যে-সব হাতীর দাঁত ছিল তা ব্যবসার জিনিসপত্র কিনতে প্রায় শেষ হয়ে এসেছিল। তাই আমরা

ঠিক করলাম, এবার এমন জায়গায় যেতে হবে যেখানে হাতীর আড়া, আর যেখানে শীকার করতে অল্প লোকেই গেছে। স্তরাং উত্তর-পূর্ব দিকে আমরা চললাম। যে-সব অসভ্যদের সঙ্গে দেখাসাক্ষাৎ ঘটল তারা মোটেই হঠস্বভাবের নয়। অসভ্য বটে, কিন্তু তারা নিরীহ। অজ্ঞতা আর কুসংস্কারে তাদের মন পূর্ণ।

যাই হোক একটি গরু নিয়ে আগে আমরা কত কষ্টেই না পথ চলেছি! এবার সঙ্গীসার্থী যানবাহন নিয়ে আমরা রাজারাজড়ার মত চললাম। এগুতে না এগুতেই পথে পথে পাল-পাল বড় হরিণ মহিষ চোখে পড়তে লাগল। দ্বিতীয় দিনে দূরে একদল জেব্রা দেখতে পেলাম। আর লোভ সামলাতে পারলাম না। বন্দুক হাতে তাদের দিকে চললাম। তারা জানতেই পারলে না। কাছে এসে একটাকে গুলি করতেই বাকিগুলো ভয়ে পালাল। আর আহতটা আমাদের তাঁবুর দিকে যেতেই আমাদের কয়েকজন লোক বেরিয়ে তাকে মেরে ফেললে। একটু এগিয়েছি এমন সময় দেখি একটা মহিষ আমি যে-দিক দিয়ে এসেছিলাম সেই দিক থেকে আমার দিকে ছুটে আসছে। বুনো মোষ যে কি রকম রাগী হয় তা আমি জানতাম। কাজেই তাকে মারবার ব্যবস্থা না করলে পরিত্রাণ নেই—এই ভেবে বন্দুক ঠিক করলাম। মাথা মারলে গুলি যদি না লাগে এই ভয়ে ইতস্ততঃ করছি;—মোষটা একটা ঝোপের পাশ দিয়ে ঘুরে যেই আসবে অমনি তার কাঁধে গুলি মারলাম। গুলি মেরেই তাড়াতাড়ি মাটিতে লুপা হয়ে গুয়ে পড়লাম। সেটা দৌড়তে দৌড়তে আমার পিঠের ওপর দিয়ে চলে গেল। আমাদের তাঁবুর দিকে যেতেই তাকেও তাঁবুর লোকে শেষ করলে।

টোকো আমার কাছে এসে বললে যে একলা শীকারে বেরুনো আমার মোটেই ভাল হয় নি। কেননা গণ্ডার প্রভৃতি জানোয়ারের কাছে পড়লে আর গুলি ফস্কে গেলে রক্ষা থাকবে না। ঠিক হল শীকারে বেরুবার সময় টোকো সঙ্গে থাকবে।

আমাদের নিয়ম ছিল এমন জায়গায় তাঁবু গাড়া যেখানে কাছে জল থাকবে, আর নানা রকম জন্তু জানোয়ার পাওয়া যাবে। কখনো কখনো আমরা ছ'তিন দিন ধরে' এক

জায়গায় থাকতাম। ইতিমধ্যেই হারির সঙ্গে আমার খুব বন্ধুত্ব হয়ে গিছিল। টোকোকে নিয়ে আমরা ছুগ্নে প্রায়ই শীকারে বেরতাম।

একদিন আমরা তিন জনে পায়ে হেঁটে শীকারে বেরুলাম, সঙ্গে ঘোড়া নিই নি। একটা বনের ধারে এসে তিন জন তিন দিকে গেলাম। ঠিক করা রইল যে কেউ কারুর কাছ থেকে বেশী দূরে যাবে না, আর এমন কাছে থাকবে যে একজন ডাকলে আর-এক জন যেন শুনতে পারি ও সাড়া দিয়ে কাছে আসে। আমি গেলাম মাঝে, টোকো বা দিকে, হারি ডান দিকে।

খানিকটা একলা একলা এগুবার পরই টোকোর চীৎকার শুনতে পেলাম—“হাতী হাতী!” আমি তাড়াতাড়ি তার দিকে চললাম। “হাতী হাতী” বলে হারির উদ্দেশে চেষ্টালাম, কিন্তু হারির কোন সাড়াই পেলাম না। খানিক এগিয়ে দেখি, টোকো এক গাছের ওপর বসে রয়েছে। সে আমাকে চেঁচিয়ে একটা গাছে উঠে পড়তে বললে। তার কথামত আমি দৌড়তে দৌড়তে একটা গাছের দিকে যাব কি পায়ে একটা লতা জড়িয়ে গেল, আর ধড়াম করে পড়ে গেলাম। বন্দুকটা হাত থেকে ফস্কে গেল। লতা থেকে পা ছাড়বার চেষ্টা করলাম, পারলাম না। হাঁটুতে ভীষণ যন্ত্রণা বোধ হল, মনে হল যেন হাড়টা ভেঙে গেছে, কাজেই টোকোকে চীৎকার করে ডাকলাম আমার সাহায্য করতে। চেয়ে দেখলাম, সে গাছ থেকে নড়লও না। কেবল সেখানে বসে গলাবাজি করতে লাগল। সামনে তাকিয়ে দেখি, একটা প্রকাণ্ড হাতী গুঁড় তুলে গাছের আড়াল থেকে বেরুলেন, আর তারই বিপরীত দিকের একটা ঝোপ থেকে একটা সিংহ বেরুলেন। আমার ত বুক শুকিয়ে গেল। আমি প্রাণের আশা ছেড়ে দিলাম। ভাবলাম, হয় সিংহটা গিলে খাবে, না হয় হাতীটা মাড়িয়ে গুঁড়িয়ে দিয়ে চল যাবে। টোকো গাছে স্থির হয়ে বসে। দেখলাম সে সিংহের মাথা লক্ষ্য করে গুলি করলে। বন্দুকের আওয়াজ শুনে হাতীটা কেমন ভড়কে গেল। আমারই পাশ দিয়ে সে চেষ্টাতে চেষ্টাতে বনের মধ্যে চলে গেল। টোকো গাছ থেকে এগিয়ে পড়ল। সিংহটার দিকে চেয়ে

দেখি সে চিং হয়ে গড়াগড়ি দিচ্ছে। টোকো আমার তুলে নিয়ে খানিকটা দূরে রেখে এল। তার পর দিগে গিয়ে সিংহটাকে গুলি করে' শেষ করে' দিলে। এমন সময় এক বন্দুকের আওয়াজ শুন্তে পেলাম। বুঝলাম, হ্যারি আমাদের খুঁজছে।

টোকো আমাকে তাড়াতাড়ি একটু নিরাপদ জায়গায় রেখে হ্যারির দিকে গেল। টোকো চলে যাবার পর সেই হিংস্রজন্তুরা বনে একলা শুয়ে শুয়ে আমার বুক কাঁপতে লাগল—একেবারে অসহায় অক্ষম আমি! কোন জানোয়ার এলে আত্মরক্ষাও করতে পারব না, পড়ে' পড়ে' মরতে হবে! এখন ভালয় ভালয় হ্যারি এলেই রক্ষা।



গণ্ডার শিকার।

আমি বন্দুকটি আঁকড়ে ধরে সিংহ-বাঘের আশঙ্কায় ভেঁড়ে' রইলাম। হ্যারির ক' করছিলাম ঠিক বুঝতে পারছিলাম না। মাঝে মাঝে বন্দুকের আওয়াজ ও হাতীর চীংকার শুন্তে পাচ্ছিলাম। বুঝতে পারলাম যে, হ্যারি আর টোকো সেই হাতীটাকেই মারছে। ক্রমে ক্রমে হাতীর আওয়াজ আমার কাছে আসতে লাগল। হলও তাই।

আমার সামনে একটা ফাঁকা জায়গায় হাতীটা এসে দাঁড়াল। আমার ঘাড়ের পড়লেই চক্ষু স্থির! পরমুহুর্তেই দেখি এক প্রকাণ্ড গণ্ডার বাঁ দিক্কার এক বন থেকে বেরুনা হাতীটা তাকে দেখে খঁতমত খেয়ে দাঁড়াল—যেন এমন এক বলশালী শত্রুর সঙ্গে লড়াইতে তার আর ইচ্ছে নেই; সামর্থ্যও নেই। কিন্তু গণ্ডার ছাড়বে কেন? কথায় বলে গণ্ডারের গোঁ। সে গোঁ-গোঁ করতে করতে হাতীটার দিকে এগুল। কাঁছে এসে মাথা নেড়ে সে মাথার শিংটা দিলে হাতীর পেটে গুঁজে। হাতী বেচারী গুঁড় নাড়তে লাগল, আর এধার ওধার আফালন করতে লাগল। সে যতই নড়াচড়া করে ততই গণ্ডারের শিংটা বেশী বেশী তার পেটে সোঁদিয়ে যেতে থাকে। হাতীটার দুর্দশায় আমারও কষ্ট হল। কিন্তু জানোয়ার দুটোর লড়াই যে কি ভীষণ তা বর্ণনা করা যায় না। হাতীটার আর্তনাদ আর চীংকার, আর গণ্ডারটার গোঁ গোঁ শব্দে বন যেন কাঁপছিল! ভয়ে ও বিস্ময়ে শুরু হয়ে আমি যখন এদের এই ভীষণ লড়াই দেখছিলাম, তখন কে যেন পেছন থেকে আমার পিঠে হাত দিলে। চমকে দেখি হ্যারি।

হ্যারি ও টোকোকে দেখে ধড়ে প্রাণ এল। তারা তাড়াতাড়ি ছুজনে পরামর্শ করে' জন্তু দুটোর দিকে চলল। হ্যারি একটু দূরে দাঁড়িয়ে রইল, আর টোকো একবারে তাদের কাছে এগিয়ে গিয়ে হাতীটার বুক গুলি চালালে। প্রকাণ্ড হাতীটা গণ্ডারটার পিঠের ওপর পাহাড়ের মত ছড়মুড় করে' পড়ল। গণ্ডারটা একবারে মাটির সঙ্গে চেপুটে পড়ল। হ্যারি ও টোকো তখন ছুজনে মিলে গণ্ডারটাকে কয়েকবার গুলি করলে। সেটা হাতীটার পেটের নীচে খানিকক্ষণ ছটফট করে' মরে গেল।

লড়াইর হাস্যাম কাটলে পরে হ্যারি ঠিক করলে, যে, তারা ছুজনে ধরাধরি করে' আমাকে আগে তাঁবুতে রেখে আসবে, তারপর হাতীর দাঁত, সিংহের চামড়া প্রভৃতি নিতে আসবে। আমি দেখলাম—সেই ভাল, কেননা পাটা কাকাকে দেখাতে হবে। শত্রু দেখানই ভাল। তারা ছোটো লম্বা গাছের ডাল এনে তার ওপরে আয়ো ছোট ছোট ডাল পেতে আমার এক অপূর্ণ খাঁট তৈরি করলে। সে খাঁটে চড়ে' আমার মনে হল এবার 'হরিবোল'

বললেই হয়, তবে আমি দানা পেয়ে আছি—এই যা তফাৎ।
টোকো ও হ্যারি আমাকে কাঁধে করে' নিয়ে চলল।

পথে হাতী বা সিংহের সঙ্গে আবার দেখা হলে বিপদ
রাখতে জায়গা থাকবে না। গণ্ডার আসবে না বুকো-
ছিলাম, কেননা তাদের না রাগালে তারা কোন অনিষ্ট
করে'না। আর মানুষ দেখলে গণ্ডার ভয়ে পালায়। পথ
আমাদের অন্নই ছিল। তবুও আধাআধি এসেছি এমন
সময় একটু দূরের এক বোপ থেকে একটা সিংহ বেরিয়ে
পথের ওপর এল, দেখা গেল। হ্যারি ও টোকো আমায়
তাড়াতাড়ি নামিয়ে বললে—কিছু ভয় নেই, তুমি থাক,
আমরা তোমার পাশে দাঁড়িয়ে তোমায় রক্ষা করব।

আমি বললাম—সিংহটা কাছে না এলে মেরো না।
কেননা গুলিতে না মরে' যদি কেবল আঘাত পায় তাহলে
রেগে আশাদের ওপর লাফাবেই।

সিংহটা আমাদের দিকে একটু তাকিয়ে দেখলে, আমরা
সবাই মিলে জোরে চীৎকার করে উঠলাম। সিংহটা কি
ভেবে আস্তে আস্তে বনের মধ্যে চলে গেল। সিংহরা
দিনের বেলায় মানুষকে বড় আক্রমণ করে না, বিশেষতঃ
যদি আবার কেউ বুক ফুলিয়ে জোরের সহিত তার সামনে
দাঁড়িয়ে থাকে। তাকে দেখে ভয়ে দৌড়লে কিন্তু রক্ষা
নেই, তাড়া করবেই।

যাই হোক আবার খাটে চড়ে' নীঘ্রই আমি তাঁবুতে
এলাম। কাকা বললেন, পায়ে হাড় ভাঙে নি, কেবল জোর
আঘাত লেগেছে। পায়ে জলপটি দিয়ে শুয়ে রইলাম। হ্যারি
বনে ফিরে' সিংহের চামড়া ও হাতীর দাঁত আনতে সেদিন
আর যেতে পারলে না, কেননা সন্ধ্যা হয়ে গিছিল। সমস্ত
রাত্রি ধরে' সিংহদের চাপা গর্জন শুনে পাওয়া গেল।
হ্যারি বললে, মৃত বন্ধুর শোকে তারা কাঁদছে। কীটপতঙ্গ,
কুকুর, পাখী প্রভৃতির নানা রকম আওয়াজও শুনে
পাওয়া গেল। সকালে উঠে দেখি আমার পা অনেকটা
সেরে গেছে।

খাবার মাংস চাই বলে' সকালে কাকা, হ্যারি ও হ্যারির
বাবা কয়েকজন শিকারী নিয়ে আগের দিনের মৃত হাতীটার
সন্ধানে বেরলেন। আমি কাকার অনুমতি নিয়ে একটা
ঘোড়ায় চড়ে তাঁদের সঙ্গে সঙ্গে চললাম। আমার না-বাওয়াই

উচিত ছিল, কিন্তু আগের দিনের প্রকাণ্ড হাতী-গণ্ডারকে
দেখবার ভারী ইচ্ছা হল। সে জায়গাটার কাছ গিয়ে
দেখি গণ্ডারটা ত নেই! সকলেই 'গণ্ডার কই, গণ্ডার
কই' বলে' খুঁজতে লাগল। তখন বোঝা গেল যে, কালকের
গুলিতে গণ্ডারটা মরে নি, কেবল ভয়ে চুপচাপ পড়েছিল
মাত্র; তারপর সুবিধা বুঝে পালিয়েছে।

টোকো উৎসাহের সঙ্গে এদার ওদার বোপবোপ খুঁজতে
লাগল—যদি গণ্ডারটাকে দেখতে পাওয়া যায়। অপর
সকলে সিংহটার ছাল ছাড়াতে লেগে গেল। আমার চোখ
ছিল টোকোর ওপর। দেখলাম একটা বোপের ভেতর
তাকিয়ে চীৎকার করে' সে পালিয়ে এল। আর তার প্রায়
সঙ্গে সঙ্গেই বৃহৎ গণ্ডারটি বন থেকে বেরিয়ে এলেন।
টোকো দৌড়ল একটা গাছের দিকে। কিন্তু গাছের
কাছে যেতে না যেতেই গণ্ডারটা তার খুব কাছে তাড়া
করে' এল। টোকো গাছে লাফিয়ে যাবে কি গণ্ডারটা পেছন
থেকে এসে মাথা দিয়ে তাকে এক গুঁতো নেরে তাকে
শুণ্ণে ছুঁড়ে দিলে। তার পরে সে কাকাদের দিকে তাড়া
করলে। আমি চীৎকার করে' তাঁদের সতর্ক করলাম।
কাকারা বন্দুক নিয়ে তার মাথায় কয়েকটা গুলি চালালেন,
গণ্ডারটা নিপাত হল।

আমি টোকোর কাছে ঘোড়া ছুঁড়িয়ে গেলাম। ভেবে-
ছিলাম তার হাড়গোড় ভেঙে গেছে। গিয়ে দেখি, সে দিবিয়া
গা ঝাড়া দিয়ে উঠছে। বললে, তার বিশেষ লাগে নি।
সে এসে দলে যোগ দিলে। গরুর পিঠে হাতীর দাঁত,
হাতীর মাংস চাপান হল। খানিকটা গণ্ডারের মাংস কেটে
সিংহের চামড়ায় জড়িয়ে নেওয়া হল। গণ্ডারের মাংস
খেতে ছিবড়ে মতো হলেও সুস্বাদ বটে। কাঁধের ও
পাঁজুরার মাংসই আমরা নিলাম। খানিকটা চামড়া নিলাম
গরুর চাবুক করার জন্তে। আর শিং দুটোও নেওয়া হল,
তার দাম হাতীর দাঁতের অর্ধেক। মোটের ওপর সেদিন-
কার শীকার খুব বিপজ্জনক হলেও তাতে আমাদের লাভ
যথেষ্টই হল।

(কমণ্ডা)

শিপারীমোহন সেনগুপ্ত।

শোধবোধ

ইঁহরে কি ক'রে খেয়েছিল সোনা,
 একথা হয়ত' অনেকে জানো না,
 শোনো তবে বলি জ্বরী মিহির,
 তীর্থ যাবার ক'রে সব স্থির,
 গেল যেথা থাকে মধু হালদার,
 ছেলেবেলাকার বন্ধু তাহার।
 মধু অসময়ে মিহিরকে দেখে,
 বলে—“আরে কে ও! তুমি কোথা থেকে?”
 মিহির মধুকে আড়ালেতে ডেকে,
 বলে চুপিচুপি কানে মুখ রেখে,—
 “তীর্থে চলে ছ ভোরে উঠে কাল,
 রেখে যেতে চাই সোনা একতাল
 তোম কাছের জমা; নেবো ফিরে এসে—”
 সোনাটুকু নিয়ে মধু বলে হেসে,
 “তুলে রাখি দাদা ভাল ক'রে তবে,
 থাকবে কদিন? ফেরা হবে কবে?”
 “ঠিক নেই তার কিছুই এখন,”
 বলে চলে গেল মিহির যখন,
 সোনার তালটা নেড়ে নেড়ে হাতে,
 মধু হালদার ভাবলে ‘বরাতে
 জুটে গেল আজ অনেকটা সোনা,
 মিহিরকে আর ফেরত দেবো না,
 দেয় বদনাম দিক্ নিন্দুকে,
 রইল এ সোনা তোলা সিন্দুকে!”

২

মিহির সেই যে গিয়েছে তীর্থে,
 দেরী দেখে তার বাড়ীতে ফিরতে,
 মধু ভাবে—‘বন্ধি মরে’ গেছে তবে,
 সোনাটা এবার ভোগা দিতে হবে।
 বউ বগলার গড়াবো গয়না,
 রেগে সে যে আশ কথারি কয় না!
 এমন সময় এল কার গাড়ী,
 কে যেন ডাকলে—“মধু আছ বাড়ী?”

শুনে ছুটে এসে বললে বগলা,
 “কি হবে গো! এ যে মিহিরের গলা!”
 মধু বলে—“চুপ! চেষ্টাস্নি, এই,—”
 বল্ গিয়ে ওকে—“আমি বাড়ী নেই,
 গিয়েছি বাজারে কিনতে সিঁহর;
 চায় যদি সোনা, বলিস্—ইঁহর
 সব খেয়ে গেছে, কিছু নেই আর,
 ঘরে ঘটা বাটা রাখা হল ভার,
 ইঁহর। বেটার। বড়ই চামার,
 যত উৎপাত করছে আমার!”

* * *

মিহির যতই দোরে কড়া নাড়ে,
 পায় নাকো সাড়া তবু সে কি ছাড়ে!
 ছেলে কোলে নিয়ে বগলা তখন,
 দোর খুলে দিয়ে বললে যখন
 শিথিয়ে দিয়েছে মধু যা বলতে,
 শুনে তা মিহির টলতে টলতে
 বাড়ী এসে আর পারে না চলতে,
 সোনার শোকে সে শুকিয়ে শলতে!
 মিহিরের বউ বুঝে নিলে বেশ,
 ছেলেবেলাকার বন্ধুই শেষ
 গ্যাঁড়া দিয়ে নিলে সোনার তালটা!
 এর শোধ তুলে নেবে সে পাঁটা;
 “জোচ্চোর মধু আমাকে চেনো না—
 দেখুবো ইঁহরে খায় কি না সোনা!”

৩

ওৎ মেরে রোল সন্ধানে থেকে,
 সন্ধোর কোঁকে একদিন ডেকে
 মিহিরের বউ মধুর ছেলেকে
 ভুলিয়ে-ভালিয়ে দিলে কাছে রেখে।
 বগলা বেচারী ছেলেকে না দেখে,
 কাঁদে ডেকে ডেকে মুখে হাত ঢেকে।
 মধু হালদার সার্নারাত ধরে'
 ছেলে খুঁজে খুঁজে পথে পথে ঘোরে।

মিহিরে মধুতে দেখা হ'তে ভোয়ে
 মধু কেঁদে বলে—“ছেলেটাকে চোরে
 নিয়ে গেছে ধ'রে কাল রাতে ভাই,
 বল কোথা বাই, কোথা গেলে পাই ?”
 মিহির বললে—“চোরে কেন নেবে,
 দাঁড়াও একটু দেখি রোসো ভেবে,
 হ্যাঁ হ্যাঁ, কাল বটে, সন্ধ্যার মুখে
 তোমাদের এই গলিটার ঢুকে
 দেখি ছোটো কাক উড়ে গেল ভেঁ—
 ছেলেটাকে তোর মেরে নিয়ে ছেঁ !
 আমি যেই গেছি ধরু ধরু ক'রে
 কোথায় উধাও, আর কেবা ধরে !
 কাকের জালায় অস্থির দাদা
 টেনে নিয়ে যায় ঘোড়া গরু গাধা,
 ছেলে কোন্ ছার নিজে থাকা ভার—”
 কথা শুনে তার বলে হালদার,—
 “এ বিপদে আর হাসিমো না মিতে,
 কাকে কি কখনো পারে ছেলে নিতে ?
 ইঁহুর-মিহুর ধরে বটে জানি—”
 মিহির বললে—“সে-কথা তো মানি ;
 পারতো না বটে আগে কাকে চিলে
 ছেঁ মেরে এমন নিতে ছেলে-পিলে,
 কিন্তু যেদিন সেই একতাল
 সোবা গিলে খেলে ইঁহুরের পাল,
 ঘটাবাটা তাও রাখলে না ঘরে,
 সেই থেকে কাক ইঁহুরকে ডরে !
 ইঁহুরে এখন সব সোনা-পেট,—”
 শুনে লজ্জায় মাথা ক'রে হেঁট
 মধু বলে—“দাদা, কর ভাই মাপ !
 হস্বে গেছে বটে কাজটা খারাপ,
 এখনি তোমার সোনা ফিরে নাও,
 ছেলেটা কোথায় শুধু ব'লে দাও ।”
 * * *
 তখন যে ষাধ বুঝে স্নেহে পেলো,—
 মিহিরের সোনা, মধু তার ছেলে ।

কেঁদে বগলার চোখ ছুটি লাল,
 ঘুমোর নি' আহা, সারারাত কাল,
 ফিরে পেয়ে তার হারা নিধি ছেলে
 বুকে চেপে ধরে' কত চুমা খেলে ।
 মিহিরের বউ সোনার তালটা
 ফিরে পেয়ে বলে—“কেমন চালটা
 চেলেছি বাগিয়ে মধুকে পাণ্টা
 ঘরে ফিরে এল তাই তো মালটা !”

শ্রী নরেন্দ্র দেব ।

চোখের ধাঁধা

ইংরেজিতে একটা প্রবাদ আছে যে, জিনিস বা লোককে
 চোখে যেমন দেখা যায় সব সময় তারা হয়ত প্রকৃতপক্ষে
 তেমন নয় । চোখে দেখায় এক প্রকর, আর বাস্তবিকপক্ষে
 জিনিসটা হয়ত অন্য রকম । আমরা এখানে কয়েকটি ছবি
 দিচ্ছি ; সেগুলি দেখিলে ইংরেজি প্রবাদটি যে কতদূর
 সত্য তা জানা যাইবে ।

প্রথম ছবি—দুই পাশে দুইটি টাকার ছবি আছে ।
 একটির চারিদিকে বড় বড় বৃত্ত আঁকা আছে, অপরটির চারি-
 দিকে ছোট ছোট বৃত্ত । এখন এই টাকা দুটির মধ্যে
 কোন্টি বড় আর কোন্টি ছোট ?

দ্বিতীয় ছবি—দুইটি হাতে দুইটি পীকাল মাছ পাশাপাশি
 রহিয়াছে । একটি বড় আর একটি ছোট দেখাইতেছে ।
 মাপিয়া দেখ দেখি কোন্টি ছোট আর কোন্টি বড় ।

তৃতীয় ছবি—দুই হাতে দুইটি চুরুট রহিয়াছে ; একটি
 আড়ভাবে শোয়ানো আর একটি লম্বাভাবে দাঁড় করানো ।
 মাপিয়া দেখ কোন্টি বড় কোন্টি ছোট ।

চতুর্থ ছবি—একটি চতুষ্কোণ রহিয়াছে । তাহাতে পর
 পর কতকগুলি সরলরেখা টানা হইয়াছে । রেখাগুলির
 উপরে কতকগুলি ছোট ছোট রেখা টানা রহিয়াছে । এখন
 বল দেখি উপরকার সরলরেখাগুলি সমান্তরাল কি না ।

পঞ্চম ছবি—তিনজন পুলিশ সার্জেন্ট দাঁড়াইয়া আছে ।
 তিনজন একই পোষাক পরিয়াছে, একইভাবে দাঁড়াইয়া
 আছে । লোক তিনটির মধ্যে সর্বমুখ ডানদিককারটিকে

কিছু বড় দেখাইতেছে। মাগিয়া দেখ কোনটি বড়।

এইবার ছবিগুলির গোলমাল আমরা মিটাইয়া দিব।

একে একে ধর :—

প্রথম ছবি—দুটি টাকাই এক আকারের। একটির চারিদিকে বড় বড় বৃত্ত থাকার জন্য ছোট দেখাইতেছে, আর

অপরটির গায়ে ছোট ছোট বৃত্ত থাকার জন্য অপেক্ষাকৃত বড় দেখাইতেছে।


দ্বিতীয় ছবি—পাঁকাল মাছ দুইটি সমান আকারের। একটির দুইদিকে ভিতরে টানা দুইটি কোণ রহিয়াছে বলিয়া সেটি ছোট দেখাইতেছে। অপরটির দুইদিকে উপরে টানা দুইটি কোণ রহিয়াছে বলিয়া অপেক্ষাকৃত বড় দেখাইতেছে।

তৃতীয় ছবি—একটি চুরুট দাঁড়ানো বলিয়া বড় দেখাইতেছে, অপরটি শোয়ানো বলিয়া অপেক্ষাকৃত ছোট দেখাইতেছে।


চতুর্থ ছবি—সরলরেখাগুলি বাস্তবিকপক্ষে সমান্তরাল সরলরেখা। প্রথম রেখাটির উপর ডান দিক হেলিয়া ছোট ছোট রেখা কাটা হইয়াছে, দ্বিতীয় রেখাটিকে বা দিক হেলিয়া ছোট ছোট রেখায় কাটিয়াছে। এইরূপে একবার ডানদিকে এক-বার বাঁদিকে ছোট রেখায় কাটা-

কাটি করিয়াছে বলিয়া সরল রেখাগুলি সমান্তরাল দেখাইতেছে না।

পঞ্চম ছবি—পুলিশ-সার্জেন্টগুলি সকলেই এক আকারের। ডানদিককারটিকে বড় দেখাইতেছে তার কারণ লোকগুলির পিছনদিককার মোটা মোটা রেখাগুলি। রেখা দুটি প্রথম লোকটির পিঠের উপর দিয়া গিয়াছে বলিয়া




চোখের ধাঁধা—প্রথম ছবি।




চোখের ধাঁধা—দ্বিতীয় ছবি।



চোখের ধাঁধা—তৃতীয় ছবি।



চোখের দাঁধী—চতুর্থ ছবি।



চোখের দাঁধী—পঞ্চম ছবি।

তাহাকে বড় দেখাইতেছে। অপর লোক-দুটির মাথার উপর দিয়া রেখাগুলি চলিয়া গিয়াছে। তাই তারা আকারে ছোট দেখাইতেছে।

শুধু।

সত্যবাদী

সে আজ অনেকদিনের কথা। উজ্জয়িনী নগরে রামরাখাল নামে একটা লোক বাস করিত। তার স্বভাব ছিল, সকলকেই সে মিথ্যাবাদী বলিত এবং প্রচার করে' বেড়াত তার মত সত্যবাদী ত্রিসংসারে আর কেউ নেই।

মুখে সব সময়েই সে বলিত—'সত্যের গুণ আমি মরতেও প্রস্তুত।' এমন করে' সব সময় 'আমি সত্য কথা বলি—আমার মত সত্যবাদী কেউ নেও, তোমরা সবাই মিথ্যাবাদী' বলে' বেড়ানতে নগরের সব লোক তার উপর বড় বিরক্ত হয়ে গেল। কেউ আর তার সঙ্গে কথা বলিত না, সবাই তাকে ঘৃণা করতে আরম্ভ করল। অবশেষে এমন অবস্থা দাঁড়াল যে সে নগর ছেড়ে চলে' যেতে বাধ্য হ'ল। কি করে' আর বাস করে' সে নগরে, —লোকে তাকে দেখলেই মুখ ফিরিয়ে নেয়, দোকানীরা এমন সত্যবাদীকে ধারে জিনিস দেয় না। তাই একদিন রামরাখাল তল্লিতরা কাঁধে নিয়ে যে দেশে

গিয়ে তার সত্য জাহির করে' মাতব্বরী ফলিয়ে থাকতে। পারে, তেমনি [দেশের সন্মানে, যাত্রা করল।

অনেকদূর চলে' চলে' সে, একটা বনের ধারে গিয়ে উপস্থিত হল। তার পা আর চলছিল না, ক্ষিবেয় আর পরিশ্রমে সে একেবারে এলিয়ে পড়ে-ছিল। এমন সময় সে দেখতে পেলে তার আগে আগে একজন পথিক একথানা লম্বা লাঠিতে ভর দিয়ে চলেছে। বুড়া মানুষ সে, মুখে তার শব্দের মত সাদা লম্বা দাড়ি। রামরাখাল একটু জোরে হেঁটে তার সঙ্গ

নিয়ে হু'জনে পাশাপাশি চলতে আরম্ভ করল। বুড়া মুখ তুলে রামরাখালকে জিজ্ঞাসা করল কোথা থেকে সে আসছে, কোথায়ই বা যাবে। রামরাখাল কিঞ্চিৎ নগর ছেড়ে পালিয়ে কোথায় চলেছে বুড়াকে' সব ভেঙে বলল।

সব কথা শুনে বুড়া গভীরভাবে অনেকক্ষণ কি ভাবল, তার পর বলল—'ভাল, একজন মানুষ কোনই অজ্ঞান করেনি, শুধু-শুধু তাব উপর এমনি অজ্ঞান অবিচার! এ তো ভাল কথা নয়। চল আমরা হু'জনে একসঙ্গেই যাই। আজ রাত্রি হয়তো এই বনেই কাটাতে হবে। একা একা বসে' রাত কাটানোর চেয়ে হু'জনে গবে গবে থাকা যাবে। ভালই হবে 'খন।'

চারিদিকে অন্ধকার। কিন্তু রামরাখাল একেবারে অচল হয়ে পড়েছে, সে বলল—‘এইখানেই রাত কাটানো যাক।’

তারা সেইখানেই বসে পড়ল। বুড়ো চক্‌মকি ঠুকে আগুন জ্বালিয়ে বলল—‘বোধ হয় তোমার সঙ্গে খাবার কিছু নেই—এস আমার যা আছে তাই দু’জনার ভাগ করে খাই।’ বুড়ো তিনটা আতা আর তিনটা কমলালেবু তার ঝুলির ভিতর থেকে বের করে বলল—‘এস, একটা করে’ আতা আর একটা কমলা-লেবু এক এক জনে খাই। আর দুটো কাল সকালে ভাগাভাগি করে খেয়ে রওনা হওয়া যাবে।’

খাবার খেয়ে বুড়ো ঘাসের উপর শুয়ে দিবা নাক ডাকাতে আরম্ভ করলে। কিন্তু রামরাখালের ঘুম আসছিল না। ক্ষিধেয় তার পেট জ্বলে’ যাচ্ছিল— একটা আতা আর একটা কমলা-লেবুতে কি আর ক্ষিধে মেটে। সে আশ্বে আশ্বে উঠে বুড়োর ঝুলিটা খুলে যে একটা আতা আর কমলা-লেবু সকালে খাবার জন্ত ছিল তা বের করে’ খেয়ে শুয়ে পড়ল।

সকাল বেলায় বুড়ো তাকে জাগিয়ে বলল—‘একটা কমলা আর আতা আজ দু’জনে খাব বলে’ রেখে দিয়েছিলুম, কোথায় গেল—তুমি খেয়েছ কি?’

খেয়েছে এ কথা স্বীকার করতে রামরাখালের লজ্জা হচ্ছিল। সে বলল—‘না, আমি তো খাই নি।’

‘সত্যি কথা বল না আমার, হয়তো ক্ষিধে সহ্য করতে না পেরে খেয়েছ, তাতে আর দোষ কি!’

বুড়োর এ কথাতে রামরাখালের আরও লজ্জা করতে লাগল। এখন স্বীকার করলে সে যে ফল খেয়েছে তা তো বলতে হবেই, এর উপর আগে যে মিথ্যা কথা বলেছে সেও বুড়ো বুঝতে পারবে। রামরাখাল বলল—‘কেন আমার বার বার বিরক্ত করছ! বললুমই তো আমি খাই নি। আমার নিশ্চয় বোধ হচ্ছে তুমি নিজের খেয়ে এখন আমার ঘাড়ে দোষ চাপাচ্ছ।’

‘বেশ, তুমি যদি না খেয়ে থাক সে তো ভাল কথা। তুমি সত্যবাদী মানুষ, তাহা তোমায় আমি বিশ্বাস করছি। সকাল বেলায় কিছু একটা খেয়ে বের হওয়া হোলো না, এই আর কি! চল বেরিয়ে পড়া যাক।’

অনেক দূর গিয়ে তারা একটা বড় সহরে পৌঁছল। সে সহরের সকলেই যেন কেমন আনন্দহীন, কারো মুখে হাসি নেই—কোথাও এতটুকু আমোদ আফ্লাদ নেই। রাজার একমাত্র ছেলে রাজকুমার অরিন্দমের ভয়ানক অসুখ। কুমারকে সকলেই ভালবাসত, তাই কুমার কিসে ভাল হয়ে উঠবেন এই চিন্তাতেই সকলে ব্যগ্র। কত নোক কুমারকে ভাল করতে এসেছে কিন্তু কেউ কিছু করতে পারে নি, দিন দিন তার অবস্থা খারাপই হচ্ছিল—এখন এমন অবস্থা হয়েছে যে কখন যে শেষ সময় উপস্থিত হয় তাই ভেবে সকলে আকুল হয়ে উঠেছে।

বুড়ো সব খবর নিয়ে রামরাখালকে বলল—‘আমরা একবার চেষ্টা করে দেখি না কুমারকে ভাল করা যায় কি না, হয়তো আমি তার এ ভয়ঙ্কর ব্যাধি আরাম করতে পারব।’

বুড়োর কথায় রামরাখাল আপত্তি করে’ বলল—‘না, না, —ওসবে দরকার নেই আমাদের, মিছিমিছি ভোগান্তি হবে আর কি কপালে।’

কিন্তু বুড়োর জেদে রামরাখালের আপত্তি টিকল না। বুড়ো বলল—‘ভাল করতে পারলে অনেক টাকা পুরস্কার পাব আমরা।’

রাজার কাছে উপস্থিত হয়ে বুড়ো বলল—‘সে আর তার সঙ্গী কুমার-বাহাদুরকে আরোগ্য করবার ভার নেবে।’

রাজা বললেন—‘অনেকে অনেক রকম বলে’ চেষ্টা করে’ দেখেছে, কিন্তু কিছু করতে পারে নি। যা হোক, দেখতে পার তোমরাও চেষ্টা করে’। যদি ছেলেকে আমার ভাল করতে পার তবে যথেষ্ট সোনার মোহর পুরস্কার পাবে। আর যদি না পার তবে তোমাদের মৃত্যুদণ্ড,—লাভের আশায় সকলেই বৈদ্য সেজে রোগ সারাতে চায়, তাই তেমন লোকদেরও শিক্ষা হওয়া চাই। এখন তোমাদের খুসী!’

রামরাখাল পেছন থেকে সঙ্গীর গা টিপে বলল—‘এই বেলা সরে পড়া যাক হে—পরে আর সে অবসরও পাবে না।’

বুড়ো যেন সঙ্গীর কথা শুনতে পার নি এই ভান করে’ রাজাকে বলল—‘বেশ, আমরা সন্মত। কুমার যেখানে আছেন আমাদেরও সেইখানে তালি বন্ধ করে’ রাখুন। চব্বিশ ঘণ্টা



পরে ~~বন্ধু~~ কুবেন—হয় কুমারকে ভাল দেখবেন, না হয় তো আমাদের শির নেবেন।”

রামরাখাল আর বুড়োকে কুমারের ঘরে চাবি বন্ধ করে রাখা হোলো। কুমার মড়ার মত পড়ে ছিলেন। শরীরে রক্তের চিহ্ন নেই—নিশ্বাস বইছে কি না সেও বোঝবার উপায় নেই। বুড়ো তার পকেটের ভেতর থেকে একখানা ছোরা বার করে কুমারকে ঝুণ্ড ঝুণ্ড করে কাটলে। বাপার দেখে তো রামরাখালের চক্ষু স্থির, সে ভয়ে অস্থির,—মুখে তার কথা সবুছিল না। বুড়ো আবার ঝুণ্ডুলো সব পরিষ্কার জলে ধুয়ে জোড়া দিয়ে কি অদ্ভুত মস্ত সব আওড়াতে লাগল। দেখতে দেখতে দেহের টুকরোগুলো এমন ভাবে লেগে গেল যে দেখে মনে হয় এ আবার কাটা হয়েছিল কবে। এর পরও কিন্তু রাজকুমার তেমনি নিশ্চল হয়েই পড়ে রইলেন, শ্বাস বইছে কি না সেও বোঝা যাচ্ছিল না।

বুড়ো তখন বলল—‘বেশ, এইবার একে জীবন দিতে হবে। ব্যাধি এর শরীর থেকে ছেড়ে গেছে। এইবার তুমি সত্যি কথা বললেই এর জীবন ফিরিয়ে আনতে পার। সত্যি করে বল—সেদিন রাতে তুমি ফল দুটো খেয়েছিলে কি না?’

‘কি বকবক করছ! তোমায় তো কতবার বলেছি যে সে ফল আমি খাইনি।’

‘সত্যি বা স্বীকার করে’ ফেল। নইলে তোমার পক্ষে বড় খারাপ হবে। আমি বুড়োমানুষ, কুমারকে ভাল করতে না পেরে যদি আমার মৃত্যু হয় তো তাতে আমার ভয়ের বিশেষ কিছু নেই।’

রামরাখাল তার সঙ্গীর ভয়-দেখানো সুরে বেজায় রেগে বলল—‘সে ভয় আমার দেখাতে হবে না। আমি খাইনি বলছি তোমার ফল, তবু আমার স্বীকার করতে হবে নাকি! ভারি মজা!’

রামরাখাল এই কথা বলবা মাত্র বুড়োকে আর সে ঘরে দেখা গেল না। এমন বোধ হতে লাগল সে যেন কখনই এ ঘরে ছিল না।

রামরাখাল একেবারে একা অসহায় অবস্থায় পড়ে পেল। চক্ৰিশ ঘণ্টা চলে গেছে। রাজা পাত্র মিত্র নিয়ে

ঘরে এসে দেখেন কুমার মৃত। তিনি তখনই রামরাখালের শির নেবার হুকুম দিলেন।

রামরাখালকে তখনই অন্ধকার কারাগারে নিয়ে যাওয়া হোলো। রামরাখাল সে জায়গায় বসে কাঁদতে লাগল, আর তার সঙ্গী বুড়োকে যা-তা বলে গাল দিতে লাগল। সেই বুড়ার জন্তই তো আজ তার এই বিপদ—প্রাণ যায়।

রাত ভোর হলে রক্ষীরা এসে কারাগারের দোর খুললে, —খট করে চাবির শব্দ হোলো, রামরাখালের মনে হোলো তার মাথায় যেন বাজ পড়ছে—বুড়োকে মনে করে সে বলে উঠল—‘হায়, হায়—তুমিই আমার এই করলে!’

ঠিক সেই সময়েই পেছন থেকে তার সঙ্গী এসে তার কাঁধ ধরে বলল—‘বন্ধু, বল আমার সেদিন তুমি ফল দু’টি খেয়েছিলে কি না? হৃদয় খুলে স্বীকার কর—কোন বিপদ হবে না তোমার।’

রামরাখাল গর্জন করে বলল—‘কেবল ফল দু’টি, ফল দু’টি!—চলে যাও আমার সমুখ থেকে! বলেছি তো ও আমি খাইনি।’

বুড়ো আবার অদৃশ্য হয়ে গেল। সৈন্তেরা সব এসে তাকে বধ্যভূমিতে নিয়ে চলল। বধ্যভূমিতে রাজা পাত্র মিত্র সঙ্গে উপস্থিত ছিলেন, আরো বহু লোক চারিদিকে তামাসা দেখছিল। যে জায়গায় তার মাথা কাটা হবে সেখানে তাকে নিয়ে দাঁড় করান হোলো। এমন সময় কে এসে মিষ্টি স্বরে তার কানে কানে বলল—‘আমি তোমার সঙ্গী এসেছি। বল এখনো ফল দু’টি তুমি খেয়েছিলে কি না? স্বীকার করলে তোমার জীবন আমি রক্ষা করব।’

মরণের ভয়ে রামরাখালের নিশ্বাস বন্ধ হয়ে আসছিল, কিন্তু তবু বুড়োর উপর রাগে তার শরীর জলে যাচ্ছিল, সে বলল—‘চলে যাও তুমি, ফল আমি খাইনি।’

বুড়ো একটা দার্বাধাস ফেলল—‘এখনো তোমার উপর আমার দয়া হচ্ছে, তোমার মৃত্যু হয় এ আমার ইচ্ছা নয়।’

জরাদ রামরাখালকে কাটবার জন্ত খড়া তুলেছে— এমন সময় বুড়ো চীৎকার করে বলল—‘কাঁপ হোন রাজা, হত্যার আদেশ বারণ করুন। ছেলে আপনার ভাল হয়ে গেছে।’

চারিধারের লোক সব বিস্মিত হয়ে গেল। রাজা জ্ঞানকে বারণ করলেন। কয়েকজন সৈন্যকে তখনি বুড়োকে সঙ্গে করে' কুমারের কক্ষে গিয়ে কুমারকে নিয়ে আসবার আদেশ করলেন।

একটু পরেই কুমারের হাত ধরে' বুড়া এসে উপস্থিত। কুমার দিব্যি সুস্থ, হাসতে হাসতে আসছিলেন। রাজা তো আনন্দে একেবারে অস্থির। রাজা দৌড়ে গিয়ে কুমারকে বুকে জড়িয়ে ধরলেন। বুড়োকে ধন্যবাদ দিতে দিতে বললেন—'কি চান আপনি বলুন, যা চাইবেন আপনি আমি তাই দেবো, অর্ধেক রাজ্য আমি আপনাকে দিতে পারি।'

বুড়া বলল—'তোমার অর্ধেক রাজ্য নিয়ে আমি কি করব। আমাকে আর আমার সঙ্গীকে খুব বড় এক খলে মোহর দাও নিয়ে চলে' যাই।'

রাজা মস্ত এক গাড়ী ভরে' মোহর বোঝাই করে' তাদের দিলেন।

রাজ্যের সীমানায় এসে বুড়া রামরাখালকে বলল—'এখান থেকে আমরা দুজনে ভিন্ন ভিন্ন রাস্তায় যাব। এস এই বেলা আমরা রাজার দেওয়া মোহর ভাগ করে'

নি।' গাড়ী থামিয়ে বুড়া মোহরগুলি তিন ভাগে ভাগ করতে লাগল।

রামরাখাল তা দেখে আশ্চর্য হয়ে বলল—'আমরা তো মাত্র দু'জন, তবে মোহরগুলো তিন ভাগ করছ কেন!'

'এক ভাগ হচ্ছে সেদিন রাতে যে ফলগুলি খেয়েছিল তার জন্ত।'

রামরাখালের চোখ দুটি আনন্দে জ্বলে উঠল। সে তখন বলল—'যদি তাই হয় তা হলে আমি সত্যি কথা স্বীকার করছি, ফল দুটি আমিই খেয়েছিলুম।'

বুড়া তার দিকে চেয়ে হুঃখিত ভাবে বলল—'রামরাখাল, এ কি ধরনের সত্য যা শুধু সোনা দিয়েই কেনা যায়?'

এই কথা বলেই বুড়া অদৃশ্য হয়ে গেল। সঙ্গে সঙ্গে গাড়ী মোহর সবই বেন উড়ে গেল। রামরাখাল তখন আবার শূন্য মনে একা একা তার লাঠিখানা আর শূন্য ঝোলাটি নিয়ে পথ চলতে লাগল।

শ্রীজ্ঞানেন্দ্রনাথ চক্রবর্তী।

কোন মাসে কি খেতে হবে

পূর্ববঙ্গের পাড়াগাঁয়ে সাধারণ লোকদের ভিতর বার মাসে নিয়মিত জিনিষগুলি খাওয়ার একটা বিধি আছে। বিশেষতঃ মেয়ে মহলে ইহার খুবই চলতি দেখা যায়। ওরা বারমাসী অনুশাসন মেনে চলবেই। আমার মনে হয় তখন তখন ওসব খেতে সুস্বাদ হয়। শিক্ষিতা গিন্নি-ঠাকুরপরা পরীক্ষা করে' দেখতে পারেন।

- (১) চৈত্রে—চালিতা
- (২) বৈশাখে—নালিতা
- (৩) জ্যৈষ্ঠে—আম ধৈ
- (৪) আষাঢ়ে—কাঁটাল দৈ

- (৫) শ্রাবণে—দোল পান্ডা
- (৬) ভাদ্রে—তালের পিঠা
- (৭) আশ্বিনে—শশা মিঠা
- (৮) কার্তিকে—ওল
- (৯) অগ্রহায়ণে—খলিসা মাছের ঝোল
- (১০) পৌষে—আলা (আতপ চাল)
- (১১) মাঘে—বেল
- (১২) ফাল্গুনে—তেল ॥

সত্যভূষণ দত্ত।

মহিলা-সমস্যা



নারী-সমস্যায় আমেরিকা ও ইউরোপ

বর্তমানে ইউরোপ ও আমেরিকায় যে-সকল সমস্যা প্রকট হইয়া উঠিয়াছে তাহার মধ্যে নারী-সমস্যা একটি প্রধান। রাষ্ট্রীয় ও সামাজিক জীবনে—এক কথায় মানবের পূর্ণাঙ্গ জীবনে—নারীর স্থান কতটুকু, অধিকার কতটুকু, তাহার একটা বেশ পরিষ্কার বোঝাপড়া সেখানে চলিতেছে। সেখানকার সকল দেশেই যে এ সমস্যার একই প্রকার সমাধান হইতেছে তাহা নয়। গত যুদ্ধের প্রারম্ভ পর্য্যন্ত বহুদেশেই নারীদের অবাধ গতিবিধি ও অনেকাংশে স্বাধীনতা থাকা সত্ত্বেও রাষ্ট্রীয় ও সামাজিক অনেক অধিকার হইতেই তাঁহারা বঞ্চিত ছিলেন। সেখানে অধিকাংশ দেশেই এতকাল ধরিয়া এই মতটাই প্রবল ছিল যে রাষ্ট্রীয় ক্ষেত্রে নারীদের টানিয়া আনিলে রাষ্ট্রীয় জীবনের কলুষতার ভাপে তাঁহাদের কমনীয় বৃত্তিগুলি একেবারে মুড়াইয়া যাইবে। কিন্তু সেখানকার নারীরা একথা কিছূতেই মানিয়া লইতে পারেন নাই। তাঁহারা মনে করেন যে বর্তমান রাষ্ট্র-পরিচালনায় নারীর সহযোগ শুধু বাঞ্ছনীয় নহে, অবশ্য-প্রয়োজনীয়; নারী যে তাঁহার ক্ষুদ্র সংসারটির চায় শ্রমের বৃহৎ সংসারটিরও গৃহিণী; সেখানেও যে সকল কার্য-কলাপের মধ্যে তাঁহার কল্যাণময় হস্তের স্পর্শ আবশ্যিক।

তাই গত যুদ্ধের প্রারম্ভ পর্য্যন্ত ইউরোপ ও আমেরিকার অধিকাংশ দেশেই নারী-সমস্যার প্রধান ও সর্বপ্রথম কথাটাই ছিল রাষ্ট্রীয় অধিকার-লাভ। নরওয়ে-প্রমুখ কয়েকটি দেশে এ-অধিকারলাভে পূর্বেই নারীরা সফল হইয়াছেন। কিন্তু ইংলণ্ড ও মার্কিন প্রভৃতি কয়েকটি অগ্রগামী দেশের নারীদের সে সৌভাগ্য ঘটে নাই। যুদ্ধাবসান পর্য্যন্ত তাঁহাদের অপেক্ষা করিয়া থাকিতে হইয়াছিল।

আমেরিকার নারীর রাষ্ট্রীয় অধিকারলাভের আন্দোলন শুরু হয় খৃষ্টীয় উনবিংশ শতাব্দীর মধ্যভাগ হইতে। সুসান বি অ্যান্টনী ছিলেন সে আন্দোলনের সর্বপ্রথম নেত্রী। এ আন্দোলন মার্কিন নারীদের নানা দিক দিয়া চিন্তা ও কার্য-

প্রসার অনেক বাড়াইয়া দিয়াছে সন্দেহ নাই, কিন্তু এতদিন পর্য্যন্ত তাঁহাদের রাষ্ট্রীয় অধিকার দিতে সমর্থ হয় নাই। গত যুদ্ধ যখন বাধিয়া উঠিল তখন নারীর সে-অধিকার লাভের একটা সুযোগ ঘটিল। যুদ্ধের সময় নারীকে দেশের সেবায় নানাভাবে প্রয়োজন হইয়াছিল। জাতীয় মহিলা-সমিতি (National Woman Party) ছিলেন নারীদের একটি



সুসান বি অ্যান্টনী

আমেরিকার নারী-প্রচেষ্টার প্রবর্তক (১৮৪৮)। ইহারই নামে মহিলাদের ভোট অধিকারের আইনটির নামকৃত হইয়াছে। কুমারী অ্যাডিলেইড জনসন কৃত ইহার এই প্রস্তরমূর্তিটি আমেরিকার রাজধানী ওয়াশিংটনের প্রদর্শনীগৃহে রক্ষিত হইবার কথা।



কুমারী এলিস পল

আমেরিকার জাতীয় মহিলা সমিতির সভানেত্রী। এহা জাতীয় মহিলা সমিতির উত্তোগেই আমেরিকায় ১১ বৎসর বয়সের সকল নারী ভোট দিবার বন্দোবস্ত পাওয়াছেন।

মুখ্য সম্ভব। তাঁহারা বলিয়া বসিলেন সমান রাষ্ট্রীয় অধিকার নারীদের যতদিন পর্যন্ত না দেওয়া হয় ততদিন তাঁহারা যে শুধু গভর্নমেন্টকে সাহায্য করিবেন না তাহা নয়—গভর্নমেন্টকে বিরত করিবেন। সুমূল আন্দোলনের পরে মার্কিন নারীরা রাষ্ট্রীয় ক্ষেত্রে তাঁহাদের ঋণাত্মক অধিকারলাভে সমর্থ হইয়াছেন। বর্তমানে শুধু নারী বলিয়া তাঁহারা আব কোন রাষ্ট্রীয় অধিকার হইতে বঞ্চিত হইবেন না।

ইউরোপেও ঠিক একই ঘটনা। বিগত যুদ্ধে এই কথাটা বেশ স্পষ্ট করিয়াই বোঝা গিয়াছে যে রাষ্ট্র পাবচালনাটা শুধু পুরুষদেরই একটা কসরৎ নহে—যেখানে নারীর স্থান নাই। রাজ্য-পরিচালনায়ও গৃহস্থের সংসার পরিচালনারই মত সকলেরই—স্ত্রী, পুরুষ, বালক, বৃদ্ধ সকলেরই—চিন্তা ও কার্যের সাহায্যের প্রয়োজন, নহিলে রাজ্য চলিতে পারে না। তাই যুদ্ধের পরে ফ্রান্স ইটালি প্রমুখ কয়েকটি দেশ ছাড়া ইউরোপের প্রায় সকল দেশই নারীদের কাছে রাষ্ট্রীয় ক্ষেত্রের দ্বারগুলি উন্মোচন করিয়া দিয়াছে। এবং ইহাতে এখন পর্যন্ত সফলই দেখা গিয়াছে, কোন কুফল ফলে নাই।

কিন্তু প্রকৃতপক্ষে দেশশাসনে মুক্তি-পরামর্শ দিবার অধিকারলাভই নারী-সমস্তার মূল বা বড় কথা নয়। ইউরোপ ও আমেরিকার নারীরা মনে করেন যে বর্তমানে নারী সম্বন্ধে যে ধারণা, তাঁহাদের কার্যকলাপের বিধি নিষেধ সম্বন্ধে যে মত, প্রচলিত আছে, তাহা সম্পূর্ণ ভ্রান্ত, এবং এই ভ্রান্ত মত ও ধারণার উপর নির্ভর করিয়াই এতদিন পর্যন্ত নারীকে যে অধিকারে অধিকারী বিবেচনা বা অধিকারবিচ্যুত করা হইয়াছিল তাহার সম্পূর্ণ পরিবর্তন প্রয়োজন।

তাহা ইউরোপ ও বিশেষ করিয়া আমেরিকায় নারী-পক্ষে গতিটা ছিল বিচ্যুত অধিকার লাভের দিকে। রাষ্ট্রীয় অধিকার চাই, সর্বত্র রকম ব্যবসা ও কাজের দ্বারগুলি উন্মুক্ত চাই, সম্পত্তি সন্মোগ ও বিবাহ সংক্রান্ত আইনগুলির মধ্যে দ্বী পুরুষ সম্বন্ধে সাম্য চাই, এককথায় নরনারীর সমান অধিকার চাই,—ইহাই এখন তাঁহাদের মুখ্য কথা। এই মুখ্য উদ্দেশ্যগুলি সফল করিবার জন্ত তাঁহারা নানাভাবে চেষ্টা করিয়াছেন এবং সফলও হইয়াছেন অনেক পরিমাণে।



শ্রীমতী জোসেফাইন বি বেনেট

ইনি আমেরিকার জাতীয় মহিলা সমিতির একজন নেত্রী। কংগ্রেসের ইনি একজন সভাপদপ্রার্থী ছিলেন। ভারতের মুক্তি ইচ্ছাদের আমেরিকায় একটি সভ্য আছে। ইনি সেই সভ্যের প্রধান কার্য-নির্বাহক সভার পাঁচজন সভ্যের মধ্যে একজন। ভারতের পূর্ণ স্বাধীনতার পক্ষ সমর্থন করিয়া ইনি বহু স্থানে বক্তৃতা করিয়াছেন।

আমেরিকায় ত এমন কোন কাজ নাই যাহা নারীরা না করিতেছেন। সেখানে তাঁহারা আইন-ব্যবসায় ও বাণিজ্য-ব্যবসায় করেন, চিকিৎসা করেন, কাগজ চালান, দোকান করেন, বড় বড় প্রতিষ্ঠান স্থাপন করেন, বিজ্ঞান সম্বন্ধে রিসার্চও করিয়া থাকেন। যুদ্ধের পূর্বে ইউরোপের কোন কোন দেশ একটু পুরাণপন্থী ছিল। কিন্তু বর্তমানে প্রায় সকল দেশই নারীদের কাছে কাজের সমস্ত দ্বারগুলিই উন্মুক্ত করিয়া দিয়াছে। ইংল্যাণ্ডে যুদ্ধের সময় নারীদের ত ট্রামের চালক, এমন কি পুলিশের কাজও করিতে দেখা গিয়াছে। কিন্তু এবিষয়ে সকলের চেয়ে উত্তর ইউরোপ ও রাশিয়াই অগ্রণী। রাশিয়ার বর্তমান নেতা ও শাসক লেনিনের স্ত্রী ছিলেন শিক্ষাবিভাগের একটি শাখার কত্রী। ইহা ছাড়াও রাশিয়াতে বড় বড় রমণী কাজকন্ডারী আছেন।

মোদাকথা মার্কিন ও ইউরোপের বহু দেশের রমণীরা দুইটা জিনিষই বহুল পরিমাণে পাইয়াছেন—রাষ্ট্রীয় অধিকার ও আর্থিক স্বাধীনতা। এই আর্থিক স্বাধীনতাতেই তাঁহাদের অবস্থা অনেক সহজ ও ভালো হইয়া আসিয়াছে। কারণ তাহাতে তাঁহাদের অনেকেই আজ আর পুরুষের ভার বা দায় নন। ভার বলিয়াই ত নারীদের সামাজিক লাঞ্ছনা, পুরুষের চেয়ে তাঁহাদের বিবাহের গরজ বেশী। মার্কিন ও ইউরোপের রমণীরা এই ভার ও দায়ের অবস্থা অনেক পরিমাণে কাটাইয়াছেন; এবং কাটাইয়াছেন বলিয়াই আজ তাঁহারা তাঁহাদের লুপ্ত বা স্তম্ভ শক্তির পরিচয় পাইয়াছেন।

কিন্তু এই নারী-প্রচেষ্টাটিকে সফল করিয়া তুলিতে ইউরোপ ও আমেরিকার নারীদের অনেক বেগ পাইতে ও লাঞ্ছনা ভোগ করিতে হইয়াছে। অনেকে জেলে পর্য্যন্ত গিয়াছেন। ইহার ফলে যাহা দাঁড়াইয়াছে তাহা সকলই সফল নয়। একে ত এতদিন নারী-প্রচেষ্টার মূল কথাটি ছিল নষ্ট-অধিকার-লাভ; তাহার উপর আবার এই বাধা পাওয়াতে সমস্ত প্রচেষ্টাটির মধ্যে এমন একটি রেখারেশী ভাব আনিয়া দিয়াছে যেন ইহা একটি স্বতন্ত্র জাতিতে জাতিতে লড়াই, —অনেকটা শ্রমিক ও ধনিকের লড়াইয়েরই মতন।

যতদিন দাবী ও অধিকারের উপর নির্ভর করিয়াই নারী-

সমস্যার সমাধান করিতে যাওয়া হইবে ততদিন এরূপ একটা সম্পর্ক আসিগা পড়াই অবশ্যস্বাবী। কেননা নারী সেখানে আপনাকে দেখিতেছে নিষ্পেষিতরূপে এবং সেখানে নিষ্পেষণকারীর উপর নিষ্পেষিতের যে ভাব হয় তাহাকে আর যাহাই বলা হউক প্রেম বলা চলে না। প্রকৃত পক্ষে নারী-সমস্যার প্রকৃত মূল কথাটি নারীর দাবী ও অধিকার লইয়াই নয়,—বর্তমান অপ্ৰাকৃত সমাজের অত্যাচার ও পক্ষপাত ব্যবস্থায় এরূপ হইয়া দাঁড়াইয়াছে মাত্র। তাহা কিন্তু আরও অনেক বড়—তাহা মানব-সমস্যা। সমাজ এতদিন ধরিয়া যে মূল ভিত্তিগুলির উপর দাঁড়াইয়া নরনারীর সম্পর্কের কাঠামো গড়িয়াছে, নারী-সমস্যা আজ তাহাকেই আঘাত করিয়াছে, তাহাকেই বাচাই করিয়া লইতে চাহিতেছে। চিরপ্রচলিত বলিয়াই সব চিরসত্য নয়। তাই নর ও নারীর সম্বন্ধে যে ধারণা, তাহাদের সম্পর্ক সম্বন্ধে যে ধারণা চিরপ্রচলিত রহিয়াছে, বর্তমানে তাহারই একটা পরখ হইতে বসিয়াছে এবং এই নূতন পরখের উপরই গঠিত হইয়া উঠিবে নূতন সমাজ নূতন নূতন প্রথা ও বিধি-নিষেধ লইয়া। নারী-সমস্যার মূল কথাটাই এই—নূতন জায়-পরায়ণ ও কল্যাণকর সমাজ-প্রতিষ্ঠা।

মার্কিন ও ইউরোপ আজ একথাটা বুঝিয়াছে। সেখানকার বহুদেশে বিশেষ করিয়া উত্তর-ইউরোপের দেশ-সমূহে তাই বর্তমানে নারী-প্রচেষ্টার গতিটা এদিকেই। বিবাহ, বিবাহভঙ্গের সহজ প্রণালী, মাতার সন্তানের উপর অধিকার, নরনারীর অবিবাহিত সম্পর্ক প্রভৃতি অনেক বিষয় লইয়া আজ তাঁহারা উঠিয়া পড়িয়া লাগিয়াছেন যাহার একটা সুমীমাংসা হইলে নারীসমস্যা আর এত বড় সমস্যা হইয়া রহিবে না, নরনারীর সম্পর্ক জায়া ও জগতের কল্যাণকর হইয়া উঠিবে।

শ্রীসতীশচন্দ্র সেন।

রোগী-সেবায় অগ্রণী মহিলা

আগে যুরোপের হাঁস্পাতালে রোগীসেবার ব্যবস্থা বেশ সুশৃঙ্খল ও বিজ্ঞানসম্মত ছিল না। এই রোগীসেবা সুশৃঙ্খল ও বিজ্ঞানসম্মত করিয়া তোলেন একজন মহিলা—



ফ্লোরেন্স্‌ইটি নামেল।

কুমারী ফ্লোরেন্স্‌ নাইটিঙ্গেল। ইটালীর ফ্লোরেন্স্‌ শহরে ১৮২০ সালে তাঁর জন্ম হয়; তাঁর জন্মস্থানের নামে তাঁর নাম রাখা হয়। কিন্তু তিনি মানুষ হইয়া উঠেন ইংলণ্ডে। শিশুকাল থেকেই তাঁর সেবার দিকে নোঁক দেখা যাইত, খুতুলের হাত পা ভাঙিয়া গেলে তিনি ব্যাণ্ডেজ বাঁধিয়া দিতেন, পশু-পক্ষীদের যত্ন করিতেন, পীড়িত বা দুঃখিত লোক দেখিলে মমতা দেখাইতেন। কৈশোরে তাঁর আকাঙ্ক্ষা প্রবল হইয়া উঠিল—আর্ন্তের দুঃখ ক্লেশ মোচন করিতে জীবন উৎসর্গ করিতে হইবে। এই উদ্দেশ্যে তিনি দেশ-বিদেশের বহু হাঁস্পাতাল দেখিয়া বেড়াইয়া নার্স্‌ হইবার শিক্ষা সংগ্রহ করিলেন।

১৮৫৪ সালে ইংলণ্ড ক্রিশ্চিয়ান সস্পে যুদ্ধে প্রবৃত্ত হয়, সে যুদ্ধের নাম ক্রিমীয়া যুদ্ধ। সেই যুদ্ধে আহত ইংরেজ সেনাদের দুর্গতির অন্ত ছিল না; না ছিল তাদের যত্নের ব্যবস্থা, আর না ছিল চিকিৎসার ব্যবস্থা। ফ্লোরেন্স্‌ নাইটিঙ্গেল দেশ-সেবক সেনাদের দুর্গতি মোচনের জগু সেই দূর যুদ্ধক্ষেত্রে যাইবার আশ্রয়ে স্বৈচ্ছায় আবেদন করিলেন। আবেদন মঞ্জুর হইলে তিনি ৩৩ জন নার্স্‌ সঙ্গে লইয়া আহতদের সেবা করিতে গেলেন।

তাঁর কর্তব্যজ্ঞান ও শুক্রবা আশ্চর্য্যকর ছিল। আহতদের সেবার ব্যবস্থা করিতে তিনি এক-এক দিন ২০ ঘণ্টা পর্যন্ত ঠায় দাঁড়াইয়া কাটাইয়াছেন। এইজগু গভীর রাতে যখন প্রদীপ হস্তে তিনি রোগীদের দেখিয়া বেড়াইতেন, তখন কৃতজ্ঞ সৈনিকেরা তাঁকে দেবী মনে করিয়া তাঁর ছায়াকে প্রণাম করিত। ফ্লোরেন্স্‌ নাইটিঙ্গেলের সেবা-শুক্রবার গুণে আহতদের ক্লেশ লাঘব হইল, মৃত্যুও কম হইতে লাগিল। অমানুষিক পরিশ্রমে তাঁর নিজের জ্বর হইয়া পড়িলেও তিনি তাঁর কাজ ছাড়িয়া গাইতে স্বীকার করেন নাই।

ইংলণ্ডে ফিরিয়া কৃতজ্ঞ ও প্রশংসমান দেশবাসীর অভ্যর্থনার আড়ম্বর এড়াইয়া ফ্লোরেন্স্‌ নাইটিঙ্গেল নিজের নিভৃত গ্রামে পলায়ন করেন। কৃতজ্ঞ দেশ পঞ্চাশ হাজার পাউণ্ড চাঁদা তুলিয়া তাঁকে দান করে। তাহা দিয়া তিনি নার্স্‌দের শিক্ষার জগু এক বিদ্যালয় প্রতিষ্ঠা করেন। তাঁর দৃষ্টান্তে নার্স্‌ হওয়া আর লজ্জার কাজ রহিল না; ভদ্র ও ধনীঘরের মেয়েরাও এই বৃত্তি শিক্ষা করিতে লাগিলেন; তাঁর চেষ্টায় যুদ্ধক্ষেত্রে আহতদের সেবা ও হাঁস্পাতালে পীড়িতদের সেবা নূতন ব্যবস্থায় সুশৃঙ্খল হইয়া উঠিল। আজ তাঁরই দৃষ্টান্তে সর্বত্র নার্স্‌র সেবায় রোগীর যত্নগার উপশম হইতেছে।

১৯১০ সালে ৯০ বৎসর বয়সে সম্মান ও গৌরবে মণ্ডিত হইয়া তিনি পরলোকে প্রস্থান করিয়াছেন। তিনি অনেকগুলি বই লিখিয়া গিয়াছেন, তার মধ্যে একটির নাম “ভারতে জীবন না মৃত্যু”।

চারু বন্দ্যোপাধ্যায়।

বিশ্ববিদ্যালয়ে মহিলার কৃতিত্ব

এতকাল কেবল বিশ্ববিদ্যালয় হইতে মহিলাগণ উপাধি পরীক্ষায় উপস্থিত হইয়া পরীক্ষায় উত্তীর্ণ হইলেও উপাধি পাইতেন না। কিছুদিন পূর্বে কেবল বিশ্ববিদ্যালয় তাঁহাদিগকে উপাধি দেওয়া স্থির করেন। এই বৎসর নূতন নিয়মে প্রথমবার পরীক্ষা গৃহীত হয়। এবং প্রায় প্রত্যেক বিভাগেই মহিলাগণ কৃতিত্বের সহিত পরীক্ষায় উত্তীর্ণ হইয়াছেন। কুমারী এস, রাম নারী একটি ভারতীয়

মহিলা এইবার Tripos পরীক্ষা বেশ যোগ্যতার সহিত উত্তীর্ণ হইয়াছেন। কুমারী কে স্নেল নামী একটি ইংরেজ মহিলা আইন পরীক্ষায় বিশ্ববিদ্যালয়ের মধ্যে সর্বপ্রথম স্থান অধিকার করিয়াছেন। ইতিপূর্বে কুমারী ফসেট ভিন্ন 'মহিলাদের মধ্যে কেহ এত উচ্চ স্থান অধিকার করেন নাই। কুমারী ফসেট অক্সফোর্ডের পরীক্ষায় সেই বংশেরের সিনিয়র ব্যাঙ্কার হইতেও বেশী নম্বর পাইয়াও পুরাতন নিয়ম অনুসারে উপাধি হইতে বঞ্চিত হন।

প্র

নানাদেশে মহিলা-কৃতিত্ব

আইন-প্রায়শ্চিন্দে মহিলা।—সম্প্রতি কিউবাতে ব্যাঙ্ক সম্বন্ধে নূতন আইন প্রস্তত করা হইবে। জেনারেল কউডার সে-আইনের খসড়াটি প্রস্তত করিবেন। তাঁহাকে সাহায্য করিবার জন্ত শ্রীমতী এডিথ বি নিউম্যানকে আমেরিকার পত্ৰমেট প্রেরণ করিয়াছেন। তিনি কলম্বিয়ার ওয়াশিংটন ল কলেজ হইতে পাশ করিয়া কলম্বিয়াতে আইন ব্যবসা করিতেন। নিউইয়র্কের একটি আন্তর্জাতিক ব্যাঙ্কিং এসোসিয়েশনের সঙ্গে সংশ্লিষ্ট ছিলেন।

মহিলা পুরোহিত।—নরওয়েতে সম্প্রতি মেয়েদের পৌরোহিত্য ও মন্দিরে উপাসনা করিবার অধিকার দেওয়া হইয়াছে। সম্ভবত ফু মার্ভা স্ট্রিন্দমুটিকই সর্বপ্রথম মহিলা-পুরোহিত হইবেন। কিছুদিন পূর্বে তাঁহাকে লইয়াই এ-বিষয়ে খুব একটু গণ্ডগোল বাধিয়াছিল। একটি মন্দিরের অধ্যক্ষ একদিন তাঁহাকে মন্দিরে সাধ্য-উপাসনা করিতে বলেন। উপাসনা করিতে গিয়া তিনি বাধা পান। কারণ আইন সে-দেশে মেয়েদের প্রকাশ্য মন্দিরে উপাসনা করিতে দেয় না। তিনি শুধু বক্তৃতা করিয়াই সেদিন কাজ সারিলেন। কিন্তু এই ঘটনা হইতেই দেশের লোকের চেতনা হয়। এবং বর্তমান এই অধিকার প্রদান ইহারই ফল।

মহিলা রাজকর্মচারী।—আমেরিকার মিসিসিপি বিভাগে মেয়েরা একটি নূতন অধিকার লাভ করিয়াছেন। রাজকীয় উচ্চপদে তাঁহারা এবার হইতে নিযুক্ত হইতে পারিবেন। কুমারী জোসেফাইন ফিট্‌স্‌ সেই বিভাগের শিক্ষা-পরিদর্শকপদে নিযুক্ত হইয়াছেন।

যন্ত্রবিদ্যায় মহিলা।—ইংল্যাণ্ডে গত মহাযুদ্ধের পূর্বে কলকজার নাড়া-চাড়া, মোটর (বচল-যন্ত্র) চালানো প্রভৃতি যন্ত্রবিদ্যায় কাজে মেয়েরা খুব কমই বাইতেন। যুদ্ধের সময় বাধ্য হইয়া অস্ত্রাস্ত্র কাজের স্ত্রীমহিলাও তাঁহাদের করিতে হইয়াছিল। তাহাতে একটা খবর বাহির হইয়া পড়িয়াছে। স্বচলযন্ত্রের (automatic machine) কাজে মেয়েরা পুরুষদের চেয়ে কাজ বেশী দেন এবং যন্ত্রটাও পুরুষদের হাত হইতে মেয়েদের হাতে বেশী টেকে। বিশেষজ্ঞরা ইহার কারণ দেখাইতে গিয়া বলিয়াছেন যে মেয়েরা যেরূপ ধৈর্য, নিপুণতা, ও মনোযোগ সহকারে কাজ করিতে পারেন পুরুষেরা ততটা পারেন না বলিয়াই এই তারতম্য। কাজেকাজেই আজকাল ইংল্যাণ্ডে আর এ-কাজটা মেয়েদের নিষিদ্ধ নয়। মেয়েদের যন্ত্রবিদ্যা শিক্ষা দিবারও বেশ আয়োজন চলিতেছে। সমস্ত যন্ত্রবিদ্যা-প্রতিষ্ঠানগুলিই মেয়েদের সভ্য করিতে রাজী হইয়াছে।

সম্প্রতি শ্রীমতী হেনরী ওডের, কেট্টন করাল ডিপ্লীটের পঞ্চপরিদর্শক

আমিন পদে নিযুক্ত হইয়াছেন। একপ কাজে এই বোধ হয় প্রথম মহিলা-নিয়োগ।

তুর্কি মহিলার আবেদন

আর্জ সেবার্থে তুর্কি স্থানে বহুদিন ধরিয়া 'রেড ক্রস সোসাইটির' মত 'রেড ক্রিসেন্ট সোসাইটি' নামে একটি প্রতিষ্ঠান স্থাপন করা হইয়াছিল। সম্প্রতি সেই প্রতিষ্ঠানের মহিলা সভাপণ তুর্কি স্থানের আর্জ মহিলা ও শিশুদের সাহায্যার্থে ভারতনারীদের কাছে এক আবেদন জানাইয়াছেন। বোম্বাইয়ের বিলাফৎ কমিটির শেঠ ছোটানির নিকট সেই আবেদনপত্রখানি ভারতে প্রচারের জন্ত প্রেরিত হইয়াছে। আবেদনে বর্তমান যুদ্ধে তুর্কি স্থানে যে নরনারীর কি ভীষণ দুর্দশা ঘটয়াছে তাহা জানানো হইয়াছে। এই দুর্দশার অপনয়নার্থে তাঁহারা ভারতনারীর সাহায্যের কৃপার ও ভগ্নীদের দোহাই দিয়া তাঁহাদের নিকট শিক্ষা চাহিয়াছেন। যাহার যাহা দেয় তাহা যেন সেন্টাল কমিটি অফ দি রেড ক্রিসেন্ট সোসাইটি (Central Committee of the Red Crescent Society, Constantinople) এই ঠিকানায় পাঠাইয়া দেন।

দেশবিদেশের মেয়েদের কথা

জাপান।—জাপানে মেয়েদের সামাজিক ও রাষ্ট্রনৈতিক অবস্থা বিশেষ ভালো নয়। কিন্তু সেখানেও এখন এ-বিষয়ে উন্নতি দেখা যাইতেছে। সম্প্রতি সেখানকার ফুজি-মিকো খ্রীষ্টীয় সমাজ আটজন মহিলাকে সমাজের কর্মকর্তারূপে বরণ করিয়াছেন। এই সমাজটি প্রেসবোটেরিয়ান সম্প্রদায়ভুক্ত। পৃথিবীতে এই বোধ হয় একপ কাজে সর্বপ্রথম মহিলা-নিয়োগ। জগতে শাস্তি স্থাপনের কার্যেও মেয়েরা দেখা দিয়াছেন। সার্বজনীন সম্প্রতি বর্ধনের জন্ত একটি মহিলাসভা স্থাপিত হইয়াছে। ইহাই গুন নয়। মেয়েরা স্বাক্ষরকান এমন অনেক কাজই করিতেছেন বা পূর্বে তাঁহারা করিতেন না। হি গানো উয়াগুন নামক একটি গ্রামে মেয়েদের লইয়া একটি অগ্নি-সেনা গঠিত হইয়াছে। তাহাতে চারি শত মেয়ে যোগ দিয়াছেন।

কানাডা।—কানাডাতেই সর্বপ্রথম মেয়ে মন্ত্রী হইয়াছেন। ইতি-পূর্বেই সে-খবর দেওয়া হইয়াছে। সম্প্রতি সেখানকার মেয়েরা পত্ৰমেটের নিকট নিম্নলিখিত অধিকারগুলি চাহিয়াছেন।—(১) কোন মোকদ্দমায় মেয়ে সংশ্লিষ্ট থাকিলে বিচার করিবার জন্ত পুরুষের স্ত্রী মেয়েদেরও জুরি নিযুক্ত করা হউক। (২) বিবাহভঙ্গ আইনে মেয়েদেরও পুরুষের মতন সমান অধিকার দেওয়া হউক। (৩) এখন যেমন কতগুলি অপরাধে অভিযুক্ত হইলে ভিন্ন রাজহে পলাইয়া গেলেও অপরাধীকে ধরিয়া আনা যায়, প্রা-পরিত্যাগকেও সেইরূপ অপরাধের মধ্যে গণ্য করা হউক।

চীন।—ক্যাটনের মেয়েরা রাষ্ট্রীয় অধিকারের জন্ত তুমুল আন্দোলন তুলিয়াছেন।

স্পেন।—স্পেনেও মেয়েরা খুব আন্দোলন তুলিয়াছেন। কংগ্রেসের নিকট তাঁহারা পুরুষেরই সমান রাষ্ট্রীয় অধিকার দাবী করিয়াছেন।—সামাজিক ও আর্থিক মানা বাধার বিকল্পেও মত জানাইয়া তাঁহারা মিজের অধিকার চাহিয়াছেন। তাঁহারা চীন বিচারীলয়ের জুরির অধিকার, সকল রকম কাজের ভিতর প্রবেশ অধিকার।

দক্ষিণ-আফ্রিকা।—দক্ষিণ আফ্রিকায় মেয়েদের রাষ্ট্রীয় অধিকারের জন্ত সেখানকার রাষ্ট্রসভায় একটা আইনের খসড়া উপস্থিত করা

হইয়াছে। খুব সম্ভব তাহা পাশ হইয়া যাইবে। লেডি কিলিস্ পন্সনবি মেয়ে ও শিশুদের লইয়া দুর্নীতিমূলক বিক্রির ব্যবসায় বৃদ্ধ করিবার জন্য দক্ষিণ আফ্রিকা হইতে প্রতিনিধি মনোনীত হইয়া লিগ্ অন্শনশ্ কন্ফারেন্স সভায় গিয়াছিলেন।

তুরস্ক।—তুরস্কের জাতীয় মহাসভা একজন মহিলাকে লিঙ্গাসচিব পদে নিযুক্ত করিয়াছেন। মহিলাটির নাম খালিদ আদিব খাতুন। ইনি কন্স্টেটিনোপলের মহিলাবিদ্যালয়, রবার্ট কলেজে শিক্ষা সমাপ্ত করিয়াছেন। ১৯০৮ সনের তুরস্কবিপ্লবের সহিত ইহার খুব যোগ ছিল।

ইংল্যান্ড।—ইংল্যান্ডে মেয়েরা অনেক বিষয়েই অধিকার লাভ করিয়াছেন কিন্তু এখনও অনেক বাকী আছে। তাই সম্প্রতি ভাই-কাউন্টেন্স রোডা সেই-সব অধিকার লাভের জন্য মেয়েদের লইয়া একটি দল বাধিয়াছেন। তাহারা সম্প্রতি ছয়টি বিষয় লইয়াই বেশী উঠিয়া-পড়িয়া লাগিয়াছেন। তাহার মধ্যে, বিধবাদের জন্য সরকারের পক্ষ হইতে পেন্সনের ব্যবস্থা করা; মাতারও পিতারই মতন সন্তানের অভিভাবক হইবার সমান অধিকার; শিক্ষয়িত্রীদেরও শিক্ষকদের মতন সমান বেতন; মেয়েদেরও পুরুষেরই মতন সরকারী সকল কাজে চুক্তিবার সমান অধিকার ও সুযোগ পাওয়া—এই প্রসঙ্গ-কয়টিও আছে। মেয়েরাও পুরুষদের মত ৩১ বৎসর বয়স হইতেই ভোট দিবার ক্ষমতা পাইবার জন্য খুব আন্দোলন তুলিয়াছেন। উদ্বোধকার সম্বন্ধে মেয়েদেরও পুরুষের সমান স্বত্ব দিবার জন্য সম্প্রতি একটি আইনের খসড়া পার্লামেন্টের কাছে আনা হইয়াছিল। এই আইন অনুসারে পুরুষও যে যে অবস্থায় যে যে অধিকারে অধিকারী, নারীও সেই সেই অবস্থায় সেই-রকম অধিকারিণী হইবেন। বিজিটি লর্ডদের সভায় পাশ হইয়া গিয়াছে। এখন রাজ-অনুমতি পাইলেই ইহা দেশের আইন হইয়া যাইবে।

গত ১৫ই আগষ্ট তারিখের বিদেশের খবরে প্রকাশ, এক দিনের বাদানুবাদের পর ব্রিটিশ পার্লামেন্টে স্থির হইয়াছে যে, তিন বৎসর পরে মেয়েরা সিভিল সার্ভিসের কাজে প্রবেশ অধিকার পাইবেন। পার্লামেন্ট কিন্তু মেয়েদের পুরুষদের সমান বেতন দিতে সম্মত হন নাই। এইজন্য ইংলণ্ডে নানা জায়গায় মেয়েরা প্রতিবাদ-সভার অনুষ্ঠান করিতেছেন।

বিলাতের হাউস অব কমন্সের প্রথম মহিলা সভা নির্বাচিত হন লেডি এ্যাষ্টব। মিসেস উইল্ফিংহাম্ নারী আরেকটি মহিলা এবার লিঙ্কনশায়ারের লাউথ হইতে প্রতিনিধি নির্বাচিত হইয়াছেন বলিয়া সংবাদ পাওয়া গিয়াছে। ইনি পার্লামেন্ট মহাসভার দ্বিতীয় মহিলা প্রতিনিধি।

অষ্ট্রিয়া।—অষ্ট্রিয়াতে এখন মেয়েরা আইনব্যবসা করিবার ও বিচারক হইবার অধিকার পাইয়াছেন। ভিয়েনা নগরের ম্যারিয়ার্নি বের্ট, ডক্টর অফ ল উপাধি পাইয়াছেন। ইনিই সর্বপ্রথম মহিলা যিনি এই উপাধিতে ভূষিত হইয়াছেন। সম্প্রতি ইনি আইন ব্যবসা করিবার অনুমতিও পাইয়াছেন।

সুইজারল্যান্ড।—সুইজারল্যান্ডের জেনেভা নগরে মেয়ে ও শিশুদের লইয়া দুর্নীতিমূলক ব্যবসায় সম্বন্ধে আলোচনা করিবার জন্য দিগ্ অন্শনশ্-এর তরফ হইতে জুন মাসে এক সভা বসিয়াছিল। সেখানে ফ্রান্স, সুইডেন, ডেনমার্ক, নরওয়ে, এবং দক্ষিণ আফ্রিকা মহিলা-প্রতিনিধি প্রেরণ করিয়াছিল। ডেনমার্কের কুমারী হেরি ফের্কাবের সেই কন্ফারেন্সের সহকারী সভানেত্রী হইয়াছিলেন।

রুমানিয়া।—রুমানিয়ার রাজসরকার হইতে একটি সংস্কার আইন পাশ হইয়াছে। তাহাতে এক-এক অঞ্চলের মেয়েরা প্রতিনিধি হইয়া ভোট দিবার অধিকার পাইয়াছেন। এই আইনকে নাকি আরো সংস্কৃত উন্নত করা হইবে।

আমেরিকা।—আমেরিকার হাউস অফ রিপ্রেজেন্টেটিভ্ সভার ১৩৩ বৎসর বয়সের মধ্যে সম্প্রতি মিস্ এলিস্ রবার্টসন্ নামে মাত্র একটি মেয়ে সেখানে বক্তারূপে একটি আইন পাশ করেন।

জার্মানি।—আইন ব্যবসায় মেয়েদের পুরুষদের সমান অধিকার দিবার যে প্রস্তাব হয় তাহা রাইকস্টাগের আইন-সমিতির দ্বারা গ্রাহ্য হয় নাই। কিন্তু রাইকস্টাগের সাধারণ অধিবেশনে মেয়েদের এই অধিকার সমর্থিত হইবে—আশা করা যায়। শিশুদের মঙ্গল বিধানের জন্য একটি আইন পাশ হইয়াছে। ইহার দ্বারা অনাথ ও পোত্রহীন শিশুদের শিক্ষা, পরিচর্যা ও রক্ষার ব্যবস্থা হইবে। যে-সব শিশুর পিতামাতা সামাজিক হিসাবে ও নৈতিক হিসাবে তাদের ছেলেদের মানুষ করিবার অনুপযুক্ত সে-সব শিশুরাও এই আইনের আশ্রয় পাইবে।

আসিরিয়া।—লেডি সুব্বা মার সিম্সন্ নামে এক আসিরিয়ার নারী আসিরিয়া দেশের গণতন্ত্রের প্রেসিডেন্ট নির্বাচিত হইয়াছেন। জগতে ইনিই প্রথম নারী প্রেসিডেন্ট হইলেন। ইনি পাশ্চাত্য ভাবে শিক্ষিতা হন। প্রাচ্যদেশবাসীদের মধ্যে আসিরিয়াবাসীরা অনেক বিষয়ে খুব অগ্রসর। ইহাদের মেয়েরা দেশের কাজে যথেষ্ট সহায়তা করেন।

বিদেশের মেয়েদের সম্বন্ধে অনেক খবর এই ঠিকানায় পাওয়া যায়—Elizabeth Abbot, L. W. S. A., 11, Adam Street, Adelphi, London, W. C. 2, England.

প্যাস।

মুক্তি

মন বলে গো মুক্ত হবে,

মুক্তি কি তা শুনি তোরা ?

সবার সনে যুক্ত হ'য়ে

প্রেমের পাকে বেদন বোরা।

শ্রীহিমাংশুপ্রকাশ রায়।

আফশোষ

(ইংরেজী হইতে)


গোলাপ ফুলেতে কাঁটা আছে বলে'

দুঃখ মানি না তাকে

দুঃখ এই যে গোলাপটা গেলে

কাঁটাগুলো তবু থাকে !

"বনকুল"



জিজ্ঞাসা

(৭১)

রাজশাহী অঞ্চলে করচমাড়িয়া হইতে এক নাতিদীর্ঘ সড়ক দিয়া বরাবর পশ্চিম মুখে মাইল পাঁচেক গেলে এক মাটির উচ্চ ভিটা দেখা যায়। সাধারণে উহাকে "দ্বীপ" কহে। ঐ দ্বীপের অনতিদূরে দক্ষিণ-পশ্চিমে আর-একটি পূর্বোক্তরূপ "দ্বীপ" আছে। ঐ দ্বীপদুইটি সম্বন্ধে কোনও ইতিহাস জানা যাইতে পারে কি ?

শ্রীঅক্ষয়চন্দ্র চক্রবর্তী।

(৭২)

যজ্ঞোপবীত ধারণের উদ্দেশ্য কি ?

শ্রীতারাপদ ভট্টাচার্য।

(৭৩)

কোন কোন পুকুরে মাছ খুব শীঘ্র শীঘ্র বড় হয়, আর কোন কোন পুকুরে অনেক বৎসরেও মাছ অল্প বাড়ে। ইহার বৈজ্ঞানিক কারণ কি ?

শ্রীঅমূল্যচরণ বসু মল্লিক।

(৭৪)

নারিকেল-গাছে পোকা ধরিলে কি উপায়ে তাহা নিবারণ করা যায় ? আর কোন উপায় পূর্বে হইতে অবলম্বন করিলে নারিকেল-গাছে আর মোটেই পোকা ধরে না ?

শ্রীযোগেশ্বরকুমার পাল।

(৭৫)

নবদ্বীপ এবং মিথিলা ছাড়া, মুসলমান রাজ্যকালে—বিশেষতঃ মোগল শাসনকালে—আর কোনও বিশ্ববিদ্যালয় বাংলা, বিহার অথবা উড়িষ্যায় ছিল কি ? মুসলমান-শাসন-সময়ে সমগ্র ভারতবর্ষে এমন বিশ্ববিদ্যালয় ছিল কি যাহার সঙ্গে তখনকার শাসন-সমাজের সাক্ষাৎ (direct) অথবা পৌণ সম্পর্ক ছিল ?

ব, বসু।

(৭৬)

ভেড়ার লোম কাটিয়া আমরা তুলার সহিত মিশাইয়া লেপ তৈরী করিয়াছিলাম। কিন্তু সমানেই কাপড় ফুঁড়িয়া লোম বাহির হইয়া আসিতেছে। কোন রকমে চাপ ধরাইতে পারিলে বোধ হয় তুলার লেপের মত হইতে পারে। চাপ ধরাইবার কৌশল কাহারো জানা আছে কি ?

মস্তিন্ উদ্দীন আহম্মদ ও মহি উদ্দীন আহম্মদ।

(৭৭)

পাখী ভিন্ন অন্য কোন জীব, মানুষের স্থায় কথা কহিতে পারে কি ? বা কখনও কহিয়াছে কি ?

শ্রীসারদাপ্রসাদ কর।

(৭৮)

পৌষমাহার সংক্রান্তি দিবসে বহু গৃহস্থ কলা-গাছের ডিঙ্গি প্রস্তুত করিয়া বা সোলার নৌকা (যাহা ঐ দিবস বিক্রয়ার্থ বাজারে প্রচুর পরিমাণে আমদানি হয়) ক্রয় করিয়া তাহাতে জোড়া শিম, জোড়া কুল, পঞ্চরত্ন প্রভৃতি নানাবিধ জব্যসত্তার সূক্ষ্মজিত করিয়া "সোয়া দোয়া" পূজা করিয়া থাকেন। এই পূজার তাৎপৰ্য্য কি ? ভারতের সর্বত্রই এইরূপ পূজা হইয়া থাকে কি না ? বাংলায় কতদিন হইতে এই পূজার প্রচলন হইয়াছে ?

শ্রীবিজয়কৃষ্ণ মল্লিক।

(৭৯)

বেঙ্গলা (Bengala) কোথায় ? এখন উহার অস্তিত্ব আছে কি না ? কোন কোন গ্রন্থে বেঙ্গলার কথা লিখা আছে ? বেঙ্গলা নগরীর অস্ত কোন নাম আছে কি না ?

শ্রীরোহিণীকুমার দাস।

(৮০)

পুষ্করিণীর দৈর্ঘ্য পূর্ব-পশ্চিমে রাখা হয় না কেন ? এসম্বন্ধে শাস্ত্রীয় মত কি ?

শ্রীপ্রফুল্লচন্দ্র আচার্য।

(৮১)

আমাদের ঘূলে কাঠের তৈয়ারী তাঁত এবং তাঁতে ব্যবহার্য্য সূতা আলুমারিতে রাখা সম্বন্ধে ঘুণে কাটিয়া ফেলিতেছে। এই ঘুণ হইতে তাঁত ও সূতা রক্ষার উপায় কি ?

শ্রীসন্তোষকুমার দাসগুপ্ত।

(৮২)

আমাদের দেশে ভাদ্র মাসের সংক্রান্তির পূর্বরাজিতে অনেক গৃহস্থ তাঁত রীধিয়া তাহাতে জল ঢালিয়া রাখে। সংক্রান্তি দিনে তাহা আত্মীয়বন্ধুবান্ধবসহ ভিক্ষণ করিয়া থাকে। ইহা অরক্ষন নামে পরিচিত। এই প্রথার তাৎপৰ্য্য কি ? কোন পৌরাণিক ঘটনা আছে কি না ? আর কোন কোন প্রদেশে এরূপ প্রথা আছে ? এই অরক্ষন আবার স্থানভেদে অনেক প্রকার,—যথা ইচ্ছা-অরক্ষন, বস্তু-অরক্ষন, গাবু-রান্না, বুড়ো-রান্না, ইত্যাদি। এরূপ নাম পরিবর্তনের কারণ কিছ আছে কি ?

শ্রীসতীশচন্দ্র কয়াল।

(৮৩)

প্রাচীন ভারতে অবরোধ-প্রথা ছিল কি ? যদি স্ত্রীস্বাধীনতা ছিল তবে তার প্রকার কিরূপ ছিল ? আরব, পারস্য, মিশর প্রভৃতি মুসলমানপ্রধান দেশে অবরোধ-প্রথা আছে কি ? যদি না থাকে অথবা অতি সামান্য থাকে তবে মুসলমানদের ভারতবর্ষে অবরোধের এত কড়াকড়ি কেন ?

শ্রীআব্দুর রহমান।

(৮৪)

জন্মকাল ব্যক্তির স্বপ্ন কিরূপ? সে কি কোন জাগতিক দ্রব্য স্বপ্নে দেখিতে পায়? সাধারণতঃ তারা কি দেখে?

শ্রীঅমূল্যধন রায় ভট্ট।

(৮৬)

বঙ্গদেশের সর্বসাধারণের বিশ্বাস, রামচন্দ্র রাবণবধের জন্ত ব্রহ্মা দ্বারা দেবী মহাশক্তির বোধন করিয়াছিলেন। তদনুসারে অকালে (শরৎকালে) দুর্গোৎসব হইয়া থাকে। বোধনের মন্ত্ৰেও প্রকাশ,—

“রাবণস্ত বধার্থায় রামস্তানুগ্রহায় চ।

অকালে ব্রহ্মণা বোধো দেব্যাপ্তিরি কৃত্তঃ পুরা।”

অর্থাৎ “রাবণবধ ও রামের প্রতি অনুগ্রহ প্রকাশের জন্ত পূর্বকালে অকালে ব্রহ্মা দ্বারা দেবীর বোধন হইয়াছিল।” কিন্তু বাস্তবিক কৃত্ত মূল রামায়ণে এ-সকল কথাই নামগন্ধ নাই। একপ অসামঞ্জস্যের কারণ কি?

শ্রীরমেশচন্দ্র তালুকদার।

মীমাংসা

(৪৩)

কয়েকদিন হয় আমি স্বপ্নে রোঙ্গ দেখিয়াছি; কিন্তু উত্তাপ অনুভব করি নাই।

শ্রীশুনীতিবালা মজুমদারজায়া।

আমি নিদ্রাকালে স্বপ্নে রোঙ্গ দেখিয়াছি—ভয়ানক রোঙ্গের মধ্যে শব্দীয় পাড় দিয়া কোথায় চলিয়াছি, আমার শরীর রোঙ্গের তাপে ছটফট করিতেছে ইত্যাদি। (তবে ঐ স্বপ্ন দেখাকালে আমি স্বরাজ্যস্থ ছিলাম।)

শ্রীপ্রফুল্লচন্দ্র আচার্য্য।

(৪৮)

“সমাসে স্ত্রীলিঙ্গঃ প্রাক্” এই নিয়ম দ্বন্দ্ব সমাস স্থলে। ঐশ্বর্য্যকার কি অভিপ্রায়ে কোথায় “শিবদুর্গা” লিখিয়াছেন স্থানটি উদ্ধৃত না করায় তাৎপর্য্য বুঝা যাইতেছে না। একপ স্থানে তৃতীয়াতৎপুরুষও হইতে পারে—শিবেন সহ দুর্গা—শিবদুর্গা। সহার্থে তৃতীয়া হইলে কোন কোন স্থানে সমাস হয়। অথবা শিব-যুক্তা দুর্গা (মধ্যপদলোপী কর্মসাধারয়) শিবদুর্গা এইরূপ সমাস হইতে কোন আপত্তি নাই। একবচনান্ত হইলে একপই হইবে। কাহারও মতে একপ স্থলে দ্বন্দ্ব সমাস হইলে উক্ত প্রকারই সাধু। কলাপের “অল্পদয়তরং তত্র পূর্বম্” “যচ্চার্চিতং যমোঃ” এই সূত্রদ্বয়ের বৃত্তি স্ঠব্য।

বাস্তবিক, প্রায় ঐশ্বর্য্যকারদের মতেই “দুর্গাশিব” প্রয়োগই সাধু। স্ত্রী, পুরুষ, উভয়ের মধ্যে স্ত্রীই অধিকতর মান্ত্য। এজন্য স্ত্রীলিঙ্গ শব্দটি পুংলিঙ্গ শব্দের আগে বসে লৌকিক ব্যবহারে।

শ্রীমোহিনীমোহন তর্কতীর্থ।

(৫১)

অধ্যাপক-পরম্পরায় ওনা যায়, সুপ্রসিদ্ধ নৈরায়িক রঘুনাথ শিরোমণি মহাশয় শ্রীহট্টেই জন্মগ্রহণ করিয়াছিলেন। তাঁহার জন্ম সম্বন্ধে নবদ্বীপবাসীর ধারণা যে, তিনি নবদ্বীপেই জন্মগ্রহণ করিয়াছিলেন। কিন্তু বৈদিকসংবাদিনী নামক কুলগ্রন্থে প্রকাশ,—তাঁহার জন্মস্থান শ্রীহট্ট। উক্ত গ্রন্থে লিখিত আছে যে, কাত্যায়ন-গোত্রীয় গোবিন্দ চক্রবর্তীর পুত্রই সুপ্রসিদ্ধ রঘুনাথ শিরোমণি। তাঁহার মাতার নাম সীতা দেবী। গোবিন্দ চক্রবর্তীর আর্থিক অবস্থা ভাল ছিল না। তিন

চারি বৎসর বয়ঃক্রমকালীন রঘুনাথের পিতৃবিয়োগ হইলে, দুঃখিনী মাতা শিক্ষাবৃত্তি অবলম্বন করিয়া পুত্রের ভরণপোষণ নির্বাহ করিতে বাধ্য হন। তাঁহার ৫ বৎসর বয়সের সময় সীতাদেবী তাঁহাকে লইয়া গঙ্গাগ্নান মানসে মুর্শিদাবাদ আসেন। তথায় তিনি খুব পীড়িতা হইয়া পড়েন। সঙ্গীয় যাত্রীগণ এই অবস্থায় তাঁহাকে ফেলিয়া চলিয়া যায়। ক্রমশঃ আরোগ্যলাভের পর আপনাকে সম্পূর্ণ অসহায় দেখিয়া জনৈক বণিককে পিতৃসম্বোধন পূর্বক তাঁহার সমস্তব্যাহারে সপুত্র নবদ্বীপে উপনীত হন। তখন বাংলাদেশে নবদ্বীপের খুব নাম। তারপর প্রসিদ্ধ নৈরায়িক বামুদেব সর্কর্ভোমের আশ্রয় লইয়া তদীয় হস্তে পুত্র রঘুনাথের শিক্ষার ভার অর্পণ করেন।

শ্রীমোহিনীমোহন তর্কতীর্থ।

(৫৫)

আমার বাগানে কয়েকটি লেবু-গাছ রহিয়াছে। গতবৎসর যখন প্রথম গাছে ফুল দেয়, সেই সময় একরকম পোকা (পা ঐষৎ লালাভ, দেহ ঘোর হলুদ, দৈর্ঘ্য ২ ইঞ্চি) আসিয়া ফুল কাটিয়া দিত, গাছের নরম পাতা খাইয়া ফেলিত। ঐ পোকটির উপদ্রব নিবারণ জন্ত আমি (ফসলের পোকা নামক পুস্তক হইতে) “কেরোসিন অয়েল” প্রস্তুত করতঃ পিচ্কারী দ্বারা গাছে সকালে ও সন্ধ্যায় ছিটাইতাম, এবং সন্ধ্যাকালে বাগানের একপার্শ্বে আগুন জ্বালাইতাম। এইরূপ করার তিন দিনের মধ্যে সমস্ত পোকা বিনষ্ট হইয়া গেল।

শ্রীসত্যশচন্দ্র কয়াল।

(৫৬)

চক্ষু-কোটরের বাহিরের কোণে এক রকম মাংসগ্রন্থি (Lachrymal gland) আছে, উহা হইতে রস নির্গত হইয়া চক্ষুতারা প্রভৃতিকে সরস রাখে। মানুষের হৃদয়ে যখন কোন আনন্দ বা বেদনার অনুভূতি হয়, তখন তাহার মুখমণ্ডলের মাংসপেশী সব খুব উত্তেজিত হয়। সেই উত্তেজনার ফলে চক্ষুকোটরস্থ এই মাংসগ্রন্থি হইতে প্রভূত পরিমাণে জল নিঃসৃত হয়। তাহাই অশ্রু। চক্ষুর সহিত নাসারন্ধ্রের সংযোগ আছে বলিয়া অশ্রুবিন্দু প্রায়ই নাসিকা দিয়াও নির্গত হয়।

মানুষের মত যে-সকল প্রাণীর এই মাংসগ্রন্থি (Lachrymal gland) আছে তাহার কান্দে। গরু, ঘোড়া, মহিষ, কুকুর প্রভৃতিকে কান্দিতে দেখা গিয়াছে, তবে তাহাদের মানুষের স্থায় আনন্দ বা বেদনার অনুভূতি প্রথর নহে বলিয়া চোখের জল তত বেশী দেখা যায় না।

শ্রীপ্রেমশনাথ ভূঞা।

(৬১)

দুর্গাপূজার ব্যবস্থা দেবীপুরাণ, বৃহন্নিকেশ্বর পুরাণ, কালিকা পুরাণ, ব্রহ্মবৈবর্ত পুরাণ ও বামকেশ্বরতন্ত্র প্রভৃতি বহু শাস্ত্রে আছে। বাংলার স্মার্ত রঘুনন্দন দুর্গোৎসবের বিধিব্যবস্থা সংগ্রহ ও প্রচার করেন (খ্রীষ্টীয় ১৬ শতাব্দী)। কবিকঙ্কণের চণ্ডীতেও দুর্গা পূজার বিশেষ উল্লেখ আছে (১৬ শতাব্দী)। অতএব ১৬ শতাব্দীতে বঙ্গ দুর্গাপূজা সুপ্রচলিত হইয়াছিল বলা যায়। কোন নির্দিষ্ট তারিখে প্রথম কে পূজা করেন বলা একরকম অসম্ভব।

দুর্গোৎসব বাঙালীর নিজস্ব পূজা। অল্প প্রদেশে দশভূজা-মূর্তির পূজা প্রচলিত নাই। নেপালীরা নবপত্রিকার পূজা করে, নবপত্রিকার এক নাম বনদুর্গা।

কালিকা ও বৃহন্নিকেশ্বর পুরাণে দশভূজামূর্তি পূজার ব্যবস্থা আছে। দেবীপুরাণে আবার দ্বিভূজা হইতে অষ্টাবিংশভূজা পর্য্যন্ত করিবার ব্যবস্থা পাওয়া যায়। দেবতার মূর্তি মানুষের সাকার কল্পনা; পূজকের

মনোভাব অনুসারে মূর্তিরও বিভিন্নতা হয়। এইজন্য পৌরাণিক তান্ত্রিক ও প্রচলিত পদ্ধতিগুলির পরস্পরে অনৈক্য দেখা যায় প্রচুর। শাস্ত্রীয় পদ্ধতির সহিত অনেক লোকাচারও মিশ্রিত হইয়াছে।

ছূর্গাপূজা সম্বন্ধে একটি প্রবন্ধ ১৩২৭ সালের কার্য পত্রিকার আধুনিক-কার্তিক যুগসংখ্যায় শ্রীযুক্ত গণপতি সুরকার লিখিয়াছিলেন, জিজ্ঞাস্য তাহা দেখিতে পারেন।

চারু বন্দ্যোপাধ্যায়।

(৬৩)

সমুপোষ্য দধি প্রাপ্ত মাং দৃষ্টা মুক্তিমাণুয়াং।

—ব্রহ্মবৈবর্তপুরাণ শ্রীকৃষ্ণজন্মখণ্ড।

উপবাসী থাকিয়া দধি ভোজন করিয়া দেব-দেবীপ্রতিমা দেখিলে পুণ্য হয় এই শাস্ত্রবিধি। কারণ দধির এক নাম মঙ্গল্য।

চারু বন্দ্যোপাধ্যায়।

আমাদের এখানে পরমাণিকেরা আয়নাতে মেয়েদের মুগ দেখায় না। দধিভোজনের ব্যবস্থা আছে। প্ৰগবতী দাসীর গৃহে রওয়ানা হওয়ার সময় তাঁর সম্মুখে জলঘট, আশ্রপল্লব, দধি প্রভৃতি রাখিতে হয়। ঐ শুভক্ষণে যদি কেহ দধিভক্ষণ পুণ্যক ব্যত্যা করিয়া থাকে তবে অশুভ সময় কোথাও যাইতে হইলে তাহাকে যাত্রা করিতে হয় না।

শ্রীপ্রথমনাথ বর্দন।

(৬৪)

বৃহন্নিকেশ্বর পুরাণে ব্যবস্থা আছে—

আধিনে গুরুপক্ষশ দশম্যাং পূজয়েৎ তথা।

একাদশ্যাং ন কুব্বীত পূজনকাপরাজিতাম্।।

বিজয়াদশমীতে অপরাজিতা পূজা করিতে হয়। এ অপরাজিতা সেই শক্তি যিনি কারো কাছে পরাজিত হন না ও যিনি বিজয়ধাত্রী। নাম-সাদৃশ্যে অপরাজিতা-কুলের লতার বলয় অপরাজয়ের চিহ্নরূপে ধারণ প্রচলন হইয়াছে।

চারু বন্দ্যোপাধ্যায়।

(৬৫)

একপ জনপতি যে ১৬১৫ খৃষ্টাব্দে স্যার টমাস রো (Thomas Roe) নামক জনৈক ইংরেজ ইংলণ্ডরাজ প্রথম জেমসের (James I) দূত হইয়া জাহাঙ্গীর বাদশাহের রাজসভায় আগমন করেন। তিনিই ভারতে আপু ও তাম্বাক আনয়ন করেন। সেই সময় হইতেই ভারতে তাম্বাক প্রচলিত হইয়া আসিতেছে। ইসলাম-দর্শন, অগ্রহারণ, ১৩২৭।

চারু বন্দ্যোপাধ্যায়।

“জাহাঙ্গীরের রাজত্বকালে পর্তুগিজ বণিকেরাই সর্বপ্রথমে আমেরিকা হইতে ভারতবর্ষে তাম্বাকের আমদানী করেন।”—অবল মিত্রের ‘সরল বাঙ্গলা অভিধানের’ ৪৪৫ পৃষ্ঠায় জাহাঙ্গীরের জীবনচরিত।

শ্রীপ্রথমনাথ বর্দন।

(৬৮)

সর্বকর্মারম্বে গণেশ-পূজা শাস্ত্রবিধি। হস্তিমুখ গণেশের ছবি অঙ্কনের চেষ্টা শেষে /৭ চিহ্নে পরিণত হইয়াছিল।

চারু বন্দ্যোপাধ্যায়।

(৬৯)

সি, ভি, বৈদ্য (C. V. Vaidya) মহাশয় History of Medieval Hindu India (Vol. I, P. 327-332) গোড় সম্বন্ধে এই লিখিয়াছেন—

বাঙ্গলাদেশ বুঝাইতে কখন “গোড়” নামটা প্রথম প্রযুক্ত হইয়াছিল তাহা ঠিক নির্ধারণ করা যায় না। ইহা যে নূতন নাম তৎসম্বন্ধে আর অনুমানই সন্দেহ নাই। মহাভারতে ইহার উল্লেখ নাই, বোধ হয় খৃষ্টীয় পঞ্চম শতাব্দীতে বরাহমিহিরও ইহার উল্লেখ করেন নাই। খানেখরের চতুর্পার্শ্ব শতকে তিনি গোড় অপবা গুড় নামে অভিহিত করিয়াছেন; একথা আমরা এমনই বিস্মিত হইয়াছিলাম যে ষষ্ঠম জ্যাক্সন এ কথা জন্মাইলেন তখন উহা উহারই আবিষ্কার বলিয়া মনে হইল।

আমাদের আজিকালকার ধারণায় গোড় ও বাংলা অস্তিত্ব। একটা কথা আমাদের মনে রাখিতে হইবে—দিল্লীর উত্তর-পশ্চিমদিককার দেশের নাম পূর্বে গোড় ছিল। ঐ অঞ্চলের ব্রাহ্মণগণ আজিও আদি গোড় বলিয়া তাঁহাদের পরিচয় দিয়া থাকেন। সম্ভবতঃ খৃষ্টীয় পঞ্চম অথবা ষষ্ঠ শতকে এই ব্রাহ্মণগণের অনেকেই হুণদের আত্মাচরণে বিব্রত হইয়া পলাইয়া আসিয়া পশ্চিম বঙ্গে বাস করেন। এইরূপে পশ্চিম বঙ্গের নাম গোড় হইল। হর্ষচরিতে বাণভট্ট (৬২০ খঃ) শশাঙ্ককে গোড়ের রাজা বলিয়াছেন; হুয়েন-শাও (অথবা উয়ান-চোয়াঙ) তাঁহাকে কর্ণসুবর্ণের রাজা বলিয়াছেন। তাহা হইলে সপ্তম শতকে কর্ণসুবর্ণই হইতেছে গোড়।

পরবর্তী-গুপ্তবংশীয় আদিত্যসেনের লেখ (Apsad inscription) হুগল শিব নামক একজন “গোড়ের” রচিত। গোড় বিদ্যার জন্ম বিস্তৃত ছিল। আদিত্যসেন মগধ ও পশ্চিমবঙ্গের রাজা ছিলেন। প্রাকৃত কাব্য গোড়বহে আছে যে কনৌজের রাজা যশোবর্ধন গোড় আক্রমণ করিয়া গোড়রাজকে বধ করেন। এই গোড়রাজ মগধাধিপও ছিলেন। বৈদ্যর মতে তিনি পশ্চিমবঙ্গের রাজা ছিলেন—তাঁহার নাম দেবগুপ্ত।

খৃষ্টীয় ৭ম ও ৮ম শতকে গোড় বঙ্গ হইতে ভিন্ন ছিল। তখন বঙ্গ বলিতে পূর্ববঙ্গই বুঝাইত। গোড়বহে লিখিত আছে যে যশোবর্ধন গোড় বিজয় করিবার পর তবে আরও পূর্বে গিয়া বঙ্গ বিজয় করেন। বৈদ্য বলিতেছেন—“অতএব আমরা দেখিতেছি যে হুয়েন-শাও-এর সময়েও ‘বেঙ্গলে’ দুইটি বিশিষ্ট রাজ্য ছিল—যথা গোড় (কর্ণসুবর্ণ) ও বঙ্গ (সমতট)।”

শ্রীকালীপদ মিত্র।

সময়-স্রোতে

(তুলসী দাস)

সময়-নদী চলে—

বসিয়া কিনারায়

তুলসী! ভাব' কিবা ?

স্রোত-যে বহে' যায়।

ওঠ হে! উঠে পড়

করোনা ভুলচুক ;

খই না পাণ্ড জলে,

গাহনে পাবে সুখ।

শ্রীচণ্ডীচরণ মিত্র।

ভুল স্বর্গ

১

লোকটি মেহাৎ বেকার ছিল।

তার কোনো কাজ ছিল না, কেবল সখ ছিল নানা রকমের।

ছোট ছোট কাঠের চোকোয় মাটি ঢেলে তার উপরে সে ছোট ছোট বিহুক সাজাত। দূর থেকে দেখে মনে হত—যেন একটা এলোমেলো ছবি, তার মধ্যে পাখীর ঝাঁক; কিম্বা এবড়ো খেবড়ো মাঠ, সেখানে গোকু চরচে; কিম্বা উঁচু নীচু পাহাড়, তার গা দিয়ে ওটা বুঝি ঝরনা হবে, কিম্বা পায়ে চলা পথ।

বাড়ীর লোকের কাছে তার লাঞ্চার সীমা ছিল না। মাঝে মাঝে পণ কর্ত পাগলামি ছেড়ে দেবে, কিন্তু পাগলামি তাকে ছাড়ত না।

২

কোনো কোনো ছেলে আছে সারা বছর পড়ায় ফাঁক দেয় অথচ পরীক্ষায় খামকা পাস করে ফেলে। এর সেই দশা হল।

সমস্ত জীবনটা অকাজে গেল অথচ মৃত্যুর পরে খবর পেলে যে, তার স্বর্গে যাওয়া মঞ্জুর।

কিন্তু নিয়তি স্বর্গের পথেও মানুষের সঙ্গ ছাড়ে না। দূতগুলো মার্কী ভুল করে' তাকে কেজো লোকের স্বর্গে রেখে এল।

এই স্বর্গে আর সবই আছে, কেবল অবকাশ নেই।

এখানে পুরুষরা বল্চে, “হাঁফ ছাড়বার সময় কোথা?” মেয়েরা বল্চে, “চল্লুম ভাই, কাজ রয়েছে পড়ে।” সবাই বলে, “সময়ের মূল্য আছে”; কেউ বলে না, “সময় অমূল্য।” “আর তু পারা যায় না” বলে' সবাই আক্ষেপ করে, আর ভারি খুসি হয়। “খেটে খেটে হয়রান হলুম” এই নালিশটাই সেখানকার সঙ্গীত।

এ বেচারী কোথাও ফাঁক পায় না, কোথাও খাপ খায় না। রাত্তার অগ্রমনস্ক হয়ে চলে, তাতে বাস্তব লোকের পথ আটক করে। চাদরটি পেতে যেখানেই আরাম করে' বসতে চায় তখনতে পায় সেখানেই কসলের ক্ষেত, বীজ

পোতা হয়ে গেছে। কেবলি উঠে যেতে হয়, সরে' যেতে হয়।

৩

ভারি এক বাস্তব মেয়ে স্বর্গের উৎস থেকে 'রোজ জল নিতে আসে।

পথের উপর দিয়ে সে চলে' যায় যেন সেতারের দ্রুত তালের গতির মত।

তাড়াতাড়ি সে এলো খোঁপা বেঁধে নিয়েচে। তবু হুচারটে হুরন্ত অলক কপালের উপর বুঁকে পড়ে' তার চোখের কালো তারা দেখবে বলে' উঁকি মারচে।

স্বর্গীয় বেকার মানুষটি একপাশে দাঁড়িয়ে ছিল চঞ্চল ঝরনার ধারে তমাল-গাছটির মত স্থির।

জান্না থেকে ভিক্ষুককে দেখে রাজকন্টার যেমন দয়া হয়, এ'কে দেখে মেয়েটির তেমনি দয়া হল।

“আহা, তোমার হাতে বুঝি কাজ নেই!”

নিখাস ছেড়ে বেকার বল্লে, “কাজ করব তার সময় নেই।”

মেয়েটি ওর কথা কিছুই বুঝতে পারলে না। বল্লে, “আমার হাত থেকে কিছু কাজ নিতে চাও?”

বেকার বল্লে, “তোমার হাত থেকেই কাজ নেব বলে দাঁড়িয়ে আছি।”

“কি কাজ দেব?”

“তুমি যে ঘড়া কাঁখে করে' জল তুলে নিয়ে যাও তারি একটি যদি আমাকে দিতে পার।”

“ঘড়া নিয়ে কি হবে? জল তুলবে?”

“না, আমি তার গায়ে চিত্র করব।”

মেয়েটি বিরক্ত হয়ে বল্লে, “আমার সময় নেই, আমি চল্লুম।”

কিন্তু বেকার লোকের সঙ্গে কাজের লোক পারবে কেন? রোজ ওদের উৎসতলায় দেখা হয়, আর রোজ সেই একই কথা, “তোমার কাঁথের একটি ঘড়া দাও, তাতে চিত্র করব।”

হার মানতে হল, ঘড়া দিলে।

সেইটিকে ঘিরে ঘিরে বেকার আঁকতে লাগল, কত রঙের পাক, কত রেখার ঘের।

আঁকা শেষ হলে মেয়েটি ঘড়া তুলে ধরে' ঘুরিয়ে ঘুরিয়ে দেখলে। ভুরু বাঁকিয়ে জিজ্ঞাসা করলে, “এর মানে ?”

বেকার লোকটি বললে, “এর কোনো মানে নেই।”

ঘড়া নিয়ে মেয়েটি বাড়ি গেল।

সবার চোখের আড়ালে বসে' সেটিকে সে নানা আলোতে নানারকমে হেলিয়ে ঘুরিয়ে দেখলে। রাত্রে, থেকে থেকে বিছানা ছেড়ে উঠে দীপ জ্বলে চূপ করে' বসে' সেই চিত্রটা দেখতে লাগল। তার বয়সে এই সে প্রথম এমন কিছু দেখেছে যার কোনো মানে নেই।

তার পরদিন যখন সে উৎসতলায় এল, তখন তার দুটি পায়ের ব্যস্ততায় একটু যেন বাধা পড়েছে। পা দুটি যেন চলতে চলতে আন্-মনা হয়ে ভাব্চে- যা ভাব্চে তার কোনো মানে নেই।

সেদিনও বেকার মানুষ একপাশে দাঁড়িয়ে।

মেয়েটি বললে, “কি চাও ?”

সে বললে, “তোমার হাত থেকে আরো কাজ চাই।”

“কি কাজ দেব ?”

“যদি রাজি হও, রঙীন স্তো বুনে বুনে তোমার বেণী বাঁধবার দড়ি তৈরি করে' দেব।”

“কি হবে ?”

“কিছুই হবে না।”

নারীরঙের নানাকাজ-করা দড়ি তৈরি হল। এখন থেকে আয়না হাতে নিয়ে বেণী বাঁধতে মেয়ের অনেক সময় লাগে। কাজ পড়ে' থাকে, বেল বসে যায়।

8

এদিকে দেখতে দেখতে কেজো স্বর্গে কাজের মধ্যে বড় বড় ফাঁক পড়তে লাগল। কানায় আর গানে সেই ফাঁক ভরে' উঠল।

স্বর্গীয় প্রবীণেরা বড় চিন্তিত হল। সভা ডাকলে। তারা বললে, “এখানকার ইতিহাসে কখনো এমন ঘটনি।” স্বর্গের দূত এসে অপরাধ স্বীকার করলে। সে বললে, “আমি ভুল লোককে ভুল স্বর্গে এনেছি।”

ভুল লোকটিকে সভায় আনা হল। তার রঙীন পাগড়ি আর কোমরবন্ধের বাহার দেখেই সবাই বুঝলে, বিষম ভুল হয়েছে।

সভাপতি তাকে বললে, “তোমাকে পৃথিবীতে ফিরে যেতে হবে।”

সে তার রঙের ঝুলি আর তুলি কোমরে বেঁধে হাঁক ছেড়ে বললে, “তবে চল্লুম।”

মেয়েটি এসে বললে, “আমিও যাবি।”

প্রবীণ সভাপতি কেমন অন্তমনস্ক হয়ে গেল। এই সে প্রথম দেখলে এমন একটা কাণ্ড যার কোনো মানে নেই।

শ্রীরবীন্দ্রনাথ ঠাকুর।

নারীর কেশ

[Guy de Maupassant's *La Chevelure* হইতে]

জেলখানার একটা ঘরের চারটে দেয়াল বেশ চুনকাম করা। খুব উঁচুতে লোহার জালুতি-দেওয়া একটা ছোট্ট গবাক্ষ,—সেখান থেকে পাপের আধার সেই গুজ্জ কক্ষের ভিতর দেবতার আশীর্বাদের মত আলোকের একটা রেখা এসে পড়ে। পাগল একটা ছোট চেয়ারে বসে' অর্থহীন শূন্যনয়নে একবার আমাদের দিকে কুণ্ডার দৃষ্টিতে চেয়ে দেখলে। খুব রোগা ও শার্পগু সে, চুল এমনি সাদা যে দেখলেই মনে হয় লোকটা কয়েকমাসের মধ্যেই এমনি দুর্বল হইবে এসে পড়েছে। দেহে একটুও বাঁস নেই, তাই তার পোষাকটাও বড় ঝলঝলে। একটা প্রবল হুস্কিটা এসে যে তাকে গ্রাস করে' ফেলেছে, তা দেখলেই বেশ বোকা যায়। অদৃষ্ট অলক্ষ্য একটা ঘটনাময় চিন্তা যেন

ক্রমে ক্রমে এই গুজ্জ মানুষটির দেহের রক্তমাংস ও সমগ্র জীবন হরণ করে' নিয়েছে।

চিন্তায় মানুষকে এমনি করে' মেরে ফেলতে পারে! এই পাগলটার দিকে চেয়ে দেখলেই বেদনা, ভয় ও ককণা জেগে উঠে। অকাল-বার্দ্ধক্য-কৃষ্ণিত তার সেই ললাটের অন্তরালে কি অদ্ভুত ভীষণ রহস্যময় স্বপ্ন লুকানো আছে, তা কে জানে!

ডাক্তার বললেন, “মাকে মাকে তার খুব পাগলামি চাপে। আমি এমন অদ্ভুত রোগী কখনও দেখিনি। লোকটা মরণকে যেন প্রাণ ভরে' ভালবাসে; আর তার কারণ প্রেম। সে নিজে একটা ছায়েরী লিখে রেখেছে—তুমি ইচ্ছা করলে এটা পড়তে পারো।”

জাকারের আকিস-কান্নার চুক্ষে তিনি এই হতভাগ্য রোগীর ডায়েরীখানা আমার হাতে দিলেন। তিনি বললেন, 'এটা পড়ে তোমার মত আমার জানিও।' আমি ডায়েরীখানা পড়তে লাগলুম—

* * *

৩২ বছর বয়স পর্যন্ত আমার বেশ সুখে স্বচ্ছন্দে কেটেছিল। তখনও কাউকে ভালবাসিনি। জীবন একটা সরল, সুন্দর, অবিরত-প্রবাহী নদীর মত মনে হয়েছিল। অবস্থা বেশ ভালই ছিল। যখন যে ইচ্ছা হয়েছে, তাই কণ্ঠ ভরে মিটিয়ে নিয়েছি। এ-জীবন কি মনোহর! রোজ সকালে উঠে বা মনে আস্ত, সেই কাজেই লেগে যেতুম; রজনীতে শান্ত মনে ঘুমিয়ে পড়তুম, আগামী কল্যের ভাবনা মোটেই ভাবতুম না। ভালবাসা যেমনি সুন্দর, তেমনি ভীষণ। আমি যখন ভালবেসেছিলাম, তখন মোটেই সাধারণ লোকের মত বাসিনি।

অবস্থা স্বচ্ছন্দ ছিল বলে' নতুন কিছু দেখলেই কিনে ফেলতুম। খুব পুরোনো সে-কালে আসবাব পত্র অনেক কিনেছিলাম। আর আদিম কালে যে অজ্ঞাত হাতগুলি সেই জিনিস নিয়ে নাড়াচাড়া করত, যে চোখগুলি এদের দেখে মুগ্ধ হত, যে হৃদয় এদের ভালবাসত—আমি তাদের কথা ভাবতুম। ঘরের আসবাবপত্রগুলিকেও যে মানুষ কখনো কখনো ভালবেসে ফেলে। সেকালের একটা ছোট ঘড়ির দিকে চেয়ে চেয়ে আমি কতদিন অনায়াসে কাটিয়ে দিয়েছি। এনামেল ও সোনার কাজ-করা এই ঘড়িটি খুব চমৎকার দেখতে। একজন নারী এ-ঘড়িটাকে যখন প্রথম কেনে, তখনও যেমন এ টিক টিক করতো, এখনও ঠিক সেই রকম করেই শব্দ করে। তার জীবন-স্পন্দন এখনও থাকেনি, তার কলের জীবন এখনও অটুট আছে, শত বৎসর ধরে এখনও সে ঠিক সময় দিয়ে আসছে। রেশমী-পোষাক-পরা কোন্ সুন্দরীর বক্ষস্পন্দনের সঙ্গে নিজের হৃদয় মিলিয়ে বাজত সে? হাতের কোমল স্পর্শে তার চকচকে চাকনিখানা কলঙ্কিত হয়ে গেলে কে সমস্ত সেখানটা মুছে ফেলত? কে সেই ঘড়িখানার দিকে দীর্ঘ রজনী চেয়ে চেয়ে প্রিয়তমের প্রত্যাশায় জেগে থাকত? যে-নারীর চোখ দুটি অপলক হয়ে চেয়ে বসে থাকত, তাকে আমার জানতে ইচ্ছা করে!—কিন্তু সে ত কবে মরে গেছে! যারা ভালবেসে মরে গেছে, তাদের আমার ভালবাসতে ইচ্ছা করে। সেই সৌন্দর্য, সেই হাসি, সেই আশা, সেই আদর—সে সব কি চিরস্থান নয়? পুরাকালের সেই সুন্দরীশ্রেষ্ঠাদের জন্তু কত দীর্ঘরজনী আমি কেঁদে কাটিয়েছি! তাদের বাহু দুটি শুধু একটি চুষন নেবার জন্তু ব্যগ্র হয়ে থাকত। চুষন যে অমর—অধর হতে অধরে, যুগ হতে যুগে, শতাব্দী হতে শতাব্দীতে চুষনের এক অবিরাম ধারা চলে আসতে। যারা সুন্দর, তারাই কেবল এই চুষন পায় ও প্রতিদান দেয়, তারপর মরণের নিবিড় স্পর্শে সব মিশিয়ে যায়।

অতীত আমার এই রকম করেই টানত, বর্তমান আমার ভয় দেখাত, কারণ ভবিষ্যতে যে মরণ। অতীতের রক্ত অত্যন্ত অনুশোচনা হত আমার। যারা একবার এ-পৃথিবীতে এসেছে তাদের জন্তুও আমার ছুঃখ হত। সময়টাকে, মুহূর্তগুলিকে একেবারে খামিয়ে দিতে ইচ্ছা হত আমার। কিন্তু সময় যে উড়ে চলে যায়—আগামী কল্যের শৃঙ্খলা আনবার জন্তু এ যে তিল তিল করে আমার সর্ব্ব্ব হরণ করে নিয়ে যায়! আর ত আমি বাঁচব না। হে আদিমকালের সুন্দরী-গণ!—বিদায়! আমি তোমাদের ভালবাসি, কিন্তু আমার জীবনে করুণা কেউ করবে না। কিন্তু সমস্ত জীবন ধরে' থাকে খুঁজেছি, তাকে একবার পেয়েছিলাম; আর তার মধ্যে জীবনের সমস্ত অনাখ্যাত সুখ উপভোগ করেছিলাম।.....

একটি স্বর্ধাকরোক্ষল প্রভাতে বেশ হঠমনে একদিন সহরের পথে

পথে ঘুরছিলুম, একটি অস্পষ্ট অজ্ঞাত আমলে বিখ্যাত দোকানগুলির বিচিত্র আলারনসমূহের উপর আমার দৃষ্টি পড়ছিল। হঠাৎ একটা পুরানো আসবাবপত্র বিক্রয়ের দোকানের দিকে নজর পড়ল। সতেরো শতাব্দীর বহুপুরাতন একটা ইটালিয়ান ক্যাবিনেট দেখতে পেলাম। খুব দুর্লভ, খুব সুন্দর সেটি। প্রবাদ এই যে, সে-যুগের বিখ্যাত ভিনিশিয়ান চারুশিল্পী ভিত্তেলি সেটি তৈরি করেছিলেন। আমি দেখতে দেখতে এগিয়ে চললাম।

কিন্তু সেটি দেখবার পর থেকেই তার স্মৃতিটা এমনি করে আমার আঁকড়ে ধলে যে পরমুহূর্তেই আবার সেই পথে ফিরে এলাম। আবার সেই দোকানের সম্মুখে এসে দাঁড়ালাম সেই দুর্লভ ক্যাবিনেটটা আবার আমার প্রলুব্ধ করতে লাগল। কি আশ্চর্য্য এই বিষয় প্রলোভন! তুমি একটা জিনিসের দিকে চেয়ে থাক, সেটা ক্রমে ক্রমে তোমার মন হরণ করে নেবে, তোমায় বিরক্ত করবে, তোমায় গ্রাস করে ফেলবে—ঠিক একটা সুন্দরীর কমলাননের মত! তার সৌন্দর্য্য খুব নিবিড়ভাবে তোমায় আক্রমণ করবে, তার আকার বর্ণ অবলম্ব—সব সৌন্দর্য্যমণ্ডিত হয়ে উঠবে, অনেক আগে থেকেই তুমি সেটাকে ভালবেসে ফেলবে, সেটার গভীর আকর্ষণ তোমার মনে জেগে উঠবে, আর পরমুহূর্তেই তুমি একেবারে সেটা চেয়ে বসবে! পাবার আকর্ষণটা প্রথমে তোমার মনের উপর খুব ভয়ে ভয়ে একটা কোমল রেখা কেটে যায়, তারপর বেড়ে বেড়ে সেটা নিদারণ প্রচণ্ড, জ্বালাময় হয়ে পড়ে। দোকানওয়ালারা সেই ক্রম-বর্ধনশীল গোপনবাসনাটা তোমার মুখচোখের অবস্থা দেখে ঠিক ধরে ফেলে।

আমি সেই ক্যাবিনেটটা কিনে ফেললাম। তখন সেটা বাড়ীতে আনালুম। আমার শয়নকক্ষে তার স্থান হলো। চোখ দিয়ে, হাত দিয়ে তুমি সেটাকে আদর করে দেখো,—তোমায় প্রত্যেক মুহূর্তেই তার কাছে ফিরে আসতে হবে, তার কথা সর্ব্বদাই তোমায় ভাবতে হবে, যেখানেই যাও আর যে কাজেই থাকো! প্রিয়তমের স্মৃতির মত সে তোমায় পথে পথে জগতের সর্ব্বত্রই অনুসরণ করবে, আর বাড়ী এসে পোষাক বদলাবার পূর্বেই প্রেমিকের প্রথম অনুরাগের মত তোমায় তার কথা ভাবতেই হবে। আর্টদিন ধরে সত্যি সত্যিই সেই ক্যাবিনেটটিকে আমি পূজা করেছিলাম। কেবলই তার দরজা ও ডোর-গুলি খুলে সমস্ত আবেগ দিয়ে তার উপর হাত বুলিয়ে পাওয়ার সমস্ত গোপন আনন্দই উপভোগ করছিলাম।

একদিন সন্ধ্যার সময় আলমারির একটা স্থানের ঘনঘ অলুভব করে বোঝা গেল যে তার পাশে একটা গুপ্ত ডালা আছে। আমার বুকের ভিত্তির প্রচণ্ড স্পন্দন হতে লাগল, আর সমস্ত রাতটাই সেই গোপন অনুসন্ধানে কেটে গেল। পরদিন একটা ছুরির ফলা দিয়ে সেই কাঁচটাকে ফাটিয়ে ফেললাম। অমনি একটা ডালা খুলে গেল, আর সেখানে দেখি কালো মখমলের একটা ছোট গদির উপর আশ্চর্য্য একগোছা নারীর চুল রয়েছে! হাঁ, এত নারীরই কেশ—সুন্দরী, সুন্দর একগোছা চুল, মাথার খুব কাছ থেকেই কাটা, আর একটা সুবর্ণ-সূত্রে বাঁধা! বস্পমান, মুগ্ধমান ও আর্ন্তদেহে আমি দাঁড়িয়ে রইলাম। মোহময়, অনলুভবনীয় একটা গন্ধ—এত পুরানো যে তা গন্ধের মর্ধ্বকোষমাত্র—সেই বিস্ময়কর স্মৃতিমাখা ক্যাবিনেটের রহস্যময় ডোর থেকে ক্ষীণভাবে বেরুতে লাগল!

কোমলভাবে ও প্রায় ভক্তিতরেই আমি সেটাকে তার গুপ্তস্থান থেকে বার করে নিলাম। তখন সেটা খুলে গেল। কক্ষতলে সেই সুন্দরী কেশগুচ্ছের সুবর্ণপ্রতিম তরঙ্গ বয়ে গেল—গভীর অথচ হালকা, নমনীয় অথচ চিকণ—যেন ধূমকেতুর শলন্ত পুচ্ছ।

একটা অকৃত জীব আমার এমনি আক্রমণ করলে। এ কি এ?

কবে, কেমন করে' কি শুভ্রে এই চুলের গোছাটি আলস্যারিত ভিতর এল? এই স্মৃতিচিহ্নের পিছনে কোন গুণ, রহস্যময়, নাটকীয় বাপার লুকানো আছে কি? কে এটা কাটলে? তার প্রিয়তম কি বিদায়ের দিনে এটা কেটেছিল? না, স্বামী কেটেছিল প্রতিশোধ নেবার দিনে? হতাশে সে নিজেরই বৃষ্টি একদিন এই চুলের গোছা কেটে ফেলেছিল। অথবা গৃহধর্ম ত্যাগ করে' সন্ন্যাসিনী-ব্রত নেবার দিন সে জগৎকে এই স্মৃতিচিহ্ন দিয়ে গেছে। হয়ত সে যখন মরে যার, তখন তার প্রিয়তম এই কেশগুচ্ছ তার ভদ্র দেহ থেকে বিচ্ছিন্ন করে রেখেছিল—শোকের অবসাদে একে ভালবাসবার, আদর করবার, চুম্বন করবার জন্ত। যে দেহ নিয়ে সেই সুন্দরী জন্মেছিল, আজ তার কিছুই নেই। অথচ তার চুলের গোছাটি ঠিক সেই পূর্বের অবস্থাতেই আছে,—এ বড় আশ্চর্য নয়?

চুলের গোছা আমার আঙুলগুলির ভিতর দিয়ে বয়ে যেতে লাগল দেহের সমস্ত অস্থিমাংস সে তার অভাবনীয় আদরে উৎপীড়িত করে' ফেললে,—যে মরে গেছে তার আবার আদর! মনটা আমার এমনি কোমল হয়ে পড়ল, মনে হল যেন তখনই ঘুম আসবে। দীর্ঘক্ষণ—অনেকক্ষণ তাকে হাতে করে' রইলুম; তখন মনে হয় হৃদয়েরও খানিকটা যেন তার ভিতর লুকানো রয়েছে। আবার তাকে ভেল্‌ভেটের ছোট গদির উপর রেখে দিলাম, তারপর স্বপ্নাহতের মত পথে পথে বেড়াতে লাগলাম।

বিষাদ ও-বেদনা ভরা হৃদয়ে সোজা চলে যাচ্ছিলুম—ভালবাসার প্রথম চুম্বনের মত সেই বেদনা। আমার মনে হল, অনেক আগেই যেন আমি জন্মেছি ও এই নারীকে ভালবেসেছি। দীর্ঘনিঃশ্বাসের মত কবির এই কর লাইন আপনা হতেই আমার গুণাগুণে এল:—

দূরে বহু দূরে
স্বপ্নলোকে উজ্জ্বলিত পুরে
খুঁজিতে গেছিনু কবে শিলাদলী পাবে
মোর পূর্ণ গনমের প্রথম প্রিয়ারে।

বাড়ীতে ফিরে এসেই আবার সেটাকে দেখবার জন্ত কি নিবিড় আকর্ষণ! সেই কেশগুচ্ছটিই বার করে' হাত দিয়ে স্পর্শ করবামাত্রই আমার প্রত্যেক অঙ্গে একটা দীর্ঘ শাঁৎকার-প্রবাহ বয়ে গেল। কয়দিন বেশ ভালই রইলুম, কিন্তু কেশগুচ্ছের সেই জীবন্ত স্মৃতি কিছুতেই গেল না। বাড়ীতে এলেই সেটা দেখতে হবে, স্পর্শ করতে হবে। প্রিয়তমার শয়ন কক্ষের দ্বার খুলবার সময় বুকে সে আনন্দময় কম্পন-ক্ষতচ্ছন্দে বাজতে থাকে, সেইরূপ কম্পন নিয়েই আমি এই ক্যাবিনেটের দ্বার খুলতুম, কারণ আমার হাতে ও বুকে একটা বিকৃত, অভূতপূর্ব, চিরন্তন প্রেমবাসনা জেগে উঠলো—মৃত্যু রমণীর রমণীয় কেশতরঙ্গ আঙুলগুলি সঞ্চালন করবার জন্ত!

আদর করা হয়ে গেলে ক্যাবিনেটটা যখন চাবি বন্ধ করতুম, তখনো মনে হতো সে সেখানেই আছে—জীবন্ত গুণ বন্দিণী; সেইখানেই তাকে অনুভব করতুম, আর কেবলই তাকে চাইতুম। আবার সেটাকে নতুন করে' তুলে নেবার, স্পর্শ করে' তার শীতল চিকণ অঙ্গ অনুভব করবার,—তার আলস্যময়, মোহময়, সুমোহন আলিঙ্গনে ধরা দেবার একটা উদ্দেশ্য বাসনা মনের ভিতর দারুণ বেদনা জাগিয়ে তুলতো।

একমাস—দু'মাস এই ভাবেই কেটে গেল। তারপর আর কিছু জামি না। চুলের গুচ্ছ যেন আমার পেয়ে বসল, দিনরাত আমায় হানা দিতে লাগল। সুখ ও নিঃশঙ্কিত এক সঙ্গেই অনুভব করলুম,—প্রিয়তমকে প্রথম আলিঙ্গন করবার পূর্বে প্রেমিক যেমন তার গভীর

প্রেম ভাষায় প্রকাশ করতে চায়, ঠিক সেইরকম প্রেমের একটা পূর্বসূত্র পেলাম। আমার অঙ্গে কেশগুচ্ছের স্পর্শলাভ করবার জন্ত যবে দ্বার বন্ধ করে' বসে থাকতুম—তাকে চুম্বন করবার জন্তে। মুখের চারিদিকে সেই চুলের গোছা বেঁধে রাখতুম—সেই গভীর স্ববর্ণোপমতরঙ্গে আমার চোখদুটিকে ভাসিয়ে দিয়ে তার উজ্জ্বল আলোকে আমার মনকে পরিমাত করে' নিতুম।

সত্যি, আমি একে এতই ভাল বেঁধে ফেলেছিলাম। একঘণ্টাও তাকে ছেড়ে থাকতে পারতুম না। তার জন্ত পতীক্ষায় বসে থাকতুম শুধু প্রতীক্ষায় কেন? আমি জানিনা... শুধু তারই জন্ত!

একদিন রাতে হঠাৎ ঘুম ভেঙ্গে যেতে মনে হল, যবে আমি একলা নেই। কিন্তু বাস্তবিকই আমি একলা ছিলাম। আর আমার চোখে ঘুম এল না। নিশীথ-মস্তিষ্ক বিগতির আশঙ্কায় আমি আবার সেই কেশগুচ্ছের কাছে পেলাম। পূর্বের চেয়ে আরও সুন্দর, আরও কোমল বলে' তাকে মনে হল। সে মরে গেছে, সে কি আবার ফিরে আসে? যে চন্দনরাশি দিয়ে সেই অপূর্ব কেশগুচ্ছ উৎপন্ন করে' ফেলেছিলুম, তা যেন একটা মুখের আবেশে আমার মুমূর্ষু করে' দিলে। আমি তাকে আমার শয্যা নিয়ে এলাম, আমার অধরোষ্ঠে আমার প্রিয়তমার মত আবেগে তাকে চেপে ধরলাম। সত্যিই যারা মরে গেছে, তারা আবার কেমন করে' ফিরে আসে! সে কি আমার কাছে এল। তাকে আমি দেখতে পেলাম—সে ঠিক সেই আদিমকালের মতই আমায় ধরা দিলে; উচ্চায়ত, সুন্দরী, নিবিড়কুলুলা, স্নিগ্ধবক্ষা, বীণার তারের মত তরঙ্গায়িত তনুতলা; প্রেমসন্তাপস্বরে তার কণ্ঠ থেকে চরণদেশ পর্যন্ত গভীর আদরে তাকে স্পর্শ করলাম।

দিনরাত আমি তাকে আমার কাছে পেয়েছিলাম। সে যে প্রতিজনীতেই আমার কাছে ফিরে এসেছিল—সেই সুন্দরীশ্রেষ্ঠা, পূর্বস্মৃতা, চিরবরণীয়া, রহস্যময়ী, অজ্ঞাতসুন্দরী! আমার সে বিপুল পুলক আমি লুকতে পারিলাম। একটা অমানুষিক আনন্দ, উপভোগজনিত একটা গভীর অবর্ণনীয় আনন্দ, স্মৃতিস্মৃত্যুকে স্পর্শ করবার একটা অদৃশ্য আনন্দ আমি তার কাছে পেয়েছিলাম। এমন উচ্ছ্বাসময় রক্ত আনন্দ কোনো প্রেমিকই কখনো লাভ করে' নি।

কিন্তু সুখ কেমন কবে' লুকিয়ে উপভোগ করতে হয়, তা যে জানতুম না। যেখানেই যেতুম, সন্দেহই সন্দেহা তাকে সঙ্গে নিয়ে যেতুম, আমার পরিণাতাব মত তাকে সহরে নিয়ে বেড়াইতুম, আমার প্রণয়িনীর মত খিয়েটারে তাকে লোকচন্দ্রর সমক্ষেই দেখিয়ে বেড়াইতুম। লোকে তাকে দেখলে সন্দেহ করলে... আমার ভুলবন্ধন থেকে ছিনিয়ে নিলে তার শত্রু মনে করে' তারা আমার কারাগারে বন্ধ করলে। সত্যিই তারা আমার প্রিয়তমাকে আমার বুক থেকে ছিনিয়ে নিলে হায়, ছুঁড়াগা!

*

*

*

এইখানে পাণ্ডুলিপি শেষ হয়েছিল। হঠাৎ ডাক্তার-বাবুর দিকে গেই ফিরে চেয়েছি, অমনি অসহায়ের একটা বুক-কাটা চাঁৎকার-ধ্বনিতে সেই পাণ্ডলা গারদ পরিপূর্ণ হয়ে উঠলো। আমি শুধু ভাঙ্গা ভাঙ্গা স্বরে জিজ্ঞাসা করলাম—'আচ্ছা সত্যি সত্যিই কি এই চল ছিল?'

ডাক্তার বাবু তখনও বৃষ্টির শিশি ও ঘস্ট পরিপূর্ণ একটা বায়ু খুললেন, আর প্রকাণ্ড এক গোছা চুলের রাশ আমার দিকে ফেলে দিলেন। সেটা যেন একটা সোনার পাখীর মত আমার কাছে উড়ে এল। তার স্বকোমল সাদর স্পর্শে আমিও কেঁপে উঠলাম। ডাক্তার বাবু একটু বাড়ি নেড়ে বললেন, 'মানুষের মন সবই কানে পাবে!'

সুমোহিনীমোহন মুখোপাধ্যায়।



মিথ্যাবাদী ধরার বৈজ্ঞানিক যন্ত্র—

উইলিয়াম এম মার্টিন নামে আমেরিকার এক আইনজ্ঞ ও বৈজ্ঞানিক উদ্ভলোক সম্প্রতি মিথ্যাবাদী ধরার এক বৈজ্ঞানিক যন্ত্র আবিষ্কার করিয়াছেন। এই যন্ত্র আবিষ্কার করিবার আগে তাঁর মনে এই বিশ্বাস জাগে যে, সত্য কথা গোপন করিয়া মিথ্যাবাদী যখন অন্তরূপ কথা বলে তখন তার নাড়ী ও ধমনী আন্দোলিত হইতে থাকে ও নিশ্বাস অস্বাভাবিক হইয়া উঠে। এই সময়ে ষ্টেথিস্কোপ দিয়া মিথ্যাবাদী লোকটির বুক পরীক্ষা করিলে আর পরীক্ষার সঙ্গে সঙ্গে নব আবিষ্কৃত যন্ত্রটি তার বা হাতে লাগাইয়া দিয়া রক্ত চলাচলের বেগ নির্ধারণ করিলে জানা যাইবে সে কোন কথা কষ্টের সহিত গোপন করিতেছে কিনা। প্রস্তুত ও মিথ্যাবাদী উভয়কেই একটি ছোট যন্ত্রের মধ্যে কথা কহিতে হয়। ইহাতে প্রশ্ন ও উত্তরের মধ্যবর্তী সময় কত তাহার ছাপ পড়ে। এবং সেই সময়ের ব্যবধান দেখিয়া ধরা যায় বক্তার উক্তি সত্য না মিথ্যা।

আধ-ডোবা ডুবো জাহাজ—

যুদ্ধের অন্তর্গত অনেকরকম জাহাজ আমরা দেখিগাম—উড়ে, ডুবো, টর্পেডো ইত্যাদি। এখন সেইসব জাহাজকে একটু আধটু অদল-বদল করিয়া ইউরোপের লোকেরা ভ্রমণের নানারকম বাহন



আধ-ডোবা ডুবো জাহাজ।

করিয়া লইতেছে। যুদ্ধ যখন নাই, তখন বেড়াইবার কাজে জাহাজ-জলাকে ব্যবহার করিয়া তারা দুধের সাধ ঘোলে মিটাইতেছে। ভাসাও নয় ডুবোও নয়—টর্পেডোর আকারের এইরকম এক জাহাজ এখন সমুদ্রে সাঁতার দিয়া বেড়াইবার জন্ত ব্যবহৃত হইতেছে। এই জাহাজের বিশেষত্ব এই যে, ইহাতে চালিয়া চালক ইহাকে যতটুকু ইচ্ছা জলের তলায় ডুবাইয়া রাখিয়া নিজের বুক বা মাথা জলের উপর জাগাইয়া রাখিয়া বিনা কষ্টে অনায়াসে চলিতে পারেন। ইহার আকার টর্পেডোর মত, দুটা মুখ সর্ব, ইম্পাতের তৈরি, পরিধিতে ১৮ ইঞ্চি এবং লম্বায় দশ ফুট। ইহার প্রায় পিছন দিকে বসিবার জায়গা, কলকড়া ও চালাইবার চক্র ঠিক মোটর গাড়ীর মত। চাকার নীচে একটি স্কানো আলোও আছে। আধা ডুবিয়া আধা ভাসিয়া বা মাথা জাগাইয়া লোককে এই জাহাজে চলিতে দেখিলে মাথা-ভাসানো কাংলা মাছের কথা মনে পড়ে।

আকাশ-বাসর—


উড়ে জাহাজকে কেবল যুদ্ধের জন্ত বা ভ্রমণের জন্ত ব্যবহার করিলেই কি তার শ্রেষ্ঠ ব্যবহার হইল? তাকে অস্ত্র আনিদের কাজে ব্যবহার করিতে ক্ষতি কি? তাই সম্প্রতি আমেরিকার এক যুবক ও এক যুবতী বিবাহের কাজ মাটিতে বসিয়া না সারিয়া আকাশে উঠিয়া নুতনভাবে সম্পন্ন করিতে ইচ্ছা করেন। তাঁদের পেরাল হয় আকাশে বসিয়া আকাশ-বাসর করিতে। বিবাহ ত হইবে, কিন্তু সঙ্গে ত পুরোহিত চাই। পুরোহিত মহাশয় বৃদ্ধ, তিনি আকাশে উঠিতে রাজী হইলেন না। অতএব তাঁকে তারঙ্গীন টেলিফোনের সাহায্য লইয়া বিবাহের মন্ত্র আণ্ডাইতে হইল। আর দম্পতী আকাশে বসিয়া মন্ত্র শুনিয়া পরস্পর ঙ্গভদৃষ্টি করিলেন! এবার কোন দিন না সাবমেরিনে বসিয়া বিবাহের খবর আসে!

প্রকৃতির খেয়াল—

প্রকৃতি আপনার খেয়ালে কতরকম বিচিত্র জিনিস তৈরী করিয়া চলেয়াছে, আমরা তার কত রকম অর্থ দি! অবশ্য যে-খেয়ালটির কথা আমরা আজ বলিতেছি সেটিতে শুধু প্রকৃতি নয়, মানুষেরও হাত আছে। বারোবছর আগে আমেরিকায় এক নদীর ধারে একটি ছোট পাহাড়ের পায়ে এক উদ্ভলোক শাদা রং দিয়া "cigars" এই কথাটি লিখিয়া রাখিয়া যান। সম্প্রতি সেখানে গিয়া দেখা গিয়াছে যে, জলের ধাক্কা লাগিয়া লাগিয়া পাহাড়ের পা অনেকটা ক্ষয় হইয়াছে, কিন্তু "cigars" এই কথাটি ঠিক দাঁড়াইয়া আছে। প্রত্যেক অক্ষরের পায়েই ক'ক হইতে পাথর ধুইয়া ধুইয়া নামিয়া গিয়াছে, কিন্তু রঙের প্রলেপ থাকতে অক্ষরগুলি অক্ষয় হইয়া উঁচু উঁচু আকারে দাঁড়াইয়া রহিয়াছে।

কড়ি ও শামুকের ঘর—

কড়ির আলনা, কড়ির সিঁহুর-চুণ্ডা, কড়ি ও শামুকের আলমারি আমাদের দেশে দেখিতে পাওয়া যায়। কিন্তু ইংলণ্ডে কিংসটনের এক প্রকৃতিপ্রিয় উদ্ভলোক একরকম ছোট শামুকের খোলা দিয়া বড়




শামুক ঝিরকের বাড়ী ।



ঝিরকের বাড়ীর এক অংশ ।


গ্রীষ্মাবাস, বাগানে বসিবার জায়গা প্রভৃতি নানারকম সুন্দর জিনিস তৈরী করিয়াছেন। তাঁর কবিনের স্থিতিতে মুগ্ধ না হইয়া থাকা যায় না। বহুদিন হইতে তিনি এক প্রকার শামুকের খোলা সংগ্রহ করিতে ছিলেন। সম্প্রতি এইসব দিয়া তিনি যে-সব জিনিস তৈরী করিয়াছেন তাহাদের ছবি আমরা এখানে দিলাম। সৌন্দর্য্যপরিচায়ক এরূপ কাজ সকল দেশের লোকেরই করা উচিত।



ঝিরকের বাড়ীর সিংহদ্বার ।

নতুন ইঁহুর-কল—

আমাদের দেশে যে-সব ইঁহুর-কল চলিত আছে তাহাদের ৬০০ মজার ও কাজের একটি কলের ছবি ও পরিচয় আমরা এখানে দিলাম। কলটি তৈরী করা বিশেষ শক্ত নয়। এর তলায় একটি পাত, উপরে একটি ঢাকনা। ঢাকনাটি খুলিয়া পিছন দিকের একটি আংটার লাগাইয়া দিতে হয়। তাহা হইলেই কলটি হাঁ করিয়া থাকে। তার মাত্রখানে একটি জিত আছে, তার তলায় একটি কোটার খাবার রাখিতে হয়। ইঁহুর আসিয়া জিতটির তলায় খাবার দেখিয়া জিতটি যেমন নাড়ানাড়ি করিতে থাকে অমনি ডালাটি স্থির টানে ইঁহুরের




ইঁদুর-ধরা কল।

ঘাড়ে পড়িয়া যায়। কলটি সহজ, আমাদের দেশে তৈরী হইলে মন্দ হয় না।

চার চাকার সাইকেল—

ফ্রান্সেব্যাঁপ্যারিসে সম্প্রতি এক রকম চার চাকার 'সাইকেল' তৈরী হইয়াছে। তার ছবি আমরা এখানে দিলাম। এ সাইকেলে চাপিতে বা ইহা চলাইতে কোন কষ্ট হয় না; নোকার দাঁড়ানার মতন করিয়া দুহাতে হাতলাটানিলে এই পাড়ীচলে।



চার চাকার সাইকেল।

শর্টহ্যাণ্ডে সংবাদপত্র—

ব্রিটিশ কমান্ডার ফেডার 'রিভার' ডিস্ট্রিক্ট নামে এক জায়গা হইতে 'ক্যাম্পুস ওয়া' নামে একটি সংবাদপত্র বাহির হয়, সেটি শর্টহ্যাণ্ডে লেখা। সংবাদপত্রটি সাপ্তাহিক, ষোলটি পাতা থাকে। এটি শর্টহ্যাণ্ডে বাহির করিবার খেয়াল হয় একজন ফরাসী পুরোহিতের। সেখানকার অধিবাসীদিগকে ভাষা শিক্ষা দিতে দিতে তারা তাদের কথা বলিবার সময় যে-সব বিচিত্র শব্দ উচ্চারণ করে সেগুলি চুঁকিয়া রাখিতে পুরোহিতটি ভাষার অভাব বোধ করেন। তখন তিনি শর্টহ্যাণ্ডে চিহ্নের শব্দ লন এবং তাতে তাঁর কাজের যথেষ্ট

সুবিধা হয়। সেখানকার লোকদেরও তিনি শর্টহ্যাণ্ডে-কৌশলে দক্ষ করিয়া তোলেন। প্রথমে দুই-একখানি ধর্মগ্রন্থ শর্টহ্যাণ্ডে অনুবাদ করার সেখানকার অধিবাসীদের কাছে সেগুলি খুব আদৃত হয়। তখন পুরোহিতটি শর্টহ্যাণ্ডেই একটি সাপ্তাহিক পত্র বাহির করিতে আরম্ভ করেন। প্রতি সপ্তাহে কাগজখানি দুই হাজার বিক্রি হয়।

ভাষাশূণ্য জাতি—

সুইজারল্যান্ড ইউরোপের একটি স্বাধীন দেশ। সুইজারল্যান্ডের কিন্তু নিজস্ব ভাষা নাই। সেখানকার রাজকীয় ভাষা—ফরাসী, ইতালীয় এবং জার্মান। সেখানকার লোকেও এই তিনটিকে 'মাতৃভাষা' বলিয়া মনে করে। কতক লোকে ফরাসী, কতক জার্মান, আবার কতক ইতালীয় ভাষা বলে। সুইজারল্যান্ডের যে-ভাগ কান্টনের দিকে আছে সে-ভাগের লোক ফরাসী ভাষা বলে, ইটালীর দিকের লোক ইটালীয় ভাষা বলে, জার্মানির দিকের লোক জার্মান ভাষা বলে। পার্লামেন্টে ও প্রেসিডেন্টের বক্তৃতার রিপোর্টে জার্মান ও ফরাসী ভাষাই বেশী ব্যবহৃত হয়। —শুণ্ড।

তুহাজার বছরের প্রণয়লিপি—

পম্পে সহরের পুনরুদ্ধারের চেষ্টা হচ্ছে সবাই জানেন। এই উদ্ধার ব্যাপারে অনেক নূতন ও আশ্চর্যজনক জিনিষ বের হচ্ছে। সেই-সকল অদ্ভুত জিনিষের মধ্যে এই সেদিন কতকগুলি প্রণয়লিপি পাওয়া গেছে। লিপিশিলা হাতীর দাঁতের পাতের ওপর লেখা। যে-সব বীর ঋষি-যুদ্ধে বিজয়ী হতেন, প্যাটিসিয়ান মেয়েরা এইসব চিঠি তাঁদের লিখেছিলেন। একখানি চিঠি ট্র্যান্স নামে একজন বীরকে লিখিত। নেপ্লস বাছুরের অধ্যক্ষ অধ্যাপক শিনাজোলার মতে এই ব্যক্তি ব্রিটনের একজন বার্কেরিয়ান। চিঠিখানিতে লেখা আছে—“কে তুমি বীর?—তুমি কি হাব্কিউলিস-কপে কিবাস এ্যাপোলো দেব? * * * তোমার রূপ, তোমার শক্তি আমার মন হ'তে আর সকল বীরের স্মৃতি দূর করে দিয়েছে। * * * দেবতা আমার, টুআইরিস দেবের মন্দিরের কাছে আমি তোমার অপেক্ষার থাকিব।”

দেওয়ালে আঁকা বড় বড় অসিবীরের ছবির তলার লেখা পড়ে বুঝা যায় ক্রিও, লিভিয়া, কর্ণেলিয়া প্রভৃতি নামের মেয়েরা তাঁদের ভাল বাসতেন।

পম্পের একদিন ছিল সবই, কিন্তু পাগ্লা ভিত্তিরসের কোপে পড়ে আজ তার কি দশা! কনাদি মুখোপাধ্যায়।

ভাবতীয় রূপকথার বিদেশ ভ্রমণ—

আমাদের দেশে যুগে যুগে যে-সকল রূপকথা প্রচলিত আছে, তা যে কবে কার দ্বারা রচিত হইয়াছিল তা বলা কঠিন। কিন্তু সেগুলি যার দ্বারাই রচিত হইয়া থাকুক, তাহা লোকের মন হরণ করিয়া লইয়াছিল। শুধু এই দেশেই যে সেগুলি আবদ্ধ ছিল তা নয়, বিদেশী সাহিত্যেও তারা বেশ একটা স্থান দখল করিয়া লইয়াছে। বিদেশী পোষাকে তাদের কোন-কোনটির রূপ এমন বদলাইয়া গিয়াছে যে তাদের অনেক সময় চিনাই যায় না। সাধারণতঃ আমাদের দেশী রূপকথাগুলি গ্রীক ও আরবি ভাষার মধ্য দিয়াই ইউরোপে প্রচারিত হইয়াছে। ইনক্স ফেবলের অনেকগুলি পল্লই এরূপ ভারতীয় পল্লের রূপান্তর। কতকগুলি অবশ্য পরবর্তী কালে ইংরেজী, ফরাসী, স্পেনীয় প্রভৃতি ভাষাতেই একেবারে অনুদিত বা রূপান্তরিত হইয়াছে। সেখান হইতে পরে কিছু কিছু আমেরিকাতোও গিয়াছে। মার্কিনের নিগ্রোদের মধ্যে এরূপ কতকগুলি রূপকথা খুব প্রচলিত। এখন কিছু নিগ্রোরা জানেন না যে এগুলির উদ্ভব হইয়াছিল বহুশতাব্দী-পূর্বে একদিন ভারতবর্ষে। এরূপ

একটি গল্পের সন্ধানে সন্ধান পাওয়া গিয়াছে। সেটি সিংহ-মামা সখকে। সিংহ-মামার শারীরিক ক্ষমতার খুব অহঙ্কার ছিল। বনের অভ্যন্তর পশুদের উপর সে খুবই ওস্তাদি করিয়া বেড়াইত। তার ওস্তাদি অসহ্য হওয়ার্তে পশুরা তাকে মানুষের ক্ষমতার কথা শুনাইয়া দিল। সে তা সহ্য করিতে পারিল না। মানুষের সন্ধানে সে বাহির হইল—মানুষকে পাইলে সে তাহাকে এমন জন্দ করিয়া দিবে যে জীবনে তা আর মানুষ ভুলিবে না। খুঁজিতে খুঁজিতে গিয়া একজন মানুষকে সে দেখিতে পাইল, সে তখন কাঠ চিরিতেছিল। কিন্তু সিংহ ত তার আগে কখনো মানুষ দেখে নাই; তাই সে মানুষকেই মানুষের সন্ধানে জিজ্ঞাসা করিতে গিয়া তার মনের কথাটা জানাইয়া দিল। মানুষটি তার মৎসব শুনিয়া ফন্দি জাঁটিল; কাঠের কাটলের মুখটি একটু ফাঁক করিয়া বলিল, তোমার একখানা পা এর ভিতর

ঢুকাইয়া দাও ত, আমি মানুষকে খুঁজিয়া আনিতেছি। সিংহ তার উদ্দেশ্য না বুঝিতে পারিয়া তাই করিল। পা বেই না দেওয়া অমনি মানুষ চেয়া কাঠের মাথের খিলটি তুলিয়া লইল আর সিংহের পা চেপ্টাইয়া আটকাইয়া গেল। মানুষটিও হুবিধা পাইয়া তাকে বেদম প্রহার করিল। সে অবধি গাছ কাটিতে দেখিলে সিংহ আর মানুষের কাছে ভিড়ে না। ভারতবর্ষে সিংহ সখকে যে গল্পটি প্রচলিত আছে তাহাতে ও ইহাতে সামান্য একটু পার্থক্য আছে মাত্র। এরূপ আরও অনেক ভারতীয় রূপকথাই বিদেশে হাজির হইয়া জন্ম-পরিচয় খোঁওয়াইয়াছে। উ-টাটাও বটিকাছে অনেক ক্ষেত্রে। তিব্বতীয়, তুর্কী, এমন কি আফ্রিকাবাসী কাফিরদেরও অনেক রূপকথা ভারতে আসিয়াছে। এরূপ আদান-প্রদান করিয়াই জগতের কথা-সাহিত্য পুষ্টিলাভ করিয়াছে ও গৌবন্ত হইয়া রহিয়াছে।

পথ

স্মৃতির এ পথে পথে কারা আজি কেঁদে কেঁদে ফেরে,
কেঁদে ফেরে অভিমানে! অত্যন্ত সমাধিতল ছেড়ে
পিপাসায় দিশাহারা অন্ধ কোটি আত্মার মতন
ক্রন্দনে ভরিয়া তুলি' আমার উৎসব-নিকেতন,
ফিরিয়া চলিতে চায় জীবনের এই পথ দিয়া
যে পথে বারেক ফিরে কি ভেবে চাহিয়া গেল প্রিয়া!

কেঁদে ফেরে আমার শৈশব,
বলিছে সে, 'হায় হায়, একেবারে বৃথা হলো সব
অকারণ হাসাকাঁদা, অকাজের অযুত সঞ্চয়,
তোমার প্রিয়ার সনে না যদি ঘটিল পরিচয়!
লহ মোরে ফিরে লহ, পুনরায় বসি সারা বেলা
মোর যত নামহান আপনি-সৃজন-করা খেলা
সুরু করি লয়ে পথধূলি,
ধূলিমুঠি সোনা হোক!'

কৈশোর সে বলে, 'গেছ ভুলি'
একেবারে আমারে কি? ব্যর্থ আমি ছিহু এতকাল।
প্রিয়া বিনা কাটায়েছি বৃথা কাজে সাঁঝ ও সকাল,
বৃথা মাঠে ছুটিয়াছি, ছড়ায়েছি বৃথা কলহাসি;
কৌতুক, হরস্তপনা, তরুছায়ে বিরামের বাঁশী,
শাখে বসে' দোল খাওয়া বাতাসের অলস বীজনে,
আধখাওয়া কালোজাম ছুঁড়ে মারা পথচারীজনে,
সকল ফিরিয়ে লও প্রিয়ার প্রসাদভাগ দিয়া,
নহে তারা ব্যর্থ হবে।'

আরো কারা ফিরিছে কাঁদিয়া,
সবাকারে নাহি চিনি; শুধু মুঁখ মনে আছে জাগি',
চলিতে পথের 'পরে' দেখা হলো চকিতের লাগি',
তখন ছিল না প্রিয়া।

অনাবৃত্ত সবুজ প্রান্তরে

ধাসের ফুলের হাসি দস্তপাঁতি মেলি' ধরে ধরে।...
খাড়া উঁচু ছুই তীর, তার মাঝে ফেনোশ্মিমুখর
ধরগতি নদীশ্রোত। পর্বতসঙ্কট ভয়ঙ্কর।...
ধূপু নীল আকাশের অসীমায় শুধু পথহারা
ছোট একফালি মেঘ।... রবি, চন্দ্র, তারা,
পাতু ঋতু অয়নে অয়নে।... কত দাঁধ-সরোবর-তীর,
সুন্দর তরুছায়াতল, সমীরণ-পরশ-অধির
কত শত বেণুকুঞ্জ।... বর্ণ গন্ধ গান হাসিরাশি
ঘায়া কিছু লাগে ভালো, যা-কিছুরে আমি ভালোবাসি,
জীবনের পথে পথে বাদের এসেছি ভালোবেসে,
আজিকে সকলে তারা মোর ভালোবাসা সনে মেশে।

মনে হয়, এই প্রেম, এ শুধু আমারই প্রেম নহে।

বুকে তার কল্লোলিয়া বহে
অগণিত নন্দনদী, ফেটে পড়ে গিরি-প্রস্রবণ,
ওঠে রবি, ফোটে ফুল, গাছে পাখী শিহরে পবন,
ষড়্ ঋতু আসে যায়। পড়িয়াছে ধরা
মোর প্রেমে শোভাময়ী এ সারা বিপুল বসুন্ধরা
লয়ে' তার সব প্রেম। যৌবনের তপোবনে জাগি'
আছে চিরকাল মোর তপোবন-ঈশ্বরীর লাগি',
আমার জগৎ জাগে, জাগেন আমার ভগবান।...

সারা দিনমান

আপনারে কত ছলে ভুলায়ে রেখেছি নানামতে;
তারা কেউ ভোলে না যে! ভিড় করে' বসে' থাকে পথে,
চেয়ে সুদূরের পানে লয়ে' ছুটি জলতরা আঁধি,
যে পথে গিয়েছে প্রিয়া একটি চোখের চাওয়া রাঁধি'।

শ্রীশুধীরকুমার চৌধুরী।



সভ্যতা বনাম আত্মোৎকর্ষ

বিগত ভাঙ্গ সংখ্যার প্রবাসীতে জার্মানীর সুবিখ্যাত কূটনীতি-বিশারদ বের্গম্যান হল্ডয়েগ মহোদয়ের বিগত বিশ্বযুদ্ধের কারণ সম্বন্ধে অভিমত প্রকাশিত হইয়াছে। তিনি ইউরোপের অস্বাস্থ্য চিন্তাশীল লেখকদের স্তায় রাষ্ট্রনৈতিক ও অর্থনৈতিক সমস্যার জন্যই যুদ্ধ খটিয়াছে বলিয়া অভিমত প্রকাশ করিয়াছেন। কিন্তু অতি অল্পদিন হইল জার্মানীর সুপ্রসিদ্ধ ঔপন্যাসিক ও দার্শনিক টমাস ম্যানের একখানি পুস্তক প্রকাশিত হইয়াছে। ইনি এই পুস্তকে যুদ্ধের কারণ সম্বন্ধে যে-সব অভিমত কারণ দর্শাইয়াছেন তাহা এমনই জোরালো ও যুক্তিপূর্ণ যে সে-গুলিকে তলাইয়া দেখা কর্তব্য। ম্যান নিজেকে সার্বজনীন-সম্প্রদায়-ভুক্ত বলিয়া অভিহিত করিতেন। কিন্তু যুদ্ধের সময় তিনি তাঁহার অন্তর্গত জাতীয়তার প্রতি সহসা সচেতন হইয়া উঠিলেন এবং তাঁহার অন্তরের 'জার্মানীয়তা' যে তাঁহার বিশ্বহিতৈষণার গর্ভকে চূর্ণ করিয়া বাহির হইতেছে তাহা খুব তীব্রভাবে অনুভব করেন। এই দারুণ অনুভূতি তাঁহার চিন্তাধারাকে যে নুতন চেতনা দিয়াছে তাহার ফল তিনি এই পুস্তকে লিপিবদ্ধ করিয়াছেন।

ম্যানের মতে বিগত ঋণ-প্রলয়টি আর্থিক উন্নতি এবং দেশের শ্রীবৃদ্ধি ও প্রতিপত্তি অক্ষুণ্ণ রাখিবার জন্য জাতিতে জাতিতে সংঘর্ষ নয়। ইহার মূল কারণ, জীবনের মূল্য ধায়া করিবার দুইটি ভিন্ন প্রণালীর ঘাত-প্রতিঘাত ও সংঘাত। জার্মানীর দৃষ্টি ইউরোপের অস্বাস্থ্য দেশের দৃষ্টি হইতে এতই বিভিন্ন যে এই দুই ধারার মিলন অসম্ভব। জার্মানীর জাতীয়জীবনের যে অন্তর্নিহিত আদর্শ Kultur (আত্মোৎকর্ষ) এবং ইউরোপের অস্বাস্থ্য দেশের চরমআকাঙ্ক্ষা যে Civilization (সভ্যতা), এই দুইয়ের চিরন্তন যুদ্ধ থেকেই এই যুদ্ধের উৎপত্তি। এককথায় বলিতে হইলে এ যুদ্ধ Rational thinking আর Creative impulse, তর্কবুদ্ধি এবং সৃষ্টিপ্রেরণা, এই দুয়ের পরস্পরের উপর প্রাধান্যলাভের লড়াই।

সভ্যতাই যাহাদের আদর্শ সেই-সব জাতি শাসনপ্রথার একঘের দিকে সূক্ষ্মল রাজ্যাচালনার দিকেই শুধু মন দিয়াছেন। তাঁরা ফ্রান্সের রুসোর বংশধর, অষ্টাদশ শতাব্দীর চিন্তাধারার জীর্ণ কঙ্কাল বহিয়া বেড়াইতেছেন। তাঁরা বিশ্বাস করেন বুদ্ধি আর তর্কশাস্ত্রে, তাঁরা বিশ্বাস করেন ধারাবাহিকতায়, ক্রমোন্নতিতে আর নুতন নুতন কণ্ঠস্বরের মধ্য দিয়া মানবমনের ক্রমিক বিকাশে। ভবিষ্যৎ তাঁদের সাম্যমৈত্রীর সভ্যযুগের আগমনচ্ছটায় উজ্জ্বল।—এককথায় বলিতে গেলে তাঁরা হইলেন প্রজাতন্ত্রের ধ্বংসবাহী। তাঁদের মন সমাজ ও রাষ্ট্র সংস্কার সমস্যাতেই ভরপুর, তাঁরা কলা ও অধ্যাত্মদর্শন সম্বন্ধে নির্বিকারিত। জার্মানী সাম্য-মৈত্রীর সভ্যযুগ চায় না, সে শুধু বিশ্বাস করে মানবজীবনের গভীরতর উৎসে, তার আশা আকাঙ্ক্ষা প্রকাশ পায় তার অধ্যাত্ম জীবনে ও আর্টের বিকাশে। সভ্যতাকে জার্মানী জীবনে বড় স্থান দেয় না; কলাশিল্পের মধ্য দিয়া যে আত্মোৎকর্ষ (culture) তাকেই সে বড় করিয়া দেখে।

প্রজাতন্ত্র জার্মানীর প্রাণের কথা নয়। যারা তাকে প্রজাতন্ত্রের

অনুসারিকা করিয়া তুলিতেছিলেন তাঁরা তার প্রাণের স্রষ্টিকে নষ্ট করিয়া দিতে গিয়াছিলেন। জার্মানীর সঙ্গীতবেত্তা, জার্মানীর দার্শনিক, জার্মানীর কবি—ভ্যাগনার, সপেনহয়ের, গেটে—সকলেই বলিয়া গিয়াছেন যে জার্মানীর রাজনীতির প্রতি কোনও গভীর টান নাই—রাজনীতি তার অন্তরের কথা নয়। অতি-মানুষের সেবা করা, শক্তিমান বৃদ্ধিবলবেত্তার অনুগত হওয়া, জার্মান জাতির স্বভাবগত মনের বৃত্তি।

জনসাধারণের নিষ্পাচন অধিকার একটা বিষম ভুলের উপর প্রতিষ্ঠিত। জাতির মনের ভাব, জাতির বিশেষত্ব এই রকম ব্যক্তিমতের যোগফলের ভিতর দিয়া প্রকাশিত হয় না। জনতার মনস্তত্ত্ব (crowd psychology) গ্রাহ্য আলোচনা করিয়াছেন তাঁহারা সকলেই জানেন জনতার মতের মূল্য কতটুকু এবং এইরূপ জনমত কত সহজেই গঠিত ও পরিবর্তিত হয়।

বর্তমানের সম্মিলিত জনসাধারণের সাময়িক উত্তেজনার মধ্যে দেশপ্রাণের প্রকাশ দেখিতে পাওয়া যায় না; দেশ আপনাকে প্রকাশ করেন যুগযুগান্তরের দেশমানবের স্বরূপের মধ্য দিয়া। দেশের প্রাণের স্রষ্টি দেশের বিপুল জনতার মাঝে খুঁজিয়া পাওয়া যায় না। সে স্রষ্টি দেশের কাব্যে, গানে শিল্পে দর্শনে, দেশের সাহিত্যে ও নানা প্রতিষ্ঠানের মধ্য দিয়া আপনাকে প্রকাশ করে। দেশের শ্রেষ্ঠ মন যাহাদের, সেই জন-কন্ঠকে আর্টের পূজারী ভাবুক সম্ভানের মধ্যে যে স্রষ্টি বাজিতে থাকে তাহাই প্রকৃতপক্ষে দেশের প্রাণের স্রষ্টি। তাহারই মধ্যে চিরন্তন অথচ চিরনুতন দেশমানবের প্রকাশ। দার্শনিক জার্মানী এই চিরন্তন দেশমানবের অস্তিত্বে বিশ্বাস করেন বলিয়াই পাশ্চাত্য জগতের "মানুষের অধিকার" যে ব্যক্তি-তত্ত্বতার সৃষ্টি করিয়াছে তাতে সায় দিতে পারেন নাই। রাজনীতির মধ্যে আসল মুক্তি, সম্পূর্ণ মুক্তির প্রকাশ অসম্ভব, কারণ রাজনীতি কেওয়া-নেওয়ার ব্যাপার, সন্ধিসন্ধি ইত্যাদির কথা এখানে চলে। প্রজাতন্ত্র উন্নতির একটা সোপানমাত্র; এর চেয়ে উচ্চস্তরের জিনিস হ'ল কলালক্ষীর সেবা।

ব্যক্তি আর সমষ্টিতে একটা বরাবরের লড়াই আছে। এই দুইটি জিনিস কখনও মিলনপ্ত্রে বদ্ধ হইবে না। যারা বলে হইবে, তারা ইচ্ছা করিয়াই মিথ্যা কথা বলে। অব্যবচক সাধারণ লোককে সূক্ষ-সমৃদ্ধির প্রলোভন দেখাইয়া মাতাইয়া গুলিবার উহা তাহাদের একটা কৌশল। শূদ্রমনেরই কাছে এই গুরু মতো জাবরকাটার জীবন লোভনীয় হইতে পারে, কলালক্ষীর পূজারী ব্রাহ্মণ-মন ইহা হইতে কোনও সাঁচা সূতের আখাদ আশা করিতে পারেন না। সমাজ এবং শাসনপ্রণালী যে তত্ত্বেরই হোক না কেন, ব্রাহ্মণ-মন সর্বকম অবস্থাতেই জীবনের প্রকৃত রসাপাদ করিতে সমর্থ হন, কেন না জীবনের সূক্ষসূত্র আশা নিরাশা সর্বকম সমাজতন্ত্রের মধ্যেই কোনও না কোনও রকমে আপনাকে নিরন্তর প্রকাশ করিতেছে এবং তাহা বৃত্তিতে পারাতেই যথার্থ আনন্দ।

যেসব দেশ স্তায় সত্য স্বাধীনতা বলিয়া চেঁচায় তারা বুকিয়া দেখে না যে বাস্তব জীবনে অথও সত্য, অথও স্তায়ের মূল্য কতটুকু। জীবনের সীমাবদ্ধতাই, সত্য এবং স্তায়কে খণ্ড খণ্ড করিয়া দেখে, এবং তাহাই স্তায় ইহাদের মূল্য জীবনের মধ্যে খুব বড় হইয়া ওঠে না।

বুদ্ধি-বিবেচনা এবং সদাচারকে জীবনের মধ্যে বড় করিয়া তোলাই প্রজাতন্ত্রের লক্ষ্য। বুদ্ধি জীবনকে টুকরা টুকরা করিয়া কাটিয়া তার সৌন্দর্যটুকুকে নষ্ট করিয়া দেয়। শুদ্ধ সদাচারের উপরে যে রাষ্ট্র প্রতিষ্ঠিত সে রাষ্ট্র হইতে কলালক্ষী (আর্ট) শীঘ্রই বিদায় গ্রহণ করেন, কেন না সদাচারের সঙ্গে তাঁহার সম্পর্ক আদায়-কাঁচকলায়। তাঁহার বুদ্ধিহীন, অর্থহীন শক্তির কাছে মানুষ বরাবরই মাথা নোয়াইয়া আসিয়াছে, এবং তা হাতে করিয়া স্পষ্টই বোঝা গিয়াছে যে মানুষ কেবলমাত্র বুদ্ধির দাস হইয়া থাকিবে না।

শ্রীতমোনাশ গঙ্গোপাধ্যায়।

বোলশেভিক্ রুশিয়ায় শিক্ষা ও জ্ঞানচর্চা।

কথায় বলে, অমঙ্গলের খবর কখনো মিথ্যা হয় না। বোলশেভিক্দের যে-সব অমানুষিকতার বৃত্তান্ত বোলশেভিক্-নীতির বিরোধীদের মাঝেতে আমরা পাইয়া থাকি, সেগুলি সঁজাই হোক আর কুটাই হোক, বোলশেভিক্ আমলে রুশিয়ার দুঃখ-দুঃখশার যে একশেষ হইয়াছে সে-সম্পর্কে আর সন্দেহ করা চলে না। প্রতিদিন শত শত লোক দুর্ভিক্ষের কুণ্ডলগত হইতেছে, লক্ষ লক্ষ লোক টাইফয়েডে, কলেরায়, ইন্ডুয়েঞ্জিতে মরিতেছে। দলে দলে লোক তাদের আজন্মের পল্লীবাস ছাড়িয়া অন্যের সন্দেশে সহরের দিকে ছুটিতেছে এবং সহরগুলির মা অবস্থা হইতেছে তা বোধ হয় না-বালিলেও চলে। পেটো খাডের দুঃবস্থা নাকি এমনি চরমে উঠিয়াছে যে পৃথিবীর ইতিহাসে তেমনটির কথা শোনা যায় না। মাজ মাস হইতে একাব্দু দুঃস্থপাতি হয় নাই, ফসলের ভূমি সব ফাটিয়া চোঁচীর হইয়া গেছে। প্রায় তিন কোটি লোক অনশনে মৃতপ্রায় হইয়াছে।

কিন্তু দুর্ভাগ্যের এই প্রবল ঝটিকাবর্তের মধ্যেও রুশিয়া তার জ্ঞানচর্চার ক্ষীণ বর্ষিকটি বুক দিয়া আড়াল করিয়া আলাইয়া রাখিয়াছে। আমাদের দেশের বিজ্ঞ পেটিয়টদের মতো তাহা শিকের তুলিয়া রাখিবার পরামর্শ কেউ তাহাকে দেয় নাই। রুশিয়া জানে, লড়াইয়ের ও জ্ঞানচর্চার মধ্যে তেলজলের মতো মধ্যস্থক কোনও বিরোধ নাই। মানুষের সমস্ত জীবনটাই ও একটা লড়াই, নানা-রকমে নানা পক্ষের সঙ্গে এই লড়াই প্রতিদিনই মানুষকে করতে হয়। তুমি যে ভাবিতেছ এখন আর-সব ভুলিয়া গিয়া সংস্রাতকার মতো জিতিয়া লইবে পরে অবসরমতো অস্ত্র কাজে মন দিবে, ইহা কেবল তোমার জীবনের সম্বন্ধে অনভিজ্ঞতা ও শীঘ্রই দেখের পরিচয় দেয়।—লড়াই চলিবে, আর কিছুও বাদ পড়িবে না, ইহাই মানুষের আদর্শ। রুশিয়া এই আদর্শকে অগণ্য বিরোধের মধ্য হইতেও যে কি আশ্চর্য নিষ্ঠুর সঙ্গে জাগাইয়া রাখিয়াছে তাহা ভাবিলে একবার উদ্বেক হয় এবং মন ভূঁপিতে ভরিয়া ওঠে।

বালিনের ফোসিশ্ টুসাইটুং (Vossische Zeitung) নামক কাগজে বোলশেভিক্ রুশিয়ায় শিক্ষা ও জ্ঞানবিজ্ঞানের চর্চার অবস্থা সম্বন্ধে একটি প্রবন্ধ বাহির হইয়াছে। লিটারের সাইজেট্ তাহার ফরাসি অনুবাদের অনুবাদ ছাপিয়াছেন। তাহাতে পাই—

“বিগত তিন বৎসর রুশিয়াতে বোলশেভিক্ প্রচার (Propaganda) পুস্তকাদি ছাড়া আর কোনো-কিছু ছাপা হয় নাই। এমন কি সহরে-বাজারে পণ্যস্থ ফুলপাঠ্য বই একটি জোটানো অসম্ভব হইয়াছে। ছেলেরা এই তিন বৎসর গোট কাহাকে বলে তাহা জানে না। কলম পাওয়া যায় না বলিলেই চলে, কালি পেন্সিলও দুঃপ্রাপ্য। রুশিয়ার যে-সমস্ত অঞ্চলে গাছগাছড়া নাই, সে-সমস্ত অঞ্চলের ইস্কুলগুলিতে আঙুনতাতেয় ব্যবস্থা নাই (রুশিয়া প্রচণ্ড শীতের দেশ, বিশেষতঃ সাইবেরিয়া প্রভৃতি অঞ্চলকে চির-তুষারের দেশ

বলিলেও চলে)। বোলশেভিক্ রুশিয়ার কোনো ইস্কুলে দারোয়ান্ বেহারা নাই, ছেলেরা নিজেরাও বরদোর কাঁট দেয়, ঠোঁড় বরাহ, গুঞ্জে করিয়া দূরদূরান্তর হইতে আলানি কাঠ সংগ্রহ করিয়া আনে। সকালে সাড়ে নটায় তারা ইস্কুলে আসে, পড়াশোনা আরম্ভ করিতে এগারোটা বাজিয়া যায়। একঘণ্টা পর তারা তাদের মধ্যাহ্নিক আহার লক্ষ্যায়। এই লক্ষের সম্বন্ধে কিছু বলাই নিয়োজন। রুশিয়ার বড় বড় সহরগুলির অবস্থা বঁহারি জানেন তাহারা মহাজেই ইহা কল্পনা করিয়া লইতে পারিবেন। বাড়ীর জন্ত ছেলেরা কোনো পড়া দেখিয়া হয় না; বাড়ীতে পড়িবার সুবিধা নাই, প্রথমত কাহারও বাড়ীতেই প্রদীপ আলিবার মতো তেল নাই, তারপর সময়েরও অভাব, —সেখানেও বাড়ীঘরের আবস্থার সাক্ষর করা, একতোলা প্রভৃতি কাছ ছেলেরাই করিতে হয়।.....”

ইস্কুলগুলিতে ছেলেরা মতাকার শিক্ষা কতদূর হইতেছে সে সম্বন্ধে লেখক সন্দেহ প্রকাশ করিয়াছেন। কাছ মাজেই একটি থাকে, আবার ইচ্ছা থাকিলে তাহা সারানোর ব্যবস্থা হইতেও বঞ্চিত লাগে না। আমরা আশা করি, যারা শিক্ষার জন্ত এমন প্রাণপাত করিতেছে, সেই শিক্ষা যাতে মতাকার শিক্ষা হয় সে ব্যবস্থাও তাহার নিদেরাই করিয়া লইতে পারিবে।

বোলশেভিক্ রুশিয়াতে বিজ্ঞান-চর্চার প্রসঙ্গে লেখক বলিতেছেন—

“রুশিয়ার বৈজ্ঞানিকদের আর্থিক অবস্থা আগে হইতেই শোচনীয় ছিল। অনাহার, শীত, কুচ্ছতা, প্রভৃতি মিলিয়া তাহাদের সংখ্যা দিন দিন হ্রাস করিয়া ফেলিতেছে। কে-কেউ বোলশেভিক্-নীতির বিরোধী বলিয়া প্রাণদণ্ডে দণ্ডিত হইয়াছেন, কিন্তু অধিকাংশই মরিয়াছেন অনশনে এবং আরো বিখ্যাত আইনজ্ঞ অধ্যাপক প্রোফেসর মালানি কাদের বোঝা লইয়া উত্তলায় উঠিবার পথে ক্রমাগত কিয়া বন্ধ হইয়া মারা গিয়াছেন। ঐতিহাসিক ল্যাঙ্গো-জানলেভ্‌স্কি ও ডিয়া-কোনোফ্‌, ভায়াত্‌স্কিও শাখ্‌মাত্‌স্কি, দার্শনিক ইউজেন টবেট্‌স্কয়; রাজনীতি-ও অর্থনীতিবিদ টুগান্-বারান্‌স্কি, আইনজ্ঞ গেসেন্‌ প্রভৃতি আরো অনেকে অকালমৃত্যুর কবলগত হইয়াছেন। নিকোর বৈজ্ঞানিক পণ্ডিত ভল্লুরফ্‌, এবং ক.জান্‌বর্থাগাদানোর অধ্যাপক দুঃখ আশ্বাভী হইয়াছেন।.....এই বিপুল বিকলতার মধ্যেও অবর্ণনীয় সংখ্যক বোঝা মাথায করিয়া লইয়া, রুশিয়া বৈজ্ঞানিকেরা পথকর্ষ্য করিয়া ও যাইতেছেন, এই কর্তব্যের জন্ত নানা কঠোর আত্মত্যাগ পথান্ত হাসিনুনে পীকার করিতেছেন। অধিবাসিত জাতি সঁজাইতে পরীক্ষাগারের যবে অপ্রচুর যন্ত্রপাতি ও মালমশলায় সাহায্যে এই-সমস্ত অশ্রাশনক্রিষ্ট জ্ঞানপ্রাপ্তির দল অস্বাস্ত নিশ্চয় অভ্যস্ত কাছ করিয়া চালাইয়াছেন, বাহরের সুবিধার সঙ্গে সমস্ত যোগ সাহায্যের ছিন্ন হইয়া গেছে, কিন্তু কাদের মধ্যে যতি নাই। নানকারা শরীরত্যাগে প্যাণ্ড-লোকের বৈজ্ঞানিক আবিষ্কার প্রভৃতির স্মৃতি হিসাবে মাকার হইতে তাহার কলারাদেব প্রসব কিছু বাড়িয়া দেওয়ার প্রত্যাশা হইয়াছিল; প্যাণ্ডলোফ্‌ এবং অন্যদের দান প্রত্যাশার কারণে। তিনি জানাইয়াছেন, তাহারই বাড়ীতে তাহার এক মতীর্থ স্থাপিতে মারা যাইতেছেন, অথ একজন ট্যুবর্কলিসে আক্রান্ত, নিজের জন্ত এ সুবিধা গ্রহণ করিতে তিনি নিতান্তই অপারগ।”

চীন, তুরস্ক, ভারতবর্ষ, অধিয়া, আয়ারল্যান্ড প্রভৃতি আরও অনেক দেশে দুঃখের দাহনের মধ্যে দিয়া মানুষের মনুষ্যত্বের পরীক্ষা চলিতেছে। রুশিয়ার অবস্থা সকলের চেয়ে শোচনীয়, কিন্তু নানা কারণেই রুশিয়ার জন্তই সকলের আগে মনে আশা লাগে। রুশিয়া না মরুক, টলটুয়ের স্বপ্ন সফল হইয়া উঠুক।

স, চ।

কণ্ঠ পাথর



মোস্লেম ভারত (ভাদ্র)

নামের খেলা—শীরবীন্দ্রনাথ ঠাকুর।

প্রথম বয়সেই সে কবিতা লিখতে শুরু করে।

বহু বছর খাতায় সোনালী কালোর কিনারা টেনে তারি গায়ে লতা এঁকে মাঝখানে লাল কালী দিয়ে কবিতাগুলি লিখে রাখত। আর খুব সমারোহে মসজিদের ওপর লিখত, শ্রীবেদারনাথ ঘোষ।

একে একে লেখাগুলিকে কাগজে পাঠাতে লাগল। কোথাও ছাপা হ'ল না।

মনে মনে সে স্থির কবলে, যখন হাতে টাকা জমবে তখন নিজে কাগজ বের করব।

বাপের মৃত্যুর পর গুরুজনেরা বার বার বললে, “একটা কোনো কাজের চেষ্টা কর, কেবল লেখা নিয়ে সময় নষ্ট করো না।”

সে একটুখানি হাসলে আর লিখতে লাগল। একটি দুটি তিনটি বই সে পরে পরে ছাপালে।

এই নিয়ে খুব আন্দোলন হবে আশা করেছিল। হ'ল না।

আন্দোলন হ'ল একটি পাঠকের মনে। সে হচ্ছে, তার ছোট ভাগ্নেটি।

নতুন ক'খ শিখে সে যে-বই হাতে পায় চোঁচিয়ে পড়ে।

একদিন একখানা বই নিয়ে খাপাতে খাপাতে মামার কাছে ছুটে এল। বললে, “দেখ দেখ, মামা, এ যে তোমার নাম।”

মামা একটুখানি হাসলে আর আদর করে পোকাকার গাল টিপে দিলে।

মামা তার বাহু খুলে আর একখানি বই বের করে বললে, “আচ্ছা, এটা পড় দেখি।”

ভাগ্নে একটি একটি অক্ষর বানান করে করে মামার নাম পড়ল।

বাহু থেকে আরও একটা বই বেরল, সেটাতেও পড়ে দেখে মামার নাম।

পরে পরে এখন তিনটি বইয়ে মামার নাম দেখলে, তখন সে আর অল্পে সন্তুষ্ট হতে চাইল না। ছুই হাত তীক করে জিজ্ঞেস করলে, “তোমার নাম আরো অনেক অনেক বইয়ে আছে : একশোটা, চব্বিশটা, সাতটা বইয়ে ”

মামা চোখ টিপে বললে, “ক্রমে দেখতে পাবি।”

ভাগ্নে বই তিনটে নিয়ে লাফাতে লাফাতে বাড়ীর গুড়ি ঝিকে দেখাতে নিয়ে গেল।

ইতিমধ্যে মামা একখানা নাটক লিখেছে। ছত্রপতি শিবাজী তার নামক।

বন্ধুরা বললে, “এ নাটক নিশ্চয় থিয়েটারে চলবে।”

সে মনে মনে স্পষ্ট দেখতে লাগল, রাস্তার দাঁড়ায় গলিতে গলিতে তার নিজের নামে আর নাটকের নামে যেন শহরের পারে উকি পরিবে দিচ্ছে।

আজ রবিবার। তার থিয়েটার-বিলাসী বন্ধু থিয়েটার-ওয়ালাদের কাছে অভিমত আনতে গেছে। তাই সে পথ চেয়ে রইল।

রবিবারে তার ভাগ্নেরও ছুটি। আজ সকাল থেকে সে এক খেলা বের করেছে, অস্তমনস্ক হ'য়ে মামা তা লক্ষ্য করে নি।

ওদের ইস্কুলের পাশে ছাপাখানা আছে। সেখান থেকে ভাগ্নে নিজের নামের কয়েকটা সীসের অক্ষর জুটিয়ে এনেছে। তার কোনোটা ছোট, কোনোটা বড়।

যেকোনো বই পায় এই সীসের অক্ষরে কালী লাগিয়ে তাতে নিজের নাম ছাপাচ্ছে। মামাকে আশ্চর্য্য করে দিতে হ'বে।

আশ্চর্য্য করে দিলে। মামা এক সময়ে বসবার ঘরে এসে দেখে, ছেলেটি ভারী ব্যস্ত।

কি কানাই, কি ক'চিসু ?

ভাগ্নে খুব আগ্রহ করেই দেখালে সে কি ক'চে। কেবল তিনটি মাত্র বই নয়, অন্ততঃ পঁচিশখানা বইয়ে ছাপার অক্ষরে কানাইয়ের নাম।

এ কি কাণ্ড ! গড়া মনোর নাম নেই, ছোঁড়াটার কেবল খেলা। আর এ কি রকম খেলা !

কানাইয়ের বহু ছুখে-ছোঁটানো নামের অক্ষরগুলি হাত থেকে সে ছিনিয়ে নিলে।

কানাই শোকে চীৎকার করে কাঁদে, তার পরে ফুঁপিয়ে ফুঁপিয়ে কাঁদে, তার পরে থেকে থেকে দম্কার দম্কার বেঁদে ওঠে, কিছুতেই সাধুনা মানে না।

গুড়ি ঝি ছুটে এসে জিজ্ঞেস করলে, “কি হ'য়েছে, বাবা ?”

কানাই বললে, “আমার নাম।”

মা এসে বললে, “কি রে কানাই, কি হ'য়েছে ?”

কানাই কঙ্ককণ্ঠে বললে, “আমার নাম।”

ঝি নকিয়ে তার হাতে আস্ত একটি ক্ষীরপুলি এনে দিলে, মাটাতে ফেলে দিয়ে সে বললে, “আমার নাম।”

ম'এসে বললে, “কানাই, এই নে তোমার সেই রেলগাড়ীটা।”

কানাই রেলগাড়ী ঠেলে ফেলে বললে, “আমার নাম।”

থিয়েটার থেকে বন্ধু এল।

মামা দরজার কাছে ছুটে গিয়ে জিজ্ঞেস করলে, “কি হ'ল ?”

বন্ধু বললে, “ওরা রাজী হল না।”

অনেকক্ষণ চুপ করে থেকে মামা বললে, “আমার সর্ব্বথ যার সেও ভাল, আমি নিজে থিয়েটার খুলব।”

বন্ধু বললে, “আজ ফুটবল ম্যাচ দেখতে যাবে না ?”

ও বললে, “না, আমার জরভাব।”

বিকলে মা এসে বললে, “খাবার ঠাণ্ডা হ'য়ে গেল।”

ও বললে, “ক্ষিদে নেই !”

সন্ধ্যার সময় স্ত্রী এসে বললে, “তোমার সেই নতুন লেখাটা শোনাবে না ?”

ও বললে, “মাথা ধরেছে !”

ভাগুনে এসে বললে, “আমার নাম কিরিয়ে দাও!”
মামা ঠাসু ক’রে তার গালে এক চড় বসিয়ে দিলে!

অদৃশ্য আলোক—আচার্য্য সার্ব জগদীশচন্দ্র বসু, এফ্.
আর এম্।

সেতারের তার অস্থূলি-তাড়নে ঝঙ্কার দিয়া উঠে। দেখা যায় তার
কাঁপিতেছে; সেই কম্পনে বায়ুরাশিতে অদৃশ্য ঢেউ উৎপন্ন হয় এবং
তাহার আঘাতে কর্ণেন্দ্রিয়ে শ্রুত উপলব্ধি হয়। শ্রবণ করিবার উপরের
দিকে ধেরূপ এক সীমা আছে, নীচের দিকেও সেইরূপ। কম্পন-সংখ্যা
১৬ হইতে ৩০,০০০ পর্যন্ত হইলে তাহা শ্রুত হয় অর্থাৎ আমাদের
শ্রবণশক্তি একাদশ সপ্তকের মধ্যে আবদ্ধ। কর্ণেন্দ্রিয়ের অসম্পূর্ণতা হেতু
অনেক শ্রুত আমাদের নিকট অশব্দ।

বায়ুরাশির কম্পনে ধেরূপ শব্দ উৎপন্ন হয়, আকাশ-স্পন্দনে সেইরূপ
আলো উৎপন্ন হইয়া থাকে। শ্রবণেন্দ্রিয়ের অসম্পূর্ণতা হেতু একাদশ
সপ্তক শ্রুত শুনিতে পাই। কিন্তু দর্শনেন্দ্রিয়ের অসম্পূর্ণতা আরও অধিক,
আকাশের অগণিত শ্রুতের মধ্যে এক সপ্তক শ্রুত মাত্র দেখিতে পাই।
আকাশস্পন্দন প্রতি সেকেন্ডে চারি শত লক্ষ কোটি বার হইলে চক্ষু
তাহা রক্তিম আলো বলিয়া উপলব্ধি করে, কম্পন-সংখ্যা দ্বিগুণিত হইলে
বেগুনী রং দেখিতে পাই। পীত, সবুজ ও নীলালোক এই এক সপ্তকের
অন্তর্ভুক্ত। কম্পন-সংখ্যা চারি শত লক্ষ কোটির উর্ধ্বে উঠিলে চক্ষু
পবাস্ত হইয়া এবং দৃশ্য অদৃশ্যে মিলাইয়া যায়। এখন প্রশ্ন হইতে পারে
যে, এই অদৃশ্য রশ্মি কি করিয়া ধরা যাইতে পারে, আর এই রশ্মি যে
আলো তাহার প্রমাণ কি? অদৃশ্য আলো দেখিবার অল্প কৃত্রিম চক্ষু
নির্মাণ আবশ্যিক। কৃত্রিম চক্ষুর গঠন খানিকটা ঐরূপ—দুইখানি
ধাতুখণ্ড পরস্পরের সহিত স্পর্শ করিয়া আছে; সংযোগস্থলে অদৃশ্য
আলো পতিত হইলে সহসা আণবিক পরিবর্তন ঘটিয়া থাকে এবং
তাহার ফলে বিদ্যুৎ ব্রহ্মাণ্ডে বহিরা চুম্বকের কাঁটা নাড়িয়া দেয়। বোবা
ধেরূপ হাত নাড়িয়া সঞ্চেত করে, অদৃশ্য আলো দেখিতে পাইলে
কৃত্রিম চক্ষুও সেইরূপ কাঁটা নাড়িয়া সাড়া দেয়।

এখন দেখা যাউক দৃশ্য এবং অদৃশ্য আলোকের প্রকৃতি একবিধ
অথবা বিভিন্ন। দৃশ্য আলোকের প্রকৃতি এই যে—

(১) ইহা সরল রেখায় ধাবিত হয়।

(২) ধাতুনির্মাণত দর্পণে পতিত হইলে আলো প্রতিফলিত হইয়া
ফিরিয়া আইসে। রশ্মি প্রতিফলিত হইবারও একটা বিশেষ নিয়ম
আছে।

(৩) আলোর আঘাতে আণবিক পরিবর্তন ঘটিয়া থাকে। সেই-
জন্ত আলো-আহত পদার্থের স্বাভাবিক গুণ পরিবর্তিত হয়।

(৪) সব আলোকের রং এক নহে, কোন আলো লাল, কোনটা
পীত, কোনটা সবুজ এবং কোনটা নীল। বিভিন্ন পদার্থ নানা-রংএর
পক্ষে স্বচ্ছ কিংবা অস্বচ্ছ।

(৫) আলো বায়ু হইতে অল্প কোন স্বচ্ছ পদার্থের উপর পতিত
হইয়া বক্রীভূত হয়। আলোর রশ্মি ত্রিকোণ কাচের উপর ফেলিলে
ইহা স্পষ্টত দেখা যায়। কাচ-বর্জুলের ভিতর দিয়া আলো অক্ষীণ-
ভাবে দূরে প্রেরণ করা যাইতে পারে।

(৬) আলোর ঢেউয়ে সচরাচর কোন শৃঙ্খলা নাই, উহা সর্বমুখী
অর্থাৎ কখনও উর্দ্ধাধ, কখনও বা দক্ষিণে-বামে স্পন্দিত হয়। ক্রটিক-
জাতীয় পদার্থ দ্বারা আলোক-রশ্মির স্পন্দন শৃঙ্খলিত করা যাইতে
পারে। তখন স্পন্দন বহুমুখী না হইয়া একমুখী হয়। একমুখী আলোর
বিশেষ ধর্ম পরে বলিব।

দৃশ্য ও অদৃশ্য আলোর প্রকৃতি যে একই রূপ মে সম্বন্ধে পরীক্ষা
বর্ণনা করিব।

প্রথমতঃ অদৃশ্য আলোক মে সোজা পথে চলে, তাহার প্রমাণ এই
যে বিদ্যুতোশ্মি বাহির হইবার গন্ত লগুনে যে নল আছে সেই নলের
সম্মুখে সোজা লাইনে কৃত্রিম চক্ষু ধরিলে কাঁটা নাড়িয়া উঠে। চক্ষুটিকে
এক পাশে ধরিলে কোন উত্তেজনাচিহ্ন দেখা যায় না।

দর্পণে যেকোন দৃশ্য আলো প্রতিফলিত হইয়া ফিরিয়া আইসে এবং
সেই প্রত্যাবর্তন মে নিয়মাবধীন, অদৃশ্য আলোও সেইরূপ এবং সেই
নিয়মে প্রতিফলিত হইয়া প্রত্যাবর্তন করে।

দৃশ্য আলোর আঘাতে আণবিক পরিবর্তন ঘটিয়া থাকে। অদৃশ্য
আলোক দ্বারাও যে আণবিক পরিবর্তন সংঘটিত হয় তাহা পরীক্ষা দ্বারা
প্রমাণ করিতে সমর্থ হইয়াছে।

জানালার কাছে কোন বিশেষ রং নাহি, সূর্যের আলো উহার
ভিতর দিয়া অবাধে চলিয়া যায়। সূর্য্যঃ দৃশ্য আলোর পক্ষে কাচ
স্বচ্ছ; জলও স্বচ্ছ। কিন্তু ইট-পাটকেল অস্বচ্ছ, আলুকাতরা তদপেক্ষা
অস্বচ্ছ। অদৃশ্য আলোকের সম্মুখে জানালার কাচ ধরিলে তাহার
ভিতর দিয়া এইরূপ আলো সহজেই চলিয়া যায়। কিন্তু জলের
গেলাস সম্মুখে ধরিলে অদৃশ্য আলো একেবারে বন্ধ হইয়া যায়।
কিমানচ্যান্তঃপরম! তদপেক্ষাও আশ্চর্যের বিষয় আছে। ইট-পাটকেল
নাহি অস্বচ্ছ বলিয়া মনে করিতাম, তাহা অদৃশ্য আলোকের পক্ষে
স্বচ্ছ। আর আলুকাতরা? ইহা জানালার কাচ অপেক্ষাও স্বচ্ছ।
আলুকাতরা দৃশ্য আলোর পক্ষে অস্বচ্ছ এবং অদৃশ্য আলোর পক্ষে
স্বচ্ছ ইহা জানিয়া অদৃশ্য আলোক যে অল্প বর্ণের তাহা প্রমাণিত হয়।

পূর্বে বলিয়াছি যে আলো এক স্বচ্ছ বস্তু হইতে অল্প স্বচ্ছ বস্তুর
উপর পতিত হইলে বক্রীভূত হয়। ত্রিকোণ কাচ কিংবা ত্রিকোণ
ইষ্টকখণ্ড দ্বারা দৃশ্য ও অদৃশ্য আলো মে একই নিয়মের অধীন তাহা
প্রমাণ করা যায়। কাচ-বর্জুল সাহায্যে দৃশ্য আলোক ধেরূপ বহুদূরে
অক্ষীণভাবে প্রেরণ করা যাইতে পারে, অদৃশ্য আলোকও সেইরূপে
প্রেরণ করা যায়। তবে এতদ্বারা কাচ-বর্জুল নিঃস্রয়োজন,
ইট-পাটকেল দিয়াও এইরূপ বর্জুল নিঃস্রিত হইতে পারে। বস্তু বিশেষের
আলো সংহত করিবার ক্ষমতা যেকোন অধিক, আবার আলো বিকিরণ
করিবার ক্ষমতাও সেই পরিমাণে বহুল হইয়া থাকে। এই কারণেই
হীরকের এত মূল্য। আশ্চর্যের বিষয় এই যে, চীনা বাসনের অদৃশ্য
আলোক সংহত করিবার ক্ষমতা হীরক অপেক্ষাও অনেকগুণ অধিক।
সুতরাং যদি কোনদিন আমাদের দৃষ্টিশক্তি প্রসারিত হইয়া রক্তিম
বর্ণের সীমা পার হয়, তবে হীরক তুচ্ছ হইবে এবং চীনা বাসনের
মূল্য অসম্ভবরূপে বাড়িবে। তখন তাহার তুলনার হীরক কোথায়
লাগে। সেদিন সৌখীন রমণীগণ হীরকমালা প্রত্যাখ্যান করিয়া
পেয়লা পিরিচের মালা সর্গর্বে পরিধান করিবেন এবং অচীনধারিণী
নারীদিগকে অবজ্ঞার চক্ষে দেখিবেন।

প্রদীপের অথবা সূর্যের আলো সর্বমুখী অর্থাৎ তাহার স্পন্দন
একবার উর্দ্ধাধ একবার দক্ষিণে-বামে হইয়া থাকে; লক্ষ্যদীপের
টুর্মালিন ক্রটিকের ভিতর দিয়া আলো প্রেরণ করিলে আলো
একমুখী হইয়া যায়। দুইখানি টুর্মালিন সমান্তরালভাবে ধরিলে
আলো দুইয়ের ভিতর দিয়া যায়, কিন্তু একখানি অক্ষপানির সম্মুখে
আড়ভাবে ধরিলে আলো উভয়ের ভিতর দিয়া যাইতে পারে না। অদৃশ্য
আলোকও এইরূপে একমুখী করা যাইতে পারে।

মনে কর দুই দল জন্ত মাঠে চরিতেছে—লক্ষ্য জানোয়ার বক ও
চোঁচা জীব কচ্ছপ। সর্বমুখী অদৃশ্য আলোকও এইরূপ দুই প্রকৃতির
স্পন্দনসম্মত। সম্মুখে লোহার গরাদে বাড়াভাবে ধরিলে, সহজেই

ছুই প্রকার জীবদ্বিগকে বাছিয়া লওয়া যাইতে পারে। প্রথমদিককে ভাড়া করিলে লম্বা বক সহজেই বাধা পাই হইয়া যাইবে, কিন্তু চেষ্টা কচ্ছপ গরাদের এ-পাশে পড়িয়া থাকিবে। প্রথম বাধা পাই হইবার পর বকবৃন্দের সম্মুখে যদি দ্বিতীয় গরাধে সমান্তরালভাবে ধরা যায়, তাহা হইলেও বক তাহা দিয়া গলিয়া যাইবে। কিন্তু দ্বিতীয় গরাধেলোকে যদি আড়ভাবে ধরা যায়, তাহা হইলে বক আটকাইয়া থাকিবে। এইরূপে একটা গরাদে অদৃশ্য আলোর সম্মুখে ধরিলে আলো একমুখী হইবে, দ্বিতীয় গরাধে সমান্তরালভাবে ধরিলে আলো দুইয়ের ভিতর দিয়াও যাইবে—তখন দ্বিতীয় গরাদেটা আলোর পক্ষে স্বচ্ছ হইবে। কিন্তু দ্বিতীয় গরাদেটা আড়ভাবে ধরিলে আলো যাইতে পারিবে না, তখন গরাদেটা অস্বচ্ছ বলিয়া মনে হইবে। যদি আলো একমুখী হয়, তাহা হইলে কোন কোন বস্তু একভাবে ধরিলে অস্বচ্ছ হইবে, কিন্তু ৯০ ডিগ্রী ঘুরাইয়া ধরিলে তাহার ভিতর দিয়া আলো যাইতে পারিবে।

যে-সব পরীক্ষা বর্ণনা করিলাম, তাহা হইতে দৃশ্য ও অদৃশ্য আলোর প্রকৃতি যে একই, তাহা প্রমাণিত হইল।

অদৃশ্য আলোক ইট-পাটকেল, দর-বাড়ী ভেদ করিয়া অনায়াসেই চলিয়া যায়। সুতরাং ইহার সাহায্যে বিনা তারে সংবাদ প্রেরণ করা যাইতে পারে। ১৮৯২ সালে কলিকাতা টাউন-হলে এ সম্বন্ধে বিবিধ পরীক্ষা প্রদর্শন করিয়াছিলাম। ১৯০৭ সালে মার্কিনী তারহীন সংবাদ প্রেরণ করিবার পেটেন্ট গ্রহণ করেন। মনুষ্যের কণ্ঠস্বরও বিনা তারে আকাশ-তরঙ্গ সাহায্যে সূদূরে যাত হইতেছে। সেই স্বর সকলে শুনিতে পায় না, শুনিতে হইলে কর্ণ আকাশের সুরের সহিত মিলাইয়া লইতে হয়।

নব্যভারত (ভাদ্র)

অনধীনতা না স্বাধীনতা?—শ্রীবিপিনচন্দ্র পাল।

আমরা যে স্বরাজ চাহিতেছি, তাহা কি কেবল মাত্র একটা অনধীনতার অবস্থা, না স্বাধীনতার অবস্থা? আমাদের ভাষায় এই “অনধীনতা” শব্দটি নাই। ইংরেজিতে যাহাকে ইন্ডিপেন্ডেন্স (independence) কহে, এখানে তাহাকেই বাঙ্গালাতে “অনধীনতা” কহিতেছি। ইংরেজি ইন্ডিপেন্ডেন্স (independence) শব্দটি অস্বাভাবিক। ইন্ডিপেন্ডেন্সের অর্থবা অধীনতার অভাবকেই ইন্ডিপেন্ডেন্স কহে। প্রত্যত পক্ষে, ইন্ডিপেন্ডেন্স শব্দে একটা নিরাকার শূন্য অবস্থা বুঝায়। আমাদের দেশের বহুতর স্বরাজ পন্থীরা এই আদর্শেরই অনুসরণ করিয়া চলিয়াছেন, বলিয়া আশঙ্ক্য হয়।

বর্তমান রাষ্ট্রীয় সম্বন্ধে আমরা ইংরেজের অধীন হইয়া আছি। সুতরাং এ অবস্থাটা একটা অধীনতার অবস্থা। ইংরেজের অধীনতা-মুক্ত হইলেই, আমরা ইন্ডিপেন্ডেন্ট (independent) হইব। এই অবস্থাকে যদি স্বরাজ বলেন, তাহা হইলে ইংরেজ-রাজের উচ্ছেদেই স্বরাজ হইয়া যায়। যে মুহূর্ত্তে বর্তমান ইংরেজ-শাসনের অবসান হইবে, সেই মুহূর্ত্তেই আমাদের স্বরাজ লাভ হইবে।

অনধীনতা লাভ করিতে হইলে, ভাঙ্গাই চাই, ভাঙ্গাই যথেষ্ট। যে বন্ধনটা আছে, যে শিকলটা গলায় বড় বাজিতেছে, তাহা কাটিতে বা ভাঙিতে পারিলেই হইল। তারপর যা হয় হুঁক। স্বাধীনতার পথ ক্রিষ্ট কেবল ভাঙ্গার পথ নয়, সঙ্গে সঙ্গে গড়ার পথও। পরের অধীনতা নয় করিয়া, ধীরে ধীরে নিজের অধীনতার প্রতিষ্ঠা করিতে

হইবে—স্বাধীনতার সাধক ইহাই চাহেন। অধীনতার প্রাণ শৃঙ্খলা। শৃঙ্খলার অর্থ বিভিন্ন বস্তুর মধ্যে একটা সম্বন্ধের প্রতিষ্ঠা, ও সেই সম্বন্ধকে রক্ষা করিবার উপায় বিধান করা। ইংরেজ একটা রাষ্ট্র-শৃঙ্খলা, একটা শাসন-যন্ত্র, প্রজাবর্গের পরস্পরের মধ্যে কতকগুলি সম্বন্ধের প্রতিষ্ঠা করিয়া, নিজের ইচ্ছা ও শক্তির বলে সে সম্বন্ধকে রক্ষা করিতেছে। ইংরেজের অধীনতা এই শৃঙ্খলাকে আশ্রয় করিয়া, আমরাইগকে আসিয়া যেিয়া রাখিয়াছে। আমরা যখন স্বাধীন হইব, তখনও আমাদের নিজের উপরে নিজের এই অধীনতা, একটা রাষ্ট্র-শৃঙ্খলা, একটা শাসন-যন্ত্র, একটা রাষ্ট্রীয় সম্বন্ধকে আশ্রয় করিয়া রাখিব। সুতরাং, এই শৃঙ্খলার সূত্রপাত, এই যন্ত্রের ছাঁচ, এই রাষ্ট্র সম্বন্ধের ভিত্তিপ্রতিষ্ঠা যদি এখন হইতে আমরা না করি, বা না করিতে পারি, কাহাকে আশ্রয় করিয়া আমাদের স্বাধীনতার বা স্বরাজের প্রতিষ্ঠা হইবে? সে অবস্থায় আমরা কেবল মাত্র অনধীনতাই লাভ করিতে পারিব, স্বাধীনতা ত পাইব না।

কি জীব, কি সমাজ, কিছুই একটা অস্বাভাবিক বস্তুর উপরে, একটা গুণেতে, প্রতিষ্ঠিত করিতে পারে না। যদি ইংরেজের অধীনতা গুটিবার সঙ্গে সঙ্গে নিজের স্বাধীনতার আশ্রয় প্রকাশিত ও প্রতিষ্ঠিত না হয়, তাহা হইলে, ইংরেজের শৃঙ্খল-মুক্ত হইতে না হইতে আর-কাহারও গুণে আমরা বাধা পড়িবই পড়িব। সে কেহ স্বদেশীও হইতে পারে, বিদেশীও হইতে পারে, কে হইবে কে জানে।

এ দেশে দেশীয় কয়েদিদিগকে হাতে কড়া ও কোমরে দড়ি বাঁধিয়া পথ দিয়া লইয়া যায়। এই দড়িটা যেতাজ জোহনের, কিম্বা কৃষ্ণকায় জনার্দীন সিংহের হাতে আছে, কয়েদি বেচারি এ বিচার করিয়া কোনও সাধনা পায় কি?

স্বরাজ—শ্রীইন্দুভূষণ সেন।

টলষ্টয় ঘোষণা করেন যে শক্তি-মূলক রাষ্ট্রের তিরোধানের একমাত্র উপায় নিরপম্ভব, শক্তি হইতে শক্তি, প্রেমে সুপ্রতিষ্ঠিত সহকারিতা-বর্জন। বল বা শক্তির শাসন মানব-সমাজ হইতে দূর করিবার জন্ত বল বা শক্তির শরণাপন্ন হওয়া মূর্থতা। আবার, রাষ্ট্রের আইন মানিয়া জনসাধারণের জন্ত ক্রমশঃ অধিকার লাভের চেষ্টাও আশ্রয়প্রার্থনা। লক্ষ্যে উপনীত হইবার এই একমাত্র পথ—নিরপম্ভব সহযোগিতা-বর্জন। নাশ্বঃ পথ বিদ্যাতে অয়নায়। শক্তির সাহায্যে অশক্তের সহিত সংগ্রাম টলষ্টয়ের ধর্ম-বিরুদ্ধ। তাহার ধর্মের মূলমন্ত্র, প্রেমের জয়। তাহার সাধনা, অশক্তের বিরুদ্ধে শক্তি-প্রয়োগ-পরিহার (The Law of Love and its corollary the Law of Non-resistance)। মনে কর, তোমার সম্মুখে এক দস্যু আসিয়া অসহায় এক শিশুকে হত্যা করিতে উদ্যত। দস্যুকে বধ করিয়া শিশুটিকে রক্ষা করিতে তুমি সক্ষম। আর দস্যুকে হত্যা না করিলে শিশুটির প্রাণ রক্ষা অসম্ভব। তখন তোমার কর্তব্য কি? টলষ্টয় বলেন যে তখনও দস্যুহত্যা তোমার পক্ষে নিতান্ত নিষিদ্ধ। তোমার ক্ষম্বে একটি পর্বত বহন করা তোমার দৈহিক জীবনের পক্ষে যেমন অসম্ভব, বলপ্রয়োগও তোমার নৈতিক জীবনের পক্ষে তেমনই অসম্ভব। বাহা তোমার নৈতিক জীবনের জন্ত অসম্ভব (morally impossible) তাহা তুমি করিতে পার না। অসহায় শিশুটিকে বাঁচাইবার জন্ত কোনও পর্বত তোমার ক্ষম্বে বহন করিবার কথা ত তোমার মনে আসে না। তবে দস্যুর প্রতি বলপ্রয়োগ তোমার মনে আসিতে দেও কেন? টলষ্টয়ের মতে শক্তি-মূলক রাষ্ট্র অশুভ, পাপ। তাহার সহিত আপোষ অসম্ভব। সুতরাং তাহার সহকারিতা অসম্ভব। বৈষম্য-পোষক শক্তিতে প্রতিষ্ঠিত ব্যবস্থাপক সভা, শিক্ষালয়, তত্ত্বালয়

বিচারালয়, সেনা-নিবাস, কারবারের স্থান, কামান-বন্দুকের কারখানা, ছাপাখানা ইত্যাদি সব হইতে দূরে থাকিতে হইবে। কিন্তু সহকারিত্ব বর্জন করিলে রাষ্ট্রশক্তি যখন তোমাকে নির্ঘাতন করিবে, তোমার কর্তব্য তখন শ্রীতির সহিত তাহা সহ্য করা।

যেমন মইক্ষুতার প্রয়োজন, তেমনই অপরাজের শ্রীতির প্রয়োজন। শ্রীতিশূন্য, বিদেহপূর্ণ দৃঢ়তার সহিত নির্ঘাতন সহ্য করিলে সহকারিত্ব বর্জনে এর লাভের সম্ভাবনা কম। সমাজে ত যুদ্ধে শত্রুনিপাতে বন্ধ-পরিকর সৈন্যেরও আছে। বিদেহের প্রতিদান বিদেহই হইয়া থাকে। শুধু কেবল তোমার শ্রীতির প্রতিদানে ৩৩ পাইবে। টলপুয়ের মতে আধুনিক সভ্যতা শয়তানের লীলা। ধর্মসঙ্ঘ (church), জাতীয়তা (nationalism), স্বদেশাত্মরাগ (patriotism), শ্রমবিভাগ (division of labour), কল-কারখানা, রেল-জাহাজ, চিকিৎসাবিজ্ঞান, মুদ্রাস্বল্প, শিল্প (art), সাহিত্যাত্মরাগ, নগরনারীর তুল্যাধিকার প্রতিপত্তি কল্পে আন্দোলন (Feminism), সমাজতন্ত্রবাদ (socialism)—এ সকলই সুকৌশলে বিন্যস্ত শয়তানী ফাঁদ। এক কথায় বলিতে গেলে, আধুনিক সভ্য সমাজে নরক গুল্মজার। ভগবানে ও বিধমানবে অজ্ঞের শ্রীতি দ্বারা অগোদিত হইয়া রাষ্ট্রের সহকারিত্ব বর্জন করা। এ পৃথিবীতে স্বারাজ্য সুপ্রতিষ্ঠিত হইবে।

শিক্ষক (আশ্বিন)

আমাদের প্রাথমিক শিক্ষা—শ্রীযুক্ত রাজেন্দ্রলাল আচার্য্য।

ভারতে শিক্ষার উন্নতি-সম্বন্ধে কিছুকাল পূর্বে যে মন্তব্য বাহির হইয়াছিল, তাহাতে নির্দিষ্ট হইয়াছিল যে, মোট ভারতবাসীর তুলনায় মাত্র শতকরা ২.৩৮ জন লেখাপড়া জানে বলিয়া বিবেচিত হইবার যোগ্য। সেই হিসাবে জাপানে ১৩.৭ জন, ফ্রান্সে ১৬.৯০ জন, ইংলণ্ড ও ওয়েল্‌সে ১৬.২২, আমেরিকার মত মুক্ত রাজ্যে ৮.২১ জন এবং যুক্তরাজ্যের স্তায় বৃহৎ প্রদেশে ১০.৮১ জন শিক্ষিত বলিয়া পরিচিত ছিল।

হিসাব করিয়া দেখা গিয়াছে যে, ভারতের অষ্টাশ্র প্রদেশের তুলনায় বাঙ্গালায় একটি বালকের প্রাথমিক শিক্ষার বাধিক ব্যয় অল্প,—

দিল্লী—	১৩.১ টাকা
বোম্বাই—	১২.১ টাকা
উত্তর-পশ্চিম-প্রদেশ—	৫.৭ "
পাঞ্জাব—	৭.৫ "
মধ্যপ্রদেশ—	৭.০ "
যুক্তপ্রদেশ—	৪.৫ "
ব্রহ্মদেশ—	৪.৫ "
বিহার ও উড়িষ্যা—	৫.৩ "
আসাম—	৪.৩ "
বাঙ্গলাদেশ—	৩.৫

শিক্ষার বাধিক ব্যয় বাঙ্গলায় যেহেতু তুলনায় অল্প, কিন্তু বাঙ্গালী বালকের বার্ষিক বেতনের হার গড়ে তেমনি সর্বোচ্চ :—

	টাকা	আনা	পাই
উত্তর-পশ্চিম-প্রদেশ—	•	•	২
আসাম—	•	•	৭
মধ্যপ্রদেশ—	•	১	৭
যুক্তপ্রদেশ—	•	৭	০
পাঞ্জাব—	•	২	২

	টাকা	আনা	পাই
মাদ্রাজ—	•	২	২
ব্রহ্মদেশ—	•	১১	৫
বোম্বাই—	•	১১	১১
বাঙ্গলাদেশ—	১	১১	•

সুতরাং এ কথা স্থানান্তিত যে, ভারতের অষ্টাশ্র প্রদেশের তুলনায় বাঙ্গালী তাহার পুত্রের শিক্ষার জন্য অধিক অর্থ ব্যয় করিতে কুণ্ঠিত নহে।

এখন দেখা যাউক, ভারতের কোন্ প্রদেশে কি পরিমাণ প্রাথমিক বিদ্যালয় আছে (১৯১৮-১৯) :—

দিল্লী—	১৩৩
উত্তর-পশ্চিম-প্রদেশ—	৬৬২
আসাম—	৪২৭১
মধ্যপ্রদেশ—	৪১৬৪
পাঞ্জাব—	৬১২৩
ব্রহ্মদেশ—	৭৩১১
বোম্বাই—	১১৯৩৮
যুক্তপ্রদেশ—	১২৬৫৩
বিহার ও উড়িষ্যা—	৪৭৪২
মাদ্রাজ— ৩০০০০—ছাত্রের সংখ্যা—	১,৫০০,৯৯৪
বাঙ্গলাদেশ—৪৫২২৫—	ঐ— ১,৩৮৪,২০১

ভারতের অষ্টাশ্র প্রদেশের সহিত বাঙ্গলার তুলনা করিলে আর একটি তথ্য জানা যাইতে পারে, তাহা এই যে, অষ্টাশ্র প্রদেশে গড়ে প্রত্যেক বিদ্যালয়ের ছাত্রের সংখ্যা মত, বাঙ্গলায় তাহা অপেক্ষা অনেক কম। যথা :—

মধ্যপ্রদেশ—	৩১.০
যুক্তপ্রদেশ—	৫০.৬
বোম্বাই—	৫৭.১
দিল্লী—	১৩.৩
পাঞ্জাব—	৪৭.৭
মাদ্রাজ—	৪১.৭
বাঙ্গলাদেশ—	৩৩.৫
ব্রহ্মদেশ—	৩২.৪

এখন একথা অসম্বোধে বলা যাইতে পারে যে, যদিও বাঙ্গালী অধিক সংখ্যায় প্রাথমিক বিদ্যালয় স্থাপন করিয়াছে, এবং বিদ্যালয়নের জন্য অধিক অর্থ ব্যয় করিতেও কুণ্ঠিত নহে, কিন্তু বাঙ্গালার বিদ্যালয়ে আশানুরূপ ছাত্র আকর্ষণ করিতে অক্ষম।

প্রতিভা (ভাদ্র)

অভিনয়—শ্রীসুবর্জিত কবিরাজ।

অভিনয় আমাদের দেশে নূতন নহে। ইহা অহিন্দুকর বা অনার্যোচিত নহে। ইহা এ দেশে আর্ধ্য-সভ্যতার সঙ্গে সঙ্গে আবহমান কাল বর্তমান আছে। নাটক-অভিনয় বেদিক সময় হইতেই প্রচলিত ছিল। যজুর্বেদীয় বাজসনেয়ী-সংহিতায় লিখিত আছে—

“নৃত্যায় যজুঃগীতায় শৈলুং ধর্মীয় মভাচরং।” (৩.১.৬৫)

“শৈলুং” শব্দের মহীধর ব্যাখ্যা করিয়াছেন—“শৈলুং মটং।”

পাণিনির ৪র্থ অধ্যায় ৩য় পাদের ১১০ ও ১১১ শ্লোকে লিখিত আছে—

“পারাপর্বা শিলালিখাঃ ভিক্ষু-নট-হৃতয়ো” । ৪৩।৩।১১০

“কর্ম্মন্দ কুপাশ্চাদিতিঃ ।” ৪।৩।১১

পাণিনি মুনি “শিলালিন” ও “কুশাধ” নামক দুইজন নটের উল্লেখ করিয়াছেন। পাণিনি প্রায় ৪০০০ বৎসর পূর্বে রচিত হইয়াছে।

রামায়ণের অযোধ্যাকাণ্ডে দেখিতে পাই, রামের রাজ্যভিষেকে তাঁহার শাস্তির উদ্দেশ্যে কেহ মনোহর পত্ন, কেহ নৃত্য, কেহ বা বিবিধ প্রহসন নাটকের অভিনয় করিতে লাগিলেন। মহাভারতে অর্জুন যখন অশ্ব শিক্ষা করিতে ইন্দ্রালায়ে গিয়াছিলেন, তখন ইন্দ্র কর্তৃক—

“এতাশ্চাশ্চ নৃত্যস্তত্র সহপ্রশঃ ।

চিত্তপ্রমাদেন গুণ্ডাঃ সিদ্ধানাং পরালোচনাঃ ॥”

(মহাভারত, বনপর্ব, ৪৩ অধ্যায়) ।

মহারাজ বিক্রমাদিত্যের রাজসভায় মহাকবি কালিদাসের অভিজ্ঞান-শকুন্তল নাটক অভিনীত হইয়াছিল। ভবভূতির মালতী-মাধব নাটকে দেখিতে পাই কেবল রাজসভায় নহে—উজ্জয়িনীর পবিত্র দেবালয় কালপ্রিয়নাথের মন্দিরে—নাটক অভিনয় হইতেছে। তখনকার রাজাদের মধ্যে কেহ কেহ স্বয়ংও নাটক রচনা করিতেন। মহারাজ গুপ্তক নৃপতি মুচ্চকটিক নাটক রচনা করিয়াছিলেন। সামন্ত রাজকবি বিশাখ দত্ত মুদ্রারাক্ষস নাটক রচনা করিয়াছিলেন। বেণব সশ্রদ্ধায়ের ঈরুপ গোখামী সংসারত্যাগী সাধু হইয়াও কপূর-মঞ্জরী নাটক রচনা করিয়াছিলেন। যুগধর্মের প্রবর্তক ঈশৈতন্যদেব ‘শ্রী’ রামের গৃহে কুমলীলা নাটক অভিনয় করিয়াছিলেন ও কলিঙ্গীর ভূমিকা স্বয়ং গ্রহণ করিয়াছিলেন—

“তবে আচার্য্যের ঘরে কেলা কুমলীলা ।

কলিঙ্গীর রূপ প্রভু আপনে হইলা ।”

(চৈতন্যচরিতামৃত, আদিলীলা, ১৭শ পরিচ্ছেদ)

এই অভিনয়-বিদ্যা এক সময় এতদূর উন্নত হইয়াছিল যে তৎকালে বর্তমান সময়ের স্মার মুসলিম নিশ্চিত হইত। “সম্প্রতিমোদরে” দেখিতে পাই।

“হস্তবিশ্ৰুতি-বিস্তারা রঙ্গভূমিম্নোহরা ।

পূর্বাভিমুখ এবাত্র নায়কঃ শোভতে পরম্ ॥

দক্ষিণে মুরঙ্গস্থানং পৃষ্ঠে যবনিকা তথা ।

তন্মধ্যে মণ্ডলস্থানং নেপথ্যং তচ্চ গীয়তে ॥” ইত্যাদি ।

বিশ হস্ত বিস্তার রঙ্গভূমি হইবে। নায়ক পূর্বাভিমুখে অবস্থান করিবে। দক্ষিণ পাশে বাদ্যযন্ত্র এবং পশ্চাতে যবনিকা থাকিবে। ইত্যাদি ।

নটের কায়া দূষণীয় নহে। আমাদেরই ভগবানের নাম নটরাজ, নটবর ।

তত্ত্ববোধিনী-পত্রিকা (ভাদ্র)

প্রাগ্জ্যোতিষপুর ও কামরূপের পুরাতত্ত্ব—শ্রীবিজয়ভূষণ ঘোষ চৌধুরী ।

ব্রহ্মপুত্র নদের তটবর্তী বর্তমান “গৌহাটি” নগরীর অতি প্রাচীনতম নাম ছিল “প্রাগ্জ্যোতিষপুর” । রাজতরঙ্গিনীতে এই রাজ্যের উল্লেখ আছে, কিন্তু কামরূপের কোন উল্লেখ নাই। “প্রাগ্জ্যোতিষপুর” নামকরণ সম্বন্ধে কালিকাপুরাণে উক্ত হইয়াছে যে, পূর্বে ব্রহ্মা এই স্থানে অবস্থান করতঃ নক্ষত্র স্থষ্টি করায় উহা ইন্দ্রপুরীসদৃশ

হইয়া উঠিয়াছিল, তজ্জন্ত উক্ত নামে আখ্যাত হয়। রামায়ণে বর্ণিত আছে যে চন্দ্রবংশীয় রাজা “অমর্ত্যরাজা” পুণ্ড্রভূমি অতিক্রম করতঃ কামরূপের ধর্ম্মারণ্য সমীপে প্রাগ্জ্যোতিষ নামে একটি আর্ধ্যরাজ্য স্থাপন করেন। এই “ধর্ম্মারণ্য” দরঙ্গ জেলার অন্তর্গত বিষ্ণুনাথ নামক স্থান হইতে ৭ মাইল উত্তরে অবস্থিত বলিয়া তত্রস্থ অধিবাসীরা নির্দেশ করিয়া থাকেন। এখন ইহার নাম হইয়াছে “বুড়া গোহাই জরণী” । Mr. F. A. Sachse মৈমনসিংহের Gazetteer (P. 22)-এ লিখিয়াছেন :—At the time of Mahabharat Mymensing formed part of Pragjyotish which 3000 years later in Buddhist times was known as Kamrup. গৌহাটী নগরীই প্রাচীনকালে প্রাগ্জ্যোতিষ রাজ্যের অন্তর্গত ছিল। রামায়ণ পাঠে অবগত হওয়া যায়—ত্রেতাযুগে শ্রীরামচন্দ্রের সম-সময়ে নরক নামে জনৈক দানবরাজ প্রাগ্জ্যোতিষপুরে রাজত্ব করিত। ঐশ্বরের জন্মের ৫৭ বৎসর পূর্বে মহারাজ বিক্রমাদিত্যের উজ্জয়িনীতে রাজত্বকালে কালিদাস তাঁহার রঘুবংশের চতুর্থ সর্গের একস্থানে উল্লেখ করিয়াছেন, “রবু লৌহিত্য অর্থাৎ ব্রহ্মপুত্র নদ অতিক্রম করিয়া কামরূপরাজকে পরাস্ত করেন। তিনি রঘুকে করধরুপ বহুসংখ্যক হস্তী প্রদান করিয়াছিলেন।” হুতরাং কামরূপ এককালে হস্তীর জন্ত বিখ্যাত ছিল। স্বর্ণযুগীয় কাল হইতে এই দেশে স্বাধাসভ্যতার বিস্তৃতি হইয়াছিল। রামায়ণ, মহাভারত, পুরাণ ও তন্ত্র প্রভৃতি গ্রন্থে প্রাগ্জ্যোতিষ রাজ্যের সর্বশেষ বিবরণ পাওয়া যায়; কিন্তু পুত্র কিম্বা সংহিতা শাস্ত্রে ইহার কোন উল্লেখ নাই। মহাভারতের কোন স্থানে “কামরূপ” নামের উল্লেখ নাই। ইউরোপীয় পণ্ডিতগণ অস্বীকার করেন ঃ পূঃ ১৫০০ অব্দে মহাভারত রচনা আরম্ভ হয় ।

প্রাগ্জ্যোতিষ রাজ্যের অংশবিশেষের নাম ছিল “কুণ্ডল” নগরী; উহা মহাভারতোল্লিখিত “বিদভ দেশ” বলিয়া অবগত হওয়া যায়। “কুণ্ডল” আসামের লখিমপুর জেলাস্থ শদীয়া নগরী হইতে উত্তর-পশ্চিম দিকে প্রায় ১৬ মাইল দূরে দিক্রাং (দিক্রবাসিনী) ও দিবাং নদীর মধ্যে অবস্থিত ছিল। ঐ নগরীর নামানুসারে তথায় অদ্যাবধি প্রবাহিত একটি নদীর নাম “কুণ্ডল পানী” । ছাপর যুগে মহারাজ ভীষ্মক যখন কুণ্ডল নগরের অধীশ্বর ছিলেন, তখন জরাসন্ধ মগধে রাজত্ব করিতেন। বর্তমান গয়ার নিকটবর্তী “গিরিব্রজ বা রাজগৃহ” তাঁহার রাজধানী ছিল। এখন সেই রাজগৃহ “রাজগির” নামে অভিহিত। মগধাধিপতি জরাসন্ধের প্রস্তাবানুসারে চৌদরাজ শিশুপালের সহিত কুণ্ডলাধিপতি ভীষ্মকের অপূর্বরূপবতী কস্তা “কুম্বিনা দেবী”র পরিণয় সম্বন্ধ স্থিরীকৃত হইলে শিশুপাল কুণ্ডল নগরে গমন করেন। যদুকুলপতি ঈকৃষ্ণ এই সংবাদ পাইয়া সেখান হইতে তাঁহাকে হরণ করত পাঞ্চব প্রথানুযায়ী পত্নী-স্বরূপে গ্রহণ করেন। এই কুণ্ডল নগরে কুম্বিনাপিতা মহারাজ ভীষ্মকের “তাম্বেরা ও গোসানী”র দেবালয় অদ্যাবধি বিদ্যমান। সেখানে প্রতিদিন নিয়মিত সেবা ও পূজা চলিয়া আসিতেছে।

মহারাজ ভগবন্তের নাম ও তৎসঙ্গে প্রাগ্জ্যোতিষপুরের নাম মহাভারতের বহুস্থানে উল্লেখ আছে। কুরুক্ষেত্র-মহাসমরকালে তিনি কুণ্ডলপতি ছুযোধনের পক্ষাবলম্বন করিয়া চীন ও কিরাত সৈন্য দ্বারা তাঁহার সহায়তা করেন।

মহারাজ ভগবন্তের সময়ে প্রাগ্জ্যোতিষ রাজ্যে যবনাদি স্লেচ্ছশ্রেণীর লোকের বাহুল্য ছিল।

গোব্লে দাল্‌বাইয়ে (Tablet d' Alviell) নামক জনৈক ফরাসীদেশীয় ঐতিহাসিক “সে ক লান্দ’দোয়াতা’লা গ্রেন” (Ce que l' Inde doit a' la Grace) নামক পুস্তকের একস্থানে লিপিবদ্ধ করিয়াছেন, “গ্রীকদিগের এপোলোডোটস (Apollodotos) ও

সংস্কৃতে ভগদত্ত একই ব্যক্তি। তিনি একজন দোর্দণ্ডপ্রতাপ যবনরাজ ছিলেন।”

এপোলোডোটস একজন ব্যাকটিয়ান গ্রীক ছিলেন, এবং খ্রীঃ পূঃ ১৫৬ সাল হইতে ১৮০ সাল পর্যন্ত ভারতের সমুদয় সীমান্ত প্রদেশে রাজত্ব করেন। তাঁহার পিতার নাম ছিল “ইউক্র্যাটিডিস (Eucratides)।

ভগদত্তের মৃত্যুর পর কুরুক্ষেত্রসমরাস্ত্রে তৎপুত্র বজ্রদত্ত প্রাগ্-জ্যোতিষপুরের সিংহাসনে আরোহণ করেন। তৎকালে যুধিষ্ঠির সম্রাটপদে প্রতিষ্ঠিত।

মহাভারতের মতে নরকের পুত্র ভগদত্ত এবং তৎপুত্র বজ্রদত্ত। কালিকাপুরাণের যে ইহাই মত পূর্বে উল্লেখ করিয়াছি। শ্রীযুক্ত গেইট সাহেব তাঁহার আসামের ইতিহাসে (পৃঃ ১৪) লিখিয়াছেন, “ভগদত্তের পরে তদীয় ভ্রাতা বজ্রদত্ত উত্তরাধিকারী-রূত্রে সিংহাসনে প্রতিষ্ঠিত হন। এবং বজ্রদত্তের মৃত্যু হইলে তৎপুত্র বজ্রপাণি সিংহাসনে আরোহণ করেন।”

বজ্রপাণির তিরোধানের পর এই বংশের নরজন নরপতি রাজদত্ত পরিচালন করিয়াছিলেন বলিয়া অবগত হওয়া যায়। তাঁহাদিগের নাম—প্রলভ, শালস্তম্ভ, পলকবিজয়, জয়নালদেব, বনমালদেব, বীরবাহু, বলবর্ষদেব ও সুবাহু।

তৎপরে ভগদত্তবংশীয় “ভাস্করবর্মা” কামরূপে রাজত্ব করিয়াছিলেন বলিয়া অবগত হওয়া যায়। সুপ্রসিদ্ধ চৈনিক পরিব্রাজক হুয়েন সাঙ্গ (প্রকৃত নাম য়ুন চুয়ঙ) “সি-ইউ-কি” নামক তৎপ্রণীত, ভ্রমণ-বৃত্তান্ত বিষয়ক গ্রন্থে উল্লেখ করিয়াছেন যে, মগধের অন্তর্গত বিশ্ববিশ্রুত “নালন্দা”র সন্ন্যাসীমঠে বৌদ্ধধর্মের নিগূঢ় শাস্ত্রসমূহ অধ্যয়ন কালে কামরূপরাজ ভাস্করবর্মা কতিপয় দূত দ্বারা তাঁহাকে আমন্ত্রণ করায় তিনি তদীয় রাজধানী “গৌহাটী” নগরীতে গমন করিয়াছিলেন। ভাস্করবর্মাকে ঐ পরিব্রাজকের সমসাময়িক ধরিয়া লইলে তিনি সর্দিক ষষ্ঠ শতাব্দীতে কামরূপের অধীশ্বর ছিলেন।

ভাস্করবর্মার পরবর্তী ব্রহ্মপাল (স্ত্রী কুলদেবী), রত্নপাল, পুরন্দর পালের পুত্র ইন্দ্রপাল প্রভৃতি নৃপতি কামরূপের “শ্রীভূজঙ্গ” নামক স্থানে রাজত্ব করেন। ভাস্করবর্মার লোকান্তরিত হইবার কিছুকাল পরেই কামরূপে রাষ্ট্রবিপ্লবের একটা আভাস পাওয়া যায়।

মহারাজ ইন্দ্রপালের তিরোধানের বহুকাল পরে স্থলিখ্যাত “ধর্মপাল” কামরূপের রাজা হন। তারপর দেবপাল, জয়পাল, বিগ্রহপাল, ১ম নারায়ণপাল প্রভৃতি নৃপতি সেখানে শাসনদণ্ড পরিচালিত করিয়াছিলেন। জয়পাল তাঁহার অগ্রজ দেবপালের আদেশে “উৎকল ও প্রাগ্-জ্যোতিষপুর” অধিকার করেন।

সন্ধ্যাতারা

১

সন্ধ্যাতারা, তুই কি বরা

নীল আকাশের ফল ?

কিংবা ভোলার ভালের নয়ন

নেশাধ ঢলুঢলু ?

কোন্ রূপসীর নীলাম্বরীর

একটা থমা চুমকি চুনির ?

কোন্ অলকার মক্ষপ্রিম্বার

ঝিলিক-জলা তুল ?

সন্ধ্যাতারা, তুই কি বরা

পরীর চুলের ফল -

২

জ্যোৎস্নারাতের পদ্মপাতের

একটি ফোঁটা জল ?

বিজুলীবার কণ্ঠমালার

একটা মোতির ফল ?

কটাফ কোন্ ফুল-বেগমের

সুখ্মা-আঁকা চপল চোখের ?

কিংবা প্রিম্বার বিদায়-কালের

নয়ন ছলছল ?

সন্ধ্যাতারা, তুই কি বরা

পারিজাতের দল ?

৩

তুই কি রে নীলসাগর-ছেঁচা

জ্যোৎস্না-মণিটুকু ?

কিংবা কারো মিলন-নিশার

একটি ফোঁটা সুখ

রতির ভালের রঞ্জনটীপ ?

দেবদেউলের কাঞ্চনদীপ ?

বাসিররাতির নূতন বধূর

ঘোমটা-তোলা মুখ ?

তুই কি রে নীলসাগর-ছেঁচা

জ্যোৎস্না-মণিটুকু ?

শ্রীগোপেন্দ্রনাথ সরকার ।



আয়ারল্যান্ড

আয়ারল্যান্ডের সমস্তর সুমোমাংসার একটা বন্দোবস্ত হইতে হইতে বারবার এমনই ভাবে ভাবিয়া যাইতেছে যে এ সমস্তর সমাধান কি করিয়া হইবে তাহা ঠিক করিয়া উঠা যাইতেছে না। বিগত শ্রাবণের "প্রবাসীতে" ইংরেজ দপ্তরের আমন্ত্রণে লণ্ডনে কন্ফারেন্সে যোগ দিতে ডিভ্যালেরার আপত্তির কথা বিবৃত হইয়াছিল। তাহার পর দক্ষিণ আফ্রিকার মন্ত্রী জেনারেল স্মাটসের চেষ্ঠায় ডিভ্যালেরা লণ্ডনে আসিয়া কন্ফারেন্সে যোগ দিতে রাজী হন, তবে লয়েড জর্জকে কন্ফারেন্সের সভাপতি করিতে আপত্তি জানাইয়া এই সর্ত্ত করিতে চাহেন যে কোনও নিরপেক্ষ ব্যক্তিকে এ আসন দিতে হইবে। লয়েড জর্জ ডিভ্যালেরাকে এক পত্র লিখিয়া এই অনুরোধ জ্ঞাপন করেন যে রাজার ঐকান্তিক ইচ্ছা আইরিশ সমস্তর একটা সুমোমাংস হইবে, তজ্জন্তই ইংরেজ দপ্তর আয়ারল্যান্ডের সভাপতির সহিত আলোচনা করিতে অত্যন্ত উৎসুক। এবং তাহার আশা করেন যে রাজার ইচ্ছাকে ডিভ্যালেরা কখনই ব্যর্থ করিবেন না। সেইজন্ত ডিভ্যালেরা এবং তাহার কয়েকজন সঙ্গীকে ইংলণ্ডে নিরাপদে আসিবার অনুমতি দেওয়া যাইতেছে। এই পত্র পাইয়া আইরিশগণ ১১ই জুলাই হইতে যুদ্ধ স্থগিত রাখিবার এক ঘোষণাপত্র বাহির করিলেন এবং ১২ই জুলাই ডিভ্যালেরা ইংলণ্ডে আগমন করেন। ১৫ই জুলাই তারিখে ইংলণ্ডের প্রধান মন্ত্রী লয়েড জর্জের সহিত কয়েকঘণ্টা ধরিয়া আলোচনা করেন। এই কথাবার্তার পর ২০শে জুলাই তারিখে ইংরেজ দপ্তর আইরিশ সমস্তর যেরূপ সমাধান ব্যবস্থা করিতে চাহেন তাহার মর্ম জ্ঞাপন করিয়া একটি লিখিত প্রস্তাব লয়েড জর্জ ডিভ্যালেরার নিকট প্রেরণ করেন। তাহার মূল সর্ত্তগুলি এই :—

- (১) করগ্রহণ এবং রাজস্বের সম্পূর্ণ স্বাধীনতা আয়ারল্যান্ডে পাইবেন।
- (২) আইন আদালত সকলের উপর সম্পূর্ণ অধিকারও তাহারা পাইবেন।
- (৩) পুলিশের ব্যবস্থা করিবার এবং দেশরক্ষার্থে অল্পসংখ্যক সৈন্য রাখিবার অধিকার আয়ারল্যান্ডে পাইবেন।
- (৪) আইরিশ পার্লামেন্ট ডাক বিভাগ, শিক্ষা, ভূমি, কৃষি, খনি, বন, গৃহনির্মাণ, শ্রমিক, সর্বস্বত্ব, ব্যবসায়, স্বাস্থ্য, বিমা, আব্দকারী প্রভৃতি বিভাগের উপর স্বাধীন ক্ষমতা পরিচালন করিতে পারিবেন।

এক কথা বলিতে গেলে ইংরেজ দপ্তর মনে করেন যে সম্পূর্ণ উপনিবেশিক স্বায়ত্তশাসনের ভার আয়ারল্যান্ডকে দিতে তাহারা এই প্রস্তাব উপস্থাপিত করিয়াছেন। কিন্তু গ্রেটব্রিটেনের মন্ত্রদের জন্ত এবং তাহাকে নিরাপদ করিবার জন্ত নিয়বর্ণিত একান্ত প্রয়োজনীয় সর্ত্তগুলি ইংরেজ দপ্তর আয়ারল্যান্ডকে মানিতে বলেন—

- (১) আয়ারল্যান্ডের নৌবিভাগ থাকিবে না। এক সাধারণ

রাষ্ট্রীয় নৌবিভাগ ইংরেজ দপ্তরের অধীনস্থ হইয়া গ্রেটব্রিটেনের রক্ষণাবেক্ষণে নিযুক্ত থাকিবে এবং আয়ারল্যান্ডের উপকূলে স্বাধীন ভাবে বিচরণ করিবার এবং তথাকার বন্দরের ব্যবহার করিবার অধিকার এই নৌবহরের থাকিবে।

- (২) আয়ারল্যান্ডের সৈন্যসংখ্যা খুব অধিক হইতে পারিবে না, তাহার নির্দিষ্ট সংখ্যা পরে নিরূপিত হইবে।

- (৩) গ্রেটব্রিটেনের আকাশবাহী দৌল আয়ারল্যান্ডে নিজের প্রয়োজনমত যাতায়াত করিতে পারিবে এবং ইহার গতিবিধির সাহায্য প্রয়োজনানুসারে করিতে আইরিশগণ বাধ্য থাকিবেন।

- (৪) আয়ারল্যান্ডে ব্রিটিশ সাম্রাজ্যের মন্ত্রদের জন্ত ব্রিটিশ সৈন্য, নৌবহর এবং বিমানবহরের রক্ষণাবেক্ষণের ব্যয় কিঞ্চিৎ বহন করিবেন। সাম্রাজ্যের সৈন্যদলে আইরিশগণকে ভর্তি হইতে আইরিশ-পার্লামেন্ট বাধ্য দিতে পারিবেন না।

- (৫) আইরিশগণ ইংলণ্ডে মাল আমদানী-রপ্তানীর উপর কোনও শুল্ক বসাইতে পারিবেন না।

- (৬) বিগত বিশ্বযুদ্ধের জন্ত ব্রিটিশ সাম্রাজ্যের যে ঋণ হইয়াছে তাহার কিয়দংশ আয়ারল্যান্ডকে বহন করিতে হইবে। এই-সকল সর্ত্তে আইরিশ পার্লামেন্ট অস্বীকার করিলে এই-সকল চুক্তি-সম্বলিত একটি সন্ধিপত্র উভয় পক্ষ সই করিবেন।

লয়েড জর্জের সর্ত্তগুলির পশ্চাৎ পাইয়া আয়ারল্যান্ডের পার্লামেন্ট জানাইলেন যে আইরিশ পার্লামেন্টের যতগুলি সভ্য ইংরেজ কর্তৃক অবরুদ্ধ আছেন তাহাদের সকলকে মুক্তি না দিলে এই সর্ত্তগুলির আলোচনা করা তাহাদের পক্ষে অসম্ভব। এতদ্বারা ৭ই আগষ্ট ইংরেজ মন্ত্রিসভা এক ম্যাক্কাওয়েন ব্যতীত আর সকল আবদ্ধ সভ্যদিগকে বিনা সর্ত্তে মুক্তি দিলেন।

ডেল আইরিয়েন (আইরিশ পার্লামেন্ট) জানাইলেন যে ম্যাক্কাওয়েনকে মুক্ত না করিলে তাহারা সন্ধিপ্রসঙ্গ বন্ধ করিতে বাধ্য হইবেন। ৮ই আগষ্ট বাধ্য হইয়া ইংরেজ মন্ত্রিসভা ম্যাক্কাওয়েনের মুক্তি ঘোষণা করেন।

যদিও ইংরেজ সরকার তাহাদের প্রস্তাবে স্পষ্ট বলিয়াছিলেন যে উপনিবেশিক স্বায়ত্তশাসনের অনুরূপ শাসন আয়ারল্যান্ডকে দিতে তাহারা প্রতিশ্রুত হইতেছেন, * তথাপি এই প্রস্তাবেই এমন কতকগুলি

* Government proposes that Ireland should forthwith have a status of dominion by which she would enjoy complete autonomy in taxation, etc. * * * * To sum up, Ireland shall exercise all powers on which the autonomy of self-governing dominions is based subject only to the following conditions which the Government are of opinion are vital to the welfare and safety of both Great Britain and Ireland * * *. Vide Lloyd George's letter to D'Valera on July 20th.

সর্ভ ছিল বাহ্য হইতে বুঝা যায় যে এই অসীম প্রতিশ্রুতির কোনও ভিত্তি নাই। মন্ত্রিসভার এই কার্সাজিটুকু ডিভ্যালেরার চক্ষে অতি সহজেই ধরা পড়িয়া গেল। এবং উত্তরে তিনি এই কার্সাজিটুকু ধরাইয়া দিলেন, আইরিশ জাতির স্বাধীনতার স্বভাবগত অধিকার পুনর্বার ঘোষণা করিলেন। ইংলণ্ডের 'নেশন' পত্রও এই কার্সাজিটুকু পরিষ্কার ধরাইয়া দেওয়া হইয়াছে। 'নেশন' বলেন, "ক্যাথলিক ও সিনফিন আয়ারল্যান্ডকে আমরা আন্তর্জাতিক কার্য পরিচালনার জন্য উপযুক্ত স্বাধীনতা একপ্রকার দিতে চাহিয়াছি, কিন্তু তাহাকে উপনিবেশিক শাসনশাসন নামে অভিহিত করা ভ্রান্তি। ইহা কখনই উপনিবেশিক শাসনশাসন নহে। ডিভ্যালেরা খুব সহজেই এই চাতুরী ধরিয় ফেলিয়াছেন।" (But rather misleadingly qualified it as an offer for dominion status. This it is not.)

কিন্তু আর-একদল ব্রিটিশ রাষ্ট্রনীতিবিদগণ এই প্রস্তাবকে উপনিবেশিক শাসনশাসনের সঙ্গে সম্পূর্ণভাবে তুলনীয় বলিয়া ঘোষণা করিতে লাগিলেন এবং জেনারেল স্মিথ ডিভ্যালেরাকে লিখিলেন "full dominion status with all its and implies is yours if you will but take it" অর্থাৎ উপনিবেশিক শাসনশাসন বলিতে যে-সমস্ত অধিকার দ্বারা সে সমস্তই আপনাদিগকে দেওয়া যাইবে যদি আপনারা তাহা গ্রহণ করিতে রাজী থাকেন।

ইচ্ছা করিলে ব্রিটিশ সাম্রাজ্য হইতে সম্পূর্ণ স্বতন্ত্র হইবার অধিকার উপনিবেশসমূহের আছে। কিন্তু ইংরেজ মন্ত্রিসভার প্রস্তাবে স্পষ্টাঙ্গরে বলা হইয়াছে আয়ারল্যান্ডের এই অধিকার তাহার স্বীকার করিতে পারেন না। "No such right can ever be acknowledged by us." দ্বিতীয়ত, ইংরেজ মন্ত্রিসভা আয়ারল্যান্ডকে জানাইয়াছেন যে আলষ্টার প্রদেশের স্বাধীনতা অক্ষুণ্ণ রাখিতে হইবে। আলষ্টারের উপর আয়ারল্যান্ডের বাকি প্রদেশ কয়েকটি জোর প্রবৃদ্ধি করিতে পারিবেন না। এই বন্দোবস্তের দোষ এই যে ইংরেজ সরকার খেমাল-মত একটা দাঁড়ি কাটিয়া আয়ারল্যান্ডকে বিভক্ত করিলেন। প্রজাসাধারণের ইচ্ছা অনুসারে শাসনতন্ত্র নির্বাচন (plebiscite) এর অধিকার এ ক্ষেত্রে স্বীকৃত হইল না। যদি সাইলিনিয়া, সেলসউইগ হোলষ্টাইন, টিউ প্রভৃতি স্থানের অধিবাসীবর্গের স্থায় আলষ্টারের অধিবাসীবর্গকে এই অধিকার দেওয়া হইত তাহা হইলে আলষ্টারের ৩ অংশ অন্তত আইরিশ জাতীয় মহাসভার অধীনস্থ হইয়া আয়ারল্যান্ডের শাসনতন্ত্রের সহিত যুক্ত থাকিবার অভিমত প্রকাশ করিত। 'নেশন' বলেন, "টাইরোন ও ফারমানাগ অঞ্চলে জাতীয় দলের সংখ্যাই বেশী। ডাউন, দক্ষিণ আরমাগ, নিউরি ও ডেরি অঞ্চলেও তাই। * * * সেইজন্য জোর করিয়া এই-সব প্রদেশকে আলষ্টারের সহিত যুক্ত করিয়া আয়ারল্যান্ডের জাতীয় দল হইতে পৃথক করিবার জন্য জোর করিলে যদি সন্ধির প্রচেষ্টা ব্যর্থ হয় এবং যদি আলষ্টারবাসীর শাসনতন্ত্র নির্বাচনের অধিকার না দেওয়ার জন্য যুদ্ধ বাধে, তবে আমাদের মতে তাহার জন্য ইংলণ্ড দায়ী।" নেশন, ২০শে আগষ্ট, ১৯৩৩ পৃষ্ঠা।

নেশন আরও বলেন যে ইংরেজ দ্বারা আয়ারল্যান্ডকে যে কয়েকটি সর্ভ অস্বীকার করিতে বলিয়াছেন তাহার ১, ৩, ৩ ও ৪ নম্বর সর্ভগুলি হইতে আয়ারল্যান্ডের উপর ইংরেজের সামরিক প্রভুত্ব বজায় রাখিবার দৃঢ় সংকল্প প্রকাশ পায়। এই-সমস্ত উপায়ে আইরিশ জমিতে আইরিশ শাসনতন্ত্রের বাহিরে সশস্ত্র সৈন্যবাসের জাল বুনিবার চেষ্টা হইয়াছে। কোন উপনিবেশ একরূপ বিধি সহ করিত? শাসকসম্প্রদায়ের অনধীন সৈন্য সংরক্ষণ ব্যবস্থা স্বাধীনতার বিরোধী এবং আয়ারল্যান্ডের ভাবী শাসনপ্রণালী যাহাদের অনুরূপ হইবে বলিয়া চলনা করা হইতেছে সেই উপনিবেশগুলি একরূপ ব্যবহার সহিত পরিচিত নহে। "An

army outside the control of civil authorities create a situation at once incompatible with freedom and unknown in those dominions to whose status, it is pretended, Ireland is to be raised."

যাহা হউক লয়েড জর্জের প্রস্তাবের উত্তরে ১০ই আগষ্ট ডাব্লিনের ম্যানসন হাউস হইতে আইরিশ রিপাব্লিকের সভাপতিরূপে ডিভ্যালেরা গেলিক ভাষায় একটি উত্তর লিখিয়া পাঠান। তাহাতে বলেন যে ডেল-আইরিয়েন ইংরেজ দাবারের প্রস্তাব গ্রহণীয় বলিয়া মনে করেন না এইজন্য যে তাহা আইরিশ জাতির গ্রহণের অসম্ভব। তিনি ব্রিটিশ প্রস্তাবের নানা অযৌক্তিকতা দেখাইয়া পরিশেষে আইরিশ জাতির স্বেচ্ছায় ভিন্ন-হইবার অধিকার হইতে বঞ্চিত থাকা যে উপনিবেশিক শাসনশাসনের মূলনীতির বিরোধী তাহাও বলেন। তবে আইরিশ জাতি স্বাধীন বলিয়া স্বীকৃত হইলে তিনি তাহাদের পক্ষ হইতে ইংরেজের সহিত চিরসখ্যাত্রে স্বেচ্ছায় আবদ্ধ হইতে প্রস্তুত আছেন। ব্যবসায়ের সুবিধা ও রেলপথ ও বায়ুপথে সৈন্য যাতায়াতের সুবিধা করিয়া দিতে এবং ছুইপক্ষের নিরীক্ষিত প্রতিনিধিগণের দ্বারা স্থিরকৃত যুদ্ধবন্দনের অংশ গ্রহণ করিতে আইরিশ জাতি স্বীকৃত আছে।

এই পত্রের উত্তরে আবার ১৩ই আগষ্ট তারিখে লয়েড জর্জ এক পত্র লিখিয়া জানাইলেন যে "আইরিশ জাতির সামান্য হইতে ভিন্ন হইবার অধিকার ব্রিটিশ শাসনতন্ত্র কখনও স্বীকার করিতে পারেন না। শত শতাব্দীর ইতিহাসের দ্বারা এই ছুই জাতির অবিচ্ছেদ্য অদৃষ্ট-বন্দনের সাক্ষ্য দিতেছে, তাহাকে কি কাঁরয়া অস্বীকার করা যাইবে। পরে ২৩শে তারিখে লয়েড জর্জ ডিভ্যালেরাকে জানাইলেন যে বুধা বানানুবাদে ভ্রান্ত নাই। যদি সত্যসত্যই শান্তিস্থাপনের ইচ্ছা উভয়-পক্ষের থাকে তবে ভবিষ্যতে যে পথে আলোচনা করিলে সফল হওয়ার সম্ভাবনা তাহার মূল ত্রুটি অবিলম্বে স্থিরকৃত হওয়া প্রয়োজন। ৩০শে আগষ্ট ডিভ্যালেরা জানাইলেন যে মূলতঃ প্রস্তাব করা যে একান্ত প্রয়োজনীয় হইয়া উঠিয়াছে তাহা তাহারও স্বীকার করেন। কিন্তু প্রধান মন্ত্রীর পক্ষে যে ঐতিহাসিক তথ্যের অবতারণা করা হইয়াছে তাহা ভুল। আইরিশ জাতি ইংলণ্ডের সহিত চিরমৌহর্দা-বন্ধনে আবদ্ধ থাকিবার স্বভাবজাত কোনও কারণ দেখেন না এবং তাহার প্রায় সকলেই স্বাধীনতা আকাঙ্ক্ষা করেন। গ্রেটব্রিটেনের কথায় মনে হয় যে তাহার বলিতে চাহেন যে পুরাকালে আয়ারল্যান্ড যে সন্ধিসম্মত্রে গ্রেটব্রিটেনের সহিত যুক্ত হইয়াছিল তাহার সর্বানুসারে অবিচ্ছেদ্য বন্ধনে আবদ্ধ থাকিতে বাধ্য। কিন্তু সে সন্ধি কিরূপ কলঙ্ক-আবৃত তাহা ইতিহাসপ্রসিদ্ধ। তথাপি তাহাকে স্থায়ী ও সমস্ত দাবী বলিয়া ইংরেজ পার্লামেন্ট আয়ারল্যান্ডকে শাসন করিতে চাহেন ইগ খুবই আশ্চর্যের কথা। আইরিশ জাতি সেইজন্য ইংরেজ সরকারের প্রস্তাব প্রত্যাখ্যান করিতেছেন। কারণ এই প্রস্তাবে ব্রিটিশ সাম্রাজ্যের সহিত স্বেচ্ছায় যুক্ত থাকিবার জন্য আয়ারল্যান্ডকে নিমন্ত্রণ করা হয় নাই। এই আনুগুণে কাগ্যতঃ উপনিবেশসমূহ হইতে নিম্নতর অধিকার আয়ারল্যান্ডের জন্য স্বীকৃত হইতেছে।

একজন নিরপেক্ষ বিচারকের উপর ঐতিহাসিক ও ভৌগোলিক তর্কগুলির মীমাংসার ভার গুস্ত করিতে আইরিশ জাতি প্রস্তুত আছেন। ভৌগোলিক সংস্থান যদি শাসন করিবার ও অধীন রাখিবার একটি সফল কারণ বলিয়া গ্রহণ হয় তবে জার্মান জাতিরও বেলজিয়ামের উপর প্রভুত্ব করিবার স্থায়ী দাবী আছে বলিয়া স্বীকার করিতে হয়। গ্রেটব্রিটেন যদি এইসব সূনিতে নারাজ থাকেন এবং জোর করিয়া নিজের ইচ্ছা বজায় রাখিতে চাহেন, তখন নিরুপায় হইয়া আয়ারল্যান্ডকে বাধা দিতে হইবে। তবে একথা বলা সরকার খেঁ শক্তি প্রয়োগ করিলে

এ সমস্তার সমাধান হইবে না কেননা কেবল পাশব বল সত্য ও সুবুদ্ধিকে পরাজয় করিতে পারে না। উভয় পক্ষের নির্বাচিত প্রতিনিধি যদি পূর্বে হইতে কোনও দাবী না করিয়া স্থশাসনের মূল সূত্র ধরিয়া আলোচনা করেন তবেই সুকল লাভের সম্ভাবনা। শাসিতের ইচ্ছায় শাসন (principle of Government by consent of the governed) একমাত্র এই মূলনীতি যদি কনফারেন্স অবলম্বন করিতে প্রস্তুত থাকেন তাহা হইলে আইরিশ জাতি শাস্তির আশা করিতে পারেন। এবং এই নীতি অপর পক্ষ গ্রহণ করিতে প্রস্তুত থাকিলে 'ঐহারা এখনই প্রতিনিধি প্রেরণের ব্যবস্থা করিতে পারেন।' চই সেক্রেটারি ইংরেজ মন্ত্রিসভা জানাইলেন যে ঐহারা ডিভ্যালেরার ৩০শে তারিখের পত্র বিশেষ ভাবে বিবেচনা করিয়াছেন। 'শাসিতের ইচ্ছায় শাসনকার্য পরিচালন ব্রিটিশ শাসননীতির ক্রমবিবর্তনের মূল কথা। কিন্তু সেইজন্য কোনও কার্যকারী আলোচনা-সভার কার্যারম্ভের পূর্বে এমন কোন সূত্রকে স্বীকার করিতে পারি না যাহার ব্যাখ্যা এইরূপ করা যায় যে আপনারা যাহা চাহিবেন তাহাই—এমন কি আয়ারল্যান্ডের সম্পূর্ণ স্বাধীনতা পর্যন্ত—দিতে আমরা পূর্বে হইতেই স্বীকার পাইতেছি। এরূপ স্বীকারোক্তি করিয়া আলোচনা-সভা আহ্বান করা আমাদের পক্ষে অসম্ভব। তবে আপনাদিগকে আমাদের প্রস্তাবগুলিকে যথামূল্যে অবধারণ করিতে পুনর্বার আহ্বান করা যাইতেছে। আমরা আশা করি সম্মিলিত কনফারেন্সে আলোচিত হইবার পূর্বে আপনারা উহাকে প্রত্যাখ্যান করিবেন না। তাহা করিলে ইহাই বুঝা যাইবে যে ব্রিটিশ সাম্রাজ্যের সেবা করিতে আপনারা অনিচ্ছুক। আশা করি আমাদের এরূপ ধারণা সম্পূর্ণ ভ্রমাত্মক। যে স্বাধীনতা আপনাদিগকে দিতে আমরা স্বীকৃত আছি বলিয়া প্রচার করিয়াছি প্রকৃতপক্ষে আমাদের প্রস্তাবে তাহা আপনাদিগকে দেওয়া হইতেছে না বলিয়া যদি আপনাদের ধারণা হইয়া থাকে, তাহা হইলে কনফারেন্সে আলোচনা করিলে সেইসব স্পষ্ট হইয়া উভয় পক্ষের অনেক ভ্রান্তি দূর হইতে পারিবে। আপনি নিশ্চয় স্বীকার করিবেন যে বাগ্‌বিতণ্ডা ও পত্রব্যবহার বহুদিন ধরিয়া চলিয়াছে এবং এখন কাজের সময় আদিয়াছে। আপনারা কনফারেন্সে যোগ দিতে প্রস্তুত আছেন কি না তাহা সঠিক ভাবে জানিতে চাই।'

এইরূপ অনেক কথা-কাটাকাটির পর উভয় পক্ষের প্রতিনিধির আলোচনা স্ট্রটলাণ্ডের ইন্ডারনেস সহরে হওয়া স্থির হইল। আবার এক নুতন গোলযোগে তাহা ভাঙ্গিবার উপক্রম হইয়াছে। ডিভ্যালেরা বলেন যে যখন আইরিশজাতি নিজেদের সাধারণতন্ত্র ঘোষণা করিয়াছেন এবং তিনি যখন তাহাদের নির্বাচিত সভাপতি, তখন তিনি এমন কোনও কার্য করিতে পারেন না যাহাতে আইরিশ সাধারণতন্ত্রের স্বাধীনতা ঘোষণা সন্ধি হইবার পূর্বেই ক্ষুণ্ণ হয়। কাজে কাজেই সন্ধিসভায় তিনি স্বাধীনরাজ্যের প্রতিনিধিত্বপেই যাইতে পারেন। তিনি 'সেইরূপে আসিবার প্রয়োগ পাইলেই ইন্ডারনেস কনফারেন্সে উপস্থিত হইবেন, নতুবা নহে।

ইংরেজ মন্ত্রিসভা বলেন যে তাহা হইতে পারে না। ইংলণ্ড পূর্বে হইতেই আয়ারল্যান্ডকে স্বাধীনরাজ্য বলিয়া স্বীকার করিলে পরে আইরিশ জাতি উভয় পক্ষের কল্যাণ না দেখিয়া স্বার্থপরের স্তায় নিজের সুবিধা বোল আনা জোর করিয়া রাখিতে চাহিলে ইংলণ্ডের বাধা দিবার উপায় থাকে না। এবং ইংলণ্ড আয়ারল্যান্ডকে সম্পূর্ণ স্বাধীন বলিয়া স্বীকার করেন না। এইসব বাগ্‌বিতণ্ডায় মিলন-প্রচেষ্টা ব্যর্থ হইয়াছে বলিয়া রয়টার ঘোষণা করিয়াছিলেন। সশ্রুতি আবার একটু আশার কথা শুনা যাইতেছে। ডিভ্যালেরা বলিতেছেন যে তিনি ইংলণ্ডকে এইরূপ কোনও স্বীকারোক্তি করিতে বলেন নাই। কিন্তু নিজেও আপনার পক্ষমর্য়াদা গুল করিতে পারেন না। কোন পক্ষ অপর পক্ষের কথা

পূর্বে হইতে যদি না মানিল তাহাতে কি আসে যায়? আর পক্ষ প্রতাপক্ষ আপনাদের স্ব স্ব দাবী পূর্বে হইতে ছাড়িবেনই বা কেন? পূর্বে নিজের দাবী প্রত্যেকে বোল আনা বজায় রাখিয়া তাহার পর কনফারেন্সে ধীরভাবে বিবেচনা করিয়া উভয়পক্ষ কিঞ্চিৎ ত্যাগ করিলেই মিলন হইতে পারে। এই উক্তির পর আবার সম্মিলনের ব্যবস্থা করিবার চেষ্টা হইতেছে। দেখা যাউক ভবিষ্যতের গর্ভে কি আছে?

*

নিরস্ত্রীকরণ দরবার

ইউনাইটেড স্টেটসের ভূতপূর্ব সভাপতি উইল্‌সন সাহেবের প্রযুক্ত বিগত বিশ্বযুদ্ধের শেষ হয়। তাহার প্রস্তাবিত "চৌদ্দ দফা"কে সন্ধির ভিত্তি বলিয়া যুগুৎ শক্তিপূঞ্জ সকলেই ধরিয়া লওয়াতে পারার শাস্তি-কনফারেন্সের বৈঠক সম্ভবপর হইল। কিন্তু বৈঠকের সময় রাজনীতিধুরকরদের চক্ষে "চৌদ্দ দফা"র দফা রক্ষা হইয়া গেল। পৃথিবীর প্রজাসাধারণ মনে করিয়াছিল বৃষ্টি বিধাতার বিশেষ করুণায় মহাপুরুষ উইল্‌সনের আবির্ভাব হইয়াছে। ইহার চেষ্টায় পৃথিবীতে বৃষ্টি চিরশান্তি বিরাজ করিবে। কিন্তু যুদ্ধ-শাস্তির পরও যখন ইংলণ্ড, যুক্তরাজ্য বা জাপান—পৃথিবীর এই তিন মহাশক্তি-শালী রাজ্যের কেহই সশস্ত্র ক্ষাত্রশক্তির হ্রাসের কোনও চেষ্টা না পাইয়া বরঞ্চ নৌবহর ক্রমাগতই বাড়াইতে লাগিলেন, তখন প্রজা-সাধারণের শাস্তির আশা নিকাপিত হইল।

কিন্তু যুদ্ধের বিষময় ফলধরূপ প্রত্যেক দেশের আর্থিক অবস্থা অত্যন্ত শোচনীয় হইয়া উঠিয়াছে। তাহার উপর নৌবহরের অসম্ভবরূপ বৃদ্ধির জন্ত তাহার অভূতপূর্ব ব্যয়ভার বহন করা সকলের পক্ষে অসহনীয় হইয়া পড়িতেছে। কিন্তু কে সাহস করিয়া নৌবহর বৃদ্ধি স্থগিত রাখিবে? প্রশান্ত মহাসাগরের উপকূলস্থিত দেশসমূহের উপর প্রাধান্ত বিস্তার লইয়া যুক্তরাজ্য, জাপান ও ইংলণ্ড রেঘারেষি আছে। সু-বাগ বৃষ্টিতেই একে অপরের উপর অনেকদিন হইতেই টেকা দিবার চেষ্টা পাইতেছেন। ইউরোপ ও যুক্তরাজ্যের খেত জাতিসমূহের পীতাতঙ্কও বড়ই প্রবল। এইসব সমস্যা বর্তমান থাকিতে কে সাহস করিয়া নৌবহর নির্মাণ বন্ধ রাখিয়া নিজের শক্তিকে ধ্বংস করিবে? কিন্তু যুদ্ধজাহাজ নির্মাণের ব্যয়ভার বহন করাও যে ছুঃসাধ্য। তাই ইহার প্রতিবিধানের উপায় চিন্তা সকল দেশেই চলিতেছে। যুক্তরাজ্যের সিনেট সভার সভ্য সিনেটর বোরা কিছুদিন পূর্বে যুক্তরাজ্যের সিনেট সভায় প্রস্তাব করেন যে জাপান, যুক্তরাজ্য ও ইংলণ্ড ব্যতীত নৌবলে পৃথিবীর অন্য কোনও জাতি অধুনা বলীয়ান না থাকায় এই তিন জাতির আপনাদের মধ্যে একটি নিষ্পত্তি হইলে নৌবহর বৃদ্ধি বন্ধ হওয়া সম্ভবপর। তাহার উপায় উদ্ভাবন করিবার জন্ত যুক্তরাজ্যের তরফ হইতে এই তিন জাতির প্রতিনিধিবর্গকে একটি কনফারেন্সে আহ্বান করা হউক। কিন্তু নৌবহর বৃদ্ধি বন্ধ করিলেই সঙ্গে সঙ্গে যুদ্ধের অস্ত্রাস্ত্র উপদ্রব এবং সৈন্যসংখ্যাও হ্রাস করিবার প্রয়াস দরকার—ইহা অশুভব করিয়া যুক্তরাজ্যের সভাপতি হার্ডিং আগামী নবম্বর মাসে যুক্তরাজ্যের ওয়াশিং-টন সহরে একটি নিরস্ত্রীকরণ কনফারেন্সের বৈঠক স্থির করিয়া, ইংলণ্ড, ফ্রান্স, জাপান ও ইতালী রাজ্যকে প্রতিনিধি প্রেরণের জন্ত আহ্বান করেন। হার্ডিং-এর নিমন্ত্রণের সাড়া সর্বত্রই পাওয়া গিয়াছে, সকলেই নিমন্ত্রণ গ্রহণ করিয়াছেন; জাপান উৎসাহ প্রকাশ করিয়াছেন, কিন্তু কনফারেন্সের উদ্দেশ্য সম্বন্ধে আঁচও বিস্তারিত জানিতে চাহিয়াছেন। কারণ, জাপানের সন্দেহ যে মান্‌চী প্রদেশে, স্থাখামিয়েন ও ইয়াপ-দ্বীপ প্রভৃতি স্থানে জাপান যে প্রভুত্ব বিস্তার করিয়াছেন তাহাকে

ধর্ম করিবার চেষ্টা এই প্রস্তাবের অন্তরালে প্রচ্ছন্ন থাকিতে পারে। সিনেটর বোরা কিন্তু এই সাধারণ ভাবের বিরোধী। তিনি বলেন যে তাহা বর্তমানে সম্ভবপর নহে। নৌবল আর কাহারও বিশেষ না থাকিতে এবং ইংলণ্ড, জাপান ও যুক্তরাজ্য অন্ত্যস্ত দেশ-সমূহ হইতে বিচ্ছিন্ন থাকিতে, এই তিন দেশ নিজেদের মধ্যে একটা বোঝাপড়া করিয়া নৌবহর কমাইলে বহিঃশত্রুর ভয় থাকে না। কিন্তু স্বলসৈন্যবল হ্রাস করা যায় কি করিয়া? জার্মানীর মিলিটারিষ্ট দল এখনও প্রবল; রাশিয়ার বোলশেভিষ্ট সম্প্রদায়ের আক্রমণ হইতেই বা আত্মরক্ষা করা সম্ভবপর হইবে কিরূপে? আর ইউরোপের শক্তিপুঞ্জ যদি আপনাদের হীনবীৰ্য্য করিয়া ফেলেন, তখন তুর্কী যদি আবার মাথা নাড়া দেয় কিবা হাঙ্গেরী আবার হাঙ্গামা বাধায়, তখন কি উপায় হইবে? আর জাতিসমূহের নিরস্ত্রীকরণ কাব্য যে প্রকৃতই হইতেছে তাহা দেখিবে কে? যদি কেহ অপ্রশস্ত কমাইতে রাজি না থাকে তবে তাহার উপায় কি? জোর জবরদস্তি করিয়া নিরস্ত্রীকরণ বড় সোজা ব্যাপার নহে। জার্মানী যুদ্ধে পরাজিত হইয়াও সহজে সৈন্যবল কমায় নাই। কত কমিশন, কত চরমপত্র (ultimatum), কত প্রথর দৃষ্টি ও তদ্বিরতির পর জার্মানী সৈন্যবল কমাইয়াছেন। এইসকল উপায় অবলম্বন করিতে মিত্রশক্তির বড় কম ব্যয় হয় নাই। স্বার্থে স্বার্থে যতদিন সংঘাত থাকিবে ততদিন এইরূপ উপায়ে সীমা-রেখা টানিয়া ফাটল বন্ধে সংহত করা সম্ভবপর নহে। কাজেকাজেই ওয়াশিংটন কন্ফারেন্স হইতে অধিক সফল লাভের প্রত্যাশা বিড়ম্বনা মাত্র। বোরা আরও বলেন যে যতদিন পর্য্যন্ত পরাধীন ও হীনবল জাতির পক্ষে স্বাধীন-বিচার সহজপ্রাপ্য না হইবে, এবং যতদিন পর্য্যন্ত জাতিতে জাতিতে যুদ্ধ-বিগ্রহ অসম্ভব করিয়া তোলা না যাইবে, ততদিন পর্য্যন্ত ফাজবল সংহত করিবার চেষ্টা বৃথা হইবে।

তবে একপ কন্ফারেন্স একেবারে বিফলে নাও যাইতে পারে। হেগ শান্তিসভা বিশ্বযুদ্ধের পূর্বে নিষ্ঠুরতা নিবারণ করিবার জন্য কতকগুলি আইন-কানূনের প্রণয়ন করিয়াছিলেন। এই যুদ্ধে তাহার সকল-গুলি আইনই পালন করা হইয়াছিল। তথাপি এই কথা স্বীকার করিতেই হইবে যে সেই আইনগুলি পূর্বে হইতে ছিল বলিয়া অনেক স্থলে যুদ্ধ আরও ভীষণ হইয়া উঠে নাই, অনেক নিষ্ঠুরতা ও অহেতুক হত্যা নিবারণিত হইয়াছে। অন্তত একপ পরোক্ষ ফলও এই কন্ফারেন্স হইতে পাওয়া যাইবে আশা করা যায়।

অ্যাঙ্গোরা ও গ্রীস

অ্যাঙ্গোরার কামাল পাশার জাতীয় দল মিত্রশক্তিপুঞ্জের চক্ষুশূল। যুদ্ধের শান্তি হইল; তুরস্ক মাথা নত করিলেন; কিন্তু কামালের দল তুরস্কের পূর্বে গৌরব অক্ষুর রাখিবার জন্য অনিতবলে যুদ্ধ করিতেছে। এশিয়াবাসীর এ দুর্জয় সাহস ইউরোপীয় শক্তিপুঞ্জের ভাল না লাগিবারই কথা। তাই রয়টারের সংবাদে তুর্কী জাতীয়দলের সংবাদ অতি অল্পই থাকে, খাছাও বা বাহির হয় তাহার অর্ধেক ভুল।

আমরা রয়টারের প্রসাদে বরাবরই শুনিয়া আসিয়াছি যে শুধুদের গভর্নমেণ্ট ও প্রজাপুঞ্জ কামালের বিরোধী। কিন্তু সেদিন একটি সংবাদে সত্য কথা বাহির হইয়া পড়িয়াছে। গ্রীকেরা বারম্বার কামালের নিকট পরাজিত হইয়া এবার মরণপণ করিয়াছিল যে এশিয়ামাইনর হইতে তুর্কীকে চিরদিনের মত নির্বাসিত করিবে। তাই এবার তাহার অমিতবলে তুর্কসেনাকে আক্রমণ করিয়া যুদ্ধের পর যুদ্ধ হটাইতে লাগিল। অ্যাঙ্গোরা সহরের অতি সম্মিকটে যখন গ্রীক সৈন্য

উপস্থিত, তুর্ক-সাম্রাজ্যের আশা ভরসা যখন নির্মূলপ্রায়, তখন সংবাদ পাওয়া গেল কনস্টান্টিনোপলের মসজিদে মসজিদে দলে দলে নরনারী ভগবানের চরণপ্রান্তে কামালের জয় প্রার্থনা করিতেছে। ১৪ই সেপ্টেম্বর তারিখে সমস্ত তুরস্কসাম্রাজ্যময় এই একই প্রার্থনা উদ্ভিয়াছিল। স্পষ্টই দেখা গেল যে সমস্ত তুরস্ক সাম্রাজ্য কামালের প্রতি চাহিয়া আছে। রয়টার সংবাদ দিনে দিন অ্যাঙ্গোরার পতন হইয়াছে। সমস্ত মুসলমান-জগৎ ফুঁক হইয়া উঠিল। পরদিন সংবাদ আসিল যে সংবাদটি একটু ভুল। গ্রীক সৈন্য অ্যাঙ্গোরার নিকট পরাস্ত হইয়াছে। গ্রীকসৈন্য প্রায় বিধ্বস্ত হইয়াছে, দশ সহস্রাধিক গ্রীকসৈন্য ধ্বংস হইয়াছে। রণক্রান্ত তুর্ক-সৈন্য গাহাদের পশ্চাৎদিক করিতে অসমর্থ হওয়াতে গ্রীকসৈন্য সমূলে বিনাশপ্রাপ্তি হইতে বাঁচিয়াও যাইতে পারে। কিন্তু কামাল তাহার রক্ত সৈন্যবর্গকে উৎসাহিত করিয়া বলিতে প্রাণপণ চেষ্টা পাইতেছেন। তুর্ক সেনা ক্রান্তি ভুলিয়া দেশরক্ষার্থে প্রবুদ্ধ হইয়া উঠিলে গ্রীসের ভাগ্য কি ঘটবে কে জানে?

ইজিপ্ট

ইংরেজের প্রভু অক্ষুর রাখিয়া ইজিপ্টের গোলযোগ মিটাইবার প্রয়াস ইংরেজ গভর্নমেণ্ট অনেকদিন হইতেই করিয়া আসিতেছেন। ইংরেজ কর্তৃক নিষেধচিত মুস্তান ইংরেজের মনস্তত্ত্বের জন্ত আদলী পাশাকে প্রধান মন্ত্রী করিলেন। 'মাশাল ল'র সাহায্য লইয়া ইজিপ্টের জনমতকে দমন করিবার নানাকপ চেষ্টা চলিতে লাগিল। অপরদিকে ইংলণ্ডের সহিত ইজিপ্ট-গভর্নমেণ্টের একটা বুঝাপড়া করিবার অছিলায় ইংলণ্ডে প্রতিনিধিদল পাঠাইবার ব্যবস্থা সূত্র হইল। ইজিপ্টের জনমতের মূখপাত্রদের না লইয়া কেবলমাত্র "মডারেট" দলের মূখপাত্রদের বাছিয়া বাছিয়া লইয়া ডেপুটেশন গড়া হইল। আদলীপাশা নিজে হইলেন এই দলের মূখপাত্র। কিন্তু এত চাপাচাপি সত্ত্বেও, নানা নিপীড়ন ও অত্যাচার সহ্য করিয়াও ইজিপ্টের জনমত মুখরিত হইয়া উঠিল। দেখিতে দেখিতে মিশরে আবার আগুন জ্বলিয়া উঠিল। এই নিষেধানে সবত্রই মহা অসন্তোষ দেখা দিল। জগৎজল জানাইলেন যে এই ডেপুটেশনের সহিত ব্রিটিশ মন্ত্রীসভার আলোচনার কোনও সূলা নাই। আদলীও দমিবার পাত্র নহেন। তিনি সদলবলে মিশরের প্রতিনিধিরূপে ইংলণ্ডের সহিত সন্ধি করিবার জন্য ইংলণ্ডে গেল। এই ব্যাপার লইয়া বিগত ভাস্করমাসে টাইমস্ পত্রের কামবোধ সংবাদদাতা জগৎজল পাশার সহিত সাক্ষাৎ করিয়াছিলেন। জগৎজল বলিয়াছেন, ইজিপ্টের স্বাধীনতা-স্বীকারচক একটি চুক্তিপত্র প্রথমেরই যদি ইংরেজের নিকট হইতে আদলীপাশা আদায় করিতে পারেন, তাহা হইলে অন্ত্যস্ত বিষয়ের মাঝামাঝি করিবার জন্য জগৎজল আদলীপাশার সাহায্য করিতে প্রস্তুত আছেন। কিন্তু ইংলণ্ড যদি সেইরূপ কোন মর্মে স্বীকারবদ্ধ হইতে অস্বীকৃত হন তবে ইজিপ্টের স্বাধীনতা-প্রয়াসীদলকে যুদ্ধ করিতেই হইবে। সমগ্র মিশরদেশে আঘাতব্যাণ্ডের স্ত্রায় 'অশান্তি ছড়াইয়া পড়িবে। এবিষয়ে সমগ্র মিশরদেশ জগৎজলের সহিত একমত। এ ধারে বার্নেস, বেন্‌পুয় প্রভৃতি কনঙ্গ সভার কতিপয় উদারমনা সভ্য একটি ইস্তাহার বাহির করিয়াছেন। তাহাতে তাহার, আদলীর দল মিশরের প্রতিনিধি হইবার কোন সম্পূর্ণরূপে অল্পযুক্ত, তাহার করণ দর্শাইয়া ইংরেজজাতিকে শান্তিরক্ষা করিবার জন্য মিশরের 'মাশাল ল' হুলিয়া দিয়া ইজিপ্টে নূতন নিষেধন করিতে অনুরোধ করিয়াছেন। আদলীপাশার দলের সহিত সন্ধি হইলে মিশরে শান্তি স্থাপিত না হইয়া বরং অশান্তির আগুন জ্বলিবে

বেশী। তাঁহারা বলেন যে, “এই প্রকার উপায়ে সন্ধিপত্র স্বাক্ষরিত হইলে তাহার ফল স্বরূপ ইঞ্জিন্টে বহুকালব্যাপী অশান্তি দেখা দিবে—এমন কি শেষে বিপ্লবের আগুনও জ্বলিতে পারে। সে দেশে ব্রিটিশজাতির প্রাণ বিবেচ্য প্রচার সহজ হইয়া উঠিবে এবং প্রায় দেড়কোটি অধিবাসীর ইচ্ছার বিরুদ্ধে রক্ষা নিষ্পত্তি করিলে এবং যে-প্রকার শাসনতন্ত্র তাহাদের আপত্তি আছে সে-প্রকার শাসনতন্ত্র তাহাদের স্বক্ষে চাপাইবার প্রয়াস পাইলে, সে ব্যর্থ চেষ্টায় ইংলণ্ডের করদাতাদের কর-ভার অসম্ভবরূপে বৃদ্ধি পাইতে বাধ্য। মার্শাল ল’ জুলিয়া দিয়া স্বাধীন-ভাবে নির্দোষ প্রতিনিধিবর্গের সহিত যদি কোনও সন্ধি সম্ভবপর হয়, তবে তাহা মিশরবাসীর গ্রহণীয় বলিয়া বিবেচিত হইতে পারে। ইংলণ্ডের পক্ষে এখন একমাত্র এই পথ আছে।” লয়েড জর্জের মনোমত কি ইহাদের গ্রহণ করিবেন? যদি না গ্রহণ করিয়া এখনও মিশরে পূর্বের শাসননীতি পরিচালনের প্রয়াস করেন তবে মিশরে ঘোরতর অশান্তি সুনিশ্চিত।

শ্রীপ্রকাতচন্দ্র গঙ্গোপাধ্যায়।

ভারতবর্ষ

দলননীতির সূত্রপাত।—

কিছুদিন ধরিয়া ভারতের সর্বত্রই দলননীতির প্রচোপ দেখা যাইতেছে। একধারে দেশবাসী যেমনই নন-কো-অপারেশন আন্দোলনটি সফল করিয়া জুলিতে চেষ্টা করিতেছেন, অপরধারে আম্লামাত্মিকদেরও তেমনি চেষ্টা চলিতেছে ইগকে সমূল বিনষ্ট করিয়া ফেলিবার। সুযোগ পাইলেই ধর-পাকড় করিতে তাঁহারা কসুর করিতেছেন না। বেহার, যুক্তপ্রদেশ, ও মধ্যপ্রদেশ প্রভৃতি কয়েকটি প্রদেশে সাধারণতঃ ধর-পাকড় হইতেছে মদ ও বিদেশী বস্ত্র-বিক্রম-নিবারণের পিকেটীং লইয়া। অবশ্য কেহ কেহ তাহাদের বস্ত্র-ভার জন্তও ধৃত হইতেছেন। ধর-পাকড় ছাড়াও অস্ত্রাস্ত্র উপায় অবলম্বন করিতেও আম্লামাত্মিকেরা ক্রটি করিতেছেন না; এবং সব সময়েই যে তাহা সুবুদ্ধি-প্রণোদিত বা আইনসম্মত তাও নয়। সম্প্রতি বর্ষা গভর্নমেন্ট এক ইস্তাহার জারী করিয়াছেন যে সর্কারী কর্মচারীগণ তাঁহাদের স্ত্রীদের বর্তমান আন্দোলনের মতামতের জন্ত দায়ী এবং যথাসাধ্য এই আন্দোলন হইতে তাঁহাদের বিরত রাখিতে বাধ্য। বর্তমান আন্দোলন যে কতদূর গহিহ তাহা বুঝাইবার জন্ত বেহার গভর্নমেন্ট ত লম্বা লম্বা ইস্তাহারের উপর ইস্তাহার জারী করিতেছেন। যুক্তপ্রদেশ সকলের উপর টেকা মারিয়াছেন। সেখানে আমন সভা নামে রাজহস্তদের একটি সভা গঠিত হইয়াছে। তাঁহারা বর্তমান আন্দোলনের বিরুদ্ধ কাজ করিতেছেন। গভর্নমেন্ট সেশনের সেই সভার সভ্য করিবার জন্ত জোর জুগুত্ব করিতেও দৃষ্টি করিতেছেন না। সভ্য না হওয়ার জন্ত কোন কোন কর্মচারীর পদচ্যুত হইবার ঘটনাও শুনা গিয়াছে। কিন্তু সুখের বিষয় এই, অত্যাচারকে বীরের ম্যায় অগ্নান বদনে বরণ করিয়া লইবার বহু দৃষ্টান্তই ভারতের নানাস্থানে হইতে পাওয়া যাইতেছে। তাহার মধ্যে বালক ও রমণীর শৌচ্যের দৃষ্টান্তও কম নয়—বিশেষ করিয়া রমণীর। আজ ভারতের এই দুর্দিনে বহু নারীই যে বীরত্ব ও দৃঢ়তা দেখাইতেছেন তাহা আশাশ্রয় ও গৌরবের বিষয়। মাদ্রাজে মৌলানা মহম্মদ আলি যখন ধৃত হইলেন, তাঁহার মাতার ও স্ত্রীর তখনকার ব্যবহার চিরস্মরণীয় হইয়া থাকিবার যোগ্য। কান্তরতা জুলিয়া পুত্র ও সামীকে তাঁহারা জামাইয়াছেন মহম্মদ

আলির অবর্তমানে তাঁহার প্রিয় প্রচেষ্টাটি বাহাতে বিনষ্ট না হইয়া যায় তাহাতে তাঁহারা যত্নপর থাকিবেন। মাতা ও বধু দুইজনই উৎসাহ সহকারে মহাত্মা গান্ধির সহিত কাজে আসিয়া নামিয়াছেন। একরূপ ঘটনা আরও বহুস্থানে হইতেই শুনা যাইতেছে। গোলাম মুজাদ্দিদের মাতা পুত্রকে লিখিয়া পাঠাইয়াছেন, যে, ক্ষমা চাহিয়া খালাস পাইলে তিনি তাঁহার মুখ দেখিবেন না। বাংলা দেশে ত সেদিন পির বাদশাহ মিল্লা মাতার উৎসাহেই সঞ্জীবিত হইয়া উঠিয়াছিলেন। বাহা হউক এই অত্যাচারের মধ্য দিয়াই দেশ সত্যের পরধ হইবে—আগুনে খাঁটি সোনাই বাহির হইবে।

করাচির মোকদমা।—

মৌলানা শৌকৎআলি ও মহম্মদআলি ভ্রাতৃদ্বয় আজ বহুকাল ধরিয়াই গভর্নমেন্টের নেক-নজরে পড়িয়াছেন। খিলাফৎ সমস্যার তাহারা বাহা বলিতে চান তাহা গভর্নমেন্টের নিকট বিশেষ কটিকর নয়। পূর্বে তাহারা মন খোলাভাবে অনেক কথাই বলিয়াছেন এবং সব সময়েতেই যে তা শাস্তিজনক ছিল তা নয়। মেজমত তাহারা কিছুদিন আটক হইয়াও ছিলেন। কিন্তু মুক্তি পাইয়া মহাত্মা গান্ধির সহিত মিলিত হইবার পর হইতে তাহারা নিজেদের যথাসাধ্য সংযত করিয়া লইয়াছিলেন। এবং নিবপদ্যব পন্থা অবলম্বনে স্বরাজলাভ প্রচেষ্টায় তাহারাও ছিলেন দুইজন প্রধান পাণ্ডা। কিছুদিন পূর্বে ৮ই, ৯ই ও ১০ই জুলাই তারিখে করাচিসহরে খিলাফৎ সম্বন্ধে আলোচনা করিবার জন্ত নিখিল-ভারতীয় খিলাফৎ সভার একটি বৈঠক বসে। তাহাতে কতকগুলি প্রস্তাব ধার্য হয়। তাহার মধ্যে একটি প্রস্তাব ছিল মুস্তাফা কামাল পাশার ও তাঁহার অ্যাসোসিয়া গভর্নমেন্টের অপূর্ব ময়লাভের জন্ত আনন্দ প্রকাশ করিয়া, এবং সেই সঙ্গে ইহাও বলা ছিল যে যদি ব্রিটিশ গভর্নমেন্ট সাক্ষাৎ বা পরোক্ষভাবে অ্যাসোসিয়ার গভর্নমেন্টের বিরুদ্ধাচরণ করেন (resumes hostilities) তবে ভারতীয় মুসলমান সম্প্রদায় কংগ্রেসের সহযোগে কর দেওয়া প্রভৃতি দেওয়ানী কার্য বন্ধ করিয়া দিবেন (resort to civil disobedience)। এই প্রস্তাব সমর্থন করিয়া আলি ভ্রাতৃদ্বয় প্রমুখ কতিপয় নেতা বক্তৃতা দেন। এই বক্তৃতায় নাকি এমন কিছু ছিল যাগ রাজবিদ্বেহজনক এবং পেনাল কোডের ধারার মধ্যে পড়ে। বাহা হউক গভর্নমেন্ট সহজে নিকৃতি দিলেন না, নেতৃবর্গকে ‘পাকড়াও’ করিতে স্থির করিলেন। কথাটা অনেক দিন হইতেই শুনা যাইতেছিল। ইতিপূর্বেও একবার মহম্মদ আলিকে তাঁহার একটি বক্তৃতার জন্ত ধরিবার প্রস্তাব উঠে। কিন্তু তখন গান্ধি-প্রিডিং-মৌলাকাতে তাহা মূলেই বিনাশ প্রাপ্ত হয়। কিন্তু জের যে এখানেই মিটিল না তা পরে গান্ধির অনুশোচনাতেই বোঝা গিয়াছিল। বাহা হউক অনুমান পরে সত্যই হইয়া উঠিল। বোম্বাই গভর্নমেন্ট এক ইস্তাহার জারী করিলেন যে, মৌলানা শৌকৎআলি ও মহম্মদআলি প্রমুখ কয়েকজনকে পিনাল কোডের ১২০ বি, ১৩১, এবং ৫০৫ ধারায় অভিযুক্ত করা হইবে এবং মৌলানা মহম্মদ আলি ও শৌকৎ আলিকে পুনরায় ১২৪ বি ও ১৫৩ বি ধারা অনুসারে বিচার করা হইবে। সেই অনুসারে ধরপাকড়ও আরম্ভ হইয়া গেল। সর্বসমেৎ ৭ জন নেতাকে ধরা হইয়াছে—মহম্মদ আলি, শৌকৎআলি, ডাক্তার কিচলিউ, সারনা পীঠর শ্রীশঙ্করাচার্য্য, পির গোলাম মুজাজ্জিদ, মৌলানা হোসেন আহম্মদ, মৌলবী মিশার আহম্মদ। করাচিতে ইহাদের মকদমা আরম্ভ হইয়াছে। বোম্বাই গভর্নমেন্ট যে ইস্তাহার জারী করিয়াছেন তাহাতে লেখা আছে যে স-কৌন্সিল গভর্নর এই ধর-পাকড়ে মত দিয়াছেন। এই ব্যাপারে বোম্বাই গভর্নমেন্টের মন্ত্রীদেব বা সকল কৌন্সিলারদের (executive councillor) মত আছে কি না

তাহা জানা যায় নাই। কিন্তু ২২শে সেপ্টেম্বর তারিখের 'বয়ে ক্রনিকলে' এক বিশিষ্ট ব্যক্তি চিঠি লিখিয়াছেন। তাহা পড়িয়া বেশ বোকা যায়, কোঙ্গিগে যে দুইজন ভারতীয় সভ্য আছেন (সার ইব্রাহিম রহিমতুল্লা ও সার চিননলাল সিওলবাড়) তাহারা দুইজনই ইহার বিরুদ্ধে ছিলেন এবং মন্ত্রীদেব কোন পরামর্শই লওয়া হয় নাই। দুইজন ইংরেজ সভ্য ও গভর্নরের মতামতসারেই এই কাজ হইয়াছে। ঘটনাটি কতদূর সত্য বলা কঠিন। যদি সত্য হইয়া থাকে তবে বর্তমান সংশোধিত কোঙ্গিলগুলি যে কি এবং ভারতীয়ের মতেরও যে মূল্য কি তাহা সকলেরই ভাবিয়া দেখা উচিত।

মোপ্লা-বিদ্রোহ।—

মোপ্লাদের হাস্যামা এখনও মিটে নাই। তবে তাহাদের দলবদ্ধতা ভাঙ্গিয়া গিয়াছে। এখন তাহারা মাঝে মাঝে ক্ষুদ্র ক্ষুদ্র দল বাধিয়া হঠাৎ আসিয়া লুণ্ঠ-ভরাজ করিয়া গলাইয়া যাইতেছে। যাত্রায়াতের পথও নষ্ট করিবার জন্য তাহারা মাঝে মাঝে আসিয়া চেষ্টা করিতেছে। ২০শে আগষ্ট তারিখে যে লাল পতাকাটি লইয়া তাহারা প্রথম পুলিশকে আক্রমণ করে তাহা সম্প্রতি গভর্নমেন্টের হস্তগত হইয়াছে। তাহাতে লেখা আছে—“খিলাফৎ, আল্লাই মহৎ। প্রত্যেকেই,—যুবা বৃদ্ধ সবল বা দুর্বল, পদাতিক বা শকটারোহী, ধনী বা নিধন, সশস্ত্র বা নিরস্ত্র, মুহু বা অমুহু, প্রত্যেকেই সমস্ত ভুলিয়া গগবানের মাহিমায় মাহিমাদিত হইয়া যুদ্ধে অগ্রসর হও।” বিদ্রোহীদের বিচারার্থে বিশেষ বিচারক নিযুক্ত হইয়াছে।

রোড্‌স্ স্কলার্শিপ।—

১৯০২ সালে খ্রীযুক্ত সিমিল রোড্‌স্ নামক জনৈক ক্রোড়পতি বিভিন্ন ব্রিটিশ উপনিবেশ, ইউনাইটেড স্টেট্‌স্, জার্মানি প্রভৃতি দেশের যুবকদের অক্সফোর্ড বিশ্ববিদ্যালয়ে পড়িবার জন্য কতকগুলি বৃত্তির ব্যবস্থা করিয়া যান। তাহার বিশ্বাস ছিল যে ইংরেজী সভ্যতা ও শিক্ষার কেন্দ্র স্বরূপ অক্সফোর্ড বিশ্ববিদ্যালয়ের মত স্থানে শিক্ষালাভ করিয়া তাহারা পৃথিবীতে ব্রিটিশ সাম্রাজ্যের প্রকৃত স্থান ও উপকারিতা সম্যকরূপে বুঝিতে সমর্থ হইবে। ইহার ফলে সাম্রাজ্যের বিভিন্ন অংশের মিলন সহজ হইবে এবং অস্তান্ত দেশের লোকেরাও ইহার সহিত বন্ধুত্বপূর্বে আবদ্ধ হইবে। জার্মানদেশের যুবকদের জন্য এইরূপ পাঁচটি বৃত্তি নির্ধারিত ছিল। কিন্তু যুদ্ধের আরম্ভ হইতে তাহা বন্ধ হইয়া গিয়াছে। খ্রীযুক্ত শেঠনা কাউন্সিল অফ স্টেটে প্রস্তাব করেন যে ঐ পাঁচটি স্কলার্শিপ বাহাতে ভারতবর্ষীয় যুবকেরা পাঁচ গবর্নমেন্ট তাহার ব্যবস্থা করুন। কাউন্সিলের কেহ কেহ বিশেষতঃ সর্দার ঘোষণে সিংহ ইহার বিরুদ্ধে আপত্তি উত্থাপন করেন ও বলেন যে ইহাতে ভারতবর্ষের আত্মসম্মানের লাঘব হইবে। কেননা রোড্‌স্ সাহেব তাহার সমস্ত সম্পত্তি দক্ষিণ আফ্রিকার অর্জন করেন আর ঐ দক্ষিণ আফ্রিকার এই কালো আত্মীদের প্রতি প্রীতির যথেষ্ট পরিচয়ই তাহারা পাইয়াছি। কিন্তু তাহারা শিক্ষার বুলি স্কলার্শিপ লইয়া শাসন-সংস্কারে ব্রতী হইয়াছেন এবং স্বদেশোদ্ধার করিবেনই স্থির করিয়াছেন তাহারা কাঁড়া আর আঁকাঁড়া চালে তফাৎ দেখিলেন না—সুতরাং শেঠনার প্রস্তাব কাউন্সিল কর্তৃক গৃহীত হইল।

শিক্ষায় দান।—

বিখ্যাত পার্শী ব্যবসায়ী ও ধনী খ্রীযুক্ত খনজীভাই বোমানজী গরীব পার্শী বালকদিগের শিক্ষার জন্য এক কোটা টাকা দান করিবেন স্থির করিয়াছেন। এ পঞ্চাশ ভারতবর্ষে কেহ শিক্ষায় জন্ম এত টাকা দান করেন নাই। শুধু আমেরিকার দামবীরদের সঙ্গেই তাহার তুলনা

হইতে পারে। কি-ভাবে এই টাকা ব্যয় করা হইবে তাহা এখনও স্থির করেন নাই; তবে তাহার ইচ্ছা ৮ হইতে ১৮ বৎসরের বাসকেরা ইহাতে ব্যবসা, শিল্প ও গৃহ নির্মাণ প্রভৃতি শিক্ষা করে।

ভারতীয় ব্যবস্থাপক সভা।—

১লা সেপ্টেম্বর মাস হইতে সিমলা সহরে ভারতীয় ব্যবস্থাপক সভা দুইটির দ্বিতীয় বৈঠক আরম্ভ হইয়াছে। ৩রা সেপ্টেম্বর তারিখে বড়লাট দুইটি সভার সভ্যদিগের নিকট এক বক্তৃতা করেন। তাহার বক্তৃতায় যুবরাজের আগমন, টমাস হ্লাণ্ডের কীর্তি, আফগান-মিতালী, ভারতবর্ষ ও সাম্রাজ্য সভা, গভর্নমেন্টের বর্তমান শাসননীতি, সামরিক ব্যবস্থা প্রভৃতি—এক কথায় বর্তমান ভারতের সর্বসমস্তা সম্বন্ধে কিছু কিছু আলোচনা ছিল। তাহার বক্তৃতায় একটি সুখবর ছিল। বহুকাল হইতেই আমাদের দেশের একদল লোক ইংল্যান্ড প্রভৃতি দেশের স্তায় ভারতেও সামরিক কর্মচারীদের শিক্ষার জন্য একটি কলেজ স্থাপনের জন্য বার বার বলিয়া আসিতেছেন। বড়লাট সাহেব বলিয়াছেন এবার এরূপ ব্যবস্থা করা হইবে। দেৱাদুন সহরে কলেজটি স্থাপিত হইবে, আপাততঃ ২০ জন ছাত্রের জন্য ব্যবস্থা থাকিবে। কলেজটির নিয়ন্ত্রণালীর একটা খসড়া সেক্রেটারী অফ স্টেট-এর নিকট পাঠানো হইয়াছে এবং আশা করা যায় যুবরাজদ্বারা এই কলেজ-গৃহের ভিত্তি স্থাপিত হইবে।

ভারতীয় ব্যবস্থাপক সভা দুইটি এখন পর্যন্ত দেশের কি কি কাজ করিয়াছেন তাহা বলা দুঃকর; তবে এমন বহু বিষয়ের প্রস্তাব, বিল, ও সুপারিস করিয়াছেন যাহা গৃহীত এবং কার্যে পরিণত হইলে ভারতের মঙ্গলই হইবে। বর্তমান শাসনপ্রণালীর বিধি-ব্যবস্থা সম্বন্ধে ভারতের বহু কথাই বলিবার আছে—কিছু কিছু পরিবর্তন প্রয়োজন, কিছু কিছু নূতন করিয়া প্রণয়নের আবশ্যিক এবং কিছু কিছু একেবারে উঠাইয়া দেওয়াই দরকার। সভা দুইটি যে ইহা করিবার একেবারেই চেষ্টা না করিতেছেন তাহা বলা যায় না।

বড়লাট সাহেবের বক্তৃতার পর ব্যবস্থাপক সভা দুইটি সর্বপ্রথম আলোচনা করেন যুবরাজের অভিযর্থনা সম্বন্ধে। কাউন্সিল অফ স্টেটে সর্ববাদীসম্মতিক্রমে প্রস্তাবটি গৃহীত হইয়াছে। কিন্তু লেজিসলেটিভ অ্যাসেমব্লীতে একটু গণ্ডগোল বাধিয়াছিল। দেশের মধ্যে যে প্রতিবাদ তাহা সেখানেও একটু ধ্বনিত হইয়া উঠিয়াছিল। মধ্যপ্রদেশের প্রতি-নিধি অগ্রিহোত্রী মহাশয় শুধু দেশের পক্ষ হইতে অভিযর্থনার বিরুদ্ধে প্রতিবাদ জানান।

লেজিসলেটিভ অ্যাসেমব্লীতে অনেক বিষয়ই আলোচিত হইয়াছে। খ্রীযুক্ত ঘোশী এক প্রস্তাব উপস্থাপিত করিয়াছিলেন মজুরদের (workmen) চুক্তি-ভঙ্গ সম্বন্ধীয় বর্তমান আইনটির পরিবর্তন করিবার জন্য। বর্তমানে আছে যে চুক্তি-ভঙ্গ করিলে তাহারা কৌজদারী আইনানুসারে অভিযুক্ত হইবে। ঘোশী সেই ব্যবস্থা উঠাইয়া দিতে চান—তাহার মতে ইহা দাসত্ব প্রথারই রকমভেদ। সভ্যদের বিরুদ্ধ-অভিমত দেখিয়া ঘোশী প্রস্তাবটি প্রত্যাহার করেন।

ইহার কয়েক দিন পরে সরকারের পক্ষ হইতে ভিন্‌সেট সাহেব ভারতীয় মুদ্রাযন্ত্র-আইনটি (Indian Press Act) উঠাইয়া দিবার 'বিল' সভায় উপস্থাপিত করেন। ভারতীয় মুদ্রাযন্ত্র সম্বন্ধীয় যে কড়া কড় আইন ছিল, তাহা ইহাতে উঠাইয়া দিবার ব্যবস্থা করা হইয়াছে।

বোম্বাইয়ের খ্রীযুক্ত সমর্থ এক প্রস্তাব আনেন যে কৌজদারী-ব্যাপারে কালো ও সাদার বিচারের যে ব্যবস্থা বর্তমানে আছে তাহার পার্থক্য ঘুচাইয়া দেওয়া হউক। সরকারের পক্ষ হইতে ভিন্‌সেট সাহেব বলেন যে

একটি কমিটিকে এ বিষয়ে আলোচনা করিবার ভার দেওয়া হউক। অনেক বাগ্‌বিত্ততার পরে তাহাই করা ঠিক হইয়াছে।

শাসন ও বিচারবিভাগের স্বাতন্ত্র্য, দুই বৎসরের মধ্যে উপনিবেশগুলির স্থায় ভারতের পূর্ণ স্বায়ত্তশাসনলাভের উপযুক্ততা প্রভৃতি বহুবিধেই সভাদুইটি আলোচনা করিয়াছেন ও করিতেছেন। কিন্তু একটা কথা আমাদের মনে হইতেছে। দেশের মনে যে ক্ষুধা জ্বলিয়াছে তাহা কি এই প্রস্তাব পেশ, ও পেশ না করাতেই মিটিবে? আর একটা কথা। কার্যকলাপ দেখিয়া এই দুইটি সভার যে কি প্রয়োজন তাহা বুঝা গেল না। একটাই কি যথেষ্ট নহে?

ভারতের স্বায়ত্ত-শাসন।—

ভারতের আম্লামাত্মিক শাসন-প্রণালী অচিরেই পূর্নস্বায়ত্ত-ভারতীয় ব্যবস্থাপক সভার কোন কোন সভা খুব উষ্ণ-পড়িয়া লাগিয়াছেন। নূতন ভারত-বিধিতে কথা ছিল যে বর্তমানে যে শাসন-প্রণালী ভারতে প্রবর্তিত হইয়াছে তাহা ক্ষণিক—স্বায়ত্তশাসনে ভারতবাসীকে উপযুক্ত করিয়া তুলিবার জন্ত একটি সোপানমাত্র। এখানে ভারতবাসী কৃতকার্য হইতে পারিলে উচ্চ সোপানের উপযুক্ত হইবে। কিন্তু কথা ছিল দশ বৎসর পরে ভারতবাসীর এই দক্ষতার পরীক্ষা লওয়া হইবে। ব্যবস্থাপক সভার রায় মহনাথ মজুমদার ও শ্রীযুক্ত টি. ভি. শেবগিরি আইয়ার এই সম্বন্ধে দুইটি প্রস্তাব আনিয়াছেন। তাঁহারা বলেন ভারতের আর পরীক্ষা দিবার প্রয়োজন নাই। প্রাদেশিক সভাগুলিতে ভারতবাসী তাঁহাদের স্বায়ত্তশাসনের যথেষ্ট দক্ষতার পরিচয় দিয়াছেন, তাই আর সময় নষ্ট না করিয়া ব্যবস্থাপক সভার চতুর্থ অধিবেশনের সময় হইতেই অর্থাৎ আগামী বৎসরেই ভারত যাহাতে স্বায়ত্তশাসন পায় সেক্রেটারী অফ স্টেটকে তাহার ব্যবস্থা করিতে বলা হউক। শেবগিরি আইয়ার মহাশয় প্রস্তাব করিয়াছেন যে গণপাঠ্য: প্রাদেশিক গভর্নমেন্টের মত ভারতীয় গভর্নমেন্টেও 'ডায়ারী' বা দুই স্তরে বিভক্ত শাসনপ্রণালী-প্রবর্তিত করিলেই চলিবে। যদু-বাণু চান উপনিবেশগুলির স্থায় সম্পূর্ণ স্বায়ত্তশাসন। তিনি বর্তমান দুই স্তরে বিভক্ত শাসন-প্রণালীর বিপক্ষে। তিনি বলেন প্রাদেশিক গভর্নমেন্টের সমস্ত কাজই ব্যবস্থাপক সভাগুলির শরীনস্থ করিয়া দেওয়া হউক এবং মন্ত্রীদের সাহায্যেই তাহা নির্বাহ করা হউক। ভারতীয় গভর্নমেন্ট সম্বন্ধেও তাঁহার সেই ব্যবস্থা। সামরিক প্রভৃতি কয়েকটি বিভাগ ছাড়া সমুদয় বিভাগগুলিকেই ব্যবস্থাপক সভার কাছে তিনি দায়ী করিতে চান। যদু-বাণুর প্রস্তাবটি ২৩শে সেপ্টেম্বর তারিখে ব্যবস্থাপক সভার নিকট উপস্থাপিত করা হইয়াছে। এখনও বিচার শেষ হয় নাই। সপক্ষে বিপক্ষে অনেকেই অনেক কথা বলিয়াছেন। গভর্নমেন্ট যে কি করিবেন তাহা বলা কঠিন। দেশের মধ্যে যে অশান্তির সৃষ্টি হইয়াছে, স্বায়ত্তশাসনের জন্ত যে ক্ষুধা জ্বলিয়াছে, তাহা যে বর্তমান "রিফর্ম্‌স্" বা সংকত শাসনপ্রণালীতে মিটিবে না তাহা সকলেই বেশ বুঝিয়াছে। কিছু না কিছু আরও অধিকার শীঘ্রই দেওয়া দরকার। গভর্নমেন্টেরও এরূপ কিছু দেওয়া মতলব আছে কি না বুঝা যায় না। তবে একটা ঘটনায় কিছু খটকা লাগিতেছে। কিছুদিন পূর্বে বড়লাট সাহেব ভারতের ভ্রমণ হইতে আগামী শীতকালে পালেমেন্টের সভ্যদের ভারতে আনিবার জন্ত নিমন্ত্রণ করিয়াছেন। তাহার মধ্যে ভারতের 'ভাগ্যবিধাতা' ভারত ব্যবস্থাপক পালেমেন্টের স্থায়ী-সমিতির (Standing Joint Committee for India) সভ্যরাও আছেন। দেখা যাইক কি হয়।

ব্যবস্থাপক সভায় সজ্জনীতি।—

বহুদেশেই ব্যবস্থাপক সভার অধিকাংশ সভ্যগণই এক-একটি

খতন্ব দলবদ্ধ হইয়া কাজ করিয়া থাকেন। রাজ্য পরিচালনা বিষয়ে কতকগুলি স্থল মতের ঐক্য অনুসারে এই দলগুলি গড়িয়া উঠে। সভ্যদের ব্যক্তিগত বহুবিধে মতের অনৈক্য থাকিলেও সাধারণতঃ তাঁহারা দলানুবর্তিতা করিয়াই থাকেন। এরূপ দলের দোষও যেমন আছে উপকারিতাও তেমনই আছে। বর্তমানে আমাদের ভারতীয় বা ব্যবস্থাপক সভাগুলির মধ্যে এরূপ দল সৃষ্টি হইয়া উঠে নাই। সম্প্রতি ভারতীয় একটি ব্যবস্থাপক সভার (লেজিস্লেটিভ অ্যাসেম্বলী) ২৭ জন-সভ্য মিলিয়া এরূপ একটি দল বাধিতে চেষ্টা করিতেছেন। তাঁহারা দলটির নাম দিয়াছেন "ডেমক্রেটিক পার্টি।" ১৬ই সেপ্টেম্বর সিমলা সহরে মিলিত হইয়া তাঁহারা ঠিক করেন যে অচিরেই দারিদ্রমূলক শাসন-প্রণালী পাইবার জন্ত যাহা যাহা করা দরকার তাহা তাঁহারা করিবেন। তাঁহারা নিম্নলিখিত বিষয়ে একজোট হইয়া কাজ করিবেন এবং ভোট দিবেন।—(১) গভর্নমেন্টের ব্যয় কমানো, (২) স্বায় বয়ের স্বকল্প, (৩) মুদ্রা ও বিনিময়-তত্ত্ব, (৪) উচ্চপদে ভারতবাসীকে বসানো, (৫) ভারতবাসীর মঙ্গলের ও সুবিধার দিকে তাকাইয়া গভর্নমেন্টের শাসননীতির বিচার, ইত্যাদি।

ডাক্তর।

বাংলা

দরিদ্রদেশের অর্গের অব্যবস্থা—

বাংলা গভর্নমেন্টকে প্রতি বৎসর পুলিশের জন্ত প্রায় দুইকোটি টাকা ব্যয় করিতে হয়; তন্মধ্যে ৩৭ লক্ষ টাকা খরচ হয় খাস কলিকাতার জন্ত। পল্লীবাসীর অর্থ যাহাতে বাস্তাভাগকে রক্ষা করিতে ব্যয়িত না হইয়া প্রকৃত করদাতাগণের মঙ্গলের জন্ত ব্যয় হয় তদ্ব্যস্ত ব্যবস্থাপক সভার সভ্য মিঃ অজয়চন্দ্র দত্ত মহাশয় এক প্রস্তাব উপস্থাপন করিয়াছেন। ফলে কলিকাতার ও মফস্বলের সভ্যগণের মধ্যে খুব বাদানুবাদ চলিয়াছিল। অবশ্য এই টাকাটা কলিকাতাবাসীগণকে দিতে হইলে বাড়ীর ভাড়া অত্যধিকরূপে বৃদ্ধি পাইবে। অতীতকালে উক্ত ৩৭ লক্ষ টাকা পল্লীবাসীর যে-কোন মঙ্গলকর কার্যে ব্যয় করিলে বিশেষ উপকার দর্শিতে পারে।

—মশোহর।

বাংলার রাজকোষের দুর্বস্থা—

বাংলা গভর্নমেন্টের এখন বাৎসরিক আয় ১০.১০ কোটি টাকা। গত বৎসরের উর্ধ্ব ত্ত টাকা হইতে এ বৎসরের খরচ চালান হইয়াছে, তাই পাট হইতে প্রতি বৎসরে যে দুই কোটি টাকা রপ্তানি শুরু আদায় হয় তাহা যাহাতে বাংলা গভর্নমেন্টকে দেওয়া হয় এইজন্ত মন্ত্রী প্রভৃতি কয়েকজন সিমলা গমন করিয়াছেন।—মশোহর।

দুঃখের বিষয় মন্ত্রীরা শক্তহস্তে বিফল-মনোরথ হইয়া কিরিয়া আনিয়াছেন।

বাংলার শিক্ষার দুর্বস্থা—

কয়েকদিন পূর্বে মিঃ বিস্ট্র প্রচারি ক্রাবে এক বক্তব্য বলেন যে, বাংলার প্রাথমিক শিক্ষার অবস্থা বড় শোচনীয়। বিদ্যালয়ের শিক্ষক-গণের মাসিক বেতন ৪ টাকা হইতে ১৮ টাকা অর্থাৎ গড়ে ১০ টাকা মাত্র। একজন সাধারণ শ্রমজীবীও ইহা অপেক্ষা বেশী উপার্জন করে। যদি কোন বিদ্যালয় স্থাপন করিতে মিউনিসিপ্যালিটি লোকালবোর্ডে বা জেলাবোর্ড অল্পক টাকা প্রদান করেন তাহা হইলে প্রাদেশিক গভর্নমেন্ট

বাকী অর্ধেক টাকা দিতে সম্মত আছেন। প্রত্যেক স্কুলে ইংরেজী শিখাইবার কথা উত্থাপন করিলে মিঃ বিস্ বলেন যে, তাহা হইলে ইহাতে বৎসরে এক কোটি টাকা ব্যয় হইবে। গবর্ণমেন্ট প্রাথমিক শিক্ষার জন্য ইহা অপেক্ষা অনেক কম টাকা ব্যয় করেন।—যশোহর।

দেশের ছরবস্থা—

গাড়োয়ালের দুর্ভিক্ষপীড়িতদের মধ্যে বঙ্গভাব খুব বাড়িয়া গিয়াছে। ব্যক্তিগত দান ফুরাইয়া আসিয়াছে, ডিষ্ট্রিক্ট-রিলিফ-কমিটিও আর এখন আবশ্যকমত-সাহায্য দিয়া উঠিতে পারিতেছেন না। গাঁহার বিদেশী বস্ত্র আণ্ডনে পোড়াইবার ব্যবস্থা করিতেছেন তাঁহারা কি এই বস্ত্রহীন দেশবাসীদের প্রতি তাকাইবেন না?—ঢাকা প্রকাশ।

দান ও সদনুষ্ঠান—

খুলনা দুর্ভিক্ষে সাহায্য—খুলনার দুর্ভিক্ষপীড়িত লোকদিগের জন্য ব্রহ্মচর্য্য বিদ্যালয়ের ব্রহ্মচারীরা রাঁচি, পুরুলিয়া, লোহারদাগা প্রভৃতি সহর হইতে ঘরে ঘরে গমন করিয়া যে-অর্থ সংগ্রহ করিয়াছেন তাহার মধ্যে চতুর্থ দফার ১০৩ টাকা খুলনার দুর্ভিক্ষ নিবারণী সভার সভাপতি শ্রীযুক্ত প্রফুল্লচন্দ্র রায় মহোদয়ের নিকট ব্রহ্মচর্য্য বিদ্যালয়ের পরীক্ষক কর্তৃক প্রেরিত হইল।—বহুমতী।

সাহায্য দান—কলিকাতা প্রেসিডেন্সি কলেজের ছাত্রগণ দ্বিতীয় কিস্তিতে খুলনা দুর্ভিক্ষ ভাণ্ডারে ২০০ টাকা দান করিয়াছেন।

শ্রীযুক্ত রবীন্দ্রনাথ ঠাকুর কলিকাতা ইউনিভার্সিটি ইনষ্টিটিউটে যে বক্তৃতা করিয়াছিলেন, তাহার টিকিট বিক্রয় করিয়া পনের শত টাকা উঠিয়াছে। এই টাকা খুলনা দুর্ভিক্ষ ভাণ্ডারে প্রদত্ত হইবে।—কাশী পুরনিবাসী।

রেঙ্গুনের প্রসিদ্ধ বানসায়ী ঠাকুর এ এস জামাল খুলনার দুর্ভিক্ষ-পীড়িতদিগের সাহায্য করিবার জন্য ৫ হাজার টাকা দান করিয়াছেন। এত অধিক টাকা খুলনার দুর্ভিক্ষ ভাণ্ডারে আজ পর্যন্ত আর কাহারও নিকট হইতে পাওয়া যায় নাই।—ঢাকা প্রকাশ।

আমরা অত্যন্ত আনন্দের সহিত প্রকাশ করিতেছি, যে, কলিকাতার মেসার্স বিব্লা ব্রাদার্স খুলনা দুর্ভিক্ষ ফণ্ডে ৭০০০ সহস্র টাকা দান করিয়াছেন, এ দানের সার্থকতা আছে।—যশোহর।

শাঁখারীটোলা-নেবুতলা সাধারণ সাহায্য সমিতির সভ্যগণ গত রবিবারে শাঁখারীটোলা টাপাতলা ও বাহুড়াবাগান প্রভৃতি পরীতে গীত গাহিয়া শিক্ষা করিতে গিয়াছিলেন। ঐদিন তাঁহারা এক শত বিয়াল্লিশ টাকা সাড়ে ছয় আনা সংগ্রহ করিয়াছিলেন। তদ্ব্যতীত ৬২ খানা কাপড় ও জামা পাইয়াছিলেন। উক্ত সমিতির জনৈক সভ্য তাঁহার কর্মস্থান ফেঞ্চ মোটর কোম্পানীর অফিস হইতে ১২৯/১০ আদায় করিয়াছিলেন। এই সমস্ত টাকা, বস্ত্র ও জামা এবং কিছু চাউল ও ময়না তাঁহারা খুলনা দুর্ভিক্ষের সাহায্যার্থ মধ্য কলিকাতা কংগ্রেস কমিটির সম্পাদকের হস্তে অর্পণ করিয়াছেন।—বহুমতী।

মেডিক্যাল স্কুলে দান।—কয়েক বৎসর পূর্বে এডওয়ার্ড মেমোরিয়াল ফণ্ডের জন্য যে প্রচুর টাকা উঠিয়াছিল, ঐ ফণ্ডে অনেক টাকা উদ্ধৃত হইয়াছে। ময়মনসিংহ সহরে যে মেডিক্যাল স্কুল স্থাপিত হইবে, সেই স্কুলের সাহায্যের জন্য এডওয়ার্ড মেমোরিয়াল ফণ্ডের উদ্ধৃত টাকা পাওয়ার নিমিত্ত প্রার্থনা করা হইয়াছিল। ফণ্ডের কর্তৃপক্ষ ময়মনসিংহ মেডিক্যাল স্কুলে একটি এনাটমিক্যাল ওয়ার্ড স্থাপনের জন্য আপাততঃ ১২৫০০ টাকা দান করিয়াছেন।

—ঢাকা প্রকাশ।

খুলনা দুর্ভিক্ষে সাহায্যার্থ সার প্রফুল্লচন্দ্র রায় মহাশয় গত ২৩এ আগষ্ট পর্যন্ত ৪২৩৭১/১ টাকা পাইয়াছেন। ঐ টাকা হইতে ৪০,০০০ টাকা ব্যয় হইয়াছে। তাঁহার পরিমাণ বৃদ্ধির সঙ্গে সঙ্গে কার্য্যক্ষেত্রেরও পরিমার বৃদ্ধি পাইতেছে; এখনও সাহায্যের বঞ্চে প্রয়োজন আছে।

—বহুমতী।

খুলনা দুর্ভিক্ষে শ্রীরামকৃষ্ণ মিশন।—৬১ খানি গ্রাম সম্বিত একটি কেন্দ্রে শ্রীরামকৃষ্ণ মিশনের কর্মীগণ, ১৭০৮ জনকে ৮৫/০ মণ ৫০ পোয়া হিসাবে চাউল বিতরণ করিতেছেন। ২২৪ জোড়া নূতন ও কয়েক জোড়া পুরাতন বস্ত্র এবং ১৮ বোতল এডওয়ার্ডস্ টনিক, বহুহীন রোগদের মধ্যে তাঁহারা বিতরণ করিয়াছেন।

—পাবনাবণ্ডা হইতে বী।

কনিকার রাজার বদাশ্রুতা।—কনিকার রাজা বাহাদুর দরিদ্রগণের সেবার জন্য তাঁহার রাজ্যের চারিটি এলাকায় চারিটি অনাথ আশ্রম প্রতিষ্ঠা করিয়াছেন। তদ্বিষয়ে সকল দরিদ্র উক্ত আশ্রমে আসিয়া আহার করিতে দিয়া বোধ করিবে, তাহাদের সাহায্যের জন্যও বিশেষ বন্দোবস্ত করা হইয়াছে।—২৪ পরগণা বাস্তাবহ।

জলের কলের দান—পাবনার পরলোকগত বনমালী রায় বাহাদুরের পুত্রগণ সেখানকার জলের কল প্রতিষ্ঠার সাহায্যকল্পে ৫০,০০০ টাকা চাঁদা দিয়াছেন। তাঁহারা এই দান দ্বারা পিতার উপযুক্ত পুত্রের কাণ্ড করিয়াছেন।—কাশীপুরনিবাসী।

শ্রমজীবীর প্রশংসনীয় দান—

মির্জাপুর পার্কে গাড়োয়ানগণের এক বিরাট সভার অধিবেশন হইয়াছিল। সভায় প্রায় ২০,০০০ লোক উপস্থিত ছিল। দেবকী সিং নামে একজন গাড়োয়ানদের চৌধুরী অতি মর্শ্বস্পর্শী ভাষায় নিজেদের অশ্রাব-অভিযোগের বর্ণনা করেন এবং তাঁহারা গাড়োয়ান ভাইগণকে একটি সভা অন্তর্ধান করিয়া শীঘ্রই প্রতিকারের উপায় নির্দ্ধারিত করিতে বলেন। সভাপতি মহাশয় ঘোষণা করেন যে, কলিকাতা ও তৎপার্শ্ববর্তী স্থানের গাড়োয়ানগণ মহাত্মা গান্ধীকে দশ হাজার টাকা পূর্ণ একটি খলে উপহার দিতে মনস্থ করিয়াছে। এই টাকা ত্রিলক যরাজভাণ্ডারে যাইবে। তখন সভায় গাড়োয়ানগণের মধ্যে চাঁদা সংগৃহীত হইতে থাকে এবং প্রায় সকল গাড়োয়ানই এক দুই টাকা করিয়া যাহার যাহা সাধ্য দিতে আরম্ভ করে। এইরূপে সভায় অনেক টাকা সংগ্রহ হয় এবং বাকি টাকা শ্রীযুক্ত দাশের নিকট পাঠান, প্রতিশ্রুতি দেওয়া হয়।—বহুমতী।

কৃত্তী মহিলা—

ডাক্তারী পরীক্ষায় উদ্ভিষা মহিলা।—বিহার উদ্ভিষার ডাক্তারী পরীক্ষায় শ্রীমতী কুণ্ডল কুমারী সাল্লার্থ নামী একটি মহিলা এবার প্রথম স্থান অধিকার করিয়াছেন।—এডুকেশন গেজেট।

বস্ত্রের কথা—

ভারতের লোকসংখ্যা ও বস্ত্রের হিসাব।—১৯১১ সালের মে মাসে সমগ্রভারতে লোকসংখ্যা ছিল, প্রায় ৩১৫,০০,০০০ একত্রিশ কোটি পঞ্চাশ লক্ষ। হিসাবে দেখা যায়, ৫১১,০১,০০,০০০ পাঁচশত এগার কোটি এক লক্ষ গজ কাপড় ১৯১৩-১৪ সালে ভারতে ছিল। গড়পড়-তায় প্রতি ব্যক্তি ষোল গজ কাপড় ব্যবহারের জন্য পাইয়াছে। কিন্তু ১৯১৮-১৯ এবং ১৯১৯-২০ সালে, এই দুই বৎসরে কাপড় কমিয়া যায়। ঐ সময়ে মাত্র ৩২৭২৩,০০,০০০ তিন শত সাতাশ কোটি তেইশ লক্ষ গজ কাপড় ভারতে ছিল। ১৯২১ সালে ভারতবর্ষে ঘোট

লোকসংখ্যা বাড়িয়াছে, চল্লিশ লক্ষ। তাহা হইলে এখন, গড়ে জন প্রতি গড়ে মাত্র ১০ দশ গজ। কাপড়ের দর বাড়িয়া বাইবার ইহাও একটি কারণ। ভারতবর্ষের মিল এবং বিদেশ হইতে এদেশে কাপড় আসিয়াছে, ২২৭২৪০০০০০ দুই শত সাতাশ কোটি চল্লিশ লক্ষ গজ দেশীয় মিল হইতে এবং ২২২২৫০০০০ গজ বিদেশ হইতে পাইয়াছি, ১৯১৮-১৯, ১৯১৯-২০ সালে বিদেশ হইতে আসিয়াছে ১৭২৮৫০০০০ গজ।

ধর্ম-সম্প্রদায়-অনুযায়ী ভারতের লোকসংখ্যা।

হিন্দু	২১৭,৫৮৬৪৪৫
শিখ	৩০,১৪৪৪০
জৈন	১২৪৮১৮২
বৌদ্ধ	১০,৭২১২২৮
পার্সী	১০০,০২৬
মুসলমান	৬৬,৫২৩১৭৭
খ্রীষ্টান	৩৮,৭৬১২৬
নানাজাতি মিশ্রিত	১০,২১৭৫৪৪
অল্প অগণনীয়	৫৮,০৮১

মোট ৩১৩,৪১৫,৩৮৯

— প্রবাস জ্যোতিঃ।

কলিকাতায় বিদেশী কাপড়—কলিকাতার বড় বাজারে বিলাতী কাপড়ের দর বিক্রয় বন্ধ করিবার জন্য যে আন্দোলন চলিতেছে তাহার সফলতা দেখিয়া মনে হয় সত্তরই বঙ্গদেশ হইতে বিলাতী বস্ত্রের ব্যবসা এক প্রকার উঠিয়া যাইবে। যে-সকল সাহেব সওদাগর বিলাত হইতে কাপড় আনাইয়া থাকেন মাড়োরারী ব্যবসায়ীগণ তাহাদের নিকট হইতে বর্তমান ইংরেজী বর্ষে আর কোনও কাপড় কিনিবেন না বলিয়া জানাইয়া দিয়াছেন। বিলাতী বস্ত্রের উপর যে, ট্যাক্স আদায় হইয়া থাকে তাহা বাহাতে উঠিয়া যার তজ্জন্ত মাঞ্চেষ্টারের তত্ত্বাবধ-কুলের কতক প্রতিনিধি সত্তরই ভারতবর্ষে আগমন করিতেছেন। এই সুযোগে ভারতে বিলাতী বস্ত্রের ব্যবসায় শ্রীবৃদ্ধির জন্য অস্তান্ত উপায়ও অবলম্বিত হইবে সন্দেহ নাই। কিন্তু কলিকাতার কুলি মজুর হইতে আরও করিয়া মাড়োরারী ব্যবসায়ীগণ পর্যন্ত যেরূপভাবে বিলাতীবস্ত্রের ব্যবসা পরিত্যাগের উদ্যোগ করিয়াছেন তাহাতে আশা হয়, সত্তরই বিদেশী বস্ত্রের ব্যবসা বিশেষ সক্ষুচিত হইয়া আসিবে। এই আন্দোলনের ক্ষুতকার্যতা সর্বোপরি আমাদের নিজের উপরেই নির্ভর করিতেছে। আমরা যদি বিলাতী বস্ত্রের ব্যবহার বন্ধ করিয়া দিই, যদি বিলাতী বস্ত্র ক্রয় না করি, তাহা হইলে আর উহার সফলতার জন্য আমাদের অস্ত্র কাহারও মুপের দিকে তাকাইয়া থাকিতে হয় না।

—চারুমিহির।

গত জুন মাসে ভারতীয় দেশী কাপড়ের কলে দুই কোটা ২০ লক্ষ সের সূতা এবং এক কোটা ৭০ লক্ষ সের কাপড় উৎপন্ন হইয়াছে। গত বৎসর জুন মাস অপেক্ষা এবং সের জুন মাসে ২০ লক্ষ সের সূতা বেশী উৎপন্ন হইয়াছে।—যশোহর।

কালকাতা মাড়োরারী বণিক সভার এক মহতী অধিবেশনে স্থির হইয়াছে যে, আগামী ৩১শে ডিসেম্বরের পূর্বে কোন মাড়োরারী বিদেশী কাপড় আমদানী করিতে পারিবে না এবং বণিক সভার সিদ্ধান্তের প্রতিকূলে যদি কেহ কাজ করে, তাহা হইলে কোন মাড়োরারী তাহার সহিত কোন সন্ধক রাখিবে না। সভার ইহাও স্থির হইয়াছে যে, বণিক সভার প্রতিনিধিগণ প্রত্যেক বিদেশী বস্ত্র বিক্রেতার

নিকট গমন করিয়া বিদেশী বস্ত্রের ব্যবসা হইতে নিবৃত্ত হইতে অনুরোধ করিবেন। মাড়োরারীগণের দ্বারাই বিদেশী বস্ত্র বাজারের প্রাসাদ হইতে পর্ণকূটীরে পর্যন্ত প্রবেশ লাভ করিয়াছে, আজ যদি মাড়োরারীগণ বিদেশী বস্ত্র আমদানী বন্ধ করিয়া দেয়, তাহা হইলে ইচ্ছা থাকিলেও কেহ বিদেশী কাপড় ক্রয় করিতে পাইবে না। এ পাপের প্রায়শ্চিত্ত মাড়োরারীগণ তাহাদিগকেই তাহার জন্য প্রথম প্রায়শ্চিত্ত করিতে হইবে।—যশোহর।

গত ১৯১৯, ১৯২০ এবং ১৯২১ সালে বিদেশ হইতে ভারতে কত গজ কাপড় আমদানী হইয়াছে তাহার তালিকা আমরা নিম্নে প্রকাশ করিলাম।—

১৯১৯	১৯২০	১৯২১
গজ	গজ	গজ
শাদা সূতি শাড়ি :—		
৭৩১৮৭০৫১	১৬৭৮৪৬০৭৬	৫৭০৫০৩০৪
রঙ্গিন কাপড় :—		
৩৩৬৫৪৯০৩	১৬৩৪১০৪৫২	৪৭৪৩৯১৪২

—যশোহর।

জয়া খেলাফৎ বয়ন বিদ্যালয়—মৌলবী মহম্মদ গোলাম রহমানের এই বয়ন বিদ্যালয়, কতিপয় মহোদয়গণের দ্বারা পরিচালিত হইতেছে। এখন নানা প্রকার বস্ত্র বয়ন প্রণালীতে জেয়ালে, বাপ্তা, ডায়মণ্ড টুল ইত্যাদি নানা সূতে ব্যবহারোপযোগী যথোপযুক্ত বস্ত্র প্রস্তুত নিয়মাবলী শিক্ষা দেওয়া হয়। জায়গীরের সুবন্দোবস্ত আছে। ঠিক বেতন ৭২ নিরীক্ষিত হইয়াছে।—কাশীপুরনিবাসী।

স্বদেশী শিল্প প্রদর্শনী—

আমরা শুনিয়া সুখী হইলাম যে, আগামী সেপ্টেম্বর মাসের শেষভাগে বঙ্গীয় খেলাফৎ কমিটির উদ্যোগে কলিকাতায় একটি নিখিল ভারতীয় শিল্পপ্রদর্শনী হইবে তাহাতে স্বদেশী বস্ত্র, চর্কা, তাঁত, সূতা প্রভৃতির উপরই জোর দেওয়া হইবে। মৌলানা আবুল কালাম আজাদ মহাশয় সভাপতি নিরীক্ষিত হইয়াছেন। এই প্রদর্শনীতে যে অনেক উপকার দর্শিবে সে-বিষয়ে কোন সন্দেহ নাই।—যশোহর।

স্বাধীন ব্যবসার কথা—

চিনি কমিটির অনুসন্ধান।—চিনির ব্যবসায় এক সময়ে ভারতবর্ষ সকল দেশের শীর্ষস্থানে অধিষ্ঠিত ছিল। ভারতের উৎপন্ন চিনি দেশের অভাবক মোচন করিয়া অস্তান্ত দেশের লোককে মিষ্টমুখ করাইত। কিন্তু বৃটিশ অবাধ বাণিজ্য নীতি যেরূপ ভারতের বহু শিল্প নষ্ট করিয়াছে, সেইরূপ চিনির ব্যবসায়েরও সর্বনাশ সাধন করিয়াছে। বিগত যুরোপীয় যুদ্ধে ইংরেজ বুকিয়াছেন যে ভারতবর্ষে সর্বপ্রকার শিল্পোন্নতি হইলে তাহাদিগকে পরদেশের মুখাপেক্ষী হইতে হয় না। এইজন্যই কি উপায়ে ভারতের শিল্পোন্নতি সাধিত হইতে পারে তাহা নির্ণয় করিবার জন্য গতবৎসর শিল্প কমিশন নিযুক্ত হইয়াছিল। এবং কি উপায়ে ভারতে প্রচুর পরিমাণে চিনি উৎপন্ন হইতে পারে তাহা নির্ধারণের জন্য Indian Sugar Committee নামে একটি কমিটি নিযুক্ত হয়। এই কমিটি ভারতবর্ষের নানা স্থান পরিভ্রমণ করিয়া এখানকার ইক্ষুর আবাদে অবস্থা ও চিনি প্রস্তুত করিবার প্রণালী পরিদর্শন করেন এবং পৃথিবীর অস্তান্ত যে-সকল দেশে চিনি উৎপন্ন হয় এবং বিশেষতঃ যে-সকল দেশ চিনির ব্যবসায়ে সমৃদ্ধিশালী হইয়াছে তাহাদের অবস্থা পরিদর্শন করিয়া, ভারতে সে-সকল দেশের ইক্ষুর আবাদ ও চিনি প্রস্তুত করিবার প্রণালী প্রবর্তিত করা যাইতে পারে কি

না, ইত্যাদি বিষয় আলোচনা করেন। কমিটি কি সিদ্ধান্তে উপনীত হইয়াছেন আমরা সংক্ষেপে তাহার পরিচয় নিতেছি।—

বাঙ্গালাদেশই যে পৃথিবীর লোককে চিনি খাইতে শিখাইয়াছে এই রিপোর্ট পাঠ করিলে তাহা স্পষ্টই প্রতীয়মান হয়। অথচ এই বাঙ্গালাদেশের চিনির ব্যবসায়ের উন্নতি সম্বন্ধে রিপোর্টে আমরা কোন আশার সংবাদ পাইলাম না। বাঙ্গালার স্থান এক্ষণে কিউবা দ্বীপ অধিকার করিয়াছে। যে বাঙ্গালাদেশের চিনি এক সময়ে পূর্বদিকে চীনে এবং পশ্চিমে যুরোপ-আমেরিকায় রপ্তানি হইত, সেই বাঙ্গালাদেশ এক্ষণে চিনি উৎপাদনে ভারতবর্ষে চতুর্থ স্থানে অধিষ্ঠিত। চিনি অনুসন্ধান-কমিটি বলেন বিংশতি বৎসর পূর্বেও বাঙ্গালাদেশ দ্বিতীয় স্থানে অধিষ্ঠিত ছিল। বাঙ্গালার এই অধোগতির প্রধান কারণ বর্তমান কৃষিপ্রথা। বাঙ্গালায় যেরূপ অল্প পরিমাণে ধান পাট উৎপন্ন হয়, ইক্ষুর আবাদ সেরূপ অল্প পরিমাণে ও অল্প সময়ে হয় না বলিয়াই এখানকার কৃষকেরা ইক্ষুর আবাদে সেরূপ আগ্রহ প্রদর্শন করে না। তাহার পর বাঙ্গালার ইক্ষু হইতে যে গুড় প্রস্তুত হয় অধিবাসীরা তাহার অধিকাংশ ব্যবহার করার ফলে, চিনি প্রস্তুতের জন্ত অল্পই গুড় অবশিষ্ট থাকে। বাঙ্গালার সকল জেলাতেই ইক্ষুর আবাদ হয়, এমন কি দার্জিলিং পাহাড়েও ইহার আবাদ দেখা যায়, কিন্তু সকল জেলার কৃষকরাই আবাদে শিথিলযত্ন বলিয়া অনুমিত হয়।

কোচবিহার ও পার্শ্বতা চট্টগ্রাম ছাড়িয়া দিলে বাঙ্গালার ভূমির পরিমাণ ৫ কোটি ৪ লক্ষ ৬৯ হাজার ৯ শত ৩৭ একর। ইহার মধ্যে গড়ে ৩ কোটি ৪৬ লক্ষ ২৫ হাজার ৮ শত ৮০ একর ভূমিতে আবাদ হয়। এই আবাদী জমীর মধ্যে মাত্র ২ লক্ষ ২১ হাজার ৬ শত ৬০ একর জমীতে ইক্ষুর আবাদ হইয়া থাকে। ইহাতেই বেগা বাইতেছে, এখানে আখের আবাদ বিরূপ উপেক্ষিত। এখানকার ভূমি ও জলবাণী যে আখের আবাদে অনুকূল নহে এরূপ কোন প্রমাণ পাওয়া যায় না। তবে পূর্ববঙ্গের অনেক স্থান বহুদিন জলমগ্ন থাকায় তথায় পাট ও ধান আবাদই সুবিধাজনক। এক্ষণে একমাত্র উত্তরবঙ্গেই ইক্ষুর আবাদ অধিক হইয়া থাকে। দিনাজপুর জেলায় ৩০ হাজার একর জমীতে ইক্ষুর আবাদ হয়। বর্তমান সময়ে বাঙ্গালার আর কোন স্থানে এত অধিক আবাদ হয় না। পাবনা জেলায় ২০ বৎসর পূর্বে ৬০ হাজার একর ভূমিতে ইক্ষুর আবাদ হইত, এক্ষণে ৪৬০০ একরে ইহার আবাদ হয়। ঢাকা ও বাথরগঞ্জে ২০ হাজার একর করিয়া জমীতে আখ উৎপন্ন হয়। পশ্চিমবঙ্গের বর্তমান জেলায় ১৮ হাজার একর জমীতে আখের আবাদ হয় বলিয়া প্রকাশ। কি জন্ত বাংলায় এই ইক্ষুর আবাদ হ্রাস হইয়াছে, কি জন্ত কৃষকরা ইক্ষুর চাষে উদাসীন, তাহা আলোচনা করিলে বাংলায় ইক্ষুর আবাদে উন্নতিতে নিরাশ হইবার কারণ দেখি না। আমরা মোটামুটি ইহার দুইটি কারণ প্রত্যক্ষ করিয়া আসিতেছি। প্রথম কারণ, সরকারী সাহায্যপ্রাপ্ত জার্মানী ও অষ্ট্রিয়ার বোটের চিনির সহিত প্রতিদ্বন্দিতায় অসমর্থ হইয়া বাঙ্গালী কৃষক ইক্ষুর আবাদ লাভজনক নহে বলিয়া ইহার আবাদে শিথিলযত্ন হইয়াছে; দ্বিতীয়তঃ কিছুকাল হইতে বাঙ্গালার ইক্ষু রূপ হইয়াছে, উহাতে একপ্রকার পোকা লাগার উহা ক্রমশই উপযুক্ত পরিমাণে চিনি উৎপাদনের অযোগ্য হইয়াছে। এইজন্যই কৃষকগণ আর পূর্বের স্থায় ইহার আবাদে আগ্রহ প্রকাশ করে না। কোন কোন স্থানে আদর্শ কৃষিক্ষেত্রে উন্নত প্রণালীর ইক্ষুর আবাদ দেখিয়া এবং তাহাতে লাভের সম্ভাবনা স্মরণ করিয়া কৃষকেরা পুনরায় ইহার আবাদে যত্নপ্রকাশ করিতেছে, ইহা আমরা অবগত আছি। ইহাতে

আমাদের বিশ্বাস বাঙ্গালার কৃষকগণ যদি পরীক্ষার দ্বারা ইক্ষুর আবাদ লাভজনক বলিয়া বুঝিতে পারে তাহা হইলে তাহাতে তাহারা কখনই উপেক্ষা প্রদর্শন করিবে না। এইজন্যই আমরা জেলায় জেলায় আদর্শ কৃষিক্ষেত্র ও পরীক্ষাগার স্থাপনের পক্ষপাতী।

কিন্তু বাঙ্গালায় একমাত্র ইক্ষু হইতেই চিনি উৎপন্ন হইত না। খেজুর-রস হইতেও এদেশে প্রভূত পরিমাণে চিনি তৈয়ার হইত। ১০১০ বৎসর পূর্বেও ২৪ পরগণা, যশোহর, ও নদীয়া জেলায় খেজুরে গুড়ের চিনির অনেক কাণ্ডখানা বিদ্যমান ছিল। এখনও 'ক্যাপিট্যাল' পত্র প্রভৃতিতে গোবরডাঙ্গার চিনির দর প্রকাশিত হয়। তাঙ্গপুর ও শুখচরের চিনিও প্রসিদ্ধ। এই-সকল চিনি একমাত্র খেজুর-গুড় হইতে প্রস্তুত। আমরা দেখিয়া বিস্মিত হইলাম, চিনি-কমিটির রিপোর্টে বাঙ্গালার চিনির কথায় খেজুরে-গুড়ের চিনির উল্লেখ আদৌ নাই। যে সময় চিনি-কমিটি নিযুক্ত হয় আমরা সে সময়ে এ বিষয়ে কর্তৃপক্ষীয়ের মনোযোগ আকর্ষণ করিয়াছিলাম; কিন্তু আমাদের সে স্মরণ স্বর কর্তৃপক্ষীয়ের কর্ণে প্রবেশ করে নাই। বাঙ্গালার এই খেজুরের চিনির কার্খার পুনরাজীবিত করিতে পারিলে দেশের অনেক লোকের অন্ন সংস্থান হইতে পারে। ইক্ষুর মত খেজুর-গাছের আবাদ প্রতি বৎসর করিতে হয় না। গাছ একবার তৈয়ার হইলে ক্রমাগত ৩০-৪০ বৎসর তাহা রস প্রদান করিয়া থাকে; সুতরাং ইক্ষুর আবাদে তাহার ইহা কষ্টসাধ্য ও ব্যয়সাধ্য নহে এবং উহা হইতে রসেরও ভারতম্য হইবার সম্ভাবনা নাই। বৈজ্ঞানিক প্রণালীতে খেজুর-রসের চিনি তৈয়ার করিলে ব্যয় হ্রাস হইতে পারে কি না এ বিষয়ে পরীক্ষা আবশ্যিক। আমরা বাঙ্গালার এই বিশেষ ব্যবসায়ের পুনরুদ্ধারের পক্ষপাতী, এইজন্য ইহার প্রতি সাধারণের ও সরকারের মনোযোগ আকর্ষণে অগ্রসর হইয়াছি। কৃষি-সচিব সেদিন পাবনায় এই ইক্ষুর আবাদে উন্নতির বিষয় উল্লেখ করিয়াছিলেন। তিনি কি এই খেজুর-চিনির প্রতি মনোযোগ প্রদান করিবেন?—বৃহস্পতি।

খেজুরে গুড় ও ঝোলো চিনি তৈয়ারির উপায়।—বাতাসের সঙ্গে নানারকম জীবাণু সকল সময় উড়িয়া বেড়ায়। খেজুরের রস খুব সাবধানে রাখিতে না পারিলে ঐ-সকল জীবাণু তাহার উপর পড়িয়া অনেক ক্ষতি করিয়া দেয়। এজন্য রস হইতে ভাল গুড় পাওয়া যায় না এবং চিনির ভাগ কম হয়। কয়েকটি উপায়ে এই ক্ষতি বন্ধ করা যাইতে পারে। (১) প্রত্যেক দিন সন্ধ্যাবেলা রসের কলসী ব্লাইবার আগে গাছের কাটা অংশ পরিষ্কার জল দিয়া ধুইয়া ফেলিতে হইবে। ফর্মালিন নামক আরকের কয়েক ফোঁটা ঐ জলের সঙ্গে মিশাইয়া লইতে পারিলে আরও ভাল হয়। ডাক্তারখানার পৌজ করিলে এই আরক পাওয়া যাইবে। (২) রসের কলসী আগুনে তাতাইয়া লইবার যে নিয়ম আছে তাহা না করিয়া কলসীর ভিতর-ভাগ মাঝে মাঝে চুন লেপিয়া লইলে খুব ভাল ফল পাওয়া যাইবে। এমন কি এরূপ কলসীতে দিনের বেলায় ওলা রস জড় থাকিলে তাহা হইতেও ভাল গুড় করিতে পারা যাইবে। (৩) গাছে কলসী ব্লাইবার সময় তাহার মুখ যতটা সম্ভব সরাসরি বা আর কিছু দিয়া ঢাকিয়া দেওয়া দরকার। কেবল নল হইতে কলসীতে রস পড়িবার জন্ত একটু গর্ত রাখিলেই যথেষ্ট। (৪) রস জাল দিবার লোহার কড়াইসকল খুব পরিষ্কার রাখিতে হইবে। কোন রকম পোড়া গুড় বা চিনি তাহার গায়ে লাগিয়া থাকিলে জাল দেওয়া রসের রং কাল হইয়া যায়। (৫) রস জাল দিবার সময় অল্প করিয়া উঁতুল-গোলা

জল তাহার উপর ছিটাইয়া দিলে খেজুরে গুড় দেখিতে ঠিক কাঁচা সোনার মত হইবে। কয়েকদিন অভ্যাস করিলেই বুঝা যাইবে কোন্ রসে কতটা তৈতুল জল দেওয়া দরকার। (৬) পাটা-সেওয়া দিয়া চিনি পরিষ্কার করিতে অনেক সময় লাগে। আজকাল এই কাজের কল একরকম কল পাওয়া যায় তাহাতে হাড়ের কয়লা ইত্যাদি কিছু ব্যবহার না করিয়াও অতি শীঘ্র ও অতি সহজে পরিষ্কার চিনি বাহির করা যায়। একজন খণ্ডসারির পক্ষ এই কল কেনা দুঃসাধ্য হইলেও পাঁচজনে মিলিয়া সমসাময়িকভাবে কিনিলে সকলেই বিশেষ সুবিধা হইতে পারে।—এডুকেশন গেজেট।

কাগজের কথা—

সমগ্র পৃথিবীতে বৎসরে ৩২ কোটি মণের অধিক কাগজ ব্যয়িত হইয়া থাকে। একমাত্র ভারতবর্ষ হইতেই সমগ্র পৃথিবীর এই কাগজের অভাব পূর্ণ করা যাইতে পারে। ভারত-পত্ৰমেণ্টের বিশেষজ্ঞ মিঃ রেইট হিসাব কথিয়া দেখিয়াছেন যে, লক্ষদেশ ও দক্ষিণ-পশ্চিম ভারতে কেবল দেশের মত হইতে বৎসরে ২৭ কোটি মণ এবং আসামে ৩৫ সাতানা মাস হইতে ৮ কোটি মণ কাগজ প্রস্তুত হইতে পারে। হিসাব অনুসারে কাঁচা হইতে দেখিলেই সকলে সুখী হইবে।

—ঢাকাপ্রকাশ।

সম্ভারের উদাসীনতা—

আসাম-বেঙ্গল রেলওয়ের ৩০০০ লোক এখনও কাজে যোগান করে নাই। ধর্মঘটকারীগণের মধ্যে ৩০০০ লোক কার্যে যোগান করিয়াছে এবং কতকলোক কোম্পানী হইতে অবসর গ্রহণ করিয়াছে। এতদিন যাবৎ ধর্মঘটকারীগণকে জেলা ও শাখা কংগ্রেস কমিটি সকল সাহায্য করিতেছিল, কিন্তু মহারা গাঙ্গী পূর্ববঙ্গে গমন করিয়া বলিয়াছেন যে, হয় ধর্মঘটকারীগণকে বাড়ী পাঠাইয়া দেওয়া হউক নতুবা স্থানে স্থানে উপনিবেশ স্থাপন করা হউক। প্রত্যেক উপনিবেশে ১৫০টি চরকা এবং ৫টি তাঁত থাকিবে; এবং গবর্নমেন্ট ক্ষমা না চাহিলে কাঁচা যোগান করিতে নিষেধ করিয়া দিয়াছেন। আজ পর্যন্তও গবর্নমেন্ট কেন যে একপ উদাসীনতার ভাব দেখাইতেছেন তাহা আমরা বুঝিতে গসমর্থ।—যশোহর।

সরকারের নিগ্রহ-নীতি—

বাল্লালায় চণ্ডনীতি চণ্ডবিক্রমে অনুসৃত হইতেছে। বরিশালে শরৎ-কুমার, মাদারীপুরে পীর বাদশা মিঞা, ফরিদপুরে ডাক্তার সুরেশচন্দ্র,—একে একে অসহযোগী কর্ম্মীবর্গ গ্রেফতার হইলেন, নীরবে দেগে গেলেন।—বহুমতী।

শরৎকুমারের কারাদণ্ড।—বরিশালের সুপ্রসিদ্ধ জননায়ক শ্রীযুত শরৎকুমার ঠাকুর তিন মাস কারাদণ্ড এবং দুইশত টাকা জরিমানায় দণ্ডিত হইয়াছেন। জরিমানা না দিলে আরও তিন মাস কারাবাস ভোগ করিতে হইবে। শরৎকুমারকে অতি গোপনে বরিশাল জেলে হইতে প্রেসিডেন্সী জেলে লইয়া যাওয়া হয়। তাহার উপর কড়া পুলিশ পাহারা ছিল।—এডুকেশন গেজেট।

পীর সাহেব কারাগারে।—ফরিদপুরের সুপ্রসিদ্ধ পীর মৌলানা রসিহুদ্দিন আহম্মদ (পীর বাদশা মিঞা) গরম বক্তৃতা দেওয়ার ১০৮ ধারা মতে অভিযুক্ত হন। প্রায় ৮০ লক্ষ মুসলমান তাঁহাকে ধর্মগুরু বলিয়া মান্য করেন। তিনি আর তেমন বক্তৃতা যেন না দেন তেমন ভাবে ১০ দশ হাজার টাকার জামিন তলব করা হইয়াছিল। তিনি জামিন না দিয়া কারাগারে গিয়াছেন। তিনি শিষ্যদিগকে, মুসলমান-সমাজকে ও তাঁহার ভক্তদিগকে আদেশ করিয়া গিয়াছেন তাঁহার

কারাবাস ভোগের জন্ত কেহ যেন উত্তেজিত না হয় এবং তিনি সন্তুষ্ট হইবেন যদি সকলে বিনেশী বস্ত্র বর্জন করে।—জ্যোতিঃ।

নৃপেন্দ্রনারায়ণ চক্রবর্তীর বয়স চৌদ্দ বৎসর মাত্র। সে মাদারীপুর শান্তি সেনার একজন ভ্রাতার। পুলিশ তার বিরুদ্ধে ১৯৮ ধারার অভিযোগ উপস্থিত করে, তাকে গ্রেপ্তার করে ফরিদপুর নিয়ে গেছে। নৃপেন্দ্রের জননী পূর্বে জানিনে মুক্তিপ্রার্থনা করতে নিষেধ করেচেন।

—বিজলী।

জরিমানা আদায়।—ব্রহ্মচারী রামরক্ষার ১ মাস সশ্রম কারাদণ্ড ও ৩০০ টাকা অর্থদণ্ড হইয়াছিল। প্রকাশ, জরিমানা না দিলে তাঁহার আরও দেড়মাস কারাদণ্ডের আদেশ ছিল। কিন্তু রামরক্ষা ঐ দেড় মাস কালও জেল খাটিয়াছিলেন বটে তথাপি তাহার অস্থাবর সম্পত্তি আটক ও বিক্রয় করিয়া জরিমানার টাকা আদায় করা হইয়াছে।

—বহুমতী।

শ্রীহট্ট করিমগঞ্জের ১৪ জন অসহযোগীকে স্পেশাল কনেষ্টবল করা হইয়াছিল। তাঁহারা ঐ কার্য করিতে স্বীকৃত হয় নাই বলিয়া তাঁহাদের প্রত্যেকের প্রতি ৫০ টাকা করিয়া অর্থদণ্ডের ব্যবস্থা হইয়াছে; জরিমানা না দিলে প্রত্যেককে ৬ সপ্তাহ করিয়া জেল খাটিতে হইবে।

—ঢাকাপ্রকাশ।

মালদহ—ছত্রিশীর খেচ্ছা সেবক শ্রীযুত মনোরঞ্জন রায় গত ২০শে ভাদ্র সোমবার অপরাহ্ন ৬টার সময় স্থানীয় পুলিশ সর্ব ইন্স্পেক্টর কর্তৃক ধৃত হইয়াছেন। এই ভ্রাতারিয়ারটি বাংলা মদের দোকানের সম্মুখে পিকেটিং কার্যে নিযুক্ত ছিলেন। দারোগা তাঁহার জামিন হইবার জন্ত ২১ জন ভ্রাতালোককে অনুরোধ করিয়াছিলেন; কিন্তু মনোরঞ্জন রায় জামিন হইতে নিষেধ করায় কেহ জামিন হন নাই।

ঢাকা—মুন্সীগঞ্জ—বিক্রমপুর। গত ৩১শে মে তারিখে ধামারণ খেলাফৎ কমিটির যে ৬ জন ভ্রাতারিকে গ্রেফতার করা হইয়াছিল, এই সেন্টেন্সর তাঁহাদের বিচারকাণ্ড শেষ হইয়াছে। মুন্সীগঞ্জ মহকুমা-ম্যাজিস্ট্রেটের বিচারে তাঁহারা নিম্নলিখিতকপ অর্থদণ্ডে দণ্ডিত হইয়াছেন :—(১) কাজী রেজাজুদ্দিন আহম্মদ ৫০, (২) কাজী আমির হোসেন ৫০, (৩) কাজী আবুল এছলাম ৫০, (৪) সেখ আবদুল ৫০, (৫) গোলাম দেওয়ান ৫০ টাকা। অস্বতম আসামী কাজী শামসুদ্দিন মুক্তি পাইয়াছেন। এতদ্ব্যতীত তাঁহাদের উপর ১ বৎসরের জন্ত ১০৮ ধারা জারী হইয়াছে। বিচারক বাদীকে ১৫০ টাকা দেওয়ার আদেশ করিয়াছেন। এই তারিখে ধামারণ খেলাফৎ কমিটির সেক্রেটারী কাজী রেজাজুদ্দিন আহম্মদকে গ্রেফতার করা হইয়াছে।

—নবমণি।

সরকারের অপব্যবস্থার কথা—

পাঠকগণ এখনও ভুলিতে পারেন নাই যে, গত ষেড়মারী মাসে নামওয়ায়ে ধর্মঘটের সময় কলিকাতা কালীঘাটে জনতার উপর পুলিশ গুলি চালাইয়াছিল। এতদিন পরে কমিটির রিপোর্ট প্রকাশিত হইয়াছে। পুলিশ সাবইন্স্পেক্টর ঐখর সিংহের ৬ মাসের জন্ত বেতন বৃদ্ধি বন্ধ রহিল; সার্জেন্ট কির্কি তাহার কর্তব্য পালন করে নাই, এবং কে যে গুলি চালাইয়াছিল তাহা ইচ্ছাপূর্বক প্রকাশ না করিবার দোষে সার্জেন্ট চিলটন, এমিলী এবং ভজিরককে পদচ্যুত করা হইয়াছে।

—যশোহর।

মদের অপকার—

গত ৫ বৎসরের হিসাব ধরিয়া দেখা গিয়াছে, প্রতি বৎসর কলিকাতা

সহরে মাতলামী করিবার অপরাধে প্রায় ৫ হাজার লোক দণ্ডিত হইয়াছে।—ঢাকাপ্রকাশ।

আমাদের সমাজ—

ব্যবস্থাপক-সভার সদস্য হেনরী হইলার সভায় বলিয়াছেন যে, বঙ্গদেশে গভর্নমেন্টের জানানিতে পতিত জাতির সংখ্যা ৭০ লক্ষেরও কিছু অধিক।—ঢাকাপ্রকাশ।

পাবনা জেলার হরিপুর গ্রামের একটি বৃদ্ধ ব্রাহ্মণ মেয়ের বিবাহে সর্ব্ব্বাস্থ্য হয়ে পড়েন—তার ওপর আবার উপার্জনক্ষম যোগ্য পুত্রের অকালমৃত্যুতে তিনি উন্মাদপ্রায় হয়ে ওঠেন। দুটি বয়সী কন্যাকে পাত্রস্থ করিতে না পারায় এই বৃদ্ধ ভদ্রলোক সনাজের নিষ্যাতনও যথেষ্ট ভোগ করেন। অবশেষে তার একটি মেয়ের বিবাহের দিন স্থির হয়। কপর্দকহীন ব্রাহ্মণ কোনমতে একশটি টাকা সংগ্রহ করিতে না পেরে গ্রামবাসীদের দ্বারে দ্বারে ঘুরে ধন প্রার্থনা করেন, কিন্তু কেউ তাঁকে সাহায্য করিতে স্বীকৃত হয় না। পল্লীর মেয়েরা তাই জানতে পেরে নিজেরা চেষ্টি করে টাকা দিয়ে ব্রাহ্মণকে সাহায্য করেন।

বাংলার আইন মজলিসের সদস্যরা এই 'অশিক্ষিতা' নারীদের কাজের পরিচয় পেয়ে পুরস্কার শিকার মূল্য নিরূপণ করবেন কি "

—বিজলী।

মড়াইলের নমঃগুজর উকিল বাবু দেবেন্দ্রনাথ বিখ্যাত মহাশয়কে জল ও পান দেওয়ার কোন ব্যবস্থাই আজ পর্যন্ত হয় নাই। আজ ২৫ দিন বারলাইত্রেরীতে এইরূপ অবমাননা সহ্য করিতেছেন। তাঁহার অপরাধ—তিনি জাতিতে নমঃগুজর। কিন্তু তাঁহার নিকট হইতে নিয়মিত টাকা আদায় করা হইয়া থাকে।

—কল্যাণী।

পতিত সংস্কারে মহাত্মা গান্ধী—

মহাত্মা গান্ধীর সহপুত্র—মহাত্মা গান্ধী গামাম ও পুষ্কর পরি

ক্রমে আসিয়া, বেঞ্জামিনকে দর্শন দান করিয়া উপদেশ দিয়াছেন, সকলেই চরকায় পুত্র প্রস্তুত শিক্ষা কর, পরিণামে ভাল হইবে। যাহারা সাধুভাবে থাকিতে চায়, ইহাতে তাহাদের পরিণাম ভাল হইবে, শিক্ষাবৃত্তি অবলম্বন করিতে হইবে না।

—কাশীপুরনিবাসী।

দেশপ্রেমের কথা—

স্বদেশী আন্দোলন এখন আর শুধু শিক্ষিত লোকের মধ্যে আবদ্ধ নাই। দেশের শিক্ষিত অশিক্ষিত সকলেই বুদ্ধিতে পারিয়াছেন যে, দেশ শিল্পের উদ্ধার না করিলে দেশবাসীর গাচিয়া থাকিবার আর কোন আশা নাই। সম্প্রতি কলিকাতার গরুর গাড়ীর গাড়োয়ান, উড়িয়া গমজীবীরা মায়ের ডাকে সাড়া দিয়াছে, তাহারা আর বিলাতী কাপড়ের মোট বহিবে না বলিয়া প্রতিজ্ঞা করিয়াছে। কাজ অভাবে অনাহারে মরিবে তাহাও স্বীকার, তবুও বিদেশী বস্ত্র পরা করিবে না। মরা গাঙ্গেও যে বান ডাকিতে পারে তাহাই তাহার প্রমাণ।—যশোহর।

তপস্যার অস্তাব। মনের এক কোণে সামান্য এতটুকু সদিচ্ছা প্রকাশ পেতেই এ অহঙ্কার কখনো বেন আমাদের মত করে' না তোলে যে, আমরা বোধন ছেঁড়বার শক্তি লাভ করেছি। এমন ইচ্ছা কতবারই তো জেগেছে, আবার কতবারই না অস্তরেই জ্বীন হয়ে গেছে। আজ শত রকমের বাসনা-কামনার ভরা এই মনে যতটুকু দেশহিতৈষণা উঁকি মার্ছে, তাতে করে' গলাবাজি বেশ চলেতে পারে; কিন্তু খর জ পাওয়া যাবে না। অতীতের বিফলতার কারণ নির্দেশ করতে গিয়ে এই কথাটাই ধরা পড়ে' গেছে যে, সত্যি সত্যিই সবখানি হন দিয়ে আমরা মুক্তি কখনো চাইনি—তার জন্ত যে অস্তদৃষ্টির যে তপশাস্তির পরকার তা আমরা পাইনি—পেতে চেয়েই করিনি।

—বিজলী।

সেবক।

গান

হৃদয়ে ছিলে জেগে,

দেখি আজ শরৎ-মেঘে ॥

কেমনে আজকে ভোরে

গেল গো গেল সরে'

তোমার ঐ আঁচলখানি

শিশিরের ছোঁওয়া লেগে ॥

কি যে গান

বাণী মোর

সে যে ক

ছড়ান

নে যে গ

উড়ে যায়

গাতিতে চাই,

থুঁজে না পাই,—

শিউলি-দলে

কানন-তলে,

ফণিক ধারায়

বায়ু বেগে ॥

৮ আশ্বিন, ১৩১৮

শ্রীরবীন্দ্রনাথ ঠাকুর।

মার্কিন দেশে ম্যালেরিয়া প্রতিকার*

আমরা নরহত্যাকারীকে যথেষ্ট ঘৃণা করি এবং চরমদণ্ডে দণ্ডিত করি। কিন্তু আমাদের দেশ ভারতবর্ষে আমরা কেন অবাধে ম্যালেরিয়া রাক্ষসীকে প্রতিবৎসর ১,১৩০,০০০ লোক হত্যা করিতে এবং ১০০,০০০,০০০ অপেক্ষাও বেশী লোককে আক্রমণ করিতে দিই? আমরা কেন ইহার কোনও প্রতিকার করি না? অবশ্য আমাদের অর্থাভাব, আমাদের দারিদ্র্যই ইহার প্রধান কারণ। মার্কিনদেশে কিরূপে স্বল্পব্যয়ে ম্যালেরিয়া নিবারিত হইতেছে তাহা আমাদের জ্ঞাত হওয়া উচিত। সেখানে Red Cross Society, State Board of Health ও United States Public Health Service পরস্পরের সহিত একযোগে মিলিত হইয়া প্রাণপণ উত্তমে দক্ষিণ জর্জিয়া হইতে ম্যালেরিয়া তাড়াইতে বন্ধপরিকর হইয়াছে। সেখানে প্রতি লোক পিছু ম্যালেরিয়া প্রতিকারের ব্যয় কত অল্প হইতেছে তাহা আমাদের ধারণার অত্যন্ত। সেখানে আর্কান্সাস ও মিসিসিপি প্রদেশে সম্প্রতি যে উপায়ে ম্যালেরিয়া নিবারিত হইতেছে আমাদের দেশে সেই উপায় অবলম্বন করিলে ১০০০ অধিবাসীযুক্ত ছোট ছোট সহরে অতি অল্প ব্যয়ে ম্যালেরিয়া নিবারণ করা যাইবে। বলা বাহুল্য যে সহরের অধিবাসীর সংখ্যা যত বেশী হইবে প্রতি লোক পিছু ব্যয় তত অল্প হইবে। শেষোক্ত দুই প্রদেশে নিম্নোক্ত উপায়গুলি ম্যালেরিয়া নিবারণের জন্য অবলম্বন করা হইয়াছিল।—

(১) মশক-বংশের বিনাশ সাধন।

(২) নির্দিষ্টস্থানের অধিবাসীদিগের আবাসবৃদ্ধবানতা প্রত্যেক লোককে কুইনাইন নিয়ম-মত সেবন করান।

(৩) নির্দিষ্টস্থানের অধিবাসীদিগের বাসস্থানগুলি ধাতু-নির্মিত জাল দিয়া বেষ্টিত করা।

আর্কান্সাসের অন্তঃপাতী ক্রসেট নগরে ২১২৯জন লোকের বাস এবং এইস্থানে শতকরা ৬০ ভাগ রোগী ম্যালেরিয়া-গ্রস্ত ছিল। ১৯১৫ খৃষ্টাব্দে এইস্থানের খাল, বিল ও ডোবার

মধ্যে অনেকগুলি বুজাইয়া দেওয়া হইয়াছিল। এবং বাকী-গুলি হইতে সহজে জল নিকাশ হইবার উপায় করিয়া দেওয়া হইয়াছিল। নদীর কিনারার জঙ্গল সাফ করা হইয়াছিল এবং উভয় পাড় এইরূপে ঢালু করা হইয়াছিল যে নদী প্রস্থে ঈষৎ কমিয়া গেলেও ইহার স্রোতের বেগ বৃদ্ধি পাইয়াছিল। যে-সকল জলাশয় বুজান অসম্ভব হইয়াছিল সেগুলি পরিষ্কার করাইয়া তাহাতে ছোট ছোট মশা-থেকে মাছ ছাড়া হইয়াছিল এবং প্রতিসপ্তাহে প্রত্যেক জলাশয়ে এক পর্দা কেরোসিন তৈল ছড়ান হইত। ভগ্ন কলসী, হাঁড়ী, বালুতি প্রভৃতিতে জল জমিলে পাছে মশা সেইগুলিতে ডিম পাড়ে এই আশঙ্কায় এইপ্রকার জিনিষ জড় হইবা মাত্র সরাইয়া ফেলা হইত। এইসকল উপায় এই বিষয়ে বিশেষজ্ঞ লোকের তদারক এবং সম্পূর্ণ নিখুঁতভাবে অবলম্বন করা হইয়াছিল। এবং ইহার ফলে এক বৎসরের মধ্যে প্রায় সম্পূর্ণরূপে মশক-বংশ বিনষ্ট হইয়াছিল। ম্যালেরিয়া-রোগীকে দেখিবার জন্ম এই স্থানের চিকিৎসকদিগের ডাক কিরূপ বৎসরের পর বৎসর কমিয়া গিয়াছিল তাহা দেখিলেই এই-সকল উপায় অবলম্বনের ফল কিয়ৎপরিমাণে প্রতীয়মান হইবে। ১৯১৫ সালে ম্যালেরিয়া-রোগী দেখিবার জন্ম ক্রসেটের চিকিৎসকগণের ২৫০০ ডাক হইয়াছিল, ১৯১৬ সালে অর্থাৎ এই-সকল উপায় অবলম্বনের এক বৎসর পরে এই-সকল চিকিৎসকের ম্যালেরিয়া-রোগী দেখিবার ডাক কমিয়া ৭৪১ হইয়াছিল। ১৯১৭ সালে ইহা মাত্র ২০০ হইয়াছিল। ১৯১৮ সালে মাত্র ৭৩ হইয়াছিল। সুতরাং দেখা যাইতেছে যে তিন বৎসরে ম্যালেরিয়া-রোগী দেখিবার জন্ম চিকিৎসকের ডাক শতকরা ৯৭ ভাগ কমিয়া গিয়াছিল। প্রথম বৎসর এই-সকল উপায় অবলম্বনের ব্যয় প্রতি লোক পিছু ৩।০ টাকা, দ্বিতীয় বৎসরে ২।০ টাকা এবং তৃতীয় বৎসরে ১।০ টাকা হইয়াছিল। যে পরিমাণ চিকিৎসকের ব্যয় বাঁচিয়াছিল তাহার তুলনায় এই ব্যয় যৎসামান্য সন্দেহ নাই। ক্রসেটের নিকটবর্তী আরও পাঁচটি ছোট সহরে এই-সকল উপায় অবলম্বন করা হইয়াছিল এবং ফলও সেইরূপ সন্তোষজনক হইয়াছিল।

* Journal of American Medical Association for November 8, 1919, দেখুন।

আর্কাঙ্গাসের অন্তঃপাতী চিমাট হ্রদের তীরে গরীব কাক্রিগণ কুটীরে বাস করে। এইস্থানে ম্যালেরিয়া ও মশার প্রাচুর্য্য। এই-সকল কুটীর সম্পূর্ণরূপে ধাতুনির্মিত জাল দিয়া বেষ্টিত করা হইয়াছিল এবং কুটীরের অধিবাসী-দিগকে সন্ধ্যার পর বাটার বাহির হইতে বিশেষরূপে নিষেধ করা হইয়াছিল। প্রত্যেক বাটা জাল দিয়া ঘিরিতে গড়ে ৪০ টাকা ব্যয় হইয়াছিল এবং এই-সকল জাল গড়ে দুই বৎসর নষ্ট হয় না—ধরিলে, বাৎসরিক ২০ টাকা (প্রত্যেক বাটার জন্য) এবং প্রতি লোক পিছু ৩০০ টাকা ব্যয় হইয়াছিল বলা যাইতে পারে। ইহার ফলে ম্যালেরিয়া অনেক কমিয়াছিল।

অপর এক স্থানে একটি স্রোতহীন বিলের নিকটস্থ আবাদে অভ্যন্ত মশা-ম্যালেরিয়ার প্রাচুর্য্য ছিল। তথায় পূর্নতক পূর্ণবয়স্ক লোককে সপ্তাহে উপরি উপরি দুই দিন প্রত্যহ সকালে ৫ গেন ও বৈকালে ৫ গেন মোট দশ গেন কুইনাইন্ সেবন করান হইত। পনের বৎসর বয়সের নীচের বালকবালিকাদিগকে প্রতি তিন বৎসর বয়সের জন্য এক গেন হিসাবে কুইনাইন্ উপরিলিখিত নিয়ম অনুসারে সেবন করান হইত। এই উপায়ে এক বৎসরে শতকরা ৬০ ভাগ ম্যালেরিয়া কমিয়াছিল, এবং ইহার জন্য প্রতি লোক পিছু ১১০ টাকা ব্যয় হইয়াছিল। জার্মান ডাক্তার ককের (Koch) মতানুযায়ী শরীরস্থ ম্যালেরিয়া-বীজাণু সম্পূর্ণরূপে নষ্ট করিবার জন্য প্রত্যেক পূর্ণবয়স্ক লোক প্রতিদিন ১০ গেন এবং বয়সানুসারে বালকবালিকাগণ কমপরিমাণে কুইনাইন্

সেবন করিয়া মিসিসিপির অন্তঃপাতী সানফ্রান্সিসকো ১০০ বর্গ মাইল পরিমাণ ভূমির ২০০০ অধিবাসী অতি সুন্দর ফল পাইয়াছিল। এই ভূমি ডোবা-খাল-বিল-পূর্ণ ছিল এবং এই স্থানের অধিকাংশ অধিবাসী জাতিতে কাক্রি। ইহা-দিগের মধ্যে শতকরা ৪০ জনের ১ বৎসরের মধ্যে ম্যালেরিয়া হইয়াছিল এবং বাকী অধিবাসীর মধ্যে শতকরা ২২ জনের মধ্যে ম্যালেরিয়া-রোগের বীজাণু পরীক্ষা করিয়া পাওয়া গিয়াছিল। ডাক্তার ককের উল্লিখিত উপায় অবলম্বনের পর এই স্থানের ম্যালেরিয়া শতকরা আশী ভাগ কমিয়া গিয়াছিল।

ম্যালেরিয়া দূর করা আমাদের নিজের হাতে। আমরা যে ইচ্ছা করিলেই আমাদের বাসস্থান হইতে ম্যালেরিয়া তাড়াইয়া ম্যালেরিয়ার আক্রমণ হইতে অব্যাহতি লাভ করিতে পারি উল্লিখিত ঘটনা-সকল তাহার জলন্ত প্রমাণ।

কলিকাতার বিখ্যাত জীবাণুতত্ত্ববিদ ডাক্তার শ্রীগোপাল-চন্দ্র চট্টোপাধ্যায়, এম-বি, রায় বাহাদুর মহাশয় ১১২ প্রেমচাঁদ বড়াল ষ্ট্রীটে Central Cooperative Anti-Malarial Society স্থাপন করিয়া দেশ হইতে ম্যালেরিয়া দূর করিবার চেষ্টা করিতেছেন। তাহার উদ্দেশ্য বঙ্গের গ্রামে গ্রামে অর্থসাহায্য ও সুপরামর্শ প্রদানপূর্ব্বক ম্যালেরিয়া নিবারণ সমিতির প্রতিষ্ঠা করিয়া এই প্রবন্ধে লিখিত উপায় অবলম্বনে ম্যালেরিয়া দূর করা। আশা করি কোনও গ্রামবাসী এই সুবর্ণ সুযোগ হেলায় হারাইবেন না।

শ্রীজ্যোতিষ্ময় বন্দ্যোপাধ্যায় (এম্ বি)।

লক্ষ্মীছাড়া

ঠিক নদীর উপরেই ছোট ঘরখানিতে ছিদাম বাস করিত। সে জেলে, নদীতে মাছ ধরিত। এত বড় পৃথিবীটার মধ্যে আপনার বলিতে তাহার কেহ ছিল না। পিতাকে তাহার মনেই পড়িত না; কিন্তু মা যে তাহাকে মুড়ি মুড়ুকা ও মোটা ভাত খাওয়াইয়া ষোলটি বৎসরের করিয়া তুলিয়াছিল, তাহা ছবির মত তাহার চক্ষে ভাসে।

সেই মা যখন একদিন চক্ষু বুজিল তখন ছনিয়াটা তাহার নিকট বড়ই ফাঁকা ফাঁকা বোধ হইল। দিন কয়েক ছন্নছাড়ার মত ঘুরিয়া সে আপনাকে কতকটা ঠিক করিয়া লইল। পরে একদিন এক বোষ্টম ঠাকুরের নিকট হইতে পাঁচসিকা দিয়া একটা সারেঙ্গ কিনিয়া আনিয়া, এইটিই তখন হইল তার প্রাণের দোসর। দিনে সে মাছ ধরিত—

মাছ বেচিত, আর রাত্রে সারেক্কাটির সহিত তাহার প্রাণের যত হাসি-কান্নার আলাপ করিত। মেঘের ডাকের সঙ্গে সঙ্গে যখন ওপারে কাশের বনে মাতন লাগিয়া যাইত, ছিদামের উদাসী চিত্ত অন্ধান করিয়া উঠিত; সে তাড়াতাড়ি যাইয়া সারেক্কাটিকে বুকে চাপিয়া ধরিত—কি যেন একটা ব্যথার দীর্ঘশ্বাসে সারেক্কাের তারগুলি ঝন্ঝন্ করিয়া উঠিত।

* * * *

তখন একপ্রহর বেলা হইয়াছে—ছিদাম জাল সারিতেছিল আর গুন্গুন্ করিয়া গাহিতেছিল।

একটি মেয়ে কলসী কক্ষে করিয়া আসিয়া ছিদামের ঘরের ছয়ারে দাঁড়াইয়া ডাকিল—“ছিদাম-না—”

“কে রে উজানি! জল নিতে এসেছিস্ বুঝি?”

উজানি সে কথার উত্তর না দিয়া বলিল, “আজ তুমি নদীতে যাবে না?”

ছিদাম জাল বুনিতে বুনিতেই বলিল, “হ্যাঁ, নিতাই এলে যাব।”

উজানি বলিল, “তুমি বুঝি নিতাইর সঙ্গে যাও?”

ছিদাম মুখ তুলিয়া বলিল, “হ্যাঁ, আমার ত ডিঙি নেই; আর ওই আমাকে ডেকে নিয়ে যায়। নিতাইর মনটা বড় ভাল—নয় রে উজানি?”

উজানি সে কথার কোন জবাব না দিয়া বলিল, “তোমার খাওয়া হয়েছে?”

ছিদাম একটু হাসিয়া বলিল, “জালটা সেরেই রান্না করব।”

উজানি বলিল, “এর পরে রান্না করে খাবে কখন?” সে কলসী নামাইয়া বলিল, “আমি উত্তনটা ধরিয়ে চালটা চড়িয়ে দিয়ে যাই, তারপর—”

ছিদাম বাধা দিয়া বলিল, “না রে না, আমি নিজেই করব খন—আমার এই ত হয়ে গেল বলে।”

উজানি কিছু বলিল না। ঘরে ঢুকিয়া উত্তনটা ধরাইতে লাগিয়া গেল।

উজানি এই আপন-ভোলা লোকটিকে ভাল করিয়াই চিনিত। ‘আহার-নিদ্রাটা’ পর্যন্ত অনেক সময়, তাহার ভুল হইয়া যাইত বলিয়াই উজানিকে অনেক সময় উহার খোঁজ লইতে হইত। এই লোকটির জন্ত একটা মমতা, একটা

সহানুভূতি তাহার প্রাণের ভিতর যে একান্তে জাগিয়া উঠিতেছিল তাহার খোঁজ উজানি রাখিত না,—তাহার শুধু মনে হইত যে সে ছাড়া এই অসহায় লোকটিকে দেখিবার মত আর কেহ নাই। তাই একটা অজানা আকর্ষণ তাহাকে এখানে টানিয়া লইয়া আসিত।

উজানি ভাতের হাঁড়িটা চড়াইয়া চক্ষু রগড়াইতে রগড়াইতে বাহির হইয়া আসিল।

ছিদাম জাল বুনিতে বুনিতে বলিল, “চলি উজানি?”

উজানি একটু হাসিয়া বলিল, “যাব না—কি করব?”

ছিদাম মাথা তুলিয়া বলিল, “না, যা, উঃ তোমার চোখ যে ধোঁয়ায় লাল হয়ে গেছে!—তোমার খুব কষ্ট হয়েছে—না রে?”

* * *

উজানি না থাকিলে ছিদামকে যে মাসের মধ্যে ^{শব্দ} অর্থাৎ দিনই উপবাসে থাকিতে হইত, তাহা সে জানিত। জানিত না শুধু যে এই কালো মেয়েটির চিত্তখানি তাহার জন্ত কতটা ব্যগ্র, আর তাহা জানিতে কোনদিন চেষ্টাও করিত না। এইজন্তই অনেক সময় উজানির এই প্রাণভরা সাহায্য লইতে সে সন্মোচ বোধ করিত। এক-একবার সে ভাবিত উজানির এ সাহায্য প্রত্যাখ্যান করিবে। কিন্তু সে তাহা পারে নাই—উজানির সম্মুখে তাহার সব সঙ্কল্প গোলমাল হইয়া যাইত। তাহার সঙ্গ-মাধুরী ছিদামকে একেবারে আচ্ছন্ন করিয়া ফেলিত—তাহার সব ভুল হইয়া যাইত। উজানিকে তাহার ভাল লাগিত—কিন্তু কেন, তাহা সে বুঝিয়া উঠিত না।

এক-একদিন ঘাটে উজানিকে সে হঠাৎ ডাকিয়া বসিত, “উজানি—”

“কি—ডাকছ কেন?”

ছিদাম উদাসভাবে বলিত, “এমনি।”

উজানি মুখ কিরাইয়া চলিয়া যাইত—ছিদাম স্তব্ধ হইয়া দাঁড়াইয়া থাকিত। কি জানি কেন একটা দীর্ঘনিশ্বাস তাহার বুকটিকে তোলপাড় করিয়া তুলিত।

সেদিন ছিদাম ছেঁড়া জালটা সেলাই করিতেছিল—উজানি ঘরে রান্না করিতেছিল। হঠাৎ ছিদাম বলিয়া উঠিল,

“হ্যাঁ রে উজানি, তুই আমার জন্তে এত কষ্ট করিস্ কেন বল ত ?”

উজানি একটু হাসিয়া জবাব দিল, “তুমি লক্ষ্মীছাড়া বলে’ ?”

ছিদাম একটু চুপ করিয়া থাকিয়া বলিল, “তুই লক্ষ্মীছাড়ার ঘরে লক্ষ্মী হবি ?” বলিয়াই নিজের রসিকতায় নিজেই হা হা করিয়া একচোট খুব হাসিয়া লইল।

উজানি গর্জিয়া উঠিল, বলিল, “এসব বলবে ত আমি হাঁড়িকুড়ি ভেঙ্গে দিয়ে চলে’ যাব।”

সেইদিন সমস্ত সময়ই লক্ষ্মীছাড়ার “লক্ষ্মী” হইবার কথাটা ছিদামের বারবার মনে পড়িতে লাগিল। এই কথাটা লইয়া যতই সে নাড়াচাড়া করিতে লাগিল তাহার ততই মনে হইতে লাগিল—এই লক্ষ্মী যেন তাহার বড়ই প্রয়োজন—আর ইহা যেন খুবই সম্ভব। ইহার প্রতিকূল চিন্তা করিতে সে সাহসও পায় না, আর তাহার অবসরও হইল না। সে বিকালে প্রায় দাসের কাছে গেল।

* * *

দামোদর স্ত্রীকে ডাকিয়া বলিল—“ওগো, শুনেছ, নটবর ছিদামের সঙ্গে উজানির সম্বন্ধ এনেছে ?”

উজানির মাতা ক্রকুপিত করিয়া বলিল, “কার সঙ্গে ?”

দামোদর বলিল, “ছিদামের সঙ্গে।”

দামোদরের স্ত্রী হাতনাড়া দিয়া বলিল, “কেন মরণের দড়ি জুটবে না—মেয়ে জলে ফেলে দিতে পারবে না ?”

দামোদর আমতা-আমতা করিয়া বলিল, “নটবর বলছিল ওর মা নাকি কিছু টাকা রেখে গেছে—”

উজানির মা গর্জন করিয়া বলিল, “বাঁটা মারি অমন টাকার মুখে—চাল নেই চুলো নেই তার সঙ্গে যাব মেয়ের বিয়ে দিতে।”

দামোদর মাথা চুলকাইতে চুলকাইতে বাহির হইয়া গেল।

উজানি কুটনা কুটিতেছিল, মাতার কথা শুনিয়া তাহার সর্কশরীর জলিয়া উঠিল—সে হিংস্র স্বাপদের মত ক্রুদ্ধ দৃষ্টিতে একবার মায়ের দিকে চাহিয়া চক্ষু নামাইয়া লইল। তাহার মনে হইতেছিল, কেন, তাহার মাতার এমন কি অধিকার আছে একজনকে এমন করিয়া অপমান করিবার ?

কেন, সে কি মানুষ নয়—আর সেই বা এমন কি অসাধারণ ?

সে অভিমানে ফুলিতে লাগিল। সারাটা সন্ধ্যা মায়ের সহিত ভাল করিয়া কথা বলিতে পারিল না। কোন রকমে খাওয়া-দাওয়া শেষ করিয়া সে বিছানায় ঘাইয়া পড়িল। তখনও মাতার কথাগুলি কাঁটার মত তাহার চিন্তে বিঁধিতে লাগিল। ছিদামের উপরও তাহার অত্যন্ত রাগ হইল। কেন—যাচিয়া অমনভাবে অপমানিত হইবার কি দরকার ছিল তার ? দেশে কি আর মেয়ে নাই ? একটা বিরাট অভিমান তাহাকে একেবারে আচ্ছন্ন করিয়া ফেলিল।

পরদিন নদীর ঘাটে ছিদাম বলিল, “উজানি, জমীদার-বাড়ীতে বিয়ে—আমাকে মাছ জোগানু দিতে হবে। আজ চারটে রেঁধে দিয়ে যাস্ ত—আমাকে আবার জালগুলি ঠিক করে’ নিতে হবে কিনা।”

উজানি কোন জবাব দিল না, জল ভরিতে লাগিল।

ছিদাম বলিল, “আমি ঘাই তাহলে, তুই একটু শীগগির আদিস্।”

উজানি জল লইয়া চলিতে চলিতে বলিল, “আমি পারব না।”

ছিদাম একটু আশ্চর্য হইল—পরে হাসিয়া বলিল, “কেন ?”

উজানি মুখ ফিরাইয়া “আমার গরজ পড়েছে” বলিয়া চলিয়া গেল। ছিদাম অবাক হইয়া এই অদ্ভুত মেয়েটির দিকে চাহিয়া রহিল।

বাড়ী ঘাইয়াই উজানির মনটা বিস্ময় রকম খারাপ হইয়া গেল। তাহার মন বলিয়া উঠিল—কাজটা কি ভাল হইল ? কেন যে ভাল হইল না আর কি-ই বা মন্দ হইল সে কিছু বুঝিয়া উঠিতে পারিল না। তবু তাহার সারাটা প্রাণের মাঝে একটা অস্বস্তি ছড়াছড়ি করিতে লাগিল। সে গুম্ হইয়া বসিয়া রহিল। খানিকক্ষণ পরে সে ছিদামের বাড়ীর দিকে চলিল, উজানি কতকটা যেন নিজের অজান্তসারেই চলিতে লাগিল। এই চলার আকর্ষণটা যে কিসের তাহা সে কোনদিন ভাবিয়া দেখে নাই—আজও তাহা ভাবিবার অবসর তাহার হইল না।

ছিদামের বাড়ীতে আসিয়া উজানি দেখিল ঘরের ছয়ার বাঁধা ; সে অবাক হইয়া দাঁড়াইয়া রহিল। পরে ধীরে ধীরে

স্নানার্থে প্রবেশ করিল। সেখানে দেখিল বাসি হাঁড়ি কড়া সব তেমনি ভাবেই পড়িয়া আছে; উহুনে যে সেদিন আশুনে পড়ে নাই তাহা তাহার বৃষ্টিতে বাকী রহিল না। উজানির চক্ষু জলে ঝাপসা হইয়া আসিল। সে একটা দীর্ঘনিশ্বাস ফেলিয়া বাড়ী চলিয়া আসিল।

হুপুর বেলা খাইতে বসিয়া একগাশ ভাতও সে মুখে দিতে পারিতেছিল না। সে মনের চক্ষে দেখিতেছিল—একটি লোক জ্বল ফেলিতেছে—ক্ষুধায় মুখ শুকাইয়া গিয়াছে।

উজানি ভাতের খালায় জ্বল চালিয়া উঠিয়া দাঁড়াইল।

মা বলিল, “ভাত ফেলে উঠিলি যে?”

উজানি সংক্ষেপে বলিল, “ক্ষিদে নেই।”

“তবে ভাতগুলো নষ্ট করলি কেন?”

উজানি রাগিয়া বলিল, “বেশ করেছি।”

মা বলিল, “মেয়ের কথাই ছিঁরি দেখ!”

উজানি বাহিরে আসিল। আনরের বিড়ালটা মেও মেও করিতে করিতে তাহার পায়ে কাছে আসিয়া লেজ তুলিয়া পায়ে গা ঘষিয়া ঘষিয়া তাহাকে প্রদক্ষিণ করিয়া ফিরিতে লাগিল। উজানি বিরক্ত হইয়া সেটাকে একটা লাথি মারিল—বিড়ালটা ছুটিয়া পলাইল।

ঘরে ঘাইয়া উজানি কাঁথা সেলাই করিতে বসিল; কতক্ষণ পরে রাগিয়া স্তম্ভিত হুঁড়িয়া দূরে ফেলিয়া দিল। মাতা বলিল, “আজ তোমার হয়েছে কি?”

“আমার মুণ্ডু” বলিয়া কাঁদিয়া চোখে কাপড় দিয়া সে ছুটিয়া পলাইল। মাতা মেয়ের কাণ্ড দেখিয়া অবাক হইয়া চাহিয়া রহিল।

সন্ধ্যার আগটায় উজানি কলসী লইয়া নদীতে গেল। ছিদামের বরের দিকে চাহিয়া দেখিল—হুয়ার তেমনি ভাবেই বাধা! সে শুক্ক হইয়া দাঁড়াইয়া রহিল। আকাশের উত্তর কোণে একটা মেঘ জমিয়া ছিল, তাহা চক্ষে পড়িতেই তাহার অন্তরাত্মা শিহরিয়া উঠিল। সে আর দাঁড়াইতে পারিল না—খালি কলসী লইয়াই বাড়ীতে ছুটিয়া আসিল।

সন্ধ্যার পর হইতে ঝড়বৃষ্টি সমানভাবে দাপাদাপি করিতে লাগিল। উজানি আচ্ছন্ন মত বিছানায় পড়িয়া রহিল। তখন তাহার মন যে কোথায় ছিল তাহা সে নিজেই জানিত না।

হুপুররাত্রি উজানির ঘুম ভাঙিয়া গেল। মেঘের মাতলামী একই ভাবে চলিতেছিল। উজানি হুয়ার খুলিয়া বারান্দায় আসিল। নদীর দিকে চাহিয়া দেখিল সারাটা নদী পাগল হইয়া ছুটাছুটি করিতেছে। দূরে কড়কড় করিয়া বাজ পড়িল। উজানি হুই হাতে বক্ষ চাপিয়া বলিয়া উঠিল, “ভগবান!” আর কোন কথা তাহার কণ্ঠ দিয়া বাহির হইল না—শুধু ঠোঁট দুইটি কাঁপিয়া গেল। এ দৃশ্য সে আর সহ্য করিতে পারিল না—ছুটিয়া ঘরে আসিল।

পরদিন ভোরে উজানির আর পা চলিতেছিল না—যদি ঘাইয়া দেখে সে ফিরে নাই? তবে—তবে—সে আর ভাবিতে পারিল না।

কতকদূর ঘাইয়াই দেখিল ছিদাম একটা আশুনের হাঁড়ি সামনে লইয়া বসিয়া আছে। উজানির বক্ষ হইতে যেন একটা পাথর নামিয়া গেল; সে একটা স্বস্তির নিশ্বাস ফেলিয়া বাঁচিল।

উজানিকে দেখিয়া ছিদাম একটু হাসিল—এ হাসি উজানির কাছে একটা মর্শ্বেদী শ্লেষের মত বাজিল। সে ছিদামের মুখের দিকে চাহিতে পারিতেছিল না—একটা বিরাট লজ্জা তাহার মাথাটা নোয়াইয়া রাখিল।

ছিদাম বলিল, “কাল যে বিপদেই পড়েছিলুম উজানি,—এই ঝড়-নৌকা সামলাব, না নিতাইকে ধরব—ছোঁড়াটা কেঁদেই অস্থির। আমরা জেলের ছেলে—বুঝিলি না উজানি—আমাদের কি অত অধীর হলে চলে?”

উজানি এই গল্পশ্রোতে বাধা দিয়া বলিল, “তোমার খাওয়া হয়েছে?”

ছিদাম বলিল, “এই ত এলুম—রাঁপুব এখন। তারপর—বুঝিলি কিনা—”

উজানি বুঝিবার কিছুমাত্র চেষ্টা না করিয়া ঘরে ঢুকিল—তার পর চাউল লইয়া নদীর ঘাটে চলিয়া গেল।.....

* * *

ইহার দশ বার দিন পরে ছিদাম একদিন গুলি নিতাইর সঙ্গে উজানির সম্বন্ধ পাকা হইয়া গিয়াছে। সেদিন নাকি সে একটু অতিরিক্ত রকম গভীর হইয়া পড়িয়াছিল। সেদিন সে কাহারও সহিত ভাল করিয়া কথা বলিতে পারে নাই এবং অনেক রাত্রি পর্যন্ত সারোজ বাজাইয়াছিল।

সন্ধ্যার বেশী দেয়ী ছিল না—রবির শেষ-রশ্মি, নদীর সারা
বুকে রঙ ফলাইয়া দিয়াছিল।

ওপারের কাশগুলি রূপের নেশায় হেলিয়া-হুগিয়া হাসিয়া
হাসিয়া লুটাইয়া পড়িতেছিল। ছিদাম দাঁড়াইয়া এইসব
দেখিতেছিল। উজানির বিবাহ ঘোষণা করিয়া করিয়া
একটা সানাই বাজিতেছিল। সানাইএর সুরটা যেন
ছিদামের অন্তরের মধ্যে বিধিতে লাগিল—অতিষ্ঠ হইয়া
সে ঘরের দিকে ফিরিয়া চলিল।

“ছিদাম-দা!”

ছিদাম ফিরিয়া দেখিল উজানি। একটু ক্ষীণ হাসি
হাসিয়া বলিল, “কেন রে উজানি?”

উজানি কাছে আসিয়া বলিল, “চল, আমাদের বাড়ী চল।”

ছিদাম বিষন্ন হইয়া বলিল, “তা ত হয় না উজানি—
আজ ত আমার যাওয়া হতে পারে না।”

উজানি মলিন হইয়া বলিল, “কেন ছিদাম-দা?”

ছিদাম নখ খুঁটিতে খুঁটিতে বলিল, “আমার দরকার
আছে।”

উজানি বুঝিল—কত বড় অভিমানে আজ এ দরকার
আসিয়া উপস্থিত হইয়াছে! সে ছিদামের হাত দুইটি ধরিয়া
মিনতির স্বরে বলিল, “আজ তোমার কোন কাজ নেই ছিদাম-
দা—তুমি না গেলে ত চলবে না।” উজানির দুই চক্ষু জলে
ভরিয়া আসিল।

ছিদাম উজানির মুখের দিকে চাহিল—তাহার চোখ দুটাও
আজ হইয়া আসিল। সে ধীরে ধীরে বলিল, “আচ্ছা, যাব
'খন!”

উজানি চক্ষু মুছিয়া বলিল, “যেয়ো কিন্তু।” উজানি চলিয়া
গেল। ছিদাম উজানির মাড়াইয়া যাওয়া পথের দিকে চাহিয়া
রহিল। একটা কান্না তাহার বুকের মধ্যে গুমরিয়া মরিতে
লাগিল।

সন্ধ্যার পরে মুঘলধারে বৃষ্টি আরম্ভ হইল। ছিদাম যেন
রুক্ষা পাইল—তাহার আর যাইতে হইবে না—এ বিসর্জন
দেখিতে হইবে না। তাহার শিরার শিরায় একটা পুলক
নাচিয়া বেড়াইতে লাগিল। নিষ্চিন্ত হইয়া সে জাল বুনিতে
আরম্ভ করিয়াছিল।

বৃষ্টির বেগ একটু কমিতেই নিতাই ছয়ার ঠেলিয়া ঘরে

প্রবেশ করিল। ছিদাম বিষয়ে নির্বাক হইয়া তাহার দিকে
চাহিয়া রহিল।

নিতাই হাঁপাইতে হাঁপাইতে বলিল, “আমার সর্বনাশ
হয়েছে ছিদাম।”

ছিদাম কিছুই বুঝিতে পারিল না—সে প্রশ্নপূর্ণ দৃষ্টিতে
নিতাইর মুখের দিকে চাহিয়া রহিল।

নিতাই বলিল, “এখন উজানির মামা বলছে—আরো
পঞ্চাশ টাকা চাই—নইলে বিয়ে হবে না।”

ছিদাম উদাসভাবে বলিল, “তা আমি কি করব!”

নিতাইও জানিত ছিদামের কিছু করিবার সাধ্য নাই, তবু
সে এখানেই ছুটিয়া আসিয়াছিল। সে হতাশ-ব্যাকুল কণ্ঠে
বলিল, “কি হবে ভাই?”

ছিদাম কোন কথা বলিল না, নীরবে ভাবিতে লাগিল।
হঠাৎ তার মুখটা উজ্জল হইয়াই আবার নিবিয়া গেল।
সে ধীরে ধীরে যাইয়া ঘরের কোণের ভাঙা তোরঙ্গটা খুলিয়া
একটা পুঁটলী বাহির করিল। পুঁটলীর দিকে চাহিয়াই
তাহার দুই চক্ষে বান ডাকিয়া গেল। এ যে তার মায়ের
শেষ সঞ্চল—তাহাকে দিয়া গিয়াছিল। তাহার অনেক কথা
মনে পড়িয়া গেল—মাতা শেষ বিদায়ের সময় বলিয়াছিল,
“ছিদাম, আমার ত কিছুই নেই বাপ, তোকে শুধু এই দিয়ে
গেলুম—আমি ভাতে কষ্ট পেয়ে তোর জগে তুলে রেখেছি—
এই দিয়ে তুই বিয়ে করে' সংসারী হোস্।” ছিদামও আজ
বিবাহের জগু এই মায়ের আশীর্বাদ—মায়ের শেষ দান ব্যর্থ
করিতে বসিয়াছে। কিন্তু বিবাহ কার?

কোন রকমে চক্ষু মুছিয়া আসিয়া নিতাইর হাতে সে টাকা
দিল। নিতাই খতমত খাইয়া গেল—সে নীরবে দাঁড়াইয়া
রহিল।

ছিদাম আজ কণ্ঠে বলিল, “যাও ভাই—সবাই ব্যস্ত হয়ে
আছে।”

নিতাই সক্রতজ্ঞ দৃষ্টিতে তাহার দিকে একবার চাহিয়া
বাহির হইয়া গেল, কিন্তু তার গমনে আর তেমন আগ্রহের
ব্যগ্রতা রহিল না।

ছিদাম শুক হইয়া কতক্ষণ দাঁড়াইয়া রহিল। পরে
হঠাৎ জালটা কুটিকুটি করিয়া ছিঁড়িয়া ফেলিয়া দিল। তার-
পর সারেসেট লইয়া ভাঙ্গা গলায় ধীরে ধীরে গাহিয়া উঠিল—
আশার বাসা ভাঙল যখন

কিসের আশে রইবি বসে।

ঐপ্রিয়কান্ত সেনগুপ্ত।

খেলা-ভোলা

১
তুই যে ভাবিস, দিন রাত্তির
খেলেতে আমার মন,
কক্ষনো তা সত্যি না, মা,
আমার কথা শোন ।
সেদিন ভোরে দেখি 'উঠে'
বৃষ্টি-বাদল গেছে ছুটে',
রোদ উঠেছে ঝিলমিলিয়ে
বাশের ডালে ডালে,
ছুটির দিনে কেমন সুরে
পূজোর সানাই বাজুচে দূরে,
বাগুড়া করে তিনটে সালিখ
রান্নাঘরের চালে ;
খেলনাগুলো সামনে মেলি'
"কি যে খেলি," "কি যে খেলি,"
সেই কথাটাই সমস্ত খন
ভাবু আপন মনে ।
লাগল না ঠিক কোনো খেলাই,
কেটে গেল সারা বেলাই,
রেলিং ধরে' রইল বসে'
বারান্দাটার কোণে ।

২
খেলা-ভোলার দিন, মা, আমার
আসে মাঝে মাঝে ।
সেদিন আমার মনের ভিতর
কেমন যেন বাজে ।
শীতের বেলায় তই পহরে
দূরে কাদের ছাতের পরে
ছোট্ট মেয়ে রোদ্দুরে দেয়
বেগুনি রঙের শাড়ী ;
চেয়ে চেয়ে চুপ্ করে' রই,
তেপান্তরের পার বুঝি ঐ,
মনে ভাবি, ঐখানেতেই
আছে রাজার বাড়ি ।

থাকত যদি মেঘে-ওড়া
পক্ষিরাজের বাচ্ছা ঘোড়া,
তক্ষনি যে যেতেম, তারে
লাগাম দিয়ে কষে' ।
যেতে যেতে নদীর তীরে
বাপমা আর বাপমীরে
পথ শুধিয়ে নিতেম আমি
গাছের তলায় বসে' ।

৩
একেক দিন যে দেখেছি তুই
বাবা চিঠি হাতে
চুপ্ করে' কি ভাবিস বসে'
ঠেস্ দিয়ে জান্নাতে ।
মনে হয় তোর মুখে চেয়ে
তুই যেন কোন্ দেশের মেয়ে,
যেন আমার অনেক কালের
অনেক দূরের মা ।
কাছে গিয়ে হাতখানি ছুঁই,
হারিয়ে-ফেলা মা যেন তুই,
মাঠপারে কোন্ বটের তলার
বাশির সুরের মা ।
খেলার কথা বায় যে ভেসে,
মনে ভাবি, কোন্ কালে সে
কোন্ দেশে তোর বাড়ী ছিল
কোন্ সাগরের কূলে ।
ফিরে যেতে ইচ্ছে করে
অজানা সেই স্বীপের ঘরে,
তোমায় আমার ভোরবেলাতে
নৌকোতে পাল তুলে' ।

পল্লীসংস্কার-সমস্যা

কোন প্রণালী অবলম্বন করে' আমাদের গ্রামগুলোকে গড়ে' তোলা যাবে এই নিয়ে বন্ধুমহলে কথা উঠলে যদি পৃথিবীর অন্য কোনো দেশের দৃষ্টান্ত উল্লেখ করা যায়, কেউ কেউ তাতে আপত্তি করেন; অনেকে এমনকি ক্রুদ্ধ হয়ে উঠেন। তাঁরা বলেন, ভারতীয় সভ্যতার আকৃতি ও প্রকৃতি সম্পূর্ণ বিভিন্ন; অতএব, অপর কোনো সভ্যতার মাপকাঠিতে একে বিচার করা ভুল ও সেই অনুসারে কোনো সংস্কারের কাজে হাত দিতে যাওয়া বাতুলতা মাত্র। অনুকরণের দ্বারা জাতীয় জীবনের কোনো অঙ্গেরই যথার্থ পুষ্টিসাধন হতে পারে না, এ কথা কে না স্বীকার করবে? বিশেষতঃ, যদি কোনো দেশের এমন দুর্ভাগা হয় যে তার রাষ্ট্রব্যবস্থা এক প্রবল জাতির হাতে গিয়ে পড়ে, তখন পরাভূত জাতি আর নিজেকে সামলাতে পারে না। প্রবলজাতির ধরণধারণ রকমসকম অনুকরণ করবার নেশা তখন সমস্ত দেশকে পেয়ে বসে। বিপদ এই, নকল করবার উৎসাহ ও উত্তেজনা যাদের নকল করতে থাকি তাদের আসল প্রকৃতিটি আমাদের চোখে পড়ে না—চোখে পড়ে তাদের বাইরের সাজ-সরঞ্জাম ও জাল-জঞ্জাল। হ্যাটকোট পরলে অনেক বাঙ্গালীর মুখ দিয়ে যে-ধরণের ভাষা ও ভাবভঙ্গি প্রকাশ পায় তার দৃষ্টান্ত পথে ঘাটে সহজেই চোখে পড়ে। রাশিয়ার উপর যুরোপীয় অত্যাচার দেশের প্রভাব বিস্তৃত হতে থাকলে তার অবস্থা কি রকম হয়ে দাঁড়াল সে বিষয়ে মহাত্মা ষ্টেপ-নিয়াক আলোচনা করতে গিয়ে বলেছেন—

"In social and political life, as well as in the domain of art and fiction, imitations seem always to bear the same original sin, while reproducing with great fidelity the drawbacks, imitators ignore and forget the merits of their exemplars."

ভাবার্থঃ—সামাজিক ও রাজনৈতিক জীবনেই হোক আর শিল্পকলা ও সাহিত্যেই হোক অনুকরণ করতে গিয়ে এক বিশেষ ক্রটির চিহ্ন থেকে যায়—সেটা হচ্ছে, যাদের অনুকরণ করি তাদের যথার্থ প্রকৃতি ও গুণ আমরা উপেক্ষা করি আর শুধু নকল করি তাদের দোষক্রটি।

কোনো বিদেশীয় সভ্যতার সত্যটুকু গ্রহণ করতে না

পারার কারণ জাতীয় দুর্বলতা। একদিকে আমরা ভারতীয় সভ্যতার সত্যমূর্ত্তির সঙ্গে অপরিচিত, আবার যাদের সঙ্গে আমাদের ঐতিহাসিক সম্বন্ধ হ'ল তাদের সত্য পরিচয়টাও আমরা পাইনি। তাই সামঞ্জস্য হ'ল না—হ'ল বিরোধের সৃষ্টি। তাই এমন কথাও শোনা যাচ্ছে যে পৃথিবীর অপর সভ্যতার ছাপ বা ছায়া দেশের সর্কাস থেকে মুছে ফেল। যাকে সত্যভাবে গ্রহণ করতে পারিনি, তাকে অনাবশ্যক উৎপাত মনে করে' বর্জন করার মধ্যে যে দুর্বলতা আছে, আজ আমরা এ কথা স্বীকার করতে রাজি নই!

সভ্যতা গড়ে' উঠেছে মানুষকে নিয়ে। নানা দেশে নানা অবস্থার মধ্যে যে পথ ও পাথের নিয়ে মানুষ তার সকল সমস্যার সমাধান করেছে ও করছে আমরা সেই অভিজ্ঞতার স্মরণ থেকে নিজেদের কেন বঞ্চিত করব? আজ যারা রাষ্ট্রনীতি নিয়ে দেশে উত্তেজনার সৃষ্টি করেছেন তাঁদের মধ্যে একদল আমাদের জাতীয় সমস্যার মীমাংসার পথ-নির্দেশ করতে গিয়ে এমন সব কথা বলেন যেন ভারতবর্ষ সমস্ত হুনিয়ার বাইরে একটা freak, খাপছাড়া সৃষ্টিছাড়া; এখানকারি বিধিব্যবস্থায় যেন বিঘ্ননিয়ম খাটে না; যেন আমরা বন্ধার বিশেষ সৃষ্টি, অতএব আমাদের শাস্ত্র ও অস্ত্র সমস্তই এমন এক আদর্শে গঠিত যে তার সঙ্গে পৃথিবীর কোনো শাস্ত্র ও অস্ত্রের মিল নেই।

কিন্তু বিশেষ সৃষ্টি মান্বার যুগ অস্ত গেছে। বিঘ্নমানবের যাত্রাপথে আমরাও যাত্রী; অতএব আমাদের দৃষ্টিকে সংকীর্ণ-সীমার মধ্যে আবদ্ধ রেখে আমরা পথ চলতে পারব না। এতকাল আমরা একবারে হয়েই ত পড়ে' ছিলাম। স্বরাজের ভিত্তি স্থাপনের দিনে আমাদের সে দৈন্ত যুচে যাক; আমরা বিঘ্নমানবের ভিতর থেকে স্বরাজ গড়বার আবশ্যকীয় মালমসলা সংগ্রহ করি; এমন কথা যেন বলিনে যে ঐ ভাঙারের সামগ্রী ও সাজসরঞ্জামে আমাদের প্রয়োজন নেই।

তাই বলে! আপনারা মনে করবেন না আমি ভারতীয় সভ্যতার বিশেষ প্রকৃতি ও ধারা রক্ষা করতে বলছি। গড়বার চাঁচ (design) স্বতন্ত্র ত হবেই। এই বিশিষ্টতা

না রাখলে আমরা কিসের উপর ভর করে' দাঁড়াব ? রাষ্ট্রই হোক আর সমাজই হোক, তা কোনো জাতির অন্তর্নিহিত শক্তিকে প্রকাশ করবার অবলম্বন মাত্র এই প্রকাশে বৈচিত্র্যের অন্ত নেই ; কিন্তু এরই মধ্যে বিখ্যমানবের অখণ্ড নিয়ম কাজ করছে বলে' সহস্র বিভিন্নতা সম্বন্ধে ঐক্যাত্ম একের সঙ্গে অপরের যোগ রক্ষা করছে। এই ঐক্যাত্ম উপেক্ষা করবার আশঙ্কা হয়েছে বলে'ই আজ এসব কথা বলা প্রয়োজন।

কিছুদিন পূর্বে 'কৃষিউন্নতির দৃষ্টান্ত' নাম দিয়ে কতকগুলি প্রবন্ধ আমি তত্ত্ববোধিনী-পত্রিকায় লিখেছিলাম। তার মধ্যে আয়ারল্যান্ডের কথাই বিশেষভাবে উল্লেখ করেছিলাম ; কেননা সেখানকার কৃষকদের অবস্থার সঙ্গে আমাদের কিছু সাদৃশ্য আছে। স্বার্থপর জমিদার, সুদখোর মহাজন ও দয়ামাহীন পাইকার সকলেই আইরিশ কৃষকের পরিশ্রম-জাত ফসল নিয়ে ব্যবসার ফাঁদ পেতে বসে। কৃষক সারা বছর অক্লান্ত পরিশ্রম করে'ও সুখে স্বচ্ছন্দে বাস করতে পারে না, আর এইসব পরগাছা দিব্যি আরামে জীবন যাপন করে। এর প্রতীকার হয়েছিল কেমন করে ? সমবায়ের দ্বারা। কর্মবীর স্মার হোরেন্স প্র্যাক্টের উদ্বোধনে একদল যুবক সমবায় ব্যবস্থার-পত্তন করে কৃষকদের অশেষ কল্যাণ করেছেন। আর তারা স্বাবলম্বী, নির্ভীক ও অপেক্ষাকৃত সমৃদ্ধিসম্পন্ন হয়ে উঠেছে।

কিন্তু এমন কথা কতবার শুনেছি যে হোরেন্স প্র্যাক্টের পদ্ধতি এ দেশে খাটবে না। অনেকে গভর্ণমেন্ট-পরিচালিত সমবায় সংস্থাপনের দৃষ্টান্ত উল্লেখ করে' বলেছেন যে, কৃষকেরা এখনও এসে জ্বাটেনি, তাদের আকর্ষণ করতে পারে সমবায়-ব্যবস্থার মধ্যে এমন কিছু নেই কেন। নেই, এই বিষয় অনুসন্ধান না করে' যদি এমন কথা শোনা যায় যে ঐ প্রণালীটাই এদেশের পক্ষে অনুপযোগী, তখন বলতেই হয় যে আমরা দেশের প্রকৃত অবস্থা জানিনে, জানতে চাইনে। বাংলাদেশে পল্লীসমাজের জীবনযাত্রার অনেক পর্ব সুসম্পন্ন হয় জ্বাট বেঁধে। পূজা পার্বণ থেকে গাই গরু ফসল কেনা বেচা পর্যন্ত অনেক কাজে পল্লীবাসীরা পরস্পরকে সাহায্য করে' থাকে। এইজন্য মনে হয়, সমবায়-প্রণালী এদেশেও চলবে; কিন্তু যদি কেবলমাত্র বিশেষ কোনো আইন-

কানুনের সীমার মধ্যে এর বিস্তার বন্ধ রাখা হয় তবে তাতে বিশেষ ফল হবে না। কৃষকের ঋণভার লাঘব করবার আয়োজন করা চাই; যাতে তার পরিশ্রমলব্ধ জিনিসপত্র বা ফসল বিক্রী করলে' ষোলআনা পয়সা তারই হাতে থাকে এর ব্যবস্থা করা চাই; তার চাষবাস যাতে বৈজ্ঞানিক প্রণালীতে হতে পারে এমন উপায় উদ্ভাবন করা চাই; এই-সব কাজই হচ্ছে সমবায়-প্রণালীর অন্তর্ভূত; কিন্তু সবচেয়ে বড় কাজ পল্লীবাসীর অন্তরের দিক থেকে তাকে সচেতন করে' তোলা। তার জ্ঞান-বুদ্ধির উন্মেষ হলে জীবনের সঙ্কীর্ণতা আপনা হতেই ঘুচে যাবে; তখন সে দেশের সঙ্গে মিলে পল্লীর শিক্ষা স্বাস্থ্য ও ব্যবসার উন্নতি করবার জ্ঞান সচেষ্টিত হবেই। এই উন্নতি সাধনের জ্ঞান আমাদের বৈজ্ঞানিক চর্চা করতে হবে; বিংশতি শতাব্দীর জ্ঞান-ভাণ্ডার থেকে যা কিছু প্রয়োজন আমরা আহরণ করব।

কথা উঠেছে, কল-কারখানা আমরা চাইনে; কেউ কেউ বলেন বৈজ্ঞানিক সাজসরঞ্জামে আমাদের প্রয়োজন নেই; কেননা ওগুলো হচ্ছে জড়বাদীর যন্ত্রপাতি। যুরোপীয় কারখানার দৃষ্টান্ত দেখে মনে হওয়া স্বাভাবিক যে কলকলার বিপুল আয়োজনে মানুষকে পিষেই মারে; এতে মানুষের দুর্গতি বেড়েছে বই কমেনি। কিন্তু এর জ্ঞান বৈজ্ঞানিকসত্যলব্ধ মেশিনগুলোকে দোষী করলে চলবে না। মেশিনগুলোর ব্যবহারের উপর ভালমন্দ নির্ভর করে। য়েরোপেনের সাহায্যে একদেশের সঙ্গে অপর দেশের যোগ রক্ষা করা সুবিধাজনক, এদ্বারা প্রভূত কল্যাণ সাধিত হতে পারে; আবার, এর সাহায্যে বোমা ছুড়ে লোকের বসতি উজাড় করে' দেওয়া অতি সহজ। রসায়ন শাস্ত্রের সাহায্যে মানুষের কত প্রয়োজনই না মিটল; আবার এরই তত্ত্ব অবলম্বন করে' মানুষ মানুষকে বিষ দিয়ে মারবার নানা উপায় আবিষ্কার করেছে। হাতে লাঠিগাছা থাকলে আত্মরক্ষার কাজে আসে, কিন্তু ক্রোধবিষ্ট হলে আমি আমার পরমাঙ্গীয়ে পিঠেও এর ব্যবহার করতে পারি।

আসল কথা, যন্ত্রপাতি কল-কারখানা অল্পশক্তি এমন কি বিদ্যাবুদ্ধি সমস্তই অনর্থ সৃষ্টি করতে পারে যদি মানুষ এর ব্যবহারকে সমগ্র সামাজিক জীবনের কল্যাণ সাধনের

নিমিত্ত নিয়ন্ত্রিত না করে। সেদিন একজন ইংরেজ লেখকের লেখা পড়লুম; তিনি বলছেন,

"We are not materialists because we understand machines. We are materialists because we use them in a predatory unsocial way to heap up wealth for the few at the expense and the privation and degradation of the many."

ভাবার্থ—আমরা কলকারখানা পরিচালনা করতে ওস্তাদ বলে' আমরা জড়বাদী হয়ে পড়েছি তা নয়। এর সাহায্যে আমরা অপরের ধনদৌলত লুট করেছি; সমাজের কল্যাণ চিন্তা না করে' কয়েকজনের ঘরে লুটকরা ধন জড় করেছি; আর তার ফলে কত লোকের যে দুর্গতি হয়েছে তার সীমা নেই;—এই করি বলে'ই আমরা জড়বাদী।

আজ আমাদের প্রধান কাজ স্বরাজের ভিত্তিস্থাপন করা। তাই ব্যবহার এই কথা মনে রাখা দরকার যে আমাদের সমস্যা পৃথিবী-জোড়া সমস্যারই এক অংশ। তার মীমাংসা কেমন করে' হবে, সে পথ আমাদের চোখে পড়বেই, যদি আমাদের বুদ্ধি সজাগ থাকে, যদি গ্রহণ ও বর্জন করবার জীবনীশক্তির লীলা কোনোপ্রকারে বাধাগ্রস্ত না হয়।

পল্লীসমাজ সংস্কারের প্রসঙ্গে পৃথিবী-জোড়া সমস্যার উল্লেখ করছি শুনে আপনারা হয়ত মনে করছেন আমি অবাস্তব কথা বলছি। কিন্তু বর্তমান শতাব্দীর কোনো দেশের কোনো সমস্যাই বিচ্ছিন্নভাবে দেখলে চলে না। ভৌগোলিক সীমানার মধ্যে মানুষ আর নিজেকে বন্ধ রাখতে পারছে না; এইজন্ত আজ আন্তর্জাতিক বহুপ্রকার ব্যবহার আয়োজন দেখা দিয়েছে।

পৃথিবীর এই পরিবর্তনের সঙ্গে আমাদের যোগ আছে বলে'ই তার হিসেব মনে রেখে কাজে হাত দেওয়া দরকার। সুদূর আমেরিকার মাঠে তুলার ফসল ভাল হ'ল না, খবরটা চব্বিশ ঘণ্টার মধ্যে দেশদেশান্তরে পৌঁছল; আর বোম্বাই সহরে তুলার বাজারে দাম চড়ল। রাশিয়া চা কিনলে না, আর আসামের চা-বাগানের কুলীদের ভাগে কম কাজ পড়ল;—মালিকেরা স্থির করলেন অল্প করে' চা চরম করতে হবে। ইংলণ্ডের খনি-মজুরেরা নিজেদের দাবী জাহির করবার জন্তে ধর্মঘট করল—এ খবর আমাদের

দেশের মজুরদের কানে পৌঁছতেই তারা সচেতন হয়ে উঠল। আরো অনেক দৃষ্টান্ত দেওয়া যেতে পারে; কেবল মাত্র ব্যবসাবাণিজ্যের ক্ষেত্রে নয়, আমাদের বহুবিধ সমস্যার সঙ্গে বিশ্বমানবের সমস্যার সম্বন্ধ আছে; এ-কথা অস্বীকার করলে আমরা ভুল করব। আজ আমরা পল্লীলোকে গড়বার কাজে হাত দিয়ে দেখছি যারা কৃষক তাদের অবস্থা অত্যন্ত শোচনীয়; দেখছি চাষবাসের ব্যবস্থায় কোনো শৃঙ্খলা নেই; কোনো বৈজ্ঞানিক উপায় অবলম্বন করা হচ্ছে না; গরু-বাছুরের ক্রমশই অবনতি হচ্ছে। এই সমস্যার সঙ্গেও বাইরের যোগ আছে। পৃথিবীর হাট-বাজারে আমাদের ফসল চাই; সেখানের প্রয়োজন মেটাতে গিয়ে আমাদের ভাগে কম পড়ে' যায়। তাই ফসলের বৃদ্ধি যাতে হয় এমন উপায় করা দরকার। কৃষকদের ভাল বীজ ও উপযোগী সার বুলিয়ে দেওয়া চাই; আর দশগুণা মহাজন ও পাইকারের হাত থেকে তাদের রক্ষা করা চাই। ভারতবর্ষের কৃষিসমস্যা আন্তর্জাতিক সমস্যারই অন্তর্ভুক্ত; অতএব এই সমস্যা জটিল, এর সমাধান করতে হলে বিজ্ঞানের সহায়তা নিতে হবে; একথা বললে চলবে না "এতকাল যেমন চলছিল, তাই ভাল।"

আজ দেশের লোকের মুখে এমন কথা শোনা যাচ্ছে বলে'ই পল্লীসংস্কারের আলোচনা-প্রসঙ্গে এত কথা বলতে হ'ল। উত্তেজনা ও উন্মাদনা আমাদের মনকে অধিকার করেছে বলে' আশঙ্কা হয় পাছে গড়বার কাজে আমরা অর্ধৈর্ধ্য হয়ে পড়ি। বুদ্ধিবৃত্তির অবাধ পরিচালনার দ্বারা জীবনে যে শক্তিসঞ্চয় হয়, আমরা তারই সাহায্যে জীবনকে নিয়ন্ত্রিত করব; আর তা হ'লেই একদিন স্বরাজ প্রতিষ্ঠা সম্ভব হবে।

কবি এ-ই আয়ারল্যান্ডের কথা বলতে গিয়ে লিখেছেন:—

"What we require more than men of action at present are scholars, economists, thinkers, educationalists, literateurs, who will populate the desert depths of national consciousness with real thought and turn the void into a fullness. We have few reserves of intellectual life to draw upon when we come to the mighty labour of nation-building."

ভাবার্থ:—কেজো লোকের চেয়ে এখন আমাদের

প্রয়োজন হয়েছে একদল চিন্তাশীল, ভাবুক, অর্থশাস্ত্রবিদ, বৈজ্ঞানিক, সাহিত্যিক ও শিক্ষকের—যারা চিন্তার ধারা প্রবাহিত করে' জাতীয় জীবনের চিত্তমরুভূমি সরস করবে, তার শূন্যতা পূর্ণ করে' দেবে। জাতটাকে গড়তে গিয়ে দেখি মানসিক শক্তির ভাণ্ডারে বেশী কিছু সঞ্চিত নেই।

আমরা যোগে কবি এই যে জিনিষের অভাব বোধ করেছেন, আমরাও আজ স্বরাজের ভিত্তি গড়তে গিয়ে তাই উপলব্ধি করছি। এই অভাব মিটছে না বলেই যারা একটু আধটু কাজে হাত দিয়েছেন তাঁদের মনে অসোয়াস্তি দেখা দিয়েছে। গড়বার শক্তি অর্জন না করে' যারা উত্তেজনার আবেগে পল্লীতে পল্লীতে ছুটেছিলেন, সেদিন স্তন্যমূত্র তাঁরা ফিরে এসেছেন। ভেবে চিন্তে দেশের সামনে একটা বুদ্ধিসঙ্গত কর্মপদ্ধতি ত কেউ দেননি—দিয়েছেন হুকুম। তাই এবার আমাদের কোনো কাজে সফলতালাভ হ'ল না।

কিন্তু দেশের মন আজ মুক্তির পথ খুঁজছে—কেবল দশপাঁচজন শিক্ষিত ভদ্রলোক নয়, দারিদ্র্যপীড়িত লক্ষ লক্ষ দেশবাসী চাইছে মাথা তুলে দাঁড়াতে। এই নবজাগরণের

দিনে পল্লীসংস্কার কর্মবার সুযোগ হারালে আমাদের ভবিষ্যৎ আরো তিমিরাচ্ছন্ন হ'য়ে থাকবে। আজ প্রয়োজন একদল কর্মীর—যারা নিজেদের অন্তরে স্বাধীনতার ষথার্থ স্বরূপ অনুভব করছেন, যারা নিঃশব্দে পল্লীসমাজের জীর্ণ দেহে জীবনশক্তির সঞ্চার করতে পারবেন; যাদের দৃষ্টি সত্যর দিকে, কেবলমাত্র সফলতার দিকে নয়। এমন কর্মী হ'তে হলে ত সাধনা চাই, শিক্ষা চাই। দেশের নানাস্থানে শিক্ষাকেন্দ্রে পল্লীসেবকের (rural workers) উপযোগী শিক্ষাব্যবস্থা করা দরকার।

আপনাদের মধ্যে যারা এ কাজে মন দিয়েছেন তাঁরা যেন এই মনে রাখেন যে পল্লীসমাজসংস্কার করা অতীব কঠিন কাজ। নানাকারণে আমাদের সমস্তা জটিল; যদি এ'কে ছোট করে' বিচার করি তবে এই সমস্তার সত্য পরিচয় ত পাবই না, বরং বারম্বার ভুল করতে থাকব। এ কথাও মনে করা চলবে না যে, পৃথিবীর অত্র কোনো জাতির কর্মপদ্ধতি ও তার সফলতার দৃষ্টান্ত থেকে আমাদের কিছু শিখবার নেই।

কর্মসঙ্ঘ, বেহালা।


শ্রীমৎসংস্কার গঙ্গোপাধ্যায়।

মর্শ্ব-অভিসার

যুগে যুগে নিখিল বাঁধা একটি প্রেমের ডোরে
কোন্ প্রেমিকের হিম্মার সাথে, বলব কেমন ক'রে ?
দখিন পবন নিঃশ্বসিয়া কয় যে-কথা কানে,
কার বাণী সে, বলতে কি চায়, কেই বা গো তা জানে ?
কার সে অথির নাড়ীর কাঁপন নদীর কুলুকুলে,
কোন্ বিরহীর ব্যর্থ বিলাপ তাঁটের হৃদয়-মূলে ?
তপ্ত নিশাস কাঁপছে ও কার রক্তগোলাপ-বুকে,
কার কপোলের দীপ্ত সরস অস্ত-তপন-মুখে ?
অরূপ প্রেমের ইজিত এ বিনা-ভাষার ছন্দে,
বচন-হারা কি ভাবধানি যুগায় গগনতলে ?

প্রেমিক সে যে কোথায় আছে, লুকিয়ে সে কোন্ বনে,
প্রেম যে তবু বাঁধল তারে বুকের গোপন কোণে।
এই যে গো প্রেম দেয় না ছোঁয়া নিখিল ধরা-মাঝে,
রঙীন হ'য়ে তবু মোদের হিম্মার কোণে রাজে ;
এই প্রেমেরি মূর্তি মোরা বুকের রক্তরাগে
রাঙাই নিতি,—অরূপ সেথা রূপ হয়ে তাই জাগে ;
বিশ্বেরি দেব রন আড়ালে,—বুকের অন্তরালে,
বন্দী তিনি সে মন্দিরে চির-প্রেমের জালে ;
রাত্রিদিনে তাই ত মোরা আলোক-অন্ধকারে
যুগে যুগে ছুটছি শুধু মর্শ্ব-অভিসারে।

শ্রীহরীকেশ চৌধুরী।



ত্যাগের মাপ

সঞ্চিত ধন হইতে ক্রোড়পতি বহুলক্ষ টাকা দান করিলে, লক্ষপতি বহুসহস্র টাকা দান করিলে, তাঁহাদের খুব প্রশংসা হয়। তাঁহারা এই প্রশংসার উপযুক্ত। কোন ধনীবাঙ্কি স্বচ্ছন্দে জীবনধারণ করিয়া এবং জীবনের অবশিষ্ট কালও স্বচ্ছন্দে জীবনধারণ করিবার মত সম্পত্তি রাখিয়া বহু ধন দান করিলে তাঁহার প্রশংসা হয়। তিনি সেরূপ প্রশংসার যোগ্য। কিন্তু গরীব কিম্বা অপেক্ষাকৃত গরীব লোকেরা সংসার-যাত্রা নির্বাহের জন্ত যথেষ্ট অর্থ না-থাকা সত্ত্বেও যাহা দান করেন, তাহার মূল্য ধনীদেব দানের মূল্য অপেক্ষা কম নহে, বরং বেশী; যদিও এইরূপ দান সংবাদপত্রে ঘোষিত হয় না এবং ছেলেদের পাঠ্য পুস্তকেও দৃষ্টান্তস্বরূপ উল্লিখিত হয় না। কিন্তু এই দরিদ্র দাতারা পুরস্কারের জন্ত দান না করিলেও, বিধাতার পুরস্কার হইতে বঞ্চিত হন না। তাঁহারা আত্মপ্রসাদ লাভ করেন, এবং তাঁহাদের আত্মা উন্নত হয়। ইহা পরম লাভ।

যাঁহারা দেশের কাজ করিবেন বলিয়া, কিম্বা অন্য কোন কারণে, প্রভূত উপার্জনের পন্থা হইতে সরিয়া দাঁড়ান, তাঁহাদের ত্যাগের যশ সংবাদপত্রে ঘোষিত হইয়া থাকে। যাঁহাদের ত্যাগ মত, তাঁহারা এইরূপ প্রশংসার সর্বতোভাবে যোগ্য। যাঁহারা অপেক্ষাকৃত কম উপার্জনের উপায় বর্জন করিয়া সংকস্মে প্রবৃত্ত হন, তাঁহাদের যশ তেমন করিয়া কীর্তিত হয় না। কিন্তু তাঁহারাও, যশ বা পুরস্কারের জন্ত কাজ না করিলেও, বিধাতার পুরস্কার হইতে বঞ্চিত হন না। তাঁহারা আত্মপ্রসাদ লাভ করেন, এবং তাঁহাদের আত্মা উন্নত হয়। যাঁহারা প্রভূত উপার্জন ত্যাগ করেন, তাঁহাদের অক্ষকণ্ঠ হইয়াছে, এরূপ শুনা যায় না; কিন্তু অল্প আয়ের লোক, সংপ্রবৃত্তির বশে রোজ্জগারের পথ ছাড়িয়া দিয়া, অন্তর্কণ্ঠে পড়িয়াছেন, এরূপ দৃষ্টান্ত

বিবল নহে। ইহাদের ত্যাগ এই কারণে অধিকতর প্রশংসনীয়।

এরূপ বুদ্ধিমান ও পণ্ডিত লোক সকল দেশে এবং আমাদের দেশেও আছেন, যাঁহারা প্রাপ্তবয়স্ক হইবার পূর্বেই প্রতিজ্ঞা করিয়াছিলেন, যে, অর্থ-উপার্জনই তাঁহাদের জীবনের প্রধান চেষ্টা হইবে না, লোকহিতকর কোন কার্যে প্রবৃত্ত থাকাই তাঁহাদের লক্ষ্য হইবে। তাঁহারা কস্মক্ষেত্রে প্রবিষ্ট হইয়া এই প্রতিজ্ঞা রক্ষা করিয়া আসিয়াছেন। তাঁহারা ইচ্ছা করিয়াই বেশা রোজ্জগারের দিকে কখন যান নাই, সুতরাং বেশী উপার্জন ছাড়িয়া দিলে লোকে যেরূপ বিস্মিত হয়, সেরূপ বিস্ময় উৎপাদনও তাঁহারা করিতে পারেন নাই। অনেক টাকা উপার্জনও তাঁহারা কখন করেন নাই, সুতরাং থোক কিছু দানের খ্যাতি, কিম্বা অর্থশালী লোকে কিছু একটা ত্যাগের কাজ করিলে যে যশ হয়, তাহা তাঁহারা লাভ করেন নাই। কিন্তু তাহা হইলেও জীবনের যে সার্থকতা, সাধুজীবনের লভ্য যে বিমল আত্মপ্রসাদ, সাধনার ফল আত্মার যে প্রসার ও উন্নতি, তাহা হইতে তাঁহারা বঞ্চিত হন না।

এরূপ কথা উঠিতে পারে, বটে, যে, স্কুল কলেজে যে বুদ্ধিমত্তা ও পাণ্ডিত্যের পরিচয় পাওয়া যায়, তাহার দ্বারা ভবিষ্যতে কেহ যে অনেক টাকা রোজ্জগার করিতে চাহিলেই করিতে পারিত, তাহার প্রমাণ কি? অতএব, যাঁহারা রোজ্জগার করিতে পারিবে না, জানে, তাহারাই সাধু সাজে। কি হইতে পারিত বা পারিত না, তাহা প্রমাণ করা যায় না। সুতরাং এরূপ আপত্তি সম্পূর্ণ খণ্ডন করা যায় না। কেবল ইহাই বলা যায়, বুদ্ধিমত্তা, বাগ্মিতা, পাণ্ডিত্য, তর্কশক্তি, শ্রমশীলতা, মানবচরিত্রজ্ঞান, প্রভৃতি দ্বারা অনেককে ঐশ্বর্যশালী হইতে দেখা গিয়াছে; সুতরাং এরূপ যোগ্যতা-বিশিষ্ট কেহ যদি অর্থ-উপার্জনকে জীবনের প্রধান কাজ না

করিয়া থাকেন, তাহা হইলে, তিনি অর্থ-উপার্জনে মন দিলে তাহাতে সফলকাম হইতেন, এরূপ অনুমান করা যাইতে পারে।

ত্যাগ ও গ্রহণ

বস্তুতঃ কে কত সম্পত্তি বা সম্ভাবিত সম্পত্তি ত্যাগ করিয়াছেন, তাহার দ্বারা মহত্বের পরিমাপ করাটাই ভুল।

অনেক উপনিষৎকার ঋষির নাম পর্য্যন্ত জানা যায় না; সুতরাং তাঁহারা যদি উপার্জনের পথে যাইতেন, তাহা হইলে তাঁহারা কত রোজ্গার করিতে পারিতেন, বলা যায় না। বাস বাস্ব্যিক বশিষ্ঠ যদি সাংসারিক লোক হইতেন, তাহা হইলে তাঁহাদের রোজ্গারের পরিমাণ কি হইত, ঠিক করা অসম্ভব। সুতরাং এসব ক্ষেত্রে তাঁহারা ঠিক কি পরিমাণ সম্ভাবিত সম্পত্তি ত্যাগ করিয়াছিলেন, কেহ বলিতে পারে না। কিন্তু পৃথিবীর কোন কোন মহাত্মার সম্ভাবিত রোজ্গারের একটা অনুমান করা যায়।

যৌগীষ্ট এক স্ত্রীধরের গৃহে জন্মগ্রহণ করেন। তিনি ধর্মোপদেশী না হইয়া ছুতারের কাজ করিলে খুব বেশী রোজ্গার করিতে পারিতেন না, ইহা বলাই বাহুল্য। মোহম্মদ ধর্মোপদেশী না হইয়া তাঁহার জীবনের প্রথমার্ধের কাজেই যদি নিযুক্ত থাকিতেন, তাহা হইলে খুব বেশী ধন সঞ্চয় করিতে পারিতেন না। চৈতন্য বিষয়কর্মে নিযুক্ত থাকিলে টোলের অধ্যাপক হইতেন। টোলের খুব বড় অধ্যাপকদেরও আয় লোকের অবিদিত নহে। নানক নিজ পরিবারের মুদির দোকানটি চালাইলে খুব ঐশ্বর্যাশালী হইতে পারিতেন না। কবীর তন্দ্বায়ের কাজ করিতেন, ধনী হন নাই। এইরূপ বহু দৃষ্টান্ত দেওয়া যায়। আমাদের জীবিতকালে পরমহংস রামকৃষ্ণ জীবিত ছিলেন। তিনি বিষয়কর্মে নিযুক্ত থাকিলে দেবালয়ের পূজারী, যাত্রার দলের গায়ক, কিম্বা, কথক-ঠাকুর হইতে পারিতেন। কোন কাজটিরই রোজ্গার বেশী নয়।

জগতের এইসব ধর্মগুরু যে-পরিমাণ সঞ্চিত অর্থ, অর্থ-উপার্জন, বা সম্ভাবিত উপার্জন ত্যাগ করিয়াছিলেন, সেই পরিমাণে ভক্তি পাইয়াছিলেন, এরূপ কেহ মনে করে না।

বিষয়ে আসক্তি এবং বিষয়সুখে আসক্তি ত্যাগ না করিলে সার্বিক জীবন লাভ করা যায় না। তাঁহারা সেই আসক্তি ত্যাগ করিয়াছিলেন। নৃপতির রাষ্ট্রার্থে আসক্তি না থাকিতে পারে, তাহার ঐতিহাসিক দৃষ্টান্ত আছে; আবার ভিখারীর ভিক্ষাপাত্র ও কৌপীনেও আসক্তি থাকিতে পারে, তাহাও অনুমান নহে। কৌপীনের আসক্তি ত্যাগ প্রভূত সম্পত্তির আসক্তি ত্যাগ অপেক্ষা বাস্তবিক সকল স্থলে সকলের পক্ষে সহজ না হইতেও পারে।

যেমন ত্যক্ত বস্তুর আর্থিক মূল্য অনুসারে ত্যাগীর মহত্ব পরিমাপিত হয় না, তেমনি শুধু ত্যাগ দ্বারাও মহত্ব লক্ষ হয় না। বুদ্ধদেব রাজপুত্র ছিলেন ও রাষ্ট্রার্থে ত্যাগ করিয়াছিলেন বটে; কিন্তু ইতিহাসে রাজপুত্রের সিংহাসনের আশা ও দাবী ত্যাগের ইহাই একমাত্র দৃষ্টান্ত নহে। এরূপ অল্প কোন রাজপুত্র বুদ্ধদেব হন নাই। শাকা-সিংহ যদি কেবল ত্যাগই করিতেন, তাহা হইলে তিনি বুদ্ধদেব হইতে পারিতেন না। তিনি মন হইতে বিষয়াসক্তি ও সংসারের মোহ বিদূরিত করিবামাত্রই বুদ্ধ হন নাই। দীর্ঘকালব্যাপী বহু সাধনার দ্বারা তাঁহাকে আধ্যাত্মিক সম্পত্তি অর্জন ও গ্রহণ করিতে হইয়াছিল। এই অর্জন ও গ্রহণ দ্বারা, আত্মার মধ্যে যাহা বীজের বা অঙ্কুরের আকারে ছিল তাহার পূর্ণ বৃদ্ধির দ্বারা তিনি বুদ্ধত্ব লাভ করিয়াছিলেন। জগতের অল্প যে-সকল ধর্মগুরুর নাম করিয়াছি, তাঁহারা যেমন ত্যাগ দ্বারা আত্মকে-আসক্তি-মায়ামোহ শূন্য করিয়াছিলেন, তেমনি উহাকে ব্রহ্মজ্ঞানে ও ভগবদ্ভক্তিতে পূর্ণ করিয়াছিলেন। কেবল ত্যাগ দ্বারা অন্তরটাকে খালি করিলে জন্ম ও জীবন সার্থক হয় না; ত্যাগে আত্মার যে স্থান শূন্য হইল, জ্ঞান ভক্তি ও সেবার ইচ্ছা দ্বারা তাহাকে পূর্ণ করিতে পারিলে তবে মানবকুলের বন্দনীয় হওয়া যায়।

কাঁথিতে অশান্তি

শ্রীযুক্ত বীরেন্দ্রনাথ শাসমল ৩০শে সেপ্টেম্বর তারিখে কাঁথি হইতে “সার্ভেন্ট” দৈনিক কাগজে একটি চিঠি লিখিয়াছেন। তাহার সার সংকলন করিয়া দেওয়া আবশ্যিক মনে করিতেছি।

মেদিনীপুর জেলার কাঁথি মহকুমা খুব বড়। ইহাতে

নগরী থানা, এবং প্রায় ছয়লক্ষ লোক আছে। ইহার রাম-নগর ও কাঁথি থানা দুটিতে বর্তমান ১৯২১ সালের গোড়ায় গ্রাম্য স্বায়ত্ত শাসন আইন প্রবর্তিত হওয়ার পর হইতে ঐ দুটি থানায় বড় অশান্তি হইয়াছে। লোকেরা নিম্নলিখিত আটটি কারণে এই আইনের বিরোধিতা করিতেছে :—

১। ইহাতে বর্তমান ট্যাক্স সাতগুণ বাড়িবে। গ্রাম্য চৌকীদারী আইন অনুসারে গ্রামবাসীকে বার্ষিক ১২ টাকা দিতে হয়, কিন্তু এই আইন অনুসারে ৮৪ টাকা দিতে হইবে। ২। ইহা দ্বারা জমীর চিরস্থায়ী বন্দোবস্তে আঘাত পড়িবে, কারণ এই ট্যাক্সবৃদ্ধি গ্রামবাসীদের কৃষিকর আয় অনুসারে হইবে। ৩। এই আইন গ্রামসকলকে বাস্তবিক স্বায়ত্ত-শাসন দেয় নাই; কেন না, গ্রামের চৌকিদার ও দফাদারেরা মাজিস্ট্রেট কিম্বা তাঁহার প্রতিনিধি দ্বারা নিযুক্ত, বক্ষিত ও বন্ধান্ত হইবে; গ্রামবাসীদের তাহাতে কোন হাত নাই। ৪। পাকা ইটের পায়খানা, মেথর, প্রভৃতির দ্বারা গ্রাম্য জীবন আরও ব্যয়সাধ্য করা হইবে। ৫। আইন-অনুযায়ী উচ্চতম হারে ট্যাক্স ধাৰ্য্য না করিলে আইন অনুযায়ী কাজ হইবে না ও উহার উদ্দেশ্য সিদ্ধ হইবে না; কিন্তু গ্রামবাসীরা বলে, যে, উচ্চতম হারে কর দিবার সাধ্য তাহাদের নাই। ৬। গ্রামবাসীরা বলে, যে, এই আইন দ্বারা গ্রাম্য অঞ্চলে দলাদলি বাড়িবে, সুতরাং মামলাবাজীও বাড়িবে। ৭। তাহারা বলে ইহা দ্বারা গ্রামে মৃত্যুর হার কমিবে না; কারণ তাহাদের মতে গ্রামগুলির অস্বাস্থ্যকর অবস্থা গ্রাম্য অঞ্চলে মৃত্যুর আধিক্যের কারণ নহে, পেট ভরিয়া পুষ্টির খাদ্য খাইতে না-পাওয়া উহার কারণ। ৮। গ্রাম্য স্বায়ত্ত শাসন আইন অনুসারে ১৫ই এপ্রিলের পর প্রেসিডেন্ট নির্বাচন হইতে আরম্ভ করিয়া এ পর্য্যন্ত যাহা করা হইয়াছে, সমস্তই বে-আইনী।

এই-সব কারণে প্রায় ছয় লক্ষ লোক কর্তৃপক্ষের হুকুম মানিতে অসম্মত হইয়াছে, এবং গত সপ্তাহ হইতে [নিরস্ত্র] সংগ্রাম আরম্ভ হইয়াছে বলা যায়। কর্তৃপক্ষ প্রথমে যুক্তিতর্ক ও বুঝান, তৎপরে ধমক, তাহার পর কর-বৃদ্ধি, তাহার পর বন্দুকের লাইসেন্স বাতিল করা, এবং সর্বশেষে বীরেন্দ্র-নাথ শাসনকে প্রেরণ, এই উপায়গুলি পরীক্ষা করেন। (বীরেন্দ্র-বাবুকে এই প্রচেষ্টার নেতা মনে করার তাঁহাকে

প্রেরণ করার চিন্তা কর্তৃপক্ষের মাথায় আসে)। কিন্তু কোন উপায়েই কোন ফল হয় নাই; গ্রামবাসীরা ছয় মাস ধরিয়া এই আইন-অনুযায়ী কোন কর দিতে অস্বীকার করে। এই প্রচেষ্টা সর্বসাধারণের অজ্ঞাতে চলিতেছিল। কর আদায় না হওয়ার চৌকিদারেরা বেতন পায় নাই। পরিশেষে কর্তৃপক্ষ, বাহারা কর দিতেছে না, তাহাদের অস্থাবর সম্পত্তি ক্রোক করিবার জন্ত তহসীলদার নিযুক্ত করিয়াছেন। তাহার ফলে কাঁথিতে অধিবাসীদের মধ্যে অভূতপূর্ব ঐক্য দেখা দিয়াছে।

লোকেরা আহ্লাদ-সহকারে তহসীলদার ও তাহার কর্মচারীদেরকে হরিবোল ও শঙ্খধ্বনির মধ্যে তাহাদের বাড়ীতে আসিয়া অস্থাবর সম্পত্তি ক্রোক করিতে আহ্বান করিতেছে। গত সাত দিনে প্রায় ১৫০০ লোকের সম্পত্তি ক্রোক হইয়াছে, কিন্তু কোন প্রকার মারামারি হাতাহাতি হয় নাই। যে ১৫২০ জন নগদ টাকায় ট্যাক্স দিয়াছে, তাহারা সরকারী চাকর, কিম্বা সম্পর্কীয় লোক। কয়েক জন গরীব স্ত্রীলোক শাঁক বাজাইয়া তাহাদের বাসন-কোসন সরকারের চাকরদের হাতে অর্পণ করিয়াছে। সকলে সন্তুষ্টচিত্তে জিনিষপত্র ছাড়িয়া দিতেছে। ক্রোক যদি চলিতে থাকে, তাহা হইলে সকলের জিনিষ ক্রোক সমাপ্ত করিতে তিন মাস লাগিবে। ইতিমধ্যে মজুর ও গাড়োয়ানেরা ক্রোকী জিনিষ বহিতে রাজি না হওয়ায় ৮৪ মাইল দূরবর্তী মেদিনীপুর হইতে কয়েকজন গাড়োয়ান আনা হইয়াছে। কোন কোন চৌকিদার পর্য্যন্ত ক্রোকের কাজে সাহায্য করিতে অস্বীকার করিতেছে। অতএব গবর্ণমেন্টের এখন বুঝা উচিত, যে, কাঁথির এই প্রচেষ্টার সহিত “অসহযোগ” আন্দোলনের সম্পর্ক নাই, গ্রামবাসীরা নিজেরাই এই আইন চায় না বলিয়া একরূপ বৃহৎ জোট বাঁধিয়াছে ও স্বার্থ ত্যাগ করিতেছে।

শাসন মহাশয়ের চিঠির তাৎপর্য্য দিলাম। কাঁথি সম্বন্ধে আমাদের সাক্ষাৎ জ্ঞান না থাকায় আমরা বলিতে পারিতেছি না, যে, ঐ অঞ্চলের গ্রামবাসীগণ গ্রাম্য স্বায়ত্ত শাসন আইনের ফলাফল স্বরূপ অসম্মত করিয়াছেন, তাহা সর্বতোভাবে ঠিক কি না। কিন্তু ঠিক হইলে তাঁহাদের প্রচেষ্টা যে বৈধ, তাহাতে আমাদের কোন সন্দেহ নাই।

ঠিক হওয়াই সম্ভব। তাঁহাদের বৃষ্টিবার ভুল হইয়া থাকিলেও, তাঁহাদের ঐক্য, এবং নিরুপদ্রব দৃঢ়তা সাহস ও ত্যাগ প্রশংসনীয়। তাঁহাদের বৃষ্টিবার ভুল হইয়াছে, এই বোধ জন্মিলেই তাঁহারা তাহা সংশোধন করিতে ও প্রকৃষ্টতর উপায় অবলম্বন করিতে পারিবেন। তাঁহাদের ঐক্য এবং নিরুপদ্রব দৃঢ়তা সাহস ও ত্যাগ তখন বিশেষভাবে ফলবান হইবে।

ব্যাপারটি গুরুতর আকার ধারণ করিয়াছে। বঙ্গ স্থানিক স্বায়ত্তশাসনের ভারপ্রাপ্ত মন্ত্রী মহাশয় ঘটনা-স্থলে গিয়া সাক্ষাৎ ভাবে এ বিষয়ে জ্ঞান লাভের চেষ্টা করিলে এবং বিবাদ ভঞ্জন করিলে ভাল হয়।



খুলনার দুর্ভিক্ষ-ক্রিষ্ট আবালবৃদ্ধ-বনিতা।

বঙ্গদেশের গ্রাম্য-স্বায়ত্তশাসন-বিষয়ক ১৯১৯ সালের ৫ আইন সম্বন্ধে আমাদের অনেকের কোন জ্ঞান নাই। জ্ঞান থাকা উচিত। উহার বাংলা অনুবাদ কিনিতে পাওয়া যায়। উহার সপক্ষে যাহা বলা যাইতে পারে, ৩৪ পৃষ্ঠা-ব্যাপী ভূমিকা লিখিয়া শ্রীযতীন্দ্রমোহন বন্দ্যোপাধ্যায় ও শ্রীরাজেন্দ্রলাল আচার্য্য আইনটি প্রকাশিত করিয়াছেন।

খুলনায় দুর্ভিক্ষ

খুলনা জেলায় যত লোক দুর্ভিক্ষে নিরন্ন ও বস্ত্রহীন হইয়াছে, তাহার অধিকাংশ এখনও সাহায্য পাইতেছে না। বিজ্ঞানার্চা প্রফুল্লচন্দ্র রায় ও তাঁহার সহকর্মীগণ, এবং

রামকৃষ্ণ মিশন, সাধারণ ব্রাহ্মসমাজ, প্রভৃতি দরিদ্র-সেবকগণ যথাসাধ্য সাহায্য দিতে চেষ্টা করিতেছেন। কিন্তু খাটিবার লোক এবং চাউল, টাকা ও কাপড় আরও অনেক জুটিলে তবে সকলকে সাহায্য দিতে পারা যাইবে। যে-সকল বদাণ্য ব্যক্তি চাউল কাপড় ও টাকা দিয়াছেন, তাঁহারা সর্বথা কৃতজ্ঞতাভাজন; কিন্তু আরও চাউল, টাকা ও কাপড় চাই, খাটিবার লোকও আরও চাই। কিরূপ অবস্থার লোকদের জগ্ন সাহায্য চাওয়া হইতেছে, তাহা ছবি হইতে বুঝা যাইবে।

আসাম-বেঙ্গল রেল-ওয়ের ধর্মঘট

আসামের চা-বাগান হইতে প্রত্যাগত কুলীদের প্রতি যে ছর্য্যবহার হইয়াছে,

তাঁহাতে বিচলিত হইয়া কুলীদের প্রতি সহানুভূতি দেখাইবার জন্ত এবং গবর্ণমেন্টকে কুলীদের স্বশ্রমে প্রত্যাগমনের ব্যয় দিতে বাধ্য করিবার জন্ত আসাম-বেঙ্গল রেলওয়ের কর্মচারীরা ধর্মঘট করিয়াছে; সুতরাং গবর্ণমেন্ট ষতদিন ছুঁয়াবহারের জন্ত ক্ষমা প্রার্থনা না করেন, এবং কুলীদিগকে বাড়ী পাঠাইবার খরচ না দেন, তত দিন ধর্মঘটকারীদের রেলওয়ের চাকরীতে ফিরিয়া যাওয়া উচিত নহে, ইত্যাকার কথা রটিয়াছিল। ধর্মঘট হইবার কিছুকাল পরে এমন কথাও রটান হইয়াছিল, যে, রেলওয়ে কোম্পানীর বিরুদ্ধে ধর্মঘটকারীদের অসন্তোষের ও অভিযোগের কারণ আছে। সর্বসাধারণের এইরূপ নানা ভ্রান্ত ধারণা দূর করিবার জন্ত চাঁদপুরের ধর্মঘটকারীদের পক্ষ হইতে শ্রীনিরঞ্জন দত্ত ও শ্রীকালীজীবন সেনগুপ্ত সংবাদপত্রে ইংরেজী ও বাংলা ভাষায় ধর্মঘটের উৎপত্তি প্রভৃতি সম্বন্ধে নানা কথা প্রকাশ করিয়াছেন। তাঁহাদের সমগ্র বক্তব্য ছাপিবার স্থান আমাদের নাই। উহা পড়িয়া এই ধারণা হয়, যে, রেলওয়ের কর্মচারীদিগকে ভ্রমে ফেলিয়া ধর্মঘট করান হইয়াছিল, এবং তাঁহাদের ভরণপোষণের যে অসুবিধা নেতারা করিয়াছিলেন, তাহা সম্পূর্ণ রক্ষিত হয় নাই। লেখকদ্বয়ের কোন কোন কথা আমরা উদ্ধৃত করিতেছি। চাঁদপুরে ধর্মঘটের উৎপত্তি সম্বন্ধে তাঁহারা বলেন :—

১৯২১ সনের ২৪শে মে চাঁদপুরে আসাম-বেঙ্গল রেলওয়ের কর্মীদের ধর্মঘট ঘোষিত হয়। বাবু অখিলচন্দ্র দত্ত, মিঃ জে এম্ সেনগুপ্ত দুইজনেই তখন চাঁদপুরে উপস্থিত ছিলেন। ঐ দিন চাঁদপুরের নেতা শ্রীযুক্ত হরদয়াল নাগ, চট্টগ্রামের বাবু নৃপেন্দ্রনাথ বন্দ্যোপাধ্যায় এবং বাবু বসন্তকুমার মজুমদার হরদয়াল-বাবুর বাড়ীতে এক সভায় স্থির করেন যে, ধর্মঘট করান হইবে। তদনুসারে তাঁহারা চাঁদপুরের রেলওয়ে কর্মীদেরকে কর্মত্যাগ করিবার জন্ত বারংবার সর্নির্ভক অনুরোধ করেন। বাবু বসন্তকুমার মজুমদার ও বাবু নৃপেন্দ্রনাথ বন্দ্যোপাধ্যায় আমাদের নিকট এমনভাবে বক্তৃতা করিলেন যে, আমরা উহাতে বিচলিত হইলাম। তখন যে-সকল নেতা উপস্থিত ছিলেন, সকলেই বলিলেন, যত দিন ধর্মঘট থাকে, আমরা তোমাদের প্রতিপালনের ব্যবস্থা করিব; ধর্মঘট বড় জোর ৭ দিন থাকিবে। আমাদেরকে তখন ভবিষ্যতের কথা ভাবিবার সময় দেওয়া হয় নাই, বিশেষতঃ চাঁদপুরের অবস্থা তখন স্বাভাবিক ছিল না। ঐরূপ সময়ে নেতাদের ইচ্ছার বিরুদ্ধে কার্য করা আমাদের পক্ষে সম্ভবপর হয় নাই। জননায়কগণ রেলওয়ে ধর্মঘট ঘটাইবার জন্ত স্বর্গ-মর্ত্য আলোড়ন করিতছিলেন। আমরা মুখের কথা-মত উল্লিখিত জননায়কদিগকে বিশ্বাস করিলাম, ভাবিলাম ধর্মঘটকালে ইঁহারা আমাদের ভরণপোষণ-ব্যয় নির্বাহ করিবেন।

বক্তৃতায় বিচলিত হইয়া এবং জননায়কদিগকে বিশ্বাসের যোগ্য মনে করিয়া তাঁহাদের কথা রক্ষার নিমিত্ত আমরা চাঁদপুরের রেলওয়ে কোম্পানীর কর্তৃপক্ষকে কোনরূপ বিজ্ঞাপন না দিয়া ২৪শে মে কর্মত্যাগ করি। রেলওয়ে কোম্পানীর বিরুদ্ধে আমাদের কোন অসন্তোষের কারণ ছিল না, সুতরাং উক্ত পক্ষে বিচলিত না হইলে আমরা কখনও ধর্মঘট করিতাম না।

এণ্ডু জ সাহেব বরাবর এই ধর্মঘটের বিরোধী ছিলেন। তাঁহার কথা শুনিতে ধর্মঘটের ১০।১২ দিন পরেও কর্মচারীদের পুনরায় চাকরী পাইবার সম্ভাবনা ছিল। কিন্তু নেতারা তাঁহার কথায় কান দেন নাই।

এই সময়ে আমাদেরকে ইহা বলা হইল যে, বাবু নৃপেন্দ্রনাথ বন্দ্যোপাধ্যায়, শ্রীযুক্ত চিত্তরঞ্জন দাসকে এবং মিঃ সেনগুপ্তকে এবং অপর ভ্রাতৃলোকদিগকে জানাইয়াছেন যে, চট্টগ্রাম যরাজ প্রায় পাইয়াছে, এখন ধর্মঘটকারীরা যদি রেলওয়ে কোম্পানীর কাছে পরাস্তব স্বীকার করে, তাহা হইলে সমস্ত মাটি হইবে।

এই সময়ে নেতাদের মনের ভাব কি ছিল, তাহা নিম্নে প্রকাশিত পত্রখানি পাঠ করিলে সম্যক উপলব্ধি হইবে।

“ইহা শ্রমঘটিত ধর্মঘট নহে, কিন্তু ইহা প্রকৃত অস্ত্রী অসহযোগ। ইহার সকলতাতে যরাজ-যুদ্ধের অঙ্গুলয় গঠিত হইবে। সুতরাং এতদ্বিষয়ে আপনি অনুরোধপূর্বক দৃষ্টি করিবেন।

সি, আর, দাস, ৮।৩।২১।”

ধর্মঘটকারীদিগকে কিপ্রকারে বার বার মিথ্যা আশা দিয়া চাকরীতে যোগ দেওয়া হইতে নিবৃত্ত রাখা হইয়াছিল তাহার দৃষ্টান্ত উদ্ধৃত করিতেছি।

নেতারা তখন আমাদের মনে এই কথা মুদ্রিত করিয়া দিলেন যে, আর এক সপ্তাহ কাল যদি আমরা ধর্মঘট করিয়া থাকিতে পারি তাহা হইলে ডাক বন্দ হইবে, সরকারী কাগজ পত্র কোথাও প্রেরিত হইতে পারিবে না, এবং শাসনকার্যে এমন বিশৃঙ্খলা হইবে যে, আমাদের সহিত বাধা হইয়া উৎকৃষ্টতর সর্বে সীমাংসা করিতে হইবে।

আমরা এমন অন্ধ যে, ঐ কথা বিশ্বাস করিয়া কার্য গ্রহণে বিরত রহিলাম। শাবুই দেখিতে পাইলাম যে, ধর্মঘট সম্বন্ধে রেলওয়ে কোম্পানী সরকারী ডাক প্রেরণ এবং সরকারী আমলাদের যাতায়াতের ব্যবস্থা করিয়াছেন। কিন্তু লোকসাধারণই যাতায়াতে অসুবিধা ঘটিতেছিল। আমাদের চক্ষু সেন একটু খুলিল। আমাদের ভয় হইতে লাগিল যে, আমাদের জীবিকার পথ বৃষ্টি চিরদিনের জন্য নষ্ট হয়। ঐ সময়ে রেলওয়ে কোম্পানী আবার আমাদেরকে কার্য গ্রহণের নিমিত্ত আহ্বান করিলেন।

আমাদের এই সংশয়-দোহুলামান অবস্থা নেতারা লক্ষ্য করিয়াছিলেন। চট্টগ্রাম হইতে নেতারা এই সংবাদ পাঠাইলেন যে, রেলওয়ে কোম্পানীর প্রত্যহ এত ভীষণ ক্ষতি হইতেছে যে, তাহার আপোষ করিবার জন্ত বিশেষ উৎকর্ষিত হইয়া উঠিয়াছেন, আমরা যদি কোনরূপে আর এক সপ্তাহ অপেক্ষা করিতে পারি, তাহা হইলে এমন সর্বে সীমাংসা হইবে যাহা আমাদের পক্ষে বিশেষ এণ্ডুকুল হইবে। আমাদের মধ্যে যাহারা অধিকতর নিকোষ তাহারী ঐ কথায় আস্থা স্থাপন করিয়া ধর্মঘট চালাইতে লাগিল। যাহারা অপেক্ষাকৃত বুদ্ধিমান, এমন কতিপয় ব্যক্তি ঐ সংবাদ অবিশ্বাস করিয়া কার্যে পুনঃপ্রবৃত্ত হইল

ইহার পরও ধর্মঘটকারীদিগকে একাধিকবার ধোঁকা দেওয়া হইয়াছিল, প্রকৃত অবস্থা জানিতে দেওয়া হয় নাই, এবং যখন মহাত্মা গান্ধী কতিপয় নেতার প্রমুখ্যৎ মিথ্যা বৃত্তান্ত জানিয়া স্থির করেন, যে, ধর্মঘটকারীদের আর নিজ নিজ চাকরীতে ফিরিয়া যাওয়া অসুচিত, তখনও সে কথা তাঁহাদিগের নিকট হইতে লুকাইয়া রাখা হইয়াছিল। কারণ,

নেতাদের মনে ভয় হইয়াছিল যে, আমরা যদি ঐ সিদ্ধান্ত জানিতে পারি, তাহা হইলে মহাত্মাজীর আগমন পর্যন্ত অপেক্ষা না করিয়া কার্যে প্রবৃত্ত হইব, নেতাদের গ্রাণ না করিয়াই ধর্মঘট ভাঙ্গিয়া তাঁহাদের মর্দ্যাদা নষ্ট করিব। এইজন্যই তাঁহারা তাঁহাদের সিদ্ধান্ত আমাদের জানিতে দেন নাই।

অর্থসাহায্য সম্বন্ধে শ্রীবৃদ্ধ যতীন্দ্রমোহন সেন গুপ্তের নিম্নোক্ত পত্রাংশ যেমন তাঁহার বদাচ্যুতা-ব্যঞ্জক, তেমনি কলিকাতার নেতাদের অঙ্গীকারভঙ্গের পরিচায়ক।

স্বাধীনতা মানবের জন্মগত অধিকার
ডিল্লীষ্ট কংগ্রেস কমিটি, চট্টগ্রাম
২৭—৮—২১

মহাশয়

ধর্মঘটকারীদিগকে ইহা অবগত করুন যে, কলিকাতার কোন কোন নেতা এই প্রতিশ্রুতি প্রদান করিয়াছিলেন যে, তাঁহারা টাকা পাঠাইবেন, কিন্তু আজও টাকা পাই নাই। গত এক পক্ষ কালের মধ্যে ঐরূপ প্রতিশ্রুতি অনেকবার করিয়াছেন। আপনাদিগকে অর্থ-সাহায্য দান সম্বন্ধে আমি এখন নিরুপায় হইয়াছি। আপনাদের জন্ত আমি নিজে ৪০ হাজার টাকা দিয়াছি। ধর্মঘটকারীদের জন্ত লক্ষাধিক টাকা ব্যয় করা হইয়াছে। যতদিন কলিকাতা হইতে টাকা না আইসে, ততদিন আমি ধর্মঘটকারীদিগকে কোন অর্থ সাহায্য করিতে পারিব না। আপনারা এক মহৎ উদ্দেশ্যে কর্তব্য তাগ করিয়াছেন, আপনারা অনেক ক্রেশ পাইয়াছেন। আমি আপনাদের জন্ত বখাসাধ্য করিয়াছি, এখনও আমি যতদূর পারি সাহায্য করিতে প্রস্তুত আছি। আমি আপনাদিগকে পরিত্যাগ করিব না। কিন্তু অর্থ-সাহায্য সম্বন্ধে আপনাদিগকে ইহা জানাইতেছি যে, আমার শেষ কর্তব্য, এমন কি তাহা অপেক্ষাও বেশী, আপনাদিগকে আমি দিয়াছি।

তাঁহাদিগের নিকট হইতে সত্য গোপন করিয়া রাখায় ধর্মঘটকারীগণের মনে শেষপর্যন্ত কিরূপ ভুল ধারণা ও আশা ছিল, শুধুন।

এবং আমাদের মনে এই ধারণা ছিল যে, অসুকুল সর্তে বাহাতে কার্য পূর্ণগ্রহণ করিতে পারি, সেইরূপ সীমাংসা করাই নেতাদের লক্ষ্য। নেতারাও ইহা জানিতেন যে ঐরূপ প্রতিশ্রুতি না পাইলে আমরা ধর্মঘট চালাইতাম না। এইজন্য আমরা একান্ত আশাবিত হৃদয়ে মহাত্মাজীর আগমন প্রতীক্ষা করিতেছিলাম এবং যখন আমরা মহাত্মাজীর মুখে শুনিলাম যে, আমরা পুনর্বার কর্তব্য ফিরিয়া যাইতে পারিব না, আমাদের চরকা দ্বারা জীবিকার্জন করিতে হইবে, তখন আমাদের নিরাশার সীমা রহিল না। আমরা মহাত্মাজীর মিন্দা করি না। আমরা কেবল ইহাই বলিতেছি যে,

কলিকাতা ও চট্টগ্রামের মন-কো-অপারেটর নেতারা মহাত্মাজীর নিকট ধর্মঘটের বখার্ব ঘটনাবলী ব্যক্ত করেন নাই। তিনি আমাদের শোচনীয় দুর্গতি, এবং নেতারা আমাদের "বোড়ে" করিয়া কিরূপ রাজনৈতিক চাল চালিয়াছিলেন, তাহা বুঝিতে পারিলাম না।

গান্ধী মহাশয়ের মত বুদ্ধিমান ব্যক্তি যে ইহা বুঝিতে পারেন নাই, ইহা অতীব দুঃখের বিষয়। তিনি ধর্মঘটকারীদিগকে যে নৈতিক আদর্শের অনুসরণ করিতে বলিয়াছেন, তৎসম্বন্ধে তাঁহাদের বক্তব্য উদ্ধৃত করিতেছি।

নৈতিক যুক্তি।

মহাত্মাজী আমাদের কার্য গ্রহণের বিরুদ্ধে এই নৈতিক যুক্তি দেখাইয়াছেন, যে, গবর্ণমেট যে পর্যন্ত ক্ষমা প্রার্থনা করিয়া চা-বাগানের কুলীদিগকে বাড়ী পাঠাইবার পূর্ণ ব্যয় প্রদান না করেন, তাবৎ আমরা কার্যে প্রত্যাবৃত্ত হইতে পারি না। হানীর কংগ্রেস-নেতাদের প্ররোচনার মহাত্মাজী এই যে হেতু দেখাইয়াছেন, ইহা আমাদের পক্ষে অদৃষ্টের পরিহাস ভিন্ন আর কিছুই নয়। যেমন দেখিতেছি, তাহাতে ইহা বলা যায়, যে, মহাত্মাজীর প্রদর্শিত নৈতিক হেতু কেবল আসাম-বেঙ্গল রেলওয়ের নিরন্ন কর্মীদের উপরই প্রযুক্ত।

নৈতিক যুক্তি কেবল আমাদের জানিতে হইবে।

চাঁদপুর, চট্টগ্রাম, কুমিল্লা ও অপর সকল স্থলের যে-সকল উকীল কর্তৃত্ব্যগ করিয়াছেন, তাঁহারা, গবর্ণমেট ক্ষমা প্রার্থনা না করাতেও, আবার ওকালতী করিতে আরম্ভ করিয়াছেন, তাঁহাদের অসহযোগ-ব্রত রক্ষার কোন ধরকার নাই। কিন্তু যে-সকল নিরন্ন শ্রমজীবী মাথার ঘাম পায় ফেলিয়া উদ্বারের সংস্থান করে, দেশের নৈতিক তেজ রক্ষার জন্ত তাঁহাদিগকে আশ্রয় দিতে হইবে। যেসকল নেতা আমাদের দ্বারা এই নৈতিক তেজ বিকাশের অভিলাষী তাঁহারা কিন্তু আসাম-বেঙ্গল রেলওয়েতে যাতায়াত করিবার পূর্ণ সুযোগ গ্রহণে এক বিন্দু বিধা প্রকাশ করেন না! আমরা-আসাম বেঙ্গল রেলওয়ের দরিদ্র কর্মীরা কার্য গ্রহণে বিরত থাকিয়া বাহাদের কাছে নৈতিক বলের দৃষ্টান্ত দেখাইব, সেই দেশবাসীরা এবং নেতৃ-বৃন্দ এক্ষণে পূর্ববৎ ঐ রেলওয়ে ট্রেনে প্রতিনিয়ত যাতায়াত করিতেছেন।

ধর্মঘটকারীরা কলিকাতা ও চট্টগ্রামের নেতাদিগকে মিথ্যাসংবাদ-দাতা বলিতেছেন।

কলিকাতা ও চট্টগ্রামের নেতারা আমাদের একমুখী কথায় সাহস করেন নাই যে, আমাদের কার্য পুনঃগ্রহণ করা অসম্ভব। তখন তাঁহারা মহাত্মাকে মিথ্যা সংবাদ দিয়া তাঁহার দ্বারা আমাদের একমুখী কথায় জানাইয়াছেন।

চরখার দ্বারা সংসার-খরচ চালাইবার যে উপদেশ ধর্মঘটকারীদিগকে দেওয়া হইয়াছে, তৎসম্বন্ধে তাঁহারা অতি তিক্ত কিন্তু সত্য কথা বলিয়াছেন।

কেবল আমাদেরই চরকা দ্বারা জরণপোষণ চালাইতে হইবে। মহাত্মাজী আমাদের চরকা দ্বারা জরণপোষণ করিতে উপদেশ দিয়াছেন। নেতারা জানেন, আমাদের অসহায়-রেশ সহিতে

হইতেছে। আমরা চরকা ও তাঁতের সাহায্যে কি প্রকারে পরিবার প্রতিপালন করিতে পারি, তাহা বুঝিতে পারি না। অসহযোগী উকীল-মোস্তাফারেরা তাঁহাদের পূর্ব ব্যবসায় করিবেন, আর আমরাই কেবল চরকাঘারা আত্মরক্ষা করিব? প্রাদেশিক কংগ্রেস ও খিলাফৎ কর্মীরা মাসিক ৫০ হইতে ১৫০ টাকা পর্যন্ত পাইয়া থাকেন, তাঁহারা আনাদিগকে জুলাইয়া ধ্বংসের মুখে পাঠাইতে চান।

আমাদের দুর্গতি।

উপরে যেসকল নেতার নাম করিয়াছি, ধর্মঘটের প্রারম্ভ হইতেই তাঁহারা আমাদের প্রতিপালনের দায়িত্ব গ্রহণ করিয়াছেন। শ্রীযুক্ত চিত্তরঞ্জন দাশ এবং মিঃ সেনগুপ্তের পত্রানুসারে যেসকল স্থলে ধর্মঘট হইয়াছে সেই সেই স্থানের কংগ্রেস কমিটিকে তাঁহারা একরূপ মুদ্রিত অনুরোধ প্রেরণ করিয়াছিলেন যে, ঐ-সকল কমিটি যেম আনাদিগকে আর্থিক সাহায্য করেন। চাঁদপুরে আমরা মে, জুন, জুলাই তিন মাসে মোটে ১৩,৪৬০ টাকা সাহায্য পাইয়াছি। আগষ্ট মাসে আনাদিগকে একরূপ কিছুই দেওয়া হয় নাই। এই মাসে চাঁদপুরের ধর্মঘটকারীরা মোট ৩০০ টাকা অর্থাৎ গড়ে ৫ কি ৬ টাকা এক একজন পাইয়াছে। এই টাকার কি প্রকারে এক পরিবার প্রতিপালন হইতে পারে? আমাদের যে যৎকিঞ্চিৎ পুঞ্জিপাটা ছিল তাহা শেষ হইয়াছে। আমাদের এক্ষণে অনশন-দশা উপস্থিত হইয়াছে। আমাদের অনেকেই সপ্তাহে ৩ বেলায় বেশী পেট ভরিয়া খাইতে পার না।

অনশন ও অভ্যর্থনা।

প্রসঙ্গতঃ আমরা একটি কথা উল্লেখ করিতেছি। আমরা যখন অনশনে হাহাকার করিতেছিলাম, কংগ্রেস কমিটি যখন আনাদিগের সাহায্য বন্ধ করেন, ঠিক ঐ সময়ে মহাত্মার অভ্যর্থনার জন্য নেতারা চাঁদপুরে ১৫০ টাকা চাঁদা তুলিয়াছিলেন। অন্তর্গলে বাইয়া কাধোর খোজ করিবার জন্য যে অর্থের প্রয়োজন, আমাদের তখন সে অর্থও ছিল না। মহাত্মার চট্টগ্রামে আগমনের অব্যবহিত পূর্বে বাবু বসন্তকুমার মজুমদার চাঁদপুরে আসিয়াছিলেন। তিনি আলামারী ভাষায় আনাদিগকে নিরঙ্গ-নারায়ণ বলিয়া সম্বোধন করিয়াছিলেন। কিন্তু নিরঙ্গ-নারায়ণেরা কি খাইয়া বাঁচিবে, তাহার উপায় করেন নাই। অল্পদিন মধ্যে ফিরিব বলিয়া তিনি চট্টগ্রামে গমন করেন, কিন্তু তদবধি আর তিনি চাঁদপুরে ফিরেন নাই। তিনি আমাদের প্রাণরক্ষার জন্য কংগ্রেস কমিটি হইতে কিছু প্রদান করিতে পারেন নাই, কিন্তু নিখিল ভারতীয় কংগ্রেস কমিটির সভায় যোগদান করিবার জন্য সপরিবারে বোম্বাই গমন করিবার জন্য তাঁহার অর্থের অভাব হয় নাই। এইজন্য আমরা তাঁহার মিন্দা করিতে পারি না, কারণ বোম্বাইতে গিয়াছিলেন তিনি ভারতের ভাগ্য নির্ধারণ করিতে, আর আমরা অতি নগণ্য প্রাণী, তাঁহারই চেষ্টায় অনশন-দশায় উপস্থিত হইয়াছি।

দেশসেবকদের বৃত্তি।

আমরা উপদেশ প্রাপ্ত হইয়াছি যে, যদি আমরা চরকা শিক্ষা করি, তাহা হইলে মাসে ১০ টাকা উপার্জন করিতে পারিব। আমরা জিজ্ঞাসা করি, কয়জন নেতা চরকার দ্বারা জীবিকার্জন করিতেছেন? দেশসেবার জন্য ইঁহারা অনেকেই রেলস্টেশনে দ্বিতীয় শ্রেণীতে যাতায়াত করিয়া থাকেন। অনেকে কংগ্রেস ও খিলাফৎ ভাণ্ডার হইতে মাসিক ৫০ হইতে ১৫০ টাকা পাইয়া থাকেন। ইঁহারা যদি মনে করেন যে, পরিবার প্রতিপালন জন্য ৩০ টাকা ধুখেটে, তাহা হইলে দেশের কার্য

করিতে যাইয়া ইঁহারা এক টাকা বেতন লইয়া থাকেন কেন? তাঁহারা কেন ৩০ টাকার সংসার-ব্যয় নির্বাহ করিয়া আমাদের কাছে দৃষ্টান্তস্থানীয় হইতেছেন না?

নেতারা চরকাঘারা ভরণপোষণ চান না?

আমাদের এই ধর্মঘটকারীদের মধ্যে অনেক মিস্ত্রী ও শ্রুতার আছে। স্ব-স্ব ব্যবসায় ছাড়িয়া ইঁহারা অল্প ব্যবসায় অবলম্বন করিলে কি উপকার সাধিত হইবে? যে-সকল নেতা চরকার সাহায্যে আনাদিগকে পরিবার প্রতিপালন করিবার উপদেশ প্রদান করিতেছেন, আমরা ইঁহা জানিতে চাই যে, তাঁহারা কতজন ঐ উপায়ে পরিবার প্রতিপালন করিতেছেন? আনাদিগকে বলা হইয়াছে, যে, আমাদের তাঁতের কাজে আমাদের ছেলেমেয়েদের সহযোগিতার আনন্দ আমরা পাইব। আনাদিগকে যঁহারা এই দশায় টানিয়া আনিলেন, সেই-সকল নেতাদিগকে জিজ্ঞাসা করিতেছি যে, তাঁহাদের পুত্রদের মধ্যে কয়জন পড়া ছাড়িয়া চরকার দ্বারা পরিবারের ব্যয় নির্বাহের উপযোগী অর্থ উপার্জন করিতেছে?

শ্রীযুক্ত যতীন্দ্রমোহন সেনগুপ্ত ও অন্যান্য নেতাদের সম্বন্ধে ধর্মঘটকারীরা বলেন—

শ্রীযুক্ত যতীন্দ্রমোহন সেনগুপ্ত।

মিঃ জে, এম, সেনগুপ্তের বিরুদ্ধে আমাদের কোন বিষয় নাই। তাঁহার অন্তঃকরণ মহৎ, তাঁহার সরলতা অসন্দিক, প্রায়শ্চৈ ধর্মঘট লোষণ করিতে তিনি ইতস্ততঃ করিতেছিলেন। কিন্তু তাঁহার সততার সুযোগ গ্রহণ করিয়া দায়িত্ববোধ-বর্জিত ব্যক্তিগণ তাঁহাকে কুণ্ঠনামা করিয়াছিল। সেই সঙ্গিন্যের পরামর্শে তিনি আনাদিগকে পঞ্চভ্রাস্ত করিয়াছিলেন।

বর্তমান রাজনৈতিক আন্দোলনের নেতা।

দেশের রাজনৈতিক আন্দোলন এক্ষণে এমন একদল দায়িত্ববোধ-রহিত লোকের হস্তে গিয়াছে, যঁহারা অসঙ্কোচে প্রীমার ধর্মঘটের সময়ে বলিয়াছিলেন যে, যে-পথে স্বরাজ পাইব সেই পথে অগ্রসর হইবার জন্য আমরা ৩ হাজার কুলীর জীবন বলি দিতে পারি। তাঁহাদের নিজেদের জীবন যদি নিরাপদ থাকে, তাহা হইলে কুলীদের জীবন তাঁহাদের নিকট ধূলিবৎ। এমনই লোকের দ্বারা মিঃ সেনগুপ্ত শিশুবৎ পরিচালিত হইয়াছেন। ইঁহাদের কুপরিচালনায় আমাদের মত বহু লোকের সর্বনাশ সাধিত হইয়াছে।

গত ৩৮ মাস অবর্ণনীয় ক্রেশ পাইয়া আমরা এই সিদ্ধান্তে উপনীত হইয়াছি যে, কতিপয় চঞ্চলমতি বাচাল যে অবস্থা সৃষ্টি করিয়া তুলিয়াছে, তাহা আপনাদের আয়ত্ন মধ্যে আনয়ন করিবার সাধ্য আমাদের নেতাদিগের নাই। তাঁহারা উত্তেজনা ও ভাবস্রোতে ভাসিয়া চলিয়াছেন, দূরদৃষ্টি ও অভিজ্ঞতা আদৌ তাঁহাদের নাই। যখন তাঁহাদের মর্যাদা নষ্ট হইবার আশঙ্কা উপস্থিত হয়, তখন স্বদেশীদের জীবনের কোন মূল্য আছে ইঁহা তাঁহারা স্বীকার করেন না।

ভাষা অনুসারে প্রদেশ গঠন

ভারতীয় ব্যবস্থাপক সভায় ভাষা অনুসারে প্রদেশ গঠন বা পুনর্গঠনের প্রস্তাব অগ্রাহ্য হইয়াছে। কিন্তু গবর্নমেন্টের পক্ষ হইতে শ্রীর উইলিয়াম ভিন্সেন্ট বলিয়াছেন যে, আসামের ব্যবস্থাপক সভা ও গবর্নমেন্টের মত হইলে, ভারত গবর্নমেন্ট

শ্রীহট্ট জেলা আসাম হইতে বিচ্ছিন্ন করিয়া বঙ্গের সহিত সংযুক্ত করিবেন। এবিষয়ে শ্রীহট্টের অধিবাসীদের ইচ্ছাই সর্বপ্রথমে বিবেচ্য; তাহাদের অধিকাংশ বাহা চাহিবেন, তাহাই করা উচিত। আসামের ব্যবস্থাপক সভা ও গবর্ণমেন্ট নিজেদের এলাকা, লোকসংখ্যা ও আয়ের হ্রাসে সম্মত না হইতেও পারেন।

বাহারা একভাষা বলে, তাহাদের অধ্যুষিত ভূখণ্ড এক দেশ বা এক প্রদেশ-ভুক্ত এবং এক শাসক বা শাসকপরিষদের অধীন হওয়াই স্বাভাবিক ও ঠায়া। কিন্তু অত্যাধিক কিছুর বলিবার ও বিবেচনা করিবার আছে। এক একটি দেশ বা প্রদেশের শাসনকার্য চালাইবার জন্ত কিছু অবশ্যস্বাভাবিক খরচ আছে। কোন ভাষাভাষীর সংখ্যা দেশবিশেষে এত কম হইতে পারে, যে, তাহারা নিজে এই-সমস্ত ব্যয় নির্বাহ করিতে সমর্থ না হইতে পারে। বেলজিয়মের ৩২ লক্ষ লোক ফ্লেমিষ্ ভাষা বলে, ২৮ লক্ষ লোক ফরাস্ ভাষা বলে, পোনে নয় লক্ষ ফ্লেমিষ্ ও ফরাস্ দুই বলে। কিন্তু বেলজিয়মকে দুটি দেশে ভাগ করা সুবিধাজনক নহে। সুইজারল্যান্ডের ১৫টি জেলার ভাষা জার্মান, ৬টির ফরাস্, ১টির রুম্যান্, এবং ২টির ইতালীয়। কিন্তু তা বলিয়া ৩৯ লক্ষ লোকের বাসভূমি এই ক্ষুদ্র দেশটিকে ৪টি দেশে ভাগ করা যায় না।

ভিন্ন ভিন্ন ভাষাভাষী লোকেরা একই দেশে বা প্রদেশে বাস করিলে তাহার বহু অসুবিধা আছে। কিন্তু সুবিধাও কিছু আছে। কোন ভাষাভাষীর সংখ্যা কম হইলে, যে শাসন-ব্যয় তাহাদের পক্ষে একা নির্বাহ করা দুঃসাধ্য, তাহা অন্যভাষাভাষীদের সহিত মিলিত হইয়া তাহারা অনায়াসে বহন করিতে পারে। কোন ভাষাভাষীরা একাই একটি প্রদেশে বাস করিলে একপ্রকার প্রাদেশিক সঙ্কীর্ণতা জন্মে, বাহা একাধিক ভাষাভাষীরা একত্র বাস করিলে নিবারণিত হইতে পারে।

কিন্তু কোন ভাষাভাষী লোকেরা যদি সংখ্যায় অধিকতর অন্য ভাষাভাষীদের সহিত একপ্রদেশভুক্ত হইয়া থাকিয়া অনুভব করে যে, তাহাদের প্রতি অবিচার হইতেছে, তাহা হইলে তাহাদের জন্ত স্বতন্ত্র প্রদেশ গঠিত হওয়া নিশ্চয়ই উচিত। ওড়িশার বিহার, মাদ্রাজ, ও বঙ্গের সহিত যুক্ত হইয়া আছে। কোথাও তাহাদের প্রাধান্য নাই, এবং

তাহাদের শিক্ষা, রাজকার্য প্রাপ্তির সুবিধা, প্রভৃতি সন্দেহে তাহাদের প্রতি সুবিচার হয় না। এইজন্য একটি স্বতন্ত্র ওড়িশা প্রদেশ গঠিত হওয়া ভাল। তাহাদের মোট সংখ্যা এক কোটির উপর। তাহাদের অধ্যুষিত ভূখণ্ডের আয়তন লোকসংখ্যার অনুপাতে বৃহৎ। সুতরাং অধিবাসী আরও বাড়িতে পারে। গবর্ণমেন্টের ব্যয়ও তাহারা নির্বাহ করিতে পারিবে।

অন্ধ্রদেশের লোকদিগেরও একটি স্বতন্ত্র প্রদেশের সুবিধা দেওয়া উচিত। ইহাদের ভাষা তেলুগু। মাদ্রাজপ্রদেশভুক্ত অন্ধ্রদের সংখ্যা দেড় কোটির উপর।

যে-যে স্থলে নূতন প্রদেশ ও গবর্ণমেন্ট গঠন করিতে হইবে না, তথায় ত একভাষাভাষীদিগকে একই প্রদেশভুক্ত করা নিশ্চয়ই উচিত। বাঙ্গালীর জন্ত নূতন করিয়া প্রদেশ গড়িতে হইবে না। পুরুষানুক্রমে বঙ্গভাষীর অধ্যুষিত যে-সব ভূখণ্ড পূর্বে শাসনকার্যের জন্তও বাংলা দেশের অন্তর্ভুক্ত ছিল, কিছু কাল হইতে বিচ্ছিন্ন হইয়াছে, তাহাদিগকে বাংলার সহিত আবার জুড়িয়া দেওয়া একান্ত কর্তব্য। ৩২ লক্ষ বাঙালীকে আসামের এবং প্রায় ২২ লক্ষ বাঙালীকে বিহারের এলাকার অধীন করিয়া রাখা উচিত নয়। তাহাদের বাসভূমিকে আবার বাংলাদেশের সামিল করিলে নূতন করিয়া কোন একটা গবর্ণমেন্ট গড়িতে হইবে না।

মহিলার প্রতি সৌজন্য

একজন মাদ্রাজী ভদ্রলোক বেঙ্গলীতে লিখিয়াছেন যে, তিনি একদিন দেখিলেন যে, একটা ট্রামগাড়ীতে একটি শিক্ষিতা মহিলা গাড়ীর পা-দানীতে দাঁড়াইয়া রহিয়াছেন, পুরুষ যাত্রীরা কেহ উঠিয়া তাঁহাকে জায়গা ছাড়িয়া দেয় নাই! তিনি এই কারণে বাঙালীদের খুব নিন্দা করিয়াছেন, এবং জিজ্ঞাসা করিয়াছেন, যে, বাঙালী লেখক ও বক্তারা, “যত্র নারীস্তু পূজ্যন্তে রমন্তে তত্র দেবতাঃ” এই শাস্ত্রবচন উদ্ধার করিয়া ভারতে নারীর সম্মানের যে বড়াই করেন, এই ঘটনাটি তাহার একটি দৃষ্টান্ত কি না?

মাদ্রাজী ভদ্রলোকটির জানা উচিত, যে, যেমন

পরিচ্ছন্ন পোষাকী ও আটপোরে ছ রকম পাকে, পোষাকীটি বাহিরে ঘাইবার ও লোককে দেখাইবার জন্য, আটপোরেটি আর সব সময়ে ও উপলক্ষে ব্যবহারের নিমিত্ত, তেমনি আমাদের বক্তৃতা ও তর্ক হইতেছে পোষাকী, ব্যবহার হইতেছে আটপোরে। “আমাদের নারীরা দেবী,” “নারীরা যেখানে পূজিত হন, দেবতারা তথায় প্রীত থাকেন,” “আমরা আধ্যাত্মিক জাতি ও পাশ্চাত্যেরা জড়ৈশ্বর্যের উপাসক,” এই-সব কথা তর্কস্থলে উচ্চাৰ্য্য, আমাদের আচরণের সহিত ইহাদের কোন সামঞ্জস্য রাখিবার আবশ্যক নাই। এই দেখুন না, যদি কোন বিদেশী লোক বলে, বঙ্গনারীর অবস্থা অবনত, আমরা কতকগুলি খবরের কাগজ কয়েকটি নামজাদা শিক্ষিতা মহিলার নাম আওড়াইয়া ঐ বিদেশীকে নিরুত্তর করিবার চেষ্টা করিবে, কিন্তু আবার অল্পসময়ে নারীদের উচ্চশিক্ষার নিন্দা এবং শিক্ষিতা নারীদের নিন্দা করিতেও ইহারা পশ্চাৎপদ হইবে না।

মহাত্মা গান্ধীর জন্মোৎসব

মহাত্মা গান্ধীর জন্মোৎসব উপলক্ষ্যে তাঁহাকে শ্রদ্ধা জানাইতেছি, এবং তাঁহার দীর্ঘজীবন প্রার্থনা করিতেছি।

বিদেশী বস্ত্রদাহ

মহাত্মা গান্ধীর জন্মোৎসব উপলক্ষ্যে ভারতের নানা স্থানে রাশি রাশি বিদেশী • কাপড় পোড়ান হইয়াছে। আমরা এই কাজটিকে গর্হিত বলিয়া মনে করি।

অসহযোগ-নেতাদের বিচার

মৌলানা মহম্মদ আলী প্রভৃতি কয়েকজন নেতাকে ধৃত করিয়া গবর্ণমেন্ট তাঁহাদের বিচার করিতেছেন। আলীভাতাদের পক্ষে ইহা ভাল হইয়াছে। তাঁহারা এখন নির্ভীক ব্যবহার দ্বারা দেখাইতে পারিবেন যে, তাঁহাদের পূর্বকৃত ক্রটিস্বীকার ভয়জাত নহে। আমরা কখনও বিশ্বাস করি নাই, যে, তাঁহারা ভয়ে ক্রটি স্বীকার করিয়াছিলেন।

নিগ্রহনীতির অনুসরণ করিয়া গবর্ণমেন্ট অসহযোগপ্রাচেষ্টা

বন্ধ করিতে পারিবেন বলিয়া বোধ হয় না; বরং ইহাতে উহার জোর বাড়িবে। কোন-না-কোন অপরাধে ধৃত যুবক ও বালক বন্দীদের নির্ভীক ব্যবহারে ইহার পরিচয় পাওয়া যায়। কোন কোন নেতার ব্যবহারে ও অভিসন্ধিতে দোষ থাকিতে পারে; কিন্তু অজ্ঞাতনামা নিরুত্তর বহু বালক ও যুবকের আত্মোৎসর্গ বিশুদ্ধ আদর্শানুসরণচেষ্টা বলিয়া শ্রেষ্ঠ নৈবেদ্য বিবেচিত হইবে।

ধরপাকড়, জেলে প্রেরণ, নির্বাসন, হাতে ক্ষমতা থাকিলেই এ-সব করা যায়। কিন্তু যুবকদের আদর্শানুসারী হৃদয়মনকে সমৃদ্ধ ও অনুপ্রাণিত করিয়া দেশহিতে লাগাইতে হইলে যে দূরদর্শিতা, হৃদয়দর্শিতা, মানবচরিত্র-জ্ঞান, ত্যাগ-পরায়ণতা, সাহস ও রাজনীতিজ্ঞতার প্রয়োজন, তাহা কোন ব্রিটিশ রাজপুরুষের আছে কি?

দুটি পুস্তিকা

জোড়াসাঁকোতে শ্রীযুক্ত রবীন্দ্রনাথ ঠাকুরের গৃহে যে বর্ষা-উৎসব হইয়াছিল, তদুপলক্ষ্যে গীত ১৮টি বর্ষাবিষয়ক গান “বর্ষামঙ্গল” নামক পুস্তিকায় আছে। ষোলটি গান রবীন্দ্রনাথের, তাহার মধ্যে ৫টি নূতন। পুস্তিকাটির দাম ছাানা; ইণ্ডিয়ান পার্লিশিং হাউসে পাওয়া যায়।

“সত্যের আহ্বান” পুস্তিকার আকারে মুদ্রিত হইয়াছে। মূল্য তিন আনা। ইহাও ইণ্ডিয়ান পার্লিশিং হাউসে পাওয়া যায়।

উভয় পুস্তিকার লভ্যাংশ বিশ্বভারতীকে দেওয়া হইবে।

ঘোড়দৌড়ে জুয়াখেলা

কলিকাতায় ঘোড়দৌড়ে জুয়াখেলা সমাজের একটা মস্ত কুপ্রথা হইয়া উঠিয়াছে। চোর গাঁটকাটা হইতে রাজা-মহারাজা পর্য্যন্ত সকলে উহার কবলে আসিয়া পড়িতেছে। ঘোড়দৌড়ের দিনে যেদিকে খেলা হয় হাজার হাজার লোক সেদিকে যায়। অনেকে সেদিন নিজের উপজীবিকার কৃতি করিয়া ও কাজকর্ম আফিস আদালত কামাই করিয়া জুয়া খেলিতে যায়। দ্বিপ্রহরের পূর্ব হইতে অপরাহ্ন পর্য্যন্ত সেদিন ট্রাম, মোটর, ঘোড়ার গাড়ীর ঝড়ামুড়ি লাগিয়া যায়।

সকলকারই এক উদ্দেশ্য—কিরাপে পরিশ্রম বা বুদ্ধিধরচ না করিয়া হঠাৎ কপাল ঠুকিয়া বড় মালুস হওয়া যায়। ফলে শত শত “ভদ্র” ও “ইতর” লোক বাড়ী, গহনা, পোষাক, পরিচ্ছদ, আস্বাব, পুস্তক বাঁধা দিয়া বা বিক্রী করিয়া জুয়া খেলে। হারিলে তাদের স্ত্রীপুত্রপরিবার সংস্থানহীন হয়। সময়ে সময়ে তাহাদের গ্রাস-আচ্ছাদন সমস্তার বিবয় হইয়া পড়ে। তারা নিজে ধ্বংসপ্রাপ্ত হয়। তাদের মধ্যে কেহ বা চোর হয়, কেহ বা জুয়াচোর, আর কেহ বা পাগল হইয়া যায়। জিতিলে প্রায়ই বদখরুচে ও কুচরিত্র হয়! এই কুপ্রথা যতশীঘ্র সমাজের শুভামুখ্যায়ী ব্যক্তিদের ও স্বেচ্ছা-সেবকদের যুবকদের দৃষ্টি আকর্ষণ করে, ততই মঙ্গল। আইন দ্বারা অগ্নাত্ত রকমের জুয়াখেলার মত ইহাও বন্ধ করিয়া দেওয়া উচিত। যে-সব খবরের কাগজ ঘোড়দৌড়ের ঘোড়ার উপর বাজী-রাখার খবর, এবং বাজী জিতবার সংকেত প্রকাশ করেন, তাহাদের তাহা বন্ধ করা উচিত। অগ্নাত্ত জুয়াখেলার মত ইহাও অভদ্র বাসন, এইরূপ লোকমত যাহাতে প্রবল হয়, তাহার বিহিত চেষ্টা করা কর্তব্য।

দেউলিয়া বাংলা গবর্ণমেন্ট

বাংলা গবর্ণমেন্টের কাজ চালাইতে হইলে যত টাকার প্রয়োজন, তাহার আয় তাহা অপেক্ষা আড়াই কোটি টাকা কম। বাস্তবিকই যে আয় কম, তাহা নয়। কোন প্রদেশে যত রাজস্ব আদায় হয়, ভারত গবর্ণমেন্ট তাহার অধিকাংশ নিজে গ্রহণ করেন, কিছু প্রাদেশিক ব্যয়ের জন্য তাহাকে দেন। বাংলা গবর্ণমেন্টকে যত দিয়াছেন, তাহাতে তাহার কুলায় না। বাংলার একটা প্রধান আয় গাটের ব্যবসা হইতে হয়; উহা ভারত গবর্ণমেন্ট লইয়াছেন। বাংলার গবর্ণমেন্টের পক্ষ হইতে ভারত গবর্ণমেন্টের নিকট মোটামুটি পাটের আয়টা চাওয়া হইয়াছিল। তাঁহারা ছাড়িয়া দিয়াছেন কেবল ৬৩ লক্ষ টাকা। দিবার সময় মাস্তাজ, বোম্বাই প্রভৃতি প্রদেশের কোন কোন প্রতিনিধি সঠক করিতে চাহিয়াছিলেন, যে, তাঁহাদের প্রদেশেরও দরকার পড়িলে তাঁহারাও যেন টাকা পান। একজন দেশী প্রতিনিধি বলেন, বাংলা দেশকে নিজের ঘর সামলাইতে বলা হউক, জানাইয়া দেওয়া হউক যে তাকে

এই শেষ ভিক্ষা দেওয়া হইল, কেয় দেওয়া হইবে না! এই হঠাৎ বড়মালুস পরের ধনে পোদারদের কথা শুনিয়া হাসি পায়, হঃখও হয়। এই রকম ভাষা প্রয়োগ করিয়াই কি ইহারা “ভারতীয়জাতি” গড়িবেন?

মুখুজ্যে মহাশয়ের আনন্দ

কলিকাতা বিশ্ববিদ্যালয়ের জানিত (recognised) বিদ্যালয়-সকলে বৃত্তিশিক্ষা দিবার জন্য গত ২ই, ১১ই, ১২ই জুন যে পরামর্শ-সভা হয়, তাহাতে শ্রী আশুতোষ মুখো-পাধ্যায় প্রসঙ্গক্রমে বলেন, “আমার বন্ধু শ্রীযুক্ত সুরেন্দ্রনাথ মল্লিক বঙ্গীয় ব্যবস্থাপক সভার সভ্য। তিনি বাংলা গবর্ণ-মেন্টকে দেউলিয়া বলিয়াছেন শুনিয়া আমি প্রগাঢ়রূপে আফ্লাদিত (intensely pleased) হইয়াছি, কারণ এবিষয়ে কলিকাতা বিশ্ববিদ্যালয় ও বাংলা গবর্ণমেন্ট একপর্যায়ভুক্ত।” একটু তফাৎ আছে। বিশ্ববিদ্যালয় যে-যে কারণে দেউলিয়া হইয়াছে, বাংলা গবর্ণমেন্ট ঠিক সেই সেই কারণে দেউলিয়া হয় নাই। যাহা হউক, মুখুজ্যে মহাশয় যে দেউলিয়াত্ব পাঁচ মাস আগে স্বীকার করিয়া-ছিলেন, এও ভাল; কারণ আমরা তৎপূর্বেও, আড়াই লক্ষ টাকা ঘাটতি হওয়ার, ও এবস্থিৎ অগ্নাত্ত কথা লেখায় তাঁহার ক্রোধভাজন হইয়াছি। আমাদের মত অগ্নাত্ত সমালোচকদিগকে unscrupulous critics, flitting spectres of humanity প্রভৃতি আখ্যা তিনি দিয়াছেন।

বৃত্তি শিক্ষার ব্যয়

বিদ্যালয়ে কোন্ কোন্ বৃত্তি শিক্ষা দেওয়ার ব্যয় যে ছাত্রেরা নিজেদের রোজ্জগার হইতেই তুলিয়া দিতে পারে, মুখোপাধ্যায় মহাশয় নিজের অভিজ্ঞতা হইতে তাহার একটি ভাল দৃষ্টান্ত দিয়াছেন। তিনি বলেন, “সুপরিচালিত হইলে এরূপ শিক্ষা বহু পরিমাণে স্বব্যয়নির্কাহকম হইতে পারে। ভারতবর্ষের অগ্নাত্ত অঞ্চলে লক্ষ আমার অভিজ্ঞতা হইতে আমি এই কথা বলিতেছি। আমি এলাহাবাদে একটি স্কুলে গিয়াছিলাম। আমি সেখানে একটি চালার একঘর ছেলেকে ছুতারের কাজ করিতে দেখিলাম। প্রত্যেক ছেলেকে কাঠ দেওয়া

হয়। স্কুল একজন ছুতার মিস্ত্রীকে শিক্ষক নিযুক্ত করিয়া রাখিয়াছেন। ছেলেরা কাঠের যে-সব জিনিষ তৈরী করে, বিদ্যালয়ের কর্তৃপক্ষ তাহা বাজারে বিক্রয়ের জন্য রাখিয়া বা পাঠাইয়া দেন। প্রত্যেক ছেলের আলাদা হিসাব রাখা হয়। তাহার নির্মিত জিনিষ বিক্রী করিয়া যে টাকা পাওয়া যায়, তাহা তাহার নামে জমা হয়। খরচের ঘরে লেখা হয়, কাঠের দাম, এবং শিক্ষক মিস্ত্রীর বেতনের কিয়দংশ। জমা হইতে খরচ বাদ দিয়া এরূপ উদ্ধৃত থাকে, যে, অনেক ছেলেকে বাড়ী হইতে শিক্ষার মাহিনা আনিতে হয় না।” অতঃপর আশু বাবু কাশীর এই-প্রকার একটি যৌথ শিক্ষাদান-ব্যবস্থার কথা বলেন। জোড়হাটের একটি স্কুলেরও এইরূপ ব্যবস্থার কথা বলেন; পুণাতে কৃষিকলেজে ব্রাহ্মণ ছাত্রেরাও কৃষিকার্য্য করে তাহা বলেন; পাংসা স্কুলে হাতের তাঁতে উৎকৃষ্ট কাপড় বোনা হইতেছে, বলেন। তাঁহার সিদ্ধান্ত এই-যে, বৃত্তি-শিক্ষাদান-সমস্যার সমাধান উৎসাহ্য নহে। আমরাও তাহাই মনে করি। গবর্ণমেন্ট টাকা না দিলেও অনেক স্কুলে কোন কোন বৃত্তি শিক্ষা দাইতে পারে।

বিদ্যালয়ে বিজ্ঞান ও বৃত্তি শিক্ষা

গত ৭ই মে বিশ্ববিদ্যালয়ের জানিত (recognised) স্কুলগুলির হেড্‌ মাস্টারদের যে পরামর্শসভা হয়, তাহাতে কতগুলি স্কুল কি কি বিজ্ঞান ও বৃত্তি শিক্ষাইতে চাহিয়া ছিলেন, তাহার একটি তালিকা প্রকাশিত হইয়াছে। আমরা নীচে তাহার অনুবাদ দিতেছি।

বিজ্ঞান।

বিষয়	স্কুলের সংখ্যা
রেখাকন ও কেজো জ্যামিতি	১১৬
ক্ষেত্রব্যবহার ও জরীপ	২৭
পরীক্ষামূলক যন্ত্রবিজ্ঞান	৩৯
পদার্থবিজ্ঞান ও রসায়ন	৭৩
স্বাস্থ্যতত্ত্ব	২৬
উদ্ভিদবিজ্ঞান	২৫
হাতের দক্ষতা শিক্ষা	২৫

বৃত্তি।

বিষয়	স্কুলের সংখ্যা
কৃষি ও উদ্ভানকর্ম	২১
সূত্রধরের কাজ	১১৮
কর্মকারের কাজ	৩১
টাইপ-লিখন ও হিসাবরক্ষণ	৮৭
সংক্ষিপ্তলিখন	৩৪
সূতা-কাটা ও তাঁতবোনা	২৪৭
দর্জির কাজ	২৫
সংগীত	২৬
গৃহস্থালী	২৩
টেলিগ্রাফী	১০
লোহা ও টিনের কাজ	১
প্রাকৃতিক ভূগোল	১
প্রকৃতি-পর্যবেক্ষণ	১
সূচীকর্ম	১
বাণিজ্যিক ভূগোল	১
বিবিধ বিষয়	১৮

প্রাকৃতিক ভূগোল ও প্রকৃতি-পর্যবেক্ষণ বৃত্তিশিক্ষার মধ্যে কেন আসিল, বুঝা যাইতেছে না।

নারীর কার্য

রক্ষা নারীর কার্য। দেশহিতৈষণা নারীর হৃদয়ে স্থান পাইলে তাহা রক্ষা পাইবে। স্থান যে পাইয়াছে, তাহার নানা সুলক্ষণ দেখা যাইতেছে। মৌলানা মহম্মদ আলীর গ্রেপ্তারের পর তাঁহার সহধর্মিণী দৃঢ়তার সহিত স্বামীর কার্য্য করিতেছেন। স্বামীর নিকট হইতে বিদায় গ্রহণ করিবার সময় তিনি তাঁহাকে নিশ্চিত থাকিতে বলিয়া উৎসাহিত করিয়াছিলেন। আলী-ভ্রাতাদের বন্দনীয় জননী বৃদ্ধ বয়সে হাজার হাজার লোকের সভায় বক্তৃতা করিয়া সকলকে উৎসাহিত করিতেছেন। ধৃত অপর একজন মুসলমান নেতার মাতা তাঁহাকে স্বধর্ম্মে দৃঢ় থাকিতে বলিয়াছেন, এবং জানাইয়াছেন, যে, “তুমি যদি গবর্ণমেন্টের কাছে ক্ষমা চাও, তাহা হইলে আমাকে আর মুখ দেখাইও না।”

“অস্পৃশ্য”দের কথা

ব্রিটিশশাসিত মাদ্রাজ প্রদেশে এবং উহার সন্নিক্ত ত্রিবান্ডুর, কোচীন প্রভৃতি দেশীয় রাজ্যে লক্ষ লক্ষ “অস্পৃশ্য” জাতীয় লোকের বাস। ইহাদিগকে পঞ্চম বর্গা হয়। অর্থাৎ হিন্দুশাস্ত্রোক্ত ব্রাহ্মণ ক্ষত্রিয় বৈশ্য শূদ্র এই চারি বর্ণ বা জাতির অতিরিক্ত এবং তাহাদের বাহিরে ইহার পঞ্চমস্থানীয় জাতি। এই পঞ্চমদিগের প্রতি ব্রাহ্মণেরা শত শত বৎসর ধরিয়া যেক্রপ অবজ্ঞার সহিত ব্যবহার করিয়া আসিতেছে, কোন দেশের মানুষ ইতর প্রাণীকে তদ্রূপ অবজ্ঞা করে না। মহাত্মা গান্ধী বার বার বলিয়াছেন, যে, “অস্পৃশ্য”দিগের প্রতি মনুষ্যোচিত ব্যবহার না করিলে, তাহাদিগকে মানুষের যে-যে অধিকার হইতে বঞ্চিত রাখা হইয়াছে তাহা ফিরাইয়া না দিলে আমরা কখন স্বরাজ পাইব না। বস্তুতঃ, পঞ্চমদিগকে অসংপাতিত রাখিয়াও যদি স্বরাজ পাওয়া যাইত, তাহা হইলেও তাহাদিগকে অস্পৃশ্য মনে করা অসম্ভব হইত। স্বরাজ পাই বা না পাই, মানুষকে অবজ্ঞা করা সাতিশয় গর্হিত কাজ। বহুযুগ ধরিয়া অবজ্ঞা, অত্যাচার, অপমান সহ্য করিয়া পঞ্চমেরা এখন “মরিয়া” হইয়াছে ও হইতেছে, তাহারা ব্রাহ্মণ ও অপরাধিন জাতির লোকদিগকে মধো মধো প্রহার দিতে আরম্ভ করিয়াছে। তাহারা কেবল যে ব্রাহ্মণদের দ্বারাই অপমানিত অবজ্ঞাত ও উৎপীড়িত হয়, তাহা নহে, ক্ষত্রিয় বৈশ্য শূদ্র সকলেই তাহাদিগের লাঞ্ছনা করে। মহাত্মা গান্ধী গত ২৯শে সেপ্টেম্বরের ইয়ং ইণ্ডিয়ান লিখিয়াছেন :—

Nowhere is the “untouchable” so cruelly treated as in this presidency. His very shadow defiles the Brahman. He may not even pass through Brahman streets. Non-Brahmans treat him no better. And between the two, the Panchama, as he is called in these parts, is ground to atoms. And yet Madras is a land of mighty temple and religious devotion. The people with their big *tilak* marks, their long locks and their bare clean bodies look like Rishis. But their religion seem almost to be exhausted in these outward observances. It is difficult to understand this Dyerism towards the most industrious and useful citizens in a land that has produced Shankara and Ramanuja. And in spite of the satanic treatment of our own kith and kin in this part of India, I retain my faith in these Southern people. I have told them

at all their huge meetings, in no uncertain terms, that there can be no Swaraj without the removal of the curse from our midst. I have told them, that our being treated as social lepers in practically the whole world is due to our having treated a fifth of our own race as such. Non-co-operation is a plea for a change of heart, not merely in the English but equally in ourselves. Indeed, I expect the change first in us and then as a matter of course in the English.

This transformation cannot take place by any elaborately planned mechanical action. But it can take place if God's grace is with us. Who can deny that God is working a wonderful change in the hearts of every one of us? Anyway, it is the duty of every Congress worker everywhere to befriend the untouchable brother, and to plead with the un-Hindu Hindus, that Hinduism of the Vedas, the Upanishads, Hinduism of the Bhagavadgita and of Shankara and Ramanuja contains no warrant for treating a single human being, no matter how fallen, as an untouchable. Let every Congressman plead in the gentlest manner possible with orthodox, that the bar sinister is the very negation of Ahimsa.

তাৎপর্য।—মাদ্রাজ প্রেসিডেন্সীর মত আর কোথাও অস্পৃশ্যদের প্রতি এমন নিষ্ঠুর ব্যবহার হয় না। তাহাদের ছায়া গায়ে পড়িলে ব্রাহ্মণ অশুচি হয়। ব্রাহ্মণদের পাড়ার রাস্তা দিয়া চলিবার অধিকার পর্যন্ত তাহাদের নাই। ব্রাহ্মণের আর তিন জাতিও তাহাদের প্রতি ইহার চেয়ে ভাল ব্যবহার করে না। ব্রাহ্মণ ও ব্রাহ্মণের জাতিরা, এই উত্তমশ্রেণীর মধো, পঞ্চমেরা জাতির পেষার মত পিষ্ট হইয়া ওড়া হইয়া যায়। অথচ মাদ্রাজ বড় বড় দেবমন্দির ও “ভক্তি”র দেশ। লোকদের বড় বড় তিলক, দীর্ঘ কেশ এবং পরিষ্কার নগ্ন গাত্র দেখিলে তাহাদিগকে ঋষিবৎ মনে হয়। কিন্তু তাহাদের ধর্ম এই-সব বাহ্য অনুষ্ঠানেই পর্যাবসিত বলিয়া মনে হয়। যে-দেশে পঞ্চম ও রামানুজের জন্ম হইয়াছিল, তথায় সর্বোপেক্ষা পরিশ্রমী ও কাজের লোকদের প্রতি এই ভারত-সদৃশ অমানুষিক ব্যবহার বুঝা কঠিন। ভারতবর্ষের এই অঞ্চলে আমাদের জাতিভাই আয়ীয়েদের প্রতি এই-রকম পরতানী ব্যবহার সত্ত্বেও দক্ষিণদেশীয় এই মাদ্রাজী লোকদিগের উপর আমার আশা আছে। তাহাদের সমুদয় বিরাট সত্যর আমি স্পষ্ট ভাষায় বলিয়াছি, যে, অস্পৃশ্যতার অভিলাপ দূরীকৃত না হইলে স্বরাজ লক্ষ হইবে না। আমি তাহাদিগকে বলিয়াছি যে, পৃথিবীর প্রায় সর্বত্র আমরা সামাজিক কুঠব্যাবিগ্ণের মত ব্যবহার পাই, তাহার কারণ আমাদের ভারতীয় জাতির পঞ্চমাংশ লোককে আমরা কুঠরোগগ্রস্তের মত অস্পৃশ্য করিয়া রাখিয়াছি। “অসহযোগ”-প্রচেষ্টা কেবল ইংরেজদের হৃদয়ের পরিবর্তন চায় না, আমাদের নিজেরও হৃদয়ের পরিবর্তন চায়। আমি আমাদের পরিবর্তন আশা চাই, তাহার পর ইংরেজদের হৃদয়ের পরিবর্তন অবশ্যস্বাভাব্য হইবে।

হৃদয়ের এই রূপান্তর বাহিরের কোন একটা যত্নবৎ কার্যের বা ব্যবহার দ্বারা হইবে না। শুণ্ণবৎ-কৃপা আমাদের অনুকূল হইলে ইহা ঘটতে পারে। আমাদের প্রত্যেকের হৃদয়ে শুণ্ণবৎ আশ্রয় পরিবর্তন

সাধন করিতেছেন, তাহা কে অধিকার করিতে পারে? বাহাই হউক, সর্বত্র অস্পৃশ্যতাদের বন্ধুর কাজ করা প্রত্যেক কংগ্রেস-কর্মীর কর্তব্য। একটি মানুষকে, সে যতই পতিত হউক না কেন, অস্পৃশ্য বিবেচনা করিবার সপক্ষে বেদ উপনিষদ ভগবদ্গীতা শব্দর রামানুজের হিন্দুধর্মে কোন বচন ও যুক্তি নাই, অহিন্দুভাবাপন্ন হিন্দুসমাজকে এই কথা বলা প্রত্যেক কংগ্রেসকর্মীর কর্তব্য। প্রত্যেক কংগ্রেসওয়ালার খুব যত্নভাবে নিষ্ঠাবান বা গোড়া হিন্দুদিগকে বলুন, যে, “অস্পৃশ্যতা”র বিশ্বাস অহিংসার ঠিক বিপরীত [অর্থাৎ কেহ যদি অন্য কাহাকেও অস্পৃশ্য মনে করে তাহা হইলে তাহাকে অহিংসার বিশ্বাসী বলিয়া স্বীকার করা যাইতে পারে না]।

“অস্পৃশ্যতা” সম্বন্ধে মহাত্মা গান্ধী যাহা বলিতেছেন, ভারতবর্ষের সমাজসংস্কারক দল তাহা অনেক আগে হইতেই বলিয়া আসিতেছেন। তাঁহারা অস্পৃশ্য ও অনাচরণীয় লোকদিগকে কেবল স্পর্শ করিয়াই ক্ষান্ত হন নাই, তাহাদের সঙ্গে একত্র উপবেশন ও ভোজনও করেন। তাহাদের সহিত ঐতিহাসিক সম্বন্ধও কোন কোন স্থলে হইয়াছে। আমাদের জাতিতাইয়েরা আমাদের দ্বারা অপমানিত ও উৎপীড়িত হয় বলিয়া তাহার প্রতিশোধ স্বরূপ আমরাও ভারতের বাহিরে নানা দেশে অপমানিত ও তথা হইতে বহিষ্কৃত হই, একথা অনেক বৎসর পূর্বে রবীন্দ্রনাথ লিখিয়াছেন; এমন কি দোকানদার প্রবাসীর সম্পাদকও বহু বৎসর পূর্বে হইতে পুনঃপুনঃ এই কথা লিখিয়াছে। অস্পৃশ্য ও অনাচরণীয় জাতি বঞ্চেও আছে। মহাত্মা গান্ধীর প্রতি ভক্তি যাহাদের একচেটিয়া, সেইসব বাঙ্গালী বাবু কবে হইতে অস্পৃশ্যদের সপক্ষে কি বলিয়াছেন ও করিয়াছেন, এবং এখনই বা কি বলেন করেন, তাহা কোতুহলের বিষয় হইতে পারে।

একটি গ্রাম্য বিদ্যালয়

বাঁকুড়া জেলার রামসাগর গ্রামে একটি উচ্চ শ্রেণীর ইংরেজী বিদ্যালয় খোলা হইয়াছে। কলিকাতা বিশ্ববিদ্যালয় ইহাকে আপাতত একবৎসরের জন্য প্রবেশিকা পরীক্ষায় ছাত্র পাঠাইবার অধিকার দিয়াছেন। অধিকারটি স্থায়ী করিতে হইলে শিক্ষকদের বেতন ও অগ্রাশ্রয় ব্যয়বৃদ্ধি করিতে হইবে। কিন্তু গত কয়েক বৎসর অজ্ঞান হওয়ার ছাত্র তেমন বাড়ে নাই এবং স্থানীয় লোকেরাও, এপর্যন্ত যত সাহায্য করিয়া আসিতেছেন, তদনুসারে অধিক সাহায্য করিতে পারিতেছেন না। দুই বৎসরের মধ্যে গবর্নমেন্টের সাহায্য পাইবার সম্ভাবনা আছে। এখন সকলে যদি বিদ্যালয়

টির হেডমাস্টার বাবু লক্ষ্মীকান্ত দত্ত এম্-এর নামে রামসাগর পোষ্ট আফিস জেলা বাঁকুড়া এই ঠিকানায় কিছু টাকা পাঠান, তাহা হইলে ইস্কুলটি টিকিয়া যাইতে পারে। ইহাতে নিকটবর্তী প্রায় ৫০টি গ্রামের ছেলেরা পড়িতে পারে। ইহা একটি উচ্চ ও শুষ্ক ভূখণ্ডে শালবন ও ক্ষুদ্র নদীর নিকট অবস্থিত। ছাত্রাবাসটিতে আলো বাতাস বেশ আছে; বায়ু মাসিক ছয় টাকা মাত্র। একরূপ সম্ভায় যেখানে ছেলেদের খাওয়া থাকা চলে, সেখানকার ইস্কুলটি সাহায্য অভাবে উঠিয়া গেলে অত্যন্ত দুঃখের বিষয় হইবে।

অসহযোগ ও ছাত্রসংখ্যার হ্রাস

গত ২৪শে সেপ্টেম্বরের সেনেটের অধিবেশনে কলিকাতা বিশ্ববিদ্যালয়ের ভাইস-চ্যান্সেলার স্যার আশুতোষ মুখোপাধ্যায় বলেন ৮৪৩টি জ্ঞানিত (recognised) ইস্কুলের মধ্যে ৮১৪টির ছাত্রসংখ্যা পাওয়া গিয়াছে। এইসব ইস্কুলে ১৯২০র জুলাইয়ে ২১০৯৩৬ জন ছাত্র ছিল; ১৯২১র জুলাইয়ে ছিল ১৬৩৭৮৭ জন। ৪৭১৪৯ জন ছাত্র কমিয়াছে, অর্থাৎ শতকরা ২৩ জন কমিয়াছে। কলেজগুলি সম্বন্ধে তিনি দেখান, যে, ১৯২০র ১৫ই সেপ্টেম্বর তাহাদের ছাত্রসংখ্যা মোট ২৩৮৮৭ ছিল। ১৯২১র ১০ই আগষ্ট উহা ছিল ১৭৫৭৯।

আমরা মোটের উপর “অসহযোগ” নীতির সমর্থন করিলেও ছাত্রদের স্কুলকলেজ ত্যাগের বিরোধী বরাবরই আছি। এইজন্য ছাত্রসংখ্যার হ্রাস আমাদের ভাল লাগে নাই। যে-সব ছেলে বিশ্ববিদ্যালয়সংপৃক্ত স্কুলকলেজ ছাড়িয়াছে, যদি যথেষ্ট জাতীয় শিক্ষালয় স্থাপিত হইত ও ঐ-সকলে তাহারা পড়িত বা তাহাদের স্থান হইত, কিম্বা যদি তাহারা কোন প্রকার ব্যবসা, শিল্পকাজ (যেমন সূতা কাটা বা কাপড় বোনা), চাষ, কুলি মজুর ফেরীওয়ালার কাজ, বা গ্রামে গ্রামে লোকহিতকর কাজ বা রাষ্ট্রীয়নীতি প্রচারের কাজ করিত, তাহা হইলে একরূপ দুঃখের কারণ থাকিত না। আলস্য, নিষ্কর্মা অবস্থা, ভাল নয়। উহা নানা দোষের আকর। যাহারা লেখাপড়া ছাড়িয়াছে, তাহারা এখন কি করিতেছে, তাহাব বিস্তারিত কোন খবর সর্বসাধারণের গোচর হয় নাই। এইসব ছাত্রদের অনেক উচ্চভাব

প্রবণ ও উচ্চ আদর্শ অনুসরণে সহজেই উৎসাহিত ও অনুপ্রাণিত হয়। তাহাদের চিন্তাশক্তি, হৃদয়ের ঐশ্বর্য্য ও কর্মশক্তি বার্থ হইলে তাহা সাতিশয় পরিতাপের বিষয় হইবে।

স্কুলের ছাত্র কোন্ জেলায় কিরূপ কমিয়াছে, তাহা নিম্ন-মুদ্রিত তালিকা হইতে জানা যাইবে।

জেলা।	১৯২০ জুলাই ছাত্রসংখ্যা।	১৯২১ জুলাই ছাত্রসংখ্যা।
কলিকাতা	২৯৫৬৫	১৮০০১
২৪ পরগণা	৯৩৮৩	৯১১০
হুগলী	৯০৪৬	৮৯৩৬
হাওড়া	৮৪০৩	৮২৮০
নোয়াখালী	৫১৩৮	৩৬২৬
আসাম প্রদেশ	১২৯৭৬	১০৯৯৭
যশোহর	৬২৪৭	৫৫৪১
খুলনা	৬১৮৬	৫৮০৪
নদীয়া	৬৭৪৩	৬৫২৯
মৈমনসিং	৮৯৫৮	৫২৭৭
বগুড়া	৩৫৩৮	২৬৬৮
বর্ধমান	৭২৯১	৬৭৪৫
বাঁকুড়া	২৭০২	২২৫৮
বরিশাল	১০৪১৯	৬৭৬৭
পাবনা	৬৫৬২	৫৬৪৭
মুর্শিদাবাদ	৫৩৫৮	৪৫০৭
মেদিনীপুর	৬৪৮৪	৫৫৪৩
দিনাজপুর	১৯৯৬	১৫২২
ত্রিপুরা	১৩৩৮২	৮৫০৩
ঢাকা	১৫৮১৮	১০৫২৯
রংপুর	৪০৮৮	৩৪০৯
রাজশাহী	২৭৯৩	২৬৪২
ফরিদপুর	১২০১৪	৭৭৪৯
জলপাইগুড়ী	৯৬০	৮৯৪
বীরভূম	২৯৫৬	৩০০০
চট্টগ্রাম	৮১৪৯	৬২০২
মালদহ	১৮১৩	১৪৯০

কোচবিহার ১৪১২ ১২৪৮
নার্জিলিং ৫৫৬ ৫৪৪
দেখা যাইতেছে, বীরভূম জেলায় কিছু ছাত্র বাড়িয়াছে, অন্ত সর্বত্র কমিয়াছে।

কোন্ কলেজে ছাত্র কত কমিয়াছে, তাহার তালিকা নীচে দিলাম। প্রথমে কলেজের নাম, তাহার পর ১৯২০ সালের ১৫ই সেপ্টেম্বরে ছাত্রসংখ্যা, এবং তৎপরে ১৯২১ সালের ১০ই আগষ্টে ছাত্রসংখ্যা দেওয়া হইল।

কলেজের নাম	১৯২০ ছাত্রসংখ্যা	১৯২১ ছাত্রসংখ্যা
মৈমনসিং আনন্দমোহন	৬৭৯	৬২৭
বাগেরহাট	২৩৪	১৪৩
বঙ্গবাসী	১৭৩০	১২৪৪
বেথুন	১১৩	১২০
বরিশাল ব্রজমোহন	৭৬২	৬৬৭
বর্ধমান রাজ	১৪৪	১২৩
রংপুর কার্মাইকেল	৬৩১	৪২২
সেন্ট্রাল	৪৬৬	১৫২
চট্টগ্রাম	৪৪৯	৪০২
সিটি	১৮৩৯	১৬১২
গোহাটি কটন	৪৮৩	৪১৩
দৌলতপুর হিন্দু	৬০১	৫২৪
ডায়োসেমান	৯০	৮৪
পাবনা এড্‌ওয়ার্ড	৩৪৭	৩৫৪
হুগলী	২৬৪	২৪৭
হেতমপুর কৃষ্ণচন্দ্র	৫৯	৫৩
কৃষ্ণনগর	২৯৫	২০৯
বহরমপুর কৃষ্ণনাথ	১১৯৩	৯৮৭
লোরেন্টো	১২	১৪
মেদিনীপুর	২৩৯	১৮২
সিলেট মুরারিচাঁদ	৫২৬	৪২৬
প্রেসিডেন্সী	৬৮৪	৭৭০
ফরিদপুর রাজেন্দ্র	৩৭৬	২৫৮
রাজশাহী	৮৫৩	৮১৮
রিপন	১৭১৫	১২০৭
সংস্কৃত	১৯৪	৭৯

ফিট্‌স্‌ চার্জেজ	১১০৩	৯৮৫
শ্রীরামপুর	২৯৫	২৫৬
দাউথ সবার্বান্	৭৬২	৪৩৮
সেন্টপল্‌স্	২৪৩	২২৫
সেন্ট জেভিয়ার্স	৭৯১	৭৫৯
উত্তরপাড়া	১৭৯	৮৮
কুমিল্লা ভিক্টোরিয়া	৮০৯	৫৬৫
কোচবিহার ভিক্টোরিয়া	৪৪০	৩৩২
নড়াইল ভিক্টোরিয়া	১৩০	১০৬
বিদ্যাসাগর	১৬২৩	১৩৩০
বাকুড়া ওয়েসলিয়ান্	৪৪৯	৩৫৮
ঢাকা	৭৮৩	...
জগন্নাথ	৪০২	...
ভারতীয় বিজ্ঞান-সভা	৫১৮	...
মোট	২৩৮৮৭	১৭৫৭৯

এবংসর ঢাকা ও জগন্নাথ কলেজ ঢাকা বিশ্ববিদ্যালয়ের অন্তর্ভুক্ত হওয়ায়, তাহাদের এবংসরের ছাত্রসংখ্যা দেওয়া হয় নাই। কলেজের ছাত্রী মোটের উপর একজন বাড়িয়াছে। তাহার কারণ বোধ হয় এই, যে, যে-দল স্বাভাবিকতার (nationalism) বড়াই করেন, সে দল নারীদের কলেজে পড়ার পক্ষপাতী নহেন।

ভাইস-চ্যান্সেলারের মন্তব্য

আশু-বাবু আনুমানিক হিসাব করিয়া দেখাইয়াছেন, যে, বিশ্ববিদ্যালয়ের চলিত বৎসরে (১৯২১, ১লা জুলাই হইতে ১৯২২, ৩০শে জুন পর্যন্ত) পরীক্ষার্থীদের ফী ২,৬৩,০০০ টাকা কম আদায় হইবে। ছাত্রসংখ্যার হ্রাস, আনুমানিক পরীক্ষার্থীর সংখ্যার হ্রাস, এবং ফীর টাকার হ্রাসের উল্লেখ করিয়া তিনি বলেন :—

“In the light of these facts, let the public judge whether the achievement of the non-co-operators, so far as education is concerned, should be enthusiastically acclaimed or emphatically condemned. Let the public also realise the extent of the financial loss sustained by the University. It will then rest with the public to decide whether they wish to maintain a University or not, and the responsibility will be theirs, if the Univer-

sity is compelled to close the doors, for, obviously, a University cannot be maintained without funds.”

তাৎপর্য।—এই-সব তথ্য মনে রাখিয়া সর্বসাধারণ বিচার করুন, যে, অসহযোগীদের শিক্ষাসম্পর্কীয় অবদান সোৎসাহে গ্রহণসিদ্ধ হইবার যোগ্য, না, দৃঢ়তার সহিত নিন্দিত হইবার যোগ্য। বিশ্ববিদ্যালয়ের আর্থিক ক্ষতির পরিমাণও সাধারণে উপলব্ধি করুন। তাহার পর তাহারা স্থির করিতে পারিবেন, যে, তাহারা একটা বিশ্ববিদ্যালয় রাখিতে চান বা চান না; এবং যদি বিশ্ববিদ্যালয় ইহার দরজা বন্ধ করিতে বাধ্য হয়, তাহা হইলে দায়িত্বটা তাহাদেরই হইবে, কারণ, ইহা সোজা কথা, যে, অর্থ ব্যতিরেকে বিশ্ববিদ্যালয় চলিতে পারে না।

বিশ্ববিদ্যালয়ের দরজা বন্ধ হইলে দায়িত্বটা হইবে সাধারণের, এ বড় মজার কথা। বিশ্ববিদ্যালয়কে টাকা জোগান সাধারণের কাজ, কিন্তু সেই টাকা খরচ কেমন করিয়া হয়, তাহা দেখিবার ও অপব্যয় নিবারণ করিবার অধিকার ও ক্ষমতা সাধারণের নাই; বর্তমান অবস্থা ত এই প্রকার। ইহাতে কোন অমঙ্গল ঘটিলে সাধারণের দায়িত্ব কেমন করিয়া হয়? বিশ্ববিদ্যালয় যে দেউলিয়া হইবে, ইহা ত বহুপূর্বে বাহিরের লোকেও জানিতে পারিয়াছিল; আমরা বহুপূর্বে একথা মডার্ন রিভিউ বা প্রবাসীতে বা উভয় কাগজেই লিখিয়াছিলাম। তখন শিক্ষাক্ষেত্রে অসহযোগের বড় বাংলা দেশে বয় নাই। দেউলিয়া হইবার কারণ অনেক। আশু-বাবু আড়ম্বরপূর্ণ বৃহৎ একটা কিছু করিবেন, সর্বদা এই কোঁকের দ্বারা চালিত হইয়াছেন। যে-কমটি বিষয় শিক্ষা দিবার বন্দোবস্ত আগে হইতে আছে, তাহার শিক্ষার উৎকর্ষবিধান ও স্থায়িত্বসম্পাদনের দিকে তিনি তেমন দৃষ্টি দেন নাই। আয়-অনুসারে মিতব্যয় না করিয়া অমিতব্যয় ও অপব্যয় বিশ্ববিদ্যালয় করিয়াছেন। চলিত কাজ স্থায়ী করিবার জন্ত রিজার্ভ ফণ্ড স্থাপিত ও অক্ষুণ্ণ ভাবে রক্ষিত হয় নাই। বাহা হউক, এখন গতানুশোচনায় কেবল এই মাত্র লাভ হইতে পারে, যে, অতীতের দোষ যেন ভবিষ্যতে না হয়, তদ্রূপ সাবধানতা অবলম্বন করা যাইতে পারে। বিশ্ববিদ্যালয়ের কাজ বন্ধ হওয়া দেশের পক্ষে অনিষ্টকর হইবে। সেইজন্য গবর্নমেন্ট ও সর্বসাধারণের উত্থাকে অর্থ সাহায্য করা উচিত; কিন্তু তৎপূর্বে বিশ্ববিদ্যালয়ের সেনেট ও সৌণ্ডকেট একরূপ ভাবে পুনর্গঠিত হওয়া উচিত, যাহাতে স্বাধীনচেতা, শিক্ষিত, এবং বিশ্ববিদ্যালয়ের টাকা কোন প্রকারে পাইবার অপ্রত্যাশী লোকেরা উহার কর্তৃপক্ষ হইতে পারেন। “লাগে টাকা দিবে (‘গবর্নমেন্ট’ বা ‘সাধারণ’ নামধেয়)

গৌরীসেন,” এবং ধরচ করিবেন স্বেচ্ছা অনুসারে আশু-বাবু, এ ব্যবস্থাতে প্রত্যাশী স্বার্থপর লোক ভিন্ন অন্য কেহ রাজী হইতে পারে না।

অসহযোগ আন্দোলন উপলক্ষে ছাত্র কমিটি যাওয়ায় বিশ্ববিদ্যালয়ের আর্থিক ছরবস্থার দোষটা অল্পের ঘাড়ে চাপাইবার সুযোগ আশু-বাবু না ছাড়িতে পারেন; কিন্তু তাহাতে কোন বুদ্ধিমান লোক ঠকিবে না। অনেক আগেই যে আড়াই লক্ষ টাকা ঘাটতি পড়িয়াছিল, বিজ্ঞান কলেজে যে ফী-ফণ্ড হইতে ১৯২০-২১ সালের বজেটে কিছুই দেওয়া হয় নাই, ইত্যাদি ব্যাপারের কারণে ত অসহযোগ আন্দোলন নহে। এ-সব তৎপূর্বেই ঘটিয়াছিল। গত আর্থিক বৎসরে (financial year) এ প্রবেশিকা প্রভৃতি পরীক্ষার ফী স্বরূপে যে বহুলক্ষ টাকার আদায় হইয়াছিল, বিশ্ববিদ্যালয়ের কর্তৃপক্ষের উচিত ছিল, তাহা হইতে সর্ব-প্রথমে পরীক্ষার্থীদের পরীক্ষাঘটতি ব্যয় নির্বাহ করা। প্রশ্ন-কর্তাদের ও পরীক্ষকদের পারিশ্রমিক ইহার অন্তর্গত। কিন্তু ইহার গত ৩০শে সেপ্টেম্বর পর্যন্ত টাকা পান নাই। (অবগত হইলাম যে গত ৩রা অক্টোবর কেহ কেহ—সকলে কি না জানি না—বিশ্ববিদ্যালয়ের ছাপা রসীদ ফর্ম পাইয়াছেন, তাহা দস্তখত করিয়া পাঠাইলে বিশ্ববিদ্যালয় টাকা দিবেন)। ফীর টাকা অসহযোগী ডাকাইতরা নিশ্চয়ই অপহরণ করে নাই। কর্তৃপক্ষ উহা অল্প কাজে ব্যয় করিয়া ফেলিয়া ছিলেন। ইহা কি বৈধ হইয়াছিল? না ইহার জন্য অসহযোগীরা দায়ী? আশু-বাবু বিশ্ববিদ্যালয়ের ভবিষ্যৎ আয় হ্রাসের কথা বলিয়াছেন। বর্তমানে কর্মীদের পুরা বেতন দিবার সাধের অভাব তাহার নিমিত্ত ঘটিয়াছে কি? তাহার নিমিত্ত কি রাসবিহারী ঘোষের দ্বিতীয় দানের শতকরা ৩২ শতকের ১১ লক্ষ টাকার কোম্পানীর কাগজের বর্তমান নগদ মূল্য (যাহা অনেক কম) আমড় তলা গলির দুজন সওদাগরকে শতকরা ১২ টাকা সুদে ধার দেওয়া হইয়াছে? অসহযোগ আন্দোলনে বিশ্ববিদ্যালয়ের কিছু ক্ষতি হইয়াছে ও হইবে, কিন্তু “যত দোষ নন্দ দোষ” নীতি অনুসারে সব ক্ষতিও সমস্ত দোষটা অসহযোগের উপর চাপান উচিত নহে, যেমন সব ক্ষতির সমস্ত দোষটা শ্রী আশুতোষেরও নহে।

তাহার বর্ণনাগত্রে দেখা যায়, যে, আগেকার চেয়ে

অনেক বেশী ছেলে বিজ্ঞান পড়িতে চায়। অথচ অধিক-সংখ্যক ছাত্রকে বিজ্ঞান শিক্ষা দিতে হইলে যত সরঞ্জাম ও যন্ত্র বাড়াইতে হইবে, পরীক্ষণগৃহ যত বাড়াইতে হইবে, তাহার মত আয়-রা সঞ্চিত অর্থ কলেজগুলির নাই। এদিকে সর্বসাধারণের দৃষ্টিপাত করা আবশ্যিক।

নিগ্রহনীতি ও আতঙ্ক

গবর্ণমেন্টের পক্ষ হইতে ধরপাকড় বহু হইতেছে। কিন্তু তাহাতে আতঙ্কের সঞ্চার হইয়াছে বলিয়া ত মনে হয় না। সেরূপ কোন লক্ষণ দেখিতেছি না। আমাদের মনে পড়ে, যখন শ্রীযুক্ত অশ্বিনীকুমার দত্ত প্রভৃতিকে বিনাবিচারে হঠাৎ নির্বাসিত করা হয়, তখন সেই নিগ্রহনীতির প্রতিবাদ করিবার জন্য আহত সভার সভাপতি পাওয়া কঠিন হইয়াছিল। পরিশেষে ধর্মোপদেষ্টা ভক্তিভাজন পণ্ডিত শিবনাথ শাস্ত্রী মহাশয়ের নিকট আমরা যাইবামাত্র এবং তাঁহাকে অবস্থা খুলিয়া বলিবামাত্র তিনি রাজী হইলেন। সভায় তিন একটি সুচিন্তিত, গাভীর্ঘ্যপূর্ণ অভিভাষণ পাঠ করেন। তাহাতে অবশ্য ভয়ের চিহ্নমাত্রও ছিল না, ভিক্ষুকতাও ছিল না। কিন্তু ইহাও ভুলিবার নহে, যে, বঙ্গের স্বদেশী আন্দোলনের প্রধান নেতা ও অন্য অনেকে অন্যান্য ছয় মাস কোন স্বদেশী বন্ধুতা করেন নাই; আন্দোলন অপেক্ষাকৃত অল্পবয়স্ক লোকদিগকে কোন প্রকারে চালাইতে হইয়াছিল।

এখন অবস্থা কিরূপ দেখা যাইতেছে? যেখানে কয়েক টাকা জরিমানা দিলেই খালাস পাওয়া যায় কিম্বা কিছু টাকার মুচলেকা বা জামিন দিলেই চলে, ছোট ছোট ছেলেরা পর্যন্ত তাহা দিতে রাজি হইতেছে না, হাসিমুখে জেলে যাইতেছে। মায়েরা আশীর্বাদ করিতেছেন। আলী-ভ্রাতার ও অন্যান্য কয়েকজন নেতাকে করাচী খিলাফৎ কনফারেন্সের যে প্রস্তাবটির জন্য গ্রেপ্তার করিয়া ফৌজদারী সোপর্দ করা হইয়াছে, অনেক প্রকাশ্য সভায় সহস্র সহস্র লোক উপস্থিত হইয়া সেই প্রস্তাবটি পুনরায় ধার্য্য করিতেছেন। মুসলমানদের ৫০০ উলেমার স্বাক্ষরিত যে ফতোয়া বা ব্যবস্থাপত্র গবর্ণমেন্ট রাজদ্রোহ-উত্তেজক বলিয়া বাজেয়াপ্ত করিয়াছিলেন, সেই ফতোয়া মুদ্রিত

করিয়া বই-মুসলমান নেতা প্রকাশ্য সভায় ও অন্তর্ভুক্ত বিতরণ করিতেছেন।

—

আয়ারল্যান্ডের নেতাদের নিমন্ত্রণ

আয়ারল্যান্ডের শিন্ফেন্ দলই প্রবলতম দল। তাহারা আইরিশ সাধারণতন্ত্র ঘোষণা করিয়া বহুদিন হইতে কেবল যে ইংরেজের সঙ্গে অনেক ঝগড়া করিতেছে (যাহা এক্ষণে স্থগিত আছে) তাহা নয়, দেশে শান্তিরক্ষা, বিবাদ নিষ্পত্তি ও বিচারকার্য সম্পাদনও করিতেছে। এখন রক্তপাত হইতেছে ঔপনিবেশিক ইংরেজদের অধ্যুষিত অল্টার প্রদেশে, এবং তথাকার আইরিশ রোমান ক্যাথলিকরাই প্রধানতঃ হত আহত ও ক্ষতিগ্রস্ত হইতেছে।

নানা কথা কাটাকাটি ও চিঠি-লেখালেখির পর ইংলণ্ডের প্রধান মন্ত্রী মিঃ লয়েড্ জর্জ আবার আইরিশ সাধারণতন্ত্রের সভাপতি মিঃ ডি ভালেরা ও তাহার সম্মতিগকে ডাকিয়া ছেন এই বিষয়ের আলোচনা করিতে যে কি কি সঙ্কে ও কি উপায়ে আয়ারল্যান্ডের সহিত ইংলণ্ডের বিবাদ ভঞ্জন হইতে পারে।

আয়ারল্যান্ডের নেতাদের এবং ভারতবর্ষের নেতাদের প্রতি ভিন্ন রকম ব্যবহারের কারণ আমরা শ্রাবণ মাসের প্রবাসীতে আলোচনা করিয়াছি; পুনরুক্তি অনাবশ্যক। মোট কথা এই, যে, ইংরেজ বুঝিয়াছে, আইরিশরা স্বাধীনতা ভিন্ন সন্তুষ্ট হইবে না, কিন্তু আমরা এখনও ইংরেজের মনে এ ধারণা জন্মাইতে পারি নাই, যে, আমরা স্বাধীনতা নিশ্চয়ই চাই।

—

নারীরা কি “ফাও” ?

ব্রহ্মদেশের গবর্নমেন্ট এক হুকুম জারী করিয়াছেন, যে, সরকারী চাকরদের স্ত্রীরা যদি ধর্মঘট, হস্তাল আদি

প্রচেষ্টার সহিত যোগ রাখেন, তাহা হইলে চাকর স্বামীদিগকে কৈফিয়ৎ দিতে হইবে, তাহাদিগকে দায়ী করা হইবে। ব্রহ্মদেশের গবর্নমেন্ট সওদা করিতে জানেন ভাল। দাম দিয়া কিনিয়াছেন চাকর পুরুষদিগকে, তাহাদিগকে তাহাদের দেহ-মনের দাম দিয়াছেন, কিন্তু তাহাদের স্ত্রীদের জন্ত কোন মূল্য দেন নাই, অথচ তাহাদিগকেও দাসখণ্ড লিখিয়া দিতে বলিতেছেন। সরকারী চাকরদের স্ত্রীরা কি “ফাও”, যে, স্বামীদিগকে কিনিলে সেই সঙ্গে সঙ্গে নারীরাও বিনামূল্যে গোলামী করিতে বাধ্য হইবে? নারীদের আত্মমর্যাদাবোধ আছে। তাঁহারা গবর্নমেন্টের একরূপ আদেশ মানিতে বাধ্য নহেন।

—

বিদেশী কাপড় ও পাপ

চুরি, মিথ্যাকথন, প্রবঞ্চনা, প্রতারণা সকল দেশের ধর্ম-বিধাস অনুসারে পাপ বলিয়া স্বীকৃত। এই-সব পাপে কেহ যদি লিপ্ত থাকে, তাহা হইলে তাহাকে নিষ্পাপ হইতে কেহ উপদেশ দিলে তৎক্ষণাৎ পাপ ত্যাগ করিতে বলেন; বলেন না, যে, “এখনই পাপ ছাড়িয়া দিলে তোমার ক্ষতি ও অসুবিধা হইবে। অতএব আরও ছয় মাস বা নয় মাস পাপ করিতে থাক, তাহা হইলে ক্ষতিগ্রস্ত বা অসুবিধাগ্রস্ত হইতে হইবে না”। অসহযোগ-নেতারা বলিয়াছিলেন এবং এখনও বলেন, যে, বিদেশী কাপড় বিক্রী করা ও পরা পাপ। কিন্তু তাঁহারা আবার পাপীদিগকে বাবস্থা দিয়াছেন, যে, “তোমরা আরও কিছুকাল পাপ করিতে পার!” না জানি এ কিম্বদ পাপ!

—

পূজার ছুটি

প্রবাসী-কার্যালয় ২১শে আশ্বিন হইতে ৩রা কার্তিক পর্য্যন্ত বন্ধ থাকিবে; ৪ঠা কার্তিক (২১শে অক্টোবর) খুলিবে। ছুটির সময় আফিসের কোন কাজ হইবে না।

=====



মন্দিরের কথা—শ্রীশঙ্করদাস সরকার এম-এ, বি সি এস প্রণীত। বাটারওয়ার্থ কোম্পানী লিমিটেড, ৬ হেষ্টিংস স্ট্রীট, কলিকাতা। ২১৮ + ১৬৪ + ১২৮ + ১০ + ২২ + ১০ = ৫৭০ পৃষ্ঠা, ডিমাই অক্টেভো সাইজের প্রকাণ্ড বই। কাপড়ে বাঁধা, সোনার জলে মাণ্ডিত। দাম ১৮ টাকা।

বইখানি তিন ভাগে বিভক্ত। প্রথম খণ্ডে পুরীর কথা, দ্বিতীয় খণ্ডে কোনারকেশ্য কথা, তৃতীয় খণ্ডে ভুবনেশ্বরের কথা আছে। উড়িষ্যার পঞ্চতীর্থের প্রধান তিন তীর্থের পৌরাণিক, কিম্বদন্তীমূলক ও ঐতিহাসিক তত্ত্ব, মন্দিরাদির স্থাপত্য ও মূর্তির ভাস্কর্য, ইতিহাস ও গঠনসৌষ্ঠবের বিচার, দেবতত্ত্ব ও দেবতামূর্তি গঠনের তত্ত্ব, উড়িষ্যাবাসীর শিল্পজ্ঞান ও সৌন্দর্য্যবোধের বিচার, উড়িষ্যায় বৌদ্ধপ্রভাব ও বৈষ্ণব প্রভাবের বিচার প্রভৃতি পুঙ্খানুপুঙ্খকপে লেখক এই পুস্তকে সন্নিবেশিত করিয়াছেন। এর আগে এইসব বিষয়ে যে কেউ পুস্তকে বা প্রবন্ধে কিছু আলোচনা করিয়াছেন, লেখক সেইসমস্ত উক্তি অনুসন্ধান করিয়া বিচার করিয়াছেন এবং বিচার দ্বারা খণ্ডন করিয়া বর্জন করিয়াছেন অথবা সমর্থন করিয়া গ্রহণ করিয়াছেন। এই পুস্তকে লেখক অনুসন্ধান বিচার পাণ্ডিত্য ও বুদ্ধি বিষয়ে গভীর জ্ঞানের পরিচয় দিয়াছেন। উড়িষ্যার প্রসিদ্ধ তীর্থ তিনটির সম্বন্ধে এমন সম্পূর্ণ আলোচনা আর কোনো পুস্তকে নাই দেখা যায়। অতএব এই পুস্তকখানি তীর্থভূক্ত, ঐতিহাসিক, প্রত্নতাত্ত্বিক, দেবতত্ত্ব-জিজ্ঞাসু, ভাস্কর্য্য ও স্থাপত্য সম্বন্ধে অনুসন্ধানী সকলের কাছেই সমাদৃত হইবে। পুস্তকখানির বিশেষত্ব নাম ও বিষয়সূচী; বাংলা বইএ এই আবশ্যিক অঙ্গটির অভাব থাকে, এ বইএ সে অভাব নাই—ইহা আনন্দের কথা। বইএ অনেক ছবি আছে। তাতে পুস্তকে বর্ণিত অনেক বিষয় মত তত্ত্ব আরো বিশদ ও বোধগম্য হইয়াছে।

বইখানিতে যে পরিমাণ পরিশ্রম ও সংগ্রহ আছে তার তুলনায় দাম বেশা বলা চলে না। তথাপি বাঁধাই আরো ভালো করা প্রকাশকদের উচিত ছিল। কাপড় একটু খেলো ও বইএর নাম প্রকৃষ্ট না দিয়া টাইপে দেওয়াতে বইএর আকারের তুলনায় ছোট হইয়াছে এবং তাতে যেমানান দেখাইতেছে। এই ক্রটি এখনো সহজেই সংশোধন হইতে পারে।

যাই হোক, প্রত্যেক লাইব্রেরীর ও প্রত্যেক জ্ঞানপিপাসু সক্ষম ব্যক্তির এই উপাদেয় বই এক এক খণ্ড কেনা উচিত।

সস্তব হইলে এই প্রকাণ্ড পুস্তকের বিস্তারিত পরিচয় আমরা পরে দিতে চেষ্টা করিব।

রংমশাল—শ্রীপ্রমোদপুর ঠাকুরী ও শ্রীচারুচন্দ্র রায় সম্পাদিত, এম সি সরকার এণ্ড সন্স, কলিকাতা। এক টাকা দশ আনা।

রংমশাল আবার বৎসরান্তে পূজার উৎসবে বাংলার শিশুযুগ ও শিশুচিত্ত রঙিন আনন্দের আলোয় উদ্ভাসিত করিয়া তুলিতে উপস্থিত হইয়াছে। লেখার ও ছবির ফুর্দ দেখিলেই এর উপাদেয়তা ও মনোহারিত্ব উপলব্ধি হইবে। লেখার কৰ্দ—রবিবার—শ্রীরবীন্দ্রনাথ ঠাকুর, শরতের ডাক—শ্রীনরেন্দ্র দেব, মগের মুক্তকে—শ্রীমোহনলাল গঙ্গোপাধ্যায়, সাতার-সকৌত—শ্রীসত্যেন্দ্রনাথ দত্ত, ভারে ভারে—শ্রীঅবনীন্দ্রনাথ

ঠাকুর, শরতে—শ্রীকিরণধন চট্টোপাধ্যায়, রাখীপূর্ণিমা—শ্রীজলধর সেন, খুকী—শ্রীগিরিজাকুমার বসু, কাঠুরের কপাল—শ্রীহেমেন্দ্রকুমার রায়, গল্প—শ্রীনরেন্দ্র দেব, বোকা চাষা—শ্রীচারুচন্দ্র বন্দ্যোপাধ্যায়, বর্ষার ফুল—শ্রীসত্যেন্দ্রনাথ দত্ত, না-দি আর না-ছাড়ি—শ্রীসৌরীন্দ্রমোহন মুখোপাধ্যায়, ভূতোর কাণ্ড—শ্রীনরেন্দ্র দেব, শেষকথা—সম্পাদকগণ। এইসব লেখার মধ্যে কবিতা আছে, গল্প আছে; খেলা আছে, মজা আছে; হাসি আছে, দুঃখও যে না আছে এমন নয়। নাই কেবল শিশুরা থাকে ডরায় সেই গুরুশশয়গিরি। পাকা ওস্তাদদের ভিয়েন, ছেলেমেয়েদের তৃপ্তি যে হইবে সে সম্বন্ধে কোনো সন্দেহ নাই। ছবি আছে স্বতন্ত্র মুদ্রিত ৪ খানা—তার ছুখানা রঙিন; খুচরা ছবি আছে ১৮ খানা। রংমশাল পূজার সময় ছেলেদের উপহারের ফর্দে প্রথম স্থান অধিকার করিবার যোগ্য। এই বই উপহার দিলে ছেলেমেয়েরা মুখে মুখে আনন্দের রংমশাল জালিয়া বাড়ী রঙিন ও উজ্জ্বল করিয়া দিবে।

পুটু স—শ্রীপ্রফুল্লকৃষ্ণ ঘোষ। প্রকাশক শ্রীঅপূর্বকৃষ্ণ ঘোষ, ১৫ নারিকেল-বাগান, কলিকাতা। ১৮ পৃষ্ঠা চৌকো। আট আনা।


ছেলেদের সচিত্র গল্পের বই। গল্পটি রঙ্গভরা মজাদার। রচনা সরস সরল। ছবিগুলি সুন্দর ও হাস্যজনক। ছাপা কাগজ পরিষ্কার। দাম অল্প। সুতরাং ছেলেমেয়েদের উপহার দিবার যোগ্য। এবং তারা পাইলে আনন্দিত হইবে নিশ্চয়।

মুদ্রারামস।

চিত্র-পরিচয়

জন্মটিম্নী ছবির খোপে খোপে কৃষ্ণজন্ম-সম্পর্কীয় নানা ঘটনা দেখানো হইয়াছে। প্রথমে বিষ্ণুর কাছে ব্রহ্মা শিব ইন্দ্র প্রভৃতি দেবগণ আসিয়া বিষ্ণুকে ভূভার হরণের জন্ত অবতীর্ণ হইতে অনুরোধ করিতেছেন। তারপর বিষ্ণু কৃষ্ণরূপে বসুদেব ও দেবকীর কায়াগারে অর্ধরাত্রে যখন জন্মগ্রহণ করিলেন তখন ভোজরাজ কংস তাঁর শয়নকক্ষে নিদ্রামগ্ন, ভৃত্য তাঁর অঙ্গসংবাহনে নিযুক্ত; প্রহরীরাও নিদ্রামগ্ন; বসুদেব জানুলা দিয়া বাহিরে উকি মারিয়া পলায়নের সুযোগ দেখিতেছেন; তারপর তিনি বৃন্দাবনে কৃষ্ণকে লুকাইয়া রাখিতে মাত্রা করিয়াছেন।

ঢাক।





“সত্যম্ শিবম্ সুন্দরম্ ।”

“নায়মাত্মা বলহীনেন লভ্যঃ ।”

২১শ ভাগ
২য় খণ্ড

অগ্রহায়ণ, ১৩২৮

২য় সংখ্যা

বঙ্গের শেষ পাঠান বীর

[১]

হুর্গেশনন্দিনীতে বঙ্কিমচন্দ্রের প্রতিভার আলোকে দুইটি ঐতিহাসিক চরিত্র বঙ্গের পাঠকদের নিকট চিরমানের জন্য উজ্জ্বল হইয়া রহিয়াছে। একটি কুমার জগৎসিংহ, অপরটি উসমান।

ইতিহাস কাব্য নহে। ঐতিহাসিক গুণ সত্য অনেক সময়ই কাব্যে অঙ্কিত মনোহর করনার চিত্রপট দূর করিয়া দেয়। কুমার জগৎসিংহ যৌবনে অতিমাত্রায় মদ খাইয়া প্রাণত্যাগ করেন। উসমান বঙ্গীয় পাঠানদের মধ্যে শেষ বীর রাজা; অতুল সাহসে যুদ্ধ করিয়া বর্ণক্ষেত্রে হত হন। এতদিন পর্য্যন্ত তাঁহার মৃত্যুর সত্য বিবরণ জানা ছিল না; কেহ বলিতেন যে উড়িষ্যায় সূবর্ণরেখার তীরে তাঁহার পতন হয়, লগাটে বন্দুকের গুলি লাগিয়া তিনি প্রাণত্যাগ করেন। এই যুদ্ধের দুইটিমাত্র বিবরণ এতদিন আমাদের হস্তগত ছিল, একটি সম্রাট জাহাঙ্গীরের আত্মজীবনীতে, অপরটি সেই সময়ে লিখিত ‘মখজন্-ই-আলাখানা’ নামক গ্রন্থে; এ দুটিরই ইংরাজী অনুবাদ প্রকাশিত হইয়াছে, কিন্তু দুটিতেই অনেক ভুল আছে। শ্রীযুক্ত উপেন্দ্রচন্দ্র গুহ ১৩২০ জ্যৈষ্ঠ মাসের ‘প্রতিভা’ (ঢাকা) পত্রিকায় ষোল্লহটে প্রচলিত প্রবাদাদি অধ্যয়নে উসমানের শেষদশা সম্বন্ধে একটি মূল্যবান প্রবন্ধ

প্রকাশিত করেন; তাহাতে তিনি অপর সব লেখকের চেয়ে বেশী পবিত্রাণে সত্যের নিকট পৌঁছিয়াছেন। স্থানীয় প্রবাদে যে ঐতিহাসিক সত্য এত সুন্দর রক্ষা পাইয়াছে ইহা বড়ই আশ্চর্যের বিষয়। উসমানের শেষ যুদ্ধের স্থান এবং মারাত্মক আঘাতের কারণ সম্বন্ধে উপেন্দ্র-বাবুই সর্বপ্রথম বিশুদ্ধ বিবরণ প্রকাশ করিয়াছেন।

গ্যারিস্ নগরের ‘বহারিস্তান’ নামক ফার্সী হস্তলিপিতে উসমানের পতনের সুদীর্ঘ বিবরণ আছে, ইহা মুঘল সেনাপাত মির্জা সহনের আত্মকাহিনী এবং তাঁহার স্বহস্তে সংশোধিত। নিম্নলিখিত বর্ণনা হইতে সহজেই বুঝিতে পারা যায় যে সহন অপেক্ষা অধিকতর বিশ্বাসযোগ্য কোন সাক্ষ্য হইতে পারে না, কারণ তিনি এই অভিযানে আত্মোপান্ত উপস্থিত ছিলেন, এবং স্বয়ং উসমানের সহিত শেষ পর্য্যন্ত লড়িয়াছিলেন। এই বিবরণের সংক্ষিপ্ত অনুবাদ নীচে দেওয়া গেল।

[২]

বাদশাহী সৈন্তগণের অগ্নিভের পর মুসা খাঁ [মসনদ-ই-আলা ইসা খাঁর পুত্র] এবং বারো ভুইয়াগণ আসিয়া সুবাদার ইসলাম খাঁর সহিত সাক্ষাৎ করিলেন এবং একপ স্থির হইল যে তিনি [জামিন স্বরূপ] সুবাদারের সভায়

উপস্থিত থাকিবেন, আর তাঁহার ভ্রাতা মহম্মদ এবং অপর জমিদারগণ মুঘল সেনাপতি ঘিয়াস খাঁর নেতৃত্বে উসমানের বিরুদ্ধে যাত্রা করিবেন।

ঘিয়াস খাঁ আলাপসিংহ নামক স্থানে থানা গাড়িয়া থাকিলেন। তাঁহার আজ্ঞাক্রমে তাঁহার অধীনস্থ মুঘল কর্মচারী শেখ কমাল ও আব্দুল ওয়াহিদ জমিদার সৈন্ত ও বাদশাহী সৈন্তের অংশসহ তিন দিন রাত্রি কুচ করিয়া হসনপুরে * পৌঁছিলেন এবং ব্রহ্মপুত্রের পাড় কাটিয়া দিলেন যে নদীর জল [উত্তর-পূর্ব-দিকে] নিম্নভূমির উপর গড়াইয়া গিয়া উসমানের দুর্গ বোকাইনগরের চারিদিকে এত উচ্চ হইবে যে বাদশাহী নৌকাগুলি কামানসহ ভাসিয়া ঐ দুর্গের কাছে পৌঁছিতে পারে।

এই অভিযানে ৩০০ বাদশাহী নৌকা (কামানপূর্ণ), ৩৮০ রণহস্তী, পাঁচগাজার বর্ক-আন্দাজ (নওয়ারার বর্ক-আন্দাজ ইহার অন্তর্ভুক্ত), এবং বারোভূঁইয়ার নৌকা যাত্রা করিল। স্বাধীনক্রমেই ঢাকা হইতে নূতন সৈন্ত পাঠাইতে লাগিলেন,—মির্জা সহন কদমরসুল থানা হইতে, এগারসিন্দুর হইয়া হসনপুরে পৌঁছিলেন; তাঁহার পিতা ইহতমাম খাঁ তোপ ও নৌকা সহ আপাতত এগারসিন্দুরে রহিলেন। ঘিয়াস খাঁ আলাপসিংহ হইতে শাহবন্দরে অগ্রসর হইলেন। এবং স্বয়ং ইসলাম খাঁ ঢাকা হইতে টোক নামক [কেন্দ্র] স্থলে আসিয়া উপস্থিত হইলেন।

কিন্তু সমস্ত শ্রমই নষ্ট হইল। হঠাৎ নদীর জল এত কমিয়া গেল, যে, ব্রহ্মপুত্রের পাড় কাটিয়া দিলেও বোকাইনগরের নিকট জল গেল না; সেই স্থান পর্য্যন্ত ব্রহ্মনৌকা ভাসাইয়া লইয়া যাওয়া অসম্ভব হইল।

তখন স্থলপথে বোকাইনগর আক্রমণ করা স্থির হইল। ঘিয়াস খাঁ পুত্ররক্ষা করিবার জন্ত নওয়ারার সহ ব্রহ্ম-

* হসনপুর (রেনেলের " নং প্লেট) ব্রহ্মপুত্রের পূর্ব পারে, বর্তমান হাইবন্দর—কিশোরগঞ্জ হইতে ৬ মাইল দক্ষিণ পশ্চিমে এবং বন্দরগাঁও রেল ষ্টেশন হইতে ৮ মাইল দক্ষিণ-পূর্বে। বোকাইনগর এখান হইতে ২০ মাইল উত্তরে, অর্থাৎ নেত্রকোণা হইতে কিশোরগঞ্জ পর্য্যন্ত এক লাইন টানিলে তাহার মধ্যস্থলের কিছু পশ্চিমে এবং ময়মনসিংহ জেলার ঈশ্বরগঞ্জ থানার চারি মাইল দক্ষিণে। এগারসিন্দুর এই হসনপুর হইতে দশ মাইল দক্ষিণে; কিশোরগঞ্জ সবডিভিসনের ঠিক দক্ষিণ-পশ্চিম প্রান্তে, ব্রহ্মপুত্রের ত্রি-শাখার উত্তর-পূর্বে; এবং ইহার অপর পারে টোক বা টোকনগর। এ দুটি বেশ কেন্দ্রস্থান।

পুত্রতীরে রহিলেন কিন্তু তাঁহার সৈন্তগণ [শাহবন্দরে] শেখ কমাল ও আব্দুল ওয়াহিদের অধীনে পথে দুর্গ (block-house) নির্মাণ করিতে করিতে অগ্রসর হইল।

ইতিমধ্যে বানিয়াচঙ্গের মহাসমৃদ্ধিশালী ও প্রবল জমিদার আনওয়ার খাঁ ইসলাম খাঁর নিকট বশ্যতা স্বীকার করিয়া এবং শ্রীহট্টের দিক হইতে উসমানকে আক্রমণ করিতে প্রতিশ্রুত হইয়া তলে তলে অগ্রাণু জমিদারদের সহিত চক্রান্ত করিতে লাগিলেন, যে, বিশ্বাসবাতকতার সহিত হঠাৎ মুঘল প্রধানদিগকে আক্রমণ করিয়া তাহাদেয় তাড়াইয়া দিয়া সমস্ত ভাটা (পূর্ববঙ্গ) প্রদেশ পুনরুদ্ধার করিবেন। * *

এই ষড়যন্ত্রের ফলে আনওয়ার নিমন্ত্রণের ছলে ইসলাম কুলী ও রাজা রায়কে বন্দী করিয়া নৌকাযোগে হসনপুর হইতে বানিয়াচং পলাইয়া গেলেন। * * * তাঁহার বিরুদ্ধে মুবারিজ খাঁ এবং ভূষণার জমিদার শক্রজিৎকে পাঠান হইল।

এ দিকে উসমানের বিরুদ্ধে প্রেরিত সৈন্তদল প্রত্যেক বিশ্বামের স্থলে শিবিরের চারিদিকে নৌকার মাল্লাগণের সাহায্যে গভীর খাদ খঁড়িয়া এবং সেই মাটি দিয়া প্রাচীর গড়িয়া এক একটী দুর্গ নির্মাণ করিয়া অগ্রসর হইতে লাগিল। প্রতি দুর্গে চারি দিন করিয়া বাস করা হইল। আফঘানেরা আসিয়া প্রাদুর্ভূমি আক্রমণ করিত, কিন্তু দুর্গের মধ্য হইতে গোলাগুলি পড়ায় অবশেষে ভঙ্গ দিয়া পলাইত।

একাদশ দুর্গে অবস্থান কালে স্বয়ং উসমান দেখা দিলেন। তাঁহার সেনাপতি তাতার খাঁ নাংঘর বীরবেগে দুর্গ আক্রমণ করিল, কিন্তু অপর কেহই সাহস করিয়া তাহার সঙ্গী হইল না, কারণ দুর্গ হইতে তোপ চালান হইতেছিল। অবশেষে বন্দুকের গুলি ও বর্ষার দ্বা খাইয়া তাতার খাঁ প্রাণত্যাগ করিল। মুঘলেরা প্রকৃত বীরের উপযুক্ত সম্মান করিয়া তাহার শব বাঁশের পাকীতে (অর্থাৎ ডুলীতে) তুলিয়া জাফরান দ্বারা সুরাসিত করিয়া উসমানের নিকট পাঠাইল।

এয়োদশ দুর্গে মুঘল সৈন্ত পৌঁছিয়া শিবির স্থাপন করিবে এমন সময় উসমান আসিয়া আক্রমণ করিলেন। কিন্তু তোপের গোলা সহ্য করিতে না পারিয়া বোকা নগরে পলাইয়া গেলেন।

১০ নম্বর দুর্গ নির্মাণ করিয়া মুঘল সৈন্ত তথায় রম্জান মাস [২৮ অক্টোবর—২৬ নবেম্বর ১৬১১ খৃঃ] পর্য্যন্ত উপবাস

কাটাইল। * * * উসমান তখন ভয়ে পলায়ন করা স্থির করিলেন। নসির খাঁ ও দরিয়্য খাঁ পানী নামক তাজপুরের দুইজন আফ্গান-প্রধান মুঘলদিগের সঙ্গে যোগ দিবার চেষ্টা করিতেছে জানিয়া উসমান ২৫০জন আফ্গানকে বাঁধিয়া সঙ্গে লইয়া লাউড় পর্বত পার হইয়া শ্রীহটে পলাইয়া গেলেন। মুঘলেরা পশ্চাৎকার করিল কিন্তু তাজপুর * অবধি পৌছিয়া ফিরিয়া আসিল, কারণ নেতার অলসতা এবং সেনাপতি-দিগের মধ্যে ঝগড়া। [বহারিস্তান হস্তলিপির ৪২ ক— ৪৬ ক পৃষ্ঠা।]

তাহার পর ইসলাম খাঁ প্রতাপাদিতাকে পরাজিত ও বন্দী করিয়া যশোহর রাজ্য অধিকার এবং বগলার রাজার বশ্যতা-স্বীকার গ্রহণ করিলেন। দক্ষিণবঙ্গে নিষ্কণ্টক হইয়া উসমানের সহিত চূড়ান্ত নীমাংসা করিবার জন্ত অভিযান প্রস্তুত হইল। প্রধান সেনাপতি হইলেন শুজায়েৎ খাঁ; তাহার অপরাপর সৈন্য বাতীত ইসলাম খাঁর নিজ অনুচর ৫০০ বাছা বাছা অশ্বারোহী, চারি সহস্র বর্ক্‌আন্দাজ, প্রায় সমস্ত বাদশাহী নওয়ারা ও তোপ, এবং সরাইলের জমিদার সোনাঘাজীর নওয়ারা, ২০টা হাতী [ইহতমাম খাঁর হাতীগুলি ইহার অতিরিক্ত] এই সঙ্গে চলিল। ঢাকা হইতে ছয় কুচে এগারসিন্দুরে পৌছিয়া সেনাপতি তথায় এক সপ্তাহ বিলম্ব করিলেন।

এগারসিন্দুর হইতে বঙ্গপুর ভাটাইয়া, বোধ হুয় বর্তমান রামপুরহাট, বেল'বো ও ভৈরববাজারের পাশ দিয়া, মুঘল

সৈন্য স্তলপথে মেঘনায় আসিয়া পৌছিল। এখানে শুজায়েৎ খাঁ সৈন্যসহ নদী * পার হইয়া স্থলপথে যাত্রা করিলেন। নৌকাগুলি তোপ সহিত, ইহতমাম খাঁর ভাগিনের মালিক হুসেনের অধীনে সরাইলের নদীতে রহিল। এই সরাইলে সৈন্য গণনা ও পরিদর্শন (review) করিয়া সেনাপতি স্থলপথে কুচ করিতে করিতে তরফের দুর্গে পৌছিলেন। এখানে কিছু সৈন্য রাখিয়া আবার অগ্রসর হইলেন; পরদিন টুপিয়া নামক গিরিসঙ্কটের [বোধ হয় পুটিয়াঝরি] সঙ্কটে শিবির হইল। টুপিয়া দুর্গে উসমানের কনিষ্ঠ ভ্রাতা ওলী সসৈন্য উপস্থিত ছিলেন, কাজেই মুঘলেরা পর্বতের পাদদেশে একটি দুর্গ করিল। কিন্তু ওলী ভয়ে বিনাযুদ্ধে দাদার নিকট পলাইয়া গেলেন। তিনি কোটালে (অর্থাৎ গিরি-সঙ্কটের সর্বোচ্চ স্থলে) পথের মাঝে খাদ কাটিয়া মুঘলদের বাধা দিবার জন্ত তথায় চৌকি স্থাপন করিয়াছিলেন। কিন্তু মুঘলবাহিনীর অগ্রগামী দলের নেতা মিজা সহন রাত্রে চর পাঠাইয়া জানিলেন যে চৌকি ও দুর্গ ছাড়িয়া পাঠানেরা পলাইয়াছে। এই খাটি (অর্থাৎ চৌকির স্থান) দখল করা হইল। পরদিন কুর্দানী ইদ্ তিখি (৩রা ফেব্রুয়ারি ১৬২ খৃঃ), সৈন্যগণ বিশ্রাম করিল। তাহার পরদিন কুচ আরম্ভ হইল, পর্বত পার হইয়া সৈন্যগণ টুপিয়া দুর্গে পৌছিল। এই সময় ইসলাম খাঁর কর্মচারী মিজা হসন মশ্হদী ঢাকা হইতে আসিয়া বাদশাহী সৈন্য-গুলিকে এইরূপে বিভক্ত করিল:—অগ্রগামী (মিজা

* তাজপুর—বোকাইনগর কেলার প্রায় পাঁচ ছয় মাইল উত্তর-পূর্বে দিকে কেল্লা তাজপুর নামে অপর একটি প্রাচীন দুর্গের ধ্বংসাবশেষ দেখিতে পাওয়া যায়। এ দুর্গটিও মৃৎপ্রাচীর দ্বারা বেষ্টিত এবং উহার অভ্যন্তরেও কয়েকটি প্রাচীন বুরুজ এবং প্রাচীন দোঘী পুকুরিণী বিদ্যমান আছে। * * * বোকাইনগর অত্যন্ত প্রাচীন বিধায়, বর্তমান সময়ে উহার শুষ্ক মৃৎপ্রাচীর এবং কয়েকটি বুরুজ মাত্র দৃশ্যমান আছে। এতদ্ব্যতীত নিজামুদ্দীন আউলিয়ার দর্গা, একটি গুপ্তস্থানীয় গুপ্ত মসজিদ, টাদের মন্দির নামে একটি প্রাচীন হিন্দু মন্দির এবং নাগারপুল নামক একটি প্রাচীন পাকা সেতু অত্যন্ত জীর্ণ অবস্থায় বর্তমান আছে। বোকাইনগরের একটি বুরুজের পাদদেশ চাঁঘের জন্ত খনন করাতে কয়েকটি গোলা পাওয়া গিয়াছিল, * * * একটি সৌন্দর্য নির্মিত, অপরটির * * * উপর ভাগ দেখিতে অনেকটা প্রস্তরের স্তম্ভ। উত্তর গোলারই ব্যাস ১০ ইঞ্চি এবং পরিধি ৫০ ইঞ্চি। [কুম্ভার শৌরীন্দ্রকিশোর রায় চৌধুরীর পত্র হইতে।]

লাউড় পর্বত শ্রীহটের উত্তর-পশ্চিম প্রান্তে এবং হুনাগঞ্জ শহরের ঠিক ১৪ মাইল পশ্চিমে।

* হস্তলিপিতে নদীটির নাম পনকিয়া। এ নামের কোন নদী এখানে পাইলাম না। মুজা বদলাইয়া ইহাকে সহজে মেঘনা পড়া যাইতে পারে। সরাইল, ব্রাহ্মণবাড়িয়ার ৭ মাইল উত্তরে। রেনেলের মাপে এই দুই দেখা যায় যে ১৭৭৫ খৃষ্টাব্দে ইহার পাশে নদী ছিল; এখন একটি খাল ও বাঁধ আছে। আমার বিশ্বাস যে মুঘল নৌসেনা মেঘনা বহিয়া এই প্রাচীন নদীতে পড়িয়া সরাইলে ধামিয়া থাকে।

+ তরফ সরাইলের একটানে ৩৪ মাইল উত্তর-পূর্বে। ইহা হবিগঞ্জ হইতে আট-দশ মাইল দক্ষিণ-পূর্বে, এবং শ্রীহটের দক্ষিণ পশ্চিম কোণের বিভাগ। রেনেলের মাপে তরফের দুর্গ দেওয়া আছে। টুপিয়া Indian Atlas, sheet 125 S.W.এর Kosho Tarpeh, (হবিগঞ্জের ঠিক ৭ মাইল পূর্বে) হইলেও হইতে পারে; ইহার কিছু দূরেই উত্তর-দক্ষিণে বিস্তৃত সাতগাঁও পর্বত আরম্ভ হইয়াছে। কিন্তু আমার বিশ্বাস যে ফাসী হস্তলিপিতে টুপিয়া শব্দ পুটিয়া (অর্থাৎ পুটিয়াঝরি) নামের ভ্রম। এই পুটিয়াঝরি দিয়াই রেনেলের সময়ে এবং এখনও পর্বত পার হইবার পথ আছে। ইহা কসবা টাঙ্গের ৩ মাইল মাত্র উত্তরে।

সহনের নেতৃত্বে); দক্ষিণ বাহু (ইফ্‌তিখার খাঁ); বামবাহু (কিশ্‌ওয়ান খাঁ); ইল্‌তিমশ্‌ advanced reserve (শুজাএৎ খাঁর পুত্র শেখ কাসিম); মধ্যভাগ (স্বয়ং প্রধান সেনাপতি)।

শুজাএৎ খাঁর ক্রমে নিকট আগমন ও সৈন্যসজ্জা শুনিয়া উস্‌মান নিজপুত্রগণ ও প্রকাণ্ড-দেহ প্রধানগণকে (সন্থঙ্গগণকে) লইয়া যুদ্ধের জন্ত প্রস্তুত হইলেন এবং পাঠান সেনা এইরূপে বিভক্ত করিলেন :—

কেন্দ্র (নিজের অধীনে), দুই হাজার বাছা বাছা অখারোহী, পাঁচ হাজার পদাতিক, ৪০ হাতী।

বামবাহু (খাজা ওলী), এক হাজার অখারোহী, দুই হাজার পদাতিক, ৩০ হাতী। দক্ষিণবাহু (শের ময়দান নামক দাস), ৭০০ আফঘান, এক হাজার পদাতিক, ২০ হাতী। অগ্রগামী (খাজা নূরী ও খাজা ইব্রাহিম, উস্‌মানের সর্ককনিষ্ঠ দুই ভাই এবং খাজা দাউদ—উঁহার অগ্রজ সুলেমানের পুত্র), দেড় হাজার অখারোহী, দুই হাজার পদাতিক, ও ৫০ হাতী।

মিজ রাজধানী উহার * হইতে রওনা হইয়া দুই কুচে উস্‌মান চৌয়ালিশ পর্ব্বণার দৌলখাপুর গ্রামে আসিয়া নামিলেন। [উস্‌মানের বয়স তখন ৪১ বৎসরে পড়িয়াছে,

* খার্মাগ্রন্থে এই স্থানটির নাম লেখা হইয়াছে আলিফ্‌ দাপু (অথবা ও)। হে আলিফ্‌ (একস্থলে বে আলিফ্‌)। রে, অর্থাৎ আদ হার, আদ বার, উবার অথবা উহার। যদি হে-আলিফ্‌কে তো এবং রে-কে আলিফের লিপিকরলন ধরা হয় তবে নামটিকে সহজেই এটা বা ইটা পড়া যাইতে পারে। চৌয়ালিশ পর্ব্বণা প্রাচীন ইটা বিভাগের মধ্যে হয়ত পড়িত; এখন কয়েক মাইল ব্যবধানে আছে। এই পর্ব্বণা বর্তমান মৌলবিবাজার গানার এলাকার অন্তর্গত।

শ্রীস্থ্য—(*Iranian Atlas*, Sheet 125, S. E. এ *Shurya* ছাপা হইয়াছে) হাইল হাওরের উত্তর-পূর্ব্ব কোণের ঠিক ১৬ মাইল পূর্ব্বে। ইহার ২ মাইল পূর্ব্বে লালবাগ নামক শহর (আসাম বেঙ্গল রেলের ঠিক দক্ষিণে), এবং চারি মাইল উত্তর-পূর্ব্বে ঐ রেলের টালার্পাও স্টেশন।

উস্‌মানের রাজধানী—কমলাগঞ্জ শহরের ৫ মাইল দক্ষিণে এবং শ্রীমঙ্গল নামক রেলস্টেশনের ৮ মাইল পূর্ব্বে উস্‌মানপুর গ্রাম আছে, কিন্তু ইহা বোধ হয় আমাদের উস্‌মানের বাসস্থান ছিল না। আমার বিশ্বাস যে শ্রীস্থ্যের এক মাইল উত্তর-পশ্চিমে পাটান উশার নামক যে গ্রাম আছে তাহাই উস্‌মানের রাজধানী ছিল; “উশার” ঢাকাই গলায় “উহার” উচ্চারিত এবং বহারিষ্টানের পারসিক লেখক তাহা শুনিয়া আলিফ্‌ + ও + হে + আলিফ্‌ + রে দ্বারা ঐ শব্দ সৃষ্টি করিয়াছেন। উশারের ৪ মাইল উত্তর-পূর্ব্বে এবং ২ মাইল দক্ষিণে পর্ব্বত আছে।

তিনি এত মোটা হইয়াছিলেন যে ঘোড়ায় চড়িতে পারিতেন না, হাতীর উপর হাওদায় বসিয়া যাতায়াত ও যুদ্ধ করিতেন।] মুঘল অখারোহীদিগকে বাধা দিবার জন্ত সশ্রুখে কাদাপূর্ণ জলাভূমি রাখিয়া, উস্‌মান নিজ শিবির দুর্গে পরিণত করিলেন। জলার ওপারে (অর্থাৎ উস্‌মানের দিকে) অনেক সুপারি-গাছ ছিল, তাহার উপর তক্তা বাঁধিয়া দমদমা (raised battery) প্রস্তুত করিয়া তাহার উপর নিজের কামান চড়াইলেন। তখন শুজাএৎ খাঁ দেড় ক্রোশ দূরে। তিনি শত্রু-আগমনের সংবাদ পাইয়া ঘোড়া ছুটাইয়া গিয়া উস্‌মানের দুর্গের আধ ক্রোশ দূরে নিজ শিবির স্থাপন করিলেন।

ইফ্‌তিখার খাঁর অনুরোধে, উস্‌মানকে সৃত্ত্বা হইতে রক্ষা করিবার শেষ চেষ্টা করিবার জন্ত, শুজাএৎ খাঁ শিহাব্‌ খাঁ লোদৌ নামক ইফ্‌তিখারের আফ্‌গান অমুচরকে উস্‌মানের নিকট বশ্যতা স্বীকারে আহ্বান করিয়া পাঠাইলেন। কিন্তু এই দৌত্যের কোনই ফল হইল না, উস্‌মান চালাকি করিয়া সমস্ত লাভ করিবার চেষ্টা করিতেছেন বৃত্তিতে পারিয়া শিহাব্‌ খাঁ সেইদিন বৈকালেই নিজদলে ফিরিয়া আসিলেন এবং সেনাপত্রিকে সব কথা বলিয়া দিলেন। [কিন্তু এই যাতায়াতে শিহাব্‌ খাঁ ঐ জলাভূমির মধ্যে নিরাপদে পার হইবার মত একটি শত্রু স্থান চিনিয়া আসিলেন। ইহা পরে মুঘলদের কাছে লাগিল।] তখন শুজাএৎ ছকুম দিলেন যে সে রাতি সাবধানে বিশ্রাম করিয়া পরদিন প্রত্যুষে যুদ্ধ হইবে।

[৪]

দৌলখাপুরের যুদ্ধ আরম্ভ ৩ মার্চ ১৩১২।

পরদিন অতি প্রভাতে বাদশাহী নাকাড়া বাজিয়া উঠিল। দলের পর দল, কামানের পর কামান, শ্রেণীবদ্ধ মুঘল সৈন্য নিজ দুর্গ (block house) হইতে বাহির হইয়া নির্দিষ্ট স্থান অধিকার করিল। শুজাএতের উৎসাহবাণী শুনিয়া তাহার শত্রুকে আক্রমণ করিতে অগ্রসর হইল।

[মৌলবিবাজার শহর হইতে ৪৫ মাইল দক্ষিণে, হাইল হাওরের এক আধ মাইল উত্তরে এবং “পুটুয়ীর” ৬৭ মাইল পূর্ব্বে এই যুদ্ধ হইয়াছিল। যুদ্ধক্ষেত্রের কাছে মুঘলদের বাজুহা নামক মাটির দুর্গ ছিল। দক্ষিণ-শ্রীস্থ্য-বাসী কোন পাঠক এই স্থলে দৌলখাপুর অথবা দৌলতিয়াপুর বা ডুলনীপুর গ্রাম আছে কি না এবং উস্‌মানের রাজধানীর প্রকৃত নাম (‘শ্রীস্থ্য’ ছাড়া) কি তাহা অনুসন্ধান করিবেন কি? —যজ্ঞনাথ সরকার।]

এমন সময় মির্জা বেগ আইমক আসিয়া ভুল সংবাদ দিল যে শত্রু সম্মুখে নহে, দক্ষিণ হস্তের দিকে। তখন বাদশাহী অগ্রগামী সেনা ডানদিকে বেঁকিয়া চলিল। ইহাই তাহাদের বিশৃঙ্খলার কারণ হইল; অগ্রবিভাগের কতকগুলি সেনানী এবং বাম বিভাগ [সোজা] অগ্রসর হইতে লাগিল, কিন্তু অবশিষ্ট অগ্রগামী সৈন্যগণ ডানদিকে বুঁকিয়া সুপারিগাঁছের দিকে চলিল [এবং এইরূপে অগ্রগামী সৈন্য ও অন্ত্যান্ত বিভাগের মধ্যে সংযোগ ছিন্ন হওয়ায় তাহারা দূরে পড়িল ও পরস্পরকে সাহায্য করিতে অক্ষম হইল]। সেই নরম জলাভূমির ধারে যুদ্ধ আরম্ভ হইল। উসমানের কতকগুলি সৈন্য বীরদর্পে জলা পার হইয়া আসিয়া মুঘলদের সম্মুখে অস্ত্র ঘুরাইতে লাগিল; তাহা দেখিয়া বাদশাহী পক্ষ হইতে শেখ আচ্চে, সাহিব খাঁ, ও মুস্তাফা খাঁ উহাদের উপর গিয়া পড়িল। তখন মির্জা সহন মাল্লাদের কাঁধ হইতে অগ্রগামী তোপগুলি নামাইয়া শত্রুর দিকে সাজাইয়া গোলা বারুদ পুরিতেছিলেন, কিন্তু নিজদল ও শত্রুদল জলার সম্মুখে মিশিয়া যাওয়ায় এই তোপ আওয়াজ করিতে পারিলেন না। কিন্তু এক ক্রোশেরও অধিক পশ্চাতে যেসব বাদশাহী তোপ ছিল তাহা আওয়াজ করা হইল। ইহার গুলিতে শেখ আচ্চে পশ্চাতে আহত হইয়া পড়িয়া গেল, অপর মুঘল বীরগণ (সাহিব ও মুস্তাফা) ছত্রভঙ্গ হইয়া ফিরিয়া আসিল।

এ দিকে ইফ্‌তিখার খাঁ প্রতিজ্ঞা করিয়াছিলেন যে যুদ্ধে তিনি নিজের বিভাগকে (অর্থাৎ দক্ষিণ বাহুকে) কিছুতেই অগ্রগামী দলের পশ্চাতে থাকিতে দিবেন না, কিন্তু শকলের অগ্রে চলিবেন। সুতরাং যখন শেখ আচ্চেকে ঘোড়া ছুটাইয়া অগ্রসর হইতে দেখিয়া সৈন্য মধ্যে মহাগোলমাল পড়িয়া গেল, এবং “ঐ অগ্রগামী দল ছুটিয়াছে” বলিয়া সকলে চীৎকার করিতে লাগিল, তখন আর কিছু না ভাবিয়া, কোনদিকে না তাকাইয়া ইফ্‌তিখার কেবল ৪২জন অশারোহী ও ১৪জন পদাতিক সহ ছুটিয়া আসিয়া যুদ্ধে মিশিয়া গেলেন।

কিন্তু প্রথমে এক মহা বিপদ ঘটিল। বিখ্যাত বাদশাহী হস্তী “রণশৃঙ্গার” এ সময় মদ-মত্ত ছিল, সে আসিয়া ইফ্‌তিখারের হস্তীকে আক্রমণ করিল; আর তাঁহার সমস্ত বিভাগের সৈন্যগণ ঐ ছুটি হাতীকে পৃথক করিবার ভান করিয়া পিছনে

দাঁড়াইয়া রহিল, কেহই সেনাপতির সঙ্গ লইল না। শিহাব খাঁ লোদী যে পথ চিনিয়া আসিয়াছিল ইফ্‌তিখার খাঁ তাহা দিয়া ঐ জলা পার হইয়া ওপারে পৌঁছিয়া খাজা ওলীকে এমন কাবু করিলেন যে তিনি যুদ্ধক্ষেত্র হইতে বিতাড়িত হন আর কি।

| ৫ |

উসমান মারাত্মক আহত।

উসমান কেন্দ্র হইতে ইহা দেখিয়া ওলীকে ছেলেমানুষ বলিয়া গালি দিয়া ও নিজের পাশে সজ্জিত দুই-তিন হাজার পরিপক্ব সৈন্য ও বিখ্যাত রণহস্তীগুলি লইয়া, আফ্‌ঘান যুদ্ধচীৎকার “হু” “হু” গর্জন করিয়া, ছুটিয়া আসিয়া ইফ্‌তিখারকে আক্রমণ করিলেন। তথাপি রণক্রান্ত ঘর্মান্তকলেবর ইফ্‌তিখার ও তাঁহার মুষ্টিমেয় সঙ্গীগণ এই দশগুণ, পঞ্চাশগুণ অধিক সংখ্যক শত্রুকে বাধা দিতে লাগিলেন।

এমন সময় রণশৃঙ্গারের মাত্ত সেই হাতীটিকে অশেষ কষ্টে খাঁর নিজস্ব হাতী হইতে ছাড়াইয়া জলা পার হইয়া যুদ্ধস্থলে পৌঁছিয়া খাঁকে সাহায্য করিবার জন্য উসমানের হাতীগুলিকে আক্রমণ করিয়া এমন যুদ্ধ করিল যে তাহা বর্ণনার অতীত। কিন্তু ইফ্‌তিখারের সঙ্গীরা প্রথমেই ৫৬ জন মাত্র ছিল, এখন মরিয়া ও আহত হইয়া তাহাদের মধ্যে অল্পই অবশিষ্ট ছিল, সুতরাং এই বাদশাহী হাতীকে সাহায্য করিবার জন্য কেহই আসিল না। উসমানের সৈন্যগণ—অশ্ব গজ পদাতিক—রণশৃঙ্গারের চারিদিকে ঘিরিয়া শত শত আঘাতে তাহাকে ‘কিমিয়া’ (কাবাবের জন্ম কাটা মাংসটুকরা) করিয়া ফেলিল; মাত্ত মরিয়া, হাতী পড়িয়া গেল। আফ্‌ঘানগণ এ বিপদ হইতে পরিত্রাণ পাইয়া আবার দলবদ্ধ ভাবে ইফ্‌তিখারকে আক্রমণ করিল এবং মুঘল ঘোড়াগুলির পা কাটিয়া ফেলিয়া নিমেষে আরোহীদেরকে ধরাশায়ী করিল।

একজন আফ্‌ঘানের সহিত ইফ্‌তিখারের দ্বন্দ্বযুদ্ধ চলিতেছিল। তিনি উহাকে এক আঘাতে ঘোড়া হইতে ভূমিশায়ী করিলেন, কিন্তু উহার ভাই ছুটিয়া আসিয়া খাঁর প্রতি তরবার ছুড়িয়া মারিল, তরবারটি খাঁর বামহস্তে পড়িয়া বশ্ম সহ হাতের কজা কাটিয়া ফেলিল। খাঁর একজন ভক্ত অনুচর ছিন্ন হাতখানি তুলিয়া লইয়া, নিঃস্বপ্নে রাখিয়া

প্রাণের মাস্তা ত্যাগ করিয়া তাঁহার পাশে বুদ্ধ করিতে লাগিল। লোকটি চারিজন শত্রু মারিয়া তবে মরিল।

তখন ইফ্‌তিখারের একজন অনুগত সৈন্য শেখ আব্দুল জলীল, প্রভুর দুর্দশা দেখিয়া, নিজের ঘোড়া ছুটাইয়া উসমান যে মাদী হাতীর উপর ছিলেন তাহার সম্মুখে পৌঁছিল এবং তাঁহার মুখে তীর ছুড়িল। তীরটি উসমানের বাম চক্ষু দিয়া মস্তিষ্কে প্রবেশ করিল। উসমানের নিষ্কিঞ্চ বর্শা বুকে বিদ্ধ হইয়া শেখ পড়িয়া গেল, ও একজন সরহঙ্গ আসিয়া তাহার ঘোড়ার পা কাটিয়া ফেলিল।

নিজ সৈন্যগণ যেন তাঁহাকে জখম দেখিতে না পায় একত্র, উসমান এত মারাত্মক আঘাত পাইয়াও দুই হাতে তীরটি টানিয়া বাহির করিলেন, এবং “ঈশ্বরের ইচ্ছায়” (!!!) তাঁহার দক্ষিণ চক্ষুও ঐ সঙ্গে বাহির হইয়া আসিল, কারণ দুই চোখের রগগুলি একত্র জড়িত থাকে। বামহাতে কমাল লইয়া নিজ মুখ ঢাকিয়া, উসমান মাহতকে জিজ্ঞাসা করিলেন, “উমর! শুজাএং খাঁর দল কোন্ দিকে?” মাহত প্রভুর অন্ধ ইওয়া না জানিয়া উত্তর করিল, “মিরাঁ, সালামৎ! ঐ যে সাম্নে মছয়াগাছ দেখিতেছেন উহার নীচে পতাকা দেখা যাইতেছে, তাহার নীচে শুজাএং খাঁ নিশ্চয়ই দাঁড়াইয়া আছেন।” উসমানের কথা বলিবার শক্তি ছিল না; দক্ষিণ হস্ত মাহতের পিঠে রাখিয়া সেখানে হাতী চালাইতে ইঙ্গিত করিলেন।

[৬]

মুঘলদের দুর্দশা, কিশোয়ার খাঁর মৃত্যু।

এতক্ষণ বাদশাহী অগ্রবিভাগের সৈন্যগণ জলার কাছে পৌঁছিয়া চূপ করিয়া দাঁড়াইয়া ছিল। তেমনি তাহাদের সম্মুখে জলার অপর পারে মল্‌হী ও ইব্রাহিমের অধীনে উসমানের অগ্রবিভাগ ও দাঁড়াইয়া ছিল।

কিন্তু উসমানের দক্ষিণ বাহুর নেতা শের ময়দান সম্মুখে ভীষণ হস্তীগুলি চালাইয়া বাদশাহী বামবাহুর নেতা কিশোয়ার খাঁকে আক্রমণ করিলেন। ঐ খাঁর সঙ্গে বাদশাহী অগ্রবিভাগ হইতে বিচ্ছিন্ন হইয়া পড়া অনেক সৈন্যও ছিল, যেমন সৈয়দ আদম, সৈয়দ হুসেনী, সোনা ঘাজীর দল; ইহার বামবাহুর অগ্রভাগের সঙ্গে যোগ দিয়াছি। যুদ্ধের প্রথম চোট সৈয়দ আদমের উপর পড়িল। তিনি শীঘ্রই মারা

গেলেন, কারণ, তিনি অত্যন্ত মোটা ছিলেন বলিয়া সব ঘোড়া তাঁহাকে বহন করিতে পারিত না, এবং তিনি হাতে একমণ ওজনের লোহার বল্লম লইয়া চলিতেন; দ্বিতীয়তঃ সৈয়দ হুসেনী লোহানী আফ্‌ঘানদের এক পীরের বংশধর বলিয়া অস্তুরে ঐ জাতির দিকে ঝুঁকিতেন এবং আদমকে কোন সাহায্য করিলেন না। আফ্‌ঘানেরা আসিয়া আদমের ঘোড়ার পায়ের রগ কাটিয়া দিয়া, তাঁহাকে, অপর একজন সৈয়দ, একজন শেখজাদা এবং একজন কারহকে বধ করিল। সোনা ঘাজী পলাইয়া গেল। তখন আফ্‌ঘানেরা কিশোয়ার খাঁর উপর পড়িল; বাদশাহী সৈন্যগণের কাপুরুষতা ও চাঞ্চল্যের ফলে দুইদিনবার মাত্র তরবার চালাইবার পরই কিশোয়ার খাঁ, তাঁহার ভগ্নীপতি ও এক পুরাতন নাপিত হত হইলেন।

শের ময়দান মুঘল বাম বিভাগের পলাতক সৈন্যগণকে তাড়া করিতে করিতে ঘোড়া ছুটাইয়া যুদ্ধক্ষেত্রের পশ্চাতে বাদশাহী দুর্গে যেখানে ভৃত্যগণ (লক্ষরী, camp followers) ছিল, সেখানে পৌঁছিলেন। কিন্তু দুর্গের মধ্য হইতে গোলা বর্ষণ হওয়ায় ফিরিতে বাধ্য হইয়া, বাদশাহী অগ্র বিভাগের ঠিক পশ্চাতে উপস্থিত হইলেন। তখন মুঘলদের মধ্যে মহা গোলমাল উপস্থিত হইল, “বাম হইতে একদল নূতন শত্রু আসিয়াছে!”

কিন্তু মির্জা সহন অল্প সেনানীদিগকে তথায় রাখিয়া নিজে কয়েকটি বিখ্যাত হাতী লইয়া আগাইয়া গিয়া শের ময়দানের হাতীগুলিকে আক্রমণ করিয়া তাড়াইয়া দিলেন। শের ময়দান না পারিয়া পলাইয়া গিয়া উসমানের পুত্র খাজা মুম্বরেজের সঙ্গে যোগ দিলেন।

[৭]

গজসুদ্ধ।

মুম্বরেজ পিতার মৃতদেহ (হস্তীপৃষ্ঠে) সঙ্গে লইয়া মুঘলদিগের সম্মুখীন হইলেন। উসমানের দুটি প্রকাণ্ড রণহস্তী, তাজ ও বখ্তা নামে, এতক্ষণ ঘন জঙ্গলে লুকাইয়া রাখা হইয়াছিল, এবং মাহতকে জকুম দেওয়া হইয়াছিল যে যুদ্ধ যখন যোরতর বাধিয়া উঠিবে ঠিক তখন ঐ হাতী দুটিকে আনিয়া হঠাৎ মুঘলদিগের উপর পড়িবে, তাহা হইলে তাহারা ছত্রভঙ্গ হইবে। বখ্তাটাকে পর্বত বলিলেও চলে,

কিন্তু পর্তত ভাঙ্গিবার শক্তি থাকা সত্ত্বেও সে কখনও মাহুতের আজ্ঞার বিরুদ্ধে এক পা ফেলিত না—এমন সুশিক্ষিত ছিল। এখন মুম্বরেজ্ নিজ হাতীগুলির দারোবাকে বলিলেন যে, ঐ হাতীটুকু আন। তখন আবার মুঘল সৈন্য মধ্যে মহা শোরগোল উঠিল, “পলাতক শত্রু আবার আসিতেছে!” বাদশাহী অগ্রবিভাগের আর-সকলেই ভয়ে পিছাইয়া রহিল; একা মির্জা সহন কাহারও সাহায্যের প্রত্যাশা না করিয়া মেঘদলের মধ্যে বাঘের মত ছুটিয়া গিয়া আফ্গানদের আক্রমণ করিলেন। দুই সৈন্যদল মিশিয়া গেল, কোন শৃঙ্খলা বা নিয়ম রহিল না, এমন অবস্থায় যুদ্ধ চলিতে লাগিল।

তিনি পূর্বেই নিজ মাহুতদেব বলিয়া দিয়াছিলেন যে তাহার যেন রাস্তা ছাড়িয়া দূরে গিয়া আক্রমণ না করে। কিন্তু তাঁহার সর্কশ্রেষ্ঠ হস্তী “বাঘদলন” সৈন্যাগ্রে থাকায় অনেক তীরে বিদ্ধ হইতে লাগিল। একত্র তাহার মাহুত “ফতা” নিজ বড় ভাই “বাজা”কে চোঁচাইয়া বলিল, “আমার হাতী অস্ত্রাঘাতে ছিন্নভিন্ন হইতেছে, আমি ইহাকে শত্রুর উপর ফেলিতেছি।” তাহার দাদা বলিল, “তোমার ভাগ্যে জয় হউক।” তখন ফতা “বাঘদলন”কে লইয়া এবং বাজা “বালসুন্দর” (দস্তহীন বা চাকনা হাতী)কে লইয়া ছুটিয়া আফ্গান সৈন্যের মধ্যে গেল। উসমানের চড়া মাদী হাতীর সামনে অমুপা নামে অপর এক হাতী ছিল; বাঘদলন তাহাকে পেঁচাইয়া ধরিল, আর বালসুন্দর “সিংহলী”কে আক্রমণ করিল। এই দুই হাতী যে পথ পরিষ্কার করিল তাখ দিয়া তাহাদের পিছু পিছু মির্জা সহনের বীরশ্রেষ্ঠ চারিজন সৈন্য—মহম্মদ খাঁ লোদী, মস্ত আলীবেনগ, ইয়াদগার বহাদুর এবং মিরমুহম্মদ লোদী—শত্রুর উপর গিয়া পড়িল, [কিন্তু কিছু করিতে পারিল না।]

তখন বখ্তাকে আনিয়া বাঘদলনের এক পাশে লাগাইয়া দেওয়া হইল, অপরপাশ হইতে অমুপা ঠেলা দিতে লাগিল; এই উভয়ের জোরে বাঘদলন হটিয়া গেল। এই সময় ফতার ভগ্নীপতি নিজ হস্তী “চঞ্চল”কে * চালাইয়া বখ্তার উপর আসিয়া পড়িল, এবং বাঘদলনকে মুক্ত করিতে চেষ্টা করিল। কিন্তু তখন উসমানের হাতীর উপরের একজন

কামানের সৈন্য হাতনলের গুলি দিয়া চঞ্চলের কোমরে এমন আঘাত করিল যে সেই হাতীটি পড়িয়া ঘাইবার মত হইল; কিন্তু স্থির হইয়া আঘাতটা সহ করিয়া পলাইয়া গেল। বালসুন্দর তখন দুই শত্রু হস্তী দ্বারা দুই পাশে আক্রান্ত হইল; সে যেই পাশ ফিরিল আর অমনি আফ্গান পদাতিকরা সুবিধা পাইয়া তাহার এক পা কাটিয়া ফেলিল।

তখন শুজা ৫৭ খাঁর হাতী “ফতুহা”র মাহুত ঐ হাতীকে লইয়া দ্রুত অগ্রসর হইয়া সিংহলীর পাশে লাগাইয়া দিল। এবং দুই মুঘল হাতীর আক্রমণে সিংহলী বর্ণক্ষেত্র হইতে পলায়ন করিল।

এবার জঙ্গল হইতে উসমানের বিখ্যাত হাতী “বাজু”কে আনিয়া সহনের সৈন্যের বিরুদ্ধে চালাইয়া দেওয়া হইল। সহন আগেই পিতার হস্তী “গোপাল”এব মাহুত মারুফকে বলিয়া দিয়াছিলেন যে তাহাকে প্রথমে যুদ্ধের মধ্যে না আনিয়া যেন বিপদে সাহায্যের জন্ত প্রস্তুত থাকে, তাহা হইলে উসমানের কোন এক হস্তী যদি মুঘল হস্তীদিগকে আক্রমণ না করিয়া অখারোহীদিগকে তাড়াইয়া দিবার চেষ্টা করে তবে এই গোপাল আসিয়া তাহাকে রোধ করিতে পারিবে।

অতএব এখন তিনি চোঁচাইয়া বলিলেন, “মারুফ! তুমি কেমন নিমক খাইয়াছ তাহা প্রমাণ করিবার এই সময়। দেখাও, তুমি বাজুকে কি করিতে পার।” কিন্তু বিশ্বাস-ঘাতক মারুফ—হাতী পাগল হইয়াছে, তাহার আজ্ঞা শুনিতেছে না, এই ভান করিয়া যুদ্ধক্ষেত্র হইতে এক পাশে বাহির হইয়া পলাইয়া গেল। তখন বাজু আসিয়া সহনের সমস্ত সৈন্যদলকে তাড়াইয়া দিল। একা সহন, একমাত্র অমুচর সৈয়দ আলীর সহিত একটি মল্লমাগাছের নীচে আশ্রয় লইয়া দাঁড়াইলেন। ইতিমধ্যে বখ্তা বাঘদলনকে তাড়াইয়া দিয়া সেদিকে আসিল। (এই হাতী অনেক সেনা ও সেনানীকে হত আহত করিল; মির্জা সহন আশ্চর্যরূপে নানা বিপদের মধ্য দিয়া প্রাণ বাঁচাইলেন, কিন্তু তাঁহার পাঞ্জরের একখান হাড় ভাঙ্গিয়া গেল। উসমানের হাতীগুলি মুঘলদের অনেক ক্ষতি করিল; যুদ্ধ অনেকক্ষণ ধরিয়া হইল।) বখ্তা * আসিয়া অখসহ শুজা ৫৭খাঁকে দাঁতের উপর করিয়া কিছুদূর বহিয়া লইয়া গেল; অবশেষে তিনি রক্ষা পাইলেন।

* একদস্ত।

* তুর্ক ই-আহাঙ্গিরাতে ইহার নাম ‘গজপৎ’। (১০৩ পৃ:।)

[৮]

যুদ্ধ শেষ ।

প্রভাত হইতে দ্বিপ্রহর পর্য্যন্ত হাতাহাতি যুদ্ধ চলিল, কেহই কাহারও খোঁজ লইবার অবসর পাইল না। বাতাস এত গরম হইল যে মানুষ ও ঘোড়ার যেন দম বন্ধ হইয়া যাইতে লাগিল। কিন্তু বাদশাহী সৈন্য হটিল না দেখিয়া অবশেষে আফ্গানেরা হতাশ হইয়া পলায়ন আরম্ভ করিল। সেই জলাভূমির পশ্চিমদিক (অর্থাৎ মুঘলদের দিক) হইতে তাহারা ফিরিয়া আবার জলা পার হইয়া নিজ শিবিরের দিকে (অর্থাৎ পূর্বদিকে) আসিতে চেষ্টা করিল; তাড়াতাড়িতে তাহারা জলার মধ্যে দৃঢ় পথটি হারাইল। শুজাএং খাঁর সৈন্যগণ পশ্চাদ্ধাবন করিল। উসমানের পতাকাধারী (তাস্দার) আলাদাদের ঘোড়ার ঘাড়ের চুল ধরিয়া টানিয়া আফ্গানেরা তাহাকে ওপারে লইয়া গেল আর মুঘলেরা লেজ ধরিয়া টানিয়া এপারে রাখিতে চেষ্টা করিল।

তখন মুঘলসেনাপতির জয়ডঙ্কা বিজয়নিবাদ করিয়া বাজিয়া উঠিল; তুরী ভেরী আনন্দের সুর গাহিল; দূরে-দূরে পর্য্যন্ত সকলে জানিল যে বাদশাহ পক্ষের জয় হইয়াছে। এতক্ষণ পর্য্যন্ত আফ্গান নেতারা উসমানের নৃত্য লুকাইয়া রাখিয়া মহাবিক্রমে হস্তীর সাহায্যে যুদ্ধ চালাইয়াছিল। কিন্তু অবশেষে দুই পক্ষই এত ক্লান্ত হইয়া পড়িল যে ঘোড়া আর চলিতে পারে না, অশ্বারোহী জীনে বসিয়া থাকিতে পারে না;—যুদ্ধ করা ত দূরে থাকুক। বৈকাল ও রাত্রে শুধু দুই দিক হইতে গোলাগুলি ও তীর চলিতে লাগিল; ইহাতে মুঘলেরা বেশী ক্লান্ত ছিল; উসমানের দুটি বড় রণহস্তী ইহতমাম্ খাঁর এক-এক গোলাতে মারা গেল। তাঁহার পক্ষে একজন ‘কবিরাজ’ অর্থাৎ হিন্দু বৈজ্ঞ ছিলেন, তিনি ফলিত জ্যোতিষে সিদ্ধহস্ত; গণিয়া বলিলেন যে রাত্রিশেষ হইবার ছয়ঘণ্টা পূর্বে শত্রুরা শিবির হইতে পলাইবে। সে রাত্রে মহরম মাসের চাঁদ (নবমী) রণক্ষেত্রে দেখা দিল, বিজয়ী মুসলমানগণ পরস্পরকে শুভ ইচ্ছা (মবারকবাদ) করিল।

মুঘল সেনাপতি নিজের ছড়ান সৈন্যদলকে ক্ষেত্রের স্থানে স্থানে মাটির প্রাচীর তৈয়ার করিয়া আত্মরক্ষা করিতে বলিলেন, এবং রাত্রি আড়াই প্রহর পর্য্যন্ত তাহারা এই কাজ করিতে এবং শত্রুর দিকে সতর্ক দৃষ্টি রাখিতে লাগিল।

হাতাহাতি যুদ্ধ দুপুর বেলায় থামিয়াছিল, তাহার পর রাত্রি দেড়টা পর্য্যন্ত দুইপক্ষে তোপ চালাইয়াছিল। কিন্তু তখন আফ্গান শিবিরে মহা গুণ্ডগোল উঠিল। ইহার কারণ এই :—উসমানের ভ্রাতা ও পুত্রগণ, প্রধান (সরহঙ্গ)দিগের এবং উসমানের মন্ত্রী ওলী মণ্ডুখেল্‌এর সহিত পরামর্শ করিয়া স্থির করিল যে প্রভুর দেহ রাজধানীতে (উহারে) লইয়া গিয়া, তথায় তাঁহার স্ত্রীকন্যাগণকে হত্যা করিয়া, খাজা মুম্বরেজ্‌কে রাজা করিয়া আবার লড়িবে।

[৯]

আফ্গানদের পলায়ন।

অতএব তাহারা আহত অকর্মণ্য হাতীগুলিকে আগে পাঠাইয়া দিল, নিজেদের হত হস্তীগুলির এবং মৃত বাদশাহী হস্তী রণশৃঙ্খারের দাঁত কাটিয়া লইল, সমস্ত তোপ পাঠাইয়া দিল, এবং প্রভাত হইবার ছয় ঘণ্টা আগে সকলে পলায়ন করিল। শিবির খাড়া রহিল।

রাত্রির এক ঘণ্টা মাত্র বাকী আছে, তখনও বাদশাহী দল তোপ চালাইতেছে। এই তোপখানার কয়েকজন লোক খবর পাইবার জন্য একটু একটু করিয়া আফ্গান শিবিরের দিকে আগাইল। তাহারা দেখিল যে শত্রুর কোন চিহ্ন নাই, শিবির নির্জজন পরিত্যক্ত। এই কথা প্রমাণ করিবার জন্য তাহারা শত্রুর জীন, পতাকা ও অন্যান্য দুই একটি দ্রব্য কুড়াইয়া আনিয়া নেতাকে দেখাইল। আবার শুজাএং খাঁর নাকাড়া বিজয়নিবাদ করিয়া উঠিল, আবার তাঁহার কস্মচারীগণ আসিয়া অভিনন্দন করিল। কিন্তু তিনি শত্রুর পশ্চাদ্ধাবন করিতে পারিলেন না, কারণ অনেক বাদশাহী বড় কস্মচারী হত আহত হইয়াছেন এবং উসমানের অবস্থা কেহই জানিত না।

কিন্তু ইসলাম খাঁ কর্তৃক ঢাকা হইতে প্রেরিত একদল নূতন সৈন্য—এক সহস্র বর্ষ-আবৃত অশ্বারোহী, শেখ আবদুস্ সলামের অধীনে—ঠিক তখন আসিয়া পৌঁছিল। অমনি শুজাএং খাঁ কুচ আরম্ভ করিবার জন্য ঢাক বাজাইলেন। পাঁচ ক্রোশ অগ্রসর হইয়া রাত্রি আইসায় তিনি শিবির করিলেন। ঐ স্থানের চারিদিকে যথারীতি মালায়া খাল কাটিল ও মাটির দেওয়াল তুলিল।

তৃতীয় দিবসের কুচ শেষ হইলে ওলী মণ্ডুখেল্‌, উসমানের

কনিষ্ঠ পুত্র খাজা ইয়াকুবকে সঙ্গে লইয়া, শুজাএৎ খাঁর সহিত দেখা করিয়া মুম্বরেজের পক্ষ হইতে আত্মসমর্পণ ও সন্ধির প্রস্তাব করিলেন এবং উসমানের মৃত্যুর সংবাদ দিলেন।

যুদ্ধক্ষেত্র হইতে দ্রুতগতিতে চলিয়া এক রাত্রি ও দিনে উসমানের ভ্রাতাগণ পুত্র ও সর্হঙ্গগণ উহারে পৌঁছিয়াছিল। তাঁহার ভ্রাতৃপুত্র খাজা দায়ুদের সহিত উসমান নিজেই যে কতাকে বাগদান করিয়া গিয়াছিলেন, তৎক্ষণাৎ তাহার বিবাহ দিয়া, তাঁহার অপর সব কন্যা ও স্ত্রীগণকে গৃহের এক গোপনীয় স্থানে হত্যা করা হইল। উসমানের প্রাসাদ একটি প্রকাণ্ড বাঙ্গালা ঘর ছিল, তাহার প্রাঙ্গণে তাঁহার অস্ত্র একটি কৃত্রিম গোর প্রস্তুত করিয়া তাহার চারিদিকে এই-সব হত নারীদেরকে সমাধি দেওয়া হইল।

কিন্তু উসমানের দেহ গোপনে লইয়া গিয়া দুইটি পক্ষতের মধ্যে এমন স্থানে গোর দেওয়া হইল যে মুঘলেরা সে স্থান জানিতে না পারে এবং ঐ দেহ খুঁড়িয়া বাহির করিয়া বিদ্রোহীর মাথা কাটিয়া তাহা বাদশাহের নিকট পাঠাইতে না পারে। [বহারিস্তান হস্তলিপির ৬৩ খ—৭৪ ক পৃঃ।]

[১০]

এই যুদ্ধের সাক্ষী মির্জা সহনের বিবরণ উপরে দেওয়া গেল। তাহা হইতে স্পষ্টই দেখা যায় যে অধিকাংশ মুঘল সৈন্য অত্যন্ত কাপুরুষতা এবং তাহাদের সেনাপতিগণ স্থিরতা দূরদর্শিতা ও নেতৃত্বশক্তির অভাব দেখাইয়াছিল। ফলতঃ বাঙ্গালার বিখ্যাত হাতীগুলির সামনে কেহই

দাঁড়াইতে পারিল না। উসমান প্রথমে প্রকৃতই জয়লাভ করিয়াছিলেন, এবং তিনি এত শীঘ্র মারা না গেলে এখানে মুঘলদের এমন ভয়ঙ্কর পরাজয় হত্যা ও লুণ্ঠন হইত যে আকবরের সময়ে মুঘলমারির যুদ্ধ ভিন্ন আর কাহারও সহিত তাহার তুলনা হইত না। কিন্তু নেতার অভাবে সব পণ্ড হইল। মুঘলেরা চিকিয়া রহিল, আফখানেরা প্রথমে লক্ষ সুবিধাটি বাড়াইয়া তাহাদেরক বিতাড়িত করিতে পারিল না, এবং অবশেষে প্রভুর দশা জানিতে পারিয়া পলায়ন করিল। জাহাঙ্গীর আশ্চরিতে নিজ সৈন্য ও কাম্বচারীদের দোষ স্বীকার করিয়াছেন।

উসমান ৪০ বৎসর বয়সে রণক্ষেত্রে অতুল বীরত্বের সহিত প্রাণ বিসর্জন করেন—মরণাহত হইয়াও শেষ নিশ্বাস পর্যন্ত যুদ্ধ করেন এবং নিজদশা সৈন্যদের নিকট হইতে গোপন রাখেন। তাঁহার মৃত্যুর পরও অনেকক্ষণ তাঁহার শব লইয়া হস্তা রণব্যূহে দণ্ডায়মান থাকে।

তাঁহার বংশলত এইরূপ :—

ইসা খাঁ লোহানী মিয়ান্-খেল (কংখুখাঁর প্রধান মন্ত্রী) কংলুর মৃত্যুর পর ৫ বৎসর রাজত্ব করেন।

তাঁহার পাঁচ পুত্র—(১) খাজা সুলেমান, অল্পদিন রাজত্ব করিয়া ১০০২ হিজরীতে মারা যান (পুত্র খাজা দায়ুদ *), (২) খাজা উসমান, রাজ্যকাল ১০০২-১০২১ হিজরী (দুই পুত্র মুম্বরেজ ও ইয়াকুব), (৩) খাজা ওলী, ইনি উসমানের মৃত্যুর পর রাজা হন, (৪) খাজা মাল্হী, (৫) খাজা ইব্রাহিম।

যত্নাথ সরকার।

ঘরের ডাক

[১১]

সেদিন সকালবেলা রেভারেণ্ড হোয়াইট আপনার কক্ষে একটা বেতের চেয়ারে বসিয়া খবরের কাগজ পড়িতেছিলেন। এমন সময় লক্ষী গিয়া একথা-সেকথার পর বলিল, “আপনাকে আজ কদিন থেকে একটা কথা বলব বলব মনে করছি কিন্তু এ পর্যন্ত আর বলা হয়ে ওঠে নি—মেরী দিন দিন বড় বাড়িয়ে তুলছে।”

২০—২

অত্যন্ত উৎকণ্ঠিতভাবে রেভারেণ্ড বলিয়া উঠিলেন, “কেন, কি হয়েছে লুদী?”

“সে নলিনী-বাবুর সঙ্গে অতিরিক্ত রকম মিশতে আরম্ভ করেছে।”

মুখখানাকে ভার করিয়া রেভারেণ্ড বলিলেন, “হাঁ সেটা আজ কদিন থেকে লক্ষ্য করছি বটে।”

* কংলুখাঁর পূর্ববর্তী রাজা দাউদ কররাণী ও এই খাজা দায়ুদ সম্পূর্ণ পৃথক ব্যক্তি।

একটু আমতা-আমতা করিয়া লক্ষ্মী বলিল, “আর তাছাড়া নলিনী-বাবুর সঙ্গে তার সম্পর্কটা দিন দিন ষেরকম হয়ে আসছে—তাকে আর ঠিক বন্ধুত্ব বলা চলে না।”

অত্যন্ত উত্তেজিত হইয়া উঠিয়া রেভারেণ্ড বলিয়া উঠিলেন, “ডোরাও সেদিন আমাকে ঠিক ঐ কথাই বলছিল বটে। এমন জানলে কে ওকে এখানে আসতে লিখিত!—আমি আজই ওর বাপকে চিঠি লিখে দিচ্ছি—না না, এসব আঙ্কারা দেওয়া কখনই উচিত নয়। ডোরাও কাল আমাকে ঠিক ঐ কথাই বলেছিল—আমি তার কথা তখন বিশ্বাসই করিনি—আর বিশ্বাসই বা করি কি করে?—যাক, আমি আজই এর একটা যাহোক ব্যবস্থা করছি-।”

লক্ষ্মী আবার বলিল, “সে আজকাল ষেরকম বাড়াবাড়ি করে তুলেছে—কোন দিন, না শুনতে হয় সে হিন্দু হয়ে গেছে।”

“আশ্চর্য্য কি!” বলিয়া রেভারেণ্ড অত্যন্ত অস্থিরভাবে ঘরঘর পাচারি করিয়া বেড়াইতে লাগিলেন। তার পর কিছুক্ষণ চুপ করিয়া থাকিয়া আবার বলিতে লাগিলেন, “তা হলে আমাদের মুখ দেখাবার আর জায়গা থাকবে না। কি কুক্ষণেই ওকে আসতে লিখেছিলুম!—তখন কে জানতো ও এমনধারা কেলেঙ্কারী করে এসবে? না না! আমাকে এর একটা ব্যবস্থা করতেই হচ্ছে দেখছি; আর ঐ ছোকরাটিকেও একটু শিক্ষা দিয়ে দিতে হচ্ছে—বড্ড বাড়িয়ে তুলেছে।”

সেইদিনই বৈকালে মেরীকে ডাকিয়া রেভারেণ্ড বলিলেন, “তোমার নামে অনেক কথা শুনতে পাচ্ছি মেরী—আমার ইচ্ছে নয় তুমি আর এখানে থাক।”

অত্যন্ত বিরক্তভাবে মেরী বলিয়া উঠিল, “অপরাধ!”

রাগে জ্বলিয়া উঠিয়া রেভারেণ্ড বলিয়া উঠিলেন, “অপরাধ যথেষ্ট হয়েছে—তা না হলে শুধু-শুধু বেতে বসতুম না।”

অত্যন্ত তাক্কিলোর স্বরে মেরী বলিয়া উঠিল, “তবু, কি অপরাধটা একবার শুনি।”

পঞ্চমে চড়িয়া উঠিয়া রেভারেণ্ড বলিয়া উঠিলেন, “ভদ্র-লোকের মত কথা কইতে শেখ মেরী।”

একটুও বিচলিত না হইয়া ঠিক তেমনি কঠোরভাবেই মেরী বলিয়া উঠিল, “সে শিক্ষাটা আমার বোধ হয় আপনারই সবচেয়ে দরকার হয়ে পড়েছে।”

রাগে জ্বলিয়া উঠিয়া রেভারেণ্ড বলিয়া উঠিলেন, “মুখ সামলে মেরী—আমি আজই তোমার বাবাকে চিঠি লিখে দিচ্ছি।”

একটু হাসিয়া মেরী বলিল, “কি লিখবেন শুনি!”

রাগে কাঁপিতে কাঁপিতে রেভারেণ্ড বলিয়া উঠিলেন, “লিখবো আপনার মেয়ের চরিত্র অত্যন্ত জঘন্য হয়ে উঠেছে; সে একজন বাঙ্গালী যুবকের সঙ্গে যা ইচ্ছে তাই—”

অত্যন্ত কঠোর স্বরে মেরী বলিয়া উঠিল, “মেরী আজ পর্য্যন্ত কোন মিথ্যাকেই ভয় করতে শেখেনি মিঃ হোয়াইট! আপনার যা ইচ্ছে তাই করতে পারেন। আমি আপনাকে মানুষের মধ্যেই গণ্য করি না।” কথাটা শেষ করিয়াই সে ঝড়ের বেগে ঘর হইতে বাহির হইয়া চলিয়া গেল।

ইহার কিছুদিন পর একদিন এক ক্ষান্তবর্ষণ সন্ধ্যায় লক্ষ্মী আপনার শয়নকক্ষের বাতায়নের ধারে চুপ করিয়া বসিয়া ছিল। সমস্ত দিন বর্ষণের পর এই কিছুক্ষণ হইল বৃষ্টি থামিয়া গিয়াছে এবং তাহারই সজলতা মৌনসন্ধ্যায় সেই করুণ এবং বিষাদময় ক্ষণটিকে আরো করুণ করিয়া তুলিয়াছিল। সে একবার বাতি জ্বালিয়াছিল, কিন্তু বাদলা হাওয়ায় সেটা হঠাৎ নিবিয়া যাওয়ায় দ্বিতীয়বার আর জ্বালে নাই—অন্ধকারেই বাতায়নের ধারে নীরবে আসিয়া বসিয়া পড়িয়াছিল। বাহিরে তখন পর্য্যন্ত বাঁশ-ঝাড়ের বৃকের মাঝখানে বাতাস কাঁদিয়া কাঁদিয়া ফিরিতেছিল এবং কালো মেঘগুলো থাকিয়া থাকিয়া গুমুরিয়া মরিতেছিল। লক্ষ্মীর মনটাও আজ কাঁদিতেছিল,—তার মনে হইতেছিল, এই ক্ষান্তবর্ষণ মৌন সন্ধ্যায় বৃকের মাঝখানটিতে যে করুণ সুরটি অনবরত কাঁদিয়া কাঁদিয়া উঠিতেছে, তার সমস্ত জীবনটা যেন তাহারই সুরে সুর মিলাইয়া বাজিয়া উঠিতে চায়। তার সমস্ত জীবনটাই যেন ঠিক এমনি একটি কান্নাভরা আঘাতসন্ধ্যায় একটিমাত্র অশ্রুবিন্দু হইয়া গড়িয়া উঠিয়াছে।

হঠাৎ পিছন হইতে কে ডাকিল—‘লুসী!’

লক্ষ্মী ফিরিয়া চাহিল, কিন্তু কোন কথা বলিল না।

অন্ধকারে আবার কে ডাকিল, “লুসী, তুমি বোধ হয় শুনেছ আমি কাল এখান থেকে চলে যাচ্ছি!”

একটুমাত্র চঞ্চল না হইয়া অত্যন্ত স্থির এবং আর্দ্রকণ্ঠে লক্ষ্মী বলিল, “কেন যাচ্ছ মেরী?”

“কেন ?—সে কথা তোমরাই আমার চেয়ে বেশী জান লুসী”—বলিয়া মেরী একটা দীর্ঘনিশ্বাস তাগ করিল।

অত্যন্ত করুণ কণ্ঠে লক্ষ্মী বলিল, “আমি ত কিছুই জানি না মেরী।”

“তুমি কিছুই জান না ?—মিথ্যে কথা বোলো না লুসী !” তার পর একটুখানি চুপ করিয়া থাকিয়া মেরী আবার বলিল, ‘আমার নিজের জন্তে আমি একটুও ছুঃখিত নই লুসী—ছুঃখ আর একজনের জন্তে ; তোমরা কতবড় একটা জীবন যে জন্মের মত মাটি করে দিয়েছ, তা যদি বুঝতে !”

অত্যন্ত ক্ষীণ এবং আর্দ্রকণ্ঠে লক্ষ্মী বলিল, “কেন ?”

“কেন ?—এখানকার ম্যাজিষ্ট্রেট সাহেব নলিনী-বাবুকে কি হুকুম দিয়েছেন শোন নি ?”

ঠিক তেমনি নির্দিকারভাবেই লক্ষ্মী উত্তর দিল, “কৈ না !”

“তুমি যে আশ্চর্য্য করলে লুসী—তুমি মিথ্যে কথা বলছ না ত ?”

অশ্রুসিক্ত কণ্ঠে লক্ষ্মী উত্তর দিল, “না, মিথ্যে কথা বলছি না মেরী !”

অত্যন্ত উত্তেজিতভাবে মেরী বলিয়া উঠিল, “আমার নামে তুমি রেভারেণ্ড হোয়াইটের কাছে কোনদিন কোন কথা বলনি ?”

‘বলেছি।’

“কি বলেছ ?”

“বলেছি, নলিনী-বাবুকে তুমি ভালবাস।”

কিছুক্ষণ চুপ করিয়া থাকিয়া মেরী বলিল, “তার পর রেভারেণ্ড হোয়াইট ম্যাজিষ্ট্রেট সাহেবের কাছে গিয়ে নলিনী-বাবুর নামে যে-সব মিথ্যা অভিযোগ রটিয়ে এসেছেন তুমি তার কিছুই জান না ?”

কম্পিত কণ্ঠে লক্ষ্মী বলিল, “না, জানি না মেরী !”

অত্যন্ত উত্তেজিত ভাবে মেরী বলিতে লাগিল, “তিনি ম্যাজিষ্ট্রেট সাহেবের কাছে গিয়ে বলেছেন, নলিনী-বাবু গ্রামের ছোটলোকদের ধরে ধরে রাজদ্রোহী করে তুলছে এবং সেদিন হরিহরপুরে যে ডাকাতি হয়ে গেছে তিনি তাতে লিপ্ত ছিলেন।”

লক্ষ্মী একটি কথাও বলিল না— কাঠের মত শক্ত হইয়া দাঁড়াইয়া রহিল।

একটু থাকিয়া মেরী আবার বলিতে লাগিল, “প্রমাণ অভাবে ম্যাজিষ্ট্রেট সাহেব নলিনী-বাবুকে গ্রেপ্তার করতে পারেন নি, কিন্তু অদেশ জারী করেছেন, তিনি আর কখন গ্রামের ছোটলোকদের সঙ্গে মিশতে পারবেন না এবং তাঁকে সারাজীবন পুলিশের নজরবন্দির মধ্যে থাকতে হবে।”

লক্ষ্মী তেমনি নির্দিক হইয়াই বসিয়া রহিল। মেরী আবার বলিল, “অর্থাৎ তাঁর কর্মজীবনটাকে একবারে নষ্ট করে দেওয়া হয়েছে।”

কিছুক্ষণের জন্ত ঘরখানি নিস্তব্ধ হইয়া গেল। বাহিরে তখন আবার ঝম্ ঝম্ শব্দে বৃষ্টি শুরু হইয়াছিল এবং মাঝে মাঝে সন্ধ্যার অন্ধকার চিরিয়া ফেলিয়া বিদ্যায় চম্কাইয়া উঠিতেছিল।

কিছুক্ষণ এইভাবে চুপ করিয়া থাকিয়া মেরী বলিল, “আমি কালই এখান থেকে চলে যাবি লুসী ; যাবার সময় তোমাকে একটা কথা বলে যাওয়া নেহাত দরকার বলে মনে হোলো, তাই একবার দেখা করে যেতে এলাম।”

অশ্রুসিক্তকণ্ঠে লক্ষ্মী বলিল, “কি কথা মেরী ?”

গলাটাকে পারকার করিয়া লইয়া মেরী বলিল, “তোমার ধারণা, আমি নলিনী-বাবুকে ভালবেসে ফেলেছি ; তা নয় লুসী ; আমি তাঁকে বড়-ভায়ের মত ভক্তি করি ; অল্প কোম দৃষ্টিতে আজ পর্যন্ত তাঁর মুখের দিকে তাকাই নি। আর, তিনিও আমাকে ছোট বোনের মত করেই আজ পর্যন্ত স্নেহ করে এসেছেন, অল্প কোন ভাব তাঁর মনে একদিনের তরেও স্থান পায় নি।”

লক্ষ্মী সে কথার কোন উত্তর দিল না, কেবল চাপা গলায় বলিয়া উঠিল, “তুমি যেও না মেরী !”

সজল কণ্ঠে মেরী বলিল, “আমাকে যেতেই হবে লুসী ; ম্যাজিষ্ট্রেটের আদেশ, আমাকে ২৪ ঘণ্টার মধ্যেই এ গ্রাম ত্যাগ করে যেতে হবে।”

কম্পিত কণ্ঠে লক্ষ্মী জিজ্ঞাসা করিল, “কেন ?”

“তা ঠিক জানি না, জানি কেবল এই যে চলে যেতে হবে, ২৪ ঘণ্টার মধ্যে।”

লক্ষ্মী আর একটি কথাও বলিল না, চুপ করিয়া বাহিরের দিকে চাহিয়া বাসিয়া রহিল।

কতক্ষণ এইভাবে বসিয়া ছিল তা সে নিজেরই জানিতে পারে নাই। কখন একসময় ফেলী ডাকিল, “লক্ষ্মী-দিদি !”

চম্কাইয়া ফিরিয়া, চাহিয়া সে বলিল, “কেন রে ফেলী ?”

অত্যন্ত বিষাদময় কণ্ঠে ফেলী বলিল, “নলিনী-বাবুর কি হয়েছে লক্ষ্মী-দিদি ?”

“তা ত জানি না ফেলী,” বলিয়া লক্ষ্মী জানালার ভিতর দিয়া বাহিরের দিকে চাহিয়া রহিল। তখনও রূপ-রূপ করিয়া বৃষ্টি পড়িতেছিল; আকাশ যেন মেঘের কালো আঁচলখানিতে মুখ ঢাকিয়া কাঁদিতেছে।

ফেলী আবার বলিল, “আমি আজ বিকেল বেলা নলিনী-বাবুকে খবর দিতে গেছলুম,—ননি সেকরার মেয়ের বড় জ্বর হয়েছে; সেকথা শুনে নলিনী-বাবু আমাকে বুকের ভেতর জড়িয়ে ধরে কাঁদতে লাগলো লক্ষ্মী-দিদি !”

লক্ষ্মী কেবল বলিল, “হঁ।”

পরদিন সকাল দশটার ট্রেনে মেরুর যাইবার কথা; অতি প্রত্যাশে উঠিয়া লক্ষ্মী কাহাকে কিছু না বলিয়া বাড়ী ছাড়িয়া রাস্তায় বাহির হইয়া পড়িল এবং উদ্দেশ্যহীনভাবে এদিক ওদিক ঘুরিয়া বেড়াইতে লাগিল। তার পর যখন ১০টা বাজিয়া গেল তখন সে ধীরে ধীরে বাড়ী ফিরিয়া আসিল।

মেরী ঘে-ঘরখানিতে থাকিত তাহারই সম্মুখ দিয়া যাইবার সময় সে একবার ঘরখানির দিকে চাহিয়া দেখিল ঘরখানি শূন্য পড়িয়া রহিয়াছে—তার চোখ ফাটিয়া কান্না আসিতে লাগিল।

পরদিন প্রাতঃকালে রেভারেণ্ড হোয়াইট গির্জার সমুখের ষাগানটাতে অন্তমনস্কভাবে বেড়াইতেছিলেন। এমন সময় লক্ষ্মী আসিয়া কোনরূপ ভূমিকা না করিয়াই হঠাৎ বলিয়া উঠিল, “আমরা মাদ্রাজ যাক্কে কবে রেভারেণ্ড ?”

একটু হাসিয়া রেভারেণ্ড বলিলেন, “এখানে বুকি আর মন টিক্ছে না তোমার ?”

“না, একটুও না, এখনি যদি কেউ নিয়ে যায় ত চলে যাই।” বলিয়া লক্ষ্মী নতমুখে চুপ করিয়া দাঁড়াইয়া রহিল।

যন দাড়ির মধ্যে ধারে ধারে অঙ্গুলি সঞ্চালন করিতে করিতে রেভারেণ্ড বলিলেন, “আমি ত পূর্বেই বলেছিলুম লুসী, দু-একদিন বাংলাদেশ লাগে ভালো, কিন্তু কিছুদিন থাকলেই সব পুরাণো হয়ে যায়। শুধু কেবল প্রাকৃতিক সৌন্দর্য্য মানুষকে কদিন ভুলিয়ে রাখতে পারে লুসী ?”

সে কথার কোন জবাব না দিয়া লক্ষ্মী বলিল, “তা হলে আমরা কবে এখান থেকে যাব্ছি ?”

“যেদিন তোমরা বলবে; যে জগ্ছে আমার এখানে আসা তা ত হয়ে গেছে লুসী, এখন তোমরা যেদিন বলবে আমি তৈরি হয়ে থাকবো।” বলিয়া রেভারেণ্ড আবার পাচারি করিতে লাগিলেন।

কিছুক্ষণ চুপ করিয়া থাকিয়া লক্ষ্মী আবার বলিল, “আমার ইচ্ছে কালই আমরা এখান থেকে চলে যাই।”

হঠাৎ থমকিয়া দাঁড়াইয়া লক্ষ্মীর মুখের দিকে চাহিয়া রেভারেণ্ড বলিয়া উঠিলেন, “এত তাড়াতাড়ি কেন লুসী ?”

লক্ষ্মী বলিল, “আমার আর একদণ্ডও এখানে মন টিক্ছে না রেভারেণ্ড।”

একটু বিরক্ত হইয়া রেভারেণ্ড বলিলেন, “তোমার কি সবতেই একটু বাড়াবাড়ি চাই লুসী! মন ত আমারও টিক্ছে না, কিন্তু তাই বলে কি এখনি ছুটতে হবে ?”—তার পর সুরটাকে একটু নরম করিয়া লইয়া বলিলেন, “আমি চারিদিক ভেবে চিন্তে দেখলুম এই রবিবারের আগে আমাদের যাওয়া হতেই পারে না। আজ হোলো গিয়ে তোমার মঙ্গলবার—তাহলে মাঝে কেবল চারটে দিন রৈল বৈ ত নয়—এই কটা দিন আর থাকতে পারবে না ?”

“পারবো,” বলিয়া লক্ষ্মী আস্তে আস্তে চলিয়া গেল।

সমস্ত দিন গেল। সন্ধ্যা আসিল। লক্ষ্মীর মন হু হু করিতে লাগিল। তার মনে হইতে লাগিল, বাংলা দেশ যেন সন্ধ্যার মলিন বঙ্গখানি পরিয়া তাহার শয়নকক্ষের বাতায়নটির ধারে আসিয়া দাঁড়াইয়া তার মুখের দিকে ককণ নমনে চাহিয়া রহিয়াছে।—সে ছটফট করিয়া জান্নাটা বন্ধ করিয়া দিল এবং আলো জালিয়া সমুখের আলমারি হইতে একখানা বই টানিয়া লইয়া পড়িবার চেষ্টা করিতে লাগিল।

পরদিন সকালে উঠিয়া সে বেড়াইতে যাইবার জন্ত কাপড় জামা পরিয়াই হঠাৎ কি ভাবিয়া খুলিয়া ফেলিল। তার হঠাৎ মনে পড়িয়া গেল, পথে যদি সহসা নলিনীকান্তর সহিত দেখা হইয়া যায়। তার মনে হইল সে এখনি ছুটিয়া এ গ্রাম ছাড়িয়া পলাইয়া যায়। কি বলিয়া সে নলিনীকান্তকে এ মুখ দেখাইবে! সেই উদার, উন্নতমনা

যুবকটির জীবনের সমস্ত আশা ভরসা, সমস্ত উৎসাহ, সমস্ত আকাঙ্ক্ষা সে নিজের একটু সামান্য স্বার্থের জন্ত কি নিঃস্বার্থভাবেই না ভাঙ্গিয়া চুরিয়া তসস করিয়া দিয়াছে,—সে

কথা মনে করিয়া তার বুকের মাঝখানটা হ হ করিয়া উঠিতে লাগিল।

(ক্রমশঃ)

শ্রীবিষ্ণুপতি চৌধুরী।

শিক্ষার বনিয়াদ

ফরাসীদেশের বিখ্যাত খেলোয়াড় জর্জ কার্পান্তিয়ে'র (Georges Carpentier) নাম অনেকেই শুনিয়া থাকিবেন। বয়সে তরুণ হইলেও মুষ্টিযুদ্ধে ইনি সেদিন পর্য্যন্ত অদ্বিতীয় ছিলেন; শেষবারের লড়াইতে আমেরিকার ডেম্পসী'র (Dempsey) কাছে শুধু হার মানিয়াছেন। কিন্তু হারাতেও তাঁহার প্রতিভা কিছু ক্ষুণ্ণ হইয়াছে বলিয়া মনে হয় না; কারণ, ডেম্পসী তাঁহাকে হারাইয়াছেন ধারে নয়, কেবল ভারে। পাথরের স্তূপের কাছে মানুষ যদি হটিয়া যায়, তবে তাহাতে মানুষের বিশেষ অপমান নাই। সে যাহা হউক, আমাদের বক্তব্য বিষয় তা নয়, আমাদের বক্তব্য বিষয় কার্পান্তিয়ে'র ব্যায়াম সম্বন্ধে উপদেশ। শরীরকে কি রকমে তৈয়ারী করিতে হয়, সে সম্বন্ধে এই প্রতিভাবান খেলোয়াড় নিজের শিক্ষা ও অভিজ্ঞতা হইতে যে কথা বলিয়াছেন তাহা খুবই মূল্যবান বলিয়া আমরা মনে করি; সে কথা আমাদের এত ভাল লাগিয়াছে যে কিয়দংশ ছবছ তুলিয়া দিবার লোভ সম্বরণ করিতে পারিলাম না।

"I have always made it a point to shun all exercises that are merely violent, for that which is physically hard to do hurts and tires; it is harmful. For instance, of the prolonged swinging of Indian clubs or dumb-bells or muscle-making exercises, I do not approve. A man who claims perfect physical fitness because his body is bunched with muscle, I would not pass as the ideal or perfectly trained athlete. The severely muscular man is strong only in a given test of strength. he may lift a tremendous dead-weight; he is imposing to look at; but he lacks elasticity, quick footedness; oftener than not he has an indifferent carriage; he has made no special study of deportment. * * * I attach the utmost importance to 'how to walk'. Perfect carriage—the knowledge that you possess a full share

of that poetry of movement which we call deportment has a wonderful effect upon the mind, and as I hold that it is absolutely necessary in the striving after physical fitness, first to have a regard for your mentality, I would put deportment down as the beginning of the alphabet of physical culture. Having learned to walk correctly, * * * you have mastered one of the hardest and most exacting lessons of your athletic curriculum, you then know all about poise, balance; and awkwardness will not seize hold of you. * * * Training as training—a species of mechanics I would call it—is as appalling as it is monotonous and soul-destroying. * * * It is not uncommon to find the average trainer insisting upon his man working full steam until the very eve of a fight. There is nothing in my opinion, more harmful to drill into a pugilist that he is just a fighting machine to be wound up and set working at will."

কথা কয়টি সহজ সাধারণ কিন্তু অতি সারগর্ভ। দেশের শিক্ষা বিষয় লইয়া যাহারা নাড়াচাড়া করেন তাঁহাদের সকলেরই এই কথা কয়টির উপর বিশেষ মনোযোগ দেওয়া উচিত। কার্পান্তিয়ে বলিতেছেন—শরীরকে তৈয়ার করিতে হইলে সকলের আগে শিক্ষা করা দরকার ঠিকভাবে হাঁটা। ঠিক ঠিক হাঁটিতে যে শিখিয়াছে, শরীরের চলনটি (deportment) যাহার বিশুদ্ধ, তাহারই শরীরের ভিত খাঁটি হইয়াছে; শরীরের পক্ষে আর যাহা প্রয়োজন তাহা আয়ত্ত করিতে সে ব্যক্তির কিছুই লাগে না। হাঁটিতে জানা অর্থ, ছন্দের তালমানের জ্ঞান; ঠিক হাঁটিতে পারে যে তাহার অঙ্গে অঙ্গে ফুটিয়া উঠিয়াছে একটা সুর, সামঞ্জস্য, একটা হাল্কা অথচ আঁটসাঁট ভাব। এইটি হইলে শরীরে স্বাস্থ্য সামর্থ্য সৌন্দর্য্য অতি সহজেই আসে। আমরা কিন্তু খোলা আকাশের বাতাসের আলোর সাথে সরল সহজভাবে ছন্দের তালে দোলাইয়া শরীরকে গঠিত কবি না। আমরা কঠিন

বিধিনিষেধের মধ্যে থাকিয়া, কষ্টসাধ্য ব্যায়াম করিয়া শরীরের উপর অত্যাচার করি মাত্র—বিশেষ বিশেষ মাংস-পেশী ফুলাইয়া, বিশেষ বিশেষ অঙ্গ পুষ্ট ও শক্ত করিয়া ওস্তাদ বনিয়া যাইতে চাই। কার্পাস্তিয়ে তাই ডায়েল মুগুর ডন বৈঠক এইরকম কোন শ্রমসাধ্য ব্যায়ামবিশেষে শক্তির পুঞ্জিকে খাটাইতে চাহেন না। তিনি বলেন এ-সব উপায়ে শরীরকে মাংসল পেশীবহুল করা যাইতে পারে, কোন কোন অঙ্গে প্রভূত বল সঞ্চয় করা যাইতে পারে বটে, কিন্তু তাহাতে লাভ কি? এইরকমে মানুষ বিশেষ কোন বল-পরীক্ষায় সফল হইতে পারে—কেহ বকের উপর দিয়া হাতী চালাইয়া দিতে পারে, কেহ দশবিশ মণ পাথর তুলিয়া ধরিতে পারে, কাহারও বা বপুখানি দেখিয়া তাক লাগিয়া যাইতে পারে, কিন্তু এখানে পাই না সমস্ত শরীরের একটা সাধারণ পুষ্টি, সমান সামর্থ্য, একটা সুবিজ্ঞ সুসংহত শক্তি, একটা ছন্দের সৌন্দর্য্য।

আমরা শরীরের শিক্ষার কথা বলিব না, আমরা বলিব মনের শিক্ষার কথা। কিন্তু শরীর সম্বন্ধে কার্পাস্তিয়ে যাহা বলিয়াছেন, তাহা সবই মনের সম্বন্ধেও প্রযুক্ত। আমাদের দেশে—শুধু আমাদের দেশেই বা কেন, পৃথিবীর সর্বত্রই যে শিক্ষা প্রচলিত তাহা কার্পাস্তিয়ে যেমন বলিতেছেন সেই পেশীবহুল—severely muscular মন ও মস্তিষ্ক তৈয়ারী করিবার শিক্ষা। প্রচলিত শিক্ষায় আমরা করি কি? মনের এক-একটা খণ্ড বৃত্তি ধরিয়া, মস্তিষ্কের এক-এক ভাগের উপর ভর করিয়া আমরা কসুরং করিতে থাকি। শিক্ষার্থীর মনকে মস্তিষ্কে এক একটা বিভাগ অর্থাৎ এক-একটা কোণে (trick) কপলী চুর করিয়া তুলিতে চাই। রামমুণ্ডি বের্নন বকের উপর জড়ান শিকল বুকখানা ফুলাইয়া ছিঁড়িয়া ফেলেন, তেমনি আমাদের দার্শনিক ওস্তাদের উদ্দেশ্য তর্কের জোরে জগৎসমস্তা মিটাইয়া পরিষ্কার করিয়া দেওয়া। তারাবাই যে-রকমে কয়েকগোছা চুলে বাঁধিয়া বিপুল ভারী পাথর তুলিতে পারেন, সেই-রকম জ্বরদন্ত স্মৃতিশক্তির সহায়ে আমাদের কেহ কেহ পৃথিবীর যাবতীয় ঘটনাবলীর মন তারিখ পুঙ্খানুপুঙ্খরূপে অনর্গল বলিয়া যাইতে পারেন। অথবা স্ত্রীশরীর যেমন পেশীতে পেশীতে ফুলিয়া দৃষ্টির

শোভা হইয়াছে, সেই-রকম আমাদের মধ্যে হুই-একজন বিদ্বান বা পণ্ডিত আছেন যাহারা বিদ্যার সম্ভারে পূর্ণ এক-একটি সচল ভাণ্ডার। আমাদের শিক্ষাপদ্ধতি বিশেষজ্ঞ গড়িয়া তুলিতে চাহিতেছে, কিন্তু প্রায়ই দেখি বিশেষজ্ঞ যিনি তিনি আপনার বিয় ছাড়া অত্যাচার বিষয়ে—এমন কি সাধারণ জীবনের সাধারণ বিষয়ে পর্য্যস্ত—কেমন অজ্ঞ, অক্ষম, না হয় উদাসীন। প্রভূতভাবিৎ যিনি তিনি সাহিত্যের রসে বঞ্চিত, কেমিষ্ট্ যিনি দর্শনের সহিত তাঁহার ঝগড়া, ভাষাজ্ঞ যিনি বিজ্ঞান তাঁহার মাথায় সহজে প্রবেশের পথ পায় না। একটা উদাহরণ দেই; কথাটা গল্প নয়, একেবারে বাস্তব সত্য। আমাদের জনৈক বন্ধু দর্শনশাস্ত্রে এম-এ দিতেছেন; তাঁহাকে কি কথায় কথায় জিজ্ঞাসা করা হয়, মহম্মদ আগে না বুদ্ধ আগে; তিনি মাথা চুলকাইয়া অনেক ভাবিয়া গবেষণা করিয়া বলিলেন মহম্মদই আগে হইবেন! শেষে বিষম অপদস্থ হইয়া ওজর দেখাইলেন যে তিনি দর্শনের ছাত্র, ইতিহাস ত তাঁহার পাঠ্যতালিকায় নাই! এই দৃষ্টান্তটা অসাধারণ কি না জানি না—একজন প্রফেসর বন্ধু আশ্বাস দিতেছেন যে তা নয়, ব্যাপারটা খুবই সাধারণ; কিন্তু এই-রকম গোছের বিশেষজ্ঞের সৃষ্টি যে আমাদের শিক্ষায় হইতেছে তাহাতে ভুল নাই। সম্প্রতি কোথাও কোথাও অবশ্য বলা হইতেছে আর দায়ে পড়িয়া স্পষ্ট অনুভব করিতেছি যে সকল বিদ্যার সহিত সকল বিদ্যারই কিছু না কিছু সংযোগ আছে, কোন একটি বিষয়ের মধ্যে একান্তভাবে কুপমণ্ডুক হইয়া থাকা চলে না; আমরা দেখিতে আরম্ভ করিয়াছি যে যাহার যত বৈশী বিষয়ের উপর অধিকার তিনি নিজের বিশেষ বিষয়টির তত মর্শ্বোদ্ঘাটন করিতে পারেন, তাহাকে তত গভীরভাবে বিশদভাবে খুঁটাইয়া ফুলাইয়া ধরিতে পারেন। আজকাল আমরা বলিতে সুরু করিয়াছি, প্রত্যেক বিদ্যাই খণ্ড বিদ্যা, জগতের এক-একটা ভাগ কাটিয়া আলাদা করিয়া পর্য্যবেক্ষণ করিতেছে মাত্র; সুতরাং মোটের দিক হইতে, আর-সকল বিদ্যার আলোকে যদি অংশবিশেষের বিদ্যাকে দেখি, তবেই তাহা সম্পূর্ণ দেখা হয়, তাহার পুরাপুরি রহস্য উদ্ধার হয়। কিন্তু এই-রকমেও আমরা বিশেষজ্ঞকেই প্রাধান্য দিতেছি, বিশেষ বিদ্যাই মুখ্য কথা, আর-সকল বিদ্যা শুধু সহায় বলিয়া চর্চা করা দক্ষ্য, ইহাদের আলোক সেই

বিশেষ বিদ্যারই উপর কেন্দ্রীভূত করিবার অঙ্গ। তা ছাড়া, আমরা যদি সকল বিদ্যাই নিরপেক্ষভাবে সমান চর্চা করি, তাহা হইলেও সে জিনিষটা হইবে কার্পাস্তিয়ে যে বলিয়াছেন muscle making exercises অর্থাৎ পেশীগড়া ব্যায়াম, তাহারই মত; ইহাতে মন, মস্তিষ্ক বিদ্যা-খচিত হইয়া উঠিতে পারে, কিন্তু গোটা মনকে মস্তিষ্কে—আসল মাঃষকে এ-রকমে পাওয়া সম্ভব নয়।

বস্তুতঃ শিক্ষার এই যে পেশীগড়া পদ্ধতির কথা আমরা বলিলাম ইহার ভুল এই যে এখানে দৃষ্টি দেওয়া হইয়াছে বাহিরের উপর, খণ্ডের উপর—ভিতরকে, সমগ্রকে ধর্তব্যের মধোই আনা হয় নাই। কি রকমে, আমরা একটু বিশদ করিয়া বলিতে চেষ্টা করিব। শিক্ষার মধ্যে তিনটি স্তর বা ধারা আছে। প্রথম, বিষয় অধিকার; দ্বিতীয়, বৃত্তির চর্চা; আর তৃতীয়, মনের গড়ন ঠিক করা, সামর্থ্য বাড়ান। প্রথম হইতেছে বিশেষ বিশেষ বিজ্ঞান পারদর্শী হওয়া, তৎসম্বন্ধে যত তর ও তথ্য আছে তাহা জানা বা আবিষ্কার করা। দ্বিতীয় হইতেছে মনের বিশেষ বিশেষ বৃত্তিকে মাজিয়া ঘসিয়া তীক্ষ্ণ ও পরিপূর্ণ করিয়া তোলা—যেমন স্মৃতির শক্তি অথবা বিচার-বিতর্কের শক্তি অথবা সাজাইয়া গুছাইয়া ধরিবার শক্তি। আর তৃতীয়টি হইতেছে কোন বিশেষ বিষয়ে বিদ্বান বা শাস্ত্রজ্ঞ হওয়া নয়, কিংবা কোন বৃত্তিবিশেষে উৎকর্ষ লাভ নয়, কিন্তু মনের গোড়াটি গোটা মস্তিষ্কটি সতেজ ও শক্তিমান করিয়া তোলা। চলিত শিক্ষা প্রথমটি লইয়াই ব্যাপ্ত অর্থাৎ শিক্ষার যেটি অধমাত্র, যেটি সব-চেয়ে নীচের ও বাহিরের স্তর সেইটিকেই সর্বেসকী করিয়া তুলিয়াছে; দ্বিতীয়টি, যেটি অপেক্ষাকৃত ভিতরের, সেটি যদি এখানে পাই, তবে তাহা নেহাৎ গৌণভাবে; আর তৃতীয়টি, যেটি সবচেয়ে ভিতরের, সেটির কোন খোঁজ-খবরই আমরা রাখি না। পূর্ণ শিক্ষায় এই তিনটি অঙ্গেরই দরকার, তবে তাহার প্রণালী হওয়া উচিত বাহির হইতে ভিতরে ঢুকিবার চেষ্টা নয় কিন্তু ভিতর হইতে বাহিরে আসা—চলিত প্রণালীর ঠিক উল্টা ধারায়। ভিতরের খোঁজ না রাখিয়া কেবল বাহির হইতে চাপ দিলে, ভিতরটা হয় মুষ্‌ড়িয়া যায়, না হয় পায় একটা বিকৃত অস্বাভাবিক রূপ। বিষয় জানাকেই একান্ত করিয়া ধরিলে, বিষয়ের গুরুভারে মনের

বৃত্তি সহজভাবে ফুটিয়া উঠিবার পথ ত পায়ই না, বিষয় জানাটাও ঠিক ঠিক হয় না; কারণ, বৃত্তিকে সেগুলি জোর করিয়া গেলান হয়, হজম করিতে যে সময় যে সামর্থ্য লাগে তাহা সে পায় না। বৃত্তির চর্চাও গোড়ার কথা নয়। স্বরণশক্তি বাড়ান দরকার সুতরাং চেষ্টা করিয়া মনে রাখ, বার বার দেখ, মুখস্থ কর; অথবা বিশ্লেষণশক্তিকে তীক্ষ্ণ করা দরকার, সুতরাং মাথা খাটাইয়া লজিকের খাপে খাপে বৃত্তিকে চালান অভ্যাস কর—এই ভাবে বৃত্তিকে যথাযথ বিকশিত করিয়া তোলা যায় কি না, বিষয়ের উপর অধিকার ও পূর্ণ মাত্রায় হয় কি না, গভীর সন্দেহের কথা। যদি তা'ও হয় তবুও আমরা পাই শুধু বৃত্তিবিশেষে বা বিষয়বিশেষে ওস্তাদী; এ-রকমে এক-একজন প্রতিধর বা চুল-চেরা তार्কিক অথবা একখানা চলন্ত অভিধান আমরা বানাইতে পারি, কিন্তু সে-সব হয় যেন একটি যন্ত্রবিশেষ—বিশেষ বিশেষ জিনিষ তাহার মধো ফেলিয়া দাও, বাহির হইয়া আসিবে বিশেষ বিশেষ ধরণের তৈয়ারী মাল। কিন্তু এ উপায়ে তেজালো জোরালো মনওয়ালো সহজ স্বাভাবিক মানুষ পাওয়া দুষ্কর। শুধু তাই নয়, বাহির হইতে এরকমে গড়িয়া পিটিয়া লই যে মন, তাহা বেশীর ভাগ হয় গ্রহণের আধার মাত্র, সে মন গ্রহণ করিতে পারে যাহা কেবল গ্রহণ করা যায় যন্ত্রের মত; সৃষ্টিকারী মন, যে মন দান করিতে পারে, যে মন রসজ্ঞ তাহার উদ্ভব এ ভাবে হয় না। সৃষ্টি অর্থ জড় উপকরণ সংগ্রহ বা সাজান নয়, সৃষ্টি হইতেছে প্রকাশ, ভিতর হইতে বাহিরে রূপান্তর, একটা ছন্দে সুরে প্রাণে লালায়িত আত্মশক্তির বিস্ফুরণ। সেই মন শুধু জানা নয়, কিন্তু আবিষ্কার করিতে পারে ভিতরে যে প্রথমে পাইয়াছে, অনুভব করিয়াছে নিজের সামর্থ্য, জীবন্ত সত্তা। সেই-রকম মনই হইয়া উঠে সর্বাঙ্গপুষ্ট, সর্বাঙ্গ-সুন্দর। বিষয়বিশেষে, বৃত্তিবিশেষের উপর তাহার অধিকার যেমন সহজ সতেজ হয়, তেমনি আবার সেখানে জমিয়া উঠে এমন একটা নৈসর্গিক প্রতিভা, যাহা প্রয়োজন-মত যে-কোন বিষয় যে-কোন বৃত্তি হইয়া অবলৌল্যক্রমে খেলিতে পারে; চিন্তাশক্তির গোড়ায় এমন একটা রস সেখানে সঞ্চিত হয় যাহা যে পথে চলুক না কেন, সেখানেই সজীব সবুজ সৃষ্টির ভাব আনিয়া দিতে পারে। মনের চিন্তাশক্তির এই গোড়া-পত্তন হইলে, আগে যে জিনিষ অতি ঝঞ্জে, জোর করিয়া

ক্রকৃষ্ণিত করিয়া যাম বরাইয়া আয়ত্ত করিতে হইত, এখন সেটি—আহা যাহাই হউক না কেন—কেমন স্বভাবসিদ্ধ শক্তি বলে আপনার হইয়া যায়।

শিক্ষার যে তিনটি অঙ্গের কথা বলিলাম সেই হিসাবে ইহাকে একখানা তলোয়ারের সহিত তুলনা করা যাইতে পারে। তরবারির লক্ষ্য জিনিষ কাটা ; শিক্ষার লক্ষ্যও তেমনি বিষয় অধিকার। কিন্তু আগে দরকার তরবারিকে ধার দেওয়া, শাণ দেওয়া ; সেইরকম শিক্ষাতেও আগে দরকার বৃত্তির চর্চা করা। ভোঁতা তলোয়ার দিয়া কাটিতে আরম্ভ করিলে, কাটিতে কাটিতে কিছু ধার হইলেও হইতে পারে, কিন্তু তাহাতে বেশী কিছু কাটা যায় না, ধার ভাঙ্গিয়া যায়, তলোয়ারখানা একেবারে নষ্ট হইবার সম্ভাবনাও আছে। সেইজন্য সকলের আগে দরকার তরবারিখানাকে পাকা লোহার ষথাযথ ঢালাই (temper) করা ; তাই শিক্ষাতেও দরকার বৃত্তি-চর্চারও আগে মনকে মস্তিষ্কে একটা শক্ত সমর্থ স্থায় গড়ন দেওয়া।

শরীরের উন্নতির পক্ষে কসূরং নয়—আগে দরকার স্বাস্থ্য, একটা সাধারণ সামর্থ্য অর্থাৎ প্রাণশক্তি ও প্রাণশক্তির ছন্দ—কার্পাস্তিরে যাহাকে বলিয়াছেন poetry of movement, গতির রসায়ন। এই গোড়ার শক্তিটি কসূরং দিয়া পাওয়া যায় না, কসূরং ইহার প্রয়োগ বা প্রয়োগের কৌশল মাত্র ; এটি পাইতে হইলে দরকার অল্প রকম জিনিষ। শিক্ষার বেলাতেও গোড়ায় চাই এই রকম মনের একটা স্বাস্থ্য, সাধারণ সামর্থ্য, মনেরও একটা প্রাণশক্তি বা জীবনশক্তি। মনের জীবনশক্তি হইতেছে মননশক্তি বা মনোষা, ধীশক্তি বা মেধা। চলিত শিক্ষাপদ্ধতি এই মনোষাকে মেধাকে জিয়াইবার বাড়াইবার কথাটা একেবারে উছা করিয়া রাখিয়াছে ; ইহার বিশেষ প্রয়োগের উপর, চিন্তার সহজ সমর্থ ছন্দ নয় কিন্তু চিন্তার কসূরতের উপরই সে শিক্ষা সকল শ্রম ব্যয় করিতেছে। চলিত শিক্ষা-পদ্ধতি মেধা ও মনোষার উন্মেষণে যে সাহায্য করিতেছে না, তাহাই নয়, রীতিমত বাধাই দিতেছে। শিক্ষা অর্থ যখন কয়েকখানি নির্দিষ্ট পুস্তক কয়েকটি নির্দিষ্ট মাসের মধ্যে পড়িয়া শেষ করা, একটা বাধা সময়ের মধ্যে বাধা কতকগুলি কথা মগজের মধ্যে ঢুকাইয়া দেওয়া ও চাহিবামাত্র বাহির করিয়া দেওয়া, তখন সে শিক্ষা চিন্তার

সহজ শক্তির উপর যে অনেকখানিই অত্যাচার উৎপাদন, তাহা বলাই বাহুল্য।

মনের বা মস্তিষ্কের প্রয়োগের চাতুর্য নয়, কিন্তু তাহার বস্তুর সামর্থ্য, তাহার গড়নের ছন্দ কি করিয়া খেলাইয়া তোলা যায়, ইহাই হইল শিক্ষার গোড়ার সমস্যা। কার্পাস্তিরে বলিতে-ছেন শরীরের একটা সহজ স্ফূর্তি, মর্কাস্ফে একটা লীলায়িত গতি, একটা মুক্ত অথচ সূদৃঢ় বাধনী হইতেছে বলচর্চার প্রথম ও মুখ্য কথা। আমরা বলিব মনকেও মার্জিত শিক্ষিত করিতে হইলে, গোড়ায় মনেরও চাই সেই-রকম একটা প্রসাদগুণ, একটা উদার স্বচ্ছন্দ গতি, ধনুকের ছিলা বা বীণার তারের মত একটা সংহত শক্তি। এই উদ্দেশ্যে শরীরের জন্ত কার্পাস্তিরে নির্দেশ করিতেছেন হাঁটিতে শেখা ; মনের জন্ত আমরা নির্দেশ করিতে চাই ভাবিতে চিন্তা করিতে শেখা। শরীরের পক্ষে হাঁটা যাহা, মনের পক্ষে ভাবাও তাই। আমাদের দেশের লোক যে ভাল করিয়া হাঁটিতে জানে না তাহার দৃষ্টান্ত পথে ঘাটে চোখে পড়ে, সুতরাং তাহার ভাবিতে চিন্তা করিতে—গভীরভাবে ভাবা চিন্তা নয়,—সাধারণ ভাবেই ঠিক ঠিক ভাবিতে চিন্তা করিতে অর্থাৎ মনের হাঁটা হাঁটিতে যে জানে না, তাহা কিছু আশ্চর্যের নয়। মানসিক ক্ষেত্রেও আমরা চলি, কখন বাঁকিয়া চুরিয়া, কখন খোঁড়াইয়া খোঁড়াইয়া, কখন বা শফ ঝম্প দিয়া, কখন বা বিমাইয়া হাঁপাইয়া। সহজভাবে আমরা হাঁটিতে জানি না—কত মুদ্রাদোষে মনেরও অঙ্গ-সব বিকৃত হইয়া উঠিয়াছে। কখন আমরা মোটেও ভাবি না চিন্তি না, গডডলিকা ধারার মত শূন্য অঙ্গ মনে চলিতে থাকি, কখনও প্রয়োজনের কশাঘাতে উপস্থিত-মত কিছু একটু ভাবিয়া চিন্তিয়া লই, কখনও আবেগের উত্তেজনায় যা-তা ভাবি, কখনও পরের চিন্তাভারে ক্লিষ্ট হইয়া মরি। এই-রকম পীড়িত বায়ুগুস্ত অসমর্থ মন লইয়াই আমরা আবার কসূরতের ওস্তাদীর অভ্যাস করি !

প্রথমে দরকার সুতরাং ভাবিতে শেখা, সহজভাবে চিন্তা করিবার ধরণটি আয়ত্ত করা,—কি বিষয় লইয়া আছি, কোন্ বৃত্তি পরিচালনা করিতেছি, তাহার উপর জোর দিবার কোন দরকার নাই ; যে-কোন বিষয় যে-কোন বৃত্তি হউক না কেন তাহাকে উপলক্ষ্য মাত্র করিয়া গোটা মনকেই খেলাইয়া তুলিতে হইবে। শিশু যখন খেলা করে, তখন কি

জিনিষ লইয়া সে খেলিতেছে তার উপর তাহার খেলা নির্ভর করে না ; সব জিনিষই জোগাইতেছে তাহার খেলার আনন্দ । সেইরকম শিক্ষার বেলাতেও ভাবিবার চিন্তিবার আনন্দই হইতেছে মনের ধোরাক । তাই মনকে প্রথমে মুক্ত করিয়া দিতে হইবে, ষড়্চ্ছভাবে চলিতে দিতে হইবে ; তবেই মন পাইতে থাকিবে চিন্তার রসায়ন, একটা গতির ছন্দ ও সামর্থ্য । শিশু স্বভাবতই কৌতুহলী অর্থাৎ অনুসন্ধিৎসু, জিজ্ঞাসু ; তাহাকে ছাড়িয়া দিতে হইবে, চালাইয়া লইতে হইবে এই জিজ্ঞাসার পথে । শুধু ভিতর হইতে যে জিজ্ঞাসা আপনা হইতে আসে, তাহাতেই কিন্তু আবদ্ধ থাকিলে চলিবে না, শিশুর মনে ক্রমে নূতন নূতন জিজ্ঞাসাও তুলিয়া দিতে হইবে । অজানা অপরিচিত জিনিষ তাহার চোখের মনের সম্মুখে ধরিয়া দিতে হইবে, সে-সবকে সুন্দর মনোহারী করিয়া রসে ভরিয়া শিক্ষার্থীর মনোযোগ আকর্ষণ করিতে হইবে, সে সম্বন্ধে যত জল্পনা করনা করিতে পারে তাহাকে উৎসাহিত করিতে হইবে । শিশুর বা শিক্ষার্থীর মনের প্রসার ও গভীরতা কম, তাই শিক্ষককে নূতন নূতন বিষয়ের অবতারণা করিতে হইবে, নূতন নূতন অনুভূতির উত্তেজক (stimulus) জোগাইতে হইবে,—কিন্তু কোন রকম জোর না দিয়া, খেলার সাথে, গল্পচ্ছলে, অবাস্তরভাবে । টোপ ফেলিয়া, চার ছড়াইয়া বসিয়া দেখিতে হইবে মাছ ধরে কি না—ধরিলে ভালই, আন্তে আন্তে খেলাইয়া তবে ছিপের সম্পূর্ণ আয়ত্তে তাহাকে আনিতে হইবে ; না ধরিলেও কোন রকম তাড়াতাড়ি করা বা অসহিষ্ণু হওয়া উচিত নয় । বার বার ঘুরিয়া ফিরিয়া শিক্ষার্থীর মনের দৃষ্টিতে জিনিষ আগাইয়া দিতে হইবে, দেখিতে হইবে কোনরূপ রস সে উহাতে পায় কি না, কোন সুপ্ত তন্ত্রী তাহার মধ্যে বাজিয়া উঠে কি না—শিক্ষার্থীর যদি কোন বিশেষ প্রতিভা থাকে তবে তাহা এই ভাবেই ধরা পড়িবে, ফুটিয়া উঠিবে । তারপর, শিশুর মনে শৃঙ্খলা নাই ; বিষয় হইতে বিষয়ান্তরে সে কিছু দৃকপাত না করিয়া হঠাৎ চলিয়া যায় ; একটা বিষয়কে ধরিয়া তাহার শেষ সিদ্ধান্ত logical conclusion পর্য্যন্ত ধাপের পর ধাপ বাহিয়া চলা হইতেছে পরিণত বুদ্ধির ধর্ম, তরুণ শিক্ষার্থীর কাছে তাহা আশা করা অসম্ভব । এই সে পান্থীর রচংএর কথা আলোচনা

করিতেছে, এই আবার কবিতা আওড়াইতে আরম্ভ করিল, সেটা অসমাপ্ত রাখিয়াই আবার হস্ত জিজ্ঞাসা করিয়া বসিল, মরিলে পর মানুষ কি হয় । শিক্ষককে অসীম ধৈর্য্য সহকারে শিক্ষার্থীর মনের এই খেলার পথে চলিতে হইবে, একটু একটু করিয়া অর্কসমাপ্তভাবে নানা-রকম রস জোগাইতে হইবে । এই-রকমেই মনের মধ্যে সহজ সাড়া পড়ে, সজীব শক্তি সঞ্চিত হয়, একটা গতিবেগ ছন্দে সামঞ্জস্য লীনায়িত হইয়া উঠে, চিন্তার জড়তা জন্মিতে পারে না, বুদ্ধিতে মরিচা ধরিতে পারে না ।

শিক্ষায় শিক্ষার্থীর এই স্বাধীন স্বেচ্ছাতন্ত্র গোড়ার জিনিষ । অবশ্য, এইটুকুই যদি সব হইত তবে শিক্ষার সমস্যা অনেক-খানিই সহজ হইয়া যাইত সন্দেহ নাই ; দুঃখের বিষয় তাহা নয় । শিক্ষার মধ্যে একটা নিয়ম-সংঘের (discipline) বিশেষ স্থান আছে, সেইটিই যত গোলমাল আনিয়া দেয় । শিশুকে পুস্তকের সহিত পরিচয় করাইতে হয়—তাহাকে ঠিক ঠিক লেখা ও পড়া শিখিতে হয় । এ জিনিষটি এখন যেমন ভাবে করা হয়, তাহা অপেক্ষা অনেক সরস করিয়া তোলা যাইতে পারে বটে, তবুও একটা জায়গায় গিয়া একটু হোর জ্বরদস্তি আসিয়া পড়েই । কারণ, মুখে মুখে খেলাচ্ছলে যাহা যে ভাবে শিখান যায় বা যাইতে পারে, তাহা শিশুর স্বাভাবিক জীবনের সুরে তালে মিলিয়া মিশিয়া চলে । কিন্তু অক্ষর পরিচয় ও পুস্তক পাঠ অথবা লিখন ও অঙ্কন যে মুহূর্তে আরম্ভ হয়, সেই মুহূর্তে শিশুর মনের উপর চাপ পড়ে আর-একটা ভিন্ন রকমের জগতে উঠিয়া দাঁড়াইবার জন্ম । এই ধাপটা যতই মোলারেম, এই বাঁকটা যতই সোজা করিয়া ধরা হউক না, একটা বাঁক শিশু অনুভব করিবেই । শুধু শিশুর পক্ষে কেন, শিক্ষার্থীর পক্ষে বরাবরই—শিক্ষা অর্থ উন্নতি বা ক্রমারোহণ বলিয়া—জিনিষটা যতই সুন্দর মনোরম চিত্তাকর্ষক-ভাবে আশ্রক না, মনের মধ্যে একটা জায়গায় একটু টানা-টানি একটু কণাকণি হইবেই । শিক্ষার্থীর মনের রাশ যদি একদম ছাড়িয়া দেওয়া যায়, তবে সেখানে জন্মে একটা উচ্ছৃঙ্খলতার ভাব ; মন তেজালো হইতে পারে বটে, কিন্তু সেই সাথে থাকিয়া যায় একটা চপলতা, একটা অপকতা, নিজের উপর দখলের অভাব । আমাদের দোষ, এই নিয়ম-সংঘম বাধন-ছাদন আঁটবাটকেই সর্বেসর্ব্ব করিয়া তুলি ;

কিন্তু এ জিনিষটা আগের কথা নয়; আগের কথা—কি নিয়মিত সংযত করিব, কাহাকে বাঁধিব ছাদিব সেই বস্তুটির জন্ম দেওয়া। তাছাড়া, বাহির হইতে নিয়ম বহুদূর আরোপ না করা যায় ততই ভাল, শিক্ষার্থী বাহাতে নিজেকে নিজে নিয়মিত (self-discipline) পরিবার প্রেরণা ও কৌশল পায় তাহাই করিতে হইবে। কিন্তু এসব সার্থক হইবে তখনই যখন গোড়ায় পাই তেজালো মন, সজীব মস্তক, সৃষ্টি-কারিণী চিন্তাশক্তি।

এই জিনিষ কোন রকম বিদ্যালয়ের মধ্যে—school system—এ—হয় না, ইহাও একটি দরকারী প্রশ্ন। আমরা মনে করি, তা হয় না, অন্ততঃ হওয়া খুবই কঠিন। স্কুল অর্থহ হইতেছে শিক্ষার্থীকে তাহার প্রাতি-নিমিষের পরিপার্শ্ব হইতে তুলিয়া লইয়া শিক্ষাব্যবস্থার মধ্যে আটকান, তাহার জীবনের ও শিক্ষার মধ্যে একটা ব্যবধান সৃষ্টি করা। স্কুলকে অবশ্য খুব খোলা, খুব মুক্ত, উদার রকমের করা যাইতে পারে—ঘরের মধ্যে পঠন পাঠন না করিয়া গাছের তলায়, নদীর ধারে বা মাঠের কোলে তাহা করিতে পারি, কিন্তু বিদ্যালয়টিকে ছেলেদের বসতবাটীর মত (residential) করিয়া দিতে পারি, কিন্তু এসব ছেলে-দের সহজ জীবন নয়, জীবনের অভিন্ন মাত্র। এ-সমস্ত স্কুলের খোলসের পরিবর্তন মাত্র, ইহাতে স্কুলের গুলুই বিশেষ কিছু নষ্ট হয় না। যে-সব জিনিষ জীবনের সহজ প্রকাশ, জীবনের অন্তিম সহস্র জিনিসের সহিত সংযুক্ত সম্মিলিত, সে-গুলিকে যথাস্থান হইতে ছিঁড়িয়া আনিয়া একটা বিশেষ প্রতিষ্ঠানের মধ্যে সাজাইয়া তুলিতে চেষ্টা করিলে অনেক সময়েই আসল সজীব জিনিষ পাওয়া যায় না, পাওয়া যায় একটা নকল ছাড়া। তাই আমাদের মনে হয়, আধুনিক তনব শিক্ষা-পদ্ধতিতে (যেমন মণ্ডেনার কি রবার্টসনের) পরিচালিত বিদ্যালয় তনব জীবনের অকৃত্রিম বনভূমি নয়, তাহার গুরুত্বপূর্ণ এক-একটি সাজান বাগান মাত্র। প্রাচীন কালে আমাদের দেশে কোন বিদ্যালয় ছিল না, ছিল গুরু-গৃহ। শিক্ষার্থী গুরুর পরিবারের অঙ্গভূক্ত হইয়া যাইতেন; সেইখানে থাকিয়া, সেখানকার কাজকর্মের মিলিয়া মিশিয়া, গুরুর ধর্ম-সকলের পরিচর্যা করিতে করিতেই শিক্ষার্থী শিক্ষা পাইত। আমাদের মনে হয়, শিশু যেখানে জন্মিতেছে

বাড়িতেছে, শত সম্বন্ধে আপনাকে ছড়াইয়া বাঁধিয়া তুলিতেছে, সেই পরিবারটিকেই যদি বিদ্যালয় পাঠ করিয়া তুলিতে পারি, তবেই তাহা হইবে জীবন্ত বিদ্যালয়। এজন্য অবশ্য পরিবারের অনেকখানি সংশোধন পুনর্গঠন হওয়া দরকার। সমাজসংস্কারকেরা চরিত্রনীর্তির দিক হইতে, অর্থনীতির দিক হইতে, এমন কি রাজনীতির দিক হইতেও পারিবারিক সমস্যাটি লইয়া নাড়াচাড়া করিতেছেন; পরিবারকে যে শিক্ষানীতির দিক হইতেও দেখা যাইতে পারে, পরিবার যে বিদ্যালয়-শিক্ষার প্রকৃষ্ট আয়তন হইতে পারে, এ কথাটির উপর বিশেষ জোর দেওয়া আবশ্যিক মনে করি। সে যাহা হউক, শিক্ষার উদ্দেশ্যে পরিবারের কি-রকম সংস্কার হওয়া প্রয়োজন, সে প্রশ্নের মীমাংসা আমরা এখন করিতে বসি নাই; আমাদের কথা এই যে, পরিবারই যখন হইবে সজীব বিদ্যালয়, শিক্ষার্থীর শিক্ষা যখন চলিতে থাকিবে তাহার সামাজিক জীবনের অঙ্গীভূত হইয়া অর্থাৎ শিক্ষা যখন হইবে জীবন্ত জীবনের জীবন্ত প্রকাশ, তখনই হইবে আদর্শ শিক্ষা।

এসব বলিবার তাৎপর্য এই যে জীবন হইতে বিদ্যালয়-শিক্ষাকে যখন আমরা পৃথক করিয়া লই তখনই শিক্ষা হইয়া উঠে একটা কষ্টসাধ্য কস্মরৎ, মন তাহার সজীবতা হারাইয়া হইয়া পড়ে একটা কৃত্রিম যন্ত্র। মন তাজা থাকে, মনের শক্তি বাড়িয়া উঠে জীবনের রসে; জীবন নীচে হইতে মনকে ধরিয়া রাখিবে, মনও আপনার আলো জীবনের মধ্যে সঞ্চারিত করিতে থাকিবে, এইরকম অবাধ আদান-প্রদানে উভয়ে উভয়কে সাহায্য করিয়া পরমশ্রেয় লাভ করিবে—পরস্পরং ভাবগম্যঃ শ্রেয়ঃ পরমাবাপ্স্যাম। আমাদের শিক্ষার এই দুইটি স্তরের সংযোগস্বরূপ ছিঁড়িয়া গিয়াছে (lesion), তাই মনে আসিয়াছে কৃত্রিমতা আর জীবনে অসুস্থতা। মনে যে শুধু সজীবতা সামর্থ্য হয় তাহা নয়, মনের গড়ন ভাবিবার চিন্তিবার ধরণটিও ঠিকঠিক হয় যখন গোড়ায় সে মন—সে ভাবা ও চিন্তা—পরিপুষ্ট স্মৃতিসংহত হইতে থাকে জীবনেরই অভিজ্ঞতাকে অনুভূতিকে জিজ্ঞাসাকে আশ্রয় করিয়া।

শিক্ষার বনিয়াদ হইতেছে, আমরা আবার বলি, মনের দুইটি শক্তি—মেধা অর্থাৎ মনের ধারণাশক্তি, আর মনীষা

অর্থাৎ মনের গড়ন। সেই মনই মেধাবী বাহার উপর যত-খানি চাপ দেও না কেন তাহা অবলোক্যক্রমে ধরিয়া রাখিতে পারে, বাহা প্রশস্ত বহুমুখী ও নিবিড় হইয়া যথেষ্টভাবে আপনাকে ঢালিয়া দিতে পারে; সেই মনই মনোবী বাহা পাইয়াছে সুবলম্বিত সুধীন গতি, সত্যের একটা সজীব অব্যর্থ শৃঙ্খলা। এই দুইটি জিনিষ স্বভাবজ বা প্রকৃতিগত বলিয়া ছাড়িয়া দিলে, শিক্ষার মূল সমস্যাটিকেই ছাড়িয়া দেওয়া হইল। ভিত্তি যে রকমটাই পাওয়া যাক না কেন, তাহাতেই

সম্পূর্ণ হইয়া কেবল উপরের গড়াপেটায় সমস্ত চেষ্টি নিয়োগ করিলে, সে শিক্ষা হয় নাপ-ভারী পক্ষ বা দৃষ্টি-শোভাকর। একটা পরিচিত পুরাতন উদাহরণ দিয়াই আমরা বলিব—বৃক্ষকে যদি পাতায় শাখায় ফুলে ফলে সমৃদ্ধ দেখতে চাও, তবে কেবল সেগুলির উপর নোংরা হইয়া থাকিলে চলিবে না, মূলের গোড়াটি খুঁজিয়া বাহির করা, তাহাকে পরিষ্কার করা, সেখানে জল ঢাল, সার দেওয়া।

শ্রীমলিনীকান্ত গুপ্ত।

স্বপ্ন-দর্শন

অত্যাশ্চর্য অনেক বিষয়ের জ্ঞান যুরোপে স্বপ্নবিষয়ক গবেষণাও এরিষ্টটল হইতেই আরম্ভ হইয়াছে। এই সর্লজনবিদিত মনোবীর মতে স্বপ্ন দৈবক্রিয়া। শুদ্ধভাবে ব্যাখ্যাত হইলে ইহার মধ্যে গভীর অর্থ নিহিত দেখা যাইবে। যুরোপে প্রাচীনেরা দুই প্রকারের স্বপ্নে বিশ্বাস করিতেন। এক-রকম স্বপ্ন দর্শককে ভবিষ্যৎ-বিষয়ে সতর্ক করিয়া দিয়া তাহার মঙ্গলার্গে করিত; অন্য-রকম তাহার বিপরীত। বর্তমান সময়ে বৈজ্ঞানিক জগতে স্বপ্নের দৈবমূল্য ব্যাখ্যা গ্রাহ্য নহে। বৈজ্ঞানিক-গণ উহা মানসিক ব্যাপার বলিয়াই গ্রহণ করেন। তবে স্বপ্নের সঙ্গে জাগ্রৎ অবস্থার সম্বন্ধ বিষয়ে মত-ভেদ আছে। কেহ বলেন জাগ্রৎ জীবনের দিকে পশ্চাৎ ফিরিয়াই স্বপ্নের আবির্ভাব, আবার কেহ বলেন উহা জাগ্রৎ অবস্থার সহিত একসূত্রে গ্রথিত উহারই স্রোত-প্রবাহ মাত্র। একথা নিঃসন্দেহ, যে-উপাদানে স্বপ্ন গঠিত তাহার প্রতি বিন্দু জীবনের অভিজ্ঞতা-লব্ধ। তবে যে সময়ে সময়ে দেখা যায়, স্বপ্নলব্ধ বিষয় সম্পূর্ণই নূতন, তাহার কারণ এই যে জীবনের অনেক কথা—বিশেষ ভাবে শৈশব ও বাল্যের কথা—বিস্মৃতি-সাগরে ডুবিয়া গিয়াছে, কেবল স্বপ্নের সাহায্যে তাহার উদ্ধার হয়। এমনও হয়, একটা স্থান দেখিয়া মনে হইল যে ইহা পূর্কপরিচিত অথচ এ জীবনের অভিজ্ঞতায় তাহার মীমাংসা হয় না; আমাদের দেশে এইখানে

পূর্কজন্ম আনিয়া ফেলা হয়। কিন্তু হয়তো ইহা শৈশব-দৃষ্ট কোন স্থান, যার সম্বন্ধে অশু সব কথা স্মৃতি হইতে একেবারে মুছিয়া গিয়াছে। আবার পূর্কস্মৃতি ভাবের আবির্ভাবের মানসিক উত্তেজনার নূতন জিনিষও পূর্ক-পরিচিত বলিয়া মনে হইতে পারে।

নব মনোবিজ্ঞান (New Psychology) বা মনো-বিশ্লেষণবিজ্ঞান (Psycho-analysis) বাহারা জানেন তাঁহারা মনকে তিন ভাগে বিভক্ত করিয়াছেন। প্রথম মনের প্রবুদ্ধ দিক (conscious side), আর-এক দিকের নাম বোধগম্য (foreconscious)। এই প্রবুদ্ধ লেখার সময় জীবনের কত কথা ভুলিয়া গিয়াছি। ইহার যেগুলি একটু মনোযোগ দিলেই স্মৃতির মধ্যে আসিয়া পড়ে তাহাই বোধগম্য; কিন্তু অনেক বিষয় সম্পূর্ণ স্মৃতির বাহিরে পড়িয়া গিয়াছে, বাহা শত চেষ্টিতেও জাগ্রৎ চৈতন্যের অন্তর্ভূত হয় না, অথচ বাহা মনেরই অঙ্গ, মনের পশ্চাতে থাকিয়া জীবনে কার্য করিতেছে এবং বাহা ইহাদের মতে জাগ্রৎ চৈতন্য (conscious self) অপেক্ষাও বেশী কার্যশীল (dynamical), তাহাই আত্মার অপ্রবুদ্ধ বা অজানা দিক (unconscious side)। এই দিক সম্বন্ধে গবেষণাই নব মনোবিজ্ঞানের বিশেষত্ব। এই মতে বাহা কিছু একবার মনের সম্মুখে আসিয়াছে তাহার আর বিনাশ নাই। প্রবুদ্ধ দিকে তাহা খুঁজিয়া না পাও, একেবারে বোধগম্য না হয়, তবুও এ কথা নিশ্চয় যে

উহা মনের পশ্চাৎ হইতে জীবনকে নিয়মিত করিতেছে।
কিরাপে পশ্চাৎ হইতে আমার কার্যগত জীবনের উপরও
উহা প্রভাব বিস্তার করে তাহার শত শত দৃষ্টান্ত মনো-
বিশ্লেষণ-বিজ্ঞানের প্রতিষ্ঠাতা ফ্রয়েডের Psychopathology
গ্রন্থে সন্নিবেশিত হইয়াছে। একটি মাত্র দৃষ্টান্ত
এখানে উদ্ধৃত করা যাইতেছে। আমরা যাহাকে প্রবুদ্ধ
দিক্ হইতে ভুল ভ্রান্তি, আকস্মিক ঘটনা বলি, ইহারা
তাহা মনের অজানা দিকের কাণ্ড বলিয়া নির্দেশ করি-
য়াছেন। ইহা সত্য হইলে আমাদের জীবনে জাগ্রৎ
চৈতন্যের পশ্চাৎ হইতেই অধিকতর পরিমাণে নিয়মিত
হইতেছে। একজন ডাক্তার তাঁহার প্রতিপালক-পিতা
পিতৃব্যের গুরুতর পীড়ার সংবাদ শুনিয়া পিতৃব্যের নিকট
গেলেন এবং একদিন এক ঔষধের মধ্যে অল্প ঔষধ
দিয়া তাঁহার মৃত্যু ঘটাইলেন। তাঁহার জাগ্রৎ চৈতন্যের
মধ্যে পিতৃব্যের প্রতি কোন বিদ্বেষ ছিল না। এবং
তাহার বিপরীত ভাবের দ্বারা প্রণোদিত হইয়াই সকল
কার্য ফেলিয়া ছুটিয়া আসিয়াছিলেন। কিন্তু মনোবিশ্লেষণ
দ্বারা ধরা পড়িল, অতিবাল্যে পিতৃব্যের প্রতি যে
বিদ্বেষ ভাব কোনও কারণে জন্মিয়াছিল তাহাই আজ
মনের অজ্ঞাতে এই অনর্থ ঘটাইয়াছে। দৈনন্দিন কত
ঘটনাই ঘটতেছে। সংবাদপত্র পাঠ করার সময় 'Goon-
das sent to prison' কথাটা, হঠাৎ পড়িয়া ফেলা গেল—
'Govinda Das sent to prison'। কেন? বিশ্লেষণে
বাহির হইল গোবিন্দ দাস নামক কোন ব্যক্তির কোন
কুকার্যের জন্ত তাহার জেল হওয়া উচিত এইরূপ একটি
ভাব কিছুদিন হইল মনের পশ্চাতে পড়িয়া রহিয়াছে।
এই স্বপ্নে অজ্ঞাতসারে তাহা বাহিরে আসিল। কয়েক
দিন হইল মনে করিতেছিলাম সাক্ষ্যভ্রমণের সময় ডাক-
ঘর ঘুরিয়া একটা কাজ সারিয়া আসিব। আজ বাহির
হইবার সময় মনে করিয়া বাহির হইলাম যে ডাকঘর
হইয়া যাইব। সন্ধ্যার অন্ধকার হইয়া গেল, সে সঙ্কর
পরিভ্রমণ করিয়া গৃহে ফিরিবার জন্ত অতৃপথ ধরলাম।
আমার জাগ্রৎ চৈতন্য এই অতৃপথের সংস্কার লইয়াই
বধন চলিতেছে তখন অন্ধকারের মধ্যে একটা চিহ্ন
দেখিয়া বুঝিলাম সটান ডাকঘরের রাস্তায় চলিয়াছি।

মনের অজানা রাজ্যের কীর্তি। আমাদের ভুলগুলিও
নিতান্ত অকর্মক (passive) ভুল নয়। মনোবিশ্লেষণ-
গণের মতে স্বপ্নের মূল মনের এই অজানা রাজ্যে
প্রোথিত। তবে জানা রাজ্য হইতেও স্বপ্নের প্রেরণা
চার রকমে আসে; ইহার উপাদান স্বপ্নের অঙ্গীভূত হইয়া
যায়। প্রথম আমরা নিদ্রার সময় ইন্দ্রিয়-দ্বার বধাসাধ্য রুদ্ধ
করি, সম্পূর্ণ সমর্থ হই না। নিদ্রিতাবস্থায়ও স্পর্শ ও শব্দের
কার্য আমাদের উপর চলে। এই-সকলকে স্বীয় অঙ্গীভূত
করিয়া লইবার স্বপ্নের অঙ্গুত ক্ষমতা। কৃষ্ণকাস্তুর উইলে
আছে, কৃষ্ণকাস্তুর স্বপ্ন দেখিতেছেন, যে, গণেশ মহাদেবের
কাছে নালীশ করিতে আসিয়া ডাকিলেন 'জ্যাঠা মহাশয়'।
কৃষ্ণকাস্তুর গণেশের বেগাদবীর শাস্তি দিবার জন্ত হাত
তুলিলে হাতে ঠেকিয়া ছকার উপর হইতে কলিকা পড়িয়া
যাওয়ায় তাঁহার ঘুম ভাঙ্গিল, তিনি দেখিলেন গোবিন্দলাল
শয্যাপার্শ্বে দাঁড়াইয়া ডাকিতেছে 'জ্যাঠামহাশয়'। আর-
একটি দৃষ্টান্ত। * —কয়েকদিন ধরিয়া দিবারাত্র পিতা কণ্ঠার
সেবা করিয়াছেন। সন্তানের মৃত্যুর পর পিতা পাশের ঘরে
শয়ন করিলেন। মৃতদেহ শয্যায় শায়িত, চারিদিকে বাতি
জ্বলিতেছে, পাশের ঘর হইতে সে আলো দেখা যায়।
বুদ্ধ ভৃত্যকে পাহারা রাখিয়া পিতা ভয়ে ভয়ে ঘুমাইলেন।
খানিকক্ষণ পরে স্বপ্ন দেখিলেন, কণ্ঠা সম্মুখে দাঁড়াইয়া
তাঁহার হাত ধরিয়া বলিতেছে, 'বাবা, দেখিতেছ না আমি
পুড়িয়া মরিতেছি।' নিদ্রা-ভঙ্গ উঠিয়া পিতা দেখিলেন
একটা বাতি পড়িয়া বিছানার খানিকটা ও কণ্ঠার এক
হাত পুড়িয়া গিয়াছে এবং যে ভয় করিয়াছিলেন তাহাই
হইয়াছে, বুদ্ধ ঘুমাইয়া পড়িয়াছে। এই স্বপ্নের ব্যাখ্যা অতি
সহজ। শয্যার আগুনের উজ্জ্বল আলোক পিতার চক্ষে
পড়িয়া জাগ্রৎ অবস্থায়ও মনে যে চিন্তা আনিয়া দিত নিদ্রাতেও
সেই চিন্তাই আনিয়া দিয়াছে অর্থাৎ বাতি পড়িয়া বিছানায়
আগুন ধরিয়াছে। বুদ্ধকে রাখিয়া যাইবার সময় এই
আশঙ্কা তাঁহার পূর্বেই ছিল। যে ভীষণ জ্বরে কণ্ঠার মৃত্যু,
তাহার প্রবল বেগের সময় বালিকা বাবাকে বলিয়াছিল,
'আমি পুড়িয়া মরিতেছি'—ইহাই স্বপ্নের প্রধান উপাদান

* The Interpretation of Dreams by Sigmund Freud। এই গ্রন্থ অবলম্বনেই প্রবন্ধ লিখিত।

জোগাইয়াছে। 'বাবা, দেখিতেছ না'—হয়তো অল্প কোন ঘটনার পিতার প্রতি পুত্রীর উক্তির এক অংশ। পিতার হাত ধরা হয়তো অল্প এক ঘটনার অংশ। এই স্বপ্নটি বিশ্লেষণ করিলে ইহাদের স্বপ্নবাদের অনেকগুলি ধণ্ডমত একসঙ্গে পাওয়া যাইতে পারিবে।

(ক) স্বপ্ন বহু পূর্বাভিজ্ঞতার অংশ একত্র করিয়া রচিত, জীবনের অনেক ঘটনার সংক্ষিপ্তসার (condensation)।

(খ) স্বপ্ন যদিও মানসিক (psychic) ব্যাপার, ইন্দ্রিয়ব্যাপারও ইহার অঙ্গীভূত হইয়া যায়, যেমন এখানে আশুনের আলোর ইন্দ্রিয়জ জ্ঞান স্বপ্নের অংশ হইল।

(গ) ইহাদের মতে স্বপ্ন মাত্রই কোন একটা বাঞ্ছাপূরণ (wish-fulfilment)। এখানে সম্ভানকে জীবিত দেখিবার বাসনা সিদ্ধ হইল। ঋনিকক্ষণ বেশী নিদ্রা ঘাইবার অভিলাষও পূর্ণ হইতেছে। আলো দেখিয়াই উঠিয়া গেলে সে বাসনা অপূর্ণ থাকিয়া যায়। স্বপ্নই চলুক নইলে যে জাগিতে হয়, এই অভিলাষ মনের পশ্চাতে ছিল। সুতরাং স্বপ্ন নিদ্রার কাল বৃদ্ধি করিয়া দিল। নিদ্রার মধ্যে তৃষ্ণা পাইলে মানুষ জলপানের স্বপ্ন দেখে সুতরাং স্বপ্ন নিদ্রার সাহায্য করে। অতএব পাওয়া গেল,

(ঘ) স্বপ্ন নিদ্রার পরিপন্থী নয়, সহায় (protector)। স্বপ্নের কাল বৃদ্ধির বাসনা পরিহার করিয়া উঠিয়া যাওয়া সম্ভব ছিল কি? ইহাদের—বিশেষ ভাবে ফ্রয়েডের মতে,

(ঙ) কর্তার মধ্যে নিদ্রা যে নিদ্রা এবং স্বপ্ন যে স্বপ্ন এ ধারণা বর্তমান—“Throughout our entire sleeping state we are just as certain that we are dreaming as we are certain that we are sleeping.”

দ্বিতীয়, বাহিরের যে-সকল শক্তি ইন্দ্রিয়গণকে উত্তেজিত করিয়া জ্ঞান জন্মায় সে-সকল শক্তির কার্য্য থামিয়া গেলেও ইন্দ্রিয়ের উত্তেজনা থাকিয়া যায়। এই উত্তেজনাবশতঃ বহির্জগৎ-নিরপেক্ষ হইয়াই দর্শনশ্রবণাদি কার্য্য চলিতে পারে। ইহা দর্শন-শ্রবণের স্বৃতি নহে। কাহারও কাহারও মতে নিদ্রার অব্যবহিত পরে যে দর্শন-শ্রবণ-ঘটিত স্বপ্ন তাহা উত্তেজিত ইন্দ্রিয়ের ফল, স্বৃতির ব্যাপার

নয়। উন্মাদগ্রস্ত বহির্জগৎ-নিরপেক্ষ হইয়াই দর্শন-শ্রবণ-ক্রিয়া সম্পন্ন করে। তাই কেহ কেহ বলিয়াছেন স্বপ্ন দুর্বল-রকমের উন্মাদ বা উন্মাদ প্রবল-রকমের স্বপ্ন। আমি প্রবল জ্বরের সময়ে স্বপ্নে বেদাহমেতঃ মগ্ন এমন সুস্পষ্ট স্মরণাছিলাম যে নিদ্রাভঙ্গেও কান ঋনিকক্ষণ বন্ধ করিতেছিল। ইহা স্বৃতির ব্যাপার আদৌ নয়, অথচ সেই গভীর রহনীতে বাহির হইতে ঐ মগ্ন আমার কর্ণে পৌছিবার কোনই সম্ভাবনা ছিল না।

তৃতীয়, দেহখানি যতক্ষণ সুস্থ ততক্ষণ দেহের অস্তিত্ব আমরা অনুভব করি না। বিকল হইলেই তাহা ভার বোঝা হইয়া দাঁড়ায়। 'স্বপ্ন আসে পাকস্থলী হইতে' এই প্রবাদ বাক্যের অর্থ এই যে ভাল হজম না হইলে অনেক-রকমের স্বপ্ন উৎপন্ন হয়।

চতুর্থ, হাজার হউক বাহির হইতে বৃষ্টিতে চেপ্টা করিলে স্বপ্নকে বুঝা হইবে না। স্বপ্নের মূল মানসিক (psychic)। স্বপ্নের বাস্তব উত্তেজনা আসে কোন অপূর্ণ বাসনার চরিতার্থতার ইচ্ছা হইতে। পূর্বেই বলা হইয়াছে স্বপ্ন কোন অভিলাষ পরিপূরণ (wish-fulfilment) এবং উত্তেজনা আসে মনের ঐ অপ্রবুদ্ধ দিক হইতে। 'ফ্রয়েডের মতে এই অভিলাষের প্রায় সমস্তই আসন্নলিপ্সাজনিত। ক্ষুধা ও আসন্নলিপ্সায় মানুষে পশুতে কোন বিভিন্নতা নাই। কিন্তু মানুষের সভ্যতা ভব্যতা এতজ্ঞানিত অভিলাষগুলিকে চাপিয়া রাখিয়া দেয়। ক্রমে ক্রমে তাহারা মনের পশ্চাতে যাইয়া অবস্থিতি করে, নষ্ট হইয়া যায় না। এই অভিলাষের পশ্চাতে যে শক্তি (Libido) তাহাকে যদি কোনও উন্নততর কার্য্যে না লাগাইয়া (sublimation) কেবলই চাপিয়া রাখা হয়, তবে তাহা হইতেই কোরিয়া হিষ্টিরিয়া ম্যানিয়া এমন কি উন্মাদের আবির্ভাব হইয়া থাকে। Psycho-analytic চিকিৎসায় এইসব রোগ সহজেই আরোগ্য হইতেছে। যেখানে অভিলাষ খুব গুরুতর নয় সেখানে উহা শাসনের চাপে পশ্চাতে যাইয়া লুক্কায়িত থাকে; কিন্তু কত পশু রহিয়াছে যাহারা কেবল রাত্রির অন্ধকারে আহাৰাশেষে বাহির হয়। ভালমানুষ কদর্য্য স্বপ্ন কেন দেখে, ইহার কোন সচ্ছন্দ না পাইয়া প্লেটো বলিয়াছিলেন, মন্দ লোকেরা জীবনে ব্যুহা করে সাধু

ব্যক্তির তাহা স্বপ্নে দেখিয়াই সন্তুষ্ট থাকে। আসল কথা, আজকার সাধু যে চিরদিনই সাধু ছিলেন তা না হইতেও পারে। বাল্য-শৈশবোপার্জিত কত কি আমাদের মনের আড়ালে পড়িয়া আছে, তাহা কে নির্ণয় করিবে? আমরা যাহা চিন্তা করি তাহা আমাদেরিগকে ছাড়ে না। অভদ্র দর্শন, অভদ্র শ্রবণ, অভদ্র মননের শাস্তি আমাদেরিগকে অজ্ঞাতসারেও পাইতে হইবে। নিদ্রাকালে যখন সামাজিক বিধিনিষেধরূপ পাহারাওয়াল (censor) অনেক পরিমাণে নিরস্ত হইয়া পড়ে তখন ইহার অজ্ঞকার (unconscious) রাজ্য হইতে আসিয়া স্বপ্নের সাহায্যে আপনাদেরিগকে চরিতার্থতা দেয়। আমরা আমাদের স্বপ্নের মধ্যে যে তাহাদেরিগকে ধরিতে পারি না তাহার কারণ এই, ধর্মবোধ, ধর্মশাসন ত দূরের কথা, সাধারণ ভদ্রতার ষাতিরেই আসক্তলিপ্সা-বিষয়ক প্রসঙ্গ এমন ঘুরাইয়া ফিরাইয়া (symbolically) উত্থাপন করিতে হয়, রূপক উপমার জালে আচ্ছাদন করিতে হয় যে জাগ্রৎ অবস্থাতেই সে কথা বুঝা ও বুঝান আকার-ইঙ্গিতের ব্যাপার হইয়াছে। উপমারূপকের অত্যাচারে, খেলার জালায়, কবিগণের বর্ণনার বাহুল্যে সংসারের যাবতীয় বস্তু ইহার উপমান হইয়া দাঁড়াইয়াছে, সুতরাং ইহা দেখিয়াও চেনা যায় না। মনোবিশ্লেষক-গণ স্বপ্ন বিশ্লেষণের দ্বারা এই সিদ্ধান্তে উপনীত হইতেছেন। পাহারা একেবারে নিরস্ত হয় না বলিয়াই স্বপ্নের মধ্যেও কথার ঘোরফের, মারপ্যাচ থাকে, উপমারূপকের ভিতর দিয়া বাহ্যপূরণ হয়। পাহারাওয়াল অনুপস্থিত নয় কেবল অমনোযোগী। উপমারূপক তার সঙ্গে একটা রফা মাত্র। বালকবালিকাদের উপর পাহারা নাই, তাই তাহাদের স্বপ্নেও ঘোরফের নাই—সবই স্পষ্ট। গোপন করিবার কিছু থাকে না।

অভিলাষ পূরণের জন্ত স্বপ্ন জাগ্রৎ চিন্তাকে স্বীয় অঙ্গীভূত করিয়া লয়, এবং স্বপ্ন দেখার অব্যবহিত পূর্ববর্তী দিনের চিন্তাই—বিশেষভাবে ছোটখাট চিন্তাগুলিই—বেশী কাছে লাগে। পূর্বে (ক) বলা হইয়াছে, বহু চিন্তার অংশ লইয়া স্বপ্ন গঠিত। প্রবুদ্ধাবস্থায়ও দেখা যায় এক বিষয়ের প্রসঙ্গ করিতে করিতে ভাব-যোগে কত বিষয় আসিয়া পড়ে। তখন ইচ্ছাশক্তির সাহায্যে জোর করিয়া যাহা সংলগ্ন হয় সেইগুলির

সাহায্যে একটি চিন্তাখণ্ড উৎপন্ন হয়। নিদ্রাকালে প্রবুদ্ধ ইচ্ছাশক্তি ও যুক্তিতর্ক (Logic) আচ্ছন্ন থাকে, তাই নানা বস্তুর নানা খণ্ড স্বতঃ একত্র হইয়া কিস্তৃতকিমাকার পদার্থ হয়। একজন স্বপ্ন দেখিতেছে তাহার বাবাকে। বাবার উপাধি সিংহ—তাহার মাথা কেশরে পরিপূর্ণ। কেশরে মনে পড়িল কেশর ফুল—গোঁফদাড়ীগুলো সেই ফুল। ফুলের শাদা রং আনিয়া দিল একটা বক, সে হইল বাপের নাক। বকা ছিল এক মহিষের নাম—তাহার সিং ছুটো হইল বাপের দুই হাত। প্রদর্শনীতে দেখিয়াছিল এক শৃঙ্গনির্মিত প্রকাণ্ড দেবরাজ, সেটাই এখন পিতার স্থান অধিকার করিল। সে কিস্ত ভাবিতেছে ওই তাহার বাবা। এক ডাক্তার স্বপ্ন দেখিতেছেন, একজন রোগীর দাঁত তুলিতেছেন, চোখে ঔষধ লাগাইতেছেন, বক্ষস্থল পরীক্ষা করিতেছেন, ইত্যাদি। অর্থাৎ দশ জাগ্রৎ দশজন রোগীর যাহা করিয়াছেন তাহা মিশিয়া এক হইয়া গিয়াছে। দশ কথায় যে স্বপ্নের বর্ণনা হয় বিশ্লেষণ করিয়া দেখা যায় তাহার পশ্চাতে চিন্তা রহিয়াছে দশ পাতা। (১) সংক্ষেপ (condensation) আর (২) অদলবদল (displacement), যাহা এই দৃষ্টান্তে পাওয়া গেল তাহাই স্বপ্নের প্রধান কাজ। অদলবদলে সময়ে সময়ে উদোর পিণ্ডি বৃদ্ধোর ঘাড়ে পড়ে। উদো স্বপ্ন দেখিল বৃদ্ধো তাহাকে হত্যা করিবার চেষ্টা করিতেছে। বিশ্লেষণে প্রকাশ উদোই বৃদ্ধোর প্রতি এই ভাব পোষণ করে। Wish-fulfilment বা ইচ্ছা-পূরণ উন্টা হইয়া প্রকাশ পাইয়াছে। স্বপ্নের আর-একটি কাজ বিসদৃশ দেখায়; তাহা এই—যেখানে যে ভাব (emotion) হওয়া উচিত তাহা হয় না। উহা অনেক স্থলে এই অদলবদলের ফল। একটি স্বপ্ন এই—মক্কাভূমিতে তিনটি সিংহ, একটি হানিতেছে, স্বপ্নদ্রষ্টার ভয় হইতেছে না। তিনি গ্রন্থে পাঠ করিয়াছেন, সিংহের সৌন্দর্য্য কেশরে। বাবার গোঁফদাড়ী কেশরের মত। তাহার মুরুবিব সিংহ মহাশয় আর শিঙ্গা তাহার প্রিয় বাদ্য। আর-এক গ্রন্থে তিনি পাঠ করিয়াছেন—মক্কাভূমিকে 'নিংড়াইয়া লইলে অবশিষ্ট থাকে কয়েকটা সিংহ। মক্কাভূমিতে সিংহ হইলে কি হয়, ইহাতে ভয় পাইবার কিছুই নাই। এক মহিলা স্বপ্ন দেখিতেছেন তাহার ভ্রাতৃপুত্রীর অন্ত্যেষ্টিকি, কিস্ত ঠোক' হইতেছে না। বিশ্লেষণে

প্রকাশ, যে, এইরূপ এক অন্ত্যেষ্টিতে বহুদিন পরে প্রেমাস্পদের সাক্ষাৎ পাইয়াছিলেন। প্রেমাস্পদের সাক্ষাৎটা অভিশাপ, অন্ত্যেষ্টিকাটী আনুষঙ্গিক—তাই শোক নাই। অতীতকে রজু সর্পের উপমান বলিয়া স্বপ্নে দড়ী দেখিয়া ভয়ে চলংশক্তিহীন হইয়া পড়ি। স্বপ্নের আর-একটি কাজ (৩) স্বপ্নের মধ্যে কর্তার Dramatis Personae হইয়া প্রবেশ (Dramatisation), যেমন কৃষ্ণকান্ত গণেশের কান মলিতে গেলেন। কৃষ্ণকান্তই যেন মহাদেব হইয়া ব্যাপারটার মধ্যে প্রবেশ করিলেন এবং সমগ্রটাকে এক সূত্রে গাঁথিলেন - কানমলাটা তো মহাদেবেরই কাজ এখানে! (৪) স্বপ্ন যখন শেষ হইয়া আসে তখন প্রবুদ্ধ জগতের খেলা তাহাতে প্রবেশ করিয়া তাহাকে আবার ফুলাইয়া তোলে (secondary elaboration)। ভোরবেলা স্বপ্ন দেখিতেছি এক বিবাহের, বরষাত্র হইয়া চলিতেছি হঠাৎ মাঝখানে মহাভোজ; তার মধ্যে Fowl Curry প্রধান উপাদান। হাত দিয়া

তুলিতে যাইতেছি, চাকর অসিয়া ডাকিল। উঠিয়া দেখি মুর্গা ডাকিতেছে। এ যে স্বপ্ন! তাহাও ভাবিয়া গেল। এমন সময় দেখি পাহারাওয়াল (censor) তাহার পরিত্যক্ত ধড়াচূড়া পরিয়া বেটন হস্তে যমদূতের মত উপস্থিত। দেখিয়াই আক্কেল গুড়ুম। Fowl Curryর তো কথাই নাই, পেটের ভাতও চাল। চুরি করিয়া বমাল হঠাৎ লালপাগড়ীর সম্মুখে পড়িলে মানুষের স্মৃতিবিদ্রম সহজেই ঘটে। ঘুম ভাঙ্গিলে আমরা যে স্বপ্ন ভুলিয়া যাই, পাহারাওয়ালার আবির্ভাব তাহার কারণ। তবে উহা আপদো শাস্তিঃ।

আমি নবস্বপ্নখন্ডের আভাসও দিতে পারিলাম কি না সন্দেহ। তথ্য জানিতে হইলে Freud-Jung-Adler সঙ্ঘের সহযোগিতা ও প্রতিযোগিতায় যে সাহিত্যের সৃষ্টি হইয়াছে তাহা পাঠ করিতে হইবে।

শ্রীধীরেন্দ্রনাথ চৌধুরী।

রজনীগন্ধা

(১২)

লালু আসিয়া ষ্টেশনে দাঁড়াইয়া ছিল। ক্ষণিকা প্ল্যাটফর্মে পদার্পণ করিয়াই বলিল, “মা বাবা কেমন আছেন রে?”

লালু বলিল, “বাবা ভালই, মায়ের এখনও জ্বর ছাড়াই, তবে ডাক্তার-বাবু বলেছেন ভয় পাবার আর কোনো কারণ নেই।”

মেনকা উচ্ছ্বসিত হইয়া বলিয়া উঠিল, “বাঁচা গেল বাপু, যা ভয় পেয়েছিলাম! বাড়া আস্ব, কোথায় আনন্দ হবে, তা না, যত একটা করে ষ্টেশন পার হচ্ছি তত বুকটা বেশী করে টিপ্ টিপ্ করছে।”

লালু বলিল, “সত্যি ছোড়ুদি, এক এক সময় বাড়া চকুতে এমন ভয় করত, ইস্কুল থেকে এসে আগে সদর দরজায় দাঁড়িয়ে দাঁড়িয়ে উঁকি মেয়ে ব্যাবার ঘরের ভিতরটা দেখে নিতাম, তবে চুকুতাম। আর যদি শুন্তাম যে মা ঘর থেকে কুড় নীর মাকে বকছেন তাহলে আর একেবারেই ভয় করত

না। সত্যি ভাই, মা চুপ করে থাকলে আমার এমন ভয় লাগত।”

বালক বালিকা দুজন যতক্ষণ নিজের নিজের মনোভাব কথায় বাক্ত করিতে বসিয়াছিল, বয়োজ্যেষ্ঠ দুজন ততক্ষণ জিনিষপত্র টেন হইতে নামাইয়া গাড়ীর মাথায় বোঝাই করাইতেই বাস্ত ছিল। তাহারি ফাঁকে চিন্ময় একবার জিজ্ঞাসা করিয়া লইল, “বাপ মা ভাল আছেন শুনেও আকাশের মেঘ ত একটুও কাটল না দেখ্ছি। না মনের ভাব মুখে প্রকাশ করাটা এখন বড় বেশী ছেলেমানুষি বলে মনে হয়?”

ক্ষণিকা বলিল, “মা বাবা ভাল আছেন শুনে খুসি যে হয়েছি এটা চীৎকার করে না বললে তুমি বুঝতে পারবে না তা ত ভাবিনি।”

চিন্ময় হঠাৎ গম্ভীর হইয়া বলিল, “ঠিকই ভেবেছিলে, আমি তোমার মনের কথা একটু আধটু বুঝতে পারি। তুমি

যা জানতে চাওনি, এমন অনেক কথাও আমি বুঝতে পারি।”

লালু এবং মেনকার আলোচনা এই সময় খামিয়া বাও-
য়াতে চিন্ময়র শেষের কথা কয়েকটা তাহাদের কানে গিয়া
পৌছিল। লালু মহা উৎসাহে বলিয়া উঠিল, “হ্যাঁ চিন্ময়-দা,
আপনি ‘থটরীডিং’ শিখেছেন নাকি? আচ্ছা বলুন ত আমি
এখন কি ভাবছি? ম্যাট্রিক ক্লাশের শ্রামাপদ একটু
আধটু পারে, আর তাই নিয়ে যা চাল দেয়! বাপ!”

ক্ষণিকা তীক্ষ্ণকণ্ঠে বলিয়া উঠিল, “এখন গাড়ীতে উঠবে,
না এই দুপুর রোদে পুড়তে পুড়তে থটরীডিং করবে?
তোমাদের সবই কি অনাসৃষ্টি কাণ্ড!”

মেনকা বলিল, “দিদির কখন যে কিসে রাগ হয়, তার
ঠিকানা নেই। উঠছি ত বাপু গাড়ীতে, এখানে ত আর ঘর
বেঁধে বসব না?”

গাড়ীতে উঠিয়াই লালু বলিল, “আচ্ছা, এইবার বলুন
দেখি কি আমি ভাবছি? আচ্ছা আমি সহজ করে দিচ্ছি,
একজন মানুষের কথা ভাবছি, বলুন ত সে কে?”

চিন্ময় তাহার মুখের দিকে তাকাইয়া বলিল, “চিনেবাদাম-
ওয়াল।”

“কিছু পারলেন না, আপনি একটুও শেখেন নি, আপনি
চেষ্টাও করলেন না।”

চিন্ময় বলিল, “তোমার মনের সামনে এখনো জমাট
অন্ধকার, তা ফুড়ে কি সাদা চোখে দেখা যায়? বরং
তোমার দিদি কার কথা ভাবছে বলতে বল যদি এক
সেকেণ্ডে বলে দেব।”

মেনকা বলিল, “ছাই পারবেন, ছেলেদের মনের সামনেই
শুধু অন্ধকার আর আমাদের মনের সামনে বুঝি আমরা
ইলেকট্রিক্-লাইট জ্বলে বসে থাকি?”

“সবাই না, কেউ কেউ থাকে। তাদের চোখের দিকে
চাইলেই তা বোঝা যায়।”

ক্ষণিকা সশব্দে নিজের পাশের ঝিলমিলিটা ফেলিয়া দিয়া
বলিল, “এত পর্দানশীন আবার আমরা কবে থেকে হলাম?
গরমে মন্ডিছে যে,” বলিয়া মুখখানা জানালা দিয়া বাহিরে
বাড়াইয়া দিল।

লালু বলিল, “দিদি যে কি অদ্ভুত, এই না রোদে দেড়

সেকেণ্ডে দাঁড়িয়ে ছিলাম বলে বক্ছিলে? এখন নিজের
মাথাটা রোদে বার করে দিলে কেন?”

চিন্ময় বলিল, “ঠিক বলেছ, এই দেখ না, যেই তোমার
চিঠি পাওয়া, অমনই কেঁদে কেটে পাঁচ মিনিট পরেই ট্রেনে
উঠলেন; আবার দেখো, কাল আরো বেশী উৎসাহে কল-
কাতায় ফিরে চলেছেন।”

মেনকা বলিল, “আমি যাচ্ছি না বাপু, একটি মাস থেকে
তার পর যদি ওমুখো হই। বোর্ডিংএর ঘণ্টা শুনে শুনে ত
আমার অকুচি ধরে গেছে।”

ক্ষণিকা মাথাটা ভিতরে ঢুকাইয়া লইল। রৌদ্রের
তাপেই বোধ হয় তাহার মুখখানা অমন সিঁড়রের মত লাল
হইয়া উঠিয়াছিল। সে বলিল, “আমি আর ফিরছিই না,—
এক মাসেও না, ছমাসেও না।”

চিন্ময় বলিল, “দেখা যাবে।”

তাহারা বাড়ী আসিয়া পৌছিল।

বাড়ীর অবস্থা ক্ষণিকা যেমন দেখিবে বলিয়া আশঙ্কা করিয়া-
ছিল, ততটা সাজঘাতিক নয় দেখিয়া আশ্চর্য হইল। তাহার
পিতার অসুখটা নিতান্ত সাময়িক একটা অসুস্থতা, তাহার
আসল রোগের সহিত উহার কোনো সম্পর্ক নাই। গৃহিণী
দিন কয়েক জ্বরে পড়িয়াছেন, ইহাতেই ভয় পাইয়া লালু
দিদিদের আসিবার জন্ত চিঠি লিখিয়া পাঠাইয়াছে।

মেয়েদের জ্ঞানাদি হইলে পর তাহারা মায়ের কাছে
আসিয়া বসিল। চিন্ময় বলিল, “জ্ঞানটা করে আসি। তার
পর কমিটি ডেকে যথাকর্তব্য স্থির করা যাবে এখন।”

সে চলিয়া গেল। গৃহিণী ক্ষণিকার মুখের দিকে চাহিয়া
বলিল, “কি চেহারা হই করেছিস বাছা। পরের বাড়ীর চাকরি,
খুব বুঝি খাটতে হয়? লোকজন অনেক নাকি?”

মেনকাই দিদির হইয়া জবাব দিল, “কিসের অনেক লোক,
বুড়ী গিন্নি, তাঁর ছেলে, আর এ ফটা পুঁটকে মেয়ে। তেমনি
ঝি চাকর কতগুলো যে তার গোণাগুলি নেই। দিদি যদি
ইচ্ছে করে চরুকি-বাজির মত ঘুরপাক খেয়ে বেড়ায় ত
লোকে কি করবে?”

ক্ষণিকার মা বলিলেন, “অনেক চাকর থাকার ত বা সুখ,
বকে বকে প্রাণ শেষ হয়। খাস-দাসু ত ভাল করে?”

ক্ষণিকা হাসিয়া বলিল, “খাই না আবার? খাবার জন্মেই

তাদের ওখানে গিয়েছি, সে কথা ওরাও জানে, আমিও জানি।”

দিদির কথা বলার রকম সম্বন্ধে মেনকা কি একটা মন্তব্য করিতে বাইতেছিল, এমন সময় লালু বলিয়া উঠিল, “দিদি, ছোড়দি, কুড়ুনীর মা ভাত বেড়েছে, তোমাদের কি বলে ডাকতে হবে তা ঠিক করতে না পেয়ে হাঁ করে দাঁড়িয়ে আছে।”

ক্ষণিকা বলিল, “ও পদার্থটিকে কোথা থেকে জুটোলে?”

লালু বলিল, “ও স্কুলের বেয়ারার বউ, যা grand রাঁধে, একবার মুখে দিলে আর জীবনে ভুলতে পারবে না।”

একগ্রাস মুখে তুলিয়াই মেনকা বলিল, “ঠিকই বলেছে লালু, এমন রান্না সাত জন্মে খাইনি।”

ক্ষণিকা বলিল, “আচ্ছা, অত সমালোচনার কাজ নেই, এর পর নিজে খুব ভাল করে রোধে খাস্ এখন।”

মেনকা গাল ফুলাইয়া বলিল, “কোথাও যদি নিক্কতি আছে। বোর্ডিংএ সারাদিন পড়; যদিবা দুদিনের জন্তে বাড়ী এলাম ত অমনি হাঁড়ি ঠেল। আমরা ত বকলে, নিজে ত এক হাতাও ভাত খেলে না, সবই ত ফেলে দিলে। অমনি করে বুঝি অনাদি-বাবুর বাড়ী যাও?”

তাহার দিদি কথা না বলিয়া পিড়ি ছাড়িয়া উঠিয়া পড়িল।

প্রবোধ অফিস হইতে চারটা-পাঁচটার আগে ফেরে না, মা-বাবার অস্থূখেও ইহার ব্যতিক্রম হয় নাই। ক্ষণিকা খাওয়া সারিয়া বলিল, “কাজ নেই আর মায়ের কাছে গিয়ে, আমরা যতক্ষণ কাছে থাকুব ততক্ষণই ত কথা বলবেন কেবল। ঘুমতে পারেন ত একটু ঘুমিয়ে নিন্। জ্বর বাড়বে তা না হলে। আয় না বারাণ্ডায় মাত্র পেতে বসে গল্প করি।”

মেনকা উৎসাহিত হইয়া অতি সজ্ঞাপনে পা টিপিয়া টিপিয়া মাত্রখানা ঘর হইতে বাহির করিয়া আনিল, পাছে তাহার মায়ের ঘুম ভাঙিয়া যায়। তিনি তখন চোখ বুজিয়া পড়িয়া ছিলেন, ঘুমাইতেছেন কি না বুঝিবার উপায় ছিল না। লালু এককোণে বসিয়া গোটাকয়েক ভোঁতা পেন্সিলের উদ্ভৃতি সাধনে নিযুক্ত ছিল।

মাত্রর পাতিয়া বসার পর কিন্তু মেনকার দিদির গল্প

করিবার কোনো লক্ষণ দেখা গেল না। শূন্তের দিকে পলক-হীন নেত্রে যে মানুষ কি করিয়া অতক্ষণ চাহিয়া থাকে মেনকা তাহা ভাবিয়াই পাইল না। অবশ্য এ জিনিষটা তাহার কাছে কিছুমাত্র নূতন নয়। বোর্ডিংএ আরও অনেক তরুণী ও কিশোরীকেই সে এই রোগে আক্রান্ত দেখিয়াছে।

চুপ করিয়া থাকিয়া থাকিয়া যখন তাহার অসহ হইয়া উঠিল তখন সে বলিল, “দিদি, এরি নাম বুঝি গল্প করা?”

ক্ষণিকা সচেতন হইয়া উঠিয়া বলিল, “তুই বলনা তোর বোর্ডিংএর গল্প, আমি শুনি।”

“আহা আমার বোর্ডিং বড় নূতন কিনা তোমার কাছে, তাই তুমি তার গল্প শুন্বে। তার চেয়ে তুমি অনাদি-বাবুর বাড়ীর গল্প করনা বাপু? গিন্নিকে তুমি বুঝি নাসিমা বলে ডাকতে?”

ক্ষণিকা বলিল, “হ্যাঁ।”

মেনকা জিজ্ঞাসা করিল, “অনাদি বাবুকে দাদা বলতে নাকি?”

“যাঃ, দাদা বলতে যাব কেন?”

“তবে কি বলে ডাকতে? যদি দরকার হত?”

ক্ষণিকা বলিল, “দরকার হয়ইনি।”

এমন সময় সদর দরজায় মাতৃয়ের পদধ্বনি শুনিয়া তাহার মুখ তুলিয়া দেখিল চিন্ময় স্নানাহার সারিয়া ফিরিয়া আসিতেছে।

তাহার পায়ের শব্দটা বোধ হয় পীড়িতার কর্ণেও পৌঁছিয়াছিল, তিনি ডাকিয়া বলিলেন, “এই বরেই এসোনা বাবা। মেয়েরা কোথায়, তাদেরও ডাক।”

মেনকা ও ক্ষণিকা উঠিয়া আসিল। ক্ষণিকা বলিল, “মা, তুমি এখন সারাক্ষণ কথা বললে জ্বর বেড়ে যাবে যে?”

“তা থাক বাছা, এমন করে মুখে চাবি দিয়ে থাকা আমার সাত জন্মে অভ্যাস নেই। খালি মনে হয় এই বুঝি দম আটকে আসছে। তার চেয়ে কথাবার্তা কইলে থাকি ভাল।”

লালু উঠিয়া পড়িল, বলিল, “আমি একবার বিজয়ের বাড়ী আমাদের ক্রিকেট ম্যাচের খবর জানতে যাচ্ছি, যা দশদিন বাড়ী বসে রইলাম। ছোড়দি, এই ওষুধটা সাড়ে তিনটের সময় মাকে দিও ত।”

মেনকা তখনি উঠিয়া পড়াতে তাহার মা বলিলেন, “আর কড়াতে যে দুখটা আছে একটু গরম করে নিস্ বাছা, যা বুদ্ধিমতী বি জুটেছে আমার, এখনি উনুনে জল ঢেলে রাখবে।”

লালু মেনকা চলিয়া যাইতেই গৃহিণী বলিলেন, “ক্ষণ, কতদিনের ছুটি নিয়ে এলি? লালু ছেলেমানুষ, সব তাতে ব্যস্ত হয়ে ওঠে, বলে—না মা দিদি আসুক। আমারও সেদিন জ্বরটা বাড়ল, কাজেই বারণ করতে সাহস হল না। প্রবোধটা যদি মানুষের মত হত, তা হলে না হয় চলত, ও ছেলেমানুষ আর কদিন সামলাবে? তারা কিছু মনে করবে না ত?”

ক্ষণিকা মুখটা ফিরাইয়া বলিল, “আমার কিছু যাবার তাড়া নেই। ওঁরা বলেছেন যত দিন খুঁস থাকতে পারি।”

চিন্ময় বলিল, “তার জন্ত আপনি কিছু ভাববেন না কাকীমা, তাঁরা লোক খুব ভদ্র। এই দু-এক দিনের মধ্যেই অনাদি-বাবুর লাহোর যাবার কথা, সেখানের সায়েন্স কংগ্রেসে ওঁর বক্তৃতা আছে; এমন সময়েও যখন ছুটি দিয়েছেন, তখন দুদিনের জায়গায় চারদিন হলে যে চটে যাবেন তা মনে হয় না।”

ক্ষণিকা বলিয়া উঠিল, “কই লাহোর যাবার কথা ত বলেননি আমার?”

চিন্ময় বলিল, “বললে ত তুমি আয়ও ব্যস্ত হতে লাভের মধ্যে? থাকবে কি আসবে তাই ঠিক করতে পারতে না। তাই বলেননি বোধ হয়।”

গৃহিণী বলিলেন, “তা থাকলে যদি চলে যদিন পারিস্ থেকে যা, যা ছিরি হয়েছে। আমার জ্বর যে ছাড়লে বাঁচি, ছেলেমেয়েগুলোকে একটু দেখব তারও জো নেই। মিনুটা তবু দেখছি বোর্ডিংএর ভাত খেয়েও বেশ আছে।”

চিন্ময় বলিল, “ওরা কি আর আমাদের জাত কাকীমা যে কেবল ভাতের উপর ওদের ভাল মন্দ নির্ভর করবে। ওদের অনেক কিছু হাঙ্গাম।”

ক্ষণিকার মা বলিলেন, “তা ঠিক বাছা। দেখ ত ক্ষণ ক’টা বাজল, সাড়ে তিনটের আবার ওষুধ গিলতে হবে।”

ক্ষণিকা উঠিয়া পড়িল, ঘড়ি দেখিয়া বলিল, “সময় ত হয়েছে, গেলাসটা যে বড় অপরিষ্কার, দাঁড়াও ধুয়ে আনি।” গেলাস হাতে করিয়া সে বাহির হইয়া গেল।

চিন্ময় ডাকিয়া বলিল, “জল ত এই ঘরেই ছিল, আবার চললে কোথায়?”

তাহার কথায় কান না দিয়া ক্ষণিকা হনহন করিয়া টিনে-ঘেরা কলতলার আদিয়া হাজির হইল। সাবান-জল দিয়া কাঁচের গেলাস ভাল করিয়া পরিষ্কার করিয়া বলিল, “মিনু, এখন কুড়ুনীর মায়ের সাহায্যের খবর তোমার নিতে হবে না, উঠে এই গেলাসটা নিয়ে যাও, গিয়ে মাকে ওষুধ দাও গে।”

দিদির কথার ঝাঁঝে বিরক্ত ও চকিত হইয়া মেনকা উঠিয়া পড়িল। ক্ষণিকার কাছে আদিয়া বলিল, “ওকি! আবার দরজা বন্ধ করছ কেন? আর-একবার স্নান করবে নাকি? অনাদি-বাবুর মায়ের কাছে বুঝি এইসব শুদ্ধাচার শিখে এসেছ?”

ক্ষণিকা বলিল, “আচ্ছা, জ্যাঠামি রেখে এখন নিজের কাজে যাও।”

দরজা বন্ধ করিতেই তাহার কান্না শতধারে ভাঙিয়া পড়িল। এত অবহেলা কেন? বিশ্বের লোক যাহা জানিয়া রাখিল, তাহা হইতে বাদ পড়িল শুধু সে? এ জগতে কাহার কি এমন ক্ষতি হইত যদি ক্ষণিকা অনাদির লাহোর গমনের কথা জানিতে পারিত? ইচ্ছা করিয়াই কি জানান নাই? কিন্তু এমন ইচ্ছাই বা তাহার হইবার কি প্রয়োজন ছিল? হঠাৎ ক্ষণিকার মনের মধ্যে একটা ভয়ের শিহরণ খেলিয়া গেল। তাহার মনোভাব কি সে অজ্ঞাতসারে অনাদিনাথের কাছে প্রকাশ করিয়া ফেলিয়াছে? তাই কি এত অবজ্ঞা? ইহা কিন্তু তাহার স্পর্ধাকে শাস্তি দিবারই ব্যবস্থা?

কিন্তু এই সমস্যা সমাধানে কান্না বাড়িল বই কমিল না। এত দুঃখের উপর এত গভীর লজ্জার ভার তাহা হইলে সে কেমন করিয়া বহন করবে? সে যে নারী হইয়া জন্মগ্রহণ করিয়াছে, অযাচিতভাবে ভালবাসিবার অধিকার তাহার নাই, সেই ভালবাসাকে কোনও প্রকারে প্রকাশ করিয়া ফেলা যে তাহার পক্ষে অমার্জনীয় অপরাধ, সংসার তাহাকে শাস্তি দিতে ব্যগ্র হইয়া উঠিবে, আর যাহার চরণে নিজের হৃদয়ের সুখ-দুঃখের অর্ঘ্য সাজাইয়া সে নিবেদন করিল সেও কি অবজ্ঞাভরে উপেক্ষার হাসিই হাসিবে না?

কিন্তু ঘরে দরজা বন্ধ করিয়া কাঁদিয়া ত আর সারাদিনটা

কাটান চলে না? খানিক পরে ক্ষণিকাকে বাহির হইতেই হইল। চোখে মুখে জল দিয়া অশ্রুর চিহ্ন যথাসাধ্য অবলুপ্ত করিবার চেষ্টা করা সত্ত্বেও সে সম্পূর্ণ কৃতকার্য হইল না। মেনকা বলিল, “দিদির কাণ্ডখানা দেখলে ঐকবার, অবেলায় স্থান করে সর্দি বাধিয়ে আনল।”

চিন্ময়ের মুখখানা প্রলয়গস্তীর হইয়া উঠিল। সে বলিল, “কল্কাতার লোকের মফঃস্বলে বেরলেই ঐমনি সর্দি হয়, কল্কাতায় না ফিরলে সারে না। আচ্ছা, আমি একটু কাজ সেরে আসি।” বলিয়া আর পিছন পানে না তাকাইয়াই সে সোজা বাহির হইয়া গেল।

ক্ষণিকার মা ব্যস্ত হইয়া বলিলেন, “সাবধানে থেকো মা, দেখছ ত আমাদের দশা। আজ আর রান্নাবান্নার দিকে যেয়ো না, কুড়ুনীর মা যা পারে করুক এবেলার মত।”

ক্ষণিকার মন তখন যে রাজ্যে ঘুরিয়া বেড়াইতেছিল, তাহার মধ্যে রান্নাবান্না বা কুড়ুনীর মা কাহারও স্থান নাই। স্নতরাং একান্ত বাধ্য ছাত্রীর মত সে মায়ের কথামত চুপ করিয়া সাবধান হইয়া বারাগায় বসিয়া রহিল। প্রবোধ অফিস হইতে ফিরিলে পর তাহার সঙ্গে একবার ঝগড়া পর্য্যন্ত করিল না, সংসারটা যেন তখনকার মত তাহার জীবনের সীমানা ছাড়াইয়া চলিয়া গিয়াছিল, তাহার কোন ব্যস্ততা কোন চিন্তাই তাহার মনকে স্পর্শ করিল না। মেনকা কুড়ুনীর মায়ের কাজের ভুল ধরার আনন্দ উপভোগ করিয়াই সারা সন্ধ্যা কাটাইয়া দিল।

রাত্রে ছোট ঘরে তিনটি ভাই-বোনে মেঝের উপর ঢালা বিছানায় শুইয়া পড়িল। ক্ষণিকা বলিল, “মাথার কাছের জানুলাটা খোলা রাখ, তা না হলে দম বন্ধ হয়ে যাবে।”

মেনকা আর লালু গল্প করিতে করিতে শীঘ্রই ঘুমাইয়া পড়িল। ক্ষণিকা অনেক রাত অবধি জাগিয়া তারকা-খচিত নিশীথাকাশের দিকে চাহিয়া রহিল। একটা চেমা গানের ছুটি লাইন কেবল যেন অশ্রুত স্বরে তাহার বুকের ভিতর বাজিতে লাগিল—

“তখন আমার নাই বা মনে-রাখলে,

ঐ তারার পানে চেয়ে চেয়ে নাই বা আমার ডাকলে।”

মরণের পরপারে কি আর এই তীব্রজ্বালাময়ী স্মৃতিকে

বহন করিয়া বেড়াইতে হইবে? বাস্তবিকই তখন মনে না রাখিলে ক্ষতি কি? কিন্তু এজীবন থাকিতে কি সে কোনো দিনও বলিতে পারিবে “আমায় নাই বা মনে রাখলে?” তাহার সমস্ত হৃদয় যে মনে রাখাইবার জন্ত আকুল ক্রন্দন করিতেছে। কোন্ প্রেমের মধ্যে এ নিঃস্বস্ততাটুকু নাই, কে কবে চাহিয়াছে যে আমি বাহার বিচ্ছেদে এমন কাতর, সে আমাকে ভুলিয়া সুখে থাক? যে কীদনে আপনার হৃদয় কীদিতেছে, অত্বেও সেই কীদনে কীদাইতে না চায় এমন নিঃস্বার্থ প্রেম এ জগতে কোথায়? জাগরণে শয়নে যাহাকে আমি ডাকিয়া ফিরিতেছি, সে আমাকে একবারও মনেও আহ্বান করিবে না, এ চিন্তা ত সহ করা কঠিন।

দিনের আলোয় মনটা তাহার খানিকটা যেন লঘুভার হইয়া গেল, কিন্তু সন্ধ্যার অন্ধকারের সঙ্গে সঙ্গে তাহার হৃদয়-ব্যথা আবার যেন নীড়প্রত্যাগত পাখীরই মত ফিরিয়া আসিল।

কয়েকটা দিন এমনি করিয়াই কাটিয়া গেল। কলিকাতার কোনো সংবাদই সে পায় না। একবার ইচ্ছা করিল সকল সঙ্কোচ ত্যাগ করিয়া একখানা চিঠি লিখিয়া ফেলে। লেখাই ত উচিত, আসিয়া যে পৌছিয়াছে এ খবর ত দেওয়া কর্তব্য? কিন্তু এই অতি সাধারণ কথা কটা কোনমতেই তাহার কলমের মুখে বাহির হইতে চাহিল না। চার-পাঁচখানা চিঠি সে লিখিয়া ছিঁড়িয়া ফেলিল। সব ক’টাতেই যেন তাহার মনোভাব বড় বেশী প্রকাশ হইয়া পড়িতে চায়। অবশেষে অনেক কাটাকুটির পর একখানা অতিভব্য রকম খসড়া প্রস্তুত করিয়া সে স্থান করিতে গেল। আধঘণ্টা পরে ফিরিয়া আসিয়া সেখানা নকল করিতে বসিল। এবার চিঠিখানা এত বেশী প্রাণহীন অদ্ভুত বোধ হইল যে রাগ করিয়া সেখানাও ছিঁড়িয়া ফেলিল। অবশেষে আর ভাষার উপর কোনও আটক না রাখিয়া নিজের মনের মত একখানা চিঠি লিখিয়া খামে পুরিয়া বাক্সে বন্ধ করিয়া রাখিয়া দিল। বাক্সের চাবি ঘুরাইতে ঘুরাইতে আপন মনে বলিল, “আমি ত লিখলাম।”

বেধু বা তাহার দিদিমা কাহাকেও চিঠি লিখিয়া কোনো লাভ ছিল না, কারণ এযাবৎ ক্ষণিকাকেই উভয়ের প্রাইভেট-সেক্রেটারীর কাজ করিয়া আসিতে হইয়াছে। তাহার বদলে

কম যে চিঠি লেখার কাজ চালাইতেছে ইহা মনে করার সম্ভবত কোন হেতু ছিল না।

চন্দ্রর ক'দিন থাকিয়াই কলিকাতায় ফিরিয়া গিয়াছিল। তাহার চিঠিপত্রে মাঝে মাঝে দু'একটা কথা জানা যাইত।

কিন্তু ক্ষণিকার আসল সাস্থনাস্থল ছিল খবরের কাগজ। দিনের পর দিন সে এমন গভীর মনোযোগের সহিত "ট্রিবিউন" পড়ে দেখিয়া লালু বলিল, "দিদির যে কি বুদ্ধি! কলিকাতায় খবর যেন লাহোরের কাগজে বেরয়।" কিন্তু সে সাস্থনাই বা কতদিনের? কংগ্রেসও চিরকাল চলে না, দেশের মানুষ দেশেই ফেরে এবং সেখানে সে ঘরে বসিয়া কি করে তাহার খবর কোনো সংবাদপত্রই দেয় না।

বাড়ীর রোগীর দল ক্রমে সারিয়া উঠিল। মেনকাও বাড়ী থাকার অধুনা সুখে উত্থিত হইয়া এক-একবার ফিরিবার কথা পাড়িতে লাগিল। ক্ষণিকার মন কবে যে অভিসারে বাহির হইয়াছিল তাহার ঠিকানা নাই, কিন্তু তবু সে যাইবে কি না বুঝিতে পারিল না। একবার কি ডাকিতেও নাই? এতদিন যে কাছে ছিল কোনো উপকারেই কি সে লাগে নাই? সে কিছ্ এমন কি রাখিয়া আসে নাই তাহার খাতিরে তাকে আবার ফিরিয়া লইবার ইচ্ছা হয়?

সেদিন সকালে স্নানান্তে রান্নাঘরের বারাণ্ডায় বসিয়া ক্ষণিকা তরকারি কুটিতেছিল, মেনকা কড়াইস্‌টা ছাড়াইবার উপলক্ষ্য করিয়া বসিয়া অনর্গল বকিয়া যাইতেছিল। কুড়ুনীর মা একতাড়া চিঠি আনিয়া ফেলিয়া দিল। ক্ষণিকার আগেই মেনকা সেগুলি খপ্ করিয়া তুলিয়া লইয়া বলিল, "দুটো লাল চিঠি রয়েছে। ওমা কার আবার বিয়ে?"

ক্ষণিকা উৎসুক হইয়া তাহার মুখের দিকে তাকাইল। বিবাহযোগ্য বন্ধু-বান্ধবের ত তাহার কিছুমাত্র অভাব নাই।

মেনকা একেবারে চীৎকার করিয়া উঠিল, "ওমা কি অদ্ভুত কাণ্ড তাই! সাত জন্মেও যা ভাবিনি। তোমার মনোজাদির সঙ্গে অনাদি-বাবুর বিয়ে! একেবারে হৃদিক থেকে নেমস্তন্ন।"

ক্ষণিকার মনে হইল তাহার আজন্মের পরিচিত জগৎ যেন প্রলয়-অটরোল করিয়া তাহার মাথার উপর ভাঙ্গিয়া পড়িল। সূর্য্যের আলো মৃতের চক্ষুতারার মত ঘোলাটে হইয়া উঠিল। অঞ্চল সে অবাক হইয়া দেখিল নিলে যেমন এক মনে

কাজ করিতেছিল তাহাই করিতেছে। এই প্রচণ্ড আঘাতে যেন বাহিরের ক্ষণিকার সহিত তাহার অন্তরলোকবাসিনীর একেবারে বিচ্ছেদ ঘটয়া গেল। একজন যেমন কাজ করিতেছিল তাহাই তেমনি করিতে লাগিল, আর একজন যেন যন্ত্রণার বিষে জর্জরিত মূর্ছিত হইয়া পড়িল, তাহার মধ্যে আর প্রাণের চিহ্ন মাত্রও দেখা গেল না।

(১৬)

"আচ্ছা দিদি, তোমার কি আজ আর উঠতে হবে না? আমার শুদ্ধু চা খাওয়া হয়ে গেল যে? তোমার হয়েছে কি বাপু?"

রোদ তখন উঠানের মাঝামাঝি আসিয়া পড়িয়াছে। প্রবোধ স্নান করিবার আয়োজন করিতেছে, লালু মেনকাকে জ্বালাইবার নূতন উপায় উদ্ভাবন করিতে ব্যস্ত আছে। কুড়ুনীর মা গৃহিণীর সঙ্গে বাজারের পয়সা লইয়া তর্কশ্রোতে হাবুডুবু খাইতেছে, এত কম পয়সায় এত বেশী জিনিষ যে পাওয়া যায় না, তাহা কি গিন্নিমার একবারও বুঝিতে নাই? ভদ্র লোকদের কাণ্ডকাব্যখানা বোঝা ভার।

লালুর সহিত ঝগড়াঝাঁটি করিতে করিতে ক্রমেই মেনকা ক্লান্ত হইয়া পড়িল। দিদি মাঝে থাকিলে তবু ঝগড়ার রসটা অধিকতর উপভোগ্য হয়, কিন্তু তাহারও যে আজ আর উঠিবার নাম নাই? মেনকা তাড়াতাড়ি দিদিকে তাহার আলস্য সখকে সচেতন করিয়া দিতে ছুটিল।

তাহার গলা কানে যাইতেই ক্ষণিকা চোখ চাহিয়া বলিল, "কি হয়েছে, অত চেঁচাচ্ছিস্ কেন?"

"চেঁচাব আবার কেন? কটা বেজেছে তার ঠিকানা রাখ কিছু? বিছানা ছেড়ে উঠবেই না নাকি?"

তাহার মা এতরূপে কুড়ুনীর মায়ের হাত হইতে উদ্ধার পাইয়া বলিলেন, "অত চেঁচামেচি করছিস্ কেন? হঠাত শরীর ভাল নেই, তাই উঠছে না। শুধু-শুধু তোমার মত কুঁড়েমি করে ওকে কোনোদিন বেলা করতে দেখেছ?"

মেনকা বলিল, "আহা, ও কি আর কখনো কিছু করে? সব করি আমি। এ ক'দিন থেকে দিদি যা করছে তাকে যদি কুঁড়েমি না বলে তা হলে কামায় আবার দ্বিতীয় ভাগ পড়তে হবে দেখছি। উঠবে ত রোজ আটটার, খেয়ে উঠে তিন ঘণ্টা হাঁ করে সেইখানেই বসে থাকবে। সারা দুপুর

তবে থাকবে, না এক লাইন পড়বে, না এক ফোঁড় শেলাই করবে। এই যদি আমি হতাম, তা হলে কুঁড়েমি ছাড়া আরো কত কথা যে শুন্তাম তার আর আদি অন্ত নেই।”

ক্ষণিকার মা বলিলেন, “নে ধাম, তোকে আর বকবক করতে হবে না। দিদির মত কাজ একদিন করতে হতো ত বুঝ্‌তিন্। ঔর-অস্থখের সময় মেয়ে যা খাটুনি খেটেছে তা ত চোখে দেখেছি? সারা বছরই ত খাটুছে। পরের বাড়ী কি আর বসে খায়? না হয় ক’দিন কাজ নাই করল।”

মায়ের সহিত মেনকার কথা কাটাকাটি করিতে একরকম ভাগই লাগিতেছিল। সে আবার আরম্ভ করিল, “দিদির এক-এক সময় একএকটা ফ্যাশান আসে। কারু অস্থখ হল কি টাকা কম পড়ল, তখন এমন করে খাটুতে আরম্ভ করবে যে দেখে অস্ত্র লোকের দম আটকে আসে। বতটা দরকার তার দশগুণ খাটবে; যারা নিজের কাজ করে নিতে পারে, তাদের কাজগুলো শুদ্ধ করে দেবে। মাঝখানে থেকে নিজের শরীরটি যায়। আবার সবাই যদি ভাল রইল, তাহলে কাপড়ের পুটুলির মত সাধারণ পড়েই রইল ঘরের কোণে, উঠবেও না হাঁটবেও না। নিজের ভাল লাগা, মন্দ লাগা বলে জিনিষ নেই যেন, কেবল সবই দরকার-মত করতে হবে।”

ক্ষণিকা ঘর হইতে বাহির হইয়া বোনের বক্তৃতা শুনিতেছিল। তাহার মা ভাত চড়াইয়া বাহিরে আসিয়াছিলেন, কাজেই মেনকার বক্তব্য শেষ অবধি না শুনিয়াই তিনি আবার ঘরে ঢুকিয়া পড়িয়াছিলেন। মেনকা থামিতেই ক্ষণিকা বলিল, “তোরা আজ আর কাজ নেই কিছু নাকি রে? ভোর থেকে উঠে আমার বর্ণনা আরম্ভ করলি কেন?”

মেনকা বলিল, “কাজ ত কত? বাড়ীর কাজ ত মা করছেন, আর পড়াগুলো ত তোমার কল্যাণে উঠেই গিয়েছে।”

“কেন আমার কল্যাণে উঠ গেল কেন? আমি কি তোরা চোখে ঠুলি বেঁধ দিয়েছি না বইয়ে আগুন ধরিয়ে দিয়েছি? বাড়ী বসে পড়লেই পারিস? জাহ্নবারিতে স্কুলে পড়া ত বা চমৎকার হয় তা আমার জানা আছে। মাসের শেষেই ত তোকে পাঠিয়ে দেব। ইরানি পরীক্ষাটা দেওয়া হল মা এই বা।”

লালু কাছে আসিয়া বলিল, “তার জন্তে ত ছোড়দির

তোমাকে বখুশ দেওয়া উচিত। পরীক্ষা দিলে উনি যা পাশ হতেন তা আমার জানা আছে। সেদিন ওর একখানা খাতা খুলে দেখি ছোড়দি কি গ্যাণ্ড ইংরিজি লিখেছেন।”

“হতভাগা, বাদর, ছুঁচো, ফের আমার বই খাতা চুরি করে খাটুতে গিয়েছিল।” বলিয়া মেনকা লালুর পিঠে ঠাশ করিয়া এক চড় বসাইয়া দিল।

ভাই-বোনের ঝগড়া মারামারি থামানোটা উচিত জানিয়াও ক্ষণিকা তাহাদের কিছু না বলিয়াই সেখান হইতে সরিয়া আসিল। করুক না হয় ঝগড়া, ক্রান্ত হইলে আপনি থামিবে এখন। না হয়, নাই থামিবে।

ঘরখানার মেজে জুড়িয়া বিছানা পাতা। জিনিষপত্র বই খাতাতে ঘর বোঝাই হইয়া আছে। বিছানা ক’টা তুলিয়া ফেলিয়া সে বাক্সের উপর চাপাইয়া রাখিয়া দিল। ধুলার অভাব নাই, বাক্স ডেক সবে উপরে এক দিনেই বেশ একটি আধ আঙ্গুল পুরু আবরণ পড়িয়া যায়। একটা ময়লা ঝাড়ন ঘরের দেওয়ালের গায়ে পেরেকে ঝুলিতেছিল। ক্ষণিকা একবার সেটা হাতে করিয়া লইল, আবার কি ভাবিয়া বখাস্তানে রাখিয়া দিল।

লালু আর মিনু বোধ হয় তখনও ঝগড়া করিতেছিল, পাশের ঘর হইতে তাহাদের অস্তিত্বের বেশ প্রবল স্বরকম পরিচয় পাওয়া যাইতেছিল। ক্ষণিকা দরজার চৌকাঠে বসিয়া শূন্য দৃষ্টিতে উঠানের দিকে চাহিয়া রহিল।

তাহার চোখের সন্মুখে যাহা ভাসিতেছিল, তাহা কিন্তু এই দরিদ্রগৃহের প্রাঙ্গণটি নয়। সে যেন আর-এক কোন্ দেশ; সেখানে যাহারা চলিয়া ফিরিয়া বেড়াইতেছে, তাহারা ত এ বাড়ীর কেহ নয়? বিধাতার বিধানে সে যে-গৃহে জন্মগ্রহণ করিয়াছিল, সে-গৃহের অধিবাসীরাই অনেককাল পর্যন্ত ত হার একমাত্র আত্মীয় ছিল। কিন্তু সেই নিয়ন্তার নিয়মেই আবার এখন সে কাধকে অস্তরের মধ্যে অন্তরতম আত্মীয় বলিয়া বরণ করিয়া লইয়াছে, আজ সেই তাহার জগত নয়নের দৃষ্টিকে, রাত্রির নিদ্রার স্বপ্নরাজ্যকে একান্ত আপনার করিয়া রাজদর্পে অধিকার করিয়া বসিয়া আছে, পুরাতন অধিবাসীগণি কোথায় যে সরিয়া গিয়াছে তাহার ঠিকানা নাই।

রৌদ্রের ধারা ক্রমেই উঠানের উপর দিয়া গড়াইয়া

অগ্রসর হইয়া আসিতেছিল। ক্ষণিকার কিন্তু নড়িবার কোন লক্ষণ দেখ গেল না।

কলিকাতার সেই বাড়ীতে এতক্ষণে চাকরবাকরের কলরব পূর্ণ বিক্রমে জাগিয়া উঠিয়াছে। বেণু নাওয়া খাওয়া লইয়া কদমের সঙ্গে ঝগড়া করিতেছে, তাহাকে মারিয়া নিজেই কান্না জুড়িয়া দিতেছে। গৃহিণী ঘর হইতে এক-পাও না নড়িয়া কেবল মাত্র গলার জোরে বিশ্বের সকল ব্যবস্থা করিয়া দিবার চেষ্টায় আছেন।

আর সেই ঘরখানিতে এতক্ষণে কি হইতেছে? সকালের চা খাওয়া সারিয়া গৃহস্বামী একমনে পড়ায় ব্যস্ত। জানালা দিয়া রোদ আসিয়া চুলের উপর পড়িয়া ঝকঝক করিতেছে, বিড়ালছানাটা পায়ে কাছে ছেঁড়া কাগজের টুকরীর ভিতরে কেবলি লাফালাফি করিতেছে। কলেজের বেলা হইয়া আসিল, নিজের সে কথা মনে নাই, মনে করাইয়া দিবার লোকই বা কোথায়? অবশেষে হয়ত গৃহিণীর ক্রুদ্ধ চীৎকারে চাকরবাকরের চমক ভাঙ্গিল, সশঙ্কচিত্তে কোনপ্রকারে তাহার প্রভুর ধ্যানভঙ্গ করিয়া দিয়া গেল। তারপর তাড়া-তাড়ি করিয়া নামে মাত্র নাওয়া খাওয়া করিয়া বাহির হইয়া যাওয়া। তখনও কি তাঁহার একবারও তাহাকে মনে পড়িল না, যে সদা-জাগ্রত মনোযোগের সহিত তাঁহার সকল সেবার আয়োজন করিয়া রাখিত? একবারও কি মনে হইল না তাহাকে ফিরিয়া পাইলে ভাল হয়?

ক্ষণিকার বক্ষস্থল মথিত করিয়া একটা দীর্ঘশ্বাস শূন্যে মিলাইয়া গেল। হায় নির্কোষ, এ কি দিবাস্বপ্ন? সেই ঘর, সেই মানুষ তেমনই কি আছে, সে যেমনটি রাখিয়া আসিয়াছিল? নূতন রাণীর অভিষেকে রাজ্যের আগাগোড়া চেহারাই কি বদল হইয়া যায় নাই? যেখানে সে ধ্যাননিরত গন্যাসী মূর্তি দেখিয়া আসিয়াছিল, এখন সেখানে কে? যে স্বর্গ হইতে তাহার নির্কাসন হইল, তাহাতে ত ফিরিবার আর কোনো পথ নাই! তাহার কুগ্রহ যে রাক্ষসের মত সেই স্বর্গক্ষেও গ্রাস করিয়া ফেলিয়াছে।

সেই মনোজা। তাহার তরুণজীবনে যাহাকে সে মুকুলিত প্রীতির অর্ঘ্য ঢালিয়া পূজা করিয়াছে, যৌবনের রঙীন স্বপ্নলোকে যে থাকিয়া থাকিয়া চপলা ক্ষণপ্রভার মত লীলা করিয়া বেড়াইয়াছে, তাহার কোমল চম্পক-অঙ্গুলির স্পর্শই

ক্ষণিকার সুপ্ত মনোবীণা প্রথম ঝঙ্কার দিয়াছিল, সেই আজ তাহার ভাগ্যগগনে ধূমকেতুর মূর্তিতে ফিরিয়া আসিল? যে মনোমোহন ঐশ্বর্য-লোকে এই বাছকরী প্রথম তাহাকে প্রবেশ করাইয়াছিল, আজ সেই তাহাকে সেই সুখস্বর্গ হইতে চিরদিনের মত নির্কাসিত করিল? যে নীল গগনের দিকে চাহিয়া সে প্রথম আনন্দের হাসি হাসিয়াছিল, আজ বজ্র আসিয়া বধন তাহার আনন্দের নীলাভূমি ভস্মীভূত করিল, তখন কি এই নীলিমার অন্তরাল হইতেই তাহার করালমূর্তি দেখা দিল?

মনোজা আজ অনাদিনাথের পত্নী। যে দীর্ঘদিন-সঞ্চিত সম্পদের প্রতি ক্ষণিকার মন লুক্ক নেত্রে চাহিয়া থাকিত, আজ তাহা মনোজার পায়ে ভাগ্য অঞ্জলি ভরিয়া ঢালিয়া দিয়াছে। যে দৃষ্টির এককণার জন্ত সে নিজের বুকের রক্ত ঢালিয়া দিতে পারিত, যে হাসি তাহার কাছে জগতের শ্রেষ্ঠ-তম রত্নের চেয়েও বহুমূল্য ছিল, তাহা আজ মনোজার কাছে বায়ু বা সূর্যালোকেরই মত সহজলভ্য। যে হৃদয়রাজ্যে প্রবেশ পাইবার জন্ত ক্ষণিকার অন্তর নিরন্তর হিমালয়কন্টার মত অনন্যমন হইয়া তপশ্চা করিয়াছে, কেবলমাত্র মৃদু হাসি হাসিয়া কোমলপদবিক্ষেপে মনোজা আজ সেই রাজ্যের অধীশ্বরীর সিংহাসনে অবহেলাভরেই যেন আসিয়া দাঁড়াইল। তাহার বক্ষিম ওষ্ঠের হাসিটুকু যেমন ছিল তেমনই রহিল, চোখের জ্যোতি কি একটুও উজ্জ্বলতর হইল!

কিন্তু ইহার কি প্রয়োজন ছিল? মনোজার অভাব ছিল কিসের? তাহার বিশাল নয়ন যেখানে কৃপাদৃষ্টি করিয়াছে, সেখানেই কি প্রীতির অর্ঘ্য তাহার রক্তিম চরণে স্বতঃই আসিয়া বরিয়া পড়ে নাই? দিনরাত্রির সকলগুলি প্রহর যেন তাহাকে আনন্দ জোগাইবার জন্ত ব্যস্ত হইয়া থাকিত, সেই অবহেলাভরে কত আয়োজন ঠেলিয়া ফেলিত। এমন যে মহিমাময়ী, ইচ্ছা করিলে যে সকলই করিতে পারিত, সে কেন দরিদ্রের জীবনসম্বল অপহরণ করিতে আসিল? ক্ষণিকার জীবনের প্রথম হৃদ্বিনে কেন সে তাহাকে স্রোতের মুখ হইতে টানিয়া তুলিল? ডুবিতে দিলেই যে ছিল ভাল। আজ যে মরণ তাহার কাছে আরো কত ভীষণ, আজ যে তাহার প্রাণ সহস্র শিকড় দিয়া জীবনকে আঁকড়াইয়া ধরিয়াছে, এখন কিনা সেই মনোজাই তাহাকে উৎপাটিত

করিয়া ফেলিতে চায় ? মনোজ্ঞার বাঁচিয়া থাকা কোনোকালেই কঠিন নয়, সে যে সংসারে রাণীর অধিকার লইয়া জন্মগ্রহণ করিয়াছে, কিন্তু ক্ষণিকার জন্ম যে ভিখারিণীর দলে। তাহাকে আজন্ম পিপাসা লইয়া কাটাইতে হইয়াছে, ব্যগ্র বাহু মেলিয়া সে কেবলি চাহিয়াছে, কেবলি বঞ্চিত হইয়াছে। এতদিন পরে যখন একটি চাওয়ার মধ্যে তাহার চিরজীবনের সকল চাওয়া আনন্দে মরিতে চাহিল, তখনই কি নির্ভুর নিয়তির কুঠার তাহার সকল আনন্দের মূলে এমন ভাবে আসিয়া পড়িতে হয় ? ইহার পর সে বাঁচিবে কি করিয়া ? কিন্তু বাঁচা ছাড়া তাহার উপায়ই বা কি ?

কিন্তু ক্ষণিকার সকল বাসনা, সকল কামনা, তাহার তরুণ প্রাণের সমগ্র প্রেমের ধারা এখনও যাহাকে ঘিরিয়া রহিয়াছে, তাহার কথা চিন্তা করিবার অধিকারও নাকি তাহার নাই। নাই বা থাকিল, কিন্তু অধিকারহীনা তাহাকে নিষ্কৃতি দিল কই ? তাহার প্রাণের সহিত তাহার প্রিয়ের চরণে যে প্রেমের ফাঁশ বাঁধিয়াছিল তাহা এই জোর করিয়া ছাড়াইবার চেষ্টায় কেবল কঠিনতর হইয়া তাহার মর্গকে পীড়িত করিয়া তুলিতে লাগিল, শয়নে জাগরণে এই অসহ্য বেদনাকে ভুলিবার আর কোনো উপায় রহিল না। জগৎ-সংসারকে অবহেলা করিয়া সে একমাত্র আপনার প্রিয়কে হৃদয়ের সকল বন্ধন দিয়া বাঁধিতে চাহিয়াছিল, আজ তাহাকে হারাইয়া জগতের দিকে চাহিয়া দেখিল কেবল আপন মনের অবহেলার প্রতিক্রম মাত্র।

হঠাৎ মায়ের ডাকে সে সচকিত হইয়া মুখ তুলিয়া চাহিল।

“কি রে এখনও অমন করে বসে আছিস্ কেন, শরীর কি বড় খারাপ লাগছে ?”

ক্ষণিকা ক্লান্তকণ্ঠে বলিল, “না মা। কিছু দরকার আছে ?”

“এই একটু ভাতটা দেখ্‌তিস্, ততক্ষণ তরুকারিগুলো কুটে নিতাম। মিনু যে কি চিঠিই পড়ছে, হাজার ডাকেও সাড়া পাওয়া যায় না।”

ক্ষণিকা বলিল, “আমিই দিচ্ছি।”

মেনকা তাড়াতাড়ি একখানা খোলা চিঠি হাতে করিয়া বাহির হইয়া আসিল, বলিল, “বাচ্ছিত আমিই, এই মধুর চিঠিখানা পড়্‌ছিলাম। দিক্‌ পড়্বে ? মনোজ্ঞার বিয়ের সব গল্প লিখেছে, এত কথা ভুলিও জান না।”

ক্ষণিকার কোলের উপর চিঠিখানা ছুঁড়িয়া দিয়া সে তরুকারির ঝুড়ি টানিয়া লইয়া বসিয়া পড়িল, “মা, কি কুটুতে হবে বল ? বাপ রে, কি বাঁচি যে তোমার ! চোরের নাকও কাটে না এতে।”

মাধবীর চিঠি প্রায় বারো পৃষ্ঠা জোড়া, তাহার দশ পৃষ্ঠাই মনোজ্ঞা আর অনাদিনাথের ইতিহাস। কোথা হইতে এত তথ্য সে সংগ্রহ করিল, তাহা ক্ষণিকা ভাবিয়াও পাইল না। এককাল মনোজ্ঞার সহিত ঘনিষ্ঠভাবে বাস করিয়াও সে জানে নাই যে মনোজ্ঞার কুড়ি বৎসর বয়সে অনাদিনাথের সহিত বিবাহের কথা হয়। উভয় পক্ষেরই পিতামাতার ঘোর আপত্তিতে বিবাহ ভাঙিয়া যায়। আপত্তির কারণ মাধবীর জানা নাই, সে একটা পুরাতন পারিবারিক কলহের আভাস দিয়াছে মাত্র। তার পর মনোজ্ঞার পিতা মাতা যে মারা গিয়াছেন সে কথাও ক্ষণিকারও জানা। এই দীর্ঘ ছয়টি বৎসর এই দুটি মানুষের কেমন করিয়া যে কাটিয়াছে তাহা উভয়ের ভাগ্যবিধাতা ভিন্ন কাহারও জানা নাই। অকস্মাৎ লাহোরে উভয়ের পুনর্বার সাক্ষাৎ হয়, দেশ ভ্রমণ করিতে করিতে মনোজ্ঞা এই সময়েই কেমন করিয়া সেখানে গিয়া দেখা দিল। যাহাকে তাহার মৃত মনে করিয়া হৃদয়ের অন্ধকারে সমাধিস্থ করিয়াছিল, তাহা এতদিন পরে পরম্পরের দৃষ্টির আলোকপাতে জীবন পাইয়া জাগিয়া উঠিল।

তাহার পর কেবল বিবাহ-সভার বর্ণনা। কে কি বলিল, কে কি পরিল, কাকে কেমন দেখাইল। মাধবী শেষ করিয়াছে—“মনোজ্ঞাদি সেদিন স্কুলে বেড়াতে এসেছিলেন। আগাগোড়া purple পোষাক, গলায় আর হাতে ‘এমিথিষ্টের’ গয়না, হুল আর ব্রোচও এমিথিষ্টের। সে যে কি সুন্দর দেখাচ্ছিল ভাই, ঠিক যেন ইজ্রাণী। অনাদি-বাবুর সুন্দরী স্ত্রী হওয়াতে বড় জাঁক হয়েছে, মনোজ্ঞাদিকে যখন মোটরে করে নিতে এলেন, তখন এমন মুখ টিপে টিপে হাসছিলেন, গুঁকে এর আগে সাত জন্মেও হাসতে দেখিনি।”

আরো কয়েক লাইন লেখা ছিল, তাহা না পড়িয়াই ক্ষণিকা তাড়াতাড়ি চিঠিখানা মুড়িয়া উঠিয়া পড়িল। আর যেন পড়িবার তাহার ক্ষমতা ছিল না। তাহার বৃকের ভিতরটা তখন রুদ্ধাবেগ ক্রন্দনে ছলিয়া ছলিয়া উঠিতেছিল। ঐ হাসি ফুটাইবার সাধ্য ভগবান তাহাকে দেন নাই, কিন্তু

ঐ হাসির অনলে তাহাকেই পতনের মত পুড়িয়া মরিতে হইবে।

আহারান্তে মাকে একটু নিভুতে পাইয়া ক্ষণিকা বলিল, “মা, আমার শরীরটা সত্যিই তেমন ভাল ঠেকছে না। আরো মাস দুই ছুটি নিয়ে কোথাও ঘুরে এলে হয়। টাকার টানাটানি ত তেমন নেই। লালু এবৎসর স্কুলের স্কলার্শিপটা পাবে, দাদাও বাড়ীতে কিছু কিছু দিচ্ছে। আর তুমি ত বললে স্কুল-কমিটি বাবাকে অর্ধেক মাইনে দিয়ে সিকু লিভ্ দেওয়া স্থির করেছেন। তাহলে আমি দিন কয়েক ছুটি নিলে চলে না?”

তাহার মা বলিলেন, “তুই নে ত ছুটি। চলে না চলে, সে আমি বুঝব। সবাইকার জন্তে তাই বলে তোকে বলি দিতে হবে নাকি? ওরা ছুটি না দেয় কাজ ছেড়ে দে, অগতে কাজ কি ঐ একটাই আছে?”

ক্ষণিকা বলিল, “ছুটি হয়ত একেবারেই দেবেন, ওঁর ত এখন ঘুরে স্ত্রীই এল, তা আর সংসার দেখবার অশ্রু লোকের মরুকীর কি? এক বেণুকে পড়ানো, তারি জন্তে যদি রাখে। পুস্তি লিখে, কি বলেন।”

কেবলমাত্র ছুটির আবেদন করিয়া ক্ষণিকা অনাদিনাথের নামে একখানা চিঠি পাঠাইয়া দিল। সে প্রথম ছুটি লইয়া আসার পর সংসারের যে কোথাও কিছু পরিবর্তন ঘটয়াছে তাহার আভাস মাত্রও চিঠিতে দেখা গেল না। কিন্তু রোজ যখনই কলিকাতার ডাক আসার সময় হইত, তখন তাহার বুকের ভিতরটা কাঁপিয়া উঠিত। যদি চিঠি আসে? আসিলই না হয়, কি এমন তাহাতে থাকিতে পারে বাহার জন্ত তাহার মন উন্মনা হইয়া ওঠে? যাহা আশা করা অসম্ভব, তাহাই সে কি আশা করে? যাহা ভাবিলে বেদনার হৃদয় ক্ষতবিক্ষত হয়, জোর করিয়া তাহাই ভাবা কেন? কিন্তু ক্ষণিকার মন তাহার বুদ্ধির সঙ্গে বিরোধ করিয়া স্বাধীনচালে চলিতে শিখিয়াছিল, তাহাকে আর সে বশে আনিতে পারিল না।

“দিদি, তোমার একখানা চিঠি আছে।” লালু চিঠি দিয়া গেল। ক্ষণিকা চাহিয়া দেখিল, উপরের হস্তাক্ষর মনোজার।

চিঠিখানা না পড়িয়াই তাহার আগুনে কেলিয়া দিতে

ইচ্ছা করিল। কিন্তু তাহার উন্টা ইচ্ছাটাও কম প্রবল ছিল না। চিঠিখানা খোলাই হইল। মনোজা লিখিয়াছে—
স্নেহের ক্ষণু.

তুই নিশ্চয়ই আমার উপর খুব রাগ করেছিস। এতবড় খবরটা একেবারে লাল চিঠি পেয়ে জান্দি, রাগ হবারই কথা। কিন্তু সত্যি বলছি, বিশ্বাস করিস, কুড়িদিন আগে অবধি আমি নিজেরই জান্তাম না। কেমন ধেন এক ঘূর্ণীবাযু এসে এক নিমিষে আমার জীবনের সব উলোটপালোট করে দিয়ে গেল, আমার মাথার ভিতরটা স্কুদ। এখনও ভাল করে সামলাই নি। ভেবে দেখ, এক মাস কি কাণ্ড! আমার দশাটা ভেবে চিঠি না লেখার জন্তে ক্ষমা করিস। আর অশ্রু মানুষটিরও ত পরিচয় পেয়েছিস, তিনি যে কেমন কাজের মানুষ তা নিশ্চয়ই জানিনু? খবর দেওয়া তাঁর কুষ্ঠিতে নেই।

এমন হুড়োহুড়ির মধ্যে আছি যে চিঠির মত চিঠি লিখবার অবকাশ নেই। পাছে বেশী রাগিস তাই একটু লিখলাম। উনি বললেন তোকে তাঁর সাদর সম্ভাষণ জানাতে। আর ছুটি চেয়েছিস কেন? আমার দেখতে বুঝি আর ইচ্ছে করে না? তবু কর্তার ইচ্ছায় কর্ম্ম। কর্তা তোর ছুটি বাহাল করেছেন। বেণুকে তুই কষ্ট করে যা শিখিয়েছিস, আমি এই হুমাসে তা বেশ করে ভুলিয়ে রাখব এখন। তুই এসে ঠেলা সামলাস।

আশা করি তোর মা বাবা ভাল আছেন। বোন কেমন পড়াশুনো করছে?

এখানে সব ভালই, কেবল শাওড়ী বাতে ভুগছেন। আজ থামা যাক।

মনোজাদি।

ক্ষণিকার চিঠি আসার খবর লালু এমন উচ্চকণ্ঠে দিয়াছিল যে সেটা কাহারও জানিতে বাকি ছিল না। তাহার মা পাশের ঘর হইতে ডাকিয়া জিজ্ঞাসা করিলেন, “হ্যাঁ রে কলকাতার চিঠি নাকি?”

ক্ষণিকা বলিল, “হ্যাঁ মা।”

“কি লিখেছে রে? অনাদি-বাবুই ত?”

“আমি ছুটি পেয়েছি মা। বাড়ীর নতুন গিন্নি খবর দিয়েছেন। অনাদি-বাবু কিছু লেখেন নি।” (ক্রমশ)

শ্রীসীতা দেবী।

বৈশালীবাসী

বুদ্ধদেবের সময়ে বৈশালীর লোকদিগকে ইয়োচি বলিয়া অভিহিত করা হইত।* তাহাদিগকে বজ্জি বৃজ্জি ও বতিও বলা হইত। বজ্জিরাই লিচ্ছবি। খৃষ্টজন্মের পর বহু শতাব্দী ধরিয়া লিচ্ছবির পূর্বভারতে আধিপত্য বিস্তার করিয়াছিল (১)।

জেনেরাল কানিংহাম সাহেবের মতে বুদ্ধদেবের সময়ে হইতে বৃজ্জি বা বজ্জিরা বহু শ্রেণীতে বিভক্ত ছিল, যথা (১) লিচ্ছবি, (২) বরদেহি, (৩) তিব্বাক্তি। সম্ভবতঃ বৃজ্জিদের ভিতর আটটি শ্রেণী ছিল, কারণ অপরাধীদিগকে আট শ্রেণীতে বিভক্ত করা হইত এবং জুরি নির্বাচনকালে আটটি বিভিন্ন শ্রেণী হইতে লোক নিযুক্ত হইত (২)।

লিচ্ছবির অহঙ্কারী ও গর্বিত ছিল। তাহারা তাহাদের রথসমূহ সজ্জিত করিত (৩)। একতাবদ্ধ থাকায় তাহারা শক্তিশালী ছিল। সামরিক কৌশল শিক্ষা করিত বলিয়া তাহারা একরূপ দুর্দ্বন্দ্ব ছিল। তাহারা দোহিতে স্ত্রী ও স্বাধীনচেতা ছিল (৪)। তাহারা বিলাসী ছিল। ব্যবহারে বেশ অমায়িক ছিল না (৫)। তাহারা কোন নূতন আইন-কানুন প্রচলন করে নাই কিংবা পুরাতন আইনকানুনও পরিবর্তিত করে নাই। বৃজ্জিদিগের চিরানুচরিত অনুষ্ঠানগুলির মতেই তাহারা কার্য্য করিত। বৃজ্জি-বুদ্ধদিগের প্রতি তাহারা অকৃত্রিম শ্রদ্ধা ও অনুরাগ প্রদর্শন করিত। বুদ্ধদের কথাবস্তুসারে সকলে চলিত। সহরের বা পল্লীর বৃজ্জি-মন্দিরে তাহারা ভক্তি সহকারে পূর্বপ্রথামত পূজাদি করিত। অর্হৎদিগের রক্ষণাবেক্ষণ ও সাহায্য করিত (৬)। বানপ্রস্থের শ্রেষ্ঠত্ব তাহারা স্বীকার করিত (৭)। ধর্ম্মকে অটুট রাখিবার

জন্ত বৃজ্জিরা তাহাদের প্রধান ধর্ম্মদিগের সহিত এক স্থান হইতে অন্য স্থানে গিয়া উপদেশ দিত। এই বৃজ্জিদিগের দ্বারা অনুরুদ্ধ হইয়া ছাত্রাবস্থায় আনন্দ সন্ন্যাস গ্রহণ করিয়াছিলেন। দেবদত্তের কথায় আস্থা স্থাপন করিয়া সারিপুত্র বৃজ্জিদিগের সম্বন্ধে বলিয়াছেন তাহারা প্রথমে বেশ ভাল লোক ছিল, তারপর তাহারা বদ লোক হইয়া পড়ে, আবার তাহারা ভাল হইয়াছিল। প্রথমে তাহারা কামনাশূন্য, আসক্তিশূন্য হইয়া কার্য্য করিত, হৃদয়ে বিদেহভাব পোষণ করিত না, আলস্যপরায়ণ ছিল না। ক্রমে তাহারা ঐসকল অসংবৃতির বশে খারাপ হইয়া পড়ে। পরে ঐগুলি ত্যাগ করিয়া পুনরায় উন্নত হইয়াছিল (৮)। তাহাদের মধ্যে কেহ কেহ বুদ্ধদেবের প্রতি আস্থাবান ছিল, আবার কেহ কেহ তাঁহাকে ভগবান বলিয়া বিশ্বাস করিত না। এক সময়ে ভিক্ষুগণ সহ বুদ্ধদেব ভিক্ষার্থে বাহির হইয়াছিলেন। পথিমধ্যে লিচ্ছবিদিগকে দেখিয়া তিনি বলিয়াছিলেন, “ইহাদিগকে ভাল করিয়া দেখ, যাহারা তাবতিংশ দেবতাদিগকে দেখ নাই তাহারা ইহাদিগকে দেখ।” তাবতিংশ দেবতার অত্যন্ত সুন্দর বলিয়া তখন লোকের বিশ্বাস ছিল। বৈশালীবাসী লিচ্ছবিদের বেশভূষায় পারিপাট্য ছিল। তাহারা সুন্দর শিকারী ছিল (৯)। তাহারা ধর্ম্মের ধার ধারিত না। লিচ্ছবি যুবকেরা হস্তাদিগকে শিক্ষা দান করিত (১০)। বৈশালীর লিচ্ছবি রাজকুমার যুবাবয়সে হস্তাদিগকে বুদ্ধ-যাত্রার জন্ত শিক্ষা দিতেন। লিচ্ছবির কুকুর লইয়া শিকার করিতে যাইত (১১)। তাহারা কলামুরাগী ছিল ও বহু শোভন চৈতা নিৰ্ম্মাণ করিয়াছিল। তাহারা নানাবর্ণের বস্ত্র পরিধান করিত (১২)। মহাপরিনির্বাণস্থলে উক্ত হইয়াছে যে বৃজ্জিরা একত্রে কার্য্য করিবার জন্ত প্রায়ই মিলিত হইত। বিপদের সময়ও তাহারা এইরূপ যুক্তভাবে কার্য্য করিত। পরমার্গজ্যোতিকায় দেখিতে পাওয়া যায়, যখন

* Hicuen Tsang's Lite, by Beal, Introduction, XXII.

১. Jaina Sutras (Jacobi), pt. II, p. 321.

২. Cunningham's Ancient Geography of India, p. 77.

৩. S. B. E., Vol XIX, p. 257.

৪. Pali Buddhistical Annals (J. A. S. B.), p. 992. 1838.

৫. Yuang Chwang (Walters'), Vol. II, p. 79.

৬. Buddhist Suttas, S. B. E., Vol. XI, pp. 3-4.

৭. Psalms of the Brethren, p. 106.

৮. Psalms of the Brethren, pp. 347-348.

৯. Yuang Chwang (Walters) p. 79.

১০. Psalms of the Brethren, p. 106.

১১. Anguttara Nikaya, Vol. III, pp. 75-78.

১২. Mahaparinibbana Suttanta.

ছুর্ভিক্ষের ভীষণ কবলে শত শত প্রাণী নিধন প্রাপ্ত হইতে-
ছিল তখন সকলে একত্র হইয়া রাজার নিকট ছুর্ভিক্ষের
প্রতিকারের উচ্চ দাবী করিয়াছিল। রাজা কোনরূপ উপায়
উদ্ভাবন না করিতে পারিয়া তাহাদিগকে অনাথশরণ বুদ্ধ-
দেবের আশ্রয় গ্রহণ করিতে উপদেশ দিয়াছিলেন। দোষ
স্বীকার করবার সংসাহস তাহাদের ছিল (১৩)। একতা-বন্ধনে
আবদ্ধ ছিল বলিয়া সহমাত্রতা গুণ তাহাদের মধ্যে খুব অধিক
পরিমাণে দৃষ্ট হইত। সমাহৃত্যুতি তাহাদের চরিত্রের
বিশেষত্ব বলিলে অস্বীকার হয় না। কোন লিচ্ছবি পীড়িত
হইলে অপর লিচ্ছবি তাহা সেবা শুশ্রূষা করিত।

কোন এক লিচ্ছবির গৃহে শুভকন্ম হইলে সকল লিচ্ছবিরা
তাহাতে যোগদান করিত। কোন বিদেশী অভ্যাগত নৃপতি
লিচ্ছবিরাজ্যে পদার্পণ করিলে, তাহারা সকলে মিলিয়া তাহার
অভ্যর্থনা করিত (১৪)।

এইসকল সদুত্তরে ভূষিত হওয়া সত্ত্বেও তাহাদের চরিত্রে
কতকগুলি দোষ ছিল। তাহারা ইন্দ্রিয়প্ৰাঙ্গণ ছিল (১৫)।
লিচ্ছবিদিগের নৈতিক জীবন উন্নত না হইলেও (১৬), শিক্ষা
সম্বন্ধে তাহারা অননোযোগী ছিল না। মহালী নামে একজন
লিচ্ছবি শিক্ষাশিক্ষার উচ্চ উদ্দেশ্যে গমন করিয়াছিল।
এবং শিক্ষা শেষ করিয়া দেশে ফিরিয়া আসিয়াছিল। মহালী
আবার ৫০০ জন লিচ্ছবি যুবককে শিল্প শিক্ষা দিয়া
শিক্ষার বিস্তারে সহায়তা করিয়াছিল (১৭)। মল্লসৈন্যাদক্ষ
ভকুল, প্রসেনজিৎ এবং একজন লিচ্ছবি তক্ষশিলা হইতে
শিল্প শিক্ষা করিয়া আসিয়াছিল।

বৈশালী নগরের বিবাহবন্ধন একটু নূতন রকমের ছিল।
রাজ্যের প্রত্যেক জেলার লোকের কন্যা কেবলমাত্র ঐ
জেলার পুরুষগণকে বিবাহ করিতে পারিত, দ্বিতীয় জেলার
বা তৃতীয় জেলার পুরুষগণকে বিবাহ করিতে পারিত না (১৮)।
রাজ্যের দ্বিতীয়-জেলার কন্যা প্রথম জেলার ও
দ্বিতীয় জেলার পুরুষদিগকে বিবাহ করিতে পারিত এবং

তৃতীয়-জেলার কন্যা রাজ্যের যে-কোন জেলার
পুরুষকে বিবাহ করিতে পারিত। কিন্তু কেহই বৈশালী-
বাসী ভিন্ন অপরদেশীয়কে বিবাহ করিতে পারিত না।
বৈশালী নগরে অপর একটি অদ্ভুত প্রথা প্রচলিত ছিল।
সৌন্দর্যের ললামভূতা কন্যা কাহারও সহিত পরিণয়-
সূত্রে আবদ্ধ হইতে পারিত না, তাহারা লিচ্ছবিদের সকলের
সাধারণ সম্পত্তি হইত। অম্মপালীকে এইরূপে জীবন
উৎসর্গ করিতে হইয়াছিল। অম্মপালী মহানামের কন্যা।
গোপালের নিকট তাহার অসামান্য রূপলাবণ্যের কথা
শ্রবণ করিয়া বিধিসার অম্মপালীর গৃহে আসিয়া সপ্তদিবস
বাস করেন। তিনি তখন লিচ্ছবিদিগের সহিত যুদ্ধে
ব্যাপ্ত ছিলেন। বিধিসারের ঔরসে তাহার গর্ভে অভয়
নামে এক পুত্রসন্তান জন্মগ্রহণ করিয়াছিল। লিচ্ছবি
পুরুষ বিবাহ করিতে ইচ্ছা করিলে, “লিচ্ছবি-গণকে” মনো-
ভাব জ্ঞাপন করিতে হইত এবং লিচ্ছবি-গণ অর্থাৎ লিচ্ছবিদের
প্রতিনিধিসভা বা পাল্যামেন্ট উপযুক্ত পাত্রীর সন্ধান করিয়া
দিত। লিচ্ছবি বালিকারা খুব সুশ্রী ও মাধুর্যমণ্ডিতা ছিল।
তাহারা ভালরূপ পোষাক পরিচ্ছদ পরিত।

সতীত্বের আদর তাহাদের মধ্যে ছিল। নারীর
অপমানকারীর শাস্তির বিধান তখনও ছিল। এবং রাজার
ঐরূপ চেষ্টাও কখনই তাহারা নিকির্বাতে সহ্য করিত না (১৯)।

অম্মসকরো নামে জনৈক লিচ্ছবি নরপতি (২০) বৈশালীতে
রাজত্ব করিতেন। তিনি একজন সংশয়বাদী ছিলেন। বৌদ্ধ
ধর্মের তাঁহার কোনরূপ আস্থা ছিল না। তিনি এক গৃহীর
পত্নীর রূপে মুগ্ধ হইয়া সেই গৃহীকে রাজকার্যে নিযুক্ত করেন
এবং একদা এক অতি ভীষণ কার্যে পাঠান। রাজা তাহার
প্রতি আদেশ করেন—সন্ধ্যার প্রাক্কালে এক যক্ষের পুষ্করিণী
হইতে রক্তপদ্ম আনয়ন করিতে হইবে; যদি সময়ের মধ্যে
সে তাহা না করিতে পারে তাহা হইলে তাহার প্রাণবধ করা
হইবে। দৃষ্ট নরপতি আশা করিয়াছিলেন যে হংভাগ্য রাজ-
কর্মচারী নিশ্চয়ই যক্ষের হাতে প্রাণ হারাইবে, তখন তিনি
তাহার পত্নীকে গ্রহণ করিতে পারিবেন। রাজকর্মচারী যক্ষের

১৩. Cullavagga (S. B. E.), Vol. XX, pp. 118-125.

১৪. Sumangalavilasini (B. Edition), pp. 103-105.

১৫. Anguttara Nikaya, Vol. III, pp. 75-78.

১৬. P. T. S. Vol III, pp. 219-280.

১৭. Anguttara Nikaya, Vol. IV, p. 338.

১৮. Rockhill's Life of the Buddha, p. 62.

১৯. Sigala Jataka, Vol. II, p. 4.

২০. Sumangalavilasini, Hevavitarne's Bequest series, No. II, pp. 154-186.

রূপায় কৃতকার্য হইতে পারিয়াছিল। স্বৰ্গ্যাস্তের পূর্বে প্রত্যাগমন করিলেও তাহাকে রাজ্য মধ্যে প্রবেশ করিতে দেওয়া হয় নাই। তারপর যখন সময়ে আনিতে পারে নাই এই মিথ্যার অজুহাতে তিনি তাহাকে হত্যা করিতে উদ্যত হ'ন, তখন সেই দয়ালু বক্ষ আসিয়া রাজার নিকট হইতে তাহাকে রক্ষা করিয়াছিল।

পত্নীর ব্যভিচারের নিমিত্ত স্বামী তাহাকে হত্যা করিত পারিত এবং “লিচ্ছবি-গণকে” সে পুনরায় উপযুক্ত পত্নী স্থির করিয়া দিতে বলিতে পারিত। দ্বিচারিণী পত্নী যদি প্রব্রজ্যা গ্রহণ করে, তবে তাহাকে আর হত্যা করা যাইত না। একজন লিচ্ছবি তাহার স্ত্রীকে বারংবার একরূপ গর্হিত কার্য হইতে বিরত হইতে বলেন; কিন্তু স্ত্রী তাহার কথায় কর্ণপাত করেন নাই। লিচ্ছবি পুরুষ “লিচ্ছবি-গণকে” পত্নীর ব্যভিচারের কথা জানাইয়া পত্নীকে হত্যা করিতে চাহেন এবং তাহার জন্ত অপর একটি পাত্নী স্থির করিয়া দিতে বলেন। জীবনের আশা নাই দেখিয়া, ব্যভিচারিণী তাহার বহুমূল্য অলঙ্কারাদি লইয়া শ্রাবস্তিতে ভিক্ষুণীদিগের নিকট প্রব্রজ্যা চাহেন। কিন্তু তাহারা তাহা প্রদান করিতে অস্বীকার করেন। এইরূপে বিফলমনোরথ হইয়া তিনি পরিশেষে এক ভিক্ষুণীর নিকট গমন করেন এবং বহুমূল্য অলঙ্কারের লোভ দেখাইয়া প্রব্রজ্যা গ্রহণ করিতে সমর্থ হন। লিচ্ছবি পুরুষ স্বয়ং শ্রাবস্তীতে গমন করিয়া পত্নীর প্রব্রজ্যা দেখিয়া আসিয়া কোশলরাজ প্রসেনজিতের নিকট পত্নীর বিরুদ্ধে অভিযোগ আনয়ন করেন। নৃপতি তাহার পত্নীকে আনয়ন করিতে বলিলে উত্তরে তিনি বলিয়াছিলেন যে, “সে প্রব্রজ্যা গ্রহণ করিয়াছে।” তখন নরপতি বলিলেন, “যখন সে ভিক্ষুণী হইয়াছে তখন তাহার প্রতি আর কোনরূপ শাস্তি দিতে পারা যায় না।”

লিচ্ছবিরা সৌর মাসের অষ্টমী, চতুর্দশী, পূর্ণিমা ও অমাবস্তার দিন প্রাণিহত্যা করিয়া তাহাদের মাংস ভক্ষণ করিত (২১)।

বৈশালী ও তিব্বৎদেশীয় লিচ্ছবিরা তাহাদের মৃতদেহের

সংকার না করিয়া হিংস্র পশুদিগের আহ্বানের জন্ত অনাবৃত স্থানে ফেলিয়া দিত। একবারে যখন বোধিসত্ত্ব বৈশালীদেশে গমন করিয়াছিলেন তখন তিনি বৃক্ষকূলের নিকট শবসংকারস্থান দেখিয়া পশুদিগের নিকট কারণ জিজ্ঞাসা করিয়া জানিতে পারিয়াছিলেন যে মৃতদেহাদিগকে অনাবৃত স্থানে পশুপক্ষীর আহ্বানের জন্ত রাখিয়া দেওয়া হয়; তৎপরে যখন শ্রেতবর্ণের হাড়পুণ্ড্র পাওয়া থাকে তখন সেগুলিকে বৃক্ষকূলে রক্ষা করা হইয়া থাকে। ঐ স্থানে কেহ কেহ মৃতদেহ অগ্নিতেও সংকার করিয়া থাকেন। আবার কেহ কেহ মৃতদেহকে বৃক্ষের উপর ঝুলাইয়া রাখেন। * যাহাদিগকে খুন করা হইয়া থাকে, বা আত্মীয়স্বজন কর্তৃক যাহাদের প্রাণ নষ্ট হইয়া থাকে, তাহাদিগকে মৃত্তিকার মধ্যে প্রোথিত করিয়া রাখা হয়। এইরূপ করিবার কারণ হইতেছে—লিচ্ছবিরা বিশ্বাস করিত যদ্যপি তাহারা জীবন পায়, তাহা হইলে তাহাদের উপর অত্যাচার করিবে। লিচ্ছবিরা কখনও কখনও মৃতদেহের সংকার না করিয়া মৃত্তিকার উপর যে ফেলিয়া রাখিয়া আসিত তাহার কারণ তাহারা আশা করিত যদ্যপি কোন-প্রকারে প্রাণে বাঁচিয়া উঠে তাহা হইলে সে আবার গৃহে ফিরিয়া আসিবে (২২)।

বিভিন্ন প্রকার মৃতদেহের সংকার-অনুষ্ঠান দেখিয়া ভিন্সেন্ট স্মিথ সাহেব বলেন, বৈশালীর পুরাতন অধিবাসীরা সময়ে সময়ে শবকে প্রকৃতির কোলে ফেলিয়া রাখিত, কখন বা মৃত্তিকা-মধ্যে প্রোথিত করিত, আবার কখন বা অগ্নি-সংকার করিত।

লিচ্ছবিরা অনেকগুলি পার্কিংগেও অনুষ্ঠান করিত, তন্মধ্যে ছন এবং সর্দর ত্রিবারই প্রধান (২৩)। সর্দরারবার পার্কিং পতাকা উড়ান হইত, গীত বাজ চলিত। রাজা, রাজকুমার, সেনাপতি প্রভৃতি রাজকর্মচারী ইহাতে যোগদান করিতেন। সমস্তরাত্রিব্যাপী আনোদ-আহ্লাদ নৃত্য গীত চলিত।

ত্রীবিমগাচরণ লাগা।

২১. Divyavadana, p. 136.

২২. Beal's Romantic History of the Buddha, p. 159.

২৩. Samyutta Nikaya, Vol. I, p. 201.

আমার আশায়

লাভ যদিও কিছু নেই তবু তোমাকেই উদ্দেশ্য করে লিখি। লাভ নেই-ই বা বলি কি করে?—হৃদয়ের জ্বালা ব্যক্ত করে শাস্তি তো একটু পাই!

কিন্তু কেবল লেখাই সার!—এ তো আর তোমার কাছে পৌঁছে না। নিজের লেখা নিজেই একশবার পড়ি। তারপর কোনটা ছিঁড়ে ফেলে দিই, কোনটা বা তুলে রাখি।

মনে যদিও পড়ে না, তবু—হাঁ, তোমায় দেখেছিলুম বৈ-কি! নইলে এ স্মৃতি পেলুম কোথা থেকে? একবার তোমায় দেখেছিলুম—এ-ক-টি বার। তাই কি ছাই তোমার মুখের দিকে তখন চাইতে পেরেছিলুম ভাল করে? পোড়া চোখ দুটো একবার চেয়েই লজ্জায় নীচের দিকে নত হয়ে গেল। হৃদয়টা ভরে উঠেছিল। তারপর যখন তোমার মুখ থেকে এই কথাগুলো আমার কানে এসে লাগলো—‘যদন্তি হৃদয়ং মম ওদন্ত হৃদয়ং তব’—আর আমিও ঐ কথাটাই ঘুরিয়ে তোমায় জানালুম যে আমার এ হৃদয়ও তোমারি, তখন আমি আনন্দে আত্মহারা হয়ে গেছিলুম। আমার অধীর মন তখন আর-সব বাঞ্ছা কথা ছেড়ে দিয়ে কেবলই হাজার বার এই কথাটাই বলতে চাচ্ছিল,—ওগো, আমি তোমারি!

মুহূর্তপূর্বে তুমি আমার অপরিচিত ছিলে, কিন্তু এই এক-নিমেষের দেখায় যেন চির-পরিচিত হয়ে উঠেছিলে। যা’ আগে থেকে আশা করেছিলুম তার চেয়ে অনেক বেশী আমি পেয়ে ছলুম। এই এক নিমেষের পরিচয়েই তুমি আমার সর্বস্ব কেড়ে নিয়েছিলে। আমিও নিজেকে তোমার পায়ে বিকিয়ে দিয়ে অমৃতে প্রাণ ভরে নিয়েছিলুম।

কিন্তু কাঙালকে এত ধন কেন দেয়েছিলে, ভগবান? যদি দেখালে তো আবার কেড়ে কেন নিলে?

তখন যদি জানতুম যে এই আমার শেষ-দেখা তোমার সঙ্গে, তাহলে লজ্জা-সরম ত্যাগ করে আর-একবার সাধ মিটিয়ে ঐ মুখখানি তোমার দেখে নিতুম।

তারপর কি হয়েছিল মনে নেই। বহু-দিন-বিগত-স্বপ্নের স্মৃতির মত ব্যাপারটা অস্পষ্টভাবে মনের মাঝে ভেসে ওঠে। কোথা থেকে কি যেন একটা গোলমাল উঠল। তোমাদের

দলের লোকরা যেন ক্ষিপ্ত কুকুরের মত ঝাঁও ঝাঁও করে উঠলেন। বাবা-মা দেব বলেছিলেন তা’ না-কি তিনি সব জোগাড় করে উঠতে পারেন নি। আমার বাবা গরীব। অপ্রস্তুত যে হতে হবে তা তিনি বিলক্ষণই জানতেন এবং সে-জন্যে প্রস্তুত হয়েই ছিলেন, কিন্তু এতদূর হবে বলে তাঁর ধারণা ছিল না। একটা কর্কশ আওয়াজ যেন কানে এল,—মহিম, উঠে এস। তুমি হয়তো একবার ইতস্ততঃ করেছিলে, এ নিষ্ঠুর-ছকুমের বিরুদ্ধে তোমার মনটি হয়তো ক্ষণিকের জ্ঞপ্তি বিদ্রোহী হয়ে উঠেছিল—নইলে তুমি তখন উঠে গেলে না কেন?

কিন্তু আবার যখন দৃঢ় এবং রূঢ় আওয়াজ এল—‘মহিম’, তখন তুমি ধীরে ধীরে উঠে গেলে।

সব গোল মিটে গেল। তোমরা সবাই চলে গেলে তোমাদের পায়ের দ্বাপে পৃথিবীটাকে কাঁপিয়ে দিয়ে। কোলাহল-মুখর বাড়ীখানা একবারে নিস্তব্ধ থমথমে হয়ে গেল।

আমি যেখানে ছিলাম সেইখানেই শুক্ক হয়ে বসে রইলুম। আলোগুলো একে একে সব নিভে গেল। এখান থেকে আমাকে উঠিয়ে নিয়ে যাওয়াও কেউ দরকার মনে করলে না। আমার চতুর্দিকে অন্ধকার নিয়ে আমি আরো কতক্ষণ বসে রইলুম। তারপর ধীরে ধীরে ঘরের মধ্যে উঠে গিয়ে কবাট বন্ধ করে দিলুম। ইচ্ছা হল, ডাক ছেড়ে কাঁদি, কিন্তু পরক্ষণেই এই কথাটাই ভেবে আমি অবাক হয়ে গেলুম যে আমার কি হয়েছে যে আমি কাঁদব আর এঁদেরও বা এত চিন্তিত হবার বা নিজেদেরকে বিপদগ্রস্ত বলে ভাবব কি দরকার? ভেবে আমার হাসি এল, কিছুই হয়নি যে আমার। তাঁদের যদি না ইচ্ছা থাকে আমাদের সঙ্গে কোন সম্বন্ধ রাখবার তবে গেলেনই বা তাঁরা চলে! পুরুষমানুষ বলেই কি তিনি বুক ফুলিয়ে চলে যেতে পারলেন আর মেয়েমানুষ বলেই কি আমাকে শির অবনত করে থাকতে হবে? কেন? মানুষকে যিনি গড়েচেন তিনিও কি মানুষের গড়া এই নিষ্ঠুর সমাজকে ভয় করে চলেন? তাঁর চোখেও কি পুরুষমানুষ আর মেয়ে-মানুষ আলাদা? একজন অন্যায় করবে তা’তে তার দোষ

নেই, কিন্তু আর-একজন যদি সে অন্য় মাথা পেতে সহ্য না করে তবেই তাকে জাহান্নমে যেতে হবে ? হাসির কথা নয় ?

বিয়ে আমার না-ই বা—ছিঃ, কি বোলতে কি বোল্চি। প্রাণ কখনো ছবার দেওয়া যেতে পারে ? এ কি কারবারের জিনিষ ! আমার সবই যে আমি তাঁকে দিয়েছি। বিয়ে তো আমার হয়ে গেছে। গ্রহণ তিনি আমায় না-ই করলেন।

মনটা হাঙ্কা হয়ে গেল।

আশা কিন্তু ছাড়তে পারি নি—সেদিনও পারি নি, আজও পারি নি, আর পারবও না। এই আশা নিয়েই বেঁচে আছি যে ! এতদিনের মধ্যে একবারও কি আমাকে তোমার মনে হয় নি ! একদিনের তরেও কি তুমি আমাকে মনে ক'রে একফোঁটা চোখের জলও ফেল নি ! এত নিষ্ঠুর কি তুমি কখনো হতে পার এত সুন্দর হয়ে ?

এই আশা করেই তো সেদিন-থেকে বসে আছি যে তুমি আসবে ! কিন্তু কৈ এতদিনের মধ্যে একবারও তো তুমি এলে না ?

তবে কি সত্যই ভুলে গেছ ? ওঃ, এত নিষ্ঠুর তুমি !

অভিমনে চোখ ফেটে জল আস্চে। বুকের মধ্যে বেদনা গুম্বরে গুম্বরে উঠ্চে।

রূপার চাকুতিই কি তোমাদের সবচেয়ে বড় হ'ল ? হৃদয়ের খোঁজ নেওয়া একবারও তোমরা দরকার মনে করলে না ? - হৃদয় মথিত করে দিয়ে চলে গেলে ?

না, না,— তোমার প্রতি হয়তো আমি অবিচার কর্চি। তোমার প্রাণটাও হয়তো ঠিক এমনিভাবেই আমার জন্তু কাঁদ্চে। তুমিও হয়তো আমার কথা ভেবে ঠিক এমনি যাতনাই ভোগ কর্চ—তোমার হৃদয়ের মাঝেও হয়তো এমনি বেদনাই গুম্বরে উঠ্চে।

কিন্তু তাহলে তুমি আস্চ না কেন ? এতদিনের মধ্যে একটি বারও দেখা দাওনি কেন ? হয়তো গুরুজনের আজ্ঞা অবহেলার ভয়ে—হয়তো ছুটি পাওনি - হয়তো কত চেষ্টা করেও সম্মত করে উঠতে পার নি—হয়তো তোমার খুব অসুখ করেছে—এমনি কিছু একটা হবে ! নইলে তুমি নিশ্চয়ই আস্তে।

ছপুর রাতে গাছের পাতা যখন মরমর করে ওঠে, তখন আমার মনে হয়, ঐ বুঝি তুমিই আস্চ। পথের ধারে কুকুর ঘেউ ঘেউ করে ওঠে,—ভাবি, তুমি হয়তো এলে। আকুল আকাঙ্ক্ষা নিয়ে, হৃদয়ের সমস্ত তৃষা নিয়ে, প্রাণের অফুরন্ত বাসনা নিয়ে জানালা খুলে বাঁধা-কাঁতার চোখে চেয়ে

দেখি। কিন্তু কৈ, কোথায় তুমি ? হৃদয়টা খাঁ খাঁ করে ওঠে।

রাস্তার উপর দিয়ে কত গাড়ী আসে যায়, আমি চমকে উঠি,—তুমিই বুঝি আস্চ।

ঐ যাঃ, আমাদের ছয়রেই গাড়ীটা দাঁড়াল না ? তবে তুমি এলে ? এতদিন পরে এ ছুঁখিনীকে মনে পড়ল ? আজ আমার চোখের জলে তোমার চরণ-চুটি ধুইয়ে দিয়ে আমি হৃদয়ের সব খেদ মিটিয়ে নেবো। কৈ ! কোথায় গাড়ী ! আমি কি পাগল হলুম ?

ঐ তো আবার। হাঁ, এদিকেই তো আস্চে। ঐ যাঃ দাঁড়াল না যে ! তুমি এলে না ?

বাইরে ও কার পন্থের শব্দ ? তোমারি তো ! লুকোচুরি কর্চ আমার সঙ্গে ? কতক্ষণ লুকিয়ে থাকবে ! আর একটু দাঁড়াও, এই যে আমি ছয়র খুলে দিচ্ছি। কৈ, কোথায় তুমি ? যদি এতদিন পরে এলে তবে আবার চলে কেন গেলে ?

কাঙাল বলে এতই হেলা কি করতে হয় ? তোমারই বা দোন কি ? আমার যে রূপ গুণ কিছুই নেই। এ কালো কুৎসিতার কাছে কিসের জন্তু তুমি আসবে ? কিন্তু আমার রূপ থাকলেই কি তুমি ছুটে আস্তে ?

ঐ দেখ, কি সব বলে ফেল্চি। মনে কোরো না কিছু। মাথার ঠিক নেই আমার, রাগের মাথায় যা নয় তাই বলে ফেলি। ক্ষমা কোরো।

কিন্তু, হাঁ,— এও আমি বলে দিচ্ছি, এমন লুকোচুরি আর করতে পারে না। আমায় কষ্ট দিয়ে তোমার কি সুখ হয় ! তোমায় ছেড়ে আমি থাকতে পার্চি নে যে ! কবে নিয়ে যাবে ?

আমি যে এত আকুল হয়ে তোমায় ডাক্চি, এ আকুলতা কি একদিনের তরেও তোমার হৃদয়ে গিয়ে আঘাত করে নি ?


যদি কিছু অপরাধ করে থাকি তোমার কাছে তবে তা' ভুলে যেও। সে অপরাধের শাস্তি তুমি দিয়ে যাও—আমি মাথা পেতে নেবো।

এক এক দিন যায়, আমার মনে হয় যেন এক যুগ গেল।

তুমি আসবে তা' আমি জানি, কিন্তু আরো কতদিন বসে থাকব এ আশা নিয়ে ? সে-দিন এখনো কতদূরে যে-দিন তুমি আসবে ?

আসবে না ? নিশ্চয়ই আসবে। তোমায় আসতে হবেই যে ! তোমার আমার আশাতেই যে আমি বসে আছি !—

প্রতীক্ষমানা।



প্রকৃতির পাঁজি

অগ্রহায়ণ মাস হেমন্ত কালের শেষ। এই মাস থেকেই শীত বেশ অনুভব হয়। সকাল বেলা কোয়াসা জমে ও রাত্রে বেশী শিশির পড়ে।

এই সময় ব্যাং সাপ গর্তে ঢুকিয়া শীত-ভোর ঘুমাইবার জোগাড় করে।

অগ্রহায়ণ মাসে ধান পাকে; এই সময় ধান কাটা, বিচালি থেকে ধান ছাড়ানো, চাল তৈরি করা চলে। তাই এই মাসে নবায়নের উৎসব হয়।

ভরিতরকারির মধ্যে কপি মটরগুঁটি পালং-শাক মূলা বেগুন শিম এখন নতুন উঠছে। জলপাই কয়েতবেল নোয়াড় প্রভৃতি পাবারও এই সময়।

এই মাসে স্থলপদ্ম ফোটে। কোনো কোনো জাতের গোলাপের গাছে ফুল হয়।

চশুমা।

কাফ্রিদের দেশ আফ্রিকায়

(৭)

সেদিন রাতে অনবরত সিংহের কি ভীষণ আওয়াজ আর গর্জন! এইতেই বোঝা গেল যে, কাছাকাছি আমাদের বেশী শিকার জুটবে না। কেননা শিকারে বেরলে বিপদ বড় কম হবে না। পরদিন আমরা তাঁবু তুলে নিয়ে উত্তর দিকে চললাম। জায়গায় জায়গায় ছোট ছোট পাহাড়, পাহাড়গুলো উঁচু না হলেও তাদের মাঝে মাঝে যে পথ ছিল সে পথগুলো বড় ভীষণ। তাদের হুধারে অনেক ছোট ছোট গাছ, কোথাও বা বড় বড় গাছ ছিল। সেখানকার অধিবাসীরা যে আমাদের আক্রমণ করবে এমন ভয় আমাদের ছিল না; তবুও আমরা আগে আগে চর পাঠিয়ে রেখেছিলাম।

টোকো আমাদের আগে আগে যাচ্ছিল। হঠাৎ সে দৌড়ে এসে আমাদের বললে—এক ভারী আশ্চর্য্য জিনিস দেখেছি।

কাকা বললেন—কি?

সে বললে—এক পাল সিংহ ঠিক আমাদের পথ আগলে গুয়ে আছে।

সঙ্গে সঙ্গে আমরা আমাদের দলকে দাঁড় করালাম। চাকরগুলোর জিন্দায় গরু ও ঘোড়াগুলো রেখে আমরা এগুলাম সিংহের পালের দিকে।

হারি বললে—গুলিতে যদি কিছু না হয় তাহলে জ্বক করবার আর এক উপায় আছে।

বলেই সে তাদের বোঝা থেকে কয়েকটা হাউই বার করে' আনলে।

তারপর টোকোকে সামনে রেখে আমরা এগুলাম। একটা গিরিপথ পেরিয়ে এসে আমরা একটা উঁচু জায়গায় এসে পড়লাম। দেখলাম, দূরে আমাদের একটু নীচেই অনেকগুলো সিংহ ও সিংহী ছোট ছোট বাচ্ছা নিয়ে গুয়ে আছে। এতগুলো সিংহ এক জায়গায় কিজ্ঞা এসে গুয়ে ছিল তা বোঝা দুষ্কর। আমরা না জেনে সকলে এখানে এসে পড়লে কি বিপদই না হ'ত! বোধ হল তারা আমাদের দেখতে পেয়েছে। কেননা বেশ লাজ নাড়ছিল আর কয়েকটা কর্তব্যাক্তি খুব গর্জন আরম্ভ করে' দিলে। বিপদ মন্দ নয়। তবুও ভয় পাবার পাত্র আমরা নই। আমরা এগুতে লাগলাম। হারি ও আমি ছোড়বার জন্তে কয়েকটা হাউই তৈরি করে' নিলাম। আমরা এগুতে এগুতে চাঁকার করতে লাগলাম। আমাদের চাঁকারের উত্তর তারাও গর্জন করতে লাগল। এবং খুব চঞ্চল হয়ে উঠল।

কাকা বললেন—আর দরীতে কাজ নেই। তিন জনে করে' করে' গুলি লাগানো যাক এস।

তিন জন করে' গুলি মারবে আর তিন জন গুলি ভরবে। গুলি ছোড়বার পর ধোয়া পরিষ্কার হওয়ায় দেখলাম তারা নড়েওনি চড়েওনি। তখন আমরা একটা হাউই ছোড়বার জন্ত ঠিক করলাম। একটা উঁচু জায়গায় আমরা হাউইটা পুতলাম; মতলব যে, সেটাকে জেলে সিংহগুলোর দিকে ছুড়ে দেব। ইতিমধ্যে আর-একবার গুলি করার ছোটো সিংহ খুব আঘাত পেলে দেখতে পেলাম। কিন্তু তা সবেও তারা গালাল না। আমরা তখন হাউইটায় আগুন লাগিয়ে সিংহগুলোর মাঝখানে দিলাম ছুড়ে। ফল হল অদ্ভুত; ভয়ে সিংহগুলো এখার ওখার যে যেদিকে পারলে দৌড় দিলে, কেউ কারুর জন্তে ফিরে তাকালে না। একটা গোঁড়া হয়ে সেইখানে পড়ে' রইল। ছোটো খানিক দূরে গিয়েই পড়ে গেল। বাকীগুলো দৃষ্টির বাইরে চলে গেল। যে তিনটে আঘাতের যত্নগা পাচ্ছিল তাদের গুলি মেরে আমরা কষ্টের অবসান করে' দিলাম। তারপর তাড়াতাড়ি সেগুলোর চামড়া খুলে নিয়ে আমরা ফিরলাম। আমরা কিছু দূর যেতে না যেতেই দেখলাম সেখানকার অনেক রকম শকুনি উড়ে এসে সিংহদের সদগতি করতে লাগল।

আমরা যেখানে গরু ঘোড়া রেখে গিয়েছিলাম সেখানে ফিরে এলাম। গিরিপথ পেরিয়ে আসতেই সামনে একদল বড় বড় হরিণ দেখতে পেলাম; প্রথমেই ছিল একটা প্রকাণ্ড হরিণ, তার রং পাটুকিলে। তার শিং দুটোর মাঝে মাঝে গাঁট। কাকারা এগিয়ে সামনের দু'একটাকে গুলি করলেন। বাকীগুলো ভয় মোটেই পেলে না। তাড়াতাড়ি ফাঁক ভর্তি করে' নির্ভয়ে এগুতে লাগল। আর দু'একটাকে মারতেই তারা ছত্রভঙ্গ হয়ে পালাল। মরাগুলোর চামড়া ও শিং নিয়ে আমরা বোঝাই করলাম।

এইবার আমরা যেদিকে চললাম সেদিকে খালি হাতীর আড্ডা। আমাদের উদ্দেশ্য ছিল খুব বেশী দাঁত জোগাড় করা। আর যদি বেশী বিপদ না ঘটে তাহলে গণ্ডারের শিং ও চামড়া আর উটুপাখীর শাবক ও পালখ জোগাড় করা যাবে।

যেতে যেতে আমরা একটা জায়গায় এসে পড়লাম, সেখানে ছোট ছোট পাহাড় আর এখারে ওখারে উইটিপির মত পিপুড়ের টিপি ছিল। স্কেগুলোকে কাক্রিরা বলে

মলোঙ্গি। বৃষ্টিতে জল জমে সেখানে একটি ছোট পুকুরের মত হয়েছিল। আমরা সেখানে তাঁবু গাড়লাম। জ্যান পুকুরটা থেকে কতকগুলো বড় বড় ব্যাঙ ধরে নিয়ে এল। রাঁধবার জন্ত একটাকে কাটতে তার পেটের মধ্যে দেখা গেল একটা ইঁহর, দু'তিনটে বড় বড় পিপুড়ে, আর কতকগুলি কীটপতঙ্গ রয়েছে।

সকালে আমাদের দলের কয়েকজন এসে খবর দিলে যে পুকুরটার ধারে সমস্ত রাত্রি সিংহের গর্জন শোনা গিয়েছে। সিংহটা কখন আমাদের বাড়ে এসে পড়বে এই ভয়ে আমরা বন্দুক নিয়ে তাকে শেষ করবার জন্ত বেরিয়ে পড়লাম। যখন আমরা পুকুরটার ধারে গেলাম তখনও আওয়াজ হচ্ছিল। কাছাকাছি কোন ঝোপের আড়ালে সিংহটা লুকিয়ে আছে ভেবে, আমরা সব বন ঠেঙাতে আরম্ভ করলাম। সিংহের কিন্তু দেখা নেই। শেষে হ্যারি হো হো করে হেসে উঠল। পুকুরের অপর পারে হাত বাড়িয়ে সে দেখালে একটা প্রকাণ্ড ব্যাঙ আগাছার ওপরে মুখ বাড়িয়ে গলা ফুলিয়ে ফুলিয়ে ডাকছে। ব্যাঙ মহাশয় যদিও সিংহের মত দেহ ফোলাতে পারেন না, তবুও তাঁর স্বরটি ছবছ নকল করেছেন। তাঁবুতে ফিরতে ফিরতে সমস্ত রাস্তাটা আমরা কেবলই হাসতে হাসতে এলাম।

একেবারে খোলা জায়গায় সিংহ প্রায় আসে না। আমাদের একজন প্রকাণ্ড একটা ব্যাঙ ধরে' নিয়ে এল। তাকে মেপে আমরা দেখলাম তিনি লম্বায় ন ইঞ্চি, চওড়ায় সাড়ে পাঁচ ইঞ্চি। পেছনকার পা ছড়ালে একটা আঙ্গুল থেকে আর একটা আঙ্গুল মেপে হল আঠারো ইঞ্চি। সেটিকে কেটে দেখা গেল তার পেটে একটি পাখীর ছানা।

এতদিনে আমার চলবার শক্তি বেশ হয়েছিল। হ্যারির সঙ্গে ঠিক করলাম, আর একদিন সেইরকম শীকারে বেরুনো যাবে। কেবল জ্যান সঙ্গে থাকবে। কিন্তু যাবার সময় হ্যান্স এসে জুটল। কাকা, কাকার বন্ধু ও টোকো কয়েকজন সঙ্গে নিয়ে অপর একদিকে শীকারে বেরলেন। বারো মাইল দূরে উত্তর দিকে আর-একটা পুকুর ছিল। সেই পুকুর পেরিয়ে অন্য দিকে যেতে কাকারা আমাদের বারণ করলেন। খানিক দূর গেলাম, কোন জীব-জন্তুরই দেখা নেই। তবে হরিণ, মহিষ ও হাতীর পায়ের দাগ

অনেক জায়গায় দেখতে পেলাম। সে জায়গাটাকে আমরা যেমন চিন্তাম, হ্যান্স ও জ্যানও সেইরকমই চিন্ত, তারা আগে এদিকে আসে নি। চলেছি ত চলেইছি। উদ্দেশ্য সেই পুকুরটাতে পৌঁছানো, কোন জন্তু জল খেতে এলেই শীকার জুড়ে দেওয়া যাবে।

সঙ্গে আমাদের অন্নই খাবার ছিল। আশা ছিল পথে জন্তুর মাংস ও ফলমূল পাওয়া যাবে। আর জায়গাটা দেখে বোধ হচ্ছিল, সেখানে তরমুজের অভাব হবে না। কিন্তু সবই ফক্কা। একটু পরেই আকাশের অবস্থা বেগতিক হতে লাগল। কালো কালো মেঘ এসে জুটল, আর ঘন কুম্বাশায় চারিদিক ছেয়ে গেল। এ জায়গায় এরকম কুম্বাশা প্রায়ই ঘটে। তখন এগুনো যাবে কি ফেরা যাবে এই হল আমাদের ভাবনা। ফেরবার পথে যে খাবার পাওয়া যাবে না এ ত আমরা দেখেই এসেছি। অতএব এখন সামনে গেলে যদি কিছু জোটে ত ভাল। ঝড় বাদল হয় হোক্গে। পেটে খেলে পিঠে স্নায়। এগিয়ে যাবার জন্তে জ্যানের বরাবরই মহা উৎসাহ। সে বললে—চল চল।

মেঘের কুম্বাশায় সূর্য চাপা পড়লেন, আমাদেরও পথ চলার সুবিধা হল। এক জায়গায় এসে আমাদের মনে হল পুকুরটা যেন কাছে। জ্যান এক প্রকাণ্ড গাছে উঠে পড়ে চারিদিক নিরীক্ষণ করে' দেখলে। সে কিন্তু জল দেখতে পেলো না।

আবার আমরা এগিয়ে চললাম। শেষে এসে হাজির হলাম একটা পাহাড়ের ধারে। তার উপর উঠে আমরা উত্তর দক্ষিণ পূর্ব বা পশ্চিম কোন দিকেই জল দেখতে পেলাম না। আমাদের কিছু ভয় হল। তখন ক্ষুধা ও তৃষ্ণা দুই-ই পেয়েছে। সঙ্গে বোতলে যা জল ছিল তা শেষ হয়ে গেছে। আমাদের কেমন মনে হল যেন পুকুরটার কাছাকাছি এসে পড়েছি। এখার ওখার দেখতে দেখতে দুটো হরিণের মত জানোয়ার দেখতে পাওয়া গেল। হ্যারি ও আমি দু' একটা মারবার জন্তু গেলাম। আর জ্যান ও হ্যান্স জলের সন্ধান করতে গেল। ঠিক রইল জল পেলো তারা পাহাড়টার গোড়ায় আসবে, আমরাও সেখানে হাজির হব।

পাহাড়, ঝোপ ও লম্বা লম্বা ঘাসবনের মধ্য দিয়ে যেতে

যেতে আমরা জন্তুটোকে লক্ষ্য করতে লাগলাম। হ্যারি বললে সেগুলোকে অরেবিস্ বলে। তারা এত দূর দিয়ে দিয়ে যাচ্ছিল যে তাদের গুলি করা অসম্ভব হবে মনে হচ্ছিল। যেতে যেতে আবার তারা মাঝে মাঝে শূন্য পানে কয়েক ফুট লাফিয়ে এগিয়ে পড়ে' আবার চলছিল।

হ্যারি বললে—দাঁড়াও, ওদের মারবার এক মৎলব করছি। তুমি বন্দুক নিয়ে একটা ঝোপের ধারে লুকিয়ে থাক। আমি মজা করি।

বলেই সে তার বন্দুক, টু প আর গায়ের কোটটা খুলে রেখে দিয়ে একটু দূরে গিয়ে নীচের দিকে মাথা আর উপর দিকে পা করে' দিলে, আর মাটিতে দু'হাত চেপে রইল। সে ওরকম করতে আমার বড় ভয় হল। আমার হলে বোধ হয় মাথায় রক্ত জমে' যেত, আর পড়েও যেতাম।

যাই হোক্ আমি অরেবিস্গুলোর দিকে লক্ষ্য রাখলাম। তারা লাফানো থামিয়ে হ্যারির অদ্ভুত আকারের দিকে তাকিয়ে রইল। তারপর ধীরে ধীরে হ্যারির দিকে এগুতে লাগল। ইতিমধ্যে আমি তাদের ভাল করে' দেখে নিলাম। গায়ের ওপরের রংটা তাদের ফ্যাকাশে কটা কটা, আর পেটের দিকটা শাদা। মাথার শিং সোজা ও ছুঁচলো, লম্বায় পাঁচ ইঞ্চি হবে। তাদের আকার খুব বড় নয়, মাটি থেকে দু ফুট হবে। মাদীটার মাথায় শিং ছিল না। একটু একটু করে' তারা হ্যারির কাছে এসে পড়ল। বন্দুক তুলে তাদের গুলি করতে ইচ্ছা হল। কিন্তু গাছের পাতা নড়ে গেলেও তারা ভয় পেয়ে পালাবে! হ্যারি আমার চুপিচুপি বললো—ওরা পিছন ফিরলে তবে গুলি কোরো, তার আগে নয়।

আমি বুঝলাম, সেই ঠিক। খানিক চুপ করে' হ্যারির দিকে তাকিয়ে তাকিয়ে তারা ফিরতে চেষ্টা করলে। আমিও আস্তে আস্তে বন্দুক তুলে গুলি চালালাম। মদাটা পায় গুলি লেগে পড়ে গেল। হ্যারি তখন তড়াং করে' লাফিয়ে উঠে বন্দুক নিয়ে মাদীটাকে গুলি করলে। দুটি শীকার জুটল। পেটে ভীষণ ক্ষুণ্ণ, শাকার দেখে মন ঠাণ্ডা হল। হ্যারির বুদ্ধিকৌশলে লাভ হল খুব।

শীকার বয়ে নিয়ে আমরা সেই পাহাড়ের গোড়ায় এলাম। দেখলাম, জ্যানেরা তখনো ফেরেনি। এখার

ওধার থেকে কাঠ জোগাড় করে' আমরা মাংস পোড়াতে আরম্ভ করে' দিলাম। তৃষ্ণায় তখন আমরা এমন অস্থির হয়েছিলাম যে জন্তুগুলোর রক্ত খেতেও তখন ঘৃণা বোধ হচ্ছিল না। কিন্তু আমি জানতাম, রক্ত খেলে তৃষ্ণা বাড়ে বই কমে না।

মাংস পোড়ানও হয়ে গেল, তবুও জ্যানদের দেখা নেই। হ্যারি পাহাড়ের উপর উঠে দেখে এল, দেখতে পেলে না। সে বললে, সিংহের মত কি একটা জানোয়ার যেন আমাদের দিকে আসছে। হয় সে আমাদের পায়ের দাগ ধরে' ধরে' আসছে, কিম্বা হরিণের গন্ধ পেয়ে আসছে।

ছুজনেই সতর্ক হয়ে রইলাম। আমি রান্নার কাজে রইলাম আর হ্যারি পথের দিকে তাকিয়ে রইল। জ্যানরা কেউ ফিরছে না দেখে হ্যারি ত ক্ষেপে উঠল। সে জলের সন্ধানে নিজে কোথাও যাবার জগে প্রস্তুত হল।

আমি বললাম—আগুনের কাছ থেকে এখন বেশী দূরে যাওয়া ঠিক নয়। কি জানি সিংহটা যদি আক্রমণ করে।

হ্যারি কিন্তু নাছোড়বান্দা। তৃষ্ণায় সে অস্থির হয়েছিল। সে বেরুবার জগে তৈরী। এমন সময় খুব কাছেই সিংহের একটা গর্জন শোনা গেল। সন্ধ্যা ঘনিরে আসছিল।

আমি বললাম—কি, এবার যাবে কি করে' ! শুনছ ত ? হ্যারি বললে—রেখে দাও। সেই রকম একটা ব্যাঙ হয়ত ডাকছে। যাই হোক আমি আর যাব না।

ছুজনে খানিকটা পোড়া মাংস অনেক কষ্টে চিবুলাম। গলা থেকে আর নামে' না। মুখে এতটুকু রস নেই। হ্যারি ত মাংস ছুড়ে ফেলে দিয়ে বললে—কাজ নেই আমার মাংস খেয়ে। চাকর-ছুটো যদি এখনো না ফেরে তাহলে আমি এবার বেরুব।

আমি তাকে শাস্ত করতে চেষ্টা করলাম। আমিও ভেতরে ভেতরে তৃষ্ণায় মরে যাচ্ছিলাম। যদি তখন খানিকটা নর্দামার জলও পেতাম, পোকাভরা হলেও, তাও আমরা খেতে পারতাম।

আগুনের ধারে এই অবস্থায় বন্দুক হাতে করে' আমরা বসে আছি সিংহকে অভ্যর্থনা করবার জগে। একদিকে তৃষ্ণা আর একদিকে সিংহ হঠাৎ যেন মানুষের পায়ের আওয়াজ শুনতে পেলাম। ছুজনেই প্রাণপণে চীৎকার করে উঠলাম। উত্তরও পেলাম।

আমরা বললাম—জল পেয়েছ ? উত্তর এল—পেয়েছি। ভাল জায়গাও আমরা দেখে এসেছি, সেখানে অনেক হাতী। কাল সেখানে শীকারে যাওয়া যাবে।

জ্যান ও হ্যান্স কাছে এল। চামড়ার বোতল থেকে হ্যান্স হ্যারিকে জল দিলে। জ্যান তার বোতলটা আমার দিলে। চৌ চৌ করে খানিকটা খেয়ে ফেললাম। জলটা বিক্রী। বোধ হয় অনেক পোকা-মাকড় তাতে ছিল। তবুও সেই যেম অমৃতের মত মনে হল।

জল খেয়ে হ্যারি বললে—এইবার মাংস খাওয়া যাক।

তখন সকলে মিলে আহার করা হল। খাবার পরই হ্যান্স বললে যে, তার বড় ঘুম পেয়েছে। মাটির ওপর সে শুয়ে পড়ল।

হ্যারি বললে—রাত্রে একজন কাউকে জেগে থেকে পাহারা দিতে হবে। কি জানি এইমাত্র যে সিংহটা ডাকছিল সে যদি এসে হাজির হয় !

হ্যান্স তার কথা হেসেই উড়িয়ে দিলে। কিন্তু খানিক পরে খুব কাছেই যে গর্জন শোনা গেল তাতে আর কারুর বুঝতে বাকি রইল না যে সিংহমহারাজ এসেছেন। সকলেই বন্দুক নিয়ে খাড়া হয়ে দাঁড়ালাম। নিজেদের রক্ষা করবার জগে তাকে মাঝা চাই; আর তার চামড়াও নিতে হবে। একসঙ্গে সকলে এগুলাম। আমাদের আগুনের কাছ থেকে খানিক দূরে একটা ছোট পাহাড়ের ঢিপি ছিল। দেখি না তারই ওপরে এসে সিংহটা আমাদের দিকে তাকাচ্ছে। দিনের বেলায় এত লোক একসঙ্গে দেখলে সে হয়ত চম্পট দিত; কিন্তু রাত্রি বলে' তাব সাহস বেড়ে গিচ্ছিল। গৌ গৌ করতে করতে আর লাজ নাড়তে নাড়তে আগুে আগুে পাহাড়ের গা দিয়ে সে আমাদের দিকে নাগুতে লাগল। আমরা তখন গুলি করব ঠিক করলাম; আগে হ্যারি ও জ্যান গুলি করবে, তারপর তাদের গুলিতে কাজ না হলে আমি ও জ্যান্স মারব।

সিংহটা ধীরে ধীরে এগুচ্ছিল। তার প্রকাণ্ড কেশর আর তার পাশেই তার রোগা খম্বুসে দেহ—সমস্তই আমরা দেখতে পাচ্ছিলাম। ছবার সে থমকে দাঁড়াল, আর সঙ্গে সঙ্গে ভীষণ গর্জন করলে। হ্যারি ও জ্যান ঠিক একই সময়ে গুলি করলে, কিন্তু তাদের গুলিতে কোন ফল হল না।

সিংহটা রেগে আমাদের ওপর লাক দেবার আয়োজন করলে। লাফাবে কি এমন সময় হ্যান্স ও আমি গুলি চালানাম। এবার অব্যর্থ সন্ধান। বেচারী খানিকদূরে ধড়াম করে' পড়ে' একটু ছটফট করে' চক্ষু বুজলে। আমরা জোরে চীৎকার করে' আমাদের জয়ধ্বনি প্রচার করলাম।

তারপর আমরা আগুনের কাছে ফিরে এসে ভাল করে' আগুন জালিয়ে শোবার জোগাড় করলাম। এবার সাবধান হলাম। প্রথম রাত্রে জান ও হ্যান্স পাহারা দেবে, শেষ রাত্রে আমি ও হারি। কি জানি যুমস্ত অবস্থায় আবার কোন সিংহ বা চিতাবাঘ যদি দেখা দেন; কিম্বা হাতী, মহিষ বা গণ্ডার এসে যদি চেপুটে দিয়ে যান; তাহলে ঘুমের সঙ্গে-সঙ্গে একেবারে মহাঘুম!

(ক্রমশঃ)

শ্রীপ্যারীমোহন সেনগুপ্ত।

বড় বোন আর ছোট বোন

ছ'বোন। বড়টি যেন আগুনের আংটা, রেগেই টং। আর, দিন রাত কেবল হিংসা আর কৌদল। ছোট বোন লক্ষ্মীটি,—হাসি-খুসি, দিব্যি।

একদিন ছ'বোনের পিসির বাড়ী যাওয়ার কথা। বড় বোন চ'টে উঠল—'হঃ! খেয়ে-দেয়ে তো কাজ নেই—পিসির দোরে হাজরা-দিচ্ছি!'

ছোট বোন বুঝিয়ে বললে—'সে কি কথা? পিসিমা কি মাগের চেয়ে কম?'

কিন্তু দাদি যখন কিছুতেই নড়ুচে না, তখন ছোট বোন আর কি করে?—একলাই পিসির বাড়ী চললো।

... ..

খানিক গিয়ে ছোট বোন এক ঝর্ণার কাছে উপস্থিত। ঝর্ণা বললে—'কে যাও, বাছা?—বালি-পাতার বুকখানি মোর ভ'রে গেছে, বহিতে পারুচিনে, একবার জঙ্গলগুলো সরিয়ে দিয়ে যাও।'

'আহা, তাইতো!—বলে ছোট বোন বালি-পাতা সরিয়ে দিলে।...ঝন্ ঝন্ ক'রে ঝর্ণা বহিতে লাগলো।

... ..

আরো খানিক গিয়ে ছোট বোন এক কাপাস-গাছের তলায় হাজির। কাপাস-গাছ বললে—'কে যাও, বাছা?—আগাছা আর কাঁটাগাছে চারদিক মোর ঘিরে ধরেছে, নড়ুতে পারুচিনে, একবার জঙ্গলগুলো সাফ ক'রে দাও।'

'আহা, তাইতো!—বলে ছোট বোন আগাছার ঝোপ ভেঙ্গে দিলে।...শাঁ শাঁ ক'রে কাপাস-গাছ গা-ঝাড়া দিয়ে ন'ড়ে উঠলো।

... ..

আরো খানিক পরে ছোট বোনের এক ফড়িঙের সাথে দেখা। ফড়িঙ বললে—'কে যাও, বাছা?—মাকড়সার জালে প'ড়ে আটকে আছি, ছাড়িয়ে দিয়ে আমার প্রাণ বাঁচাও।'

'আহা, তাইতো!—বলে ছোট বোন ফড়িঙটিকে ছাড়িয়ে দিলে।...ফর্ ফর্ ক'রে ফড়িঙ আকাশে উড়ে গেল।

... ..

কিছু পরে ছোট বোন পিসিমার বাড়ী পৌঁছল। পিসি আদর ক'রে ভাই-বিকে খাবার দিলেন। পরে, যাবার বেলা খেলনা-পুতুল আর ছেলের এক বাচ্চা-হরিণ দিয়ে বিদায় করলেন।

... ..

ফিরে-আসতে ছোট বোনের সেই ফড়িঙের সাথে পথে দেখা। ফড়িঙ তাকে একটা রং-বেরঙের টুপী দিয়ে বললে—'তুমি আমার প্রাণ বাঁচিয়েছ,—তোমার জন্তে পোকা-পাখীর নরম পাখায় এ টুপী গড়েছি, নেও, বাছা, মাথায় পরো।'

মহা-আহ্লাদে ছোট বোন টুপীটি নিয়ে মাথায় দিল।

... ..

কিছু দূর গিয়ে ছোট বোনের সেই কাপাস-গাছের সাথে দেখা। কাপাস-গাছ তাকে একখানা রং-বেরঙের সাড়ি দিয়ে বললে—'তুমি আমার উপকার করেছ,—তোমার জন্তে কাপাস-সূতায় গর্জাজলী সাড়ি করেছি, নেও, বাছা, কাপড়খানি পরো।'

মহা-আহ্লাদে ছোট বোন সাড়িখানি নিয়ে পরলো।

...

...

...

...

...

...

কতদূর গিয়ে ছোট বোনের সেই ঝর্ণার সাথে দেখা। ঝর্ণা তাকে একছড়া মুক্তার মালা দিয়ে বললে—‘তুমি আমার বইতে দিয়েছ,—সাগর হ’তে কিছুক ব’য়ে তার মুক্তার তোমার জন্তে এ সাত-ন’র গড়েছি, নেও, বাছা, গলার পরো।’

মহা-আহ্লাদে ছোট বোন সাত লহর মুক্তার মালা গলার পরলো।

...

...

...

ছোট বোন বাড়ী ফিরতেই সব দেখে’ বড় বোনের মহা-হিংসা। সে-ও পরদিন তাড়াতাড়ি সাজগোজ ক’রে চূপটি ক’রে পিসির বাড়ী চললো।

...

...

...

খানিক গিয়ে বড় বোন এক ঝর্ণার কাছে উপস্থিত। ঝর্ণা বললে—‘কে যাও, বাছা?—বালি-পাতায় বুকখানি মোর ভ’রে গেছে, বইতে পার্চিনে, একবার জঙ্গলগুলো সরিয়ে দিয়ে যাও।’

—‘অ্যাঃ! আমার বয়েই গেছে। তোমার জন্তে কাদা বেঁটে’ মরি আর কি!’—এই-না বলে বড় বোন চোক ঘুরিয়ে চ’লে গেল।

...

...

...

আরো খানিক গিয়ে সে এক কাপাস-গাছের তলায় হাজির। কাপাস-গাছ বললে—‘কে যাও, বাছা?—আগাছা আর কাঁটাগাছে চারদিক মোর ঘিরে’ ধরেছে, নড়তে পার্চিনে, একবার জঙ্গলগুলো সাফ ক’রে দাও।’

—‘অ্যাঃ! আমার বয়েই গেছে তোমার জন্তে কাঁটা ফুটে’ মরি আর কি!’—এই-না বলে বড় বোন হাত ঘুরিয়ে চ’লে গেল।

...

...

...

আরো খানিক গিয়ে তার এক ফড়িঙের সাথে দেখা। ফড়িঙ্ বললে—‘কে যাও, বাছা?—মাকড়সার জালে প’ড়ে আটকে আছি, ছাড়িয়ে দিয়ে আমার প্রাণ বাঁচাও।’

—‘অ্যাঃ! আমার বয়েই গেছে তোমার জন্তে মাকড়সার নালঝোলে হাত ডোবাই!’—এই-না বলে বড় বোন নাক সিঁটুকে চ’লে গেল।

হেঁটে’ হেঁটে’ হেঁটে’ শেষে সে পিসির বাড়ী পৌঁছল। দরজায়ই পিসির ছেলের সাথে দেখা। কাল এক বোন তার আদরের বাচ্চা-হরিণ নিয়ে গেছে, আর-এক বোন আজ কি নিয়ে যায়!—রাগে পিসির ছেলে বড় বোনকে দরজা থেকেই তাড়িয়ে দিলে।

কাঁদতে কাঁদতে বড় বোন ঘরে ফিরলো।

...

...

...

পথে সেই ফড়িঙের সাথে দেখা। ফড়িঙের পাখায় রং-বেরঙের টুপী দেখে’ যাই সে হাত বাড়িয়ে ধরতে গেল, অমনি মাকড়সার জালে হাত আটকে গেল। ফড়িঙ্ কুট্ ক’রে তাকে কামড়ে দিয়ে ফট্ ক’রে আকাশে উড়ে গেল।

...

...

...

কিছু দূর গিয়ে সেই কাপাস-গাছের সাথে দেখা। কাপাসের ফুলে রং-বেরঙের সান্ধি দেখে যাই সে হাত বাড়িয়ে আনতে গেল, অমনি কাঁটার ঝোপে পা আটকে গেল। আগাছার ডাল শপাশপ কাঁটা-পেটা ক’রে তাকে বিদায় দিল।

...

...

...

শেষ-পথে সেই ঝর্ণার সাথে দেখা। ঝর্ণার ভলে সাত-লহর মুক্তার মালা দেখে’ যাই বড় বোন আনতে যাবে, অমনি পা পিছলে ঝর্ণার ঠলে প’ড়ে গেল। তারপর, নাকানি-চুবুনি খেয়ে অনেক কষ্টে যখন পাড়ে উঠল, তখন তাকে দেখতে হ’ল—বালি-পাতা-মাখা যেন সংটি!

শ্রীকালিকচন্দ্র দাশগুপ্ত।

খোকার পোষাক

(H. G. Wells-এর একটি গল্প অনুসরণে)

এক পোকাকে তার মা একটি হুন্দর পোষাক তৈরী করে দিয়ে-ছিলেন। সবুজ ভেলভেটের পোষাকটি আর তার উপর কত রকম জরির কাজকরা। আমি জানি তত হুন্দর পোষাক তোমরা দেখনি। না দেখলে কথায় বলে’ তোমাদের কাছে তার সৌন্দর্য বোঝানো যাবে না। তার বোতামগুলো ছিল সোনার—তারার মতো ঝকঝক করত। খোকা যেদিন তার পোষাকটি গায়ে দিয়ে আয়নার কাছে এসে প্রথম দাঁড়াল সেদিন সে তার নিজের চেহারা দেখে নিজেকে চিন্তেই পারেনি, তার মনে হচ্ছিল যেন দিদিমায়ের গজের রাজপুত তার সম্মুখে এসে দাঁড়িয়ে দাঁড়িয়ে হাসছে।

খোকার ইচ্ছা হত তাদের বাড়ীর সম্মুখের বড় রাস্তাটা দিয়ে বত-
গুলো লোক সকাল থেকে রাত পর্যন্ত চলে সবাইকে সে তার সুন্দর
পোষাকটি দেখায়। তোমরা বুঝতেই পারছ এ শুধু পোষাক দেখানো নয়,
পোষাক-পরা পোষাকের মালিককেই দেখানো। খোকা যখন মনে
ভাবত, সে তার সুন্দর পোষাকটি গায়ে দিয়ে কত সব অপরিচিত
পথঘাট দিয়ে চলেছে, আর চারদিকের লোকজন তার পোষাকের দিকে
চোরে আছে, তখন তার ভারী আনন্দ হোত। যখন দুপুর বেলায় খুব
প্রখর হয়ে সূর্য উঠত তখন খোকার ইচ্ছা হত সে তার পোষাকটি পরে
তাদের ঘরের সম্মুখের ছোট মাঠের উপর ছোটোছুটি করবে, তাতে তার
পোষাকের জরি আর সোনার বোতামগুলো আঁধার রাতে জোনাকির
মতো জ্বলতে থাকবে।

কিন্তু খোকার মা তাকে সর্বদা পোষাকটি পরে থাকতে দিতেন
না। তিনি ঠাট্টা করে বলতেন, 'এটা তোমার বিয়ের পোষাক। এটি
নষ্ট করলে বর সাজবি কি গায়ে দিয়ে?' খোকা এই ভেবে খুব
খুসী হত যে যত বর তাদের বাড়ীর সম্মুখ দিয়ে যায় তার মধ্যে
সবার চেয়ে সেই হবে দেখতে সুন্দর।

খোকার মা তার পোষাকের সোনার বোতামগুলো নীল পাতলা
কাগজে জড়িয়ে রেখে দিলেন পাছে সেগুলো রঙ ধারাপ হয়ে যায়।
আর খুব যত্ন করে খোকার ছোট আলমারীটির মধ্যে পোষাকটা রেখে
দিলেন। পোষাকটিকে পূর্বায় ইচ্ছা খোকার খুবই হত, কিন্তু আমাদের
খোকা মায়ের অবাধ্য কোন দিন নয়। সে ভাবল দুমাস পরে ছোটদির
বিয়েতে সে পোষাকটি পূর্বায় পাবে।

এক দিন রাতে বিছানায় ঘুমিয়ে খোকা স্বপ্ন দেখল যে তার
পোষাকের বোতামগুলো যেন আর তেমন চক্চকে নেই। তারপর
হঠাৎ যখন সে জেগে পেল তখন ভাবল যদি সত্যি এমনি হয়ে
থাকে তবে কি হবে? ছোটদির বিয়েতে পোষাক গায়ে দিতে গিয়ে
সে ভাবল বুঝি বোতামগুলো আর তেমন উজ্জ্বল নেই। বিয়ের পর
নিজেই সে পোষাকটাকে যত্ন করে তার ছোট আলমারীর ভিতর
রেখে দিল। এবার খোকার পোষাকের উপর দরদটা অনেক বেড়ে
গেছে। সে মাঝে মাঝে পোষাকটা বের করে দেখত সেটা ঠিক আছে
কি না।

একদিন রাতে খোকা হঠাৎ ঘুম থেকে জেগে দেখল যে তার মাথার
কাছে খোলা জানালা দিয়ে জ্যোৎস্না এসে বিছানায় পড়েছে। খোকা
খানিকক্ষণ তাকিয়ে দেখল; এমন সুন্দর জ্যোৎস্না সে কখনো দেখেনি।
চারদিকে কোথাও কেউ জেগে ছিল না, তবু তার একটুও ভয় করছিল
না। খোকার মনে হল যে উৎসবের রাতের জন্ম সে প্রতীক্ষা করছে সে
রাত্রি যেন আজ এসেছে। খোকা বিছানায় উঠে বসল—তার বুকের মধ্যে
একটা তোলাপাড় হচ্ছিল। খোকা স্পষ্ট শুনতে পেল কে যেন তার কানে-
কানে বলছে—'পোষাক পর'। খোকার মনে হল পোষাকটি যেন
সম্পূর্ণই তার। পোষাকটি গায়ে দিয়ে নষ্ট করলেও যেন বন্ধুর কেউ
নেই। সে তাড়াতাড়ি উঠে তার ছোট আলমারী থেকে পোষাকটি বের
করে গায়ে দিল। প্রতিবার খোকার মা তাকে পোষাক পরিয়ে দিতেন,
কিন্তু আজ সে কারুর সাহায্য না নিয়েই দিব্যি এক পোষাকটি পরে
ফেলল।

দরজা খুলে সিঁড়ি দিয়ে নেমে সে একেবারে তাদের বাগানের মধ্যে
এসে দাঁড়াল। তার গায়ের উপর জ্যোৎস্না এসে পড়েছিল। পোষাকের

জরিগুলো আর বোতামগুলো এমন উজ্জ্বল হয়ে উঠেছিল যে খোকা
তাদের দিকে তাকাতে পারছিল না।

তাদের বাগানের বড় বড় গাছগুলো চূপচাপ দাঁড়িয়ে ছিল। তাদের
পাতার ফাঁক দিয়ে তাদের আলো আসছিল। খোকা দেখতে পেল যেন
গাছেরাও আজ কঁত সুন্দর সুন্দর পোষাক গায়ে দিয়ে দাঁড়িয়ে আছে।
সে দেখল তাদের সাদা দালানটার উপর ছায়াগুলো কেমন নড়ছে।
এমনি সব বড় বড় ছায়া দেখলে তার ভয় হত, কিন্তু আজ তার একটুও
ভয় হচ্ছিল না! খোকার চার পাশে ঝিকি-পোকা ডাকছিল, আরো
কতরকম শব্দ শোনা যাচ্ছিল। চারদিকে চেয়ে খোকার পাতলা ঠোঁট
দুখানির উপর একটু হাসির আভা লাগল। সে ভাবল সবাই যেন তার
সুন্দর পোষাকটি দেখে খুব খুসি হয়েছে।

খোকা চলতে আরম্ভ করল। সূর্য-দেওয়া রাস্তা ছেড়ে ছোট
ছোট বোপ-জঙ্গলের মাঝখান দিয়ে সে চলতে লাগল। ডালপালার
বেধে পোষাক অনেক জায়গায় ছিঁড়ে গেল, কিন্তু তার জন্ম আজ তার
একটুও দুঃখ হচ্ছিল না। তার মনে হল কে যেন আজ তাকে পথ
দেখিয়ে কোথায় নিয়ে চলেছে। যেন সে উপকথার রাজপুত্র খেতহস্তীর
পিঠে চড়ে যাচ্ছে। আজ তার অভিষেক।

একটা বড় কামিনীফুলের গাছের তলা দিয়ে বাগানের ধারে ছোট
পুকুরটির পাড়ে এসে সে দাঁড়াল। এই পুকুরে দিনের বেগায় হাঁস চরত।
পুকুরে জল বেশী ছিল না। একরকম বড় বড় ঘাসে পুকুরটা আচ্ছন্ন
ছিল। জলের উপর জ্যোৎস্না পড়ে দেখাচ্ছিল যেন অনেকখানি গলানো
রূপো কে সেখানে ঢেলে দিয়েছে। খোকা তাড়াতাড়ি সেই পুকুরে
নামল। প্রথম হাঁটু জল, তারপর কোমর জল, তার পর জল
কাঁধ পর্যন্ত উঠল। সে ওপারে গিয়ে উঠল। বড় বড় ঘাসগুলো তার
পোষাকের সঙ্গে জড়িয়ে গেল।

তোমরা অনেকে ভাবছ অতটুকু খোকা সে কেমন করে রাত দুপুরে
একা একা পুকুরের জলের মধ্যে দিয়ে যেতে সাহসী হল। তোমরা
বাই ভাব—আমি জানি খোকা এমনি করে তার পোষাক পরার উৎসব
শেষ করেছিল।

তাদের বাগানের ভাঙ্গা ফটক দিয়ে সে বড় রাস্তায় এসে পড়ল।
সেই জলে-ভেজা ছেঁড়া পোষাকটি গায়ে দিয়ে রাস্তার সেই ধুলোর উপর
দিয়ে যেতে তার একটুও ভয় বা কষ্ট হচ্ছিল না। কি আশ্চর্য! খোকার
কেবলি মনে পড়ছিল যে যদি সারা রাত্রি সারা দিন সে অনবরত
চলতে থাকে তবুও যেন তার এই আনন্দের পথচলা শেষ হবে না।
সে কিছু দূরে গিয়ে খালের ধারে দাঁড়াল। দেখতে পেল একটা
কালরঙ্গের মস্ত বড় ভোমরা তার দিকে এগিয়ে আসছে। সে
ভোমরা দেখে খুব ভয় পেত। কিন্তু আজ এমন অদ্ভুত নির্জন
জ্যোৎস্না রাত্রিতে এমন একটি অদ্ভুত সঙ্গী দেখে, ভয় না হয়ে তার
আনন্দই হল। ভোমরাটা খুব তাড়াতাড়ি তার দিকে এগিয়ে
আসছিল। ভোমরাটা কাছে আসতে সে হাত নেড়ে তাকে তাড়াল
না। সেটা এসে তার ঠোঁটের উপর বসল।

পরদিন সকালে সবাই দেখতে পেল ধুলোকাদা-মাথা পোষাকপরা
একটি ছোট ছেলে সেই খালটার মধ্যে পড়ে আছে। এ ছেলেটি
আমাদের খোকা। সকলে দেখল তার দেহে প্রাণ নেই। কিন্তু তার
মুখে এমন একটি হাসি লেগে আছে যে খোকার মা হাজার চুমো দিয়েও
এমন হাসি কোনো দিন জাগিয়ে তুলতে পারেননি।

ঐহেমেন্দ্রনাথ সান্যাল।

খেয়াঘাটে

শ্রাবণের মেঘাচ্ছন্ন প্রভাত। খোলা জানালী দিয়ে প্রভাতের মুছাঁহত আলোময় গলিটার দিকে চেয়ে আছি। গলিটা যেন পথ-খুঁজে খুঁজে পাচ্ছে না, যুরে যুরে মরছে, সে ত সোজাই চলতে চায়, কিন্তু এ দিকে ফিরলে ঝড় লাল বাড়ীটা তাকে ধাক্কা দিয়ে একেবারে বাঁয়ে ঠেলে দিলো, সেদিক থেকে হৃদে বাড়ীটার ধাক্কা খেয়ে সাদা বাড়ীটার পায়ে তলায় গিয়ে পড়লো। একেবেঁকে কোনমতে সে চলেছে, তার এদিকে আঁস্তাকুড়, ওদিকে ড্রেন, মাঝে কোথাও গর্তে জল জমেছে, কাদায় ভরেছে, কোথাও খোওয়া সব কঙ্কালের মত বেরিয়ে পড়েছে। স্তম্ভিত কালো আকাশের ছায়ায় জলসিক্ত স্তব্ধ বাতাসে এই আঁকাবাঁকা গলি নগরলক্ষ্মীর কোন শীর্ণ মলিনকন্যা রিক্তভূষণ ভিখারী সন্তানের মত চুপ করে পড়ে ছিলো, সহসা সানাইয়ের মঙ্গলরাগিণীতে আকুল হয়ে উঠেছে; কিন্তু এ শ্রাবণপ্রভাতে বিবাহোৎসবের সাহানার সুর এ কালো গলিতে বড় করুণ বাজছে, মনে হচ্ছে, সারারাত ঝড়ে জলে যে কান্না গলিতে বন্ধ হয়ে আছাড়ি পিছাড়ি ক্ষুদ্র মত্ত হয়ে যুরেছে, প্রভাতে তা শাস্ত হয়ে সানাইয়ের সুরে ঝরে ঝরে পড়ছে।

দিনরাত চুপ করে শুয়ে একা দেখে দেখে, কি জানি, গলিটা আমার কাছে কেমন জীবন্ত হয়ে গেছে, এ কালো-পাথরভরা যাতায়াতের নির্জীব পথ নয়, এরও একটা বিশেষ রূপ আছে, প্রাণ আছে, হয় ত এ অহম্যার মত পাষণ হয়ে গেছে। কখনো গভীর রাতে চাঁদের আলো যদি এর কালো পাথরে বিকিমিকি করে, দক্ষিণ হাওয়া হঠাৎ যদি ভুলে এই পথে চলে আসে, বড়রাস্তার কুমুচুড়া বা কদমগাছ হতে ঝরা ফুল পাতা যদি উড়ে এসে এর বুকে পড়ে, আমি দেখি, ও আনন্দে শিউরে উঠে। তাই মাঝরাতে বার বার মনে হচ্ছিলো, যখন আকাশ ভেঙে জল ঝরছিলো আর নৃত্যময়ী রঙ্গিনীদের মত জলের ধারা কলগানে চলেছিলো, এ গলি যেন দুধারের বাড়ীর সারির বাঁধনে আপনাকে বেঁধে রাখতে পারছিলো না, সব ভেঙ্গে চুরে ভাসিয়ে নেচে ছুটে যেতে চায়—মাঝে মাঝে হেসে উঠছিলো, তারপর কান্না আর

কান্না। সে কান্না এখন রহনচৌকির সুরে তার বুক ভরে বাজছে।

তুলি নিয়ে গলিটার একটা ছবি আঁকতে বসলুম—দুধারে ভূতের ছায়ার মত বাড়ীর সারি, মাঝখানে কালো গলি হতস্ত্রী, বন্দী, একা পড়ে রয়েছে। হঠাৎ মনে হলো, ও কান্নাটা যে আমার বুকের। তুলি আর চললো না।

মালতীকে ডেকে বললুম, হ্যাঁরে, আজ বুঝি ওদের বাড়ী বিয়ে।

মান হেসে সে বলে, না, দাদা, আজ গায়ে-হলুদ, পবু শু বে।

সামনের চারতোলা গালবাড়ীর ছাদের হোগলাগুলোর দিকে চেয়ে বললুম—ও।

কিছুক্ষণ চুপ করে দাঁড়িয়ে সে চলে যাচ্ছিলো, আবার ডেকে বললুম—তোকে নেমন্তন্ন করে নি রে।

—হাঁ, সুধার দিদি এসেছিলেন, তুমি কেমন আছো জিজ্ঞাসা করলেন।

—কি গায়ে-হলুদ পাঠাবি ?

—তোমায় জিজ্ঞাসা করবো ভাবছিলুম।

—দেখ্, আমার একখানা ছবি পাঠিয়ে দে, নিয়ে আয়ত ছবিগুলো আমি বেছে দিচ্ছি।

ভীতনয়নে সে আমার মুখের দিকে তাকালো, ভাবলে বুঝি একেবারে মাথা ধারাপ হয়েছে। আমাকে সান্ত্বনা দেবার জ্ঞত বলে, আচ্ছা, দেখ্ছি। কিন্তু করুণনয়নে আমার দিকে চেয়ে দাঁড়িয়ে রইলো।

হেসে বললুম, না রে, আমার মাথা ধারাপ হয় নি—আমি সত্যি বলছি, একটা ভালো ছবি পাঠিয়ে দে, কি সবগুলো, কি আর হবে ওগুলো রেখে—আর শাড়ী সন্দেশ কেনবার টাকা কোথায় পাবি বল্—

সে এবার বাস্তবিক ভয় পেলে। তা হয়ত আমার মস্তিষ্ক বিকৃতি হয়ে গেছে, ভুগ্ছি ত বড় কম দিন নয়, তিনমাস হলো। বললুম, যা ভালো হয় কর্গে যা।

স্থির হয়ে সে দাঁড়িয়ে রইলো। মেজাজটা কেমন ধারাপ

হয়ে গেলো, ক্রুদ্ধ রুদ্ধ স্ববে বল্লম, বা দিগে বা, মায়ের বিয়ের
শাড়ীখানা আছে—

—না, কিছু দিতে হবে না, ওদের বাড়ী বিয়ে তা আমার
কি বল্—তুই বাসনে ওদের বাড়ী—বড়লোক আছে
থাকো, গরীবদের এমন অপমান করার দরকার কি নেমন্তন্ন
করে—

চোখের জল চেপে মাথার কাছে বসে মালতী হাওয়া
করতে লাগলো ; কোন কথা খুঁজে পাচ্ছিলুম না। সামনের
ঘড়িতে টং টং করে আটটা বাজলো। বাঁঝালো সুরে
বল্লম, হাঁসে, এখনো ওধুধ দিলি নি, দুধ খাবার কিছু হয়েছে,
না আজ রসুনচৌকির বাজনা শুনে পেট ভরে যাবে।

এবার মালতী ঘর ছেড়ে ছুটে পালিয়ে গেলো। আমার
সামনে সে কাঁদতে চায় না, পারে না। কোন দুঃখের
অগ্নিতে যে চোখের সব অশ্রু শুকিয়ে তপ্তবাষ্প হয়ে গেছে তা
সে বেশ জানে। তবু চোখের পাতাগুলো ভিজে এলো।

কিছুক্ষণ পরে আবার ডাকলুম—মালতী।

হাসিমুখে সে ছুটে এলো, ঘেন কিছুই ঘটেনি। কোন
বেদনার স্মৃতিকে সে আমার সামনে জাগাতে চায় না।

—কি দাদা, আর এক মিনিটে তোমার দুধটা হয়ে
যাবে।

—হাঁসে, বিনেটা এখনও জাগে নি ?

—কৈ, তোমার বন্ধু এখনও দিব্যি ঘুমোচ্ছেন, অনেক
রাত পর্যন্ত কি লেখাপড়া হয়েছে।

—তুই মাঝখান থেকে মারা গেলি মালতী, এই তোর
হতভাগা দাদা আর তার পাগুলা কবি বন্ধু—তা তোর দাদা
তোকে বেশী দিন জ্বালাবে না।

—কি বা-তা বল্ছো দাদা—চুপ করো—

—ওরে কালাজ্বর, বুঝলি—কালাজ্বর, ও ত মৃত্যুরই
পরোয়ানা।

—কেন তোমার বন্ধুটি ত বল্ছিলেন, কোন ডাক্তারের
কাছে কি নতুন চিকিৎসার কথা শুনে এসেছেন—কত
লোকের সান্ধে, খুব সান্ধে দাদা, তুমি খালি ভয় করো,
একটু মনে বল আনবে না।

—ও, সে injection,—তার খরচ কত, এ পোড়ো
বাড়ী বেচলেও হবে না, আর এম্বি করে বেঁচে কি হবে বল্ ?

—দাদা...

মুখে আঁচল চাপা দিয়ে সে চলে গেলো। সে কি বলতে
চায় ? সে বলতে চায়, আচ্ছা দাদা তুমি যদি মরো, আমার
অবস্থা কি হবে যলো দেখি, হিন্দুসমাজে চোদ্দবছরের মাতৃ-
পিতৃহীনা অনুচা কণ্ঠা—তুমি ছাড়া আর আত্মীয় বলবার
কেউ নেই। না, সে বলতে চায়, সুধাকে বিয়ে করতে
পারলে না, এ দুঃখেই কি তুমি মরতে চাও, আর আমার যদি
তোমার ক্ষাপা কবিরকুটি বিয়ে না করে তবে আমিও গলায়
দড়ি দেবো বলতে চাও ; আমি যদি ধরো পাশের মেসের
কোন ছেলেকে ভালোবেসে ফেলি, আর তার বিয়ে যদি
পরশু ঘটে যায় তবে পরশু রাতে কি আমি গঙ্গায় গিয়ে
ডুবে মরবো ?

ভালো লাগে না ভাবতে। ভাবলুম, একবার মালতীকে
ডেকে বোঝাই, আমি ত বাঁচবার জন্ত যথাসাধ্য চেষ্টা করছি,
যদি মরি আমার কি দোষ বল। তাকে আর ডেকে কোন
ব্যথা দিতে মন সরলো না।

তার চেয়ে পুরানো মধুর স্মৃতিগুলো ভাবি। কীটসের
মত যদি আমার রঙীন কল্পনাশক্তি থাকতো, বেশ থাকতুম।
কবিকল্পনাকে প্রিয় করতে পারলে পৃথিবীর কোন দুঃখের
স্পর্শ লাগে না। কেননা,

She will bring inspite of frost

Beauties that the earth has lost.

ভাবছি, বর্ষা নেই, বসন্ত এসেছে, আকাশ মেঘমেঘুর নয়,
নীলোজ্জল মন ভোলানো, বাতাসে কে মদিরা ধারা ঢেলে
দিয়েছে, গলির মোড়ের কৃষ্ণচূড়া গাছটা লালে লাল। বসন্ত-
প্রভাতে সুরু গলিটাও বেশ সুন্দর হয়ে উঠেছে, আমার ভাঙা
ছোটঘর হাসছে, তুলির পর তুলি বুলিয়ে ছবি এঁকে চলেছি।
লাল বাড়ীটার ঠিক সামনের ঘরে সুধা ঘুরে ঘুরে বেড়াচ্ছে,
কখনো জানলার পাশে একটু এনে দাঁড়াচ্ছে, কখনো নামা
অক্ষয় সৃষ্টি করে টেবিল গুছোচ্ছে, বিছানা ঝাড়ছে—যেন
ফুলের বনে একটি সদ্যপ্রফুটিত গোলাপমঞ্জরী প্রভাতের
হাওয়ায় আনন্দে ছলছে, এখনো সে সব পাপড়ি মেলেনি, সব
সৌরভ ছড়ায়নি। আমি যে তাকে দেখছি তা সে বেশ
জানে, তবু যেন দেখছি না, এম্বি ভাবে মাঝে মাঝে আমার
দিকে চাইছে—হঠাৎ চোখে চোখে মিলন হয়ে যায়, তার

গাল গাল হয়ে ওঠে, তার সরল চোখজুটো বলে—তুমি ত ভারি ছুটু। আমি জান্‌লা বন্ধ করতে যাই, সে পর্দা সরায় ; আবার আমি পাখি তুলি, সে পর্দা গুটোর। অন্তরের মাধুরী দিয়ে তাকে এঁকে যাই। জান্‌লা খুলি, ধীরে সে চলে যায়, দেখি তার দেহে শৈশব-যৌবনের ঘন্ব লেগেছে, গতি মধুর, নয়নের দৃষ্টি গভীর। রহস্যাকুল, কি করতে কি করে ফেলে, কাজের মাঝে বার বার আনমনা হয়— ধীরে পে চলে যায়— গোলাপী শাড়ীর ওপর কালো কেশ ছলতে থাকে। তুলি পড়ে থাকে, কি নিবিড় সুখে মন ভরে আসে।

মাধবী রাত্রি, রূপালী জ্যোৎস্না গলির তলায় গিয়ে পৌছাতে পারেনি, আমার ঘরে একটু এসে পড়েছে। অন্তর কানায় কানায় ভরা, স্তব্ধ, এ জ্যোৎস্না রাত্রির মত স্তব্ধ। শীত অন্ত, বসন্তের প্রথম বাতাস বইছে। আমার ঘরে অর্ধেক জ্যোৎস্নার আলো, তার ঘরেও অর্ধেক জ্যোৎস্নার আলো—ছদ্মনে জ্যোৎস্নালোকের দিকে চেয়ে এ চঞ্চল আকুল নিশীথে চুপ করে বসে আছি। সে আমাকে দেখছে না, আমিও তাকে দেখছি না, কিন্তু সে যে বসে আছে এ কথা দেহে মনে কেন অনুভব করছি।

এ গভীরনের সুখস্থতির চেয়ে অনাগতদিনের সুখস্বপ্ন সৃষ্টি করতে আরো ভালো লাগে। ধরো, আমি যদি বন্দোপাধ্যায় না হয়ে ঘোষ কি দাস কি বোস হতাম, মিত্র ছাড়া যে কোন কায়স্থ-পরিবারে জন্মাতাম, আর, হাঁ, আর আমার যদি অনেক টাকা থাকতো, তা হলে সুধার বাবা ত আমাকে কোনমতেই প্রত্যাখ্যান করতে পারতেন না।

অথবা ধরো, হিন্দুসমাজে জাতিভেদ বলে বিশী জিনিষটা যদি না থাকতো ; দেখো, নগ্নবর্সরতার যুগে অসভ্য মানুষদের ব্যবস্থা ছিলো যার গায়ে জোর বেশী নারী তার, যে তাকে বাহুবলে জয় করে নিতে পারবে তারি সে উপভোগ্যা। আর এ সভ্যবর্সরতার যুগে মানুষের ব্যবস্থা দেখছি, যার সিন্দুকে টাকা বেশী নারী তার, যে তাকে সোনা দিয়ে কিনে নিতে পারবে। তা হলে প্রেম জিনিষটা কি নেহাৎই ফাঁকি ? ধরো, এমন যদি সমাজব্যবস্থা থাকতো, যে যাকে ভালবাসবে সে তাকে বিয়ে করবে, ভালো না বাসলে বিয়ে করতে পারবে না, তা হলে—

সে তাহলের কথা ভাবতে চোখে জল আসে কেন ?

আমি একেবারে ক্ষেপে গেছি দেখছি। বিকল হয়ে গেছে মাথাটা।

মালতী হৃদসাবু নিয়ে মাথার গোড়ায় দাঁড়িয়ে স্নিগ্ধস্বরে ডাকলে— দাদা। তার কাতর চাউনিতে বুকলুম সে বলছে, দাদা, ভেবো না, লক্ষ্মীভাইটি অত ভাবলে তুমি কেমন করে পারবে ?

বল্লম, হাঁরে, মালতী, তোমার ভারি কষ্ট হচ্ছে, ষমের সঙ্গে যুক্ত করা কি সহজ রে—আর মিছিমিছি লড়ছি।

রাগে মুখ গভীর করে বলে, নাও, হৃদটা খেয়ে নাও দেখি, আবার খানিক পরে ওষুধ দিতে হবে।

তাকে অনেক কষ্ট দিচ্ছি, আর কষ্ট বাড়াতে চাইলুম না, শান্ত হয়ে হৃদটা খেয়ে নিলুম। বাটি নিয়ে আবার সে চায়ের জল চড়াতে গেল।

এমি করে রোগশয্যায় পড়ে থাকা, এ ষেন একটা ভোগের জীবন। অবশ্য মাঝে মাঝে জরের প্রকোপটা যখন বেশী হয় তখন একটু যন্ত্রণা হয়—তারপর চুপচাপ গুয়ে থাকা, ছবি আঁকা, সে সত্যি তুলি দিয়েই হোক আর রঙীন কল্পনা দিয়েই হোক। মালতী আর বিনয় মিলে আমার খাওয়াচ্ছে, সেবা করছে আনন্দ দিচ্ছে। কোন কাজ নেই, গুয়ে গুয়ে নভেল পড়ো, স্বপ্ন দেখো, নিজের মন নিয়ে যা খুসি খেলা করো। না, কাজ করতে চাই, এমি চুপচাপ গুয়ে শ্রান্তি আসে, জীবনের ওপর বিরাগ, বিদ্বেষ আসে—শক্তি যদি না থাকে তবে ভেঙ্গে যাক এ জীবনের জীর্ণপাত্র, আবার নতুন পাত্র ভরে নবজীবনের মদ কেনিল হয়ে উঠুক।

মালতী, এ আমার সেবার মা, স্নেহে বোন, পরামর্শে বন্ধু, গৃহকাজে দাসী, আদরে আব্দারে ছোট খুকী—ওর মুখে চাইলে মরতে ইচ্ছে করে না, ভাবতে বড় কষ্ট হয়,— আমি চলে গেলে আমার বন্ধু কি ওকে ঠিক রাখতে পারবে ভাবছি।

সহসা এক খুন্সি হাতে করে মালতী চেঁচাতে চেঁচাতে ঘরে ঢুকলো।

—দেখোনা দাদা, তোমার বন্ধু কি করছে।

তার পেছন পেছন বিনয় এক আর্সোলা হাতে ঝুলিয়ে এলো।

—কেন আমার ছেঁকা দিতে গেছলে।

—বা, তুমি যদি দশটা পর্যন্ত ঘুমোও জাগাতে হবে না।

—জাগালেই আমি স্থির থাকতে পারি না জানো, আমার নাম কে ভুলে বিনয় রেখেছিলো, আমি হচ্ছি চঞ্চলকুমার।

মালতীর দিকে সে অগ্রসর হলো, আর মালতী এমন ভাবে ঘরের চারিদিকে দৌড়ে ঘুরতে লাগলো যেন তার প্রাণসংশয়।

আমি হেসে বল্লম—বিনি থাম্।

—না, তুমি জানালা দিয়ে ফেলে দাও,—বলে মালতী উর্দ্ধ্বাসে পালালো।

বিনয় আরসোলাটা গলিতে ফেলে দিয়ে আমার পাশে বসে আমার শীর্ণ হাতটা নিজের হাতে তুলে নিলে। তাদের এই কোঁতুক-অভিনয় আমাকে অনেকটা আনন্দ দেবার জন্ম; আমার সহাস্য মুখ দেখেই তারা থামলো।

—বন্ধু, কেমন, রাতে ঘুম হয়েছিলো।

—কেমন আর কি, দেখুছোনা মরণের রসুনচৌকি বাজছে।

মনে যা খেলেও মুখে হেসে বিনয় বল্ল, আমি ত শুন্তে পাচ্ছি না।

তার মনটা হাক্কা করবার জন্ম বল্লম, কাল রাত জেগে কি সব কবিতা লেখা হয়েছে।

—সে ছপূরে শুন্বে—দেখি চাটা কতদূর হলো,—বলে সে চলে গেলো।

মালতী একা যে বাসন মাজ্বে, ঘর ধোবে, আগুন ধরাবে, রাঁধ্বে, তা সে সহিতে পারে না; জল তুলে, কয়লা ভেঙ্গে, কুটনো কুটে সে তাকে কিছু সাহায্য করতে গেলো।

বেশ আছি আমরা। এক কপর্দকহীন কালাজর রোগী তার ওপর সে ব্যর্থপ্রেমিক ও ছবি আঁকে; এক গৃহপরিবার-হীন ভবঘুরে কবি; আর এক মাতৃপিতৃহীনা অবিবাহিতা কিশোরী। আমাদের সংসার যে কেমন করে চলছে তা আমার কাছে বড় রহস্য মনে হয়। জিজ্ঞাসা করলে, বিনয় বলে, চলে ত যাচ্ছে, বাপু, দেখুছো, আমরা কারো চুরিও করছি না আর ধারও ধারছি না। তোমার সব খোঁজে দরকার কি, অসুখ করেছে, এখন তোমার একমাত্র কর্তব্য হচ্ছে সেয়ে ওঠা, তোমার কাজ তুমি করে যাও।

রসুনচৌকিটা খেমেছে, ঘন ঘন শাঁক বাজছে। লাল

রংএ ছোপানো কাপড় পরে হৃদে চাদর গায়ে জড়িয়ে বি চাকরের দল এবার গায়ে হলুদের তত্ত্ব নিয়ে আসছে—এক, দুই, তিন,—পনেরো ষোল,—আটশ—ছত্রিশ—একচল্লিশ—না, আর শুন্তে পারি না—কত রকমের ধাবার, সন্দেহ, কি সন্দর এই পের্নাজীরংএর বারানসীটা—ও রূপার গেলাস-বাটিগুলো ঝক্‌মক্‌ করছে—ও লোলচর্ম্মা বুড়ি বিটা আর বইতে পাবুছে না—তার হাতে এসেস-সাবানের ট্রে যেন একটা বিজ্ঞপের মত। কালো পটের ওপর দিয়ে কতগুলি রঙীন ছায়ামূর্ত্তি চলে গেলো—গুলিটা স্তব্ধ কালো জলের মত আমার দিকে চেয়ে রয়েছে—ঝিরি ঝিরি বৃষ্টি পড়ছে।

দিনের পর দিন চূপচাপ শুয়ে ঘরের প্রতি জিনিষের দিকে একা চেয়ে চেয়ে তাদের সঙ্গে আমার যেন অতি নিবিড় আত্মীয়তা হয়ে গেছে—ওই ভাঙা চেয়ারটা, ওই আন্লা, ওই Calendarএ মেমের ছবিটা, ওই শিক-ভাঙা ছাতা, ওই কতদিনের না-পরা জুতো, ওই বাঁশের ছড়ি—সবাই যেন কতকালের বন্ধু। প্রতি প্রভাতে ঘুম ভেঙ্গে চাইলেই, এরা যেন হেসে বলে—জেগেছো? রাতে বিছানায় অনিদ্রায় ছটফট করলে, এরা যেন ব্যথিত হয়ে বলে,—ঘুমোও, শাস্ত হয়ে ঘুমোও। ওই কোণের পা-ভাঙা ডেস্কটা, ও যেন এতদিন ধরে কি বল্বে বল্বে করে বলে উঠতে পারছে না, একদৃষ্টে আমার দিকে চেয়ে থাকে, আমি তার দিকে চাইলেই তার যেন সব গুলিয়ে যায়। ওর মধ্যে আমার সব ছবি আর বিনয়ের কবিতার খাতা পোরা আছে। এদের মুখ না থাকতে পারে কিন্তু ছটো চোখ যেন কোথায় লুকানো আছে—কোন পূর্ব্ভ্রম্মে ওদের সঙ্গে কত গল্প করেছি, এখন সে ভাষা সবাই ভুলে গেছি। আবার মাঝে মাঝে বোধ হয়, এরা নিজেদের মধ্যে আমার রোগ ব্যাধি নিয়ে কত কথা কইছে। এদের সঙ্গে জানাশোনার জন্ম প্রাণটা মাঝে মাঝে তৃষিত হয়ে ওঠে।

এ যা সব ভাব্‌ছি নিছক কল্পনার খেলা, দুর্বল ব্যাধিক্লিষ্ট মস্তিষ্কের সৃষ্টি জানি, তবু মনে হয় এই যে রঙের তুলিটা, এ শুধু আমার হাতের যন্ত্র-নয়, আমার প্রাণের বন্ধু, আমি যা ভাবি, এও তাই ভাবে, হৃদয়ে অন্তরে মিলতে পারি বলে আঁকতে পারি। ইচ্ছে করছে ওই ডেস্কটাকে বা ও

জুতোটাকে বা জামাটাকে আঁকি, কিন্তু তুলিটা বাড় নেড়ে বুলছে, না বন্ধ, এখন একটু বিশ্রাম করো।

* * * *

রাতে কিছুতেই ঘুম আসছিলো না। * মালতী মাথায় বসে হাওয়া করছিলো আর অনর্গল বকে যাচ্ছিলো— গ'য়ে-হলুদ নিয়ে আশিজন লোক এসেছে, এরা দশহাজার টাকা দিচ্ছে, নগর কিছুই নয়, মেয়েকে গয়নার সাজিয়ে দেবে, বর বুঝি এম-এ পড়ে, ইত্যাদি।

কতক শুন্ছিলুম, কতক শুন্ছিলুম না। বল্লম, সুধাকে একবার দেখাতে পারিস ?

মালতী স্নিগ্ধনেত্রে আমার দিকে চেয়ে রইলো, দীর্ঘনিশ্বাস ফেলে বললে, সে তার ছোট ভাইকে একবার সন্ধ্যাবেলা আমার কাছে লুকিয়ে পাঠিয়েছিলো, আমি কেন বাইনি, তোমার অস্থখ বাড়লো নাকি, জানতে— তোমার সঙ্গে কি করে দেখা করতে বোলবো বল—

—তা হলে তুই সত্যি যাসনি, আমার কথায় রাগ করেছিলি ?—অচায় হয়ে গেল।

—না, দাদা, যাবো।

—হাঁ, কাল যাম্—না, না, আমি কি আর তাকে সত্যি সত্যি এখানে আনতে বলছি রে ? তোর সঙ্গে ঠাটা করছিলুম, বুঝলি—ওরা বেশ একটা শাড়ী দিয়েছে—

—হাঁ, দাদা, সে শাড়ী পরে সুধাকে ভারি সুন্দর দেখাচ্ছিলো, আর গুলার একটা চুনিপান্নাবসানো হার কি সুন্দর দিয়েছে—

—যা ঘুমোবে যা।

—না, দাদা, তোমায় ঘুম পাড়িয়ে যাবো, না হলে আর তোমার আজ রাতে ঘুম হবে না—ওই তোমার বন্ধু এলেন, গান শোনা যাচ্ছে, সুর না কত—কি করে উনি কবিতা লেখেন ?

—যা তোরা খেয়ে নিগে যা।

• শুধু একবার তাকে দেখতে চাই—রক্তপট্টবস্ত্রপরিহিতা সালঙ্কতা চন্দনচর্চিতভালে সলজ্জা নববধুর আনন্দমূর্ত্তি।

বিষ্টি বন্দ হয়েছে, আকর্ষণটা বেশ শান্ত, একটু নির্মল। মাছের আঁশের আর লুচিভাজার গন্ধ, হৈ চৈ চীৎকার, ঝি-

বামুনদের ঝগড়ার শব্দ আসছিলো বলে ও-বাড়ীর দিকের জান্নাগুলো সারাদিন বন্দ ছিলো। সন্ধ্যাবেলা হঠাৎ যখন বর এলো, তাকে আর দেখতে পেলুম না, শুধু দেখলুম ফুলের সাজপরা আলোময় মোটরটা অনেকক্ষণ ঝকঝক আর্ন্তনাদ করে অনেক কষ্টে গলি থেকে বেরোলো।

ঘরের আলো বের করে, সব জান্নাগুলো খুলে, বালিসে হেলান দিয়ে জান্নার মুখে এসে বসলুম। লাল নীল কত রংএর ইলেকট্রিকের আলোয় সাজানো বিয়েবাড়ী বরযাত্রী কথায়াত্রী আহত রবাহুতের গোলমালে ভরা।

আমার সামনের ঘরেই কনেকে সাজানো হচ্ছে, তার চারদিকে মেয়ের দল ঘিরে রয়েছে। কিছুই দেখা যাচ্ছে না, শুধু কত নবীনা প্রবীণার কত কথা কানে আসছে। 'কনে-চন্দন কৈ ?' 'হারটা একটু ওদিক করে দাও না—আংটি কোথা গেল, আংটি ?' 'কি সুন্দর তোমার মেয়েকে দেখাচ্ছে ভাই, যেন অপরী', 'ডানাকাটা পরা', 'ওগো, চলির ওদিকটা তুলে দাও, মেজের লুটোচ্ছে যে', 'পিঁড়ে কৈ ? কি আল্পনা কাটার ছিঁরি ?' 'ডাকোনা গো সব ভগ্নীপতিদের, কনে তুলে নিয়ে যাক', 'সরে দাঁড়াও না সব বাপু, —মেয়ের গরম হচ্ছে দেখছো না—মেজবো পাখা,—পাখা', 'আমায় মাথা, কি আদিখ্যেতার কথাই বললেন', 'ওগো বউরা সব, জান্নাটা একটু ছেড়ে দাঁড়াও না, কনে একটু ঠাণ্ডা হোক।' কনে সাজানো শেষ হলো। সুধা দাঁড়িয়ে ভিড় সরিয়ে জান্নার দিকে আসছে, লাল চলির ওপর ওই সোনার হারের চিকিমিকি, ওই হাতের চুড়ি, আংটি—ওই তার মুক্তার হার জড়ানো সুন্দর গলা—ওই মুখ দেখা যাচ্ছে—

ওঃ, ঠিক সেই সময়ে ইলেকট্রিক আলোর তার পুড়ে সব আলো নিভে গেলো। 'আলো—আলো', আমি চেষ্টা করে উঠলুম, 'ওগো, একটা আলো জালো।'

অন্ধকার বাড়ীটা আমার দিকে চেয়ে অটুহাশ্রে বললে, 'আলো আলো'। বর্ণা হলোও ত গুরুপক্ষ, কি তিথি জানি না, কিন্তু চাঁদ কি সব আলো নিঃশেষ করে দেউলে হয়েছিলো, এক মুহূর্তের জন্ত একটু জ্যোৎস্না পাঠাতে পারতো না ?

পাগলের মত চেষ্টা করে উঠলুম—'সুধা—আলো—অন্ধকারে তোমার মুখ কেমন করে দেখবো !'

আমার আর্ন্তনাদ বিয়েবাড়ীর লোকজনের চীৎকারের

সঙ্গে মিলিয়ে গেলো বটে, কিন্তু সামনের ঘরে যখন আলো এলো, সে নববধু আর দাঁড়িয়ে নেই, সে মেঝেতে লুটিয়ে পড়েছে।

মেয়েদের আর্তনাদ কানে এলো—ওগো কনের একি হলো—জল আনো মেজ বো—পাখা—‘ওরে মোক্ষদা, একটা পাখা শীগ্গির—আহা সারাদিন খায়নি—কচি মেয়ে কি করে থাকবে—যাও না বাপু সব ঘর ছেড়ে, এ ঘরে এত ভিড় কেন—কনের সর্দিগাম্ব হযেছে দেখ্ছো না—জল—পাখা—ওই যে—ওঠ ত মা আস্তে আস্তে—’

বিছানায় মুখ গুঁজে পড়লুম। কিছুক্ষণ পরে শাঁখ ও ছলুধনির শব্দে যখন মুখ তুললুম দেখি সামনের ঘরটা জনহীন, অন্ধকার, ঘরের সামনে দালানে ছাদনাতলার আলোয় সবাই গিয়ে জমেছে।

কিছুই দেখতে পাচ্ছিলুম না, অন্ধকার ঘরটার দিকে চেয়ে ভাবতে লাগলুম—এখন সুধা টোপর-পর্য বরের সামনে পিড়ের ওপর স্তব্ধ হয়ে বসে আছে আর তাদের চারিদিকে কুলবধুরা মঙ্গলবারি হতে জল ছড়াতে ছড়াতে মঙ্গলপ্রদীপ জ্বাণিয়ে ঘুরছে, সুন্দরীদের হস্তপদের আলোকশিখায় কারও নীলবাস ঝলমল করছে, কারও গোলাপী শাড়ীতে আঙুন লেগেছে, কারও সবুজ শাড়ীতে তাঁদের আলোর বান এসেছে—সে আলোকশিখা নৃত্যতনুখচিত সোনা-হীরার আভরণে, হাস্যদীপ্ত লাবণ্যময় মুখে, আনন্দদীপ্ত চোখে, রক্তিম ললাটে, তানুলরঞ্জিত অধরে, অলঙ্করকৃত চরণ, জরিজড়ানো কালো কেশে অপরূপ ছাতি মণ্ডিত করে বিহ্যতের মত লীলা করছে—তাদের চরণের তালে তালে হার বালা ছল সব ছলছে, রিনিঝিনি মৃদু শব্দ হচ্ছে—ওর মুখখানি যেন শরতের শেকানী, ওর চোখ যেন প্রভাতের পদ্ম, ওর চোঁট যেন বসন্তের কৃষ্ণচূড়া, ওর হাত যেন পুষ্পবল্লরী, ওর হাসি যেন দন্ধারে রজনীগন্ধা, ওর চলন যেন বেণুবনের কাঁপন। আর এদের মাঝে পাষণপ্রতিমার মত বসে আছে মুচ্ছাহিতা অলঙ্কারপীড়িতা সুধা।

এবার কনের ঘোরার পালা। দুই তিন জন মিলে গুন্ডে, বার বার গুলিয়ে যাচ্ছে—এক—দুই—তিন—ও যেন কত ঘণ্টা লাগছে—এই সাত হয়ে গেলো—নাপিতের গালাগাল শেষ হোলো—এবার শুভদৃষ্টি—

জান্নাটা বন্দ করে বিছানায় গুয়ে পড়লুম। তারপর বিয়েবাড়ীর কোন শব্দ এসে কানে পৌঁছালো না। শ্রাবণের আকাশ ভেসে বড় জল এসে সব আলো গান উৎসব ভাসিয়ে ডুবিয়ে দিলে।

সারারাত হাওয়া যেন পাগল মাতালের মত গলিতে বন্দ হয়ে সব বাড়ীতে মাথা ঠুকে ঠুকে হা হা করে আর্তনাদ করে ফিরেছে, আর আকাশে যত যুগের যত ব্যথার অশ্রু জমা ছিলো সব ওই গলিটার ঝরে পড়লো।

* * * *

কাল ছপুয়ে বরকনে কখন চলে গেলো জানি না। তখন দূরে আঁচতত্ত্ব হয়ে ভয়ঙ্গর ছটকট করছিলুম। মালতী একবার চেষ্টা করে জান্নার কাছে নিয়ে যেতে চেয়েছিলো, আমি কিছুই বুঝতে পারিনি। বিয়েবাড়ীর সবাইয়ের মুখে এক কথা—সুধা বডু বেশী কাঁদছে, বডু কেঁদেছে।

ছাত থেকে হোগলাগুলো খুলে নিচ্ছে, গলির কোণে আঁস্তাকুড়ে কলাপাতা ভাজা গেলাস খুরি খাবারের পাহাড়ে কাকদের ভোজন-উৎসব বসেছে।

আকাশের ছিন্ন মেঘ হতে একটু আলো ঘরে এসে পড়েছে, হাওয়ায় যেন শরৎ-ঋতুর উত্তরীর গন্ধ। একটা ছোট চড়াই পাখী জান্নায় এসে উড়ে বসলো। বন্ধু কাল যে রজনীগন্ধাটি এনেছে তার দিকে তার যেন লোভ। এই মুমূর্ষু চোখে ওই শুভ্রনির্মল ফুলের দিকে চাইতে ব্যথা বোধ হয়। প্রকৃতির শ্যামল কোলের জন্তু প্রাণ ভূষিত হয়ে ওঠে—নদীজলের ধারা, প্রভাত-পাখীদলের গান, বনভূমির সৌরভ, ফুলফলের রং, খোলা আকাশের নীচে শরতের সোনার প্রভাত। না, সে মুক্ত প্রকৃতির দিকে চাইতে বড় লজ্জা হবে—সেখানে প্রাণ প্রতিপ্রভাতে সঞ্জীবিত হয়ে নবরূপ ধারণ করে, কত কত লক্ষ লক্ষ বৎসর গেলো, তবু সুন্দরী পৃথিবী তরুণী রয়েছে, কোথায়ও জরা নেই, এ অনন্তযৌবনা, নবনবসৌন্দর্য্যময়ী, প্রাণের এ নবনবলীলানিকেতনে আমার আর স্থান নেই বুঝি। কে চেয়েছিলো এ প্রাণকে? কে দিয়েছিলো এ প্রাণকে! এ প্রাণকে কে যেন আমার পৃথিবীর কারুবীর করবার জল ধার দিয়েছিলো, সে মূলধন ত সব উজাড় হয়ে গেলো, জুদও কিছু রইলো না, আজ দেউলে হয়ে প্রাণকে উড়িয়ে দিয়ে চলে যেতে চাই।

একটা কালে পোকা যুর্তে যুর্তে সারিসর কাচে লেগে মরে পড়ে গেলো। ওই মরা পোকাটার দিকে চেয়ে ভাবছি প্রাণটা কি! থাকে ঈশ্বর বলে, সেই বিশ্বজীবন কি এই প্রাণ দেহে ভরে দিয়েছে, আবার আপন খুসীমত কেড়ে নেবে? এই জড়দেহের গাড়িতে শক্তির বোড়া জুতে কি সেই আত্মা কোচম্যানের মত হাঁকিয়ে নিয়ে চলেছে? ছোট বেলায় সাবানের ফেনা খেড়ে পুরে ফুঁ দিয়ে রঙীন বন্ করে খেলতুম। কোন বন্টা অর্ধেক হয়েই খেড়ের মুখে ফাটতো, কোনটা সবটা হয়ে ফাটতো, কোনটা বা খানিকদূর উড়ে হাওয়ায় মিলিয়ে যেতো। মনে হচ্ছে এগ্নি করে কে আমাদের জীবনটা নিয়ে খেলা করছে, তার হাতের সব বন্ই ত ফেটে শূন্যে মিলিয়ে যাবে, তবে এত রঙীন করে গড়া কেন? আত্মা আছে, তা অজর অমর, একথা অনেক বইয়ে পড়েছি, অনেকের সঙ্গে তর্ক করেও বুঝিয়েছি, কিন্তু এখন যেন মনে হচ্ছে, হয়ত কিছুই নেই, ওটা আমাদের কল্পনার সৃষ্টি, মনকে প্রবোধ দেওয়া। তা হলে ত ওই ঘোড়াটার, ওই আরসোলার, ওই পোকার, ওই টিক্‌টিকরও আত্মা আছে। সে-রকম আত্মা আমি চাই না, তার চেয়ে না থাকাই আমার ভালো।

আচ্ছা, প্রকৃতির নিয়ম সহ্য করা যায়, ঈশ্বর তাকে চিরকালের জন্য বেঁধে দিয়েছেন, তার ছান সবাইকেই মানতে হবে, কিন্তু এই মানুষের গড়া নিয়ম এই সমাজের শাসন অসহ—এর বিরুদ্ধে বিদ্রোহ করতে হবে।

একটা কিছু ঠিক করে ভাবতে পারছি না, চিন্তাস্ত্রের খেঁই খালি হারিয়ে যাচ্ছে।

নারীকে ভালোবাসতে হবে অকারণে, সে সুন্দরী বলে নয়, সতী বলে নয়, বুদ্ধিমতী বা সেবিকা বলে নয়, সে নারী বলে। সেখানে কোন তর্কবিচার থাকবে না, কোন উপমা অলঙ্কার থাকবে না—প্রেম হবে এক দেহমন-প্রদীপে অচঞ্চল অগ্নিশিখা, নিছক মাধুর্য, সব ভুলে ডুবে যাওয়া—সেই প্রেমেই নারী জেগে ওঠে, সত্যিকার আনন্দ পায়।

সেই প্রেম নিয়ে তার ধারে গৈছলুম, কিন্তু সে ত নারী নয়, চোদ্দ বছরের সুখা—এত সরল, এত মিষ্টি—সে এ সমাজের অত্যাচারের কি ঝোঁকে, নারীর অধিকারের কি

জানে—সে ত ভোর বেলায় এক নির্মল সুন্দর ফুলের কুঁড়ি, আমার প্রেমের আলোয় তার একটু রং লেগেছিলো, পাতাগুলো একটু শিউরে উঠেছিলো। যেদিন তার অন্তর রাঙা গোলাপ হয়ে ফুটবে, এই ভোরের আলার কথা কি তার মনে থাকবে? যে যত ভালোবাসে তার হৃৎ তত বেশী—ভালো না বাসাই সবচেয়ে ভালো। আমার বয়সই বা এত কি বেশী? উনিশ। হিসাব নিকাশ করছি না, তবু এই ছোট জীবনের জমাখরচের খাতাটা দেখছি—শৈশব-কৈশোরের স্মৃতিগুলো বার বার দেখে পাতার পর পাতা উল্টে যাচ্ছি—কোন পাতায় হিজিবিজি, কোথাও হিসেব মেলেনি, কোথাও একটু রঙীন ছবি আঁকা, কোন পাতায় কালো রেখা—আর শেষের এক রাশ পাতা একেবারে সাদা। আচ্ছা মৃত্যুর পর এই জীবনের খাতাখানির সব লেখা একেবারে মুছে যাবে অথবা ওই সমস্ত হিজিবিজির আশ্চর্য অর্থ বেরোবে? জীবনে কিছু করে যেতে পারলুম না, জীবন শেষ হয়ে আসছে, শেষের পাতাগুলো সাদাই থাকবে। সব আশা স্বপ্ন রেখে দাও, ঘন অন্ধকার নদীর তীরে এসে পৌঁছেছি, স্তব্ধ কালো জল, চারিদিকের মানুষেরা যেন ছায়ার মত ঘুরে বেড়াচ্ছে, আমায় আর তাদের দরকার নেই, তাদের আর আমার দরকার নেই—আচ্ছা ওই কালো নদী পেরিয়ে কি নতুন দেশ আছে, না, জলে জল হয়ে যাবো? যদি থাকে, সে যেন পৃথিবীরই মত রূপে রসে গন্ধে ভরা প্রেমসিঁধু হয়, সেখানে যেন সাতটি রংকে পাই আর আনার মানসীকে।

একটা ঝগড়া করতে ইচ্ছে করছে কারো সঙ্গে, সৃষ্টি-কর্তার যদি দেখা পেতুম একবার মনের সাথে তর্ক করে ঝগড়া করে শান্তি পেতুম।

ঘরে সারিসর চেউ তুলে মালতী এসে আমার গলা জড়িয়ে বলে,—এর একটা বিচার তুমি করে দাও দাদা। তোমার বন্ধু, হয় তিনি রাঁধুন, নয় কবিতা লিখুন—তা নয় ভাত ডাল চড়িয়ে কবিতার খাতা নিয়ে বসবেন আর আমার ভাত ধরে তরকারি পুড়ে থাক—

—না, দেখো বন্ধু, একটা উপমা লিখতে লিখতে কেমন একটু দেরী হয়েছিলো, তাই ভাত একটু ধরেছে—

—আচ্ছা রান্নাবরে আর এ খাতা নিয়ে ঢুকলে আমি উনানের আগুনে দেবো বন্ধু—

আমি হেসে বল্লম,—আচ্ছা, first warning দিয়ে আসামীকে ছেড়ে দেওয়া হোক।

আমার হাসিমুখ দেখে দুজনেই একসঙ্গে বলে উঠলো, আচ্ছা বেশ।

ওরা ইচ্ছে করে ঝগড়া বানিয়ে খুনসুটি করে আমার কাছে নালিশ করবার জন্তু ছুটে আসে—আমার মনে একটু আনন্দ দেবার জন্তু ওদের চিন্তার চেষ্টার অন্ত নেই। হায়রে, দুঃখের ভাগ কি কেউ নিতে পারে? এ মৃত্যুর পথ যে বিজ্ঞান একা-চলার পথ। বন্ধু কি করতে পারে? ব্যথিত হতে পারে, সেবা করতে পারে, কিন্তু দুঃখ কমাতে পারে এমন গর্ক করলে দুঃখকে অপমান করা হয়।

* * * *

মৃত্যুটা যে ধীরে ধীরে এগিয়ে আসছে, বেশ বুঝতে পারছি, মনে হচ্ছে এ দেহ আমার দেহ নয়। এই শীর্ণ হাত জীর্ণ দেহ ছেড়ে আমি বাড়ীর চারদিকে শূন্য হাওয়ার ঘুরে বেড়াচ্ছি।

কাল সন্ধ্যাবেলায় বিনয় ঘরে ঢুকে আমার জড়িয়ে বলে, বন্ধু পেয়েছি।

হেসে বল্লম, কি পেয়েছো? তোমার কবিতার বই ছাপাবার পাবলিশারকে, না আমার ছবির ক্রেতাকে?

সে বলে,—না হে, যখন বরাত খোলে, এমনি হয়, একসঙ্গে দুটো মাষ্টারি, একটা চাকরি। এবার তোমার injection-এর ব্যবস্থা হচ্ছে।

বল্লম,—হাঁ, প্লান্চেটে আমার ভূতটাকে এনে তার গা খুঁড়ে চিকিৎসা করো।

যাক্, এরা দুটো যে না খেতে পেয়ে মরবে না, মরার আগে এই ভূপিটুকু লাভ করলুম।

যদি আমার টাকা থাকতো, একবার দেখে নিতুম রোগটাকে—দেখে নিতুম, কে বড়—আমি, না সেই ছার-পোকা, আমার দেহে যে কালাজরের জীবাণু ঢুকিয়েছে সে, আমাতে আর সেই Leishmania donovaniতে একটা রীতিমত যুদ্ধ হোত। যা নেই, তার জন্তু দুঃখ করে কি হবে।

* * * *

রাতে ঘুম হয় না। এই পিতৃপিতামহদের স্মৃতিবিজড়িত

পোড়ো বাড়ীখানা যেন মাঝে মাঝে কেঁদে দীর্ঘনিশ্বাস ফেলে, নীচেকার বালিখসা ভাঙা ঘরগুলোর চাম্চিকে ইঁদুর আর-সোলার রাতের উৎসব ভূতদলের নৃত্যের মত।

কাল রাতে হঠাৎ মনে হলো, মা যেন আমার মাথার গোড়ায় দাঁড়িয়ে ডাকছেন—আয় বাছা আয়।

জান্নার দিকে চেয়ে দেখি, কৈ কেউ নেই। গির্জের ঘড়িতে একটা বাজলো, লালবাড়ীটা অন্ধকার, নিঝুম। অনন্ত আকাশের এক টুকুরা জান্না দিয়ে দেখা যাচ্ছিল—কয়েকটা তারা জ্বলছে। ওই যেন মৃত্যু সারথি তার নীহারিকায় গড়া রথ নিয়ে এসেছে, চার গ্রহ দিয়ে চার চাকা তৈরী, Great Bear, Little Bearএর মত দুটো ঘোড়া জোতা।

উনিশ বছর আগে যেদিন সে পৃথিবীর আনন্দপুরীর পথে আমার নামিয়ে দিয়েছিলো, সে দিন হয়ত সে হেসেছিলো, আর আমি মাটির বক্ষে পড়ে কেঁদেছিলুম। আজও তার মুখে মন-ভোলানো হাসি, কিন্তু আমার চোখ জলে ভরে আসছে যে।

না, আমার মোটেই ভয় করছে না, দুঃখ হচ্ছে না, এই ছোট পৃথিবীতে উনিশ বছরের জীবনে যদি এত রূপ এত গান এত প্রাণ অশ্রুভব করে থাকি তবে এই নীলযবনিকার অন্তরালে যে অনন্ত জগৎ রয়েছে সেখানে কি ওর চেয়ে কম সৌন্দর্য্য কম আনন্দ পাবো, অনন্ত জীবনে কত সুখা ভরে উঠবে—

না, এসব কবিত্ব করতে ভালো লাগে না, বিদ্রোহ করতে চাই—সৃষ্টির বিরুদ্ধে প্রকৃতির বিরুদ্ধে সমাজের নিয়মের বিরুদ্ধে।

আচ্ছা যদি মরি একবার পৃথিবীটা ঘুরে গ্রহতারা দেখতে বেরোব। একটা জালা, অশান্তি, কিছুতেই দূর হচ্ছে না। বেলজিয়ামের যুদ্ধক্ষেত্র ঘুরে আল্গের চূড়ায় বসে কাঞ্চনজঙ্ঘায় অরুণোদয়ের আভা মেখে প্যাসিফিকের এক টাইফুনে ছলে আটলান্টিকের এক সাইক্লোনে গান গেয়ে নর্থপোলের এক তুষার-ঝাপ্টায় জয়ধ্বনি তুলে আর সবশেষে একরাতে জ্যোৎস্নালোকে সুধার বিছানায় তাকে দেখে চলে যাবো অনন্ত যাত্রায়—

কালো গলিটা করুণা নয়নে আমার দিকে তাকিয়ে

আছে। ওরে, তোর বুকের উপর দিয়ে শ্রাবণের ধারা বরা
এবার শেষ হবে, শরতের আলো এসে পড়বে, বসন্ত চঞ্চল
চরণে চলে যাবে—ছয়শতুর রঙ্গীন উত্তরীয় এখানে একটু
লুটিয়ে যাবে। এই পথ দিয়ে যদি কোন গভীর স্তরুরাতে
আমার মৃতদেহ নিয়ে যায়, তার জন্তে এত দুঃখ কি?
একদিন ত এই পথ দিয়েই আলো জালিয়ে গীত-উৎসবে
ধিবাহের বর এসেছিলো। আবার এই পথ দিয়েই সেই
নববধু কল্যাণী গৃহলক্ষ্মীবশে ফিরে আসবে।

* * * * *

অবসাদ আসে, শূন্যতা, ব্যর্থতা। এ কিসের দুঃখ?
মনে হচ্ছে বিশ্বসৃষ্টির মর্মস্থলে কিসের বেদনা আছে, তৃপ্তি
কিছুতেই হচ্ছে না। জগৎস্রষ্টা নিছক আনন্দে এ বিশ্ব
সৃষ্টি করেন নি, তাঁর বুকের মধ্যে কি অভাব ব্যথা রয়েছে।
কিসের জন্ত আমার তৃষ্ণা? প্রেমের জন্ত? সুখের জন্ত?
জীবনের জন্ত? বুঝতে পারছি না। ক্ষুধিত বনুজন্ত
যেমন শিকারের সন্ধানে মত্ত হয়ে ঘোরে তেমনি আমার মনে
কে চাই চাই বলে কেঁদে ফির্ছে। ঈশ্বর কাকে বলে,
জানি না, এই বেদনা এই কান্নাই আমার কাছে দেবতা;
তাকে আমি পূজা কর্তে, তার পায়ে জীবনশক্তির নৈবেদ্য
এনে দিতে চাই।

কিন্তু এ জীবনে আর যে কিছু দেবার নেই প্রভু, এ
মরণের পর যা থাকে তোমায় দিলাম।

একটা ছবি অঁকবো তাব্ছি। গৃত্যু প্রিয়তার মত

আমার মাথার গোড়ায় এসে এ শীর্ণ মুখে জীর্ণ কপালে
রক্তহীন অধরে জ্যোতিহারি চোখে চুমো খেয়ে শ্রাবণমেঘের
মত তার কেশভারে জীর্ণদেহ ঢেকে নৌহারিকার মত
শুভ্র তরীতে তুলে নিয়ে চলেছে—কালো ষমুনা-জলের মত
তার রং, বিহ্যৎ-উজ্জল তার আঁখি, জ্যোৎস্নাদোত স্ননীল
পালে উষা-অরুণ-মণ্ডিত হাল ধরে লক্ষ-তার-ছড়ানো অনন্ত
সাগর দিয়ে তরী ভাসিয়ে চলেছে—রোগজীর্ণ দেহ ত্যাগ করে
নবকলেবর ধারণ করে অনন্ত জীবনস্রোতে ভেসে চলেছি।

হাতটা বড় কাঁপছে, আঁকতে কিছুতেই পারছি না,
আঁকতে আর চাই না—চোখে সব রং গুলিয়ে আসে।

কিন্তু এই কালো গলির ভাড়া বাড়ীতে ডেনে-পচা
ইঁচুরের মত মরতে ইচ্ছে করে না—

ইচ্ছে করছে, যখন একে একে তারা মিলিয়ে যাচ্ছে,
শরতের উষার আকাশ থেকে সোনা গলে গলে পড়ছে,
সেই রাত্রিদিনের সন্ধিক্ষণে উন্মুক্ত আকাশের তলার, জলভরা
নদীর তীরে কাশবন শেফালীবনের পাশে, ধানেভরা ক্ষেতের
সামনে শিশির-ভেজা ঘাসে শুয়ে প্রভাত-পাখীর প্রথম
গানের পূর্বে পৃথিবীর শেষ নিশ্বাস ফেলি।

আঁকাবঁকা কালো গলিটা করুণ রম্মনে তাকিয়ে বলছে
— হাঁ, আমারও তাই ইচ্ছে করে, এই ইটের বাড়ীস্তূপের
বাধন ছিঁড়ে ধানক্ষেতের মাঝ দিয়ে খোলামাঠ পার হয়ে
শেফালী বনের পাশে নদীর খেয়াঘাটে গিয়ে পড়ি।

শ্রীমণীন্দ্রলাল বসু।

অ-কেজোর গান

ঐ

ঘাসের ফুলে মটরশুঁটির ক্ষেতে

আমার এ মন-মৌমাছি ভাই উঠেচে আজ মেতে।

এই

রোদ্-সোহাগী পউষ-প্রাতে

অথির প্রজাপতির সাথে

বেড়াই কুঁড়ির পাতে পাতে

ফুলের মৌ খেতে।

আমি আমন ধানের বিদায়-কাঁদন শুনি নাঠে রেতে ॥

আজ কাশ-বনে কে খাস ফেলে যায় মরা নদীর কুলে,
ও তার হৃদে আঁচল চলতে জড়ায় অড়হরের ফুলে।

ঐ

বাবলা-ফুলে নাক-ছাবি তার,

গায় শাড়ি নীল অপ্ৰাজিতার;

চলেছি সেই অজানিতার

উদাস পরশ পেতে।

আমায় ডেকেছে সে চোখ-ইসারায় পথে যেতে যেতে ॥

.ঐ ঘাসের ফুলে মটরশুঁটির ক্ষেতে

আমার এ মন-মৌমাছি ভাই উঠেচে তাই মেতে ॥

কাজী নজরুগ ইসলাম।



ঋষিদের প্রাচীনত্ব

ঐতিহাসিক যুগের আধুনিক যুগের "প্রবাসী"তে অত্যাধুনিক যুগ (Pleistocene epoch) আধুনিক মানবের বিকাশ হইয়াছিল কি না, তৎসম্বন্ধে সন্দেহ প্রকাশ করিয়াছেন। এক-একটি বিষয়ে নানারূপ মত আছে। তন্মধ্যে যে মত আধুনিক ও প্রামাণিক, তাহাই গ্রাহ্য। আমি আধুনিক ও প্রামাণিক মতের উপর নির্ভর করিয়াই বলিয়াছি যে, অত্যাধুনিক যুগে মানব অপেক্ষাকৃত সস্তা অণুস্থায় উপনীত হইয়াছিল। অবশ্য, এই মানব প্রাগৈতিহাসিক যুগের ইয়োরোপীয় মানব। ভারতীয় প্রাচীন মানব সম্বন্ধে এখনও বিস্তারিত আলোচনা হয় নাই। সুতরাং ইয়োরোপীয় প্রাচীন মানবের অবস্থা হইতেই ভারতীয় প্রাচীন মানবের অবস্থা অনুমিত হইয়াছে। কিন্তু এইরূপ অনুমানও ভ্রমপ্রসাদপূর্ণ হইতে পারে। হয়ত প্রাচীন ভারত ও প্রাচীন ইয়োরোপের মানব একই যুগে সমবয়স্ক ছিল না। যাহাই হউক, প্রাচীন ইয়োরোপের মানব সম্বন্ধে কতিপয় বৈজ্ঞানিক মত আমি নিম্নে উদ্ধৃত করিতেছি। কিন্তু তৎপূর্বে আমি ইহা বলিতে চাই যে ভূতত্ত্ববিদ পণ্ডিতগণ মধ্যাধুনিক (Miocene) যুগের স্থিতিকাল নয়লক্ষ বৎসর, বহুধাধুনিক (Pliocene) যুগের স্থিতিকাল পাঁচলক্ষ বৎসর এবং অত্যাধুনিক (Pleistocene) যুগের স্থিতিকাল চারিলক্ষ বৎসর স্থির করিয়াছেন।

ডাক্টর কীথ তাঁহার Antiquity of Man (1910) নামক গ্রন্থে বলিয়াছেন:—"There is not a single fact known to me which makes the existence of a human form in the Miocene period an impossibility" (p. 511) অর্থাৎ তাঁহার মতে মধ্যাধুনিক যুগে অর্থাৎ প্রায় ১৮ লক্ষ বৎসর পূর্বে মানবাকারবিশিষ্ট জীবের আবির্ভাব অসম্ভব নহে। ইহার পূর্ববর্তী অর্থাৎ অল্লাধুনিক (Oligocene) যুগেও মানবের অস্তিত্ব অনুমিত হইয়াছে:—"It is also maintained that flints, similar in shape and chipping (as those of the Pliocene epoch), have been discovered in deposits of Miocene and even of Oligocene age" (৫১পৃষ্ঠা)। এই মত Encyclopaedia Britannica (11th Edition: Chronology) সমর্থন করিতেছে—And to the age of man must be allotted a period some hundreds of times as great as the five thousand and odd years allowed by the old chronologists" অর্থাৎ প্রাচীন ঐতিহাসিকগণ কিঞ্চিদধিক পাঁচ সহস্র বৎসর পূর্বে মানবের আবির্ভাবকাল স্থির করিয়াছিলেন। কিন্তু এক্ষণে তৎসম্বন্ধে পাঁচসহস্র বৎসরের শত শত গুণ বৎসর ধরিতে হইবে। যাহারা Oligocene এবং Miocene যুগে মানবের আবির্ভাব অসম্ভব মনে করেন না, তাঁহারা যে Pliocene (বহুধাধুনিক) যুগে মানবের আবির্ভাব বিশ্বাস করিবেন, তাহা সহজেই অনুমেয়। নিম্নোক্ত পিল্টডাউন নামক স্থানে মানবের যে কয়েকটি আবিষ্কৃত হইয়াছে তৎসম্বন্ধে ডাক্টর কীথ বলেন:—"Dr. Dawson and Dr. Smith, Woodward were ultra-cautious in assigning

a Pleistocene date to the remains found at Piltown. All the evidence seems to point to a Pliocene age." (P. 315)। পূর্বে তিনি অস্তুত্র বলিয়াছেন:—"When Dr. Smith Woodward assigns the Piltown remains to an early phase of the Pleistocene epoch, we may in the present state of our knowledge, suppose them to refer to a time which is removed about half a million years from the present" (p. 308) অর্থাৎ পিল্টডাউন নামক স্থানে যে মানবের কয়েকটি আবিষ্কৃত হইয়াছে, সেই মানব বর্তমান সময় হইতে প্রায় পাঁচ লক্ষ বৎসর পূর্বে আবিষ্কৃত হইয়াছিল। এই মানবের মানসিক বিকাশ সম্বন্ধে ডাক্টর কীথ নিম্নলিখিত মন্তব্য লিপিবদ্ধ করিয়াছেন—"If then, we find a fairly large brain in the Piltown man, with an arrangement and development of convolutions very unlike those of modern man, we shall be justified in drawing the conclusion that, so far as potential mental ability is concerned, he had reached the modern standard. We must always keep in mind that accomplishments and inventions which seem so simple to us were new and unsolved problems to the pioneers who worked their way from a simian to a human estate" (p. 401)।

যদি ইয়োরোপের এক কোণে পাঁচলক্ষ বৎসর পূর্বে বর্তমানকালের মানবের স্তায় প্রাচীন মানবের মানসিক বিকাশ সম্ভাব্য হইয়াছিল, তাহা হইলে ততকালপূর্বে ভারতীয় আর্য্যগণেরও যে সেইরূপ বা ততোধিক মানসিক বিকাশসাধন হইয়াছিল, ইহা মনে করা কি অসম্ভব?

ডাক্টর কীথ অস্তুত্র বলিয়াছেন:—"In mid-Pleistocene times, the brain of Neanderthal man, in point of size, was equal to that of contemporary form of modern man. His culture, that of the Mousterian age, was not a low one (p. 503) অর্থাৎ বর্তমান মানুষের স্তায় অত্যাধুনিক যুগের মধ্যভাগের নেয়ান্ডারথাল নামক মানুষগণেরও মস্তিষ্ক আকারে তুল্য ছিল, এবং তাহাদের সভ্যতা নিতান্ত নিম্নই ছিল না।

Pleistocene (অত্যাধুনিক) যুগে আধুনিক মানবের পূর্বপুরুষগণ যে আবিষ্কৃত হইয়াছিলেন ইহা সর্ববাদীসম্মত। ওয়াড্ডিরা তাঁহার Geology of India (1919) নামক গ্রন্থে বলিয়াছেন:—"As in other parts of the world, the pleistocene in India also is distinguished by the presence of Man, and is known as the human epoch" (p. 269) অর্থাৎ অত্যাধুনিক যুগে পৃথিবীর অন্যান্য অংশের স্তায় ভারতেও মানবের আবির্ভাব হইয়াছিল এবং ইহা মানবীয় যুগ নামে অভিহিত।

রেভারেন্ড ই ও জেম্ন্স তাঁহার "Introduction to Anthropology" (1919) নামক গ্রন্থে বলিয়াছেন যে মধ্যযুগিক যুগেও মানবের আবির্ভাব হইয়াছিল:—"There are forms (of palaeolithic implements) that have been discovered in the upper-Miocene which shows signs of regular chipping only explicable when regarded as the result of human workmanship" (p. 69)। অত্যাধুনিক (Pleistocene) যুগ, যে মানবীয় যুগ, তৎসম্বন্ধে তাঁহার কোনও সন্দেহ নাই:—"The geologist divides the earth's strata into definite ages of which the earliest to contain indisputable evidence of human remains is the pleistocene period" (p. 27)। অতীত তিনি বলিয়াছেন:—"The Palaeolithic period of archaeology corresponds roughly to the Pleistocene of the geologist while the pre-palaeolithic or Eolithic Period extended far back into the Tertiary Era" (p. 18)। এই অত্যাধুনিক যুগে প্রাচীন মানব কিকপ উন্নতি সাধন করিয়াছিল, জেম্ন্স তাহাও বলিয়াছেন:—"It may be reasonably supposed that clothing like cave-dwelling was one of the arts of life learnt by man in the Pleistocene—probably early in the Mousterian phase" (p. 98)। অর্থাৎ মানব অত্যাধুনিক যুগে গুহাতে বাস ও বস্ত্র বয়ন করিতে শিক্ষা করিয়াছিল। এই যুগে প্রাচীন মানব অগ্নির ব্যবহারও জানিত—"In the early Pleistocene there is evidence of its (fire's) existence, as, for example, in the hearths discovered in the Mousterian sites" (p. 98)। চক্ৰমকি ক্রীকিয়া অথবা দুইখানি শুষ্ক কাঠ ঘষণ করিয়া প্রাচীন মানব অগ্নি উৎপাদন করিত। ঋগ্বেদেও অগ্নিকে প্রস্তুতের পুত্র বলিয়া বর্ণনা করা হইয়াছে (১০।২০।৭) এবং দুইটি অরণি ঘষণ করিয়া অগ্নি উৎপাদন করার উল্লেখও আছে। ঋগ্বেদের যুগের আখ্য মনুসাগণ মেঘলোনের বস্ত্র বয়ন করিত (১০।২৬।৬) এবং বক্ষলও ব্যবহার করিত। নব্যপ্রস্তরায়ুযুগের মনুসোয় স্ত্রায় প্রাচীন আর্ধ্যগণও সুস্মাগ্র শস্তসমূহ তীরের ফলক রূপে ব্যবহার করিত এবং জীবজন্তুর সূদৃঢ় অস্থিমূহ অস্ত্ররূপে ব্যবহার করিত। দধীচির অস্থি হইতে ইন্দ্রের বজ্র প্রস্তুত হইয়াছিল, তাহা সকলেই জানেন। এই দধীচির অস্থিও থাকায় (১।৮৪।৩; ৬।১১৬।১২), অনেকে অনুমান করেন যে অগ্নিস্থিত পূর্বকালে অস্ত্ররূপে ব্যবহৃত হইত। ঋগ্বেদে চর্মের আচ্ছাদন এবং চর্মের নানাবিধ পাত্রের উল্লেখ আছে। কাঠময় পাত্রেরও বহু উল্লেখ আছে। এইসমস্তই যে নব্যপ্রস্তরায়ুযুগের সভ্যতার নিদর্শন, তৎসম্বন্ধে সন্দেহ নাই। অতএব ঋগ্বেদের আর্ধ্যগণকে Pleistocene বা অত্যাধুনিক যুগের মানব বলা যে অসম্ভব ও অসঙ্গত হইয়াছে তাহা নহে।

"রাজপুতানা সমুদ্র" সম্বন্ধে বলিতে গিয়া দীয়েন্দ্র-বাবু বিজয়গিরি কোন সময়ে সমুদ্রগর্ভে ছিল, তাহার উল্লেখ করিয়াছেন। এইরূপ উল্লেখের তাৎপর্য্য কি বুঝিতে পারিলাম না। আমি লিখিয়াছি বিজয়া বা আরাবনী পর্বতের পাদমূলে "রাজপুতানা সমুদ্র" তৃতীয়ক (Tertiary Era) যুগে বর্তমান ছিল। যে কারণে হুটক, এই সমুদ্র বিস্তৃত বা সমুদ্রতল উত্থিত হইয়া সঙ্কুচিত হইয়াছিল হইলেও মধ্যে মধ্যে ইহার অধিকাংশ বা কিয়দংশ আয়বমহাসাগর দ্বারা আক্রান্ত হইয়া সহস্র সহস্র বৎসর জলমগ্ন থাকিত। জলমগ্ন থাকার কালে ইহাকে সমুদ্র ভিন্ন অস্ত্র কিছুই বলা হইত না, ঋগ্বেদে সরস্বতী নদী হিমালয়

হইতে সমুদ্রে নিপতিত হইতেছে, এইরূপ উল্লেখ থাকার স্পষ্টই বুঝা যাইতেছে যে সেই সময়ে রচনার সময়ে রাজপুতানার অধিকাংশ বা কিয়দংশ সমুদ্রের অন্তর্গত ছিল।

অত্যাধুনিক যুগের মানব ও মানবসভ্যতা সম্বন্ধে উপরে যে-সমস্ত প্রমাণ দেওয়া হইল, তদ্বারা পূজ্যপাদ ঋষিগণের মানবত্ব ও ঋষিদের যে কোনও প্রাণি ও হানি হইবে না, তৎসম্বন্ধে দীয়েন্দ্র-বাবু নিশ্চিত থাকিতে পারেন। ঋগ্বেদের কোনও কোনও মন্তব্য রচনা যে অসম্মতিক বধ পূর্বে হইয়াছিল এবং আর্ধ্যমানবের প্রাচীনত্ব যে লক্ষ লক্ষ বৎসরেরও অধিক, তাহা পূর্বেও বলিয়াছি এবং এখনও বলিতেছি।

শ্রীঅবিনাশচন্দ্র দাস।

উদ্ভিজ্জের চেতনা ও "ভারতশ্রমজীবী"

আখিনের প্রবাসীতে উদ্ভিজ্জের চেতনা সম্বন্ধে যে দুইটি প্রবন্ধ বাহির হইয়াছে, তাহা পড়িয়া সুখী হইলাম। তৎসমস্ত যে প্রাণ আছে—অনুভূতি আছে—হিতাহিত-বিবেচনা-শক্তি আছে—তাহা অতি সুপ্রাচীন কাল হইতে ঋষিগণ, মনীষীগণ ও জ্ঞানীগণ নানা প্রকারে জ্ঞাত ছিলেন। তবে, সকলের জ্ঞান সমান ভাবে স্পষ্ট না থাকিতে পারে; কাহারো বা জ্ঞান কল্পনা বিমিশ্রিতও হওয়া অসম্ভব নহে। কিন্তু বৃক্ষলতার প্রাণ, অনুভূতি ও হিতাহিত-বিবেচনা যে আছে তাহ পাশ্চাত্য পণ্ডিতগণের মধ্যেও যে একেবারে ধরা পড়ে নাই, তাহা বলা যায় না। ডারউইনের Origin of Species গ্রন্থ, তাঁহার Fertilization of Orchid বই এবং গ্রাণ্ট এলেনের Sagacity and Wisdom of Plants নামক কেতাব প্রভৃতি পড়িয়া কি এ কথা বুঝা যায় না? কিন্তু এইসব বই পড়িয়া ও সংস্কৃত পুঁথি পড়িয়া এক রকম বুঝা, আর, স্ত্রার জগদীশের পরীক্ষা দেখিয়া আর এক রকম বুঝা। উভয়ে তফাৎ অনেক। উল্লিখিত বই ও পুঁথি পড়িয়া আমরা আসামানে থাকি—ভাবি, খুব সম্ভব; কিন্তু পরীক্ষা দেখিয়া আমরা বুঝি যে কঠিন জমীনে দাঁড়াইয়া, ও বলিতে হয় "নিশ্চয়ই।" ১৮৮৫-৮৬ সালে স্ত্রার জগদীশ উদ্ভিজ্জ সম্বন্ধে পরীক্ষা-কার্য্যে হাত দিয়াছিলেন কিনা জানি না; কিন্তু সে সময় তাঁহার এ বিষয়ে কোন লেখা বাহির হয় নাই। সেই সময়কার "ভারতশ্রমজীবী" নামক সচিত্র মাসিক পত্রিকায় উদ্ভিজ্জের প্রাণ ও হিতাহিত-বিবেচনা-শক্তি সংক্রান্ত প্রবন্ধ বাহির হইয়াছিল; তাহাতে লতা ও গুল্ম সংক্রান্ত কয়েকটি পরীক্ষার কথা বিবৃত হইয়াছিল, এবং মহাত্মার তের শাস্তি পূর্বে ভীষ্ম এ সম্বন্ধে যাহা বলিয়াছেন তাহা অতি সুস্পষ্ট বলিয়া তাহা উদ্ধৃত করা হইয়াছিল। আপনার প্রবন্ধকারেরা শাস্তিপূর্বক হইতে উদ্ধৃত করেন নাই। কিন্তু বৃক্ষলতার যে হিতাহিত-বিবেচনা আছে—কোন কার্য্য হিতদর এবং কোন কার্য্য গহিত তাহা বুঝিবার যে সামর্থ্য আছে—তাহা ভীষ্ম অতি বিশদভাবে ব্যক্ত করিয়া গিয়াছেন।

শ্রীশশিভূষণ বিখাস।

ন্যায়-বৈশেষিক দর্শনে বৃক্ষাদির সজীবত্ব

গত আখিন মাসের "প্রবাসী"তে "উদ্ভিজ্জ চেতনা" ও "উদ্ভিজ্জ চেতনা" এই নামে দুইটি প্রবন্ধ বাহির হইয়াছে। ভারতীয় দর্শন-শাস্ত্রে বৃক্ষাদির সজীবত্ব সম্বন্ধে যে আলোচনা আছে, প্রথম প্রবন্ধে তাহার কোনও উল্লেখ নাই, দ্বিতীয় প্রবন্ধেও কেবল সাংখ্যদর্শন হইতেই তিনটি পুঁথি উদ্ধৃত হইয়াছে। বৃক্ষলতাদির সজীবত্ব সম্বন্ধে স্ত্রায়-বৈশেষিক দর্শনে যে আলোচনা আছে, তাহা প্রচারিত হওয়া উচিত, এই উদ্দেশ্যে এই ক্ষুদ্র নিবন্ধের অবতারণা।

আচার্য্য উদয়ন, প্রশস্তপাদ ভাষ্যের টীকা 'কিরণাবলী' গ্রন্থে লিখিয়াছেন, বৃক্ষের যখন জীবন, মরণ, স্বপ্ন, জাগরণ, রোগ, চিকিৎসা প্রভৃতি আছে, তখন মনুষ্যাদির শরীরের দৃষ্টান্তে তাহার সজীবতাই সিদ্ধ হয়; বৃক্ষাদির সজীবত্ব সম্বন্ধে আরও প্রমাণ এই যে, মাধবীলতা নিজের অনুকুল মনে করিয়া সহকারতরুকেই অবলম্বন করে—কটক-বৃক্ষকে কখনও আশ্রয় করে না। মূলে জলসেক করিলে বা 'দোহদ' অর্পণ করিলে ফলপুষ্পাদি বর্ধিত হয়, এবং বৃক্ষের কোমল অংশ কাটিয়া কেলিলে ক্রমশঃ তাহা পরিপূর্ণি লাভ করে। ইহাতেই অনুভূত হয় যে, বৃক্ষের প্রাণ আছে (১)। বৃক্ষ যে সজীব, এ বিষয়ে বহু শাস্ত্রপ্রমাণও আছে, তাই উদয়নাচার্য্য শেষে লিখিয়াছেন,—“আগমশাস্ত্রার্থে বহুতরোহনসম্বন্ধঃ।”

উদয়নাচার্য্য যে গ্রন্থের ব্যাখ্যাসময়ে বৃক্ষের সজীবত্ব প্রমাণ করিবার জন্য প্রমাণ পাইয়াছেন, সেই প্রশস্তপাদ ভাষ্যে কিন্তু মনুষ্যাদির শরীরের স্থায় বৃক্ষও যে শরীর, ইহা স্পষ্ট উল্লিখিত হয় নাই। ভাষ্যে বরং বৃক্ষলতাদি স্থাবর পদার্থকে 'বিষয়ের' অন্তর্ভুক্তরূপে গণনা করা হইয়াছে (২)। ভাষ্যকার প্রশস্তপাদাচার্য্য, শরীর নিরূপণের সময়ে বৃক্ষের উল্লেখ না করায় উদয়ন লিখিয়াছেন যে (৩), মনুষ্যাদির শরীরের স্থায় বৃক্ষও যখন শরীর, তখন এইখানেই তাহার উল্লেখ করা উচিত ছিল, কিন্তু বৃক্ষের চৈতন্য অতি অক্ষুট, এইজন্যই বিষয়ের অন্তর্ভুক্তরূপেই ব্যাখ্যা করিয়াছেন। এক পদার্থের অন্তর্ভুক্ত বস্তুও যে ভাষ্যকার পৃথক ব্যাখ্যা করিয়াছেন, উদয়ন তাহার কতকগুলি দৃষ্টান্তও দেখাইয়াছেন। উদয়নের এই আত্মপক্ষসমর্থনের চেষ্টা দেখিয়া মনে হয়, বৃক্ষাদিও যে শরীর, এ সিদ্ধান্ত, তাহার পূর্বে স্থায়-বৈশেষিক দর্শনে ছিল না—তিনি একটা নূতন মত প্রচারের আয়োজন করিয়াছেন। ভাষ্যের অন্ততম টীকাকার উদয়নের পূর্ববর্তী শ্রীধরাচার্য্য শরীর নিরূপণের ব্যাখ্যাসময়ে বৃক্ষশরীরের উল্লেখ করেন নাই, প্রত্যুত আত্ম-নিরূপণের প্রস্তাবে বৃক্ষকে সজীব নহে, ইহাই প্রতিপন্ন করিয়াছেন (৪)। শ্রীধরের মতে বৃক্ষ যে বৃদ্ধিপ্রাপ্ত হয় এবং তাহার ছিন্ন বা ভগ্ন অংশ যে পুনর্বার গঠিত হয়, ঐখরই তাহার প্রতিকারণ। তার পর, উদয়নাচার্য্য অপেক্ষা বহু প্রাচীন বাচস্পতিমিশ্র এবং জয়স্বভট্টও যে বৃক্ষের সজীবত্ব স্বীকার করিতেন না, তাহা “ন্যায়বার্তিক তাৎপর্থা-টীকা” ও “স্থায়মঞ্জরী” দেখিলেই বুঝিতে পারা যায় (৫)। কিন্তু

(১) “বৃক্ষাদয়ঃ প্রতিনিয়ত ভোক্তৃধিক্তিতা জীবন-মরণ-স্বপ্ন-জাগরণ-রোগ-শেষজপ্রয়োগ-সজাতীয়ানুবন্ধকুলোপগম প্রতিকূলাপগমাদিত্যঃ, অসিদ্ধশরীরবৎ। ন বৈ তে সন্দিকাসিদ্ধাঃ আধ্যাত্মিক বায়ুদমকাৎ সোহপি মূলে নিষিক্তানামপাং দোহদস্ত চ পার্থিবস্ত ধাতোরভ্যাদানাৎ। তদপি বৃদ্ধিভগ্নকৃতসংরোহণাভ্যামিতি।”—কিরণাবলী, ৫৮ পৃঃ।

(২) “বিষয়স্ত দ্ব্যুকাদিক্রমেণারকপ্রবিধো মূৎপাখাণস্থাবরলক্ষণঃ। স্থাবরাভূগৌষধি-বৃক্ষলতাবতান বনস্পত্যঃ।”—প্রশস্তপাদ-ভাষ্য, ২৮ পৃঃ।

(৩) “যদ্যপি চোদ্ভিদোহপি বৃক্ষাদয়ঃ শরীরভেদতয়া অত্রৈব ব্যাখ্যাতুচ্চিতাঃ, তথাপ্যন্তঃসংজ্ঞতয়া... বিষয়তাং নিবন্ধনু তেদোস্তর্ভাব্য ব্যাখ্যাস্তে।”—কিরণাবলী, ৫৭ পৃঃ।

(৪) “বৃক্ষাদিপতেন বৃক্ষাদিনা ব্যষ্টিচার ইতি চেন্ন তস্যাপীখর-কৃতত্বাৎ। ন তু বৃক্ষাদয়ঃ সাস্রকাঃ বৃক্ষাদ্র্যাপাদনসমর্থস্য বিশিষ্টাস্র-সম্বন্ধস্যাভাবাৎ।”—কন্দলী, ৮৩ পৃঃ।

(৫) “চেষ্টা-ব্যাপারঃ স চাতিব্যাপকতয়া অব্যাপকতয়া চ ন লক্ষণং বৃক্ষাদিবু ভাধাৎ অভাবাচ্চ পাখাণমধ্যবর্তি-মণ্ডুকাদি-শরীর ইতি ভাবঃ।.....প্রযুক্তস্যোৎপাদিতস্ত ন ব্যাপার মাত্রং চেষ্টা হস্তি-

মহাৰ্ধ পৌতম যে সূত্র করিয়াছেন [“চেষ্টেক্রিয়ার্থাশ্রয় শরীরম্। ১।১।১।”, সেই সূত্রানুসারে বৃক্ষও যে জীববিশেষের ভোগ্যতম শরীর, তাহা যেন স্পষ্টই বুঝিতে পারা যায়। যাহার চেষ্টা আছে, তাহাই শরীর। ক্রিয়ামাত্রই চেষ্টা নহে, তাহা হইলে ঘটাদি পদার্থও শরীর-লক্ষণের লক্ষ্য হইয়া পড়ে। তবে ‘কা পুনরিয়ং চেষ্টা?’ উত্তরে উদ্যোতকর বলিয়াছেন,—“হিচাহিতপ্রাপ্তি পরীহারার্থঃ স্পন্দঃ।” হিতের প্রাপ্তি এবং অহিতের পরিহারের নিমিত্ত কৃতপ্রযত্ন ব্যক্তির যে ক্রিয়া, তাহাই চেষ্টা। স্থাংভাষ্যে বাৎস্তায়নও এই কথা বলিয়াছেন। ঐদৃশ ক্রিয়া ঘটাদি পদার্থে না থাকিলেও বৃক্ষে তাহার প্রমাণ নাই। স্পষ্টই দেখিতে পাওয়া যায়, বৃক্ষ লতা দ অনুকুল আশ্রয়কেই অবলম্বন করে। এইজন্য বাচার্য্য উদয়ন বৃক্ষের সজীবত্ব সিদ্ধির প্রমাণে লিখিয়াছেন,—“অনুকুলোপগম প্রতিকূলাপগমাদিত্যঃ।” চেষ্টার স্থায় ইন্দ্রিয় এবং অর্থও বৃক্ষশরীরে আছে। লজ্জাবতী লতার যে ভূগিন্দ্রিয় আছে তাহা প্রত্যক্ষসিদ্ধ। ‘অর্থ’ শব্দের অর্থ, সুখ দুঃখ। বৃক্ষেরও সুখ দুঃখ আছে। “চেষ্টেক্রিয়ার্থাশ্রয়ঃ শরীরম্” (১।১।১) এই সূত্রের বৃত্তিতে বিখ্যাত লিখিয়াছেন,—“বৃক্ষানৌ সুখ-দুঃখ-স্বীকারান্নাব্যাপ্তিঃ।”—বৃক্ষাদিতে সুখ দুঃখ আছে, কাজেই তাহা শরীর-লক্ষণের অলম্ব্য হইল না। বৃক্ষের যে দুঃখ আছে, তাহা দুর্গা-পূজার একটি মন্ত্রপাঠেও জানিতে পারা যায় (৬)।

জৈন দার্শনিকেরা বৃক্ষের সজীবত্ব স্বীকার করেন। তাহাদের মতে জীব দ্বিবিধ—ক্রম ও স্থাবর। বৃক্ষ, স্থাবর জীবের অন্তর্ভুক্ত। উমাম্বারী লিখিয়াছেন,—“পৃথিব্যপ্তেজোবাণুবনস্পত্যয়ঃ স্থাবরাঃ।”—

তদ্বার্থসূত্র, ২:১৩

সূত্রের ব্যাখ্যায় অকলঙ্কদেব বলিয়াছেন,—“পৃথিবীকায়াদয়ঃ সন্তি তদুদয়নিমিত্তা জীবেষু পৃথিব্যাদয়ঃ সংজ্ঞা বেদিতব্যঃ” (রাজ-বার্তিক, ৮৮ পৃঃ)। জৈন মতে স্থাবর জীবের স্পর্শনেশ্রয় ছাড়া অন্য কোনও ইন্দ্রিয় নাই (৭)।

শ্রীহরিহর শাস্ত্রী।

রবীন্দ্রনাথের বক্তৃত্তা ও খুলনা-ভূভিক্ষে সাহায্য

কার্তিক মাসের ‘প্রবাসী’র ১১১ পৃষ্ঠার দ্বিতীয় স্তম্ভে “দেশবিদেশের কথা”র অন্তর্গত “বাংলা” শীর্ষক অংশে লিখিত হইয়াছে যে কলিকাতা ইউনিভার্সিটি ইন্সটিটিউটে প্রদত্ত রবীন্দ্রনাথের বক্তৃত্তার দৰ্শন “পনর শত মতাপি দু বিশিষ্টো ব্যাপারঃ স চ ন বৃক্ষাদিপ্ত্যুতি নাতিব্যাপকতা।”— তাৎপর্থাটীকা, ১৪৮ পৃঃ।

“নহু চেষ্টা ক্রিয়া ক্রিয়াবৎ চ সত্যপি ন বৃক্ষানোং শরীরত্ব-মিত্যতিব্যাপাং লক্ষণং বিশিষ্ট চেষ্টাপ্রযত্নস্ত বিশিষ্ট প্রমেয়লক্ষণ প্রক্র-তোহবসৌয়মানত্বাৎ।”—স্থায়মঞ্জরী, ৪৭৪ পৃঃ।

(৬) বিল্ববৃক্ষ মহাভাগ সদা ত্বং শঙ্করপ্রিয়ঃ।

গৃহীত্বা তব শাখাঞ্চ দেবীপূজাং করোম্যহং ॥

শাখাচ্ছেদোদ্ভবং দুঃখং ন চ বাধ্যং ত্বয়া প্রভো।

দেবৈর্গৃহীত্বা ত্বংশাখাং পূজ্যা দুর্গেতি বিস্কতিঃ ॥

—কালিকা-পুরাণ।

(৭) “উক্তানামিত্রিয়াণাং প্রতিনিয়তবিষয়াণাং স্বামিত্বনির্দেশে কর্তব্যো যৎ প্রথমং গৃহীতং স্পর্শনং তস্ত তাবৎ স্বামিত্বাবধারণার্থমাহ— “বনস্পত্যস্তানামেকম্।”—তদ্বার্থসূত্র, ২:২১। একং প্রথমমিত্যর্থঃ। কিং তৎ? স্পর্শনম্।”—সর্বার্থসিদ্ধি, ১৭০-৭১ পৃঃ।

টাকা উঠিয়াছে।" এই সংবাদ 'কাশীপুর-মিবাসী' হইতে উদ্ধৃত হইয়াছে। ইহা সত্য নহে। রবীন্দ্রনাথ কলিকাতার দুটি সাধারণ বক্তৃতা প্রদান করিয়াছিলেন এবং এতদ্ব্যতীত সঙ্গীতসম্বন্ধে, জাতীয় শিক্ষাপরিষদ প্রভৃতি কয়েকটি প্রতিষ্ঠানের দ্বারা অভ্যর্থিত হইয়া বক্তৃতা দিয়াছিলেন। সঙ্গীতসম্বন্ধে মঙ্গলসের দিন বক্তৃতা প্রদান কালে তিনি জানান যে ঐদিন টিকিট বিক্রয়ের দরুন পনের শত টাকা উঠিয়াছে এবং ঐ টাকা খুলনা দুর্ভিক্ষভাণ্ডারে দেওয়া হইবে। সংবাদপত্রটি সম্ভবতঃ এই টাকার উল্লেখ করিতেছে। যে বক্তৃতার টিকিট বিক্রয়ের টাকা খুলনা দুর্ভিক্ষভাণ্ডারে দেওয়া হইয়াছে, তাহা ১৮ই আগষ্ট অ্যাপ্রুভ্‌ থিয়েটারে প্রদত্ত হয় এবং তাহার দরুন পনের শত টাকা নহে ৬৬০।০ উঠিয়াছিল। এ সম্বন্ধে ২৭শে আগষ্টের "হিন্দুস্থানে" আমার পত্র দ্রষ্টব্য। ইতি

শ্রীপ্রদ্যোতকুমার সেনগুপ্ত।

বাঙালীর ইতিহাস

একজন বড় পণ্ডিতের নিকটে হয়ত এই সাহিত্যিক প্রশ্ন বা রীতি অতি কঠোর, যে একজন সাধারণ লোকেও তাঁহার নিজের জানা কোন তথ্যের কথা আগে লিপিয়া ফেলিলে, নিজের মৌলিকতা গবেষণা চাপিয়া পরের কথা স্বীকার করিতে হয়। নব্যভারত ছাড়া "প্রবাসী"তেও "বহির্ভারত" প্রবন্ধে বাংলা জাতির কথা ছিল, ও

সেই প্রবন্ধ ১৯১০ খৃষ্টাব্দে "প্রাচীন-সভ্যতার" পুনর্মুদ্রিত হইয়াছিল। এসকল লেখার একটিও বিদ্যাভূষণ মহাশয়ের চোখে পড়ে নাই বটে, তবে একটা বিষয়ে তাঁহার একটুখানি স্মৃতি-বিজ্ঞাট ষটিয়াছে। ১৯১৮ খৃঃ অব্দে বিশ্ববিদ্যালয়ে ঐ বিষয়ে বক্তৃতা হইবার পর, বক্তৃতাটি ঢাকা-রিভিউ পত্রে মুদ্রিত হইয়াছিল; শ্রীযুক্ত প্রভাতকুমার গঙ্গোপাধ্যায় বি-এল, আমাকে সেই সময় বলিয়াছিলেন যে বিদ্যাভূষণ মহাশয় আমার ঐ বক্তৃতাটির ও অন্ত্যস্ত বক্তৃতার সমালোচনা করিবেন। ও প্রসঙ্গে এই পঞ্চাশই যথেষ্ট, কারণ অধিক কথায় বৃথা বিবাদের সৃষ্টি হয়।

বিদ্যাভূষণ মহাশয় তামিলকম্ রাজ্যের ইতিহাসাদির সম্বন্ধে বড় বড় লোকের ভাল ভাল গ্রন্থের নাম করিয়াছেন; 'কিন্তু ঠিক' এই কথাটি ঐ গ্রন্থে নাই, যে—"বঙ্গদেশের পঙ্গল-তেরীয়র জাতি মাত্রাজ অঞ্চলে গিয়া আবাস ও রাজস্ব স্থাপন করিয়াছিল।"

শিল্পপণ্ডিতকরন্ অতি উৎকৃষ্ট গ্রন্থ বটে কিন্তু উহাতে দূর সম্পর্কেও উক্ত বিষয়ের উল্লেখ নাই। পরলোকগত পিলে মহাশয় রচিত "১৮০০ বৎসর পূর্বের তামিল দেশের কথা" গ্রন্থখানিতে বহু জাতির উল্লেখ আছে, ও অনেক ইতিহাসিক তথ্য আছে; কিন্তু সে গ্রন্থেও উক্ত বিষয়টি নাই। যাহা হউক সুপণ্ডিত বিদ্যাভূষণ মহাশয় ঐ বিষয় আমার গ্রন্থে পড়িবার পূর্বেই অল্প কোন গ্রন্থে পড়িয়া থাকিবেন; তবে গ্রন্থখানির নাম তাঁহার স্মরণ না থাকিতে পারে।

• শ্রীবিজয়চন্দ্র মজুমদার।

অমৃত-পিয়সা

পথের ধারে ওই যে অশথ-গাছে
এখনো তার নামটি লেখা আছে।
পথিক বালক দাঁড়িয়ে শীতল ছায়ে
রাখলে ঐকে নামটি গাছের গায়ে।
পথের লোকে সর্ববে লেখা দেখে
তাই সে আহা নামটি গেছে রেখে।

এ নম্ব খেলা, আমোদ করে লেখা,
যেথায়-সেথায় পাই যে ইহার দেখা,—
কেউ পিরামিড, কেউ বা মিনার গাঁথে,
কেউ বা লেখে তাম্র পুঁথির পাতে,
এক পিপাসা একই আবেগভরে
কেউ বা পুতুল কেউ বা মঁহল গড়ে।

কেউ লেখনী কেউ তুলিকা ধরি
নামটি চাঙে রাখতে অমর করি।
তপ করে কেউ এ বর শুধু মাগি,
মথন করে সিদ্ধ ইহার লাগি।
ইহার লাগিই বৃদ্ধ দেবাসুরে,
ইহার তৃষাই জাগুছে ভুবন জুড়ে।

নানব কেন ছাড়বে, আমি ভাবি,
অমৃতে তার জন্ম হতে দাবী।
সুদার ক্ষুধাই, জাগুছে যে ওই দাগে,
মহুনেরি চেউটি বুক লাগে।
আদিম তৃষা মিটবে নরের কিসে,
দাবীর কথা রক্তে আছে মিশে।

শ্রীকুমুদরঞ্জন মল্লিক।



আন্তর্জাতিক নারী-সম্মিলন

অত্যন্ত অনেক প্রচেষ্টার ত্রায় নারী-প্রচেষ্টাটিও দিনদিন আন্তর্জাতিক হইয়া উঠিতেছে। বহুদেশের রমণীগণ মিলিত হইয়া যাহাতে আপনাদের একতা ও ভিন্ন সভা অনুভব করিতে পারেন এবং সেই অনুসারে আপনাদের কর্তব্য নির্ধারণ করিবার সুযোগ পাইতে পারেন তাহারই কিছু কিছু আয়োজন চলিতেছে রাশিয়াতে। ১৯২০ খৃষ্টাব্দে জুলাই মাসে সর্বপ্রথম এরূপ একটি সম্মিলনের আয়োজন করা হইয়াছিল। সেই সময় রাশিয়াতে পৃথিবীর গণতান্ত্রিকদের একটি সভা হয়। তাহাতে ঠিক হইয়াছিল পুরুষদের ত্রায় পৃথিবীর নারীদেরও গণতন্ত্রবাদে দীক্ষিত করিয়া তুলিতে হইবে যাহাতে তাঁহারাও জীবনযুদ্ধে গণতান্ত্রিকদের মত ধনিকদের বিরুদ্ধে অস্বধারণ করিতে পারেন। সেই অনুসারে সর্বপ্রথম নারী-সভাটি ডাকা হয়। সেখানে স্থির হইয়াছিল একটি আন্তর্জাতিক নারীসভা স্থাপন করা। জার্মানী-নিবাসী শ্রীমতী ক্লারা জেট্‌কিন তাহার সম্পাদক নিযুক্ত হইলেন এবং শ্রীমতী আলেক্সান্দ্রা কোল্লোন্টাই হইলেন তাঁহার সহকারিণী। শ্রীমতী ক্লারা জেট্‌কিন জার্মান রাইক্‌স্ট্যাগ বা ব্যবস্থাপক সভার সভ্য। তাঁহার বয়স এখন ৬৫ বৎসর, কিন্তু তিনি এখনও খুব উদ্যমশীলা আছেন। জার্মানীতে তিনি বহুবৎসর ধরিয়া গণতান্ত্রিক আন্দোলনের জন্ত পরিশ্রম করিতেছেন। শ্রীমতী কোল্লোন্টাই একজন রুশ, রাশিয়ার বিপ্লবে ইহার হাত বিস্তর। লেনিন ও ট্রোৎস্কিকে বিপ্লব-সময়ে তিনি অনেক বিষয়েই সাহায্য করেন। রাশিয়ার অনহিত বিভাগের তিনিই সর্বপ্রথম নারা পরিদর্শিকা পদে নিযুক্ত হন। তাহা ছাড়া অনেক মনোবাসুস্পন্ন রমণীও এই সম্মিলন সভ্য নিযুক্ত হইয়াছেন। শ্রীমতী জি লিলিনা, শ্রীমতী ক্রপ্তস্কায়া ও ফ্রান্সের তিস্তাশীল ঔপন্যাসিক শ্রীযুক্ত রোম্যা রোলার ভগ্নী রোল। হল্ট্‌, তাঁহাদের মধ্যে কয়েকজন। শ্রীমতী লিলিনা এই সম্মিলন একজন বিশেষ উদ্যমশীলা সভ্য। তিনি আন্তর্জাতিক গণতান্ত্রিকদের কার্যনির্বাহ সভার

সভাপতি শ্রীযুক্ত গ্রাগরী সিনোভিতের স্ত্রী। শ্রীমতী ক্রপ্তস্কায়া জগৎবিখ্যাত লেনিনের স্ত্রী। তিনি রাশিয়ার শিক্ষাবিভাগের কর্তৃপদে নিযুক্ত হইয়াছেন।

সম্প্রতি এই সম্মিলন চেষ্টার রাশিয়ার মস্কো নগরে আন্তর্জাতিক নারীসভার দ্বিতীয় অধিবেশন হয়। ২ই জুন হইতে ১৫ই জুন পর্যন্ত এই কনফারেন্সের বৈঠক বসে। ২৮টি দেশ হইতে ৮২ জন প্রতিনিধি আসিয়াছিলেন। চীন, বোথারা, আমেরিয়া প্রভৃতি দেশগুলিও বাদ যায় নাই। নানা দেশ হইতে নানা ভাবে ও নানা পোষাকে তাঁহারা এ সভায় যোগদান করিতে আসিয়াছিলেন। প্রতিনিধি ছাড়াও আরও অনেকে দর্শক রূপে সভায় আসিয়াছিলেন, তাঁহাদের মধ্যে পুরুষেরাও ছিলেন। একদল ভারতীয় বিপ্লব-বাদীও সেখানে গিয়া হাজির হইয়াছিলেন।

সভাটি খুব সমারোহ সহকারে আরম্ভ হয়। ট্রোৎস্কি প্রভৃতি রাশিয়ার গণতান্ত্রিক শাসনকর্তারা অনেকেই এই সভায় আসিয়াছিলেন এবং এই সভার উদ্দেশ্যের সঙ্গে আপনাদের সহানুভূতি জানাইয়া গিয়াছেন। জানাইবারই কথা। কারণ, সভাটি তাঁহাদের উদ্যোগেই আহূত হইয়াছিল, এবং একরকম বলিতে গেলে ইহা রাশিয়ার গণতান্ত্রিকদেরই একটি খণ্ড প্রচেষ্টা। রাশিয়ার বিপ্লবে রমণীদের হাত অনেকটা। সে কথা অনেক বড় বড় রাজকর্মচারীরাও এ সভায় স্বীকার করিয়াছেন। কেহ কেহ বলেন যে রমণী-রাও পুরুষদের সহিত অস্বধারণ করিয়াছিলেন বলিয়াই আজ রাশিয়াতে গণতন্ত্র স্থাপন সম্ভবপর হইয়াছে। সে-জন্ত রাশিয়ার গণতান্ত্রিক শাসনপ্রণালীতে রমণীর স্থান নেহাৎ কম নয়।

শ্রীমতী কোল্লোন্টাই সব কয়দিন সভানেত্রীর কাজ করিয়াছিলেন। জার্মানী, অষ্ট্রিয়া, উইক্রেন, তুরস্ক প্রভৃতি বহু-দেশের রমণীগণই সেই সভায় বক্তৃতা করিয়াছিলেন। বক্তৃতা-গুলি রুশ জার্মান ও ফরাসী ভাষায় অনুবাদিত হইয়াছিল। প্রতিদিন সভার আরম্ভে ও পরে উপস্থিত সকলে সম্মুখে আন্তর্জাতিক সঙ্গীতটি গাহিতেন।



আন্তর্জাতিক মহিলা সম্মেলনের নেত্রীগণ।

জি লিলিনা
সম্মেলনের কার্যনির্বাহক
সভার সভ্য।

ব্রারা জেটকিন
সম্মেলনের সম্পাদক, সামামূলক সমাজ-
ব্যবস্থাবাদীদের প্রতিনিধি—জার্মান রাইখ্‌স্‌টাগ।

মালেক্‌জান্না কোল্লোন্টাই
সম্মেলনের সহকারী সম্পাদক, সোভিয়েট গণতন্ত্র-
প্রজাহিতসাধন সমিতির প্রথম নারী অধ্যক্ষ।

সেখানকার সকলের বক্তৃতার মধ্যে এই কথাটাই বেশ স্পষ্ট হইয়া উঠিয়াছে যে ছই চারিটা অধিকার লাভেই নারীসমস্যা মীমাংসিত হইবে না। নারীসমস্যার মূল কথাটি ও যা, শ্রমিক-সমস্যারও তাই—সেটি হইতেছে ব্যক্তি-স্বাভাব্য ফুটাইয়া তোলা এবং স্ব-ইচ্ছানুবর্তী হইবার সুযোগ দেওয়া। ধনিক সম্প্রদায়ের তাঁবেদারীতে সমাজ ষতদিন থাকিবে ততদিন আর তাহা ঘটতেছে না। তাই শ্রমিকদের মতন নারীর এখন প্রধান কাজ—ধনিক-শাসিত সমাজের বিরুদ্ধ যুদ্ধ ঘোষণা—রাশিয়ার মতন দেশে দেশে গণতন্ত্রের স্থাপনা করা।

আন্তর্জাতিক নারীসম্মেলনটি গত বৎসরে কি কি কাজ করিয়াছেন তাহার একটি বিবরণী শ্রীমতী কোল্লোন্টাই পাঠ করেন। পৃথিবীর অন্যান্য দেশের নারীদের সহিত এই সম্মেলনের যোগ স্থাপন করার একটা কথা ছিল। কিন্তু গত

বৎসর যুদ্ধচলিতে থাকায় দেশদেশান্তরে যাতায়াতের অসুবিধায় তাহা ঘটয়া উঠে নাই। কিন্তু রাশিয়াতে ও পার্শ্ববর্তী গণতন্ত্র-গুলির মধ্যে তাঁহারা অনেক কাজ করিতে পারিয়াছেন। বিবরণীটির মধ্যে সেখানকার নারীদের বর্তমান অবস্থার পরিচয় বেশ ভাল করিয়াই দেওয়া হইয়াছে। রাশিয়ার বর্তমান গণতান্ত্রিক গণতন্ত্রে নারীশিক্ষার জন্ত যাহা করিতেছেন তাহারও একটি বিস্তৃত উল্লেখ আছে। কোল্লোন্টাই তাঁহার বিবরণী শেষ করিয়া কার্যপ্রণালী সম্বন্ধে কয়েকটি প্রস্তাব করেন। তিনি বলেন যে মেয়েদের প্রধান শত্রু তাঁহাদের উদাসীনতা, তাই তাঁহাদের এখন প্রধান কর্তব্য এই উদাসীনতাকে, এই জড়ত্বকে দূর করা। তাহার জন্ত তিনি বলেন, মানবের সকল প্রতিষ্ঠানগুলির মধ্যেই মেয়েদের সমানদাবীতে যাওয়া উচিত, বুদ্ধব্যাপারেও মেয়েদের বিরত হওয়া উচিত নয়, বরঞ্চ গণতান্ত্রিকেরা যে নূতন সমাজ

প্রতিষ্ঠাতে ব্রতী হইয়াছেন তাহাতে তাঁহাদের সশস্ত্র যোগ দেওয়া উচিত। মেয়েদের মাতৃত্বের দাবী শ্রীমতী কোলোনটাই ভুলিয়া যান নাই। তাই তাঁহার একটি প্রস্তাব এই মাতৃত্বকে সামাজিক কর্তব্যরূপে স্বীকার করা। প্রকৃতি নারীকে মানবজাতির ধাত্রী ও রক্ষণিত্রীরূপে যে বিশেষভাবে সৃষ্টি করিয়াছে তাহা ত ভুলিবার বিষয় নহে। তাঁহাদের এই বিশেষত্বের জন্ত তাঁহাদের কার্যকলাপের একটু বিশেষ ব্যবস্থাই করা হইয়াছে।

আবশ্যক। অনেকেই তাঁহার কথা সমর্থন করিয়াছেন। তাই ঠিক হইয়াছে যে ভিন্ন একটি সভায় প্রাচ্যদেশের মেয়েদের জন্ত কার্যপ্রণালী নির্দ্ধারিত হইবে।


কার্যপ্রণালী নির্দ্ধারণ ব্যাপারটা মিটিলে পরে শ্রীমতী ক্লারা জেটকিন একটা কথা বলেন। তিনি বলেন যে ভাবিয়া দেখিতে গেলে নারীদের জন্ত একটি স্বতন্ত্র প্রচেষ্টার প্রয়োজন ছিল না; গণতান্ত্রিকদের ও তাঁহাদের কথা একই—সামান্যলক গণতান্ত্রিক সমাজ প্রতিষ্ঠা করা; একটি



আন্তর্জাতিক মহিলা সম্মেলনে আগত প্রাচ্যদেশীয় মহিলাগণ।

ইহার পরে জাখানা প্রভৃতি দেশের মেয়েরা বক্তৃতা করিয়া, কাগজে লিখিয়া, ঘরে ঘরে গিয়া প্রত্যেক মেয়েদের বুঝাইয়া, নারীপ্রচেষ্টার জন্ত কি কি ভাবে কাজ করিতেছেন কেহ কেহ তাহা বলেন। পারশ্ব হইতে কোন নারী প্রতিনিধি হইয়া আসেন নাই। তাই একটি পারসিক পুরুষ পারস্যের তরফ হইতে সভায় নির্দ্ধারিত কার্যপ্রণালী সম্বন্ধে কিছু কিছু আলোচনা করেন। তিনি বলেন যে পাশ্চাত্য দেশের নারীরা যে প্রণালী অবলম্বন করিতে পারেন প্রাচ্যদের তাহা করা অসম্ভব। তাঁহাদের জন্ত ভিন্ন প্রণালীর

প্রতিষ্ঠানেই এই কাজটি চলিতে পারে; কিন্তু সকল দেশের নারীদের অবস্থা ও চিন্তা এক রকম নয়; সেজন্ত সকল দেশের নারীদের অবস্থা বুঝিয়া কাজ করিবার জন্ত একটি বিশেষ স্বতন্ত্র প্রতিষ্ঠানের প্রয়োজন; কিন্তু তাই বলিয়া ইহা গণতান্ত্রিকদের প্রতিষ্ঠান হইতে একটা স্বতন্ত্র কিছু নয়, গণতান্ত্রিকদের প্রতিষ্ঠানের একটি অংশ বিশেষ; পুরুষদের সঙ্গে তাঁহাদের কোনো বিরোধ নাই, বিরোধ হইতেছে একটা মতবাদ বইয়া; গণতান্ত্রিক পুরুষদের সঙ্গেই সমানে সমানে সেই মতবাদের বিরুদ্ধে তাঁহাদের কাজ করিতে হইবে।



আন্তর্জাতিক মহিলা সম্মেলনের দ্বিতীয় অধিবেশন। আটশটি বিভিন্ন দেশ হইতে ৮২ জন প্রতিনিধি আসিয়াছিলেন।

কি প্রকারে তাঁহারা কাজ করিবেন তাহার একটি তালিকা সেখানে প্রস্তুত করা হইয়াছে। তুরস্ক, বোখারা, পারস্য প্রভৃতি প্রাচ্যদেশের মেয়েদের মধ্যে কাজ করিবারও বিশেষ বন্দোবস্ত করা হইয়াছে। তাঁহাদের প্রধান কাজ হইবে মেয়েদের সম্বন্ধে অত্যাগ প্রথা, আইন ও সংস্কারের বিরুদ্ধে লড়াই করা। এবং গৃহে, সমাজে ও সম্মানদের উপর সমান অধিকার লাভের চেষ্টা। এইসকল কাজের জ্ঞান তাঁহারা দেশে দেশে মেয়েদের মধ্যে শিক্ষা বিস্তারের চেষ্টা করিবেন, বিদ্যালয় স্থাপন করিবেন, সভা সমিতি করিবেন; গৃহে গৃহে গিয়া মেয়েদের নিকট তাঁহাদের মতবাদ প্রচার করিবেন। এবং যেখানে যেখানে তাঁহাদের ক্ষমতা আছে সেখানে সেখানে স্ত্রী পুরুষ সম্বন্ধীয় আইন-গুলিকে নিরপেক্ষ করিয়া তুলিতে চেষ্টা করিবেন। এক কথায়, সকল দেশের মেয়েদের নিজেদের অবস্থা সম্বন্ধে জাগ্রত, ও সচেতন করিয়া তুলিবেন যাহাতে তাঁহাদের সাহায্যে প্রত্যেক দেশে নূতন গণতান্ত্রিক সমাজ প্রতিষ্ঠিত হইয়া উঠে।

তাঁহাদের বক্তৃতা ও প্রস্তাবগুলি সমালোচনা করিয়া

দেখিলে একটা কথা বেশ স্পষ্ট হইয়া উঠে যে তাঁহাদের নূতন প্রস্তাবিত সমাজ স্থাপনে তাঁহারা বিপ্লবপন্থী,—ধীরে ধীরে সংস্কার পথের উপর তাহাদের আস্থা নাই। ধনিকসম্প্রদায়ের তাবদারীতে বর্তমান যে সমাজ গড়িয়া উঠিয়াছে তাহার আমূল পরিবর্তন না করিলে কোনো সত্য ও প্রয়োজনীয় সংস্কারই সম্ভবপর নয়। শাসনপদ্ধতিটি জনসংজ্ঞের হাতে আসিলেই প্রকৃত সংস্কার আরম্ভ হইবে।

কনফারেন্সের শেষ দিন রাশিয়ার দেশখ্যাত প্রধান সেনাপতি টোটেস্ক সভায় উপস্থিত হইয়াছিলেন। তিনি একটি বক্তৃতাও করেন। তিনি বলেন বর্তমানে অগত্যা ধনিক সম্প্রদায়ের দ্বারাই শাসিত, তাহাদেরই স্বার্থের দিক-চাহিয়া নিয়ম কাছুন গঠিত হইতেছে। রাশিয়ার বিপ্লব সেই ধনিক সম্প্রদায়ের মূলে, কুঠারাঘাত করিয়া ত্রায়ের প্রতিষ্ঠা করিয়াছে—যাহাতে অত্যাচারিত লোকেরা আপনাদের শক্তি বিকশিত করিতে পারে তাহার পথ প্রমুক্ত করিয়াছে। নারীপ্রচেষ্টার উদ্দেশ্যে ও ঠিক রাশিয়ার বিপ্লবের উদ্দেশ্যের মতনই অত্যাচারিত ও অবনত জনসংজ্ঞের মুক্তি ও উন্নতি করা। কাজেই গণতান্ত্রিক সমাজ ও শাসনপ্রণালী স্থাপনে

নারীরা প্রধান সহায়। পাশ্চাত্য দেশের নারীদের মতন প্রাচ্যের নারীদেরও এ ক্ষেত্রে টানিয়া আনা উচিত। জগতের ভবিষ্যৎ তাঁহাদের উপরই অনেকটা নির্ভর করিতেছে।

ট্রোটস্কির বক্তৃতা শেষ হইবা মাত্রই একটি মজার ঘটনা ঘটে। পারস্য, তুরস্ক, আজারবৈজান, আর্মেনিয়া, বোখারা, চীন প্রভৃতি দেশ হইতে একদল মহিলা এ সভায় যোগদান করিবার জন্ত আসিয়া উপস্থিত হইয়াছিলেন। কিন্তু ঘটনাক্রমে তাঁহারা ঠিক সময় আসিয়া উঠিতে পারেন নাই। এইসব অবগুণ্ঠনবতী পর্দানশীন মহিলাদের আগমনে সভার মধ্যে একটা মহোল্লাস পড়িয়া গেল। সকলেই একটা জমাট ভাব অনুভব করিলেন।

ইহার পর সকলে মিলিয়া দলবদ্ধ হইয়া রাশিয়ার বিপ্লবে নিহত দেশভক্তদের সন্মানার্থে তাঁহাদের কবরের অভিমুখে রওনা হইলেন। সেখানে পৌঁছিয়া তাঁহাদের ও নিজেদের উদ্দেশ্য সিদ্ধির জন্ত প্রার্থনা করিয়া কার্য্য সমাপন করেন।

ডাক-হরকরা।

অহল্যা-উৎসব

মারাঠার ইতিহাসে রাণী অহল্যা বাইর নাম চিরস্মরণীয়। শুধু মারাঠা কেন, ভারতবর্ষের ইতিহাসেও অহল্যা বাই পুণ্যলোকা মহীয়সী মহিলা। তিনি হোল্কার রাজবংশের প্রতিষ্ঠাতা মাল্হার রাও হোল্কারের পুত্রবধু ছিলেন। অল্প বয়সে বিধবা হইয়া অহল্যা বাই স্বামীর সহিত সহমরণে যাইতে প্রস্তুত হন। মাল্হার রাও অনেক অনুনয় বিনয় করিয়া তাঁহাকে সহমরণ হইতে নিবৃত্ত করেন। তাঁহার স্বামীর নাম ছিল খান্দে রাও। তিনি জাঠদিগের সহিত যুদ্ধ করিতে গিয়া প্রাণত্যাগ করেন। শত্রুর অহুরোধে সহমরণে না যাইয়া অহল্যা বাই ভালই করিয়াছিলেন। তিনি পরে দেখিলেন, তিনি না থাকিলে উত্তর ভারতের শত্রুদের দমন করিয়া নিজরাজ্যে শান্তি ও শৃঙ্খলা বজায় রাখা বৃদ্ধ মাল্হার রাওর পক্ষে বিশেষ কষ্টের কারণ হইত।

১৭৩৫ খৃষ্টাব্দে মাল্হার রাও হোল্কারের মৃত্যু হয়। তখন অহল্যা বাই আপনার নাবালক পুত্রকে সিংহাসনে বসাইয়া নিজে রাজকার্য্যের তত্ত্বাবধান করিতে থাকেন। তার পরে তাঁহার পুত্র মালোজীরাওর মৃত্যু হয়। পুত্রের মৃত্যুতে তাঁহার

ব্রাহ্মণ মন্ত্রী পদ্মধর যশোবন্ত তাঁহাকে পোষ্যপুত্র গ্রহণ করিতে বিশেষ করিয়া অনুরোধ করেন। অহল্যা বাই তাঁহাতে সম্মত না হইয়া নিজেই সমস্ত রাজকার্য্যের ভার গ্রহণ করিলেন, এবং মালব ও মধ্যভারত শাসন করিতে লাগিলেন। তাঁর অসাধারণ প্রজ্ঞাবাসল্য ছিল। তিনি বলিতেন “মী আজ জে কাঁহী সামর্থ্যাচ্যা ব সন্তোচ্যা বলাবর করীত আছে, ত্যাচা মলা পরমেশ্বরপাণী জাব দাবা লাগেল।” অর্থাৎ—“শাসন-কর্ত্তী রূপে আমি যাহা কিছু করিব, তাহার জন্ত পরমেশ্বরের



পুণ্যলোকা রাণী অহল্যা বাই।

কাছে আমাকে জবাবদিহি করিতে হইবে।” তিনি কখনও প্রজাদের ধরিয়া বেগার খাটাইতে দিতেন না; সকল প্রজার উপর কর্মচারীদের জুলুম নিবারণের জন্ত সতর্ক দৃষ্টি রাখিতেন। একজন্ত প্রজারাও তাঁহাকে জননীর স্তায় ভক্তি-শ্রদ্ধা করিত।

ভারতবর্ষের ইতিহাসে অহল্যা বাইর শাসনকাল অতুলনীয় ঘটনা। তাঁহার মত শক্তিসম্পন্ন নারী কে-দেশে জন্মিয়াছে




অহল্যা-উৎসবে অহল্যাবাইর পাকী বহন।



রাঘব দাদার বিরুদ্ধে অহল্যাবাইর নারী-সৈন্যের অভিযান অভিনয়।

সে-দেশ গৌরবান্বিত। তাই ইন্দোরের প্রজাগণ অহল্যা-বাইর স্বাতিরক্ষার জ্ঞাত প্রতি বৎসর একবার করিয়া অহল্যা-উৎসব করিয়া থাকেন। সর্দার খোলিয়া সাহেব, সর্দার চন্দন এবং ইন্দোরের অপর কয়েকজন প্রধান লোক মিলিয়া আজ পাঁচ বৎসর হইল এই অহল্যা-উৎসব প্রবর্তন করেন। গত

আগষ্ট মাসে এই উৎসবের পঞ্চম বাৎসরিক অনুষ্ঠান হইয়া গিয়াছে। এবারকার অনুষ্ঠান পরিচালনা করিয়াছিলেন ইন্দোর-রাজের লিগাল রিমেম্ব্রেন্সার হ আ তাল্চেরকার। উৎসবের সময় তিনি পুণ্যচরিত অহল্যাবাইবু জীবনের কাহিনী বলিয়া দেখান অহল্যাবাই কিরূপে আধুনিক কালের



অহল্যাবাইর নারী-সৈন্য।



অহল্যাবাইর অসারোহী নারী সৈন্য।

সার্কজনীনতা ও সমাজসেবার পথ দেখাইয়া গিয়াছেন। তিনি কেবল নিজ রাজ্যে নয়, ভারতবর্ষের নানা জায়গায় জন-হিতকর নানা রকম কাজের অনুষ্ঠান করিয়া গিয়াছেন। নানা দেশে ধর্মশালা অন্নসত্র জলসত্র পথ ঘাট তাঁহার কীর্তি ঘোষণা করিতেছে; কলিকাতা হইতে কাশী পর্যন্ত প্রশস্ত

পথ তাঁহার কীর্তি; রামেশ্বর সেতুবন্ধ হইতে হিমালয় পর্যন্ত তাঁহার ধর্মসত্র কীর্তি আছে সেগুলি এমন সুব্যবস্থে যে আজ পর্যন্ত তাহাদের অস্তিত্ব লোপ পায় নাই এবং বহুকাল না পাইবারই সম্ভাবনা। তাঁহার দান তাঁহাকে বিশ্বকুটুম্বকর্ম দান করিয়াছিল। ভীল ও গৌড়দের মত জনগণ হৃষ্টমুখ

লুঠার আতিদেরও তিনি সাধুতা ও শাস্তির পথে আনিবার জন্য প্রাণপণ চেষ্টা করেন। সুশাসন ও সুবিচার করিতে তাঁহার অসাধারণ দক্ষতা ছিল। একুপ বীরত্বময়ী ধৈর্য-শালিনী ধর্মপরায়ণা সাধ্বী মহাপ্রাণা নারীর স্মৃতি-উৎসব কেবল ইন্দোরে নয়, ভারতবর্ষের নানা সহর ও বিদ্যাকেন্দ্রে অনুষ্ঠিত হওয়া উচিত, বিশেষ করিয়া এই নারী-জাগরণের দিনে।

৩১ আগষ্ট তারিখে উৎসবটি সম্পন্ন হয়। সমস্ত ইন্দোর রাজ্যে ঐ দিন পর্কদিন বলিয়া গৃহীত হইয়াছিল। দরিদ্র এবং অনাথদিগকে খাওয়ানো হয়। বিকালে তালুচেরকার মহাশয়ের সভাপতিত্বে টাউন-হলে এক সভা হয়। সভাপতির বক্তৃতা শেষ হইলে অহল্যাবাইর এক চিত্র মাল্যভূষিত করিয়া একটি পাকীতে রাখিয়া সমস্ত সহরে ঘুরানো হয়। তার পর নাটকের একটি দৃশ্যের মত অহল্যাবাইয়ের জীবনের একটি ঘটনা অভিনয় করিয়া দেখানো হয়। ব্রাহ্মণ মন্ত্রী গঙ্গাধরের ষড়যন্ত্রে শঠ রাঘব দাদা অহল্যাবাইর রাজ্য দখল করিতে আসেন। অভিনয়ে দেখানো হয় অল্পবয়স্কা বিধবা অহল্যাবাই এই সংবাদ পাইয়া মন্ত্রীর অধীন ও বশ রাজসৈন্যদের সাহায্য না পাওয়াতে কিরূপে পাঁচশত রমনী লইয়া একটি অদ্ভুত সেনাবাহিনী গঠন করেন এবং তাহা লইয়া কিরূপে রাঘবের সহিত যুদ্ধ করিতে অগ্রসর হন। সঙ্গেসঙ্গে তিনি রাঘবকে এই সংবাদ পাঠান যে, ত্রীলোক হইয়া তিনি রাঘবের লোকের কাছে পরাজিত হইলে তত অপমানের বিষয় হইবে না, কিন্তু রাঘব যদি তাঁহার নারী-সৈন্যের কাছে পরাজয় লাভ করেন তাহা হইলে তাঁহাকে দিক! এই সংবাদে সফল ফলে। রাঘব তাঁহার ছুরতিসন্ধি তাগ করেন। এই ঘটনাটি খুব দক্ষতার সহিত অভিনীত হয়। ত্রিশটি মারাঠা মহিলা ঘোড়ায় চড়িয়া যুদ্ধের বেশে তলোয়ার লইয়া অভিনয় করেন। এই নারীসৈনিকের পিছনে পিছনে একটি চারঘোড়ার গাড়ী আসে, তাহাতে কয়েকটি রমনী তলোয়ার লইয়া যুদ্ধের বেশে বসিয়া থাকেন। এই অভিনয় খুব চমৎকার ও জীবন্ত হইয়াছিল। ইহার বিশেষত্ব এই যে, যে-সব মেয়েরা অভিনয় করেন তাঁহারা সর্দার প্রভৃতি সম্ভ্রান্ত ঘরের মেয়ে। উৎসবের সময় ধান্ধু সমাজের স্বেচ্ছাসেবক অহল্যাবাইর ধর্ম ও বুদ্ধসম্বন্ধীয় কয়েকটি উক্তি

পতাকায় লিখিয়া চারিদিকে বহন করিয়া বেড়ান। উক্তিগুলি সুন্দর এবং প্রাণস্পর্শী ছিল।

প্রবন্ধের ছবিগুলি ইন্দোরের রামচন্দ্র রাও ও প্রতাপ রাও কর্তৃক গৃহীত।

শুধু।

বৈজ্ঞানিক মহিলা

পাশ্চাত্য দেশে মহিলারা পুরুষের প্রায় সমকক্ষ শিক্ষা পাইলেও সেখানকার মহিলা-সমাজে বিজ্ঞানচর্চা অতি অল্পদিনই আরম্ভ হইয়াছে। কিন্তু এই অল্পদিনের মধ্যেই নূতন গবেষণায় কৃতিত্ব দেখাইয়া যশস্বিনী হইয়াছেন এমন মহিলা বৈজ্ঞানিকের সংখ্যা নিতান্ত কম নহে। রসায়নশাস্ত্রে মাদাম কুরী, পদার্থবিজ্ঞানে হার্শা এয়ার্টন, জ্যোতিষতত্ত্বে কেরোলিন্ হর্নেল ও লেডি হাগিন্স, ভূপ্রাণিত অঙ্গারীভূত ও প্রত্নবীভূত উদ্ভিদবিজ্ঞানে (Palaeobotany) মারী ষ্টোপ্‌স্ প্রভৃতি অনেক মহিলারই বিজ্ঞানজগতে নূতন আলোকপাত করিতে সমর্থ হইয়াছেন।

লেডি হাগিন্স ইংলেণ্ডে বর্তমান কালের সর্বশ্রেষ্ঠ জ্যোতিষী বলিলেও অতুক্তি হয় না। লেডি হাগিন্স উনবিংশ শতাব্দীর মধ্যভাগে আয়ারল্যান্ডের প্রধান শহর ডাবলিনে জন্মগ্রহণ করেন। ইহার পিতা জন্ মারে আইনব্যবসায়ী (solicitor) ছিলেন। লেডি হাগিন্সের বিদ্যাশিক্ষার ব্যয় পিতৃগৃহেই হয়। মারে অতি যত্নের সহিত কন্যার বিদ্যাশিক্ষার ব্যবস্থা করাতে অতি অল্প কালের মধ্যেই লেডি হাগিন্স নানা বিদ্যায় পারদর্শিনী হইয়া উঠেন। ১৮৭৫ সালে ইহার সঙ্গে সার উইলিয়াম হাগিন্সের বিবাহ হয়। সার উইলিয়াম হাগিন্স তখন ইংল্যান্ডের সর্বশ্রেষ্ঠ জ্যোতিষতত্ত্ব বলিয়া প্রসিদ্ধি লাভ করিয়াছিলেন; আলোকরশ্মির বিকিরণ হইতে নক্ষত্রের পদার্থতত্ত্ব-বিনির্ণয়-বিজ্ঞানের প্রতিষ্ঠা করিয়া তিনি বিজ্ঞানজগতে অনন্য হইয়াছেন। তাঁহার বিজ্ঞানাগার ও পর্য্যবেক্ষণাগারের একমাত্র কর্মী সঙ্গয় হইলেন তাঁহার পত্নী লেডি হাগিন্স। তদবধি তাঁহাদের গবেষণা-বিবোধক প্রত্যেক প্রবন্ধ স্বামী দ্বা উভয়ের নামে প্রকাশিত হইয়াছে।

১৯১০ সালে সার উইলিয়াম হাগিন্সের মৃত্যু হইয়াছে। স্বামীর আরক্ত কার্য সম্পূর্ণ করিবার জন্য লেডি হাগিন্স এখনও

বিশেষ যত্নবতী আছেন। প্রসিদ্ধ বিশ্বকোশ এনসাইক্লোপিডিয়া ব্রিটানিকার একাদশ সংস্করণের জন্ত জ্যোতিষ ও নাক্ষত্র-বিজ্ঞান (Astronomy ও Astrophysics) সম্বন্ধে অনেকগুলি প্রবন্ধ লিখিবার ভার লেডি হাগিন্সের উপর পড়ে। জ্যোতিষিক পুরাতত্ত্ব (Astronomical Archaeology) এবং সঙ্গীত ও কলাবিদ্যার ইতিহাস সম্বন্ধেও ইহার অনেকগুলি পুস্তক ও প্রবন্ধ আছে। সেগুলিতে আলোচ্য বিষয়ে লেখিকার প্রগাঢ় পাণ্ডিত্যের পরিচয় পাওয়া যায়।

ইহার জ্যোতিষতত্ত্বপারদর্শিতায় চমৎকৃত হইয়া জ্যোতিষিক সমাজ (Astronomical Society) ইহাকে সম্মানিত সভ্য নির্বাচিত করিয়া ইহাকে সম্বর্দ্ধনা করিয়াছেন। ইহার এই সম্মান লাভে সমগ্র নারীসমাজ সম্মানিত হইয়াছেন।

শ্রীপ্রভাতচন্দ্র গঙ্গোপাধ্যায়।

নারী-প্রচেষ্টা

আন্তর্জাতিক স্ত্রী-শ্রমজীবী-কংগ্রেস—জেনেভা, ২০শে অক্টোবর।—
জেনেভাতে আন্তর্জাতিক স্ত্রী শ্রমজীবী কংগ্রেসের উদ্বোধন হইয়া গিয়াছে। চীন, জাপান, দক্ষিণ আফ্রিকা প্রভৃতি দশটি রাজ্য হইতে প্রতিনিধি আসিয়া উক্ত কংগ্রেসে যোগদান করিয়াছেন।—“রয়টার”।
—স্বরাজ।

জেনেভা ব্যবস্থাপক সভার অধিকাংশ সদস্যের সম্মিলিত ভোটে নারীগণ নির্বাচন-অধিকার পাইয়াছেন। সকল দেশেই নারীদের অধিকার দেওয়া হইতেছে। “দিন আগত ঐ, ভারত তবু কই?”
—স্বরাজ।

ভারতে প্রথম মহিলা উকিল—আলাহাবাদ, ২৯শে অক্টোবর।—
কুমারী কর্ণেলিয়া সোরাব্জী আলাহাবাদ হাইকোর্টে ওকালতি করিবার অনুমতি পাইয়াছেন। ইনিই ভারতের সর্বপ্রথম মহিলা উকিল। কুমারী সোরাব্জী বাঙ্গলা কোর্ট অব ওয়ার্ডসের অধীনে কিছুদিন কার্য করিয়াছিলেন।—“এসোসিয়েটেড প্রেস”।
—স্বরাজ।

মহিলার ওকালতি করিবার জন্ত অনুমতি প্রার্থনা।—পাটনা, ২৯শে অক্টোবর।—গতকল্য পাটনা হাইকোর্টে মাননীয় প্রধান বিচারপতি এবং

বিচারপতি মিঃ মলিক ও মিঃ জওয়ানাসাদের আদালতে ব্যারিষ্টার মিঃ মানু কুমারী হুখাংগুবালা হাজরাকে পাটনার জেলাজজের আদালতে ওকালতি করিতে দেওয়ার জন্ত অনুমতি প্রার্থনা করেন। পাটনার এ পর্যন্ত আর কোন মহিলা ওকালতি করার জন্ত উপস্থিত হন নাই। কাজেই এই ব্যাপারে আদালতগৃহে বিস্তর লোকের সমাবেশ হইয়াছিল। ইহাদের মধ্যে অনেক মহিলাও ছিলেন। মিঃ মানু লিগ্যাল অ্যাক্টিবিস্ট এ্যাটর্নির ৬ ধারার উল্লিখিত ব্যক্তি (person) কথার ব্যাখ্যা করিয়া বলেন যে, উক্ত ধারায় এমন কোন কথা নাই, যাহাতে (ব্যক্তি) অর্থে মহিলাদিগকেও ধরা যাইতে না পারে। তবে আলোচ্য ধারাটির স্থানে স্থানে যে পুরুষবাচক ২১টি সর্বনাম পদের ব্যবহার আছে, তাহার দ্বারা এমন মনে করা যাইতে পারে না যে, মহিলাদিগকে বাদ দেওয়াই আইনকর্তাগণের উদ্দেশ্য ছিল। সেই সময়ে কেবল পুরুষেরাই ‘ওকালতি’ করিতেন। তাই, আইন-কর্তাগণের মনে মহিলাদের কথা উদিত হয় নাই। ইংরেজী ১৮৬৮ সনের ১ আইনের ২ ধারায় আছে,—যেখানে কোনরূপ অসঙ্গতি না হইবে, সেখানে পুরুষবাচক শব্দে মহিলাগণও পরিগণিত হইবেন। মহিলাদের আদালতে বক্তৃতা করিতে দিলে কোন অসঙ্গতিই হইতে পারে না। কুমারী রেজিনা গুহ সম্বন্ধে ইংরেজী ১৯১৬ সনে কলিকাতা হাইকোর্ট যে অভিমত প্রকাশ করেন তাহা ভ্রান্তি-সম্মূল। বিলাতের বর্তমান আইন অনুসারে এক্ষণে মহিলারা আইন প্রভৃতি সকল ব্যবসায়ই অবলম্বন করিতে পারেন। এক্ষণে বিলাতের কোন মহিলা ব্যারিষ্টারের ভারতে আসিয়া আইনের ব্যবসায় অবলম্বন করিতে কোনো বাধা নাই। পরিশেষে তিনি কলিকাতা বিশ্ববিদ্যালয় আইন, ক্রীতদাস-প্রথা-নিবারণ বিধি প্রভৃতি হইতে প্রমাণ করিতে প্রয়াস পান যে, ঐ-সমস্ত আইনে পুরুষবাচক শব্দে মহিলাগণকেও বুঝাইয়া থাকে। কোনো আইনের বলে মহিলারা আইন পড়িতে পারিবেন, আর অন্য আইনের বলে তাঁহাদিগকে ওকালতি ব্যবসায় অবলম্বন করিতে দেওয়া হইবে না, ইহা বড়ই যুক্তিবিহীন। বিচারপতিগণ রায় পরে প্রকাশ করিবেন বলিয়া মত প্রকাশ করিয়াছেন।—
“এসোসিয়েটেড প্রেস”।
—স্বরাজ।

ওয়ারসিংটন কনফারেন্সে নারী—নিরস্ত্রীকরণ, প্রশান্তসাগর সমস্তা প্রভৃতি কয়েকটি সমস্তার আলোচনা করিবার জন্ত সম্প্রতি আমেরিকার ওয়ারসিংটন সহরে একটি আন্তর্জাতিক সম্মেলন বসিবে। সকল দেশই প্রায় সেখানে প্রতিনিধিসম্মেলন প্রেরণ করিয়াছেন। আমেরিকা যে প্রতিনিধিসম্মেলন প্রেরণ করিয়াছেন তাহার ২৮ জনের মধ্যে চারি জন নারী। তাঁহাদের মধ্যে জাতীয় মহিলা-সমিতি-সম্মেলনের সভাপতি শ্রীমতী উইন্টার একজন।

কমলা তাজা রাখিবার সহজ উপায়

কতকগুলি বালু সংগ্রহ করিয়া পূর্ব ভাগরূপে রোড়ে শুকাইয়া লইবেন। মধ্যে কিছু বালু বিছাইয়া কতকগুলি কমলা এইরূপভাবে সাজাইবেন, যাহাতে একটি কমলা আর একটির গায়ে না লাগে। ইহার উপরে ৩৪ আঙ্গুল পরিমাণ পুরু বালু দিয়া পূর্বের মত কমলা সাজাইয়া রাখিবেন। এইরূপভাবে পর্যায়ক্রমে বালু ও কমলা দ্বারা বাজ পূর্ণ

করিয়া উপরে একস্তর বালু দিয়া বাজ উত্তমরূপে বন্ধ করিয়া বাজটি এমন স্থানে রাখিবেন, যেখানে দৌল ও ধূব না লাগে, ঠাণ্ডাও ধূব না লাগে। আমরা পরীক্ষা করিয়া দেখিয়াছি মাঝমাসে কমলা কিম্বা এইরূপ উপায়ে রাখিয়া ক্রোড় কিম্বা আড়াচ মাসে বিক্রী করিলে উহার মূল্য পূর্বের কিম্বা মূল্যের চারিগুণ হয়।

শ্রীমৎস্যচন্দ্র ভট্টশালী।

বৈজ্ঞানিক ক্ষেত্রে ডক্টর মেঘনাদ সাহার কৃতিত্ব *

সন ১৯২০ সালের ৭ই নভেম্বর রয়টারের তারের এক সংবাদ আসিল যে রয়াল সোসাইটির এক অধিবেশনে এডিংটন-কর্তৃক আইনষ্টাইনের সিদ্ধান্তগুলি প্রমাণিত হইয়াছে, প্রমাণিত হইয়াছে যে ত্রিকোণের তিনটি কোণ আর ১৮০ ডিগ্রী নয়, বৃত্তের ব্যাসগুলি (circle এর radius) আর সমান নয়, সমান্তরাল রেখাসমূহ (parallel straight lines) যে একেবারে মিলে না তাহা নয়। লোকে অবাক হইল, কিন্তু ব্যাপারটি ঠিক বুঝিল না। এদেশে বুঝাইলেন প্রথম শ্রীযুক্ত মেঘনাদ সাহা। পরদিন সংবাদপত্রসমূহে মেঘনাদ আইনষ্টাইনের গবেষণার এক বিবরণ দিলেন।

নিখিল চরাচর জলস্থল আকাশ পরিব্যাপ্ত হইয়া এই ব্রহ্মাণ্ডে ঈশ্বর বলিয়া একটি পদার্থ আছে, বৈজ্ঞানিকগণ এইরূপ কল্পনা করিয়া আসিতেছিলেন। মাঝে এক কথা উঠে যে পদার্থ যখন ছোটে তখন সে কি তাহার অন্তরস্থ ঈশ্বর লইয়া ছোটে বা জলের মধ্যে জাল লইয়া যাইলে যেরূপ হয় সেইরূপ যেখানকার ঈশ্বর সেইখানেই পড়িয়া থাকে। ভিন্ন ভিন্ন রূপ পরীক্ষায় ভিন্নরূপ ফল দাঁড়াইল। সমস্তা জটিল হইয়া উঠিল, সমাধানের অনেক চেষ্টা হইল—কিন্তু তাহাতে শুধু গর্ভ খুঁড়িয়া গর্ভ বৃদ্ধান হইল মাত্র—এক সমস্তা মিটাইতে অণু জটিলতর সমস্তা খাড়া হইতে লাগিল। আইনষ্টাইন আসিয়া ঈশ্বরকে একদম বাদ দিলেন। ব্রহ্মাণ্ডে প্রাকৃতিক নিয়মের ধারার কোন পরিবর্তন হইতেছে না এবং আকাশে আলোকের বেগের কোন তফাৎ নাই, এই দুইটি কথা ধরিয়া লইয়া আইনষ্টাইন সব গোলযোগ মিটাইলেন। আইনষ্টাইনের এই কল্পনা হইতে অনেক নূতন কথায় আলো আসিয়া পড়িল; তিনি গতিশাস্ত্রের অনেক কথায় আলোচনা করিলেন। তাঁহার সিদ্ধান্ত-সকল নিউটন-প্রবর্তিত গতিশাস্ত্রের ফলাফলের সহিত হুবহু মিলিতে লাগিল না, যদিও উভয়ের পার্থক্য অতি হ্রস্ব স্বস্বাভিমান। দেশ কাল ও বস্তুপিণ্ড (length, time ও

mass)—মাত্র এই তিনটি কথায় ব্রহ্মাণ্ডের যাবৎ ইন্দ্রিয়-গ্রাহ্য ব্যাপার প্রকাশ করা যায়। এই তিনটি সম্পূর্ণ বিভিন্ন, কেহ কাহারও ধার ধারে না, কেহ কাহারও তোয়াক্কা রাখে না, এই ধরিয়া লইয়া নিউটন তাঁহার গতিশাস্ত্র খাড়া করেন। আইনষ্টাইন বলিলেন, না তাহা নয়,—দেশ, কাল ও বস্তুপিণ্ড (length, time এবং mass) পরস্পর জড়িত। কিন্তু প্রমাণ? একটা বিষয় প্রমাণিত হইল কাউফ্‌মান, বুকেরের প্রভৃতি বৈজ্ঞানিকগণের পরীক্ষায় ইলেক্ট্রন। রেডিগ্রাম হইতে যে ইলেক্ট্রন ভীমবেগে বাহির হইতেছে সেই ইলেক্ট্রন লইয়া পরীক্ষা করিয়া তাঁহার দেখাইলেন যে ইলেক্ট্রনদের বেগ অনুসারে তাহাদের জড়ত্বের (mass) তারতম্য হয়, আইনষ্টাইন যেরূপভাবে বলিয়াছিলেন ঠিক সেইরূপভাবে বদলায়। কিন্তু বেগ তো দেশ (length) ও কাল (time) লইয়া; অতএব দেশ ও কালের (length ও time) সহিত জড়তা (mass) সংশ্লিষ্ট। আর একটা ব্যাপারেও এতদিন একটু গোল ছিল। নিউটন-প্রবর্তিত গতিশাস্ত্র অনুসারে বৃহগ্রহের যে যে পথে চলা উচিত, দেখা যায় এ গ্রহ অবিকল সে পথে চলে না, একটু বাতিক্রম হয়। এ গর্মিলের কোন হেতু মিলিতেছিল না। আইনষ্টাইনের হিসাবে এ গর্মিলটুকু চলিয়া গেল। আইনষ্টাইনের সহিত এসকল বিষয় আলোচনা করিতেছিলেন মিক্কোঙ্কা। এতদিন অক্ষশাস্ত্রের কারবার ছিল বস্তুর তিন পাশ (dimension) লইয়া। মিক্কোঙ্কা আর-একটি বাড়াইলেন। বোঝার উপর শাকের এই আঁটা চাপাইবার প্রয়োজনও হইল। মনে কর,—কোন দেশে অথবা এই আকাশের মধ্যে আমি একস্থান হইতে অণুস্থানে চলিয়াছি। আমি যেখানে ছিলাম সেখান হইতে তিনটা সরলরেখা টান—একটা সাম্নে-পিছনে, একটা আশে-পাশে, একটা উপর-নীচ; ইহাদের প্রত্যেকটি যেন অপর দুটির উপর সোজা খাড়া (perpendicular) হইয়া দাঁড়াইয়া থাকে। তাহা হইলে আমার পথ—আমার গন্তব্যস্থান—এই লাইন তিনটা হইতে দূরত্ব দ্বারা নির্দেশ করা যাইতে পারে। এইরূপ

* আচার্য্য প্রফুল্লচন্দ্র রায়ের স্মরণে লিখিত ও সংকলিত।

হিসাবই চলিয়া আসিতেছিল; মিক্‌স্কোপী বলিলেন, এতে আর চলিবে না; 'দেশের' সহিত 'কাল' জড়িত—এই তিনটা লাইন তো শুধু দেশ সূচিত করিতেছে; অতএব আর-একটা লাইন টান যাহা 'কাল'কে নির্দেশ করিবে; এবং লাইন এইরূপে টান যাহাতে আগেকার তিনটি রেখার প্রত্যেকটির উপর এটি নোজা খাড়া হইয়া দাঁড়ায়। কিন্তু কিরূপে তাহা টানিব? এ যে একবারে অসম্ভব। এ কল্পনাই বা কিরূপে করিব? নাই বা পারিলে কল্পনায় আনিতে? তোমার হস্তিগ্ন স্থূল। ভাবিয়া লও এরূপ একটি লাইন থাকা সম্ভব। তোমার আকাশভ্রমণের পথবর্ণনায় শুধু আগেকার তিনটি বেখা নয়, এই সময়ের রেখাটাও হিসাবে আন। তোমার অঙ্কশাস্ত্র এই অমুসারে বদলাও, সেইটাই হইবে খাঁটা অঙ্কশাস্ত্র; প্রচলিত অঙ্কশাস্ত্র সব ভুল। মিক্‌স্কোপী এইরূপে চার dimension বা পার্শ্বওয়াল ব্রহ্মাণ্ড খাড়া করিলেন। আইনষ্টাইনের কল্পনাস্রোত আরও প্রসারিত হইতে লাগিল। তিনি সিদ্ধান্ত করিলেন যে আলোকরশ্মিও মাধ্যাকর্ষণের হাত এড়াইতে পারে না। ইহা পরীক্ষায় নিরূপিত হতে পারে পূর্ণ সূর্যাগ্রহণের সময়। জার্মান ও ইংরেজ যুদ্ধ চলিতেছিল, কিন্তু জার্মানীবাসী আইনষ্টাইনের সিদ্ধান্ত পরীক্ষা করিবার ভার লয়েন ইংলণ্ডবাসী এডিংটন। ১৯২০ সালে ২৯শে ম আফ্রিকার নিকটবর্তী একটি দ্বীপে সূর্যের পূর্ণগ্রাস হইল। এডিংটন সেখানে উপস্থিত হইয়া ভিন্ন ভিন্ন ক্যামেরা দিয়া সূর্যের নিকটবর্তী নক্ষত্রসমূহের ফটোগ্রাফ লয়লেন। পরে রয়াল সোসাইটির এক সভায় বৈজ্ঞানিকমণ্ডলীর নিকট দেখাইলেন যে নক্ষত্রের আলোক সূর্যের নিকট দিয়া আসিতে আসিতে বাঁকিয়াছিল, আইনষ্টাইন যতটা বলিয়াছিলেন ঠিক ততটাই বাঁকিয়াছিল। আইনষ্টাইনের এই সিদ্ধান্ত প্রমাণিত হইবার সঙ্গে সঙ্গে সেই সিদ্ধান্ত যে-সকল কল্পনা হইতে প্রসূত তাহাও স্বীকৃত হইল। বিশ্বের এই আকাশের আর অনন্তপ্রসার নাই; ইহা সমাকার নয়, বক্রাকার। এই আকাশস্থিত কোন সরল-রেখাকে আর ইউক্লিডের সরলরেখার সংজ্ঞা দিলে চলিবে না; ত্রিকোণের তিনটি কোণ আর ১৮০ ডিগ্রী নয়; বৃত্তের ব্যাসগুলি আর সমান নয়; সমান্তরাল রেখাসমূহ (parallel-straights lines) যে একেবারে মিলে না তাহা নয়;

দেশের সহিত কাল বিশেষ ভাবে জড়িত; পদার্থের জড়তা ও দেশ ও কাল পরস্পর সংশ্লিষ্ট।

শ্রীযুক্ত মেঘনাদ সাহার বিবরণে লোকে সমস্ত ব্যাপারটার একটা আভাস পাইল। যে আইনষ্টাইনের নাম আজ শিক্ষিত সম্প্রদায়ের মুখে, সেই আইনষ্টাইনের গবেষণা-সমূহের মূল্য কত অধিক, বিজ্ঞান-জগতে আইনষ্টাইনের স্থান কত উচ্চ, তাহা রয়টারের এই সংবাদের বহুপূর্বে এ দেশে বিশেষভাবে উপলব্ধি করিয়াছিলেন শ্রীযুক্ত মেঘনাদ সাহা। তাই ইহার অনেকদিন আগে মেঘনাদ কলিকাতা বিশ্ববিদ্যালয়ের কর্তৃপক্ষগণকে আইনষ্টাইন ও মিক্‌স্কোপীর গবেষণাগুলি ইংরেজী ভাষায় প্রকাশিত করিবার জ্ঞা প্রস্তাব করেন এবং নিজে সেগুলি জার্মান ভাষা হইতে ইংরেজীতে অনুবাদ করিবার ভার লয়েন। শ্রীযুক্ত মেঘনাদ সাহা ও শ্রীযুক্ত সত্যেন্দ্রনাথ বসু কর্তৃক সম্পাদিত ও শ্রীযুক্ত প্রশান্ত চন্দ্র মহাপানবীশ লিখিত একটি ভূমিকা-সম্বলিত আইনষ্টাইন ও মিক্‌স্কোপীর গবেষণাসমূহ সম্প্রতি কলিকাতা বিশ্ববিদ্যালয় কর্তৃক প্রকাশিত হইয়াছে।

কিন্তু শুধু আইনষ্টাইনকে বুঝিয়া মেঘনাদের তৃপ্তি হইল না, তিনি দেখিতে লাগিলেন মানবের জ্ঞানের ভাণ্ডার পূষ্ট করিতে তিনি নিজে কি দিতে পারেন। পদার্থকে ক্রমাগত ভাঙিতে ভাঙিতে চলিলে উহা এমন এক অবস্থায় গিয়া পৌঁছায় যখন আর উহাকে ভাঙা চলে না; এই অবিভাজ্য পরমাণুর নাম Atom। নব্য বিজ্ঞান এখন এই Atom-এর অনেক ভিতরকার খবর বাহির করিয়াছে। সৌর-মণ্ডলে সূর্যকে বেষ্টিত করিয়া যেমন পৃথিবী ও গ্রহগণ ঘুরিতেছে সেইরূপ সংযোগ-তড়িতের চতুর্দিকে বিয়োগ-তড়িত-যুক্ত কতকগুলি ইলেক্ট্রন ভীমবেগে ঘুরিয়া বেড়াইতেছে, এবং এইসমস্ত লইয়া একটি Atom বা পরমাণু। সীসা যে সোনা নয় তাহার কারণ সীসার একটি পরমাণুর অভ্যন্তরস্থ ইলেক্ট্রনগুলির সংখ্যা ও ঘুরিবার ধারা সোনার পরমাণুর ইলেক্ট্রনদের সংখ্যা ও ঘুরিবার ধারা হইতে ভিন্ন।

আইনষ্টাইনের নূতন তত্ত্ব ও মিক্‌স্কোপী-প্রবর্তিত চারিপার্শ্ব-যুক্ত আঁকজোক প্রয়োগ করিয়া শ্রীযুক্ত মেঘনাদ ইলেক্ট্রন-দের গতিবিধি সম্বন্ধে অনেক গবেষণা করেন। তাঁহার এই গবেষণা কলিকাতা বিশ্ববিদ্যালয়ের কর্তৃপক্ষগণ বিলাতের

বৈজ্ঞানিকমণ্ডলীর নিকট পাঠান এবং তাঁহাদের নিকট ইহা উচ্চ অঙ্গের আবিষ্কার বলিয়া বিবেচিত হওয়ায় কলিকাতা বিশ্ববিদ্যালয় শ্রীযুক্ত মেঘনাদ সাহাকে ডি এমসি উপাধি প্রদান করেন।

সম্প্রতি আমেরিকাবাসী একজন বৈজ্ঞানিক ডক্টর ক্রেহ্ন পদমাণু সম্বন্ধে একখানি পুস্তক রচনা করিয়াছেন। পদমাণু নধ্যস্থিত ইলেক্ট্রনদের চলাফেরা আণৌচনা করিতে গিয়া তিনি মেঘনাদের অনেক হিসাব Saha equations গ্রহণ করিয়াছেন। পুস্তকের ভূমিকায় এবং ভিতরেও তিন-চার জায়গায় সে কথা তিনি স্বীকার করিয়া মেঘনাদের আবিষ্কারকে খুব উচ্চ স্থান দিতেছেন।

বিজ্ঞানের আর-একটা বিষয়েও মেঘনাদ বিশেষ কৃতিত্ব দেখাইয়াছেন। ব্যাপারটা এই :—পরীক্ষা-নলে (Test tube এ) রাসায়নিক দ্রব্য ঢালিয়া বিশ্লেষণ না করিয়াও বৈজ্ঞানিক কোটা কোটা মাইল দূরস্থিত সূর্যের উপাদান বলিয়া দেন। কোন বাতির আলো একটা ত্রিশির-কাঁচের মধ্য দিয়া যাইলে লাল পীত সবুজ নীল বেগুনে প্রভৃতি রংএর এক বর্ণছত্র দেখা যায়। বাতির আলোর বদলে সূর্যের আলো দিলে ঐরূপ বিভিন্ন রংএর বর্ণছত্র হয়, কিন্তু এইবার এই বর্ণছত্রের মধ্যে কতকগুলি সরু কাল দাগ দেখা দেয়। সেই কালো দাগের স্থান যথাযথ ভাবে নিরীক্ষণ করিয়া বৈজ্ঞানিকগণ বলিয়া দেন সূর্যের চতুর্দিকে কি কি দ্রব্য বাষ্পীয় আকারে আছে। যুক্তির ধারা এইরূপ। একটা ত্রিশির-কাঁচের সম্মুখে ক্যালসিয়ামে আলোকিত একটা সরু লম্বা ছিদ্র রাখিলে কাঁচের ওধারে কতকগুলি নির্দিষ্ট রেখা দেখা যায়। ছিদ্রটি কিন্তু যদি সৌর আলোকে আলোকিত হয় তাহা হইলে দেখা যায়—এক বর্ণছত্র হইয়াছে, সেই বর্ণছত্রের মধ্যে অনেকগুলি সরু কাল কাল দাগ আছে এবং কতকগুলি কাল দাগ ঠিক যেখানে আগেকার ক্যালসিয়াম-জনিত উজ্জ্বল রেখা হইয়াছিল অবিকল সেইখানেই হইয়াছে। এখন পরীক্ষাগারে বাতির আলোর সম্মুখে ক্যালসিয়ামের উত্তপ্ত বাষ্প দিয়া পরীক্ষা করিলে আগের মত কাল দাগ পাওয়া যায়। সুতরাং সূর্যের চতুর্দিকে যে ভীষণ উত্তপ্ত ক্যালসিয়াম-বাষ্প আছে তাহা অনুমিত হয়। এইরূপে সূর্যে আরও অনেক পদার্থের

অস্তিত্বের প্রমাণ পাওয়া যায়। কিন্তু সম্প্রতি একটা খটকা উঠিয়াছিল। সূর্যের বর্ণছত্রে (rubidium caesium) রুবিডিয়াম ও সিজিয়ামের রেখা পাওয়া যায় না; চেনাশুনা সব ধাতুই আছে, মাঝে থেকে এ দুইটা বাদ পড়িল কেন? আর-একটা কথা। বর্তমান জ্যোতির্বিদগণ নক্ষত্রগণকে তাহাদের বর্ণছত্র অনুসারে মোটামুটি ছয়টি শ্রেণিতে ভাগ করিয়াছেন; এবং ইহাও দেখা গিয়াছে প্রত্যেক শ্রেণীর উত্তপ্ততা স্বতন্ত্র। তবে কি উত্তপ্ততার সহিত বর্ণছত্রের কোন সম্বন্ধ আছে এবং যদি থাকে তো সে সম্বন্ধটা কি? শ্রীযুক্ত মেঘনাদ এসব জটিল প্রশ্নের মীমাংসা করিয়াছেন। ব্যাপারটা এই—সাধারণত কোন পরমাণুতে সংযোগ-তড়িতের চতুর্দিকে সমপরিমাণ বিয়োগ-তড়িত-যুক্ত ইলেক্ট্রন ঘুরিতেছে। এখন কোন কারণে এই পরমাণু হইতে যদি ইলেক্ট্রন ছুটিয়া পলাইয়া যায় তো সংযোগ-তড়িত-যুক্ত এই ভাঙ্গা পরমাণুতে আর আগেকার 'অখণ্ড' পরমাণুর বর্ণছত্র মিলিবে না। কোন পরমাণু হইতে ইলেক্ট্রন তাড়াইতে যে যে উপায় আছে তাহার একটা উপায় হইল তাপ। খুব প্রচণ্ড উত্তাপে পরমাণু হইতে ইলেক্ট্রন ছুটিয়া চলিয়া যায়। কিন্তু যে উত্তপ্ততায় ইলেক্ট্রন ছুটিয়া পালায় তাহা সকল পদার্থের সমান নয়। কোন পদার্থে কোন উত্তপ্ততায় এই ইলেক্ট্রন ছুটিয়া পলাইবে মেঘনাদ আঁকজাঁক দিয়া কসিয়া বাহির করিলেন। তিনি দেখাইলেন অপেক্ষাকৃত অল্প উত্তাপে রুবিডিয়াম ও সিজিয়ামের ইলেক্ট্রন ছুটিয়া পালায় এবং সূর্যের যে উত্তপ্ততা তাহাতে রুবিডিয়াম ও সিজিয়ামের পরমাণু আর আস্ত নাই—থাকিতে পারে না—তাই ইলেক্ট্রন-শূন্য এই রুবিডিয়াম ও সিজিয়ামে আর পৃথিবীস্থ সাধারণ রুবিডিয়াম ও সিজিয়ামের ন্যায় বর্ণছত্র নাই। সূর্য অপেক্ষা সূর্যাকলঙ্কের উত্তপ্ততা কম; তাই মেঘনাদ ভবিষ্যদ্বাণী করেন যে সূর্যাকলঙ্কে রুবিডিয়ামের ও সিজিয়ামের রেখা পাওয়া যাইতে পারে। সম্প্রতি আমেরিকার সর্বশ্রেষ্ঠ মানমন্দিরে (Mount Wilson Solar Observatoryতে) মেঘনাদের এই অঃমানের যাচাই হইয়াছে। আমেরিকার অন্ততম শ্রেষ্ঠ জ্যোতির্বিদ এবারকার বিলাতের Royal Astronomical Societyর সুরবর্ণপদকপ্রাপ্ত বৈজ্ঞানিক ডাঃ রসেন মেঘনাদকে পদক প্রদান করিয়াছেন যে তিনি তাঁহার

১৫০ ফুট লম্বা দূরবীক্ষণে মেঘনাদ-কথিত কুবিডিয়ম ও সিঞ্জিয়মের রেখা পাইয়াছেন।

হিলিয়ামের ইলেকট্রন বিভাঙ্কিত করিতে খুব বেশী উত্তপ্ততার প্রয়োজন; তাই সর্কাপেক্ষা বেশী উত্তপ্ত যে নক্ষত্র তাহাতেই দেখা যায় হিলিয়ামের রেখা একেবারে মিশাইয়া আসিল। কোন বিশিষ্ট শ্রেণীর নক্ষত্রের বর্ণছন্দে কোন পদার্থের রেখার উজ্জ্বল্য কিরূপ হ্রাস পাইয়াছে বা একেবারে অদৃশ্য হইয়াছে ইহা দেখিয়া সেই নক্ষত্র-শ্রেণীর উত্তপ্ততা মেঘনাদ কসিয়া বাহির করিয়াছিলেন। পূর্ব বৈজ্ঞানিকগণ অন্য উপায়ে জ্যোতিষ্কদিগের উত্তপ্ততা নিরূপণ করিয়াছিলেন। তাঁহাদের হিসাবের সহিত মেঘনাদের হিসাব মিলিতে লাগিল। শ্রীযুক্ত মেঘনাদ সাহার এ সম্বন্ধীয় অন্যান্য আধুনিক গবেষণার কথা পরে বলা যাইবে।

Philosophical Magazine, Proceedings of the Royal Society, Astrophysical Journal প্রভৃতি বৈজ্ঞানিক পত্রিকায় মেঘনাদের গবেষণাগুলি বাহির হইতেছে এক সার্ব জে জে টমসন, সার্ব আনেষ্ট রাদারফোর্ড, অধ্যাপক রিচার্ডসন, অধ্যাপক ফাউলার, সোমরফেল্ড, আইন্সটাইন প্রভৃতি বৈজ্ঞানিক শ্রীযুক্ত মেঘনাদ সাহাকে সাদর অভিবাদন জনাইতেছেন।

পৃথিবী হইতে কোটি কোটি মাইল দূরে অবস্থিত নক্ষত্রের একটি ক্ষুদ্রাদপি ক্ষুদ্র পরমাণুর মধ্যস্থিত ইলেকট্রনগুলি কিরূপ ভাবে আছে আজ এক বাঙ্গালী যুবক তাহার সঠিক খবর বলিয়া দিতেছেন।

শ্রীচারুচন্দ্র ভট্টাচার্য্য।

ভয়ঙ্কর


তোমারে দেখিয়া লাগে ডর,
হে মানব, দুর্বল, নখর !
নিরালয়ে নতমুখে কি কহিছ সুখ-হুঃখ-কথা ;
মনে হয়, ছদ্মবেশে শাপভ্রষ্ট এসেছ দেবতা !—
পলে পলে বেলা যায় বয়ে
সঙ্কিত বিশ্বয়ে
তোমার মুখের পানে চাহি',
তুমি কি কহিছ কথা এক তিল তাহে মন নাহি।

প্রতিদিবসের শত তুচ্ছ কাজ, দোষ ক্রটি জুল,
যা-কিছু ছেড়ে এ ছোট জীবন চলে না একচুল,
তাহারি সীমার মাঝে তোমারে বাঁধিয়া চিরদিন
করি তুচ্ছ পরিমান, করি ছোট হীন।
তোমারে সহজ করি ধরার সহজ পরিচয়ে।—

হে সুলভ, তোমা' হেরি' আজি মোরাবুক কাঁপে ভয়ে।
মনে হয়, তুমি কি যে
তুমি তাহা নাহি জান নিজে। .
নহ চন্দ্র নহ অস্থি, রক্ত মাংস ক্লেদ—
আশা সুখ আয়োজন, সুখ হুঃখ খেদ,

নহ বাক্য তত্ত্ব ইতিহাস,
তুমি নহ দেবতার লীলাভরা সৃষ্টির বিলাস
এতটুক।

আজিকে তোমারে হেরি' ছরু ছরু ভয়ে কাঁপে বুক।
মন আজি নাহি মানে, তুমি শুধু দেহ, আর প্রাণ
শোণিতধারার সনে শিরায় শিরায় কম্পমান,
বাঁধা কণিকের অনুরাগে,
কিন্তু চির-আত্মা তুমি, তাও আজি মনে নাহি লাগে।—
তোমার নয়নে হেরি তলহীন ভয়,
রোমকূপে রোমকূপে অপার বিশ্বয়,
সীমাহীন রহস্যবিস্তার অভ্যস্তর।
তোমারে হেরিয়া আজি ভয়ে হিয়া কাঁপে ধর ধর।
—তুমি কি যে, শুধাবার খুঁজিবার নাহি অবসর।
শুধু জানি, চোখে চেয়ে কিনা চোখ বুজি'
যা-কিছু ভাবিতে পারি, যাহা কিছু জানি মানি বুঝি,
দেহ প্রাণ মন আত্মা—যা-কিছুর সনে
নানামতে এ জীবনে
পরিচয় হলো একে একে,
ঢের বেশী ঢের বড় তুমি সব থেকে,
অচিন্ত্য, 'অনন্ত, ভয়ঙ্কর ;
হে মানব, দুর্বল, নখর !
শ্রীস্বধীরকুমার চৌধুরী।



জিজ্ঞাসা।

(৮৫)

কলিঙ্গ দেশ কোন্টি? কবিকর্ণচণ্ডী কলিঙ্গরাজ্যের বর্ণনার পরিপূর্ণ। অনেকে উড়িষ্যাকে কলিঙ্গ দেশ বলেন। কিন্তু গোদাবরী নদীর মোহানার নিকটে যেখানে কোকনাদ (Coconada) সহর অবস্থিত—তার সম্মুখেই করিঙ্গ উপসাগর ও করিঙ্গ নামে একটা সহর আছে। বংশধর নদীর মোহানার কাছে সমুদ্রতীরে (বোধহয় গঙ্গাম বিভাগে) কলিঙ্গপটম্ নামে আর-একটি সহর আছে। এই কলিঙ্গপটম্ বর্তমান উড়িষ্যার অতি নিকটে। কলিঙ্গপটমের নিকটবর্তী স্থানটুকুই কলিঙ্গ দেশ, না করিঙ্গ উপসাগরের নিকটবর্তী স্থানটুকু কলিঙ্গদেশ? অথবা কলিঙ্গপটম্, করিঙ্গ সহর, করিঙ্গ উপসাগর সহ সমগ্র (কোরঙ্গীর) মূলক কলিঙ্গ দেশ? না, বাস্তবিক বর্তমান উড়িষ্যাই কলিঙ্গ দেশ?

শ্রীঅমরেন্দ্র সাহা।

(৮৬)

বঙ্গলা ভাষার সর্বপ্রথম প্রকাশিত সংবাদপত্রের ও তাহার সম্পাদকের নাম কি?

শ্রীমূলচাঁদ মাদুগুড়া ও শ্রীনরেন্দ্রনাথ দত্ত।

(৮৭)

কিছুদিন পূর্বে বর্তমান জেলার একটি গ্রামে একটি ভাল-গাছে অস্বাভাবিকভাবে ফল ফলিতে দেখিয়াছি। সাধারণতঃ যেমনভাবে ভালের কাঁদি ধরে, ঐ গাছটিতে তাহা শু ধরিয়াছিলই, অধিকন্তু গুঁড়িটির মাঝখানে আরও দুই একটি ভালের কাঁদি নামিয়াছিল। অথচ সেখানে কোন পাতা বা শুকনা ডাঁটা কিছুই ছিল না। যদি কোন উদ্ভিদতত্ত্ববিদ ইহার কারণ বলিতে পারেন, তবে অনুগ্রহ করিয়া প্রবাসীর মাধ্যমে জানাইবেন।

শ্রীপ্যারীমোহন কুণ্ড।

(৮৮)

চকুর পাতা আঙুল দিয়া টিপিয়া ধরিয়া দেখিলে একটি বস্তুকে ছুইটি বোধ হয়। ইহার বৈজ্ঞানিক কারণ কি?

শ্রীবিজয়কৃষ্ণ রায়।

(৮৯)

প্রাচীন ভারতে আর্ধ্য নারীগণের মধ্যে পাছকার ব্যবহার ছিল কি না?

শ্রীরাধাচরণ দাস।

(৯০)

গুড় হইতে চিনি বানাইবার বা গুড় পরিষ্কার করিবার কি কি সহজ উপায় আমাদের দেশে প্রচলিত আছে? এরূপ কোন কারখানা আমাদের দেশে আছে কি না যেখানে বাইরা হাতে-কলমে উক্ত কাজ শিখিয়া আসা যায়।

কিরণ মুখোপাধ্যায়।

(৯১)

এখন বেকরূপ বিচারে পক্ষসমর্থনকারী নিযুক্ত করা হয়, ভারতবর্ষে বোগলরাজত্বের সময় এবং তাহারও পূর্বে এইরূপ সমর্থনকারী ছিল কি না? থাকিলে তাহার কোন প্রকৃষ্ট প্রমাণ পাওয়া যায় কি না?

শ্রীশুভা দাসগুপ্তা।

(৯২)

মুসলমানেরা জাতীয় পুতাকায় "অর্ধচন্দ্রচিহ্ন" ধারণ করে কেন? শ্রীকার্ত্তিকচন্দ্র চক্রবর্তী ও শ্রীযোগেশচন্দ্র আচার্য।

(৯৩)

মবাব আলিবর্দীর সময় পরগণাতি সম্বৎ নামে একটি সন প্রচলিত ছিল বলিয়া প্রমাণ পাওয়া যায়। সর্বপ্রথম এই সম্বৎ কে প্রচলন করেন? ইহার নাম পরগণাতি সন রাখা হইয়াছিল কেন?

শ্রীনগেন্দ্রচন্দ্র গুপ্তশালী।

(৯৪)

বাংলা সাহিত্যের সর্বপ্রথম উপন্যাস কি এবং কাহার রচিত? শ্রীধীরেন্দ্রনাথ মুখোপাধ্যায়।

(৯৫)

কোন সময়ে ও কাহার দ্বারা ভারতে কাগজের আমদানী ও ব্যবহার শুরু হইয়াছে? ভারতবর্ষের কোন প্রদেশে সর্বপ্রথম কাগজের কল প্রতিষ্ঠিত হইয়াছে? এবং বাঙ্গলাদেশে এখন করটা কাগজের কারখানা আছে?

শ্রীক্ষীরোদচন্দ্র মজুমদার।

(৯৬)

একই তেলে সময়ে সময়ে লঠনের চিমুনি ধোঁয়া হইয়া কাল হইয়া যায়। এইরূপ ধোঁয়া হইবার কারণ কি? আর উহার প্রতিকারেরই বা উপায় কি?

"কাউরা।"

(৯৭)

বাঙ্গলা দেশে টিক্‌টিক্‌ টিক্‌ টিক্‌ শব্দ করে। কিন্তু পশ্চিমাঞ্চলে (আমি বৈজ্ঞানিক ও কাশীধামে) দেখিয়াছি, ইহার মূক। বাঙ্গালার টিক্‌টিক্‌র মত ইহার কোন শব্দ করে না। উত্তরতঃ যে টিক্‌টিক্‌ দেখা যায় তাহা এক জাতীয় কি?

শ্রীপিরিজানাথ মুখোপাধ্যায় কবিত্বরণ।

(৯৮)

পৃথিবী এবং অন্যান্য সকল গ্রহগুলি সূর্যকে প্রদক্ষিণ করিয়া নির্দিষ্ট সময়ে (পৃথিবী এক বৎসরে) তাহাদের নির্দিষ্ট কক্ষ একবার ভ্রমণ করে। পৃথিবীর এই বাৎসরিক গতি ছাড়াও দৈনিক গতি আছে আর তাহার ফলে দিন ও রাত্রির সৃষ্টি হয়। এই উত্তরবিধ গতির কারণ কি? চন্দ্র পৃথিবীকে প্রদক্ষিণ করিয়া মাসে একবার ইহার চারি পাশে ভ্রমণ করে। চন্দ্রের দৈনিক গতি (পৃথিবীর স্থায়) আছে কি? যদি থাকে তবে পৃথিবী রজনীতে সমস্ত ত্রাণি চন্দ্রের একই দিক, অর্থাৎ চন্দ্রের পৃষ্ঠে এক রকম কাল রেখা, একই স্থানে দেখা যায়

কেস? যদি চন্দ্রের দৈনিক গতি না থাকে তাহা হইলে ইহার কারণ কি? যে আকর্ষণের বলে গ্রহ তারকাদিতে এই উত্তরবিধ গতি দৃষ্ট হয়, সে আকর্ষণের প্রভাব হইতে চল বঞ্চিত কেন?

ম, ক, খ।

(৯৯)

পূর্ববঙ্গের চট্টগ্রাম অঞ্চলে মঘি সন প্রচলিত আছে, এখন ১২৮২ কি ১২৮৩ মঘি হইবে। এই মঘি সনের ঐতিহাসিক বিবরণ কি?

শ্রীঅটলকুমার চক্রবর্তী।

(১০০)

বঙ্গদেশে বর্ধাকালে জলাময়ভূমিতে গরু দ্বারা হালচাষ করিতে হয়। তাহাতে কৃষক ও গরুর পা অত্যধিকরূপে "হাজিয়া" যাইয়া ক্ষত হয় ও জোঁকের আক্রমণে খুব কষ্ট পায়। উত্তরবিধ অত্যাচারের হাত হইতে রক্ষা পাওয়ার কোন সহজ উপায় আছে কি?

শ্রীযোগেন্দ্রমোহন চট্টোপাধ্যায়।

(১০১)

গুঁয়াপোকান কাঁটা গায়ে লাগিলে তাহার ঘনগা উপশমের সহজ উপায় কি?

শ্রীউপেন্দ্রকিশোর সামন্ত রায়।

মৌমাংসা

(১০২)

কুমারহুটে, কেহ কেহ বলেন হালিসহরে, আজু গোঁসাই জন্মগ্রহণ করেন। আজু গোঁসাইয়ের প্রকৃত নাম অচ্যুতচরণ গোঁসামী। তিনি সাধারণের নিকট আজু গোঁসাই নামেই সমধিক পরিচিত। তিনি ৮ রামপ্রসাদ সেনের সমসাময়িক ছিলেন। তৎকালে তাঁহার এক বৃহৎ "কবির দল" ছিল। তাঁহার দৃঢ় রচনা-শক্তির ক্ষমতা ছিল বলিয়াই রামপ্রসাদের "ভক্তিপূর্ণ শ্রীতে"র উত্তর অতি সহজেই দিতে পারিতেন। মহারাজ কৃষ্ণচন্দ্র এইজন্তই উত্তরকে একত্র করিয়া নিকটে বসাইয়া উত্তর প্রত্যুত্তরে মায়ের গান শুনিতেন। রামপ্রসাদের পর আজু গোঁসাইয়ের কোনও সংবাদ পাওয়া যায় না।

শ্রীনগেন্দ্রচন্দ্র ভট্টশালী।

(১০৩)

নানারূপ অদ্ভুত ও সুন্দর ঘটনায় এই কাণ্ডটি অনস্কৃত হইয়াছে বলিয়া ইহার নাম 'সুন্দরাকাণ্ড' হইয়াছে। সুন্দর বা অদ্ভুত ঘটনাবলী লক্ষ্য করিয়া কৃত্তিবাসও নিজের রামায়ণে এই কাণ্ডের প্রথমে বলিয়াছেন :—

পঞ্চমে সুন্দরাকাণ্ডে শুনিতে সুন্দর,

রামের আজ্ঞায় নদ বাঞ্ছিল সাগর। ইত্যাদি।

অশ্রান্ত কাণ্ডের স্মরণ এই কাণ্ডে এমন কোনও একটি প্রধানতম বিষয় নাই, যে, ইহার নামে কাণ্ডের নাম হইতে পারে। অনেকগুলি ঘটনাই প্রধান। একের নামে কাণ্ডের নাম হইলে অপর বিষয়ের নামে কেন হইলানা, আপত্তি হইতে পারে। অতএব তন্মধ্যস্থ ঘটনাবলীর উপর দিয়াই কাণ্ডের নাম রাখা হইয়াছে। সুন্দর কাণ্ড হলে সুন্দরাকাণ্ড নাম হইবার কারণ এই—এই সমাসবদ্ধ শব্দটি সংস্কৃত হইতে বাংলায় আসিয়াছে। সুন্দরং কাণ্ডম্ = সুন্দরাকাণ্ডম্। "হুবহু দীর্ঘতা" (কলাপ ২৮৬ সূ) এই সূত্র দ্বারা মধ্যের আকারটি দীর্ঘ হইয়া 'আ' হইয়াছে; যথা—বিখ্যবহু; মিত্রাবরণৌ; ইত্যাদি। কোন কোন সংস্কৃত পুঁথিতে হুন্দরকাণ্ডও দেখা যায়। উত্তরই সাধু।

শ্রীমোহিনীমোহন ভট্টশালী।

(১০৪)

বিগত ভাঙ্গনাসের বেতালের বৈঠকে শ্রীযুক্ত নবকুমার দত্ত মহাশয় দীর্ঘিত-প্রণেতা প্রসিদ্ধ নৈরায়িক পণ্ডিত রঘুনাথ শিরোমণির জন্মস্থান কোথায়, জানিতে চাহিয়াছেন।

প্রাচ্যবিজ্ঞানমহা বিবেকেন্দ্রনাথ বসু প্রণীত বঙ্গের জাতীয় ইতিহাসের ২য় ভাগের তৃতীয় অংশে ১৮১-১২০ পৃষ্ঠা, অচ্যুতচরণ তত্ত্বনিধি প্রণীত শ্রীহট্টের ইতিবৃত্তের দ্বিতীয়ভাগের ৭ম অধ্যায় ১৩৯ পৃষ্ঠা, এবং অধ্যাপক পদ্মনাথ বিজ্ঞানিন্দোদ তত্ত্বসরস্বতী এম-এ মহাশয়ের বিজ্ঞান পত্রিকায় লিখিত "শ্রীহট্টের কাণ্ড ছেলে" শীর্ষক প্রবন্ধ সাক্ষ্য দিতেছে যে— "খৃষ্টীয় পঞ্চদশ শতাব্দীর শেষভাগে ভারত-গৌরব রঘুনাথ শ্রীহট্ট জিলার পঞ্চখণ্ড পরগণায় জন্মগ্রহণ করেন।" বিৎকোষ অভিধানেও রঘুনাথের শ্রীহট্টে জন্মবার কথা লিখিত আছে।

শ্রীসুরেশচন্দ্র শর্মা।

(১০৫)

ইতিহাস পুরাণাদিতে দেখা যায় দুর্গাপূজা কল্পে কল্পে হইয়া আসিতেছে। বঙ্গদেশে ইহার আরম্ভ ঠিক কোন সময়ে তাহা বলিবার উপায় নাই। পাষণ বা ধাতুময়ী সিংহবাহিনী দশভূজা মূর্তি বহু শতাব্দী ধরিয়ৱা অনেক দেবালয়ে ও অনেকের গৃহে পূজা পাইয়া আসিতেছেন। তন্মধ্যে ইহার বহু প্রসার হয় বলিয়া বোধ হয়। বর্তমানের ঐতিহাসিক হিসাবেও ইহা পুরাতন। মহারাষ্ট্র-পুরাণ নামক প্রাচীন গ্রন্থ দেখা যায় যে বাংলার চৌধ আদায় করিতে আসিয়া বর্গীর সর্দার রঘুজী শেঠীসুলে বঙ্গদেশের চিরন্তন প্রধানসারে কাটোয়া নগরে মহাসমারোহে দুর্গাপূজা করিয়াছিলেন। শরৎকালের এই মহাপূজা রোতায় দশরথায়াজ রাজা রামচন্দ্র রাবণ বধের জন্ত অকালে দেবীর বোধন করিয়াছিলেন এবং মহিষমর্দিনী সিংহবাহিনী মূর্তিতে দেবী আবির্ভূতা হইয়া বরদান করিয়াছিলেন। কালিকাপুরাণোক্ত দেবীপূজায় এই মূর্তিরই পূজা হয়। শিবদুর্গামূর্তি কেহ কেহ পূজা করেন। বৃহন্নন্দিকেশ্বর পুরাণে এই মূর্তির ধ্যান আছে এবং শরৎকালে পূজা করিবার বিধি আছে। শিবদুর্গা মূর্তির নিম্নে কোথাও কোথাও সিংহ ও ছিন্নশ্রীব মহিষের মূর্তি করা হইয়া থাকে।

বঙ্গদেশে ভিন্ন গ্রন্থ প্রবেশে এই দুর্গাপূজা নবরাজি নামে খ্যাত। ভারতবর্ষের সকল প্রদেশেই ঘটে বা পটে এই শরৎকালে দেবীর আরাধনা হয়, তবে আমাদের বাংলা দেশের স্মরণ এত আড়ম্বরে সম্পন্ন হয় না।

শ্রীযুগাকনাথ রায়।

লেখকদের মধ্যে বাংলা দেশের দুর্গাপূজার কাল নিয়া মতভেদা আছে; বাংলাদেশে ভিন্ন, পাঞ্জাব, উত্তর পশ্চিম প্রদেশ, রাজপুতনা মহারাষ্ট্র ও আর অনেকানেক প্রদেশে মহাসমারোহে এসময় মায়ের পূজা হইয়া থাকে। পাঞ্জাব ও উত্তরপশ্চিম প্রদেশের বীরভিনয়—রামজীয়া, মহারাষ্ট্র ও রাজপুতনার বীরোৎসব—অম্বপূজা, ও আরও অশ্রান্ত প্রদেশের নবরাজি বিশেষ ভাবে উল্লেখযোগ্য। বাংলাদেশে অধিকাংশ স্থানেই দশভূজামূর্তি মায়ের অর্চনা করা হয়। শিবদুর্গা-মূর্তি অধিকাংশস্থলেই মানসিক অর্থাৎ মানত করা বলিয়া মনে হয়।

শ্রীনগেন্দ্রচন্দ্র ভট্টশালী।

(১০৬)

দুর্গাপূজার কয়দিন হিন্দু বিধবাদের উপবাস বিধি শাস্ত্রনির্দিষ্ট নহে। দেবীপূজার পণ্ড বলির প্রাধান্য থাকায় স্পর্শদোষের আশঙ্কায় বিধবারা রন্ধন করেন না, সামান্ত ফলমূলাদি খাইয়াই থাকেন। ইহা একটি বেশাচার মাত্র।

শ্রীযুগাকনাথ রায়।

(৬৩)

দর্পণ মাসিক দ্রব্য, অধিবাসে ইহা ব্যবহার হয়। বিজয়ার দিন সকলেই মাসিক দ্রব্য দর্শন করিয়া থাকেন এবং তাহা হইলে সম্বৎসর স্বস্তিতে অতিবাহিত হইবে ইহাই বিশ্বাস। আমাদের ধর্মিষ্ঠা মহিলারা এখনও এই বিধি পরিত্যাগ করেন নাই। নাপিতের কাতায় দর্পণ থাকে ও তাহারি আমাদের সমাজে অনেক স্থলে মাসিক কার্যের বার্তাবহ ও নির্বাহকারক, সুতরাং এই কার্য তাহাদের যাড়ে আজও পড়িয়া আছে। অনেক স্থানে হস্তী অথ গবাদি দেখাইবার ও দেখিবার রীতি আছে।

দধিও মাসিক। সাধারণতঃ এইগুলি মাসিক দ্রব্য—ব্রাহ্মণ, গো, হত্যাশন, দর্পণ, সর্পিঃ, দধি, আদিভা, আপঃ, রাজা, হরিদ্রা ও মংস্ত। বিজয়ার দিবস মাসিক দ্রব্য দর্শনের ও স্পর্শনের শাস্তিবিধি আছে।

শ্রীমুগাকনাথ রায়।

(৬৪)

দেবীর একটি নাম অপরাজিতা—ইহার পরাজয় নাই। দশমী পূজাস্তে অপরাজিতা পূজা করা হয় এবং সাধকও অপরায়েয় হইবে, সংসারসংগ্রামে বিজয়লাভ করিলে, এই কামনায় অপরাজিতা নামক লতা বলহাকারে দক্ষিণ হস্তে ধারণ করে। অপরাজিতা-ধারণমন্ত্র (যাহা প্রচলিত পঞ্জিকা মাত্রেই লিখিত আছে) দেখিলেই জানা যাইবে আয়ু-বল-বৃদ্ধি কামনায় উহা ধারণ করা হয়। আয়ুর্বেদশাস্ত্রেও অপরাজিতার মূল লতা ও পুষ্পের শরৎকালীন ধাতুগত রোগোপশমনের শক্তি আছে। সুতরাং দেহের মনের অপরায়েয়ত্ব লাভই ইহার উদ্দেশ্য। নাম-সাদৃশ্যেও বিশেষ বিশেষ ত্রিখিতে বিশেষ বস্ত্র বা দ্রব্য ধারণ ইত্যাদির প্রথা আছে—অশোককলিকায়ুক্ত জলপান, ভূতচতুর্দশীতে চতুর্দশ শাক ভোজন ইত্যাদি।

শ্রীমুগাকনাথ রায়।

(৬৫)

(ক) নিম্নলিখিত দেশে ও রায়ে, অপরাধীর প্রাণদণ্ডের ব্যবস্থা আছে—

(১) আমেরিকা (২) জাপান (৩) স্পেন (৪) ফিন্‌ল্যান্ড (৫) ক্যানাডা (৬) জার্মানি (৭) ডেনমার্ক (৮) ফ্রান্স (৯) বেলজিয়াম (১০) সিলোন (১১) অস্ট্রিয়া হাঙ্গারী (১২) ব্রিটিশ আইলন্ড (১৩) ভারতবর্ষ।

(খ) সংক্ষিপ্ত বিবরণ ও প্রাণদণ্ডের প্রকারভেদ—

ডেনমার্ক জনসাধারণের সম্মুখে কুঠারদ্বারা অপরাধীর মস্তক ছেদন করিবার বিধান আছে। ফ্রান্স ও বেলজিয়ামে অপরাধীর প্রাণদণ্ডের জন্ত গিলটিন যন্ত্রে গলাকাটা প্রচলিত। জার্মানিতে মাথা কাটিয়া ফেলা হয়। এই কয়টি ব্যতীত উপরোক্ত প্রায় সমস্ত দেশ ও রাজ্য-গুলিতে প্রাণদণ্ডের জন্ত ফাঁসির বিধান আছে।

(১) আমেরিকায় কয়েকটি ষ্টেট ব্যতীত প্রায় সবগুলিতেই প্রাণদণ্ডের বিধান আছে; আমেরিকায় যে কয়েকটি দেশে সে বিধি নাই তাহাদের নাম পরে উল্লেখ করিতেছি। (২) জাপানে কারাগারের মধ্যেই ফাঁসি দেওয়া হয়। (৩) স্পেনে প্রাণদণ্ড অতি বিরল; প্রাণহত্যার জন্ত দণ্ডিত প্রায়ই আজীবন দীপান্তরিত হয়। (৪) ফিন্‌ল্যান্ডে খৃঃ ১৮২৪ হইতে আজ পর্যন্ত কোন অপরাধীকেই প্রাণদণ্ডের শাস্তি দেওয়া হয় নাই। (৫) জার্মানির কয়েকটি ষ্টেটে প্রাণদণ্ড-বিধি সম্পূর্ণরূপে উঠাইয়া দেওয়া হয়—ব্রান্ডউইক (Brunswick), কোবার্গ (Coburg), এবং নাসসিউ (Nassau) ১৮৪৯ সালে এই বিধি উঠাইয়া দেয়। সেক্সনিতে (Saxony) ১৮৩৯ সালে উঠিয়া যায়। কিন্তু পুনরায় ১৮৭২ সালে

প্রাণদণ্ড বিধির ব্যবস্থা করা হয়; কেহ যদি রাজার প্রাণহত্যা করে বা প্রাণহত্যার চেষ্টা করে কেবল তাহাকেই প্রাণদণ্ড দেওয়া হয়।

(১১) অস্ট্রিয়া হাঙ্গারীতে ১৭৮৭ সালে প্রাণদণ্ড বিধি উঠিয়া যায়, কিন্তু ১৭৯৫ খ্রীষ্টাব্দে পুনরায় তাহা প্রচলিত হয়।

নিম্নলিখিত কয়েকটি দেশে পূর্বে প্রাণদণ্ডের বিধান ছিল, কিন্তু এখন সম্পূর্ণরূপে উঠিয়া গিয়াছে। কোন্ সময় হইতে উঠিয়া গিয়াছে তাহাও নিম্নে উল্লেখ করিলাম।

- ১। হল্যান্ডে—১৮৭০ হইতে
- ২। ইতালীতে—১৭৮৬ হইতে
- ৩। নরওয়েতে—১৯০৫ হইতে (৬ই জানুয়ারী)
- ৪। পর্তুগেলে—১৮৬৭ হইতে
- ৫। রুমেনিয়ায়—১৮৬৪ হইতে
- ৬। সুইডেনে—১৯০১ হইতে
- ৭। সুইজারল্যান্ডে—১৮৭৪ হইতে
- ৮। রাশিয়ায়—১৯০৭ হইতে (কেবল রাজার প্রাণহত্যা করিলে মৃত্যুদণ্ড)

৯। আমেরিকায় এই কয়টি দেশে প্রাণদণ্ড-বিধি নাই—

- (ক) মিচিগান—১৮৪৬ হইতে
- (খ) উইস্কন্সিন—১৮৮৩ হইতে
- (গ) মেন্—১৮৬৭ হইতে
- (ঘ) রোই, আইল্যান্ড—১৮৫০ হইতে।

শ্রীমুগাকনাথ রায়।

(৬৬)

শঙ্খনিষ, সোহাগা ও নিশাদল সমভাগে গ্রহণ করিয়া, একত্র মিশ্রিত করিতে হয়। হারপর উহা জলের সহিত গুলিয়া, তুলিয়ারা লিখিত কালীর অক্ষরগুলির উপর লাগাইয়া দিলেই—অবিলম্বে ঐ কালীর অক্ষরগুলি উঠিয়া যাইবে, দাগ থাকিবে না। মূল্যবান ও দরকারী কাগজে কোনও প্রকার ভুল হইলে, তাহা সংশোধন করিবার জন্ত এ উপায়টি বিশেষ সুবিধাজনক। ইহা বিস্ময়কর; ব্যবহার করিতে খুব সাবধানতা আবশ্যিক। কাপড়ের যে স্থানে কালীর দাগ লাগে, সে স্থানটি প্রথমতঃ মোমবাতি কিম্বা চর্কি দিয়া গসিরা পরে সাবান দিয়া ধুইয়া ফেলিলে কালীর দাগ আর থাকে না।

নগেন্দ্র ভট্টশালী।

(৬৮)

৭ বিন্দু চিহ্ন প্রণবায়ক, সংখ্যাচিহ্ন। বিন্দু-সংযুক্ত ৭, (৭) সপ্তব্যক্তিত্বযুক্ত পরিপূর্ণা গায়ত্রীমন্ত্র এবং ৭৮ চিহ্নকে গায়ত্রীর সংক্ষিপ্ত সংস্করণ বলা যায়। তদ্ব্যতিরিক্তে ধ্যানানুসারে দেবতা বিশেষ জ্ঞাপন করিতে বীজমন্ত্র আছে। তদ্ব্যতিরিক্তে গায়ত্রীর ৭৮ এই সংক্ষিপ্ত সংস্করণ প্রচলিত হইয়া থাকিবে। হস্তলিখিত একখানি প্রাচীন পুঁথিতে ৭২ আবাহয়েৎ এইরূপ লিখিত আছে। পুঁথিখানি সংগ্রহ পুস্তক, অনেক মন্ত্রতন্ত্রের উদ্ধার আছে। গায়ত্রীপুস্তক-বিধিতে ৭২ আবাহয়েৎ দৃষ্টে স্পষ্টই বোধ হয় যে তাজি ৭ গায়ত্রী তন্ত্র অল্প কিছু নহে। কেহ কেহ বলেন পারস্য ভাষায় ৭ চিহ্নটি নিরাকার ঈশ্বর বাচক বর্ণ বিশেষ এবং মোগল আমলে ইহা প্রসার লাভ করে। পারসিক ভাষাভিজ্ঞেরা এ সংক্ষেপে বলিতে পারেন।

শ্রীমুগাকনাথ রায়।

আদ্যা শব্দের সাঙ্কেতিক চিহ্ন তাজি অক্ষর। ইহা মঙ্গলার্থে ব্যবহৃত হয় বলিয়া খাতা পত্রাদি লিখিতে আরম্ভ করিবার পূর্বে এই তাজি অক্ষরটি লেখা হয়। দুর্গা বা কালীর যে অর্থ, ইহারও সে অর্থ। আদ্যা শব্দে তদ্ব্যতিরিক্ত দুর্গাকে বুঝায় (মুওমালিনী গ্রন্থ)।

শ্রীমোহিনীমোহন তর্কতীর্থ।

(৬৯)

অঙ্কুর শ্রীবৃদ্ধ জ্ঞানেন্দ্রমোহন দাস মহাশয় “বঙ্গের বাহিরে বাঙ্গালী” নামক পুস্তকে গোড় সম্বন্ধে এই লিখিয়াছেন—

মহাভারতে উক্ত হইয়াছে যে মগধে গৌতম ঋষির আশ্রম ছিল। মহাভারতের যুদ্ধের পর বঙ্গের দ্বিতীয় যুগ আরম্ভ। এই সময় হইতে গোড়ের নাম পাওয়া যায়। বিষ্ণুপুরাণাদিতে উক্ত হইয়াছে সূর্যবংশীয় মাকাতার দেহিজরাজ গোড়ের নামে এই দেশের নাম গোড় হয়। ইতিহাসে ৭৩০ খৃষ্টপূর্বাব্দে গোড় রাজ্য স্থাপিত হইয়াছিল বলিয়া উক্ত হইয়াছে। পরে গোড় সাম্রাজ্য বিস্তারের কালে অমর চারিটি প্রদেশ গোড়রাজ্যের অধীন থাকায় তাহারা গোড় আখ্যা গ্রহণ করে এবং গোড়াধিপ পদগোড়েশ্বর নামে অভিহিত হন। কিন্তু মূল বা আদি গোড়ের স্বাতন্ত্র্য চিরদিনই রক্ষিত হইয়া আসিতেছে। পদ্মপুরাণের নিম্নোক্ত বচন হইতে তাহা স্পষ্ট প্রতীয়মান হয়—‘সারস্বতী কাম্বুকুড়া গোড়মৈথিলিকৌৎকলঃ পঞ্চগোড়া ইতি প্রাতঃ।’

গোড়ের সীমা যথা—

বঙ্গদেশঃ সসারস্বতী ভুবনেশাস্তগং শিবে।

গোড়দেশঃ সমাখ্যাতঃ সর্পবিভাবিশারদঃ ॥

(শক্তিভঙ্গম তন্ত্র, সপ্তম পটল)

অঙ্গ তখন গোড়রাজ্যের অধীভূত হইয়াছিল। অঙ্গ বলিতে তখন বৈষ্ণবধর্ম হইতে আরম্ভ করিয়া বর্তমান পুরী বা কুরুক্ষেত্র পর্যন্ত বুঝাইত। * * * * * মগধ কিং তখন অঙ্গ হইতে স্বতন্ত্র ছিল। তাহা না হইলে মহাভারতে কখনও উক্ত হইত না যে মগধে গৌতম ঋষির আশ্রমে অঙ্গবঙ্গাদির নৃপতিগণ গমন করিতেন। গোড়ের ঐশ্বর্য ও শক্তি-বৃদ্ধির সহিত পূর্বাংশস্থ বঙ্গের নাম গোড়ের পর উক্ত হইত অর্থাৎ সাধারণে পূর্বের ‘অঙ্গবঙ্গ কলিঙ্গ’ স্থানে ‘গোড়বঙ্গ’ চলিত। কমে পূর্ব ও পশ্চিমের স্বাতন্ত্র্য লুপ্ত হইয়া মিলিত ‘গোড়বঙ্গ’ গোড় এবং সমগ্র অধিবাসী গোড়ীয় নামে অভিহিত হয়। ‘আমরা এক্ষণে যে দেশকে বাঙ্গালা বলিয়া থাকি তাহার প্রকৃত নাম গোড়’ (গোড়ীয় ভাষাতত্ত্ব)। তখন তাহারা অতিশয় দুর্ভয় হইয়া উঠিয়াছিল। এই সময় গোড়ীগণ পৃথিবীর নানা স্থানে উপনিবেশ স্থাপন, ধর্মপ্রচার ও রাজ্যবিস্তার করিয়াছিল।

এই যুগের প্রারম্ভকালে অঙ্গের প্রপৌত্র জনমেজয়ের সর্পবজ্ঞে অনেক বাঙ্গালী ব্রাহ্মণ আকৃষ্ট হইয়াছিলেন। তাহারা আর বঙ্গ ফিরিয়া যান নাই। তাহাদেরই বংশাবলী আজি গোড়ীয় ব্রাহ্মণ বলিয়া ঐতিহ্য (Census of the N. W. P. 1865)। দিল্লী, রোহিলখণ্ড প্রভৃতি স্থানে যে “গোড়তগা” ব্রাহ্মণ পরিচয়ে অনেকে বাস করেন তাহারাও সেই সময় গোড় হইতে আসিয়াছিলেন বলিয়া স্বীকার করেন। তাহারা রাজার দানপ্রতিগ্রাহী হইয়া গোড়দেশ ও গোড়ের ব্রাহ্মণ-আচার ভাগ করতঃ কৃষিকর্ম অবলম্বন করায় “গোড়তগা” নাম প্রাপ্ত হন। কুরুক্ষেত্রবাসী আদিগোড়গণও আপনাদিগকে জনমেজয় কর্তৃক বঙ্গদেশ হইতে আনীত বলিয়া থাকেন। এইসকল ব্রাহ্মণ বঙ্গের আখ্যাপূর্ব অধিবাসীদিগের সংগে সর্বাধীনকরণবিভাগে পারদর্শী হইয়াছিলেন বলিয়া অনুমিত হয়। বাঙ্গালীরা এতদূর এবং নানাবিধ বাহুবলজ্ঞানের দৃষ্টি প্রসিদ্ধ (Census of the N. W. P. 1865)। * * * * * কুরুক্ষেত্র বৈদিকযুগ হইতে যজ্ঞভূমি বলিয়া প্রসিদ্ধ। এখানে সারস্বত, কান্যকুব্জ, গোড়, মিথিলা ও উৎকল—এই পঞ্চগোড় হইতে ব্যক্তিক ব্রাহ্মণগণ আসিয়া বাস করেন এবং ক্রমে ভারতের নানা স্থানে বিস্তার লাভ করেন। সেইসকল গোড়ব্রাহ্মণ হইতে স্বীয় স্বাতন্ত্র্য রক্ষা করিবার জন্তই বঙ্গদেশ হইতে আগতগণ আপনাদিগকে “আদিগোড়” নামে অভিহিত করেন।

কুরুক্ষেত্রের ব্রাহ্মণগণ “আদি গোড়”। তাহারা বলেন তাহাদের পূর্ব-পুরুষগণ গোড়রাজ্য হইতে আগমন করিয়াছিলেন। সারস্বত ব্রাহ্মণগণ, তাহাদের আদিপুরুষগণ সারস্বতী নদীর তীরে বাস করিতেন তাহারাও, “আদিগোড়” বলিয়া পরিচয় দেন। এই সারস্বতগণ এক্ষণে ভারতের সকল প্রদেশেই দৃষ্ট হন। ইহাতে বোধ হয় তাহারা বঙ্গদেশ হইতে আসিয়া “আদিগোড়” আখ্যা গ্রহণ করিয়াছিলেন তাহাদের পূর্বপুরুষগণ গোড়ের (বঙ্গের) সারস্বতী নদীতীর হইতে যাইয়া বাস করিয়াছিলেন।

শ্রীশিবেন্দ্রনাথ ভট্টাচার্য।

(৭০)

ব্রাহ্মণবাড়ীয়ার অশ্রুত কালীকঙ্কের যনামখ্যাত ডাক্তার শ্রীবৃদ্ধ মহেন্দ্রচন্দ্র নন্দী মহাশয় ঝিনুকের বোতাম তৈয়ারি করায় একটি সুন্দর কল আবিষ্কার করিয়াছেন। এই কল দ্বারা ঘরে বসিয়া অতি সহজে বোতাম তৈয়ারি করা যায়। আমি নিজে ঐ কল দ্বারা বোতাম প্রস্তুত হইতে দেখিয়াছি। বেশ সুন্দর বোতাম তৈয়ারী হয়। ঝিনুক ব্যতীত নারিকেলের মালা দ্বারাও এই কলে অতি সুন্দর বোতাম তৈয়ারী হয়। পূর্বে এই কলের মূল্য ৮০।৯০ টাকা ছিল। বর্তমান সময়ে মহেন্দ্র-বাবু দিয়াশলাইর কল নিয়া অত্যন্ত ব্যস্ত এবং অত্যধিক দিয়াশলাইর কলের অর্ডার আসিতে আরম্ভ করায় বোতামের কল বিক্রয়জন্ত বর্তমানে তৈয়ারী করেন না, তবে অর্ডার পাইলে অতি সহজ বোতামের কল তৈয়ারি করিয়া দেন। বোতামের কলের আবগ্যক হইলে শ্রীবৃদ্ধ বাবু মহেন্দ্রচন্দ্র নন্দী কালীকঙ্ক, সরাইল, ত্রিপুরা, এই ঠিকানায় পত্র লিখিলেই সর্ববিষয় বিস্তারিতভাবে জানিতে পারিবেন।

শ্রীশিবেন্দ্রনাথ দত্ত।

বোতাম প্রস্তুত করিবার একটি বৃহৎ কারখানা চট্টগ্রামে আছে। বাঙ্গালা দেশের অনেকস্থানেই বোতাম প্রস্তুতের ছোট ছোট হাতকল দেখিতে পাওয়া যায়। সম্প্রতি শ্রীহংটের অনেক স্থানেও ইহার প্রচলন হইয়াছে। ইহা একটি লাভজনক ব্যবসায়। একপ একসেট কলের মূল্য ২৫ টাকার বেশী নয়। ইহা চালাইতে বেশী লোকের দক্ষতারও পড়ে না। কম পক্ষে চারিজন লোকই একটি কল চালাইতে পারে। একপ একটি কলে রোজ ৬ ঘোঁস বা ততোধিক বোতাম তৈরি করা যাইতে পারে।

মোহাম্মদ আব্দুল বারি।

বাড়ীতে বসিয়া অল্প খরচে যে কোন লোক দেশীয় ঝিনুক দ্বারা শাট, কোট ও পঞ্জাবীর বোতাম তৈয়ারি করিতে পারে।

নিম্নলিখিত জিনিসগুলিকে ‘কল’ বলিয়া ধরা যায় :—(১) ১ ফুট উচ্চ কাঠের বার (যাহার উপর বোতাম রাখিয়া পরিষ্কার ও গোলাকার করা হয়); (২) কোটের ও শাটের মাপ দাগিবার বিভিন্ন লৌহপাত; (৩) ইম্পাতের রেত বা উখা; (৪) বোতাম ধরিবার ও কাটিবার জন্ত দুইটি বিভিন্ন প্রকারের লৌহযন্ত্র দরকার। ৫ প্রকার যন্ত্র হইলেই নানা বোতাম তৈয়ারি করা যাইতে পারে।

সাদা ও উজ্জল করিবার নিয়ম :—

বাহারা বোতাম পালিশ ও সাদা করিয়া থাকে তাহাদের নিকট শিক্ষা করা দরকার। ঢাকা শিখিয়ার উত্তম স্থান। ঢাকার কোনও এক লোক সাদা করিবার প্রণালী বাহির করে। বোতামের কারবারে ঢাকা বঙ্গে শীর্ষস্থান অধিকার করিয়াছে।

নিম্নলিখিত বোতামের কারখানায় পত্র লিখিলে যন্ত্রগুলির নাম ও ধাম, সাদা ও পালিশ ইত্যাদি প্রণালী জানিতে পারিবেন—(১) Jolly Button & Co. দয়ালপুর, ঢাকা। (২) Basanti Button & Co. Shahajalnagore, Dacca. Sample Board

করিয়া আনিয়া, নানারূপ বোতামের নমুনা দেখিতে পারিবেন—দাম
৥ হইতে ১ হইবে।

শ্রীললিতমোহন রায় চৌধুরী।

আমাদের বেশে অনেক ঝিনুর বোতামের ফেটরী এবং কল আছে। নিম্নলিখিত ঝিনুর বোতামের কাঠখানাগুলিতে পত্র লিখিয়া বোতামের কল সম্বন্ধে বিহৃত খবর জাহ্নন।

- (1) Allibhoy Vallijee and Sons,
Multan Cantonment.
- (2) Dacca Button Manufacturing Co.
75, Lyal Street, Dacca.
- (3) S. Gupta and Co.
45-1, Harrison Road, Calcutta.
- (4) Hindu Button Factory,
Bombay.

শ্রীনগেন্দ্রচন্দ্র ভট্টশালী।

(৭২)

যজ্ঞহৃত্ত ধারণের উদ্দেশ্য সামাজিক অবস্থার পার্থক্য সংহত করা। যখন ত্রেতা যুগে ভারতে চাতুর্বর্ণের প্রতিষ্ঠা হয় তখন ব্রাহ্মণ, ক্ষত্রিয় ও বৈশ্য এই ত্রিভুক্তির "মৌঞ্জী" ব্যবহার করিতেন, পরে কেবলমাত্র "মৌঞ্জীই" পার্থক্য সংহত করিবার জন্য পর্যাপ্ত নহে একরূপ বিবেচিত হওয়ায় তদানীন্তন সামাজিকগণ "মৌঞ্জী" ও উপবীত উভয়েরই যুগপৎ ব্যবহার করিতে থাকেন। তাই আমরা বর্তমান ভুক্ত মনুসংহিতায় দেখিতে পাই :—

মৌঞ্জী ত্রিবৃৎ সমা ব্রাহ্মণা কাথ্যা বিপ্রস্য মেথলা।

ক্ষত্রিয়স্য তু মৌঞ্জী জ্যা বৈশ্যস্য শণতাস্তবী।

৪২—২ অঃ

কার্পাসম্ উপবীতং স্যাদ্ বিপ্রস্যোদ্ধৃতং ত্রিবৃৎ।

শণত্ৰয়ময়ং রাজ্ঞো বৈশ্যস্যাবিকসৌত্রিকম্ ॥

৪৪—২ অ

অর্থাৎ ব্রাহ্মণের মেথলা মুঞ্জ বা শরত্ৰণ-বিরচিত ত্রিভুক্তী, তাহার স্পর্শ হৃৎকর হইবে। ক্ষত্রিয়ের মেথলা মুক্বামমী, তাহাও যজ্ঞের ছিলার স্থায় এবং বৈশ্যগণের মেথলা শণতাস্তবী করিতে হইবে। আর ব্রাহ্মণগণ কার্পাসহৃত্তশিখিত, ক্ষত্রিয়গণ শণত্ৰয়ের ও বৈশ্যগণ উর্গালোমজ উপবীত ধারণ করিবেন। উক্ত উপবীতসকল ত্রিভুক্তীনিশিষ্ট হইবে। উহা বানস্কন্ধের উপর রাখিয়া দক্ষিণ বগলের নিম্নভাগ দিয়া লখিত করিয়া দিবে। কেননা জনসাধারণ দেখিলেই বুঝিতে পারিবেন কে ব্রাহ্মণ, কে ক্ষত্রিয়, কে বৈশ্য। পার্থক্য সংহত করিবার জন্য কি কেবল এই ব্যবস্থা করিয়াই তাহারা ক্ষান্ত হইয়াছিলেন? না, আর্ঘ্যগণের মধ্যে কে মাতা মনুর সন্তান অর্থাৎ মনু্য্য কে, কে পিতৃলোক অর্থাৎ আদি পিতৃভূমি (Fatherland) হইতে সমাগত এবং কে কে সাধারণ দেববংশীয় (বিদ্যাংসো বৈ দেবাঃ) ইহা ও বিশেষত্ব প্রদর্শনের জন্য "নিবীত" 'প্রাচীনাবীত' এবং 'উপবীত' এই তিন প্রকারের যজ্ঞহৃত্ত ধারণের ব্যবস্থা করেন।

• মহর্ষি জৈমিনি তাহার পূর্বমীমাংসায় বলিতেছেন "নিবীতমিতি মনু্য্যধর্মঃ" ১—অ ৪ পাদ পূর্বমীমাংসা। ইহার ভাষ্যে মহায়া শব্দ-স্বামী লিখিয়াছেন—

নিবীত মনু্য্যানাং প্রাচীনাবীতং পিতৃণাম্ উপবীতং

দেবানামুপব্যয়তে দেবলক্ষ্যমেব তৎ কুরুতে।

"উপবীত" 'প্রাচীনাবীত' এবং "নিবীত" কাহাকে বলে, ভগবান মনু বলিতেছেন—

উক্ত তে দক্ষিণে পাণাবুপবীত্যাচ্যত দ্বিজঃ।

সব্যে প্রাচীন আবাভী নিবীতী কঠমজ্জনে ॥ ৩৩-২ অ

যজ্ঞহৃত্ত বানস্কন্ধ হইতে দক্ষিণ-নিম্ন পর্যন্ত লখিত থাকিলে, এবং তদন্থ্য দিয়া দক্ষিণ বাহু নিদ্রাস্ত হইলে, তাহাকে উপবীতী বলা যায়। দক্ষিণ স্কন্ধ হইতে বানস্কন্ধ-নিম্ন পর্যন্ত লখিত থাকিলে ও তদন্থ্য দিয়া বাহু নিদ্রাস্ত হইলে, তাহাকে প্রাচীনাবীতী বলে। বাহার কঠদেশে যজ্ঞহৃত্ত মালার স্থায় দোলায়মান থাকে তাহাকে নিবীতী বলে।

কালে সামাজিক নানান বিপ্লবে এইসকল বিশেষ বিধির যেমন বিলোপ ঘটয়াছিল তেমনি পৈতাম্ব ও নানান ব্যক্তিচার ঘটে। তাই বর্তমান সময়ে আমরা ক্ষত্রিয় ও বৈশ্যগণকেও কার্পাসহৃত্তের পৈতা ধারণ করিতে দেখিতে পাই। যাহা হউক যজ্ঞহৃত্ত ধারণপ্রথা যে ভারতীয় আচার্য্যতির আধ্যাত্মের চিহ্ন (Badge) ব্যতীত অস্ত কিছুই নহে তাহা আমরা নিঃসন্দেহে বলিতে পারি।

শ্রীললিতমোহন রায় বিদ্যাভিনোদ।

(৭৩)

মাছের বৃদ্ধি অনেকটা তাহার খাদ্যের পরিমাণের উপর নির্ভর করে। পুকুরে মাছের খাওয়ার জিনিষ না-পষ্ট থাকিলে মাছ বাড়েও ভাড়াভাড়া, ওজনও হয় বেশী।

সাধারণতঃ মাছের খাওয়ার জন্ত কৃত্রিম খাদ্য দিবার আবশ্যক হয় না। কিন্তু বৎসরান্ত পুকুরের মাছের স্বাভাবিক বৃদ্ধি না পাইলে, পুকুরে অল্প কিছু পরিমাণে কটর টুকরা, ভাত ও তরকারী ফেলা হইতে পারে। পরিমাণ এমন হওয়া চাই যাহাতে পুকুরের জল নষ্ট না হয়। পুকুরে মাছের প্রচুর খাব্য থাকিলে, প্রত্যেক মাছের ওজন এক বৎসরে তিন পোয়ার কম হওয়া উচিত নয়। দ্বিতীয় বৎসরের শেষে দুই নাছের ওজন হওয়া উচিত—দেড় সের হইতে দুই সের। নাছের বৃদ্ধি কতকটা মাছের সংখ্যার উপরও নির্ভর করে। ছোট পুকুরে বেশী নাছ থাকিলে, বাড়ে যুগ কম এবং অধিকাংশ ফলেই নাছ মরিয়া জলের উপর ভাসিয়া উঠিতে দেখা যায়। পুকুরের আকার এবং গভীরতা দেখিয়া নাছ ফেলিতে হয়। নাছদের মধ্যে ঘেসাঘেসি হইলে পুকুর চইতে কিছু নাছ জন্ত পুকুরে ফেলিতে হয়; তাহা হইলে মাছের বৃদ্ধি ভালরূপে হয়; একথা সকলেই বুঝেন।

নগেন্দ্র ভট্টশালী।

সব জিনিষেই মজীবতা যত বেশী পরিপূর্ণতা তত কম আর মনের স্বাধীনতা বা অধীনতার সঙ্গে শারীরিক উন্নতি বা অবনতির যথেষ্ট সংশ্রব আছে। তাই প্রায়ই দেখা যায় বড়পুকুরে মাছ যত শীঘ্র বড় হয় ছোট পুকুরে তত দীর্ঘ হয় না। এর কারণ হচ্ছে বড় পুকুরে মাছ বেশী ছোটোছোটো কবুতে পারে।

মাছের অবয়বের বন্ধি-অবন্ধি কিছুটা তাদের খোরাকের উপরও নির্ভর করে। যে পুকুরে খাবার বেশী মিলে সেই পুকুরের মাছ বেশী বড় হয়।

• চৌধুরী মহিউদ্দীন আহমদ।

(৭৪)

মারিকেল-মাছে পোকা ধরিলে উহার তলাটি বেশ করিয়া খুঁড়িয়া ফেলিতে হইবে। এবং ঐ গাছের গোড়ার চারিদিকে একফুট গভীর করিয়া বৃত্তাকারে একটি গর্ত খুঁড়িতে হইবে। ঐ গর্তে দুই তিন দিন যাবত বেশ করিয়া গোমূত্র ঢালিলে পোকা একেবারে নষ্ট হইয়া যায় এবং পুনরায় গাছ বেশ সতেজ হইয়া উঠে।

• মারিকেলচাষা রোপণ করিবার সময় সে গর্ত করা হয় ঐ গর্তে

ছাই ও লবণ মিশাইয়া চারা বসাইলে গাছে পোকা ধরিবার আর আশকা থাকে না, বরং ইহাতে গাছের খুব উপকার হয়।

শ্রীবিজয়কৃষ্ণ পাথিরা।

নারিকেল-গাছে পোকা ধরিলে গাছের মাথায় কিঞ্চিৎ খোলা গুড় অথবা তামাক মাথিবার চিটা গুড় রাখিলে একপ্রকার ছোট লাল পিপুড়া কর্তৃক পোকা নষ্ট হয়।

বৎসরে একবার নারিকেল-গাছের মাথা পরিষ্কার (বাহাই) করিলে পোকা ধরে না।

শ্রীসন্তোষচন্দ্র দে।

উঁতে আধ সের পরিমাণ, তিন সের গরম জলে গুলিয়া, এক পোয়া পরিমাণ গুড়া চুন মিশাইতে হয়। পরে উহার সহিত পনর সের জল উত্তমরূপে মিশ্রিত করিয়া পীচকারী দ্বারা নারিকেল-গাছে লাগাইলে, সব পোকা সরিয়া যায়। নারিকেল-গাছে, চারা থাকিতে, প্রত্যহ উনানের ছাই দিলে, সহজে পোকা ধরিতে পারে না।

নগেন্দ্র ভট্টশালী।

নারিকেল-গাছে পোকা ধরিলে, সেই গাছে বেশী পরিমাণে বড় পিপুড়া ধরাইয়া দিলে পোকা একেবারেই কমিয়া যায়। আর গাছ প্রথম রোপণ করিবার সময় গাছের গোড়াতে ৩৪ সের পরিমাণ লবণ দিয়া রোপণ করিলে মোটেই পোকায় কাটে না।

শ্রী।

নারিকেল-বৃক্ষের মাথা অপরিষ্কার থাকিলেই পোকা আসিয়া আশ্রয় করে। যদি বৎসরে অন্ততঃ দুইবার, আশ্বিন মাসে ও চৈত্রমাসে,

খুব পরিষ্কার করিয়া দেওয়া যায় তবে আর পোকা ধরিতে পারে না। গাছের গোড়াতে ধানের তুষ বা পানি দিলেও গাছ ভাল থাকে। যখন পোকা গাছের পাতা কাটিয়া গাছ নষ্ট করিতে থাকে, তখন যদি কিছু চিনি বৃক্ষের গোড়াতে এবং আগায় ছড়াইয়া দেওয়া যায়, তবে উহার আগে পিপীলিকা উঠিয়া পোকাকুলিকে ধাইয়া ফেলিতে দেখা গিয়াছে। আমি অপর একটি ঔষধ ব্যবহার করিয়াও বেশ উপকার পাইয়াছি। ঐ ঔষধ ভেঁরেণ্ডা-তৈলের সহিত মিশ্রিত করিয়া, গাছের গোড়ায়, মাটির পাত্রে রাখিয়া দিলে, সব পোকা উহাতে পড়িয়া থাকে। ঐ ঔষধ সাধারণের উপকারার্থে, কোন পারিশ্রমিক না মিয়া বিনামূল্যে বিতরণ করিতে প্রস্তুত আছি।

শ্রীহরেন্দ্রচন্দ্র লস্কর,
ডোঁহাখলা, ময়মনসিংহ।

(৩১)

কাঠ ব্যবহার করবার আগে তা “পাকাইয়া” লইলে অর্থাৎ পোক বা কাদার মাঝে কয়েকদিন পুঁতে রাখলে যুগে কাটতে পারে না।

মেটে তেল ব্যবহার করলেও সমান ফল পাওয়া যায়। কেরোসিন তেল লাগালেও কাঠকে অনেকটা বাঁচান যায় যুগের পান্না থেকে। কাঠকে “যুগ পক্ষ” কোরে ফেলেই যুগ কাঠে উঠবে না আর তা হলে হতাও কাটবে না।

চৌধুরী মহিউদ্দীন আহমদ।

‘নেপথলিন’ ব্যবহার করিলে অর্থাৎ স্ততার মধ্যে নেপথলিন (Naphthalene) দিয়া রাখিলে আর যুগে কাটবে না।

শ্রী।

কাঁটাফুল

কেমন করে ফুটলি রে ফুল, বল;—

কাঁটার সাংগর পেরিয়ে এলি

মাণিক-শতদল!

তীক্ষ্ণ কাঁটার কঠোরতা

নিঙড় পেলি পেলবতা,

নরু ভূমির নদিয়াখানে

নির্কারিনীর জল!

শব-শব নের বেগিনী সুই, ফুল!—

কুরূপ-কোকিল-কণ্ঠ মধু

পঞ্চমেরি বৃক্ষ।

বিষছেঁচা ভুই সাপের মণি!

পঞ্চজিনী, রূপের খনি!

চাণার দরিদ্রতায় প্রিয়া-

প্রীতি-সমাকুল!

পুলেই এলি কাঁটার বসন ত?—

কঠোর সাধন অন্তে দেবের

আশিস অনন্ত!

নিদাম-শোষণ নিঙড়ে এন

বর্গা আসে বৃষ্টি হেন;

তুহিন শীতের শেষ তোরণে

জাগল বসন্ত!

শ্রীশৈলেন্দ্রনাথ রায়



যৌবন-স্মৃতি—ঈশ্বরদিন্দু বন্দ্যোপাধ্যায় প্রণীত। মূল্য পাঁচ আনা।

এখানি কবিতাগ্রন্থ। বাইশটি ছোট ছোট কবিতার সমষ্টি। ভূমিকার লেখক স্বয়ং ঠিকই বলিয়াছেন "ইহাতে অসাধারণ কিছুই নাই।" না থাকুক, তবুও ছন্দোচাতুর্য্য ও ভাবমাধুর্য্য সব কবিতাগুলিকেই বেশ সুখপাঠ্য করিয়া তুলিয়াছে। ভাষাও সর্বত্রই স্থূললিত ও সুমার্জিত। বেশীর ভাগ কবিতাতেই মৃদু বিবাদের করণ আশাস ধনিয়া উঠিয়াছে—যৌবনের স্মৃতিই বোধ হয় তাহার কারণ। হালকা হাসির সুরেও দুই-তিনটি কবিতা রচিত। ইহার কবিতাতে চিন্তার গভীরতার বিশেষ কোন পরিচয় নাই, তবে সুন্দর রসাত্মক ভূতি আছে। প্রকৃতি-বর্ণনায় কবির নিপুণতা স্পষ্ট। বেদিন, ছেলেমানুষ, তড়াগ, আর কতদূর, যৌবন, আলোক আঁধার, সঙ্গীহীন, ভাঙ্গা, এই কয়টি কবিতা আমাদের বেশ লাগিয়াছে। তড়াগের শেষ তিনটি শব্দক তুলিয়া দেওয়া গেল—

ক্রমে সন্ধ্যাকালে—

দূর্য্য যবে রক্ত মুখে নেমে যায় ধরণীর নীচে
প্ৰকাশিত অন্ধকার সন্ধ্যাকৃষ্টি ছুটে আসে পিছে,
অস্পষ্ট ভীতির পরে পাখীগণ দিয়ে উড়ে সাড়া,
গোবলি-মলিন মুখে অশ্রুজলে হাসে সন্ধ্যাতারা
আকাশের ভালে,

তখন তোমার [তড়াগের]—

কুলে কুলে কৃষ্ণরেখা হয়ে আসে স্পষ্ট স্পষ্টতর,
শীর্ণ তালবৃক্ষছায়া কাল জলে কাঁপে থর-থর,
শীতবায়ু-স্পর্শে পাত্রে শিহরণ উঠে অহরহ;—
শীতলস্মৃতিতে যেন মনে কার মরণ-বিবহ
জাগে বার বার।

নিশা তমোময়ী—

তোমার মঞ্জলবুকে পুরে দেয় নিবিড় আঁধার,
ভারতে ছায়াতে করে দূরত্বের দিগ্গণ বিস্তার;
তুমি দৃষ্টিহীন চক্ষু মেলে থাক অসীমের পানে,
বুকের শূন্যতা ভরে নিতে চাও অন্ধকার দানে,
বিরাট প্রণয়ী।

মোটের উপর আমাদের বিখাস, এই ছোট গ্রন্থখানি কাব্যানোণী পাঠককে আনন্দদানে সমর্থ হইবে।

শ্রীনিরেন্দ্রনাথ রায়চৌধুরী।

ছেলেদের সেক্সপীয়ার—'প্রফুল্লকৃষ্ণ' বোধ। আট আশা, ৬৬ পৃষ্ঠা। বোর্ডে বাধা।

সেক্সপীয়ার জগতের শ্রেষ্ঠতম নাট্যকার কবি। তাঁর সঙ্গে বাঙালী ছেলেমেয়েদের পরিচয় করাইবার 'চেষ্টা' প্রশংসনীয়। এই ছোট বই-খানিতে বিশ্ববরণ্য কবির চারখানি নাটকের গল্প ছেলেমেয়েদের উপযোগী করিয়া লেখা হইয়াছে—(১) ক্রীমরাতের স্বপ্নকথা, (২) রোমিও

জুলিয়েট, (৩) রাজা লীয়ার, (৪) কটিকা। বইএ ছবি আছে। ছবি-গুলি বিলাতের প্রসিদ্ধ চিত্রকরদের আঁকা, সুতরাং সুন্দর যে সেকথা বলাই বাহুল্য। এই বইএর সঙ্গে বাঙালী ছেলেমেয়েদের পরিচয় ঘটিলে বিশ্বসাহিত্যের রসাত্মক পাইয়া তাদের চিত্ত প্রসারিত ও জ্ঞানের পরিধি বিস্তৃত হইবে। দাম পূর্ব সস্তা হইয়াছে বলিতে হইবে।

ছড়া ও পড়া—শ্রীমোক্ষনাথ সরকার প্রণীত। সিটি বুক সোসাইটি, কলিকাতা। সচিত্র। আট আনা।

শিশুদের খেলনা বই। ছোট ছেলে-মেয়েদের উপযুক্ত পুস্তক রচনার যোগীন্দ্র বাণ্য গ্রন্থী। তাঁর রচনায় রস থাকে, আনন্দ থাকে; তিনি নিরঙ্কুশ কবি-হস্তীদের মতন মা-সরদারীর পদবন গোনাপায়ে দলিয়া যান না, তাঁর কবিতাকে তিনি ছড়া নাম দিলেও তাতে ছন্দ ভিন্নভিন্ন হয় না, কবিত্বের মনু পক্ষে পরিণত হয় না। এই বইখানিতেও গ্রন্থকার স্বাভাবিক দক্ষতায় কবিত্বের মাধুর্য্য, ছন্দের লাবণ্য ও পারিপাট্য এবং গদ্য রচনাতেও সরস বচনচাতুর্য্য বজায় রাখিয়া বইখানিকে উপাদেয় উপভোগ্য করিয়াছেন। আমাদের আপত্তি সঙ্গেও বুড়া বলিয়া পরিচিত আমরাও শিশুদের সঙ্গে সঙ্গে এই পুস্তকখানি আগাগোড়া পড়িয়াছি ও বিশেষ আনন্দ সম্ভোগ করিয়াছি। কোনো বই সম্বন্ধে এর বেশী ভাসো বলিবার আর কি আছে? এই বই পাইলে ছেলেমেয়েদের আনন্দ যে অবশ্যপূর্ব তাতে আর কোনো সন্দেহ নাই।

বামন হয়ে চাঁদে হাঁত—শ্রীকানন বন্দ্যোপাধ্যায় প্রণীত।

রায় এম সি সরকার বাহাদুর এও সঙ্গ, কলিকাতা। আট আনা। ৪৪ পৃষ্ঠা। বোর্ডে বাধা।

প্রসিদ্ধ ইংরেজ লেখক অগাস্ট ওয়াইল্ড্‌ কর্তৃক লিখিত শিশুদের উপযুক্ত একটি গল্প এই বইএ সরস সরল ভাষায় বলা হইয়াছে। গল্পটিতে ঘটনা-পরস্পরায় কৌতুহল জাগ্রত হইয়া থাকে, কৌতুক ও হাস্যরসেরও প্রবাহ আগাগোড়া আছে। এই বইখানি পড়িলে শিশুরা বিদেশী সাহিত্যের পরিচয়, বিদেশী মনের পরিচয় পাইতে পারিবে। অথচ গল্প রচনার মধ্যে বিদেশীর নামগন্ধও নাই—সমস্ত গল্পটি একে-বারে দেশী ছাঁচে নিপুণতার সহিত ঢালাই করা হইয়াছে। বইএ অনেকগুলি সুন্দর ও মজাদার ছবি আছে। দাম বেশ সস্তা হইয়াছে।

মহর্ষি দধীচি—শ্রীহরিন্দাস মজুমদার। সরস্বতী পুস্তকালয়-

৯ রমানাথ মজুমদার স্ট্রীট, কলিকাতা। ৪৪ পৃষ্ঠা। দামের উল্লেখ নাই, দৈত্যদের আক্রমণ থেকে দেবতাদের রক্ষা করিবার জন্ত দধীচি মুনি আপনাত্মক আত্মত্যাগের দ্বারা বজ্রনির্মাণ করিবার সুযোগ দিয়াছিলেন। আত্মত্যাগীর অস্থিতে প্রস্তুত বজ্র স্বর্গরাজ্য রক্ষা করিতে সমর্থ হইয়াছিল। এই আত্মত্যাগী মহর্ষির পৌরাণিক কাহিনী এই পুস্তকে বর্ণিত হইয়াছে। এই আত্মত্যাগের অববাস ছেলেমেয়েদের পাঠ করা উচিত, স্বয়ংস্বয় করা উচিত।

শিবনাথ—শ্রীমুন্সীতি দেবী প্রণীত। প্রকাশক শ্রীবিজয়চন্দ্র মজুমদার, ৩০১ সি লাম্পডাউন রোড, কলিকাতা। ৬৩ পৃষ্ঠা। আট আনা।

পণ্ডিত শিবনাথ শাস্ত্রী মহাশয়ের জীবনীর ঔটিকয়েক কাহিনী ও বিশেষতঃ শিশুদের উপযোগী করিয়া লেখা হইয়াছে। শিবনাথ শাস্ত্রী মহাশয়ের বালাজীবনের কৌতুকবহু ঘটনা, দারিদ্র্যের সঙ্গে সংগ্রাম করিয়া বিদ্যাশিক্ষা ও জ্ঞানার্জন, সত্যের প্রতি তাঁর অনুরাগ, ধর্মপ্রাণতা, কর্মজীবনে তাঁর অক্লান্ত উদ্যম, তাঁর সাহিত্যসাধনা ও রচনাশক্তি, তাঁর চরিত্রের মার্ধ্য ও মহত্ত্ব, পারিবারিক ও সামাজিক সম্পর্কে তাঁর ঘেহশীল কর্তব্যপরায়ণতা, রাষ্ট্র সম্পর্কে তাঁর ঐক্য-সংস্কারের প্রচেষ্টা প্রভৃতি এই পুস্তকে মোটামুটি সবই বর্ণিত হইয়াছে। মহৎ ব্যক্তির জীবনচরিত পাঠ করিলে চরিত্রে তাঁর প্রভাব পড়ে, সেই ছাঁচে চরিত্র গঠিত হয়; বালকবালিকারা এই মহৎজীবনের সহিত পরিচিত হইলে তারা যে বিশেষ উপকৃত হইবে তাতে কোনো সন্দেহ নাই। এই বইএ অনেকগুলি ছবি আছে, সেগুলি শিশুদের বিশেষ আনন্দপ্রদ হইবে। বইখানির রচনা সুন্দর সুলিখিত ও সংহত হইয়াছে।

বঙ্গ গৌরব সার গুরুদাস বন্দ্যোপাধ্যায়—
শ্রীশরৎকুমার রায় প্রণীত। প্রকাশক শ্রীজ্যোতিরিন্দ্রনাথ রায়, বি-এ;
১৬ শ্যামাচরণ দে ষ্ট্রিট, কলিকাতা। ৭২ পৃষ্ঠা। বোর্ডে বাঁধা।
আট আনা।

গুরুদাস বাবু বাংলার দেশের সম্মানিত লোক ছিলেন তাঁর চরিত্রের মহত্ত্ব ও হৃদয়ের মার্ধ্য। এই ধর্মভীরু মনুষ্যের জীবন এই পুস্তকে দশ অধ্যায়ে আলোচিত হইয়াছে। শিক্ষার ক্ষেত্রে, আইন ব্যবসায়ে, বিচারপতিকপে গুরুদাস বাবুর বিশেষত্ব এবং তাঁর সমাজ ও ধর্ম সম্বন্ধে অভিমত স্পষ্ট করিয়া প্রকাশ করা হইয়াছে।

কানের ছল—শ্রীশ্রীগেহনাম মিত্র। গুরুদাস চট্টোপাধ্যায়
এও মঙ্গ, কলিকাতা। ১৮২ পৃষ্ঠা। কাপড়ে বাঁধা দেড় টাকা।

গল্পের বই। সাতটি গল্প আছে—কানের ছল, প্রতিদান, কোড়ার সাহেব, কল্যাণা, যমুনা, পরিচয়, বিদেশী। সব গল্পগুলির অন্তর্নিহিত কৌশল হইতেছে—ভুল বোঝা। গল্পগুলি সেইরূপ কৌতুক উদ্বেক করে। গল্পগুলি সুলিখিত। আমাদের সবচেয়ে ভালো লাগিয়াছে প্রতিদান গল্পটি। বোঝা যুবকের প্রণয়ের ব্যাপারটি সুন্দর দক্ষতার সঙ্গে চিত্রিত হইয়াছে।

দেববীণা—শ্রীদেবকণ্ঠ মরদত্তী। সাধনা লাইব্রেরী, ২৩
ক্যানিং ষ্ট্রিট, কলিকাতা। ২৪০ পৃষ্ঠা। কাপড়ে বাঁধা, দু টাকা।

বাংলা থিয়েটার মহলে দেবকণ্ঠ বাপুসী মহাশয়ের সঙ্গীতজ্ঞ ওস্তাদ বলিয়া সন্মান আছে। বাংলা থিয়েটারের বহু নাটকের গানে সুর সংযোজনার কৃতিত্ব তাঁর। তিনি যে কেবল সুরজ্ঞ সঙ্গীতজ্ঞ নন, সঙ্গীতরচয়িতাও তাঁর পরিচয় দেববীণা। এই বইএ দেবকণ্ঠের সঙ্গে দেববীণা লয় মিলাইয়াছে—নীনাভাবের গান রচনা করিয়া রচনাশক্তিরও পরিচয় দিয়াছেন। গানগুলিতে কবিত্ব আছে, রচনা-পারিপাট্য আছে, ভাবাবেশ আছে, সুন্দর সুরভালও সে আছে তাও না শুনিয়াও বলা যায়। সঙ্গীতপ্রিয়দের কাছে এই বই সমাদৃত হইবার যোগ্য।

দেবব্রত—শ্রীসমিত্যন্ত্র কাব্যবিহারদ। প্রকাশক শ্রীসনৎ
কুমার চট্টোপাধ্যায় এম এম সি, বি এল, বারাসত। ১৮০ পৃষ্ঠা।
পাঁচসিকা।

নাটক। মহাভারতে বর্ণিত ভীষ্ম কর্তৃক অর্থা অধিকা অথালিকা হরণ আখ্যায়িকা অবলম্বনে লিখিত। প্রস্তুত চরিত্র লইয়া নাটক রচনা অপেক্ষাকৃত সহজ; সেক্ষেত্রে নাটককারের কৃতিত্বের বিচার রচনা-পারিপাট্য দেখিয়া করিতে হয়। এই নাটকের রচনাপ্রণালী উৎকট

সংস্কৃত-যেঁষা। পাত্রপাত্রীদের মুখে বড় বড় বক্তৃতা, সংস্কৃত শ্লোক, তৎকথা খুঁজিয়া বইখানিকে জয়াবহ করা হইয়াছে। “সম্যকরূপে পরিপাট্য ক্ষেত্রে বীজবপনে ফলের সম্ভাবনা অন্তরের নিকট কার্যের আশা করলে অন্তরকে সংযম হল দ্বারা অনবরত কথিত করে আকাঙ্ক্ষাদি তৃণরূহিত করে” শাস্ত্র সমতল করতে হয়; তাঁর পর সেই অন্তরক্ষেত্রে শালগ্রাম-শিলাগত ভগবানকে রোপণ করলে জ্ঞানময় ভগবান-বৃক্ষ অঙ্কুরিত শাখাপ্রশাখায় বিশ্বব্রহ্মাণ্ড পরিব্যাপ্ত করেন।” ইত্যাদি বাক্য নাটকে অচল। ব্রহ্মবিহার, কামা অবস্থা হইলেও ভগবানবৃক্ষের শাখাপ্রশাখায় লক্ষবর্ষ দেওয়ার কল্পনা অসাধন অক্ষম লেখকেরাই করিতে পারেন। বইখানি রচনা হিসাবে যেমন কুশী, গঠন ও ক্রমপুষ্টি হিসাবেও তেমনি নিফল হইয়াছে। যদিও ভট্টপট্টীর পণ্ডিতগণ প্রশংসা করিয়াছেন, তথাপি আমরা এর মধ্যে সাহিত্যিক সৌন্দর্য একটুও খুঁজিয়া পাইলাম না।

নারীর কথা—শ্রীনিরীকান্ত গুপ্ত প্রণীত। প্রবর্তক
পাবলিশিং হাউস, চন্দননগর। ৭৭ পৃষ্ঠা। পাঁচসিকা।

নারী সম্পর্কীয় ছয়টি প্রবন্ধ এই পুস্তকে আছে—(১) নারীর কথা, (২) নারীসমতা, (৩) নারীস্বতন্ত্রতা, (৪) বিবাহ ও দাম্পত্য সম্বন্ধ, (৫) দাম্পত্য সম্বন্ধের কথা, (৬) পুরুষ ও নারী। পৃথিবীর সকল দেশে নারীসমতা প্রবল হইয়া উঠিয়াছে; পুরুষ এতকাল নারীকে যে-সমস্ত অধিকারে বঞ্চিত রাখিয়াছিল তার বিরুদ্ধে প্রবল প্রতিবাদ পুরুষ ও নারী উভয় পক্ষ হইতেই উদ্ভূত হইয়াছে। এই সমস্তার নীমাংসা কি তাহা চিন্তাশীল ও জ্ঞানী লেখক এই পুস্তকে বিশেষ দক্ষতার সহিত সকলদিকের বিচার করিয়া আলোচনা করিয়াছেন। আমাদের দেশেও পুরুষ ও নারীর এই বইখানি পড়িয়া চিন্তা করিয়া কর্ম করা উচিত।

সবুজ কথা—শ্রীসুরেশচন্দ্র চক্রবর্তী। প্রবর্তক পাবলিশিং
হাউস, চন্দননগর। ১৫৭ পৃষ্ঠা। দেড় টাকা।

সুরেশ বাবু নবযুগের অগ্রযাত্রার মঙ্গল-অনুষ্ঠানের যজ্ঞ একজন পুরোহিত। তাঁর মন সত্যত ধ্বনিত হইতেছে—“আগে চল, আগে চল ভাই!” “ওরে সবুজ, ওরে আমার কাঁচা, আধমরাদের যা মেয়ে তুই বাঁচা!” সমস্ত শিঞ্জর মুক্ত হোক, গৃহল ছিন্ন হোক, বাধা অপসারিত হোক, গভী মুছে যাক; প্রাণ হোক তান্না, বুদ্ধি হোক তীক্ষ্ণধার, বিচারশক্তি হোক অনাচ্ছন্ন, মন হোক সংস্কারবর্জিত! এই আশার ও উৎসাহের মন-উদগাতা এই পুস্তকে এক ভজন প্রবন্ধ সংগ্রহ করিয়াছেন—(১) ভারতবর্ষ, (২) বৈরাগ্যসাধনে মুক্তি সে আমার নয়, (৩) অচলায়তন, (৪) পঞ্চক, (৫) শক্তিমানের ধর্ম, (৬) একটি প্রেমের গান, (৭) নারীর উক্তি, (৮) অবরোধের কথা, (৯) বীরবল, (১০) বিশ্ববিখ্যালের কথা, (১১) দূরে বাইরে, (১২) নূতন ও পুরাতন। যারা জীবনের সকল ক্ষেত্রে ও সম্পর্কে স্বাধীনতার মুক্ত হাওয়ায় সঙ্গীততা ও স্বাস্থ্য অনুভব করিতে চান, যারা চির সবুজ থাকিতে উৎসুক, তারা এই বই পড়িলে বিশেষ উপকৃত হইবেন। এই বই আমাদের অকালমৃত দেশের একটি প্রাণকেও তারুণ্যের উৎসাহ দিতে পারিলে তার উদ্দেশ্য সফল হইবে। তাই আমরা সকল নর-নারীকে এই বই পড়িতে অনুরোধ করিতেছি।

স্বরাজসাধনা বা রাষ্ট্র পরিচয়—শ্রীবসন্তকুমার বন্দ্যো-
পাধ্যায়। বি, প্র, ভাণ্ডার, বসন্তকুটীর, গোন্দলপাড়া, চন্দননগর। ১০৪
পৃষ্ঠা। বারো আনা।

বসন্ত বাবু যে স্বদেশভক্ত চিন্তাশীল সংস্কারবর্জিত লেখক তাঁর পরিচয় আমরা বহুবার তাঁর বহু পুস্তক সমালোচনা করিবার সময়

নিয়াছি। এই পুস্তকে লেখক বর্তমান রাষ্ট্রের স্বরূপ কি এবং কিরূপে পরিবর্তন ঘটাইলে স্বরাজ্যলাভ হইতে পারিবে তাহারই বিচার চক্ষুণ্ডার সহিত করিয়াছেন। বইখানি ১৬ পরিচ্ছেদে বিভক্ত—
১) রাষ্ট্রের প্রকৃতি, (২) রাষ্ট্র কি কৃত্রিম ব্যবস্থা, (৩) রাষ্ট্রপত্নীক—রাজা না প্রজা? (৪) অন্তর্রাষ্ট্রীয় বিধান, (৫) রাষ্ট্রের শ্রেণীভেদ, (৬) রাষ্ট্রের মৌলিক বিধান, (৭) শাসনচক্রের কর্তব্য, (৮,৯) ব্যবস্থাপক বিভাগ, (১০) শাসনচক্র, (১১) বিচারবিভাগ, (১২) শিল্পিত রাষ্ট্র, (১৩) উপনিবেশ, (১৪) স্থানীয় শাসনকর্তৃক, (১৫) সম্প্রদায়গত শাসনকর্তৃক, (১৬) রাষ্ট্রের উদ্দেশ্য ও শাসনচক্রের কর্তব্য।
রাষ্ট্রতত্ত্বের সকল অঙ্গের মোটামুটি কথা এই ১৬ পরিচ্ছেদে বেশ পরিষ্কার করিয়া বুঝানো হইয়াছে। বইখানির প্রতিপাত্ত বিষয় হইতেছে এই—“স্বরাজ্য কেহ কাহাকে দান করিতে পারে না, তাহা হৃদয়ের বল দিয়া অর্জন করিতে হয়। বিশেষ অজ্ঞতা ও সঙ্কীর্ণতা স্বরাজ্য-সাধনার প্রধান অন্তরায়। দেশবাসীর আন্তরিক একতা ও মনঃবোধের উপরেই স্বরাজ্যের প্রতিষ্ঠা।” স্বরাজ্যপ্রার্থী প্রত্যেক নরনারীর রাষ্ট্র সম্বন্ধে জ্ঞান পরিষ্কার ও গভীর হওয়া দরকার। এই বই সেই সাধনায় অনেক সাহায্য করিতে পারিবে।

পাথর প্রতীপ, পণের সাথী—শ্রীমৎ স্বামী স্বরূপানন্দ। কলকাতা গুরুকুল সমিতি ১৩ সুকিয়া ষ্ট্রিট, কলিকাতা। ছয় পয়সা।

চটি বই। দেশোদ্ধার করিতে উৎসাহী লোকদের আশা ও উৎসাহের প্রদীপ জ্বলিয়া পথ দেখানো এই পুস্তিকার উদ্দেশ্য। খুব জোরালো মত কথা বলা হইয়াছে। দুপানি বই আকারে অতি ক্ষুদ্র হইলেও তার অন্তরে অগ্নিগর্ভ উৎসাহবাণী নিহিত আছে। যাজ্ঞাজন এই পথের প্রদীপ ও পথের সাথী হইতে অনেক সাহায্য পাইবেন।

গ্রামের কথা—শ্রীমৎ শচন্দ্র দাশগুপ্ত। প্রকাশক শ্রীমৎ শচন্দ্র চৌধুরী, বগুড়া। দশ পয়সা।

গ্রামের উন্নতিতে সমগ্র দেশের উন্নতি; কি উপায়ে গ্রাম উন্নত হইতে পারে; স্বশক্তির বিকাশেই স্বরাজ্য লাভ হয়; ইত্যাদি বিষয় খুব আশা-যিত উৎসাহবাক্যে নির্দেশ করা হইয়াছে। আশার বাণী যিনি ঘোষণা করেন, তিনি দেশবন্ধু। গ্রামে গ্রামে উৎসাহ ও আশা সঞ্চারিত করিবার উদ্দেশ্যে এই পুস্তিকা লেখা। এর বহুল প্রচার বাঞ্ছনীয়।

ভারতে বিলাতি কাপড় ও আমাদের কর্তব্য—শ্রীমৎ শচন্দ্র মুনী। উখলী কংগ্রেস কমিটি হইতে প্রকাশিত। মূল্য দুই আনা।

ভারতে প্রাচীনকালে বাণিজ্যের অবস্থা কেমন উন্নত ছিল ও বিদেশী বণিকেরা আসিয়া কেমন করিয়া ভারতের শিল্প ও বাণিজ্য নষ্ট করিল তার ইতিহাস একটু এই পুস্তিকায় দিয়া লেখক দেখাইয়াছেন বিদেশী বর্জন করিলে আমাদের বরাজ্য কিরূপে করায়ত্ত হইবে, স্বরাজ্যের উপকারিতাই বা কি। লেখকের সিদ্ধান্ত এই—“যদি সমস্ত ভারতবাসী একযোগে ব্রিটিশ পণ্য বর্জন করে তাহা হইলে ব্রিটিশ কল ও মাল্যপণ ভারতে ও নিজাতে হুমুল আন্দোলন করিবেন এবং যে অধিকারনাশের জন্ত ভারতবাসী বক্রপরিষ্কার হইয়াছেন ব্রিটিশ গভর্নমেন্টকে সেই অধিকারদানে বাধ্য করিয়া ভারতবাসীর অন্যতর দুরীকরণে প্রয়াস পাইবেন। এইরূপে অচিরে ভারতে স্বরাজ্য স্থাপিত হইবে।” “স্বরাজ্য প্রতিষ্ঠিত হইলে ভারতবাসীর গণিত দানবজীবন প্রকৃত মনুষ্যজীবনে পরিবর্তিত হইবে।”

মহিম্ম স্তোত্র—স্বামী অন্নবান ও বিশেষ ব্যাখ্যা সহ। শ্রীমৎ স্বামী প্রজ্ঞানন্দ সরস্বতী। সরস্বতী পুস্তকালয়, ৯ রমানাথ মজুমদার ষ্ট্রিট, কলিকাতা। দু আনা।

ভাওয়ালী কাণ্ড—শ্রীকেশবনাথ চক্রবর্তী, ২২ গোকুল মিত্রের লেন, কলিকাতা।

ভাওয়ালের স্তম্ভ কুমার ও সন্ন্যাসী ঘটত ব্যাপার আলোচনা করিয়া লেখক প্রমাণ করিতে চাহিয়াছেন যে সন্ন্যাসী জাল।

সখী—শ্রীমৎ ললিতকুমার বন্দ্যোপাধ্যায়। ভট্টাচার্য এণ্ড সন, কলিকাতা, ঢাকা ও নয়দনসিংহ। আট আনা।

বঙ্কিমচন্দ্রের আখ্যায়িকাসুলভিতে যতগুলি সখীচরিত্র চিত্রিত হইয়াছে তাদের মধ্যে আলোচনা করিয়া এই বই লেখা হইয়াছে। সাহিত্যে সখীর কার্য ও প্রয়োজনীয়তা কি, কাব্য নাটকে সখীর দৃষ্টান্ত দ্বারা সেই উদ্দেশ্য পরিষ্কৃটন, সখীগণের শ্রেণীবিভাগ ও বঙ্কিমচন্দ্রের সৃষ্ট সখীচরিত্রের বিশেষত্ব এই পুস্তকে প্রদর্শিত হইয়াছে। নাট্যিকার অঙ্গরূপেই সখীরা চিত্রিত হন ও নাট্যিকার কার্যে সাহায্য করিয়াই তাঁরা পাঠকের মন হইতে সরিয়া পড়েন। সখীদের তিন শ্রেণীতে ভাগ করা যায়—(১) নাট্যিকা কুল্যা সমপদবীর স্বাধীনা, (২) বৃত্তিভোগিনী, নাট্যিকার স্বাধীনা, কিন্তু ভ্রমবশত (৩) দাসী। বঙ্কিমচন্দ্রের এই তিন শ্রেণীর সখীই এই পুস্তকে সমালোচিত হইয়াছেন। সমালোচনার সঙ্গদৃষ্টি ও রসগ্রাহিতার পরিচয় আছে। বাংলা সাহিত্যে এরকম বই নতন।

মুদ্রারক্ষমা।

ক্ষুধা

(হুলসাদাস)

শারীরিক ক্ষুধা?—খাও পোওয়া তিন

একেবারে হয় হাস।

মানসিক ক্ষুধা?—তার ধারা ভিন,

সুমেধ করিবে গ্রাস।

শ্রীচণ্ডীচরণ মিত্র।

জীবন-মরণ

যুগ্ম মে মে শুক্তি-কারা জীবন-মুক্তার,

নয়গলা অন্তরে তার প্রাণেরি সঞ্চার,

নিভা-কালের-সাগর দোনা ডেউএর পাগল বেগে

রক্ত-মরণ-হয়ার ঠেলে উঠছে জীবন জেগে।

শ্রীহৃদীকেশ চৌধুরী।

কণ্ঠ পাথর



স্বর্ণবণিক-সমাচার (আশ্বিন)

বক — শ্রীমতীচরণ লাহা ।

বক বাঘাবর পাখী নহে ; জলাশয় হইতে আহাৰ্য্য সংগ্রহ করিতে হয় বলিয়া, জলাশয় হইলেই ইহাদের স্থানপরিবর্তন করিতে হয়। বক-চরিত্রের একটা বিশিষ্টতা এই যে, তাহারা সারাদিন খাদ্যাবেশে প্রায়ই সঙ্গীহীন অবস্থায় বিচরণ করে, দল বাঁধিয়া থাকিতে পছন্দ করে না। সে সকল বক রাত্রির, তাহারা সারারাত আহাৰের খোঁজে ঘুরিয়া ফিরিয়া সকালবেলা তাহাদের নিবাসবৃক্ষের উপর আনিয়া জমায়েত হয়।

বাসা-নির্মাণে বকের মোটেই পারিপাশ্য বা রচনাকৌশল লক্ষিত হয় না। কদাকার বাসা আগতনে বড় হইলেও চিত্তবিক্ষার স্থান গঠন হয় না। সাধারণতঃ বৃক্ষশাখায় নীড় রচিত হয়। কিন্তু কতিপয় শ্রেণীর বক জলাশয় অথবা তৎতীরবর্তী শরবনের ঝোপে-ঝোপে বাসা প্রস্তুত করে। শ্রেণী অন্তরে ডিমের বর্ণ কোনটার সাদা, কোনটার সবুজ, কোনটার বা পুং নীল হয় ; কোনটাই বিন্দু-বিন্দু দাগ-বিশিষ্ট হয় না। ডিম ফুটয়া শাবক বাহির হইতে ৩৭ দিন লাগে। গৃহনির্মাণ, ডিমে তা দেওয়া ও সম্ভানপালনকার্যে বক দম্পতী উভয়েই দায়িত্ব ভাগাভাগি করিয়া লয়।

বকজাতীয় পাখীগুলিকে মোটামুটি তিনভাগে বিভক্ত করা হয়। দেহের লক্ষণের তারতম্য ও বর্ণের বৈষম্য অবলোকন করিয়া এইরূপ শ্রেণীবিভাগ করা হইয়াছে। বক মাত্রেই অত্যন্ত লোভী ও পেটুক হয়। মুখের আকর্ষণবিস্তৃত ধী দ্বারা সে বড় বড় মাছ গিলিয়া ফেলিতে পারে। কলিকাতার কথা — শ্রী প্রমথনাথ মলিক ।

হেষ্টিংসের আমলে রাইরায়ার পদ উঠিয়া গিয়াছিল। কাহ্ন মহারাজা রাজবল্লভ বার্ষিক একলক্ষ টাকা পাইতেন ও পূর্ণবর জেনারেলের সভায় সভ্য ছিলেন। ইহার আদি নিবাস রাজসাহী; কলিকাতায় বাগবাজারের ঘোষানে থাকিতেন সেইখানে তাঁহার নামে রাস্তা হইয়াছে। হেষ্টিংস নবকৃষ্ণকে তাঁহার নিকট হইতে একখানি কাগজ সহি করিয়া আনিতে পাঠাইয়াছিলেন। রাজবল্লভ নবকৃষ্ণকে বসিতে না বলিয়া নব্যক আপনাকে অপমানিত মনে করিয়া হেষ্টিংসের কাজে ইচ্ছা দিবার ভান করিয়া রাজবল্লভকে পদচ্যুত করাইয়াছিলেন। নয়ানচাঁদ মল্লিক সেকালের কলিকাতার প্রধান ব্যবসায়ী।

কলিকাতায় যেখানে দুনের গোলা ছিল অর্থাৎ দুন তৈয়ারী হইত তাহাকে মলঙ্গা বলে, কারণ বাহারা তাহা করিত তাহাদিগকে মলঙ্গী বলিত। অনেক স্বর্ণবণিক তখন এই কাজ করিতেন ও তাঁহাদের বংশধর ঐ মলঙ্গায় আজ পর্যন্ত রহিয়াছেন। নয়ানচাঁদ তাঁহাদিগকে উপদেশ ও অর্থ সর্বস্ব গ্রহণ করিতেন। তখন যে সম্ভায় মাল সর্বস্ব গ্রহণ করিতে পারিত সেই সেকালের ব্যবসাদারদের সকল কার্য করিয়া বেশ দুগুণসা রাজ্জগার করিত। এইজন্য নয়ানচাঁদের বাড়ীতে এইরূপ উমেনার সর্বস্ব হাজির থাকিত। পীরিতরাম মাড়, বৃক্ষ পাণ্ডি তাহাদের মধ্যে ছিলেন। ১৭৮০ খৃষ্টাব্দে কলিকাতার ছোলা ও বাঁশের দাম বড়ই বাড়িয়া যায়। বৃক্ষ নয়ানচাঁদের পুত্রগণ গৌরচরণ ও নিমাইচরণ তখন

লায়ের ব্যবসা করিতেন। তাঁহারা কৃষ্ণ পাণ্ডির নিকট আড়ংঘাটার মোহস্তের ছোলার কথা শুনিয়া ভাল লোক পাঠাইয়া দেখিলেন যে সব ছোলা পচিয়া যায় নাই, লোক পাঠাইয়া ছোলা ও ভূমি আলাদা করিয়া ছায়া দাম দিয়া কৃষ্ণ পাণ্ডির মূলধন করিয়া দিয়াছিলেন। আর পীরিতরাম ক্রি দুর্ল ষ্ট্রিটের জঙ্গলে বাঁশাদি কাটিয়া সর্বস্ব গ্রহণ করিতেন বলিয়া মাড় বলিয়া পরিচিত হইয়াছিলেন।

হেষ্টিংসের আমলে যে স্থানটা জব চার্জক আসিয়া তাঁহার উপযুক্ত আশ্রয়স্থান বলিয়া স্থির করিয়াছিলেন, কোম্পানী যাহা লাভ করিবার জন্য কত চেষ্টা ও ব্যয় করিয়াছিল, তাহা ১৭৭৮ খৃষ্টাব্দে হেষ্টিংসের মূর্ত্তায় নবকৃষ্ণ লাভ করিয়াছিলেন। ইহাতে কলিকাতার অনেক অধিবাসী আপত্তি করিয়াছিল। নয়ানচাঁদ মল্লিক ইহার পূর্বেই ১৭৭৬ খৃষ্টাব্দে মারা যান। ইহা লইয়া কুমারটুলির বিখ্যাত দাতা ও দেওয়ান অভয়চরণ মিত্র বিলাত পর্যন্ত মামলা করেন ও তাহাতে নবকৃষ্ণ হারিয়া গিয়াছিলেন।

ইংরেজি ধরণের আমোদপ্রমোদ বাঙালী-সমাজে তখন প্রবেশ করিয়াছিল; ঠাকুরের উৎসবে ইংরেজের নিমন্ত্রণ, ইংরেজি ধরণের খাবার ব্যবস্থা, নাচ গান টানাখা। রাজা নবকৃষ্ণ ও স্বধর্ম কলিকাতায় দুর্গাপূজা আরম্ভ করিয়াছিলেন। নন্দকুমার লক্ষ ব্রাহ্মণের সেবা করিয়াছিলেন, সে সম্বন্ধে এইরূপ কবিতা আছে ;—

“ভাছরের নন্দকুমার,
লক্ষ ব্রাহ্মণের করলে হুমার,
কেউ খেলে মাছের মুড়ো,
কেউ খেলে বন্ধুকের ছড়ো !”

শিক্ষক (কার্তিক, ১৩২৮)

শিক্ষায় স্মৃতিশক্তির অনুশীলন — শ্রী সুরশীলকুমার রায় ।

স্মৃতিশক্তির অনুশীলন করতে পাবলেই শিক্ষালভের পথটি সুগম ও সিধে হবে। আধুনিক আশ্রয়বিদেরা বলেন যদি বাস্তবিকই কোন জিনিষ জানবার দৃষ্টি হয় ত এমনভাবে জানা উচিত, যেন চিরদিন মনে থাকে,—শুধু পরীক্ষায় পাশ হবার জন্য নয়।

মনে যখনই একটা কথা উঠে তখনই তার পেছনে “হাঁ” আর “না” এই দুটো ভুক্তকে ছেড়ে দিতে হয়। ঐ দুটোর লড়াই খেমে গেলে যে জিনিষটা থাকে সেইটাই সত্যি, আর নোটবুকে স্থান পাবার যোগ্য। কোনো জিনিষের কথা বলতে বা লিখতে হলেই আগে তার একটা চেহারা ভেবে নিতে হবে। অনেক জিনিস দেখে দেখে, পড়ে পড়ে মনের পর্দায় এমন একটা দাগ টেনে যায় যে, সেটা হয়ে যায় বাস্তবোপেক্ষ ফিল্মের মত। একবার চোক বুঁজে ভাবলেই মনের পর্দায় অনেকদিনকার মুছে-যাওয়া জিনিসগুলো আবার স্পষ্ট হয়ে ফুটে ওঠে। স্মৃতিশক্তি বাড়তে হলে প্রত্যেক কাজ খুব মন দিয়ে করতে হবে। কাজ হালকা বলে অবহেলা করলে চলবে না। মন দিয়ে কাজ না করলে তার ফল হারী হয় না। যে সময় যে কাজটি করবে সেই সময়ের জন্য অল্প অল্প কোন ভাবনা মনে স্থান দেবে না,—এতেই চিত্তের একাগ্রতা আসে, ও স্মৃতিশক্তি বাড়ে।

যাদের বামান বড় বেশী ভুল হয়, তারাও এই স্মৃতিশক্তির অংশীদার খুব স্বকল পেয়েছে;—কোনো একটা বানান বেশ একটা একটা করে লিখে একবার চোক বুজে যেন চোকের সামনে দেখছি এমনি ভাবতে হবে। এই রকম দু-একবার করলেই এমন মুগ্ধ হয়ে যাবে যে আর কখন ভুল হবে না। যেমন মুখে বানান বলার চেয়ে লেখার কম ভুল হয়। লিখে লিখে কথার চেহারাগুলো এমন চোখে ধরে যায় যে, একটা অক্ষর ভুল হলেই যেন মনে হয় মানাচ্ছে না, কোথায় যেন একটা গোল হল। এই শক্তির উদ্দেশ্য তখনই হয় যখন প্রত্যেক কাজটি মন দিয়ে করা হয়।

তারপরই আত্মবিশ্বাস। কখনো ভাবা উচিত নয় যে, আনি এটা পারব না। স্মৃতিশক্তির অংশীদার কর, নিজের ওপর বিশ্বাস রাখো। প্রত্যেক জিনিস আপনিই সফল হয়ে উঠবে।

নব্যভারত (আশ্বিন)

বকের বদনাম—শ্রীসত্যচরণ লাহা।

বক আমাদের বাংলা দেশে অত্যন্ত পরিচিত গাখী। সে যে অবাচিত ভাবে কৃষিজীবী বাঙ্গালীর কত উপকার করিয়া আসিতেছে তাহার খবর আমরা রাখি না। সে কীটে চাষ নষ্ট করে, সেই কীটকে এই বকেরা বিনাশ করে। কীট মুগিক প্রভৃতি সংহার করিতে বকের মত আর কেহ পটু নয়। এমনই করিয়া বক মানবশরীর উচ্ছেদ সাধন করে। গোমহিষের পায়ে এক রকম পোকা হয়, যাহা তাহাদের পক্ষে অত্যন্ত কষ্টদায়ক হইয়া দাঁড়ায়। তাহার নানা প্রকারে সেই কীট হইতে অব্যাহতি পাইবার চেষ্টা করে। বক অথবা কাক সেই পোকাগুলোকে যেরূপে নিঃশেষ করিয়া ফেলে তাহা বাস্তবিকই আশ্চর্যজনক। এইরূপ কীটের অত্যাচার হইতে বক শূকরকে ও হস্তীকে রক্ষা করে। পণ্ডর রক্তশোষক লৌককেও বক নষ্ট করে। গরু ভেড়া মাঠের উপর দিরা চলিবার সময় যে সকল পতঙ্গ ভূমি হইতে উড়ে উঠে, বক তাহাদিগকে দেখিবামাত্রই খাইয়া ফেলে। এই পতঙ্গ আমাদের ক্ষেত্রে শস্যগুলার মহা শত্রু।

নারায়ণ (কার্তিক)

জিউজিৎসু—শ্রী হম সেন।

“জিউজিৎসুটা” একটা জাপানী বিজ্ঞান। আড়াই হাজার বছরের অধিক কাল থেকে জাপানে এই বিজ্ঞান চর্চা হয়ে আসছে। জিউজিৎসুর উদ্দেশ্য শরীরকে সুস্থ সবল এবং স্বাভাবিক অবস্থায় রেখে, আকস্মিক অথবা অল্প রকমের লৌকিক বিপদ আপদে আত্মরক্ষার এমন কতকগুলি কৌশল শিক্ষা দেওয়া, যাতে অপেক্ষাকৃত দুর্বল এবং ক্ষীণকায় ও শক্তিশালী প্রতিদ্বন্দ্বীকে তাহারই শক্তি এবং স্বাভাবিক বা ইচ্ছাচরিত অসংগলনের এবং শরীরের ভারকেন্দ্রের চ্যুতির উপর অতি সামান্য শক্তি কৌশল প্রয়োগ করে, এমন অবস্থায় নিয়ে যেতে পারে, যেখানে বা যে অবস্থায় সে সম্পূর্ণ অকর্ষণ্য হয়ে যাবে, কিছু কব্বার শক্তি তার আদৌ থাকবে না।

জিউজিৎসুতে কখনও গুরুতর পরিপ্রমের সম্ভাবনা নাই, বিশেষ বিশেষ ঋতু-পেরেরও প্রয়োজন হয় না। জিউজিৎসু কুস্তী নয়। জিউজিৎসু দুর্বল ব্যক্তি এবং স্ত্রীলোকেরাও অল্পায়াসে শিখতে পারেন। শরীরটাকে জিউজিৎসু শিক্ষার উপযোগী কব্বার জন্য যে প্রাথমিক ব্যায়ামাদির ব্যবস্থা আছে তাহা সবারের পক্ষে মহোপকারী। এই

ব্যায়াম-প্রণালী সর্বত্র অভ্যাস করা চলে। জিউজিৎসু অভ্যাস করতে কোন যন্ত্রপাতি বা উপকরণের আবশ্যক হয় না, কিন্তু শরীরতত্ত্ব বিষয়ক জ্ঞানের দরকার হয়। জাপানে তুল-সমূহে প্রত্যেক বালক-বালিকাকে জিউজিৎসু শেখান হয়। বর্তমান জাপান সম্রাট যখন যুবরাজ, তখন তাঁকেও সাধারণ ব্যায়ামাগারে জিউজিৎসু শিখতে হয়েছিল। জিউজিৎসু ভাল করে শিখতে অন্ততঃ চার বৎসর সময় লাগে। তবে অল্পকালের মধ্যেই (যেমন তিন চার মাসে) বেছে বেছে অত্যাবশ্যকীয় কতকগুলি কৌশল শিক্ষা দেওয়া যেতে পারে। শুধু হাতের ভিন্ন আর দুই রকম জিউজিৎসু আছে, সচরাচর নেগুনির কোন প্রয়োজন হবে না। শুধু হাতেরটাই শ্রেষ্ঠ।

মোস্লেম ভারত (আশ্বিন ১৩২৮)

গান—শ্রীরবীন্দ্রনাথ ঠাকুর —

সাঁরা নিশি ছিলেম শুয়ে
বিজন ভুয়ে
মেঠো ফুলের পাশাপাশি,
শনেছিলেম তারার শিশি।
যখন সকাল বেলা খুঁজে দেখি
যগে শোনা সে হুর এ কি
মেঠো ফুলের চোখের জ্বলে উঠে ডাসি।
এ হুর আমি খুঁজেছিলেম রাজার ঘরে।
শেষে ধরা দিল ধরাব বলির পরে।
এ যে মাসের কোলে আলোর ভাণ্ডা
আকাশ থেকে ভেসে আসা,
এ যে মাটির কোলে মাণিক খসা হাসিরাশি।

নারীর কথা—মোহম্মদ লুৎফুর রহমান—

নারীর কপ লইয়া মানুষ কবিতা রচনায় ব্যস্ত, কিন্তু সত্য করিয়া কেহ তাহার সদয়-বেদনা, তাহার দীনতা, তাহার অপমান বোঝে না।

নারীর প্রাণ আছে, রূপের প্রশংসা খনিয়াই সে বাচিতে পারে না। সে যে মানুষ, একথার স্বীকার সে চায়।

নারী যদি শিক্ষিতা হয়, তবে পুরুষের মতই জীবনের বেদনার সহিত সে সংগ্রাম করিতে পারিবে, সে বিপদে কাটিবে না, পুরুষ-সমাজ তাহাকে বিপদে লইতে পারিবে না।

কস্তাকে ছেলের মত শিখিত কর, তাহাকে আত্মবোধ দাও, তাহার হৃদয়ে শক্তি ও মুখে ভাষা দাও, বাহুতে ও বুকে বল দাও। গহনা অপেক্ষা ইহাই শ্রেষ্ঠ দান হইবে।

অত্যাচার বিবন্ধে বিলোম্বী হওয়াই যে মানুষের মনের বড় অধিকার। তবে কেন নারীকে এই অধিকার হইতে বঞ্চিতা করিয়া সমাজের অকল্যাণ কবিতেন্ত—নারীর জীবনকে ব্যর্থ করিয়া দিতেছ ?

কোন কারণে নারীর বাড়ীতে না থাকিতে পারিলে, কস্তাকে যাপের বাড়ীতে পরানুগ্রহীতার মত হইয়া থাকিতে হয়, তাইবউদ্দিগকে স্তম্ভ করিয়া জীবন কাটাইতে হয়। দুই একটা ছেলে থাকিলে ত কথাই নাই, অপরাধিনীর বেদনা লইয়া তাহাকে বাচিতে হয়। মানুষের জীবন যে কেমন করিয়া ব্যর্থ হইয়া যায়, তাহা বুঝিতে হইলে নারী-জীবনের দিকে দৃষ্টি নিক্ষেপ কর।

ইসলাম ধর্মের নারী-পুরুষ উভয়ের জন্যই জ্ঞানলাভ অবশ্যকর্তব্য বলিয়া নির্দিষ্ট।

অবরোধ ও শিক্ষাহীনতা নারীজাতিকে পশু অপেক্ষাও অধম করিয়াছে—তাহার ললাটে শত দীনতা ও কলঙ্কের ছাপ লাগাইয়া দিয়াছে। কয়েদী করিয়া নারীর সত্য রক্ষা করিও না, সে সত্যের কোন মূল্য নাই। নারী হাত পা থাকিতেও ধম্ব, হৃদয় থাকিতেও অশুভুতিহীন। তাহা ছাড়া পরমুখাপেক্ষী হইয়া থাকিবার মত বেদনা মানবজীবনে কি আর আছে।

এখানে স্ত্রী-স্বাধীনতা নাই বলিয়া কোন মেয়ে বাহির হইলেই লোকের তাহাকে চরিত্রহীন বলিয়া সন্দেহ করে—তাহার দিকে লালসার দৃষ্টি নিক্ষেপ করে। পুণ্যবতী রমণীদিগকে কঠিন বহুদৃষ্টিতে এই লালসা-কটাক্ষকে উপেক্ষা করিতে হইবে।

য়েল-ষ্টেশনে কোন বন্ধু বা মেয়ে যদি হারাইয়া যায়, তাহার স্থান হয় কোথায় জান? কলিকাতায় পথহারা বন্ধুর হইলেও কেহ তাহাকে গ্রহণ করে না, হারান-মেয়ের অনুসন্ধান হইলেও কেহ তাহাকে বিবাহ করিয়া সমাজে পতিত হইতে চায় না। শিক্ষিতা হইলে স্বাধীন হইলে নারী চরিত্রহীন হয়, ইহা মিথ্যা কথা। নারীর স্বাধীনতা ও শিক্ষা নাই বলিয়াই আত্মমর্ধ্যাদার জ্ঞানও তাহার নাই। নারীর মুক্তি ও মঙ্গলের জন্ত পুরুষ-সমাজ ব্যস্ত হউক বা না হউক, আজ নারীকে ব্যথা-জাগ্রত হইতে হইবে।

মহুঘাতের সম্মুখে সকল মানুসই মাথা নত করে। মহুঘাতের সাধনায় নারী অস্ত্র-পুর ছাড়িয়া বাহিরে আসুক, জনসাধারণের শ্রদ্ধা সে লাভ করিবেই।

খালেদা খানম—

সুলতান আব্দুল হামিদের পেছাতনের অবসানে এবং নবীন সাধারণ-তনের প্রবর্তনের সঙ্গে সঙ্গে জ্ঞান, প্রতিভা, শৌর্য ও স্বদেশ-প্রেমের উজ্জল মহিমা তুরঙ্গ-জননীর যেসব সুসন্ধান বিশ্ব জোড়া খ্যাতি লাভ করিয়াছিলেন তন্মধ্যে বীরকেশরী গাজী আনওয়ার, তালায়াত, জামাল ও খালেদা খানমের নাম বিশেষ উল্লেখযোগ্য।

সুলতান আব্দুল হামিদ খানের শাসনকালে অ-মুসলমান পরিচালিত কোন বিভাগে কোন মৌলভীর রমণীর প্রবেশাধিকার ছিল না। পক্ষান্তরে কোন খাঁটি মুসলমান পরিচালিত বিভাগেও স্ত্রীশিক্ষার তেমন ব্যবস্থা ছিল না। খালেদার পিতা সুলতানের রাজস্ব বিভাগের সেক্রেটারী ছিলেন। অতি শৈশবেই কস্তার প্রথম বুদ্ধিবৃত্তি, তীক্ষ্ণ মেধা ও উর্বর মস্তিষ্কের পরিচয় পাইয়া তিনি তাহাকে উচ্চতম শিক্ষায় শিক্ষিত করিতে দৃঢ়সঙ্কল্প হন। খালেদাকে কন্ঠাটিনোপলের 'আমেরিকান রবার্ট কলেজে' ভর্তি করিবার উদ্দেশ্যে তিনি সুলতানের অনুমতি শিক্ষা করেন। অনেক সাধ্য-সাধনার পর একরাশ অস্বীকারে আবদ্ধ হইয়া তিনি অনুমতি প্রাপ্ত হন। কস্তার শিক্ষার জন্ত তাহার সকল উন্নতির পথ একে একে রুদ্ধ হইয়া পড়ে। ১৯০১ খ্রীষ্টাব্দে খালেদা খানম খুব কৃতিত্বের সহিত বি-এ ডিগ্রী লাভ করিয়া কলেজ হইতে বাহির হইয়া আসিলেন। পঞ্চদশ বর্ষে পরীক্ষণ করিতেই তিনি আমেরিকান গ্রন্থকার জেকব এবটের একখানি পুরাতন গ্রন্থের তুর্কি অনুবাদ প্রকাশ করিলেন। সন্তানের প্রতি মাতৃ কর্তব্য-বিষয়ে উপদেশ মানই পুস্তকখানির প্রধান আলোচ্য বিষয় ছিল। ইহার অনুবাদ এতই প্রাঞ্জল ও মনমুগ্ধকর হইয়াছিল যে, খালেদার সাহিত্য-প্রতিভার খ্যাতি বিশ্বজন-সমাজে অচিরেই পরিব্যাপ্ত হইয়া পড়িল।

সুলতান আব্দুল হামিদ খান খালেদাকে নিজ দরবারে ডাকিয়া আনিয়া উচ্চ পদক দানে সম্মানিত করিলেন। কস্তার এই রাজকীয় সম্মান প্রাপ্তিতে বিজ্ঞোৎসাহী পিতার আর আনন্দের অবধি রহিল না। তিনি উক্ত পুস্তকের এক সহস্র খণ্ড তুর্ক বীরসনাগণের

মধ্যে বিমামূল্যে বিতরণ করিয়া দিলেন। খালেদা তাহার সপ্তদশ বর্ষ বয়সেই সাহিত্য, ইতিহাস, জ্যোতির্বিজ্ঞা ও অস্ত্র নানা শাস্ত্রে পাণ্ডিত্য লাভ করিলেন, কিন্তু তখনও জ্যামিতি শাস্ত্রে ততটা ব্যুৎপত্তি লাভ করিতে পারেন নাই। এই সময় একজন তুর্ক গণিতাধ্যাপকের সঙ্গে তাহার পবিত্র পরিণয়-ক্রিয়া সুসম্পন্ন হয়। এই শুভ সন্মিলনের ফলে জ্যামিতি, ত্রিকোণমিতি প্রভৃতি জটিল গণিতশাস্ত্রের অপরাপর শাখাতেও তিনি স্বামীর নিকট শিক্ষালাভ করিয়া ব্যুৎপন্ন হন। ইহার কিছুদিন পরে তাহার হৃদয়ানন্দ স্বামী ইহলোক ত্যাগ করিয়া চলিয়া গেলে খালেদা দেশ ও জাতির কার্যে আপনাকে 'উৎসর্জিত' করিলেন। তৎকালে সমগ্র তুর্কিরাজ্য ব্যাপিয়া বিপ্লবের আগুন দাউ দাউ করিয়া দুলিয়া উঠিয়াছিল। এই সময় খালেদা খানম খুব উত্তেজনাপূর্ণ একখানি কবিতা-পুস্তক লিখিয়া প্রকাশিত করিলেন। চারিদিকে তাহার জয়জয়কার পড়িয়া গেল। বিখ্যাত দৈনিক ও মাসিকসমূহে তাহার লিখিত প্রবন্ধাবলী ধারাবাহিকরূপে বাহির হইতে লাগিল। ক্রমে সমগ্র ইউরোপ তাহার অনন্তসাধারণ রাষ্ট্র-জ্ঞানের পরিচয় পাইয়া বিক্রিত হইল। তাহার সুখ্যাতির কথা এতদূর ছড়াইয়া পড়িল যে, লণ্ডনের একটি বিশিষ্ট রাজনৈতিক সভায় বক্তৃতা দানের জন্ত তাহার আমন্ত্রণ আসিল। খালেদা লণ্ডনে যাইয়া এমন গবেষণাপূর্ণ ও হৃদয়গ্রাহী বক্তৃতা করিলেন যে, খেতদৌপের বড় বড় পক্ষকেশ রাষ্ট্র-পতিরাও খালেদা খানমের গভীর রাজনৈতিক জ্ঞানের ভূয়সী প্রশংসা না করিয়া থাকিতে পারিলেন না।

তুর্ক-তরণীর কর্ণধার আনওয়ার, তালায়াত, জামাল প্রভৃতি সাধারণ-তনের প্রধান পুরুষগণ প্রত্যহ তাহার গৃহে আসিয়া সমবেত হইতে লাগিলেন। খালেদার যুক্তিতর্কপূর্ণ পরামর্শের ফলে তুর্ক স্বাধীনতার বড় বড় জটিল সমস্যার সমাধান হইতে লাগিল।

বিপ্লবের প্রথম বর্ষ কাটিয়া গেলে সুলতান হামিদ আবার নূতন উজ্জমে তাহার ক্ষয়িত শক্তির পুনরুদ্ধারের জন্ত আসরে নামিলেন। বিপ্লবের প্রধান প্রধান পাণ্ডাগণকে সন্মূলে বিনাশ করিবার জন্ত নামের তালিকা প্রস্তুত করিয়া তাহাদের কাঁসীর কুম জারী করিলেন। তন্মধ্যে স্বদেশপ্রেমিকা বিদ্রোহী মহিলা খালেদা খানমের নাম অগ্রতম।

সেই ১৯০৯ খ্রীষ্টাব্দের প্রমুখ বিপ্লববর্ষের মাঝখানে তিনি তাহার দুইটি শিশু-সন্তানকে সঙ্গে করিয়া আমেরিকান কলেজে গিয়া উপস্থিত হইলেন এবং কলেজ-কর্তৃপক্ষকে অনুরোধে রাজী করিয়া শিশু দুইটিকে তাহাদের তত্ত্বাবধানে রাখিয়া আসিলেন। ইহার পর খালেদা খানম কয়েকজন বিশ্বস্ত বন্ধুর সাহায্যে একেবারে মিশরে পলাইয়া গেলেন। তার পর যখন বিপ্লবের ঘন মেঘ কাটিয়া গিয়া শান্তির মলয় বহিতে লাগিল, তখন খালেদা খানম আবার দেশের বৃকে ফিরিয়া আসিলেন। তখন দেশের ডাকে তুর্ক মহিলারাও দলে দলে হেরেম ছাড়িয়া মুক্ত আকাশের নীচে আদিয়া দাঁড়াইলেন—খালেদা খানমই তাহাদের নেতৃত্বভার গ্রহণ করিলেন। তিনি তৎদিনের ভিতরেই অনেকগুলি মহিলা-সভার প্রতিষ্ঠা করিলেন। মেয়েদের শিক্ষা এবং গার্হস্থ্য জীবনের উৎকর্ষের ভার নিজ হস্তে গ্রহণ করিলেন। অনেকগুলি মহিলা-পরিচালিত সংবাদপত্রও বাহির হইল এবং এইসকল পত্রের প্রচারও আশাতীতরূপে বাড়িয়া গেল। এইসমস্ত সাময়িক পত্র শিক্ষা, স্বাধীনতা, রাষ্ট্র, সভ্যতা প্রভৃতি বিষয়ে উদ্দীপনাপূর্ণ প্রবন্ধাদি প্রকাশিত হইতে লাগিল। অস্ত্রাস্ত্র পুরুষ-পরিচালিত কাগজেও স্ত্রী-স্বাধীনতার অনুকূলে এই সময় খুব লেখা-লেখি চলিতে লাগিল।

ইতঃবসরে বলকান যুদ্ধের সূচনা হইল। তুর্ক শাহাজাদী গোরাবৎ খানমের নেতৃত্বাধীনে 'আঞ্জমানে হেলালে আহ'বর' (Red Crescent Society) গঠন করিয়া বীরসনাগণও দেশের কাজে দলে দলে নামিয়া

আসিলেন। প্রাচীন আরবীয় ভাষাগণের অনুসরণ করিয়া তুর্ক ললনারাও রোগী ও আহতের সেবা-শুশ্রূষার জন্ত সময়ক্ষেত্রে ছুটিয়া গেলেন। সেই সময় কন্স্টান্টিনোপলের রাজকীয় ইউনিভার্সিটি-গৃহে দুইটি বিরাট মহিলা সভা আহত হইল। প্রত্যেক সভায় পাঁচ ছয় হাজার করিয়া মহিলা প্রতিনিধি যোগদান করিলেন। সভায় জাতীয় একতা, স্বদেশ-প্রেম, দেশ-রক্ষা প্রভৃতি বিষয়ে প্রাণোন্মাদিনা বক্তৃতার শ্রোত বহিয়া গেল। খালেদা খানম যে বক্তৃতা করিলেন, তাহার যৌক্তিকতা ও তেজস্বিতার সমগ্র ইয়োরোপ স্তম্ভিত হইল। এই বক্তৃতার ফলে সারা তুরস্ক ব্যাপিয়া রমণী-মহলে একটা হলস্থূল পড়িয়া গেল।

পাঁচ হাজার মহিলার মধ্যে সকলেই আপন আপন অলঙ্কার পুলিয়া কেলিয়া জাতির কল্যাণের জন্য দান করিলেন। সভা ক্ষেত্রেই কয়েক লক্ষ পাউণ্ড মুদ্রার অলঙ্কারের সংস্থান হইল।

এই সময় একজন মহাপুত্র তুর্কি ডাক্তারের সঙ্গে খালেদা বিতায় বার পরিণয় বন্ধনে আবদ্ধ হইলেন। খালেদা খানম এই সময় মেয়েদের জন্ত কয়েক শত স্কুল কলেজ প্রতিষ্ঠিত করিলেন। আর্মেনিয়া ও মধ্য এশিয়ার লক্ষ লক্ষ নিরস্ত নিরাশ্রয় অনাথ শিশুর জন্ত অনেকগুলি 'এতিমখানা' (অনাথাগ্রাম) খুলিলেন। তিনি তাহার অধিকাংশ সময় বৈরুতেই অতিবাহিত করিতেন। বৈরুতে হইতেই দামেস্ক ও অন্যান্য স্থানের বিজ্ঞানগণসমূহ পরিদর্শন করিতেন।

গাজী তালিয়াত পাশা কন্স্টান্টিনোপল হইতে কয়েক শত রমণী অধ্যাপককে খালেদার সাহায্যার্থে মধ্য এশিয়ায় পাঠাইয়া দিলেন। বিরুত নগরে ফরাসীরা ইতোপূর্বেই এক বৃহৎ কলেজ স্থাপন করিয়া ছিলেন। এই সময় ইয়োরোপের মহাযুদ্ধের কাল। ফরাসীরা কলেজের সুন্দর প্রাসাদ ও আস্বাবাদি ফেলিয়া রাখিয়া পলায়ন করিল। খালেদা কলেজটি হাত করিয়া লইলেন। সিরিয়ার তৎকালীন গভর্নর জামাল পাশার সাহায্যে খালেদা খানম তাহার কলেজের সকল আস্বাব-পত্রাদি সংগ্রহ করিয়া লইলেন। বিরুতের এই নবপ্রতিষ্ঠিত কলেজ

শ্রেষ্ঠতায় ওসমানীয় সাম্রাজ্যের সকল বিদ্যালয়ের শীর্ষস্থান অধিকার করিল। এই কলেজ ও অন্যান্য কলেজের ছাত্রদিগকে জাতির মুক্তির কথাই বিশেষ করিয়া হৃদয়ঙ্গম করাইয়া দেওয়া হইত। মুসলমান ও খৃষ্টান মেয়েরা ছাত্রাবাসে একবে খাওয়া একজেই অধ্যয়ন করিত। আহার-বিশ্রাম, খেলাধুলা প্রভৃতি একসঙ্গেই চলিত। জাতি-বিদ্বেষের লেশ মাত্র সেখানে স্থান পাইত না—মেয়েরা সকলে পরস্পর সহোদরার মত সখীভাবে জীবন যাপন করিত। খালেদা খানমের অপর দুই ভগিনীও, মধ্য এশিয়ায় অধ্যাপনাকার্যে আয়নিয়োগ করিয়াছিলেন। ইহার কিছুদিন পরে টেকনিক্যাল কলেজ প্রতিষ্ঠার জন্ত যখন কন্স্টান্টিনোপলে এক সভা আহত হইল, আড়াই শত মহিলা সেই সভায় উপস্থিত হইলেন। খালেদা খানমের সাধনার ফলে মাত্র তিন বৎসর কালের মধ্যেই প্রা-শিক্ষা এতটা প্রসার লাভ করিল।

ইহার পর ইয়োরোপের মিত্র রাজগণ কন্স্টান্টিনোপল অধিকার করিয়া বসিলেন,—তখন, অগণিত সভা সমিতি হইয়া এই অন্তায় কার্যের প্রতিবাদ হইতে লাগিল। ষোড়-দৌড়ের ময়দানে এক লক্ষাধিক লোকের এক সভায় দেশের শ্রেষ্ঠ রাজনীতিক, কবি ও ঔপন্যাসিক খালেদা খানম এক অগ্নিগর্ভ বক্তৃতা করিলেন। তাহার বক্তৃতায় সমগ্র তুরস্ক দেশে আগুন লাগিয়া গেল। চতুর মিত্র শক্তি তাড়াতাড়ি সভা-বপের তকুম জারী করিয়া, খালেদার গলা টিপিয়া ধরিলেন।

মোস্তাফা কামাল পাশা অল্পদিনের মধ্যেই আঙ্গোরায় স্বাধীন তুর্ক সাম্রাজ্যের পত্তন করিলেন। এক্ষণে খালেদা খানম আঙ্গোরায় শিক্ষা-মন্ত্রীর পদে অধিষ্ঠিত থাকিয়া দেশের ও জাতির কার্যে লিপ্ত আছেন।

অলোকসামান্য প্রতিভাশালিনী এই বীর ললনার জীবন-কথা পাঠ করিয়া ভারতের এই মহা জাগরণের সুপ্রভাতে এ-দেশীয় মাতৃ-জাতির প্রাণমন কি প্রকৃতি ও স্বদেশ-প্রেমের উদ্যম সূক্ষ্মসে মতিয়া উঠিবে না?

শ্রমশক্তি

• দেশের গুণ

সম্পদ উৎপাদনের উপাদানের মধ্যে মানুষ আপনার শক্তিকে প্রধান স্থান দেয়। মাথার ঘাম পায়ে ফেলিয়া সে যখন প্রকৃতির মধ্যে আপনার উপভোগের বস্তু বাহির করে তখন তাহার কত আনন্দ। কোন কোন ধর্মশাস্ত্রে এবং কোন কোন দেশের প্রবাদবাক্যে এই পরিশ্রমকে মানুষের শক্তি বলিয়া কল্পনা করা হইয়াছে। কিন্তু প্রকৃতপক্ষে পরিশ্রমই তাহার সুখের মূল সূত্র। যাহার যত পরিশ্রম, উত্তম এবং অধ্যবসায়, সে সেই পরিমাণে সুখী। উত্তমহীন ব্যক্তি দৈব-শক্তির উপর নির্ভর করিয়া সুখ অন্বেষণ করে। নিজের শক্তির পরিচালনা করিবার আকাঙ্ক্ষা তাহার কম। যে দেশে প্রকৃতির সম্পদ প্রচুর, সে দেশে সাধারণতঃ মানুষ কর্মকুষ্ঠ। প্রাচীন মিশর ও ভারতবর্ষ তাহার উদাহরণ। কর্মকুষ্ঠ

জাতি ক্রমে দুর্বল হইয়া পড়ে এবং সহজেই তাহার পরাধীনতার গৃঙ্খল গ্রহণ করে।

অল্পপক্ষে যেখানে প্রকৃতির কঠোরতায় মানুষের অভাব অধিক, সেখানে সে দিনরাত সেই অভাব দূর করিবার জন্ত ব্যস্ত। তাহার বুদ্ধি এবং শারীরিক শক্তি তাহার অভাব দূরীকরণে নিয়োজিত। একবার সে প্রকৃতিকে পরাজিত করিতে পারিলে তাহার সাহস এবং শক্তি ক্রমে বাড়িয়া যায়। এইরূপ জাতি পৃথিবীর মধ্যে প্রভু হইতে পারে। তাহার নূতন বল কৌশল, নূতন শিল্প, নূতন তত্ত্ব ও নূতন জ্ঞান আবিষ্কার করিয়া আপনাদিগের উন্নতি এবং জগতের ধন ও সভ্যতা বৃদ্ধি করে। প্রাচীন গ্রীস, রোম এবং বর্তমান ইংলও তাহার উদাহরণ।

আবার যেখানে প্রকৃতি দুর্জয়ের, মানুষের শক্তি যেখানে

সুস্থিত, সেখানে সামাজিক উন্নতি অসম্ভব। উত্তর এবং দক্ষিণ মেরু প্রদেশে এত শীত যে সেখানে মানুষের কিছুই করিবার উপায় নাই। আজও পর্যন্ত সেখানে মানুষের শক্তি পরাজিত। সাহারার উত্তাপেও প্রায় সেইরূপ অবস্থা।

দেশের জল বায়ু উত্তাপ, দেশের অবস্থান এবং দেশের মধ্যে নদী সাগর ও পাহাড়ের দূরত্ব ও সামীপোর উপর পরিশ্রমের শক্তি কিয়ৎপরিমাণে নির্ভর করে। দেশের স্বাস্থ্য ভাল না হইলে মানুষ ভাল করিয়া খাটিতে পারে না। যে দেশে মানুষ দিন রাত ম্যালেরিয়া বা অন্যান্য রোগে ভোগে, সেখানে কর্মশক্তি ক্রমে হ্রাস হইয়া যায়। বাঙ্গালা দেশ কৃষিপ্রধান। কৃষিকার্যে মানুষের যথেষ্ট উন্নতি আছে। কিন্তু ম্যালেরিয়া রোগে কৃষকসম্প্রদায় ক্রমে দুর্বল হইয়া পড়িতেছে। কলেরা এবং বসন্ত বাঙ্গালার প্রধান সংক্রমক ব্যাধি। তাহা ছাড়া অন্যান্য নানা রোগে মানুষকে দুর্বল করিয়া রাখে। ডাক্তারেরা বলেন, এদেশের প্রায় প্রতি পাঁচ জনের মধ্যে চারি জনের শরীরে ছক-পোকা আছে, তাহাতে মানুষ চিরকাল রুগ্ন ও অশক্ত থাকে। তবে দেশের অনেক ব্যাধি নিবারণ করা যাইতে পারে। লোকে স্বাস্থ্য-তত্ত্ব জানিলে এবং সেই অনুসারে জীবন যাপন করিলে অনেক ব্যাধির হাত হইতে রক্ষা পাইতে ও দেশের শ্রী ও সম্পদ বৃদ্ধি করিতে পারে। ইটালী দেশ এক সময়ে ম্যালেরিয়াগণ্ড বলিয়া পরিচিত ছিল। দেশের লোকের ও গভর্নমেন্টের সমবেত চেষ্টায় উক্ত ব্যাধি বিতাড়িত হইয়াছে। এখন ইটালী একটি স্বাস্থ্যকর স্থান। ইটালীর লোকে ক্রমে কর্মশীল হইতেছে এবং তৎসঙ্গে সে দেশের ধনবৃদ্ধি হইতেছে। দেশের উন্নতি মানুষের উত্তমের উপর নির্ভর করে। উপায়হীন বলিয়া নিশ্চেষ্ট হইয়া থাকিলে ক্রমে তাহকে অবনতির পথে বর্তিতে হয়। কর্মশক্তি যদিও স্থানীয় জলবায়ুর উপর নির্ভর করে, তবুও মানুষ চেষ্টা করিলে এই প্রতিকূল অবস্থার হাত হইতে রক্ষা পাইতে পারে। পরীক্ষা দ্বারা দেখা গিয়াছে যে ভারতের একজন লোক সমস্ত দিন খাটিয়া যে কাজ করিতে পারে, ইংলণ্ডের একজন লোক অতি অল্প সময়ে ও অল্প পরিশ্রমে তাহা করিতে পারে। শিক্ষার পার্থক্য ইহার জন্ত কিয়ৎ পরিমাণে দায়ী,

কিন্তু জল বায়ু এবং স্বাস্থ্যের পার্থক্য বোধ হয় এই বিভিন্নতার বিশেষ কারণ।

নদীতীরে বা সমুদ্র-উপকূলে মানুষ প্রায় অপর লোকের সঙ্গে মিলিত হয়, পরস্পরের চিন্তা-বিনিময়ে তাহাদের জ্ঞানের উন্নতি হয়, তাহাতে দেখিতে পাওয়া যায় প্রায় এইমতস্ত স্থানের লোক ক্ষিপ্ত এবং কর্মশীল। প্রাচীন ভারতের অনেক সহর গঙ্গা বা অন্যান্য নদীর তীরে। ক্রমে বাণিজ্য-বৃদ্ধির সঙ্গে সঙ্গে অনেক বন্দর প্রতিষ্ঠিত হইয়াছে এবং আন্তর্জাতিক জ্ঞান বাড়িয়া গিয়াছে। এখন রেলরাস্তা সৃষ্টি হওয়াতে দেশের ভিতরের উন্নতি হইয়াছে। এমন অনেক স্থান আছে যেখানে কোন নদী নাই কিংবা যেখান হইতে রেলরাস্তা বহু দূরে; সেইরূপ স্থানের অবস্থা বিশেষ উন্নত নয়, এবং লোকের কর্মশক্তি তেমন প্রথর নয়। যেখানে কর্ম-বাহুল্য সেইখানেই কর্মশক্তি বাড়িতে পারে, আর যেখানে পরিশ্রমের আবশ্যিকতা নাই, মানুষের অভাব সামান্য, দেখানে মানুষ ক্রমে অলস হইয়া পড়ে, কর্ম করতে তাহার আর ইচ্ছা যায় না। দেশের বাহ্যিক অবস্থা মানুষের কর্মশক্তিকে নিয়মিত করে। পাহাড়ের লোক যেরূপ খাটিতে পারে, সমতলের লোক মেরূপ পারে না। সহরের লোক যেরূপ পরিশ্রম করে, গ্রামের লোকে তাহা পারে না।

খাদ্যের গুণ

মানুষের আহারের উপর তাহার স্বাস্থ্য ও শক্তি নির্ভর করে। অল্প কিংবা অস্বাস্থ্যকর আহারে দুর্বলতা আসে। উত্তম খাদ্যদ্রব্য পাইলে দেহের উন্নতি হয়। দেহের উন্নতি হইলে মনে ক্ষুধা আসে। তাহাতে অধিক কাজ করিতে পারা যায়। দেশভেদে খাদ্যদ্রব্য পৃথক। ভারতের বিভিন্ন প্রদেশে ভিন্ন ভিন্ন রকমের আহার। সব-রকম আহারে সমান পরিমাণে শক্তিনাভ হয় না। অনেকের মতে আমিষ আহারে যত পরিমাণে বলকর বস্তু পাওয়া যায়, নিরামিষে তত নয়। দুগ্ধ যত প্রভৃতি পুষ্টিকর খাদ্য হইলেও দরিদ্রের পক্ষে তাহা সহজলভ্য নহে। সাধারণতঃ দেখিতে পাওয়া যায় আমিষভোজী মুসলমান ও খৃষ্টানেরা যেরূপ সবল ও দৃঢ় হয়, শাকান্নভোজী হিন্দু তত নয়। ইহার কারণ অনুসন্ধান করিয়া হিন্দুর খাদ্য পরিবর্তন করা উচিত।

সাধারণ শিক্ষা

কল-কারখানার সন্নিকটে থাকিলে শিল্পজ্ঞান সহজে লাভ করিতে পারা যায়। দূরে থাকিলে সেরূপ জ্ঞানলাভের সুযোগ থাকে না। অনেকে বলেন এদেশের লোক যে তেমন শিল্পনিপুণ নহে তাহার প্রধান কারণ লোকে কল-কারখানার সহিত বিশেষ পরিচিতি নয়, এবং অধিকাংশ লোকই নিরক্ষর। ইংলণ্ডে প্রাথমিক শিক্ষা বিস্তারের সঙ্গে সঙ্গে লোকের শিল্প-নিপুণ্য বাড়িয়া গিয়াছে, ইহা বিশেষজ্ঞ ব্যক্তিগণের মত। ভারতের শিল্পের উন্নতির জন্ত সাধারণ লোকের ভিত্তর শিক্ষা বিস্তারের বিশেষ প্রয়োজন। শিক্ষিত হইলে লোকে কল-কারখানার কার্যাশীলা ভাল করিয়া বুঝিতে পারে, কোন্ কৌশলে কল চালাইলে সহজে শিল্পের উন্নতি হয় তাহা অনুধাবন করিতে পারে। শিক্ষিত কারিগরের কার্য-তৎপরতা সহজে বাড়িয়া যায়। কেবল শারীরিক পরিশ্রম শিল্পের উন্নতির পক্ষে যথেষ্ট নহে। বুদ্ধিমান কষ্টসহিষ্ণু ও সংযমী হইলে একজন মানুষ যে পরিমাণে কাজ করিতে পারে, শরীরে বল থাকিলেও বুদ্ধিমান অসহিষ্ণু ও অসংযত লোকে তাহা করিতে পারে না। শিক্ষা ও সংযম পরিশ্রমের শক্তি বাড়াইয়া দেয়।

আচার ব্যবহার

দেশের আচার ব্যবহার ও রীতিনীতিতে মানুষের কর্ম-শক্তির পার্থক্য জন্মে। বিবাহ ইহাদের মধ্যে একটি প্রধান। অল্প বয়সে বিবাহ করিলে শরীরের শক্তির হ্রাস হয় এবং জীবনে উন্নতির পথে বাধা পড়ে। সংসারে উন্নতি করিতে হইলে অনেক সংগ্রাম করিতে হয়। অল্প বয়সে পরিবার প্রতিপালন করিতে হইলে সংগ্রাম করিবার ক্ষমতা থাকে না, উন্নতির সমস্ত আশা বিনাশ প্রাপ্ত হয়। শিক্ষার প্রসার লাভ করিলে বাল্যবিবাহ প্রথা রহিত হইতে পারে। বাল্য-বিবাহের আর-একটি অপকারিতা এই—তাহাতে দেশে জনসংখ্যা বৃদ্ধি লাভ করে। লোকসংখ্যা বৃদ্ধি হইলে যদি দেশে শিল্প ও বাণিজ্যের প্রসার যথেষ্ট পরিমাণে না থাকে তাহা হইলে পারিশ্রমিকের হার কমিয়া যায়, ফলে প্রচুর পরিমাণে আহার্য পাওয়া যায় না ও মানুষ ক্রমে দুর্বল হইয়া পড়ে। এই প্রকারে জাতির অধঃপতন হয়। নূতন দেশে এই নিয়ম খাটে না, সেখানে লোকসংখ্যা বৃদ্ধি হওয়া আবশ্যিক, আবাদ

করিবার জন্ত অনেক পতিত জমি পড়িয়া আছে; নূতন কারখানা স্থাপনের যথেষ্ট সুবিধা; অন্যান্য দেশের সহিত ব্যবসা-বাণিজ্যের প্রচুর সংযোগ; সুতরাং যত লোক বাড়িবে ততই উন্নতি। আমেরিকার এখনও উন্নতির পথ অনেক। কিন্তু যেসমস্ত দেশে উন্নতির কোন উপায় নাই, কেবল প্রাচীন কৃষি কিংবা গৃহশিল্প একমাত্র নিভর, সেইরূপ স্থানে জনসংখ্যা বৃদ্ধি হইলে সামাজিক দুঃখ বাড়িবে।

ম্যান্চেস্টার সাহেবের মতে দেশের জনসংখ্যা যত সহজে বাড়িবে আহার্যের পরিমাণ সেই হারে বাড়িবে না। তিনি বলেন যদি জনসংখ্যা হ্রাসের নানাবিধ কারণ না থাকিত তাহা হইলে আজ পৃথিবীতে সকল মানুষের বাসের উপযোগী স্থানের অভাব হইত এবং তাহাদের আহারের বস্তু পাওয়া যাইত না। ভাগ্যক্রমে প্রাকৃতিক নিয়মে লোকসংখ্যা তত সহজ নয়। আধিব্যাধি, যুদ্ধবিগ্রহ, দুর্ভিক্ষ, জলপ্রাচীর প্রভৃতি ব্যাপারে অনেক লোক মৃত্যুবরণে পতিত হয়। তাহা ছাড়া অবস্থা বুঝিতে পারিয়া অনেকে বিবাহ সহজে করে না এবং নিজেদের জীবনকে এমন ভাবে পরিচালিত করিতে পারে যে তাহাতে জনসংখ্যা বৃদ্ধি লাভ করিতে পারে না। মানুষ যতই আপনার অবস্থা আগনি বুঝিতে পারে ততই সমাজের মঙ্গল। কিন্তু স্ত্রীর অনুরোধে যদি মানুষ সংসারের ভার গ্রহণ করিতে কাতর হয় তাহা হইলেও সমাজের উন্নতি বাধা পায়। শিল্প বাণিজ্য এবং অন্যান্য কার্যে অতিরিক্ত লোক বাঞ্ছনীয় না হইলেও জনসংখ্যার হ্রাস প্রকৃতই অনিষ্টকর। ফরাসী দেশে মানুষের সুখালীন্দা এতদূর বাড়িয়া গিয়াছে যে সেখানে বিবাহসংখ্যা ক্রমে কমিয়া বাইতেছে, তাহাতে দেশের আর্থিক উন্নতি আশাশূন্য হইতেছে না। যুদ্ধবিগ্রহে জনসংখ্যা-বৃদ্ধি বিশেষ আবশ্যিক। এক একটি যুদ্ধে এত প্রাণনাশ হয় যে তাহা পরিপূরণ করিতে যথেষ্ট বন্দোবস্ত করিতে হয়। নেপোলিয়ান যখন এক সময়ে ফরাসীদেশে লোকবৃদ্ধির চেষ্টা করিয়াছিলেন তখন বহু সন্তানের পিতামাতাকে রাসকোষ হইতে সাহায্য করিতেন। লোকসংখ্যা বৃদ্ধির জন্ত কোন কোন দেশে বিবাহের আইন পরিবর্তন করিতে হইয়াছিল।

ভারতে লোকের ধারণা বিবাহ ধর্ম, পুত্র পিতাকে পুণ্যম নরক হইতে রক্ষা করে। সুতরাং এদেশে বিবাহ

আর্থিক অবস্থার উপর নির্ভর করে না। এখানে সকল অবস্থার লোক, সে দরিদ্র হোক বা রুগ্ন হোক, বিবাহ করিবার জন্ত বাস্তব। ফলে দুর্বল ও রুগ্ন সম্বন্ধে উৎপত্তি হয়। অধিকাংশ শিশুই পাঁচ বৎসর বয়সের পূর্বে মৃত্যুমুখে পতিত হয়। তাহাদিগকে পুষ্টি কর খাওয়া এবং উত্তম ভাবে রাখিতে লোকের অবস্থায় কুলায় না। ইহাতে সমাজের কোন লাভ হয় না, বরং অতিরিক্ত চাপের জন্ত জননীকুল রুগ্ন ও দুর্বল হইয়া পড়েন। ১৯১৮ সালে ভারতে ২৪,৩০,৫৬০ জন শিশুর জন্ম হয়, কিন্তু ঐ বৎসর ১৪৮,৯৫,৮০১ জন লোকের মৃত্যু হইয়াছে। এত অধিক মৃত্যুর কারণ ঐ বৎসরে ইনফ্লুয়েঞ্জা রোগের প্রাদুর্ভাব। তাহার পূর্বে বৎসর ১৩,৮৯,৩৪৯ জন শিশুর জন্ম এবং ৮৭,০৩,৮৩২ জন লোকের মৃত্যু হয় অর্থাৎ হাজার লোকের মধ্যে ৩৮'৪১ জনের জন্ম এবং ৩২'৭২ জনের মৃত্যু হইয়াছে।

জন্ম-মৃত্যুর এইরূপ হারে লোকসংখ্যা বৃদ্ধি হইতে পারে কিন্তু ইহাতে লোকের শক্তির হ্রাস হয়। শিশু-মৃত্যুর সংখ্যা হইতে ইহার বিশেষ প্রমাণ পাওয়া যায়। ভারতে এক হাজার শিশুর জন্ম হইলে, তাহার প্রায় ২০৫ জনের অধিক মৃত্যুমুখে পতিত হয়। ইংলণ্ডে এক হাজার শিশুর জন্ম হইলে শিশুমৃত্যু এক শতেরও কম। জননীর স্বাস্থ্য এবং শিশু রক্ষার বিধান না জানার জন্ত এদেশে এত অধিক পরিমাণে শক্তির অপচয় হইতেছে। অত্যাধিক দেশে দরিদ্র লোকের অবস্থা ভারতের দরিদ্রের তুলনায় বিশেষ ভাল নয়, তবে নিতান্ত গরীব লোক সহজে বিবাহ করিতে পারে না। শিক্ষার উন্নতির সঙ্গে সঙ্গে তাহাদের সংগ্রাম করিবার ক্ষমতা বাড়িতেছে। তাহারা মজুর শ্রেণী হইতে কারিগর-শ্রেণীতে উঠিতে পারিয়াছে তাহাদের মধ্যে প্রায়ই বালাবিবাহ দেখা যায় না। আপনার সংস্থান করিয়া বিবাহ করিব তাহাদের এই ভাব। আর্থিক উন্নতি হইলে তাহারা বিবাহ করিতে চায়। লোক-সংখ্যা বৃদ্ধি হইলে পারিশ্রমিকের হার কমিয়া যাইবার ভয় থাকে। পারিশ্রমিকের হার কমিলে আপনা-আপনি আবার বিবাহের ইচ্ছা কমিয়া যায়। এইরূপে পাশ্চাত্য দেশে সমাজ আপনাদের সমস্যা আপনি মীমাংসা করে। আচারগত ভাবে এইরূপ নিয়ম খাটে না। সেইজন্য সাধারণ

লোকের ভিতর শিক্ষার বিশেষ প্রয়োজন। শিক্ষার উন্নতি হইলে সঙ্গে সঙ্গে আর্থিক উন্নতির আকাঙ্ক্ষা জাগরিত হইতে পারে।

শ্রমবিভাগ ও জাতিভেদ

অতি আদিম অবস্থায় মানুষ আপনি আপনার সমস্ত অভাব মোচন করিত। ক্রমে এক-একজন এক-একটা বস্তু প্রস্তুত করিতে শিক্ষা করিয়াছে। একদল লোক মাছ ধরে, একদল লোক কৃষিকার্য্য করে, একদল লোক যন্ত্র-পাতি তৈয়ারী করে, একদল লোক বস্ত্র বধন করে, একদল লোক রাজকার্য্য করে, একদল লোক পূজা অর্চনা করে, একদল লড়াই করে, এইরূপ নানা বিভাগ হইয়াছে। এক-এক বিভাগের মধ্যে আবার নানা উপবিভাগ আছে। এইরূপ বিভাগে এক-একদল লোক এক-এক কার্য্যে মনযোগ দিতে পারে, তাহার উন্নতি করিতে পারে, এবং সেই বিভাগে শ্রমলাভের অনেক কৌশল আবিষ্কার করিতে পারে। শ্রমবিভাগের দ্বারা নানারূপ উন্নতির সম্ভাবনা হইয়াছে। একজন লোককে সব কাজ করিতে হইলে কোন কাজই অধিক পরিমাণে হয় না। কিন্তু শ্রমবিভাগ থাকিলে সকল কাজের পরিমাণ বাড়ে এবং লোকের কাজে দক্ষতা জন্মে। শিশু শিল্পের জন্ত এইরূপ বিভাগ বিশেষ আবশ্যিক। প্রায় সকল দেশেই এক-একরূপ কার্য্য বা এক-একরূপ শিল্প এক-একটি বংশ বা পরিবারে আবদ্ধ দেখিতে পাওয়া যায়। মধ্যযুগে ইউরোপে নানারূপ শিল্পসম্বন্ধ গঠিত হইয়াছিল। ভারতে শিল্প ও কর্মসম্বন্ধ জাতিতে পরিণত হইয়াছে। ব্যবসা বংশানুক্রমে চলিয়া আদিতেছে। বংশ বা জাতির মধ্যে কোন ব্যবসা আবদ্ধ হইলে লাভ ও ক্ষতি উভয়ই আছে। প্রতি ব্যবসার অনেক খুঁটিমাটি আছে। পিতা মাতা যে কার্য্য করে, সম্ভান বাল্যকাল হইতে দেখিলে তাহা সহজে আয়ত্ত করিতে পারে। কর্মকার্যের সম্ভান কর্মকার হইলে, তত্ত্ববায়ের সম্ভান তত্ত্ববায় হইলে, তাহাদিগকে শিল্প শিক্ষা দিতে বিশেষ অসুবিধা হয় না। কিন্তু কোন ব্যবসার উন্নতি করিতে হইলে নূতন প্রণালী উদ্ভাবন করিতে হয়, অন্যরূপ বৈজ্ঞানিক চিন্তা ও পরীক্ষা করিতে হয়, এবং জগতের অপর সমস্ত কর্মসম্বন্ধের সহিত মিশিতে হয়। জাতিভেদ-প্রথা প্রচলিত থাকিলে গঠনের রক্ষা

পাইতে পারে বটে, কিন্তু বিদেশী শিল্পের উচ্চ-নীচ স্থান প্রতিযোগিতায় দাঁড়ান শক্ত হইয়া পড়ে। ভারতের অনেক গৃহশিল্প এই ভাবে নষ্ট হইয়াছে। জাতিভেদ কর্মের উচ্চ-নীচ স্থান নির্দেশ করিয়া দিয়া মানুষকে স্বাধীনভাবে ক্রটি অনুসারে কোন বিশেষ শিল্প গ্রহণ করিতে বাধ্য দিয়াছে। পৈতৃক ব্যবসা গ্রহণ করিতে বাধ্য হইলে অনেক সময় মনে সতেজ ভাব থাকে না, নূতন তত্ত্ব আবিষ্কার করিবার ইচ্ছা জাগ্রিত হয় না। এক বাঁধা-পথে ব্যবসা চলিতে থাকে, তাহাতে ক্রমে অবনতির সূত্রপাত হয়। তত্ত্ববায় স্বর্ণকারের কার্য করিবে না কিংবা স্বর্ণকারের সস্তান কর্মকারের কার্য করিবে না এইরূপ সামাজিক প্রথার মধ্যে কর্মকারের নূতনত্ব কিছু আসিতে পারে না।

গৃহশিল্পের পক্ষে জাতিভেদের স্থান থাকিলেও, বর্তমান বৃহৎ কলকারখানায় ইহার আবশ্যিকতা কিছুই নাই। এক কারখানায় নানাবিধ কর্ম আছে, তাহাতে অনেক লোকের প্রয়োজন হয়। একটা জাতি এত লোক সরবরাহ করিতে পারে না। এখানে কর্মবিভাগ জ্ঞান ও শক্তির উপর নির্ভর করে। সাধারণ মজুরের পুত্র কারিগর-শ্রেণীতে বাইতেছে, কারিগরের পুত্র চালক হইতেছে, চালকের পুত্র অধ্যক্ষ হইতেছে, এইরূপ নানাভাবে কর্মবিচিত্রতার মধ্যে মানুষ আপনার কর্ম নির্বাচন করিয়া লইতেছে। প্রকৃতির অনুরূপ স্বাধীনভাবে কর্ম নির্বাচন করিয়া লইতে পারিল লোকে তাহাতে প্রাণপণ করিয়া খাটিতে পারে, তাহাতে সে নিজের উন্নতি করিতে পারে, এবং এইরূপে সমাজের আর্থিক উন্নতি সম্ভব হয়। স্বাধীন নির্বাচনে উৎসাহ বাড়িয়া যায়, গতানুগতিকের মধ্যে মানসিক শক্তি ক্রমে স্তান হইয়া পড়ে।

শ্রমশক্তির সদ্যবহার

যাহাতে মানুষের শ্রমশক্তির অপচয় না হইয়া তাহার সদ্যবহার হয় এবং যাহাতে ইহার দ্বারা কর্মের উৎকর্ষ সাধিত হইতে পারে তাহাই সমাজের লক্ষ্য হওয়া উচিত। মানুষ অনেক সময়ে এ বিষয়ে চিন্তা করে না। তাহাতে অনেক শক্তির অপচয় হইয়াছে। কোন কোন স্থানে এত বেশী লোক আছে যে তাহারা খাটিবার যথেষ্ট সুযোগ পায় না, তাই দিগকে খাটিবার বন্দোবস্ত করিয়া দিতে হইবে। কোন কোন জায়গায় অনেক কলকারখানা, যথেষ্ট পরিমাণে

খাটিবার লোক নাই। যেখানে অতিরিক্ত লোক আছে সেখান হইতে তাহাদের আনিবার বন্দোবস্ত করিতে হইবে। যে-সমস্ত কারণে মানুষের মধ্যে রোগ ও দুর্বলতা আসে তাহা দূর করিতে হইবে। শিশুমৃত্যুর সংখ্যা কমাইতে হইবে, মানুষকে সবল সতেজ ও সুস্থকায় করিতে হইবে। দেশের মধ্যে এইরূপ একটা জাগরণের ভাব থাকিলে শ্রমের শক্তি অপরাহতভাবে বৃদ্ধি লাভ করিবে। শ্রমশক্তি বৃদ্ধি হইলে শস্য ও শিল্পের উন্নতি হইবে, এবং মানুষের সুখ ও স্বাচ্ছন্দ্য বাড়িয়া যাইবে।

কল বাষ্প ও তড়িৎ

মানুষের বুদ্ধিবৃত্তির উন্নতির সঙ্গে সঙ্গে কল, বাষ্প ও তড়িৎের আবশ্যক হইয়াছে। এইসমস্ত উপায়ে মানুষ আপনার শ্রম লাভ করিতে চেষ্টা করিয়াছে। প্রকৃতপক্ষে হয়ত তাহাকে পূর্বে যেকোন পরিশ্রম করিতে হইত তাহা অপেক্ষা কম কঠোর পরিশ্রম করিতে হইতেছে না। পরন্তু পূর্বে যেকোন কৌশল ও নিপুণতার আবশ্যক হইত, বর্তমান প্রণালীতে তদপেক্ষা সস্তর কৌশল ও নিপুণতার প্রয়োজন। বাষ্পীয় কল বা তড়িত-চালিত কারখানার নিয়ন্ত্রণ-প্রণালী অধিকতর জটিল। ইহাতে জ্ঞান দৈর্ঘ্য এবং প্রত্যুৎপন্নমতিত্বের প্রয়োজন, নতুবা অনেক সময়ে বিপদের সম্ভাবনা। কোন কোন কারখানায় প্রাণনাশেরও ভয় আছে। এইসমস্ত আবিষ্কার মানুষের পরিশ্রমকে তুচ্ছ বলিয়া ফেলিয়া দেয় নাই। ইহারা মানুষের বন্ধুরূপে তাহার শ্রমশক্তি বৃদ্ধি করিয়াছে। একা মানুষ যাহা করিতে পারিত না কল-কারখানার দ্বারা তাহা সহজসাধ্য হইয়াছে। যাহা প্রস্তুত করিতে বহু বৎসর লাগিত অতি অল্প সময়ে তাহা পাওয়া যাইতেছে। কলের দ্বারা দূর নিকট হইয়াছে। যাতায়াতের সুবিধা, আমদানী রপ্তানীর সুবিধা, ভাব ও চিন্তা আদান-প্রদানের বন্দোবস্ত পদ্ধতি নানা আয়োজন হইয়াছে। যে-সমস্ত বস্তু মানুষ পাইবে বলিয়া কল্পনাও করিতে পারে নাই তাহা তাহার পক্ষে অতি সুলভ হইয়াছে। মানুষের শক্তি বহুগুণ বাড়িয়া গিয়াছে, এবং তাহার বুদ্ধিবৃত্তি পরিচালনার যথেষ্ট সুযোগ লাভ হইয়াছে। উন্নত বুদ্ধিসম্পন্ন লোক কলকারখানার চালক হইতে পারে। তাহার বুদ্ধির প্রয়োগ যতই আবশ্যক হইবে ততই শ্রমশক্তির বিকাশ হইবে।

শ্রমশক্তির হ্রাস ও বৃদ্ধি

বাল্যে মানুষ বেদন পৰিশ্রম করিতে পারে যৌবনে তাহা অপেক্ষা কঠোরতর পৰিশ্রম করিতে তাহার কষ্ট হয় না। যে বোঝা সে বাল্যকালে বহন করিতে অক্ষম, যৌবনে তাহা অপেক্ষা অনেক ভারি বোঝা সে অনায়াসে বহন করিতে পারে। তাহাতে প্রমাণ হয় যে তাহার শক্তি ক্রমে বাড়িয়া যাইতেছে। কিন্তু এইরূপ অবস্থা চিরকাল থাকে না, পরে বয়োবৃদ্ধির সঙ্গে সঙ্গে তাহার শক্তির হ্রাস হয়। বৃদ্ধাবস্থায় সে একেবারে কর্মশক্তিহীন হইয়া পড়ে। সেইজন্য দেশের মধ্যে যত পৰিশ্রমশীল ব্যক্তি; অধিক বয়স পর্যন্ত আপনাদের শক্তি অক্ষয় রাখিতে পারে ততই দেশের পক্ষে মঙ্গল। যদি অল্প বয়সে মানুষকে কঠোর পৰিশ্রম করিতে হয় তবে সহজে তাহার স্বাস্থ্য নাশ হয়। অনেক কারখানায় অপরিণত বয়সে কাজ করিলে জীবন অধিক দিন স্থায়ী হয় না। কয়লার খনিতে তাহারা কাজ করে তাহারা দীর্ঘজীবী হয় না। তুলার কারখানায় তাহারা থাকে তাহাদের মুস্কলের ব্যাধি হয়। এইরূপ এক-একটা শিল্পের এক-একরূপ বিপদ। এই-সমস্ত শিল্পের অসুবিধা দূর করিবার পন্থা ক্রমে আবিষ্কৃত হইতেছে। নানা কৌশল আবিষ্কার করিয়া খনির মধ্যে বিপদের সম্ভাবনা অনেক পরিমাণে কমিয়াছে। এইরূপে বৈজ্ঞানিক প্রণালী বতই উন্নতি লাভ করিতেছে ততই শ্রমশক্তির বৃদ্ধি হইতেছে।

একজন মানুষের শ্রমশক্তি চিরকাল সমানভাবে থাকে না। আবার একই দিনে তাহার শক্তির উত্থান-পতন আছে। প্রথম উত্তমে সে যে ভাবে পৰিশ্রম করিবে, ক্রমে তাহার যখন ক্লান্তি আসিবে তখন তাহার উত্তম কমিয়া যাইবে। শরীরের মাংসপেশীর মাঝে মাঝে বিশ্রাম আবশ্যক হয়।

অবিশ্রান্ত খাটিলে শ্রমশক্তি ক্রমে হ্রাস হইয়া আসে। দিনের খাটুনির পর মানুষ যখন রাত্রিতে বিশ্রাম লাভ করে তখন তাহার মাংসপেশী নবশক্তি অর্জন করে। প্রভাতে নূতন বলে সে আবার কাজ করিতে পারে। পরীক্ষা দ্বারা দেখা গিয়াছে যে কিছু পৰিশ্রমের পর বিশ্রাম করিলে আবার সে ভাল করিয়া খাটিতে পারে। সেজন্য শ্রমজীবীগণের পক্ষে সমস্ত দিনের মধ্যে কিছুক্ষণ বিশ্রাম আবশ্যক। তাহাতে কাজ আরও ভাল হয়। পাশ্চাত্য দেশের শ্রমজীবীগণ আন্দোলন করিতেছে যে বালকবালিকা এবং স্ত্রীলোকগণের পৰিশ্রমের পরিমাণ কমাইয়া দেওয়া হোক। বার বৎসরের অনধিক বয়সে যদি খাটিতে না হয় তাহা হইলে শরীরের উন্নতির সম্ভাবনা। স্ত্রীলোকের স্বাস্থ্যের উপর সমাজের শক্তি নির্ভর করে। সুতরাং যে সময়ে সন্তান উৎপাদন এবং তাহাদের লালনপালন করিতে হয় সেই সময়ে স্ত্রীলোকদিগকে পৰিশ্রম করিতে হইলে, সমাজের শ্রমশক্তির হ্রাস হয়। তাবপর তাহাদের প্রধান আন্দোলন এই যে তাহারা দিনের মধ্যে আট ঘণ্টার অতিরিক্ত পৰিশ্রম করিবে না। শারীরিক পৰিশ্রম কম হইলে অত্যন্ত বৃত্তির উৎকর্ষ সাধনে মন দেওয়া যাইতে পারে। মানুষের জীবনের উন্নতি সমস্ত পৰিশ্রমের প্রধান উদ্দেশ্য। কেবল শবীর রক্ষা করিবার জন্য যদি তাহাদিগকে সমস্তদিন খাটিতে হয়, তাহা হইলে সে উন্নতির স্বযোগ একেবারেই পায় না। সেজন্য পৰিশ্রমের সময় কমাইয়া দিলে উপকার অনেক। ধনোৎপাদনের দিক হইতে দেখা যায়, কম সময় খাটিতে হইলে কাজের পরিমাণ বৃদ্ধিলাভ করে, সুতরাং ইহাতে ক্ষতির সম্ভাবনা কম।

শ্রীউপেন্দ্রনাথ বল ।

একদিন এক মোকদ্দমার মুনসেফ কোনো পক্ষকে বলেছিলেন, “ওরে বেটা বারগাইরেরটা থেকে আট আনার পয়সা দিয়ে একজন উকিল নিয়ে আস না?”—

লোকটি উকীল মজলিসে গিয়ে হাকিম-সাহেবের কথা

জানাতেই একজন ছোকরা উকিল জবাব দিলে, “বল গিয়ে তোমার মুনসেফ-বাবুকে যে যত আট আনা দিয়ার উকিল ছিল, সবাই মুনসেফ হয়ে গিয়েছে।”


সত্যভূষণ দত্ত ।





জুতার দোকানের সুখতলা দরজা—

আমেরিকার জর্জিয়ানার কোনো জুতা-ব্যবসায়ী তার দোকানের দরজাটিকে সাধারণ চৌকা আকারের না করিয়া জুতার সুখতলার মতো করিয়া তৈরী করিয়াছে। যে-কোনো দোকানঘরের দরজা একখানি মাপ-মাফিক টিন বা আর কোনও ধাতুর পাত আঁটিয়া বসাইয়া তার পা হইতে বেশ বড় একখানি সুখতলার আকারের খানিকটা অংশ



জুতার দোকানের সুখতলা দরজা।

কাটিয়া বাহির করিয়া লইলেই এই দরজা তৈরি হইতে পারে। কাটিয়া লওয়া সুখতলাটিকেও দোকানের বিজ্ঞাপন-হিসাবে সুবিধামত কোথাও টাঙাইয়া দেওয়া চলে। এই দরজাটির দৌলতে উপরোক্ত জুতাব্যবসায়ীর জুতাবিক্রির পরিমাণ নাকি বাড়িয়া গেছে।

কলের মাপে চিত্র নির্ণয়—

বাল্লিনের প্রোফেসর বার্গের নামক এক বৈজ্ঞানিক মাথার খুলি প্রভৃতির আকৃতি ও আয়তন হইতে মানুষের নৈতিক চিত্র মাপিয়া কথিয়া দিবার এক ফন্দি উদ্ভাবন করিয়াছেন। যন্ত্রটি টুপির মতো হইয়া মাথার আঁটিয়া বসে, তারপর একঘণ্টার পরীক্ষায় পরীক্ষিতব্যের সম্বন্ধে এত অজ্ঞাত তথ্য উদ্ধার করা সম্ভব হয় যাহা সাধারণ অবস্থায় চক্ষুর্কণের পরিচয়ে একবৎসরের কমে জানা যায় না। Criminologyর অপরাধ-প্রবৃত্তি ও অপরাধীদের বুদ্ধিবাহার পক্ষে এই যন্ত্রটি হইতে যথেষ্ট সাহায্য পাওয়া যাইবে আশা করা যায়।

নারিকেল গাছের রক্ষা-কবচ—

প্রশান্ত মহাসাগরের হাওয়াই প্রভৃতি দ্বীপপুঞ্জে নারিকেলের চাষই প্রধান কৃষিজাত পণ্য। ইঁদুর এবং ডাক্তার কীকড়ারা গাছে চড়িয়া সেই নারিকেলের শাঁস কুরিয়া খাইয়া ফোঁড়া করিয়া দেয়। ডাক্তার কীকড়াদের নারিকেল খাওয়ার ক্ষমতা বড় চমৎকার। চলতি

বৎসরের বৈশাখের প্রবাসীর ১১১ পৃষ্ঠায় আমরা সে সম্বন্ধে কিছু লিপিরাছি। এইসব ডাক্তারদের উপস্থব হইতে নারিকেলগুলিকে রক্ষা করিবার জন্ত সে সমস্ত অঞ্চলের কৃষকরা কিছুদিন হইতে নারিকেল গাছগুলিকে একটি করিয়া টিনের বা আর কোনও ধাতুর তৈরী চওড়া পালিশ করা কোমরবন্দ পরাইয়া দিতেছে। ডাক্তারে কীকড়ারা আর ইঁদুরেরা এইতেই একবারে জন্ম। নতুন ধাতুর পাতকে কোনপকারেই ঠিক হইয়া থাকে উপরে উঠিবার উপায় নাই বলিয়া যেসবাদের মাঝ পথ পথায় উঠিয়াই নিরাস হইয়া ফিরিতে হইতেছে। আমাদের দেশেও নারিকেলের সমস্ত ইঁদুরের উৎপাতে নষ্ট হয়। দক্ষকার হইলে এই উপায়টি কেহ অব্যবহন করিয়া দেখিতে পারেন।

পুচ্ছ—

ল্যাজের অভাব মানুষকে কোনোদিন বোধ করিতে হয় না। কিন্তু ল্যাজওয়ালা অস্থ জীবদের উহা যে অতাবশ্যক তাহা বোধ হয় কাহাকেও আর বলিয়া দিতে হইবে না। বাতাসের মাগরে যে-সমস্ত



"উৎপল-পুচ্ছ" পাতা।

জীব পাখার পাল তলিখা ভাসিয়া বেড়াই, পুচ্ছ তাহাদের দেহতরঙ্গীর হাল, পুচ্ছবিহীন হইলে তাহারা চলজড়িত হইয়াই থাকে। পুচ্ছদের ল্যাজ তাহাদের জামর চুলাইয়া ঠাণ্ডা রাখে, মশামাটির উপস্থব নিবারণে সহায় হয়, লজ্জা নিবারণ করে। ল্যাজনোর বেলা শরীরের ভারকেন্দ্র ল্যাজ ঠিক রাখে। কুকুরের ল্যাজ কাটিয়া দিলে তাহাদের মেজাজ হুঙ্কার বদলাইয়া যায়, লোকে এইরূপ বলে। জন্তুদের মতো ল্যাজের ইন্দ্রিত্তে

কথা কওয়া চলে এমন কথাও বৈজ্ঞানিকদের মুখে শোনা যায়। এছাড়া ল্যাজের আরও যে কত বিচিত্র ব্যবহার আছে তাহা বলিয়া শেষ করা যায় না, মানুষের পক্ষে সমস্ত বলা সম্ভবও নহে।

মানুষের যে-সমস্ত প্রয়োজনের জিনিষ সচরাচর আমাদের চোখে পড়ে তার অধিকাংশ কেবল প্রয়োজন মিটাইতেই আছে, তারা সুন্দর কি কুৎসিত, সাদা কি কালো, মলিন কি উজ্জ্বল তাহাতে কাহারও বড় কিছু আসিয়া যায় না। মানুষের সঙ্গে এখানেই



ট্যাসোর মোরগ স-অনুচর।

প্রকৃতির পার্থক্য। তার আভিপ্রয়োজনের আটপোরে জিনিষগুলিও বিচিত্র রঙের তুলিতে নিপুণ করিয়া আঁকা, বিচিত্র রেখার ছন্দে চন্দিত, বিচিত্র কারুকাৰ্যে গঠিত। ইহার সবচেয়ে ভালো একটি উদাহরণ পাখীদের পুচ্ছ।

পঙ্খদের ল্যাজে বিচিত্রতা বেশী নাই, ঝুঁটিওয়ালা ও ঝুঁটিবিহীন এই দুই শ্রেণীতে মোটামুটি তাহাদের বিভক্ত করা চলে। Pent-tail বা "কলম-পুচ্ছ" নামক ইঁদুর-শ্রেণীর এক প্রাণীর ল্যাজ পাশাপাশি ছুমারি পালকে অবিকল একটি কুইলের কলমের মতো দেখিতে হয়। ইহার একটি ছবি আমরা ছাপিতেছি।



বন মোরগ।

আমাদের পরিচিত পাখীদের মধ্যে পুচ্ছগোরবে ময়ূরই বোধহয় সকলের শ্রেষ্ঠ। টিয়া, মাকরাঙা, সা-বুলবুল, নরুণ-পুচ্ছ, মোরগ, বনমোরগ প্রভৃতি আরও নানা পাখী পুচ্ছসম্পদে সমৃদ্ধ। তাছাড়া অল্প সব পাখীর ল্যাজই কমবেশী সুন্দর। যে কারণেই হোক, পুচ্ছ দান ব্যাপারে প্রকৃতি দেবীর পুরুষ-পাখীর প্রতি একটু পক্ষপাত দেখা যায়। মানুষ জাতির মধ্যেও গৌরব-সূচক নানারকমের পুচ্ছ পুরুষ-দেরই একরকম একচেটিয়া বটে।


জাপানের ট্যাসো নামক সহরে একপ্রকার মোরগ প্রতিপালিত হইয়া থাকে, তাহাদের কোন-কোনটার ল্যাজ তেরো-চোদ্দ হাত পর্যন্ত লম্বা হয়। সাধারণ পাখীর খাঁচার ইহাদের রাখিতে পারা যায় না, ল্যাজের অনুপাতে উঁচু খাঁচা তৈরী করিয়া তাহার মধ্যে ইহাদের

পুষ্টিতে হয়। খাঁচার মধ্যে যোল হাত উঁচু দাঁড়ের উপর পুচ্ছ দোলান-মান করিয়া ইহারা বসিয়া থাকেন। মাঝে মাঝে ইহাদের পানচারণা আবশ্যক হয়, তখন পুচ্ছ-রক্ষক অনুচর পুচ্ছগ্র হাতে করিয়া তাহাদের অনুগমন করিয়া থাকে। এই পাখীর ল্যাজ জন্মের পর একবৎসরে চার হাত পর্যন্ত লম্বা হয়, পরের বৎসর দ্রুত বাড়িয়া পূর্ণ দৈর্ঘ্যে প্রাপ্ত হইয়া থাকে।



"খড়া-পুচ্ছ" পাখী।

মালয় দ্বীপপুঞ্জে 'স্বর্গের পাখীর' বাস—স্বর্গের পাখীর বাস অনেকেরই শোনা আছে। আলিপুরের চিড়িয়াখানায় কিছুদিন আগে পর্যন্ত করেকটা ছিল। আমাদের দেশে এই পাখী বহুদূর স্বাধীন অবস্থাতে পাওয়া যায় না। নানা শ্রেণী-ভেদে এই পাখী ল্যাজ নানা রকমের হয়, সবরকম ল্যাজই সুন্দর। এককালে এক মনে করিত এই পাখীর পুচ্ছ নই, তাই ইহারা অপ্রকৃতই পাখীর



টোপোন পাখী।



হইড়া পাখী।



যর্গের পাখী।

ভর করিয়া ভাসিয়া বেড়ায় এবং শিশিরের জল খাইয়া বাচে। এইরকম ভুল বিশ্বাস হইতেই এই পাখীর নাম যর্গের পাখী হইয়াছিল।

নিউজিলণ্ডে অতি সুন্দর একপ্রকার পাখীর বাস। তাহাদের ল্যাজ কতকটা বেহালার মতো দেখিতে বলিয়া তাহাদের নাম হইয়াছে বেহালা পাখী। পুচ্ছের পালকে ইউরোপের সুন্দরীদের শিরোভূষা জোপাইয়া জোপাইয়া ইহার। এখন প্রায় নিশ্চল হইয়া গিয়াছে। কচিং ডুই একটি দেখিতে পাওয়া যায়।

বারো হাত কাঁড়ের তেরো হাত বীচি কবে কোথায় হইয়াছিল তাহা আমাদের জানা নাই, কিন্তু চারু ইঞ্চি পাখীটির চৌদ্দ ইঞ্চি ল্যাজ দেখিলে কি বলিতে ইচ্ছা করে? এই পুচ্ছ-সরু পাখীটির বাস সিংহ-অন্তঃপাতী হইড়া নামক প্রাণী। তাহা হইতে ইহার নাম হইয়াছে হইড়া পাখী। এই পাখীটি চলিতে চলিতে ঝড় কিরাইয়া নিজের

ল্যাজের শোভা নিজেই একএকবার মুষ্টিচক্রে দেখিয়া লয়, তারপর আবার সপক্ষে পা ফেলিয়া ফেলিয়া চলিতে থাকে।

ঠিক ইহার জুড় হইতেছে টোপোন নামক পাখী। ইহারও ল্যাজের বহর শরীরের চতুর্ভুজ। আর ইহার শরীরের রঙের জাঁকজমক অনেক বেশী, আপাগোড়া উজ্জ্বল সোনালি।


দক্ষিণ আমেরিকার মেক্সিকোতে "উজ্জ্বল-পুচ্ছ" নামক এক পক্ষী-জাতির বাস। ফুলের মতো এই পাখীগুলি ফুলের বাগিচা আলো করিয়া দলে দলে বাস করে; ফুলের প্রতি ইহাদের এমনই অনুরাগ যে ফুল-বাগিচা ছাড়া আর কোথাও পারতপক্ষে বাসা তৈরি করে না। ইহাদের পা ভরিয়া সবুজ পালকের রাশি, ল্যাজের স্বরূপ হানটিতে

আধখানা টাদের আকারে মাথা রোঁয়ার গোছা। মথমলের মতো কোমল কালো লম্বা চুললা লাজের আশায় আবার এক একটু শাদার আভাস।

পশ্চিম আসিয়ার "খুজ্জ" পাখীদের বাড়ী। খুজ্জের আকারের দুফুট লম্বা দুটমাত্র পাপাচ হওয়ার জন্যেই তৈরী।

এশিয়া মহাদেশ বিশেষত পিমালয় গিরিপ্রদেশ বনমুগার আদি বাসস্থান। এত পাখী নানা রকমের আছে। খুজ্জের পুচ্ছপন্থে এই পাখীর বনম বাসে। এটি বটে, কিন্তু কখনো কখনো হাজার গাথাগুটি পুচ্ছ হইতেও অনেক বেশী হুন্দর হইয়া থাকে।

হুন্দর পুচ্ছ আরও কত পাখী আছে তাহাদের নাম নাই, এবং এমন আরও কত পাখী আছে যাহারা আজও



"কলম পুচ্ছ।"

কিন্তু এত তাঁর সাবধানতা সঙ্গেও মানুষের হাত হইতে ইহারা পরি-ত্রাণ পাইতেছে না। সুন্দরীকুলের শিরোশোভার জন্ত এবং অস্ত্র নানা প্রকারের বিলাস-সজ্জার উপকরণের জন্ত বৎসরের পর বৎসর জালে জড়াইয়া, ফাঁদে পড়িয়া, তীর খাইয়া, গুলি লাগিয়া জীবধাত্রী ধরণীর কোল খালি করিয়া ইহারা দ্রুতগতিতে নিঃশেষ হইয়া চলিয়াছে, বাকী যাহারা আছে তাহারাও কাক চিল শকুণিকে বায়ুরাজ্যের একাধিপত্য ছাড়িয়া দিয়া কখনো না কখনো বিলুপ্ত হইয়া যাইবে যদি ততদিন মানুষের গুণবুদ্ধি উন্মেষিত হইয়া তাহাকে সতর্ক না করে।

স চ

জাপানের আদিম-নিবাসী-

এখনকার জাপানোরাই জাপানের আদিম-নিবাসী নহে। তাদের পূর্বে অস্ত্র এক জাতি জাপানে বাস করিত। বর্তমানে জাপানের হোকাইদো ও সাবালিয়েন দ্বীপে 'আইনু' নামে যে জাতি বাস করে তারাই নাকি সেই আদিম জাতির অবশিষ্টাংশ। এই আইনু জাতি আকৃতি ও প্রকৃতিতে অস্বাভাবিক জাপানীদের চেয়ে সম্পূর্ণ পৃথক। দাড়ি-গোঁপে তারা সমাচ্ছন্ন। আইনুরা কবে এবং কোথা হইতে জাপানে আসিয়া হাটির হইয়াছিল তাহা কেহই এখন বলিতে পারে না। তবে এ কথা ঠিক যে এক সময় তারা সমস্ত জাপানটিকে দখল করিয়া বসিয়াছিল। এখন কি হোকাইদো ও সাবালিয়েন দ্বীপ ছাড়া তাদের আর কোথাও দেখা যায় না। তাদের ভাষা জাপানীদের চেয়ে অনেক তফাৎ। প্রাচীন জাপানীদের সঙ্গে নাকি তাহাদের ভাষার কিছু কিছু সাদৃশ্য আছে। তাদের ভাষার বিশ্লেষণ করিয়া দেখিলে মনে হয় যে পূর্বে আধাদের সঙ্গে তার একটা সখন্ধ ছিল, হয়ত বা আধা ভাষার একটা পথ-ভোলা শাখা। হয়ত তারা আধাদের কোন একটা অনুরক্ত সংস্রায়, বিদেশে বিঘোরে পড়িয়া সকল সভ্য জাতির নিকট হইতে



আইনু সর্দার।


পর্যাপ্ত মানুষের নহন পৃথকতা হয় নাই। ইহাদের ইতিবৃত্ত আলোচনা করিলে একটা কথা যাহা মনে জাগে তাহা এই, যে, প্রকৃতি যেন দিব্য-নেত্রে সভ্য মানুষ জাতির হা হু হাজার এই দিব্য সুন্দর-পক্ষীসন্তানদের মিগ্রহের সম্ভাবনা ঘাগে হুহুতেই দেখিতে পাইয়াছিলেন, তাই মানুষের অধুষিত দেশগুলি হইতে দূরে, মানুষের চরখিপম্য অতি দুর্গম অরণ্য-গহনে, গিরিসঙ্কটে, নরক্কে ইহাদের তিনি লালন করিয়া থাকেন।

বিচ্ছিন্ন হইয়া পড়িয়াছিল। তাই তারা আর আপনাদের বিকশিত করিতে না পারিয়া এইরূপ দুর্দশাগ্রস্ত হইয়া পড়িয়াছে।

যাহা হউক বর্তমান আইনুরা নিতান্তই অসভ্য, আমাদের দেশের কোল-ভোলদের মত। জাপানোরা তাদের আঙ্গুর বলিয়া মনে করে না, বরঞ্চ তাদের যুগাই করিয়া থাকে, যুগার কারণও আছে। পূর্বে এই আইনুদের হাত হইতেই জাপানীদের জাপানকে ছিনাইয়া আপন করিয়া



আইনু যোড়সওয়ার ও আইনু যোদ্ধা।




আইনুদের বাড়ী।

লইতে হইয়াছিল। সেটা যে নিতান্তই শান্তিপ্রিয় পন্থা অবলম্বন করিয়াই হইয়াছিল তা নয়। যুদ্ধ ছই পক্ষই করিয়াছিল। আইনুদেরই হার হইয়াছিল, তাই তাদের দশাটাও হইয়াছিল আমাদেরই দেশের কোল-ভীল-সাঁওতালদেরই মত, বা এখনকার আমাদের সকলকার মত। হারা ছিল, তাদের কতক জাপানীদের মধ্যে মিশিয়া গেল আর বাকী সব পাহাড় বনে আশ্রয় লইল।

বর্তমান সময়ে আইনুদের সংখ্যা ১৫ হাজারের কিছু উপর।

তাদের আবাসস্থলগুলি নিতান্তই অস্বাস্থ্যকর এবং তাদের বর্করতার পরিচয় দেয়। শিশুদের মৃত্যুর হারও তাদের মধ্যে খুব বেশী। যেকোন দেখা যাইতেছে তাহাতে মনে হয় পৃথিবী হইতে এই জাতিটির অস্তিত্ব বিলুপ্ত হইয়া যাইতে আর বেশী দেরী নাই।



আইনুদের বাড়ী।

নিখাস-প্রশ্বাসে চরিত্র পরিচয়—

নিখাস-প্রশ্বাস যে আমাদের জীবনের পক্ষে কত বড় প্রয়োজনীয় তাহা সকলেরই জানা আছে। কিন্তু তাহার ভঙ্গি হইতে যে আমাদের চরিত্রেরও পরিচয় পাওয়া যায় তাহা বোধ হয় অনেকেরই জানা নাই। সম্প্রতি পারীর একটি চিকিৎসক ডাক্তার ম্যাগো 'এক্স রে'র (X-ray) সাহায্যে এ-বিষয়টির আলোচনা করেন। ইহার জন্ত তিনি একটি যন্ত্র তৈয়ার করিয়াছেন। তাহার সাহায্যে তিনি সম্যকরূপে লোকের শ্বাস-প্রশ্বাস প্রক্রিয়াটির আলোচনা করেন। এই পরীক্ষা ও আলোচনার পরে তিনি এ বিষয়ে স্থির সিদ্ধান্তে উপনীত হইয়াছেন যে শ্বাস-প্রশ্বাসের ভঙ্গির সঙ্গে চরিত্রের খুব সম্বন্ধ আছে। যন্ত্রটির সম্মুখে দাঁড় করাইয়া লোকদের ঘন ঘন নিখাস ফেলিতে বলা হইয়াছে। তাহাতে দেখা গিয়াছে যে বিভিন্ন প্রকৃতির লোক বিভিন্ন প্রকারে সাড়া দিয়াছিলেন। নিরীহ প্রকৃতির লোকেরা তখন নিখাস ফেলিতে আরম্ভ করিয়াছিলেন। ধীরে ধীরে একটু চিন্তাশীল তাহারা অনেকটা দেরিতে সাড়া দিয়াছিলেন। সহিষ্ণু লোকেরা একই ভাবে অনেকক্ষণ ধরিতা নিখাস ফেলিয়াছিলেন। ধীরে ধীরে খুব সচেতন তাহারা ফেলিয়াছিলেন বলিবামাত্রই। আরও বহু লোকে বহু ভাবে সেই কথায় সাড়া দিয়াছিলেন এবং তাহাদেরও সাড়া অনুধাবী চরিত্রের তারতম্য টের পাওয়া গিয়াছিল। স।

পিপুড়ের অনুভবশক্তি—

জীবজন্তু আর পোকা-মাকড়ের পিচরকম বোধশক্তি ছাড়া আর কিছু বুদ্ধিবার শক্তি আছে কি না বৈজ্ঞানিকেরা তাহা নির্ণয় করিতেছেন।

জানা গিয়াছে, পিপীলিকার বোধশক্তি আশ্চর্য রকমের। একটা পাহাড়ে জঙ্গলে আশুন ধরে। তার উপত্যকার অসংখ্য পিপুড়ের বাসা ছিল। আশুন আসিয়া পৌঁছবার ২৪ ঘণ্টা আগে জাখা গেল সব পিপুড়ে তাদের ডিম আর খাবারের টুকরা জইয়া নুতন দেশের সন্ধানে চলিয়াছে। আধ মাইল দূরের একটা নিরাপদ স্থানে তারা তাদের আস্তানা পাড়ে। সেই পাহাড়ের ধরগোস, সাপ, কাঠ-বিড়াল ইত্যাদি ঠিক এই উপায়ে পলাইয়া রক্ষা পায়।

ইয়র্কসায়ারের অনেক জলাভূমিতে আশুন লাগাইয়া জাখা গিয়াছে যে বোলতা-মৌমাছি-রাও বিপদ উপস্থিত হইবার চের আগেই পিটান দিয়াছে। আশুন আসিয়া সব সময়ে খালি বাসাকেই গ্রাস করিয়াছে।

অরুণ দত্ত।

বিবাহের বিজ্ঞাপন—

চীনদেশের কোন কোন প্রদেশে প্রত্যেক গৃহস্থর বাটীর বাহিরে একটা খালি হাঁড়ি রাখিয়া দেওয়া হয়। হাঁড়ি যদি নীচু মুখ করিয়া রাখা হয় তবে বাটীর কস্তারা অল্পবয়স্ক বুদ্ধিতে হইবে। কস্তা বিবাহযোগ্যা হইলে হাঁড়ির মুখ খুলিয়া দিয়া রাত্তার দিকে মুখ ফিরাইয়া কাত করিয়া রাখিয়া দেওয়া হয়, ঘটকেরা হাঁড়ি

এ অবস্থায় দেখিলে এবাড়িতে বিবাহযোগ্যা কস্তা আছে বুদ্ধিতে পারিয়া সম্বন্ধ লইয়া আসিতে আরম্ভ করে। বিবাহ শেষ হইয়া গেলে ওবাড়িতে অল্প কস্তা নিতান্ত ছোট থাকিলে কিয়ৎকালের জন্ত বিবাহের বিজ্ঞাপনটি সরাইয়া রাখা হয়।

বায়ুর বেগ—

বাতাস যখন আশু আশু বহে তখন বাতাস ঘণ্টায় ৫ মাইল বেগে প্রবাহিত হয়। প্রবল ঝটিকার সময় বাতাসের বেগ থাকে ঘণ্টায় ৮০ হতে ১০০ মাইল; অর্থাৎ এক্সপ্রেস ট্রেনের চেয়ে দ্বিগুণ জোরে বাতাস প্রবাহিত হয়। ঝড়ের আগমন-সূচনার যখন গাছ পালা ভীষণ নড়িতে আরম্ভ করে ও রাত্তার ধূলি-কণা উড়িয়া চতুর্দিক আচ্ছন্ন করিয়া ফেলে তখনকার বাতাসের বেগ হচ্ছে ঘণ্টায় ৩০ হতে ৪০ মাইল। ঘূর্ণাবর্তের সময় (cyclonic weather) যখন বাতাস নিজের রক্তমুক্তি ধারণ করিয়া গাছপালা ঘরবাড়ীর উপর নিজের তাণ্ডব নৃত্যের প্রভাব বিস্তার করে তখন বাতাস কমপক্ষে ঘণ্টায় ৫০ মাইল বেগে প্রবাহিত হয়।

বাতিমাছ—

আমেরিকার ব্রিটিশ কলাম্বিয়া প্রদেশের অনেক নদীতে এক প্রকার মাছ পাওয়া যায়, সেখানকার আদিম অসভ্য অধিবাসীরা প্রদীপ ও বাতির কাজ এই মাছ দ্বারা সম্পন্ন করে। এই জাতীয় মাছগুলি প্রায় ১ ফুট আন্দাজ লম্বা হয় ও মাছগুলির শরীরে এত অধিক পরিমাণ চর্বি থাকে যে এই মাছ কেবল শুকাইয়া লইয়া বাতি কিম্বা প্রদীপের বদলে ব্যবহার করা যায়। বিবাহ নৃত্যগীত ও অন্যান্য জোজ-কাজে এই মাছের দ্বারা অসভ্য অধিবাসীরা বড় বড় মশাল প্রস্তুত করিয়া তাদের মশাল নৃত্য (torch dance) সমাধা করে। বাতির কাজ সম্পন্ন হয় বলিয়া তারা এই মাছের নাম দিয়াছে 'বাতিমাছ'। প্রাণীতত্ত্ববিদদের ভাষায় বাতিমাছের নাম হচ্ছে 'Thaleichthys Pacificus'.

বিভিন্ন ভাষায় বর্ণমালার সংখ্যা —

ভাষাতত্ত্বে বর্ণমালার সংখ্যা কম বেশী হইয়া থাকে। প্রাচীন হিব্রু, সিরীয় ও কাণীয় ভাষার প্রত্যেকের বর্ণমালার অক্ষরের সংখ্যা হচ্ছে ২২টি। গ্রীক ২৪, ফ্রেঞ্চ ও লাতিন ২৫; জার্মান, দিনেমার ও ইংরেজী ভাষার প্রত্যেকের ২৬; স্পেনীয় ও প্লাভোনিক ২৭, তুরস্ক ও আরবীয় ২৮, পারস্য ও কাণীয় ৩২, জর্জীয় ৩৫, রুযীয় ৩৬, আর্জেন্টীয় ৩৮, রুসীয় ৪১, প্রাচীন মাস্কোভাইট ভাষার ৪৩, বাংলা ভাষায় ৫০, সংস্কৃত ৪৮ (সংস্কৃত ভাষায় ড ও ঢ ব্যবহার না থাকায় ৪৮ ধরা হইল), ইটালীয় ২০, বাস্কীয়দের ভাষায় ১৯, কেস্টিক ১৭ ও স্যাণ্ডউইচ দ্বীপবাসীদের বর্ণমালার মোটে ১২টি অক্ষর আছে। ইথিওপীয় ও তাতারীয় ভাষার প্রত্যেকটিতে ২০২, আবিসিনিয় ২০৮ ও চীনা ভাষায় ২১৪টা অক্ষর আছে। পৃথিবীর মধ্যে সবচেয়ে জটিল ভাষা হচ্ছে চীনাদের। ২১৪টা অক্ষর চিনিতে পারা সহজসাধ্য নয়।

—

মহিলা-সম্পাদিত প্রথম দৈনিক সংবাদপত্র—

পৃথিবীর মধ্যে সর্বপ্রথম দৈনিক সংবাদপত্র 'ডেলি কুরান্ট' (Daily Courant) ১৭০২ খৃষ্টাব্দে লন্ডনে প্রথম প্রকাশিত হয়। মিস এলিজাবেথ ম্যাললেট (Miss Elizabeth Mallet) নামে একজন বিদ্বানী স্ত্রীলোকের দ্বারা উহা সম্পাদিত হয়। অন্ত্যস্ত সংবাদপত্রসমূহ বিলা বাধায় যেসব অস্ত্রায় সংবাদ প্রচার করিয়া অথবা স্ত্রীলোক সাধারণের উপর অস্ত্রায় দোষারোপ করিত তৎসমস্ত নিবারণের জন্ত মিস ম্যাললেট দৈনিক কুরান্ট পত্রিকা প্রচার করেন। তিনি নিজের মনপ্রাণ ঐ দৈনিকের বিস্তারের জন্ত চালিয়া দিয়াছিলেন ও স্ত্রীজাতির উপর সংবাদপত্রসমূহের অনধিকার কটাক্ষ ও দোষারোপ নিবারণ করিতে সমর্থ হইয়াছিলেন।

অলকেন্দ্র।

—

জোনাকীর আলো কোথেকে আসে?—

আমার লিখিত গাছগালা আলোবিকিরণের কারণ অনুসন্ধানের উদ্দেশ্যে সুরেন্দ্রনাথ মিত্র মহাশয় 'প্রবাসীতে' কিঞ্চিৎ আলোচনা করেছিলেন। গত বছরের 'প্রবাসীতে' তদুত্তরে আমি বলেছিলাম— পচা গাছে যে আলো-দেওয়া Fungus জন্মায়, তারা কি খেয়ে, কোন্ কোন্ উপাদান থেকে ওই রকমের সুন্দর আলো সংগ্রহ করে থাকে। কিন্তু সে থেকে এসম্বন্ধে বিশেষ কোন উল্লেখযোগ্য কারণ গুণ্ডিতে পাই নি।

বৃক্ষাদির বা বিশেষ বিশেষ প্রাণীর ওই রকমের শিথল আলো বিকিরণের কারণ ও উপাদান কি, সেইটে জানবার জন্ত অনেকদিন ধরে অনেকেই কত রকমের চেষ্টা করছেন, কিন্তু এ পর্যন্ত কেউ অভীপ্সিত ফল লাভ করতে সক্ষম হন নি।

সম্প্রতি Scientific American পত্রিকায় এসম্বন্ধে একটি পরীক্ষার বিবরণ প্রকাশিত হয়েছে। সাধারণতঃ লোকের ধারণা হচ্ছে এই যে, ওই রকমের আলো-দেওয়া কীট পতঙ্গ, বা অন্ত্যস্ত জিনিষের সংখ্যা পৃথিবীতে বড় একটা বেশী নয়। সেটা কিন্তু তাদের নেহাৎ জুল। জীবাণী (Protozoa) থেকে বেরুদণ্ডী (Vertebrates) জীব পর্যন্ত খালি প্রাণীসমূহেই ক্রমের পক্ষে পৃথিবীতে তিন শতেরও বেশী জাতের আলো-দেওয়া কীটপতঙ্গাদি প্রাণী দেখতে পাওয়া যায়— এদের প্রত্যেক জাতের ভিতর আবার, একাধিক শ্রেণীবিভাগ আছে।

আলো-দেওয়া প্রাণীদের মধ্যে বেশীর ভাগই সমুদ্রের বাসিন্দা। এদের ভিতর Noctibucaই সবচেয়ে ক্ষুদ্র আণুবীক্ষণিক আলো-দেওয়া প্রাণী, এরা গভীর সমুদ্রে জাহাজের তলার দলে দলে ভীড় করে' বিক্ষিপ্ত আলোর লহর ফুটিয়ে তোলে। সামুদ্রিক জেলিকিশ, ছোট ছোট কাঁকড়া, চিংড়ি জাতের প্রাণীরাও (Crustaceans) যখন জাহাজের গায়ে, নৌকার দাঁড়ে কিম্বা অস্ত্র কিছুতে ধাকা খায় তখন ওই রকমের বিক্ষিপ্ত আলো বিকিরণ করে থাকে।

গভীর সমুদ্রের তলায় এক এক রকমের অদ্ভুত মাছ দেখতে পাওয়া যায়, তাদের পরিপুষ্ট অঙ্গশিথিল খুব সুন্দর এক রকমের জোরালো আলো বিকিরণ করে' ধরকলা নির্বাহের সহায়তা করে থাকে। তাদের কোন কোন জাতের আলো-দেওয়া অঙ্গটা ঠিক যেন চোখের মত; ইচ্ছামত খুলতে ও বন্ধ করতে পারে। খুব গভীর সমুদ্রের তলায় ওপরের আলো ঢুকতে পারে না, কাজেই সেখানে গভীর অন্ধকার; সেখানে মৎস্যজাতীয় যেসব প্রাণী বাস করে, তাদের তো খালি চোখ থাকলে চলতো না—আলো থাকলে তবে জিনিষের প্রতিবিম্ব চোখের Retinaয় ওপর প্রতিফলিত হবে—ওখানে তো আর সেইটি হবার জো নেই, কাজেই ক্রম-বিকাশের দ্বারা অনুসারেই হোক কি পারিপার্শ্বিক অবস্থার প্রয়োজনেই হোক, তাদের ওই অদ্ভুত 'সার্চ-লাইটের' মতো আলোবিকিরণকারী অঙ্গটা অভিযুক্ত হয়েছে। সেটাকে তারা আবার এদিক সেদিক ঘুরিয়ে সব দেখে নিতে পারে।

আলো-দেওয়া স্থলচর কীটপতঙ্গাদির মধ্যে জোনাকী আর দীপ-মক্ষিকাদিই বোধ হয় লোকের কাছে পরিচিত বেশী। কারণ এরা প্রায় সর্বদাই রাত্রিবেলায় যেখানে-সেখানে লোকের চোখে পড়ে থাকে। সত্যি সত্যিই আকারের অনুপাতে জোনাকী বা দীপ-মক্ষিকা যে পরিমাণে আলো দিয়ে থাকে সেটা অতুলনীয়। দক্ষিণ আমেরিকার দীপ-মক্ষিকার আলো এত উজ্জ্বল যে, তাতে অন্ধকারে অনায়াসে বই পড়া বা কাজ কর্তব্য করা যেতে পারে। আমাদের দেশীয় জোনাকীর সঙ্গে ওসব দেশের জোনাকীর পার্থক্য চের।* ওদের মাদী-পোকা-গুলোর পাখা নেই, আলোও নেই বোধ হয় তাদের। আবার ছোট ছোট বাচ্চাকাচ্চাগুলি যখন পাখা হয় না তখনও আলো দিয়ে থাকে। সেগুলো মাটির ওপর চরে বেড়ায়। এজন্ত অনেকের ধারণা ছিল— ওগুলো কীট জাতীয় একরকমের প্রাণী। বাস্তবিক পক্ষে ওরা Lampyrid Beetle নামে এক জাতীয় পতঙ্গশ্রেণীভুক্ত। মোটের ওপর সমস্ত রকমের আলো দেওয়া পতঙ্গই "Lampyridae" শ্রেণীর বিভিন্ন শাখা প্রশাখা মাত্র। 'Lampyridae' শব্দটা গ্রীক ভাষা থেকে আমদানী, মানে—আলো দেওয়া, শুনে অবাধ হতে হয় যে, এই 'Lampyridae' শ্রেণীর উপশ্রেণীর সংখ্যা পনেরো শতেরও ওপর। একমাত্র যুক্ত-রাজ্যেই ওর ছুইশত ত্রিশ শ্রেণীর পতঙ্গ বিয়াল্লিশটা প্রধান ভাগে বিভক্ত দেখা যায়।

এদের আলো বিকিরণের উদ্দেশ্য কি, এসম্বন্ধে অনেকেই অনেক রকম অনুমান করেছেন। কিন্তু কোনটাই দোষবর্জিত নয়। কেউ বলেন—ওদের আলো-দেওয়াটা যৌননির্বাচনের ফল। সাপের মুখে মণি থাকার সমর্থ যুক্তি দিতে গিয়ে কেউ কেউ আমাদের দেশীয় জোনাকী পোকায় আলো থাকার কারণ নির্দেশ করেছেন, তারা বলেন যৌন নির্বাচনের ফলে স্ত্রী-জোনাকীর আলো বেশী উজ্জ্বল হয়ে থাকে। তার আলোর উজ্জ্বল্যে আকৃষ্ট হয়ে পুং-পতঙ্গগুলি ঝাঁকে ঝাঁকে উড়ে এসে পড়ে। সাপ ওই ফলিটা যে-কোন প্রকারে হোক জেনে, মণিটাকে নিয়ে কোন স্থানে রেখে লুকিয়ে থাকে; মণির আলোর উজ্জ্বল্যে আকৃষ্ট হয়ে, জোনাকী বা অন্ত্যস্ত পোকা-মাকড় এসে পড়লেই ধরে উদ্বৃত্তি করে। অধিকারে স্ত্রী-পুরুষ

বেছে নেবার জন্তেই যদি আলোর উৎপত্তি, তবে যে জাতের স্ত্রী-পতঙ্গের পাখা নেই বা আলো নেই, সেই জাতের পুং-পতঙ্গের আলো দিবার তাৎপর্য কি? আবার গভীর সমুদ্রে কাঁকড়া, শমুক জাতের একরকমের আলো দেওয়া ছোট প্রাণীর চোখ বা অল্প কোন রকমের দর্শন-যন্ত্রের অস্তিত্ব নেই মোটেই, তারা সম্পূর্ণ অন্ধ, অথচ শরীর থেকে একরকম রস বেরিয়ে সমস্ত শরীরটাকে আলোকিত করে তোলে; সে আলো থাকে না থাকার তাৎপর্য তো কিছুই বোঝা যায় না! গভীর সমুদ্র থেকে সম্প্রতি এক রকমের চিংড়ি পাওয়া গেছে, তাদের কান্ধাটা খালি খোলার আবরণের ভিতরে আলো বিকিরণ করে; কিন্তু বাইরে সেটার কিছুই টের পাওয়া যায় না। যদি আলো দেওয়াটা যৌননির্বাচনের ফলই হয়ে থাকে তবে এই ভিতরকার আলো দ্বারা তাদের কোন উপকারই হতে পারে না।

সবচেয়ে জোরালো আর বেশা পরিমাণ আলো দিতে পারে Crustacean জাতের *Cypridena Hilgendorfi* নামে সামুদ্রিক এক প্রকার ক্ষুদ্র প্রাণী। তাদের আকারের তুলনায় আলোর পরিমাণ এত বেশী আর জোরালো যে, ওদের আকারের অনুপাতে মানুষের যদি ও-রকমের একটা আলো-দেওয়া যন্ত্র থাকতো, তবে একাই একটা সহরকে দৃশ্যমত আলোকিত করে তুলতে পারত। এদের আলো খুব তীব্র আর অনেকদূর জলের নীচ থেকে দেখতে পাওয়া যায়।

অনেকেই জানেন অনেক রকমের চর্বি, উভায়ু তেল এবং সুরাসার প্রভৃতি (alcohols) উত্তাপ বিশেষে যখন আন্তে আন্তে বায়ুর অক্সিজেনের সঙ্গে মিশতে থাকে তখন ওইরকমের উত্তাপবিহীন একরকমের আলো (phosphorescence) বিকিরণ করে থাকে। এই ব্যাপার থেকেই অনেকে কীটপতঙ্গাদির আলোর মতো কৃত্রিম আলো তৈরি করার সন্ধান ধরেছিলেন। আর সে থেকেই রাসায়নিক-দের Pyrogallol পরীক্ষায় সম্পূর্ণ কৃতকাৰ্য্যতা লাভ হয়েছিল। Pyrogallol একটা যৌগিক (compound) পদার্থ। কিন্তু কতকটা উদ্ভিজ্জাত পদার্থের মতো। ফটোগ্রাফের অস্পষ্ট প্রতিবিম্ব ফুটিয়ে তোলবার জন্য এজিনিষটা বহুল পরিমাণে ব্যবহৃত হয়ে থাকে, যদি পাইরো কিংবা গেলিক এসিড আর হাইড্রোজেন-পেরোক্সাইড কোন উদ্ভিজ্জের (যেমন আলু, গাজর ইত্যাদি) রসের সঙ্গে মেশানো যায় তবে ওই রকমের স্নিগ্ধ আলো বিচ্ছুরিত হয়ে থাকে। পাইরো বায়ুর অক্সিজেনের সঙ্গে আঁত সহজে মিশে যায়। পাইরো অথবা গেলিক এসিড যখনই অক্সিজেনের সঙ্গে মেশে তখনই উত্তাপবিহীন আলোর (phosphorescence) উৎপত্তি হয়ে থাকে।

সম্প্রতি তাপ-বিহীন আলো সংক্রমে যেসব নতুন তথ্য আবিষ্কৃত হয়েছে, তাদের পরিচালনা পরীক্ষাই হয়েছিল আলো দেওয়া কীট-পতঙ্গাদি নিয়ে। জোনাকী আর দীপমলিকা (*Photuris Pennsylvanica*) জাতের পতঙ্গ থেকে অনেক নতুন তথ্য পাওয়া গেছে।

আলো দেওয়া পতঙ্গাদির আলো-দেওয়া যন্ত্রগুলি কেটে ছিঁড়ে দেখা গেছে খানিকটা অথচ জায়গা কতকগুলি সূক্ষ্মতন্ত্রনির্মিত স্বচ্ছ ও কিকে পর্দা দিয়ে ঢাকা রয়েছে। স্বচ্ছ পর্দাখানিই বোধ হয় আলো ছড়িয়ে থাকে, আর অথচ জায়গাটার কাঁধ হচ্ছে ওই আলোটাকে বাইরের দিকে প্রতিফলিত করে দেওয়া আর আলোর ধোরাক জোগানো। ওই জায়গাটার সঙ্গেই কতকগুলি সূক্ষ্ম সূক্ষ্ম

বায়ুশূল যোগ করা আছে আর সেই সূক্ষ্ম গ্রন্থি থেকেই আলোর কণিকাগুলি অন্তান্ত পদার্থের সঙ্গে মিশে বেরিয়ে আসে। ওসব যৌগিক আলোর কণিকাগুলিকে রাসায়নিক পরীক্ষাগারে বিশ্লেষণ করে দেখা গেছে যে, এদের ভিতর প্রধানতঃ দুটি জিনিষ আছে—একটি হচ্ছে "Luciferine", আরেকটি "Luciferase"।

আগে বিশ্বাস ছিল বিভিন্ন রকমের তৈল-জাতীয় পদার্থের চর্বির ক্ষুদ্র কণিকাগুলোই সুরাসারাদি যোগে বায়ুর অক্সিজেনের (Oxygen) সঙ্গে মিশে ওই রকমের আলোর উৎপাদন করে থাকে। কিন্তু "Luciferine" এবং "Luciferase" বিশ্লেষিত হবার পর দেখা গেছে—ওর কোনটাই বেঞ্জাইন, ইথার ইত্যাদির দ্বারা পরিবর্তিত, রূপান্তরিত বা নিঃশেষিত হয় না। ওই দুটি জিনিষের মধ্যে Luciferine-এর গুণ সহজে নষ্ট বা পরিবর্তিত হয় না, এমন কি অনেকক্ষণ গরম জলে ফুটিয়ে নিলেও বয়েক মাস অবধি আলো বিকিরণ করতে পারে। বিশেষতঃ অক্সিজেনের সঙ্গে মিশলে এটা Oxyluciferine-এ পরিবর্তিত হয়ে যায়, ফের আবার ওথেকে Luciferine বিচ্ছিন্ন করতে পারা যায়। কিন্তু Luciferase-এর সঙ্গে না মিশে Luciferine আলো দিতে পারে না। Luciferase আবার সম্পূর্ণ বিপরীত, ওটা সম্পূর্ণ অস্থায়ী আর খুব তাড়াতাড়ি নিঃশেষিত হয়ে যায়।

এখন পরিষ্কার রকমেই দেখা গেল—যে কোন রকম প্রাণীর আলো-যন্ত্রের আলো বিকিরণ করতে হলে তার অক্সিজেন সংব্রাহ হওয়া চাইই, তা না হলে আলোর ক্ষরণ হয় না। কাজেই এটা আমরা সহজেই ধারণা করতে পারি, জোনাকী পোকাকার আলো বিকিরণ করার জন্য অক্সিজেন দরকার। জোনাকীর আলো-দেওয়া যন্ত্রে Luciferine এবং Luciferase দুটোই মিশ্রিত অবস্থায় সংগৃহীত থাকে। জোনাকী বায়ু থেকে যে অক্সিজেন সংগ্রহ করে আর বিশেষতঃ বায়ুশূলের ভিতর যে অক্সিজেন থাকে তাতে মিশে ওই মিশ্রিত পদার্থটা আলো বিকিরণ করে থাকে। জোনাকীর আলোটা একবার উজ্জ্বল একবার নিশ্চল হয় এটা সকলেই লক্ষ্য করেছেন। খাসপ্রথাসের প্রতিক্রিয়ায় অক্সিজেনের পরিমাণ বেশী বা কম হওয়াতেই ওরূপ হয়ে থাকে।

স্পেকট্রোস্কোপ, বলোমিটার প্রভৃতি যন্ত্রে বিশেষরূপে পরীক্ষা করে দেখা গেছে—জোনাকী জাতের (*Photuris*) পোকাকার, যে আলো বিকিরণ করে, সেটা infra-red থেকে ultra-violet-এর মধ্যে কোন আলোর মতই নয়। মোটা কথায় বলতে গেলে এটাকে ঠাণ্ডা-আলো নাম দেওয়া যেতে পারে। মানুষের উদ্ভাবিত কৃত্রিম আলো-দেওয়া যন্ত্রাদির আলোর তুলনায় একটা জোনাকীর আলোর পরিমাণ অসম্ভব বেশী। কার্বন-গ্রো-ল্যাম্পের শক্তি হচ্ছে শতকরা ১.৪০ Lungsten Lamp-এর শক্তি ১.৩ আর জোনাকীঘের আলোর শক্তি হচ্ছে শতকরা ৯৯.৫।

এখন সকলের মনেই এই প্রশ্নের উদয় হয় যে, উত্তাপবিহীন জৈবিক বা উদ্ভিজ্জ আলো (phosphorescence) কৃত্রিম উপায়ে তৈরি করে তাকে ব্যবসায়-ক্ষেত্রে চালানো যায় কি না? অনেকে সে বিষয়ে চেষ্টা করে কিছু কিছু কৃতকাৰ্য্য হয়েছিলেন, আবার এখনও পূর্ণোদ্যমে চেষ্টা চলছে। তবে এটা নিশ্চয়ই জোর করে বলতে পারা যায়, বিজ্ঞান অচিরেই উত্তাপবিহীন আলো তৈরী করে উত্তাপের বাজেখরচ বন্ধ করে দেবে।

শ্রীগোপালচন্দ্র ভট্টাচার্য্য।

বঙ্গে জমীদার-সম্প্রদায়—রাজস্ব ও প্রজাস্বত্ব

রাজস্ব শব্দের ধাত্বার্থ বহুবিস্তৃত হইলেও, রাজা প্রজাগণের নিকট হইতে ভূমির কর স্বরূপে যাহা গ্রহণ করেন সাধারণতঃ তাহাকেই আমরা রাজস্ব বলি ; এবং এস্থলে রাজস্ব শব্দ সেই অর্থেই প্রযুক্ত হইল।

ভূমি কাহাকে বলে, সকলেই জানেন।• কিন্তু এই ভূমিতে কাহার স্বত্ব সে বিষয়ে মতভেদ রহিয়াছে। কাহারও মতে, সমুদয় ভূমি রাজস্ব ; আবার কেহ কেহ বলিয়া থাকেন যে, সমুদয় ভূমি প্রজার। হিন্দু ও মুসলমানগণ দ্বিতীয় মতাবলম্বী। তাঁহারা বলেন, রাজা অগ্ৰাণ্ড বিষয়ের সহিত ভূমিরও রক্ষা করিয়া থাকেন ; তজ্জগৎ উৎপাদিত দ্রব্যের কোনও অংশ, কিম্বা তাহার মূল্য, পাইয়া থাকেন। প্রামাণিক হিন্দু ও মুসলমান গ্রন্থে উল্লিখিত রহিয়াছে, যে ব্যক্তি পরিশ্রম দ্বারা যে ভূমি আপন ব্যবহারযোগ্য করিয়া লইবে, ঐ ভূমি তাহার হইবে। অবশ্য, পতিত জমী সম্বন্ধেই ঐ কথা বলা হইয়াছে। যাহা হউক, ভূমির স্বামিত্ব লইয়া মতভেদ থাকিলেও, রাজা যে ব্যবহৃত ভূমির রাজস্ব পাইবার অধিকারী, সে বিষয়ে কেহই সন্দেহ করেন না।

হিন্দু ও মুসলমানদিগের সময়ে রাজস্ব স্বরূপ উৎপাদিত ফসলের অংশ গৃহীত হইত—নগদমুদ্রা গ্রহণের ব্যবস্থা ছিল না। এই অংশও শস্তবিশেষে বিভিন্ন প্রকার হইবে। টোগলকুবংশীয় বাদুগাহদিগের অধিকারকালে উহা সম্পূর্ণরূপে তৎকালপ্রচলিত আরবীয় প্রথার অনুরূপ করা হয়। তৎপরে শের সাহ পুনরায় উহার পরিবর্তন ও উহাকে সময়ের ও সমাজের উপযোগী করিয়া রাজস্ব আদায়ের নূতন প্রথা প্রচলিত করিবার চেষ্টা করেন, কিন্তু তাঁহার অসাময়িক মৃত্যু বশতঃ উহা সম্পূর্ণ ও সর্বত্র প্রচারিত হয় নাই। অবশেষে, স্বনামধন্য রাজা টোডর মল, উৎপাদিত শস্যের অংশ গ্রহণের প্রথা রহিত করিয়া, নগদ মুদ্রা গ্রহণের ব্যবস্থা করেন। রাজা উৎপাদিত ফসলের তৃতীয়াংশ পাইবার অধিকারী, ইহার প্রতি লক্ষ্য রাখিয়া মুদ্রার পরিমাণ স্থিরীকৃত হয় ; এবং গত ১৬ বৎসরের উৎপন্ন ফসলের মূল্য লইয়া ইহারারি এক বৎসরের পরিমাণ ধরা হয়। এইরূপে স্থিরীকৃত রাজস্ব দশ বৎসরের মধ্যে পরিবর্তিত হইত না।

এই প্রথা বঙ্গদেশে ১৫৮২ খৃষ্টাব্দে সর্বপ্রথম প্রবর্তিত হয়। টোডর মল বিহারের কিম্বদংশ ও বঙ্গদেশ ব্যতীত আকবরের সুবিস্তৃত রাজ্যের রীতিমত জরীপ ও তদন্তর উৎপাদিকা-শক্তি এবং অগ্ৰাণ্ড সুবিধা-অসুবিধা-সমূহের প্রতি লক্ষ্য রাখিয়া সমুদয় ভূমি আট শ্রেণীতে বিভক্ত ও কর নির্ধারিত করিয়াছিলেন।

মুসলমানদিগের অধিকারকালে চাকলা, পরগণা-তপ্পা কিম্বা অগ্ৰ কোনওরূপে নির্ধারিত কেন্দ্রের রাজস্ব আদায়ের নিমিত্ত এক শ্রেণীর কর্মচারী নিযুক্ত হইতেন। তাহাদিগকে জমীদার (জমীদার, দার শব্দের অর্থ রাধুনেওয়াল, ভৃত্য) বলিত। রাজস্ব আদায় ব্যতীত ইহাদিগকে স্ব স্ব এলাকামধ্যে শাস্তি রক্ষা, রসদ সর্ববরাহ ও অগ্ৰাণ্ড সামান্য সরকারী কার্য্য করিতে হইত। তাঁহাদের কোনও নির্দিষ্ট বেতন ছিল না ; তাঁহারা নির্ধারিত কর বাদুগাহের প্রতি-নিধির হস্তে অর্পিত করিয়া উদ্ভূত অংশ স্বয়ং গ্রহণ করিতেন।

কালে, অগ্ৰাণ্ড চাকরীর ঞ্চ এই পদও কুলক্রমাগত হইয়া যায় ; এবং আলোচনা ও অনুসন্ধিৎসার অভাবে সাধারণের মনে এষ্ট ধারণা বদ্ধমূল হইল যে জমীদারগণই ভূমির প্রকৃত অধিকারী—তাঁহারা যাহা ইচ্ছা তাহাই করিতে পারেন, যে কোনও জমী যাহাকে ইচ্ছা দিতে পারেন—কৃষকদিগের উহাতে কোনও স্বত্ব বা অধিকার নাই। এইরূপেই নানাবিধ মধ্যস্বত্বের সৃষ্টি হইয়াছে।

বিশেষ প্রণয়ন করিয়া দেখিলে, এই জমীদারগণ ঠিকাদার ভিন্ন আর কিছুই ছিলেন না। অতঃপর আমরা এই সম্প্রদায়ের ব্যক্তিদিগকে ঠিকাদার বলিয়া নির্দেশ করিব।

বাঙ্গালা বিহার ও উড়িষ্যার ঠিকাদারী বন্দোবস্ত মুর্সিদাবাদের নবাবের কর্তৃত্বাধানে সম্পাদিত হইত ; এবং রাজস্ব মুর্সিদাবাদের রাজকোষে প্রদান করিতে হইত। ফল কথা, রাজস্ব স্থিরীকরণ ও উহার আদায়, নবাব বাহাদুরের সর্বমুখ্য আয়ত্বাধানে ছিল। যে পরিমাণ রাজস্ব স্থির করিয়া বন্দোবস্ত দেওয়া হইত তাহাকে “আসল জমা” বলিত ; এবং আদায়

ও রক্ষণাবেক্ষণের জন্য খরচ বাদে, উহার সমুদয় দিল্লী প্রেরণ করিতে হইত। নবাব মহোদয়ের অধিক টাকার আবশ্যক হইলেই, তিনি একটা না একটা বাহানা করিয়া, ঠিকাদারদিগের নিকট হইতে ঐ টাকা আদায় করিতেন। ইহাকে আব্‌ওয়াব্‌ বলিত; এবং কালে উহা স্থায়ী হইয়া যাইত। তদপেক্ষা অধিক টাকার আবশ্যক হইলে, পুনরায় নূতন আব্‌ওয়াব্‌ বন্দান হইত; এবং উহাও স্থায়ী হইয়া যাইত। গফ্‌ত্বরে, নবাবের কামচারীগণও স্ব স্ব উদর পূর্তির মানসে স্বতন্ত্র আব্‌ওয়াব্‌ের দাবী ছাড়িতেন না। এইরূপে, নবাব কাশীম আলির সময়ে এই আব্‌ওয়াব্‌ের পরিমাণ বাৎসরিক এক কোটি টাকারও অধিক হইয়া উঠে।

ইহা কখনও মনে করা যাইতে পারে না যে, ঐ টাকা ঠিকাদারেরা আপনাদের নিজস্ব হইতে দিতেন। তাঁহারাও প্রজাবর্গের উপর আব্‌ওয়াব্‌ বসাইয়া, অন্ততঃ তাহার চতুর্গুণ, আদায় করিয়া লইতেন। এদিকে নিরীহ প্রজাবৃন্দ কোথায় যাইবে, কাহার নিকট বিচারপ্রার্থী হইবে, তাহার কোন ঠিকানাই ছিল না। কোন প্রাক্ত রাজনীতিজ্ঞ বলিয়াছেন যে, ঐ সময়ে রাজস্বের নামে প্রজাবর্গের শোণিতের শেষ বিন্দু পর্য্যন্ত শোষিত হইত।

১৭৬৫ খৃষ্টাব্দে কোম্পানি বাহাদুর বাঙ্গালা বিহার ও উড়িষ্যার (রূপনারায়ণ ও সুবর্ণরেখার মধ্যবর্তী স্থানকে উড়িষ্যা বলিত) দেওয়ানা প্রাপ্ত হইলেন। তজ্জন্ত তাঁহারা বাদশাহকে বাৎসরিক ২৬ লক্ষ টাকা দিতেন। এতদিন পর্য্যন্ত নবাব, দিল্লীর বাদশাহের দেওয়ান ও নাজিম—উভয়ই—ছিলেন। এখন হইতে তিনি কেবলমাত্র নাজিম রহিলেন; এবং নিজামতের খরচ ও পদমর্যাদা রক্ষার জন্ত কোম্পানির নিকট হইতে বাৎসরিক প্রায় ৫৪ লক্ষ টাকা পাইবেন, অবধারিত হয়। এই সময়ে মৌরুজাফরের পুত্র নজমদৌলা নবাব ছিলেন। তাঁহার মৃত্যুর পর সায়ফউদৌলা নবাব-নাজিম হইলে এই মুদ্রার পরিমাণ প্রায় ৪২ লক্ষ হইয়া যায়। অতঃপর মবারকউদৌলার নিজামত-কালে ইহাকে ৩২ লক্ষ করা হয়; এবং কাল সহকারে উহা ১৬ লক্ষে পরিণত হয়। দিল্লীর সিংহাসন ধ্বংস হইয়া যাইলেও নবাব মহোদয় ঐ টাকা ও নবাব-নাজিম উপাধি ভোগ

করিয়া আসিতেছিলেন। ১৮৯১ খৃষ্টাব্দে ঐ উপাধি ও টাকা রহিত করিয়া তাঁহাকে “মুর্সিদাবাদের নবাব বাহাদুর” ও “আমীর উন্‌ উমরা” এই উপাধিভঙ্গ এবং বাৎসরিক দুই লক্ষ ত্রিশ সহস্র টাকা পেন্সন্‌ দেওয়া হইয়াছে।

কোম্পানি বাহাদুর চারিবৎসর তৎকাল-প্রচলিত প্রথামু-সারে দেওয়ানির কার্য সম্পাদন করিয়া কিছু অভিজ্ঞতা লাভ করিলেন; তৎপরে সূশ্ৰুজে রাজস্ব আদায় ও ভবিষ্যৎ কর নির্দ্ধারণের সুবিধার জন্ত প্রত্যেক জেলায় “সুপার-ভাইজার” নাম দিয়া এক-একজন সিবিলিয়ন নিযুক্ত করিলেন। তাঁহাদিগকে প্রত্যেক ক্ষেত্রের অবস্থা, উৎ-পাদিত শস্ত ও উপাদিকা-শক্তি প্রভৃতির অনুসন্ধান করিয়া এবং প্রজাবর্গ কিরূপে মালগুজারী দিয়া থাকে এবং ঠিকাদারেরাই বা প্রজাগণের নিকট হইতে কি পরিমাণ ও কত প্রকারের আব্‌ওয়াব্‌ আদায় করিয়া থাকে এবং ঐ আব্‌ওয়াব্‌সমূহের পরিমাণ ও প্রকারভেদ বৃদ্ধি হইতেছে কি না, ইত্যাদি বিষয়েরও যথাযথ সংবাদ লইয়া, মন্তব্য প্রদান করিতে হইত।

এই সময়ে, ১১৭৬ সালে, দুর্ভিক্ষ হয়; এবং ইহাই “ছিয়াত্তরের নবস্তর” নামে খ্যাত। নবাব বাহাদুর মুখ তুলিয়া প্রজার দুঃখ দেখিলেন না। কোম্পানির কেবল মাত্র রাজস্ব আদায়ের ক্ষমতা ছিল; সুতরাং তাঁহারাও কিছু করিলেন না। এই দুর্ভিক্ষে বিহার ও উড়িষ্যার প্রায় দ্বি-তৃতীয়াংশ ও বাঙ্গালার প্রায় অর্দ্ধাংশ লোক মৃত্যুমুখে পতিত হয়।

এই সংবাদ ইংলেণ্ডে পৌছিলে ডিরেক্টরগণ একেবারে শিহরিয়া উঠিলেন; এবং ভবিষ্যতে একরূপ ভীষণ কাণ্ডের যাদাতে পুনরাবৃত্তি হইতে না পায়, তন্নিমিত্ত ওয়ারেন হেস্টিংসকে গভর্নর, ও তাঁহার নিজের বিবেকবুদ্ধির অনুসারে কার্য্য করিবার ক্ষমতা বৃদ্ধি করিয়া দিলেন।

১৭৭০ খৃষ্টাব্দে মুর্সিদাবাদ ও পাটনা নগরে “রেবিনিউ কোমিসল অব্‌ কন্ট্রোল” নামে এক-একটি রাজস্ব-সমিতি স্থাপিত হয়। কিন্তু কলিকাতার দূরবর্তী বলিয়া অনেক অসুবিধা, ও অনেক সময়-বৃথা নষ্ট হইতেছে দেখিয়া ১৭৭২ খৃষ্টাব্দে কলিকাতায় আর-একটি রেবিনিউ কোমিসল স্থাপিত ও কোষাগার মুর্সিদাবাদ হইতে আনীত হয়; এবং সুপার-ভাইজারদিগের নাম “কলেক্টর” রাখা হয়। অতঃপর

১৭৮৬ খৃষ্টাব্দে কলিকাতা কোম্পানির নাম পরিবর্তিত করিয়া “রেভিনিউ বোর্ড” রাখা হয় ও অপর দুইটি কোম্পানি উঠাইয়া দেওয়া হয়।

দেওয়ানী প্রাপ্ত হইবার পূর্বেই মেদীনীপুর, চট্টগ্রাম, বর্ধমান ও ২৪-পরগনা এই চারি জেলা কোম্পানির অধিকারে আসিয়াছিল; এবং তাঁহারা স্বয়ং রাজস্ব আদায় করিতেন; অপরূপ স্থানের রাজস্ব পূর্ববৎ ঠিকাদার দ্বারা আদায় হইত। বাঙ্গালা ও উড়িষ্যাতে এক বৎসরের জন্ম ও বিহারে অপেক্ষাকৃত দীর্ঘকালের জন্ম ঠিকা বন্দোবস্ত হইত। ইহা সুবিধাজনক বিবেচিত না হওয়াতে ১৭৭২ খৃষ্টাব্দে একেবারে পাঁচ-পাঁচ বৎসরের জন্ম বন্দোবস্তের ব্যবস্থা হয়। ইহা দেখিয়া কতকগুলি অপরিণামদর্শী ও অসংযতচিত্ত ব্যক্তি, অধিক টাকা দিতে স্বীকৃত হইয়া, ঠিকা গ্রহণ করে। তাহারা মনে করিয়াছিল যে, কোম্পানিও মুসলমানদিগের ত্রায় নিশ্চেষ্ট হইয়া থাকিবেন এবং তাহারা যথেষ্ট ব্যবহার দ্বারা প্রজাগণের সর্বস্ব লুণ্ঠন করিয়া বিলক্ষণ সঙ্গতিপন্ন হইয়া যাইবে। কিন্তু কার্যকালে উহার বিপরীত ফল হইল। কারণ ইংরেজেরা প্রজার মঙ্গলার্থ সর্বদা উদগ্রীব থাকিতেন; এবং কিছুতেই অসাধুতার প্রণয় দিতেন না। এইজন্ম ঐসময় ঠিকাদারেরা যথাসময়ে স্ব স্ব দেয় প্রদান করিতে পারিল না—কেহ কেহ সম্পত্তি বিক্রয় দ্বারা ঋণ পরিশোধ করিল; অনেকেই বাসস্থান পরিত্যাগপূর্বক পলাইয়া গেল!

পাঁচসাল বন্দোবস্তের পরিণাম দেখিয়া পুনরায় বাৎসরিক বন্দোবস্তের ব্যবস্থা হয়। কিছু দিন পরে ডাইরেক্টরেরা অনুমতি করিলেন যে, দেশের চিরন্তন প্রথার প্রতি লক্ষ্য রাখিয়া, ও পূর্ব কয়েক বৎসরের হিসাব লইয়া, রাজস্ব স্থিরতর (steady) এবং কতকগুলি স্থায়ী নিয়ম প্রবর্তনপূর্বক ঠিকাদারদিগের সহিত একেবারে দশ বৎসরের জন্ম বন্দোবস্ত করিতে হইবে। ইহাই চিরস্থায়ী বন্দোবস্তের সূত্রপাত।

১৭৮৭ খৃষ্টাব্দে লর্ড কর্ণওয়ালিস এ দেশে আসিয়া সর্বপ্রথম কতকগুলি প্রশ্ন লিপিবদ্ধ করিয়া প্রাচীন ও প্রাজ্ঞ কর্মচারীদিগকে উত্তর প্রদান করিতে অনুমতি করেন। বলিয়া দেন যে—(১). প্রত্যেক এষ্টেটে কি পরিমাণ রাজস্ব

ধার্য হইতে পারিবে; (২) কিরূপ ও কোন্ শ্রেণীর ব্যক্তির সহিত বন্দোবস্ত করা উচিত; (৩) এবং বাহাতে প্রজাবর্গ প্রপাড়িত না হয়, অথচ ঠিকাদারেরা সহজে রাজস্ব আদায় করিতে সক্ষম হইবে—ইহা মনে রাখিয়া প্রশ্ন সমুদয়ের উত্তর দিতে হইবে।

এই আদেশ প্রাপ্ত হইয়া সার জন শোর নানা স্থানে পরিভ্রমণ ও অতি সংযত ও সমুচিত যত্ন সহকারে অনুসন্ধান করিয়া ১৭৮৯ খৃঃ অব্দে আপন মন্তব্যলিপি প্রদান করেন। ইহাতে শোর মহোদয় আপন বিচা বুদ্ধি ও অনুসন্ধিৎসার একরূপ পরিচয় দিয়াছেন যে আর পর্যন্ত উহা আদর্শমন্তব্য বলিয়া স্বীকৃত হইতেছে।

প্রথম ও দ্বিতীয় শ্রেণীর উত্তরমালার প্রতি দৃষ্টি রাখিয়া ১৭৯০ খৃষ্টাব্দে দশ-সাল বন্দোবস্ত হয়; এবং ১৭৯৩ খৃষ্টাব্দে উহাই চিরস্থায়ী বন্দোবস্তে পরিণত হয়। লর্ড কর্ণওয়ালিস মনে করিয়াছিলেন যে, চিরস্থায়ী বন্দোবস্ত করিয়া দিলে, জমাদারগণ আপন আপন স্বয়ং ও অধিকার স্পষ্টরূপে বুঝিতে পারিয়া স্ব স্ব জমাদারীর উন্নতিকল্পে বদপরিচর হইবেন; এবং অল্পদিনের মধ্যেই পাশ্চাত্যদেশের ভূমাদিকা রগণের অনুরূপ হইয়া উঠিবেন। তিনি ভাবিয়া দেখিলেন না যে, ভারতবর্ষ ইংলণ্ড নহে—ভারতবর্ষ কখনও ইংলণ্ড হইয়া যাইবে না। দশসাল বন্দোবস্তের দ্বারা বাঙ্গালা বিহার ও উড়িষ্যার রাজস্ব প্রায় তিন কোটি টাকা অবধারিত হইয়াছিল।

সার জন শোর দশসাল বন্দোবস্তকে চিরস্থায়ী করিতে ইচ্ছুক ছিলেন। অধিক কি, তিনি উহার বিরুদ্ধবাদী ছিলেন—বলিয়াছিলেন যে, জমাদার ও প্রজাবর্গের সম্বন্ধ তাঁহাদের আপন আপন স্বয়ং ও অধিকার এবং প্রজাবর্গের নিকট হইতে জমাদারেরা কি পরিমাণে খাজনা পাইতে পারিবেন—এইসময় যত দিন সুস্থ ও বিশদভাবে স্থিরীকৃত না হইবে ততদিন জমাদারদিগের দেয় রাজস্বের পরিমাণ অপরিবর্তনীয় করিয়া দেওয়া উচিত হইবে না—করিয়া দিনেই কোম্পানী ও কুবকসম্প্রদায় উভয়েই বঞ্চিত ও বিড়ম্বিত হইবেন। পক্ষান্তরে লর্ড কর্ণওয়ালিস সিদ্ধান্ত করিয়াছিলেন যে ১৭৯৩ খৃষ্টাব্দের প্রথম রেগুলেশনের ম্যানুসারে পাড়া প্রদত্ত ও কবুলিয়াত গৃহীত হইলেই উত্তরকালে আর কোনও গোলযোগ উঠিবার আশঙ্কা থাকিবে

না। বলা বাহুল্য যে, অনন্তরসংঘটিত ঘটনাপরম্পরা দ্বারা শোর মহাশয়ের আশঙ্কা অব্যর্থ হইয়া গিয়াছে এবং কেবল মাত্র প্রজারক্ষার্থে যে চিরস্থায়ী বন্দোবস্ত কল্পিত হইয়াছিল, কৃষকসম্প্রদায় তদ্বারা কিছুমাত্র উপকৃত হয় নাই। তাহার জমীদারদিগের অধীনে যে রূপাপাত্র ছিল, অনেক পরিমাণে, সেই রূপাপাত্রই রহিয়াছে।

এতদ্ভিন্ন, ১৭৯৩ খৃষ্টাব্দে অষ্টম রেগুলেশনের মর্মানুসারে কোম্পানি বাহাদুর জমীদারগণের নিকট হইতে যে কবুলিয়াৎ গ্রহণ করেন তাহারও নবম ধারাতে ইহাই রহিয়াছে যে, কোম্পানি প্রজার মঙ্গলার্থে যেসমুদয় আইন প্রচলিত করিয়াছেন, বা ভবিষ্যতে করিবেন, জমীদারদিগকে উহা সম্পূর্ণ মানিয়া চলিতে হইবে। ইহার অর্থ এই যে, চিরস্থায়ী বন্দোবস্ত দ্বারা জমীদারগণ ভূমির সর্বশ্রেষ্ঠ স্বত্বাধিকারী বলিয়া স্বীকৃত হইয়াছেন; সুতরাং ঐরূপ লিখাইয়া না লইলে ভবিষ্যতে তাহারা অত্র কোনও আইনে বাধা নাও হইতে পারিতেন। ঐ রেগুলেশন দ্বারা ইহাও অনুজ্ঞাত হয় যে, জমীদারগণ পাটওয়ানী নিযুক্ত করিয়া তহশীলী কাগজ রীতিমত রাখিবেন; তাহারা আর কোনও আবুওয়াব বসাইতে পারিবেন না; এবং ঐ সময় পর্য্যন্ত যেসমুদয় আবুওয়াব প্রচলিত ছিল ঐসমুদয়কে খাজনার অন্তর্গত করিয়া, খাজনা ও জমীর পরিমাণ, ক্ষেত্রের নিদর্শন ও শ্রেণী-বিভাগ প্রভৃতি স্পষ্ট উল্লেখপূর্বক পাট্টা প্রদান ও কবুলিয়াৎ গ্রহণ করিবেন। ঐরূপ হইলে অনেক অসদাচরণ নিরাকৃত হইতে পারিত; কিন্তু কর্ণওয়ালিসের এই সদিচ্ছা আকাশ-কুসুমের পরিণত হয়। কারণ জমীদারেরা পাট্টা দিতেন না, কবুলিয়াৎ গ্রহণ করিতেন না; এবং রীতিমত কাগজপত্র রাখিতেন না—রাখিলেও ভবিষ্যৎ ক্ষতির আশঙ্কায় ঐসমুদয় কাহাকেও দেখাইতেন না।

পূর্বে, কোম্পানি আপন বাকী আদায়ের জন্ত, হয়, ঠিকাদারদিগের অস্থানা সম্পত্তি ক্রোক ও বিক্রয় করিতেন, না হয়, তাহাদিগকে বেদখল করিতেন কিম্বা কারাগারে নিক্ষেপ করিতেন। চিরস্থায়ী বন্দোবস্তের পর ঐসমুদয় রহিত হইয়া “সন্-সেট্-ল” বা স্থগাৎস্তের আইন জারী হয়। প্রথমাবস্থায় ইহারও ফল অতি শোচনীয় হয়, এবং বিংশতি বৎসরের মধ্যে প্রায় অর্ধেক সংখ্যক জমীদার

একবারে পিষ্ট ও শ্রীভ্রষ্ট হইয়া যান। ইহাতে অত্যাচার জমীদারগণ অত্যন্ত ভীত হইয়া, তাঁহাদের ব্যবহারের জন্ত ঐরূপ কোনও সহস্রসাধ্য নিয়ম নাই বলিয়া, গোলযোগ উত্থাপিত করেন। ইহারই ফলে ১৭৯৯ খৃষ্টাব্দে সুবিখ্যাত “হপ্তমের আইন” জারী হয়। এতদ্বারা জমীদারগণ স্বেচ্ছানুসারে প্রজাগণের ক্ষেত্রের ফসল, গৃহপালিত পশু ও অত্যাচার দ্রব্যজাত ক্রোক বিক্রয় এবং প্রজাগণকে কারাবদ্ধ পর্য্যন্ত করিতে পারিতেন। এই আইন দ্বাদশ বৎসর প্রচলিত থাকিয়া প্রজাগণকে একবারে নিপীড়িত ও নিষ্পেষিত করিয়া দেয়। অতঃপর ১৮১২ খৃষ্টাব্দে “পঞ্চমের আইন” জারী হয়। এতদ্বারা জমীদারদিগের কারাবদ্ধ করিবার ক্ষমতা রহিত হইয়া যায়।

ইহাতেও আশানুরূপ ফল হইতেছে না দেখিয়া ১৮১৭ খৃষ্টাব্দের দুই আইন দ্বারা অপেক্ষাকৃত উন্নত প্রণালীতে লর্ড কর্ণওয়ালিসের প্রবর্তিত পাট্-ওয়ানী প্রথা পুনঃপ্রচলিত করা হয়। ইহা দ্বারা প্রত্যেক পরগনায় এক একজন “কাননগো” ও প্রত্যেক গ্রামে এক-একজন পাট্-ওয়ানী নিযুক্ত হয়। পাট্-ওয়ানীরা কোম্পানির চাকর ছিলেন; কিন্তু বেতন দিতেন জমীদারেরা। নিয়ম ছিল যে, তাহারা প্রত্যেক প্রজায় জমী ও জমার বিবরণ সুবিস্তৃতভাবে লিখিয়া জমাবন্দী প্রভৃতি তহশীলের কাগজ রাখিবেন, এবং কাননগোগণ ঐসমুদয় রীতিমত পরীক্ষা করিবেন; পাট্টা কবুলিয়াৎ আদান-প্রদানের ব্যবস্থা করিবেন; এবং ঐসমুদয় যে যথাযথ ভাবে সম্পাদিত হইতেছে তাহার প্রতি তাঁর দৃষ্টি রাখিবেন এবং স্বয়ং স্বাক্ষর করিবেন। কার্যকালে, পূর্বের ত্রায় ইহাও ব্যর্থ হইয়া গেল। ইহা দেখিয়া, ১৮২৪ খৃষ্টাব্দে সমুদয় জমী জরীপ করিয়া প্রত্যেক প্রজার জমীর পরিমাণ স্বত্বাধিকার ও খাজনা সুস্পষ্টভাবে লিখিয়া কাগজ অর্থাৎ রেকর্ড অব রাইট্‌স্ (Record of Rights) প্রস্তুতের অনুমতি হয়। কিন্তু পরবর্তী (৫০) পঞ্চাশ বৎসরের মধ্যে উহা হয় নাই।

এই সময়েও অনেক মহাল কোম্পানির “খাস” ছিল— অতি জঘন্য বলিয়া কেহ চিরস্থায়ী বন্দোবস্ত লন নাই। এতদ্ভিন্ন অনেক কুনীতিপরায়ণ ও মোৎফন্ন (ফন্দীবাজ) ব্যক্তি স্বত্ব প্রকাশপূর্বক অনেক জমী লাখেলাজ করিয়া লইয়া ছিলেন। তাহারা স্ব স্ব স্বপ্নের কোনও প্রমাণ দিতে পারিল

না তাহাদের জমী বাজেআপ্ত হইল। ইহাকে সংক্ষেপতঃ "জমী" সম্পত্তি বলিত। ১৮২২ খৃষ্টাব্দে এই-মুদয় "থাস" ও "জমী" সম্পত্তির "রেকর্ড অব রাইট্‌স্" প্রস্তুতের ব্যবস্থা হয় এবং ইহাতে বিংশতি বৎসরেরও অধিক সময় লাগিয়া যায়। এতদ্বারা তত্তৎ স্থানের প্রজাবর্গের প্রভূত উপকার হয়।

জমীপীকাগজে ও রেগুলেশন আইনে প্রজাবর্গশ্রেণীবিভাগ রহিয়াছে বটে, কিন্তু কোন প্রকার কিরূপ স্বত্বাধিকার হইবে, তাহার কোনও ব্যবস্থা ছিল না। ১৮৫৯ খৃষ্টাব্দের দশ আইন দ্বারা সর্বপ্রথম ঐ বিষয় বিশদ করিবার চেষ্টা হয়। ইহাতে প্রজাবর্গের দখলীস্বত্ব ও জমীদারগণের নিরিখ বৃদ্ধির ক্ষমতা স্বীকৃত হইলেও এতদ্বারা আশামুরূপ ফল হইতেছে না দেখিয়া, ১৮৬৩ খৃষ্টাব্দে বিচারপতি পিকক ও অ্যান্ড্রু রাজস্বকর্মচারিগণ উহা সংশোধনের প্রস্তাব করেন। তৎপরে ১৮৬৯ সালের ৮ আইন কেবলমাত্র বঙ্গদেশে প্রচারিত এবং বাকীখাজনার মকদ্দমার বিচার দেওয়ানী আদালতের অন্তর্ভুক্ত করা হয়।

ছোটলাট টেম্পেল সাহেবের সময়ে পাবনা জেলার প্রজাগণ, জমীদারেরা কম মাপ দিতেছেন, জোর করিয়া বৃদ্ধি খাজনার চুক্তিপত্র লিখাইয়া লইতেছেন ইত্যাদি বলিয়া মহা গোলযোগ উঠাইল ও সকলে এক জোট বাধিয়া গেল।

ইহা সপ্রমাণের জন্ত ১৮৭৩ সালে এগ্রেগিয়েন ডিস্‌পিউট্‌স্ এক্ট অস্থায়ীভাবে পাস হয়। টেম্পেল মহোদয়ের ইচ্ছা ছিল যে, প্রজাগণ যাহাতে ইচ্ছামত স্ব স্ব জোতস্বত্ব বিক্রয় করিতে পারে, এবং বাকী মালগুদারীর জন্ত জোতস্বত্ব নিগাম করা যায়, এবং দখলীস্বত্ববিশিষ্ট প্রজা ও মধ্য-স্বত্বাধিকারীদিগের স্বত্ব ও অধিকার সহজে নির্ণীত হইয়া যায়, এরূপ কতকগুলি বিধান উহার অন্তর্নিবিষ্ট করিয়া, উহাকে স্থায়ীভাবে জারী করিবেন। কিন্তু উহা সম্পন্ন হইবার পূর্বেই, ১৮৭৭ খৃষ্টাব্দে, তিনি অবসর গ্রহণ করেন ও এশ্লী ইডেন ছোটলাট হন। তিনি অভিজ্ঞ রাজস্ব কর্মচারী লইয়া বাঙ্গালা ও বিহারে এক-একটি কমিটি বা সভা স্থাপিত করিয়া তাহাদের হস্তে প্রজাস্বত্ব সম্বন্ধে আমূল অনুসন্ধান করিতে অমুমতি দেন। অতঃপর রেন্ট-ল কমিশন নামে এক সভা স্থাপিত করিয়া তাহাদের হস্তে পূর্বেই দুই কমিটির রিপোর্ট বা মন্তব্যের বিচারভার অর্পিত করেন। রেন্ট-ল কমিশন আপনাদের মন্তব্য প্রদান করিলে ১৮৮৩ খৃষ্টাব্দে ইলবার্ট সাহেব এক পাণ্ডুলিপি মন্ত্রী-সভায় উপস্থিত করেন। উহা ১৮৮৪ খৃষ্টাব্দে সংশোধিত হয়, এবং ১৮৮৫ খৃষ্টাব্দের মার্চ মাসে আইনে পরিণত হয়, এবং ইহারই নাম "বঙ্গীয় প্রজাস্বত্ব বিষয়ক আইন।"

বাঁকা।

বহুলোৎপাদিকা কৃষি

(Intensive Agriculture)

ইদানীং পাশ্চাত্য জগতে কৃষিব্যবসায় দুইটি স্পষ্ট ধারায় বিভক্ত হইয়া পড়িতেছে। একটি Extensive Agriculture বা বিস্তীর্ণ কৃষি অর্থাৎ যাহা বহু মূলধনে বিস্তীর্ণ স্থান নিয়া করা যায়। আর একটি Intensive Agriculture বা বহুলোৎপাদিকা কৃষি। ইহাতে অল্পস্থানে বা অল্প মূলধনে যথাসম্ভব বেশী ফসল উৎপন্ন করিবার চেষ্টা হইতেছে। বিস্তীর্ণ কৃষি অনেকটা বৃহৎকারের কলকারখানারই মত ব্যাপার; উহাতে মনিব ও চাকরের মধ্যে হৃদয়ের সম্বন্ধ খুবই কম। উভয়পক্ষই উভয়ের নিকট হইতে স্বতন্ত্র

সম্ভব আদায় করিতে চেষ্টা করে। বিস্তীর্ণ কৃষির উদাহরণ চা-বাগান, নীলের আবাদ, ফিজি ও মরিশসের ইক্ষুক্ষেত্র ইত্যাদি।

চিরস্থায়ী বনোবস্তুর ফলে এবং লোকসংখ্যার আধিক্য-হেতু বাংলাদেশে চাষীর জমি সন্মায়তনবিশিষ্ট হইয়া পড়িয়াছে। কেবল সুন্দরবন অঞ্চলে বা পদ্মা মেঘনা প্রভৃতির চরে এক এক কৃষকের হাতে বিস্তীর্ণ ক্ষেত্র দেখিতে পাওয়া যায়। আর সকল স্থানেই একজন চাষীর দখলে গড়ে ১০।১৫ বিঘার অধিক জমি দেখিতে পাওয়া যায় না।

দেশের এই কঠোর অনসমস্যার দিনে এই অল্প জমিতে কি করিয়া অধিক ফসল উৎপন্ন করা যাইতে পারে তাহার চেষ্টা পাশ্চাত্য জগতে বিশেষভাবে হইতেছে; এদেশেও হওয়া উচিত।

Intensive Agriculture বা বহুলোৎপাদিকা কৃষিতে উৎকৃষ্ট চাষ, উৎকৃষ্ট বীজ ও প্রচুর পরিমাণে সারের ব্যবহার একান্ত আবশ্যিক। উদ্ভিদখাদ্যের সকল উপাদান—যথা নাইট্রোজেন ফসফরাস পটাশ, চুন ইত্যাদি—সকলগুলিই জোগাইতে হইবে—জমিকেও পেটে খাওয়াইয়া পিঠে সওয়ান হয়। উৎকৃষ্ট বীজ ত চাউই, তা ছাড়া উপযুক্ত তদ্বির, জল সেচন ইত্যাদি স্বল্পায়তন ক্ষেত্রে যেরূপ পবিপাটীরূপে করিতে পারা যায়, বিস্তীর্ণস্থানে সেরূপ করা সম্ভব নহে।

স্বল্পায়তন ক্ষেত্রে উৎকৃষ্ট বীজ, সার ও যত্ন-তদ্বিরের দ্বারা যে কি পরিমাণ ফসল পাওয়া যাইতে পারে তাহা অনেকে গুলিলে বিস্মিত হইবেন। ইয়ুরোপে ফ্রান্স, বেল্জিয়ম, হলেণ্ড এবং জার্মানী প্রভৃতি দেশ অত্যন্ত ঘনবসতিবিশিষ্ট হইলেও কৃষকগণ মাত্র ২।৩ একর জমির দ্বারা ভালরূপে জীবনযাত্রানির্বাহ করিতেছে। এ বিষয়ে নিম্নে কয়েকটি উদাহরণ দিতেছি :—

বেল্জিয়াম

বেল্জিয়ামের লুভেইন (এই নগরের বিখ্যাত গির্জা ও বিশ্ববিদ্যালয় গত বৃদ্ধে জার্মানগণ ধ্বংস করিয়াছে) শহরের নিকটবর্তী গ্রামসকলে প্রতি একরে (৩ বিঘা) গড়ে ৫৭ বুশেল (১ বুশেল—প্রায় এক মণ) করিয়া গম উৎপন্ন হইতে দেখা গিয়াছে। যুদ্ধের পূর্বে বেল্জিয়ামের লোকসংখ্যা প্রতি বর্গমাইলে গড়ে প্রায় ৬০০ শত লোক ছিল, অথচ দেশের উৎপন্ন শস্য তাহাদের প্রায় কুলাইয়া যাইত, এমন কি মধ্যে মধ্যে প্রচুর পরিমাণে ইংলণ্ডে রপ্তানী হইত।

ডেন্‌মার্ক

১৮৬৪ খৃষ্টাব্দে জার্মানীর সহিত যুদ্ধ করিয়া ডেন্‌মার্ক হলেণ্ডাইন্ ও স্লেসউইগ্ নামক মূল্যবান রাজ্য হারায়। কিন্তু সেতাহাতে নিকরংসাহ না হইয়া কোমর বাধিয়া কৃষকদের মধ্যে শিক্ষা বিস্তার এবং দেশের সর্বত্র বহুলোৎপাদিকা কৃষির চেষ্টা করিতে থাকে। ফলে পল্লীগামের লোকসংখ্যা ক্রমশঃ বাড়িয়া উঠিতেছে এবং ভূমির উৎপাদিকা-শক্তিও

আশ্চর্যরূপে বৃদ্ধি পাইয়াছে। বিখ্যাত লেখক প্রিন্স ক্রোপোর্ট'কন ইহার কারণ নির্দেশ করিতে গিয়া লিখিয়াছেন—“এই সফলতার প্রধান কারণ এই :—বিশেষ উন্নত কৃষিশিক্ষা। সহরে বাজার সকল-চাষীর সহজগম্য, এবং সর্বোপরি সমবায়।” এদেশে প্রতি একর জমি হইতে বৎসরে প্রায় ২০০ পাউণ্ড (তিন হাজার টাকা) মূল্যের ফসল উৎপন্ন করিতে দেখা গিয়াছে।

ফ্রান্স

পারিসের উপকণ্ঠে প্রতি একরের খাজানা ৩২ পাউণ্ড পর্য্যন্ত (৪৮০ টাকা) হইতে দেখা গিয়াছে! তথাকার জনৈক কৃষকের ২.১ একর (৮ বিঘা হইতে কিছু কম) জমি হইতে এক বৎসরে কি পরিমাণ ফসল পাওয়া গিয়াছিল তাহার বিবরণ দেখুন।

১। গাজর	২০০০০	পাউণ্ডের অধিক (২৫০ মণ)
২। পের্মাজ	}	” ” ”
মূলা প্রভৃতি		
৩। বাঁধাকপি	৬০০০	” (৭৫ মণ)
৪। ফুলকপি	৩০০০	” (৩৭ মণ)
৫। টক বেগুন	৫০০০	ঝুড়ি

এতদ্ব্যতীত ছালাদ এবং অগ্ৰাণ্ড ফলও প্রচুর পরিমাণে পাওয়া গিয়াছিল। ফ্রান্সের নিকটবর্তী জার্সি দ্বীপে জনৈক কৃষক প্রতি একরে (৩ বিঘা) ৯৫০ মণেরও অধিক আলু উৎপন্ন করিয়াছেন! পাশ্চাত্য দেশের কৃষকের জমির স্বাভাবিক উর্বরতা বা অনুর্বরতার উপর ফসল উৎপাদন নির্ভর করে না। তাহারা অদৃষ্টবাদী নহে। অত্যন্ত খারাপ জমিকেও সার প্রদান ও উপযুক্ত তদ্বিরের দ্বারা স্বর্ণপ্রসূ করিয়া নেয়। মানুষের হাতে পড়িলে কোন জমিই অনুর্বর থাকিতে পারে না।

সহরের ও গ্রামের সর্বপ্রকার আবর্জনা ও নানা-প্রকারের কৃত্রিম ও স্বাভাবিক সার ব্যবহার করা হইতেছে। নানাপ্রকার গৃহপালিত পশুপক্ষীর বিষ্ঠা, তৈল, হাড়ের গুঁড়া ব্যতীত আরও কত-প্রকার জিনিস সার-রূপে ব্যবহার হয় তাহার কিছু নমুনা নিম্নে দেওয়া গেল।

১। শুষ্ক মৎস (fish meal)

২। শুষ্ক রক্ত (dried blood)

৩। চূন বা চূনা পাথরের চূর্ণ

৪। নানা প্রকারের ফস্ফেট প্রস্তুতের চূর্ণ

৫। সোরা, সাধারণ লবণ, জিপসম্

৬। গুয়ানো বা ভারতমহাসাগরের দ্বীপ হইতে আনীত পক্ষীর বিষ্ঠার সার।

বিদেশ হইতে সার আনাইতে হইলে অবশ্য খরচও বেশী লাগে। কিন্তু এই প্রকার অত্যধিক খরচ দিয়াও সে দেশের কৃষকগণ প্রচুর লাভ করিয়া থাকে।

পাশ্চাত্য কৃষক ও কৃষি-সমবায়।

সমবায় সমিতির সাহায্যে পাশ্চাত্য কৃষকগণের মধ্যে যুগান্তর উপস্থিত হইয়াছে। তাহাদিগকে আমাদের দেশীয় চাষাদের মত পরিশ্রমলব্ধ ফসল মধ্যবর্তী পাইকার বা মহাজনদের হাতে তুলিয়া দিয়া সন্তুষ্ট থাকিতে হয় না। সমবায় প্রণালী অনুসৃত হওয়ায় লাভের প্রায় সমস্ত অংশের মালীকই কৃষকগণ হইয়া থাকে।

আর আমাদের দেশের কৃষক তাঁতি ও জেলেদের পরিশ্রমের লাভ প্রায় সমস্তই ফড়িয়ারা গ্রাস করিয়া থাকে। এদেশেও কোন কোন কৃষি-সমবায়-সমিতি প্রচুর লাভবান হইয়াছে। সবুকারী রিপোর্টে দেখা যায় নওগা সমবায় সমিতি (রাজসাহী) এক লক্ষ পঁচাত্তর হাজার টাকা লাভ করিয়াছে এবং এই লভ্যাংশ হইতে প্রায় ১৮ হাজার টাকা নানা প্রকার জনহিতকর কার্যে ব্যয় করিয়াছে।

পাশ্চাত্য দেশে সমবায় নীতিতে যে কি যুগান্তর উপস্থিত করিয়াছে তাহা ঠাঁহার জানিতে ইচ্ছা করেন তাঁহার Co-operation in Many Lands by Smith Gordons এবং Co-operation in Danish Agriculture by Harold Faber (Longmans) পড়িয়া দেখিবেন।

আমাদের কর্তব্য।

উপরোক্তরূপ উন্নতি ইউরোপের স্বাভাবিক অনুকর ভূমিতে শীতপ্রধান দেশে করা যদি সম্ভবপর হয় তবে উহা স্বাভাবিক উর্বর বাঙ্গালাদেশে করা আরও সহজসাধ্য। আমাদের দেশেও উৎকৃষ্ট প্রণালীর চাষ, সমধিক চাষের সার ব্যবহার ও সমবায় নীতির প্রচলনের দ্বারা যে কৃষিব্যবসায়ে অধিক লাভ হইবে ইহা স্বতঃসিদ্ধ। আমাদের দেশেও ভিটি

জমিতে আধ আলু চীনাবাদাম কার্পাসের চাষ করিয়া, পুকুরপাড়ে ও বাড়ীর চারিদিকে আম লিচু নারিকেল পেঁপে কলা প্রভৃতি ফলের আবাদ করিয়া, পুকুরে মাছ ও ডোঁবায় হাঁস পুষ্টিয়া যে লাভ হয় তাহা কি যুগিত কেরাণী-গিরির অপেক্ষা কম? ঘরের ভাত, গোয়ালের দুধ, পুকুরের মাছ এবং বাগানের তরকারী পাইলে বাঙ্গালীর ল্প্ত স্বাস্থ্য, উৎসাহ ও আনন্দ পুনরায় ফিরিয়া আসিবে। এখন প্রশ্ন হইতেছে কে একাজ করিবে? দেশের দরিদ্র নিরক্ষর কৃষকগণের দ্বারা প্রথমে এসকল অনুষ্ঠানের আশা আমরা কিছুতেই করিতে পারি না। পৃথিবীর অত্যাঁচ দেশের গ্রাম এ দেশেও শিক্ষিতসম্প্রদায়কেই একাজে আগে নামিতে হইবে। শিক্ষিতেরা পূর্বে করিয়া দেখাইবেন, কৃষকেরা পরে অনুসরণ করিবে, নতুবা কেবল কথাই চিঁড়ে ভিজিবে না। বাঙ্গালী ভদ্রলোক, বাঙ্গালী শিক্ষিত যুবক যদি চাকুরীর নেশা, সহরের নেশা, ডাম, মোটর, বায়োস্কোপ ও বিলাসিতার নেশা পরিত্যাগ করিয়া পল্লীসংস্কারের জন্ত পরিত্যক্ত জঙ্গলাকীর্ণ পৈতৃক ভদ্রাসন বাটাতে বসেন এবং মোটা ভাত মোটা কাপড়ে সন্তুষ্ট থাকিয়া উন্নত প্রণালীতে কৃষি ও সঙ্গে-সঙ্গে পল্লীর শিক্ষা স্বাস্থ্য ও সামাজিক জীবনের উন্নতির চেষ্টা করেন, তবেই একাজ হইতে পারে। কেবল প্রচারের উদ্দেশ্যে ২১ দিনের জন্ত সহরের আরাম-আসন ছাড়িয়া পাড়া-গাঁয়ে আসিয়া বহুতা দিলে কিছুই হইবে না। শতাধিক বৎসরেরও অধিক ধরিয়া পল্লীগ্রামগুলির যে ক্রমাবনতি ঘটিয়াছে উহার সংস্কারের জন্ত জীবনব্যাপী সাধনা আবশ্যিক। সহরের হৃদয়হীন কৃত্রিম জীবনের মধ্যে নিজের মনুষ্যত্বকে বিসর্জন করিয়া না দিয়া যদি আমরা এইরূপে “ঘরমুখো” হইতে পারি তবে আমাদের পল্লীমাতা পুনরায় শস্যসম্পদশালিনী হইয়া উঠিবেন এবং আমরাও প্রকৃত মানুষ হইতে পারিব। তাঁহার পাশ্চাত্য জগতের পল্লীজীবনের উন্নতির ধারা জানিতে চাহেন তাঁহার এই বহিঃগুলি অবশ্য দেখিবেন—

1. Country Life Movement in the United States by Bailey (Macmillan)
2. Rural Denmark and Its Lessons by Sir Rider Haggard (Longmans)

3. Land and Labour by B. S. Rowntree
(Macmillan)

4. The New Earth by W. S. Harwood
(Macmillan)

5. Fields, Factories and Workshops by
Prince Kropotkin (Nelson)

6. The Rural Life Problem of the United
States by Sir Horace Plunkett (Macmillan)

শ্রীনগেন্দ্রচন্দ্র দাসগুপ্ত ।

যত্ন

রোদ্‌র কাঠ-ফাটা,
পিপাসায় দীর্ঘ
খাল বিল শুকনা,
গাছ-লতা জীর্ণ !
বালু উড়ে চারদিক,
আঁধি রোষে সূর্য্য,
কে ঘোষিল হুকারে
ধবংসেরই তূর্য্য !

কোথা থেকে মেঘ এল
ঝুপু ঝুপু বৃষ্টি,
চারধার ঠাণ্ডা,
শ্রামলিত দৃষ্টি !
আজি প্রাণ মুগ্ধ.
বাদলের ছন্দে,
নেই কোনো তৃষ্ণা
ভিঞ্জা-মাটি গন্ধে !

কোথাকার বাতাসেতে
মেঘ হ'ল লুপু,
শেফালিকা কণ্ঠে
কার মা স্তম্ভ !
পুলকিত শরতে
আলোকের পুঞ্জ,
হাসি আর গুঞ্জে
মুখরিত কুঞ্জ !

মাঠে মাঠে ধান এল
হরিতের সজ্জা,
দাঁড়ায়েছে কোন্ দেবী
কুণ্ঠিত-সজ্জা !
ঘরে ঘরে প্রেম আর
সোহাগের বহা,
দাস-সাদী-মাতা-পিতা
ভাই-বোন-কন্যা !

হিম-ভরা কুম্বাসায়
হাড় নড়া কম্প,
লেপ গায় ঠকু ঠকু,
বিছানায় ঝম্প !
জড়ীভূত গাছ-পালা
নর নারী দেশটা,
শীতজ্বালা নিবারিতে
গরীবের চেষ্ঠা ।

ঝরাপাতা, সবুজের
সুনবীন কান্তি,
হাসির ঐ ঝরনা
অনিবিড় শান্তি !
বন-ভূমি সুশোভিত,
কুহু-রত পক্ষী,
ফুল-ভারে অবনত
বসন্ত-লক্ষ্মী !

শ্রীনীহারিকা দেবী ।

পাটের চাষ

আমাদের সৌভাগ্য যে আমাদের মনীষীগণ এখন কর্মযোগে লিপ্ত হইতেছেন। বক্তৃতার সময় অতীত হইয়াছে এবং কর্মের সময় আসিয়াছে। দেশের উন্নতির জন্ত আমাদের কোন্ পথ ধরিতে হইবে নেতৃগণ এতদিন তাহা নির্দেশ করিতে পারেন নাই। তাঁহারা মুষ্টিমেয় কতিপয় শিক্ষিত ব্যক্তি লইয়া উন্নতির পথ খুঁজিতে গিয়া পথ হারাইয়াছিলেন। হঠাৎ ফিরিয়া দেখিলেন তাঁহারা কোথায় কেমন অপরিচিত স্থানে ঘর বাড়ী আত্মীয়-স্বগণ ছাড়িয়া উপস্থিত হইয়াছেন। তাই এখন তাঁহারা আত্মীয়গণের সন্ধানে ফিরিয়া আসিয়াছেন। এবং উন্নতির পথে সবাক্বে চলিতে বন্ধপরিকর হইয়াছেন। আমাদের স্বগণের শতকরা ৮৫ জন কৃষক। নেতৃগণ তাহাদের সন্ধান করেন নাই। এখন মোহ ভাঙ্গিয়াছে এবং ভারতের সর্বত্র সাড়া পড়িয়াছে যে সমাজের এই কৃষকসম্প্রদায়কে ছাড়িয়া কোন উন্নতি সম্ভবপর হইতে পারে না। নেতৃগণ বুঝিয়াছেন যে এই অসংখ্য কৃষকের উন্নতির উপর ভারতের উন্নতি নির্ভর করিতেছে। নেতৃবর্গের কর্তব্য তাহারা কৃষি ও কৃষকের অবস্থা পুঙ্খানুপুঙ্খরূপে আয়ত্ত করেন এবং কৃষকদিগকে উপযুক্ত উপদেশ দেন। কৃষকগণ উন্নত কৃষি-যন্ত্র ও প্রয়োজনীয় সার প্রয়োগ সম্বন্ধে বিশেষ অভিজ্ঞতা লাভ করিতে সুযোগ প্রাপ্ত হন নাই। কোন্ স্থলে কোন্ যন্ত্র, কোন্ সার ও কোন্ ফসল লাভজনক হইবে, তৎসম্বন্ধে নেতৃগণ সর্বত্র কৃষিসমিতি স্থাপন করিয়া কৃষকদিগকে উপদেশ দিবেন। কৃষকের বর্তমান অবস্থা যে শোচনীয় তাহা আমাদের বলিতে হইবে না। বঙ্গ, বিহার ও উড়িষ্যার প্রায় সর্বত্র বহুবার ভ্রমণ করিয়া দেখিয়াছি ও জানিয়াছি এবং নিশ্চিতরূপে বলিতে পারি যে এতদেশীয় কৃষক-সম্প্রদায়ের মধ্যে বঙ্গদেশীয় কৃষক অপেক্ষাকৃত উন্নত। ইহার কারণ, তাহাদের পাটের চাষ। ভারতবর্ষের অত্র পাট জন্মে না, কেবল বঙ্গদেশে জন্মে। পাট ফসল অপেক্ষাকৃত অল্প সময়ে প্রাপ্ত হওয়া যায়। পাট ফসল ধানের ত্রায় অনাবৃষ্টির সময়ে একেবারে বিনষ্ট হয় না, বা অতিবৃষ্টি বা বত্মি সম্পূর্ণরূপে ধ্বংসপ্রাপ্ত হয় না। চূর্বৎসরেও পাট হইতে কিছু না কিছু পাওয়া যায়। সুতরাং পাট

কৃষকের অতি প্রিয় ও প্রয়োজনীয়। বহুবার বহুব্যক্তি তাহাদিগকে পাট চাষ করিতে নিষেধ করিয়াছিলেন; কিন্তু বিস্তৃত কৃষকগণ কৃষি-মনভিত্ত নেতার কথায় কান নাই দেন। ইহা স্বাভাবিক। সুতরাং কৃষকদিগকে উপদেশ দিবার পূর্বে নেতৃগণ অবশ্য অবশ্য কৃষির অবস্থা সম্পূর্ণরূপে আয়ত্ত করিয়া লইবেন।

বঙ্গদেশীয় কৃষকের অবস্থা অত্রস্থানের কৃষকের অবস্থা অপেক্ষা উন্নত ইহা পূর্বেই বলিয়াছি। কিন্তু ঠিক বর্তমান সময়ে এই কথা খাটে না। আমি এইবার স্বচক্ষে পূর্ববঙ্গের পাটের দেশ ও পাটের চাষী দেখিয়া আসিয়াছি। তাহারা মহাজনের ঋণে জর্জরিত হইয়া পড়িয়াছে। ইহার কারণ ইউরোপের মহাবুদ্ধে পৃথিবীর বাণিজ্য বিধ্বস্ত হইয়া গিয়াছে। বঙ্গদেশে মোটামুটি প্রায় ৯০ লক্ষ বেল পাট উৎপন্ন হয়। তন্মধ্যে প্রায় ৫০ লক্ষ বেল (৫ মণে এক বেল) বিদেশে রপ্তানি হইত। ইউরোপের রপ্তানি একাধিক পরিমাণে হ্রাস প্রাপ্ত হইয়াছে। ফলে পাটের দরও অধিক পরিমাণে কমিয়াছে। যুদ্ধের পূর্বে সাধারণ পাটের দর ছিল ১০ টাকা মণ, এখন ৫ টাকা হইতে ৬ টাকা। কৃষকগণ যে দর পাইয়া থাকেন আমি সেই দরের কথাই বলিতেছি। এক বৎসর অর্গাৎ যুদ্ধের প্রথম বৎসর কৃষকগণ ৩ টাকা মণ দরেও পাট বিক্রয় করিতে পারেন নাই। পাটের মূল্য ও রপ্তানি হ্রাস হওয়ায় বঙ্গদেশ কিরূপ ক্ষতিগ্রস্ত হইয়াছে তাহা নিম্নলিখিত তালিকা হইতে কিঞ্চিৎ উপলব্ধি হইতে পারিবে।

রপ্তানি পাটের মূল্য

১৯১৩—১৪	৩০, ৮২, ৬৫, ০০০ টাকা
১৯১৪—১৫	১৩, ৯১, ০২, ০০০ ”
১৯১৫—১৬	১৫, ৬৪, ২০, ০০০ ”
১৯১৬—১৭	১৬, ২৮, ৮০, ৫০০ ”
১৯১৭—১৮	৬, ৪৫, ৩৭, ৪০০ ”
১৯১৮—১৯	১২, ৬২, ০০, ০০০ ”

পাটের মূল্য হ্রাস হইয়াছে বলিয়া যে পাটে প্রস্তুত চটু কিম্বা থলিয়ার দর কমিয়াছে তাহা কেহ মনে করিবেন না।

পাটের কৃষকদিগের কোন সভাসমিতি বা জোট নাই। কিন্তু কলের অধিকারীদিগের খুব মজবুত সভাসমিতি বা জোট আছে। তজ্জন্ত তাঁহারা সম্ভাব্য পাট খরিদ করিতে সক্ষম হইয়াছেন এবং অনেক অতিরিক্ত মূল্যে চট ও থলি বিক্রয় করিয়া অসম্ভবরূপে লাভবান হইয়াছেন। তাঁহাদের লাভের পরিমাণ নিম্নস্থ তালিকা পাঠে কতকটা বুঝিতে পারা যাইবে।

চট ও থলির বর্তমানের মূল্য।

১৯১৩—১৪	২৫,৩৭,০০,০০০	টাকা
১৯১৪—১৫	২৫,৮১,২৫,০০০	,,
১৯১৫—১৬	৩৮,৯৭,৭০,০০০	,,
১৯১৬—১৭	৪১,৬৭,১৫,০০০	,,
১৯১৭—১৮	৫২,৮৪,৩০,০০০	,,
১৯১৮—১৯	৫২,৬৫,১৫,০০০	,,

কোন কালে একাকী কোন বৃহৎ কার্য সমাধা করা যায় নাই। একতার বলে পাটকলের অংশীদারগণ প্রভূত লাভবান হইয়াছেন। কিন্তু বাহারা শরীরের রক্ত জল করিয়া পাট উৎপন্ন করিল তাহাদের ভাগ্যে, একতার অভাবে, কেবল উপস্থাপিত লোকসান ও দারিদ্র্যের আধিক্য। এখন ধীরচিতে আমাদের কর্তব্য নির্ধারণ করা আবশ্যিক।

কয়েকদিন পূর্বে আমি খবরের কাগজে পড়িয়াছি যে অনেক বিজ্ঞ ব্যক্তি কৃষকদিগকে পাট চাষ করিতে নিষেধ করিয়াছেন অথবা ইহার চাষ হ্রাস করিতে বলিয়াছেন। কিন্তু এই উপদেশ সমীচীন বলিয়া আমার মনে হয় না। বর্তমান সময়ে ভারতবর্ষ ও ইউরোপ প্রভৃতি দেশে প্রায় ৮০ লক্ষ বেল পাটের প্রয়োজন। এই বঙ্গদেশের পাটকলের অধ্যক্ষগণ প্রায় ৫০ হইতে ৬০ লক্ষ বেল পাট ক্রয় করিয়া থাকেন। এই ৬০ লক্ষ বেল উৎপন্ন করিতে হইলেও ২০ লক্ষ একরে (৩ বিঘায় এক একর) পাটের চাষ করা প্রয়োজন। গত বৎসরে ২৫ লক্ষ একরে পাটের চাষ হইয়াছে। সাধারণভাবে জমিলে এই ২৫ লক্ষ একর জমী হইতে ৭৫ লক্ষ গাঁইট (বেল) পাট উৎপন্ন হয়। পূর্বে বলা হইয়াছে যে ইউরোপ ও ভারতবর্ষের জন্ত বৎসরে প্রায় ৯০ লক্ষ গাঁইট পাটের প্রয়োজন। সুতরাং ৩০ লক্ষ একরে পাট বুনিলেও অতিরিক্ত হয় মনে করি না।

গবর্ণমেন্ট রিপোর্টে প্রকাশ যে বর্তমান বৎসরে ৬০ লক্ষ গাঁইটের অধিক পাট উৎপন্ন হইবে না। তথাপি পাটের বাজার ঠাণ্ডা ভিন্ন বিশেষ গরম হয় নাই। যতই কম উৎপন্ন হউক না কেন পাটের বাজার ধনী ক্রেতাদের মুষ্টিয় ভিতরে বন্ধ। ইহার কারণ এই যে দরিদ্র প্রজা অধিকদিন পাট খরিদ রাখিতে পারে না। অন্তদিকে, পাটের কলে সাধারণতঃ ছয় মাসের প্রয়োজনীয় পাট সঞ্চিত থাকে। সুতরাং পাটকলের পরিচালকগণ ছয় মাসের মধ্যে পাট খরিদ না করিলেও তাহাদিগকে পাটের কলের কাজ বন্ধ করিতে হইবে না। ক্রেতার সহিত প্রতিযোগিতা করিতে হইলে বহু অর্থের প্রয়োজন। কৃষকগণের সমবেত ধ্বংস কৃষিসমিতি ও কৃষিব্যাঙ্ক স্থাপন করিতে পারিলে দশবৎসরের মধ্যে কৃষকগণ শক্তিশালী হইতে পারিবেন। পাটের চাষ কম করিয়া পাটের দাম অসম্ভবরূপে বৃদ্ধি করিলেও কি আমাদের মঙ্গল হইবে? চিন্তা না করিয়া দেখিলে মনে হয় যে কম জিনিষে অধিক দর পাইলেই তো আমাদের লাভ। কিন্তু চিন্তা করিলে বুঝিবেন যে অত্যধিক মূল্যে পাট বিক্রয় হইলে পাটের শিল্পজাত দ্রব্যের মূল্য অন্তদেশে অত্যধিক পরিমাণে বৃদ্ধি হইবে। পাটের প্রস্তুত দ্রব্য অল্প সূত্র দ্বারা প্রস্তুত দ্রব্যের মূল্য অপেক্ষা অধিক হইলে পাটের বাজার চিরদিনের জন্ত বিনষ্ট হইয়া যাইবে, পাটকল বন্ধ হইবে। জাভায় পাটের মত একপ্রকার ফসল উৎপন্ন হয়। ব্রাজিলেও পাকো পাকো নামক একপ্রকার পাট উৎপন্ন হয়। কিন্তু তথায় পাটের জায় স্বল্পব্যয়ে এইসকল ফসল উৎপন্ন করিতে পারিতেছেন না। এইজন্তই পৃথিবীতেই পাটের একাধিপত্য। একাধিপত্য পাটের বাণিজ্য কি আপনারা কেহ বিনাশ করিতে চান?—না তাহা কখনই হইতে পারে না। তবে আমরা অবশ্যই দেখিব যে পাটের চাষে বাহাতে আমাদের কৃষকের লাভ হয়। যুদ্ধের পূর্বে প্রতি মণ পাট উৎপন্ন করিতে ৩০ খরচ হইত, বর্তমান সময়ে ৫৬০ খরচ হয়। ইহার উপরে লাভ রাখিতে হইবে। প্রতিমণে কৃষকগণ যদি ৯ টাকা পান তবেই আমি যথেষ্ট মনে করি। হুর্ভাগ্যক্রমে কৃষকগণ তাহা পাইতেছেন না। কলিকাতায় যে পাটের দর থাকে কৃষকগণ তাহার অনেক কম পায়, কারণ পাট বহু মধ্যবর্তী লোকদ্বারা ক্রয় বিক্রয় হয়;—যথা গ্রাম্য মর্হাজন

ফড়িয়া প্রভৃতি। তাহারা বাজার অপেক্ষা অনেক কমদর পায় এমন নহে, ফড়িয়াগণ ওজনেও তাহাদিগকে অনেক ঠকাইয়া থাকে। মহাজনের সুদ, খাজনার টাকা সংগ্রহের জন্য তাহাদিগকে সর্বদা লোকসান দিয়া পাট বিক্রয় করিতে হয়। গবর্ণমেন্টের কর্তৃত্বাধীনে নানা স্থলে ধানদান-সমিতির ব্যবস্থা হইয়াছে। কিন্তু উপযুক্ত মূল্যে কৃষকের ফসল বিক্রয় না হইলে ধান গরিশোধের ব্যবস্থা হইতে পারে না।

ধানের সুদ, জমীদারের খাজনা ও পুত্রকণার অনবস্থের জন্য যখন চাপ পড়ে, তখন তাহারা লাভ লোকসান হিসাব করিতে পারে না, যা ক্রেতা বলিবে তাহাতেই তাহার ফসল বিক্রয় করিতে বাধ্য হয়। এই অবস্থায় কৃষকদিগকে রক্ষা করিতে হইলে কৃষক ও নেতার সমবেত চেষ্টায় প্রতি পল্লীতে প্রতি বন্দর ও সহরে কৃষকসমিতি স্থাপন করিয়া কৃষকদিগের জন্য বিক্রয়ের ব্যবস্থা করিয়া দিতে হইবে। প্রয়োজন হইলে কৃষকদিগকে বিনা সুদে বা অতি অল্প সুদে ঋণ দিতে হইবে। আমার মনে হয় কৃষকগণ তাহাদের মূলধন স্থাপন করিতে সক্ষম। আমার প্রস্তাব এই যে প্রত্যেক কৃষক তাহার

বিক্রয়ের টাকায় এক আনা কৃষিসমিতি জমা রাখিবেন। এবং প্রয়োজন-মত তাহারা তাহাদের জমার শতকরা ৮০ টাকা ঋণ পাইবেন। সুদের টাকার কিয়দংশ মাত্র সমিতি পরিচালনের জন্য ব্যয়িত হইবে। দশবৎসর পরে এই মূলধন এক বৃহৎ আকার ধারণ করিবে। কৃষকের দারিদ্র্য দূর হইবে। ইহার আয় হইতে কৃষি-উন্নতির কৃষি-শিক্ষার স্বাস্থ্যরক্ষার বিবিধ হিতকারী কার্য সাধন হইবে। বর্তমানে কৃষকগণ বিনীতবদনে ক্রেতার অমুখ্যই প্রার্থনা করিয়া থাকে। যদি তাহাদের মূলধনের ব্যবস্থা হয় তবে ক্রেতাই তাহাদের সমিতির দ্বারা বিনীত মস্তকে তাহাদের ফসলের জন্য উপস্থিত হইবেন। প্রত্যেক কৃষক পল্লীসমিতির চালক হইবেন।

যদি নেতাগণ দেশের সেবায় বন্ধপরিকর হন তবে এই প্রস্তাব অসম্ভব হইবে না। স্বরাজ্যের ইহা অপেক্ষা অল্প কোন প্রস্তাবই অধিক দান-প্রদ হইতে পারে বলিয়া আমাদের মনে হয় না। গবর্ণমেন্টও ইহাতে নান্যরূপে সাহায্য করিবেন।

শ্রীমিবারণচন্দ্র চৌধুরী।

শিক্ষা ও সেবা

শিক্ষাই মানুষকে প্রকৃত মানুষ্যপদবাচ্য করে। কেবল সম্মানকে খাওয়া পরা দেওয়া পিতার কাণ্ড নয়, তাদের মানুষ্য করে গড়ে তোলাই প্রকৃত পিতার কাজ। ব্রহ্মবংশে এক জায়গায় আছে—

প্রজানাং বিনয়াধানাং রক্ষনাত্তরগামপি
স পিতা পিতরস্তাসাং কেবলং জন্মহেতবঃ ॥

কিন্তু শিক্ষা বলতে গেলে জগতের নূতন নূতন তথ্য সংগ্রহ করে জ্ঞানের উৎকর্ষসাধনকে বুঝায়; তর্কশাস্ত্রের কূট প্রশ্নের সমাধান করা নয়, যেসব অসংর বিষয় নিয়ে মাথা ঘামিয়ে শুধু কেবল অমূল্য মস্তিষ্কের অপব্যবহার করা হয় মাত্র। কিরূপে বাঙ্গালীর মস্তিষ্কের অপকর্ষ ঘটেছে তা আমি আমার 'বাঙ্গালীর মস্তিষ্ক ও তাহার অপব্যবহার' নামক ক্ষুদ্র পুস্তিকায় বিশদভাবে দেখিয়েছি, এখানে তাহার পুনরুল্লেখ নিম্নপ্রয়োজন।

শিক্ষার কথা উঠলেই অনেকে হয়তো দর্শন উপনিষদের কথা তুলবেন। অতীতের গৌরব-কাহিনী নিয়ে থাকলে চলবে না। বর্তমানে আমাদের অবস্থা কতদূর হীন হয়েছে তা সহজেই অনুমেয়; তাহার প্রতিকারসাধনকল্পে আমাদের যথেষ্ট পরিশ্রম করা চাই। আমরা সর্বদা হারাতে বসেছি, ভিটেনাটি বিকিয়ে যেতে বসেছে, এখন শুধু আমরা অমুক রাজা-উজিরের ছেনে ছিলাম বলে লোকের কাছে অসংর আভিজাত্য গৌরব রক্ষায় যত্নবান হলে কিছু ফল হবে না। অতীতের কথা ভাবতে ভাবতে আমাদের জড়ভরত হলে চলবে না; আলস্য পারিত্যাগ করতেই হবে। সারা জগৎ যখন কয়েক ব্যাপ্ত তখন নিশ্চেষ্ট হয়ে বসে থাকা আমাদের সাজে কি? বাঙ্গালী জাতিও মানুষ, আমাদেরও সমস্ত শ্রেষ্ঠ বৃত্তি আছে, কেবল যথাযথ অনুশালন অভাবে আমরা

জগতের কাছে হেয় নগণ্য ও সকলের নিয়ে অবস্থিত। কোন গ্রন্থকার বাঙ্গালীদের সম্বন্ধে বলেছিলেন, “এদের সমস্ত গুণই আছে, কেবল সেইগুলির যথাযথ অনুশীলন করাবার জ্ঞান তাদের মধ্যে একজন ঠিকমত চালকের দরকার।”

ডাঃ মেঘনাদ সাহা, জ্ঞানেন্দ্রচন্দ্র ঘোষ, জ্ঞানেন্দ্রনাথ মুখোপাধ্যায় প্রভৃতি আনার ছাত্রেরা, আমা অপেক্ষা ন্যূন মন। এত অল্প বয়সে তাঁরা যে সম্মানের অধিকারী হয়েছেন এতে আমার প্রাণ যে কিরূপ আনন্দিত হয়েছে তা ভাষায় ব্যক্ত করা আমার সাধ্যাতীত। জার্মানিতে পৌঁছালে বড় বড় শ্রেষ্ঠ বৈজ্ঞানিকগণ যেরূপভাবে তাঁদের সংবর্দ্ধনা করেন তা তাঁদের লিখিত চিঠি হতে বিশেষভাবে অবগত হয়েছি। নিউটনের ‘ল অফ্ গ্র্যাভিটেশনের’ মত ‘ঘোষের ল’ বলে একটা নিয়ম জগতে শীঘ্রই প্রচারিত হবে। তা এখন জার্মানভাষায় লিখিত শ্রেষ্ঠ বৈজ্ঞানিক গ্রন্থে স্থান পেয়েছে। তারপর জ্ঞানেন্দ্রনাথের একটা গবেষণাপূর্ণ প্রবন্ধ লণ্ডনে ফ্যারাডে সোসাইটিতে পাঠিত হলে তথাকার শ্রেষ্ঠ বৈজ্ঞানিকগণ তার ভূয়সী প্রশংসা করেন। অনেকে মনে করতে পারেন যে এপ্রকার কৃতিত্ব লাভ কেবল ইউরোপের জলহাওয়ার গুণে হয়েছে; কিন্তু তা নয়; তাঁরা এখান থেকে শিক্ষালাভ করে বিদেশ গিয়েছেন, বাংলার জল-হাওয়ায় তাঁরা মামুষ হয়েছেন। যখন তাঁরা কলিকাতায় ছিলেন, এখানকার সায়াঙ্গ কলেজের নাম দিয়ে লণ্ডন ও আমেরিকার বিখ্যাত বিখ্যাত মাসিকপত্রে অনেকগুলি গবেষণাপূর্ণ প্রবন্ধও পাঠিয়েছিলেন। বাঙ্গালীরও মস্তিষ্ক আছে, তারা শুধু পনের চিন্তিত বিষয় নিয়েই নাড়া-চাড়া করে না, স্বাধীনভাবে ভাবতেও জানে।

যাক, এখন সেবা সম্বন্ধে ছ’চার কথা বলি। সেবার কথা উঠলেই আমাদের সময়কার ছাত্রজীবনের কথা মনে পড়ে। এখনকার ছেলেরা সেবা বিনয়ে তখনকার ছেলেদের চেয়ে অধিকতর অগ্রসর। আমাদের সময় দেখেছি যদি কোন ছাত্র ছাত্রাবাসে বসন্ত প্রভৃতি সংক্রামক রোগে আক্রান্ত হত তবে সকল ছাত্র তাকে ত্যাগ করত, কিম্বা মেথর-মুদফরাসের জিম্মায় তাকে হাঁসপাতালে বাস করতে হত। আর এখনকার ছাত্রেরা পীড়িতের সেবার্থে পালা করে রাত্রি যাপন করে, বস্ত্র-পীড়িত দুঃস্থ নরনারীর সেবার্থে প্রাণ দিয়ে

পরিশ্রম করতে শিখেছে। এসব দৃশ্য দেখলে সত্যই প্রাণে কেমন একটা আনন্দ হয়। সেইসব সেবাপরায়ণ ছাত্রদের দেবতা জ্ঞানে পূজা করতে ইচ্ছা হয়।

আজকাল একটা সুর উঠেছে ইউরোপের যা কিছু সবই পরিত্যক্ত। কথাটা একটু তলিয়ে বুঝলেই আমাদের ভুলটা ধরা পড়ে। তাদের মধ্যে অনেক সংকাজ দেখতে পাই যা আমাদের সর্বতোভাবে শিক্ষা করা উচিত। এক লণ্ডন সহরে ৬০৭০টি হাঁসপাতাল আছে; সবগুলিই দেশের স্বেচ্ছাকৃত দানের উপর প্রতিষ্ঠিত। আর কলিকাতায় ত মোটে ছয়টি কি সাতটি হাঁসপাতাল, তাও আবার গভর্ন-মেন্টের সাহায্য (State grant) দ্বারা চলে। আমাদের দেশ কত অনাথ বালক প্রতিবৎসরে হয় অকালে বিনষ্ট হচ্ছে, নয় তো পশুর মত জীবন যাপন করছে। লণ্ডনেই তো কয়টা কুড়িয়ে-পাওয়া শিশুদের আশ্রম রয়েছে (Home for Foundlings)। এদের কেবল পালন করা নয়, যাতে কুপথে না যায় তার জ্ঞান শিক্ষারও ব্যবস্থা আছে। ব্যবসা-বাণিজ্যাদির দ্বারা এইসব বালকেরা যাতে নিজেদের ও জাতিকে সমৃদ্ধিশালী করতে পারে তারও বিপুল আয়োজন। মুকবধিরদের শিক্ষা দিবার তো কথাই নাই, এমন কি কুকুরদের জ্ঞানও সেবার্থম আছে। তারপর দেখুন শিলং পুরুলিয়া প্রভৃতি স্থানের কুষ্ঠাশ্রমের কথা—সে সকলগুলিই তো খৃষ্টান মিশনারিদের, কাদার ডেমিএন্ (Father Damien) সেবার্থে নিজেদের উৎসর্গ করলেন। কুষ্ঠরোগীরা আমাদের জাত ভাই, তাদের সেবার্থে ভার নিলেন বিদেশী খেতাবধারী। আর আমরা কি করেছি? পরিচয় দিতে হলে তো এক দেওথরে যোগেঙ্গ বহু প্রভৃতির প্রবর্ত্তে একটি মাত্র কুষ্ঠাশ্রমের কথা মনে পড়ে। আর আমাদের দেশে স্বেচ্ছাকৃত দানের উপর প্রতিষ্ঠিত একটিও হাঁসপাতাল বা সেবার্থম নাই, বল্লেও অত্যাক্তি হয় না। আর ওদের প্রায় সবগুলিই Public Charity বা সাধারণের দান দ্বারা পরিচালিত। যখন তাদের অর্থের অনাটন হয়, তখন তারা ধবরের কাগজে বিজ্ঞাপন দেয়, আর অমনি এক তাড়া অজ্ঞাত হস্তের নোট কিম্বা চেক এসে হাজির হয় কিম্বা কোন ছদ্মভিক্ষুকবেশধারী লোক এসে টাকা দিয়ে ছুটে পালায়, পাছে লোকে তার নাম জানতে পারে এই ভয়ে।

এইরূপে নিঃস্বার্থভাবে অর্থদান করতে আমরা কয়জন শিখেছি আর কয়জনই বা মানব-সেবার জীবন উৎসর্গ করতে শিখেছি। বিবেকানন্দ ঠিক বলেছিলেন—আমাদের এখন একদল সেচ্ছাসেবকের দরকার যারা আত্মমুখে জলাঞ্জলি দিয়ে প্রাণভরে সকলের ও দেশের সেবা করবে।

খেতাপরা জড়বাদী হোক, কিন্তু তাদের কাছে শেখবার অনেক জিনিষ আছে। মানুষ যদি মানুষকে প্রেমবন্ধনে না বাঁধলে, যদি তার সেবা করে ধন্য না হল, তবে শুধু প্রাণহীন আধ্যাত্মিকতার আলোচনার ফল কি? *

শ্রী প্রকুলচন্দ্র রায়।

রামধনু

পশ্চিমেরি অশুচটা^১
পূর্ক রচে ইন্দ্রজাল,
সম্মল নভে হুলিয়ে দিয়ে
সাতরঙা বনফুলের মাল!
সাত বরণের সাতটি মালা
গাঁথা শোভন সূতায় ঠাস,—
সাজুল তুলোকসীমায় একি
স্বপ্নলোকের তোরণ খাস!
সাত বরণের পুষ্পধনুর^২
আকাশগায়ে নূতন চঙ,—
নীল, বেগুনী, সব্জে, সুপীত,
কমলা, গোলাপ, কুম্মী রঙ;
হরের কোপে পুষ্পধনু
ভস্ম সে ত অনেকদিন,
তঁারি কি ঐ ফুলধনুখান
গগন-কোলে দেখ্‌চি লীন!
নিম্নে মোদের প্রাণ-প্রতিমা^৩
বঙ্গ-মায়ের ধাত্রী রূপ,
উর্ধ্বে বলে জ্যোতি-স্মরণ
তঁারি বিমল ছটার স্তূপ!
তব্বী শ্রুমা দেবীরূপের
বিশ্বে ছুটে স্মরণভার—
কোন্ পটুয়া নিখুঁত ক'রে
আঁক্‌চে এ চন্‌চিত্র মা'র!

ঘোরালো ঐ নভস্তলে^৪
মেঘের আসাদ—সুখের নীড়,

বাতায়নে ছাদের 'পরে
দিগালাদের লাগল ভাড়;
মেঘের কোণে এলিয়ে দেহ
কুল্লমনে করেন গান,
খেজুরছড়ি বসন উজ্জল
তঁারাই বুঝি মেলিয়ে যান!

দেবশিশুদের চিনি আমি^৫
সাবে যারা উড়ান ফাগু,
আজ্কে তাঁদের নূতন খেলা
স্ব-দলে আজ দুইটি ভাগ;
লুকিয়ে তাঁদের এল্‌চে খেলা—
আকাশখানি খেলার মাঠ,
ডুরি নিয়ে টানাটানি
রেশ্মী রশির অমল ঠাট।

দেখ্‌চি শোভা, দেখ্‌চি ছবি,
উল্লসে মন অকস্মাৎ,
উচ্ছ্বসিত পুলকভরে
হৃদয় আমার হচ্ছে মাত্।
প্রাবৃত আসে ফসল নিয়ে
চাষারা আনন্দে চুপ,
ছখাদের আনন্দ কি গো
রামধনুকের ধন্বল রূপ!

শ্রীচণ্ডীচরণ মিত্র।

* আন্দুল সেবা-সমিতির প্রথম বার্ষিক অধিবেশনে আচার্য্য প্রফুল্লচন্দ্র রায় মহাশয়ের বক্তৃতার সারাংশ—শ্রীচণ্ডীচন্দ্র মিত্র কর্তৃক লিখিত। শনিবার ৩০শে এপ্রিল ১৯২১।

ভারতবর্ষের সম্পদ

গতবর্ষের সরকারী হিসাবে দেখিতে পাইলাম ভারতীয় খনি-সমূহ হইতে ১৯,৮৪৭,০৬৯ টন পাথুরে কয়লা, ৫১৫৭২ টন অত্র, ৪১৫৩৫৭ টন ম্যাঙ্গানিজ, ১৯৯১৬ আউন্স সোনা, ২০১০৪ টন তামা ও বহুপরিমাণে অন্যান্য খনিজদ্রব্য উঠান হইয়াছে। আমাদের দেশের প্রায় আটশমণে এক টন হয়। বাপারটা দেখিয়া আমাদের দেশের খনিজ দ্রব্য সম্বন্ধে অনুসন্ধানের জন্ম বড়ই কৌতূহল জন্মিল।

অনুসন্ধান নিবৃত্তির চেষ্টা করিতে যাইয়া এখন বিশ্বনা-ভিত্ত হইতেছি; আমার শ্রম আরও অনেকে বিস্মিত হইবেন মনে করিয়া ভারতের খনিজ ঐশ্বর্যের একটু বিবরণ দিলাম। স্বার্থচিন্তার মোহ আমাদের হৃদয়টাকে এমনই অন্ধকারে আচ্ছন্ন করিয়াছে যে নিজের জাতি, নিজের দেশের উন্নতি যে আত্মোন্নতিরই প্রকাশ তাহাও ভুলাইয়া দিয়াছে। দেশের দৌলত দশ জনে মিলিয়া গ্রহণ করিতে পারি না; ভয়, শেষে যদি নিজের স্বার্থচিন্তার শ্রম অশ্রম হৃদয়েও পরের সর্বনাশের চিন্তা লুক্কায়িত থাকে। বিদেশীরা দেশে মিলিয়া আমাদেরই সাহায্যে, আমাদেরই পরিশ্রমে আমাদেরই মায়ের ধন কাড়িয়া নিতেছে, আমরাই মাথায় বহিয়া তাদের হাতে সব দিতেছি; কিন্তু জাতভায়ে উন্নতি, সমৃদ্ধি আমাদের হৃদয়ে অগহনীয় শেল।

পশ্চিম দেশীয় সভ্যতার ভিত্তি স্থাপিত হইয়াছে আর্থিক ও সংঘ-বলে; বর্তমানের জীবনসংগ্রামের যোগ্যতা লাভ করিতে আমাদেরকেও ঐ শক্তি সঞ্চয় করিতে হইবে। আর্থিক দৈন্তের সঙ্গে সঙ্গে আমাদের জাতীয় জীবন ধ্বংসের মুখে চলিয়াছে তাহা সকলেই আমরা অনুভব করিতেছি। যে জাতি অর্থাভাবে দু'বেলা পেট ভরিয়া খাইতে পায় না, রোগে ঔষধ পায় না, পরিধানে বস্ত্র পায় না, সে জাতির জীবন গঠনের প্রথম উপাদান কি হওয়া উচিত তাহা সহজেই বোধগম্য। আমাদের দেশের অর্থ বাহাতে ব্যক্তি-বিশেষের ভোগ্য না হইয়া সর্বসাধারণের মধ্যে বন্টিত হইতে পারে তাহার ব্যবস্থা করিতে হইবে; এইজন্য যৌথ ব্যবসায় ও সমবায়ের বিপুল প্রসার প্রয়োজন। এই চিন্তা কার্যে পরিণত করিতে হইলে যাহারা আমাদের দেশের প্রাণ, যাহারা

আমাদের শক্তির উৎপত্তিস্থল, সেই যুবকবৃন্দকে বিশ্ববিদ্যা-লয়ের উচ্চ উপাধিলাভের শ্রম যৌথ ব্যবসায় দ্বারা অর্থার্জন করিয়া জাতীয় সমৃদ্ধি বৃদ্ধির জন্ম উৎসাহিত করিতে হইবে। আমাদের ধন আমাদের হাত হইতে পরকে দিতে এবং আমাদের মায়ের ঐশ্বর্য হইতে সভ্য দেশের প্রয়োজনীয় দ্রব্য প্রস্তুত করিতে যোগ্যতা লাভ করিতে হইবে।

এবার আমাদের দেশ হইতে ১২০ কোটি টাকার মাল বিদেশে রপ্তানী হইয়াছে; শুনিতে খুব ভাল, কিন্তু দুঃখের বিষয় এর বিশ পয়সার মালিকও আমরা নই; কারণ, আমাদের মাল বিদেশীর হাত থেকে বিদেশে যায়, লাভের মালিক তারা; আমাদের লাভ কেবল, এই বলায় যে আমাদের দেশের মাল। বিদেশে যেসকল মাল রপ্তানী হয় তার মধ্যে খনিজ দ্রব্যের পরিমাণ খুব বেশী; কিন্তু এই খনিজ দ্রব্যের খোঁজ খবর অনেকেই রাখেন না। এই অপরিমেয় ঐশ্বর্য-রাশি ইংরেজ বণিকগণ প্রায় একচেটিয়াভাবে ভুগুর্ভ হইতে উঠাইয়া ব্যবসায় চালাইতেছে এবং তাহা হইতে তাহারা যে অর্থ লাভ করিতেছে তাহা চিন্তাধারাও আমরা অনুমান করিতে পারি না।

বাংলার জমীদারগণ পৈতৃক সম্পত্তি বাঁধা রাখিয়া গভর্ণ-মেন্টের খেতাবলাভের জন্ম চৌদ্দ পুরুষের বাস্তবিতা ছাড়িয়া রাজকর্মচারীদের পিছে পিছে যুরিয়া বেড়ান; কিন্তু ব্যবসায় করিতে গেলেই তাঁহাদের অভিজাত্যের বিষম মানহানি হয়। তাঁহাদের চেষ্টায় দেশের কত মঙ্গল হইতে পারে তাহা একটুও চিন্তা করেন না, তাঁহাদের অবসর-জীবনের উৎসাহদৃষ্টি যদি এই ব্যবসায়টির প্রতি পতিত হয়, তবে তাঁহারা অনেক অর্থ দেশ রাধিতে পারেন।

আমাদের দেশের খনিজ দ্রব্য কোথায় কোন্ট কি পরিমাণে পাওয়া যায় তাহার বিস্তৃত বিবরণ আমাদের ব্যবসায়-উদ্যোগী দেশবাসীদের জন্ম লিখিলাম।

১। পাথুরে কয়লা (Coal)

আসাম—লক্ষীপুর, নারগাঁপাহাড়, শিবসাগর। প্রকাশিত পরিমাণ—২৯৩,৮৭৫ টন।

বেলুচিস্তান—কালাত, লোরালাই, কোয়েটা-নিশিন্, শিবি খোষ্ট। প্রকাশিত পরিমাণ ৪৩১২৫ টন্।

বাংলা—বাকুড়া, রাণীগঞ্জ, বীরভূম, বর্ধমান। প্রকাশিত পরিমাণ ৫৩০২২৯৫ টন্।

বিহার ও উড়িষ্যা—হাজারিবাগ (বোকারু-রাংগড়, গেরিধি, ঝরিয়া) ; মানভূম (ঝরিয়া, রাণীগঞ্জ, পালামৌ, গ্যাল্টনগঞ্জ, সখলপুর, হিজির-রামপুর) ; সাঁওতালপরগণা (কৈস্তি, রাণীগঞ্জ) । প্রকাশিত পরিমাণ ১৩৬৭৫৬১৬ টন্।

পাঞ্জাব—ঝেলাম, মিয়ানওয়ালি, সাহপুর। প্রকাশিত পরিমাণ ৫০৪১৮ টন্।

২। Mica বা অত্র।

বিহার ও উড়িষ্যা—ভাগলপুর, গয়া, হাজারিবাগ, মানভূম, মুঙ্গের, সখলপুর। প্রকাশিত পরিমাণ ৪৪২২০ হন্দর।

মাদ্রাজ—নেলোর, সালেম। প্রকাশিত পরিমাণ ৬৩৬৮ হন্দর।

রাজপুতানা—আজমীর, মাড়োয়ার, নসিরাবাদ। প্রকাশিত পরিমাণ ৯৬৪ হন্দর।

৩। Managanese মেঙ্গানিজ্।

বোম্বাই—পাঁচমহল। প্রকাশিত পরিমাণ ৩০৮৯৩ টন্।
মধ্যপ্রদেশ—বালাঘাট, তাণ্ডারা, সিন্দুওরা, নাগপুর।
২২৩৪ টন্।

মাদ্রাজ—ভিজাগাপটন্। প্রকাশিত পরিমাণ ২২৩০ টন্।

৪। Limestone চূনের পাথর বা ঘুটিং।

মধ্যপ্রদেশ—বিলাসপুর, জব্বলপুর, কান্তি। প্রকাশিত পরিমাণ ১৩০৪৫ টন্।

পাঞ্জাব—হোশিয়ারপুর। প্রকাশিত পরিমাণ ১০০০ টন্।

৫। Salt সৈন্ধবলবণ।

পাঞ্জাব—ঝেলাম, মিয়ানওয়ালি, সাহপুর। প্রকাশিত পরিমাণ ১০৯০৮ টন্।

৬। Gems মণিমাণিক্য।

ব্রহ্মদেশ—মোগক—চুনী ১০১৬৩৭ ক্যারাট (১ ক্যারাট ২ রতি) ; নীলা ৩৪৯৪৯ ক্যারাট ; স্পিনেল ২৭৫২৯

৭। Slate স্লেট্।

বিহার ও উড়িষ্যা—মুঙ্গের। প্রকাশিত পরিমাণ ১৮২১ টন্।

পাঞ্জাব—গুরুদাসপুর, গুরগাঁও, কাংড়া। প্রকাশিত পরিমাণ ৮১১৪ টন্।

৮। Gold স্বর্ণ।

বিহার ও উড়িষ্যা—সিংহভূম। প্রকাশিত পরিমাণ ২০৮৫ আউন্স।

মাদ্রাজ—অনন্তপুর। প্রকাশিত পরিমাণ ১৭৮৩১ আউন্স।

৯। Iron ore লৌহ।

বিহার ও উড়িষ্যা। সিংহভূম। প্রকাশিত পরিমাণ ১১৫০৮৫ টন্।

মধ্যপ্রদেশ—জব্বলপুর। প্রকাশিত পরিমাণ ৮০২ টন্।

রাজপুতানা—আজমীর, মাড়োয়ার। প্রকাশিত পরিমাণ ৩ টন্।

১০। Wolfram ওল্ফ্রাম্।

বিহার ও উড়িষ্যা—সিংহভূম। প্রকাশিত পরিমাণ ৫১ হন্দর।

ব্রহ্মদেশ—মার্গুই, টেভয়, থেটন্। যথাক্রমে প্রকাশিত পরিমাণ ৩৯২৮ ; ৬৬৩৮০ ; ১৮৩০ হন্দর।

১১। Magnesite ম্যাগনেসাইট্।

মাদ্রাজ—সালেম। প্রকাশিত পরিমাণ ৫৭৭৩ টন্।

১২। Chromite ক্রোমাইট্।

বেলুচিস্তান—কোয়েটা-নিশিন্, ঝোব। ১০৪০ ও ৪৫৭৮৩০ হন্দর।

১৩। Copper ore তাম।

বিহার ও উড়িষ্যা—সিংহভূম। প্রকাশিত পরিমাণ ৩৬১৯ টন্।

ব্রহ্মদেশ—নিম্ন ঝিন্ডিন্।

মধ্যপ্রদেশ—বালাঘাট।

১৪। Bauxite বক্সাইট্।

মধ্যপ্রদেশ—জব্বলপুর। প্রকাশিত পরিমাণ ২৩৮৪০ হন্দর।

১৫। Clay চীনা মাটি।

বিহার ও উড়িষ্যা—মানভূম, পালামৌ। প্রকাশিত

মধ্যপ্রদেশ—জব্বলপুর। প্রকাশিত পরিমাণ ৫৮৩৫৭ টন্।

দিল্লী—দিল্লী। প্রকাশিত পরিমাণ ২৫৩৬ টন্।

১৬। Galena গ্যালেনা।

মধ্যপ্রদেশ—ক্রগ। প্রকাশিত পরিমাণ ৬০ হন্দর।

১৭। Tin টিন্।

ব্রহ্মদেশ—মার্গুই, টেভয়, থেটন। যথাক্রমে প্রকাশিত পরিমাণ ৫৫৯ টন্, ১০৩০৭ টন্, ও ১১৫৭ টন্।

১৮। Steatite ষ্টিয়াটাইট্।

মধ্যপ্রদেশ—জব্বলপুর। প্রকাশিত পরিমাণ ৬০৯১৭ হন্দর।

মাদ্রাজ—কুর্নুল্। প্রকাশিত পরিমাণ ২০২ হন্দর।

১৯। Fuller's Earth রজকমৃত্তিকা।

মধ্যপ্রদেশ—জব্বলপুর। ২১৮ টন্ (ইহা যুটিংএর খনিতে পাওয়া যায়)।

২০। Silver রৌপ্য।

মাদ্রাজ—অনন্তপুর। প্রকাশিত পরিমাণ ১১৬৯ আউন্স (সোনার খনিতে প্রাপ্য)।

২১। Samarskite সামারস্কাইট্।

মাদ্রাজ—নেলোর। ১১০ হন্দর (অত্র-খনিতে প্রাপ্য)।

২২। Graphite গ্রাফাইট্।

রাজপুতনা—আজমীর, মাড়োয়ার। প্রকাশিত পরিমাণ ২০ হন্দর।

২৩। Ochre গিরিমাটী।

বিহার ও উড়িষ্যা—পুরী। ৯৩ টন্।

২৪। Molybdenite মৌলিবডেন্টাটাইট্।

ব্রহ্মদেশ—টেভয়। প্রকাশিত পরিমাণ ৪ হন্দর।

২৫। Barytes ব্যারাইট্।

মাদ্রাজ—কুর্নুল্। প্রকাশিত পরিমাণ ২৪০০০ হন্দর।

২৬। Apatite আপেটাইট্।

বিহার ও উড়িষ্যা—সিংহভূম। প্রকাশিত পরিমাণ ৫১০০ টন্।

২৭। Potash পটাস্।

পাঞ্জাব—ঝেলাম। প্রকাশিত পরিমাণ ১৩৫ টন্ (সৈন্ধব লবণের খনিতে প্রাপ্য)।

এক-একটা কোম্পানী খুলিয়া ইংরেজগণ যে বিরাটভাবে কাজ করিতেছে তাহা দেখিলে চক্ষু হির হইয়া যায়, কিন্তু আমাদের অলসতাবিগড়িত নয়ন কবিতাময় স্বপ্নের দেশ ছাড়িয়া বাস্তব রাজ্যের দৃশ্য দেখিতে বড়ই কাতর।

বড় আশা হইতেছে, এবার আমাদের শুভদিন আসিয়াছে। প্রকৃতির অলজ্বা নিয়ম আমাদের হৃদয়ে একটা জাগরণের প্রবাহ আনিয়া দিয়াছে। আমাদের আজ অন্ন-সমতা উপস্থিত, অন্নচিন্তায় পণ্ডিতের পাণ্ডিত্য, বুদ্ধিমানের বুদ্ধি, কবির কবিত্ব লুপ্ত হয়, আর আমাদের অলসতার নিদ্রা কি যাইবে না? অলসের অলসতা থাকে ততক্ষণ বতক্ষণ সে এক মুঠা অন্ন পায়; কিন্তু আমাদের তো আর একমুঠা অন্নেরও সংস্থান নাই, তবুও কি এদেশ জাগিবে না?

শ্রীমণীন্দ্রকুমার ঘোষ।

ঝড়ে

আজকে ঝড়ে আমার গায়ে

উঠে যে রোমাঞ্চ,—

নৃত্য করে দিচ্ছে হেথা

তাণ্ডবে শ্রেত পঞ্চ!

যে-ফুল ভোরে উঠবে ফুটে,

পাপড়ি-ভাঙা কাদায় লুটে,

তখনকো মালক মোর,

ভাঙল লতার মঞ্চ!

চূর্ণ দোলে, ঘূর্ণী ঙ্গে,

লুটুচে বকুল শাখা,

ভূঁয়ে পড়ে' কদলীসার

দলিত,—ধূলি-মাথা;

মাতল গো ঝড়, তাণ্ডুচে যে বুক,

তবু প্রাণে নাইক অস্থখ,—

ঝঙ্কারেই অশান্ত-প্রাণ

হঃখনিশি বঞ্চ।

শ্রীচণ্ডীচরণ মিত্র।



অ্যাস্কোরা

যখন এই মুসলমান বীর মুস্তাফা কামাল! তুরস্ক সাম্রাজ্য যখন বিধ্বস্তপ্রায়, জনবল ও ধনবল যখন একেবারে নাই বলিলেই হয়, যখন তুরস্কের ভাগ্যান্বিতা মন্ত্রীবর্গ মিত্রশক্তিপুঞ্জের পদানত, তখন জনকয়েক স্বদেশপ্রেমিক তুরস্কবীর এসিয়া-মাইনরের অ্যাস্কোরা অঞ্চলে আন্তানা স্থাপন করিয়া নিজেদের তুরস্করাজ্যের প্রকৃত পরিচালক বলিয়া ঘোষণা করিলেন এবং সেন্সারশক্তি অধিকার করিয়া তুরস্কের হস্তগোঁরব পুনরুদ্ধারকল্পে যুদ্ধের জয় প্রস্তুত হইতে লাগিলেন। ইউরোপের রাজনীতি-ধুরন্ধরেরা তুর্কার এই নূতন জাগরণকে বড় ভাল চক্ষে দেখিতে লাগিলেন না এবং প্রত্যক্ষভাবে না হোক পরোক্ষে এই জাতীয়বলের বিনাশসাধনে প্রয়াস পাইতে লাগিলেন। গ্রীস স্বযোগ বুঝিয়া অস্ত্রায় করিয়া এসিয়া-মাইনরের ভিতরে অভিযান আরম্ভ করিলেন; ইংরেজ শাসনকর্তারা তাহাতে বাধা দেওয়া দূরে থাকুক বরং বুসী হইয়া উঠিলেন, ভিতরে ভিতরে গ্রীকদিগকে সাহায্য করিবার চেষ্টা চলিতে লাগিল; কিন্তু ফরাসী গভর্নমেণ্টের প্রতিকূলতায় সে অভিপ্রায়ে বাধা পড়। কামাল যে গ্রীক সেনাদলকে যুদ্ধে হারাইয়া একেবারে সমূলে উৎখাত করিয়াছেন সে সংবাদ গভ্বরেই প্রকাশিত হইয়াছে। তারপর তিনি রাশিয়া, আজারবৈজান, জর্জিয়া, পারস্য ও আফগানিস্থানের সঙ্গে মিত্র চাপ্ত্রে আবদ্ধ হইয়াছেন। সম্প্রতি ফ্রান্সের সহিত অ্যাস্কোরার একটি সন্ধিপত্র স্বাক্ষরিত হইয়াছে। এই সন্ধিপত্রের সকল সর্ত্ত এখনও জানা যায় নাই; তবে যতদূর জানা গিয়াছে তাহাতে মনে হয় যে একটি প্রবল শক্তিশালী মুসলমান সাম্রাজ্যের পুনঃপ্রতিষ্ঠা সম্ভবপর হইয়াছে। সিরিয়ার হাই-কমিশনার বিখ্যাত ফরাসী সেনানায়ক জেনারেল পেস্ বলেন, "ইউরোপের পুরাতন রাজনৈতিক মতানুসারে মুসলমানগণ কখনও খৃষ্টানদিগের সমান অধিকার লাভ করিতে পারিত না। ফ্রান্স এতদিন পরে এই পুরাতন অন্যায় নীতি পরিত্যাগ করিয়া সত্য ও স্মারের পথে অগ্রসর হইয়াছেন।" ফ্রান্স জাতিসমূহের সঙ্ঘের তরফ হইতে সিরিয়া ও সিলিসিয়ার (Cilicia) মাণ্ডেট বা ধ্বংসকারী প্রাপ্ত হইবেন। কিন্তু এই সন্ধি অনুসারে তুর্কিকে সিলিসিয়া প্রত্যর্পণ করিতে ফ্রান্স অস্বীকৃত হইয়াছেন। থেম ও আইওনিয়ান দ্বীপপুঞ্জ যাহাতে তুর্কি গ্রীসের নিকট হইতে পুনরুদ্ধার করিতে পারেন তাহার সাহায্য করিতেও ফ্রান্স স্বীকার পাইয়াছেন বলিয়া শুনা যাইতেছে। প্রয়োজন হইলে তুরস্কের পক্ষ হইয়া আর্মির ফইজলের বিরুদ্ধে অস্ত্রধারণ করিতে এবং জাতীয়দলকে যুদ্ধোপকরণের মাল-মসলা সরবরাহ করিতেও ফরাসী জাতি প্রস্তুত আছেন। জাতীয়দলের সৈন্যদলকে সামরিক কোর্সে পিছাইতে একদল উৎসুক শিক্ক প্যাঠাইবার বন্দোবস্তও ফ্রান্স করিবেন। ফ্রান্স এই-সকলের বদলে এসিয়া মাইনরের হারিট উপত্যকাহ. রোপা ও লৌহ খনি-সকল চালাইবার অধিকার পাইবেন। কিন্তু এই-সকল খনি

পরিচালনে যে মূলধন প্রয়োজন হইবে তাহার অর্ধেক তুর্কিদিগের থাকিবে। এই সন্ধিসর্ত্তে ইংরেজের আপত্তি দেখা যাইতেছে। ইংরেজ মধ্যমভা আট-পৃষ্ঠাব্যাপী এক আপত্তিপত্র ফরাসী দ্বারা প্রেরণ করিয়াছেন। ফরাসী গভর্নমেণ্ট বিরক্ত হইয়া উঠিলে ইংরেজ রাজ-নীতিকদের উদ্দেশ্য পাছে পড় হইয়া যায় তজ্জন্ত ইহার ভাষা ও বাধুনি যথাসম্ভব মোলায়েম করিয়া দেওয়া হইয়াছে। ইহাদের প্রধান আপত্তির কারণ হইতেছে এই যে, ঠিক যে সময়ে ইংরেজ-রাজ তুরস্কের সহিত গ্রীসের বিবাদ গ্রীসের মান ও প্রতিপত্তি যথাসম্ভব বজায় রাখিয়া মিটাইয়া ফেলিবার চেষ্টা দেখিতেছিলেন, ঠিক সেই সময়ে ফরাসী প্রাচ্য-ভূখণ্ডে নিজের প্রতিপত্তি খস করিয়াই শুধু ক্ষান্ত হইলেন না, স্বার্থ ও থেম হইতে গ্রীসেরও উৎখাতের পথ অগম করিয়া দিলেন। তুর্কী জাতীয়বলের এই অপ্রত্যাশিত বাহবল বিস্তারের সঙ্গে আরবে ও মেনপোটেমিয়ার ইংরেজ-প্রভাব ক্ষয় হইবার সম্ভাবনা হওয়াতে ইংরেজ আরও বেশী চক্কল হইয়াছেন। প্যারিসে সত্য আল' উই-টার্টন স্পষ্টই জিজ্ঞাসা করিয়াছেন যে তুরস্কের এই শক্তিসঙ্ঘর্ষে মেনপোটেমিয়াতে ইংরেজ ক্ষাত্র-বলের কোনও প্রকার ক্ষতির সম্ভাবনা আছে কি না? ওকোনর সাহেব তো তুরস্কের স্বাধীন প্রজাপুঞ্জের জয় ভাবিয়া আকুল! ভয় তো হইবারই কথা। মুস্তাফা কামালের প্রধান সহচর ইউফুফ কামাল ফ্রান্সের সহিত সন্ধিপত্র স্বাক্ষর করিতে না করিতে ককেশাসের কাস্ সহরে আর্মেনিয়া, জর্জিয়া ও আজারবৈজান নামক ককেশীয় সাধারণতন্ত্রের সহিত সন্ধিপত্র আবদ্ধ হইয়াছেন। পারস্যের সহিতও সন্ধির কথাবার্তা চলিতেছে। এই সন্ধিপত্রগুলির মূল কথা এই যে ওই মুসলমানরাজ্যগুলির কোনটো বহিঃশত্রু কর্তৃক আক্রান্ত হইলে অপর রাজ্যগুলি আক্রান্ত রাজ্যের সাহায্য করিতে বাধ্য হইবেন, এবং মুসলমান রাজ্যের গৌরবরক্ষার্থে প্রয়োজন হইলে সকলে মিলিয়া মুসলমানবংশের শত্রু যে কোনও রাজ্যকে আক্রমণ করিতে বাধ্য থাকিবেন। মোসুলের রাজ্যসমূহের মিত্রতা খৃষ্টানরাজ্যের ভাল না লাগিবারই কথা।

ইংরেজ বলেন, সিলিসিয়া ফরাসীদিগের নিজের সম্পত্তি নহে। জাতিসঙ্ঘের তরফ হইতে মাণ্ডেটর বা ধ্বংসকারী মত শাসনভার প্রাপ্ত হইয়াছেন মাত্র। জাতিসঙ্ঘের অসম্মতি না লইয়া ফরাসীরা স্মারতঃ সিলিসিয়া প্রত্যর্পণ করিতে পারেন না। এই সন্ধিপত্রের দ্বারা ফরাসীরা কাৰ্য্যত জাতিসঙ্ঘকে উপেক্ষা করিয়াছেন। ইহাতে প্রলুক হইয়া যদি তুর্কী জাতীয়বল আরব ও মেনপোটেমিয়া পুনরায় ফিরিয়া চাহেন, তবে তো আর নিরুপদ্রবে মাণ্ডেট-লক রাজা ভোগ করা চলিবে না। আর ফরাসীর নিকট আশ্বারা পাইয়া যদি ক্ষুদ্র ক্ষুদ্র মুসলমানরাজ্যগুলি সংহতিবদ্ধ হইয়া পরাক্রান্ত হইয়া উঠে তবে ভারতশাসনেও ইংরেজের অস্থিবিধা হইবে। তাই ফরাসী গভর্নমেণ্টের উপর ইংরেজ অস্থিবিধা হইয়াছেন। কিন্তু রাগান্বিত করিলে পাছে মতলব সিদ্ধ হইয়া উঠে জয় আটপৃষ্ঠাব্যাপী এই সময় প্রতিবাদপত্র প্রেরিত হইয়াছে।

যেট বক্তব্যগুলি এখনও প্রকাশিত হয় নাই। মনোমতায় পক্ষ হইতে চেম্বারলেন সাহেব বলিয়াছেন যে সাধারণের মঙ্গলের জন্ত ইহা প্রকাশিত হওয়া বর্তমানে সমীচীন নহে। উপযুক্ত সময়ে সকল কথা প্রকাশ করা হইবে বলিয়া তিনি পার্লামেন্টে আবাস দিয়াছেন। কিন্তু সাম্রাজ্যলোভী কতিপয় ইংরেজ পার্লামেন্ট মহাসভায় এ বিষয়ে তুমুল আন্দোলন করিবার আয়োজন করিতেছেন।

*

মধ্য আমেরিকার যুক্তরাজ্য

১৮২১ খৃষ্টাব্দে ১৫ই সেপ্টেম্বর মধ্য-আমেরিকার গোরটিমালা প্রদেশে গ্যাভিনোগিয়ায় স্পেনের স্বাধীনতা-পাশ হইতে মধ্য-আমেরিকার মুক্তি ঘোষণা করেন। বিগত ১৫ই সেপ্টেম্বর তারিখে উক্ত ঘটনার শত-বার্ষিক উৎসব উপলক্ষে মধ্য-আমেরিকার ক্ষুদ্র ক্ষুদ্র রাজ্যগুলির মধ্যে গোরটিমালা, সালভাদোর ও হুয়াস রাজ্যসমূহ মিলিয়া একটি যুক্তরাজ্য স্থাপন করিয়াছেন। নিকারাগুয়া ও কস্তারিকা রাজ্যদুটিরও এই নবগঠিত যুক্তরাজ্যের সহিত সম্মিলিত হইবার সম্ভাবনা দেখা যাইতেছে। এই ক্ষুদ্র ক্ষুদ্র রাজ্যগুলি পরস্পরের মধ্যে যুদ্ধ-বিগ্রহে নিজেদের শক্তি ক্ষয় করিতেছিল এবং ক্রমাগত যুদ্ধের কলে অরাজকতা ও অবিচার অত্যাচারে উক্তদেশবাসীরা অস্থির হইয়া উঠিয়াছিল। এই-সকল দেশের জননায়কেরা অনেকবার সম্মিলনের চেষ্টা করিয়াছেন, কিন্তু প্রত্যেকবারই কতিপয় স্বার্থীক শক্তিশালী সেনানায়কের স্বার্থপরতায় সে চেষ্টা ব্যর্থ হইয়াছে। বহু চেষ্টার পর ১৯০৭ খৃষ্টাব্দে পঞ্চরাজ্যের প্রতিনিধিবর্গ উত্তর আমেরিকার যুক্তরাজ্যের রাজধানী ওয়াশিংটন সহরে মিলিত হইয়া উক্ত জাতিসমূহের একটি সঙ্ঘ স্থাপন করেন, এবং আন্তর্জাতিক নিবন্ধ-বিসম্বাদ-সমূহের মীমাংসার আন্তর্জাতিক আদালত স্থাপন করেন। কিন্তু ইহার কিছুদিন পরেই নিকারাগুয়া রাজ্যের সভাপতি জেলায়া ওয়াশিংটন-কন্ফারেন্সের অবধারিত সর্তগুলি পালন করিতে নারাজ হইলেন; এবং উত্তর আমেরিকার যুক্তরাজ্যের সহিত এক সন্ধি স্থাপন করিলেন। বাকি চারটি রাজ্য উক্ত সন্ধিপত্রের প্রতিবাদ করিয়া বলেন যে, ১৯০৭ খৃষ্টাব্দের সন্ধিসর্তের বিরোধী কোনও সন্ধি করিবার নিকারাগুয়ার কোনও অধিকার নাই। এবং নিকারাগুয়া রাজ্যের বিরুদ্ধে তাঁহারা আন্তর্জাতিক আদালতে বিচার প্রার্থনা করেন। নিকারাগুয়া উক্ত আদালতের বিচার করিবার অধিকার অধীকার করেন। ফলে রাজ্যগুলির মধ্যে মতান্তর ও মনান্তর হইয়া জাতিসঙ্ঘ ছিন্ন-বিচ্ছিন্ন হইয়া যায়। কিন্তু স্বাধীনতা প্রাপ্তির শতবার্ষিক উৎসবের আয়োজনকালে আবার যখন রাজ্যগুলির মধ্যে কথাবার্তা চলিতে লাগিল তখন রাজ্যগুলির ভিন্ন ভিন্ন অস্থি হু বিলোপ করিয়া উত্তর আমেরিকার যুক্তরাজ্যের আদর্শে মধ্য-আমেরিকায় যুক্তরাজ্য প্রতিষ্ঠার প্রস্তাব হয়। বিগত জাতিসমূহের মাসে চারটি রাজ্য মিলিত যুক্তরাজ্য স্থাপনে স্বীকৃত হইয়া এক সন্ধিপত্রে স্বাক্ষর করেন, কেবলমাত্র নিকারাগুয়া রাজ্য তাহাতে যোগদান করেন নাই। ১৫ই সেপ্টেম্বর তারিখ হইতে এই নবসংযুক্ত যুক্তরাজ্যের প্রতিষ্ঠা হয় এবং রাজ্য-পরিচালনা-পদ্ধতি ও রাজ্যের নিয়ম বিধিবদ্ধ হইয়া ঘোষিত হয়। অল্পদিন হইল নিকারাগুয়া রাজ্য ইহার সহিত সংযুক্ত হইবার অন্তিম ঘোষণা করিয়াছেন। আশা করা যায় যে আন্তর্জাতিক কলহ পরিত্যাগ করিয়া নূতন যুক্তরাজ্য বলশালী হইয়া উঠিবে এবং আন্তর্জাতিক হৃৎকলার সঙ্গে সঙ্গে নিজের কৃষি ও খনিজ-ধনসম্পদের বিস্তারের সুচারু ব্যবস্থা করিয়া অতি অল্প-

দিনের মধ্যেই একটি সম্প্রদায়ী উন্নতিশীল রাজ্যে পরিণত হইবে। ইয়ুরোপের অর্থগুরু রাজ্যসমূহের ইহাদের খনিজধনসম্পত্তির প্রতি যে লোলুপদৃষ্টি ছিল তাহার অবমান-সম্ভাবনার অনেকই সর্গাহত হইয়াছেন এবং অনেক কুচক্রী চক্রান্তজাল বিস্তার করিতেছেন। বাহারা মেক্সিকোর অস্তবিপ্লবের ইতিহাসের সহিত সামান্য একটু পরিচিত আছেন তাঁহারা জানেন যে কেরোসিন তৈলের খনিগুলিকে সুবিধামত সর্ভে পাইবার লোভে ব্যবসায়ী ইয়ুরোপীয় বণিকগণ মেক্সিকোতে কিরূপ চক্রান্ত করিয়া বিপ্লব বাধাইয়াছিলেন। তাই ভয় হয় নবগঠিত যুক্তরাজ্যের ভাণ্ডে না-জানি কি আছে।

*

আয়ারল্যান্ড

আয়ারল্যান্ডের সমস্তার স্বমীমাংসা করিবার উদ্দেশ্যে কন্ফারেন্স ডাকিবার পূর্বে লয়েড জর্জ ও ডি ভ্যালেরার যে তর্কযুক্ত হইয়াছিল তাহার বর্ণনা পূর্বে সংখ্যাত্রেই প্রকাশিত হইয়াছে। অনেক কূট তর্কের পর ১১ই অক্টোবর লন্ডননগরে কন্ফারেন্সের বৈঠক হইবে বলিয়া স্থির হয়, এবং আর্থার গ্রিফিথ, মাইকেল কলিন্স, ডুগান ও বার্টন সিন্ফিনারদিগের প্রতিনিধিকপে লন্ডনে উপস্থিত হন। সিন্ফিন-দিগের ভিতর সবচেয়ে তীক্ষ্ণবলি গ্রিফিথের প্রসিদ্ধি আছে, আর মাইকেল কলিন্স আইরিশ জাতীয় সেনাদলের অধিনায়করূপে পরিচিত। ১১ই তারিখে লন্ডনসহরে ডাউনিং স্ট্রীটে কন্ফারেন্সে উপস্থিত হইতে যখন আইরিশ জননায়কগণ আগমন করেন তখন বিপুল জনতা তাঁহাদের সম্বর্ধনার্থ সমবেত হইয়াছিল। লয়েড জর্জ একটি বক্তৃতা করিয়া বৈঠকের আলোচনা আরম্ভ করেন এবং গ্রিফিথ তাহার উত্তর দেন। সেইদিন ডেল আইরিয়ন হইতে আইরিশ জাতিকে সঙ্ঘবদ্ধ হইয়া তাঁহাদের প্রতিনিধিবর্গের কার্যকে সর্বান্তঃ-করণে অনুমোদন করিতে অনুরোধ করেন। বৈঠকে আইরিশ সমস্তার কোনও মীমাংসা না হওয়া পর্যন্ত আয়ারল্যান্ডে বিদ্রোহ ও ইংরেজ-শাসন প্রতিরোধ বন্ধ রাখিবার জন্ত কতকগুলি সর্ত স্থির হয়। বৈঠকে আর যে যে বিষয়ের আলোচনা হইয়াছে তাহার কোনও বিশেষ বিবরণ বাহির করা হয় নাই। মাকে মাকে বৈঠক ভাঙ্গিয়া যাইবার উপক্রম হইয়াছে, আবার কৌশলী রাষ্ট্র-নেতাদের চতুর কৌশলে কথাবার্তা চালাইবার উপায় বাহির হইয়াছে।

আইরিশ সমস্তার সমাধানের এই চেষ্টাতে আনন্দিত হইয়া রোমান ক্যাথলিক সম্প্রদায়ের ধর্মগুরু পোপ রাজা পঞ্চম জর্জকে একটি টেলিগ্রাম করিয়া তাঁহার শুভাশীর্ষাদ জ্ঞাপন করেন। পঞ্চম জর্জও উত্তরে আইরিশ সমস্তা সমাধানে তাঁহার আন্তরিক চেষ্টার কথা পোপকে জ্ঞাপন করেন। ডি ভ্যালেরার নিকট সেই উত্তরের কতকগুলি কথা অর্থ দ্ব্যর্থবোধক বোধ হইল। তিনি বেখিলেন, সেগুলির একরূপ ব্যাখ্যা হওয়া সম্ভব যে আইরিশ জাতি ইংলণ্ডের বশতা স্বীকার করিয়াছে। বৈঠকে সন্ধি সম্ভবপর হইবার পূর্বে একরূপ উক্তি বিনা প্রতিবাদে গ্রহণ করিলে আইরিশজাতির স্বাধীনতা ব্যাহত হইতে পারে মনে করিয়া ডি ভ্যালেরা পোপকে আইরিশ পক্ষের কথা জানাইয়া এক টেলিগ্রাম প্রেরণ করেন। ডি ভ্যালেরার উক্তিতে ইংরেজ জাতির প্রতি তাঁর আক্রমণ ছিল। তাহাতে ইংরেজ সমাজ অত্যন্ত বিকৃত হইয়া উঠে এবং ইউনিয়নিষ্ট দলের চল্লিশজন নেতা পার্লামেন্টে আইরিশ সমস্তার আলোচনা প্রসঙ্গ তুলিবার জন্ত লয়েড জর্জের নিকট এক দাবীপত্র (Requisition) প্রেরণ করেন। ৩১শে অক্টোবর পার্লামেন্ট মহাসভায় আইরিশ প্রসঙ্গের আলোচনা হয়। ইউনিয়নিষ্ট

দল প্রস্তাব করিলেন যে, “বেহেতু ইংরেজ রাজের বশতা অধিকার করিয়া আইরিশ প্রজাতন্ত্রের স্থাপনা করিতে উত্তোগী দলের সহিত সংশ্লিষ্ট ব্যক্তিবর্গ হইতেই দক্ষিণ আয়ারল্যান্ডের প্রতিনিধিবর্গ নির্বাচিত হইয়াছেন সেইজন্য এই মহাসভার সভ্যরা ইহাদের সহিত মন্ত্রিসভার বুঝাপড়া হওয়া ভীতিজনক ও অসম্ভব মনে করেন, তজ্জন্য এই বৈঠক সম্বন্ধে তাঁহাদের আপত্তি জানাইতেছেন।” লেবার ও লিবারেল দল কিন্তু মন্ত্রিসভার কার্যকে সমর্থন করতে ইউনিয়নিষ্ট দলের এই প্রস্তাব গৃহীত হয় নাই। কিন্তু আইরিশদিগের সহিত আলোচনা আরম্ভ হইতেই আবার গোলযোগের সূত্রপাত হইতে লাগিল। ইংরেজ বলিলেন যে, কোনও কথা আরম্ভ হইবার পূর্বে আইরিশ প্রতিনিধিবর্গকে রাজার বশতা স্বীকার করিতে হইবে। আইরিশগণ বলিলেন যে, আলষ্টারের শ্বেলযোগের মীমাংসার একটি পক্ষ আনুকত না হওয়া পর্যন্ত ইংরেজের রাষ্ট্রীয় প্রভাব তাঁহারা স্বীকার করিতে পারেন না। আলষ্টার সমস্যার সহিত আয়ারল্যান্ডের জাতীয় সম্মান এমনভাবে জড়িত যে তাহার সমাধান হইবার উপায় আবিষ্কৃত না হওয়া পর্যন্ত ইংরেজের বশতা স্বীকার করিলে আয়ারল্যান্ডের মর্যাদার হানি হইবে। দেশের সম্মান যখন তাঁহাদের উপর স্তম্ভ তখন তাহাকে ক্ষম করিতে তাঁহারা কখনই দিবেন না। অগত্যা মন্ত্রিসভা আলষ্টার সমস্যার মীমাংসা করিবার উদ্দেশ্যে একটি প্রস্তাব উত্থাপন করিয়াছেন। কিন্তু আলষ্টারের জননায়ক স্যার জেমস ফেইগ তাহাতে ভীষণ আপত্তি তুলিয়াছেন। তাঁহার ভাবগতিক মনে হয় এই প্রণালীতে কার্য হইলে আলষ্টার তাহাতে যথাসাধ্য বাধা দিবে, এমন কি প্রয়োজন হইলে বিদ্রোহী হইয়া উঠিবে। আলষ্টারদল প্রথম হইতে যেরূপ গওগোল তুলিয়াছেন তাহাতে আয়ারল্যান্ডে শান্তির সম্ভাবনা সূদূরপর্যন্ত হইয়া উঠিতেছে। অবস্থা যেরূপ দাঁড়াইতেছে তাহাতে সমস্যার কোনও রূপ কিনারা হইবে কি না কে জানে ?

ইউরোপে অশান্তি

ইউরোপের ষষ্ঠপ্রসঙ্গটিতে দেশপ্রাণতা যত না জাগিয়াছিল বৈরিতা ও হিংসা জাগিয়াছিল তাহার শতগুণ। তাই স্ত্রায় ও সত্যের মর্যাদা রক্ষা করিবার অজুহাতে নিজের লাভের গণ্ডটির প্রতি ঝোক সকলেই দিয়াছিল। এই বার্ষ, এই লোভ, সকল মীমাংসার মূলে থাকার ইউরোপে শান্তি স্থাপিত না হইয়া গোলযোগের সূত্রপাতই হইয়াছে বেশী। এত সন্ধিপত্র, এত আলোচনা হইল, তবুও গওগোল মিটে না। সন্দেহ মাথা তুলিয়াছে, বিরোধ জাগ্রত হইয়াছে; স্বার্থে স্বার্থে সংলাত বাজিয়াছে। তাই অস্ত্রের বন্ধনা এখনও খামে নাই। সর্বত্রই একটা অশান্তির উদ্বেগ দেখা যাইতেছে। বাল্কানে ও মধ্য-ইউরোপে যুদ্ধের আয়োজন নিত্যই চলিতেছে। পর্তুগালে বিপ্লবের পর বিপ্লব লাগিয়াই আছে। চেকোস্লোভাকিয়া অস্বাভাব্যে আস্ট্রিয়াকে আক্রমণ করিল, শক্তিবর্গ চণ্ড রাজাইয়াই খাণ্ড দিলেন। গ্রীস ও অ্যান্ধোরার যুদ্ধ, হাঙ্গেরীতে কর্লেণের দ্বিতীয় বার সিংহাসন অধিকারের চেষ্টা, বগেনল্যান্ড লইয়া অষ্ট্রিয়ার সহিত হাঙ্গেরীর বিবাদ, জার্মানী ও পোলাণ্ডের কলহ, ইতালীর সহিত বাল্কান প্রদেশসমূহের কলহ প্রভৃতি কত ক্ষুদ্র বৃহৎ গওগোল ইউরোপে নিত্য যুদ্ধের সঙ্গীতমা আনিয়া দিতেছে। ফ্রান্সে ও ইংলণ্ডে, ইতালী ও ফ্রান্সে নানা ব্যাপারে বিরোধ বাড়িয়াই চলিতেছে। রেবারেবির ফলে যুদ্ধ-ব্যয় অসম্ভব বাড়িয়া চলিয়াছে। কিন্তু মুখে শান্তিপ্রতিষ্ঠার, ও সহন্য রাষ্ট্রীয় আদর্শ স্থাপনের লক্ষ্য-

চোড়া কথা চলিতেছে। ঠিক এই সময়ে আমেরিকার আহ্লানে ১২ই নবেম্বর হইতে ওয়াশিংটন সহরে নিরস্ত্রীকরণ দরবার আরম্ভ হইল। শক্তিবর্গ তো মহোৎসাহে বৈঠকে যোগ দিতে গিয়াছেন। ইংরেজ প্রতিনিধিবর্গের সহিত ভারতের প্রতিনিধিরূপে শ্রীযুক্ত শ্রীনিবাস শাস্ত্রী মহাশয় এই দরবারে উপস্থিত হইয়াছেন। শাস্ত্রী মহাশয় ভারতের প্রতিনিধি হইবার সম্পূর্ণ উপযুক্ত ব্যক্তি সন্দেহ নাই, কিন্তু এ ক্ষেত্রে প্রজা-সাধারণকে নির্বাচনের অধিকার দেওয়া হয় নাই। এমন কি আমাদের তথাকথিত রাষ্ট্রীয় মণ্ডল লেজিসলেটীব এসেম্বলি হইতেও এই নির্বাচন হয় নাই। বিলাতের মন্ত্রিসভা শাস্ত্রী মহাশয়কে ভারতের প্রতিনিধি মনোনয়ন করিয়াছেন। এই বৈঠকে প্রশান্ত মহাসাগরের প্রভু লইয়া জাপান, ইংলণ্ড ও আমেরিকায় যে রেবারেবি চলিতেছে তাহার মীমাংসার ক্ষুদ্র আলোচনা হইবে। ক্যালিফোর্নিয়া প্রদেশের পীতাতফ, নৌবহর-ভ্রাস প্রভৃতি আরও অনেক বিষয়ে আলোচনা হইবে। এই ক্ষেত্রে একটি জর্ঘটনা ঘটয়া যাওয়াতে ইহার ভবিষ্যৎ সম্বন্ধে সন্দেহ হয়। জাপানের প্রধানমন্ত্রী হারার এই বৈঠক সম্বন্ধে উৎসাহ ছিল প্রচুর! কিন্তু জাপানের ক্ষাত্রপন্থী দল এই বৈঠকের বিরোধী। জাপানের শক্তিসম্বন্ধকে পক্ষ করিবার গুপ্ত প্রয়াস ইহার অন্তরালে প্রচ্ছন্ন আছে বলিয়া তাঁহাদের বিশ্বাস। এবং আমেরিকা ও অষ্ট্রেলিয়াতে পীত ও কৃষ্ণকার জাতির প্রতি যেরূপ ব্যবহার করা হয় তাহাতে তাহাদের প্রতি প্রীতি রাখা জাপানের পক্ষে সহজ নয়। তাই ক্ষাত্রপন্থী দলের চক্রান্তে গুপ্তবাতকের হস্তে হারা শ্রাণ হারাইয়াছেন। হারার মৃত্যুতে জাপানের শান্তিপ্রয়াসী দল অনেকটা হীনবীধ্য হইয়া পড়িয়াছেন এবং ক্ষাত্রপন্থী দল প্রাধান্য লাভ করিয়াছেন। যদিও অস্থায়ীমন্ত্রী উচিদা বলিতেছেন যে তিনি শান্তিপ্রয়াসী এবং হারার অনুষ্ঠিত শান্তিযজ্ঞ সমাধা করিতে তিনি বন্ধপরিকর, তথাপি নিরস্ত্রীকরণ দরবারে জাপানের হাবভাব কিরূপ হইবে তাহা লইয়া অনেক ভ্রমের কল্পনা চলিতেছে।

শ্রীপ্রভাতচন্দ্র গঙ্গোপাধ্যায়।

ভারতবর্ষ

মোপ্লা-প্রসঙ্গ—

মোপ্লা-হাঙ্গামা এখনও মিটে নাই। তাহাদের দলবদ্ধতা ভাঙ্গিয়া গিয়াছে বটে, কিন্তু ক্ষুদ্র ক্ষুদ্র দল লইয়া তাহারা এমন উপদ্রব করিতেছে যে প্রায় সমস্ত মালাবারবাসীই উৎকণ্ঠিত হইয়া উঠিয়াছে। কালিকাটের নিকটবর্তী বহুস্থান হইতেই মোপ্লাদের ভয়ে লোকেরা ভিটামাটি পরিত্যাগ করিয়া চলিয়া আসিতেছে। অনেক চাকর সাহেবও তাহাদের বাগান ছাড়িয়া দিয়া পলাইয়া আসিতে বাধ্য হইয়াছে। প্রদেশটি এখনও ‘মার্শাল ল’ অধ্যায়ী শাসিত হইতেছে। কিন্তু তাহাতে যে বিশেষ কিছু হ্রবিধা হইতেছে তাহা মনে হয় না। কারণ মোপ্লারা এখন সাধারণতঃ লোকালয়ে থাকে না। তাহারা পলাইয়া গিয়া আত্মা গাড়িয়াছে বনে জঙ্গলে পাহাড়ে। সেখান হইতে তাহারা অকথাৎ বড়ের মতন গ্রামে গ্রামে আসিয়া লুটতরাজ করিয়া পলাইয়া যাইতেছে। তাহাদের আস্তানার উদ্দেশ্য পাওয়াই দুষ্কর।

বহু মোপ্লাবিদোহী ধরা পড়িয়াছে, সংখ্যায় তিন হাজারেরও উপর হইবে। কিন্তু দেখা যাইতেছে যে তাহারা সহজে দমিবার পাত্র নয়। মোপ্লারা তাহাদের তিনটি দলে বিভক্ত করিয়া লইয়াছে। একটি দলের অধিনায়ক বেরিমান্‌কুন্‌ম্ কুন্‌হি আন্দন হাজ্রি; আর-একটির নেতা চেম্পসেরী ধনল; অপরটির চালক শেঠি কোরা থনল। ইহার

মধ্যে চেম্বারসেরী খজলই নাকি সবচেয়ে চতুর। চারিধারে চর পাঠাইয়া ইহার ইংরেজ সেনাদের গতিবিধি খুব ভাল করিয়া লক্ষ্য রাখিতেছে এবং চরের নির্দেশ অনুসারেই লুটতরাজে অগ্রসর হইতেছে। ইহারা যে শুধুই লুটতরাজই করে তাহা নয়, নিজেদের দলভুক্ত করিবার জন্ত গ্রামবাসীদের নিকট বক্তৃতাদি দিয়া থাকে। “লিডার” কাগজের একটি বিশেষ সংবাদপাতা চেম্বারসেরী খজলের এরূপ একটি বক্তৃতার সারাংশ জানাইয়াছেন। তাহাতে অনেক মজার মজার খবর পাওয়া গিয়াছে— তাহারা মুসলমান সাম্রাজ্য স্থাপনের প্রয়াসী; তাহারা যে স্বরাজ্য পাইয়াছে তাহা কিছুতেই আর ইংরেজদের হাড়িয়া দিবে না; সবলকে মুসলমান করাই তাহাদের উদ্দেশ্য, তবে দয়া করিয়া কাহাকে কাহাকে মাও করিতে পারে, তাহাদের সিদ্ধি অবশ্যস্বামী ও আসন্নপ্রায়; তাহাদের রাজ্যে সবিচার দুমূল্য হইবে না, ঠিকিল থাকিবে না; বর্তমান বিচারপ্রণালীর উচ্ছেদসাধন তাহারা করিবে; তাহারা ব্যক্তির স্বতন্ত্র-স্বত্ব (private property) মানিবে না, যাহার যতটুকু প্রয়োজন সে ততটুকু রাখিবে এই অধিকারী, কেহ ধনী আর কেহ দরিদ্র হওয়া আর চলিবে না, সাম্য স্থাপিত হইবে; বর্তমান পুলিশ-ব্যবস্থা তাহারা চায় না, ইহার চেয়ে অনেক কম খরচে তাহারা পুলিশের কাজ চালাইবে; বর্তমান সরকারের বড় বড় ইমারতগুলি ধ্বংস করিয়া ফেলা হইবে, শাসনপ্রণালীর জন্ত ইহাদের কোন প্রয়োজন নাই, সমগ্র মুসলমানজগৎ তাহাদের সাহায্য করিবে।

মোপ্লারা গোড়া মুসলমান। অনেক হিন্দুকে জোর করিয়া মুসলমান করিয়াছে, হিন্দুর উপর অত্যাচার করিয়াছে, বাড়ীঘর পোড়াইয়া দিয়াছে। ইহা অতিশয় গহিত ও অমার্জনীয় সন্দেহ নাই। কিন্তু সর্বক্ষেত্রে যে হিন্দু বলিয়াই তাহারা অত্যাচার করিয়াছে তাহা নাও হইতে পারে। তাহাদের আক্রোশ কেবল হিন্দুদের উপর তত না, যত অত্যাচারী ধনী জমিদার শ্রেণীর উপর। কিছুদিন পূর্বে মোপ্লাদের অন্ততম সর্দার বেরিরাংকুন্স তাহাদের মালায়ালম্ ভাষায় মাদ্রাজের “হিন্দু” কাগজের সম্পাদককে এই সপ্তেম্বর একখানি চিঠি লেখে। তাহাতে সে বলে যে মালাবারে হিন্দু মুসলমানের মিলন ঘুচিয়া যায় নাই; এবং তাহার লোকেরা যে জোর করিয়া হিন্দুদের মুসলমান করিতেছে এ কথাও সঠিক মিত্যা; কোন কোন হিন্দু ইংরেজ সৈন্যদের সাহায্য করিয়াছে এবং নির্দোষ মোপ্লাদের ধরাইয়া দিয়াছে; শুধু তাহাদেরই উপর কিছু কিছু অত্যাচার করা হইয়াছে; যে নাপুত্রীটি এই হাঙ্গামার মূল তাহার উপরও এই কারণেই অত্যাচার করা হইয়াছিল; অনেক হিন্দুকে ধরিয়া গভর্ণমেন্টে সৈন্য বানাইতেছে, তাহাতে অনেকেই আসিয়া তাহার আশ্রয় গ্রহণ করিতেছে; অনেক নির্দোষ মোপ্লাও এই কারণেই তাহার শরণাপন্ন হইয়াছে; এ পর্যন্ত গভর্ণমেন্ট কয়েকজন নির্দোষকে ধরা ছাড়া কিছুই করিতে পারেন নাই। পরিশেষে সে বলে যে যদি এই চিঠিখানি না ছাপা হয় তবে সম্পাদককে একদিন ইহার জগা জবাবদিহি করিতে হইবে।

যাহা হউক মালবারের অবস্থা ক্রমশঃই শোচনীয় হইয়া উঠিতেছে। প্রপীড়িত স্থানগুলি হইতে দলে দলে নরনারী পালবাট কালিকাট প্রভৃতি সহরে আসিয়া আশ্রয় লইতেছে। কংগ্রেস ও সার্ভেণ্ট অফ ইন্ডিয়া সোসাইটি এইসব বিতাড়িত নরনারীর সাহায্যের ভার গ্রহণ করিয়াছেন। গভর্ণমেন্টও মালাবারের এইসব হাঙ্গাম মিটাইবার জন্ত একজন বিশেষ কমিশনার নিযুক্ত করিয়াছেন।

অসোধ্য প্রজাস্বত্ব —

অসোধ্য প্রজাস্বত্ব লইয়া মহা গণ্ডগোল বাধিয়া গিয়াছে। কয়েক বৎসর ধরিয়া প্রজাস্বত্ব লইয়া জমিদার ও প্রজাদের মধ্যে বিবাদ

চলিতেছে; তাহা লইয়া হাঙ্গামা হাঙ্গামাও কিছু কিছু হইয়া গিয়াছে। অসোধ্য কৃষিগণের জমির উপর কোন স্বত্ব নাই। মিউটিনির সময়ে গভর্ণমেন্ট তালুকদার ও প্রজাদের নিকট হইতে জমির স্বত্ব কাড়িয়া নেন। পরে অবশ্য তালুকদারদের স্বত্ব ফিরাইয়া দেওয়া হইয়াছিল। কিন্তু দুর্ভাগ্যবশতঃ প্রজারা আর তাহাদের নষ্ট অধিকার ফিরিয়া পাইল না। ফলে যাহা দাঁড়াইল তাহা কৃষিগণের পক্ষে সুখকর হইল না। তাহারা তালুকদারদের একেবারে মুঠার মধ্যে আসিয়া পড়িল। যখন ইচ্ছা তখন তালুকদাররা তাহাদের উচ্ছেদ করিয়া দিতে পারিত। পরে ১৮৮৬ খৃষ্টাব্দে কৃষিগণের উপর এই অবিচারের কিছু প্রতিকারের চেষ্টা করা হয়। সাত বৎসরের মিয়াদে কৃষিগণের জমি ভোগ করিতে পারিবে এই অধিকার দেওয়া হইল। কিন্তু মিয়াদের পরে আবার তাহাদের নূতন করিয়া সাত বৎসরের জন্ত ইজারা লইতে হইবে। অবশ্য তখন তাহাকে ইজারা দেওয়া না-দেওয়া তালুকদারের সম্পূর্ণ ইচ্ছাধীন। যাহা হউক ইহার বিরুদ্ধেও খুব আন্দোলন চলিতে লাগিল। প্রজারা চায় জমির চিরস্বত্ব, যাহাতে তাহারা নিরীকভাবে ও নিরীকভাবে জমির ফসল আবাদ করিয়া নিজেদের ও জমির উন্নতি করিতে পারে ও উত্তরাধিকারসূত্রে তাহা ভোগ করিতে পারে। গত জানুয়ারী মাসে কৃষিগণের প্রতিবাদটা কিছু উগ্র রকমের হইয়া গিয়াছিল, মারপিট হাঙ্গামা-হাঙ্গামার পরিমাণটা দেখিয়া গভর্ণমেন্ট একটু চমকিয়াই গিয়াছিলেন। খামাইতে গোলাগুলিরও কিছু দস্তকার হইয়াছিল। যাহা হউক গভর্ণমেন্ট বুঝিলেন যে এবার কিছু না করিলে আর চলে না। তাই গত জুলাইমাসে যুক্ত প্রদেশের ব্যবস্থাপক সভার যে বৈঠক বসে তাহাতে অসোধ্য প্রজাস্বত্ব সম্বন্ধীয় একটি আইনের খসড়া প্রস্তুত করা হয়। তাহাতে প্রস্তাব করা হয় যে কৃষিগণের সাত বৎসরের বদলে আজীবন ইজারা দেওয়া হইবে এবং দশ বৎসর অন্তর অন্তর খাজনা বৃদ্ধি হইবে। খাজনা বিষয়ে আরও অনেক কথা ছিল। প্রস্তাবটি সম্যক আলোচনা করিবার জন্ত একটি কমিটি নিযুক্ত করা হয়। গত মাসে কমিটির বৈঠক বসে। বৈঠকে দেখা যায় যে কমিটির অনেক সভ্যই কৃষিগণের ইজারা স্বত্বের বদলে চিরস্বত্ব দিতে রাজী, যাহাতে তাহারা উত্তরাধিকারসূত্রে জমি ভোগ করিতে পারে; কিন্তু গভর্ণমেন্টের জন্ত তাহা তাহাদের করিবার জো নাই। তালুকদাররা প্রজাদের জমির উপর কোন স্বত্ব দিতে রাজী নন, কাজেই উত্তরাধিকার স্বীকার তাহারা করিবেন না। যখন বর্তমান এই আপোষের কথা উঠে তখন নাকি গভর্ণমেন্ট তালুকদারদের নিকট প্রতিশ্রুত হইয়াছিলেন যে গভর্ণমেন্ট সেরূপ কোন স্বত্ব দিবেন না। কাজেই যখন কমিটিতে কৃষিগণের উত্তরাধিকারের কথা উঠে গভর্ণমেন্ট তখন বাধা দেন এবং রাজকর্মচারীদের নিজ নিজ মত অনুসারে ভোট দিতে দিলেন না, উত্তরাধিকার স্বত্বের বিরুদ্ধে মত দিতে বাধ্য করিলেন। গভর্ণমেন্টের এরূপ কোন আদেশ না থাকিলে অনেক রাজকর্মচারীরাই ইহার সপক্ষে ভোট দিতেন। দুইজন প্রধান ইংরেজ রাজকর্মচারী নাকি স্পষ্টই বলিয়াছেন যে কৃষিগণের উত্তরাধিকারসূত্রে জমি ভোগ করিবার অধিকার না দিলে অসোধ্য কোন দিন শান্তি হইবে না। যাহা হউক গভর্ণমেন্টের এরূপ ব্যবহার টের পাইয়া বৈঠকের তৃতীয় দিন ৬ জন সভ্য কমিটির সভ্যপদ পরিত্যাগ করিলেন। কাজেই ব্যাপারটা লইয়া খুব হুলস্থূল পড়িয়া গেল। ১০ বৎসর অন্তর অন্তর যখন খাজনা বৃদ্ধি করিবার অধিকার তালুকদারদের রহিল, তখন কৃষিগণের উত্তরাধিকারসূত্রে ভোগ করিবার অধিকার না দিবার কোন স্থায়সম্মত কারণ থাকিতে পারে না। যুক্ত প্রদেশের নরমপন্থীদের সভা ‘আশানান লিবারেল’ লিগ বড়লাটের নিকট প্রাদেশিক গভর্ণমেন্টের এই কাজের বিরুদ্ধে আবেদন করেন। হানে

স্থানে কৃষকদেরও ইহার বিরুদ্ধে সভা হয়। কিন্তু কিছুতেই কিছু হইল না। সম্প্রতি ব্যবস্থাপক সভায় আইনটি পাশ হইয়া গিয়াছে। এবার হইতে কৃষকরা আজীবন জমী ভোগ করিতে পারিবে, প্রতি দশবৎসর অন্তর খাজনা বৃদ্ধিও হইবে। আন্দোলনের ফলে, উত্তরাধিকারী পূর্ববর্তী ভোগকর্তার মৃত্যুর পরে ৫ বৎসর পর্যন্ত জমি ভোগ করিতে পারিবেন। তাহার পরে পুনরায় তাহাকে নুতন করিয়া ইজারা গ্রহণ করিতে হইবে। এবং সে ইজারা দেওয়া না দেওয়া তখন নির্ভর করিবে তালুকদারের উপর। গভর্নমেন্টের প্রজার উপর বহুশত দরদেয় পরিচয়টা মন্দ পাওয়া গেল না। ইহা দেখিয়াও কি আমাদের দেশবাসীর চৈতন্য হইবে না ?

রাজস্ব-তদারক সমিতি—

ভারতের রাজস্ব-বিষয়ক সমস্যাগুলির সমাধান করিবার জন্ত যে সমিতি নিযুক্ত করা হইয়াছিল, তাহার সভাপতির নাম সম্প্রতি বাহির হইয়াছে। সভাপতি—সার ইব্রাহিম রহিমতুল্লা; সহকারী সভাপতি—শ্রীযুক্ত জে এম কীন; সভ্য—শ্রীযুক্ত শেখগিরি আইয়ার, শ্রীযুক্ত ঘনশ্যাম-দাস বিরলা, শ্রীযুক্ত জে সি কোয়াজি, সার মানেকজি দাদাভাই, শ্রীযুক্ত যমুনানাস ঘারকাদাস, সার এড্‌গার হোলবার্টন, শ্রীযুক্ত আর এ মেন্ট, শ্রীযুক্ত নরোত্তম মোরারজি, শ্রীযুক্ত সি উর্রিউ রোড্‌স্ এবং সার এম ডি ওয়েব। শ্রীযুক্ত এইচ জি হেগ সম্পাদক-পদে নিযুক্ত হইয়াছেন। নবেম্বর মাস হইতেই সমিতির কায়া আরম্ভ হইবে। বেশ ইতে তাহাদের প্রথম বৈঠক বসিবে। সমিতি সাধারণের নিমিত্ত একটি প্রমাণমালা বাহির করিয়াছেন।

সৈন্তবিভাগ ও কাগজওয়াল—

আজকাল সৈন্তবিভাগের কর্তাদের কিছু কাগজওয়াল-প্রীতি দেখা যাইতেছে। সম্প্রতি কর্ণেল উর্রিউ এইচ বীচ সৈন্তবিভাগের তরফ হইতে সিমলা হইতে আসিয়া বোম্বাইএর কাগজওয়ালাদের লইয়া এক সভা করেন। তিনি তাহাদের বলেন যে সৈন্তবিভাগের খোদ কর্তাদের ইচ্ছা যে কাগজওয়ালাদের সঙ্গে তাহাদের একটা সম্প্রীতি স্থাপিত হয়; তাই এবার হইতে যাহাতে এরূপ সভা আরও ঘন ঘন হয় তাহার ব্যবস্থা করা হইবে; পূর্বে কয়েক বৎসর ধরিয়া মাঝে মাঝে সিমলা সহরে এরূপ সভা হইত, কিন্তু তাহাতে দেখা যায় যে প্রাদেশিক কাগজওয়ালারা হাজির হইতে পারেন না; তাই এবার হইতে প্রাদেশিক সৈন্তবিভাগের কর্তারা যাহাতে প্রাদেশিক কাগজওয়ালাদের সহিত যোগ স্থাপন করিতে পারেন তাহার ব্যবস্থা করা হইবে। আর একটা কথাও উঠিয়াছে—প্রফেসর রাস্করক উইলিয়াম্‌স্কে অন্ত্যস্ত বিভাগের জ্ঞান এই বিভাগের জন্তও কাজ করিতে বলা হইবে। যাহারা রাস্করক উইলিয়াম্‌স্কে বইগুলি পড়িতেছেন তাহারা সকলেই জানেন তাহার প্রধান কাজই হইতেছে গভর্নমেন্টের অন্ত্যস্ত ও ক্রটিগুলিকে ওস্তাদের জ্ঞান লোকচকুর অন্তরাল করা। এইজন্যই কি রাস্করক সাহেবকে সামরিক কর্তাদের বর্তমানে বিশেষ প্রয়োজন হইয়া পড়িয়াছে? যাহা হউক কর্ণেল বীচ সাহেব জালি ভাতৃদ্বয়, মোংলা বিদ্রোহ প্রভৃতি অনেক প্রশঙ্গেরই আলোচনা করিয়াছেন। পরিশেষে তিনি বলেন, সৈন্তবিভাগের কর্তারা সত্যই চান যে ইংরেজ সামরিক কর্মচারীরা ভারতবাসীকে সমকক্ষরূপে দেখিতে শিখুক। কিন্তু দুর্ভাগ্যবশত: তিনি কথাগুলো জানান যে আর ২৫ বৎসর তপস্যা করিলে পর না কি ভারতবাসী ইংরেজের জ্ঞান সমগ্র সামরিক বিভাগটি চালাইবার ও দেশরক্ষা করিবার যোগ্যতা পাইবে—অর্থাৎ ২৫ বৎসর

বার্ষিক লোকেদের মুখে এই রসম কথা যে গুণিতে হয় তাহা ত জানা কথা।

মিউনিসিপালিটি ও গভর্নমেন্ট—

মিউনিসিপালিটিগুলির ক্ষমতা ও স্বাধীনতা কতদূর, বর্তমানে তাহার একটা পরখ হইতেছে। অনেক জায়গায়ই দেখা যাইতেছে যে মিউনিসিপালিটিগুলি গভর্নমেন্টের অপছন্দমত কাজ করিয়া বসিলেই গভর্নমেন্ট চোখ রাঙ্গাইতেছেন। মতপান নিবারণ করিতে গিয়া কোন কোন মিউনিসিপালিটি রাজকর্মচারীদের কোপনভয়ে পড়িয়াছিলেন তাহার কথা পূর্বেই বলা হইয়াছে। সম্প্রতি বোম্বাইয়ের আহমদাবাদ, সুরাট, নদিয়াদ প্রভৃতি কয়েকটি মিউনিসিপালিটি প্রাথমিক শিক্ষার জন্য গভর্নমেন্টের সাহায্য প্রত্যাখ্যান করিয়া, মহা ফাসাদে পড়িয়াছেন। মিউনিসিপালিটির কমিশনারদিগের এরূপ করিবার কোন ক্ষমতা গভর্নমেন্ট দেন নাই; এরূপ প্রত্যাখ্যান করিতে মিউনিসিপালিটিগুলির যে আর্থিক ক্ষতি হইবে তাহার জন্ত যে যে কমিশনার এই প্রত্যাখ্যানের পক্ষে ভোট দিয়াছিলেন তাহারা ব্যক্তিগতভাবে দায়ী থাকিবেন। অক্টোবর মাসের পরে গভর্নমেন্ট এই-সকল মিউনিসিপালিটির আয়ব্যয়ের হিসাব পরীক্ষা করিয়া দেখিবেন। কমিশনারগণ যদি পূর্বের মত না বদলান তবে যে-কোন করদাতা কমিশনারদের বিরুদ্ধে এই ক্ষতির তত্ত্ব নাশি করিতে পারিবেন। যাহা হউক গভর্নমেন্টের করদাতাদের উপর এই দরদ দেখিয়া সন্তুষ্ট হওয়া গেল। কিন্তু একটা কথা জিজ্ঞাসা করিতে ইচ্ছা করে। যুবরাজের আগমনো-পলক্ষে যে বড় মিউনিসিপালিটি ভারতের এই দারণ ছুড়িকের দিনে বাতি ও বাজী পোড়াইয়া ও অগ্নিশ্রবণ বহু তামাসা করিয়া সহস্র সহস্র টাকা উড়াইবার ব্যবস্থা করিতেছেন, তখন দরদটা থাকিতেছে কোথায়? লাহোরের ঘটনাটি আরও একটু সরস। লাহোরের একটি চৌরাস্তায় লর্ড লরেন্সের একটি প্রস্তরমূর্তি ছিল। কিছুদিন পূর্বে লাহোর মিউনিসিপালিটি সেখান হইতে মূর্তিটিকে সরাইয়া ফেলিবেন বলিয়া ঠিক করেন। সেখানকার কমিশনার সাহেব তাহাতে মহা খাশা। তিনি মিউনিসিপালিটিকে জানাইয়াছেন যে গভর্নমেন্টের হুকুম ছাড়া তাহাৎ। এরূপ কাজ করিবার ক্ষমতা নাই; গভর্নমেন্ট মনে করেন; মিউনিসিপালিটির একপ কাণ্ডে মূর্তির অপমান সম্ভাবনা আছে তাই তিনি অনেক ভাবিয়া চিন্তিয়া দেখিলেন যে গভর্নমেন্ট তাহাদের এরূপ কার্যে প্রসন্ন দিতে পারেন না। এই কারণে মিউনিসিপালিটির ধাৰ্য্য প্রস্তাবটি বাধা পরিণত করিতে দিতে তিনি পারিলেন না। ভাল! মিউনিসিপালিটির একটি মূর্তি সরাইবারও ক্ষমতা নাই—অথচ স্ত্রী যার এইগুলিই নাকি আমাদের স্বাধীন শাসনের শিক্ষাদাতন!

মিউনিসিপালিটির সভাপতির স্কীর্তি—

মাদ্রাজের সাজেম মিউনিসিপালিটি কিছু দিন পূর্বে ঠিক করেন যে মতপাননিবারণের জন্ত প্রত্যেক সভ্যেরই পিকেটিংএর কার্যে লাগিয়া যাওয়া উচিত। তাই সম্প্রতি সেখানকার সভাপতি শ্রীযুক্ত বেকটারা চেট্টয়ার সেখানকার কয়েকজন সভ্যের সহিত পিকেটিংএ নামিয়াছেন। এই ঘটনার নগরের মধ্যে খুব সাড়া পড়িয়া গিয়াছে এবং মদনিবারণে যথেষ্ট সাহায্য হইতেছে। অগ্নিশ্রবণ দেশের মিউনিসিপালিটি, ডিষ্ট্রিক্ট বোর্ড ও লোকাল বোর্ডের সভা ও সভাপতিগণও কি এরূপ-সংকার্যে নামিবেন?

ভারতে জাপানী বাণিজ্য—

অনুমোদন করিবার জন্ত ছয় জন জাপানী ব্যবসাদার জাপান গবর্নমেন্ট কর্তৃক প্রেরিত হইয়া ভারতে সর্বত্র ভ্রমণ করিয়া বেড়াইতেছেন। তাঁহারা ভারতে কি কি জিনিষ রপ্তানী ও আমদানী হয় তাহা ভাল করিয়া খোঁজ করিবেন। ভারত-জঙ্গীর ভাঙার সকলেই বখরা বসাইতে আসিতেছে। কিন্তু 'ভারত তবু কৈ'?

করাচির বিচার—

করাচির বিচার শেষ হইয়া গিয়াছে। মৌলানা মহম্মদ আলি, শৌকৎ আলি, হাসান আহমদ, নসির আহমদ, পির গোলাম মুজাদিদ, ও ডাক্তার কিচলিউর দুই বৎসরের জন্ত সশ্রম কারাবাসের আদেশ হইয়াছে। শঙ্করাচার্য খালস পাইয়াছেন। মৌলানা শৌকৎ আলি ও মহম্মদ আলির নামে আর এক দফা নালিশ আনা হইয়াছিল। কিন্তু পরে তাহা তুলিয়া লওয়া হইয়াছে। ভিন্ন অপরাধেও তাঁহাদের দুই জনের দুই বৎসরের জন্ত কারাবাসের শাস্তি দেওয়া হইয়াছে, কিন্তু সেই দুই বৎসর পূর্ণের দুই বৎসরের সহিত মিশাইয়া মোটের মাথার দুই বৎসর করিয়া দেওয়া হইয়াছে।

করাচির মোকদ্দমায় এই কথাটাই প্রধান বিচার্য হইয়া দাঁড়াইয়াছিল যে ধর্মের আইন ও রাজার আইনের মধ্যে যখন বিরোধ ঘটে তখন কোন আইন অনুসরণ করা উচিত। করাচির খেলাফৎ কন্ফারেন্সের যে প্রস্তাবটির জন্ত নেতৃবৃন্দ ধরা পড়িয়াছেন, তাহার মূল কথাটাই ছিল এই। মুসলমান মুসলমানের অবধ্য। কাজেকাজেই আঙ্গোরার যদি ইংরেজ গভর্নমেন্ট মুসলমান সৈন্য পাঠায় তবে মুসলমান সৈন্যদের সহিতই তাহাদের লড়াই করিতে হইবে। তাই এই মতের উপর নির্ভর করিয়াই তাঁহারা মুসলমান সৈন্যদের ইংরেজ সরকারের চাকরি ছাড়িয়া দিতে প্ররোচিত করিয়াছিলেন। মৌলানা মহম্মদ আলি বিচারালয়ে তাহার লিখিত ও মৌখিক বক্তৃতায় এই কথাটা বেশ ভাল করিয়া বুঝাইয়া দিয়াছেন। কথাটা অনেক দিক দিয়া ভাবিবার আছে। রাষ্ট্র (state) ও সমাজের (community) কার কতখানি দাবী আমাদের কাব্যকলাপের উপর এবং উভয়ের বা পরস্পরের কি সম্বন্ধ—সে কথাটাই মৌলানার বক্তৃতায় উঠিয়া পড়িয়াছে। ভারতের ভবিষ্যৎও ইহার মীমাংসার উপর অনেকটা নির্ভর করিতেছে।

নিখিল ভারতীয় কংগ্রেস কমিটি—

সম্প্রতি দিল্লীতে নিখিল ভারতীয় কংগ্রেস কমিটির একটি বৈঠক বসিয়াছিল। এবারকার বৈঠকটি লইয়া প্রথমে সভ্যদের মধ্যে একটু মতবৈধ ঘটিয়াছিল। গত বৎসরের সভাপতি শ্রীযুক্ত বিজয়রামবাচারী এই বৈঠকের বিরুদ্ধে ছিলেন। যে সভ্যদের লইয়া গত জুন মাসে নিখিল ভারতীয় কংগ্রেস কমিটি গঠিত হইয়াছিল তাঁহাদের কাহারও কাহারও নির্বাচনের মধ্যে আইনের ক্রটি রহিয়া গিয়াছিল। তাই সভাপতি মহাশয়ের মতে কমিটিটি বে-আইনী। সেজন্য তিনি নুতন করিয়া কমিটি গঠনের পরামর্শ দিলেন। জুলাই মাসে কমিটির যে প্রথম অধিবেশন হয় তাহাতে একটি কার্যনির্বাহক সভা গঠন করিয়া তাঁহাদের হাতে কংগ্রেসের যাবতীয় কাজের ও নানা বিষয়ের বিচারের ভার দেওয়া হয়। সেই কার্যনির্বাহক সভা ঠিক করেন যে আর নুতন করিয়া কমিটি গঠনের এখন কোন প্রয়োজন নাই; কারণ নবেম্বর মাসেই তাহার নুতন কমিটি গঠিত হইবে। তাই তাঁহারা সকল প্রদেশের বিবদমান সভ্যদের বুঝাইয়া শান্ত করিলেন। কিন্তু সভাপতি মহাশয় তাহাতে শান্তি পাইলেন না। নুতন কমিটি নিযুক্তের দিকেই তিনি ঝুঁকিয়া পড়িলেন। কাজেই যখন কার্যনির্বাহক

সভা কমিটির বর্তমান বৈঠকের কথা উত্থাপন করিলেন, সভাপতি মহাশয় তাহাতে আপত্তি জানাইলেন, বলিলেন ইহা বে-আইনী হইবে। যাহা হউক শ্রীযুক্ত মোতিলাল নেহেরু দেখাইলেন যে ইহাতে বে-আইনী কিছুই নাই, কার্যনির্বাহক সভা যাহা স্থির করিয়াছেন তাহা সম্পূর্ণ আইনসঙ্গত। কাজেই দিল্লীতে বৈঠক বসিল। সভাপতি বিজয়-রামবাচারী তাহাতে উপস্থিত হইতে পারেন নাই। কমিটির বৈঠকে প্রথম কাজই হইয়াছিল এই মতবৈধের মীমাংসা করা। মতবৈধ যাহা লইয়া বাধিয়াছিল তাহার একটা মীমাংসা হইয়া গিয়াছে। এবং আশা করা যায়, মনোবিবাদের যে স্থিতি হইয়াছিল তাহা মিটিয়াই যাইবে।

এবারকার কমিটির অধিবেশন হইয়াছিল একটি গুরুতর বিষয়ের সমাধান করিবার জন্ত। গভর্নমেন্টের দমন-নীতির প্রসঙ্গে, বিশেষ করিয়া আলিভাত্তরের প্রেষণার পর, দেশের মন খেপিয়া উঠিয়াছে। অনেকেই এখন কংগ্রেসের ধার্য আইনভঙ্গের প্রস্তাবটিকে কার্যে পরিণত করিতে উৎসুক। কিন্তু দেশ তাহার জন্ত উপযুক্ত হইয়াছে কিনা তাহা সম্যক না জানিয়া মহাত্মা গান্ধি প্রমুখ কংগ্রেসের নেতৃবৃন্দ এত দিন তাহা করিতে দেন নাই। এই প্রস্তাবটিকে কার্যে পরিণত করিতে গেলে অনেক অত্যাচার সহ্য করিতে হইবে। তাহা নীরবে ও ধৈর্যের সঙ্গে সহ্য করিতে সকলেই পারিবে বলিয়া তাঁহাদের বিশ্বাস নাই। যাহা হউক কমিটি এই প্রস্তাবটি এবার পাস করিয়াছেন। কিন্তু ইহা করিবার পূর্বে প্রত্যেককে কতকগুলি সঠিক পালন করিতে হইবে—(১) সম্পূর্ণ স্বদেশী হইতে হইবে; (২) হাতের বোনা কাপড় পরিতে হইবে; (৩) হিন্দু-মুসলমানের মিলনে ও বিভিন্ন ধর্মাবলম্বীর একে বিশ্বাস করিতে হইবে; (৪) নিরুপজব পন্থা অবলম্বনেই সফলকাম হওয়া যাইবে ইহা বিশ্বাস করিতে হইবে; এবং (৫) অস্পৃশ্যতা দেশের কলঙ্ক বলিয়া মনে করিতে হইবে। ইহা ছাড়াও আরও কতকগুলি কথা তাঁহাদের মনে রাখা দরকার। কংগ্রেস এইরূপ আইন-ভঙ্গকারীদের আর্থিক কোন সাহায্য করিতে পারিবেন না। এই সমস্ত বিবেচনা করিয়া যদি কোন প্রাদেশিক কংগ্রেস কমিটি কোন কোন স্থানকে আইনভঙ্গের উপযুক্ত মনে করেন, তবে সেই স্থানে আইন ভঙ্গ করিবার অনুমতি দিতে পারেন। মহাত্মা গান্ধি সর্বপ্রথম এই প্রস্তাবটি কার্যে পরিণত করিবেন। তাঁহার কার্যের ফলাফল দেখিয়া অন্যান্য দেশকে এই কার্যে ত্রুতী হইতে অনুরোধ করিয়াছেন। তিনি দেশে ফিরিয়া স্বরাটের অন্তর্গত বারদলি নামক গ্রামটি লইয়া কাজ আরম্ভ করিবেন।

ইহার পর আরও কয়েকটি বিষয় কমিটি আলোচনা করেন। কিছু দিন পূর্বে কার্য নির্বাহক সভা বোম্বাইসহরে করাচির খেলাফৎ কন্ফারেন্সের যে প্রস্তাবটির জন্ত নেতৃবৃন্দকে প্রেষণার করা হইয়াছে তাহার পুনরাবৃত্তি করিয়া তাহা সমর্থন করেন। কমিটি তাঁহাদের সেই কার্যের অনুমোদন করেন। পরে তিলক স্বরাট্য ফাণ্ডের টাকার একটি সঠিক তালিকা দিয়া কার্য শেষ করা হয়।

ডাকহুকরা।

বাংলা

বাংলার অবস্থা—

ভারত গভর্নমেন্ট বাংলাকে ৩৩ লক্ষ টাকা খরচায় করেছেন শুনে গাভ্রদাহ অনেকেরই হয়েছে। যুক্তপ্রদেশের গবর্নর বাহাদুর বলেছেন যে বাংলা দেশের দানের পরিমাণ যখন কমিয়ে দেওয়া হয়েছে, তখন যুক্তপ্রদেশেরও সেইরূপ ব্যবস্থা করতে হবে, কারণ যুক্তপ্রদেশ ইতিমধ্যে

পূর্ণবর্ষটিকে সব চাইতে বেশী দান করে থাকে। আর হার্কোর্ট বলেন যদি রক্ত শোষাই হয়, তাহলেও ভারতপূর্ণবর্ষেট বাংলায় রক্ত সামান্য ছু'এক বিন্দু শুষেচেন মাত্র। আমরা গতবারে দেখিয়েছি যে, ১৯২০-২১ সালে বাংলা ৩৪ কোটি টাকা রাজস্ব আদায় করে নিজের জন্ত পায় মাত্র ৮ কোটি ৩৯ লক্ষ, আর যুক্তপ্রদেশ ১৪ কোটি টাকা সংগ্রহ করেই নিজের ভাগে রাখে ৮ কোটি ৪৮ লক্ষ।—বিজলী।

এবার বঙ্গ, বিহার, উড়িষ্যা এবং আসামে ১৯১৩-১৪ একর জমিতে পাটের চাষ হইয়াছে। গত বৎসর অপেক্ষা এ বৎসর ৯৯৫৪১৫ একর কম জমিতে পাটের চাষ হইয়াছে। এবং এ বৎসর ৪০৫২৬০৯ বস্তা পাট উৎপন্ন হইবে বলিয়া অনুমান করা হইয়াছে; কিন্তু গত বৎসর উৎপন্ন হইয়াছিল ৫৯৭৩০০০ সহস্র বস্তা। সুতরাং বর্তমান আন্দোলন এবং পাটের মূল্য হ্রাস হইবার ফলেই যে কৃষকগণ পাটের চাষ হ্রাস করিয়াছে সে-বিষয়ে কোন সন্দেহ নাই। যাহা হউক পাটের কল্যাণে বঙ্গপল্লী ম্যালেরিয়ার আকর হইয়াছে। কপকিৎ লাঘব হইলেও সুখের বিষয়।

বাঙ্গালাদেশে ভূমির পরিমাণ ৫ কোটি ৪ লক্ষ ৬৯ হাজার ৯ শত একর। তন্মধ্যে ২ কোটি ৪৬ লক্ষ ২৫ হাজার ৮ শত একর জমিতে আবাদ হয়। এবং ইহার মধ্যে মাত্র ২ লক্ষ ২২ হাজার ৬ শত ৬০ একর জমিতে ইক্ষু আবাদ হইয়া থাকে। ফলে আমাদিগকে বহু কোটি টাকার চিনি আমদানী করিতে হয়। এখন হইতে ইক্ষু এবং খেজুরগাছের চাষে আরও অধিক জমি ও অর্থ নিয়োগ করিতে হইবে।—যশোহর।

পাট ও তুলার ব্যবসায় বাঙ্গালী

বাঙ্গালাদেশে স্মিথসন নামক স্থানে প্রথম পাটের কল স্থাপিত হয়। প্রথম তুলার কল কলিকাতায় স্থাপিত হয় ইংরেজী ১৮৩৮ সালে; আর বোম্বাইয়ে দাভার নামক জনৈক পার্শী কলিকাতার তুলার কল স্থাপিত হয় ১৮৫১ সালে। বাঙ্গালা দেশে তুলার কল বিস্তৃতি লাভ করে নাই; কিন্তু বোম্বাই-প্রদেশ আজ তুলার কলে ছাইয়া গিয়াছে। তুলার কল যেমন সর্বপ্রথম স্থাপিত হয় কলিকাতায়, কিন্তু পরিণতি ও বিস্তৃতি লাভ করে বোম্বাই প্রদেশে; সেইরূপ পাটের কলের সর্বপ্রথম স্থাপিততা জর্জ আক্লেণ্ড (George Auckland) নামক জনৈক ইংরেজ, কিন্তু বাঙ্গালা দেশের প্রায় সমস্ত পাটের কল আজ স্বেচ্ছা বণিকবিশেষের হাতের মুঠায়।

পাটের চাষ বাঙ্গালা দেশের একচেটিয়া; কিন্তু তুলার চাষ পৃথিবীর অনেক জায়গায় হয়। ভারতবর্ষে ১৯১৭ খৃঃ অব্দে প্রায় ২৬৬টা তুলার কল ছিল, আর সেই সময়ে পাটের কলের সংখ্যা ছিল ৭৬। পাটের কলগুলি বাঙ্গালা-দেশে অবস্থিত, কিন্তু তুলার কল সমস্ত ভারতবর্ষে ছড়ান—যদিও বোম্বাই প্রদেশেই শতকরা ৭৫ ভাগ কল আছে। ১৯১৭ খৃঃ অব্দে বোম্বাই সহরেই ৮৬টা ও আমেদাবাদ সহরে ৬০টার উপর তুলার কল ছিল।

১৯১৬-১৭ সালে ভারতবর্ষে (করদরাজ্যগুলি ছাড়া) ষত তুলার (yarn) প্রস্তুত হইয়াছিল, তাহার মধ্যে বোম্বাই প্রদেশের অংশ ছিল শতকরা ৭৫ ভাগ; যুক্তপ্রদেশের শতকরা ৭ ভাগ; মাদ্রাজের শতকরা ৭ ভাগ; বাঙ্গালার শতকরা ৫।০ ভাগ; মধ্যপ্রদেশের শতকরা ৪।০ ভাগ।

১৯১৬-১৭ খৃঃ অব্দে সমস্ত ভারতবর্ষে ৩৪,০২,৮৫,১৭২ সের সূতা প্রস্তুত হয়; উহার মধ্যে বোম্বাই সহরেই প্রস্তুত হইয়াছিল ১৭,২২,৪২,৭৪৭ সের অর্থাৎ অর্ধেক।

পাটের কল ও তুলার কল হইতে উন্নতিশীল শতাব্দীর মাঝামাঝি স্থাপিত হইয়াছিল এবং এই দুই ব্যবসাই উন্নতির মুখে ক্রম অগ্রসর

হইতেছে, আর বাঙ্গালী ইহাদের মাঝখানে বসিয়া চারিদিকে খশান দেখিতেছে।

পাটের কল কেমন ধীরভাবে উন্নতির পথে অগ্রসর হইতেছে দেখুন,—

খৃঃ অব্দ	কল	
১৮৭৫	১৩	
১৮৮১	২১	৫০০০ তাঁত ও ৮৮,০০০ চৰ্কা।
১৮৯১	২৬	
১৯০১	৩৬	
১৯১১	৫৯	
১৯১৬-১৭	৭১	
১৯১৮	৭৬	

১৯১৬-১৭ খৃঃ অব্দে ৪০,০০০ তাঁত ও ৮,০০,০০০ উপর চৰ্কা ছিল। ইহাতে বুঝা যায় যে, ১৮৮১ হইতে ১৯১৬-১৭—এই ৩৫ বৎসরে পাট-কলের সংখ্যা সাড়ে তিন গুণ, তাঁতের সংখ্যা ৮ গুণ, ও চৰ্কার সংখ্যা ৯ গুণ বাড়িয়াছে।

এইবার তুলার কল কিরূপ উন্নতি করিয়াছে দেখুন,—

খৃঃ	কল
১৯০০	১৯৩
১৯০৫	১৯৭
১৯১০	২৬৩
১৯১৬	২৬৬

১৯০৫ হইতে ১৯১০ পর্যন্ত তুলার কল যে এত বিস্তৃতি লাভ করিয়াছে ইহার কারণ হইতেছে বাঙ্গালার “বদেশী যুগ”। পাটের কল ও তুলার কলের উন্নতির তুলনা করিলে দেখা যাইবে যে, পাটের কলের উন্নতিই দ্রুত হইয়াছে। ১৯০১ হইতে ১৯১৬-১৭ পর্যন্ত পাটের কলের সংখ্যা দ্বিগুণ হইয়াছে (১৯০১—৩৬, ১৯১৬-১৭—৭১); কিন্তু সেই সময়ের মধ্যে তুলার কলের সংখ্যা ১৯৩ থেকে ২৬৬তে দাঁড়াইয়াছে, অর্থাৎ প্রায় দেড়গুণ। এই সময়ের মধ্যে চৰ্কার সংখ্যাও দেড়গুণের চেয়ে কম বাড়িয়াছে কিন্তু তাঁতের সংখ্যা প্রায় ৩ গুণ হইয়াছে।

১৯১৬-১৭ খৃঃ অব্দে পাটের কলের মূলধন ছিল ১৬ কোটি টাকা। সেই সময়ে তুলার কলগুলির মূলধন ছিল প্রায় ২৩ কোটি টাকা অর্থাৎ মোটামুটি একটা পাটের কলের মূলধন ২০১২২ লক্ষ টাকা, কিন্তু একটা তুলার কলের মূলধন মোটামুটি ৮০ লক্ষ টাকা। ১৮৮১ থেকে ১৯১৬-১৭ পর্যন্ত পাটের কলের সংখ্যা ৩।০ গুণ বাড়িয়াছে, কিন্তু এই সময়ের মধ্যে মূলধন ৫ গুণের বেশী বৃদ্ধি হইয়াছে।

১৯১৬-১৭ খৃঃ অব্দে ৭১টা পাটের কলে মজুরের সংখ্যা প্রতিদিন প্রায় ২,৬০,১২২ ছিল, আবার এই সময়ে ২৬৬ তুলার কলে ২,৭৪,৩৬১ জন মজুর প্রতিদিন কাজ করিত অর্থাৎ মোটামুটি একটা পাটের কলে যেখানে প্রায় ৩৬,৬০ জন মজুর কাজ করে; একটা তুলার কলে সেখানে ১,০০ জন মজুর কাজ করে। ইহা হইতে বুঝা যায় যে, সাধারণতঃ একটা তুলার কল একটা পাটের কল চেয়ে অনেক ছোট। মজুর ও মূলধন হিসাবে একটা পাটের কল তুলার কলের চেয়ে তিনগুণ বড়।

কিন্তু আশ্চর্যের বিষয় এই যে, পাটের কল ও তুলার কল বাঙ্গালার প্রথম স্থাপিত হইলেও বাঙ্গালীর অবহার বিন্দুমাত্র উন্নতি হয় নাই। পাট বাঙ্গালার নিজস্ব একচেটিয়া সামগ্রী হইলেও তাহা ঘারা লাভবান হয় বিদেশীরা, বাঙ্গালার অধিবাসীরা কেবল মুহুরীক্ষি করিতেই সম্মত। বাঙ্গালার এই দুর্দশার মূল কোথায়, তাহা একবার সঁকলে খুঁজিয়া দেখিবেন কি?—বিন্দুখান।

কত মদ বিক্রয় হইয়াছে।—বাবু অমূল্যধন আঢ্যের প্ররোচনায় বাঙ্গালার আইন মজলিসে সরকার পক্ষ হইতে মন্ত্রী নবাব সৈয়দ নবাব আলি চৌধুরী জানাইয়াছেন :—১৯২০-২১ সালে ৭,৬৬,৫৭২ গ্যালন দেশী এবং ৫,৭২,৫৪৮ গ্যালন বিলাতি মদ বিক্রয় হইয়াছে। এই ব্যবসায়ের গুণগণিত ১৯২০-২১ সালে ৫৫,২৭,১৫৫ টাকা শুষ্ক এবং ১০,৩৫,০৭৭ টাকা বিলাতি মদের জন্ম এবং ৭৪,৪৪,৫৩৩ টাকা দেশী মদের জন্ম পাইয়াছেন। ইহা ছাড়া বিদেশী ও দেশী মদের দোকানের লাইসেন্স হইতে ৩,২২,৩১৮ টাকা এবং ১৫৫,৭৬০ টাকা পাইয়াছেন।

মদবিক্রয়-ভ্রাসের প্রস্তাব।—অধ্যাপক এস, সি, মুখার্জি গত বৃহস্পতিবারে বাঙ্গালার আইন-মজলিসে এই মর্মে এক প্রস্তাব উপস্থিত করিয়াছিলেন যে, বাঙ্গালাদেশে মদ গাঁজা প্রভৃতির বিক্রয় খুব সম্বন্ধিত করিয়া দেওয়া হউক। এই প্রস্তাবটি গৃহীত হইয়াছে। আবার কেহ কেহ প্রস্তাব করিয়াছিলেন যে, যথাসম্ভব সহর মদ গাঁজা প্রভৃতি মাদক দ্রব্যের বিক্রয় একেবারে বন্ধ করিয়া দেওয়া হউক। এই প্রস্তাবটি গৃহীত হয় নাই। আমাদের মনে হয়, যথাসম্ভব সহর এই সকল দেশী মদ দ্রব্যের বিক্রয় বন্ধ করিয়া দেওয়া আবশ্যিক। এই উপলক্ষে শ্রীযুক্ত স্বরেন্দ্রনাথ রায় মহাশয় বাহা বলিয়াছেন, তাহা সত্য। কারণ প্রজা-সাধারণের নৈতিক ও আর্থিক উন্নতি সাধনই সরকারের প্রধান লক্ষ্য হওয়া উচিত। মদ ও গাঁজার সেবা এই উভয়বিধ উন্নতিই পরিপন্থী। সুতরাং উহার অবাধ বিক্রয় বন্ধ করিয়া দেওয়াই কর্তব্য।—সন্মিলনী।

জেলের রিপোর্ট।—১৯২০ সালে বঙ্গের ষত লোকের কারাদণ্ড হইয়াছিল, তাহার মধ্যে শতকরা ৫৩.৫৬ মুসলমান, ৩৯.৯২ হিন্দু, ১.২০ খৃষ্টান, ১.৭৪ বৌদ্ধ ও জৈন, এবং অন্যান্য সম্প্রদায়ের লোক ১.৫৫। ইহার মধ্যে স্ত্রী ও পুরুষ উভয়ই আছে। মোট ৬৬৪ জন স্ত্রীলোকের কারাদণ্ড হইয়াছিল। তাহার মধ্যে ৩৭৩ জন হিন্দু, ১৮৫ জন মুসলমান, ৮ জন বৌদ্ধ ও ৪১ জন জৈন খৃষ্টান এবং ৫৭ জন অন্তর্ভুক্ত। স্ত্রী কয়েদীদের মধ্যে ১৯৭ জন বিবাহিত, ১৪ জন অবিবাহিত, ৩৬৯ জন বিধবা এবং ১৮৪ জন বেগম।—একেশন গেজেট।

বস্ত্রের কথা—

মহাত্মা গান্ধী তাঁর তরুণ ভারত পত্রে লিখেছেন—“বদেশী প্রচারে বাংলা সবার পিছনে পড়ে রয়েছে। বাংলার পল্লী বা সহরে কোথাও খন্দর-পর্যায় লোকের আধিক্য দেখা যায় না। অন্যান্য প্রদেশের স্থায় বাংলায় চরকার প্রচলনও তেমন দৃশ্য হয় নি। কিন্তু বাংলা একবার যদি তার অবসান বেড়ে ফেলে, তাহলে আর তাকে পেছনে পড়ে থাকতে হবে না। বাংলায় যে স্বল্পসংখ্য তাঁত ও চরকা আমি দেখেছি তাতে করে বাংলা নিজের প্রয়োজনীয় কাপড় তৈরী করতে পারবে না; আর বাংলাকে যদি কাপড়ের জন্ম বোম্বাই বা আমেদাবাদের ওপর নির্ভর করে থাকতে হয়, তাহলে বাংলার নিকট হতে স্বরাজের কোন সাহায্যই পাওয়া যাবে না।”

মহাত্মাজী কিন্তু তাই বলে বাঙালীকে গাল দেন নি; পরন্তু বলছেন বাংলা যেদিন চরকা ধরবে, সেদিন ভারতবর্ষে একটা বড় বয়ে যাবে। হে বাঙালী, চাহ চক্ষু মেলি।—বিজলী।

এ বৎসর এ পর্য্যন্ত ১৬১.০৩.০০ একর তুলার চাব হইয়াছে বলিয়া শুনা যাইতেছে। ইহা গত বৎসরের অনুমানের চাইতে শতকরা বারো একর কম। এবার চাবের অবস্থা মোটের উপর ভাল বলিয়াই জানা গিয়াছে।—প্রভাকর।

গত ১৯২০-২১ সালে ১১৮ কোটি পয়সা কাপড় ভারতের হাতের

তাতে প্রস্তুত হইতেছে। চতুর্দিকে যেরূপ তাঁতশালা হাপনের কথা শুনা যাইতেছে তাহাতে মনে হয় অচিরকাল মধ্যে শুধু ঠক্কি তাঁতের কাপড়ই দেশে বহু-সমন্বয় সমাধান হইবে। শুধু তাঁতীগণের উপর ভার দিলেই চলিবে না, তথাকথিত ভদ্রসন্তানগণকেও এই ব্যবসায়ের হস্তক্ষেপ করিতে হইবে।—বশোহর।

তাঁতের ব্যবস্থা।—অভয়নীল গ্রামে ৫০০ টাকা মূলধনে একটি তাঁত ও চরকার কারবার খোলা হইয়াছে। ঐ মূলধন হইতে গ্রামে ঘরে ঘরে চরকা দেওয়া হইবে এবং দুইখান তাঁত বসান হইবে। গ্রামে চরকার প্রস্তুত হুতা দ্বারা ঐ বস্ত্রবয়ন শিখিয়া গ্রামের কাপড়ের অভাব পূর্ণ করিতে হইবে—এই উদ্দেশ্যেই এই কারবার খোলা হইয়াছে।—বরিশালহিতৈষী।

শিক্ষা—

মিঃ বিস্ব প্রাথমিক শিক্ষা সম্বন্ধে যে রিপোর্ট দিয়াছেন আমরা তাহার সম্পূর্ণ অনুমোদন করি। মিঃ বিস্ব স্পষ্টই বলিয়াছেন যে, দেশে প্রাথমিক শিক্ষার প্রচলন অত্যন্ত আবশ্যিক, প্রাথমিক শিক্ষার বিস্তার না হইলে ভারতের কৃষক ও শ্রমজীবীগণ বর্তমান জগতের প্রতিদ্বন্দীতায় জীবনযুদ্ধে কখনও দণ্ডায়মান হইয়া নিজের জীবিকার্জনে সমর্থ হইবে না। ভারতের বর্তমান শৈচ্যনীর অবস্থায় একমাত্র উপায় প্রাথমিক শিক্ষার প্রচলন দ্বারা সাধারণ লোকের মধ্যে মনুষ্যত্বের ও আত্ম-নির্ভরতার ভাব জাগাইয়া তোলা।

এখন প্রশ্ন উঠিবে এই বিশাল দেশে প্রাথমিক শিক্ষা বিস্তার করিতে হইলে, কোটা কোটা টাকার প্রয়োজন; এই টাকা আসিবে কোথা হইতে? আমরা বলি এই আপত্তি উঠাইয়া দেশের যাহারা মেরুদণ্ড-স্বরূপ তাহাদিগকে নিরক্ষর রাখিতে পার না। গবর্ণমেন্টের অন্যান্য বিভাগে যেখান হইতে টাকা আসে, শিক্ষার জন্মও সেখান হইতে আসিবে। প্রাথমিক শিক্ষার সঙ্গে কোটা কোটা লোকের জীবন-মরণ অতি ঘনিষ্ঠভাবে জড়িত। গবর্ণমেন্টের অন্যান্য বিভাগে ব্যয় সংক্ষেপ করিয়া, যেখানে নূতন টেক্স বসান সম্ভব হয় সেখানে নূতন টেক্স বসাইয়া, বা অন্য যে কোন প্রকারে সম্ভব হয় প্রাথমিক শিক্ষার জন্ম আবশ্যিকীয় টাকা সংগ্রহ করিতেই হইবে। উচ্চ শিক্ষার যেরূপ দর কমিয়া গিয়াছে এবং উচ্চ শিক্ষার প্রতি লোক যেরূপ বীতশঙ্ক হইয়া পড়িয়াছে, তাহাতে উহার পিছনে রাশি রাশি অর্থব্যয় না করিয়া প্রাথমিক শিক্ষা-বিস্তার-কল্পে ঐ অর্থের কতক অংশ ব্যয়িত হইলে দেশের অনেক মঙ্গল সাধিত হইত।—নমঃশ্রুতসখা।

স্বাস্থ্য—

জেলা বোর্ডের চিকিৎসালয়।—সমগ্র বঙ্গদেশে জেলা বোর্ডের দ্বারা প্রতিষ্ঠিত ও কেবল জেলা বোর্ডের অর্থ সাহায্যে পরিচালিত ২৮২টি চিকিৎসালয় আছে। ঐ চিকিৎসালয়গুলির জন্ম বাৎসরিক ৪,৭৬,৫০৬ টাকা ব্যয় হইয়া থাকে। এতদ্ব্যতীত ২২১টি চিকিৎসালয়ে জেলা বোর্ড হইতে অর্থ সাহায্য দেওয়া হইয়া থাকে। ঐরূপে প্রদত্ত বার্ষিক অর্থ সাহায্যের পরিমাণ ৩,৩৭,১৩৩ টাকা। সুতরাং দেখা যাইতেছে যে, জেলা বোর্ড হইতে প্রত্যেক চিকিৎসালয়ের জন্ম গড়ে বাৎসরিক ১,৪৬২ ব্যয় করা হইয়া থাকে।—সন্মিলনী।

জেলা বোর্ডে কবিরাজী।—ময়মনসিংহ জেলা বোর্ড একটি কবিরাজী বিভাগীয় পুলিশার জন্ম আড়াই হাজার টাকা ব্যয় করিয়াছেন। ইহার সঙ্গে একটি কবিরাজী চিকিৎসালয়ও থাকিবে। আশা করি অন্যান্য জেলা বোর্ডও এই সদৃষ্টান্ত অনুসরণ করিবেন।

—সন্মিলনী।

ম্যালেরিয়ার প্রতিবেদক।—এসিষ্টেণ্ট সার্জেন ডাক্তার হুয়েন্সনাথ ঘোষ সম্প্রতি "ডেলিমিউজ" পত্রে লিখিয়াছেন :—আমাকে ম্যালেরিয়া-প্রসীড়িত স্থানে কিছুকাল বাস করিতে হইয়াছিল। ম্যালেরিয়ার হাত হইতে অব্যাহতি পাইবার জন্য আমি কয়েকটি বোতল অর্ধেক কার্বলিক এসিড বাষ্পে পূর্ণ করিয়া বোতলের মুখের ছিপি খুলিয়া ছেলেরা উহা ধরিতে লাগিলে এমন জায়গায় শয়নঘরে রাখিয়াছিলাম। তাহার তীব্রগন্ধে মশকাদি আমার ঘরে ঢুকিতে পারে নাই, ফলে আমার পরিবারস্থ কাহারও ম্যালেরিয়া হয় নাই।—সম্মিলনী।

দান—

শ্রীযুক্ত কালীশঙ্কর চক্রবর্তী মহাশয় মাতৃচরণে সর্বদা লুটাইয়া অর্থ্য দান করিয়াছেন। তাঁহার যোগাজিত বিত্তগুলি তিন ভাগে বিভক্ত করিয়াছেন। সর্বপ্রধান, তাঁহার জ্যোতিঃ অফিসের দ্বিতল গৃহ, বাহার মূল্য বর্তমানে ৫০,০০০ হাজার টাকার কম নহে এবং দৈনিক "জ্যোতিঃ" পত্রিকা। দ্বিতীয়, তাঁহার স্বগ্রামে তাঁহার ক্রীত জমি ও মহাজনি যাহা আছে। তৃতীয়, তাঁহার পাথরঘাটার বাড়ী জ্যোতিঃ অফিসের সংলগ্ন পশ্চিম দিকের জমি এবং জ্যোতিঃ প্রেস ও সাপ্তাহিক "জ্যোতিঃ"। প্রথমোক্তটি তিনি দেশের সেবার জন্য চট্টগ্রাম কংগ্রেস কমিটির হাতে স্তম্ভ করিলেন। দ্বিতীয়টি তাঁহার পৈতৃক দেবসেবার জন্য এবং তৃতীয়টি তাঁহার পুত্রদের জন্য দিলেন। প্রেসে ও সাপ্তাহিক জ্যোতিঃতে তাঁহার মধ্যমাগ্রজের পুত্রদেরও অংশ থাকিবে। তাঁহার পুত্রদ্বয় ও ভ্রাতৃপুত্র একজন এখনও নাবালক। কি ভাবে তাঁহার আকাজ্ঞা কার্যে পরিণত হইবে তজ্জন্ত মহার ট্রাস্টী নিযুক্ত করা হইবে এবং সমস্তই ঐ ট্রাস্টীর হস্তে স্তম্ভ হইবে। তিনি ধর্মচর্চার ও স্বদেশ-সেবার আত্মসমর্পণ করিলেন।

শ্রীপ্রসন্নকুমার সেন।

সম্পাদক, কংগ্রেস কমিটি, চট্টগ্রাম।

দান।—পরলোকগত বনমালী রায় বাহাদুরের পুত্রগণ পাবনার জেলের কল প্রতিষ্ঠার সাহায্যকল্পে ৫০,০০০ পঞ্চাশ হাজার টাকা চাঁদা দিয়াছেন।—এডুকেশন গেজেট।

বঙ্গের সমবায় সমিতি—

বঙ্গদেশে বর্তমান সময়ে কো-অপারেটিভ সমিতির সংখ্যা ৩২০০ শত। ইহাদের সভ্য সংখ্যা ২১০ আড়াই লক্ষ। সমগ্র বঙ্গের কো-অপারেটিভ সমিতিগুলির বর্তমান মূলধন তিন কোটি টাকার উপর। তা ছাড়া রিজার্ভ ফণ্ড, শেয়ার ও ডিপজিটের পরিমাণ প্রায় ৭৬ লক্ষ টাকা। বিশাল বাঙ্গলা দেশের পক্ষে ৭৬ হাজার বা ১০ হাজার সমবায় সমিতি খুব সামান্য বলিতে হইবে। তবু ইহা দ্বারা দেশের দরিদ্র অধিবাসী—অর্থাৎ কৃষকগণ বিশেষ উপকার পাইতেছে। সর্বগ্রাসী নির্ধন স্বখোর মহাজনদিগের কবল হইতে অনেক রক্ষা পাইতেছে।

সর্বাপেক্ষা রাজশাহী—নওগাঁর গাঁজাসমিতি খুব কৃতিত্ব দেখাইয়াছে। সেখানে গাঁজার চাষ হয় বলিয়া, গবর্ণমেন্টও উহাতে খুব জোর দিয়াছেন। নওগাঁর কো-অপারেটিভ বিভাগের একজন প্রধান অফিসার অবস্থিতি করিয়া, গাঁজা-সমিতির বিস্তৃতি ও উন্নতি বিধান করিয়া থাকেন। প্রায় ৩০০০ গাঁজার চাষীদের সম্বন্ধে এই সমিতি গঠিত হইয়াছে। গত ১৯২০ সালে এই সমিতির লাভ হইয়াছে আড়াই লক্ষ টাকারও উপর। এই লভ্যাংশ হইতে ১১৫০০ টাকা দানের জন্য স্বতন্ত্র রাখা হইয়াছে। এই সমিতি ৬০ হাজার টাকা ব্যয় করিয়া একটি আদর্শ কৃষিকেন্দ্রের প্রতিষ্ঠা করিতেছে। প্রথম বৎসর এই সমিতি কেবল শিক্ষা-কার্যেই ১৫ হাজার টাকা ব্যয় করিয়াছে। গাঁজা মহলের

অন্তর্গত একটি হাইস্কুল, কয়েকটি মাইনর ও আইনারি স্কুল উহা হইতে সাহায্য পাইতেছে। ইহা ব্যতীত ইজ্ঞ কমিটিতেও ইহারা এ যাবৎ ৮০০ টাকা দান করিয়াছে।

মেদিনীপুর জেলার খালার জল সন্থবরাহসমিতিও উল্লেখযোগ্য। এই সমিতি মেদিনীপুর জেলের ১০০ বিঘা ও বাঁকুড়া জেলার শালকাঠসমিতি কমবেশী ৬০০০ বিঘা জমিতে জল সন্থবরাহের বন্দোবস্ত করিয়াছে। এইসকল জমিতে পার্বর্ভী বিভিন্ন জমি অপেক্ষা ৩ গুণ অধিক ফসল জন্মিতেছে বলিয়া সরকারী রিপোর্টে উল্লিখিত হইয়াছে।—নবযুগ।

বাঙালীর সংসাহস—

কাঁথিতে কর বন্ধ।—আজ সমগ্র কাঁথি একযোগে কাজ করিতেছে। ধনী নির্ধন, হিন্দু মুসলমান, আজ এমন কোন সম্প্রদায় নাই যাহারা ব্যথিত হয় নাই। কর্তৃপক্ষ, যাহারা ইউনিয়ন বোডে কর দিতে অস্বীকার করিয়াছে, তাহাদের অস্বীকার সম্পত্তি সরাইবার কোনই ব্যবস্থা করিতে পারেন নাই। কোন গরুরগাড়ীওয়ালা বা কুণ্ডী কাজ করিতে স্বীকার করে নাই। তাহারা অনেকে খয়েরখাঁকে সাহায্য করিবার জন্য ধরেন, কিন্তু তাহাদের চেপ্টায়ও কোন ফল হয় নাই।

এক সভায় প্রায় পঞ্চাশ হাজার লোক সমবেত হয়। ইহা কাঁথির মত ক্ষুদ্র সব-ভিত্তিসনের পক্ষে বড় সোজা কথা নহে। সভায় শ্রীযুক্ত শাসনল জিজ্ঞাসা করেন যে, কাঁথির ৩৫ হাজার করদাতার মধ্যে মাত্র সাড়ে চারি হাজার লোক করের বদলে অস্বীকার সম্পত্তি বাজেয়াপ্ত হইতে দিতে প্রস্তুত হইয়াছে। তিনি জানিতে চান—আর সকলের এ-বিষয়ে মত কি? সমস্ত শ্রোতৃবর্গ একবাক্যে চীৎকার করিয়া বলে যে, তাহারা কেহই কর দিবে না। সকলেই অস্বীকার সম্পত্তি ছাড়িয়া দিবে, তবুও আইন মানিয়া লইবে না। শ্রীযুক্ত শাসনল বক্তৃতায় বলেন যে, যাহারা কর দিতে অস্বীকার করিয়াছে, তাহাদিগের উপর যে অত্যাচার হইয়াছে, সে সম্বন্ধে তিনি প্রকাণ্ড প্রমাণ গ্রহণ করিয়াছেন। অনেক স্থলে বাড়ীর স্বীলোকেরা যথেষ্ট জিনিষপত্র দিতে চাহিলেও বাড়ী ভাঙ্গিয়া পেয়াদা বাড়ী ঢুকিয়াছে।

ওনা যাইতেছে যে, কর্তৃপক্ষ এই সভায় তিন দিন পূর্বেই অস্বীকার সম্পত্তি বাজেয়াপ্ত করা বন্ধ করিয়াছেন। অনেক পেয়াদা চাকুরী ছাড়িয়া দিয়াছে। অনেকে বলেন, লোকের অভাবেই বাজেয়াপ্ত করা বন্ধ করিতে হইয়াছে। গুজব যে, গবর্ণমেন্ট নাকি কাঁথিতে প্রায় ষায়াস্ত শাসন আইন বন্ধ করিয়া দিবেন।—প্রভাকর।

তথাকথিত নিম্নশ্রেণীর জাগরণ—

মুচিদের সভা, ৩ হাজার মুচির প্রতিজ্ঞা।—গত ২৮শে অক্টোবর বিভাগাগর ট্রীটে শ্রীযুক্ত জগদীশচন্দ্র বসু মহাশয়ের বাগানের পশ্চিম-পার্শ্ববর্তী ময়দানে মুচিদের একটি সভা হয়। প্রায় তিন হাজার মুচি সভায় যোগদান করে। মুচির প্রতিজ্ঞা করে যে, তাহারা অতঃপর মদ স্পর্শ করিবে না, বিদেশী বস্ত্র ব্যবহার করিবে না এবং মাছ মাংস খাইবে না। মধুপুরের মোহান্ত হুলাল দাস সভাপতির আসন গ্রহণ করেন।

—হিন্দুস্থান।

বাঙালী বীর—

মল্লক্ষেত্রে কৃতিত্ব।—বাঙ্গালী পাঠকের নিকট বিখ্যাত বাঙ্গালী মল্ল শ্রীযুক্ত মতীন্দ্রচরণ গুহ গুরুক্ষে গোবর-বাবুর নাম অপরিচিত নহে। গোবর-বাবুরা পালোয়ানের গোষ্ঠী। তাঁহার পিতামহ শ্রীযুক্ত অম্বুচরণ গুহ একজন বিখ্যাত পালোয়ান ছিলেন। অম্বুচরণের পুত্র

ক্ষেত্রচরণও একজন বড় পালোয়ান ছিলেন। ক্ষেত্রচরণ গোবর-বাবুর জ্যেষ্ঠতাত। অশুচরণ অথবা ক্ষেত্রচরণের নাম দেশেই বিখ্যাত হইয়াছিল, ইউরোপ কি আমেরিকা তাঁহাদের শক্তির কোন পরিচয় পায় নাই।

প্রায় বারো বৎসর পূর্বে গোবর প্রথমে বিলাতে যান। তখন তাঁহার বয়স মৌল সতেরো বৎসরের অধিক হয় নাই। সেই বয়সেই তিনি ইউরোপায় মল্লদিগের সহিত প্রতিযোগিতায় কুস্তি করিতে গিয়াছিলেন। কিন্তু সেবার তিনি কাহারও সহিত কুস্তি করিবার অবসর পান নাই। কোন এক অনিবাধ্য কারণে তাঁহাকে কয়েকমাস পরেই দেশে ফিরিয়া আসিতে হইয়াছিল। ইহার বছর দুয়েক পরে তিনি আবার বিলাত যাত্রা করেন। সেবার তিনি পারিস সহরে জর্মান, অস্ট্রিয়ান, বেল্জিয়ান ও অন্যান্য দেশের অনেক পালোয়ানের সহিত কুস্তি করেন, এবং প্রত্যেককেই মল্লক্ষেত্রে পরাজিত করেন। সেবারে এডিনবার্গ সহরে গোবর বাবু ইংলণ্ডের সর্বশ্রেষ্ঠ পালোয়ান জিমি ইসনকে হারাইয়া “অল-ইংল্যান্ড চ্যাম্পিয়নশিপ” পাইয়াছিলেন। জিমি ইসনের সহিত গোবর-বাবুর কুস্তির বিবরণ ভারতের দুই একখানি দৈনিক ও মাসিক পত্রিকায় বাহির হইয়াছিল মাত্র। অল্প দেশ তাহাদের “বীর”কে যে সম্মান দিয়া থাকে আমাদের বাঙ্গালা দেশ গোবর-বাবুকে তাহার লক্ষ্যশের এক অংশ সম্মানও দেখায় নাই কিংবা আদর কবে নাই।

ইংলণ্ড হইতে ফিরিয়া আসিয়া প্রায় পাঁচ বৎসর তিনি অঁর কোথাও যান নাই। গত বৎসর গোবর বাবু মার্কিন যাত্রা করিয়াছেন। মার্কিনে তিনি এ পর্যন্ত অনেকগুলি প্রতিযোগিতায় কুস্তি করিয়াছেন এবং প্রত্যেকটিতেই জয়লাভ করিয়াছেন। সেখানে তিনি জগদ্বিখ্যাত মল্ল গচকে হারাইয়া দিয়াছেন।

সম্প্রতি আমরা সানফ্রানসিস্কো নগরের একখানি সংবাদপত্রে দেখিলাম যে, গোবর বাবু পৃথিবীর “লাইট হেল্ডিওয়েট চ্যাম্পিয়ন” এ্যাড জাটেলকে হারাইয়া দিয়া “লাইট হেল্ডিওয়েট চ্যাম্পিয়ন অব দি ওয়ার্ল্ড” আখ্যা পাইয়াছেন। দুর্বল মসীজীবী বাঙ্গালীর পক্ষে এই সম্মান সামান্য নহে। গোবর বাবু শীঘ্রই ইউরোপ ও আমেরিকার মধ্যে সর্বশ্রেষ্ঠ মল্ল “হেল্ডিওয়েট চ্যাম্পিয়ন অব দি ওয়ার্ল্ড” ট্যাংলারের সহিত কুস্তি লড়িবেন। এই কুস্তিতে জিতলে তিনিও ঐ উপাধি পাইবেন।

আশ্চর্য্যের বিষয়, গোবর-বাবুর এই কুস্তির খবর ইংরেজি কোন সংবাদপত্রে প্রকাশিত হয় না। ইহার কি কোন কারণ আছে?

—হিন্দুস্থান।

বাংলার ভবিষ্যতের ভরসা —

সতীন্দ্রনাথ গুহ ব্রজমোহন কলেজের বি-এ ক্লাসের ছাত্র। নগদ ৮৫০ টাকা নিয়ে সে কোন কষ্টাদায়িত্ব ভ্রমলোককে উদ্ধার করতে স্বীকৃত হয়। বিবাহ সভায় উপস্থিত হয়ে সে বেধে যে দানসামগ্রীর মাঝে টেবিল চেয়ার নেই—এতে খাপ্পা হয়ে উঠে সে বিবাহে অমত জানায়। তার বাপ যখন অনেক অনুরোধ করেও তাকে সম্মত করতে পারলে না, তখন অনন্তোপায় হয়ে কস্তার মাতুল তাকে চেয়ার টেবিল দেবেন বলে অঙ্গীকার করেন, সতীন্দ্র তখন খোস মেজাজে বিয়ে করতে রাজী হয়।

ব্যাপারটা হেসে উড়িয়ে দেওয়া যায় না। বাংলার তরুণদের এতটা

হীনতার পরিচয় পেলে আমাদের সত্যিই বড় কান্না পায়। বাংলার সতীন্দ্র একটিমাত্র নয়—রকম-কর এমন কত সতীন্দ্র প্রতিদিনই আমাদের চোখে পড়ে। এতখানি সতীন্দ্রতা নিয়ে কি বড় হওয়া যায়?—বিজলী।

যুবক পুত্র সমাজের গুচিতা-রক্ষায় বড়বান। জননী বিধবা-বিবাহ-সংশ্লিষ্ট এক আত্মীয়ের গৃহে দিন কত থাকতে বাধ্য হন। পুত্র তাই মায়ের সংশ্রব ত্যাগ করেন। মায়ের প্রাণ তাতে বেদনার ভরে উঠে। কিছুদিন পৃথক থেকে শেষটার অভিমান ত্যাগ করে একদিন পুত্রের গৃহে প্রবেশ করেন। পুত্র হাঁড়ি ফেলে দিয়ে নিজের গুচিতা রক্ষা করেন, সমাজের গৌরব অক্ষুণ্ণ রাখেন!

বাঙ্গালী হিন্দুসমাজে সবচেয়ে বেশী শিক্ষিত যে সম্প্রদায়, তারই এক যুবকের এই কীর্তি! বল মা তারা দাঁড়াই কোথা!

—বিজলী।

হিন্দু-মুসলমান-মিলন—


আমরা অবগত হইলাম কর্ণেল হরেশচন্দ্র বন্দ্যোপাধ্যায় ও গীর বাদশা মিত্রকে একসঙ্গে হাতকড়ি লাগাইয়া তৃতীয় শ্রেণীর যাত্রী-গাড়ীতে করিয়া আলিপুর জেলে পাঠান হইয়াছিল। গবর্ণমেন্টও দেখিতেছি একই রজ্জুতে হিন্দু-মুসলমানের দুইজন নেতাকে বন্ধন করিয়া হিন্দু মুসলমান সম্মিলনের অপূর্ব সমন্বয় প্রদর্শন করিলেন! বন্দীদ্বয় সহযাত্রীগণকে অসহযোগের তত্ত্বকথা শিক্ষা দিতে দিতে গন্তব্যস্থানে উপস্থিত হইয়াছিলেন। প্রত্যেক স্টেশনেই অসংখ্য দর্শক সমবেত হইয়া বন্দীদ্বয়কে পুষ্পমাল্যে সুশোভিত করিয়া এবং তাঁহাদের নিকট অসহযোগের বীজ মন্ত্র গ্রহণ করিয়া কৃতার্থ হইয়াছিল!

—আনন্দপত্রিকা।

দেশের জন্ত আত্মবলি—

এদেশে পেট্রিটজ্জম এতদিন ছিল অবসরকালে চিত্তবিনোদনের সন্তানমোদিভ একটা পছা মাত্র। সখ হিসাবে, খেয়ালের বশে সোহাগে কেতন গেয়ে এতদিন দেশসেবার কাজ মৃদুমন্দ চলেছিল। আজ কিন্তু হাওয়া বদলে গেছে। দেশের কাজে সর্বশ্রম নিয়োগ করবার লোক বাংলায় দেখা দিয়েচে। এঁদের নিষ্ঠায় এঁদের তপঃশক্তিতে দেশপ্রেমিতর বান ডাক্চে বলেই আশা করা যায়। যতীন্দ্র-মোহন ও তাঁর সহকর্মীরা সত্য বলে যা বিবাস করেছিলেন, যা ধর্মরূপে গ্রহণ করেছিলেন তা পালনের জন্ত আইনের নাগপাশে স্বেচ্ছায় ধরা দিয়েছেন। দেশ-সেবার পছা নিয়ে এঁদের সঙ্গে মনের অমিল থাকলেও এঁদের ত্যাগের দৃষ্টান্তে আমরা মুগ্ধ। মায়ের চরণে যাঁরা স্বার্থবলি দিয়েছেন অহং ভুলে যাঁরা বহুকে আলিঙ্গন করেছেন, তাঁদের উদ্দেশ্যে অন্তরের শ্রদ্ধা অর্পণ না করে আমরা থাকতে পারি না। বাংলার একদিন বারো শ অন্তরীণ আবদ্ধ যুবকের স্বার্থত্যাগ কেঁদে কেঁদে বিফল হয়ে ফিরেছিল। আজকাল কর্মীদের আত্মদান যেন বহু দেশপ্রেমিকের, অসংখ্য শক্তিমান কর্মীর সৃষ্টি করে, আত্মস্ব-লোলুপ মনকে দেশের কল্যাণে উষ্ম করে, মাতৃসেবকের ত্যাগ যেন সার্বিক হয়।—বিজলী।

সেবক।



স্বাধীনতাই একমাত্র লক্ষ্য হইবার যোগ্য

স্বাধীনতাই যে প্রত্যেক জাতির একমাত্র রাষ্ট্রীয় লক্ষ্য হইবার যোগ্য, তাহা আমরা আধিনের প্রবাসীতে দেখাইয়াছি। এই মতের সমর্থক আরও কয়েকটি কথা আমরা বলিতে চাই।

একটি গ্রাম বলিতে আমরা কি বুঝি? আমরা বুঝি একটি ক্ষুদ্র ভূখণ্ড যাহার অংশগুলি অব্যবহিতভাবে পরস্পরের সন্নিহিত। এমন গ্রাম পৃথিবীতে কোথাও নাই, যে, তাহার একটি অংশ এক জায়গায় এবং অপর অংশ বা অংশসমূহ উহা হইতে বিশ পঁচিশ, শত, বা হাজার ক্রোশ দূরে অবস্থিত। শহর সম্বন্ধেও একথা খাটে। পৃথিবীর অল্প-সংখ্যক শহরের এক অংশ কোন নদীর এক তটে, ও অল্প অংশ তাহার পরপারে অবস্থিত আছে বটে; কিন্তু এরূপ শহর কোথাও নাই, যাহার কোন অংশ অল্প অংশগুলি হইতে বহুদূরে স্থিত, এবং যাহাদের মধ্যে অল্প বহু গ্রাম, নগর বা দেশ আছে। জেলা প্রদেশ ও দেশের সম্বন্ধেও এইরূপ কথা বলা যাইতে পারে। ইহা হইতে বলা যাইতে পারে, যে, গ্রাম নগর জেলা প্রদেশ ও দেশের ভৌগোলিক একত্বের স্বাভাবিক অর্থ এই, যে, ঐসকল ভূভাগের অংশগুলি অব্যবহিতভাবে পরস্পরসন্নিহিত। রাজ্য বলিতেও আমরা সচরাচর এক রাজা শাসক বা শাসনতন্ত্রের অধীন এক বা একাধিক পরস্পরসন্নিহিত ভূখণ্ড বুঝি।

সাম্রাজ্য বৃহত্তর জিনিষ। ইহা গ্রাম নগর জেলা প্রদেশ দেশের মত স্বাভাবিক না হইতে পারে, বহুদূরবর্তী বহু ভূখণ্ড এক সাম্রাজ্যের অধীন হইতে পারে। কিন্তু এই স্বাধীনতা কখনও স্থায়ী হইতে দেখা যায় নাই। প্রাচীনকালে রোমের সাম্রাজ্য বৃহত্তম ছিল, কিন্তু তাহা স্থায়ী হয় নাই। বর্তমান সময়ে ব্রিটিশ সাম্রাজ্য বৃহত্তম। ইহাও স্থায়ী হইবে না। ইহার ভৌগোলিক স্বাভাবিকতা নাই। এই সাম্রাজ্যের

এক এক অংশ অল্প অংশগুলি হইতে অনেক হাজার মাইল দূরবর্তী, এবং তাহাদের মাঝখানে বহু সাগর দেশ নদী পর্বত আছে। এরূপ সাম্রাজ্যের যে একই তাহা নিতান্তই কৃত্রিম, তাহা টিকিতে পারে না। এই কৃত্রিমতা-বশতঃই সাম্রাজ্য একবার ভাঙিলে আর জোড়া লাগে না, দেশ ভাঙিলে জোড়া লাগিতে পারে। পুরাকালের রোমক সাম্রাজ্য কত শতাব্দী হইল ভাঙিয়াছে, তাহার পর আর জোড়া লাগে নাই। কিন্তু পোলাণ্ডকে জার্মেনী, রুশিয়া ও অষ্ট্রিয়া ভাগ করিয়া লইয়াছিল, তাহা জোড়া লাগিয়াছে। ইটালীর কোন কোন অংশ অষ্ট্রিয়া দখল করিয়াছিল, কিন্তু ইটালী আবার অখণ্ড হইয়াছে। সাম্রাজ্য টিকিতে পারে না; উহা অস্বাভাবিক। উহাকে স্থায়ী করিবার চেষ্টা বিফল হইবেই। সেইজন্য এক-সাম্রাজ্য-ভুক্ত নানা দেশ ও জাতির যত শীঘ্র সম্ভব স্বতন্ত্র ও স্বাধীন ভাবে বাস করিবার জন্য মৈত্রীর সহিত চেষ্টা করা কর্তব্য।

এই চেষ্টা করা যে একান্ত কর্তব্য, তাহা আর-একটি কারণে বুঝা যাইবে। ভারতবর্ষের ব্রিটিশসাম্রাজ্যভুক্ত থাকা হইতেই তাহা বিশদ হইবে। ভারতকে নিজেদের অধীন রাখিবার জন্য ইংরেজদিগকে এদেশে আসিবার পথ নিরাপদ ও নিজেদের আয়ত্তাধীন রাখিতে হইয়াছে। তাহার জন্য অল্প কতকগুলি জাতিকে বঞ্চিত করিয়া অনেক ভূখণ্ড ও দেশকে অধীন করিতে ও রাখিতে হইয়াছে। জিরাণ্টার, মাণ্টা, গোজো, সাইপ্রাস্, এডেন, সুয়েজ, মিশরদেশ, লঙ্কা দ্বীপ—ইহাদের কোনটিই ইংরেজের আদিম বাসভূমি নহে; ভারতের বাতায়নের পথ নিরাপদ রাখিবার জন্য এগুলিকে ইংরেজরা অধীন করিয়া রাখিয়াছে। অতীতে অধীন করিয়া রাখা ধর্মবিরুদ্ধ। এক অধর্মের ফল স্থায়ীভাবে ভোগ করিবার নিমিত্ত, আরো এইসব অধর্ম ইংরেজকে করিতে হইতেছে। গত মহাযুদ্ধেরও একটি প্রধান কারণ

ভারতবর্ষে আগমনের পথ নিরাপদ রাখিবার ইচ্ছা। জার্মানী বাগদাদ রেলওয়ে দ্বারা ও অন্যান্য উপায়ে পশ্চিম এশিয়ার প্রভু কিম্বা প্রভাবশালী হইতে চেষ্টা করিতেছিল। জার্মানীর এই চেষ্টা সফল হইলে ভারতের পথের মাঝখানে এক প্রবল কতকটা প্রতিদ্বন্দ্বী থাকিত। সে ধরাশায়ী হওয়া এখন ইংরেজ নিশ্চিত হইয়াছে।

ভারতবর্ষের ও ইংলণ্ডের লোকদের কিম্বদন্তী লোকশ্রুতি অতীতস্মৃতি বা ঐতিহ্য এক নহে। আমাদের ও তাহাদের অতীত গৌরব ও লজ্জা, হর্ষ ও শোক, এক নহে। তাহাদের ও আমাদের সভ্যতা এবং হৃদয়মনের উৎকর্ষ সাধনের চেষ্টা ও তাহাদের ফল এক প্রকারের নহে। জাতিতে, ধর্মে, ও ভাষায় তাহারা ও আমরা এক নহি। তাহারা শীতপ্রধান দেশের এবং আমরা গ্রীষ্মপ্রধান দেশের লোক। তাহাদের জীবনযাত্রানীকীর্ষপ্রণালী, গার্হস্থ্যিক ও সামাজিক শৃঙ্খলা, রীতিনীতি আচারব্যবহার ও প্রথা, পরিচ্ছদ ও আহার, আমাদের হইতে অনেকটা ভিন্ন রকমের। স্বভাবতঃ এই পার্থক্য থাকিবে। এইসব কারণে তাহাদের ও আমাদের একসাম্রাজ্যভুক্ত থাকা স্বাভাবিক নহে। আমরা উভয়জাতি পরস্পরের সহিত বিরোধ না করিয়া যত শীঘ্র সম্ভব স্বতন্ত্র ও স্বাধীনভাবে বাস করিবার জন্ত যদি প্রস্তুত হই, তবে তাহা সফলপ্রদ হইবে। ইহার বিপরীত চেষ্টা সফল হইবে না, এবং তাহাতে সফলও ফলিবে না।

এমন কতকগুলি দেশ ব্রিটিশসাম্রাজ্যের অন্তর্ভুক্ত আছে, যাহাদের অধিবাসীরা প্রধানতঃ বা বহুপরিমাণে ব্রিটিশবংশোদ্ভূত ও উপনিবেশিক। এইজন্ত এগুলি ইংলণ্ড হইতে বহুদূরবর্তী হইলেও ইহাদের ব্রিটিশসাম্রাজ্যভুক্ত থাকিবার যে কারণ আছে, ভারতবর্ষের ব্রিটিশসাম্রাজ্যভুক্ত থাকিবার সে কারণ নাই। কিন্তু ইহারা ভারতবর্ষের মত ইংলণ্ডের অধীন নহে; ইহাদের অভ্যন্তরীণ রাষ্ট্রীয় ব্যাপারে সম্পূর্ণ আত্মকর্তৃত্ব আছে, এবং পররাষ্ট্রের সহিত সম্বন্ধেও ইহারা ইংলণ্ডের সহিত সমান ক্ষমতা চাহিতেছে ও অনেকটা পাইয়াছে। কানাডা ইতিমধ্যেই আমেরিকার যুক্তরাষ্ট্রে নিজের দূত রাখিবার অধিকার অর্জন করিয়াছে। ব্রিটিশসাম্রাজ্যভুক্ত এইসব দেশ ভারতের মত ইংলণ্ডের অধীন না হইলেও ইহারা সম্পূর্ণ স্বতন্ত্র হইতে চায়। কানাডার স্বতন্ত্রতালিপ

লোকদের সংখ্যা খুব বেশী। দক্ষিণ আফ্রিকার অধিবাসীদের মধ্যে এইরূপ দল খুব প্রবল ও তথাকার পার্লামেন্টেও স্বাধীনতালিপ্সু দল আছে। নিউজীল্যান্ডের মত ক্ষুদ্র দ্বীপও স্বতন্ত্র হইতে চায়।

কানাডার প্রাচীন আদিম অধিবাসীদের সংখ্যা এখন আর বেশী নহে, খেতকায়েরা তাহাদিগকে প্রায় নিমূল করিয়াছে। কিন্তু তথাকার ফরাসীবংশোদ্ভূত লোকদের সংখ্যা খুব বেশী। তাহাদের ব্রিটিশসাম্রাজ্যভুক্ত থাকিবার ইচ্ছা না থাকিবারই কথা। নিউজীল্যান্ডের আদিম অধিবাসীদিগকেও খেতকায়েরা প্রায় নিমূল করিয়াছে, কিন্তু তথাকার ব্রিটিশজাতীয়দের মধ্যেও অনেকে স্বতন্ত্র হইতে চায়। দক্ষিণ আফ্রিকার স্বাধীনতাপ্রার্থীরা প্রধানতঃ বৃহৎ অর্থাৎ ওলন্দাজজাতীয়। কিন্তু দক্ষিণ আফ্রিকার এবং আফ্রিকার সর্বত্রই খেতকায়েরা সংখ্যায় কম, কৃষ্ণকায়েরাই সংখ্যাভূষিষ্ঠ; খেতকায়েরা তাহাদিগকে নিমূল করিতে পারে নাই বা করে নাই। জগতের সর্বত্র কৃষ্ণকায়েরা জাগিতেছে। যাহারা জাগিয়াছে, তাহারা স্বাধীন হইতে চায়; পরে সকলেই জাগিয়া স্বাধীন হইতে চাহিবে। তখন আফ্রিকার ইংলণ্ডের সাম্রাজ্য টিকিবে না; খেতকৃষ্ণ মিত্রসম্পর্ক থাকা বাঞ্ছনীয় ও তাহা টিকিতে পারে।

আর-একটি গুরুতর কারণে ভারতবর্ষের ইংলণ্ড হইতে স্বতন্ত্র ও স্বাধীন হওয়া একান্ত আবশ্যিক। ভারতবর্ষের বহু-শতাব্দীব্যাপী ইতিহাসে দেখা যায় যে এই দেশ কখন বৈদেশিক সাম্রাজ্যিকামী কিম্বা বৈদেশিক সাম্রাজ্যের অধীন ছিল না। ভারতবর্ষীয়েরা জাত প্রভৃতি দ্বীপে উপনিবেশ স্থাপন করিয়াছিল বটে, কিন্তু এইসব উপনিবেশ ভারতবর্ষ হইতে শাসিত হইত না, তাহারা কোন ভারতীয় সাম্রাজ্যভুক্ত ছিল না, তাহারা স্বতন্ত্র ছিল। কি কারণে এরূপ ঘটিয়াছে, এক্ষণে তাহার আলোচনা করিবার প্রয়োজন নাই। দূরবর্তী বিদেশে ভারতের কখন কোন সাম্রাজ্য ছিল না, কেবল এই তথ্যটির প্রতি দৃষ্টিপাত করিতে বলি। অতীতকালে যেমন ভারতবর্ষের কোন বৈদেশিক সাম্রাজ্য ছিল না, ভবিষ্যতেও তেমনি না হইবারই কথা। কারণ সুদীর্ঘ ভারতেতিহাসে ভারতীয় জাতীয় বিশেষত্বের

যে পরিচয় পাওয়া গিয়াছে, ভবিষ্যতে তাহার ব্যতিক্রম হইবার সম্ভাবনা নাই।

ভারতবর্ষ কোন কালে বৈদেশিক সাম্রাজ্যস্থাপক ও শাসক ছিল না, ভবিষ্যতেও ইহার তাহা হইবার সম্ভাবনা নাই। ইংলণ্ড কিন্তু বৈদেশিক সাম্রাজ্যস্থাপক ও শাসক; অধিকন্তু ব্রিটিশসাম্রাজ্যবহির্ভূত অনেক দেশকে ইংলণ্ড বাণিজ্যের সুবিধার জন্ত কতকটা নিজের কর্তৃত্বাধীন রাখিয়াছে। ভারতবর্ষ অতীত কালে কখন ইহা করে নাই, ভবিষ্যতেও করিবে না, অনুমান করা যাইতে পারে। আমাদের অতীত ইতিহাসের প্রতি দৃষ্টিপাত এবং ভবিষ্যৎ সম্বন্ধে অনুমান করিয়া বলা যাইতে পারে, যে, আমরা বৈদেশিক সব জাতির সহিত সম্ভাব রক্ষা করিয়া চলিবার উপযুক্ত; কারণ আমরা পরদেশ জয় করিতে বা বাণিজ্যব্যাপদেশে তাহার ধন লুণ্ঠন করিতে চাই না। অবশ্য যদি কোন বিদেশী জাতি আততায়ী হইয়া আমাদের আক্রমণ করে, অধীন করিতে চায়, কিংবা বাণিজ্যব্যাপদেশে আমাদের ধন অপহরণ করিতে চায়, তবে তাহাদিগকে নিরস্ত করা পর্য্যন্ত তাহাদের সহিত বিরোধ চলিতে পারে; কিন্তু আমরা গায়ে পড়িয়া কাহারও সহিত ঝগড়া বাধাইব না।

কিন্তু ইংলণ্ড সাম্রাজ্য স্থাপনার্থ বহু পরদেশকে নিজের অধীন করিয়াছে, নিজের বাণিজ্যের বিস্তার করিবার নিমিত্ত নানাদেশকে স্বার্থসাধনের বিষদীভূত করিয়া দরিদ্র করিয়াছে ও নিজে ধনী হইয়াছেন। এই কারণে ইংলণ্ডের কবলিত দেশ অনেক, শত্রু অনেক, প্রতিদ্বন্দ্বী অনেক, তাহার ঈর্ষা করে অনেকে। ইংলণ্ডের মত দেশের সহিত যদি ভারতবর্ষ একসাম্রাজ্যভুক্ত থাকে, তাহা হইলে ভারতকে ইংলণ্ডের শত্রু ও প্রতিযোগীদিগকে নিজের শত্রু ও প্রতিযোগী মনে করিতে হইবে, সত্য সত্য মনে মা করিলেও শত্রু ও প্রতিযোগীর মত ব্যবহার করিতে হইবে। ইহা কিন্তু শ্রাস্তসঙ্গত স্বাভাবিক ও যুক্তিসঙ্গত হইবে না, বরং অশ্রাস্তসঙ্গত স্বাভাবিক ও অযৌক্তিক হইবে, বলা যাইতে পারে। ইংলণ্ডের প্রতি শত্রুভাবাপন্ন বলিয়াই কোন জাতিকে, তাহার আশ্রয় কোন অসিষ্ট মা করিলেও, আমাদেরও শত্রুজ্ঞানে তৎসং আচরণ করিতে বাধ্য হওয়া আমাদের পক্ষে অপমানকর ও ধর্মবিবর্তক। ইহা আর্থিক অপব্যয় ও

সর্বনাশেরও কারণ। স্বাধীন জাতির নিজেদের প্রয়োজন অনুসারে যুদ্ধের আয়োজনে ব্যয় করে। কিন্তু ব্রিটিশ শাসনকালে ভারতবর্ষকে নিজের জন্ত যত হউক বা না হউক ইংলণ্ডের স্বার্থ রক্ষার জন্ত প্রভূত যুদ্ধব্যয় করিতে হইয়াছে। ইহাতে ভারতের দারিদ্র্য ঘটিয়াছে, শিক্ষা স্বাস্থ্য কৃষিশিল্পাদির জন্ত যথেষ্ট টাকা খরচ করিতে পারা যায় নাই, এবং ভারতবর্ষ ঋণভারাক্রান্ত হইয়া পড়িয়াছে। ভবিষ্যতে ভারতবর্ষ হোমরুল নামে অভিহিত স্বরাজ পাইলেও তাহাকে এই প্রকারের যুদ্ধব্যয়ভারপ্রাপীড়িত থাকিতে হইবে।

হোমরুল মানে দেশের আভ্যন্তরীণ বিষয়-সকলে জাতীয় কর্তৃত্ব। কিন্তু এরূপ স্বরাজ দ্বারা প্রকৃত প্রস্তাবে প্রত্যেক জাতি কর্তৃক নিজ নিজ শাসনপ্রণালী-নির্বাচন নীতি (principle of self-determination) অনুসারে কাজ হইতে পারে না। বিদেশীজাতির সহিত সমুদয় সম্পর্ক স্বয়ং নির্ধারিত ও নিয়মিত করিতে না পারিলে আমাদের পক্ষে হোমরুল নামে মাত্র স্বরাজ হইবে। পররাষ্ট্রের সহিত সম্বন্ধ যদি প্রধানতঃ প্রবল পক্ষ ইংলণ্ড ও তাহার উপনিবেশগুলি দ্বারা নিয়মিত হয়, এবং তজ্জন্ত আমরা যদি ইংলণ্ডের খাতিরে যুদ্ধ করিতে এবং বৃহৎ সৈন্যদল ও তদনুরূপ যুদ্ধসম্ভারের আয়োজন রাখিতে বাধ্য হই, তাহা হইলে আমাদের স্বরাজ কোন কাজে লাগিবে? সৈনিক বিভাগই এখনকার মত আমাদের রাজস্বের অধিকাংশ খাইয়া ফেলিবে, এবং এখনকারই মত আমরা শিক্ষাস্বাস্থ্যকৃষিশিল্পাদির উন্নতির নিমিত্ত যথেষ্ট অর্থ ব্যয় করিতে অসমর্থ থাকিব।

ইংলণ্ড প্রবল পক্ষ; উপনিবেশগুলির সহিত একমত হইলে ত কথাই নাই। ইংলণ্ড চান নিজের ব্যবসায়ের শ্রীবৃদ্ধির জন্ত বাণিজ্যবিষয়ে সাম্রাজ্যিক সুবিধা (imperial preference), অর্থাৎ বিদেশী জিনিষ আমদানী করিতে হইলে ভারতবর্ষ বিলাতী জিনিষের উপর যত গুরু বসাইবে, অন্য বিদেশী জিনিষের উপর তাহা অপেক্ষা বেশী গুরু বসাইবে। সকলেই জানেন বিলাতী জিনিষের চেয়ে (দৃষ্টান্ত স্বরূপ) জার্মেন জিনিষ সস্তা; জার্মেন জিনিষ নিকটও নহে। কিন্তু সাম্রাজ্যিক-সুবিধা-প্রদান নীতি অনুসৃত হইলে এদেশে আমদানী জার্মেন জিনিষকে গুরু চাপাইয়া অন্ততঃ বিলাতীর সমান মহার্ঘ করিতে হইবে,—সম্ভবতঃ অধিক মহার্ঘ করিতে হইবে। ইহাতে

ভারতবাসীদের লোকমান, কারণ তাহারা সম্ভার প্রয়োজনীয় বিদেশী জিনিষ পাইবে না। একথা উঠিতে পারে বটে, যে, বিদেশী আমদানী জিনিষের উপর ট্যাক্স বসাইলে তাহা মহার্ঘ হওয়ার দরুন আমরা সেইসব জিনিষ ভারতে উৎপন্ন করিবার সুবিধা পাইব। কিন্তু বাস্তবিক কি ঘটতেছে দেখুন। শিল্পবাণিজ্যে অপটু বাঙালীর কথা ছাড়িয়া দেওয়া যাক। যে কাপড়ের ব্যবসায় পাসী ও গুজরাটীরা এত অগ্রসর তাহারাও বিলাতী সূতা ও কাপড়ের আমদানী বন্ধ করিতে পারে নাই, এখনও ষাট কোটি টাকার বিদেশী কাপড় এদেশে আসে, এবং আমদানী কাপড়ের উপর ট্যাক্সের বিরুদ্ধে বিলাতী বস্ত্রব্যবসায়ীরা 'ঘোরতর আন্দোলন চালাইতেছে।

সাম্রাজ্যিক সুবিধাপ্রদান নীতি অনুসারে কোন ভারতীয় দ্রব্য ইংলণ্ডে বা তাহার কোন উপনিবেশে রপ্তানী হইলে তাহার উপর যে শুল্ক বসিবে, অল্প কোন পরদেশে গেলে তদপেক্ষা বেশী ট্যাক্স বসিবে। অর্থাৎ, দৃষ্টান্ত স্বরূপ, আমাদের কোন কাঁচা মাল ইংলণ্ডে কিনিলে তাহাকে রপ্তানীট্যাক্সসমেত যত মূল্য দিতে হইবে, জার্মানীকে তার চেয়ে বেশী দাম দিতে হইবে, কারণ রপ্তানী শুল্ক জার্মানীর বেলায় বেশী হইবে। জিনিষের দাম বাড়িলে তাহার ক্রেতা কমিবার সম্ভাবনা। ক্রেতা কমিলে জিনিষ সম্ভা হইতে পারে। ভারতীয় কাঁচা মালের ক্রেতা ব্রিটিশ সাম্রাজ্যের বাহিরে কমিলে, তাহার দাম কমিবে, ও তাহাতে ব্রিটিশ ক্রেতাদের সুবিধা ও লাভ হইবে; কিন্তু কাঁচা মালের উৎপাদক ভারতীয়েরা তাহাদের জিনিষের জন্য কম টাকা পাওয়ার ক্ষতিগ্রস্ত হইবে।

সুতরাং দেখা যাইতেছে, যে, ব্রিটিশ সাম্রাজ্যভুক্ত থাকিলে, আমাদেরকে কেবল যে ইংলণ্ডের স্বার্থরক্ষার জন্য এখনকার মত অত্যধিক যুদ্ধব্যয়ই করিতে হইবে তাহা নয়, ব্যবসায় সাম্রাজ্যিক সুবিধা প্রদান নিমিত্ত আমাদেরকে আমদানী রপ্তানী দুই দিক দিয়াই ক্ষতিগ্রস্ত হইতে হইবে। এই প্রকারে ক্ষতিগ্রস্ত হওয়াতেও আমাদের শিক্ষা স্বাস্থ্য কৃষি শিল্পের উন্নতির জন্য যথেষ্ট অর্থব্যয়ে বাধা জন্মিবে এবং আমরা দরিদ্র থাকিয়া যাইব।

ভারতে রেলওয়ে-বিস্তার নীতি ইংলণ্ডের বাণিজ্য ও সাম্রাজ্য

রক্ষার ইচ্ছা দ্বারা যতটা প্রণোদিত, ভারতবর্ষের কল্যাণ-কামনা দ্বারা ততটা প্রণোদিত নহে। ইহাতেও সাফাৎ ও পরোক্ষভাবে আমাদের খুব ক্ষতি হইয়াছে। কোন প্রকারের হোঁমরুলজাতীয় স্বরাজের দ্বারা একরূপ রেলওয়ে-নীতির মূলোচ্ছেদ হইবে কি ?

আমাদের স্বতন্ত্র ও স্বাধীন হওয়া যে আবশ্যিক, তাহা প্রমাণ করিবার জন্য, ব্রিটিশ-ভারতীয় গবর্নমেন্টকে শয়তানী গবর্নমেন্ট বলিয়া প্রতিপন্ন করিবার একান্ত প্রয়োজন নাই। ভারতবর্ষের শাসক ইংরেজেরা তাঁহাদের গবর্নমেন্টকে যত ভালই প্রমাণ করুন না, তাহা দ্বারা, ভারতের চরম রাষ্ট্রীয় লক্ষ্য কি হওয়া উচিত, এ প্রশ্নের উত্তরে কোন প্রভেদ হইবে না। আমরা অবশ্য ভারতীয় গবর্নমেন্টকে নির্দোষ নিখুঁত দেবতার গবর্নমেন্ট মনে করি না। কিন্তু যদি ইহা প্রমাণও হয় যে, এই গবর্নমেন্ট দেবতার গবর্নমেন্ট, ইহার শাসনপ্রণালীটি কেবল ভারতের কল্যাণকামনায় উদ্ভাবিত, শাসকেরা নিঃস্বার্থ মানবহিতৈষী কর্মীর দল, তাহা হইলেও আমাদের স্বতন্ত্র ও স্বাধীন হইবার প্রয়োজন থাকিবে। মানবীয় অনুষ্ঠান প্রতিষ্ঠান প্রথা কার্যপ্রণালী প্রভৃতির বৈধতা ও গ্রাহ্যতা কেবল এই বলিয়া প্রতিপাদন করা যায়, যে, তদ্বারা মানুষ মানুষের মত হইবার ও জীবন যাপন করিবার সাহায্য পায়। মানবের সর্বোচ্চ লক্ষণ এই যে, সে—বিধিনির্দিষ্ট সীমার মধ্যে—নিজের বাহ ও আন্তরিক জীবনের নিয়ামক ও প্রভু হইতে পারে। সেইজন্য যদি কোন বিদেশী জাতির অধীনতা আমাদেরকে স্বাধীন অবস্থা অপেক্ষা উৎকৃষ্টতর অন্ত বস্ত্র ঘর বাড়ী গ্রাম নগর রাস্তা ঘাট যান বাহন পুস্তক বিদ্যালয় প্রভৃতির সুবিধা দেয়, তাহা হইলেও এই অবস্থা মানবের আদর্শ জীবন অপেক্ষা অনেক নিকৃষ্ট বিবেচিত হইবে। সেই জীবনই আদর্শ জীবন, যাহা আমরা নিজে নির্বাচন করিয়া নিজের শক্তিতে অর্জন ও রক্ষা করিতে এবং নিজে নিয়মিত করিতে পারি। জীবনের কোন আদর্শ ও অবস্থা উৎকৃষ্ট বা নিকৃষ্ট, তাহা বিবেচনা করিতে হইলে, এই দিক দিয়াই করিতে হয়। যে আদর্শ মানুষকে আত্ম-কর্তৃত্ব দেয়, আত্মনিয়ামক করে, তাহাই উৎকৃষ্ট। অল্প কোন আদর্শ ও অবস্থায় মানুষের সমুদায় ও আত্মমর্যাদা রক্ষিত হয় না। অধীনতাতেও সম্ভব যে-অবস্থায় উল্লেখ উপরে করিয়াছি,

তাহা আপাততঃ আরাম ও কার্যসৌকর্যের দিক্ দিয়া সুবিধাজনক হইলেও, তাহা অন্তের সুবিধা ও অনুগ্রহ সাপেক্ষ, সুতরাং সে আরাম ও কার্যসৌকর্য্য মনুষ্যের অপমানকর ও আত্মমর্য্যাদানাশক; অধিকন্তু উহার স্থায়িত্বও আমাদের আয়ত্তাধীন নহে।

আমরা যে-দিক্ দিয়া জীবনের আদর্শ ও অবস্থার বিচার করিলাম, সেই দিক্ দিয়া বিবেচনা করিলে, বরং স্বাধীন জাতীয়-জীবনের মোটা ভাত কাপড় অনাড়ম্বর ঘর বাড়ী ও সেকেলে যান বাহন ভাল, তবু অধীন অবস্থার পূর্ববর্ণিত আরাম ও কার্যসৌকর্য্য বাঞ্ছনীয় নহে। কিন্তু স্বাধীনতার ও অধীনতার সহিত জড়িত জীবনের যে দুইপ্রকার বিপরীত অবস্থা আমরা দৃষ্টান্তস্বরূপ কল্পনা করিয়াছি, তাহা সব স্থলে বাস্তব না হইতে পারে, অবশ্যস্বাভাবী ত নহেই। স্বাধীন এমন জাতি আছে, যেমন আফ্গানেরা, যাহাদের ঘর বাড়ী খাঞ্চ পোষাক যান বাহন আধুনিক উৎকৃষ্ট রকমের নহে। কিন্তু অধিকাংশ স্বাধীন জাতির বাহু ঐশ্বর্য্য আরাম স্বাস্থ্য কার্যসৌকর্য্য অধিকাংশ পরাধীন জাতি অপেক্ষা উৎকৃষ্ট।

স্বাধীনতার একটি সুবিধা এই, যে, যে মুহূর্ত্তে স্বাধীন জাতি উন্নতিকামী হয়, তৎক্ষণাৎ সে উন্নতির পথ অবলম্বন করিতে পারে এবং শীঘ্রই সে পথে বহুদূর অগ্রসর হয়। যখন ১৮৬৫ খৃষ্টাব্দে জাপান আধুনিক পাশ্চাত্য রাষ্ট্রশক্তি ও সুবিধার সমুদয় উপাদান অবলম্বন করিতে প্রতিজ্ঞা করিল, তখন ভারতবর্ষের অনেক প্রদেশ এক শতাব্দীরও অধিক কাল পাশ্চাত্য এক জাতির অধীনতায় যাপন করিয়াছে। কিন্তু এখন ভারতবর্ষ ও জাপানের অবস্থার তুলনা করুন। শক্তিতে, ধনে, স্বাস্থ্যে, শিক্ষায়, কৃষিতে, শিল্পে, জাপান ভারতবর্ষকে বহু পশ্চাতে ফেলিয়া চলিয়াছে। এই ভারতম্যের প্রধান কারণ জাপানের স্বাধীনতা ও ভারতবর্ষের পরাধীনতা।

আফ্গানীস্তানের আর্মীর ও আফ্গানজাতি সম্প্রতি সভ্যতার অন্ত সব জাতির সমকক্ষ হইতে ইচ্ছা করিয়াছেন। শক্তি ত তাঁহাদের আছেই; উহা বাড়িতেছে ও আরো বাড়িবে। শিক্ষা শিল্প প্রভৃতিতেও কাবুলীরা উন্নতি করিতেছে। কাবুলের মহিলা বিশ্ববিদ্যালয়ে পাঁচ শত নারী বিদ্যালয় করিতেছে। ভারতবর্ষে একরূপ কোন মহিলা বিশ্ববিদ্যালয়

আছে কি? সম্ভবতঃ আর কয়েক বৎসরের মধ্যেই আফ্গানেরা নামাবিষয়ে আমাদের পশ্চাতে ফেলিয়া যাইবে— যদি ইতিমধ্যে আমরা সম্পূর্ণ জাতীয় আত্মকর্তৃত্ব লাভ করিয়া স্বনির্দিষ্ট উন্নতির পথ অবলম্বন করিতে না পারি।

ইউরোপ আমেরিকার স্বাধীন জাতির স্বাধীন ত বটেই, অধিকন্তু আধুনিক জ্ঞান বিজ্ঞান কল-কারখানা আরাম কার্যসৌকর্য্য প্রভৃতিও তাহাদের আছে। এশিয়ার জাপানের সম্বন্ধেও একথা ধাটে। আফ্গানীস্তানও “আধুনিক” হইতে চলিল। চীন আধুনিক হইতে আরম্ভ করিয়াছে। সুতরাং এশিয়ার স্বাধীন জাতি হইলেই যে তাহাদিগকে “সেকেলে” থাকিতে হইবে, তাহারা “আধুনিক” হইতে পারিবে না, এমন নয়। কেবল বিদেশের দৃষ্টান্ত দ্বারাই যে ইহা বুঝা যায়, তাহা নয়। ভারতবর্ষেরও অতীত ইতিহাসে দেখা যায়, যে, এই দেশের ভিন্ন ভিন্ন অংশ যখন স্বাধীন ছিল, তখন তাহারা তৎকালীন অন্য কোন স্বাধীন দেশ অপেক্ষা বাহু বিষয়ে ও অন্তরে কম সভ্য ছিল না। সুতরাং আমরা যদি অদূর বা সুদূর ভবিষ্যতে স্বাধীন হইতে পারি, তাহা হইলে আমরা যে সেই ভবিষ্যৎ-কালের অন্য স্বাধীন দেশের লোকদের সমান সভ্য হইব, এইরূপ অনুমান করা যাইতে পারে। বর্তমান সময়েও ভারতের কোন কোন দেশী রাজ্য কোন কোন বিষয়ে ব্রিটিশ ভারত অপেক্ষা অগ্রসর।

আমাদের বর্তমান অবস্থা অধীনতার অবস্থা। কিন্তু আমরা অধীনতার সঙ্গে যে উৎকৃষ্ট খাঞ্চ পরিচ্ছদ ঘর বাড়ী রাস্তা ঘাট যান বাহন স্বাস্থ্য শিক্ষা প্রভৃতির অস্তিত্ব পূর্বে ধরিয়া লইয়া আলোচনা করিয়াছি, তাহা আমাদের নাই। কিন্তু যদি থাকিত, তাহা হইলেও আমরা অধীনতায় সায় দিতাম না ও সম্মুখে থাকিতাম না। মানুষের শ্রেষ্ঠ ধন স্বাধীনতাই যদি না রহিল, তাহা হইলে বাহিরের জিনিষ ও বাহিরের শৃঙ্খলা ও বন্দোবস্ত লইয়া কি করিব?

অতএব আমরা স্বাভাব্য ও স্বাধীনতাকেই আমাদের চরম রাষ্ট্রীয় লক্ষ্য করিব। একরূপ একটা কথা উঠিতে পারে বটে, যে, সাম্রাজ্যের অন্তর্ভুক্ত থাকিলে সংকীর্ণতা কমে, অনেকের সঙ্গে রাষ্ট্রীয় যোগাযোগ করিতে হয় বলিয়া উদারতা জন্মে, মনুষ্যের সহিত সংস্পর্শে ও সংঘর্ষে নানাবিধ শিক্ষা হয়। দু মশটা সমান সমান জাতি যদি একত্র মিলিয়া একটা

সাম্রাজ্য গাড়িয়া তাহাতে বাস করে, তাহা হইলে এই সব সুফল ফলিতে পারে বটে। কিন্তু সাম্রাজ্যের কোন কোন অংশ কর্তা, কোন কোন অংশ গোলাম, এরূপ হইলে ওসব সুফল ফলে না। ব্রিটিশ সাম্রাজ্যের উপনিবেশগুলির সংকীর্ণতা খুব বেশী। আমরাও উল্লিখিত কোন সুফলভাগী হই নাই। পক্ষান্তরে অনেক স্বাধীন জাতি কোন সাম্রাজ্যের স্থাপক বা কোন সাম্রাজ্যের অন্তর্ভূত না হইলেও উদার-প্রকৃতিবিশিষ্ট এবং শিক্ষা ও সভ্যতার অন্ততঃ ইংরেজদের সমান অগ্রসর।

স্বাধীনতার মূল্য

স্বাধীনতা শ্রেষ্ঠ সম্পদ। কেবল তাহার বিষয়ে লিখিলে ও বক্তৃতা করিলে তাহা অর্জন করা যায় না, বা তাহা রক্ষা করা যায় না। তাহার মূল্য দিতে হয়। তাহার মূল্য জীবন। ইহার এক অর্থ এই হইতে পারে, যে, স্বাধীনতা লাভের জন্ত যুদ্ধ করিয়া যুদ্ধক্ষেত্রে প্রাণ দিতে প্রস্তুত থাকিতে হইবে। ইতিহাসে ইহার বহু দৃষ্টান্ত আছে। কিন্তু আমরা এ অর্থে প্রাণকে স্বাধীনতার মূল্য বলিতেছি না; কারণ সশস্ত্র যুদ্ধ আমাদের স্বাধীনতালাভের পথ নহে। আর-এক অর্থ এই, যে, যদি স্বাধীনতালাভের জন্ত অহিংসাত্মক দ্বন্দ্ববহিত উপায় অবলম্বন করিয়াও রাজদ্বারে কোন কারণে কোন আইন অনুসারে কাহাকেও প্রাণদণ্ডে দণ্ডিত হইতে হয়, তাহার জন্তও স্বাধীনতালিপ্সুকে প্রস্তুত থাকিতে হইবে। ইহা আমাদের অভিপ্রেত একটি অর্থ বটে। আর-একটি অর্থ আছে, যাহা সচরাচর লোকে মনে রাখে না। তাহা এই, যে, স্বাধীনতার জন্ত কেবল যে মরিতে হইতে পারে, তাহা নহে, বাঁচিয়া থাকাকাটাও স্বাধীনতার জন্ত হওয়া চাই।

আমরা যে বাঁচিয়া আছি, জীবন ধারণ করিতেছি, তাহা আরামের জন্ত, ধনদৌলত বিলাসের জন্ত হওয়া উচিত নহে। যে-ভাবে চিন্তা করিব, যে-ভাবে কথা বলিব, বক্তৃতা করিব, যাহা লিখিব, যে-ভাবে কাজ করিব,—সমস্ত, সাক্ষাৎ বা পরোক্ষভাবে, স্বাধীনতার পোষক, স্বাধীনতালাভের সহায়ক হওয়া চাই।

ইহাও মনে রাখিতে হইবে, যে, স্বাধীন জাতির বেমন নিজ নিজ দেশ রক্ষার জন্ত, স্বাধীনতা রক্ষার জন্ত, প্রাণ দিতে প্রস্তুত, স্বাধীন অবস্থায় ও তৎপূর্বে আশ্রয়িতগণকেও তেমনি প্রস্তুত হইতে হইবে। পৃথিবীর যে-সব ক্ষুদ্র ক্ষুদ্র জাতির লোকসংখ্যা বাংলা দেশের ২১টা মাত্র জেলার সমান, তাহারাও আক্রান্ত হইলে বিনাযুদ্ধে স্বদেশ ও স্বাধীনতা বিসর্জন দিতে রাজী-হয় নাই, হইবে না। মৈমনসিংহ জেলার লোকসংখ্যা ৪৫ লক্ষের উপর, ঢাকায় ২৯ লক্ষের উপর, মেদিনীপুরের ২৮ লক্ষের উপর, চব্বিশপরগনার ২৪ লক্ষের উপর। হইটেকারের পঞ্জিকা অনুসারে আভিসিনিয়ার লোকসংখ্যা ৭০ লক্ষ, আফগানিস্তানের ৫০ লক্ষ, আলবেনিয়ার ২০, আর্জেন্টিনার ৮০, বেলজিয়ামের ৭৫, বোলিভিয়ার ২৮, বুলগেরিয়ার ৫, চিলির ৩৮, কেলোশিয়ার ৫৫, ডেনমার্কের ৩০, ইকোয়াডরের ২০, ফিনল্যান্ডের ৩৩, গ্রীসের ৫০, গোয়াটিমালার ২০, লাইবিরিয়ার ২০, হল্যান্ডের ৬৭৯, নরওয়ের ২৬, প্যারাগোয়ের ৮, পেরুর ৩৫, পোর্টুগালের ৬০, সালভাদরের ১৩, শ্রামের ৮০, সুইডেনের ৬০, সুইজারল্যান্ডের ৪০, উরুগোয়ের ১৪ এবং ভেনিজুয়েলার ৩০ লক্ষ। এই সব দেশই স্বাধীন। ইহাদের অনেকের লোকসংখ্যা বাংলার একটি জেলার লোকসংখ্যা অপেক্ষা কম, কোনটিরই লোকসংখ্যা বঙ্গের বৃহত্তম তিনটি জেলার সম্মিলিত লোকসংখ্যা অপেক্ষা বেশী নহে। তাহারা যে যে কারণে ও গুণে স্বাধীন, আমাদের দেশের ও জাতির তাহা না থাকায় আমরা পরাধীন। কিন্তু সকল মানুষের মধ্যেই সব গুণ অল্পাধিক পরিমাণে আছে। চেষ্টা করিলে সকলেই স্বাধীনতার অক্ষুণ্ণ গুণগুলিকে প্রবল ও সুপুষ্ট করিতে পারে। কিন্তু সর্বাগ্রে চাই এই বিশ্বাস, যে, স্বাধীনতা-বিহীন জীবন জীবনই নহে; তাহার পর চাই, স্বাধীনতা লাভের জন্ত অদম্য আজীবন আমরণ আকাঙ্ক্ষা। তাহার পর চাই, সাহস ও নির্ভীকতা, জাতীয় ও ব্যক্তিগত আত্ম-মর্যাদাবোধ, নিঃস্বার্থতা ও কর্তব্যপরায়ণতা, জাতিবর্ণশ্রেণী নির্বিশেষে সত্য প্রকৃতি ও বিশ্বাস, নির্মল চরিত্র, সত্যবাদিতা, সত্যতা, শ্রমশীলতা, সময়নিষ্ঠা, সুশিক্ষা, এবং আধুনিক বিজ্ঞান ও শিল্পের জ্ঞান।

স্বাধীনতা কখন পাইব ?

কেহ যদি জিজ্ঞাসা করেন, আমরা স্বাধীনতা কখন পাইব ? তাহার উত্তর দিতে আমরা অপমর্থ। স্বাধীনতা বাহিরের একটা কোন জড় পদার্থ নহে, যে, কেহ উহা আমাদের কাছে আনিয়া দিবে, কিম্বা আমরা উহা ছলে বলে কৌশলে কিম্বা ক্রয় বা ভিক্ষা দ্বারা উহা পাইব। যে-সব জাতির রাষ্ট্রীয় স্বাধীনতা আছে, তাহারাও এখন সব বিষয়ে স্বাধীন হইতে পারে নাই, ক্রমশঃ হইতেছে বা হইবে। আমরাও যদি বা হঠাৎ রাষ্ট্রীয় স্বাধীনতা লাভ করিতে পারি, তাহার সম্ভাবনা কম, তথাপি পূর্ণ স্বাধীনতা আমাদের ও ক্রমশঃ নিজের চেষ্টায় অর্জন করিতে হইবে। শিল্পবাণিজ্যে ও তাহার সহায় জলপথ স্থলপথ আকাশপথে যানবাহনের ব্যবস্থায়, নানাবিধ জ্ঞানবিজ্ঞানে, ধর্মবিশ্বাসে ও ধর্মালোচনায় এবং সমাজনীতির ও সামাজিক ব্যবস্থায় স্বাধীনতা, ক্রমে ক্রমে স্বকীয় চেষ্টায় লাভ করিতে হইবে।

*

স্বাধীনতা ও রাজনৈতিক দলাদলি

অনেকে মনে করেন, কেবল মাত্র চরমপন্থী ও অসহযোগীরাই স্বাধীনতা চান, এবং তাঁহাদের অবলম্বিত উপায়েই স্বাধীনতা পাওয়া যাইতে পারে। ঐ উপায়ে যে স্বাধীনতা পাইবার সম্ভাবনা ঘটিতে পারে, তাহা আমরা অস্বীকার করি না। কিন্তু যাহারা মধ্যপন্থী, নরমপন্থী, উদারনৈতিক, বা মডারেট নামে অভিহিত, তাঁহারা আপাততঃ যাহা চাহিতেছেন, তাহা পূর্ণ স্বাধীনতা না হইলেও, তাঁহাদের অনেকের চরম লক্ষ্য স্বাধীনতা বলিয়া আমাদের ধারণা। তাঁহারা এখন যাহা চাহিতেছেন, তাহা স্বাধীনতা পাইবার একটা ধাপ হইতে পারে বলিয়া আমরা মনে করি। এই-জন্ত, তাঁহারা পূর্ণ স্বাধীনতার উদ্দেশ্যে দিকে যাইতেছেন, মনে করি না। তাঁহাদের সভা-সমিতিতে গোলাম-সভা বা অন্য কোন অপমানকর নাম দ্বারা অভিহিত করিবার পক্ষপাতী আমরা নহি। দেশের ও জাতির কল্যাণের জন্ত যিনি যে উপায় অবলম্বন করা ভাল মনে করেন করুন। আমাদের বিবেচনায় কাহারো ভ্রম হইলে তাঁহার সহিত তর্ক বিতর্ক করিতে, তাঁহাকে পরিহাস বিদ্রূপ করিতে পারা যায়, কিন্তু অপমানকর কিছু বলা অনুচিত।

শেষ লক্ষ্য ও হাতের কাজ

শেষলক্ষ্য যে স্বাধীনতা, তাহাতে কোন সন্দেহ নাই। কিন্তু তা বলিয়া, স্বাধীনতার স্বপ্নে বিভোর থাকিয়া, হাতের কাজে অবহেলা করিলে চলিবে না। স্বাধীনতার প্রয়োজন ও মূল্য বুঝবার ও বুঝাইবার জন্ত, জাতিকে স্বাধীনতাকামী করিবার জন্ত, যাহা করা দরকার, সেরূপ কাজ চলিতে থাকুক, স্বাধীনতা পাইবার জন্ত যাহা এখন হইতে করা দরকার তাহা করা হউক, স্বাধীনতা পাইবার পর উহা রক্ষা করিবার নিমিত্ত যাহা প্রয়োজন এখন হইতে তাহার বিকাশ ও আয়োজন হউক; কিন্তু হাতের কাজে যেন অবহেলা না হয়। আমরা ইহাও যেন বিস্মৃত না হই, যে ব্যক্তিগত, শ্রেণীগত, ও জাতিগত ভাবে যাহারা অলস, অকর্মণ্য, অনিপুণ, বিশ্বাসের অযোগ্য, যাহাদের কথা ঠিক নাই, যাহাদের সমর্থন নাই, যাহাদের দেহমন স্তম্ভ সর্বল দৃঢ় কঠিনহীন নহে, স্বাধীনতা অর্জন ও রক্ষা করিবার যোগ্যতা তাহাদের নাই। আমাদের দেশের সব মানুষের সম্বন্ধে কিছু বলিবার মত অভিজ্ঞতা আমাদের নাই; তাহা বলা উচিত নহে। কিন্তু নিজের গৃহস্থালী ও ব্যবসা চালাইতে গিয়া, মর্দকনিক কাজের সঙ্গে অরস্বল যোগ রাখিয়া, এবং জাতীয় জীবনের নানাদিক লক্ষ্য করিয়া কেবল মাত্র বাংলা দেশে ও বাঙালীদের মধ্যে অনেক স্থলে যাহা লক্ষ্য করিয়াছি, তাহাতে মনে হয় না, যে, আমরা স্বাধীনতা চাই, কিম্বা আমাদের স্বাধীনতা অর্জন ও রক্ষা করিবার যোগ্যতা জন্মিয়াছে। কৃষক প্রভৃতি শ্রবজীবী হইতে আরম্ভ করিয়া বাবু পর্যন্ত সকলের মধ্যে আলোচনের ও শ্রমশীলতার মাত্রা কিরূপ সকলে ভাবিয়া দেখুন। বাংলা দেশের কৃষিক্ষেত্রের মজুর, কলকারখানার মজুর, শহরের কুলিমজুর, গৃহস্থ বাড়ীর চাকর, দারেওয়ান চাপরাসী পেয়াদা, নৌকার মালিক, রেলওয়ে স্টেশনের ও জাহাজবাটায় কুলি, কনষ্টেবল, ফেরিওয়াল, পান সরবৎ লেমনেড বরফ বিক্রেতা, মুদী ময়রা, ছুতার, রাজমিস্ত্রী, মুচি, বস্ত্রবিক্রেতা,—এই-সকলের কাজ বাঙালী কতজন করিতেছে, অবাঙালীই বা কতজন করিতেছে, তাহার হিসাব লউন। বড় বড় কারখানা বাঙালীর অতি অল্পই আছে। বঙ্গের প্রধান কারখানা পাটের কলগুলি ইংরেজদের; তৎসম্মুখের দেশী

অংশীদার বৃত্ত আছে, তাহার বেশীর ভাগ মাদোয়ারী। প্রধান প্রধান ব্যবসা অবাঙালীর হাতে। কয়লার খনিগুলি বেশীর ভাগ ইংরেজ ও গুজরাটী প্রভৃতির হাতে। ছুতার মিস্ত্রীর কাজ চীনাঙ্গের হাতে গেল কেন? চীনারা ত বাংলা দেশকে যুদ্ধে হারাইয়া দিয়া বাঙালী ছুতারদিগের হাত হইতে তাহাদের কাজ কাড়িয়া লয় নাই। চীনারা নৈপুণ্যে, শ্রমশীলতায় ও নির্ভরযোগ্যতায় দেশী ছুতারদের চেয়ে শ্রেষ্ঠ বলিয়া তাহারা বেশী কাজ ও ভাল কাজ পায়। তাহারা আলস্য করে না, ফাঁকি দেয় না, তাহাদের উপর চোখ না রাখিলেও কাজ করিতে থাকে, তাহাদের কারীগরী উচ্চতর, তাহারা খাটিতে পারে বেশী, এইজন্য তাহাদের জিত হইয়াছে। শ্রমের সকল ক্ষেত্রেই বাঙালীর পরাজয়ের কারণ অল্পাধিক পরিমাণে তাহাদের আলস্য, শ্রমবিমুখতা, নৈপুণ্যের অল্পতা, ফাঁকি দিবার অভ্যাস, প্রভৃতি মध्ये পাওয়া যাইবে। এই ফাঁকি দেওয়া রোগ, চালাকির দ্বারা কিছু একটা করা যায় এই ধারণা, “উচ্চশিক্ষিত” বাবুদের মধ্যেও অনেকস্থলে দেখা যায়। বিশ্ববিদ্যালয়ের অধ্যাপকেরা মানুষ গড়িবেন, লোকে এই আশা করে। কিন্তু তাহাদের মধ্যেও কেহ কেহ কাজে ফাঁকি দেন, কেহ কেহ অন্য অন্য গ্রন্থকারের জিনিষ নিজের বলিয়া চালাইবার চেষ্টা করেন।

অনেকেই মাসিকপত্র পরিচালন ও পুস্তকপ্রকাশ কার্যে ব্যাপৃত থাকিয়া দেখিয়া থাকিবেন, ছাপাখানা, মন্ত্ররীখানা, ছবির ব্লকের কারখানা, কাহারো নিকট হইতে বিনা তাগিদে নিয়মিতরূপে সব কাজ পাইবার আশায় নিশ্চিন্ত থাকিবার জো নাই। প্রত্যেক ক্ষেত্রে এইসব কারখানার মালিক বা কার্যাধ্যক্ষ দোষী, বলিতেছি না। কিন্তু দেশের মানুষই এমন, যে, তাহাদের নিকট হইতে ঠিক সময়ে ঠিক কাজ পাওয়া কঠিন। মুচি, দরজী, ছুতার, কামার, শ্রাকরা, প্রভৃতিদের মধ্যে নিজের কথা রাখে খুব কম লোকে।

আমরাই ত স্বাধীন হইয়া দেশের সমস্ত বড় বড় কাজ চালাইব। কিন্তু আমাদের মধ্যে যাহারা দেশহিতকল্পে সভাসমিতি করেন, টাঙ্গা ভোলেন, তাহারা কয়জন স্বতঃপ্রবৃত্ত হইয়া নিয়মিতরূপে অঙ্গীকৃত কাজ করেন, আপনা হইতে

টাকার হিসাব দেন? বঙ্গের টিক স্বরাজ্য ফণ্ডের পরিমাণ, অনেক তাগিদে পর, নানা টাকা টিপনো কৈফিয়তের পর, কেবলমাত্র সাড়ে ছয় লাখ বলিয়া স্বীকৃত হইয়াছে; তাহারও কয়েক লাখ আবার স্থাবর সম্পত্তি। খরচ কত হইয়াছে, এবং তাহার মধ্যে সমস্ত সদায় কি না, এখনও জানিতে বাকী আছে। যদি বলা হইত, যে, গবর্ণমেন্টের কোন তহবিলে ২৫ লাখ টাকা আছে, এবং তাহা ক্রমশঃ “শুকৃতি” বাদ দিতে দিতে ৩০ লাখে দাঁড়াইত, তাহা হইলে না-জানি নানা কাগজে কত গালাগালিই বর্ষিত হইত।

গবর্ণমেন্ট যে-সব লোককে মিউনিসিপ্যালিটি ও ডিস্ট্রিক্ট বোর্ডের সভ্য মনোনীত করেন, তাহাদের কথা ছাড়িয়া দিয়া, যাহারা স্বচ্ছায় সভ্যপদপ্রার্থী হইয়া নির্বাচকদের দ্বারা নির্বাচিত হন, তাহাদের কাজের বিচার করিলে দেখা যায়, অল্পসংখ্যক লোকেই নিজের কর্তব্য করেন। সকলে বা অধিকাংশ কর্তব্যপরায়ণ হইলে রাস্তাঘাট নর্দমা আরও ভাল হইত ও থাকিত, এবং দেশের স্বাস্থ্য ও শিক্ষার কিছু উন্নতি হইত।

স্বরাজ্য ও স্বাধীনতার মানে এ নয়, যে, ইংরেজের পরিবর্তে দেশী কোন কোন শ্রেণীর কতকগুলি লোক প্রভু হইবে; মানে এই, যে, সকল শ্রেণীর লোকই যোগ্যতা অনুসারে দেশের কাজ করিবার সুযোগ পাইবে। কিন্তু আমাদের মধ্যে বেরূপ ধর্ম্মাঙ্কতা, সামাজিক গোঁড়ামি, দেশাচারের দাসত্ব ও জাত্যভিমান আছে, তাহাতে কি মনে হয় যে আমরা জাতি ধর্ম্ম স্ত্রীপুরুষ অনাচরণীয় অস্পৃশ্য নির্বিশেষে সকলকে সমান সুযোগ দিতে প্রস্তুত? তাহা ত মনে হয় না। তাহা হইলে স্বরাজ্য ও স্বাধীনতা অর্জন ও রক্ষা করিবার যোগ্যতা লাভ করিবার চেষ্টা আমাদের কঠিন হইবে।

আমরা নিজদের দোষ ভুলিয়া গিয়া পরের ছিদ্র অবশেষে ব্যস্ত নহি; নিজদের দোষও ভাল করিয়া জানি। প্রত্যেক মানুষকে নিজের গৃহস্থালী, ব্যবসা, বিষয়কর্ম্ম, আফিসের কাজ, প্রভৃতি ফেলিয়া “দেশের কাজ” “দেশের কাজ” বলিয়া চীৎকার করিয়া বেড়াইতে বলিতেছি না। আমরা প্রত্যেকে যদি নিজের প্রকৃত দায়িত্ব বুঝিতে চেষ্টা করি, তাহা হইলে দেখিতে পাই, যে, ইহা বাস্তবিক পরার্থ হইতে ভিন্ন

নহে। প্রত্যেকে শ্রমশীল, সং, কর্তব্যনিষ্ঠ, সময়নিষ্ঠ, সুদক্ষ হইলে ব্যক্তিগত উন্নতি এবং জাতীয় উন্নতি উভয়ই হইতে পারে।

বস্তুতঃ স্বরাজ্য জিনিষটি ব্যক্তিগত জীবন হইতে স্বতন্ত্র নহে। রিপুকুলের, কুপ্রবৃত্তির, ব্যসন ও বিলাসগালসার শাসনকর্তা ও প্রভু হইতে পারিলে, মানুষ স্বরাজ্য লাভ করে, নিজে নিজের রাজা হয়, আত্মকর্তৃত্ব পায়। জানি, স্বাধীন জাতির প্রত্যেক মানুষ এক-একটি দেবতা নহে। সেইজন্য, তাহারাও যে সকলে প্রকৃত স্বরাজ্য পাইয়াছে, ইহাও মনে করি না।

আমাদের যে-সব দোষ দুর্বলতা, ক্রটি ও বদগুণ আছে, অনেক স্বাধীন দেশের লোকদেরও তাহা আছে। ইহা হইতে সহজেই মনে হইতে পারে, যে, তাহারা যখন স্বাধীন আমরা তবে কেন স্বাধীন হইতে পারি না? ইহার উত্তর সহজেই দেওয়া যায়। মানুষের দোষক্রটিগুলি যোগ্যতার শ্রেণীভুক্ত নহে, সেগুলি অযোগ্যতার পর্যায়ভুক্ত। সমান অযোগ্যতা বা ক্রটি যাহাদের আছে, তাহারা কার্যক্ষেত্রে সমান না হইতে পারে। পঞ্জাবের মহারাজা রণজিৎসিংহের একটা চোখ কাণা ছিল; তথাকার সেনাপতি হরি সিং নালুমার একটা হাত ছিল না। কিন্তু এইপ্রকার অঙ্গহীন প্রত্যেক লোক তাঁহাদের মত যোদ্ধা নহে। শিবাজী ও আকবর কতটুকু লেখাপড়া জানিতেন, সে বিষয়ে এখনও তর্কবিতর্ক হয়। কিন্তু কেতাবী শিক্ষায় তাঁহাদেরই মত অপণ্ডিত প্রত্যেক ব্যক্তি সাম্রাজ্য স্থাপনে ও শাসনে তাঁহাদের সমকক্ষ নহে। বস্তুতঃ আমাদের যে-সব দোষ ক্রটি আছে, স্বাধীন দেশের লোকদেরও সেইসব দোষ ক্রটি থাকিলেই আমরা তাহাদের সমকক্ষ এরূপ মনে করা মহা ভ্রম। দেখিতে হইবে, যে, স্বাধীনতা অর্জন ও রক্ষণের নিমিত্ত যে-সব শক্তির ও গুণের, যে প্রকার যোগ্যতার আবশ্যিক, আমরা তাহাতে তাহাদের সমান কি না। যদি সমান হই, বা পরে হইতে পারি, তবে আমরা স্বাধীনতা অর্জনের আশা করিতে পারিব। সত্য কথা বলিতে গেলে বরং ইহাই বলিতে হয়, যে, তাহাদের চেয়ে আমাদের যোগ্যতা একটু বেশী হইলে তবে আমরা স্বাধীন হইতে পারিব। সমতল রাস্তা দিয়া গাড়ী টানিয়া লইয়া বাওয়া যত

সহজ, পথের মাঝখানে এপাশ হইতে ওপাশ পর্যন্ত কেবল একটা বড় পাথর রাখিয়া দিলে তত সোজা হয় না; কারণ গাড়ীটাকে টানিয়া তাহার উপর তুলিয়া বাধাটাকে অতিক্রম করিতে হয়। বাধাটাকে অপসারিত করিতে পারিলেও হয়। আমাদের রাষ্ট্রীয় জীবনের রথ স্বাধীনতার পথে চলাইতে হইলে এই কথা মনে রাখিতে হইবে। স্বাধীন জাতিদের রথ সমতল পথে চলিতেছে; কেবল টানিলেই হইল। আমাদের পথের মাঝখানে বহুশতাব্দী ধরিয়া বাধা স্তূপাকার হইয়াছে। হয় সেই বাধাকে অপসারিত করিতে হইবে, নতুবা রথকে টানিয়া তাহার উপর উঠাইয়া তাহা অতিক্রম করিতে হইবে। নদীর স্রোত যখন বাধাহীন নদীগর্ভ দিয়া প্রবাহিত হয়, তখন অল্প জল থাকিলেও, স্রোতের বেগ অল্প থাকিলেও, প্রবাহ রক্ষিত হয়। কিন্তু নদীর মাঝখানে যদি চড়া পড়ে, যদি কেহ বাঁধ বাঁধিয়া দেয়, তাহা হইলে, প্রবাহ বন্ধ হইয়া যায়; পরে জল খুব বাড়িলে, স্রোতের বেগ বর্ধিত হইলে, আবার প্রবাহ চলিতে থাকে বাঁধ কাটিতে বা অপসারিত করিতে, চড়ার মধ্য দিয়া থাকে কাটিতে বা সমস্তটা অপসারিত করিতে পারিলেও হয় যাহাই হউক, ইহার জন্ম, বাধাহীন নদীগর্ভে স্রোত প্রবাহিত হওয়া অপেক্ষা অধিক ও আলাদা অতিরিক্ত শক্তির প্রয়োজন। সেইজন্য বলিতেছি, আমাদের সাহস, বুদ্ধি, বিবেচনা, স্বার্থত্যাগের ক্ষমতা, একতা, দলবদ্ধতা, জাতি ধর্ম শ্রেণী স্ত্রী পুরুষ ধনী দরিদ্র শিক্ষিত অশিক্ষিত নির্বিশেষে সকলকে প্রতিবেশী জ্ঞান ও সকলের প্রতি মমতাবোধ, দেশহিতৈষণা ও দেশের কল্যাণ সাধনে একাগ্রতা, স্বাস্থ্য ও বল, সর্বপ্রকার শিক্ষা ও নৈপুণ্য সত্যবাদিতা ও কর্তব্যপরায়ণতা, চরিত্রের নিঃশূলতা, স্বাধীন দেশের লোকদের অপেক্ষা অধিক হইলে তবে আমরা নিঃসন্দেহে স্বাধীনতা অর্জন করিবার আশা করিতে পারিব।

পণ্ডিত আদিত্যরাম ভট্টাচার্য্য

মহামহোপাধ্যায় পণ্ডিত আদিত্যরাম ভট্টাচার্য্য এম্ এ মহাশয় প্রায় ৭৪ বৎসর বয়সে প্রয়াগে তাঁহার দারাগঞ্জ হুত্বনে প্রাণত্যাগ করিয়াছেন। তাঁহার মৃত্যুতে প্রয়াগ একজন অতি শ্রদ্ধাভাজন ও বিদ্বান্ অধিবাসী হারাইয়াছে



পণ্ডিত আদিত্যরাম ভট্টাচার্য্য।

উহার জন্ম ও শিক্ষা পশ্চিমে হইয়াছিল, এবং পশ্চিমেই তিনি সমস্ত জীবন যাপন করিয়াছিলেন। বাংলাদেশের আত্যন্তরীণ জীবনের সংবাদ তিনি বরাবরই রাখিতেন, এবং তাহার শ্রেষ্ঠ অংশের সহিত উহার আন্তরিক যোগ ছিল। উহার সচিত্র সংক্ষিপ্ত জীবনরচিত ১৩১২ সালের আষাঢ় মাসের প্রবাসীতে বাহির হইয়াছিল। উহার লেখক

শ্রীযুক্ত জ্ঞানেন্দ্রমোহন দাস মহাশয় পরে উহা প্রবাসীর চিত্র সহ তৎপ্রণীত “বঙ্গের বাহিরে বাঙালী” নামক গ্রন্থে সন্নিবেশিত করেন। পণ্ডিত মহাশয় এলাহাবাদের গবর্নমেন্ট কলেজের অধ্যাপকতা হইতে অবসর পাইবার পর কাশীর হিন্দু বিশ্ববিদ্যালয়ে উচ্চ পদে নিযুক্ত হন। প্রয়াগের বাহাওয়া ও প্রয়াগের ইতিহাস সম্বন্ধে উহার সবিশেষ

জান ছিল। প্রবাসী-কার্য্যালয় হইতে প্রকাশিত Prayag or Allahabad নামক পুস্তকের ঐতিহাসিক অংশের প্রায় সমস্তটি তাঁহার লিখিত।

তিনি একজন সেকালের কংগ্রেসের লোক ছিলেন। একদা হিউম সাহেব তাঁহাকে কতকগুলি অতি গোপনীয় চিঠি পড়িবার নিমিত্ত দিয়াছিলেন। তাঁহার বিখ্যাত ছাত্র পণ্ডিত মদনমোহন মালবীয়া, এবং অল্প কোন কোন সেকালের কংগ্রেসওয়ালারা কখন কখন তাঁহার পরামর্শ লইতেন। দেশভক্তির বাহ্য আড়ম্বর তাঁহার ছিল না; প্রকৃত দেশভক্তি ও দেশহিতৈষণা তাঁহার ছিল। তাঁহার সহিত বহুবার কথোপকথনে ইহা আমরা বুঝিয়াছিলাম। গান্ধী মহাশয়কে তিনি আন্তরিক শ্রদ্ধা করিতেন। ১৯০৮ সালে এলাহাবাদ ছাড়িবার পর যখনই আমরা এলাহাবাদ যাইতাম, কখন তাঁহার সহিত দেখা হইবে, ব্যগ্রতার সহিত সেই সময়ের প্রতীক্ষা করিতাম।

কর্ণেল অলকটের আমলের থিয়সফিক্যাল সোসাইটির প্রাথমিক সভাদের মধ্যে তিনি একজন ছিলেন। প্রথম প্রথম মিসেস্ বেসাণ্টের সহিতও তাঁহার যোগ ছিল; পরে ছিল না। তিনি নিষ্ঠাবান্ হিন্দু ছিলেন। অল্প কোন ধর্মাবলম্বীর প্রতি তাঁহার বিদ্বেষ ছিল না। তাঁহার বন্ধুদের মধ্যে নানা ধর্মের লোক ছিলেন।

১৩১২ সালের আষাঢ় মাসের প্রবাসীতে পণ্ডিতমহাশয়ের সম্বন্ধে শ্রীযুক্ত জ্ঞানেন্দ্রমোহন দাস লিখিয়াছিলেন :—

“হিন্দুধর্মে তাঁহার প্রগাঢ় ভক্তি বিধান আছে। তিনি নিষ্ঠাবান্ হিন্দু হইলেও কোন ধর্ম বা সম্প্রদায়ের প্রতি তাঁহার ঘেব নাই। তিনি রাজা রামমোহন রায়ের একজন অমুরাগী ভক্ত। তিনি রাজাকে Prince of Bengalis বলিয়া থাকেন। আমরা তাঁহার কোন কোন বন্ধুর মুখে শুনিয়াছি, যে, তাঁহার মতে মহর্ষি বেবেলনাথের ব্রাহ্মধর্ম গ্রন্থে হিন্দুধর্মের সারাংশ সঙ্কলিত হইয়াছে। যে-সকল ভারতবর্ষীয় কুলি মজুর ও ব্যবসায়ীর জীবিকার অন্বেষণে দক্ষিণ আফ্রিকা, মরিশশ, ডেমারারা, টিনিডাড প্রভৃতি স্থানে যান, তাহাদের আধ্যাত্মিক শিক্ষা ও সর্বাপেক্ষা মঙ্গলের ব্যবস্থা করা যে ভারতবাসীদের কর্তব্য, তিনি কেবল ইহা বলিয়াই ক্ষান্ত হন না। তিনি বলেন, এই কার্ধো-ব্রাহ্মসমাজ ও আর্ধ্যসমাজের হাত দেওয়া উচিত; কারণ প্রাচীন হিন্দু সমাজে জাতি বাইবার ভয় থাকায় এই কাজে হাত দিবার সম্ভাবনা কম।”

তাঁহার সম্বন্ধে প্রধান প্রধান কথা পূর্বে প্রবাসীতে বাহির হওয়ার পূর্বক কথিব না।

তাঁহার পরিবারবর্গের মধ্যে এক্ষণে তাঁহার সহধর্মিণী, তাঁহার এক পুত্র, এবং তাঁহার সমস্তানা কন্যা জীবিত আছেন। তিনি জীবদ্দশাতেই একটি সুদৃঢ় গৃহ নির্মাণ করিয়া তাহাতে তাঁহার সংগৃহীত বহু সংস্কৃত পুস্তক রক্ষা করেন, এবং তাঁহার জননীর নামে উহার নাম রাখেন “ধনুগোপী পুস্তকালয়”। তাঁহার মাতা সংস্কৃতে বিদ্বা ছিলেন, এবং পুত্রদিগকে প্রথমে নিজেই শিক্ষা দিতেন। পণ্ডিত মহাশয় তাঁহার উইল দ্বারা তাঁহার সহধর্মিণীর ও পুত্রের কেবল মাত্র যাবজ্জীবন ভরণপোষণের ব্যবস্থা করিয়া লক্ষাধিক টাকার সমুদয় সম্পত্তি উক্ত পুস্তকালয়ের জন্ত, কয়েকট দরিদ্র ছাত্রের শিক্ষার জন্ত, একটি সংস্কৃত বিদ্যালয়ের জন্ত এবং সাধারণতঃ শিক্ষা ও জ্ঞানের বিস্তার ও উন্নতির জন্ত দিয়া গিয়াছেন। তাঁহার পুত্র শ্রীযুক্ত সত্যব্রত ভট্টাচার্য্য এম্-এ পূর্বে কাশীর সেন্ট্রাল হিন্দু কলেজের স্বেচ্ছানিয়ুক্ত অত্যন্তম অধ্যাপক ছিলেন।

*

মোপলা বিদ্রোহ

মোপলা বিদ্রোহ সম্বন্ধীয় নানা সংবাদ দিন দিন পাঠ করিয়া আমাদের মনে নানা চিন্তার উদয় হইয়াছে। সংবাদ-গুলি অল্পাধিক অতিরঞ্জিত ও অতুক্তিপূর্ণ হইতে পারে। কিন্তু ইহা নিশ্চিত যে, মোপলারা নানাবিধ পৈশাচিক নিষ্ঠুরতা করিয়াছে ও করিতেছে। এই কারণে তাহাদের শাস্তিতে দুঃখ হওয়া স্বাভাবিক নহে। তাহারা যে জোর করিয়া অনেক হিন্দুকে তথাকথিত মুসলমান করিতেছে, সে বিষয়েও সন্দেহ নাই। এইরূপ তথাকথিত দীক্ষার কোন মূল্য নাই। আন্তরিক বিশ্বাস বশতঃ কেহ যদি কোন ধর্মে দীক্ষিত হয়, তবেই তাহাকে প্রকৃত দীক্ষা বলা যায়। মোপলা বিদ্রোহ হইবার পর অনেক মুসলমান নেতা বলিয়াছেন, যে, তাঁহাদের শাস্ত্রে লেখা আছে, যে, ধর্মবিষয়ে বলপ্রয়োগ অবৈধ। কোরান শরীফে একপ উপদেশ আছে কি না, সকীয় জ্ঞান হইতে বলিতে পারি না, কিন্তু নেতারা যখন বলিতেছেন যে আছে, তখন সে বিষয়ে সন্দেহ করিবার কারণ নাই। কিন্তু এই উপদেশ যে মুসলমান সম্প্রদায়ের শিক্ষিত অশিক্ষিত সর্ব-সাধারণের পরিজ্ঞাত নহে, তাহার যথেষ্ট প্রমাণ আছে; পরিজ্ঞাত থাকিলে ইহা, সম্পূর্ণ না হইলেও, বহু পরিমাণে

অনুসৃত হইত। মোপলারা এই উপদেশ পালন করে নাই। ভারতবর্ষের এবং অশান্ত দেশের ইতিহাসেও এই উপদেশ লজ্জিত হইবার দৃষ্টান্ত আছে। খৃষ্টীয় অষ্টম শতাব্দীতে মহম্মদ কাসিম যখন সিন্ধু দেশ আক্রমণ করেন, তখন দেবল নামক বন্দর তাঁহার দ্বারা অধিকৃত হয়, এবং অনেক হিন্দু স্বেচ্ছায় মুসলমান হয়, অনেককে বলপূর্বক মুসলমান করা হয়। অনেক জাতিদ্রষ্ট হিন্দু পুরুষ ও নারীকে পুনর্বার হিন্দু করিবার জন্ত প্রায়শ্চিত্তের ব্যবস্থা দিয়া তখন দেবলস্থতি রচিত হয়। পুনর আনন্দাশ্রম হইতে প্রকাশিত সপ্তবিংশতিশতাব্দির মধ্যে ইহা দৃষ্ট হইবে। ইহার শ্লোকের সংখ্যা ৯০। যে-সব হিন্দুনারীর সন্তানের পিতা মুসলমান, তাহাদিগকে পর্যন্ত প্রায়শ্চিত্ত দ্বারা শুদ্ধ করিয়া হিন্দু করিবার ব্যবস্থা ইহাতে আছে। বৃহৎ-যমস্থতির পঞ্চম অধ্যায়ের ষষ্ঠ শ্লোকেও এইরূপ ব্যবস্থা আছে।

মোপলা বিদ্রোহ মোটামুটি তিন মাস চলিতেছে। ইহাতে বহু ইংরেজ-প্রজার প্রাণ সম্পত্তি ধ্বংস ও ইজ্জৎ নষ্ট হইতেছে। লঘুতর হুঃখকষ্ট ত আছেই। এই বিদ্রোহ একটি জেলার এক অংশের কতকগুলি লোকে করিয়াছে, সুতরাং ইহা খুব বৃহৎ ব্যাপার নহে। অথচ ইহা এখনও দমন হইল না কেন? যে ব্রিটিশজাতি জার্মেনদিগকে পরাভূত করিয়াছে, তাহাদের শক্তি তিন মাসেও ক্ষুদ্র একটি অঞ্চলের কতকগুলি লোককে দমন করিতে পারিল না, ইহা আশ্চর্যের বিষয় মনে হইতেছে। প্রত্যহ সরকারী সংবাদ আসিতেছে, এতগুলি হিন্দুকে কাটিয়া ফেলিয়াছে, এতগুলিকে জোর করিয়া মুসলমান করিয়াছে। এইসব লোককে রক্ষা করা কি ইংরেজ রাজকর্মচারীদের কর্তব্য নহে? ভারত গবর্নমেন্ট গত মহাযুদ্ধে লক্ষ লক্ষ সৈন্য বিদেশে পাঠাইয়াছিলেন। তাঁহারা মনে করিলে, মালাবারের প্রত্যেক গ্রামে যথেষ্ট সৈন্য রাখিয়া অত্যাচার বন্ধ করিতে পারেন। তাহা না করায় তাঁহারা অপরাধী হইতেছেন। কেহ কেহ বলিতেছেন, স্থানটি পার্শ্বত্যা ও জঙ্গলাকীর্ণ। কিন্তু কথা এই যে, উহা কি উত্তরপশ্চিম সীমান্ত প্রদেশের পাঠানদের বাসভূমি পার্শ্বত্যা স্থানসকলের চেয়েও দুর্গম, এবং মোপলাদের যুদ্ধনৈপুণ্য, সাহস এবং অস্ত্রশস্ত্র কি পাঠানদের চেয়ে বেশী? মাহমুদ, বুনেরওয়াল, প্রভৃতিদের উপদ্রব ত

কখন কখন তিন মাস অপেক্ষা কম সময়ে প্রশমিত হইয়াছে। অথচ পাঠানদের আধুনিক উৎকৃষ্ট অস্ত্র সংগ্রহের ও যুদ্ধবিদ্যা শিখিবার সুবিধা মোপলাদের চেয়ে অনেক বেশী। ইউরোপের মহাযুদ্ধের সময় ইউরোপ ও আফ্রিকায় অনেক পার্শ্বত্যা দুর্গম জায়গায় যুদ্ধ হইয়াছে। আল্পস পর্বতের শিখর দখল ও লজ্জন করিতে হইয়াছে। তাহাতে উত্তরপক্ষ সর্বশ্রেষ্ঠ আধুনিক অস্ত্রশস্ত্রে সজ্জিত ও যুদ্ধবিদ্যায় সুনিপুণ সেনাদলের অধিকারী ছিল; মোপলারা তাহা নহে। কিন্তু এই মহাযুদ্ধে ত কোন দুর্গম জায়গা দখল করা ও অধিবাসীদিগকে সায়েস্তা করা মিত্রশক্তিদের সাধ্যাতীত হয় নাই। মোপলাদের মত সাধারণ-অস্ত্রবিশিষ্ট কোন শত্রু তিনমাস ধরিয়া ইংরেজকে অগ্রাহ্য করিতে পারে নাই। ইংরেজ শাসনকর্তাদের তিন মাসেও মোপলা বিদ্রোহ দমন করিবার ক্ষমতা নাই, ইহা বিশ্বাস করা যেমন কঠিন, প্রজাদের ঘোরতর হুঃখ সত্ত্বেও তাঁহারা বিদ্রোহ ও অশান্তি ইচ্ছাপূর্বক কোনও কূটনীতি-প্রযুক্ত জিয়াইয়া রাখিতেছেন, ইহা বিশ্বাস করাও তেমন কঠিন।

মোপলারা ইংরেজ রাজত্বেই বাস করে। ব্রিটিশ ভারতের সর্বত্র ইংরেজের প্রকাশ্য পুলিশ ও গুপ্ত চর আছে। মোপলারা যে তিন মাস ধরিয়া যুদ্ধ চালাইবার মত এত অস্ত্রশস্ত্র সংগ্রহ করিয়াছে, তাহা এক দিনে করে নাই। বহু দিন ধরিয়া তাহারা এত অস্ত্রশস্ত্র সংগ্রহ করিল, অথচ ইংরেজের পুলিশ ও গুপ্তচর তাহারা কোন সন্ধান পাইল না, রাখিল না, বা চোখ বুলিয়া রহিল, ইহার কোন কথাটি বিশ্বাস করিব? উপদ্রুত অঞ্চলে হিন্দু মুসলমান উভয়েই বাস করে। এখন হিন্দুরা অত্যাচারিত হইতেছে। যখন অস্ত্র সংগৃহীত ও মোপলা বিদ্রোহীরা যখন যুদ্ধবিদ্যায় শিক্ষিত হইতেছিল, তখন প্রধানতঃ হিন্দুরা কি তাহা জানিত, না জানিত না? যদি জানিত, তাহা হইলে, তাহা গোপন করিল কেন? তবে? না অথ কোন কারণে? যদি না জানিত, তাহা হইলে সেরূপ অন্ধতারই বা কারণ কি? বাস্তবিক অত্যাচারী লোকদের জন্ত হৃদয় ব্যথিত হয় বটে, কিন্তু যাহারা অসহায় ভাবে অত্যাচারি সহ করে, তাহাদের জন্ত লজ্জা ও অবজ্ঞা অনুভব করাও অনিবার্য। কাহারও, কোন শ্রেণীর লোকেরই, আত্মরক্ষার এক্ষণে অসমর্থ হওয়া উচিত নহে।

এমন কথাও বলিতে গনিয়াছি, যে, মোপলারা যে বাস্তবিক অল্প শব্দ সংগ্রহ করিয়া দস্তর-মত যুদ্ধ বা, এমন কি, খণ্ডযুদ্ধও, করিতেছে, ইহা বাজে কথা; বস্তুতঃ ইহা একটা হাঙ্গামা মাত্র, কোন-প্রকারের যুদ্ধ নহে, সুতরাং যুদ্ধের খবরগুলো অতিরঞ্জিত ও অভ্যুক্তিপূর্ণ। তাহা যদি হয়, তাহা হইলে এই হাঙ্গামা দমন করিতে তিনমাসের অধিক সময় লাগা আরও আশ্চর্যের বিষয়, এবং এতদিনেও ইংরেজের অতিপ্রশংসিত সূশাসনেও বর্ষের নিষ্ঠুরতা ও পৈশাচিক অত্যাচার হইতে প্রজারা নিষ্কৃতি পাইতেছে না, তাহা অধিকতর আশ্চর্যের বিষয়।

মোপলা বিদ্রোহ দমনের চেষ্টা প্রথম একমাস বা দেড়মাস গোরা সৈন্য দ্বারা হইতেছিল। তাহার পর গুর্খা, চীন-কাচীন ও গাঢ়োয়ালী সিপাহী প্রেরিত হইয়াছে। ইহার অর্থ কি? ইংরেজ সৈন্য দ্বারা কাজ উদ্ধার হইল না বলিয়া কি এইরূপ করা হইল? তাহা হইলে বলিতে হইবে, যে, অন্ততঃ কোন কোন ক্ষেত্রে ও কোন কোন প্রকার যুদ্ধে ইংরেজ সৈন্য দেশী কোন কোন শ্রেণীর সিপাহী অপেক্ষা নিকৃষ্ট; সুতরাং মোটের উপর সিপাহীরা গোরাদের অন্ততঃ সমকক্ষ; এবং গোরাদের শ্রেষ্ঠতা উৎকৃষ্টতর অস্ত্র ও শিক্ষারূপ কৃত্রিম উপায়ে উৎপাদিত হইয়াছে। সিপাহীদিগকে এই উৎকৃষ্টতর শিক্ষা ও সরেস অস্ত্র কেন দেওয়া হয় না?

অবশ্য ইংরেজ সৈন্য কিছুদিন নিযুক্ত রাখিয়া পরে সিপাহী পাঠাইবার আর-একটা কারণ অনুমিত হইতে পারে। ব্রিটিশ জাতির ভারত আগমনের কাল হইতেই দেখা যায়, যে, তাহারা প্রধানতঃ দেশীলোকের বিরুদ্ধে দেশীলোক লাগাইয়াই কার্য উদ্ধার করিয়াছে। এক্ষেত্রেও মুসলমান মোপলাদের বিরুদ্ধে অমুসলমান সিপাহী লড়াইবার মূলে এই চিরাগত নীতি থাকিতে পারে। কিন্তু ইহা ত নূতন-উদ্ভাবিত নীতি নহে; এই নীতি অবলম্বিত হইয়া থাকিলে গোড়া হইতেই অবলম্বিত হয় নাই কেন?

মোপলা বিদ্রোহ সম্বন্ধে এইসব সন্দেহ হয় ত কখন দূর হইবে না, এবং ইহার আশুস্ত প্রকৃত বৃত্তান্তও জানা যাইবে না।

মোপলাদিগকে দমন করা যদি সত্যসত্যই ইংরেজের পক্ষে দুঃসাধ্য হয়, তাহা হইলে ইংরেজের সামরিক শক্তি সম্বন্ধে আমাদের খুব ভ্রম আছে বলিতে হইবে।

নেপালে বাঙালী অস্ত্রনির্মাতা

আমরা এই পত্রখানি পাইয়াছি,—

বাবু রাজকৃষ্ণ কৰ্মকার গত ৩রা অগ্রহায়ণ ১৩২৭ সালে ১০৫ বৎসর বয়সে নেপাল রাজ্যে দেহত্যাগ করিয়াছেন। ইনি গত ৪০ বৎসরের অধিক নেপাল রাজ্যে চাকরী করিয়া রাজ্যের কলকারখানার বিশেষ উন্নতি করিয়াছিলেন; এবং বহুবিধ নতুন কাবানা নির্মাণ করিয়াছিলেন। তন্মধ্যে মেশিন গান সর্বশ্রেষ্ঠ। তিনি তপাকার অশিক্ষিত নেপালীদিগকে সুদক্ষ কারিকর করিয়া দিয়া আনিয়াছেন। ইহার জায় সুদক্ষ ও বহুদর্শী মেকানিকান ইঞ্জিনিয়ার কৰ্মকার জাতির মধ্যে আর কখনও জন্মিবে কি না সন্দেহ। ইহার সংক্ষিপ্ত জীবনী 'বঙ্গের বাহিরে বাঙালী' নামক পুস্তকে সন্নিবেশিত আছে। ইহার বৃত্তাকালে মহারাজা সার চন্দ্রসম্ভের জঙ্গ বাহাদুর রাণা, তথাকার ব্রাহ্মণদিগকে স্তোজন করাইয়া ১০০ শত ছদ্মবতী গাভী দান করিয়াছেন। মৃত ব্যক্তির স্বর্গ কামনাও বেশে আত্মাদি কিয়া সম্পন্ন করিবার জন্ত ইহার পুত্রকে ১০০০ টাকা দান করিয়াছিলেন; কিন্তু ছদ্মগাবশতঃ হতভাগ্য পুত্র ইহার বৃত্তাকালে তথায় উপস্থিত হইতে পারেন নাই। ইতি—

বিনীত

শ্রীকৃষ্ণদাস কৰ্মকার,

রাজকৃষ্ণ কৰ্মকারের পুত্র,

বেগুড়া (হাওড়া)।

এমন একজন বাঙালী শিল্পীর বিয়োগে আমরা দুঃখিত হইলাম।
—'বঙ্গবাসী'।

ক্যাপ্টেন রাজকৃষ্ণ কৰ্মকার মহাশয়ের সচিত্র জীবনচরিত প্রথমে ১৩২১ সালের চৈত্র মাসের প্রবাসপত্র বাহির হয়। উহার লেখক শ্রীযুক্ত ভগ্নানন্দমোহন দাস পরে উহা প্রবাসীর চিত্রসহ তাঁহারই লিখিত 'বঙ্গের বাহিরে বাঙালী' নামক অপূর্ণ গ্রন্থে সন্নিবেশিত করেন।

*

কুমারী স্বর্ণলতা দাস

কুমারী স্বর্ণলতা দাস বি এ ব্রাহ্ম বালিকা বিদ্যালয়ের লেডি প্রিন্সিপাল ছিলেন। গত সোমবার শারদীয় অবকাশের পর স্কুলের কাণ্ড আরম্ভ হয়। তিনি স্বহৃদেই সঠিকমতে স্কুলে আগমন করেন। * * * স্কুল হইতে বাটাতে গিরিয়া গেলেন। মুড়ি খাইতে ভাল বাসিতেন। মুড়ি দিয়া জলযোগ করিলেন।

শিক্ষিতা নারী, বি এ পাণ করিয়াছেন, বিজ্ঞা উপার্জনের জন্ত ইংলণ্ডে গিয়াছিলেন। হাইস্কুলের লেডি প্রিন্সিপাল স্বহৃদে রক্ষণ করিতেন। সারাদিন স্কুলের কার্যের পর রক্ষণ করিতে আরম্ভ করিলেন, নানাপ্রকার জব্য রাখিলেন। কয়েকটি জব্য স্কুলের শিক্ষয়িত্রীদিগকে পরদিন খাওয়াইবেন, বলিয়া আলাদা করিয়া রাখিয়া দিলেন।

প্রথমে পিতা ও ছোট একটি ভাইকে খাওয়াইলেন। তারপর চৌতালার উপর রক্ষণশাগর আর একটি ভাই, ছোট একটি বোন ও নিজের জন্ত ভাত বাজান খাল-বাটিতে পরিবেশন করিতে লাগিলেন। এমন সময় হঠাৎ উহার হাত কাঁপিতে লাগিল। মা নিকট ছিলেন। তিনি মনে করিলেন, কষ্টের বৃদ্ধি মাথা ঘুরিতেছে। নিকটে আরাধ-

কেদারা ছিল। তাহাতে শয়ন করিতে বলিলেন। তখন রাত্রি ৯টা। তিনি শয়ন করিবামাত্র অচেতন হইলেন। সকলেই বুঝিলেন, মগ্নাস-রোগ হইয়াছে। অমনই ডাক্তার ডাকা হইল। চিকিৎসার আয়োজন করিতে করিতেই রাত্রি ১১টার পূর্বেই স্বর্ণলতা দেহত্যাগ করিয়া চলিয়া গেলেন।

স্বর্ণলতা সাধারণ নারী ছিলেন না। ১৮৮৩ সাল আসামের অন্তর্গত তেজপুর নগরে ইহার জন্ম হয়। ইহার পিতা বার সাহেব রাজমোহন দাস মহাশয়ের বাড়ী ঢাকা জেলায় অন্তর্গত বারদী গ্রামে। পুলিশের কর্মসাপলক্ষে তিনি তেজপুর থাকিতেন। রাজমোহন-বাবু তেজপুর হইতে ধুবড়ি বদলী হন। স্বর্ণলতা এখানকার বালিকা-বিদ্যালয়ে প্রথমে বিদ্যালয় করেন। শিক্ষক ছিলেন ধর্মপ্রাণ অধিকাচরণ মুখোপাধ্যায়। শিক্ষকের চরিত্র ছাত্রীর প্রাণে মহা ভাব জাগাইয়াছিল। স্বর্ণলতা ছাত্রবৃত্তি পরীক্ষা দিয়া বৃত্তি পাইল। রাজমোহন-বাবু ছিলেন হিন্দু, কিন্তু কস্তুর আগ্রহে তাঁহাকে কলিকাতার ব্রাহ্ম বালিকা-শিক্ষালয়ে উচ্চ শিক্ষার জন্য পাঠাইয়া দিলেন। কস্তা ক্রমে ব্রাহ্মোপাসিকা হইলেন। কস্তার চরিত্র দেখিয়া পিতাও কস্তার অনুগামী হইলেন। ধর্ম সেই কস্তা যে পিতাকে অনন্ত জীবনের পথ দেখাইতে পারে।

স্বর্ণলতা ক্রমে বি এ পাশ করিলেন। যে ব্রাহ্মবালিকা-শিক্ষালয় তাঁহার জীবনে উচ্চ আকাঙ্ক্ষা জাগাইয়া দিয়াছে সেই বিদ্যালয়ে শিক্ষয়িত্রীর কার্য করিয়া তাহার ঋণ কিঞ্চিৎ শোধ দিবেন, ইহাই ছিল তাঁহার আকাঙ্ক্ষা। তাই ৫০ টাকা বেতনে কর্ম আরম্ভ করিলেন। অল্পান্ত্র স্কুল তাঁহাকে ১২৫ টাকা বেতনে নিযুক্ত করিতে চেষ্টা করিয়াছিল, কিন্তু তিনি ব্রাহ্মবালিকা-শিক্ষালয় ছাড়িলেন না। ক্রমে তিনি ঐ বিদ্যালয়ের লেডি প্রিন্সিপালের পদ পাইলেন।

আরও বিদ্যোপার্জন করিয়া তিনি লেডি বসুর সাহায্যে ১৯১৯ সালের সেপ্টেম্বর মাসে ইংলণ্ডে গমন করেন। ইংলণ্ড স্কটলণ্ড ও ফ্রান্সের নানা শ্রেণীর বিদ্যালয় দর্শন করিয়া তিনি অধ্যাপনার নূতন প্রণালী শিক্ষা করেন। তথায় অবস্থান কালে ইনফ্লুয়েঞ্জা রোগে মৃতপ্রায় হইয়াছিলেন। কিন্তু বিদেশে তাঁহার সৃষ্টি হইল না। গত ফেব্রুয়ারী মাসে দেশে ফিরিয়া পুনরায় ব্রাহ্ম বালিকা-শিক্ষালয়ের কাধ্যেই ব্রতী হইলেন। কত আশা হৃদয়ে পোষণ করিতেছিলেন তাহা পূর্ণ না হইতেই অকস্মাৎ চলিয়া গেলেন।

আমরা অবগত হইয়াছি, স্বর্ণলতা যখন ইংলণ্ডে ছিলেন, তখন তাঁহার পরিচিত লোকেরা তাঁহার চরিত্রের প্রভাব অনুভব করিয়া তাঁহার সঙ্গুণের পক্ষপাতী হইয়াছিলেন।

*

প্রাদেশিক মন্ত্রীদের বেতন

বাংলার ব্যবস্থাপক সভায় একবার মন্ত্রীদের বেতন সম্বন্ধে একটি প্রস্তাব আলোচিত হয়। ফলে তাঁহাদের বেতন শাসনপরিষদের সভ্যদের বেতনের সমান অর্থাৎ বার্ষিক ৬৪০০০ টাকাই থাকে। উহা পরে আর কমাইতে পারা যাইবে কি না, উহা'র সম্বন্ধে আর ব্যবস্থাপক

সভার সভ্যদের মত লওয়া হইবে কি না, এই প্রশ্ন উঠে। বাংলার প্রধান আইন-কর্মচারী বলেন, যে, উহা আর ভোটে দিতে হইবে না, উহা স্থায়ী ভাবেই ৬৪০০০ নির্ধারিত হইল। এই মত আমরা আইনসঙ্গত মনে করি নাই, এবং ইহা সর্বসাধারণের মনঃপূত হয় নাই। সম্প্রতি খবর আসিয়াছে, যে, ইংলণ্ডের উচ্চতম আইন-কর্মচারীদের মতে মন্ত্রীদের বেতন বজেটের সময় আবার ভোটে দিতে হইবে।

এবিষয়ে আমাদের মত অনেকবার খুলিয়া বলিয়াছি। আবার কিছু বলি। নানাদেশের দৃষ্টান্ত দিবার স্থান নাই, প্রয়োজনও নাই। এশিয়ার প্রবলতম দেশ জাপানের দৃষ্টান্তই লউন। তথাকার প্রধান মন্ত্রী বৎসরে ১২৫০০ ইয়েন অর্থাৎ মোটামুটি ১৮৭৫০ টাকা বেতন পান; অগ্রান্ত্র মন্ত্রীরা কেহ বার্ষিক ৮০০০ ইয়েন অর্থাৎ ১২০০০ টাকা অপেক্ষা বেশী পান না। অতএব দেখা যাইতেছে, যে, পৃথিবীর প্রবলতম জাতিদের সহিত প্রতিযোগিতা করিতে সমর্থ স্বাধীন জাপানীদের প্রধান মন্ত্রী বেতন পান ১৮৭৫০ টাকা, অগ্র মন্ত্রীরা পান ১২০০০ টাকা। তাহার সহিত তুলনা করিতে হইবে দুর্বল পরাধীন সমগ্র ভারতের মন্ত্রীদের বেতনের নহে, তুলনা করিতে হইবে দুর্বল পরাধীন ভারতের একটি প্রদেশ বঙ্গের মন্ত্রীদের বেতনের। এখানে প্রধান মন্ত্রী কেহ নাই; সুতরাং তুলনাটা জাপানের অগ্র মন্ত্রীদের বেতনের সহিতই হইবে। তাঁহারা আমাদের মন্ত্রীদের এক-পঞ্চমাংশেরও কম বেতন পান; জাপানের প্রধান মন্ত্রীর বেতনের প্রায় সাড়ে তিন গুণ বেশী বেতন আমাদের মন্ত্রীরা পান। বাংলা দেশের সহিত জাপানের রাজস্বের তুলনা করা যাক। ১৯২০-২১ সালের বাংলার বজেটে বায় ধরা হইয়াছে নয় কোটি তিন লক্ষ টাকা। আয় ইহা অপেক্ষা অনেক কম। কিন্তু ৯ কোটি টাকাই আয় ধরা যাক। ১৯২০-২১ সালের অনুমিত জাপানী রাজস্বের পরিমাণ ১,৫৫,০১,৩০০ ইয়েন অর্থাৎ ১,৫৮ কোটি ২৫ লক্ষ সাড়ে উনিশ হাজার টাকা। তাহা হইলে জাপানের আয় বঙ্গের আয়ের প্রায় আঠার গুণ, কিন্তু জাপানের মন্ত্রীরা বঙ্গের মন্ত্রীদের এক-পঞ্চমাংশেরও কম বেতন পান। জাপানের লোকসংখ্যাও বাংলাদেশের চেয়ে

বেশী। স্বাধীন জাপানের মন্ত্রীদিগকে স্বরাষ্ট্র ও পররাষ্ট্র বিষয়ক সব কাজ, আভ্যন্তরীণ ও বৈদেশিক সব কাজ চালাইতে হয়, দেশ রক্ষার কাজ, দেশকে—জ্ঞান, শিক্ষা, বাণিজ্য, কৃষি, শিল্প, যুদ্ধ,—সব বিষয়ে পৃথিবীর প্রবলতম জাতিদের সমকক্ষ রাখিবার নিমিত্ত অভিপ্রেত সব কাজ করিতে হয়। বঙ্গের মন্ত্রীদের এরূপ কোন দায়িত্ব নাই। তাঁহারা জাপানী মন্ত্রীদের চেয়ে শক্তিমান ও দক্ষ লোক নহেন। জাপানে লোকদের জীবনধারণের ব্যয়, বাংলা দেশের চেয়ে বেশী। অথচ জাপানী মন্ত্রীরা অনেক কম বেতন পান। শিক্ষিত লোকমাত্রেই জানেন, বাংলা গবর্নমেন্টকে দেউলিয়া বলিলে অত্যাঙ্গি হয় না। জাপানী গবর্নমেন্ট দেউলিয়া নহে। তথাপি বঙ্গের মন্ত্রীরা জাপানী মন্ত্রীদের পাঁচগুণের বেশী বেতন লইতেছেন। বঙ্গের আয়তন ও জাপানের আয়তন অপেক্ষা অনেক ক্ষুদ্র। সুতরাং বাঙালী মন্ত্রীরা ক্ষুদ্রতর পরাধীন প্রদেশের আভ্যন্তরীণ কিছু কাজ করিয়া বৃহত্তর স্বাধীন দেশ জাপানের মন্ত্রীদের চেয়ে অনেক বেশী বেতন পাইতেছেন। তাঁহাদের এত বেশী বেতন লইবার সপক্ষে বিবেচনাযোগ্য একটি মাত্র যুক্তি আছে। বঙ্গীয় শাসন-পরিষদের (Executive Councilএর) ইংরেজ সিবিলিয়ান সভ্যেরা বাৎসরিক ৬৪০০০ টাকা বেতন পান। বাঙালী মন্ত্রীরা বলিতে পারেন, আমরা কি কম যোগ্য, যে, আমরা ইংরেজ সিবিলিয়ানদের চেয়ে কম বেতন লইব? কিন্তু এরূপ প্রশ্ন করাই ভুল। আমরা তাঁহাদিগকে কম যোগ্য বলিতেছি না। আমাদের মতে বঙ্গের মত গরীব দেশের রাজকর্মচারীদের বেতন, কি ইংরেজ কি বাঙালী, কাহারও এখনকার মত উচ্চ হারে প্রদত্ত হওয়া উচিত নহে। আমাদের ক্ষমতা থাকিলে আমরা সকলেরই বেতন দেশের অবস্থা অনুসারে যাহা গ্রাহ্য সেইরূপ নির্দ্ধারিত করিতে চেষ্টা করিতাম। কিন্তু এরূপ ক্ষমতা এখনও আমাদের না হওয়ায় আমরা মন্ত্রীদেরই বেতন জাপানের মত করিতে চাহিতেছি। তদ্বারা আমরা দেখাইতে চাই, যে, জাপানের মত বেতনে আমাদের দেশেও যোগ্য লোক দেশের কাজ করিবার জন্য পাওয়া যায়। মন্ত্রীরা যদি ইহা বুঝিয়া দেশের কল্যাণার্থ স্বতঃপ্রবৃত্ত হইয়া জাপানের মন্ত্রীদের মত বেতন লইতেন, তাহা হইলে তাঁহাদের সম্মান ও দেশের লোকের উপর প্রভাব যে কিরূপ বাড়িত, তাহা তাঁহারা কেন যে বুঝিতে পারেন নাই, জানি না। তাঁহারা বড়লাটের সমান কি না তাঁর চেয়েও বেশী বেতন পাইলেও তাঁহাদের প্রতিপত্তি সেরূপ হইবে না। এখনও যদি তাঁহারা স্বতঃপ্রবৃত্ত হইয়া সর্বসাধারণকে জানান যে তাঁহারা জাপানী মন্ত্রীদের সমান বেতন লইবেন, তাহা হইলেও তাঁহারা সম্মানিত হইবেন, এবং দেশের লোকের উপর তাঁহাদের প্রভাব বাড়িবে। আমরা কেবল তাঁহাদের

সম্মান ও প্রভাব বাড়াইবার জন্য এত কথা লিখিতেছি না। জাপানের মত বেতনে কাজ করিবার যোগ্য লোক পাওয়া যায়, ইহা প্রমাণিত হইয়া গেলে, আমরা অন্য সব কাজ সম্বন্ধেও বলিতে পারিব, যে, বেশী বেতনে লোক রাখিবার দরকার নাই, সব কাজের বেতন জাপানের হারে নির্দ্ধিষ্ট হউক; তাহাতে ইংরেজ বাঙালী কাহার ইচ্ছা হয় কাজ করুন, নতুবা আমরা অন্য লোক নিযুক্ত করিব। ইহা নিশ্চিত যে দেশের কল্যাণার্থ যোগ্য লোকেরা এখনকার চেয়ে কম অথচ সাংসারিক ব্যয় নির্দ্ধারের পক্ষে যথেষ্ট বেতনে সব কাজই করিতে রাজী হইবেন। এইরূপে বেতনের যে হ্রাস হইবে, সেই টাকায় দেশহিতকর অনেক কাজ করা যাইতে পারিবে।

শ্রদ্ধার উপযুক্ত লোক দেশে যত বাড়ে, দেশের ততই মঙ্গল। শ্রদ্ধা অমূল্যধন। কোটি কোটি টাকার ঘারাও ইহার মূল্যের পরিমাণ হয় না। শ্রদ্ধা করিতে পারা, এবং শ্রদ্ধা করিবার মত বহু লোক পাওয়া, দেশবাসীর পক্ষে অতি উচ্চ অধিকার। যদি দেশের অবস্থা সত্য সত্য কখন এরূপ হয়, যে, আমরা বলিতে পারি, যে, সরকারী কর্মচারীদের কেবল কিম্বা প্রধানতঃ টাকার জন্য চাকরী করিতেছেন না, দেশহিতার্থ, সাংসারিক ব্যয় নির্দ্ধারের নিমিত্ত কিছু টাকা লইয়া, দেশের কাজ করিতেছেন, তাহা হইলে বেতন-ভোগী ও অবৈতনিক দেশসেবকদের মধ্যে একটা ভাবের সামঞ্জস্য জন্মিবে এবং দেশের কল্যাণ হইবে।

অতএব আমরা আশা করি, মন্ত্রীরা এখনও বিবেচনা করিবেন। তাঁহারা বিবেচনা করুন বা না করুন, ব্যবস্থাপক সভার সভ্যদের কর্তব্য সম্বন্ধে কোনই সন্দেহ নাই। এবারেও কাহারো মন্ত্রীদের ৬৪০০০ হাজার টাকা বেতনের সমর্থন করিবেন, তাঁহারা যে দেশের প্রতিনিধি নহেন, তাহা দ্বিতীয় বার প্রমাণিত হইবে। মন্ত্রীরাও যদি ৬৪০০০ টাকা বেতন লইবার পণ করিয়া বসিয়া থাকেন, তাহা হইলে তাঁহাদের সম্বন্ধে লোকের ধারণা আরও হীন হইবে।

*

“বিশ্বভারতী”

বোলপুরের নিকটবর্তী শান্তিনিকেতন প্রান্তরে শ্রীসুক্ল রবীন্দ্রনাথ ঠাকুর মহাশয়ের প্রতিষ্ঠিত “বিশ্বভারতী” নামক বিশ্ববিদ্যালয়ের নূতন বৎসরের কার্য আগামী পৌষ মাস হইতে আরম্ভ হইবে। তাহার বিজ্ঞাপন প্রবাসী-বিজ্ঞাপনার মধ্যে দৃষ্ট হইবে। যাহাতে নূতন বৎসর হইতে কতকগুলি ছাত্রী আশ্রমে পড়াশুনা করিতে পারেন, তাহার ব্যবস্থাও হইতেছে। বিশ্বভারতীতে এখন নিম্নলিখিত বিষয় গুলি অধ্যয়ন করিবার ব্যবস্থা আছে :—

ভাষা ও সাহিত্য বিভাগে—সংস্কৃত, প্রাকৃত, পালি, বাংলা,

হিন্দী, গুজরাতি, মরাঠী, মৈথিলী, সিংহলী, ফরাসী, জার্মান ও গ্রীক। দর্শনবিভাগে—অভিধর্ম ও বৌদ্ধ দর্শন। কলাবিভাগে—ভারতীয় চিত্রকলা। সঙ্গীত বিভাগে—গান ও বাদ্য।

শ্রীযুক্ত সঙ্করবাগীশ ধর্ম্মাধার রাজগুরু মহাস্ববির, শ্রীযুক্ত রবীন্দ্রনাথ ঠাকুর, শ্রীযুক্ত সী এফ্ এণ্ড্ জ্, শ্রীযুক্ত এইচ্ মরিস্, শ্রীযুক্ত ক্ষিত্তিমোহন সেন, শ্রীযুক্ত বিধুশেখর ভট্টাচার্য্য, প্রভৃতি অধ্যাপনা করিয়া থাকেন।

ইহা ছাড়া সুপ্রসিদ্ধ অধ্যাপক শ্রীযুক্ত সিলভ্যা লেভি বিশ্ব-ভারতীতে আগমন করিয়াছেন। ইনি ভারতীয় সভ্যতার ইতিহাস ও অশ্রান্ত বিষয়ে অধ্যাপনা করিবেন, ও ছাত্রগণকে গবেষণার কার্য্য বিশেষ রূপে শিক্ষা দিবেন।

অধ্যাপক লেভির প্রারম্ভিক বক্তৃতা আগামী ৪ঠা অগ্রহায়ণ, ২০শে নবেম্বর, রবিবার অপরাহ্নে হইবে। তৎপরেও তাঁহার ব্যাখ্যান প্রতি রবিবার অপরাহ্নে হইবে। এরূপ বন্দোবস্তের উদ্দেশ্য এই, যে, ইহাতে কলিকাতার ও নিকটবর্তী অশ্রান্ত স্থানের সর্বোচ্চশ্রেণীস্থ ছাত্র ও অপর জ্ঞানপিপাসু ব্যক্তিগণ উপদেশ শুনিয়া আসিতে পারিবেন, এবং সোমবারে পুনর্ব্বার স্ব স্ব স্থানে আসিয়া নিজ নিজ কার্য্য করিতে পারিবেন। এইসকল বিদ্যার্থী বিশ্বভারতীর অধ্যক্ষ মহাশয়কে আগে হইতে খবর দিতে পারিলে ভাল হয়।

আচার্য্য সাহার গবেষণা সম্বন্ধে আইনস্টাইনের মত

ইহা অতিশয় আশ্চর্য্যের বিষয়, যে, জগদ্বিখ্যাত জার্মেন বৈজ্ঞানিক আইনস্টাইন্ আচার্য্য মেঘনাদ সাহার বৈজ্ঞানিক গবেষণা সম্বন্ধে নিম্নলিখিত মত প্রকাশ করিয়াছেন :—

“উচ্চ তাপে মৌলিক পদার্থের তাপ-গতি বিজ্ঞান ও আলোকবিজ্ঞানের অন্তর্ভুক্ত (thermodynamical and optical) আচরণ কিরূপ সে বিষয়ে গবেষণা করিয়া ডক্টর মেঘনাদ সাহা বিজ্ঞানজগতে সম্মানিত নাম অর্জন করিয়াছেন। তাঁহার আবিষ্কার দ্বারা নক্ষত্রমণ্ডলের অবস্থার সঠিক বৃত্তান্ত নিরূপণের এক নূতন পথ খুলিয়া গিয়াছে। শ্রীযুক্ত মেঘনাদ সাহার গবেষণা আরো প্রসারিত হয়, বিজ্ঞানের উন্নতিকল্পে ইহা বিশেষ বাঞ্ছনীয়।” (অনুবাদ)

*

করাচীতে নেতাদের বিচার

করাচীতে আলিভ্রাতাঘর, ডাক্তার কিচলু, প্রভৃতির বিরুদ্ধে যে মোকদ্দমা হইয়াছিল, তাহাতে তাঁহাদের বিরুদ্ধে প্রধান অভিযোগ এই ছিল, যে, তাঁহারা সরকারী সিপাহী-দিগকে বিপথগামী করিবার জন্য ষড়যন্ত্র করিয়াছিলেন,

অর্থাৎ তাহাদিগকে রাজসেবা ছাড়াইয়া তাহাদের বিরোধী করিবার নিমিত্ত ষড়যন্ত্র করিয়াছিলেন। এই অভিযোগ প্রমাণিত হয় নাই। লঘুতর অভিযোগে তাঁহাদের শাস্তি হইয়াছে। এরূপ শাস্তি দিয়া গবর্ণমেন্টের বিশেষ কিছু লাভ হইয়াছে, মনে হয় না। বরং, দণ্ডিত নেতাদের যে-সব মত গবর্ণমেন্ট রাজদ্রোহাত্মক মনে করেন, তাহা সংবাদপত্রে তাঁহাদের বিচারের রিপোর্ট প্রকাশদ্বারা দেশময় ছড়াইয়া পড়িয়াছে। অধিকন্তু সর্বসাধারণের মানসিক উত্তেজনা ও চাঞ্চল্য ঘটয়াছে, তাহারা গবর্ণমেন্টের প্রতি অধিকতর অসন্তুষ্ট ও অসহযোগ-মস্ত্রে দৃঢ়তর বিশ্বাসী হইয়াছে, এবং সরকারী টাকা প্রচুর পরিমাণে ব্যয় হইয়াছে। ভারতীয় কোন সিপাহীর, বিশেষতঃ ভারতীয় মুসলমান সিপাহীর, ব্রিটিশ গবর্ণমেন্টের চাকরী করা উচিত নয়, এই মত ত কংগ্রেস ভিন্ন ভিন্ন ভাবে নানা প্রকার কথার সাহায্যে অনেক মাস পূর্ব্ব হইতেই ব্যক্ত করিয়া আসিতেছেন। তাহার জন্ম এতদিন পরে কয়েকজন নেতাকে গ্রেপ্তার করিয়া তাঁহাদের বিচার করিবার প্রয়োজন ছিল না। আলী ভ্রাতাদের বিরুদ্ধে অশ্রান্ত রাজদ্রোহাত্মক অভিযোগ গবর্ণমেন্ট প্রত্যাহার করিয়া সুবুদ্ধির কাজ করিয়াছেন। সম্ভবতঃ গবর্ণমেন্টের উদ্দেশ্য ছিল, যুবরাজ আসিবার পূর্বেই তাঁহাদিগকে আটক করিয়া তাঁহাদের মুখ ও কলম বন্ধ করা; তাহা হইলে সে উদ্দেশ্য সিদ্ধ হইয়াছে। কিন্তু এই উদ্দেশ্য কি অপেক্ষাকৃত অল্পব্যয়ে ও সর্বসাধারণের মধ্যে অল্প উত্তেজনায় সৃষ্টি করিয়া সিদ্ধ করিতে পারা যাইত না?

অসহযোগীদের বিরুদ্ধে মোকদ্দমা হইলে তাঁহারা সাক্ষাৎ বা পরোক্ষভাবে আত্মপক্ষ সমর্থন করিবেন না, ব্রিটিশ আদালতের তাঁহাদের বিচার করিবার অধিকার স্বীকার করিবেন না, জামীনে খালাস থাকিতে চাহিবেন না, মুচলেকা দিয়া স্বাধীনতা ভোগ করিবেন না বরং জেলে যাইবেন, এইপ্রকার আচরণের ব্যবস্থা মহাত্মা গান্ধী ও অশ্রান্ত নেতাদের অনুমোদিত বলিয়া দীর্ঘকাল বিবেচিত হইয়া আসিতেছিল। তদনুসারে অনেক অসহযোগী বালক, যুবক ও অপেক্ষাকৃত অপ্রসিদ্ধ নেতা আত্মপক্ষ সমর্থনের কোন চেষ্টা না করিয়া জেলে গিয়াছেন। আত্মপক্ষ সমর্থন না করা সুবিবেচনার কাজ কি না, তাহার বিচার এখন করিতেছি না। কিন্তু ব্রিটিশ আদালতকে মোটেই আমলে না আনা, উহাকে অগ্রাহ করা, উহাতে আইন ব্যবস্থা পর্য্যন্ত না করা, যখন অসহযোগ নীতির অন্তর্গত, তখন এইসব লোকদের বিনাবাক্যব্যয়ে কারাদণ্ড গ্রহণ যে সুসঙ্গত ও বীরোচিত আচরণ হইয়াছে, তাহাতে সন্দেহ নাই। এই আদর্শ অনুসারে আলীভ্রাতাঘর ও করাচীতে সিচারিত অশ্রান্ত নেতাদের আচরণ সঙ্গত হয় নাই। তাঁহারা যদি পূর্বাগর আদালতকে অগ্রাহ করিতেন, তাহা একরূপ সঙ্গত

ব্যবহার হইত। কিন্তু তাঁহারা একদিকে বিচারকের আদেশে উঠা বসা লইয়া তাঁহার সহিত গাভীর্থাহীন কথা-কটাকাটি ও ব্যবহার করিলেন, অন্যদিকে আবার জুরীকে লক্ষ্য করিয়া দীর্ঘ বক্তৃতা করিবার দাবী একাধিক-বার করিলেন। মধ্যে মধ্যে নানা প্রকার প্রশ্ন, তর্কবিতর্ক, ও মন্তব্যও তাঁহারা করিয়াছিলেন। এই সকল-প্রকার ব্যবহারের মধ্যে সঙ্গতি আবিষ্কার করিতে আমরা অসমর্থ।

অসহযোগ নীতি অনুযায়ী ব্যবস্থা ও আদর্শ যে পরিমাণে বালক যুবক ও অপেক্ষাকৃত অপ্রসিদ্ধ কর্মীদের পালনীয় ও অনুসরণীয়, সুবিখ্যাত কর্মীদের জ্ঞান সে পরিমাণে নহে, একরূপ একটা ধারণা জন্মিতে দেওয়া উচিত নয়।

করাচীতে বিচারিত নেতাদের স্ব স্ব পক্ষে বক্তৃতায় তাঁহারা এই একটি নীতির উল্লেখ করিয়াছেন, যে, তাঁহারা তাঁহাদের ধর্মশাস্ত্র মানিতে বাধ্য; ধর্মবিশ্বাসের সহিত দেশের আইনের বিরোধ ঘটিলে তাঁহারা দেশবিধি অমান্য করিতে ধর্মতঃ বাধ্য ও অধিকারী। ইহা সত্য কথা। কিন্তু দেশে নানা ধর্মাবলম্বী লোক বাস করে। নানা বিষয়ে নানা ধর্মশাস্ত্রের বিধি বিভিন্ন। সুতরাং দেশের আইনের সঙ্গ কোন না কোন ধর্মের শাস্ত্রীয় বিধির বিরোধ থাকিবেই। সে স্থলে কেহ যদি স্বীয় ধর্মশাস্ত্র মানিতে গিয়া দেশবিধি অমান্য করেন, তাহা হইলে তাঁহার বিনা বাক্যব্যয়ে দণ্ড গ্রহণই উচিত; তিনি ধর্মশাস্ত্র মানিতে গিয়া দেশবিধি অমান্য করিয়াছেন, এই ওজুহাতে অব্যাহতির দাবী কোন ক্রমেই করিতে পারেন না। ইহুদী ও খৃষ্টীয় প্রাচীন ধর্মশাস্ত্রে ডাইনীদিগকে মারিয়া ফেলিবার ব্যবস্থা আছে; ইহুদী, মুসলমান, ও হিন্দুর শাস্ত্রে জেণ্টাইল, কাফের, এবং মেক্ক ও শূদ্রের সম্বন্ধে এমন অনেক ব্যবস্থা আছে, যাহা বর্তমান সময়ের ব্যবহার-বিজ্ঞানের (Jurisprudence-এর) অনুমোদিত সর্বধর্মীয় ও সর্বজাতির প্রতি সমান ব্যবহার নীতির বিরোধী। মনুসংহিতা হইতে কয়েকটি দৃষ্টান্ত দিতেছি। এই শাস্ত্রের অষ্টম অধ্যায়ের ২৭০, ২৭১, ২৭২, ২৭৩, ২৮০, ২৮১, ২৮২, ও ২৮৩ শ্লোক পড়ুন। তাহাতে যে-যে লঘু অপরাধে শূদ্রের জিহ্বাচ্ছেদ, মুখে জ্বলন্ত লৌহময় শঙ্কু নিক্ষেপ, মুখে ও কর্ণে তণ্ডু তৈল নিক্ষেপ, করচরণাদি অঙ্গচ্ছেদ, এবং ওষ্ঠাধর ও অগ্ন্যাগ্ন অঙ্গচ্ছেদের ব্যবস্থা আছে, বর্তমান সময়ে শূদ্রকে সেইরূপ শাস্তি দিয়া কেহ কি অব্যাহতির দাবী করিতে পারেন? কোন ধর্মের কোন শাস্ত্রের যে-কোন বিধি উক্ত ধর্মাবলম্বী অবশ্যই পালন করিবার অধিকারী, কিন্তু অপরের অধিকার, সুবিধা, স্বাধীনতা, দেহ ও জীবনে তিনি সেই ওজুহাতে হস্তক্ষেপ করিতে পারেন না, কিম্বা “শাস্ত্র মানিয়াছি” বলিয়া দেশবিধি-অনুযায়ী দণ্ড হইতে নিষ্কৃতির অধিকারী হইতে পারেন না।

অভিযুক্ত মুসলমান নেতারা বলেন, যে, মুসলমানের

বিরুদ্ধে মুসলমানের যুদ্ধ কোরানে নিষিদ্ধ, ব্যতিক্রম স্থল এই যে মুসলমান চুরি বা নরহত্যা আদি করিলে অন্য মুসলমান তাহার শাস্তি দিতে পারেন। আমরা মুসলমান-শাস্ত্রজ্ঞ নহি বলিয়া বিনা বিচারে তাঁহাদের উক্তি মানিয়া লইলাম। তাঁহাদের মন্তব্যের উদ্দেশ্য সম্ভবতঃ এই, যে, ইংরেজ রাজা ভারতীয় মুসলমান সিপাহীদিগকে তুর্ক আরব আফগান প্রভৃতি মুসলমান জাতির বিরুদ্ধে যুদ্ধ করাইয়া থাকেন, অতএব ইংরেজের চাকরী করা মুসলমান সিপাহী-দের অকর্তব্য। এ-বিষয়ে কেবলমাত্র দুটি কথা বলিতে চাই।

ইতিহাসে দেখিতে পাই, মুসলমান দেশে দেশে, জাতিতে জাতিতে, রাজায় রাজায়, বিস্তর যুদ্ধ হইয়াছে, কিন্তু সকল স্থলে বা অধিকাংশ স্থলে সেইসব যুদ্ধ যে ঘটিয়াছে, নেতাদের বক্তৃতা অনুযায়ী কারণে ঘটিয়াছে, তাহা ত ইতিহাসে দেখিতে পাই না। কোন মুসলমান ঐতিহাসিক এইরূপ কারণে মুসলমানে মুসলমানে কোন যুদ্ধের নিন্দা করিয়াছেন, তাহাও আমাদের জানা নাই। একরূপ নিন্দা মুসলমানলিখিত কোন ইতিহাসে থাকিলে কেহ যদি তাহা আমাদের দেখাইয়া দেন, আমরা তাহা ছাপিব।

গত মহা যুদ্ধ যখন চলিতেছিল, তখন করাচীতে বিচারিত কোন মুসলমান নেতা কি তুর্ক আরব সীরায মিশরীয় ভারতীয় মুসলমানদের মধ্যে কাহারো সত্তিত কাহারো যুদ্ধের বিরুদ্ধাচরণ বা নিন্দা করিয়াছিলেন? অমুসলমান আমরা বরং একাধিক-বার এই বলিয়া মহাত্মা গান্ধীর আচরণের সমালোচনা করিয়াছি, যে, গত মহাযুদ্ধে তিনি স্বইচ্ছায় সিপাহী-সংগ্রাহক হইয়াছিলেন, যদিও তিনি নিশ্চয় জানিতেন, যে, ইংরেজের সিপাহীরা তুর্ক আরব প্রভৃতি স্বাধীন কিম্বা প্রায় স্বাধীন জাতিদের বিরুদ্ধে লড়িতেছে ও লড়িবে, এবং তাহারা হারিলে তাহাদের রাজ্য ও স্বাধীনতা কতকটা যাইবে।

*

লর্ড সিংহ সম্বন্ধে গুজব

“হিন্দুস্থান” লিখিয়াছেন :—

বিহার ও উড়িষ্যার গবর্নর লর্ড সিংহ সম্বন্ধে এই কয়েকটি গুজব রটিয়াছে :—

(১) লর্ড সিংহ দস্তশূলে পুষ্ট পাইতেছিলেন! ইংরেজ দাঁতের ডাক্তার একদিনে তাঁহার দশটি দাঁত তুলিয়া দেন। সেইজন্য তাঁহার এমন দায়বিক দৌর্ভাগ্য ঘটয়াছে, যে, তিনি নাকি ছুটা লইতে বাধ্য হইয়াছেন।

(২) লর্ড সিংহ ছুটা লন নাই, কারণ ছুটা লইলে সরকারী গেজেটে তাঁহার স্থলে অস্থায়ীভাবে যিনি নিযুক্ত হইতেন তাঁহার নাম বাহির হইত। তাহা যখন হয় নাই, তখন ব্যাপারটার ভিতরে কিছু গোপ্য আছে।

(৩) লর্ড সিংহের সহিত বিহারের শাসন-পরিষদের কোনও বৈতাল

মন্ত্রীর কোন কারণে মতবিরোধ হয়। সেইজন্য মন্ত্রী মহাশয় কিছু চড়িয়া উঠেন; লর্ড সিংহও তাঁহাকে তিরস্কার করেন। মন্ত্রী সে কথা লিখেন উপরওয়ালাদের। তাহাতে লর্ড সিংহ অপমান বোধ করিয়া নাকি পদত্যাগপত্র দিয়াছেন। বড়লাট নাকি এ ব্যাপারে হস্তক্ষেপ করিয়াছেন। তাই সকল ব্যাপার এখনও ঢাকা আছে।

সহরে এই তিনটা গুজব খুবই চলিতেছে। আমাদের মনে হয়, ইহা মিথ্যা; সেইজন্য ভারত গবর্নেন্টকে অমুরোধ করিতেছি, তাঁহারা ইন্তাহার জারি করিয়া সত্য ব্যাপার কি ঘটনাছে, তাহা প্রচার করুন।

তিন নম্বর গুজবটি সত্য হইতেও পারে।

আমরা যাহা অবগত হইয়াছি, তাহা অল্প রকমের। কাহার নিকট হইতে সংবাদটি কি সূত্রে আসিয়াছে, তাহা অবশ্য প্রকাশ করিতে পারি না। সংবাদটি এই, যে, লর্ড সিংহ শীঘ্রই পদত্যাগ করিবেন। মহাত্মা গান্ধীকে গ্রেপ্তার করাইবার জন্ত তাঁহাকে বলা হইয়াছিল। তিনি বলিয়াছিলেন, যে, প্রত্যেক ব্যাপারেই ছাই ফেলতে ভাঙা কুলো নীতি অনুসরণ করা চলিবে না; মহাত্মাকে ধরিবার জন্ত ত বহুৎ মহারথা আছেন; তাঁহারা থাকিতে একমাত্র বাঙ্গালী গবর্নরের দ্বারাই এ কাজটি করাইবার চেষ্টা কেন? তিনি ঐ কাজটি করিতে অসম্মত হন। তিনি পদত্যাগ করিলে ইহাই নাকি তাহার কারণ।

এই সংবাদটিও সম্পূর্ণ অমূলক না হইতে পারে। যাহাতে দেশের লোক অসন্তুষ্ট হয়, দেশে চাঞ্চল্য উদ্ভেজনা ও অশান্তি ঘটে, এরূপ কাজ করাইবার প্রয়োজন হইলে তাহা দেশী কর্মচারীদের দ্বারা করাইবার কুট নীতি ব্রিটিশ-ভারতীয় রাজনীতির অঙ্গীভূত বটে। ডায়ারের হুকুমে জালিয়ানওয়াল। বাগে দেশী সিপাহীরাই গুলি চালাইয়াছিল। সংবাদটি বিশ্বাসের অযোগ্য মনে না করিবার আরও একটি কারণ এই, যে, নিগ্রহ ও দলন-চেষ্টা কোন কোন দিকে লর্ড সিংহের শাসিত বিহারেই আরম্ভ হইয়াছিল। কিন্তু কখন কখন বোঝার উপর শাক-আঁটিটি ছুঁর্বহ হইয়া উঠে। সংবাদটি সত্য হইলে উহার জন্ত লর্ড সিংহকে কিঞ্চিৎ প্রশংসা করিতে হইবে। “হিন্দুস্থানে” প্রকাশিত তিন নম্বর গুজবটিও তাঁহার পক্ষে সম্মানজনক।

মাদ্রাসার বিদ্রোহী লোকদের সাহায্য

মোপলা-বিদ্রোহে মালাবারের বিস্তর লোক অত্যন্ত বিপন্ন হইয়াছে। পুরুষ নারী শিশু সকলের জন্ত অন্ন ও বস্ত্রের একান্ত প্রয়োজন। বিপন্ন লোকদের মধ্যে হিন্দু মুসলমান উভয়েই আছে। টাকা পাঠাইবার ঠিকান :- (১) K. P. K. Menon, Secretary, Kerala Congress Committee, Calicut; (২) Mrs. Annie Besant, "New India", Madras E.; (৩) G. K. Devadhar,

Servants of India Society, Poona। বাহার যেখানে ইচ্ছা টাকা পাঠাইবেন।

মালাবারে উপদ্রব ও হিন্দু-মুসলমানের ঐক্য

মোপলাদের দ্বারা খুব অত্যাচার হইতেছে বলিয়া যদিও আমরা বিশ্বাস করি, তথাপি এই কারণে হিন্দু-মুসলমানের মধ্যে সদ্ভাব নষ্ট হইতে দেওয়া কোনক্রমেই উচিত নহে। লক্ষ্য হইতে গাদিয়া-নিবাসী মৌলবী মুশীর হোসেন কিডোয়াল্ট বোম্বাই ক্রনিক্লে লিখিয়াছেন, যে, মোপলা-বিদ্রোহকে হিন্দু-মুসলমানের বগড়া মনে করা ভুল; মোপলা উপদ্রবের একটি প্রধান কারণ কৃষিকর্মীদের উপর অত্যাচার, এবং ইহা সম্পূর্ণ আকস্মিক যে মালাবারের ভূম্যাধিকারীরা অধিকাংশ স্থলে হিন্দু এবং রায়তেরা মুসলমান; ভূম্যাধিকারীরা মুসলমান হইলেও রায়তেরা এইরূপ উপদ্রব করিত। অযোধ্যাতে যখন হিন্দু রায়তেরা ক্ষেপিয়াছিল, তখন তাহাদের হিন্দু ভালুকদারদের উপর তাহারা অত্যাচার করিয়াছিল। [কিন্তু তাহারা অস্ত্রশস্ত্র সংগ্রহ করিয়া এতদিন লড়িয়াছিল কি?] তাঁহার মতে, হিন্দুদিগকে জোর করিয়া মুসলমান করিবার কাহিনীগুলি অতিরঞ্জিত ও অত্যাঙ্গীর্ণ, এবং সেগুলি সত্য হইলেও কতকগুলি অশিক্ষিত ধর্ম্মান্বিত লোকদের কার্য্যকে একটা সম্প্রদায়ের মনোভাবের বাহুলক্ষণ মনে করা অযৌক্তিক। তিনি বলেন, মোপলাদের হাতে প্রথমেই যাহাদের প্রাণ যায়, তাহার মধ্যে একজন মুসলমান সব্বইস্পেক্টর ছিল; মোপলাদের নিজের মধ্যেও বিস্তর লোকের প্রাণ গিয়াছে, তাহারও পক্ষপাতশূন্য অনুসন্ধান হওয়া উচিত।

তাঁহার মতে, এইপ্রকার হাঙ্গামা ও উপদ্রবকে স্বরাজের নমুনা বলা হাঙ্গামকর; কারণ স্বরাজ মানে হিন্দু বা মুসলমান কাহারও রাজত্ব নহে, সকল জাতি ও ধর্ম্মের লোকদের আত্মকর্তৃত্বের নাম স্বরাজ; ইংরেজ-রাজত্বেই ত আরা, কাতারপুর, এবং মালাবারে এই-সব শোচনীয় ঘটনা ঘটতেছে; তজ্জন্য ইংরেজ-রাজত্বকে যদি দোষ দেওয়া না চলে, তাহা হইলে এগুলি দ্বারা স্বরাজের নিন্দা কেমন করিয়া করা যায়, বুঝা যায় না; বস্তুতঃ এসব অমঙ্গলের একমাত্র প্রতিকার স্বরাজ; এসব কেবল ব্রিটিশ ভারতে ঘটে, দেশীরাজ্যে ঘটে না।

শতবৎসর পূর্বে হিন্দু-মুসলমানের সদ্ভাব

প্রায় একশত বৎসর পূর্বে হিন্দু-মুসলমানের সদ্ভাব কিরূপ ছিল, তাহা ছইজন ইংরেজ প্রত্নকারের বহি হইতে উদ্ধৃত করিয়া ১৯০৮ সালের জুন ৩ জুলাই মাসের মডার্ন-

রিভিউ কাগজে প্রকাশিত হয়। উহা Towards Home Rule নামক গ্রন্থের প্রথম খণ্ডে (পৃ: ১০০-১০২) মুদ্রিত হইয়াছে। একজন লেখক ইংরেজ গ্রন্থকারদের এইসব কথা আমাদের কাগজ বা পুস্তক হইতে বর্তমান নবেম্বর মাসের ১০ই তারিখের ইয়ং ইণ্ডিয়া কাগজে উদ্ধৃত করিয়াছেন—যদিও তিনি মডার্ন রিভিউ বা টুওয়ার্ডস্ হোমরুল বহির কোন উল্লেখ করেন নাই।

*

ত.তা গবেষণা-মন্দির

পরলোকগত জামশেদজী তাতার প্রদত্ত ত্রিশলক্ষ টাকার সম্পাত্তিকে ভিত্তি করিয়া মৈসূর রাজ্য ও ভারত-গবর্ণমেন্টের সাহায্যে বঙ্গালোরে যে বৈজ্ঞানিক গবেষণা-শিক্ষালয় প্রতিষ্ঠিত হয়, তাহার উদ্দেশ্য একরূপ গবেষণা শিক্ষা দেওয়া যাহার দ্বারা ভারতবর্ষের উদ্ভিজ্জ খনিজ ও প্রাণিজ নানা দ্রব্য হইতে বৈজ্ঞানিক প্রক্রিয়ায় কারখানায় নানাবিধ পণ্যদ্রব্য প্রস্তুত হইতে পারে এবং তদ্বারা দেশের ধনবৃদ্ধি হইতে পারে। ইহার কাজ ভাল চলিতেছে না, এইরূপ অভিযোগ কয়েক বৎসর হইতে শুনা যাইতেছে। সম্প্রতি এবিষয়ে অনুসন্ধান করিবার নিমিত্ত গবর্ণমেন্ট একটি কমিটি নিযুক্ত করিয়াছেন, এবং কেম্ব্রিজের রসায়ন-অধ্যাপক সার উইলিয়ম্ পোপ্কে তাহার সভাপতি নিযুক্ত করিয়াছেন। কমিটি নিয়োগের সমর্থনু আমরা করি। অধ্যাপক পোপের বৈজ্ঞানিক যোগ্যতা সন্দেহও আমাদের কিছু বলিবার নাই। কিন্তু কিছু একটা অনুসন্ধান করিতে হইলেই বিলাত হইতে লোক আনাইতে হইবে, ইহার মানে কি? একাজের জন্ত ত ভারতবর্ষেই লোক মিলে? কার্জনের আমলে তাতা দান করেন। কিন্তু গবেষণা-মন্দিরটির প্রতিষ্ঠায় বহু বিলম্ব ঘটে। এইজন্ত ভারতীয়েরা সন্দেহ করেন, যে, একরূপ শিক্ষালয় প্রতিষ্ঠায় ইংরেজ গবর্ণমেন্টের আন্তরিক উৎসাহ নাই ও থাকিতে পারে না; কারণ আমরা নানা বৈজ্ঞানিক প্রক্রিয়া দ্বারা কারখানায় পণ্যদ্রব্য উৎপাদন করিতে শিখিলে কালক্রমে বিলাতী বহু পণ্যশিল্পের ক্ষতি হইবে। গবেষণা-মন্দিরটি স্থাপিত হইবার পর উহার কাজ ভাল করিয়া না-চলায়ও ভিতরের

কারণ ইংরেজদের স্বার্থপরতা বলিয়া ভারতবাসীরা সন্দেহ করেন। কারণ, এই প্রতিষ্ঠানটি ইংরেজ বৈজ্ঞানিকদের কর্তৃত্বে পরিচালিত হইয়া আসিতেছে। এইসব সন্দেহের প্রতি দৃষ্টি রাখিলে সহজেই বুঝা যায়, যে, বিলাত হইতে আমদানী একজন অধ্যাপকের সভাপতিত্বে যে কমিটি অনুসন্ধান করিবেন, তাহার রিপোর্টে এদেশের লোকেরা হস্ত আস্থা স্থাপন করিতে পারিবে না। ইহাও মনে রাখিতে হইবে, যে, অধ্যাপক পোপ্ এদেশের অবস্থা কিছুই জানেন না। এই অনুসন্ধান প্রধানতঃ একরূপ নিরপেক্ষ দেশীলোক দ্বারা হওয়া উচিত ছিল যাহারা গবর্ণমেন্টের অগ্রগৃহণার্থী নহেন।

শুনা যাইতেছে, স্মারু আশুতোষ মুখোপাধ্যায়কে গবর্ণমেন্ট এই কমিটির অগ্রতম সভ্য মনোনীত করিয়াছেন। মুখোপাধ্যায় মহাশয় রাসায়নিক নহেন, বৈজ্ঞানিক প্রক্রিয়া দ্বারা পণ্যদ্রব্য উৎপাদন করিবার কোন কারখানাও তিনি স্থাপন বা পরিচালন করেন নাই। তাঁহার কাজ দেখিয়া মনে হয়, যে, তিনি মনে করেন, ওয়ার্কশপ্ ব্যতিরেকেও অধ্যাপক দীর্ঘকাল ব্যবহারিক রসায়ন শিখাইতে পারেন! বলা যাইতে পারিত বটে, যে, তিনি বৃহৎ শিক্ষা-প্রতিষ্ঠান পরিচালনে বিশেষ দক্ষ ও অভিজ্ঞ। কিন্তু কলিকাতা বিশ্ববিদ্যালয়ের বিশৃঙ্খল দেউলিয়া অবস্থা দেখিয়া তাঁহার যোগ্যতা সন্দেহ আর জোর করিয়া কিছু বলা চলে না। উহার অনেক অধ্যাপক নিজেদের কাজে খুব অবহেলা করেন, কিন্তু কোন তত্ত্বাবধান ও শাসন নাই, তাহার বন্দোবস্ত নাই। বঙ্গীয় ব্যবস্থাপক সভায় কলিকাতা বিশ্ববিদ্যালয়ের অবস্থা সন্দেহে অনুসন্ধান করিবার নিমিত্ত এক প্রস্তাব স্থির হইয়া আছে। বলা বাহুল্য, ইহার মানে মুখোপাধ্যায় মহাশয়েরই কাজের উপর কমিটি বসান। এমত অবস্থায় গবর্ণমেন্ট তাঁহাকে তাতা গবেষণা-মন্দিরের অনুসন্ধান কমিটির সভ্য নিয়োগ করিয়া বঙ্গীয় ব্যবস্থাপক সভার প্রতি কার্যতঃ অবজ্ঞা প্রদর্শন করিয়াছেন। গবর্ণমেন্ট এই প্রকারে পরোক্ষভাবে আশু-বাবুর পক্ষ অবলম্বন করায়, তিনিও, গবর্ণমেন্ট অনুসন্ধানের রিপোর্টটি যেমন চান, তাহা তদ্রূপ করিবার দিকে জ্ঞাতসারে বা অজ্ঞাতসারে ঝুঁকিয়া পড়িতে পারেন। অবশ্য তাঁহার স্বদেশহিতৈষণা যে তাঁহাকে

এরূপ পক্ষপাত হইতে রক্ষা করিবে না, ইহা আমরা বলিতে পারি না।

যাহা হউক গবর্ণমেন্ট আন্ত-বাবুকে যখন নিযুক্ত করিয়াছেন, তখন আশা করি তাঁহার কাজ তিনি যথাসাধ্য করিবেন। কিন্তু বাংলা দেশে, শুধু বাংলাদেশে কেন, ভারতবর্ষে, যিনি সর্বাপেক্ষা অধিক সংখ্যক ছাত্রকে রাসায়নিক গবেষণায় প্রবৃত্ত, উৎসাহিত ও শিক্ষিত করিয়াছেন, এবং যিনি রাসায়নিক প্রক্রিয়া অনুসারে কারখানায় পণ্যদ্রব্য উৎপাদন কার্যেও দক্ষ এবং অভিজ্ঞ, সেই আচার্য্য প্রফুল্লচন্দ্র রায়কে এই কমিটির সভ্য কেন করা হইল না, এ প্রশ্ন লোকে করিবেই করিবে। অবশ্য, সরকারী রাসায়নিক চাকরী বিভাগ সম্বন্ধীয় রিপোর্টে তিনি নিজের যে-যে মত ব্যক্ত করেন, তাহা গবর্ণমেন্টের খ্রীতিকর না হইবারই কথা। কিন্তু সেই কারণেই ত লোকে বলিতেছে, যে, তাঁহাকে কমিটির সভ্য না করার, অনুসন্ধানের রিপোর্ট গবর্ণমেন্ট কিরূপ চান, তাহা পরিষ্কার বুঝা যাইতেছে।

*

নিরুপদ্রব অবাধ্যতা

কেহ যদি ইচ্ছা করিয়া সরকার নির্দিষ্ট কোন ট্যাক্স না দেয়, অথচ এই কারণে ট্যাক্সের দায়ের সরকারী লোকেরা তাহার অস্থাবর সম্পত্তি উঠাইয়া লইয়া গেলে, তাহাতেও বাধা না দেয়, তাহাকে একপ্রকার "সিবিল্ অবাধ্যতা" বলা যাইতে পারে। সিবিল্ কথাটির ঠিক বাংলা প্রতিশব্দ নাই, কিন্তু সিবিল ডিস্ট্রিক্টস অফ ইন্ডিয়া অ্যাক্টের বাংলা মোটামুটি "নিরুপদ্রব অবাধ্যতা" করা যাইতে পারে। এই-প্রকার অবাধ্যতার আরো দৃষ্টান্ত দেওয়া যাইতে পারে। কেহ মনে করিলেন, দেশের হিতের জন্ত, কোন শহরের রাস্তায় রাস্তায় দলবদ্ধভাবে জাতীয় সঙ্গীত গান করিয়া বেড়ান সরকারী মাজিস্ট্রেট হুকুম করিলেন, এরূপ করিতে পারিবে না। কিন্তু শহরের লোকেরা তাঁহার আদেশ অমান্য করিয়া গানের মিছিল বাহির করিলেন; অথচ পুলিশ যখন তাঁহাদিগকে গ্রেপ্তার করিতে আসিল তাহাতেও তাঁহারা বাধা দিলেন না। কোন দেশসেবকের প্রতি সরকারী হুকুম হইল, "তুমি অমুক শহরে গিয়া বক্তৃতা করিতে পারিবে না।" তিনি হুকুম না মানিয়া সেখানে গেলেন ও বক্তৃত্যাহানে

উপস্থিত হইলেন; কিন্তু পুলিশ কর্তৃক ধৃত হওয়াতেও বাধা দিলেন না। সরকারী হুকুম হইল, "তোমরা মদের দোকানের সামনে দাঁড়াইয়া মদ্যক্রোতা ও মদ্যপানীদিগকে তর্কবিতর্ক অনুরোধ উপরোধ অনুনয় বিনয় দ্বারা মদ ক্রয়ে নিবৃত্ত করিতে পারিবে না।" দেশসেবকেরা হুকুম অগ্রাহ্য করিয়া মদের দোকানের সামনে স্বীয় কর্তব্য করিতে গেলেন, কিন্তু বিনা বাধায় পুলিশ কর্তৃক ধৃত হইলেন। সরকারী হুকুম হইল, অমুক জেলা বা শহরে প্রকাশ্য সভা করিয়া রাজনীতি বা অন্য কোন বিষয়ে বক্তৃতা আলোচনা আদি করিতে পারিবে না। এই আদেশ লঙ্ঘিত হইল। পুলিশ জোর করিয়া সভা ভাঙ্গিয়া দিল, কিন্তু তাহাতে কেহ বাধা দিল না। এইসব দৃষ্টান্ত হইতে বুঝা যাইবে, যে, এই-প্রকার অবাধ্যতা এক-প্রকার বিদ্রোহ; কেবল ইহাতে কোন রকম দৈহিক বলপ্রয়োগ বা অস্ত্রব্যবহার বা উপদ্রব নাই, কাহারো অনিষ্ট করিবার চেষ্টা নাই। নিরুপদ্রব অবাধ্যতা আইনভঙ্গ বটে, কিন্তু ইহা নিয়মতন্ত্র স্বাধীন দেশসকলে রাষ্ট্রের ভিত্তিভূত বিধিসকলের বিরুদ্ধ বিবেচিত হয় না। বড়লাট লর্ড হার্ডিং বলিয়াছিলেন, যে, দক্ষিণ আফ্রিকায় ভারতীয়দের যেরূপ লাঞ্ছনা হইতেছে, তাহাতে তাহারা নিরুপদ্রব প্রতিরোধ (Passive resistance) করিলে তাহা ত্রাণ্য বিবেচিত হইবে। ই.লণ্ডে নিরুপদ্রব অবাধ্যতা অনেকে অনেক বার করিয়াছেন এবং তদ্বারা অনেক অন্তায় ও অত্যাচারের প্রতিকার হইয়াছে। এইরূপ অবাধ্যতার সপক্ষে বিলাতী বিচারপতিদের রায় আছে। একটি উদ্ধৃত করিতেছি। ১৮৮৮ সালের ২৩শে ফেব্রুয়ারী বোম্বারিস্ এসাইজেসে গ্র্যাণ্ড্ জুরিকে সম্বোধন করিয়া অভিযুক্ত নিরুপদ্রব প্রতিরোধকারীদের সম্বন্ধে বিচারপতি উইল্‌স্ বলেন :—

'The whole thing had been carried out with perfect good will and forbearance. Those who objected to the law, made their protest by suffering these distrains to be made,.....If, however, the people said that they were not willing to pay for things which they did not like, and that they simply submitted to distrains so as to show their protest against the law, they would be perfectly justified in doing so. As long as they did this, nothing could be said against them. This was the kind of protest by which some of our best improvements in the laws, which years and years ago were found to be oppressive, were brought about.'

বিচারপতি উইল্‌স্‌ যে-প্রকার নিরুপদ্রব অবাধ্যতার প্রশংসা করিয়াছেন, কাঁথি মহকুমার লোকেরা “গ্রাম্য স্বায়ত্ত শাসন আইন” অস্থায়ী ট্যাক্স না দিয়া তাহা করিতেছে। কেহ যদি নিজের দেশের গবর্ণমেন্টকে অস্থায়ীকরী অত্যাচারী ও ছুট মনে করে, তবে নিজে ব্যক্তিগত ভাবে প্রাণান্ত পর্য্যন্ত সকল দুঃখ সহ করিতে প্রস্তুত হইয়া, নিরুপদ্রবে সেই গবর্ণমেন্টের সমুদয় আইন আদেশ প্রভৃৎ অগ্রাহ্য করিবার অধিকার তাহার সকল সময়েই আছে। কিন্তু সেই কাজ নী করিয়া যদি সমষ্টিগত ভাবে কোন স্থান জেলা প্রদেশ বা দেশের লোককে তাহা করিতে বলিতে হয়, তাহা হইলে প্রথমতঃ বিবেচনা করিতে হইবে, যে, এই নিরুপদ্রব চরম উপায় অপেক্ষা কম দুঃখ ও স্বার্থত্যাগসঙ্কুল অন্য এমন কোন নিরুপদ্রব উপায় আছে কি না যাহার দ্বারা উদ্দেশ্য সিদ্ধির খুব সম্ভাবনা আছে; যদি সেরূপ উপায় না থাকে, তাহা হইলে, দ্বিতীয়তঃ, বিবেচনা করিতে হইবে, যে, সমষ্টিগত ভাবে অবাধ্যতা করিতে হইলে জনসমষ্টির শান্ত ধীর ও নিরুপদ্রব থাকিবার মত সংযম ও দেশহিতৈষণা, কষ্টসহিষ্ণুতা ও স্বার্থত্যাগ-শক্তি আছে কি না।

গত ৪ঠা নবেম্বর দিল্লীতে নিখিলভারতীয় কংগ্রেস কমিটির যে অধিবেশন হইয়াছিল, তাহাতে নিরুপদ্রব অবাধ্যতার বিষয় আলোচিত হইয়াছিল। এরূপ অবাধ্যতার প্রয়োজন আমরা স্বীকার করি; কিন্তু দেশের নানাস্থানে, যে কারণে বা যাহাদের প্রকোপনেই হউক, বর্তমানে যেরূপ দাঙ্গা মারামারি হইতেছে, তাহাতে স্থানকালপাত্রনির্বিশেষে সমষ্টিগত নিরুপদ্রব অবাধ্যতার ব্যবস্থা বা পরামর্শ দেওয়া সমীচীন মনে করি না। সেই হেতু কংগ্রেস্‌ কমিটি অবাধ্যতা করিতে ইচ্ছুক লোকদিগকে যে-সব সর্ত্তে আবদ্ধ করিয়াছেন, তাহা আমরা বিজ্ঞানোচিত ও আবশ্যিক মনে করি। কমিটিতে নির্ধারিত প্রস্তাবটি এই :—

Whereas there is not much over one month for the fulfilment of the national determination to establish Swaraj before the end of the year, and whereas the nation has demonstrated its capacity for exemplary self-restraint by observing perfect non-violence over the arrest and imprisonment of the Ali Brothers and the other leaders, and whereas it is desirable for the nation to demonstrate its capacity for further suffering and discipline, discipline sufficient

for the attainment of Swaraj, the All-India Congress Committee authorises every province, on its own responsibility, to undertake civil disobedience including non-payment of taxes, in the manner that may be considered the most suitable by the respective Provincial Congress Committees, subject to the following conditions :—

(1) In the event of individual civil disobedience, the individual must know hand spinning, and must have completely fulfilled that part of the programme which is applicable to him or her, e. g., he or she must have entirely discarded the use of foreign cloth and adopted only handspun and hand-woven garments, must be a believer in Hindu-Muslim unity and in the unity amongst all the communities professing different religions in India as an article of faith, must believe non-violence as absolutely essential for the redress of the Khilafat and the Punjab wrongs and the attainment of Swaraj, and if a Hindu, must by his personal conduct show that he regards untouchability as a blot upon nationalism.

(2) In the event of mass civil disobedience, a District or Tehsil should be treated as a unit, and therein a vast majority of the population must have adopted full Swadeshi and must be clothed out of cloth handspun and hand-woven in the District or Tehsil, and must believe in and practise all the other items of non-co-operation.

Provided that no civil resister should expect to be supported out of public funds, and members of the families of civil resisters undergoing sentence will be expected to support themselves by carding, hand spinning, and hand weaving or any other means.

Provided further that upon application by any Provincial Congress Committee, it is open to the Working Committee to relax the conditions of civil disobedience, if it is satisfied that any conditions should be waived.

প্রস্তাবটির হেতুবাদ (Preamble) অক্ষরে অক্ষরে সত্য বলিয়া মনে করি না। ভারতীয় জাতির আরও দুঃখ-সহিষ্ণুতা ও নিয়মানুগতা (discipline) প্রমাণ করা দরকার বলিয়াই কেবল নিরুপদ্রব অবাধ্যতার প্রয়োজন, তাহাও আমরা স্বীকার করি না, যদিও স্বরাজ্যলাভের জন্য দেশহিতৈষণা প্রণোদিত নিয়মনিষ্ঠা একান্ত আবশ্যিক মনে করি। ইহাও বক্তব্য, যে, চরখায় সূতা কাটিতে পারেন না, এবং দেশী মিলের সূতার কাপড় পরেন, এমন অনেক লোকের নিরুপদ্রব অবাধ্যতা; কাঁথিবার পক্ষে বন্দে-বীরতা, সংযম, স্বার্থত্যাগ, কষ্টসহিষ্ণুতা, সাহস ও দেশভক্তি থাকিতে পারে। কিন্তু প্রস্তাবটি কংগ্রেস্‌ কমিটির, উহা কংগ্রেসের দলভুক্ত লোকদের জন্য, এবং কংগ্রেস নিজের দলের সকলকে সূতা কাটিতে ও খাদ্যের পরিতে উপদেশ দিয়াছেন; এই হেতু সর্ত্তগুলিতে আপত্তি করিতেছি না। স্বরাজ্যের মূলমন্ত্র বাধ্যতা ও নিষ্ঠা, অবাধ্যতা ইহার মূলমন্ত্র নহে।

দেশহিতৈষণায় নিষ্ঠা ধারা, ধর্মবুদ্ধির বাধ্যতা ধারা, স্বরাজ্য-সিদ্ধি হয়, ব্যক্তিগত ও জাতীয় আত্মকর্ষক লক্ষ হয়। যে-গবর্ণমেন্টের আইন, নিয়ম ও হুকুম এইপ্রকার বাধ্যতা ও নিষ্ঠার বাধা জন্মায়, অগত্যা তাহার অবাধ্য হইতে হয়; নতুবা হুকুমের জন্ত ও নামজাদা হইবার জন্ত অবাধ্যতার, অবাধ্যতার জন্ত অবাধ্যতার, কোন মূল্য নাই। কংগ্রেস কর্মীদের সর্বগুলির মূল্য ও গুরুত্ব এই, যে, তদ্বারা ইহা প্রমাণিত হইবে, যে, নিরুপদ্রব অবাধ্যতা করিতে ইচ্ছুক ব্যক্তিগণ দেশহিতৈষণায় বাধ্যতা ও ধর্ম নিষ্ঠার প্রমাণ দিয়াছেন কি না। যিনি ধর্মনিষ্ঠ হইতে, দেশহিতৈষণানিষ্ঠ হইতে পারেন নাই, তাঁহার নিরুপদ্রব অবাধ্যতা করিবার যোগ্যতারও অধিকার জন্মে নাই।

মহাত্মা গান্ধী গুজরাতে প্রথম নিরুপদ্রব অবাধ্যতা আরম্ভ করিবেন। তিনি ও তাঁহার আজ্ঞাধীন লোকেরা যে সাহসিক ভাব অবলম্বন করিয়া শান্ত ও ধীর থাকিতে পারিবেন, তাহাতে সন্দেহ নাই।

লাহোরে লরেঞ্জের মূর্তি

লাহোরে লাট লরেঞ্জের একটি মূর্তি আছে। তাহার পাদপীঠের গায়ে যে লিপি উৎকীর্ণ আছে, তাহাতে “তোমরা কি তরবারির শাসন চাও”, ইত্যাদি জাতীয় অবমানকর কথা আছে বলিয়া লাহোর মিউনিসিপালিটি তাহা সরাইয়া ফেলিবার প্রস্তাব স্থির করিয়াছেন। গবর্ণমেন্ট তাহার বিরোধী হইয়াছেন। মহাত্মা গান্ধী লাহোরের লোকদিগকে মূর্তিটি সরাইয়া ফেলিতে বলিয়াছেন ও যাহারা সরাইতে যাইবেন তাঁহাদিগকে সঙ্গে কয়েকজন নারীকে লইয়া যাইতে বলিয়াছেন। এই আজ্ঞার কোন অংশটিই আমাদের সমীচীন মনে হইতেছে না। কাজটি শুধু আত্মিক শক্তিতে হইবার নয়। মূর্তি সরাইতে গেলে দৈহিক বলপ্রয়োগ ও খনিজ আদি হাতিয়ার ব্যবহার আবশ্যক হইবে। গবর্ণমেন্টের লোকও বাধা দিবে। তাহাতেও হাতাহাতি মারামারি রক্তপাত হইবার সম্ভাবনা। বস্তুতঃ মহাত্মা গান্ধী আজ্ঞা দিবার পরই ধবর আসিয়াছে, যে, মূর্তির নিকট গুলি চালাইয়া মারিয়া যেন হইয়াছে। সঙ্গে নারীদিগকে লইয়া যাইতে বলিবার কারণ টেলিগ্রামে এই বলা হইয়াছে, যে, পুরুষেরা ধৃত হইলে নারীরা মূর্তিটির ভার লইতে পারিবেন। যেন নারীদিগকে গ্রেপ্তার করিতে আইনে কোন বাধা নিষেধ আছে। তাহাদের খুব অপমান লাঞ্ছনা পর্য্যন্ত হইবার সম্ভাবনা। তাহাতে দেশময় এবং দূরদেশ পর্য্যন্ত হইটই এক উত্তেজনাসঞ্চার হইতে

পারে বটে; কিন্তু সেই অভিপ্রায়ে মহাত্মা গান্ধী নারীর অপমানসম্ভাবনা জানিয়াও এই উপদেশ দিয়াছেন, ইহা বিশ্বাসযোগ্য নহে।

গোলাগুলি বর্ষণ

ভারতীয় লোকদের প্রাণের কোন মূল্য আমাদের কাছেও নাই, শ্বেতদের কাছেও নাই। এক হিসাবে প্রাণটাকে আমরা খুবই মূল্যবান মনে করি বটে; মন ইচ্ছা যাক, স্বাধীনতা যাক, কিন্তু প্রাণটা বাঁচান চাই! কিন্তু অত্মদিকে, হৃদিকে বাড়ে জলপ্লাবনে ভূমিকম্পে মহামারীতে বিস্তর লোক মরিলেও ভারতে তেমন সাড়া পড়ে না, অন্য দেশে অল্পসংখ্যক লোকের অপঘাত মৃত্যুতে শেরূপ হলস্থল হয়। ভারতবর্ষেই ত পঞ্জাবে ২১৪ জন ইংরেজ হত হওয়ার কথা রটনাছিল, যে, প্রত্যেক ইংরেজের হত্যার বিনিময়ে হাজার ভারতীয়ের প্রাণ বধ করিবার হুকুম হইয়াছে, যদিও কাজে হাজারের জায়গায় শত হইয়াছিল। অত্মদিকে মালাবারে কত ভারতীয়ের প্রাণ যাইতেছে, কিন্তু ত্বরিত প্রতিকার হইতেছে না।


আমাদের প্রাণের মূল্য নাই বলিয়া এদেশে নিরস্ত্র জনতা ভাঙ্গিয়া তাড়াইবার জন্ত, কখন কখন তদপেক্ষা সামান্ত কারণেও, সিপাহী ও পুলিশকে গুলি সজীন চালাইতে হুকুম করা হয়। অত্মত্ব ইউরোপে আমেরিকায় সশস্ত্র সংখ্যাবহুল দাস্তাকারীদিগকেও প্রথমে কেবল পুলিশের কুলের গুঁটার দ্বারা এবং রাস্তা ভিজাইবার নলের দ্বারা জল বর্ষণ করিয়া তাড়াইবার চেষ্টা হয়; নিতান্ত দরকার না হইলে গুলি চালান হয় না। কারণ, তাহাদের স্বাধীনতা আছে, আমাদের নাই।

যুবরাজ

যুবরাজের ভারতভ্রমণ উপলক্ষ্যে কোন-প্রকার জাঁক-জমকে তামাসায় অভ্যর্থনার আমাদের যোগ দেওয়া উচিত নহে। কারণ উৎসব করিবার অবস্থা আমাদের নহে, এবং তিনি রাজভৃত্যদের উদ্দেশ্য সাধনার্থ তাহাদের হাতের পুতুল হইবেন।

সাহিত্যিকের কৃতিত্ব ও বদাশ্রয়তা

সুবিখ্যাত বৃদ্ধ ফরাসী লেখক আনাতোল ফ্রান্স নোবেল প্রাইজ পাইয়া তাহা রুশীয় হৃদিক নিবারণার্থ দান করিয়াছেন। যেমন সাহিত্যিক কৃতিত্ব, তেমন বদাশ্রয়তা!





“সত্যম্ শিবম্ সুন্দরম্ ।”

“নায়মাত্মা বলহীনেন লভ্যঃ ।”

২১শ ভাগ
২য় খণ্ড

পৌষ, ১৩২৮

৩য় সংখ্যা

চেরোজাতি

আমরা ঐহাদিগকে আৰ্য্য বলিয়া থাকি, তাঁহাদের আগমনের পূর্বে, ভারতে কয়েকটি জাতির অস্তিত্ব যে ছিল, তাহা নূতন করিয়া প্রমাণ করিবার কোন প্রয়োজন নাই। আৰ্য্য-সংঘর্ষের প্রভাবে এই-সমস্ত জাতির মধ্যে বাহিরের আচার, বাক্ছন্দ প্রভৃতি ব্যাপার একদিকে যেমন ক্রমশঃ প্রবেশ লাভ করে, অপর দিকে তেমনই বাহারা ইহাদিগের উপর প্রভুত্ব করিয়াছিলেন, তাঁহাদের ভিতরের ধর্মমতের সহিত এই সমস্ত জাতির ধর্মবিশ্বাস কতক কতক মিলিয়া মিশিয়া না গিয়াছিল, এমন নয়। সামাজিক প্রথাও কোথাও সামান্ত—কোথাও বা বিশেষভাবে ইহারা গ্রহণ করিয়া ফেলে। এই-সমস্ত আদিম জাতির এরূপ পরিবর্তন সংঘটিত হইয়াছে যে, এক্ষণে তাহাদের শুধু আকার দেখিয়া তাহাদের কুলশীলের পরিচয় দেওয়া দুর্লভ হইয়া পড়িয়াছে। ইহাদের ভিতর অনেক জাতিই আবার অপর জাতির মধ্যে আপনাদের অস্তিত্ব হারাইয়াছে। কাহারও বা অস্তিত্ব একেবারে লোপ পাইয়াছে। বাহারা অপর জাতির সংমিশ্রণ হইতে সম্পূর্ণভাবে বা কিয়ৎপরিমাণে আপনাকে বাঁচাইয়া নিজের স্বাতন্ত্র্য বজায় রাখিতে পারিয়াছে, জাতিতত্ত্ববিদগণ তাহাদের বিবরণ সংগ্রহ করিতেছেন। এই-সমস্ত জাতির শ্রেণীবিভাগ করা বড়ই

দুর্লভ ব্যাপার। তবে ইহাদের রীতি-নীতি, ধর্ম-পদ্ধতি, বিবাহপ্রথা প্রভৃতির আলোচনার সঙ্গে এই-সমস্ত জাতি সম্বন্ধে ঐতিহাসিক অনুসন্ধান চলিতে পারে।

বাঙ্গালীর ইতিহাসপ্রসঙ্গে আমরা পূর্বে বলিয়াছি যে, বঙ্গ, বগধ ও চেরজাতি বাঙ্গালার অতি প্রাচীন অধিবাসী। ঐতরের আরণ্যকে তাহার নির্দেশ আছে এবং চিলপুতিকারম্, তোটেণ্ড-মণ্ডল-পদ্যম্ প্রভৃতি প্রাচীন তামিলাগ্রন্থে লিখিত আছে যে, চেরজাতি বঙ্গদেশ হইতে দক্ষিণভারতে গমন করিয়া চেররাজ্য সংস্থাপন করে। এক সময় তাহারা ‘বানবর’ নামে পরিচিত ছিল (Tamils Eighteen Hundred Years Ago, p. 50, n. 1; চিল্পুতিকারম্, ২৫২১-৩ পঙ্ক্তি)। এককালে চেরগণ প্রাচীন বঙ্গের পুরাতন অধিবাসী ছিল। ইহাদের এক শাখা দক্ষিণ-ভারতে গমন করে, অপর শাখা বঙ্গদেশ হইতেই কালে মধ্যপ্রদেশের উপত্যকাসমূহে ছড়াইয়া পড়ে। দক্ষিণ-ভারতে বাহারা বাস করিয়াছিল, তাহারা ‘চের’ নামে পরিচিত হইত এবং বাহারা মধ্যপ্রদেশের উপত্যকায় আশ্রয় লইতে বাধ্য হয়, তাহারা আজও কোন রকমে বাঁচিয়া আছে। ইহারা বর্তমান কালে গাজিপুবে, গোরখপুরের কিয়দংশে,

বান্ধাণসীর দক্ষিণাঞ্চলে, মির্জাপুরে ও বিহারে বাস করিয়া থাকে। ইহার অসভ্য বর্কর অবস্থায় পরিণত হইয়া 'চেরে' বা 'চেরু' নামে পরিচিত হইয়া থাকে।

দক্ষিণ-ভারতের চেরজাতিদের প্রাচীন ইতিহাসের কিঞ্চিৎ আভাস প্রাচীন তামিলগ্রন্থ, শিলালিপি, তাম্রশাসন প্রভৃতি হইতে সংগ্রহ করিতে পারা যায়। প্রাচীন তামিল গ্রন্থে আছে, চেরদিগের একজন রাজা ছিলেন, তাঁহার নাম 'অতন'। ইনি সিংহল-নৃপ গজবাহু ও চোড়রাজ করিকলের সমকালবর্তী (১)। ইঁহার রাজত্বকাল ৪০ হইতে ৫৫ খৃষ্টাব্দ। চের ও পাণ্ড্যরাজ বেন্নিল নামক স্থানে একসঙ্গে মিলিত হইয়া করিকলের সহিত যুদ্ধ করেন। এই যুদ্ধে অতন সেনা-নাগক ছিলেন। যুদ্ধে পৃষ্ঠপ্রদর্শন করা ক্ষত্রিয়দের গ্রায় ইঁহার অপমানসূচক ও লজ্জাজনক বলিয়া মনে করিতেন। অতন পৃষ্ঠদেশে আঘাত প্রাপ্ত হইয়া, লজ্জায় অনশনে প্রাণ-ত্যাগ করেন (২)। ইঁহার মৃত্যুর পর দ্বিতীয় অতন সিংহাসন লাভ করেন। ইঁহার রাজত্বকাল ৫৫ হইতে ৯০ খৃষ্টাব্দ। দ্বিতীয় অতন ইঁহাদের পূর্বশত্রু চোড়রাজ করিকলের কন্যা সোনাইকে বিবাহ করিয়া (৩) চোড়রাজকে মৈত্রী-বন্ধনে আবদ্ধ করেন। রাজনীতির দিক্ দিয়া দেখিলে চেররাজের এই কার্য্য যথেষ্ট কৌশলের পরিচায়ক। দেশকে শান্তিপূর্ণ শাসনের মধ্যে রাখিয়া, রাজ্যের তিনি নানাবিধ উন্নতিসাধন করিয়াছিলেন। ইঁহার রাজত্বকালের পূর্বেই ব্রাহ্মণগণ

চেররাজ্যে আধিপত্য বিস্তার করিয়াছিলেন। কবিদিগের প্রতি তাঁহার যথেষ্ট শ্রদ্ধা ছিল। ব্রাহ্মণকবি কপিলর (৪) রাজ-প্রশস্তি লিখিয়া জায়গীর প্রাপ্ত হইয়াছিলেন। দ্বিতীয় অতনের দুই পুত্র—জ্যেষ্ঠ বেনমাল, কনিষ্ঠ ইলকো-অদিকল। কনিষ্ঠ পুত্র অতি ধর্ম্মপরায়ণ ছিলেন। একজন ভবিষ্যদ্বক্তা তাঁহাকে বলিয়াছিলেন, তিনি রাজচিহ্নযুক্ত, তাঁহার রাজ্যলাভ হইবে। ইহা শুনিয়া তিনি অত্যন্ত হুঃখিত ও ক্ষুব্ধ হন এবং সন্ন্যাস অবলম্বন করিয়া নির্গ্রহসম্প্রদায়ে যোগ দিবার সঙ্কল্প করেন। ইনিই তামিল মহাকাব্য চিল-প্রতিকারম্ রচনা করেন। দ্বিতীয় অতন চিক্কর-পল্লীতে দেহত্যাগ করেন। অন্ত ৯০ খৃষ্টাব্দে দ্বিতীয় অতনের রাজসিংহাসনে তাঁহার জ্যেষ্ঠ পুত্র আরোহণ করেন। ইনি পার্শ্বভূমির অধিপতি ইরুকো বেনমালের রাজধানী বিয়লুর আক্রমণ করিয়া, সেই স্থানের সুবর্ণখনি অধিকার করেন। কয়েক বৎসর পরে করিকল চোড়ের পুত্র নলঙ্ক-কিল্লির মৃত্যু হইলে চোড়-রাজ-মুকুট করিকলের পৌত্র গ্রহণ করেন। কিন্তু রাজপরিবারের কেহ তাঁহার প্রভু স্বীকার করিতে চাহেন না। নয়জন রাজকুমার বিদ্রোহী হ'ন। বেনমাল মাতুল-পুত্র কিল্লিবনবনের সাহায্যার্থ বহুসংখ্যক সেনা লইয়া নেরি-বায়িল নামক স্থানে উপস্থিত হইয়া বিদ্রোহীদিগকে পরাজিত করেন; স্বীয় মাতুলপুত্রকে শত্রুশূণ্ড করিয়া রাজ্যে পুনঃ প্রতিষ্ঠিত করেন। কিয়ৎকাল পরে তিনি পাণ্ড্যরাজ্যের দক্ষিণভাগ মোছুর আক্রমণ করেন। মগধরাজ করণদিগের সহিত বন্ধুত্ব-সূত্রে আবদ্ধ থাকায় তাঁহার মাতা সোনাইকে লইয়া তিনি গঙ্গাস্নান করিতে আসিয়াছিলেন। আর-একবার তিনি মহিবীর সহিত গঙ্গাদর্শনে আগমন করিয়া-ছিলেন। চেররাজ হিমালয়ের দিকে অভিযান করিবেন স্থির করিয়া সর্বসমুদ্র বনজীতে গমন করেন। চেররাজ্য হইতে তিনি সমুদ্রপথে ওড়িষায় গমন করিয়াছিলেন, ইহা মহাকাব্যে উল্লিখিত আছে। তিনি গঙ্গাতীরবর্তী প্রদেশসমূহও জয় করিয়াছিলেন। ইঁহার মৃত্যুর পর তৎপুত্র যানইক-কদ-চে ১২৫ খৃষ্টাব্দে রাজা হ'ন। পাণ্ড্যরাজ ২য় নেতুঞ্চ-চেলিমন কর্তৃক আক্রান্ত হইয়া ধৃত হইয়াছিলেন। পরে পলায়ন

(১) কুমারস্বামী (P. Coomaraswami) মতে করিকল খৃষ্টীয় প্রথম শতকের রাজা। চিলপ্রতিকারমের টীকাগ্রন্থে লিখিত আছে, করিকল সিংহলের গজবাহুর সমসাময়িক চেররাজ চেরুতুবনের মাতামহ।—Contributions to the History of Tamil Literature.

(২) করিকল যে বেন্নিল যুদ্ধে চের ও পাণ্ড্যরাজকে পরাস্ত করিয়া-ছিলেন, ডক্টর হুল্শ্ও (Dr. Hultzsch) তাহা সমর্থন করেন।—South Indian Inscriptions, vol. II, part III, p. 377 and 378.

(৩) নন্দকলম্বণন (Tamil Historical Texts by M. K. Narain Swami Ayyar and C. Gopinath Rao)—২১শ সর্গ, ১১শ ছত্র। নন্দ একজন পন্নবরাজ। চেররাজ্য পর্য্যন্ত ইঁহার আধিপত্য বিস্তৃত ছিল (শ্লোক ৭৪)। চের, চোর, পাণ্ড্য ও উত্তরাঞ্চলের রাজগণ তাঁহাকে করদান করিতেন (শ্লোক ২৭)। ইনি চের, চোড় ও পাণ্ড্যদিগের সঙ্গে যুদ্ধ করিয়াছিলেন (শ্লোক ৪২, ৮১) নন্দের কনিষ্ঠ জাতীর সহিত এই তিন রাজ্য যোগ দিয়াছিলেন বলিয়া তাঁহাদের সঙ্গে বন্ধুত্ব হয়।

(৪) মন্তরম্ চেরল ইরুম্পোরই এর সহিত কপিলরের সম্বন্ধ আছে। পোরন্দিলু ইলঙ্গিরনর নামক এক কবি ইঁহার যথেষ্ট প্রশংসা করিয়াছেন

করিয়া রক্ষা পাইয়াছিলেন। দশ বৎসর পরে ইহার পুত্র পেরুঞ্জ-চেরল-ইরুমপোরই রাজা হইয়া ১৩৫ খৃষ্টাব্দ পর্য্যন্ত রাজ্য ভোগ করিয়াছিলেন।

কোঙ্গুদেশরাজকল একখানি প্রাচীন তামিল গ্রন্থ। ইহা হইতে ভাষান্তরিত একখানি গ্রন্থ ইণ্ডিয়া অফিসে সংরক্ষিত আছে। অধ্যাপক ডাউসন (Prof. Dowson) এই গ্রন্থ হইতে চের রাজাদিগের একটি বিবরণ (J. R. A. S. ৮ম খণ্ড, পৃ: ২-৬) প্রদান করিয়াছেন। ইহাতে একটি চেররাজবংশাবলী আছে। বীররাজ চক্রবর্তী হইতে আরম্ভ করিয়া, মল্লদেব পর্য্যন্ত ২৬ জন রাজার বিবরণ ইহাতে আছে (৫)। গ্রন্থে লিখিত আছে যে, মল্লদেবের উত্তরপুরুষের সময় চোড়রাজকর্তৃক ৮১৬ শালিবাহনাব্দে (৮৯৪ খৃ:) চেররাজ্য বিজিত হইয়াছিল। এই বংশের সপ্তম নৃপতি তিরুবিক্রমদেব স্বন্দপুরে অভিষিক্ত হন। কর্ণাট ও কোঙ্গুদেশ ইহার শাসনে ছিল। উইলসন মনে করেন যে, চের ও কঙ্গু একই দেশের নামান্তর (Wilson's Mackenzie Collections, পৃ: ৩৫)। এই বংশের রাজাদের রাজ্যকালের সঙ্গে মেরকারা (Mer-
kera) দানপত্রে উল্লিখিত সময়ের অনেক স্থানের পার্থক্য আছে। কোঙ্গুদেশরাজকলে মল্লদেব পর্য্যন্ত ২৬ জন নৃপতির কথা পাওয়া যায়। লান্সেন (Indische Alterthums-
kunde ২য় ভাগ, পৃ: ১০১৭-১৮) বলেন, মল্লদেব পর্য্যন্ত নৃপতির সংখ্যা ২৮ এবং অষ্টাবিংশ চেররাজ ৮৭৮ ও ৮৯৮ অব্দে রাজত্ব করিয়াছিলেন। অন্যান্য বিষয়ে তিনি ডাউসনের প্রবন্ধের উপর নির্ভর করিয়া চেরবংশ বিচার করিয়াছেন। এই তামিল গ্রন্থে দেখিতে পাওয়া যায় যে, তিরুবিক্রম পাণ্ডা, চোড়, মলয়লম্ প্রভৃতি দেশ জয় করিয়া শঙ্করাচার্যের নিকট শৈব ধর্মে দীক্ষিত হ'ন। তিরুবিক্রমের লিপিতে শঙ্করাচার্যের নাম দেখিয়া লিপিখানি জাল বলিয়াই কেহ কেহ সন্দেহ করেন (৬)। সেই লিপিখানি যে সময়ে অঙ্কিত বলিয়া প্রচারিত, সেই সময়ের অন্যান্য লিপির

অক্ষরের সহিত তুলনা করিয়া নিশ্চয়ই বলিতে পারা যায় যে, ইহা জাল। দাক্ষিণাত্য হইতে কোঙ্গুরাজগণের যে সমস্ত লিপি পাওয়া গিয়াছে, ফ্লীট তৎসমুদয় আধুনিক ও জাল বলিয়াই প্রমাণ করিয়াছেন।

সুপণ্ডিত ফ্লীট তাঁহার 'সংস্কৃত ও প্রাচীন কন্নড় লিপি' (Sanskrit and Old Canarese Inscriptions— I.A., Vol. VI, p. 23) নামক প্রবন্ধে দেখাইয়াছেন যে, কদম্বরাজ কৃষ্ণবর্মার ভগিনীকে চেররাজ দ্বিতীয় মাধব বিবাহ করেন। রাইসের মেরকারা ও নাগমঙ্গল তাম্রশাসনেও এই কৃষ্ণবর্মার উল্লেখ আছে (I. A., Vol. I, p. 360, etc.,)। বিশপ কল্ডওয়েলের মতে (Exploration at Korkei and Kayal—I. A., Vol. VI), দক্ষিণ-ভারতের সভ্যতার আদিজন্মভূমি 'কোরকেই'। এইখানেই চের, চোড় ও পাণ্ড্যগণ পুনঃ পুনঃ জন্মগ্রহণ করিয়া দাক্ষিণাত্যের নানা স্থানে রাজ্যবিস্তার করিয়াছিল। বাহির হইতে দক্ষিণ-ভারতের এই স্থানে আসিয়া, ইহারা যে ইতস্ততঃ বিক্ষিপ্ত হইয়াছিল, তাহা সহজেই প্রমাণিত হইতে পারে।

দাক্ষিণাত্য চের, চোড় ও পাণ্ডা, এই তিনটি বিভিন্ন প্রদেশে যে বিভক্ত ছিল, তৎপক্ষে যথেষ্ট প্রমাণ আছে (৭)। পুরনমুরু, পত্ত, পত্তু, ইরইয়নর ও অগপ্পোরুড় নামক প্রাচীন তামিল গ্রন্থে চের, চোড় ও পাণ্ডারাজাদের শৌর্ধ্য-বীর্যের বিবরণ দেখিতে পাওয়া যায়। অগপ্পোরুড় পুস্তকের টীকায় লিখিত আছে যে, চের, চোড় ও পাণ্ডারাজ্যের প্রতাপাবিত রাজগণ পরস্পর যুদ্ধে ব্যাপৃত ছিলেন। ইহাদের জয়পরাজয় অনুসারে ইহাদের রাজ্যের সীমান্ত সময়ে সময়ে পরিবর্তিত হইত। পুরনমুরু গ্রন্থের ১৭, ২০, ২১, ৫২, ১২৫, ও ২২৯ শ্লোকে কল্লি-পর্কতাধিপতি এক চেররাজের গুণাবলী বিশেষভাবে কীর্তিত হইয়াছে (৮)।

৪৬৭ খৃষ্টাব্দের চের-লিপির পরিচয় দিয়াছিলেন (বর্ণনোক্ত লিপির দ্রষ্টব্য)। কিন্তু বর্ণেল যখন বর্ণমালী সম্পর্কে আলোচনা করিয়াছিলেন, তখন দক্ষিণ ও পশ্চিমভারতের লিপি (paleography) সম্বন্ধে অতি অল্পই জানিতে পারা গিয়াছিল। যে কোনও বিশেষজ্ঞ এখন এই লিপির অক্ষর দেখিয়া বলিতে পারেন যে, ইহা খৃষ্টীয় নবম শতকের প্রারম্ভে লিখিত।

(৭) The Date of Maduraiikkandhi and Its Hero, by K. V. Subrahmanya Aiyar, B. A.

(৮) এই রাজার নাম "যমৈকজে—মন্দরকেল-ইরুমোরই"

(৫) Wilson's Descriptive Catalogue, p. 190 ও Taylor's Oriental Historical MSS, Vol. II, pp. 65-64 দ্রষ্টব্য।

(৬) মেরকারা-লিপি পাঠ করিলে দেখা যায় যে, ইহা ৪৬৬ খৃষ্টাব্দে অঙ্কিত হইয়াছিল। ডক্টর বর্ণেল (Dr. Burnell) ইহাকে চেরদের প্রাচীনতম লিপি বলিয়া মনে করেন। চেরসম্পর্কে ইহা অপেক্ষা পুরাতন লিপি আর কোথাও পাওয়া যায় না। ইহা হইতেই বর্ণেল তাঁহার

খৃষ্টীয় প্রথম শতকে তুঙ্গভদ্রা নদীর দক্ষিণে ভারতবর্ষকে রাজনৈতিক ভাবে বিভাগ করা হইয়াছিল। কাবেয়ী নদীর উৎপত্তিস্থান হইতে আরম্ভ করিয়া, বরাবর ইহার প্রবাহ ধরিয়া করুরের নিকটবর্তী অমরাবতী পর্য্যন্ত গমন করিয়া, সেখান হইতে পালনী পাহাড় ও পশ্চিমঘাট পর্য্যন্ত যদি আমরা যাই, তাহা হইলে আমরা চের-অধিকারের সীমা নির্ণয় করিতে পারি।

কয়েকটি অনুশাসনেও চেরদিগের প্রসঙ্গ দেখিতে পাওয়া যায়। তন্মধ্যে উল্লেখযোগ্য লিপিশিলা বিবরণ নিম্নে প্রদত্ত হইল :—

কুণ্ডরায়ের হাম্পি-লিপিতে (১১শ শ্লোক) পাওয়া যায় যে, বিজয়নগরের তুলু-বংশীয় রাজা নরস (নরসিংহ) চের, চোড়, মহারাধিপতি, গর্ভিত পাণ্ড্য প্রভৃতিকে জয় করিয়া তাঁহার আধিপত্য বিস্তার করিয়াছিলেন। সুন্দর-পাণ্ড্যের রঙ্গনাথ লিপিতে পাওয়া যায় যে, সুন্দরপাণ্ড্য চের, চোড় ও পাণ্ড্যরাজ্যের তিনটি মুকুট ধারণ করিতেন। বিজয়নগরবংশীয় কীর্ত্তিমান হরিহরদেব চের, চোড় ও পাণ্ড্যরাজ্য-দিগকে স্থাপন করিয়াছিলেন বলিয়া দ্বিতীয় হরিহরদেব বিশ্বাস করিতেন। চোড়রাজ রাজকেশরিবর্মান্নার ত্রিংশৎ রাজ্যের ক্ষোদিত দানপত্রে লিখিত আছে যে, এই চোড়রাজ চেরপ্রাসাদবিজয়া ছিলেন। অমোঘবর্ষ একটি বিভীষণ ধনুর্ভঙ্গ করিয়াছিলেন। ইহাতেই তাঁহার মহত্ব। ধনু চেরদিগেরও রাজলাঞ্ছন ছিল। ইহা হইতে কেহ চেরদিগের সহিত অমোঘবর্ষের যুদ্ধের কল্পনা করিয়া থাকেন।

বরাহমিহিরের বৃহৎসংহিতার চতুর্দশ অধ্যায়ে (১১-১৬ শ্লোক) দেখা যায় যে, চের, চোড়, কচ্ছ, কর্ণাট, কেরল, কোঙ্কণ ও তক্ষণ দেশ দক্ষিণ-প্রদেশের অন্তর্ভুক্ত ছিল। এই সমস্ত দেশে আত্মীয়, আর্থিক, ভদ্র, চেরিয় প্রভৃতি জাতির বাস ছিল।

চেরিয় দক্ষিণ প্রদেশের অন্তর্গত চেরদেশীয় লোককেই নির্দেশ করিতেছে (পঞ্চদশ অধ্যায়, ১৭৬ পৃষ্ঠা)। চেররাজ পাণ্ড্যরাজের সহিত সম্মিলিত হইয়া চোড়রাজ রাজা রাজ্য-দ্বীপের আক্রমণের বিরুদ্ধে দণ্ডায়মান হন, ইহা আমরা তাতিলবর্মান্ন লিপি (Madras Museum Plates of

Tatil Varman, by Venkayya, M.A., Bangalore) হইতে জানিতে পারি। ভেন্কয়-প্রকাশিত মলবরের প্রাচীন দান-পত্র ও পাণ্ড্য তাম্রলিপিতে চের-তাম্রমুদ্রার উল্লেখ দেখিতে পাওয়া যায়।

ফুল্কুম্ সাহেব বলেন যে, চের এবং কেরল একই রাজ্য-বোধক। “চের” শব্দই কন্নড় কথ্য ভাষায় “কেরল” শব্দে পরিণত হইয়াছে, ইহাই তাঁহার মত। কিন্তু ‘চের’ শব্দ কেরল শব্দ হইতে ব্যুৎপন্ন হইতে পারে না। লোগান সাহেব তাঁহার মলবর ম্যানুয়েলে লিখিয়াছেন—“চের” শব্দের কন্নড় প্রতিকল্প “কেরল”। তাঁহার মতে চেরবংশ বহুকাল কেরলদেশে রাজত্ব করায় তাহা কেরল নামে অভিহিত হয়। ডক্টর গুণ্ডেট তাঁহার অভিধানে লিখিয়াছেন যে, ‘চেরম্’ শব্দ কন্নড় ভাষায় “কেরম্” বলিয়া উচ্চারিত হইয়াছে। মলয়লম্দিগের ‘চের’ কন্নড়-দিগের হাতে পড়িয়া ‘কেরল’ হইয়াছে। কিন্তু শব্দ-বিজ্ঞান অনুসারে কণ্ঠ্য বর্ণ জিহ্বামূলীয় বর্ণের অপেক্ষা প্রাচীন; সুতরাং “কেরল” শব্দ ‘চের’ শব্দ অপেক্ষা প্রাচীন। অগত্যা বলিতে হইবে যে, “কেরল” শব্দ ‘চের’ শব্দের রূপান্তর নহে। বিশেষতঃ, রামায়ণ, মহাভারতাদি প্রাচীন পুরাণাদিতে, এমন কি, কবি কালিদাসের গ্রন্থে “কেরল” শব্দের প্রয়োগ দেখিতে পাওয়া যায়, কিন্তু কোন স্থানে চের শব্দের উল্লেখ নাই—সুতরাং চের শব্দ রূপান্তরিত হইয়া যে ‘কেরল’ শব্দ উৎপন্ন হইয়াছে, এ কথা বলা যায় না। ‘কেরলোৎপত্তি’ নামক প্রবাদ-মূলক গ্রন্থে এইরূপ দেখিতে পাওয়া যায় যে, পশ্চিমঘাটের তলদেশে গোকর্ণতীরের পবিত্র মন্দির হইতে দক্ষিণ-কুমারিকা পর্য্যন্ত বিস্তৃত ভূমিখণ্ড অতি প্রাচীন কালে কেরল নামে অভিহিত হইত। ঐ ভূমিখণ্ড পূর্বে সমুদ্রগর্ভে নিহিত ছিল। পরশুরাম সমুদ্রের নিকট প্রার্থনা করিলে উক্ত স্থান সমুদ্রগর্ভ হইতে উথিত হয়। স্বন্দপুরাণের সহাদ্রিখণ্ডে বর্ণিত আছে যে, নাসিক হইতে কুমারিকা অন্তরীপ পর্য্যন্ত বিস্তৃত যে ভূখণ্ড পরশুরাম পশ্চিম সমুদ্রের নিকট প্রার্থনা করিয়া লইয়াছিলেন তাহা সপ্ত কঙ্কণে বিভক্ত। কেরল উক্ত সপ্ত কঙ্কণের একটি কঙ্কণ। প্রবাদমূলক বাক্য সকল সূত্র বিশ্বাসযোগ্য না হইলেও, প্রাচীন ইতিহাস সঙ্কলনকালে অনেক সময় এইরূপ

প্রবাদ-বাক্য হইতেও তাহা সংগ্রহ করিতে হয়; কেন না, অনেক প্রবাদও সত্যমূলক। উপরিলিখিত প্রবাদ হইতে আমরা অন্ততঃ এই সিদ্ধান্তে উপনীত হইতে পারি যে, পরশুরাম উত্তরভারত হইতে আসিয়া সর্বপ্রথমে এই স্থানে উপনিবেশ স্থাপন করেন। এই স্থান প্রথমে সমুদ্রগর্ভে নিহিত ছিল, কোন প্রাকৃতিক ঘটনায় সমুদ্রগর্ভ হইতে উঠিয়া পড়ে। যদি এ প্রবাদ সত্য হয়, তাহা হইলে পরশুরামের দাক্ষিণাত্যে আগমনের পূর্বে কেবল দেশের অস্তিত্বই ছিল না, সুতরাং পরশুরাম স্বয়ং বা তাঁহার কোন সহচর অথবা তাঁহারই সমসাময়িক কোন ব্যক্তি এই স্থানের নামকরণ করিয়াছেন। ডক্টর উইলসন নারীকেল শব্দের ব্যুৎপত্তি নির্ণয় করিতে গিয়া বলিয়াছেন যে, নারীকেলবৃক্ষ জলময় স্থানে উৎপন্ন হয় বলিয়া উহার নাম নারীকেল হইয়াছে। তাহা হইলেই উইলসনের নারীকেলের ব্যুৎপত্তি অনুসারে কেবলের ব্যুৎপত্তি নিষ্পন্ন করিতে হয়। উইলসন সাহেব যখন জলময় দেশজাত, এই অর্থে নারীকেল শব্দ ব্যুৎপন্ন করিয়াছেন, তখন তিনি বোধ হয়, নার শব্দ হইতেই নারীকেল শব্দের উৎপত্তি স্থির করিয়াছেন। পরশুরামও ঐ প্রদেশ জল হইতে উথিত বলিয়া তাহার নামকরণ করিলেন—কেবল। কোন কোন পণ্ডিত এইরূপ যুক্তি অবলম্বন করিয়া কেবল শব্দের ব্যুৎপত্তি স্থির করিয়া থাকেন। কিন্তু একরূপ যুক্তির উপর নির্ভর করিয়া কোনরূপ সিদ্ধান্ত করা নিরাপদ নয়।

পক্ষান্তরে কেবল শব্দের ব্যুৎপত্তি নির্ণয় করিতে গিয়া অনেকে অনেক সূত্র অবলম্বন করিয়াছেন। একটি অতি প্রয়োজনীয় সূত্র এই যে, কেবল নামে যে জাতি ছিল, সগর রাজার সহিত তাহাদের যুদ্ধ হইয়াছিল; সুতরাং সগররাজের সময় কেবলজাতি বিদ্যমান ছিল। সগররাজ মহাভারতের অনেক পূর্বের লোক এবং এই জাতি আৰ্য্যজাতির পূর্বেও ভারতে ছিল। সংস্কৃত ভাষার মূল আৰ্য্যজাতির সঙ্গে আসিয়াছে, তাহার পূর্বে ছিল না। কিন্তু কেবল নাম তখনও ছিল; অতএব কেবল শব্দ যে সংস্কৃতমূলক, এ কথা বলা যায় না। কেবল শব্দকে বহু পণ্ডিত বিশেষ বিশেষ যুক্তির অবতারণা করিয়াছেন। কিন্তু 'চের' শব্দ যে রূপান্তরিত হইয়া 'কেবল' হইতে পারে না, তাহা কেহই আলোচনা করেন নাই।

যাহা হউক, এই চেরদিগের প্রাচীন কালে যে প্রকৃষ্ট ধর্ম ও উন্নত সমাজ ছিল, তাহার নিদর্শন আমরা প্রাচীন তামিল-গ্রন্থে যথেষ্টই দেখিতে পাই।

এইবার আমরা মধ্যপ্রদেশের 'চেরো' বা 'চেরু' জাতি-সম্বন্ধে কিঞ্চিৎ আলোচনা করিব। এই চেরো ও দাক্ষিণাত্যের 'চের' জাতি যে এক, তাহা নৃত্য সাহায্যে সপ্রমাণ করা যায়।

চেরো জাতি সম্বন্ধে রিজ্‌লী, ওমালী ও কর্ণেল ড্যাল্টন বিশেষ পরিশ্রম করিয়া বিবরণ লিপিবদ্ধ করিয়াছেন। ইহাদের লেখা হইতে চেরোদের অনেক কথাই জানিতে পারা যায়। আবশ্যকমত ইহাদের প্রদত্ত সংবাদও গ্রহণ করিতে বাধ্য হইয়াছি। কিন্তু ইহাদের মতে চেরোর মুণ্ডা বা কোলেরিয়ান বংশসম্মত। রসেল ও রায়বাহাদুর হীরালালও (Tribes and Castes of the Central Provinces) এই মতের পক্ষপাতী।

প্রাগৈতিহাসিক যুগে সাহাবাদ অসভ্যজাতিদেরই অধিকারে ছিল। ইহাদের মধ্যে প্রধান ছিল ভড়, চেরো ও শবরজাতি। এই তিনটি জাতি সম্বন্ধে সাহাবাদের নিকট-বর্তী স্থানে কতকগুলি আখ্যায়িকা প্রচলিত আছে। পার্শ্ববর্তী প্রদেশ মির্জাপুরেও একটি গল্প আছে। এই স্থানের আৰ্য্য ও ভড়, উভয় জাতিই বলিয়া থাকে যে, রোহতাস্‌গড় হইতে রেওয়া পর্য্যন্ত শোণ নদের নিকটস্থ প্রদেশের উপর একজন পরাক্রান্ত ভড় রাজা আধিপত্য করিতেন। ইনিই রে হতাস্‌গড়ের দুর্গ নির্মাণ করেন। রাজপুত্র জাতীয় তিন ভ্রাতা ভড় রাজার বিরুদ্ধে ষড়যন্ত্র করে এবং তাঁহাকে হত্যা করিয়া তিন ভ্রাতার মধ্যে রাজ্য ভাগ করিয়া লয়। চেরোর প্রবল-পরাক্রান্ত জাতি ছিল। শবরগণ চেরোদিগকে জয় করে। পরে আৰ্য্যনামধারী কোন জাতি ইহাদিগকেও বিজিত করে। ভড়, চেরো ও শবরগণ যে এইখানে রাজত্ব করিত, তৎসম্বন্ধে বহু প্রবাদ আছে। ইহাদের নির্মিত অনেক মন্দির ও দুর্গের ভগ্নাবশেষ এখনও দেখিতে পাওয়া যায়। সাহাবাদে ভড় ও চেরোজাতির অস্তিত্ব এখনও আছে। স্যার হেনরি এলিয়টের মতে চেরোর ভড়দেরই একটি শাখা। তিনি বলেন, কোলেদের সঙ্গে ইহাদের সম্বন্ধ আছে। কর্ণেল ড্যাল্টনের মতে কোল ও চেরোর পূর্বে এক জাতি ছিল।

ইহাদেরই একটি শাখা চেরোজাতি। একমাত্র ভাষার নজিরে তিনি এই সিদ্ধান্ত করিয়াছেন। এই দুইটি মতের এখন কোনও আদর নাই। যাহা হউক, চেরোরা এইখানকার পাহাড়িয়া জায়গায় বিহিয়া পরগণায় জগদীশপুর জঙ্গলে বাস করিয়া থাকে। চেরোদের অধঃপতনের পর বহু সভ্যজাতি সাহাবাদে আধিপত্য করিয়াছিল। এই স্থানটি এক সময়ে গুপ্তদিগের অধিকারে ছিল, তাহা মুণ্ডেশ্বরী-মন্দিরে প্রাপ্ত শিলালিপি এবং দেওবরুণারকের শিলালিপি হইতে জানিতে পারা যায়। গুপ্তদের অধঃপতনের সঙ্গে সঙ্গে ইহা পুনরায় চেরোদের হস্তে আসিয়া পড়ে। মালবের অন্তর্গত উজ্জয়িনী হইতে ভোজরাজ আগমন করিয়া চেরোদিগকে দক্ষিণে বিতাড়িত করিয়া দিয়াছিলেন। কয়েক শতাব্দী ধরিয়া রাজপুত ও চেরোদের যুদ্ধ চলিয়াছিল। শেষে বিজয়-লক্ষ্মী রাজপুতদিগকেই অমুগ্ধীত করেন; চেরোগণ পর্বতে গিয়া আশ্রয় গ্রহণ করে। এই জঙ্গলময় ভূমিতে তাহারা বহুকাল আপনাদের স্বাধীনতা বজায় রাখিতে সমর্থ হইয়াছিল। এই স্থানে বাসকালে তাহারা পালামৌ বিজয় করিয়াছিল। রুহা ও চৈনপুর থানার ঠাকুরদিগের রাজপুত পূর্বপুরুষ ইহাদিগকে সাহায্য করিয়াছিলেন।

রাজা ভোজের নামানুসারে এই নববিজিত দেশ ভোজপুর নামে আখ্যাত হয়। ভোজপুরীর রাজপুতগণ বহুকাল ধরিয়া প্রায় স্বাধীনভাবে রাজত্ব করিয়াছিল। বালিয়া জেলার অন্তর্কর্তী হলদীর হরিবংশরাজপুতগণ বলিয়া থাকেন যে, মধ্যপ্রদেশের রতনপুরে তাঁহাদের পূর্বনিবাস ছিল। ইহাদের বংশবিবরণে পাওয়া যায় যে, গগরীনদী-তীরবর্তী সারন প্রদেশস্থ মজিনামক স্থানে তাঁহারা ৮৫০ খৃষ্টাব্দে উপনিবেশ করেন। এই স্থানে চেরোদের সঙ্গে তাঁহাদের তুমুল সংগ্রাম বাধে। যুদ্ধে চেরোগণ পরাজিত হইয়া পলাইয়া যায় [W. Oldham, Memoir of the Ghazipur District (1870), প্রথম ভাগ, পৃঃ ৫৫]। ২০০ বৎসর পরে ইহারা মজি পরিত্যাগ করিয়া গঙ্গার দক্ষিণে বিহিয়ায় আসিয়া উপস্থিত হ'ন। বিহিয়া চেরোদের অধিকারে ছিল। চেরোদের সঙ্গে এই রাজপুতদের ভীষণ যুদ্ধ হয়। শেষে চেরোগণ ইহাদের বশ্যতা স্বীকার করে। মুসলমান যুগেও চেরোগণ হীনবল ছিল না। তারিখে শেরশাহীতে লিখিত আছে, মুহর্ত

নামে একজন চেরোদের অধিনায়ক ছিলেন। ইনি সুবিধা পাইলেই পর্বত ও জঙ্গল হইতে বাহির হইয়া বেহারের চতুর্দিকস্থ প্রজাপুঞ্জকে উৎপীড়িত করিতেন; গোড়-বান্দালার যে-সমস্ত লোক বাহিত, তাহাদের গমনের পথ বন্ধ করিয়া দিতেন; পশ্চিমধ্যে লুঠনাদি করিতেন; শেরশাহর শিবির হইতে গো, অশ্ব ও উষ্ট্র লুঠনও করিতেন। স্বর্ণের সহিত ইহাকে নিধন করিবার জন্ত শেরশাহ্ তাঁহার একজন সুদক্ষ সেনাপতি খাওয়ারাস খাঁকে প্রেরণ করেন। সম্রাট্, মির্জা হিন্দলের বিরুদ্ধে বঙ্গ হইতে আগ্রা যাত্রাকালে বেহার, জৌনপুর ও অন্যান্য স্থান হইতে সমস্ত সৈন্য ফিরাইয়া লইতে বাধ্য হইয়াছিলেন। কিন্তু খাওয়ারাস খাঁর সেনাদলকে গ্রহণ করিতে সাহস করেন নাই। ইহা হইতে বোধ হয় যে, চেরোদের এই সর্দার প্রবলপরাক্রান্ত ছিল। মধ্যজনে আফগানিতে লিখিত আছে যে, হুমায়ূনের সহিত যুদ্ধের সময় শেরশাহ্ খাওয়ারাস খাঁকে প্রত্যাবর্তন করিতে আদেশ দেন। খাওয়ারাস খাঁ হুমায়ূনকে পরাস্ত করিলে পর তিনি মুহর্ত চেরোর সর্কনাশ সাধনোদ্দেশ্যে সম্রাটের আদেশে গমন করেন। ওয়াকিয়াতে মুশ্তাকিতে লিখিত আছে যে, শেরশাহ্ যে তিনটি মহৎকার্য্য করিয়াছিলেন, তন্মধ্যে এই চেরোসর্দারের ধ্বংস-সাধন অন্ততম।

কর্ণেল ড্যান্টন্ বলেন—চেরোগণ রোহতাম্ হইতে আসিয়া পালামৌ অধিকার করেন। পালামৌতে তখন খারওয়ার, গোড়, মার করব, পার্থ্য, কিখান প্রভৃতি জাতির বাস ছিল। তন্মধ্যে খারওয়ার জাতিই প্রধান। চেরোগণ তাহাদিগকে সিরগুজার অন্তঃপাতী পার্বত্য প্রদেশে বাস করিবার অনুমতি দেয়। পালামৌতে চেরোরাজ্যস্থাপনের প্রারম্ভে তথায় ১২,০০০ বর চেরু ও ১৮,০০০ বর খারওয়ার ছিল। কেহ কেহ বলেন, খারওয়ার চেরোগণেরই জাতিভুক্ত ছিল। এই দুই জাতি আঠার হাজার ও বারহাজার, এই দুই বিভিন্ন নামে অভিহিত হইত। বার হাজার চেরোরা নিম্নশ্রেণীর। পালামৌর চেরোদের মধ্যে আবার দুইটি শ্রেণী আছে—একটি বার হাজার, তপরটি তের হাজার বা 'বীরবন্দি'। বীরবন্দিরা বার হাজারের সঙ্গে বৈবাহিক সম্বন্ধ করিত না। তবে এনি তাহারা চলিয়া গিয়াছে। জনশ্রুতি যে, মারব বা মার জাতি সেখানকার আধিন

অধিবাসী। ছেছারী উপত্যকার ও আখানত নদীর সন্নিহিত স্থানে অনেক ছর্গ এখনও তাহাদের অধিকারে আছে। সিরগুজা রাজ্যের পার্শ্ববর্তী স্থানে এখনও তাহাদের বাস আছে।

চেরো-বংশের পঞ্চম রাজা মহাবল রায় চাম্পারণ অধিকার করিয়া, সাহাবাদের দক্ষিণস্থিত চৈনপুর ছর্গে ফিরিয়া আসিলে, জহান্নীর প্রেরিত সেনা তাহাকে পরাভূত ও বন্দী করিয়া দিল্লীতে লইয়া আসে। তথায় তিনি একটি ব্যাঘ্রের হস্তে নিহত হন। তৎপুত্র ভাগবত রায় মানসিংহের অধীনে কর্মগ্রহণ করেন। ১৬১৩ খৃষ্টাব্দে মানসিংহ সিরগুজায় গমন করিলে, ভাগবত রায় পুরাণ মলকে প্রধান মন্ত্রিপদে বৃত্ত করিয়া, আপনাকে রাজা বলিয়া ঘোষণা করিলেন। চেরোবংশ পালামৌতে প্রায় ২৮০ বৎসর রাজত্ব করে। ভাগবত রায় সেই বংশের সর্বপ্রথম রাজা।

মেদনৌ রায় সেই বংশের বিশেষ বিখ্যাত রাজা। তৎপুত্র প্রতাপ রায়ের রাজত্বকাল হইতে সায়েন্তা খাঁ প্রভৃতির অভিযান সম্বন্ধে মুসলমান ইতিহাস-লেখকের গ্রন্থে বিশ্বাসযোগ্য ঐতিহাসিক বিবরণ পাওয়া যায়। ১৬৪১ ও ১৬৪২ সালের মধ্যে তদানীন্তন বিহারের শাসনকর্তা সায়েন্তা খাঁ সম্রাট শাহজহানের আদেশে প্রতাপ রায়ের রাজ্য আক্রমণ করেন। বহু যুদ্ধের পর প্রতাপ রায় বশ্যতা স্বীকার করেন ও ৮০,০০০ হাজার টাকা কর দিতে অঙ্গীকার করেন।

তার কিছুকাল পর তাঁহার খুল্লতাত তেজ রায় ও ধৈর্য্য রায় তাঁহার বিরুদ্ধে ষড়যন্ত্র করিয়া সায়েন্তা খাঁর পরবর্তী শাসনকর্তা ইহতিমাদ খাঁকে প্রতাপ রায়কে সিংহাসনচ্যুত করিতে মত করাইলেন। তেজরায় সিংহাসন অধিকার করিয়া বসিলেন। তারপর আবার মুসলমান সেনাপতি জবরদস্ত খাঁ তেজরায়ের রাজ্য আক্রমণ ও তাঁহাকে পরাভূত করেন। কিন্তু প্রতাপ রায় জবরদস্ত খাঁকে তাঁহার সহিত পুনরায় সন্ধিসূত্রে আবদ্ধ হইতে বাধ্য করিলেন। এবার প্রতাপ রায় বার্ষিক একলক্ষ টাকা কর দিতে অঙ্গীকার করিলেন। (H. Blochmann's Notes from the Muhammadan Historians on Chutia Nagpura, Pachet and Palamau. J. A. S. B.,

Vol. XL, Part 1, 1871) কিন্তু এ পর্যন্ত সন্ধিসূত্র চুক্তিপত্রেরই সম্বন্ধ থাকে—কার্যতঃ এক করপত্রও কর প্রদান করেন না দেখিয়া বিহারের শাসনকর্তা দাউদ খাঁ রাজ্য আক্রমণ করিলেন। রাজা বনে আশ্রয় গ্রহণ করিতে বাধ্য হইলেন, দাউদ খাঁ রাজ্য অধিকার করিয়া, রাজ্যের শাসন-ভার একজন মুসলমান ফৌজদারের হস্তে সমর্পণ করিয়া, পাটনায় ফিরিয়া আসিলেন। এইরূপে ১৬৬৬ সালে পালামৌ বিহার-শাসনকর্তার শাসন-অন্তর্ভুক্ত হইল। আলমগীরনামা গ্রন্থে দাউদ খাঁর এই পালামৌ অভিযানের বিশেষ বিবরণ পাওয়া যায়। ডক্টর বুকানন হামিণ্টন বলেন, সাহাবাদ জেলার অন্তর্গত দরাউলীতে চেরোদের কয়েকটি প্রাচীন কীর্তি আছে। কিন্তু বিশেষ অনুসন্ধানের পরে প্রকাশিত হইয়াছে যে, সেগুলি ব্রাহ্মণ্য স্থাপত্য, মন্দিরগুলিও স্পষ্ট ব্রাহ্মণ্য কীর্তিতে নির্মিত (A. S. I. R., Vol. XIX, 1885)। বুদ্ধগয়া, সমরাম এবং বংঘুরে অনেক অট্টালিকার ভগ্নাবশেষ পাওয়া যায়। এইগুলির ভিতর শিব ও হনুমানের মূর্তিও পাওয়া যায়। স্থানীয় লোকেরা এই-সমস্ত বাড়ীগুলিকে চেরোদের বাড়ী বলিয়া নির্দেশ করিয়া থাকে। মুসলমান আক্রমণের কিছুকাল পূর্বে ভোজপুরের প্রমাররা ইহাদিগকে তাড়াইয়া দেয়। বুদ্ধগয়ার চেরোরা কাঠ কাটিয়া, ঔষধ সংগ্রহ করিয়া জীবিকা নির্বাহ করে। ইহাদের সংখ্যা খুব কম। চেরোরা এক সময়ে বেহারের হর্তাকর্তা ছিল—এখন ৪০০।৫০০ লোক সাহাবাদে আছে। নেপাল সীমান্তেও চেরোদের বাস আছে—সেখানে তাহাদের সংখ্যা প্রায় তিন হাজার।

বিষ্ণু উপত্যকার চেরোগণ বাসুকি-নাগের বংশধর বলিয়া নিজেদের পরিচিত করে (Buchanan Hamilton)। সকল স্থানের চেরোদের মধ্যে একটা সাধারণ প্রবাদ এই যে, তাহারা নানা জাতি হইতে উৎপন্ন। শোরিঙের মতে, অসমীয় পর্বতের নাগাজাতি, নাগবংশী রাজপুত, নাগপুরের আদিম জাতি ও নাগা ফকীরদের সঙ্গে চেরো-জাতির সম্বন্ধ আছে। কিন্তু এ সিদ্ধান্ত নিতান্তই ভিত্তিহীন।

ছোটনাগপুরের চেরোরা আপনাদিগকে নাগবংশী বলিয়া পরিচয় দেয়। সাহাবাদের অনেক নাগবংশী নিজেদের রাজপুত বলিয়া থাকে। তবে তাহারা ছোট

নাগপুরের চেরোয়াজাকে আপনাদের গোষ্ঠীপতি বলিয়া মান্য করিয়া থাকে। মির্জাপুরের অন্তর্গত সিংরোলিয়ার সর্দার নিজেকে পরিচিত করিবার সময় বেণবংশসম্বৃত বলিয়া পরিচয় দিয়া থাকে, কিন্তু প্রকৃতপক্ষে তিনি চেরো। পালামোর রাজা নিজেকে রাজপুতবংশের বলিয়া থাকেন—বস্তুতঃ তিনিও চেরো। পালামোবাসী চেরোরা আজকাল উপবীত ধারণ করে। গোত্র বলিবার সময় রাজপুত গোত্র বলিয়া থাকে। কিন্তু রাজপুতদের সঙ্গে তাহাদের বিবাহ হয় না। পালামোর চেরোদের বিশ্বাস, তাহারা কুমায়ুনবাসী চৈনমুনির সন্তান। এই মুনি এক রাজকন্যাকে বিবাহ করেন। ইহার পুত্রই চেরোদিগের আদিপুরুষ বলিয়া চেরোরা মনে করে। চৈনমুনির সন্তান বলিয়া তাহারা নিজেকে চৌহান রাজপুত বলিয়াও পরিচয় দেয়। রাজপুতদের সঙ্গে সাধারণতঃ ইহাদের বিবাহ হয় না। তবে তাহাদের মধ্যে সম্ভ্রান্ত ব্যক্তি স্থানীয় রাজপুতদের সঙ্গে বিবাহ করিতে পারে। চেরোরা তাহাদের জাতির গৌরব ও পূর্বপুরুষের কীর্তির কথা ভুলিয়া যায় নাই। তাহাদের মধ্যে কেহই মাথায় করিয়া কোন বোঝা বহন করে না। তবে যাহারা একেবারে হীনদশাপন্ন, তাহারাই কেবল হলকর্ষণ করে।

চেরোরা বড়ই অমিতব্যয়ী ও আড়ম্বরপ্রিয়। বিস্কৃত হিন্দু পরিবারের সংস্পর্শে আসিয়া তাহাদের অঙ্গপ্রত্যঙ্গের অনেক পরিবর্তন ঘটয়াছে। কিন্তু এখনও তাহাদের মধ্যে দক্ষিণ-ভারতের ‘চের’ জাতির বিশেষত্ব দেখিতে পাওয়া যায়। চেরোদের শরীরের বর্ণ একরকম নয়। বর্ণ বিভিন্ন হইলেও সাধারণতঃ বর্ণ কিছু কটা রকমের। ইহাদের গালের হাড় উচ্চ, চোখ ছোট—ঈষৎ বক্রভাববিশিষ্ট। ইহাদের নাসিকা নত ও কিঞ্চিৎপ্রশস্ত। মুখ বড়; অধর উন্নত। চেরোদের আকার প্রায় বিক্ষ্যবাসীদের গ্রাম। চেরোরা হিন্দুদের দেবতার পূজা করে। আবার তাহাদের আদিম দেবতারও পূজা করিয়া থাকে। হিন্দু দেবতার পূজার সময় কনোজিয়া বা শাকদ্বীপী ব্রাহ্মণ পৌরোহিত্য করিয়া থাকে। তাহাদের নিজদের দেবতার পূজা তাহাদের পুরোহিত করে। এই পুরোহিতের নাম ‘বৈগা’, বা ‘পাহান’, ‘পান’। প্রতি দুই বৎসর অন্তর চেরোরা একটি উৎসব

করিয়া থাকে। ইহাতে বনে বা পাহাড়ে একটি মহিষ বলি দিতে হয়। বৈগা এই উৎসবের পুরোহিত থাকে। বাহাকে উদ্দেশ্য করিয়া এই উৎসবের অনুষ্ঠান হয়, চেরোরা তাহাকে ‘হুয়ার’ বলে। কোলেয়াও এইরূপ উৎসবের অনুষ্ঠান করিয়া থাকে। কিন্তু তাহারা ‘হুয়ার’কে ‘দড়া’ বলে। বীর-হোরেদের নিকট ইহার নাম—‘সিপাহী’। চেরোরা শিব ও হনুমানের পূজা করে। এই দুই দেবতার মূর্তিও ইহাদের ভিতর পাওয়া যায়। ব্রাহ্মণ অথবা ঘরবাড়ী গোসাঞি তাহাদের গুরু। তাহারা অন্ত্যন্ত অসভ্য জাতির মত আদিম দেবতাদের নিকটও ছাগ, পাখী, মদ ও মিষ্টান্ন প্রভৃতি উৎসর্গ করিয়া থাকে। উদ্দেশ্য—উত্তম শস্ত্রলাভ হইবে। অগ্রহায়ণ মাসে পূজা ও উৎসব হইয়া থাকে। ইহাদের বিবাহপ্রণালী অনেকটা হিন্দুদেরই মত। কোথাও কোথাও বাল্যবিবাহ ও বহুবিবাহ প্রচলিত আছে। বিধবা-বিবাহ বিরল, কেবল নিম্নশ্রেণীর ব্যক্তিদের মধ্যেই দেখিতে পাওয়া যায়।

বৃষ্ণের শাখায় ইহারা একটি চাঁদোয়া প্রস্তুত করিয়া ভূমিতলে একটি মৃগ্ময় পাত্র স্থাপনা করে। বর ও কন্যা ইহার চারিদিকে ভ্রমণ করিবার সময় বলে যে, সে কখনও তাহার প্রতি কোন অত্যাচার করিবে না। এই কথা বলিবার সময় বর, কন্যার পায়ের বৃদ্ধানুলি স্পর্শ করে। সিন্দুর দান শেষ হইলে বরের জ্যেষ্ঠ ভ্রাতা বরের পদ ধৌত করিয়া যৌতুক প্রদান করে। তারপর বরের মাথায় টোপর হইতে ‘পাতমোড়ী’ লইয়া কন্যার মাথায় দেওয়া হয়। ইহাদের বিবাহপ্রণালীর এই অনুষ্ঠান ‘ভানবার’ নামে অভিহিত হয়। তাহাদের মধ্যে আরও একপ্রকার বিবাহানুষ্ঠান দেখা যায়। তাহার নাম ‘আমলো’।

বিবাহ করিবার উত্তর বর কন্যার বাটীতে যাইবার পূর্বে তাহার মা মুখে আম-পাতা দিয়া উচ্চৈঃস্বরে ক্রন্দন করে। ঐ সময়ে তাহার মাতুল ঐ পাতাটির উপর জল ঢালিতে থাকে। আবার বর, কন্যার বাটীতে উপস্থিত হইলে, কন্যার মাতাও ঐরূপ কার্যের অনুষ্ঠান করে।

চেরোদের ৫৬ ঘরের ৮৮ একজন রাজা থাকে। রাজাকে তাহারা তিলক দিয়া গদাতে বসায়।

শ্রীঅমূল্যচরণ বিদ্যাভূষণ।

শূদ্র

শূদ্র শব্দটির আসল ব্যুৎপত্তি কি তাহা এখনো ঠিক নির্ণীত হয় নাই। ঋগ্বেদে একটিবারমাত্র (১০.৯০.১২) ইহার প্রয়োগ দেখা যায়। ছান্দোগ্য উপনিষদে (৪.২.৩.৫) রাজা জানশক্তিকে শূদ্র শব্দে সম্বোধন করা হইয়াছে, এবং এই প্রসঙ্গেই বাদরায়ণের ব্রহ্মসূত্রে (১.৩.৩৪) * ইহা উল্লিখিত হইয়াছে। এখানে শব্দটিকে দুইভাগে বিভক্ত করা হইয়াছে, শু ক্ (শু চ্) 'শোক' + ত্ 'ক্রত' 'গত' (√ ক্র 'গতি', 'ক্রতগতি')। শঙ্করাচার্য্য সূত্রকারের অভিপ্রায় প্রকাশ করিতে গিয়া ইহা তিন প্রকারে ব্যাখ্যা করিয়াছেন। তিনি বলিয়াছেন, (ক) 'যেহেতু, তিনি শোকে র প্রতি ক্র ত (ধাবিত) হইয়াছিলেন, অর্থাৎ শোক প্রাপ্ত হইয়াছিলেন ("শুচম্ অভিহুদ্রাব"), অথবা (খ) শো ক তাঁহার প্রতি ক্র ত হইয়াছিল ("শুচা বা অভিহুদ্রবে"), কিংবা (গ) শোকে তিনি (ঋষি) বৈক্যের নিকট ক্র ত হইয়াছিলেন,' সেইজন্ত তাঁহাকে শূদ্র বলা হইয়াছিল। উণাদিসূত্রে (২.১৯) যে ব্যুৎপত্তি দেওয়া হইয়াছে (√ শুচ্+র, "শুচের্দশ্চ"), তাহা আলোচ্য শব্দটির শেষ অংশ বা প্রত্যয়টির সম্বন্ধে ঠিক হইলেও মোটের উপর ঠিক নহে। পূর্বের তিনটি ব্যুৎপত্তির ত্রায় ইহাও কাল্পনিক ও অতিকষ্টকল্পিত।

আমার মনে হয় এ শব্দটি খাঁটি সংস্কৃত নহে। আমি মনে করি, ইহা মূল ক্ষুদ্র শব্দ হইতে উৎপন্ন হইয়াছে। ব্রাহ্মণ, ক্ষত্রিয়, ও বৈশ্য এই তিন উচ্চতর বর্ণের কার্যা ও গুণের তুলনায় সেই সময়ে চতুর্থ বর্ণ ক্ষুদ্র অর্থাৎ নিকৃষ্ট থাকায় তাহাকে ক্ষুদ্র বলিয়া উল্লেখ করা হয়, পরে কালক্রমে এই ক্ষুদ্র শব্দই শূদ্র আকার ধারণ করিয়াছে। পালি অ গ্গ ঞ্ ঞ্ স্ত ত্ত, ২৫ (= দীর্ঘনিকায়, ২৭.২৫, — PTS. Vol. III, p. 96) হইতে নিম্নে দ্রুত কয়েক পঙ্ক্তি এই মত সমর্থন করিবে। সেখানে ব্রাহ্মণ, ক্ষত্রিয়, ও বৈশ্যের গুণ-কার্যের কথা বলিয়া শূদ্রদের সম্বন্ধে বলা হইতেছে :—

"ভেসং ক্বেব ধো বাসেট্ট সত্তানং যে তে সত্তা অবসেসা, তে লু দা চা রা (সংস্কৃত কু দ্রা চা রাঃ) অহেসং। 'লু দা চা রা

লু দা চা রা (সংস্কৃত কু দ্রা চা রাঃ) তি' ধো বাসেট্ট হু দা হু দা হে ব অ ক্ খ রং উপ্পন্নং।"

'হে বাসিষ্ঠ, সেই-সমস্ত লোকের বাহারা অবশিষ্ট থাকিল তাহারা কু দ্রা চা র ছিল (তাহাদের আচরণ কুদ্র অর্থাৎ ভীষণ ছিল)। শূদ্রেরা কু দ্রা চা র অর্থাৎ কু দ্রা চা র ছিল বলিয়া শূ দ্র এই অক্ষর উৎপন্ন হইয়াছে।'

মহাব্যুৎপত্তিতে, (ASB, Part I, p. 35) বিবিধ মানবজাতির নাম উল্লেখের মধ্যে শূদ্রদের নাম সম্বন্ধে লেখা হইয়াছে "শূদ্র অথবা ক্ষুদ্র।" ইহাতে মনে হয় এই গ্রন্থকারের মতে শূ দ্র ও ক্ষু দ্র এই উভয় শব্দই বস্তুত একই, যদিও ইহাদের আকারটা ভিন্ন।

তিরহাস্তি বিভাষার শব্দাবলীর মধ্যে (JASB, 1838, p. 783) 'ছোট' অর্থে সূদ (Suda) শব্দের উল্লেখ দেখিতে পাওয়া যায়। এই শব্দটি যে মূল ক্ষু দ্র হইতে হইয়াছে তাহাতে কোনো সন্দেহ নাই। এখানে ইহা বলা আবশ্যিক, তিরহাস্তি বহু শব্দ সংস্কৃতমূলক।

এখন ভাষাতত্ত্বের প্রমাণে দেখাইতে হইবে, শূ দ্র শব্দটি ক্ষু দ্র হইতে উৎপন্ন হইতে পারে কি না। এ সম্বন্ধে অল্প কিছু বলিবার পূর্বে একটা কথা বলা উচিত যে, বৈদিক ভাষাতেও, এমন কি ঋগ্বেদেরও ভাষায় প্রাকৃত ভাব (Prakritism) দেখিতে পাওয়া যায়। পণ্ডিতেরা ইহা জানেন, তাই এখানে এ সম্বন্ধে বিশেষ কিছু না বলিয়া আলোচনার সুবিধার জন্ত দুই-একটি মাত্র উদাহরণ দিতেছি। ঋগ্বেদে (১০.১৫৫.১) বি ক ট শব্দ আছে, কিন্তু ইহা মূল সংস্কৃত নহে, ইহার সংস্কৃত হইতেছে বি কৃ ত; ইহাও ঋগ্বেদে (১.১৬৪.১৫; ২.৩৮.৬) আছে। এইরূপ শি থি র (ঋগ্বেদ, ৬. ৫৮. ২, ইত্যাদি) হইয়াছে * শু থি র (√ শ্ৰথু 'শিথিল হওয়া')।

হিন্দ-ইরানীয় (Indo-Iranian) ভাষায় ক্ষ স্থানে যে, কোনো একটি উন্ন বর্ণ (শ, ষ, স) হয়, তাহার প্রচুর উদাহরণ আছে। উজ্জয়িনীর শি প্রা নদী সুপ্রসিদ্ধ।

* ইহারই পরবর্তী রূপ হইতেছে শি থি ল, এবং ইহা হইতে ক্রমে টি ল।

* "গুপ্ত তদনাদরশ্রবণাৎ তদাদ্রবণাৎ হৃত্যন্তে।"

কালিদাসও মেঘদূতে যে, (১০৩১) ইহার উল্লেখ করিয়াছেন (“শি প্রা বা তঃ প্রিয়তম ইব”), তাহা আমরা অনেকেই জানি। এই শি প্রা শব্দটি যে, ক্ষি প্রা (‘ক্রতগামিনী’) হইতে হইয়াছে তাহাতে কোনো সন্দেহ নাই। বৃহৎ-সংহিতার (এসিয়াটিক সোসাইটী বেঙ্গল, ১৬. ৯, ও পাঠভেদ পৃ. ১৪) ও ব্রহ্মপুরাণের (আনন্দাশ্রম, পুনা, ২৭. ২৯) বহু পুঁথীতে শি প্রা স্থানে ক্ষি প্রা পাঠই দেখা যায়। (ব্রহ্মপুরাণের ‘খ’-সংস্কৃত একখানা পুঁথীতে এই স্থলে শী প্রা পাঠ আছে)। এখানে একটি কথা লক্ষ্য করিবার আছে। কোনো-কোনো পুস্তকে আলোচ্য শব্দটি লিখিত হয় শি প্রা, আবার আর কতকগুলিতে দেখা যায় সি প্রা। এই তালব্য ও দন্ত্য উদ্বর্ণের সম্বন্ধে পরে বলিব। আপাতত আর-কয়েকটি শব্দ উল্লেখ করি। সং (= সংস্কৃত) ই ক্ষু ‘আখ’, ম. (= মরাঠী) উ স অথবা উ স ; স. অ ক্ষি অথবা অ ক্ষ ‘চোখ’, সি. (= সিংহলী) এ স (এই একাধিক আমাদের এক শব্দের একাধিক মত উচ্চারণীয়) ; স. ঋ ক্ষ ‘ভালুক’, ম. রী স অথবা রী স ; স. ম ক্ষী ‘মাছি’, ম. মা শী ; স. ক্ষেত্র ‘খেত’ ‘জমি’, ম. শে ত ; স. ক্ষীণ ‘ক্ষয়প্রাপ্ত’, ম. শী ন *।

ইরানীয় ভাষা হইতে কয়েকটি উদাহরণ দিতেছি :—
স. √ক্ষি প্ ‘ক্ষেপণ করা’, অব. (= অবস্থা) √সি প্ ‘উল্টাইয়া দেওয়া’ ‘খনন করা’ ; স. √ক্ষি ‘বাস করা’, অব. √ষি ; স. ম ক্ষু (পরবর্তী স. ম ঙ্ ক্ষু) ‘ক্রত’, অব. মোষু ; স. দ ক্ষি ণ ‘ডান’, অব. দ যি ন।

আবার স. ক্ষী র ‘দুধ’, ফা. (= ফারসী) শী র ; স. ক্ষ পা ‘রাত্রি’, অব. খ্ ষ প, ফা. শ ব্।

শ, ষ, স, এই তিনটি উদ্বর্ণের পরস্পর পরিবর্তনের উদাহরণ বৈদিক ভাষায়—এমন কি সংহিতারও সময়ে—অনেক দেখা যায়। উদাহরণরূপে কয়েকটি উল্লেখ করি :—
বা শী ‘কাঠ কাটিবার একরূপ অস্ত্র, বাণুলা’ (ধ. ১০৮৮. ৩), আবার বা শী (অধ. ১০০. ৬. ৩) ; কে শ ‘চুল’ (ধ. ১০. ১০৫. ৫), আবার কে স-র ‘জর চুল’ ; কৃ শ্ম (বাজ.)

* এখানে বলা আবশ্যিক যে, পরে তালব্য স্বর (অর্থাৎ ই, ঈ, ঐ, ঐ) থাকিলেই স মরাঠীতে শ হইয়া থাকে। অবশ্য এ মন্তব্য শুদ্ধ শব্দ সম্বন্ধে।

‘দেবোনিবিশেষ, দৈত্যবিশেষ’, আবার কৃ শ্ম (মৈত্রা.) ; √ক্ষ ‘গতি’, আবার √ক্ষ (যথা ক্ষ বৎ শব্দে, ধ. ১০. ১২৭. ৩) ; √শ্ব দ ‘আস্বাদন করা’ হইতে শ্বা জ্য ‘শ্বাহ’ (ধ. ১০০. ৪৯. ১০)।*

* এইরূপে ক্ষু দ্র শব্দের মূর্দ্ধন্ত উদ্বর্ণ (যকার) যে শূ দ্র শব্দে তালব্য (শ) হইয়া দেখা দিতে পারে, তাহাতে কোনো বাধা দেখিতে পাওয়া যায় না।

এখানে আমরা আর-একটি শব্দ উল্লেখ করিতে পারি, আলোচ্য কথাটা ইহাতে আরো পরিষ্কার হইবে। ‘মাছি’ অর্থে ঋগ্বেদে ম কৃ ষ্ (= ম ক্ষ্) শব্দ আছে (ম ক্ষা ও ম ক্ষি কা শব্দও আছে)। এই ম কৃ ষ্ শব্দটি ‘মাছি’ অর্থেই অগ্ন্যুত্তীর্ণ আর্ষাভাষায় এই-সমস্ত আকারে দেখা যায় :—

লাতিন *musca*, স্প্যানিশ্ ও পর্তুগীজ *mosca*, ফরাসী *mouche*, লিথুয়ানিয়ান *muse*.

অবে. ম খ্ ষ্ (ম খ্ ষী, স. ম কৃ ষী), ফা. ম গ স্, রা কৃ শী ম কৃ স, বালুচী ম কৃ স্ ক।

এই-সমস্ত শব্দ আলোচনা ও তুলনা করিয়া স্বভাবতই মনে হয় ঋগ্বেদের ম কৃ ষ্ শব্দই ক্রমে-ক্রমে অথর্কবেদের ম শ ক রূপ ধারণ করিয়াছে—বর্ণবিপর্যয়ে। †

ক্ষকার-স্থিত যকার যে সংহিতার সময়ে শকারে পরিণত হইয়াছিল তাহা আমরা ইহা দ্বারা বুঝিতে পারি।

এখানে আমরা ইহাও দেখিতে পাইলাম যে, ম শ ক শব্দ পূর্বে সাধারণ ‘মাছি’ অর্থেই প্রচলিত ছিল, পরে তাহা ক্রমশ ‘মশা’ অর্থে প্রযুক্ত হইয়া আসিতেছে। তুল :—স্প্যানিশ্ ও পর্তুগীজ *mosca* ‘মাছি’, ইহা হইতেই অন্তর্গত উৎপন্ন (diminutive form) *mosquito* শব্দের অর্থ ‘মশা’।

* জটব্য Macdonell's Vedic Grammar, p. 53 ; আমার পালিপ্রকাশের ভূমিকা, পৃ. ৮১।

† ইহা হইতে আমার মনে হয়, পালির ‘মশা’ অর্থে ম কৃ স শব্দ বর্ণবিপর্যয়ের নিয়মানুসারে সাক্ষাৎ সংস্কৃত ম শ ক হইতে হয় নাই—যদিও সাধারণত সকলেই ইহাই বলিয়া থাকেন (Geiger, *Pali Literatur und Sprache*, p. 47, § 61) ; কিন্তু বস্তুর ইহা ঠিক বিপরীত, অর্থাৎ সংস্কৃত ম শ ক ই বর্ণবিপর্যয়ে ম কৃ শ হইতে হইয়াছে। মূল ম কৃ ষ্ হইতে ক্রমিক পরিবর্তন এইরূপ কিছু হইতে পারে :—
ম কৃ ষ্ > ম কৃ ষ (তুল : ম কৃ ষা) > ম কৃ ষ > ম কৃ শ (পালি ম কৃ স) > (বর্ণবিপর্যয়ে) ম শ ক।

মূল ক্ষুদ্র শব্দে যেমন হ্রস্ব উকার আছে, শূদ্র শব্দেও সেইরূপ তাহা না থাকিয়া তাহার স্থানে দীর্ঘ উকার রহিয়াছে। এ সম্বন্ধে অধিক বলা অনাবশ্যক। নিম্নলিখিত কয়েকটি শব্দ দেখিলেই ইহা বুঝা যাইবে। তুলনীয় :—মূল √তি জ্ (‘শান

দেওয়া’ ‘ধারণ করা বা হওয়া’) হইতে তী ক্ষ, আবার তি গ্ন (ঋগ্বেদ); হ লী ক্ষ (তৈত্তিরীয় সংহিতা), আবার হ লি ক্ষ (বাজসনেয়ি-সংহিতা) ‘এক প্রকার জন্তু’; * শি ক্ষা আবার শী ক্ষা (তৈত্তিরীয় উপনিষৎ)।

শান্তিনিকেতন।

শ্রীবিধুশেখর ভট্টাচার্য্য।

বুদ্ধির মাপকাঠি

[১]

বিজ্ঞানের দিনে আনুমানিক কথার মূল্য নাই। কোন কথা বলিতে হইলেই প্রমাণাদির সহিত বলিতে হয়। যতগুলি জিনিষের মূল্য আমরা ‘আন্দাজে’ স্থির করি, অপরের বুদ্ধিমত্তা তাহাদের অন্ততম। ‘এ ছেলেটার বুদ্ধি নাই’, ‘অমুক বেশ বুদ্ধিমান’—এই রকমের কথা আমরা প্রায়ই বলিয়া থাকি। যদি কেহ আমাদেরকে জিজ্ঞাসা করেন, ‘কি ক’রে জানলেন কার বুদ্ধি আছে বা কার বুদ্ধি নাই,’ অনেক সময় আমরা তার সন্তোষজনক উত্তর দিতে পারি না।

ভিন্ন ভিন্ন ব্যক্তির নিকট বুদ্ধিমত্তার ধারণা ভিন্ন ভিন্ন রকমের। সকলেই মানিয়া লন যে কতকগুলি কার্য্য করিতে পারিলেই অথবা কতকগুলি বিষয়ের জ্ঞান থাকিলেই মানবশিশুকে বুদ্ধিমান বলিতে হইবে। আমি জানি একটি বালককে খুব বুদ্ধিমান বলা হইত, কারণ সে একশত আট চাণক্যশ্লোক মুখাগ্রে রক্ষিত, এবং শ্লোকের নম্বর গুনিলেই শ্লোকটি আবৃত্তি করিয়া দিতে পারিত। তাহার আর-একটি গুণ ছিল যে সে তাড়াতাড়ি মানসাক্ষ কষিতে পারিত। বাস্তবিক, যে বালক ‘চটপট’ পাঠ মুখস্থ করিতে বা মুখস্থ-করা পাঠ মনে রাখিতে পারে, তাহাকে প্রায়ই বুদ্ধিমান বলিতে কেহ কেহ ইতস্ততঃ করেন না।

কিন্তু মনে রাখিতে হইবে যে স্মরণশক্তির প্রাথমিকই একমাত্র বুদ্ধিমত্তার পরিচায়ক নহে।

কোন বালকের বুদ্ধিমত্তার পরিমাণ করিতে যাইয়া, আমরা অনেক সময়ই দেখিবার চেষ্টা করি, আমরা যাহা ‘বলিভেছি’ বালক তাহা চটপট বুঝিতে পারিতেছে কি না। যদি তাহা পারিল, তবেই স্থির করিলাম সে বুদ্ধিমান; যদি

না পারিল, তখন বলিলাম ‘কি বোকা ছেলে!’ তখন আমরা একবার ভাবিয়াও দেখি না যে আমাদের বলিবার মধ্যে কোথাও কিছু দোষ আছে কি না। খুবই সম্ভব যে এইপ্রকারের ‘বলা’তে অল্প বালক বুঝিতে পারিতেছে।^১ কিন্তু সেই তথাকথিত ‘বোকা’ ছেলের অল্প বলিবার ধরণ অল্পপ্রকার হইতে পারে। অল্পভাবে বুঝাইলে যদি সে বুঝিতে পারে, তাহাকে নির্কোষ বলিব কেন?

আবার কখনও কখনও বালকের বুদ্ধিকে আমরা নিজেদের বুদ্ধির সহিত তুলনা করিয়া থাকি। তাহার স্বাভাবিক সিদ্ধান্ত কি তাহা সকলেই জানেন। অথবা হয়ত আমাদের পরিচিত কোন বালকের বুদ্ধিমান বলিয়া খ্যাতি আছে; অপর বালকের বুদ্ধিমত্তার পরীক্ষা করিতে গিয়া প্রথমোক্ত বালকের সহিত তুলনা করি। কিন্তু ভুলিয়া যাই যে বুদ্ধিমত্তার অনেক দিক আছে।

এইপ্রকারের বিচারের ফলে এই দাঁড়ায় যে একই বালক ভিন্ন ভিন্ন ব্যক্তির নিকট বুদ্ধিমান বা বুদ্ধিহীন প্রতিপন্ন হয়। যাহারা শিক্ষকতার্য্যো নিযুক্ত আছেন, তাহারা এ কথা বেশ জানেন যে একই ছাত্র ভিন্ন ভিন্ন শিক্ষকের নিকট ‘সাধারণ’ ‘বুদ্ধিমান’ বা ‘নির্কোষ’ আখ্যা পাইয়া থাকে। প্রত্যেক শিক্ষকই নিজেই পাঠ্য বিষয়ে পারদর্শিতা দ্বারা বালকের বুদ্ধির মাপ করিয়া থাকেন। মনোবিজ্ঞানবিৎ ফরাসী পণ্ডিত বিনে (Binet) কতিপয় বালককে ভিন্ন ভিন্ন ব্যক্তি দ্বারা পরীক্ষা করান। ফলে দেখা যায়, একই বালক ভিন্ন ভিন্ন পরীক্ষকের নিকট, বুদ্ধিমান বা নির্কোষ আখ্যা পাইয়াছিল।

* Macdonell's Vedic Grammar, pp. 10-11.

প্রকৃতপক্ষে সকলের 'মানদণ্ড' একই না হইলে, পরীক্ষার ফল স্বতন্ত্র হইবারই কথা। যদি কোন অপরিচিত বালককে আমাদের সম্মুখে উপস্থিত করা হয়, এবং যদি আমরা তাহার বুদ্ধিমত্তার পরীক্ষা করিতে হয়, তখন আমরা কি উপায় অবলম্বন করিব, পাঠক বলিতে পারেন কি? এইপ্রকারের প্রশ্নই বিনে অনেক শিক্ষকের নিকট পাঠাইয়াছিলেন। তাঁর প্রশ্নের দুটি অংশ—(১) আপনারা কি উপায়ে ছাত্রগণের বুদ্ধিমত্তার ধারণা করিয়া থাকেন? (২) আপনারা ধারণা কতবার ভ্রান্ত বলিয়া প্রমাণিত হইয়াছে?

দ্বিতীয় অংশটির উত্তর পাওয়া যায় নাই। তাহার কারণ সহজেই অনুমেয়। প্রথম অংশটির প্রায় চল্লিশটি উত্তর আসে। অধিকাংশ উত্তরই সন্তোষজনক হয় নাই। কোনটি বা পক্ষপাতহীন, কোনটি বা অনিশ্চিত। আবার কতকগুলি উত্তর মাত্র বচনের সমষ্টি, যেন উত্তরদাতা আপনার মান বাঁচাইবার চেষ্টা করিয়াছেন। অনেকেই তাঁহাদের পাঠ্য বিষয়ে পারদর্শিতা দ্বারা বালকের বুদ্ধিমত্তা নির্ণয় করিতে ইঙ্গিত করিয়াছেন। দুই-একটি উত্তরের নমুনা দেওয়া গেল :—

(১) যে বালক এমন ভাবে পড়িতে পারে যে পঠিত বিষয়ের মর্ম্ম শ্রোতার মর্ম্মে প্রবেশ করে, সে বালক নিশ্চিতই বুদ্ধিমান।

(২) যে বালক ইতিহাস ভূগোল ভাল জানে তাকে বুদ্ধিমান বলা যায়।

(৩) ছেলে বুদ্ধিমান কি না, সে কথা তার চেহারা দেখিলেই বলিতে পারা যায়। “যে ছেলে ভাঁটা খেলে তার নাটার মত চোখ”!

কেহ বলিয়াছিলেন, যে বালক নীচের প্রশ্নগুলির উত্তর দিতে পারিবে সে বুদ্ধিমান—

(ক) তোমার মা-বাপকে ভালবাস কেন?

(খ) যদি কোন কাজ করতে ৩ জন লোকের ৭ ঘণ্টা লাগে, তাহলে ৭ জনের বেশী সময় লাগবে, না কম সময় লাগবে?

(গ) টাকাটার দিক বেশী না অন্ধকের অন্ধক বেশী?

(ঘ) তোমার হাতে ২০ টাকা দিলে তুমি কি কর?

কেহ বলিয়াছিলেন, মস্তকের আকৃতি দ্বারা বুদ্ধিমান বালক চিনিতে পারা যায়; আবার কেহ বা বলিয়াছিলেন, মাত্র 'চাহনির' দ্বারাই বুদ্ধিমানকে ধরা যায়! অবশ্য একথা অস্বীকার করা যায় না যে আকৃতি হইতে কিয়ৎ পরিমাণে বুদ্ধিমত্তার আভাস পাওয়া যাইতে পারে। কিন্তু 'আকৃতি' বা 'চাহনি'র এমন একটা কিছু মানদণ্ড নাই যে একই আকৃতি দেখিয়া সকলের একই ধারণা হইবে। তদ্ব্যতীত সকলেই জানেন, ভালমামুষ 'গো-বেচারী' বুদ্ধিমানের অভাব নাই; আবার, অনেক 'সুন্দর গাধা'ও আছেন!

উত্তরগুলির বিশ্লেষণ করিয়া দেখিলে স্বতই মনে হয়—(১) কাহারও কিছু নিশ্চিত মাপকাঠি নাই, সকলেই অনুমানের উপর নির্ভর করেন। স্বরণশক্তিকে অথবা গণিতাদি বিষয়ে পারদর্শিতাকেই বুদ্ধিমত্তার লক্ষণ ধরিয়া লওয়া হয়। (২) আকৃতি-গত বিশেষত্ব দেখিয়াও বুদ্ধিমত্তার অনুমান করিতে গিয়া অনেকেই ভুল করেন। (৩) নিজের ভুল হইবার সম্ভাবনা সত্ত্বেও, প্রত্যেকেই মনে করেন যে তাঁর সিদ্ধান্ত অদান্ত।

কতকগুলি প্রশ্নের দ্বারা বুদ্ধিমত্তার পরীক্ষা করিতে যাহারা বলিয়াছেন, তাঁহারা কোন্ বয়সের বালককে এইসকল প্রশ্ন করিতে হইবে বলিয়া দেন নাই।

সকল সমাজেই মোটামুটি হিসাবে তিন শ্রেণীর লোক আছে—(১) ক্ষীণবুদ্ধি, (২) সাধারণবুদ্ধি, (৩) প্রতিভাশালী। আমরা অনেক সময় ঠিক ধরিতে পারি না—কে কোন্ শ্রেণীর লোক। তাহা হইলে ভিন্ন ভিন্ন শ্রেণীর লোকের জ্ঞান ভিন্ন ভিন্ন রকমের শিক্ষার ব্যবস্থা করা যাইতে পারিত। সভ্যতার একটি লক্ষণ এই যে যথাসম্ভব অল্প শক্তির ব্যয়ে যথাসম্ভব বেশী লাভ করিতে হইবে। বুদ্ধিমত্তার বিভাগ অনুসারে ভিন্ন লোকের জ্ঞান ভিন্ন শিক্ষার ব্যবস্থা হইলে হয়ত এইরূপ লাভের সম্ভাবনা আছে।

অনেকে বলিতে পারেন যে আমাদের সহজ বুদ্ধির দ্বারা লোককে এই রকমে শ্রেণীতে ভাগ করিয়া দিতে পারি। সাধারণবুদ্ধিসম্পন্ন লোককে বাহির করা হয়ত সহজসাধ্য। কিন্তু ক্ষীণবুদ্ধি বা প্রতিভাশালী ব্যক্তিকে

ধরিতে পারা তত সহজ নয়। হয়ত এই শ্রেণীর লোক-দিগকে এত বিলম্বে চিনিতে পারা যায় যখন তাদের জ্ঞান শিক্ষার অল্প ব্যবস্থা করা সম্ভবপর নয়। ইহাতে সমাজের বিশেষ ক্ষতি হয়। আমেরিকায় হাজার হাজার বালক-বালিকার পরীক্ষার দ্বারা প্রতিপন্ন হইয়াছে যে এই দুই শ্রেণীর শিশুদিগকে আন্দাজে ধরা বড় শক্ত।

যদি প্রথম হইতেই প্রতিভাশালী শিশুকে চিনিতে পারা যায়, তবে বিশিষ্ট শিক্ষার ব্যবস্থা করিয়া লাভ হইতে পারে। ক্ষীণবুদ্ধির শিশুগণকে প্রথম হইতে জানিতে পারায় একটি বিশেষ লাভ আছে। অনুসন্ধানের দ্বারা প্রমাণিত হইয়াছে যে ক্ষীণবুদ্ধির বালকবালিকাই সমাজের অসংব্যক্তিতে পরিণত হয়।

ওহায়ো স্টেট রিফরমটরীর বালিকাগণের শতকরা ৩৩ জন হইতেছে ক্ষীণবুদ্ধি। নিউজার্সীতে ১০০ বালক-অপরাধীর অধিকাংশই ক্ষীণবুদ্ধি বলিয়া প্রতিপন্ন হইয়াছে। অত্র ৫৬ জন অভিবৃক্ত বালক-বালিকাকে পরীক্ষা করিয়া দেখা গিয়াছে যে বয়সের অনুপাতে তাহাদের বুদ্ধি খুবই কম। মাসাচুসেট্‌স্‌ ১০০ অপরাধীর পরীক্ষা করিয়া দেখা গিয়াছে তাহাদের অধিকাংশই ক্ষীণবুদ্ধির লোক। শিকাগোতে ৫৬৪ জন অসচ্চরিত্রা স্ত্রীলোকের পরীক্ষা দ্বারা দেখা গিয়াছে তাহাদের শতকরা ৯৭ জন ক্ষীণবুদ্ধি। ইলিনয়ের জলিয়েং জেলখানার অপরাধিনী স্ত্রীলোকের শতকরা ৫০ জন এই শ্রেণীর। আবার ইণ্ডিয়ানাতে জেফার্সনভিল্‌ স্টেটরিফরমটরীর ১০০ জন অভিবৃক্ত যুবক ক্ষীণবুদ্ধি বলিয়া প্রমাণিত হইয়াছে। বাহুল্য-ভয়ে অত্র তালিকা দেওয়া হইল না। কিন্তু উপরোক্ত তালিকা হইতে দেখা যাইবে অপরাধপ্রবণতার সহিত ক্ষীণবুদ্ধির যথেষ্ট সংক্রম আছে। যদি কোনও উপায়ে এই শ্রেণীর বালক-বালিকাকে চিনিয়া লইয়া তাহাদের উপযুক্ত শিক্ষার ব্যবস্থা করা যায়, তাহা হইলে হয়ত অপরাধের সংখ্যা কমান যাইতে পারে। এখন দেখা যাউক কি উপায়ে বুদ্ধির পরীক্ষা করা যায়।

বুদ্ধির মাপ করিতে যাইতেছি বলিলেই অনেকে হয়ত বলিবেন, বুদ্ধি জিনিষটা কি, আগে তাহা বলিয়া তাহার মাপ করুন; নচেৎ আপনার মাপামাপির মধ্যে কোথায় গলদ

আছে তাহা বুঝিতে পারা যাইবে না। কথাটা কিয়ৎ পরিমাণে সত্য হইলেও সম্পূর্ণ সত্য নয়। তবে যে জিনিষটার মাপ করিতে যাইতেছি তাহার সম্বন্ধে একটা মোটামুটি ধারণা থাকা উচিত। একথা মনে রাখা অসঙ্গত হইবে না যে বিদ্যাত্ম্রোত্তের বিষয়ে মাপামাপি করিবার আগে বিদ্যাত্ম জিনিষটা যে কি তাহার সম্বন্ধে সম্পূর্ণ ধারণা ছিল না।

বৈজ্ঞানিকগণ প্রথমতঃ একটি মোটামুটি ধারণা করিয়া লইয়া পরীক্ষা আরম্ভ করেন; ও পরে, সেই ধারণা সংশোধন ও পরিবর্তন করিয়া থাকেন। বুদ্ধিমত্তার পরিমাপে বিনেও তাহাই করিয়াছিলেন। তাঁহার মতে বুদ্ধিমান ব্যক্তির তিনটি প্রধান লক্ষণ আছে—(১) তিনি চিন্তিত্ব বা কর্তব্য বিষয়টা স্থির করিয়া, তাহাকে মনঃকেন্দ্রে সর্বদা রাখেন অর্থাৎ তিনি গন্তব্য স্থির করিয়া লইয়া গন্তব্য হইতে মন অপসৃত করেন না; (২) গন্তব্যে যাইতে যাইতে মধ্যপথে আবশ্যকমত অবধারিত উপায়ের পরিবর্তন করিতে পারেন; (৩) আত্মসমালোচনার দ্বারা গন্তব্যে উপস্থিত হইতে পারিয়াছেন কি না স্থির করিতে পারেন। অর্থাৎ শাদা কথায় বলিতে গেলে—বুদ্ধিমান তিনি, যিনি জানেন কি করিতে হইবে, কি উপায়ে করিতে হইবে, আর কাজ সমাপ্ত হইলে যিনি ভাবিয়া দেখেন বাস্তবিকই যে-কাজ তিনি হাতে লইয়াছিলেন, তাহা করিতে পারিয়াছেন কি না।

বুদ্ধিমত্তার যে লক্ষণ দেওয়া গেল তাহাতে অনেকেই সন্দেহ হইবেন না। কিন্তু চিন্তা করিয়া দেখিলে বুঝিতে পারিবেন বুদ্ধিমত্তার অত্র কোন সংজ্ঞা দেওয়া বিশেষ কঠিন। বাহ্যিক সংস্কৃতমূলক বাক্যাবলী প্রয়োগে অভ্যস্ত, তাঁহার বলিতে পারেন যে বুদ্ধিমত্তার প্রধান লক্ষণ হইতেছে—(১) ঐক্যকেন্দ্রিকতা ও ঐকান্তিকতা, (২) অধ্যবসায়শীলতা বা দৈগ্য, (৩) আত্মসমালোচনপ্রবণতা।

কিন্তু বুদ্ধিমত্তার সংজ্ঞা যাই হউক না কেন, এই প্রবন্ধে লিখিত বিষয় অনুধাবন করিলে দেখা যাইবে যে, নিরপেক্ষ বুদ্ধিমত্তার পরিমাণ অপেক্ষা আপেক্ষিক বুদ্ধিমত্তার পরিমাণ করাই বিশেষ প্রয়োজনীয়। বিনে এই ধারণার বশবর্তী হইয়াই পরিমাপের উপায় উদ্ভাবিত করিতে প্রয়াস পাইয়াছিলেন। এবং কয়েক বৎসর যাবত বিভিন্ন বয়সের বালক-বালিকাগণের পরীক্ষা করিয়াছিলেন।

তাঁহারা পরীক্ষার দ্বারা এইরূপ—কতকগুলি এক বয়সের বালক-বালিকা লওয়া হইল; তাহাদের প্রত্যেককে কতকগুলি প্রশ্ন করা গেল। এখন মনে করুন, সেই বয়সের বালক-বালিকাগণের শতকরা ৯০ জন প্রশ্নগুলির যথাযথ উত্তর দিতে পারিল, অথচ তাহাদের অপেক্ষা এক-বৎসর কম বয়সের বালক-বালিকারা সন্তোষজনক উত্তর দিতে পারিল না। কিন্তু তাহাদিগের অপেক্ষা একবৎসর বেশী বয়সের বালকবালিকাগণ অতি সহজেই প্রশ্নগুলির উত্তর দিল; এরকম স্থলে ঐ প্রশ্নগুলিকে ঐ বয়সের বুদ্ধির মাপকাঠি ধরিয়া লওয়া হইল। এইপ্রকারে ভিন্ন ভিন্ন বয়সের বালকবালিকাগণকে পরীক্ষা করিয়া বিভিন্ন বয়সের বুদ্ধির মাপকাঠি স্থির হইল। বিনে ধরিয়া লইয়াছেন যে ষোল বৎসর বয়সের বেশী বালক-বালিকাদের বা যুবক-যুবতীগণের জ্ঞান স্বতন্ত্র পরিমাণের প্রয়োজন হয় না। বিনে সর্বমুদ্র ৫৪টি প্রশ্ন করেন। তাঁহারা মৃত্যুর পর পরবর্তী পরীক্ষকগণ এই ৫৪টি প্রশ্নের সংশোধন ও পরিবর্তন করিয়াছেন। বর্তমান কালে ১৬ বৎসর বয়স পর্যন্ত পরীক্ষা করিবার জ্ঞান প্রায় শতাধিক প্রশ্নের উদ্ভাবনা হইয়াছে। এই শতাধিক প্রশ্নসমূহের নাম বুদ্ধির মাপকাঠি।

নিম্নলিখিত কতকগুলি প্রশ্নের দ্বারা বিনের উদ্ভাবিত মাপকাঠির আভাস পাওয়া যাইবে। তিন বৎসর বয়সের শিশুর জ্ঞান প্রশ্নগুলি হইতেছে : -

(১) তোমার নাক কই; চোখ কোথায়; মুখ দেখি, চুল কই.....(অস্ততঃ তিনটার উত্তর ঠিক হওয়া চাই)।

(২) [শিশুর সম্মুখে চাবী, পয়সা, ছুরী, পেন্সিল বা এইপ্রকারের গৃহস্থালীর জিনিষ রাখিয়া] এটা কি? ওটা কি? (অস্ততঃ তিনটা জিনিষের নাম ঠিক বলা চাই। উচ্চারণের দোষি ধর্তব্য নয়)।

(৩) (একখানা সাধারণ ছবি, যেমন ডাকঘরের, ডাক্তারখানার বা স্কুলঘরের ছবি সামনে রাখিয়া) বল ৩, ছবিতে কি কি আছে? (অস্ততঃ তিনটি জিনিষের নাম ঠিক হওয়া চাই)।

(৪) তোমার নাম কি (পূরা নাম বলা চাই)।

(৫) বল দেখি—“আমার বাবা বাড়ীতে নাই” (এতদনু-রূপ ক্ষুদ্রবাক্য শিশুকে বলাইতে হইবে)।

এখন এই প্রশ্নগুলি আলোচনা করিয়া দেখা যাইবে ইহাদের দ্বারা শিশুর কিরূপ পরীক্ষা হইতে পারে। প্রথম প্রশ্নটির উদ্দেশ্য হইতেছে শিশু ভাষা বুঝিতে শিখিয়াছে কি না দেখা। ভাষা বুঝিবার ক্ষমতা একটা মানসিক উন্নতির লক্ষণ। শিশু প্রথমে ‘হাবভাব’ দেখিয়া বুঝিতে শিখে; তার পরে শুনা কথার অর্থবোধ করিতে শিখে; ক্রমশঃ অপরের উচ্চারিত কথা পাখীর মত আবৃত্তি করিতে শিখে। পরিশেষে, নিজের ভাব ব্যক্ত করিবার জ্ঞান ভাষার ব্যবহার করে। অবশ্য, এই প্রশ্নটি শিশুর ভাষাবোধশক্তির পরীক্ষা করিতেছে, একথা বলা খুব ঠিক নহে। কারণ দুই বৎসর বয়সের সময় হইতেই শিশু ভাষা বুঝিতে আরম্ভ করে। এই প্রশ্নের দ্বারা বুঝিতে পারা যাইবে শিশু ভাষার মধ্য দিয়া নিজের অন্তপ্রত্যয়ের সহিত পরিচয় করিয়াছে কি না।

দ্বিতীয় প্রশ্নের উদ্দেশ্য হইতেছে গৃহস্থালীর সাধারণ জিনিষের নামের সহিত শিশুর পরিচয় হইয়াছে কি না নির্ধারণ করা। একটি চাবী বা ছুরী বা পেন্সিলের নাম জানা একজন তিনবৎসরের শিশুর খুবই উচিত; কারণ যে সমস্ত জিনিষ শিশুর সম্মুখে সর্বদাই রহিয়াছে তাহাদের নাম জানিবার ইচ্ছা হওয়া স্বাভাবিক। যে শিশুর সে ইচ্ছা হয় নাই, তাহার মধ্যে নিশ্চয়ই কিছু গলদ আছে—মনে করা যাইতে পারে। তবে এমন হইতে পারে যে—শিশু ছুরীকে বলে ছুরী, পেন্সিলকে বলে পেন্সিল; কিন্তু নাম জানা চাই।

তৃতীয় প্রশ্নের উদ্দেশ্যঃ—বস্তুর প্রতিকৃতি দেখিয়া তাহাকে চিনিতে পারা মানসিক শক্তিবিশেষের পরিচায়ক। কারণ পার্থক্যসত্ত্বেও একত্ব বোধ করিতে হইলে বিশেষরূপে সংশ্লেষণ ও বিশ্লেষণ করিতে হয়।

চতুর্থ প্রশ্ন। তোমার নাম কি? শিশু হয়ত বলিবে, ‘খোকা’ ‘পা’ বা ‘ভুলো’। আবার জিজ্ঞাসা করিতে হইবে—ভাল নাম কি? হয়ত শিশু বলিবে—প্রফুল্ল। তখন জিজ্ঞাসা করিতে হইবে—প্রফুল্ল কি? তিনবৎসরের শিশুর পক্ষে বংশের পদবী জানা বুদ্ধিমত্তার লক্ষণ ধরিয়া লওয়া যাইতে পারে।

পঞ্চম প্রশ্ন। এখানে শিশু একসঙ্গে ছয়টি বা সাতটি

শব্দ উচ্চারণ করিতে পারে কি না তাহারই পরীক্ষা হইতেছে। পরীক্ষক বলিবেন—“দেখ, আমি যা বলি তা শুন; তারপর বল।—

(১) আমার একটা ছোট্ট বেড়াল-ছানা আছে।

(২) গরমের দিনে খুব রোদ হয়।”

উচ্চারণের দোষ ধর্তব্য নয়। পাঠক দেখিবেন সমস্ত প্রশ্নগুলিতেই স্মরণশক্তির পরীক্ষা হইতেছে। • ভিন্ন ভিন্ন বয়সের প্রশ্নগুলির উল্লেখ করিবার পূর্বে, পরীক্ষার ফল কিরূপে প্রযুক্ত হইতে পারে, তাহার আভাস দেওয়া যাইতেছে। বহু সহস্র শিশুর পরীক্ষা দ্বারা দেখা গিয়াছে যে উপরোক্ত প্রশ্নগুলির যথাযথ উত্তর দেওয়া তিনবৎসরের অধিকাংশ শিশুর পক্ষে সম্ভব।

এখন মনে করুন কোন শিশুর বয়স তিন বৎসর। তাহার মানসিক বয়স কত যদি জানিতে ইচ্ছা করেন, তবে উপরোক্ত প্রশ্নগুলি দ্বারা পরীক্ষা করিতে হইবে। যদি সমস্ত প্রশ্নগুলির উত্তর সন্তোষজনক হয়, তবে বুঝা গেল যে শিশুর বুদ্ধিমত্তা এই বয়সের সাধারণ শিশুরই মত। কিন্তু মনে করা যাউক যে কোন শিশু উপরের ছয়টি প্রশ্নের মধ্যে মাত্র চারিটির উত্তর দিল। তাহা হইলে এই শিশুর মানসিক বয়স হইবে ২ বৎসর ৮ মাস; প্রত্যেক প্রশ্নের দ্বারা ২ মাস বয়সের নির্ধারণ করা হয়। ২ বৎসর ৮ মাস $\times ১০০$ বা ৮৮৮ এই সংখ্যাটিকে বুদ্ধির অঙ্ক (Intelligence Quotient) বলা যায়। এইপ্রকারে সমাজের যাবতীয় তিনবৎসরের শিশুর বুদ্ধির অঙ্ক (I. Q.) বাহির করা যাইতে পারে। যাহাদের I. Q. ৬০ অপেক্ষা কম তাহাদিগকে ক্ষীণবুদ্ধি বলা হইবে। তাহাদের জ্ঞান শিক্ষার পৃথক ব্যবস্থা করা উচিত। আবার হয়ত কোনও তিন বৎসরের শিশু এই বয়সের প্রশ্নগুলির উত্তর দিতে পারে, অথচ চারি বৎসর বয়সের প্রশ্নের কতকগুলির উত্তরও দিতে পারে। মনে করুন পরীক্ষমাণ শিশু তিনবৎসরের বয়সেও চতুর্থবর্ষের প্রশ্নের তিনটির উত্তর দিয়াছে। এই-
• হলে শিশুর মানসিক বয়স হইবে ৩ বৎসর ৬ মাস। ইহার

বুদ্ধির অঙ্ক বা I. Q. = $\frac{৩ বৎসর ৬ মাস}{৩ বৎসর} \times ১০০ = ১১৬.৬$ ।

এই শিশু তিনবৎসরের সাধারণ শিশু অপেক্ষা বুদ্ধিশালী। যে-সকল শিশুর I. Q. ১২০ বা ততোধিক তাহাদিগকে প্রতিভাশালী শিশু মনে করিয়া তাহাদের জ্ঞান স্বতন্ত্র শিক্ষার ব্যবস্থা করা উচিত।

চারি বৎসর বয়স হইতে ষোল বৎসর বয়সের বালক-বালিকাদিগের পরীক্ষার প্রশ্নগুলি পশ্চাতে লিখিত হইবে। প্রত্যেক বয়সেই I. Q. নির্ণয় করা যাইতে পারিবে। এখন দেখা যাউক পরীক্ষার ফল আমাদের কি উপকারে আসিতে পারে। একটা উদাহরণ দিয়া বুঝাইবার চেষ্টা করিব। মনে করুন ৯ কিংবা ১০ বৎসরের বালকবালিকাদিগকে তত্ত্বৎ বৎসরের নির্দিষ্ট প্রশ্নগুলির দ্বারা পরীক্ষা করা হইল এবং প্রায় একহাজার শিশুর I. Q. জানা গেল। ধরিয়া লওয়া যাউক যে পরীক্ষার ফল এইরূপ হইয়াছে—

শতকরা ১০ জনের I. Q.	(বুদ্ধির অংশ)	৩০ থেকে ৪০
২০ জনের I. Q.	”	৪৫ ” ৫৫
৪০ জনের I. Q.	”	৬৫ ” ৭৫
১৫ জনের I. Q.	”	৮০ ” ৯০
৫ জনের I. Q.	”	১০৫ ” ১২০

(১) সমাজে ৯১০ বৎসর বয়সের শিশুর মধ্যে সাধারণবুদ্ধির বালক প্রায় শতকরা ৫০ জন। ক্ষীণবুদ্ধি বালকের সংখ্যা শতকরা ৩০ জন এবং প্রতিভাশালী বা সুবুদ্ধির সংখ্যা শতকরা ২০ জন।

যদি ভিন্ন ভিন্ন দেশের বা সমাজের একই বয়সের বালকবালিকাদের পরীক্ষা করি, তাহা হইলে এই অংশগুলির দ্বারা তত্ত্বৎ দেশের সমাজের সমবয়স্ক বালকবালিকাগণের বুদ্ধির পার্থক্য বুঝা যাইবে। এই পার্থক্য কেমন করিয়া আসিল তাহাও চিন্তা করিয়া দেখিবার বিষয় হইবে।

(২) সময়ে সময়ে (ধরুন তিন বৎসর অন্তর) এইরূপ পরীক্ষা দ্বারা দেখা যাইতে পারে সমাজে বুদ্ধিমত্তার পরিমাণ বাড়িতেছে কি না।

(৩) অধিকাংশ সময়েই স্কুল-কলেজের যোগ্যতা নির্ধারণ করিতে যাইয়া তাহাদের উত্তীর্ণ ছাত্রের সংখ্যা পরীক্ষা করিয়া দেখা হয়। অবশ্য ঐচ্ছিক বিশিষ্ট উপায় না থাকায়, উত্তীর্ণ ছাত্রের সংখ্যা হইতে যোগ্যতার পরিমাণ করিতে বাধ্য হয়। কিন্তু যদি বিনের রীতি অনুসারে

বুদ্ধিমত্তার মাপ লওয়া যায়, তাহা হইলে স্কুলের যোগ্যতার মাপ বৈজ্ঞানিক উপায়ে লওয়া হইল বলিতে পারা যায়।

(৪) সমাজবিশেষের I. Q. রেখা ভিন্ন ভিন্ন বয়সের জন্ত ভিন্ন ভিন্ন আকারের কি না তাহাও দেখা যাইতে পারে।

(৫) একই শিশুর I. Q. চিরকাল একই থাকে কিংবা তাহার কোন পরিবর্তন হয় তাহা দেখা যাইতে পারে।

(৬) যে সমস্ত বালকবালিকার I. Q. (বুদ্ধির অংশ) ৬০ এর নীচে, তাহাদের জন্ত শিক্ষার বিশেষ বন্দোবস্ত করা উচিত। কারণ হয়ত তাহারা এই সমাজের অসং-প্রযুক্তির লোক হইয়া দাঁড়াইতে পারে।

(৭) তাহাদের I. Q. ১২০ বা ততোধিক, তাহাদের জন্তও সুশিক্ষার ব্যবস্থা করা উচিত, কেন না হয়ত তাহারা ভবিষ্যতে বিশেষ প্রতিভাশালী ব্যক্তি হইবে।


চারি ও পাঁচ বৎসর বয়সের প্রশ্নগুলি নীচে দেওয়া গেল।

৪ বৎসরের প্রশ্ন—

(১) [কতকগুলি সরলরেখা দেখাইয়া]

বল দেখি কোনটি সব চেয়ে বড়; কোনটি সব চেয়ে ছোট? (তিন বার পরীক্ষায় নির্ভুল উত্তর পাওয়া চাই।)

(২)



এইপ্রকারের কতকগুলি ছবি বা আকৃতি শিশুর সম্মুখে রাখিয়া শিশুকে জিজ্ঞাসা করিতে হইবে—এইরকম খুঁজে বের কর ত?

(৩) চারিটি পয়সা বা মার্কেল দিয়া বলিতে হইবে গুণে বল ত-টি পয়সা আছে।

(৪) (একটি ১১০ ইঞ্চি স্কোয়ার দেখাইয়া) তুমি একটা এমনি আঁক ত।

(৫) বল দেখি—(১) ঘুম পেলে কি করবে?

(২) খিদে পেলে কি করবে?

(৩) শীত করলে কি করবে?

(৬) বল দেখি (ক) ৪—৭—৩—৯ } শুনিবার পর শিশুকে
(খ) ২—৫—৮—৬ } ক্রমান্বয়ে আবৃত্তি করিতে
(গ) ৭—২—৬—১ } হইবে।

পাঁচ বৎসর বয়সের প্রশ্ন—

(১) [একই আকৃতির দুটি ভারী জিনিষ, একটির ওজন ৩ তোলা আর একটির ওজন ১৫ তোলা, শিশুর সম্মুখে রাখিয়া] বল দেখি কোনটি সবচেয়ে ভারী? [দেখা উচিত শিশু আন্দাজে বলিতেছে কি না।]

(২) লাল, নীল প্রভৃতি রং দেখাইয়া জিজ্ঞাসা করিতে হইবে কোনটি কোন রং।

(৩) দুখানা মুখের ছবি (একখানা কদাকার, আর একখানা ভাল) দেখাইয়া জিজ্ঞাসা করিতে হইবে—বল দেখি কোনখানা ভাল। (এইরূপ তিন জোড়া ছবি দেখাইয়া পরীক্ষা করিতে হইবে।)

(৪) (ক) চেয়ার দেখেছ? বল ত চেয়ার কি জিনিষ?

(খ) ঘোড়া দেখেছ? বল ত ঘোড়ায় কি হয়?

(গ) কাঁচি দেখেছ? বল ত কাঁচিতে কি হয়?

(ঘ) কলম দেখেছ? কলম কাকে বলে?

(ঙ) পুতুল দেখেছ? পুতুল কাকে বলে?

এই প্রশ্নগুলির উত্তরে শিশুকে সংজ্ঞা বলাইবার প্রয়াস পাইতে হইবে।

(৫) [দুটি আয়ত ক্ষেত্র লটন, একটিকে কাটিয়া



দুটি ত্রিভুজ করুন; ত্রিভুজ দুটি উল্টাইয়া পাণ্টাইয়া শিশুর হাতে দিন; গোটা আয়তক্ষেত্রখানি শিশুর সম্মুখে ধরিয়া তাহাকে বলুন] তোমার হাতের দুখানা মিলিয়ে এমনি একটা কর ত?

(৬) আমি যা বলছি তা কর ত। এই কলমটি প্রথমে টেবিলে রাখ, তার পরে দরজাটা বন্ধ কর, আর ঐ ছাতাটি আমাকে এনে দাও (দেখিতে হইবে শিশু পরের পর বাক্যগুলি করিতে পারে কি না)।

অথবা—

(৬) তোমার বয়স কত?

বুদ্ধির মাপকাঠির সম্বন্ধে ইয়ুরোপ ও আমেরিকার অনেক তর্ক উঠিয়াছে।

রেণুপদ কর।

বিদেহ

ব্রাহ্মণ্যযুগে ভারতবর্ষে কুরু, পঞ্চাল, কোশল, কাশী, ও বিদেহবংশ বিখ্যাত ছিল। ইহাদের ভিতর কুরু ও পঞ্চালবংশ একরূপ অচ্ছেদ্যভাবে সম্পর্কিত ছিল যে উভয় বংশকে এক জাতি ধরিয়া লইলেও অত্যাতি হয় না। কোশল, কাশী ও বিদেহবংশ সখ্যস্থত্রে আবদ্ধ ছিল। কুরু-পঞ্চাল বংশের সহিত ইহাদের প্রীতির বন্ধন বড় ছিল না।

প্রাচীন ভারতে যে-সকল জাতি একতাবন্ধনে আবদ্ধ হইয়া যৌথভাবে কার্য্য করিতেন, লিচ্ছবি ও বিদেহ তাহাদের মধ্যে অগ্রতম। বিদেহদিগের রাজধানী ছিল মিথিলায়। গঙ্গার তীরবর্তী বিদেহ রাজ্য ছিল কাশী ও কোশলের সন্নিকট। মধ্যদেশের পূর্নভাগে কোশলরাজ্য অবস্থিত। বিদেহবাসীরা কুরুপঞ্চাল বংশের ত্রায় উন্নত ছিল। তাহারা বিদেহমাগধের বংশধর বলিয়া পরিচিত। বিদেহ ও কোশলরাজ্যের মধ্যে সদানীরা নদী প্রবাহিত ছিল। কাহারও কাহারও মতে ইহার আধুনিক নাম গণ্ডক নদ; ভাষ্যকার সায়ণ ইহাকে করতোয়া নদীর প্রাচীন নাম বলিয়াছেন। বিদেহ রাজ্যের পূর্নস্থলীর অধিবাসীদিগের সীমানা বর্তমান ত্রিছত বা পূর্ণিয়া জেলা। আর ইহাই প্রাচীন কালের আর্ষ্যাবর্তের পূর্ন সীমা ছিল। শতপথ ব্রাহ্মণের মতে বিদেহমাগধ ও তাঁহার পুরোহিতের কর্তৃত্বাধীনে সরস্বতী নদীকে পশ্চাতে রাখিয়া আর্ষ্যেরা অগ্রসর হইয়াছিলেন। তাঁহারা সদানীরা নদী পর্য্যন্ত অধিকার করিয়াছিলেন।

এই রাজ্যের নামকরণ সম্বন্ধে একটু নূতনত্ব আছে। বিষ্ণু-পুরাণের মতে সূর্য্যবংশীয় নৃপতি ইক্ষ্বাকুর পুত্র নিমি শতবর্ষ-ব্যাপী এক মহাযজ্ঞের অনুষ্ঠান করেন; এবং কুলপুরোহিত বশিষ্ঠকে ঋত্বিকের কার্য্যে ব্রতী করেন। তিনিও ইহার পূর্বে ইন্দ্র কর্তৃক অনুষ্ঠিত পাঁচশতবর্ষব্যাপী অপর একটি যজ্ঞানুষ্ঠানে ব্রতী ছিলেন। সেই কার্য্য সম্পন্ন করিয়া যখন বশিষ্ঠদেব মিথিলায় আসিয়া উপস্থিত হন, তখন নিমিরাজ নিদ্রিত ছিলেন। তাঁহার সমুচিত অভ্যর্থনা না হওয়ায় বশিষ্ঠ ঐক্ৰোধাক্ত হইয়া শাপ দিলেন যে নিমিরাজ দেহশূন্য বা বিদেহ (বি=বিগত দেহ) হইবেন। নিদ্রোথিত নরপতি

সকল কথা শুনিয়া বশিষ্ঠকে বলিলেন—তুমি যেমন অকারণে আমাকে শাপ দিতেছ, আমিও তোমায় সেইরূপ শাপ দিতেছি—তোমাকেও মরিতে হইবে—তুমি আর অমর থাকিতে পারিবে না। মুনিঋষিরা নিমিরাজের মৃতদেহ মস্থন করিলে এক পুত্র সন্তান জন্মে। ইনি মিথি নামে পরিচিত। ইনিই বৈশালীর ৩৫ মাইল উত্তর-পশ্চিমে সৌন্দর্য্যশালিনী মিথিলা নগরীর স্থাপয়িতা। নূতন নগর প্রতিষ্ঠা করিয়াছিলেন বলিয়া তিনি জনক নামে অভিহিত হন। ইনি বৌদ্ধধর্মের অভ্যুত্থানের অনতিকাল পূর্বেই রাজত্ব করিতেন।

যাজ্ঞবল্ক্যসংহিতা প্রণেতা ঋষি যাজ্ঞবল্ক্য মিথিলায় বাস করিতেন। ইনিই রাজর্ষি জনককে ব্রহ্মবিদ্যা শিখাইয়াছিলেন।

দৌধনিকায়ের মহাগোবিন্দ যন্ত্রে লিখিত আছে— বিদেহদিগের রাজধানী মিথিলা গোবিন্দের দ্বারা স্থাপিত হইয়াছিল। পূর্বেই উক্ত হইয়াছে শতপথ ব্রাহ্মণে বিদেহ নামের উল্লেখ দেখিতে পাওয়া যায়। রাজা বিদেহমাগধ প্রথমে গোতমের সহিত সদানীরা নদী পার হইয়া অপরতীরে অবস্থিত দেশ হইতে যজ্ঞের অগ্নি আনয়ন করেন; এবং এই সময় হইতেই বিদেহরাজ্য ব্রাহ্মণধর্ম সুপ্রতিষ্ঠিত হয়। অনেকে অনুমান করেন নরপতির নাম হইতেই রাজ্যের নাম বিদেহ হইয়াছে; কিন্তু প্রবাদবাক্যে আত্মা স্থাপন করিলে বলিতে হয় বিদেহরাজ্য বিদেহমাগধের বহুপূর্ন হইতেই বর্তমান ছিল। রাজ্যের পরিধি ৩০০ লিগ বা ২৩০০ মাইল। কোশিকী নদী হইতে গণ্ডকা নদী পর্য্যন্ত বিদেহ রাজ্য দৈর্ঘ্যে ২৪ যোজন ও গঙ্গা তীরে হিমালয় পর্য্যন্ত প্রস্থে ১৬ যোজন বিস্তৃত।

জাতকের মতে মিথিলা রাজ্য ৭ লিগ ও বিদেহ রাজ্য একশত লিগ বিস্তৃত। ডাক্তার রিস্ ডেভিড্‌সের মতে বৈশালীর ৩৫ মাইল উত্তর-পশ্চিমে মিথিলা নগর অবস্থিত। ইহা বিদেহদিগের রাজধানী ছিল। ইহা রাজর্ষি জনক ও নরপতি মহেন্দ্রের রাজধানী ছিল। ইহার বর্তমান নাম ত্রিছত।

ভি দ্য স্যা মার্ভ্যা চেন-শু-ন নগরকে জনকের রাজধানী জনকপুরের সহিত অভিগ্ন করিয়াছেন। ঐতিহাসিক

ভিন্সেন্ট স্মিথের মতে মিথিলা বর্তমান চম্পারণ ও দারভাঙ্গা জেলা।

শতপথ ব্রাহ্মণ হইতে দেখিতে পাওয়া যায় আর্যেরা মিথিলায় উপনিবেশ স্থাপন করিয়াছিলেন। জনকের রাজত্বকালে মুনিবর বিশ্বামিত্র রামলক্ষ্মণকে সঙ্গে লইয়া মিথিলায় আসিয়াছিলেন। অবোধা হইতে আসিতে তাঁহাদের চারি দিন সময় লাগিয়াছিল। পশ্চিমদেহাংশাল নগরে তাঁহারা এক রাত্রি বিশ্রাম করিয়াছিলেন। মহাপাল দেবের রাজত্বকালে চৌদীবংশীয় গাঙ্গৈয়দেব গৌড়রাজ্য (বাঙ্গলার প্রাচীন নাম গৌড়) আক্রমণ করিয়া মিথিলা অধিকার করেন।

নেপালবংশাবলী হইতে রাজবংশীয়দিগের তালিকায় আমরা নাগদেবের নাম সর্বাঙ্গে দেখিতে পাই। নেপালের নরপতি জয়প্রতাপ মল্লের শিলালিপি হইতে নাগদেবের নাম দেখিতে পাওয়া যায়। নাগদেব মিথিলার কর্ণাট-রাজবংশের প্রথম স্থাপয়িতা বলিয়া উল্লেখ আছে। বিজয় সেন তাঁহাকে পরাজিত করেন।

গৌড়-নরপতি লক্ষ্মণদেবের রাজপদে প্রতিষ্ঠার সহিত মিথিলায় লক্ষ্মণদেব নামে এক নূতন অক্ষর প্রচারিত হয়। এই অক্ষরকে 'লক্ষ্মণ সংবৎ' বা 'লসম্' বলা হইত। বহুদিন ধরিয়া লক্ষ্মণদেব মিথিলায় প্রচলিত ছিল।

মিথিলারাজ্য ধনধাত্তে পূর্ণ ছিল। হস্তী, অশ্ব, রথ, বলদ, মেঘ প্রভৃতি প্রচুর পরিমাণে এখানে পাওয়া যাইত। স্বর্ণ, রৌপ্য, হীরা ও মুক্তাদি বহুমূল্য ধাতু ও রত্ন সর্পদাই বহুল পরিমাণে পাওয়া যাইত। এখানে ১৬০০০ গ্রাম ও খামার ছিল। ১৬০০০ নর্দকী এখানে বাস করিত। চারিঘোড়ার গাড়ী এখানে চলিত। এখানকার বাড়ী ছিল পর্ণশালা। শ্রাবণ হইতে লোকেরা গণাভব্য লইয়া এখানে বিক্রয় করিতে আসিত। ইহা ক্রয়বিক্রয়ের কেন্দ্র-স্বরূপ ছিল। পৌষ মাসে অর্ধকথাব পরমর্গদাঁপনা হইতে জানিতে পারা যায় যে পৌষ মাসে গৌতম বুদ্ধ শ্রাবণ নগরে বাস করিতেন। তখন তৎসং তাঁহার জৈনিক শিষ্য একগাড়ী মাল বোঝাই করিয়া বিক্রয় করিতে বিদেহরাজ্যে গিয়াছিলেন ও সেখানে তাহা বিক্রয় করিয়া পুনর্নগরে প্রচুর ভব্য গাড়ী করিয়া লইয়া আসিয়াছিলেন। এখানে একরূপ লোকহিতকর অবৈতনিক প্রতিষ্ঠান ছিল যেখানে দুঃস্থ

লোকেরা বিনাভায়ে সাহায্য পাইত। প্রত্যহ ১৬,০০,০০০ মুদ্রা দরিদ্রের দুঃখ মোচনে ব্যয়িত হইত। গৌতম বুদ্ধদেবের সময়ে এখানকার অধিবাসীরা দীর্ঘজীবী ছিল। কিম্বদন্তী, তাহারা ৩০,৬০০ বৎসর জীবিত থাকিত; মিথিলার রাজা মক্ষাদেব ৮৪,১০০ বৎসর জীবিত ছিলেন।

ব্রাহ্মণাধর্মের পুস্তকাবলী ও ব্যবহারশাস্ত্র হইতে স্পষ্টই দেখিতে পাওয়া যায় মগধ ও বিদেহবাসীরা বৈদিক সভ্যতার সহিত পূর্বে পরিচিত ছিল না এবং কখনও পশ্চিমের লোকদিগের মত বৈদিক সভ্যতার প্রভাবে প্রভাবান্বিত ছিল না। কিন্তু তাই বলিয়া একথা স্বীকার করিতে পারা যায় না যে বিদেহবাসীরা শিক্ষায় হীন ছিল। বিদেহরাজের এক পুত্র উচ্চশিক্ষিত ছিলেন। বিদেহরাজের সভায় চারিজন সভাপণ্ডিত তাঁহাকে ব্যবহারশাস্ত্র সম্বন্ধে শিক্ষা দিতেন। ঋষি যাজ্ঞবল্ক্য জনকরাজাকে পরাবিদ্যা ও বেদান্ত শিক্ষা দিয়াছিলেন। বিদেহরাজারা ও রাজকুমারেরা সকলেই শিক্ষিত ছিলেন। ইহা হইতে অনুমান করা যায় যে বিদেহ রাজকুমারেরা তক্ষশিলা হইতে শিক্ষালাভ করিয়া আসিতেন।

মহুসংহায়ে বিদেহ ও মগধদেশের কয়েকটি জাতিকে বর্ণসঙ্কর বলা হইয়াছে। তাহারা আর্ষাশাখার অন্তর্ভুক্ত ছিল না।

বিদেহরাজদিগের পুত্রসন্তান জন্মগ্রহণ না করিলে প্রজাবৃন্দ আসিয়া তাঁহাদিগকে নানারূপ উপায় বলিয়া দিত। সেগুলিকে গ্রহণ করা, না-করা রাজগণের ইচ্ছাধীন ছিল। অপুত্রক রাজাকে প্রজারা ভৎসনা করিতে পারিত। বিদেহবাসীদিগের মধ্যে বহুবিবাহ প্রচলিত ছিল। কাশীরেশ ব্রহ্মদত্তের স্ত্রীমধা নামে এক কন্যা ছিল। তিনি বহুপত্নীক কোন রাজপুত্রের সহিত কন্যার বিবাহ দিতে রাজী হন নাই। কারণ তিনি বলিতেন নিরন্তর বিবাদ-বিসংবাদে গৃহের ও মনের শান্তি নষ্ট হইয়া যায়। একপ অশান্তভোগ করা কোনক্রমেই যুক্তিসঙ্গত নয়। তাই তিনি বহুপত্নীক রাজকুমারের সহিত কন্যার বিবাহ দেন নাই। অবিবাহিত মিথিলারাজ সুরাচি ব্রহ্মদত্তের যুক্তিযুক্ত কথা শ্রবণ করিয়া তাঁহার কন্যাকে বিবাহ করেন। বিদেহ ও কাশীরাজ্যে বৈবাহিক সম্পর্কে আবদ্ধ হইয়াছিলেন।

বিদেহদিগের মধ্যে তিনটি প্রধান অমুষ্ঠান বিদ্যমান ছিল।

প্রথমটি হইতেছে প্রাসাদ প্রতিষ্ঠা, দ্বিতীয়টি রাজ্যাভিষেক, ও তৃতীয় বিবাহ; এবং সকলগুলিই জাঁকজমকের সহিত সম্পন্ন হইত। সাতবৎসরব্যাপী আমোদ-প্রমোদ চলিত। ভোজবাজীকরণ নানাবিধ কৌশল দেখাইয়া বিদেহবাসীদিগের আনন্দ উৎপাদন করিত। নর্তকীরা নৃত্য করিয়া মনোরঞ্জন করিত।

ছাগ মেঘ প্রভৃতি বলিদান করিয়া বিদেহবাসীরা নানারূপ ধর্মের অনুষ্ঠান করিত। রাজারা কেবলমাত্র যজ্ঞের অধিকারী ছিলেন। নিমিরাজের যজ্ঞানুষ্ঠানের কথা পূর্বেই উক্ত হইয়াছে। রাজারা তর্কবিদ্যা আয়ত্ত করিতে তৎপর ছিলেন ও মনোযোগের সহিত আত্মবিদ্যা-বিষয়ক পুস্তকাবলী পাঠ করিতেন। এ সম্বন্ধে রাজ্যি জনকের কথা পূর্বে বলা হইয়াছে। এক সময়ে জনকরাজা বৃহদক্ষিণ যজ্ঞের অনুষ্ঠান করিয়াছিলেন। কুরু ও পঞ্চাল দেশের বহু ব্রাহ্মণ তথায় উপস্থিত ছিলেন। তিনি জানিতে চাহিয়াছিলেন বিভিন্ন জাতীয় ব্রাহ্মণদিগের ভিতর শ্রেষ্ঠ কাহার? তিনি এক হাজার গাভী আনয়ন করিয়া বলিয়াছিলেন বর্ণশ্রেষ্ঠ ব্রাহ্মণদিগের ভিতর কাহার সর্পশ্রেষ্ঠ হইবেন তাঁহাদিগকেই তিন উক্ত বহুমূল্য উপহার দিবেন। কোন ব্রাহ্মণই যখন এই উপহার গ্রহণ করিতে স্বীকৃত হইল না, তখন মহর্ষি যাজ্ঞবল্ক্য আপনার একচারীদিগকে গাভীগুলি গ্রহণ করিতে বাধ্য করিয়াছিলেন।

পূর্বেই বলা হইয়াছে রাজ্যি জনকই প্রথমে মিথিলায় ব্রাহ্মণ্যধর্ম প্রতিষ্ঠিত করেন। তিনিই প্রথমে যাজ্ঞবল্ক্য, শ্বেতকেতু, আকর্ণি প্রভৃতি ঋষিদিগকে বিদেহরাজ্যে আনয়ন করিয়াছিলেন। বৃহদারণ্যকে দেখিতে পাওয়া যায়, যাজ্ঞবল্ক্য অগ্ন্যুপনিষদের সহিত ও জনকরাজার সহিত ধর্মসম্বন্ধে নানারূপ আলোচনা করিতেছেন। কালে জনকরাজ ব্রাহ্মণ্য ধর্মের স্তম্ভরূপ হইয়াছিলেন। এবং এই কারণে কাশী-নরপতি অজাতশত্রু তাঁহার হিংসা করিতেন। অশ্বঘোষের বৃদ্ধচরিত হইতে দেখিতে পাওয়া যায় বিদেহরাজ জনক গৃহী হইয়াও পরম শান্তি প্রাপ্ত হইয়াছিলেন।

বিদেহরাজ নিমিত্যাগই ধর্ম এই মত প্রচার করিয়া জগতে ষয়ণী হইয়া গিয়াছেন। তিনি, যে প্রকারে এই সিদ্ধান্তে উপনীত হইয়াছিলেন সে ঘটনার বিবৃতি অপ্রাসঙ্গিক হইবে

না বিবেচনা করিয়া এই স্থানে উদ্ধৃত করিয়া দিলাম। এক দিন প্রাসাদের মুক্ত বাতায়ন হইতে নিমিরাজ নিম্নে বাজারের দিকে চাহিয়া ছিলেন। তিনি দেখিলেন এক বাজপাখী মাংস-বিক্রেতার দোকান হইতে একটুকরা মাংস লইয়া শূণ্ণে উড়িয়া যাইতে লাগিল। ইহা দেখিয়া কয়েকটি শূক্নি ও অগ্ন্যুপনিষদ পক্ষীরা তাহাদের লম্বা লম্বা ঠোঁটের দ্বারা বাজপাখীকে ঠোক-রাইতে লাগিল। বেচারী বাতায়ন হইয়া যন্ত্রণায় ছটফট করিতে লাগিল ও দ্রুতবেগে উড়িতে চেষ্টা পাইল; কিন্তু তাহাদের আক্রমণ হইতে পরিহার্য না পাইয়া মাংসটুকরা ফেলিয়া দিয়া নিরাপদ হইল; কিন্তু যে পাখী সেই টুকরা মাংস মুখে করিয়া ছুটিতে লাগিল তাহার শূক্নি ও পক্ষীকুল বাজপাখীর নতই হইল। সে বেচারীও উহা ফেলিয়া দিয়া বাঁচিল। ক্রমে হুই চারিটি পাখা গ্রহণ করিয়া বিপন্ন হইল ও পরে ত্যাগ করিয়া আশ্রয়স্থল করিল। নিমি দেখিলেন আশ্রয়স্থল ও শান্তির একমাত্র উপায় ত্যাগ। বিষয়ত্বস্বত্বকে ত্যাগ করিতে হইবে, নচেৎ শান্তি পাইবার আশা সূদূরপর্যন্ত। এই জ্ঞান লাভ করিয়া তিনি বৃদ্ধদেবের মত ত্যাগী হইয়া গেলেন।

বিদেহরাজ বিদেহ ও গন্ধর্বরাজ বোধিসত্ত্ব সমসাময়িক নরপতি ছিলেন। তাঁহাদের মধ্যে সাক্ষাৎপরিচয় না থাকিলেও উভয়ে বন্ধ ছিলেন।

একদা শুক্লপক্ষের প্রতিপদ তিথিতে গন্ধর্বরাজ পঞ্চ-নৈতিক আচার অনুসারে কাণ্ডা করিবেন স্থির করিয়া মন্ত্রীদিগকে সিংহাসনে বসিয়া উপদেশ দিতেছিলেন এমন সময়ে চন্দ্রগ্রহণ আরম্ভ হয়। মন্ত্রীদিগকে জিজ্ঞাসা করিয়া তিনি জানিতে পারিলেন রাজ চন্দ্রদেবকে গ্রাস করিতেছে। রাজা দেখিলেন অগ্ন্যুপনিষদের বাহির হইতেই আসিয়া থাকে—বাহিরের রাজ আসিয়া চন্দ্রকে গ্রাস করিতেছে। রাজকর্ণচারীরাই তাহার শান্তি নষ্ট করিয়া দিতেছে। তখনই তিনি রাজ্যভার মন্ত্রীদের উপর ত্যাগ করিয়া বানপ্রস্থ অবলম্বন করেন ও ত্রিমাগয়ের পাদদেশে গমন করিয়া ধ্যান করিতে আরম্ভ করেন এবং তর্কবিদ্যায় পারদর্শী হইয়া শান্তিলাভ করেন।

বিদেহরাজ এই ঘটনার কথা শুনিয়া রাজ্যত্যাগ করিয়া গন্ধর্বরাজের পদানুসরণ করেন। তিনিও হিমালয়ের পাদ-

দেশে নির্জনস্থানে ধ্যানধারণা করিতে চলিয়া যান। ভাগ্যক্রমে দুইজনে একই স্থানে কুটীর নির্মাণ করিয়া স্নেহে বাস করেন। কিন্তু কেহই কাহাকেও চিনিতে পারেন নাই।

জৈনধর্মাবলম্বী শ্বেতাশ্বর ও দিগম্বরদিগের প্রবাদ হইতে খলিতে পারা যায় বিদেহ নরপতি চেতকরাজ জৈনধর্মাবলম্বী হইয়াছিলেন।

রাজাদিগের বানপ্রস্থ গ্রহণের অপর একটি ঘটনা এখানে বিবৃত করিতে চাই। বিদেহদেশে পুণাশীল মোক্ষদেব নামে এক নরপতি রাজত্ব করিতেন। তিনি দীর্ঘজীবী ছিলেন। ৮৪,০০০ বৎসরের ভিতর তিনি কখনও রাজকুমাররূপে কখনও রাজপ্রতিনিধিরূপে ও কখনও নৃপতিরূপে রাজত্ব করিয়াছিলেন। তিনি তাঁহার পরামণিককে আদেশ করিয়াছিলেন যেদিন সে তাঁহার মাথায় পাকাচুল দেখিতে পাইবে সেইদিন তাহা তুলিয়া দিবে ও তাঁহাকে দেখাইবে। একদিন সত্যসত্য পরামণিক তাঁহার মাথা হইতে একটা পাকা চুল তাঁহার হাতে দিল। রাজা পাকাচুল দেখিয়া বুঝিলেন যে ইহা যমরাজের শাসন। আর কালবিলম্ব না করিয়া জ্যেষ্ঠপুত্রের উপর রাজ্যভার অর্পণ করিয়া বানপ্রস্থ অবলম্বন করিলেন ও আশ্রমকুঞ্জের ভিতর বসিয়া ধ্যানধারণা করিতে লাগিলেন। লোকে এই কুঞ্জকে মোক্ষদেবের আশ্রমকুঞ্জ বলিয়া থাকে। তিনি সজ্ঞানে ভগবানের নাম করিতে করিতে দেহত্যাগ করেন ও ব্রহ্মলোকে জন্মগ্রহণ করেন। কালে তিনি পুনরায় মিথিলায় রাজ্যরূপে জন্মগ্রহণ করেন এবং উত্তরকালে বানপ্রস্থ অবলম্বন করিয়া ব্রহ্মলোক প্রাপ্ত হন।

মোক্ষদেবসূত্রে এই ঘটনাটি বিবৃত হইয়াছে। মিথিলা-রাজ মোক্ষদেব ধর্মশীল রাজা ছিলেন। তিনি শ্রমণদিগের, ব্রাহ্মণদিগের, মুখীদিগের, নাগরিকদিগের ও পল্লীবাসীগণের প্রতি যথাযথ কর্তব্য পালন করিতেন। তিনি চান্দ্রমাসের অষ্টমী, চতুর্দশী, অমাবস্যা, ও পূর্ণিমার দিন কোন কার্য করিতেন না। তিনিই তাঁহার পরামণিককে পাকাচুল তুলিয়া দেখাইতে বলিয়াছিলেন এবং পাকাচুল দেখিয়াই সংসার ত্যাগ করিয়াছিলেন। মিথিলার শেষ নরপতি মিথিরাজও মোক্ষদেবের শ্রায় সাধুপ্রকৃতির লোক ছিলেন। মৃত্যুর পর দেবরাজ ইন্দ্র অশ্রুশ্রু দেবতাদের সহিত তাঁহাকে অভ্যর্থনা

করিয়াছিলেন। দেবতারা স্বর্গীয় রথে করিয়া তাঁহাকে পুনরায় তাঁহার রাজ্যে পাঠাইয়া দিয়াছিলেন।

স্বাধীন নামে স্বধর্মনিরত মিথিলা-নরপতি পঞ্চগুণ ও উপবাসাদি নিয়ম যথারীতি পালন করেন।

এক সময়ে দেবরাজ-পুত্র শকদেবের বিচারগৃহে মিথিলা-পতি স্বাধীনের গুণপনার কথা ব্যাখ্যা করেন। দেবতারা আগ্রহের সহিত তাঁহাকে দেখিতে চান এবং তৎক্ষণাৎ তাঁহারা দেবসারথি মাতলিকে দেবরথে করিয়া তাঁহাকে স্বর্গে আনয়ন করিতে আদেশ করেন। মাতলি যখন বিদেহরাজ্যে উপস্থিত হন তখন পূর্ণিমা। পূর্ণচন্দ্রের নিকট দেবরথ অপর একটি চন্দ্রের শ্রায় প্রতিভাত হইতেছিল। বিস্ময়বিমুক্ত হইয়া বিদেহবাসীরা দুইটি চন্দ্র দেখিতেছিল। ক্রমে যখন রথ নিকটবর্তী হইল তখন তাহারা তাহাদের ভ্রম বুঝিতে পারিল। রথ নৃপতির দ্বারদেশে উপস্থিত হইলে মাতলি তাঁহাকে রথে আরোহণ করিতে বলিলেন। তিনি দানের ব্যবস্থা করিয়া রথে চড়িলেন।

দেবরাজ শক (শক) তাঁহার মধুরচরিত্র ও অমায়িকতাৎ এতদূর প্রীত হইয়াছিলেন যে তাঁহাকে অর্দ্ধেক দেবরাজ্য ও সার্ক দুই কোঠী দেবাননা ও রাজধানী বৈজয়ন্তের অর্দ্ধেক উপহার দিয়াছিলেন। স্বাধীন তথায় ৭০০ বৎসর বাস করিয়া স্বধর্মশ্রোগ করিয়াছিলেন। তাহার পর যখন তাঁহার গুণের শেষ হইল তখন অমরাবতীতে আর থাকিতে চাহিলেন না। রথে করিয়া পুনরায় তাঁহাকে তাঁহার রাজধানীতে পাঠান হইল। সাত দিবস দানধ্যানে রত থাকিয়া তিনি দেহত্যাগ করেন ও অমরাবতীতে পুনরায় নীত হন।

মিথিলারাজ সুরচি কাশীনরপতির কন্যা স্নমেধাকে বিবাহ করিয়াছিলেন। ১০,০০০ বৎসরের বিবাহিত জীবনে তাঁহাদের একটিও সন্তান সন্ততি হয় নাই। পুরা-প্রচলিত প্রথানুসারে প্রজারা রাজার নিকট উপস্থিত হইয়া পুত্রলাভের জন্ত নানারূপ উপদেশ দেয়; কিন্তু রাজা তাহাদের কথায় কর্ণপাত করেন না; তখন অগত্যা তাহারা রাণী স্নমেধাকে ভগবানের নিকট পুত্র প্রার্থনা করিতে বলে।

রাণী স্নমেধা জীবনে কখনও প্রাণীহত্যা, চৌর্য্য, মিথ্যা-ভাষণ, মাদকদ্রব্যগ্রহণ, নিষিদ্ধ সময়ে আহার গ্রহণ, আমোদ-প্রমোদে যোগদান, অলঙ্কার ধারণ করিবেন না ও চরিত্রহীন

হইবেন না বলিয়া প্রতিজ্ঞা করেন। সুখাসনে বসিয়া রাণী অষ্টশীল সন্থকে চিন্তা করিতেছিলেন, এমন সময়ে দেবরাজ শক সাধুর মূর্তি গ্রহণ করিয়া রাজার প্রমোদোত্তানে ভ্রমণ করিতে থাকেন। রাণীও হঠাৎ আপনার শয়নগৃহ হইতে সাধুকে দেখিতে পান এবং তাঁহার উদ্দেশ্যে ১৫টি ছন্দে রচিত একটি গীত গান। সাধু সন্তুষ্ট হইয়া তাঁহাকে বর দেন যে তাঁহার একটি পুত্রসন্তান হইবে।

জৈন তীর্থঙ্করদিগের ভিতর উনবিংশ তীর্থঙ্করের কাহিনী অতীব চমৎকার। ইনি পূর্বজন্মে জুম্বাচুরি করিয়াছিলেন বলিয়া নারীরূপে অবতীর্ণ হন। যে একবিংশ ধর্মের সাধনা করিয়া তীর্থঙ্কর হইতে পারা যায় তাহার সকলগুলিই তিনি তাঁহার পরজীবনে কার্যো পরিণত করিয়াছিলেন। ইনি মিথিলার রাজা কুম্ভের ঔরসে ও রাণী প্রভাবতীর গর্ভে জন্মগ্রহণ করেন। কুমারী জন্মগ্রহণের পূর্বে রাণীর এইরূপ অভিলাষ হয় যে, সকল ঋতুর কুমুম দ্বারা গ্রথিত মালা পরিধান করেন। দেবতারা তাঁহার ঐ অভিলাষ পূর্ণ করিবার জন্ত তাঁহাকে কুমুম সংগ্রহ করিয়া দিয়াছিলেন।

মিথিলা জৈন তীর্থঙ্কর মহাবীরের অতি প্রিয় ছিল। ছয়টি বর্ষ তিনি এখানে অতিবাহিত করিয়াছিলেন। এখানকার নরপতিরা বিদ্বান ও বুদ্ধিমান ছিলেন। তিনি রাজকুমার বিদেহ দত্তের পুত্র। ত্রিশবৎসর বয়সের সময় তাঁহার পিতার ও মাতার পরলোকগমন ঘটে।

মিথিলায় ব্রহ্মায়ু নামে জনৈক ব্রাহ্মণ বাস করিতেন। তাঁহার বয়স ১২০ বৎসর ছিল। তিনি ত্রয়োবেদ, ইতিহাস, ব্যাকরণ ও লোকায়ত শাস্ত্রে পারদর্শী ছিলেন। একসময়ে তিনি তথাগতের নয়টি গুণের কথা শ্রবণ করিয়া ধারণা করিয়াছিলেন যে পৃথিবীতে মানব, দেব, ব্রহ্মায়ু ও মারের ভিতর তাঁহার সমকক্ষ কেহ ছিল না। জগতে ধর্মপ্রচার করাই তাঁহার মুখ্য উদ্দেশ্য—মানবের কল্যাণ সাধনই তাঁহার ব্রত। উত্তর নামে তাঁহার একজন শিষ্য ছিল। একদা তিনি শিষ্যকে বলিয়াছিলেন সর্বাঙ্গাধিত বুদ্ধদেবকে শীঘ্রই দেখিতে পাওয়া যাইবে। বুদ্ধদেবকে দর্শন জন্ত তিনি শিষ্যকে বিদেহরাজ্যে পাঠাইয়া দেন, বুদ্ধদেব তখন বিদেহরাজ্যে বাস করিতেছেন জানিতে পারিয়া, শিষ্য গুরুদেবকে জিজ্ঞাসা করিয়াছিলেন, “প্রভো!

আমি কি প্রকারে জানিতে পারিব ইনিই বুদ্ধদেব।” উত্তরে ব্রাহ্মণ বলিয়াছিলেন, “তুমি একথাও জিজ্ঞাসা করিতে পার যে, যে পৃথিবীর উপর দিয়া তুমি চলিতেছ তাহা যে পৃথিবী তাহা কি করিয়া জানিতে পারা যায়? যে চতুর্বেদ শিক্ষা দিয়াছি তাহা হইতে বুদ্ধদেবের লক্ষণ কি তাহা ত বলিয়াছি। তুমি ঐ লক্ষণ দ্বারা বুদ্ধদেবকে চিন্তে পারিবে।” বিদেহরাজ্যে চলিয়া গিয়া উত্তর সাধু সন্ন্যাসী দেখিতে লাগিলেন। বত্রিশটি লক্ষণাক্রান্ত একজন সাধুকে দেখিয়া তিনি বুদ্ধদেব বলিয়া স্থির করিলেন; কিন্তু বাস্তবিক তিনি বুদ্ধদেব কি না তাহা মধ্য মধ্যে তাঁহার সন্দেহ উপস্থিত হইতে লাগিল। এই সন্দেহ দূচাইবার জন্ত তিনি সাতমাস ধরিয়া ছায়ায় ছায়া তাঁহার পশ্চাৎ পশ্চাৎ ফিরিয়াছিলেন এবং বুদ্ধের যে বত্রিশটি লক্ষণ আছে তাহার মধ্যে ৩০টি তিনি উক্ত সাধু পুরুষে দেখিতে পাইয়াছিলেন। সাতমাস পরে অপর দুইটি চিহ্ন সুস্পষ্টভাবে দেখিতে পাইয়া উত্তরের সন্দেহ দূর হইয়া গেল। তখন তিনি গুরুর নিকট প্রত্যাবর্তন করিয়া যে-সকল লক্ষণ দেখিয়াছিলেন তাহা সবিস্তারে বর্ণনা করিলেন। যে দুটি লক্ষণ তিনি প্রথম দেখিতে পান নাই এবং পরে বুদ্ধদেবের দয়ায় তাহা তিনি দেখিয়াছিলেন তাহাও গুরুর নিকট ব্যক্ত করিলেন। গুরু তখন স্থির করিলেন সত্যই বুদ্ধদেব জগতে অবতীর্ণ হইয়াছেন। তখন তিনিও শিষ্য সহ মিথিলায় গমন করিয়া বুদ্ধদেবের শিষ্যত্ব গ্রহণ করেন ও বৌদ্ধধর্মকে সত্যধর্ম বলিয়া স্বীকার করেন।

সাত-লিগ ব্যাপী মিথিলারাজ্যে বৌদ্ধধর্ম প্রচারিত হয়। রাজকুমারেরা বহুকালাবধি মিথিলায় বাস করিয়াছিলেন।

কথিত আছে জম্বুদ্বীপের মিথিলারাজ্যে সুমিত্র নামে প্রবলপরাক্রমশালী নরপতি বাস করিতেন। তাঁহার রাজকোষ বনধানে পূর্ণ ছিল। তিনি ব্যবহারশাস্ত্রে বড়ই অনুরাগী ছিলেন।

বর্তমান ত্রিহত জেলার বিদেহরা আপনাদিগের জাতীয় সংহতির দ্বারা চালিত হইত। ভিন্ন ভিন্ন শাখার প্রধান প্রধান লোকেরা তাহাদের পরামর্শগৃহে সন্তাগারে মিলিত হইত। বিখ্যাত বহিমান শাখার প্রজাতন্ত্রাবলম্বী ছিল। তাহাদের প্রধান যিনি তিনি রাজা-উপাধি গ্রহণ করিতেন।

বৃদ্ধি ও লিচ্ছবি প্রজাতন্ত্রের কথা চাণক্য উল্লেখ করিয়াছেন। বিদেহরাজ্য লিচ্ছবিদিগের অধীনে ছিল। বিদেহরাজ্যের রাজা বিকদকের মন্ত্রী শকল তাঁহার দুই পুত্র গোপাল ও সিংহকে সঙ্গে লইয়া অপর মন্ত্রীদের ঈর্ষ্যার জন্য বৈশালীরাজ্যে পলায়ন করিতে বাধ্য হইয়াছিলেন। রাজ্যের মধ্যে শাস্ত্রই শকল একজন প্রধান ব্যক্তি হইয়া উঠিয়াছিলেন এবং তত্রস্থ অধিবাসীগণ তাঁহাকে 'নায়ক'রূপে নিৰ্ব্বাচিত করিয়াছিল। তাঁহার দুই পুত্রই বৈশালীতে বিবাহ করেন এবং সিংহের 'বাসবী' নামে এক কন্যা জন্মগ্রহণ করেন। বিধিদার এই বাসবীর পাণিগ্রহণ করেন। বিদেহরাজ্য তাঁহার ধর্ম্মনীতে ছিল বলিয়া বাসবী 'বৈদেহী' নামে সুপরিচিতা। অজাতশত্রু এই বৈদেহীর গর্ভজাত পুত্র।

অমিতায়ুধ্যান সূত্রে লিখিত আছে অজাতশত্রু দেবদত্তের প্ররোচনায় তাঁহার পিতা বিধিদারকে ধৃত করিয়া কারাগারে সাতটি-প্রাচীর-বেষ্টিত একটি কক্ষের মধ্যে আবদ্ধ করিয়া

রাখেন। তাঁহার আদেশ ছিল কেহই তাঁহার পিতার নিকটে যাইতে পারিবে না। প্রধানা মহিষী বৈদেহী গুহ্য নাত হইয়া মধু ঘৃত ও আঙুরের রস বস্ত্রমধ্যে লুকাইয়া কারাগৃহে প্রবেশ করিতেন ও তথায় স্বামীকে খাওয়াইয়া স্বামীকে জীবিত রাখিয়াছিলেন। কিছুদিন পরে অজাতশত্রু কারাগারক্ষীকে পিতার কথা জিজ্ঞাসা করিয়া জানিতে পারেন যে তাঁহার মাতা গোপনে আহার দিয়া পিতার প্রাণরক্ষা করিতেছেন। তখন তিনি ক্রোধান্বিত হইয়া মাতাকে হত্যা করিতে যান। মন্ত্রীরা তাঁহার এই কার্য্যে বাধা দেন। তখন অজাতশত্রু মাতাকে কারাগারস্থ করেন। বুদ্ধদেব যখন মিথিলায় আগমন করেন, তখন তিনি তাঁহাকে ধর্ম্মের কথা শুনাইয়া তৃপ্তিদান করিয়াছিলেন।

সম্রাট যুধিষ্ঠির কর্তৃক অনুষ্ঠিত রাজসূয় যজ্ঞের সময় মধ্যম পাণ্ডব ভীম গণ্ডক ও দারশন রাজ্যের সহিত বিদেহ রাজ্যেও অধিকার করিয়াছিলেন।

শ্রীবিমলাচরণ লাহা।


কৃষ্ণবট

একরকমের অদ্ভুত বট (Ficus) আছে, তার নাম কৃষ্ণবট। প্রসিদ্ধ উদ্ভিদবিদ্যাবিৎ সি ডি কডোল সাহেব এই গাছ সম্বন্ধে অনেক গবেষণা করেছেন। তিনি এর নাম দিয়েছেন Ficus Krishna। এ বটের ইতিহাস বড়ই রহস্যজালে আবৃত। এ গাছ কোথা হ'তে এল, কেন এর নাম এরূপ হ'ল—এসব বিষয় আজ পর্য্যন্ত সঠিক জানা যায়নি। ইতিপূর্বে এই অদ্ভুত বটের কোন বিবরণ বাঙ্গালা ভাষায় প্রকাশিত হয়েছে বলে লেখকের জানা নেই। শব্দকল্পদ্রুম, বিশ্বকোষ বা অন্য কোন অভিধানেও এর বিবরণ দেখতে পাওয়া যায়নি। তাই পাঠকপাঠিকাগণের অবগতির জ্ঞে এ বটের সংক্ষিপ্ত বিবরণ এখানে প্রকাশিত হল।

এ বটের প্রধান বিশেষত্ব পাতায়। সাধারণ বটের (Ficus Bengalensis) পাতা চেপ্টা, কিন্তু এর পাতা ঠোঙ্গার মত। এ ঠোঙ্গাগুলিরও আবার বেশ একটু বিশেষত্ব আছে। অনেকেই দেখেছেন কোন কোন "বাহারপুর্গা" বা "পাতা-বাহারের" (Codiacum Variaga-

tum, যাকে সাধারণতঃ 'ক্রোটন' (Croton) বলে) পাতা আপনা-আপনি ক্ষুদ্র ক্ষুদ্র ঠোঙ্গার আকার ধারণ করে। আরও ২১টি গাছের পাতাও এরূপ ঠোঙ্গায় পরিণত হয়। সেসব ঠোঙ্গার পাতার মসৃণ ওপর দিকটা অর্থাৎ 'ধুক'টা থাকে ভিতর দিকে, কিন্তু কৃষ্ণবটের পাতার অদ্ভুত ঠোঙ্গাগুলিতে পাতার নীচের খস্খসে দিকটা অর্থাৎ 'পিঠ'টা থাকে ভিতরের দিকে। আর কোন গাছের পাতার স্বাভাবিক ঠোঙ্গার এরূপ উল্টা ব্যবস্থা আছে বলে জানা যায় নি।

এ বটের নাম কৃষ্ণবট হল কেন? এ প্রশ্ন মনে ওঠা স্বাভাবিক। এর কোনও অংশ কাল রঙের বলে' যে এ নাম হয়েছে তা নয়। প্রথম যখন এ বটের সন্ধান পাওয়া গিছিল তখন শোনা গিছিল যে, যে শ্রীরামচন্দ্রের রূপায় শিলা জলে ভাস্ত বলে' শোনা যায় সেই শ্রীরামচন্দ্রের রূপায় নাকি সাধারণ বটের (Ficus Bengalehsis) এরূপ অদ্ভুত পরিবর্তন হয়েছে। কিন্তু এ কথা কারও



Ficus Krishnae C. De.

কৃষ্ণবটের ডাল, পাতা, ফল, ফুল ও পরাগকোষ।

মনঃপূত হল না। তখন আর-এক প্রবাদ শোনা গেল যে নামটার সঙ্গে নাকি শ্রীকৃষ্ণের একটা সম্বন্ধ আছে—তাই নাকি তার নাম হয়েছে কৃষ্ণবট। প্রবাদ এই যে—শ্রীকৃষ্ণ যখন কংশের অত্যাচারে রাখালবেশে রাখাল ও গোপীদের মধ্যে বাস করতেন তখন গোপীরা স্নেহবশতঃ প্রতিদিনই তাঁর জন্ম বটের পাতার ঠোঙ্গায় ননী নিয়ে আসত। কিন্তু রোজই ননী গলে গিয়ে ঠোঙ্গার তলা দিয়ে পড়ে যেত দেখে শ্রীকৃষ্ণ বড় চটে গেলেন। তাই তিনি এক বট গাছের পাতাগুলিকে সেই থেকে স্বাভাবিক ঠোঙ্গার আকারে পরিণত করে দিলেন। আর সেই থেকেই ননী গলে পড়ে যাবার ভয় ঘুচে গেল। কিন্তু শ্রীরামচন্দ্র বা শ্রীকৃষ্ণ যিনিই এ ব্যবস্থা করে থাকুন, কেন যে পাতার বাহিরের খসুখসে দিকটা বাহিরে না দিয়ে ঠোঙ্গার ভিতরের দিকে দিলেন তা বুঝা দুষ্কর।

বাস্তবিকপক্ষেও অগ্নাত বটের তুলনায় কৃষ্ণবটের (Ficus Krishna) সঙ্গে সাধারণ বটের (Ficus Bengalensis) কতকটা সাদৃশ্য আছে। এজন্য প্রথমে উদ্ভিদবিজ্ঞাবিদগণের সন্দেহ হয়েছিল যে এ বট বোধ হয় সাধারণ বটেরই রূপান্তর মাত্র। কিন্তু উভয়েরই বিভিন্ন অংশ তুলনা করে দেখা গেল যে উভয়ের মধ্যে চের পার্থক্য আছে।

এ পর্য্যন্ত এ বট মাত্র কলিকাতার আশেপাশে দুই-একটি বাগানে বার্তীত অথ কোথায়ও পাওয়া গেছে বলে জানা যায়নি। প্রায় ২৫ বৎসর পূর্বে এ কৃষ্ণবট যখন উদ্ভিদবিজ্ঞাবিদগণের দৃষ্টিপথে পড়ে, তার পর থেকে তাঁরা এর উৎপত্তিস্থান নির্ণয় করবার জন্ম অনেক চেষ্টা করেছেন, কিন্তু আজ পর্য্যন্ত কিছু ঠিক করে উঠতে পারেননি।

প্রবাসীর পাঠকপাঠিকাগণের মধ্যে যদি কারও এ সম্বন্ধে কিছু জানা থাকে তবে তা অনুগ্রহ করে প্রবাসী-সম্পাদক মহাশয়ের ঠিকানায় জানালে লেখক তজ্জন্ম বিশেষ বাধিত হবে।

যাঁরা এ সম্বন্ধে আরও অধিক জানতে চান তাঁদেরকে ১৯০১ সালের Archives de Science Physiques et Naturelles, Ser. iv, vol. xii, ১৯০২ সালের Bulletin de l'Herbier Boissier এবং ১৯০৭ সালের Botanical Magazine দেখতে অনুরোধ করছি।

কৃষ্ণবট গাছের উচ্চতা প্রায় ১৫ ফুট হয়। নীচে অনেকগুলি মোটা শিকড় দেখা যায়।

অগ্নাত বটের তায় কৃষ্ণবটের দুগ্ধবৎ নির্যাস ও শুকালে আঠাবৎ পদার্থে পরিণত হয়। কিন্তু এই আঠা থেকে রবার তৈরী করা লাভজনক হবে কি না তা এখনও পরীক্ষা-সাপেক্ষ, কারণ কৃষ্ণবটের সঙ্গে বৈজ্ঞানিক জগতের পরিচয় বেশীদিনের নয়।

চিত্র-পরিচয়।—

A—একটি ডাল, B—একটি পাতা ও তার বিভিন্নস্থলে কর্তিত অংশের ছবি (পার্শ্বে অঙ্কিত) 1—পাতার নিম্নভাগের একাংশ, 2—পাতার উপরিভাগের একাংশ, 3-4—ফল বা 'ডুমুর'এর বহির্দৃশ্য, 5—ফলের ভিতরকার চেহারা, 6—পুষ্পগুচ্ছ, 7—পুষ্প, 8—পরাগ-কোষ। A ও B—অর্দ্ধায়তন, বাকী সমস্তই বড় করিয়া আঁকা। এই চিত্র Botanical Magazine থেকে গৃহীত হয়েছে। তজ্জন্ম লেখক উক্ত পত্রিকার অধ্যক্ষের নিকট ধন্যবাদ ও কৃতজ্ঞতা জ্ঞাপন করছে।

পিয়েমডি।

চলার বেগে

দিনের পানে রাত্রি চলে, আঁধার পানে আলো,
কে এই চলার পাণল নেশায় নিখিল মাতালো?
ফলের পানে ফুলের গতি, এই চলারি টানে,
মুকুল কাঁদে,—ফুল কতদূর?—গন্ধ-বিধুর গানে,
মাটির বুকের সুধার ধারা কোন্ সে পারাবারে
ছুট ছুট চপল ছয়টি ঋতুর রূপ-রসেরি ধারে!


সেই চলারি চিহ্ন কি এই জগৎ জুড়ে আগে,
পুষ্পে তুণে, লতায়-পাতায়? সাঁঝে, অরুণ-রাগে?
যে পথ দিয়ে যে গেছে তার দাগ গেছে যে রেখে,
নিখিল-বুকে প্রাণ জেগেছে এই চলারি বেগে।

শ্রীকবীকেশ চৌধুরী।

নূতন বাদশাহী আমলের কামান

অনসাধারণের বিশ্বাস ভারতবর্ষে কামান প্রথম বাবরকর্তৃক প্রচলিত হয়। এই বিশ্বাসের মূলে যে সত্য নাই, তাহা অতি সহজেই প্রমাণ করা যায়। আশ্চর্যের বিষয় এই যে এনসাইক্লোপিডিয়া ব্রিটানিকার মত জগন্মান্য কোষগ্রন্থেও এই ভ্রমাত্মক বিশ্বাস প্রতিধ্বনিত হইয়াছে। উহাতে লেফটেন্যান্ট-কর্নেল হাইম (Lieut.-Col. H. W. Hime) প্রণীত এবং ১৯০৪ খ্রীষ্টাব্দে প্রকাশিত “বাকুদ ও গোলাগুলি” (Gunpowder and Ammunition) নামক পুস্তক হইতে নিম্নে অনূদিত বাক্যাবলী প্রামাণ্য বলিয়া উদ্ধৃত হইয়াছে—“পানিপথের নিঃসন্দ্বিগ্ন-ফল (decisive) প্রথম যুদ্ধের তারিখ ১৫২৬ খ্রীষ্টাব্দের ২১শে এপ্রিলের পূর্বে

উক্তি প্রণিধানযোগ্য। পানিপথের যুদ্ধের তিনবৎসরের মধ্যে বাবর প্রায় সমস্ত উত্তর-ভারত দখল করিয়া ফেলেন। ১৫২৯ খৃঃ অব্দে বাঙ্গালাদেশের পাঠান সুলতানের সহিত তাঁহার সংঘর্ষ উপস্থিত হয়। গঙ্গা (বর্ধর) ও গঙ্গা নদীর সঙ্গমস্থলের নিকটে বাবর গঙ্গা পার হইবার উদ্যোগ করিলে বাঙ্গালী সেনা তাঁহাকে বিষম বেগে আক্রমণ করিয়া বিব্রত করিয়া তোলে। বাবর অনেক চেষ্টায় গঙ্গা পার হইতে সমর্থ হন বটে কিন্তু বাঙ্গালীর কামানের গোলাবৃষ্টি তাঁহাকে বিশেষ বিব্রত করিয়াছিল। বাবরের আত্মজীবনীতে এইস্থানে এইরূপ মন্তব্য লিপিবদ্ধ আছে—“বাঙ্গালীরা বিখ্যাত গোলান্দাজ। এই উপলক্ষে (অর্থাৎ গঙ্গাপার হইবার সময়)




বিজাপুরের কামান “মালিক-ই-ময়দান।”

ভারতবর্ষে বিক্ষোভক ব্যবহারের কোন বিশ্বাসযোগ্য সাক্ষ্য পাওয়া যায় না। এই যুদ্ধেই বাবর প্রথম ছোট ও বড় আগ্নেয়াস্ত্র সহায়ে ইব্রাহিম লোদির বাহিনী ছিন্নভিন্ন করিয়া ফেলেন এবং ইব্রাহিম লোদি যুদ্ধে হত হন।”


বাবরের একখানা আত্মজীবনকাহিনী আছে। ইহা অনেকবার অনূদিত হইয়াছে। শেষ অনুবাদ করেন মিসেস্ বেভারিজ। ইলিয়ট ও উশন সাহেবের দ্বারা সম্পাদিত —“ভারতীয়-ঐতিহাসিকগণ-লিখিত • ভারতের ইতিহাস” নামক সংগ্রহগ্রন্থেও এই পুস্তকখানা আংশিক অনূদিত হইয়াছে। উহার চতুর্থ খণ্ডের ২৮৫ পৃষ্ঠায় বাবরের নিজের

কামরা তাহাদের গোলান্দাজী বিশেষ লক্ষ্য করিয়া দেখিবার সুযোগ পাইয়াছিলাম। কোন নির্দিষ্ট স্থান লক্ষ্য করিয়া গোলা নিক্ষেপ করা তাহাদের অভ্যাস নহে, তাহারা ইচ্ছাপূসী গোলা ছাড়ে (তাহা শত্রুদলের যেখানেই গিয়া পড়ুক)।”

১৫২৭ খ্রীষ্টাব্দেই যদি বাবর ভারতে প্রথম কামান আনিয়া থাকিবেন তাহা হইলে বাঙ্গালীদের গোলান্দাজী সম্বন্ধে উক্তরূপ মন্তব্য তাঁহার আত্মজীবনীতে স্থান পাইত না। ১৫২৭ খ্রীষ্টাব্দে কামানের সহিত প্রথম পরিচিত হইয়া ১৫২৯ খ্রীষ্টাব্দেই বাঙ্গালীরা সেই পরিচয়ের বিশেষ প্রমাণ



বিজাপুরে দুর্গ-প্রাকারের উপরকার কতগুলি কামান।




বিজাপুরের কামান "লম্বছোড়ী।"

বাবরকে দিতে পারিয়াছিল, ইহা সম্পূর্ণই অসম্ভব। বস্তুতঃ ভারতে কামান-বন্দুকের প্রচলন ১৫২৯ খ্রীষ্টাব্দের বহুপূর্বেই হইয়াছিল। এক হিসাবে ধরিতে গেলে, কামান-বন্দুকের প্রয়োগ খে বহু প্রাচীন কাল হইতেই জানা ছিল তাহার প্রমাণ পাওয়া যায়। এমন কি শুক্রনাতির গ্রাম প্রাচীন প্রামাণ্য গ্রন্থেও বন্দুক-কামানের অতি আশ্চর্য্য পুস্তানুপুস্ত বর্ণনা পাওয়া যায়। আগ্নেয়াস্ত্র ব্যবহারে বীরত্ব নাই অগচ বহু লোকস্বয়ং হয় বলিয়া মনুষ্যত্ব হিসাবে তাহার যদৃচ্ছা প্রয়োগ নিষিদ্ধ ছিল। স্বয়ং মনু পর্য্যন্ত স্পষ্ট ভাষায় আগ্নেয়াস্ত্রের ব্যবহার নিষেধ করিয়া দিয়াছেন। কিন্তু এই বিষয়ে বিস্তৃত আলোচনার স্থান ইহা নহে। পানিপথ-যুদ্ধে কামানের সাহায্যেই বাবর নিঃসন্দেহ জয়লাভ করিতে সমর্থ হইয়া-

ছিলেন। তদবধি মোসলমান আমলের সমস্ত যুদ্ধ-বিগ্রহেই গোলাগুলির ব্যবহার একরকম অনিবার্য্য হইয়া পড়ে। এখন পর্য্যন্ত ভারতের বহু স্থানে বহু বড় বড় কামান তাহাদের বিশাল দেহ লইয়া পড়িয়া রহিয়াছে এবং নীরবে মোসলমান রাষ্ট্রের জয়কীর্তির সাক্ষ্য দিতেছে।

প্রকাণ্ড প্রকাণ্ড কামানের মধ্যে বিজাপুরের অতি প্রসিদ্ধ বিপুলমূর্তি "মালিক-ই-ময়দান" (যুদ্ধক্ষেত্রের অধীশ্বর) নামক কামানটি বিশেষ উল্লেখ-যোগ্য। ইহা পিতল ঢালাই করিয়া প্রস্তুত। ইহা লম্বায় ১৪ ফুট ৪ ইঞ্চি। ব্যাস ৪ ফুট ১১ ইঞ্চি; পরিধি ১৩ ফুট ৭ ইঞ্চি; মুখের ছিদ্রের ব্যাস ২ ফুট ৪ ইঞ্চি; ওজন প্রায় ১৫০০ মণ। ১৫৪৯ খ্রীষ্টাব্দে মহম্মদ বিন হুসেন নামক এক ব্যক্তি এই কামানটি প্রস্তুত করে।




ঢাকা যাদুঘরে রক্ষিত কলগুলি "দেওয়ানবাগ" কামান।

১৮২৯ খ্রীষ্টাব্দে মালিক-ই-ময়দান একবার দাগা হইয়াছিল। সেই ব্যাপারটি কৌতূহলপূর্ণ; সমসাময়িক খবরের কাগজ হইতে নিম্নে তাহার একটি বর্ণনা প্রদত্ত হইল— "বিজাপুর নগরের দক্ষিণদিকমাংশের বুকজের উপরে স্থিত এই প্রকাণ্ড কামানটিতে রাজার আদেশে বারুদ ভরা হইয়াছিল। প্রায় এক মণ বারুদ লাগিয়াছিল; সন্ধ্যার সময় দাগা হয়। বারুদগুলো খুব উৎকৃষ্ট ছিল না; কাজেই এত ধূম উদগীরণ হইয়াছিল যে তাহা দেখিতে নিতান্তই বিস্ময়জনক হইয়াছিল। ধূমের তুলনায় শব্দ তত ভীষণ হইল না। ৪২ পাউণ্ড গোলা নিক্ষেপকারী কামানের শব্দ হইতে ইহার শব্দ উচ্চতর হইল না। দাগিবার বেগে কামানটি যাইয়া প্রাচীরগাত্রে সজোরে প্রতিহত হইয়াছিল কিন্তু কোন অংশ ভগ্ন হয় নাই। এই কামান দাগা ব্যাপারে নগরের অধিবাসীরা বড়ই বিপদ আশঙ্কা করিয়াছিল; অনেকে স্ত্রী পুত্র লইয়া ১০।১৫ মাইল দূরে পর্যন্ত পলাইয়া গিয়াছিল এবং

বহু দোকানদার দোকান বন্ধ করিয়া নগরপ্রাচীর ত্যাগ করিয়া দূরে চলিয়া গিয়াছিল।" (বোধে কুরিয়ান হইতে ১৮২৯ খ্রীষ্টাব্দের এসিয়াটিক জার্নেল ও মাসুলো রেজিষ্টার কর্তৃক উদ্ধৃত একখানা পত্রের অংশ)। ইহার পরে রাজকর্মচারীরা এই "মালিক-ই-ময়দান" দুই-তিন বার দাগিয়াছেন। শেষ বারে ইহার ভাষণ গর্জনে অপরপার্শ্বস্থিত হাসপাতালের গবাক্ষের কাচ ভাঙ্গিয়া গিয়াছিল।

এতদ্ব্যতীত বিজাপুরে লোণ্ডা কোর্শব দুর্গোপরি আর দুইটি অতিকায় কামান আছে। তাহার একটির দৈর্ঘ্য মালিক-ই-ময়দান হইতেও বড়। উহা ২১ ফুট ৭ ইঞ্চি লম্বা; পিছনের ব্যাস ৪ ফুট ৪ ইঞ্চি, মুখের ব্যাস ৪ ফুট ৫ ইঞ্চি; চুঙ্গির দৈর্ঘ্য ১৮ ফুট ৭।০ ইঞ্চি; চুঙ্গির ছিদ্রের ব্যাস ১ ফুট ৭।০ ইঞ্চি; ওজন ৪৭ টন বা ১৪০০ মণ। ইহার নিকটে আরও একটি ছোট কামান পড়িয়া রহিয়াছে। তাহার নাম কাচাবাচ্চা (শিশু)।



ঢাকার কামান "কালুমকম"।


বিজাপুরে সর্কাপেক্ষা বৃহৎ কামানটির নাম 'লম্ব-ছাড়ি'। ইহার দৈর্ঘ্যে ৩০ ফুট ৭ ইঞ্চি; ব্যাস ৩ ফুট ২ ইঞ্চি; চুঙ্গির ছিদ্রের ব্যাস ১ ফুট। ইহার নিকট আরও একটি কামান আছে। উহা লম্বায় ১৯ ফুট ১০ ইঞ্চি; চুঙ্গির ছিদ্রের ব্যাস ৮ ইঞ্চি। এইসমস্ত কামানই লৌহনির্মিত, কিন্তু ঢালাই করা নহে। চতুষ্কোণ লম্বা লম্বা লৌহদণ্ডসকল কোন লম্বা চুঙ্গির উপর ঘনবিহীন করিয়া রাখিয়া তাহার উপর লাল উত্তপ্ত লৌহবলয়সকল একটার পর আর-একটা সংলগ্ন করিয়া পিটাইয়া বসান হয়। এইসকল ঠাণ্ডা হইলেই অতি সুদৃঢ় আবরণ হয়। এই প্রকারেই এই সুদৃঢ় কামান প্রস্তুত।

বিজাপুরের এইসকল কামানের তুল্য একটি কামান ঢাকায় ছিল। দুর্ভাগ্যবশতঃ তাহা নদীতে পড়িয়া গিয়াছে। বুড়ীগঙ্গার পাড়ের যে স্থানে এই কামানটি বসান ছিল,

জলস্রোতে ক্রমশঃ তাহার নিম্নদেশ ক্ষয়িত হওয়াতে পাড় ভাঙ্গিয়া কামানটি নদীগর্ভে পতিত হয়; আর তাহার উদ্ধার করা হয় নাই।

এই কামানটি বিজাপুরের কামানগুলার ত্রায় লৌহদণ্ড-নির্মিত ছিল। ইহার দৈর্ঘ্য ছিল ২২ ফুট ১০।০ ইঞ্চি; পিছন দিকের ব্যাস ৩ ফুট ৩ ইঞ্চি; মুখের দিকের ব্যাস ২ ফুট ২।০ ইঞ্চি; চুঙ্গির ছিদ্রের ব্যাস ১ ফুট ৩।৫ ইঞ্চি; ওজন ৭৭০ মণ। একটি গোলার ওজন ৫।০ মণ। নির্মাতা কালু কামারের স্ত্রীর নামানুসারে ইহার নাম রাখা হইয়াছিল 'মরিয়াম'।

এসকল হইতে ক্ষুদ্রতর কামান ভারতের সর্বত্রই দেখা যায়। আগ্রার প্রকাণ্ড কামানটি ৯ ফুট ৬ ইঞ্চি লম্বা; ব্যাস ৩ ফুট। মুখের নলের ব্যাস ১ ফুট ১০।০ ইঞ্চি; ওজন ৩৩৪ মণ।




কামানের গায়ে কারসী ভাষায় উৎকীর্ণ-লিপি।

বাঁকুড়া জিলার ঝিকুপুরের দলমাদল কামান ১২ ফুট ৫।০ ইঞ্চি লম্বা ; মুখের ব্যাস ১১।০ ইঞ্চি।

ঢাকায় বুড়ীগঙ্গার তীরে বর্তমানে কালু-ঝমঝম নামক একটি কামান আছে। উহা ১৬ ফুট লম্বা ; ব্যাস ২ ফুট ৩ ইঞ্চি ; মুখের নলের ব্যাস ৬ ইঞ্চি। কথিত আছে যে কালু কামার নামক একব্যক্তি এই কামানটি এবং পূর্বকথিত অতিকায় কামানটি নির্মাণ করিয়াছিল। নির্মাতার নামানুসারে ইহার নাম কালু-ঝমঝম রাখা হয়। এই কালু-ঝমঝম যদিও পূর্বকথিত “মরিয়াম” হইতে ক্ষুদ্রতর, তথাপি পূর্ববঙ্গে কালু-ঝমঝমও যথেষ্ট পসিদ্ধি লাভ করিয়াছে। ঢাকা সহরে কোন আগন্তুক আসিয়া এই কামানটি না দেখা পর্য্যন্ত সহরের সমস্ত দ্রষ্টব্য দেখা হইয়াছে বলিয়া মনে করে না। এইটি বহু

দিন পর্য্যন্ত নদীর পারে সোয়ারী-ঘাট নামক স্থানে ছিল। ১৮৩২ খ্রীষ্টাব্দে ঢাকার তদানীন্তন মেজিষ্ট্রেট মিঃ ওয়াল্টার্স লোকের দেখিবার সুবিধা হইবে বলিয়া, ইহাকে চক-বাজারে আনিয়া রাখেন। পরে ১৯১৬ খ্রীষ্টাব্দে আবার প্রকাশ স্থানে সদর-ঘাটে আনিয়া রাখা হইয়াছে।

ঢাকা-যাহ্নবরে অনেকগুলো ছোট ছোট কামান আছে ; এইসকল কামান পিতল এবং লোহে নির্মিত ; নৌযুদ্ধে ইহাদের ব্যবহার হইত। ইহার মধ্যে ৭টি লক্ষ্যানদীর পাড়ে দেওয়ানবাগ নামক স্থানে পাওয়া গিয়াছে। দেওয়ানবাগ নারায়ণগঞ্জের ৪ মাইল উজানে। এই দেওয়ানবাগ মনোয়ার খাঁর রাজধানী ছিল। মনোয়ার খাঁ বারভূঁয়াদের মধ্যে প্রসিদ্ধ ইশা খাঁর পৌত্র। দিল্লীর আকবরের রাজত্বে এই



দেওয়ানবাগ কামানের গায়ে বাংলা অক্ষরে স্মৃতি খাঁর উৎকীর্ণ লিপি।

বারভূঁয়ার বীরত্বেই বাঙ্গলায় মোগলেরা বেশী আমল প্রাপ্ত এই কামানগুলি মনোয়ার খাঁর ছিল। কেননা দুই পায় নাই। এই মনোয়ার খাঁ পরে ঢাকার শায়েস্তা খাঁর একটি কামানের গায়ে মনোয়ার খাঁর পিতামহ ইশা খাঁর নাম অধীনে নৌসেনাধ্যক্ষের পদ গ্রহণ করিয়া প্রসিদ্ধি লাভ বাঙ্গলা অক্ষরে খোদা আছে। একটি কামানের উপর করেন। শায়েস্তা খাঁ তাঁহার নৌসেনার সাহায্যেই মগদের হুমায়ুন-বিজয়ী শেরশাহের নাম খোদিত আছে। হাত হইতে চাটগাঁ জয় করিতে সমর্থ হন। দেওয়ানবাগে শ্রীনগিনীকান্ত ভট্টশালী।

ক্ষণের সঙ্গী

ক্ষণিক যারা এক নিমিষের সাথী,
ক্ষণিক যারা অচিন পথের চেনা,
যাদের সাথে কাটল প্রহর রাত,
যাদের সাথে চোখের লেনা-দেনা ;

পথের ধারের বনের হরিণ যত
চকিত চেয়ে পলায় যারা ছুটে,
গবাক্ষের বদন-কমল মত
লাজুক যারা ফুটেই পড়ে টুটে ;

মরুর পথে শিরীষবনের ছাওয়া,
ঘোমটা-ঢাকা মুখের চপল হাসি,
শিষ দিয়ে ওই শ্রামার উড়ে যাওয়া,
উড়ন্ত ওই কদম-রেণুরাশি ;

আগন্তুক ওই পলাতকের দলে
নিমেষ মাঝে আলাপ করে' যায়,
ঠাই-ঠিকানা কিছুই নাহি বলে
ক্ষণিক ভিড়ে নিরুদ্ধেশে ধায়।

কোথায় কালের অতিথ্যালে ছায়
সবাই তারা রাত্রি করে বাস,
ধর্মশালার বাউল গীতি গায়,
দেখতে ফিরে হয় যে বড় আশ।

বুঝতে নারি কোথায় তাদের ঠাই
হিমালয়ে ভূর্জবনের ছায়,
সে কোন্ মহা কুস্তমেলায় ভাই
আবার তাদের নাগাল পাওয়া যায় ?

শ্রীকুমারদত্ত মল্লিক ।

রজনীগন্ধা

(১৭)

গ্রীষ্মকালের সূর্য্য এত সকালেই বা ওঠে কেন, আর তাহার সঙ্গে মানবশিশু পাল্লা দিতে না পারিলেই বা তাহার মা-বোনেরা এমন অনাবশ্যক চটিয়া ওঠে কেন, তাহা লালু অনেক ভাবিয়াও স্থির করিতে পারিতেছিল না। ছোড়্দিটার এবার গ্রীষ্মের ছুটিতে বাড়ী আসিয়া বড়ই আস্পর্দা বাড়িয়াছে; কথায় কথায় মারিবার জন্ত হাত উঠাইয়া আসে। পিতা-মাতার অবিচারে লালুর উল্টিয়া তাহাকে দু' বা দিবার পথটাও বন্ধ। ছোড়্দি নাকি এখন বড় হইয়া গিয়াছে, তাহার গায়ে হাত তোলা নাকি ভদ্রসম্মানের সম্পূর্ণ অসুচিত কাজ। মন্দ যুক্তি নয়, মারিবার বেলা বড় হওয়ার কথাটা মনে থাকে না, না ?

“এই লালু, আমার নিব্, আর কলম তুই বুঝি কিছুতেই কিনে দিবি না ?”

লালু মুখ ভাঙাইয়া বলিল, “না দেবোই না ত। নিজের জিনিষ নিজে গিয়ে কিনে আননা।”

“তোমার আজকাল বড় বাড় বেড়েছে, কথায় কথায় মুখ ভাঙানি! নেহাৎ বাবা রাগ করেন, তা না হলে উচিত শিক্ষা দিতাম। ভাল চাও ত যাও বলছি।”

“তুমি ভাল চাও ত চুপ কর, শিক্ষা দিতে এলে তার চেয়েও ঢের বেশী শিক্ষা নিজে পেয়ে যাবে, তা জেনে রেখো। এইস্নো, আমার কলমে হাত দেবে না, বলছি।”

ভ্রাতা-ভগিনীতে দ্বন্দ্বযুদ্ধটা আর মিনিট দুইয়ের মধ্যে বেশ জমিয়া উঠিত, হঠাৎ দরজার কাছে মানুষের পায়ের শব্দে দুজনেই লজ্জিত হইয়া থামিয়া গেল। যে আসিয়া দাঁড়াইয়াছিল, সে চিন্ময়। এতক্ষণে অবকাশ পাইয়া জিজ্ঞাসা করিল, “ব্যাপারটা কি হচ্ছিল শুনি? লালু মিনুকে জিন্ম-শ্রাস্টিক শেখাচ্ছিল নাকি, না কুস্তি ?”

মেনকা একেবারে সে-দেশ ছাড়িয়া ছুটিয়া পালাইল। তাহার মুখের ভাব দেখিয়া লালু খুসি না হইয়া পারিল না। আচ্ছ! জব্দ হইয়াছে ছোড়্দিটা। চিন্ময়দার সামনে সাধু সাজিয়া কেমন থাকা হয়, আজ ত নিজমূর্ত্তি ধরা পড়িয়া

গেল। চিন্ময়ের কথার উত্তরে বলিল, “মেয়েরা আবার কুস্তি জিন্মশ্রাস্টিক শিখে কি করবে ?”

চিন্ময় বলিল, “মেয়েরা আজকাল সবই শিখছে, ছদিন পরে তোমাদেরই রান্নাঘরে ঢুকতে হবে, তারা কেবল ফুট বল গল্ফ্ খেলে আর ভোট দিয়ে দিন কাটাবে। তা তোমার ভাবনা নেই, রান্নাবান্না ত একরকম জানাই আছে, না ?”

তাহাকে একরকম কচি খোকার মত স্ক্যাপাইবার চেষ্টাতে লালুর রাগও হইল, হাসিও পাইল। চিন্ময়দাও দেখি মা-বাবারই দলের! তাঁহাদের মতে পৃথিবীর সব লোকই বাড়ে, গণ্যমান্ত সম্মানের উপযুক্ত হয়,—এমন কি ছোড়্দিও,—কেবল লালুই চিরকাল ছোট থাকিয়া যায়। তাহাকে স্বচ্ছন্দে মারা চলে, স্ক্যাপান চলে, যা খুসি তাই করা চলে। যাক গে, তাহাকে ছোট মনে করিলেইত আর সে সত্যসত্যই ছোট থাকিয়া যাইবে না? চিন্ময়ের ঠাট্টার উত্তরে একান্ত অবজ্ঞাসূচক হাসি হাসিয়া সে ঘরে ইতস্তত বিক্ষিপ্ত বই খাতা কলম পেন্সিল সব আবার গুছাইয়া রাখিতে লাগিল। চিন্ময় সেখান হইতে বাড়ীর গৃহিণীর সন্ধানে চলিল।

তিনি তখন রান্নাঘরের সামনের সরু বারান্দায় বসিয়া তরকারি কুটিবার জোগাড় করিতেছিলেন। মেনকা সেইখানে বসিয়া শাক বাছিতেছিল, সঙ্গে সঙ্গে তাহার বক্তৃতাও বেশ চলিতোছিল। চিন্ময়কে আবার এদিকে আসিতে দেখিয়া, “ঐ যা, তোমার ডাল উথলে পড়ল,” বলিয়া সে চট করিয়া রান্নাঘরের ভিতরে ঢুকিয়া পড়িল।

তাহার লজ্জার বটা দেখিয়া চিন্ময়ের হাসি পাইলেও সে গম্ভীরমুখেই আসিয়া বারান্দার কেণে ভাঙা মোড়ার উপর বসিয়া বলিল, “কেমন আছেন সব? পরন্তু যদিও এসোঁছ কিন্তু এপর্যন্ত কাজের উৎপাতে একবার বেয়তেও পাইনি।”

গৃহিণী মুখ তুলিয়া বলিলেন, “হ্যাঁ বাবা, ভগবানের রূপায় ভালই সব একরকম। দিদি ভাল আছেন? ও ভাঙা মোড়াটাতে বসলে কেন? ও মিনু, রান্নাঘর

থেকে একটা পিঁড়ে-টিঁড়ে দে ত ? কি করছিস গরমে আশুন-তাতে বসে ?”

চিন্ময় বলিল, “মিহুর দেখছি আজকাল বড়ই গৃহকর্ণে মন হয়েছে। সেধে গিয়ে রান্নাঘরে ঢুকেছে। ভাল, ভাল।”

মেনকার মা হাসিয়া বলিলেন, “হ্যাঁ গৃহকর্ণে মন ত কত, তার চেয়ে ভাইয়ের সঙ্গে মারামারিতে মন ঢের বেশী। কি খেয়াল হয়েছে, গিয়ে ঢুকে বসে আছে। ক্ষণে ওর বয়সে ছুবেলা সংসারের সব কাজ এক হাতে করেছে।”

মাতার আহ্বানে মেনকা একখানা পিঁড়ি বেশ ভাল করিয়া ঝাড়িয়া মুছিয়া হাতে করিয়া বাহির হইয়া আসিতেছিল। এমন সময় শেষোক্ত কথাগুলি তাহার কানে আসিয়া লাগিল। রাগে ক্ষোভে তাহার চোখে জল আসিবার উপক্রম হইল। পৃথিবীতে কেহ কি কখনও ভাইয়ের সঙ্গে এর আগে মারামারি করে নাই নাকি, যে, যে আসিবে তাহাকেই এমন আশ্চর্য্য খবরখানা দিতে হইবে ? মায়ের যদি কোন বুদ্ধি আছে, ঘরের যেখানের যত খবর সবাইকে কেন যে বলা ? দিদি না-হয় খুবই গুণবতী, তাহা হইলেও মেনকার বয়সে একবারও সে দাদার সঙ্গে মারামারি করে নাই নাকি ?

চিন্ময় চোখ তুলিয়া মেনকার ক্রোধারক্ত মুখ দেখিয়া বলিল, “কি খবর, পড়াশুনো কেমন চলছে ? হাফইয়ার্লির ভাবনা এখন থেকে ভাবছ নাকি, মুখ যে বেজায় গম্ভীর ?”

মেনকা গাঙ্গুর্য্যের বিন্দুমাত্রও হানি না করিয়া বলিল, “আমাদের মত বোকা লোকের অত পড়ার ভাবনা নেই। আমরা পড়লেও যা, না পড়লেও তা, তা হলে আর ভেবে মরি কেন ? দিদির মত ভাল মেয়ে হলে না-হয় কথা ছিল।”

তাহার কথার ঝাঁঝে চিন্ময় হাসিয়া ফেলিয়া বলিল, “তাই নাকি ? তোমার ত খুব সকাল সকাল দিব্যদৃষ্টি খুলে গিয়েছে দেখছি। তোমার অসাধারণ ভাল মেয়ে দিদিটির খবর কি ? কেমন আছেন তিনি ?”

মেনকা আবার বসিয়া পড়িয়া শাক বাছা শুরু করিল। বলিল, “কি জানি, সে কি আর চিঠিপত্র লেখে আমাকে যে আমি বলব ? মায়ের কাছে চিঠি আসে, মাই জানেন।”

মা বলিলেন, “নে নে থাম, কথা একবার শোনাতে পারলে হয়। মেয়ে আর কিছু চায় না তা হলে। ক্ষণে

আছে ভালই ত লিখেছে, দিন পনেরো-কুড়ির মধ্যেই চলে আসবে বোধ হয়। শরীর বেশ সার্বছিল ওখানে, তা যা আমাদের দশা, আরো যে ছমাস রাখব তার জো নেই। এর পর এসে আবার কাঁধের জোয়াল কাঁধে নিতে হবে ত ? যা চেহারা হয়েছিল মেয়ের, দেখে বুকের ভিতর আমার শুকিয়ে উঠত। ভগবানের ইচ্ছায় একটু যে সেরেছে সেই ঢের। অত শীতে আমার পাঠাবার ত ইচ্ছে ছিল না, তা সবাই বললে—শীত হলে কি হয়, পাহাড়ে শরীর সারে খুব, মেয়েও জেদ ধরল, তাই পাঠালাম।”

চিন্ময় জিজ্ঞাসা করিল, “আবার কি অনাদিবাবুর ওখানের সেই কাজেই যাবে নাকি ?”

মেনকা তাহার মাকে উত্তর দিবার কোনো অবসর না দিয়াই বলিয়া উঠিল, “আহা, সে যেন ইস্কুলের কাজ আর-কি, তাই ছুটির পরে ঠিক সময় গাড়া এসে দাঁড়াবে ? গিন্নিপনা করার ভার আসল লোকেই নিয়েছে, তার আর দিদির দরকার কি ? তাকে ত আর বসে বসে মুখ দেখবার জন্তে কেউ একশো টাকা করে মাইনে দেবে না ?”

তাহার মা বলিলেন, “তা না দেখ, না দেবে। আমরা ত আর সাধুছি না ? ওরা নিজেরাই লিখেছিল যে ছুটি ফুরলেই আসতে, তাই বলছি। আর বড়মানুষের বৌঝিরা কত কাজের তা ত জানাই আছে আমার, তারা ঘরে বসে গিন্নিপনা করলে ত ?”

মেনকা খিলখিল করিয়া হাসিয়া গড়াইয়া পড়িল, “মা যে কি অদ্ভুত কথা বলেন—ঠিক হিন্দু বাড়ার বড়ী গিন্নিদের মত ! তুমি বুদ্ধি ভেবেছ মনোজাদি সারাদিন জুতো-মোজা আর কুঁচিয়ে শাড়ী পরে চেয়ারে বসে থাকেন ? তাঁকে দেখলে আর বলতে না। এত কাজ তিনি জানেন !”

তাহার হাসিতে যোগ দিয়া তাহার মা বলিলেন, “তা যেমন মানুষ, তেমনি কথা বলি। বড়ী গিন্নি ত বটেই, আর জন্মেছিলামও হিন্দু সমাজেই। নেহাৎ তোর বাবা টেনে আনলেন, তাই ত এলাম।”

“ভাগ্যে এসেছিলেন, তা না হলে এতদিন আমাদের কি যে হত ! মাগো।”

চিন্ময় বলিল, “কেন, বেশ ত হত। আমার ত মনে হচ্ছে ‘কি’টা হলে তুমি খুসিই হতে।”

“এ রাম, কি যে যা-তা কথা বলেন আপনি! ভারি আফ্লাদ বেড়েছে আপনার, না? অমন করলে আর আপনার সঙ্গে কথা বলব না।”

“নাও বাছা, পাগলীকে আর ক্ষেপিও না,” বলিয়া কোটা তরুকারির খালা লইয়া গৃহিণী রান্নাঘরে ঢুকিয়া পড়িলেন। মেনকা মুখখানাকে যথাসম্ভব গস্তীর করিয়া ডালার তরুকারি লইয়া নাড়াচাড়া করিতে লাগিল।

চিন্ময় বলিল, “তোমার দিদি গিয়ে অবধি একটাও চিঠি লেখেনি তোমাকে?”

মেনকার রাগের বা রাগের অভিনয়ের পালা তখনও শেষ হয় নাই। সে ঝাঁঝিয়া বলিয়া উঠিল, “জানি না, আপনার মত আমার ত দিদির ভাবনায় ঘুম হচ্ছে না আর কি!”

চিন্ময় উঠিয়া পড়িয়া বলিল, “না, তা ঘুম মাঝে মাঝে হয় বই কি। আচ্ছা বাই এখন।”

মা রান্নাঘরে কাজে ব্যস্ত, চিন্ময়-দাও চলিয়া গেল, অগত্যা মেনকা উঠিয়া লাঙ্গুর সন্ধানে চলিল। সে হতভাগাও এরি মধ্যে ঘর ছাড়িয়া পলাইয়াছে। কেন যে মানুষে পৃথিবীতে স্রীলোক হইয়া জন্মায়। পুরুষ-মানুষের মত তাহাদের নিজ কলম খাতা সবই দরকার অথচ তাহাদের মত সোজাসৃজি কিছুই সংগ্রহ করিবার উপায় নাই। দিদিটা আসিবে যে কবে। লাঙ্গু বাঁদরটা তবু দিদি থাকিলে একটু পদে থাকে। নারাজনের অশেষ দুঃখে কাতর হইয়া মেনকা দিদিকে চিঠি লিখিতেই বসিয়া গেল। তাহার মনটা দুঃখের বর্ণনা করিতে করিতে সত্যসত্যই বেশ ভার হইয়া আসিল।

এমন সময় প্রবোধ ঘরে ঢুকিয়া বলিল, “মিনি, কি করছিস্ রে? আমার গেঞ্জিতে ছুটো বোতাম লাগিয়ে দে। দে এখন, আবার আফিসের বেলা হয়ে যাবে।”

“বাপ্ৰে বাপ, তোমাদেরি কাজ আছে, আর আমাদের নেই কিছু নাকি? দিদির চিঠিটাও শেষ করতে দিলে না, আজ আর তা হলে যাবে না।”

“নে নে ভারি লাট-সাহেবের ডেস্প্যাচ লিখছেন মেয়ে। চিঠি থাক এখন, দিদিকে হাতে করেই দিস্, কতই বা আর দেবি হবে?”

মেনকা বিম্বনী সূক্ষ মাথাটা সম্বোরে দোলাইয়া বলিল, “আহা কি সময়ের জ্ঞান গো তোমার! পনেরো দিন আর পনেরো ঘণ্টা ঠিক সমান, না?”

প্রবোধ বলিল, “মেলা বক্বক্ করিস্ নে। একটা বোতাম লাগাতে বললাম তা সুরেন বাঁড়, যেন মত লেকচার দিতে বসল। পনেরো দিন, না তোর মাথা! ক্ষণিত কাল সকালেই আস্ছে, এই টেলিগ্রাম এল।”

মেনকা একটানে ফড়ফড় করিয়া নিজের অর্কলিখিত চিঠিখানা ছিঁড়িয়া ফেলিয়া বলিল, “সেটা আগে বললে কি চণ্ডী অশুক হয়ে যেত তোমার?” এই বলিয়া প্রবোধের গেঞ্জিটা তুলিয়া লইয়া সশব্দে পা ফেলিয়া সে বাহির হইয়া গেল। সংসারের সব ক’টা মানুষ যেন ছোট করিয়া আজ তাহার পিছনে লাগিবে বলিয়া স্থির করিয়াছে।

“না শুন্ছ? আমি ত চিন্ময়দাকে বলে দিলে যে দিদি কুড়ি দিন পরে আস্বে। তিনি যে কালই আস্ছেন?”

“কে বললে তোকে?”

“কে আবার বলবে? টেলিগ্রাম এসেছে, তা দাদা সেখানাকে সম্বলে পকেটে নিয়ে ঘুরে বেড়াচ্ছেন পাছে কেউ দেখে ফেলে। বোতাম লাগানো নিয়ে ঝগড়া করতে গিয়ে নেহাৎ কথাটা বেরিয়ে পড়ল।”

তাহার মা কড়াটা উনান হইতে নামাইয়া রাখিয়া প্রবোধের কাছে সঠিক খবর জানিতে চলিলেন। মেনকা সেইখানে বসিয়া প্যাট্ প্যাট্ করিয়া কাপড়ের ভিতর ছুঁচ চালাইয়া মনের রাগটা খরচ করিতে লাগিল। বিশ্বসংসারের উপর আজ কি কারণে জানি না তাহার বাগ ধরিয়া গেল।

পরদিন সকালে উঠিয়া তাহার অন্ন একটু ভাল লাগিল। পাছে ষ্টেশনে তাহার যাওয়া না যাওয়া লইয়া কোনো কথা উঠে, সেই সম্ভাবনাতেই সে সবার আগে কাপড়-চোপড় পরিয়া পরম ব্যস্তভাবে প্রবোধের কাছে গিয়া বলিল, “বা রে! দিদিকে কেউ আনতে যাবে না নাকি?”

সে বলিল “তুই ত যাচ্ছিস্, তা হলেই হল।”

“আহা তা হলেই যদি হত, তবে আর তোমায় বলতে আস্ত কে? যাবে কি না বলনা?”

তাহার মা ঘরে আসিয়া বলিলেন, “যাবে বাপু যাবে, সবাই যাবে, সকালে উঠেই চেঁচামেচি শুরু করো না।”

প্ল্যাটফর্মে পৌছিয়া দেখা গেল ট্রেন আসিতে তখনও দেরি আছে। প্রবোধ বলিল, “এখানে সঙের মত দাঁড়িয়ে থাকতে পাবি না, যা ওয়েটিংরুমে বস্গে যা, গাড়ী এলে ডাক্বে।”

মেনকা বলিল, “দূর ছাই, দাদার সঙ্গে আবার মানুষে আসে! এখন সেই পচাগন্ধগালা ঘবে গিয়ে বসে থাকি। কেন যে এলাম। চিন্ময়দা থাক্বে বেশ বেড়াতে দিতেন। লালু, আয়না আমার সঙ্গে।”

লালু বলিল, “থাক্ না, অতয় আর কাজ কি? শেষে জরিমানা দিয়ে মরি, মেয়েদের ওয়েটিংরুমে ঢুকে।”

“যা, যা, ভারি পুরুষ হয়েছেন, পরশু অবধি হাফটিকিটে বিনা-টিকিটে যেতেন, ওর আবার কথা শোন।”

সৌভাগ্যক্রমে ট্রেনটা এই সময় আসিয়া পড়াতে তাহাকে আর পচা ঘরে ঢুকিতে হইল না, দরজা অবধি গিয়াই সে ফিরিয়া আসিল। লালু বলিয়া উঠিল, “ঐ যে দিদিকে দেখা যাচ্ছে, দরজার কাছে দাঁড়িয়ে, কই কিছু এমন ত মোটা হয়নি?”

মেনকা বলিল, “দূর বোকারাম, আগে নামতেই দে! এমন মোটা হবে যে তুই এত দূর থেকে বুঝতে পারবি? তা হলেই হয়েছে আর কি!”

ক্ষণিকা নামিয়া পড়িতেই লালু ছুটিয়া গিয়া তাহাকে প্রণাম করিল। মেনকার দিদিকে প্রণাম করা বিশেষ অভ্যাস ছিল না, তবু লালুর ভক্তির আতিশয্যে বাধ্য হইয়া তাহাকেও কোনোমতে একটা প্রণাম করিয়া ফেলিতে হইল। মাথা তুলিয়াই বলিল, “কই, কি এমন সারলে? ভারি যে ঘটা করে মাকে লিখে পাঠাতে? কেবল গালের কাছটা একটু লাল হয়েছে।”

লালু সুবিধা পাইয়া বলিল, “তবে কি আগাগোড়া ‘সব লাল’ হয়ে যাবে নাকি? এ কি ভারতবর্ষের ম্যাপ পেয়েছ?”

ভাইবোনের ঐতিহাসিক আলোচনা শুরু হইতে না হইতেই প্রবোধ তাহাদের লইয়া গাড়ীতে উঠিয়া পড়িল। গাড়ী চলিতে আরম্ভ করিতেই ক্ষণিকা বলিল, “চিন্ময়দা কি এখানে নেই নাকি?”

মেনকা বলিল, “থাক্বেন না কেন? তা তিনি খটরীডিং জানেন বলে ত আর গুনতেও জানেন না? কালই বেচারী

তোমার খবর নিস্তে এসেছিলেন, তা মা তাঁকে বলে দিলেন তুমি কুড়ি দিন পরে আসবে। তিনি আর জান্বেন কি করে তাহলে?”

প্রবোধ মুখখানা বিকৃত করিয়া বলিল, “এইবার খবরের কাগজে arrival, departureএর নোটিশ ছাপিয়ে তবে পথে বেরিয়ে। তা হলেই অভ্যর্থনা করবার যথাযোগ্য লোক হাজির থাক্বে।”

ক্ষণিকা চুপ করিয়া রহিল দেখিয়া লালু-মেনকাও আর কথা বলিল না। বাড়ী আসিয়া পৌছিতেই ক্ষণিকা রোগা হইয়াছে কি মোটা হইয়াছে, আরো ফর্সা হইয়াছে না বালো, তাহা লইয়া বাড়ীর ঝি হইতে আরম্ভ করিয়া প্রত্যেকটি মানুষই সম্পূর্ণ স্বাধীন মত ব্যক্ত করিতে বসাতে, ক্ষণিকার এত তাড়াতাড়ি চলিয়া আসার কারণ জিজ্ঞাসা করিতে কেহই অবকাশ পাইল না। বাস্তবপক্ষে ক্ষণিকার চেহারার বিশেষ পরিবর্তন হয় নাই, মুখে একটু রক্তসঞ্চার হওয়া এবং চোখের দৃষ্টির শূন্যতাটা কাটিয়া যাওয়া ছাড়া আর কিছু নয়। কিন্তু দুই মাস পরে যে মানুষ কয়েক শ মাইল দূর হইতে ফিরিয়া আসিল, তাহার একটুমাত্র পরিবর্তন মানুষের চোখে উচিত মনে হয় না। অগত্যা নিজেকে এবং পরস্পরকে বুঝাইবার জন্ত অনেকগুলি কাল্পনিক উন্নতি বা অবনতিকে রঙ্গমঞ্চে টানিয়া আনিতে হয়।

খানিক পরে, মেয়েকে জলটল খাওয়ানো হইয়া যাইবার পর ক্ষণিকার মা বলিলেন, “এত তাড়াছড়া করে চলে এলি যে? আর দিন কতক থেকে এলেই পার্ভিস, শরীর যখন সারছিল?”

ক্ষণিকা বলিল, “তা হপ্তাখানেক পার্তাম হয়ত, কিন্তু যোগেশ-বাবুরা আস্ছিলেন, আবার দেরি করলে হয়ত সুবিধামত সঙ্গী পাব না, তাই চলে এলাম।”

মেনকা বলিল, “কেন মোটে এক সপ্তাহ কেন? তোমার এত তাড়াতাড়ি কিসের, আমার মত ত আর স্কুল নেই?”

ক্ষণিকা হাসিয়া বলিল, “স্কুল নেই বলে কি আমার চিরদিনের ছুটি হয়ে গেছে? কাজ কর্ত্ত করতে হবে না আর?”

তাহার মা বলিলেন, “আহা আগে কাজ ঠিকই হোক, তারপরে এলেই পার্ভিস?”

ক্ষণিকা মাহুরের উপর আড় হইয়া শুইয়া পড়িয়া বলিল, “আমার কাজ বেঠিক হল কবে, যে, আবার ঠিক হবে ?”

ক্ষণিকার মা বলিলেন, “ওরা কি আবার যাবার কথা লিখেছে নাকি কিছু ?”

ক্ষণিকা পাশ ফিরিয়া শুইয়া বলিল, “হ্যাঁ।”

“কি লিখেছে ?”

“অনাদি-বাবু লিখেছেন তাঁর স্ত্রীর শরীর ভাল নয়, আমি গেলে ভাল হয়। যত শিগ্গির পারি যেতে লিখেছেন।”

“ও মা, নিশ্চয় তোমার দুধ পুড়ছে, ভীষণ গন্ধ উঠেছে,” বলিয়া চীৎকার করিয়া মেনকা ঘর হইতে ছুটিয়া বাহির হইয়া গেল। তাহার মাও ব্যস্ত হইয়া তাহার পিছন পিছন দ্রুতপদে চলিয়া গেলেন।

ক্ষণিকা উঠিয়া পড়িয়া নিজের ছাড়া জামা জুতা শাড়া সব গুছাইতে আরম্ভ করিল। বিছানার মোটটা একবার খুলিবার উপক্রম করিয়া আবার রাখিয়া দিল। দুদিন পরেই ত আবার মোট বাঁধিতে হইবে তবে আর খোলাখুলি কেন ?

প্রবোধ ঘরে ঢুকিয়া বলিল, “ওরে তোর কাছে ভাঙানো পয়সা আছে ? ট্যাকে যা ছিল সবই ত গাড়োয়ান বাটাকে বিদায় করিতে খরচ হয়ে গেল। অফিসে গিয়ে এক পয়সার পানও ত কিনতে হবে ?”

ক্ষণিকা হাতব্যাগ হইতে কয়েক আনা পয়সা ভাইয়ের হাতে দিতে দিতে বলিল, “এরি মধ্যে তোমার অফিসের সময় হয়ে গেল ?”

“হবে না ? কতখানি হাটতে হয়।” পয়সা পকেটে ফেলিয়া মাথার টেড়ি ঠিক করিতে করিতে প্রবোধ বাহির হইয়া গেল।

প্রবোধ নিজেদের সরু গলিটা পার হইয়া বড় রাস্তায় পা দিবা মাত্র, পিছন হইতে কে বলিয়া উঠিল, “কি হে, আজ এত দেরি ?”

প্রবোধ পিছনে ফিরিয়া দেখিল চিন্ময়, বলিল, “এতেই ত ক্ষণিক তাক্ লেগে গেল এত সকালে বেরছি কেন ? সে আজ এল, জান না ?”

চিন্ময় বলিল, “না, জান্ব, কি করে ? এত শিগ্গির এল যে ? এখন এখানেই থাকবে ?”

প্রবোধ বলিল, “অতশত জানি না। কলকাতার সেই চাকরিতে আবার ডাক পড়েছে বৃথা। সব খবর জানতেই পারবে, আমাদের ওখানে যাচ্ছ ত ?”

চিন্ময় যে-পথে আসিতেছিল তাহাতে প্রবোধ ঠিকই অনুমান করিল বলা চলে। কিন্তু হঠাৎ উঁটা পথ ধরিয়া চলিতে আরম্ভ করিয়া চিন্ময় বলিল, “না, অল্প কাজে যাচ্ছি। কলকাতায় যাচ্ছে তা হলে আবার ? দেখ, বিকেলে যদি একবার যেতে পারি।”

(১৮)

কলিকাতা যাওয়ারটা ক্ষণিকা এমন হঠাৎ ঠিক করিয়া ফেলিল, যে, যথায়োগ্য ব্যবস্থা করিয়া, ধীরে স্ত্রে গিয়া উপস্থিত হইবার কোনো অবসর রহিল না। পাহাড় হইতে ফেরার দিন দুই পরেই খাইতে বসিয়া বলিল, “এর পর ত যাবার জোগাড় দেতে হয়।”

তাহার মা বলিলেন, “তা প্রদের লেখ, কবে যেতে বলে জেনে নে, তারপর যান্ না হয়। সঙ্গে যাবে কে ?”

ক্ষণিকা বলিল, “যেতে ত বণেইছে, আবার কতবার করে বলবে ? আর সঙ্গে যাওয়ার আবার ভাবনা ! প্রতি ট্রেনেই কত চেনা মানুষ কলকাতায় যাচ্ছে।”

মেনকা উঁটা চিবাইতে চিবাইতে বলিল, “দিদি এক মেয়ে ! ঘরের ভাত দুদিন ওর পছন্দ হয় না। হিল্লোদিল্লী ছুটে বেড়াতে পারবে আর ও কিছুই চায় না।”

ক্ষণিকার প্রতি ঠাট্টাচ্ছলেও কোনো দোষারোপ ক্ষণিকার মা একেবারে সহিতে পারিতেন না। মেনকার কথায় তিনি বলিলেন, “তোমাদের ঘরের ভাত খাবার ব্যবস্থা করতেই না দিদির অত ছুটোছুটি করতে হয় ? না হলে দিদি এমন তোমাদের মত ঝড়ের আগে কুটি নেচে বেড়াবার মেয়ে নয়।”

সব কথাতেই দিদির গুণা ব্যাণ্ডা আর তাহার নিজের গুণের অভাব সম্পর্কে মস্তব্য আসিয়া উপস্থিত হয়, ইহাতে মেনকা হাড়ে চটিয়া যাইত। রাগ করিয়া সাধের উঁটাগুলো অচর্কিত অবস্থায় ফেলিয়া রাখিয়াই সে ভাত খাওয়া সাজ করিয়া ফেলিল। উঠিয়া খাইতে খাইতে বলিল, “বেশ গো বেশ, দিদি না-হয় সবই কেবল পরোপকারের স্তম্ভ করে।

তবু আমরা পাঁচটা নিষ্কর্মা ভূত আছি বলেই ত পারে অত উপকার করতে? সবাই যদি উপকার করতেই চাইবে, উপকারগুলো চড়বে কার ঘাড়ে?"

ক্ষণিকা বসিয়া বসিয়া নীরবেই তাহার সম্বন্ধে আলোচনাটা শুনিতেছিল। তাহার মা জন্মাবধি কত্নাকে দেখিতেছেন, তিনিও তাহাকে চিনেন না, বোন যে অপেক্ষাকৃত অল্পদিন দেখিতেছে, সেও চেনে না। যে যাহাকে যেমনটি চায়, কল্পনা ও বিশ্বাসের সাহায্যে তেমনটাই পায়, অন্ততঃ কিঞ্চিৎ পরিমাণে। মানুষকে পরে ত চেনেই না, সেও মিছেকে চেনে না। আমরা কখন যে কোন্ ইচ্ছার বশীভূত হইয়া কোন কাজটা করি, তাহা যথার্থ প্রায় কোন সময়েই বুঝি না। যে কার্য্যকারণ সম্বন্ধটাকে যে সময় ভাল মনে হয় সেটাকে গ্রহণ করিয়াই নিশ্চিত হওয়া যায়।

এই যে ক্ষণিকার কলিকাতা যাওয়ার ব্যগ্রতার কারণ লইয়া মেনকা আর তাহার মায়ে তর্ক হইয়া গেল, তাহাদের দুজনের একজনও তাহার যথার্থ মনোভাবটা বুঝিতে পারে নাই সে কথা না হয় অবিলম্বেই বোঝা গেল। কিন্তু যথার্থ মনোভাবটা কি? ক্ষণিকা কি নিজেই তাহা জানে? জানিলেও কি তাহা সত্য বলিয়া সে নিজের কাছে স্বীকার করে? কলিকাতায় যাওয়ার, যে গৃহকে অসাম বেদনার মধ্য দিয়া সে ত্যাগ করিয়া আসিয়াছিল সেইখানেই আবার কিরিয়া যাইবার এই যে তাহার মনের ব্যাকুলতা, ইহার মূল কোথায়, ইহার জন্ম তাহার কোন্ মনোভাব হইতে?

কাজ তাহার করিতেই হইবে, আর এই কাজটা সকল দিক হইতেই সুবিধাজনক, এ কথাটার মধ্যে মিথ্যা কোনোখানে নাই। সংসারের লোকের কাছে এ কথাটা বেশ জলের তত সরল, যে শুনিবে সেই বিশ্বাস করিবে; নাও যদি করে, তাহা মুখে ক্ষণিকার সাম্নে একজনও প্রকাশ করিবে না।

কিন্তু ক্ষণিকা জানে, তাহার অন্তরের অন্তরতম প্রদেশে সে ইহা একান্ত সত্য বলিয়া জানে, যে, তাহার কলিকাতা যাওয়ার কারণ সম্পূর্ণ অশ্রু। লোকের কাছে সে যখন যাওয়ার কারণ ভাঙিয়া বলিবে, তখন সে প্রায় মিথ্যাই বলিবে। সে মিথ্যার যে আঘাত, তাহা হইতে আপনাকে রক্ষা করিবার চেষ্টা তাহার মন সারাংশই করিতেছে।

কিন্তু হৃদয়ের কষ্টপাথরে যে মেকী ধরা না পড়িয়া যায় না? যুষ দিয়া তাহার কাছে লাভ নাই।

এই যাওয়ার ফল তাহার পক্ষে শুভ হইবে, না অশুভ হইবে; যে কঠিন বন্ধনে সে বন্ধ, তাহা হইতে ইহার ফলে সে মুক্তি পাইবে, না বন্ধন কঠিনতর হইয়া তাহাকে দুর্গতির অন্তলতলে টানিয়া লইয়া যাইবে; তাহা কে বলিতে পারে? ক্ষণিকা কি সে কথা একবার চিন্তা করিয়া দেখে নাই? মানুষের স্বার্থচিন্তা প্রায় কোনো সময়েই তাহাকে ছাড়িয়া দেয় না, ক্ষণিকা কি ভাবিয়া দেখে নাই যে এই যাত্রার ফলে তাহার কোনও স্বার্থ সিক্ত হইবার সম্ভাবনা আছে কি না?

অনাদিনাথের পত্র আসিবার পর হইতেই এইসব চিন্তা তাহাকে এক মুহূর্তও নিষ্কৃতি দেয় নাই। কিন্তু যথাসাধ্য ভাবিয়াও ক্ষণিকা কোন সমস্যারই সমাধান করিতে পারিল না। তাহার শুভ কিসে, অশুভই বা কিসে, তাহা যে সে কোনোমতে ভাবিয়া পায় না? সাংসারিক অভিধানে যে কথার যে অর্থ, তাহার হৃদয় যদি সে অর্থ মানিতে নাই চায়? আর শুভ ও অশুভকে ভাগ্য যেমন পরস্পর-বিরোধী দেখায়, তাহাদের যথার্থ স্বরূপ কি তাই? মানুষে কবে নিঃসংশয়িতরূপে তাহাদের চিন্তে পারিয়াছে? শুভ যে কতদিন অশুভের ছদ্মবেশে আসিয়া দেখা দেয়, তাহার কি ঠিকানা আছে? আপনার অন্তরের মধ্যে চাহিয়া ক্ষণিকা এই কল্যাণ-অকল্যাণের ব্যবচ্ছেদ-রেখা কোথাও সুস্পষ্ট দেখিতে পাইত না, গঙ্গা-যমুনার মত তাহারা পরস্পরকে আলিঙ্গন করিয়া যেন এক হইয়া রহিয়াছে, সে কেমন করিয়া একটিকে ত্যাগ করিয়া আর-একটিকে গ্রহণ করিবে? আর এই যে বন্ধন হইতে মুক্তির আকাঙ্ক্ষা, ইহা কি সত্যই তাহার মনে আছে? তাহার সামাজিক সংস্কার, তাহার বিচারবুদ্ধি বলে যে মুক্তিই তাহার কামনা করা উচিত, কিন্তু কামনার জন্ম যে নিভৃত প্রদেশে, তাহা কি মরুভূমিরই মত রিক্ত পড়িয়া নাই?

ক্ষণিকা দেখিল ভাবনার অশ্রু নাই, কিন্তু দিন যে বহিয়া যায়? সর্বভাবনা নিঃশেষে সমাপন করিয়া পরে কাজে নামিবার অধিকার ভগবান ক'টা মানুষকেই দিয়াছেন? আহ্বান ত তাহার অন্তরে আসিয়া পৌছিয়াছে, তাহাকেই

না-হয় মানিয়া লওয়া যাক। ফলে বাহা হয়, তাহার ভাবনা ভাবিবার সময়ের অভাব হইবে না।

যাওয়া যখন স্থির, তখন অগত্যা তাহার আয়োজনও অল্পস্বল্প করিতে হয়। মেনকা বলিল, “দিদি, যদি আর সাত আট দিন দেরি করিতে, তা হলে আমিও তোমার সঙ্গেই যেতাম। না-হয় বাকি ক’টা দিন মাধবীদের বাড়ী থাকতাম, সে ত আমাকে সারা ছুটিই রাখতে চাইছিল।”

ক্ষণিকা বলিল, “তোমার যাবার তাড়া কিসের? প্রায় তোমার স্কুল খোলার সময়েই ত চিন্ময়দারা যাচ্ছেন কলকাতায় জ্যাঠাইমার চোখ দেখাতে, তাঁদের সঙ্গে গেলেই হবে।”

লালু বলিল, “সেই ভাল, চিন্ময়দাদের চের লগেজ যাবে, তার মধ্যে ছোড়দিকেও দিলে হবে। দিদি একলা যাচ্ছে, ওর সঙ্গে জিনিষ কম থাকাই ভাল?”

মেনকা বলিল, “তোমাদের জাতটাই আছে কুলগিরি করতে, জিনিষ নিয়ে যেতে ভাবনা কি? দিদিকে ত আর আমায় ঘাড়ে করে বহিতে হবে না?”

চিন্ময় বরে চুকিয়া বলিল, “ইংরাজিতে যে বলে যে দুঃখ-পোষা শিশুর মুখ থেকেই আসল তত্ত্বকথা বের হয়, সে কথা অতি ঠিক। অনেক জ্ঞানী-গুণীর সঙ্গে আলাপ আছে, কিন্তু তারা মিসু আর মাধবীর কাছে এ বিষয়ে দাঁড়াতেই পারে না। কিন্তু কোন্ জিনিষ বহন করাবার জগে কুলগিরি খোঁজ হচ্ছিল? পুঁটলীপোটলা ত বেশ গোটা কয়েক দেখছি!”

লালু বলিল, “ও অচল পুঁটলিগুলো দিদির, আমরা একজন সচল পুঁটলির ভাবনা ভাবছিলাম।”

চিন্ময় ক্ষণিকার দিকে ফিরিয়া বলিল, “আজই যাচ্ছ নাকি? আমি ভেবেছিলাম কয়েকদিন দেরি আছে।”

ক্ষণিকা বলিল, “আজ না, কাল দশটার ট্রেনে যাব।”

চিন্ময় বলিল, “যাক, আজ হলে তোমার একটা নেমস্তন্ন ফস্কে যেত। মা আমায় বলতে পাঠালেন, যে, রাত্রে তোমাদের চার ভাই-ভগিনীর আমাদের বাড়ীতে নেমস্তন্ন।”

লালু বলিল, “ভাগ্যিস দিদি যাচ্ছে না আজ, তা না হলে ওর জগে আমাদের খাওয়াটা ওমাঠে মারা যেত।”

মেনকা বলিল, “সত্যি, আমাদের যেন কোনো দামই নেই, সব জায়গায় দিদির লেজুড় হয়েই যেতে হবে।”

চিন্ময় বলিল, “অত রাগ করে কাজ নেই, আর বছর দুই তিন যাক, তখন তোমারই দিন আসবে, দিদিকেই তখন লোকে তোমার খাতিরে নেমস্তন্ন করতে আরম্ভ করবে।”

মেনকা বলিল, “আহা, তার জগেই যেন আমার ভাবনা। সবাই বেশ ভেবে বসে আছে যে দিদির হিংসেয় আমার যেন বুক ফেটে যাচ্ছে। মোটেও তা নয়। একজনকে আর-একজনের খাতিরে আদর করা জিনিষটাই আমি দেখতে পারি না।”

লালু বলিল, “আঃ, ছোড়দি কি যে লেকচার দিতে ভালবাসে। ওকে আমাদের ডিবেটিং ক্লাবের মেম্বর করে নেব, খুব লেকচার দিতে পারবে তা হলে। আমাদের যেদিন ক্লাব বসে, সেদিন মহা ভাবনা হয় যে কি করে স্মারের চোখ এড়িয়ে ফাঁকি দেব, কেবলি ঘাড় নীচু করে ব্যাকবেঞ্চে বসে থাকতে থাকতে ত ঘাড় ব্যথা ধরে যায়।”

ক্ষণিকা বলিল, “নে বাপু, একটু বাইরে গিয়ে যার বা বলবার আছে, বলগে যা। আমাকে জিনিষপত্র ক’টা গুছিয়ে নিতে দে।”

চিন্ময় বলিল, “তোমার আর তর সহিছে না গা?”

ক্ষণিকা মাথা নীচু করিয়া জিনিষ গুছাইতে গুছাইতে বলিল, “তর সওয়াসয়ি আর কি আছে এর মধ্যে? যেতে যখন হবে, তখন জিনিষগুলোকে আগে হোক, পরে হোক বাক্সের মধ্যে পুরে ত রাখতে হবে?”

চিন্ময় কিছু না বলিয়া চলিয়া গেল। সন্ধ্যার একটু আগে লালু বেড়াইয়া ফিরিয়া আসিতেই তাহার মা বলিলেন, “এই, এখুনি পালান্বে যেন, আমাকে পয়সা দুয়ের মুড়ি কিনে দিয়ে যা।”

লালু বলিল, “এখন আবার মুড়ি নিয়ে কি করবে?”

তাহার মা বলিলেন, “মুড়ি নিয়ে আবার মামুষে কি করে? ছেলের কথা শোন।”

লালু একটু অপ্রস্তুত হইয়া বলিল, “আহা মুড়ি যে খায় তা আমি বেশ ভাল করেই জানি, কিন্তু এমন সময় ত তুমি রোজ মুড়ি খাও না, তাই বলছি!”

মা বলিলেন, “তোরা সবাই বাবি নেমস্তন্ন খেতে, আর

আমি বুঝি একলার জন্তে এখন রাঁধতে বসব? যা মিনির কাছে ছোটো পয়সা চেয়ে নে, নিয়ে চট করে এনে দে।”

লালু ঘরে ঢুকিল। মিনিট ছই পরে চীৎকার শোনা গেল, “দিদি, শিগুগির এসে পয়সা দিয়ে যাও, ছোড়দি এখন ফ্যাশান করছেন, তিনি হাতবাক্স খুলতে পারবেন না।”

ক্ষণিকা তাড়াতাড়ি ঘরে ঢুকিয়া তাহাকে তাড়া দিয়া বলিল, “নাও থাম, বাড়ীর ভিতর কে কি করছে তা তোমার চোঁচিয়ে পাড়ার লোককে জানাতে হবে না। এই যে পয়সা।”

মেনকা তখন একমন এলো খোঁপা বাঁধিতেছিল, ক্ষণিকাকে দেখিয়া বলিল, “দিদি, খোঁপটা কেমন হয়েছে? অল্প দিনের চেয়ে বড় হয়েছে, না?”

ক্ষণিকা হাসিয়া বলিল, “হ্যাঁ, হয়েছে ত বেশ।” পাশের চেয়ারের উপর চোখ পড়াতে ক্ষণিকা দেখিল, এবার মেনকার জন্মদিনে তাহাকে সে নিজে যে রঙীন ঢাকাই শাড়ীখানা দিয়াছিল, সেটা বাহির করিয়া রাখা হইয়াছে। ক্ষণিকা বলিল, “হ্যাঁরে, এই দুপা দূরে জ্যাঠাইমার ওখানে যাবি, তারি জন্তে এত সাজের ঘটা হচ্ছে?”

মেনকা গাল ফুলাইয়া বলিল, “যত বেশী দূরে যেতে হয়, তত বেশী সাজতে হয় তা ত আর জান্তাম না? তা হলে ট্রেনে উঠবার সময় সবাই বেনারসী পরে ওঠে না কেন?”

ক্ষণিকা বলিল, “তা না-হয় হয়, অত সাজ তোর দেখবে কে?”

মেনকা রীতিমত রাগিয়া বলিল, “কাউকে দেখতে হবে না, আমি নিজেই আয়নার সামনে দাঁড়িয়ে দাঁড়িয়ে দেখব এখন।”

তাহার মায়ের ভিতর আসিয়া বলিলেন, “ওরে একটু সকাল করে যা না-হয়, ফিরতে যেন রাত করিস না বেশী। যে আঁধার, লোক সঙ্গে না নিয়ে ছই বোনে যেন রাস্তায় বেরিয়ে পড়িস না।”

ছই ভগিনীর সাজসজ্জা সমাপ্ত হইতে না হইতেই লালু বাহির হইতে চোঁচাইয়া উঠিল, “আমি এইবার যাচ্ছি কিন্তু, কার জন্তে দাঁড়াতে-টাঁড়াতে পারব না।”

তাহাকে দাঁড়াইতে হইল না, বোনেরাই তাড়াতাড়ি করিয়া হাতের কাজ সারিয়া তাহার সঙ্গে লইল। প্রবোধ

যে কখন আসিবে তাহা কাহারও জানা ছিল না, কাজেই তাহার জন্ত অপেক্ষা করা কেহই প্রয়োজন মনে করিল না।

চিন্ময়ের সঙ্গে সদর দরজা পার হইয়াই দেখা হইল। মেনকা জিজ্ঞাসা করিল, “আপনি আমাদের নিতে আসছিলেন নাকি?”

চিন্ময় একটু হাসিয়া বলিল, “হ্যাঁ।”

সকলে একসঙ্গেই আসিয়া চিন্ময়ের বাড়ী ঢুকিল।

হিরণ্ময় আজ সকালের গাড়ীতে হঠাৎ বাড়ী আসিয়া হাজির হইয়াছিল। লালু তাহার একজন মহাভক্ত, যদিও বছর দেড়ের ছোট বলিয়া হিরণ্ময় এখন পর্য্যন্ত লালুকে একটু রূপার চক্ষেই দেখিয়া থাকে। লালুকে দেখিয়া সে ঘর হইতে লাফাইতে লাফাইতে বাহির হইয়া বলিল, “আর একটু আগে এলি না কেন? অনেকগুলো ভাল ভাল জিনিষ এনেছি। আমার গ্যাম্প আর দেশলাইয়ের লেবলের খাতাগুলো যদি দেখিস! এ সহরে এমন আর কারুর থাকতে হয় না।”

মেনকা হঠাৎ একলা পড়িয়া গেল। চিন্ময় আর ক্ষণিকা একটু আগে ছিল, হিরণ্ময় লালুদের পথে আসিয়া পড়াতে, তাহারা অগ্রসর হইয়া চলিয়া গেল। এখন লালু ও হিরণ্ময়ের ঘরে ঢোকাতে মেনকা যে কি করিবে ভাবিয়া পাইল না। কিন্তু স্ত্রের বিষয় তাহাকে এমন অবস্থায় বেশীক্ষণ থাকিতে হইল না, মিনিট তিন চার পরেই হিরণ্ময় মাথাটা বাহির করিয়া বলিল, “এই, তুমি দেখবে না?” এই আহ্বানেই খুসি হইয়া মেনকা তাহাদের অনুসরণ করিল।

ক্ষণিকা রান্নাঘরের দিকে সোজা চলিয়াছে দেখিয়া চিন্ময় জিজ্ঞাসা করিল, “চলেছ কোথায়? তোমায় ত খেতেই বলা হয়েছে, রাঁধতে ত আর বলা হয়নি?”

ক্ষণিকা বলিল, “জ্যাঠাইমার সঙ্গে দেখা করে আসি একটু। নিজে রাঁধব না বলে, যিনি রাঁধছেন তাঁর সঙ্গে কথা বলতে ত দোষ নেই?”

চিন্ময় ইতস্তত করিয়া বলিল, “আমি তোমাকে কয়েকটা কথা বলব ভেবেছিলাম। আগেই বলা উচিত ছিল বোধ হয়, কিন্তু হুঁই ওঠেনি। আচ্ছা মায়ের সঙ্গে দেখা করে এসো।”

ক্ষণিকা তাহার মুখের দিকে চাহিয়া দেখিল। আর কিছু না বলিয়া তাড়াতাড়ি রান্নাবরে গিয়া ঢুকিয়া পড়িল।

সেখানে তখন রীতিমত ধূমলোকের সৃষ্টি হইয়াছে। চিন্ময়ের মা তাহাকে দেখিয়াই বলিয়া উঠিলেন, “এখন এ ঘরে না বাছা, যেমন গরম, তেমনি ধূম্বো এখানে। বাইরে যাও, আমি একটু পরেই আসছি।”

অগত্যা ক্ষণিকাকে আবার বাহির হইয়া আসিতে হইল।

চিন্ময় ঠিক সেই ভাবেই সেই স্থানেই দাঁড়াইয়া ছিল। ক্ষণিকাকে বাহির হইয়া আসিতে দেখিয়া বলিল, “ছাতে চলনা? নীচে বড় গরম।”

ক্ষণিকা বলিল, “চল।” তাহার সম্মুখে কি যে আসিতেছে তাহা তাহার স্পন্দিত হৃদয় নিশ্চিত করিয়াই বলিয়া দিতেছিল, কিন্তু পলায়নের পথ সে কোনোখানেও দেখিতে পাইল না।

ছাতে আসিয়া দুজনে পাশাপাশি খানিকক্ষণ নীরবে দাঁড়াইয়া রহিল। সূর্যাস্তের পর তাহার শেষ রশ্মি-রেখাগুলি এখনও আকাশকে আলিঙ্গন করিয়া রহিয়াছে। বিদায়গ্রহণোন্মুখ প্রিয়ের দৃষ্টির মত সেই ম্লান আলোটুকু বড় করণ হইয়া মাটির বুকে আসিয়া পড়িয়াছে। সান্ধ্যবায়ুর মৃদু হিল্লোল ক্ষণিকার মনে যেন কোন্ হতাশা-পীড়িত বিশ্বের দীর্ঘনিশ্বাসের মত আসিয়া বাজিল।

হঠাৎ তাহার একেবারে সাম্নে আসিয়া চিন্ময় বলিল, “ক্ষণিকা, একবার আমার মুখের দিকে তাকাও।”

ক্ষণিকা তাহার বর্জিত দৃষ্টি বাহির হইতে ফিরাইয়া আনিয়া চিন্ময়ের মুখের উপরেই স্থাপিত করিল। তাহার বুক ফাটিয়া কান্না বাহির হইয়া আসিতে চাহিতেছিল, সে প্রাণপণ শক্তিতে তাহা অবরুদ্ধ করিয়া রাখিল।

চিন্ময় তাহার দুই হাত নিজের হাতের মধ্যে চাপিয়া ধরিয়া বলিল, “বুঝতে ত পেরেছ। তোমাকে ত আমার মুখের কথায় কিছুই বলতে হল না।”

ক্ষণিকা যেমন দাঁড়াইয়াছিল, তেমনিই রহিল, হাত ছাড়াইবারও চেষ্টা করিল না। কেবল তাহার চোখের জল সকল বাধা ভাঙিয়া দুই চোখ বন্ধিয়া ঝরিয়া পড়িতে লাগিল।

চিন্ময় বলিল, “উত্তর দাও, কিছু কি বলবার তোমার নেই?”

ক্ষণিকার কণ্ঠস্বর যেন হারাইয়া গিয়াছিল। কি বলিবে সে? আঠেশবের সঙ্গী, তাহার সকল হৃৎ-বেদনার সমভাগী, তাহার জগ্ন সর্বতাগ করিতেও প্রস্তুত এই যে মানুষটি, ইহাকে কঠিন আঘাত করা ছাড়া উপায় নাই কি? জগতে কি আর মানুষ ছিল না? ক্ষণিকার জগ্নই ভগবান এই কাজটা এতদিন সঞ্চিত করিয়া রাখিয়াছিলেন?

কিন্তু উত্তরের প্রত্যাশায় যে এখনও চিন্ময় তাহার মুখের দিকেই চাহিয়া আছে? অশ্রুধর কণ্ঠে সে বলিল, “চিন্ময়দা, আমাকেও কি তুমি অমনি বুঝবে না? কথা বলে আমি আর কি জানাব? ভেবেছিলাম তোমাকে আঘাত করার হৃৎখটা অমৃততঃ ভগবান আমায় দেবেন না, কিন্তু তার থেকেও আমি নিষ্কৃতি পেলাম না।”

চিন্ময় তাহার হাত ছাড়িয়া সরিয়া গেল। ক্ষণিকা সেইখানেই বসিয়া পড়িয়া দুই হাতে মুখ ঢাকিয়া কাঁদিতে লাগিল। তাহার এতদিনের সঞ্চিত বত বেদনা, বিফল বাসনা, হতাশা, ক্ষোভ, সব যেন পথ পাইয়া বাহির হইয়া আসিতে চেষ্টা করিতে লাগিল।

খানিক পরে চিন্ময়ের কণ্ঠস্বর আবার তাহার কানে আসিয়া পৌছিল, “তুমি এমন করে নিজের জীবনটাকে মাটি করবে? মরুচিকার পিছনে ছোট্টা কি এতই লোভনীয় তোমার কাছে?”

ক্ষণিকা মাথা তুলিয়া বলিল, “চিন্ময়দা, তুমি কি ভাবছ যে আমার হৃৎখ খুব কম? এইসব প্রশ্ন করে আর কি হবে?”

চিন্ময় বলিল, “কিছুই হবে না। কোনো প্রশ্ন করাই আমার বোকামি হয়েছিল, উত্তরটা আমি একরকম ঠিকই জান্তাম। কিন্তু তবু আশা ছিল তোমার অভিব্যক্তি হলেও হতে পারে। কিন্তু দেখছি জগতে হৃৎখ পাবার লোভ কেউ সহজে ত্যাগ করতে পারে না। কপালে যখন আছে, তখন তুমিও মর জলে পুড়ে, আর আমিও বাদ যাব না, কারণ যাতে কষ্ট পাওয়া যায় পারতপক্ষে এমন কোনো সুযোগ এ পর্য্যন্ত আমি ছাড়িনি, এখনও যে ছাড়ব, তার কোনো লক্ষণ দেখছি না।”

এমন সময় সিঁড়িতে উদ্দাম পদধ্বনি তাহাদের দুজনকেই সচকিত করিয়া তুলিল। ক্ষণিকা চোখ মুছিয়া উঠিয়া

দাঁড়াইল, চিন্ময় অস্থিরভাবে এধার ওধার পায়চারি করিতে আরম্ভ করিল।

হিরণ্ময়, মেনকা আর লাগু হুড়মুড় করিয়া ছাতের উপর

আসিয়া পড়িল। একটা বাঁধনহারা ঘুড়ি আকাশের গায়ে অসহায় ভাবে ভাসিয়া চলিয়াছে, তাহাকে ধরিবার জন্য

মহা কোলাহল লাগিয়া গেল।

(ক্রমশঃ)

শ্রীসীতা দেবী।

সিন্ধুবাদ

১

সাত সাগরের পারের পাহাড়,
সেথা আছে কোন্ গুহা,
মুখ হ'তে যার উঠিছে সতত
জ্বালাকুণ্ডের ধূঁয়া।
সেথায় কোথায় তপ্তশিলায়
ফিরে শত ফণী গর্জ্জ লীলায়,
অনিছে তাদের মাথায় মাণিক—
কে যাবে আনিতে উহা ?
কী দেখাও ভয় ?—হয় হবে জয়,
নয় হবে প্রাণ-পাত ;
সিন্ধু-সরণে নির্ভয় মনে
চলিছে সিন্ধুবাদ।

২

সাত সাগরের পারের সে দ্বীপ,
সেথা মে গহন বন,
শাখায় শাখায় কণ্টক যার,—
বিষ-লতা বিভীষণ।
সেথায় কোথায় পাতার পিছনে
লুকিয়ে ফুলটি ফুটেছে বিজনে,
সে ফুল আহর কে আছে সাহসী,
কে যাবে, কোথা সে জন ?
কী দেখাও ভয় ?—হয় হবে জয়,
নয় হবে প্রাণ-পাত ;
সিন্ধু-সরণে নির্ভয় মনে
চলিছে সিন্ধুবাদ।

৩

সাত সাগরের পারের সে দেশ,
সেথা অচলায়তন,
দ্বারে দ্বারে যার ফিরিছে শান্ত্রী
অসংখ্য অগণন।
সেথায় কোথায় আঁধার কোঠায়
বন্ধ কাঁপিতে আঁটা কোঁটায়
সাত পুরুষের লক্ষ্মীর কড়ি,—
কে আনে করি হরণ ?
কী দেখাও ভয় ?—হয় হবে জয়,
নয় হবে প্রাণ-পাত ;
সিন্ধু-সরণে নির্ভয় মনে
চলিছে সিন্ধুবাদ !

৪

সাত সাগরের পারের যাত্রা,
সেও যেতে শত বাধা,
পিতার বিত্ত, জননীৰ কোল,
বধুর বাহুর বাঁধা।
প্রবল ঝঙ্কা, মগ্ন পাহাড়,
ভীম হিম-শিলা,—আরো কত আর !
সে বাধা ঠেলিয়া কে অকুতোভয়
কে চাহে তুফানে মাতা ?
কী দেখাও ভয় ?—হয় হবে জয়,
নয় হবে প্রাণ-পাত ;
সিন্ধু-সরণে নির্ভয় মনে
চলিছে সিন্ধুবাদ !
সিন্ধু-সরণে নির্ভয় মনে চলিছে সিন্ধুবাদ,—
ভাগ্যে তাহার শান্ত্রী তাহারে করে না শস্ত্র-পাত !
শ্রীরাধাচরণ চক্রবর্তী।

মহিলা স্বাধীনতা



আশ্চর্য্য অন্ধ কাল মেয়ে

আমেরিকার উইসকনসিন স্টেটের জানেশ্বিন শহরের অন্ধ-বুলে একটি অতি আশ্চর্য্য মেধাবিনী ও অসামান্যশক্তিশালিনী ছাত্রী আছে, তার নাম উইলেট্টা হাগিন্স। উইলেট্টা জন্মাবধিই অন্ধ বা কাল নয়; যতদিন তার দৃষ্টি ও শ্রবণশক্তি ছিল ততদিন সে ছিল বোকাটে মেধামারা, বিষয় আর যেই ক্রমে ক্রমে তার কানের সঙ্গে বিবের গানের যোগ বন্ধ হয়ে আসতে লাগল আর চোখের ওপর কালো পর্দা নেমে এসে তার কাছে বিধকে বিলুপ্ত করে' নিলে, অমনি তার স্বভাবেরও আশ্চর্য্য পরিবর্তন হয়ে গেল—একবৎসরেই সে হয়ে উঠল তীক্ষ্ণ, তৎপর, পাঠপটু আর অনিবার্য্য আনন্দিত ও প্রকল্প। দুই প্রধান ইন্দ্রিয়ের সাহায্য-বঞ্চিত হয়ে সে যেন নূতন ইন্দ্রিয়শক্তি লাভ করেছে আর তার জীবন ফুর্ত হয়ে উঠেছে। উইলেট্টার এখন বয়স বোল বৎসর। সে একেবারে অন্ধ আর বন্ধ কাল। তবু সে কোনো যম বিনাও শ্রবণক্ষম লোকের সমানই শব্দ শুনে তৎক্ষণাৎ বুঝতে পারে আর সে চক্ষুস্থান লোকের মতন বস্তুর রং পর্য্যন্ত চিন্তে পারে, অচেনা পথে হৌচট না খেয়ে চলতে পারে ও তার চেনা লোকদের কয়েক ফুট দূর থেকেই চিন্তে পারে। এই কথা অসম্ভব বলে' মনে হলেও এ খাঁটি সত্য।

একটি মহিলা উইলেট্টার শক্তি পরীক্ষা করবার উদ্দেশ্যে তার পুলে গিয়েছিলেন। পূলের অধ্যক্ষ হপার সাথেব একটি মখচোরা লাজুক মেয়েকে নিয়ে এলেন—সেই উইলেট্টা। উইলেট্টা হপারের মাথায় হাত রেখে দাঁড়াল। হপার জিজ্ঞাসা করলেন—উইলেট্টা, তুমি কি বলতে পারো এই মহিলার ঘাব্রার রং কি?

বন্ধকাল উইলেট্টা হপারের মাথায় রাখা হাত দিয়ে প্রঃ সন্তে পেলে ও বুঝতে পারলে, সে অমনি সেই মহিলার চেহারার কাছে হাঁটু গেড়ে বসে ঘাব্রার ধার হলে শুঁকে বিনা বিধায় তৎক্ষণাৎ বললে—ঘাব্রার নীল কালো আর শাদা রং আছে।

আশ্চর্য্য মেয়ে! শুঁকে সে ঠিক ঠিক রং বলে দিতে পারে।

হপার মেয়েটির হাতে একটা পাতা দিয়ে জিজ্ঞাসা করলেন—
আচ্ছা এটার কি রং?

উইলেট্টা পাতার ওপর আঙুল বুলিয়েই বললে—ও! এ ত সবুজ।

হপার আবার জিজ্ঞাসা করলেন—কেবলই কি সবুজ আছে?

উইলেট্টার দুই গাল রাগ হয়ে উঠল—সেন মস্ত একটা ভুল করে' ফেলেছে। সে তৎক্ষণাৎ পাতাটা নাকের কাছে তুলে বললে—না, কেবল সবুজ নয়, কিনারায় কালোর অঁজি আছে।

পাতাটার কিনারায় যে কালোর অঁজি ছিল তা এত সূক্ষ্ম যে চোখওলা লোকেও বিশেষ লক্ষ্য না কবলে দেখতে পায় না; কিন্তু এই অন্ধ মেয়ে শুঁকে তা টের পেলে।

মহিলাটি উইলেট্টাকে জিজ্ঞাসা করলেন—তুমি কিরকম পেলা খেলতে ভালোবাস?

উইলেট্টা হেসে বললে—বাইরে ছাঁটাছুটি খেলতে।

—ছুটাছুটি! গাছপালার ধাক্কা খাও না?

উইলেট্টা হেসে বললে—ধাক্কা খাব কেন—আমি যে তাদের পক্ষ পাই।

উইলেট্টা এই গল্প শুঁকেই তার চেনা লোকদের কাছে আসা ধব্তে পারে। সে বলে যে ঘরের চেয়ে বাইরে খোলা জায়গায় পক্ষ সহজে ধরা পড়ে।

একটা বিড়াল ধরে এল। মহিলাটি উইলেট্টার হাত নিয়ে নিজের মাথায় রেখে জিজ্ঞাসা করলেন—খয়ে খার কে

প্রঃ শেষ হবার আগেই উইলেট্টা হেসে উঠে বললে—বুড়ো বিড়ালটা এসেছে।

সকলে কথাবার্তায় খার বিষয়ে মগ্ন আছেন, উইলেট্টা বলে উঠল—বিড়ালটা চলে' গেল।



কথা বল মেয়ে।

বাণেশর জেজেব প্রিন্সের দ্বারা একটি লোক কথা কহিতেছে; মেয়েটির হাতে কণাগুলি আসিয়া বাধিতেছে ও শব্দস্পর্শেয় দ্বারা মেয়েটি তাহা বুঝিতেছে। মেয়েটি যে পোষাক পরিয়া আছে তাহা তার নিজের হাতে তেরী।

বিড়ালের মাওয়া চোখকানওলা লোকেরা কেউ টের পাবার আগেই অন্ধকাল মেয়েটির কাছে ধরা পড়ে' গেল। সবাই ত অবাক! উইলেট্টা দাঁণ দ্বারা যেমন রং চিন্তে পারে, তেমনি বস্ত চিন্তেও সে কখনো ভুল করে না।

উইলেট্টার জন্ম ১৯০৫ সালে। দশ বছর বয়সে ১৯১৫ সালে সে

স্কুলে লেখাপড়া করতে ভক্তি হয়। তখন সেই মেদামারা বিবর মেয়েটির দৃষ্টি আর শব্দশক্তির দোষ ধরা পড়ে।

নানানধ চিকিৎসাতেও তার সেই দুই প্রধান ইন্দ্রিয় স্ব স্ব শক্তি কিরে পেলো না, বরং দিন দিন খারাপই হতে লাগল। তখন একেবারে কালা ও অন্ধ হয়ে যাবার আগে তাকে যথাসম্ভব চটপট যত বেশী সম্ভব বস্তুর সঙ্গে পরিচয় করিয়ে দেওয়া হতে লাগল। প্রথমটা তার শক্তিস্বাসের সঙ্গে সঙ্গে বুদ্ধিও যেন বেশী ভেঁতা হয়ে পড়ছিল, কেবল সে সেলাই করতে দক্ষতা লাভ করেছিল। এখন সে নিজের পোষাক নিজেই কেটে ছেঁটে সেলাই করে' পরে। ১৯১৯ সালে সে একেবারে কালা হয়ে গেল; এক বছর পরে অন্ধও হয়ে পড়ল। তখন তাকে অন্ধকালাদের স্কুলে দেওয়া হল; সেখানে হেলেন কেলার প্রবর্তিত পদ্ধতিতে তাকে শিক্ষা দিতে আরম্ভ হল। হেলেন কেলার আমেরিকার এক অন্ধ মেদামিনী মেয়ে; তিনি লোকের ঠোঁটের উপর আঙুল রেখে বুঝতে পারেন সে কি কথা কইছে। উইলেট্টা এই পদ্ধতিতে শিক্ষা নিতে অস্বীকার করলে। লোকের ঠোঁটে হাত দিতে তার ঘেন্না



কালা অন্ধ মেয়ে।

মেয়েটি লোকটির মাথায় হাত দিয়া অন্ধত্বের দ্বারা লোকটির কথা বুঝিতেছে। মেয়েটি যে পোষাক পরিয়া আছে তাহা তার নিজের তৈরী।

করে, হাতে খুঁ লাগবার ভয়ে গা শিরশির করে। তখন উইলেট্টা বস্তুর কণ্ঠে বা মাথায় হাত রেখে তার কথা ধ্বংসের চেষ্টা করতে লাগল; আর এক হস্তার মধ্যেই সে কথকের কথা ধ্বংসে শিখল। এই নূতন ক্রমতা অর্জন করার সঙ্গে সঙ্গেই উইলেট্টার স্বভাবেরও পরিবর্তন হতে লাগল—বিষন্নতা কেটে গিয়ে এল আনন্দ, জড়তা ঘুচে হল দীক্ষা। হেলেন কেলার যেমন অন্ধশিক্ষার নূতন পথ

দেখিয়ে যশস্বিনী ও জগদ্বিখ্যাতা হয়েছেন, উইলেট্টাও তেমনি বিজ্ঞানের একটা রুদ্ধ কপাট খুলে দিয়েছে।

উইলেট্টার ব্যাপার থেকে এই প্রমাণ হয়েছে যে মানুষের ইন্দ্রিয়-গুলি কিছু পরিমাণে পরস্পরের কর্তৃক্ষম; চেষ্টা করলে ইন্দ্রিয়শক্তি বৃদ্ধি করা যায়; ভ্রাণ ও স্পর্শ দ্বারা অপর সকল ইন্দ্রিয়ের অভাব অনেকখানি পূরণ করা যায়; মানবজীবন তখনই সার্থক হয় যখন অপরের সঙ্গে সংযোগ অবাধ হয়। অতএব অন্ধহীন শক্তিহীন বলে' কোনো ছেলেমেয়েকেই অবহেলা করা উচিত নয়; তার জ্ঞানের এক দ্বার রুদ্ধ থাকলে অল্প দ্বার দিয়ে তাকে জগতের সঙ্গে যোগযুক্ত করতে পারলেই তার জীবন সার্থক সফল মূল্যবান হয়ে উঠবে।

*

স্বাধীনতালভে নারীর সাহায্য

কোনো দেশ পরাধীন হলে তাকে স্বাধীন করার জন্তে দেশ-বাসীদের প্রাণান্ত পরিশ্রম করতে হয়। পুরুষ ও নারী উভয়েই দেশের বাসিন্দা। নারীর কাছ থেকে সাহায্য না পেলে পুরুষের চেষ্টা একপেশে পঙ্গু হয়। নারীর কর্তৃক্ষত্র গৃহ প্রধানতঃ হলেও, রাষ্ট্রে সমাজে নারীর সাহায্য ও সমর্থন না পেলে পুরুষের চলে না, তার চেষ্টা সফল হতে দেয়ী লাগে। অল্পদিনের মধ্যে ইটালী অষ্ট্রিয়ার অধীনতা থেকে, গ্রীস তুরস্কের অধীনতা থেকে মুক্ত হয়ে স্বাধীন রাজ্য হয়েছে; ফ্রান্স রাজতন্ত্রের অধীনতা থেকে, আমেরিকা ইংরেজের অধীনতা থেকে, চীন মাগু রাজার অধীনতা থেকে, রুশিয়া রাজার অধীনতা থেকে নিষ্কৃতলাভ করে, স্ব-তন্ত্র গণতন্ত্র প্রতিষ্ঠা করতে পেরেছে। বর্তমানকালে পৃথিবীর এক প্রান্ত থেকে অপর প্রান্ত পর্যন্ত চারটি দেশ স্ব-তন্ত্র হবার জন্ত চেষ্টা করছে—

(১) আয়াবল্যাণ্ড,—স্ব-তন্ত্র হব হব হয়েছে, (২) ইজিপ্ট,—তার স্বাধীনতা ইংলও স্বীকার করেছে, (৩) ভারতবর্ষ,—সবে চেষ্টা মূঢ় হয়েছে মাত্র, আর (৪) ফিলিপাইন দ্বীপ,—আমেরিকা তাকে স্বাধীনতা দেবে অস্বীকারবদ্ধ হয়েছে ও তদনুসারে অনেক অধিকার ক্রমশঃ ছেড়ে দিয়েছে ও দিচ্ছে। ফিলিপিনো পুরুষদের সঙ্গে মেয়েরাও রাষ্ট্রীয় স্বাধীনতার জন্তে চেষ্টা করতে লেগে গেছেন। ফিলিপাইন দ্বীপপুঞ্জ প্রথমে স্পেনের অধীন হয়, ৩০০ বৎসর পরে আমেরিকার অধীনে আসে। স্পেনের অধীন থাকার সময়েই ডাক্তার জোজে রিভাল স্বদেশকে পরকবলমুক্ত করার চেষ্টা করতে গিয়ে বিদেশীর হাতে প্রাণত্যাগ করেন স্বদেশকে আয়ত্ত্যাগের মহৎদৃষ্টান্ত দেখিয়ে দিয়ে।

রিভালের পরামর্শদাতা ছিলেন মাভিনি।

১৮৯৮-১৯০১ সাল পর্যন্ত ফিলিপাইন দ্বীপে গণতন্ত্র প্রতিষ্ঠিত ছিল, তার অধিনায়ক ছিলেন এমিলিও আগুই-নাল্ভো।

এইসব নামজাদা পুরুষদের প্রাণান্তকর চেষ্টাকে বলদান করার জন্তে দেশেশের নারীরা আগ্রহান্বিতা হয়ে উঠেছেন, দেশসেবার কাজের ভার তাঁরা আগ্রহে স্বীকার করছেন। এইসব স্বাধীনতাকাঙ্ক্ষী নারীদের যিনি নেত্রী, তাঁর মতে পুরুষ ও নারীর একসঙ্গে এক স্কুলে এক ক্লাসে পড়ার ফলেই তাঁরা পুরুষের সহধর্মী সমকর্মী হয়ে উঠতে পেরেছেন। এতে নারীর জড়তা; সঙ্কোচ দূর হয়েছে, তারা এখন অকুণ্ঠিত চিন্তে দেশসেবার সকল কাজে অগ্রসর হতে সাহস করছে; রেলস্টেশনে আপিসে হাসপাতালে আর বিদেশিনী মেয়েদের প্রাণান্ত নেই। সমাজে মেয়েদের স্থান ও অবস্থা দেখে যদি জাতির সত্যতার উন্নতি নির্ণীত হয়, তবে বস্তুতে হবে যে ফিলিপিনো জাত সত্যতার অগ্রসর হয়ে চলেছে শীঘ্রই সত্যসত্তা জাতিদের সমবন্ধ হতে পারবে।



ফিলিপিনো মহিলা—স্বদেশী পোষাকে।

ফিলিপাইন প্রাচ্যদেশ, বহির্ভারতেরই এক অঙ্গ। যব (জাভা), সমুদ্রিকা (সুমাত্রা), বরুনিকা (বোর্নিয়ো), আবিলাস (সেলিবিস) প্রভৃতি দ্বীপ যখন ভারতবাসীর উপনিবেশ ছিল, তখন ফিলিপাইনও ভারতবাসীর দৃষ্টি এড়ায়নি। প্রাচ্য ও ভারত্যাংশ ফিলিপাইন যেকোন ক্ষেত্রে অগসর হচ্ছে, আশা করা যায় স্বয়ং বৃদ্ধ ভারতও সেইরূপ নবোজ্জমে অগসর হবে এবং তার সম্রাজ্যের তার কণ্ঠস্বর বিজয়শব্দ বাজিয়ে বাজিয়ে ভারতপুত্রদের কল্যাণের পথে চালিত করবে।

সাহিত্যে মহিলার কৃতিত্ব

"Femmes" ও "Vie Heureuse" নামে দুখানা ফরাসী পত্রিকা প্রতি বছরই কথাসাহিত্যের সর্বশ্রেষ্ঠ ইংরেজী প্রত্নকারকে একটি পুরস্কার দেন। এবার অর্থাৎ ১৯২০-১৯২১ সালে Miss Constance Holmes-এর "Splendid Fairing" উপস্থাস্থানা পুরুষ ও মহিলা লেখকলেখিকাদের মধ্যে প্রতিযোগিতায় সর্বশ্রেষ্ঠ বিবেচিত হইয়াছে। গত বছর Miss Cicely Hamilton-এর "William and Englishman" নামক উপস্থাস্থানা এই পুরস্কার পাইয়াছে। এ ছবছর আগে, কোন মহিলাই এ সম্মানার্হ পুরস্কার পান নাই।

সুন্দরী কে ?

সুন্দরী কে, তাহা বলা সহজ কথা নয়। ভিন্ন ভিন্ন দেশের লোক সৌন্দর্যের ভিন্ন ভিন্ন ব্যাখ্যা করিয়া গিয়াছেন। সৌন্দর্য সম্বন্ধে নানা মূর্খির নানা মত। এখানে আমরা পৃথিবীর কতক কতক দেশের সুন্দরীদের পরিচয় দিলাম :—

১। চীনের সুন্দরীগণ ক্ষুদ্র ও গোল চক্ষু ভালবাসেন। জু তাঁহাদের নিকট কদাকার চিহ্ন। তাই সর্বদাই তাঁহারা জর চুল হস্ত ধারা

উৎপাটিত করেন। ছোট পা তাঁহাদের নিকট পরম সৌন্দর্যের পরিচায়ক। চীনমহিলারা শিশুকণ্ঠ্যর পা কাঠের সূতা দিয়া এমন ভাবে বাধিয়া রাখেন যে, উহাদের ভবিষ্যতে পা আর বড় হইতে পারে না, পা-এর আঙ্গুলগুলি বড় হইয়া পায়ের তলার সাথে থাকে। চীনমহিলারা চিরকালের তরে পজু হইয়া থাকেন। তাঁহারা হাতে বড় বড় নখ রাখেন; বাঁশের নল দিয়া সেই নখ চাকিয়া রাখেন, নখের আঙ্গিবার সম্ভাবনা থাকে।

২। দীর্ঘ ও দীর্ঘ মেজ আমেরিকার মহিলাদের সৌন্দর্যের পরিচায়ক। দীর্ঘা ও দীর্ঘাঙ্গিনী হইবার জন্ত মার্কিন রমণীরা কোনও প্রকার কষ্টই কষ্ট বলিয়া গ্রাহ্য করেন না। শরীরের সুস্বাস্তা পূর করিবার জন্ত তাঁহারা অনশন ব্রত অবলম্বন করিতেও পশ্চাদ্দপন করেন।

৩। আরব দেশের মহিলারা আঙ্গুল রক্তবর্ণে, দাঁত কৃষ্ণবর্ণে, ও ত্বক নীলবর্ণে রঞ্জিত করেন। আরবেরা এইরূপ রমণীকেই, পরমাত্মকরী বলিয়া বর্ণনা করেন।

৪। পারস্য দেশের সুন্দরীরা চোখের চারিদিক কৃষ্ণ রেখায় এবং কান নানা মূর্তিতে অলঙ্কৃত করেন। পারস্যবাসীরা এই মূর্তি দেখিয়াই মুগ্ধ হন।

৫। জাপানী মহিলারা তাঁহাদের দাঁত সূর্য বর্ণে, হটেনটট রমণীরা সর্কাস ব্রত ও কৃষ্ণবর্ণে রঞ্জিত করেন।

৬। গোল্যান্ডের রমণীরা মুখমণ্ডলে নীল ও পীতবর্ণে আলিপনা অঙ্কিত করেন।

৭। নিউজিল্যান্ডের মহিলারা তাঁহাদের শিশুকণ্ঠ্যর বামহস্তের কনিষ্ঠ অঙ্গুলীর অগ্রভাগ কাটিয়া ফেলেন; তাঁহাদের নিকট ইহাই পরমসৌন্দর্যের চিহ্ন। সর্কাসে ক্ষতের দাগ, ইহাদের আর-একটি সৌন্দর্যের চিহ্ন; এইজন্য শামুক দিয়া শরীর ক্ষত বিক্ষত করেন। অনেকদিন পর্যন্ত এই ক্ষত শুষ্ক হইতে দেন না; এই ক্ষতচিহ্ন বহুদিন স্থায়ী থাকিয়া তাঁহাদের সৌন্দর্য বৃদ্ধি করে।

৮। সুমাত্রা দ্বীপের রমণীরা তাঁহাদের শিশুকণ্ঠ্যর মস্তক সর্বদা হাত দিয়া চাপিয়া দিয়া থাকেন; ইহাতে মাথা চেপ্টা হইয়া যায়। চেপ্টা মাথা তাঁহাদের নিকট পরমসুন্দর।

৯। আফ্রিকার সুন্দরীদের কানায় বড় চক্ষু, পুরু ঠোঁট, বড় এবং চেপ্টা নাক, ঘোর কৃষ্ণ হক।

১০। নিউগিনির সুন্দরীতিনি, যিনি নাক ছিন্ন করিয়া তাহার মধ্যে কাষ্ঠখণ্ড পাইষ্ট করিয়া দেন।

১১। তিব্বত-রমণীদের অগ্রভাগ এক অস্বস্ত ব্যাপার। পুরুষকে মুগ্ধ করিবার ইচ্ছায় তাঁরা যখন বাহিরে আসেন তখন মুখে কালি মাখিয়া থাকেন।

১২। আমাদের দেশে সুন্দরীদের সীমস্তে সিন্দুর ও ললাটে সিন্দুর ও ষড়য়ের টিপ শোভা পায়। চোখে তাঁরা অঙ্কন বা কাজল দিতেন। চন্দন, কুমুম ও অলকাতিলাকারও ব্যবহার ছিল। দাঁতে মিশি দেওয়ার ও উচ্চি কাটার প্রথা এখনও উদ্ভিয়া বাহতেছে।

নগেন্দ্র ভট্টাচার্য।

এলিজাবেথ ফ্রাই

উনবিংশ-শতাব্দীর প্রথম ভাগে গ্রেটব্রিটেনে যে-সকল কারাগার ছিল, তাহাতে নিরপরাধ ও দোষী-সাব্যস্ত লোক একত্র বাস করিত। কারাগারে নানাপ্রকার ব্যাধি ও সংক্রামক রোগের প্রাদুর্ভাব ছিল। কিন্তু ইহা সত্ত্বেও কারাগারগুলি পরিষ্কার ও পরিচ্ছন্ন রাখিবার কোন চেষ্টা হইত না। ইহারই ফলে শত শত কারাগার ব্যক্তি কালের করালগ্রাসে পতিত হইত। কাহারও পানদেশে ও পানদেশে লৌহশলাকা স্থাপন করিয়া অত্যন্ত নিগ্নমভাবে নানাপ্রকার উদ্ভেদন করা হইত। অধিকাংশ কারাগারই মূষিকের আবাসস্থান ছিল; অনেক সময় তাহারা নিদ্রিত কারাবাসীগণের বদনমণ্ডল খতবিস্তৃত করিয়া দিত। কোন কোন জেলে কারাগারগুলি মূষিকের অনেক নীচে অবস্থিত ছিল, তাহাতে তাহা ও আলোক প্রবেশের পথ ছিল না। সেই সূচিভেদ্য অন্ধকারে আবৃত অন্ধকারে ভূমির উপর কারাবাসীগণকে শয়ন করিতে হইত। কোন কোন জেলে কয়েদিগণকে পরিমিত আহার পধ্যস্ত প্রদান করা হইত না; অধাশনে বা অনশনে তাহারা অতিকষ্টে দিনপাত করিত। জেলখানার তত্ত্বাবধায়কগণ প্রকাশ্যভাবে কয়েদিগণের নিকট মদ্য বিক্রয় করিয়া অর্থ উপার্জন করিতেও কুণ্ডা অগ্রস্ব করিত না।

জেলখানায় কয়েদিগণকে অপরাধের ভারতম্য-অনুসারে অথবা বয়সের অধিকতা-অনুসারে বিভিন্ন স্থানে রাখা হইত না। নাস্তমতি কোমলবয়স্ক বাসকদিগকে অনেক সময় ঘোর দুর্ভিক্ষাসক্ত প্রাপ্তবয়স্ক ব্যক্তিগণের সঙ্গে মেসপানের স্থায় একত্র আবদ্ধ করিয়া রাখা হইত। এইকালে বাসক-চারিত্রে সংস্কারের কোন লক্ষণই পরিদৃষ্ট হইত না, বরং তাহারা দিন দিন পাপের পথে অগ্রসর হইত।

যখন ইংলণ্ডের কারাগার সমূহের এইরূপ শোচনীয় অস্থা, তখন এলিজাবেথ একদিন এক কারাগারের নিকট দিয়া যাইতেছিলেন। শীতকাল; টিপ্ টিপ্ করিয়া বৃষ্টি পড়িতেছে। দাক্ষিণ শীতের কনকনে হাওয়া পায়ে কাটা পড়িতেছে। এই সময়ে কারাগারের উন্মুক্ত প্রান্তে পৃথিবী একদশ বন্দী পাপের স্মারকভেদে। এই ঘোর শীতেও তাহাদের গাত্র হইতে ঘনানন্দু ঝরিয়া পড়িতেছে, তাহাদের মুখ বিবর্ণ, দেহ অস্থি কঙ্কালসার, মূদ্রাবভৌষিকা যেন তাহাদের বদন-মণ্ডলে প্রতিভাত হইতেছে। এই দুর্দশাগস্ত হতভাগ্যদের দুঃখ-দুর্গতি-মোচনের উপায় চিন্তা করিতে করিতে ভগ্নহৃদয় জইয়া তিনি বিষণ্ণবদনে গৃহে প্রত্যাগত হইলেন। তদনন্তি কাবারুদ্ধ হস্তপদবন্ধ বন্দীগণের দুঃখমোচনচিন্তা তাহার হৃদয়কে অধিকার করিয়া রহিল। তিনি সন্ন্যাসিনীর ব্রত অবলম্বন করিয়া চতুর্দশবর্ষের বয়স, খেতবর্ষের উত্তরী (kerchief) ও এক অদৃষ্ট প্রভৃতি সন্ন্যাসিনীর উচিত চিহ্নসমূহ পরিধান করিলেন। এবং স্বকীয় পার্থক্য বিমোচন দিয়া সমাজসেবার আশ্বিনীযোগ করিলেন। দীনদরিদ্রই তাহার উপাস্ত দেবতা হইল, তাহাদের দুঃখ-দুর্গতিমোচনই তাহার জীবনের ব্রত হইল।

এলিজাবেথ ১৮০০ খ্রিঃতে জেনেফ্রা ফ্রাই নামক একজন ভ্রাতৃলোকের সঙ্গে পরিণয়পুত্রে আবদ্ধা হন। কিন্তু বিবাহবন্ধন তাহার পক্ষে মোহের বন্ধন হইল না। তিনি দারিদ্র্য-প্রসিদ্ধিত, রোগপ্রাপ্ত ও কুপার্ণ ব্যক্তিগণের সেবাকার্যে নিঃস্বপ্নতর উৎসাহ সহকারে অগ্রসর হইলেন।

এলিজাবেথ ফ্রাই দেশের যাবতীয় হিতকর অগ্রগণ্যই যোগদান করিলেন। তিনি দেশের বিদ্যালয় প্রভৃতির সংস্কারসাধনে ব্যাপৃত ছিলেন; শ্রমজীবীদিগের আবাসগৃহের উন্নতিবিধানে যত্নপর ছিলেন; দেশে দাসত্বপ্রথার উচ্ছেদ-সাধনে চেষ্টা করিয়াছিলেন; পবিত্র কার্যে

ও কারখানার নিযুক্ত শ্রীলোক ও বালকবালিকাদিগের কষ্টসাধন-ব্যাপারে যথেষ্ট সহায়তা করিয়াছিলেন। জনসাধারণের অবস্থার উন্নতিবিধানের জন্ত যেখানে যে আয়োজন হইয়াছে, সেইখানেই তিনি সেই আয়োজনের সফলতালাভে সাধ্যানুরূপ সাহায্য করিয়াছেন। তাহার স্থায় অধ্যাত্তকর্ম্ম একনিষ্ঠা সেবিকা জগতে অতি বিরল। শীতান্তকে শীতবস্ত্র, রোগগ্রস্তকে ঔষধ, নিরাক্রম অন্ন প্রদান করিতে তিনি সর্বদাই মুক্তহস্ত ছিলেন। অজ্ঞানতিমিরাবৃত কুসংস্কারাচ্ছন্ন দুর্নীতিপরায়ণ প্রতিবেশিনীগণের চরিত্রের উন্নতি-বিধানের জন্ত এবং তাহাদের মধ্যে ধর্ম্মবুদ্ধি জাগ্রত করিবার জন্ত, তিনি তাহাদের মধ্যে বাইবেল বিতরণ করিতেন। কিন্তু তাহার জীবনের সর্বপ্রধান কার্য কারাসংস্কার। তিনি ঘুরিয়া ঘুরিয়া ইংলণ্ডের জেল-সকল



এলিজাবেথ ফ্রাই।

পরিদর্শন করিতে লাগিলেন। একবার তিনি লণ্ডন-সহরে নিউগেট (Newgate) জেলখানায় যাইয়া উপস্থিত হন। তথাকার কয়েদিগণ এত দুর্দান্ত ছিল যে, সেই জেলের তত্ত্বাবধায়ক তাহাকে কারাবাসীগণের সম্মুখীন হইতে নিষেধ করেন। কিন্তু তাহার সনির্বন্ধ অনুরোধে অবশেষে তাহাকে কারাগারের ভিতরে প্রবেশের অনুমতি দেওয়া হয়। তিনি কারাগারে প্রবেশ করিয়া প্রথমে বাহা দেখিলেন, তাহাতে স্তম্ভিত হইলেন। অশ্রাবকোমল শ্রীলোকগণ পধ্যস্ত জেলখানার দুর্নীতি-দোষযুক্ত বাবুতে বাস করিয়া তাহাদের স্বাভাবিক ধর্ম্ম পরিত্যাগ করিয়া ঘোর দুর্দান্ত ও দুঃখের স্থায় আচরণ করিতেছে। কারাবাসী শ্রীলোকগণের অসংখ্য ব্যবহার, অশীল ভাষা, অশিষ্ট আচরণ প্রত্যক্ষভাবে দর্শন করিয়া তিনি মর্দ্রাহত হইলেন। কিন্তু আশ্চর্য্যের বিষয় এই যে, এলিজাবেথের সৌম্যমুষ্টি ও আত্মসমর্পণ বশভূষা সেই দুর্ভিত কারাগারসিনীদিগকে যেন মন্ত্রমুগ্ধ করিয়া ফেলিল। তাহারা হাঁটু গাড়িয়া বসিয়া নিঃশব্দে এলিজাবেথের উপদেশবাণী

ও স্তোত্রপাঠ শ্রবণ করিতে লাগিল। এমন কি কাহারও কাহারও হইতে অশ্রুধারা বিগলিত হইতে লাগিল। তিনি সময় সময় ধীরে ধীরে কাঁরাবাসিনীদের নিকট ধর্মগ্রন্থ পাঠ করিতে লাগিলেন। তাহাদিগকে লইয়া সরস্রাণে প্রার্থনা করিতে লাগিলেন এবং তাহাদের সম্মানদের রুগ্নশয্যাপার্শ্বে বসিয়া শুশ্রূষা করিতে লাগিলেন। এইরূপে ধীরে ধীরে তিনি তাহাদের মধ্যে স্থনীতি প্রচার করিয়া তাহাদের নিকট দুর্নীতির পথ রুদ্ধ করিলেন।

কাঁরাবাসিনী স্ত্রীলোকদিগের অপেক্ষা তিনি তাহাদের সম্মানদের শিক্ষা ও উন্নতির জন্ত অধিকতর চেষ্টা করিতেন। তিনি একটি সমিতি গঠন করিলেন। নিউগেট-কাঁরাগারে শ্রীকয়েদীপনের চরিত্র সংশোধন ও তাহাদের সুখস্বাস্থ্য-বিধান তাহাদের প্রধান কর্তব্য বলিয়া পরিগণিত হইল। তাহারা কাঁরাবাসিনীদিগের বশ্ৰাভাব দূর করিতে এবং তাহাদের মধ্যে শিক্ষাদানের ব্যবস্থা করিতে অগ্রসর হইলেন।

এইরূপে এলিজাবেথের ঐকান্তিক যত্নে ও সেবায় অচিরেই কাঁরাগারের মান দৃশ্য অপসারিত হইল। বিশৃঙ্খলার স্থানে শান্তি, অশান্তির স্থানে শান্তি, দুর্নীতির স্থানে স্থনীতি, অসুস্থি ধীরে ধীরে তাহাদের খীয় অধিকার বিস্তার করিয়া কাঁরাগারের নারকী বিষয়িকা প্রশমিত করিতে লাগিল। এলিজাবেথের প্যাতি ও যশ চতুর্দিকে পরিব্যাপ্ত হইল; তাহার দেশবাসী নানাভাবে তাহার প্রতি সম্মান প্রদর্শন করিতে লাগিল। কাঁরা সংস্কার বিষয়ে পালিয়ামেন্টের দৃষ্টি আকৃষ্ট হইল এবং তদন্ত কমিটি নিয়োজিত হইল।

তারপর, ইংলণ্ডের বর্করোচিত নিষ্ঠুর দণ্ডবিধি তাহার দৃষ্টিকে আকৃষ্ট করিল। তৎকালে ইংলণ্ডে অতিকঠোর আইন প্রচলিত ছিল। সানাত্ত অপরাধের জন্ত পর্যাপ্ত প্রাণদণ্ডের ব্যবস্থা ছিল। নরহত্যার অপরাধে যে শাস্তি প্রদত্ত হইত, সানাত্ত জালের অপরাধে অপরাধী ব্যক্তিও তদ্রূপ দণ্ডে দণ্ডিত হইত। একবার একটি দরিদ্র স্ত্রীলোক তাহার কপিতকলেবর শিশুর শীত-নিবারণের জন্ত একখণ্ড শীতবস্ত্র অপহরণ করিবার অপরাধে প্রাণদণ্ডে দণ্ডিত হইয়াছিল। এমন কি সামান্য একটি বৃক্ষ কর্তনের অপরাধেও বিচারকগণ ক্যামিসর জুজ দিতে ইতস্ততঃ করিতেন না। হুকুর মাথায় ত্রুণস্বূপে অগ্নিসংযোগ করিয়া অনেক উচ্চ স্থল যুবক প্রাণ হারাইয়াছে। পথিপার্শ্বস্থ স্ত্রীপ্রায় ছাগ শিশুকে গৃহে লইয়া গিয়া অনেক সুধাতুর ব্যক্তি চৌধাতিযোগে অভিযুক্ত হইয়া কাষ্ঠদণ্ডে নিলম্বিত হইয়াছে।

এলিজাবেথ বহুবার শাসকবর্গের সমক্ষে এই-সকল অসন্তোষজনিত আইন সংস্কারের জন্ত পুনঃ পুনঃ সনির্বন্ধ অনুরোধ করিয়াছেন। দেশবাসীর কর্তব্যব্যক্তি জাগরিত হইল, জনসমূহ প্রসিদ্ধ নেতৃবর্গের অধীনে দলবদ্ধ হইয়া অত্যাচার ও অবিচারের বিরুদ্ধে এক নোযণা করিল। অবশেষে এলিজাবেথের সাধনা সিদ্ধ হইল; ইংলণ্ডে হত্যাপ্রাধ ভিন্ন অস্তান্ত অপরাধে প্রাণদণ্ডের বিধান রহিত হইল।

ইহাতেই এলিজাবেথের কর্মের অবসান হয় নাই। তিনি ইংলণ্ড ও স্কটল্যান্ডের হাসপাতাল ও পাগলাগারদ-সমূহ পরিদর্শন করিতে লাগিলেন। এই-সকল স্থানে তিনি যেসকল ক্রটি দেখিতে পাইলেন, নির্ভয়ে সেসকল কল্পক্ষেত্র গোচরীভূত করিতে লাগিলেন।

কাঁরা সংস্কার ব্যাপারে তিনি যেমন যুরোপের বিভিন্ন দেশে ভ্রমণ করিয়াছেন, তথাকার নৃপতিবৃন্দে এবং রাজপুরুষগণের নিকট নির্ভয়ে ও স্বাধীনভাবে তিনি তেমনই স্বীয় বৃত্ত প্রকাশ করিয়াছেন। তাহাদের অসন্তুষ্টির ভয়ে তিনি কখনও উচ্চ কথা বলিতে ইতস্ততঃ করেন নাই। ফ্রান্সের রাজাকে তিনি পরিষ্কার বলিয়াছিলেন, “আপনি যখন কাঁরাগার নির্মাণ করেন, তখন এই কথা মনে রাখিয়া নির্মাণ

করিবেন যে, সেই কাঁরাগৃহে যেন আপনার নিজের সম্মানেরাও অবস্থান করিতে আপত্তি উত্থাপন করিতে না পারে।”

তিনি কয়েদ-খালসীদের সাহায্যের জন্তও এক সমিতি সংস্থাপন করিয়া তাহাদের অন্ন বস্ত্র আশ্রয় ও উপা-কনের উপায় সংগ্রহ করিয়া দিবার ব্যবস্থা করেন। তাঁর এই সমস্ত সাধু চেষ্টা দেশের শহরে শহরে প্রসারিত হইতে হইতে শেষে যুরোপের মহাদেশেও ছড়াইয়া পড়ে। তিনি যুরোপের প্রত্যেক দেশের প্রধান প্রধান জেলখানা পরিদর্শন করিয়া সেখানকার অবস্থার রিপোর্ট লিপিয়া সেইসব দেশের গভর্নেন্টের কাছে পেশ করিয়া সংস্কার প্রার্থনা করিতে থাকেন। বিদেশের রাজা ও রাষ্ট্রপতিরা তাঁকে বহু উপদেশী বলিয়া মনে করিতেন; সকল দেশের জ্ঞানী বৈজ্ঞানিক রাষ্ট্রকুশলী তাঁর বহুদূর পরম গৌরবজনক বিবেচনা করিতেন।

যখন তিনি প্রকাণ্ড মহাদেশে নিষ্ঠুর বন্দরতা ও অন্যায় অবিচার সংশোধন করিবার চেষ্টা করিয়া ফিরিতেছিলেন; অসংখ্য হতভাগ্য নরনারী ও শিশুদের সুখী ও পুণ্যপথিক করিবার চেষ্টা করিতেছিলেন, তখনও তিনি নিজের বৃহৎ পরিবারের দিকে অমনোযোগী হন নাই; তাঁর স্বামী ডেউলিয়া হইয়া হতাং দরিদ্র হইয়া পড়িলেও তিনি আপনার সঙ্কল্পিত ব্রত উদ্ভাপন করিতে প্রতিশ্রুত হন না। জীবনের শেষ ১৭ বৎসর দারিদ্র্যকষ্টে সংসার নিরাস করিতে হইলেও তিনি স্বামী ও সম্মানদের সেবা ও সমস্ত মহাদেশের অপরাধগ্রস্ত দুঃখা নরনারী ও শিশুদের সেবা অক্লান্তভাবে প্রসূন মনেই করিয়া গিয়াছিলেন এবং নিজের সৌন্দর্য্যতেই স্বকর্মের সফলতার পুরস্কার আশ্রয়প্রসাদের বিমল আনন্দ ভোগ করিবার সৌভাগ্য তাঁর হইয়াছিল। অনেকের মতে ইংলণ্ডের জেলখানা-সংস্কারক জন হাওয়ার্ডের চেয়েও শ্রীমতী এলিজাবেথ ফাই শ্রেষ্ঠ সেবিকা ও সংস্কারী। ১৮০৫ সালে ৬৫ বৎসর বয়সে তাঁর মৃত্যু হয়; কিন্তু এই মহীয়সী মহিলার কীর্তি ও নাম আজও জীবিত আছে এবং কয়েদীজীবনের আপেক্ষিক সুখস্বাস্থ্য সেই মহিলার মহিমা খাবহমানকাল প্রচার করিতে থাকিবে। *

ব্যারিষ্টারী পরীক্ষায় মহিলা

এবারকার ইংল্যান্ডের ব্যারিষ্টারী পরীক্ষায় অনেক মহিলাই কৃতিত্ব দেখাইয়াছেন। ‘ফাইনেল’ বা শেষ পরীক্ষায় চারজন, রোমীয় আইনে চারজন, রাষ্ট্রব্যবস্থা বিষয়ক ইতিহাসে পাঁচজন, ফৌজদারী আইনে দশ জন এবং সম্পত্তি ও দান বিষয়ক আইনে ছয় জন মহিলা সম্মানের সঙ্গে উত্তীর্ণ হইয়াছেন।

শ্রীমতী আইভী উইলিয়ামস্ বন্দীদের মধ্যে সর্বপ্রথম প্রথমশ্রেণীর সম্মানের সঙ্গে শেষ পরীক্ষায় পাশ করিয়াছেন। আরও কয়েকটি রমণী শেষ পরীক্ষায় সম্মানের তালিকায় স্থান পাইয়াছেন। শ্রীমতী মরিকা মেট্রী গেটকী কব দ্বিতীয় শ্রেণীর ও শ্রীমতী ইথেল ব্রাইট এম্ফোচ এবং শ্রীমতী হেলেনা নব্লেটন তৃতীয় শ্রেণীর সম্মান পাইয়াছেন। যে চারিটি মহিলা শেষ পরীক্ষায় উত্তীর্ণ হইয়াছেন তাহারা এখনও ব্যারিষ্টারী করিতে পারিবেন না। নিয়ম আছে তিন বৎসর পড়িতে হইবে, কিন্তু তাহাদের তিন বৎসর পড়া এখন হয় নাই, কাজেই পরীক্ষায় উত্তীর্ণ হইয়াও তাহাদের আরও কিছুদিন বসিয়া থাকিতে হইবে, তবে তাহারা আদালতে উপস্থিত হওয়ার জুজ পাইবেন। যাহা হউক আগামী বৎসরেই তাহারা ব্যারিষ্টারী করিবার অধিকারী

* এই শব্দের অধিকাংশ ১৩২৮ সালের আগস্ট ও শ্রাবণ মাসের বামাবোধিনী পত্রিকা হইতে গৃহীত।

হইবেন। পরীক্ষায় কৃতকার্য হইয়াও সাধারণ নিয়ম অনুযায়ী বোধ হয় তাঁহারা প্রথম এই অধিকারলাভে সমর্থ হইবেন। কিন্তু ইতিমধ্যে সভ্যজাতীকে ব্যারীষ্টারী করিবার জন্ত সম্মানে আহ্বান করা হইয়াছে। তিনিই মহিলাদের সর্বপ্রথম এই সম্মান পাইলেন।

শ্রীমতীশচন্দ্র সেন।

মুক্তির মহিমা

কিলাডেল্ফিয়া সহরে যাহারা পোষাক-পরিচ্ছদ তৈয়ারী করে তাহারা বলিতেছে যে, আমেরিকার নারীরা আজকাল খোলা হাওয়ার নানাপ্রকার খেলায় এবং ব্যায়ামে যোগ দিতেছেন, তাহাতে ৪০ বৎসর পূর্বেকার নারীদের অপেক্ষা বর্তমান নারীদের দৈর্ঘ্য প্রায় ১১ ইঞ্চি বাড়িয়াছে। কেবল তাহাই নয়, সঙ্গে সঙ্গে বুকও বেশী প্রশস্ত হইয়াছে এবং কোমর চওড়া হইয়াছে।

খোলা হাওয়ায় পরিশ্রমে যেমন শরীরের উন্নতি হয়, তেমনি ঘরের বাহিরের কাজে নারীদের সমান অধিকার থাকিলে তাঁহাদের মনও প্রশস্ত হইবে। অবশ্য কেহ যেন মনে করিবেন না যে আমেরিকার সমস্ত নারীই আজকাল খোলা হাওয়ার খেলা এবং ব্যায়ামে যোগ দিতেছেন। আমাদের দেশের মত এখনও অনেক নারী এমন আছেন যাহারা নিজেদের ঘরের সামান্য সামান্য কাজ লইয়াই সমস্ত দিন ব্যস্ত থাকেন। তাঁহাদের শরীর ভাল করিতে হইলে বাহিরে আসিতে হইবে। মন বড় করিতে হইলে দেশ এবং দেশের কাজে যোগ দিতে হইবে।

ক্যানাডার নারী প্রাদেশিক মন্ত্রী

মিসেস মেরি আইরেন্ প্যারল্ফি, ক্যানাডার আলবার্টা প্রদেশের এক কৃষকের পত্নী। তিনি ঐ প্রদেশের প্রাদেশিক মন্ত্রী নির্বাচিত হইয়াছেন। তিনি ক্যানাডার দ্বিতীয় নারী মন্ত্রী। তিনি মন্ত্রী হইয়াছেন, কিন্তু তাঁহার উপর বিশেষ কোন কাজের ভার নাই।

ইংলণ্ডে নারী-দায়িত্ব

International Women Suffrage News Service প্রকাশ করিয়াছেন যে ইংলণ্ডের হাউস অব লর্ডসে সম্পত্তি-বিভাগ বিষয়ে একটি নূতন আইন, তৃতীয়বার উপস্থিত হওয়ার পর, পাশ হইয়া গিয়াছে। এই আইনে যেন যে স্বামী যদি কোন উইল না করিয়া মরে, তবে স্ত্রী স্বামীর সমস্ত বিষয়বস্তু মালিক হইবেন। কোন বিশেষ সম্পত্তির মালিক কোন পুত্র যদি মারা যায় তবে সেই সম্পত্তিতে মৃত-পুত্রের পিতা-মাতার সমান অধিকার থাকিবে। পূর্বে 'ল অব প্রাইমোজেনিচার' অনুসারে জ্যেষ্ঠ পুত্র পিতার সমস্ত সম্পত্তি এবং ঘরবাড়ির মালিক হইত। এখন এই নূতন আইনে তাহা রদ হইল। এবার পিতার সম্পত্তিতে পুত্রকন্যার সমান অধিকার থাকিবে। আমাদের দেশেও নারীর দায়িত্বের রীতির পরিবর্তন হওয়া নিতান্ত আবশ্যিক।

হেমন্ত।

মারি ষ্টোপ্‌স্

অধ্যাপক কুরির মৃত্যুর পর যখন শ্রীমতী কুরি পারী সর্ববৃহৎ বিশ্ববিদ্যালয়ের রসায়নশাস্ত্রের অধ্যাপক নিযুক্ত হন তখন চতুর্দিক হইতে ঘোর আপত্তি উঠিয়াছিল। খুব উপযুক্ত এবং সর্বপ্রকারে পুরুষের সমকক্ষ হইলেও নারীকে তাঁহার প্রাপ্য সম্মান দিতে পুরুষ সর্বদাই নারাজ। এই সেইদিন কেম্ব্রিজ বিশ্ববিদ্যালয়ে নারীর অধিকার লইয়া যে বিতণ্ডা হইয়া গেল এবং নারীকে অনেক অধিকার হইতে যেক্রমে বঞ্চিত রাখা হইল তাহা হইতে পুরুষের নারীকে



ডক্টর মারি ষ্টোপ্‌স্।

দমাইয়া রাখিবার প্রবৃত্তি সুস্পষ্টরূপেই ফুটিয়া উঠিয়াছে। কিন্তু নারীকে স্বাধিকার দিতে পুরুষের যতই আপত্তি থাকুক না কেন, মাঝে মাঝে এমন এক-একটি ক্ষমতামালিনী নারী জন্মগ্রহণ করেন যাহাদের নিকট পুরুষকে যুগে যুগে মস্তক অবনত করিতে হইয়াছে। মারি ষ্টোপ্‌স্ এমনই একটি মহিলায়। ইনি স্বীয় প্রতিভাবলে ম্যান্‌চেষ্টার বিশ্ববিদ্যালয়ের বিজ্ঞানবিভাগের অধ্যাপকতা লাভ করিতে সমর্থ হইয়াছেন।

বর্তমানকালে ভূপ্রাণিতত্ত্ব, অঙ্গারীভূত ও প্রস্তরীভূত উদ্ভিদবিজ্ঞানে (Palaeobotany) ইহার জ্ঞান পাণ্ডিত্য কাহারও নাই। মারি ষ্টোপ্‌স্‌র মাতা ও পিতা উভয়েই স্বধীসমাজে পাণ্ডিত্যের জন্ম প্রসিক্ষিত করিয়াছিলেন।

পিতা অধ্যাপক হেনরি ষ্টোপ্‌স্‌ নৃত্যবিদ্যায় পারদর্শিতা লাভ করিয়া যশস্বী হন এবং মাতা সেক্সপিয়রের গ্রন্থাবলী সম্বন্ধে বিশেষজ্ঞ বলিয়া সুপরিচিতা ছিলেন। ষ্টোপ্‌স্‌ পিতামাতার যত্নে অতি অল্পদিনেই নানাবিদ্যায় পারদর্শিনী হইয়া উঠিলেন ও পিতৃসাহচর্যে বৈজ্ঞানিক প্রণালীতে দক্ষতা লাভ করিলেন। ইনি অতি যোগাতার সহিত লণ্ডন বিশ্ববিদ্যালয়ের বি-এসস পদবীক্ষায় উত্তীর্ণ হন এবং ইউনিভার্সিটি কলেজের স্বর্ণপদক পুরস্কার লাভ করেন। লণ্ডন হইতে ডক্টর অফ সায়েন্স উপাধি লাভ করিয়াও ইহার জ্ঞানপিপাসা মিটিল না। উদ্ভিদবিদ্যা ও ভূতত্ত্বে বিশেষ জ্ঞানলাভের জগ্‌ ইনি জার্মানী গমন করিয়া প্রথিতযশা বৈজ্ঞানিক র্যাডেল কফার ও গোয়েবেলের শিষ্যা হন এবং ম্যুনিক বিশ্ববিদ্যালয় হইতে পিএইচ-ডি উপাধি অর্জন করিয়া স্বদেশে প্রত্যাবর্তন করেন। বিদেশে এই মহিলাকে একরূপ কৃতিত্ব অর্জন করিতে দেখিয়া চমৎকৃত হইয়া ম্যান্‌চেষ্টার বিশ্ববিদ্যালয়ের কর্তৃপক্ষগণ ইহাকে ১৯০৪ খৃষ্টাব্দে উক্ত বিশ্ববিদ্যালয়ের বিজ্ঞানবিভাগে আচার্য্যের পদে বরণ করেন। জাপানের কয়লার খনি-সমূহ অঙ্গারীভূত উদ্ভিদবিদ্যায় গবেষণায় বিশেষ উপযুক্ত বিবেচনা করিয়া ১৯০৭ খৃষ্টাব্দে আচার্য্যা ষ্টোপ্‌স্‌ জাপান যাত্রা করেন। তোকিওর রাজকীয় বিশ্ববিদ্যালয় ইহাকে অতি সমাদরে গ্রহণ করেন। প্রায় দেড় বৎসরকাল জাপানের নানাস্থানে ভ্রমণ করিয়া অনেক নূতন গবেষণা দ্বারা প্রস্তুতীভূত ও অঙ্গারীভূত উদ্ভিদবিদ্যায় অনেক উন্নতিসাধন করিতে সমর্থ হন। ইহার গবেষণার ফলগুলিকে ব্রিটিশ মিউজিয়ামের কর্তৃপক্ষগণ সাদরে গ্রহণ করিয়া প্রকাশ করেন। প্রাচীন উদ্ভিদ, প্রস্তুতীভূত উদ্ভিদ প্রভৃতি বিষয়ে অনেকগুলি বৈজ্ঞানিক পুস্তক এবং ভূতত্ত্বালোচনী সভা (Royal Geological Society), উদ্ভিদবিদ্যালোচনী সভা (Royal Botanical Society) প্রভৃতির পত্রিকাতে নানা বৈজ্ঞানিক সন্দর্ভ লিখিয়া ইনি একরূপ যশস্বিনী হন যে লিনিয়ান সোসাইটি, জিও জিকাল সোসাইটি প্রভৃতি বৈজ্ঞানিক সভা ইহাকে ফেলো নির্বাচন করিয়া সম্মান প্রদর্শন করেন।

অবকাশ সময়ে নিজের চিত্তবিনোদনের জগ্‌ ইনি গল্প

উপন্যাস নাটক প্রভৃতি রচনায় নিয়োজিত থাকেন। সেগুলিও সাহিত্যরসিকের নিকট যথেষ্ট আদর লাভ করিয়াছে। জাপানের প্রাচীন সাহিত্য ও নাটক লইয়াও ষ্টোপ্‌স্‌ আলোচনা করিয়াছেন এবং ইংরেজীভাষায় প্রাচীন জাপানী সাহিত্যের ধারা সম্বন্ধে একটি পুস্তক রচনা করিয়াছেন। যৌনতত্ত্ব সম্বন্ধেও ইনি অনেক রচনা করিয়া নিজের সর্বতোমুখী প্রতিভার পরিচয় দিয়া ইংলণ্ডের বিদ্বজ্জন সমাজকে চমৎকৃত করিয়াছেন।

শ্রী প্রভাতচন্দ্র গঙ্গোপাধ্যায়।

খোঁপার ভাষা

জাপানী মেয়েদের খোঁপার বাহার যে কতরকম তা ছবিটি দেখিলেই বুঝা যাইবে। খোঁপার এ বৈচিত্র্য কেবল দেখাইবার জগ্‌ নয়। প্রত্যেক খোঁপার একটি করিয়া অর্থ বা ভাষা আছে। সে ভাষা আমাদের ভাষায় এই—



ভূবনেশ্বরের মন্দিরের পায়ে খোঁদাই-করা খোঁপা।

- (১) ছবিটির উপরের বাঁ দিককার কোণের খোঁপা—বিবাহিত মেয়েদের, যে বয়সের হউক না কেন।
- (২) উপরের মাঝের খোঁপা—জাপানী বয়স্ক কুমারী, নিরাশার সাক্ষী বলিয়া খোঁপার মাথাটিও মুইয়া পড়িয়াছে।
- (৩) উপরের ডান দিককার কোণের খোঁপা—অবিবাহিতা, বিলাসিনীদের বয় ধরিবার ফাঁদ।
- (৪) নীচে বাঁ দিককার কোণের খোঁপা—অবিবাহিতা, বিবাহের আশায় আশাবিতাদের।



জাপানী মহিলাদের বিচিত্র হোঁপা।

(৫) নীচে মাঝখানের হোঁপা—বিবাহিতা কি অবিবাহিতা
না জানাইবা লোককে ঘোর খাওয়াইতে চান, তাঁদের।

এই সঙ্গে আমাদের দেশের প্রাচীনকালের একটি হোঁপার নমুনা
দিত্তেছি। ভুবনেশ্বরের মন্দিরের গায়ে এহু হোঁপা খোদাই করা আছে।

৬) নীচে ডানদিককার কোণের হোঁপা—বিবাহে বাস্‌মুণ্ডাদের।

প।

ঠোঁটের ফাঁকের দাঁতটি

১

ঠোঁটের ফাঁকের দাঁতটি,—
সাঁঝ আকাশের ফাগ-সাগরে
ওদ গিগু চাঁদ কি !
পাপড়ি মেলা গোলাপ ফুলে
বন্দুকুঁড়ি কে গাঁপুলে তুলে,
উষার শিরে বুলায় কি রে
ওক-তারা তার হাতটি !

২

ঠোঁটের ফাঁকের দাঁতটি—
বক্ষে বিশদ মেঘোত্তরী
আরং পরভাত কি !
সীমস্তিনীর সিঁদুরে
ছড়াতে 'লাঙ্গু পড়ল উড়ে,
চন্দনেরি বিন্দু পরা
আরক্ত ললাট কি !
শ্রীরাধাচরণ চক্রবর্তী।



1111 1111
1111 1111

কণ্ঠ পাথর



পরিচারিকা (কার্তিক, ১৩২৮)

বৃষ্টিবৈজ্ঞ—শ্রী বীরেশ্বর সেন।

অনেক দেশেই বহুলোকের একরূপ সংস্কার আছে যে কোন কোন লোকের বৃষ্টি করিবার এবং বৃষ্টি নিয়ন্ত্রণ করিবার ক্ষমতা আছে। বাঙ্গলাদেশে বৃষ্টিবৈজ্ঞানিকের অর্থাৎ যে সকল লোকের এই ক্ষমতা ছিল তাহাদিগকে "সিরেল" বলিত। বয়কালে কোন কৃষকই কোন সিরেলের সঙ্গে বিবাদ করিত না, কেননা সে তাহা হইলে প্রয়োজনের সময়ে সেই কৃষকের ভূমিতে বৃষ্টি হইতে দিত না, আর যখন অপ্রয়োজন তখন বৃষ্টি পাতিত করিয়া তাহার শস্য নষ্ট করিয়া দিত। ইহাও অনিয়াছি জলপাইগুড়ি ছয়ার প্রভৃতি অঞ্চলে চা-বাগানের সাহেব মানেজারেরা নিজ নিজ বাগানে বেতন দিয়া সিরেল রাখিতেন। স্কটল্যান্ডেও বৃষ্টি-বৈজ্ঞ ছিল। সান ওয়ালটার স্কটের একখানি নভেলে ইহার আভাস পাওয়া যায়। নভেলখানির নাম ঠিক মনে নাই—বোধ হয় রেড্ গটলেট্। আফ্রিকায় একদল লোক বৃষ্টিবৈজ্ঞের ব্যবসায় করিয়া থাকে। তাহাদিগকে ইংরেজীতে Rain Doctor বলে।

চালুস্ কাউন্টিফিল্ড্ ক্যালিফোর্নিয়ার অন্তর্গত লোস এঞ্জেলিস (Los Angeles) নামক স্থানবাসী। ইনি সতেরো বৎসরের মধ্যে বিখ্যাত্তি বার প্রতিজ্ঞা করিয়া বৃষ্টি করাইয়া পণ জিতিয়াছেন।

বঙ্গীয় মুসলমান-সাহিত্য-পত্রিকা (কার্তিক)

সাহিত্যে বৈচিত্র্য—এন্, আনসারী।

সাহিত্য জাতীয়জীবনের আলেখ্য। প্রত্যেক জাতিরই একটা দর্শন আছে। কিন্তু দর্শন শুধু পথপ্রদর্শন করে, শুধু প্রণালী নির্দেশ করে, কল্পের প্রেরণা দেয় আর এক বস্তু—সেটি হইতেছে জাতির আশা আকাঙ্ক্ষা। বাঙ্গালার জাতীয় জীবনের অবপ্রাণ অনেকদিন হইল সৃষ্টিহীন বৈচিত্র্যহীন হইয়া পড়িয়াছে। কেননা দর্শনের দিকে বাঙ্গালার চরমে উঠিলেও আকাঙ্ক্ষার দিক দিয়া বাঙ্গালী একান্তই ধল। তাই বাঙ্গালীর সাহিত্যও এত বচিবাহীন ও ক্ষীণ-জীবন। এই যে এত বড় একটা মহাবুক পৃথিবীর বুকের উপর দিয়া অস্ত্রের স্মায় বহিয়া গেল, ইহা পৃথিবীর সকল সভ্য দেশেরই সাহিত্যের উপর একটা প্রবল আলোড়ন গানিয়া দিয়াছে। কিন্তু বাঙ্গালার সাহিত্যে তাহার কোনও সাদৃশ্য দেখা যায় না। স্বপ্নের বিষয় অল্পদিন হইল "শ্রীকান্ত" এবং "চোরকাটা" একটা নতুন ধারার সঞ্চার দেখা দিয়াছে। কিন্তু এ উৎস কতদূর পড়াইলে তাহা এখনও বলা যায় না। তাহাদিগকে "পুষ্টি" বলিয়া সমাজ এতকাল ধরে ডেলিয়াছে, মাজিয়া ঘদিয়া দাঁড় করাইলে তাহাদের ভিতরও যে কৃষি বিবেকানন্দের নির্দেশিত "নর-নারায়ণের" সাদৃশ্য মিলিতে পারে তাহা শিক্ষা—ইউরোপে কাউন্ট টলস্টয় কর্তৃক বহুদিন পূর্বে বিঘোষিত হইলেও—বাঙ্গালার পক্ষে অত্যন্ত নূতন। এদেশের চক্ষে কৃষ্ণবীরের চোখে শুভ্র বীরেরই সম্মান অধিক। প্রেমপীড়িত বৈষ্ণব-যুগের সেই "ধরধরসখি" ভাব যতদিন বাঙ্গালী হইতে বিদূরিত না হইতেছে ততদিন বাঙ্গালী-সাহিত্যে কৃষ্ণ-পূজার

কক মন যে উচ্চারিত হইবে না একথা বলা যাইবে না। এতকাল যে সমাজ নারীকে পুষ্টি, ধরধরসখির অস্ত্রায় বলিয়াই ভাবিত, শুধু ভোগের জন্ত, শুধু সেবা-প্রার্থনের জন্তই আদর করিত, সেই সমাজ নাহিতো আজ নারীকে স্বাধীন ব্যক্তিত্বের অধিকার দিতে বলিয়াছে, বঙ্গসাহিত্যের এই বৈচিত্র্য অত্যন্ত মনোহর।

মুসলমান লিখিত অনেকগুলি পুস্তকই হিন্দু-নাশিকার সহিত মুসলমান নাযকের প্রথম প্রদর্শন করা হইয়াছে। প্রেমের রাজ্যে আশ্রয়বিচার নাই, এবং সাহিত্যের দিক দিয়া ইহা একটা বৈচিত্র্যও বটে। কিন্তু সাহিত্যেও এক কথা আর আশ্রয়-সমাধন আর এক কথা। প্রতিপক্ষের বশবশত হয় কেন যেন এই বৈচিত্র্যের অবতারণা না করেন। কলো বাঙ্গালীর সাহিত্য নব নব ধারায় নব নব সৃষ্টি-রক্ষণ হইয়া, জোলাপ হইয়া উঠা উঠে, আমরা যে সেই দিনের অপেক্ষায় বসিয়া আছি।

মানসী ও মনস্বাগী (কার্তিক)

প্রাচীন ভারতে বঙ্গানন্দ্য—শ্রীকৃষ্ণভট্টাচার্য্য বসু।

পুরাকালে সৌপুত্র-নির্দেশে বঙ্গানন্দ্যের অস্ত্রায় ধারণের পদ্ধতি ছিল। পুরাকালে সৌপুত্রের কোনও নামসম্বন্ধের ব্যবহার করিত না। পরবর্তীকালে হয়ত মুসলমানের আবির্ভাবের পরে নথ, নোমক ও বেনর প্রভৃতি নামসম্বন্ধের প্রচলন হইয়া থাকিলে।

অন্যকোষে নির্দেশিত তালিকা দোষেতে পাওয়া যায়—

- মস্তকের ভূষণ—মুণ্ডুট, কিলোটা।
- মস্তকের চূড়ামণি—চূড়ামণি, শিবোবস।
- হারের অর্ধাঙ্কিত মণি—তরঙ্গ।
- কাঁপটা (মস্তকের ভূষণ)—বালিগাণ্ডা, পাঁচুগাণ্ডা।
- সিঁথী (কলটিভূষণ)—পত্রগাণ্ডা, কলটিকা।
- কনিয়ারা—কনিয়ারা, কনিয়ারা (ইহার নাম তরপত); অস্ত্রায় গুস্তকে কনিয়ার নামেও পাওয়া যায়।
- কণের ভূষণ—গুস্ত (কণের কনিয়ার) কনিয়ার। আবে ডাবোয়া কনিয়ারেতে ১৩১৮ খ্রীঃাব্দ পর্যন্ত কনিয়ারেতে দেখিয়াছিলেন।
- গ্রীবের অস্ত্রায়—কনিয়ার, কনিয়ার (কণী)।
- "কনিয়ার" নামেও দেখতে পাওয়া যায়।
- কণমালা—লখন, লালসিঁথী।
- সোনার মালা—প্রাচীনিক।
- মুণ্ডার মালা—উর্ধ্বাঙ্গিক।
- হাতের মালা—বলয়, কটক।
- হাতের তাড়—কোঁরা।
- হাতের কণা—কণা। (বিহারে কণাই প্রচলিত, বলয় নাই বলিজেই চলে।)
- আংটা—অঙ্গুরীক, উর্ধ্বিক।
- অক্ষয়গুস্ত আংটা—অঙ্গুরীমুদা।
- স্ত্রী-কটির আভরণ (গোটা, চন্দ্রহার)—মেথলা, কাণ্ডী, মগুকা, মায়স পুরুষের কটির আভরণ—গুস্তল।

মল, পাইজোর (পাদালকার)—নুপুর, মঞ্জীর প্রভৃতি ও কুসুমঘটিকা।

একনরী হার—একাবলী।

সাতাশ-নরী হার—নক্ষত্রমালা।

শত-নরী হার—শতগষ্টিক, দেবচ্ছন্দ।

অর্থশাস্ত্রের কোশ-প্রবেশে রত্নপরীক্ষা ২-১১ অধ্যায়ে আমরা নিম্ন-
লিখিত হারের বিবরণ পাই—

- ১। ইন্দ্রচ্ছন্দ—১০০৮ নরী হার (যশীনাথসহস্রমিন্দচ্ছন্দঃ)।
- ২। বিজয়চ্ছন্দ—ইন্দ্রচ্ছন্দের অর্ধেক নরী।
- ৩। অর্ধহার—চতুঃগষ্টিক (৬৪) নরী।
- ৪। রশ্মিকলাপ—৫৪ নরী।
- ৫। গুচ্ছ—৩২ নরী।
- ৬। নক্ষত্রমালা—২০ নরী।
- ৭। অর্ধগুচ্ছ—২৪ নরী।
- ৮। মাণবক—২০ নরী।
- ৯। অর্ধ-মাণবক—১০ নরী।
- ১০। শুদ্ধহার—যখন সকল ন'রগুলিই একই ধরণের।
- ১১। ফলকহার—মধ্যদেশে তিনটি ত্রিফলক রত্নযুক্ত অথবা পঞ্চফলক
যুক্ত রত্নহার।
- ১২। একাবলী—একনরী হার।
- ১৩। ষষ্টি—একাবলীতে মধ্যরত্ন থাকিলে।
- ১৪। রত্নাবলী—নানাবিধ রত্নে ঋচিত হইলে।
- ১৫। অপবর্তক—পর্যায়ক্রমে স্বর্ণ, মণি ও মুক্তার দ্বারা যে হার ঋচিত
হয়।
- ১৬। সোপান—মুক্তার হারের মধ্যে স্বর্ণসূত্রযুক্ত হার।
- ১৭। মণিসোপানক—সোপানে মণি গঠিত হইলে তাহাকে মণি-
সোপানক বলে।

এই হারগুলি মস্তক, গ্রীবা, বক্ষোদেশ, কণ্ঠ প্রভৃতি সর্বত্র
ব্যবহার্য ছিল।

মহাভারতের বনপর্বে দ্রৌপদী-সত্যভামা সংবাদে “নিষ্ক”-হারের
উল্লেখ আছে। স্বর্ণমুদ্রা গাঁথিয়া যে হার রচিত হয়, তাহারই নাম “নিষ্ক”
ছিল। মার্কণ্ডেয় পুরাণে নাগ হারের উল্লেখ আছে। সকল অলঙ্কারেই
মণির ব্যবহার হইত। তখন ভারতের এমন দিন ছিল যে শুধু
অলঙ্কারে নয়, প্রাসাদিতেও মণিমাণিকা সন্নিবেশিত হইত; রামায়ণ-
মহাভারতের সময় হইতে আরম্ভ করিয়া সূক্ষ্মকটকের সময় পর্যন্ত
গৃহশোভায় এই অতি বাস্তব্যের পরিচয় আমরা পাইয়া থাকি। বহুবিধ
মণিরও উল্লেখ দেখিতে পাওয়া যায়। শঙ্খনির্মিত অলঙ্কার অর্থাৎ
শাঁখা তখনও প্রচলিত ছিল। বাৎসায়ন কামসূত্রে শঙ্খকে মণির
মধ্যে গণ্য করিয়াছেন। কোটিল্য অর্থশাস্ত্রে শঙ্খকে মুক্তার আকার
বলিয়াছিলেন : মহা-স্বর্ণ-কণ্ডক (শঙ্খ) ধারণের উল্লেখ রহিয়াছে।

তদন্তোক্ত কালে অস্ত্রাস্ত্র আভরণের মধ্যে নাসান্তরণেরও উল্লেখ
রহিয়াছে। তন্ত্রসারে ৬৪ উপচারের বিবরণ দৃষ্ট হয়। প্রসাধনের
একটা সম্পূর্ণ চিত্র ইহাতে পাওয়া যায়। ৬৪ উপচারের কতক পরিচয়
নিম্নে প্রদত্ত হইতেছে।

- ২য় উপচার সূপকিতৈলাভ্যঙ্গম্।
- ৫ম " দিব্যানানীরম্।
- ৬ষ্ঠ " উদ্বর্তনম্।
- ৭ম " উষোধকরানম্।
- ১০ম " অরুণবস্ত্রপরিধানম্।
- ১১শ " অরুণবস্ত্র উত্তরীয়ম্।
- ১৪শ " চন্দনাগুরুকুম্ভ-সৃগমদ কপূর-কস্তুরী-রোচনা-দিব্য-

গন্ধ-সর্বাক্রান্তুলেপনম্। মালতী-জাতী-চম্পকী-
অশোক-শতপত্রপূগ-কুহরী-পুন্নাগ-কঙ্কার-বুধী-সর্বর্ভু-
কুমুমমালাভূষণম্।

- ১৮শ " নবরত্নমুকুটম্।
- ১৯শ " চন্দ্রশকলম্।
- ২০শ " সীমন্তমিন্দুরম্।
- ২১শ " তিলকরত্নম্।
- ২২শ " বালাঞ্জনম্।
- ২৩শ " কর্ণপালিযুগলম্ (কানবালা)।
- ২৪শ " নাসান্তরণম্ (নাসান্তরণের কোনও নাম প্রদত্ত হয়
নাই)।
- ২৫শ " অধরন্যাবকম্ (চোঁটে আলতা ও অশ্রু কোনও
রঞ্জনদ্রব্য)।
- ২৬শ " গ্রন্থনভূষণম্ (কি ?)।
- ২৭শ " কনকচিত্রপদকম্ (পদকধারণ এখনও পশ্চিমে
প্রচলিত আছে)।
- ২৮শ " মহাপদকম্।
- ২৯শ " মুক্তাবলীম্।
- ৩০শ " কনকাবলীম্।
- ৩১শ " দেহচ্ছন্দকম্ (ইহা বোধ হয় হার-বিশেষ, অর্থশাস্ত্রের
তালিকা দেখুন)।
- ৩২শ " কেয়ুরযুগলচতুষ্কম্।
- ৩৩শ " বলদ্বাবলীম্।
- ৩৪শ " উর্ধ্বিকাবলীম্ (আংটি)।
- ৩৫শ " কাঞ্চীদামকটিসূত্রম্ (গোটি)।
- ৩৬শ " শোভাখ্যান্তরণম্ (ইহা যে কি তাহা বুদ্ধিতে
পারিলাম না)।
- ৩৭শ " পাদকটকম্ (পাইজোর)।
- ৩৮শ " রত্ননুপুরম্ (বুংপুর)।
- ৩৯শ " পাদাঙ্গুরীয়কম্ (চুটকী)।
- ৪৪শ " শ্রীমঙ্গলিক্যপাছুকা।
- ৪৯শ " কপূরবটিকা।
- ৫২শ " খেতচ্ছত্রম্।
- ৫৩শ " চামরযুগলম্।
- ৫৪শ " দর্পণম্।
- ৫৫শ " তালবৃন্তম্।
- ৫৬শ " গন্ধম্।
- ৬৭শ " পুষ্পম্।
- ৬২শ " তাসুলম্।

তারা-ধানে পাছুকাযুক্ত পদের উল্লেখ আছে। অনেকের মতে তারা
চীন হইতে আনীত দেবতা। তাই কি তাহার পাছুকার উল্লেখ ?

রানারণ-মহাভারতের যুগে অন্তরীয় (পরিধেয় বস্ত্র) ও উত্তরীয়
(উড়ুনি) ভিন্ন অশ্রু কোনও পরিচ্ছদের পরিচয় পাই নাই।
অমরকোষে উত্তরীয়ের কতকগুলি নামান্তর প্রদত্ত হইয়াছে—যথা
প্রাবার, উত্তরাসঙ্গ, বৃহতিকা, স গ্যান উত্তরীয়। প্রাবার শব্দটা
অর্থশাস্ত্রে বারবাণ নামে সৈন্যের বিস্তৃত পরিচ্ছদের মধ্যে স্থান
পাইয়াছে। কামসূত্রে প্রাবার (প্রাবরণ) অর্থে টীকাধারণ
শালদোশালা বলিয়া ব্যাখ্যা করিয়াছেন। বহু পূর্বে গ্রীক অভিব্যানের
সময়েই কোনও একপ্রকার দীর্ঘ পাবাক (জামা) ব্যবহৃত হইত,
সে কথা নেপালেশ্বের প্রভৃতি গ্রীক পর্যটকগণের বিবরণ হইতে জানা

যায়। অর্ধশাব্দে মৈনিকপণের পরিচ্ছদ বর্ণনার শিরস্ত্রাণ, কণ্ঠত্রাণ, কুর্পাস (অমরকোষে কুর্পাসক), কক্ষুক (ব্রহ্ম পরিচ্ছদ), বারবাণ (দীর্ঘ পরিচ্ছদ, long coat), পট (পটি, পদত্রাণ), নাগোদরিক প্রভৃতি পরিচ্ছদের উল্লেখ দৃষ্ট হয়।

নাগরিকেরা বহুমূল্য ও রত্নখচিত পাছকাও ব্যবহার করিতেন। পাছকার উল্লেখ সূত্রতে তো আছেই, সংহিতা ও পুরাণেও আছে, অতএব এটা যে একটা প্রাচীন প্রথা সে বিষয়ে সন্দেহ নাই। যখন পাছকা ছিল, তখন পদাতপ (হিন্দিতে যাহাকে পারতাওরা কহে) মোজাও ছিল। অমরকোষের অনুপনীনা মোজা। কুর্পাস বা কালিদাসের কুর্পাস্তক স্ত্রী-পরিচ্ছদের মধ্যে দাঁড়াইয়াছিল বোধ হয়। স্ত্রীজাতির অঙ্গাবরণ পরিচ্ছদ ভাগবতের সময় কক্ষুক বা কক্ষুলিকা (কাঁচুলি) নামে প্রথিত হইতে আরম্ভ হইয়াছিল। রামায়ণ-মহাভারতের সময় অথবা বৈদিককালে স্ত্রীলোকের উত্তরীয় ভিন্ন অঙ্গ কোনও পরিচ্ছদের উল্লেখ দেখিতে পাই না। বৈদিক যুগে অলঙ্কারের বিশেষ বাহুল্য হইয়াছিল। তখনই হস্তের ও পদের অলঙ্কার (খাদি) ও মালা (হার) প্রচলিত হইয়াছিল। কিন্তু বস্ত্রের বেলা, এমন কি স্ত্রী-বস্ত্রের বেলা অস্তরীয় উত্তরীয় ভিন্ন অঙ্গ কোনও বস্ত্রের উল্লেখ নাই। গৌতম-সংহিতায় (প্রাচীন সংহিতা বলিয়া স্বীকৃত) কুর্প (কোর্তা বা জামা) বলিয়া একপ্রকার পরিচ্ছদের উল্লেখ আছে (১০ম অধ্যায়)।

অমরকোষে নিবীত ও প্রাবৃত নামে পরিচ্ছদের উল্লেখ আছে। এখন যাহাকে পাছুড়ি বা দোপাট্টা বলে, তাহাকে অমরকোষে প্রচ্ছদপট বলা হইয়াছে। অমরকোষে আপ্রপদীন নামে মস্তক হইতে পদ পর্যন্ত আচ্ছাদনকারী একপ্রকার পরিচ্ছদের কথা লেগা আছে। পরিচ্ছদ নির্মাণের উপকরণ, অথবা যাহাকে অমরকোষে বস্ত্রযোনি বলা হইয়াছে, তাহা প্রাচীনকালে অনূন ৯১০ প্রকারের ছিল। অমরকোষে বর্ণিত বস্ত্রযোনি নিম্নে লিপিত হইতেছে।

বাক—বক্ষল হইতে উৎপন্ন।

কার্পাস—কাপাস হইতে উৎপন্ন, অথবা অঙ্গ কোনও ফল হইতে উৎপন্ন।

কৌশের, কুমিকোশোখ—সিকের বা তমরের বস্ত্র (পটুবস্ত্র)।

রাঙ্কব, সুগরোমজ—রোম হইতে উৎপন্ন (গরম কাপড়) শাল প্রভৃতি, যাহাকে অমরকোষে নীশার বা প্রাবরী বলা হইয়াছে।

মহাভারতে বাহ্যীচীন-সমুদ্ভব (বাহ্যীক ও চীন দেশে জাত), ঔর্ণের (উর্ণা বা উলের কাপড়), রাঙ্কব (রঙ্কসুগরোমজ), পটজ (পাটের কাপড়), কৌটজ (সিদ্ধ প্রভৃতি), কার্পাস (কাপাসের অর্থাৎ তুলার কাপড়), আবিিক (মেঘলোমজাত) এবং অজিন (চর্মনির্মিত বস্ত্র)—এই কয়প্রকার বস্ত্রের উল্লেখ পাওয়া যায়। সভাপর্বে ৫০ অধ্যায়ে, পুরাণাদিতেও এই কয়প্রকার বস্ত্রের বা বস্ত্রযোনির বিবরণ পাওয়া যায়। ক্রমশঃ স্বর্ণসূত্রপ্রথিত ক্ষৌম বস্ত্রের প্রচলন হইয়াছিল ও এখনও তাহা ভারতে প্রচুর পরিমাণে বিদ্যমান আছে। কিন্তু মার্কণ্ডেয় পুরাণে অজর বস্ত্রের উল্লেখ দেখিতে পাই।

পুরুষের ও স্ত্রীর পরিধেয় বস্ত্র সূন্দরচিত্রযুক্ত হইত, বিশেষতঃ কালিদাসের সময় হংসাক্তিত বস্ত্রের বহুল প্রচলন ছিল।

কৌটিল্যের সময় অর্থাৎ খৃঃ পূ। ৪র্থ শতাব্দীতে বঙ্গদেশে যেতয়িক দুর্কুলের অঙ্গ বিখ্যাত ছিল। দুর্কুল অর্থে সূত্র পটুবস্ত্র। বহুবিধ বস্ত্রের বিবরণ সম্বলিত অর্ধশাব্দে ২২ অধিকরণ ১১ অধ্যায় দ্রষ্টব্য।

চতুঃষট্ঠিকলার মধ্যে নিম্নলিখিত কলাগুলি প্রসাধন-সম্পর্কীয় কলা:—

১। বিশেষকচ্ছদ্য।

২। দর্শন-বমনাসরাগ।

৩ মাল্যগ্রন্থন-বিকল্প।

৪ শেখরকাপড়-যোজনা।

৫ নেপথ্যপ্রয়োগ (বেশ ভূষা করিবার কলা)।

৬ কর্ণপত্রভঙ্গ (কানফুল কানবালা প্রভৃতি নির্মাণ)।

৭ গন্ধবুস্তি।

৮ ভূষণযোজন।

কৌচুমার যোগ,—(কুরুপাকে সুরূপা করার কৌশল প্রভৃতি)।

১০। সূচীবাণকর্ষণ—(পরিচ্ছদাদি প্রস্তুত করিবার কৌশল)।

১১। মণিরাগাকরজ্ঞান—মণির রত্নবিদ্যা প্রসাধনাস্তর্গত।

১২। উৎসাদন।

১৩। বস্ত্রপোষন—এমন ভাবে বস্ত্র পরাইবার কৌশল যাহাতে কখনও শ্রীলতার হানি না হয়।

সাজসজ্জার (প্রসাধনের) শেষে মুগ্ধবাসযুক্ত তাম্বুলধারণ বিধেয় ছিল এবং দর্পণে আয়রূপ দেখাটাও সদাচার বলিয়া কথিত হইত। কালিদাস বারবার এই প্রথার উল্লেখ করিয়াছেন।

মানসী ও মর্শ্ববাণী (আশ্বিন)

প্রাচীন ভারতে আয়ুর্ষ্যাস্ত্র—শ্রীবিমলকান্তি মুখোপাধ্যায়।

রামায়ণ, মহাভারত, শ্রীমদ্ভাগবত ও বিভিন্ন পুরাণ হইতে জানিতে পারা যায় যে, বহু প্রাচীনকালে ভারতে তোপ, বন্দুক প্রভৃতি আয়ুর্ষ্যাস্ত্র নির্মিত ও ব্যবহৃত হইত। অগ্নিচূর্ণ (অগ্নিকণা) বা বারুদের সাহায্যে ব্যবহৃত আধুনিক বন্দুক, কামান প্রভৃতি অস্ত্রের তিনটি ভিন্ন ভিন্ন নাম প্রাচীন সংস্কৃত সাহিত্যে পাওয়া যায়, যথা,—“শতদ্রী” “ভূশুভী” ও “বস্ত্র”।

“করালান্ ভূগ্নবজ্রাংশ বিকটান্ বামনস্তথা।

ধ্বিনঃ পড়িগনৈশ্চ “শতদ্রী” মুগ্ধবাসুধা ॥”

বায়ুকি-রামায়ণ, সূন্দরকাণ্ড, ৪র্থ সর্গ—১৭।

“যষ্টিভিবি বিদৈশ্চক্রৈনি শিতৈশ্চ পরধৈঃ।

তিন্দিপালৈঃ শতদ্রীভিরনৈশ্চাপি বরাধুধৈঃ ॥”

বায়ুকি-রামায়ণ, বৃষ্ণকাণ্ড, ৯৩—২৩।

শ্রীমদ্ভাগবত দশম স্কন্ধে ভোনাঙ্গর-সংগ্রামের বিস্তৃত বর্ণনা আছে, ইহাতেও শতদ্রী শব্দ দৃষ্ট হয়,—“সুধং স তস্মৈ ব্যাহ্রচ্ছতদ্রীযোধাশ্চ সর্বে যুগপৎস্ব বিব্যাধুঃ ॥”

“ভূগ্নক পরিখোপেতং বপ্রাটালকসংযুতম্।

শতদ্রীযদ্বমুখৈশ্চ শতশ্চ সমাবৃতম্ ॥”

মৎস্তপুরাণ, ১: ৭ অধ্যায়, ১৩।

শতদ্রী ভূগ্নপ্রকারে রাগা হইত এবং যুদ্ধে ব্যবহৃত হইত। পূর্বকালে কামানের চতুর্দিক লৌহময় কণ্টকে বেষ্টিত থাকিত, কামানের উপর যাহাতে কেহ হস্তক্ষেপ না করে বা প্রাকার হইতে ঠেলিয়া না দেয় সেইজন্তই বোধ হয় এইরূপ করা হইত।

কামানের অস্ত্র নাম—ভূশুভী।

“ততঃপরিঘনিপ্রিংশৈঃ প্রাসমূল-পরধৈঃ।

শত্ৰুস্তিভিভূঃশুভীভিশ্চিব্রবাজৈঃ শতৈরপি ॥”

শ্রীমদ্ভাগবত, ৪র্থ স্কন্ধ, ১০ম অধ্যায়, ১১।

মৎস্তপুরাণে—

“চক্রাণি কুণপান্ প্রাসান্ ভূশুভীঃ পট্টিশানপি।”

১৫০ অধ্যায়, ৭৩।

পুনশ্চ—

ভূতগৌঃ ভৈরবাকারিঃ গৃহীত্বা শৈলগৌরবাম্ ।
“রক্ষিণো মুকুটস্তাথ নিপ্পিপেব নিশাচরান্ ॥”

মঃ পুঃ, ১৫০ অধ্যায়, ১০৬ ।

এই সকল স্থানে “ভূতগৌ” শব্দ ছোট কামান ও বন্দুক উভয়ের
কল্পই ব্যবহৃত হইয়াছে । কামানের তৃতীয় নাম—“যন্ত্র” ।

যজুর্বেদেও “সুস্মায়ন্ত্র” নামক আগ্নেয়াস্ত্রের উল্লেখ দৃষ্ট হয় । ইহা
হইতে অনুমান হয় যে, বৈদিক যুগেও ভারতে আগ্নেয়াস্ত্র ব্যবহৃত
হইত । সুস্মায়ন্ত্রে একটি লোহার নল বা গোড়া থাকিত, তাহার ভিতর
হইতেই অগ্নি-গোলক বসিত হইত । অথর্ববেদেও এই যন্ত্রের উল্লেখ
আছে । সুস্মায়ন্ত্র, শুক্রনীতি-বর্ণিত “নালিকাস্ত্রের” পূর্বনাম বলিয়া
বোধ হয় । আলেকজান্ডারের সমকালীন খেমট্রিয়স লিখিয়াছেন,—
“ভারতবাসী আগ্নেয়াস্ত্রের সাহায্যে দূর হইতে শত্রুসংহার করিয়া
থাকে ।”

ইতিহাস ও আলোচনা (অগ্রহায়ণ)

মহাকবি ভূষণ—শ্রীমৎশ্রীকুমার দাশগুপ্ত ।

বাদশাহ উরঙ্গজেব হিন্দু কবিগণের আশ্রয়দাতা ছিলেন । কবিগণ
উরঙ্গজেবকে ‘উরঙ্গ’ না বলিয়া আদর করিয়া ‘নোরঙ্গ’ বলিতেন, এবং
মানারূপ প্রশংসাপূর্ণ কবিতা শুনাইয়া তাঁহার মনোরঞ্জন করিতেন ;
প্রতিদানে তাঁহার প্রভূত ধনসম্পদ প্রাপ্ত হইতেন । এই কবিগণের
মধ্যে চিত্তামণি একজন । আনাদের আনোচ্য কবি ভূষণ চিত্তামণির
সঙ্গে থাকিতে থাকিতে দরবারে কিছু প্রতিপত্তি লাভ করিয়াছিলেন ।
একদিন উরঙ্গজেব মস্জিদ-সিংহাসনে বসিয়া কবিগণকে জিজ্ঞাসা
করিলেন, “আচ্ছা, তোমরা ত কেবল আমার প্রশংসাই কর ; আমার
কি নিন্দার কিছুই নাই ?-যদি কেহ বলিতে পার আমার কি নিন্দার
আছে, তবে বুঝিব তোমরা সত্যবাদী ।”

উরঙ্গজেবের শ্রায় উগ্র-প্রযুক্তি বাদশাহকে কেহ নিন্দা
করিতে সাহস করিলেন না । সকলকে নীরব দেখিয়া ভূষণ
বলিলেন, “বাদশাহ ! সত্য কথা বলিলে নে খাড়ে মাথা
থাকিবে না ; সুতরাং বাহাতে মাথা হারাইতে না হয় সেইরূপ
একটা আজ্ঞা-পত্র আগে লিখিয়া দিন ।” উরঙ্গজেব ক্রমান্বয়ে
লিখিয়া দিলেন । তখন ভূষণ নিভয়ে সভামধ্যে উরঙ্গজেবের পিতৃ-
দ্রোহ ও ভ্রাতৃহত্যার বর্ণনা করিলেন । কোথায় উরঙ্গজেবের কঠ-
রোধ হইয়া আসিল । হিতাহিতজ্ঞানশূন্য হইয়া উগ্রকৃত্ত অসি হস্তে
নিজেই ভূষণকে হত্যা করিতে উঠিলেন । উপস্থিত সকলে উরঙ্গজেবকে
তাঁহার পূর্বপ্রতিজ্ঞার কথা স্মরণ করাইয়া ও ভূষণকে নিহত করিলে
বাদশাহের ক্রোধ হইবে বলিয়া নিরস্ত করিলেন । উরঙ্গজেবের ক্রোধ
তখনও প্রশমিত হয় নাই ; ভূষণকে বলিলেন, “দূর হও, আর তোনার
মুখ দেখাইও না” । ভূষণ ধীরপদবিক্ষেপে দিবার মোগল দরবার
ত্যাগ করিয়া চলিয়া আসিলেন । গৃহে আসিয়া আপনার ‘কেশরী’
অবকে সজ্জিত করিলেন এবং মোগলরাজ্য ছাড়িয়া যাইতে কৃতসঙ্কল্প
হইলেন ।

কেশরী ভূষণকে লইয়া রাঙ্গগড়ে আসিয়া পৌঁছিল । রাঙ্গগড়ের
উপকণ্ঠে মনোরম স্মৃতি, উজ্জান, ঝাড়া, পর্বত দেখিতে দেখিতে ভূষণ
ক্রান্ত হইয়া পড়িলেন । এই সময় একজন সুদর্শন পুরুষের প্রতি
তাঁহার দৃষ্টি আকৃষ্ট হইল ; তাঁহার উন্নত ললাট, তাহাতে দেবীর
স্বস্তিক, গতি ভঙ্গি তেজস্বিতার পরিচায়ক । তেজস্বী পুরুষ জিজ্ঞাসা

করিলেন, ‘তুমি কে?’ তখন ভূষণ উরঙ্গজেবের দরবার হইতে
বিতাড়িত হইবার কথা হইতে আরম্ভ করিয়া তিনি যে শিবাজী
মহারাজের দরবারে আসিতে ইচ্ছুক প্রভৃতি আদি-অস্ত এক-এক
করিয়া বলিয়া গেলেন । অজ্ঞাত পুরুষ বলিলেন, “আপনি যখন মোগল
দরবার হইতে মহারাজ শিবাজীর দরবারে আসিয়াছেন তখন বোধ হয়
আপনি শিবাজীরও প্রশংসা করিয়া কিছু লিখিয়া আনিয়াছেন ।
অনুগ্রহ করিয়া সেগুলি একটু শোনান । আমি শিবাজী মহারাজের
সেনাপতি, তাহারই ছোট অঙ্গ বলিলে হয় । সুতরাং তাঁহার প্রশংসা
আমার শোনা কর্তব্য ।” ভূষণ উচ্চৈঃস্বরে শিবাজীর গুণগাথা পড়িতে
লাগিলেন :—

ইন্দ্র জিনি জম্বপর, বাড়ব হুঅস্তপর,
রাবণ সদস্তপর রত্নকুলরাজ হৈ ।
গৌন বারিবাহুপর, সসু রতিনাহপর,
জ্যোতি সহস্রবাহপর রাম দ্বিজরাজ হৈ ।
দাবা ক্রমদণ্ডপর, চীতা মৃগবৃণ্ডপর,
ভূষণ বিভূণ্ডপর জেসে মৃগরাজ হৈ ।
তেজ তম অংসপর, কাশ জিনি কংসপর,
তৌ মলেচ্ছ বংসপর নের সিবরাজ হৈ ।

কবিতার মধ্যে কি কোন মোহিনী মগ্ন লুকান ছিল ! কবিতা বার-
বার শুনিয়াও বীরপুরুষের ভূষণ মিটিল না । “আপনি দরবারে
খাইবেন” বলিয়া চলিয়া গেলেন ।

পরদিন ভূষণ শিবাজীর দরবারগৃহে উপস্থিত হইলেন । ইতস্ততঃ
কত খুঁজিতে লাগিলেন কিন্তু কই সেই সেনাপতি ?

কিছুক্ষণ পরে ভূষণ মাথা তুলিয়া দেখিতে পাইলেন সিংহাসনে
ও কে ! উনিই না সেনাপতি সাজিয়া তাঁহার নিকট কবিতা
“নিয়াছিলেন ? তবে স্বয়ং মহারাজ শিবাজীই সেই পুরুষ ? ভূষণ
চিন্তিত হইয়া পড়িলেন । তখন সেই মহাপুরুষ মারাঠা-কুলতিলক
মহারাজ শিবাজী সিংহাসনে বসিয়া প্রশান্তভাবে বলিয়া উঠিলেন, “চিন্তা
করও না । আজ তুমি আমার দরবারের শোভাবর্দ্ধন কর, এখানে
নোরঙ্গের ভয় নাই ।”

১৬৭৪ খৃষ্টাব্দে ভূষণ স্বগৃহে প্রত্যাবর্তন করেন । পশ্চিমধ্যে
বুন্দেলের মহারাজ ছত্রসারণের দরবারে গিয়াছিলেন । মহারাজ
ছত্রসারণ ভূষণের পাল্কী খীর স্বক্কে ধারণ করিয়া ভূষণের গৌরব
বৃদ্ধি করিয়াছিলেন । কবিতা দ্বারা ভূষণের শ্রায় আর কেহ তাদৃশ
সম্মানের অধিকারী হইতে পারেন নাই ।

অনুমান ১৬১৩ খৃষ্টাব্দে কানপুর জিলায় পতিতপাবনী
ঘমনার বামসেকতসন্নিকটে তিকুয়াপুর গ্রামে মহাকবি ভূষণ
ত্রিপাঠার জন্ম হয় । ইনি হিন্দু জাতির উন্নতি ও ঐশ্বর্যের উৎকট
অভিলাষী ছিলেন । ইহার কবিতার শ্রায় জাতীয় ভাবপূর্ণ কবিতা
আর কোন হিন্দু কবির কবিতায় পরিলক্ষিত হয় না । ইহার শ্রায়
বীরহনয়কবি পৃথিবীতে বিরল । ১৭১৫ খৃষ্টাব্দে ইহার মৃত্যু হয় ।

শিক্ষক (ত গ্রহায়ণ)

প্রাচীন ভারতের শিক্ষাপদ্ধতি - শ্রীযোগীন্দ্রনাথ সমাদ্দার ।

প্রাচীন ভারতে শিক্ষাকে বিংশ শতাব্দীর স্থান প্রদান করা
হইত । গীতা সত্যই বলিয়াছেন, জ্ঞানাপেক্ষা শ্রেষ্ঠ আর কিছুই
নাই । এইজন্যই মহাভারতকার লিখিয়াছেন যে, ধর্মপুস্তক ৬ বেদে
জ্ঞানই ব্রাহ্মণ্যের পরিচয় (বন, ৩১২।১০০) । তাই মনুর মতে, রাজা

ও স্নাতকে সাক্ষাৎ হইলে, রাজা স্নাতককে সম্মান করিবেন (মনু, ২, ১৩৯)। এইজন্যই রাজা স্বদেশেই পূজা পাইয়া থাকেন, বিদ্বান সর্বত্র পূজিত হইয়া থাকেন, এইরূপ প্রচলিত প্রবাদ। এই হেতুই প্রাচীন ভারতে বিদ্যার্থীকে সাক্ষ্য প্রদান করিতে হইত না (মনু, ৮, ৬৫); কারণ, তাহা হইলে তাঁহার পাঠের ব্যাঘাত জন্মিত (নারদ)।

মনুর মতে (৩.১) শিক্ষার্থীকে ছত্রিশ বৎসর আচার্য্যের নিকট বাস করিয়া বেদাধ্যয়ন করিতে হইত। অন্তর্বে, অষ্টাদশ বা নয় বৎসর-কাল অতিবাহিত করিতে হইত। কোন কোন গ্রন্থকারের মতে, বেদে সম্পূর্ণ পারদর্শিতা লাভ করিতে হইলে আটচল্লিশ বৎসর শিক্ষকের নিকট বাস করাই সমীচীন ছিল (বৌধায়ন, ১।২।৩)। বৌদ্ধশাস্ত্রমতে দশ বৎসর আচার্য্যের নিকট শিক্ষালাভই প্রশস্ত ছিল (মহাবগ্গ, ১।৩২।১)।

শিক্ষককে ভিন্ন ভিন্ন শ্রেণীভুক্ত করা হইত। সম্পূর্ণ বেদশিক্ষা-দাতাকে আচার্য্য বলা হইত। যিনি কেবল জীবিকানির্বাহের জন্ত বেদের অংশবিশেষ শিক্ষা দিতেন, তিনি উপাধ্যায় নামে অভিহিত হইতেন (মনু, ২।১৪০-১৪১)। তন্নিম্নশ্রেণীর ব্যক্তিকে গুরু-আখ্যা প্রদান করা হইত। আচার্য্য উপাধ্যায় অপেক্ষা দশগুণ অধিক পূজিত হইতেন। মধ্যে মধ্যে আচার্য্য প্রধান প্রধান বিদ্যার্থীকে ছাত্রশিক্ষায় নিয়োজিত করিতেন (মহাভাষ্যপাল জাতক, ৪ ৪৪৭)।

আচার্য্যের সহিত বাসকালে বিদ্যার্থীকে মধু, মাংস, স্তম্বিক, মালা, শ্লোক, ক্রোধ, লোভ, নৃত্যগীতবাদ্য হইতে বিরত থাকিতে হইত (মনু, ২।১৭৭)। দূতক্রোড়া, বিবাহ, পরনিন্দা, মিথ্যাকথন এবং কাহাকেও আঘাত করা হইতে তাঁহাকে বিরত থাকিতে হইত। তাঁহাকে একাকী শয়ন করিতে হইত (মনু, ২।১৮০)।

আচার্য্যের জন্ত তাঁহাকে পাত্র পরিপূর্ণ করিয়া জল আনিতে হইত। পুষ্প, গোময়, মৃত্তিকা, কুশ-শিক্ষকের প্রয়োজনীয় পরিমাণে আহরণ করিতে হইত (মনু ২।১৮১, ১৮২)। শিক্ষককে সকল প্রকারে সম্মান-প্রদর্শন ও তাঁহার সকল আদেশ প্রতিপালন করিতে হইত (আপস্তম্ব ১।১।২)। দিবাভাগে বিদ্যার্থীকে নিদ্রা হইতে বিরত থাকিতে হইত (১।১।৩)। বিদ্যার্থী শিক্ষাকালে পাত্ৰিকা পরিধান করিতে পারিতেন না (বৌধায়ন, ১।২।৩)। আবগুক-মত আচার্য্য বিদ্যার্থীকে বেত্রদণ্ড প্রয়োগ করিতেন (মনু, ৪।১৬৪; জাতক, ২।২৫২; গৌতম, ২.৪২-৪৪)।

জাতকে (৪।৪৭৪) উদ্ভিঙিতে পাই যে, উচ্চবংশ-সম্বৃত ছাত্র শিক্ষকের জন্ত জল আনিতেছেন, কাষ্ঠ আহরণ করিতেছেন, রন্ধন করিতেছেন। আবগুকানুসারে সমস্ত রাজি ব্যাপিয়া শিক্ষকের পদসেবা করিতেছেন এবং গুরুপত্নীর সন্তান-প্রসবান্তে প্রয়োজনীয় সকল কার্য্য সমাধান করিতেছেন।

আচার্য্য ও বিদ্যার্থীর মধ্যে অতি ঘনিষ্ঠ সম্পর্ক ছিল।

প্রাচীনকালে জন্মবাতা পিতা অপেক্ষা আচার্য্য সমধিক সম্মানের পাত্র ছিলেন (মনু ২।১৪৫)। শিক্ষকও পিতৃসম্বোধনে সম্বোধিত হইতেন, কারণ তিনি শিক্ষার্থীকে বেদ শিক্ষা দিতেন (মনু, ২।১৭১)।

বিদ্যার্থীকে আচার্য্যের সন্তানের স্থায় মেহ করিতে হইত; সকল বিষয়ই বিদ্যার্থীকে শিক্ষিত করিতে হইত (আপঃ, ১.২।৮)। বিদ্যার্থীর পাঠের ব্যাঘাত জন্মাইয়া আচার্য্য তাঁহাকে কোন কার্য্য নিষ্কৃত করিতে পারিতেন না। সর্বদাই যাহাতে বিদ্যার্থীর মঙ্গল হয়, তজ্জন্ত তাঁহাকে চিন্তিত হইতে হইত। বিদ্যার্থীর শিক্ষা আহরণ ও নিদ্রার দিকে লক্ষ্য রাখিতে হইত।

আচার্য্য বিদ্যার্থীর নিকট হইতে পারিশ্রমিক গ্রহণ করিতেন। বিদ্যার্থী শিক্ষা লাভ না হইলে আচার্য্য এই দান গ্রহণ করিতে পারিতেন

না। ভূমি, স্বর্ণ, গাভী, অথ, ছত্র, পাত্ৰিকা, আসন, শস্ত দান করা হইত (মনু, ২.২৭৫, ২৪৬)। মনুর সময়ে নির্ধারিত কোন পারিশ্রমিক ছিল না। অপিচ কোন আচার্য্য কোনরূপ পারিশ্রমিক দাবী করিলে, অথবা নির্ধারিত পারিশ্রমিকে শিক্ষা দিতে প্রতিশ্রুত হইলে নিন্দনীয় হইতেন (মনু, ৩.১৫৬)।

জাতকে দেখিতে পাই (১।৩১; ২।২৫২) যে, সকল বিদ্যার্থী পারিশ্রমিক প্রদান করিতেন।

তক্ষশিলায় এক এক আচার্য্যের নিকট পঞ্চশত ছাত্র অধ্যয়ন করিতেন (জাতক ২।২৮৭, ৩ ৬৪৭, ৬, ৫৩৯, ১২, ৩৭৭)। বারাণসীতেও কোন কোন আচার্য্যের নিকট পাঁচশত ছাত্র থাকিতেন (১.১১)। ইংসিং নামক পর্য্যটক লিখিয়াছেন যে, নালন্দা বিশ্ববিদ্যালয়ে তিন সহস্র ছাত্র অধ্যয়ন করিতেন (সমসাময়িক ভারত, একাদশ খণ্ড)।

নারদ (৭।১.২) পাঠে আমরা অবগত হই যে, বক, বজ্র, সাম, অথর্ব চতুর্বেদ ব্যতীত ইতিহাস, পুরাণ, ব্যাকরণ, দৈববিদ্যা, ব্রহ্মবিদ্যা, ভূতবিদ্যা, ক্ষত্রবিদ্যা, নক্ষত্রবিদ্যা, সর্পবিদ্যা অধ্যাপনা করা হইত। হিউয়েন-ত্সিয়াং নামক চৈনিক পর্য্যটক লিখিয়াছেন যে, বালক-বালিকা-গণ সপ্তমবৎসর বয়ঃক্রমে উপনীত হইলেই তাহাদিগকে ক্রমান্বয়ে পঞ্চ বিজ্ঞান (ব্যাকরণ, জ্যোতিষ, আবুর্বেদ, জ্যায়, ধর্ম) অধ্যাপনা করান হয়।

তক্ষশিলায় জিবেদ ও অষ্টাদশ বিজ্ঞান শিক্ষা দেওয়া হইত (জাতক, ১।৫০, ১.৮০, ১।১৩০)। এতদ্ব্যতীত ধনুর্বিদ্যারও শিক্ষা হইত (২।২৪১)। বারাণসীতে ধর্মপুস্তক সংক্রান্ত বিদ্যায় পারদর্শিতালাভের উপায় ছিল (জাতক, ১.৩৭৭)।

পাঠ সমাপ্ত করিয়া দেশের আচার ও নীতিশিক্ষার জন্ত ছাত্র নানা প্রদেশে গমন করিতেন।

সে সময়েও নির্ধারিত পাঠপুস্তক ছিল (জাতক, ৩।৩৮৮)। শৃঙ্গের বেদে অধিকার ছিল না। ছাত্র-নির্বাচনেরও প্রথা দৃষ্ট হয়। গুরুপুত্র, আচ্ছানুবর্তী যুবক, ধার্মিক, সাধু, বিশ্বাসযোগ্য, দক্ষ, ধনী, আত্মীয় প্রভৃতিকেই বিদ্যা শিক্ষা দেওয়া হইত (মনু, ২।১০৯)।

মৌচাক (কাঠিক, ১৩২৮)

রবিবার—শ্রীরবীন্দ্রনাথ ঠাকুর।

(১)

সোম মঙ্গল বুধ এরা সব
আসে তাড়াতাড়ি,
এদের পরে আছে বুধি
মস্ত হাওয়া গাড়ি।
রবিবার সে কেন, মাগো,
এমন দেরি করে ?
ধীরে-ধীরে পৌছয় সে
সকল বারের পরে।
আকাশ-পারে তার বাড়ীটি
দূর কি সবার চেয়ে ?
সে বুধি, মা, তোমার মত
গরীব ঘরের মেয়ে ?

(২)

সোম মঙ্গল বুধ এরা চার
ধাক্কারি জন্তেই,

বাড়ি কেঁরার দিকে এদের
একটুও মন মেই ।
রবিবার সে কেন, মাগো,
এমন ভাড়া করে ?
ঘটাগুলো বাজে যেন
আধ ঘটার পরে ।
আকাশ-পারে বাড়াতে তার
কাজ আছে সব চেয়ে ।
সে বুঝি, মা, তোমার মত
গরীব ঘরের মেয়ে ?

(৩)

সোম মঙ্গল বুধের যেন
মুখগুলো সব হাঁড়ি,
ছোট ছেলের সঙ্গে তাদের
বিবস আড়াআড়ি ।
কিন্তু শনির রাতের শেষে
যেনি উঠি জেগে
রবিবারের মুখে দেখি
হাসিই আছে লেগে ।
যাবার বেলায় যার সে কেঁদে
মোদের মুখে চেয়ে ।
সে বুঝি, মা, তোমার মত
গরীব ঘরের মেয়ে ?

মা-হারা—শ্রীরবীন্দ্রনাথ ঠাকুর ।

(১)

মাকে আমার পড়ে না মনে ।
শুধু কখন খেলতে গিয়ে
হঠাৎ অকারণে
একটা কি স্বর গুন্‌গুনিয়ে
কানে আমার বাজে,
মায়ের কথা মিশায় যেন
আমার খেলার মাঝে ।
মা বুঝি গান গাইত, আমার
দোলনা ঠেলে-ঠেলে ;
মা গিয়েচে, যেতে-যেতে
গানটি গেচে ফেলে ।

(২)

মাকে আমার পড়ে না মনে ।
শুধু যখন আশ্বিনেতে
ভোরে নিউলি-বনে
শিশির-ভেজা হাওয়া বেয়ে
ফুলের গন্ধ আসে
শুধন কেন মায়ের কথা
আমার মনে ভাসে ?
কবে বুঝি আনত মা সেই
ফুলের সাজি বয়ে,
পূজোর গন্ধ আসে যে তাই
মায়ের গন্ধ হয়ে ।

(৩)

মাকে আমার পড়ে না মনে ।
শুধু যখন বসি গিয়ে
শোবার ঘরের কোণে,
জান্না থেকে তাকাই দূরে
নীল আকাশের দিকে,
মনে হয় মা আমার মুখে
চাইচে অনিমিখে ।
কোলের 'পরে ধরে' কবে
দেখত আমার চেয়ে,
সেই চাউনি রেখে গেচে
সারা আকাশ ছেড়ে ।

শাস্তি—শ্রীরবীন্দ্রনাথ ঠাকুর ।

সাত-আটটে সাতাশ—আমি
বলেছিলুম বলে'
গুরুশায় আমার 'পরে
উঠল রাগে জলে' ।
মাগো, তুমি পাঁচ পয়সায়
এবার রাখের দিনে
সেই যে রঙীন পুতুলখানি
দিয়েছিলে কিনে,
খাতার মধ্যে ছিল ঢাকা ;
দেখালে এক ছেলে,
গুরুশায় রেগে মেগে
শেঙে দিলেন ফেলে ।
মাগো, আমি জানাই কাকে ?
ওঁর কি গুরু আছে ?
আমি যদি নালিশ করি
এক্ষণি তাঁর কাছে ?
ওঁর কি কোনো সেইক পুতুল ?
করতে গিয়ে খেলা
কোনোরকম পড়ায় উনি
করেন নি কি হেলা ?
ওঁর যদি সেই পুতুল নিয়ে
ভাঙেন কেহ রাগে,
বল্ দেখি, মা, ওঁর মনে তা'
কেমনতরো লাগে ?

মুর্থ—শ্রীরবীন্দ্রনাথ ঠাকুর ।

(১)

নেই বা হলম যেমন তোমার
অধিকে পোসাই,
আমি ত, মা, চাইনে হ'তে
পণ্ডিত ম'াই ।
না যদি হই জালা ছেলে,
কেবল যদি বেড়াই খেলে,
তুঁতের ডালে খুঁজে বেড়াই
তুঁতপোকায় গুটি,

মুখু হয়ে রইব তবে,
আমার তাকে কিইবা হবে ?
মুখু যায় তাদেরি ত
সমস্ত খন ছুটি ?

(২)

তারাই ত, মা, রাখাল ছেলে,
গোক চরায় মাঠে,
নদীর ধারে বনে-বনে
তাদের বেলা কাটে ।
ডিঙীর পরে পালটি তুলে'
চেউয়ের মাথায় ছলে ছলে
তারাই ত যায় ঝাঁট কাটতে
নদীপারের চরে ।
তারাই মাঠে মাঠ পেতে
পাখী ভাড়ায় ফসল-ক্ষেতে,
বাঁকে করে' দই নিয়ে যায়,
বেচে যরে-যরে ।

(৩)

কাণ্ডে হাতে, চুবুড়ি মাথায়,
সক্কে হলে পরে
কিরে গাঁয়ে কিবাণ-ছেলে,
মন যে কেমন করে !
যখন হাতে নিয়ে খড়ি
পাঠশালাতে লিখি পড়ি,
শুরুমশাই ছপুর বেলায়
বসে-বসে চোলে,
হাঁকিয়ে কারা গোকর পাড়ি
গান গেয়ে যায় গলা ছাড়ি'
শুনে আমি পণ করি যে
মুখু হব বলে' ।

(৪)

ছপুর-বেলায় চিল ডেকে যায়
দূর-আকাশের পারে,
হঠাৎ-হাওয়া বাঁশি বাজায়
বাঁশ-বাগানের ধারে ।
পূবের দিকে বনের কোলে
বাদল-বেলায় আঁচল দোলে,
ভালে-ভালে উছলে ওঠে
শিরীষ-ফুলের চেউ ।
এরা যে পাঠ-ভোলার দলে,
পাঠশালা সব এড়িয়ে চলে,
আমি জানি, এরা ত, মা,
পণ্ডিত নয় কেউ ।

(৫)

যাঁরা অনেক পুঁথি পড়েন
তাঁদের অনেক মান ।
যরে-যরে সবার কাছে
তাঁরা আদর পাৰ ।

সঙ্গে তাঁদের করে চেলা,
এমনি কাটে সারাবেলা,
আমি ত, মা, চাইনে আদর
তোমার আদর ছাড়া ।
তুমি যদি, মুখু' বলে'
আমাকে, মা, না নাও কোলে
তবে আমি পালিয়ে যাব
বাদলা মেঘের পাড়া ।

(৬)

সেখান থেকে বৃষ্টি হয়ে
ভিজিয়ে দেব চুল ।
ঘাটে যখন যাবে—আমি
কব্ব হলুতুল ।
রাত থাকতে অনেক স্তোরে
আস্ব নেবে আঁধার করে',
ঝড়ের হাওয়ার চুক্ব ঘরে
ছুরার ঠেলে' মেলে' ;
তুমি বলবে মেলে' আঁধি
"ছষ্ট্ দেয়া ক্ষেপ'ল না কি ?"
আমি বলব, "ক্ষেপেচে আজ
তোমার মুখু' ছেলে !"

যাত্রার আয়োজন—শ্রীরবীন্দ্রনাথ ঠাকুর ।

(১)

দেখ'চ নাকি, নীল মেঘে আজ
আকাশ অঙ্গকার,
সাত সমুদ্র তেরো নদী
আজকে হব পার ।
নাই গোবিন্দ, নাই মুকুন্দ,
নাইক হরিশ খোঁড়া,
তাই ভাবি যে কাকে আমি
কব্ব আমার ঘোড়া ?
কাগজছবি'ড়ে এনেচি এই
বাবার খাতা থেকে,
নৌকা দে না বানিচে, অম্বনি
দিস্ মা ছবি এঁকে ।
রাগ কব্ব বাবা বুঝি
দিলি থেকে ফিরে ?
ততক্ষণ যে চলে যাব
সাতসমুদ্র-তীরে ।

(২)

এমনি কি তোর কাজ আছে, মা,
কাজ ত যোজই থাকে ।
বাবার চিঠি এক্ষণি কি
দিতেই হবে ডাকে ?
নাইবা চিঠি ডাকে দিলে,
আমার কথা রাখো,
আজকে ন'-হয় বাঁশির চিঠি
মাগী লিখুন নাকো !

আমার এ যে দরকারী কাজ
বুঝতে পারো না কি ?
দেখো হলেই একেবারে
সব যে হবে ফাঁকি !
মেঘ কেটে যেই রোদ উঠবে
বৃষ্টি বন্ধ হ'লে
সাত সমুদ্রেরো নদী
কোথায় যাবে চ'লে ।

নক্ষত্রতত্ত্ব—শ্রীরবীন্দ্রনাথ ঠাকুর ।

১
যে রাতের তারা
জানিস কি মা কারা ?
সারাটি-খন ঘুম না জানে
চেয়ে থাকে মাটির পানে
যেন কেমন-ধারা ।
আমার যেমন নেইক ডানা,
আকাশেতে উড়তে মানা,
মনটা কেমন করে,
তেমনি ওদের পা নেই বলে'
পারে না যে আস্তে চলে'
এই পৃথিবীর 'পরে ।
সকালে যে নদীর পাঁকে
জল নিতে খাস্ কস্মিস-কাঁখে
সজ্জে তলার ঘাটে,
মেধায়, ওদের আকাশ থেকে'
আপন ছায়া দেখে'-দেখে'
সারা পহর কাটে ।
ভাবে ওরা চেয়ে-চেয়ে,
হতেম যদি গাঁয়ের মেয়ে
তবে সকাল-সাঁজে
কস্মিসখানি ধরে' বুকে
সাঁংরে নিতেম মনের স্থখে
ভরা নদীর মাঝে ।

৩
আর আমাদের ছাতের কোণে
তাকায় ওরা আপন মনে,
যেথায় ছুরোরাণী
নঙ্গ ছেলে মেয়ে দুটো,
কুড়িয়ে নিয়ে কাটা-কুটো
বাঁধলে কঁড়েখানি ।
ভাবে ওরা, আকাশ ফেলে'
হত যদি তোমার ছেলে,
এইখানে এই ছাতে
দিন কাটাত খেলায়-খেলায়,
তার পরে, মা, রাতের বেলায়
ঘুমোত তোর মাখে ।

৪
সেদিন আমি নিশ্চয়রাতে
হঠাৎ উঠি বিছানাতে
স্বপন থেকে জেগে',

জান্লা দিয়ে দেখি চেয়ে
তারাগুলি আকাশ ছেয়ে
ঝাপসা আছে মেঘে ।
বসে'-বসে' ক্ষণে-ক্ষণে
সেদিন আমার হয় যে মনে
ওদের স্বপ্ন বলে' ।
অন্ধকারের ঘুম লাগে যেই
ওরা আসে সেই পহরেই,
ভোরবেলা যায় চলে' ।
আঁধার রাতি অন্ধ ও যে
দেখতে না পায়, আলো খোঁজে,
সব, হারিয়ে ফেলে ।
তাই আকাশে মাদুর পেতে'
সমস্ত খন স্বপনেতে
দেখা-দেখা খেলে ।

ভারতবর্ষ (অগ্রহায়ণ)

বর্তমান ফ্রান্স—অধ্যাপক শ্রীবিনয়কুমার সরকার, এম-এ ।

প্যারিসে “স্বদেশী আন্দোলন” চলিতেছে তুমুলভাবে । সকল ফরাসীর মুখে একই বাণী,—“পাত্রী’র (patrie—স্বদেশ) পুনর্গঠন । ইহাদের প্রধান আলোচ্য বিষয়,—জার্মানদের নিকট হইতে টাকা আদায় করা । যুদ্ধের খর্চা (সুদে-আসলে) আর পল্লী-সহরগুলো নুতন করিয়া গড়িবার জন্ত যত টাকা লাগে, এই সমুদায় ফ্রান্স দাবী করিয়াছে । “তা” (Temps), মাত্য (Matin) ইত্যাদি দৈনিক কাগজে রোজই পড়িতেছি—জার্মানী এই-সব টাকা এবং মাল-মসলা দিবেন কি না সেই সম্বন্ধে তর্ক-প্রমাণ ।

একদিন রাত্রিকালে একটা শিশু পাঠশালায় সভা হইল । টাছা গলায় একব্যক্তি খোলতাই আওয়াজ করিয়া বক্তৃতা করিলেন । শুনিলাম,—“ওহে শিশু ফ্রান্স, তোমাদের উপরই আমাদের ভবিষ্যৎ নির্ভর করিতেছে । সর্বদা মনে রাখিও, বৎসর দুস্মনেরা তোমাদের মাতৃ ভূমিকে গুহৃত বিক্ষত করিয়া ছাড়িয়াছে । এই দুরাগা জার্মানদের অত্যাচারের কল ফ্রান্সকে অনেকদিন সহিতে হইবে । মানবের সভ্যতাকে এবং ফরাসীজাতিকে পুনর্গঠিত করার ভার তোমাদের হাতে ।” বক্তা বাগ্মী বটে,—আমেরিকায় এই ধরণের বক্তৃতা কখনো কানে আসে নাই ।

ফ্রান্সের বিধগু জেলাগুলার ছবি দেখান হইল । কতকগুলো জাতীয় সঙ্গীত বাজানো হইল । আরও কয়েকটা বক্তৃতা শুনিলাম । ধূয়া একই । একজন বলিলেন,—“স্বদেশকে নবজীবন দান করিবার জন্ত টাকার প্রয়োজন । দুস্মনের তহবিল হইতে যত টাকা আসিবে, তাহাতে এই বিরাট রেনেসাঁস (renaissance) চালানো যাইবে না । খরচ কুলাইয়া উঠিবার জন্ত ফরাসী গবর্নেন্ট নুতন এক সরকারী ঋণভাণ্ডার খুলিয়াছেন । এই ভাণ্ডারে, তোমরা যে যেখানে আছ, টাকা ধার দাও, এবং ধার দিতে অস্বস্তি সকলকে পরামর্শ দাও ।” রেনেসাঁস শব্দটা আজকাল ফরাসী রাষ্ট্রমণ্ডলে অহরহ ব্যবহৃত হইতেছে ।

এক ব্যক্তি সাইনবোর্ড ইত্যাদিতে ছবি আঁকিয়া থাকেন । ইনি বলিতেছেন—“মহাশয়, আমি কয়েকজন হিন্দুর সঙ্গে পরিচিত হইয়াছিলাম, যুদ্ধের সময় । কি আশ্চর্য—আপনারা ঠিক ফরাসীদের

মতবই ইংরেজবিদেষী!" আমি জিজ্ঞাসা করিলাম—"সে কি? করাসী কি ইংরেজকে ভালবাসে না?" টিক্‌শিলী বলিলেন— "ইংরেজের সমান বার্ষিক জাত জগতে আর নাই। ইহার নিজে মতলব হাসিল করিবার জন্য অশান্ত লোকের সঙ্গে বন্ধুত্বের তান করে। নিজ স্বার্থ কোষমতেই ভুলিতে পারে না। এমন কি যুদ্ধের সময়ও ইংরেজরা করাসীদিগকে আত্মীয় বিবেচনা করিতে পারে নাই। আমাদের ফৌজের সঙ্গে উহাদের ফৌজের লেন দেন কখনও ঐতিহাসিক ছিল না। কিন্তু ফরাসী জাতের চরিত্র বিপন্ন। আমাদের মেজাজে পরাজিত-বিদেষ একদম নাই। আরব, তাতার, হিন্দু, সেনিগালী—সকল জাতকেই আমরা আমাদের দরবাড়ী ছাড়িয়া দিতে পারি। এই যুদ্ধে তাহার অনেক প্রমাণ পাওয়া যায়।"

একটা মজা দেখিতেছি। আন্তর্জাতিক কার্বারে ইংরেজ যে মতে সায় দিতেছেন, করাসীরা ঠিক তাহার উল্টা চলিতে চাহেন। রশিয়ার বোলশেভিকীকে ইংরেজ গবর্নেন্ট মানিয়া লইতে রাজি—করাসীরা এ বিষয়ে খড়গহস্ত। পোল্যান্ডের মিত্র ফ্রান্স; ইংরেজ এ সম্বন্ধে গা করেন না। গ্রীসের শাসন-প্রণালী লইয়া গওগোল। গ্রীকদের রাজ্য এখন নির্দাসনে। ইংরেজ বলিতেছেন—"গ্রীক জনসাধারণ যা ভাল বুঝে করুক, ইহাতে আমরা হস্তক্ষেপ করিব না।" ক্রান্তের পররাষ্ট্র সচিব এবং রাষ্ট্র-নারক ও কাগজওয়ালারা একবাক্যে বলিতেছেন—"গ্রীসে রাজতন্ত্রের পুনরায় প্রতিষ্ঠা হওয়া আমাদের একদম বাঞ্ছনীয় নয়।" সুইটজারল্যান্ডের জেনেভা সহরে বিশ্বরাষ্ট্র-পরিষদের (লীগ অব নেশন্সের) বৈঠক বসিয়াছে। এক ইংরেজ প্রতিনিধি মত প্রচার করিয়াছেন—"ক্রান্তীকে এই পরিষদের অন্তর্গত রাষ্ট্র বিবেচনা করা হউক।" ফরাসীরা আগাগোড়া এই প্রস্তাবে তেলে-বেগুনে জলিয়া উঠিয়াছে। ফ্রান্সকে ইংরেজের বিরুদ্ধে ফ্রেন্সো অতি সোজা।

বর্তমান জগৎ যে একাকার তা বেশ বুঝিতেছি প্যারিসের এক ছোট ছাপাখানায় প্রবেশ করিয়া। গলির ভিতর অথবা রাস্তার পাশে অন্ধকারময় ঘর। দুর্গন্ধের বাথান। পরিষ্কার পরিচ্ছন্নতার অভাব। নিউ ইয়র্কের আর হোকিওর গরীব-পাড়ার ছাপাখানায়ও এইরূপ দৃশ্যই দেখিয়াছি। বলা বাহুল্য, এইজন্যই আজ ছুনিয়া ভরিয়া রব উঠিয়াছে—"সকল দেশের সমুদ্র-চাষীর স্বার্থ এক। জাতি-নির্কিশেষে, ধর্ম-নির্কিশেষে, বর্ণ-নির্কিশেষে পরীষ লোক মাত্রই ভাই-বোন। অতএব, হে মানব-বংশের পরিষ্কৃত সন্তান, হে জগতের নির্দন নরনারী, উঠো, জাগো, আর কোমর বাঁধিয়া একদল হইয়া দাঁড়াও।"

যমুনা (অগ্রহায়ণ)

দেবতত্ত্ব—অধ্যাপক শ্রী অমূল্যচরণ বিদ্যাত্মক।

দেব বা দেবতা শব্দের অর্থ বা নিরুক্তি কি? যাহার বাক্য, তিনি ঋষি। তিনি যাহা বলেন, তাহা দেবতা। সেই বাক্যে যে বস্তু প্রতিপাদ্য হইয়া থাকে, তাহাও দেবতা।

• বেদে দেবতার কথা আছে, কিন্তু বৈদিক ঋষিগণের দেব সম্বন্ধে কিরূপ ধারণা ছিল, তাহা বুঝাইবার মত কোন ঋক বেদে নাই। বাক্য আড়াই হাজার বৎসর পূর্বে বর্তমান ছিলেন। সেই সুপ্রাচীন কালে বাক্য নিরুক্তের দৈবত্বকাণ্ডে [৭ম অধ্যায়, ৩র্থ পাঠ, ২য় খণ্ড (১৫)] দেব-শব্দের এইরূপ অর্থ করিয়াছেন।—

".....দেবো দানার্হা দীপনার্হা ভোতনার্হা ছাহানো ভবতীতি
দেবো দেবঃ স্য দেবতা....."

দেবরাজ্যছাড়া যান্ত্রিক নিষ্কট নিবর্চনভাষ্যে বলিয়াছেন—ঐশ্বর্য দান করেন বলিয়া অথবা তেজোময় হেতু "দেব" এই নাম হইয়াছে। এইরূপ যে দেব দ্বাহানস্থ হন, তিনি দেবতা। তাহার মতে দিব্, ধাতুর দুইটি অর্থ—একটি অর্থ দান, আর একটি দীপ্তি। দানার্থ দিব্, ধাতু-নিপ্পন্ন দেবসংজ্ঞা বুঝাইতে তিনি বলিয়াছেন যে, ভক্তগণকে যিনি তাহাদের অভিমত দান করিয়া থাকেন, তিনিই 'দেব'।

অতঃপর দেবশব্দের দীপ্তার্থ সম্বন্ধে বলিয়াছেন—"তেজস্বাদনীশ্বা বা। দ্বাতেবার্গি বাহুলকাদ্রপসিক্টিঃ। কুল্লুকভট্টও মনুসংহিতার দ্বাদশ অধ্যায় ১১৭ শ্লোকের টীকায় ইহারই প্রতিধ্বনি করিয়া বলিয়াছেন,— "ভোতনার্হেবঃ।" ইহা ছাড়া দেবশব্দের তিনি আরও একটি অর্থ করিয়াছেন। দ্বাঃ অন্তরীক্ষ সম্বন্ধী যাহারা, তাহার দেব—"দিবঃ সম্বন্ধিনো বা দেবাঃ।.....দ্বাহানা ইত্যর্থঃ।" এই দেবতার অর্থ "রশ্মি"। 'দেবা রশ্ময় উচ্যন্তে।' এই অর্থের সমর্থনরূচক ঋকসংহিতার বচন উদ্ধৃত হইয়াছে—"দেবানাং ভদ্রা স্মনতির্জয়তাস্" (১৩।১।৫২)।

পাণিনি তাহার ধাতুপাঠে 'দিব্' ধাতুর দশটি অর্থ দিয়াছেন। সেই দশটি অর্থ এই,—১। ক্রীড়া, ২। বিজিগীষা, ৩। ব্যবহার্য, ৪। ছাতি, ৫। স্তুতি, ৬। মোদ—হর্ষ, ৭। মদ, ৮। স্বপ্ন—নিদ্রা, ৯। কাপ্তি, ১০। গতি। এই দশ প্রকার অর্থযুক্ত 'দিব্' ধাতুর উত্তর 'অচ্' প্রত্যয় করিয়া দেব শব্দ নিপ্পন্ন হইয়াছে। দেব ও দেবতা একই। 'দেব' শব্দের উত্তর 'তস্' প্রত্যয় করিয়া 'দেবতা' শব্দ সাধিত হইয়াছে।

আনন্দগিরি শঙ্করবিরচিত ছান্দোগ্যোপনিষদ্ভাষ্যের টীকায় 'দেব' শব্দের অর্থ বুঝাইতে পাণিনির দিব্, ধাতুর দশটি অর্থ উল্লেখ করিয়াছেন :—"যিনি ক্রীড়া করেন, যাহার লীলাটকবলাই বিশ্বব্রহ্মাণ্ডের সৃষ্টি-স্থিতি-লয়-কারণ, যিনি অস্থবগণের বিজিগীষু, পাপনাশক, যিনি সর্বভূতে বিরাজমান, ব্যবহারিক জগতে যিনি ভাবের জন্ম—নানারূপে ব্যবহৃত হয়েন, যিনি দ্যোতনশব্দাব, যাহার প্রকাশে নিখিলবস্তু প্রকাশমান, যিনি সকলের স্তুতি-ভাজন, বিশ্বব্রহ্মাণ্ড যাহারই গুণকীর্তন করে, যাহারই বিভূতি—ঐশ্বর্য খ্যাপন করে, যিনি সর্বত্র গতিশীল, সর্বব্যাপক, যিনি জ্ঞানময়—চৈতন্যরূপ, অধিজগতির যিনি লক্ষ্যস্থল, তিনি 'দেব'—তিনি 'দেবতা'।" আট শত বৎসর পূর্বে সাগনাচার্য ঋগ্বেদানুক্রমণীতে বলিয়াছেন, দেবনার্থ 'দিব্' ধাতু হইতে দেবশব্দ নিপ্পন্ন হইয়াছে; এই জন্যই 'দেব' এইরূপ বলা হইয়া থাকে। দেবন (ক্রীড়া) হেতু দেব হইয়াছে; অতএব দেবগণের দেবত্ব।

ঋষি যান্ত্র তাহার পূর্বাচার্যদিগের মতের অনুবর্তী হইয়া, দেবতাদের সংখ্যা একেবারে কমাইয়া তিন সংখ্যায় পরিণত করিয়াছেন। তিনি বলেন, দেবতা তিনটি—পৃথিবী-স্থান দেবতা অগ্নি, অন্তরীক্ষস্থান-দেবতা বায়ু বা ইন্দ্র, এবং দ্বাহান-দেবতা সূর্য।

নিরুক্তকারের এই উক্তির প্রমাণরূপ ঋগ্বেদের দশম মণ্ডলের ১৫৮ স্তম্ভের প্রথম ঋকের উল্লেখ করা বাইতে পারে।

"সূর্যো নো দিবা পাতু বাতো অন্তরিক্ষাৎ। অগ্নিনঃ পার্ধিবৈত্যঃ।"

মহাতাপ্যাহেতু দেবতার একই আত্মা বহু প্রকারে স্তূত হয়। এই-জন্যই ইহাদের বহু নাম [মহাতাপ্যাদ্ একৈকস্যা অপি বহুনি নামধেয়ানি ভবন্তি।—নিষ্কট ৭।২।১ (৫)]।

এই ত্রিদেব ব্যতীত বেদে দেখিতে পাওয়া যায়, দেবতার সংখ্যা ৩৩৩২ বলিয়া উল্লেখ করা হইয়াছে।

শতপথব্রাহ্মণ—৪, ৫, ৭, ২ এবং মহাতারত বনপন্থ ১৭২ শ্লোক দ্রষ্টব্য। এ সম্বন্ধে শতপথ ব্রাহ্মণ—১।১।৩।৩ ও শাখায়নশ্রৌতসূত্র—১।২।১।৩ দ্রষ্টব্য।

বৃহদারণ্যক বা বাজসনেয়ি ব্রাহ্মণোপনিষদে (তৃতীয় অধ্যায় নবম ব্রাহ্মণ) দেবতার সংখ্যা লইয়া একটি আখ্যায়িকা আছে।

বৈদিক শাকল্য জিজ্ঞাসা করিলেন—দেবতার সংখ্যা কত, বাজবক্য ?
—তিনি উত্তর করিলেন—৩০৩ এবং ৩০০৩।

ও! তাই—ঠিক করিয়া বলুন, দেবতার সংখ্যা কত?—তিনি বলিলেন—৩৩।

বাজবক্য, দেবতার সংখ্যা কত?—তিনি বলিলেন—৬।

তাই নাকি?—ঠিক করিয়া বলুন দেবতার সংখ্যা কত?—তিনি বলিলেন—৩।

তাই বুঝি! ঠিক করিয়া বলুন, দেবতার সংখ্যা কত?—তিনি বলিলেন—“দুই”।

সে কি? ঠিক করিয়া বলুন, দেবতার সংখ্যা কত?—তিনি বলিলেন—“দেড়”।

বেশ! ঠিক করিয়া বলুন, দেবতার সংখ্যা কত?—তিনি বলিলেন—“এক”।

৩০৩ এবং ৩০০৩ এই দেবতার কাহার?—তিনি বলিলেন—ইহার দেবতাদিগের শক্তি। বস্তুতঃ দেবতাদের সংখ্যা ৩৩।

ইহার কাহার?

তিনি বলিলেন—ইহার অষ্ট বহু, দ্বাদশ আদিত্য, একাদশ রুদ্র, ইন্দ্র এবং প্রজাপতি। [শতপথ ব্রাহ্মণেও (১১, ৬৩৩) এই একই বাক্য পুনরুক্ত হইয়াছে।]

বহু কাহার?—অগ্নি, পৃথিবী, বায়ু, আদিত্য, স্বর্গ, চন্দ্র ও নক্ষত্র।

রুদ্র কাহার?—মানুষ ও দেবতার মধ্যে যে দশটি প্রাণ বায়ু, তাহাই রুদ্র।

আর আদিত্য?—বৎসরের দ্বাদশ মাস।

ইন্দ্র ও প্রজাপতি কাহার?—ইন্দ্র বজ্র; প্রজাপতি—গোপন।

আপনি যে ছয় দেবতার কথা বলিলেন, তাহার কে?—অগ্নি, পৃথিবী, বায়ু, অস্তরিক্ষ, আদিত্য ও জ্যেষ্ঠ।

বেশ, তিন দেবতা কাহার?—এই তিন লোক, ইহাদের মধ্যেই সমস্ত দেব রহিয়াছেন।

আচ্ছা, দুই দেব কাহার?—অন্ন ও প্রাণ।

এইবার বলুন, দেড় দেব কে?—যিনি এখানে পবমান হইতেছেন (অর্থাৎ বায়ু)।

এক দেব কে?—প্রাণ।

শতপথ ব্রাহ্মণ উপদেশ করিয়াছেন যে, পূর্বেও দেবতার সংখ্যা যত ছিল, এখনও তাহাই আছে, সংখ্যার ইতরবিশেষ হয় নাই। এই ব্রাহ্মণে এক স্থানে আছে যে, তেত্রিশটি দেবতার একাদশটি স্বর্গে, একাদশটি পৃথিবীতে এবং একাদশটি জলে অবস্থিতি করেন। এই গ্রন্থের অন্তর্ভুক্ত দেখিতে পাওয়া যায় যে, বহুগণ, রুদ্রগণ ও আদিত্যগণ-ভেদে দেবতা ত্রিবিধ। আবার শতপথের অপর এক স্থানে ইহাদিগকে সপ্তবিধ বলিয়া ব্যাখ্যা করা হইয়াছে। এ ছাড়া গ্রন্থোক্ত ৩৩টি দেবতার কথা আমরা পূর্বেই উল্লেখ করিয়াছি। গৃহস্থে ৩৩টি দেবকে ব্রহ্মাঙ্ক বলিয়া হইয়াছে। শতপথে উক্ত হইয়াছে যে, দেবতার সংখ্যা পরিবর্তিত হয় না। ত্রিলোকই যে ত্রিদেব, তাহা শতপথ ব্রাহ্মণে বৃহদারণ্যক মানিয়া লইয়াছেন।

ঐতরেয় আরণ্যক দ্বিতীয় অধ্যায়ের দ্বিতীয় কাণ্ডে দেবতাদের একটি বড় কিরিত্তি দিয়াছেন, তাহার পরিচয় এইরূপ,—

ভূমা চিন্তা করিলেন,—“লোক-সমূহের আমি লোকপাল প্রেরণ করিব।” অমনই জল হইতে পুরুষ সৃষ্টি করিলেন।

তিনি পুরুষের উদ্দেশে ধ্যানস্থ হইলেন, অমনই ভিষের জ্ঞান একটি

মুখ বাহির হইল। অতঃপর মুখ হইতে বাক, বাক হইতে অগ্নি প্রাণ হইল। তারপর নাসাহিষ্টি উদ্ভূত হইল, তাহা হইতে এ প্রাণ হইতে বায়ুর আবির্ভাব হইল।

এইরূপে ক্রমশঃ—

চক্ষু	হইতে	দৃষ্টি,	তাহা	হইতে	আদিত্য
কর্ণ	"	শ্রবণ,	"	"	দিক্
ত্বক্	"	কেশ,	"	"	বৃক্ষ, লতা
হৃদ	"	মন,	"	"	চন্দ্রমা
নাভি	"	অপান,	"	"	মৃত্যু
লিঙ্গ	"	বীৰ্য,	"	"	জল

উদ্ভূত হইল।

অগ্নি ও ঐ সমস্ত দেবতা সৃষ্ট হইয়া মহাসমুদ্রে পতিত হইল তখন পরমাত্মা ইহাদিগকে ক্ষুধা-তৃষ্ণায় অভিভূত করিলেন।

তাঁহারা ক্ষুৎপিপাসাতুর হইয়া পরমাত্মাকে বলিলেন, আমাদে অবস্থিতি ও আহারের জন্ত আমাদিগকে একটি স্থান দিন।

তিনি প্রথমে গাবী, তারপর একটি গৃহ সমানস্থান করিলেন।

তাঁহারা তাহাতে পরিতুষ্ট হইলেন না। তখন তিনি মানুষকে তাঁহাদের নিকট দিলেন, তাঁহারা সন্তুষ্ট হইয়া বলিলেন,—উত্তম।

তিনি তখন প্রত্যেককে প্রত্যেকের নির্দিষ্ট স্থানে যাইতে বলিলেন। তখন

অগ্নি বাক্ রূপে তাঁহার মুখে প্রবেশ করিলেন।

বায়ু প্রাণ " " নাসিকাগহ্বরে " "

আদিত্য দর্শন " " চক্ষুতে " "

দিক্ শ্রবণ " " কর্ণে " "

বৃক্ষলতা কেশ " " ত্বকে " "

চন্দ্রমা মন " " হৃদয়ে " "

মৃত্যু অপান " " নাভিতে " "

জল বীৰ্য " " লিঙ্গে " "

তখন ক্ষুৎ-পিপাসা তাঁহার নিকট থাকিবার স্থান প্রার্থনা করিতে তিনি বলিলেন, “ঐ সমস্ত দেবতাই তোমার স্থান, তাহাদের সহিত তোমরা সমস্ত ভোগ কর।” ৫।

তারপর তিনি স্বীর্ণকে নির্দিষ্ট স্থানে যাইতে বলিলেন। ৬ অ-১ কাণ্ড—১।

তারপর দেবতার জিজ্ঞাসা করিলেন—যাহাকে আমরা আত্মা বলিয়া জ্ঞান করি, তিনি কে? ২।

যাহা দ্বারা আমরা দেখি, শুনি, গন্ধ গ্রহণ করি, কথা কহি, মিষ্ট-অমিষ্টের পার্থক্য করি, মন ও হৃদয় হইতে যাহা বাহির হয়, তাহা কি?

তিনি বলিলেন, এগুলি জ্ঞান বা আত্মার বিভিন্ন নাম মাত্র। ৪।

আর জ্ঞান-সম্বলিত সেই আত্মা—ব্রহ্ম। তাহাই ইন্দ্র, তাহাই প্রজাপতি। ৫।

এই-সমস্ত দেবতা জ্ঞান বা আত্মা হইতে সজুত।

চরকা-সঙ্গীত—শ্রীযতীন্দ্রমোহন বাগচী—

* * * * *
লাগাও চরকা রাজি-দিনে তিরিশ কোটি মেলি’;

লাগাও চরকা গরুকাই সব ছেঁড়া অকাজ ফেলি’;

পরাও খন্দর ইতর জন্দর বরদোর সামলাও সব—

ত্রীলোক মর্দ লাগাও হৃদয় চরকামহোৎসব।

হাঁকছে মর্দার খুব খবরদার, মন দাও চরকার কাজে,

চরকার আত্মান চরকার জয়গান ঐ শোন কাণে বাজে

চর্কার শব্দ-শব্দ-শব্দ লালক কারনিকের কানে,
চর্কার বকর-ওকার বাজুক অধারিকের প্রাণে ;
চর্কার টকার উঠুক বক্তা রাজনীতিকের মুখে,
চর্কার মস্তুর ভুলুক অস্তর তিরিশ কোটির বুক ;
ঘর্ঘর ডাকে ঘর ঘর ঘুরুক কর্ণের নুতন ঢাকা—
পাকে-পাকে যাক্ খুলে আজ মোহের বাধন কাঁকা ;
চাকার চাকার আগুন উঠুক, হাতে পড়ুক ঘাঁটা—
চোখের দৃষ্টি আনুক ফিরে, বাড়ুক বুকের পাটা !

বামাধোধিনী পত্রিকা (কার্তিক)

শিশুর শিক্ষা ও পেটালট্‌সি—শ্রীযোগেশুচন্দ্র দত্ত ।

মানসিক বৃত্তির বিকাশ ও উন্নয়ন সম্বন্ধে মনোবিজ্ঞান যে-সকল
তথ্য আবিষ্কার করিয়াছে, শিক্ষাক্ষেত্রে সেগুলিকে প্রয়োগ করিবার
জন্ত বর্তমান সময়ে অনেকেই চেষ্টা করিতেছেন । সর্বপ্রথমে পেটালট্‌সি
এই পথ প্রদর্শন করেন । তাঁহার আরও কার্যের পরিসমাপ্তির ভার
যাঁহারাই গ্রহণ করেন, তাঁহাদের মধ্যে ফ্রোবেল (Froebel), হারবার্ট
(Herbart) ও হোরেস্‌ ম্যান (Horace Mann) সর্বপ্রধান ।

পেটালট্‌সি বলেন শিশু জ্ঞানদান বিদ্যালয়ের প্রকৃত উদ্দেশ্য নয় ;
বিদ্যালয়ের প্রকৃত উদ্দেশ্য—শিশুর হৃদয়নিহিত ভগবদত্ত শক্তির উন্মেষ-
সাধন । উচ্চ নীচ, ধনী-দরিদ্র, সকলের হৃদয়েই এই শক্তি নিহিত
রহিয়াছে । সমাজের নিম্নস্তরের লোকগণও শিক্ষাশূণ্যে তাহাদের সেই
ভগবদত্ত শক্তিকে জাগাইয়া তুলিতে পারে । তাই বৃষককুল যাহাতে
সেই শক্তির সঞ্চার পাইয়া উহার উন্মেষসাধনে যত্নপর হয়, তাহাই
পেটালট্‌সির জীবনের প্রধান ব্রত হইয়া উঠে, এবং এই ব্রত উদ্ভাপনে
তিনি সার্থস্বার্থ বিসর্জন দিয়া সমস্ত শক্তি নিয়োগ করেন । তিনি
বলেন—লিখন, পঠন ও গণনা-শিক্ষা শিশুর পক্ষে তত প্রয়োজনীয়
নয়, কর্ণেন্দ্রিয় ও জ্ঞানেন্দ্রিয়ের পরিচালনা ও হৃদয়ের উন্মেষ বিধান
করিয়া প্রকৃত মনুষ্য-পদবাচ্য হওয়া তাহার পক্ষে যত প্রয়োজনীয় ।
যে বিজ্ঞান কর্ণের উপর প্রতিষ্ঠিত নয়, তাহার মূল্য অতিশয় অল্প ।
সুতরাং বিদ্যালয়ে গৃহ-শিক্ষাক্ষেত্রে প্রধান স্থান প্রদান করিয়া
মৌখিক-শিক্ষাকে দ্বিতীয় স্থান প্রদান করা উচিত । এবং তাহাদের
কোমল চিত্তে শিশুকাল হইতেই যাহাতে জীবে প্রেম ও ভগবানে
ভক্তির স্মরণ আদর্শ বরমূল হইতে পারে, তাহাই তাঁহার প্রধান
লক্ষ্য ছিল ।

কাজেই এক কথায় বলিতে গেলে, পেটালট্‌সির মতে আত্ম শিক্ষার
উদ্দেশ্য—শিশুকে প্রার্থনা, চিন্তা, ও কার্য্য করিতে শিক্ষা দেওয়া
(—to pray, to think and to work) ।

হৃদয়ের বৃত্তির পরিচালনা এবং মস্তিষ্কের পরিচালনার জ্ঞান অঙ্গ-
প্রত্যঙ্গের পরিচালনাও আবশ্যিক । সুতরাং, বিদ্যালয়ে এইরূপ ব্যবস্থা
করিতে হইবে যে, সকল শিশুকেই যেন কোন না কোনরূপ হাতের
কাজ শিক্ষা করিতে হয় ।

শিশুদিগকে যে শিক্ষাই প্রদান করা হউক না কেন, তাহা সরল,
সহজ ও স্বাভাবিক হওয়া আবশ্যিক । তিনি বলেন—“শিশুদের
ইন্দ্রিয়ের উপর সাধারণতঃ বাহ্য অতিসহজে আঘাত করে সেই-সকল
পদার্থের প্রতিই আমি বিশেষ লক্ষ্য রাখিয়াছি । শিক্ষকদিগেব একমাত্র
কর্তব্য শিশুর স্বাভাবিক বৃত্তির যথোপযুক্ত বিকাশের পথে সহজ ও
সরল-ভাবে সহায়তা প্রদান করা এবং তাহার বয়সের ও শক্তির
তারতম্যানুসারে ইন্দ্রিয়-প্রাণ পদার্থসমূহ তাহার সম্মুখে উপস্থাপিত করা ।

সমস্ত শিক্ষাকে তিনি “Anschauung” (sense-impression ;
observation ; intuition) এই মূল ভিত্তির উপর স্থাপন করিয়াছেন ।
মনের যে শক্তির প্রভাবে মানব অপরের সাহায্য ভিন্ন অন্যরূপে ও
নিঃসংশয়িতরূপে বাস্তব-জগৎ সম্বন্ধে ধারণা করিতে পারে, তাহাকেই
“Anschauung” বলা যাইতে পারে । মুহূর্ত্তমধ্যে কোনও বস্তু বা
ব্যক্তি সম্বন্ধে ইন্দ্রিয়ের সাহায্যে যে প্রত্যক্ষ-জ্ঞান লাভ হয় তাহাই
“Anschauung” । ইন্দ্রিয়-প্রাণ বস্তুর সম্বন্ধে ধারণা ও ইন্দ্রিয়াতীত
বিষয়-সম্বন্ধে উপলব্ধি—এই দুই-ই ইহার অন্তর্গত ।

মনোবৃত্তির উন্মেষের দিক্ হইতে দেখিতে গেলে, আত্ম শিক্ষার
প্রধান উদ্দেশ্য শিশুর চিন্তাশক্তি বিকাশের প্রধান অবলম্বন—তাহার
পরিপার্শ্বিক অবস্থা, তাহার জীবনের বাস্তবরাজ্য যাহা তাহার হৃদয়ে
কৌতূহল, আগ্রহ, আশ্রয় প্রভৃতি ভাব জাগাইয়া তুলে ।

এই জ্ঞানার্জন-ব্যাপারে জননী শিশুকে যেকোন সাহায্য করিতে
পারেন, এ পৃথিবীতে অপর কেহ তদ্রূপ পারেন কি না সন্দেহ ।
শিক্ষক বা শিক্ষয়িত্রী শিক্ষিত হইলেও তাঁহারাই মাথের হৃদয়ের স্নেহ-
কোমলতা হইতে বঞ্চিত । অথচ মানবশিশুর প্রথম অবস্থায় সদয়
ব্যবহার, স্নেহ যত্ন, সতর্ক দৃষ্টি ও নিঃস্বার্থ ভালবাসার যত প্রয়োজন,
আর কিছুই তত আবশ্যিকতা নাই । পেটালট্‌সির দৃঢ় বিশ্বাস ছিল
যে, এইরূপ শিক্ষাকার্য্য জননীগণের হস্তে স্মরণ থাকিলে যেকোন
সুফলের আশা করা যায়, শিক্ষকের হস্তে তাহা অর্পিত থাকিলে
সেকোন সুফলের আশা দুর্ভাষামাত্র । তাই শিক্ষক ও শিক্ষয়িত্রী
প্রস্তুত করিবার উদ্দেশ্যে জনসাধারণের সহায়ভূতি ও অর্থসাহায্য
প্রার্থনা করিয়া তিনি যে আবেদন পত্র প্রচার করেন, তাহাতে সুস্পষ্ট
ভাষায় উল্লেখ করেন যে, ভবিষ্যৎবংশধরগণ যাহাতে তাহাদের জননীর
নিকট হইতে মানসিক উৎকর্ষবিধানের প্রাথমিক শিক্ষা লাভ করিতে
সমর্থ হয়, সেইদিকে লক্ষ্য রাখিয়াই তিনি কার্য্যক্ষেত্রে অবতীর্ণ
হইয়াছেন ।

ব্রহ্মার মূর্ত্তিপরিচয়—শ্রীবিনয়তোষ ভট্টাচার্য্য ।

ব্রহ্মার মূর্ত্তি গান্ধার-ভাষ্কর্য্যেই বোধ হয় প্রথম দেখিতে পাওয়া
যায় । গান্ধারের মূর্ত্তিসকল প্রায় ২০০০ বৎসরের পুরাতন ।

সচরাচর ব্রহ্মার যে সকল মূর্ত্তি দেখা যায় অথবা ধ্যান হইতে যে
মূর্ত্তির আভাস পাওয়া যায়, তাহা হইতে প্রত্যক্ষমান হয়—তিনি
চতুর্ভুজবিশিষ্ট, ষড়্ভুজ কিংবা চতুর্ভুজ, রক্ত অথবা রক্তগৌরবর্ণবিশিষ্ট
এবং তাঁহার হস্তে অক্ষয়ত্র, কমণ্ডলু, বাক্ ও ধন নামক দুই প্রকার
বস্তুর পাত্রবিশেষ থাকে এবং তিনি হংসে আরোহণ করিয়া থাকেন ;
অর্থাৎ হংসই তাঁহার “বাহন” ।

ব্রহ্মার চারিটি মুখ যেন হইল ' ঋগ্বেদিক যুগে বিশ্বকর্মা সর্বদর্শী
ও তাঁহার চতুর্দিকে মুখ, হাত, পা, চোখ ইত্যাদি ছিল অথবা এইরূপে
ঋগ্বেদিক হইল তিনি কল্পিত হইয়াছিলেন ।

যে সকল দেবতাকে মিলাইয়া ব্রহ্মা করা হইয়াছে, তাহার মধ্যে
বিশ্বকর্মা একটি । অতএব বিশ্বকর্মার অবয়বগুলিও ব্রহ্মা পাইয়াছেন ।

মন্ত্রপুরাণে দেখা যায়, পূর্বে ব্রহ্মার একটমাত্র মুখ ছিল । তাঁহার
কাজ হ্রস্ট করা । এই উদ্দেশ্যে তিনি (একা পারিবেদ না বলিয়া)
দশজন মানস ও দশজন অঙ্গ প্রজাপতির হ্রস্ট করিলেন । শেষ
অঙ্গ প্রজাপতি তাঁহার কন্যা । তাঁহার নানা নাম আছে, কিন্তু
গায়ত্রী ও সাবিত্রী নামেই তিনি অধিক পরিচিতা । গায়ত্রী রূপে
ভুবনমোহিনী ও গুণে অসামান্য হইলেন । ব্রহ্মা তাঁহার এই অলোক-
সামান্য রূপবতী কন্যার প্রতি প্রথমদর্শনেই অপ্রিয়মস্ত হইলেন এবং
“অহো রূপম্” “অহো রূপম্” বলিয়া চীৎকার করিয়া নির্গমেষ ময়নে

তাঁহাকে নিরীক্ষণ করিতে লাগিলেন। গায়ত্রী সে তীব্র দৃষ্টি সহ করিতে না পারিয়া পিতাকে এড়াইবার উদ্দেশ্যে তাঁহার পশ্চাদ্দেশে আসিয়া দাঁড়াইলেন। কিন্তু ব্রহ্মার তাঁহাকে দেখিবার দুর্দমনীর ইচ্ছা থাকায় হঠাৎ পশ্চাত্তাগে তাঁহার একটি মুখ ফুটিয়া বাহির হইল। সাবিত্রী একপার্শ্বে গেলেন, সেদিকেও আর-একটি মুখ হইল; এইরূপ অপর পার্শ্বেও একটি ফুটিল। গায়ত্রী তখন উপায়ান্তর-বিহীন হইয়া আকাশে উড্ডীরমানা হইলেন। কিন্তু আশ্চর্য! উপরের দিকে মুখ করিয়া মাথার মাঝখানে আর-একটি মুখ ফুটিয়া বাহির হইল। কস্তুর প্রতি আসক্ত হওয়ার পাপে তাঁহার স্তম্ভার্থ সঞ্চিত সমস্ত তপ বিনষ্ট হইল। ব্রহ্মাও লজ্জায় অধোবনন হইয়া জটাস্বারা পঞ্চমমুখটি আচ্ছাদন করিয়া ফেলিলেন। মুখ চারিটি হইয়া গেল।

আবার বামনপুরাণে বর্ণিত আছে, নারায়ণ সৃষ্টির আদিতে নিম্নাবস্থানে পঞ্চবদন ব্রহ্মা ও পঞ্চবদন শিবকে সৃষ্টি করেন। তাঁহারা উপর হইবামাত্রই কঠোর তপশ্চর্যা আরম্ভ করিলেন। সৃষ্টির ইহাতে কিছুমাত্র উপকার হইবে না দেখিয়া নারায়ণ অহঙ্কারের সৃষ্টি করিলেন। অহঙ্কারের বশবর্তী হওয়ার শিব ও ব্রহ্মার ক্রমশঃ ঝগড়া হইল। ঝগড়া করিতে করিতে ব্রহ্মা শিবের প্রতি অপমানপূচক বাক্য প্রয়োগ করিলেন। শিব ক্রোধাক্ত হইয়া তাঁহার বাম অঙ্গুষ্ঠের নখাগ্রভাগ দিয়া ব্রহ্মার পাঁচটি মাথার একটি মাথা ছিঁড়িয়া লইলেন। ব্রহ্মার চারিটি মুখ হইল।

তাঁহার হংস বাহন কেন হইল? ঋগ্বেদিকযুগে বিধকর্ম্মার ডানা ছিল। স্বর্গ-মর্ত্যাদি প্রস্তুত হইয়া গেলে তিনি এই ডানার সাহায্যে সেগুলিকে ঘুরাইয়া দিতেন। ব্রহ্মার কিন্তু ডানা নাই, বিধকর্ম্মারও হাঁস নাই। বিধকর্ম্মার এই ডানার বদলে ব্রহ্মাকে যে ডানাসংযুক্ত হাঁস বাহন করিয়া দেওয়া হয় নাই, ইহা ভাবিবার কি কোন বিশেষ কারণ আছে?

এক আর শব্দ যজ্ঞীয় পাত্রবিশেষ। ইহা কেন ব্রহ্মার হাতে দেওয়া হইল? পূর্বেই বলিয়াছি, ঋগ্বেদে ব্রহ্মা শব্দের অর্থ ঋত্বিক্ বা পুরোহিত। উপনিষদেও ব্রহ্মাকে ঋত্বিক্ বলা হইয়াছে। ঋত্বিকের কাজ যজ্ঞ করা। যজ্ঞ করিতে গেলেই যজ্ঞের উপকরণ পাত্রাদির প্রয়োজন। ঋক্ ও শব্দ যজ্ঞীয় পাত্রবিশেষ। তাই বোধ হয় ব্রহ্মার হস্তে এই দুইটি প্রধান পাত্র দেওয়া হইয়াছে।

তিনি পদ্মযোনি কেন হইলেন এবং কেনই বা তাঁহার হাতে অক্ষমালা আসিল? পুরাণে বর্ণিত আছে, নারায়ণ যোগনিদ্রায় নিদ্রিত হইলে তাঁহার নাভি হইতে একটি স্নানাল কমল উদ্ভিত হয় এবং তন্মধ্যে ব্রহ্মার উৎপত্তি হয়। এইজন্য তাঁহার আর-এক নাম পদ্মযোনি। উৎপত্তি হইবামাত্র ব্রহ্মা যোগ আরম্ভ করেন। অক্ষমালা সেই যোগেরই নিদর্শন।

কিন্তু একই দেবতার মূর্তি নানাপ্রকারের হয় কি করিয়া? শিল্পশাস্ত্র বলিয়া আমাদের দেশে একপ্রকার চলিত পুঁথি আছে। ইহাতে দেবতাদের মূর্তি গড়িবার প্রণালী পাওয়া যায়। নানাদেশের শিল্প শাস্ত্রে নানাপ্রকার প্রণালী দেওয়া আছে। আবার বিভিন্ন সময়ে বিভিন্ন দেশের শিল্পীদের খেয়ালে মূর্তি বিভিন্ন হয়। তাহা ছাড়া ভক্তের ইচ্ছানুসারেও মূর্তির প্রকাণ্ডভেদ হইয়া থাকে। এইরূপভাবে ব্রহ্মারও মূর্তিভেদ সংঘটিত হইয়াছে। ভারতবর্ষে ব্রহ্মার যে-সকল মূর্তি পাওয়া যায়, সেগুলিকে উপস্থিত নিম্নলিখিত নয়টি শ্রেণীতে বিভক্ত করা বাইতে পারে।

(১) ব্রহ্মা দাঁড়াইয়া থাকিবেন। তিনি একক; সাবিত্রী, সরস্বতী, হাঁস কিংবা মূনিঋষি বা ভক্ত কেহ উপস্থিত থাকিবেন না। তিনি শুধু ভূমির উপর দাঁড়াইয়া থাকিবেন কিংবা পদ্মের উপর দাঁড়াইবেন।

(২) তিনি দাঁড়াইয়া থাকিবেন হয় শুধু আসনের উপর, নয় পদ্মে উপর। এবার একা থাকিবেন না; সাবিত্রী, সরস্বতী, হংস ও ঋষি সকলেই অথবা ইহাদের মধ্যে এক বা একাধিক উপস্থিত থাকিবেন।

(৩) তিনি বসিয়া থাকিবেন; বসিবেন পদ্মের উপর। তিনি একক হইবেন; সাবিত্রী সরস্বতী ইত্যাদি পরিবারদেবতাদিগের কো উপস্থিত থাকিবেন না।

(৪) তিনি পদ্মাসীন হইবেন। তাঁহার সঙ্গে সাবিত্রী প্রভৃতি পরিবারদেবতাগণের মধ্যে এক বা একাধিক উপস্থিত থাকিবেন।

(৫) তিনি হাঁসের উপর বসিয়া থাকিবেন। সঙ্গে পরিবার দেবতাগণের সকলেই বা এক বা একাধিক উপস্থিত থাকিতেও পারেন, নাও থাকিতে পারেন।

(৬) তিনি রথে বসিয়া থাকিবেন এবং সেই রথ সাতটি হংস কর্তৃক চালিত হইবে। পরিবারদেবতা উপস্থিত থাকিতেও পারেন, নাও থাকিতে পারেন।

(৭) এই ব্রহ্মার নাম প্রজাপতি-ব্রহ্মা। মুখ একটি থাকিবে। বামে সাবিত্রী থাকিবেন। হাঁস একেবারেই থাকিবে না।

(৮) তিনি শুধুই ঋষিগণ-কর্তৃক পরিবেষ্টিত হইবেন এবং পদ্মাসনে আসীন থাকিবেন। অপর কোনও পরিবারদেবতা উপস্থিত থাকিবেন না।

(৯) ব্রহ্মার সঙ্গে হয় নন্দী (শিবের বাহন) থাকিবে, নয় গরুড় (বিষ্ণুর বাহন) থাকিবে, না হইলে ঘোড়া (সূর্যের বাহন) থাকিবে। হাঁস থাকিতেও পারে, নাও থাকিতে পারে। অস্ত্র পরিবার-দেবতার উপস্থিত থাকিতেও পারেন, না থাকিতেও পারেন।

ইহা ছাড়া ব্রহ্মার কোন মূর্তি অত্যাধিক আবিষ্কৃত হইয়াছে বলিয়া শূন্য নাই।

মূর্তি দেখিয়া মূর্তির সময় নিরূপণ করা যায়। যে মূর্তি যত সাদা-সিধা হইবে, সে মূর্তি ততই পুরাণ। যেমন, ব্রহ্মার দুইহাত-ওগালা মূর্তি চারিহাত-ওগালার চাইতে পুরাণ। যে ব্রহ্মার একমুখে দাড়ি তাহা আর একটু নূতন; যে মূর্তির চারিমুখেই দাড়ি, তাহা আরও নূতন। যে মূর্তিতে কারুকার্য যত কম, সে মূর্তি তত পুরাণ। খৃষ্টীয় দশম শতকের পর ব্রহ্মার যত মূর্তি পাওয়া যায়, তাহার সব মুখেই দাড়ি আছে। এইরূপ অবয়ব দেখিয়াই সকল সময়ে মূর্তির সময় নিরূপণ করা নিরাপদ নহে। যেমন আমরা জানি গাংকার ভাস্কর্য্য খুব পুরাতন। ইহাতে যে-সকল মূর্তি পাওয়া যায়, তাহা সমস্তই বৌদ্ধ। ইহারই মধ্যে একটিতে ব্রহ্মার প্রতিমা পাওয়া গিয়াছে। তাঁহার মুখে দাড়ি আছে। তাই বলিয়া ঐ মূর্তিকে ১০ম শতাব্দীতে তোলা উচিত নহে।

এককালে ব্রহ্মার প্রভাব খুব বিস্তৃত হইয়াছিল, এককালে তাঁহার ভক্তেরা তাঁহার উদ্দেশ্যে বিরাটকার মন্দিরও তৈয়ারী করিতেন। বৌদ্ধদের উপদ্রবেই হটুক বা শিবের অভ্যুত্থানেই হটুক, তাঁহার পূর্ব গৌরব সমস্তই প্রায় লুপ্ত হইয়াছে। এখন ব্রহ্মার মূর্তি মন্দিরের গর্ভাগারে (Sanctum Sanctorum) থাকে না; এখন তাঁহার মূর্তি শোভা-বৃদ্ধির জন্য মন্দিরে স্থান পায়—কখনও দেওয়ালে, কখনও দরজার পার্শ্বে, কখনও আলিসার নীচে, চাতালে, আনাচে কানাচে তাঁহার স্থান। কিন্তু তাই বলিয়া কি তাঁহার মন্দির একেবারেই নাই? আছে। পুন্ডরীতীর্থে সাবিত্রী-পাহাড়ের উপর যে শাদা মন্দিরটি আছে, সেটি ব্রহ্মার। বৃন্দেলখণ্ডের ছতাই নামক গ্রামে কানিংহাম একটি খাঁটি ব্রহ্মার মন্দির পান। তারপর রাজপুতানার বসন্তগড় নামক স্থানে একটি মন্দির আবিষ্কৃত হয়। ধারওয়ার জেলায় অন্ততঃ নয়টি ব্রহ্মার মন্দির আছে। সব চাইতে বড়, কারুকার্য-খচিত একটি মন্দির ইন্দরের ষোল মাইল উত্তরে খেড়ব্রহ্ম নামক গ্রামে পাওয়া গিয়াছে। এখানে কয়েকবর ব্রহ্মাণ আছেন; তাঁহারা পুরুষানুক্রমে শুধু ব্রহ্মারই

পূজা করিয়া আসিতেছেন, অল্প দেবতার পূজা কখনও করেন না। শুধু তাহাই নহে, রূপমণ্ডন নামক একখানি প্রসিদ্ধ ও প্রমাণিক শিল্পগ্রন্থে ব্রহ্মার মন্দির গড়িবার প্রণালী, আরতন ইত্যাদি দেওয়া আছে। ব্রহ্মার পূর্বগৌরবের এইগুলিই নিবর্ণন।

সন্দেশ (অগ্রহায়ণ)

বুড়ি—শ্রীরবীন্দ্রনাথ ঠাকুর।

• এক যে ছিল চাঁদের কোণার
চরকা-কাটা বুড়ি
পুরাণে তার বয়স লেখে
সাত শো হাজার কুড়ি।
সাদা স্তোত্রের জাল বোনৈ সে
হয় না বুনন সারা,
পণ ছিল তার ধরবে জালে
লক্ষ কোটি তারা।
হেন কালে কখন অঁধি
পড়ল যুমে ঢুলে।
স্বপনে তার বয়সখানা
বেবাক্ গেল ভুলে।
মায়ের কোলে নামল এসে
পথ-হারী উদাসী,
সঙ্গে কেবল নিয়ে এল
পর্ব চাঁদের ছায়া।

সন্ধ্যা বেলায় আকাশ চেয়ে
কি তার মনে আসে,
চাঁদকে করে ডাকাডাকি
চাঁদ শুনে তাই হাসে।
যে-পথ দিয়ে এসেছিল
স্বপ্নসাগর-তীরে
ছ'হাত ভুলে সে পথ দিয়ে
চার সে যেতে ফিরে।
হেনকালে মায়ের মুখে
যেমনি অঁধি তোলে
চাঁদে ফেরার পথখানি যে
তক্ষণি সে ভোলে।
কেউ জানে না কোথায় বাসা,—
এল কি পথ বেয়ে,
কেউ জানে না এই মেয়ে সেই
আদি কালের মেয়ে।
বয়সখানার খ্যাতি তবু
রইল জগৎ জুড়ি,—
পাড়ার লোকে সবাই ডাকে
বুড়ি, বুড়ি, বুড়ি।
সব চেয়ে যে পুরোণো, সে
কোন্ মন্দের বলে
সব চেয়ে আঁজ নতুন হয়ে
নামল ধরা তলে।

নারী

বহু যুগ আগে যদি স্বপ্ন হয়ে যেতে কায়া ছাড়ি',
পুরুষের হৃদিমাঝে রহিতে ছড়িয়ে, ওগো নারী,
ওই গাঢ় আলিঙ্গন, ওই দৃষ্টি, হাসি, ওই বুক,
সুধাবিষ-পূর্ণ তপ্ত অধরের ও চুষনটুক
নিঃশেষে বিলায়ে দিয়ে অদৃশ্য হইতে কভু তুমি,—
তোমার প্রেমেতে তবে মাতিয়া উঠিত ধরা-ভূমি।
অনন্ত অক্ষয় তব সৌন্দর্যের পানে যেত ছুটি,
লক্ষ্য করি' মহাকাশে যেথা ফুটে আছে চক্ষু ছুটি
প্রণয়ের পবিত্রতা মাথা, সর্ক-ছঃখ-বাখা-হরা,
প্রেম যেত সেই রাজ্যে নাহি যেথা রোগ শোক জরা,
বিরাজিত অনন্ত যৌবন।—ওই দেখ ছুটে যায়
কারা সব কিসের পশ্চাতে, চক্ষুহীন অন্ধপ্রায়,—
প্রেমে দিয়া বিসর্জন, বাসনারে দেখে বড় করি';
• আলোক চলিয়া গেছে, অন্ধকারে রহিয়াছে ভরি'
হৃদয়ের বর্ণগন্ধআলোময় সুন্দর গগন;—
যে কুৎসিত পঙ্কগর্ভে নিত্যকাল আছে নিমগন

সেখান হইতে সবে কার সাধ্য করিবে উদ্ধার ?
কার সাধ্য বিষাক্ত সে হৃদয়েরে করে আপনার,
হে নারী, তোমার সেই শুভ, পুণ্য, দিব্য প্রেম ছাড়া ?
কোথায় তোমার স্থান,—কোনদিন ভাবে নাই যারা
তাদের সম্মুখ হ'তে দূরে নাও দেহ;—এস নামি'
অশরীরী রূপে আজি, বিরে থাক সর্ব দিনযামী
স্নেহ, প্রেম, দয়া রূপে।—হে কল্যাণী, সাজে না তোমা
মরাচিকা-মুগ্ধ প্রাণ মোহপাশে টানি' বারম্বার
লালসার বহুকুণ্ডে নিক্ষেপিয়া দগ্ধ করা তারে।
তুমি আর কিছু নও, শুধু প্রেম,—মুক্ত করিবারে
বিশ্বেরে যতক গ্লানি হতে।—ওই তনু দেহলতা
প্রকাশ করিছে শুধু নারীত্বের অন্তরের কথা—
“আছে প্রেম, আছে স্নেহ, আছে দয়া, আছে শুধু প্রীতি
ও কাজল দৃষ্টি যেন কোন্ সুখস্বরগের স্মৃতি,
ওই হাসি, ও চুষন, মুছে নেয় ছঃখ শোক ভয়,
এই শুধু আছে তব; নয়, নয়, আর কিছু নয়!
শ্রীগণেশচরণ বসু।



গ্রাম্য স্বায়ত্তশাসন আইন

বিগত কার্তিকমাসের "প্রবাসী"র ১৩০ পৃষ্ঠায় সম্পাদক লিখিয়াছেন—
"বঙ্গদেশের গ্রাম্য স্বায়ত্তশাসনবিষয়ক ১৯১৯ সালের ৫ আইন সম্বন্ধে আমাদের অনেকের কোন জ্ঞান নাই। জ্ঞান থাকা উচিত। উহার বাংলা অনুবাদ কিনিতে পাওয়া যায়। উহার সম্বন্ধে যাহা বলা যাইতে পারে ৩৪ পৃষ্ঠা ব্যাপী ভূমিকা লিখিয়া শ্রীযুক্ত মোহন বন্দ্যোপাধ্যায় ও শ্রীরাঙ্গেন্দ্রনাথ আচার্য্য আইনটি প্রকাশিত করিয়াছেন।"

আমরা উক্ত উত্তম ব্যক্তি কর্তৃক প্রকাশিত আইনটি আজও দেখি নাই। কিন্তু মহেশপুর রাজ-এস্টেটের সুযোগ্য ম্যানেজার শ্রীযুক্ত বাবু বসন্তকুমার চৌধুরী, এম এ, বি এল, মহাশয়ের অনুবাদিত "বঙ্গীয় গ্রাম্য স্বায়ত্তশাসন আইন"খানি দেখিয়াছি। তাহাতে তিনি অতি সরল প্রাঞ্জল এবং সাধারণের বোধগম্য ভাষায় ঐ আইনটির বঙ্গানুবাদ প্রকাশ করিয়াছেন। শুধু তাই নয়, ইউনিয়ন বেকের বিচারকপণ আইনের যে-সকল ধারা অনুসারে মোকদ্দমার বিচার করিতে পারিবেন সেই-সকল ধারা টীকা সম্বলিত প্রকাশ করিয়াছেন এবং উক্ত আইনের অধীনে বঙ্গীয় গবর্ণমেন্ট কর্তৃক যে-সকল নিয়মাবলী প্রণীত হইয়াছে তাহা ও বঙ্গানুবাদ দিয়াছেন। ফলতঃ বসন্ত-বাবু সর্বসাধারণের বোধগম্য সরল ভাষায় এই আইন-বহিখানি সর্বপ্রথমে লিখিয়াছেন বলিয়াই মনে হয়।

তিনি "ভারতশাসন সংস্কার আইন" নামে Reforms Act এর বঙ্গানুবাদ প্রকাশ করিয়া যশস্বী হইয়াছেন, এবং সাধারণের বিস্তর উপকারসাধন করিয়াছেন।

এই উত্তম আইনের উপকারিতা বা ধপকারিতা সম্বন্ধে মতভেদ থাকিতে পারে, কিন্তু আইনগুলি যে কি তাহা জানা সকলেরই নিতান্ত কর্তব্য কার্য। সুতরাং আমরা দেশবাসীগণকে উহা পাঠ করিতে বিশেষ অনুরোধ করিতেছি।

শ্রীশিবচন্দ্র সিংহ।

৩ রঘুনাথ শিরোমণি

কার্তিকের প্রবাসীতে "বেতালের বৈঠকে" ৩ রঘুনাথ শিরোমণি সম্পর্কে "বৈদিক-সংবাদিনী" নামক এক কুলগ্রন্থের উল্লেখ করা হইয়াছে। "বৈদিক-সংবাদিনী" কোন ঐতিহাসিক ভিত্তি নাই— এবং উহা কতদূর প্রাচীন তাহাও বিচাধ্য বিষয়। শ্রামশূন্দর ভট্টাচার্য্য নামক এক ব্যক্তি প্রায় ৫০ বৎসর পূর্বে সংস্কৃত ভাষায় উহা রচনা করেন। পরে তাহার সমাজের কতিপয় ব্যক্তি উহাকে পুঁপ্রাচীন ঐতিহাসিক কুলগ্রন্থরূপে ঢালাইবার চেষ্টা করেন। উহা মুদ্রিত হইয়া আজও লোকলোচনের গোচরীভূত হয় নাই এবং কেহ উহার হস্তলিপি চাহিলেও খুঁজিয়া পান না। তবে অচ্যুতবাবুর "শ্রীহট্টের ইতিবৃত্তে" উহার কোন কোন অংশ উদ্ধৃত হইয়াছে বটে। বাংলার সামাজিক ইতিহাসের অনুকরণে উহাতেও আদিগুরুর স্থানে "আদিধর্মকা" নামক এক অনৈতিহাসিক ত্রৈপুর নৃপতি ও "পঞ্চগোত্রীয় ব্রাহ্মণ" "বঙ্গ" ইত্যাদি খাড়া করা হইয়াছে। উহাতে যে দানপত্রের উল্লেখ করা হইয়াছে তাহাকে ঐতিহাসিক কৈলাসচন্দ্র সিংহ "জাহা আল" (ঢাকা রিভিউ

দ্রষ্টব্য) বলিতেও কুণ্ঠিত হন নাই। শ্রীহট্ট বৈদিক সমাজের সত্যনিষ্ঠ প্রাচীন ব্রাহ্মণেরাও উক্ত গ্রন্থে লিখিত "পঞ্চগোত্রীয় ব্রাহ্মণ" ইত্যাদির উপাখ্যান স্বীকার করেন না। রঘুনাথ শিরোমণি শ্রীহট্টের লোক ছিলেন— ইহা আমরা ছেলেবেলা হইতে শুনিয়া আসিতেছি,—খুব সম্ভব তাহা সত্য। কিন্তু ইহার স্বপক্ষে "বৈদিক-সংবাদিনী" বা পাঁচ গাঁও এর কাত্যায়নগোত্রীয় ব্রাহ্মণেরা যাহা বলেন, তাহাতে আস্থা-স্থাপন করিবার মতন কিছুই নাই। কাত্যায়নবংশে ৩ রাজগোবিন্দ সার্কভৌম নামক এক প্রসিদ্ধ পণ্ডিত জন্মগ্রহণ করিয়াছিলেন। মৌলবীবাজার মুন্সেফ কোর্টে এক মোকদ্দমায় একবার তাহার যহস্তলিখিত বংশতালিকা প্রয়োজনীয় দলিলস্বরূপ ব্যবহৃত হইয়াছিল। উহাতে দেখা যায় রঘুনাথ শিরোমণির নাম নাই। রঘুনাথ শিরোমণি স্ববংশীয় হইলে উক্ত সার্কভৌমের স্থায় পণ্ডিত কি তাহা জানিতেন না? এ সকল বিষয়ে যাহারা বিস্তৃত বিবরণ অবগত হইতে চান, তাহারা ঢাকা কলেজিয়েট স্কুলের শিক্ষক শ্রীযুক্ত উপেন্দ্রচন্দ্র গুহ, বি-এ, বি-টিকে লিখিলেই সমস্ত জানিতে পারিবেন। উপেন্দ্রবাবু স্কুলপরিদর্শক রাজকর্মচারীরূপে শ্রীহট্ট-সাম্প্রদায়িক বৈদিক-ব্রাহ্মণগণের কেন্দ্রস্থান মৌলবীবাজারে দীর্ঘকাল থাকিয়া এতৎসম্পর্কিত বহু সামাজিক তথ্য সংগ্রহ করতঃ "ঢাকা রিভিউ" ও "প্রতিভা" পত্র প্রকাশ করিয়াছিলেন। আমরা জানি, আজ পব্যস্ত কেহই উপেন্দ্র-বাবুর ঐ-সকল প্রবন্ধের প্রতিবাদ করিতে সাহস করেন নাই।

শ্রীরামদয়াল চক্রবর্তী।

বিবাহ-বার্তা

গত জ্যৈষ্ঠ মাসের বিবাহবার্তা প্রবন্ধের ৫৩৬ পৃষ্ঠায় ১ম কলামের ৬ লাইনের পরই লিখিত আছে, "আসামে নিয়ম আছে স্বামীর মৃত্যুর বহু পরেও যদি নারী সন্তান প্রসব করে তবে সে সন্তান স্বামীর নামেই পরিচিত হইবে।" কিন্তু আসামে এমন নিয়ম কোথাও চলিত নাই। একথাটার আমি দৃঢ়ভাবে প্রতিবাদ করিতেছি।

শ্রীগোলোক চন্দ্র।

ঔরাংজেবের ফর্মান

প্রবাসীতে ঔরাংজেবের যে ফর্মানের বিষয় লেখা হইয়াছিল (প্রাচ্যের প্রবাসী) তাহার প্রকৃত স্বরূপ অধ্যাপকপ্রবর রঘুনাথ সরকার মহাশয় আখিনের প্রবাসীতে দিয়াছেন। সুতরাং তাহার দ্বারা ঔরাংজেবের "কলঙ্ক মোচন" করা যায় না। তবে যে কারণে ঐ ফর্মাণে আস্থা স্থাপন করা হইয়াছিল তাহার জন্ত ও নিজেকে সুস্পষ্ট করার জন্ত কয়েকটি কথা বলা দরকার।

(ক) অধ্যাপক রঘুনাথ সরকার মহাশয় Journal of the Asiatic Societyতে (Vol. 2, No. 6, 1906) ঔরাংজেবের দুইখানি ফর্মাণের অনুবাদ করেন; তাহাতে সম্রাট রাজসংক্রান্ত ব্যাপারে সায়েন্তা খাঁকে কতকগুলি টিপদেশ ছান; ইহা হইতে বোঝা যায় যে ঔরাংজেবকে যতটা মন্দ বলিয়া মনে করা হয় তিনি একতপক্ষে ততটা মন। বরং স্থশাসনের দিকে চোঁট ছিলেন।

(খ) মূলতঃ যে কোন ব্যক্তি মসজিদ তৈরী করিয়া সেই মসজিদ পাদিশাহ'র দ্বারা নির্মিত বলিয়া প্রচার করিতে পারিতেন। ইহার দ্বারা পাদিশাহকে সম্মান করা হইত। অতএব এইরূপ অনুমান আসিতে পারে যে কাশীর জ্ঞানবাপী ও পঞ্চগঙ্গার উপরকার মসজিদ বা আলমগীরি মসজিদ ঔরাংজেবের দ্বারা নির্মিত হয় নাই। আর এক কারণ এই যে, এই-সকল মসজিদ খুব সামান্ত রকমের স্থাপত্যের আদর্শ এবং এগুলি আকারেও ছোট। দিল্লী-আগ্রার বড় বড় মসজিদের সহিত ইহাদের সাদৃশ্য মোটেই নাই। অতএব এইরূপ অনুমান হয় যে এইরকম হীন মসজিদ পাদিশাহ' দ্বারা নির্মিত হয় নাই।

(গ) কানিঙ্ হামের মতে জহাঙ্গীর বিখ্যেবের মন্দির ভাঙ্গিয়া-ছিলেন। (*Vide Archaeological Survey Reports*) ইহা কি ভ্রান্ত? এই বিখ্যেবের মন্দির কোন্ বিখ্যেবের মন্দির?

(ঘ) কাফি খাঁর ইতিহাসকে মূল্যবান বলা যায় না। অধ্যাপক-প্রবর সরকার মহাশয় কাফি খাঁকে একস্থানে "gossipy" ও "out-spoken" বলিয়াছেন। অধ্যাপক-প্রবরের মতে কাফি খাঁর ইতিহাস ".....a gossipy and unreliable work which enjoys an undeserved reputation among European scholars on account of its pleasant style and arrangement and freedom from dryness of treatment, characteristic of Persian annals."

পরিশেষে বক্তব্য এই যে শ্রাবণের প্রবন্ধটি "ঔরাংজেবের একখানা চিঠি" নামে পাঠান হইয়াছিল। প্রবাসীর সম্পাদক মহাশয় তাহা "ঔরাংজেবের কলঙ্ক মোচন" নামে প্রকাশিত করেন।

অরুণ দত্ত।

বাংলার ইতিহাস

আমার পরমশ্রদ্ধাস্পদ শ্রীযুক্ত বিজয়চন্দ্র মজুমদার মহাশয়ের সহিত আমার ইতিহাসালোচনার পথপ্রদর্শক গুরু শ্রীযুক্ত অমূল্যচরণ ঘোষ বিদ্যাভূষণ মহাশয়ের যে বিতর্ক চলিতেছে তাহার সহিত আমাকে নিতান্ত অনিচ্ছা সত্ত্বেও জড়িত দেখিয়া অত্যন্ত দুঃখিত হইয়াছি। দুইজনেরই অগ্নাধিক ভ্রম হইতে এই অগ্রীতিকর বিতর্কের সৃষ্টি হইয়াছে দেখিতে পাইতেছি। ঢাকা রিভিউ পত্রে যখন বিজয় বাবুর প্রবন্ধ বাহির হয় তখন সেই প্রবন্ধে বাঙ্গালী জাতির সম্বন্ধে অনেক নূতন তথ্য থাকায় আমি তাহা অমূল্য-বাবুকে দেখাই। অমূল্য-বাবু পড়িবামাত্র সেই প্রবন্ধের কতকগুলি ভুল আমাকে দেখাইয়া বলেন যে "বিজয়-বাবু খুব স্থপণ্ডিত ব্যক্তি। দৃষ্টিহীনতার জন্ত অনেক সময় তাঁহাকে অপরের উপর নির্ভর করিতে হয়। তিনি নিজে সকল দিক দেখিয়া গুনিয়া করিতে পারিলে যেরূপ সাবধানতার সহিত গবেষণা করিতেন, এইসব সাহায্যকারীগণ সম্ভবত সেরূপ সাবধান নয়। তাই অনেকগুলি ভুল দেখিতেছি যথা Bong-long বানান ভুল।" তিনি তখনই Gerini, Des Michels, Deverta

প্রভৃতি পণ্ডিতবর্গের পুস্তক আনিয়া আমাকে দেখান যে সেই পুস্তকে Vanlang অথবা Vanlan এই বানান আছে। এই ঘট হইতেই বুঝা যাইতেছে বিজয়-বাবুর প্রবন্ধের সম্বন্ধে সাক্ষাৎ জ্ঞান হইবার পূর্বে হইতেই "বন্-লাং"র সংবাদ অমূল্য-বাবুর জানা ছিল অস্তান্ত আরও বানান ভুলও সেই সময় তিনি আমাকে দেখান এই ব্যাকরণগত কতকগুলি আলোচনা সম্বন্ধে অমূল্য-বাবু বিজয়-বাবু হইতে শিগ্ৰ মত পোষণ করেন এমন কথাও বলেন। তাহাতে আ অমূল্য-বাবুকে একটি প্রতিবাদ লিপিত অনুরোধ করি। আমার বিশ্ব ছিল যে দুইজন অভিজ্ঞ ব্যক্তির মধ্যে এরূপ আলোচনা শুভফলপ্র হইবে। অমূল্য-বাবু বলেন যে, ষণ্ড ষণ্ড আলোচনায় ফল নাই; সক গুলি প্রবন্ধ বাহির হইলে পর তিনি প্রতিবাদ লিপিবেন স্বীকার করেন সেই সংবাদটি আমি বিজয়-বাবুকে জানাই। তাহার পর ঢাকা রিভিউতে বিজয়-বাবুর প্রবন্ধ আর প্রকাশিত হয় নাই। এবং সেজ তাহা লইয়া আর কোনও আলোচনা হয় নাই। প্রায় তিন বৎস পূর্বে মাসিক পত্রে প্রকাশিত একটি প্রবন্ধ লইয়া আলোচনা করার ক' অমূল্য-বাবুর স্মরণে না থাকিতে পারে। থাকিলে তাহার উল্লে করিয়া ভুলগুলি দেখাইয়া দিয়া Gerini প্রভৃতির উল্লেখ করিলে অমূল্য বাবুর কোনও অর্গোরবের কারণ ঘটত না। বিজয় বাবুর ও ভুলগুলিও বিজয় বাবুর পাণ্ডিত্যের অভা'জনিত নয়, সাহায্যকারী অনবধানতারই পরিচায়ক।

এক্ষেত্রে অপরের উপর নির্ভর করিতে হয় বলিয়া বিজয়-বাবু আঃ একটি ভুল করিয়াছেন তাহার ফলে অমূল্য বাবুর প্রতি অত্যন্ত অগ্না দোষারোপ করা হইয়াছে। বিজয়-বাবু বলিতেছেন—'বিদ্যাভূষণ মহাশ যে বলিয়াছেন পঙ্গল তিরিয়র ও চেরদিগের বঙ্গ হইতে আগমনের কং কনকসভই লিখিত "The Tamils Eighteen Hundred Years Ago" পুস্তক হইতে জানা যায়, তাঁহা ঠিক কথা নহে। ওঁ পুস্তকে এরূপ কোন কথাই নাই।' অমূল্য-বাবুর কথা সঠিক ন' ইহা বলিবার পূর্বে বিজয়-বাবুর আর-একটু সাবধান হওয়া উচিত ছিল অপরের উপর নির্ভর করিলে অনেক সময় ভুল করিতে হয়। কনক সভয়ের পুস্তকের ৪৮ পৃষ্ঠা একবার উ-টাইয়া দেখিলেই দেখা যাইতে যে অমূল্য-বাবুর কথাই ঠিক। বিজয়-বাবু তাঁহাদের উপর নির্ভর করিয়া অমূল্য-বাবুর প্রতিবাদ করিয়াছেন তাহাদের অসাবধানতার বিজয়-বাবু অমূল্য-বাবুর প্রতি একটি গুরু অভিযোগ করিয়াছেন, অথচ তাহার কোনো ভিত্তিই নাই, ভুল করিয়াছেন নিজেই। তোণ্ডসমগুলাপদয়ম ও চিলপ্রতিকারম তামিল গ্রন্থ। এই দুইখানি বই আমরা অমূল্য-বাবুর নিকট দেখিয়াছি। অমূল্য-বাবু তাহাতে যে স্থানে পঙ্গলতিরিয়রের কথা আছে তাহা আমাদের কাছে দেখাইয়াছেন। আমি তামিল-ভাষাভিজ্ঞ নহি। তথাপি অক্ষর-পর্যায় করাইয়া আমাদের বহু বন্ধুকে অমূল্য-বাবু দেখাইয়াছেন যে এসব পুস্তকে পঙ্গল প্রভৃতির উল্লেখ ও বিবরণ আছে। এ স্থানেও বিজয় বাবুর অসাবধানে ভুল হওয়াতে অমূল্য-বাবুর প্রতি তিনি অগ্নায় করিয়াছেন।

শ্রী প্রভাতচন্দ্র গঙ্গোপাধ্যায়।

উবট্ সায়ণ ও গ্রিফিতাদির বেদব্যাখ্যা

কুসংস্কার ও অন্ধবিধান মানুষকে কি প্রকারে অধঃপাতিত করে, তাহা মানুষ বুঝে না, বুদ্ধিগে আজি জগৎধরণ্য ভারতের এ দুর্দশা ঘটত না। কেবল যে বেদই অপৌরুষেয় তাহা নহে, এখন শব্দ, উবট ও সায়ণভাষা এবং পাশ্চাত্যগণের অনুবাদও অপৌরুষেয় হইতে চলিল।

কিন্তু এ মত কাহাদিগের " যে-সকল তথাস্তবাদী যুবক, বেদ গোল কি চেপ্টা, সাকার কি নিরাকার ইহাও জানেন না, এ অস্তিমত তাঁহাদিগেরই !

সংপ্রতি, কাশী, হাবড়া ও কলিকাতা হইতে বেদ প্রকাশিত হইতেছে। তিন জনেরই পক্ষ পৃথক্। আমি ২৭শে প্রাবণ শুক্রবারের হিতবাদীতে "বেদবিষয়ে বিচার প্রার্থনা" নামে একখানি পত্র ছাপাইয়াছিলাম। কিন্তু কেহই আমার অরণ্যরোদনে কর্ণপাত করিলেন না। কেন? সত্য ও মত কি কখন একটি ভিন্ন দুইটি হইতে পারে? শ্রদ্ধাভাজন দুর্গাদান লাহিড়ী মহাশয়ের মতে বেদের সকল মন্ত্রই আধ্যাত্মিক ভাবাপন্ন। আমরা মনে করি যে বেদ যেন—প্রাচীন ইতিহাস, ভূগোল, সাহিত্য এবং ধর্মগ্রন্থ। যদি বেদমন্ত্র-সকল কেবল আধ্যাত্মজগৎ লইয়া বিরচিত হইত, তাহা হইলে গীতাপ্রণেতা পদ্মনাভ ঋষি কেন বলিতেছেন যে—

ত্রৈলোক্যবিবরা বেদাঃ, মা ত্রৈলোক্যোত্তবাজু ন।

যদি বেদ কেবল আধ্যাত্মজগৎ লইয়া প্রাদুভূত হইত, তাহা হইলে কি চারিবেদ ও ইহাদের ছয় অঙ্গকে "অপরবিদ্যা" বলিয়া মুগ্ধকোপনিষৎ, সংস্কৃত করিতেন? আমরা আমাদের উক্তির যথার্থ্য সপ্রমাণ করিবার জন্য কেবল দুইটা মন্ত্রের দুইটি চরণের ভাষ্য লইয়া আলোচনা করিয়া দেখাইব যে কি ব্রাহ্মণ গ্রন্থ, কি আচার্য্য সায়ণাদির ভাষ্য, কিছুই সমীচীন হইতেছিল না। এখন আবার সকলই চালিয়া সাজা আবশ্যক।

প্রশ্ন
পৃচ্ছামি হা পরমস্তং পৃথিব্যাঃ,
পৃচ্ছামি যত্র ভুবনস্য নাভিঃ। ৬১।২৩। যজুঃ
৩৪।১৬৪ সূ। ১ম। ঋক্

উত্তর
ইয়ং বেদী পরমস্তং পৃথিব্যাঃ,
অয়ং যজ্ঞো ভুবনস্ত নাভিঃ ॥ ৬২। ২৩ অ যজুঃ।
৩৫। ১৬৪ সূ। ১ম। ঋক্

ইহার বঙ্গানুবাদ ইহাই যে—আমি তোমাকে জিজ্ঞাসা করি, এই পৃথিবীর শেষ উত্তর সীমা কি? তোমাকে আমি ইহাও জিজ্ঞাসা করি যে এই ভূমণ্ডলের নাভি কোথায়? উত্তরে বলা হইল যে—এই বেদীই পৃথিবীর শেষ উত্তর সীমা, আর এই সর্বজনপরিচিত যজ্ঞই ভুবনের নাভি। বেদী কি? বেদী ইলাবৃত্তবর্ধ (মঙ্গোলিয়া), ইহা তৎকালে আশিয়ার শেষ উত্তর সীমা ছিল। কেননা তখন সাইবেরিয়া (ত্রিদিব, সংবৎসর, অহঃ, রাজি ও সত্য বা ঋতলোক, ১২।৩—১২০ সূ ১০ম দেখ) যুলে পরিণত হয় নাই। কাজেই ইলাবৃত্তবর্ধ তখন পৃথিবীর উত্তর বেদী বা শেষ সীমা ছিল। (ইলায়াম্পবৎ যৎ উত্তর বেদী নাভিঃ। ঐতরেয় ব্রাহ্মণ ৪।২৯।৩ম ভাষ্য দেখ)। কিন্তু

—“অয়ং যজ্ঞো ভুবনস্ত নাভিঃ”—

ইহা লইয়াই উবট্ সায়ণ, মহীধর, দয়ানন্দ ও গ্রীকিতের সহিত আমাদের মতবৈধ।

পৃচ্ছামি যত্র ভুবনস্ত নাভিঃ।

- ১। উবট্ সায়ণঃ—পৃচ্ছামি চ যত্র ভুবনস্য নাভিঃ—“নহনং”।
- ২। মহীধরঃ—যত্র যস্মিন্ যুলে ভুবনস্ত ভূতজাতস্য নাভিঃ কারণং।

- ৩। সায়ণঃ—যত্র ভুবনস্ত ভূতজাতস্য নাভিঃ সন্ন্যাহো বন্ধনং
যত্র সর্বং সমস্তং ভবতি।
- ৪। দয়ানন্দভাষ্যঃ—পৃচ্ছামি যত্র ভুবনস্ত লোকসমূহস্য নাভিঃ
বন্ধনং।
- ৫। রমেশচন্দ্র দত্ত—আমি তোমাকে জিজ্ঞাসা করি ভূতজগতের
নাভি কোথায়?
- ৬। গ্রীকিতানুবাদ—Where is the centre of the world
পৃথিবীর মধ্যস্থান কোথায়?

(নাভি—মধ্যস্থান)

This sacrifice of ours is the world's centre—

আমাদিগের যজ্ঞই পৃথিবীর মধ্যস্থান।

এখন সাক্ষর-বিবেকবান্ পাঠকগণ বলুন দেখি তাঁহারা এইসকল ভাষ্য ও অনুবাদ পাঠ করিয়া কি বোধগম্য করিলেন? নহনং, কারণং, সন্ন্যাহ, বন্ধনং, ইহার খোলাখুলি অর্থটা কি? এখানে নাভি শব্দের কি পদার্থগ্রহ করিতে হইবে? নাই (Neval)? যেখানে পৃথিবীর সকল লোকের বন্ধন হয়, তাহার নাম নাভি, দয়ানন্দাদির একধার ভাবার্থ কি? ফলতঃ কেহই নাভি শব্দের প্রকৃতার্থ না বুঝিয়া কেবল যা-তা লিখিয়া গৌজামেলন দিয়া গিয়াছেন।

তৎপর—শেষ চরণের ভাষ্য করিতে যাইয়া সায়ণাদি বলিতেছেন যে—

- ১। উবট্ সায়ণঃ—অয়ং যজ্ঞঃ ভুবনস্য নাভিঃ নহনং। যজ্ঞাৎ বৈ প্রজ্ঞাঃ
প্রজায়ন্তে ইতি শ্রুতেঃ।
- ২। মহীধরঃ—অয়ং যজ্ঞঃ অথমেধঃ ভুবনস্য প্রাণিজাতস্ত নাভিঃ
কারণং।
- ৩। সায়ণঃ—অয়ং যজ্ঞো ভুবনস্ত ভূতজাতস্ত নাভিঃ সংনহনং
তজৈব বৃষ্ট্যাদি সর্বাংলোৎপত্তেঃ সর্বপ্রাণিনাং বন্ধকভাৎ।
- ৪। দয়ানন্দঃ—অয়ং যজ্ঞঃ যষ্টুং সংগন্তুং অর্হঃ সূর্য্যঃ ভুবনস্ত
ভূগোলসমূহস্ত নাভিঃ আকর্ষণেন বন্ধনং।
- ৫। রমেশচন্দ্র—এই যজ্ঞই ভূতজগতের নাভিভূত।

ফলতঃ এই মন্ত্রে যে নাভি ও যজ্ঞ শব্দের প্রয়োগ হইয়াছে, তাহার অর্থ ইহারা কেহই বুঝিতে পারেন নাই ও না পারিয়াও বাস্তবিক বলিয়া সকলকে ধোকা দিয়া গিয়াছেন।

বস্ততঃ এই নাভি শব্দের অর্থ এখানে উৎপত্তি ও উৎপত্তিস্থান, এবং যজ্ঞশব্দের অর্থ আদির্ঘর্গ জো বা মঙ্গোলিয়া বাহা মানবের আদি জন্মভূমি।

অবশ্য কেহ কেহ আমাদের ভারতবর্ষকে মানবের আদি জন্মভূমি লিখিয়া Ph. D. উপাধি লাভিয়াছেন। কিন্তু তাহাতে

যথা দেবো বাহনং তস্ত তাদৃক্

এই শ্লোকটি পাঠ করিয়া আমরা তুফীং অবলম্বন করিয়াছি। ৩৩।১৬৪।১ম মন্ত্রের ব্যাখ্যায় অয়ং যজ্ঞঃ মহাশয়—নাভিঃ সমস্তস্য নাভ্যাঃ সমস্তস্য জায়ন্তে (৭২৮ পৃ প্রথম নিকট) এই মিথ্যা ব্যাখ্যা করিয়া সায়ণ উবট্ ও দয়ানন্দকে কুপথগামী করিয়া গিয়াছেন। ফলতঃ নাভি শব্দের প্রকৃতার্থ প্রকটনে সায়ণ বহুস্থানেই প্রমাদগ্রস্ত হইয়াছিলেন।

- ১। ভৌমো পিতা জনিতা নাভিরজ।

ভূত সায়ণঃ—সমস্তিরজ নাভিকৃতো ভৌমরসঃ।

- ২। সা যৌরসাকং পরমা নাভিঃ—ঋষিকা। ১৮।৩১। ১০ম

৩। ইয়ং যে নাভিঃ। নাভিঃ সন্ন্যাসী। ১১। ৩১। ১০ম

এখন কেহ এই সারণ্যভাবের প্রকৃতার্থ বুঝাইতে পারিলে আমরা তাঁহার নিকট কৃতজ্ঞ থাকিব। ফলতঃ কেবল যজুর্বেদের এক ঋষি ও একজন সারণ্যশিষ্যই এই নাভিশব্দের প্রকৃতার্থ বুঝিতে পারিয়াছিলেন। কত্রস্ত যোনিঃ কত্রস্ত নাভিঃ। ৮। ১০অ। যজুঃ

এখানে একত্র যোনি ও নাভি শব্দের প্রয়োগ হওয়ার বুঝা যাইতেছে যে ঋষি এখানে যোনি বা উৎপত্তি অর্থে নাভি শব্দের প্রয়োগ করিয়াছেন। তথাহি ঋগ্বেদভাষ্যং—সা নো নাভিঃ। তত্র সারণ্যভাষ্যং—

সা সারণ্যঃ নঃ আবয়োগে নাভিঃ উৎপত্তিস্থানং। ৪। ১০। ১০ম

আমরা সারণ্যশিষ্যবিশেষের এই অর্থই সর্ব্বথা সুসঙ্গত মনে করি। মধ্যমি-শ্রুতিতেও বহুস্থলে “সনাভি” শব্দের প্রয়োগ আছে। বলাবাহুল্য কুল্লুকাপি তথায় “সনাভয়ঃ সোধর্ষাঃ” লিখিয়া রেহাই লইয়াছেন, ধরা দেন নাই। বৈদিক কোষ নিষট্ণু নাভি শব্দের পাড়ায়ও যান নাই। এমন কি নাভি শব্দের অর্থ যে উৎপত্তি ও উৎপত্তিস্থান, তিনি তাহা অবগতও ছিলেন না।

একথা সত্য যে নাভি শব্দের একটি বন্ধনর্থও আছে। যথা—

অজঃ পুরো নীরতে নাভিরস্য। ২৩। ২২ অ

ছাগ অগ্রভাগে তাহার নাভি বা হাড়িকাঠে নীত হইতেছে। স্তত্রাং এখানে নাভি শব্দের অর্থ, বন্ধনস্থান বা বধ্যভূমি, যাহা ইচ্ছা করিতে পার, কিন্তু প্রস্তুত মস্তুর নাভি যে উৎপত্তি বা উৎপত্তিস্থান, তাহা স্বাকার করিতেই হইবে। কেননা যজু বা আদি স্বর্গ দো বা মঙ্গোলিয়া মানবের নাভি বা আদি উৎপত্তিস্থান ছিল। তাই যজুর্বেদের এক ঋষি বলিতেছিলেন যে—

কো অস্য বেদ ভুবনশ্চ নাভিঃ

কো জ্যাপৃথিবী কো অন্তরিক্শং। ৫২। ২৩ অ

এই জগতের সকল মনুষ্যাদির নাভি বা আদি স্মৃতিকাগারের নাম কি তাহা কে জানে? না জানার জন্তই কেহ বলেন ইরাণ পিতৃভূমি, কেহ বা বলেন ভারতবর্ষ, কেহ বা বলেন উত্তরকুরু।

অতঃপর আমরা যজু শব্দের অর্থ যে স্বর্গ তাহা দেখাইব। ঋগ্বেদ বলিতেছেন যে—

যশ্চিৎ আপো মহিমা পর্যাপশাৎ।

দক্ষং দধানা ক্ষনয়স্তীর্ধজং। ৮। ১২। ১০ম

যে পরমেশ্বর দেখিলেন যে তাঁহার সৃষ্ট জনগণি তাঁহার মহিমার মহাশক্তি ধারণ করিয়া যজুকে উৎপাদন করিল।

সমুদ্রগভঃপ্রভব এই যজু কি? শ্রুতি বলিলেন যে—

যজো বৈ যঃ। ১১। ১ অ, যজুর্ভাষ্য

যজুই যঃ বা স্বর্গ। তথা হি—উবটধৃত শ্রুতিঃ—যজোং বৈ প্রজাঃ প্রজায়ন্তে। ৬২। ২৩অ ভাষ্য

যজু বা স্বর্গ জনপদ হইতেই প্রজা-সকল উৎপন্ন হইয়াছে। তথাহি ঋগ্বেদঃ—

যো যজো বিধত স্তস্তু ভ্রি স্ত্রুতঃ। ১। ১৩০। ১০ম

যে যজু বা স্বর্গ চারিদিকে মানববংশের বিস্তার করিয়াছেন।

যজো বিধঃ। ৮। ৭। ৩। ৩১ শতপথ ব্রাহ্মণ

বিধ্ বা প্রজা সকল যজু হইতেই সমুৎপন্ন।

এইজন্তই ঋষি বলিতেছিলেন যে—অয়ং যজো ভুবনশ্চ নাভিঃ।

আমরা মনে করি যে এই চরণদ্বয়ের প্রকৃতার্থ ইহাই—

প্র পৃচ্ছামি যত্র ভুবনশ্চ নাভিঃ

উ অয়ং যজো ভুবনশ্চ নাভিঃ।

প্রকৃতার্থবাহিনী—অহং ত্বা ত্বাং পৃচ্ছামি, যত্র যস্মিন্ জনপদে স্থানে ভুবনশ্চ ভূমণ্ডলস্য সর্বেষাং মনুষ্যাপঃপশ্যাদীনাং নাভিঃ উৎপত্তিবর্ভূত তৎস্থানং কিং?

অয়ং সর্বজনপরিচিতঃ যজুঃ আদিস্বর্গো দোঃ (মঙ্গোলিয়া) ভুবনস্য ভূমণ্ডলস্য সর্বেষাং মনুষ্যাদীনাং রাণীঃ নাভিঃ উৎপত্তিস্থানং। উক্তঞ্চ ঋচি ইলা ইলাবৃতবর্ষং মঙ্গো জনপদঃ (মঙ্গোলিয়া) যুধশ্চ মনুষ্যাদীনাং মিতৃনানাং মাতা মাতৃভূমিঃ আত্মাৎপত্তিস্থানং। (অভি নঃ ইলা যুধশ্চ মাতা। ১১। ৪১। ৫ম)।

আমি তোমাকে জিজ্ঞাসা করি ভূমণ্ডলের সকল মনুষ্য ও পশু-পক্ষাদির আদি উৎপত্তি কোন স্থানে হইয়াছে? এই সর্বজনপরিচিত যজুপ্রধান আদি স্বর্গ মঙ্গোলিয়াই মানবের আদি উৎপত্তিস্থান।

তথাপি কেহ বলেন ইরাণ, কেহ বলেন ককেশশের পাদদেশ, কেহ বা বলেন উত্তর কুরু, বাক্টিয়া, আমু বা জাংজাকটাস নদীর পুলিনদেশ, কেহ বা বলেন মিশর, কেহ বা বলেন বাস্টিক-বেলা, কেহ বা বলেন ভারতবর্ষ।

অতঃপর আমি আনতকঙ্করে প্রার্থনা করি, যদি কেহ আমার ব্যাখ্যার দোষপ্রদর্শনপূর্ব্বক উবট, সারণ্য, দয়ানন্দ, মহীধর ও গ্রীকিতের ব্যাখ্যা রক্ষা করিতে পারেন, তাহা হইলে আমি তাঁহাকে ৫০০০ টাকা পুরস্কার দিব। এবং তেহাং বহেরমুদকং ঘটকর্পেরণ তাঁহাদিগের পা খুইবার জল আমি খাপরাতে করিয়া বহন করিয়া দিব। কেহ এমন সূর্ব্বন্যযোগ পরিত্যাগ করিবেন না। এ পুরস্কার নগন দস্ত, বদস্ত, বুঝাইয়া দিব।

শ্রীউমেশচন্দ্র বিদ্যারত্ন।

আভ্যুদয়িক

আমি বসে' আছি আর, আমার যৌবন

স্বক হয়ে বসে' আছে, তনু প্রাণ মন

পূজা-উপচার লয়ে' মাঝপথে দাঁড়ায়েছে ফিরে ;

ধ্বনিছে বোধন-শব্দ উৎসব-মন্দিরে।

কে গো তুমি সাথে নাই, কে তুমি গো কাঙালের মত

অবহেলা অনাদরে মৌন মর্দ্যাহত

আজি এই স্তব্ধ অন্ধকারে

কিরিতেছ পথে পথে দ্বার হতে দ্বারে

একটু স্নেহের কণা মাগি' :

আজি এ উৎসব-রাতে কাঁদে প্রাণ তোমারই লাগি'।

হায় রে, বলিতে বাসি লাজ,

তোমারই ভবনে জুড়ি কত যে উৎসব নিতি

তোমারেই ভুলি মহারাজ !

এসো আজি খোলা সব দ্বার,

হে চিরকালের সাথী, অচেনা সর্ব্বশ্ব মোর,

আভমানী হে রাজা আমার,

না না, ও অনুক বাতি, ছলুক ফুলের মালা,
আর যারা আছে থাক সব,
না না, মেরি করিয়ে না, যৌবন-উৎসবে এসো,
তোমা ছাড়া জমে না উৎসব।

যৌবন হবে না যবে, খসা পাতা, করে'-পড়া ফুলে
কেমনে পরাণ ধরে' ওহুটি অতুল তব
রাতুল চরণে দেব তুলে ?
বাসি প্রেম নিবেদন, মুছে-যাওয়া আলিপনা,
দগ্ধবুক ক্লান্ত ক্লিন্ন বাতি
রবে কি তোমার লাগি'; ফুরাইলে উৎসবের রাতি
তখন বরিব ধরে উৎসব-রাজ্যারে ?
তুমি সে পূজারে

জানি পায়ে ঠেলিবে না, কাছে এসে চেয়ে লবে হেসে
যাকিছু পড়িয়া রবে সবার শেষে,
সকল দাবীর অবসানে। তবু মন মানে না যে!
মনে মনে মরিবে সে লাজে
প্রাপ্ত ক্লান্ত জরাজীর্ণ দেহমন টানিয়া টানিয়া
তোমার চুম্বনবাগ্র ছুখানি অধরতলে নিয়া
রাধিতে বিশীর্ণ গগ্ন, স্তিমিত পাণ্ডুর আঁধি,
বলিরেখা-কুঞ্চিত ললাট !
আজিকে জ্বলিছে আলো, পুষ্পিয়াছে কোটি তরু,
এসো তুমি এসো হে সখ্যাট
আমার জীবন-মহোৎসবে,
নহে দাগা চিরদিন রবে !

যৌবন ত আসিবে না ফিরে,
হয়ত বা দেখা পাব, চরণ-পরশ পাব শিরে,
সে আমার রাজটীকা ললাটে শোভিবে চিরকাল ;
শুধু কি যৌবন মোর তোমার পরশহারা বঞ্চিত কাঙাল
চিরবিদায়ের পথে চলে' যাবে মৌন নতআঁধি ?
কি দোষে সে নিষে যাবে সরমে মরমতলে ঢাকি'
অফুরাণ এত প্রাণ, এত হাসি, এত অনুগাণে ?

আজি এ অন্তরে মোর অফুরন্ত কত আশা
ছরন্ত শিশুর মত আগে !

কত সাধ করে—
দশদিশি সচকিয়া টপবগি' পর্বতে প্রান্তরে
তোমা' পানে ঘোড়া লয়ে' ছুটি,
ছিঁড়ে করি কুটিকুটি
সুকতার অলস উত্তরী
কাড়িয়া ধরার অঙ্গ হতে।...লয়ে' তরী
পাগল বাতাসে পাল তুলি'
ঝঞ্জাকুরু সমুদ্রের উর্শির দোলার বৃকে হলি
তোমার বাহুতে বাহু বেঁধে।...বাই দিগ্বিজয়ে ছুটে,
নিখিলের যত পুঁজি ঝড় তুলে' আনি সব লুটে।...
ভেঙে সব করি চুরমার,
আবার মনের মতো করিয়া তোমার
নূতন করিয়া তারে গড়ি।
অক্ষতকে ক্ষয় করি,
অনাস্বাদিতের লই স্বাদ,
অদৃষ্টে দেখিয়া লই,—পুরাই সকল তব সাধ।

হে কাঙালরাজ !
তোমারই লাগিয়া যত বৈরাগ্যের ছদ্মবেশ
খুলিয়া ফেলোছি দূরে আজ।
আমার এ দেহে এসো, আমার জীবনে এসো,
আমার এ বৃকে দাও বৃক,
চেতনে চেতনা লভি' বলো তুমি স্মখে আছ,
বলো—মোরে দেখে তব স্মখে।
মুগ্ধ হনয়নে মোর তোমারি তৃপ্তিরে প্রিয়
নিবিড় করিয়া তুলি আমি,
জীবন-সম্পদ দিয়া তোমায়ে সমৃদ্ধ করি
নিশিদিন হে জীবনস্বামী !

* *
*

হায় হায় !


কেন গো স্মখের ডালা পলকে শুকায়ে ওঠে বেদনার ঘায় !
তোমার নয়নবারি কেমনে মুছাতে পারি, সারাদিন ধরে'
আমারই এ পোড়া চোখে এমন করিয়া যদি

নিয়বধি শুধু জগৎ করে।
শ্রীমধীরকুমার চৌধুরী।

আহমদাবাদ

এবারকার (১৯২১ সালের) ভারতীয় কংগ্রেসের অধিবেশন হইবে গুজরাটের প্রধান সহর আহমদাবাদে। আহমদাবাদ রমনীয় স্থান। ইহার চারিদিকে এক ক্রোশ পথ ব্যাপিয়া প্রাচীর দাঁড়াইয়া আছে। এই প্রাচীর রাজা আহমদ শাহ কর্তৃক নির্মিত। চারিদিকেই নগরে প্রবেশের জন্য কয়েকটি করিয়া সিংহদ্বার আছে। নগরের পশ্চিম প্রাচীরের পদতলে শবরমতী নদী প্রবাহিত। শবরমতীর

রাজসিংহাসন লাভ করিয়া আহমদশাহ একদিন যুগ্মা করিতে বাহির হন। যুগ্মা করিতে করিতে তিনি এক সুন্দর স্থানে আসিয়া উপস্থিত হন। দেখিলেন, সেখানে একটি স্বচ্ছসলিলা নদী বহিয়া চলিয়াছে, তাব তীরে নানাবিধ সুন্দর সুন্দর ফুল ও ফলের গাছ; জলের তরঙ্গে তাহাদের ছবি নাচিয়া বেড়াইতেছে; চারিদিকে পাখীরা সুমধুর কলধ্বনি করিতেছে। এই স্থানের দৃশ্যে মুগ্ধ হইয়া আহমদ




তিন দরওয়াজা—আহমদাবাদ।

পশ্চিমে অসুচ পর্বতমালা। নগরের মধ্যে অনেক সুশোভিত মসজিদ ও সমাধিভবন ও হিন্দু দেবমন্দির আছে।

আহমদাবাদের উৎপত্তি সম্বন্ধে একটি ঐতিহাসিক গল্প আছে। স্যেঠ ভ্রাতা ফিরোজশাহের নিকট হইতে

স্থির করিলেন এখানে এক নগরী স্থাপন করিবেন। শীঘ্রই তাঁর ইচ্ছা কার্যে পরিণত করিলেন। ১৪১২ খৃষ্টাব্দে আহমদাবাদের প্রতিষ্ঠা হইল।

আহমদাবাদ প্রাচীন সহর। মুসলমান যুগের আগে আহমদাবাদের নাম ছিল আসাওয়াল। ভীলদলপতি আসা




হাতী সিংহের মন্দির—আহমদাবাদ।

কর্তৃক ইহা প্রতিষ্ঠিত হয়। অতি প্রাচীনকালে আহমদাবাদের নাম ছিল অখবল-কর্ণাবতী। এই নগরেই দময়ন্তীর পিতা বিদর্ভাধিপতি ভীমসেনের রাজধানী ছিল। সম্রাট আকবর ১৫৭৩ খৃষ্টাব্দে ইহা দখল করেন। ষোড়শ ও সপ্তদশ শতাব্দীতে ইহার যথেষ্ট সমৃদ্ধি ঘটে। সমৃদ্ধ অবস্থায় আহমদাবাদ ৩৬০টি প্রাচীর দ্বারা বেষ্টিত হয়। কিন্তু মহারাষ্ট্র-শক্তির জাগরণের সঙ্গে সঙ্গে ইহা বিলুপ্ত হইয়া যায়। ১৭৮৩ খৃষ্টাব্দে এই নগর মুনিম খাঁ ও দামাজী গাইকোয়াড়ের অধিকারে আসে। তারপর ১৭৫৩ খৃষ্টাব্দে আহমদাবাদ মহারাষ্ট্রীয়দিগের অধিকারভুক্ত হয়। ১৭৮০ খৃষ্টাব্দে ব্রিটিশ সৈন্যধাক্ক গর্ডন এই নগর আক্রমণ করেন ও ১৮৮১ সালে ইহা অধিকার করেন।

এখানে দর্শনীয় স্থান অনেক,—প্রাচীন জুম্মা মসজিদ, আহমদ শা ও তাঁহার বেগমদিগের সমাধি, দস্তুর খাঁর

মসজিদ, (কুতব-উদ্দীনের সময়ে নিৰ্ম্মিত) মির্জাপুরের রাণীর মসজিদ, নারায়ণ স্বামীর মন্দির, নয় গজ পীর। যে-সব দর্শনীয় ভগ্নাবশেষ আছে তার মধ্যে হাতী সিংহের মন্দির, দরিয়া খাঁর কবর, শাহিবাগ, মিয়া খাঁ চিস্তির মসজিদ, অচ্যুত বিবির মসজিদ, দানাহরির হুদ, ভবানীর হুদ, চিন্তামনের জৈন মন্দির, হোজ-ই-কুতবক, ককরিয়া তলাও প্রভৃতি প্রধান। সিদি সৈয়দ ও মহাফিজ খাঁর মসজিদ দেখিতে সুন্দর। ইহাদের শিল্পনৈপুণ্য ও নিৰ্ম্মাণকৌশল প্রশংসার যোগ্য। আহমদাবাদের উপর দিয়া বিদেশীয় নানা জাতির আক্রমণ ও লুণ্ঠনের বহু বাহিয়া গিয়াছে। কিন্তু তাহা সত্ত্বেও ইহার প্রাচীন কীর্তিসমূহ আজও বর্তমান। মুসলমানদিগের সময়ে আহমদাবাদের অনেকবার ভাগ্যবিপর্যায় ঘটে। নগরটি কখনও শ্রীবৃদ্ধ হয়, কখনও বা দরিদ্র হইয়া পড়ে। তবে ইংরেজ শাসনের



হাতী সিংহের মন্দিরের অভ্যন্তর—আহমদাবাদ।

সময় হইতে ইহার সমৃদ্ধি বাড়িয়াই চলিয়াছে। এখানে অনেক কাপড়ের কল ও অল্প জিনিসের কারখানা আছে।

এখানকার দর্শনীয় স্থানসমূহের মধ্যে যে-গুলি অত্যন্ত প্রধান আমরা সেগুলির সংক্ষিপ্ত পরিচয় দিলাম।—

জুম্মা মসজিদ।—সুবিখ্যাত তিন দরওয়াজার কাছে ইহা অবস্থিত। ১৪২৩ খৃষ্টাব্দে ইহা নির্মিত হয়। ইহার পরিসর ৩৮২ x ২৫৮ ফুট, এবং মূল মসজিদটি দৈর্ঘ্যে ২১০ ফুট ও প্রস্থে ৯৫ ফুট। ইহার মেজে মর্ম্মর প্রস্তরে তৈরী। ইহার ছাতের উপর পর পর পনেরোটি গুম্বজ আছে। ইহাতে দূর হইতে ইহাকে বড় সুন্দর দেখায়। মসজিদটিতে ২৬০টি স্তম্ভ আছে।

রাণী সিপ্‌রির মসজিদ।—ইহাকে সাধারণ লোকে “আহমদাবাদের রঙ্গ” বলিয়া থাকে। বাস্তবিকই ইহার সৌন্দর্য্য অতুলনীয়। ১৫১৪ খৃষ্টাব্দে মহম্মদ শাহ বেগরার


বিধবা স্ত্রী ইহা নির্মাণ করান। ইহা স্থাপত্য ও ভাস্কর্যের সুন্দর নিদর্শন। স্থপতিগণ ইহাকে পৃথিবীর শ্রেষ্ঠ সৌধসমূহের অগ্রতম বলিয়া মনে করেন।

কঙ্করিয়া তলাও।—ইহার প্রাচীন নাম হোজ-ই-কুতব। ১৪৫১ খৃষ্টাব্দে গুজরাটের নরপতি সুলতান উদ্দীন ইহা খনন করান। দৈর্ঘ্য ও প্রস্থে এই জলাশয়টি প্রায় এক মাইল হইবে। ইহার মাঝখানে একটি সুন্দর দ্বীপ আছে। তার নাম নাগিনা বা অঙ্গুরী-মধ্যবর্তী রঙ্গ। তীর হইতে ঐ দ্বীপে যাইবার একটি পথ আছে, সেটি বাসে ঢাকা। দ্বীপের মাঝখানে দাঁড়াইয়া চারিদিককার জলের দিকে ও নগরের দিকে চাহিলে সমস্তই চমৎকার রমণীয় দেখায়।

এইসব ছাড়া হাতী সিংহের সমাধি ও স্বামী নারায়ণের মন্দিরটি উল্লেখযোগ্য। গুজরাটের মসজিদ অট্টালিক প্রভৃতির গঠন হিন্দুভাবে পূর্ণ। বর্তমানে অনেক বিদ্যালয়



একটি মসজিদের জানলার কারুককার্যশোভিত জালি—আহমদাবাদ



শাহি বাগ—আহমদাবাদ ।

ইসপাতাল, পিঞ্জরাপোল, ব্যাক প্রভৃতি নির্মিত হইয়াছে। এখানকার সোনা, রূপা ও অল্পির বুটি দেওয়া কাপড় সমস্ত ভারতবর্ষেই বিখ্যাত। এখানকার তৈরী কাগজ গুজরাটে ও অনেক দেশীয় রাজাদের রাজ্যে ব্যবহৃত হয়।

আহমদাবাদ জেলার অধিবাসীদিগের মধ্যে কুন্বি, রাজপুত ও কোলিরাই প্রধান। ইহাদের মধ্যে আবার কুন্বিরা—অঞ্জনা, কাদাবা ও নেবা, এই তিন ভাগে বিভক্ত। কন্যাসন্তান জন্মিলে কুন্বিরা আপনাদিগকে বিপদগ্রস্ত মনে

করে। পূর্বে ইহারা শিশুকন্যাকে হত্যা করিতেও কুণ্ঠিত হইত না। পরে একটি আইনের দ্বারা ইহা রদ করা হয়।

বর্তমান সময়ে বরোদার গায়কবাড় গুজরাটের প্রভূত উন্নতিসাধন করিয়াছেন। প্রজাসাধারণ শিক্ষা ও স্বাস্থ্য বিষয়ে যাহাতে উন্নত হয় তার জন্য তিনি বিবিধ পন ও প্রণালী অবলম্বন করিয়াছেন। কৃষির উন্নতির দিকেও তাঁর যথেষ্ট দৃষ্টি আছে। সমাজ-সংস্কার বিষয়েও তিনি অগ্রসর।

ঐতিহাসিক।

বেনামী

ভাবিয়াছিলাম, বলিব না। জীবনের পর্দার আড়ালে অদৃশ্য হাতে যে অতি সূক্ষ্ম অপকৃপ ভীষণ মধুর বেদনার জাল রচনা হইয়া থাকে, ভাবিয়াছিলাম, জীবনশিল্পীর সেই সূক্ষ্ণঃখের বিচিত্র রঙীন তন্তুময় আশ্চর্য্য কারুকার্য্য রহস্যের যবনিকা দিয়া চিরকাল ঢাকিয়া রাখিব। কিন্তু বলিতে হইল, বেদনার যবনিকা সরাইয়া অন্তরের রহস্য-শিল্প প্রকাশ করিতে হইল।

আমার বাড়ী যে দেখিয়াছে সেই বলিয়াছে এ থাকিবার বাড়ী নয়, এ বইয়ের গুদাম। বাস্তবিক, বইয়ের ইট দিয়া আমার ঘরের দেওয়ালগুলি তৈরী বলিয়া বোধ হয়। এই গ্রন্থসুপের গুরুভার বহিতে হয় বলিয়াই বোধ হয়, মস্তক অনাবশ্যক চুলগুলি ত্যাগ করিয়াছে; কিন্তু এ বিরলকেশ মস্তক এ বোঝা বহিতে পারিত না যদি অন্তরের মর্মস্থলে সবার অগোচরে একটি প্রেমপত্র অর্ধ-প্রস্ফুটিত হইয়া না থাকিত। মাঝে মাঝে ভাবি, এ পত্র যে পূর্ণ-প্রস্ফুটিত হয় নাই সেই আমার জীবনে পরম লাভ; যদি হইত, কে জানিত ক্ষণিক সৌরভ সৌন্দর্যের মাদকতার পর সকল রূপ গন্ধ দক্ষিণ সমীরে দিকে দিকে ছড়াইয়া হঠাৎ সে দেউলিয়া হইয়া যাইত না, তাহার রাঙাপাতাগুলি কালো হইয়া আসিয়া কোনো স্তরুরাতে তারার আলোয় ধীরে ধীরে ঝরিয়া পড়িত না? কিন্তু এই অর্ধবিকশিত কমলের ঝরিয়া পড়িবার ভয় নাই, ইহার গন্ধ সব সময়ে পাই, কিন্তু অন্তরের মর্মতন্তুনালা দিয়া অহর্নিশি ইহাকে জড়াইয়া রাখিতে

হয়। ভাবিয়াছিলাম জীবনের প্রেমগুহাহিত শ্রেষ্ঠ ধন শুধু যুতুর অমল হাতে রাত্রির অন্ধকারে তারার প্রদীপের মত দিয়া যাইবে। কিন্তু প্রকাশ করিতে হইল, বেণু এমন কাণ্ড বাধাইয়াছে যে তাহার জীবন পূর্ণ করিবার জন্য আমার জীবনের অপূর্ণতা উদ্ঘাটিত হইয়া গেল।

শীতপ্রভাতে উজ্জ্বল রৌদ্রের স্নিগ্ধ উদ্ভাপ ছুই পায়ে মধুর-ভাবে অনুভব করিতে করিতে ইজি. চেয়ারে হেলান দিয়া একখানি স্প্যানিস্ নভেল খুলিয়াছি, এমন সময় পেছন হইতে কে আসিয়া চোখ টিপিয়া ধরিল। এ চম্পক-অঙ্গুলির কোমল স্পর্শ যে কাহার হস্তের তাহা বেশ জানিতাম; সে ভিন্ন এ প্রোচ প্রফেসারের গ্রন্থপাঠ-ক্ষীণ চক্ষু টিপিবার লোভ আর কাহারও নাই। এ চোখ দুইটি আজীবন কত শত শত বইয়ের পাতায় পাতায় কালো আঁচড়ে আঁচড়ে কত সুন্দরীর সহিত ঘুরিয়া জীবনের কত নব নব রূপের সন্ধান পাইয়াছে, যেন দুই প্রদীপ জ্বলাইয়া কাহাকে সে গ্রন্থে গ্রন্থে খুঁজিয়াছে, কত দৃশ্য দেখিয়া কত চিন্তা করিয়া সুপাতলাহলময় রঙীন মায়ায় পরিশ্রান্ত হইয়াছে, তবু তৃষ্ণা-তুরের যাত্রার বিরাম নাই। যখন এই চির-অনুসন্ধিৎসু কালো চোখ দুইটির উপর এই কিশোরীর আঙুলের স্পর্শ আসিয়া সেতারের তারের মত বাজে, মনে হয় সেই অজানা রহস্যময়ী ক্ষণিকের জন্য তাহার আঁচল ঠেকাইল।

চূপ করিয়া আছি দেখিয়া বেণু চোখ দুইটি জোরে চাপিয়া ধরিল। হাসিয়া বলিলাম, সুরেশ, ছাড়। •

খাও,-- বলিয়া চক্ষু ছাড়িয়া গভীর হইয়া সে আমার মুখের দিকে তাকাইল। এই পরিহাসটি আমাদের মধ্যে কিছুদিন প্রচলিত হইয়াছে। স্বরেশ নামক কোন এম-এ, বি-এস যুবকের সঙ্গে বেণুর বাবা তাহার শুভপরিণয় স্থির করিতে উত্তেগী আছেন, তাই এই ঠাট্টা।

কিন্তু আজ বেণুর মুখ একটু অস্বাভাবিক গভীর বলিয়া বোধ হইল। তীরজোড়া ধনুকের ছিলায় মত তাহার ক্রম ধ্বন কল্পিত হইয়া উঠে, তখন আমারও ভয় হয়, এবার চক্ষু হইতে না জানি কোন বাণ চারিদিক কথার আঙুনে আলো করিয়া ব্রহ্মাস্ত্রের মত বাহির হইবে,—তাহার মায়ের স্বভাব আমি বেশ জানি। স্মতরাং চুপ করিয়া রহিলাম, দেখিলাম, কুঁচকলের মত তাহার রক্তিম গণ্ডের কৃষ্ণতিলটি স্থির হইয়াছে; ভরসা করিয়া হাসিয়া বলিলাম, এত সকালেই আবির্ভাব যে?

কেন, আস্তে নেই বুঝি,—বলিয়া সে পাশের রান্নাঘরে চলিয়া গেল। ভূটিয়া ভূতটি ইলেকট্রিক ষ্টোভে জল গরম করিয়া কি তৈরী করিতেছিল। বেণু তাহার অপরিচ্ছন্নতা সম্বন্ধে নানা মন্তব্য, তাহার বুদ্ধিহীনতা সম্বন্ধে নানা ভৎসনা করিয়া তাহাকে ঘর হইতে তাড়াইয়া নিজেই রুটি টোষ্ট ও কোকো তৈরী করিতে আরম্ভ করিয়া দিল।

বুঝিলাম, আজ বিশেষ কিছুই ধরচ হইবে। বায়োস্কোপে কোনো নূতন ভালো ফিল্ম আসিল কি, কাগজে কি কোনো ফরাসী গ্রন্থকারের কোনো নতুন বইয়ের বিজ্ঞাপন বাহির হইয়াছে, অথবা নিশ্চয়ই কোন চতুর দোকানদার পথের ধারে শো-কেসে খুব ভালো শাড়ী সাজাইয়া রাখিয়াছে, বন্ধুদিগের বুঝি কোথাও পিকনিক বা ষ্টিমার ট্রিপ দিবার কথা আছে, অথবা কোনো মেয়ের হঠাৎ পারিবারিক ছরবছার জন্ত পড়াশুনা বন্ধ হইবার উপক্রম হইয়াছে, কোনো ঘোড়া কুকুর কুখ বিড়াল বা মা-হারা পাখীর ছানা বাড়ীতে আশ্রয় লইয়াছে কি?—আজ সকালে এই কোকো রুটি-টোষ্টের ঘুম দিয়া কি আদায় হইবে ভাবিতে লাগিলাম। ইহাকে ঘুম বলিতে বেণুর রীতিমত আপত্তি আছে, সে সত্যই চটিয়া উঠে, তাহার বাবা মা'র সঙ্গে তর্ক করে,—ঘুম সে দেয় না, আমি দিই। আচ্ছা, আমি সত্য কথা বলিব। অবশ্য, সত্য কথা বানাইয়া বলিব। মনে মনে আমি স্বীকার করিতেছি, আমিই ঘুম দি।

কোকো রুটি লইয়া বেণু শীঘ্রই হাবির হইল। মার্কেল পাথরের ছোট গোল টেবিল হইতে বইগুলি টানিয়া মেজের কার্পেটের উপর ফেলিয়া দিয়া খাবার সাজাইয়া ধরিয়া চুপ করিয়া দাঁড়াইয়া রহিল।

কোকোর কাপে এক চুমুক দিয়া বলিলাম, বা, এত কম চিনি দিয়ে যে কোকো এত মিষ্টি হতে পারে জানতুম না! তোর হাতের কি গুণ, ও ভূটিয়ারত্ন কত চিনি বে চালে তবু এমন মিষ্টি ত কোনদিন হয় না।

সে স্তব্ধ হইয়া দাঁড়াইয়া আমার খাওয়া দেখিতে লাগিল। বলিলাম, তুই কিছু খা, দাঁড়িয়ে রইলি।

বেণু ধীরে সোফায় বসিয়া আবার উঠিয়া সামনের টেবিলের স্তূপীকৃত বইগুলি সাজাইতে আরম্ভ করিল। অন্তর্দিন সকালে বেণু যখনই আসে, সে ব্যতিব্যস্ত করিয়া তোলে। খাও বলিতে হয় না, নিজেই কোথায় বিস্কুটের টিন সন্দেশের হাঁড়ি আছে বাহির করিয়া আনে; চাবি লইয়া বাক্স খুলিয়া পয়সা বাহির করিয়া বাহাহরকে গরম গরম জিলিপি বা তেলে-ভাজা খাবার আনিতে আদেশ করে। আজ তাহার কি হইল? মুখের দিকে চাহিয়া দেখিলাম, যেন কি রহস্যমাখা, একটু বিবর্ণ, শুষ্ক বলিয়া বোধ হইল। বলিলাম, অসুখ করেছে, না ঝগড়া করেছে—রাতে ঘুম হয়নি?

আমার দিকে না তাকাইয়া বলিল, হাঁ।

আশ্চর্য হইলাম, আমারও ত গত রাত্রে ভালো ঘুম হয় নাই। জিজ্ঞাসা করিলাম, কেন রে?

আমার দিকে কটাক্ষে তাকাইয়া মূঢ় হাসিয়া বলিল, ভেবে ভেবে।

তাহার এই হাসিটি বড় মিষ্ট লাগে। ছোট ঠোঁট দুইটি ঝাঁকিয়া কাঁপিয়া উঠে, কপোল ফুলিয়া গোল হয়—যেন কুঁড়ি ফাটিয়া গোলাপফুল ফুটিল—তাহাকে খুব সুন্দর দেখায়।

তবু শঙ্কিত হইয়া বলিলাম, তোর কিসের ভাবনা?

চুপ করিয়া রহিল। বুঝিলাম, প্রশ্নটা অবশ্য অর্থহীন হইয়াছে, কেন না পঞ্চদশবর্ষীয়া নবশিক্ষিতা অবিবাহিতা সুন্দরী তরুণীর যদি ভাবনা না থাকে তবে জগতের ভাবনা কাহার? কণিকের জন্ত মনে পড়িল, নিজের প্রথম বৌবনের কথা, তখন সংসারের ভাবনা, খাইবার পরিবার ভাবনা ছিল না বটে, কিন্তু বিশ্বের সকল বেদনার অন্তর আকুল হইত,

জগতের সমস্ত ভাবনা যেন আমার ভাবনা; শুধু বাস্তব জগতের নয়, অবাস্তব উপন্যাস-জগতের বিরহী-বিরহিণীদের ব্যথাও যে আমার ব্যথা।

ধীরে বলিলাম, কি ভেবেছিস্ সারারাত জেঁগে ?

টেবিল সাজানো শেষ করিয়া আলমারীতে কি নতুন বই আসিয়াছে তাহা দেখিতে দেখিতে বেণু বলিল, বলছি, কুমি খেয়ে নাও না।

খাওয়া শেষ করিয়া ডাকিলাম, বিনি, কাছে আয়।

বেণু ধীরে আসিয়া দেওয়ালের পাশে চেয়ারটায় বসিল। বলিলাম, কি, সব খুলে বল।

ভীত-স্বরে বলিল, একখানা চিঠি আছে।

এই তাহাকে জীবনে প্রথম সত্য সত্যই ভীত হইতে দেখিলাম, তাহার এ রূপ আমার একেবারে অপরিচিত।

আমি ত একটু ভয় পাইয়া বলিলাম, চিঠি ? কার—আমার ?

মূছকণ্ঠে সে বলিল, না, আমার চিঠি।

গম্ভীরস্বরে বলিলাম, কে লিখেছে ?

তাহার সহিত কখনও গম্ভীরস্বরে কথা বলি নাই, বড় অস্বাভাবিক বোধ হইতে লাগিল।

অতি ধীরে সে বলিল, একটি ছেলে।

বারুদস্বূপে যেন আগুন পড়িল, কুদ্ধ স্বরে বলিলাম ছেলে ? কে সে ছেলে ?

আমার এ কুদ্ধ মুষ্টি জীবনে সে কখনও দেখে নাই। তবু বিচলিত হইল না, ধীরে বলিল, যে ছেলেটি তোমার কাছে প্রায়ই আসে, তোমার কলেজের।

আপনাকে দমন করিয়া বলিলাম, দেখি চিঠিখানা।

ধীরে আঁচল হইতে একখানি গন্ধ-সুবাসিত নীল খাম বাহির করিয়া দিল, তারপর স্তব্ধ হইয়া র্যাকের পর র্যাকে সাজানো নভেলগুলির দিকে প্রদীপ্ত নয়নে তাকাইয়া রহিল।

চিঠিখানি খুলিলাম, আইভারি-ফিনিস কাগজে বড় বড় হাতের লেখা—তাড়াতাড়ি পড়িয়া গেলাম, রাগের বোঁকে সমস্ত কথা ঠিক বুঝিলাম না, শুধু ছেলেটির নামের সহি বার বার দেখিলাম। মোটামুটি বোকা গেল, এ হচ্ছে যুবকটির প্রেমপত্র এবং এও বেশ বোকা গেল, যে, এ তাহার প্রথম

প্রেমপত্র নয়, বরং শেষ প্রেমপত্র বলা যাইতে পারে, কেননা রঙ্গীন কল্পনার পাল উড়াইয়া প্রেমস্বপ্নের প্রথরশ্রোতে বহুক্ষণ উজানে বহিয়া পত্রটি কিছু বস্তুলাভের আশায় বিবাহ-প্রস্তাবের বাটে আসিয়া ঠেকিয়াছে। বেণুর দিকে ভীত নয়নে তাকাইলাম। ইংরেজরাজের আদালতে প্রকৃত গান্ধিবক্তা ননু-কো স্বেচ্ছাসেবক যেমন করিয়া দাঁড়ায় তেয়ি করিয়া সে দাঁড়াইয়া আছে, শুধু চক্ষু দিয়া কি প্রথর অগ্নিদীপ্তি ফুরিতেছে—সেই আগুনের স্পর্শে আমার মস্তিষ্কে লঙ্কাকাণ্ড উপস্থিত হইল। ছোটবেলা হইতে বেণুর চোপের চাউনি দেখিয়া তাহার মনের ভাব বুঝিয়া আসিতেছি, আজও ভুল বুঝিলাম না।

গম্ভীর ভাবে ডাকিলাম, বেণু—

সে ধীরে উত্তর দিল, কি—

জিজ্ঞাসা করিলাম, কতদিন চিঠি লেখা-লেখি হচ্ছে ?

সে বলিল, প্রায় একমাস।

কঠোর কিছু বলিতে যাইতেছিলাম—দেখিলাম, তাহার মুখ লজ্জায় সিঁহুরের মত রাঙ্গা হইয়া উঠিয়াছে, দাঁড়াইতে না পারিয়া সে বসিয়া পড়িল। তাহার মুক্ত কালো কেশের ঠিক উপরে লাল ভেলভেট কাফে মোড়া সেক্‌স্পিয়র সোনার জলের তর্জ্জনী তুলিয়া বলিলেন, সাবধান ! তাহার একপাশে নীল সিল্কের কাপড়ে বাঁধানো কালিদাস যেন হঠাৎ কত শতাব্দীর নিদ্রা হইতে জাগিয়া বলিলেন, উজ্জয়িনীর কবি প্রেমের কোন অপমান সহিবে না। তাহার আর-এক পাশে ফ্রেঞ্চ মরক্কো মোড়া টুর্গনিভ র্যাক কাঁপাইয়া বলিয়া উঠিলেন, কিশোরীর প্রেম বিশ্ববিধাতার অপূর্ব পবিত্র আবির্ভাব, তাহাকে প্রণাম কর ! তারপর বরের চারিদিকে এদেশের ও বিদেশের, এ যুগের ও প্রাচীন যুগের কত কবি উপন্যাসিক এই প্রথমপ্রেমভীতা হর্ষণকাম্পিতা বেণুকে সমর্থন করিবার জন্য বসন্তের দক্ষিণ সমীরের মত মর্ম্মরধ্বনি করিয়া উঠিলেন। যেন কত শত শতাব্দীর কত বিচিত্র প্রাণ-স্রোত প্রেমধারা এই ক্ষুদ্র গৃহে বন্ধ স্তব্ধ হইয়া ছিল, আজ সহসা আনন্দকল্লোলধ্বনি করিয়া উঠিল—কত বিচিত্র যুগের বিচিত্র দেশের কত কুহঁ ও কেঁকা এই মুক গ্রন্থনীড়গুলির শুষ্কপত্র-দলের ভিতর নিদ্রিত ছিল, কিশোরী-প্রেমের স্বর্ণকাটির স্পর্শে সকলে জাগিয়া আনন্দধ্বনি করিয়া উঠিল, প্রেম চিরসুন্দর

চিরঞ্জয়ী, চিরপবিত্র বলিয়া জগতের সৌন্দর্য্যশ্রোত আনন্দময়
সৃষ্টিধারা চিরপ্রবহমান। মেজেতে বনুয়ার কার্পেটের ফুল
ও পাখীগোল সজীব হইয়া গাহিয়া উঠিল। হার মানিলাম।

ধীরে বেণুকে বলিলাম, আচ্ছা এখন যাও, বিকালে
পরামর্শ করা যাবে।

মুহু হাসিয়া সে ধীরে চলিয়া গেল, বুকিল তাহার জয়
হইয়াছে।

পাগলের মত ছুটিয়া গিয়া আবার সিঁড়ি হইতে তাহার
হুই হাত ধরিয়া টানিতে টানিতে ধরিয়া আনিলাম, জোর
করিয়া সোফায় বসাইয়া সম্মুখে দাড়াইয়া যেন প্রার্থনার মূর্থে
বলিলাম, বিনি, সত্যি বল, খুব ভালবেসেছিস ?

তাহার সমস্ত মুখ রাঙা গোলাপ হইয়া উঠিল, মুখ নত
করিল। আবেগের সহিত বলিলাম, বল, সত্যি বল।

হতবাকু সে বসিয়া রহিল, তারপর শুধু ঘাড় নাড়িয়া
সম্মতি জানাইয়া হাত ছাড়াইয়া দৌড়াইয়া পলাইল।

ভাবিয়াছিলাম, বলিব না। কিন্তু বেণুর জ্ঞান বলিতে
হইল। এ নজীর না দেখাইলে কেবলমাত্র যুক্তিতর্ক করিয়া
বেণুর কেসে জয়ী হওয়া অসম্ভব। বিশেষতঃ বেণুর বাবা
সুরেশ নামক কলিকাতা-বিশ্ববিদ্যালয় যন্ত্রে ফার্স্ট ক্লাস মার্কা-
মারা আশ্চর্য্যকর বস্তুটির দিকে বেরূপ আকৃষ্ট হইয়াছেন।

কিন্তু বলিব কি করিয়া ? ব্রাড়াবনতা নববধুর মত সে
গোপন প্রেমরহস্যকে কেমন করিয়া অবগুষ্ঠনমুক্ত করিব ?
আমার বয়স চল্লিশ হইতে পারে, কিন্তু সে প্রেম যে চিরতরুণী
নববধু। বলিতে পারি এমন সাহস আমার নাই, স্মতরাং
লিখিতে হইল।

ভূটিয়াবংশাবতংসকে দিয়া কলেজে লিখিয়া পাঠাইলাম,
বিশেষ কাজের জ্ঞান কলেজ যাইতে পারিলাম না। যাক,
বেণুর আনন্দের আশায় আমার ছাত্রেরা একটু আনন্দ
করুক। তবে তাহাদের যে সহপাঠীর জ্ঞান আমার এ ছরবস্থা
তাহাকে ছুটি দেওয়া হইবে না, তাহার নামে এক কড়া
চিঠি পাঠাইলাম যেন সে সঙ্কায় নিশ্চয় আসে। আমার
লাইব্রেরীর পুস্তকগুলির উপর হঠাৎ তাহার পরমা ভক্তির
উদয়ের কারণটা জানা গেল। আজ সমস্ত দিন আমি
লিখিয়া মরিব কেন, সেও ভাবিয়া মরুক। ছয়ার বন্ধ
করিয়া যৌবনের পূর্ব্বকথা লিখিতে বসিলাম।

হুই

কলেজের সকল ছেলের মধ্যে সুরেনের সঙ্গে আমার
মুখের ভাব খুব না থাকিলেও মনের ভাব কেমন জমিয়া
উঠিতেছিল। আমাদের মধ্যে কেবল অবস্থাগত প্রভেদ নয়,
স্বভাবগত প্রভেদও যথেষ্ট ছিল। সে ছিল ধনী ব্যবসা-
দারের ছেলে, আর আমি গরীব স্কুলমাষ্টারের; সে থাকিত
প্রকাণ্ড প্রাসাদে ইলেক্ট্রিক আলোশোভিত গৃহে, আর আমি
থাকিতাম মেসের ভাঙ্গা তক্তায় ভাঙ্গা টিনের বাস্কের ওপর
কেরোসিনের আলো জ্বলাইয়া। সে ছিল অতি সৌখীন;—
ফিতে-ওয়াল জুতা ব্যবহার করিতে, কোট, সার্ট বা মিলের
ধুতি পরিতে তাহাকে কোন দিন দেখি নাই; জুতা জামা
সম্বন্ধে জাতিবিচার করা আমার মত ছিল না, থাকিলেও
সামর্থ্যে কুলাইত না। আমাদের মধ্যে শুধু এক বিষয়ে
সামঞ্জস্য ছিল, আমরা দু'জনেই কলেজে খুব দেবী করিয়া
যাইতাম, ক্লাসের শেষ বেঞ্চে এক কোণে বসিতাম, আর
দু'জনেই নোটটোকা বা অধ্যাপকের কোন কথা না শুনিয়া
নিবিষ্টমনে ইংরেজী নভেল পড়িতাম। এখানেও কিন্তু
আমাদের মধ্যে একটু ভেদ ছিল। আমি পড়িতাম,
গাহারা জীবনের উদার রাজপথে সাহিত্যমুখার ভাণ্ড
হাতে করিয়া অমৃতরস চিরদিনের জ্ঞান দান করিয়া দিয়া-
গিয়াছেন, যেমন, ব্যাল্জাক, ডিকেন্স, টলষ্টয়। আর সুরেন
পড়িত, গাহারা প্রাণের নির্ম্মল উদার পথ ছাড়িয়া সঙ্কীর্ণ বক্র
গলিতে মদের বোতল হাতে করিয়া একটুকু সাহিত্যরসের
সহিত প্রচুর কামরস মিশাইয়া জিনিষটা উগ্রতীব্র করিয়া অতি
শস্তাদরে বেচিয়া গিয়াছেন—যেমন, রেনল্ডস, ভিক্টোরিয়া
ক্রস্। তবু দুইজনের মধ্যে ধীরে ধীরে কেমন আশ্চর্য্য
মিলন হইতে লাগিল। প্রেমের স্বপ্ন আধ্যাত্মিকতা আমাকে
মুগ্ধ করিত; প্রেমের স্থূলরূপে সে মোহিত হইত। তাই
প্রেমের সত্য প্রকৃতি লইয়া আমাদের মধ্যে আলোচনা,
তর্ক উঠিত।

সেদিন আমার বেশ মনে আছে, নভেলে মনটা কেমন
বসিতেছিল না, ইংরেজীর অধ্যাপক শেলীর কি একটা পত্র
পড়াইতেছিলেন। এই শংসবহুল বিদ্যাগর্ভিত ইংরেজপুস্তকের
অদ্ভুত সাহিত্যরসজ্ঞান ও অত্যাশ্চর্য্যকর ব্যাখ্যা শুনিতে
শুনিতে মনে হইতেছিল, শেলী কি সত্যসত্যই ইহার স্বদেশ-

বাসী ছিলেন ? যাঁহার পাটের দালান অথবা চা-বাগানের কুলোর সর্দার হওয়া উচিত ছিল তিনি শেলীর অধ্যাপনা করিলে শেলীর কি ছরবস্থা হয় তাহা ভাবিতে ভাবিতে দেখিলাম সুরেনেরও নভেলে মন নাই, কিন্তু তাহার অল্প-মনস্কতাটা অল্পরকমের। সে যে ক্লাসে বসিয়া আছে এ বিষয়েও সে হতজ্ঞান। নীল আকাশে কয়েকটি পায়রা উড়িয়া বেড়াইতেছিল তাহাই সে দেখিতেছে। আমার নভেলের নামকে লর্ডের ছলল তখন কোন কুটীরবাসিনীর প্রেমে পড়িয়াছেন। তারপর লেখক প্রেমিকের বর্ণনা করিতেছেন। সেগুলি পড়িতে পরিতে সহসা মনে হইল, হয়ত সুরেন কাহারও প্রেমে পড়িয়াছে। প্রেমের লক্ষণ মিলাইয়া দেখিলাম, কয়েকটি মিলিয়া গেল, কেমন সন্দেহ হইল, ঠিক করিলাম সুরেনের বিষয় সন্ধান লইতে হইবে।

এক প্রফেসরের অস্থির জন্ম সেদিন সকাল সকাল ছুটি হইয়া গেল। ছুটির পর সুরেনের অলক্ষ্যে তাহার পিছন পিছন চলিলাম। কয়েকটি বড় রাস্তার মোড় পার হইয়া সে এক গলির ভিতর ঢুকিল, গলির পর গলি, তাহার ভিতর গলি। অবশেষে এক ক্ষুদ্র সঙ্কীর্ণ গলিতে আসিয়া থামিল; গলিটি যেমন বক্র, তেমনি দুর্গন্ধময়। এক আঁস্তা-কুড়ের পাশে আসিয়া সে স্থির হইয়া দাঁড়াইয়া সামনের বাড়ীর দোতালার দিকে তাকাইয়া রহিল। কাহাকে সে দেখিতেছে দেখিতে পাইলাম না; শুধু বুঝিলাম, দোতালার জানালা খোলা কোন সুন্দরী নিশ্চয় বসিয়া আছে। কিছুক্ষণ পরে জানালা বন্ধ হইয়া গেল, তবু সুরেন নড়িল না, গন্ধবাসিত নীল সিকের ক্রমাগত পকেট হইতে বাহির করিয়া নাড়িতে লাগিল। জানালা বন্ধ হইয়াছে কিন্তু তাহার একটি পাখি যে উঠিয়াছে তাহা আগে লক্ষ্য করি নাই, জানালায় গায়ে শাড়ীর লাল পাড় দেখিয়া বুঝিলাম, বুঝিলাম, এবার মেয়েটির দেখার পালা।

আবার জানলা খুলিল। সুরেন কয়েকবার গলির এক মোড় হইতে আর মোড় পদচারণা করিল, তারপর ধীরে ধীরে উদাসভাবে চলিয়া গেল।

আমি লুকানো জায়গা হইতে বাহির হইলাম, ধীরে অগ্রসর হইয়া কল্পিত পদে আঁস্তাকুড়ের নিকট দাঁড়াইয়া মুখ তুলিয়া চাহিয়া দেখিলাম, সম্মুখের জানালায় এক কিশোরী

কতকগুলি ছেঁড়া সার্ট কাপড় সেলাই করিতেছে। তাহার আলুলায়িত কেশ জানালার গরাদ পার হইয়া বিবর্ণ দেওয়ালে ঝিকিমিকি করিতেছে, চাঁপারঙের শাড়ী গায়ের রঙের সহিত যেন মিশিয়া গিয়াছে। গৃহকর্মরতা কিশোরীর মঙ্গল-আনন্দশ্রী কতকক্ষণ দেখিয়াছিলাম জানি না, সহসা এক ভীতিকটাক্ষে চোখ ধাঁধিয়া জগৎ যেন পুড়িয়া গেল, তারপর সশব্দে জানালা বন্ধ হইল, কিন্তু কোন পাখি উঠিল না।

দাঁড়াইয়া রহিলাম—একবার জানালা খোলার শব্দ, আবার এক বহুশিখাময় কটাক্ষ, আবার সশব্দে জানালা বন্ধ।

তবুও দাঁড়াইয়া রহিলাম—বহুক্ষণ পরে একবার একটি পাখি উঠিয়া তৎক্ষণাৎ পড়িয়া গেল, আর জানালা খুলিল না।

গড়ের মাঠ ঘুরিয়া অনেক রাতে যখন মেসে ফিরিলাম, তখন সকলের খাওয়া হইয়া গিয়াছে। বিছানায় শুইয়া পড়িলাম।

সে রাতে আর ঘুম আসিল না। ভাবিতে লাগিলাম, কোথায় একে দেখিয়াছি, কোথায় ওই চোখ দুইটির অম্নি অনলভরা দীপ্ত চাউনি দেখিয়াছি।

গির্জার ঘড়িতে রাত একটা ব্যুজিয়া গেল, শুক্লা একাদশীর জ্যোৎস্নায় বসিয়া ভাবিতে ভাবিতে মনে পড়িল। মনে পড়িল, তখন খাউ ক্লাসে পড়ি। জেলার স্কুলের ছুটির পর বাড়ী ফিরিতেছি, দেখিলাম, পথের এক কোণে একদল ছেলে গোল হইয়া জামিয়াছে। আমি পাশ কাটাইয়া চলিয়া যাইতেছিলাম সহসা দেখি সম্মুখের বাড়ী হইতে এক আট নয় বছরের মেয়ে প্রদোপমুখে ছুটিয়া আসিতেছে। ব্যাপার কি দেখিবার জন্ম দাঁড়াইলাম।

মেয়েটি বিজ্ঞানীর মত আসিয়া ক্ষুরস্বরে বলিল, আমার পায়রা কোথায়? দাও।

দেখিলাম, একটি সাদা পায়রা একখানি ডানা ভাঙিয়া এতক্ষণ বুনায়ে সুটাগুটি করিতেছিল; কয়েকটি ছেলে টিল ছুড়িয়া পোস্তের খোঁচা দিয়া, তার ভবংগনা শীঘ্র শীঘ্র দূর করিবার জন্ম উঠিয়া পড়িয়া লাগিয়াছিল। মেয়েটিকে এমন ক্ষিপ্তভাবে ছুটিয়া আদিতে দেখিয়া সকলে সরিয়া গেল, কেবল একটি ছেলে পায়রাটিকে পথ হইতে নিষ্ঠুর আমনের সহিত নিজের হাতে তুলিয়া লইয়া বলিল, ভাবি পায়রা

নিতে এসেছেন ! আমি পায়রা পথ থেকে কুড়িয়ে পেয়েছি—
দেবো না। ছেলেটি এতক্ষণ পায়রার মাংসে কিরূপ সুস্বাদু
খাদ্যদ্রব্য করা যাইতে পারে তাহার বর্ণনা করিয়া ছেলেদের
মুগ্ধ করিতেছিল।

মেয়েটি দৃপ্তকণ্ঠে বলিল—দাও বলছি, নইলে ভালো
হবে না।

সেই দিন তাহার চক্ষে এই তীব্র অগ্নিময় কটাক্ষ
দেখিয়াছিলাম।

ছেলেটি বিজ্ঞপের হাসি হাসিয়া উঠিল। আমাদের
ক্লাসে সে সবচেয়ে হৃদ্যন্ত ছিলে, স্কুলে গুণ্ডামির জন্ত প্রসিদ্ধ।
ইচ্ছা থাকিলেও তাহার নিকট হইতে পায়রা উদ্ধার করিতে
কেহ সাহসী হইল না।

রাগে আমার গা রি-রি করিয়া উঠিল। ক্লাসে আমাকে
সকলে ভালো ছেলে, অতি শাস্ত শিষ্ট বলিয়া জানিত, কিন্তু
জানিত না যে রাগিলে আমার কোন জ্ঞান থাকে না।

অগ্রসর হইয়া আমি বলিলাম, এই শ্যার, শীগুগীর
পায়রা ফিরিয়ে দে—

আমার গর্জনে সকলে চমকিয়া উঠিল, একটু ভীত
হইয়া ছেলেটি উত্তর দিল, ভারি আব্দার দেখাচ্ছেন—জোর
ফলাতে এসেছেন—দেবো না, কি করবি, কী করবি ?

গর্জন করিয়া উঠিলাম—তবে রে !

নিমেষের মধ্যে বইগুলি পথে ছুড়িয়া ফেলিয়া ছেলেটির
মুখে এক ঘুনি মারিয়া দুইহাতের নখ দিয়া তাহার গাল গলা
আঁচড়াইয়া ছিঁড়িতে লাগিলাম, পায়রা ফেলিয়া দিয়া সে
আমার সহিত মল্লযুদ্ধে লাগিয়া গেল। মেয়েটি সবদেহে আহত
পায়রাটিকে তুলিয়া লইয়া পথের একপাশে দাঁড়াইয়া আমাদের
যুদ্ধ দেখিতে লাগিল। কিছুক্ষণ ধূলায় ধস্তাধস্তির পর কয়েকটি
ছেলে মিলিয়া আমাদের ছাড়াইয়া দিল বটে, কিন্তু আমি
বলিতে পারি, সেদিন আমি তাহাকে হারাইতাম, নয়
মরিতাম।

তার পর মনে পড়িল, প্রতিদিন স্কুলে যাইবার আসিবার
সময় কয়েক মুহূর্ত এই বাড়ীর সম্মুখে দাঁড়াইতাম, যদি এ
বালিকার দেখা পাই। যাইবার সময় কোন দিন দেখা
পাইতাম, কোন দিন পাইতাম না ; আসিবার পথে বিকেলে
প্রায়ই সে দরজার গোড়ায় দাঁড়াইয়া থাকিত।

ধীরে ধীরে একটু একটু করিয়া ভাব হইল ; জলছবি,
রঙীন মার্বেল, লজনচুষ ইত্যাদি নানা দ্রব্য উপহার দিতাম।
প্রথম প্রথম সে কিছুতেই লইতে চাহিত না। তার পর সে
লোভে পড়িয়া লইত, না প্রেমে পড়িয়া লইত, এ সমস্যার
সমাধান আমি কোন দিন করিতে চাহি নাই।

হঠাৎ এক মাস পরে তাহারা সহর ছাড়িয়া চলিয়া গেল।
তখন বন্ধিমচন্দ্র পড়িতে আরম্ভ করিয়াছি। প্রতাপের মত
প্রতিজ্ঞা করিয়াছিলাম, এ বালিকাকে আজীবন ভালবাসিব।

মেষের ছাদে তাঁদের আলোয় ধীরে ধীরে এত কথা
মনে পড়িল। বাস্তবঘটনাময় জীবন-নাট্যের আড়ালে কোন্
শিল্পী মানসলোকে সবার অগোচরে তুলির পর তুলি
বুলাইয়া কি যে আঁকে তাহার সন্ধান কেহই পায় না ; হঠাৎ
কোনদিন পর্দা উড়িয়া যায়, আশ্চর্য্য সৃষ্টিকার্য্য বাহির হইয়া
পড়ে। সেই সুমধুর বালিকাস্মৃতিটি এ কি নয়নভুলানো
কিশোরীশ্রীরূপে পাইলাম।

পরদিন হইতে দুইজনেরই চঞ্চল চিত্ত ইংরেজী নভেলের
রাজ্য হইতে বার বার পলাইয়া এক সরুগলির পুরানো
বালিখসা বাড়ীর চারিদিকে রাঙা আঁচল ওড়ার ছন্দে
কালোচুল ওড়ার তালে বারে বারে জলিয়া জলিয়া ঘুরিয়া
বেড়াইতে লাগিল। কলেজে আসিতে সুরেনের দেবী
বাড়িতে লাগিল, শেষের ঘণ্টা সে কিছুতেই থাকিত না।
মাঝে মাঝে আমিও কলেজ পলাইয়া তাহার পিছন পিছন
যাইতে শুরু করিলাম। কিন্তু সুরেনের প্রতি প্রেমের বড়
যত্নই স্তব্ধ হইয়া মেয়েটির অন্তরের কোণে কোণে জমিতে
লাগিল, আমার প্রতি প্রীতির পায়রাটা ততই ডিগ্রির পর
ডিগ্রি নামিতে লাগিল। অভ্যর্থনা গুরুতর হইতে আরম্ভ
হইল। সুরেনের ভাগ্যে একদিন পান জুটিল, আর আমার
ভাগ্যে পানের পিচ ; সুরেনের মাথায় একদিন ফুল পড়িল,
আর আমার মাথায় ঘর ঝাঁট দেওয়া জঞ্জাল ; এবার সুরেনের
উপর ফুলের মালা পড়িবে, আর আমার উপর সম্মার্জনী-
বৃষ্টি আরম্ভ হইবে ভাবিয়া গলিতে বাওয়া ছাড়িয়া দিলাম,
অর্থাৎ গলির রঙ্গমঞ্চে প্রেমের মুক দৃশ্যনাট্যে সুরেনের
অভিনয়টা যবনিকার অন্তরাল হইতে দর্শক হিসাবে মাঝে
মাঝে দেখিতে আসিতাম, রঙ্গভূমিতে অভিনেতা হইবার
দুঃসাহস দূর হইল।

কলেজে ছুইজনেরই নভেল পড়া বন্ধ হইল দেখিয়া পরস্পরে আশ্চর্য্যান্বিত হইলাম। দেখিলাম, জীবনে যখন নভেল সুরু হয়, তখন নভেল পড়া আপনা হইতেই বন্ধ হইয়া যায়। আমি থাকিতাম প্রেমের মদিরার ঘোরে— রৌদ্রসিক্ত কস্মহীন সুদীর্ঘ দিন ও জ্যোৎস্নাতপ্ত মদিরাময় বিনীত রাত্রির রঙীন পাত্র যৌবনের ফেনিল উচ্ছ্বাসে বিরহের স্বপ্নসুখায় ভরিয়া তুলিতাম। কিন্তু সুরেনের কাছে প্রেম অগ্নিশিখার মত—তাহার তীব্রতেজে সে দিন দিন দগ্ধ হইতেছিল, চক্ষে কি বুড়ুক্ষু দৃষ্টি, মুখে কি তৃষিত ভাব, সমস্ত দেহে যেন ক্ষুধার জ্বালা।

সন্ধান লইয়া জানিলাম, মেয়েটি অবিবাহিতা। তাহার পিতা সামান্ত মাহিনার কেরানী, বাড়ীতে কেবল বুড়ী মা আছেন, এক ভাই বিদেশে কাজ করে, বিবাহ হইবার মত বয়স অনেক দিন হইয়াছে, কিন্তু অর্থাতাব। আরও জানিলাম, জাতিতে তাহারা কায়স্থ। এবার সমাজ আমার ছুরাশা দূর করিল, আমি জাতিতে ব্রাহ্মণ। সুরেন সে কায়স্থ এইটুকুই আশার কথা।

কেবল মুক অভিনয়ে কয়েক মিনিট দেখায় গলির নাট্য ভালো জমিতেছিল না, বাক্‌দেবীর আবির্ভাব হইলে প্রজ্ঞাপতির আগমন সুনিশ্চিত। কিন্তু তাহারা যে সাহস করিয়া কথাবার্তা কহিবে এমন লক্ষণ দেখিলাম না।

অনেক ভাবিয়া ঠিক করিলাম, সুরেনের নাম করিয়া মেয়েটিকে একখানি চিঠি লিখি—এবার কথাবার্তা আরম্ভ করা যাক। এক পাতার একখানি চিঠি লিখিতে আমার একটি রাত ও এক ডজন চিঠির কাগজ নষ্ট হইয়াছিল। কম্পিতপদে দোহুল্যমান অন্তরে হাণ্টলি পামারের নাইস বিস্কুটের টিনের চিঠির বাক্সে পত্রখানি রাখিয়া আসিলাম।

ইহার পরও কয়েকদিন কাটিয়া গেল, কিন্তু কোন বিশেষ পরিবর্তন দেখা গেল না।

বুঝিলাম কথাবার্তাটা পুরুষের দিক হইতে আরম্ভ হওয়া উচিত। সুরেনের সঙ্গে কথাবার্তা অনেকদিন প্রায় বন্ধ ছিল, একদিন তাহাকে কমনরুমের এক নিভৃতকোণে ধরিয়া লইয়া গিয়া ইচ্ছা করিয়া বিবাহে প্রেমের প্রয়োজন সম্বন্ধে তর্ক তুলিলাম। নানা চতুর প্রশ্ন করিয়া নানারূপে তাহার মনের অবস্থা জানিলাম। এইটুকু বোঝা গেল, সে

মেয়েটিকে বিবাহ করিতে রাজী। কিন্তু তাহার সমস্তা এই, মেয়ের বাপের নিকট বিবাহের প্রস্তাব পাঠাইলে পিতা কণ্ঠাদায় হইতে মুক্ত হইবেন বলিয়া প্রস্তাবে রাজী হইবেন, মেয়েও পিতার ভার দূর করিবার জন্ত আপত্তি করিবে না, কিন্তু সত্যসত্যই মেয়েটি তাহাকে চায় কি না কিরূপে জানা যাইবে ?

অকূলে কূল মিলিল। মেয়েলী ছাঁদে মোটা মোটা অক্ষরে এক চিঠি লিখিয়া সুরেনের নামে পাঠাইলাম। কি লিখিয়াছিলাম সব মনে নাই। মেয়েটি যেন লিখিতেছে, সে সুরেনকে মনে মনে পতিরূপে বরণ করিয়াছে, তাহাকে না পাইলে, সমাজে সে আজীবন কুমারীরূপে অবলম্বন করিয়া থাকিবে।

ডিনামাইট ত পোরাই ছিল, চিঠিটি এক হৃদয়ের আগুন অপর হৃদয়ে বহন করিয়া আনিল। এক ফাল্গুন-জ্যোৎস্নাময় শুভরাত্রি সুরেনের সহিত শান্তির বিবাহ হইয়া গেল।

আমাকে যে সুরেন সে বিবাহে নিমন্ত্রণ করিতে ভুলিয়া গিয়াছিল, তাহার জন্ত আমি তাহাকে দোষ দিই না। সে রাতে আমিও খুব উৎসব করিয়াছিলাম। আমার ছয়মাসের টিউসানির জমানো সব টাকা নিঃশেষিত করিয়া সমস্ত বন্ধুদের ডাকিয়া অকারণে বিপুল ভোজ দিয়াছিলাম। কিন্তু তাহার পর সাতরাত ঘুম হয় নাই।

গলিতে শান্তির দেখা পাইবার কোনপ্রকার সম্ভাবনা ছিল, কিন্তু বিবাহের পর সুরেনের প্রকাণ্ড প্রাসাদে সে কোথায় হারাইয়া গেল। কতদিন সেই পথের ধারে লুকাইয়া ঘুরিয়াছি। চারতলার কোন ধরে সে আছে, কে জানে ? মাঝে মাঝে সুরেনকে তাহার দাম্পত্যজীবন সম্বন্ধে এমন অদ্ভুত প্রশ্ন করিতাম, সে, সে বিস্মিত হইত, আমিও লজ্জিত হইতাম। প্রশ্ন করা ছাড়িয়া দিলাম।

তারপর পরীক্ষার পড়া আসিল; ছইবৎসরের পাপ ছইমাসে প্রায়শ্চিত্ত করিতে উঠিয়া পড়িয়া লাগিলাম। পাশের পর এক জেলা-কলেজে চাকরী লইয়া চলিয়া গেলাম।

কয়েক বছর পরে কলিকাতায় ফিরিয়া আসিলাম। সুরেনের সন্ধানে তাহাদের বাড়ীর সামনে আসিয়া দেখি গেটে এক ভোজপুরী দরওয়ান বসিয়া আছে, উপরের বারান্দায় কতকগুলি ময়লা চিক চট কদম্ব কাপড় ঝুলিতেছে, তাহা

দেখিলেই বলিয়া দেওয়া যায় এ এক মাড়োরারী বাড়ী। পাড়ার লোকদের নিকট জানা গেল বছর দেড়েক আগে সুরেনের বাবা এক ব্যবসায় ফেল হইয়া হঠাৎ মারা যান। তাঁহার মৃত্যুর পর তাঁহার বিষয়সম্পত্তি টাকার খলি সব দেনার ছিদ্র দিয়া পাওনাদারদের হাতে খসিয়া পড়িয়াছে, সুরেন কিছুই ধরিয়া রাখিতে পারে নাই।

বছ চেষ্টা করিয়া সুরেনের বাড়ীর সন্ধান পাইলাম—এক গলির ভিতর ছোট ভাড়া বাড়ী। একদিন বিকালে সেখানে হাজির হইয়া সুরেনকে ডাকিব ভাবিতেছি, খুব ঝগড়ার শব্দ শোনা গেল। বাহিরের ঘরে কথা-কাটাকাটি হইতেছে, বাড়ীওয়ালার লোক শাসাইতেছে, আগামী মাসে উঠাইয়া দিবে; সুরেন রাগিয়া বলিতেছে, মোটে ত তিনমাস বাড়ী-ভাড়া বাকী আছে, আগামী মাসে একটি চাকরী পাইলে সব চুকাইয়া দিবে। সহসা মুখ তুলিয়া চাহিতেই চোখে পড়িল দোতলার জানালার অশ্রুসিক্ত নয়নে কে দাঁড়াইয়া— সে এত কাঁদিতোছিল যে আমি যে তাহার দিকে চাহিয়া আছি তাহা সে দেখিতে পাইল না। সেই দারিদ্র্যক্লিষ্টা অশ্রুময়ী ক্ষীণা তমুলতার দিকে চাহিয়া আব দাঁড়াইয়া থাকিতে পারিলাম না, কান্না চাপিয়া গলি হইতে ছুটিয়া বাহির হইলাম।

সারারাত বিছানায় ছটফট করিয়া ভাবিতে লাগিলাম, কি করিতে পারি এদের জন্ত, আমি কি করিতে পারি? এদের স্বথের সংসার আমি বাঁধিয়া দিয়াছিলাম, আজ দুঃখের দিনে এদের ভার লাঘব করা যে আমার কর্তব্য। কত অদ্ভুত প্ল্যান মাথায় আসিতে লাগিল। একবার ভাবিলাম আমার কয়েক বছরের জমানো কয়েক হাজার টাকা কোন কাল্পনিক মৃত আত্মীয়ের সম্পত্তি বলিয়া কোন উকীলের সাহায্যে পাঠাইয়া দি—তাহাদের বংশের কোন দুঃখহীনে পিতৃভাঙিত যুবক কি রেপুন বা হনলু বা মেসোপোটেমিয়ায় গিয়া কিছু অর্থ উপার্জন করিয়া ধরিয়া যাইতে পারে না? আবার ভাবিলাম সোজাসুজি যাইয়া তাহাদের অর্থ সাহায্য করি, কিন্তু সে সাহায্য তাহারা গ্রহণ নাও করিতে পারে। বেনামীতে মনিঅর্ডারে টাকা পাঠাই যদি—সে টাকা ফেরৎ আসিতে পারে।

পরদিন কয়েকখানি নোট চিঠির খামে পুরিয়া তাহাদের

টিনের ডাকবাক্সে লুকাইয়া দিয়া আসিলাম। টাকা দিলাম বটে কিন্তু দেখা করিবার পথ একেবারে বন্ধ হইল। দেখা করিতে খুব বেশী ইচ্ছা ছিল না, শুধু দরজার গোড়ায় ময়লা-ফ্রক-পরা খুকীটিকে দেখিয়া একটু আদর করিবার বড় লোভ হইয়াছিল, তাহাও সম্বরণ করিয়া চলিয়া আসিতে হইল।

একবার টাকা রাখিয়া ফিরিতেছি, দেখি, সুরেনের ঠিক পাশের বাড়ীর দেওয়ালে একখানি কাগজ মারা রাখিয়াছে— বাড়ীখানি ভাড়া দেওয়া যাইবে। আনন্দে অন্তর নাচিয়া উঠিল। পাশাপাশি থাকিলে এ পরিবারের দুঃখ কষ্ট অভাব সব ঠিক জানিতে পারিব, প্রতিবেশী বলিয়া ভাব করিয়া সাহায্যও করিতে পারিব। কিন্তু রাতে বিছানায় এপাশ ওপাশ করিয়া ভাবিতে ভাবিতে বুঝিলাম এত কাছাকাছি যাওয়া হয়ত ভালো হইবে না। গির্জার ঘড়িতে রাত তিনটা বাজিল, মনে মনে প্রতিজ্ঞা করিলাম, না, ও বাড়ী ভাড়া লইব না। তখন ঘুম আসিল। জীবনে এত বড় প্রলোভন আমি বোধ হয় কখনও জয় করি নাই। বাড়ী যদি বেশীদিন খালি পড়িয়া থাকিত কি হইত বলিতে পারি না, দিন সাতকের মধ্যে এক ভাড়াটে আসাতে আমি বাঁচিয়া গেলাম।

টাকা দিয়া অন্তরে তৃপ্তি হইত না, জিনিস দিতে ইচ্ছা করিত। দেখিতাম খুকী ছেঁড়া পাংলা ময়লা জামা গায়ে দিয়া ঘুরিতেছে, শীতের দিনে একটা গরম জামাও গায়ে নাই। সন্ধ্যাবেলায় খুকীকে কোলে করিয়া আমার বাড়ীর কাছ দিয়া ঝি প্রায়ই কোথায় যাইত। ধূমমলিন শীতসন্ধ্যায় এই ভ্রমণটায় আসলে ঝি বন্ধুবান্ধবদের সহিত গল্প করিতে বাহির হইত, বিনা কাজে বাড়ী হইতে বাহির হইতে দিবে না বলিয়া পাংলা-জামা-পরা খুকীকে উপলক্ষ্যরূপে টানিয়া আনিত। প্রতিদিন পথের দেখায় আলাপ সুরু করিয়া দিলাম। পুতুল লজ্জনচুষ রঙীন বল ইত্যাদি নানা সৈন্দের সাহায্যে তাহার ছোট হৃদয়রাজ্য জয় করিয়া আনিলাম, একদিন খুকী ও তাহার ঝিকে ধরিয়া আমার বাড়ীতে আনিলাম। একটি গরম লাল ফ্রক খুকীর গায়ে পরাইয়া বলিলাম, দেখ ত ঝি বেশ মানিয়েছে না, ভারী সুন্দর দেখাচ্ছে। খুকী নূতন জামা পরিয়া সরল হাসিয়া অক্ষুট

আনন্দধ্বনি করিতে করিতে নাচিতে লাগিল, আমার কোলে চড়িতে কোন আপত্তি করিল না, চুল টানিয়া স্ব-ইচ্ছায় একটি চুষনও দিল। কিন্তু খুকীর কাছে বিয় ব্যবহার আশাপ্রদ হইল না, সে ফ্রক লইতে নানা আপত্তি তুলিতে লাগিল। আমি তাহাকে বুঝাইতে লাগিলাম, ফ্রকটি আমি একজন ভাগীর জ্ঞাত কিনিয়াছিলাম, তাহার গায়ে ছোট হইল, অথচ দোকানদার কিছুতেই ফেরৎ লইবে না, কেন আমাটা মিছামিছি পোকায় কাটিবে। অবশ্য ভাগীটি কাল্পনিক। আরও বলিলাম, খুকীর বাবার সঙ্গে আমার যথেষ্ট ভাব আছে, আমরা একসঙ্গে পড়িয়াছিলাম, তাঁহার বাড়ীতে আমি প্রায়ই যাই। কিন্তু বি কিছুতেই লইতে চায় না। তখন বিএর এই মূর্খের মত লজ্জাজনক ব্যবহার দেখিয়া খুকী ছুর্কলের বল ও যুক্তি ক্রন্দন জুড়িয়া দিল। অগত্যা খুকীর গা হইতে জামা খোলা হইল না, বি বলিয়া গেল—কাল সে ফিরাইয়া দিয়া যাইবে।

শুধু জামা গেল না, তাহার সহিত মোজা, টুপি, গরমগেঞ্জি ও খেলনাও গেল, প্রতিবস্তুর উপর খুকীর সমান আকর্ষণ, পক্ষপাতিত্বের দোষ তাহাকে মোটেই দেওয়া যাইতে পারে না, সব জিনিষগুলিই তাহার চাই, প্রত্যেক জিনিষ সরাইয়াই দেখা গেল ক্রন্দনের সুর সপ্তমে উঠে। অবশ্য সব জিনিষই সেই কল্লিত ভাগীর জ্ঞাত কেনা হইয়াছিল, সে আনন্দচিত্তে খুকীকে সব দান করিল।

স্বাত্রে কিন্তু বিছানায় শুইয়া ভাবিতে ভাবিতে ভয় হইল—সে ভয়—ধরা পড়িবার ভয়। খুকীর আনন্দে এ কথা ভুলিয়াই গিয়াছিলাম। খুব ভোরবেলা উঠিয়া বাড়ীতে তালা লাগাইয়া To Let লটকাইয়া পালাইলাম। ছ'এক-দিনের মধ্যেই বাড়ী ছাড়িয়া যাইতে হইল।

অর্থ দিয়াই নিশ্চিত থাকিতে পারিলাম না। চাকরীর সন্ধানে ঘুরিতে হইল। সুরেন নিজের উদ্যোগে চাকরী জুটাইতে পারিবে এ ভরসা আমার ছিল না, অতি কষ্টে অতি সামান্ত মাহিনার এক চাকরী জুটাইয়াছিল। বেনী টাকা মাহিনার এক চাকরীর সন্ধান পাইলাম। আফিসের দরওয়ান, বড়-বাবু ও বড়-সাহেবকে বহু খোসামোদ করিয়া বেনামী চিঠি লিখিয়া সুরেনকে চাকরিটি জুটাইয়া দিলাম।

আমি পশ্চিমের এক কলেজে প্রফেসরি লওয়াতে

তাহাদের সহিত আবার ছাড়াছাড়ি হইয়া গেল।

পাঁচ বছর পরে আবার কলিকাতায় ফিরিয়া আসিলাম। এই স্বদেশীনা নগরসুন্দরীর কি আকর্ষণশক্তি আছে জানি না—ইহার প্রমত্ত রণশ্রোত, বিপুল জনতা, চঞ্চলজনকোলাহল, ইহার মোটরট্রামবর্ষরমুখর পিচেমোড়া কালো পথ, বক্র সঙ্কীর্ণ গলি, ইহার প্রাসাদরাশি, কদর্যা বাড়ি, ইহার ধূম ধূলি শব্দ জনপ্রবাহ সব মিলিয়া আমাকে টানিয়া আনে,—মানবের কর্ম ও চিন্তা, প্রমত্ত শক্তি ও বিপুল লোভের নানা রঙের নানা প্রথর শ্রোতের যাতপ্রতিঘাতে অহনিশি উন্নত জীবনের ফেনিলতায় চিত্ত মগ্নিত হইয়া উঠে।

এইরকম এক ক্ষেত্রের প্রভাতে নধুর রোদে আবিষ্ট হইয়া ভাবিতেছিলাম, সুরেনকে কি কারয়া খুঁজিয়া বাহির করিব। একটি চাকরের সহিত একটু ছোট মেয়ে নিমন্ত্রণ-পত্র লইয়া আসিল। পাড়ায় যে নূতন বাড়ী তৈরী শেষ হইয়াছে, তাহার স্বামী আসিতেছেন, গৃহপ্রতিষ্ঠা উপলক্ষে প্রতিবেশী বলিয়া আমার নিমন্ত্রণ। মেয়েটিকে দেখিয়াই চিনিলাম, বয়স বাড়িয়াছে, বুঝিলাম আবার নূতন করিয়া ভাব করিতে হইবে।

মেয়েটিকে আটকাইলাম। বলিলাম, আমার বাড়ীতে কিছু খাইয়া না গেলে আমি তাহার বাবার বাড়ীতে গিয়া আজ কিছুতেই কিছু খাইব না। কোঁকড়া কোঁকড়া কালো চুল ছলাইয়া কচিহাতে সুরু সোনার বাণাগুলি বাজাইয়া তাহার মায়ের মত উজ্জল নয়নে চাহিয়া সে প্রথমে বিশেষ আপত্তি জানাইল। কিন্তু বিপ্লুটের টিন, গরম গরম জিলিপি ইত্যাদি বাহির হওয়ার সঙ্গে সঙ্গে আপত্তির বেগ কমিতে লাগিল। তারপর যখন অপরিচয়ের পর্দা একবার উড়িয়া গেল, সে আমাকে পরম আখ্যায়রূপে গ্রহণ করিল—কোন আকার করিতে তাহার বাধিল না, টেবিলের উপর লালনীল পেন্সিল, ঝিলুক-বমানো কাগজচাপা, দেওয়ালে এক পাখীর ছবি ইত্যাদি নানা দ্রব্য সম্বন্ধে তাহার পাইবার ইচ্ছাকে নিঃসঙ্কোচে প্রকাশ করিল এবং যখন সে দ্রব্যগুলি পাইল তখন এমন ভাবে গ্রহণ করিল এ যেন তাহার প্রাপ্য, স্বাভাবিক অধিকার।

এক পাড়ায় থাকি বলিয়া সুরেনের বাড়ীতে যাতায়াত আরম্ভ হইল, কলেজের সেই পুরাতন বন্ধু বালাইয়া

জমাইয়া লইলাম। পাটের দালালী করিয়া সুরেন এখন লক্ষপতি।

ছোট ছেলোমেয়েদের সঙ্গে ভাব করিয়া সুখ ও সুবিধা এই যে তাহারা যাদের বন্ধুভাবে অন্তরে গ্রহণ করে তাহাদের বন্ধুত্ব সম্বন্ধে কোন সঙ্কোচ বা সন্দেহ রাখে না। নিঃসঙ্কোচে তাহারা মনের কথা বলে, নির্ঝিবাদে তাহারা গ্রহণ করে, নিঃসন্দেহে তাহারা আপন কর্তৃত্ব-অধিকার জারী করে। কিন্তু কোন বয়স্ক নূতন লোকের সহিত বন্ধুত্ব পাতাইতে গেলে সংসার-সমাজের নানা রীতি নীতি বাচাইয়া নানা অভিযোগ-অধিকারের প্রতি তীক্ষ্ণ দৃষ্টি রাখিয়া অতি সাবধানে অগ্রসর হইতে হয়। তাই ধনীবন্ধু ও বন্ধুপত্নীর আশা ছাড়িয়া এই বালিকাবন্ধুর বন্ধুত্বের উপর আমার পরম লোভ হইল। বেণু প্রথম দিনই আমার হৃদয় জয় করিয়াছিল, প্রতিদিন কত খেলায় গল্প করায় বেড়ানোয় আমাদের বন্ধুত্ব জমিতে লাগিল।

তারপর কোন্ অজানা শুভ মুহূর্ত্তে জানি না এই অবলা বালিকার হাত ধরিয়া সুরেনের প্রাসাদের দরওয়ান-রক্ষিত গেট পার হইয়া চাটুকর-স্বর-গুঞ্জিত চুরুটধুমপূর্ণ তাসক্রীড়া-শব্দমুখর ভীতিপ্রদ বৈঠকখানাঘরগুলি ছাড়াইয়া সিংহ অন্তঃপুরে যেখানে কল্যাণী লক্ষ্মী অধিষ্ঠিতা তাঁহার আনন্দগৃহে আসিয়া পৌছাইলাম। আমার কিশোর প্রেম যাহার ঘরে পৌছাইয়া ফণিকের জন্ত দাঁড়াইয়া চলিয়া গেল, আমার যৌবন প্রেম যাহার রুদ্ধদ্বারে বারবার করাঘাত করিয়াও খুলিতে পারিল না, এ মেয়েটির ভালোবাসার স্পর্শে কোন্ বাহুমন্ত্রে সে হৃদয় খুলিয়া গেল—প্রেমদীপদীপ্ত শান্তি-উজ্জ্বল মাধুর্য্যময় সে পূণ্যগৃহে আনন্দকম্পিত হৃদয়ে প্রবেশ করিলাম। সত্যি একদিন বেণুর আব্দারে তাহার মাতা আমাকে নিমন্ত্রণ করিয়া আমার সহিত আলাপ করিলেন।

তারপর সাত বছর কাটিয়া গিয়াছে—বেণুর আদর-আব্দার-মাথানো হাসি-চুমোয়-ভরা কত কবি-উপহাসিকের রঙ্গীন-কল্পনা-জড়ানো সাত বৎসর।

তিন।

লেখা শেষ করিয়া চূপ করিয়া বসিয়া এই বইয়ে-ভরা ঘরটির দিকে চাহিয়া ভাবিতেছিলাম, আমি যখন কত দেশের কত যুগের কত তরুণ-তরুণীর প্রেমের কাহিনী পড়িতেছিলাম,

আমার এই ঘরে আমার পরিচিত হই তরুণ-তরুণী তাহাদের প্রেমের কাহিনীর ভূমিকা আরম্ভ করিয়া দিয়াছে তাহা কে জানিত।

চাকর দরজা খুলিয়া জানাইল, একটি ছেলে দেখা করিতে আসিয়াছে। খুব রাগের ভান করিয়া বসিয়া যুবকটিকে ডাকিতে বলিলাম। দেখিলাম, বেচারা সারাদিন ভাবিয়া বাস্তবিকই শুকাইয়া গিয়াছে। বসিতে বলিলাম, দাঁড়াইয়া রহিল। ধীরে চিঠিখানি বাহির করিয়া তাহার সম্মুখে ধরিয়া কপট গর্জন করিয়া বলিলাম, কে এ চিঠি লিখেছে!

নগর গ্রাম হইতে বহুদূরে জনহীন অরণ্যে একসঙ্গে চারটে টান্নার সশব্দে ফাটিয়া গেলে মোটর-চালকের যেমন মুখ হয়, তেমনই মুখ করিয়া সে দাঁড়াইয়া কাঁপিতে লাগিল।

বেণুর সহিত বেশী মিশিয়া মনটা বড় নরম হইয়া গিয়াছে, যুবকটির উপর বড় করুণা হইল। মূহু হাসিয়া অভয় দিয়া বলিলাম, বোসো। তার পর তাহার বাবা মা পরিবার বিষয়-সম্পত্তি সম্বন্ধে নানা কথা, তাহার নিজের বিষয়ে নানা প্রশ্ন করিয়া সকল তথ্য জানিতে লাগিলাম। সে পিতার একমাত্র পুত্র, পিতা ধনী ব্যবসাদার, জাতিতে কায়স্থ—এসব খবর জানিয়া বেণুর স্মৃষ্টির পরিচয় পাইয়া আনন্দিত হইলাম। আচ্ছা, যাও, বলিয়া আবেগের সহিত কোনমতে তাহাকে বিদায় দিলাম।

সন্ধ্যার অন্ধকার ঘনাইয়া আসিতে লাগিল, বিনি আসিল না। মূহু জ্যোৎস্নার আলোর দিকে তাকাইয়া কি ভাবিতে-ছিলাম, পদশব্দে চমকিয়া উঠিলাম, দেখি, বেণুর বাবা ও মা আসিয়াছেন।

বলিলাম, আসুন, অনেক দিন পরে একটা গল্প লিখলুম, তাই শোনার নিমন্ত্রণ।

তাহার মাতা হাসিয়া বলিলেন, আপনার প্রধানা শ্রোত্রীটি কোথায়?

ধীরে বলিলাম, তাকে ত সারাদিন দেখিনি, কি জানি কোথায় আছে। আপনারাই শুনুন।

পাশের ঘরে আলো থাকিলে দেখা যাইত, আমার শ্রোত্রীটি তার পুরাতন বন্ধুকে ভুলিয়া গিয়া নূতন বন্ধু সঙ্গে দিব্য গল্প করিতেছে।

ধীর কল্পিত কঠে সারাদিনের লেখা গল্পটি পড়িলাম। কাগর হইতে এক নিমেষের অন্তঃ চোখ তুলিতে পারি নাই—হাত পা কাঁপিতেছিল কি না জানি না।

পড়া শেষ করিয়াও অবনত মুখে বসিয়া রহিলাম।

বেণুর বাবা যেন শুধু বলিল, কি আশ্চর্য্য, আমি এটা আগে ভাবি নি!

নিমেষের অন্তঃ শাস্তির চোখের উপর চোখ পড়িল, সে চোখ দু'টি যেন বলিল, আমি কিন্তু বরাবর জানতুম এ অজানা বন্ধু কে।

তারপর নতমুখেই কার্পেটের পাখী ও ফুলগুলির দিকে চাহিয়া বেণুর প্রেমের কথা, চিঠির কথা, আমার ছাত্র যুবকের কথা বলিলাম; বলিলাম, তাহাদের নিকট এ জীবনে কখনও কিছু চাহি নাই, এই একটি ভিক্ষা চাহিতেছি।

বেণুর মা ধীরে উঠিয়া আসিয়া আমার দিকে অগ্রসর হইয়া বলিলেন, আপনি একটুকুও ভাববেন না, আমার খুব মত আছে।

বেণুর বাবাও উঠিয়া আমার পাশে দাঁড়াইয়া বলিলেন, বিনির বে আপনি যেমন খুসি দেখে শুনে দেবেন, আমরা একটুও আপত্তি করবো না।

আমি কিন্তু তেমনি নতমুখে বসিয়া রহিলাম। তাঁহারা দু'জনেই স্তব্ধ। সহসা ঘরটি যেন চঞ্চল হইয়া উঠিল, কে আমার গলা জড়াইয়া ধরিল, কাহার কালো চুলে টাক ছাইয়া গেল, অশ্রবন চোখে দৃষ্টি তুলিয়া দেখি—বেণুর কানের সোনার ইয়ারিঙের চুনীটা চোখের সামনে ঝকমক করিতেছে—পাশে শাস্তি চোখের-জলে-ভেজা চাউনিতে চাহিয়া আছে।

পাশের ঘর হইতে বেণুর বাবার গলা শোনা গেল, আমার ছাত্রটিকে বলিতেছেন, ইয়ং ম্যান, তোমার সাহস দেখে খুসী হয়েছি, তোমার বাবার নাম ও ঠিকানাটা আমার লিখে দাও।

বিনিদ্র রাত্রি, ঘড়ীতে একটা বাজিল, চুপ করিয়া পূর্ণিমার চাঁদের আলোর বসিয়া আছি, নীলসিকের কাপড়ে বাঁধানো ব্রাউনিঙের কাব্যগ্রন্থগুলির সোনার জলের লেখার 'জ্যোৎস্না' বিকিমিকি করিতেছে, কবি কি আনন্দ বলিতেছেন, খুসী হইয়াছি।

চুপ করিয়া বসিয়া আছি, কি ভাবিতেছি জানি না, অদৃশ্য শিল্পী নীরবে বসিয়া মনের পটে কি ছবি আঁকিতেছে।

শিল্পী, তুমি কি লিখিতে চাও? সারাজীবনে কি লিখিলে, আরও কি লিখিলে, আমাকে তাহার একটু অর্থ বুঝাইয়া দাও। আমরা ভাবি প্রাণের রণা রক্তের কালীতে ঘটনার পর ঘটনার কথা সাজাইয়া আপন খুসিমত নিজ জীবনের গল্প লিখিয়া বাইব, কলম ত তুমি আমাদের হাতে ছাড়িয়া দিয়াছ; কিন্তু কেন চোখের অগ্নিরাগ্নি রেখা দিয়া লেখার মাঝে মাঝে জ্বালাইয়া দাও, বিচ্ছেদের গুল্ল অশ্রু-রেখা দিয়া কাটিয়া দাও, মৃত্যুর কালো তুলি বুলাইয়া দিয়া হঠাৎ কোন পাতা মুছিয়া দাও—চোখের পাত্র ভরিয়া তুমি কি পান করিতে চাও? কলম, ত তোমার হাতে দিতে চাই, তুমি নাও না কেন? তোমার অদৃশ্য তুলি দিয়া কি আঁকিতেছ আমার বুঝাইয়া দাও।

জানলার কাচ দিয়া জ্যোৎস্নার ধারা আমার বিছানায় বরিয়া পড়িতেছে। এই অনুপম আলোর একটি উপমা আমি প্রায়ই ভাবি—তাহা পিয়ার চুপন নয়, প্রেমিকজনের চাউনি নয়, তাহা শিশুর হাসি। স্বর্গের প্রথম শিশু মাতার বক্ষে নিরবচ্ছিন্ন আনন্দে বে হাসি হাসিয়াছিল, সেই হাসির স্পর্শে বৃষ্টি অন্ধকার চন্দ্রপিণ্ড মণিপ্রদীপের মত জলিয়া উঠিয়াছিল, তার পর মায়ের বক্ষে যুগন্ত শিশুদের হাসিমাণিক-গুলি প্রতি রাতে কুড়াইয়া সে আপন শিখা উজ্জল রাখে। আজ যখন বেণু চলিয়া গেল, তাহার অধর নয়ন কপোল ভরিয়া যে হাসি উপলমণির ফুলের মত প্রকৃটিত হইয়া উঠিল, এ আলো সে হাসির মত নয়,—এক শীতসন্ধ্যায় বেণুকে যখন প্রথম গরম লাল ফরু পরাইয়া দিয়াছিলাম, তাহার মুখে মুক্তাস্রোতের মত যে আনন্দ-হাসি উহলিয়া উঠিয়াছিল—তাহার কথা বার বার মনে পড়িতেছে।

সারারাত্রি এ জ্যোৎস্নাময় নীলাকাশের দিকে চাহিয়া শুইয়া থাকিতে ইচ্ছা করিতেছে,—ওই চাঁদটি, ও যেন বেণুর হাসির উপর আমার এক ফোঁটা চোখের জল ঝকমক করিতেছে।

শ্রীমণীন্দ্রলাল বসু।

সন্দিহান

সৃষ্টি ! শাশ্বত যে কে তারে সৃজন করে ?
 আপনি সে রূপে রসে বর্ণে স্তরে স্তরে
 নব নব বিকাশে স্ফুরিছে নিত্যকাল ।
 সৃষ্টি ! শুধু কথা মাধ—ভাষার খেয়াল ।
 এই যে বিরাট বাপ্ত বিশ্ব চরাচর
 আপনাতে পরিপূর্ণ—ইহার ঈশ্বর !
 কে ইহার স্রষ্টা, পাতা, কে করে চালন,
 কে করিবে ধ্বংস আর কে করে লালন !
 চাহি না খেয়ালে-ফ্যাঁপা ঘূর্ণাবায়ে মিছে,
 কুটিল জটিল তর্কে, শূণ্যতার পিছে,
 ঘুরিয়া মরিতে ব্যথা ; শুধু এই জানি
 ‘আমি’ আছি, আর এই ‘জগতে’রে মানি ।
 এরি সাথে টান মোর নাড়ীতে নাড়ীতে
 শিরায় শিরায় ; তাই ইহারে ছাড়িতে
 বুকে মোর বাজে ব্যথা । এরি তপ্ত রসে
 শিরা-উপশিরা মোর বিপুল হরষে
 প্রাণবান্ । এরি শিশু—যত নরনারী—
 প্রাণের দোসর মোর । যত বনচারী—
 ক্ষুদ্র হ’তে অতিক্ষুদ্রতম জগতের,
 রেণুপরমাণু যত নিখিল বিশ্বের,
 যারে দেখিয়াছি, যারে দেখি নাই কভু,
 যত অগোচর হোক জানি আমি তবু—
 সবাকার সাথে মোর অণুতে অণুতে
 প্রত্যক্ষ সত্যের যোগ । আমার তনুতে
 নিখিলের সর্বকাল সর্বলোক ভব
 আপনার পরকাশে লভেছে গৌরব ।
 কল্পনার লীলারঙ্গে বিশ্বের দ্রষ্টারে
 আপনি করিয়া সৃষ্টি অন্তর-স্রষ্টারে
 দিলে ফাঁকি ; তাই এই সত্য বিশ্ব হ’তে—
 এই মহা জগতের আঁধারে আলোতে

ভলে স্থলে চরাচরে বর্ণে রূপে রসে
 যে সজীব পূর্ণ প্রেম তোমারি পরশে
 শিহরি’ উঠিছে নিত্য ; বিহ্বাৎ-আবেগে
 টানিছে তোমারে অহরহ ; আছে জেগে
 স্নেহস্বধাভারাতুর মাতৃস্তন-প্রায়
 সতত উন্মুখ, রত তোমারি সেবায়—
 সেই বিশ্ব হ’তে তুমি লইলে ভুলিয়া
 কল্পনায় অন্ধ দিঠি—খেয়ালে ভুলিয়া
 ‘শূণ্যে’ চাহ আঁধি মেলি,—এ কোন্ মায়ায় !
 হায় রে লোলুপ চিত্ত ! মুগ্ধ পিপাসায়
 ‘অনন্তে’ করিলে বাঞ্ছা—মায়া মরীচিকা,
 অসীমশূণ্যতাভরা শূণ্য কুহেলিকা ।
 ‘পূর্ণতা’র মাঝে রহ ‘অসীম’ের কর তবু আশা ।
 ‘অসীম’ কি ‘পূর্ণ’ ? হায় ! কেমনে সে মিটাবে পিপাসা !
 সে অসীম অনন্ত-অপূর্ণ চিরকাল, দূরে রহি’
 মৃগতৃষ্ণিকার মত সংহারিছে লুক্কজনে দহি’ ।
 কল্পিয়া দেবতা নিজে কল্পনারে পূজি’ নিশিদিন,
 “বিশ্বাসের” অন্ধ গর্কে মত্ত আছ হে মূঢ় প্রবীণ !
 অনন্তের লোভে লুক্ক আপনারে বলহ বৈরাগী ;
 মোরে কহ “মায়ামুগ্ধ” যে সবার প্রেমে অনুরাগী !
 সবা হ’তে প্রাণ মোর, জানি আমি সবাকার তরে
 আমার অস্তিত্বটুকু ; তাই মোর অন্তরে অন্তরে
 এই সুবিপুল প্রেম সবারে চাহিয়া । এই ধরা,
 এই চন্দ্র-সূর্য্য-তারা-খচিত জগৎ মনোহর,
 সবাকার মাঝে রহি’ সবার অমৃতরস পানে
 সঞ্জীবিত প্রাণ মোর—চির বাঁধা এ বিশ্বের টানে ।
 সবার মাঝারে “আমি” প্রাণযোগে মুক্ত চিরদিন,
 আমার মাঝারে সবে রূপে রসে সুন্দর নবীন ।
 কল্পনায়-অবিশ্বাসী-মোরে বল নীরস নাস্তিক ?
 হায় রে কল্পনাসেবী লুক্ক অন্ধ মূঢ় পৌত্তলিক !

শ্রীজীবনময় রায় ।

রাজিয়ার শেষজীবন

অতি ক্ষীণ, সামান্ত কারণ—যাহাতে কোনক্রমেই সহজে মানুষের দৃষ্টি আকৃষ্ট হইতে চাহে না, চাহিলেও সে অবহেলার আপনার দৃষ্টি ফিরাইয়া লইতে পারে, আশ্চর্য্য এই, তাহার মধ্যেও মানুষের সর্বনাশের বীজ, তাহার স্নেহের আকাশপ্রমাণ অটালিকা ভঙ্গসাৎ করিবার মত অগ্নিকণা স্তম্ভ হইয়া থাকে। এই ক্ষুণ্ণের আত্মপ্রকাশে দেখিতে দেখিতে কত দেশ গিয়াছে; কত মহাদেশের অধঃপতন হইয়াছে; কত রাজদণ্ড, কত রাজাধিরাজ, কত মহাজাতি পুড়িয়া ছাই হইয়াছে, তাহার ইয়ত্তা নাই। রাজিয়ার ভাগ্যচক্রেও সেই অগ্নিকুলিঙ্গেরই নিষ্ঠুরলীলা আরম্ভ হইল।

জমাল-উদ্দীন ইয়াকুৎ জাতিতে হাব্শী; তিনি রাজিয়ার অশ্বশালার পরিদর্শক—‘আমীর-ই-আখু’। রাণী ছিলেন কবির মানস-তুহিতা মণিপুর-রাজকন্য়ার মত :—

* * *

“অশ্বারোহী, অবহেলে বামকরে বস্ত্রাধরি, দক্ষিণেতে শরাসন, নগরের বিজয়সম্মীর মত, আর্তি প্রজাগণে করিছেন বরাভয় দান * * *

মুক্তলজ্জা, ভয়হীনা, প্রসন্নহাসিনী।” (চিত্রাঙ্গদা)

বস্তুতঃ রাজ্যশাসনের জন্ত সর্ববিষয়েই যে রমণীর পুরুষের ত্রায় হওয়া কর্তব্য—এখন কি, অশনে-বসনে গমনে-উপবেশনেও—রাজিয়ার মনে এইরূপ ধারণাই বদ্ধমূল হইয়াছিল। তাই তিনি পুরুষের মত গায়ে ‘কবা’ (কোর্তা), শিরে ‘কুল্যা’ (উঁচু টুপী) এবং কোমরে কটিবন্ধ পরিয়া অশ্ব বা গজারোহণে নগর ভ্রমণে বাহির হইতেন।

বাদশাহ্গণ সাধারণতঃ উচ্চ অশ্বে আরোহণকালে অশ্বপালের সাহায্য লইতে বাধ্য হইতেন। মহারাণী রাজিয়াও হাব্শী জমাল-উদ্দীন ইয়াকুতের সাহায্যে বাদশাহী-কায়েদায় যথারীতি অশ্বারোহণ করিতে লাগিলেন। কিন্তু রমণী—রমণী, তাঁহার পক্ষে সর্বতোভাবে পুরুষের দাবী প্রকৃতির রাজ্যে কখনই গ্রাহ্য হইতে পারে না। একদিন তাঁহার সেই পুরুষের ছদ্মবেশ—বাদশাহী কায়েদা-কায়েদ

পোষাক-পরিচ্ছদ আচার-ব্যবহারের অন্তর হইতে যে কেমন করিয়া তাঁহার স্বভাবকোমল স্নেহপ্রবণ রমণীহৃদয় আত্মপ্রকাশের সুযোগ লাভ করিল, তাহা তিনি নিজেও বুঝিতে পারিলেন না। অশ্বশালার পরিদর্শক জমাল-উদ্দীনের প্রতি দিন দিন তাঁহার অনুগ্রহের ভাবটা কিছু অধিক হইয়া পড়িতে লাগিল। ভৃত্যের প্রতি মনবের অনুগ্রহের মাত্রা যতটুকু হওয়া রাজনীতির হিসাবে যুক্তিযুক্ত, রাজিয়ার রমণীহৃদয় তাহাতে আদৌ পরিতৃপ্ত হইতে পারিল না। আর এক কথা, আমীর মালিকরা জাতিতে তুর্কী, কিন্তু জমাল উদ্দীন ছিলেন হাব্শী—বিজাতীয়; স্বভাবতই ইহার উপর একটা বিদ্বেষের ভাব ছিল। ইহার প্রতি রাজিয়ার অনুগ্রহের ভাব দেখিয়া, তুর্কী আমীর মালিকরা আর আত্মসংবরণ করিতে পারিলেন না—ক্রোধে উন্মত্ত-প্রায় হইয়া উঠিলেন।

রাজিয়া মুসলমানগণের চিরাচরিত প্রথার মূলে ক্রমাগত কুঠারাঘাত করিতেছেন,—পর্দার আড়াল ঘুচাইয়াছেন, পুরুষের বেশে রাজপথে বাহির হইতেছেন, রাজদণ্ড ধারণ করিয়া সিংহাসনে বসিয়াছেন! পারিষদগণের মনে হইল ইহা রাজিয়ার অসহনীয় স্পর্ধা, অতি ঘোর স্বেচ্ছাচারের পরিচয়। পুরুষ হইয়া তাঁহারা রমণীর এইসকল অত্যাচারের প্রশ্রয় ত কোনক্রমেই দিতে পারেন না। আরও একটা গুরুতর কথা এই—ইহাতে ধর্মের অনুশাসনও অমান্য করা হয়।

মুসলমানগণের মুকুটমণি, আরবের ভবিষ্যদ্বক্তা বলিয়াছেন,—“তুনিয়ার সতী সাক্বী দালোকের মত অমূল্য সম্পদ আর কিছুই নাই। কিন্তু তাহার জন্ত রাজসিংহাসন নহে। যাহারা স্ত্রীলোককে সিংহাসন প্রদান করে, তাহাদের মুক্তি নাই।” অতএব রাজিয়াকে প্রশ্রয় দেওয়ায় শুধু অন্যায়ের নহে,—অধর্মেরও দাসত্ব স্বীকার করা হইয়াছে। আমীর মালিকেরা যারপরনাই উত্তেজিত হইয়া চারিদিকে অসন্তোষের অনল ছড়াইতে লাগিলেন। বলা বাহুল্য, এই বিদ্রোহের আমন্ত্রণে অনেকেই উল্লাসের সহিত যোগদান করিল।

সর্বপ্রথমে বিদ্রোহের ধ্বজা উড়াইলেন লাহোরের



শাহজাদা হুমায়ুন কবীর

সুলতানা রাব্বিয়া ।

শাসনকর্তা মালিক ইজ্জ-উদ্দীন কবীর খান ই আমীর। রাণী কিছুমাত্র ভীত বা চকিত না হইয়া সৈন্ত লাহোর অভিমুখে অভিযান করিলেন। ইজ্জ উদ্দীন সুবিধা করিয়া উঠিতে পারিলেন না। বশ্যতা স্বীকার করিয়া ক্ষমার্থী হইলেন। ক্ষমার্থীজনকে ক্ষমা করাই বিধি। রাজ্যী তাহাকে পদচ্যুত না করিয়া মুলতানে বদলী করিলেন। আর মুলতানের শাসনকর্তা করাকুণ খাকে লাহোরের সামন্ত নিযুক্ত করিলেন।

এত শাস্ত ও এত সহজে এই বিদ্রোহ-নাট্যের ধ্বংসকাপাত হওয়ার আমীর-মালিকগণ যে অত্যন্ত দুঃখিত হইয়াছিলেন, তাহাতে সন্দেহ নাই; কিন্তু তাঁহারা নিরাশ হইবার পাত্র নহেন,—তলে তলে একটা ভীষণ বিদ্রোহের আয়োজনে প্রবৃত্ত হইলেন।

তবরহিন্দার (বর্তমান ভাটিগু) সামন্তরাজ ইখতিয়ার উদ্দীন অলতুনিয়া জৈনিক ক্ষমতাপালী মালিক। তাঁহার সৈন্তসামন্ত ও অর্থাদির কিছুমাত্র অসন্ডাব নাই। রাজ্যীর অগ্রতম পারিষদ আমীর-ই-হাজিব ইখতিয়ার-উদ্দীন এং-কীনের সহিত তাঁহার বিশেষ সৌহার্দ। হাজিব ইখতিয়ার তাঁহাকে নানারূপ প্রলোভন দেখাইয়া রাজ্যীর বিরুদ্ধে উত্তেজিত করিতে লাগিলেন। এই সামন্তরাজ, তাঁহার বর্তমান পদমানের জন্ত রাজ্যীর নিকট বিশেষভাবে ঋণী। রাজ্যীই তাঁহাকে জাগীর দিয়া দিল্লীর পূর্বাঞ্চলে বারণে (বুলন্দশহরে) সুপ্রতিষ্ঠিত করেন, আর অধুনা তাঁহারই প্রসাদে ইখতিয়ার তবরহিন্দার নামজাদা সামন্ত। কিন্তু সুহৃদের প্ররোচনায় তিনি আত্মবিশ্বস্ত হইলেন—নিমকের কথা বিশ্বস্ত হইয়া রাজ্যীর বিরুদ্ধে বিদ্রোহ ঘোষণা করিলেন। রাজ্যীও নিশ্চিন্ত নহেন, দুষ্টির দমনে উৎসাহ-উদ্দীপনার অভাব তাঁহার কখনই হইতে পারে না। রণসাজে সজ্জিত হইয়া তিনি অবিলম্বে রাজধানী পরিত্যাগ করিলেন।

পথ সুদীর্ঘ, মরুকাস্তারলীন, সুহৃগম। নিদাঘের অনলোদগারী দুঃসহ সূর্য্যকিরণের মধ্য দিয়া অতি কষ্টে এই পথ অতিবাহনপূর্বক যখন রাজ্যী তবরহিন্দায় উপনীত হইলেন, তখন তিনি ক্ষুৎপিপাসায় কাতর, অবসন্ন, সঙ্গের সেনাদলও নিস্তেজ ও নিকৃৎসাহ। আততায়ীরা এইরূপ একটি সুযোগের প্রতীক্ষাই এতদিন করিতেছিল। শক্তি

ও সাহস, তেজ ও বীর্যের অবতার এই সিংহীকে বিঘোরে না ফেলিলে যে তাঁহাকে শৃঙ্খলিত করা অসম্ভব, তাহা তাহার উত্তমরূপেই অবগত ছিল। তাই এই দুর্দিনে তবরহিন্দার গায় দূরবর্তী হৃগম স্থানেই তাহারা চিন্তিয়া তাহার বিদ্রোহের কেন্দ্র করিয়াছিল। তাহাদের উদ্দেশ্য ব্যর্থ হইল না। রাজ্যীর পারিষদ তুর্কী আমীরগণ তাঁহাকে পশ্চিমে কাতর দেখিয়া অস্বপারগপূর্বক সহসা দানবমূর্ত্তি পরিগ্রহ করিল। অশ্বশালার পর্যবেক্ষক হাব্শী ইয়াকুতের উপরেই তাহাদের আক্রোশ অত্যন্ত অধিক। সে বিজাতীয়, রাজ্যীর অনুগ্রহ-ভাজন, অনুগত, একেবারেই বিশ্বাসঘাতক নহে। অতএব অগ্রেই ইয়াকুৎকে তাহাদের তরবারির মুখে শির দিতে হইল; তাহার পর রাজ্যীর দণ্ড-কুসংস্কারক, স্বার্থপর, ঈর্ষাপরাধ তুর্কী আমীরগণ তাঁহাকে অসহায়ের মত বন্দী করিয়া তবরহিন্দার হৃগে কারাকদ্ধ করিল। সিংহী এতদিনে পিঞ্জারাবদ্ধ হইল।

রাজ্যীর গায় স্বাধীনতাপ্রিয় তেজস্বিনী নারীর পক্ষে কারাবাস যে দুর্কিসহ কঠোর তাহাতে সন্দেহ নাই। কিন্তু এই কারাবাসকে কঠোরতর করিয়া তুলিল মনের ক্ষোভ—যাহারা তাঁহার একান্ত নির্ভরের পাত্র, শাসন-তন্ত্রের নায়ক, তাঁহারই নিমকে যাহারা দুষ্টপুষ্ট বলিষ্ঠ, তাহারাই তাঁহাকে এই আকস্মিক অপ্রত্যাশিত বিশ্বাসঘাতকতার দুঃখের অতলতলে নিক্ষেপ করিল। রাজ্যী মুক্তির সম্বন্ধে সম্পূর্ণ নিরাশ হইলেন। কঠোর হস্তে শাসনদণ্ড গ্রহণ করিয়া তিনি যে দুষ্টগণের শত্রুপক্ষে পরিগণিত, এবং কুসংস্কারের সনাতন নাগপাশ ছেদন করিয়া শিষ্টগণেরও একান্ত বিরাগভাজন হইয়াছেন, তাহা তিনি বিলক্ষণ জানিলেন। তাই রাজধানী হইতে বহুদূরে—তবরহিন্দার কারাকক্ষে নিবদ্ধ হইয়া চতুর্দিকে কেবল অন্ধকারের করাল বিভীষিকাই দেখিতে লাগিলেন—কোথাও এতটুকু আলোর রেখাও দেখিতে পাইলেন না।

রাজ্যীকে কারাকদ্ধ করিয়া বিদ্রোহী মালিক-আমীরগণ মহোল্লাসে রাজধানী দিল্লীতে উপনীত হইলেন এবং রাজ্যীর বৈবাহিক ভ্রাতা মুলতান মুজ্জ-উদ্দীন বহরাম শাহকে সিংহাসনে বসাইয়া রাজ্য ও রাজভাণ্ডার লইয়া স্বার্থের ছিনিমিনি খেলা খেলিতে লাগিলেন।

কিন্তু কি আশ্চর্য্য এই জগতের খেলাল, সে যে কেমন করিয়া নিশ্চিতকে অনিশ্চিত, ও অনিশ্চিতকে নিশ্চিত করিয়া তুলে, বুঝিবার উপায় নাই। হঠাৎ ঘটনা-স্রোতের গতি সম্পূর্ণ ভিন্ন দিকে ফিরিয়া গেল। রাজিয়া তবরহিন্দার কারাকক্ষে বসিয়া ছুঃখময় দিনগুলির দীর্ঘতার পরিমাণ করিতেছিলেন, আর ভাগ্যে আরও বা কি ছুঃখহর্গতি ঘটে, ভাবিয়া শঙ্কিত হইতেছিলেন; সহসা সশব্দে তাঁহার কারাকক্ষের দ্বার উন্মুক্ত হইয়া গেল। রাজিয়া সমস্ত হইয়া চাহিয়া দেখিলেন, অলতুনিয়া মুক্ত দ্বার দিয়া তাঁহার দিকে অগ্রসর হইতেছে। সে বিদ্রোহিগণের অগ্রণী। তাহার অভিপ্রায় কি? হত্যা করা, না আর কিছু? উদ্ভ্রম, ভগ্নহৃদয় রাজিয়ার আশঙ্কা দেখিতে দেখিতে বিশ্বয়ে পরিণত হইল। অলতুনিয়া লজ্জিত ও অন্ততপ্ত। সে আজ শত্রুবেশে আসে নাই, মিত্র ভাবেই তাঁহার নিকট উপস্থিত।

এতদিনে অলতুনিয়ার চৈতন্যোদয় হইয়াছে। লোকটা যে নিতান্ত মন্দ তাহা নহে; ঘটনাচক্রে, স্ত্রহৃদয়ের কুপরামর্শে, 'আশার ছলনায়' ভুলিয়াই তিনি রাজ্যীর বিরুদ্ধে বিদ্রোহী হইয়াছিলেন। কিন্তু তাঁহার আশা ছরাশায় পরিণত হইয়াছে। তিনি ক্রমে বুঝিতে পারিয়াছেন যে বিদ্রোহের ফলে বিদ্রোহী নামের কলঙ্ক বই তাঁহার আর কোনও লাভই হয় নাই; অপরপক্ষে তাঁহাকেই ক্রোড়াপ্তল করিয়া তাঁহার সহযোগীরা নিজ নিজ স্বার্থ যোগ আনা সিদ্ধ করিয়া লইয়াছে—দিল্লীতে তাহারাই এখন সর্কো-সর্কা, তিনি কেহই নহেন। দেখিয়া শুনিয়া অলতুনিয়ার পক্ষে আত্মসংবরণ করা কঠিন হইয়া উঠিল। অকৃতজ্ঞ স্বার্থপর সহযোগীদের উপর প্রতিশোধ লইবার জন্ত অধীর হইয়া উঠিলেন। দেখিলেন, প্রতিশোধের এক অপূর্ণ উপায় তাঁহার হাতের কাছেই রহিয়াছে। ইচ্ছা করিলেই তিনি তাঁহার যুগিত স্ত্রহৃদয়কে বিস্মিত, স্তম্ভিত এবং এমন কি হয়ত অতি গুরুদণ্ডে দণ্ডিত করিতেও পারেন।

অলতুনিয়া রাজ্যীর নিকট সকল কথা প্রকাশ করিয়া ক্ষমতা প্রার্থনা করিলেন। তারপর সসঙ্কোচে এইরূপ অভিপ্রায় জানাইলেন, তিনি তাঁহাকে মুক্তি দিবেন। শুধু মুক্তিও নয়, যদি তিনি সম্মতি দেন, অলতুনিয়া তাঁহাকে পরিণয়পাশে আবদ্ধ করিয়া তাঁহার বাহারা শত্রু,—অলতুনিয়ার

বাহারা ছবমন্—তাহাদের বিরুদ্ধে একবার তিনি মাথা তুলিয়া দাঁড়ান,—কৃতকার্যের প্রায়শ্চিত্ত করেন।

সম্পূর্ণ আকস্মিক অদ্ভুত অপ্রত্যাশিত এই প্রস্তাব। রাজিয়া অবাক হইয়া গেলেন। তিনি ত জানিতেন কারাগারের দ্বার আর উন্মোচিত হইবে না—এইখানেই তাঁহাকে পচিয়া মরিতে হইবে, তাঁহার পিতৃদত্ত রাজ্যের উন্নতিকামনা এই কারাগর্ভেই বিলীন হইয়া যাইবে। কিন্তু কারাকক্ষের দ্বার অপ্রত্যাশিত হস্তে উন্মোচিত হইয়াছে, আর সেই হস্ত তাঁহার রাজ্যের কণ্টক দূর করিয়া দিবার জন্ত অগ্রসর। রাজ্যে ধ্যান, রাজ্যে জ্ঞান, রাজ্যের জন্ত তিনি যে তাঁহার রমণীহৃদয়কে পুরুষোচিত কঠোর করিয়া তুলিবার সাধনায় নিযুক্ত ছিলেন। তাঁহার সেই প্রাণাপেক্ষা প্রিয়তর রাজ্যে তাঁহাকে যেন বাহু বিস্তার করিয়া আকুলকণ্ঠে আহ্বান করিতেছে—“এস, এস, ফিরে এস।” তিনি ইচ্ছা করিলেই সেই রাজ্যের ছুঃখহর্গতি দূর করিয়া দিয়া সিংহাসনে স্থির হইয়া বসিবার উপায় করিতে পারেন। রাজিয়া অলতুনিয়ার প্রস্তাবে সম্মতি দিলেন। তারপর যথাসময়ে অলতুনিয়াকে পরিণয়পাশে আবদ্ধ করিয়া নারীত্বের মর্যাদা রক্ষা করিলেন। অলতুনিয়াও কৃতার্থ হইয়া গেলেন।

বিবাহের পর উপযুক্ত বাহিনী সাজাইবার আয়োজন হইতে লাগিল। খোকর ও জাঠগণের মধ্য হইতে বহু সেনা সংগৃহীত হইল। নিকটবর্তী জাগীরের কয়েকজন আমীরও আসিয়া তাঁহাদের সহিত যোগদান করিলেন। অভিযান-কালে বিপক্ষীয় সেনাদলের মালিক ইজ্জ-উদ্দীন মুহম্মদ সালাবী, এবং মালিক করাকুশ বিদ্রোহী হইয়া তাঁহাদের সহিত মিলিত হইলেন। মহাসমারোহে রাজিয়া স্বামীর সঙ্গে পাশাপাশি সমরাস্রমে অবতরণের জন্ত প্রস্তুত হইলেন।

সেই বিপুল আনন্দময় ভারত সাম্রাজ্য, বাহার শাসন ও সংরক্ষণই তাঁহার জীবনের শ্রেষ্ঠতম ব্রতরূপে পরিগণিত, আজ দৈবভূক্ৰিপাকে হস্তচ্যুত হইয়া দুর্কৃত্যগণের স্বেচ্ছাচারের লীলাস্থলী হইয়াছে, তাহার উদ্ধারসাধনের জন্ত রাজিয়ার যত্ন ও চেষ্টার কোন ক্রটিই হইল না। কিন্তু হায়! অদৃষ্ট বাহার বিরূপ, যত্ন ও চেষ্টা তাহাকে কিরূপে সাফল্যের বিজয়মালা অর্পণ করিবে?

দিল্লীর বহির্ভাগে দিল্লীর নব সুলতান বহরাম শাহর সহিত তাঁহাদের যে সংঘর্ষ হইল, তাহাতে তাঁহারা সম্পূর্ণরূপে পরাজিত হইয়া পলায়ন করিতে বাধ্য হইলেন। ভাগ্য ষাঁহাদের প্রতি বিমুখ, সহায়সম্পদ কদাচ. তাহাদের বিমুখ না হইয়া থাকিতে পারে না। যে-সকল সৈন্য তাঁহাদের অমুগামী হইয়াছিল, কইখাল * নামক স্থানে উপস্থিত হইলে তাহারা তাঁহাদিগকে পরিত্যাগ করিয়া চলিয়া গেল।

দম্পতি নিতান্ত নিরাশ্রয় অবস্থায় পথে দাঁড়াইলেন। কাল ইঁহাদের একজন সুবিশাল ভারত সাম্রাজ্যের অধীশ্বরী আর একজন তবরহিন্দার সুবিখ্যাত সামন্ত, ত্রৈলোক্যে প্রতিপত্তিতে ইঁহাদের তুলনাস্থল ছিল না বলিলেও অত্যাক্তি হইবে না। আর আজ তাঁহারা সর্কহার পথের ফকীর! অবস্থার কি শোচনীয় অদ্ভুত পরিবর্তন! কিন্তু ইঁহাই নিয়তির সর্কশেষ নির্ধুর ছলনা নহে। এই অসীম শূন্য গগনের তলে, ধরণীর সুবিশাল মৃত্তিকাময় বক্ষমাঝে, পর্ণ-

* কর্ণাল হইতে ৩৮ মাইল দূর, এবং দিল্লীর প্রায় ১০০ মাইল উত্তরপশ্চিমে অবস্থিত।

কুটীরে, বৃক্ষতলে যেখানে হাজার হাজার দীনহীন নয়নারীর জুড়াইবার স্থান, সেখানেও এই দুঃস্থ দম্পতির জীবনের দিনগুলি কোনওরূপে অতিবাহিত করিবার অস্ত্র এতটুকু ঠাই হইতে পারিল না। কইখালের হিন্দু জমীদারগণের হস্তে বন্দী হইয়া † তাঁহারা অতি নির্ধুরভাবে নিহত হইলেন। এই মহামূল্য নিঃসহায় দুইটি জীবনকে অকালে বিনষ্ট করায় তাহাদের কি লাভ হইল, তাহা তাহারাই বলিতে পারে; কিন্তু মুসলমান রাজত্ব রাজ্যের সুশাসনে যে শক্তি সঞ্চয়ের সুযোগ লাভ করিয়াছিল, রাজা ও রাণীর সম্মিলিত শাসনে তাহা যে সত্য হইয়া, বিরাট হইয়া উঠিতে পারিত, তাহা আপাততঃ স্বপ্নে পরিণত হইল। নবদম্পতির মনের কামনাও তাঁহাদের সঙ্গেসঙ্গেই কইখালের তৃণতলে চির-সমাধি লাভ করিল।

শ্রীব্রজেননাথ বন্দ্যোপাধ্যায়।

† T—Nasiri. অস্ত্র এক বিবরণে প্রকাশ, রাজিয়া ও অল্‌হুনিয়া বন্দীভাবে বহরাম শাহর নিকট আনীত হইলে, তাঁহাদের মৃত্যুদণ্ডাজ্ঞা হয়।

সন্ধানী

১

শ্রান্ত পায়, দীর্ঘ তোমার পথ হে—
কোন্ সূদূরে কোথায় তাহার অন্ত হে ?
উধাও তুমি মানস পারে
কোন্ মহাদেশ আবিষ্কারে,
কোন্ সুমেরু হেরবে ভাগ্যবন্ত হে ?

২

বাঁহা তোমার কোন্ হিমাদ্রি লজ্বিতে,
কি সুর তুমি বাঁধতে চ'হ সঙ্গীতে ?
কোন্ সমস্তা বিশ্লেষণে
ব্যস্ত তুমি রাজি-দিনে ?
অচিন্ পথে চল্ছো কাহার ইঙ্গিতে ?

৩

প্রকৃতির এই রহস্যময় অনন্দে,
অনন্তের ওই ইন্দ্রনীরের বন্দরে,
বেড়াও তুমি কি খন খুঁজি—
পরশপাথর কাম্য বৃষ্টি ?
তোমার তরী আকাশ-নীলে সম্বরে।

৪

অতল তলে কোথায় ধরার পঞ্জরে
অতীত যুগের প্রাণের সাড়া সঞ্চরে,
লুপ্ত জীবের অস্থিখানি
কয় যে প্রাচীন স্মৃতিবাণী,
আদিম ধরার প্রীতির গীতি গুঞ্জরে।

৫

চঞ্চলেবে বাঁধতে চ'হ বন্ধনে
বুক পেতে লও ফুলের বুকের স্পন্দনে।
পাষণ তোমায় কয় যে কথা,
শূন্যে ফুটাও আলগলতা,
দেবের চরণ-চিহ্ন ফুটাও চন্দনে।

৬

হে সন্ধানী, সন্ধানি কি শাস্তি হে—
অনন্ত পথ, নাইক তবু ক্রান্তি হে।
সূদূর সূহৃৎভের প্রীতি
বিশ্বাসেরে জাগায় নিতি,
ভক্তি-পথে যুক্তি আনে ভাস্তিরে।

শ্রীকুমুদরঞ্জন মল্লিক।

অধ্যাপক টমসনের “রবীন্দ্রনাথ ঠাকুর” (সমালোচনা)

রবীন্দ্রনাথ আজ জগৎবিখ্যাত হলেও, জগৎকে তাঁর পরিচয়ের যে সংশ্লিষ্ট আমাদের দেবার কথা, আমরা বাঙালীরা তা দিই নি। আমাদের দেশের লোক যারা, তাঁরা তাঁর রচনার ভিতর দিয়ে, তাঁর কাজের ভিতর দিয়ে এবং ইচ্ছা করলে, তাঁর সঙ্গে সাক্ষাৎভাবে পরিচিত হয়ে, তাঁকে তা অনেকখানি জানতে পারেন, কিন্তু বিনেশার পক্ষে সেটা খুবই শক্ত। যাদের সাহিত্য রস-বোধ আছে এবং রবীন্দ্রনাথের মত মানুষকে সকল দিক দিয়ে বুঝবার এবং বুঝবার ক্ষমতা আছে এমন মানুষ যে আমাদের দেশে নেই তা নয়; কিন্তু তা তাঁর সকল দিকের পরিচয় দেশের ও বিনেশের মানুষকে দেবার চেষ্টা কেউ করেন নি। খণ্ডখণ্ড ভাবে এক একটা দিক দেখাবার চেষ্টা দু এক জন করেছেন, উল্লেখযোগ্য কাব্য সমালোচনা মাসিকপত্রাদিতে কিছু বেরিয়েছে, কিন্তু তাঁর কোনোটাই তাঁর সমগ্র রচনাকে ধরতে পারে না। আমাদের দেশের এই একটা অবশ্য কর্তব্য যে দেশ করে নি, তাঁর জন্ত আমরা বাস্তবিকই লজ্জিত ও দুঃখিত। অজিতকুমার চক্রবর্তী মহাশয় চেষ্টার সূত্রপাত করেছিলেন, কিন্তু অসমাপ্ত কাজ রেখেই তাঁকে পৃথিবীর কাছ থেকে বিদায় নিতে হল। যা আমাদের কাজ, তা বিদেশী সাহিত্যরসিক শ্রীযুক্ত টমসন গ্রহণ করে আমাদের লজ্জা দিয়েছেন। তিনি যে ছোট ইংরেজি বইখানি সাধারণের কাছে এনে ধরেছেন, তা নিতান্ত ছোট হলেও তাতে রবীন্দ্রনাথকে সব দিক দিয়ে দেখবার চেষ্টা আছে, তাতে বাংলা ভাষার ভিতর দিয়ে তাঁকে বোঝবার চেষ্টা আছে, এবং আরো বিস্তৃতভাবে রবীন্দ্রনাথের সমালোচনা কব্বার আশাস দেওয়া আছে। এই-সব কারণে আমরা মিঃ টমসনকে আন্তরিক কৃতজ্ঞতা জানাচ্ছি। বাংলা ভাষার সঙ্গে টমসন সাহেবের যতখানি পরিচয়, বিদেশী ভাষার সঙ্গে ততখানি পরিচয় নিয়ে আমরা এরকম কাজে হাত দিতে সাহস কবতাম না এবং কবলেও এতখানি সফল হতাম কি না সন্দেহ। রবীন্দ্র সাহিত্যের সঙ্গে বিশেষভাবে পরিচিত করেকজন বাঙালীর সাহায্য তিনি যথেষ্ট পেয়েছেন বলে নিজেই স্বীকার করেছেন। কিন্তু তবু তাঁর নিজের রসবোধ ও বিচারবুদ্ধি যে উচ্চদরের, তা এই ছোট বইখানির পাতায় পাতায়ই ধরা দেয়। রবীন্দ্রনাথ চল্লিশ পঞ্চাশ বৎসর ধরে জগৎকে যে উপহার দিয়ে আসছেন, একখানা ১০৬ পাতার বই লিখে যে তাঁর পরিচয় দেওয়া অসম্ভব, মিঃ টমসন নিজেই তা লিখেছেন; কাজেই বইখানির দোষত্রুটিগুলির একটু সনয়ভাবে বিচার করা ভাল। কিন্তু আসল বিষয়টা বড় বলেই ছোট জিনিষের মত সমালোচনা কবলে আশা করি মিঃ টমসন মার্জনা কব্বেন।

মিঃ টমসন রবীন্দ্রনাথের রচনা আংশিকভাবে পড়েছেন বলেছেন এবং তাঁর দেশবাসী কেউই যে রবীন্দ্রনাথের সমস্ত রচনা পড়েননি এই মনে করে নিজেকে সান্ত্বনা দিয়েছেন। সব কিছু রবীন্দ্রনাথ স্বয়ং ছাড়া কেউ পড়েননি নিশ্চয়, কিন্তু ছাপার অক্ষরে তাঁর নামের সঙ্গে যুক্ত আজও যা কিছু অনায়াসে পাওয়া যায়, তাঁর নগণ্য দুই চারটাকে বাদ দিয়ে সব কিছু পড়েছেন এমন বাঙালীর অভাব বাংলা দেশে নাই, যদিও সংখ্যায় তাঁরা খুবই অল্প।

মিঃ টমসন বলেন পাণ্ডের উপত্যকার বহু কবিকেই কালিদাসের কাব্যে যতখানি অনুপ্রাণনা দিয়েছে, রামায়ণ মহাভারত তা দেয় নাই (p. 1)। কাব্যের বিষয় ও রচনা পদ্ধতি প্রভৃতি সকল দিক দিয়ে বিচার কবলে তৌলদাঁড়ি কোনদিকে কতখানি হলে তা জানি না, কিন্তু একথা ঠিক যে স্বয়ং কালিদাস থেকে শুরু করে আমাদের দেশের অন্তান্ত প্রায় সব প্রাচীন ও বহু নবীন কবিই তাঁদের খণ্ড ও মহাকাব্যের বিষয়গুলি রামায়ণ-মহাভারতের ভাণ্ডার থেকে আহরণ করেছেন। কাব্যের বিষয় ছাড়া অন্তান্ত অনেক দিক দিয়েও তাঁরা রামায়ণ-মহাভারতের আদর্শ অনুসরণ করেছেন।

বাংলার সাহিত্যিকদের বিচার কবলে গিয়ে মিঃ টমসন বলেছেন (p. 3), পুরাতনপন্থী এবং অধিকাংশ নবীনপন্থী বাঙালী নাকি রবীন্দ্রনাথকে মাইকেলের চেয়ে উচ্চদের কবি বললে চটে যান। নবীনদের সম্বন্ধে কথাটা সম্ভবত ভুল। মানুষ গুণে তাদের মত নিয়ে ঠিক না কবলে এর ঠিক বিচার করা যায় না বটে। সেরকমভাবে গুণে গুণে বিচার মিঃ টমসন নিশ্চয় করেননি, আমরাও কবিনি। তবু শিক্ষিত নবীন সম্প্রদায়ের মোটামুটি যা পরিচয় পাওয়া যায়, তাতে মনে হয়, নবীনপন্থীর অধিকাংশই রবীন্দ্রনাথকে উচ্চতর আসন দিতে রাজি আছেন। বাকুড়া জেলার বাঙালীর সঙ্গে মিঃ টমসনের পরিচয় বেশী দুঃখের সঙ্গে হলেও বস্তুত হবে, সাহিত্যচর্চার বাকুড়া বাংলা দেশের আদর্শ নয়। কাজেই সেখানকার অধিকাংশ নবীনও হয়ত বিনা বিচারে প্রবোধের কথায় মায় দেয়। আমরা নবীনপন্থী অর্থে সকল অশিক্ষিত ও অর্ধশিক্ষিত তরুণ মানুষকেই ধরি না।

খুব ছোট হলেও মিঃ টমসনের আঁকা শিশু রবির চিত্রটি সুন্দর হয়েছে, তিনি ঠিক শিশু কবিটিকেই এনে দেখিয়েছেন। ঠাকুর পরিবারের পরিচয়ে দুই একটা সামান্য ভুল ও অসম্পূর্ণতা আছে। সত্যেন্দ্রনাথ ঠাকুর মহাশয়ের পরিচয়ে বাংলা দেশে জীবাধীনতার প্রবর্তকের এবং জাতীয় সঙ্গীত রচয়িতার পরিচয়টাও দেওয়া উচিত। অবনীন্দ্রনাথ আর্টস্কুলের হেডমাষ্টার ছিলেন না, ভাইস প্রিন্সিপাল ছিলেন, পরে অধ্যক্ষ প্রিন্সিপাল হন। গগনেন্দ্রনাথ ব্যক্তিগত ভাবে ভারতবর্ষীয় শিল্পীদের অগ্রণী, একখাটা বাদ দিলে তাঁর পরিচয় অসম্পূর্ণ থাকে।

বাকুড়া বীরভূম প্রভৃতি রাঙামাটির দেশের সঙ্গে সুজলা সুফলা বাংলার একটু তফাৎ আছে। এই বাংলার শুষ্ক রুক্ষ মূর্তি, শাল-পলাশের বন, এর রাঙা ধুলার মতই প্রসিদ্ধ; লজ্জাবতী, বাবলা, আর বুনো কুলের বন, এর বন্ধুর কোলে দিপস্তুবিভূত মাঠে ভালবন ও খেজুর ঝোপের আশে পাশে প্রায়ই দেখা যায়। তবে ম্যালেরিয়া বর্জনমানে এ বাংলাকেও গ্রাস করেছে। মিঃ টমসন বলেন (p. 9), রবীন্দ্রনাথের লেখা পড়লে মনে হয়, এ বাংলার সঙ্গে যেন তাঁর পরিচয় প্রায় হয়ইনি। সুজলা সুফলা শস্যশ্যামলা বাংলার প্রতিই তাঁর বৈশী সত্য। তিনি যে “River-poet” সে বিষয়ে সন্দেহ নেই, কারণ যে বাংলার ছবি শৈশব যৌবন তাঁর মনে এঁকে দিয়ে গিয়েছে, পরবর্তী বয়সের দেখা বাংলা সে বাংলার কাছে হার মানবেই। তবু এ বাংলাও যে তাঁর মনে ছাপ দিয়েছে, তাঁর প্রমাণ আমরা তাঁর আধুনিক গান ও অন্তান্ত অনেক রচনাতেই দেখতে পাই। তাঁর গানে আছে, “ভাঙা পথের রাঙা ধুলার পড়েছে কার পায়ের চিহ্ন”; আর আছে, “রাঙা মাটির রাস্তা বেয়ে হাটের পথিক চলে ধেরে।” “গ্রাম ছাড়া ওই রাঙামাটির পথ আমার মন ভুলাল রে।” শারদোৎসবে আছে, “কেরাপাতার নৌকো পড়ে” সাজিয়ে দেব কুলে, তালদ্বিধিতে ভাসিয়ে দেব চলবে ছলে ছলে।” কান্তবীর গানে, “ওরে পলাশ, ওরে পলাশ,

* *Rabindranath Tropic His Life and Work*. By E. J. Thompson, B.A., M.C., Principal, Wesleyan College, Bankura. Association Press, 5, Russell Street, Calcutta, With the Poet's Portrait as Frontispiece and on cover. Pp. xvi + 112. Price Rupee one.

রাঙা রঙের শিখার শিখার বিকে দিকে আশ্রয় লভাস" পলাশের
রূপটি টিক দেখায়। ফাল্গুনীতেই আছে, "আমরা নবীন পাতা গো,
শালের বনে ভাঁয়ে ভাঁয়ে।" গানে আছে, "শালের বনে থেকে থেকে
ঝড় দোলা দেয় হেঁকে হেঁকে।" শাল-বনের প্রতি রবীন্দ্রনাথের যে
একটা বিশেষ টান আছে তা আরো অনেক কবিতাও গানেই দেখা
যায়। বীরভূম অঞ্চলের বাংলার কয়েকটি ছবি খেয়ার কবিতা থেকে
তুলে দেওয়া যায়। খেয়ার স্বরূপই ত, "বন্ধু, এ যে আমার লজ্জাবতী
লতা," দিয়ে। তারপর, "বাবুলা ফুলের গন্ধ ওঠে পল্লী পথের বাঁকে।"

"ভগ্ন হাওয়া দিয়েছে আজ আমলা-গাছের কচি পাতায়
কোথা থেকে ক্রমে ক্রমে নিমের ফুলে গন্ধে মাতায়।
কেউ কোথা নেই মাঠের পরে, কেউ কোথা নেই শূন্য বরে
আজ ছুপরে আকাশ-তলে রিমি রিমি নুপুর বাজে।"
"ঘন মহল শাখার মত।"

"আজি সোদের প্রখর তাপে বাঁধের জলে আলো কাঁপে
বাতাস বাজে মর্শুরিমা সারি বাঁধা তালের বনে।"

"সন্ধ্যা যখন পড়চে হলে, শাল বনেতে আঁচল মেলে।"

"আঁকা বাঁকা রাঙা মাটির লেখা।"

"বাবুলা বনে ঐ দেখা যায় ডাঙা।"

"তালের তলে শিউরে ওঠে বাঁধের কালো স্রল।"

"আজকে এলে নতুন বেশে, তালের বনে মাঠের শেষে।"

এ সব ছবির মধ্যেই বোলপুরের ছায়া দেখা যায়। ১৮৯২ খৃষ্টাব্দে
বোলপুর থেকে রবীন্দ্রনাথ যে সব পত্র লিখেছিলেন তার ছয়খানা
"ছিন্নপত্র" পাওয়া যায়। সেই মাত্র ছয়টি চিঠিতেই বোলপুরের আর
সেখানকার ঝড়ের একটি স্বন্দর ছবি পাওয়া যায়। "শান্তিনিকেতনে"র
চতুর্দশ খণ্ডে বৈশাখী ঝড়ের সন্ধ্যা বোলপুরেরই ঝড়। "নৈবেদ্য"র
"দীর্ঘকাল অনাবৃষ্টি" (৮৮) বোধ হয় বোলপুরেরই ছবি। মিঃ টম-
সনের বহির চেয়েও অধিক জায়গায় এর চেয়ে বেশী পরিচয় দেবার
চেষ্টা না করাই ভাল।

"জীবনস্মৃতি"তে রবীন্দ্রনাথের প্রথম বিলাত-যাত্রার যে কথা আছে
তার উল্লেখ করে মিঃ টমসন রবীন্দ্রনাথের "prejudice against
England"এর কথা তুলেছেন। ভারত ও ইংলণ্ডের যে সম্বন্ধ, তাতে
এই দুই জাতির শ্রেষ্ঠ মানুষের মনেও পরস্পরের সম্বন্ধে "প্রেজুডিস"
ধাক্কা আশ্চর্য্য নয়; টমসন সাহেবের বইখানিতেই ত বাঙ্গালীর সম্বন্ধে
তার "প্রেজুডিস"র কিছু পরিচয় মেলে। এদিকে ব্রিটিশজাতি
সম্বন্ধে রবীন্দ্রনাথের Nationalismএ যে মত দেখতে পাই, মিঃ টমসন
৯৩ পৃষ্ঠায় নিজেই তা তুলে দেখিয়েছেন। আমরাও তা নীচে তুলছি।

"I have a deep love and a great respect for the
British race as human beings. It has produced great-
hearted men, thinkers of great thoughts, doers of great
deeds. It has given rise to a great literature. I know
that these people love justice and freedom, and hate
tyes. They are clean in their minds, frank in their
manners, true in their friendships; in their behaviour,
they are honest and reliable. *The personal experience
which I have had of their literary men has roused my
admiration not merely for their power of thought or
expression, but for their chivalrous humanity. We
have felt the greatness of this people, as we feel the
sun; but as for the Nation, it is for us a thick mist of
stifling nature covering the sun itself."—Nationalism,
p. 16-17.

পৃথিবীতে আর ক'জন মানুষ ইংরেজ জাতির এর চেয়ে বেশী
প্রশংসা করছেন জানি না। এতখানি পেয়েও মিঃ টমসন রবীন্দ্র-
নাথের prejudice দেখেছেন। শোন জাতি কি মানুষের দোষ
দেখলেই তার সম্বন্ধে বিচারকের "প্রেজুডিস" আছে বলা চলে না।
মিঃ টমসন নিশ্চয়ই ইংরেজের দেশ ও জাতিকে সর্বগুণাকর ও সর্ব-
দোষশূন্য মনে করেন না। কিন্তু "জীবনস্মৃতির" অপ্রীতিকর গল্পের
কথা মিঃ টমসন যখন তুলেছেন, তখন বলা উচিত, মিসেস স্কটের পত্রি-
পরামর্শকার কথায় জীবনস্মৃতিতেই রবীন্দ্রনাথ লিখেছেন, "মানুষের
প্রকৃতি সব জায়গাতেই সমান। আমাদের দেশের সাদী গৃহীণীর
সঙ্গে মিসেস স্কটের আমি ত বিশেষ পার্থক্য দেখি নাই। সেই গৃহটি
আমার মনের মধ্যে চিরপ্রতিষ্ঠিত হইয়া আছে।" সাদী মিসেস
স্কটের ছবিটিতে রবি-বাবুর মনের প্রেজুডিসের কোনো ছায়া নেই।
মানুষের প্রকৃতি সম্বন্ধে রবি-বাবু যা বলেন, মিঃ টমসন তা তুলেও
দেখিয়েছেন। ভারতীয় অবসরপ্রাপ্ত কল্যাণীয়া পত্নী সম্বন্ধে গল্পটি
অপ্রীতিকর বটে, কিন্তু সেন্টা বাস্তবিশেষের কথা মাত্র এবং হরত বা
তার ব্যবহারটা ভারতের মূল খাওয়ার গুণেই অমন হয়েছিল। জীবন-
স্মৃতিতে রবীন্দ্রনাথ ইংলণ্ডের ভিক্ষুক ও মুটেকেও সাধুতার দৃষ্টি
প্রশংসা
করেছেন; এতেই ইংলণ্ডের কথায় লিখেছেন, "দুই চক্ষু যখন মুক্ত, মন
আনন্দে অভিভুক্ত—সেখানে পাহাড়ে নমুদে ফুল বিছানো প্রাস্তবে, পাইন-
বনের ছায়ায় কি আনন্দে কাটাইছিল বলিতে পারি না।" ভাল মন্দ
দুই তিনি আরো অনেক জায়গায় দেখিয়েছেন এবং এর চেয়ে বড় কথা
এই যে গোড়াতেই তিনি বলেছেন—"স্মৃতির পটে জীবনের ছবি কে
আঁকিয়া যায় জানি না। বস্তুত তার কাজই ছবি আঁকা, ইতিহাস লেখা
নয়।" স্মরণ্য এর বিচার ছবি হিসাব করাই ভাল।

পার্বত্য সৌন্দর্য্য রবি-বাবুর কবিতাকে তেমন অনুপ্রাণনা দিতে
পারে নি যেমন পেরেছে নদী। মিঃ টমসন বলেন, এ বিষয়ে রবীন্দ্র-
নাথের সঙ্গে তাঁর পিতা মহর্ষিদেব ও স্ত্রী কালিদাস কাহারও
মিলই দেখা যায় না। বাস্তবিক রবীন্দ্রনাথ যদিও হিমালয় সম্বন্ধে ছয়
সাতটি উৎকৃষ্ট কবিতা লিখেছেন, এবং সেগুলি তাঁর প্রথম শ্রেণীর
কবিতারই অন্তর্গত, তবু তিনি পুরুতকে তেমন ভাল বাসতে পারেন নি।
প্রাচীরের মত স্থির হয়ে তারা কেবল এক জায়গায় দাঁড়িয়ে থাকে;
কারা প্রহরীর মত তারা সমস্তলকে দূরে ঠেলে রাখে রবীন্দ্রনাথের
"হৃদয়ের পিয়ামী" চঞ্চল মন তাই তাঁদের কাছে ধরা দিতে চায় না।
টমসন সাহেব ত বলেইছেন—"He is rarely happy in his
landscapes till he has added a river to them"। "চল্ চল্
ছল্ ছল্ সদাই গাহিয়া চলেছে জল," তাই নদীর উপরই গানের রাজার
এত টান। পদ্মাকে তিনি এত ভাল বেসেছেন যে তাকেই সম্বোধন
করে বলেছেন,

"হে পদ্মা আমার, তোমায় আমার দেখা শত শত বার।"

"কতদিন ভাবিয়াছি বসি তব তীরে

পরজন্ম এ ধরায় যদি আসি ফিরে,

পার হয়ে এই ঠাই আসিব যখন

জেগে উঠিবে না কোনো পল্লীর চেতন?

আর পার সেই তীরে সে সন্ধ্যা-বেলায়

হবে নাকি দেখা শুনা তোমায় আবার?"

রবীন্দ্রনাথের গ্রাম্য প্রজা ও সাধারণের সঙ্গে সম্পর্ক বিষয়ে মিঃ
টমসন বলেন, "No man ever had less of class feeling"
(p. 22). বাস্তবিক আভিভাত্যের প্রতি তাঁর নির্মম ওদাসীভ্য তাঁর
মহত্বেরই পরিচায়ক। "ছিন্নপত্র"ে শিলাইদার গ্রাম্য মানুষদের যে চিত্র
পাওয়া যায় তার সম্পর্কে মিঃ টমসন বলেন, "These Letters reveal

his ever-stirring sympathy with the toilers. Towards them his attitude is never tinged even with mockery, far less contempt." এইখানে তিনি রবীন্দ্রনাথকে বলছেন, "the loftiest and most fastidious mind in India."

বৎসরের এক একটা বিশেষ সময়ে এক এক রকম সাহিত্য রচনার রবি-বাবুর কৌণিক হয়—অনেক জায়গায় শোনা যায়। মিঃ টমসন লিখছেন, "Lyric, he tells us, he wrote in spring and summer and the rains, drama in winter"। মিঃ টমসন একথাটার মায় দিয়ে কেবল 'চিত্রাঙ্গদা'র সম্বন্ধে নিয়মটা খাটে না বলেন। কিন্তু রবীন্দ্রনাথ নিজে এবং মিঃ টমসন দুইজনেই বোধ হয় লক্ষ্য করেননি, যে, রবীন্দ্রনাথের সর্বশ্রেষ্ঠ কবিতার অনেকগুলিই শীতকালের রচনা। বাহিরের প্রকৃতি যখন কাব্যস্থিতির অঙ্গকূল নয় তখনও যে তাঁর অন্তরের সম্পদ বাহিরের উত্তেজনা অভাবেও অপরূপ রূপ সৃষ্টি করতে পারে এ তারই প্রমাণ। তাঁর সকল রচনার নীচে তারিখ লেখা নেই, যেগুলিতে আছে তার থেকে দেখালেই যথেষ্ট হবে। "বলাকার" 'হে-বিরাত নদী' "কে তোমারে দিল প্রাণ" প্রভৃতি ২৬টি অতুলনীয় কবিতা পৌষ ও মাঘ মাসের হিমের বাধন অগ্রাহ্য করেই নদীর মত স্বচ্ছন্দ লীলায় দেখা দিয়েছে। বলাকার "তুমি কি কেবল ছবি শুধু পটে লিখা," ও "একথা জানিতে তুমি, ভারত-ঈশ্বর সাজাহান" বিশ্ব-সাহিত্যে অতুলন; কিন্তু এরা কাণ্ডিকের প্রথম শীতের সৃষ্টি। "সোনার তরী"র সুবিখ্যাত 'মানস সুন্দরী' ৪ঠা পৌষের রচনা, 'নিরুদ্দেশ যাত্রা' লেখা ২৭শে অগ্রহায়ণ; "আমারে কিরারে লহ অগ্নি বসুন্ধরা" ২৬শে কাণ্ডিকে লেখা। চিত্রার অপূর্ণ সৃষ্টি "জগতের মাঝে কত বিচিত্র তুমি হে" ১৮ই অগ্রহায়ণ লেখা। চিত্রার সর্বশ্রেষ্ঠ কবিতার অধিকাংশই শীতের রচনা। মিঃ টমসনের মতে রবীন্দ্রনাথের কাব্যে এবং বিশ্বসাহিত্যে "উর্কশী" তুলনা নেই (p. 27); কিন্তু এই "উর্কশী" দেখা দিয়েছে ২৩শে অগ্রহায়ণের শুভ্রা শীতে। "স্বর্গ হইতে বিদায়" লেখা ২৪শে অগ্রহায়ণ।

রবীন্দ্রনাথের প্রথম যুগের লেখা শেষ হয় চৈতালিতে। নামটিতে যেন তারই আভাস পাওয়া যায়। এ সম্বন্ধে মিঃ টমসন বলেন, "There is an autumnal atmosphere over the book. It is one of the most prophetic things that have ever come out of the human spirit. It looks back, in a mood of tranquil reminiscence, knowing the day's work well done; and forward, with serene anticipation."

"উর্কশী" সম্বন্ধে মিঃ টমসন বলেন, "Greatest lyric in all Bengali literature, the most unalloyed and perfect worship of Beauty which the world's literature contains." "Greater poetry comes. But nothing lovelier, nothing more entirely poetical than Urbasi and the Farewell to Heaven" (p. 28)। অজিতকুমার চক্রবর্তীও বলেছেন, "বাস্তবিক উর্কশীর স্মায় সৌন্দর্য্যবোধের এমন পরিপূর্ণ প্রকাশ সমগ্র ইউরোপীয় সাহিত্যে আছে কি না সন্দেহ।" আমরাও বলি সৌন্দর্য্যের স্তব হিসাবে "উর্কশী" অতুলন এবং রবীন্দ্রনাথের শ্রেষ্ঠতম কবিতার মধ্যে "উর্কশী" একটি; কিন্তু কেবলমাত্র কবিতা কিম্বা লৌকিক হিসাবে বিচার করলে বলতে হবে এর সমপ্রাণী কবিতা রবীন্দ্রনাথের নিশ্চয় আরও আছে। বলাকার কবিতা কেবল greater poetry নয়, entirely poeticalও বটে। সমস্ত কাব্যগ্রন্থের মধ্যে একটি মাত্র কিম্বা দুটি কবিতাকে সর্বশ্রেষ্ঠ বলাটাই ভুল। এতে বিচারকে কেবল একরকম রসের রসিক মনে হয়। "বলাকা"কে যদি আমরা বাদও দিই, তবু "বর্ষশেষ" "বৈশাখ" প্রভৃতি আরো অনেক কবিতাকে ঐ সর্বশ্রেষ্ঠের দলে দেওয়া

যায়। "উর্কশী", "বর্ষশেষ" প্রভৃতি মোটেই একজাতীয় কবিতা নয় বলে তুলনার এদের বিচার করা একদিক দিয়ে যেমন শক্ত, অশুদ্ধিক দিয়ে তেমনি সোজা। এদের বিষয় এবং প্রকৃতি আলাদা বলেই এরা নিজ নিজ বিষয়ে সকলেই শ্রেষ্ঠ। "Entirely poetical" বলতে মিঃ টমসন কি বোঝেন জানি না; আশা করি পুষ্প, বসন্ত, পূর্ণিমা, চিরবিয়হ, দীর্ঘ-শাস, হাসি, বাঁশি, অশ্রু, ভৃঙ্গ নয় (p. 21); তা যদি হয়, তবে এই-সবের ছড়াছড়ির জন্তই কবির আবার ঘোষ ধরা তাঁর উচিত হয়নি; আর না যদি হয়, তবে "বর্ষশেষ" প্রভৃতি বলাকার কবিতা ও "হে বিরাত নদী", "দূর থেকে কি শুনিস মৃত্যুর গর্জন" প্রভৃতি বলাকার কবিতাকে তাঁর উর্কশীর সঙ্গে স্থান দেওয়া উচিত ছিল। চিত্রার পয়ের যুগের কবিতায় রবীন্দ্রনাথকে আর sheer poet রূপে পাওয়া যায় না বলে মিঃ টমসন দুঃখ করেছেন। এর পর নাকি তাঁর সৌন্দর্য্যবোধ reflection, intellectual admixture ও prosy admixture প্রভৃতির কাছে কেবলি বাধা পেয়েছে, ডানা মেলে আর উড়তে পারে নি (p. 28)। কিন্তু আমরা ত "হে বিরাত নদী"র মধ্যে prose খুঁজে পাই না, intellectual admixture যদি থাকে ত বিরাত নদীর উন্নত গতিকে তা কোথাও ঠেকাতে পারে নি, বরং বানের জলে মহীধর ভাসিয়ে নদীর স্রোতের রূপ যেমন বাড়ে, যেমন পক্ষির করে মাংসের চোখে ধরা পড়ে, এতেও বিরাত নদীর মধ্যস্রোত তেমনি অবিচ্ছিন্ন হয়ে দেখা দিয়েছে। "সন্ধ্যারাগে ঝিলিমিলি" প্রভৃতি "বলাকার" ৩৬ সংখ্যক কবিতার নামও এখানে করা যায়। আবার অশুদ্ধিক থেকে দেখলে দেখা যায় "উর্কশী" এবং "স্বর্গ হইতে বিদায়"ও intellectual admixture প্রভৃতির গন্ধ আছে। কিন্তু তাতে তাদের রূপ বেড়েইচে, কমেনি। উচ্চাঙ্গের সাহিত্যে intellect, imagination প্রভৃতির ভেদরেখা ক্রমেই কমে আসে বলে আমাদের মনে হয়। কবির সোনার কাঠির স্পর্শে তারা সকলেই এমন সোনা হয়ে ওঠে যে তাদের একটর কাছ থেকে আর একটিকে টেনে দূরে ফেলা শক্ত।

রবীন্দ্রনাথের সঙ্গে পলিটিক্সের সম্বন্ধ নিয়ে মিঃ টমসন যা বলেছেন তাতে ভাল মন্দ এক মেশামিশি যে এক কথায় মন্তব্য প্রকাশ করা শক্ত। মিঃ টমসন মনে করেন—"Much of what is most independent, and not a little of what the authorities have found most troublesome, in recent Indian political thought, owes its spring to Rabindranath's teaching" (p. 21)। এ কথা অনেকাংশে সত্য। বিদেশী গবর্নমেন্টের কাছ ভিগ্গকের মত হাত পেতে থাকাকে রবি-বাবু সত্যি চিরকাল নিন্দা করেছেন, সত্যি আজকার রাজনীতি-ক্ষেত্রের অনেক কথা রবি-বাবুই একদিন প্রথম বলেছিলেন, কিন্তু ("He is the parent of many movements which to-day he disowns" p. 21) তিনি একদিন যা বলেছিলেন তা আজ আবার না বললেও তাকে অস্বীকার করেন বলে ত কখনও শুনিনি। সস্ত্রিতি "সত্যের আহ্বান" প্রবন্ধে বরং অনেকগুলির পুনরাবৃত্তিই করেছেন। স্বদেশীর যুগে রবীন্দ্রনাথ যা কিছু বলেছিলেন, তা এখন সংগ্রহ করা দুঃসাধ্য, যা কাছ পাওয়া যায় তাও সব পড়ে না দেখলে খাটি সত্যের বিচার হয় না, স্তত্রাং মিঃ টমসনের মত তাঁর সমালোচকও অনেক ভুল করতে পারে। পলিটিক্স জিনিসটাই যদি muddy হয় ত বলা যায় না, নতুবা রবীন্দ্রনাথের কোনো যুগ সম্বন্ধেই his activity (p. 29) became muddy with political বলা ঠিক হয় না। মিঃ টমসন নিজেই বলেছেন, রবি-বাবু'কোনো দিন এই আন্দোলনে সম্পূর্ণরূপে, মিশে যেতে পারেন নি, কারণ সত্যের প্রতি তাঁর অনুরাগ চিরকাল অচলা (p. 29)। স্তত্রাং পলিটিক্সে

যেখানে মানি আছে, সেখান থেকে রবীন্দ্রনাথ চিরকালই দূরে। রবীন্দ্রনাথ বাঙালীর সমালোচনা চিরকালই করেছেন, তাদের সব রকম দোষ সম্বন্ধে তিনি তাদের সজ্ঞাপ করে তুলবার চেষ্টা আজ পর্যন্ত করছেন; তার জন্ত অনেক বাঙালী তাঁর নিন্দা হয়ত করে, কিন্তু Bengalis বলতে অথবা patriotic party বলতে শুধু তাদেরই বোঝায় না। দেশকে বা প্রকৃতই ভালবাসেন, ঠাঁরা দেশকে বড় করার জন্ত সাধনা করছেন, এমন অনেক স্বদেশভক্ত বাঙালীর রবীন্দ্রনাথের প্রতি অনুরাগ এর জন্ত বেড়েইছে, (p. 30) কমে নি। রবীন্দ্রনাথের real sense কখনও রাহুগ্রস্ত হয়েছিল বলে আমাদের জানা নেই।

স্বদেশীয় যুগের বাগ্মী ও হুলেখক রবীন্দ্রনাথ সম্বন্ধে মিঃ টমসন বলেন, "In all India there was no voice more powerful than his, no pen more effective. This was the time of his mightiest prose, whose periods march and burn. There is not much political writing in English which can match his best pages of this time." (P. 40)

পলিটিক্স ও অস্ত্রাস্ত্র অনেক ক্ষেত্রে মিঃ টমসন বাঙ্গালীকে ভারতবর্ষ থেকে আলাদা করে দেখেছেন। বাস্তবিক ভারতের (p. 31) যা tradition, ভারতের যা দোষ গুণ, বাঙ্গালীরও তা খানিকটা বটে, বিশেষতঃ প্রাচীন ভারতের। আমেরিকা ভারতের মতই বহু জাতি নিয়ে গঠিত; কিন্তু বিদেশের লোক এবং সেখানকার লোকও আমেরিকান রূপেই তাদের বিচার করে, সর্বাঙ্গতর গভীর মধ্যে দিয়ে করে না। এই ক্ষেত্রে বাঙ্গালীর যেসব নিন্দা মিঃ টমসন করেছেন, সেই রকম নিন্দা ভারতের অস্ত্রাস্ত্র জাতিরও করা চলে, ইংলও-আমেরিকারও করা চলে। কিন্তু বাঙ্গালীর পক্ষে নিজেদের সঙ্গে তুলনা করে ভারতের অস্ত্রাস্ত্র জাতির সমালোচনা করতে ভেদবুদ্ধির উপাসকদের অনেক খোরাক দেওয়া হয়, হুতরাং তা না করাই ভাল। এ রকম শতজালে জড়ানো traditionহীন বাংলার রবীন্দ্রনাথের আবির্ভাব দেখে মিঃ টমসন আশ্চর্যবোধ করেছেন, কিন্তু তিনি বোধ হয় জানেন রামমোহন প্রভৃতি মহৎ মানুষও এই বাংলাতেই জন্মেছিলেন। বাংলার যে কোনোই tradition নেই এ কথা অস্বীকার ইতিহাস বলে না। বাংলার যে বৈষ্ণব কবিরা কোনো কোনো অংশে রবীন্দ্রনাথের স্তর, তাঁরা বাংলারই বিখ্যাত ঐতিহাসিক পুরুষ চৈতন্যদেবের কীর্তিকলাপ ও জীবনী থেকে তাঁদের কাজের অনুপ্রাণনা ও রস সঞ্চয় করেছিলেন। রাজ্যভঙ্গ ও যুদ্ধ-বিগ্রহাদি ব্যতীত এই রকম আরও বহু জিনিষ আছে, যাকে living tradition of historyর মধ্যে স্থান দেওয়া যেতে পারে। তা ছাড়া tradition জিনিষটা যে মানুষকে অনেকটা বেঁধে রাখে এবং কেবল অতীতমুখী করে তুলতে চায়, তার প্রমাণ স্বরূপ Nationalism থেকে কয়েকটি কথা তুলে দেখাচ্ছি। "America is untrammelled by the traditions of the past.....the foundation of her glory is in the future. In America traditions have not had time to spread their clutching roots round your hearts."

বাংলাদেশ হাজার বৎসর দাসত্ব করছে না। "কথা"র উচ্চ আদর্শের অনেক কবিতা শিখ ও মহারাষ্ট্র গল্প অবলম্বন করে লেখা সত্য; রাজপুত কবিতাও আছে; ধর্ম হিসাবে ধরলে নৌকো নানা গল্প এর অন্তর্গত। রবীন্দ্রনাথ সমগ্র ভারতকেই দেশ বলে ধরেছেন, ভারতের অস্ত্রাস্ত্র মনীষী (p. 32) ও ধর্মিষ্ঠাও চিরকাল তাঁই ধরেন, হুতরাং বিশেষভাবে বাংলা গল্প না দেওয়ার দোষ হয় নিশ্চয় ঐতিহ্য ও অতীতগৌরবশ্রুতি (tradition) না থাকলেই যে কবিরা অস্ত্র জাতির গল্প অবলম্বন করে

কাব্য লেখেন, থাকলে তা করেন না, তা নয়। ইংলওর ত খুব অতীত-গৌরবশ্রুতি আছে, কিন্তু মিস্টন, শেলা, ব্রাউনিং প্রধানতঃ তা অবলম্বন করেন নি। বাঙালীর tradition নেই, এইজন্য রবি-বাবু শিখ প্রভৃতিদের কাছে tradition ধার করেছেন, এই ধারণা-বশতঃ মিঃ টমসন একটি বেশ হাত্তকর মন্তব্য করেছেন। তিনি বলেন, শিখদের প্রতি কবির মনে শ্রদ্ধা ও অনুরাগ বশতঃ (p. 10) রবি-বাবু "ভানুসিংহ" ছদ্ম নাম গ্রহণ করেন! বাস্তবিক কিন্তু যৌগিক শব্দে ইন্দ্র যেমন শ্রেষ্ঠতাবাচক, সিংহও তেমনি শ্রেষ্ঠতাবাচক; সেইজন্য রবি+ইন্দ্র = ভানু+সিংহ।

(P. 13) এইখানে মিঃ টমসন "ক্ষণিকার" সমালোচনা করেছেন। কবির সর্পতোমুখী প্রতিভার কথা উল্লেখ করে বলেছেন, "Sometimes one feels that there never was such a man for vitality and range." বাস্তবিক সে কথা আমাদেরও মনে হয়। ক্ষণিকার মূল্য অনেক মানুষ তেমন দেয় না, কারণ বইখানায় "গভীর হুত্রে গভীর কথা" লেখা হয় নি, হালকা করে ঠাট্টা করে জগতের ও কবির ব্যপাকে উড়িয়ে দেবার চেষ্টাই এর প্রধান হুত্রে। কিন্তু মিঃ টমসন বুঝেছেন যে বইখানা মূল্যবান। ভাষা, ছন্দ, কথিত হসস্ত শব্দ প্রভৃতির নুতন নানা রকম ব্যবহারের দিক দিয়ে এর মূল্য ত আছেই, তা ছাড়া হাসির ঝড়ে জগতের বাগ্যতর মনকে হাসুকা করার দিক দিয়েও এর একটা খুব বড় সার্থকতা আছে। মিঃ টমসন তাঁর পুস্তকের পাতায় ক্ষণিকাকে যথেষ্ট স্থান দিয়েছেন এবং তা ভালই করেছেন।

"পণ্ডিতরা" রবীন্দ্রনাথের ক্ষণিকা পড়ে রাগে দুঃখে যে মুচ্ছা যেতে পারেন এ কথা স্বীকার করি। হুতরাং রবি-বাবু তাঁকে "পণ্ডিত"দের সম্বন্ধে তাঁর ভীতির কথা বলতে পারেন। কিন্তু এখানে বলা উচিত যে বাংলা দেশে পণ্ডিত কথাটির দুটো অর্থ আছে। আসল অর্থ, বিদ্বান (learned; wise); দ্বিতীয় অর্থ, কেবল সংস্কৃত ও বাংলা জানা অল্প বেতনের একজাতীয় স্কুল-মাষ্টার। অধিকাংশ হুত্রেই এঁরা সে দুটো জিনিষও খুব ভাল করে জানেন না। মিঃ টমসনের লেখা পড়ে মনে হয় (p. 13) তিনি এই জাতীয় স্কুল-মাষ্টারদের কথাই বলেছেন। এঁদের সাহিত্যবিচার খুব উচ্চ শ্রেণীর হওয়া সম্ভব নয়, কিন্তু মিঃ টমসনের লেখা পড়ে ইংরেজ প্রভৃতি বিদেশী মানুষ ভারত পেয়ে বাংলা দেশের আসল যারা পণ্ডিত অর্থাৎ বিদ্বান, মতটা বুঝিগা তাঁদেরই। (P. 34) রেলওয়ে স্টেশনের একটা crowd এর "গীতাজলি" সমালোচনা মোটেই উল্লেখযোগ্য ঘটনা নয়; বিদ্বান ও রসিক বাঙালীর সমালোচনাকেই বাঙালীর সমালোচনা বলা উচিত। অস্ত্রাস্ত্র জাতির পক্ষেও এ কথা খাটে; তাদেরও crowd শ্রেষ্ঠ সাহিত্যরসিক নয়। আর-একদিক দিয়ে বিচার করলেও দেখি যে মিঃ টমসনের স্টেশনবিহারী ছাত্ররা যদিও রবি-বাবুর গীতাজলির diction mean and bad বলেছিল, তবু বাংলা দেশের স্কুল মাগ্যাজিন থেকে হুক করে যেখানে যত অতি আধুনিক কবিতা ও গল্প দেখা যায় সবই প্রায় রবীন্দ্রনাথের diction অনুসারে চলে। ছাত্রকবিরা মাইকেলকে অনুসরণ কেউ করেন না। গুপ্তীরাও প্রভৃতি দু-একখানা মহাকাব্যের প্রণেতা ছাড়া আধুনিক কোনো প্যাঠনামা কবিকেও মাইকেলের শিষ্য বলা যায় না। রবি-বাবুর প্রতিদ্বন্দ্বী বলে যে দ্বিজেন্দ্রলাল রায়কে খাড়া করা হয় মাইকেলের চেয়ে রবীন্দ্রনাথের সঙ্গেই তাঁর সাদৃশ্য বেশী। সংস্কৃতজ্ঞ পণ্ডিত ব্যক্তি যারা, এমন অনেক মানুষ নোবেল পুরস্কার পাবার আগেই কবি-সম্বন্ধনায় রবীন্দ্রনাথকে সংস্কৃত শ্লোকে অভিনন্দন করেছিলেন। হুতরাং তাঁরাও রবীন্দ্রনাথের মূল্য কিছু বুঝেছিলেন বলতে হবে।

ইংরেজী Gitanjalir ভূমিকায় মিঃ Yeats যা লিখেছেন

(p. 34) সে সম্পর্কে মিঃ টমসন্ বলছেন,—“Mr. Yeats had no suspicion of the sharp division of opinion as to Rabindranath, and of the intense dislike with which his name is regarded by many of his countrymen.” কথাটা সত্য স্বীকার করি। কিন্তু অল্প অনেক দেশের বড় কবিদের সম্বন্ধেও তাঁদের সমসাময়িকদের মধ্যে এইরূপ অনুরাগ ও বিরক্তি কি দেখা যায় না? তা ছাড়া, মিঃ টমসন্ই বলেছেন (p. 52)—“Every mind that could think was with him (Rabindranath) and though his following might be small and growing smaller, (মিঃ টমসন্ গুনে দেখেননি বোধ হয়) they were the very brain and soul of his land.” “His most intellectual countrywomen have never made any (mistake) as to where these men (third rate writers) stand in letters and where Rabindranath stands.” (P. 79) আমরাও মনে করি বাংলাদেশের জ্ঞানিকার অনুপাতে হিসাব করলে রবীন্দ্রনাথের মূগ্য এ দেশের মেয়েরা প্রায় সকলেই বুঝেছেন বলতে হবে। সে ক্ষেত্রে কেবল ব্রাহ্মসমাজের মেয়েরা নন, গোড়া হিন্দু পরিবারের শিক্ষিতা অন্তঃপুরিকারাও বাদ যান না। শিক্ষিতা মহিলাবৃন্দ এবং বাংলার brain and soul-কপী পুরুষদের বাদ দিয়ে যে বাংলা বাকি থাকে Mr. Yeats দূর থেকে স্বভাবতই তার খোঁজ পাননি এবং তা পাওয়ারে খুব দোষ হয়নি, এই জন্ত, যে, একটা জিনিষকে ভাল করে দেখতে হলে একটু দূর থেকেই তার প্রকৃত রূপটি দেখা যায়। জরাজনিত বাংলার সঙ্গে রবীন্দ্রনাথের চিরকালের বিরোধ। কিন্তু অন্তরে ও বাহিরে “যাদের পাকবে না চুল গো” তাদের সঙ্গে তাঁর বিরোধ নেই। তাঁর গান সম্বন্ধে Mr. Yeats যা বলেছেন তা যে সত্য তা ত টমসন্ সাহেবও স্বীকার করেন। রবীন্দ্রনাথের আত্মীয় বিখ্যাত ব্যক্তিদের নাম বাদ দিয়েও দেখলে দেখতে পাই বাংলা যাদের নামে জগৎসভায় স্থান পাবার আশা করে সেইসব বৈজ্ঞানিক (জগদীপ, প্রফুল্লচন্দ্র), শিল্পী (নন্দলাল), দার্শনিক (ব্রজেননাথ), ঐতিহাসিক (যতুনাথ), সাহিত্যিক (শরৎ, সত্যেন্দ্রনাথ, সরোজিনী), গণিতজ্ঞ (মেঘনাদ সাহা), রাজনৈতিক (অরবিন্দ, গান্ধী,—অবশ্য বাঙালী না), কেউই রবীন্দ্রনাথের নামে intense dislike দেখান না। কেউ কেউ হয়ত তাঁর বিশেষ কোনো মতের প্রতিবাদ করে কড়া কথা বলে থাকতে পারেন; কিন্তু তাঁর কবিত্ব-প্রতিভাকে কেউ অস্বীকার করেন নি। অল্প বিষয়ে মতভেদ থাকা স্বাভাবিক। সুতরাং Mr. Yeatsকে আমরা খুব বেশী দোষ দিতে পারি না। বাংলা দেশের Tom, Dick and Harryর মত জানি Mr. Yeatsএর পক্ষে সম্ভব ও স্বাভাবিক নয়, তবে বাংলা দেশের বিশ্ববিদ্যালয়ের পোঁজটা তিনি নিলে পারতেন; বিশ্ববিদ্যালয়ের বহুকালব্যাপী অবহেলার জন্ত আমরা বাস্তবিকই লজ্জিত। কিন্তু বিশ্ববিদ্যালয়ের ধারা ছাত্র, তাঁরা সাক্ষ্য দেন, রবীন্দ্রনাথের ২২,২৩ বৎসর বয়সেও তাঁর বক্তৃতা কি গান শুনতে শিক্ষার্থী ও শিক্ষিত বাংলা ভীড় করে ছুটত। এমন কি তাঁর লম্বা চুল ও চাদর গায়ে দেওয়ার বিশেষ ভঙ্গীর নকলও সৌখীন সমাজে এককালে ক্যাশ্যান ছিল। এখন (নোবেল প্রাইজ পাওয়ার বহু পূর্বকাল হতেই) ও বাংলার রাজধানীতে টিকিট না করে রবীন্দ্রনাথকে কোনো জনসভায় ডাকতে লোকে সাহসই করে না। রবীন্দ্রনাথের বক্তৃতা উপলক্ষ্যে ভাড়ে সভাগৃহের দরজা জানালা ভেঙে পড়া আমাদের দেশে নুতন কথা নয়। আমি জানি না, ইংলণ্ডের কোনো কবির কেবলমাত্র দর্শন পাবার জন্ত সেখানকার আধুনিক শিক্ষিত লোকে এর চেয়ে বেশী ভীড় করে কি না। বাংলা দেশের আর কোনো মানুষ

বাঙালীর কাছে এমন আকর্ষণের বস্তু নিশ্চয়ই নয়, মাইকেলও ছিলেন না। ভারতপূজা তিসক ও গান্ধী ছাড়া নামের মহিমার এমন করে দেশকে টানতে ভারতে আর কেউ পেরেছেন কি না সন্দেহ। মহাত্মা গান্ধী Young Indiaতে নিজেকে লিখেছেন এবং আমরাও জানি, ভারতে তাঁর বিরুদ্ধবাদীর কিছুবারে অভাব নেই। তবে একথা বলা false হয় না যে মহাত্মা গান্ধী দেশপূজ্য। তেমনি অল্প সব কথা ছেড়ে দিলেও Mr. Yeatsএর সঙ্গে মিঃ টমসন্, রবীন্দ্রনাথ ও দেশবাসী সকলেই সায় দিয়ে বলবেন, যে, গান দিয়ে রবি-বাবু দেশকে নিশ্চয় জয় করেছেন। সেটা কম কথা নয়। Nationalistদের দরবারেও “জাগ্রত ভগবান হে” ও “জনগণমনঅধিনায়কের” মত popular গান বন্ধিমের “বন্দেমাতরম্” ছাড়া আর একটিও নেই। কোনো কোনো দিক দিয়ে এ গানগুলি “বন্দেমাতরম্”কেও ছাড়িয়ে গেছে। কারণ বন্দেমাতরম্ conventionally popular। অস্ত্রের বিরুদ্ধে যারা সংগ্রাম করেন, কঠোর সত্য কথা যারা বলেন, প্রাণের গতিতে যারা West windএর মত পচা করা পাতা উড়িয়ে নিয়ে যেতে চান, সব দেশে সবকালেই তাঁদের পথে বাধা পড়ে (p. 35) (এটা কেবল বাংলা দেশের বিশেষই নয়)। কিন্তু পথে কাঁটা থাকে বলে পথের চেয়ে কিম্বা পথিকের চেয়ে কাঁটা বড় নয়। যখন বলি “পথ আমাকে দিয়েছিল ডাক”, তখন এই বলে আপত্তি করি না, যে, কাঁটাগুলো চলতে বাধা দিয়েছে, তবে বৃষ্টি পথের ডাকটা মিথ্যা। তরুণ বাংলার সঙ্গে তাঁর ভালবাসার সম্পর্ক, এ কথা রবীন্দ্রনাথ নিজেকে স্বীকার করেন। “Instability of the poetic temperament”এর জন্ত স্বদেশীয় যুগে এবং এখনও তাঁকে অনেকে নিন্দা কবলেও একথা মনে রাখতে হবে যে সর্বদা সব দলের লোকই তাঁকে নিজের দলে পাবার জন্ত বাস্তবতা দেখিয়েছে গবর্ণমেন্টের খোসামুদে, মডারেট, একট্রিমিষ্ট ও “ফ্রিস্ফায়ের” দল, যে যখন নিজের মতের অধ্যায়ী কোন মতের গুরু তাঁর কথায় পেরেছে, সে তখনই ধূসী হয়ে উঠেছে। উটা কথা দেখলে আশ্চর্য্যজনক অনেক করেছে। কিন্তু আর কোনো মানুষকে সব দলেই নিজের দলে টানবার এত চেষ্টা বোধ হয় কখনও করে নি। আর একটা কথা এখানে বলা যেতে পারে। রবীন্দ্রনাথ দেশকে গান দিয়ে মুগ্ধ করেছেন, Mr. Yeats সেই গানের একখানি বই গীতাঞ্জলির ভূমিকাতাই অত কথা লিখেছেন এবং Nobel Prizeটাও কবি ঐ বইখানার জন্তই পেয়েছেন। ভারত স্বরাজ চায় বললে মিথ্যা বলা হয় না; কিন্তু স্বরাজ চায় না এমন মানুষ ভারতে অনেক আছে; স্বরাজ কি তা জানে না, কথাটাও শোনে নি এমন লোক ত লক্ষ লক্ষ আছে। কিন্তু এ ক্ষেত্রে ভারত বলতে এই সব মানুষকে আমরা নিশ্চয়ই ধরব না। এই রকম বিচারে Mr. Yeatsএর কথাও সত্য বলে প্রমাণ হয়।

৪১ পৃষ্ঠায় দেখছি মিঃ টমসন্ বলছেন, রবীন্দ্রনাথ political suspect ছিলেন না। একথা তিনি কি করে জানলেন? বাংলা দেশের লোকের ত ধারণা রবীন্দ্রনাথ political suspect ছিলেন।

বইখানার ৪০ পৃষ্ঠায় মিঃ টমসন্ লিখেছেন, রবীন্দ্রনাথ বিলাত ও আমেরিকার বিখ্যাত হয়ে আসার পর “His own countrymen awoke to his greatness” (p. 43)। এইখানে টমসন্ সাহেব একটা মস্ত ভুল করেছেন। সেই ভুলের জন্ত দেশের প্রতি একটা অবিচারও হয়ে গেছে। রবীন্দ্রনাথের পঞ্চাশ বৎসর বয়স পূর্ণ হলে বাঙ্গালীরা টাউনহলে “কবি-সম্বর্ধনা” করেছিলেন। সেকথার উল্লেখ বইখানিতে নেই। এ ঘটনাটার মূল্য মিতান্ত্র কম নয়। কবি-সম্বর্ধনার বিজ্ঞাপন প্রকাশিত হই ১৩১৮ সালের বৈশাখ মাসে, অর্থাৎ ১০ বৎসর ৫ মাস ২১ দিন আগে। তিনি বিলাত-বাত্রা করেন ১৯১২ খৃষ্টাব্দের ২৪শে কি ২৫শে মে, অর্থাৎ ৯ বৎসর

৪ মাস করে কবি আসে। ইংরেজি নীতান্ত্রি প্রথম প্রকাশিত হয় ১৯১২ খৃষ্টাব্দের সেপ্টেম্বর মাসে, (অন্ততঃ তার আগে নয়) অর্থাৎ ৯ বৎসর ১ মাসের আগে নয়। নোবেল পুরস্কারের রটটারের ধবর পাঠানো হয় ১৯১৩ খৃষ্টাব্দে ১৩ই নবেম্বর অর্থাৎ ৭ বৎসর ১০ মাস ২৪ দিন আগে। সুতরাং দেখা যাচ্ছে, রবীন্দ্রনাথের যশবাসী ইউরোপের কট্টপাথরে তাঁকে পরখ করে তাঁর মহত্ব উপলক্ষি করে নি। ১৩১৮ সালের কাল্পনের প্রবাসী থেকে কবি সম্বন্ধনার একটু সংক্ষিপ্ত বিবরণ দিচ্ছি। "গত ১৪ই মাঘ কলিকাতা টাউনহলে বঙ্গীয় সাহিত্য পরিষদের উদ্যোগে বাঙ্গালী জাতির এক সভায় কবির সম্বন্ধনা হয়। টাউনহলে এই উপলক্ষ্যে একরূপ জনতা হইয়াছিল যে যাহারা অল্পমাত্র বিলম্বে গিয়াছিলেন তাঁহাদের মধ্যে কেহ কেহ প্রবেশ করিতে না পারিয়া বাহিরে দাঁড়াইয়াছিলেন, কিম্বা কিরিয়া আসিয়াছিলেন। সভায় আবার কবির সর্ব শ্রেণীর লোক উপস্থিত ছিলেন। সাধুতা ও উন্নত চরিত্রের জগৎ যাহারা সুপরিচিত, যাহারা জানে ধর্ম উন্নত, যাহারা বৈজ্ঞানিক গবেষণায় প্রতিষ্ঠা লাভ করিয়াছেন, যাহারা সাহিত্যক্ষেত্রে যশস্বী, যাহারা চিত্রে সম্মতে বাণীর বর লাভ করিয়াছেন, যাহারা অধ্যয়ন অধ্যাপনা ও জ্ঞানানুশীলনে নিরত, যাহারা ব্রাহ্মণের প্রাচীন সংস্কৃত বিদ্যার প্রদীপ এখনও নিবিতে দেন নাই, যাহারা ব্যবহারাজীবের কার্যে খ্যাতি লাভ করিয়াছেন, যাহারা রাজনীতিকুশল, যাহারা বিচারামন অঙ্গুত করিয়াছেন, যাহারা শিল্পবাণিজ্যে বঙ্গের নবযুগের প্রবর্তক, যাহারা আন্তর্জাত্যে ও ঐশ্বর্যে বঙ্গের অগ্রণী, তাঁহাদের স্ব স্ব শ্রেণীর প্রতিনিধিকল্প বহু কৃতি পুরুষ ও মহিলা সভায় উপস্থিত ছিলেন। বঙ্গমাতার কন্যাগণও কবিকে প্রীতি ভক্তি কৃতজ্ঞতা প্রদর্শনে পঞ্চাৎপর হন নাই। এই পবিত্র অনুষ্ঠানে সর্বাপেক্ষা অধিক সংখ্যায় যোগ দিয়াছিলেন, বঙ্গের যুবকগণ। ... রবীন্দ্রনাথ যে বঙ্গের একজন শ্রেষ্ঠ লেখক, ইহা সর্ববাদিসম্মত; তিনি যে জীবিত বাঙ্গালী লেখকগণের মধ্যে প্রথমস্থানীয়, ইহাও অধিকাংশ শিক্ষিত বাঙ্গালীর, পক্ষপাত-শূন্য সমুদয় শিক্ষিত বাঙ্গালীর, বিশ্বাস; যাহারা তাঁহার গ্রন্থাবলী নিবিষ্টচিত্তে অধ্যয়ন করিয়াছেন তাঁহাদের অনেকের এবং বহুভাষাভিজ্ঞ কোন কোন সুপণ্ডিত ব্যক্তির মত এই যে তিনি বঙ্গের সর্বশ্রেষ্ঠ সাহিত্যিক এবং জগতের শ্রেষ্ঠ লেখকগণের মধ্যে আসন পাইবার যোগ্য। নয়নগোচর রূপের জগৎ, সৌন্দর্যের জগৎ, অনেক কবি, অনেক বাঙ্গালী কবি, দেখিয়াছেন ও দেখাইয়াছেন—তিনি এ বিষয়ে কাহারও অপেক্ষা কম শক্তিশালী নহেন; কিন্তু ধ্বনির জগতের রূপ তাঁহার মত করিয়া অনুভব করিতে ও নিপুণতার সহিত অঙ্কে অনুভব করাইতে অল্পলোকেই পারিয়াছে।" ("In his works Bengali Literature has outgrown its provincial character and has become fit to fraternise with world-literature."—Ed. M. R., Feb., 1912.) প্রবাসী-সম্পাদকের এই কথাগুলি প্রায় দশ বৎসর আগে লেখা, একথা মনে রাখতে হবে। এই সম্বন্ধনার শ্রীযুক্ত সত্যেন্দ্রনাথ দত্ত বলেছিলেন,—

জগৎ-কবি-সভায় মোরা তোমারি করি পূর্ব।
বাঙালি আজি গানের রাজা বাঙালি নহে খর্ব।
দর্ভ তব আসনখানি, অতুল বলে লইবে মানি,
হে গুণী! তব প্রতিভা-গুণে জগৎ-কবি সর্ব।"

শ্রীযুক্ত যতীন্দ্রমোহন বাগ্‌চী গেয়েছিলেন, "বিশ্ববীণা যন্ত্রে তব বিজয়বাণী বাজে।" কবি দেবেন্দ্রনাথ রবীন্দ্রনাথের বীণাকে উল্লেখ করে ভবিষ্যৎবাণীরূপেই বলেছিলেন, "ঝঙ্কারে ঝঙ্কারে যার সারা বিশ্ব বিশ্বরে, মগনা!" তিনিই বলেছিলেন, "আজ একি মহোৎসব! সারা

বঙ্গ আনন্দে চঞ্চল!" ১৩১৮ সালের আবার মাসের প্রবাসীতে বহু মহিলা কবির কবিত্রাশক্তিও দেখা যায়।

টমসন সাহেবের বই পড়ে আমরা জানলাম নোবেল পুরস্কার পাবার ছয় বৎসর আগে (less than half a dozen years before the N. P. award) আশু বাবু রবীন্দ্রনাথকে D. Litt. উপাধি দেবার প্রস্তাব করেন; কিন্তু সিনেট নাকি "he is not a Bengali scholar" বলে আপত্তি করায় প্রস্তাব গ্রাহ্য হয়নি। সিনেটের সভার বিবরণ (Minutes) ছাপা থাকে। কোন বৎসর কোন মাসের কোন তারিখে এই সভা হয়েছিল, মিঃ টমসন সেটা অল্পগৃহ করে' জেনে নিয়ে দ্বিতীয় সংস্করণে লিখলে আশু বাবুর রবীন্দ্রনাথ-জগৎগাহিতার একটা অকাটা প্রমাণ পাওয়া যাবে।

রবীন্দ্রনাথ নোবেল পুরস্কার পাওয়ার পর স্পেশাল টেনে বহু গণা মাত্ত বিদ্বান ও সাধু ব্যক্তির সঙ্গে একত্র যাত্রী বোলপুর গিয়েছিলেন। মিঃ টমসন (p. 52) এ বিষয়ে বলেছেন, "A mob of five hundred descended on him" "mob" কথাটা আপত্তিজনক:—সেদিন যারা গিয়েছিলেন তাঁদের মধ্যে জগৎশত্রু বহু প্রমুখ বড় বড় পুরুষ ও নারী ছিলেন। কিন্তু "মব" বলতে ইতর লোকের জনতা, উপদ্রবকারী জনতা, বিশৃঙ্খল জনতা প্রভৃতিই বুঝায়। টমসন সাহেবের বই থেকেই বোঝা যায়, রবীন্দ্রনাথ তাঁর অতিথিদের যথোচিত সাদর সম্ভাষণ করেন নি। না করার কাবণ সম্বন্ধে মিঃ টমসন বলেছেন, রবি-বাবু তাঁকে বলেছেন, "I told them I did not want this sort of thing. Some of you are my friends and I value your kindness. But others of you are my enemies, you have always opposed whatever I stood for, and I can't accept your homage" এখানে বলা দরকার, অতিথিদের মধ্যে তাঁর বন্ধু অর্থাৎ অনুরক্ত মানুষই বেশী ছিল, যদিও হয়ত তারা সুপরিচিত বা তাঁর পরিচিত নব বলে রবীন্দ্রনাথ তাঁদের চিন্তে পারেন নি। তাঁর শত্রু সে সঙ্গে কেউ থাকলেও (ছিল কি না জানি না) তারাই ছিল সংখ্যায় কম। তা ছাড়া, যখন তাঁদের সম্মানকে রবীন্দ্রনাথ কঠোর ভাষায় প্রত্যাখ্যান করলেন, তখন তাঁর মনে কেবল শত্রুদের সম্বন্ধে বিরক্তি থাকলেও তাঁর অনুরক্ত মিত্ররা যে কারণেই হোক অনেকেই তা বুঝতে পারেন নি। মিত্ররা অনেকেই মনে করেছিলেন, রবীন্দ্রনাথ তাঁদের ভালবাসা ও সম্মানের অঙ্গুলিকে প্রত্যাখ্যান করছেন। ব্যক্তিগতভাবে অনেক সুপরিচিত বন্ধুর এ ভুল শীঘ্র ভাঙলেও রবীন্দ্রনাথের যে-সব "নগণ্য" অনুরাগী ভক্তির পরিবর্তে আঘাত পেয়ে ফিরে এসেছিলেন, তাঁদের এ ভুল ভাঙা বড় সহজ হয়নি। পরিচিত বন্ধুদেরও ক্ষুদ্র মন প্রসন্ন হয় নি। এইসব মানুষ তাঁর কথার আঘাত ত পেয়েইছিল, উপরন্তু অতিথিদের প্রতি কবির কড় কথার জবাবদিহি করতে না পারায় লজ্জায় সাধারণের কাছে এবং বিশেষ করে শত্রুদের কাছে তাদের মাথা হেঁট করে অনেক দিন থাকতে হয়েছিল। তাঁকে ভালবাসে বসে তাঁর কড় কথাগুলোর তারা প্রতিবাদ করতে না পেয়ে সেগুলোকে নিজ পক্ষের বখা বলে মাথা পেতে নিয়ে অনেক সময় অপরের নিন্দা মুগ্ধ বুজে গিয়েছিল।

আঘাত তিনি শত্রুপক্ষকে করলেও মিত্রপক্ষের বুকেই তা ঘিঞ্জি হয়ে লেগেছিল। রবি ও রবিশত্রু দুজনার আঘাতই তারা সমানে সহিল। এখানে বলা দরকার, রবি-বাবু স্বয়ং জানেন না, তাঁর দেশের কত লোক তাঁর অনুরাগী। তরুণ বাংলার তাঁর প্রতি যতখানি অনুরাগ, তা মাপ করা শক্ত এই জন্ত, যে, সে প্রবীণের কাছে এখনও নগণ্য বলে সব সময় নিজের মনের কথাটা তাঁদের মতসম্মানে ব্যক্ত

করতে পারে না। দেশে তাঁর শত্রু আছে মানি (যদিচ সমালোচক-মাজই ভ্রান্ত হলেও শত্রু নয়); কিন্তু কোনো দেশেই (তা ইংলওই হোক কি ফ্রান্সই হোক) তার শ্রেষ্ঠ সন্তানকে দেশবাসী সকলে মিলে সম্মান করে না। সব দেশেই অবুধ ভ্রান্ত মূর্খ ও শত্রু এবং প্রাচীন-পন্থী মানুষ থাকে। Shakespeare বেঁচে থাকতে Rejoicing England তাঁকে কতখানি সম্মান দিয়েছিলেন ইতিহাসে তার সাক্ষ্য আছে; আজকের দিনে অতি শিক্ষিত ফ্রান্স রোমা রোমীকে একপরে করে রেখেছে। "Rejoicing Bengal (?)” তার শিক্ষার তুলনায় তার কবিকে যতখানি ভালবাসে "Rejoicing England" কি আর কোনো দেশ তার কোনো আধুনিক মহাপুরুষকে সর্বসম্মতিক্রমে কতখানি ভালবাসা দেয় বলে শুনি। কেবল "empty national brag" করা যে সেই স্পেশাল ট্রেনের যাত্রীদের উদ্দেশ্য ছিল এবং সেইটা না করতে পারায় এবং কেবল রবি-বাবুর সাফল্যের হিংসাতেই যে লোকে রাগ দেখিয়েছিল একথা আজও বিশ্বাস করি না; তবে একথা মানি, যাদের মনে ঐসব নীচ প্রবৃত্তি ছিল, এ ব্যাপারে তারা মনের আনন্দে ঝাল বেড়ে নিয়েছিল। রবীন্দ্রনাথের দেশ শিক্ষায় যতখানি পিছিয়ে আছে এবং পরাধীনতার পাপে সে যতখানি হীন হয়ে আছে, তার তুলনায় তাঁর মত প্রতিভাবান্ এবং অতি-আধুনিক (born before his time) মানুষকে যে সে এতটা ভালবাসতে পেরেছে এই আশ্চর্য। স্বাধীন ফ্রান্সের জনসাধারণের সঙ্গে রোমা রোমীর শিক্ষাদাক্ষর যতখানি প্রভেদ, রবীন্দ্রনাথের সঙ্গে তাঁর পরাধীন দেশবাসী জনসাধারণের প্রভেদ তার চেয়ে ঢের বেশী। রবীন্দ্রনাথ নিজেকে হিন্দু বললেও তিনি ব্রাহ্মসমাজের লোক, এই কারণে সাধারণ লোকে তাকে হিন্দু মনে করে না; তাদের কাছে তাঁর unpopularityর এটাও একটা কারণ। কিন্তু বিধগুহুত্রে রোমীর দেশবাসীর ভালবাসার কথা যা শোনা যায় তাতে বোধ হয় ভারত ফ্রান্সের চেয়ে কম সন্তান-বৎসল নয়। মিঃ টমসন লিখছেন, "He found himself, while his fame was worldwide, less and less of a popular poet in Bengal" (p. 52)। এখানেও একটু ভুল আছে বোধ হয়। মানুষের প্রসিক্তির সঙ্গে সঙ্গেই খ্যাতি ও অখ্যাতি অনেক সময় সমানে বাড়ে। বাংলার তাঁর বিকল্পবাদী সম্ভবত আগের চেয়ে বেড়েছে, কিন্তু অনুরাগী following আগের চেয়ে কমেই, তাও বেড়েছে। মোট কথা তাঁর নামটা দিনে দিনে দেশে আগের চেয়ে বেশী শোনা যাচ্ছে। তাছাড়া কাউকে popular poet বললে এক দিক দিয়ে poetএর মূল্য কমানোই হয়। সাধারণ রকম চলনসই বুদ্ধিবৃত্তি নিয়েই জগতে বেশী মানুষ জন্মায়। তাদের মনের মত সাধারণ রকম বই যারা লেখে সব দেশে তারাই হয় popular author, তাদের বই হয় Best-seller, কিন্তু প্রতিভাযান লেখকের লেখার গুণগ্রহণ সাধারণ মানুষ করতে পারে না বলেই তাঁরা popular author হন না, দ্বিতীয় তৃতীয় শ্রেণীর লেখকের চেয়ে ব্যবসায়বুদ্ধি কম থাকে বলে তাঁরা টাকা বেজ্জার সব দেশেই কম করেন। নোবেল প্রাইজ প্রাপ্ত রুট হামসনের বহির চেয়ে অল্প একজন উপস্থাসিনের বই তাঁর দেশে বেশী বিক্রী হয়। এই বিক্রয়ের দ্বারা দেশের intelligent publicএর বিচার কেউ করে না। ইংরেজি গীতাঞ্জলির তুলনায় বাংলা গীতাঞ্জলি অনেক কম বিক্রয় হয়েছে, একথায় মিঃ টমসন আমাদের লজ্জা দিয়েছেন বটে; কিন্তু সেই সঙ্গে বলতে হবে আমরা অতি দরিদ্র এবং বর্ণজানহীন জাতি; সকল রকম বই কম কেনা আমাদের পক্ষে স্বাভাবিক।

Mr. Oaten সম্বন্ধীয় ঘটনার টমসন সাহেব বলছেন, "The poet came down heavily and excitedly on the wrong side of the fence"। আমরা রবীন্দ্রনাথের এই উপলক্ষে লিখিত

একটি আবার পড়ে দেখছি, তিনি ওই বিশেষ ঘটনার কোনো পক্ষই অবলম্বন করেন নি। এই ক্ষেত্রে ইউরোপীয় শিক্ষক এবং ভারতীয় ছাত্রদের বর্তমান সম্পর্কেরই বিশেষ ভাবে আলোচনা করেছেন। গুরু-শিষ্যের সম্পর্ক ভক্তি ও ভালবাসার উপর প্রতিষ্ঠিত হওয়া স্বাভাবিক, এক্ষেত্রে ভালবাসার চেয়ে disciplineকে বড় করে তুলে সেই দ্বাত্মিক সম্পর্কটা রক্ষা করা হয় না বলে, শিক্ষক রাজস্বের গরিমায় সেটা ভুলে যান বলে, এরকম ব্যাপার খটা সম্ভব; এই তিনি বলেছেন। তিনি শিষ্যের পক্ষে গুরুকে প্রহার করার সমর্থন কোথাও করেন নি; তিনি বলেছেন, "I know our students intimately. They differ from Western undergraduates in this, that they are eager to worship their teacher, and their hearts are extremely easy to win."

ইউরোপীয় মহাযুদ্ধের কথা উল্লেখ করে মিঃ টমসন (যিনি স্বয়ং যুদ্ধক্ষেত্রে বহু দুঃখ ভোগ করেছেন) বলছেন, "He (Rabindranath) never did anything like justice to the nobler side of the tragedy." "Humanity in her throes did not receive from a great poet the help she had a right to expect" (p. 54)। কথাটা সম্পূর্ণ সত্য হলে বাস্তবিক খুবই দুঃখের কথা হ'ত। আমরা জানি, এই ভয়াবহ ও শোচনীয় ব্যাপারটির এই দিকটার কথা রবীন্দ্রনাথ খুব বেশী করে বলেন নি; কিন্তু কিছুই বলেন নি একথা ভুল। "বলাকার" ৩৭নং কবিতাটি এখানে সবটা ভুলে দিতে ইচ্ছা হচ্ছে, কিন্তু কবিতা অতুলন হলেও স্থান অল্প। "ধর্মপ্রচার" কবিতাটি যদি বাংলার "bigotry and cowardice"এর প্রমাণ হয় তবে "বলাকার" এ কবিতার দোহাই দিয়ে আমরা বলতে পারি "Humanity in her throes" রবীন্দ্রনাথের কাছে নিতান্ত সামান্ত জিনিষ পায় নি। এছাড়া "জাগ্রত ভগবান" গানে এবং কিছু কিছু গণ্ডেও তাঁর এজাতীয় কথা আছে। 'কর্তার ইচ্ছায় কর্মে' আছে "বেলজিয়ম ও ফ্রান্সের দুর্গতিকেরে আপন দুর্গতি মনে করিয়া ইংরেজ যুদ্ধক্ষেত্রে প্রাণ দিতে ছুটিয়েছে,....."

"বলাকার" কবিতাটিতে আছে—

"দূর হতে কি শুনিমু মৃত্যুর গর্জন, ওরে দীন, ওরে উদাসীন
ওই ক্রন্দনের কলরোল

লক্ষ বক্ষ হতে মুক্ত রক্তের কল্লোল!

"বাহিরিয়া এল কারা ? মা কাঁদিয়ে পিছে,

প্রেমসী দাঁড়িয়ে দ্বারে নয়ন মুছিয়ে,

ঝড়ের গর্জন মাঝে বিচ্ছেদের হাহাকার বাজে,

ঘরে ঘরে শূন্য হ'ল আরাগমের শয্যাভঙ্গ

যাত্রা কর যাত্রা কর যাত্রীদল।"

"মৃত্যুর অন্তরে পশি অমৃত না পাই যদি খুঁজে,

সত্য যদি নাহি মেলে দুঃখ সাথে যুঝে,

পাপ যদি নাহি মরে' যার, আপনার প্রকাশ-লজ্জার,

অহঙ্কার ভেঙে নাহি পড়ে আপনার অমগ্ন সজ্জার,

তবে ঘর-ছাড়া হবে, অন্তরের কি আখ্যান-রবে

মরিতে ছুটিছে শত শত

প্রভাত-আলোর পানে লক্ষ লক্ষ নক্ষত্রের মত ?

বীরের এ রক্তপ্রোত, মাতার এ অশ্রুধারা

এর যত মূল্য সেকি ধরার ধূলায় হবে হারা ?

স্বর্গ কি হবে না কেনা ? গ্রিথের ভাঙারী শুধিবে না

এত ধণ ?

রাত্রির তপস্বী সেকি আনিবে না দিন ?

নিদারুণ দুঃখরাতে মৃত্যুঘাতে

মানুষ চূর্ণিল হবে বিজ্ঞ মর্জানীয়া

তখন দিবে না দেখা দেবতার অমর মহিমা ?"

সমস্ত কবিতাটি না পড়লে এর মূল্য ও সৌন্দর্য্য বোঝা শক্ত ; সকলে পড়ে দেখবেন ; আমরা সামান্ত একটু নমুনা দিলাম।

এই সম্পর্কে ২৪ পৃষ্ঠায় মিঃ টমসন বলেছেন, "He would have seen the nobler side of all that he hated so, and might, even, have asked himself if his own civilisation, for all the virtues he finds in it, could have shown one tenth such patience under pain, such willingness to face agony"। প্রথমত দেখছি রবীন্দ্রনাথ নিজের দেশের লোকের নিন্দা করলে মিঃ টমসনের তা খুবই পছন্দ হয়, কিন্তু প্রশংসার আঁচ-টুকুও তাঁর পায়ে লাগে। দ্বিতীয় এবং প্রধান কথা হচ্ছে, যে, আমাদের দেশের লোকের দুঃখনহিষ্ণুতা ও স্বেচ্ছায় দুঃখ বরণের ক্ষমতাকে মিঃ টমসন মিন্যা দোষ দিয়েছেন। ইউরোপীয় মহাসমরে জার্মেনীর সহিত ইংলণ্ডের যুদ্ধ বেধেছিল। যুদ্ধে পরাজিত হলে ইংরেজের আত্মসম্মানে প্রবল রকম আঘাত লাগত, বহু আর্থিক ক্ষতি হত, তাছাড়া মহানু্য ধন স্বাধীনতা যেতে পারত। সুতরাং ধন প্রাণ ও মানের দায়ে দুঃখবরণ করা ও দুঃখনহিষ্ণু হওয়া তাঁদের পক্ষে স্বাভাবিক। আমাদের দেশের সঙ্গে কোনো দেশের যুদ্ধ বাধে নি, রাজ্য সম্পদ আমাদের নেই, স্বাধীনতাও বহুকাল ইংরেজের হাতে বাধা পড়েছে, সুতরাং এযুদ্ধের কোনো পক্ষের জয়পরাজয়ে আমাদের কোনো ক্ষতিবৃদ্ধি ছিল না। তবু আমাদের দেশের লক্ষলক্ষ সৈন্য ও অন্তান্ত মানুষ (তাদের মধ্যে বাঙালীও ছিল) গ্রীষ্মপ্রধান দেশ ছেড়ে ছরস্র শীতের দেশে বহু দুঃখ যন্ত্রণা নীরবে সয়ে যে অকাতরে প্রাণ দিয়েছিল, একবৃক্ হিমশীতল কাদার মধ্যে দাঁড়িয়ে মৃত্যুকে নির্ভয়ে আলিঙ্গন করেছিল, তাতে মিঃ টমসন ভারতবাসীর patience under pain and willingness to face agonyকে সন্দেহ করেছেন! ইংরেজ দুঃখ সখ করে ধনমান লাভ করেছেন, ভারতবাসী এক হিসাবে তার চেয়ে অধিক দুঃখ সখ করে কেবল মৃত্যুশয়্যরের টাকা এবং অপমান লাঞ্ছনা ও অত্যাচার ছাড়া কি পেয়েছে।

অত্যন্ত দুঃখের সঙ্গে বলতে হচ্ছে মিঃ টমসন বাঙালী জাতির উপর নানাদিক দিয়ে অবিচার করেছেন। প্রশংসার অতি সামান্ত কথাগুলি তাঁর নিন্দার ঝড়ে কোথায় উড়ে চলে গেছে। বাঙালীর বহু দোষ আছে আমরা জানি ; কিন্তু আমরা মনে করেছিলাম, যিনি নিজে বাঙালীর নিন্দা পাতার পর পাতায় করেছেন, যিনি রবি-বাবুর "বাঙালী-নিন্দা" নানা জায়গা থেকে উদ্ধৃত করে দেখিয়েছেন আর সমর্থন করেছেন, তিনি ভারতবাসীর অপমানের কথাও একটু বলবেন। মনে করেছিলাম Dyer, O'Dwyer এর অমানুষিক অত্যাচারের কথা তিনি কিছু বলবেন, যিনি Oaten, মুক্তি ফৌজের মিশনারী, এবং ভারতের কোন্ গুভানুধ্যায়ী Viceroy, সকলের হয়েই কারণে অকারণে বাঙালীর দোষ ধরেছেন। আমরা শুধু শাসক ইংরেজের দেশবাসী বলে তাঁকে ভাবি না, তাই মনে করেছিলাম তিনি Punjab troubles আর Amritsar tragedy বলেই এই নৃশংস কাণ্ডটার কথা শেষ করবেন না, unfortunate man বলেই Chelmsfordকে রেহাই দেবেন না। এত বড় বাপারটা সম্বন্ধে মিঃ টমসন নিজের মত প্রায় কিছুই দেন নি, নৃশংস অত্যাচারীদের নামও করেন নি, রবি-বাবুর চিঠির খানিকটা কেবল তুলে দিয়েছেন। নিজ মুখে বলতে না চাইলে রবীন্দ্রনাথের সব চিঠিখানা তুলে দিতে পারতেন ; তাতে তবু আর-একটু বোঝা যেত। এটা কাব্য নয় বলে যদি আপত্তি থাকে ত বলা যায় না ; কিন্তু কাব্য যা নয় এমন অনেক জিনিষই ত বইখানাতে আছে।

রবি-বাবুর ইংরেজ ও পাশ্চাত্য জাতির যে-কোন নিন্দাকে তিনি একপেপে বলেছেন, তাঁর Prejudice against Englandএর দোষ ধরেছেন ; বাঙালীর নিন্দার বেলা কিন্তু রবি-বাবুকেই তিনি বখাসাধ্য সমর্থন করেছেন। বাঙালীক কালিদাসের দেশ হলেও এদেশে রবি-বাবুর জন্মগ্রহণে মিঃ টমসন বিশ্বয় প্রকাশ করেছেন, এ দেশটা এমনি হীন। আমরা কতটা হীন বা মহৎ, তাঁর বিচার করা আমাদের উচিত নয়। কিন্তু বৈজ্ঞানিক অণালী অনুসারে টমসন সাহেবের দেখান উচিত ছিল, যে, "হীন" বাংলা দেশে রবি-বাবুর মত কবির আবির্ভাব কেমন করে হ'ল। জগতে কোন ঘটনাই আকস্মিক নয়। বাংলা দেশে বাঙালী-সমাজে রবি-বাবুর আবির্ভাবও আকস্মিক নয়। ইহা সত্য, যে, জোড়াসাঁকোর ঠাকুর-পরিবার দেশকে ন'নাদিকে উদ্বোধিত করেছেন ; কিন্তু ঠাকুর-পরিবারের প্রভাবে রবিবাবু বড় হয়েছেন বললেও সমস্ত কারণটা বোঝা যায় না। বেননা, জোড়াসাঁকোটা বাংলা দেশেই অবস্থিত এবং ঠাকুর পরিবারও বাঙালী। বাংলা ও বাঙালীকে অবজ্ঞা করে ও খাটো করে রবি-বাবুকে বাড়ানোর চেষ্টায় নানা অসঙ্গতি ঘটে। আমাদের বিশ্বাস, বাঙালী জাতির এমন কিছু আছে, যা রবি-বাবুর মহত্বের অন্ততঃ আংশিক কারণ।

মিঃ টমসনের মতে মনে হয় যেন বাঙালীর রবিবাবুকে যেখানে অবহেলা করেছে, সেখানে সেটা বাঙালীর দোষ, কিন্তু ইংরেজ যেখানে করেছে, সেখানে সেটা রবি-বাবুর নিজের, তাঁর publisher এর, Mr. Yeats এর অথবা বাঙালী জাতিরই দোষ। Western intelligence এর অপমানে তিনি দুঃখিত। খাঁটি কবিতার মূল্য তিনি বোঝেন জানি, কিন্তু "ধর্মপ্রচার", "দুরন্ত আশা" প্রভৃতিকে নিয়ে বাড়াবাড়ি করে নিজেই নিজের বিপক্ষে প্রমাণ করেছেন যে খাঁটি কবিতার মূল্য ইংরেজ বোঝে না ; না হলে "বলাকার" বিশেষ বিশেষ কবিতার আলাদা করে উল্লেখ না করে, "স্বনাসের প্রার্থনা" "শিবরীগান" "অনন্ত প্রেম" প্রভৃতি মানসীর কবিতাকে উপেক্ষা করে, "নব বঙ্গ সম্পত্তির প্রমালাপ" "বঙ্গবীর" প্রভৃতির দীর্ঘ আলোচনা করতেন না। এটা বাঙালীজাতির সমালোচনা নয়, কবি রবীন্দ্রের সমালোচনা। এতে এরকম প্রিন্সিপ দেখলে মনে হতে পারে, বড় জিনিষের চেয়ে ছোট জিনিষই ইংরেজ ভালবাসেন। Western intelligence যদি "উর্ধ্বশীর" আলোচনার পরেই "ধর্মপ্রচার"কে সমালোচনায় সব চেয়ে বেশী স্থান দেয়, সে কি নিজেই নিজের অপমান করে না? Nationalismকে একপেপে বলে তিন পৃষ্ঠায় তাঁর আলোচনা সেরে বাঙালীর নিন্দায় ১০১২ পাতার বেশী খরচ ক'লে কিসের পরিচয় দেওয়া হয়, tolerance ও আত্মপ্রশংসাপ্রিয়তার কার স্থান কোথায় হয়, সহজেই তা বোঝা যায়। ধর্মপ্রচারক a scorching arraignment of his (a Salvationist missionary's) assailants বলা যায়, কিন্তু "throbbing protest against his own countrymen's bigotry and cowardice" বললে বেশী বলা হয়। এ কথা ত বাঙালী সাধারণের কথা নয়, বিশেষ কয়েকজন বাঙালীর কথা। লোককে অজ্ঞায়রূপে মেরেও ইংরেজ কাপুকষরাও পুলিশের ভয়ে দৌড় মারে, শুধু বাঙালী নয়। ক্যাথলিক ও প্রোটেস্ট্যান্টদের বিরোধ নিয়ে ইংরেজজাতি বত নরহত্যা করেছে, গত কয়েক বৎসরেও অহুসারতা ও কাপুকষতার পরিচায়ক ধর্মবিশয়ক দাঙ্গা বত ইংলণ্ডে হয়েছে, তাঁর কথাও ইতিহাস থেকে মুছে যায়নি। সুতরাং এসব কথা না ভোলাই ভাল। ধর্মপ্রচারের যে অংশ রবীন্দ্রনাথ নিজে বান দিয়েছেন, সে অংশটার আলোচনা না করলে মিঃ টমসনের প্রেজুডিস সম্বন্ধে আমাদের সন্দেহ কম হত। "ধর্মপ্রচার" কবিতাটি খুঁটভক্তের প্রাণে লাগতে পারে নিশ্চয়, কিন্তু সেটি যে রবিবাবুর

সর্বশ্রেষ্ঠ কবিতার একটি নয় এবং বাঙালী জাতি খৃষ্টতত্ত্বের উপর হুবেলা অত্যাচার করে বেড়ায় না, এবিষয়ে সন্দেহ নেই আমরা মনে করি। একথা সকলেই জানে, বাঙালী ইংরেজ কি অন্তান্ত্র জাতির চেয়ে ধর্ম এবং অন্তান্ত্র বিষয়ে tolerant। কবি ও কাব্যের সমালোচক জাতিগত ও ধর্মগত পঞ্জী ছাড়িয়ে সব জিনিষের বিচার করতে বাধ্য। রবিবাবুর কবিতা অবলম্বন করে বাঙালীর যে-সব দোষের উল্লেখ করা হয়েছে তার সব কিছু বিচার করা এখানে সম্ভব নয়। ধরে নিলাম সব দোষই বাঙালীর আছে, কিন্তু বিশ্বসাহিত্য দ্বারা রবিবাবুর বিচার এইসব কবিতা দিয়ে কোনো কালে হবে না, হওয়া উচিতও নয়। রবীন্দ্রনাথ বাঙালী; বাঙালীকে ভালবাসেন বলে তার উপকারের জন্য তিনি তার গুণ দেখাতে তত চেষ্টা করেননি যত করেছেন তার ক্ষুদ্রতম থেকে বৃহত্তম সব দোষ দেখাতে; হয় ত জোর দেবার জন্য কোনো কোনো জায়গায় (যথা “ধর্মপ্রচার”) বাড়িয়ে বলেছেন, বসবার তাঁর অধিকার আছে। বাঙালী জাতির প্রতি তাঁর বহু বিষয়ে আশ্রয় কথা আমরা স্বকর্ণে শুনেছি; কিছু কিছু পড়েওছি। “কর্তার ইচ্ছায় কর্ণে” আছে—“বাঙালীকে আমি অস্বীকার করি। আমি জানি আমাদের যুবকদের যৌবনধর্ম কখনই চিরদিন ধার-করা বার্ককোর মুখস পরিয়া বিজ্ঞ সাজিবে না।” মা হেলেকে যেমন করে শাসন করে দোষ ধরে, বিশ্ববিদ্যালয়ের পরীক্ষকের ত তেমন করবার কথা নয়; সুতরাং রবীন্দ্রনাথের মত করে বাঙালীকে বলবার কারণ অধিকার নেই। যদি কেউ বলেন, তবে নিরপেক্ষভাবে সমস্ত পৃথিবীর সকলজাতির দোষগুণের সঙ্গে তুলনা করে তাঁকে বলতে হবে। H. G. Wells, Bernard Shaw, Dickens, Thackeray, Wordsworth, Carlyle, Burke প্রভৃতি স্বদেশবাসীর যে কঠোর সমালোচনা করেছেন, তা তাঁদের শোভা পায়, আমাদের তা করতে বাওয়া সম্ভব না। তা ছাড়া তাঁদের বই খুলে সে-দেশের নিন্দাপত্র পাশাপাশি সাজিয়ে দিলে ইংলণ্ডের ঠিক চিত্রও দেওয়া হবে না, এবং সাহিত্যিক হিসাবে তাঁদের বিচার করতে হলে কোথায় কত দেশের নিন্দা আছে তা দেখলে চলবে না, দেখতে হবে সাহিত্য হিসাবে সেগুলোর স্থান কত উঁচুতে কি নীচুতে।

কবি Wordsworth ত লিখেছেন, “At this day, if for Greece, Egypt, India, Africa, Aught good were destined, thou woudest step between. England! all nations in this charge agree.” আমরা অবশ্য প্রত্যেক ইংরেজ সংক্ষেপে একথা মনে করি না। সার চালর্স ডিক্স বলেন, “There is too much fear that the English, unless held in check, exhibit a singularly strong disposition towards cruelty, wherever they have a weak enemy to meet.....(ইহা কি cowardice নয়?) It is not only in war time that our cruelty comes out: it is often seen in trifles during peace.” (Dilke’s “Greater Britain.” 5th edition of 1870, pp. 445-7.) প্রত্যেক ইংরেজ সংক্ষেপে এরকম ধারণাও আমাদের নেই।

ইংলণ্ডে গত বৎসর রবীন্দ্রনাথের বাণী শুনতে তত আগ্রহ আর দেখা যায় মি শোনা যাচ্ছে। শুনিছি কিছু দিন আগে থেকেই সেখানে তাঁর খ্যাতি কমে গেছে। মিঃ টমসন্ এর জন্ত অত্যন্ত দুঃখিত, কারণ তিনি রবীন্দ্রনাথের মূল্য বোঝেন এবং বন্ধুভাবে তাঁকে ভালবাসেন। কিন্তু মিঃ টমসনের দেশবাসীকে এই সুযোগে কেউ কেউ বস্তুতাত্ত্বিক বলাতে তিনি ক্রুদ্ধ হয়ে ইংলণ্ডের পক্ষ সমর্থন করে অনেক কারণ দেখিয়েছেন (p. 46) (p. 56)। খ্যাতি কমান কারণ দেখিয়ে মিঃ

টমসন্ বলছেন, “I think the poet himself and his publishers almost entirely to blame।” রবীন্দ্রনাথের দোষ তিনি অনেক দেখিয়েছেন; তার মধ্যে সবচেয়ে বড় হচ্ছে দুটি। প্রথম, রবীন্দ্রনাথ ও তাঁর প্রকাশক নাকি কেবলি এক “মিষ্টিক” হরের বই পর পর ইংলণ্ডকে উপহার দিয়েছেন। এতে তাঁর বহুমুখী প্রতিভা সংক্ষেপে লোকের ভুল ধারণা হওয়া স্বাভাবিক। দ্বিতীয়, পাশ্চাত্য জাতির বুদ্ধিকে রবীন্দ্রনাথ অপমান করেছেন অনুবাদে কেবল জোলো জিনিষ দিয়ে আর “boldest, strongest poems” বাদ দিয়ে ছেঁটে কেটে। একথা আমরা নিশ্চয়ই স্বীকার করব যে রবীন্দ্রনাথের বাংলা রচনার কাছে তাঁর প্রায় কোনো অনুবাদই দাঁড়াতে পারে না; বাংলায় তিনি যে অক্ষয় সৌন্দর্যের সৃষ্টি করেছেন, ইংরেজ কি বাঙালী কারো অনুবাদেই তা পাই না, পাওয়া সম্ভব নয়। তার উপর মিঃ টমসনের এ অভিযোগও সত্য যে রবীন্দ্রনাথ তাঁর শ্রেষ্ঠ কবিতাগুলি অনুবাদের সময় ছেঁটে কেটে জীর্ণ শীর্ণ করে অনেক সময়ই বিদেশীর কাছে হাজির করেছেন। “বলাকার” ‘ছবি’ ও “ভারত-ঈশ্বর সাজাহানের” ইংরেজিতে যে শীর্ণ মূর্তি, তা দেখে দুঃখ হওয়া মানুষের স্বাভাবিক। শ্রেষ্ঠতম সুন্দর কবিতার অনেক প্রায় অনুবাদ করা হয়নি। ছোট গল্পের যে প্রথম খণ্ড ইংরেজিতে প্রকাশিত হয় তার মধ্যে প্রথম শ্রেণীর অনেক গল্প বাদ পড়েছে এবং দ্বিতীয় শ্রেণীর গল্প স্থান পেয়েছে, একথাও সত্য। মিঃ টমসন্ এবং আমরা রবিবাবুর যে-সকল গল্পকে প্রথম শ্রেণীর মনে করি, তার অনেকগুলি আজ পর্যন্ত ম্যাকমিলান ছাপানি। দুঃস্থ স্বরূপ বলা যায়, “মেঘ ও রৌদ্র” “মহামায়া” “নিশীথে” প্রভৃতি। শব্দের দুটি এবং আরো অনেক অপ্রকাশিত প্রথম শ্রেণীর গল্প Modern Review পত্র বহুকাল আগে বেরিয়েছিল। রবীন্দ্রনাথের রচনাবলীর সঙ্গে তাঁকে ভাল করে বোঝবার জন্য পশ্চিমকে তাঁর জীবনকথা, “জীবনদেবতা”, বঙ্গ ও ভারতের পুরাণ ইতিহাসের কিছু খোঁজ ভারতবাসীর দেওয়া উচিত ছিল, মিঃ টমসনের একথাও আমরা মাথা হেঁট করে স্বীকার করি। অনুবাদে তাঁর বহুমুখী প্রতিভাকে দেখাবার চেষ্টা প্রথম থেকেই করা উচিত ছিল, একথাও আমরা মানি (যদিও রবীন্দ্রনাথের স্বতন্ত্র অনুবাদগুলি ঠিক অনুবাদ নয়, সেগুলি তাঁর স্বতন্ত্র ইংরেজি রচনাকপে বিচার করা চলে)। কিন্তু এত কথা মনে নেবার পর বলবারও আমাদের কিছু আছে। ইউরোপের সব দেশের কথা জানি না, কিন্তু একথা সত্য যে সাধারণতঃ ইংরেজ সম্পাদক ও প্রকাশকরা “whatever is so delightfully Eastern”, অর্থাৎ যা বেঝা যায় না, তাই প্রকাশ করবার জন্তই বেশী ব্যগ্র। বিশ্ব-সাহিত্য কি শিল্পহিসাবে যখন কোনো জিনিষের বিচার করা হয়, তখন এইসব সম্পাদক ও প্রকাশক Eastকে সে মাপকাঠিতে বিচার করেন না। যে জিনিষ পশ্চিমে পলে তাঁরা খুসী হয়ে মাথায় তুলে নেন, পূর্বদেশ তা দিলে তাঁরা তাতে তৎক্ষণাৎ জাল কিছা নকল পশ্চিমকে দেখতে পেয়ে ফিরিয়ে দেন। তা ছাড়া পূর্বদেশের সব কিছুই depth আর splendour যে পশ্চিম বোঝেন মিঃ টমসনের Crescent Moonএর সমালোচনা দেখে ত তা মনে হয় না। অবশ্য আমরা একথাও বলি যে সবদেশেই এমন মানুষ আছেন যারা অন্ত দেশের রসের রূপ বোঝেন। অনুবাদ সংক্ষেপে বলা যায় যে পাশ্চাত্য ভাষা একটার থেকে আর একটার রূপান্তরিত হলে দুটোর মধ্যে যতখানি মিল থাকে, পূর্বদেশের ভাষা পশ্চিমের ভাষার অনুবাদ করলে তা থাকে সম্ভব নয়। এ দুইদেশের ভাব ভাষা উপমা প্রকাশভঙ্গী অলঙ্কার পুরাণ ইতিহাসের allusions, সমস্তই দুটো আলাদা জগতের। তাঁর উপর কোনো পশ্চিম দেশের লোক পাশ্চাত্য অন্তান্ত্র দেশের সাহিত্যের সঙ্গে যতটা পরিচিত, আচ্য সাহিত্যের সঙ্গে

তার শতাংশের এক অংশও নয়। আর একটা কথাও বলবার আছে। মিঃ টমসন বলেছেন (p. 56), যুদ্ধের পর ইংলণ্ডের মানুষ জীবনসংগ্রামে এত ব্যস্ত যে কালিদাস, Shakespeare, Aeschylus একসঙ্গে দল বেঁধে এলেও আগের মত আদর পেতেন না; রবীন্দ্রনাথের না পাওয়া আর আশ্চর্য্য কি? কিন্তু ইউরোপের Continent-এর মানুষকে ত মহাযুদ্ধ ছেড়ে কথা কয় নি; তাদের জীবনসংগ্রাম কি কিছুমাত্র কম? তারা রবীন্দ্রনাথের বাংলা রচনার তর্জমার তর্জমা পড়েও তাঁকে এত সাগ্রহ অভ্যর্থনা যদি যুদ্ধের পর করতে পেরেছে তবে ইংলণ্ড কেন তা পারবে না? এর দ্বারা কি বুঝতে হবে না, ইংলণ্ডই বেশী বস্তুতাত্ত্বিক 'শিল্প সাহিত্যকে ভাগ (Renunciation of Beauty) যে এত ঘোর সংগ্রামের মধ্যেও করে না, ইংলণ্ডের চেয়ে বস্তুতাত্ত্বিক সে কম বলতে হবে। ইংলণ্ড আগে একবার করে নিরাশ হয়েছে বললেই যথেষ্ট জবাবদিহি হয় না।

রবীন্দ্রনাথের কাব্য ও অন্যান্য সাহিত্যের সমালোচনার মিঃ টমসন যথেষ্ট রসবোধের পরিচয় দিয়েছেন। তিনি বলেছেন, "He is a great poet, greater than any of us. Very few English writers would believe this to-day. Nevertheless, he is a much greater poet, greater writer than English critical opinion imagines"। তাঁর বহুমুখী প্রতিভা দেখে মিঃ টমসন বিস্ময় প্রকাশ করে বলেছেন, "Not even Victor Hugo had a wider range of form and mood"। অবশ্য 'yet he was born a Bengali' বলতে মিঃ টমসন শোলে নি। আশ্চর্য্যের বিষয় এই, যে, রবীন্দ্রনাথের পূর্বেও এই গঙ্গামাতৃক দেশে, এই বাংলায়, অন্ততঃ আরও একজন Universal মানব জগৎ গ্রহণ করেছিলেন। রামমোহন রায় কবি না হতে পারেন, কিন্তু আধুনিক জগতের তিনি একজন শ্রেষ্ঠতম মহাপুরুষ। এই নিগূর্ণ বাংলাদেশে যে কি কারণে বার বার মহাপুরুষের আবির্ভাব হয়, তা মিঃ টমসন গবেষণা করে বার করলে ভাল হয়। তিনি 'শক্তি-বাবুর দোহাই দিয়ে বাঙালীকে মুখ, ভীক, provincial, অনেক কিছু বলে নিয়েছেন। আমরা যোদ্ধাজাতি নই বলে যে নিন্দা করেছেন সেটাতে ছুঃখ নেই; কারণ আমরা তা হতে চাই না, যুদ্ধ করাই বীরত্বের আর সাহসের একমাত্র পরিচয় নয়। ক্লাইবের আমলে যে বাঙালী সিপাহীরা ইংরেজের তর্ক্ষে অনেক যুদ্ধ জিতেছিল, তাতে আমাদের গৌরব কব্বার কিছু নেই। বর্তমান বাংলার ইতিহাসেও বাঙালীর নির্ভয়ে প্রাণ বেওয়ার বহু নিদর্শন আছে। যুদ্ধক্ষেত্রে ত দিয়েইছে, স্বৈচ্ছায় ফাঁসিকাঠেও সে নির্ভয়ে প্রাণ দিয়েছে। ইউরোপীয় মহাসমরেও বাঙালী নির্ভয়ে স্বৈচ্ছায় প্রাণ দিয়েছে। বাঙালীর সমুদ্র-যাত্রা ও উপনিবেশ স্থাপনের কথা ইংরেজ ঐতিহাসিক Hunter-এর বই খুলে মিঃ টমসন দেখতে পারেন। "The ruin of Tamruk as a seat of maritime commerce affords an explanation of how Bengalis ceased to be a sea-going people. In the Buddhist era they sent warlike fleets to the east and the west and colonised the islands of the archipelago."—W. W. Hunter's Orissa, pp. 314-315. কোম্পানীর আমলে পর্যন্ত বাঙালী নিজের তৈরী জাহাজে সমুদ্রে যেত। বঙ্গের জাহাজনির্মাণ ব্যবসা সেই সময়ে বিনষ্ট করা হয়। বাঙালীর tradition হিসাবে এসব কথাই মূল্য আছে। বর্তমানে অবশ্য ভাব্যতীয় অন্যান্য জাতির মত বাঙালীরও নিজস্ব জাহাজ প্রভৃতি প্রায় নেই। পরের জাহাজেই তারা সমুদ্রযাত্রা করে। অন্যান্য অপবাদ লব্ধে প্রথম কথা এই যে বাঙালী ছাড়া জগতে আরো অনেক

জাতি আছে যারা নিষ্কলঙ্ক নয়, তাদের এই সব দোষ আছে— বিতীয় কথা বাঙালী ছাড়া অন্য কোনো জাতির বাঙালীকে এতটা নিন্দা করার অধিকার নেই। যদি সে জাতি নিষ্কলঙ্ক হয়, তবে যেন সে অন্তকে নিন্দা করে। যুগ্ট বলেছেন, "He that is without sin among you, let him first cast a stone at her!" মিঃ টমসন ত নিজেই লিখেছেন, "Let the Westerner who feels entitled to fling a stone at some Indian evils remember England's penal laws of a century ago, or her representatives' paroxysm of fury in the Indian Mutiny, or in Governor Eyre's Jamaica regime, or the savagery of both sides in Ireland, or America's lynching record (p. 80)। মিঃ টমসন লিখেছেন, "It (Bengal) brags that it leads the world"। এ কথা আজ প্রথম শুনলাম। বাংলায় নাকি কে-কোন ইংরেজ রবীন্দ্রনাথের প্রশংসা করে তাকেই তার শিষ্য বলা হয়। এটাও নূতন খবর। এঞ্জু ও পিয়ার্সন সাহেবকে রবীন্দ্রনাথের শিষ্য বলা হয় জানি, কারণ তাঁরা রবীন্দ্রনাথকে "গুরুদেব" বলে স্বীকার করেছেন। মিঃ টমসনকে যদি এ আখ্যা-কেউ দিয়ে থাকে, তবে সে বেচারাকে বলি, বাঙালীজনহুলভ অলঙ্কারপ্রিয়তাটা যেন সে এর পর থেকে বর্জন করে কথা বলে। মিঃ টমসন বোধ হয় জানেন, বাংলা দেশে রবি-বাবুর বাঙালী "শিষ্যরা" ইংরেজ "শিষ্য"দের মতই স্বাধীন চিন্তার মর্যাদা বোঝে এবং রাখতে চেষ্টা করে। মিঃ টমসন আরো বলেছেন বাংলা দেশে, "The Nobel award was commonly understood to mean that the world's opinion had sent him to the head of the class, with the corollary that his race also now 'led all the rest'"। সব জাতির প্রাপ্ত পুরস্কার জড়িয়ে দেখলে পৃথিবীতে নোবেল প্রাইজ পেয়েছে অশ্রুণী সব চেয়ে বেশী অর্থাৎ ২২ বার। দ্বিতীয় স্থান হচ্ছে ফ্রান্সের, সে পেয়েছে ১৫ বার। * সকলের চেয়ে কমবার পেয়েছে ভারত (বাংলা) ও পোলাণ্ড, মাত্র ১ বার। নোবেল প্রাইজকে যদি ২২ বর্ষের শ্রেষ্ঠ ছাপ বলে ধরাও হয়, তবে একবার মাত্র সেটা পেয়ে জার্মানী প্রভৃতি পৃথিবীর সকল জাতির সেরা নিজেকে মনে করবে বাংলাদেশের বুদ্ধিমান লোকেরা এত বোকা নয়। নোবেল প্রাইজ খুব বড় ছাপ একথা বলবই, কিন্তু তবু তারও খুব আছে; সে ত Johan Bjer, Anatole France (এই সমালোচনা পত্র আখিন মাসে লেখা হয়; তখন ইনি নোবেল প্রাইজ পান নি), Hermann Sudermann, H. G. Wells কাউকে এখনও ছাপ দেয়নি; অথচ Rudyard Kiplingকে দিয়েছে; কিন্তু তাই বলেই কি R. Kipling এঁদের চেয়ে বড়? আমরা ত তা বলি না। কে-কোনো একজন বাঙালী যদি বলেও থাকে, "Bengal leads the world" তবে তার কথাটা সমগ্র বাংলার কথা নয়। রবীন্দ্রনাথও জগদীশচন্দ্র বাঙালী বলে বাংলা দেশ জগতের অগ্রণী, এমন হাস্যকর ধারণা আমাদের নেই। আমরা বাগাড়ম্বর করবার জগ্গে বসুছি না, কারণ আমরা জানি অগংসভায় আমাদের স্থান কত নীচে কিন্তু এই সব দোষের আকর বাংলাতেও যে সব রকম মহৎ বীজ আছে তাই জানাবার জগ্গ বসুছি, বাংলা দেশে রবীন্দ্রনাথ ও জগদীশচন্দ্র ছাড়াও এমন মানুষ জন্মেছেন যাদের কীর্তি নিতান্ত দৃচ্ছ নয়। যারা "provincial" নন সেইসব সর্পগণাকর জাতি এঁদের চেয়ে অনেক নীচুদের কোন কোন কীর্তিমানে নিয়েও জগতে জয়দুন্দুভি বাজিয়ে বেড়ান। গুণপনায় বাংলার মুষ্টিমেয় এইসব মানুষ যতই বড় হোন, সংখ্যায় তাঁরা অতি অল্প বলে আমরা লজ্জিত; তাই আমরা

* আনাতোল ফাঁসু পাওয়ার পর ১৬ বার হয়েছে।

তাদের কীর্তি ঘোষণা করতে চাই না। রবীন্দ্রনাথ বলেছিলেন বটে, "এর চাইতে হতেম যদি আরব বেজুইন।" কিন্তু জীবনে অনেক কিছুই তিনি খেয়ালের বেশে হতে চেয়েছেন। তবু আমাদের বিশ্বাস, সে সব কিছুই চেয়ে তিনি যা আছেন সেইটার প্রতিই তাঁর টান বেশী। মিঃ টমসনও বোধ হয় মনে করেন না, যে, আরব বেজুইন হবার লোভ রবীন্দ্রনাথের খুব প্রবল। রবীন্দ্রনাথকে জিজ্ঞাসা করে দেখলে হয় না কি? তিনিই তা বলেছেন, "সার্থক জনম আমার জগেছি এই বেশে"; "পরজন্ম সত্য হলে কি ঘটে মোর সেটা জানি, আবার আমার টানবে ধরে' বাঙ্গা দেশের এ রাজধানী"; "মানার বাংলা, আমি তোমায় ভালবাসি"। বাঙালীকে তিনি যতই কঠোর কথা বলুন, বাঙালীকেই যে তিনি সকলের চেয়ে ভাল বাসেন, এ বিষয়ে কোনো সন্দেহ তাঁর রচনাবলীর পাঠকের নেই। তিনি পাতায় পাতায় গর্প করে না বেড়াতে পারেন, কিন্তু তিনি জানেন ও মানেন যে বাঙালীর এমন অনেক সম্পদ আছে যা জগতের হাতে বাজারে সর্বত্র মেলে না।

রবীন্দ্রনাথ সম্বন্ধে মিঃ টমসন বলেন, "first among his countrymen, he *lived*, in the fullest sense . . ." এখানে live কথাটার মানে, to live a life rich in experience, to live vigorously in respect to activity or emotions। রবিবাবুই প্রথমে এদেশে এই অর্থে জীবন যাপন করেছেন, এ কথা বলা বোধ হয় দুঃসাহসের কাজ। নানা দিকে তাঁর প্রতিভা ও মহত্ব আছে, কিন্তু এমন অনেক রকম অভিজ্ঞতা লাভ ও রস আশ্বাদন অনেক বাঙালী করেছেন, যা তিনি করেন নি।

কালিদাস ও বৈষ্ণব কবিগণের প্রভাব রবি-বাবুর কবিতায় কতখানি তাঁর বিচার করে মিঃ টমসন বলছেন, বৈষ্ণব কবিদের রবীন্দ্রনাথ বড় বেশী সম্মান করেন। আমাদের ত তাই মনে হয়। বৈষ্ণব কবিদের কবিতার বিষয় রবীন্দ্রনাথকে যতখানি অনুপ্রাণিত করেছে, কবিতাগুলি বাস্তবিক ততখানি করেনি। মিঃ টমসন বলেন, কালিদাসই রবীন্দ্রনাথের আসল গুরু। তিনি বলেন, "The two poets, the greatest India has ever produced, differ as strikingly as they resemble each other. Both are passionate lovers of the rains . . ." ইউরোপীয় কবিদের মধ্যে Shelley এবং তার পর Browning ও Keats-এর প্রভাব রবীন্দ্রনাথের কবিতায় দেখা যায়। মিঃ টমসনও এই কথা বলেন। আমরা দেখেছি "বয়শেষ" কবিতাটির সঙ্গে Shelleyর West Wind এর কিছু সাদৃশ্য আছে। সব রকম প্রভাবের কথা বলে মিঃ টমসন বলছেন, But in the case of a wide and desultory reader like Rabindranath, it is not possible to say where he found the suggestion for this or that idea or phrase। ঠিক কথা।

রবীন্দ্রনাথের শৈশব সঙ্গীতের কবিতা ও "বলাকা" এবং "করণী" উপস্থাপন ও 'গোরা' "ঘরে বাইরে" প্রভৃতি দীর্ঘা তুলনা করে পড়েছেন, তাঁরা যদি লেখক হন, তবে মাসিক পত্রের সম্পাদকদের হাজার কথাতো তাঁদের হতাশ হবার কিছু নেই। এখানে মিঃ টমসনের কথাটা তুলে দেওয়া চলে। "It must be admitted that he has written a great deal too much, and that the chief stumbling block in the way of accepting him among great poets is the inequality of his work"। এর সব কথায় মায় না দিতে পারলেও এতে সত্য আছে। এর পর মিঃ টমসন রবীন্দ্রনাথের লেখার (বিশেষ করে চৈতালীর আগের দিকের)

"flowery undergrowth" কান্ডে চালিয়ে কাটবার পরামর্শ দিয়েছেন। তাঁর লেখার ফুল, চাঁদ, দখিন হাওয়া, বসন্ত, শরৎ, অশ্রু, হাসি, বিরহ, জন্মের প্রভৃতির ছড়াছড়ি দেখে লোকে মার্কি ক্লেপে ওঠে। মিঃ টমসন "উর্ধ্বশী" থেকে শেষটা তুলে দিয়ে তা প্রমাণ করেছেন। এর বিরুদ্ধে কিন্তু আমরাও কয়েকটা হিসাব দিতে চাই। পত্র, সিন্ধুতরঙ্গ, শ্রাবণের পত্র, দেশের উন্নতি, ধর্মপ্রচার ধ্যান, পরশপাথর, নবম্পতির প্রেমালোপ, সমুদ্রের প্রতি, এবার ফিরাও মোরে, পুরাতন ভৃত্য, বঙ্গবীর, ব্রাহ্মণ, প্রভৃতি চৈতালীর আগের অনেক কবিতায় এজাতীয় কথা প্রায় খুঁজেই পাওয়া যায় না। ক্ষণিকা ১৫৯ পৃষ্ঠার বই, প্রেম ও বিরহ প্রভৃতি বিষয়েই তাঁর অধিকাংশ কবিতা লেখা। তাঁর প্রথম ৭৭ পৃষ্ঠায় ১৫০০ লাইন কবিতায় কথা আছে প্রায় পাঁচ হাজার; কিন্তু খুঁজে দেখলাম এতে দক্ষিণ পবনার্থক কথা আমাদের চোখে পড়েছে মাত্র একবার, এবং ওই জাতীয় ফুল, চাঁদ, জন্মের প্রভৃতি সব কথার মোট সংখ্যা ৬৪ ১২ কি বড় জোর ৭০। 'বলাকার' 'ছবি' বিরহের কবিতা বলা যেতে পারে, কিন্তু অশ্রু, বিরহ, কান্না, দীর্ঘশ্বাস প্রভৃতি কথা তাতে চোখে পড়ে না। এমন কি "উর্ধ্বশী", যাতে এসব থাকবারই কথা, তাতেও সবটা গুণে দেখি ৩৩২টি কথার মধ্যে ৩৩টি মাত্র ঐ জাতীয়। মিঃ টমসন যেটুকু বেছে তুলে দিয়েছেন তাতে কথার হিসাব আড়াই গুণ বেড়ে যায়। ৭২ পৃষ্ঠায় কোন্ এক বাঙালীর কথা তুলে মিঃ টমসন বলছেন, "my Bengali friend who complained of too much south wind and a glut of flowers had reason. Only too many suppose that Rabindranath is a poet of softer beauty, evading the sterner." মিঃ টমসন নিজেই কিন্তু প্রতিবাদ করে বলছেন, "But this was never the case, even in his early work; at any rate was never the case after Evening Songs. In *Manasi*, for example, is one of the grandest and most terrible sea (সিন্ধুতরঙ্গ) storms in the world's literature" (p. 72)। আমরা এঁদের "সিন্ধুতরঙ্গ", "বয়শেষ", "বৈশাখ", "দূর হাতে কি গুনিম্ মৃত্যুর গর্জন", "পুরাতন বৎসরের জীর্ণ ক্রান্ত রাত্রি" প্রভৃতি পড়তে বলি।

রবীন্দ্রনাথের "জীবন-দেবতা"কে (p. 71) পশ্চিমকে বোঝাবার চেষ্টা মিঃ টমসন যথাসাধ্য করেছেন; এর জন্ত তাঁর কাছে আমরা কৃতজ্ঞ। জীবন-দেবতাকে না বুঝলে তাঁর অনেক উচ্চাঙ্গের কবিতা বোঝা শক্ত। পশ্চিম দেশকে এর পরিচয় দিয়ে মিঃ টমসন বড় একটা কাজ করেছেন। বিশ্বপ্রকৃতির সঙ্গে রবীন্দ্রনাথের সম্পর্ক যে কত নিকট তা মিঃ টমসন বুঝেছেন। তিনি বলেন, "No poet that ever lived has had a more constant and intimate touch with natural beauty." রবীন্দ্রনাথ সম্বন্ধে মিঃ টমসন আরও বলেন, "no poet that ever lived has shown his power of identification of himself with nature, of sinking into her life"। মিঃ টমসনের মতে রবীন্দ্রনাথের ছোট গল্প জগতের শ্রেষ্ঠ ছোট গল্পের সঙ্গে আসন পাবার যোগ্য; কিন্তু তবু পশ্চিম দেশ একে অভ্যস্ত অবহেলা করেছে দেখে তিনি বিস্ময় বোধ করেছেন। মিঃ টমসন গল্পগুচ্ছের প্রতি খুব সূনিচার করেছেন। তাঁর শ্রেষ্ঠ গল্পের তালিকার সঙ্গে আমাদের তালিকা হুবহু না মিললেও অনেকটা মিলেছে। মিঃ টমসন বলেন, "no question has stirred him more deeply or constantly than the position of women. His stories show an understanding of women, as the work of exceedingly few men does" (p. 78)। এ বিষয়ে কোনই সন্দেহ নেই। রবীন্দ্রনাথের উপস্থাপনগুলির মধ্যে 'চোখের বাসি'

ও ‘চতুরঙ্গ’র উল্লেখ বইখানিতে নেই; “গোরা”কে তার বখাযোগী আসন দেওয়া হয়েছে। নাটকের মধ্যে “প্রশস্তিত” ‘অচলায়তন’ ‘প্রজ্ঞাপতির নিরীক’ প্রভৃতি কয়েকটির নাম নেই; “বিসর্জন”, ‘মালিনী’ ও চিত্রাঙ্গদা প্রভৃতি মিঃ টমসনের কষ্টিপাথরে সোনার আঁচড়ই দিয়েছে। “কর্ণ ও কুন্তী” মিঃ টমসনের মতে “is beyond praise”। চিত্রাঙ্গদা সম্বন্ধে মিঃ টমসন বলেন, “the reader can see how masterly it is, in whole and detail. It is one of the summits of his work, unsurpassed and unsurpassable in its kind. The play’s form is superb”। বিসর্জনের সঙ্গে তুলনা করে মিঃ টমসন বলছেন, “If Chitrangada is the lover’s poem, Sacrifice is the greater drama, indeed the greatest in Bengali literature. It is amazing that work so excellent and varied in kind should have come together.” প্রকৃতির প্রতিশোধ সম্বন্ধে মিঃ টমসন বলেন, “The readers can see how remarkable it is”। তিনি বলেন, “The dramas show also how the poet was emancipating himself from the tangles of the solely artistic aim and life. He is a strayed Hercules, trapped, as he slept, in the wood nymphs’ flowery meshes, and he breaks free in showers of scattered radiance”। নাটকাদি আলোচনার শেষে তিনি বলছেন, “I feel the poet has never realised his possibilities as dramatist” (p. 82)। সম্ভবত তাই। বিসর্জন প্রভৃতিই তাঁর যৌবনের রচনা, পরিণত বয়সে তিনি হয়ত এর চেয়েও অনেক বড় ঐ জাতীয় নাটক লিখতে পারতেন। মিঃ টমসনের ভয় পাবার কারণ নেই। “Lagorite” মাত্রেরই সর্বক্ষেত্রে “the symbolism is essential” নাও বলতে পারেন। তবে তাঁরা রূপক নাটকগুলিতে মিঃ টমসনের মত “sob stuff” এর আধিক্য হয়ত দেখেন নি। রবীন্দ্রনাথের গান সম্বন্ধে মিঃ টমসন বলেছেন, “If the reader can take his English books, and find the half dozen lyrics most perfect in grace and suggestion and then in imagination multiply that grace and suggestion tenfold, he can guess what these Songs are like”। ইংরেজের কাছে বাঙালীর গানের এত বড় প্রশংসা পাওয়া কম কথা নয়। ‘উর্দুলা’ ও ‘বলাকার’ প্রতি মিঃ টমসনের অনুরাগ তাঁর রসবোধেরই পরিচয় দেয়। ‘খেয়া’ ও ‘শিশু’কে মিঃ টমসন বড় বেশী অবহেলা করেছেন। ‘শিশু’কে ত তিনি নিতান্তই তাচ্ছিল্য করেছেন।

শান্তিনিকেতন আশ্রম ও আশ্রমের কেন্দ্র রবীন্দ্রনাথকে মিঃ টমসন বন্ধুর চোখে দেখেছেন, বিচারকের চোখে নয়। এখানে দোষের দিকে তাঁর চোখ যায় নি, গিয়েছে গুণের দিকে।

মিঃ টমসন রবীন্দ্রনাথের ‘গীতাঞ্জলি’ প্রভৃতির ধর্ম হিন্দু, খৃষ্টীয়, বৌদ্ধ প্রভৃতি নানা ধর্মের প্রভাব কতখানি আছে বা নেই, তার আলোচনা করেছেন। এ সম্বন্ধে আমাদের জ্ঞান নিতান্তই কম, সুতরাং বেশী কিছু না বলাই ভাল। শান্তিনিকেতনের উপাসনার ও রবিবাবুর জীকনে “পিতানোহ্মি” মন্ত্রের উল্লেখ করে মিঃ টমসন খৃষ্টীয় প্রভাবের কথা তুলেছেন।

শান্তিনিকেতন আশ্রমের সকালের উপাসনার মন্ত্র “ও পিতা নোহ্মি” নাকি “Christian in every phrase” মন্ত্রটি মহর্ষিদেবতার ব্রাহ্মধর্মে সংগ্রহ করছেন। এটি গুরু বজ্রকর্ষদের মন্ত্রত্রিশ অধ্যায় ২০ মন্ত্র (৩৭২০) হইতে গৃহীত। বজ্রকর্ষদের সময় ৮০০ হইতে ১০০০

খৃষ্টপূর্বাব্দ। তা ছাড়া উপাস্ত্র দেবতার পিতৃহবিষয়ক মন্ত্র ঋগ্বেদেও পাওয়া যায়। “The doctrine of the Fatherhood of God” যে কেবল খৃষ্টীয় ধর্মের শিক্ষা নয়, তার প্রমাণস্বরূপ ইংরেজ লেখক Dr. George A. Grierson এর কথা তুলে দেখান যায়। তিনি বলেন, “India thus owes the idea of a God of Grace, of the Fatherhood of God, to the Bhagavatas.” (এই ভাগবতবিগের ধর্ম ভারতবর্ষে খৃষ্টের জন্মের অন্ততঃ চার শতাব্দী পূর্বেও ছিল।) “The conceptions of the fatherhood of God and of Bhakti were indigenous to India.” (Encyclopaedia of Religion and Ethics, Edited by James Hastings, Vol. II, Bhaktimarga.) এই প্রবন্ধেই আছে, “Devotional faith implies not only a personal God, but one God. This feeling was very old in India. We occasionally come across what it is difficult to distinguish from *Bhakti* even in Vedic hymns.”

প্রাচীনপন্থা হিন্দু জগৎপ্রবাদের ও কল্পনার প্রভৃতিকে যে চক্ষে দেখতেন, রবীন্দ্রনাথ সে চক্ষে দেখেন না সত্য। কিছু সৃষ্টির মধ্যে জীবনের যে অন্তর্গতবাহকে তিনি অগ্রসর করেন, মানুষের মনে অতীত ও ভবিষ্যতে নানাভাবে আপনাকে দেখবার ও পাবার যে চিরস্থায়ী স্পৃহা ও কথা তাঁর কণিতার পাই, এসব কি হিন্দু মনেরই সংস্কৃত রূপ নয়? তবে গীতাঞ্জলি প্রভৃতির হিন্দুই আপাত্তি কোথায়? বাইবেলে সেসব অসম্ভব অলৌকিক গল্প (Fairy tales) আছে, আধুনিক অবিকারিত ইষ্টানই হয়ত তা বিখ্যাস করেন না তবু তাঁরা যদি ইষ্টান হতে পারেন, তবে রবীন্দ্রনাথের হিন্দু না হবার কারণ এতে কি আছে? খৃষ্টীয় প্রভাব রবিবাবু যতই অস্বীকার করুন, টমসন সাহেব গীতাঞ্জলিতে তা দেখেনই। ভগবানকে আধুনিক বন্ধুরূপে দেখা খৃষ্টীয় ধর্মের অঙ্গ; রবীন্দ্রনাথের ভগবান ইষ্টানের ভগবানের চেয়েও অস্মরণীয় ও নিকটতর বলে মিঃ টমসন বিশ্বাসিত হচ্ছেন; কারণ এটা নাকি ভারতীয়ের ধর্ম নয়! বেদ ও বেদান্তে নাকি এরকম ভগবানের দেখা মেলে না। খলান, মেলে না। কিছু হিন্দু ধর্মেরই কি ভগবান কৃষ্ণকে বন্ধু, প্রেমিক ও খাম্বীরূপে, অন্নপূর্ণা ও কালী তারাকে মাতারূপে, গৌরীকে কঙ্কারূপে, ভগবতী জগদ্ধাত্রীরূপে মাতা ও ধাত্রীরূপে সাধনার কথা নেই? এই সব বন্ধুরূপে হিন্দু ত চিরদিনই তাঁর দেবতাকে ডেকে আসছে।

রবীন্দ্রনাথের “জাতশঙ্কসিদ্ধিম্” সম্বন্ধে মিঃ টমসন যে-সকল কথা লিখেছেন, তাতে কতকগুলি তুল আছে। মিঃ টমসন মনে করেন (p. 80), রবীন্দ্রনাথের ৩৫-৩৬ বৎসর বয়সের পর থেকে তিনি “নেশন” গঠনের পক্ষপাতী হতে শুরু করেন। তিনি নাকি পাক্ষাত্য জগতের শক্তি দেখে ভেবেছিলেন “Let India become a nation, and she would be as strong as these nations overseas. So he entered public life”। তারপর স্বদেশীয় যুগের যুদ্ধের ফলে নাকি রবীন্দ্রনাথের এই মোহ কেটে যায়, সুতরাং রবীন্দ্রনাথ “grew weary of nationalism.”

আমরা রবীন্দ্রনাথের ৪০ বৎসর বয়সের লেখার কয়েকটি কথা তুলে দেখাই মিঃ টমসনের ধারণাটা কতখানি ভ্রান্ত। “হিন্দুসভ্যতা রাষ্ট্রীয় উচ্চতর উপর প্রতিষ্ঠিত নহে।” “নেশন শব্দ আমাদের ভাষায় নাই, আমাদের দেশে ছিল না। সম্প্রতি যুরোপীয় শিক্ষাগুণে স্থাশনাল মহত্বকে আমরা অত্যধিক আদর দিতে শিখিয়াছি, অথচ তাহার আদর্শ আমাদের অন্তঃকরণের মধ্যে নাই। আমাদের ইতিহাস, আমাদের ধর্ম—কিছুই নেশনগঠনের প্রাধান্ত স্বীকার করেন না।

নেশনই যে সভ্যতার অভিব্যক্তি তাহার চরম পরীক্ষা হয় নাই। “এই শ্রাশনাম আদর্শকেই আমাদের আদর্শরূপে বরণ করতে আমাদের মধ্যে কি মিথ্যার প্রভাব স্থান পায় নাই?” “আমরা যদি মনে করি, যুরোপীয় ছাঁদে নেশন গড়িয়া তোলাই সভ্যতার একমাত্র প্রকৃতি এবং মনুষ্যত্বের একমাত্র লক্ষ্য, তবে আমরা ভুল বুঝিবা।” কবির নানাবয়সের লেখাতে, স্বদেশী যুগের সময়ের তার আগের এবং পরের, এই রকম আরো অনেক উক্তি আছে। Nation ও nationalism বলতে কবি যা বোঝেন, সে জিনিষগুলির পক্ষপাতী তিনি কোনো কালেই ছিলেন না। “শ্রাশনালিজম” বইখানারও ঐ বিষয়ক কথার আলোচনা কবীর সময় মনে রাখতে হবে, রবীন্দ্রনাথের নেশনের যা সংজ্ঞা সকলের তা নয়। কথাটা ভুলে গেলে শ্রাশনামের গোলমালে পড়তে হবে। মিঃ টমসন জানেন, পাপুল ও নেশন কথাটার মধ্যে রবীন্দ্রনাথ কতখানি পার্থক্য দেখেন। “A nation, in the sense of the political and economic union of a people, is that aspect which a whole population assume when organised for a mechanical purpose.” এই ‘নেশন’ জাতি নয়, পাপুল নয়, সমাজের ও সোসাইটির সঙ্গে এর আকাশ পাতাল প্রভেদ। এ “পরের প্রতি অন্ধ”, “কেবলি অন্ধকে আঘাত করে, এইজন্ত অন্ধের আঘাতের ভয়ে রাত্রিদিন বর্ণে বর্ণে, অস্ত্রে অস্ত্রে কটকিত। এই নেশনের লোভের আর সীমা নাই।” এইদিক থেকে বিচার কবলে বেধ্ব nationalism বইখানা ততখানি পক্ষপাতদোষ-ছুট নয়; remarkably one-sided and unfairও নয়; হয় ত কিছু হতে পারে।

রবীন্দ্রনাথ স্বাভাবিক স্বাধীনতা চিরকালই চেয়েছেন, আজও চান। দেশপ্ৰীতির তিনি শত্রু নয়, দেশকে শক্তিশালী হতে তিনি চিরদিনই বলছেন। political freedom নেই বলে ব্রিটিশরাগত ভারতবাসী যে কতখানি অসহায়, তা ত তিনি Lord Chelmsfordএর নামে লিখিত চিঠিখানিতেই ছুবছর আগেও বলেছেন। কিন্তু রাষ্ট্রীয় মুক্তি কি শক্তিই যে ভারতের চরম লক্ষ্য নয়, একথা তিনি চিরকাল বলে আসছেন। “বদেশে” দেখি, “এই ফ্রীডমের চেয়ে উন্নততর বিশালতর যে মহত্ব, যে মুক্তি ভারতবর্ষের তপস্যার ধন, তাহা যদি পুনরায় সমাজের মধ্যে আমরা আবাহন করিয়া আনি, তবে ভারতবর্ষের নগ্ন চরণের ধূলিপাতে পৃথিবীর বড় বড় রাজমুকুট পবিত্র হইবে।”

রবীন্দ্রনাথের বিশ্বজনীনতাকে অনেকে তাঁর জাজকার বাণী বলে মনে কচ্ছেন, কিন্তু তা নয়। ইহা ভারতের চিরন্তন বাণী, রবীন্দ্রনাথের চিরদিনের। “এইখানেই (ভারতে) জ্ঞানের সহিত জ্ঞানের মগ্ন হইবে, জ্ঞানের সহিত জ্ঞানের মিলন ঘটবে,” (পথ ও পাথের) একথা রবীন্দ্রনাথ আজ বলেন নাই। প্রায় কুড়ি বৎসর পূর্বে তিনি বলেছেন, “ঐক্যনির্গম, মিসনমাধন এবং শান্তি ও স্থিতির মধ্যে পরিপূর্ণ পরিণতি ও মুক্তির অভাব অবকাশ, ইহাই ভারতবর্ষের লক্ষ্য ছিল।” “ভারতবর্ষের চিরদিনই একমাত্র চেষ্টা দেখিতেছি।” বিশ্ব-ভারতীর বীজ রবীন্দ্রনাথের অন্তরে বহুপূর্বকাল হতেই সমস্ত সঞ্চিত ছিল।

এইখানে মিঃ টমসনের রবীন্দ্রনাথ সম্বন্ধে কতকগুলি মূল্যবান উক্তি তুলে দেখাচ্ছি।

“The most modern mind Bengal has known” (p. 5)
“He has always been a first-rate letter-writer, whether in public or private correspondence”। (অবশ্য আজ-কালকার অনেক ব্যক্তিগত চিঠিতে ব্যক্তির ছায়া বেশী পাওয়া যায় না, পাই কেবল সুন্দর এক-একটি প্রবন্ধ।)

“At his best he can hold an audience as very few men alive” (p. 32). “Never was any poet such an unconscionable time in saying farewell” (p. 37). “He writes English of extreme beauty and flexibility, but with mistakes that can be brought under two or three heads. These things are but the tacks and nails of language. The beauty and music are all his own. It is one of the most surprising things in the world's literature that such a mastery over an alien tongue ever came to any man” (p. 45). “Both mediums are at his choice and absolute command; and he has become almost as great a master of English Prose as of Bengali, so that his craft can sail on many seas at will” (p. 57). “One of the most independent and fearless spirits alive” (p. 63). “His poetry, first to last, has been sincere, as the work of true poets is” (p. 65). “Balaka is a great book intellectually, with a never-pausing flow and eddy of abstract ideas. Its imaginative power surpasses that of any earlier book, and moves to admiration continually” (p. 83). “A personality whose fascination posterity will not be able to guess” (p. 106). “Gitanjali, a book that will stir men as long as the English language is read.”

মিঃ টমসনের বইখানি ছোট হলেও তার দোষ গুণ ছুই খুব বেশী। তিনি অনেক জায়গায়, সাহস, বিচারশক্তি, নিরপেক্ষতা, গুণগ্রাহিতা প্রভৃতি বহু গুণের পরিচয় দিয়েছেন। বইখানির আগাগোড়াই লিপিকুলতার পরিচয় পাওয়া যায়; কিন্তু বহু ভুল ভ্রান্তি ও একদেশদর্শিতার অভাবও যে তার লেখায় নেই, তা আমরা দেখিয়েছি। ছুই দিক দেখাতে আমরা যথাসাধ্য চেষ্টা করেছি, কিন্তু হয়ত মিঃ টমসনের নিন্দার ঝাঁক লেগে আমাদেরও নিন্দার ভাগই বেশী হয়ে পড়েছে,—বলা যায় না। তিনি প্রায় সর্বত্রই সাহিত্যরস বোধের নখেই পরিচয় দিয়েছেন, একথা তাই আর-একবার বলছি। সেইসঙ্গে বলছি, রবীন্দ্রনাথের অল্পশ্রুতির মধ্যে চেষ্টা করলে আর সব রকম দোষ গুণই খুঁজে পাওয়া যায়; সুতরাং পরস্পরবিরোধিতার নিদর্শন তাতে ছুঁপা পায় নয়; কাজেই রবীন্দ্রনাথের রচনা সম্বন্ধে মিঃ টমসনের যে-সকল কথার আমরা প্রতিবাদ করেছি, তার মধ্যে অনেক জায়গায় আংশিক সত্য থাকতে পারে। তাঁর রচনাবলী আগাগোড়া সমস্ত খুব মনোযোগের সঙ্গে না পেড়ে সমালোচনা করা খুবই শক্ত। আমরা আশা করি বইখানি দ্বিতীয় সংস্করণে সর্বদ্রষ্টব্য হবে; মিঃ টমসনের প্রতিশ্রুত বৃহত্তর বহিষ্কৃত ত নিশ্চয়ই হওয়া উচিত।

আশ্বিন, ১৩২৮।

শ্রীকথগ।

ঘরের ডাক

(২০)

আজ সকাল হইতেই গ্রামময় হৈ হৈ পড়িয়া গিয়াছিল,—
জমিদার ভবতোষ গতরাতে ধড়ফড় করিয়া মারা গিয়াছেন।
পাড়ার সকলে একবাক্যে স্বীকার করিল—এত বড় ধর্ম-
ভীরা লোক এযুগে বড় একটা জন্ম না এবং তাঁর
তিরোভাবে সনাতন হিন্দুধর্মের যে ক্ষতি হইল কোন
কালেও তাহা পূরণ হইবার নয়।

শিরোমণি ঠাকুর নলিনীকে গিয়া বলিলেন, “দা হবার
তা ত হয়েছে বাবা, এখন বাপের যশ যাতে অক্ষুণ্ণ রাখতে
পার তারই চেষ্টা কর।”

নলিনী কোন কথা বলিল না, চুপ করিয়া বসিয়া রহিল।

শিরোমণি আবার বলিলেন, “সবই মায়ার খেলা বাবা ;
জীর্ণ বস্ত্র পরিত্যাগ করে মানুষ যেমন নববস্ত্র”.....

নলিনী তবুও উত্তর দিল না।

একটিপ নন্দ্র নামে গুঁজিয়া তাজা হইয়া শিরোমণি
আবার আরম্ভ করিলেন, “তিনি কি মানুষ ছিলেন বাবা,
না আবার কলেবর গ্রহণ করবেন ?—রাধে মাধব—রাধে
মাধব !” তারপর প্রকাণ্ড একটা দীর্ঘনিশ্বাস ত্যাগ
করিয়া শিরোমণি আবার বকিতে শুরু করিলেন,—“কি
দয়ার শরীর ছিল দাদার আমার ! একদিন আমাকে
জিজ্ঞাসা করলেন, শিরোমণি দা মুখখানা আজ অমন ডর-
ভার ঠেকছে কেন ?—” এই অবধি বলিয়াই গলাটাকে
যথাসম্ভব কাঁপাইয়া এবং গদগদ করিয়া তুলিয়া শিরোমণি
শুরু করিলেন, “এমন দরদী বন্ধুই যদি কেড়ে নিলে, তবে
এ হতভাগ কেও সেইসঙ্গে টেনে নিলে না কেন মধুসূদন ?—
এমন করে আর কতদিন বাঁচতে হবে দয়াময় ?” কিছুক্ষণ
চুপ করিয়া থাকিয়া এবং উত্তরীয়-প্রান্তটা গুঁফ চোখ
ছোটোর উপর একবার বুলাইয়া লইয়া শিরোমণি আরম্ভ
করিলেন, “হাঁ, কি বলছিলাম,—আমাকে ডেকে জিজ্ঞাসা
করলেন, ‘তোমার মুখখানা আজ অমন বিষাদময় দেখছি
কেন শিরোমণি-দা ?’ সত্যই সেদিন মনটা বড়ই ভারাক্রান্ত
ছিল ; গিল্লীর সঙ্গে মেয়ের বিয়ে নিয়ে সেই সবে বকাবকি
করে আসছি,—বলুন, ‘মেয়েটা চোখের উপরে কলাগাছের

মত দিন দিন বেড়ে উঠছে চৌধুরীমশাই—এদিকে হাতে
একটি পয়সা নেই যে খরচপত্র করি,—পাত্রেব বাজার
কি রকম চড়া তা ত আপনার জানতে বাকী নেই !’—
হাঁ বুকের ছাতি বটে, এ ত আর ওপারের নরেশ রায় নয়—
এ হচ্ছে ভবতোষ রায় চৌধুরী, যার নাম করলেও দিন
ভাল যায় ! কর্তা বললেন কি জান বাবা ?—বললেন ‘তোমার
মেয়ে আর আমার মেয়ে কি ভিন্ন শিরোমণি-দা !—কত
হলে তোমার মেয়ের বিয়ে হয় বল ত—চার হাজার ?’ অল্প
কেউ হলে চার হাজারই আদায় করে বসত,—আমি ত
আর তা পারিনি বাবা, এ ত আর পরের সঙ্গে কারবার
নয় যে কেবল নিজের গুণাই বুঝে নেবো,—বলুন,—‘আরে
রামচন্দ্র—দু-হাজার হলে ভেসে যাবে যো !’ তিনিও চার
হাজারের নীচে নামবেন না, আমিও দু-হাজারের উপর
উঠবো না। এমনি করে প্রায় একঘণ্টা ধস্তাধস্তির পর
শেষকালে তিন হাজারে রফা হয়ে গেল। কর্তা বললেন,
‘কবে আছি, কবে নেই শিরোমণি-দা, ষ্ট্যাম্প-কাগজ এনে
সই করিয়ে নিনু !’ আমি বললাম, ‘খেপেঁছেন নাকি চৌধুরী
মশাই ; নলিনী ত আপনারই ছেলে, সে বেঁচে বর্ত্তে থাকে,
চারহাজার কেন, চার লাখের জন্তও ভাবি না।’ আর
তা ছাড়া, আজ যদি বাবা তুমি আমার কথা নাই বা
বিশ্বাস কর তাহলেও কি কিছু আসে যায় মনে করেছে
নলিনী ? কিছুমাত্র না, কিছুমাত্র না ! যে জিহ্মিষ হারালুম
তার তুলনায় তিনহাজার টাকা যে ভয়মুষ্টিও নয় বাবা !
হায় হায় কি জিহ্মিষই কেড়ে নিলে দীনবন্ধু !—তোমার
লীলা তুমিই বোঝ দয়াময় !’—বলিয়া স্মৃতিরঙ্গ জান্জার
ভিতর দিয়া বাহিরের নীলাকাশের দিকে উদাস নয়নে
চাহিয়া রহিলেন।

নলিনী তবুও কথা কহিল না—চুপ করিয়া বসিয়া রহিল।

ইহার তিন দিন পরে একদিন সন্ধ্যার কিছু পূর্বে
নন্দরাণী আপনার শয়নকক্ষের বাতায়নের ধারে চুপ করিয়া
বসিয়া ছিল, এমন সময় পিছন হইতে আসিয়া নলিনী ডাকিল,
“ছোট-মা !”

মুখ না ফিরাইয়া নন্দরাণী উত্তর দিল, “কি নলিনী!”

মেঝের উপর উপু হইয়া বসিয়া নলিনী বলিল, “আর কটা দিনই বা মাঝে রইলো ছোট-মা,—দায়োদ্ধার হতে হবে ত? এখন থেকে জোগাড়-বস্তুর না করলে ত হয়ে উঠবে না!”

“তা আমি কি করবো বাবা!—সে তুমি বুঝবে।”

“তা ত বুঝবে ছোট-মা, কিন্তু তোমার সঙ্গে পরামর্শ না করে ত আর কোনো কাজ করতে পারি না?—শিরোমণি-কাকা বলছিলেন দানসাগর করতে—আমার কিন্তু আদবেই তা ইচ্ছে নয় ছোট-মা!—অপদার্থ ঐ বামুনগুলোর পিছনে অতটাকা খেচ না করে আমার ইচ্ছে সেইটাকা দিয়ে বাবার নামে একটি ইস্কুল খুলে দেবো—তুমি কি বল ছোট-মা?”

বিচক্ষণ চুপ করিয়া থাকিয়া নন্দরাণী বলিল, “ইস্কুল খুলতে হয় পরে খুলো নলিনী, কিন্তু তাঁর কাজটি এখন একটুও অক্ষহানি না হয়। সাতপুরুষ ধরে এই বংশে যেমন সকলের কাজ হয়ে এসেছে, ঠিক সেই ঠাটুটি যেন বজায় থাকে। অজ্ঞ তিন নেই বলে আমরা যদি নিজেদের মনগড়া করে তাঁর শেষকাজ সম্পন্ন করি, তাহলে সেটা মোটেই ভাগ হবে না নলিনী।”

নলিনী চুপ করিয়া বসিয়া রহিল।

নন্দরাণী আবার বলিতে লাগিল, “তিনি থাকতে যে-সব কাজ করতে ইচ্ছে হলেও করতে পারি না আজ যদি সেই-সব কাজ করি তাহলে সেটা দিয়ে কি এই বোঝা থাকবে না নলিনী যে তাঁর এই মৃত্যুটাকে আমরা নিজেদের অজ্ঞাতসারে এত দন ধরে চেয়ে আসা ছলুম?”

নলিনী চুপ করিয়া বসিয়া রহিল;—ইহার বিক্রমে কোন যুক্তিতর্ক সে মনে-মনেও কল্পনা করিতে পারিতেছিল না।

এই সময় ঝি আসিয়া খবর দিয়া গেল, “রাণী-মা, কাশী থেকে আনার মা এসেছেন।”

“আচ্ছা রাস্তির বেলায় কথা হবে এখন ছোট-মা”— বলিয়া নলিনী নীরবে চলিয়া গেল।

সন্ধ্যার পর মেঝের উপর আঁচল বিছাইয়া শুইয়া নন্দরাণী আকাশ-পাতাল ভাবিতে লাগিল, জীবনের গতিকে সে আজ কোন্ দিকে ফিরাইবে?—যে একঘেয়ে পথটাকে

ধরয়া সে এতটা রাস্তা চোখ কান বুদ্ধিয়া আসিয়াছে সেই পথটাকে ধরিয়া কি সে আবার চিন্তিতে থাকিবে—ঠিক তেমনি একঘেয়ে ভাবে?—কিন্তু—তাই বা সে করিতে যাইবে বেন?—আজ ত তার অবাধ মুক্তি! আজ ত সে শৈশবের শিক্ষা এবং স্বাধীন চিন্তার ধারাকে মুক্ত করিয়া দিয়া ত'হারই শ্রোতে গা ভাসাইয়া দিয়া দিব্য নিশ্চিন্তভাবে ভাসিয়া যাউক পথে; আজ কোন বাধাটুকু তার পথরুদ্ধ করিয়া দাঁড়াইবে না। হঠাৎ নন্দরাণীর বুটো ছাঁৎ করিয়া উঠিল—হবে কি সে এতদিন ধরয়া নিজের অজ্ঞাতসারে স্বামীর মৃত্যুকামনাই করিয়া আসিতেছিল? নন্দরাণীর দম্ ফাটিয়া শব্দ আসিতে লাগিল, না, না, স্বামী জীবিত থাকিতে জীবনটা তার যে একঘেয়ে পথটাকে ধরয়া চোখ কান বুদ্ধিয়া এতদিন ধরয়া চলিয়া আসিতেছে সেই পথটা ধরয়াই তাকে জীবনের শেষমূর্ত্ত পর্যন্ত চলতে হইবে, একটুও নড়চড় করিবার ক্ষমতা তাহার নাই। স্বামীর জীবদ্দশায় যদিই বা সে কোনদিন নিজের স্বাধীন চিন্তাকে মাথা-চাড়া দিয়া উঠিবার অবসর দিয়া পাকে আজ আর সে তাহাও পারে না—স্বপ্নেও না। নিজের অসমাপ্ত এবং অচরিতার্থ যৌবনের দিকে চাওয়া সে কি আজ বৃদ্ধ স্বামীর মৃত্যুর বিনিময়ে নিজের বাকি জীবনের সুখ-স্বচ্ছন্দতাকে কিনিয়া লইবে? সধবা জীবনের সমস্ত অসমাপ্ত আকাঙ্ক্ষা সে কি আজ বৈধবোর চিত্তের দিয়াই সার্থক করিয়া তুলিবে? না, না, তা হইতেই পারে না! বৈধব্যাঁ যদি আসিল ত রাজ্যস্বত্ব অভাব এবং রিক্ততা লইয়াই সে আসুক!—শুধু কেবল বৃদ্ধ বন্দিয়াই স্বামীর মৃত্যুকে সে এমন হাসিমুখে বরণ করিয়া লইতে পারিবে না—কখনই না—কিছুতেই না।

রাত্রে নলিনী আসিয়া বলিল, “কি ঠিক করলে ছোট-মা?”

অত্যন্ত উত্তেজিতভাবে নন্দরাণী বলিল, “দানসাগর করতেই হবে নলিনী, এর যেন একটুও নড়চড় না হয়; আর শিরোমণিঠাকুর যা যা বলেন তা যেন অক্ষরে অক্ষরে পালন করা হয়।”

অবাক হইয়া তার মুখের দিকে চাওয়া নলিনী বলিল, “বেশ ত তাই হবে, তার আর ইচ্ছে কি ছোট-মা!”

নিজেকে সামলাইয়া লইয়া নন্দরাণী বলিল, “চিরকাল যা চলে আসছে তা ত আর আমরা বন্ধ করতে পারি না নলিনী।”

অনেক রাত্রে মেঝের উপর একটা কম্বল বিছাইয়া হাতের উপর মাথা রাখিয়া শুইয়া নন্দরাণী ভাবিতে লাগিল, “দুইলোকের পক্ষে যা সকলের চেয়ে বড় অভিসম্পাত সেই অভিসম্পাতই ত আজ তার উপর আসিয়া পড়িয়াছে কিন্তু বুকখানা ত তার ভাঙ্গিয়া একেবারে চূরমার হইয়া যায় নাই। স্বামীর অভাব সে ত বুকের মাঝখানে খুব বেশী অনুভব করিতে পারিতেছে না, জীবনটা ত তার একেবারে শূণ্য এবং বার্থ হইয়া উঠে নাই! তবে কি সে তার স্বামীকে কোনদিন ভাল বাসিতে পারে না?—তবে কি এতদিন ধরিয়া সে কেবল সৌহার্দ্যের অভিনয় করিয়া আসিতেছিল মাত্র? না না, বুদ্ধস্বামীর অভাবকে দিয়া সে নিজের জীবনের সমস্ত আশা-আকাঙ্ক্ষার পথ একেবারে চিরকুদ্ধ করিয়া দিবে; বৈধব্যকে সে বক্ষের প্রত্যেক পঞ্জর দিয়া অনুভব করিবে।

(২১)

সকালে উঠিয়া লক্ষ্মী আপনার ঘরের জান্গার ধারে চুপটি করিয়া বাসিয়া ছিল। নলিনীর পিতৃবয়োগের কথা সে ইতিপূর্বেই শুনিয়াছিল, কিন্তু সেই কথাটাই আজ নূতন করিয়া তার বুকের মাঝখানে বার বার জাগিয়া উঠিতেছিল। তার মনে হইতেছিল নলিনীর বুকে সে যে আঘাত দিয়াছে সেই ক্ষতটাই দগ্ধগে করিয়া তার চোখের সমুখে নেলিয়া ধরিবার জগ্গই বিধাতাপুরুষ সেই পুরাতন ক্ষতটার উপর আজ নূতন করিয়া এই দারুণ আঘাতের খোঁচাটাকে বসাইয়া দিয়াছেন। স্বর্গের যত দেবতা আজ যেন তাকে জন্ম করিবার জগ্গই একজোট হইয়া কোমর বাঁধিয়া দাঁড়াইয়াছে। কি ভাবিয়া লক্ষ্মী হঠাৎ ঘর হইতে বাহির হইয়া পড়িল এবং অত্যন্ত অগ্রমনস্কভাবে বাগানময় পাচারি করিয়া বেড়াইতে লাগিল। কিছুক্ষণ পাচারি করার পর ঘরে ফিরিয়া সে দেখিল টেবিলের ধারে একটা চেয়ারের উপর ফেলী মুখখানি চুন করিয়া বসিয়া আছে। তার মাথায় ধীরে ধীরে হাত বুলাইয়া দিতে দিতে লক্ষ্মী বলিল, “তুই অনন চুপটি করে বসে বসে কি ভাবুছিস রে?”

সে কথার কোন জবাব না দিয়া ফেলী বলিল, “আমরা আর র'ব্বারে এখন থেকে চলে যাব নাকি লক্ষ্মী-দিদি?”

একটু হাসিয়া লক্ষ্মী বলিল, “তুই এ খবর কোথেকে পেলি রে?”

“হোয়াইটসায়ের ওদের ডোরাকে বলছিলেন, তাই শুনলুম—আমি কিছু যাব না লক্ষ্মী দিদি।”

“তুই যাবি নি—সে কি?—বাপ-মাকে ছেড়ে তুই এখানে থাকবি?”

মুখ নীচু করিয়া ফেলী বলিল, “নলিনীব'বু বলছিলেন, বাবা-মাকে তিনি এখনে আনিয়ে নিজেৎ কাছে রেখে দেবেন। এরা ছেড়ে দেবে না নাকি লক্ষ্মী দিদি?”—তার চোখ দুটো চল্‌চল্‌ করিতেছিল।

লক্ষ্মী কাঠের মত শক্ত হইয়া বসিয়া রহিল, তার পর হঠাৎ একটা দীর্ঘনিশ্বাস তাগ করিয়া বলিল, “আমার জগ্গে তোর একটুও মন কেমন করবে না ফেলী?”

ফেলী এবার কাঁদিয়া ফেলিল;—সে বলিল, “তোমার পায়ে পড়ি লক্ষ্মী-দিদি তুমিও এখন থেকে যেও না!”

রোরুদ্যমান ফেলীকে লক্ষ্মী আপনার বুকের মধ্যে প্রাণপণ বল চাপিয়া ধরিল।

(২৩)

আজ লক্ষ্মীর মাদ্রাজ ঘাইবে। সকালে উঠিয়া লক্ষ্মী আপনার জানা কাপড় প্রভৃতি একটা চামড়ার তোরঙ্গের মধ্যে গুছাইয়া রাখিতেছিল। মনটা আজ তার ভিতর হইতে কেবলি গুমরিয়া গুমরিয়া কাঁদিয়া উঠিতেছে। তার মনে হইতেছিল, কে যেন তাকে ডাকিয়া ডাকিয়া ফিরিয়া গিয়াছে, এখনও বাতাসে বাতাসে ঘুরিয়া মরিতেছে তাহারই তপ্ত দীর্ঘনিশ্বাস।

তোরঙ্গের মধ্যে গামা কাপড় প্রভৃতি গুছাইয়া, চাবিবন্ধ করিয়া দিয়া লক্ষ্মী উঠিয়া দাঁড়াইল এবং ঘরময় অত্যন্ত অগ্রমনস্কভাবে পাচারি করিয়া বেড়াইতে লাগিল। কিছুক্ষণ এইভাবে পাচারি করিয়া বেড়াইয়া সে টেবিলের ধারে একটা চেয়ারের উপর গিয়া অস্থির ভাবে বসিয়া পড়িল এবং একটা পুরাতন বাঁধানো ইংরেজী মাসিক পত্রিকা খুলিয়া অত্যন্ত অগ্রমনস্কভাবে তার পাতা উন্টাইয়া যাইতে লাগিল, কিন্তু কোথাও মনঃসংযোগ করিতে পারিল না।

হঠাৎ একসময় বইখানাকে মুড়িয়া টেবিলের উপর রাখিয়া দিয়া লক্ষ্মী উঠিয়া দাঁড়াইল এবং ধীরে ধীরে বাতায়নের ধারে গিয়া বসিল। এই সেই বাতায়ন যাহার ভিতর দিয়া ক্ষান্তবর্ষণ কত নীরব সন্ধ্যায় বাংলাদেশ তার মলিনবস্ত্রখানি পরিয়া তার দিকে করুণনয়নে চাহিয়া চাহিয়া ফিরিয়া গিয়াছে, বাতাসে বাতাসে আজিও ঘুরিয়া মরিতেছে তার আকুল ক্রন্দন; লক্ষ্মীর চোখে জল আসিল। হঠাৎ কি ভাবিয়া জান্নাটাকে বন্ধ করিয়া দিয়া লক্ষ্মী উঠিয়া আসিল এবং টেবিলের ধারে আসিয়া আবার সেই মাসিক পত্রিকাটা খুলিয়া পড়িবার চেষ্টা করিতে লাগিল। কিছুক্ষণ ব্যর্থপ্রয়াসের পর সে বইখানাকে বিরক্তভাবে টেবিলের উপর রাখিয়া দিয়া উঠিয়া দাঁড়াইল এবং বেশ পরিবর্তন না করিয়াই পথে বাহির হইয়া পড়িল।

শেষরাত্রে এক পশলা বৃষ্টি হইয়া গিয়াছে—এখনও আকাশে বাতাসে তাহারই সজলতা করুণ হইয়া ভাসিতেছিল। পথের দুই পাশের প্রকাণ্ড প্রকাণ্ড শিশু-গাছগুলির পাতা হইতে তখন পর্যন্ত ফোঁটা ফোঁটা জল ঝরিতেছিল,—সারারাত কাঁদিয়া কাঁদিয়া এইমাত্র তারা খেন একটু শান্ত হইয়াছে।

খানিকটা পথ চলিয়া আসিয়া লক্ষ্মীর হঠাৎ খেয়াল হইল সে নদীর কাছ-বরাবর আসিয়া পড়িয়াছে। আর একটা মোড় বাঁকিলেই নদীর রূপালী রেখাটি দূর হইতে তার চোখে আসিয়া পড়িবে, কিন্তু ঠিক এই সময়টিতে নলিনী যে নদীতীরে বেড়াইতে আসে—আজিও নিশ্চয় আসিয়াছে—লক্ষ্মী ফিরিল;—অনেকটা পথ সে চলিয়া আসিল—তার পর কি ভাবিয়া আবার নদীর দিকে চলিতে লাগিল।

নদীর কাছ-বরাবর আসিয়া লক্ষ্মী দেখিল, জলের ধারে একটা প্রকাণ্ড অশ্বখ-গাছে ঠেস দিয়া নলিনী বসিয়া রহিয়াছে, দেহ তার ক্ষীণ,—দৃষ্টি তার করুণ এবং উদাস। অনেকদিন আগেকার একটা কথা লক্ষ্মীর হঠাৎ মনে পড়িয়া গেল—প্রথম যেবার সে রেভারেণ্ড হোয়াইটের সহিত বাংলাদেশে আসে এ ততদিন আগেকার কথা;—তার মনে পড়িয়া গেল, ঠিক এমনি নীরব এফ মৌনসন্ধ্যায় বাংলাদেশের নির্জন এক পল্লীগ্রামে ঠিক এমনি একটি তরুণ যুবককে সে দেখিয়াছিল, দৃষ্টি তার, ঠিক এমনি করুণ

এবং উদাস। ধূসর সন্ধ্যার আবছাধার মধ্যে সেদিন যে মুখখানি সে ভাল করিয়া দেখিয়া লইতে পারে নাই আজিকার এই ক্ষান্তবর্ষণ তরুণ প্রভাতের অরুণালোকে কে সেই করুণ মুখখানিকে তার চোখের সমুখে এমন স্পষ্ট করিয়া আঁকিয়া দিয়া গেল! ওগো অপরিচিত, আজ এমনি সুন্দর করিয়া ধরা দিবে বলিয়াই কি সেদিন পরিচয় না দিয়া চলিয়া আসিয়াছিলে?

নীরবে আসিয়া পিছন হইতে লক্ষ্মী ডাকিল,—“নলিনী-বাবু!”—সে স্বর অত্যন্ত ক্ষীণ এবং অস্পষ্ট—এত ক্ষীণ যে অগ্রমনস্ক নলিনীর কানে সে স্বর গিয়া পৌঁছাইলই না।

মানুষ হঠাৎ খেয়ালের মাথায় একটা বিপদজনক কিছু করিতে গিয়া হঠাৎ টের পাইয়া যেমন শিহরিয়া উঠিয়া সাবধান হইয়া যায় ঠিক তেমনিভাবে লক্ষ্মী হঠাৎ নিজেকে এক নিমেষে সামলাইয়া লইল এবং অত্যন্ত সাবধানে নিখাস পর্যন্ত রুদ্ধ করিয়া পা টিপিয়া টিপিয়া অনেকটা পথ ফিরিয়া আসিয়া একটা নিরাপদ এবং সোয়াস্তির নিখাস ছাড়িয়া বাঁচিল। ওঃ কি জোর বরাৎ তার! নলিনীবাবু যদি তার ডাক শুনিতে পাইতেন? লক্ষ্মীর সমস্ত শরীর কিম্ব কিম্ব করিতে লাগিল,—সে আজ একটা প্রকাণ্ড ফাঁড়ার হাত হইতে বাঁচিয়া গিয়াছে।

* * * *

মাদ্রাজে ফিরিয়া আসিয়া লক্ষ্মী তার পূর্নজীবনের সহিত বর্তমান জীবনের ঠিক যে জায়গাটায় ছাড়াছাড়ি হইয়াছিল সেই ফাঁকের জায়গাটুকুকে একটা যাহোক কিছু দিয়া জোড়াতাড়া দিয়া মেরামত করিয়া তুলিবার জ্ঞান প্রাণপণ শক্তিতে চেষ্টা করিতে বসিয়া গেল। কিন্তু মাঝখানের ঐ ফাঁকটুকু আয়তনে ছোট হইলেও তলার দিকটায় সে এতই গভীর যে তাকে ভরাট করিয়া তুলিবার মত মাল-মসলা সে এই এতবড় প্রকাণ্ড দুনিয়াটার মধ্যে কোথাও খুঁজিয়া পাইল না—তার দম ফাটিয়া কাগ্না আসিতে লাগিল।

মাদ্রাজে ফিরিয়াই সে সবপ্রথম সাক্ষাৎ করিল চিদম্বরমের সহিত।

চিদাম্বরম বলিলেন, “বাংলাদেশ তোমার কেমন লাগল মিস্ লুসী?”

সে অত্যন্ত খাপছাড়াভাবে উত্তর দিল—“মন্দ কি!”

একটু হাসিয়া চিদম্বরম বলিল, “হোয়াইট গায়েব কিন্তু তাঁর চিঠিতে বরাবর লিখেছেন—বাংলাদেশ তোমাকে একেবারে অভিভূত করে ফেলেছে বললেই হয় এবং তুমি নাকি বাংলাদেশকে রীতিমত ভালবেসে ফেলেছ।”

একটা ঢোক গিলিয়া লইয়া লক্ষ্মী বলিল, “সেটাকে ঠিক ভালবাসা বলা চলে না মিঃ চিদম্বরম। এই ধরুন না কেন, যদি কোন লোককে চোখের সমুখে অনাহারে মরতে দেখেন তাহলে আপনার মনে কি তার উপর একটা দয়ার ভাব আপনা হতে জেগে উঠে না?—এও অনেকটা সেই ধরণের; বাংলাদেশ না হয়ে এটা যদি পৃথিবীর অগ্র যে-কোন দেশ হতো তাহলেও এর চেয়ে এতটুকুও কম দয়া হতো না মিঃ চিদম্বরম!”

একটু হাসিয়া চিদম্বরম বলিল, “আমার কিন্তু মনে হয় জিনিষটা ঠিক তা নয় মিস্ লুসী!—একদিন আমার মনকেও আমি ঐভাবে বুঝতে চেষ্টা করেছিলুম, কিন্তু আজ দেখছি জিনিষটা আসলে তা নয়। আমিও একদিন আমার স্বজাতীয় মাদ্রাজী-সমাজের দুঃখ-দৈন্তের দিকে চেয়ে নিজের ভিতরকার সহানুভূতিকে তোমারি মতন একটা সুবিধামত সাদাসিধে ব্যাখ্যার ভিতর দিয়ে বোঝবার চেষ্টা করেছিলুম, কিন্তু আজ দেখছি মানুষের জন্তে মানুষের যে সহানুভূতি এ সহানুভূতি শুধু সেইটুকু মাত্র নয়, তাছাড়াও অনেক জিনিষ এর মধ্যে লুকিয়ে রয়েছে মিস্ লুসী!”

অগ্র নানান কথার মধ্যে লক্ষ্মী এই কথাটিকে হারাইয়া ফেলিবার চেষ্টা করিতে লাগিল।

বাড়ী ফিরিয়া লক্ষ্মী দেখিল, ফেলী তার ঘরে। টেবিলের ধারে একটা চেয়ারের উপর চুপটি করিয়া বসিয়া রহিয়াছে।

তার মাথার ধীরে ধীরে হাত বুলাইয়া দিতে দিতে লক্ষ্মী বলিল, “আজ যে বড় লক্ষ্মী মেয়েটির মত এখানে চুপটি করে বসে আছিস্—কতক্ষণ এসেছিস্ রে তুই?”

সে কথার কোন জবাব না দিয়া ফেলী বলিল, “সে কথার কি হোলো লক্ষ্মী-দিদি?”

কাপড় ছাড়িতে ছাড়িতে লক্ষ্মী বলিল, “কোন কথার বল দেখি?”

লক্ষ্মীর মুখের দিকে মিনত্বিকরণ নয়নে চাহিয়া ফেলী বলিল, “আমাদের নলিনী-বাবুর কাছে পাঠিয়ে দেবার?”

কাছে আসিয়া ফেলীর ছোট মাথাটিকে নিবিড়ভাবে নিজের বুকের মধ্যে টানিয়া লইয়া লক্ষ্মী বলিল, “তোমার কি এখানে ভালো লাগছে না ফেলী?”

ভাঙ্গা গলায় ফেলী বলিল, “একটুকুও না লক্ষ্মী-দিদি—আমার রাতদিন কেবল কালা পায়—তোমার পারে পড়ি লক্ষ্মী-দিদি আমাদের পাঠিয়ে দাও।”

লক্ষ্মী চুপ করিয়া দাঁড়াইয়া রহিল।

ফেলী আবার বকিয়া যাইতে লাগিল, “আর, তুমিও এখানে থেকে না লক্ষ্মী-দিদি—আমাদের সঙ্গে—”

বাধা দিয়া লক্ষ্মী বলিয়া উঠিল, “তোমার ভাল লাগে না, তুই না হয় নাই রইলি ফেলী, তাই বলে আমাকেও যেতে হবে?”

হঠাৎ চেয়ার ছাড়িয়া উঠিয়া দাঁড়াইয়া ফেলী বলিল, “তোমার কখনও এখানে থাকতে ভাল লাগতে পারে না লক্ষ্মী-দিদি—এ আমি জোর করে বলতে পারি—এদের সঙ্গে নাকি আবার কারুর থাকতে ভাল লাগতে পারে!—না লক্ষ্মী-দিদি, তুমি আমাকে মিচিমিচি ভোলাতে চেষ্টা করো না বলছি।” সে আরো কত কি বকিতে যাইতেছিল, হঠাৎ লক্ষ্মী গম্ভীর গলায় বলিয়া উঠিল, “তোকে জ্যাঠানী করতে হবে না ফেলী।”

কথাটা শেষ করিয়াই লক্ষ্মী সেই আসন্ন-সন্ধ্যার আবছায়ার মধ্যে জানলার ধারে নীরবে আসিয়া বসিল। আকাশে এক এক করিয়া তারা ফুটয়া উঠিতেছিল। পথের মোড়ে শিরীষ-গাছটার বিশ্রামার্থী পাখীদের জায়গা কুলাইয়া উঠিতেছিল না। থাকিয়া থাকিয়া পাখা ঝাপটাইয়া তারা উপরে উঠিয়া পড়িতেছিল, আবার আসিয়া বসিতেছিল। কিন্তু ক্রমে কলরব থামিয়া গেল; সবকিছু পাখীই গুছাইয়া জায়গা করিয়া রাতটুকুর জগ্ন পাতার আড়ালে আশ্রয় লইল। সেইদিকে চাহিয়া চাহিয়া লক্ষ্মীর মনে হইতে লাগিল, যত দ্বন্দ্ব কি কেবল মানুষের সঙ্গে মানুষের—ইহাদের মধ্যে ত কোন দ্বন্দ্বই নাই, তাই একটি পাখীকেও অভিমান করিয়া চলিয়া যাইতে হইল না। কিন্তু মানুষ যে মানুষ!—তার দ্বন্দ্ব কোনমতেই বুঝি ঘুচবে না।

ফেলী কখন উঠিয়া চলিয়া গিয়াছিল। লক্ষ্মীর মনে হইল, সে নিষ্কৃতি পাইয়াছে। আঁচলে মুখ ঝাপিয়া এত-

দিনকার রুদ্ধ অশ্রুর বাঁধ আজ এই অবসরে খুলিয়া দিল। তার অজ্ঞ ক্লাস্তি বোধ হইতেছে—সুখ দুঃখ দুয়েরই ক্লাস্তি। আদর-অনাদরের এই দ্বন্দ্ব তার আর ভাল লাগে না। করজোড়ে দেবতার কাছে কৃপাভিক্ষা করিতেও তার ক্লাস্তি বোধ হইতেছে। আশাহীন, উদ্বেগহীন, অর্থহীন এই শূন্য জীবনটাকে লইয়া সে করিবে কি। কিন্তু থাক এখন নিজের ভাবনা, সারাজীবন ধরিয়া সে ভাবনার যথেষ্ট অবসর আছে—এখন ফেলীর মুক্তির পথ তাকে আগে করিতে হইবে—আহা বেচারী সরল ছোট্ট ফেলী!—লক্ষ্মীর। চোখে জল আসিল। লক্ষ্মীকে জুতা পরিতে দেখিয়া তার মা জিজ্ঞাসা করিল—“রাত্তির বেলায় আবার কোথায় বেরুচ্ছিস?”

সে বলিল, “বিশেষ কাজ আছে।”

রেভারেণ্ড হোয়াইট টেবিলের ধারে বসিয়া কেরোসিনের আলোতে কি একখানা বই পড়িতেছিলেন, লক্ষ্মী হঠাৎ গিয়া বলিয়া উঠিল, “হরিপুর থেকে যে ডোম-পরিবারটিকে আজ বছর খানেক হোলো এখানে আনা হয়েছে তাদের ছেড়ে দিতে হবে আপনাকে।”

অবাক হইয়া লক্ষ্মীর মুখের দিকে চাহিয়া হোয়াইট বলিলেন, “তাদের ধরে রেখে দিয়েছে কে লুসী?—তুমি যে পাগলের মত কথা বলছ!”

“আচ্ছা না-হয় তারা নিজে হতেই এসেছে, কিন্তু মানুষ ভুলও ত করে ফেলে, মানুষের কর্তব্য কি নয় তাদের সেই ভুলগুলোকে শুধরে দেওয়া?”

রেভারেণ্ড একটু হাসিয়া উত্তর দিলেন, “মানুষ যদি ভুল করেও হঠাৎ সত্যকে পেয়ে যায় তাহলে তুমি কি বলতে চাও লুসী তাকে তার ঐ ভুলটুকুর জন্তে সত্য থেকে দূরে ফেলে দিতে হবে?”

লক্ষ্মী এই কথার উত্তরে কি বলিতে যাইতেছিল, পাদ্রী সাহেব ভারী গম্ভীরভাবে বলিয়া উঠিলেন, “আমাকে আগে শেষ করতে দাও লুসী!—আমি বলছিলুম কি, এই যে ডোম-পরিবার, এরা ভালমন্দ না বুঝেই এসেছে স্বীকার করি, কিন্তু আমরা ত জানি ওরা ভালোর দিকেই এসেছে?”

বাধা দিয়া লক্ষ্মী বলিয়া উঠিল, “আমরা জানলেই ত আর হবে না,—জানতে হবে ওদের নিজেদের।”

“জানবে লুসী জানবে,—আজ না জানে, কাল জানবে, কাল না জানে পরশু জানবে; তুমিও একদিনে কিছু জাননি লুসী।”

ছটফট করিয়া উঠিয়া দাঁড়াইয়া লক্ষ্মী ঘরময় পাচারি করিয়া বেড়াইতে লাগিল। একটা কথা সাহস করিয়া বলিয়া ফেলিলেই আজিকার তর্কে সে জিতিয়া যায়; সে যদি একবার কেবল সাহস করিয়া মুখ ফুটিয়া বলিতে পারে যে, “না না, সে আজ পর্যন্ত কিছুই বুঝিতে পারে নাই, মনটা তার আজিও ঐ ডোম-পরিবারটির মত করিয়াই গুম্‌রাইয়া গুম্‌রাইয়া মরিতেছে, তাহা হইলেই সব কথার মীমাংসা একমুহুর্তেই হইয়া যায়, কিন্তু সে সাহস তার কই?”

কিছুক্ষণ পাচারির পর চেয়ারের উপর বসিয়া পড়িয়া লক্ষ্মী বলিয়া উঠিল, “আপনি যা বললেন তা খুব ঠিক, যে, আজ না হয় কাল, কাল না হয় পরশু ওরাই সবচেয়ে বড় গলা করে চোঁচিয়ে উঠবে এই বলে যে ওরা খুব জিতে গেছে। ভগবান যাদের অপদার্থ করে গড়েছেন তাদের লক্ষণই এই মিঃ হোয়াইট, যে, তারা যখন হেরে যায় তখন হারকে হার বলে স্বীকার করবার মত সাহসও তারা সেই সঙ্গে হারিয়ে ফেলে। এরা যেদিন চোঁচিয়ে উঠবে এই বলে যে ওরা জিতে গেছে, সেইদিন থেকেই এদের প্রকৃত হার শুরু হবে—এ আমি খুব জানি।”

“তোমার কথা আমি কিছুই বুঝতে পারছি না লুসী! ওরা যদি কোন দিন বলে যে সত্যসত্যই ওরা আমাদের ধর্মকে অন্তরের সঙ্গে গ্রহণ করেছে, তা হলে তা থেকে যে তোমার কথাটাই প্রমাণ হয়ে যায় এমন নিশ্চয়তা ত কিছুই দেখছি না লুসী! তারা যে একদিন না একদিন সত্য সত্যই এটাকে অন্তরের সঙ্গে গ্রহণ করবে, অন্ততঃ গ্রহণ করলেও করতে পারে, তার প্রমাণ তুমি নিজে।”

লক্ষ্মী চেয়ার ছাড়িয়া উঠিয়া দাঁড়াইল এবং মুহূর্ত মধ্যে ঝড়ের মত ছিটকাইয়া ঘর হইতে বাহির হইয়া গেল।

রাত্রে শয্যায় শুইয়া লক্ষ্মী ভাবিতে লাগিল, এই যে ফেলীর হইয়া সে এতক্ষণ রেভারেণ্ড হোয়াইটের সঙ্গে এত তর্কবিতর্ক করিয়া আসিল—এসব তর্কই ত নয় কেবল? এই যে এত কথা সে আজ বলিয়া আসিল ইহার মধ্যে সব কথাই কি তার অন্তরে?—না, সেই সময়টুকুর অন্ত

বাহির হইতে ধার করিয়া আনা?—পরক্ষণেই ফেলীর সেই কান্নাভরা করুণ মুখখানি তার মনে পড়িয়া গেল;—সে মনে মনে চীৎকার করিয়া উঠিল, “না না, এর মধ্যে ভেজাল এতটুকুও নেই, এর সবখানিটাই খাঁটি—এত হৃদয়হীন নয় সে!” কিন্তু এ ত শুধু ফেলীর হইয়া লড়িতে যাওয়া নয়, এ যে নিজের হইয়া লড়িতে যাওয়াও বটে—তার কি? লক্ষ্মীর কান্না আসিতে লাগিল। তার মনে হইতে লাগিল, তার সেই অনেকদিনকার চুকাইয়া দেওয়া শৈশব আধময়লা একখানি ডুরে কাপড় পরিয়া তার মাথার শিরেরে দাঁড়াইয়া বলিতেছে, “আমিও কি একদিন কম কেঁদেছিলুম, তাই ত ফেলীর কান্না আজ তোমার প্রাণে এত আঘাত করে গেল!” লক্ষ্মী শিরিয়া উঠিল, তবে কি তার ঘোঁসনটাও ঐ ফেলীর মার মত করিয়াই একটা অস্পষ্ট ছবির সামনে দিনরাত মাথা খুঁড়িয়া মরিতেছে?

পরদিন সকালে উঠিয়া লক্ষ্মী তার মাকে ডাকিয়া বলিল,
—“এখানে আর আমাদের থাকা হলো না মা!”

“তবে কোন্ চুলোয় যাবি শুনি?”

“মনে করছি ফরিদপুরে গিয়ে থাকবো।”

“ফরিদপুর?—সেই গুঁইসাহেবের দেশে নাকি?”

“হাঁ, গুঁইসাহেবদের গ্রামেই বটে—কিন্তু তাই বলে তাদের বাড়ীতে গিয়ে উঠছি না মা।”

“তবে কোথায় থাকবি?”

“কেন, গাঁয়ের ভিতরে একটা ছোটখাট কুঁড়ে বাসিয়ে?”

অবাক হইয়া মেয়ের মুখের পানে চাহিয়া লক্ষ্মীর মা বলিল,—“হিন্দুসমাজের ভিতরে নাকি?”

ঘরের মধ্যে অস্থিরভাবে পাচারি করিতে করিতে লক্ষ্মী বলিল,—“নিশ্চয়ই!”

“তারা যে আমাদের ছায়া পর্যন্ত মাড়াবে না লক্ষ্মী!”—
লক্ষ্মীর মার চোখ ছলছল করিয়া আসিল।

“তারা আমাদের কাছে আসবে না বলেই ত আমরা তাদের কাছে যাচ্ছি মা!—তুমি ভাবছো পাগ্লামী করছি?
—মা মা, একটুও পাগ্লামী করছি না—সত্যি বলছি এবার গাঁয়ে গিয়ে বাস করবো।”

লক্ষ্মীর-মা কি বলিতে যাইতেছিল, বাধা দিয়া লক্ষ্মী বলিয়া

উঠিল, “আগে আমাকে সব কথা বলতে দাও মা—তার পর তোমার যা খুসী হয় বোলো!—দেখ মা,—সত্য সব সময় সকলের কাছে হাসিমুখে আসে না;—আমাদের কাছে সে এসেছিল তার বিকট-মূর্তি নিয়ে, তাই তুমিও ভয়ে চোখ বুজেছিলে, আমিও ভয়ে চোখ বুজেছিলুম—ঠিক কথা বলছি কিনা বুঝে দেখ মা! তুমি মনে করেছ আমি তোমার ভিতরের কথা কিছুই জানতে পারিনি—কিন্তু তা নয় মা,—আমি তোমার মনের সব কথাই পড়ে ফেনেছিলুম,—প্রকাশ করিনি কেবল এই ভয়ে পাছে সত্যের সেই বিকট চেহারা খানা আমাকেও একদিন স্বীকার করে নিতে হয়—মাতৃস্বের মন কি ভয়ানক দুর্বল মা!—তুমিই প্রথম সেই সত্যের বিকট চেহারাখানা দেখতে পেয়েছিলে—তখনও আমি খুব ছোট—হৃনিয়ার সমস্ত সত্যকে চোখ মেলে দেখবার মত দৃষ্টি তখন পর্যন্ত আমার ফোটেনি; তুমি মনে করেছিলে, এই যে বিকট সত্য, যা রাতদিন তোমার চোখের সমুখে দীর্ঘ কাল ছায়া ফেলে ঘুরে ঘুরে মরছে আমাকে তার সেই ভয়ঙ্কর মুখখানা দেখতে দেবে না। তার অস্তিত্ব সম্বন্ধে পাছে আমি ঘৃণাক্ষরেও কিছু জানতে পেরে যাই এই ভয়ে তুমি আমার কাছে কত সাবধান হয়েই না চলেছিলে মা!—কতদিন কত দুঃখ, কত চোখের জল, কত যন্ত্রণাকেই না তুমি বুকের ভিতর জমিয়ে তুলেছ, মুখ চোখ দিয়ে তার একটুকু আভাস বাইরে প্রকাশ হতে দাওনি, পাছে আমি দেখে ফেলি, পাছে আমার জীবনটাও তোমারি মতন ব্যর্থ হয়ে যায়; কিন্তু সত্য কখন চাপা থাকে না মা! সে আপনিই আপনার পথ করে নিলে একদিন আমার এট বুকের মাঝখানে—আমি শিউরে উঠলুম, তারপর তোমারি মতন তাকে অস্বীকার করবার জন্ত হঠাৎ একদিন উঠে পড়ে লেগে গেলাম।—তুমি অমন করে চেপে কেঁদো না মা—! কাঁদতে হয় গলা ছেড়ে কাঁদ, দুঃখ যখন ভিতরে জমা হয়ে উঠেছে তখন তাকে আত্মপ্রকাশ করতে দাও মা—চেপে রেখো না—আমার জন্তেও না—নিজের জন্তেও না।”

হঠাৎ ডুকুরাইয়া কাঁদিয়া উঠিয়া লক্ষ্মীর মা বলিয়া উঠিল, “কাঁদবার সময় মারাজীবনে অনেক পাবো লক্ষ্মী—তুই কিন্তু একবার ভেবে দেখ,—কি করতে

বসেছি—তারা যে তোকে একদণ্ড টিকতে দেবে না লক্ষ্মী !”

ভাঙ্গা গলায় লক্ষ্মী বলিল, “তারা টিকতে দেবে সে আশা করে আমরা যাচ্ছি না মা—আমরা যাচ্ছি নিজেরা টিকে থাকবো বলে ;—তুমি সব কথা ঠিক বুঝতে পারছো না, নয় মা ? খোলসা করে বলছি শোন ;—সেখানে গিয়ে আমি গাঁয়ের ভিতর একটা ছোট-খাট মেয়ে-ইস্কুল খুলে বসব, সেখানে ছোট ছোট মেয়েদের প্রাণ ঢেলে লেখাপড়া শেখাবো—তারপর মনে মনে ইচ্ছা আছে একটি ছোট হাস্পাতালও খুলবো। এই ত পাওয়া ! তারা আমাদের যেটুকু দেবে, সেইটুকুই কি কেবল পাওয়া মা ?—আমরা নিজে হ’তে যেটুকু আদায় করে নেবো সে পাওয়ার কি কোনই দাম নেই বলতে চাও ?” তারপর কিছুক্ষণ চুপ করিয়া থাকিয়া লক্ষ্মী হঠাৎ আবার আরম্ভ করিল, “আজ আর কোন সত্যকেই চাপা দিতে চাই না মা—তা সে যতই অপ্রিয় হোক না কেন ; যে কথা নিজের কাছেও এতদিন লুকিয়ে এসেছি—আজ তোমার কাছেও সে কথা বলতে আমার এতটুকু বাধা নেই,—আমি নলিনী-বাবুকে ভালোবাসি—হাঁকপাক কোরো না মা—আমি নিজেই সব কথা গুছিয়ে বলছি ;—তুমি বলছ, যাকে পাওয়া যাবে না তাকে ভালবেসে সারাজীবন দন্ধে মরে’ লাভ কি, কিন্তু না মা, তোমার ওকথা আর শুনি না ! হিন্দুসর্মাঁজকে তুমি আমি দুজনেই ভালবেসেছি, কিন্তু তাকে পাব না এই ভয়ে দুজনেই সেই ভালবাসাকে এতদিন অস্বীকার করে এসেছিলুম—অস্বীকার টিক্‌লা কি মা ?—টেকে না মা—মিথ্যা কখন বেশীদিন টেকে না।”

অশ্রুসিক্তকণ্ঠে লক্ষ্মীর মা বলিল, “তাদের সঙ্গে মানিয়ে চলতে পারবি নে যে লক্ষ্মী।”

স্ত্রী—আচ্ছা, বিয়ে করলে নাকি আত্মহত্যা ভয় কমে যায় ? সত্যি ?

অত্যন্ত দৃঢ়কণ্ঠে লক্ষ্মী বলিয়া উঠিল, “যাদের আমরা চাই না, তাদের সঙ্গে মানিয়ে নিয়ে এতদিন চলতে পারলুম, আর যাদের আমরা চাই তাদের সঙ্গে মানিয়ে চলতে পারবো না মা ?”

“আমরা ত চাই কিন্তু তারা যে চায় না বাছা !”

“নাই বা চাইলে তারা,—আমরা ত চাই, তা হলেই হোলো, আর, যখন চাই তখন পাবই ; তারা না দেয়, তাদেরও যিনি দিয়েছেন তিনি দেবেন।”


“তুই বুঝিস্ না লক্ষ্মী, কত বড় শক্ত কাজে হাত দিচ্চিস্—”

বাধা দিয়া লক্ষ্মী বলিয়া উঠিল, “কঠিন যে তা জানি মা। তবু আমি পারবো। আমি জানি না এ জোর আমার কোথা থেকে আসছে। মা, মানুষ অকনিয়তির সঙ্গেও ত লড়তে ছাড়ে না, আর যে বাধা মানুষের তৈরী তাকেই কি কেবল আমরা ভয় করব ? দুঃখ আছে মানছি, কিন্তু তার কাছ থেকে আমি পালিয়ে ছাড়ান পেতে চাই না মা। যদি পারি এ দুঃখকে আমি জয় করব, আর যদি না পারি তবে আমার দুঃখভোগ দিয়ে আমার একান্ত আপনার যারা তাদের দুঃখের সাধনাকে একটু অন্ততঃ অগ্রসর করে রেখে যাবো। কোনো আশা আছে কি না জিজ্ঞাসা করছ ?—আশা কাকে বলে জানি না ; একটা কথা জানি, যে-দুঃখের কাছ থেকে আমরা পালাতে চেষ্টা করেছিলুম সে দুঃখ মানুষের সৃষ্টি, যে বাধাকে ভয় করেছিলুম সে বাধাও মানুষেরই তৈরী। আমরা মানুষ। আমরা যে মানুষ এই আমার একমাত্র আশা মা !”

(শেষ)

শ্রীবিষ্ণুপতি চৌধুরী।

স্বামী— তাত জানি না। তবে আত্মহত্যা করলে বিয়ে করবার ভয় থাকে না, এটা নিশ্চয় বলতে পারি।



প্রকৃতির পাঁজি

পৌষ মাস শীতকালের প্রথম মাস।

পৌষ মাসে নানা রকম মসুমী ফুল ফোটে। জাপানী চন্দ্রমল্লিকা আর গোলাপ ফুল ফোটবারও এই সময়।

এখন ক্ষেতে মুগ মসুর ছোলা সব গম প্রভৃতির গাছ গজাচ্ছে। আলু তোলবার সময়।

পৌষমাসে আকের গাছ বেশ বড় হয়ে উঠে। খেজুর-গাছ থেকে প্রচুর রস বারে। খেজুর-রস থেকে খেজুর গুড় তৈরী হয়।

চশুমা।

কাফ্রিদের দেশ আফ্রিকায়

(৮)

আগুন জ্বলে হিংস্র পশুদের ভয় দেখিয়ে যখন জীবন রক্ষা করতে হয় তখন নিশ্চিত মনে তোফা নিদ্রা দিলে হান্স্‌চাচারি অনায়াসেই ঘাড় মটকাতে পারেন। সেজন্ত আমাদের সেদিন ঘুম যা হচ্ছিল তা বন্ধবার নয়। শেষ রাত্রে আমি আর হ্যারি পাহারা দিতে উঠলাম। ঘুমে সমস্ত শরীর ভেঙে আসছে, চোখ চাইতে পারছি না; তবুও প্রাণের ভয়ে পাহারা দিতে হবে। তার ওপর সমস্ত দিন সেদিন ক্ষুধায় আর তৃষ্ণায় জীবন কঠাগত হয়েছে। বসে থাকলে ঘুমিয়ে পড়ব দেখে উঠে দাঁড়ালাম হাতে বন্দুক নিয়ে। আগুনের কাছ থেকে বেশী দূরে আর এগুলাম না, কেননা মশা ও অন্যান্য পতঙ্গের আমদানি চারিদিকেই ছিল; আর এগুলো সিংহ-ব্যাঘ্র মহাশয়দের শুভাগমনে অস্থির হবার ভয়ও ছিল।

জেগে জেগে সিংহের ঘোঁত ঘোঁত শব্দ ও মাঝে মাঝে গর্জন শুনে পাচ্ছিলাম। হ্যারি, শেরাল ও নানা রকম

রাত্রির পাখার আওয়াজও কানে আসছিল। মোটের ওপর শব্দগুলি কানে মধুর লাগছিল না, বরং ভীতিকর। তবে এসব আওয়াজ শুনে শুনে কান অভ্যস্ত হয়ে গিচ্ছল বলে তেমন গ্রাহ্য করলাম না। শেষে হ্যারিকে উঠিয়ে দিয়ে বললাম—এবার তোমার পালা, আমি একটু জিরুই।

হ্যারি বললে—বড় ঘুম পাচ্ছে, কি করি, অগত্যা জাগুব। আমার বোধ হয় আবার সিংহ এসে হাজির হবে।

আমি কোন কথা না বলেই আগুনের এক পাশে লম্বা হয়ে শুয়ে পড়লাম। মিনিট পাঁচেক চোখটি বুজেছি কি হ্যারি চোঁচিয়ে উঠল—ফ্রেড, ফ্রেড, ওঠ, ওঠ, জ্যান্কে জাগাও। আবার যুদ্ধ করতে হবে।

আমি ত বন্দুক নিয়ে ধড়মড় করে উঠে পড়লাম। দেখি পাঁচ সাত হাত দূরে একটা কালো মত জানোয়ার হামাগুড়ি দিয়ে বসেছে, ঘেন লাফ দিল বলে। চোখ দুটো তার জলছিল। পেছন থেকে হান্স্‌ “বাবা রে” বলে চোঁচিয়ে উঠল, সেদিকেও তাঁবুর পাশে বেরালের মত একটা জানোয়ার দেখা গেল।

আমি খুব জোরে চোঁচিয়ে বললাম—হান্স্‌, তুমি ও জ্যান ওটাকে দেখ; আমি আর হ্যারি এটাকে মারব।

জন্তটা একটু এগিয়ে এসে লাফ দিলে ঠিক হ্যারির দিকে। দেখলাম সেটা চিতাবাঘ। আমরা দুজনেই গুলি করলাম। গুলি ঠিক লাগল। বাঘটা একেবারে আগুনের মাঝখানে পড়ে ছটফট করতে লাগল। সঙ্গে সঙ্গে হান্স্‌সের বন্দুকের আওয়াজ পেলাম। তাদের চিতাটাও নিপাত হল।

শত্রুবধের পর তাদের গায়ের চামড়া আমরা খুলে নিলাম। প্রথম চিতাটার গা আগুনে একটু পুড়ে গিচ্ছল। রাত্রি প্রায় শেষ হয়ে এলেও এখনো যে ভাল রকম পাহারা দিতে হবে তা আমরা বুঝতেই পারলাম। হান্স্‌ পড়ে পড়ে দিব্যি ঘুমচ্ছিল। তাকেই জাগিয়ে

রাখবার মতন ব করলাম। সে ত খানিকটা বাকবিতণ্ডা করে' শেষে রাজী হল।

হায়, হায়, যুমবে কে? পোড়া চিতাবাঘের গন্ধ পেয়ে দলে দলে হায়েনা আর শেয়াল এসে আমাদের চারিদিকে বিকট আওয়াজ আরম্ভ করে' দিলে। আগুন ছিল বলে' আমাদের কাছে তারা আসতে পারছিল না।—এই বা সুবিধা। বাকী রাত্রিটা তাদের গান শুনে আর হাই তোলা দেখতে দেখতেই কেটে গেল। আমাদেরও হাই খুব কম উঠছিল না।

সকাল হতেই আবার সে জায়গা ছেড়ে আমরা কোন ছোট পুকুরের সন্ধ্যানে চললাম। খাবার জন্তে হরিণ বা পাখী ত আবার শীকার করতে হবে। তাছাড়া জলও কাছে আর বেশী ছিল না। জল ত চাই।

হ্যান্স লোকটার প্রকৃতি বড় গোঁয়ার ছিল। খানিক দূর গিয়ে সে চামড়ার বোঝাটা জ্যানের ঘাড়ে চাপাতে এল। হারি তা করতে দিলে না। হ্যান্স তখন রেগে বন্দুক তুলে হারিকে মারতে উত্তত হল। আমি দেখলাম, এ এক ভীষণ বিপদ! জ্যান ছুরি বার করে' তাকে কাটতে গেল। আমি ও হারি বাধা দিলাম। ঠিক করলাম হ্যান্স-এর বন্দুক প্রভৃতি কেড়ে নিয়ে সেই মরুভূমিতে তাকে তাড়িয়ে দোব। জ্যানকে বন্দুক ঝোলাবার চামড়াটা দিয়ে দৌড়ে গিয়ে হ্যান্সকে পেছন থেকে বেঁধে ফেলতে বললাম। আর হারিকে তার পা বাঁধতে বললাম। তারা দুজনে গিয়ে হ্যান্সকে ত বাঁধলে। লোকটা কথা না বলে' কেবলি বাঁধন ছাড়াবার জন্তে ঝাপটাঝাপটি করতে লাগল। দাঁত দিয়ে জ্যানের হাত কামড়ে দিলে। লোকটা কেমন পাগল হয়ে উঠেছিল। তার হাত দুটো বেশ করে' বেঁধে পায়ের বাঁধন আলুগা করে' দিলাম যাতে সে চলতে পারে, কিন্তু দৌড়তে না পারে।

বাঁধা ঠিক হলে হ্যান্সকে আমাদের সঙ্গে সঙ্গে চলতে বললাম। প্রথমে সে রাজী হল না, শেষে অগত্যা উপায় না দেখে রাগে ফুলতে ফুলতে চলতে লাগল। তার কাঁধে চামড়ার বোঝাটা চাপিয়ে দিলাম। মাঝে মাঝে সে দৌড়ে পালাবার চেষ্টা করলে, কিন্তু পারলে না।

অনেকক্ষণ চলতে চলতে আমরা একটা ঝরণার কাছে

এসে হারির হলাম। কতকগুলো গাছ ছিল সেখানে। গাছগুলোর গায়ে হাতীর দাঁতের দাগ, আর ডালপালা ভাঙা দেখে আমরা বুঝলাম হাতীর সেখানে আসা-যাওয়া করে। অতএব চূপচাপ থাকলে হাতী আসতে পারে, আর শীকারও জুটবে। পুকুর থেকে জল নিয়ে আমরা গাছের আড়ালে এক নিভৃত জায়গায় গেলাম। সঙ্গে বা-একটু মাংস ছিল তাই পুড়িয়ে সব খাওয়া গেল। তারপর হ্যান্সকে কাছে বসিয়ে রেখে আমরা একটু শুয়ে পড়লাম। জ্যানকে বললাম—হ্যান্স যাতে না পালায় সেদিকে দৃষ্টি রেখো।

খানিক পরে জেগে দেখি সকলেই গাঢ় ঘুমে মগ্ন, আর হ্যান্স ত নেই! জ্যান ও হারিকে জাগলাম। লোকটা দোষ করলেও তার ওপর এখন বড় দয়া হল। আমরা তাকে খুঁজতে বেরুলাম। পায়ের দাগ ধরে' ধরে' খানিক দূর গেলাম, শেষে পায়ের দাগও দেখতে পাওয়া গেল না। তখন সন্ধ্যা হয়ে আসছিল। আর তাকে খোঁজা যাবে না দেখে আমরা সেই নিভৃত জায়গায় ফিরে এলাম। যদি ছুঁকটা হাতী আসে ত শীকার করব; আর রাত কাটিয়ে সকলে তাঁবুতে ফিরব—এই ঠিক হল। তার পর তাঁবু থেকে লোকজন এনে হ্যান্স-এর খোঁজ করা যাবে।

খানিকক্ষণ বসবার পরই দেখলাম কয়েকটা হাতী আসছে। তারা যেন আমাদের আগমন বুঝতে পেরেছিল। তাহলেও তুমুগায় তারা এগিয়ে আসতে লাগল। এমন সময় হঠাৎ আমরা দেখতে পেলাম, একটা লোক চীৎকার করতে করতে প্রথম হাতীটার সামনে এসে লাফালাফি করছে। লোকটা আর কেউ নয়, হ্যান্স। মাথা তার এমনি খারাপ হয়েছিল যে, সে মরতে এগিয়ে যাচ্ছিল। দেখলাম, প্রথম হাতীটাকে মারতে পারলে হয়ত হ্যান্স বেঁচে যেতে পারে। আমি প্রথম হাতীটাকে গুলি করলাম। কিন্তু সে দুর্দান্ত হাতী রাগে এগিয়ে এসে পা দিয়ে হ্যান্সকে একেবারে পিষে ফেললে। আহা বেচারী! প্রাণে বড় কষ্ট হল। হাতীটা শুঁড় দিয়ে হ্যান্সকে তুলে ফেলে দিলে। আর একটা গুলি খেয়ে হাতীটা পড়ে গেল। দ্বিতীয় হাতীটা হারির গুলিতে মরুল। অপর হাতীগুলো ভয় পেয়ে পালাল।

আমরা দৌড়ে হ্যান্সকে দেখতে ছুটলাম। গিয়ে দেখি বেচারীর সমস্ত শরীরের হাড় একেবারে গুঁড়িয়ে গেছে। মুখটাও বিকৃত হয়ে গেছে, প্রায় চেনা যায় না। আমরা আশেপাশের গাছপালা থেকে কতকগুলো ডাল কেটে এনে তার দেহটা বেশ করে চাপা দিলাম, যাতে শেয়াল বা হায়েনায় খেতে না পারে। তারপর সেই যায়গায় ফিরে এলাম। হাতীর একটু মাংস নিয়ে রেঁধে খাওয়া গেল। হঠাৎ জ্ঞান বলে উঠল—ঐ একটা আলো দেখা যাচ্ছে।

বাস্তবিকই আমরা দেখলাম যে দূরে একটা আলো জ্বলছে। বোধহয় সেখানকার কোনো অধিবাসীরা তাঁবু গেড়ে কিছু করছিল। আমরা ঠিক করলাম আলোর কাছে যাওয়া থাক, দেখা যাক কে আছে ওখানে। আগুনের কাছাকাছি গিয়ে আমরা সাহস করে এগুলাম না, জ্ঞানকে এগিয়ে দেওয়া গেল, সে গিয়ে দেখে আমুক ব্যাপার কি। একটু পরেই সে ফিরে এসে বললে—টোকো রয়েছে, কর্তারা রয়েছে, এ যে আমাদেরই দল!

কিছু না বলে চুপিচুপি গিয়ে আমরা একেবারে সবাইকে অবাক করে দিলাম। কাকার খুব আনন্দ হল। তিনি ভয় পেয়েছিলেন আমাদের কিছু বিপদ হয়েছে ভেবে।

আমরা ছোটো হাতী মেরেছি শুনে অগ্র চাকরগুলো তখনি হাতীর মাংস আনতে যেতে ব্যস্ত হল। সকাল হতে কিছু খাওয়া-দাওয়া সেরে নিয়ে চাকরগুলোকে নিয়ে আমরা সকলে মিলে সেদিকে গেলাম। হাতীর দাঁত ও মাংস জড়ো করে রাখা গেল। তার পর একটা কবর খুঁড়ে হ্যান্স-এর মৃতদেহ পুঁতে ফেলা গেল। এখার ওখার ঘুরতে ঘুরতে টোকো খবর আনলে যে, সে চার পাঁচটা হাতী দেখতে পেয়েছে। তার কথামত খানিক এগিয়েই আমরা হাতীগুলোকে দেখতে পেলাম। সেখানটার অনেক গাছপালা ছিল। কাকা সকলকে হাতীগুলোর চারিদিক ঘিরে ফেলতে বললেন। আর প্রত্যেককে এক-একটা গাছে চড়ে থাকতে বললেন। তাহলে হাতী তাড়া করে এলে বিপদের ভয় থাকবে না।

তিনটে হাতী খুব কাছাকাছি দাঁড়িয়ে ডালপালা খাচ্ছিল। বাকিগুলো একটু দূরে ছিল। দূরের গুলো কাকার বন্ধুর ভাগে পড়েছিল। কাছের তিনটাকে আমরা

মারতে উদ্যত হলাম। গাছের নীচের ডাল খেয়ে তারা ওপরের ডাল খেতে যাবে কি আমরা ঝোপের আড়াল দিয়ে গুড়ি গুড়ি এগিয়ে চললাম। তখনও হাতীগুলো আমরা যে এসেছি তা টের পায় নি। একটা একটা গাছ আমরা ঠিক করে নিলাম। কাকার বন্দুকের আওয়াজ পেলে তবে আমিও গুলি করব।

যেই কাকার বন্দুকের আওয়াজ পাওয়া অমনি আমার সামনের হাতীটার দিকে গুলি চাললাম। হ্যারিও গুলি চালালে। আমার হাতীটা বিকট চীংকার করে উঠল। এখার ওখার খুঁজতে লাগল শত্রু কোথায়। তাড়াতাড়ি একটা গাছের কাছে এসে আমি বন্দুকে আবার গুলি ভরে নিলাম। হাতীটার মাথা খালি দেখতে পাচ্ছিলাম। ফের গুলি চালাবার আগে হাতীটা একটু এগিয়ে এসে হাঁটু গেড়ে শুয়ে পড়ল। এমন সময় হ্যারির চীংকার শুনতে পেলাম। দৌড়ে হ্যারির কাছে গিয়ে দেখি তার হাতীটা একেবারে গুঁড়ি উঁচু করে তাকে ধরল বলে। তাড়াতাড়ি গুলি করলাম। এ হাতীটাও পড়ল।

হাতী ছটোকে একেবারে মারবার আগেই আমরা হুজনে কাকার কি হল, দেখতে চললাম। তাঁকে জানাবার জ্ঞান হুজনেই চেষ্টা করে উঠলাম। আমাদের চীংকারের উত্তর এল এক সিংহের গর্জন। ভাল করে চেয়ে দেখি কাকা একটা গাছের ওপরে বসে রয়েছেন আর তার নাচে একটা সিংহ বসে তাঁর দিকে চেয়ে গৌ গৌ করছে। এটাকে না মারলে রক্ষা নেই দেখে আমরা হুজনেই খাস্তে আস্তে একটা গাছের পেছনে লুকালাম, এবং দিঃহটা একটু মাথা ফেরাতেই হুজনেই গুলি করলাম। সিংহ বেছারী সেইখানেই নেতিয়ে পড়ল।

“সাবাস্! সাবাস্! বেশ করেছিস্, এবার হাতীটাকে মারতে হবে”—বলে কাকা গাছ থেকে নেমে পড়লেন। তার পর কোনও কথা না বলে আমাদের সঙ্গে নিয়ে হাতীটার সন্ধানে চললেন।

(আগামী বারে শেষ হবে)

শ্রীপ্যারীমোহন সেনগুপ্ত।

শরীরের উত্তাপ কোথেকে আসে ?

শীতকালের গরম কাপড় বলতে আমরা অনেকেই মনে করি জানা বা শাল বুঝি নিজেরাই তেতে গরম হয়ে থাকে। কিন্তু একটু ভাল করে দেখলে আর ভাবলে আমরা সহজেই বুঝতে পারব যে, গরম তারা মোটেই নয়, তারা কেবল একটা উত্তাপকে আটকে রাখে মাত্র। সে উত্তাপটা শরীরের নিজের। এখন শরীরের এই উত্তাপ আসে কোথেকে ?

অনেক সময় বাইরে থেকে—যেমন সূর্য, আগুন, গরম জলে নাওয়া প্রভৃতি থেকে আমরা উত্তাপ পাই বটে। তাহলেও আমরা নিজেরাই নিজের শরীরে এই উত্তাপের সৃষ্টি করি। আমরা যে খাদ্য খাই তা থেকেই উত্তাপ আসে। যে কোন খাদ্য আমরা খাই তাকেই রোদে শুকিয়ে নিয়ে আগুনে পোড়ানো যায়। তবে তা থেকে উত্তাপ আসে। এখন, সব খাদ্য আমাদের পেটে গিয়ে কাঁচা হলেও পুড়তে থাকে। যে-সব খাদ্য বাইরে আগুনে পোড়ে ভাল, সেই-সব খাদ্য পেটে গিয়ে বেশী উত্তাপ তৈরী করে। চর্বি, তেল, চিনি প্রভৃতি এই ভাবের খাদ্য। মাংস ও ডিমের শাদা অংশ থেকেও উত্তাপ তৈরী হয়। তবে এটা আমাদের জানা চাই যে, অক্সিজেন গ্যাস না থাকলে উত্তাপ পাওয়া দুস্কর। আর নিশ্বাসে অবরত আমরা যে হাওয়া গ্রহণ করি সেও শরীরে উত্তাপ তৈরী করতে সাহায্য করে।

সইয়ে' সইয়ে' বলা

এক গ্রামের এক জমিদারের ছেলে কলকাতায় পড়তে এসেছে। অনেকদিন সে বাড়ী যায় নি, বাড়ীর কোন খবরও পায় নি। একদিন সকালে সে মেস থেকে বেরিয়ে চায়ের দোকানে চলেছে, হঠাৎ তাদের বাড়ীর বুড়ো ঝির সঙ্গে দেখা। ঝিকে দেখেই সে বলে উঠল—এ কি ঝি, তুমি এখানে ? কোথায় যাচ্ছ ?

ঝি বললে—তোমারি কাছে যাচ্ছি, বাবা।

ছেলেটি বললে—কেন, খবর কি ?

—আর খবর, বাবা, তোমার কুকুরটা মরে' গেছে।

—এঁ্যা, কুকুরটা মরেছে ?—কেন, কি হয়েছিল ?

—পেট খারাপ হয়ে মরেছে বাবা। বেশী মাংস খেয়েছিল কিনা।

—বেশী মাংস ? বেশী মাংস পেলে কোথা ?

—তোমার ঘোড়াটার মাংস।

—এঁ্যা, ঘোড়াটার মাংস ! ঘোড়াটাও কি তবে মরেছে নাকি ?

—হ্যাঁ, বাবা, একদিন খুব বেশী খেটেছিল, তাই হঠাৎ মরে গেল।

ছেলেটি অস্থির হয়ে বললে—কেন খেটেছিল, কি কাজে ?

ঝি বললে—গাড়ী গাড়ী জল আন্তে হয়েছিল, তাই।

—গাড়ী গাড়ী জল !—জন কি জ্ঞে ?

—বাড়ীতে আগুন লেগেছিল বাবা, সেই জ্ঞে।

—বাড়ীতে আগুন ! বল কি ? কি করে' লাগল ?

—ভিয়েন চড়েছিল, সেই আগুন চালে লেগে যায়।

—কিসের ভিয়েন ?

—আর বাবা ! তোমার বাবার শ্রাঙ্কে।

ছেলেটি তখন আগুন হয়ে উঠেছে। বললে—বাবা মারা গেছেন, কেন তুমি আগে আমায় একথা বলনি ?

ঝি ভয়ে ভয়ে বললে—আমায় একটু একটু করে'ই খবর দিতে বলেছিল, বাবা। তাই বললাম।

—শুণ।

নবাব খাজা খাঁ

দীন-ছনিয়ার সখের মালেক নাজিম নবাব খাজা খাঁ—
খাজা থাকেন তাঞ্জামেতেই, হুকুম চলে পাঞ্জা-কা।
ফুর্তি চলে রাত্রিদিবা—শিকার খেলা তাম্বা বাচ,
রোস্নায়ে রাত রঙীন করে' আরাম-বাগে গাওনা-নাচ।
বাজনা-গানের তালে তালে ট্যাচার আমীর-ওম্রাহ—
'দিল-দরিয়া খুশি নবাব, কোথায় লাগে পাংশাহ !'
আঁজলা পুরে' মোহর ছুঁড়ে মজার নেশায় নবাব চুর ;—
উজাড় টাকা, উজীর বুড়ো ভেবে শুধু নাড়েন হুর।

আবন-মাসে লগন তোফা, প্রকার ক্ষেতে আমন ধান,—
আমীন করে জরীপ জমি, নাএব হুনো খাজনা চান।

ভাবেন নাজীর—পাটা-পুঁজির এই তো খাঁটি মরহুম।
খাজনাখানার গুণতে জমা খাজাফিস্তীর নাই ঘুম।
প্রজার রোজী জোগায় পুঁজি ; চ্যাচার আমীর-ওমরাহ—
'ছেলের মত পালেন প্রজা, এ যে ক্রমের পাংশাহ।'
রাজার ভাগে ঠোকর মেরে চালায় পাদা চৌবুড়ি।
রাজ্য দেখেন কোটাল-কাজী, নবাব র্তানেন গুড়-গুড়ি।

আরাম-বাগে রাজি জেগে ঘুমান নবাব বিহানে,
স্বপ্ন দেখেন—উড়ে গেছেন হরীর মলুক আস্মানে।
দরবারে ক'ন খাজা—এ কি খোদাতালা করুল চুক,—
পোকা-পাখীর মিলল পাখা, ঝাংটা লোকের ডানটুক !
জমীন্ করে সবাই দখল, আস্মানে কার নবাবী ?—
পাখ্‌না জুড়ে' ডানায়, ওড়া যায় কি না যায় তাই ভাবি।'
মুল্লী লেখেন হুকুমনামা ; চ্যাচার আমীর-ওমরাহ—
খোদার উপর খোদকারী হোক—পাখ্‌নাওলা পাংশাহ !'

চীন-মলুকের মিত্রা আসে, মিশরদেশের ভেল্কীবাজ।
আসরফী নেয় হাজার হাজার, পাখ্‌না গড়ার চলে কাজ।
ওস্তাগরে সেলাই খোলে জোব্বা-চোগা-আচ্‌কানের,—
নেংটা প'রে রাজ্য জোগায় ঢাকনি পাখার মাঝখানের।
বেতের-ফালার বাঁশের-শলায় পাখার মুড়ি রয় সিধা,—
ছত্র-ছড়ি কুড়ায় কেড়ে' নগর ঘুরে' পাটক-মুধা।
পাখ্‌না ডানায় বেঁধে নবাব ছাতের উপর ঠ'য় খাড়া
ঘুড়ির মতন ওড়ার সখে,—সাধ্য তাঁরে কার নাড়া ?
হল্লা করে মোল্লা-মীরে ; চ্যাচার আমীর ওমরাহ—
'বদর ! বদর ! ঠ্যাং তুলে' ধর, আস্মানে যান পাংশাহ !'

হেঁই-য়ো হেঁই-য়ো ঠেলছে কেহ, সামনে টানে নফরজন,—
পেখম-ধরা ময়ূর যেন, পাখ্‌না মেলে' খাজা র'ন ;—
ওড়ার আগে ছোড়্‌ কার নেই, নেই নাওয়া ঘুম, নেই খাওয়া।
দেওয়ানজী ক'ন, 'আদাব জনাব, ওড়ার মতন কই হাওয়া ?

'বাদাম তুলে' পান্সী চলে জোর বাতাসের মুখপানে,
পালের মতন উড়লে পাখা তবেই যাবেন আস্মানে।'
খাজা বলেন, 'না থাক হাওয়া, রাজ্যে কি মোর মানুষ নাই ?
আঁচল নেড়ে বানাও হাওয়া, বায়ুর ঝড়ে উড়তে চাই।'
সবাই বলে—'বান্দা হাজির।' চ্যাচার আমীর-ওমরাহ—
'চালাও হাওয়া, লাগাও হাওয়া, হাওয়ায় উড়ন পাংশাহ !'

কেউ নাড়ে তার পাগড়ী জামা, কেউ বা গায়ের ওড়নাখান,
মন্দা হাওয়ায় চেউ লাগে গায়, দাড়ির আগায় দেয় নাচান।
খান-বাহাহর হুহ-মিঞা দরবারী ভাঁড় দেন সেলাম,—
'ঠোঁটের ফুঁয়ে উড়ন হুজুর, হাজির আছি খাস-গোলাম।'
বক্সী-নাজিম্ সৈয়দ কাজীম্ গাল ফুলিয়ে মারেন ফুৎ,
আমলা-বুড়োর ফোঁকলা দাতে টোকলা রাখায় না হয় ফুৎ।
পরগনে ধায় সেপাই-সেনা, সুবায় জেলায় হাবিলদার,
পাকুড়ে আনে সঙ্গে টেনে' হাত-নাতে পায় নাগাল ধার ;—
যুবক-বুড়ো হাজার জুড়ো ; চ্যাচার আমীর-ওমরাহ—
'শোয়াস টেনে' ফুৎ দে ভায়, ফুড়ুৎ করন পাংশাহ !'

সামনে খাড়া রয় দারোগা, ডাইনে বামে চৌকীদার,
আগলে ঘাঁটি বাগায় লাঠি লেঠেল, হাঁকে—'ধবরদার।'
ইস্তাহারে হুকুমজারী—'গাল ফুলিয়ে লাগাও ফুক,
জান্ চাহতো দম ছেড়ে না, চুপ্‌ রহ, মাৎ নোঞাও মুখ।'
দম রেখে কেউ পেট-ফুলে ঢাক, বেরোয় কারুর গুড়-তুড়ি,
বুড়োর কেবল কাশিই আসে গলায় লেগে স্‌ড়-স্‌ড়ি।
নাছোড়-বন্দা খোদাবন্দের হুকুম তামিল চাই করা,—
মুখের ফুঁয়ে পাখ্‌ নড়ে না,—কেমন মানুষ আধমরা।
নবাব রেগে' লাফান্ বেগে, চ্যাচান 'কোটাল, লে আও শির।'
ছাঁচোট খেয়ে পড়েন হুঁয়ে—নিজের শিরই চৌচির।

শ্রীকার্ত্তিকচন্দ্র দাশগুপ্ত।



কাঁদন গ্যাস্—

ভারতবর্ষের লোকসংখ্যা অনেক, সেইজন্যই বোধ হয় এখানে লোকের প্রাণের দাম কম। সেখানের পুলিশও সেই কারণে দাসী হালদা ইত্যাদি বন্দনবিধি দ্রুত কোন রকম চিন্তা না করিয়াই বেশ গুলি চালায়। সেইজন্যই অনেক সময় অনেক লোক মারা যায়, পুলিশও তাহাতে সন্তোষ প্রকাশ করে না। আমেরিকার লোকদের মত, ঠিক এখানকার পুলিশের মত নয়। সেখানের পুলিশ আজকাল এক রকম নতুন পোশাক অধিকার করিয়াছে। এই বোমার সাহায্যে অন্যথাসেই দাসী হালদা বন্দন করা যায়, অথচ একটিও



এই বোমা বন্দন।

লোক মরে না। তাহা হইলে তাহাদের চোর-ডাকাতও বেশ সহজে পাকড়াও করা যায়। তাহাদের সিন্ধি নামক একটা গ্যাস্ বাহির হয়। সেই গ্যাস্ লোকের প্রাণের দাম কম করিয়া দায়িত্ব করিবামাত্র তার মনে ভয়ানক ভ্রূৎ উদ্ভব হয়। তাহাদের মনে তাহাতে থাকে। সময় সময় ভ্রূৎের আবেগে তাহাদের মনে অনেক অজ্ঞান হইয়াও পড়ে। ক্রিস্টোফার কলাম্বাস তাহাদের ব্যবহার করিয়া খুব চমৎকার ফল পাইয়াছে। 'The American' নামক পত্রিকায় মিঃ এ ম্যান্‌গারি এক বন্দনবিধি বর্ণনা করেন "এই বোমা বন্দনের এবং পিস্তলের গুলির ন্যায় তাহাদের কাজ দেখ, কিন্তু ইহার ব্যবহারে কোন প্রাণীহত্যা হয় না। এই বোমার দুইপ্রকার বোমা অল্পদিনের মধ্যেই বাজারে আনিবে। এই বোমা পুলিশ ছাড়া ব্যাক, মালখানা এবং

তহশীল ঘরেও ব্যবহার করা চলিবে। এই বোমাগুলির কতকগুলির মধ্যে কাঁদন গ্যাস থাকিবে, সেই গ্যাস নাকে মুখে ঢুকিলেই লোককে কাঁদাইতে আরম্ভ করিবে, আর কতকগুলির মধ্যে 'হতভয় গ্যাস' থাকিবে, এই গ্যাস্ যাহার নাকে যাইবে তাহাকে কয়েক মিনিটের জন্য প্রায় স্তম্ভিত অজ্ঞান করিয়া রাখিবে।

হেমন্ত।

সঙ্গীতকারী বৃক্ষ ও বালুকা—

উত্তর আটলান্টিক মহাসাগরের মধ্যস্থিত পশ্চিমসাগরের দ্বীপপুঞ্জ, আফ্রিকার নিউবিয়া ও নিশরের স্থান প্রদেশের স্থানে স্থানে এক-জাতীয় বৃক্ষ জন্মায়, তাহা হইতে শিশু দেওয়ার শ্রায় একপ্রকার সুমিষ্ট স্বর শুনিতে পাওয়া যায়। এইজন্য এই গাছের নাম রাখা হইয়াছে সঙ্গীতকারী গাছ (Whistling tree)। পশ্চিম দ্বীপপুঞ্জের বার্বাডোস দ্বীপে (Barbados Island) এই বৃক্ষে পূর্ণ একটি উপত্যকা আছে। যখন মৌসুমী বাতাস বার্বাডোস দ্বীপের উপর দিয়া প্রবাহিত হয়, সেই সময় গভীর বিষাদ ক্রন্দনের শ্রায় একপ্রকার মর্মস্পর্শী শব্দ সেই উপত্যকা ভূমিতে শুনিতে পাওয়া যায়।

প্রায় ত্রিশ বৎসর পূর্বে ডাক্তার বটিন নামীয় একজন লোক প্রশান্ত মহাসাগরের দ্বীপপুঞ্জের স্যাণ্ডউইচ দ্বীপে বেড়াইতে গিয়াছিলেন। একদিন ভ্রমণকালে তিনি কুকুরের ডাকের শব্দের শ্রায় একপ্রকার শব্দ তাহার চতুর্পার্শ্বে শুনিতে পাইলেন। কোন মানব, ইতর জীবজন্তু, এমন কি কোনপ্রকার পোকা মাকড় তাহার দৃষ্টিগোচর হইল না। কৌতূহল আরও বৃদ্ধি হওয়ায় সে দিক হইতে শব্দ আসিতেছিল সেই দিকে কিছুদূর অগ্রসর হইয়া দেখিলেন শব্দ পূর্বাংশে স্পষ্টতর শোনা যাইতেছে। কিছুই স্থির করিতে না পারিয়া তিনি বালুকা-প্রান্তর হইতে একমুঠা বালি হাতে তুলিয়া লইলেন, তখন শব্দ অতি নিকটবর্তী বলিয়া বোধ হইল। পকেটের নিকট বালুকামুষ্টি তুলিয়া ধরিয়া বুলিতে পারিলেন, বালুকা মুষ্টি হইতে ঐ অদ্ভুত শব্দ নির্গত হইতেছে। দ্বীপপুঞ্জের বিভিন্ন স্থানের চরভূমির বালুকা পরীক্ষা করিয়া তিনি দেখেন, কোন কোন জায়গায় ঐ প্রকার শব্দ বালুকাতে শুনিতে পাওয়া যায় ও কোন কোন জায়গায় আদর্শেই পাওয়া যায় না। ডাক্তার বটিন পরীক্ষা করিয়া দেখেন যখন প্রকৃতি-দেবী শান্ত মূর্তি ধারণ করেন ও বাতাস মৃদুমন্দ ভাবে প্রবাহিত হয়, সেই সময় স্যাণ্ডউইচ দ্বীপের তীরভূমির স্থানে স্থানে প্রায় ১০০ ফুট স্থান ব্যাপিয়া বালুকাকণার এই অদ্ভুত সঙ্গীত অতি সুন্দর শুনিতে পাওয়া যায়। স্যাণ্ডউইচ দ্বীপের অসভ্য অধিবাসীরা যে যে স্থানে এই শব্দ শুনিতে পাওয়া যায় সেই-সকল স্থান ডাইনী ও ভূত-প্রেতাদির আবাস-স্থান বলিয়া নির্দেশ করে। আমেরিকানরা যখন এই দ্বীপ অধিকার করে, তারা ঐপ্রকার অদ্ভুত ও অদৃশ্য সঙ্গীত শ্রবণ করিয়া অসভ্য অধিবাসীদেরকে উহার কারণ জিজ্ঞাসা করে ও তাদের প্রমুখ্যে ঐ-সকল স্থানে ভূতপ্রেত বাস করে শুনিয়া দ্বীপের নাম রাখে "স্যাণ্ডউইচ" বা বালির ডাইনী।

আমরা ছোট-বেলায় সঙ্গীতকারী জল ও বৃক্ষের কথা আরব্য-উপস্থানের গল্পে শুনিয়াছিলাম। পরে ঐ-সব কথা আজুগবি বলিয়া মনে হইত; এখন দেখিতেছি শৈশবের শোনা কাহিনী সত্যে পরিণত হইয়াছে। কিছুদিন হইল সঙ্গীতকারী জলও আবিষ্কৃত হইয়াছে।

মাথাধোওয়া টুপি—

পোষাক পরা থাকলে মাথা ধোওয়া কিরূপ কষ্টকর ব্যাপার তা সকলেই জানেন। পোষাক না খুলে ফেলে মাথা ধোওয়া যায় না; অনেক



মাথা-ধোওয়া টুপি—একনলা।



মাথা-ধোওয়া টুপি—দ্বোনলা।

সময় পোষাক খুলে মাথা ধুয়ে আবার পরার কষ্ট স্বীকার অনেকেই করতে চান না। পোষাক পরেই যাতে মাথা ধোওয়া যায় তার জন্ত

অনেক রকম মাথা-ধোওয়া টুপি আবিষ্কৃত হয়েছে। তার মধ্যে দুই রকম টুপির কথা বস্বে। এক রকম টুপি মাথার উপরে জল ঢাললেই পিছনের নল দিয়ে জল খোঁসে যায়। অন্য পরে এক কোঁটাও জল পড়ে না। অন্য টুপিটো পিছনের নল দিয়ে পিছনের সামনের দিকে ও পিছনের দিকে দুটি নল আছে। পিছনের নল একটি জলপূর্ণ বাস্টিতে ডোবান থাকে, তাতে জল পূর্ণ থাকলে পিছনের টুপির মধ্যে প্রবেশ করে ও সমস্ত মাথা ধুয়ে দেয়। পিছনের নল দিয়ে বেরিয়ে যায়। অনেক কষ্ট বাঁচতে এই টুপি ব্যবহার করতে আরম্ভ করেছেন। টুপিটির দাম প্রায় ১৫ থেকে ২০ শিলিঙের মধ্যে।

সংবাদ: চট্টোপাধ্যায়।

আমেরিকার বার্ষিক আয়

আমেরিকানরা যুবকদের মতো কৃষির কাজে দিয়াছে। যুদ্ধের দরুণ এবং আমেরিকাতে কৃষির উৎসাহের সমস্ত দেশ আমেরিকার নিকট এসেছিল। আমেরিকাতে বার্ষিক আয় ১০,০০০,০০০ ডলার করিয়া বাড়িতেছে।


বিদেশারা যদি ঠিক সময়েই আমেরিকাতে আসিত হইলে প্রত্যেক বছরে আমেরিকার রাজকোষে ত্রিশ কোটি ডলার আসিত। পকেটে ১০ কোটি ডলার হাজির হয়। সেদেশের লোকের হিসাব মত আমেরিকা-গণতন্ত্রের তিন বছরে ত্রিশ কোটি ডলার ইহা তাহার এক-চতুর্থাংশ।

আমেরিকার কাছে পৃথিবীর স্বর্ণের তার এত—সমস্ত স্বর্ণের জন্ত ১০,০০০,০০০,০০০ ডলার, যুদ্ধের সরঞ্জামের জন্ত ৩,০০০,০০০,০০০ ডলার আমেরিকার ব্যবসাদারদের প্রাপ্য ৭,০০০,০০০,০০০ ডলার; এবং যারা বিদেশী বণ্ড কিনিয়াছেন তাঁদের প্রাপ্য ২,০০০,০০০,০০০ ডলার।


ইউরোপ আমেরিকাকে এত বেশী পারমাণে সোনা দিতেছে যে সমস্ত জগতের সোনার এক তৃতীয়াংশ তাই আমেরিকায়। অল্প।

নায়াগ্রা-কৌতুহল—

মানুষ তার দুর্ভাগ্য শাস্তি হিসেবে নায়াগ্রা-ফলসের প্রতাপকেও পরাজিত করিয়া নিশ্চেষ্ট হইয়াছে। এখানে প্রত্যেক খাটাইয়া লইতেছে। কিন্তু প্রকৃতির মনোভাৱে নায়াগ্রা-ফলসের তাগিদে লড়িয়াই তার ভূপ্তি হইতেছে না, তাই নায়াগ্রা-ফলসের তাগিদেই নানা দুঃসাহ্য দুঃসাহসের মধ্যে পলাইয়া গিয়াছে। তাই তাগিদেই প্রবৃত্ত করিতেছে। নায়াগ্রা-ফলসের কপাই বস্তু যাক, নিরাস্ত্র কাজের তাড়া থাকিলেও খুব অল্পসংখ্যক নায়াগ্রা-ফলস হইয়া গিয়া পায় হইতে রাজি হইলে কিন্তু এই নায়াগ্রা-ফলসের তাগিদে যানের সহায়ে নায়াগ্রা-ফলসের উর্দ্ধাল জলবাধির সঙ্গে ১০০ ফুটেরও বেশী খাড়াই বাহিয়া নীচে গড়াইয়া পড়িয়াছে। এই জল গড়াইয়া পড়ার বেগ এত ভীষণ যে ১০ মাইল দূর হইতে তাহার শব্দ শ্রবণে পাওয়া যায়। প্রতিদিন ১০০ কোটি ঘনফুট জল তাহার তাগিদে উর্দ্ধ উপর ঝরিয়া পড়ে, এবং সেখানে যে বাতাসের তাগিদে সৃষ্টি হয় তাহার জোরও যেকোনো অবল কড়ের চেয়েও সমান। এই দুঃসাহসিক আনোদে যতজন লিপ্ত হইয়াছে তার মধ্যে মরিয়াছে অনেকে, বাঁচিয়া ফিরিয়াছে পাঁচজন, তাহাদের মধ্যে একজন নারী।



পিপায় নারাগ্রা-বিহার।



নারাগ্রার উপর দড়ির খেরা।

দড়ির উপর দিয়া হাঁটিয়া যাইতে ও সাইকেল চালাইতে আমরা অনেককে অনেকবার দেখিয়াছি, তাই তাহা আর সহসা ভেমন কঠিন বা আশ্চর্যজনক কিছু বলিয়া মনে হয় না। কিন্তু নারাগ্রা প্রপাতের উন্নত অলরাশির উপর দিয়া দড়ি হাঁটিয়া যাইতে যে কতখানি আশ্চর্যতা ও সাহসের প্রয়োজন তাহা অনুমান করা কঠিন। কিন্তু এই স্বকঠিন কাজও অবলীলায় করিয়াছেন Blondin নামক বিখ্যাত বাজিকর। তিনি বারংবার দড়ি হাঁটিয়া নারাগ্রা পার হইয়াছেন, মাঝ-দড়িতে বসিয়া ঠেলাখাড়িতে-করিয়া-বহিয়া-আনা ট্রোন্ডে রান্না করিয়া খাইয়াছেন, কেবল তাহাই নয়, ছুপায়ে দুটি বুড়ি আর পিঠে তাঁর গোমস্তাকে ধাঁধিয়া লইয়াও নিরাপদে দড়ির খেরা পার করিয়া দিয়াছেন, সে আজ ৩০ বৎসর আগেকার কথা।

খাড়াই বাহিয়া জল ঝরিয়া পড়ার সময় অত্যন্ত বেগের দরুণ একেবারে পাহাড়ের গা বাহিয়া গড়াইয়া না পড়িয়া খানিকদূর ছিটকাইয়া দিয়া পড়ে, ইহাতে জলের ধারা ও পাহাড়ের গায়ে মাঝখানে অল্প একটু কঁকের সৃষ্টি হয়। নারাগ্রা প্রপাতের তলাতেও

টিক এমন একটুখানি কঁক আছে। পাহাড়ের গায়ে সেই জলের তলার হৃৎস্পন্দ যেমন সর ভেমনি পিছল আর অসমতল। এই ভয়ানক হৃৎস্পন্দ তিতরও পাঁচজন মানুষ পরস্পর দড়িবাধা হইয়া নির্ভরে প্রবেশ করিয়াছে।

স চ।

বিজ্ঞাপনের জুতা-আকার মোটর সাইকেল—

টাকের উপর বিজ্ঞাপন, জুতার দোকানের স্থখতলা দরজা প্রভৃতি আমেরিকার বিজ্ঞাপন দিবার অনেক কৌশলের খবর আমরা আগে অনেকবার দিয়াছি। এবারে ইংলণ্ডের একটি জুতাব্যবসায়ীর বিজ্ঞাপন



জুতা-সাইকেল।


দিবার এক নূতন কৌশলের খবর দিব। মোটরসাইকেলের পাশে যে বসিবার গাড়ী থাকে, এই ব্যবসায়ীটি সেই গাড়ীটিকে জুতার আকারে তৈরী করাইয়া লইয়াছেন। এবং ইহার উপর বড় বড় অক্ষরে নিজের নাম-খাম লিখাইয়া লইয়াছেন। রাস্তা দিয়া এই গাড়ী যখন চলাকেরা করে তখন ইহার অদ্ভুত আকারে ও বিজ্ঞাপনে লোকে খুব আকৃষ্ট হয়।

প।


বিপুলতার বিপত্তি—

ক্যালিফোর্নিয়ার সোকোর্যা গ্রাশশাল পার্ক সে দেশে প্রাকৃতিক দৃশ্যবলীর জন্ত বিখ্যাত। এই পার্কে পর্বতগাত্রে “ফটিক-গুহা” নামক একটি গুহা আছে, নানাখান হইতে বহুলোক ইহার শোভা দেখিতে আসিয়া থাকে। সম্প্রতি এই গুহার তেত্রিশ ইঞ্চির বেশী কোমরের পরিধিওয়াল লোকদের প্রবেশ নিষিদ্ধ হইয়া গিয়াছে। ইহাতে মোটা লোকদের চটিবার কারণ কিছু নাই। গুহার মোটা লোকদের প্রবেশ-নিষেধের কারণ, গুহার তত্ত্বাবধায়কদের স্থলত্বের প্রতি বিরাগ বা বিদ্বেষ নহে, তাহা এই;—কিছুদিন আগে একজন স্থলকার লোক গুহাতে ঢুকিয়া পড়িয়া এক হৃৎস্পন্দ পথে আসিয়া আটকাইয়া যায়। সেখান হইতে সে না পারে সাম্নে চলিতে, না পারে পিছন ফিরিয়া হটিয়া আসিতে। তিন দিন এই সঙ্কটাপন্ন অবস্থায় কাটাইয়া অনাহারে শুকাইয়া শীর্ণ হইয়া তবে সে মুক্তি পায়। তাও সহজে নয়, তার চারিদিককার পাথরগুলিকে একত্রে চাটিয়া ছুলিয়া দেওয়া প্রয়োজন হইয়াছিল। এমনতর ছুর্ঘটনা যাহাতে আর না ঘটিতে পারে সেজন্য “ফটিক-গুহার” পথঘাটের পরিসর বাড়াইবার ব্যবস্থা হইতেছে।

স চ।



বাণেশের ঘড়ী ।



জল ছিটানো উড়োজাহাজ।

বাঁশের ঘড়ী—

ইটালীর নেপল্‌স্বাসী শ্রীযুক্ত কনষ্টান্টসো রিয়েন্টসী একটি ঘড়ী তৈরী করেছেন সম্পূর্ণ কেবল বাঁশের টুকরো চোঁচাড়ি চিলতে ছোট ইত্যাদি দিয়ে; এই ঘড়ীর কাঁচামো, কলকড়া, ডালা, ঘণ্টা-মিনিটের অক্ষতিহ, কাঁটা, দোলন, স্প্রিং, ঘণ্টা বাজাবার হাতুড়ি সব বাঁশের অংশ; কেবল ঘড়ীটি খাতুমর। এই ঘড়ী ঘণ্টা-মিনিট-সেকেন্ড ছাড়া মাসের তারিখ ও সপ্তাহের বার নির্দেশ করে; ঘণ্টা আধঘণ্টা আর পোয়া-ঘণ্টা বাজে। প্রত্যেকদিন ছুপুর-বেলা মধ্যাহ্ন ঘোষণা করে' ঘড়ী থেকে আপনা-আপনি একটা ছোট কামান আওয়াজ হয়, এটা নিশান ওড়ে, বাঁশী বাজে, আর ঘণ্টা ত বাজেই। ঘড়ীতে আট দিন অন্তর দম দিলেই চলে; আট দিনে সময়ে এক সেকেন্ডও এদিক-ওদিক হয় না; চার বছর অন্তর একবার মেরামত করলেই চলে। এই ঘড়ীটি তৈরী করতে কারিগরের তিন বৎসরের ধৈর্য চেষ্টা ও শ্রম লেগেছে।

কয়ালী।

উড়ো-জাহাজে জল ছিটান—

অনাবৃষ্টি হইলে বড় বড় প্রান্তরে গাছপালা কিছুই জন্মায় না, অত বড় মাঠে জল সেচন করিয়া গাছপালা রক্ষা করাও অসম্ভব। অনাবৃষ্টির সময় সমস্ত প্রান্তরনয় বাহাতে জলসেচন করা যাইতে পারে তৎক্ষণ বৃহদাকার উড়োজাহাজের সৃষ্টি হইয়াছে। উড়োজাহাজের উপরে একটা প্রকাণ্ড জলের চৌবাচ্চা ও তার নীচে ঝাঁঝের স্তায় জল ছিটাইবার জন্ত ছোট ছোট ছিঁজ থাকে। জাহাজ উড়িয়া যাইবার সময় চৌবাচ্চা হইতে জল ঝাঁঝের ভিতর দিয়া বৃষ্টির স্তায় প্রান্তরের মধ্যে পড়িতে থাকে। দক্ষ-মত ঐ প্রকারে জলসেচন করিলে, আর বৃষ্টির জলের উপর সম্পূর্ণ নির্ভর করিয়া বসিয়া থাকিতে হয় না।

অলক।

হাতকড়ির বদলে আঙুল-কড়ি—

আমেরিকার এক ভ্রমলোক সম্প্রতি হাতকড়ির বদলে অপরাধীদের জন্ত একরকম আঙুলকড়ি তৈরী করিয়াছেন। হাতকড়ি দিয়া লইয়া যাইবার সময় অনেক বদ্‌মাইস চোর খুব টানাটানি করে ও গাহারাগরালাকে কাবু করিয়া অনেক সময় পলাইয়া যায়। কিন্তু এই



আঙুল কড়ি।

নূতন আবিষ্কৃত আঙুলকড়ি পরাইয়া দিলে নাকি চোর বেশী টানাটানি করিতে পারে না, তাতে তার হাতে খুব লাগে। খুব টানাটানিতেও কিন্তু হাতকড়িতে লাগে কম ও চোরদের কাপুটাকাপুটি করিবার সুবিধা।

জীবন্ত দৃশ্যপট—

ইউরোপ আমেরিকার রঙ্গক্ষে হাতে আঁকা দৃশ্যপটের বদলে বায়স্কোপের সচল রঙিন ছবির সাহায্যে পারিপার্শ্বিক দৃশ্যকে জীবন্ত করিবার চেষ্টা চলিতেছে। এখন পর্যন্ত কেবল প্রাকৃতিক দৃশ্য লইয়াই পরীক্ষা হইয়াছে, কিন্তু শোনা যাইতেছে রঙ্গক্ষেয় বাবতীর দৃশ্য-সজ্জাই ক্রমে বায়স্কোপের লঠনের সাহায্যে জোগানো সম্ভব হইবে, রাস্তার লোকচলাচল, যুদ্ধক্ষেত্রে সৈন্যসমাবেশ প্রভৃতি যে-সমস্ত ব্যাপারে

অভিনেতাদের কিছু বলা প্রয়োজন হয় না কিন্তু বহু অভিনেতা প্রয়োজন, ব্যঙ্গোপেক্ষের ফিল্মের সাহায্যে সহজেই সে-সমস্ত দৃশ্যও দেখানো যাইবে। কলিকাতায় কোন কোন নাট্যক্ষেত্রে 'অখারোহীর পলারন' অভূতি ধরণের মুকঅভিনয়-অংশ ব্যঙ্গোপেক্ষের সাহায্যে দেখু-ইবার চেষ্টা হইয়াছে।

সচ.।



পারস্যে দুই মানুষের লাঙ্গল টানা।

পারস্যে দুই মানুষের লাঙ্গল টানা—

আমাদের দেশে গরু-টানা লাঙ্গলেরই প্রচলন বেশী। ইংলণ্ডে অভূতি দেশে ঘোড়া-টানা লাঙ্গলের ব্যবস্থা। পারস্য দেশে আবার দুইজন মানুষে একসঙ্গে লাঙ্গল টানে। এই লাঙ্গল অনেকটা মাটি আঁচড়াইবার যন্ত্রের মত, চার-পাঁচটি ফলা আছে, ও দুইটি লম্বা লম্বা বাঁট দুই দিকে লাগানো। দুজন লোকে দুইদিকে দাঁড়াইয়া পরস্পর জোরে জোরে টানাটানি করিতে থাকে। তাহাতে মাটি খোঁড়া হইতে থাকে। প।

সন্ধ্যা-সুন্দরী

অস্তরবি-রশ্মি মাধি' দিগন্তেতে যত মেঘমালা
সপ্ত রঙে রঞ্জি' যেন খুলিয়াছে কার চিত্রশালা !
প্রশান্ত আকাশ দিয়া ছড়াইয়া গোপুলি-অঞ্চল
মৌনবতী সন্ধ্যা নামে, বিহঙ্গেরা গাহে কলকল,
পূর্ব দিগন্তে ধীরে আঁধি মেলে তারকা-সুন্দরী,
অতি দূর বনান্তরে কানাকানি করিছে অপ্সরী !

আঁধার ঘনায় আসে ; দীর্ঘধারে যত দুর্বাদল
তার মাঝে ধীরে ফোঁট তরঙ্গের মূহ ছলছল।
কিশোরীরা ফিরি' যান্ন আর্জ বাসে কক্ষে ল'য়ে বারি,
নুপুরে গুঞ্জন তুলি' মুখরিয়া পল্লীপথে সারি।

অযুত খদ্যোত খঁজি' ফেরে কোন্ রঙ্গ করি আশা,
পৃথিবীর বক্ষ হ'তে স্তব্ধ ধীরে দিবসের ভাষা।

অগ্নি মৌনবতী সন্ধ্যা, অগ্নি রিক্তা, অগ্নি শান্তিময়ী !
তোরে ভালবাসি আমি ; তোরে শাস্ত গোপুলিতে অগ্নি

• মোর চিত্তপটে ফুটি' ওঠে ধীরে কত স্বপ্নরাশি,
কোন্ দূর দিগন্তেতে কে বাজায় মিলন-প্রত্যাশী

সকরণ বাঁশী তার,—তারি তানে ভরি' ওঠে হিয়া
তোরি স্তব্ধতার মাঝে, অগ্নি সন্ধ্যা, প্রাণ আকুলিয়া।

অগ্নি সন্ধ্যা, অগ্নি দীপ্তা আকাশের লক্ষু তারকা,
সাস্ত্রনা-রূপিণী অগ্নি, ধীরে ধীরে আমার হিয়ার
পশি' সাস্ত্রনার সম মৌন গানে মোর আঁধি-আগে
ফুটায় তুলিস্ ধীরে দিবানিশি নীরবে কে জাগে
আমার মর্মের তলে—কেবা সেথা গাহিয়া সঙ্গীত
পথ হ'তে পথান্তরে যেতে সদা করিছে ইঞ্জিত।

অগ্নি সন্ধ্যা, অগ্নি তৃপ্তা, আপনাতে আপনি লুকায়ে,
পূর্বীর সুরে সুরে গোপুলির অঞ্চল বিছায়ে,
আবরিয়া দিবসের যত ক্ষুদ্র দৈন্তময় ছবি
খুলিস্ তুমি তুই আঁধি-আগে যেথা বিশ্বকবি
আপনার বীণাতানে বিশ্বকাব্য করিছে রচনা—
দিবসের তপ্ত খিল্ল প্রাণ যেথা বহে না কামনা।

শ্রীসুরেশচন্দ্র চক্রবর্তী।



বাংলা

বাংলার অর্থের উপর সরকারের অনুগ্রহ—

“এমন দেশটি কোথাও খুঁজে পাবে না'ক তুমি”

ওয়েস্ট অস্ট্রেলিয়া—

আয়—৮ কোটি টাকা

গবর্ণরের মাহিনা—৫০০০ টাকা।

মাদ্রাসা—

আয়—২ কোটি টাকা।

গবর্ণরের মাহিনা—১০,৬৬৬ টাকা।—হিন্দুস্থান।

বাংলার অর্থসমস্যা—

বদেশী আমদানির ফলেই হটক বা অল্প বেকোন কারণেই হটক গত ৬ মাসে ৭ কোটি টাকার কম মাল কলিকাতার আসিয়াছে, ইহা স্বপ্নের কথা বটে; কিন্তু রপ্তানী মালের পরিমাণ হ্রাস পাওয়ার, রপ্তানী অপেক্ষা ১৪ কোটি টাকার বেশী মাল আমদানী হইয়াছে। গত-পূর্বে হয় মাসে ২৫ লক্ষ টাকার বিদেশী জুতা বাংলার আমদানী হইয়াছিল, আর সেই স্থলে গত ৬ মাসে মাত্র ৭ লক্ষ টাকার বিলাতী বিনানা কলিকাতার আমদানী হইয়াছে। এবং সূতার কাপড় ১৮ কোটি ৫০ লক্ষ টাকার স্থলে ১১ কোটি ৪০ লক্ষ টাকার আসিয়াছে। রেশমী কাপড় ১৮ লক্ষের স্থলে ৬ লক্ষ, পশমী কাপড় ৫০ লক্ষের স্থলে ১২ লক্ষ টাকার নামিয়াছে। এবং মোটর গাড়ী ১ কোটির স্থলে ২৪ লক্ষ এবং গত ৬ মাসে ৪০ লক্ষ টাকার কম সিগারেট আমদানী হইয়াছে। আমদানী কম করিয়া রপ্তানী বেশী করিতে পারিলেই দেশ লাভবান হয়। কিন্তু এ বৎসর প্রায় এককোটি টাকার মাল কম রপ্তানী হইয়াছে, এবং কমলা ২১ লক্ষের স্থলে ১১ লক্ষ, পাট ৫ কোটি ৬৫ লক্ষের স্থলে ৪ কোটি ২৫ লক্ষ, চট ৩১ কোটি ৮৪ লক্ষের স্থলে মাত্র ১৪ কোটি ৪৮ লক্ষ টাকার বিদেশে রপ্তানী হইয়াছে। ফলে পাটের বাজার অত্যন্ত মন্দা হইতেছে, এবং প্রজার ঘরে ঘরে ক্রন্দনের রোল উখিত হইয়াছে। মোটের উপর গত বৎসর অপেক্ষা এ বৎসর বাঙ্গলাদেশ হইতে ২৪ কোটি টাকার মাল কম রপ্তানী হইয়াছে। ইহা দেশের পক্ষে অত্যন্ত আশঙ্ক্য কথা। অতএব দেশকে বাঁচাইতে হইলে দেশে শিল্পের উন্নতি করিয়া কাঁচা মালকে নানা কাজে মূল্য বিপণন ত্রিগুণ করিতে না পারিলে আর উপায় নাই।—যশোহর।

বস্ত্রের কথা—

সূতের গারে বন্দর—বিগত ১২ই নভেম্বর তারিখে ঝরিয়ার এক অতি করুণ ঘটনা ঘটে। ঐ দিন তথাকার একজন দরিদ্র মুসলমানের মৃত্যু হয়। সূতের সংকারার্থ তাহার আত্মীয়েরা প্রায় ১২ টাকার বিদেশী বস্ত্র কিনিয়া আনে। ইহাতে পারিপার্শ্বিক কবরখাত্তরীরা খুব আগ্রহ করে। সূতের গারে বন্দর না দিলে তাহারা কিছুতেই

সূতদেহের সংকারার্থ যাইবে না। অগত্যা ঐ বিদেশী বস্ত্র দোকানদারকে ফিরাইয়া দিতে লইয়া যাওয়া হয়, কিন্তু কিছুতেই সে তাহা ফিরাইয়া লইবে না। কাজেই বাধ্য হইয়া সূতব্যক্তির আত্মীয়গণকে হরদিওদাস নামক জনৈক উন্নতমনা ভদ্রলোকের নিকট যাইয়া সবিশেষ বলিতে হয়। দয়াজ্ঞ হৃদয় হরদিওদাস ঐ বিদেশী বস্ত্র স্বয়ং লইতে স্মীকৃত হইয়াছেন এবং বন্দরের দাম দিতে প্রতিশ্রুত হইয়াছেন তিনিয়া দোকানদার এক টাকা কাটিয়া রাখিয়া বিদেশী বস্ত্রগুলি ফিরাইয়া লয় এবং বাকী টাকার বন্দর দেয়। অবশেষে আত্মীয়েরা যাইয়া সূতের সংকার করে। ইহা হইতেই বুঝিতে পারা যায় মহাত্মার অকৃত্রিম ভক্তেরা তাহার আজ্ঞা পালনে কতদূর বদ্ধপরিকর হইয়াছে।

—নবমজ্ব।

দেশের কথা।—কলিকাতা হাতিবাগানে তাঁত ও চরকার একটা বিরাট কারখানা প্রতিষ্ঠিত হইয়াছে। এই কারখানায় ২১০ শত চরকা ও ১১০ শত তাঁত বসান হইবে। আপাততঃ চরকার কার্য শীঘ্রই আরম্ভ হইবে।—কাশীপুরনিবাসী।

চরকার সূতা শক্ত করিবার উপায়।—অনেকেই আজকাল চরকার কাটা সূতা দ্বারা তাঁতে টানা দিতে পারেন না বলিয়া চরকার কাটা সূতা পরিদ করিতে আগ্রহ প্রকাশ করিতেছেন না। চরকার কাটা সূতা শক্ত করার উপায় আছে। আমি নিজে পরীক্ষা করিয়া দেখিয়াছি যে চরকার কাটা সূতা দুইদিন জলে ভিজাইয়া রাখিলে সেই জল দ্বারা সূতা জল ফুটা পর্য্যন্ত সিদ্ধ করিয়া পরে তাহা ছায়ার শুকাইয়া লইলে সেই সূতা অনেক পরিমাণে শক্ত হয়।

—জনশক্তি।

বদেশী খাঁটি রঙীন সূতার অভাবে লোকে রং বেরঙের কাপড় পরিতে পাইতেছে না। আমরা পাহাড় হইতে একরকম গাছের সন্ধান পাইয়াছি, তাহার বীজ কোন পোড়ো জায়গায় রোপণ করিলে কয়েক দিনের মধ্যে গাছ বাহির হইবে। গাছের ফল পাকিবার অল্পদিন পূর্বে তাহার ডালপাতা কাটিয়া সিদ্ধ করিলে গাঢ় নীল রং উৎপন্ন হয়। তাহাতে অবাধে সূতা বা কাপড় রঙীন করা যায়। এই রং পাকা, ধোপে আরও উজ্জ্বল হয়। পত্র লিখিলে নমুনা দিয়া থাকি।

এক, এন, চৌধুরী।

চকরিয়া, চট্টগ্রাম।

চরকার সূতা।—চট্টগ্রাম জেগার চকোরিয়া থানার অধীন কাকাড়া গ্রামে “কাকাড়া স্পিনিং ও উইভিং ফ্যাক্টরী” নাম দিয়া একটা কারবার খোলা হইয়াছে। এই কারবারের বাহারা মালিক তাহারা গ্রামের মেয়েদের দ্বারা চরকার সূতা কাটাইয়া থাকেন। এই সূতার নমুনা আমরা দেখিয়াছি;—স্বন্দর সূচিকণ সূতা। ইহার পারিপাট্য শিল্পের চম্পিশ নব্বয় সূতার মত। কারবারের মালিকগণ তাহাদের প্রয়োজনের অতিরিক্ত সূতা বাজারে বিক্রয় করিতেছেন। কলিকাতায়ও এই সূতা আমদানী হইয়াছে। এনং কলুটোলা গানে “সাধনা” পত্রিকার ম্যানেজারের

নিকট পাওয়া যায়। ম্যালেরিয়ার মহাশয় আমাদের জানাইয়াছেন যে তাঁহার মাসে বিশ মণ পর্যন্ত স্ত্রী সর্বস্বত্ব করিতে পারিবেন। চট্টগ্রামে উৎপন্ন, স্বভাবতই রঙ্গীন “বিনি স্ত্রী”ও ইহার মতে পারিবেন। কলিকাতার লোক “সাধনা” আকিসে গেলেই নমুনা দেখিতে পাইবেন, আর মকঃখলের লোকেরা উক্ত কারখানাতে পত্র লিখিলে ডাকযোগে নমুনা ও মূল্য-তালিকা পাইবেন।

স্বাস্থ্যের কথা—

বাংলাদেশের ২৩টি জেলায় ম্যালেরিয়া-প্রাপ্তি লোকদিগের ভিতর কুইনাইন বিতরণের জন্ত ২০০০ পঁচিশ হাজার টাকা মঞ্জুর হইয়াছে। গড়ে প্রতি জেলায় প্রায় হাজার টাকা এবং প্রতি মহকুমায় দুইশত কি আড়াই শত টাকা করিয়া পাইবে। কুইনাইনের যোগে দূর তাহাতে আজকাল দুইশত টাকায় প্রায় চারি পঞ্চাশ কুইনাইন পাওয়া যাইতে পারে। হোমিওপ্যাথিক মাত্রায় বিলাইলেও কয়জনের ভাগ্যে তাহার একটু ভ্রাণ গ্রহণ জুটবে তাবিয়া পাই না। যদি স্বাস্থ্য-বিভাগে এতই টাকার অভাব ঘটয়া থাকে, তাহা হইলে শুধু মন্থকে চৌষটি হাজার টাকা বাধিক দিয়া কি লাভ হইবে বুঝি না। বয়ঃ ও-বিভাগটি একেবারে বন্ধ করিয়া দিয়া ঐ টাকার কিছু কুইনাইন বিতরণ করিলে বোধ হয় কাজ হইতে পারিত।—প্রভাকর।

লেবুর রসের উপকারিতা।—কাগুজী কিংবা পাতি লেবুর রস প্রত্যহ স্নেহক লবণ সংযোগে কিঞ্চিৎ গরম জলে মিশাইয়া ব্যবহার করিলে অগ্নিমান্দ্য এবং অজীর্ণতা-রোগ আরোগ্য হয়।

পিণ্ডাধিক্যে কাশীর চিনির সহিত লেবুর রস ব্যবহার করিলে বিশেষ উপকার পাওয়া যায়।

লেবুর রসের সহিত মিছরীর গুঁড়া মিশাইয়া মধ্যে মধ্যে সেবন করিলে বমন-ইচ্ছা প্রশমিত হয়।

ভাতের সহিত লেবুর রস ব্যবহার করিলে অরুচি সারিয়া যায়।

পাতি লেবুর খাঁস পুরাতন স্নেহের সংযোগে প্রলেপ দিলে শিরঃপীড়া আরোগ্য হয়।

ম্যালেরিয়া প্রধান দেশে প্রত্যহ লেবুর রস ব্যবহার করিলে সহজে ম্যালেরিয়া আক্রমণ করিতে পারে না।

লেবুর রসে যকৃতের ক্রিয়ার সাহায্য হয়, কোষ্ঠ পরিষ্কার থাকে, কোষ্ঠাশ্রিত বায়ু সরল হয়।

লেবুর রসের বাত প্ররৌগে দেহের সৌন্দর্য্য বৃদ্ধি হয়।

সামান্য পরিমাণ লেবুর রস জল সংযোগে হাতে, ঘাড়, মুখে মর্দন করিলে কেবল যে মুখের রং ফর্সা হয় এমন নহে, অধিকন্তু ইহার দ্বারা চর্মে কোমল হয়।

ম্যাগ্নিসিয়া এবং লেবুর রস একত্রে মিশাইয়া উত্তমরূপে ফুটাইয়া মুখে, হস্তে, হস্ততলে, ঔষধ ব্যবহার করিলে নারীগণের শ্রীবৃদ্ধি হয়, এমন কি কাল চামড়াও একটু ফর্সা হয়, ইহা মুখ প্রভৃতি স্থানে লাগাইয়া ১৫ মিনিট কাগ রাখিয়া তাহার পর ধুইয়া ফেলিতে হয়। ইহার দ্বারা মুখের ও ঘাড়ের কৃষ্ণিত লোম মাংস বেশ শুভৌল হয়।

নখের দাগ প্রভৃতি উপসর্গে এক চামচ লেবুর রস, একবাটা গরম জলে মিশাইয়া নখ এবং হস্ত ধৌত করিলে নখের দাগ নষ্ট হইয়া নখগুলি বেশ সুন্দর হয়।

ওয়েস্ট ইণ্ডিয়া দেশে স্থানের জলে লেবুর রস মিশাইয়া স্নান করা একটি বিশেষ আনন্দদায়ক স্বভোগের মধ্যে গণ্য। এখানে লোকে স্থানের জলে কতকগুলি লেবু কাটিয়া-ফেলিয়া দেয়, তাহার অর্ধেকটা পরে লেবুর রসকে কচলাইয়া জলের সহিত মিশ্রিত করিয়া স্নান করে।

মুখ ধুইবার সময়ে জলে লেবুর রস দিয়া ধাবন করিলে মুখের

চর্মে দূর হয়। ইহার দ্বারা দস্তমূলে যে Tartar বা এক প্রকার চূণের মত দ্রব্য জমিয়া দাঁতকে আলগা করে, তাহা জমিতে পারে না।

স্বাস্থ্য-রক্ষার সহায়তা ও সৌন্দর্য্য বৃদ্ধি করা স্বাভাবিক বস্তাদিতে দাগ লাগিলে বা হাতে কোন প্রকার রংএর দাগ লাগিলে লেবুর রস এবং একটু সামান্য মাত্র লবণ একত্রে মিশাইয়া দাগের উপর মর্দন করিয়া ধৌত করিলে তাহা অনায়াসে উঠিয়া যায়।

—নবধূগ।

দেশবাসীর নিকট আবেদন—

আশ্রমস্থ বালকবালিকা ও রোগীদিগের উপযোগী গরম কাপড়, জামা, গেঞ্জি, কপড়, বিছানাাদি বিশেষরূপে না থাকায় আশ্রমী দারুণ শীত হইতে আশ্রমবাসীদিগকে কিঞ্চিৎ রক্ষা করা যায়, তাবিয়া আশ্রমস্থ তত্ত্বাবধায়কগণ চিন্তিত হইয়াছেন। আশ্রমবাসীদের সুখ দুঃখ অস্তাব্য স্থিতিগণের ব্যবস্থা সৎসাধারণের উপর নির্ভর করে।

উপস্থিত মোট আশ্রমবাসীর সংখ্যা প্রায় ২০০। তন্মধ্যে ১ হইতে তিন বৎসর ৫টি, তিন হইতে পাঁচ বৎসর ৩০টি, পঞ্চম হইতে অষ্টম বর্ষীয় ৭০টি, দশম হইতে পঞ্চদশ পর্যন্ত প্রায় ৫০টি, পঞ্চদশ হইতে তদুর্ধ্ব প্রায় ৪৫টি; ইহার ভিতর আমাদের সেবা-বিভাগের রোগী-দিগকেও ধরা গেল। কখন, জামা প্রভৃতির পরিবর্তে আধিক সাহায্যও যতই সামান্য হউক না কেন গৃহীত হইবে। ব্যবহারোপযোগী পুরাতন শয্যাসব্য গরম কাপড়চোপড় দিলেও সাদরে ও তত্ত্বসহকারে গৃহীত হইবে।

নিখিল ভারত অনাথ আশ্রম,

৩১ নং কালীঘাট রোড, ভবানীপুর।

টেলিফোন নং ৪২৪৯।

শ্রীচিত্তরঞ্জন দাশ (সভাপতি)

শ্রীইন্দু কুমার সেন (সম্পাদক)

শ্রী শঙ্কর দেব বন্দ্যোপাধ্যায় (অধ্যক্ষ)

—বিজলী।

কুমারখালি দরিদ্রভাণ্ডার

আমরা গত আষাঢ়মাসে কুমারখালী দরিদ্রভাণ্ডার সংস্থাপন করিয়াছি। স্থানীয় ৪০১০ জন ভ্রমহোদয় ইহার সাধারণ সভা হইয়াছেন। প্রত্যেক গৃহস্থের বাড়ী হইতে প্রতি রবিবারে মুষ্টিভিক্ষা সংগ্রহ করিয়া, ভাণ্ডারের সভাগণের নিকট হইতে মাসিক চাঁদা, স্থানীয় প্রত্যেক বিবাহে বৃত্তি ও অপরাপর ভ্রমহোদয়গণের অর্থ-সাহায্য গ্রহণ করিয়া এই শিশু দরিদ্রভাণ্ডারের জীবন রক্ষা করা হইতেছে। অতি অল্পদিনের মধ্যে দরিদ্রভাণ্ডার একালপর্যন্ত পল্লীর ৭৮ জন সহায়শ্রী নিরুন্ন বিদবার, ১ জন সম্পূর্ণ কাছাকাছ কণ্ড পুস্তকের অননুগ্রহের নিয়মিত মাসিক সাহায্য এবং ১ জন বালকের আর্থিক সাহায্য করিতে সক্ষম হইয়াছে। এতদ্ব্যতীত আমরা রিজার্ভ ফণ্ডে প্রায় ৪০ টাকা সঞ্চয় করিতে সক্ষম হইয়াছি। ক্রমে ক্রমে বিপদগ্রস্ত অসহায় শ্রীপুস্তক বালকবালিকার সংখ্যা বৃদ্ধি পাইতেছে; সেজন্ত “প্রবাসীর” সহায় পাঠকপাঠিকার ও মুক্তহস্ত জনসাধারণের নিকট আমাদের বিনীত প্রার্থনা “দরিদ্র নারায়ণের” মুখের দিকে চাহিয়া নিয়ন্ত্রিত ঠিকানায় যিনি যাহা দান করিবেন, তাহা অতি সামান্য হইলেও দরিদ্রভাণ্ডার সাদরে গ্রহণ করিবে এবং “প্রবাসীতে” যথাসময়ে প্রাপ্তি স্বীকার করিবে। শ্রী ব্রজপোপাল কুণ্ড—প্রধান পরিচালক, কুমারখালী পোস্ট (জেলা নদীয়া)।

স্বাধীনতার আয়োজন—

বঙ্গ তিলক স্বরাষ্ট্রাভ্যাসের আরব্যের সংক্ষিপ্ত বিবরণ।—অনেক-দিন হইতেই বঙ্গদেশে তিলক স্বরাষ্ট্রাভ্যাসের টাকাসম্বন্ধে নানারূপ জল্পনা কল্পনা চলিতেছে। সেদিন শ্রীযুক্ত হুস্তাচন্দ্র বহু মহাশয় একটি হিসাবে প্রকাশ করেন যে, বাঙ্গালায় মোট ৬২৩৮৬২১৫ টাকা আদায় হইয়াছে। সম্প্রতি এই ভাণ্ডারের টাকার একটি আয়-ব্যয়ের হিসাব বাহির হইয়াছে। ইহাতে প্রকাশ যে উপরোক্ত ঐ টাকা ব্যতীত আরও ১০৭২০০০ টাকা প্রস্তুত এবং কাষাবিশেষের জন্ত নির্দিষ্ট করিয়া দেওয়া দানস্বরূপ পাওয়া গিয়াছে। এই ৬২৩৮৬২১৫ টাকার হিসাব আমরা নিয়ে উদ্ধৃত করিলাম:— নিখিল ভারতীয় কংগ্রেস কমিটিকে দান ১৭০০০ টাকা, বিভিন্ন জেলা কংগ্রেস কমিটিকে দান ৩০৮০৮৫১/১১ পাই, প্রীমার রেলওয়ে এং চাষাগণের হৃদয়গুণ্ড অসহযোগী শ্রমজীবীদের সাহায্যের জন্ত দান ১৬৪৫২০।।০ আনা, জাতীয় শিক্ষার উন্নতিকল্পে দান ৬৮৬৪৬ টাকা, হৃত্তিক সাহায্যভাণ্ডারকে দান ৩৮৮১১/২ পাই, চব্বা এবং বয়ন শিল্পের প্রচলনের জন্ত ব্যয় ৩৭২০।০ আনা, জাতীয় সংবাদপত্র এবং পুস্তক প্রকাশ কার্যে সাহায্যস্বরূপ দান ৪৪৩১/৬ পাই, জাতীয় আন্দোলনের যাবতীয় কার্য-বিষয়ী প্রকাশের জন্ত ব্যয় ২০০ টাকা, নারীদিগের উন্নতিকল্পে গঠিত সমিতিকে দান ৩০০ টাকা, জাতীয় সেবক-সমিতিকে দান ১৫০০ টাকা, চণ্ডনীতি-প্রপৌড়িত ব্যক্তিদিগকে সাহায্যের জন্ত ব্যয় ১০০০ টাকা, ছাপা খরচ ৭৬৮৪১।/৬ পাই, যাতায়াত ব্যয়, ডাক খরচ অথবা পত্রাদির ব্যয় এবং অন্যান্য নানাপ্রকারের ব্যয় ২০০৮১।২ পাই, এবং জাতীয় সেবকদলকে অগ্রিম দেওয়ার জন্ত ব্যয় ৩০৫০ টাকা। এতদ্ব্যতীত ১৫০০০ টাকা মূল্যের অলঙ্কারাদি, ব্যাঙ্কে জমা ১৩৬৪৬/১০ পাই, এবং ভাণ্ডারের নিকট নগদ ১৫৭০৬/৬ পাই রহিয়াছে।—সেবক।

স্বাধীনতার পথে তীর্থযাত্রী—

দেশবন্ধু গ্রেপ্তার—শনিবার অপরাহ্ন প্রায় পাঁচটার সময় পুলিশ কলিকাতায় শ্রীযুক্ত চিত্তরঞ্জন দাশ মহাশয়ের বাড়ীতে তাঁহাকে গ্রেপ্তার করিয়াছে। শ্রীযুক্ত বীরেন্দ্রনাথ শাসমল ও শ্রীযুক্ত পদরাজ জৈন ও শ্রীযুক্ত ভোলানাথ বর্ষণ গ্রেপ্তার হইয়াছেন। পুলিশ বড়বাঙ্গার কংগ্রেস কমিটির অফিস খানাতল্লাস করিয়াছে।—বহুমতী।

শ্রীযুক্ত জিতেন্দ্রলালের শাস্তি, দুই বৎসর সশ্রম কারাবাস—গত ৭ই ডিসেম্বর কলিকাতার চিফ্ প্রেসিডেন্সী ম্যাজিস্ট্রেট কংগ্রেস-কর্মী এবং অসহযোগীদের অন্যতম অগ্রণী শ্রীযুক্ত জিতেন্দ্রলাল বন্দ্যোপাধ্যায়ের প্রতি দুই বৎসর কারাদণ্ডের আদেশ প্রদান করিয়াছেন।—সেবক।

মৌলানা আক্রাম খাঁ গ্রেপ্তার—মৌলানা মোহাম্মদ আক্রাম খাঁ সাহেব গ্রেপ্তার হইয়াছেন। তিনি হাসিতে হাসিতে সকলের নিকট বিদায় লইয়া গিয়াছেন।—বহুমতী।

পূর্ণচন্দ্র দাসের কারাদণ্ড—মাদারিপুরের জন্মগ্রহণ নেতা পূর্ণচন্দ্র দাসের মোকদ্দমার বিচার হইয়া গিয়াছে। পূর্ণচন্দ্র জামিন দিতে অস্বীকার করেন। তিনি বলেন, যে গবর্ণমেন্ট জালিয়ানওয়ালাবাগের নৃশংস হত্যাকাণ্ড সম্পাদন করিয়াছে, পেলাফৎ ধ্বংস করিয়াছে, এবং যে গবর্ণমেন্টের অধীনে ভারতীয় রমণীগণের সত্য হরিত হয় না, সে গবর্ণমেন্টের আদালতে আমি কিছু বলিতে চাই না। তৎপরে ম্যাজিস্ট্রেট পূর্ণবাবুর প্রতি এক বৎসর সশ্রম কারাদণ্ডের আদেশ দিয়াছেন।—সেবক।

ইহা ছাড়া হুস্তাচন্দ্র, ওয়াহেদু আলি, মৌলানা কালাম আজাদ,

প্রভৃতি কলিকাতার আরো অনেক বিশিষ্ট নেতা ধরা পড়িয়াছেন। আজ অবধি প্রায় একহাজার খেচ্ছাসেবককে পুলিশ নাম মাত্র অপরাধে বন্দী করিয়াছে। এই নির্ঘাতনের আওতায় আমাদের অন্তরাত্মা পুত, পবিত্র, শক্তিমান হইয়া উঠুক।

দেশের আত্মানে কেরাণীর পদত্যাগ।—বিগত ১৭ই নবেম্বর তারিখে হুস্তালের দিন আফিসে গিয়াছিলেন বলিয়া, কলিকাতার এন্ডাস কোম্পানীর কেরাণী শ্রীযুক্ত হুস্তাচন্দ্রনাথ বন্দী তৎপরে দিনই পদত্যাগ করতঃ ঐ পাপের প্রায়শ্চিত্ত করিয়াছেন। চৌরস্বীর ও হেরার স্ট্রিটের বিষধর যীহারী এই কয়দিন খেচ্ছাসেবকগণের উৎপীড়নের ভয়ে কলিকাতার লোক হুস্তালে যোগদান করিয়াছিল বলিয়া রাগে পরগর করিতেছেন ও তাঁর হলাহল উদ্বোধন করিতেছেন, এই ব্যাপারে তাঁহাদের মুখ চূর্ণ হওয়া উচিত নয় কি?—জ্যোতিঃ।

কনষ্টেবলের পদত্যাগ।—আমালপুরের গোলাম নবী খাঁ ও সেখ আলী নামক দুইজন কনষ্টেবল “উল্লেখ্য কতোয়ার” নির্দেশানুসারে কর্তৃত্যাগ করিয়াছে। প্রত্যাহার করিবার জন্ত পৌড়াপৌড়ি করিলেও তাহারা কর্তৃত্যাগপত্র প্রত্যাহার করে নাই। কিন্তু তাহাদিগকে মাসের মধ্যে কার্য হইতে অবসর গ্রহণ করিতে দেওয়া হইবে না। আরও অনেকে কর্তৃত্যাগ করিবে আশা করা যায়। আবুল খালেক নং ৫০২, হুস্তানপুর; বাণেরআলী খাঁ নং ৫৪০ উনাও; আনাদত উপাধ্যায়, নং ১৩১১, প্রতাপগড়; গবা সিং, নং ৬৭৭, আরা; আবুল মজিদ নং ৬৯৬, মুন্সের; সীতানারায়ণ মিশ্র, নং ৫৩০, প্রত্যাগত; সেখ আবুল হক, নং ৫৪৫, মজঃফর; জগন্নাথ কুর্শি, ৬৯৪, ছাপ্রা; মোহিত সিং নং ৫১০, গয়া; প্রভৃতি কাজ ছাড়িয়া দিয়াছে। জ্যোতিঃ। মোহাম্মদী।

তেজপুরের কোন একটা চা বাগান হইতে ১২৫ জন কুলী কার্য পরিত্যাগ করিয়া তত্রতা কংগ্রেস আফিসে উপস্থিত হইয়াছে। কারণ তাহাদিগকে নাকি পূর্বের ন্যায় সপ্তাহে সপ্তাহে বেতন মিটাইয়া দেওয়া হইতেছে না।—বশোহর।

উকিলের অসহযোগ—বঙ্গীয় ব্যবস্থাপক সভার শ্রীযুক্ত যোগেন্দ্রকৃষ্ণ বহু জিজ্ঞাসা করিয়াছিলেন, সমগ্র বঙ্গদেশে এ পর্যন্ত অসহযোগনীতি অবলম্বন করিয়া বাংলার কোন জেলার কতজন উকিল ব্যবসায় পরিত্যাগ করিয়াছেন। উত্তরে মান্দার সাহ আব্দার রহিম নিম্নলিখিত উত্তর প্রদান করেন।—


- বর্ধমান ১, নদীয়া ২, পাবনা ও বগুড়া ১৩, খুলনা ৭, মুর্শিদাবাদ ১০, চট্টগ্রাম ৮, ত্রিপুরা ৩, নোয়াখালী ৫, রঙ্গপুর ১, জলপাইগুড়ি ১, ময়মনসিং ১৬, ২৪পরগণা ১, বাঁকুড়া ১, বশোহর ২, ফরিদপুর ১২, রাজসাহী ১৩, হুগলি ও হাওড়া ৩, ঢাকা ৮, মেদিনীপুর ৬, দিনাজপুর ১, বাখরগঞ্জ ১০, কলিকাতা ৭জন, মোট ১০৮জন।

—জ্যোতিঃ।

সরকারী চাকুরীতে ইস্তফা।—(১) গয়ারাম রতনতেওয়ারী আলিপুর পুলিশ টেপিং স্কুলে শিক্ষালাভ করিতেছিল। সম্প্রতি সে শিক্ষানবীশ-দের ভাগিকা হইতে তাহার নাম কাটিয়া দেওয়ার জন্ত কর্তৃপক্ষকে জানাইয়াছে। (২) চন্দ্রওয়ারার দেওয়ানী আদালতের সমন জারির পেয়াদা আব্দুল করিম কার্যে ইস্তফা দিয়াছে। (৩) ফরিদপুর জেলার বাখরগঞ্জ গ্রামের ৬ জন গ্রাম্য চৌকিদার চাকুরিতে জবাব দিয়াছে। (৪) মোরাদাবাদ গবর্ণমেন্ট বয়নবিভাগের শিক্ষক লুমেদ মৌরাজ ফারুকী পদত্যাগপত্র দাখিল করিয়াছেন। (৫) ঢাকা কলেজের নায়ের নাজীর মৌলুদী শামসুল হুদা গত ৫ই নবেম্বর পদত্যাগপত্র দাখিল করিয়াছেন। (৬) জলপাইগুড়ির মৌলবী শামসুদ্দিন গবর্ণমেন্ট চাকুরীতে ইস্তফা দিয়াছেন।—এডুকেশন গেজেট।

স্বাধীনতার পথে তীর্থযাত্রী মহিলা—

কলিকাতার মহিলা গ্রেপ্তার—শ্রীযুক্ত চিত্তরঞ্জন দাশের পত্নী শ্রীমতী বাসন্তী দেবী, তাঁহার ভগ্নী উষ্মিলা দেবী, সুনীতি দেবী এবং অন্যান্য আরও প্রায় এক শত খেলাফৎ স্বেচ্ছাসেবকগণকে গ্রেপ্তার করা হয়। শ্রীমতী বাসন্তী দেবী, শ্রীমতী উষ্মিলা দেবী, শ্রীমতী সুনীতি দেবী এবং কয়েকজন স্বেচ্ছাসেবক বড়বাজারে খদ্দর কাপড় বিক্রয় করিতে যান। পবর্ণমেটের আদেশ অমান্য করার জন্য পুলিশ ইহাদিগকে গ্রেপ্তার করে। সঙ্গে সঙ্গে আরও অনেক স্বেচ্ছাসেবক গ্রেপ্তার হয়। তখন দলে দলে স্বেচ্ছাসেবকগণ অগ্রসর হইতে থাকে আর দলে দলে গ্রেপ্তার হইতে থাকে। এই সমস্ত স্বেচ্ছাসেবকগণকে গ্রেপ্তার করিয়া পুলিশ প্রেসিডেন্সি জেলে লইয়া যায়। সেখানে সকলেই জামিনে খালাস পাইতে অনিচ্ছা প্রকাশ করেন। পবর্ণমেট শেষে অনেক রাত্রে শ্রীলোকগণকে মুক্তি প্রদান করেন।—সেবক।



যুরোপ—ওরে বাবা! পারে যদি শাস্ত্র পুড়ো ওদের বিষ-দাঁত ভাঙুক। নিরস্ত্রীকরণ বৈঠকে নোবহর ও সৈন্সবল কমান্ডার প্রস্তাবের নিষ্ফলতা সম্বন্ধে ব্যঙ্গ।

মহিলাদের বাণী—আমরা গ্রেপ্তার হইব, ইহা জানিয়া সম্পূর্ণ প্রস্তুত হইয়াই আসিয়াছিলাম। আমাদের ছেলেরা বীরের মত জেলে যাইতেছে, আর আমরা মা হইয়া বসে বসিয়া থাকিব, ইহা আমাদের পক্ষে বড়ই কষ্টপ্রদ। যে কার্য অসম্পূর্ণ রহিল, আমরা আমাদের অপরাপর ভগিনীদিগকে তাহা সম্পন্ন করিতে অনুরোধ করিতেছি। তাঁহারা যেন ভুলিয়া যান না যে, তাঁহাদিগকে ভাতা এবং ভগিনীদের পাশে জেলে গিয়া দাঁড়াইতে হইবে। তাঁহারা বুঝুন যে, তাঁহারা বাস্তবিক জেলেই বাস করিতেছেন, জেলটা কেবল একটু বড়। দাসত্বমির কলুষিত বায়ুতে জীবন-ধারণ অপেক্ষা খাঁটি জেলে গিয়া থাকাই সম্মানজনক।

সরকারী স্কুল ও কলেজে এখনও যে-সব ছাত্র আছেন, আমরা তাঁহাদিগকে অনুরোধ করিতেছি, তাঁহারা একযোগে বাহির হইয়া আইন, আসিয়া স্বাধীনতার যে সংগ্রাম আরম্ভ হইয়াছে, তাহাতে যোগ

দ্বিন। যদি অভীষ্টলাভ করিতে হয় ত এই সময়; না হইলে আর নয়। যে যুদ্ধে আমরা অবতীর্ণ হইয়াছি, তাহাতে হয় বিজয়লাভ করিব, নতুবা জীবন বলি দিব। উভয়ই গৌরবাহী। জীবন অথবা মৃত্যু—এ দাসত্ব আর নয়। পুলিশ কর্মচারীদের নিকট আমাদের অনুরোধ—তাঁহারা এখনই কাজে উদ্যত হউন। তাঁহারা বুঝুন, ঐরূপ জঘন্য উপায়ে জীবিকা অর্জন অপেক্ষা অনাহারে মৃত্যুও ভাল।

বাসন্তী দেবী
উষ্মিলা দেবী
সুনীতি দেবী।
—হিন্দুগান।



ভূত নামানো।

আমেরিকায় একটি সম্প্রদায় হঠাৎ হইয়াছে তার নাম—কু কুকু ক্যান। এদের উদ্দেশ্য নিগ্রো বিরোধ, যিহাদ বিরোধ, ক্যাথলিকধর্ম-বিরোধ। একেই বিখ্যাত স্বার্থবিরোধ মঞ্চীর্ণতা জাত্যভিমান প্রবল হইয়া আছে, তার উপর সেই সব গুঢ়চিত্ত লোক সম্ভবত্ব সম্প্রদায় হইয়া উঠিলে জগৎসংসার নরকের চেয়েও ভয়ানক হইবে।

কুলমহিলার যত্নশ্রম গ্রহণ।—চট্টগ্রাম জেলা খেলাফৎ ও কংগ্রেসকর্মীদের প্রাপ্ত সৎকার-পক্ষে বর্তমান কঠোর ব্যবহার তাঁহাদিগকে সঙ্গে সঙ্গে গ্রেপ্তার হইতে সাহসী করিয়াছে। নেতৃবর্গের জেল ও হাজতে গমন প্রভৃতির ফলে জননায়ক মৌলবী শাহ মোহাম্মদ নদিউল আলম সাহেবের সহধর্মিণী বেগম ফিরোজা খাতুন ও কংগ্রেস-কর্মী জনাব ফরোখ আহামদ নেজামপুরী সাহেবের সহধর্মিণী বেগম তখিয়া খাতুন চৌধুরাণী স্বেচ্ছাসেবিকার কাজ করিতে অগ্রসর হইয়াছেন। কুলমহিলারা এবার নিদ্রহস্তে সেবাব্রত গ্রহণ করিতেছেন। ইহাদের বৃদ্ধান্তে মাতৃজাতি প্রবুদ্ধ হউন।—জ্যোতিঃ।

সত্য-নেত্রীত।—চুটা বালিকা বিদ্যালয়ের পুরস্কার-বিতরণী সভায় শ্রীযুক্ত অন্নদাচরণ গুপ্ত মহাশয়ের পত্নী শ্রীমতী প্রিন্সতমা গুপ্তা

মহোদয় সভা-নেত্রীত্বের পদে বৃত্ত হইয়া যে বক্তৃতা প্রদান করিয়াছিলেন তাহা পাঠ করিয়া আমরা নিরতিশয় মুগ্ধ হইলাম। পল্লীগ্রামের সভায় একজন পুরনারী সভা নেত্রীত্বের পদে আসীন হইয়া বক্তৃতা প্রদান করা সম্পূর্ণ অস্বাভাবিক। একজন রমণীকে সভাপতিত্বে বরণ করিয়া চুঁটা গ্রামের শিক্ষিত সমাজ রমণীর প্রতি যে সম্মান প্রদর্শন করিয়াছেন তাহা অতুলনীয় এবং সকলস্থানের শিক্ষিত সমাজের অনুকরণীয়।—ত্রিপুরাগাইড।

আসামের স্বদেশী-সাধনা।—আসামের লক্ষীপুরের এক মহিলা-সভায় শ্রীযুক্তা রত্নেশ্বরী কুকনান নামী ৬০ বৎসর বয়স্ক বর্ষায়সী রমণী তাহার পুত্র শ্রীমান শশধরকে নেতৃত্বের সঙ্ক্ষে দেশমাতৃকার সেবার জন্ত উৎসর্গ করেন। তিনি বলেন, “দেশবাসীর সেবায় আমার পুত্র জেলে গেলে আমি খুসী হইব।” - বীরভূমবাসী।

মহিলা অগ্রসর।—গুরুকলা শ্রীযুক্ত ত্রিপুরাচরণ চৌধুরী ও উমেশচন্দ্র গুহের হাজত গমন এবং অন্যান্য স্বৈচ্ছাসেবকদের নামে গুয়ারেন্টে বাহির হওয়ার সংবাদ শুনিয়াই স্বর্গীয় দুর্গাদাস দস্তিদার



যুক্তান্তর—“নখ কাটবে না আঙুল ছাঁটবে, বাবা?”

নখকে যতই কাটিয়া কমানো যাক্ কিছুদিন যাইতেই তাহা আবার বাড়িয়া বড় হয়। নিরন্তরকরণ কনুফারেন্সে যুদ্ধসজ্জা কমানিবার যে আয়োজন হইতেছে তাহার পরিণামও এইরকম হইতে পারে। যুদ্ধান্তরকে জঙ্গ করিতে হইলে তাহার আঙুলের গোড়াহুক ছাঁটিয়া ফেলা প্রয়োজন।

মহাশয়ের মধ্যম পুত্র শ্রীযুক্ত বঙ্কিমচন্দ্র দস্তিদারের পত্নী শ্রীমতী নিরুপমা দস্তিদার জাতীয় স্বৈচ্ছাসেবক দলে কাজ করিবার জন্ত নাম পাঠাইয়া দিয়াছেন। আমাদের বস্তু:পুরস্কা কুলমহিলাগণ পঠান্ত যে কত চঞ্চল হইয়া উঠিয়াছেন, এবং স্বৈচ্ছাসেবক একদল গেলে যদি উপযুক্ত

পুরুষেরা আসিয়া তাঁহাদের স্থান পূরণ না করেন তবে কুলমহিলা বাহির হইয়া যে তাঁহাদের অপূর্ণ কাজগুলি পূর্ণ করিয়া লইবেন তাহার সাক্ষাৎ প্রমাণ উপস্থিত।—জ্যোতিঃ।

স্বাধীনতার পথে বাধা —

ছোটজাতের কথা।—দেশে আমরা যত লাঞ্ছনা পেয়ে আসছি, তা আপনাদের অজানা নেই। সর্ব্বসম্বল বহুকরার স্নেহের কোলে পালিত আমরা নমঃশূদ্র, পোদ, সাহা, সোনার বেণে ইত্যাদি জাতের ছেলেগুলো—যাদের আগে একই স্কুলে, ভিন্ন বেঞ্চে বসতে হ'ত;—এখনও স্থান বিশেষে অশেষবিধ লাঞ্ছনা পঞ্জনা ভোগ করতে হয়। তাদের ত 'সর্ব্বসম্ব' এই বিশেষণটির মান রাখতে হবে, তাই চুপ করে সয়ে আছি—মা বহুমতীর সত্যিকারই ছেলের মত! কলকাতায় এসে পাঠাবস্থাত, সকল শ্রেণীর যুবকদের সাথে মিশে



চীন নিরন্তরকরণ বৈঠকে বসুক তাতে জাপানের আপত্তি নেই যদি চীনের মুখে থাকে তালা আর তার চাবিকাঠি থাকে জাপানের জিম্মার।

মনে কতক ধারণা হয়েছে যে, যা হ'ক এখানে হয়ত ঘৃণা বিদ্বেষের হাত হতে নিষ্কৃতি পাব। তা কথাটা নেহাৎ মিথ্যাও নয় যে, যুবকেরা বাস্তবিকই হৃদয়বান; কিংবা হয়ত আমারই সৌভাগ্য যে, আমি হৃদয়বান বন্ধুরত্ন পেয়েছি।

যাক্ সে কথা, যা বলতে বসেছি তাই বলি। গুন্ডুম আমার বন্ধু—জাতিতে সোনার বেণে, Bengal Technical Instituteএ পড়ে। সে আছে ৪২ হুকিয়াতে—ঐ স্কুলেরই একটা মেসে। মেসটা খুলেছে প্রায় মাসখানেক; এর ভেতর কোন কথা ওঠেনি। আজ গুন্ডুম কর্তৃপক্ষের কোন উচ্চজাতীয়!) ব্যক্তি বলেছেন যে নিম্ন-জাতির ছেলেকে ভিন্ন ঘরে খেতে দেওয়া হবে; ইত্যাদি, ইত্যাদি। বন্ধুটির সাথে কর্তৃপক্ষের বেশ বিবাদ চলছে! বন্ধুটি বলেছেন, এতদিন

খেয়ে এসেছি তাতে জাত বায় নি, আর এখন যাবে?.....বন্ধুবর পূর্বে হিন্দু হোষ্টেলে ছিল; সেখানে কোন গণ্ডগোল হয়নি! নমঃশূত্র, সাহা প্রভৃতি তথাকথিত নিয়মজাতির ছেলেরা শুষ্ক হোষ্টেলে, প্রেসিডেন্সী, কি ম্পন, বিদ্যাসাগর সকল স্থানেই অস্বাভিক পরিমাণে আছে। তারা কি করবে? ভয়ে ভয়ে ইন্ডুরের গর্ভে লুকোবে নাকি? হায়রে যেখানে একগাছা পৈতা গলায় দিয়ে যে-সে বামুন ঠাকুর বলিয়া চলিয়া যাইতেছে, সেই কলকাতার আবার জাতাভিমান!

এই স্বার্থতা কি যাবে না? এতকাল ছোটজাত ভাবতে ভাবতে আমরাও যে বাস্তবিকই ছোট হয়ে যেতে বস্লাম। এর কি কোন প্রতিকার নেই? হাড়ির ভেতরে ঢোকা জাতটাকে শেঙেরে চুরমার করে দিতে পারে এমন উদার কি কেহ এ অভাগ্য দেশে জন্মাবে না? এদেশে কি রামমোহন, বিবেকানন্দ পথ ভুলে এসেছিলেন?


মানুষের ভেতর যে ভগবান আছেন এককটা অধীকার না কলেও স্বীকার করার মত সাহস ও বুকের পাটা যে বেশী মানুষের আছে, এই হতভাগ্য বাংলা দেশে তা বিখ্যাস হয় না। ইতি

কলিকাতা।

জনৈক নমঃশূত্র ছাত্র।

—বিজলী।

—সেবক।



চীন—ওহে শানু খুড়ো! এটা কি তোমাদের ধোপা পকায়েৎ নাকি—যত ময়লা কাপড়ের মোট আনারই থাকে!


ভারতবর্ষ

মালাবারের অন্ধকূপ

'এসোসিয়েটেড প্রেস' ২০শে নবেম্বর কোইম্বাটোর হইতে সংবাদ দিয়াছিলেন,—মালাবারে এক ভীষণ দুর্ঘটনা ঘটিয়া গিয়াছে। তিনয় হইতে একশত-গন মোপ্লা বন্দীকে মাল-গাড়ীতে পুরিয়া রামবেরিলিতে

পাঠানো হইয়াছিল। গাড়ীর ভিতর দমবন্ধ হইয়া তাহাদের ভিতর ৬৪ জন মারা গিয়াছে।

এই ৬৪ জন মোপ্লা বন্দীর মৃত্যু-কাহিনী লইয়া ভারতবর্ষে এবং ভারতের বাহিরে আন্দোলন নিতান্ত কম হয় নাই। সেইজন্যই হোক অথবা চিরন্তন প্রথা অনুসারেই হোক, সমস্ত ব্যাপারটা তদন্ত করিবার জন্ত কর্তৃপক্ষ একটি কমিটি গঠন করিয়াছিলেন। সমাপ্তি সেই কমিটির তদন্তের খবর বাহির হইয়াছে।



রবীন্দ্রনাথ—ওগো মুকপা তোমাদের ভালো তোমাদেরই থাক!

এই তদন্তের ফলে জানা গিয়াছে,—যে মাল গাড়ীতে করিয়া বন্দীরগকে পাঠানো হইয়াছিল সেখানি বিস্তৃত ছিল তিনটি কুঠরীতে। প্রত্যেক কুঠরীতে স্বতন্ত্র দরজা ছিল। কিন্তু এই দরজাগুলি বন্ধ করিয়া দিলে বাতাস চলাচলের জন্ত একটি করিয়া অপরিমিত ফুকর ছাড়া আর কোনো বাতাস ছিল না। ফুকরগুলিরও আপাগোড়া ছিল আবার যম সোজার জাল দিয়া সেবা গাড়ীখানি পরীক্ষা করিয়া পলাতনের সম্ভবতার দিনিয়ার মেডিক্যাল অফিসার কাপ্তেন পি এম মাথাই, আই-এম এম বলিয়াছেন, "একপ গাড়ীতে লোক পাঠানো ব্যাপার কিছুতেই চলিতে পারে না—ফুকরের সমস্ত জাল পুলিয়া ফেলিলেও তাহা সম্ভবপর নহে।"

বাতাস সেখানে নাই সেখানে জলতৃকা নিদারণ হইয়া উঠা অত্যন্ত স্বাভাবিক। বন্দীরা পুনঃ পুনঃ করণ কাতর কণ্ঠে জল তিকা করিয়াছে—প্রহরীরা সে-সব কথা শুনিয়াও শোনে মাই। তাহাকে

কাতর প্রার্থনা কিরূপ নিষ্ঠুরতার সহিত উপেক্ষিত হইয়াছে তাহার সাক্ষ্য প্রদান করিয়াছে আশ্রয়িত তালুকের এমন একজন লোক, যাহার ঘর বাড়ী ধন সম্পদ সমস্ত লুণ্ঠিত হইয়াছে এই মোপ্লা বিদ্রোহীদের দ্বারা। কি অসহ্য পিপাসার যন্ত্রণা তাহার সহ্য করিয়াছে, পারেনপলাল ইন্সাইল নামক একজন বন্দীর কথায় তাহা পরিষ্কৃত হইয়া উঠিয়াছে। সে বলিয়াছে,—প্রথম স্টেশনে ট্রেন থামিতেই জলের জন্ত চীৎকার করা হয়। সকলেই জলের অভাব ভীষণ ভাবে অনুভব করিতেছিল। ক্রমেই তৃষ্ণা বাড়িয়া উঠিতে থাকে। পরের স্টেশনেও তাহার চীৎকার করিয়া বলে, তাহাদিগকে জল দেওয়া না হইলে তাহার মারা যাইবে। এত অমুনয় বিনয় কাতরতার দিনময়ে একজন আসিয়া তাহাদিগকে শুনাইয়া যায়, এসমস্তই তাহাদের অরণ্যে রোদন হইতেছে। পদাশ্রয় পৌঁছবার পূর্বে কিছুতেই দরজা খোলা হইবে না। ঘামে

এমন ভাবেই প্রমাণিত হইয়া গিয়াছে যে সংশয়ের আর অবকাশ নাই।

এই দুর্ঘটনা সম্বন্ধে মন্তব্য করিতে গিয়া বিলাতের 'ডেলি মেল' পত্রিকা বলিয়াছেন, "ব্রিটিশ শাসনের ছদ্মবেশে এই ভীষণ অত্যাচার অনুষ্ঠিত হইয়াছে। ইহার ফলে কলিকাতার অন্ধকূপ হত্যার মত ইংরেজের মলাটেও একটা ছুরপনের কলঙ্কের ছাপ পড়িয়াছে। এই ব্যাপারটির জন্ত যে দায়ী তাহাকে এই মুহূর্তে খজিয়া বাহির করা উচিত এবং বিচার করিয়া তাহাকে ফাঁসী দিতে দেয়া করা কিছুতেই সম্ভব নহে। যে স্থান-বিচারের আমরা পর্ক করি ভারতে সে পর্ক অক্ষুর রাখিতে হইলে ইহা ছাড়া আর অন্য উপায় নাই।"




যুদ্ধে কে জয়ী হইল ?

যে ভাব্ছে—সে। যার ধারণা—সে। যে জানে—সে।
(ইংলণ্ড) (আমেরিকা) (ব্যবসাদার)

তাহাদের সঙ্গীত ভিজিয়া যাইতোছিল। অনেকে তৃষ্ণার জ্বালায় সেই ধর্ম-নিমিত্ত আকড়াকড়ি মুখে পুরিতেও ইতস্ততঃ করে নাই। গাড়ীতে বাতাসের চলাচল একেবারেই ছিল না। বন্দীর জালটি ছিঁড়িয়া কেলিবার চেষ্টা করিয়াছিল কিন্তু তাহাতে সফল হয় নাই। ক্রমে তাহাদের দাঁড়াইয়া থাকিবার শক্তি লোপ পাইয়া যায়। তখন একজনের উপর আর একজন মুষ্টিত হইয়া পড়িতে থাকে। এমন করিয়া মোপ্লা বন্দীর মারা গিয়াছে।

জঙ্গ জোগানো কঠিন বলিয়াই যে রথী সেনাদল এত নির্লিপ্ত হইয়াছিল তাহা মনে করিবার কোনো হেতু নাই। কারণ গুলডাকটের এসিষ্ট্যান্ট স্টেশন মণ্ডার মিঃ টি আর শ্রীনিবাস আয়ার একথা স্পষ্টই বলিয়াছেন, জল চাহিলে তাহা পথ্যাপ্ত পরিমাণেই মিলিতে পারিত। ছেলের কোলের উপর গাপ মারা গিয়াছে—সে বাতাসের প্রার্থনা করিয়া ধমক খাইয়াছে; সুদূর-বিহ্বল কঠোর করুণ প্রার্থনা ধামাইবার জন্ত গুলি করার ভয় দেখানো হইয়াছে—এসব কথা অনেক সাক্ষ্যে



জগতের বাজারে দৌড়ের বাজি

ব্রিটিশ-বাণিজ্য শশকের মতন দ্রুতগামী হইলেও আন্তর্জাতিক অসতর্ক নিদ্রালস; জার্মান-বাণিজ্য সম্বরণামী হইলেও নিরলস সদা-চলিষ্ণু; সুতরাং জয় শেষে জার্মানেরই অবশ্যম্ভাবী।

তদন্তে ঘটনাটির ইতিহাস প্রকাশ হইয়াছে। ইহার ফল কি হইবে তাহা আমরা জানি না। তবে 'অন্ধ-সভা' 'অগ্ঠান' সিরাজ-দৌলার পক্ষে যাহা সম্ভবপর হইয়াছিল 'সভা' 'খুঠান' ব্রিটিশ রাজত্বেও তাহা অসম্ভব নহে এই ব্যাপার হইতেই তাহা প্রমাণ হইয়া গিয়াছে। ইতিহাস এখনো কলিকাতার অন্ধকূপ হত্যাকে অবিসংবাদিত সত্যরূপে গ্রহণ করে নাই, কখনো করিবে কি না তাহাতেও যথেষ্ট সন্দেহ আছে। তবু তাহার স্মৃতিকে অক্ষয় করিয়া রাখিবার জন্ত ইংরেজ মর্শ্বরলম্ব গড়াইয়াছেন। মালাবারের এই অন্ধকূপ সভা জগতের চোখের উপর খাটিয়াছে। সুতরাং ইহার স্মৃতিকে অক্ষয় করিবার জন্ত মর্শ্বর-মঠ না গড়াইলেও তাহা অক্ষয় হইয়াই থাকিবে এ কথা নিঃসঙ্কোচেই বলা যায়।

ট্রেড ইউনিয়ন কংগ্রেস

ঋষিয়ার 'ট্রেড ইউনিয়ন' কংগ্রেসের অধিবেশন বসিয়াছিল। এই সভায় সভাপতির আসন অধিকার করিয়াছিলেন মিঃ জোসেফ ব্যাপ্টিষ্টা। সভায় নিম্নলিখিত প্রস্তাবগুলি গৃহীত হইয়াছে:—

(১) ভারতীয় শ্রমজীবীদের স্বদেশী জব্য ব্যবহার করা কর্তব্য। সেক্ষেত্র তাহাদিগকে অনুরোধ করা হইবে।

(২) বাংলা এবং বিহার প্রদেশের কয়লার খনির স্বত্বাধিকারীদিগকে অনুরোধ করা হইবে,—মজুরদের দুঃখ-দুর্দশা দূর করিবার জন্ত। তাহাদিগকে মজুরদের স্বাস্থ্য এবং শিক্ষার দিকে বিশেষভাবে দৃষ্টি রাখিয়া চলিতে হইবে। বর্তমান সময়ে মজুরদিগকে বতটা সময় খাটিতে হয় তাহার পরিমাণ কিছু কমাইতে হইবে এবং সঙ্গে সঙ্গে তাহাদের মজুরীর হারও বাড়াইয়া দিতে হইবে। তাহাদের বাসের ভালো ব্যবস্থা এবং লেখাপড়া শিক্ষার সুবিধা না করিয়া দিলে চলিবে না। খনির মজুরেরা যদি দৈন-দুর্ভিক্ষপাকে আহত হয় তবে তাহাদের চিকিৎসা এবং সেবা-শুশ্রূষারও ব্যবস্থা করিতে হইবে। এইসমস্ত ব্যাপার বাহাতে কার্যে পরিণত হয় সেজন্য 'টেড ইউনিয়নের' কার্য-নির্বাহক সভা খনির স্বত্বাধিকারীদের সহিত আলোচনা করিবেন।

(৩) ভারতে স্বরাজ্য প্রতিষ্ঠার সময় উপস্থিত হইয়াছে। ভারত-বাসীগণ স্বরাজ্য লাভের উপযুক্ত হইয়াছেন।

ইণ্ডিয়ান মাইনিং ফেডারেশন এবং ইণ্ডিয়ান মাইনিং এসোসিয়েশন ঋষিয়ার টেড ইউনিয়ন কংগ্রেসের অধিবেশন বন্ধ করিবার জন্ত চেষ্টা করিয়াছিলেন। এক্ষণে গবর্নমেন্টে তাহাদের দখলান্তও পেশ হইয়াছিল। কংগ্রেস এই দুইটি প্রতিষ্ঠানের এই কাষের বিরুদ্ধেও প্রতিবাদ করিয়াছেন। তাহারা বলিয়াছেন, এই প্রতিষ্ঠান দুইটির মতিগতি ভালো নহে, তাহাদের সাবধান হওয়া উচিত; নতুবা মনিব ও মজুরদের ভিতর একটা সম্পদায়গত রেবারেযির ভাব জাগিয়া উঠা কিছু মাত্র অসম্ভব নহে।

সভাপতি মিঃ ব্যাণ্টিষ্টা তাহারা অস্তিত্বাধে বলিয়াছেন—রাজনৈতিক ক্ষমতা লাভ করা ভিন্ন অর্থনৈতিক সমগ্রাণ্ডলির সীমাংসা অসম্ভব। অনেকে হয়তো মনে করেন, স্বরাজ্য লাভের পূর্বেই স্বদেশীতে জয় লাভ করা যাইবে। স্বদেশী ছাড়া স্বরাজ্য লাভ অসম্ভব নাও হইতে পারে কিন্তু স্বরাজ্য ছাড়া স্বদেশীতে জয় লাভ সম্পূর্ণই অসম্ভব। স্বদেশীতে সাক্ষ্য লাভ করিতে হইলে গুকের উপর অধিকার চাই-ই চাই। এই গুকের উপর অধিকার, স্বরাজ্য না পাইলে লাভ করা যায় না। সুতরাং সর্বপ্রথমে আমাদের স্বরাজ্যকেই লাভ করিতে হইবে। * * * * * এদেশের শত করা ৯০ জন লোক শ্রমজীবী, এবং রাজস্বের শতকরা ৮০ ভাগ আদায় হয় এই শ্রমজীবীদের নিকট হইতে। এ অবস্থায় মজুরদের স্বার্থ-রক্ষার জন্ত বিলাতের স্থায় এখানেও মজুর মন্ত্রী-সভা গড়িয়া তোলা একান্ত প্রয়োজন। * * * * * বাগাড়ম্বর বা অল্প-শক্তির দ্বারা ইংলণ্ড ভারতকে অধীনে রাখিতে পারেন। কিন্তু যদি মহাত্মা গান্ধীর আত্মশক্তি পরাজিত হয় তবে পাশ্চাত্য প্রয়োগের জন্ত ভারত-বর্ষে দশ সহস্র গুপ্ত-সমিতি প্রতিষ্ঠিত হইবে।

*

হস্তাল ও তাহার জের

গত ১৭ই নবেম্বর প্রিন্স্ অব ওয়েল্‌স্ বোম্বাই সহরে পদার্পণ করিয়াছেন। অসহযোগ-পন্থীরা মনে করেন—তাহার এই আগমনের সঙ্গে আমলা-তন্ত্রের উদ্দেশ্য সাধনের বিশেষ সম্বন্ধ আছে। সেইজন্য তাহার অভ্যর্থনাকে বর্জন করিবার নিমিত্ত মহাত্মা গান্ধী প্রমুখ নেতারা সেদিনটাকে হস্তালের বিশেষ দিন বলিয়া ঘোষণা করিয়াছিলেন। সর্বত্র ভারতবর্ষেই সেদিন হস্তাল করা হইয়াছিল এবং অধিকাংশ স্থলেই অসহযোগীদের এ প্রচেষ্টা আশুভীত রকম সাক্ষ্য লাভ করিয়াছে।

অজ্ঞান হলে এই হস্তালের ব্যাপারটা বেরূপ সহজে মিটিয়া গিয়াছে বোম্বাই সহরে কিন্তু তত সহজে মেটে নাই। সেখানে ইহা লইয়া হিন্দু-মুসলমানের সহিত পার্শ্ব ও এংলো-ইণ্ডিয়ান সম্প্রদায়ের ভীষণ দাঙ্গা হইয়া গিয়াছে। এই দাঙ্গায় বহু লোকের প্রাণ তো বিনষ্ট হইয়াছেই, নারীদের সম্মানও রক্ষিত হয় নাই। তাহা ছাড়া পুলিশের গুলি বোম্বাই সহরে কয়েকদিন ধরিয়া রীতিমত ভাবেই চলিয়াছিল।

এই ব্যাপারে পার্শ্ব ও এংলো-ইণ্ডিয়ান সম্প্রদায় একেবারে নির্দোষ এবং অসহযোগীরাই সমস্ত অত্যাচার করিয়াছে একথা বলা যায় না। তথাপি একথা ঠিক, সমস্ত অসহযোগীই যে নিছক নিকরপ্রব আন্দোলনের উপাসক নহেন এই ব্যাপারে তাহা পরিষ্কারকপেই প্রমাণিত হইয়া গিয়াছে।

গবর্নমেন্টের নীতির পরিবর্তন—বোম্বাইয়ের ঘটনার পর হইতেই গবর্নমেন্টের নীতির হঠাৎ বিয়ম পরিবর্তন ঘটিয়াছে। তাহারা একেবারে 'মার মুষ্টি' ধারণ করিয়াছেন। এবার দলন-নীতির পক্ষে বাংলাই সম্ভবতঃ সকলের অ'দুঃখ। পশ্চিম, যুক্তপ্রদেশ, আসাম, ব্রহ্মদেশ প্রভৃতি অজ্ঞান স্থানের কর্তৃপক্ষ তাহার অনুসরণ করিয়া চলিয়াছেন মাত্র। কংগ্রেস-কর্মীদের সভা-সমিতি, ভালাটিয়ারদের প্রচার কার্য এবং পিকেটিং বন্ধ করিবার জন্ত নানাক্রমে ইস্তাহার প্রত্যহ জারী করা হইতেছে। গবর্নমেন্টের এই ইস্তাহার যে কেবল-মাত্র ফাঁকা আওয়াজ নহে, একেবারে ঢোটা ভরা, তাহা বোঝা আজ নিতান্তই সহজ। প্রতিদিন নেতাদিগকে এবং ভালাটিয়ারদিগকে জেলে পুরিয়া তাহারা তাহাদের ক্ষমতার বহরটা প্রদর্শন করিতে কিছু-মাত্র কষ্ট করিতেছেন না। লাহোরে সন্তানম, সর্দার মেহতাব সিং ও লাল লাক্ষপত রায়কে তাহারা জেলে পুরিয়াছেন, পণ্ডিত মতিমাল নেহেরু প্রায় সপরিবারেই কারাক্ষ, এলাহাবাদ মিউনিসিপালিটির সভাপতি পুরুষোত্তম দাস টেণ্ডন গ্রেপ্তার হইয়াছেন, আসামের নেতা শ্রীযুক্ত তরুণরাম ফুকন এবং শ্রীযুক্ত নবীনচন্দ বর্দোলাইকে গ্রেপ্তার করা হইয়াছে। বাংলাদেশের ব্যাপার আরো চমৎকার—এখানে রমণীরাও কর্তৃপক্ষের অনুগ্রহ হইতে বন্দি হইতেছেন না। দেশবন্ধু চিত্তরঞ্জন দাস, মৌলানা কালম আজাদ প্রভৃতি নেতৃবর্গ দৃষ্ট হইয়াছেন। প্রত্যহই গ্রেপ্তারের বরধম চলিতেছে।

কংগ্রেস কমিটি—বোম্বাইয়ের ব্যাপারের পর কংগ্রেস-নেতারাও তাহাদের গতিপথের অনেকটা পরিবর্তন করিয়াছেন। আইনভঙ্গের প্রস্তাবটা যে ভাবে চালাইবেন বলিয়া তাহারা স্থির করিয়াছিলেন অতঃপর তাহা আর সে ভাবে চলিবে না। স্বৈচ্ছাসংবন্ধদেরও আইন কাণ্ডনের অনেক পরিবর্তন ঘটিয়াছে—তাহা যথেষ্ট রকমেই কড়া করিয়া তোলা হইয়াছে। এইতো তাহাদের নিবেদনের ব্যবস্থা, গবর্নমেন্টকেও তাহারা জানাইয়া দিয়াছেন, গবর্নমেন্ট সে পথ ধরিয়া চলিয়াছেন, তাহাও স্ময়ের পথ নহে—তাহাও অজ্ঞান, সুতরাং তাহাদের অজ্ঞান আদেশ মানিয়া চলাও আর চলিবে না।

দেশের নেতারা এবার প্রকাণ্ডভাবেই গবর্নমেন্টের জবরদস্তির বিরুদ্ধে তাহাদের নিরুপদ্রব বিদ্রোহ ঘোষণা করিয়াছেন এবং ইহা যে তাহাদের পক্ষেও কেবল ফাঁকা আওয়াজ নহে—তাহা প্রমাণ করিবার জন্ত প্রতিদিন নিরুপদ্রবে শত শত লোক কারাদণ্ড বরণ করিয়া লইতেছে।

এই আন্দোলনে, এবার একটি নূতন ব্যাপার ভালো করিয়াই ফুটিয়া উঠিয়াছে। সেটি হইতেছে—এ আন্দোলন এখন আর কেবল পুরুষের আন্দোলন নহে—ইহা স্ত্রী-পুরুষ উভয়ের আন্দোলন। রমণীরা তাহাদের নিভৃত নীড়টি পরিত্যাগ করিয়া দেশের এই দুর্দিনে একান্ত



বন্দ অস্ত্রাসের ফল

লেনিন—সব যে টপুটপু মর্মে—এ বন্দ অস্ত্রাসের ফল—উপবাস এদের এখনো অভ্যাস হয়নি দেখছি।
কৃষিকার্য দুর্ভিক্ষক্লেশের একশেষ হইয়াছে।

অকুতোভয়েই পুরুষের পার্শ্বে আসিয়া দাঁড়াইয়াছেন, ভারতবর্ষের এ যুগের ইতিহাসে ইহা সম্পূর্ণই নূতন।

দেশের ভয় যে ভাঙ্গিয়া গিয়াছে এই-সব দেখিয়া তাহাতে আর কিছুমাত্র সন্দেহ করা চলে না। এইটাই সর্বাপেক্ষা শুভ লক্ষণ। কারাভয়, মৃত্যুভয়, দুঃখভয় প্রভৃতিই স্বাধীনতা লাভের প্রধান অন্তরায়। এইসব ভয় যদি ভাঙ্গিয়া যায় তবে এ জাতি অচিরে স্বাধীনতা পাইবেই একথা জোর করিয়াই বলা চলে।

*

বিহার-উড়িষ্যার ব্যবস্থাপক সভা

রমণীদের ভোটার অধিকার—বিহার উড়িষ্যা প্রদেশের রমণীদের ভিতর ব্যবস্থাপক সভার সদস্য নির্বাচনের অধিকার লইয়া এবার আন্দোলনের অত্যন্ত তাড়া পড়িয়া গিয়াছিল। পাটনা, গয়া, মজঃফরপুর প্রভৃতি স্থানে অনেকগুলি সভা-সমিতি করিয়া রমণীরা তাহাদের অধিকারের দাবী পেশ করিয়াছিলেন। কিন্তু এত করিয়াও তাহারা কাউন্সিলের ভাগ্যবিধাতাদিগকে প্রসন্ন করিতে পারেন নাই। শ্রীযুক্ত দেবকীপ্রসাদ সিংহ প্রস্তাবটি উত্থাপন করিয়া ভোটারের দ্বারা পরাজিত হইয়াছেন। বিহার এবং বাংলা গায়ে গায়ে লাগানো দেশ, হুতরাং ব্যবস্থাপক সভার এই ব্যবস্থায় বিস্মিত হইবার কিছু নাই।

রাজনৈতিক বন্দী—এ দেশের রাজনৈতিক বন্দীদের প্রতি সাধারণ কয়েদীদের মতই ব্যবহার করা হইয়া থাকে। চোর, ডাকাত, খুনীর সহিত যাহারা দেশকে মুক্তি দিবার জন্য সকল রকম দুঃখকে বরণ করিয়া লয় তাহাদের কোনো তফাৎ রাখা হয় না। কোনো সভ্য দেশ এ ব্যবস্থা অনুমোদন করে না এবং করা যে উচিত নহে তাহা একটু ভাবিয়া দেখিলেই বোঝা

যায়। গত ২৪শে নবেম্বর বিহার-উড়িষ্যার ব্যবস্থাপক সভার এই সম্বন্ধে একটি প্রস্তাব পাশ হইয়া গিয়াছে। রাজনৈতিক বন্দীদের প্রতি বিলাতে যেকোন ব্যবহার করা হয় এখানে তদনুরূপ ব্যবহার করিবার জন্য তাহারা গবর্ণমেন্টকে অনুরোধ করিয়াছেন। এ অনুরোধ কাজে কতদূর ফল প্রসব করিবে তাহা বলা কঠিন। হয় ত অনুরোধের কোঠা ছাড়াইয়া বাস্তবের কোঠায় ইহা কোনোদিনই পৌঁছিতে পারিবে না। কিন্তু তথাপি কাউন্সিলের এই প্রচেষ্টা যে সমস্ত, সময়োপযোগী এবং অস্ত্রান্ত্র প্রদেশের কাউন্সিলগুলির অনুকরণযোগ্য তাহাতে সন্দেহ নাই।

*

মহিলার ওকালতি বাবসা

কুমারী সুধাংশুবালা হাজরা, বি-এল বিহারে ওকালতি করিবার জন্য অনুমতি প্রার্থনা করিয়াছিলেন, পাটনা হাইকোর্ট তাহারা আবেদন অগ্রাহ্য করিয়াছেন। সুধাংশুবালা প্রার্থনা নামঞ্জুর করিবার আর কোনো কারণ নাই—ইহার একমাত্র কারণ হইতেছে, তিনি রমণী—পুরুষ নহেন। কয়েক বৎসর পূর্বে শ্রীমতী রেজিনা গুহের আবেদনও এই কলিকাতা হাইকোর্টে অগ্রাহ্য হইয়াছিল। ভারতবর্ষের এই দুইটি প্রদেশ নারীদিগকে তাহাদের কোনো স্থায়ী অধিকার প্রদান করিতেই রাজি নহে। অগতঃ অস্ত্রান্ত্র কোনো প্রদেশেই রমণীদের সম্বন্ধে এত কড়াকড়ি নাই। এলাহাবাদ হাইকোর্ট অতি সহজেই শ্রীমতী কর্ণেলিয়া সোরাব্জীকে আইনের ব্যবসা করিতে অনুমতি দিয়াছেন। বাংলা এবং বিহারকে পিছনে রাখিয়া ভারতের অস্ত্রান্ত্র প্রদেশগুলি যে দ্রুতগতি আগাইয়া যাইতেছে তাহাতে আর সন্দেহ করিবার কিছু নাই।

শ্রীহেমেন্দ্রলাল রায়।

ইজিপ্ট

আদলী পাশা বড় আশা করিয়া ইংলণ্ডে রফা-নিষ্পত্তি করিবার স্তম্ভ পিয়াছিলেন। কিন্তু আবেদন নিবেদনের অবশ্যস্তাবী বল বাহা তাহাই ভাগ্যে জোটাতে ব্যর্থমনোরথ হইয়া কিরিয়া আসিয়াছেন। ইংরেজের দয়ার দান মিশরের মডারেট প্রতিনিধিরও মনঃপূত হয় নাই। ইংরেজপক্ষ আদলী পাশার নিকট রফা নিষ্পত্তির সর্ব-সকলের যে খসড়া পেশ করিয়াছিলেন তাহাতে তাহাদের অসম দরিতে ইংরেজ আশ্রিত রাজ্য হইতে মিশরকে স্বাধীন রাজ্য বলিয়া স্বীকার করিতে প্রস্তুত আছেন বলিয়া জানাইয়াছেন। তবে একজন ইংরেজ রাজপ্রতিনিধি 'হাই কমিশনার' রূপে মিশরে থাকিবেন এবং ইজিপ্ট গবর্ণমেন্ট ইংরেজ দ্বারের অনুমতি ভিন্ন অন্য কোনও রাজ্যের সহিত সন্ধিসন্ধিতে আবদ্ধ হইতে পারিবেন না। সুদনে ইংরেজ শাসনকর্তা থাকিবেন কিংবদন্তি সেখানকার সামরিক ব্যয়-ভার আংশিকরূপে ইজিপ্ট গবর্ণমেন্টকে বহন করিতে হইবে। যে-সকল ইংরেজ কর্মচারী মিশর-সংকারে কাজ করিতেন তাহারা কর্ম হইতে অবসর লইলে তাহাদের ক্ষতি-পূরণ করিতে মিশর দ্বার বাধ্য থাকিবেন এবং ইংরেজ ব্যবসায়ের দিগের স্বার্থের প্রতি মিশর-দ্বারকে দৃষ্টি রাখিতে হইবে। আদলীর




গতস্য শোচনা

লেনিন চুক্তিক্রমতদের দেখিয় স্বকৃত কর্মের অনুশোচনা করিতেছেন।

দল বলেন যে এই-সকল সর্ব্ব অস্বীকার বন্ধ হইলে ইংরেজকে মিশরের অভিভাবক স্বীকার করা হয়। এই স্বীকারোক্তি স্বাধীনতার অনুকূল মর্মে। আবার অন্তিম রাষ্ট্রসমূহের সহিত সন্ধি করিবার স্বাধীনতা না থাকা এবং পররাষ্ট্র-ব্যাপারে ইংরেজের একান্ত মুখাপেক্ষী হইয়া থাকা স্বরাট্ ইজিপ্টের পরিপন্থী। ইংরেজ-দ্বার আবার সামরিক কড়কগুলি স্থবিধা আদায় করিয়া লইতে চাহেন। ভারতবর্ষ ও প্রশান্ত মহাসাগরে আসিবার দারবরূপ সুয়েজ খাল অবস্থিত, ইহাকে সুসংরক্ষণের স্তম্ভ সৈন্তাবাসস্থাপন ইংরেজের পক্ষে একান্ত প্রয়োজনীয়। কিন্তু সুয়েজের আশেপাশে থাকিবার উপযোগী বড় সহর এবং সৈন্তদের

আনোদ আহ্লাদের আশুযজিক বিলাস-উপাদান প্রচুর পরিমাণে না থাকিতে মিশরের রাজধানী কাইরো এবং প্রধান বন্দর আলেক-জান্দ্রিয়াতে সৈন্তাবাসস্থাপনের অধিকার ইংরেজ দ্বার মিশরের নিকট আদায় করিতে চাহেন। আদলী পাশা কিছু হইতে কিছু হইতে সম্মত হইতে পারেন না। মিশরের রাজধানীতে ইংরেজ সৈন্তাবাস থাকিয়া যাইলে মিশরের আত্মস্বাধায় আশঙ্ক লাগবে। মিশর রাজধানী এবং প্রধান বন্দরে এত বড় সৈন্তাবাস থাকা সে রাজ্যকে করতলগত রাখারই নামান্তর মাত্র। ইংরেজ দ্বারের পক্ষ হইতে লর্ড আর্লেইন বলেন যে



পৃথিবীর বল তার প্রত্যেক বলয়ে পৃথিবী জোড়া মুদ্রা বিনিময়ের ব্যাপারে এক দেশের মুদ্রা হীন অল্পমুদ্রা হইয়া পড়িলে ক্ষতি হয় সকলেরই যেমন পৃথিবীর একটি বলয় কমজোব হইলে পৃথিবী ভঙ্গ হইয়া অশস্তাবী।

ব্রিটিশ সাম্রাজ্য প্রাচ্য এত বিশ্বাস লাভ করিয়াছে এবং মিশরে ভিতর দিয়া প্রাচ্য সাম্রাজ্য রক্ষণাবেক্ষণ প্রত্যেককাল এত সহজেই সুসম্পন্ন হইয়া আসিয়াছে যে মিশরকে উন্নত নিম্ন সাম্রাজ্যের অংশ-রূপেই দেখিয়া আসিয়াছেন। মিশরের স্বাধীনতা স্বীকার করিলেও প্রাচ্য সাম্রাজ্য রক্ষা করিতে হইলে মিশরের উপর কতকটা প্রভু ইংরেজকে রাখিতেই হইবে। সৈন্তাবাস, বন্দর, বায়ুপথ প্রভৃতির উপর কতকটা স্বমত্যা ইংরেজের প্রয়োজন। মিশর যদি ব্রিটিশ সাম্রাজ্যের কঙ্গাল চিন্মা না করিয়া ইংরেজ-সম্পর্ক বিচ্ছিন্ন করিয়া উগ জাতীয়তার উপাদান হন তাহা হইলে ইংরেজ সরকারকে বাধ্য হইয়া সাম্রাজ্যের মঙ্গলের জন্য এই জাতীয়তাক্রম বাধির প্রতিকার করিতে হইবে। আদলী প্রাচ্য হইতে বলেন যে ইংরেজ প্রাপ্ত অপ্রতিহত সামরিক প্রভু এবং বিচার এবং ব্যয় বিভাগের উপর আংশিক প্রভু প্রদান করিতে তিনি বন্দনই সম্মত হইতে পারেন না। ইহা মিশরের জাতীয় সম্মানের প্রানিকর। আদলীর দল অন্ততপক্ষে এই কয়েকটি অধিকার দাবী করেন :- (১) মিশরের স্বাধীনতা ও অধিবাসীদিগের স্বরাজ্য (sovereignty) ব্রিটিশ সাম্রাজ্য মুক্তকণ্ঠে স্বীকার করিবেন। (২) সুদানের উপর মিশরের প্রভু স্বীকার করিতে হইবে, কেননা সুমগ্র নাইল উপত্যকা একটি অখণ্ডনীয় ভূখণ্ড। নদীমাতৃক মিশরের

প্রাণরূপী নাইল নদ ; সেইজন্য মিশরের সম্পূর্ণ আয়ত্তাধীন করিয়া এই নদকে না রাখিতে পারিলে মিশরের চলে না। মিশর নাইল নদের কর্তৃত্ব অস্ত্র কোনও শক্তিকে ছাড়িয়া দিতে রাজি নহে। (৩) ইংরেজ সাম্রাজ্যের সহিত যোগাযোগ রাখিবার সুবিধার জন্য সুয়েজ খালের আশেপাশে ইংরেজের সামরিক প্রভুত্ব বজায় রাখিতে মিশর রাজী আছে। কিন্তু এতদ্ব্যতীত কোনও সামরিক সুবিধা করিয়া দেওয়া মিশরের পক্ষে অমর্যাদাকর বলিয়া মিশর রাজী নহে। (৪) ইউরোপীয় অধিবাসীবর্গের রক্ষণাবেক্ষণের জন্য কোনও বিশেষ প্রতিশ্রুতিও মিশর দিতে রাজী নহে। কারণ এতদ্ব্যতীত দেওয়া মিশর অর্গোরবকর মনে করে। ইউরোপের উন্নতদের রাষ্ট্রশাসন প্রণালী অনুযায়ী শাসন প্রণালীতে মিশর অনেকদিন হইতেই শাসিত হইয়া আসিতেছে এবং ইজিপ্টের অধিবাসীবৃন্দ আতিথেয়তা ও ঔদার্য্যে পৃথিবীর অস্ত্র কোনও জাতি হইতে নান নহে। কাজেকাজেই এরূপ প্রতিশ্রুতি চাহিবার কোনও সম্ভব কারণ নাই।


আদলী পাশার এই-সকল আয়ত্তাধীন দাবী ইংরেজ সরকারের প্রতিনিধিবর্গ স্বীকার করিতে রাজী নহেন। সৈন্যদিগের স্থল-স্বাচ্ছন্দ্য ও বিলাস উপভোগের জন্য যখন মিশরের রাজধানীতে সৈন্যবাস থাকাই সুবিধা তখন সে স্থান ছাড়িয়া সুয়েজের মরুভূমিতে সৈন্যবাস স্থাপন করিতে ইংরেজ নারাজ। ব্রিটিশ সাম্রাজ্যের সুবিধার জন্য ইজিপ্টের স্বাধীনতা-পর্ক যদি একটু ক্ষুণ্ণ হয় তাহা হইলেও মিশরের সেটুকু সঙ্গ করা উচিত বলিয়া ইহারা মনে করেন। আর মিশরের মত প্রাচ্যজাতির পাশ্চাত্যজাতির সমকক্ষতা চাওয়াই অসম্ভব। ইংরেজের তাঁবেদারীতে থাকিয়া পররত্নতন্ত্র শিক্ষা করা উচিত। কিন্তু “প্রাচ্যের লোকদিগের মধ্যে সাম্রাজ্য হইতে বিচ্ছিন্ন হইবার অভিলাষী এক প্রকার সংকীর্ণ জাতীয়তা উগ্ররূপে দেখা দিয়াছে ;” তাহা হাঁহাতে মিশরে সংক্রামিত না হয় সেইজন্য লড অ্যালেনবি ‘মার্শাল ল’ বা সামরিক আইন প্রভৃতি জারি করিয়াছিলেন। কিন্তু তাহার সকল চেষ্টা ব্যর্থ করিয়া এই “উগ্র জাতীয়তার বিষ” মিশরে ছড়াইয়া পড়িয়াছে। তাই আদলীর মত নরম-পন্থীরাও গরম হইয়া ইংরেজ প্রতিনিধিদিগের সহিত আলোচনার উদ্যোগ দিয়াছেন। আদলী-পাশা মিশরের স্বাধীনতা-প্রয়াসী দলের সহিত একযোগে কাজ করিবার জন্য স্বদেশে প্রত্যাবর্তন করিয়াছেন। জগন্মলের দল তাঁহাকে সাহায্যে আহ্বান করিতেছেন। জগন্মল মিশরের স্বাধীনতা-লাভের প্রচেষ্টাকে সার্থক করিবার জন্য বন্ধপরিকর। “হয় স্বাধীনতার গৌরব-যুকুট কিম্বা স্বদেশের মুক্তিকামনায় আত্মবিসর্জনের মহিমাময় মৃত্যু” বরণ করিতে সমস্ত মিশরবাসীকে জগন্মল আহ্বান করিতেছেন।

*

স্বাধীন আয়ারল্যান্ড

আশানিরাশার সন্দেহ-দোলায় জুলিয়া বুঝি বা আয়ারল্যান্ডের ভাগা সুপ্রসন্ন হইল ! বিগত মাসে দিনের পর দিন পরস্পর-বিরোধী সংবাদের তাড়নার উদ্ভাস্তচিত্তে বুঝি বা একটু আশার আলোক দেখা দিয়াছে ! আলষ্টারের অরেন্স-দল একবার মন্ত্রীসভার চেষ্টা ব্যর্থ করিয়াছিল ; আবার আইরিশ জাতীয়দল রাজার নিকট বশ্যতা স্বীকার লইয়া পোলযোগ করিলেন, এইরূপ নানা গুণগোলের মধ্যে সন্ধি-সম্মতি জটিল হইতে জটিলতর হইয়া উঠিতে লাগিল। ক্রমে মিলনের সকল আশা-ভয়সাই যখন প্রায় লুপ্ত হইয়াছে এমন সময় হঠাৎ সংবাদ আসিল মন্ত্রীসভার সহিত আইরিশ প্রতিনিধিদিগের একটি মীমাংসা হইয়া গিয়াছে। লর্ড বার্কেনহেড মিলন-সূত্রটি খুঁজিয়া বাহির করিয়াছেন। বশ্যতা লইয়াই আইরিশদিগের প্রধান আপত্তি ; কেননা তাঁহাদের মতে

বশ্যতার অস্বীকারগুলি স্বাধীনতার পরিণোদক নহে। এই একটি ব্যাপারে মিলনের সকল আশা ভাঙিয়া যায় দেখিয়া লর্ড বার্কেনহেড একটি উপায় বাহির করিলেন। তাঁহার মন্ত্রণা অনুসারে মন্ত্রীসভা আয়ারল্যান্ডকে “স্বাধীন রাজ্য” বলিয়া স্বীকার করিতে প্রস্তুত হইলেন। কিন্তু এই সর্তে, যে, আইরিশ রাষ্ট্রীয় মণ্ডলীর প্রত্যেক সভ্যকে এই স্বীকারোক্তি করিতে হইবে যে :—“আমি আইন অনুসারে স্থাপিত স্বাধীন আইরিশ রাজ্যের রাষ্ট্রীয় নিয়মাবলীকে পালন করিয়া চলিবার জন্য প্রস্তুত হইয়া রাষ্ট্রের নিকট বশ্যতা স্বীকার করিলাম, এবং যেহেতু আয়ারল্যান্ডের অধিবাসীবৃন্দ ইংলণ্ডের অধিবাসীবৃন্দের সহিত একত্রে ব্রিটিশ সাম্রাজ্য-নামধের জাতি-সংঘের সভ্য ও প্রজা সেহেতু আমি রাজা



কোনটা সত্য ?

তুর্কীদের দেওয়া যুদ্ধসংবাদ—গ্রীকদের দেওয়া যুদ্ধসংবাদ।

পঞ্চম জর্জ, তাঁহার বংশধর এবং রাজবংশের অন্ত্যস্ত ভবিষ্যৎ উত্তরাধিকারীর আনুগত্য স্বীকার করিলাম।” (Oath of Allegiance to Irish Free State and Fealty to His Majesty the King). মিলনের এই সূত্রটি আইরিশ প্রতিনিধিবর্গ গ্রহণ করিতে সম্মত হইলেন। আয়ারল্যান্ড স্বাধীন বলিয়া ঘোষিত হইল এবং রাজার নিকট গ্রেট ব্রিটেনের প্রজ্ঞারূপে বশ্যতা স্বীকার করা হইল না বটে কিন্তু ব্রিটিশ সাম্রাজ্যের সহিত যুক্ত থাকিয়া ব্রিটিশ সাম্রাজ্যের অধিপতির নিকট আনুগত্য স্বীকার করিয়া সাম্রাজ্যের সহিত যনিষ্ঠ যোগ রাখিবার বন্দোবস্ত এই সর্তে রহিয়া গেল। আলষ্টার সম্বন্ধেও এই স্থির হইল যে স্বাধীন আয়ারল্যান্ডের রাজ্যের সহিত মিলিত হওয়া না-হওয়ার শেষ সিদ্ধান্ত এক মাসের মধ্যেই আলষ্টারকে করিতে হইবে। আলষ্টার যদি এক মাস পরে আপনার স্বাভাব্য বজায় রাখিতে চাহেন তবে আলষ্টারের সীমানা পুনরায় স্থির করিবার জন্য একটি সালিসী বসিবে। ফারমাগনাপ, টাইরোন প্রভৃতি যে সব অঞ্চলে অধিকাংশ অধিবাসী জাতীয় দলভুক্ত সেই-সকল অঞ্চল স্বাধীন আইরিশ রাজ্যের সহিত যুক্ত হইবে।

সন্ধি-সর্তের প্রথম সর্তানুসারে আইনকানুন শাস্তি শৃঙ্খলা প্রভৃতির ব্যবস্থা করিবার জন্য আইরিশ রাষ্ট্রীয় মণ্ডলী প্রতিষ্ঠা করিবার অধিকার ঘোষণা করা হইল। দ্বিতীয় সর্তে ইংলণ্ডের পার্লামেন্টের সহিত আইরিশ পার্লামেন্টের সম্বন্ধ বিবৃত হইয়াছে।

তৃতীয় সর্তে ইংলণ্ডের একটি রাজপ্রতিনিধি থাকিবার ব্যবস্থা আছে। চতুর্থ সর্তে পূর্বোক্ত বশ্যতা ও আনুগত্য স্বীকার আছে।

পঞ্চম সর্তানুসারে আয়ারল্যান্ড ব্রিটিশ ঋণের কিয়দংশ গ্রহণে সম্মতি জানাইয়াছেন। যুদ্ধ-ঋণের পরিমাণ স্থির করিবার ভার কোনও ইংরেজের হাতে দিতে আইরিশদল স্বীকার না করাতে উহা স্থির করিয়া দিবার ভার একজন নিরপেক্ষ ঔপনিবেশিক বিচারকের হস্তে অর্পণ করিতে উত্তর পক্ষই সম্মত হইয়াছেন। আরও অনেকগুলি সর্ত এই সন্ধিপত্রে আছে। বতর্ঘন পর্যন্ত না আয়ারল্যান্ড তাহার আত্মরক্ষার উপযুক্ত নৌবহর গড়িয়া তুলিবেন ততদিন পর্যন্ত আইরিশ উপকূল রক্ষণা-

বেকিংগের ভার ইংলণ্ডের উপর থাকিবে। সামুদ্রিক মৎস্তের ব্যবসার, বৈদেশিক বাণিজ্যের উপর শুল্ক এবং নৌবহর প্রভৃতির ভার উপযুক্ততা অনুসারে ইংরেজদিগের নিকট হইতে লইয়া আইরিশদিগের উপর দিবার জন্ত প্রত্যেক পাঁচ বৎসর অন্তর উভয়পক্ষের প্রতিনিধিগণ সমবেত হইয়া আলোচনা করিবেন। আইরিশগণ সাময়িক বিভাগের ভার সম্পূর্ণ নিজ হস্তে পাইবেন। কেবলমাত্র ইংরেজদিগকে বন্দরে কতকগুলি সুবিধা করিয়া দিবেন এবং যুদ্ধের সময় ইংলণ্ডের প্রয়োজনানুসারে বিমান-বহরের জন্ত বায়ুপথ ও নৈমিত্ত সরবরাহের জন্ত স্থলপথে স্বাধীন বাতায়ন ও ছাঁউনি স্থাপনের সুবিধা করিয়া দিবেন। যেসব ইংরেজ কর্মচারী আয়ারল্যান্ডে নিয়োজিত আছেন তাঁহারা কর্মচ্যুত হইলে কিম্বা কাজ করিতে অনিচ্ছুক হইলে ক্ষতি-পূরণের ব্যবস্থা করা হইবে।

ষোড়শটি সন্ধিপত্রের সর্ভগুলি এই। ইংরেজপক্ষে লয়েড জর্জ, লর্ড বার্কেনহেড, অষ্টেন চেম্বারলেন, উইন্স্টন চার্চিল, স্যার এল, ওয়াক্‌সিংটন ইভান্স, স্যার হ্যামার গ্রিনউড এবং স্যার গর্ডন হিউয়ার্ট এবং আইরিশ পক্ষে গ্রিফিথ, বার্টন, কলিন্স, ডুগান এবং গাভান ডাফি সন্ধিপত্রের সাক্ষর করিয়াছেন।

এই সংবাদ পাইয়া আশা হইয়াছিল যে বহু যুগের এই

বিরোধ বুঝি বা শেষ হইল, আয়ারল্যান্ডে শান্তি স্থাপিত হইল। কিন্তু আবার ঝড়ের সূচনা হইয়াছে। আইরিশ মন্ত্রিসভার অধিবেশনে ডি ভ্যালেরা জানাইয়াছেন যে এই-সকল সর্ভ গ্রহণ করিতে ডেল আইরিয়েনকে অনুরোধ করিতে পারিবেন না। আনুগত্য স্বীকার করিতেও তাঁহার আপত্তি আছে। পররাষ্ট্র বিভাগ ও আয়রক্ষা-ব্যবস্থা বিভাগের মন্ত্রিদয়ও তাঁহার সহিত এবিষয়ে একমত। ইংারা পূর্ণ স্বাধীনতার অভিলষী; পূর্ক হইতে কোনও অস্বীকার করিতে ইংারা রাজী নহেন। পূর্ণ স্বাধীনতা পাইলে ইংরেজের সহিত ঘনিষ্ঠভাবে যুক্ত হইতে স্বাধীন আয়ারল্যান্ডকে ইংারা অনুরোধ করিতে স্বীকৃত আছেন। কিন্তু পূর্ণ হইতে কোনও সর্ভ স্বীকার করিয়া (qualified) সর্ভবন্ধ স্বাধীনতা ইংারা লইতে প্রস্তুত নহেন। ডেল আইরিয়েন কি সিদ্ধান্তে উপনীত হইবেন দেখা যাউক। সেই সিদ্ধান্তের উপর সম্পূর্ণ নির্ভর করিতেছে শান্তি না যুদ্ধ ?

* ত্রিপ্রভাতচন্দ্র পাণ্ডেপাধ্যায়।


[এই সংস্কার বাঙ্গলিচন্দ্রগুলি, হার্ট ম্যাথিউ এ্যাডাম্‌স্‌ মার্ভিস, টাকোমা লেজার, সীট্‌ল্‌ টাইম্‌স্‌ নেবেলগ্যাটের (টহুরিক্‌), লণ্ডন ডেলি এক্সপ্রেস্‌ প্রভৃতি হইতে গৃহীত।]

হিসাব-নিকাশ

আজকে হিসাব নিকাশ দেওয়ার সাজে
বক্ষে আমার কি এক বাথা বাজে।
দেনা-লেনার খসড়া-খতেনগুলি,
খরচ জমা সব রেখেছে তুলি'।
কিন্তু তাতে বাদ পড়েছে কি যে,
স্পষ্ট করে বুঝতে নারি নিজে।
কোন্ ছেলোট পয়সা নাহি দিয়ে
চাইলে পুতুল, ধমুকে দিলাম গিয়ে ;
কাঁচুমাচু মুখখানি তার কেন
পড়ছে মনে, করছে ব্যাকুল হেন ?
কোন্ ভিখারী হাত বাড়ালে আসি',
দিলাম তারে উপেক্ষারি হাসি ;
তার সে শীতল শীর্ণ করতলে
মুক্তা চালে গোপন আঁখিজলে।
কাছ দিয়ে কোন্ বন্ধু গেছে ডেকে
অভ্যর্থনা পায়নি দোকানি থেকে।
কাজের ভিড়ের গর্বে অভিমানে,
কতই কথা পশ্‌লো না মোর কানে।

চোখের কাছে বার্লো আঁখি-ধারা
তন্ময়তার দিইনি তাদের সাড়া।
আজকে হিসাব নিকাশ দেওয়ার সাজে
বক্ষে আমার কি এক বাথা বাজে।
কয়লা ভুলে ভাবছি এখন মনে
হীরার কণা রইলো গুঁড়ার মনে।
ছিলাম ভুলে বাদ্যকরের দণে,
সামনে দিয়ে দেবতা গেছে চলে।
দিন কাটালাম স্তম্ভিত বৃথায় ধরে'
হাত পিছলে মুক্তা গেছে পড়ে'।
মরছি যখন বৃথায় পাঁজর পেঁটে
মহেন্দ্র-খণ তখন গেছে কেটে।
মান করিনি অর্দ্ধোদয়ের যোগে,
কাটিলো বেলা দোকান-দারীর কোঁকে।
আজকে হিসাব নিকাশ দেওয়ার সাজে
বক্ষে আমার কি এক বাথা বাজে।

শ্রীকুমদরঞ্জন মল্লিক



নেতাদের কারাবাস

কংগ্রেস ও খিলাফত দলভুক্ত ভারতবর্ষের সমুদয় মুসলমানের
প্রধান নেতা মৌলানা মোহম্মদ আলী ও মৌলানা শৌকত



মৌলানা মোহম্মদ আলী ।
মিঃ মহতাবসিঃ এম্ সাহানী, এম্-এ, ব্যারিষ্টার-গ্রেট-ল কর্তৃক
গৃহীত ফটোগ্রাফ হইতে।

আলী ধৃত ও কারারুদ্ধ হইবার পূর্বেও উক্ত দুই দলের অনেক
লোক ও নেতা কারারুদ্ধ হইয়াছিলেন; কিন্তু তাঁহাদের
প্রভাব ইহাদের সমান ছিল না। প্রধান প্রধান নেতা-
দিগকে দণ্ডিত করিবার নীতির স্বরূপাত তাঁহাদের গ্রেপ্তার



মৌলানা শৌকত আলী ।
মিঃ মহতাবসিঃ এম্ সাহানী, এম্-এ, ব্যারিষ্টার-গ্রেট-ল কর্তৃক
গৃহীত ফটোগ্রাফ হইতে।
হইতেই আরম্ভ হয়। তাহার পর নানা প্রদেশের নেতারা
ধৃত ও কারারুদ্ধ হইতেছেন। ইহাদের মধ্যে লাল লালপত্



মৌলানা শোকত আলী। ঐশ্বরচরণ। মৌলানা মহম্মদ আলী।

ডাক্তার কিছু।

মিঃ মন্তাসিং এম্ সাহানী, এম্-এ, ব্যারিষ্টার-এ্যাট-ল কর্তৃক গৃহীত ফটোগ্রাফ হইতে।

রায় প্রভৃতি পঞ্জাবী নেতা গবর্ণমেন্টের লুকুম অমান্য করিয়া ছিলেন কি না, সে বিষয়ে আইনজ্ঞদের মধ্যে মতভেদ হইতে পারে। গবর্ণমেন্টের লুকুম ছিল, অনুমতি না লইয়া পার্লিক মীটিং অর্থাৎ সর্কসাদারনের প্রকাশ্য সভা কেহ করিতে পারিবে না। তাঁহারা পঞ্জাব প্রাদেশিক কংগ্রেস কমিটির সভা আহ্বান করিয়াছিলেন। ইহাকে পার্লিক মীটিং বলা যায় না। যাহা হউক, তাঁহারা একারণে বন্দি হইতেন তাহা হইলেও, অগ্রান্ত কোন কোন প্রদেশের নেতাদের মত ভলন্টিয়ার দল গঠন ও তাহার সভা হওয়ার জন্ত পরে ধৃত হইতেন।

যে-ভাবে ও যে-যে নামে ভলন্টিয়ার দল গঠন ও ভলন্টিয়ার হওয়া বেআইনী বলিয়া ঘোষিত হইয়াছে, সেরূপ কোন দল গড়িয়া তাহার সভা কেহ বা কতগুলি লোক হইয়াছিল বা হয় নাই, তাহার বিচার নিম্প্রয়োজন। কারণ, নামে না হউক, কার্যতঃ কংগ্রেস ও খিলাফত দলের উদ্দেশ্য সাধনের চেষ্টা কতকগুলি লোক করিতেছিলেন। গবর্ণমেন্টের বক্তব্যের তাৎপর্য্য আমরা এই বুঝিয়াছি, যে, এই

লোকগুলি নানা পকারে সর্কসাদারনের মনে ভয় উৎপাদন করিয়া স্বাধীনতা পুনর্প্রতিষ্ঠা করিতেছিলেন, লোকদের ব্যক্তিগত স্বাধীনতা পতন হইতেছিল, আইন লঙ্ঘিত ও শান্তি ও শৃঙ্খলা বিনষ্ট হইতেছিল, ইত্যাদি। গবর্ণমেন্টের ধারণা সত্য হইলে, রাজকর্মচারীর যে লুকুম করিয়াছেন, তাহা তাঁহাদের দিক হইতে ঠিক হইয়াছে। কিন্তু আমরা মনে করি গবর্ণমেন্টের ধারণা ঠিক নয়। কংগ্রেস ও খিলাফত দলের প্রতিজ্ঞা (resolution) গুলিতে কোথাও ভয় দেখাইবার, লোকের ব্যক্তিগত স্বাধীনতা হরণ করিবার, শান্তি ও শৃঙ্খলা বিনষ্ট করিবার আদেশ, উপদেশ, অথরোধ বা ইঙ্গিত নাই; বরঞ্চ এই দলের সমস্ত চেষ্টা ও কাহ্ন যে নিরুপদ্রব ও অহিংস-পন্থাদিত হওয়া চাই, নেতারা তাহা বার বার বলিয়াছেন, এবং প্রবল ও বাস্তব হইয়াছে। ইহা সত্য, যে, দেশের নানা স্থানে শান্তিভঙ্গ ঘটিয়াছে, মানুষ পুনর্প্রতিষ্ঠিত হইয়াছে। ইহাও সত্য, যে, ব্যক্তিগতভাবে কোন কোন লোক অল্প কতকগুলি লোকের স্বাধীনতার হস্তক্ষেপ করিয়াছে এবং কাহারও কাহারও উপর অত্যাচার করিয়াছে। কিন্তু আমাদের বিবেচনায়, এসব



শ্রীযুক্ত মণিলাল, তাঁহার পত্নী ও সন্তানগণ ।


হইতে, ইহা প্রমাণ হয় না, যে, কংগ্রেস ও খিলাফতদলের উদ্দেশ্য উপদ্রব করা, লোকের স্বাধীনতা হরণ করা, শাস্তিভঙ্গ করা ইত্যাদি; ইহাও প্রমাণ হয় না, যে, ঐ দলের সমুদয় বা অধিকাংশ লোক উপদ্রবকারী ও শাস্তিনাশক; এবং ইহাও প্রমাণ হয় নাই, যে, পূর্বকথিত দাঙ্গা ও নর-হত্যাকারী প্রভৃতিদের সকলে বা অধিকাংশ কংগ্রেস ও খিলাফতদলের লোক। উল্টা পক্ষের একটা দৃষ্টান্ত দিয়া আমাদের বক্তব্য বিশদ করিতে চেষ্টা করি। গবর্ণমেন্ট স্বীকার করিবেন কিনা জানি না, কিন্তু মডারেট দলেরও অনেকে স্বীকার করিবেন, যে, জালিয়ানওয়ালা বাগের হত্যাকাণ্ডের আগে ও পরে সরকারের অনেক ভৃত্য খুন জখম অত্যাচার স্বাধীনতা হরণ শাস্তিভঙ্গ অনেক করিয়াছে এবং এখনও করিতেছে। গবর্ণমেন্ট এবং মডারেটরা ইহা হইতে একরূপ সিদ্ধান্ত করিতে দিতে রাজী হইবেন না, যে, ঐসব অপকর্ম গবর্ণমেন্টের হুকুম অনুসারে বা জ্ঞাতসারে

হইয়া থাকে বা তৎসমুদয় সরকারের অনুমোদিত; কারণ ঐ সকল গর্হিত কাজ গবর্ণমেন্টের আইনের এবং প্রকাশ্যভাবে ঘোষিত নীতির বিরোধী। আমরা নিজে কংগ্রেস এবং খিলাফতদলের বিচারও অন্ততঃ ঠিক এইভাবে করিতে চাই, এবং ইহা চাই, যে, অস্তোরাও—সরকার পক্ষের লোকেরাও—অন্ততঃ এই ভাবে বিচার করেন।

“অন্ততঃ” বলিতেছি এইজন্য, যে, জালিয়ানওয়ালা বাগ, টাঁদপুর, প্রভৃতি স্থানের ঘটনার অপরাধীরা সরকারী চাকর বলিয়া বেরূপ সুপরিজ্ঞাত, কোন স্থানের ঘটনার অত্যাচারীরা কংগ্রেস ও খিলাফতদলের কর্মচারীরূপে অপরাধ করিয়াছে, একরূপ লোকও ঘটনার তেমন প্রমাণ নাই। সত্য বটে, রাজনীতিক্ষেত্রে চাতুরী ও কণ্ঠতার আশ্রয় অনেক সময় লওয়া হয়, অনেক সময় মুখে ও প্রকাশ্য কাগজে পয়ে যাহা বলা হয়, কাজে এবং গোপনে তাহার বিরুদ্ধ আচরণ করা হয়। কিন্তু কংগ্রেস ও খিলাফতদলের

মহাত্মা গান্ধী প্রমুখ নেতারা সরকারী শাসনকর্তাদের চেয়ে অধিকতর কপট ও কূটনীতিপরায়ণ, এরূপ মনে করিবার কোন কারণ নাই। এই জন্য বলি, কংগ্রেস ও খিলাফৎ দলের সমুদয় কর্মীকে বেআইনী কার্যে নিরত বলিয়া ঘোষণা করা গবর্নমেন্টের পক্ষে উচ্চ রাজনীতিসঙ্গত ও সত্যানুসারী হয় নাই। যেখানে যে কেহ গবর্নমেন্টের মতে বেআইনী কাজ করিতেছে, তাহাকে ব্যক্তিগতভাবে শাস্তি দিবার চেষ্টা করিলে অধিকতর সঙ্গত হইত।

সরকার পক্ষের লোকে বলিতে পারেন, এই দুই দলের উদ্দেশ্যই হইতেছে, নানা প্রকারে গবর্নমেন্টের কাজ অচল বা দুঃপাধ্য করিয়া তুলিয়া নিজের উদ্দেশ্য সাধন ও স্বরাজ স্থাপন। তর্কের অনুরোধে ইহা স্বীকার করিয়া লইয়া



মহাত্মা গান্ধী।

উত্তরে আমরা বলি, যে, এইসব উদ্দেশ্য ত ১৯২১ সালের ১৮ই নবেম্বর প্রচারিত ও বিদিত হয় নাই; বৎসরাধিক পূর্বে হইয়াছে। গবর্নমেন্টের তখন হইতে স্বকার্য-সাধনে তৎপর হওয়া উচিত ছিল, কিংবা কংগ্রেস ও খিলাফৎদলের দাবী অনুসারী কাজ করিয়া পঞ্জাবের

অত্যাচারের সমুচিত প্রতিবিধান এবং তুরস্কের প্রতি সুবিচার করিলে ও করাইলেও চলিত। যখন কংগ্রেস ও খিলাফৎ গবর্নমেন্টকে ত্যাগ করিবার প্রতিজ্ঞা করেন, তখন বা তাহার পরে ঐ কারণেই সাক্ষাৎভাবে ঐ দুই সমিতিতে বে-আইনী বলিয়া ঘোষণা করিতে কি গবর্নমেন্টের সাহস হয় নাই, তাই হরতালটা উপলক্ষ্য করিয়া পরোক্ষ ভাবে গবর্নমেন্ট কার্যসিদ্ধি করিতে চাহিতেছেন? না, ইহার মধ্যে আর কোন নীতি (policy) আছে?

গবর্নমেন্টের ভিতরের কথা আমরা জানি না। বাস্তব হইতে আসল কথা এই অনুমান হয়, যে, ১৭ই নবেম্বর ভারতের সব প্রদেশে নানা নগরে ও গ্রামে, বিশেষতঃ কলিকাতায়, হরতাল হওয়ায় সরকারী ও বেসরকারী ইংরেজরা এই ভাবিয়া বিষম চটিয়া যান, যে, প্রভু ইংরেজ যাহা চান তাহা হইল না, তাহার বিপরীতই হইল। তবে কি ভারতে ইংরেজ-রাজত্ব নাই গান্ধী-রাজত্ব প্রতিষ্ঠিত হইয়াছে? তাঁহাদের ক্ষেদ হইল, ইংরেজ যে এখনও প্রভু তাহা দেখানো চাই। ইংরেজদের দৈনিক কাগজ ও বলিক-সভা গবর্নমেন্টকে উত্তেজিত করেন। ফলে ক্রমে ক্রমে এক একটি প্রদেশে স্বেচ্ছাসেবক হওয়া ও থাকা বে-আইনী বলিয়া ঘোষিত হইতেছে। ইহার মধ্যে কৌতুকাবহ ব্যাপার এই, যে, যদিও ১৭ই নবেম্বর ও তাহার পরবর্তী কয়দিন বোম্বাইয়ে ভীষণ দাঙ্গা, খুন ও নানাবিধ অত্যাচার হইয়াছিল, কিন্তু অসহযোগের স্বেচ্ছাসেবক হওয়া ও থাকা বে-আইনী বলিয়া ঘোষিত হইল সর্ব প্রথমে বঙ্গে, যেখানে ওরূপ কিছু হয় নাই—অল্পস্বল্প ভীতিপ্রদর্শন স্বাধীনতায় হস্তক্ষেপ বা আঘাত-মাত্র কয়েকস্থলে হইয়া থাকিবে। ভারতবাসী হরতাল হইয়া যাইবার পর আম্মাতন্ত্রের মাধ্যম বুদ্ধির উন্মেষ হওয়াটাও কম কৌতুকাবহ নহে।

গবর্নমেন্ট যাহা করিয়া বসিয়াছেন, তাহার কারণ ও উদ্দেশ্য বাহাই হউক, নেতারা যাহা করিয়াছেন, কথায় ও কাজে সঙ্গতি রাখিতে গেলে তাহা ছাড়া অস্ত্র কিছু করা তাঁহাদের চলিত না। অবশ্য, তাঁহাদের মতের ও কার্য-প্রণালীর পরিবর্তন হইলে তাঁহারা যাহা করিয়াছেন, তাহার বিপরীত আচরণ করিতে পারিতেন। কিন্তু গবর্নমেন্ট যাই তাঁদের কাজ বেআইনী বলিলেন, অমনি তাঁদের মত বলিয়া

গেল, এইরূপ ঘটিলে, তাঁদের উপর লোকের শ্রদ্ধা থাকিত না, লোকে তাঁহাদিগকে ভীক ও ভণ্ড মনে করিত। কিন্তু লোকে যাহাই মনে করুক, মানুষের মত ও মতির পরিবর্তন হইলে আচরণের পরিবর্তন হওয়া উচিত। নেতাদের যখন মত ও মতি অপরিবর্তিত ছিল, তখন তাঁহারা যাহা করিয়াছেন, তাহাই তাঁহাদের পক্ষে সঙ্গত ও পুরুষোচিত হইয়াছে। যদিও ইহাও নিশ্চিত যে তাঁহারা গবর্ণমেন্টের আদেশ না-মানায় দণ্ডনীয় হইয়াছেন।

সরকার বলিলেন (ভাষাটা আমাদের), তোমরা মানুষকে ভয় দেখাইয়া তাহাদের ব্যক্তিগত স্বাধীনতায় হস্তক্ষেপ করিতেছিলে, তোমরা শাস্তিভঙ্গ শৃঙ্খলাভঙ্গ ও উপদ্রব করিতেছিলে, ইত্যাদি; অতএব তোমাদের কর্ম ও স্বেচ্ছাসেবকদের কর্ম বে-আইনী বলিয়া ঘোষণা করিলাম। নেতাদের এবং তাঁহাদের দলের অন্তর্গত কর্মীদের আচরণ যে ঐ প্রকারের তাহা তাঁহারা কোনক্রমে স্বীকার করিতে পারেন না। সুতরাং তাঁহারাও প্রতিজ্ঞা করিলেন ও ঘোষণা করিলেন যে তাঁহাদের কাজ নিরুপদ্রবভাবে পুনর্বৎ চলিতে থাকিবে, এবং আরও কর্মী চাই। তাঁহাদের এই সঙ্গত ও সাহসিক আচরণে দলে দলে কর্মী ছুটিতেছে। এ অবস্থায় গবর্ণমেন্টও নিজের প্রভুত্ব এবং ঘোষণা ও কাজে সঙ্গতি রক্ষার জন্য দলেদলে স্বেচ্ছাসেবকদিগকে ও নেতাদিগকে জেলে পাঠাইতেছেন। তাঁহাদের কারানগণে দুঃখ করিবার বা প্রতিবাদ করিবার বা গবর্ণমেন্টকে দণ্ডা করিতে বলিবার কোন কারণ নাই—তাঁহারা ত জানিয়া শুনিয়াই দুঃখকে বরণ করিয়া লইয়াছেন। বরং কংগ্রেস ও খিলাফতদলের লোকেরা এই মনে করিয়া সমস্তোষলাভ করিতে পারেন, যে, এতদিন গবর্ণমেন্ট অসহযোগ প্রচেষ্টাকে কতকটা অগ্রাহ্য করিতেছিলেন এবং তুচ্ছ জ্ঞান করিতেছিলেন, কিন্তু এখন ইহার শক্তি বৃদ্ধিতে পারিয়া ইহাকে যোগ্য প্রতিদ্বন্দ্বী জ্ঞানে ইহার সহিত লড়িতে আরম্ভ করিয়াছেন।

নেতা ও অন্তর্গত স্বেচ্ছাসেবকদিগকে জেলে পাঠান হইতেছে বলিয়া গবর্ণমেন্টকে দোষ দেওয়া বাহুল্যমাত্র; কারণ, গবর্ণমেন্টের গোড়ার ভ্রম ও দোষ হইতেছে স্বেচ্ছাসেবক হওয়া ও স্বেচ্ছাসেবকের কর্ম-করা—এই দুটিকে বেআইনী

ঘোষণা করা; স্বেচ্ছাসেবকদিগকে গ্রেপ্তার করিয়া জেলে পাঠান উহ'রই স্বাভাবিক ফল।

নেতারা প্রফুল্লচিত্তে কারাদণ্ড গ্রহণ করার ছরকম লোকের একটা ভ্রম ভাঙা উচিত। আমলাতন্ত্রের অনেকের এই রকম একটা ধারণা ছিল বলিয়া বোধ হয়, যে, নেতারা ছেলেদের ও সাধারণলোকদের ক্ষেপাইয়া দিয়া নিজেরা নিরাপদে আছেন। আমাদের দেশের অনেক লোকেরও এই রকম ধারণা থাকা অনুমান করি। এরূপ ভ্রম এখন দূর হওয়া উচিত।

নেতাদের কারাবাসে আশঙ্কার কারণ

মৌলানা মোহম্মদ আলী ও মৌলানা শৌকৎ আলী কারারুদ্ধ হওয়ায় মহাত্মা গান্ধী লিখিয়াছিলেন, যে, মৌলানা শৌকত আলীর অভাবে তিনি মু'লমান সম্প্রদায়কে আবশ্যিকমত প্রভাবিত করিতে পারিতেছেন না। নেতাদের কারাবাসে দেশের সম্বন্ধে আশঙ্কা করিবার একটি কারণের আভাস এই উক্তি হইতে পাওয়া যায়। অহিংসার সহিত, নিরুপদ্রবভাবে, কোন প্রকার বলপ্রয়োগ না করিয়া, কাজ করিলে, অসহযোগ প্রচেষ্টা সফল হইবার সম্ভাবনা আছে; নতুবা সম্ভাবনা নাই। ইতিমধ্যেই ত নানাস্থানে শাস্তিভঙ্গ, রক্তপাত নরহত্যা, অন্তর্বিধ অত্যাচার ও সম্পত্তি-নাশ হওয়ায় অসহযোগ প্রচেষ্টার বিশেষ অখ্যাতি ও ক্ষতি হইয়াছে; যদিও উক্ত কুফলগুলি কি পরিমাণে অসহযোগ আন্দোলনের ফল, তাহা ধীর শাস্ত নিরপেক্ষভাবে এ পর্য্যন্ত নির্ণীত হয় নাই। এখন অসহযোগীদিগকে খুব বেশী সাবধান ও সংযত থাকিতে হইবে। সরকারপক্ষের কতকগুলি লোকের আচরণ অনেকস্থলে অত্যন্ত উত্তেজক ও প্রকোপক হওয়ায় সংঘের আরো বেশী প্রয়োজন হইয়াছে। নেতারা অনেকে পুনঃপুনঃ সকলকে ধীর শাস্ত ও সংযত হইতে অনুরোধ করিতেছিলেন এবং অনেক স্থলে জনতার মধ্যে গিয়া লোকদিগকে ঠাণ্ডা রাখিতেছিলেন। এক্ষণে তাঁহারা একে একে কারারুদ্ধ হইতে থাকায় অসহযোগী দল ভাঙ্গিয়া যাইবার কিছু আশঙ্কা আছে। ঐ দলের বিরোধী যাহারা তাঁহারা ভাবিতে পারেন, তাহা হইলে ত ভালই হয়। আমরা তাহা মনে করি না। যাহারা গবর্ণমেন্টের সহিত

সহযোগী থাকিবার পক্ষে, তাঁহাদের জানা উচিত, যে, অসহযোগীদের অস্তিত্বের অন্ততঃ এইটুকু ফলদায়কতা আছে, যে, তজ্জন্ত গবর্ণমেন্ট সহযোগীদের কথায় অন্ততঃ একটু বেশী কান দেন কিম্বা অন্ততঃ একটু বেশী মৌখিক আদরও করেন। যাহা হউক, নেতাদের কারাবাসে দল ভাঙ্গিয়া যাওয়া অপেক্ষা অধিকতর আশঙ্কার একটি কারণ আছে। নেতাদের মধ্যে সকলের না হউক অনেকের প্রভাব দলের লোকদিগকে ও জনতাকে নিরুপদ্রব রাখিতে প্রযুক্ত হইতেছিল। এই প্রভাব কার্যক্ষেত্র হইতে অপসারিত হইলে দেশে শান্তিভঙ্গ ও উপদ্রব হইতে পারে। তাহাতে সহযোগী অসহযোগী ও নিরপেক্ষ সকল লোকেরই ক্ষতি। সাময়িক কিছু সুবিধা একমাত্র জবরদস্ত রকমের রাজভৃত্যদের হইতে পারে। কারণ, তাঁহারা নিরুপদ্রব কর্মীদের চেষ্টার বিরুদ্ধে শক্তিহীন, কিন্তু শান্তিনাশক ও উপদ্রবকারীদের দিকে বলপ্রয়োগে সহজেই জব্দ করিতে পারেন এবং তাহা করিয়া বাহাছুরী লইতে পারেন।

দেশের অবস্থা যাহাতে অরাজক না হয়, তাহার জন্ত অপসারিত নেতাদের জায়গায় বুদ্ধিমান্ কর্মনিষ্ঠ সচ্চরিত্র শান্ত সংযত অগ্র নেতাদের আবির্ভাবের প্রয়োজন। তাহার চেয়েও আবশ্যিক, দেশবাসী প্রত্যেকের পক্ষে শান্ত অচঞ্চল সংযত অহিংস এবং সুদৃঢ় দেশহিতৈষণা সর্বদা হৃদয়ে জাগাইয়া রাখা। অনেক এমন ঘটনা ঘটিয়াছে ও ঘটিতেছে যাহাতে যুদ্ধেরও রক্ত গরম হয়। কিন্তু প্রতিশোধের ভাব যখনই হৃদয়ে আসিবে, তখনই তাহা সমূলে উৎপাটিত করিয়া ভাবিতে হইবে কি প্রকারে স্থায়ী প্রতিকার হয়, কি প্রকারে মানবপ্রেম ও জনহিতের ভিত্তির উপর স্বরাজ প্রতিষ্ঠিত হইতে পারে।

স্বরাজ্যভাঙের বর্তমান চেষ্টার সহিত যুদ্ধের খুব সাদৃশ্য আছে। এই চেষ্টাতেও যুদ্ধের মত দক্ষ নেতৃত্ব, সাহস, আজীবন ও আমরণ আত্মোৎসর্গ, অশেষহঃখসহিষ্ণুতা, একান্ত বাধ্যতা, প্রভৃতির প্রয়োজন আছে। কিন্তু যুদ্ধের সহিত পার্থক্যও অনেক আছে। প্রথম ও সর্বপ্রধান প্রভেদ এই, যে, ইহাতে যুদ্ধের হিংস্র ভাব নাই, বরং তাহার বিপরীত অহিংসাই ইহার প্রাণ। অহিংসা যাহার নাই, তিনি এই প্রচেষ্টার বড় কর্মী হইলেও দ্বৈতবিক ইহার শত্রু। আর

একটি প্রধান প্রভেদ এই, যে, নেতা ব্যতীত যুদ্ধ চলে না, সেনাদল ছত্রভঙ্গ হইয়া পড়ে। কিন্তু আবশ্যিক হইলে, স্বরাজ্যভাঙের চেষ্টা নেতা ব্যতিরেকেও অনেকটা চলিতে পারে। দৃষ্টান্ত দ্বারা ইহা বুঝাইবার প্রয়োজন নাই। কংগ্রেস ও খিলাফৎ কনফারেন্সে যে-সব প্রতিজ্ঞা করা হইয়াছে, তাহা পড়িয়া দেখিলেই বুঝা যাইবে, যে, তাহার সবগুলি, অন্ততঃ অনেকগুলি, যেমন দলবদ্ধ হইয়া বা সমষ্টিগতভাবে পালন করা যায়, তেমনি আলাদা আলাদা ব্যক্তিগতভাবেও পালন করা যায়। মদ আফিং প্রভৃতি খাওয়া যাহাতে বন্ধ হইয়া যায়, তাহার চেষ্টা গত শতাব্দীতে কেশবচন্দ্র সেন, প্যারীচরণ সরকার প্রভৃতির সময় হইতে হইতেছে। ইহার জন্ত সুরাপান-নিবারণী সভা, টেম্পারেন্স কনফারেন্স প্রভৃতি দলবদ্ধ চেষ্টা অনেক হইয়া আসিতেছে। কিন্তু দলবদ্ধ চেষ্টা ব্যতীত অগ্র ফলদায়ক চেষ্টা একটি আছে। তাহা আর কিছু নহে, প্রত্যেকে কোনপ্রকার নেশা না-করা; সেইরূপ, কংগ্রেস নিজের দলের লোকদিগকে বলিতেছেন, নেতারা বলিয়াছেন, আপনারা এই এই কাজে এই এই রকমে গবর্ণমেন্টের সহযোগিতা করিবেন না, চাকরী করিবেন না। এই-সব আজ্ঞা পালন করিবার জন্ত দল বাধিবার একান্ত প্রয়োজন নাই। প্রত্যেকে নিজের বিশ্বাস ও বিবেক অনুসারে কাজ করিলেই হয়।

কিন্তু নেতা থাকিলে যে ভাল হয় এবং সাফল্যের সম্ভাবনা অধিক হয়, তাহাতে সন্দেহ নাই। সুখের বিষয়, প্রধান নেতা মহাত্মা গান্ধী এখনও জেলের বাহিরে আছেন, এবং নিজের দলের লোক, দেশের অগ্র লোক, গবর্ণমেন্ট, কাহারও মুখাপেক্ষা না করিয়া, আবশ্যিক হইলে নিজেকেও রেহাই না দিয়া, সত্য কথা বলিয়া, অমৃত্যুপ করিয়া, অহুযোগ করিয়া ও উপদেশ দিয়া সকলকে সুপথ দেখাইবার চেষ্টা করিতেছেন। যদি তাঁহাকে কারাবদ্ধ করা হয়, তাহা হইলেও কেবলমাত্র তাঁহার শরীর অবরুদ্ধ হইবে, তাঁহার আত্মা কাজ করিতে থাকিবে। জগতের সাধু উপদেষ্টাদের মৃত্যুর পরও তাঁহাদের বাণী প্রাণময় হইয়া মানবের হিতসাধন করিতেছে। সুতরাং কোনকালেই অসহযোগীদের নেতা ও উপদেষ্টার অভাব অসম্ভব করা উচিত নহে।

তথাপি নূতন ঘটনা নূতন অবস্থা পরিবর্তিত কার্য-প্রণালী ও অভিনব পরিচালনা আবশ্যিক করিতে পারে। তাহার নিমিত্ত নেতা হইলে ভাল হয়।

নেতার জন্ম সাধনা

পৌরাণিক নানা আধ্যাত্মিক এবং ইতিহাসের সহিত জড়িত কাহিনী হইতে নেতৃত্বের উদ্ভব সম্বন্ধে একটি সত্য আমরা উপলব্ধি করিতে পারি। পুরাণে বার বার দেখা যায়, পৃথিবীতে অত্যন্ত অত্যাচার ও অধর্মের প্রাদুর্ভাব হওয়ায় দেবগণ নারায়ণের নিকট উপস্থিত হইয়া এই প্রার্থনা করিলেন, যে, তিনি ধরাধামে অবতীর্ণ হইয়া উহার প্রতিকার করুন। তদনুসারে নারায়ণ মর্ত্যালোকে জন্মগ্রহণ করিলেন। ইহার মূলে এই সত্যটি রহিয়াছে, যে, অধর্মের ও অত্যাচারের অস্তিত্ব হাড়েহাড়ে অনুভব করা চাই, তাহা হইতে মুক্তির জন্য আন্তরিক ব্যাকুলতার উৎপত্তি হওয়া চাই, এবং সেই ব্যাকুলতার সহিত ভগবানের নিকট প্রতিকারপ্রার্থী হওয়া চাই। পুরাণে ইহাও দেখা যায়, যে, দেবগণ নারায়ণকে ধরাধামে অবতীর্ণ হইতে বলিয়াই নিশ্চিন্ত মনে নিদ্রা দেন নাই, তাঁহারাও নিজের নরদেহ ধারণ করিয়া নরদেহধারী ভগবানের পার্শ্চর অনুচর রূপে কাজ করিয়াছেন। আমাদেরও শুধু ভগবানের নিকট নেতা পাঠাইবার প্রার্থনা করিয়া নিশ্চিন্ত থাকিলে সিদ্ধিলাভ হইবে না, তাহাতেই আমাদের কর্তব্যের সমাপন হইবে না। অধর্মের পরিবর্তে ধর্মকে, অত্যাচারের জায়গায় মানবের স্বাধীনতা এবং মানবপ্রীতি ও নরহিতৈষণাকে প্রতিষ্ঠিত করিবার আজীবন চেষ্টা আমাদের সাধনা হউক; তাহা হইলে আমরা সিদ্ধি লাভ করিতে পারিব।

সংখ্যাতীত মানুষের ব্যাকুল আগ্রহ ও চেষ্টা পুঞ্জীভূত হইয়া নেতৃত্বশক্তির আকারে কোন কোন মানুষকে অনুপ্রাণিত ও শক্তিশালী করে, যদিও তাঁহারা কেহই অবতার নহেন, কোন মানুষই অবতার নহেন। এইরূপ ব্যাকুলতা ও আন্তরিক চেষ্টা আমাদের সাধনা হউক; তাহা হইলে আমরা সিদ্ধি লাভ করিতে পারিব।

যজ্ঞের অগ্নিকুণ্ড হইতে তেজস্বী পুরুষের আবির্ভাবের বৃত্তান্ত ইতিহাসের সহিত জড়িত কাহিনীতে দৃষ্ট হয়। আমরাও যদি তেজস্বী ও শুদ্ধস্ব নেতা চাই, তাহা হইলে

আমাদিগকেও প্রায়শ্চিত্তের আধ্যাত্মিক অগ্নিকুণ্ডে সমুদয় দুর্কলতা আহুতি দিতে হইবে। আরামস্পৃহা, বিলাসলালসা, ভোগবাসনা, ভীকতা, ক্ষুদ্রস্বার্থের আকর্ষণ, ক্ষুদ্রলক্ষ্য, দীর্ঘাঘেষ ও নীচতা, সব পুড়াইয়া ফেলিতে হইবে। তখন সেই যজ্ঞের আশ্রয় হইতে আমাদের নেতা, তিনি পুরাতন বা নূতন হউন, বলীয়ান হইবেন।

দমননীতির অব্যবহিত কারণ

বেসরকারী দাঙ্গা হাঙ্গামা শান্তিভঙ্গ অত্যাচার যদি বর্তমান সরকারী দমননীতির কারণ হইত, তাহা হইলে ইহার প্রয়োগ সর্বপ্রথমে বোম্বাইয়ে হওয়া উচিত ছিল; কারণ সেখানেই ১৭ই নবেম্বর ইংলণ্ডের যুবরাজের পদার্পণের দিনে খুব মারামারি খুনোখুনি আরম্ভ হয় ও তিন চারি দিন চলিতে থাকে। কিন্তু আগেই বলিয়াছি, বর্তমান দমননীতির প্রথম প্রয়োগ হইয়াছে বঙ্গে যেখানে ওরূপ মারামারি খুনোখুনি হয় নাই। অতএব বর্তমান দমননীতির অব্যবহিত কারণ কলিকাতায় (এবং ভারতবর্ষের সব প্রদেশে) যুবরাজের বোম্বাই আগমন উপলক্ষ্যে হরতালের অপ্রত্যাশিত সাফল্যই বলিতে হইবে।

দমন করিতে হইলে তাহার একটা কারণ থাকা চাই, ও তাহা দেখান চাই। সেইজন্য গবর্ণমেন্ট বলিয়াছেন, যে, কংগ্রেস ও খিলাফৎ স্বেচ্ছাসেবকেরা বড় উৎপীড়ন নির্যাতন ভীতিপ্রদর্শন এবং সর্বসাধারণের স্বাধীনতা হরণ করিতেছিল। এরূপ কাজ কোথাও কেহ করে নাই, তাহা বলিতেছি না। কিন্তু কলিকাতা সহরের দশ লক্ষের অধিক লোক এইরূপ ভয়ে হরতাল করিয়াছিল, ভারতবর্ষের সর্বপ্রদেশে নানাস্থানে অসংখ্য লোক এইরূপে ভয় পাইয়া হরতাল করিয়াছিল, ইহা বিশ্বাসযোগ্য নহে। যেখানে যতটুকু বলপ্রয়োগ ভীতিপ্রদর্শন স্বাধীনতা হরণ ও অত্যাচার হইয়াছে, তাহা অতীব নিন্দনীয়; কিন্তু তাহার জন্য দুইটি অথবা একটি ভারতবাসী প্রচেষ্টাকে কলঙ্কিত করিয়া তাহার পর উহাকে বে-আইনী বলিয়া ঘোষণা করা উচিত হয় নাই।

আয়ারল্যান্ডের শিন-ফেন দল প্রকাশ্যভাবে যুদ্ধ করিয়াছে, গোপন যুদ্ধও করিয়াছে; ইংরেজ গবর্ণমেন্টও তাহার সহিত

প্রকাশ্য ও গোপন যুদ্ধ করিয়াছে। এইরূপ ব্যাপার কয়েক বৎসর চলিয়া আসিতেছে। অথচ আশ্চর্যের বিষয় এই, যে, ব্রিটিশ গবর্ণমেন্ট প্রকাশ্যভাবে ঘোষিত শিন-ফেম আইরিশদের সাধারণতন্ত্রকে (Irish Republicকে) বে-আইনী ঘোষণা না করিয়া উহার প্রতিনিধিদের সহিত সমানে সমানে বিচারবিতর্কের পর একটা সন্ধিপত্রের খসড়া স্থির করিয়াছেন। এই খসড়া আইরিশদের সাধারণতন্ত্রের প্রতিনিধি-সভায় বিবেচিত হইবে, এবং তাহারা উহা গ্রহণ করিলে উহা ব্রিটিশ পার্লিমেণ্টে উপস্থিত করিয়া তদনুযায়ী আইন পাস করা হইবে। “আশ্চর্যের বিষয়” লিখিয়াছি, কিন্তু লিখিবামাত্রই মনে হইয়াছে আশ্চর্যের বিষয় নহে—“তেজীয়াং হি ন মোষায়।”

যাহা হউক, আমরা এখন আইরিশ নহি, তখন তাহাদের কথা না তোলাই ভাল। এখন কয়েকদিন হইতে যে-কারণে স্বেচ্ছাসেবকদিগকে গ্রেপ্তার করা হইতেছে, তাহার কিঞ্চিৎ আলোচনা করি। এমন বিস্তর লোককে ধরা হইয়াছে, যাহারা স্বেচ্ছাসেবক নহে, এবং স্বেচ্ছাসেবকের কাজও করে নাই। কিন্তু যাহারা স্বেচ্ছাসেবকের কাজ করার জন্ত ধৃত হইয়াছে, তাহারা কি কাজের জন্ত ধৃত হইয়াছে? তাহারা নাকি দোকানদার গাড়োয়ান প্রভৃতিকে বলিয়াছে, তোমরা আগামী ২৪শে ডিসেম্বর যুবরাজের কলিকাতা আগমনের দিনে হরতাল করিও, দোকান বন্ধ রাখিও, গাড়ী চালাইও না, ইত্যাদি। কিন্তু এখানে জিজ্ঞাস্য এই, যে, যুবরাজের আগমনের দিনে দোকান খুলিয়া রাখিতে হইবে, গাড়ী চালাইতে হইবে, ইহা কোনো আইনে লেখা আছে কি? কেহ যদি আইন ভঙ্গ করিতে কাহাকেও বলে, তাহা হইলে অবশ্য গবর্ণমেন্ট তাহার শাস্তি দিতে বাধ্য। অর্থাৎ যদি এমন আইন থাকে, যে, যুবরাজের আগমনের দিনে দোকান খোলা রাখিতে হইবে, গাড়ী চালাইতে হইবে, তামাসা দেখিতে বাইতে হইবে, ইত্যাদি, তাহা হইলে কেহ যদি দোকানদার, গাড়োয়ান, সর্বসাধারণকে সেই আইন ভঙ্গ করিয়া দোকান না-খুলিতে, গাড়ী না-চালাইতে, তামাসা দেখিতে না-বাইতে উপদেশ দেয়, তাহা হইলে তাহার বে-আইনী কাজ করার অপরাধ হইবে এবং তৎক্ষণাৎ শাস্তি হইবে। নতুবা শুধু কেহ হরতাল করিতে বলিলেই আইন

অনুসারে প্রমাণ হয় না, যে, সেব্যক্তি বে-আইনী কাজ করিয়াছে বা বে-আইনী স্বেচ্ছাসেবক-সম্প্রদায়ভুক্ত। ধৃত-লোকের কেহ ভাল উকীল ব্যারিষ্টার লাগাইয়া এবিষয়ে তর্ক বিতর্ক করাইলে ভাল হইত। নিরস্ত্র যুদ্ধে নিয়মতন্ত্রের অনুমোদিত সব রকম উপায় অবলম্বিত হওয়া ভাল।

উত্তরে কেহ বলিতে পারেন, তুমি যেকোন আইনের কথা বলিতেছ, সেরূপ আইন নাই বটে, কিন্তু যদি সেরূপ আইন অবিলম্বে করা হয়, তাহা হইলে কি বলিবে? তাহা হইলে বলিব, আধুনিক সভ্যজাতিসকলের ব্যবস্থা-বিজ্ঞানের (jurisprudenceএর) নীতির বিরুদ্ধ বলিয়া ওরূপ আইন ব্যবস্থাবিজ্ঞানবিদগণের চক্ষে বে-আইনী বলিয়া প্রতীত হইবে।

কারণ আধুনিক সভ্যসমাজের ব্যবস্থা-বিজ্ঞান মানুষের ব্যক্তিগত স্বাধীনতার ভিত্তির উপর প্রতিষ্ঠিত। ইহা বলে, যে, মানুষের ব্যক্তিগত স্বাধীনতার উপর গবর্ণমেন্ট কেবল ততটুকু হস্তক্ষেপ করিবেন, যতটুকু রাষ্ট্রের (state-এর) সংরক্ষণ জন্ত এবং সর্বসাধারণের স্বাধীনতা রক্ষা ও কল্যাণ সাধনের জন্ত দরকার। কিন্তু ইহা কেহই বলিতে পারিবেন না, যে, বিশেষ একটি দিনে দোকানদারদিগকে দোকান খুলিতে বা গাড়োয়ানদিগকে গাড়ী চালাইতে বাধ্য না করিলে রাষ্ট্রের পতন এবং সর্বসাধারণের স্বাধীনতা-লোপ ও অকল্যাণ হইবে। দোকান খোলা বা না-খোলা, গাড়ী চালান বা না-চালান, দোকানদার ও গাড়োয়ানের সম্পূর্ণ স্বেচ্ছাসাপেক্ষ থাকা উচিত। গবর্ণমেন্ট পক্ষের লোকেরা বলিয়াছেন, যে, ১৭ই নবেম্বর গোর ফারিয়া লোকদিগকে হরতাল করান হইয়াছিল। তাহা না হয় স্বীকার করিলাম। কিন্তু তাহা হইলে গবর্ণমেন্ট পক্ষের লোকদের উচিত কি ছিল? উচিত এই ছিল, যে, যেমন একদল লোক বলিয়া বেড়াইতেছে, হরতাল করিও, তেমনি তাহারাও বলিয়া বেড়ান, হরতাল করিও না। কোনপক্ষেই বল প্রয়োগ করা বা ভয় দেখান উচিত নহে। কিন্তু গবর্ণমেন্ট যে বল-প্রয়োগ ও ভীতিপ্রদর্শনের ওজুহাতে স্বেচ্ছাসেবকদিগকে ও তাহাদের সর্বশিখ কণ্ঠকে বে-আইনী ঘোষণা করিয়াছেন, প্রকারান্তরে সরকারী লোকদের পক্ষ হইতে সেই বল-প্রয়োগ ও ভীতিপ্রদর্শন হইতেছে। কেহ কাহাকেও হরতাল

করিতে বলিলেই যদি তাহার জেল হয়, তাহা হইলে তাহার মানে কি এই দাঁড়ায় না, যে, মানুষ হরতাল না-করিতে বাধ্য? শুধু এইপ্রকার পরোক্ষ বলপ্রয়োগই যে হইতেছে, তাহা নহে। রাস্তায় রাস্তায় লাঠি বন্দুক হাতে পাহারা-ওয়াল সাৰ্জেন্ট গোরার টহল দেওয়া, স্থানে স্থানে লুইস্ গান্ স্থাপন, ঐ-সব গবর্ণমেন্টভূতা এবং সিভিল গার্ডদের দ্বারা অনেক নির্দোষলোকদের প্রহার, নির্দোষ লোকদের বুকের উপর রিভলভার ধরা, বন্দুকহাতে নির্দোষ লোকদের গণ্টাঙ্কান, ধৃত স্বেচ্ছাসেবকদিগের মধ্যে কাহাকেও কাহাকেও প্রহার, এ-সব কি বলপ্রয়োগ ও ভীতিপ্রদর্শন নহে? আমরা গবর্ণমেন্টের চেয়েও বেসরকারী গুণ্ডামির বিরোধী; কারণ বেসরকারী গুণ্ডারা গবর্ণমেন্টকে আক্রমণ করে না, আক্রমণ করে আমাদেরকে। কিন্তু গবর্ণমেন্ট-ভূতাদের কাহারো গুণ্ডামিও তা বলিয়া প্রশংসনীয় কিম্বা সহনীয় হইতে পারে না। এরূপ লোকদের গুণ্ডামি আরো ভয়ানক। কারণ, গবর্ণমেন্টের দ্বারা বেসরকারী গুণ্ডার অত্যাচারের প্রতিকারের সম্ভাবনা ষতটুকু আছে, সরকারপক্ষের লোকদের গুণ্ডামির প্রতিকারের সম্ভাবনা তার চেয়ে অনেক কম কিম্বা নাই বলিলেও হয়।

হরতাল বাহাতে না হয়, তাহার এই যে চেষ্টা হইতেছে, ইহার একটি উদ্দেশ্য এই, যে, যুবরাজকে জানান ও দেখান, সম্রাট পঞ্চম জর্জকে জানান, জগৎকে জানান, যে, ভারতবর্ষের লোকেরা এমন স্মৃশাসিত যে তাহারা সন্তুষ্টচিত্তে মানন্দে স্বেচ্ছায় ব্রিটিশ যুবরাজের অভ্যর্থনা ও সম্বর্ধনা করিতেছে। আমরা যুবরাজকে বিন্দুমাত্রও অসম্মান দেখাইতে চাই না, তাঁহার সঙ্গে আমাদের কোন শত্রুতা নাই। কিন্তু অন্য দিকে, যে সম্ভ্রাণ ও আনন্দ আমাদের অন্তরে নাই, হৃদয়ের যে উৎসবসজ্জা নাই, বাহিরে তাহা দেখাইতেও আমরা অনিচ্ছুক। সে যাহা হউক, হরতাল না-করাইয়া ইংরেজ আমলাতন্ত্র যাহা জগৎকে দেখাইতে চান, তাহা এই যে ভারতবর্ষ স্বেচ্ছায় সন্তুষ্টচিত্তে যুবরাজকে সম্মান দেখাইয়াছে ও তাঁহার সম্বর্ধনা করিয়াছে। কিন্তু বস্তুতঃ এই ব্যাপারটির বাহ্য চেহারা কি এইরূপ দেখাইতেছে না, যে, লোককে কোঁজ পাহারাওয়াল কামান প্রদর্শন দ্বারা ভয় দেখাইয়া যুবরাজের অভ্যর্থনা-উৎসবে যোগ দিতে বাধ্য করা

হইতেছে? সত্য যাহা আমরা তাহাই চাই। যদি মানুষের সম্ভ্রাণ আনন্দ উৎসবের ভাব থাকে, তাহা প্রকাশিত হউক; যদি না থাকে, তাহা হইলে কপট সম্ভ্রাণ আনন্দ ও উৎসব-সজ্জা চাই না। সত্য যাহা তাহা জানা অপেক্ষা সৌভাগ্য ও সুবিধা আর কিছুতেই নাই। মানুষের মনে যদি বাস্তবিক সম্ভ্রাণ আনন্দ উৎসব না থাকে, তাহা হইলে তাহাদিগকে কোনপ্রকার সাক্ষাৎ বা পরোক্ষ বলপ্রয়োগ বা ভীতি-প্রদর্শন দ্বারা কপটতা করিতে বাধ্য করিলে, যুবরাজকে এবং তাঁহার পিতামাতাকে জগতের চক্ষে, সম্মানের পরিবর্তে, কতখানি অসম্মানভাজন করা হইবে, ভারতবর্ষের ইংরেজ আমলা-তন্ত্র কি তাহা কল্পনা করিতেও অসমর্থ?

ইহাতে আমাদের মনে হয়, যুবরাজের ভারত-আগমন তাঁহাদেরই কোনপ্রকার জেদে ঘটয়া থাকিবে। অসন্তুষ্ট ভারত সন্তুষ্ট হয়, পঞ্জাবের অত্যাচারের প্রকৃত প্রতিকার হইলে, তুরস্কের সম্বন্ধে ঋণ্য ব্যবস্থা হইলে, এবং স্বরাজ লক্ষ হইলে; কিন্তু তাঁহারা হয়ত ভাবিয়াছিলেন, যে, যুবরাজ আসিলে ভারতের চিরপ্রথিত রাজভক্তির ফোয়ারা খুলিয়া যাইবে ও তাহাতে অসম্ভ্রাণের আগুন নিবিয়া গিয়া সব ঠাণ্ডা হইয়া যাইবে; অথবা ভাবিয়াছিলেন, নানাপ্রকার রং তামাসা আতসবাজী ভোজে লোকে লাজনা অপমান দারিদ্র্য রোগ-যন্ত্রণাদি ভুলিয়া গিয়া সন্তুষ্ট হইয়া যাইবে। এখন কিন্তু নিজেদের ভ্রম বুঝিতে পারিয়া তাঁহারা নিজেদের শক্তি ও প্রভুত্বের জোরে ভুলটা চাপা দিতে চাহিতেছেন, দেশের যে ভাব স্বভাবতঃ বা তাঁহাদের কোঁপলে হইবে বলিয়া তাঁহারা ভাবিয়াছিলেন, এখন প্রভুত্ব-প্রয়োগে তাহার কেবলমাত্র বাহ্য আকৃতিটা উৎপাদন করিতে চাহিতেছেন।

আমরা এইরূপ শুনিয়াছি, যে, কোন কোন ভারতীয় ব্যক্তি (তন্মধ্যে শ্রীযুক্ত ভূপেন্দ্রনাথ বসু মহাশয় একজন) ভারতসচিব মণ্টেগুকে বলিয়াছিলেন, যে, এখন যুবরাজকে ভারতে পাঠান উচিত নয়। কিন্তু মণ্টেগু সাহেব সম্ভ্রাণতঃ এখানকার স্থানীয় খেত মহুষ্যদের পরামর্শ অনুরোধ বা জেদ বশতঃ ভারতীয়দের পরামর্শ গ্রহণীয় মনে করেন নাই।

শ্রীযুক্ত মণিলাল

ফিজি দ্বীপের ভারতীয় অধিবাসীদের হিতকারী বন্ধু

ব্যারিষ্টার শ্রীযুক্ত মণিলালকে সে দেশের গবর্ণমেন্ট বিনা-বিচারে নির্কাসিত করিয়াছেন। তাঁহার বিরুদ্ধে অভিযোগ এই, যে, তিনি সেখানকার ভারতীয়দের সমস্ত আন্দোলনের গোড়া এবং শাস্তি ও শৃঙ্খলার শত্রু। শ্রীযুক্ত মণিলাল ইহার পর নিউজ্বীলণ্ডে যান। কিন্তু কেবলমাত্র স্বদেশীয়দের মধ্যে ব্যবসা চালাইবার মর্মেও তিনি সেখানকার আদালতগুলিতে আইন-ব্যবসা করিবার সম্মতি প্রাপ্ত হন নাই। তিনি বে নির্দোষ, এবং ফিজি দ্বীপের কর্তৃপক্ষ কর্তৃক অত্যাচারে দণ্ডিত হইয়াছেন, বিচারালয়ে ইহা প্রমাণ করিবার সুবিধা পর্যন্ত নিউজ্বীলণ্ড তাঁহাকে দেয় নাই।

যুবরাজের ভারত-আগমনের উদ্দেশ্য

সেদিন কলিকাতায় একটি ভোজের পর বড় লাট রেডিং বলিয়াছেন, যুবরাজের ভারত-ভ্রমণের কোন রাজ-নৈতিক উদ্দেশ্য নাই। তাহা বুদ্ধিলাম; তাঁহার এখন ভারতভ্রমণের উদ্দেশ্য কি তাহাও একটু খুলিয়া বলিলে ভাল হইত না কি ?

আমরা আগে আম্লাতন্ত্রের দুটি উদ্দেশ্য অনুমান করিয়াছি। তাহারই অঙ্গীভূত আর-একটি উদ্দেশ্য এই হইতে পারে যে, তাঁহারা যুবরাজের আগমন উপলক্ষে নানাবিধ খটা ও জাঁকজমক করিয়া ও করাইয়া জগৎকে দেখাইতে চাহিয়াছিলেন, যে তাঁহাদের শাসনে ভারতবাসীরা খুব সমৃদ্ধ স্থখী সমৃদ্ধ রাজভক্ত (অর্থাৎ আম্লাতন্ত্রভক্ত) আছে, এবং অসহযোগীরা মুষ্টিমেয়, সংখ্যাবহুল সমৃদ্ধরাজভক্ত ভারতবাসীদের প্রতিনিধিস্থানায় নহে। এই তিনটি উদ্দেশ্য কুটরাজনৈতিক। কিন্তু ইহা ছাড়া আরো যে-সব উদ্দেশ্য হইতে পারে, তাহাও রাজনৈতিক।

যদি বলেন, ভারতের ভবিষ্যৎ সম্রাটের ভারতবর্ষ সম্বন্ধে জ্ঞান লাভ করা দরকার; সেই জ্ঞানলাভার্থ তিনি এদেশে আসিয়াছেন; তাহা হইলে এই উদ্দেশ্য স্বীকার করিয়া লইয়া জিজ্ঞাসা করি, এই জ্ঞানলাভ প্রয়োজন কিসের জন্ত ? নিশ্চয়ই ভারতের সুশাসনের সাহায্যার্থ। যাহা সুশাসনের জন্ত প্রয়োজন, তাহা কি একটি রাজনৈতিক জিনিষ নয় ?

ভারতবর্ষ সম্বন্ধে জ্ঞানলাভ করিতে হইলে, প্রথমতঃ দেখিতে হইবে সমগ্র ভারতের বৃহত্তর অংশ কোন্টি, ব্রিটিশ-শাসিত ভারত, না দেশীরাজ্যসমূহ ? ব্রিটিশ শাসিত ভারতই বৃহত্তর অংশ এবং ইহার সুশাসনের জন্তই ব্রিটিশরাজত্বোত্তরা সাক্ষাৎভাবে দায়ী। অতএব ভারতবর্ষের এই অংশের জ্ঞান লাভ করাই যুবরাজের পক্ষে সর্বাধিক আবশ্যিক। কিন্তু তাঁহার ভারত-দর্শনের বন্দোবস্ত আগে হইতে যেরূপ হইয়াছে, তাহাতে তিনি দেশীরাজ্যসমূহেই বেশী সময় কাটাইবেন, এবং সেখানেও ভোজ, খেলা, শীকার, রাজা-মহারাজাদিগকে লইয়া দরবার এবং তাঁহাদের সহিত দেখা-সাক্ষাৎ এই-সবই প্রধানতঃ করিবেন। দেশী রাজ্যগুলি সম্বন্ধে জ্ঞানলাভ করিতে হইলে ইহাই কি শ্রেষ্ঠ উপায়, না ইহাই যথেষ্ট ? দেশী রাজাদিগের প্রজাদের সুখ-দুঃখ অধিকার-অনধিকারই প্রধান জ্ঞাতব্য বিষয়; তাহাদের শ্রমেই তা রাজাদের ভোগ-বিলাস জাঁক-জমক চলে। এই প্রজাদের সম্বন্ধে জ্ঞান যুবরাজ কখন কি প্রকারে লাভ করিতেছেন ?

ভারতবর্ষের ব্রিটিশশাসিত অংশ বৃহত্তর হইলেও যুবরাজ তাহাতে কম সময় যাপন করিয়া তাহার সম্বন্ধে কি জানিবেন ? অধিকাংশ সময় রাজভৃত্যদের দ্বারা পরিবৃত থাকিয়া, তাহাদের চোখে ভারতবর্ষ দেখিয়া, তাহাদের দ্বারা বা তাহাদের ছকুমে সজ্জিত রাস্তাঘাট দেখিয়া, সাধারণ লোকদের সঙ্গে একবারও না মিশিয়া, ভারতের সংখ্যাভূমিষ্ঠ রাজনৈতিক দলের একজনও নেতা বা অগ্র ব্যক্তির সহিত বাক্যালাপ না করিয়া বা তাহাদের চেহারাও না দেখিয়া, এমন কি মডারেট দলেরও সর্বাধিক স্বাধীনচিত্ত প্রধাম প্রধান কোন লোকদের সঙ্গেও বাক্যালাপ না করিয়া, তিনি ব্রিটিশশাসিত ভারত সম্বন্ধে কি জ্ঞান লাভ করিবেন ?

সুতরাং আমাদের মনে হয় না, যে, ভারতবর্ষ সম্বন্ধে তাঁহাকে জ্ঞানী করিবার জন্ত তাঁহাকে আনা হইয়াছে। কিন্তু যদি উদ্দেশ্য বাস্তবিক তাহাই হয়, তবে ইহা নিঃসন্দেহে বলা যাইতে পারে, যে, সে উদ্দেশ্য সিদ্ধ হইবে না। তবে যদি ইংরেজ আম্লা-বর্গের অভিপ্রায় এই হয়, যে, যুবরাজ ভারতবর্ষকে তেমন একটি দেশ বলিয়া জানুন, যেমন দেশ বলিয়া তাঁহারা তাঁহাকে জানাইতে চান, তাহা হইলে সে-উদ্দেশ্য কতকটা সিদ্ধ হইতে পারে। “কতকটা” এই জন্ত বলিতেছি, যে, যুবরাজ বোম্বাইয়ে

নামিয়াই নিশ্চয় অন্ততঃ এইটুকু বুঝিতে পারিয়াছেন, যে, এদেশের ইংরেজ শাসকেরা শান্তি-রক্ষা করিতে অসমর্থ, তাঁহারা লোককে শান্তিপ্রিয় ও পরস্পরের প্রতি সন্তোষপূর্ণ প্রতিবেশী করিতে পারেন নাই, এবং দেশে অসন্তোষ রহিয়াছে। ব্রিটিশ শাসনের প্রতি এবং তাঁহার নিজেরও প্রতি লোকদের যে খুব একটা উচ্ছ্বসিত অমুরাগ আছে, সেবিষয়েও সম্ভবতঃ যুবরাজ সন্ধিহান হইয়া থাকিবেন। কারণ, দেখিতেছি আজমীরে কর্তৃপক্ষ তাঁহার অভ্যর্থনার জন্ত যতপ্রকার বন্দোবস্ত করিয়াছিলেন, হরতাল বশতঃ সব কার্যে পরিণত করিতে পারেন নাই। এবং সম্প্রতি এসোসিয়েটেড প্রেসের টেলিগ্রামে দেখিলাম, এলাহাবাদে তাঁহার আগমন উপলক্ষে লোকদের কোন আগ্রহ লক্ষিত হয় নাই, উদাত্ত সুষ্পষ্ট হইয়াছিল। এলাহাবাদ একটা প্রদেশের রাজধানী। অতঃ সব জায়গাতেও জনসাধারণ তাঁহার অভ্যর্থনা সম্বন্ধে কি ভাব দেখাইতেছে, তাহার স্বার্থ বিবরণ প্রকাশিত হইতেছে কি না বলা যায় না।

যদি ভারতবর্ষের প্রাকৃতিক দৃশ্য এবং মানুষের তৈরী চূর্ণ মন্দির সমাধি মসজিদ সেতু প্রভৃতি দর্শন, (তাহাদের ভাঙা কুঁড়েঘর দর্শন নহে), ভারতীয় মানুষ ও তাহাদের পোষাক পরিচ্ছদ দর্শন (তাহাদের নগ্নতা ও অর্দ্ধনগ্নতা দর্শন নহে), ভারতবর্ষে শীকার ও অতঃ নানাবিধ খেলা ও আমোদপ্রমোদ সম্ভোগ যুবরাজের ভারত-আগমনের উদ্দেশ্য হয়, তাহা হইলে সে উদ্দেশ্য সিদ্ধ হইবে কিন্তু তাহা হইলে এই ভ্রমণের সম্পূর্ণ ব্যয় সম্রাট পঞ্চম জর্জের পারিবারিক আয় হইতে দেওয়া কর্তব্য।

১৭ই নবেম্বরের হরতাল

১৭ই নবেম্বর কলিকাতায় ও অতঃ যে হরতাল হইয়াছিল, তাহা কতটা অসহযোগীরা ভয় দেখাইয়া করাইয়াছিল এবং কতটা লোকে স্বেচ্ছাপূর্বক করিয়াছিল, সে বিষয়ে মতভেদ আছে। আমাদের মত আগে বলিয়াছি। যদি ধরিয়া লওয়া যায়, যে, লোকে প্রধানতঃ ভয়ে হরতাল করিয়াছিল, তাহা হইলে গবর্ণমেন্টকে স্বীকার করিতে হইবে, যে, অসহযোগীরা গবর্ণমেন্ট অপেক্ষাও এবিষয়ে শক্তিশালী হইয়াছে। খুলিয়া বলিতে

গেলে ব্যাপারটা এইরূপ দাঁড়ায়। লোকে যে গবর্ণমেন্টের হুকুম ও আইন মানে তাহার কারণ, অংশতঃ, গবর্ণমেন্টের শান্তি দিবার ক্ষমতা। গবর্ণমেন্টকে লোকে ভয় করে বলিয়া তাহাকে অসন্তুষ্ট করিতে চায় না, গবর্ণমেন্টের যাহা অভিপ্রায় বা ইচ্ছা তদনুরূপ কাজ করে। কিন্তু যদি এমন কোন জিনিষ থাকে, যাহা করিলে গবর্ণমেন্ট অসন্তুষ্ট হন, না করিলে অতঃপক্ষ অসন্তুষ্ট হন, তাহা হইলে লোকে যাহা করে, তাহার দ্বারা বুঝিতে হইবে, যে, সরকারের ও অতঃপক্ষের মধ্যে কোন পক্ষ অধিক ভয়ানক শক্তিশালী বলিয়া লোকের ধারণা। হরতাল করিলে সরকার চটিবেন, ইহা লোকে জানিত; এবং সরকারপক্ষের লোকদের ধারণা যে হরতাল না করিলে অসহযোগীরা চটিয়া অনিষ্ট করিবে এই ভয়ে লোকে হরতাল করিয়াছে। অতঃ, সরকার-ভীতি ও অসহযোগী-ভীতি এই উভয় ভয়ের যাহা বেশী তাহার ভয়েই লোকে কাজ করিয়াছে, সরকারপক্ষকে ইহা মানিতে হইবে। কিন্তু বাস্তবিকই কি লোকে মনে করে, যে, অসহযোগীরা বেশী শক্তিশালী? আমাদের ত তা মনে হয় না। এইজন্য আমরা মনে করি, বেশীর ভাগ লোক হরতাল করিয়াছিল আপনা হইতে, কিম্বা অসহযোগীদের যুক্তি তর্ক পরামর্শ তাহাদের ঠিক মনে হইয়াছিল বলিয়া।

অসহযোগীরা কোথাও ভয় দেখায় নাই বা বল প্রয়োগ করে নাই, এমন কথা বলিতে পারি না। তবে এরূপ কোন ঘটনা আমরা নিজে দেখি নাই। যাহারা প্রত্যক্ষ করিয়াছেন, এমন কোন কোন লোকের মুখে শুনিয়াছি বটে। এরূপ যাহা কিছু ঘটয়াছে, তাহা অত্যন্ত নিন্দনীয়। সর্বাগ্রে অসহযোগীদেরই ইহা নিবারণ করা উচিত ছিল। ভবিষ্যতে যাহাতে এরূপ না হয়, তাহার উপায় করা তাঁহাদেরই কর্তব্য সকলের আগে। যুক্তি প্রয়োগ করিতে তাঁহারা পারেন, পরামর্শ দিতে তাঁহারা পারেন, কিন্তু কোন প্রকার চাপ দেওয়া, এমন কি মিনতি করা, হাত জোড় করা, হাতে পায়ে ধরা পর্যন্ত অসুচিত; কারণ ইহাও এক প্রকার বলপ্রয়োগ।

১৭ই নবেম্বরের হরতাল কতটা লোকদের স্বেচ্ছাপ্রসূত হইয়াছিল, তাহাতে আমাদের আপত্তি ত নাই-ই, বরং

অনুমোদন আছে। কিন্তু কতকগুলি ব্যাপারকে আমরা অনিষ্টকর ও নিন্দনীয় মনে করি। ঝাড়ুদার ও মেথরেরা যে সেদিন কাজ করে নাই, ইহা ভাল হয় নাই। যাহাতে সহরের স্বাস্থ্য ধারাপ হয় এবং রোগ বৃদ্ধির সম্ভাবনা হয়, এমন কিছু করা বা করান কাহারও উচিত নহে। কোথাও কোথাও (সর্বত্র নহে) দুধ বিক্রী করিতে দেওয়া হয় নাই, কোথাও বা দুধ ফেলিয়া দেওয়া হইয়াছিল। অবশ্য ইহা অসহযোগ-নেতাদের আঙ্কানুসারে বা স্জাতসারে হয় নাই; কিন্তু যাহারা ইহা করিয়াছিল, তাহারা শিশুর ও রোগীর খাদ্যপ্রাপ্তিতে বাধা দিয়া বড় গর্হিত কাজ করিয়াছিল। ডাক্তার খাত্তী প্রভৃতির গতিবিধিতে বাধা না-দিবার আদেশ অসহযোগনেতারা করিয়াছিলেন শুনিয়াছি। কিন্তু এই আদেশ সর্বত্র পালিত হয় নাই। একরূপ ব্যবহার সাতিশয় নিন্দনীয়। বাইসিকুল হইতে অনেককে নামান হইয়াছিল, গাড়ী করিয়া আফিস আদালত যাওয়ায় অনেককে বাধা দেওয়া হইয়াছিল, ইত্যাদি। লোকের স্বাধীনতায় একরূপ হস্তক্ষেপ অত্যন্ত গর্হিত। রেলওয়ে ষ্টেশনে অনেক যাত্রীর যাতায়াতে ও মোট বহায় অসহযোগীস্বৈচ্ছাসেবকেরা সাহায্য করিয়াছিলেন। ইহা খুব প্রশংসনীয়। কিন্তু রেলের যাত্রীদের যেসব অসুবিধা হরতালের জন্ত ঘটিয়াছিল এবং অসহযোগীরা যাহা নিবারণ করিতে পারেন নাই, তাহা দুঃখের বিষয় এবং তাহার জন্ত অসহযোগ প্রচেষ্টার অখ্যাতি হইয়াছে।

আর 'বেশী দৃষ্টান্ত দিবার প্রয়োজন নাই। ভবিষ্যতে যাহাতে কাহারও স্বাধীনতায় হস্তক্ষেপ করা না হয়, সে বিষয়ে সকলেরই মনোযোগী হওয়া কর্তব্য। প্রত্যাল হইলেই আমাদের মোক্ষলাভ হইবে না, না হইলেও কিছু ক্ষতি নাই। সর্বসাধারণের ইচ্ছা অনুসারে যে কাজ হইবে, তাহা জানার মূল্য আছে। অসহযোগীরা জোর করিয়া কোন স্থলে হরতাল ঘটাইলে তাহার কোন মূল্য নাই, গবর্নমেন্টও কোথাও জোর করিয়া হরতাল হইতে না দিলে তাহারও কোন মূল্য নাই।

অসহযোগীরা হরতালের সপক্ষে তাঁহাদের বক্তব্য বলুন এবং সরকার-পক্ষ হরতালের বিরুদ্ধে তাঁহাদের বক্তব্য বলুন, কিম্বা উভয়পক্ষই কাহাকেও কিছু বলিবেন না; এইরূপ

হইলেই ভাল হয়। সাক্ষাৎ বা পরোক্ষ জোরজবরদস্তী কোন পক্ষেরই ভাল নয়।

দাশ-পরিবার

শ্রীযুক্ত চিত্তরঞ্জন দাশ মহাশয়ের কার্যকলাপের যাহারা সমালোচক, তাঁহারাও স্বীকার করিবেন, যে, তিনি, তাঁহার পত্নী, তাঁহার ভগিনী ও তাঁহার পুত্র একই কার্যে একপ্রাণতা ও সাহসের সহিত ব্রতী হইয়া প্রশংসাজনন হইয়াছেন। পারিবারিক এই একপ্রাণতা বিষয়ে তিনি সৌভাগ্যবান। শুধু "সৌভাগ্যবান" বলিলে কম বলা হয়। তাঁহার প্রভাবে যে তাঁহার পরিবারবর্গ অনুপ্রাণিত হইয়াছেন, তাহাতে তাঁহার রাজনৈতিক মত সম্বন্ধে অকপটতা এবং তাঁহার শক্তির পরিচয় পাওয়া যায়। লর্ড রোনাল্ডশের সহিত সাক্ষাৎকারের পরও তিনি নিজের মত ও আদর্শে স্থির থাকায় তাঁহার দৃঢ়তা সপ্রমাণ হইয়াছে।

তাঁহার পত্নী শ্রীমতী বাসন্তী দেবী, তাঁহার ভগিনী উর্মিলা দেবী এবং শ্রীমতী সুনীতি দেবী রাজপথ বাহিয়া চলিয়া স্বৈচ্ছাসেবকের কাজ করিয়া সাহসের পরিচয় দিয়াছেন। এই উপলক্ষ্যে ষ্টেট্‌স্ম্যান্ কাগজ, "হিন্দুর সামাজিক ও পারিবারিক প্রথা ও আদর্শের মূলে কুঠারাঘাত করা হইতেছে," ইত্যাকার চীৎকার করায়, হাস্যস্বরণ কঠিন হইয়াছে। হিন্দুর রক্ষার ভার এই কাগজটাকে কে দিল? লোকহিত ও রাষ্ট্রহিত সাধন জন্ত হিন্দুনারীর ধর্মসংগত সব কিছু কাজ করিবার অধিকার আছে; হিন্দুর ইতিহাসে তাহার প্রমাণ ও নজীর আছে।

মহিলার গ্রেপ্তার

শ্রীমতী বাসন্তী দেবী প্রভৃতিকে গ্রেপ্তার করার দেশে একটা খুব সাড়া পড়িয়া গিয়াছে। পড়িবারই কথা। কিন্তু যাহারা ধৃত হইয়াছিলেন, তাঁহারা তজ্জন্ত প্রস্তুতই হইয়া গিয়াছিলেন; সুতরাং তাঁহাদিগকে গ্রেপ্তার করার তাঁহারা বিস্মিত হন নাই। বস্তুতঃ পুরুষ ও নারীর রাষ্ট্রীয় অধিকার ও দায়িত্ব সমান, যাহারা ইহা বিশ্বাস করেন, তাঁহারা কখন একরূপ আশা করেন না ও করিতে পারেন না, যে, যে-কাজ পুরুষের পক্ষে বেআইনী বলিয়া

গণিত হইবে, নারী তাহা করিয়া অব্যাহতি পাইবেন। নারীদের মুখেই শুনিয়াছি, যে, তাঁহারা মনে করেন, নারীকে নারী বলিয়া কোন প্রকার কৃপা প্রদর্শন করিয়া সরকারী আদেশ লঙ্ঘনের শাস্তি হইতে অব্যাহতি দিলে নারীর অপমান করা হইবে। শিশু যেমন কোন-একটা কাজ করিলে তাহা দণ্ডনীয় বিবেচিত হইলেও লোকে বলে, “আহা, ছেলেমানুষ, ওকে কিছু বোলো না,” নারীকে কতকটা সেই ভাব হইতে অব্যাহতি দিলে তাঁহার অপমান করা হইবে বটে। তবে যদি বলেন, যে-সব পুরুষের শিভ্যালরী (chivalry—ইহার ঠিক বাংলা প্রতিশব্দ নাই) আছে, নারীদিগকে গ্রেপ্তার করা তাদের উচিত নয়, তাহা হইলেও এরূপ অব্যাহতি লইতে নারীরা রাজী হইবেন না। কারণ, এ পর্য্যন্ত যে-সব কাজ পুরুষেরাই করিয়া আসিতেছিলেন, যে-সব মহিলা তাহাতে হাত দিবেন, তাঁহারা আপনাদিগকে দেশের ভৃত্যই মনে করিবেন, পুরুষ বা নারী তাঁহারা কোন জাতীয় ভৃত্য তাহা কেহ বিবেচনা করিবে, তাহার আশা করিবেন না। আর, শিভ্যালরীর কথা তুলিলে ইহাও বলি, ইংলণ্ডে নারীর ভোট প্রাপ্তির আন্দোলনে যে-সব মহিলা যোগ দিয়াছিলেন, তাঁহারা বেরূপ অকথ্য ব্যবহার কখন কখন পাইয়াছিলেন, এবং সম্প্রতি কেয়ুঁজে সমান পরীক্ষা দিয়া সমান কৃতিত্বের জন্ত মেয়েদের ও ছেলেদের সমান উপাধি ও অধিকার লাভ আন্দোলন সম্পর্কে তথাকার পুরুষ ছাত্রেরা নারী কলেজ নিউনহ্যামের উপর বেরূপ অত্যাচার করিয়াছে, তাহাতে অল্প জাতি অপেক্ষা ইংরেজ জাতির নিকট শিভ্যালরী জিনিষটার বেশী আশা করা উচিত নয়।

আমরা দুটি কারণে আমাদের দেশে মেয়েদের এমন ভাল কাজও করিবার পক্ষে নহি, যাহাতে ধৃত ও কারারুদ্ধ হইবার সম্ভাবনা আছে। প্রথম কারণ এই, যে, পুরুষ কয়েদীদের উপর অত্যাচার ও তাহাদের লাঞ্চার প্রতিকার করিতে আমরা অসমর্থ; তথাপি আমরা তাহা সহ্য করিতে পারি। কিন্তু নারী বন্দি হইলে এমন অপমান ভারতীয় ও ইউরোপীয় উভয়বিধ রাজভৃত্য দ্বারাই কখন কখন হইতে পারে, যাহা অসহ্য এবং যাহাতে অহিংসাবৃত রক্ষা করা অসম্ভব হইতে পারে। কিন্তু আমরা চাই না, যে, অহিংসা

বৃত্ত ভঙ্গ করিবার কোন উত্তেজক কারণ ঘটে। দ্বিতীয় কারণ এই, যে, আমরা যদিও আবশ্যিক হইলে নারীর যে কোন বৈধ কাজ করার আপত্তি করি না, তথাপি কোন প্রকার সংগ্রাম মাতৃজাতির উপযোগী ও প্রধান কাজ মনে করি না। অবশ্য, কোন প্রকার সংগ্রাম করিতে পুরুষের অভাব ঘটিলে নারী অবতীর্ণ হইতে পারেন। নারীকে পুরুষ অপেক্ষা নিকৃষ্ট মনে করিয়া আমরা একথা বলিতেছি না, নারীর বিশেষত্ব বশতঃ বলিতেছি। বাংলা দেশে পুরুষের অভাব হইলে নারীর সংগ্রামের কাজে নামিতে পারেন। শ্রীযুক্ত চিত্তরঞ্জন দাশ ও তাঁহার পুত্রের কোন অপৌরুষ হয় নাই, কারণ তাঁহারা রণে নামিয়াছেন। কিন্তু অগ্ন্যস্ত্র স্থানে ও পরিবারে পিতা স্বামী ভ্রাতা পুত্র জেলের বাহিরে থাকিতে কোন নারী রণে নামিলে পুরুষ আত্মীয়দের কাপুরুষতা প্রমাণিত হইবে, ইহা মনে রাখিতে হইবে। অবশ্য কোন সরকারী আইন বা আদেশ লঙ্ঘন কেহ করিবেন কিনা, তাহা প্রত্যেকে নিজে স্থির করিবেন, এবং লঙ্ঘন করা স্থির করিলে আমরণ দণ্ডকে বরণ করিয়া লইবেন। অল্প সব দেশের কথা বলিতে পারি না, কিন্তু এদেশের হাজত ও জেলগুলির নৈতিক অবস্থা বেরূপ শুনিয়াছি, তাহাতে ওরূপ অশুচি স্থানে মহিলাদের অবরোধ কল্পনা করিতেও প্রবৃত্তি হয় না।

রাজনৈতিক কারণে দণ্ড দিবার সময় গবর্নমেন্ট পুরুষ নারী নির্কিশেষে দণ্ড দিতে বাধ্য হইতে পারেন। সেইজন্য পুলিশ বিভাগের যে-একটি সংস্কার বহু পূর্ক হইতেই হওয়া উচিত ছিল, তাহা এখন করা কর্তব্য। অনেক সভ্য দেশে নারী-পুলিশের ব্যবস্থা হইয়াছে। যে-সব দেশে স্ত্রীস্বাধীনতা প্রচলিত আছে, সেখানে পুরুষেরা সচ্চরিত্রা নারীদিগকেও গৃহের বাহিরে দেখিতে অভ্যস্ত; এইজন্য কোন নারীকে গৃহের বাহিরে দেখিলেই তাহাদের মনের মধ্যে অসম্মানের ভাব জাগা অব্যক্তাবী নহে। তথাপি সেইরূপ অনেক দেশে নারীজাতীয় পুলিশ কর্মচারী নিযুক্ত হইয়াছেন। আমাদের দেশে অনেক প্রদেশে ভদ্রমহিলাদের বাড়ীর বাহিরে সর্বত্র উন্মুক্ত স্থানে যাইবার রীতি নাই। এইজন্য সেরূপ অবস্থায় ও স্থানে তাঁহাদের কাছাকাছ দেখিলে অসম্মানের ভাব মনে আসিতে পারে। এবিধ নানা

কারণে এদেশে নারী-পুলিশের প্রয়োজন বেশী। রাষ্ট্রীয় নানা ব্যাপারে নারীরা নিরস্ত্র সংগ্রামে অবতীর্ণ হইবেন বলিয়া বুঝা যাইতেছে। এইজন্য গবর্ণমেন্টের আগে হইতে সভ্য ব্যবহার করিবার নিমিত্ত প্রস্তুত থাকা দরকার। এমনিই ত রাজনৈতিক কারণে নারীর কল্যাণ হইলে আমাদের দেশে খুব উত্তেজনা হইবে। তাহার উপর যদি দৃষ্টিতা নারীর কোন ব্যক্তিগত অপমান হয়, তাহা গবর্ণমেন্টের পক্ষে ও দেশের পক্ষে ভাল হইবে না।

“আইনসঙ্গত” ও বে-আইনী নিগ্রহ

আগে হইতেই কাগজে পড়িতেছিলাম ও লোকমুখে শুনিতেছিলাম, যে, কোন কোন গোরাসৈন্য, সার্জেন্ট, সিভিল গার্ড, প্রভৃতি সরকার-পক্ষের লোক ধৃত স্বেচ্ছাসেবক-দিগকে, এবং অধৃত রাস্তার পথিক এবং দোকানের লোককে মারপিট করিয়া থাকে। এই প্রকারের কতকগুলি সংবাদ যে সত্য তাহাতে আমাদের কোন সন্দেহ ছিল না। কাহারো কোন সন্দেহ থাকিলে প্রিন্সিপ্যাল হেরম্বচন্দ্র মৈত্র মহাশয়ের প্রতি কলেজ স্ট্রীটে গোরা সেনানায়কের আক্রমণে সে সন্দেহ দূর হওয়া উচিত।

এরূপ মারপিটের কারণ সম্বন্ধে প্রধানতঃ দুই প্রকার মত শুনা যায়। একটি মত এই, যে, এসব মারপিটের জন্ত, যাহারা উহা করে, তাহারাই দায়ী; পুলিশ-কর্তৃপক্ষের বা গবর্ণমেন্টের বিনা আদেশে ও অজ্ঞাতসারে উহা ঘটে। আর-একটি মত এই, যে, আইন-অনুযায়ী দণ্ড রাজনৈতিক অপরাধীদের পক্ষে পুলিশ কর্তৃপক্ষ বা গবর্ণমেন্ট যথেষ্ট মনে না করায়, প্রহারের ব্যবস্থা তাঁহাদের চোখু-টিপুনি বা আদেশ অনুসারেই হয়। শেষ মতটির সমর্থন করিতে হইলে অনেক প্রমাণের আবশ্যক হয়; তাহা সম্প্রতি এদেশে এপর্যন্ত কেহ সর্বসাধারণের সমক্ষে উপস্থিত করেন নাই। কিন্তু এরূপ যদি ঘটে, যে, কর্তৃপক্ষের নিকট মারপিটের সত্য অভিযোগ উপস্থিত করিলেও অভিযুক্ত ব্যক্তির কোন সাজা হয় না, তাহা হইলে মনে করিতে হইবে, যে, কর্তৃপক্ষ মারপিটের ছকুম দিয়া থাকুন বা না দিয়া থাকুন, উহা তাঁহাদের অননুমোদিত নহে। দৃষ্টান্তরূপ বলা যাইতে পারে, যে, শ্রদ্ধাস্পদ মৈত্র মহাশয়কে যে অপমান ও আঘাত করিয়াছে এবং যে বীর-বশতঃ নিজের নামটি দেয় নাই, তাহাকে আবিষ্কার করা খুব সোজা; মৈত্র মহাশয় সমুদয় ব্যাপার লাট সাহেবকে জানাইয়াছেন। সর্বসাধারণে লক্ষ্য রাখিবেন, আক্রমণকারীর কিরূপ সাজা হয়।

গবর্ণমেন্টের আদেশে বে-আইনী মারপিটের কোন প্রমাণ এদেশে সম্প্রতি কেহ দিতে পারেন নাই বটে, কিন্তু বিলাতী গবর্ণমেন্টের প্রধান মন্ত্রী ও প্রধান সেক্রেটারীর

সম্পূর্ণ জ্ঞাতসারে ও আদেশে আয়ারল্যান্ডে ইহা অপেক্ষাও গুরুতর বে-আইনী প্রতিহিংসার কাজ বর্তমান সময়ে বে হইয়াছে তাহার প্রমাণ ১৯২১ সালের ২৮শে মে তারিখের “দি নিউ স্ট্রেটস্ম্যান” নামক প্রসিদ্ধ বিলাতী কাগজে আছে।

উপরে লিখিত প্রথম মতটি সহজেই গ্রহণ করা যাইতে পারে। কিন্তু মারপিট যে কারণেই ঘটুক, সে-সম্বন্ধে সভ্য গবর্ণমেন্ট মাত্রেরই একটি কর্তব্য আছে। আইন অনুসারে বিচারের পর দণ্ডের একটা সুবিধা এই আছে, যে, দণ্ডের প্রকার ও মাত্রা অপরাধ অনুযায়ী করিতে পারা যায়, এবং, কর্তৃপক্ষের ইচ্ছা থাকিলে, প্রতিহিংসাপরায়ণতা বাদ দেওয়া যায়। কিন্তু বিনা বিচারে যাহাকে তাহাকে মারপিটের ব্যবস্থা করিলে কিম্বা উহার প্রশয় দিলে, ঋণের মর্যাদা থাকে না, অপরাধী-নিরপরাধের ভেদ থাকে না; প্রতিহিংসাপরায়ণতা বাড়ে, এবং প্রস্তুত ব্যক্তির চর্চাও মৃত্যুও হইতে পারে। ইহাতে কর্তৃপক্ষের সভ্যতার দাবী লোপ পায়, এবং তাঁহারা লোকের সম্মানের আর অধিকারী থাকেন না। যে-গবর্ণমেন্ট যত শক্তিশালীই হউন না কেন, কেবল ভয় উৎপাদন দ্বারা কেহই বেশী দিন প্রভুত্ব রক্ষা করিতে পারেন না। ভয় কাটিয়া যায়,—যেমন এদেশেও দ্রুত যাইতেছে। ব্রিটিশ গবর্ণমেন্টকেই ত লোকে আর আগেকার মত ভয় করে না। সর্বসাধারণের প্রীতি, শ্রদ্ধা ও সম্মানের উপর গবর্ণমেন্টের স্থায়িত্ব নির্ভর করে। এইজন্য আমরা চাই না, যে, গবর্ণমেন্ট এরূপ কিছু হইতে দেন, যাহাতে তাঁহাদের প্রতি লোকের শ্রদ্ধা যদি কিছু এখনও বাকী থাকে, তাহাও লুপ্ত হয়। যদি কোন শ্রদ্ধা না থাকে, তাহা হইলে তাহা আবার জন্মে, ইহা আমরা ইচ্ছা করি। এই কথা শুনিয়া কেহ কেহ হয়ত বিস্মিত হইতে পারেন। কিন্তু বিশ্বয়ের কোন কারণ নাই।

যাহারা বিস্মিত হইবেন, তাঁহারা বলিতে পারেন, “তোমরা ত চাওই যে বর্তমান গবর্ণমেন্টের পরিবর্তে স্বরাজ স্থাপিত হউক। তোমরা বলিতেছ, যে, কোন গবর্ণমেন্টের উপর লোকের শ্রদ্ধা না থাকিলে তাহা বেশী দিন টিকিতে পারে না। বেশ, তাহা হইলে বর্তমান গবর্ণমেন্ট অশ্রদ্ধেয় হইয়া বিনষ্ট হইলে ত তোমাদের অভীষ্টই সিদ্ধ হয়। তবে আবার উহার প্রতি শ্রদ্ধার অবশিষ্ট অংশ রক্ষিত হইবার জন্ত কিম্বা লুপ্ত শ্রদ্ধার পুনরুদ্ধারের জন্ত কেন ইচ্ছা প্রকাশ করিতেছ ?” তাহার কারণ বলি। আমরা যে পূর্ণ স্বাধীনতা চাই, তাহা অতি স্পষ্ট ভাষায় পূর্বেও অনেকবার বলিয়াছি এবং এখনও বলিতেছি। কিন্তু ঐ স্বাধীনতালাভের পথ অহিংসার উপর প্রতিষ্ঠিত করিতে হইবে, ইহাও বলিয়াছি।

হিংসার মানে যে শুধু কাহারো প্রাণবধ বা প্রাণবধের ইচ্ছা, তা নয়; কাহারও কোন প্রকার অনিষ্ট, করিবার

ইচ্ছা বা অনিষ্ট হউক এই কামনাও হিংসা। ভারতবর্ষের উপর ব্রিটিশ জাতির প্রভুত্ব নষ্ট হউক, এরূপ ইচ্ছা হিংসা নহে; কারণ তাহাদের সাম্রাজ্য গেলে তাহাদের মঙ্গলই হইবে; সুইডেন, নরওয়ে, ডেনমার্ক, সুইজারল্যান্ডের কোন সাম্রাজ্য নাই; কিন্তু সেইসব দেশের লোকেরা ইংরেজদের চেয়ে কম ধার্মিক, সুখী ও সভ্য নহে। কিন্তু ভারতশাসক ব্রিটিশ জাতির চারিত্রিক অধঃপতন হউক, তাহারা আমাদের উপর এরূপ বে-আইনী গৃহিত ব্যবহার করুক যে তাহাতে তাহাদের প্রতি আমাদের শ্রদ্ধা নষ্ট হইয়া যাক এবং এই প্রকারে এদেশে তাহাদের সাম্রাজ্য নষ্ট হউক, এইরূপ ইচ্ছা নিশ্চয়ই হিংসা। এইজন্য আমরা এরূপ ইচ্ছা করি না।

তন্নিম্ন, ব্রিটিশ কর্তৃপক্ষ প্রতিহিংসাপরায়ণ হইয়া আইন-বহির্ভূত শাস্তি যাহাকে-তাহাকে দিবার আদেশ করিলে অর্থাৎ বিনা বিচারে যাহাকে-তাহাকে মারপিট করাইবার বন্দোবস্ত করিলে, এই হিংসায় জনসাধারণের প্রতিহিংসাও জাগিয়া উঠিবে। তাহাতে উভয় পক্ষের মধ্যে মারামারি খুনোখুনি হইয়া শেষ ফল কি দাঁড়াইবে, বলা যায় না। তবে, তাহাতে শাস্তিপূর্ণ নিরুপদ্রব বিপ্লব যে ঘটবে না, ইহা নিশ্চিত; রক্তাক্ত বিপ্লব ঘটবারই সম্ভাবনা; তাহা আমরা চাই না। আমরা ইংরেজের ও অগ্র জাতিদের সহিত সম্ভাব রাখিয়া স্বাধীন হইবার চেষ্টা করিতে চাই।

“আইন” ও “বিচার”

ইংরেজীতে একটা পরিহাস, বাঙ্গ বা বিদ্রূপ আছে, যে, The law is an ass, “আইন গাধা।” কথাটা সর্বৈব মিথ্যা নয়। অমৃতসরের জালিয়ানওয়ালার বাগে শত শত লোককে ডায়ারের ছকুমে কতক গুলা সিপাই বিনা বিচারে বিনা দোষে খুন করিল; কিন্তু ছকুম যে দিল এবং যাহারা ছকুম তাগিল করিল, তাহাদের কাহারো একদিনের জেলও, বিনাশ্রমেও জেল হইল না। চাঁদপুরে স্থানীয় উচ্চতম রাজত্বতাদের ছকুমে ও তাহাদের সাক্ষাতে গুর্খারা কলিদিগকে প্রহার করিল, রক্তপাত হইল; কিন্তু ছকুমদাতা ও প্রহারকর্তা কাহারও একদিনেরও জেল হইল না। টিকুর ও বেঙ্গারীর মধ্যে রেলপথে প্রায় ৭০ জন মোপ্লা বন্দী সচল অন্ধকূপের মত একখানা মালগাড়ীতে দন্ বন্ধ হইয়া মারা গেল; কিন্তু এপর্যন্ত কাহারও একদিনেরও জেল হইল না—পরে হইতেও পারে। কলিকাতার হাজতে, থানায়, রাস্তায় এবং দোকানে অনেক লোককে রাজত্বতা কোন কোন শাস্তি ও কাল মনুষ্য প্রহার করিল, ফেলিয়া দিল, অপমান করিল, বলিয়া কাগজে প্রকাশ; কিন্তু কাহারো একদিনেরও জেল এপর্যন্ত হইল না। কিন্তু লোককে হরতাল করিতে বলায়, খন্দার পরায় এবং বন্দেমাতরম্ বলায় অনেকের জেল, সশ্রম জেল, তিনমাস ছয়মাস চটপট জেল হইতেছে। আবার ঠিক

এইরকম “অপরাধেই” এলাহাবাদে বিনাশ্রমে জেল হইতেছে। অথচ সর্বত্রই ইংরেজের আইন অনুসারে একই কারণে সশ্রম ও বিনাশ্রম দুইরকম দণ্ড হইতেছে।

“আইনের” মহিমা, “বিচারের” মহিমা, বুঝে কার সাধ্য!

রাষ্ট্রীয় বিষয়ে আমাদের অযোগ্যতা

ইংরেজরা বলেন, যে ভারতীয়েরা রাষ্ট্রীয় কাজ চালাইবার যোগ্যতা অর্জন করিলেই স্বরাজ পাইবে; এখন তাহারা অযোগ্য আছে, এইজন্য তাহাদিগকে রাষ্ট্রীয় কর্তৃত্ব দেওয়া হয় নাই। আমরা যে রাষ্ট্রীয় ব্যাপার বুঝিতে অসমর্থ, তাহাতে কোন সন্দেহ নাই। এই দেখুন না আমরা ভাবিতেছিলাম, ইংরেজদের হয়ত যথেষ্ট সৈন্ত নাই ও যথেষ্ট কামান বন্দুক নাই, এইজন্য মোপ্লা-বিদ্রোহ দমনে বিলম্ব ঘটতেছে; কিন্তু কলিকাতার সহরে কোথাও কোথাও কলের কামান ও গোরাসৈন্ত বসানতে এবং বেনারসের কোন কোন পথে বন্দুক হস্তে রাজত্বতাদের পরিক্রমণে বুঝিতে পারা গিয়াছে, যে, সব সৈন্ত ও সব অস্ত্র মালাবারে প্রেরিত হয় নাই। এবং খুব বীর সৈন্তও যে এখনও মালাবারে প্রেরিত হয় নাই, তাহারও প্রমাণ কলিকাতার রাস্তায় পাওয়া গিয়াছে। কারণ, তাহাদের কেহ কেহ মারপিট করিয়াছে, নিরস্ত্র লোকদের বুকের ও মুখের উপর রিভলভার ধরিয়াছে, নিরস্ত্র পথিকদের পশ্চাতে বন্দুক লইয়া তাড়া করিয়া গিয়াছে, বৃদ্ধ মনুষ্যকে ধাক্কা দিয়া ফেলিয়া দিয়াছে, এবং নাম জিজ্ঞাসা করায় এরূপ প্রশ্নে বিন্দুমাত্রও ভীত না হইয়া তাহা অগ্রাহ করিয়াছে ও নাম বলে নাই। এসব আমরা কিছুই বুঝিতে পারি না। সুতরাং রাষ্ট্রীয় কার্য পরিচালনে যে অযোগ্যতা আমাদের আছে, তাহাতে আর ভুল কি?

শুধু সরকারী ইংরেজদের রাজনীতিই যে আমরা বুঝিতে পারি না, তা নয়, বেসরকারী ইংরেজদের এবং তাহাদের প্রভাবাধীন দেশী লোকদের রাজনীতিও আমাদের বুদ্ধির অগম্য। সেইজন্য বুঝিতে পারি নাই, কেন ইংরেজের ইণ্ডিয়ান ডেলী নিউস্ প্রিন্সিপ্যাল মৈত্র মহাশয়ের লাঞ্জনাকে তাঁহার “adventure” বলিয়া শিষ্টাচার, মানবিকতা ও রসিকতার চূড়ান্ত পরিচয় দিয়াছেন। তাঁহার অপরাধ এই, যে, তিনি কতকগুলা গোরাকে বন্দুক লইয়া অনেক নির্দোষ নিরস্ত্র পথিকের পশ্চাৎ ধাবন করিতে দেখিয়া ভয়ে “চাচা আপনা বাঁচা” মন্ত্রের সাধন করিতে করিতে বাড়ী যান নাই, গোরাদিগকে নিবৃত্ত করিতে চেষ্টা করিয়াছিলেন, ফলে গোরাদের নায়ক তাঁহাকে ধাক্কা দিয়া রাস্তায় ফেলিয়া দিয়াছিল, এবং তিনি তাহার নাম আনিতে চাওয়ার বীর-পুঙ্গবেরা বলে নাই। নিউ এম্পায়ার একজন ধনী মাড়োয়ারীর কাগজ। ইহাতে মৈত্র মহাশয়ের লাঞ্জনাকে alleged assault বলা হইয়াছে। এই অতিভক্তি বা

অতিসাবধানতার রহস্য উদ্ভেদ করিতেও আমরা পারি নাই। Assault সম্বন্ধে কোন সন্দেহ আছে কি ?

ছাত্রদের স্কুলকলেজ ত্যাগ

অসহযোগের নেতাদের পরামর্শ অনুসারে একবার ছাত্রেরা স্কুলকলেজ ছাড়িয়াছিল। আমরা তখন তাহার বিরোধী ছিলাম। এক্ষণে আবার তাহাদিগকে স্কুলকলেজ ছাড়িতে বলা হইতেছে। তাহারা অনেকে কলেজে যাইতেছে না। কাগজে দেখিতেছি, তাহারা গবর্ণমেন্টের দমননীতির প্রতিবাদ স্বরূপ এইরূপ করিতেছে। ইহার ঠিক অর্থ আমরা বুঝিতে পারিতেছি না। অসহযোগ-নেতারা সকলকে স্বেচ্ছাসেবক হইয়া হরতাল প্রচার করিতে বলিয়াছেন, এবং ধৃত হইলে আত্মপক্ষ সমর্থন না করিয়া জেলে যাইতে প্রস্তুত থাকিতে বলিয়াছেন। তাঁহাদের মত এই, যে, গবর্ণমেন্টের যুকুম অগ্রাহ্য করিয়া ষত লোক জেলে যাইবেন, স্বরাজ্য ততই নিকটবর্তী হইবে। তদনুসারে দলে দলে সাহসী স্বেচ্ছাসেবকেরা হরতাল প্রচার করিতেছেন ও ধৃত হইয়া কারাদণ্ডে দণ্ডিত হইতেছেন। অসহযোগ-নেতারা যাহা চান, তাহাই হইতেছে। সুতরাং অসহযোগীদের পক্ষ হইতে ইহার প্রতিবাদ কেন করা হইবে বুঝিতে পারি না। অত্রেরা দমননীতি যদি ভাল মনে না করেন, তাহা হইলে কারণ দেখাইয়া তাহার প্রতিবাদ করিতে পারেন। আমাদের বোধ হয়, যে-সব ছাত্র ও অল্প লোক দমননীতির প্রতিবাদ করিতেছেন, তাঁহারা পূর্ণমাত্রায় অসহযোগী নহেন। যাহারা স্বেচ্ছাসেবক নহেন, তাঁহাদিগকে গ্রেপ্তার করা ও দণ্ড দেওয়ার নিন্দা এবং স্বেচ্ছাসেবক ও অল্প লোকদিগকে প্রহার করার নিন্দা সহযোগী অসহযোগী সকলেরই করা কর্তব্য মনে করি।

ছাত্রদের মধ্যে যাহারা অসহযোগী, তাঁহারা গবর্ণমেন্টের দমননীতির প্রতিবাদ করিতে পারেন না, এবং প্রতিবাদ স্বরূপ কলেজে অনুপস্থিত হইতে পারেন না। অবশ্য অল্প সকলের মত তাঁহারাও কতকগুলি সরকারী বা সরকার পক্ষের লোকদের গুণ্ডামির প্রতিবাদ করিতে পারেন। কিন্তু প্রতিবাদ করিয়া কলেজে অনুপস্থিত হওয়ার বা কলেজ ত্যাগ করার অর্থ আমরা বুঝিতে পারি না। তাঁহারা পড়াশুনা বন্ধ করিলে বা রাখিলে গবর্ণমেন্টের সদ্য সদ্য বা ভবিষ্যতে ক্ষতিগ্রস্ত ও ক্ষয় হইবার সম্ভাবনা আছে কি না, ও থাকিলে কতটুকু আছে, তাহা ভাবিয়া দেখা কর্তব্য। উদ্ভেজনা বশতঃ কেবল নিজেদের ক্ষতি করা উচিত নয়।

আমরাও এক সময়ে যুবক ছিলাম। যুবকদের মহাপ্রাণতা ও সমবেদনাপ্রবণ হৃদয়ের মর্ম্ম আমরা বুঝিতে পারি। তাঁহারা ভাবিতেছেন, “আমাদের এত ভাই মার যাইতেছে

ও জেলে যাইতেছে, আর আমরা আরামে মজার দিন কাটা-ইব ?” এরূপ মনোভাবকে আমরা অবিমিশ্র শ্রদ্ধা করি। এবং শ্রদ্ধার সহিতই আমরা যুবকদিগকে কয়েকটি কথা বলিতেছি। আমরা স্বয়ং জেলে না-যাইবার জন্ত প্রাণপণ না করিলেও যাইবার জন্ত ব্যগ্র নহি, এই-জন্ত তাঁহাদিগকেও জেলে যাইবার পরামর্শ দিব না, অনুরোধও করিব না; কিন্তু একথাও বলিব না, যে, জেলে না-যাওয়াটাই প্রধান কর্তব্য এবং মনুষ্যত্ব বিসর্জন দিয়াও তাঁহাদিগকে জেলের বাহিরের জগৎটাকে আঁকড়িয়া ধরিয়া থাকিতে হইবে।

শিক্ষালাভ ভোজ খাওয়ার মত কিছা রংতামাসা দেখার মত আরাম মজা বা বিলাস নহে। সুতরাং সঙ্গীরা জেলে গিয়াছে আর আমরা আমোদ প্রমোদ করিব, প্রকৃত বিদ্যার্থীদের এরূপ ভাবিবার কারণ নাই। তবে ছাত্রদের মধ্যে যাহারা আমোদ-প্রমোদে মত্ত, তাঁহাদের এবং সকল লোকেরই জাতীয় দুঃখের দিনে সর্বপ্রকার আমোদ প্রমোদ ও বিলাস ত্যাগ করা যে উচিত, তাহাতে সন্দেহ নাই। কিন্তু যদি দেখি, যে, ছাত্রেরা কলেজ যাইতেছেন না, কিন্তু থিয়েটার, সিনেমা, ঘোড়দৌড়ের মাঠ ইত্যাদি আমোদের জায়গায় তাঁহারা যাইতেছেন, তাহা হইলে নিশ্চয়ই তাঁহাদের জেলবাসী সঙ্গীদের সহিত সমবেদনা প্রকাশকে ভগ্নামি ভিন্ন কিছুই মনে করিতে পারিব না, এবং আমোদনিরত ব্যক্তিদের প্রতি একটুও শ্রদ্ধা রাখিতে পারিব না। জাতীয় অপমান দুর্গতি নিগ্রহ যাহাদিগকে বাস্তবিক পীড়া দেয়, তাঁহারা আমোদ প্রমোদ রং তামাসার ধার দিয়া যান না। যাহারা বাস্তবিক পীড়া বোধ করেন, কারাবাসীদের প্রতি যাহারা সমবেদনা বোধ করিতেছেন, তাঁহারা যদি জেলে যাইবার জন্ত ব্যগ্র হন, তজ্জন্ত ভগ্নামির জন, এবং জেলে যান, তাহাতে আমরা তাঁহাদের এরূপ সঙ্গী সমবেদনাকে শ্রদ্ধা ও সম্মান করিব। কিন্তু যাহারা জেলে যাইতেছেন না, তাঁহাদের সমবেদনা-বোধ নাই, হতাশ মনে করিতে পারি না। জেলেই থাকুন, আর জেলের বাহিরেই থাকুন, যিনি জাতীয় দুর্গতির দিনে তাহার উপযুক্ত প্রকার জীবন যাপন করেন এবং দুর্গতি দূর করিবার চেষ্টা নিজ শক্তি ও সাধ্য অনুসারে করেন, তিনিই দেশভক্ত ও স্বজাতিবৎসল।

হরতাল না-করিতে কেহ ধর্ম্ম বা আইন অনুসারে বাধ্য নহে, হরতাল করিতেও কেহ বাধ্য নহে। করা বা না-করার স্বাধীনতা প্রত্যেকের আছে। করিতে বা না-করিতে বলিবার অধিকার প্রত্যেকের আছে; কিন্তু কোনদিকেই কোন প্রকার বল প্রয়োগ করিবার বা চাপ দিবার অধিকার কাগরও নাই। “এখন আমাদের জাতীয় দুর্গতির ও অপমানের দিন, আমাদের মনে সূখ ও সন্তোষ নাই, আমাদের ব্যবহার তদ্রূপ হওয়া উচিত, এইজন্য আমরা

যুবরাজের অভ্যর্থনা-উৎসবে সাক্ষাৎ বা পরোক্ষভাবে যোগ দিব না, এবং আমাদের মনোভাব প্রকাশার্থ হরতাল করিব,” হরতালকারীদের এবং তাহা করিবার পরামর্শদাতাদের বক্তব্য বোধ হয় এইরূপ। ইহা যদি তাঁহাদের হৃদয়গত কথা হয়, তাহা হইলে তাঁহারা আচরণে অকপট থাকিবার জ্ঞতা বাহা কিছু করা দরকার তাহা নিজ নিজ দায়িত্বে অবশ্যই করিবেন এবং তাহার ফলে যদি কোন দুঃখ আসে তাহাও বরণ করিতে তাঁহারা প্রস্তুত থাকিবেন। কিন্তু যদি দেখি, যে, যাহারা হরতাল করিতে বলিল বা করিল, তাহারা বা তাহাদেরই আত্মীয় ও অন্তরঙ্গ বন্ধুরা, এবং যাহারা জেলে গিয়াছে তাহাদেরই আত্মীয় অন্তরঙ্গ বন্ধুরা দলে দলে যুবরাজের অভ্যর্থনার অঙ্গীভূত আতসবাজী ঘোড়দৌড় আমোদ প্রমোদ জাঁকজমক সাজসজ্জা দেখিতে ভোগ করিতে কাতারে কাতারে দাঁড়াইয়াছে বা যাইতেছে, তাহা হইলে কেমন করিয়া বিশ্বাস করিব, যে, তাহারা হরতালের উদ্দেশ্য বুঝিয়াছিল, বা জাতীয় অপমান হুর্গতি তাহাদিগকে বিন্দু মাত্রও পীড়া দিয়াছে ?

অতএব ছাত্রদিগকে বলি, আপনারা ধীর শান্ত ভাবে মনটাকে ভাল করিয়া পরীক্ষা করিয়া সর্ববিধ আচরণে সজ্জিত রক্ষা করিয়া অকপট হউন, কেবল হুজুকে মাতিয়া নিজেদের ক্ষতি করিবেন না।

কংগ্রেসের একটি নির্ধারণ

কংগ্রেসের মত এই, যে, কোন ভারতীয়ের গবর্নমেন্টের কোন বিভাগে চাকরী করা উচিত নয়, পুলিশ বিভাগে ও সৈনিক বিভাগেও চাকরী করা উচিত নয়। করাচীর কনফারেন্সে এই মতের শেষ অংশটি একটি প্রতিজ্ঞার আকারে ধার্য হওয়ার সেই সংশ্রবে কয়েকজন নেতার জেল হইয়াছে। প্রতিজ্ঞাটিও নানাস্থানে প্রকাশ্য সভায় আবার নির্ধারণ করা হইয়াছে। যাহারা নিজেদের দায়িত্বে রাজদণ্ডের আশঙ্কাকে অগ্রাহ করিয়া এইরূপ প্রস্তাব ধার্য করিয়াছেন, সর্বসাধারণের প্রতি তাঁহাদের একটি কর্তব্যেও তাঁহাদের মন দেওয়া উচিত ছিল। এখনও সেই কর্তব্যে তাঁহারা মন দিতে পারেন। সহযোগী অসহযোগী আমরা সকলেই দেখিতেছি, যে, ভারতবর্ষের সব লোকের মন অহিংসাপরায়ণ শান্ত সংঘত ও নিরুপদ্রব জীবনযাত্রা নির্বাহের উপযুক্ত এখনও

হয় নাই; দাঙ্গা মারামারি খুনোখুনি করিবার লোক বিস্তর রহিয়াছে, এবং তাহারা হত্যা রক্তপাত উপদ্রব অশান্তি ঘটাইতেছে। এ অবস্থায় শান্তি রক্ষার জ্ঞতা লোক থাকা চাই। সরকারী পুলিশের ও সৈনিকের কাজ যদি নিষিদ্ধ হয়, তাহা হইলে শান্তিরক্ষা এবং অপরাধ (crime) উপদ্রব নিবারণ করিবার অত্ৰ কোন রকম বন্দোবস্ত এবং লোকও ত চাই? এইজ্ঞতা, কংগ্রেস ও খিলাফতদলের প্রত্যেক সভ্যের এই প্রতিজ্ঞা করা কর্তব্য, যে, তাঁহারা শান্তিরক্ষার জ্ঞতা প্রাণপণ চেষ্টা করিবেন।

হু এক জায়গায় এই দলের সভ্যদের চেষ্টায় শান্তিভঙ্গ ও উপদ্রব ঘটে নাই, ইহা খবরের কাগজে বাহির হইয়াছিল। কিন্তু সর্বত্র সকল সভ্যের ইহা একটি প্রধান কর্তব্য ও ব্রত বলিয়া গৃহীত হওয়া উচিত। তদ্বিম, যখন সরকারী সৈন্তদলে কোন ভারতীয়ের কাজ করাও কংগ্রেস ও খিলাফত কনফারেন্স গর্হিত বলিয়াছেন, তখন বহিঃশত্রু ও অন্তঃশত্রুর আক্রমণ হইতে দেশকে রক্ষা করিবার ভারও তাঁহাদের লওয়া উচিত। সুতরাং কংগ্রেসের ও খিলাফতদলের সভ্য হইতে হইলে যে প্রতিজ্ঞাপত্রে স্বাক্ষর করিতে হয়, তাহার মধ্যে এই প্রতিজ্ঞাও থাকা উচিত, যে, “আমি ভারতবর্ষকে বহিঃশত্রু ও অন্তঃশত্রুর আক্রমণ হইতে রক্ষা করিবার জ্ঞতা প্রাণ দিতেও প্রস্তুত হইলাম।”

অহিংসার সীমা

এইখানে এক কঠিন সমস্যা দেখা দিবে। অসহযোগীরা অহিংসাবাদী। কিন্তু যদি তাঁহাদিগকে ভিতরের ও বাহিরের সশস্ত্র শত্রুদিগের হাত হইতে দেশরক্ষা করিতে হয়, তাহা হইলে তাঁহারা অস্ত্র ধরিয়া যুদ্ধ করিবেন কি না? অস্ত্র ধরিয়া যুদ্ধ না করিয়া সশস্ত্র শত্রুকে, বিশেষতঃ বহিঃশত্রুকে নিরস্ত করিবার অত্ৰ কোন ফলদায়ী উপায় আছে কি?

এরূপ শান্তিপ্রিয় লোক পৃথিবীতে আছেন, যাহারা বহিঃশত্রুর আক্রমণ হইতে দেশরক্ষা করিবার জ্ঞতাও যুদ্ধ করিতে প্রস্তুত নহেন। ভারতীয় অসহযোগীরা ভাবিয়া দেখিবেন তাঁহারা সাহসী সেই শ্রেণীর লোক কি না।

আমরা ব্যক্তিগত ভাবে পুরামাত্রায় অহিংসাকারী হইতে সক্ষম হইতে পারি, নির্বিবাদে আততায়ীর হাতে প্রাণ দিতেও পারি; কিন্তু এক জায়গায় থটকা লাগে। আততায়ীর প্রাণ-

বধ ছাড়া নারীর উপর অত্যাচার নিবারণের যদি আর কোন উপায় না থাকে, তাহা হইলে আততায়ীর প্রাণবধ করা উচিত কি না ?

পুরুষের উপর অত্যাচার ও নারীর উপর অত্যাচারে প্রভেদ আছে। নারীর উপর অত্যাচারে তাঁহার জীবন একরূপ কালিমাময় দুর্ভেদ ও দুঃসহ হইতে পারে, যাহা অপেক্ষা মৃত্যুও শত গুণে শ্রেয়। ইহা নিবারণ করিবার জন্ত আবশ্যক হইলে আততায়ীর প্রাণ বধ করা উচিত নহে কি ? একজন দুর্ভেদের প্রাণ কি নারীর স্বচ্ছন্দ পরিভ্রমণ নারীজীবন অপেক্ষা অধিক পবিত্র ও মূল্যবান ? আমরা পুরুষজাতির পক্ষ হইতে এইসব কথা লিখিতেছি ; কারণ দেশের উপর শত্রুর আক্রমণ নিবারিত না হইলে নারীর অপমান অবশ্য-স্ভাবী, এবং যে পুরুষ তাহা সর্বপ্রযত্নে নিবারণ না করে, সে কাপুরুষ। নারীরা আত্মরক্ষার জন্ত স্বয়ং আততায়ীর প্রাণ বধ পর্য্যন্ত করা উচিত মনে করেন কি না, তাহা তাঁহারা স্থির করিবেন।

আমরা কংগ্রেস ও খিলাফতদলের কর্তব্য সম্বন্ধে যাহা লিখিলাম, তাহা লঘুচিত্ততাবশতই লিখিতেছি, কেহ যেন একরূপ মনে না করেন। পুলিশ ও সেনা বিভাগে কাজ না করার অনুরোধ যদি তাঁহারা অন্তরের সহিত করিয়া থাকেন, তাহা হইলে পুলিশ ও সৈনিকদের শাস্তিরক্ষার কাজ তাঁহারা অন্তরের সহিত করুন ও করিতে প্রস্তুত থাকুন। আয়ারল্যান্ডের শিন্-ফেন্ দলের লোকেরা ব্রিটিশ গবর্নমেন্টের সহিত সশস্ত্র যুদ্ধ করিয়াছে, কিন্তু তাহারা তাহাদের প্রভাবাধীন জেলা সকলে শাস্তি রক্ষা ও সুবিচারের ব্যবস্থাও করিয়াছিল। ভারতীয় অসহযোগীরা অহিংসাবাদী, সুতরাং সশস্ত্র যুদ্ধ করিবেন না ; কিন্তু শাস্তিরক্ষা ও সুবিচারের ব্যবস্থা করা তাঁহাদের অবশ্যকর্তব্য। কেবল ভাবিব, গড়িব না, ইহা ত হইতে পারে না। যদি গড়িতে না পারেন, ভাবিবেন না।

“বেআইনীর” অর্থ

ইংরাজীতে “ল” (Law) এবং কনস্টিটিউশন (Constitution) দুটি কথা আছে। এই দুটি কথার মানে ঠিক এক নয়। কিন্তু আমরা সচরাচর কনস্টিটিউশনাল এজিটেশনের বাংলা “আইনসঙ্গত আন্দোলন” করিয়া থাকি ; কিন্তু

বাস্তবিক এমন অনেক প্রচেষ্টা থাকিতে পারে, আইন লঙ্ঘন বা অমান্য করাই যাহার কার্য্যপ্রণালী, অথচ যাহা কনস্টিটিউশন-বিরুদ্ধ নহে। যেমন নিরুপদ্রব অবাধ্যতা (civil disobedience) কিম্বা সান্ত্বিক প্রতিরোধ (passive resistance)। কয়েক বৎসর পূর্বে গুজরাটের কায়ালা জেলার লোকেরা যে জমীর বাজানা দেয় নাই, তাহা নিরুপদ্রব অবাধ্যতার দৃষ্টান্ত। সম্প্রতি কাঁধি মহকুমার লোকেরা ট্যাক্স দিতে অস্বীকার করে। ইহাও ঐজাতীয় প্রচেষ্টা। উভয় ক্ষেত্রেই আন্দোলনকারীরা বে-আইনী কাজ করিয়াছিল, কিন্তু তাহারা কনস্টিটিউশন-বিরুদ্ধ কাজ করে নাই। কনস্টিটিউশনের মানে রাষ্ট্রের ভিত্তীভূত নিয়মাবলী। ব্রিটিশ জাতির ইতিহাসে নিরুপদ্রব অবাধ্যতা ব্রিটিশ সাম্রাজ্যের ভিত্তীভূত নিয়মাবলীর বিরুদ্ধ বলিয়া গণিত হয় না। আমরা গত মাসের প্রবাসীতে ইহার সপক্ষে ব্রিটিশ জজের রায় উদ্ধৃত করিয়াছিলাম।

বর্তমানে যাহারা স্বেচ্ছাসেবক হইয়া দোকানে গিয়া দোকানদারদিগকে হস্ততাল করিতে বলিতেছেন, তাঁহাদের স্বেচ্ছাসেবক হওয়াটা গবর্নমেন্টের আজ্ঞা অনুসারে তহুনিধিত একটি আইনের বিরুদ্ধ বটে ; কিন্তু আমাদের বিবেচনার উহা ব্রিটিশ কনস্টিটিউশন-বিরুদ্ধ নহে। আমরা কনস্টিটিউশনাল-ব্যবস্থাভিত্তিক নহি, সুতরাং আমাদের মতের কোন মূল্য না থাকিতে পারে। কিন্তু আমাদের সোজা বুদ্ধিতে মনে হয়, অসহযোগীদের লক্ষ্য যখন স্বরাজস্থাপন এবং তাঁহাদের নেতা মহাত্মা গান্ধীর মতে স্বরাজের অর্থ যখন আপাততঃ ডোমিনিয়ন হোমরুল বা ব্রিটিশ ঔপনিবেশিক স্বায়ত্ত শাসন, অধিকন্তু তাঁহারা যখন কোন প্রকার উপদ্রব বা সশস্ত্র বিদ্রোহ দ্বারা স্বরাজ স্থাপন করিতে চান না ও ব্রিটিশ সাম্রাজ্যের মধ্যই থাকিতে চান, তখন কংগ্রেসের পালিতব্য প্রতিজ্ঞাগুলির মধ্যে গবর্নমেন্টকে অচল করিবার অভিপ্রায় থাকিলেও কংগ্রেস বা তাহার অন্তর্গত কোন প্রচেষ্টা কনস্টিটিউশন-বিরুদ্ধ নহে। এখন নেতারা ও অল্প অসহযোগীরা এক হিসাবে বে-আইনী কাজ করিতেছেন ; কিন্তু আমাদের বিবেচনার তাঁহারা কনস্টিটিউশন-বিরুদ্ধ কাজ করিতেছেন না। গবর্নমেন্ট যে সংশোধিত ১৯০৮ সালের ক্রিমিন্যাল ল এমেন্ডমেন্ট আইনের ১৬ ধারা

অনুগারে স্বৈচ্ছাসেবকদিগকে বেআইনী জনসমষ্টি বলিয়া ঘোষণা করিয়াছেন, তাহাই আইনসঙ্গত কি না, সে বিষয়ে আমাদের সন্দেহ আছে। আইনজেরা ঠিক বলিতে পারিবেন। যদি কোন জনসমষ্টির কোন প্রতিজ্ঞার শেষ ফল হয় গবর্ণমেন্ট অচল হওয়া, তাহা হইলেই ঐ জনসমষ্টিকে বেআইনী সমিতি বলা যায় না। যাহারা খাজনা বা ট্যাক্স না দিয়া আইন অমান্য করে, তাহাদের কাজেরও শেষ ফল ত গবর্ণমেন্ট অসম্ভব হওয়া; কারণ বিনা টাকায় দেশশাসনকার্য চলিতে পারে না। কিন্তু ট্যাক্স না দিয়া যাহারা নিরুপদ্রব অবাধ্যতা করে, তাহারা কি বেআইনী সমিতি বলিয়া ঘোষিত ও দণ্ডিত হয় ?

এত কথা লিখিতেছি, এইজন্য যে, স্বৈচ্ছাসেবক হওয়াই বেআইনী বলিয়া ঘোষিত হইয়াছে, কাহাকেও হরতাল করিতে বলা, খন্দর পরা, কিম্বা “বন্দে মাতরম্” চীৎকার করা বেআইনী বলিয়া ঘোষিত হয় নাই; এই কাজগুলি স্বৈচ্ছাসেবক হওয়ার লক্ষণ বা প্রমাণ বলিয়া বিবেচিত হওয়ার ইহাদের জন্য লোকে দণ্ডিত হইতেছে। কিন্তু স্বৈচ্ছাসেবক হওয়াটা বেআইনী বলিয়া ঘোষণা করা গবর্ণমেন্টের পক্ষে কল্‌টিউট্রনাল হইয়াছে কি না, তাহাই বিবেচ্য।

সংস্কার আইন ও মন্ত্রীগণ

কাগজে দেখিতেছি, বাংলা গবর্ণমেন্ট দেশী মন্ত্রীদিগের সহিত পরামর্শ না করিয়াই দমননীতি প্রয়োগ করিয়াছেন। ইহাও জানা কথা, যে, মন্ত্রীরা চাঁদপুরে গুর্খাদের অত্যাচার নিবারণ করিতে বা তাহার প্রতিকার করিতে পারেন নাই। ব্যবস্থাপক সভাও কিছু করিতে পারেন নাই। অত্যাচার প্রদেশেও হয় ত এইরূপ ঘটয়াছে। শাসন-সংস্কার আইন দ্বারা কোন উপকারই হইতে পারে না, এরূপ মত আমরা কোনকালে প্রকাশ করি নাই; কিন্তু ইহাতে আমরা বিশেষ কিছু অধিকার পাই নাই, অধীনতার অপমান লাঞ্ছনা ও অত্যাচার হইতে মুক্তিলাভের কোন উপায় ইহা দ্বারা হয় নাই, এই মত আমাদের আগে ছিল, এখনও আছে। এবিষয়ে এবং মোটের উপর শাসন-সংস্কার আইনটার মূল্য ও কার্যকারিতা সম্বন্ধে মডারেটদের মত আগে কি ছিল, এবং এখন তাহা পরিবর্তন করিবার কোন কারণ ঘটয়াছে কি না, তাহারা তাহা বিবেচনা করিবেন।

আমরা মনে করি, ক্ষুদ্রতমের লাঞ্ছনাও লাঞ্ছনা, প্রসিদ্ধ লোকের লাঞ্ছনাও লাঞ্ছনা। প্রভেদ এই, যে, প্রসিদ্ধ ব্যক্তির লাঞ্ছনা হইলে তাহাতে লোকের দৃষ্টি পড়ে বেশী। সেইজন্য জিজ্ঞাস্য এই, যে, শ্রদ্ধাস্পদ প্রিন্সিপ্যাল মৈত্রেয় মহাশয়ের লাঞ্ছনাতে মডারেটদের কাহারও চোখ ফুটিবে কি না। তাহার আঘোবন বন্ধ শ্রীযুক্ত ভূপেন্দ্রনাথ বসু মহাশয় আগামী সোমবার কলিকাতায় পৌঁছিয়া সব কথা জানিয়া কি মনে করিবেন, তাহা আমরা অনুমান করিতে পারিতেছি না।

চলন্ত অন্ধকূপ

মাদ্রাজ প্রেসিডেন্সীতে তিরুর হইতে বেঙ্গারী প্রায় ৪৬০ মাইল। এই ৪৬০ মাইল পথ কতকগুলি বিদ্রোহী মোপ্লা বন্দীকে রেল লাইন যাইবার জন্য একটা মালগাড়ীতে পুরিয়া পাঠান হয়। তাহাদের মধ্যে রেলগাড়ীতেই বাতাসের অভাবে দম্ব বন্ধ হইয়া ছাপান জন মারা যায়, এবং পরে আরো চৌদ্দ জন মারা যায়। ইতিহাসে ইহার মত শোকাবহ ঘটনা আর একটিও মনে পড়িতেছে না। অবশ্য সিরাজউদ্দৌলার আমলে অন্ধকূপহত্যা ইংরেজদের লেখা ইতিহাসের এইরূপ আর-একটি ঘটনা বলিয়া অনেকের মনে পড়িবে। কিন্তু অন্ধকূপহত্যার ঐতিহাসিকতা সম্বন্ধে অনেকে সন্দেহ প্রকাশ করিয়াছেন। যাহা হউক, তুলনা ও আলোচনার নিমিত্ত আমরা ইহা সত্য ঘটনা বলিয়াই স্বীকার করিয়া লইতেছি।

মোপ্লা বন্দীদের মৃত্যু যে প্রকারে হইয়াছে, তাহা পাঠকেরা খবরের কাগজে পড়িয়াছেন। তাহাদের হৃদয়বিদারক দুঃখকাহিনী পুনরায় বিস্তারিত লিখিবার ইচ্ছা নাই, আবশ্যিক নাই। তাহারা মধ্যপথে জল চাহিয়াও পায় নাই, প্রহরীরা তাহাদের কাতর প্রার্থনা শুনে নাই, তাহারা তৃষ্ণায় নিজের নিজের ঘর্মসিক্ত কাপড় নিংড়াইয়া খাইয়াছে, এরূপ অনেক কথা পাঠকেরা পড়িয়াছেন। আমরা সে-সকলের পুনরাবৃত্তি না করিয়া কেবল অন্ধকূপ হত্যার সহিত এই ঘটনাটির তুলনা করিব।

মেকলে লিখিয়াছেন, অন্ধকূপ নামক কামরা ২০ ফুট লম্বা ও কুড়ি ফুট চৌড়া অর্থাৎ ৪০০ বর্গফুট ছিল। উচু

কত ছিল জানা নাই। এন্সাইক্লোপিডিয়া ব্রিটানিকার মতে উহা ১৮ ফুট লম্বা ও ১৪ ফুট ১০ ইঞ্চি চৌড়া অর্থাৎ ২৬৭ বর্গফুট ছিল। ইহাতে ১৫৬ জন ইউরোপীয় যুদ্ধ-বন্দীকে জুনমাসে রাত্রিতে বন্ধ করা হইয়াছিল। রেমণ্ডের মতে ১১৩ জন। মেকলের বর্ণনা অনুসারে এক একজন বন্দী প্রায় ৩ বর্গফুট জায়গা পাইয়াছিল, রেমণ্ডের মতে তিনেরও বেশী, এন্সাইক্লোপিডিয়ার মতে ১৫৩৬ বর্গ-ফুট। অন্ধকূপে ছুটি ছোট জানালা ছিল। প্রহরীরা ইংরেজ বন্দীদেরকে সামান্যতম জল দিয়াছিল। প্রাতে কামরাটা খুলিয়া দেখা গেল যে ১২৩ জন মরিয়াছে, ২৩ জন বাঁচিয়া আছে। মোপ্লা বন্দী বোঝাই মালগাড়ীটা রেলওয়ে ট্রাফিক ইন্সপেক্টর রীভের সাক্ষ্য অনুসারে ১৮ ফুট লম্বা ও ৯ ফুট চৌড়া অর্থাৎ ১৬২ বর্গফুট ছিল। ইহাতে জানালা ছিল না, দরজা বন্ধ করিয়া তাহাতে তালাচাবি হুড়কা লাগাইয়া বন্দীদেরকে লইয়া যাওয়া হয়। জানালার পরিবর্তে তারের জাল ছিল, কিন্তু তাহার ছিদ্রগুলি রং দেওয়ায় বুজিয়া গিয়াছিল। সরকারী ডাক্তারদের মতে তারের জাল ফেলিয়া দিলেও গাড়ীটা মানুষ লইয়া বাইবার অনুপযুক্ত ছিল। ডাক্তার ওকোনর আই-এম-এস ও আর ৭৮ জন মানুষ দরজা বন্ধ করিয়া এই গাড়ীতে দু মাইল গিণা কষ্টবোধ করিয়াছিলেন। এই গাড়ীতে মোপ্লা বন্দীকে বোঝাই করিয়া পাঠান হয়। তাহাদের সংখ্যা ১২২, ১০৬ বা ১০০ ছিল। ন্যূনতম সংখ্যাটা ধরিলেও তাহারা প্রত্যেকে ১৫৩ বর্গফুট জায়গা পাইয়াছিল, অর্থাৎ অন্ধকূপের বন্দীদের চেয়ে কম জায়গা পাইয়াছিল। অন্ধকূপে ২টা ছোট জানালা ছিল, মালগাড়ীটাতে জানালা ছিল না; অন্ধকূপের বন্দীরা অতি সামান্য জল পাইয়াছিল, মোপ্লারা মোটেই পায় নাই। অন্ধকূপে স্নাতগুলা মানুষ রাখা হইতেছে, সিরাজউদ্দৌলা তাহা জানিতেন না, মাদ্রাজের লাট উইলিংডন তাহা জানিতেন না— যদিও জানা উচিত ছিল। কারণ, এই দুর্ঘটনা ২০শে নবেম্বর ঘটে। তাহার বহুপূর্বে বন্ধ মালগাড়ীতে বন্দী লইয়া বাইবার অভিযোগ মাদ্রাজের “হিন্দু” কাগজে বহুবার বাহির হইয়াছিল। ২৫শে সেপ্টেম্বরের ইণ্ডিয়ান মোশাল রিফর্মারে এন্ লন্ডন এই বিষয়ে লেখেন। লর্ড উইলিংডন

না জানিলেও মালাবারের স্পেশাল কমিশনার মিঃ ক্নাপের (Mr. Knapp) নিশ্চয়ই জানা উচিত ছিল। আগে আগে মালগাড়ীতে নীত বন্দী কেহ মরে নাই বটে, কিন্তু খুব কষ্ট পাইয়াছিল, এবং অন্ধকূপ গাড়ীটা আগেকার গাড়ীগুলি হইতে স্বতন্ত্র ছিল।

অন্ধকূপ সম্বন্ধে মেকলে লিখিয়াছেন, “Nothing in history or fiction,.....approaches the horrors which were recounted by the few survivors...” এতদিনে মেকলের জাতিরই রাজস্ব উহার সদৃশ একটি ঘটনা ঘটিয়াছে। কিন্তু মেকলে ভুল করিয়াছিলেন। এইরূপ একটি “thoughtless action” তাঁহার আগেকার ইংরেজরা বাংলাদেশে করিয়াছিলেন। এম্ রেমণ্ড (M. Raymond) তাঁহার কৃত সেই মুতাখেরিন্ গ্রন্থের অনুবাদে নিজে একটি টীকায় অন্ধকূপহত্যা সম্বন্ধে লিখিয়াছেন :—

“Were we, therefore, to accuse the Indians of cruelty, for such a thoughtless action, we would of course accuse the English, who intending to embark four hundred Gentoos (i. e., Hindu) Sipahis, destined for Madras, put them in boats, without one single necessary, and at last left them to be overset by the boar, where they all perished, after a three days' fast.”

মেকলে লিখিয়াছেন যে অন্ধকূপহত্যা বর্বর নবাবের (“savage Nabob”) হৃদয়ে অনুতাপ বা করুণার উদ্বেক করে নাই, এবং সে হত্যাকারীদেরকে কোন শাস্তি দেয় নাই (“He inflicted no punishment on the murderers”)। মোপ্লা বন্দীদের “হত্যাকারীদের” এপর্যন্ত কোন শাস্তি সভ্য ইংরেজ গবর্নমেন্ট দেন নাই, তদন্ত চলিতেছে, পরে কি দেন বা না দেন সংবাদপত্র-পাঠকেরা জানিতে পারিবেন।

দ্বিজেন্দ্রনাথ বসু

“জীবজন্তু” নামক বালকবালিকাদের পাঠ্যগ্রন্থের লেখক শ্রীযুক্ত দ্বিজেন্দ্রনাথ বসুর ৫৫ বৎসর বয়সে আকস্মিক মৃত্যুতে বালকবালিকারা একজন মেহশীল বন্ধু হারাইলেন

তিনি 'সখা ও সাথী' হইতে আরম্ভ করিয়া ছেলেমেয়েদের পাঠ্য বহু মাসিক পত্রে বৈজ্ঞানিক প্রবন্ধ লিখিয়াছেন। বয়োবৃদ্ধদের অন্তঃ লিখিয়াছেন। তাঁহার বৈজ্ঞানিক জ্ঞান সুবিস্তৃত ছিল, জ্ঞানপিপাসাও খুব বেশী ছিল। তিনি এক সময়ে সাধারণ ব্রাহ্মসমাজের এবং ভারতসভার সহকারী সম্পাদক ছিলেন ও প্রাণের মায়া ছাড়িয়া একবার কুলির বেশে আসাম চা-বাগানে তদন্ত করিতে গিয়াছিলেন। চেন্নকানাল রায়ে তিনি বহুবৎসর দক্ষতার সহিত রাঙ্গ-কার্য্য করিয়াছিলেন। তিনি সদা প্রফুল্লচিত্ত ও তেজস্বী লোক ছিলেন। মৃত্যুর সময় ভাড়াটিয়া মোটর গাড়ীর চালকদের সমিতির সম্পাদক ছিলেন। তিনি বিবাহ করেন নাই।

আয়ারল্যান্ড

আইরিশ সাধারণতন্ত্রের ও ব্রিটিশগবর্ণমেন্টের নির্ব্বাচিত লোকেরা যে সন্ধিপত্রের খসড়া স্থির করিয়াছেন, তৎসম্বন্ধে সাধারণতন্ত্রের মন্ত্রীসভার তিন জন সভ্যের মত উহার বিরুদ্ধে, চার জনের উহার পক্ষে। সভাপতি মিঃ ডি ভ্যালেরা উহার বিরুদ্ধে। আইরিশ সাধারণতন্ত্রের প্রতিনিধি-সভায় অর্থাৎ প্যারলিমেণ্টে উহা বিবেচিত হইবে। উহার নির্ব্বাচন না জানিলে বুঝা যাইবে না, যে, আইরিশ সংস্কার সমাধান হইল কি না।

যুদ্ধসজ্জা সীমাবদ্ধ করিবার কন্ফারেন্স্

আমেরিকার ইউনাইটেড ষ্টেটসের রাজধানী ওয়াশিংটনে শক্তিশালী স্বাধীন জাতিদের কন্ফারেন্সে যুদ্ধসজ্জা সীমাবদ্ধ করা সম্বন্ধে চারিটি প্রধান জাতি কতকগুলি প্রস্তাবে সম্মত হইয়াছেন। তাঁহারা যুদ্ধসজ্জার সীমারেখা যেখানেই টানুন, পরাধীন জাতিদের তাহাতে কোন লাভ বা আশাতরসা নাই; এবং যে-সব জাতির জলে স্থলে আকাশে যুদ্ধের আয়োজন নাই বা সামান্ত আছে, তাহাদের কোন সুবিধা

নাই; কারণ শক্তিশালী জাতিদের সীমাবদ্ধ যুদ্ধসজ্জাও এই-সব জাতির ভয়ের কারণ।

দুটি বর্ষের নৃশংস ঘটনা

বহু সংবাদপত্রে বাহির হইয়াছে, যে, একটা লোক তাহার নয় বৎসরের ছেলেকে কালীর কাছে বলি দিয়াছে।

আর-একটা লোমহর্ষণ সংবাদ এই, যে, একটা জমিদারের লোক একটা চোরাই পদক বাহির করিবার জন্য একটা স্ত্রীলোককে নগ্ন করিয়া নানা অত্যাচারের পর তপ্ত লোহা দিয়া তাহার জিব টানিয়া ধরে ও তাহাতে তাহার মৃত্যু হয়।

এই দুইকন্মের পৈশাচিক নিষ্ঠুরতা কবে এদেশ হইতে অন্তর্হিত হইবে ?

প্রতিবাদ

বর্তমান অগ্রহায়ণ (১৩২৮) প্রবাসীর ২৮৪-৮৫ পৃষ্ঠায় "শত বৎসর পূর্বে হিন্দু-মুসলমানের সম্ভাব" শীর্ষক সম্পাদকীয় টিপ্সনী পড়িলাম। Young India কাগজের ১০ নবেম্বরের সংখ্যায় Hindu-Moslem Unity in the Early 19th Century নামক লেখাটি আমার। উহাতে Modern Review হইতে অথবা Towards Home Rule নামক পুস্তক হইতে উদ্ধৃত করিয়াছি, "প্রবাসী"-সম্পাদক এরূপ ধরিয়া লইয়াছেন; এবং উক্ত Review বা পুস্তকের নামোন্মেষ করি নাই বলিয়া আমার উপর কটাক্ষ করিয়াছেন। আমি কিন্তু Towards Home Rule পুস্তক পড়ি নাই; এবং Modern Reviewএ যে ঐসব কথা বাহির হইয়াছিল, তাহাও জানিতাম না।

সতীশচন্দ্র গুহ।

সম্পাদকের মন্তব্য।—লেখক মহাশয়কে আমরা অজ্ঞের ব্যক্তি বলিয়া জানি। তাঁহার কথা সত্য বলিয়া বিশ্বাস করিতেছি, এবং মন্তব্য প্রত্যাহার করিতেছি।

এই সংখ্যা ১৫২ পৃষ্ঠা পরিমিত।





“সত্যম্ শিবম্ সুন্দরম্ ।”

“নায়মাগ্না বলহীনেন লভাঃ ।”

২১শ ভাগ
২য় খণ্ড

মাঘ, ১৩২৮

৪র্থ সংখ্যা

শিশু ভোলানাথ

ওরে মোর শিশু ভোলানাথ,
তুলি' দুই হাত
যেখানে করিস্ পদ-পাত
বিসম তাণ্ডবে তোর লণ্ডভণ্ড হয়ে যায় সব ;
আপন বিভব
আপনি করিস্ নষ্ট হেলাভরে ;
প্রলয়ের দূর্ণ-চক্র পরে
চূর্ণ খেলনার ধূলি উড়ে দিকে দিকে ;
আপন সৃষ্টিকে
ধ্বংস হতে ধ্বংসমাঝে সৃষ্টি দিস্ অনর্গল,
খেলায়ে করিস্ রক্ষা ছিন্ন করি খেলনা-শৃঙ্খল ।
অকিঞ্চন, তোর কাছে নিকচুরি ত কোনো মূল্য নাই,
রচিস্ যা-তোর-ইচ্ছা তাই
যাহা-খুসি তাই দিয়ে
তার পর ভুলে যাস্ যাহা-ইচ্ছা তাই নিয়ে ।

আবরণ তোরে নাহি পারে সম্বন্ধিত, দিগম্বর,
স্রস্ত ছিন্ন পড়ে ধূলি পর ।
লজ্জাহীন সজ্জাহীন বিত্তহীন আপনা-বিস্মৃত,
অনুরে ঐশ্বর্যা তোর, অনুরে অমৃত ।
দারিদ্র্য করে না দীন, ধূলি তোরে করে না অশুচি,
নৃত্যের বিক্ষোভে তোর সব গানি নিত্য যায় শুচি ।

ওরে শিশু ভোলানাথ, মোরে ভক্ত বলে'
নে রে তোর তাণ্ডবের দলে ;
দে রে চিত্তে মোর
সকল-ভোলার ঐ ঘোর,
খেলনা-ভাঙার খেলা দে আমারে বলি ।
আপন সৃষ্টির বন্ধ আপনি ছিঁড়িয়া যদি চলি
তবে তোর মত্ত নর্তনের চালে
আমার সকল গান ছন্দে ছন্দে মিলে যাবে তালে ॥
শ্রীরবীন্দ্রনাথ ঠাকুর ।

রজনীগন্ধা

(১২)

ক্ষণিকাকে ষ্টেশন হইতে বাড়ী লইয়া যাইবার ব্যবস্থা করিতে অনাদিনাথের মনে থাকিবে কি না, সে বিষয়ে ক্ষণিকার যথেষ্ট সন্দেহ ছিল। আসিবার সময় একট টেলিগ্রাম করিয়া দিবার জন্ত তাহার মা-নাথাকে অনেকবার করিয়া বলিয়া দিয়াছিলেন। কিন্তু ষ্টেশনে পৌঁছিতে তাহার এত দেরি হইল যে তাড়াতাড়ি টিকিট কিনিয়া গাড়ীতে উঠিতেই ট্রেন ছাড়িয়া দিল। ক্ষণিকাব সঙ্গে কেবল লালু আসিয়াছিল, টেলিগ্রাম করিবার অভ্যাস তাহার কোনোকালে ছিল না, কাজেই তাহাকে অনুরোধ করিয়া লজ্জিত ও বাস্ত করিতে ক্ষণিকার ইচ্ছা হইল না। লালু ট্রেনের সঙ্গে চলিতে চলিতে জিজ্ঞাসা করিল, “ যদি, অনাদিবাবুরা লোক পঠাবেন ত ষ্টেশনে ? ”

ক্ষণিকা বলিল, “ জানেনই ত আমি আজ যাচ্ছি, কোনো ব্যবস্থা কি আর না করবেন ? তুই যা, রোদে আর দৌড়োসনে । ”

লালু লম্বা লম্বা পদক্ষেপ করিয়া চলিতে চলিতে বলিল, “ কোথায় আবার দৌড়চ্ছি, এহঁটুকু ত speed, এর জন্ত আবার দৌড়ব। চিন্ময়দারা ত হেঁটে প্ল্যাটফর্ম অবধি পার হয়ে যায় । ”

ক্ষণিকা আর কথা বলিল না, প্ল্যাটফর্মের শেষ অবধি আসিয়া লালু থামিয়া পড়িল। ক্ষণিকা জানুলা দিয়া মুখ বাহির করিয়া দেখিতেছিল। যতক্ষণ তাহাকে দেখা গেল, লালু মহা উৎসাহে কুমাল উড়াইতে লাগিল।

দৃষ্টির সামান্য ছাড়াইয়া যাওঁতেই ক্ষণিকা ফিরিয়া আসিয়া স্বস্থানে বসিল। মেয়েদের কামরাটা একেবারে শূন্য ছিল না, গুটি পাঁচ-ছয় মহিলা আপনাদের পুত্র-কন্যা পোটলা-পুটলি লইয়া তাহার ভিতর বিরাজ করিতেছিলেন। একজন প্রোতা একটুখানি সরিয়া আসিয়া জিজ্ঞাসা করিলেন, “ ওটিকে তোমার সঙ্গে এসেছিল ? ”

ক্ষণিকা বলিল, “ ও আমার ছোট ভাই । ”

প্রোতা চোখে মুখে করুণরস সঞ্চার করিবার বিপুল চেষ্টা করিয়া বলিলেন, “ আহা, চোখে জল এসে গিয়েছে ।

খণ্ডরবাড়ী যাচ্ছ বুঝি মা ? আমার একটি ভাস্করঝি আছে, অবিকল তোমার মত দেখতে। ছেলে হতে এসেছিল, এই দিন দশ হল ছেলেটিকে এক মাসের নিয়ে ফিরে গেল। যাবার সময় তার যা কান্না, এত বয়স হয়েছে তবু। শাশুড়ী মাগী তার বড় বজ্জাত, মেয়েকে ভারি যত্ননা দেয়। তা কান্নাকাটি করলে আর কি হবে ? চিরজন্ম ঐ ঘরই ত মেয়েমানুষকে করতে হবে ? ”

আর-একজন মহিলা বলিলেন, “ যা বলেছ ভাই। এই আমার তের বছরের মেয়েটা, বড় কান্নাকাটি করত, তাই কত সাধ্য-সাধনা বলা-কওয়ার পর এনেছিলুম। তা কি রাখতে দলে দুদিন ? অমনি দেওরের বিষের ছল করে’ মেয়েটাকে টেনে নিয়ে গেল । ”

দুজনের মধ্যে নারীজন্মের সুখহঃখের আলোচনাটা বেশ জমিয়া উঠিল। ক্ষণিকা নিস্তার পাইল। তাহাকে আর পশ্চকারিণীর ভুল ভাঙিয়া নব নব প্রশ্নের তরঙ্গাভিঘাতে হাবুডুবু খাইতে হইল না। সে যে খণ্ডরবাড়ী যাইতেছে এই কথা শুনিয়াই তাহার মুখে একটু তীব্র হাসি ফুটিয়া উঠিয়াছিল, কিন্তু সেটা তখনই আবার মিলাইয়া গেল। তাহার যে চোখে জল আসিয়াছে সে সম্বন্ধে মহিলাটির মন্তব্যে সে সচেতন হইয়া চোখ মুখ মুছিয়া লোভের চোখের সম্মুখ হইতে আপনার মনকে একেবারে আড়াল করিয়া ফেলিল।

বাস্তবিক তাহার কাঁদিবার কারণটা কি ? তাহাকে ত সকলে রাখিবার জন্ত শেষ অবধি চাহিয়াছে। যাহার আত্মন নারীর হৃদয়ের কাছে প্রায়ই বার্থ হয় না সেই প্রেম ত তাহাকে বরণ করিয়া লইতে আসিয়াছিল, তবু ত সে থাকিতে পারিল না। সকল বন্ধন, সকল আত্মন ত সে তুচ্ছ করিয়া পথে বাহির হইয়াছে ; তবে আর তাগাদের জন্ত অশ্রুপাত কেন ?

ট্রেন যতই কলিকাতার দিকে অগ্রসর হইতে লাগিল, ক্ষণিকার মন ততই অস্থির হইয়া উঠিতে লাগিল। নিজেকে যত রকমে প্রস্তুত করিতে পারা যায় তাহা করিতে ত সে নিরন্তর চেষ্টা করিয়াছে ; কিন্তু কল্পনার যতদূর দেখা যায়,

মাহুষের বেদনা পাইবার ক্ষেত্র তাহা হইতে বহু বিস্তৃত। তাহা ছাড়া মানসচক্ষে আমরা নিজেদের হৃদয়ের শক্তিকে যত বিপুল দেখি, কার্যকালে তাহা তেমন নু দেখান আশ্চর্য্য নয়। সর্বোপরি, অদৃষ্ট বা নিয়তি যাহাই হউক, একটা কিছু আছে, সে পলকে আমাদের সকল কল্পনা জল্পনা সংকল্পকে ভাসাইয়া লইয়া গিয়া কোন্ আবর্তের মধ্যে আমাদের যে আনিয়া ফেলে, মাহুষের সাধ্য নাই যে তাহার জন্ত সে প্রস্তুত থাকে।

হাওড়ায় টেন থামিবামাত্র কুলি ডাকিয়া জিনিষপত্র লইয়া ক্ষণিকা নামিয়া পড়িল। পরমুহূর্তেই কানের কাছে শুনিল, “আমি গাড়ী নিয়ে এসেছি, গাড়ী আর করতে হবে না।”

ক্ষণিকা ফিরিয়া দেখিল অনাদিনাথের মোটরের চালক কৃষ্ণলাল দাঁড়াইয়া আছে। একটু নিশ্চিত হইয়া সে তাহার সঙ্গে সঙ্গে প্ল্যাটফর্ম ছাড়াইয়া বাহির হইয়া আসিল। কুলিটা পরসা লইয়া একটু বকাবকি করিবার উপক্রম করিতেই, কৃষ্ণলাল হিন্দী ইংরেজি ও বাংলা মিশাইয়া ও তাহাতে খানিকটা দাঁতখিঁচুনি যোগ করিয়া কুলিটাকে ভীষণ এক তাড়া দিয়া মোটর চালাইয়া দিল। মলিন জীর্ণ কাপড়-পর্য্য লোকটাকে ছুটা পরসা বেশী দিতে ক্ষণিকার বিশেষ আপত্তি ছিল না, কিন্তু কৃষ্ণলালের অকস্মাৎ গর্জনে সে একটু চমকাইয়া গেল, এবং চমক ভাঙিতে না ভাঙিতেই গাড়ীখানা স্টেশনের সীমানা পার হইয়া ব্রিজের উপর আসিয়া পড়িল।

এই সামান্য ব্যাপারটাতে তাহার মনের অবস্থা আরও অনেকখানি ধরাপ হইয়া গেল। পৃথিবীতে অবিচার অত্যাচার সবই একবার যাহাদের উপর আরম্ভ হয় ক্রমাগত কি তাহাদের উপরেই চলিতে থাকে? সৌভাগ্য ও দুর্ভাগ্য কি এমন ভিন্নজাতীয় যে পরস্পরের ছায়া তাহাদের কোনোক্রমেই মাড়াইতে নাই?

কলিকাতার জনবহুল রাস্তা ছাড়াইয়া গাড়ী ক্রমে বিরলপথিক বালিগঞ্জের পথে চলিল। ক্ষণিকার মনের ভিতরটা কেমন যেন অসাড় হইয়া আসিতেছিল। আর বড় জোর দশ মিনিট। স্টেশন করিয়া সে মনকে আবার মাড়া দিয়া সজাগ করিয়া তুলিবার চেষ্টা করিতে লাগিল।

অনাদিনাথের বাড়ীর গেট দেখা গেল। গেটের সামনে দাঁড়াইয়া বৃদ্ধ তেওয়ারি নূতন দারোগানটার কাছে বোধ হয় নিজের অশেষ দুর্গাতর কাহিনী বর্ণনা করিতেছিল, ক্ষণিকাকে দেখিয়া সে একগাল হাসিয়া ফেলিল।

গাড়ী হাতে নামিয়া ক্ষণিকা চারিদিকে একবার চাহিয়া দেখিল। কৈ, যেমন ছিল তেমনি ত সব আছে? নূতন রণীর জয়ধ্বজার চিহ্ন কোনোখানে ত দেখা যায় না?

কৃষ্ণলাল তাহার বাক্যটা নামাইবার উপক্রম করিতেই ক্ষণিকা বাস্ত হইয়া বলিল, “আপনি কেন? পঞ্চা কি অণ্ড কাউকে ডাকুন না?”

বাস্ত বিছানা নামাইতে নামাইতে কৃষ্ণলাল বলিল, “সে বেটা কি আছে যে তাকে ডাকব? আমি নামিয়ে রাখছি এখানে, তারপর দারোগান কি ঠাকুর কেউ তুলে দেবে ওপরে।”

ক্ষণিকা ভাবিল পুরানো চাকরগুলো সবই তাহা হইলে বোধ হয় নূতন গৃহিণী বিদায় করিয়াছেন, তা আমাকেই বা আবার ডাকিয়া আনিলেন কেন?

কৃষ্ণলাল আবার মোটরে “স্টার্ট” দিতেই উপর হইতে নারীকণ্ঠে শোনা গেল, “ওমা, এরা মাধাই এসে গেল নাকি? গাড়ী তা হলে কলেজে নিয়ে যাও, উনি আজ সকাল-সকাল পাঠাতে বলেছিলেন।”

ক্ষণিকার সে কণ্ঠস্বর চিনতে বাকি রহিল না। পরক্ষণেই সিঁড়িতে পদধ্বনি শোনা গেল, এবং মনোজা হাসিমুখে নামিয়া আসিয়া ক্ষণিকার হাত ধরয়া বলিল, “গাড়ী গিয়েছিল ত ঠিক সময়? বা দোরতে বেরোল, আমি ভাবলাম বুঝি তোয় সঙ্গে মাঝপথে দেখা হবে। উপরে চল, তোয় সেই ঘরই আছে, যদিও উনি অন্য ব্যবস্থা করছিলেন। কেমন ছিল? মুখ ত একেবারে শুকনে, বাবা মা ভাল আছেন ত? আর তোয় সেই ছোট বোন, এখনও স্কুলে পড়ছে নাকি?”

কথা বলিতে বলিতেই তাহারা সিঁড়ি দিয়া উঠিতেছিল। উপরতলার আসিয়া দাঁড়াইয়া মনোজা বলিল, “কি যে, একটাও যে কথা বল্ছিস না? আমাকে এমন নূতন অবস্থায় দেখেও তোয় বলবার কথার অভাব হচ্ছে?”

ক্ষণিকা বলিল, “ঠিকই বলেছেন। আপনাকে এমন

অবস্থায় দেখে তা ত কোনোদিন ভাবিনি, কাজেই কি যে বলব তা ভেবেও পাচ্ছি না। তবে এইটুকু মনে হচ্ছে আপনি আগের চেয়েও সুন্দর হয়েছেন।”

মনোজ্ঞা তাহার গাল টিপিয়া দিয়া বলিল, “কম কথা বললে কি হয়, যা ছ-একটা বলিস তা সারবান কথা। তোমার সঙ্গে কিন্তু সকলের মতের মিল হবে না, দেখিস। আচ্ছা চল, এখন নিজের ঘরে, এসে অবধি ত দাঁড়িয়ে আমার বক্তৃতা শুনুছিস।” ঘরে ঢুকিয়া চেয়ারে বসিয়া পড়িয়া মনোজ্ঞা বলিল, “সুন্দর ত বলিস, কিন্তু একেবারে মাকালফলের সৌন্দর্য, ভিতরে কিছু নেই। এই ত দেড়খানা মানুষের সংসার, তা চালাবারও আমার যুরোধ নেই, ছবারের বেশী চারবার ওঠা নামা করলেই সেদিনকার মত নিশ্চিন্ত।”

ক্ষণিকা বলিল, “কই বোর্ডিংএ থাকতে ত আপনার শরীর এত ধারাপ ছিল না? তখন ত সারাদিনই ঘুরে বেড়াতেন।”

মনোজ্ঞা বলিল, “তা ত ঘুরতামই। কিন্তু ভিতরে ভিতরে ক্ষয়ে চলেছিলাম বোধ হয়। এতদিনে টের পাচ্ছি। নে, তুই হাত মুখ ধো, ট্রেনের ধুলোয় ত ভূত হয়ে রয়েছিস। আমি যাই, আবার চায়ের ব্যবস্থা এখন করতে হবে। কিছু কি পারি? কর্তা একদিন বললেন, ‘গিন্নি আসার আগে কিন্তু খাবার সুখ বেশী ছিল।’ কি এত খাইয়েছিস ছ-একটা বল ত বাপু, হাজার হোক নিজের মানটা ত বজায় রাখতে হবে?”

কিন্তু কিছুর নাম শুনিবার জন্ত বিন্দুমাত্রও অপেক্ষা না করিয়া সে ঘর হইতে বাহির হইয়া চলিয়া গেল।

ক্ষণিকা ঘরের দরজাটা ভেজাইয়া দিয়া, দক্ষিণ দিকের জানালাটা খুলিয়া তাহার সামনে আসিয়া বসিল। প্রথম দর্শনের পালা ত এক রকম কাটিল। ব্যাপারটা কেমন যেন অতি সহজে হইয়া গেল, ঠিক এতখানি সহজে যে হইবে তাহা ক্ষণিকা আগে ভাবিতে পারে নাই। উপরে মনোজ্ঞার কণ্ঠস্বর শুনিয়া তাহার বুকের ভিতরটা কেমন যেন ছলিয়া উঠিয়াছিল, কিন্তু তাহার পর সিঁড়িতে যখন পদধ্বনি শোনা গেল, ছপানি আরক্ত পায়ের উপর শাড়ীর টুকটকে লাল পাড়টা বিছাতের মত ক্ষণিকার চোখের

সম্মুখে খেলিয়া গেল, তখন তাহার মনের চাক্ষু্য কোথায় যেন হারাইয়া গেল। তাহার পর মনোজ্ঞা নামিয়া আসিয়া তাহার হাত ধরিতেই, কেমন করিয়া ক্ষণিকার বর্তমান অবস্থাটা শূন্যে মিলাইয়া গেল। মনে হইল সে যেন সেই কিশোরী ক্ষণিকা, যাহার জীবনাকাশে এই অপূর্ণ সুন্দর মুখখানিই প্রভাতসূর্যের মত আলোক বিতরণ করিত, ইহারই হৃদয়ের অপরূপ মাধুর্য। তাহার জীবনপথের পাথের হইয়া তাহাকে নব নব লোকে বিচরণ করাইয়া ফিরিত। এ ত সেই।

ঘরে আসিতে আসিতে কিন্তু তাহার অতীতের স্মৃতি আবার অল্পে অল্পে অতীতেই ফিরিয়া যাইতে লাগিল।

সেই বটে, কিন্তু কেবল কি সেই? ভাগ্যবিধাতা এই ছটি নারীকে প্রথম জীবনে যে কোমলবন্ধনে বাঁধিয়া ছিলেন, এখন কি তাহার উপর আর কোনো বন্ধন যোগ করেন নাই? উভয়ের মধ্যে যে অনাবিল স্বচ্ছপ্রেমের ধারা বহিতেছিল, তাহা কি ঈর্ষার আবিলতায় পঙ্কিল হইয়া উঠে নাই? একদিন ছিল যখন ক্ষণিকার সম্মুখ হইতে মনোজ্ঞাকে যে কেহ মুহূর্তের জন্তও আড়াল করিতে চাঞ্ছিয়াছে সেই তাহার বিরাগভাজন হইয়াছে, কিন্তু মনোজ্ঞা আজ নিজেই আড়াল। তাহাকে অতিক্রম করিয়া ক্ষণিকার সাধ্য নাই আপনার কল্পিত সুখস্বর্গলোকের প্রতি দৃষ্টিপাত করে। তাহার পূর্বের অনুরাগের স্মৃতিকে তাহার বর্তমানের বিরাগ যেন কেবলি গলা টিপিয়া মারিতে চেষ্টা করিতে লাগিল।

হঠাৎ বাহিরে মোটরের শব্দ শুনিয়া সে চকিত হইয়া উঠিয়া পড়িল। মুখ হাত ধুইয়া বেশভূষার যতটুকু পরিবর্তন আবশ্যক তাহা তাড়াতাড়ি সারিয়া লইয়া সে ঘরের বাহির হইয়া আসিল। এখনি হয় ত মনোজ্ঞা তাহাকে ডাকিতে আসিবে। তাহার পর অনাদিনাথের সহিত সাক্ষাৎ। কিন্তু ক্ষণিকার মন এই আসন্ন সাক্ষাতের সম্ভাবনায় একবারও চঞ্চল হইল না। সে নিজেই অবাক হইয়া গেল।

তাহার ঘরের সামনে একটি ছোট বারাণ্ডা, এখান হইতে নীচের বাগান টেনিসকোর্ট সবই দেখা যায়। বাহির হইতেই তাহার চোখে পড়িল দুইটি মনুষ্যমূর্তি।

সন্ধ্যার ছায়ার মধ্য দিয়াও তাহাদের চিনিতে ক্ষণিকার বিলম্ব হইল না। বাহিরের আলোকের অভাব এক্ষেত্রে তাহাকে বাধা দিল না। সেইখানেই সে মন্ত্রমুগ্ধের মত দাঁড়াইয়া গেল।

অনাদিনাথ ও মনোজা দুজনেই বাগানের মধ্যে ঘুরিয়া বেড়াইতেছিলেন। মনোজা উচ্ছ্বসিত হইয়া কিসের যেন বর্ণনা করিতেছিল, তাহার হাত মুখ নাড়ার ভঙ্গী দূর হইতেই পরিষ্কার বোঝা যাইতেছিল। বাগানের শেষপ্রান্ত অবধি গিয়া দুজনে আবার ফিরিতেই অনাদিনাথ হাসিয়া মনোজার চিবুক ধরিয়া নাড়িয়া দিয়া তাহার কথার উত্তর দিলেন।

ক্ষণিকা ফিরিয়া নিজের ঘরের ভিতর আসিয়া ঢুকিল। বাক্স খুলিয়া দু-চারটা ছোট-খাট জিনিস ইতিমধ্যেই সে ঘরের এধার ওধার সাজাইয়া রাখিয়াছিল। হাতের দাঁত ও রূপা মিশাইয়া তৈয়ারী একটি ছবির ফ্রেম তাহার টেবিলের উপর ছিল। ফ্রেমটির ভিতর দুখানি ছবির স্থান ছিল। ক্ষণিকা দুখানির ভিতর হইতে তাহার মায়ের অস্পষ্ট ছবিখানি বাহির করিয়া লইয়া, অল্পখানা কুচি কুচি করিয়া ছিঁড়িয়া ফেলিল। ফ্রেমটাকে জুতার তলায় মাড়াইয়া ভাসিয়া ফেলিয়া জান্না দিয়া শব্দে বাধিরে ফেলিয়া দিল। যে মনোজাকে সে চিনিত, ভালবাসিত সে ত নাই, তাহার ছবি রাখিয়া কি হইবে? সে ক্ষণিকাও নাই।

বাহিরে দরজার কপাটে করাঘাতের শব্দ শোনা গেল। মনোজা ডাকিয়া বলিল, “এই ক্ষণিকা, বেরবি না নাকি আজকে আর? আচ্ছা মেয়ে যাহোক, আমাদের কখন চা খাওয়া হয়ে গেল।”

ক্ষণিকা দরজা খুলিয়া বাহিরে আসিল। মনোজার পশ্চাতেই অনাদিনাথ দাঁড়াইয়া। তাহাকে দেখিয়াই মনোজা বলিল, “চল এখন ঠাণ্ডা চা গিলবে, এমন কুটুম এসেছ যে না ডাকলে আর ঘর ছেড়ে বেরবেই না।”

অনাদিনাথ হাসিয়া বলিলেন, “নিজের কর্তব্যের অবহেলার জন্যে পরকে গাল দিচ্ছ, বেশ ত তুমি! উনি এখন এলেন, আর এখন কি কাজ ঘাড়ে নিয়ে বসবেন?”

ক্ষণিকা অবনত হইয়া অনাদিনাথকে নমস্কার করিল। তিনি প্রতিনমস্কার করিয়া বলিলেন, “ভাল ছিলেন ত?”

মনোজা অনাদিনাথের কথার উত্তরে বলিল, “হ্যাঁ, আমার আবার কর্তব্য। ও কথাটার বানান আর মানে অনেক মেয়েকে শিখিয়েছি বটে, কিন্তু নিজে কোনো দিন শিখিনি।”

তিনজনে আবার নীচে খাবার ঘরে নামিয়া গেল। মনোজা বলিল, “একেবারেই খেয়ে নে। আর চা আর ভাত আলাদা করে খাবার সময় কোথায়?”

ক্ষণিকার বিশেষ খাইবার ইচ্ছা ছিল না। কিন্তু এই লইয়া কথা কাটাকাটি করিবার ইচ্ছাটা ছিল আরো কম। কাজেই বিনাবাক্যব্যয়ে সে খাইতেই বসিল। মনোজা বলিল, “বল ত ভাই, রান্না-বার্না খুব কি খারাপ হয়েছে? উনি ত সারাক্ষণ আমার দোষই দেখছেন। অবিশ্যি সেইসঙ্গে তোর গুণব্যাখ্যা এত বেশী পরিমাণে হচ্ছে যে তোর সত্যি কথা বলবার ইচ্ছা হওয়া শক্ত।”

ক্ষণিকা বলিল, “আমি ত মন্দ কিছু দেখছি না।”

মনোজা স্বামীর প্রতি কটাক্ষপাত করিয়া বলিল, “দেখলে ত?”

অনাদিনাথ হাসিয়া বলিলেন, “দেখলাম বটে, তোমাদের স্বজাতিপ্রীতি খুব আছে।”

মনোজা বলিল, “আর বিজাতিপ্রীতিটা তার চেয়ে এক বিন্দুও কম নয়।”

ক্ষণিকা চেয়ার ছাড়িয়া উঠিয়া পড়িল। মনোজা বলিল, “এখনও দেখছি সেই বোর্ডিংএর খাওয়ানো বজায় রেখেছিস।”

ক্ষণিকা চেষ্টা করিয়া একটু হাসিয়া বলিল, “মাসিমা আর বেণু কই? তাঁদের যে একবারও দেখলাম না?”

মনোজা বলিল, “তাঁরা বাড়ী থাকলে ত দেখবি? বেণুর এক পিসির বিয়ে, সেখানে নেমস্তম্ভে গিয়েছে। আমাদেরও অনেক করে’ বলেছিল, তা আমার যাওয়া হয়ে উঠল না! সময়ই পাই না। মা গিয়েছেন কুটুমের মান রাখতে। অবিশ্যি রাত্রেই সব ফিরবেন, একটু দেরী হতে পারে।”

ক্ষণিকা বলিল, “বাই তবে আমি, উপরে জিমিষপত্র-গুলো ছড়িয়ে রেখে এসেছি।”

মনোজা বলিল, “আচ্ছা!” সে নিজে অনাদিনাথের পড়ার ঘরে ঢুকিয়া পড়িল। ক্ষণিকা সিঁড়ি দিয়া উঠিতে

উঠিতে মনে মনে বলিল, “তোমার অন্ততঃ কোথাও ঢুকতে অনুমতির দরকার হয় না।”

জিনিষপত্র গুছাইতে গুছাইতে হঠাৎ তাহার কানে গানের শব্দ আসিয়া পৌঁছিল। মনোজ্ঞা গাহিতে ভালই পারিত, তবে গান করিতে বলিলে না গাওয়াটাই তাহার নিয়ম ছিল। অনেক সাধ্য-সাধনা করিলে তবে একটা গান শোনা যাইত। এখন আর বোধ হয় বলিবারও দরকার হয় না, গান আপনা হইতেই বাহির হইয়া আসিতে চায়।

ঘর গোছানো অসমাপ্ত রাখিয়া ক্ষণিকা আবার বাহির হইয়া সিঁড়ির মুখে আসিয়া দাঁড়াইল। তাহার শরীর মন ব্যাপ্ত করিয়া এমন একটা প্রবল অস্থিরতা দেখা দিয়াছিল যে সে কোনোকাজেই মন দিতে পারিতেছিল না। ক্রমাগত ঘুরিয়া বেড়াইয়া সে কি যেন নিজেকে ভুলাইতে চাহিতেছিল। যেন স্থির হইয়া একবার দাঁড়াইলেই কি এক বিপদ তাহার ঘাড়ের উপর আসিয়া পড়িবে।

নীচে মনোজ্ঞা গাহিতেছিল,—

“আমায় কাঙাল বলিয়া করিও না হেলা,

আমি পথের ভিখারী নহি গো,

আমি তোমারি ছুয়ারে অন্ধের মতন

অঞ্চল পাতি রহি গো।”

ক্ষণিকার মুখ হাসিতে ভরিয়া গেল। এত গান থাকিতে মনোজ্ঞা কিনা গাহিতে বাসিল, “আমায় কাঙাল বলিয়া করিও না হেলা!” হাসিটা কিন্তু অকস্মাৎ চোখের জলের প্লাবনে ভাসিয়া গেল। তাহার সমস্ত শরীর সারা-দিনের অবসাদের পর প্রবল উত্তেজনার বশে কাঁপিতেছিল। তাড়াতাড়ি সে ঘরে ঢুকিয়া দরজা বন্ধ করিয়া দিল।

(২০)

ভোরের বেলা কিসের একটা শব্দে ক্ষণিকার ঘুম ভাঙিয়া গেল। স্তম্ভিত ও জাগরণের মাঝের একটা ঘোরের ভিতর দিয়া সে যেন গুনিতে পাইল কে যেন ডাকিতেছে, “মাসি, দরজাটাকে খুলে দাও।”

ক্ষণিকা উঠিয়া বাসিল, বলিল, “দিচ্ছ বেণু, তুমি একটু-খানি দাঁড়াও।”

দরজা খুলিবারাত্র বেণু ছোটখাট একটা ঝড়ের মত ছুটিয়া আসিয়া ক্ষণিকার গায়ের উপর কাঁপাইয়া পড়িল।

মাথাটা তাহার গায়ে ঘষিতে ঘষিতে বলিতে লাগিল, “তুমি ছুট, তুমি ভাল না, কেন তুমি চলে গিয়েছিলে? আর একদিনও আমি তোমার কাছে পড়ব না, লিখব না, কিছু করব না।”

ক্ষণিকা বলিল, “মামীমার কাছে পড়বে বুঝি?” ভাবিল, সব শূন্যস্থানই যদি মনোজ্ঞা অধিকার করিয়া বাসিয়াছে, তাহা হইলে তাহাকে কিসের জন্য ডাকা হইল? নিজের ঐশ্বর্য পরকে দেখাইয়া, তাহাদের ঈর্ষায় পুলকিত হওয়া একদল মানুষের স্বভাব বটে, ইহা কি তাহারই একটা উদাহরণ? কিন্তু পরক্ষণেই ক্ষণিকা নিজের চিন্তায় নিজের কাছেই লজ্জিত হইয়া পড়িল। ভাগ্যচক্রের আবর্তে আজ না-হয় তাহাদের দুজনের সম্বন্ধ ঈর্ষা-কলুষিত হইয়া উঠিয়াছে, তাই বলিয়া দুজনের স্বভাব-চরিত্র কি একেবারে অন্যপ্রকার হইয়া যাইতে পারে? দীর্ঘ ছয় সাত বৎসর ধরিয়া দিনে দিনে তাহার হৃদয়ে মনোজ্ঞার যে মূর্তি সে অঙ্কিত করিয়াছিল, তাহা কি আজ দুদিনেই মুছিয়া যাইবে? ভালবাসার অঞ্জলি চক্ষে পরিয়া সে যাহাকে দেখিয়াছিল, সে কি মর্যাদা মাত্র? আজ হিংসাকুটিল দৃষ্টিতে যাহাকে সে দেখিতেছে সেই কি সত্য?

বেণু তাহার ভাবনায় বাধা দিয়া প্রবলবেগে মাথা নাড়িয়া বলিল, “মামীমা, ভয়ানক ছুট, তার কাছেও পড়ব না। সে কেবল মামাকে গর বলে, আর গান শোনায়, আমাকে শোনায় না, আমি একটুও যাব না তার কাছে।”

ক্ষণিকা বলিল, “আচ্ছা, সবাই ছুট, একমাত্র ভাল তুমি, এখন নীচে চল, মুখ ধোবে, দুধ খাবে। তোমার ঠাকুরমা কি করছেন।”

“গুয়ে আছে, আমি দুধ খাব না, সবাই চা খায় আমিও চা খাব। মামীমার মত কালো চা খাব, দুধ-দেওয়া চাও খাব না।”

ক্ষণিকা তাহাকে লইয়া বৃদ্ধা গৃহিণীর ঘরের দিকে চলিল। অনেকদিনের পরিচয়ে তাহার অভ্যাসাদি সে খুব ভাল করিয়াই জানিয়া রাখিয়াছিল। ঠাণ্ডা লাগিবার ভয়ে যদিও তাম রোগ উঠিবার পূর্বে শয্যাভ্যাগ করিতেন না, তবুও চিরদিনের অভ্যাসবশতঃ ঘুমটা তাহার সকাল-সকালই টুটুয়া যাইত। এই সময়ে মানুষের মুখ দেখিতে পাইলে

তঁাহার আনন্দের সীমা থাকিত না, এমন গল্প আরম্ভ করিতেন যে আগন্তুক বেচারী অন্ততঃ এক ঘণ্টার জন্য তঁাহার শয্যা-পার্শ্ব হইতে নড়িতে পারিত না।

বাহিরে ক্ষণিকার পদশব্দ শুনিয়া তিনি উৎসুক হইয়া ডাকিয়া জিজ্ঞাসা করিলেন, “কে গা? কে যাচ্ছ ওখান দিয়ে?”

ক্ষণিকা ঘরের চৌকাঠ পার হইতে হইতে বলিল, “আমি, মাসিমা। কাল এত সকাল-সকাল ঘুমিয়ে পড়েছিলাম যে আপনার সঙ্গে রাত্রে আর দেখা করতে পারিনি। কেমন আছেন?”

গৃহিণী শুইয়াই রহিলেন, কাজেই তঁাহাকে আর প্রণাম করা হইল না। বৃদ্ধা হইলেও কোনওরূপ আয়ুক্ষয়কর ব্যাপারে তঁাহার আপত্তি যে কি-রকম প্রবল তাহা ক্ষণিকায় বিলক্ষণ জানা ছিল। কাজেই নব্য নিয়ম মত তঁাহাকে অবনত হইয়া একটা নমস্কার করিয়া সে তঁাহার খাটের পাশে আসিয়া দাঁড়াইল। গৃহিণী তাহাব শেষের কথার উত্তরটাই আগে দিতে আরম্ভ করিলেন, “আর বাছা, কেমন আছি। আছি যে এই আমার কপাল। রাতের জাগায় আর কি কোনো সুখ আছে? বুড়ো হাড় ক’টা সারাক্ষণ ব্যথায় টনটন করছে, না বসে সুখ, না শুয়ে সুখ। রাত্তিরে আর তুমি কি দেখা করবে, তুমি ত পরের মেয়ে, সারাদিন পথের কষ্টে তেতে পুড়ে এসেছ; ছেলে, বৌ, তারাই কোন্ খোঁজ রাখে, বুড়ী এল, না পথে পড়ে মরল। রাত দুটো নয় তিনটে নয়, বারোটা বেজেছে সবে, এরি মধ্যে নবাবনন্দিনী বৌ ঘুমিয়ে গেছেন। ছেলের মা আস্চে না চোর আস্চে। কত ডাকাডাকি করে তবে ঘরে ঢুকি। অত রাত্রে ঠাণ্ডা লেগে ব্যথাটা আরো বেড়ে গেল আর কি?”

গৃহিণীর কথার সুরে ক্ষণিকা বেশ খানিকটা অবাক হইয়া গেল। ষতদিন ঘরে বৌ আসে নাই ততদিন সেই খেদে অনাদিনাথের জননীর আগ্রহ নিদ্রা ঘুচিয়া যাইবার উপক্রম হইয়াছিল। তঁাহার কথা শুনিলে মনে হইত যেন যেমন হউক না কেন একটি বউ ঘরে আসিলে তিনি হাতে স্বর্গ পান। আর আজ বউয়ের আবির্ভাবমাত্র তঁাহার সুর একেবারে বদল হইয়া গেল? স্নেহ তঁাহার ঘরে আসিয়াছে বধুরূপে তাহার কোনো অযোগ্যতাই ত চোখে পড়ে না। রূপ,

ধন, মান, কোন অংশে সে তঁাহার পুরের অমুপযুক্ত? কিন্তু সুন্দরী বধু পাইয়া গৃহিণী যে পরম পরিতুষ্ট, তাহা ত তঁাহার কথায় বিন্দুমাত্রও বোধ হয় না। মাহুবে বাহা একমনে চায়, তাহা পাইবামাত্র তাহাদের পাওয়ার আগ্রহ কেমন করিয়া এমন বিরাগে পরিণত হয়? বাহা কল্পনায় এত সুন্দর তাহা মূর্ত্তি ধরিয়া আসিবামাত্র কেমন করিয়া এতখানি কুরূপ হইয়া যায়?

কিন্তু গৃহিণীর এতগুলি কথার উত্তরে কিছু ত একটা বলা দরকার? ক্ষণিকা বলিল “আবার তাহ’লে সেই কবিরাজকে ডাকুন না? তাঁর চিকিৎসায় সেবার ত বেশ উপকার পেয়েছিলেন।”

গৃহিণী ঝাঁঝিয়া বলিয়া উঠিলেন, “তুমিও যেমন বাছা! কে বা বসে আছে আমার জন্তে ডাক্তার কবিরাজ ডাকতে? বুড়ী মা মরলেই এখন সবাইকার হাড় জুড়োয়। সে সব আস্বে বৌ-ঠাকুরাণীর জন্তে—কবে তিনি একবার কেশেছেন, কোন্ রাত্রে তাঁর একটু গা গরম হয়েছে, রোজ হাট-কোটে-পরা ডাক্তার এসে তার খোঁজ নিচ্ছে। অসুখ কি তা ত চোখে দেখি না, জুবেলা মাছ ভাত খাওয়া হচ্ছে, গাড়া করে বেড়ান হচ্ছে, তবু রোজ ডাক্তার, রোজ ওষুধ। কুটোগাছটি ভেঙে ত হুখান করেন না কখনো। ও বয়সে আমাদের কি না করতে হয়েছে!”

ক্ষণিকা বিষম বিপদে পড়িল। ঘরে ঢুকিবামাত্র এমন ভাবে মনোজ্ঞার গুণবাখ্যা আরম্ভ হইবে জানিলে সে এধার মাড়াইত না। মনোজ্ঞার প্রতি তাহার মনোভাব যেমনই হউক না কেন, সে যে এ সংসারের গৃহিণী তাহা ভুলিয়া থাকা চলে না। তাহার শাস্ত্রীর হয়ত বা কারণে ও অকারণে তাহার নিন্দা করিবার কোনো আর্ধ্যশাস্ত্র-অনুযায়ী অধিকার থাকিতেও পারে, কিন্তু ক্ষণিকার সে নিন্দাবাদে যোগ দিবার অভিক্রটি বা অধিকার কিছুই নাই। অণ্ড এমন বক্তৃতা-শ্রোতের মধ্যে হঠাৎ পৃষ্ঠভঙ্গ দিলে সেটা বক্তৃতাকারিণীর প্রতি সৌজন্যের পরিচয় দেওয়া একেবারেই হইবে না।

এমন সময় বেণু উচ্চকণ্ঠে বলিয়া উঠিল, “মামোমা, জান আমি তোমার মত কালো চা খাব, মাসিমাকে বলে দিয়েছি।”

ক্ষণিকা চকিত হইয়া বাহিরের দিকে চাহিয়া দেখিল। দরজার ওধারে একটা সবুজ আঁচল আর লাল পাড়ের

খানিকটা দেখা গেল? মনোজা কতক্ষণ না জানি ওখানে দাঁড়াইয়া আছে? ক্ষণিকাকে সে ভাবিতেছে কি? আসিবামাত্র সে আর-কোনো কাজ করিবার আগে ছুটিয়া গিয়া শাশুড়ীর সহিত বধুর নিন্দার গল্পে মজিয়া গেল? ইহাকে কি মনোজা ক্ষণিকার ইচ্ছাকৃত ঘটনা বলিয়াই জানিবে? কিন্তু যদিই সে তাহা মনে করে, তবে তাহার সে ভুল ভাঙিয়া দিবার উপায়ই বা কোথায়? ক্ষণিকার অন্তর পর্য্যন্ত যেন লজ্জার আভাষ লাল হইয়া গেল।

বধুর আগমনের খবর পাইয়া গৃহিণী বলিলেন, “বৌমা নাকি? এত সকালে উঠেছ যে? গায়ে গরম জামা দিয়েছ ত? তোমাদের আবার যা শরীর এখন একখান বাধিয়ে বস্বে কিছু। একি আর আমরা? পোষ মাসের শীতে শান্তিপুরের শাড়ী পরে শুধু কাটিয়েছি, কোনোদিন একটু পাঁচন শুদ্ধ খাইনি।”

মনোজা ঘরের ভিতর আসিয়া দাঁড়াইল। শাশুড়ীর প্রশ্নের উত্তরে বলিল, “এখন আর ঠাণ্ডা কোথায় মা যে ঠাণ্ডা লাগবে? গরমে ত টেঁকা যায় না। আপনি আছেন কেমন?”

বৃদ্ধা মুখ বিকৃত করিয়া বলিলেন, “আমার আর থাকাকালি কি? আছি ঐ একরকম। এখন তোমরা ভাল থাকলেই বাঁচি। যাও বাপু তোমরা নিজেদের চা টা খাও গিরে, বুড়ীর কাছে দাঁড়িয়ে থেকে আর হবে কি?”

ক্ষণিকা এতক্ষণ দাঁড়াইয়া মনোজাকে দেখিতেছিল। চৈত্রেয় শেষাশেষি এবার বেশ গরম পড়িয়া গিয়াছে। তাই বোধ হয় সকালেই মনোজা স্নান করিয়া আসিয়াছে। তাহার আলুলায়িতকুন্তলা সত্ত্বাত্মা মূর্ত্তিকাকে ক্ষণিকার চোখে বড় সুন্দর লাগিল। মনোজার রূপসম্বন্ধে ক্ষণিকার ধারণা চিরকালই উচ্চ ছিল, কিন্তু নিজের রূপহীনতা সম্বন্ধে সে এখন বড় অস্বাভাবিক রকম সচেতন হইয়া উঠিয়াছিল। তাই নিজের মূর্ত্তিকে আপনার মনের কাছে সে যত বেশী করিয়া কালিমাচ্ছন্ন করিত, মনোজার রূপের প্রভা যেন সেই আঁধারের পাশে আরো জ্যোতির্ময়ী হইয়া উঠিত।

মনোজা ক্ষণিকার দৃষ্টিটা দেখিয়া লইল, তাহার পর তাহার কাঁধে হাত দিয়া মৃদুকণ্ঠে বলিল, “ক্ষণি চল, সত্যিই আমাদের এখানে দাঁড়িয়ে থাকিবার কোনো দরকার নেই।”

ঘরের বাহিরে আসিয়াই মনোজা বলিল, “দেখ, আমি এসে তবে ত তোকে উদ্ধার করলাম, তা না হলে আরো ঘণ্টা-খানেক ধরে আমার গুণব্যাখ্যা শুনতিস্।”

ক্ষণিকা মুখ লাল করিয়া বলিল, “আপনি কতক্ষণ ওখানে ছিলেন?”

মনোজা বলিল, “সব শুনেছি গো সব শুনেছি। কবি বাণ্‌স্ যে বলেছিলেন যে অগ্নের চোখে নিজেকে দেখতে তাঁর বড় সাধ, সেটা তিনি বাঙালী-ঘরের বউ হলেই মিটিয়ে নিতে পারতেন। তা আমি শাশুড়ীরও দোষ দিতে পারি না ভাই, বুড়ো মানুষ রোগে ভুগছেন, বউ এলে কোথায় সেবা-শুশ্রূষা করবে, তা নয় নিজের রোগ নিয়েই ব্যস্ত। তাঁর ছেলে তবু এতদিন একলা মাকে দেখতেন; এখন মা, স্ত্রী দুই সামলাতে তাঁরও প্রাণান্ত।”

ক্ষণিকা বলিল, “আপনার কি হয়েছে? মাসিমা অনেক কিছু ত বলে গেলেন, কিন্তু আসল ব্যাপার ত কিছু বুঝলাম না।”

মনোজা বলিল, “আর আসল ব্যাপার জেনে তোর কাজ নেই। আমি নিজেই কি জানি ছাই? কদিনই বা বিয়ে হয়েছে, এরি মধ্যে বাহাত্তরে বুড়ীর মত স্বামীর সঙ্গে শুদ্ধ কেবল রোগেরই গল্প হচ্ছে, অন্য লোকের ত কথাই নেই। যে আসে সেই বলে ‘কেমন আছ বৌমা, আজ শরীর একটু ভাল ত?’ বৌমা হয়েছেন এবাড়ীর এক একজিবিশন। নাটক নভেলে রোমান্স অবসান হবার হরেক রকম কারণ পড়লাম ভাই, হিংসা সন্দেহ আরো ছাইভস্ম কত কি। কিন্তু হাঁচি বা কাশির কথা কেউ বলেনি যে কেন? ওর মত instantaneous effect আর কিছুই নেই।”

ক্ষণিকা হাসিয়া বলিল, “তাই নাকি, এমনি ঠুনকো প্রাণ রোমান্সের, যে, কাশির থাকায়ই লুপ্ত হয়ে যায়?”

মনোজা বলিল, “আর বিজ্ঞের মত হাসতে হবে না। জান ত ছাই। ভাবরাজ্যে সব জিনিষের যেমন মূর্ত্তি কল্পনা কর, বাস্তব জগতে তারা তেমন নয় গো। আমরা যতক্ষণ অর্ধেক কল্পনা আর অর্ধেক মানবী, ততক্ষণ আমাদের আদরের ও মর্যাদার সীমা থাকে না; কিন্তু ঐ গোড়ার অর্ধেকটুকু যেই ঘনিষ্ঠ পরিচয়ে শূণ্ডে মিলিয়ে যায়, অমনি মান মর্যাদা সব উবে যায়।”

ক্ষণিকা বলিল, “আর আদরটা ?”

মনোজ্ঞা তাহার পিঠে একটা চড় মারিয়া বলিল, “সব যদি বলে দিই, তা হলে তুই নিজে আবিষ্কার করবি কি ? ঘেটুকু বললাম তাতেই বিবাহিতা নারীর guildএর গোপন কথা অনেকখানি বলে দেওয়া হল। জানিস্ ত, পৃথিবীটা কত বড় একটা মায়া, সে সম্বন্ধে সকাল-সকাল ছোটদের সচেতন করে দিতে নেই।”

ক্ষণিকা হাসিয়া বলিল, “আমাকে সচেতন করলেও ক্ষতি নেই কিছু, কারণ নিজ কিছু আবিষ্কার করার সম্ভাবনা আমার বিশেষ নেই।”

মনোজ্ঞা বলিল, “আহা মরে যাই। আমা হেন খুঁটি যখন নড়েছে, তখন আর কারু মুখে ও কথা আর শোভা পায় না। তবে এইটুকু বলে রাখি, দূর থেকে বিয়ে জিনিষটাকে যতখানি মনোহর লাগে, তার ভিতরে এসে পড়লে ঠিক তেমনিটা আর লাগে না। পান থেকে চুন খসলে যে এতখানি হ্যাঙ্গাম বাধে তা কি আর কখনো করনা করেছিলাম ?”

কথা বলিতে বলিতে তাহার নীচের খাইবার ঘরে আসিয়া উপস্থিত হইল। ক্ষণিকা গল্প করিতে করিতে প্রায় ভুলিয়াই গিয়াছিল যে এ বাড়ীতে অবস্থাটা তাহার কি রকম অদ্ভুত। ঠিক যেন মনোজ্ঞার বাড়ী সে বেড়াইতে আসিয়াছে এই ভাবেই সে গল্প করিতেছিল। কিন্তু ঘরে ঢুকিবামাত্র অনাদিনাথকে দেখিয়া তাহার মন আবার বিমুগ্ধ হইতে আরম্ভ করিল। ভাগ্যের এই নিষ্ঠুর পরিহাসের ক্রীড়নক হইয়া কেমন করিয়া তাহার দিন কাটিবে ? যে দুটি মানুষকে এ জীবনে সে ভালবাসিল, তাহারাই যদি নিরন্তর পরস্পরকে আড়াল করিয়া, পরস্পরের সত্যরূপকে বিকৃত করিয়া ফেরে, তাহা হইলে ক্ষণিকার দশা হইবে কেমন ? সে ভাবিয়া আসিয়াছিল মনোজ্ঞা বুঝি এই নূতন রাজ্যে ক্ষণিকার কাছে কেবল মূর্তিমতী দুর্ভাগ্যরূপিণী হইয়া বিচরণ করিবে, কিন্তু কাছাকাছি আসিয়া দেখিল, তাহার পুরাতন রূপকে তাহার নূতন রূপ ত একেবারেই আবৃত করিতে পারে নাই ! সে যেমন সুন্দর ছিল অন্তরে বাহিরে তেমনি ত আছে ! তবে ইহাকে কেমন করিয়া সে জীবনের অভিমান রূপে, তীব্র যুগার দৃষ্টিতে কলুষিত করিয়া দেখিবে ?

কিন্তু ঐ যে আর-একটি মানুষ, যিনি একদিন তাহার জীবনের কেন্দ্র হইয়া তাহার সকল ভাবনা, সকল করনা ও বাসনা অধিকার করিয়া বসিয়াছিলেন, তাঁহাকেই বা সে কি ভাবে এই নূতন জীবনযাত্রার মধ্যে গ্রহণ করিবে ? সমাজ ত তাহাকে তর্জনী তুলিয়া কেবলি শাসন করিতেছে, কিন্তু তাহার বিদ্রোহী অন্তর অধীনতা স্বীকার করে কই ? কিন্তু মুখ না ফিরাইলে বাঁচিয়া থাকা চলেই বা কেমন করিয়া ? সমস্তাটাকে ঠিক এতখানি জটিল বলিয়া সে বুঝিতে পারে নাই, কিন্তু এখন কি ভীকর মত পলায়ন ছাড়া কোন উপায়ই নাই ?

সে নীরবে আপনার অভ্যস্ত কাজগুলি করিয়া বাইতে লাগিল। মনের ভিতরে যতই কেন না মন্বন চলুক, বাহিরের জগতের দাবি তাহার জগ্না উপেক্ষা করিবার অধিকার নাই। বেগুর আব্দার রক্ষাও তাহার মাঝে আছে, কারণ বিশ্ব-সংসারে তাহার চেয়েও অধিকতর মূল্যবান জিনিষ যে ক্ষণিকার কাছে অস্তিত্বঃ কিছু আছে, এ কথা ভাবিতেও সে অক্ষম।

মনোজ্ঞা চা খাইতে খাইতে বলিল, “ক্ষণি, একেবারে যে চূপ হয়ে গেলি ?”

অনাদিনাথ ক্ষণিকাকে উত্তর দিবার দায় হইতে অব্যাহতি দিয়া বলিলেন, “উনি ত কাজের ভার নিলেন, এখন কথা বলার ভারটা তোমার নেওয়া উচিত।”

মনোজ্ঞা বলিল, “উচিত কাজ আর কবে আমি করি বল ? বোর্ডিংএ থাকতে নিজের ঘর পরিষ্কার রাখা, কাপড়-চোপড় গোছানো সবই আমার কাজ ছিল, তা সেগুলো আমি সব ক্ষণিকে দিয়ে করিয়ে নিতাম। আমার মত অকর্মণ্যের উচিত ছিল না কোনোদিন সংসার করতে আসা, ঠিক সেইটাই লোভে পড়ে করে বললাম। নিতান্ত বিধাতা আমার অক্ষম করে সৃষ্টি করেই নিজেই নিজের ভুল বুঝে ক্ষণিকে গড়েছিলেন, তাই যেখানেই যাই ও আমার তদারক করতে এসে জোটে।”

অনাদিনাথ বলিলেন, “সে হিসাবে বিধাতার ভুল একটি মাত্র নয়, তবে ভুল সংশোধন তিনি দেখছি একবারই করেছেন। অক্ষম তিনি অনেকগুলি গড়েছেন, তবে যার উপর তাদের সামলে চলবার ভার দিয়েছেন, তার

কাজের সুবিধার জন্ত অক্ষমগুলিকে এক জায়গায় এনে ছুটিয়েছেন।”

মনোজা বলিল, “থাক, এতদিন ভাবতাম কেন যে ভগবান আমার মত অপদার্থকে সংসারে টেনে নিয়ে এলেন! এখন দেখছি ঋণির কাজের সুবিধার জন্তই। পরোক্ষভাবে তাতে আমারও খানিকটা সুবিধা যে হয়নি তা নয়। আমাদের মধ্যে কে কাকে বখশিস্ দেবে বল দেখি?”

ঋণিকা বলিল, “থাক, আমার আর বখশিসে দন্ডকার নেই। কাজের ভার কোনো রকমে বইছি, বখশিসের ভার আর বইতে পারব না।”

মনোজা বলিল, “নিতান্ত হেসে বল্ছিস তাই কথাটাকে ঠাট্টা মনে করে হাক্কা করে নিচ্ছি, কিন্তু ঠাট্টার মত ঠিক শোনাচ্ছে না।”

এমন সময় অনাদিনাথ চেয়ার ঠেলিয়া উঠিয়া পড়িলেন। মনোজা বলিল, “ও কি, অর্ধেক জিনিষ ফেলে চললে কোথায়? আমার গিন্নিপনার আমলে না হয় খেতে রুচি হত না, এখন ত regime বদলেছে, এখন তোমার ধরণ বদলানো উচিত।”

ঋণিকা বেণুর ছুখ আনিবার ছলে ঘর হইতে বাহির হইয়া গেল। তাহার প্রায় সহ্যের সীমানা অতিক্রান্ত হইতে চলিয়াছিল। মনোজার পরিহাসের বাণগুলি যে কাহার ব্যথিত অন্তঃকরণকে রক্তরঞ্জিত করিতেছিল তাহা সে নিজে বুঝিল না। কিন্তু ঋণিকার ছদ্মবেশ ভেদ করিয়া তাহার আঘাতক্লিষ্ট মূর্তি যে বাহিরে আসিতে চায়? এমন অবস্থায় পলায়ন ভিন্ন তাহার আর পথ কোথায়?

ছুখ লইয়া ফিরিবার মুখে দেখিল মনোজা খাইবার ঘর হইতে বাহির হইয়া চলিয়াছে। ঋণিকাকে উদ্দেশ্য করিয়া

সে বলিয়া গেল, “বাচ্চি ডাক্তারের মুখ দেখতে। বেণুকে তুই ছুখ খাওয়াতে আমার চেয়েও চের ভাল পারবি, সে বিষয়ে তোকে কোনো উপদেশ দেবার দন্ডকার নেই। আর রান্নাবান্না কি হবে তা তুই নিজে ঠিক করিস। এতদিন কোনো রকমে যা-তা কর্ছিলাম, এখন তুই আসল পারের কাণ্ডারী এসেছিস্ তুইই হাল ধর।”

ঋণিকার বুকের ভিতর অবধি যেন জালা করিতে লাগিল। কেবলি তাহাকে ঐ কথাই শুনিতে হইবে? এ রাজ্যের সিংহাসনে তাহারই যদি ষথার্থ অধিকার তবে সেখান হইতে তাহাকে ঠেলিয়া ফেলিল কে? বাহিরের সংসারে দাসীর ঞায় খাটিবার জন্তই বিধাতা তাহাকে সৃষ্টি করিয়াছেন এ কথা মনোজা সত্যই বলিয়াছে। কি অন্তর-লোকে, যেখানে নারী দেবীরূপে প্রেমের আরাতি পায় সেখানকার দ্বার তাহার জন্ত চিররুদ্ধ। সে পূজার অর্ঘ্য জোগাইয়া দিবে, ফুল তুলিয়া মালা গাঁথিয়া দিবে, আরতির প্রদীপখানি সযত্নে সাজাইয়া ভক্ত পূজারীর হাতে তুলিয়া দিবে। এইটুকু তার অধিকার। তাহার পরে কাহার রক্তিম চরণে সে পূজোপহার অর্পিত হইল, কাহার অপরূপ হাসির উপর আরতির দীপের মধুর স্নিগ্ধ আলো পড়িয়া সেখানে আনন্দের দেয়ালি দেখা দিল, কাহার কমনীয় কণ্ঠ আলিঙ্গন করিয়া কুসুমের মালা আপনার জীবনকে সার্থক জ্ঞান করিল সে-সবে তাহার প্রয়োজন কি? সে শুধু বাহিরের সংসারের মানুষ, মানুষের হৃদয়মন্দিরে প্রবেশ করিবার পরোয়ানা বিধাতা তাহার জন্ত রাখেন নাই।

(ক্রমশ)

শ্রীসীতা দেবী।

মুরংদের লবণ

মুরংদের বাসস্থান পার্কত্য চট্টগ্রামে। উহারা বাঁশ হইতে লবণ সংগ্রহ করে। চলু নামক একপ্রকার বাঁশ যখন পাঁচ ছয় হাত লম্বা হয় তখন উহারা এই কচি বাঁশগুলি কাটিয়া শুকাইতে দেয়। অতঃপর এই শুকনো বাঁশগুলি পুড়াইয়া ছাই করে। এই ছাইগুলি জল মিশ্রিত করিয়া

বেতের স্রু চালুনি ও নেকড়ার সাহায্যে ছাঁকিলে ঘোলা লোনা জল বাহির হয়। মুরংরা এই ঘোলা জল লবণের পরিবর্তে ব্যবহার করে। তাদের আর লবণের দন্ডকার হয় না।

“অতীত্ৰ”।

বাঙ্গালী ও দ্রাবিড়

ইতিহাস আলোচনা করিলে বাঙ্গালী জাতির উপর দ্রাবিড়ের তিন রকমের প্রভাব দেখিতে পাওয়া যায়। বাঙ্গালীর ভাষা, সমাজ ও ধর্মের উপর দ্রাবিড় কিছু কিছু চিহ্ন রাখিয়া গিয়াছে। বাঙ্গালাদেশে যে দ্রাবিড়গণ কোন সময়ে আধিপত্য বিস্তার করিয়াছিল “তাম্রলিপ্তি” নামই তাহার এক প্রমাণ। মহামহোপাধ্যায় শ্রীযুক্ত হরপ্রসাদ শাস্ত্রী মহাশয় দেখাইয়া দিয়াছেন যে, এক সময়ে তামল বা দামল জাতির প্রাধান্য তমোলুকে ছিল। বহুপ্রাচীন সংস্কৃতো তমোলুকের নাম দামলিপ্তী অর্থাৎ উহা দামল বা দ্রাবিড় জাতির একটি প্রধান নগর। প্রাচীন দ্রাবিড়গণের যে সভ্যতা, ধর্ম ও স্তম্ভসমাজ ছিল তাহা আমরা প্রবন্ধান্তরে দেখাইয়াছি। সংস্কৃত ভাষায় অনেক দ্রাবিড় শব্দ প্রবেশ করিয়া সংস্কৃতের অস্থি-মজ্জাগত হইয়া গিয়াছে। বাঙ্গালী ভাষায়ও যে বহু দ্রাবিড়শব্দ প্রবেশলাভ করিয়া বাঙ্গালার ধাতুর সহিত মিশিয়া গিয়াছে, তাহার যথেষ্ট উদাহরণ শ্রীযুক্ত বিজয়চন্দ্র মজুমদার মহাশয় পরিষৎ-পত্রিকায়, প্রবাসীতে ও তাঁহার নবপ্রকাশিত গ্রন্থে সন্নিবেশ করিয়াছেন। বাঙ্গালী যখন যে জাতির সংঘর্ষে বা সম্পর্কে আসিয়াছে, সেই জাতির কোন না কোন চিহ্ন তাহার ভাষায় রাখিয়া দিয়াছে। বঙ্গভাষার আলোচনা করিলে এইরূপ নিদর্শনের অভাব হয় না। বাঙ্গালীর জন্য এ নিদর্শন নূতন নয়। সকল জাতির পক্ষে ইহা প্রযুক্ত হইতে পারে। তবে সংস্কৃতভাষার উপর দ্রাবিড় প্রভাব যে ছিল একথা সকলে স্বীকার করিতে চান না। অধুনা তিন শ্রেণীর ভাষা ভারতবর্ষে কথিত হইয়া থাকে—সংস্কৃত-জাত, দ্রাবিড় ও মুণ্ডা। যখন বৈদিক ভাষা প্রথম ভারতবর্ষে আসে, তখন এ দেশে দ্রাবিড় ও মুণ্ডা ভিন্ন আর কোন ভাষা যে প্রচলিত ছিল, তাহার কোন প্রমাণ পাওয়া যায় না। ইহাদের মধ্যে মুণ্ডা কেবল পূর্বঘাটের পার্বত্য অঞ্চলে, বিষ্ণুপর্বতে ও ছোটনাগপুরে কথিত হইয়া থাকে। পূর্বকালেও যে এইরূপ ছিল না, তাহার কোন প্রমাণ নাই। মুণ্ডাভাষা-ভাষীরা বৈদিককাল হইতে আজ পর্যন্ত অসভ্যই আছে। এমন মনে হয় না যে, মুণ্ডা শ্রেণীর ভাষা বৈদিক ভাষার উপর

কোনরূপ প্রভাব বিস্তার করিয়াছে, তবে দ্রাবিড় ভাষা দ্বারা সংস্কৃতের অন্ততঃ কিছু পরিণতি ঘটয়াছে, ইহা বলা যাইতে পারে। সংস্কৃত দ্রাবিড় ভাষার উপর যেমন প্রভাব বিস্তার করিয়াছে, দ্রাবিড়ও সংস্কৃতের উপর সেইরূপ করিয়াছে।

ভারতে যে-সমস্ত ভাষায় এখন কথাবার্তা চলিতেছে সেই-সমস্ত ভাষার সহিত বৈদিক ভাষা বা ইহা হইতে জাত সংস্কৃত ভাষার কি সম্পর্ক তাহা আজও স্থির হয় নাই। মধ্যযুগের সংস্কৃত ব্যাকরণের সাহায্যে ভাষাতাত্ত্বিকেরা কেবল যাহা কিছু মত দিয়া থাকেন। ইহাদের মতে দ্রাবিড়ভাষা সংস্কৃতের নিকট স্বামী—কিন্তু সংস্কৃতভাষা দ্রাবিড় ভাষার নিকট আদৌ স্বামী নহে। এক শব্দ দ্রাবিড় ও সংস্কৃত উভয় ভাষায় পাওয়া গেলেই ইহার স্থির করিয়া থাকেন যে, দ্রাবিড় ভাষা সংস্কৃত হইতে শব্দ গ্রহণ করিয়াছে। এ কথা সত্য যে, মধ্যযুগের সভ্যতার সংস্কৃতপাঠী ব্রাহ্মণের প্রভাবে দ্রাবিড় সাহিত্যের অধিকাংশই সংস্কৃতসাহিত্য-জাত। এখন একটা কথা—তবে কি সমগ্র বৈদিক ভাষা তাহার শব্দ-সম্ভার বাহির হইতে আনিয়াছে? তাহার উত্তরে বলা যাইতে পারে যে, যে-সমস্ত শব্দের সামান্য শব্দ অবৈদিক, স্লাভনিক, গ্রীক, লাতিন, জার্মানিক ও কেল্টিক ভাষায় পাওয়া যায় না, সেগুলি নিশ্চয়ই যখন বৈদিকভাষা ভারতে প্রবেশ করে, তখন এখানে যে-সমস্ত ভাষা ছিল তৎসমুদয় হইতে গৃহীত। কারণ, ভাষা অপেক্ষাকৃত পুরাতন হইয়া গেলে তাহার ধাতু সে আবিষ্কার করে না, তাহার পূর্ব সম্পত্তি হইতেই লইয়া থাকে। সংস্কৃত ভাষায় এমন কতকগুলি নামবাচী শব্দ আছে যেগুলি ভারতের, বিশেষতঃ দক্ষিণভারতের। উদাহরণ স্বরূপ বলা যাইতে পারে, যেমন—মুক্কা, ময়ূর, ব্রাহ্মি, পিপ্পলি, মিরীচ, চিঞ্চ। এগুলি অগ্নিউপাসকগণ ভারতে প্রবেশ করিবার পূর্বে কখনই জানিতেন না। নিশ্চয়ই দ্রাবিড় হইতে গ্রহণ করিয়াছিলেন।

আবার ‘নীর,’ ‘মীন’ সংস্কৃত হইতে দ্রাবিড়গণ কখনই গ্রহণ করেন নাই। কেন না, এ কথা নিশ্চয়ই স্বীকার করিতে হইবে যে, দ্রাবিড়গণ নিশ্চয়ই জল পান করিতেন ও মাছ খাইতেন—তবে এ দুটি নামের জন্য কি তাঁহারা

সংস্কৃতের অপেক্ষা করিয়া বসিয়া ছিলেন? ডক্টর হ্যাডন (Dr. Haddon) সত্যই বলিয়াছেন—

"So far as is known the bulk of the population of India has been stationary.....The so-called Aryan conquest was more a moral and intellectual one than a substitution of the white man for the dark-skinned people—i. e.—it was more social than racial.....Proto-vedic must have been profoundly affected by the languages of the Ganges Doab."

আমাদের মনে হয় এই Ganges Doab-এর ভাষার মধ্যে ড্রাবিড় একটা ভাষা। শ্রীনিবাস আয়েঙ্গারও এই মত পোষণ করিয়াছেন।

বৈদিক ও ড্রাবিড় ভাষার ব্যুৎপত্তিগত অভিধান মাই। ইহা রচিত হইলে এ বিষয়ের আলোচনা চলিতে পারে। আর একটি প্রশ্নের উত্তর আরও কঠিন। উত্তর ভারতের লোকদের মধ্যে সংস্কৃত কতদূর বিস্তার লাভ করিয়াছিল? আর ড্রাবিড় ও মুণ্ডা ভাষার গভীর বাহিরে এখন যে-সকল ভাষার কথাবার্তা হইয়া থাকে তাহাদের সম্পর্কই বা কি? বর্তমান ভাষাতত্ত্বপ্রণালী অনুসারে এই-সমস্ত ভাষার ঐতিহাসিক ব্যাকরণ যতদিন না তৈয়ারী হইবে, ততদিন কোন উত্তরই দেওয়া যাইবে না। এদিকে এপর্যন্ত খুব কমই কাজ হইয়াছে। হোর্ণলের "Grammar of the Eastern Hindi", ডক্টর গ্রীয়ারসনের Linguistic Surveyর প্রকাশিত রিপোর্টগুলি ও ইয়ুল্ল রশের "La formation de la langue Marathe" এই কয়খানি গ্রন্থ হইতে এ বিষয়ে অতি সামান্যই উপকরণ পাওয়া যায়। ডক্টর গ্রীয়ারসন মনে করেন, ঋগ্বেদের ভাষা Upper Doab-এ বলা হইত। আর যখন ভাষা চাঁচিয়া ছুলিয়া সাহিত্যের সংস্কৃতে দাঁড়াইল, তখন ইহা প্রাকৃতে পরিণত হইল, তারপর মধ্যদেশের ভাষায় পরিবর্তিত হইল। এই এক স্রোত। আর এক স্রোত আর্য্যারা প্রথম চোটে আনিয়া পঞ্জাবে ফেলিয়াছিল। তাহাই মধ্যদেশের চারিদিকে ছড়াইয়া পড়ে এবং তাহাই গ্রীয়ারসনের ভাষায় "Outer Band of Indo-Aryan dialects" হইয়া পড়ে। গ্রীয়ারসন ইহার কারণ অনুসন্ধান করিয়া স্থির করিয়াছেন যে, "Outer Band"-এর দক্ষিণে ও পূর্বে বিস্তৃতি ঘটায়

এইরূপ হইয়াছে। তাঁহার মতে কালে এই-সমস্ত বিভাষা (dialect) নষ্ট হইয়া যায় এবং বর্তমানে উত্তর-ভারতের কথিত ভাষায় পরিণত হয়। গ্রীয়ারসনের এই ভিত্তিহীন প্রমাণ-শূন্য খেয়াল কাহারও কাহারও নিকট মধুর স্বপ্নের ন্যায় প্রভৌয়মান হইতে পারে। গ্রীয়ারসন উত্তরভারতে সংস্কৃতের ভাষাগুলির অস্তিত্বের বিষয় আদৌ ভাবিতে ভুলিয়াছেন; কাজেই আমরা ইহা অন্তঃসার-শূন্য বলিয়া পরিত্যাগ করিতে বাধ্য হইলাম।

ব্রাহ্মণযুগে সংস্কৃত ব্রহ্মবাদীদের ভাষা থাকিলেও থাকিতে পারিত। ভারতের উত্তরাঞ্চলের কথা-ভাষার একটু ছিটে ফোঁটা অশোক-অমুশাসনে পাওয়া গিয়াছে। যখন বিদেশী বিজেতারা কিছু পরে আসল এবং হিন্দু-ভাবাপন্ন হইল, তখন আবার শিলালিপি ও অমুশাসনের ভাষার স্থান সংস্কৃত গ্রহণ করিল। কিন্তু কয়েক শতাব্দী পূর্বে কথাভাষাগুলির অবস্থা কি ছিল তাহা এখনও কেহ জানিতে পারেন নাই। এ সম্বন্ধে বিস্তৃত আলোচনা হওয়া উচিত। কিন্তু এই ভাষাগুলি আমরা এখন যেমন বলিয়া থাকি, সেই হিসাবে ধরিয়া ইহাদ্বিগকে সংস্কৃতজাত বলিয়া বিভক্ত করিলেও নানা গোল ওঠে। বাবহৃত শব্দের ব্যুৎপত্তি দেখিয়া ভাষার সম্বন্ধ ঠিক করা যায় না, বরং বৈয়াকরণ বাক্ছন্দের (Fundamental Grammatical Structure) দ্বারা কিছু সন্ধান পাওয়া যায়। Theoryতে বিদেশীভাষা হইতে একটি ভাষার সমস্ত শব্দ গ্রহণ করা সম্ভব হইতে পারে, কিন্তু তাহার বৈয়াকরণিক গঠন (Framework) আদৌ বদলান যায় না। আর বৈয়াকরণ গঠনই ভাষার বংশ নির্ণয় করিয়া দিতে সমর্থ।

বাল্গালী জাতি-হিসাবে ড্রাবিড়, এ কথা আমি বলি না। রিজলী বাল্গালীকে ড্রাবিড় ও মঙ্গলীয় জাতির সংমিশ্রণ-জাত বলিয়া প্রমাণ করিতে চেষ্টা করিলেও বর্তমান প্রত্নতত্ত্ববিদ পণ্ডিতগণ তাহা আদৌ স্বীকার করেন না। হ্যাডন, শ্রীযুক্ত রমা প্রসাদ চন্দ, জিউফিদা কুঞ্জেরি-প্রমুখ বর্তমান জাতি-তত্ত্ববিদগণ বাল্গালীকে প্রশস্তকরোটিবিশিষ্ট (brachycephalic) ইণ্ডো-ইউরোপীয় জাতি বলিয়াই গণ্য করিয়াছেন। ইহাদের সিদ্ধান্তের বিরুদ্ধে কেহ এখনও লেখনী ধারণ করেন নাই। বাল্গালীর জাতি

নিরূপিত হইলেও ইহা অবশ্য স্বীকার্য যে, ড্রাবিড়ের কয়েকটি প্রভাব বাঙ্গালীর উপর ছিল। সুপ্রাচীনকালে আৰ্য্যদিগের মধ্যে ড্রাবিড়দিগের ধর্মপ্রভাব বিস্তৃত ছিল। ইহা কিরূপে বিস্তৃত হইল তাহা আলোচনার বিষয়। আৰ্য্যেরা অধিকতর সভ্য, প্রবল-প্রতাপ ও বিগ্ৰহরূচসম্পন্ন ছিলেন। তাঁহাদের মধ্যে অনাৰ্য্য রীতি-নীতির বিস্তার কিরূপে হইল? যখন কোন জাতি কোন নূতন দেশে উপনিবেশ স্থাপন করিবার চেষ্টা করে, তখন স্বভাবতঃ সেই নূতন প্রদেশের অধিবাসীদিগের সহিত মিলিবার জন্ত ও তাহাদিগকে সম্বলিত রাখিবার জন্ত সেই জাতি তাহাদের অনেক রীতিনীতি ও ধর্মপদ্ধতি নিজেদের মধ্যে গ্রহণ করিয়া থাকে। সকল স্থলেই যে এইরূপ হইয়া থাকে তাহা নয়। তবে অনেক স্থলে অবস্থানুসারে এইরূপ হইয়া থাকে। যে জাতির যে বিষয়ে প্রভাব যত বেশী, অপরজাতি তাহার সংস্পর্শে আসিয়া সেই বিষয়ে তাহার অনুকরণ করিবার তত প্রয়াস পায়। আৰ্য্যেরা অনাৰ্য্য ড্রাবিড়দিগের কতকটা ভাব অনুকরণ করিয়াছিল, কেন না সেই ভাবটুকু তাহাদের সমাজ-শরীরের অস্থিমজ্জাগত করা—প্রাকৃতিক বিধানে আধ্যাত্মিক পরিপুষ্টির জন্ত সেরূপ করা তাহাদের প্রয়োজন হইয়াছিল। তাই আৰ্য্যেরা অনাৰ্য্য প্রভাব এড়াইতে পারে নাই। অনাৰ্য্যদিগের পূজাপদ্ধতি, রীতিনীতি নিম্নস্তরের হিন্দুদিগের মধ্যে স্থান পাইয়া ক্রমশঃ হিন্দুসাধারণের ভিতর বিগ্ৰহাকারে রূপান্তরিত হইয়াছে। অনাৰ্য্য-দের দানব ও উপদেবতা প্রভৃতি হিন্দুদিগের মধ্যে দেবতায় পরিণত হইয়াছে। সম্ভবতঃ এইরূপে স্থানবিশেষে অনাৰ্য্য ধর্ম হিন্দুধর্মের উপর একটা উদ্ভটভাব অর্পণ করিয়াছে—বিগ্ৰহ হিন্দুধর্মকে কেত্রবিশেষে কিছু নিষ্ঠুর-ভাবাপন্ন করিয়াছে। জীব-বলি-প্রথা, মানুষের প্রতি ধর্মার্থ নির্ঘাতন, দেবকার্য্যে সুরাপান প্রভৃতি কয়েকটি ধর্মামুদিত রীতি অনাৰ্য্য ধর্ম হইতে আৰ্য্যধর্মে গৃহীত হইয়াছে। কিন্তু কোন্ কোন্ ব্যাপার একধর্ম অপরধর্ম হইতে গ্রহণ করিয়াছে তাহা বিশেষ সতর্কতার সহিত বিচার করিয়া স্থির করিতে হইবে। অনেক সময় উভয় ধর্ম-পদ্ধতির সাদৃশ্য দেখিয়া সিদ্ধান্ত তুল করা হইয়া থাকে। যে যে জাতির ধর্ম সম্বন্ধে পৌরীপৰ্য্য নির্ণয় করিতে হইবে,

সেই সেই জাতির সভ্যতা, সংস্পর্শ, পারিপার্শ্বিক ঘটনা প্রভৃতি প্রয়োজনীয় বিষয় যথোচিত আলোচনা না করিয়া কিছু স্থির করা উচিত নয়।

বেদামুদিত ধর্মবিশ্বাস ভারতের প্রায় সকল শ্রেণীর ধর্মবিশ্বাসের উপর সবিশেষ প্রভাব বিস্তার করিয়াছে। প্রকৃত বিচার করিয়া দেখিলে বলিতে হয়, বাঙ্গালীর ধর্ম বলিতে গেলে কোন নির্দিষ্ট বিশেষ ধর্ম বোঝায় না। বাঙ্গালী দেশে বহু ধর্মসম্প্রদায় বিদ্যমান, আবার প্রায় সকল সম্প্রদায়েরই ধারণা তাহাদের ধর্ম বেদামুদিত; এ ছাড়া বাঙ্গালীর হিন্দুধর্ম ভিন্ন অন্য ধর্মাবলম্বী লোকের সংখ্যাও বড় কম নয়। বেদামুদিত ধর্মাবলম্বীরা প্রধানতঃ হিন্দু নামে অভিহিত। এই হিন্দু বাঙ্গালীরা বহু সম্প্রদায়ে বিভক্ত হইয়া, নানা উপধর্মের সেবা করিয়া, বেদবিধির বহু প্রকারে অসম্মম করিয়াও, আপনাদিগকে বেদামুদিত-ধর্মবিশ্বাসী বলিয়া মনে করিয়া থাকে। সময় সময় বাঙ্গালীর ধর্মবিশ্বাস ও রীতি-নীতির অভ্যন্তরে কতকগুলি অবৈদিক সংস্কার এরূপ দৃঢ়-সম্বন্ধ হইয়া গিয়াছে যে, বর্তমান বাঙ্গালীর এখন সম্পূর্ণ বেদ-বিহিত রীতি ও ধর্মবিশ্বাস প্রচলিত করা কঠিন। এই-সকল সংস্কার হিন্দু বাঙ্গালীর হৃদয়ে যে কিরূপে বদ্ধমূল হইল তাহা আলোচনার বিষয়। আৰ্য্যেরা এদেশে বৈদিক ধর্মের প্রতিষ্ঠাতা। তাঁহারা এখন নানা শাখাপ্রশাখায় ভারতের প্রায় সর্বত্র বিস্তৃত হইয়া পড়িয়াছেন। তাঁহারা এদেশের আদিম-অধিবাসীদিগের সংঘর্ষে আসিয়া তাহাদিগের ধর্ম-সম্বন্ধীয় অনেক সংস্কার আপনাদিগের অস্থিমজ্জাগত করিয়া ফেলিয়াছেন। বাঙ্গালীর বর্তমান অবস্থায় ধর্মবিশ্বাসকে বিশ্লেষণ করিয়া দেখিলে দেখা যায় যে, ইহার মূলে এক আদিম ধর্মবিশ্বাসের বীজ নিহিত রহিয়াছে। এই আদিম সংস্কার-সকল তাহাদের নিত্য-নৈমিত্তিক আচারে কিঞ্চিৎ বিগ্ৰহাকারে স্থান লাভ করিয়াছে। বাঙ্গালীর এখনও এমন অনেক জাতি আছে যাহারা খাঁটি পুরাতন সংস্কার এখনও কতকটা পোষণ করিয়া থাকে। উচ্চ-শ্রেণীর বাঙ্গালীরা মনে করেন, তাঁহারা খাঁটি বেদবিহি-ধর্মাবলম্বী। আদিম সংস্কার-সকল তাঁহাদের অজ্ঞাতসারে তাঁহাদের উপর প্রভাব বিস্তার করিয়া রহিয়াছে ইহা তাঁহারা একপ্রকার ভুলিয়াই গিয়াছেন। আদিম সংস্কারসকল প্রথমে এদেশের কতকগুলি

স্বাধীন জাতির মধ্যে বিকাশপ্রাপ্ত হয়। তাহারা আপনা-
 'দিককে কোন বিশেষ-ধর্মাবলম্বী বলিয়া মনে করিত না।
 আদিম-মনুষ্য-স্বভাব-সুলভ কতকগুলি সংস্কার তাহাদের মনে
 স্থান পাইয়াছিল। সর্বশক্তিমান কোন আত্মসত্তার ভাব
 অপরিশ্রুতভাবে তাহাদের ধারণায় আসিয়াছিল। কিন্তু
 তাহাদের অপরিণত মন সেই সত্তার উপাসনার উপযোগী ছিল
 না, তদ্ব্যতীত তাহারা কতকগুলি উপদেবতার উপাসক
 হইয়া পড়িয়াছিল। তাহারা তাহাদের শরীর ও মনের উপর
 ক্রিয়াশীল যাবতীয় বাহ্য পদার্থকেই, ইচ্ছা-ও শক্তিসম্পন্ন মনে
 করিত। বৃক্ষের আত্মা আছে, নদী ও পাহাড়ের আত্মা
 আছে, ইহা তাহারা মনে করিত। তাহাদের বিশ্বাস, পূর্ব-
 পুরুষেরা তাহাদের দৃষ্টিগোচরে অবস্থান না করিলেও ইহাদের
 আত্মা তাহাদের তত্ত্বাবধান করিত। তাহারা মনে করিত, দেহ-
 বিচ্যুত আত্মা পরলোকে থাকিয়া ইহলোকের তত্ত্বাবধান
 করিত। স্মৃতরাং পূর্বপুরুষগণও তাহাদের পূজা ও উপাস্য
 ছিল। আত্মার অস্তিত্বে তাহারা বিশ্বাস করিত, কিন্তু জন্মা-
 স্তরের ধারণা তাহাদের ছিল না। জন্মান্তরের ধারণা না
 থাকা আদিম ধর্মবিশ্বাসের এক বিশেষত্ব। ইহার আর-
 এক বিশেষত্ব এই যে, তাহাদের মধ্যে পুরুষপরম্পরাগত
 পৌরোহিত্য প্রথা ছিল না। তাহারা তাহাদের কোন কোন
 ব্যক্তিকে দৈবশক্তিসম্পন্ন মনে করিত। এইরূপ ব্যক্তির
 নিকটে অনেকে আসিয়া, তাহারা কোন্ দেবতার কোপে
 পড়িয়াছে, আর কোন্ দেবতাকে সন্তুষ্ট করা প্রয়োজন
 তদ্বিষয়ে প্রশ্ন করিত। ইহারা যে-দেবতাকে মানিত সেই
 দেবতাকে তাহাদেরই ঋণ ঘেঁষহিংসা-পরায়ণ অথচ অধিকতর
 শক্তিসম্পন্ন বলিয়া মনে করিত। এই-সকল দেবতাদিগকে
 প্রসন্ন করিবার জন্ত তাহাদিগকে তাহাদের উদ্দেশে পশুবলি
 করিতে হইত। সম্ভবতঃ তাহারা মনে করিত, তাহারা
 যেমন নিজে পশুমাংসে পরিভূপ্ত হইত, তাহাদের দেবতাদেরও
 পশুমাংস তদ্রূপ সন্তোষপ্রদ। তাহারা ভাবী শুভাশুভের
 কতকগুলি পূর্বলক্ষণ মানিত এবং কোন কার্যে প্রবৃত্ত
 হইবার বা কোন স্থানে যাত্রা করিবার পূর্বে এই-সকল পূর্ব-
 লক্ষণ বিচার করিয়া কার্য করিত। কিন্তু এই খাঁটি সংস্কারগুলি
 আর কোন জাতির মধ্যে দেখা যায় না; অল্পবিস্তর-হিন্দুভাব-
 মিশ্রিত অবস্থায় এই-সকল সংস্কার বাঙ্গালীর মধ্যে বিদ্যমান

থাকিতে দেখা যায়। বাঙ্গালীরা জলাশয়ে, বৃক্ষবিশেষে, প্রস্তর-
 বিশেষে দৈব-অস্তিত্ব মানিয়া থাকে। ইহারা বিবাহাদি কর্ত্তে
 অনেকগুলি সংস্কারজাত রীতি মানিয়া চলে, সেগুলি বেদ-
 বিহিত ক্রিয়া বলিয়া মনে হয় না। হয় ত বঙ্গদেশে এখন
 খাঁটি আদিম-ধর্মাবলম্বী একটিও জাতি না থাকিতে পারে।
 হিন্দুধর্মের প্রভাব এখন সকল জাতির উপরই অল্পবিস্তর
 বিস্তৃত হইয়াছে। হিন্দুধর্মশাস্ত্রের দেবতাদিগের পূজা ও
 উপাসনা প্রায় সর্বত্রই প্রচলিত, কিন্তু আশ্চর্যের বিষয় এই
 যে, অহুসন্ধান করিলে দেখা যায় এই-সকল পূজা ও উপাসনা
 কোন না কোন আকারের আদিম ধর্মবিশ্বাসের ভিত্তির
 উপর প্রতিষ্ঠিত।

এইবার আমরা দ্রাবিড় সম্পর্কে বাঙ্গালীর কথা কিছু
 বলিব। ধর্ম ও সমাজ সম্বন্ধে বাঙ্গালীর উপর দ্রাবিড়
 কতটা প্রভাব বিস্তার করিয়াছিল তাহারই একটু আভাস
 দিতে চেষ্টা করিব।

সমাজ সম্পর্কে বাঙ্গালীর উপর দ্রাবিড়ের প্রভাব
 অতি অল্প। দ্রাবিড়ের সম্পর্কে আসিয়া মাত্র কয়েকটি
 জিনিস বাঙ্গালী দ্রাবিড়ের নিকট হইতে গ্রহণ করিয়াছে।
 বাঙ্গালী ও দ্রাবিড় সভ্যতা ও সংস্পর্শ সমালোচনা করিয়া
 দেখিতে পাই যে, নারিকেল, তাম্বুল ও চন্দন দ্রাবিড় দেশ
 হইতেই বাঙ্গালী পাইয়াছে। এগুলি দ্রাবিড় দেশেরই
 নিজস্ব সম্পত্তি। নারিকেলকে তামিলভাষায় তের-মরম্ অর্থাৎ
 দক্ষিণ দেশের বৃক্ষ বলে। নারিকেল ফলকে ইহারা
 “তেরংকাই” ও “তেংকাই” বলে (Asiatic Quarterly
 Rev. July 1897, p. 100)। তেলুগুভাষায় ইহার
 নাম “নারীকেলমু”। ৬৪৫ খৃষ্টাব্দে য়ুন-চয়ঙ্ “নাড়ীকের
 দ্বীপের” উল্লেখ করিয়াছেন। বৃহৎসংহিতায় লিখিত আছে
 যে, নালীকের জাতি নালীকের দ্বীপেরই অধিবাসী ছিল।
 কথা-সরিৎসাগরে নারীকেল নামে একটি বড় ও সুন্দর
 দ্বীপের কথা আছে। পুরাতত্ত্ববিদগণ স্থির করিয়াছেন
 যে, প্রথমে নারীকেল নিকোবার দ্বীপেই জন্মিত।
 তথা হইতে সিংহলে আসিয়া সিংহলের উর্বরভূমিতে বহু
 পরিমাণে জন্মিতে থাকে। তারপর সেখান হইতে দক্ষিণ-
 ভারতে নারিকেল জন্মিতে থাকে। দক্ষিণভারত হইতেই
 বাঙ্গালার নারিকেলের আগমন হইয়াছে। দ্রাবিড়

প্রভাবের পর হইতেই কয়েকটি বিশেষ বিশেষ পূজা ও ক্রিয়ার নারিকেলের ব্যবহার দেখিতে পাওয়া যায়। পূর্বের শাস্ত্রাদিতে নারিকেলের নামগন্ধই ছিল না। সম্ভবতঃ দ্রাবিড় প্রভাবের অবাস্তব ফলে ক্রমশঃ শাস্ত্রাদিতেও নারিকেল প্রবেশ লাভ করিয়াছে। মহাভারতে নারিকেল অনেক পরে সংযোজিত হইয়াছে। চন্দন দ্রাবিড় ভিন্ন অন্য কোথাও জন্মিত না। এখনও দ্রাবিড় ভূমিই অগতের সর্বত্র চন্দন সরবরাহ করিয়া থাকে। তামিল হইয়া দ্রাবিড়ের চন্দন সলোমানের রাজত্ব পর্যন্ত সুগন্ধে আমোদিত করিয়া আসিয়াছে। সিংহলে ছোট ছোট চন্দন-গাছ আছে। স্যাণ্ডুইচ দ্বীপেও দুই রকম চন্দন-গাছ আছে, কিন্তু সেগুলি খাঁটি চন্দন নয়। পূর্ব- ও দক্ষিণ-সাগরীয় দ্বীপপুঞ্জে যথেষ্ট চন্দন জন্মিত। এখন নাই। ভারতে এখন নানা জায়গায় চন্দন জন্মে। বাঙ্গালায় চন্দনের ব্যবহার দ্রাবিড়ই শিখাইয়াছে। চন্দন বাঙ্গালী তামল জাতির নিকট হইতেই পাইয়াছে। খুব উত্তরাঞ্চল ছাড়া ভারতের সকল স্থানেই এখন পান পাওয়া যায়। উষ্মদেশের স্যাণ্ডুসেতে জায়গায় পান জন্মায়। ভারত, সিংহল ও বর্মীয় পানের চাষ হয়। মধ্যভারতের চাষ অত্যন্ত স্থান অপেক্ষা কম পরিশ্রমে হইয়া থাকে। এখানকার পানের চাষীদের নাম 'বরে' (বারুই) বা 'বরোজা'। কম্বু দেশে পান আমগাছের গোড়ায় বোনা হয়। ধারবারের পান খোলা জমীতে হয়, বরজের দৃষ্টকার হয় না। দ্রাবিড় ব্যতীত ভারতের কোথাও পান আপনাআপনি অসংখ্য পরিমাণে জন্মায় না। তামলজাতিই তাষুল ব্যবহারের সূচনা বাঙ্গালায় করে। তাহাদেরই অন্ত বাঙ্গালায় পানের চাষ হয়। বাঙ্গালী তাষুল ব্যবহার শিখিয়াছে এই তামল জাতির নিকটে।

কোন কোন ধর্ম-ব্যাপারে বাঙ্গালী দ্রাবিড় প্রভাব এড়াইতে পারে নাই। ইহাদের কতকগুলি পূজাপদ্ধতি, রীতিনীতি নিম্নস্তরের ভিতর দিয়া বাঙ্গালার নানাস্থানে বিপ্লবাকারে পরিণত হইয়াছিল। দ্রাবিড়দিগের উপদেবতা প্রভৃতি বাঙ্গালীদিগের মধ্যে দেবতার পরিণত হইয়াছে। শীতলা, কালভৈরব প্রভৃতি তাহার দৃষ্টান্তস্বল। বাসুদেব ও সুগলমূর্তির পূজা বাঙ্গালী দ্রাবিড়দের নিকট হইতে

গ্রহণ করিয়াছে। শক্তিপূজার বীজ দক্ষিণ ভারতেই প্রথমে উৎপন্ন হয়। বাঙ্গালার পূজায় বলি দ্রাবিড়েরই অনুকৃতি। শিবপূজা, কালীপূজা, ও হোলিকোৎসব দ্রাবিড় হইতেই বাঙ্গালী গ্রহণ করিয়াছে। আমরা এই বিষয়টি একটু বিশেষ করিয়া আলোচনা করিব।

বাঙ্গালার কালভৈরবের পূজা হয়। পূর্বে হিন্দুধর্মে ইহার পূজা ছিল না। দক্ষিণাপথে কুন্বী কৃষকেরা ভৈরো নামে এক দ্রাবিড় দেবতার পূজা করে। ইনি দ্বিশূল হস্তে দণ্ডায়মান মূর্তি। ইহার অপর হস্তে ঢকা— আশেপাশে সর্প ইহাকে বেষ্টিত করিয়া আছে। ভারতের কোনও কোনও স্থানে ইনি ক্ষেত্রপাল নামে পরিচিত। বাঙ্গালায় ইনি কালভৈরবের আকার ধারণ করিয়া অষ্টাবিংশ হস্ত-সম্বিত হইয়াছেন। ইনি নর-কপাল-মালা-বিভূষিত।

বাঙ্গালী দেশে বলির প্রথা খুব প্রচলিত। সাধারণ বলির প্রথা সকলে জানে। আমাদের দেশে বাঁকুড়ার গোয়ালারা বলি দিতে হইলে একটা শূকরকে একপাল মহিষের মধ্যে ছাড়িয়া দেয়। মহিষগুলা শূকরটাকে টুকরা টুকরা করিয়া ফেলে। তিম্বরেরা দ্বীপালীতে কালী-দেবীর নিকট ছাগ বলি দিবার সময় একটা খুব তীক্ষ্ণ কাঠের ছুরী দিয়া তাহার কণ্ঠদেশে আঘাত করে, ইহাতেই ছাগের মৃত্যু হয়। এই বলির ব্যাপার দ্রাবিড়দের প্রথাবস্তুর কীর্তি, শটৈঃ শটৈঃ তাহা কালে বাঙ্গালায় সংক্রামিত হয়। দ্রাবিড়দের কালী দেবীর নিকট বলি দিবার প্রথা প্রথম হইতেই চলিয়া আসিতেছে। মধ্যযুগের শেষে আরণ্যজাতির ভিতর দিয়া বাঙ্গালায় কালীপূজার প্রবর্তন হইয়াছে। দ্রাবিড়দের মধ্যে অতি পূর্বকালে যে নরবলির প্রথা ছিল তাহার যথেষ্ট প্রমাণ আছে।

গৃহ-দেবতার পূজা দ্রাবিড়গণের মধ্যে গৃহস্থামীই করিয়া থাকেন। এই প্রাচীন পদ্ধতিটাই ইহারা এখনও পরিবর্তন করে নাই। বাঙ্গালায়, মালেরা যে ধর্মের গোসাইয়ের পূজা করিয়া থাকে, তাহার পুরোহিত হন গ্রামের মণ্ডল। এটিও দ্রাবিড়-প্রথা-সঞ্জাত।

বাহাকে হিন্দুধর্ম বলা যায় তাহা আর্য্যজাতির ধর্ম। বাঙ্গালীদেশে অন্যান্য সকল ধর্ম অপেক্ষা হিন্দুধর্মের

প্রভাব অধিক। কিন্তু হিন্দুধর্ম বাঙ্গালাদেশের প্রাচীন ধর্ম নয়। উত্তর-পশ্চিম অঞ্চল হইতে এই ধর্ম বাঙ্গালা দেশে আসিয়া বিস্তার লাভ করিয়াছে। কিন্তু সে ধর্ম বাঙ্গালা দেশের প্রাচীন ধর্মকে একেবারে মারিয়া ফেলিতে পারে নাই। এ ধর্ম বাঙ্গালাদেশের ধর্ম-বিশ্বাসের উপর আধিপত্য বিস্তার করিলেও, বাঙ্গালার প্রাচীন ধর্ম ভিত্তরে ভিত্তরে এখনও জীবন্ত রহিয়াছে। প্রাচীন বঙ্গে অনেক জাতীয় লোক আসিয়া নিজ নিজ প্রভাব বিস্তার করিয়া গিয়াছে। তাহাদের মধ্যে দ্রাবিড়, মঙ্গলীয় ও আৰ্য্য-প্রভাব উল্লেখযোগ্য। দ্রাবিড়েরা অতি প্রাচীন জাতি। অতি প্রাচীনকালে ইহাদের কয়েকটি শাখা বাঙ্গালা দেশের অধিবাসী ছিল বলিয়া মনে হয়। মরণ-ময় জাতি বাঙ্গালা হইতে দক্ষিণ-ভারতে গমন করিয়া পাণ্ড্যরাজ্য সংস্থাপন করে, পঙ্গলজাতি চোড় রাজ্য এবং বানবর জাতি চের-রাজ্য স্থাপন করে। ইহারা দ্রাবিড়দিগের সহিত মিলিয়া মিশিয়া এক হইয়া গিয়াছিল। বাহা হউক, এই দ্রাবিড় জাতি এককালে সমগ্র ভারতবর্ষে বিস্তৃত ছিল; ইহারা আৰ্য্যদিগের উপর কিয়ৎ পরিমাণে প্রভাব বিস্তার করিতে পারিয়াছিল, কিন্তু আৰ্য্যরাই দ্রাবিড়দিগকে অধিক পরিমাণে অভিভূত করিয়াছিল। দ্রাবিড়েরা ঠিক কোন ধর্মাবলম্বী ছিল তাহা বলিতে পারা যায় না। তবে এ দেশের একটা খাঁটি দেশীয় ধর্ম ছিল, তাহার প্রায় সমস্তটা চলিয়া গেলেও প্রাণ এখনও আছে। এই সুপ্রাচীন কালের বাঙ্গালার ধর্মের কোন নাম ছিল কি না জানিতে পারা যায় না; কিন্তু এখন তাহার কোন নাম নাই। বৈদিক ধর্মের মূলে যে ভাব, এ দেশীয় ধর্মমত এককালে সেইভাবেই প্রকাশ পাইয়াছিল। বাহার নড়িবার শক্তি আছে তাহারই প্রাণ আছে। প্রাণ না থাকিলে নড়িবে কেমন করিয়া? বাতাস নড়ে, নদী বহে, বৃক্ষ বাড়ে, স্তত্রাং ইহাদের সকলেরই প্রাণ আছে। আমাদের সঙ্গে বাহাদের কোন সম্বন্ধ আছে, বাহারা আমাদের ক্ষতি করে, ও মঙ্গল সাধন করে, তাহারা সকলেই জীবন-বিশিষ্ট, মানুষ স্বভাবতঃ এই ভাবই পোষণ করিয়া থাকে। প্রাচীন বাঙ্গালীরা সকল বস্তুতেই প্রাণের কল্পনা করিত। বাঙ্গালা দেশের মত উর্ধ্বভূমি আর কোথাও নাই। উদ্ভিদজাতি

এদেশে যেমন প্রশ্রয় পায়, এমন আর কোথাও পায় না। কাজেই বন-দেব-দেবীর আদর এদেশে বড়ই বাড়িয়া গিয়াছিল। বন যেমন উপকারে আসিত; তেমনই ইহা ভয়েরও কারণ ছিল। হিংস্রজন্তু-সমাকীর্ণ পার্কিত্যবন তাহাদের জাগ্রত দেবতা ছিল। বাঙ্গালার আজও বট-অখথের পূজা হইয়া থাকে, উৎসর্গ হইয়া থাকে, এমনকি লক্ষ্মী-নারায়ণ বলিয়া বট-অখথের বিবাহও হইয়া থাকে। কোন কোন স্থানে বটগাছের গুঁড়ি হন ব্রহ্মা, শাখাপ্রাথা হন বিষ্ণু, বৃক্ষের পত্র হ'ন অগ্ন্যস্ত্র দেবতাগণ। বৃক্ষের পূজা বাঙ্গালায় এক সময়ে খুব চলিত। বর্তমান বাঙ্গালায় তাহার নিদর্শন বিরল নয়। বাঙ্গালীর বাস্তবপূজায় ডাল পুতিয়া পূজা হয়। অরণ্য-ধষ্ঠীতেও গাছে সিন্দূর মাখাইয়া পূজা দিতে হয়। যূপকাঠ প্রভৃতি প্রস্তুতকালে কুঠার ও গাছের মাঝখানে কোন কোন স্থানে ছুর্দাদল দিয়া অর্ঘ্য দেওয়া হয়। সুন্দরবনের কাঠুরিয়ারা বনদেবতাকে খুব মানে। তাহাদের বিখ্যাস কাঠ কাটিতে গেলে অরণ্যদেবতা তাহাদের অনিষ্ট করিবে। তাই তাহারা নিজেদের অনিষ্ট হইতে রক্ষা করিবার জন্ত একজন দরবেশকে আগে না পাঠাইয়া জঙ্গলে যায় না। বৈষ্ণবেরা তাহাদের আখড়ার গাছের ডাল ভাঙিতে দেয় না। আখড়ার গাছও কাটিতে কাহাকেও দেয় না। তুলসীগাছ উড়াইতে দেয় না। ব্রাহ্মণ ভিন্ন আর কেহ শ্রীফল বা বেলকাঠ জালাইয়া রন্ধন করিতে পারে না। বাঙ্গালীর শাস্ত্রে, নারীকেল বৃক্ষ কিছুতেই কাটিতে নাই।

ক্রুক ও ফ্রেজার বহু পরিশ্রম করিয়া নানা জাতির পূজা-পদ্ধতি সংগ্রহ করিয়াছেন। তাহাদের লেখা হইতে অনেক তথ্য সংগ্রহের সুবিধা হইয়াছে; তাহাদের লেখা হইতে পাওয়া যায় যে, বাঙ্গালার অসভ্যজাতিদের মধ্যেও গাছ-পূজা আছে। ওরাওঁদের পহান বা গ্রামা-পুরো-হিতগণ পুরান জঙ্গল চইতে শালগাছের ফুল সংগ্রহ করে। তাহারা এইরূপ প্রাচীন জঙ্গলকে “সর্গাবুড়ী”র বাড়ী বলে বা “সর্গা” বলে। মুণ্ডাদেরও ঠিক এইরূপ ব্যবস্থা আছে। বৃক্ষ-পূজায় ওরাওঁদের বনভোজনের ব্যবস্থা থাকে। গাছ-পূজার সঙ্গে বনভোজন প্রায় সকল

অসভ্যজাতিরই আছে। খারওয়ার, সাঁওতাল মাঝি, বিহা ও কৈমুর পাহাড়ের পশ্চিমাঞ্চলের অনার্যজাতির মধ্যেও এইরূপ ব্যবস্থা আছে। এইসমস্ত জাতির যুবক-যুবতী সকলে মিলিয়া বনভোজনের সময় নৃত্য করে।* বাঙ্গালাদেশে যেমন ঝোপের অভাব নাই, তেমনই ঝোপের পূজারও ক্ষান্তি নাই। গাছের ঝোপে মনসাতলা, কলাগাছের ঝোপে শীতলাতলা অনেক জায়গায় আছে। প্রাচীন জঙ্গল কাটিয়া দেখা গিয়াছে, সামান্য ঝোপ রাখিয়া দিয়া সেখানেও কোন গ্রাম্য কাঁচা-থেকে দেবতার পূজা হইতেছে। এমন দৃষ্টান্তের অভাব নাই। শীতলা দেবীর নিকট পাথর ছাগ বলি দেওয়া হয়। চেয়েরা ঝোপের কাছে মহিষ ও অগ্ন্যস্ত্র পশু বলি দেয়। প্রত্যেক গ্রামে কৃষকদের একটা করিয়া ঝোপ থাকে; সেই ঝোপগুলিকে তাহারা খুব পবিত্র মনে করে। ভূঁইয়ারা এইরূপ ঝোপকে 'দেওতা সরা' বলে। তাহাদের এই পবিত্র স্থানে চারি-জন গ্রাম্য দেবতার পূজা হয়। মুণ্ডাদের বিশ্বাস তাহাদের "মেশোলী"র (ঝোপ) কোন বৃক্ষ ধ্বংসপ্রাপ্ত হইলে দেবতার অনাবৃষ্টি দ্বারা অসন্তোষ প্রকাশ করিয়া থাকে। জঙ্গল আবাদ হইয়া গেলে পর প্রত্যেক গ্রামে জঙ্গলের ধ্বংসাবশেষ চিত্তস্বরূপ একটু ঝোপ রাখিয়া দেওয়া হয়। সংস্কার এই যে, যদি এই ঝোপ নষ্ট করিয়া দেওয়া হয়, তাহা হইলে বৃক্ষদেবতা চটিয়া যাইবেন।

বাঙ্গালাদেশে কাঁচাথেকে দেবতাকে লোকে বড় ভয় করে এবং তাহাদিগকে সম্বলিত রাখিবার জন্য বিশেষ চেষ্টা করে। গঙ্গায় ডুবিয়া কত লোক মরিয়া যায়, গঙ্গার হাঙ্গর কুস্তীর কত লোককে উদরসাৎ করে, তাই গঙ্গাকে সম্বলিত করিবার জন্ত পূর্বে ছাগল ভেড়া গঙ্গায় জলে নিক্ষেপ করা হইত। গঙ্গা-পূজার জন্ত গঙ্গানান-যোগের সময় দেশ বিদেশ হইতে যাত্রী আসে। বিবাহের সময় পুকুরে গঙ্গা-পূজা হয়। জেলেরা মাছ ধরিবার পূর্বে এখনও ছাগ বলি কোথাও কোথাও দিয়া থাকে। লোকে গঙ্গায় অস্থি নিক্ষেপ করে, ভস্ম নিক্ষেপ করে, প্রথম পিণ্ড গঙ্গায় দেয়। প্রথম সম্মানও পূর্বে গঙ্গায় নিক্ষেপ করা হইত। বাঙ্গালার নানাস্থানে গঙ্গা-পূজার নানারূপ বিধি আছে।

বাঙ্গালার পৃথী-পূজার রীতিও আছে। বসুন্ধরাকে হুধ-কলা দেওয়া, পাথরে সিন্দুর মাখাইয়া তাঁহার পূজার পদ্ধতি প্রচলিত আছে। পাথরে সিন্দুর মাখানকে কেহ কেহ রক্তদান-প্রথার নিদর্শন বলিয়া মনে করিয়া থাকে। দ্রাবিড়দের মধ্যেও রক্তদান-প্রথা আছে। ধরিত্রীর বিবাহ প্রথাও কোন কোন স্থানে আছে। গ্রাম্য-দেবতার সঙ্গেও ধরিত্রীর বিবাহ হয়। পশ্চিম বঙ্গে ক্ষেত্রপালের সঙ্গে ধরিত্রীর বিবাহ হয়।

শীতলাদেবী গর্দভবাহিনী, সম্ভার্কজনাইত্তা। সঙ্গে ঘণ্টাকর্ণ। ইহার পূজায় ছাগ ও পায়াবত বলি হয়। যশোহর ও নোয়াখালিতে ইনি শ্বেতমূর্তি, বরিশালেও তাই। ওড়িষার যোগিনী, বর্ধমানের দিদিঠাকুরাণা এই শ্রেণীর ঠাকুর।

ভূঁইয়াদের "ঠাকুরাণী মাদ্রি" রক্ত-পিপাসিনী দেবী। এই মূর্তি আমাদের কালী-মূর্তিকে স্মরণ করাইয়া দেয়। কালী-পূজার প্রকার-ভেদে জীব-বলির নিয়ম সর্বত্রই আছে। ওড়িষার শূদ্র শ্রেণীর মধ্যে অনেকের দেবতা হিন্দু দেবতা নয়। তাহাদের ব্রাহ্মণ নাই, শ্রাদ্ধ নাই; কিন্তু ছাগল ও মোরগ বলি আছে।

বঙ্গদেশে অসভ্য জাতি হইতে আরম্ভ করিয়া বিশেষ সুসভ্য জাতির মধ্যে বহুবিধ দেব-দেবীর নানাপ্রকার পূজা-পদ্ধতি আছে। সুসভ্য বাঙ্গালীর অনেক পূজা-প্রণালীর সঙ্গে দ্রাবিড়, মুণ্ডা, ভূঁইয়া, খন্দ, হো, সাঁওতাল প্রভৃতি জাতিদের পূজার রীতি আংশিক বা পূর্ণভাবে মিলিয়া যায়। শুধু মিলিলেই যে সেগুলি বাঙ্গালী ইহাদের নিকট হইতে লইয়াছে তাহা সকল ক্ষেত্রে বলা যায় না। পৃথী-পূজা, জলদেবতা-পূজা, বৃক্ষ-পূজা প্রভৃতি বাঙ্গালী কাহারও নিকট হইতে গ্রহণ করে নাই। এগুলি ইহাদের নিজস্ব। তবে কাল-ভৈরব-পূজা, হনুমান-পূজা, কালী পূজা, লিঙ্গ-পূজা, জগন্নাথ-পূজা প্রভৃতি যে বাঙ্গালী দ্রাবিড় সংসর্গে প্রাপ্ত হইয়াছে, তাহা প্রমাণ করা যাইতে পারে। প্রাচীন দ্রাবিড়েরা না-মানুষ না-পশু এমন এক কিম্বত-কিমাকার মূর্তির পূজা করিত। তাহার কতকটা বানর, কতকটা মানুষ, সর্বদা সিন্দুর-লিপ্ত—কেবল একটি লাঙ্গুল তাঁহার পশুদের পরিচয় দিত। ক্ষেত্রের অহুমান করেন

যে, হিন্দুরা এই অকৃত জীবটিকে রামায়ুচর হনুমানের পরিণত করিয়াছিল। মরাঠারা এই হনুমানজীর অত্যন্ত ভক্ত। ভারতের উত্তরাঞ্চলের অধিকাংশ গ্রামে এই হনুমন্দের এক-একটি মন্দির প্রতিষ্ঠিত আছে।

সুপ্রাচীনকালে যখন দ্রাবিড়গণ শক্তি ও লিঙ্গ পূজা করিত, তখন বঙ্গদেশে ইহাদের পূজা অনুষ্ঠিত হইত না। তাত্ত্বিক ক্রিয়া ও তত্ত্বমত বৌদ্ধগণের পূর্ববর্তী বলিয়া গ্রহণ করিলেও (Journal of the Royal Asiatic Society, 1904, p. 557) স্বীকার করিতে হইবে যে, বর্তমান প্রণালীর শাক্তধর্ম খৃষ্টীয় পঞ্চম শতকে পূর্ববঙ্গে ও আসামে সর্লপনম প্রচারিত হইয়া সেইখানকার জনসাধারণের পের্বারি অনুসারে গ্রহণোপযোগী হয়। লোকে সেই শাক্তধর্ম গ্রহণ করে। সূচনাতেই কামাখ্যায় শক্তি-পূজা বেশ জাঁকিয়া বসে। এই স্থান হইতে শক্তিপূজা ক্রমশঃ তিব্বত, নেপাল ও গুজরাতে বিস্তৃত হইয়া পড়ে। পঞ্চম শতকের পূর্বে শক্তিপূজা বঙ্গদেশে ছিল না। দ্রাবিড়-সম্পর্কেই বাঙ্গালায় এই উপাসনার বিস্তৃতি হইয়াছিল। দ্রাবিড় দেশে পৃথীপূজা হইতেই শক্তি-পূজার প্রথম উদ্ভব হয়। সেখানে গ্রামদেবতা পৃথী, ভূ-দেবী বা ভূমিদেবীরূপে পূজিত হইতে হইতে ক্রমশঃ শক্তি-রূপে পরিণত হইয়াছেন। বাদামী-গুপ্তমন্দিরের পৃথীও এইরূপ ভূ-দেবী। পৃথিবীর বাজোৎপাদিকা শক্তি যাহাতে নষ্ট হইরা না যায় তৎক্ষণা দ্রাবিড়েরা পৃথিবীর সন্তোষ বিধানের জন্য তাঁহার উদ্দেশে পশু বলি দিত।

প্রাচীন কন্নড়-সাহিত্য আলোচনা করিলে জানিতে পারা যায় যে, লিঙ্গপূজা দ্রাবিড়গণের একটি সুপ্রাচীন রীতি। আমরা যাহাদিগকে আর্ষা অভিধান দিয়া থাকি তাহাদিগের ভারতগমনের পূর্বে দক্ষিণ-ভারতে লিঙ্গোপাসকগণ বাস করিত। ইহাদের বর্ণ কৃষ্ণ। কন্নড় ভাষায় তাহাদের প্রাচীন ভাষার উপকরণ এখনও বিলুপ্ত হয় নাই। এই জাতি যখন লিঙ্গপূজা করিত, তখন ভারতের কোথাও লিঙ্গপূজার প্রচলন ছিল বলিয়া প্রমাণ পাওয়া যায় না। আর খৃষ্ট-পূর্ব প্রথম শতকের পূর্বে কোথাও লিঙ্গ-প্রতীকের নিদর্শন পাওয়া যায় নাই। খৃষ্টপূর্ব প্রথম শতকের কাছাকাছি দুইটি প্রাচীনতম লিঙ্গ পাওয়া

গিয়াছে। একটি ভিটা হইতে প্রাপ্ত—একদে তাহা লক্ষ্যে মিউজিয়মে সংরক্ষিত। গোপীনাথ রাও লিখিয়াছেন যে, অপরটি উত্তর আরকটের অন্তর্বর্তী গুড়িমন্ডমে সম্প্রতি আবিষ্কৃত হইয়াছে। পূর্বে দ্রাবিড়েরা তাহাদের বীরগণকে সমাধিস্থ করিবার সময় তাহাদের সমাধির উপর লিঙ্গাকৃতি “বীরকল” বসাইয়া দিত। এই বীরকল-স্থাপন-রীতিই সম্ভবতঃ লিঙ্গপূজায় পর্যাবসিত হইয়াছে।

পরশুগে এই দ্রাবিড়গণের ত্রায় বৌদ্ধেরাও স্তূপের পূজার প্রবর্তন করিয়াছিল। লিঙ্গপূজা বিশেষভাবে প্রচলিত হইলে পর প্রাচীন পল্লব, পাণ্ড্য ও চোড়দিগের মধ্যে লিঙ্গ-প্রতীকোপাসনার প্রবর্তন দেখিতে পাওয়া যায়। দ্রাবিড়দেশে খৃষ্ট-জন্মের বহুপূর্বে প্রথমে জৈন ও তারপর বৌদ্ধধর্ম প্রচারিত হইয়াছিল। এ সময়ও দ্রাবিড়েরা লিঙ্গ পূজা করিয়া আসিয়াছে। খৃষ্টীয় প্রথম শতকে উত্তর-ভারত হইতে শৈবধর্ম প্রথম দ্রাবিড়-ভূমিতে প্রচারিত হয়। লকুলীশ ইহা প্রবর্তন করেন। দ্রাবিড়দের অনেকে শৈবধর্মে দীক্ষিত হয়। দক্ষিণ-ভারত বৈদেশিক আক্রমণ হইতে অপেক্ষাকৃত নিরাপদ থাকিয়া শৈবধর্মের পুষ্টিসাধনে সমর্থ হইয়াছিল (Indian Antiquary, XXX, 17)। তারপর কিছুদিন বৌদ্ধধর্মের প্রচারে শৈবধর্ম কিঞ্চিৎ বাধা প্রাপ্ত হইয়াছিল। ২৩ খৃষ্টাব্দ হইতে ২১৮ খৃষ্টাব্দের মধ্যে বৌদ্ধধর্ম তেলুগু প্রদেশে বিশেষরূপে প্রভাব বিস্তার করিয়াছিল। তারপর শৈবধর্মের স্রোত পুনরায় চলিতে থাকে। লিঙ্গপূজা ও শিবপূজায় মেশামিশি হইয়া গেল। লিঙ্গোপাসকদিগের সঙ্গে শৈবদিগের আর কোন বিরোধ রহিল না।

দক্ষিণ-ভারত হইতে দলে দলে শৈব সন্ন্যাসী আসিয়া বঙ্গদেশে ও অন্ততঃ শৈবধর্ম প্রচার করিবার সুযোগ পাইয়াছিল। ইহারই ফলে খৃষ্টীয় সপ্তম শতকের প্রারম্ভে বৌদ্ধ-প্রপৌড়ক বঙ্গরাজ শশাঙ্ক শৈবধর্মে দীক্ষিত হন। এই সময় মহারাজ হর্ষও শৈবধর্ম গ্রহণ করিয়াছিলেন।

দ্রাবিড় প্রভাবে ক্রমশঃ বাঙ্গালায় শৈবধর্ম প্রতিষ্ঠিত হইল। বঙ্গদেশে লিঙ্গপূজা ও শিবারাধনার ধুম চলিল। যাহারা লিঙ্গপূজার নিন্দা করিতেন তাহাদিগকে বুকাইবার জন্য শাস্তাদি রচিত হইল। এই সময়ে নানাদিক হইতে

লিঙ্গের নানারূপ ব্যাখ্যারও অভাব হইল না। কেহ বলিলেন,—“শিবলিঙ্গং শিব এব ন তু শিবস্য শিল্পঃ।” কেহ স্মৃতসংহিতার ধ্যানযোগখণ্ডের দোহাই দিয়া,—

“আলয়ং লিঙ্গমিত্যাছবেদবেদান্তবিত্তমাঃ ।
তত্রাপি শঙ্করঃ সাক্ষাল্লিঙ্গং নাভ্যং মুনীশ্বরাঃ ॥

• • • •

স্বয়মেব সদা লিঙ্গং ন লিঙ্গং তস্মৈ বিদ্যাতে ॥”

শিব ও লিঙ্গের একত্ব-দ্ব্যাতক এই বচনের দোহাই দিয়া অনেকে লিঙ্গ ও শিবের একত্ব প্রতিপাদন করিতে লাগিলেন। লিঙ্গপূজার মন্ত্রের সঙ্গে লিঙ্গের সাধারণ অর্থের আর কোন ঐক্য রহিল না। এই পূজার মন্ত্রে যে ধ্যান হইল তদ্বারা প্রতিপন্ন হইল যে, উপাসক যে মূর্তি কল্পনা করেন তাহা শ্বেত, মূর্তির কপালে চন্দ্র, চারি হস্ত, পাঁচ মুখ, তিন চক্ষু, মূর্তি পদ্মাসনে স্থিত, ব্যাঘ্রচর্ম্মপরিহিত। তিনি বিশ্বের বীজ, বিশ্বের আদি। নানা স্থানে লিঙ্গের উৎপত্তি সখন্ধে পৌরাণিক আখ্যানিকাদিও প্রণীত হইল। খৃষ্টীয় নবম শতকে বৌদ্ধধর্ম্ম বিতাড়িত হইয়া চোড়রাজ্যে শৈবধর্ম্ম সুপ্রতিষ্ঠিত হয়। “বাতকুরম্ পুরাণম্” নামক ড্রাবিড়গ্রন্থে ইহার বিশেষ বিবরণ আছে। অতঃপর বঙ্গ ও চোড়সম্পর্কে বঙ্গদেশে শৈবধর্ম্মের ভিত্তি আরও দৃঢ় হয়।

পুরীর বর্তমান মন্দির অন্যান্য ১১০০ খৃষ্টাব্দে কলিঙ্গের গঙ্গবংশীয় রাজা অনন্ত চোড়গঙ্গ কর্তৃক নির্মিত। এই মন্দিরের প্রধান মূর্তি জগন্নাথ, বলভদ্র ও সুভদ্রা। এই ত্রিমূর্তি যে বৌদ্ধদিগের ত্রিরত্ন অর্থাৎ বুদ্ধ ধর্ম্ম ও সত্ত্ব তাহা ক্যানিঙ্ হম নিঃসন্ধিধ্বরূপে সপ্রমাণ করিয়াছেন (The Stupa of Bharhut, 1879, p. 112, &c.)। ইহা যে বৌদ্ধমূর্তি তাহার কয়েকটি কারণ আছে :—

১। বিশেষপদরূপে নয়, দেবতার নামরূপে ‘জগন্নাথ’ শব্দ হিন্দুশাস্ত্রে নাই। অথচ বুদ্ধের একটি নাম “জগন্নাথ” (অভিধানপদীপিকা)। কর্ণেল কিটো শব্দীপের একটি বুদ্ধমূর্তির নিম্নে “নমো বুদ্ধ-জগন্নাথায়” এই খোদিত লিপির উদ্ধার করিয়াছেন। বুদ্ধের নাম যে জগন্নাথ তাহা আরও একটি মূর্তিতে পাওয়া যায় (Transactions of

the Literary Society of Bombay, Vol. III, p. 284, Sketch no. ii)।

২। ত্রিরত্ন-মন্ত্র এবং জগন্নাথ বলভদ্র ও সুভদ্রার আকৃতি একেবারে অমূর্তপ।

৩। জগন্নাথের মূর্তিতে ‘শৈবপূজার’ আছে। শৈব-বিগ্রহে অস্থি থাকে নিমিষ্ট; তথা সত্ত্বও অস্থি থাকার প্রমাণিত হইতেছে যে ইহা বুদ্ধাধি হস্তা অসম্ভব নয়।

৪। বৌদ্ধদিগের জাতিভেদ-নাশক একটি প্রণী পুরীতে বর্তমান আছে। মহাশয়নাথ-সেবার জাতিভেদ নাই। শৈবজমাহাত্ম্যেও জাতিভেদ নাই।

৫। বিষ্ণুপুরাণ-ব্রাহ্মণের বহুখণ্ডের মশাবতার তাম আছে। ইহার মধ্যে নবম খণ্ডের বুদ্ধ। তামে এই বুদ্ধের স্থানে জগন্নাথ-মূর্তি আছে।

তবে বর্তমান বিগ্রহ আদ্য-বিগ্রহ নয়। ইহা সকলেই স্বীকার করেন। এই বিগ্রহ সম্বন্ধে অনেক কিংবদন্তী আছে। অধিকাংশ কিংবদন্তীর মূলে দ্বোধতে পাওয়া যায় একটি ঘটনা আছে। একটি দ্বাধমূর্তি শবরগণ উদ্ধার করে। তারপর তাহারাই তাহার পূজা করে। পুরীতে এখনও অনেক শবর বাস করে। ইহার পূর্বে মন্দিরের সেবা করিত। ইহাদের পূজা না হইলে ব্রাহ্মণেরও পূজার আধিকার ছিল না। এই মূর্তি সখন্ধে Hewitt লিখিয়াছেন (History and Chronology of the Myth-making Age, p. 31) —“The Dravidian mother-goddess Mutamma, is the mother (amma) of the tree marom. She is the only goddess in the Hindu Pantheon whose image is always made of wood. It is she who, in the story-telling of the founding of the great temple of Jagannath of Orissa, was the mother goddess of the primal temple... .”

এইসমস্ত দেখিয়া জগন্নাথ-পূজার মূলে ড্রাবিড় প্রভাব আছে ইহা বলা নিতান্ত অসম্ভব হইবে না।

শি. অমূল্যচরণ বিদ্যাভূষণ।

সঙ্কায়

সাঁঝের আঁধার খনিয়ে আসে, জাহাজ থেকে বাঁশ
 সূদূর হতে আঁধার নভে উঠছে ভাসি' ভাসি',
 বাজছে এসে কানের পরে যেন ঋষির বাণী
 অতীত কালের উদাত্তরস ; কোথায় নাহি জানি
 গগন-কোণে মেঘের গুরু গুমে যেন কুটে ।
 কাস্ত কথা, ছচার গৃহে শঙ্খ বাজে মৌনতারে টুটে' !
 জানুলা দিয়ে আকাশ দেখি—সোম্য বিপুলতা,
 তার ওপরে আঁধার ঢাকে চান্দর, হিয়া নতা ।
 আবার বাজে বাঁশ,—মনটা উদাস চল ধীরে
 আঁধারমাথা আকাশ বেয়ে সেই সে নদী-তীরে—
 ভাল তমাল ও আম্র যেথা জড়িয়ে শিরে আঁধা
 দাঁড়িয়ে আছে মৌন নিবিড় অবোধ্য এক ধাঁধা
 ধ্যান-নিরত সাধুর মত ; পাতার ফাঁকে ফাঁকে
 ডালের ফাঁকে আঁধার যেথা জড়িয়ে পাকে পাকে
 উঠছে কেঁপে যেমনি বাজে বাঁশির গুরু ভাষা ।
 ঐ বাঁশিরই গভীর সুরে প্রাণটা নিয়ে ভাসা !—
 আজ মনে হয় চলি উধাও চলি রে বুক মেলে
 জড়িয়ে গাছে পাতায় বাড়ী আকাশ পানে ঠেলে
 আঁধার ভেদি' উঠি রে আজ ; বাঁশির সুর সাথে
 আকাশটারে আঁকড়ে আপন বক্ষ-সীমানাতে
 ছড়িয়ে যাব, মিশিয়ে যাব আঁধারে ক্ষীণ হয়ে ;
 কাঁপন তবু থামবেনাক, চেউ সে রয়ে রয়ে
 উঠবে ছলে, বুকের রগন আকাশ-সীমা ব্যাপে'
 আজকে রাতের গতির সাথে উঠবে কেঁপে কেঁপে,
 অগ্বে অটুট ।

আকাশ-বুকে আজ এ মেশামিশি
 এই যে সাঁঝের বিপুলতায় ছড়াই দিশি দিশি—
 কোন্ জনমের কোন্ বাঁধনের প্রীতির ডাকাডাকি
 আজকে এটা ? এই যে পরাণ হর্ষে থাকি' থাকি'
 মিশতে ছোট, নেশায় মাতে,—এ যেন আজ চাই
 কোন্ এক পরিচিত আবাস, আত্মীয় প্রাণ পাই
 কোন্ অতীতের । নিখিলটাকে জড়িয়ে নিয়ে বুক
 পাওয়া ভরে পরম পাওয়া, পাওয়া পরম সূখে ।

আজ মনে হয় ভালবাসি, বড়ই ভালবাসি
 আকাশ আঁধার নদীটরে গাছ ও পাতার রাশি,
 ধরায়, কুটীর শত । আজ নিখিলে নেইক কিছু
 যাহা আমার ভালবাসায় আছে পড়ে পিছু ;—
 নিছি সবায়—তারার আলোয় নিবিড় বটে মাঠে,
 নদীতীরের ক্ষীণ সে দীপের শিখা, সরু বাটে ।
 আজ ছড়িয়ে আঁধার হলে আঁকড়ে নিখিলটাকে
 দিচ্ছি খালি চুমা, আকুল চুমা । সে আমারে রাখে
 বন্ধে তারি চেপে !—আজি বিশ্ব আমার, আমার ধরা,
 বা-কিছু প্রাণ আছে আমার, আমার প্রাণ-হরা ।

কোন্ প্রাতিমান আমার এত বেসেছিল ভালো ?—
 তার বদলে নিখিলব্যাপী আলো এবং কালো
 সবায় লভি বুক । বুক ছি যেন আমার ভালবাসে
 এই আঁধার এই আকাশ এমন মৃদল বায়ু-খাসে ;
 আমি তাদের, তারা আমার,—একই প্রাণে মনে,
 আজকে তাদের অন্তরে মোর রাখবো সবতনে ।

হায়রে পরাণ, ছেড়ে কবে আকাশ-ঘরের সূখে
 অসীম হতে ছিঁড়ে এলি এই সসীম বুক ?
 বাঁশির ডাকে সসীম বাঁধা ভেঙে কারা টুটে'
 বিশ্ব আশে চলি আজি বাহির পানে ছুটে !
 আজকে বুকি নইক আমি নগণ্য এক দীন,
 ক্ষুদ্র নহি হেলায় ফেলা সবার পিছে, হীন ।—
 অসীম-পিতার ছলল আমি, তনয় তারি প্রিয়,
 তাই ত এমন বাঁশির ডাকে অনির্কচনীয়
 পরিচয় এ বিশ্ব সাথে, চিরদিনের চেনার সাথে !
 হায় রে পরাণ, কোথায় ছিলি আপন বেদনাতে !—
 বিশ্বব্যাপী আপন ঘরে আজকে চিনে এলি
 অন্তবিহীন বিভব, চিরবাহিতেরে পেলি !
 আলিঙ্গনে আত্মীয়েরে বাধু রে দিয়ে নেহ,
 বিশ্ব আজি সত্য রে তুই, সত্য অসীম গেহ ।

শ্রীগ্যারীমোহন সেনগুপ্ত ।

চাণক্য ও চন্দ্রগুপ্ত

বুদ্ধদেবের জীবনকালে পিপ্পলী-বনের মোর্ঘ্যোরা বিড়ম্বক কর্তৃক উৎপীড়িত হইয়া হিমালয়ে গমন করে এবং সেখানে একটি সরোবর দেখিতে পায়। ঐ সরোবরের চারিদিকে পিপ্পলীবৃক্ষের বন ছিল। সেখানকার সৌন্দর্য্যে মুগ্ধ হইয়া মোর্ঘ্যোরা সেখানে একটি প্রাকার-বেষ্টিত সুন্দর নগর নির্মাণ করিল। ঐ স্থান সর্বদা ময়ূরের কেকারবে মুখরিত থাকিত, এবং কেহ কেহ অহুমান করেন যে ময়ূর-বহুল স্থান বলিয়া উহার নাম দেওয়া হইয়াছিল মরিয়। পিপ্পল বন মরিয় নাম পাইলে তথাকার অধিবাসীদেরও নাম হয় মরিয়, এবং সেই অধিবাসীদের বংশ মরিয় বংশ নামে পরিচিত হয়। মরিয় বংশ ক্ষত্রিয়জাতি বলিয়া গণ্য হইয়াছিল।

মহাবংশ-টীকায় লিখিত আছে যে মোদিয় শব্দ হইতে মোরিয় ও মোরিয় শব্দ হইতে মোর্ঘ্য শব্দ উৎপন্ন। মোদিয় শব্দ সংস্কৃত মোদিত শব্দের অপভ্রংশ। মোদিত মানে আনন্দিত। যাহাদের সৌন্দর্য্যশালী নগর দেখিলে লোকে মোদিত বা আনন্দিত হয়, তাহারা মোদিয় বা মোরিয় বা মোর্ঘ্য।

চন্দ্রগুপ্ত ছিলেন এই মোর্ঘ্যবংশের লোক। তাঁহার স্ত্রী চেহারা দেখিয়া লোকে তাঁহাকে নাম দিয়াছিল শ্রীধর। তিনি ধার্মিক ছিলেন। তাঁহার পারিষদ্বর্গ সর্বদা সুসজ্জিত থাকিত।

মহাবংশটীকায় চাণক্যকে চণ্ড-চাণক্য ব্রাহ্মণ নামে অভিহিত করা হইয়াছে। চণ্ড মানে উগ্রস্বভাব। চাণক্য কাল্যাণেশ্বরের নবম পুত্র ধনানন্দের বিনাশসাধন করিয়া তাঁহার ধন লইয়া জম্বুদ্বীপে পুষ্পপুর নামে একটি রমণীয় নগর স্থাপন করেন এবং চন্দ্রগুপ্তকে ঐ নগরের শাসনকর্তা রূপে প্রতিষ্ঠিত করেন।

চাণক্য তক্ষশিলাবাসী এক ব্রাহ্মণের পুত্র। চাণক্যের পিতা ত্রিবেদী অর্থাৎ তিন বেদে পারদর্শী ছিলেন। চাণক্যের পিতার মৃত্যুর পর চাণক্যের মাতা পুত্রের দেহে রাজলক্ষণ দেখিয়া ক্রন্দন করিতেছিলেন। চাণক্য মাতার ক্রন্দনের কারণ জিজ্ঞাসা করিলে মাতা নিজের ক্রন্দনের কারণ পুত্রকে বলিলেন। তাহা শুনিয়া চাণক্য মাতাকে

বলিলেন—“আমি যদি রাজা হই তবে তাহাতে আপনার মঙ্গল বই অমঙ্গল হইবে না। অতএব আপনি কেন বৃথা ক্রন্দন করিতেছেন?” তাঁহার জননী বলিলেন—“যখন তুমি রাজা হইবে তখন তুমি আমাকে ভুলিয়া যাইবে।” চাণক্য মাতার শব্দা দূর করিবার জন্ত বলিলেন—“আমার দেহের রাজচিহ্ন আমি ত্যাগ করিতেছি।” এই বলিয়া তিনি তাঁহার রাজচিহ্ন-স্বরূপ ছটি দস্ত উৎপাটিত করিয়া ফেলিলেন। এইরূপ করাতে তিনি কেবল রাজচিহ্নবর্জিত হইলেন না, অত্যন্ত কুৎসিত হইয়া পড়িলেন।

ইহার পরে চাণক্য পুষ্পপুরে ধনানন্দের নিকট গমন করিলেন। তিনি যখন ধনানন্দের সম্মুখে উপনীত হইলেন তখন রাজা ধনানন্দ ব্রাহ্মণদিগকে ভিক্ষা প্রদান করিতে ছিলেন। ধনানন্দ চাণক্যের কুৎসিত মূর্ত্তি দেখিয়া তাঁহাকে ভিক্ষাদানের অপাত্র বিবেচনা করিলেন ও চাণক্যকে তাঁহার সম্মুখ হইতে বিতাড়িত করিতে মন্ত্রীগণকে আদেশ দিলেন। মন্ত্রীগণ ব্রাহ্মণকে ক্ষমা করিবার জন্ত রাজাকে পুনঃ পুনঃ অহুরোধ করিলেন, কিন্তু রাজা বারম্বার মন্ত্রীদের অহুরোধ প্রত্যাখ্যান করিলেন। তখন অগত্যা মন্ত্রীগণ চাণক্যের নিকট উপস্থিত হইয়া কুণ্ঠিতভাবে তাঁহাকে রাজ্যাদেশ জ্ঞাপন করিলেন। চাণক্য রাজার আদেশ শুনিবামাত্র পবিত্র যজ্ঞোপবীত ছিন্ন বিচ্ছিন্ন করিয়া রাজাকে এই বলিয়া অভিসম্পাত করিলেন—“হে মন্ত্রী, ইহজগতে তোমার সুখ ও সমৃদ্ধি লাভ ঘেন না হয়।” রাজা চাণক্যের অভিসম্পাত শুনিয়া ক্রুদ্ধ হইয়া তাঁহাকে বন্দী করিতে আদেশ করিলেন। কিন্তু চাণক্য অভিসম্পাত দিয়াই রাজসভা পরিত্যাগ করিয়া প্রস্থান করিয়াছিলেন এবং রাজকর্মচারীরাও ব্রাহ্মণকে বন্দী করিতে বিশেষ ইচ্ছুক ছিলেন না বলিয়া চাণক্য বন্দী হন নাই।

চাণক্য কিছুদূরে গিয়া আজীবকের বেশ ধারণ করিয়া পুনরায় নগরে প্রত্যাবর্তন করিলেন। তৎপরে রাজকর্মচারীদের সহিত বন্ধুত্ব করিয়া রাজপ্রাসাদে প্রবেশ লাভ করেন। ক্রমে রাজপুত্রের সঙ্গে তাঁহার বন্ধুত্ব জন্মে। চাণক্য রাজপুত্রকে সাম্রাজ্য দিবার প্রলোভনে বশীভূত করিয়া

তাহাকে তাহার সঙ্গে রাজপ্রাসাদ পরিত্যাগ করিয়া বাইতে সম্মত করান। রাজপুত্র জননীর নিকট হইতে কিঞ্চিৎ অর্থ সংগ্রহ করিয়া প্রাসাদের পশ্চাৎ-দ্বার দিয়া গুপ্তভাবে চাণক্যের সহিত প্রাসাদ পরিত্যাগ করেন। রাজপুত্র এক বনের মধ্যে উপস্থিত হইয়া মৃত্তিকাগর্ভে অশীতি কোটি মুদ্রা লুক্কায়িত করিয়া রাখিয়া দিলেন।

সেই সময় চন্দ্রগুপ্তের জননী ছিলেন পিপ্ফলী বনের মোরিয়দিগের সম্রাটের প্রধান মহিষী। যখন মোরিয়-সম্রাট সামন্তরাজগণ কর্তৃক আক্রান্ত হইয়া নিহত হন, তখন তাহার মহিষী ছিলেন পূর্ণগর্ভা। মোরিয়-মহিষী পুষ্পপুরে পলায়ন করিয়া পুত্র প্রসব করেন, এবং সত্ত্বজাত শিশুকে সেখানে পরিত্যাগ করিয়া তিনি অগ্ন্যত্র গমন করেন। চন্দ্র নামে একটি বৃষ ঐ শিশুকে গ্রহণা দিয়া দাঁড়াইয়া আছে দেখিয়া এক গোপ ঐ শিশুকে নিজের গৃহে লইয়া যায় ও পুত্রস্নেহে তাহার লালন-পালন করিতে থাকে। চন্দ্র বৃষ কর্তৃক রক্ষিত ও গোপ দ্বারা পালিত শিশুর নাম রাখা হয় চন্দ্রগুপ্ত। মহাবংশের টীকাকার চন্দ্রগুপ্ত নামের ব্যুৎপত্তি নির্দেশ করিয়াছেন এইরূপ—গোপ > গুপ্ত > গুপ্ত ; চন্দ্র > চন্দ্র ; চন্দ্র + গুপ্ত = চন্দ্রগুপ্ত।

চন্দ্রগুপ্ত বয়স্ক হইলে তাহার সহিত গোপবন্ধু নামে এক ব্যাধপুত্রের সাক্ষাৎ ঘটে এবং উভয়ের মধ্যে প্রথম জন্মে। ব্যাধপুত্র গোপবন্ধু চন্দ্রগুপ্তকে নিজের ভবনে লইয়া গিয়া আশ্রয় দিয়াছিল। সেখানে একদিন চন্দ্রগুপ্ত সহচরদের লইয়া রাজা-রাজা খেলা করিতেছিলেন; রাজা হইয়াছিলেন চন্দ্রগুপ্ত, অপর সঙ্গীদের কেহ হইয়াছিল মন্ত্রী, কেহ অপর কর্মচারী, কেহ হইয়াছিল চোর। খেলাঘরের রাজা চন্দ্রগুপ্ত চোরের বিধিমত বিচার করিয়া যখন প্রমাণ পাইলেন যে সে বাস্তবিকই চোর প্রতিপন্ন হইতেছে, তখন চোরের শাস্তিবিধান করিলেন যে মেঘশৃঙ্গ দ্বারা চোরের হস্তপদ কর্তন করিয়া ফেলা হউক। তৎক্ষণাৎ রাজাদেশে চোরের হস্তপদ কাটিয়া ফেলা হইল, কিন্তু দৈবানুগ্রহে চোরের কাটা হস্তপদ পুনর্বার জোড়া লাগিয়া গেল।

চাণক্য চন্দ্রগুপ্তের এই খেলা দেখিতেছিলেন। তিনি চন্দ্রগুপ্তের বুদ্ধি বিচার-ক্ষমতা ও দৈববল দেখিয়া আশ্চর্য হইলেন এবং বিবেচনা করিলেন এই যুবক রাজা হইবার উপযুক্ত ব্যক্তি। চাণক্য ব্যাধপুত্রকে সহস্র মুদ্রা উপহার দিয়া চন্দ্রগুপ্তকে নিজের সঙ্গী করিয়া লইলেন। চাণক্য চন্দ্রগুপ্তকে দীক্ষিত করিলেন।

চন্দ্রগুপ্ত প্রায়ই নানাবিধ অদ্ভুত অদ্ভুত ব্যাপারের স্বপ্ন দেখিতেন ও চাণক্যকে বলিতেন। চাণক্য সেইসব স্বপ্নবিবরণ শুনিয়া বুঝিয়াছিলেন যে তাহার ভাগ্য ঐরূপ স্বপ্নাগম ঘটে সে বিশ্বদম্রাট হইয়া থাকে। কিন্তু এই কথা তিনি চন্দ্রগুপ্তকে বলেন নাই।

চাণক্য চন্দ্রগুপ্তকে নিজের সঙ্গে লইয়া গিয়া ধনানন্দের গুপ্তধন উদ্ধার করিলেন এবং চন্দ্রগুপ্তকে ধনানন্দের রাজ্য আক্রমণ করিতে বলিলেন।

চন্দ্রগুপ্ত প্রথমে ধনানন্দের রাজ্যের মধ্যপ্রদেশ আক্রমণ করিতে গিয়া পরাভূত হইলেন। চন্দ্রগুপ্ত পরাভূত হইয়া প্রত্যাভর্তনের সময় পথে দেখিলেন, এক বালক পিষ্টকের মধ্যভাগে দংশন করিয়া খাইবার চেষ্টা করিতেছে, তাহা দেখিয়া তাহার মাতা তাহাকে তিরস্কার করিয়া বলিল— “তুমি চন্দ্রগুপ্তের ত্রায় কর্ম করিতেছ? চন্দ্রগুপ্ত যেমন রাজ্যের প্রান্ত আক্রমণ না করিয়া মধ্যভাগ আক্রমণ করিয়াছিল, তুমিও সেইরূপ করিতেছ দেখিতেছি।” বালকের মাতার এই পরিহাসবাক্য চন্দ্রগুপ্ত ও চাণক্য উভয়েই শুনিয়া নিজেদের ভুল বুঝিতে পারিলেন। তখন চাণক্যের পরামর্শে চন্দ্রগুপ্ত ধনানন্দের রাজ্যের প্রান্তভাগ আক্রমণ করিয়া ক্রমে ক্রমে সমস্ত রাজ্য হস্তগত করিলেন। এইরূপে চাণক্যের সাহায্যে চন্দ্রগুপ্ত ভারতে মৌর্য সাম্রাজ্য স্থাপন করিতে সমর্থ হইয়াছিলেন।*

শ্রীবিমলাচরণ লাহা।

* সিংহলী ভাষায় লিখিত মহাবংশ-টীকা, ১১৯-১২৩ পৃষ্ঠা অবলম্বনে লিখিত।

জলদ বৃক্ষ যন্ত্রডুমুর

যন্ত্রডুমুরের গাছ হইতে বিগুণ পানীয় পাওয়া যায়, ইহা জনসাধারণ অবগত আছেন কি না জানি না। এই জল কোন রোগে ঔষধরূপে ব্যবহৃত হইতে পারে কি না তাহা পদার্থ-তত্ত্ববিদ পণ্ডিতগণ বলিতে পারেন।

অনেক পুষ্টি-পুস্তকে পান্থ-পাদপ প্রভৃতির নাম দেখিতে পাওয়া যায়। এই যন্ত্রডুমুরকে পান্থ-পাদপ বলিয়া স্বীকার না করিলেও, জলদ পাদপ নিঃসন্দেহে বলা যাইতে পারে। ইহার গোড়ার যে কোনও একটি বড় শিকড় কলম-কাটার মত কাটিয়া তাহার নীচে পাত্র স্থাপন করিলে অন্ততঃ তিন-চারি সের বিগুণ জল পাওয়া যাইতে পারে। আমি নিজে জল পান করিয়া দেখিয়াছি, জলে কোনরূপ খারাপ স্বাদ অনুভব হয় না। কলেরা

কি অন্য কোন সংক্রামক ব্যাধির সময় এই জল পানীয় রূপে ব্যবহৃত হইতে পারে কি না, তাহা বিজ্ঞ চিকিৎসকগণ বিবেচনা করিয়া দেখিতে পারেন। সব সময় বৃক্ষ হইতে জল পাওয়া যায় কি না পরীক্ষা করিয়া দেখা হয় নাই। তবে যতদিন শীতকাল বর্তমান থাকে ততদিন জল পাওয়া যাইতে পারে।

বিধি—প্রথমতঃ যন্ত্রডুমুর-গাছের গোড়া দুই-তিন হাত পরিমাণ খনন করিয়া একটা মোটা শিকড় পরিষ্কার করিয়া ধুইয়া কলম-কাটার মত কাটিতে হয় এবং সন্ধ্যাকালে তন্নিম্নে একটা পাত্র স্থাপন করিয়া রাখিলে প্রাতঃকালে পরিষ্কার জল পাওয়া যায়।

শ্রীরামচন্দ্রলাল বিদ্যানিধি।

প্রাচীন ভারতের যন্ত্রপাতি

আমাদের অনেকেরই ধারণা যে আমাদের আৰ্য্য পিতৃ-পুরুষগণ নিম্নত পরমার্থচিন্তায় ব্যাপৃত থাকিতেন; বাস্তবক্ষেত্রে যাহা কল্যাণকর তাহা তাঁহাদের দ্বারা অনুষ্ঠিত হয় নাই। আজ যুরোপ আমেরিকা বিজ্ঞানক্ষেত্রে অদ্ভুত কার্য্য সংঘটিত করিতেছে, আর তাহাতে আমরা বিস্ময়ান্বিত হইয়া নিজেদের 'হীন' 'হেয়' বিবেচনা করিতেছি। কিন্তু যেদিন ভারতবর্ষে স্বাধীনতা ছিল, সেই দিনের ইতিহাস পাঠে জানা যায় যে আজকাল যন্ত্রবিদ্যায় আমরা যতই অজ্ঞ হই না কেন, আমাদের আৰ্য্য পিতৃ-পুরুষগণ তদ্রূপ ছিলেন না। তাঁহারা যত যন্ত্র উদ্ভাবন করিয়াছিলেন এষুগে তাহা অতি বিস্ময়কর।

প্রাচীন ভারতের ইতিহাস ও সাহিত্যে যে-সব যন্ত্র-পাতির অত্যাশ্চর্য্য বিবরণ আমরা প্রাপ্ত হই তাহার কতক এখানে দেওয়া হইল।

(১) 'তেজোময় যন্ত্র'—'তেজোময়ন্ত যদ্ যন্ত্রং তদ্ জালাঃ পরিযুক্তি'—তেজোময় যে যন্ত্র তাহা অগ্নিশিখা উদ্ভাগন করে (কথাসরিৎসাগর)। এই যন্ত্র আধুনিক 'ইলেক্ট্রিক লাইট'র অনুরূপ।

(২) 'বাত-যন্ত্র'—'বাতযন্ত্রং চ কুরুতে চেষ্টাগত্যা-

গমাদিকাঃ'—চেষ্টা, গতি, আগম ইত্যাদির কার্য্য 'বাতযন্ত্র' দ্বারা সাধিত হয়। এই 'বাতযন্ত্র' বা 'বায়ুযন্ত্র' বায়ু-পরিচালিত যান-বিশেষ হওয়াই সম্ভব। অতএব ইহা মোটরকারের অনুরূপ হইতে পারে।

(৩) 'আকাশসম্ভব যন্ত্র'—'বাস্কীকরোতি চালাপম্ যন্ত্রমাকাশসম্ভবম্'—অর্থাৎ এই যন্ত্র বাক্যকে প্রকাশ করে। (কথাসরিৎসাগর)। ইহা আধুনিক ফনোগ্রাফের তুল্য।

(৪) 'বিমানযন্ত্র'র উল্লেখ 'কথাসরিৎসাগরে' আছে। এই 'বিমানযন্ত্র' বোম্বমান বা এরোপ্লেন। 'বিমানযন্ত্রের' গতি পাঁচ হইতে আট শো যোজন। ইহাতে কীলক সংলগ্ন থাকিত।

(৫) আজকাল আমেরিকায় এক যন্ত্রের সাহায্যে হট-পাথরের বাড়ী সমগ্রটি একস্থান হইতে স্থানান্তরে লইয়া যাওয়া যায়। ইহাকে 'বাড়ী বহনের যন্ত্র' বলে—ইংরেজীতে Hydraulic Machine। প্রাচীন ভারতে সম্ভবতঃ এইরকম যন্ত্র ছিল। ময়দানব কর্তৃক রাজা বৃধিষ্টির যে সভামণ্ডপ প্রস্তুত হয় তাহা স্থানান্তরে বহন করা চলিত। (মহাভারত—সভাপর্ক)।

(৬) 'আধেয়ান্ত্র' বা বন্দুক-কামানের চলনও

প্রাচীন ভারতবর্ষে ছিল। 'রামায়ণ' ও 'মহাভারত' হইতে ইহা জানা যায়। এট ছুই মহাকাব্যে লিখিত 'শতদ্বী' অস্ত্র—যাহা একবার নিষ্কিপ্ত হইলে শত লোকের প্রাণ হরণ করে—তাঁহা আধুনিক কামান ব্যতীত আর কিছু নয়। 'মহাভারত' পাঠে আমরা জানিতে পারি যে আর্ঘ্যারা বারুদ ব্যবহারে সুপটু ছিলেন। বারুদকে আগ্নেয় ঔষধ বলিত।

ঐতিহাসিক যুগেও আগ্নেয়াস্ত্র প্রচলনের প্রমাণ পাওয়া যায়। যে সময়ে আলেকজান্ডার ভারতবর্ষ আক্রমণ করেন সেই সময় এখানে বন্দুক-কামানের প্রচলন ছিল। তাহার প্রমাণ, থেমিষ্টিক্লিস ও ফিলিস্ট্রটসের বিবরণ। তাঁহারা লিপিবদ্ধ করিয়াছেন—“হিন্দুরা স্বর্গের বজ্র ও বিছাতের ন্যায় অস্ত্র দ্বারা যুদ্ধ করিত।” আলেকজান্ডার তাঁহার গুরু এরিষ্টটলকে লিখিয়াছিলেন—“ভারতবর্ষের যুদ্ধে আমার সৈন্যের উপর ভীষণ আশ্রয় প্রক্ষিপ্ত হইয়াছিল।” গ্রীকরা বন্দুক কামান ইত্যাদি ব্যবহারে অজ্ঞ ছিল, অতএব তাহাদের এইসব বৃত্তান্ত কিন্তু তর্কমাকার—কিন্তু এইসব হইতে প্রমাণ হয় যে তৎকালে আগ্নেয়াস্ত্র

সুপ্রচলিত ছিল। ইতিহাস-ক্ষেত্রে পণ্ডিতগণের এলুকিন্-ষ্টোনেরও মত এই।

(৭) অধুনা, বিজ্ঞানবিষয়ে আমরা বতই অজ্ঞ হই না কেন, আমাদের আর্ঘ্য পিতৃ-পুরুষগণ বহুবিধ বৈজ্ঞানিক গবেষণা (research) ও পরীক্ষায় (experiment) ব্যাপৃত থাকিতেন। চরক, কণাদ, চক্রপাণি, প্রভৃতি প্রাচীন ভারতের বৈজ্ঞানিকগণ উত্তাপ আলোক ও শব্দ সম্বন্ধে বহু উল্লেখ করিয়াছেন। ইহা হইতে তাঁহাদের পদার্থবিদ্যার জ্ঞানের পরিচয় পাওয়া যায়। চিকিৎসা ও ঔষধ-প্রস্তুত ব্যাপারে তাঁহারা কিরূপ অগ্রণী ছিলেন তাহা পূজাপাদ প্রফুল্লচন্দ্র রায় মহাশয় দেখাইয়াছেন। আচার্য্য মহাশয় রসায়ন (Chemistry) শাস্ত্রে তাঁহাদের অপরিমিত পাণ্ডিত্য লোকগোচর করিয়া আমাদের কৃতজ্ঞতাপাশে বদ্ধ করিয়াছেন। প্রাচীন হিন্দুরা practical experiment দ্বারা বিজ্ঞান শিখাইতেন ইহা চণ্ডীকনাথ বলিয়াছিলেন। আর experiment দ্বারা বিজ্ঞান-শিক্ষার প্রয়োজনীয়তা আমরা আজ উপলব্ধি করিতেছি।

অরুণ দত্ত ।

দুপুরের মেঘ

দুপুরের মেঘহীন

আকাশেতে একদিন

একাকী ভাসিতেছিল একখানি মেঘ,

একেবারে আনমনে

আকাশের এককোণে,

বরফের রাশি যেন—নাই গতি-বেগ !

একেবারে সোজাসুজি

আমি ভাবিলাম, বুঝি

মেঘদের দেশে ওটা কুঁড়েদের সেরা,

তাড়াতাড়ি নাই কিছু

খালি পড়ে থাকে পিছু

চিরকাল টেনে চলে জীবনের জেরা !

তার পর যবে ধীরে

পাছিম গগন-তীরে

সন্ধ্যা নামিল আসি ছড়ায়ে হিরণ,

আঁখি তুলে চেয়ে দেখি,

দুপুরের মেঘ—এ কি !

সারা গায়ে ফেটে পড়ে সোনার কিরণ !

অবাক হইয়া থাকি,

দেখে' জুড়াইল আঁখি,

বুঝিলাম সব কথা যেন এতখনে,

বুঝিলাম কি আশাতে

দুপুরের এই তাতে

মেঘটুকু পড়েছিল আকাশের কোণে !

“বনকুল” ।

বুদ্ধির মাপকাঠি

পূর্বেকার প্রবন্ধে পাঁচবৎসর পর্যন্ত বয়সের শিশুর জ্ঞান নির্দিষ্ট প্রশ্নগুলি উল্লিখিত হইয়াছে। প্রশ্নগুলির দ্বারা কি প্রকারে পরীক্ষা হইবে তাহারও আভাস দেওয়া হইয়াছে। অত্র অত্র বয়সের জ্ঞান নির্দিষ্ট প্রশ্নগুলির উল্লেখ করিবার আগে একটু কথা বলিবার প্রয়োজন বোধ করিতেছি; তাহা এই। - প্রশ্ন বলিবার দোষে, অনেক সময় সন্তোষজনক উত্তর পাওয়া যায় না। সুতরাং পরীক্ষামাগ বালকবালিকা প্রশ্নের মর্ম বুঝিতে পারিতেছে কি না—তদ্বিষয়ে নিঃসন্দেহ হইতে হইবে।

কতকগুলি প্রশ্ন এমন যে তাহাদিগকে অগ্রাহ্য করিবার ইচ্ছা পরীক্ষকের মনে উদ্ভিত হইতে পারে; কিন্তু পরীক্ষক যত সহিষ্ণু হইবেন, ততই সত্য নির্ধারণে সমর্থ হইবেন। উত্তরগুলি শুনিবার সময় কোন মত প্রকাশ করা উচিত নয়, কারণ ইহাতে শিশু ভীত হইতে পারে।

পূর্বেই উক্ত হইয়াছে যে বিনের উদ্ভাবিত মাপকাঠি সংশোধিত ও পরিবর্দ্ধিত হইয়াছে। আজ প্রায় বারো বৎসর ধরিয়া পরীক্ষার ফলে মাপকাঠি বর্তমান আকারে আসিয়াছে। এই প্রবন্ধে অনেকগুলি প্রশ্ন ভারতবর্ষীয় বালকবালিকাদের উপযোগী করিয়া লিখিত হইয়াছে। পরীক্ষক যদি মনে করেন যে বালক আন্দাজে উত্তর দিতেছে তাহা হইলে একটু জেরা করিয়া দেখিবেন।

৬ বৎসর বয়সের প্রশ্ন—

(১) তোমার ডান হাত কোনটি? বাম চোখ কই? তোমার ডান কানটা ধর ত।

(২) [দ্বিপদ বিড়াল, একচক্ষু মানুষ, বা এতদনুরূপ অঙ্গহীন জন্তুর ছবি শিশুর সম্মুখে রাখিয়া] বল ত এ ছবিতে কি ভুল আছে? (অন্ততঃ চারিখানি ছবি দেখাইতে হইবে; ইহাদের তিনখানির সম্বন্ধে উত্তর ঠিক হওয়া চাই।)

(৩) (তেরটি পয়সা বা অন্য-কিছু শিশুর হাতে দিয়া) গুণে' বলত কটি আছে।

(৪) (ক) স্কুলে যাবো-যাবো করছো, এমন সময় বৃষ্টি নেমে গেল; তখন তুমি কি করবে?

(খ) তোমাদের বাড়ীতে আগুন লেগে গেলে তুমি কি কর?

(গ) মনে কর তোমাদের গ্রামে কে অনেক দূরে ষ্টেশন আছে। তুমি রেলগাড়ী চড়ে তোমার মামার বাড়ী যাবে মনে করেছে। তুমি ষ্টেশনে পৌঁছলে, আর গাড়ী ছেড়ে দিলে। তখন তুমি কি করবে?

(৫) (একটি টাকা, একটি আধুলী, একটি ছয়ানি দেখাইয়া) বল ত কোনটা কি? কোনটার দাম বেশী?

(৬) বল দেখ—

(ক) 'বাড়ীতে এক কাণ্ড হয়েছে। একটা বিড়াল জানালা দিয়ে রান্নাঘরে ঢুকে দুধ খেয়ে পালিয়েছে।'

(খ) 'মেশো-মশায়ের খোড়া-গাড়ী আছে। আমরা রোজ গাড়ী চড়ে বেড়াতে যাই।'

(গ) 'আমি মেলা দেখতে যাব; আমার ছাতা চাদর নিয়ে এস।'

মন্তব্য :—

(১) প্রথম প্রশ্নে বাম দক্ষিণ জ্ঞান জন্মিয়াছে কি না দেখা হইতেছে। অধিকাংশ শিশুই খুব কম বয়সে ডান হাত বাম হাত চিনিতে পারে। কিন্তু আশ্চর্যের বিষয় এই যে জগতে এমন অনেক শিশুও আছে যাহারা ছয়বৎসর বয়সেও ডানদিক বামদিক বুঝিতে পারে না। দেখা গিয়াছে যে-শিশু 'উঁচু নীচু' বা 'সামনে পিছনে' কথার মানে বুঝিতে পারে নাই, সে ডানদিক বামদিকও চিনিতে পারে নাই। এখানে ভাবিবার কথা আছে। কেন এমন হয়? 'ডানদিক বামদিক' বুঝিবার আগে 'সামনে-পিছনে', 'উপর-নীচ', কথার মানে বুঝিবার জ্ঞান প্রকৃতির কি উদ্দেশ্য আছে?

(২) ইহাতে ছবির 'খুঁৎ' বাহির করিতে বলা হইতেছে। বাস্তবিক ইহার উদ্দেশ্য হইতেছে শিশুর স্বাধীন চিন্তার ক্ষমতা জন্মিয়াছে কি না তাহা দেখা। মনে করুন, ছবিতে একটি দ্বিপদ বিড়াল আছে। ছবি দেখিয়া শিশুর বলিতে পারা চাই যে—বিড়ালটির

ছটি পা নাই। এখন এই সামান্য ব্যাপারটি বুঝিতে হইলে শিশুকে কতগুলি মানসিক ক্রিয়া করিতে হইবে দেখুন। প্রথমতঃ মনে মনে একটি বিড়ালের সম্পূর্ণ ছবি আঁকিতে হইবে; অথবা মনোবিজ্ঞানের ভাষায় বলিতে গেলে 'বিড়াল-ছের' ধারণার উদ্ভেক করিতে হইবে। পরে ছবির বিভিন্ন অংশের অনুভূতিগুলিকে একত্র করিয়া যে আকৃতির ধারণা হইবে, তাহার সহিত পূর্বেই 'বিড়ালছের' ধারণার তুলনা করিতে হইবে। অত্যাগ ছবিগুলিতেও ঠিক এইরূপ মানসিক ক্রিয়ার প্রয়োজন হইবে। ফলতঃ এই প্রশ্নের দ্বারা মনের তিনটি শক্তির পরীক্ষা হইতেছে; (১) উদ্বোধনী শক্তি (Power of reviving an image); (২) বিশ্লেষণের শক্তি ও সংশ্লেষণের শক্তি (Powers of analysis and synthesis)। আশ্চর্যের বিষয় এই যে, যে-শিশু বিড়ালের অঙ্গহীন ছবি দেখা সবেও বিড়ালকে চিনিতে পারে, সেও অনেক সময় ছবির বিড়ালটির যে ছটি পা নাই তা দেখিতে পায় না, অর্থাৎ সে মনে স্বাধীন চিন্তা উদ্ভেক করিতে পারে না।

(৩) এই প্রশ্নে সংখ্যা জ্ঞানের পরীক্ষা লওয়া হইতেছে। যে শিশু ছয় বৎসর বয়সেও তের পর্য্যন্ত গণনা করিতে শিখে নাই, তাহাকে নিরক্ষর মনে করা যুক্তিসঙ্গত। বাস্তবিক পরীক্ষার দ্বারা প্রমাণিত হইয়াছে অধিকাংশ অতিনিরক্ষর শিশু (Idiot) কাম্বিন্ কালেও গণনা করিতে শিখে না।

(৪) এই প্রশ্নগুলিতে বিশ্লেষণ ও সংশ্লেষণের ক্ষমতার পরীক্ষা হইতেছে। অবস্থা বুঝিয়া ব্যবস্থা করিবার ক্ষমতা; বুদ্ধিমত্তার লক্ষণ ধরিয়া লওয়া যাইতে পারে। এইসকল প্রশ্নের উত্তরে শিশু কি বলে, তাহা শুনিলে চমৎকৃত হইতে হয়। যেমন (ক)-প্রশ্নের (অর্থাৎ স্কুল যাবে যাবে মনে করছ এমন সময় জল নেমে গেলে কি করবে?) উত্তরে কোন শিশু বলে (১) বাড়ীতে থাকুবো, (২) কেউবা বলে দৌড়বো; কিন্তু অল্প সংখ্যক শিশুই উত্তর করে যে 'ছাতা নিয়ে যাব'। (খ)-প্রশ্নের উত্তরগুলি আরও চমৎকার :— প্রশ্নটি হচ্ছে—বাড়ীতে আগুন লাগলে কি করবে? উত্তরগুলি এইরূপ—(১) বাড়ী ছেড়ে চ'লে যাব, (২) আবার বাড়ী তৈরী করাবো, (৩) মামার বাড়ী গিয়ে

থাকবো, (৪) আবার ঘাতে আগুন না লাগে তা করবো। ইত্যাদি। অনেকে আশ্চর্যান্বিত হইবেন যে, পরীক্ষার দ্বারা জানা গিয়াছে যে খুব কম শিশুই বলে—চীৎকার করে লোক জড় করবো, বা দমকলের অফিসে খবর দেবো বা জল এনে আগুন নিবাবো। আবার কেউ বলে—জানালা দিয়ে লাফিয়ে পড়বো। শিশু যদি বাস্তবিক বুদ্ধিমান হয়, তাহার অন্ততঃ বলা উচিত যে কাপড়চোপড় বইপত্র নিয়ে বেরিয়ে পড়বো। যে শিশু বলিবে—পয়সা কড়ি আর যত পারি দামো জিনিষ নিয়ে বেরিয়ে যাব, তার পর চীৎকার ক'রে লোক জড় করবো, ইত্যাদি—তাহাকে নিশ্চিতই সুবিবেচক শিশু বলা যাইবে।

(৫) আশা করা যায় ছয় বৎসরের শিশু টাকা অধুলি প্রভৃতির মূগ্য জানে। যে শিশু তাহা না জানিয়াছে তাহাকে নিরবোধ মনে করা উচিত।

(৬) এই প্রশ্নে স্মরণশক্তির পরীক্ষা করা যাইতেছে। শিশু কতকগুলি সংবন্ধ শব্দ একবার শুনিয়া, মনে রাখিতে পারিতেছে কি না, তাহারই পরীক্ষা হইতেছে।

৭ বৎসর বয়সের প্রশ্ন :—

(১) তোমার ডানহাতে কটি আঙুল? বামহাতে কয়টি? দু হাতে কটি? (না শুনিয়া বলা চাই।)

(২) [ক্রমান্বয়ে তিনখানি ছবি দেখাইয়া] এই ছবিতে কি কি দেখিতে পাও?

(৩) প্রথমে শুন, তার পরে বল—

(ক) ৩—১—৫—৯—৪

(খ) ২—৮—৬—৫—৩


(গ) ৯—১—৪—৭—৫

(৪) তোমার জুতার ফিতেটা ঠিক ক'রে বাধ দেখি।

(৫) বল দেখি—(ক) মাছি আর প্রজাপতিতে কি কি প্রভেদ।

(খ) পাথর আর ডিমে কি কি প্রভেদ।

(গ) কাঠ আর কাঁচ কি তফাৎ।



(৪) [একটি—রুইতনের টেকা দেখাইয়া]
এমনি একটি আঁক।

মন্তব্য :—

(১) দু হাতে কয়টি আঙুল আছে তাহা না গুনিয়া বলিতে পারা নিতান্ত নিরকোঁধ না হইলে সাত বৎসর বয়সের সকল শিশুর পক্ষে সম্ভব হওয়া উচিত।

(২) ছবি দেখিয়া তাহার বর্ণনা করায় শিশুর ভাষা-পরিচয়ের পরীক্ষা লওয়া হইতেছে। কল্পনাশক্তিরও পরীক্ষা হইতেছে।

(৩) ৪—৭—১—২—২—৫ একবার মাত্র গুনিয়া আবৃত্তি করানর উদ্দেশ্য স্মৃতিশক্তির পরীক্ষা।

(৪) জুতার ফিতা বাঁধা সাতবৎসরের শিশুর পক্ষে অসাধ্য নয়। যে শিশু তাহা পারে না, হয় সে নিরকোঁধ, নয় সে অতি আছরে। যে-সকল শিশু জুতা ব্যবহার করে না, (যেমন পল্লীগামের শিশু) তাহাকে অন্য প্রকারের প্রশ্ন করিতে হইবে, যথা—একটি 'ঘর-গিরে' দাও ত। 'ঘর-গিরে' জিনিষটি পল্লী শিশুর পক্ষে দুর্কোঁধ্য বা অসাধ্য হওয়া উচিত নয়।

(৫) 'মাছি ও প্রজাপতিতে' কি কি প্রভেদ আছে? এই প্রশ্নের প্রশ্নের উত্তর দিতে হইলে শিশুকে মনে মনে বস্তুগুলির ধারণা করিতে ও সঙ্গে সঙ্গে তুলনা করিতে হইবে। এই প্রশ্নের দ্বারা মনঃসংযোগ, স্মৃতিশক্তি ও বিশ্লেষণ করিবার ক্ষমতার পরিচয় পাওয়া যাইবে।

(৬) রুইতনের টেকা আঁকা খুব সহজ বলিয়া মনে হইতে পারে। কিন্তু দেখিবেন শিশুর পক্ষে তাহা খুব সহজ-সাধ্য নহে। শিশুর সম্মুখে নমুনাটি রাখিয়া তাহাকে তিন বার আঁকিতে বলা হয়। তাহার অঙ্কিত টেকাগুলির মধ্যে কোনটি নমুনার কাছাকাছি জিজ্ঞাসা করিতে হইবে। পরীক্ষা দ্বারা প্রমাণিত হইয়াছে—অতিনির্বোধ শিশু (Idiot) এটি ভাল করিয়া

আঁকিতে পারে না।

একটি শিশু (যাহার

I. Q. বা বুদ্ধির সঙ্খ ৭৫) এইরূপে আঁকিয়াছিল তাহার প্রকৃত বয়স ৯^১/_২ বৎসর, মানসিক বয়স ৭ বৎসর।

৮ বৎসর বয়সের প্রশ্ন :—

(১) মনে কর একটা খুব বড় জমিতে তোমার হাতের সোনার আংটি হারিয়েছ। জমিটা খুব বড়, কিন্তু তার আকৃতি এই রকম [প্রায় দুই ইঞ্চি ব্যাসার্ধের একটি



বৃত্ত আঁকিয়া ও 'কথ' অংশ শিশুর সামনে রাখিয়া জিজ্ঞাসা করিতে হয়।]

এই রকমের জমির মধ্যে থেকে খুব সহজে আংটিটি খুঁজে বের করতে হবে। কি রকম ভাবে জমিতে ঘুরে খুঁজবার চেষ্টা করবে, পেন্সিল দিয়ে দেখাও।

(২) ২০ থেকে ১ পর্যন্ত উল্টা দিকে বলিয়া যাও।

(৩) (ক) দৈবাৎ পরের জিনিষ নষ্ট ক'রে ফেলেছ। তা হলে তোমার কি করা উচিত?

(খ) পায়ে হেঁটে স্কুলে যাচ্। রাস্তায় মনে হ'ল যে দেবী হয়ে যাচ্ছে। তখন তুমি কি করবে?

(গ) খেলতে খেলতে তোমার সাথী হঠাৎ তোমাকে মারল। তখন তুমি কি করবে?

(৪) আমি দুটি ছাট জিনিষের নাম বলছি। তুমি তাদের মধ্যে কি তফাৎ আছে বল :—

(ক) কাঠ ও কয়লা, (খ) আমড়া ও পেয়ারা, (গ) লোহা ও রূপা।

(৫) (ক) ব্যোমধান কা'কে বলে?

(খ) বাঘ বলিলে কি বুঝায়?


(গ) ফুট বল জিনিষটি কি?

(ঘ) সিপাই কা'কে বলে?

(৬) প্রচলিত কুড়িটি কথাটির প্রতিশব্দ জিজ্ঞাসা করা হয়। যেমন অগ্নি = আগুন। বস্ত্র = কাপড়। ইত্যাদি।

মন্তব্য :—

(১) বৃত্তাকার ক্ষেত্রের মধ্য হইতে মার্বেল খুঁজিবার উপায়। শিশু হয় ত আঙুল বাড়াইয়া দিয়া বলিবে এই-খানে। তাহাতে চলিবে না। তাহার হাতে পেন্সিল দিয়া বলিতে হইবে, তুমি যে পথে যাইবে, তাহা পেন্সিল দিয়া আঁকিয়া দাও। কোন কোন শিশু এইরূপে দেখাইতে পারে



—এই সকল প্রকারের উত্তরই গ্রাহ্য।

(২) ২০ হইতে ১ পর্যন্ত পিছন দিকে বলিতে পারা ৮ বৎসর বয়সের শিশুর পক্ষে শক্ত হওয়া উচিত নয়। ৭ বৎসর বয়সের শিশুরা প্রায়ই ইহা বলিতে পারে না।

(৩) (ক) এই প্রশ্নের উত্তরে শিশুর বলা চাই—বা নষ্ট করেছি, তার বদলে কিছু দেব; বা—বাবাকে বলে তার দাম দেওয়াব; অথবা—বলব যে হঠাৎ নষ্ট করেছি, তার জন্তে দুঃখিত, ইত্যাদি। শিশু যদি বলে ‘দোষ স্বীকার করবো,’ ‘ক্ষমা চাইবো,’ তাহা হইলে উত্তর সন্তোষজনক হইল মনে করিতে হইবে।

(খ) শিশু যদি বলে,—দেবী হ’য়ে গেলে হেড-মাষ্টারের কাছে যাব, বা—মাষ্টার মশায়কে বলবো যে দেবী হয়ে গেল, বা—ক্রমে দাঁড়িয়ে থাকবো, বা একটা ওজর দেখাব, তাহা হইলেও সন্তোষজনক উত্তর হইবে না। এখানে এইরূপ উত্তরের আশা করা যাইতেছে, যথা—তাড়াতাড়ি চলেবো। এই প্রশ্নের উত্তর ঠিক হইল কি না জানিতে হইলে স্কুলের ব্যবস্থা সম্বন্ধে পরীক্ষকের জ্ঞান থাকা আবশ্যিক।

(গ) এই প্রশ্নের উত্তরে শিশুর বলা উচিত ‘খেলতে খেলতে লেগে গেছে তার দোষ কি?’

(৪) এখানে বস্তুজ্ঞানের পরীক্ষা হইতেছে। কোন্ উত্তর সন্তোষজনক তাহা সহজেই বুঝিতে পারা যাইবে।

(৫) এখানে ‘সংজ্ঞা’ দিব্যর ক্ষমতার পরীক্ষা করা হইতেছে। বিশ্লেষণ করিবার শক্তির পরিচয় লওয়াই এই প্রশ্নের উদ্দেশ্য। শিশুর বলা চাই ‘বোম্বমান আকাশে যাইবার একপ্রকার কলা।’ যদি বলে ‘বোম্বমানে ক’রে আকাশে উঠা যায়’ তাহা হইলে সংজ্ঞা দেওয়া হইল না। এইরূপে শিশুর বলা চাই ‘ফুটবল হাচে বাতাস-ভরা চামড়ার জিনিষ—যার দ্বারা খেলা যায়।’ বা এই প্রকারের অণু কিছু।

(৬) এখানে ভাষাজ্ঞানের পরীক্ষা লওয়া হইতেছে। বিবেচনার সহিত শব্দগুলি সংগ্রহ করিতে পারিলে, শিশুর ভাষার সহিত কতখানি পরিচয় হইয়াছে তাহা বুঝিতে পারা যাইবে।

৯ বৎসর বয়সের প্রশ্ন :—

(১) আজ কি বার? তারিখ কত? কোন্ মাস? কোন্ সাল?

(২) (একই আকারের একই আয়তনের পাঁচটি দেশলাইয়ের বাস্কে কাঠের ভূষা, লোহাচূর্ণ, বালি, বা অণু

কিছু রাখিয়া, পাঁচটি ভিন্ন ভিন্ন ওজনের বাস্কে প্রস্তুত করা হয়। সেইগুলি শিশুর সামনে রাখিয়া জিজ্ঞাসা করিতে হয়।) বল ত, এগুলির মধ্যে সবচেয়ে কোন্টি ভারী? তার পরে কোন্টি? তার পরে কোন্টি?

(৩) (ক) রথের মেলায় তুমি ১০টি পয়সা নিয়ে গিয়েছিলে। তার মধ্যে থেকে ৪ পয়সায় সন্দেশ কিনেছ; তোমার কাছে ক’টি পয়সা বাকী আছে?

(খ) ১২ পয়সার খাবার কিনে, ময়রাকে চার আনা পয়সা দিয়েছ। কত ফেরত পাবে বল দেখি?

(গ) যদি ৪ টাকায় একজোড়া কাপড় কিনে, দোকানদারকে ১০ টাকার একখানা নোট দেওয়া যায়, তা হলে কত টাকা দোকানদার ফেরত দেবে বল দেখি?

(৪) গুন—(ক) ৬—৫—২—৮, (খ) ৪, ৯, ৩, ৭, (গ) ৩, ৬, ২, ৯। উল্টা দিক থেকে বলে যাও। পরীক্ষক প্রথমে বলিবেন। গুনিবামাত্র শিশুকে উল্টা দিক হইতে বলিতে হইবে। যেমন পরীক্ষক বলিবেন—৬—৫—২—৮, শিশু বলিবে—৮—২—৫—৬। এইরূপে তিনবার পরীক্ষা করিতে হইবে।

(৫) আমি তিনটি করে’ কথা বল্চি—তুমি গুনই সেই তিনটি কথা দিয়ে একটি বাক্য রচনা করবে। গুন—(ক) পুকুর, মাছ, মানুষ; (খ) কাজ, টাকা, লোক; (গ) মক্ভূমি, নদী, হ্রদ। [প্রত্যেকটির উত্তর এক এক মিনিটে হওয়া চাই।]

(৬) ছন্দে ছন্দ মিলিয়ে কথা বলতে হবে। মনে কর আমি বলবো মতি। তুমি বলবে, গতি, রতি, পতি। এখন বল—(ক) মণ

(খ) ভয়

(গ) বীর

মন্তব্যঃ—(১) ৯ বৎসর বয়সের বালকের পক্ষে বার তারিখ বলিতে পারা আশ্চর্যের কথা নয়; কিন্তু এমন অনেক বালক আছে যাহারা ইহাও পারে না। পাঠক পরীক্ষা করিয়া দেখিলেই বুঝিতে পারিবেন যে এই বয়সে ‘সাল’-জ্ঞান প্রায়ই হয় না। তারিখের ধারণা হয় কি না সন্দেহ। যাহা হউক তারিখ বলিতে যাইয়া তিন দিনের ভুল করিলেও তাহা ধর্তব্য নয়।

(২) এখানে বাক্য পাঁচটির ওজন হইবে—যথাক্রমে ৩, ৬, ৯, ১২ ও ১৫ রতি। সমস্তগুলির আকৃতি একই প্রকার হইবে। তিনবার পরীক্ষা করিতে হইবে। শিশু বাক্যগুলি হাতে তুলিয়া আন্দাজে ঠিক করিবে কোনটি ভারী কোনটি হালকা। পরীক্ষক মাত্র বলিবেন—যেটি সবচেয়ে ভারী সেটি প্রথমে রাখ; তারপরে যেটি সবচেয়ে ভারী সেটিকে রাখ। কিন্তু তিনি যেন বলিবেন না ‘হাতে করে তুনে দেখ, কোনটি ভারী।’ কারণ শিশু কি উপায়ে ‘ভারী’ ‘হালকা’ ঠিক করে তাহা দেখাও এ প্রশ্নের উদ্দেশ্য। পরীক্ষা দ্বারা দেখা গিয়াছে লঘু ও গুরুত্বের স্বল্প তারতম্য অনুমান করিবার শক্তির সহিত বুদ্ধিমত্তার উন্টা সম্বন্ধ আছে। আরও দেখা গিয়াছে সভ্য মানবের সহিত তুলনার অসভ্য মানবের এই শক্তি অধিক। পাপুয়ান দ্বীপের অধিবাসী বালকদিগের এই তারতম্য উপলব্ধি করিবার শক্তি ইংরেজ বালকবালিকাদিগের শক্তির প্রায় সওয়া-গুণ। [Reports of the Cambridge Anthropological Expedition to Torres Straits—vol. ii, part ii, 1903, page 198.]

(৩) যদি ৯ বৎসর বয়সের শিশুকে জিজ্ঞাসা করা যায়, ১০ থেকে ৪ বাদ দিলে কত থাকে? সে উত্তর ঠিকই দেয়। অথবা ৪ পয়সার জিনিষ কিনিয়া দশ পয়সার থেকে ৬ পয়সা বাঁচাইয়া আনা তাহার পক্ষে শক্ত ব্যাপার নয়। প্রশ্নের উদ্দেশ্য হচ্ছে মাত্র কথাটা শুনিয়া ব্যাপারটি বুঝিয়া লইতে পারে কি না তাহাই দেখা। পরীক্ষা দ্বারা দেখা গিয়াছে নিতান্ত নিবোধ শিশু (Idiot) এই সামান্য দৈনিক ব্যাপারেরও অর্থ বুঝিতে পারে না। অনেকে বোধ হয় জানেন বালক হয়ত লম্বা লম্বা যোগ বিয়োগ করিতে পারে, কিন্তু যেখানে যোগ করিতে হইবে কি বিয়োগ করিতে হইবে বলিয়া দেওয়া না যায়, সেখানেই তাহার মাথাই আকাশ ভাঙ্গিয়া পড়ে।

(৪) এখানে স্মরণশক্তির পরীক্ষা করা হইতেছে। অল্প মস্তব্য অনাবশ্যক।

(৫) এই প্রশ্নের দ্বারা ভাস্কর্য্যের সামান্যরূপ পরীক্ষা লওয়া হইতেছে। অপরের প্রদত্ত শব্দ দ্বারা বাক্য রচনা করাইয়া বুদ্ধিমত্তা পরীক্ষার রীতি প্রথমে প্রচলিত করেন

মাসেলন (Masselon)। জার্মান মনোবিজ্ঞানবিৎ ময়মান (Meumann) মনে করেন এটি একটি বুদ্ধি পরীক্ষা করিবার সুন্দর উপায় [Zeitschrift für Pädagogische Psychologie und Experimentelle Pädagogik, 1912, p. 145-63.] মনোবিজ্ঞানে Association অর্থাৎ ভাবসম্পর্ক পরীক্ষা করিবার জন্ত Completion test বা পূরণ পরীক্ষা কতকটা এই ধরণের।

(৬) অনেকের মনে হইতে পারে ছন্দে ছন্দে মিলাইতে পারিলে বুদ্ধিমত্তার বিশেষ পরিচয় দেওয়া হয় না। কিন্তু পরীক্ষা করিয়া দেখিলেই সন্দেহ ঘুচিবে। ছন্দে ছন্দে মিল করা মনোবিজ্ঞানের ‘Constrained association’ চেষ্টাকৃত সম্পর্কসাধন পরীক্ষার কতকটা অমুরূপ। একটি শব্দ উচ্চারিত হইলেই আমাদের মনে কত শব্দের আবির্ভাব হইবে। ছন্দ মিলাইতে হইলে এই আবির্ভূত শব্দসমূহের অধিকাংশকে দমন করিয়া বিশেষ বিশেষ শব্দের প্রয়োগ করিতে হইবে। কোন কোন পরীক্ষক এই প্রশ্নটির পরিবর্তে অল্প প্রশ্নের সৃষ্টি করিয়াছেন। যথা (১) বৎসরের সমস্ত মাসগুলির নাম বল; (২) (পোপ্টেজ গ্যাম্প কতকগুলি সামনে রাখিয়া) এটির দাম কত? ওটির দাম কত? •

১০ বৎসর বয়সের প্রশ্ন—

(১) প্রচলিত ৩০টি শব্দের প্রতিশব্দ জিজ্ঞাসা করিতে হইবে। (এই প্রশ্নে ভাষা-পরিচয়ের পরীক্ষা হইতেছে।)

(২) আমার কথাগুলি শুন। যা বলি তাই তার মধ্যে যদি কিছু অসঙ্গত থাকে তা হলে তুমি বল :—

(ক) একজন ইঞ্জিন-ডাইভার বলেছিল যে একখানা ট্রেনে যত বেশী গাড়ী থাকবে, ট্রেন তত ভাড়াভাড়া চলেবে।

(খ) কাল পুলিশ একটা লোকের মৃতদেহ পেয়েছিল। দেহটা একেবারে আঠারো জায়গায় কাটা ছিল। বিশ্বাস হয় যে লোকটা নিজেকে নিজেই খুন করেছে।

(গ) একটা প্যাসেঞ্জার গাড়ী রেল থেকে পড়ে যায়। তাতে বিশেষ ক্ষতি হয় নি—মাত্র ৪৮জন লোক মারা গেছে।

(ঘ) একটা লোক সাইকেল থেকে পড়ে গিয়ে মাথা ফেটে সঙ্গে সঙ্গে মরে গিয়েছিল। তাকে ধরাধরি করে

হাস্যপাতালে নিয়ে যাওয়া হয়। আশা আছে সে শীঘ্রই সেরে উঠবে।

(৩) (ছখানি সোজা ড্রয়িং দশ সেকেন্ডের জন্ত দেখাইয়া) এই ড্রয়িং দুটা বেশ করে দেখে নাও; তার পরে না দেখে আঁক ত।

(৪) “কলিকাতা, ১৭ই মাঘ। গতরাত্রিতে সহরের মধ্যভাগে অগ্নিকাণ্ড হইয়া তিনটি বাড়ী একেবারে পুড়িয়া যায়। আগুন নিভাইতে সময় লাগিয়াছিল। পঞ্চাশ হাজার টাকার সম্পত্তি লোকসান হইয়া গিয়াছে ও অনেক লোক গৃহহীন হইয়াছে। এক নিদ্দিত বালিকাকে বাঁচাইতে গিয়া একজন লোক সাংঘাতিক ভাবে পুড়িয়া গিয়াছে।”

উপরোক্ত অংশটি বালককে পড়িতে দিতে হইবে। নিভূর্ণ ভাবে পড়া চাই। পড়া হইয়া গেলে তাহাকে বলিতে হইবে—“আচ্ছা, এখন কি পড়ণে আমাকে বল দেখি।”

(৫) (ক) মনে কর, একজন লোকের সম্বন্ধে তোমার মতামত জিজ্ঞাসা করা হচে; তুমি লোকটিকে খুব ভাল করে জান না। এমন জায়গায় তুমি কি করবে?

(খ) একটি খুব দয়াকারী কাজ হাতে নেবার আগে কি করা উচিত বল দেখি?

(গ) কোন লোকের সম্বন্ধে ধারণা করতে হ'লে, সে মুখে কি বলে তার চেয়ে সে কাজে কি করে তাই দেখা উচিত। তোমার কি মনে হয় বল দেখি।

(৬) তুমি যতগুলি শব্দ (কথা) জান—বলে যাও দেখি। (তিন মিনিটে কতগুলি ভিন্ন ভিন্ন কথা বলিতে পারে তাহা দেখা চাই।)

অথবা—

(১) গুন—৩—৭—৪—৮—৫—৯ : উল্টা দিকে বলি যাও।


(২) গুন—৫—২—১—৭—৪—৬ : উল্টা দিকে বলি যাও।

মন্তব্য :—

(১) এখানে অসঙ্গতি দেখিবার ক্ষমতা জন্মিয়াছে কি না তাহা দেখাই উদ্দেশ্য। এই প্রশ্নগুলি করিবার আগে বালককে প্রশ্নের উদ্দেশ্য স্পষ্ট করিয়া বুঝাইয়া দেওয়া

চাই। বয়স্ক লোকদিগকে এই প্রশ্ন করিলে, কি উত্তর পাওয়া যায়, তাহা দেখিলে বেশ আনন্দ পাওয়া যায়। অনেকেই না ভাবিয়া একটা উত্তর দিয়া বসিবেন। ফলতঃ এই প্রশ্নে মনোযোগ ও চিন্তাশীলতার পরীক্ষা লওয়া যাইতেছে। দশবৎসর বয়সের বালকের পক্ষে চিন্তার কথা এ প্রশ্নে নিশ্চিতই আছে।

(৩) এই প্রশ্নে মনঃসংযোগ, চাক্ষুষ স্মৃতি (Visual memory) ও বিশ্লেষণের ক্ষমতা পরীক্ষা হইতেছে। ড্রয়িং দুটি কতকটা এই রকমের :—



এই দুইটিই পাশাপাশি একসঙ্গে দশ সেকেন্ডের জন্ত বালকের সম্মুখে স্থাপিত হয়। দুইটির মধ্যে সাদৃশ্য সত্ত্বেও যথেষ্ট পার্থক্য আছে। বিশেষ মনোযোগের সহিত না দেখিলে ভুল হইবার সম্ভাবনা। পাঠক দেখিবেন ১ নম্বরটিতে ১২টি রেখা আছে, কিন্তু ২ নম্বরটিতে ১১টি রেখা আছে।

(৪) এই প্রশ্নে ‘বৈষয়িক’ স্মৃতির (Topical memory বা memory for ideas) পরীক্ষা লওয়া হইতেছে। উদ্ধৃত অংশে যে কয়টি বিষয়ের উল্লেখ আছে তাহার মধ্য হইতে কতগুলির উল্লেখ করা যাইতে পারে তাহাই দেখা যাইবে। বর্তমান প্রশ্নে অন্ততঃ আটটি বিষয়ের উল্লেখ আছে।

(৫) এই প্রশ্নটির সম্বন্ধে কোন মন্তব্য অনাবশ্যক। পাঠক স্পষ্ট দেখিতে পাইবেন যে বালকের চিন্তাশীলতার পরীক্ষা লওয়া হইতেছে।

(৬) এখানে স্মৃতির পরীক্ষা হইতেছে। তিন মিনিটের মধ্যে অন্ততঃ ৬০টি ভিন্ন ভিন্ন শব্দ পাওয়া চাই।


১১ বৎসর বয়সের জন্ত কোন প্রশ্ন নির্দিষ্ট নাই। ১২ বৎসরের জন্ত যে প্রশ্নগুলি নির্ধারিত হইয়াছে—তাহার প্রত্যেকটি তিন মাস বয়সের পরিমাপক। অর্থাৎ যে বালক দশ বৎসরের জন্ত নির্ধারিত প্রশ্নগুলির উত্তর করিতে পারে অধিকতর ১২ বৎসরের প্রশ্নের ৮টির মধ্যে ৫টির উত্তর দিতে পারে, তাহার মানসিক বয়স হইবে ১০ বৎসর ৩৫ মাস অর্থাৎ ১১ বৎসর ৩ মাস।

শ্রীরেণুপদ কর।

সোয়েডার্গো প্যাগোডা

বর্ম্মা দেশের দেখবার মত একটি জিনিষ এদেশের মন্দির, বর্ম্মা ভাষায় যাকে বলে 'ফায়া'। নদীর ধারে, পাহাড়ের গায়ে, গ্রামের আশেপাশে, সহরের মাঝখানে, ঝোপ-ঝাপ নানা জায়গায় এর চূড়া চোখে পড়লে' এদেশকে একবার যে দেখে তারই ভাল লাগে। আমাদের দেশের মন্দিরে যেমন কোলাহল, এখানে ঠিক তার বিপরীত। পাণ্ডা দেখতে পাওয়া যায় না, যুদ্ধের মত বাজনার শব্দ কানে লাগে না এবং চারিদিক এতই শান্ত নিস্তর যে চূড়ার ঘণ্টার বাতাসে নড়ার মত শব্দটি পর্যন্ত বেশ শুনতে পাওয়া যায়। সারা-পৃথিবী-যুরে-আসাম লোকের মুখেও শোনা যায় যে এই মন্দিরটি পৃথিবীর মধ্যে একটা আশ্চর্য্য জিনিষ এবং এর সৌন্দর্য্য ও কারুকার্য্য শুধু বাজে লোকের নয়, শিল্পীদের দেখা উচিত।

বর্ম্মা দেশের রাজধানীর নাম য়ঙ্গুন—অর্থাৎ শব্দ অক্রমণের শেষ সীমা। য়ঙ্গুন শব্দ এখন ইংরেজদের মুখে রেঙ্গুন রূপ ধরেছে। রেঙ্গুন সহরের উত্তর পশ্চিম কোণে থিন্গটরা নামে একটি পাহাড় আছে এবং এই মন্দিরটি দাঁড়িয়ে আছে সেই পাহাড়ের উপর। সমস্ত ভূমি থেকে পাহাড়টি ৫০০০ ফুট উঁচু। বুদ্ধদেবের আগে আরও তিন বুদ্ধ এসেছিলেন এবং তাঁদের চিহ্ন এখানে পাওয়া যায় বলে এই পাহাড়টি এত পবিত্র। শোনা যায় বুদ্ধদেব তাঁর নিজের আটগাছি দাড়ির চুল 'তাপোসা' ও 'পালোকা' নামে দু'শিয়াকে দেন এবং এই দুই ভাইই এই পাহাড়ে এসে সেই চুলগুলি সোনার কোটায় রেখে পাহাড়ে পুতে ফেলেন এবং তার উপর এই চৈত্য প্রতিষ্ঠা করেন। ধাতুপাত্রের মধ্যে পবিত্র কিছু নিহিত করে' তার উপর চৈত্য প্রতিষ্ঠা করা হয়; তাই সংস্কৃত ভাষায় চৈত্যের এক নাম ধাতুগর্ভ।




সোয়েডার্গো প্যাগোডার অভ্যন্তরের একটি মন্দিরের কারুকার্য্য।

মন্দিরের সম্মুখে বৌদ্ধ ভিক্ষুণী।

ধাতুগর্ভ শব্দ অপভ্রংশ হলে হয় দাগোবা। দাগোবা শব্দের বর্ণবিপর্য্যয়ে প্যাগোডা শব্দের উৎপত্তি হয়েছে। এখন প্যাগোডা মানে মন্দিরই বুঝায়। এ দেশের সমস্ত মন্দির-গুলির মধ্যে এই মন্দিরটি বিশেষ বৃহৎ ও প্রসিদ্ধ এবং এটি এত পবিত্র যে হাজার হাজার যাত্রী বছরে বছরে শাম চীন জাপান কোরিয়া নানা দেশ থেকে শুধু ভীর্থ করতে আসে।

মন্দিরটি আশাগোড়া সোনার পাত্রে মোড়া, সেজ্ঞা এর নাম সেয়ে ডাগো বা স্বর্ণ-মন্দির। সকালে সূর্য্যের সাদা আলো এবং সন্ধ্যায় লালচে রোদ্দুর এসে চারিদিকের দৃশ্যটি সুন্দর অপর্য্যক করে' তোলে। মন্দিরটি সহর থেকে অল্প দূরে। যাত্রীরা ডামেই যাতায়াত করে—সহর থেকে মন্দিরের দ্বার পর্য্যন্ত ট্রাম যাতায়াত করে এবং রোজকার যাত্রী কম করেও প্রায় ৪৫ হাজার। সমস্ত মন্দিরটি প্রাচীর দিয়ে ঘেরা এবং প্রবেশের জগু চারদিকে চারটি কারুকার্য্য-করা দ্বার বা তোরণ আছে। দক্ষিণদিকেরটিই বিশেষ প্রশস্ত ও সুন্দর, কারণ ট্রাম থেকে যাত্রীরা এই দ্বার দিয়েই

প্রবেশ করে। তোরণের দুই পাশে দুটি প্রকাণ্ড সিংহ-মূর্তি দ্বার-রক্ষক স্বরূপে স্থাপিত, এবং এ কাজের ভার সিংহের পাবার একটি গল্প আছে। একবার একজন-রাজার মেয়ে চুরি যায় কিন্তু সেই মেয়েকে উদ্ধার করতে কেউই পারে নি - সিংহের দ্বারা সেই কাজ হয়েছিল বলে' দ্বার-রক্ষার ভার সিংহই পায়। সমস্ত মন্দিরের দ্বারের পাশে এই মূর্তি দেখা যায়, কারণ সিংহকে ভূত প্রেত অপদেবতা সবাই ভয় করে, সে ওখানে থাকার ফলে মন্দিরের মধ্যে তারা প্রবেশ করতে পারে না। দুটি মূর্তির



সোয়েডাগো প্যাগোডার প্রাঙ্গণের একদিক—প্রাঙ্গণেও বসিয়া লোকে উপাসনা করে।

একটির জিহ্বা নির্গত হয়ে আছে, কিন্তু আর-একটির নাই; তার কারণ বোধ হয় পুরুষ আর স্ত্রীর পার্থক্য। ইহার পরই পাহাড়-কাটা সিঁড়ি বরাবর উপরে উঠেছে, তার উপর খিলান-করা ছাঁত। সিঁড়ির পাশে পাশে যাত্রীদের বসবার ব্যবস্থা এবং ধাপে ধাপে দোকান; দেয়ালে খিলানে নানা কারুকার্য কিম্বা চিত্রাবলী। সাজ-গোজ করে' এদেশের মেয়েরা দোকানে বসে' থাকে। ভাঙ্গা হিন্দী ভাষায় বিদেশী যাত্রীদের মাঝে মাঝে ডাক দেয়। দোকানে ফুল ফল ধূপ ধূনা পূজার সব জিনিষই পাওয়া যায়। এ ছাড়া দর্শক ও যাত্রীদের জন্তে বুদ্ধের মূর্তি, ঘণ্টা ইত্যাদি নানা জিনিষই দেখতে পাওয়া যায়। মন্দির ছাড়া বর্ষাদেশে আর যাকিছু দেখবার আছে সবই এখানে এই সিঁড়ির দুপাশে উপরে উঠতে উঠতে দেখতে পাওয়া যায়। বর্মীদের পোষাক 'লুঙ্গী' এবং 'এঞ্জা'। সিল্কের লুঙ্গী এদেশের সব মেয়েরাই ব্যবহার করে কিন্তু গায়ের জামা এঞ্জী প্রায়ই কাপাস-সূতার তৈরি। ফুল এরা খুবই ভালবাসে। তাদের সাজ-পোষাকের জন্তে দোকানের নানা জিনিষের সাপে বসে' থাকায় তাদের ভারি সুন্দর দেখায় এবং সবাই দেখে আনন্দ পায়।

উপরে উঠার পরই সামনে একটি মন্দির। ভিতরে

নানা-রকমের বুদ্ধের মূর্তি। ছোট বড়, পাথরের পিতলের, শান্তমূর্তি বুদ্ধ বসে আছেন এবং হাতের ভঙ্গি দেখে মনে হয় শিষ্যদের কি বলছেন। এগুলি ছাড়া আরও অনেক হাজার হাজার মূর্তি আছে, তবে কেবল বুদ্ধের ছাড়া অল্প কোন মূর্তি বিশেষ দেখা যায় না।

মন্দিরের গড়ন ঠিক ঘণ্টার মতন—তলার দিক গোল এবং বরাবর সরু হয়ে উপরে উঠেছে। এরই চারিপাশে কেবল ছোট বড় নানা মন্দির ঘেরা। এরই পরে একটি গোল রাস্তা—যাত্রীরা ঘুরে ঘুরে দেখবে বলে' সমস্ত পথ মার্কেল পাথরে তৈরী; রোদের সময় পথ গরম হয়ে যায়, সেজন্য মাঝে মাঝে একটি দড়ির চেটাই-মত ফেলা আছে; মাঝে মাঝে একট করে টান বসান থাকে—খুতু ও উচ্ছিন্ন ফেলবার জন্তে।

মন্দিরটি উঁচু ৩৭০ ফুট এবং মাথার উপরে একটি সোনার ছাঁত আছে। বর্ষাভাষায় ছাঁতিকে বলে 'ঠি' এবং এই 'ঠি'টি মন্দিরটির রাজা মিওনুমিন্ একটি মেলায় সময়ে মন্দিরকে দান করেন। ছাঁতিটি খুব ছোট নয়; তার আগাগোড়া সোনার হীরে মুক্তা ইত্যাদি দামী পাথর ও ধাতু দিয়ে তৈরী এবং শোনা যায় এটির দাম প্রায় ৭৮ লক্ষ টাকা। সমস্ত মন্দিরটি ইলেকট্রিক

আলোর তারা এবং রাজ্যে আলোর মালাগুলি মন্দিরের সৌন্দর্যকে আরও বাড়িয়ে তোলে। রাজ্যের অন্ধকারে ঐ আলো বহুদূর থেকে দেখা যায় এবং এটি দেখলে রাস্তা বা দিক ভুল হয় না।

এদেশের ধারণা যে নতুন মন্দির না করলে পুণ্য হয় না, পুরাণ মন্দির সংস্কার করলে তাতে কোন লাভ নেই—এই ধারণার জন্মে এই মন্দিরের আকৃতি এত বড় হয়ে পড়েছে। দিনের পর দিন এত মন্দির তৈরী হতে আরম্ভ হল যে আর মোটে জায়গা থাকে না, কিন্তু কতকগুলি লোকের পরামর্শে সেটি এখন বন্ধ হয়েছে। চারিদিকে মন্দিরের ছড়াছড়ি এবং বুদ্ধের নানা মূর্তিই চারিদিকে, কোথাও বসে আছেন, কোথাও গুয়ে আছেন, কোথাও আবার না শোওয়া না বসা অবস্থায়। এইসব মন্দিরের মধ্যে একটি চীনে মন্দির আছে, তা-ছাড়া শান্ মন্দির এবং অন্য নানা মন্দিরই দেখবার আছে এবং সবগুলির কথা একসাথে বলাও কঠিন।

এদেশে পূজার হাঙ্গামা খুবই কম—লোকেরা আসে ফুল ধূপ-ধূনা বাতি নিয়ে এবং যার যেখানে ইচ্ছে সেই-খানেই বসে' আরাধনা করে' বাতি জ্বলে দেয়। মেয়ে পুরুষ সবাই পাশাপাশি বসে' যায় এবং রাস্তার আশে-পাশে আবার অনেকে বসে' স্তব পাঠ করে—পাশের লোকের চলা-ফেরার দিকে গ্রাহ্য না করে।

অহিংসা পরম ধর্ম—বৌদ্ধধর্মের একটি মূল কথা; তাই মন্দিরের মধ্যে সব জানোয়ারই নিকৃপদ্রবে বাস করে—তাদের তাড়ায় না কেউ। এক-এক মন্দিরে পাওয়ার দল বাস করে। কুকুরের রাজত্ব মন্দিরের মধ্যে—ঠাকুরের সামনে থেকে খাবার খেয়ে যায়, কিন্তু তবু তাদের কেউ কিছু বলে না। জন্তুদের কোন কষ্ট নেই এখানে।

মন্দিরের মধ্যে দেখবার আর-একটি জিনিস হচ্ছে একটি ঘণ্টা—১ রকম ঘণ্টা অনেকেই দেখেননি। এটি ওজন ১১৫৮ মণ ভারী। ১৮৪০ খৃষ্টাব্দে রাজা থারা-ওয়াডি (Tharrawady) এই মন্দিরকে এই ঘণ্টাটি দান করেন। যারা মন্দিরে যায় সবাই একবার করে' ঘণ্টা বাজিয়ে আসে, প্রবাদ যে বিদেশীরা বাজালে আবার তাদের এ দেশে আসতে হয়; অনেকে বলেন প্রমাণ



সোয়েডাগৌ প্যাগোডার প্রধান তোরণ।

পেয়েছেন। ঘণ্টাটির নানা গল্প আছে; এক-একটি মন্দিরের কারুকার্য আশ্চর্য্য সূক্ষ্ম ও প্রচুর—সবই কাঠের এবং রং করা সোনালিতে। কাঠের কাজ এত সূক্ষ্ম যে যতবার দেখা যায় ততবারই দেখার তৃপ্তি হয় না।

বহু-খানেক আগে এ মন্দিরের নিয়ম ছিল যে সাহেব ছাড়া অন্য সবাইকে জুতা খুলে যেতে হবে। ফরসা রং এবং বিলাতী পোষাক থাকলেই সব বিদেশীই সাহেব হয়ে যেতেন। কিন্তু সে নিয়মের অদলবদল হয়েছে। জুতা সকলেরই নিষেধ, তবে শাসনকর্তাদের আদেশ নিয়ে সামরিক কাজে কেবল ইংরেজ সৈনিক যেতে পারে—অবশ্য এই নিয়ম চারিদিকে খুবই গোলমাল চলেছে। কর্নেল ওয়েল্ডউড এখানে এসে খালি-পায়ে যাতায়াতের পর থেকেই এই গোলমালের সূত্রপাত।

জুতা পারে দিয়ে বাওয়া নিষেধ, সবাইকে বাধ্য করে জুতা হাতে নিয়ে ঘুরতে হয় এবং এ-দেশবাসীরা সব সময়ই কাঠের জুতা পরে' যায়। মন্দিরের সৌন্দর্য্য বত দেখা যায় কিছুতেই অভূষ্টি হয় না এবং বিরক্তি আসে না এবং

দেখার পর বাইরে এলে মনে হয় যেন স্বপ্নরাজ্যে খেবে ঘুরে এলুম।

সুবোধ চট্টোপাধ্যায়।

(চিত্রগুলি শ্রীম্যোতিশঙ্কর বসু কর্তৃক গৃহীত।)

তাড়িঞ্জো পোয়ে

(উপবাস-পারণার মহোৎসব)

বর্ষার রাজধানী য়ান্নুন (রেন্নুন) শহরের সবচেয়ে উঁচু টিলার মাথায় সবচেয়ে বড় মাহুঘ প্রভু বুদ্ধদেবের কেশচৈত্য ঘিরে শোয়ে ডাগঁ ফায়া (সোনাডাঙার মন্দির)।

শারদ শুক্লপক্ষ। যে মহৎ সন্ন্যাসীর ত্যাগের মহিমায় জগৎ সমুজ্জ্বল, তাঁর সন্মানের জন্য এই নির্মল শুক্লপক্ষে তাঁর ভক্তদেরও ত্যাগ অভ্যাস করতে হয় একবেলা খেয়ে থেকে অথবা হস্তায় হস্তায় তাড়িন বা উপোষ করে'। এই উপোষখ ত্রত পালনের সময় নিত্য নিরন্তর কত উপাসক উপাসিকা ক্রমাগত শ্রোতের মতন ফায়াতে আসে বুদ্ধদেবকে ফুল ধূপ বাতি দিয়ে পূজা করতে। যে মহা সন্ন্যাসীর মন ছিল ফুলের মতন কোমল সুন্দর পবিত্র, যাঁর অন্তর জগতের হৃৎখে দগ্ধ হয়েও ধূপের মতন সুগন্ধ ও বাতির মতন আলো বিতরণ করে' গেছে, তাঁর পূজার প্রকরণ শুধু তাঁর পায়ের কাছে সুন্দর শৃঙ্খলায় কুলদানীতে ফুলের তোড়া সাজিয়ে রাখা, ধূপকাঠি আর বাতি সারি দিয়ে জালিয়ে দেওয়া।

পাহাড়ের মাথায় মন্দিরে ওঠবার সিঁড়ি উঠেছে ধাপে ধাপে, থাকে থাকে, ছাত-ঢাকা দীর্ঘ তোরণের সুড়ঙ্গের ভিতর দিয়ে। সিঁড়ির ছুধারি চাতালে চাতালে পাতা আছে ফুল ধূপ বাতি প্রভৃতি পূজার উপকরণের দোকান। দোকানে দোকানে বসে' আছে শুচিবেশা ও শুচিন্মিতা সুন্দরী দোকানী—ফুলের পশরার পাশে ফুলের মতন, জনশ্রোতের চেউয়ের মাথায় মাথায় পুষ্প-মঞ্জরী-জড়িত শুভ্র শুক্ল ফেনপুঞ্জের মতন। দোকানীদের পরণে রঙিন রেশমী কুলকাটা ধূপছায়া ময়ূরকঙ্কী


'লোউঞ্জি' (লুজি), গায়ে সদ্য খোপার পাটভাঙা অমল শুভ্র 'এইঞ্জি' বা জামা, গলায় জড়ানো রঙিন রেশমী 'পাওয়া' বা উত্তরীয়; তাদের মাথার তেলোর এলো চুলের বিঁড়ে খোঁপায় গোঁজা আছে একগুচ্ছ ফুল, তাদের মুখে মাখানো আছে তানেখা আর চন্দন, আর ঠোঁটের উপর মাখানো আছে ভুবন-ভুলানো মিষ্ট হাসির এতটুকু একটু ক্ষীণ রেখা—নির্মল স্বচ্ছ গগনের গায়ে দ্বিতীয়ার চন্দ্রকলার মতন। তাই এখন তাদের আর পান্দে (ফুলওয়ালী) কেউ বলে না, তাদের শোয়ে-দে (সোনাওয়ালী) বলে' পরিচয় দায়।

উপাসক-উপাসিকারা আসছে দলে দলে কাতারে কাতারে; উপরে উঠছে সিঁড়ির ধাপের পরে ধাপের উপর পা রেখে রেখে,—জনশ্রোতের আন্দোলন চেউ খেলিয়ে ক্রমাগত চলেছে। যাত্রীদের হাতে হাতে বুলুছে ফা-না (চটি-জুতা) আর বাঁশের চোঙার মতন বড় বড় সলেই (চুরুট); কারো হাতে আছে ঠি বা ছাতা, আর কারো হাতে আছে সোনা-রূপার জরির কাজকরা 'এই'—শানদের তৈরি থলি।

পূজারী-পূজাঙ্গীরা সিঁড়ির ধাপে ধাপে পা ফেলে ফেলে উপরে উঠছে, আর সিঁড়ির চাতালের দোকান থেকে রূপসী তরুণী দোকানীরা মিহি গলায় মিষ্টি কথায় আদর করে' তাদের ডাকছে—লা বা, দি সাঁই লা বা, ফা-না ঠা বা, খানা ঠাঁই বা, কোঁন্ সা বা, পী ওয়ে বা। যাত্রীদের মধ্যে ভারতবাসী লোক দেখলে এই আছানের অনুবাদ করে' ভাঙা-ভাঙা আধ-আধ হিন্দি কথায় খেনে খেনে ঢোক গিলে গিলে পরদেশী ভাবার সুখ

বুলি মনে করে' করে' মিষ্টির টেনে টেনে ডাকছে—বাবু, আও না, ই দোকানমে আও না, জুতা রাখো, বৈঠো, পান খাও, ফুল লেও। যাত্রীদের মধ্যে যার বেখানে মন টান্ছে সে সেই দোকানে জুতো রেখে ফুল বাতি ধূপকাঠি কিন্ছে প্রভু বুদ্ধদেবকে উপহার দেবে বলে'।

মঙ্ ওঙ্ ফে দুবের দেহাতী শহর ইন্সিন থেকে ভোর বেলাই রওনা হয়ে পড়েছে শহরের ফায়াতে পোয়ে বা উৎসব দেখবার জন্তে। সে শহরে এসে এক রাস্তার ফুটপাথের উপর পাতা ঝাবারের দোকানের সামনে উবু হয়ে বসে' একটা চীনে-মাটির পেয়ালায়



ঝাবারের দোকানে মঙ্ ওঙ্ ফে।

করে' একটা এনামেলের চাম্চে দিয়ে খানিকটা চাউ-চাউ অর্থাৎ সেমুইএর ঝোল, একটু ভাত আর খানিকটা শুট্‌কি মাছের তরকারী ডাঙ্গি ংরে নিয়েছে, ফায়াতে তার কত দেয়ী হবে কে জানে? সে খুব দামী নতুন রেশমী মোড়ি পেরেছে, পেরুয়া রঙের খদরের

নতুন কোরা এইজি গারে দিয়েছে, সুন্দর গোলাপী রঙের রেশমী 'গাউং-পাওয়া' বা কমাণ-পাগড়ী মাথায় বেঁধেছে, একটা নতুন 'ঠি' বা ছাতা আর একজোড়া বাহারে 'ফানা' চটিজুতাও কিনেছে—একেবারে সম্পূর্ণ উৎসব-বেশ। গরিব মানুষ সে; কিন্তু তাই বলে' উৎসবকে সে ত অবহেলা করতে পারে না,—তার সমস্ত পুঁজি খরচ হয়েও কিছু ধার হয়েছে, তা হোক,—সে দেবতার পূজা করতে চলেছে, যথাসাধ্য সজ্জা তার করতেই হবে যে।

সে চলেছে মন্দিরের পথে। কিন্তু চোখ তার ব্যস্ত ব্যাকুল হয়ে সারা পথের উপর দৃষ্টি বুলোতে বুলোতে চলেছে, যেন পথের বুলোতে তার বিশেষ দামী কিছু হারিয়ে গেছে, তাই খুঁজছে। সে মন্দিরের তোরণের সামনে ট্রাম থেকে নামল। মন্দিরের সিঁড়ির কাছে এসে সে জুতো খুলে হাতে বুলিয়ে নিলে। তারপর একবার পিছনে পাশে সমুখে জনতার উপর চোখ বুলিয়ে নিয়ে সে সিঁড়ি উঠতে লাগল—তখনো তার দৃষ্টি চকিত, কাকে যেন খুঁজতে ব্যস্ত।

সিঁড়ির প্রথম কয়েক ধাপ উপরেই প্রথম চাতালে দাঁড়িয়ে কটি তন্বী তরুণী রূপসী রূপার সুন্দর কাজকরা ফুলকাটা বড় বড় ভিক্ষাভাজন নিয়ে যাত্রীদের সামনে ধরে' নাচাচ্ছে, আর তাতে ভিক্ষা পাওয়া টাকা-পয়সা-গুলি উছলে উছলে ঝন্ ঝন্ করে' বাজ্ছে। মঙ্ ওঙ্ ফে সেই সুন্দরীদের সামনে এসে ধম্কে দাঁড়িয়ে তাদের প্রত্যেকের মুখের উপর দিয়ে একবার চোখ বুলিয়ে নিলে—সুন্দরীদের মাথায় গোঁজা পুষ্প-মঞ্জরীগুলি কপালের উপর দিয়ে গালের পাশে বুলে পড়েছে সুন্দরীদের পুষ্পা-ধরের স্মিতহাসিটুকু উঁকি মেয়ে দেখে শিখে নেবার জন্যে; সুন্দরীদের মণিবন্ধে ডায়মনকাটা সোনার চুড়ি হাতের নাচের তালে তালে নুপুর বাজিয়ে নাচ্ছে; তাদের হীরের ছল আর হীরের বোতাম জল্জল্ করে' হুহুছে; তাদের চরণ-কমলে রূপার খাদ দেওয়া সোনার মল রূপের রঙের অঙ্গ হয়ে মিশে থেকে, থেকে থেকে চিক্-চিকিয়ে উঠ্ছে। মঙ্ ওঙ্ ফে যখন দেখলে সে যাকে খুঁজ্ছে সে এই সুন্দরীদের মধ্যে নেই, তখন সে এক

রূপসীর রূপার পায়ে একটা আনি ফেলে দিবে সিঁড়ি বেয়ে উঠে চলল—চোখের তার খুঁজে ফেরার বিরাম ছিল না।

পথের ধারে ধারে সিঁড়ির ধাপে ধাপে ভিক্ষু ও ভিক্ষুণীরা কাঠের উপর গালার রং করা হাঁড়ীর আকারের ভিক্ষাভাজন পেতে বসে' রয়েছে, আর অতি মৃদুস্বরে যাত্রীদের কাছে ভিক্ষা চাইছে—দয়া উদ্ভেকের জন্তে উৎকট চেষ্টা তাদের নেই। কাজেই মঙ্, ওঙ্, ফের দৃষ্টি তাদের দিকে নাযল না;—যে বিপুল জনস্রোত নিঃশব্দে নীরবে নেমে আসছে তাদেরই ভিড়ের ভিতর ওঙ্, ফের দৃষ্টি গিয়েছে হারিয়ে।

ওঙ্, ফে সিঁড়ি উঠে চলেছে। ফুলের দোকানীদের মিহি গলার মিঠা কথার আমন্ত্রণ ক্রমাগত কানে আসছে—লা বা, দি সাঁই লা বা, ফা-না ঠা বা, খানা ঠাঁই বা, কোঁন্ সা বা, পী ওয়ে বা।

ওঙ্, ফে দোকানে দোকানে চোখ বুলিয়েই চলে' চলেছে, খাম্বার কোনো লক্ষণ নেই। দোকানে দোকানে কত ফুল—জলের স্থলের, জড় জীবন্ত; কত রকমের বাতি—বাঁশের মোটা লাঠির মতন থেকে খোকায় কোড়ে আঙুলের মতন পর্যন্ত, তাও আবার কত আকারের, কত রঙের—শাদা লাল নীল হলদে। ওঙ্, ফের এসব কিছুই দিকেই লক্ষ্য নেই; সে জুতো ছাতা হাতে বুলিয়ে চলেছে ত চলেছেই, কোনো দোকান কি দোকানীই তার চোখে ধরছে না, যার জিন্মায় সে জুতা ছাতা গচ্ছিত রাখতে রাজি হতে পারে।

ওঙ্, ফে একেবারে উপর চাতালে উঠে গেল। তবে কি ও জুতো ছাতা তাতে বুলিয়েই মন্দিরে যাবে? অনেকে ত যাচ্ছেও—মন্দিরে জুতো পায়ে দিয়ে যাওয়াই নিষেধ, হাতে নিয়ে যেতে বাধা নেই। হঠাৎ ওঙ্, ফে গুন্তে পেলো বড় মিহি গলার ভারি মিষ্টি মোলায়েম ডাক—লা বা, দি সাঁই লা বা, ফা-না ঠা বা, খানা ঠাঁই বা, কোঁন্ সা বা, পী ওয়ে বা.....

ওঙ্, ফে ফিরে চাইতেই যার সঙ্গে দৃষ্টি মিলল, তার তেছাঁ টানা চোখ দুটি বেশ আবেশভরা, মুখখানি তার কমনীয়, তরুলতা তার বাসন্তী ব্রততীর মতন

বৌবনের পূর্ণতার নিটোল ঢলঢল; তার মুখের হাসি আর চোখের চাহনি তার দোকানের পসরার ফুলের চেয়েও সুন্দর, তার গায়ের গড়ন আর রং তার দোকানের মোমবাতির বলনি ও লাবণ্যকেও হার মানিয়েছে। তার মাথার তেলোয় একরাশ কালো চুলের বিঁড়ে খোঁপা—যেন শাদা মার্কেল-পাথরের পাহাড়ের মাথায় নিকষ-কালো মেঘ জমেছে; শাদা বকফুলের মতন তার দুটি কানের উপর দু-বিন্দু শিশিরের মতন হীরের টব জলজল করছে; তার বৃকের পাশে পাঁজরের গায়ে জামার বোতামে হীরে বলকাছে; বিকাশোন্মুখ খেতপদ্মের কলির মতন পা দুখানি সে পিছন পানে মুড়ে রেখে বসে' আছে, তাতে রূপার খাদ দেওয়া সোনার মল চন্দ্রের চারিদিকে প্রভামণ্ডলের মতন সুন্দর দেখাচ্ছে; তার পরণে ময়ূরবস্ত্রী ফুলকাটা লুঙ্গি, তার এইঞ্জি জামা শারদজ্যোৎস্নার মতন অমল শুভ্র, জামার ভাঁজের দাগগুলি এখনো ভাঙেনি; চাঁপার কলির মতন আঙুল দিয়ে ফুল তুলে তুলে সে কাঠির গায়ে সূতো দিয়ে বেঁধে বেঁধে তোড়া গড়ছিল; তাকে দেখে মঙ্, ওঙ্, ফের মনে হল যেন পূর্ণিমার জ্যোৎস্না দিয়ে মাজা দ্বিতীয়ার চন্দ্রকল আকাশ থেকে ফুলের লোভে ফুলের বনে খসে' পড়েছে। ওঙ্, ফের সন্ধানী চোখ কণেকের জন্ত নিজের কাজ ভুলে ফুলওয়ালীর দিকেই মধুলুক ভ্রমরের মতন ঝুঁকে পড়ল। ওঙ্, ফে তার দোকানে ঢুকে একটু হেসে বললে—ভাগ্যিৎ আগেই আর-কোথাও জুতো ছাতা রেখে ফেলিনি, ত হলে ত আফশোষের শেষ থাকত না!

ফুলওয়ালী খিলখিল করে' হেসে উঠল—যেন একছড় মুক্তার মালা হঠাৎ ছিঁড়ে ঝরঝর করে' মুক্তাগুলি ছড়িয়ে পড়ল, যেন একসারি জলভরা রূপার বাটিতে কে জলতরং বাজিয়ে গেল; সে ত শুধু হাসি নয়, সে যেন রূপসাগরে কলকল্লোল।

ওঙ্, ফে দোকানের বেকির তলায় জুতো রেখে ছাব কোথায় রাখবে খুঁজছে, ফুলওয়ালী পাপড়িমেলা পদ্মের মত হাতখানি বাড়িয়ে বললে—ছাতা আমার হাতে দাও।

হাতে হাতে ছাতা দিতে নিতে ছুজনের অঙুলে আঙুল একটু ঠেকল। ফুলওয়ালীর তেছাঁ চোখ আর-একটু বেঁটে গেল চোরা কটাক্কে, ঠোঁটের কোণে ফুটে উঠল একটু হাসি

রেখা ফুলের বৃকে মধুবিন্দুর মতন। ফুলওয়ালী মধুমাখা
কোমল স্বরে জিজ্ঞাসা করল—কি ফুল দেবো, কতকের ?

ওঙ্ ফে হেসে বললে—মা পান (শ্রীমতী ফুল) নিজে যে
ফুল বেছে দেবে সেই ফুলেই আমার পূজা সার্থক হবে।

ফুলওয়ালীর কানের আর গালের পাশটা একটু বেশী
লাল হয়ে উঠল পূর্বগগনে অরুণোদয়ের পূর্বাভাসের মতন।
ফুলওয়ালী তার হাসির মতন সুন্দর আর তার স্পর্শের মতন
সরস কোমল কতকগুলি ফুল তুলে হাসি মাথিয়ে ওঙ্ ফের
হাতে দিলে। আবার তাদের আঙুলে আঙুল ঠেকল।

ওঙ্ ফে হেসে বললে—তোমারি করকমলে বাঁধা ফুলের
তোড়া না দিলে যে আমার পূজার অঙ্গহানি হবে মা পান।

ফুলওয়ালী আবার খিলখিল করে' হেসে উঠল তার
সেই মধুর শীতল সরস্বতী হাসি। সে একটি ফুলের তোড়া
তুলে ওঙ্ ফের হাতে দিলে।

ওঙ্ ফে ফুল নিয়ে মন্দিরের মধ্যে চলে' গেল। তার
দিকে চেয়ে চেয়ে ফুলওয়ালীর বৃক ঠেলে কেন একটা দীর্ঘ-
নিশ্বাস বেরিয়ে এল।

ওঙ্ ফে মন্দিরের উঠানে গিয়ে দাঁড়িয়ে তার সন্ধানী
চোখের দৃষ্টি একবার ডাইনে বায়ে বুলয়ে কাকে খুঁজে
নিলে। আধ মাইল জায়গা জুড়ে প্রকাণ্ড উঠান। তার
মাঝখানে আকাশস্পর্শী উচ্চচূড় চৈত্য সোনার রঙে মণ্ডিত ;
চৈত্য ঘিরে কত ভক্তের উৎসর্গ-করা কত মন্দির—ছোট
বড়, কারুকার্যে খচিত, ঐশ্বর্যে মণ্ডিত ; সেইসব মন্দিরে
মন্দিরে শুভ্র মর্মরের স্মৃতিমাটির উপর সোনা লেপা কত
বুদ্ধমূর্ত্তি—রাজবেশী বুদ্ধ, ভিক্ষু বুদ্ধ, বোধিগত বুদ্ধ,—কোথাও
তিনি ভূমিস্পর্শ মুদ্রায় উপবিষ্ট, কোথাও বা বরদ মুদ্রায়
আসীন, কোথাও বুদ্ধদেব তাঁর পঞ্চ শিষ্যদের কাছে ধর্ম-
প্রচারে রত, কোথাও তাঁর শাসিত মূর্ত্তির চতুর্দিকে বিষম-
মুখ শিষ্যগণ কাতর দৃষ্টিতে প্রভু বুদ্ধের মহাপরিনির্বাণ
দেখছেন। প্রত্যেক মূর্ত্তির সামনেই নানান আকারের
ফুলকাটা ফুলদানীতে ধরে ধরে সাজানো আছে শুধু ফুল আর
ফুল আর ফুল—স্থলের জলের রংবেরঙের মণ্ডমী ফুল—সে
যেন শুধু রঙের রঙ্গভূমি ; স্থানে স্থানে বাত্বিদানে সারি সারি
বাতি জলছে দিনে রাতে সমান ভাবে ; ধূনাচিত্তে গুচ্ছ গুচ্ছ
ধূপকাঠি গন্ধ-ধোঁয়ার ধ্বজা উড়িয়ে ক্রমাগত পুড়ছে।

মন্দিরের সামনে এখানে-সেখানে শিশু বালিকা কিশোরী
যুবতী প্রোটা বৃদ্ধা সব বয়সের সব অবস্থার উপাসিকা
হাঁটু মুড়ে বসে' জোড়হাতের মধ্যে ললিত ভঙ্গিতে ফুল ধরে
বুদ্ধদেবের দিকে তাকিয়ে নীরবে নিজের কথায় পূজা
প্রার্থনা করছে, অবিবাহিতা কিশোরী ও বালিকাদের মাথ
চৈত্যের মতন চূড়াবাঁধা খোঁপার নীচে খরকাটা বাবরী চু
বারবার প্রণামে ঝালদের মতন ছলছে ; কোথাও বা নে
মাথা গেরুয়া-কাপড়ে-সর্কাসঢাকা ফুজি শ্রমণ ও মেতিলা
ভিক্ষুণীরা উবু হয়ে বসে' হাত জোড় করে' বিষম বেগে পা
মন্ত্র আউড়ে চলেছে, আর তারা যত তাড়াতাড়ি মন্ত্র ছুটি
হাপিয়ে গলদ্বন্দ্ব হয়ে উঠছে তত তাড়াতাড়ি তাদের কো
পুণ্যলোভী ভক্ত ক্রমাগত পাখা চালিয়ে হস্হস্হ কা
বাতাস করে' চলেছে। মঙ্ ওঙ্ ফের উৎসুক দৃষ্টি এ
সবের উপর দিয়ে একবার চকিতে বুলিয়ে এল, কিন্তু কোথ
সে তার সন্ধানের ধন দেখতে পেলে না বলে' কোথাও ত
দৃষ্টি লগ্ন কি মগ্ন হল না।

মঙ্ ওঙ্ ফে ফুল ধূপকাঠি আর বাতি হাতে করে' ম
মহুর পদে উঠান প্রদক্ষিণ করতে লাগল আর তার মে
ব্যাকুল হয়ে চারিদিকে খুঁজে খুঁজে ফিরতে লাগল। প্রদক্ষি
শেষ করে' সে যে-পথে উঠানে উঠেছিল সেই তোরণপটে
মুখের কাছে ফিরে এল, তবু তার প্রার্থিত দেবতার মে
মিলল না, হাতের ফুল হাতেই রয়ে গেল। তখন সে ব
হাতের পূজার উপকরণ সামনের এক মন্দিরে কো
মতে সাজিয়ে দিয়ে দীর্ঘনিশ্বাস ফেলে ফিরে এল ফুল
দোকানে।

মঙ্ ওঙ্ ফেকে ফিরতে দেখেই ফুলওয়ালীর সুন্দর
হাসি প্রবালপুটের ঢাকনি খুলে মণিদর্পণে নিজের মুখের ছ
খানি একবার দেখে নিল ; ফুলওয়ালী তার মাথা মে
নীরবে আবার তার দোকানের অচেনা অতিথিকে অভ্য
করলে।

ওঙ্ ফে এসে হতাশ হয়ে বেঞ্চির উপর এলিয়ে ব
পড়ল। ফুলওয়ালী ফুল বোনা ফেলে রেখে উঠল—গা
রঙে ছবি আঁকা কাঠের কোটা পানের বাটা এনে অতি
সামনে রেখে হেসে বললে—কৌন্ সা বা (পান খাও)।

ওঙ্ ফে জাঁতি তুলে সুপারি কুচোতে কুচোতে বললে

আমি হয়ত সমস্ত দিন তোমার দোকান জুড়ে বসে' আলাব,
—আমার মাপ করতে হবে মা পান।

ফুলওয়ালী ফিরে গিয়ে নিজের কাজে বসতে বসতে
বললে—সে কি কথা! আমার দোকান ত যাত্রীদের
বিশ্রামের জন্তেই।

ওঙ্ ফে বললে—আমায় হয়ত পোয়ে উৎসব-ভোর
রোজই আসতে হবে, আর সকাল থেকে রাত পর্যন্ত থাকতে
হবে মা পান।

ফুলওয়ালীর মুখ বসন্তাগমে বসুমতীর মতন, সূর্য্যোদয়ে
পদ্মফুলের মতন, বিস্তলাভে নিঃস্ব-জনের মতন প্রফুল্ল হয়ে
উঠল; সে সুন্দর হাসিতে তার সামনের ফুলদের লজ্জা
দিয়ে বললে—আমার ভাগা ভালো, একজন বাঁধা খন্দের
জুটে গেল; বউনি যখন এমনি হল, আপনার পয়ে পোয়ে-
ভোর রোজকার রোজ্গার মন্দ হবে না।

ওঙ্ ফে বললে—আচ্ছা মা পান, রোজ যখন তোমার
বাসায় আসা-যাওয়া করতে হবে, তখন তোমার নামটি জেনে
রাখলে হয় না?

ফুলওয়ালী আয়নার মতন উজ্জ্বল গুল দাঁতের উপর
লাল ঠোঁটের আভা ফেলে হেসে বললে—আমাকে যে সুন্দর
নাম তুমি দিয়েছ তার কাছেও দাঁড়াতে পারে এমন নাম ত
আমায় বাপ-মা আমায় দিতে পারেনি। তবে সে নাম
শুনে কাজ কি? তুমি আমায় মা পান (ফুল) বলেই
ডেকে।

ওঙ্ ফে হেসে বললে—বেশ, তাই হবে মা পান।

ফুলওয়ালী মুখ ফিরিয়ে চোখ নামিয়ে এক মুহূর্ত ফুলের
ছোড়ায় হতো অড়ালে, তারপর কাজ করতে করতেই চোখ
মা তুলেই হঠাৎ জিজ্ঞাসা করলে—তোমাকে কি বলে'
ডাকবে আমি?

ওঙ্ ফে হেসে বললে—আমায় নাম মঙ্ ছি সেয়া
(মদরবলভ)।

মা পান হাতের ফুল ফেলে চট করে' উঠে ব্যস্ত হয়ে
আগছব যাত্রীদের ডাকতে লাগল—লা বা, দি সাঁই লা বা,
ফা-না ঠা বা, থানা ঠাই বা, কৌন্ সা বা, পাঁ ওয়ে বা.....
বাবু আও না, ই দোকান্‌মে আও না, জুতা রাখো, বইঠো,
পান খাও, ফুল লেও.....

মা পান যাত্রীদের ডাকতে ব্যাপৃত থাকলেও ক্ষণে
ক্ষণে তার কর্ণমূল লাল হয়ে উঠছিল, আর সেই সঙ্গে সঙ্গে
তার কানের হীরার ফুল চুনির রং চুরি করছিল। একজন
যাত্রীকে কিছু ফুল বেচে ফুলওয়ালী ফিরে এসে নিজের
আসনে বসল; তার দোকানে কেউ যে আছে এমন ভাব
তার মুখে কোথাও ছিল না।

ওঙ্ ফে তার ব্যাকুল দৃষ্টি পথে পেতে সমস্ত দিন সেই
দোকানে বসে' রইল। ছপুর বেলা মা পান তাকে জিজ্ঞাসা
করলে—নাওয়া খাওয়া কিছু করতে হবে না মঙ্ ছি
সেয়া?

মঙ্ ছি সেয়া নাম সে এমন সহজে উচ্চারণ করলে
যেন সেইটাই সম্বোধিতের আসল নাম, সে নামের মানে যেন
ব্যবহারে লোপ পেয়ে শব্দটা শুধু লোক চেনবার চিহ্ন হয়ে
গেছে, সে নামের মানে যেন সে জানেই না।

ওঙ্ ফে বললে—স্নান আমি ভোর বেলা সেরে
এসছি, খাওয়াও পথে সেরেছিলাম। আর-একবার এই
মন্দিরের এক দোকানে চুকিয়ে নেবো।

মা পান জিজ্ঞাসা করলে—তুমি কি কারো জন্তে
অপেক্ষা করছ মঙ্ ছি সেয়া?

ওঙ্ ফে দীর্ঘনিশ্বাস ফেলে বললে—হ্যাঁ মা পান।
একসঙ্গে কলেজে পড়তাম এক বন্ধুর ঠিকানা হারিয়ে
ফেলেছি, তাকেই আমার খুঁজতে আসা—উৎসবের ভিতর
একদিন না একদিন সে ত পূজো করতে মন্দিরে আসবেই।

ও!—বলে' মা পান তার নিজের কাজে মন দিল—
মন দিল ঠিক বলা চলে না, চোখ দিল, আজ তারও কেন
মনের ঠিকানা মাঝে মাঝে হারিয়ে যাচ্ছিল।

ওঙ্ ফে সমস্ত-দিন যাত্রীদের আসা-যাওয়ার পথে দৃষ্টি
ফেলে হা-প্রত্যাশায় বসে' রইল, কিন্তু তার সেই সহপাঠী
বন্ধুর সন্ধান সেদিন মিলল না। রাত আটটার পর যখন
মন্দির একরকম জনশূন্য হয়ে এল, ফুলওয়ালী বাড়ী বাবার
জন্তে ফুলের পসরা গুটিয়ে তুলতে লাগল, তখন ওঙ্ ফে
বললে—মা পান, তোয়ামে (আজ তবে চললাম), আবার
কাল সকালেই দেখা হবে।

মা পান নত হয়ে ফুল তুলতে তুলতে মুখ ফিরিয়ে একটু
হাসলে, যেন বাতাস লেগে নর শাখার বড় একটি ফোটা

ফুল ফুলে উঠে ফিরে এল। তার পর সে আবার মুখ নামিয়ে কাজ গোছাবার জোপাড় করতে করতে বললে—আচ্ছা মঙ্ ছি সেয়া। কাল তোমার আসা সার্থক হবে আশা করি।

ওঙ্ ফে দীর্ঘনিশ্বাস ফেলে উঠে দাঁড়িয়ে চলতে চলতে বললে—তোমার মুখে ফুলচন্দন পড়ুক।

ফুলওয়ালীর মুখে মাখা চন্দনপ্রলেপ রক্তের ছোপ পেয়ে গোলাপী হয়ে উঠল।

পরদিনও ওঙ্ ফের এমনি নিফলে গেল। পরদিনও, তার পরদিনও, পর পর কয়েক দিনই। কিন্তু তবু ওঙ্ ফের আসার বিরাম নেই, আশার ক্রান্তি নেই, প্রতীক্ষার ক্ষান্তি নেই। সে ফুলওয়ালীর সঙ্গে কথা বলে, রসিকতা করে, বসে বসে কেবল সুপারি কুচোয় আর পান সাজে আর খায়; কিন্তু তার চোখ পড়ে থাকে যাত্রীদের পথের দিকে।

পাঁচ দিন পর পর ওঙ্ ফে ফুলওয়ালীর দোকানে সমস্ত দিন যাপন করলে। ফুলওয়ালীর প্রথম দিনের দেখাতেই যাকে ভাল লেগেছিল, পাঁচ দিনের নিরবচ্ছিন্ন সঙ্গ পেয়ে সেই ভালো-লাগা ভালো-বাসায় পরিণত হয়ে উঠছিল যেমন করে ধীরে ধীরে ফুলের কুঁড়ি পাপড়ি মেলে সৌন্দর্যে সৌরভে শোভায় ভরা প্রস্ফুটিত ফুল হয়ে উঠে বৃকের কোটার মধু সঞ্চয় করে। রাতে সে বাড়ী ফিরে যায় ওঙ্ ফের কথা ভাবতে ভাবতে; বিছানায় শোয় সেই নেশাতেই ভোর হয়ে অচেনা আত্মীয়ের ভাবনাটুকুকে বুকে নিয়ে; ঘুমের ফাঁকে উঁকি মেরে যায় তারই কথা স্বপ্ন হয়ে। স্বপ্ন পাকা জাহ্নবীর মতন তাকে কখনো আশার দোলায় তুলে ফুলের ডোর ধরে দোলায়; কখনো তাকে চাওয়ার রত্ন পাইয়ে দিয়ে ভোলায়; আবার কখনো বৃকের মাণিক ছিনিয়ে নিয়ে কাঁদায়। ঘুম ভাঙে তার সেই অজানার ভাবনাটাকে মনোরাজ্যের দর্শন ছেড়ে দিয়ে। বিছানা ছেড়েই তার ভয় হয়—আজ যদি সে না আসে! তাড়াতাড়ি সে দোকানে গিয়ে ফুলের সাজি পেতে অচেনা অতিথির অপেক্ষাতে পথ তাকিয়ে বসে থাকে। রোজ রোজ হাজার যাত্রী তার চোখের সামনে

দিয়ে এসেছে গেছে, কত ক্রেতা তার দোকানে ফুল কিনেছে, বিশ্রাম করেছে, পান খেয়েছে; কিন্তু কাউকে সে ভিড় থেকে আলাদা করে দেখেনি। এই অতিথি সব থেকে স্বতন্ত্র হয়ে তাকেই যে খুঁজতে খুঁজতে এসে বললে—ভাগ্যিস অন্য দোকানে জুতো ছাতা রেখে ফেলিনি তা হলে ত আক্শোষের শেষ থাকত না! সেই আগন্তুক আকস্মিক তাকে পাওয়া যে ভাগ্য বলে মনে তাবে একেবারে ভাগ্যবতী করে দিয়েছে! সে যে তাবে আদর করে নামের সেয়া নাম দিয়েছে মা পান; নিজে যে হতে চেয়েছে তার কাছে মঙ্ ছি সেয়া! সে এসে চেয়েছিল হৃদয় জয় করতে, তার হাতে সে ফুলের মতন হৃদয়খানি তুলোদিয়েছে ভাগ্য মনে! এখন সে তা মঙ্ ছি সেয়াকে দোকানে গিয়ে খেতে দ্যায় না; নিজে পয়সায় খাবার কিনে এনে নিজের হাতে পরিবেষণ করে খাওয়ায়। বাছা বাছা সেয়া ফুলে রোজ রোজ পূজা আয়োজন সে করে দ্যায়। ওঙ্ ফে তাকে ফুলের আখাবারের দাম জিজ্ঞাসা করলে ফুলওয়ালী হেসে বলে—দেনা-পাওনা চুকিয়ে দিতে এত ব্যস্ত কেন? জয়ুক না শেষে একদিন হিসাব-নিকাশ করলেই হবে।

ওঙ্ ফে হেসে বলে—ধার যে বড় বেণী হয়ে জমে উঠছে মা পান! ঋণ ভারী হয়ে উঠলে কি শুধু পাবব?

ফুলওয়ালী তার সুন্দর মুখে আরো সুন্দর হাসি মাখিয়ে বলে না হয় ঋণী হয়েই বাধা থাকবে মঙ্ ছি সেয়া।

এমনি রহস্য-কৌতুকের কথা ফাঁকে ফুলওয়ালীর মনের কথা ছদ্মবেশে উঁকি মেরে যায়।

সেদিনও সূর্যোদয়ের মতন বখাসময়ে মঙ্ ওঙ্ যে এসে হাজির হল, আর এমনি সূর্যোদয়ে পদ্মফুলের মতন পুষ্পপেলব ফুলওয়ালীর সর্ব্বাঙ্গে হর্ষভূষণের পুলকপ্রভা ছড়িয়ে পড়ল। ফুলওয়ালী লজ্জাজড়িতস্বরে জিজ্ঞাসা করলে—মায়েরা (কেমন আছ)?

ওঙ্ ফে পথের দিকে চেয়ে অগ্ৰমনস্তভাবে জবাব দিলে—মা বায়ে (আমি ভালো আছি)।

ফুলওয়ালী তখন মনে মনে প্রার্থনা করল—ভগবান বৃদ্ধদেবের পূজার ফুল বেচে যা পুণ্য অর্জন করেছে তার

সমস্তর বিনিময়ে আমি এই চাই ভগবান, মও, ছি সেয়া যেন তার হারানো বন্ধুর সন্ধান না পায়! বন্ধুর দেখা পেলেই ত তার প্রতীক্ষা করবার আর দৃষ্টি থাকবে না।

কিন্তু ভগবান তার প্রার্থনা পূর্ণ করলেন না। সেদিন বিকেলবেলা অপেক্ষমান ওও, ফের মুখ অকস্মাৎ উজ্জ্বল হয়ে উঠল, তার সর্বাঙ্গে আনন্দের তরঙ্গ আন্দোলিত হয়ে গেল, তার দৃষ্টি কৃতার্থ হয়ে যেন একেবারে গলে' গিয়ে কার পায়ে তলার পথের ধূলায় গড়িয়ে লুটিয়ে পড়তে লাগল।

ওও ফের মুখে অকস্মাৎ পুলকসঞ্চারের সঙ্গে সঙ্গে তার মনের বিশ্ব-বিস্মরণ অবস্থা দেখে ফুলওয়ালী তার দৃষ্টির পথ ধরে' দৃষ্টি পাঠিয়ে দেখলে সিঁড়িতে উঠছে সঞ্চারিণী পল্লবিনী পুষ্পিতা লতার মতন একটি তরুণী— তার পরণে নীল লুঙ্গি, সাগরজলের একটি উর্ধ্বীর মতন তার সিঁড়ি ওঠার তালে তালে হুই হাঁটুর ক্রমাগত বিক্ষেপে উঠছে পড়ছে দোল খাচ্ছে; তার গায়ে সুশুভ্র এইঞ্জি জামা ঘন নীল সাগর-তরঙ্গের মাথায় ফেন-পুঞ্জের মতন দেখাচ্ছিল; আর তার গলায় জড়ানো ফিন্ফিনে পাতলা নীল রেশমী 'পাওয়া' ওড়নাখানি যেন স্বচ্ছ নির্মল আকাশের একটুখানি টুকরা; তার উপরে শারদ পূর্ণিমার চন্দ্রের মতন সুন্দর মুখখানি, তার গালের পাশে একশুচ্ছ পুষ্পমঞ্জরী বুলে পড়েছে—চন্দ্র থেকে চন্দ্রশিখর ঝারার মতন। তাকে দেখেই যে ওও ফের এই আনন্দ তা তার দৃষ্টির অভিসার দেখেই বোঝা যাচ্ছিল। তরুণীটির সঙ্গে ছিল একজন বর্ষীয়ান ও বর্ষীয়সী, তার বাপ মা বোধ হয়। তারা সঙ্গে থাকতেই তরুণীর কাছে ওও ফে ছুটে যেতে পারছিল না এও বেশ বোঝা গেল,—তরুণীর সঙ্গে ওও ফের মিলনের মধ্যে ঐ বুড়ো-বুড়ী যে বাধা হয়ে আছে তাতে কোনো সন্দেহ রইল না। বাণী তিনজন উপরে উঠে আসতেই ওও ফে দোকানের সামনে গিয়ে দাঁড়াল; অমনি তাকে দেখে বুড়োবুড়ীর মুখ হয়ে গেল গভীর, আর তরুণীর মুখ হয়ে উঠল হর্ষ-বিকশিত, কিন্তু বাপ-মার বিরাগের ভয়ে সেই আনন্দের ব্যগ্র উজ্জ্বল তাকে তখনই দমন করতে হল, আনন্দকে বন্দী করে' সঙ্কোচের অবরোধে লজ্জার জালের আড়ালে

সরিয়ে ফেলতে সে বাধা হল। ওও ফের সামনে বুড়োবুড়ী আসতেই সে তাদের নমস্কার করলে; তারা গভীর মুখ বিরক্ত করে' কেবল একটু মাথা হুইয়ে এগিয়ে গেল; কেবল সেই তরুণী বাপ-মার সঙ্গে সঙ্গে কুণ্ঠিতমুখে এগিয়ে যেতে যেতে মুখ ফিরিয়ে একবার দেখে গেল, আর সেই মুখে ফুটে উঠল একটু কুণ্ঠিত সরম-সঙ্কুচিত হাসি বাপ-মার অবিদিত রূঢ়তার দোষ ঢাকতে প্রয়াসী আর তাদের দোষের জন্য ক্ষমাপ্রার্থী।

তারা এগিয়ে যেতেই ওও ফে ব্যস্ত হয়ে তাড়াতাড়ি ফুলওয়ালীকে বললে—মা পান, শিগুগির আমার কিছু ফুল বাতি ধূপকাঠি দাও।

কথা বলেই তার মুখ ফিরে গেল গম্যমানা তরুণীর দিকে।

ফুলওয়ালী একটা দীর্ঘনিশ্বাস চেপে বললে—কি ফুল দেবো মও, ছি সেয়া?

ওও ফে মুখ না ফিরিয়েই হাত বাড়িয়ে ব্যস্ত স্বরে বললে—যা হয় দাও মা পান, যা হয় কিছু দাও—শিগুগির—শিগুগির.....

ওও ফের এমন ত্বরা, যেন এক নিমেষের বিলম্বে তার সর্কনাশ হয়ে যাবে।

ফুলওয়ালী কিছু ফুল, এক বাণ্ডুল বাতি আর এক গোছা ধূপকাঠি তার হাতে তুলে দিতেই ওও ফে এক রকম ছুটে চলে' গেল যে পথে সেই তরুণী সঞ্চার শেষ আলোটুকুর মতন ভিড়ের গভীর অন্ধকারে হারিয়ে গেছে।

ফুল দিয়েই ফুলওয়ালীর মনে হল এ ফুল সে তার ছি সেয়াকে যে দিলে, এ ত ঠিক বুদ্ধদেবের পূজার জন্ত নয়, এ পূজা যে তারই মতন আর-একজন রমণীরই! আর সেই ফুল তারই হৃদয়বল্লভ ছি সেয়ার হাতে তুলে দিতে হল তাকেই!

ধানিকরণ পরেই তরুণীরা ফিরে নেমে চলে' গেল। সঙ্গে সঙ্গে ওও ফেও সিঁড়ির শেষ ধাপ পর্যন্ত গিয়ে তরুণীকে বিদায় দিয়ে ফিরে এসে ফুলওয়ালীর দোকানে 'চুকল—আবেগে তখন তার নিশ্বাস হয়েছে ঘন, আর তার মুখ হয়েছে রাঙা।

ফুলওয়ালী মধুর করে' হাসতে আর উদাসীনের স্বর

অনুকরণ করতে চেষ্টা করে' জিজ্ঞাসা করলে—তোমার সহপাঠী বন্ধুর দেখা কি মিলে মঙ্ ছি সেয়া ?

ফুলওয়ালীর চেষ্টা সবেও তার মুখের হাসি হয়ে গেল বড় মান ও করণ, আর গলার আওয়াজে' বেজে উঠল মর্মবেধা ব্যথা !

ওঙ্ ফে তখন নিজের আবেগের আবেশে ছিল অভিভূত, সে ফুলওয়ালীর হিংসাক্রিষ্ট মুখের দিকে লক্ষ্য না করেই বললে—হ্যাঁ মা পান, হ্যাঁ, বুদ্ধদেবের দয়ায় আর তোমার কল্যাণে !

ফুলওয়ালী গলা-রূপার বর্ণা বরার শব্দ করে' হেসে উঠে বললে—আমার কল্যাণে ! আমার কল্যাণেই বটে !

ওঙ্ ফের তন্ময় হর্ষবিভোর চিত্ত ফুলওয়ালীর কথার মাঝের শ্লেষটুকু ধরতে পারুল না । সেও হাসিমুখে যাবার অণু প্রস্তুত হতে লাগল ।

ফুলওয়ালী জিজ্ঞাসা করলে—তোমার বন্ধুর নাম কি মঙ্ ছি সেয়া ?

ওঙ্ ফে হেসে বললে—আমি তাকে মা মিয়া ইয়েন বলে' ডাকি তার নীল পোষাকের জন্তে । দেখলে ত তুমি মা পান, নীল পোষাকে ওকে কী সুন্দর মানায়—যেন একখানি নীলা হীরা !—নয় কি ? কিন্তু ওর মা-বাপের দেওয়া নামটিও নিদার নয়—মা ফ্লা ইয়েন—অপরূপ নিখুঁত সুন্দরী সে ত বটেই—তুমি ত দেখলে মা পান !.....

নিজের প্রণয়িনীর কথা বলতে পাওয়ার পরম আনন্দে ওঙ্ ফে উচ্ছ্বসিত হয়ে উঠছিল, তার মুখের কথা যেন কখনো ফুরোবে না এমনি তার অবিশ্রাম প্রবাহ । তার নিখাস নেবার ফাঁক পেয়ে ফুলওয়ালী জিজ্ঞাসা করলে—ওর সঙ্গেই একসঙ্গে কলেজে পড়তে বুঝি ?

ওঙ্ ফে ছাতা নেবার জন্তে ফুলওয়ালীর দিকে হাত বাড়িয়ে বললে—হ্যাঁ মা পান ।

ফুলওয়ালী ওঙ্ ফের হাতে হাতে ছাতা দিতে দিতে নিজের ছাতিফাটা দীর্ঘনিখাস চেপে বললে—ওকেই বিয়ে করবে ত মঙ্ ছি সেয়া ?

ওঙ্ ফে দীর্ঘনিখাস ফেলে বললে—আমাদের ছজনের ত তাই হচ্ছে ; কিন্তু বিষম বাধা জুটেছে আমাদের ছজনেরই

বাপ-মারা, বাবার বাবার শত্রুতা, স্তত্রাং মায়ে মায়ে বগুড়া ; তাঁরা চান না তাঁদের ছেলেমেয়ের ভাব ।

ফুলওয়ালীর বাসী ফুলের মতন বিমর্ষ বিষন্ন মুখখানি আশার সরস আভাস পেয়ে আবার তাজা প্রকল্প হয়ে উঠল । কিন্তু তবু ভয়ে ভয়ে সে জিজ্ঞাসা করলে—তোমার বন্ধুর ত তুমি দেখা পেলে মঙ্ ছি সেয়া, আর কাস থেকে ত তুমি আসবে না ?


ওঙ্ ফে দোকান থেকে বেরিয়ে যেতে যেতে ফুলওয়ালীর দিকে মুখ ফিরিয়ে বলে' গেল—রোজ আসব মা পান, রোজ আসব—ষতদিন পোয়ে উৎসবে যাত্রীর যাতায়াত এমনি ভাবে ভিড় করে' চলবে । আমি তাকে ইসারা করে' বলে' দিয়েছি—আমি রোজ আসি, আমি রোজ আসব, শুধু তাকে দূর থেকে একটু দেখতে পেতে ।

ফুলওয়ালীর মনটা হিংসায় হতাশায় আনন্দে আশায় বিমথিত হতে লাগল । ওঙ্ ফে যখন বললে—তবে আজ রাতের মতন চললাম মা পান ।—তখন ফুলওয়ালী উচ্ছ্বসিত স্বরে বলে উঠল—অন্ধকার রাত্রির অবসানে সূর্যোদয়ের মতন তোমার আগমন মঙ্গলময় হবে ।

ওঙ্ ফে মনে করলে ফুলওয়ালী তাঁরই মন্দিরে আসার উদ্দেশ্যের সফলতা কামনা করে' আশীর্বাদ করলে, ফুলওয়ালীর কথার বুকের গোপন অর্গটুকু সে ধরতে পারুল না । সে মুখ ফিরিয়ে মাথা নেড়ে হাসি দিয়ে কেবল জানিয়ে গেল—তথাস্ত ।

ওঙ্ ফে সিঁড়ি দিয়ে নামতে নামতে ভিড়ের ভিতর হারিয়ে যেতেই ফুলওয়ালী কেমন ক্ষিপ্তের মতন নিজের সাজি থেকে কতকগুলো ফুল টেনে নিয়ে দোকান ফেলে রেখে ছুটে চলে' গেল মন্দিরের মধ্যে । সে একপাশের এক নির্জন জায়গায় এক বুদ্ধমূর্তির সামনে হাঁটু মুড়ে বসে' হাত জোড় করে' পুষ্পাঞ্জলি নিয়ে কাতরমনে নিবেদন করতে লাগল—এ কি করলে ভগবান বুদ্ধ, এ কি করলে ! একের সুখ কেড়ে না নিয়ে তুমি কি অপরকে সুখ দিতে পার না প্রভু, তোমার ভাঙারে কি উদ্ভূত সম্পত্তির এতই অভাব হে ভগবান !

এই কথা বলতে বলতেই ফুলওয়ালীর মনে পড়ে' গেল—বুদ্ধদেব সর্বত্যাগী ভিক্ষুক, তাঁর প্রাণের প্রেম ও



উপাসিকা মা পান।

শ্রীযুক্ত চারুচন্দ্র রায় কর্তৃক অঙ্কিত।

মৈত্রী তিনি বিখে বিলিয়ে নিঃস্ব। তাই একের পাত্র থেকে চেলে নিয়ে অপরের পাত্র পূর্ণ করা ছাড়া তাঁর আর উপায় নেই। তখন সে আবার বলতে লাগল—ওগো মহাভিখারী, এ কি তোমার কঠিন নিষ্ঠুর খেলা—তোমার সাথে বিশ্ব-জগৎকেও ভিক্ষাব্রতে দীক্ষিত করা। হে ঠাকুর, আমার ভিক্ষাজাতন ত তুমি অমৃত দিয়ে পূর্ণ করে' দিচ্ছিলে; হঠাৎ আবার তাকে শূন্য করে' অপরের পাত্রে সেই অমৃত চেলে দেবার কি এমন তাড়াতাড়ি দরকার পড়ল তোমার? এখন এইটুকু করুণা কোরো ঠাকুর, এই কোরো, তাদের হৃৎকেন্দ্রই বাপ-মার অন্তর তোমার মৈত্রীর অমৃতে ভরে' তুলো না; তা হলে আমার শূন্য পাত্র তাদের বিদ্রোহের বিষে যে পূর্ণ হয়ে উঠবে; আর তার পরিণাম যে হবে আমার প্রণয়ের আশার প্রাণের মৃত্যু!

ফুলওয়ালীর হতাশার ভয়ের প্রণয়ের বেদনা তার চোখ ছাপিয়ে বুক ভাসিয়ে ঝরে' পড়'ছিল পাষণমূর্তি বুদ্ধদেবের চরণতলে। এমন সময় তার পাশের দোকানের পান্দে (ফুলওয়ালী) এসে তার কাঁধে হাত রেখে বললে—ওলো ও ভক্তিওয়ালী, তোর পুন্ডো হল? সব

লোক যে দোকান-পাট গুটিয়ে চলে' গেল,—তুই দোকান তুলবি কখন?

ফুলওয়ালী পুষ্পাঞ্জলি বুদ্ধদেবের চরণপ্রান্তে রেখে দিয়ে প্রণাম করে' উঠে দাঁড়াল। তার থম্‌থমে মুখ দেখে তার সঙ্গিনীর ঠাট্টার কথা ঠোঁটের উপর থম্‌কে থমে গেল। হৃৎকেন্দ্র নীরবে এল দোকান তুলতে।

মঙ্‌ওঙ্‌ ফের আবার সারা দিনমানের হা-প্রত্যাশা প্রতীক্ষা চলতে লাগল—তার মা মিয়া ইয়েনের আর দেখা নেই। দিন পাঁচেক পরে আবার একদিন তাদের দেখা হল। আবার সে নিরুদ্দেশ। আবার ওঙ্‌ ফের প্রত্যাশার তপস্যা চলতে লাগল।

ওঙ্‌ ফে যেদিন প্রফুল্ল হয়ে ওঠে, সেদিন তার আনন্দতরঙ্গ ফুলওয়ালীর বক্ষ-বীণায় আঘাত করে' ব্যথার সুর বাজিয়ে যায়; আবার যেদিন ওঙ্‌ ফে নিষ্ফল অপেক্ষার বিষণ্ণ স্কুল বিমর্ষ হয়, সেদিন ফুলওয়ালীর মুখ আশার আলোকে পুলকিত প্রফুল্ল উদ্ভাসিত হয়ে ওঠে। এমনি বিপরীতের দ্বন্দ্বদোলায় দোল খেয়ে তাদের হৃৎকেন্দ্রের দিনগুলি কাটে।

ক্রমে এল কোজাগর পূর্ণিমার রাত্রি। আজ তাড়িঞ্জো পোয়ে—আজ উপবাস-ব্রত উদ্যাপন হবে, তাড়িন উপবাসের চোা অর্থাৎ পারণা হবে, পূর্ণিমার পূর্ণতায় ব্রত পূর্ণ হবে। আজ মন্দিরে যাত্রী সমাগমের অন্ত নেই—জনশ্রোত অবিশ্রাম বন্যা-প্লাবনে জোয়ার-ভাঁটার মতন আসা-যাওয়া করছে। আজ রোগ-শয্যাগত ছাড়া আর কেউ বাড়ীতে নেই। এত বড় বিপুল জনতা, কিন্তু একেবারে নিঃশব্দ, নিস্তব্ধ, বাস্তবতাবিহীন; কোথাও ঠেলাঠেলি নেই, কলহ নেই, পাণ্ডার কাড়াকাড়ি নেই, ভিক্ষকের কোলাহল নেই। মন্দিরের প্রাঙ্গণ থেকে চূড়া পর্যন্ত দীপ-মালায় আলোকিত হয়েছে। কোজাগর পূর্ণিমার স্বচ্ছ নিশ্চল জ্যোৎস্না-সাগরে দীপালীর আলোক-ধারার পুণ্য-সঙ্গম হচ্ছে,—সেই আলোক-বন্যায় ভেসে বেড়াচ্ছে অযুত নিযুত ফুলে গাঁথা দীর্ঘ একছড়া মালায় মতন উৎসব-বেশে সুসজ্জিত আনন্দে পুলকিত কত শত নরনারী। মন্দির-প্রাঙ্গণ ঘিরে সারি সারি বাঁতি জ্বলছে, সারি সারি ফুলদানীতে



পোয়ে নাচ ।

ফুলের অর্থা আজ উপচে পড়ছে, ধরে ধরে শুঁছ শুঁছ ধূপের কাঠি প্রধূমিত হচ্ছে। স্থানে স্থানে মাদ্রাজী পুরুষেরা গোল হয়ে দাঁড়িয়ে মূল-গায়নকে ঘিরে ঘুরে ঘুরে নেচে নেচে পর্যায়ক্রমে নিজের হাতের আর হৃপাশের দুইসঙ্গীর হাতের কাঠে কাঠে ঠুকে ঠুকে তাল রেখে কীর্তন গাইছে ; কোনো মন্দিরের চত্বরে গৈরিকধারী কৃষ্ণ শ্রমণেরা, কোথাও আপাদমস্তক-শুভ্রপরিচ্ছদপরিহিত গৃহী পুরুষেরা, কোথাও তিকুণীরা, কোথাও গৃহস্থ মহিলারা শ্রেণীবদ্ধ হয়ে বসে পালিমন্ত্র উচ্চারণ করছে আর থেকে থেকে সবাই একসঙ্গে নত হয়ে প্রণাম করছে, আবার একসঙ্গে উঠে বসে মন্ত্র আওড়াচ্ছে ; কোথাও ভোজ হচ্ছে, কোথাও ক্লাস্ত বাজীরা বিশ্রাম করছে। মন্দির-প্রাঙ্গণের এক টেরে হচ্ছে পোয়ে কা অর্থাৎ উৎসব-নৃত্য—একটা লোক ড্রাগনের মতন ; একটা বিকটাকার জন্তুর খোলসের মতন সর্কাজ-ঢাকা ; মুখোস পরে বিচিত্র অঙ্গভঙ্গী করে চার হাতপায়ে পশুর মতন নাচছে ; সেই নাচের তালে তালে কৃত্রিম খোলসের থাক থাক ভাঁজে ভাঁজে বেগব আকুঞ্চন প্রসারণ হচ্ছে,

তাতে সেটাকে একটা জীবন্ত জন্তুর অঙ্গভঙ্গিই ভ্রম হচ্ছে ; সেই নাচের সঙ্গে সঙ্গে বাজনা বাজছে তব্দের স্বরতরঙ্গ—ছোট বড় নানা আকারের খুরো-দেওয়া তব্দের নানা সুরে বেঁধে স্বর-সম্পৃক করা হয়েছে, আর রাগরাগিণীর সুরের অনুসারে সেই তব্দের পর্ষায়ক্রমে পিটে পিটে একজন বস্ত্রী বিচিত্র সঙ্গীত বার করছে। আর-এক জাম্বগায় হচ্ছে নর্তকীর নৃত্যগীত—সে যেন উল্লসিত গতিচ্ছন্দ, সে যেন তালের হিল্লোল, সে যেন কৃষ্ণির উচ্ছ্বাস, সে যেন স্তম্ভত সৌন্দর্যের তরঙ্গ, সে যেন ললিত লাবণ্যের প্লাবন, সে যেন চর্কা-বাজীতে প্রকাণ্ড হীরকখণ্ডের জ্যোতি-ফুরণ, সে যেন রামধনুকের কোলে বিহ্বলবিলাস ! সে নাচ অনির্বচনীয় সুন্দর, ইন্দ্রজালের মতন মোহকর, মুচ্ছার মতন মনোহর।

গভীর নিশীথে যখন পোয়ে ভেঙে গেল, তখন ফুলওয়ালী দেখলে মা ফ্লা ইয়েন খুসীভরা হাসিমুখে ফিরে গেল,— আজ সে যেন দুর্লভ প্রার্থিত বর দেবতার কাছ থেকে পেয়ে পূর্ণকাম হয়ে ফিরছে। তার পিছনে পিছনেই ফিরে এল ওঙ্ ফে—তারও মুখের ভরা হাসি তার মনের, খুসীর



পোয়ে নর্তকী ।

ধবর প্রচার করছিল, তার আনন্দ তার সর্কাদের প্রতি-
আন্দোলনে উপচে ছাপিয়ে ছড়িয়ে পড়ছিল। ওঙ ফের
সেই খুসীর হাসি ধারালো ছুরীর ফলার মতন ফুলওয়ালীর
বুকে এসে বিধ্বল ; সমস্ত উৎসব তার কাছে ম্লান হয়ে গেল,
ওঙ ফের সেই হাসি প্রলয়রাত্রির বিদ্যৎবিকাশের মতন
ফুলওয়ালীর কাছে মরণের অটুট অঙ্ককারেরই পূর্ব-
সূচনা জানাতে লাগল।

ওঙ ফে হাসিমুখে ফুলওয়ালীর কাছে এসে উচ্ছ্বসিত
শ্বরে বললে—বুদ্ধদেবের দয়ায় আর তোমার কল্যাণে আজ
ভিড়ের ভিতর হারিয়ে গিয়ে তার সঙ্গে কথা কইবার সুযোগ
পেয়েছিমা পান !



তবু মা-বাজিরে ।

ওঙ ফের সমস্ত শরীর-মনের প্রতি-পরমাণু যেন সেই
আনন্দে অনুরণিত হচ্ছিল। কিন্তু ফুলওয়ালীর কানে দারুণ
উপহাসের মতন ওঙ ফের কথা নির্মম রকমে বাজল—
তোমার কল্যাণে তার সঙ্গে কথা কইবার সুযোগ পেয়েছি !
তার সঙ্গে কথা কইবার সুযোগ যে ফুলওয়ালীর কত বড়
বিষম অকল্যাণ তা যদি এই প্রণয়ভোলা তনয় লোকটি
বুঝত ! ফুলওয়ালী আড়ষ্ট হয়ে বসে' রইল, কোনো কথা সে
বলতে পারলে না। ওঙ ফে বলতে লাগল—আর কাল
আসব না মা পান। আমার পাওনা আমি পেয়ে গেছি,
এখন তোমার পাওনা তুমি চুকিয়ে নাও ।

ফুলওয়ালী এবার তার স্বভাবসুন্দর মধুরস্বরে খিলখিল করে' হেসে উঠে বললে—আমার পাওনা যে অনেক কমেছে মঙ্ ছি সেয়া—সব কি তুমি চুকিয়ে দিতে পারবে ?

ওঙ্ ফে ফুলওয়ালীর হাসির মধ্যে কেমন একটা হতাশ ব্যথার স্বর আর কথার মধ্যে গোপন অর্থের আভাস বাজতে শুনে চমকে উঠে বললে—তোমার কাছে আমি অনেক ঋণী, সব শোধ করবার আমার সাধ্য নেই।

ফুলওয়ালী ফুল দিয়ে সাপ ঢাক' দেওয়ার মতন হাসি দিয়ে হতাশার ব্যথা ঢেকে বললে—তোমার সঙ্গে আর কি দেখা হবে না মঙ্ ছি সেয়া ?

ওঙ্ ফে ফুলওয়ালীর এই প্রশ্নে হঠাৎ কেমন উন্মনা বিমর্ষ হয়ে গেল ; পনেরো দিনের নিত্য পরিচয়ে ঘনিষ্ঠ, অবিচ্ছেদ্য-সঙ্গলাভে প্রীতিপ্রদ এই সুন্দরী তরুণীর বিচ্ছেদ এতক্ষণে তাকে গিয়ে আঘাত করলে—তার বিবশ বিহ্বল প্রণয়মত্ত চিত্ত এতক্ষণে এই বিরহের বেদনা অনুভব করতে পারল ; সে করুণ স্বরে বললে—না মা পান, তোমার সঙ্গে শিগুগির হয়ত দেখা হবে না ; আমরা দুজনে কোথাও দূরদেশে পালিয়ে যাব ঠিক করেছি।

ফুলওয়ালী উঠে দাঁড়িয়ে হাওয়ার মতন হাল্কা উত্তরীরেয়র আঁচলখানি গলা জড়িয়ে উল্টে পিঠের দিকে ফেলে বললে—এমনি করে' পালাবে যদি তবে আমার কাছে ছি-সেয়া হয়ে কেন এসেছিলে তুমি? ফুলের মালা বলে' যা কঠে আমার জড়িয়ে দিলে, সে যে সাপ হয়ে আমার একেবারে বুকে দংশন করলে ছি-সেয়া !

ফুলওয়ালীর বেদনাতুর মুখ আর কাতর কথা দেখে শুনে ওঙ্ ফে ব্যথিত হয়ে বললে—মাপ করো মা পান, মাপ করো। এমন যে হবে তা আগে ভাবিনি। কত যাত্রাই ত তোমার দোকানে নিত্য নিত্য আসে যার, কাউকে ত তোমার মনে থাকে না ; আমাকেও তুমি দুদিন বাদে ছঃস্বপ্নের মতন ভুলে যাবে।

ফুলওয়ালী ব্যথাভরা দৃষ্টিতে ওঙ্ ফের দিকে চেয়ে বললে—অত্নকে মনে থাকে মা, মনে ধরে না বলে'।

ওঙ্ ফে সাধনার স্বরে বললে—আমাকেও তুমি ভুলে যাবে মা পান, তোমার ভয় নেই। তোমার অন্তে যে মধা

দুঃস্বখ আমি পেয়েছি, তাতে তুমি কখনো ছঃখী থাকবে না মা পান, প্রভু বুদ্ধ তোমাকেও সুখী করবেন।

ফুলওয়ালী কান্না-গলা স্বরে বললে—বুদ্ধদেব যে নিঃস্ব রিক্ত সর্কৃত্যাগী ভিক্ষুক ; তাঁকে তাই একের কেড়ে অপরকে সুখ দিতে হয় ; আমার সব সুখ কেড়ে নিয়ে তিনি তোমায় দিলেন, আর আমার দিতে তিনি পাবেন কোথায় ?

ওঙ্ ফে ভয় পেয়ে মিনতির স্বরে বললে—আমার এই সুখের সম্ভাবনার হ্রস্বপাতেই তুমি আমায় অমন করে' অভিসম্পাত করো না মা পান। তোমার দীর্ঘনিখাস লাগলে আমার সব সুখ পুড়ে যাবে। আমি আশীর্বাদ করছি—তুমি সুখী হবে। তুমিও আমায় আশীর্বাদ করে' বিদায় দাও—আমার বহু কঠে পাওনা সুখ যেন নষ্ট না হয়।

ফুলওয়ালীর মুখে একটা হতাশার হাসি কুটে উঠল। সে বললে—তুমি ত দীর্ঘ উপবাসের পরে আজ পারণা করে' তাড়িঞ্জো পোয়ের উৎসব সম্পন্ন করলে ; আমারও উপবাসী অন্তরকে আজ তুমি পারণা করাও—আর কিছুক্ষণ তুমি আমার কাছে থাক ছি-সেয়া।

ওঙ্ ফে ফুলওয়ালীর হৃৎখে ব্যথিত হয়ে বললে—এখনি ত মন্দির বন্ধ হয়ে যাবে মা পান।

ফুলওয়ালী একটু ভেবে বললে—চলো একবার কাণ্ডীর ধারে বেড়াতে যাই।

ওঙ্ ফে উৎকুল হয়ে বললে—তাই চলো মা পান, তাই চলো—জলের ধারে খোলা হাওয়ার চাঁদের আলোর পানিকক্ষণ থাকলে তোমার মনের নেশার ঘোর কেটে যাবে।

ফুলওয়ালী একটু শুধু হেসে দোকানপাট ফেলে রেখে বেরিয়ে এল।

ওঙ্ ফে জিজ্ঞাসা করলে—দোকান তুলে না ?

ফুলওয়ালী শুষ্ক মুখে মুহূ হাসি টেনে এনে বললে—থাক পড়ে', কার জন্তে আর তুলব ? ফুলের বেসাত আমার সারা হয়ে গেছে।

ওঙ্ ফে দীর্ঘনিখাস ফেলে ফুলওয়ালীর পাশে পাশে সিঁড়ি বেয়ে নেমে চলল—তার মন তখন ফুলওয়ালীর হৃৎখের বোঝায় ভার হয়ে উঠেছে।



চুলের গাঁটছড়া বাধা।

শ্রীযুক্ত চাকচন্দ্র রায় কর্তৃক অঙ্কিত।

মা পান আর মঙ ওঙ্ ফে কাণ্ডজীর ধারে বাগানের মধ্যে।

মন্দিরের কাছেই প্রকাণ্ড ঝিল, অনেক দূব পর্য্যন্ত ঘুরে ফিরে এঁকে বঁেকে গেছে, তার পাড়ে পাড়ে বাগান, গাছের কেয়ারিতে ছবির মতন সাজানো। এঁকে বর্ম্মীরা বলে কাণ্ডজী (বড় জলা), আর-সবাই ইংরেজের কথার প্রতিধ্বনি করে' বলে রয়াল লেক।

নির্জন নিস্তর তব-বীথির ভিতর দিয়ে মা পান আর ওঙ্ ফে হাত-ধরাধরি চলেছে নীরবে। তরুবিভানের পত্র-জালের ফুকোর দিয়ে ঢালা জ্যোৎস্না পথের উপর নানা আল্পনায় চিতাবাঘের পরিকল্পনা এঁকেছে।

চলতে চলতে মা পান আর ওঙ্ ফে জলের ধারে এসে দাঁড়াল। সুরসুন্দরীদের মুখ দেখবার মুকুরের মতন সবুজ ঘাসের মখমল-মোড়া ফ্রেমে আঁটা ঝিলের জল চাঁদের আলোয় ঝলমল করছে। সমস্ত আকাশ জ্যোৎস্না-প্রাণিত হয়ে বড় একখানি শুক্কির খোলার মতন মনে হচ্ছে, আর তার কোলে পূর্ণচন্দ্র নিটোল একটি মুক্তার মতন

লাবণ্যে টলটল চলচল কব্'ছ। উজ্জয় জ্যোৎস্না জলের উপর ছড়িয়ে পড়েছে, চাঁদের ছায়া জলের তলে চকমক করছে; সোনার পাত-মোড়া দীপমালাজড়ানো মন্দির-চূড়ার উন্টা ছায়া নাগবালাদের জলের তলে পাতালে নাম্বার স্বর্ণসোপানের মতন শো'গা পাচ্ছে। মৃত্যুর মতন নিঃশব্দ, নিদ্রার মতন পশাস্ত, মুচ্ছার মতন স্তব্ধ, নেশার মতন আবেশভরা এই জ্যোৎস্না-পুলকিত রজনীতে তরুণ-তরুণী হাত-ধরাধরি দাঁড়িয়ে আছে বিশ্ব থেকে বিচ্ছিন্ন হয়ে।

হঠাৎ ফুলওয়ালী ফিরে দাঁড়িয়ে দুই হাতে ওঙ্ ফের দুই হাত চেপে ধরে' বলে' উঠল—দিগ্নে তাড়িলো মীঠোং পোয়ে ছি-সেয়া (আঙ্গকার রজনীতে আমাদের হৃদয়ের উপবাস-পারগার দীপালি-উৎসব ওহে হৃদয়বল্লভ) !

ওঙ্ ফে অভিবৃত্তের মতন স্তব্ধ কুক্ক হয়ে দাঁড়িয়ে রইল ফুলওয়ালীর আবেগদীপ্ত মুখের উপর ব্যথিত করুণ দৃষ্টি ফেলে।

ফুলওয়ালী হঠাৎ তার ডান হাতের একটি টানে মাথার খোঁপা খুলে ফেললে। অমনি তার অতিদীর্ঘ এলো

চুলের বিপুল রাশি কালো কালো সাপের মতন তার সর্সিক
ব্যোপে ছড়িয়ে পড়ল তার পায়ের তলার ধূলাটুকু মুছে
নিতে। ফুলওয়ালী তার দীর্ঘ চুল ছুঁতে করে' ছই
কাঁধের উপর দিয়ে ছই গুচ্ছে সামনে টেনে আনল,
আর এক এক গুচ্ছে চুল দিয়ে ওঙ্ ফের এক এক
হাত জড়িয়ে জড়িয়ে শক্ত করে' বাঁধতে লাগল।

ওঙ্ ফে ছঃখভরা বিস্মিত স্বরে জিজ্ঞাসা করলে—
এ কি হচ্ছে মা পান, এ কি খেলা তোমার ?

ফুলওয়ালী উন্নতের মতন খিলখিল করে' হেসে'
উঠল; সে হাসি বর্ণা-বরা শব্দের মতন জলের বুকের
উপর দিয়ে বয়ে গেল; সে হাসি পাঁপায়ার একটানা
স্বরের মতন, টিট্টিভের টিট্কারীর মতন আকাশ চিরে
জ্যোৎস্না কাঁপিয়ে তরু-কুঞ্জের ভিতর প্রতিধ্বনিত হতে
লাগল; ফুলওয়ালী উচ্ছ্বসিত আবেগে বলে' উঠল—

ছ্যা-সেয়া, ছ্যা-সেয়া, ইয়েনে নিয়া মেঙ্গলা সাঁউ মে
(ছদয়বল্লভ ওগো প্রাণপ্রিয়, আজ রজনী আমাদের
বিবাহ-বাসর)!

কথা শেষ হতে না হতে ফুলওয়ালী ছই হাতে
ওঙ্ ফেকে নিবিড় অশিথিল আলিঙ্গনে বুকে চেপে ধরে'
কাঁপিয়ে পড়ল ঝিলের জলে। চুলের গাঁটছড়া-বাঁধা
আর বাহুপাশে বন্দী ওঙ্ ফে ফুলওয়ালীর সঙ্গে সঙ্গে
অতল জলে ডুবে গেল। জ্যোৎস্নাঢালা জলের তলে
রূপালি চাঁদ আর সোনালি মন্দিরের ছায়ার ছবি
হাজার টুকরা হয়ে ভেঙে চূরে খবণর করে' কাঁপতে
লাগল। তখনো জলের উপর ফুলওয়ালীর শেষ কথার
প্রতিধ্বনি কেঁদে কেঁদে বেড়াচ্ছিল—ছ্যা-সেয়া ছ্যা-সেয়া,
ইয়েনে নিয়া মেঙ্গলা সাঁউ মে!

চাক বন্যোপাধ্যায়।

রবীন্দ্র-পরিচয়

ভূমিকা

বাংলা-সাহিত্যের এমন কোন বিভাগ নাই যাহাতে রবীন্দ্র-
নাথ হস্তক্ষেপ করেন নাই। কাব্য-সাহিত্য, গান, ছোটগল্প,
উপন্যাস, নাটক, প্রহসন, সাহিত্য-সমালোচনা ও অন্যান্য
বিভিন্ন সাহিত্য বাদ দিগাও শিক্ষাব্যবস্থা, সামাজিক আদর্শ,
রাষ্ট্রনীতি, জাতীয় ইতিহাস ও জাতীয় আদর্শ এবং ধর্ম সাধনা
সম্বন্ধে রবীন্দ্রনাথের লেখা প্রবন্ধাদি নিত্যন্ত সামান্য নহে।
রবীন্দ্রনাথ যে কেবল নানা বিষয়ে আলোচনা করিয়াছেন
তাহা নহে, একই বিষয় নানা বিভিন্ন সময়ে নানা বিভিন্ন
প্রণালীতে আলোচনা করিয়াছেন। বিষয়-বৈচিত্র্য ও
আলোচনা-প্রণালীর বিভিন্নতায় রবীন্দ্র-সাহিত্য একরূপ
নু-বিস্তৃত ও বহু-বিক্ষিপ্ত হইয়া পড়িয়াছে যে তাহার সমগ্র
রূপটিকে উপলব্ধি করা কঠিন।

১৩০৩ সালে কাব্য-গ্রন্থাবলীর একটি সংগ্রহ প্রকাশিত
হয়। ইহার ভূমিকায় রবীন্দ্রনাথ লিখিয়াছিলেন—অনেক
লেখা খণ্ড খণ্ড অবস্থায় পাঠকদের নিকট অসম্পূর্ণ বলিয়া

প্রতিভাত হয়; কিন্তু পুঞ্জীভূত আকারে রচনাগুলি
পরস্পরের সাহায্যে স্মৃতিতর সম্পূর্ণতর হইয়া দেখা দেয়,
লেখকের মর্ম্মকথাটি পাঠকদের নিকট সমগ্রভাবে প্রকাশিত
হইয়া উঠে। একবার লেখকের সমস্ত রচনার সহিত বৃহৎ-
ভাবে পরিচয় হইয়া গেলে, তখন প্রত্যেক স্বতন্ত্র লেখা
তাহার সমস্ত বক্তব্য বিষয়টিকে সম্পূর্ণরূপে পাঠকদের
নিকট উপস্থিত করিতে পারে। ১৩০৩ সালের সংগ্রহে
কবিতাগুলি রচনার কালক্রমানুসারে সন্নিবেশিত হইয়াছিল।
এই সংস্করণ বহুদিন হইল ফুরাইয়া গিয়াছে। কিন্তু ছঃখের
বিষয় এই যে তাহার পরে গত ২৫ বৎসরের মধ্যে আর
কোন প্রামাণ্য সংগ্রহ প্রকাশিত হইল না। কোন কবিতাটি
কোন সময়ের লেখা তাহা জানিবার উপায় নাই; গদ্য-
গ্রন্থাবলীর প্রায় কোন লেখায় কোনপ্রকার তারিখ নাই।
পৌরীপার্শ্বের মধ্যে যে একটি স্বাভাবিক সঙ্গতি ও পরিণতি
আছে, অধিকাংশ স্থলেই তাহা চাপা পড়িয়া গিয়াছে।

রবীন্দ্র-সাহিত্য আলোচনা করা সম্বন্ধে আরও একটি গুরুতর অন্তরায় ঘটিয়াছে। নিজের লেখা সম্বন্ধে রবীন্দ্রনাথের কোনরূপ দয়া মায়ী নাই, অতি নিশ্চয়ভাবে নিজের লেখা কাটিয়া কুটিয়া বাদ দিয়াছেন। শৈশবকালের অধিকাংশ লেখা, পুনর্মুদ্রিত হয় নাই (ক)। দৃষ্টান্ত স্বরূপ বলা যাইতে পারে, আঠারো বৎসর বয়সের পূর্বে লেখা প্রায় সাত হাজার লাইন কাব্য-সাহিত্য এ পর্য্যন্ত সংগ্রহ করিতে পারিয়াছি, তাহার মধ্যে মাত্র তিন চারশত লাইন আজকালকার প্রচলিত সংস্করণে পাওয়া যায়। এই বয়সের গদ্য-সাহিত্য একপ্রকার লোপ পাইয়াছে বলিলেই চলে। কেবল শৈশব-রচনা নহে, প্রাপ্তবয়সের অনেক লেখা, বিশেষত গদ্যপ্রবন্ধ ও সমালোচনা, মাসিক পত্রিকার পাতায় চাপা পড়িয়া গিয়াছে। এইরূপ লেখা সমস্ত সংগ্রহ করিলে বোধ হয় বাহা আছে তাহার উপর আরও এক-তৃতীয়াংশ হইতে পারে। রবীন্দ্রসাহিত্য সমগ্রভাবে আলোচনা করিতে হইলে এইসকল লেখা কোনমতেই বাদ দেওয়া চলে না।

রবীন্দ্রনাথের মতামত লইয়া আজকাল নানাপ্রকার বাদ-বিতণ্ডার সৃষ্টি হইতেছে। কবির লেখার সহিত সমগ্রভাবে পরিচয়ের অভাবই তাহার কারণ। যেসকল লেখা খণ্ড খণ্ড আকারে পরস্পরবিরোধী বলিয়া মনে হয়, সমগ্রের সহিত মিলাইয়া দেখিলে তাহাদের পরস্পর-সঙ্গতি পরিষ্কৃত হইয়া উঠে। এইজন্য কিছুকাল হইল রবীন্দ্র-সাহিত্য-সূচি (Bibliography) সংকলন করিতে আরম্ভ করিয়াছি (খ)। এই সূচি-সংকলন কার্যের সঙ্গে সঙ্গে ধারাবাহিকভাবে কালক্রমানুসারে রবীন্দ্র-সাহিত্যের কিছু পরিচয় দিবার চেষ্টা করিব। সর্বত্রই কবির নিজের কথা উদ্ধৃত করিয়া তাঁহার চিন্তার ধারা কিরূপে পরিণতি

(ক) বাল্যরচনার সাধারণতঃ কোন স্বাক্ষর নাই। এইরূপ স্থলে আমি সর্বত্রই রবীন্দ্রনামকে স্বয়ং জিজ্ঞাসা করিয়া লইয়াছি। কবি যেসকল লেখা নিজের বলিয়া স্বীকার করিয়াছেন, সে সম্বন্ধে সন্দেহ হইতে পারে না। কিন্তু নিজের লেখা যে তিনি ভুলিয়া গিয়াছেন তাহাও দেখিয়াছি। যে লেখা তাঁহার মনে নাই সেরূপ লেখা তাঁহার কোনও বইতে স্থান পাইয়াছে কিনা ইহাই একমাত্র প্রশ্ন বলিয়া গণ্য করিয়াছি।

(খ) এই সূচি পরিশিষ্ট আকারে প্রকাশ করিবার ইচ্ছা আছে। সূচিতে কেবল প্রকাশিত লেখার তালিকা সংগ্রহ করিতেছি। এই কার্যে সকলের নিকট সাহায্য প্রার্থনা করিতেছি। অপ্রকাশিত লেখা এবং রবীন্দ্রনাথের মতামত সম্বন্ধে প্রবন্ধ ও সমালোচনার একটি স্বতন্ত্র সূচি প্রস্তুত করাও আবশ্যিক।

লাভ করিয়াছে তাহার নিদর্শন দিবার চেষ্টা করিব। এখন মাত্র কবির ২২।২৩ বৎসর বয়স পর্য্যন্ত লেখা আলোচনা করিবার সুযোগ ঘটিয়াছে। আলোচনা যেমন অগ্রসর হইবে “রবীন্দ্র-পরিচয়” তেমনি বাহির হইতে থাকিবে। এইরূপ খণ্ড খণ্ড ভাবে কার্য অগ্রসর হওয়ায় ইহাতে সমালোচনার ধারাবাহিক ঐক্যসূত্রগুলি বিচ্ছিন্ন হইয়া যাইবারই সম্ভাবনা। তাই মনে রাখা আবশ্যিক যে “রবীন্দ্র-পরিচয়” সাহিত্য-সমালোচনা নহে, সমালোচনার পূর্বাভাস মাত্র। কবির জীবন আলোচনাও বর্তমান প্রবন্ধের উদ্দেশ্য নহে, যদিও প্রসঙ্গক্রমে জীবনের কিছু কিছু ঘটনার কথা আসিয়া পড়িবে। আপাততঃ, কবির জন্ম-তারিখটি ১২৮৮ সালের ২৫শে বৈশাখ, ইংরেজি ১৮৬১ খৃষ্টাব্দের ৬ই মে—স্বরূপ রাখিয়া আলোচনার প্রবৃত্ত হওয়া যাউক।

১। শৈশবকালে দেশ-বিদেশের প্রভাব

বর্তমান সংখ্যায় ১২৮৬ সাল পর্য্যন্ত অর্থাৎ আঠারো বৎসর বয়সে বিলাত হইতে প্রত্যাগমন পর্য্যন্ত কবির মনের উপর দেশীয় ভাব ও বিদেশীয় প্রভাব কি কি ছাপ আঁকিয়া দিয়াছে তাহার পরিচয় দিব। পূর্ব ও পশ্চিমের মিলন-মন্ত্র কবি বারংবার উচ্চারণ করিয়াছেন। মানব-সভ্যতার ইতিহাসে ইহাই রবীন্দ্রনাথের বাণী। শৈশবকালের কথা আলোচনা করিলে বুঝা যাইবে যে বাল্যকাল হইতেই তাঁহার জীবনের ঘটনাবলী ও অভিজ্ঞতার মধ্যে এই আদর্শ সূচিত হইয়া উঠিয়াছিল, উত্তর কালে তাহা পরিণতি লাভ করিয়াছে মাত্র।

বাড়ির আবহাওয়া

রবীন্দ্রনাথ তাঁহার জীবনস্মৃতিতে বাড়ীর আবহাওয়া সম্বন্ধে লিখিয়াছেন—

“বাহির হইতে দেখিলে আমাদের পরিবারে অনেক বিদেশীপ্রভাব চলন ছিল, কিন্তু আমাদের পরিবারের সদস্যের মধ্যে একটা স্বদেশ-ভিমান হিরদীপিতে জাগিতেছিল। স্বদেশের প্রতি পিতৃদেবের যে একটি আন্তরিক শ্রদ্ধা তাঁহার জীবনের সকলপ্রকার বিপ্লবের মধ্যে অক্ষুণ্ণ ছিল তাহাই আমাদের পরিবারস্থ সকলের মধ্যে একটি প্রবল স্বদেশপ্রেম সঞ্চার করিয়াছিল।……আমাদের বাড়িতে দাদারা চিরকাল মাতৃভাষার চর্চা করিয়া আসিয়াছেন। আমার পিতাকে তাঁহার কোনো নূতন আত্মীয় ইংরেজিতে পত্র লিখিয়াছিলেন, সে পত্র লেখকের নিকট তখনি কিরিয়া আসিয়াছিল।”

“আমাদের বাড়ির সাহায্যে হিন্দুমেলা বলিয়া একটি মেলা সূচি হইয়াছিল। নবমোপাল মিত্র মহাশয় এই মেলার কর্তৃকর্তারূপে নিয়োজিত ছিলেন। ভারতবর্ষকে স্বদেশ বলিয়া ভক্তির সহিত উপলব্ধির

চেঁটা সেই এখন হয়। মেজদাদা সেই সময়ে বিখ্যাত জাতীয়সঙ্গীত 'মিলে সবে ভারতসন্তান রচনা করিয়াছিলেন। এই মেলায় দেশের গুণগান গীত, দেশাতুরাগের কবিতা পঠিত, দেশাধিনায়কগণের প্রতিমূর্তি প্রদর্শিত ও দেশী গুণীলোক পুরস্কৃত হইত।" (১)

"হেলেবেলায় আমার একটা মন্ত সুযোগ এই 'ছিল যে, বাড়িতে দিনরাত্রি সাহিত্যের হাওয়া বহিত।" বাড়ির বয়স্কদের কথা লিখিয়াছেন, "সাহিত্য এবং ললিতকলায় তাঁহাদের উৎসাহের সীমা ছিলনা। বাংলার আধুনিক যুগকে যেন তাঁহারা সকল দিক দিয়াই উদ্বোধিত করিবার চেষ্টা করিতেছিলেন। বেশে ভূষায় কাব্যে গানে চিত্রে নাটো ধর্ম্মে স্বাদেশিকতায় সকল বিষয়েই তাঁহাদের মনে একটি সর্ব্বাসম্পূর্ণ জাতীয়তার আদর্শ জাগিয়া উঠিতেছিল।.....বাংলায় দেশাতুরাগের গান ও কবিতার প্রথম সূত্রপাত তাঁহারা করিয়া গিয়াছেন। সে আজ কতদিনের কথা, যখন গণদাদার (২) রচিত 'লজ্জার ভারতবশ গাইব কি করে' গানটি হিন্দুমেলায় গাওয়া হইত।" (৩)

বাংলা সাহিত্যের সহিত পরিচয়

রবীন্দ্রনাথের বাল্যকাল হইতেই বাংলাসাহিত্যের সহিত বনিষ্ঠ পরিচয়ের সূত্রপাত হয়।

"আমার বাল্যকালে বাংলাসাহিত্যের কলেবর কৃশ ছিল। বোধ করি তখন পাঠ্য অপাঠ্য বাংলা বই যে-কটা ছিল সমস্তই আমি শেষ করিয়াছিলাম।" (৪)....."হেলেবেলায় বাংলা পড়িতেছিলাম বলিয়াই সমস্ত মনটার চালনা সম্ভব হইয়াছিল।...বাঙালির পক্ষে ইংরেজি শিক্ষায় এটি হইবার জো নাই।.....প্রথম হইতেই মনটাকে চালনা করিবার সুযোগ না পাইলে মনের চল শক্তিতেই মন্দা পড়িয়া যায়। যখন চারিদিকে খুব করিয়া ইংরেজি পড়িবার ধুম পড়িয়া গিয়াছে তখন যিনি সাহস করিয়া আমাদিগকে দীর্ঘকাল বাংলা শিক্ষাইবার ব্যবস্থা করিয়াছিলেন সেই আমার স্বর্গগত মেজদাদার (৫) উদ্দেশ্যে সন্মত প্রণাম নিবেদন করিতেছি।" (৬)

সংস্কৃত সাহিত্যের সহিত পরিচয়

রবীন্দ্রনাথের বাংলা ও ইংরেজির সঙ্গে সঙ্গে সংস্কৃতচর্চাও চলিতেছিল। একেবারে গোড়া হইতেই সংস্কৃত কাব্যের সহিত তাঁহার পরিচয় ঘটে। তাঁহার বাল্যকালেই গীত-গোবিন্দখানা হাতে পড়িয়াছিল।

"বাংলা ভাল জানিতাম বলিয়া অনেকগুলি শব্দের অর্থ বুঝিতে পারিতাম। সেই গীতগোবিন্দখানা যে কতবার পড়িয়াছি তাহা বলিতে পারি না। জন্মদেব যাহা বলিতে চাহিয়াছেন তাহা বুঝি নাই, কিন্তু ছন্দ ও কথায় মিলিয়া আমার মনের মধ্যে যে জিনিষটা

(১) জীবন-স্মৃতি—প্রবাসী, ১৩১৮, ফাল্গুন, ৪১৬ পৃঃ।

(২) ষ্ণগেন্দ্রনাথ ঠাকুর—শ্রীযুক্ত গগনেন্দ্রনাথ ঠাকুর ও শ্রীযুক্ত অবনীন্দ্রনাথ ঠাকুরের পিতা। অবনীন্দ্রনাথ ভারতীয় চিত্রকলাপদ্ধতির প্রতিষ্ঠাতা।

(৩) জীবন-স্মৃতি—প্রবাসী, ১৩১৮, মাঘ, ৩১৫ পৃঃ।

(৪) জীবন-স্মৃতি—প্রবাসী, মাঘ, ১৩১৮, ৩১৪ পৃঃ।

(৫) ষ্ণগেন্দ্রনাথ ঠাকুর।

(৬) জীবন-স্মৃতি—প্রবাসী, ১৩১৮, অগ্রহায়ণ, ১০৮ পৃঃ।

গীতা হইতেছিল তাহা আমার পক্ষে সম্ভব নহে।.....জন্ম সম্পূর্ণও বুঝি নাই, অসম্পূর্ণ বোকা বলিলে যাহা বোকার তাহাও ন তবু সৌন্দর্য্যে আমার মন এমন ভরিয়া উঠিয়াছিল যে আগাগো সমস্ত গীতগোবিন্দ একখানি খাতায় নকল করিয়া লইয়াছিলাম।" (৭)

পণ্ডিতমহাশয়ের কথা রবীন্দ্রনাথ লিখিয়াছেন—

"অনিচ্ছক ছাত্রকে ব্যাকরণ শিখাইবার দুঃসাধ্য চেঁচায় শুধু তিনি আমাকে অর্থ করিয়া শকুন্তলা পড়াইতেন।" (৮)

কুমারসম্ভবও এই রকম করিয়া পড়া হইল। এইরূপে খুব কম বয়সেই রবীন্দ্রনাথের মনের উপর সংস্কৃতসাহিত্যে একটি ছাপ পড়িয়া গেল।

গায়ত্রী গীতা উপনিষদ

রবীন্দ্রনাথের উপনয়নের সময়ে গায়ত্রীমন্ত্র অস্তরের মধ্যে খুব একটা নাড়া দিয়াছিল।

"আমি বিশেষ যত্নে একমনে ঐ মন্ত্র জপ করিবার চেষ্টা করিতাম মন্ত্রটা এমন নহে যে সে বয়সে উহার তাৎপর্য্য আমি ঠিকভাবে গ্রহণ করিতে পারি। আমার বেশ মনে আছে আমি 'ভূভূবঃ স্ব এই অংশকে অবলম্বন করিয়া মনটাকে খুব করিয়া প্রসারিত করিতে চেষ্টা করিতাম। কি বুঝিতাম কি ভাবিতাম তাহা স্পষ্ট করিয়া ব কঠিন; কিন্তু ইহা নিশ্চয় যে, কথার মানে বোকাটাই মানুষে পক্ষে সকলের চেয়ে বড় জিনিষ নয়। শিক্ষার সকলের চেয়ে ব অঙ্গটা—বুঝাইয়া দেওয়া নহে, মনের মধ্যে যা দেওয়া।.....তা বলিতেছিলাম, গায়ত্রীমন্ত্রের কোনো তাৎপর্য্য আমি সে বয়সে বুঝিতাম তাহা নহে, কিন্তু মানুষের অস্তরের মধ্যে এমন কিছু একটা আছে সম্পূর্ণ না বুঝিলেও যাহার চলে। তাই আমার একদিনে কথা মনে পড়ে—আমাদের পড়িবার ঘরে শানবাঁধান মেজের উপ কোণে বসিয়া গায়ত্রী জপ করিতে করিতে সহসা আমার দুই চোখ ভরিয়া কেবলি জল পড়িতে লাগিল। জল কেন পড়িতেছে তাহ আমি নিজে কিছুমাত্রই বুঝিতে পারিলাম না।" (৯)

রবীন্দ্রনাথের গীতা-উপনিষদের সহিত অলক্ষ্যে পরিচয়ও আরম্ভ হইল।

"গুণবদ্যাতায় পিতার মনের মত প্রোকণ্ডলি চিহ্নিত করা ছিল সেইগুলি বাংলা অনুবাদ সমেত আমাকে কাপি করিতে দিয়াছিলেন। বাড়িতে আমি নগণ্য বালক ছিলাম, এখানে আমার পরে এইসকল গুরুতর কাজের ভার পড়িতে তাহার গৌরবটা খুব করিয়া অনুভব করিতে পারিলাম।" (১০)

বক্রেটায় "আমার শোবার ঘর ছিল একটি প্রান্তের ঘর। রাত্রে বিছানায় শুইয়া কাচের জানালার ভিতর দিয়া নগ্নজালোকের অস্পষ্টতায় পর্দিতচূড়ার পাতুরবর্ণ ভূষারদীপ্তি দেখিতে পাইতাম। এক-একদিন—জানি না কত রাত্রে—দেখিতাম পিতা গায়ে একখানি লাল শাল পরিয়া হাতে একটি মোমবাতির সেজ লইয়া নিঃশব্দ সকারণে চলিয়াছেন। কাচের আবরণে ঘেরা বাহিরের বারান্দায়

(৭) জীবন-স্মৃতি—প্রবাসী, ১৩১৮, অগ্রহায়ণ, ১১৩, ১১৪ পৃঃ।

(৮) জীবন-স্মৃতি।

(৯) জীবন-স্মৃতি—প্রবাসী, ১৩১৮, অগ্রহায়ণ, ১১৩, ১১৪ পৃঃ।

(১০) জীবন-স্মৃতি—প্রবাসী, ১৩১৮, গৌর, ২১০ পৃঃ।

বসিয়া উপাসনা করিতে যাইতেছেন।.....তাহার পর আর-এক ঘুরের পরে হঠাৎ দেখিতাম পিতা আমাকে ঠেলিয়া আগাইয়া দিতেছেন। তখনো রাত্রির অন্ধকার সম্পূর্ণ হয় নাই। উপক্রমণিকা হইতে নয়ঃ নয়ঃ নয়ঃ মুখস্থ করিবার জন্ত আমার সেই সময় নির্দিষ্ট ছিল। শীতের কখনোশির তপ্ত বেষ্টন হইতে বড় ছুঃখের এই উদ্বোধন।”

“স্বর্ঘ্যোদয়কালে যখন পিতৃদেব তাহার প্রভাতের উপাসনা অন্তে একবাটি ছুঃ খাওয়া শেষ করিতেন তখন আমাকে পাশে লইয়া দাঁড়াইয়া উপনিষদের মন্ত্রপাঠ দ্বারা আর-একবার উপাসনা করিতেন।” (১১)

এইরূপে প্রাচীন ভারতবর্ষের নিঃশব্দ প্রভাব দশমবর্ষীয় বালকের মনে নিগূঢ়ভাবে কাজ করিতেছিল। (১২)

বাংলা সাহিত্যের সহিত পরিচয়

বাংলাভাষা চর্চা ও বাংলা সাহিত্য আলোচনার স্বত্রে বাংলাদেশের কথা রবীন্দ্রনাথের মনের ভিতরে বসিয়া গিয়াছিল।

“আমার পিতার অন্তর কিশোরী চাটুর্ঘ্যে এককালে পাঁচালির দলের নায়ক ছিল। সে আমাকে পাঁচাড়ে থাকিতে প্রায় বলিত—আহা দাদাজি, তোমাকে যদি পাইতাম তবে পাঁচালির দল এমন জমাইতে পারিতাম সে আর কি বলিব! শুনিয়া আমার ভারি লোভ হইত—পাঁচালির দলে ভিড়িয়া দেশদেশান্তরে গান গাহিয়া বেড়ানোটা মহা একটা সৌভাগ্য বলিয়া বোধ হইত। সেই কিশোরীর কাছে অনেকগুলি পাঁচালির গান শিখিয়াছিলাম ‘ওরে তাই জানকীরে দিয়ে এস বন’, ‘প্রাণ ত অন্ত হল আমার কমল-আঁখি’, ‘রাঙা জবার কি শোভা পায় পায়’, ‘কাতরে রেখ রাঙা পায়, মা অন্তরে’, ‘ভাব শ্রীকান্ত নরকান্তকারীর একান্ত কৃতান্ত ভয়ান্ত হবে তবে’ এই গানগুলিতে আমাদের আসর জমিয়া উঠিত।” (১৩)

কিন্তু কেবল পাঁচালি নয় :—

“বন্ধিমের বঙ্গদর্শন আসিয়া বাঙালীর হৃদয় একেবারে লুট করিয়া লইল। একে ত তাহার জন্ত মাসান্তের প্রতীক্ষা করিয়া থাকিতাম, তাহার পরে বড়দলের পড়ার শেষের জন্ত অপেক্ষা করা আরো বেশী দুঃসহ হইত। বিবৃক্ষ চন্দ্রশেখর এখন যে খুসী সেই অনারাসে একেবারে একগ্রাসে পড়িয়া ফেলিতে পারে, কিন্তু আমরা যেমন করিয়া মাসের পর মাস, কামনা করিয়া, অপেক্ষা করিয়া, অল্পকালের পড়াকে সুদীর্ঘকালের অবকাশের দ্বারা মনের মধ্যে অনুরণিত করিয়া, তৃপ্তির সঙ্গে অতৃপ্তির, ভোগের সঙ্গে কৌতুহলকে অনেকদিন ধরিয়া গাঁথিয়া গাঁথিয়া পড়িতে পাইয়াছি, তেমন করিয়া পড়িবার সুযোগ আর কেহ পাইবে না।” (১৪)

এই সময়েই বাংলাদেশের প্রাচীনকাব্যসংগ্রহ রবীন্দ্রনাথের নিকট একটি লোভের সামগ্রী হইয়া উঠিয়াছিল।

(১১) জীবন-স্মৃতি—প্রবাসী, ১৩১৮, পৌষ, ২১২, ২১৩ পৃঃ।

(১২) কম বয়সের লেখার ইহার পরিচয় পাওয়া যায়। পরবর্তী সংখ্যার এনথকে বিস্তৃতভাবে আলোচনা করিবার ইচ্ছা আছে।

(১৩) জীবন-স্মৃতি—প্রবাসী, ১৩১৮, মাঘ, ৩১৩ পৃঃ।

(১৪) জীবন-স্মৃতি—প্রবাসী, ১৩১৮, মাঘ, ৩১৫ পৃঃ।

“শ্রীযুক্ত অক্ষয়চন্দ্র সরকার ও সারদাচরণ মিত্র মহাশয় কর্তৃক সঙ্কলিত প্রাচীনকাব্যসংগ্রহ আমি বিশেষ আগ্রহের সহিত পড়িতাম।” (১৫)

স্বদেশিকতার নেশা

জোড়াসাঁকোর বাড়ীতে তখন স্বদেশ-প্রেমের ভরপুর নেশা। তাহার মধ্যে ছেলেমামুসি যে কিছু ছিল না তাহা নয়; বস্তুত বেশির ভাগই ছিল কল্পনা আর উত্তেজনা মিশাইয়া ক্যাপামির একটা খেলা।

“জ্যোতিষদ্বার উজ্জ্বলে আমাদের একটি সভা হইয়াছিল, বৃহৎ রাজনারায়ণ বাবু ছিলেন, তাহার সভাপতি। ইহা স্বদেশিকের সভা। কলিকাতার এক গলির মধ্যে এক পোড়ো বাড়িতে সেই সভা বসিত। সেই সভার সমস্ত অস্থান রহস্তে আবৃত ছিল। বস্তুত তাহার মধ্যে ঐ গোপনীয়তাটাই একমাত্র ভয়ঙ্কর ছিল। আমাদের ব্যবহারে রাজার বা প্রজার ভয়ের বিষয় কিছুই ছিল না। আমরা মধ্যাহ্নে কোথায় কি করিতে যাইতেছি তাহা আমার আত্মীরেও জানিতেন না। দ্বার আমাদের রুদ্ধ, ঘর আমাদের অন্ধকার, দীক্ষা আমাদের স্বক্ৰমে, কথা আমাদের চূপিচূপি—ইহাতেই সকলের রোমহর্ষণ হইত, আর বেশী কিছু প্রয়োজন ছিল না।স্বদেশে দিয়াশলাই প্রভৃতির কারখানা স্থাপন করা আমাদের সভার উদ্দেশ্যের মধ্যে একটি ছিল। এজন্য সন্তোরা তাঁহাদের আয়ের দশমাংশ এই সভায় দান করিতেন। দেশালাই তৈরী করিতে হইবে, তাহার কাঠি পাওয়া শক্ত। সকলেই জানেন আমাদের দেশে উপযুক্ত হাতে খেংরা-কাঠির মধ্য দিয়া সস্তায় প্রচুর পরিমাণ তেজ প্রকাশ পায়, কিন্তু সে তেজে যাহা জ্বলে তাহা দেশালাই নহে। অনেক পরীক্ষার পর বাস্তব কয়েক দেশালাই তৈরী হইল। ভারতসম্ভানদের উৎসাহের নিদর্শন বলিয়াই যে তাহারা মূল্যবান তাহা নহে—আমাদের এক বাস্তবে যে খরচ পড়িতে লাগিল তাহাতে একটা পল্লীর সম্বৎসরের চুলা ধরান চলিত। আরো একটু সামান্য অসুবিধা এই হইয়াছিল যে, নিকটে অগ্নিশিখা না থাকিলে তাহাদিগকে জ্বালাইয়া তোলা সহজ ছিল না। দেশের প্রতি জ্বলন্ত অনুরাগ যদি তাহার অলনশীলতা বাড়াইতে পারিত, তবে আজ পর্যন্ত তাহারা বাজারে চলিত।” (১৬)

“ধবর পাওয়া গেল একটি কোনো অল্প বয়স্ক ছাত্র কাপড়ের কল তৈরি করিবার চেষ্টায় প্রবৃত্ত; গেলাম তাহার কল দেখিতে। সেটা কোন কাজের জিনিষ হইয়াছে কি না তাহা কিছুমাত্র বুঝিবার শক্তি আমাদের কাহারো ছিল না—কিন্তু বিশ্বাস করিবার ও আশা করিবার শক্তিতে আমরা কাহারো চেয়ে খাটো ছিলাম না। যন্ত্র তৈরি করিতে কিছু দেনা হইয়াছিল, আমরা তাহা শোধ করিয়া দিলাম। অবশেষে একদিন দেখি ব্রজবাবু মাথায় এক-খানা গামছা বাঁধিয়া জোড়াসাঁকোর বাড়িতে আসিয়া উপস্থিত। কহিলেন, আমাদের কলে এই গামছা-টুকরা তৈরি হইয়াছে। বলিয়া দুই হাত তুলিয়া তাণ্ডব নৃত্য!—তখন ব্রজবাবুর মাথার চুলে পাক ধরিয়াছে।” (১৭)

বালাস্বতি আলোচনা করিয়া প্রৌঢ়বয়স্ক কবি হাসিয়াছেন। কিন্তু এই ক্যাপামি তাঁহাকে কোনো বয়সেই

(১৫) জীবন-স্মৃতি।

(১৬) জীবন-স্মৃতি—প্রবাসী, ১৩১৮, কাশ্বন, ৪১৬-৪১৮ পৃঃ।

(১৭) জীবন-স্মৃতি—প্রবাসী, ১৩১৮, কাশ্বন, ৪১৮ পৃঃ।

পরিচয় করে নাই। “চিরকুমার সভার” ঠাট্টার সুরে এইসকল কল্পনার কথা কবি আবার শুনাইয়াছেন। দেশীয় শিল্পবাণিজ্যের উন্নতির জন্য তিনি চিরদিন অর্থ ও সময় ব্যয় করিয়াছেন। ফল প্রায় সর্বত্রই জমান হইয়াছে, ভারতসম্রাজ্যের উৎসাহের নিদর্শন স্বরূপ নহে, ধরতের পরিমাণ অনুপাতে তাঁহার চেষ্টা প্রায় সর্বত্রই বহুমূল্য হইয়া উঠিয়াছে।

তাঁহার জ্যোতিদাদা সম্বন্ধে রবীন্দ্রনাথ যাহা বলিয়াছেন, সে কথা তাঁহার নিজের সম্বন্ধেও বল্য যায় :—

“কিন্তু তবু এ কথা মনে রাখিতে হইবে, এইসকল চেষ্টার ক্ষতি বাহা, সে একলা তিনিই স্বীকার করিয়াছেন; আর ইহার লাভ বাহা তাহা নিশ্চয়ই এখনো তাঁহার দেশের খাতায় জমা হইয়া আছে। পৃথিবীতে এইরূপ বেহিসাবী অব্যবসায়ী লোকেরাই দেশের কর্মক্ষেত্রের উপর দিয়া বায়ুধার নিষ্ফল অব্যবসায়ের বস্ত্রা বহাইয়া দিতে থাকেন; সে বস্ত্রা হঠাৎ আসে এবং হঠাৎ চলিয়া যায়, কিন্তু তাহা সুরে সুরে যে পলি রাখিয়া চলে তাহাতেই দেশের মাটিকে প্রাণপূর্ণ করিয়া তোলে—তাঁহার পর ফসলের দিন যখন আসে তখন তাঁহাদের কথা কাহারও মনে থাকে না বটে, কিন্তু সমস্ত জীবন বাঁহারা ক্ষতি বহন করিয়াই আসিয়াছেন, সুতরাং পরবর্তী ক্ষতিটুকুও তাঁহারা অনারাসে স্বীকার করিতে পারিবেন।” (১৮)

রচনা-প্রকাশ

যাহা হউক স্বদেশপ্ৰীতি আর বাংলা সাহিত্যের সহিত পরিচয়ের দ্বারা খুব কম বয়সেই রবীন্দ্রনাথ বাংলাদেশের হৃদয়ের মধ্যে প্রবেশাধিকার লাভ করিলেন, এই সময়ের লেখায় তাঁহার নিদর্শন পাওয়া যায়।

“আগমনী” কবিতাটিতে তিনি বাংলাদেশের ঘরের কথা, গিরিরাজ-ছহিতা উমারু গৃহাগমনের কথা গাহিয়াছেন। (১৯) “ভারতী-বন্দনা” (২০) ‘হর-হৃদে কালিকা’ (২১) প্রভৃতি কবিতায় মধ্যে দেশীয় ভাবেরই পরিচয় পাওয়া যায়। ভাস্করসিংহের কবিতা (২২) সমস্তই বৈষ্ণবপন্থাবলী অনুসরণ করিয়া রচিত।

“বাঙ্গালীর আশা ও নৈরাশ্র্য”

প্রথম বর্ষ ভারতীতে এই নামে একটি প্রবন্ধ বাহির হয়। তখন রবীন্দ্রনাথের বয়স ষোল বৎসর। জাতীয় আদর্শ সম্বন্ধে এই প্রথম প্রবন্ধেই প্রাচ্য ও পাশ্চাত্য সভ্যতার মিলনের কথা দেখিতে পাই।

(১৮) জীবন-স্মৃতি—প্রবাসী, ১৩১৯, আশ্বিন, ৩৫১ পৃঃ।

(১৯) ভারতী, ১ম বর্ষ, ১২৮৪।

(২০) ভারতী, ৪র্থ বর্ষ, ১২৮৭।

(২১) ভারতী, ১ম—৪র্থ বর্ষ, ১২৮৪-১২৮৭।

(২২) ভারতী, ১ম বর্ষ, ১২৮৪, মাঘ, ৩০৫-৩০৬ পৃঃ।

“ইউরোপের স্বাধীনতা-প্রধান ভাব ও ভারতবর্ষের মঙ্গল-প্রধান ও পূর্বদেশীয় পন্থীর ভাব ও পশ্চিম-দেশীয় তৎপর ভাব, ইউরোপের অর্থ শীলতা ও ভারতবর্ষের রক্ষণ-শীলতা, পূর্বদেশের কল্পনা ও পশ্চিমে কার্যকরী বুদ্ধি উভয়ের মধ্যে সামঞ্জস্য হইয়া কি পূর্ণ চরিত্র গঠ হইবে! ...ইউরোপের শিল্পবিজ্ঞান ও আমাদের ধর্শন উভয়ে যিহি আমাদের জ্ঞানের কি উন্নতি হইবে! এইসকল কল্পনা করিলে আশ ভবিষ্যতের সুদূর সীমায় বঙ্গদেশীয় সভ্যতার অস্পষ্ট ছায়া দেখি পাই।” (২৩)

বিশ্বভারতীর পূর্বাভাস

ভারতবর্ষীয় সভ্যতার আদর্শ যে দ্বিধাজন্য বা সাম্রাজ্য বিস্তার নহে, তাহা যে জ্ঞানবিজ্ঞান ও স্বাধীনতার আদর্শ প্রচার এবং মঙ্গল আদর্শ স্থাপনা কর, তাহা তিনি তখন স্পষ্ট করিয়া বলিয়াছিলেন।

“মন্ডেহর, ঐ সভ্যতার উচ্চ পিণ্ডে থাকিয়া যখন পৃথিবীর কোণে অধীনতার ক্রিষ্ট অত্যাচারে মিশ্রিত জাতির কাতর ক্রন্দন শুনি পাইব, তখন, স্বাধীনতা ও সাম্যের বৈষ্ণবপন্থী উদ্ভূত করিয়া তাহাতে অধীনতার শৃঙ্খল ভাঙ্গিয়া দিব। আমরা নিজে শতাব্দী হইতে শতাব্দী পর্যন্ত অধীনভাবে অন্ধকার-কারাগৃহে অন্ধ মোচন করিয়া আসিয়া আমরা সেই কাতর জাতির মধ্যে বেদনা যেমন বুঝিব তেমন বুঝিবে। অসভ্যতার অন্ধকারে পৃথিবীর যেসকল দেশ নিম্নিত আশ তাহাদের যুম তাড়াইতে আমরা দেশ-বিদেশে জয় করিব। বিধর্শন কাব্য পড়িবার জন্য দেশ-বিদেশের যোক আমাদের ভাষা শি করিবে! আমাদের দেশ হইতে জ্ঞান উপার্জন করিতে এই যে বিশ্ববিদ্যালয় দেশ-বিদেশের লোকে পূর্ণ হইবে।” (২৪)

পঁয়তাল্লিশ বৎসর পূর্বে রবীন্দ্রনাথ নিজেরই জানিবে না যে তাঁহার বালাকালের কল্পনা ক্রমে বিশ্বভারতীর ধারণ করিয়া সত্য হইয়া উঠিবে।

পাশ্চাত্য সভ্যতার প্রভাব

অনুকরণকে তিনি চিরদিন ঘৃণা করিয়াছেন, কিন্তু পাশ্চাত্যসভ্যতার মধ্যে যাহা শ্রেষ্ঠ তাহা গ্রহণ করিয়া দ্বিধা বোধ করেন নাই। বিদেশী বালাকা কাহাকেও তি দূরে ঠেলিয়া ফেলেন নাই—বিদেশী অধ্যাপক ও পরদেশ বন্ধুর প্রভাব তাঁহার জীবনকে গভীরভাবে স্পষ্ট করিয়াছে। মানুষের সহিত মানুষের সম্বন্ধকেই তিনি ব বলিয়া জানিয়াছেন, সেখানে দেশ-বিদেশের ভাব কথার আনেন নাই।

বিদেশী অধ্যাপক

বিদেশী অধ্যাপকদের একটি পবিত্র স্মৃতি বালাকা হইতেই রবীন্দ্রনাথের মনে অঙ্কিত হইয়া গিয়াছিল। সের্গ জেবিন্সারের কথা-প্রসঙ্গে তিনি লিখিয়াছেন—

(২৩) “কাল্পনিক ও বাস্তবিক”—ভারতী, ১২৪৫, জ্যৈষ্ঠ, ২১৩ পৃ

(২৪) ঐ, ২১৮ পৃঃ। ঐ, ২১৯ পৃঃ।



রবীন্দ্রনাথের কাছে সিল্ভ্যা জেভি বিশ্বভারতীতে বাংলা পড়িতেছেন।

“সমস্ত অধ্যাপকদের জীবনের আদর্শকে উচ্চ করিয়া ধরিয়া মনের মধ্যে বিরাজ করিতেছে এমন একটি স্মৃতি আমার আছে। ফাদার ডিপেনারাণ্ডার সহিত আমাদের যোগ তেমন বেশী ছিল না ... তিনি জাতিতে স্পেনীয় ছিলেন। ইংরাজি উচ্চারণে তাঁহার যথেষ্ট বাধা ছিল। বোধ করি সেই কারণেই তাঁহার ক্লাসের শিক্ষার ছাত্রগণ যথেষ্ট মনোযোগ করিত না। আমার বোধ হইত ছাত্রদের সেই ঔদাসীন্ডের দ্বাৰাত তিনি মনের মধ্যে অসুস্থ করিতেম, কিন্তু

নয়তাবে প্রতিদিন সহ্য করিয়া লইতেন। আমি জানি না কেন, তাঁহার জন্ত আমার মনের মধ্যে একটা বেদনা বোধ হইত। তাঁহার মুখশ্রী সুন্দর ছিল না, কিন্তু আমার কাছে তাহার কেমন একটা আকর্ষণ ছিল। তাঁহাকে দেখিলেই মনে হইত তিনি সর্বদাই আপনার মধ্যে যেন একটা দেবোপাসনা বহন করিতেছেন—অন্তরের বৃহৎ এবং নিবিড় গুহতার তাঁহাকে যেন আবৃত করিয়া রাখিয়াছে। আথব্বটা আদ্যের কাণি জিখিবার সময় ছিল—আমি তখন কলম

হাতে লইয়া অল্পমনস্ক হইয়া বাহা-ভালা ভাবিতাম। একদিন দাদার ডিপেনেরাঙা এই ক্লাসের অধ্যক্ষতা করিতেছিলেন। তিনি প্রত্যেক বেঞ্চির পিছনে পদচারণা করিয়া যাইতেছিলেন বোধ করি দুই তিনবার লক্ষ্য করিয়াছিলেন, আমার কলম সরিতেছে না। এক সময়ে আমার পিছনে ধামিয়া দাঁড়াইয়া নত হইয়া আমার পিঠে তিনি হাত রাখিলেন, এবং অত্যন্ত সশ্বেহস্বরে আমাকে জিজ্ঞাসা করিলেন, টাগোর, তোমার কি শরীর ভাল নাই—বিশেষ কিছুই নহে কিন্তু আজ পর্যন্ত তাঁহার সেই প্রঃটি ভুলি নাই।...আমি তাঁহার ভিতরকার একটি বৃহৎ মনকে দেখিতে পাইতাম—আজও তাহা স্মরণ করিলে আমি যেন নিভৃত নিস্তক দেব-মন্দিরের মধ্যে প্রবেশ করিবার অধিকার পাই।” (২৭)

এর পরেও এই রকম আরো কয়েকজন বিদেশী অধ্যাপকের সংস্পর্শে তিনি আসিয়াছেন যাহাদের জীবনের পবিত্রতায় বিদেশী শিক্ষা রবীন্দ্রনাথের নিকট শ্রদ্ধার জ্বিনিস হইয়া উঠিয়াছে। বিদেশী শিক্ষাকে হৃদয়ের সম্বন্ধের মধ্য দিয়া তিনি লাভ করিয়াছিলেন বলিয়া সে শিক্ষা তাঁহার মনকে একটি বৃহৎ মুক্তির ক্ষেত্রে লইয়া গিয়াছে, কেবল স্তূপাকার উপকরণের বোঝা হইয়া উঠে নাই। তাঁহার নিজের জীবনের অভিজ্ঞতা দ্বারা তিনি বুঝিয়াছেন যে বিদেশী শিক্ষাকে সার্থক করিতে হইলে হৃদয়ের যোগ স্থাপন করা আবশ্যিক। মনের মিলন না ঘটিলে বিদেশী অধ্যাপকের নিকট শিক্ষালাভ করা যে নিতান্তই বিড়ম্বনা একথা তিনি বারংবার বলিয়াছেন। বাংলাদেশে প্রচলিত শিক্ষাপ্রণালীর মধ্যে হৃদয়ের যোগাযোগ নাই এইজন্য তিনি প্রচলিত শিক্ষাব্যবস্থার বিরোধী। বিদেশী বলিয়া নহে—হৃদয়ের সম্বন্ধ নাই বলিয়া তিনি আপত্তি করিয়াছেন।

ইংরেজি ভাষা চর্চা

রবীন্দ্রনাথের অল্প অল্প করিয়া ইংরেজি ভাষা চর্চা আরম্ভ হইল। ভাষা অপেক্ষা সাহিত্যের প্রতি অনুরাগই বেশি ছিল।

“আহমদাবাদে একটি বড় ঘরের দেয়ালের খাপে খাপে মেজ দাদার (২৮) বইগুলি সাজান ছিল। তাহার মধ্যে, বড় বড় অক্ষরে ছাপা, অনেক ছবিওয়ালা একখানি টেনিসনের কাব্যগ্রন্থ ছিল। ... আমি কেবল তাহার ছবিগুলির মধ্যে বারবার করিয়া ঘুরিয়া বেড়াইতাম। বাক্যগুলি যে একেবারেই বুঝিতাম না, তাহা নহে—কিন্তু তাহা বাক্যের অপেক্ষা আমার পক্ষে অনেকটা কুজনের মতই ছিল।” (২৯)

* (২৭) জীবন-স্মৃতি—প্রবাসী, মাঘ, ১৩১৮, ৩১৪ পৃঃ।

(২৮) শ্রীযুক্ত সত্যেন্দ্রনাথ ঠাকুর, ইনি তখন আহমেদাবাদের জজ ছিলেন।

(২৯) জীবন-স্মৃতি—প্রবাসী, ১৩১৮, চৈত্র, ৫৩৩ পৃঃ।

কিন্তু ভাষা আয়ত্ত করিবার জন্ত পরিশ্রমের ক্রটি ছিল না।

“ইংরেজিতে নিতান্তই কাঁচা ছিলাম বলিয়া সমস্তদিন ডিক্সনারী লইয়া বানা ইংরেজী বই পড়িতে আরম্ভ করিয়া দিলাম। বাল্যকাল হইতে আমার একটা অভ্যাস ছিল, সম্পূর্ণ বুঝিতে না পারিলেও তাহাতে আমার পড়ার বাধা ঘটত না। অল্পবয়সে বাহা বুঝিতাম তাহা লইয়া আপনার মনে একটা কিছু খাড়া করিয়া আমার বেশ একরকম চলিয়া যাইত।” (৩০)

যুরোপীয় সাহিত্য ও ইতিহাস আলোচনা চলিতে লাগিল। “শ্রাক্সন জাতি ও অ্যাঙ্গলো-শ্রাক্সন সাহিত্য” “পিত্রার্কী ও লরা” “দান্তে ও তাঁহার কাব্য” “গেটে” (৩১), “নর্ম্যান্ জাতি ও অ্যাঙ্গলো-নর্ম্যান সাহিত্য” “চ্যাটার্টন বালক-কবি” (৩২) প্রভৃতি প্রবন্ধ তাহার নিদর্শন।

জাতীয় সাহিত্য সম্বন্ধে আলোচনার ফলেই হউক অথবা নিজের ভিতর হইতেই হউক, যোল বৎসর বয়সেই রবীন্দ্রনাথ বুঝিয়াছিলেন যে,

“যতদিন ভাষায় উন্নতি না হয়, ততদিন জাতির উন্নতি হয় না, অথবা জাতির উন্নতির চিহ্নই ভাষায় উন্নতি।” (৩৩)

বিলাত যাত্রা

সতেরো বৎসর বয়সে রবীন্দ্রনাথ প্রথম বার বিলাতযাত্রা করেন। বিলাত হইতে প্রথমে আত্মীয়দিগকে ও পরে ভারতীতে যে পত্রগুলি পাঠাইয়াছিলেন, তাহা “যুরোপ-প্রবাসীর পত্র” (৩৪) নামে প্রকাশিত হয়। এই পত্রগুলিতে ইংলণ্ডে গিয়া কিরূপে তাঁহার মত গঠিত ও পরিবর্তিত হয় তাহার একটা ইতিহাস পাওয়া যায়।

“এই ত প্রথম যুরোপের মাটিতে আমার পা পড়ল। জানোই ত আমি কি রকম কাঙ্ক্ষনিক, মমে করেছিলেম, যুরোপে পৌঁছিয়েই কি এক অপূর্ব দৃশ্য চোখের স্রমুখে খুলে যাবে, সে যে কি, তা কল্পনাতেই থাকে, কথায় প্রকাশ করা যায় না, কিন্তু ছেলেবেলা থেকে দেখে আসছি, কল্পনার সঙ্গে সত্য-রাজ্যের প্রায় বসে না। কোনো নূতন দেশে আসবার আগেই আমি তাকে এমন নূতনস্তর মনে করে রাখি যে, এসে আর তা' নূতন বোলে মনেই হয় না; ...ইউরোপে আমার তেমন নূতন মনে হয়নি শুনে সকলেই অবাক।” (৩৫)

(৩০) জীবন-স্মৃতি—প্রবাসী, ১৩১৮, চৈত্র, ৫৩৩ পৃঃ।

(৩১) ভারতী, ২য় বর্ষ, ১২৮৫।

(৩২) ভারতী, ৩য় বর্ষ, ১২৮৬।

(৩৩) ভারতী, ১ম বর্ষ, মাঘ ১২৮৪, ৩০৭ পৃঃ।

(৩৪) ভারতী, ৩য়-৪র্থ বর্ষ, ১২৮৬, ১২৬৭। পুস্তাকাকারে :— ১৮০৩ শক।

(৩৫) যুরোপযাত্রী, (১ম পত্র, ১৯ পৃঃ) ভারতী, ১২৮৬, চৈত্র, ৯০ পৃঃ।

বিলাতি সমাজ

বাহিরের চাকচিকে। রবীন্দ্রনাথের মন ভোলে নাই। বিলাতে পৌঁছিয়া নানা বিষয়ে তিনি প্রথমে ভারি নিরাশ হইয়াছিলেন।

“আমি ইংলণ্ড ঘোঁসটাকে এত ছোট ও ইংলণ্ডের অধিবাসীদের এমন বিদ্যালোচনাশীল মনে করেছিলেম যে, ইংলণ্ডে আসবার আগে আমি আশা করেছিলেম যে, এই ক্ষুদ্রদ্বীপের একপ্রান্ত থেকে আর-একপ্রান্ত পর্যন্ত বুকি টেনিসনের বোণামনিত্তে প্রতিধ্বনিত হোচে; মনে করেছিলেম, এই দুইহস্ত-পরিমিত ভূমির যেখানে থাকি না কেন, গ্লাডস্টোনের বাগ্মিতা, ম্যাক্সমুগারের বেদব্যাখ্যা, চিত্তালের বিজ্ঞানতত্ত্ব, কাল হিলের গভীর চিন্তা, বেনের দর্শনশাস্ত্র শুনতে পাব; মনে করেছিলেম, যেখানে যাই না কেন, intellectual আমোদ নিয়েই আবাগবৃদ্ধবনিতা বুকি উন্নত; কিন্তু তাতে আমি ভারি নিরাশ হোয়েছি।” (৩৬)

বাইরে থেকে ফ্যাশানেবল্ মেয়েদের দেখে তাদের সম্বন্ধে ভাল ধারণা হয় নি।

এদেশের মেয়েরা পিয়ানো বাজায়, গান গায়, আঙনের ধারে আঙন পোরায়, সোকার ঠেসান দিয়ে নভেল পড়ে, ভিজিটারদের সঙ্গে আলাপচারি করে ও আবশ্যিক ও অনাবশ্যিক মতে যুবকদের সঙ্গে flirt করে, এই ত আমার অভিজ্ঞতা।” (৩৭)

রবীন্দ্রনাথ বিলাতে কিছুদিন থাকার পর আরেকটু তলাইয়া দেখিতে দেখিতে ভালদিকটাও চোখে পড়িতে আরম্ভ করিল। অষ্টম পত্রে নিজেই স্বীকার করিয়াছেন যে আগের চিঠিতে,

“কেবল একজোয়ার মেয়েদের একটা ভাগ দেখিয়েছিলুম মাত্র; তাঁরা হোচেন Fashionable মেয়ে। Fashionable মেয়ে ছাড়া বিলাতে আরো অনেক রকম মেয়ে আছে, নইলে বিলাতে সংসার চলত না।” (৩৮)

মধ্যবিত্ত গৃহস্থদের মেয়েরা ঘরকন্নার কাজ সমস্ত দেখেন, সংসার চালানোর ব্যবস্থা করেন।

“এখানকার মধ্যবিত্ত শ্রেণীর গিন্নিরা এই রকম শাদাশিঙ্গে, যদিও তাঁরা ভাল ক’রে লেখাপড়া শেখেননি, তবু তাঁরা অনেক বিষয় জানেন, এবং তাঁদের বুদ্ধি বখেপ্ত পরিষ্কার; এদেশে কথায় বার্তায় জ্ঞানলাভ করা যায়, তাঁরা অন্তঃপুরে বদ্ধ মন, বন্ধুবান্ধবদের সঙ্গে কথাবার্তা কন, আত্মীয়সতায় একটা কোনো বিষয় নিয়ে চর্চা হলে তাঁরা শোবেন ও নিজের বক্তব্য বোলতে পারেন।” (৩৯)

(৩৬) যুরোপ-প্রবাসীর পত্র—(২য় পত্র—২৬-২৭ পৃঃ) ভারতী ১২৮৬ আবার, ১১৯ পৃঃ।

(৩৭) ঐ (২য় পত্র, ২৮-২৯ পৃঃ) ভারতী ১২৮৬, আবার, ১২০ পৃঃ।

(৩৮) ঐ (৮ম পত্র, ৭৮, ১৭৪ পৃঃ) ভারতী, ১২৮৬, কার্তিক, ২১৬পৃঃ।

(৩৯) ঐ (৮ম পত্র, ১৭৮ পৃঃ) ভারতী, ১২৮৬, কার্তিক, ৩০১ পৃঃ।

স্বাধীনতা

“মেয়েদের সমাজ থেকে নির্বাসিত কোরে দিয়ে আমরা কতটা সুখ ও উন্নতি থেকে বঞ্চিত হই, তা বিলেতের সমাজে এলে বোঝা যায়। আমরা অনেক জিনিষ না দেখলে দূর থেকে কল্পনা কোর্তে পারিনে। এখানে বতুলি ভারতবর্ষীয় এয়েছেন, সর্বপ্রথমেই তাঁদের চোখে কি ঠেকেছে?—এখানকার সমাজের সুখ ও উন্নতি সাধনে মহিলাদিগের নিতান্ত প্রয়োজনীয় সহায়তা। যারা স্বাধীনতার বিরোধী ছিলেন, এখানে এসে নিশ্চয়ই তাঁদের মতের সম্পূর্ণ পরিবর্তন হোয়েছে।” (৪০)

দেশীয় সমাজ

কেবল স্বাধীনতা নহে, বিলাতে সামাজিক ব্যবস্থার মধ্যে সর্বত্রই যে স্বাধীনভাবে স্ফূর্তি দেখা যায় সে সম্বন্ধে রবীন্দ্রনাথ অনেক কথা লিখিয়াছিলেন। তিনি দেশীয় সমাজ সম্বন্ধে দুঃখ করিয়া বলিয়াছেন :—

“এই রকম ছেলে-বেলা থেকে শুরুত্বের অবসর হোয়ে একটি মুমূর্ষু জাতি তৈরি হোচে। ছেলে-বেলা থেকে বলের অক্ষ দাসত্ব কোরে আসচে সুতরাং বড় হোলে সে অবস্থা তার নতুন বা অকৃতি-জনক বোলে ঠেকে না, তার কাছে এ অবস্থা স্বাভাবিক হোয়ে গেছে। আজ্ঞা পালন কোরে কোরে তার এমন অবস্থা হোয়ে যায়, যে, আজ্ঞা কোরে বলেই তবে সে একটা কথা গ্রাহ করে, বুকিয়ে বোলতে গেলেই তবে বেকে ঝাঁড়ায়।” (৪১)

“আমরা ছেলেবেলা থেকে আমাদের গুরুলোকদের অজান্তবুদ্ধির উপর নির্ভর কোরচি, আমরা যেখানেই আমাদের নিজের মত খাটাতে গিয়েছি সেইথেনেই তাঁরা ছেলেমানুষ বোলে আমাদের চুপ করিয়ে দিয়েছেন, কিন্তু কখনো বুদ্ধি দিয়ে আমাদের মুখ বন্ধ করেননি। ছেলেমানুষের কাছে বুদ্ধি প্রয়োগ করা তাঁরা বুধা পরিশ্রম মনে করেন। আমাদের শাস্ত্রকারেরাও এককালে তাই মনে কোর্তেম, তাঁরা শ্রমসংক্ষেপ করবার জন্ত সত্যকথাগুলিও মিথ্যার আকারে প্রচার কোরেচেন, ও বুদ্ধির বদলে বিভীষিকা দেখিয়ে লোকের মনে বিশ্বাস জন্মিয়ে দিয়েছেন।.....বখন গুরু-লোকেরা আপনার ইচ্ছা ও সংস্কার, এমন কি কুসংস্কারের বিরোধী হোলো বলে ছোটর প্রত্যেক ইচ্ছা অবিচারে দলন না কোর্তেন, তখন অনেক উপকার হবে। আমাদের দেশের অশুভের মূল এখান থেকে অনেকটা পোষণ পাচে। এখানকার তুলনায় আমি সেইট ভাল কোরে বুঝতে পেরেচি।” (৪২)

সামাজিক স্বাধীনতা

রবীন্দ্রনাথ বিলাতের সমাজের কথা বলিয়াছেন :—

“এখানকার ছেলেদের একরকম স্বাধীন ও পৌরুষের ভাব দেখলে অবাধ হোয়ে যেতে হয়। তার প্রধান কারণ এখানকার গুরুলোকেরা তাদের প্রতিপদে বাধা দেন না, আর অনেকটা সমানভাবে রাখে।.....

(৪০) ঐ (৩ষ্ঠ পত্র, ১২৯ পৃঃ), ভারতী, ১২৮৬, অগ্রহায়ণ, ৩৫৮ পৃঃ।

(৪১) যুরোপ-প্রবাসীর পত্র (৯ম পত্র, ২০৪ পৃঃ) ভারতী ১২৮৬, পৌষ, ৪০০ পৃঃ।

(৪২) যুরোপ-প্রবাসী (৯ম পত্র, ২০৩ পৃঃ) ভারতী ১২৮৬, পৌষ, ৩৯৮ পৃঃ।

এমন স্বাধীনতাব বর্তমান যে, প্রভু-ভৃত্যের মধ্যে সে রকম আকাশ-পাতাল সম্পর্ক নেই। এখানে চাকরদের মধ্যে দাসত্বের ভাব যে কত কম, তা' হয় ত তুমি না দেখলে ভাল কোরে বুঝতে পারবে না।.....এখানকার পরিবারে স্বাধীনতা সূঁর্জমান, কেউ কাউকে প্রভুভাবে আজ্ঞা করে না, ও কাউকে অন্ধ আজ্ঞা পালন কোর্টে হয় না। এমন না হোলে একটা জাতির মধ্যে এত স্বাধীনতার কোথা থেকে আসবে? কিম্বা হয়ত আমি উল্টো বলছি, একটা জাতির হৃদয়ে স্বভাবতঃ এতটা স্বাধীনতা না থাকলে এমন কি কোরে হবে? যাদের হৃদয়ে স্বাধীনতা নেই, তারা যেমন অন্নানবদনে নিজের পলার দাসত্বের রজ্জু বাঁধতে পারে, একটু অবসর পেলেই পরের পলারও তেমনি অকাতরে দাসত্বের রজ্জু বাঁধতে ভালবাসে। আমাদের সমাজের আপাদমস্তক দাসত্বের শৃঙ্খলে বদ্ধ।” (৪৩)

দেশীয় ভাব

বিলাতের সামাজিক স্বাধীনতা সম্বন্ধে রবীন্দ্রনাথ যথেষ্ট উৎসাহ প্রকাশ করিয়াছিলেন, কিন্তু তাঁহার দেশীয় আচার ব্যবহার ও দেশীয় প্রথার প্রতি অমুরাগ কিছুমাত্র শিথিল হয় নাই। বিলাতে বাল্যকালেও তিনি বরাবর দেশী কাপড় পরিয়াছেন। এর জন্ত যথেষ্ট হাসি ঠাট্টা ও বিক্রপও সহ্য করিতে হইয়াছে।

“আমাদের দিশি কাপড় দেখে, রাস্তার এক এক জন সত্যি সত্যি হেসে উঠে, এক এক জন এত আশ্চর্য্য হয়ে যায় যে তাদের আর হাসবার ক্ষমতা থাকে না। কত লোক আমাদের জন্তে গাড়ি চাপা পড়তে পড়তে বেঁচে গিয়েছে, তারা আমাদের দিকে এত হাঁ কোরে চেয়ে থাকে যে পেছনে নাড়ি আসচে হ'স্ নেই। ...ইকুলের ছোকরা এক একজন আমাদের মুখের উপর হেসে উঠে, এক একজন চেঁচাতে থাকে—“Jack, look at the blackies!” কিন্তু আমি সেসব কিছুই গ্রাহ্য করি নি, আমার এক তিলও লজ্জা করে না।” (৪৫)

ইঙ্গ-বঙ্গ-সংবাদ

রবীন্দ্রনাথ সাহেবিমানাকে চিরদিনই ঘৃণা করিয়াছেন। বিলাতি চালচলন হাবভাবের নবল তিনি কোনোদিনই সহ্য করিতে পারেন নাই। যুরোপ প্রবাসীর পঞ্চম পত্রে ইঙ্গ-বঙ্গ-নামক অদ্ভুত নূতন জীবের বিস্তারিত বর্ণনা যখন করিয়াছিলেন তখন তাঁহার বয়স মাত্র সতেরো বৎসর।

“ইংরেজ ও আঙ্গলো-ইণ্ডিয়ান যেমন ছুই স্বতন্ত্র জাত, বাঙ্গালী ও ইঙ্গ-বঙ্গও তেমনি ছুই স্বতন্ত্র জীব। এইজন্ত ইঙ্গ-বঙ্গদের বিষয়ে তোমাদের যত নতুন ধর দিতে পার, এমন বিলেতের আর খুব কম জিনিষের উপর পারব।” এই ইঙ্গবঙ্গদের “দেশের আর কিছুই ভাল লাগে না, নানা প্রকার খুঁটিনাটি ধোরতে প্রবৃত্তি হয়। তার

পরে যখন বিবিদের সমাজে বিশৃঙ্খল আয়ত্ত করে, তখন দেশের উপর ঘৃণা বহুশূল হয়ে যায়।” (৪৬)

ইঙ্গ-বঙ্গ ভদ্ভতা

“ইঙ্গবঙ্গদের ভাল করে চিন্তে গেলে তাঁদের তিন রকম অবস্থার দেখতে হয়। তাঁরা ইংরেজদের হুমুখে কি রকম ব্যবহার করেন, বাঙ্গালীদের হুমুখে কি রকম ব্যবহার করেন ও তাঁদের খজাত ইঙ্গ-বঙ্গদের হুমুখে কি রকম ব্যবহার করেন। ...একটি ইঙ্গবঙ্গকে একজন ইংরেজের হুমুখে দেখ, তাঁকে দেখলে তোমার চোখ জুড়িয়ে যাবে। কেমন নম্র ও বিনীত ভাব! ভদ্ভতার ভাবে প্রতিকথার ঘাড় মুয়ে মুয়ে পোড়কে, মুহু ধীরে ধীরে কথাগুলি বেরোচ্ছে।... তাঁর প্রতি অসন্তোষ, প্রতি মুখের ভাবে বিনয়ের পরাকাষ্ঠা প্রকাশ হোতে থাকে। কিন্তু তাঁকেই আবার তাঁর স্বজাতিমণ্ডলে দেখ, দেখবে, তিনিই একজন মহা তেরিগা মেজাজের লোক।” (৪৭)

“...ব্যক্তি-বিশেষের জন্তে তিনি তাঁর ভদ্ভতার বিশেষ বিশেষ মাত্রা স্থির কোরে রেখেছেন। ইংলণ্ডে যারা জন্মেছে, তাদের জন্তে বড় চামচের এক চামচ,—ইংলণ্ডে যারা পাঁচ বৎসর আছে, তাদের জন্তে মাঝারী চামচের এক চামচ,—ও ইংলণ্ডে যারা মূলে যায় নি, তাদের জন্তে ফোঁটা দুই তিন ব্যবস্থা! ইংলণ্ডের সঙ্গে সম্পর্কের নানাধিক্য নিয়ে তাঁদের ভদ্ভতার মাত্রার নানাধিক্য হয়। তাঁদের মাপাজোকা ভদ্ভতার পায়ে গড় করি, তাঁদের Principle-এর পায়ে গড় করি।” (৪৮)

বিলাতি কুসংস্কার

“যে ইঙ্গ-বঙ্গগণ আমাদের দেশীয়-সমাজে নানাপ্রকার কুসংস্কার আছে বোলে নাসাকুক্তি করেন, বিলেত থেকে তাঁরা তাঁদের কোর্টের ও প্যাটলুনের পকেট পুরে রাশি রাশি কুসংস্কার নিয়ে যান। ...সে দিন এক জায়গায় আমাদের দেশের আঙ্গের কথা হোচ্ছিল, বাপ-মার মৃত্যুর পর আমরা হবিষ্যি করি, বেশভূষা করিনে, ইত্যাদি—ওনে একজন ইঙ্গ-বঙ্গ যুবক অধীরভাবে আমাকে বোলে উঠলেন, যে, “আপনি অবিষ্টি, মশায়, এসকল অমুষ্ঠান ভাল বলেন না।” আমি বল্লেম, “কেন নয়” মৃত আগ্রয়ের জন্ত শোক প্রকাশ করাতে আমি ত কোনো দোষ দেখিনে। ভিন্ন ভিন্ন দেশে শোক প্রকাশ করবার ভিন্ন ভিন্ন নিয়ম আছে। ইংরেজেরা কাল কাপড় পোরে শোক প্রকাশ করে বোলে শাদা কাপড় পোরে শোক প্রকাশ করা অসভ্যতার লক্ষণ মনে কোরো না; আমি দেখছি ইংরেজেরা যদি আঙ্গীয়ের মৃত্যু উপলক্ষে হবিষ্যায় খেত, আর আমাদের দেশের লোকেরা না খেত, তা হলে হবিষ্যায় খায় না বোলে আমাদের দেশের লোকের উপর তোমার বিগণতার ঘৃণা হোত ও মনে কোবতে হবিষ্যায় খায় না বোলেই আমাদের দেশের এই দুর্দশা, আর হবিষ্যায় খেতে আরস্ত কোর্লেই আমাদের দেশ উন্নতির চরম শিখরে উঠতে পারবে। এর চেয়ে কুসংস্কার আর কি হোতে পারে?” (৪৯)

“কুসংস্কার মানুষকে কতদূর অন্ধ কোরে তোলে, তা' বাঙ্গালার অশিক্ষিত কৃষীদের মধ্যে অনুসন্ধান করবার আবশ্যক করে না, ঘোরস্তর

(৪৬) যুরোপপ্রবাসী (৫ম পত্র, ৭৪ পৃঃ) ভারতী ১২৮৩, ভাদ্র, ২২২ পৃঃ।

(৪৭) যুরোপবাসী (৫ম পত্র, ৭৮-৮০ পৃঃ) ভারতী, ১২৮৩, আশ্বিন, ২৪২-২৫০ পৃঃ।

(৪৮) যুরোপপ্রবাসী (৫ম পত্র, ৮০ পৃঃ) ভারতী, ১২৮৩, আশ্বিন, ২৫০ পৃঃ।

(৪৯) ই (৫ম পত্র ৮৩ পৃঃ) ভারতী, ১২৮৩, আশ্বিন, ২৫১ পৃঃ।

• (৪৩) যুরোপ-প্রবাসী (২ম পত্র, ২০৩-২০৯ পৃঃ) ভারতী ১২৮৩, পৌষ, ৪০৪-৪০৯ পৃঃ।

(৪৫) যুরোপপ্রবাসীর পত্র (৩য় পত্র, ৫১ পৃঃ) ভারতী ১২৮৩ আশ্বিন, ১৩৭ পৃঃ।

সত্যতাভিমানী বিলিতি বাঙ্গালীদের মধ্যে তা দেখতে পাবে। হঠাৎ বিলেতের আলো লেগে তাঁদের চোক একেবারে অন্ধ হয়ে যায়। কিন্তু বিলেতের কি দেখে তাঁরা মুগ্ধ হয়ে পড়েন?...কেবল বাহু চাকটিক্য! এ বিষয়ে তাঁরা ঠিক বালকের মত! একখানি বই দেখলে তাঁরা তাঁর সোনার জলের চিত্র করা বীধান মলাট দেখে হাঁ করে থাকেন, তাঁর ভিতরে কি লেখা আছে, তাঁর বড় ধবর রাখেন না!” (৫০)

ইঙ্গ-বঙ্গ সাহেবিয়ানা

“আমি আগেই বলেছি বিলাতের কতকগুলি বাহ্যিক ছোটখাটো বিষয় বাঙ্গালীর চোখে পড়ে। তাঁরা যখন সাহেব হোতে যান, তখন সাহেবদের ছোটখাট আচার-গুলি নকল কোর্ডে যান।” (৫১)

“.....বাঙ্গালীরা ইংরেজদের কাছে যত আপনাদের দেশের লোকের ও আচার-ব্যবহারের নিন্দে করেন, এমন একজন যোর ভারতধেবী অ্যাংলো-ইণ্ডিয়ান করেন না। তিনি নিজে ইচ্ছে কোরে কথা পাড়েন ও ভারতবর্ষের নানা প্রকার কুসংস্কার প্রভৃতি নিরে প্রাণ খুলে পরিহাস করেন।.....তিনি বলেন, ভারতবর্ষীয়েরা অত্যন্ত অসত্য ও কুসংস্কারাচ্ছন্ন; তিনি ভারতবর্ষীয়দের ‘নেটব নেটব’ কোরে সম্বোধন করেন।.....সাহেব-সাজা বাঙ্গালীদের প্রতি পদে ভয়, পাছে তাঁরা বাঙ্গালী বোলে ধরা পড়েন।.....তাঁর মা-বাপেরা যে বাঙ্গালী ও সে হতভাগ্যেরা যে বাঙ্গালায় কথা বয় এতে তিনি নিতান্ত লজ্জিত আছেন। আহা! যদি টেম্‌সের জলে স্নান করলে রংটা বদলাতো, তবে কি সুবিধা হোত!” (৫২)

ইঙ্গ-বঙ্গ জাতীয় সঙ্গীত

রবীন্দ্রনাথ একটি ইঙ্গ-বঙ্গ জাতীয় সঙ্গীতের নমুনা দিয়াছেন:—

“মা এবার মলে সাহেব হব;

রাঙা চুলে ছাট বসিয়ে, পোড়া নেটব নাম ঘোচাব!

শাখা হাতে হাত দিয়ে মা বাগানে বেড়াতে যাব,

(আবার) কালো বদন দেখলে পরে ‘রাগি’ বোলে মুখ ফেরাব!” (৫৩)

আত্ম-সম্মান রক্ষা

“আমার নিতান্ত ইচ্ছা যে, ভবিষ্যতে যেসকল বাঙ্গালীরা বিলাতে আসবেন, তাঁরা যেন আমার এই পত্রটি পাঠ করেন। বাঙ্গালীদের নামে যথেষ্ট কলঙ্ক আছে, কিন্তু তাঁরা যেন সে কলঙ্ক আর না বাড়ান, তাঁরা যেন সে কলঙ্ক এ সাত-সমুদ্র-পারে আর রাষ্ট্র না করেন। জন্মে অবশিষ্ট শত শত নিন্দা স্নানি অপমান নতশিরে সহ্য কোরে আসুচি, এই দুই-দেশে এসে একটু মাথা তোলবার অবকাশ পাওয়া যায়, এখানকার লোকেরা আমাদের অনেকটা সমান ভাবে ব্যবহার করে বোলেই

আমাদের পদাঘাতলক্ষিত মন একটু বল পেয়ে আত্মনির্ভরতা বাধীনতা-প্রিয়তা প্রভৃতি অনেকগুলি পৌরুষিক গুণ শিক্ষা করবার সুবিধা পায়; কিন্তু এখানেও দলে দলে এসে তোমরা যদি হীন ও নীচ ব্যবহার কোরতে আরম্ভ কর, এখানকার লোকের মনেও বাঙ্গালীদের ওপর ঘৃণা জন্মিয়ে দেও, তা’ হলে এখানেও তোমাদের কপালে সেই উপেক্ষা, সেই নিদারুণ ঘৃণা আছে।.....বিলাতের কুহকগুলি আগে থাকতে তোমাদের চক্ষে ধোরলেম, যখন বিলাতে আসবে, তখন সাবধানে পদক্ষেপ কোরো। ইঙ্গ-বঙ্গদের দোষগুলিই আমি বিদ্রুত কোরে বর্ণনা কোরলেম, কেন না লোকে গুণের চেয়ে দোষগুলিই অতি শীঘ্র ও সহজে অনুকরণ করে।” (৫৪)

অ্যাংলো-ইণ্ডিয়ানদের স্বভাব

অ্যাংলো-ইণ্ডিয়ানদের সম্বন্ধে রবীন্দ্রনাথের মতামত পড়িলে বাল্যকাণ্ড হইতে তাঁহার আত্ম-সম্মান-বোধ কিরকম উজ্জ্বল ছিল তাহার পরিচয় পাওয়া যায়।

“আমাদের জাহাজে একটি আস্ত জন্মুল ছিলেন।...প্রত্যহ সকালে উঠেই শুনতে পেতেন তিনি ইংরিজি, ফ্রেঞ্চ, হিন্দুস্থানী প্রভৃতি যত ভাষা জানেন সমস্ত ভাষায় জাহাজের চাকর-বাকরদের অজস্র গাল দিতে আরম্ভ কোরেছেন, ও দশদিকে দাপাদাপি কোরে বেড়াচ্ছেন। তাঁকে কখনো হাসতে দেখি নি; কারো সঙ্গে কথা নেই বার্তা নেই; আপনার ক্যাবিনে গৌ হোয়ে বসে আছেন। কোন কোন দিন ডেকে বেড়াতে আসতেন, বেড়াতে বেড়াতে যার দিকে একবার কৃপা কটাক্ষে নেত্রপাত কবতেন, তাহে যেন পিপ্‌ড়াটির মত মনে কবতেন।.....তাঁর তালবুকের মত শরীর, কাঁটার মত গৌফ, সজারুর কাঁটার মত চুল, হাঁড়ির মত মুখ, মাছের চোকের মত ভাববিহীন ম্যাড্‌মেডে চোক, তাঁকে দেখলেই আমার গা কেমন কবত, আমি পাঁচ হাত তফাতে সোরে যেতাম।” (৫৫)

“.....জাহাজে ইংরেজদের সঙ্গে মেশা বড় হোয়ে উঠে না। সে সাহেবেরা তখন জাহাজে থাকেন, তাঁরা টাটকা ভারতবর্ষ খেবে আসুচেন, সেই ‘হজুর, ধর্ম্মাবতার’গণ কৃষ্ণবর্ণ দেখলে নাক তুলে, ঠোঁট ফুলিয়ে, ঘাড় বেকিয়ে চোলে যান, ও এই ঘোরতর তাচ্ছিল্যের স্পষ্ট লক্ষণগুলি সর্ব্বাস্থে প্রকাশ কোরে কৃষ্ণবর্ণের মনে দারুণ বিতীর্ণিকা সঞ্চার কোরেছেন জেনে মনে মনে পরম সন্তোষ উপভোগ করেন.....এখানকার গলিতে গলিতে যে ‘জন, জোঙ্গ, টমাস’গণ কিসুবিলা কোর্চে, যাদের মা, বাপ, বোনকে, একটা কসাই, একটা দরজী ও একজন কয়লাবিক্রেতা ছাড়া আর কেউ চেনে না, তাঁরা ভারতবর্ষে যে অঞ্চলে পদার্পণ করে, সে অঞ্চলে ঘরে ঘরে তাদের নাম রাষ্ট্র হোয়ে যায়, যে রাস্তায় তাঁরা চাবুক হস্তে ঘোড়ায় চড়ে যায় (হয়ত সে চাবুক কেবলমাত্র ঘোড়ার অস্ত্রই ব্যবহার হয় না) সে রাস্তায় লোক শশব্যস্ত হোয়ে তাদের পথ ছেড়ে দেয়, তাদের একটা ইঙ্গিতে ভারত বর্ষের এক-একটা রাজার সিংহাসন কেঁপে উঠে, এ রকম অবস্থায় সে ভেকদের পেট উত্তরোত্তর ফুলতে ফুলতে যে হস্তীর আকার ধারণ কোবে, আমি ত তাতে বিশেষ অস্বাভাবিক কিছু দেখতে পাইনে।

(৫০) যুরোপ-প্রবাসী (৫ম পত্র, ৮৫ পৃঃ) ভারতী ১২৮৬, আশ্বিন, ২৫২ পৃঃ।

(৫১) যুরোপ-প্রবাসী (৫ম পত্র, ৮২ পৃঃ) ভারতী ১২৮৬, আশ্বিন, ২৫৫ পৃঃ।

(৫২) যুরোপ-প্রবাসী, (৫ম পত্র, ৯২-৯৪) ভারতী ১২৮৬, আশ্বিন, ২৫৬।

(৫৩) যুরোপ-প্রবাসী, (৫ম পত্র, ৯৫) ভারতী ১২৮৬, আশ্বিন, ২৫৭ পৃঃ।

(৫৪) (৫ম পত্র, ১০৩ পৃঃ) ভারতী ১২৮৬, আশ্বিন, ২৬১ পৃঃ।

(৫৫) যুরোপ-প্রবাসী, (১ম পত্র, ১১ পৃঃ) ভারতী ১২৮৬, বৈশাখ, ৪৭ পৃঃ।

তারা রক্ত-মাংসের মানুষ বৈতন্য, যে দেশেই দেখে না কেন, কৃত্রিম যখনি মহানন্দ পাঠ, তখনি সে চোক রাঙিয়ে, বুক ফুলিয়ে মহেশ্বের একটা আড়ম্বর, আফালন করতে থাকে; এর অর্থ আর কিছু নয়, তারা মহেশ্বের শিক্ষা পায়নি।" (৫৬)

".....উদ্ধত, গর্বিত, বিকৃত, নীচ-সভাব অ্যাংগ্লো-ইণ্ডিয়ানরা আমাদের যে রকম নীচ নজরে দেখে, ...তাতে বিশেষ কি এল গেল? স্ত্রী পুত্র পরিবার সমেত লাঙ্গুল নাড়তে নাড়তে একটা গর্বি-স্বীত অ্যাংগ্লো-ইণ্ডিয়ানের পা চাটতে যাবার প্রয়োজন কি?" (৫৭)

রবীন্দ্রনাথ চিরদিনই এইরূপ অ্যাংগ্লো-ইণ্ডিয়ানদের নিকট হইতে সহস্র ভঙ্গ দূরে থাকিবার পরামর্শ দিয়াছেন।

ভদ্র ইংরেজ •

কিন্তু এসব সত্ত্বেও তিনি কখনো মনে করেন নাই যে ইংরেজ মাত্রই অভদ্র :—

"মাঝে মাঝে ভদ্র ইংরেজ দেখতে পাবে, তাঁরা হয়ত তোমাকে নিতান্ত সম্মানিত দেখে তোমার সঙ্গে মিশতে চেষ্টা কোরবে, জানবে তাঁরা যথার্থ ভদ্র, অর্থাৎ ভদ্র ও উচ্চ পরিবারের লোক, বংশাবলী-ক্রমে তাঁরা ভদ্রতার বীজ পেয়ে আসছেন, তাঁরা এখনকার কোনো অজ্ঞাতকুল থেকে অখ্যাত নাম নিয়ে ভারতবর্ষে গিয়ে হঠাৎ ফেঁপে ফুলে ফেটে আট-খানা হোয়ে পড়েন নি।" (৫৮)

"ভদ্র ইংরেজদের দেখ, তাঁদের কি হৃদয় মন! মাঝে মাঝে এক একটা ভদ্র সাহেবকে দেখা যায়, তাঁরা অ্যাংগ্লো-ইণ্ডিয়ানদের ঘোরতর সংক্রামকরোগের মধ্যে থেকেও বিশুদ্ধ থাকেন, অপ্রতিহত প্রভুত্ব ও ক্ষমতা পেয়েও উদ্ধত গর্বিত হয়ে উঠেন না। সমাজ-শৃঙ্খল ছিন্ন হয়ে, সহস্র সহস্র সেবকের দ্বারা বেষ্টিত হোয়ে ভারতবর্ষে থাকা, উন্নত ও ভদ্র মনের এক অগ্নিপরীক্ষা।" (৫৯)

বিলাতের ছাত্র

রবীন্দ্রনাথ বিলাতে গিয়া লাইটনে একটি পাব্লিক স্কুলে ভর্তি হইয়াছিলেন। •সহপাঠী ছাত্রদের সম্বন্ধে তিনি লিখিয়াছেন—

"লাইটনের এই স্কুলের একটা জিনিষ লক্ষ্য করিয়া আমি বিস্মিত হইয়াছিলাম—ছাত্রেরা আমার সঙ্গে কিছুমাত্র রূঢ় ব্যবহার করে নাই। অনেক সময়ে তাহারা আমার পকেটের মধ্যে কমলালেবু আপেল প্রভৃতি ফল গুঁজিয়া দিয়া পলাইয়া গিয়াছে। আমি বিদেশী বলিয়াই আমার প্রতি তাহাদের এইরূপ আচরণ ইহাই আমার বিশ্বাস।" (৬০)

(৫৬) যুরোপ-প্রবাসী, (৫ম পত্র, ৬৭-৬৮ পৃঃ) ভারতী ১২৮৬ ভাগ, ২১৯ পৃঃ।

(৫৭) যুরোপ-প্রবাসী, (১০ম পত্র, ২৩৩ পৃঃ) ভারতী ১২৮৭, বৈশাখ, ৩৬-৩৭ পৃঃ।

(৫৮) ঐ, (৫ম পত্র, ৬৭ পৃঃ) ভারতী ১২৮৬ ভাগ, ২১৯ পৃঃ।

(৫৯) যুরোপ-প্রবাসী (৫ম পত্র, ৬৮ পৃঃ) ভারতী ১২৮৬, ভাগ, ২১৯ পৃঃ।

(৬০) জীবন-স্মৃতি,—প্রবাসী, ১৩১৮, চৈত্র, ৫৩৫ পৃঃ।

বিলাতের শিক্ষক

"একজন আমাকে ল্যাটিন শিখাইতে আসিতেন। লোক অত্যন্ত যোগা—গায়ের কাপড় জীর্ণপ্রায়—শীতকালের নগ্ন পা জুতার মতই তিনি যেন আপনাকে শীতের হাত হইতে রক্ষা করিতে পারিতেন না। ...তিনি যে আপন বয়সের চেয়ে বৃহৎ হইয়া গিয়াছেন তাহা তাঁহাকে দেখিলেই বুঝা যায়। ...একটা মত তাঁহাকে পাইয়া বসিয়াছিল। তিনি বলিতেন পৃথিবীতে এ একটা যুগে একই সময়ে ভিন্ন ভিন্ন দেশের মানব সমাজে একই ভাবে আবির্ভাব হইয়া থাকে; অবশ্য সভ্যতার ভারতমাত্র অনুসারে সে ভাবের রূপান্তর ঘটয়া থাকে, কিন্তু হাওরাটা একই। পরস্পরে দেখাশোনা যে একই ভাব ছড়াইয়া পড়ে তাহা নহে, সেখানে দেখাশোনা নাই সেখানেও অস্তিত্ব হয় না। এই মতটিকে প্রমাণ করিবার জু তিন কেবলি তথ্য সংগ্রহ করিতেছেন ও লিখিতেছেন। এমনি করে অন্ন নাই, গায়ে বস্ত্র নাই। ...এক একদিন আমাকে পড়াইবার সময় তিনি যেন কথা খুঁজিয়া পাইতেন না, লজ্জিত হইয়া পড়িতেন ...সেদিন পড়ানোর পদে পদে বাধা ঘটত, চোপ হুটো কোন্ শুন্যে দিকে তাকাইয়া থাকিত, মনটাকে কোনো মতেই প্রথম পাঠা লাগি ব্যাকরণের মধ্যে টানিয়া আনিতে পারিতেন না। এই ভাবের ভাঙ ও লেখার দ্বারা অবনত অনশনক্রিষ্ট লোকটিকে দেখিলে আমার বড় বেদনা বোধ হইত। যদিও বেশ বুঝিয়াছিলাম ইহার দ্বারা আমা পড়ার সাহায্য প্রায় কিছুই হইবে না—তবুও কোনো মতেই ইহাতে বিদায় করিতে আমার মন সরিল না। যে করদিন সে বাসায় ছিলা এমনি করিয়া ল্যাটিন পড়িবার ছল করিয়াই কাটিল। বিদায় লইয়া সময় যখন তাঁহার বেতন চুকাইতে গেলাম তিনি করুণায় আমাকে কহিলেন—আমি কেবল তোমার সময় নষ্ট করিয়াছি, আমি ত কোনো কাজই করি নাই; আমি তোমার কাছ হইতে বেতন লইতে পারি না। আমি তাঁহাকে অনেক কষ্টে বেতন লইতে রাজি করিয়াছিলাম আমার সেই ল্যাটিনশিক্ষক বদ্বিচ তাঁহার মতকে আমার সমক্ষে প্রমাণসা উপস্থিত করেন নাই তবু তাঁহার সে কথা আমি এ পর্যন্ত অবিচা করি না। এখনো আমাব এই বিশ্বাস যে, সমস্ত মানুষের মনের সত্তে মনের একটি অখণ্ড গভীর যোগ আছে; তাহার এক-জায়গায় যে শক্তির ক্রিয়া ঘটে অস্ত্র গুচভাবে তাহা সংক্রামিত হইয়া থাকে।" (৬১)

বিলাতের গৃহিণী

"এবারে ডাক্তার স্কট নামে একজন ভদ্রগৃহস্থের ঘরে আমার আশ্রয় জুটিল। ...অতি অল্প দিনের মধ্যেই আমি ইহাদের ঘরের লোকে মত হইয়া গেলাম। মিসেস স্কট আমাকে আপন ছেলের মতই যত্ন করিতেন। তাহার মেয়েরা আমাকে যেরূপ মনের সঙ্গে যত্ন করিতেন তাহা আশ্রয়দের কাছ হইতেও পাওয়া দুস্কর। এই পরিবারে বাস করিয়া একটি জিনিষ আমি লক্ষ্য করিয়াছি—মানুষের প্রকৃতি সব জায়গাতেই সমান। আমরা বলিয়া থাকি এবং আমিও তাহা বিশ্বাস করিতাম যে আমাদের দেশে পতিভক্তির একটি বিশিষ্টতা আছে, যুরোপে তাহা নাই। কিন্তু আমাদের দেশের সাপ্তা গৃহিণীর সঙ্গে মিসেস স্কটের আমি ত বিশেষ পার্থক্য দেখি নাই। আমার সেবার তাহার সমস্ত মন ব্যাপ্ত ছিল। মধ্যবিত্ত গৃহস্থ্যে চাকরবাকরদের উপসর্গ নাই, প্রায় সব কাজই নিজের হাতে করতে হয়, এইজন্য আমার প্রত্যেক ছোটখাটো কাজটিও মিসেস স্কট নিজের হাতে করিতেন। ...গৃহস্থালীর সমস্ত কাজ সারিয়া সন্ধ্যার সময় আমাদের

(৬১) জীবন-স্মৃতি—প্রবাসী, ১৩১৮, চৈত্র, ৫৩৬ পৃঃ।

পড়াশুনা পান বাজনার তিনি সম্পূর্ণ বোণ দিভেন; অবকাশের কালে আমোদপ্রমোদকে জমাইয়া তোলা, সেটাও গৃহিণীর কর্তব্যেরই অঙ্গ। ...এইসময়ের মধ্যে একটি জিনিষ দেখিতে পাইতাম, সেটি স্বামীর প্রতি তাঁহার ভক্তি। তাঁহার সেই আত্মবিসর্জনপর মধুর নম্রতা স্মরণ করিয়া স্পষ্ট বুদ্ধিতে পারি স্ত্রীলোকের প্রেমের স্বাভাবিক চরম পরিণাম ভক্তি। যেখানে তাহাদের প্রেম আপন বিকাশে কোনো বাধা পায় নাই সেখানে তাহা আপনিই পূজার আসিয়া ঠেকে।” কিছুদিন পরে দেশে ফিরিবার সময় হইল। “বিদায় গ্রহণ কালে মিসেস স্কট আমার দুই হাত ধরিয়া কাদিয়া কহিলেন, এমন করিয়াই যদি চলিয়া যাইবে তবে এত অল্পদিনের জন্ত তুমি কেন এখানে আসিলে? —লগনে এই গৃহটি আর এখন নাই—এই ডাক্তার-পরিবারের কেহ বা পরলোকে, কেহ বা ইহলোকে কে কোথায় চলিয়া গিয়াছেন তাহার কোনো সংবাদই জানি না, কিন্তু সেই গৃহটি আমার মনের মধ্যে চির-প্রতিষ্ঠিত হইয়া আছে।” (৩২)

বিলাতের মানুষ

প্রথমবার বিলাতে অবস্থান কালের আরো দুই একটি ঘটনা উল্লেখযোগ্য।

“একবার শীতের সময় আমি...দেখিলাম একজন লোক রাত্তার ধারে ঝাঁড়াইয়া আছে; তাহার ছেঁড়া জুতার ভিতর দিয়া পা দেখা যাইতেছে, পায়ে মোজা নাই, বুকের খানিকটা খোলা। ভিক্ষা করা নিষিদ্ধ বলিয়া সে আমাকে কোন কথা বলিল না, কেবল মুহূর্তকালের জন্ত আমার মূখের দিকে তাকাইল। আমি তাহাকে যে মূদ্রা দিলাম তাহা তাহার গাঙ্গে প্রত্যাশার অস্তিত্ব ছিল। আমি কিছুদূর চলিয়া আসিলে সে তাড়াতাড়ি ছুটিয়া আসিয়া কহিল, মহাশয়, আপনি আমাকে ভ্রমক্রমে একটি স্বর্ণমূদ্রা দিয়াছেন—বলিয়া মূদ্রাটি আমাকে ফিরাইয়া দিতে উদ্বৃত্ত হইল। এই ঘটনাটি হয়ত আমার মনে থাকিত না, কিন্তু ইহার অনুরূপ আর-একটি ঘটনা ঘটিয়াছিল। বোধ করি টাক স্টেশনে প্রথমে যখন পৌঁছিলাম একজন মুটে আমার মোট লইয়া ঠিক গাড়িতে তুলিয়া দিল। টাকার খলি খুলিয়া পেনোজাতীয় কিছু পাইলাম না, একটি অর্ধ ক্রাউন ছিল সেইটিই তাহার হাতে দিয়া পাড়ি ছাড়িয়া দিলাম। কিছুক্ষণ পরে দেখি সেই মুটে গাড়ির পিছনে ছুটিতে ছুটিতে গাড়োরানকে পাড়ি থামাইতে বলিতেছে। আমি মনে ভাবিলাম, সে আমাকে নিষ্কোষ বিদেশী ঠাহরাইয়া আরো কিছু দাবি করিতে আসিতেছে। গাড়ি থামিলে সে আমাকে বলিল, আপনি বোধ করি পেনী মনে করিয়া আমাকে অর্ধক্রাউন দিয়াছেন।”

“যতদিন ইংলণ্ডে ছিলাম কেহ আমাকে বঞ্চনা করে নাই তাহা বলিতে পারি না। কিন্তু তাহা মনে করিয়া রাখিবার বিষয় নহে এবং তাহাকে বড় করিয়া দেখিলে অবিস্মরণ করা হইবে। আমার মনে এই কথাটা খুব লাগিয়াছে যে তাহারা নিজে বিশ্বাস নষ্ট করে না তাহারাই অন্তর্কণে বিশ্বাস করে। আমরা সম্পূর্ণ বিদেশী অপরিচিত, যখন খুসি কাঁকি দিয়া দৌড় মাগিতে পারি—তবু সেখানে দোকানে বাজারে কেহ আমাদের মনেহ করে নাই।” (৩৩)

রবীন্দ্রনাথ আঠারো বাৎসর বয়সে বিলাত হইতে ফিরিয়া আসিলেন।

বিলাত বাজার সার্থকতা

রবীন্দ্রনাথ অপেক্ষাকৃত অল্প বয়সেই বিলাত গিয়াছিলেন। অল্পবয়সের অভিজ্ঞতা মনের উপর যে রূপ দাগ রাখিয়া যায়, বেশি বয়সে যার সেরূপ ঘটে না। এইজন্ত প্রথম বারের বিলাত যাওয়ার কথা আমরা বিস্তৃতভাবে আলোচনা করিলাম।

রবীন্দ্রনাথ বিলাতি বাহ্য চাকচিক্যে আদৌ মুগ্ধ হন নাই, বরঞ্চ প্রথমে কতক পরিমাণে নিরাশ হইয়াছিলেন। বিলাতি আচার-ব্যবহারের প্রতি তাঁহার কিছুমাত্র অমুরাগ জন্মে নাই, এমন কি তিনি তাঁহার দেশী কাপড় পরিত্যাগ করিলেন না। বিলাতি চালচলনের নকল করা তিনি অন্তরের সহিত ঘৃণা করিতেন; ইঙ্গবঙ্গদের সাহেবিয়ানাকে জাতীয় চরিত্রের কলঙ্কস্বরূপ মনে করিয়া তিনি তাহার বিরুদ্ধে তীব্র প্রতিবাদ করিয়াছেন।

কিছুদিন বিলাতে অবস্থান করিবার পরে তিনি বুদ্ধিতে পারিলেন যে বিলাতের সামাজিক স্বাধীনতা একটি মূল্যবান জিনিষ। স্ত্রীস্বাধীনতার উপকারিতা বুদ্ধিতে পারিয়া দেশীয় সমাজে তাহা প্রচলন করিবার জন্ত উৎসাহ প্রকাশ করিলেন। দেশীয় সমাজের প্রতি প্রবল অমুরাগ সত্ত্বেও বিদেশী সমাজের মধ্যে যাহা শ্রেষ্ঠ তাহা গ্রহণ করিতে তিনি বাধা বোধ করেন নাই।

অ্যাংলো-ইণ্ডিয়ানদের উদ্ধৃত ব্যবহার তিনি সহ্য করিতে পারেন নাই, অভদ্র ইংরেজের গর্বিহ হাবভাব তাঁহার আত্ম-সম্মানবোধকে পীড়িত করিয়াছে, তিনি নিজে তাহাদের নিকটসম্পর্ক পর্যান্ত পরিত্যাগ করিয়াছিলেন এবং তাহাদের নিকট হইতে সহস্র হস্ত দূরে থাকিবার জন্ত বাঙ্গালী যুবকগণকে অনুরোধ করিলেন।

কিন্তু এসব সত্ত্বেও রবীন্দ্রনাথ ইংরেজবিদ্বেষী হইয়া উঠেন নাই। ভদ্র ইংরেজের মহত্ত্ব তিনি ভাল করিয়াই বুঝিয়া ছিলেন। দরিদ্র অনশনক্রিষ্ট অকালবৃদ্ধ ল্যাটিন-শিক্ষকের ভাব-পীড়িত করুণ মুখচ্ছবি, ব্রাইটনে সহপাঠীদের গোপন সহানুভূতি, জৌর্ণটীর তিক্ষুক ও সামান্ত মুটের সততা ও বিশ্বাসপরায়ণতা, আত্মবিসর্জনতৎপর পতিব্রতা মিসেস স্কটের নম্র মাধুর্য্য ও স্নেহ বাৎসল্য রবীন্দ্রনাথের মনে চিরস্মরণীয় হইয়া রহিল। রবীন্দ্রনাথ হৃদয়ের যোগাযোগের দ্বারা, এবং

(৩২) জীবন-স্মৃতি,—প্রবাসী, ১৩১৮, চৈত্র, ৫৩৭ পৃঃ।

(৩৩) জীবন-স্মৃতি—প্রবাসী, ১৩১৮, চৈত্র, ৫৩৮ পৃঃ।

ব্যক্তিগত সম্বন্ধের মাধ্যমে দ্বারা বিলাতি সভ্যতার মহত্ব ও ঔদার্য্য গভীর ভাবে উপলব্ধি করিতে পারিলেন—ইহাই বিলাতগমনের সর্বপ্রধান সার্থকতা। রবীন্দ্রনাথ বুঝিলেন যে মানুষের প্রকৃতি সব জায়গায়ই সমান, তাঁহার মনে বিশ্বাস জন্মিল যে সমস্ত মানুষের মনের সঙ্গে মনের একটি অখণ্ড গভীর যোগ আছে। ইংলণ্ডে না গেলে অত অল্প বয়সে একথা তিনি এমন করিয়া বুঝিতে পারিতেন কি না সন্দেহ।

যুরোপের উপকরণবাহুল্য ও কর্মব্যবস্থার জটিলতা

অল্প বয়সের আর একটি কথা বিশেষ ভাবে লক্ষ্য করিবার যোগ্য। যুরোপে পৌঁছিয়াই সেখানকার উপকরণ-বাহুল্য ও কর্মব্যবস্থার জটিলতা রবীন্দ্রনাথের চোখে পড়িল।

“সকালবেলায় প্যারিসে গিয়ে পৌঁছিলেম। কি জম্‌কালো সहर! সেই অভভেদী প্রাসাদের অরণ্যের মধ্যে গিয়ে পৌড়লে অভভূত হোয়ে যেতে হয়। মনে হয় প্যারিসে বুঝি পরিব লোক নেই। আমার মনে হোলো, এই সাড়ে তিন হাত মানুষের জন্তে এমন প্রকাণ্ড জম্‌কালো বাড়িগুলোর কি আবশ্যক! একটা হোটেলে গেলেম, তার সমস্ত এমন প্রকাণ্ড কাণ্ড, যে, টিলে কাপড় পোরে যেমন সোয়ান্তি হয় না, সে হোটেলে থাকতে গেলেও আমার বোধ হয় তেমনি অসোয়ান্তি হয়। একটা ঘরের মধ্যে কোথায় মিশিয়ে যাই তার ঠিক নেই। স্বরণ-স্তম্ভ, উৎস, বাগান, প্রাসাদ, পাথরে-বাঁধানো রাস্তা, গাড়ি, ঘোড়া, জন-কোলাহল প্রভৃতি দেখে অবাক হয়ে যেতে হয়।” (৬৪)

যুরোপের এই উপকরণ-বাহুল্য তাঁহার মনকে চিরদিনই পীড়া দিয়াছে—আধুনিক কালের লেখার মধ্যে সর্বত্রই

(৬৪) যুরোপ-প্রবাসী, (১ম পত্র, ২৩ পৃঃ) ভারতী, ১২৮৬ জ্যৈষ্ঠ, ২২ পৃঃ।

তাঁহার পরিচয় পাওয়া যায়। সতেরো বৎসর বয়সে যুরোপে বাহ্যাদৃশ্যের বিড়ম্বনা তাঁহার দৃষ্টি এড়ায় নাই।

“ইংলণ্ডে এলে সকলের চেয়ে চোখে কি পড়ে জান, লোকে ব্যস্তভাব। রাস্তা দিয়ে যারা চলে তাদের মূক দেখে মজা আছে—বগলে ছাতি নিয়ে হুস্ হুস্ কোরে চোলেছে, পাশের লোকের উপ ক্রক্ষেপ নেই, মুখে ব্যস্তভাব প্রকাশ পাচ্ছে—সমস্ত তাদের ফাঁকি দিবে না পালায় এই তাদের আশংকা চেষ্টা। ইংলণ্ডে যে কত বোলায়ে আবে তার ঠিকানা নেই, সমস্ত লণ্ডনময় রোয়ায়ে—প্রতি পঁচাত্তরটি অস্ত্র এক একটা টেন যাচ্ছে। একটা রেলোয়ে-শেপনে গেলে দেখা যায় পাশাপাশি যে কতশত লাইন রোয়েছে তার ঠিক নেই। লণ্ডন খেবে ব্রাইটনে আসবার সময় দেখি, প্রতিমুহূর্তে—উপর দিয়ে একটা, নীচে দিয়ে একটা, পাশ দিয়ে একটা, এমন চারিদিক থেকে হুস্ হুস্ করে টেন ছুটেছে—সে টেনগুলোর চেহারা দেখলে আমার লণ্ডনের লোক মনে পড়ে—এদিক থেকে ওদিক থেকে মহা ব্যস্তভাবে হাঁসফাঁস করতে করতে চোলেছে, একভিগ সময় নষ্ট কোলে চলে না! দেশ ও এই এক রক্তি, নোড়ে চোড়ে বেড়াবার জায়গা নেই, ছুপা চোলেই ভয় হয় পাছে সমুদ্রে পিয়ে পড়ি, এখানে এত টেন যে কেন ভেবে পাইনে!” (৬৫)

বিলাত আসিবার পূর্বেই পনেরো-ষোল বৎসর বয়সে তিনি লিখিয়াছিলেন যে দারিদ্র্য দূর করা আবশ্যিক, কিন্তু অত্যধিক অর্থে বিপদের সম্ভাবনা আছে।

“অর্থ...ইংরেজদের কিছু অতিরিক্ত হইয়া পড়িয়াছে। অর্থ তোমার সহায়তা করে বটে, কিন্তু অতিরিক্ত হইলেই আবার জ্ঞানের শক্ততা-চরণ করে; বিলাস মনকে এমন নিস্তেজ করিয়া ফেলে যে জ্ঞানের শ্রমসাধ্য আলোচনার অক্ষম হইয়া পড়ে। ইংলণ্ডে বিলাস-শ্রোত বেকরূপ অপ্রতিহত প্রভাবে অগ্রসর হইতেছে, তাহাতে ইংলণ্ডের সভ্যতা যে শীঘ্র ভাঙ্গিয়া চূরিয়া যাইবে তাহার সম্ভাবনা দেখিতেছি।” (৬৬)

(৬৫) যুরোপ-প্রবাসী (২য় পত্র, ৩২ পৃঃ) ভারতী ১২৮৬, আষাঢ়, ১২১-১২২ পৃঃ।

(৬৬) “বাহ্যলীর আশা ও নৈরাশ্য”, ভারতী, ১২৮৫, বাষ, ৩০২ পৃঃ।

রাত্রির স্মৃতি

গত রজনীর কথা আজিকে প্রভাতে
অপরূপ স্মৃতিস্থখে অপূর্ব শোভাতে
কেবলি জাগিছে! যেন সবি গেছে মুছি—
ধরণী আকাশ নাই, শুধু জলে শুচি
রুচির চন্দ্রমাখনি—অভিসার-দ্বীপ
নীলাশ্বর-অঞ্চলেতে ঢাকা। লক্ষ নীপ
ছড়ানু কেশরভার পথে পথে, তার
সৌরভে পবন মাতে, অকুল পাথার

মুকুতার মালা গাঁপি দুই হাতে তুলি
চন্দ্রমা-গলায় আসে দিতে পরাইয়া।
অকস্মাৎ রহস্যের দ্বার বায় খুলি
নিম্নস্ত প্রেমের পুরে, পর্দা সরাইয়া
দুটি হিয়া মুগ্ধ সম তাঁদের আলোকে
চোখে চোখে চেয়ে রয় উদ্বেল পুলকে!

অজিতকুমার চক্রবর্তী



আনাতোল ফাঁস

এবংসৰ সাহিত্যে নোবেল পুরস্কাৰ পাইয়াছেন সুপ্রসিদ্ধ ফরাসী উপন্যাসিক আনাতোল ফাঁস। এই পুরস্কাৰ এতদিন পর্যন্ত ফাঁসেৰ ভাগ্যে ঘটে নাই বলিয়া ফরাসীজাতিৰ মনে একটা ক্ষোভ ছিল। ফাঁসেৰ ভাগ্যে তাহাৰ প্ৰাপ্য সম্মান চিৰদিনই কিছু বিলম্বে ঘটিল। তাহাৰ সাহিত্যসাধনা আৰম্ভ হয় অতি অল্পবয়সে, কিন্তু নিজৰ দেশেই তিনি প্ৰসিদ্ধি লাভ করেন পৰকাশোৰ্কে; যদিও তাহাৰ বহুপক্ষে সাংগ্ৰহিক বয়স্কৰে তাহাৰ বিখ্যাত উপন্যাস "সিল্ভেষ্টাৰ বনাৰ্ডেৰ অপৰাধ" প্ৰকাশিত হইয়াছিল, তথাপি তখন নানাকারণে ফাঁস লোকচিত্তহরণে সমর্থ হন নাই। তাহাৰ একটা প্ৰধান কাৰণ এই ছিল যে ফাঁস অনেককাল পর্যন্ত আপনাকে খুঁজিয়া পান নাই; নিজৰ মৌলিকতাকে প্ৰকাশ কৰিবলৈ সাহস না থাকাত প্ৰচলিত সাহিত্যেৰ ধাৰা অকৃত্যাবে অবলম্বন কৰিয়া সাহিত্য সৃষ্ণেৰ চেষ্টা পাউতেছিলেন। আপনাৰ পূৰ্ণপ্ৰকাশকে ব্যাহত কৰাতে তাহাৰ লেখা তেমন জোৰ অথবা সহজ না হইয়া জড় ও আড়ষ্ট হইতেছিল, যদিও তাহাৰ মধ্যেও যথেষ্ট পৰিমাণে প্ৰতিভাৰ পৰিচয় পাওয়া যাইত। কিন্তু যৌবনে ফাঁসেৰ যশেৰ সবচেয়ে বেশী অন্তৰায় ছিল সে সময়কাৰ ফরাসী সাহিত্যেৰ অভাবনীয় সম্পদ। ফরাসী সাহিত্যেৰ খৰ্ণ যুগে তিনি জন্মগ্ৰহণ কৰিয়াছিলেন বলিয়া লোকেৰ দৃষ্টি আকৰ্ষণ কৰা তাহাৰ পক্ষে বড় সহজসাধ্য ছিল না। তখন মোপাসাঁ, জোলা, দোদে গল্প রচনা বৰিতেছেন; বুৰ্জে ও ছইস্মা ধৰ্ম্মান্দোলনে মাতিয়া উঠেন নাই; ও জুল্ লেমেত্ৰ জাতীয় আন্দোলনেৰ নেতৃত্ব গ্ৰহণ করেন নাই; হাবিভিউ তখনও উপন্যাস রচনা জইয়াই আছেন, থিয়েটাৰেৰ আকৰ্ষণে মাতিয়া নাটক রচনাতে তখনও মনোনিবেশ করেন নাই। এতগুলি শক্তিশালী লেখক যখন উপন্যাসজগতে নূতন রস সৃষ্ণেৰ ব্যাপৃত, তখন একজন নবীন লেখকেৰ সেক্ষেত্ৰে প্ৰতিষ্ঠা লাভ কৰা দুৰূহ ব্যাপাৰ। তাই "সিল্ভেষ্টাৰ বনাৰ্ডেৰ অপৰাধ" বাহিৰ হইলে যে চকলতা দেখা গিয়াছিল তাহা বহুদিন স্থায়ী হয় নাই। কিন্তু ফাঁস ঐতিহাসিক ও সাহিত্যিক প্ৰবন্ধ, মনোজ্ঞ কবিতা, সুন্দৰ গল্প ক্ৰমাগত লিখিয়া ক্ৰমে ক্ৰমে নিজৰ প্ৰতিষ্ঠা কৰিতে লাগিলেন। প্ৰথম রচনাগুলিতে তিনি তৎকালীন ক্ৰটিৰ নিকট নিজৰ মৌলিকতাকে বলি দিয়া লক্ষপ্ৰতিষ্ঠ সাহিত্য-রথীদিগেৰ অগুৰণ কৰিয়াছিলেন। কিন্তু ধীৰে ধীৰে স্বীয় মৌলিকতা বিকশিত হইয়া উঠিতে লাগিল এবং প্ৰোটে ফাঁস আপনাকে খুঁজিয়া পাইলেন। সুহু ভৎসনা ও পৰিহাস (Irony) ফাঁসেৰ লিখন-শৈলীকে মনোৰম কৰিয়া গুলিয়াছে। এইপ্ৰকাৰ রচনাশৈলী এক বেনী ভিন্ন আৰ কাহাৰও মধ্যে দেখা যায় না। এইজন্য অনেকেই ইহাকে বেনীৰ শিষ্য ও উত্তৰাধিকাৰী বলিয়া বৰ্ণনা কৰিয়াছেন। ইহাৰ রচনাৰ আৰ-একটি গুণ এই যে সৰ্ব্বত্ৰই অতি তীক্ষ্ণ বুদ্ধিৰ পৰিচয় পাওয়া যায় কিন্তু এত বুদ্ধিৰ তীক্ষ্ণতা সৰ্ব্বত্ৰও রসেৰ হানি ঘটে নাই। ইহাৰ রচনাতে আদিবসেৰ বহুলতাও আছে, ইল্লি-য়ানুভূত রসসমূহেৰ কোনটাই বাদ যায় নাই। তবে ইল্লি-য়-



আনাতোল ফাঁস

তাড়নাৰ প্ৰবল বিকোভ বা ভাবেৰ উগ্ৰতা কোথাও বিশেষ ভাবে দেখা দেয় নাই। তাহাৰ প্ৰেম বেশ পৰিষ্কাৰ বৰবৰে। সবটাই যেন বাছা, সবটাই যেন বিলাসেৰ সামগ্ৰী। সজীব সতেজ সৃষ্টি অপেক্ষা তাহাৰ লেখনীতে সুন্দৰ কল্পকলা ও মনোজৰ্ণনে

গড়া চারু সাহিত্যের বিকাশই বেশী পাওয়া যায়। তাঁহার ভাবপ্রবণতা হইতে কল্পনা অধিক; সেইজন্য তাঁহার কল্পিত চরিত্রে স্বাভাবিক পরিণতিকে বাধা দিয়া ফাঁসের নিজের মূর্তিটাই প্রকাশ পাইয়া উঠিয়াছে। ফাঁস তাঁহার সমস্ত লেখার মধ্যেই আপনাকে প্রকাশ করিলেও নিজেকে জগৎ হইতে বিচ্ছিন্ন করিয়া দেখিয়াছেন। সকলের সহিত সমবেদনায় এক না হইয়া এই পৃথিবীর সমস্ত দ্বন্দ্ব-কোলাহল উত্থান-পতন দূর হইতে দেখিতেছেন এবং রণক্রান্ত মানুষের দুর্বলতাকে উপহাসের হাসি দিয়া তিরস্কার করিতেছেন। কিন্তু প্রোড় ফাঁসের চিন্তার ধারার পরিবর্তন হইয়াছে। ফাঁস আর এরূপ বিচ্ছিন্ন হইয়া থাকিতে পারেন নাই। নিপীড়িতদিগের পক্ষ হইয়া তাঁহাকে অস্ত্র ধরিতে হইয়াছিল। এতদিন যাহাকে ঠাট্টা বিদ্রূপ করিয়া আসিয়া ছিলেন, তাহাকেই তিনি জীবনের শেষ বলিয়া বরণ করিয়া লইলেন। জনসাধারণের সহজ জ্ঞান, মতাদিক্যের মধ্যে দৃষ্টান্তের স্বপ্রকাশ এবং বিশ্বের ক্রমোন্নতিতে তিনি আস্থাবান হইয়া উঠিলেন, তাই ফাঁস জনসাধারণের সংঘবদ্ধ শক্তি দেখিয়া ভীত হন না। তিনি বলেন যে, কাহারও প্রভুত্ব যদি মানিতে হয় তবে গণপ্রাধিকার মানাই শ্রেয়। মানুষ এপর্যন্ত যে-সকল শক্তির নিকট বশুতা স্বীকার করিয়াছে তাহাদের সকল হইতে গণতন্ত্রের প্রাধিকারকে ফাঁস বেশী শ্রদ্ধা করেন। অবশ্য সেইজন্য একথা তিনি বলেন না যে গণতন্ত্রের মধ্যেই বুদ্ধি বা জ্ঞানের শ্রেষ্ঠ বিকাশ দেখা যায়। কিন্তু জনসাধারণ অতিশয় সাবধানী, তাহাদের এই সাবধানতা তাহাদিগকে খেয়াল-চরিতা হইতে রক্ষা করে। সেইজন্য গণতন্ত্রকে ভয় পাইবার কিছু নাই। কিছুদিনের জন্ত হয় তো জনসাধারণ প্রমত্ত হইতে পারে, অন্তায় আচরণ করিতে পারে, কিন্তু পরিশেষে শুভবুদ্ধির জয় হইবেই হইবে। যেখানে মানুষ সংঘবদ্ধ হইয়া কাজ করে সেখানে শুভ-বুদ্ধি পরিশেষে জয়লাভ করিবেই করিবে। এই বিশ্বাস হইতেই ফাঁস জনসাধারণের পক্ষ হইয়া ফাঁসের রাষ্ট্রীয়দের সহিত দ্বন্দ্ব-যুদ্ধে অবতরণ করিয়াছেন।

ইতিহাস সম্বন্ধে ফাঁসের ধারণাও বেশ নূতন। ইনি ইতিহাসকে বিজ্ঞান বলিয়া স্বীকার করেন না এবং বৈজ্ঞানিক শ্রণালী অবলম্বন করা ইতিহাসের পক্ষে সম্ভব মনে করেন না। ইহার মতে অতীতের ঘটনার স্বরূপকে প্রকাশ করাই ইতিহাস। কিন্তু ঐতিহাসিক ঘটনা বলি কাহাকে? একটা স্মরণীয় বা উল্লেখযোগ্য ঘটনাকেই ঐতিহাসিক ঘটনা বলা যায়। কিন্তু একটা ঘটনা যে স্মরণীয় বা উল্লেখযোগ্য তাহা স্থির হয় কিরূপে? ঐতিহাসিকগণ আপনাদের অতিক্রমিত অনুসারেই তাহা স্থির করেন। তাহা ছাড়া একটা ঘটনার অন্তরালে নানা বৈচিত্র্যময় ব্যাপার থাকে এবং তাহা এত বিভিন্ন বস্তু ও চিন্তার সংমিশ্রণের ফলে সম্ভাবনীয় হয় যে তাহার প্রত্যেকটিকে পাওয়া ও প্রকাশ করা মানুষের সাধ্যাতীত। অতএব ঐতিহাসিক আপনার মনের দর্পণে যাহা ধরিয়াছেন তাহাকেই প্রকাশ করেন। কাজেকাজেই প্রকৃত ঘটনার অনেকটাই কাটিয়া বাদ ছাঁট পড়িয়া যায়। প্রকৃতপক্ষে নিজের মনের সৃষ্টি-প্রেরণাই ঐতিহাসিককে অতীতের আবরণের মধ্যে নব সৃজনে নিয়োজিত করে। ইতিহাস ঐতিহাসিকের সৃষ্ট এক নূতন সামগ্রী।

ফাঁস ১৮৪৪ খৃষ্টাব্দে ১৬ই এপ্রিল পারী সহরে এক পুস্তকালয়ে জন্মগ্রহণ করেন। ইহার পিতা দরিদ্র পুস্তকব্যবসায়ী ছিলেন। এই পুস্তকালয়ে বহু সাহিত্যিক সমবেত হইয়া সাহিত্যালোচনা করিতেন ও বালক ফাঁস তাহা শুনিবার সুযোগ পাইতেন। এই ছোট পুস্তকালয় এবং পারীর রাস্তাগুলি ফাঁসের শিক্ষাশালা। ফাঁসের পূর্বে কেবল সাহিত্যবীর কালে জন্মগ্রহণ করিয়াছিলেন, তাহাদের

কেহ বড় একটা সহরে ছিলেন না এবং প্রায় সকলেই পল্লীতে জন্ম-গ্রহণ করিয়াছিলেন। ফাঁস পারীতে জন্মগ্রহণ করিয়া পারীতে পরিবর্তিত হন বলিয়া পারীর পরিচয় তাঁহার লেখায় বড় একটা পাওয়া যায় না, বরং পারীর সহরে সম্ভ্রাতা তাঁহার লেখার সর্বত্রই উঁকি মারিতেছে। আনাতোল ফাঁস তাঁহার ছদ্মনাম, তাঁহার আসল নাম জাক্ আনাতোল্ তিবোল্ট্; দেশপ্রীতি হইতে তিনি দেশের নাম গ্রহণ করেন।

শ্রীপ্রভাতচন্দ্র গঙ্গোপাধ্যায়।

রুস সাহিত্যিক ডট্টইভেস্কি

বিগত ৩০শে অক্টোবর রাশিয়ার প্রায় সর্বত্রই বিখ্যাত রুস ঔপন্যাসিক ডট্টইভেস্কির শতবার্ষিক জন্মোৎসব মহা সমারোহের সহিত সম্পন্ন হইয়াছে। বোল্শেভিক রাষ্ট্রীয়মণ্ডল এতদুপলক্ষে ডট্টইভেস্কির একটি মূর্তি স্থাপন করিয়াছেন। বোল্শেভিকদিগের সম্বন্ধে যে-সকল অপবাদ আমরা শুনিয়াছি তাহার মধ্যে একটি প্রধান কলঙ্ক এই যে ইহার সাহিত্য ও কলাচর্চার প্রসারে কোনও প্রকার সাহায্য করিতে পরাজয়। কিন্তু রাশিয়ার জাতীয় সাহিত্যের প্রধান পুরোধিতের প্রতি এই সম্মান প্রদর্শন হইতেই এই জনরবের অসারতা স্পষ্টই প্রতীয়মান হয়। জারের অত্যাচার ও নিহিলিষ্টদের ভীষণ প্রতিহিংসার অতিরঞ্জিত গল্প ভিন্ন রাশিয়ার আর সবটুকুই জগতের নিকট রহস্তাবৃত ছিল। টুর্গেনিভ, টলষ্টয় ও ডট্টইভেস্কির লেখনী রাশিয়ার প্রাণের স্পন্দনের পরিচয় দিয়া জগৎবাসীকে চমৎকৃত করিয়াছিল।

টুর্গেনিভের কিন্তু জাতীয় জীবনের প্রতি বড় একটা শ্রদ্ধা ছিল না। জার্মান সভ্যতার মোহে মুগ্ধ হইয়া টুর্গেনিভ রাশিয়ার বাহা কিছু তাহার প্রতি অশ্রদ্ধাই প্রকাশ করিতে লাগিলেন। এমন কি তিনি স্পষ্টই বলিতেন যে একটা প্রবল ভূমিকম্প যদি রাশিয়ার সবটাই ধ্বংস হইয়া যায় তাহা হইলেও জগতের কোনও ক্ষতি হইবে না। স্বদেশপ্রেমিক ডট্টইভেস্কির প্রাণে টুর্গেনিভের রাশিয়ার প্রতি এই অবজ্ঞা বড়ই বাজিয়াছিল। তিনি টুর্গেনিভকে এইজন্য বিশেষ তিরস্কার ও বিদ্রূপ করেন। নবপ্রকাশিত ডট্টইভেস্কির পত্রাবলীর মধ্যে প্রকাশিত বন্ধু মাইকভকে লিখিত একটি পত্রে ডট্টইভেস্কি বলিতেছেন, "আমি যেক্রম তীব্র বিদ্বেষের সহিত টুর্গেনিভ সম্বন্ধে আলোচনা করি এবং টুর্গেনিভ এবং আমি পরস্পরকে যেক্রমভাবে অপমানিত করিয়াছি তাহা আপনার নিকট প্রতিকর না হইবারই সম্ভাবনা। কিন্তু তগবানের দোহাই, আমি অশ্রুক্রম ব্যবহার করিতে সম্পূর্ণ অপারগ। তাঁহার অদ্বুত মতামত আমাকে গভীরভাবে আহত করিয়াছে। লোকের সহিত তাঁহার উদ্ধত ব্যবহার যদিও কাহারও নিকট প্রতিকর নয় তথাপি সেইসব ব্যক্তিগত কারণে আমি বিরক্ত হই নাই, সৈ-স্তুলিকে বরং উপেক্ষা করা যায়, কিন্তু যে শক্তিশালী স্বদেশদ্রোহী ইচ্ছা করিলেই দেশের যথেষ্ট মঙ্গলসাধন করিতে পারিত তাহার মুখে রাশিয়ার অন্তায় নিন্দা চূপ করিয়া শোনা আমার পক্ষে অসম্ভব। টুর্গেনিভ যে ভাবে রাশিয়ার মানি প্রচার করেন তাহা আমি বরদাস্ত করিতে পারি না। তাঁহার রাশিয়ার প্রতি ঘৃণা ও কুকুরের স্থায় জার্মানীর পিছনে লাজমাড়া আমি চারিবৎসর লক্ষ্য করিতেছি। কিন্তু "ঘোঁয়া" নামক পুস্তকের অনাদর হওয়ার পর হইতে টুর্গেনিভের রাশিয়ার প্রতি যে ক্রোধ তাহার মূলে তাঁহার আশ্রয়িতাই। রাশিয়া যে তাঁহার প্রতিভায় মুগ্ধ হইয়া তাঁহাকে সম্মান দেখায় নাই তাই তাঁহার এই বিক্ষোভ। সেইজন্যই এটা আরও স্থণার যোগ্য।"

বাস্তবিকই ডষ্টইভেন্সির সমস্ত প্রাণটা তাঁহার দেশের জন্ত কাঁদিত। দেশকে তিনি ভালবাসিতেন বলিয়া রাশিয়ার সকল লোকই তাঁহার প্রিয় ছিল। তিনি নিজেই বলিতেছেন—“আমি প্রত্যেক রাশিয়ানকে আমার এমনই অন্তরতমভাবে পাই যে আমি রাশিয়ান অপরাধীদেরও ভয় পাই না। তাহারাও তো রাশিয়ান, তাহারাও তো আমার ভাই—আমার দুর্দশাগ্রস্ত ভাই। আমি কত সময় খুনি আসামী এবং চোর-ডাকাতির প্রাণে সুপ্রমহাপ্রাণতার পরিচয় লাভ করিবার মহাআনন্দ উপভোগ করিয়াছি। আমি রাশিয়ান বলিয়াই রাশিয়ানের অন্তঃস্থলে প্রবেশ করিয়া এই মহানু-ক্তবতার পরিচয় লাভ আমার ভাগ্যে ঘটিয়াছে। ঘটনাচক্রে আমাকেও করেছে হইয়া থাকিতে হইয়াছিল বলিয়া আমার এই বিশেষ সৌভাগ্য হইয়াছিল। আমি বিশেষভাবে অনুভব করি যে আমার অন্তরতম আয়া, আমার অপূরণাণু রাশিয়ার ভাবে অনুপ্রাণিত উদ্ভূত।” আরেকস্থলে তিনি তাঁহার বন্ধু মাইকেলকে বলিতেছেন—“আমি তোমার স্বজাতিপ্রীতির সম্পূর্ণ সমর্থন করি, সান্ত জাতির আত্মিক মুক্তির জন্ত তোমার চেষ্টা সফল হোক। আমাদের চির-পরীক্ষিত মাতৃভূমির সেই তো লক্ষ্য। হাঁ; আমি তোমার সহিত একবাক্যে বলিতেছি যে ইউরোপের শেষ আশ্রয় হইবে রাশিয়া! ইউরোপের মুক্তি, ইউরোপের শাস্তি, ইউরোপের জাগরণের জন্তই রাশিয়াকে প্রস্তুত হইতে হইবে। রাশিয়ার এই নিয়তি।” অপূর্ণ স্বদেশানুরাগে রঞ্জিত তাঁহার প্রাণ দারিদ্র্যনিপীড়িত অত্যাচার-অর্জিত রাশিয়ান কৃষাদিগের জন্ত ব্যাধ-স্তরা যে গান গাহিয়াছে তাহা জগতে অতুল। দীনদরিদ্র, অপরাধী ও বদমায়েস, সকলেরই জন্ত ডষ্টইভেন্সির অশ্রু কবিত। তিনি তাহাদের সুখ দুঃখ, নীচতা ও মহত্ব সকলকেই নিজের প্রাণের ব্যাধি রাঙ্গাইয়া জগতের কাছে প্রকাশ করিয়া রাশিয়ার লোকদিগকে জগতের কাছে অমর করিয়া তুলিয়াছেন।

আবার এইসব সুখদুঃখের পশ্চাতে এক মহান জীবন্ত আদর্শ ডষ্টইভেন্সির সমস্ত লেখনীকে মহীয়ান করিয়া তুলিয়াছে। যিশুর মহান ত্যাগ ইহাকে এমনইভাবে উদ্ভূত করিয়াছিল যে ইহার সকল লেখাতেই খুষ্টের বাণী বাজিয়া উঠিয়াছে। ভগবদ্ভিখাসী ছিলেন বলিয়া তিনি নিরীহরবাদীদিগকে সহ্য করিতে পারিতেন না। একটি পত্রে তিনি লিখিতেছেন, “টুর্গেনিভ আমার নিকট গর্ব করিয়া বলিলেন যে তিনি যোর নাস্তিক। হে ভগবান! আমরা যে দৈতবাদ হইতে আমাদের জাণকর্তা যিশুর পরিচয় লাভ করিয়াছি! মানবের একুশ একটি মহান আদর্শ যিশুজীবনে ফুটিয়া উঠিয়াছে যে তাহার ধারণা করিতে চেষ্টা করিলে ভক্তি প্রজ্ঞা সন্ত্রমে মাথা আপনি নত হইয়া যায়। এই মানবজীবনের শ্রেষ্ঠতম আদর্শ যে এই জীবনের মধ্যে। এবং এই জীবনের মধ্যদিয়াই যে অরূপের স্বরূপ স্বতঃ প্রকাশ লাভ করিয়াছে।”

বিখ্যাত রুশ ঔপন্যাসিক টলষ্টয় ইহার মৃত্যুর কয়েকদিন পরে বন্ধু ক্রাকভকে লিখিতেছেন—“ডষ্টইভেন্সির বলিবার ভঙ্গি যদিও খুব সুন্দর ছিল না কিন্তু বলিবার বিষয়টি সরল সহজ এবং ধৃষ্টবানীর স্থায় উদার মহান। ইহার পুস্তকাবলী সুন্দর, পড়িলে মনের প্রসার বাড়িয়া যায়। তীক্ষ্ণবুদ্ধি এবং সুন্দর রচনা দেখিলে আমার ঈর্ষা হয়, কিন্তু হৃদয়ের সরল অতিব্যঞ্জমাত্তোক্তক রচনা আমার প্রাণে আনন্দই আগাইয়া তুলে। এইজন্যই ইহার লেখা পড়িয়া ইহাকে আমি বন্ধুরূপেই জানিয়াছিলাম, যদিও ইহার সহিত আমার চাকুব পরিচয় ছিল না। আশা ছিল ইহার সহিত একদিন দেখা হইবে।

কিন্তু হঠাৎ ইহার মৃত্যুসংবাদে আমি স্তম্ভিত হইয়াছিলাম, ক্রমে চৈতন্যদরে বুঝিলাম তিনি আমার কত আপনায় জন ছিলেন। আমি কাঁদিয়া ফেলিয়াছিলাম—আজও কাঁদিতেছি।”

ডষ্টইভেন্সি ১৮২১ খৃষ্টাব্দের ৩০শে অক্টোবর মস্কো সহরে এক হাঁসপাতালে জন্মগ্রহণ করেন। ইহার পিতা মাইকেল ডষ্টইভেন্সি সেখানকার চিকিৎসক ছিলেন। ডষ্টইভেন্সি পূর্তবিজ্ঞা-শিক্ষা সমাপ্ত করিয়া সৈন্তবিভাগে কর্তব্য গ্রহণ করেন। ছাত্রাবস্থাতেই দুই-একটি ক্ষুদ্র ঐতিহাসিক নাটক রচনা করেন। তাহার পর ব্যালজ্যাক, জর্জ-সী প্রভৃতি বিখ্যাত ফরাসী ঔপন্যাসিকদিগের গ্রন্থাবলী তর্জমা করিয়া হাত পাকাইয়া লয়েন। ১৮৪৫ খৃষ্টাব্দে ইহার প্রথম উপন্যাস “গরিব লোক” প্রকাশিত হয়। ইহা পাঠকসমাজের নিকট খুব আদৃত হয়। বিখ্যাত রুস-কবি নেক্রাসভ ইহা পাঠ করিয়া এত মুগ্ধ হন যে রাত্রি দ্বিপ্রহরে ইহার পাঠ সমাপ্ত হইবামাত্র মনের আবেগে বন্ধু গ্রেগরিভিচকে সঙ্গে লইয়া ডষ্টইভেন্সির গৃহে উপস্থিত হইয়া তাঁহাদের গভীর তৃপ্তির কথা জানাইয়া শুভাশীর্বাদ জ্ঞাপন করেন। বিখ্যাত সমালোচক বাইলেন্স্কি উপযাচক হইয়া ইহার সহিত বন্ধুত্ব স্থাপন করেন।

ইহার পর ডষ্টইভেন্সি উপরি উপরি দশখানি পুস্তক প্রকাশ করিয়া রুস সাহিত্যজগতে এক অপূর্ণ চকলতার স্বপ্নন করেন। ১৮৪৯ খৃষ্টাব্দে বিপ্লববাদী দলের সহিত ঘনিষ্ঠতার জন্ত ডষ্টইভেন্সি ধৃত হইয়া প্রাণদণ্ডে দণ্ডিত হন। যখন তাঁহাকে বধমঞ্চে লইয়া হত্যা করিবার উত্তোষ প্রায় সম্পূর্ণ হইয়া আসিয়াছিল, তখন তিনি জারের কৃপায় প্রাণদণ্ড হইতে অব্যাহতি পান; কিন্তু যাবজ্জীবন সাইবিরিয়াতে অন্তরিত থাকিবার আদেশ লাভ করেন। সাইবিরিয়াতে করেদীদিগের সঙ্গে একত্রে বসবাস করিয়া মনুষ্য-জীবন সম্বন্ধে তাঁহার যে স্পষ্টদৃষ্টি হইয়াছিল তাহার ফল তাঁহার পরবর্তী উপন্যাসসমূহের চিত্রে চিত্রে বিদ্যমান। প্রায় দশ বৎসর পরে জার দ্বিতীয় আলেকজান্দারের অনুগ্রহে তিনি স্বদেশে প্রত্যাবর্তন করিবার অনুমতি পান। ১৮৬৩ খৃষ্টাব্দে তিনি মৃত্যুমুখে পতিত হন। ডষ্টইভেন্সি মৃত্যুর সময়ে গভীর ক্ষোভের সঙ্গে বলিয়াছেন যে তাঁহার বাহা বলিবার ছিল তাহা বলা হইল না।

তাঁহার প্রধান বক্তব্য বাহা তাহার তিনি সবে স্মরণ করিয়াছিলেন। “নির্বোধ” নামক পুস্তকের প্রতিপাদ্য বিষয় ছিল জীবনে যিশুত্ব লাভ। “Possessed” পুস্তকের প্রতিপাদ্য বিষয় ছিল জীবনে নিটসে দর্শনের প্রভাব বিস্তার। এক পুস্তকে ত্যাগের আদর্শ, অস্ত্রে ভোগের; কিন্তু ডষ্টইভেন্সি জানিতেন এই দুইটি পূর্ণজীবনের একএকটি ক্ষুদ্র অংশ মাত্র। এই দুইটি প্রবৃত্তির মূলশক্তি একই। মনের একটি নিভৃত অন্তস্থলে এমন এক শক্তি আছে যাহার প্রকাশ কখনও ত্যাগে হয়, কখনও বা ভোগে। কিন্তু ইহার শ্রেষ্ঠ প্রকাশ ত্যাগ ও ভোগের সামঞ্জস্যে। সেই সুসমঞ্জসিত ত্যাগ ও ভোগের মহান আদর্শকে মুক্তি দিবার প্রবল ইচ্ছা ডষ্টইভেন্সির প্রাণে সাহিত্যসাধনার প্রেরণারূপে বিরাজিত ছিল। এত বড় কঠিন সাধনার উত্তরসাধকরূপে তিনি ধও ধও প্রবৃত্তিগুলির মূর্তি আঁকিতেছিলেন। তাই ‘অপরাধ ও তাহার শাস্তি’ ‘নির্বোধ,’ ‘Possessed’ ও ‘কার্নানসভ ভাতৃবন্দ’ প্রভৃতি পুস্তকগুলি তাঁহার প্রকৃত প্রকাশ নহে। এইগুলির মধ্য দিয়াই ডষ্টইভেন্সি তাঁহার মহাব্যাজার আয়োজন করিতেছিলেন। কিন্তু মৃত্যু আসিয়া সব শেষ করিয়া দিল।

•
ঐপ্রভাতচন্দ্র গদোপাধ্যায়।

ঊনবিংশ শতকের বঙ্গসাহিত্য

শ্রীযুক্ত সুশীলকুমার দে মহাশয় ঊনবিংশ শতকের বঙ্গসাহিত্য * লিখিয়া প্রথমে গ্রিকিথ-স্মৃতির পারিতোষিক পাইয়াছিলেন, তাহার পর উক্ত একই প্রবন্ধের গৌরবে পুনরায় তিনি প্রেমচাঁদ রায়চাঁদ বৃত্তি লাভ করেন। আমাদের দেশের বিদ্যমানগুলোর পবেষণার এরূপ সমাদর হইতেছে ইহা কম সৌভাগ্যের বিষয় নয়। ইহার প্রবন্ধটি কলিকাতা বিশ্ববিদ্যালয় হইতে গ্রন্থাকারে প্রকাশিত হইয়াছে। তিনি বিশেষ যত্ন করিয়া পুস্তকখানি লিখিয়াছেন, ইহা পড়িয়া সকলের আনন্দ হইবারই কথা। আমরাও তাঁহার এই সাধু উদ্যোগের জন্ত আনন্দ প্রকাশ করিতেছি। তবে পুস্তকখানির মধ্যে কয়েকজন পণ্ডিতকে তাঁহারদের সামান্য কয়েকটা ভুলের জন্ত রীতিমত কটাক্ষ করা হইয়াছে। এমন কি ছাপার ভুলের জন্তও কেহ নিস্তার পান নাই। যিনি কাজ করেন তাঁহারই ভুল হয়। ভুল হয় না এমন লোক বিরল। আলোচ্য গ্রন্থকারের লেখাতেও নানারকমের ভুল ক্রটি বিচ্যুতি ঘটিয়াছে। তাঁহার গ্রন্থের ভ্রম-প্রমাদের কয়েকটি স্থান দেখাইয়া দিয়া বলিতে চাই যে, তিনি সেই ভ্রমগুলি ভবিষ্যৎ সংস্করণে সংশোধন করিয়া লইবেন।

সুশীল-বাবু এরূপ না করিলে অন্তর্ক্ষেত্রে ছোটখাট কথা লইয়া আলোচনা করিবার দরকার আমাদের না হইতেও পারিত। কিন্তু বর্তমান ক্ষেত্রে আমাদের এরূপ বিষয়ে হাত দিতে হইতেছে বলিয়া আমরা দুঃখিত। কাজেই P. R. S. বৃত্তিভুক্তের গ্রন্থখানির স্বরূপ সম্বন্ধে আমরা দুইচারিটি উদাহরণ পাঠকগণকে উপহার দিতে বাধ্য হইতেছি।

আলোচ্য গ্রন্থের ৪ পৃষ্ঠায় দেখিতে পাই—“From 1800, the year of the foundation of the Hindu College and the formation of the Srirampur Mission, to 1825, the year of the publication of the last volume of Carey's Dictionary and the laying of the foundation stone of the Hindu College”।

এই লেখা হইতে ধরিতে পারা যায় যে, লেখক দুইটি বিষয়ের তারিখের পরিচয় দিয়াছেন। কেরির অভিধানের শেষখণ্ড ১৮২৫ খৃঃ বাহির হয়। বেশ কথা। কিন্তু হিন্দু-কলেজের ভিত্তি-স্থাপন যে ষষ্ঠার্ধই ১৮২৫ খৃঃ হইয়াছিল তাহার প্রমাণ কোথায়? পাদটীকায় কোন প্রমাণের উল্লেখ নাই। আমরা হিন্দু-কলেজের আসল (হস্ত-লিখিত) কার্যবিবরণ হইতে জানি যে ১৮২৪ সালের ২৫এ ফেব্রুয়ারি হিন্দু-কলেজের ভিত্তি স্থাপিত হয়। কার্যবিবরণের পাণ্ডুলিপি দেখিতে হইলে একটু পরিশ্রম স্বীকার করিতে হয়। তাহা না করিয়াও তিনি তাঁহার Bibliographyতে উল্লিখিত পাত্রে লণ্ডনের “Hand Book of Bengal Missions”এর ৪৭৫ পৃষ্ঠা খুলিলে দেখিতে পাইতেন—“The foundation stone of this edifice was laid on the 25th of February 1824.”

তারপর অনেক ঐতিহাসিক আগুড়ম-বাগুড়ম আছে, তাহার কথা ছাড়িয়া দিয়া ৭৮ পৃষ্ঠায় দেখিতে পাই, ১৭৭২ খৃষ্টাব্দের কাছাকাছি

হাল্হেড সাহেব বাঙ্গালার আসেন ও বাঙ্গালা ভাষা শিক্ষা করিতে থাকেন। ১৭৭২ খৃষ্টাব্দের কাছাকাছি নয়, ১৭৭২ খৃষ্টাব্দেই আসেন। সুশীলবাবু একটু অসুস্থকান করিলে দেখিতে পাইতেন যে হাল্হেড সাহেব ১৭৭৬ খৃষ্টাব্দে বাঙ্গালা শিখিতে আরম্ভ করেন। ১৮১৮ খৃষ্টাব্দের “Friend of India” ৬১ পৃষ্ঠা দ্রষ্টব্য। তারপর হাল্হেডের জীবনবৃত্তান্তটি তিনি “Dictionary of National Biography” হইতে নিছক আশ্রয়সাৎ করিয়া ফুটনোটে পাণ্ডিত্য প্রকাশ করিয়া লিখিয়াছেন—“For further particulars see *Asiatic Journal*, 1830” ইত্যাদি ১১খানি গ্রন্থ। ইহার মধ্যে Dictionary of National Biographyও বসাইয়াছেন। আর মজাটুকু এই যে, ঐ এগারখানি গ্রন্থের মধ্যে “World” প্রভৃতি অধিকাংশ বইএর নাম Dictionary of National Biographyতে উল্লিখিত আছে। “World” এদেশে পাওয়া যায় না, অথচ তাহার নাম রহিল; কিন্তু এদেশের Calcutta Review পত্র প্রকাশিত প্রবন্ধের নাম হইল না।

১১৩ পৃষ্ঠায় *Primitia Orientales* হইতে James Hunterএর একটি thesis তুলিয়াছেন। Calcutta Review, Vol. XIIIতে ইহারই কিয়দংশ উদ্ধৃত হইয়াছে। শিবরতন মিত্র মহাশয়ও এইটি উদ্ধৃত করিয়াছেন। এটি সুশীলবাবুর মৌলিক অসুস্থকান নয়। *Primitia Orientales*-এ টড্ সাহেবের একটি thesis আছে। সেটির নাম উল্লেখ করা উচিত ছিল।

১৩০ পৃষ্ঠায় সুশীল-বাবু Fort William College হইতে ১৮০০ হইতে ১৮২৫ পর্যন্ত প্রকাশিত গ্রন্থের একটি তালিকা দিয়াছেন। ফুটনোটে এই তালিকার পুস্তক সম্বন্ধে বেশ সূক্ষ্মবিবরণ আছে। কিন্তু দুঃখের বিষয় তালিকার ভূমিকাটি বেখান হইতে লইয়াছেন তাহার নামগন্ধ নাই। Calcutta Reviewএর ১৩শ খণ্ডের ১৩৮ পৃষ্ঠায় যাহা আছে সুশীল-বাবু একেবারে প্রায় ভাষাসমেত তাহা গ্রহণ করিয়াছেন। তাহাতে আছে—

“A list of Oriental books, published under the patronage of Fort William College between 1800 and 1825, comprises, besides thirty-one in Urdu, twenty in Arabic, twenty-one in Persian, and twenty-four in Sanskrit, the following Bengali works—”

আর সুশীল-বাবুর পুস্তকে (১৩০ পৃঃ) আছে—

“The list of its publications between 1800 and 1825 comprises, besides 31 works in Hindusthani, 24 in Sanskrit, 20 in Arabic, and 21 in Persian, the following principal works in Bengali chronologically arranged—”

সুশীলবাবু এই অংশটুকু তুলিবার সময় খেয়াল করেন নাই যে ১৮০০ হইতে ১৮১৮ সাল পর্যন্ত যত বই হইবে, সাল বাড়াইয়া দিলে বইও বাড়িবে। Roebuckএর Annals of Fort William দ্রষ্টব্য। আর ১৮১৮ সালে Fort William Collegeও কিছু উঠিয়া যায় নাই। Calcutta Review পত্রের লেখকের হিসাবে কিছু ভুল আছে। ১৮১৮ সাল পর্যন্ত হিন্দুস্থানী পুস্তকের সংখ্যা ৩৩,—৩১ নয়। ভুলটি পর্যন্ত মকল হইয়াছে। মৌলিক

* History of Bengali Literature in the Nineteenth Century. 1800—1825: By Sushil Kumar De, M.A. Published by the University of Calcutta.

পবেষণার তাহা সংশোধন হওয়া উচিত ছিল। পুস্তকের তালিকার ফুটনোটে অল্প গ্রন্থের উল্লেখ আছে,—Calcutta Review এরও স্থান হওয়া উচিত ছিল।

ষষ্ঠ অধ্যায়ে Fort William College এর পণ্ডিত ও মুসলিমের কথা আছে। ইহার প্রারম্ভেই দেখিতে পাই—

“Ram Ram Bose, who unlike Carey was a native of Bengal, born at Chinsurah towards the end of the 18th century and educated at the village of Nimitah in the 24 Pergunnahs. He was a Bangaja Kayastha, as is indicated in his *Pratapaditya Charitra*.” (১৫৯ পৃঃ)

রাম-রাম বহু যে চূঁচড়ায় জন্মিয়াছিলেন ও নিমতার শিকালান্ত করিয়াছিলেন, এ সংবাদ হুশীল-বাবু পাইলেন কোথা হইতে তাহা তিনি পাদটিকায়ও উল্লেখ করেন নাই। নিখিল বাবুর লেখা ‘প্রতাপাদিত্য-চরিত্র’ ১৮৪ পৃষ্ঠায় আছে—“রাজা প্রতাপাদিত্য-প্রণেতা রাম-রাম বহু মহাশয় খৃষ্টীয় অষ্টাদশ শতাব্দীর শেষভাগে চূঁচড়ায় জন্মগ্রহণ করেন। জেলা চক্ৰিশপরগণার অন্তর্ভুক্ত নিমতা গ্রামে তাঁহার বাসশিক্ষা শেষ হয়। তিনি বঙ্গজ কারক বংশীয় ছিলেন। প্রতাপাদিত্য-চরিত্র হইতেই তাহা বুঝিতে পারা যায়।”

এই অংশটুকুর ইংরেজী তর্জমা করিলে কিন্তু হুশীলবাবুর অনুরূপ ইংরেজী হইয়া যায়।

হুশীল-বাবু ১৬০ পৃষ্ঠায় লিখিয়াছেন—

“But the influence of Rammohun's unpublished work, which Ram Basu is said to have taken as his model, can never be disputed; and it was from the learned Raja that Ram Basu got the first impulse to write in Bengali. Carey reports to have heard that Ram Ram took the manuscripts of his first work, *Pratapaditya Charitra* and got it revised by him.”

নিখিল-বাবু “প্রতাপাদিত্য” (১৮৫ পৃঃ) লিখিয়াছেন—“রাজা রামমোহন তাঁহার ষোড়শ বর্ষ বয়সে একেশ্বরবাদ সম্বন্ধে যে বাঙ্গালা গল্পগ্রন্থ রচনা করেন, তাহাই পাঠ করিয়া রামরামের বাঙ্গালা গল্প রচনার প্রবৃত্তি হয়।” তিনি আবার লিখিয়াছেন—“রাজা-প্রতাপাদিত্য-চরিত্র লিখিত হইলে তিনি গুরুকল্প রাজা রামমোহন রায়ের নিকট উক্ত পুস্তক লইয়া উপস্থিত হন এবং তাহা দ্বারা খণ্ড গ্রন্থ আত্মপূর্কিক সংশোধিত করিয়া লন।”

আমরা যতদূর জানি নিখিল-বাবু ছাড়া আর কেহ একথা লেখেন নাই। হুশীল-বাবুও তাঁহার নিজের উক্তিই কোন নজির দেন নাই। এক্ষণ অবস্থায় এই ঘটনাটুকু তিনি কিরূপে জানিলেন তাহা বুঝিবার উপায় নাই।

হুশীল-বাবু লিখিয়াছেন—

“It was this reputation for learning which secured him not only the post of a Pandit in the college of Fort William in 1801, but also the friendship of Raja Rammohan Ray.”

নিখিল-বাবু লিখিয়াছেন—

“বহু মহাশয়ের এই-সমস্ত ভাষায় অপরিমিত ব্যুৎপত্তির জন্ত কোর্ট উইলিয়ম কলেজের কর্তৃপক্ষগণ তাঁহাকে ইহার অন্ততম পণ্ডিত নিযুক্ত করিয়াছিলেন।……বহু মহাশয়ের এই-সকল ভাষা শিক্ষার জন্ত তিনি রাজা রামমোহন রায়ের নিকট পরিচিত হন।”

হুশীল-বাবুর উক্তির সমর্থনের কোন নজির নাই। কিন্তু নিখিল-বাবুর উক্তিই সঙ্গে বেশ মিল আছে। তিনি যে নিখিল-বাবুর গ্রন্থ দেখিয়াছেন তাহার প্রমাণ তাঁহার গ্রন্থেই আছে। এখানে একটা কথা জিজ্ঞাসা করি—হুশীল-বাবু রাম-রাম বহুর নিয়োগের সাল (১৮০১) কি উপায়ে জানিলেন? তাঁহার গ্রন্থে তাহার কোন পরিচয় নাই। এইখানে প্রশ্নক্রমে আমরা একটা কথা বলিব। Carey সাহেব রামরাম বহুর পূর্বজীবন সম্বন্ধে বিশেষ কিছু জানিতেন না। ঘনশ্যাম বহুর কথা শুনিয়া যাহা-কিছু জানিয়াছেন। কিন্তু প্রকৃত ঘটনাটি এই—রাম-মোহন রায় যখন নিতান্ত বালক তখন রামরাম বহু ভাল বাঙালি লিখিতে পড়িতে পারিতেন। ১৭৮৮ সালে তিনি বেশ ভাল বাঙালি কবিতা রচনা করিয়াছিলেন। ঐ সালে তিনি Thomas সাহেবেরও মুসী ছিলেন। তখন রামমোহন বড় জোর ১৪ বছরের বালক। ১৭৮৮ সালে রামরাম বহুর বাঙালি রচনা নিয়ে উদ্ধৃত হইল—

“কে আর তারিতে পারে

লর্ড নিজহু ক্রাইষ্টে বিনা গো।

সাপর ওঘোরে লর্ড

জিজহু ক্রাইষ্টে বিনা গো।

সেই মহাকার ঈশ্বরতনয়

পাপির জাগের হেতু।

তাঁরে যেই জন করয়ে ভজন

পার হবে ভবসেতু।

এই পৃথিবীতে নাহি কোনজন

নিপাপি ও কলেবর।

জগতের জাগকর্তা সেই জন

জিজহুও নাম তাঁহার।

ঈশ্বর আপনি জন্মিল অবনী

উদ্ধারিতে পাপিজন।

যেই পাপি হয় ভজয়ে তাঁহার

সেই পাবে পরিজাপ।

আকার নিকার ধর্ম-অবতার

সেই জগতের নাথ।

তাঁহার বিহনে স্বর্গের ভুবনে

গমন দুর্গম পথ।

সে বদনবাণী শুন সব প্রাণী

যে কেহ তৃষিত হয়।

যে নর আসিবে শুদ্ধবারি পাবে

আমি দিব সে তাহার।

অতএব মন কর যে ভজন

তাঁহাকে জানিয়া সার।

তাঁহার বিহনে পাতকি তারণে

কোন জন নাহি আর।”

টমাসের গ্রন্থ—৮৩ পৃষ্ঠা।

১৬১ পৃষ্ঠার ফুটনোটে রাম-রাম বহু সম্বন্ধে হুশীল-বাবু লিখিয়াছেন—

“He was almost on the verge of avowing Christianity but was possibly deterred by Ram Mohan.”

আন্দাজে ঠিক মারিলে পবেষণা হয় না। রামমোহন রায় রামরাম বহুকে ক্রিষ্টিয়ান হইতে দেন নাই এ কথাই কোথ ভিত্তি নাই। তাঁহার উক্তিই সমর্থনে হুশীলবাবুর কোন authority দেওয়া উচিত ছিল। রামরাম বহু কেন ক্রিষ্টিয়ান হন নাই তাহার প্রকৃত কারণ এই—

"The writer was a Kayastha, named Ram Ram Basu, who had been deeply convinced of the truth of Christianity through the instructions of Mr. Thomas, whose *Munshi* he was, as early as 1788, —three years before Carey had propounded to his brethren, at their meeting at Clipstone, the question : 'Whether it were not practicable and their bounden duty, to attempt somewhat toward spreading the Gospel in the Heathen World?' This interesting man could never be prevented upon to give up Caste for Christ : he knew the truth, and he despised the superstition of his forefathers, but to the last he was ashamed to hear the reproach of having joined himself to the people of God. This must have been a bitter disappointment to the missionaries, and even now, the fact cannot be contemplated without distress." —Bengali Tract distribution previous to 1823.

শুশীল-বাবু লিখিয়াছেন—“Carey says that Ram Basu resigned his appointment through a difference of opinion with the authorities of the college. The date of his resignation however cannot be determinedHe must have resigned somewhere between 1805 and 1818.” একেবারে বিসময় প্রদায়ক। রাম রাম বহু স্বত্বার পূর্বে কলেজের কাজ ছাড়েন নাই। শুশীল-বাবু Board of Revenue এর নাম ছাড়া এক জায়গায় করিয়াছেন, কিন্তু Board of Revenue এর কাগজ-পত্রের কোন সন্ধান রাখেন না। রাখিলে তিনি দেখিতে পাইতেন যে রাম রাম বহু ১৮১৩ খৃষ্টাব্দে বেহা তাগ করেন এবং তাঁহার স্বত্বার পর তাঁহার পুত্র তাঁহার স্থানে কোর্ট উইলিয়ম কলেজে নিযুক্ত হন।

তাঁহার পুস্তকে নাম, তারিখ প্রভৃতির যথেষ্ট পোলমালা আছে— মহেন্দ্রনাথ চট্টোপাধ্যায় স্থানে আছে মহেন্দ্রনাথ ভট্টাচার্য্য (Preface, p. viii); নিতাই বৈরাগীর জন্ম তিনি লিখিয়াছেন ১৭৪৭ খৃষ্টাব্দে (৩০২ পৃঃ)—ইহা ১৭৫১ খৃষ্টাব্দ ইত্যাদি।

কবিওয়ালাদের পরিচ্ছেদে তিনি অনেক পরিভ্রম করিয়াছেন দেখাইতে চেষ্টা করিয়াছেন। কবিওয়ালাদের এতগুলি গীত সংগ্রহে বেশ নিপুণতার পরিচয় দিয়াছেন। কিন্তু গীতগুলি এত পাছটীকায় ভাবক্রান্ত করিবার কোনই প্রয়োজন ছিল না। পাঠ প্রভৃতির এদিক ওদিক থাকিলেও না হয় সরকার ইহাতে পারিত। একমাত্র ১৮৬২ খৃষ্টাব্দে প্রকাশিত কবিওয়ালাদের গীতে তাঁহার সংগৃহীত চৌদ্দ আনা গীত পাওয়া যাইত। প্রথম গীতে “সাধ করে করেছিলাম দুর্জয় মান” (পৃঃ ৩২৩) পদটি চিত্তে বসিবে, অস্তান্ত গ্রন্থেও তাই আছে, মহড়ায় বসিবে না। ঈশ্বরগুণ মহাশয়ও লিখিয়াছেন যে সে সময় চিত্তে নব গান মহড়ায় গাওয়া হইত না (প্রভাকর, ১২৬১ সাল)। ৩৪৯ পৃষ্ঠায় ১৬ ছত্রের “At a certain sitting at the Sobhabazar Palace” প্রভৃতি হইতে পর পৃষ্ঠার প্রায় শেষ “কুর্তি টুপি ছেড়েছি” পর্যন্ত (অবশ্য ৫ ছত্র বাদ) অংশে “বঙ্গভাষার লেখকের” ৩৭৩ ও ৩৭৬ পৃষ্ঠায় নজির থাকা উচিত ছিল। শুশীল-বাবু কিন্তু তাহা দেন নাই। বঙ্গভাষার লেখক লিখিয়াছেন—“একবার দুর্গোৎসবের সময় কলিকাতা শোভা-যাত্রার মহারাজ নবকৃষ্ণের ভবনে কবি হইতেছে। এক পক্ষে রাম বহু,—রাম বহুর তখন পেশাদারী হল,—অপর পক্ষে রামপ্রসাদ ঠাকুর,

নীলুঠাকুরের স্বত্বার পর ইনিই তখন দলপতি। রামপ্রসাদ ঠাকুর রাম বহুকে গালি দিয়া বলিলেন,—

“নাইক রাম বোসের এখন সেকলে পৌরষ।

এখন হয় করে হয়েছেন রাম বোস—রামকামারের * * ।

রাম বহু উত্তর দিলেন,—

“তেরনি এই নীলুর” ইত্যাদি।

শুশীল-বাবু লিখিতেছেন—

At a certain sitting at the Sobhabazar palace the parties of Ram Basu, then an old veteran, and of Nilu Thakur (a disciple of Ram Ram's old rival Haru Thakur) met. Nilu was dead, but Ramprasad Thakur was then the leader of the party. Ramprasad began the attack “নাইক রাম বোসের” ইত্যাদি। But immediately Ram Basu retorted “তেরনি এই নীলুর” ইত্যাদি।

শুশীল-বাবু এই পুস্তক সম্বন্ধে কিছু বলিতে গেলে অনেক কথাই বলিতে হয়। কিন্তু আমাদের স্থান অতি সর। স্বতরাং আর এক আধটি পীবেষণার নিদর্শন দিয়া আমাদের বক্তব্য শেষ করিব।

সমগ্র অধ্যয়ে শুশীল-বাবু লিখিয়াছেন—

“.....for the first Bengali newspaper was not the *Samachar Darshan* but the *Bengal Gazette*. The latter journal, now scarce, was published for the first time in 1816 by one Gangadhar Bhattacharya of whom, however, little is known. This paper lasted for two years, having been extinguished in 1818.”

বঙ্গলা বেঙ্গলগেজেট কোন দিন বাহির হয় নাই। প্রথম বঙ্গলা সংবাদপত্র ‘সমাচারদর্পণ’। শুশীল বাবু নিজেই লিখিয়াছেন তিনি কোন দিন বেঙ্গল গেজেট দেখেন নাই (২৩৩ পৃঃ)। বাহারাই বেঙ্গল গেজেট সম্বন্ধে আলোচনা করিয়াছেন তাঁহাদের কেহ কখনও বেঙ্গল গেজেট চক্ষে দেখেন নাই। আর ১৮১৬ সালে দেশের বেকশ অবস্থা ছিল তাহাতে বঙ্গলা সংবাদপত্র বাহির হইবার আদৌ সুবিধা ছিল না। সরকারের আইনের খুব কড়াকড়ি ছিল। এ সময় মূতন কাগজ বাহির করিবার সাহস কাহারও ছিল না। লর্ড হেলিংস্ টাওয়ার শাসনের শেষভাগে দেশের সুবিধা দেন। আর সম্পাদক-দিগের জন্ত মিঠেকড়া আইনের ব্যবস্থা করেন। এই আইন ১৮১৮ সালে জারি হয়। এই সালের পূর্বে কাগজ বাহির করা বড় সহজ ব্যাপার ছিল না। আর এত কড়াকড়ির মধ্যে যদি কেহ কাগজ বাহির করিবার সাধই করিয়া থাকিতেন, তাহা হইলে সেই সময়কার অস্তান্ত কাগজে এই কাগজের নামসঙ্গও থাকিত। কিন্তু দুঃখের বিষয় কোনও কাগজে এ সম্বন্ধে কোন কথাই নাই। রাজনারায়ণ বসু মহাশয় যে লিখিয়াছিলেন, ১৮১৬ সালে বেঙ্গলগেজেট নামে এক পত্রিকা পদ্মধর ভট্টাচার্য্য প্রকাশ করিতে আরম্ভ করেন, উহাতে বিদ্যাগুরু, বেতাল পঞ্চবিংশতি প্রভৃতি কাব্য প্রতিকৃতি সহ মুদ্রিত হইত, এ সংবাদটি একেবারে জুল। ১৮১৬ সালে পদ্মধরের অল্পনামসঙ্গ প্রতিকৃতি সহ বাহির হইয়াছিল সত্য। কিন্তু তাহার কলেবরের কোথাও বেঙ্গলগেজেটের ছাপ নাই। পদ্মধরের ১৮১৬ সালের ছবিওয়ালার বই আমাদের কাছে আছে।

এইবার শুশীল-বাবুর গ্রন্থে ৪৮৭ পৃষ্ঠায় অংশবিশেষ ও ১৮৫০ খৃষ্টাব্দে প্রকাশিত Christian Observer এর অংশ বিশেষ পরপর উদ্ধৃত করিয়া দেখাইব। এই উত্তর গ্রন্থের বিষয় ও তাহার মিল আশ্চর্য। শুশীল-বাবুর পাদটীকা কিন্তু এখানে একেবারে নীরব।

Christian Observerএর কথা

“On the 4th of January of that year 1798 there was the following entry made in Fountain's Diary : “This morning the Pandit attended upon us. It was observed that the word *Mangalākhyān* would not properly denominate the whole Bible, as it only signified ‘good news’, a term more applicable to the Gospel. It was then proposed to call the Bible *Dharma Shāstra* : but the Pandit said, *Shāstra* only meant that writing which contained commands or orders. We must therefore call it *Dharma Pustak*, viz., the Holy Book.”

* * * * *

“In 1800, on the 18th March, the first sheet of Matthew was printed. And in 1801, on the 7th February, the first edition of the Bengali New Testament was finished. It consisted of 2,000 copies,..... The expense was £62.....

“In 1800, the translation of the Old Testament was finished.....

In 1803, from Job to Canticles was ready,..... ; and in the same year the second edition of the Bengali New Testament was commenced. The proof sheets were examined by every one of the Missionaries, and in addition to this, Carey and Marshman went through it verse by verse, one reading the Greek, and the other the Bengalee.....In 1806, the second edition of the Bengali New Testament was ready, 1,500 copies ;.....In 1809, the Old Testament was published, and thus, after fifteen years of labour, the Bengali Bible was completed. It was contained in five large volumes, and was the work of Dr. Carey's own hand, for Ward, writing some years subsequently, mentions that Carey ‘wrote with his own pen, the whole of the five volumes, Octavo.’.....In 1809, besides the completion of the Bengali Bible, a third edition of the New Testament was sent to Press. It was to consist of only 100 copies, in folio.....In 1813, they were however ready, and the fourth edition of the New Testament was commenced.....By the close of 1817,

the fourth edition of the Serampore New Testament was printed and in circulation, 5,000 copies.”

হুশীল-বাবুর গ্রন্থের কথা

“We have the following entry in Fountain's Diary on the 4th January, 1798 (quoted in Contributions towards a History of Biblical Translation in India, Calcutta, 1854) :—“This morning the Pandit attended upon us. It was observed that the word *Mangalākhyān* would not properly denominate the whole Bible, as it only signified ‘good news’, a term more applicable to the Gospel. It was then proposed to call the Bible *Dharma Shāstra* : but the Pundit said, *Shāstra* only meant that writing which contained commands or orders. We must therefore call it *Dharma Pustaka*, viz., the Holy Book.” On the 18th March, 1800, the first sheet of Matthew was printed. On the 7th February, 1801, the first edition of the Bangali New Testament was published. It consisted of 2,000 copies, the expense was £62. In 1800, the translation of the Old Testament was finished.

* * * * *

“In 1803, the second edition of the Bengali New Testament was commenced and in 1806, it was ready, 1500 copies. The proof sheets were examined by everyone of the missionaries, and in addition to this, Carey and Marshman went through it, verse by verse, one reading the Greek, the other the Bengali Text. In 1809, the Old Testament was published and in the same year, the whole Bible appeared in five large volumes. It was the work of Carey's own hand (manuscripts may be seen still in the possession of the Serampore Baptist Missionaries) ; for, Ward, writing some years subsequently, mentions that Carey ‘wrote with his own pen the whole of the five volumes.’ In 1809, a third edition of the New Testament went to the press, consisting of 100 copies and came out in 1811. It was a folio edition. The fourth edition of the “New Testament was commenced in 1813 and published in 1817 (5,000 copies).”

সহায় করিলে এইরূপ সাদৃশ্য আরও আবিষ্কার করা যাইতে পারে।

শ্রীশ্যামল বন্দ্যোপাধ্যায় ।

চিত্রকরের ভুল

ভুলিকাতে হাতটি তাহার পাকা,
রাজার প্রধান চিত্রকরই সেই,
ব্যবসা তাহার প্রতিচ্ছবি আঁকা,
অস্ত্রদিকে খেয়াল বড় নেই।

মর্ষরেরি ছবির মত দেহ,
মিশেছে তার রঙের কোমলতা ;
কেউ বা কবি, পাগল বলে কেহ,
বুকতে মারি প্রতিভা তার কোথা।

মাগর-বুকে চন্দ্রোদয়ের ছবি
আঁকতে রাজা দিলেন উপদেশ,
আঁকলে ছবি এমনি সে আজুগুবি
নেইক তাতে সুনীল রঙের লেশ ;—

রূপসী এক কুঞ্জবন-ছায়ে
হঠাৎ যেন পেয়ে কাহার দেখা
আঁচলখানি দিচ্ছে টেনে গায়ে,
অধরেতে আগুছে হাসির রেখা।

চিত্র দেখে উঠলো সবাই হাসি,
শিল্পীচোখে অশ্রু এলো ছেয়ে ;
সবাই দিলে বিজ্রপেরি রাশি,
তারিফ শুধু দিলেন রাজার মেয়ে।

আঁকতে হবে দুর্ভিক্ষেরি ছবি,
আজকে রাজার আদেশ হল তাই ;
পাগল সে যে, নুতন তাহার সবই—
চিত্রে ত কই জনমানব নাই ;—

বালুর বেলায় কণ্টকেরি গাছে
মলিন কোরক কাঁদছে শিশির মাগি,
গুড়ুছে দেহ খর রবির আঁচে,
কাছেই সাগর পর্বে কিসের লাগি।

সভার মাঝে আবার হাসির রোল,
শিল্পীচোখে অশ্রু এলো ছেয়ে ;
সবাই হাসে সবাই করে গোল,
তারিফ শুধু দিলেন রাজার মেয়ে।

আঁকতে হবে নিগুণেরি ছবি।
এবার নুতন উপহাসের পালা,
শিল্পী সে যে প্রেমিক, সে যে কবি,
বক্ষে তাহার আগুছে দারুণ আলা।

মাঠের মাঝে একটি পলাশ-গাছে
ফুল ফুটেছে, কাকগুলা দেয় গালি,
বাসন্তী হায় আসি তাহার কাছে
সিঁথায় পরেন, সাজান বরণডালি।


রাজার সভার আবার হাসির বটা,
শিল্পী এবার রইলো শুধু চেহে ;
চক্ষে হানি আনন্দেরি ছটা
তারিফ দিলেন আবার রাজার মেয়ে।

আজকে আবার রাজা দিলেন বলে'
দয়ার ছবি আঁকতে হবে তাকে ;
চিত্রকর হায় পড়লো বিষম গোলে,
কর না কিছুই, চুপটি করে' থাকে।

অনেক ভেবে অনেক দিবস পরে
আঁকলে ছবি, আঁকলে মনের মত,—
শিল্পী আছে চেয়ে আবেগ ভরে,
মুর্তিদয়ার রাজকুমারীর মত।

সাধাস দিলে সভাসদের দলে,
রাজকুমারী কিন্তু এবার বাম ;
ভুলটি কেটে লিখে দিলেন তলে—
'দয়া' নয় এ, 'প্রেম' যে ইহার নাম।

শ্রীকুমারচন্দ্র বসু



প্রকৃতির পাঁজি

মাঘ মাস শীতকালের শেষ মাস। এই মাসে সূর্যের উত্তরণ আরম্ভ হয়।

মাঘ মাসে কুল পাকে। গোলাপ-ফুল ফোটে। ছোটো-একটা আমের গাছে বোল ধরে, দু'একটা কোকিলও ডাকে। এমাসে কুম্বাসা বেশী হয়। মাঝে মাঝে মেঘ করে' বৃষ্টিও আসে। এমাসের বৃষ্টি ফসলের পক্ষে খুব উপকারী। মাঘমাসে সম্ভবে ক্ষেত হলে রঙের ফুলে ছেয়ে যায়, মৌমাছির সেই ফুলের মধু চাক ভরে' নিয়ে সংগ্রহ করে' রাখে, এই মধু খেতে খুব উপাদেয় হয়।

চশমা।

কার্ফিদের দেশ আক্রমণ

(৯)

বন-জঙ্গল থেকে বেরিয়ে এসে আমরা দূরে একটা হাতী দেখতে পেলাম, খোলা জায়গা দিয়ে খুব জোরে জোরে চলেছে। তার সঙ্গে পাল্লা দিয়ে গিয়ে তাকে শিকার করা খুবই শক্ত; তবুও কাকার জিদ হল তাকে মারতেই হবে। কাকার জিদ হবার কারণও ছিল;— দেখলাম হাতীটা যেখান দিয়ে গেছে সেখানে বরাবর রক্ত পড়ে' রয়েছে; তাতেই সেটা যে আহত তা বেশ বোঝা গেল, আর সেজন্যে মারতেও দেরী হবে বলে' বোধ হল না।

কাকা বললেন—চল, চল, ওটাকে এখনি ধরবো। সিংহটা এসে না আলালে এতক্ষণ ওকে শেষ করে' কেতাম। ভাগ্যিস তোমরা এসে পড়েছিলে! না হলে সিংহটার হাতেই আমার প্রাণ যেত।

কাকার সঙ্গে সঙ্গে আমরা চললাম। দেখলাম হাতীটার গতি একটু একটু কমে' আসছে। তবুও পারে

হেঁটে তাকে ধরা সম্ভব নয় দেখে আমরা যেখানে আমাদের ঘোড়া রেখে গিছলাম সেখানে টপ করে কিরে এসে যে বার ঘোড়ার পিঠে চেপে চললাম হাতীর সন্ধানে। খানিক ঘোড়া ছোটাবার পরই হাতীর দর্শন মিলল। আমাদের দেখেই তিনি শুঁড় উচিয়ে চেঁচাতে চেঁচাতে আমাদের ঘাড়ে পড়বার ইচ্ছা দেখালেন। কাকা সাহস করে' এগিয়ে এসে তাকে গুলি করলেন। গুলি করেই হাতীর আক্রমণ থেকে রক্ষা পাবার জন্যে ঘোড়ার মুখ ফিরিয়ে খানিকটা দূরে সরে গেলেন। তখন আমি ও হ্যারি এসে গুলি করলাম। হাতীটা কাৎ হল।

কাকা আমার বললেন—তুমি তাঁবুতে গিয়ে গরু ছটোকে নিয়ে এস, দাঁত ও মাংস বহে নিয়ে যাবে। আমি ও হ্যারি অপর মরা হাতীগুলোর সন্ধান করি, আর সিংহটাকেও দেখি।

সে জায়গাটা যদিও তখনো আমার খুব পরিচিত হয়নি, তবুও সাহস হল যে পথ চিনে তাঁবুতে ঠিক পৌঁছতে পারব। বেরিয়ে ত পড়লাম। খানিক দূর যেতেই এক মল লম্বা-গলা জিরাকের সঙ্গে দেখা। চমৎকার দেখতে। শিকার করে' করে' মন এমনি হয়ে গিছল যে জিরাক্ মারতে ছুটলাম। হঠাৎ দেখি আমার ঘোড়াটা যেন একটা খানার দিকে টলে' পড়ল। আর একটু হলোই একটা খানার পড়তাম। খানিক পরে দেখি ছোটো জিরাক্ ধপাস্ ধপাস্ করে' খানার পড়ল। পেছনে দেখি একমল সেই দেশী লোক বর্শা হাতে শিকার করতে আসছে। এরাই জিরাক্গুলোকে তাড়িয়ে এমেছে।

জিরাকগুলো যে গর্তে পড়েছিল সেগুলো আর বারো' ফুট গভীর। কোনোটার সামনের পা গর্তের তিতর আর পিছনের পা গর্তের পাড়ে কাদার পুঁতে গেছে,

কোনোটর বা পিছনের পা গর্তের মধ্যে আর সামনের পা পাড়ে পুঁতে গেছে ; তাদের দেহটা খালি ওপরে নড়ছিল, আর একাঙ লম্বা লম্বা গলা সাপের গলার মত এধার ওধার হুলছিল। তারা প্রাণপণে চেষ্টা করছিল ওঠবার জন্যে, কিন্তু ব্যর্থ। শিকারীরা তাদের ঘিরে ফেললে। শিকারীরাই এই গর্তগুলো করে' ওপরে সরু সরু ডালপালা চাপা দিয়ে রেখে গিছল। এগুলোকে জিরাফের কাঁদ বলা চলে।

শিকারীদের হাতে জিরাফ ছেঁড়ে দিয়ে আমি তাঁবুর দিকে চললাম। খুব সাবধানে চললাম—কি জানি যদি আমিই জিরাফের সঙ্গে কাঁদে পড়ে যাই ! তাঁবু থেকে গরু নিয়ে কাকাদের কাছে গেলাম। গিয়ে দেখি আরো হাতী হরিণ মারা হয়েছে। হাতীর দাঁত মাংস প্রভৃতি যা পারা গেল সঙ্গে নেওয়া হল।

পরদিন আমরা উত্তর দিকে চললাম। একটা খোলা জায়গার মধ্য দিগে যেতে যেতে দেখলাম একটা বেন জানোয়ার একটা খানার মধ্য থেকে একবার করে' উঠছে আবার পড়ে' যাচ্ছে। জন্তুটা কি দেখবার জন্যে এগিয়ে গিয়ে দেখি সেটা একটা কোয়াগা, প্রায় গাধার মত দেখতে, কি রকম করে' খানার পড়েছে, উঠতে পারছে না। হ্যারির কোঁক চাপল কোয়াগাটাকে ধরবে। সে বললে—দড়ি দিয়ে পা বেঁধে এটাকে টেনে তুলব। তারপর ঠিক করে' নিলে এটার পিঠে বেশ চড়া বাবে, ঘোড়ার মত হবে।

টোকো আর হ্যারি একটা খলে আর দড়ি নিয়ে এল। খলে দিয়ে টোকো তার মুখটা এঁটে দিলে, তাহলে আর কিছু দেখতে পাবে না ও কামড়াতে পারবে না। তারপর তার গলায় ও পায়ে দড়ি গলিয়ে গাছের গুঁড়ি টানার মত হেঁইয়ো হেঁইয়ো করতে করতে সকলে মিলে তাকে তুলে ফেললাম। কোয়াগা মশাই উঠেই চার পা তুলে নাচতে আরম্ভ করে' দিলেন। হু এক ঘা পিঠে পড়তে তবে তার আনন্দ থামল। তারপর তার পিঠে একটা জিন লাগিয়ে হ্যারি তড়াক করে' চেপে পড়ল। আমি ব্যর্থ করে' আসেই চেপেই তাকে ছুটিয়ে দিলে। আবার ভয় হল এমন একটা বুনা জানোয়ার শীত

বশত মানবেই না, বরং হ্যারিকে কেলে দিতে পারে। তখন টোকোকে নিয়ে আমি ঘোড়ার চড়ে' হ্যারির পেছনে পেছনে ছুটলাম।

সামনে একদল কোয়াগা পড়ল। তারা ত আমাদের দেখেই যে চম্পট। আমরা তাদের পেছনে পেছনে হু হু শব্দে চলেছি। পথে জল-খাত বা ঝরণা কিছু ছিল না। তবে অনেক পাথুরে জায়গা, বন বন, ছোট পাহাড়, উপত্যকা প্রভৃতি দিয়ে আমরা চললাম। বোড়াগুলো ক্লাস্ত হয়ে এল। হ্যারির কোয়াগা কিন্তু তখনো খুব ছুটেছে। তার আত্মীয়-স্বজন ছুটেছে দেখে তার ছোটরাও বিরাম নেই। হ্যারিকে যদি এই রকম করতে করতে বনের মধ্যে নিয়ে যায় তাহলে তার নিশ্চয় বিপদ ঘটবে। কি করা যায় কিছুই ঠিক করতে পারলাম না। এমন সময় হঠাৎ এক সুবিধা জুটে গেল। একদল সেই দেশী কালো লোক বর্শা প্রভৃতি নিয়ে কোয়াগাগুলোর সামনে এসে হাজির হল। তাদের চীৎকারে অন্য কোয়াগাগুলো এধার ওধার ছুটতে লাগল। আর হ্যারির কোয়াগাটা ধমকে দাঁড়িয়ে গেল। সেটা বোধ হয় খুব ক্লাস্ত হয়ে পড়েছিল, আন্তে আন্তে চলতে লাগল।

কালো শিকারীরা কয়েকটা কোয়াগা মেরে আমাদের কাছে এল। ইড়বিড় করে' তারা আমাদের কত কি বললে। আমরা ত বুঝলাম মা গঙ্গা। টোকো বুঝিয়ে দিলে যে তারা আমাদের দেখে আনন্দিত হয়েছে, আর তাদের গ্রামে যেতে আমাদের নিমন্ত্রণ করছে।

তাদের গ্রামে যেতে আমাদের বিশেষ ইচ্ছা ছিল না। কিন্তু তখন সন্ধ্যা হয়ে আসছিল, তাঁবুতে ফিরতে কষ্ট ও বিপদ হতে পারে তেবে আমরা গেলাম তাদের গ্রামে। আমরা আগে এখানকার যে-সব কুঁড়ে দেখেছিলাম তার চেয়ে এদের কুঁড়েগুলো বড় ও পরিচ্ছন্ন ছিল। লোকগুলি শিকারী হলেও চাষবাস করে' খেত। গ্রামের পেছনে ফসলের ক্ষেত দেখতে পেলাম।

মাংস পেয়েই তাদের মেয়েরা রাঁধতে আরম্ভ করে' দিলে। একটু পরে' গ্রামের প্রায় সমস্ত লোক সেখানে এসে জুটে গেল। আমরা আর তাদের সঙ্গে বেশীক্ষণ না থেকে একটা ঘরে শুয়ে পড়লাম। একটু ঘুমিয়েছি

এমন সময় চারিদিকে ভীষণ কান্না আর চীৎকারে ঘুম ভেঙে গেল। তাড়াতাড়ি বেরিয়ে এসে দেখি গ্রামের মেয়েরা সব ছোট ছোট ছেলেদের বিছানা থেকে টেনে এনে লাঠি দিয়ে খুব মারছে আর ছেলেগুলো কাঁদছে। এ নির্দয় প্রহারের কারণ কি জিজ্ঞাসা করার টোকা বললে যে কসলের ক্ষেতে হাতীর পাল এসে পড়েছে, তাই ছেলেদের কাঁদিয়ে আর নিজেরা চীৎকার করে' মেয়ে-পুরুষে হাতী তাড়াবার চেষ্টা করছে।

খবরটা আমাদের মন্দ লাগল না। এই ভালে যত হাতী মারা যাব ততই ভাল। আমরা তখনই বন্দুক নিয়ে হাতী মারতে বেরুলাম। সঙ্গে সেখানকার ছ-চারজন লোক নিলাম। তারা আমাদের গাছ দেখিয়ে দেবে আর তাতে উঠে আমরা হাতী মারব। যেতে যেতে দেখি গ্রামের অনেক লোক বেরিয়ে পড়েছে, পুরুষদের হাতে একটা করে' মশাল আর সুখে চীৎকার; তার সঙ্গে মেয়েদের চীৎকার, ছেলেদের কান্না, আর কুকুরের ডাক, সমস্ত মিশে গ্রামটা যেন তোলপাড় করে' তুলেছে। অন্ধকারে আমরা করেকটা গাছে উঠে পড়লাম। গাছ থেকে দেখলাম মশালের আলোয় ও 'চীৎকারে ভয় পাওয়া দূরে থাক লম্বা লম্বা শুঁড় বাড়িয়ে বনের ঘন অংশ থেকে হাতীরা বেরিয়ে আসছে। আমরা সামনের ছটোকে ত গুলি মারলাম। ছটোই পড়ল। দলটা একটু থমকে দাঁড়াল। আমরা আবার গুলি ভরে' নিয়ে আরো তিনটাকে মারলাম। অল্প হাতীগুলো যে বিশেষ ভয় পেলে তা বোধ হল না। ছ-একটা চীৎকার করে' উঠল। একটু দাঁড়িয়ে তারা আবার এগুতে লাগল। আমরা ফের গুলি ভরতে ভরতে করেকটা আমাদের কাছ দিয়ে চলে গেল। ক্ষেতের বেড়া ভেঙে ফসল খেতে লাগল। আরও তিনটা আমরা মারলাম। একে একে তারা কিছু এগিয়েই চলল। সামনে করেকটা কুঁড়ে ঘর ছিল, পা দিয়ে সেগুলো শুঁড়িয়ে দিয়ে গেল যেন কাগজের ঘর। টোকা বললে 'এরকম হাতীর অত্যাচার অনেকবারই ঘটে। লোকদের অত্যধিক চীৎকারে গ্রামের আর বেশী কিছু তারা মর্দন করতে পারলে না।

দলটা যখন প্রায় চলে' গেল তখন আমরা গাছ থেকে

নেমে তাদের পেছনে পেছনে চললাম। পেছনে থেকেও করেকটাকে শেষ করলাম। কটা ঠিক বলা যাব না, কেন না অন্ধকারে বুঝতে পারা গেল না।

ফিরে যখন গ্রামে এলাম তখন দেখি গ্রামের লোকেরা ফসলের ক্ষতি হওয়ার অন্তে ছুঃখ করছে। ভোর হতেই আমরা কাকাদের কাছে গিয়ে মরা হাতীর খবর দিলাম। তারা আনন্দিত হয়ে গাড়ী নিয়ে সেই গ্রামের দিকে এলেন। গ্রামবাসীরা আমাদের খুব আপ্যায়িত করলে। খুব ভদ্র তারা। ফসল যেমন নষ্ট হয়েছিল তেমনি তারা হাতীর মাংস নিয়ে ক্ষতি পূরণ করছিল। দেখলাম প্রায় সকলেই খানিকটা করে' মাংস ঘরের সামনে টাঙিয়ে রোদে শুকোতে দিয়েছে। তা থেকে এক বিল্লী গন্ধ বেরুচ্ছিল।

হাতীর দাঁতে আমাদের গাড়ী প্রায় ভর্তি হয়ে গেল। আর একদিন ভাল রকম শিকার করতে পারলেই এবারকার মত আমাদের কাজ মিটবে দেখা গেল। তাই আমরা সেখানকার লোকদের বললাম তারা যদি হাতীর পালটা কোন্ দিকে গেছে খবর এনে দিতে পারে তাহলে আমরা তাদের পুরস্কার দেব।

সেদিনও রাত্রিতে আমরা ঘুমিয়েছি এমন সময় কড় কড় করে' ভীষণ বাজ পড়ল। আমাদের ঘুম ভেঙে গেল। হঠাৎ শুনতে পেলাম আমাদের তাঁবুর কাছেই গ্রাম থেকে লোকেরা খুব চীৎকার করছে। আমরা বেরিয়ে পড়লাম। যে দিক থেকে আওয়াজ আসছিল সে দিকে গিয়ে দেখি গ্রামের সব পুরুষরা তীর-ধনুক নিয়ে বেরিয়ে এসেছে, আর যেমনি বিদ্রোহ জলে উঠছে অমনি তারা মেঘের দিকে তীর ছুঁড়েছে।

তাদের এই অদ্ভুত কাজের উদ্দেশ্য কি তা আমরা বুঝতে পারলাম না। টোকা বললে—তীর মেয়ে মেঘ তাড়িয়ে দেবে এই ওদের বিশ্বাস। তাই ওরা এরকম করছে।

আমরা লোকগুলোর নির্কর দ্বিতা দেখে না হেসে থাকতে পারলাম না। খানিক বাদে বড় বৃষ্টি কেটে গেল। অসভ্য লোকেরা হরত ভাবলে তাদের তীরের খোঁচা খেয়েই বাহল পালাল।

পরদিন ছপুর বেলা আমরা খবর পেলাম প্রায় আট মাইল দূরে হাতীগুলো বেড়াচ্ছে। সেই দিকে রওনা হওয়া গেল। হাতীগুলো যে দিকে চরছিল তার অপর দিকে একটা জলাভূমি ছিল। তাইতে আমরা ঘোড়াগুলোকে ছেড়ে দিলাম আর কোরাগাটাকে একদিকে বেঁধে রাখলাম। তারপর গাছে উঠে বা বনের আড়ালে লুকিয়ে যে-যার জায়গা ঠিক করে' নিয়ে হাতী মারতে আরম্ভ করা গেল। অনেক চেষ্টার পর কয়েকটা হাতী মরল, বাকিগুলো পালাল।

পরদিন ছপুর বেলা কয়েকটা পাখী মারা হল, তাই আহাির করা গেল। ঘোড়াগুলো ও কোরাগাটাকে আনতে গিয়ে দেখি তারা বেশ চরে' বেড়াচ্ছে। কোরাগাটার দ্বারা ভাল কাজ পাওয়া যাবে কি না এসম্বন্ধে হ্যারি আর আমি কথা বলাবলি করছি এমন সময় দেখি ঘোড়াগুলো হঠাৎ লাফালাফি করে' এধার ওধার ছুটতে লাগল।

ব্যাপার কি ?—বলে' হ্যারি চৈচিয়ে উঠল।

হঠাৎ দেখি একটা এঁদো খানা থেকে ছোটো প্রকাণ্ড গণ্ডার বেরিয়ে এসেছে। তাদের জলায় ঘোড়াগুলোকে দেখে তাদের বোধ হয় রাগ হয়েছিল। আমরা তাড়াতাড়ি সরে না এলে তাদের শিং এর খোঁচায় শেষ হয়ে যেতাম। ঘোড়াগুলো পালাল। কোরাগা বেচারী পালাতে পারলে না। একটা গণ্ডার জেড়ে এসে শিং দিয়ে তার পেট ফুঁড়ে তাকে একেবারে মাটিতে গোঁথে ফেললে। আমরা কোরাগাটাকে বাঁচাতে পারলাম না। তবুও ছুজনে বার বার গুলি করে' একটা গণ্ডারকে মারলাম। অপরটা আমাদের তাঁবুর দিকে ছুটল। আমরা ভাবলাম এবার তাঁবুর জিনিষপত্র ও গাড়ী প্রভৃতি সব লণ্ডভণ্ড করে' দেবে। ভাগ্যক্রমে তা আর হল না। টোকা বেরিয়ে এসে কয়েকটা গুলি করে' সেটাকে মারলে।

সেদিন বিকালটা আমাদের খুব আনন্দে কাটল। বাঘের চামড়া, গণ্ডারের শিং, আর হাতীর দাঁত আমাদের প্রচুর হয়েছিল ;—গাড়ী একবারে ভর্তি। এবারকার যাত্রায় আর-কিছু নেওয়া অসম্ভব হবে দেখে আমরা মরুভূমি ত্যাগ করলাম। ধীরে ধীরে দলবল নিয়ে সমুদ্রের দিকে চললাম।

ওয়াল্কিস্ উপসাগরে পৌঁছে সব মালপত্র জাহাজে চাপিয়ে আমরা অননী জমজমির উদ্দেশে যাত্রা করলাম—
“বহুদিন পরে হইব আবার আগন কুটীরবাসী।”

শেষ।

শ্রীপ্যারীমোহন সেনগুপ্ত।

ছুষ্টলোকের চালাকি

১৮ শতাব্দীর শেষদিকে, ফ্রান্সের আরাস্ সহরে এক রুটিওয়ালার থাকতো—তার নাম ছিল ভিডক্। ভিডক্ রুটিওয়ালার নাম এখন আর কারো মনে নেই। কিন্তু তার এক ছেলে, তার নাম ছিল ছোট ভিডক্, অনেকদিন হল মরে গিয়েও বেঁচে আছে। এমন অদ্ভুত কাণ্ড সে কতকগুলো করে' গেছে যে এখনও ঐ দেশের লোকে তাকে ভুলতে পারেনি। আর পারবে বলেও মনে হয় না। বাবা ছিল খুব ভাল, কিন্তু তার ছেলে হল তেমনি পাজী। তার বয়স আট বছর হতে না হতেই সে নানারকম বদমাইসিতে হাত বেশ পাকিয়ে ফেললে। ছেলেবেলার তার কপালে বাবার আদর কোনো দিন জোটেনি, তা পেল সে বোধ হয় ভাল হতে পারত। আদরের বদলে সে রোজই প্রায় ছ-চার ঘা বেত পেত। রাত্তার যাচ্ছে সে বাবার দোকানের রুটি নিয়ে বিক্রি করতে—মাঝখানে হঠাৎ দেখল, ছোটো মুরগী, বেশ বড় বড়। অমনি সে সেই ছোটো ধরে' তার এক বন্ধু চোরের বাড়ীতে নিয়ে গেল বিক্রি করতে। সুবিধা পেলেই সে চুরি করবে, এ তার এক চমৎকার অভ্যাস হয়ে গেল। যখন তার চুরি খুব বেড়ে উঠল, তখন একদিন সে ধরা পড়ে' মাস কয়েকের জন্ম জেলখানায় বাস করতে গেল। লোকের মনে হয়েছিল যে এবার বোধহয় বাছাধন ঘনি টেনে ঠিক হয়ে আসবেন। কথায় বলে 'স্বভাব যায় না মলে'—ভিডকেরও ঠিক তাই হল। জেল থেকে বেরিয়ে এসে সে পাকা চোর হয়ে দাঁড়াল। আগে তার মনে একটু ভয় ডর ছিল, এখন তাও একেবারে গেল।

এক রাত্রে সুবিধামত সে তার বাবার টাকার খলিটি ট্যাঁকে করে' নিয়ে, বিদেশ ভ্রমণে বেরিয়ে পড়ল। তারপর কয়েকমাস সে কখনও থিয়েটারের দলে, কখনও মার্কাপের

দলে, কখনও পুতুল-নাচের দলে ঘুরে ঘুরে কাটিয়ে দিল। কোথাও সে বেশী দিন থাকতে পারুল না। তারপর একদিন আবার সে বাড়ী ফিরে এল। তখন তার কাপড়-চোপড় সব ছেঁড়া, ময়লা। খেতে না পেয়ে শরীর তার একেবারে মরার মত, মাথার চুল তেল-জল না পেয়ে আগাছার মত হয়ে উঠেছে। তার মা তাকে বড় ভালোবাসত, তাই এতদিন পরে বাড়ী এসে ভিডক্ মায়ের স্নেহ এবং আদর খুব বেশী করেই পেল।

কিছুদিন বাড়ী থাকার পর ভিডক্ ধরা পড়লেন পুলিশের হাতে। বেচারী দোষ কিছু করেনি, কিন্তু নাম ধারাপ ছিল বলে পুলিশ তাকে ধরল, তার বিরুদ্ধে সাক্ষীর কমতিও হল না। তার আবার জেল হল। এমন অন্তায় রকমে জেল হওয়াতে ভিডকের বড় রাগ হল। সে জেল থেকে পালাবার মতলব করল।

ভিডক্ একটি মেয়েকে বড় ভালোবাসত। সে একদিন জেলখানায় এসে ভিডক্কে একটা ছদ্মবেশ দিয়ে গেল। পরদিন ভিডক্ এই স্ত্রীলোকের বেশ পরে বেশ গভীরভাবে জেল থেকে একেবারে সদর রাস্তায় গিয়ে পড়ল। রাস্তায় গিয়ে তার ভয়ানক চাঁ খেতে ইচ্ছে হল, সে এক চায়ের দোকানে গিয়ে বসল। বেচারী আরাম করে একটু চা খাচ্ছে এমন সময় হঠাৎ চারজন পুলিশ ভিডক্কে খোঁজে সেখানে হাজির! তারা দোকানে আসতেই ভিডক্ হাস্তে হাস্তে বললে, “কি! তোমরা বুঝি সেই পাকা চোরটাকে ধরতে এসেছ? তা তোমরা একটা কাজ কর, এই পাশের ঘরটাতে লুকিয়ে থাক—ওলোকটা এখন এখানে চা খেতে আসবে।” পুলিশ চারজন খুব বুদ্ধিমান ছিল। তারা খুব চটপট সেই একটা ও-জানলা-নেই ঘরটার মধ্যে ঢুকে পড়ল। ভিডক্ অমনি ছয়টি বেশ করে বাইরের থেকে বন্ধ করে দিয়ে বলল, “ওহে বন্ধুগণ, তোমরা বিশ্রাম কর, আমিই ভিডক্—আপাতত চল্লাম, আশা করি পরে আবার দেখা হবে—নমস্কার!” এই বলেই ভিডক্-বাবু সেখান থেকে দৌড় দিলেন।

কয়েকদিন পরে সত্যিই আবার ভিডক্কে সঙ্গে সেই চারজন পুলিশের দেখা হল। এবার তারা বেশী বুদ্ধিমানের মত কাজ না করে তাকে একেবারে সোজাসুজি

গারদে বন্ধ করে রাখল। জেলখানার কালো অন্ধকার ঘরে বসে বসে সে পালাবার পথ ভাবছে, এমন সময় দেখতে পেল আর-একজন তার মত ভাগ্যবান লোক সেই ঘরে বসে আছে। সে ঘরের এক কোণে একটা সূড়ঙ্গ কাটছে। তার মতবল হচ্ছে সূড়ঙ্গ পথ দিয়ে একেবারে নদীর ধারে গিয়ে পড়বে। তারপর নদীর জলে পড়ে সাঁতার দিয়ে একেবারে ওপারে গিয়ে উঠবে। ছুঁখের বিষয় সূড়ঙ্গটা একটু বেশী গভীর হয়েছিল। সূড়ঙ্গ কাটা শেষ হবার মাত্র তা দিয়ে ছ ছ করে নদীর জল, একেবারে জেলখানার ঘরে এসে পড়ল। বন্ধু ছজন ঘরের মধ্যেই খুব সাঁতার কাটতে লাগল। একটু পরে জেলার-বাবু এসে তাদের উদ্ধার করলেন।

জেল থেকে খালাস পাওয়ার কয়েকদিন পরে বেচারী কি-একটা মলিল জাল করে আবার ধরা পড়ে। এবার জেলখানায় এসে তার একটা বন্ধু লাভ হল। বন্ধু ভিডক্কে অনেক আগে থেকে সেখানে বাস করছিল। সে দেওয়ালে একটা সিঁদ কাটছিল। দেওয়াল ফুটো হতে আর খুব কমই বাকি ছিল। যখন দেওয়াল কাটা শেষ হল, ভিডক্ তার মধ্যে দিয়ে বার হতে চেষ্টা করল। তার কপাল বড় ধারাপ ছিল, তাই কোমর পর্যন্ত গিয়ে আটকে গেল। তখন ভিডক্ না পারে এদিকে আসতে, না পারে ওদিকে যেতে। সে একটু মোটা ছিল। যাক—ছজন সিপাই এসে তাকে টেনে হিঁচড়ে কোঠনো রকমে বার করল। বেচারার প্রাণ তখন একেবারে যাবার মত অবস্থায়।

যেদিন তার বিচার হবে সেদিন তাকে আর তার সঙ্গে আরো জন কয়েক কয়েদিকে জেল থেকে বার করে কোর্টে নিয়ে গেল। সেখানে বিচার হবার আগে কয়েকদিনের বাইরের একটা ঘরে বসিয়ে রাখা হল। একজন পুলিশ তার বড় লম্বা কোটটা আর মাথার টুপীটা খুলে রেখে চলে গেল। পুলিশটা যাই বেরিয়ে গেল, ভিডক্ অমনি তার কোটটা আর টুপীটা পরে আর-একজন কয়েদির হাত ধরে বেন তাকে বিচারের জন্ত নিয়ে যাচ্ছে এমন ভাবে বেরিয়ে গেল। কেউ তাকে একটু সন্দেহও করল না।

এমনি ভাবে আরো কিছুদিন দেশের লোকদের আশাতন করে শেষে ভিডক্কে শাস্তি হল ভয়ানক।

এবার তাকে আর দেশে রাখা হবে না, অনেক দূরের এক জেলখানায় পাঠানোর বন্দোবস্ত হল। সেখানে দেশের যত মহা মাতব্বর চোর বদমাইসের স্থান। ভিডককেও সেইখানে যেতে হবে। শাস্তি পেয়ে এবার তার মন সত্যিই তার মায়ের জন্তে কেঁদে উঠল। তার ত মায়ের কথা মনে পড়ে' তখন চোখ থেকে জল পড়ছিল। সেখানে গিয়ে ভিডকের মন আরো ভেঙে গেল। বেশী দিন থাকলে বোধ হয় সে পাগল হয়ে যেত। দিন রাত তাদের পায়ে পনেরো সের ওজনের শিকল বাঁধা থাকতো—আর সেই শিকল পায়ে নিয়ে তাদের হাড়ভাঙা মেহনত করতে হত। ভিডক একজন বন্ধুর সাহায্যে একটা উখা, একটা নাবিকের পোষাক আর একটা পরচুলা জোগাড় করল। সেইগুলো পরে' আর উখার সাহায্যে একরাতে পায়ের শিকল কেটে দৌড় দিল কাছাকাছি একটা সহরে। কিন্তু সহরে গিয়ে তার মহা বিপদ হল। সহরের-বার-হবার গেটে একজন পাহারাওয়ালা থাকে, সে একটা পুরানো চোর। তার চোখ এড়ানো শক্ত। সে লোকটা লোকের চলন দেখে বলতে পারত সে চোর কি না। অনেক ভেবে চিন্তে ভিডক তার কাছে গেল বেশ সোজা হয়ে হাঁটতে হাঁটতে। তাকে গিয়ে বলল—“ভাই হে একটা লঠন দাও ত, আমার একবার ঘাটে যেতে হবে।” পাহারাওয়ালা কোন রকম সন্দেহ না করে' তাকে একটা লঠন দিল, লঠন কৌশলে লুঠন করে' ভিডক সহরের সীমানা পার হয়ে গেল।

হুর্ভাগ্য ভিডকের পিছনে পিছনে চলেছে। কিছুদিন পরে আবার তার জেল হল। এবার সে কোনো অপরাধ করেনি। জগতে একবার যার নাম খারাপ হয়, তার সুনাম কিনতে বড় দেরী হয়, এমন কি অনেক সময় আর ভালো নাম সে কিনতেও পারে না। এবারও সে জেল থেকে পালাল।

• বাড়ী গিয়ে তার মাকে একবার দেখতে বড় ইচ্ছা হল। সে নিজের দেশে গেল। ভিডক মাকে খুব ভালোবাসত। দেশে ফিরে দেখল, সেখানে চারিদিকে পুলিশ ফুরছে তাকে ধরবার জন্তে। বেচারী হল্যাণ্ডের দিকে দৌড় দিল। পথে পুলিশের জাল পাতা ছিল। তাতে

ভিডক ধরা পড়ে' আবার ভীষণ শাস্তি পেল। কিন্তু জেলখানার দেওয়াল আর পায়ের লোহার শিকল কেটে পালানো মেন ভিডকের পক্ষে ছেলেখেলায় মত হয়েছিল। এবারও সে উখার সাহায্যে পায়ের শিকল কেটে জেলখানার দেওয়াল ভেঙে আবার পথে এসে পড়ল।

এবার পালাতে গালাতে ভিডক একদল ডাকাতের মধ্যে এসে পড়ল। সে দায়ে পড়ে' তাদের সঙ্গে কিছুকাল একটা জঙ্গলের মধ্যে ছিল। একদিন একজন ডাকাতের টাকার খলি চুরি যায়। ভিডক নুতন লোক বলে' তাকেই সবাই সন্দেহ করে। তার গায়ের সমস্ত কাপড়-চোপড় খুলেও টাকার খলি পাওয়া গেল না যদিও, তবু ভিডকের কাঁধের দাঁগ দেখে সবাই তাকে পাকা দাগী চোর বলে' চিন্তে পারল। দলের সর্দার ছকম দিলেন—ভিডককে গুলি করে' মারা হবে। যখন তাকে গুলি করবার সব বন্দোবস্ত হয়েছে, তখন সে কানে-কানে সর্দারকে কি একটা কথা বলল। সর্দার তার উত্তরে বলল—বেশ, তাই হোক। তারপর সে একবোঝা খড় বেশ সমান করে কাটাল। সর্দারের ছকম-মত দলের সবাই তখন তার দিকে দাঁড়াল। সর্দার তারপর সবাইকে ডেকে বলল—তোমরা প্রত্যেকে একটা করে' খড় টেনে নাও। যার খড় সবচেয়ে ছোট হবে, সেই টাকার খলি চুরি করেছে। খড়টানা শেষ হওয়ার পর দেখা গেল যে, দলের একজন পুরানো লোকের ভাগ্যে সবচেয়ে ছোট খড়টা পড়েছে। সে বেচারী চোর হল। ভিডক খালাস পেল বটে, কিন্তু তাকে দল থেকে বার করে' দেওয়া হল। ডাকাতের দলে চোর থাকবে কেমন করে'—এ যে বড় অজ্ঞান!

ডাকাতের দল ছেড়ে দিয়ে ভিডক নানা রকমের কাজ করেছিল। একবার সে মাঝখানে সৈন্তদলে ঢুকেছিল। তাতেও বেশ নাম কিনেছিল। যদি টিকে থাকতে পারত তবে বোধ হয় সেখানে তার বেশ উন্নতি হত। কিন্তু তার ভাগ্যে কোথাও একটু স্থির হয়ে বসবার কথা ছিল না। পল্টনের কাজ ছাড়ার পর সে প্যারিসে গিয়ে দরজীর দোকান করল। সেখানে তার মা এসে তার সঙ্গে বোগ দিল।

বেচারী অনেকবার জেলখানার পর একটু শাস্তি পাবার চেষ্টা করছিল—দেশের পুলিশ তা হতে দিল না। কোনো

কারণ নেই, হঠাৎ একদিন তার দোকানে এসে তাকে ধরে নিয়ে চলে গেল।

ভিডকের প্রাণ একেবারে অস্থির হয়ে উঠল। এবার সে ঠিক করল সে পুলিশের দলে নাম লেখাবে, আর চিরকাল চোর বদমাইস্ ধরার কাজেই থাকবে।

প্যারিসের পুলিশের কর্তাকে ভিডক্ তার ইচ্ছা জানাল। তিনিও রাজি হলেন। কিন্তু হঠাৎ ত আর একটা দাগী চোরকে ছেড়ে দেওয়া যায় না, তাই এক অদ্ভুত কাণ্ড করে তাকে মুক্তি দেওয়া হল। একদিন লোকে দেখল যে ভিডককে শিকল দিয়ে বেশ করে বেঁধে কোথায় নিয়ে যাওয়া হল। তার দুদিন পরে হঠাৎ সহরের লোকে জানতে পারল যে ভিডক্ একটা জঙ্গলের মধ্যে পাহারাওয়ালার হাত থেকে কোথায় অদৃশ্য হয়েছে। আসলে কিন্তু তাকে পুলিশ জঙ্গলে নিয়ে গিয়ে ছেড়ে দিয়েছিল। যাক—কয়েক দিন পরে ফিরে এসে গোপনে সে পুলিশের গোয়েন্দা বিভাগে কাজ নিল। এখন থেকে তার একমাত্র কাজ হল যত সব নামজাদা চোর আর বদমাইসদের ধরা।

এমনি ভাবে সে আছে। এমন সময় একদিন তার এক নিমন্ত্রণপত্র এল 'সেন্ট জার্মেন্ নামে একজন নামজাদা সিঁদেল চোরের কাছ থেকে। এই চোরটি আবার বেশ শিক্ষিত, সহরের অনেক আড্ডাতে বেশ আদর সম্মান তার ছিল। সবচেয়ে সেরা গুণ ছিল তার—অতি প্রখর বুদ্ধি। নিমন্ত্রণ পত্র পেয়ে ভিডক্ তার বাড়ী গেল। সেখানে গিয়ে সে শুনল যে সেই রাত্রেই তারা একটা ব্যাক লুট করবে, সব ঠিক হয়ে গেছে। বেচারী ভিডক্ বড় বিপদে পড়ল, কেমন করে পুলিশকে খবর দেবে। অথচ যদি পুলিশকে খবর না দেয়, তবে ধরা পড়লে পুলিশ তার কোনও ওজর শুনবে না—তাকে আবার জেল খাটতে হবে। একটু ভেবে সে বলল—“দেখ আমার বাড়ীতে ভাল মদ আছে—আমি গিয়ে নিয়ে আসি—।” সেন্ট জার্মেন্ কাঁচা লোক নয়, সে বলল, “বেশ কথা বলেছ—তুমি একটা চিঠি লিখে দাও আমি লোক পাঠাচ্ছি।” কি করে, বেচারী একটা চিঠি লিখে দিল। লোকটা যখন চলে গেল—ভিডক্ বসে বসে তার স্ত্রীকে আর একখানা পত্র লিখল—“একটু পরে তুমি আমাদের পেছনে এসো। রাস্তায় যখন আমি একটা চিঠি

কলে দেব, তুমি সেটা নিয়ে, থানায় দিয়ে আসবে।” একটু পরে তার স্ত্রী মদের বোতল নিয়ে এল। বোতল নেবার সময় এক ফাঁকে ভিডক্ পত্রখানা স্ত্রীর হাতে গুঁজে দিল। তার স্ত্রী চলে গেল।

যখন সমস্ত আয়োজন শেষ হল, তখন ভিডক্ বলল, “ওহে তোমরা সবাই ব্যাকটা দেখেছ বটে, কিন্তু আমারও একবার দেখা দরকার নয় কি?” তখন সর্দার জার্মেন্ তাকে সঙ্গে নিয়ে ব্যাক দেখতে গেল। ব্যাক দেখে ফিরবার পথে ভিডকের পেঙ্গিলের দরকার হওয়ার সে একটা দোকানে পেঙ্গিল কিনতে গেল। দোকানে চট্ পট্ একখানা কাগজে পুলিশকে কিছু লিখে নিল। পথে চলতে চলতে সেখানা রাস্তার পাশে ফেলে দিল। ভিডকের স্ত্রী কাছেই ছিল, সে কাগজখানা নিয়েই একেবারে পুলিশের ভূঁড়িওয়ালী কর্তার কাছে গিয়ে হাজির হল।

রাত্রে সেন্ট জার্মেন্ দল সমেত ধরা পড়ল। একটু আধটু বন্দুকও চলেছিল। এতদিন পরে ভিডক্ পুলিশের কাছে একটু আদর পেল। আহা! বেচারী! অনেক কষ্ট সহ করেছিল, তার পুরস্কার পেল।

এই সময় ফ্রান্সে কসাকদের আসবার ভয় ক্রমশ বেড়ে উঠছিল। সেই ভয়ে একজন লোক তাদের পাড়ার এক বুড়ো খুব ভালো পাদরীর সঙ্গে পরামর্শ করে' একটা গর্তে তাদের সমস্ত রূপোর বাসন-কোসন টাকা-কড়ি, সব পুঁতে রাখল। দিন চারেক পরে লোকটা বুক চাপড়ে মারা যাবার জোগাড় ;—গর্ত খুঁড়ে কে সব নিয়ে গেছে। পুলিশ অনেক করেও চোর ধরতে পারল না। বুড়ো পাদরী বড় ভাল লোক, সে কি আর চুরি করতে পারে! একথা মনে করাও মহাপাপ! ভিডকের উপর তার পড়ল, যেমন করেই হোক চোর ধরতে হবে।

ভিডক্ প্রথমেই পাদরীকে জেলখানায় পাঠাল। তার পর একটা ফেরিওয়ালার বেশ ধরে' পাদরীর বাড়ীতে গেল পুরানো জিনিষ কিনতে। কিছুই পেল না। বুড়ী বড় চালাক। তারপর ভিডক্ এক মজা করল—নিজেও কয়েদীবেশে জেলখানায় গেল। সেখানে গিয়ে সে অনেক সুখ-দুঃখের কথা বলে' পাদরীর সঙ্গে বেশ ভাব করল। কথায় কথায় বলল—“দেখ ভাই! এবার আর দেশে থাকছি না, এবার

যদি পালাতে পারি, তবে জান্নানি পালাবো। আমার একটা জঙ্গলে কিছু সম্পত্তি পোতা আছে। তা বিক্রি করলে বেশ কিছু টাকা পাব—কেয়া আরামে থাকবো।” পাদ্রী বেচারি বিশ্বাস করে’ তাকে অনেক কথা বলল। শেষরাত্রে তারা জঙ্গলে জেল থেকে পালাল। জঙ্গলে গিয়েই তাড়াতাড়ি পাদ্রী একটা ঝোপ থেকে একটা কোদাল বার করে’ দিল। তাই দিয়ে ভিডক্ একটা জায়গা খুঁড়ে কতকগুলো টাকা-কড়ি বার করল। সেগুলো অবশ্য পুলিশের লোকে পুঁতে রেখেছিল। তারপর আর অবিশ্বাস না করে’ পাদ্রী কোদালখানা হাতে নিয়ে খানিকটা দূরে গিয়ে একটা ঝোপের তলায় মাটি খুঁড়ে সেই-সব বাসন-কোসন টাকা-কড়ি বার করল। তারপর আর কি—বেচারি পাদ্রীকে আবার জেলে ফিরে যেতে হল। পাদ্রীর যখন শাস্তি হল, সে বলল, “ওর চেহারা দেখে ভালমানুষ মনে করেছিলুম—ও যে এমন তা কে জানত।”

প্রায় ২০ বছর ধরে’ ভিডক্ এই কাজ করে’ প্রায় কুড়ি হাজার নিরীহ চোরদের সর্বনাশ করেছিল। তারপর সে প্যারিসের এক গোলন্দাজদের কর্তা হয়। কিন্তু এত বড় কাজ সে দেশের জন্ত করলেও, তবু সে যে এককালে খারাপ ছিল লোকে তা ভুলতে পারল না। তাকে দেশের

লোক কোনোকালে ক্ষমা করেনি। শেষে সে কাজ ছেড়ে দিয়ে ইংলণ্ডে গেল। সেখানে গিয়ে সে নিজের জীবন সম্বন্ধে অনেক গল্প বলত। লোকে তার গল্প শুন্তে শুন্তে একেবারে অবাক হয়ে যেত। তার গল্প বলার আশ্চর্য্য ক্ষমতা ছিল। লোকে ঘণ্টার পর ঘণ্টা তার দিকে হাঁ করে’ চেয়ে তার কথা শুন্তো। সে গল্প বলার সঙ্গে সঙ্গে পোষাকও বদল করত। কখনও কয়েদির বেশে, কখনও নাবিকের বেশে, কখনও দরজীর রূপে, কখনও মেয়ের পোষাকে তাকে খুব চমৎকার মানাত। ভিডকের ৮২ বছর বয়স হলে, সে মারা যায়। মরণকাল পর্যন্ত তার অর্থকষ্ট কোনো দিন হয়নি। লণ্ডনে গল্প বলে’ সে অনেক টাকা উপাধি করছিল। ভিডকের চরিত্রে কতকগুলি ভালো ভ্রমিষ ছিল, কিন্তু সুবিধা না পেয়ে তারা প্রকাশ হতে পারেনি। সে হয়ত খুব বড় একজন সৈনিক কর্মচারী হতে পারত। কিন্তু সে জীবনের বেশীর ভাগ কাটিয়েছিল—দেশের পাজী এবং বদমাইস লোকদের সঙ্গে। দেশের ভালো লোক তার সঙ্গে ভাগ করেছিল, কাজেই তাকে বধা হয়ে খারাপের সঙ্গেই থাকতে হয়েছিল। তার ভাল না হওয়ায় জন্ত তার দেশ অনেক পরিমাণে দায়ী।

শ্রীহেমন্ত চট্টোপাধ্যায়।

ছোট সবুজ পাখী

ছোট সবুজ পাখী,—
তাজা তুণের সবুজ-কুচি
কাঁপিস্ হাওয়া লাগি!
নয়া বেতের খোপার সবুজ,
দুর্কী-দেবীর খোপার সবুজ,
সবুজ—প্রথম-পল্লবিত
শিশু অশথু শাখী,
কোন্ সবুজে নীড় বেঁধেচিস্?
ছোট সবুজ পাখী!

ছোট সবুজ পাখী,—
ছোট সবুজ পরীর মত
নাচিস্ থাকি থাকি।

ছায়া-দীঘির জলে যেয়ে
তুই কি পাখী আসলি নেয়ে,
আসার বেলা শ্রাম শেহেলা
অঙ্গে বিলেপ মাখি ?—
সব সবুজের সেরা সবুজ
ছোট সবুজ পাখী!

ছোট সবুজ পাখী,—
কচি প্রাণের কাঁচা পুলক
মুঠি নিলি নাকি!

শ্রীরাধাচরণ চক্রবর্তী।



স্ত্রীশিক্ষা-প্রবর্তনে মহিলা

ইংলণ্ডে আগে মেয়েদের শিক্ষার অবস্থা আমাদের দেশের মতনই ছিল—মেয়েদের একটু লিখিতে পড়িতে শিখাইয়াই অভিভাবকেরা দায় খালাস মনে করিতেন। ছেলেদের সমান শিক্ষা মেয়েরাও পাইবে এমন কথা দেশের মেয়েপুরুষ কেউ ভাবিতেও পারিত না। মেয়েরা যে লাতিন ভাষা বা অক্ষ শিখিবে এমন কথা মনে করাও লজ্জার ও নিন্দার কারণ ছিল। কুমারী ফ্রান্সেস্ মেরী বাস্ দেশের এই অস্বাভাবিক ছরবড়া প্রথম হৃদয়ঙ্গম



ফ্রান্সেস্ মেরী বাস্।

করেন এবং তিনি সম্পন্ন ধনিকত্বা হইয়াও স্ত্রীশিক্ষাদানে ও প্রচারে জীবন উৎসর্গ করেন। তাঁর চেষ্টায় দশ বৎসরে ৪৫টি দানপুত্র বাণিকা বিদ্যালয় প্রতিষ্ঠিত হয়। তাঁরই চেষ্টায় ১৮৬৩ সালে কোম্বিজ বিশ্ববিদ্যালয় মেয়েদের বিশ্ববিদ্যালয়ে পরীক্ষা দিতে সম্মত হন। তাঁর জীবনের

সাধনার মন্ত্র ছিল—“বোনদের সব ভাইদের সমান করিয়া ছাড়িব।” তিনি ইংলণ্ডের নারী-বুদ্ধিকে বন্দীদশা হইতে মুক্তি দিয়া দেশকে কুসংস্কারমুক্ত ও সর্বাঙ্গপুষ্ট হইয়া উন্নত হইবার উপায় করিয়া দিয়াছেন। তিনি নিজের কৃতকর্মের ও চেষ্টার সফলতা দেখিয়া ৬৭ বৎসর বয়সে ১৮৯৪ সালের বড়দিনের আগের দিনে পরলোকে প্রয়াণ করিয়াছেন।

চার্লস বন্দ্যোপাধ্যায়।

নারী-প্রগতি

১৯২০ সালের নূতন মিউনিসিপাল ব্যবস্থা অমুখ্যায়ী প্রতিনিধি নির্বাচনে মাদ্রাজের বহু নারী ভোট দিয়াছিলেন। শ্রীরঙ্গমে একত্র আলাদা করিয়া নারী-কেন্দ্র গঠন করা প্রয়োজন হইয়াছিল, বেলায়ী ও তাজোর মিউনিসিপালিটির নারী ভোটারদের প্রায় তিনচতুর্থাংশ, তাহারও অপেক্ষা না রাখিয়া সাধারণ কেন্দ্রগুলিতেই দলে দলে গিয়া ভোট দিয়া আসিয়াছিলেন।

জাপানের হিগাসী, উজাগুণ ও এহিমেকেম্-এ নারী দমকল-দল গঠিত হইয়াছে। তিনটি শহর হইতে ৪০০ নারী এই দলগুলিতে যোগ দিয়াছেন। আশুন নিবানোর কাজে সাধারণ দমকলওয়ালাদের সঙ্গে একযোগে ইঁহারা কাজ করিবেন।

ওয়াশিংটনের নিরস্ত্রীকরণ কনফারেন্সে মার্কিন প্রতিনিধিদলের পরামর্শ-সমিতিতে (advisory committee) ৪জন মহিলা পরামর্শদাতা নিযুক্ত আছেন। তাঁহাদের নামঃ—মিসেস ক্যাথারিন্ ফিলিপ্ এডসন, মিসেস্ টমাস্ উইন্টার, মিসেস্ চার্ল্ সামার বার্ড, মিসেস্ ইলিয়নর ফাঙ্ক্লিন এগান।

সুইডেনের পার্লামেন্টে চারজন নারীসভ্য নির্বাচিত হইয়াছেন।

ব্রাজিলের রিয়ো জানেইরো বিশ্ববিদ্যালয়ের অধ্যাপনা



ও পরিচালনা সংক্রান্ত সমস্ত কাজই এখন হইতে মেয়েরা করিতে পারিবেন।

ডাক্তার শ্রীমতী এল্‌সী ব্রিট্টের অষ্ট্রিয়ার প্রথম বিশ্ববিদ্যালয়ের অধ্যাপিকা নিয়োজিত হইয়াছেন।

গত বৎসর অষ্ট্রিয়ার ভিয়েনা মিউনিসিপালিটি চারজন নারীকে স্কুল-পরিদর্শকের পদে নিযুক্ত করিয়াছিলেন। উহারা এমন আশ্চর্য্য কৃতিত্বের পরিচয় দিয়াছেন যে ভিয়েনার সমস্ত স্কুলগুলিরই পরিদর্শকের কাজে নারীদের নিযুক্ত করা হইয়াছে।

গত ৬-৮ অক্টোবর কলোনে জার্মানীর জাতীয় নারী মহাসভার দ্বাদশ অধিবেশন হইয়া গিয়াছে। প্রায় দশ লক্ষ নারীদের প্রতিনিধি উপস্থিত ছিলেন। সভায় এই প্রস্তাবগুলি ধার্য্য হয় :—১। (ক) বিবাহিত জীবন সম্বন্ধে কোনও সমস্তার মীমাংসা, স্বামী এবং স্ত্রী উভয়েরই সম্মতি বাতীত হইতে পারিবে না। (খ) সন্তানদের উপর পিতার যে যে বিষয়ে যতখানি অধিকার, মাতারও সেই সেই বিষয়ে ঠিক ততখানি অধিকার থাকিবে। (গ) স্বামী স্ত্রী উভয়েই পারিবারিক আয় ব্যয়-বভাগের উপর সমান কর্তৃত্ব করিতে পারিবেন, তা তিনি বাহিরে রাজকাজই করুন বা গৃহে গৃহকর্মই করুন। (ঘ) সন্তানদের শুভাশুভের প্রতি লক্ষ্য রাখিয়া বিবাহ-সম্বন্ধ ছিন্ন করিবার সুযোগ বাড়াইতে হইবে।

২। রাইষ্ট্রাঙ্গে শিশুহিত সম্বন্ধে একটি বিল উপস্থিত করিয়া শীঘ্রই উহা কাজে পরিণত করিতে হইবে। এই কাজে নারী-বিশেষজ্ঞদের পরামর্শ ও সাহায্য লওয়া হইবে।

৩। সমস্ত রাজকাজ, ব্যবসা-বাণিজ্য প্রভৃতিতে নারীদের যে-সমস্ত বাধা ও অবিচার প্রভৃতির বিরুদ্ধে লড়িতে হয় সভা তাহার তীব্র প্রতিবাদ করেন। সমান শ্রমে নারী শ্রমিকদের অপেক্ষাকৃত অল্প মজুরির প্রথা প্রত্যাখ্যান ও প্রতিবাদ হয়।

স চ।

মাদাম কুরির নূতন উপহার

" বিখ্যাত নারী-বৈজ্ঞানিক মাদাম কুরি (রেডিয়াম আবিষ্কারক) আমেরিকার ইউনাইটেড্‌ স্টেট্‌সে গিয়া বহু সম্মান এবং উপহার লাভ করিয়াছেন। কিছুদিন

হইল সেখানে তিনি কতকগুলি বই উপহার পাইয়াছেন। মাদাম কুরির আমেরিকা আগমন লইয়া খবরের কাগজে যত কিছু লেখা বাহির হইয়াছে—এই বইগুলি সেই-সব খবরের কাগজের "কাটিং" লইয়া বাঁধান হইয়াছে। বইগুলি ১১ খণ্ডে ভাগ করা—প্রত্যেকখানি ২১ ইঞ্চি লম্বা, ১৪ ইঞ্চি চওড়া, ৩ ইঞ্চি মোটা। প্রত্যেক খণ্ড মস্কো চামড়ায় বাঁধান। মাদাম কুরি এই উপহার পাইয়াছেন—“ইউনাইটেড্‌ স্টেট্‌স্‌ রোডিয়াম্‌ কর্পোরেশন্‌ অব্‌ নিউ ইয়র্কেব” নিকট হইতে।

*

প্রজাপতির চাষ

ফ্রান্সে। মেন প্রদেশে একজন মহিলার একটি প্রজাপতির কারবার আছে। এই মহিলার মুরগীর কারবার আছে এবং তাহা হইতে তাঁর মাপেট আয় হয়। প্রজাপতির কারবারে যদিও আয় কম, তবুও মহিলাটির এই বিষয়ে একটা নেশা আছে। তিনি প্রজাপতির কারবার করিয়া তাঁর বাড়ীর ছেলেরা এবং গ্রামের অন্যান্য লোকদের প্রজাপতি সম্বন্ধে অনেক অভিজ্ঞতা জন্মাইয়াছেন। তিনি যখন প্রথম এই কারবার আরম্ভ করেন, তখন জঙ্গল হইতে প্রজাপতির গুটি খুঁজিয়া আনিতেন। তাহার প্রজাপতি-গোয়াদে কেবল প্রজাপতির জন্মটুকই হইত। কিন্তু এখন তাঁহার প্রজাপতি-গোয়াদে প্রজাপতির গুটিম পাড়া হইতে, সেই ভিন্নের নানা বকম অবস্থার মধ্য দিয়া গিয়া প্রজাপতি হুলাত করা সম্ভব হইয়াছে। ভদ্রমহিলাকে আর প্রজাপতির গুটির জন্ত আহা-নিদ্রা ত্যাগ করিয়া মাঠে ঘাটে এবং বনে ঘুরিয়া বেড়াইতে হয় না। প্রজাপতির ঘিমে তা দিবার জন্ত ছোট ছোট কাঠের বাগ আছে—এই বাগ লম্বায় ২ ফুট, চওড়ায় ১ ফুট এবং উচ্চতায় ১ ফুট। এই বাগের ছাদ এবং পাশ তারের জাল দিয়া দেয়া। বাগের নীচে মস্‌, খোয়া বা মাটি থাকে। এক এক প্রকারের প্রজাপতির গুটির জন্ত এক এক প্রকারের বন্দোবস্ত প্রয়োজন হয়। বাগের উপরে একটি ছয় পাশ থাকে—এই ছয় দিয়া গুটি ভিতরে রাখা হয়।

নির্দিষ্ট স্থানে প্রজাপতি-চাষ করার সব-চেয়ে বড় অসুবিধা হইতেছে গুটিপোকাদের ধরিয়া রাখা। গুটিপোকারা বড় চঞ্চল—সব সময় যেখানে সেখানে চলিয়া যাইবার মতলব আঁটে, একটু সুবিধা পাইলে হয়, অমনি তাহার টিকি দেখা ভার হইবে। তবে গুটিপোকা একবার গুটির ভিতর প্রবেশ করিলে আর কোন ভয় নাই। গুটির মধ্যে গুটিপোকা একেবারে অচেতন হইয়া নিদ্রা দেয় বা প্রজাপতি হইবার জন্ত প্রস্তুত হইতে থাকে।

প্রজাপতি গাছের পাতায় এবং ডালে ডিম পাড়ে। কোন কোন প্রজাপতি একবারে অনেকগুলি ডিম পাড়ে, আবার কোন কোন প্রজাপতি একবারে একটি মাত্র ডিম প্রসব করে। মাতা-প্রজাপতির মনে স্নেহ-মমতা আছে। সে ডিম পাড়িয়া তাহাতে তা দেয়। এই সময় খুব নজর রাখিতে হয়। ডিম গুটিপোকা হইলে তাহাকে গাছের ডালে ছাড়িয়া দিতে হয়। গাছের ডালে আবার এই পোকা গুটি বাঁধে। গুটিপোকাদের গাছের ডালে আবদ্ধ করিয়া রাখিবার কৌশল বা মন্ত্রটি ভদ্রমহিলা কাহাকেও বলিতে চান না—হয় ত পরিবার সময় তাঁহার প্রিয়তমা কণ্ঠ্যাকে শিখাইয়া যাইবেন। তারপর গুটিকে নির্দিষ্ট ব্যাগে বন্দী করা হয়। এই বন্দীশালায় প্রজাপতি-জন্ম লাভ করিয়া তাহার মুক্তি হয়।

এই প্রজাপতিগুলিকে কাঠ বা কাগজের তক্তার উপর আলুপিন দিয়া বিক্রি করিয়া আটকান হয়, এবং বিক্রয় করা হয়। এই ভদ্রমহিলা পৃথিবীর আরো অনেক স্থান হইতে প্রজাপতি আমদানী করিয়া বিক্রয় করেন। তাঁহার কাছে এমন কতকগুলি প্রজাপতি পাওয়া যায় যাহা সচরাচর বড় একটা দেখা যায় না।

রাশিয়ার প্রধান নারী

কিছুদিন পূর্বে লুইস্ ব্র্যাণ্ট নামে এক ভদ্রমহিলা মস্কাও সহরে ম্যাডাম লেনিনের সঙ্গে দেখা করেন। তাহার বিবরণ নীচে দেওয়া হইল।

পূর্বে রাশিয়ার কমিশারদের (জেলার শাসনকর্তা) পরিবারবর্গ বড় আনন্দে এবং সুখেই বাস করিত। তাহাদের অবস্থা কতকটা আমাদের দেশের জেলা ম্যাজিষ্ট্রেটদের মত ছিল। কিন্তু বর্তমান সময়ে রাশিয়ার প্রত্যেক লোকের সমান অধিকার। তাহাদের বাড়ীর অভ্যন্তরের অবস্থার মধ্যেও কোন বিশেষ পার্থক্য নাই। কমিশারের জীকেও সাধারণ লোকের মত, এমন কি অনেক স্থলে সাধারণ লোক অপেক্ষা বেশী পরিশ্রম করিতে হয়। লেনিনের জী নাড্জেডা কনষ্টান্টিনোভা ক্রুপ্‌স্কায়া (Nadejda Constantinova Krupskaya) শরীর খুব ভাল নয়। কিন্তু তিনি দেশের এবং দশের জন্ত এমন ভীষণ পরিশ্রম করেন যে অবাক হইয়া যাইতে হয়। এখন তাঁহার প্রধান কাজ হইয়াছে দেশের অশিক্ষিত বয়স্ক লোকদের শিক্ষিত করা। তাঁহার চেষ্টার সফল ফলিয়াছে যথেষ্ট পরিমাণে। কেবল মাত্র মস্কাও সহরেই ৮০০০০০ লোক শিক্ষিত হইয়াছে। রাশিয়ার লাল পন্টনে এখন শতকরা ৭৬ জন লেখা-পড়া জানা। আর যখন 'জার' রাশিয়ার একমাত্র কর্তা ছিলেন তখন শতকরা ৮৫ জন ছিল না-লেখা-পড়া-জানা। আমাদের ভারতবর্ষের গভর্নমেন্ট ম্যালেরিয়া তাড়াইবার জন্ত যে হাড়-ভাঙ্গা পরিশ্রম করিতেছেন এবং যে কার্যের জন্য ৫৬৩৩ টাকা মাসিক বেতনে বাঙ্গলা দেশে বিশেষ করিয়া একজন মহামতি মন্ত্রীও নিযুক্ত হইয়াছেন, রাশিয়ার সোভিয়েট গভর্নমেন্ট 'অ-শিক্ষা রক্ষসীকে দূর করিবার জন্ত তাহা অপেক্ষা কিছু বেশী চেষ্টা করিতেছেন। তাহাতে সেখানের অ-শিক্ষা রূপ ম্যালেরিয়া দূর করিতে অনেক পরিমাণে সফলও হইয়াছেন। লুইস্ ব্র্যাণ্ট ম্যাডাম লেনিনের সঙ্গে যখন দেখা করিতে গেলেন, দেখিলেন তাঁহার ঘরের সামনে একজন সৈনিক বন্দুক-হস্তে দাঁড়াইয়া আছে। তাহার মুখটি বেশ হাসিতে ভরা—তাহার মনটিও বেশ সরল। ম্যাডাম লেনিন ধবর পাইবা মাত্র বাড়ীর বাহিরে আসিয়া অতিথিকে, তাঁহার দুই হাত নিজের হাতের মধ্যে লইয়া পরম আদরে নিজের ঘরে লইয়া গেলেন। তাঁহাদের বাস করিবার জন্ত তাঁহারা মাত্র দু-খানি ঘর লইয়াছেন। একখানি শুইবার ঘর, আর একখানি খাইবার এবং তাঁড়ার ঘর। মস্কাও এখন বড় স্থানান্তর। কাজেই দেশের

প্রধান ব্যক্তি হইয়া তাঁহার ছুখানির বেশী ঘর লইবেন কেমন করিয়া? ঘরের মধ্যে আস্বাব-পত্রের বাহুল্য নাই। কয়েকখানি চেয়ার। একটি বইয়ের আলুয়ারি। ঘরের কাজের জন্ত কোন চাকর নাই। রান্না-বাগার কাজ তিনি নিজেই করেন।

বর্তমান সময়ে রাশিয়ার বিদ্রোহী দলের প্রধান চেষ্টা হইতেছে Capitalism অর্থাৎ মহাজনা ব্যাপারটাকে একেবারে চিরকালের মত নষ্ট করা। কিন্তু ইহার প্রতিকূলে Modified Capitalism স্থাপন করিবার চেষ্টাও চলিতেছে। ম্যাডাম লেনিন্ এ বিষয়ে বলেন—আমার কাছে এই Capitalism এবং Modified Capitalism-এর মধ্যে একটা মাঝামাঝি পথ পাওয়া অসম্ভব বলিয়া মনে হয় না। কয়েক বছর পূর্বে রাশিয়াতে কোন প্রকার সামাজিক বা রাষ্ট্রীয় মতের পরিবর্তন স্বপ্ন বলিয়া মনে হইত। কিন্তু এই মহা-বিদ্রোহের পর আমার কাছে রাশিয়াতে কোন প্রকার পরিবর্তন না-হবার-মত বলিয়া মনে হয় না। তবে এ পরিবর্তন যে তাড়াতাড়ি হইবে তাহা বলিতে চাই না। বিদ্রোহের মধ্যে আমরা যে সত্যকে লাভ করিয়াছি তাহা চিরকাল বাঁচিয়া থাকিবে। Capitalism এবং Modified Copitalism এর মিলন হওয়া শক্ত, কিন্তু তাহাতে নিরাশ হইবার কোন কারণ নাই। আমার এ মিলনের আশা আছে, এবং এ আশা ব্যর্থ হইবার নয়।

নারী জ্যোতিষী

মিস্ অ্যানি ক্যানন নামে এক আমেরিকান মহিলা একখানি পুস্তক প্রকাশ করিতেছেন। এই পুস্তকে ৭০০,০০০ নক্ষত্রের নাম এবং আমাদের পৃথিবী হইতে তাহার কতদূরে তাহার বর্ণনা থাকিবে। এই মহিলা ১৮৬৩ খৃঃ অব্দে ডেলাওয়ের ডোভার শহরে জন্মগ্রহণ করেন। তিনি তিনটি নতুন তারা আবিষ্কার করিয়াছেন। তিনি হার্বার্ড অবজার্ভেটোরির অ্যাস্ট্রোনমিক্যাল ফটোগ্রাফস্-এর কিউরেটর। এই ভদ্রমহিলার একটি আশ্চর্য্য ক্ষমতা আছে, ইনি কোন একটা তারার আলো দেখিয়াই পৃথিবী হইতে তাহার দূরত্ব কত বলিয়া দিতে পারেন।


চিকিৎসা-বিদ্যালয়ে নারী

‘Our Home’ নামক পত্রিকাতে প্রকাশ যে এবার চ্যারিংক্রস্ হস্পিট্যাল মেডিক্যাল স্কুলের সত্তেরোটি পুরস্কারের মধ্যে অধিকাংশই মহিলা ছাত্রীরা লাভ করিয়াছেন। এই বিদ্যালয়ে ছাত্র এবং ছাত্রীদের সকল বিষয়ে সমান অধিকার। মিস্ মেরি জোয়ি অটিন সত্তেরোটি পুরস্কারের মধ্যে নয়টি পাইয়াছেন। মিস্ গেঞ্জোলিন মেরি লাভ করিয়াছেন তিনটি। ছাত্রগণ পাঁচটি পুরস্কার পাইয়াছেন। পুরুষ নারীর অপেক্ষা উঁচু আসন পাইবার যোগ্য—এই মত তাঁহারা মনে মনে পোষণ করেন, তাঁহারা একবার এই চিকিৎসা বিদ্যালয়ের পুরস্কার-প্রাপ্ত ছাত্রীদের দিকে দৃষ্টি দিলে, একটা নূতন কিছু শিখিতে পারিবেন।

পুলিসের কাজে নারী

গত যুদ্ধের সময় মহিলা-পুলিসের প্রথম চলন হয়। গত ১৫ই জুন ক্যান্টন হলে একটি নারী-সভা হয়। এই সভাতে লেডী অ্যাষ্টর বলেন যে মহিলা-পুলিস এখন আর পরাকার ভিতর নাই। মহিলা-পুলিস পরীক্ষায় উত্তীর্ণ হইয়া এখন পুরুষ পুলিসের মতই কার্য্যকরী হইয়াছে। ইংলণ্ডে কামাণ্ডাণ্ট অ্যালান প্রথম উদ্দীপিত নারী-পুলিস। ১৯১৪ খৃঃ অব্দে পরলোকগত মিস্ ড্যামার লসন প্রথম নারী-পুলিসের সৃষ্টি করেন। এখন ১৫০০ শত নারী পুলিসের সমস্ত কার্য্যে শিক্ষালাভ করিয়াছেন। আমেরিকাতে এখন স্বতন্ত্র মহিলা পুলিসের দল আছে। ইংলণ্ডের মত আমেরিকাতেও প্রথম এই প্রথার চলন করিবার সময় বিস্তর বাধা ও আপত্তি উঠিয়াছিল। কিন্তু এসব সত্ত্বেও সকল বাধা অতিক্রম করিয়া আজ আমেরিকার অনেকগুলি সহরে নারী, পুলিসের সকল কার্য্যই করিতেছে। ওয়াশিংটন সহরের মহিলা-পুলিসের প্রধান-কর্মচারী একজন নারী। তাঁহার নাম মিনা ভ্যান উইঙ্কল। সেখানের নারী-সমাজ কেবল ঘরের বাহরে আসে নাই, ঘরের বাহরের সমস্ত কাজেই পুরুষের সমান কাজ করিতেছে।

শ্রীহেমন্ত চট্টোপাধ্যায়।



জিজ্ঞাসা

(১০২)

দক্ষিণ বিক্রমপুরের অন্তর্গত ধানুকা নামক গ্রামে স্মৃতিকাগর্ভে পুরাতন দাসানের ভগ্নাবশেষ এবং অল্পাংশ অনেক জব্বাদি পাওয়া গিয়াছে। উহার ঐতিহাসিক বিবরণ কেহ প্রকাশ করিলে বাধিত হইব।

শ্রীশ্রীকুমারচন্দ্র আচার্য্য।

(১০৩)

নারিকেল হইতে কি উপায়ে অল্প আয়সে তৈল বাহির করা যায়। কাহারও জানা থাকিলে জানাইবেন।

শ্রীউষাবালা গুহ।

(১০৪)

কোনও লেখা চোখের যতই সান্বে আনিয়া পড়িতে চেষ্টা করা যায়, উহা ততই অস্পষ্টতর হইয়া উঠে; ইহার কারণ কি?

শ্রীকার্ত্তিকচন্দ্র চক্রবর্তী।

(১০৫)

পৌড়াধিপ হোসেন সাহের রাজত্বকালে "ছায়া শূন্য বেদ শশী পরিমিত শকে" বিজয়গুপ্তের মনসামঙ্গল রচিত হয়। উক্ত সাংকেতিক শকের অর্থ কি?

প্রিয়দাসী ঘোষ।

(১০৬)

শান্তিপুত্রের পূর্বে অস্ত্র কোন নাম ছিল কি না জানিতে ইচ্ছা করি। শান্তিপুত্র নাম কতদিনকার?

শ্রীবিধমোহন সান্যাল।

(১০৭)

আদিগুরুর রাজত্বকালে কানাকুজ হইতে আগত পাঁচজন ব্রাহ্মণের মধ্যে 'বাৎসল্য'-গোত্রীয় 'ছান্ড'ও একজন। তাঁহার পদবী কি ছিল?

শ্রীকালিদাস ভট্টাচার্য্য।

(১০৮)

চীনা বা জাপানী বেতের জিনিষের উপর যে পাকা রং ফলান থাকে তাহা কি উপায়ে হয়, তাহার বৈজ্ঞানিক প্রণালী কি? Glaze হয় কি প্রকারে?

শ্রীফণিভূষণ দত্ত।

(১০৯)

তামা, পিতল, বা জার্মান-সিল্ভারের পাতের নিব্ তৈয়ারী করিবার কল কোথায় পাওয়া যায় " সেই নিব্ তৈয়ারীর সহজ ব্যবস্থা কি? উহার জন্ত বস্তুপতির বোধপত্র কাহার কাছে পাওয়া যায়? ছুঁচ, আগুনি প্রভৃতির সুলভ কোন কল আছে কি না এবং কোথায় কি নামে পাওয়া যায়? Cover, খাম প্রভৃতি কাটিবার যন্ত্র কোথায় প্রাপ্য?

শ্রীআশুতাম দাসগুপ্ত।

(১১০)

পদার্থে পদার্থে আঘাত কিম্বা ঘর্ষণ করিলে শব্দ হয় কেন এবং পাত্র-ভেদে বিভিন্ন প্রকার শব্দ ঘটিয়া থাকে কেন?

শ্রীজিতেন্দ্রমোহন সেন।

(১১১)

দেবতার মন্দিরে ধনা দেওয়া অথবা ৮তারকেবরের মন্দিরে হত্যা দেওয়া বলে। "ধনা" বা "হত্যা" শব্দ ঐ অর্থে প্রয়োগ হইবার অর্থ কি?

শ্রীমুরেশনাথ ভট্টাচার্য্য।

(১১২)

বঙ্গভাষায় প্রকাশিত সর্বপ্রথম নাটক কি? ইহার রচয়িতাকে এবং ইহা কোন্ মনে প্রকাশিত হয়?

"সুকি"

(১১৩)

কেবল আচার্য্য রামানুজ বা মাধবের টীকা অবলম্বনে বঙ্গ ভাষায় কোন শ্রীমদ্ভগবদ্গীতা আছে কি না? থাকিলে তাহা কাহার দ্বারা অনুবাদিত ও তাহার প্রাপ্তিস্থান কোথায় ও মূল্য কত?

শ্রীঅপর্য্যায়চরণ সোম।

(১১৪)

আজকাল স্বদেশীয় যুগে অনেকেই চব্বাক্য সূতা কাটিয়া সেই সূতার কাপড় বোনাইতেছেন। কিন্তু রং স্থায়ী করিবার উপায় না জানায় বাধ্য হইয়া তাঁহাদিগকে কাপড়ের পাড়ের জন্ত বিলাতী রত্নিন (কম্বা) সূতা ব্যবহার করিতে হইতেছে। এমন কোন স্থায়ী রং আছে কি যাহা দ্বারা সূতা গাবাইলে সেই সূতার রং উঠিয়া যায় না, বরাবর একরূপই থাকে?

শ্রীভুবনমোহন বন্দ্যোপাধ্যায়।

(১১৫)

মহামুনি বাম্বোিকির পিতার নাম চ্যবন;—মাতার নাম কি? চ্যবন মুনি কয়টি দ্বার পরিগ্রহ করিয়াছিলেন? দুই বা ততোধিক হইলে, বাম্বোিকি কাহার গর্ভজাত? তাঁহার মাতার পরিচয় কি?

শ্রীঅবন্তীভূষণ পাল।

মৌমাংসা

(৩৫)

লাফা চাষ

লাফা হইতে অধুনা আর রং প্রস্তুত হয় না, ইহার পরিষ্করণ (Refine) প্রথায় বিশেষজ্ঞ অধুনা খুঁজিয়া পাওয়া যায় না।

বঙ্গদেশ, আসাম, বেহার, বৃহত্ত্রদেশ প্রভৃতি স্থানে প্রচুর পরিমাণে লাফা উৎপন্ন হয়।

বৎসরে দুইবার করিয়া লাহার চাষ করিতে হয়। সাধারণতঃ জৈষ্ঠ ও আষাঢ়ে এবং আশ্বিন ও কার্ত্তিকে লাহা কর্ত্তন করিতে ও লাহার বীজ লাগাইতে হয়।

প্রকৃতির উপর অর্থাৎ দেশের জল-বায়ু ও বর্ষার জন্ত স্থানবিশেষে ইহার কিছু কিছু ব্যতিক্রম ঘটে। উপরোক্ত সময়ে লাফা-কীট পূর্ণ বয়স প্রাপ্ত হয়। কীট পূর্ণ বয়স উপস্থিত হইলে তাহার পুরাতন বাসা হইতে বাহির হইয়া নতুন বাসা প্রস্তুত করিবার জন্ত গাছের শব্দ

সর ভালের মধ্যে বিচরণ করিতে আরম্ভ করে। কীটের এই ভাব পরিলক্ষিত হইবার পূর্বেই বীজের জন্ত (Seed Lac) গাছ হইতে লাফা কর্তন করিয়া লইতে হইবে। লাফা-কীট (Larva Coccadi) অতি ক্ষুদ্র রক্তবর্ণ। এত ক্ষুদ্র যে সম্পূর্ণ অবয়ব অর্থাৎ তাহার হস্ত পদ মূখ ইত্যাদি সাধারণ দৃষ্টির দ্বারা বুঝিতে পারা যায় না, অণুবীক্ষণ যন্ত্রের সাহায্য আবশ্যিক।

গাছ হইতে লাফা কর্তন করিয়া যে ঘরে রাখা যায় সেই ঘর লাফা-কীটে পরিপূর্ণ হয়। লাফা যে ঘরে রাখা যায় সেই ঘর আবিষ্কারিত বলিয়া ভ্রম হয়।

লাফা, গাছ হইতে কর্তন করিয়া যে দিবস আনা যায়, সেই দিবস হইতে ৫৬ দিবস পর্যন্ত লাফা-কীট বীজের উপযোগী থাকে। ৫৬ দিন মধ্যে গাছে না লাগাইলে বীজের (Seed Lac) ক্ষতি হইবে। এই লাফা হইতে ৮১০ দিন পর্যন্ত জীবিত লাফা-কীট দৃষ্ট হয় বটে, কিন্তু তৎসমুদয় এত দুর্বল হইয়া যায় যে উহারা গাছে গিয়া বাসা অর্থাৎ লাফা প্রস্তুত করিতে সম্পূর্ণরূপে সক্ষম হয় না। সবল ও সুস্থ কীট বীজরূপে গ্রহণ করাই কর্তব্য।

জ্যৈষ্ঠ ও আষাঢ় মাসে যে বীজ (লাফা) গাছে লাগান যায় তাহা আধিন কার্তিক মাসে সংগ্রহের উপযুক্ত হয়; এবং আধিন কার্তিক মাসে যে বীজ গাছে লাগান হইবে, তাহার লাফা জ্যৈষ্ঠ আষাঢ় মাসে সংগ্রহ করিয়া বিক্রয় করিতে হয়। প্রথমোক্ত-কালোৎপন্ন লাফাই দেশময় প্রচুর আমদানী হয়। জেঠুরা অর্থাৎ জ্যৈষ্ঠ আষাঢ়ের লাফা সকল প্রদেশে সমান হয় না; এ দেশে উহা অতি সামান্য পরিমাণে উৎপন্ন হয়। কিন্তু বীজের পক্ষে ইহাই প্রশস্ত। পূর্বেই উক্ত হইয়াছে যে বীজ-লাফা সংগ্রহের ৫৬ দিন মধ্যে গাছে লাগাইতে হইবে। লাহার পোকা পূর্ণ বৌবনে পদার্পণ করিলে ঠিক ঐ সময় অতি সাবধানে লাফা-সহ গাছের ছোট ছোট ডালগুলিকে কর্তন করিয়া গুদাম-ঘরে যত্নসহকারে রাখিতে হইবে। খুব প্রাতে বা অপরাহ্নে বধন রৌদ্রের তেজ কম থাকে তখন বাঁশের খাঁচায় বীজ-লাফা ভরিয়া ঐ খাঁচা লাফা-উৎপাদক বৃক্ষে সাবধানে বাঁধিয়া বা ঝুলাইয়া দিতে হয়। কোন কোন প্রদেশে বাঁশের খাঁচায় বীজ-লাফা না দিয়া খুড়িতে ভরিয়াও গাছে ঝুলাইয়া দিয়া থাকে। অতিশয় কোমল ও রক্তবর্ণ পরমাণু-সদৃশ ক্ষুদ্র ক্ষুদ্র লাফা-কীট উহা হইতে বাহির হইবে ও তাহারাই ভবিষ্যতে লাফা প্রস্তুত করিবে। বীজ (লাফা) মধ্যে লাফা-কীট ৫৬ দিন সন্তোজ ও কার্যক্ষম থাকে বটে, কিন্তু বৃক্ষ হইতে বীজের খাঁচা ১০-১২ দিনের পূর্বে নামাইয়া আনা কর্তব্য নয়। বীজ-লাফা ১০-১২ দিন পর্যন্ত উৎপাদক বৃক্ষে রাখিয়া তৎপর আনিয়া বিক্রয় করার জন্ত বাজারে পাঠান যায়। এই বীজ-লাফা অল্প কোন শ্রমে নষ্ট না করিলে মণকরা দশ-বার সের মাত্র ঘাটুতি (কম) হইবে। পক্ষান্তরে কাঁচা লাফা অর্থাৎ সস্ত সস্ত বৃক্ষ হইতে সংগ্রহ করিয়া আনীত লাফা যে ঘরে বিক্রয় হইবে, এই পাকা অর্থাৎ শুকনা লাফা তদপেক্ষা অনেক অধিক ঘরে বিক্রয় হইয়া থাকে। পলাশ, অশ্বখ, পাইকর, কুম্ভ, চন, কুল ও অড়হড় প্রভৃতি বৃক্ষে উৎকৃষ্ট লাফা জন্মে। উপরোক্ত বৃক্ষ ব্যতীত কৃষিবিজ্ঞান-সম্বন্ধীয় পুস্তকে আরও অনেক লাফা উৎপাদক বৃক্ষের নাম আছে। শাল, লিচু, শুকতা-পাতিয়া, ও নেউরী প্রভৃতি বৃক্ষেও অল্পাধিক পরিমাণে লাফা উৎপন্ন হয়। গারো পর্বতে পার্বত্য প্রদেশে যে উৎকৃষ্ট জাতীয় লাফা বিক্রয় করিয়া থাকে তাহা আর শুকতা-পাতিয়া নামক বৃক্ষেই উৎপন্ন করে। এই গাছ পাইকর, পলাশ, বট প্রভৃতির স্তায় একবার রোপণ করিলে বহু বৎসর জীবিত থাকে। ইহার বোটানী (Botanic) নাম কি তাহা অনেক চেষ্টাতেও হির করিতে পারি নাই, অণুগ্রহপূর্বক

কেহ তাহা জানাইলে বাধিত হইব। বিভিন্ন বৃক্ষের জন্ত বিভিন্ন জাতীয় লাফা-কীট বীজরূপে দেওয়ার তেমন প্রয়োজন নাই। যে-কোন বৃক্ষের উৎপন্ন লাফা বীজরূপে ব্যবহার করা যাইতে পারে। তবে অড়হড় প্রভৃতি কোন কোন বৃক্ষে সমজাতীয় বীজ লাগাইলে অত্যধিক ও আশানুরূপ লাফা উৎপন্ন হয়।

অসম জাতীয় বীজ এক বা দুইবার লাগাইলেই Cultivation দ্বারা সমজাতীয় হইয়া যায়। গাছের পৃষ্টতা অনুসারে (Growth) প্রতি গাছে এক পোয়া হইতে অর্ধ মণ পর্যন্ত লাফা বীজ স্বরূপ (Seed Lac) দিতে হয়। কত বড় কীরূপ বৃক্ষ এবং উহাতে কি পরিমাণ বীজ দেওয়া কর্তব্য তাহা অভিজ্ঞতার দ্বারাই ক্রমে নির্ধারণ হইবে। বীজ-লাফা কিছু কিছু অপচয় হয়। সস্ত কর্তন করিয়া যে লাফা গাছ হইতে গৃহে আনা যায় তাহাকে কাঁচা লাফা বলে। ইহার তিতরে যথেষ্ট পরিমাণে রক্তবর্ণ রস থাকায় ওজনে ইহা ভার হয়। এই লাফা হইতেই রং প্রস্তুত হইত। পাশ্চাত্য বৈজ্ঞানিকের কৃত্রিম রঙের প্রভাবে আমাদের এই রঙ-শিল্প লোপ পাইয়াছে।

লাফা চাষ সম্বন্ধে বঙ্গভাষায় এ পর্যন্ত কোন পুস্তক প্রকাশিত হয় নাই। ভারতে অপর কোন প্রাদেশিক ভাষায় যে এতদ্বিষয়ে কোন পুস্তক আছে তাহাও বোধ হয় না। ইংরেজী ভাষায় বহু পুস্তক আছে।

লাফা চাষ সম্বন্ধে বিস্তারিতভাবে কাহারও কোন বিষয় জানিবার প্রয়োজন হইলে বখাসাধা লিখিত বিষয়ের উত্তর দিতে চেষ্টা করিব।

নিম্নে লাফা চাষ সম্বন্ধে কতিপয় ইংরেজী পুস্তকের নাম দেওয়া গেল।

1. The Indian Forest Memoirs, Vol. I, Part III, By E. P. Stabbing, P.I.S., etc.
2. Lac and Lac Cultivation, By D. N. Avasia.
3. A Note on the Lac Insect (Tachardia Lacca), Its Life History, Vol. I, Part III A, By E. P. Stabbing.
4. The Indian Forest Memoirs, Vol. III, Part I, By A. D. Inam and N. C. Chatterjee.
5. The Cultivation of Lac in the Plains of India, (Tachardia Lacca, Kerr), By C. S. Mirra.
6. Note on the Chemistry and Trade of Lac By Puren Singh.
7. Note on the Lac Industry of Assam, By B. C. Bose, Bulletin No. 6.

শ্রীতিলকচন্দ্র চক্রবর্তী বিজ্ঞানবিদ।
Po. Lakhipur
Dt. Goalpara
(Assam.)

(৩৭)

কাগজ হইতে কালীর দাগ তোলার

পি. এম. বাগ্‌চীর শিল্প-প্রস্তুত-প্রণালিতে এইরূপ লেখা আছে—
“সোডা, সোহাগা ও নিশাদল একত্রে পেষণ করিয়া কাগজে মাখাইলে লিখিত অক্ষর উঠিয়া যায়।”

শ্রীলালগোপাল বন্দ্যোপাধ্যায়।

(৩৮)

/৭

অগ্রহায়ণ মাসের “প্রবাসীর” বেতালের বৈঠকে “/৭” ইহার দুইরূপ ব্যাখ্যা প্রকাশিত হইয়াছে। /৭র আরও একরূপ ব্যাখ্যা শুনা গিয়াছে, সে ব্যাখ্যাটিও অগ্রহণীয় বলিয়া বোধ হয় না। “/৭” ইহার মানে ১০৮ সংখ্যা অর্থাৎ ১০৮ কড়াতে একপয় সাত পড়া হয়।

হিন্দুদের অষ্টোত্তর-শত-সংখ্যক জপের বিধি আছে, অনেক বিশেষতঃ বৈকবর্ণ জপের মালার সংখ্যা ১০৮ রাখিয়া থাকেন। ১/৭ এইটি ঈশ্বর-বাচক নামের পূর্বেই ব্যবহৃত হয় যথা ১/৭ শ্রীশ্রীহরি ও ১/৭ শ্রীশ্রীদুর্গা, ইত্যাদি। ইহা দ্বারা লেখক আশা করেন যে আমার ১০৮বার শ্রীশ্রীহরি ও শ্রীশ্রীদুর্গা লেখার কল লাভ হইবে।

শ্রীরামচন্দ্রাল বিজ্ঞানিধি।

প্রাচীন ভারতে ১/৭ এই চিহ্ন মঙ্গলার্ণে ব্যবহৃত হইত। পত্রের উপরি-ভাগে একটি অক্ষরের স্থায় চিহ্ন; মধ্যে বিন্দুচিহ্ন ও নিম্নে সপ্তাঙ্ক লিখা থাকিত। তাহার নীচে “স্বস্তি” এই কথাটি লিখিয়া সূক্তের গদ্য আরম্ভ হইত। “শ্রী” শব্দের ব্যবহারও ছিল। সংস্কৃত শ্লোকটি এই—

“অক্ষুশং প্রথমং দদ্যৎ মঙ্গলার্থং নিচক্ষণঃ

মধ্যে বিন্দুসমাগুজন্ম অধঃ সপ্তাঙ্কসংযুতম্।

তদ অধঃ স্বস্তি বিস্তৃত্য ততো গদ্যং সুশোভনম্

ততঃ শ্রীশব্দরূপাণি পদস্তাসক্রমং লিখেৎ।”

নগেন্দ্র ভট্টশালী।

(৭২)

বেঙ্গলা

এদেশে আগত পর্তুগিজদের মধ্যে বেঙ্গলা (Bengala) নামে এক সমৃদ্ধিশালী বণিক ছিলেন। তিনি বাঙ্গালা দেশে, বুড়ীগঙ্গার তীরে অবস্থিত একটি স্থানে বাণিজ্য করিতে আসেন। উহা তাঁহার নামানুসারে ‘বেঙ্গলা’ নগরী বলিয়া কথিত হয়। উহা হইতেই এদেশের নাম ‘বাঙ্গালা দেশ’ হয়। কালক্রমে ‘বেঙ্গলা’ নগরীর নাম ‘ঢাকা’ হয়। উহার ভগ্নাংশরূপে এখনও ঢাকাতে ‘বাঙ্গালা-বাজার’ নামক একটি স্থান আছে। ঢাকা অর্থাৎ বেঙ্গলা নগরী যখন সুবিভূত ছিল, তখন তাহার একাংশের নাম ছিল ‘ফিরিসি-বাজার’। ইহা হইতে ফিরিসি-সংক্রমণ স্থাপিত হইতেছে। এই স্থান ঢাকার অনতিদূরে আজও বিদ্যমান আছে। সুতরাং ‘বেঙ্গলা’ নগরী ঢাকার পূর্ব নাম।

শ্রীজগদীশচন্দ্র ভট্টশালী।

(৮০)

প্রাচীন ভারতে ও মুসলমান-জগতে অবরোধ

প্রাচীন ভারতে আর্ষা হিন্দুদিগের মধ্যে “অবরোধ প্রথা” ছিল। অযোধ্যার রাজ্যসুতঃপুরচারিণীগণকে “অস্বাধ্যম্পশ্যা” বলা হইয়াছে। ইহাতে অনুমান হয়, বামায়ণগুণে হিন্দুসমাজে আত্মদের পর্দার কাছাকাছি অবরোধপ্রথা প্রচলিত ছিল। মুসলমানদিগের মধ্যে ভারতবর্ষে এই প্রথা স্বীকৃতির জন্ত মুসলমান রাজহের আদি হইতে প্রচলিত আছে। তা ছাড়া ইসলাম ধর্মের ভিত্তি মহাগ্রন্থ পবিত্র কোরানেও প্রীলোকদিগের প্রতি “ঘরে আটক” হইয়া থাকার স্পষ্ট আদেশ আছে।

সূরা “আহকাব” মধ্যে গোণাতারাল আত্মদের মহামাত্ম পরগম্বর সাহেবের (ছঃ আঃ) স্বীগণের প্রতি আদেশ করিতেছেন :—

“.....এবং তোমরা আপন আপন ঘরের মধ্যে আটক হইয়া থাক।” ইত্যাদি।

এই আদেশ অশান্ত সমস্ত মুসলমান নারীগণের প্রতিও বর্তিয়াছে। এক সময়ে হজরত পরগম্বর সাহেবের (ছঃ আঃ) বাড়িতে এক অন্ধ, আসিয়াছিলেন। অন্ধ বলিয়া মানবীরা হজরত আরেসা (রাজিঃ) তাহার সম্মুখে উপস্থিত হন। ইহাতে হজরত কারণ জিজ্ঞাসিলে বিবী সাহেবা বলিয়াছিলেন, “সে অন্ধ।” তাহাতে হজরত বলিলেন, “সে ঐ অন্ধ, তুমিও কি অন্ধ? তুমি ত তাহাকে দেখিতেছ!”

ইহাতে প্রমাণ হয়, স্বীলোক নিজেও কোন পরপুরুষ দেখিবে না, কোন পুরুষকেও নিজের রূপ দেখাইবে না ইহাই হজরত বহুগম্বরের উদ্দেশ্য ছিল।

“সৌভাগ্য-স্পর্শমণি” নামক প্রসিদ্ধ গ্রন্থে ঠিক এইরূপ ভাবের আর-একটি উক্তি মহামানবীরা, হজরত রহুলের (ছঃ আঃ) কস্তা বিবী কতেমা খাতুনের মুখে প্রকাশ আছে, যথান্থানে তাহা উদ্ধৃত্য।

মোহাম্মদ গোলাম হোছেন।

(৮৫)

কলিঙ্গ

প্রাচীন ভারতের পূর্ব উপকূল প্রায় সমস্তটাই কলিঙ্গ নামে পরিচিত ছিল; পরে তাহা তিন ভাগে ভাগ করা হয়—উত্তর কলিঙ্গ, মধ্য কলিঙ্গ ও দক্ষিণ-কলিঙ্গ। এই তিন ভাগের নাম হয় ত্রিকলিঙ্গ। ত্রিকলিঙ্গ শব্দেরই অপভ্রংশ তৈলঙ্গ, তেলঙ্গা, তেলঙ, করিঙ্গ। বর্মান্বন এখনো মাদ্রাজী মাত্রেই করিঙ্গা নামে পরিচিত হয়। কলিকাতার কলিঙ্গা বাজার আছে। কবিকঙ্কণ-চণ্ডীর কলিঙ্গদেশের চৌহদ্দি ঐ পুস্তকে এইরূপ পাওয়া যায়—

দক্ষিণে বিজয়ীহাট, বামে গোলাহাট।

সম্মুখে মদনপুর, শত কোশ বাট ॥

গোলাহাট রহুলপুর নদীর তীরে প্রসিদ্ধ গঞ্জ। শ্রীযুক্ত জানেন্দ্রমোহন দাস কলিঙ্গদেশকে কাঁসাই ও ধামরাই নদীর মধ্যবর্তী মেদিনীপুর জেলার অংশ স্থির করিয়াছেন। কবিকঙ্কণ-চণ্ডী অধ্যয়ন ও অধ্যাপনা করিয়া আবারও বিশ্বাস জন্মিয়াছে যে মোটামুটি মেদিনীপুর জেলাকেই কবিকঙ্কণ কলিঙ্গ দেশ মনে করিয়াছিলেন।

চক্র বন্দ্যোপাধ্যায়।

কলিঙ্গ প্রাচীন ভারতের একটি সুপ্রসিদ্ধ জনপদ। ভারতের সেই প্রাচীন যুগে কলিঙ্গ বলিতে বঙ্গোপসাগরের পশ্চিমকূলের অধিকাংশ স্থানই বুঝাইত।

মহাভারতের মতে গঙ্গাসাগরের পর হইতেই কলিঙ্গ দেশ আরম্ভ। উড়িষ্যার “বৈতরণী” নদী মহাভারত অনুসারে কলিঙ্গ দেশে অবস্থিত। মহাভারতের এই মতের সহিত “টলেমীর” মতের বেশ মিল আছে। (Indian Antiquary, XIII, 363-)

কবিবর কালিদাসের “রঘুবংশ” পড়িলে বুঝিতে আর বাকী থাকে না যে তাঁর আমলে উৎকলের দক্ষিণ দিকে কলিঙ্গ রাজ্য বর্তমান ছিল। তিনি উৎকল ও কলিঙ্গ নামে দুটি পৃথক রাজ্যের পৃথকভাবে উল্লেখ করিয়াছেন। মহারাজ রঘুর দ্বিধিজয়-বর্ণনায় দেখা যায় যে তিনি কলিঙ্গ জয় করিয়া দক্ষিণ দেশে অগ্রসর হইতে না হইতে কাবেরী নদীর তীরে উপস্থিত হইলেন। এই বর্ণনা কলিঙ্গজনপদের সনাক্ত ব্যাপারে যথেষ্ট সহায়তা করিতেছে।

শক্তিসম্বন্ধ-তন্ত্রে প্রকাশ যে জগন্নাথের পূর্বদিক হইতে কৃষ্ণাভীর পর্যন্ত কলিঙ্গদেশ। বলা নিঃসন্দেহে যে এ মতটির সহিত বেশ সামঞ্জস্য রহিয়াছে রঘুবংশের মতের। পুণ্যশ্লোক মহারাজ অশোকের অনুশাসনেও উল্লেখ রহিয়াছে যে তিনি কলিঙ্গদিগকে কৃষ্ণাভী পর্যন্ত জয় করিয়াছিলেন।

খৃষ্টীয় ৭ম শতাব্দীর চীনা পরিব্রাজক হিউএনসাং কলিঙ্গদেশে ভ্রমণে আসিয়াছিলেন। তাঁর ভ্রমণবৃত্তান্ত হইতে স্পষ্ট প্রতীয়মান হয় যে প্রাচীন কলিঙ্গ ও বর্তমান গঙ্গাম-ভিজাপাতন প্রদেশ প্রায় পুরাপুরি অভিন্ন। পাঠক দেখিতে পাইবেন যে চীনা পরিব্রাজকের কলিঙ্গ ও কবি কালিদাসের কলিঙ্গ অবস্থান হিসাবে অভিন্ন।

কোলকাত্তক সাহেব বলেন যে কলিঙ্গ জনপদ গোদাবরীতটপ্রদেশেই বর্তমান ছিল (Essays, II, 1791)। Hultzsch's South Indian Inscriptions প্রকাশ করে যে প্রাচীন কলিঙ্গ গোদাবরী ও মহানদীর মধ্যে অবস্থিত ছিল।

দশম ও একাদশ খৃষ্ট শতাব্দীতে চালুক্যরাজগণের শাসনাধীনে কলিঙ্গরাজ্য উত্তরে উৎকল ও দক্ষিণে চোলমণ্ডল পর্যন্ত বিস্তৃত ছিল। কলিঙ্গদেশের দক্ষিণ অংশ "ভেলিঙ্গা"। "ভেলিঙ্গা" শব্দের মূল লইয়া বর্তমানে মতভেদ থাকুক না কেন উহা যে কলিঙ্গের অংশবিশেষ সে বিষয়ে কোন সন্দেহ নাই।

প্রাচীন কলিঙ্গের বর্তমানে আর কোন চিহ্ন নাই। সে রাজ্য ও তার গৌরব স্বপ্নসম লুপ্ত হইয়াছে। কেবলমাত্র সমুদ্রতীরস্থ "কলিঙ্গপত্তন" ও গোদাবরীর মোহানাস্থিত "কলিঙ্গ" নগর কালের প্রহরীর হাত এড়াইয়া সেই অতীত যুগের "গঙ্গাসাধন" "কলিঙ্গ" রাজ্যের জীবন্তুতি জাগাইয়া দিবার প্রয়াস পাইতেছে।

সকল দিক দেখিয়া বিচার করিলে একথা বেশ জোর করিয়াই বলা যায় যে উৎকল ও কলিঙ্গ অভিন্ন নয় এবং বর্তমান উড়িষ্যার দক্ষিণ দিকেই কৃষ্ণানদী পর্যন্ত কলিঙ্গরাজ্য বিস্তৃত ছিল। তবে একথাও ঠিক যে কলিঙ্গগণ এক সময় উৎকল পর্যন্ত রাজ্য বিস্তার করিয়াছিল এবং সেই কারণেই কোথাও কোথাও উড়িষ্যা ও কলিঙ্গ অনেকটা অভিন্ন এইরূপ আভাস পাওয়া যায়।

শ্রীহরিচরণ চট্টোপাধ্যায়।

(৮৬)

বঙ্গভাষার প্রথম সংবাদপত্র

'বেঙ্গল গেজেট' ও উহার সম্পাদক গঙ্গাধর ভট্টাচার্য (১৮১৬ খ্রীঃ)। S. K. De প্রণীত Bengali Literature in Nineteenth Century পুস্তকের ২৩৬ পৃঃ দেখুন।

সৈ, ম, আ।

শ্রীকীরোরচন্দ্র মজুমদার।

১৮১২ খৃষ্টাব্দের ৩১ মে তারিখে "সমাচারদর্পণ" নামক বাঙ্গালা ভাষার প্রথম সাপ্তাহিক পত্র জন ক্লার্ক মার্শম্যান নামক জনৈক খ্রীষ্টান মিশনারীর সম্পাদকতার শ্রীরামপুর হইতে প্রচারিত হয়। ইনিই "দিগ্‌দর্শন" নামক বাঙ্গালা ভাষার প্রথম মাসিক পত্রের প্রতিষ্ঠাতা।

মহম্মদ খলিল রহমান।

৮ রামপতি স্মারক উহার "বাঙ্গালা ভাষা ও সাহিত্য বিষয়ক প্রস্তাব" নামক পুস্তকের ৩৭৩ খৃষ্টায় ১৮১৬ খৃঃ অঃ প্রকাশিত গঙ্গাধর ভট্টাচার্য সম্পাদিত "বেঙ্গল গেজেট" কে "বাঙ্গালা ভাষার প্রথম সংবাদপত্র" বলিয়া অতিথিত করিয়াছেন। পাদ্রী জে, লও সাহেব (ইনি দীনবন্ধুর নীলদর্পণ ইংরাজীতে অনুবাদ করিয়াছিলেন) ১৮৫৫ খৃঃ অঃ প্রকাশিত উহার "Descriptive Catalogue of Bengali Books"-এও উক্ত বেঙ্গলগেজেটকে প্রথম সংবাদপত্র বলিয়াছেন।

শ্রীঅমল্যরতন গুপ্ত।

এ সম্বন্ধে আলোচনার জন্ত এই মাসের প্রবাসীর ৫০৫ পৃষ্ঠায় ২য় কলাম দেখুন।

প্রবাসীর সম্পাদক।

(৮৮)

চোখের পাতা টিপে দেখা

চোখের ভিতরের রেটিনার সাহায্যেই আমরা দেখতে পাই। রেটিনার চারদিকে অনেক নার্ভ (স্নায়ু) আছে, আর রেটিনার উপর

কোনো-কিছুর ছায়া পড়লেই নার্ভগুলো সে খবর মস্তিষ্কে বা মগজে নিয়ে পৌঁছায়। একচোখের রেটিনার যতগাছা নার্ভ আছে, আরেকটিতেও ঠিক ততগাছা আছে; তবে একটি বিশেষত্ব এই যে বামচোখের রেটিনার যে জায়গায় একগাছা নার্ভ আছে ডান চোখেরও ঠিক সেই জায়গায় একগাছা নার্ভ আছে, আর এই প্রত্যেক দু'-দু'-গাছা নার্ভ কিছুদূর পদাঙ্ক দুই থেকে শেবে এক হোয়ে মস্তিষ্কে নিয়ে পৌঁছেচে। এইরূপে ডান চোখের রেটিনার প্রত্যেক নার্ভ বাম চোখের রেটিনার corresponding নার্ভের সঙ্গে মিলে মস্তিষ্কে গিয়ে পৌঁছেচে। আমাদের দুটি চোখ একই রেখায় স্থাপিত, তাই যখন আমরা কোন জিনিস দেখি তখন তার ছায়া বাস্তবিক দুটোই আমাদের দু'চোখে সমান জায়গায় পড়ে, আর নার্ভ দুটোও দুই ছবির খবর নিয়ে এগোয় মস্তিষ্কের দিকে; কিন্তু পথে তারা এক হোয়ে যায়, আর তাই একটি ছবির খবরই মস্তিষ্কে পৌঁছায়, আর আমরা দু'চোখে একটি জিনিসই দেখি। চোখের পাতা টিপে ধরলে জিনিসটির ছবি দুই চোখের রেটিনার দুই ভিন্ন জায়গায় পড়ে, আর সেই ছবির বার্তাবহ হয় দুটি ভিন্ন নার্ভ যারা পথে গিয়ে এক হয় না। তাই আমরা তখন দুটি জিনিস দেখি, যেমন রঙিন ছবির দুই রক পদাঙ্ক না মিললে হয়। এই প্রকারে যখন কোন বস্তুর প্রতি স্থির দৃষ্টি রেখে সেই বস্তু ও চক্কর মধ্যে একটি পেন্সিল বা অঙ্গুলী ধীরে ধীরে এক লাইনে রাখা যায় তখন পেন্সিল বা অঙ্গুলীটি দুটি দেখা যায়। প্রথম দৃষ্ট বস্তুর উপর দৃষ্টি বন্ধ রাখা উচিত। একবার বস্তুর উপর অঙ্গুলীর অঙ্গুলীর উপর দৃষ্টি নিক্ষেপ করলে অঙ্গুলী কখনও দুটি মনে হবে না। অঙ্গুলী বা পেন্সিলটি আস্তে আস্তে এধার ওধার করা উচিত যতক্ষণ না তাদের দুই দেখা যায়।

চৌধুরী মহিউদ্দীন আহম্মদ ও মোহাম্মদ আব্দুল বারি।
আবছর রহমান। শ্রীদুর্গেশনন্দিনী গুপ্ত।
শুধাংশুশেখর ভট্টাচার্য। শ্রীনিশিকান্ত মেন। শ্রীবঙ্কুবিশারী ঘোষ।

চোখের পাতা টিপে ধরলে আমরা কখনো কখনো যে একটি জিনিসকে ডবল দেখি কেন তা বুঝতে গেলে চক্ষুগোলকের গতিবিধির একটু সংক্ষিপ্ত আলোচনা করতে হবে। প্রত্যেক চক্ষুগোলকের সঙ্গে তিন জুড়ী পেশী আছে। এই পেশীর দৌলতে চোখকে ঘুরিয়ে ফিরিয়ে দেওয়ার জো আছে বলেই আমরা মাথাটা না নাড়িয়েও অনেক দিকের (Plane) জিনিস দেখতে পাই। মনে করুন আমি বাঁ দিকে চেয়ে দেখছি; আবার চোখের পেশীতে এখন কি কি পরিবর্তন হয়েছে? না, আমার বাঁ চোখের External Rectus বাঁ চোখকে (Eyeball) বাঁ দিকে টেনে ধরেছে এবং ডান চোখের Internal Rectus ডান চোখটাকে বাঁ দিকে টেনে এনেছে। এইবার স্বরণ করতে হবে যে আমরা দুটো চোখে দেখছি, এই দুটো চোখই দুই জিনিসের একটি একটি স্বতন্ত্র প্রতিবিম্ব নিয়েছে। আমরা কিন্তু দুটো চোখের এই দুটো প্রতিবিম্বকে যে সত্তত একটা দেখছি—তার কারণ চক্ষুগোলকের পেশীগুলি চোখ দুটিকে স্বভাবতঃ এমনভাবে পরিচালন করেছে যে প্রতিবিম্ব প্রত্যেক চোখের Corresponding point এ পড়ছে। সুতরাং যখন কোন-একটি জিনিস দেখবার কাজে জোর করে (যেমন টিপে ধরে) দুটোর মধ্যে কোন একটি চক্ষুগোলকের (পেশীর) প্রতি ভঙ্গ করা যায়, তখন দুটি চোখের দেখা প্রতিবিম্ব Retina Corresponding point-এ পড়বে না, কাজেই মস্তিষ্কের ভিতর একটি Impression ছাপ না গিয়ে, দুটি চোখের দুটি Impression যাবে এবং আমরাও তখন একটা জিনিসকে ডবল দেখবো।

শ্রীঅমরেন্দ্র সাহা।

(৮৯)

প্রাচীন ভারতে নারীদের পাছকা

প্রাচীন ভারতে নারীগণ যে জুতা পরিতেন তার প্রধান প্রধান জুতা উদ্ভাবনার ইতিহাসের মধ্যেই পাওয়া যায়। কবি জমদগ্নি লক্ষ্যভেদ করিয়া বাণনিষ্কপ অভ্যাস করিতেছিলেন, ও তাঁহার পত্নী রেণুকা দেবী স্বামীর নিকিষ্ট শর কুড়াইয়া আনিয়া দিতেছিলেন। রেণুকার বাণ লইয়া কিরিতে বিলম্ব হইতেছে মনে করিয়া জমদগ্নি ক্রোধে উত্তপ্ত হইয়া পত্নীকে শাপ দিতে উত্তত হইলেন। রেণুকা বলিলেন—বিলম্বের কারণ তাঁর কর্ণে অবহেলা বা অলসতা নয়; সূর্য্যতাপে তপ্ত পথ অতিক্রম করিতে হইতেছে—মাথায় রৌদ্র ও পারে তপ্ত বাঁলুকা সহ করিয়া সহর চলা দুঃসাধ্য। তখন জমদগ্নি সূর্য্যকে ভঙ্গসাৎ করিতে উদ্যত। সূর্য্য তাড়াতাড়ি আসিয়া বলিলেন—আমার কোনো দোষ নাই, আমি বিধিনির্দিষ্ট কর্তব্য পালন করিতেছি। আমি রেণুকাকে হত্ন ও পাছকা প্রস্তুত করিয়া দিতেছি; তাহাতে তাঁহার রৌদ্র ও পথরেশ নিবারিত হইবে। এইরূপে মহিলার ব্যবহারের জন্মই প্রথমে জুতা ও ছাতা পৃথিবীতে প্রচলিত হইয়াছিল। তাঁহার খ্যানে পাছকার উল্লেখ আছে। এখন আমরা তাঁহাদিগকে জুতা ছাতা ব্যবহার করিতে দিব কি না স্থির করিবার জন্য শাস্ত্রের বচনের তন্ময় করিতেছি, কারণ আমাদের দয়া সমতা সৌজন্য ভক্ততা বুদ্ধি বিবেচনা সব কিছুই যে শাস্ত্রের দ্বারায়ে মানতে বাঁধা।

চারু বন্দ্যোপাধ্যায়।

প্রাচীন ভারতে নারীরা যে জুতা পরিতেন তন্মসারে উদ্ভূত নিম্নের ধ্যানটি পাঠ করিলেই তাহা বেশ বোঝা যায় :—

শ্রামবর্ণাং ত্রিনয়নাং ত্রিভুজাং বরণকজে
দধানং বহবর্ণাভিকর্ষহরপাভিরাবৃতান্।
শক্তিভিঃ স্নেহবদনাং স্নেহমৌক্তিকভূষণাং।
রত্নপাছকরোস্তপাদাশুভবুগাং স্নরেৎ।

ইহার আরও প্রমাণ পাওয়া গিয়াছিল কয়েক বৎসর পূর্বে যখন পুণিয়া জেলার কৃষ্ণগঞ্জ মহকুমার এলাকাধীন বড়িভান গ্রামে যজ্ঞো-পবীতযুক্ত চারহাতওয়ালী একটি মূর্ত্তি বাহির হইল। মূর্ত্তিটির ছুপাশে চামরহস্তে দুটি যুবতীর মূর্ত্তি রহিয়াছে এবং তাহাদের গায়ে আজাপু-ব্যাগ জুতা। প্রাচীন ভারতে নারী যে সত্যসত্যই জুতা পারে দিতেন এই মূর্ত্তিটি স্পষ্টাক্ষরে যে তাহার প্রমাণ দিতেছে একথা বলাই বাহুল্য। বস্তুতঃ নারীর জুতা পরা প্রাচীন ভারতে একটা অপূর্ক, ভয়বহ বা বিসদৃশ ব্যাপার ছিল না।

শ্রীহরিচরণ চট্টোপাধ্যায়।

সুপ্রসিদ্ধ চীন পরিব্রাজক হিউয়েনসাং সপ্তম শতাব্দীতে ভারতবর্ষের ধনী ব্যবসায়ী ত্রীপুরুষদের মধ্যে পাছকার প্রচলন দেখিতে পাইয়াছিলেন।
নগেন্দ্র ভট্টশালী।

প্রাচীন ভারতে আর্ধ্য নারীদিগের মধ্যে পাছকার ব্যবহার ছিল, এরূপ প্রমাণ সংস্কৃত সাহিত্যে পাওয়া যায়। হত্ন ও পাছকার উৎপত্তি বিষয়ে মহাভারতের অনুশাসনিক পর্বে (২৫—২৬ অধ্যায়) লিখিত আছে যে রেণুকা সূর্য্যতাপে তাপিত হইলে জমদগ্নি সূর্য্যকে বিনাশ করিতে উদ্যত হইলেন, এবং সূর্য্য তাঁহাকে প্রসন্ন করিবার নিমিত্ত রেণুকার ব্যবহার ভঙ্গ হত্ন ও চর্ণপাছকা দিলেন। আর্ধ্য নারীগণের মধ্যে পাছকার ব্যবহার না থাকিলে রেণুকার সূর্য্যতাপ নিবারণের জন্য পাছকা সৃষ্টির উল্লেখ থাকিত না।

কাদম্বরীর গৃহসজ্জা বর্ণনাকালে বাণভট্ট লিখিয়াছেন যে সেখানে নারিকেলের ছোবড়া-নির্মিত জুতা ছিল। কাদম্বরী বনবাসিনী সত্যাসিনী;

তাঁহার গৃহেও যখন পাছকা ছিল, তখন যে গৃহস্থ নারীগণ পাছকা ব্যবহার করিতেন তাহাও সন্দেহ নাই। কাদম্বরী হইতে সেই উল্লেখ লইয়া তুলিয়া দিলাম—

“বিশাখিকা শিখরনিবন্ধ নারিকেলফলবকলময় শোতোপানঘা-
গোপেতান্...গৃহসজ্জাকীৎ।”

শ্রীঅমূল্যরতন ভট্ট।

(৯০)

চিনি পরিষ্কারের উপায়

পূর্বকালে আমাদের দেশে “খেওলা” দিয়া শুড় পরিষ্কৃত হইত—এবং এখনও অনেক জায়গায় হয়। কিন্তু এই উপায় অতিশয় সময়-সাপেক্ষ, পরন্তু অল্প পরিসরে উহা সম্পাদিত হয় না। এইসকল কারণে উহা ক্রমশঃ পরিত্যক্ত হইতেছে।

রস ও শুড়ের মাঝামাঝি অবস্থাকে “রাব” কহে। এই রাব হইতে চিনি তৈয়ার করিবার একটি সহজ উপায় আছে। অতএব ইক্ষুর রসকে ফুটাইয়া রাবে পরিণত করিতে হইবে। অথবা শুড় থাকিলে তাহাতে জল মিশ্রিত করিয়া রাবে আনিত হইবে। এই রাব একটি Centrifuge এর মধ্যে রাখিয়া দ্রুত ঘুরাইতে থাকিলে ইহার জলীয় অংশ বাষ্পাকারে নিকাশিত হইবে এবং চিনির দানা পরিপাণ হইত। তারের জালের গায়ে লাগিয়া থাকিবে। এই চিনির রং শাদা করিবার জন্য কল চলিবার সময় সোডা (Soda Bicarb.), বিশুদ্ধ সাজিমাটী (Sodium Carbonate) প্রভৃতি জলে গুলিয়া অথবা চুনের জলের ছিটা দিতে হইবে। এতৎউদ্দেশ্যে রীটা, নীল প্রভৃতি ব্যবহার করিলে অতীব সস্তোষজনক ফল পাওয়া যায়। অবশ্য রস ফুটাইবার সময় নিয়ম মত ঘী, কাঁচাচুধ, চুড়েশের আটা প্রভৃতি দিয়া উহা যথারীতি শোধিত হওয়া চাই।

Messrs. Thomas Broadbent and Sons, Huddersfield, England—ইহাদের প্রস্তুত Hydro-extractor দ্বারা উপরোক্ত কলের কার্য সুচারুরূপে সম্পন্ন হয়। কারণ উহা যুক্তপ্রদেশের ইক্ষুশাস্ত্র-বিশারদ হাদি সাহেবের নয়া ও উপদেশ-মত গঠিত ও ভারতবর্ষের জনসাধারণের উপযোগী করিয়া নির্মিত। এই কল ভারত-বর্ষের অনেক জায়গায় চলিতেছে। তবে সব জায়গায় সমান লাভজনক হয় নাই।

উল্লিখিত উপায়ে ইক্ষুরস হইতে শর্করা প্রস্তুত করিবার বিশদ বিবরণ নিম্নলিখিত পুস্তিকাতে প্রাপ্তব্য—বইখানি Superintendent Government Printing, Allahabad, এই ঠিকানার দশপয়সার ট্যাম্প পাঠাইলেই পাওয়া যাইবে।

Bulletin No. 19. Improvement in Native Methods of Sugar Manufacture. By S. M. Hadi.

অবশ্য কেহ আশা করিবেন না যে এই হাতকলে তৈয়ারী চিনি আমরা যে ‘কলের চিনি’ ব্যবহার করি তাহার সমকক্ষ হইবে। তাহা হইতে পারে না। কারণ শেযোক্ত চিনি অস্থি-অঙ্গার দ্বারা (Bone charcoal) শোধিত হয় ও সেইজন্য এত শুদ্ধ। কিন্তু তাহাতে অনেকের ধর্ম্মহানি হয় বলিয়া এই উপায়াস্তরে কাজ চলিতে পারে।

যুক্তপ্রদেশে প্রতাপগড়ে সরকারী চিনির কারখানায় Centrifugal উপায়ে শুড় হইতে চিনি পরিষ্কার করিবার প্রকরণসকল শিক্ষা করা যাইতে পারে। Director of Agriculture, U.P., Allahabad—ইহার নিকট হইতে সমস্ত তথ্য জানা যাইবে।

শ্রীজীবনভারা হালদার।

হস্তচালিত কারখানার চিনি প্রস্তুত করিবার উপায় মোটামুটি এইরূপ:—কলনী বা ভাঁড় হইতে গুড় ভাঙ্গিয়া বাহির করিয়া একটি বাঁশের পেতের মধ্যে রাখিতে হয় এবং ঐ পেতে একটি মাটির নাদার উপর বাঁশের তেঁকাটা বিয়া বনাইয়া দেওয়া হয়। পরে পেতের উপর শেওলা দিয়া কয়েকদিন ঐ অবস্থায় রাখিয়া দেওয়া হয়। এই অবস্থায় থাকিতে থাকিতে পাতলা অংশটা, যাহাকে মাং বলে, তাহা পেতে হইতে চোলাইয়া বাহির হয় ও নিম্নের নাদার মধ্যে পড়ে। শেওলার সাহায্যে উপরকার গুড় পরিষ্কার হয়।

এইরূপে কয়েকদিন গত হইলে পেতের উপর হইতে শেওলা তুলিয়া গুড় বতনূর পর্য্যাপ্ত পরিষ্কার হইয়াছে তাহা কাটিয়া লওয়া হয়। পরে রৌদ্রে শুকাইয়া বেশ ভাল করিয়া পিষিয়া খলিতে বোঝাই করা হয়। এই প্রথমবারের চিনিই সম্প্রদায় উত্তম চিনি—সাধারণতঃ উহাকে “সরকাটা” চিনি বলে। পরে আবার শেওলা দেওয়া হয় এবং উপরোক্ত উপায়ে পুনরায় চিনি প্রস্তুত হয়—এইরূপে ক্রমাগত শেওলা দেওয়া ও পরিষ্কার অংশ কাটিয়া লওয়া হয়। নিম্নের নাদার যে মাং জমে উহা একত্র করিয়া বড় বড় লৌহকটাহে জাল দেওয়া হয় ও যাহাতে পুনরায় দানা বাঁধে তাহার জন্ত বড় বড় হাতা দিয়া ঘাঁটিয়া মাটিতে যে-সকল বড় বড় পেতে পোতা আছে তাহাতে চালিয়া রাখা হয়। তারপর আবার ঐ গুড়কে পেতের দেওয়া হয় ও পূর্বেল্লিখিত শেওলা দেওয়ার প্রক্রিয়ার কতকটা পরিষ্কার করিয়া লওয়া হয়। এবারও যে মাং নির্গত হয় তাহাকে আবার জাল দিয়া দানা বাঁধা হয় ও এইরূপে দুই তিন বার পেতে দেওয়ার পরে যে মাং নির্গত হয়—তাহাতে আর দানা বাঁধে না। কাজেই তাহা হইতে আর চিনিও প্রস্তুত হইতে পারে না। যশোহর জেলার মধ্যে কোটচাঁদপুর ও তাহেরপুর নামে দুইটি প্রসিদ্ধ বাণিজ্যস্থান আছে। গুড় হইতে চিনি প্রস্তুত করিবার কারখানা এখানে কয়েক পক্ষেও ৫০টি আছে। যে-কেহ ইচ্ছা করিলে এখানে আসিয়া দেখিয়া শুনিয়া উক্ত কাজ শিখিয়া যাইতে পারেন।—প্রবাসী ১৩১৬, ক্র্যাণ্ড সংখ্যা।

নগেন্দ্র ভট্টশালী।

(৯২)

মুসলমানী পতাকায় অর্ধচন্দ্র

হজরত মোহাম্মদ (দঃ) যখন ধর্ম-প্রচারে প্রবৃত্ত হন তখন একদল লোক তিনি যে ধর্ম-প্রেরিত এবিষয়ে সন্দেহান হইয়া কোন অলৌকিক উপায়ে তাহা সম্ভব করিতে তাঁহাকে অনুরোধ করে। তদনুসারে একদা পূর্ণিমা রাত্রে তিনি অঞ্জুলি-নির্দেশে পূর্ণচন্দ্রকে বিখণ্ডিত করেন। এই ঘটনার স্মরণার্থ মুসলমানেরা তাঁহাদের জাতীয় পতাকায় “অর্ধচন্দ্রচিহ্ন” ধারণ করিয়া থাকেন।

অজ্ঞাত জাতি নিজ নিজ জাতীয় বৈশিষ্ট্যের প্রমাণ স্বরূপ “সিংহ” “বাজপকী” প্রভৃতির ছবি পতাকায় ধারণ করিয়া থাকেন। কিন্তু মুসলমানেরা প্রাণীর ছবি অঙ্কিত করেন না। পতাকা “চন্দ্র-চিহ্নিত” করিবার ইহাও অজ্ঞতম কারণ। পূর্ণচন্দ্রের পরিবর্তে “অর্ধচন্দ্র” ধারণ করিবারও কারণ আছে। চন্দ্র পূর্ণ হওয়ার পরই হ্রাস পাইতে আরম্ভ করে। ক্রমবর্ধীক্বে ইসলাম এইজন্তই পতাকায় অর্ধচন্দ্র অঙ্কিত করিয়া থাকে।

মোহাম্মদ আবদুল হাসিম খান।

মুসলমানদের জাতীয় পতাকায় “অর্ধচন্দ্রচিহ্ন” ধারণের দু’টি কারণ আমাদের জানা আছে—

১। মুসলমানধর্মপ্রবর্তক হজরত মোহাম্মদ (দঃ) যখন এই পৃথিবীতে অবতীর্ণ হন তখন এই পৃথিবীবাসী অজ্ঞান-ভ্রমসাজ্জ লোকদের

দরকার হয়েছিল চন্দ্রের স্নিগ্ধ কিরণের স্মারক বিশলধর্মজ্যোতির, তাই মুসলমানের পতাকায় “অর্ধচন্দ্র চিহ্ন”।

২। পৃথিবীর প্রায় সব জাতির পতাকাতেই পার্থিব কোন জিনিষের ছবি আছে, কারণ তারা চায় পার্থিব শক্তি দিয়ে জয় কর্তে। কিন্তু মুসলমানদের পতাকায় আকাশের চাঁদ স্বর্ণীয় জিনিষ, কারণ তারা চায় স্বর্ণীয় বলে, ধর্মের জোরে জয়ী হোতে। চন্দ্র স্নিগ্ধ, তাই তাকেই নেওয়া হয়েছে, উগ্র সূর্যকে ভাগ কোরে। চন্দ্র পূর্ণ হয়ে গেলেই তার কন্ঠি হয় তাই পূর্ণচন্দ্র না দিয়ে অর্ধচন্দ্র দেওয়া হয়েছে, কারণ এর বাড়তি এখনো শেব হয় নি।

অবশ্য জাপানের পতাকায়ও আকাশের জিনিষ—“উদীয়মান সূর্য” আছে। কিন্তু তারা দিয়েছে আরেক উদ্দেশ্য নিয়ে—তারা দিয়েছে তাদের উদীয়মান অবস্থার সঙ্গে তুলনা কোরে “উদীয়মান সূর্য”।

চৌধুরী মহীউদ্দীন আহম্মদ।

খৃঃ পূঃ ৪র্থ শতাব্দীতে মাসিডন-অধিপতি ফিলিপ তুরস্কের রাজধানী ইস্তাম্বুল অবরোধ করেন।

একদা নিশাকালে গোপনে অন্ধকারে তাঁহার সৈন্তগণ প্রাচীর ভগ্ন করিতেছিল। সেই সময় সতরকা চন্দ্রকলা উদিত হওয়ার্তে দুর্গপ্রহরীগণ শত্রুর কার্য দেখিতে পায় এবং সেই সময় হইতে সতরকা চন্দ্রকলা তুরস্করাজ স্বকীয় রাজশক্তির চিহ্নস্বরূপ গ্রহণ করেন। মতান্তরে বলে যে, প্রাচীন তুর্কীগণ খৃষ্টীয় ৪র্থ শতাব্দীতে রোমসম্রাট কনষ্টান্টিন বিতাড়িত হইয়া এশিয়া-মাইনরে পলায়ন করেন। তাঁহাদের মধ্যে ওসমান নামে এক বীর্যবুদ্ধিসম্পন্ন মহাপুরুষ আবির্ভূত হইয়া তুর্কীদের অধিনায়ক হন। এবং তিনি তুরস্ক জয় করিয়া এশিয়া-মাইনরে একাধিপত্য সংস্থাপিত করেন। তদবংশীয় সুলতান মোহাম্মদ ১৪৫৩ খৃষ্টাব্দে রোমকদিগের নিকট হইতে ইস্তাম্বুল জয় করিয়া তাহাতে তুরস্কের রাজধানী প্রতিষ্ঠা করেন। এশিয়া-মাইনর অধিকারের পূর্বে ওসমান যথেষ্ট যত্নে একটি সতরকা চন্দ্রকলা ক্রমশঃ উত্তম শাব্দ বর্ধিত করিয়া পূর্বে পশ্চিমের সমস্ত আকাশ পরিব্যাপ্ত করিয়া ফেলিল। ইহা ইসলামের ধর্মশক্তি ও রাজশক্তি বিস্তারের ঐশ্বরিক ইঙ্গিত মনে করিয়া তিনি ঐ চিহ্ন খ্যর পতাকায় গ্রহণ করেন। কেহ কেহ অস্বাভাবিক করেন যে, ঐ চিহ্ন হজরত মহম্মদের সমসাময়িক। ভগবান ইশার আবির্ভাবের পর যে ভয়ানক ঘনীভূত হইয়াছিল তাহা দূর করিয়া প্রতিপদের চন্দ্ররূপে মহম্মদের আবির্ভাব সূচনা করিবার জন্যই ঐ চিহ্ন। হজরত মহম্মদের সময় জাতীয় পতাকায় একটি সর্প চিহ্ন ব্যবহৃত হইত। ইসলামধর্মপ্রণী আজবহা নামক এক অজগর সর্প পবিত্র হেজাজের মকানপুরুরূপ বিবর হইতে বাহির হইয়া সমগ্র পৃথিবীকে গ্রাস করিবে এই সঙ্কেত। কিছু কাল পরে এই চিহ্ন পরিত্যক্ত হইয়াছিল।—প্রবাসী, ১৩১৮ সাল, কার্তিক সংখ্যা, কষ্টিপাথর, ১০০ পৃষ্ঠা।

নগেন্দ্র ভট্টশালী।

“অর্ধচন্দ্রচিহ্ন” পূর্বে রোমক সম্রাটের জাতীয় ও রাজকীয় পতাকায় ছিল। ১৪৫৩ খৃঃ অঃ তুরস্কের সুলতান দ্বিতীয় মোহাম্মদ খান রোমকদিগকে পরাজিত করিয়া কনষ্টান্টিনোপল দখল করেন এবং তাহাদের পতাকা কাড়িয়া লইয়া বিজয়ের গৌরবস্বরূপ উহা জাতীয় পতাকা বলিয়া গ্রহণ করেন এবং তুরস্কের সুলতান বলিকা বলিয়া উহা ক্রমে সমগ্র মোসলেম জগতের জাতীয়চিহ্ন হইয়াছে।

৩।

তারকাসহ অর্ধচন্দ্র শোভিত পতাকা ব্যবহৃত হইত সর্বপ্রথম গ্রীসের ইলোরিয়া প্রভৃতি বহু অঞ্চলে। গ্রীস জয় করিয়া সমরবিজিতা তুর্করা গ্রীসদের কাছ হইতে ইহা গ্রহণ করে। সেই অবধি এই পতাকা তুরস্ক সাম্রাজ্যের জাতীয় পতাকা হইয়াছে। সেইজন্য বিলাকৎ-সেবকরা আজকাল এই পতাকা ব্যবহার করিতেছেন। এই

পতাকাকে ইসলামের জাতীয় পতাকা মনে করা ভাল, কেননা, হজরত মহম্মদ যে পতাকা ব্যবহার করিতেন তাহা এইরূপ ছিল না। ভারতীয় মুসলমানরা যদি এই পতাকা ব্যবহার করেন তবে তাহা তুরস্কের আদর্শে করিতেছেন, মুঘল বা পাঠান বাদশাহদের অনু-করণে নয়।

অরণ্য দত্ত।

(২৩)

পরগণাতি সন

১২০৩ খৃষ্টাব্দে মুসলমানেরা বঙ্গের লক্ষ্মণ সেনের রাজধানী গৌড় জয় করেন। মহম্মদের মদিনাতে পলায়নের সময় হইতে বঙ্গের 'হিজরী সন' গণনা করা হয়, সেদূর লক্ষ্মণসেনের পরাজয়ের সময় হইতে একটি সন গণনা করা হয়। উহাই 'পর-গণাতি সন' বলিয়া কথিত হয়। উহার আরম্ভকাল ১২০২-১২০৩ খৃষ্টাব্দ। কাহারও মতে পরগণা বিভাগের সময় হইতেই 'পরগণাতি সন' গণনা করা হয়।

শ্রীজগদীশচন্দ্র রটশালী।

(২৪)

"বঙ্গলা ভাষার প্রথম উপভাস"

শ্রীমতী মুলেন কৃত—'কুলমণি ও কণ্ঠা'। ১৮৫২।—সাহিত্য পত্রিকা ৪ পৃঃ।

সৈ, ম, আ।

স্বর্গীয় প্যারীচাঁদ মিত্র কর্তৃক (টেকচাঁদ ঠাকুর ছদ্মনামে) রচিত "আলালের ঘরের দুলাল" বঙ্গভাষার প্রথম উপভাস। ইহার পূর্বে পণ্ডিত ভারতবর্ষ সংস্কৃত "কাদম্বরী" ও ইংরেজী "রাসেলাস" এর অনুবাদ করিয়াছিলেন; কিন্তু মৌলিক উপভাস টেকচাঁদ ঠাকুরই প্রথম রচনা করেন।

শ্রীঅমূল্যরতন গুপ্ত।

(২৫)

কাগজ

খৃষ্টীয় প্রথম শতাব্দীতে চীনদেশে প্রথম কাগজ আবিষ্কৃত হয়। প্রকৃতপক্ষে চীনদেশীয় কাগজ ও তুলট এই দুই শ্রেণীর লিখন-সামগ্রী ভারতবর্ষে বহুকালাবধি চলিয়া আসিতেছিল। তদনন্তর ইউরোপীয় বণিকগণ উৎকৃষ্ট উপাদানের কাগজ আমাদের দেশে লেটার করিতে আরম্ভ করিলেন, চীনের কাগজ ও তুলটের আদর খুবই কমিতে থাকে। আমাদের দেশের মধ্যে শ্রীরামপুর ও টিটা-গড়ের কারখানাই খুব প্রাচীন।

নগেন্দ্র ভট্টশালী।

বঙ্গলাদেশে প্রথম কাগজের কল স্থাপিত হইয়াছিল শ্রীরামপুরে। বঙ্গলাদেশে এখন টিটাগড়, কাকিনাড়া ও রাণীগঞ্জ এই তিন জায়গায় কাগজের কল আছে। বাকীর কাগজের কল এখন চটকলে পরিণত হইয়াছে। শ্রীরামপুরের কাগজের কল বহুকাল উষ্ণিয়া গিয়াছে।

শ্রীহরিচরণ চট্টোপাধ্যায়।

(২৬)

লঠনের ধোঁয়া

লঠন অপরিষ্কার থাকলে কিম্বা বাতি ভাল করে অর্থাৎ সমান-ভাবে কাটা না থাকলেই ধোঁয়া হ'তে দেখেছি। ভালো তেল হলেই তখু হয় না; লঠন খুব পরিষ্কার রাখা দরকার। মধ্যে মধ্যে লঠনের

ভিতরটা গরম জল দিয়ে ধুয়ে ফেলা ভাল; উপরটাও মধ্যে মধ্যে সোডা কিম্বা ছাই দিয়ে মেজে ফেলে ধোঁয়া হবার ভয় থাকে না। লঠনের মাথার কালির ভূষা জমলেই ধোঁয়া উপরে জমবার জায়গা না পেয়ে চিম্নির ভিতর নেমে আসে আর জমে।

সরযু দেবী।

কেরোসিন তৈলে কিঞ্চিৎ লবণ মিশ্রিত করিয়া ব্যবহার করিলে কোনক্রমেই চিম্নি ধোঁয়া হইয়া কাল হয় না। অত্যন্ত ধারাপ তৈলেও ধোঁয়া হয় না।

শ্রীললিতমোহন দাশগুপ্ত।

অনেক দিনের ব্যবহারে লঠনের ফিতার ময়লা জন্মিলে, লঠনের চোঙের মধ্যে কালি হইলে এবং বার্নারের মধ্যে যে ক্ষুদ্র ক্ষুদ্র ছিদ্র আছে তাহাদের মধ্যে অনেকগুলি ময়লায় বন্ধ হইয়া গেলে, ভাল তেল ব্যবহারেও লঠনের চিম্নিতে ধোঁয়া হইয়া কালি পড়িয়া থাকে। সাবান দিয়া ফিতা পরিষ্কার করিয়া শুকাইয়া লইয়া ব্যবহার করিলে, জল দিয়া চোঙের ময়লা পরিষ্কার করিলে ও বার্নারের ছিদ্রগুলির ময়লা দূর করিয়া লইলে, চিম্নিতে কালিপড়া বন্ধ হইবে।

মহম্মদ খলিল রহমান।

(২৭)

পশ্চিমবঙ্গের টিক্টিক কি বোবা ?

আমি কানীধামে স্বকর্ণে টিক্টিকের টিক্টিক শব্দ শুনেছি। বৈজ্ঞানিকের কথা বলতে পারি না।

সরযু দেবী।

(২৮)

চন্দ্রের গতি

বৈজ্ঞানিকেরা বলিয়া থাকেন যে অতি পূর্বে একটা অতি বৃহৎ তাপময় গোলাকার পিণ্ড থাকাতো নিজের চতুর্দিকে অতি বেগে আবর্তন করিত। তাহার ফলে ঐ পিণ্ড হইতে কোন কোন অংশ বিচ্ছিন্ন হইয়া পড়িয়াছে। সেই বিচ্ছিন্ন অংশগুলিই গ্রহ, এবং কেন্দ্রে স্থিত সেই তাপময় পিণ্ডের প্রবলশক্তিই সূর্য। গ্রহগুলি জড় পদার্থের সাধারণ গুণ জড়ত্ব (inertia) প্রভাবে আপনার চতুর্দিকে আবর্তন করিতেছে। ইহাই দৈনিক গতি। আর কেন্দ্রস্থ পিণ্ড হইতে বিচ্ছিন্ন হইবার সময় তাহারা যে কেন্দ্রাপসারক বেগ (Centrifugal force) পাইয়াছে তাহা ও সূর্যের আকর্ষণ এই উভয় বলের সমবেত ফলে সূর্যের চতুর্দিকে নির্দিষ্ট পথে ভ্রমণ করে। ইহাই তাহাদের বার্ষিক গতি।

চন্দ্র একটা উপগ্রহ। পৃথিবী গ্রহের আবর্তনের ফলে তাহার গতি হইতে বিচ্ছিন্ন এক খণ্ড। সূর্যের দৈনিক গতি যে কারণে পৃথিবীতে সংক্রামিত, ঠিক সেই কারণে পৃথিবীর দৈনিক গতি চন্দ্রে সংক্রামিত। কিন্তু একের গতি অল্পে সংক্রামিত হইলেও তাহার বেগ কমিয়া যায়। সেইজন্য পৃথিবীর দৈনিক গতির সময় ২৪ ঘণ্টা হইলেও চন্দ্রের দৈনিক গতির সময় ২৭ দিন ৭ ঘণ্টা ৪৩ মিনিট ১১.৬ সেকেন্ড। পৃথিবীর চারিদিকে একবার ঘুরিয়া আসিতেও চন্দ্রের ঠিক ঐ সময় লাগে। ইহাতে চন্দ্রের এক পিঠই সর্বদা পৃথিবীর দিকে ফিরান থাকে। অপরাধি কখনো আমাদের দৃষ্টিপথে পড়ে না। এইজন্যই পূর্ণিমা রজনীতে সমস্ত রাত্রিই চন্দ্রের পৃষ্ঠে একই প্রকার কাল চিহ্ন দৃষ্ট হয়। এবং প্রত্যেক পূর্ণিমাতেই ঐ একই প্রকার দৃষ্ট হইবে। যে আকর্ষণ এবং জড়ত্ব (inertia) অস্ত্র সকল গ্রহ-উপগ্রহের উপর কার্য করে তাহা হইতে একমাত্র চন্দ্রকে মুক্ত মনে করিবার কোন কারণ নাই।

শ্রীনিশিকান্ত সেন।

প্রত্যেক সীমান্ত পর্কারেরই একটা permanent axis of rotation আছে ; যদি সেই axisএ ইহাকে একবার ঘুরাইয়া দেওয়া যায়, তবে অল্প কোনও শক্তির ক্রিয়া বাতীতও ইহা চিরদিনই ঘুরিতে থাকিবে ; অবশ্য যদি ইহা অল্প কোনও বল (force) দ্বারা বাধা প্রাপ্ত না হয় । পৃথিবীর মেরুদণ্ড পৃথিবীর সেই permanent axis ; সৃষ্টির আদিতে কোনও কারণ ইহাকে ঘুরিতে হইয়াছিল, আজও সেই কারণে তাহাকে তদ্রূপভাবে ঘুরিতে থাকিতে হইতেছে । এই প্রচণ্ড ঘূর্ণন-বেগের তুলনায় সূর্য্যচন্দ্রগ্রহাদির ঘূর্ণন-বেগ ব্যতিক্রম করিবার শক্তি এত সামান্য যে তাহাতে মেরুদণ্ডের লক্ষ্যের অতি সামান্য পরিবর্তন (precession and nutation) ছাড়া আর কিছুই হয় না । একটা লাটিন দস্তবেগে ঘুরাইয়া ছাড়িয়া দিলে সে ঘুরিতেই থাকে, পৃথিবীর আকর্ষণ তাহার axisটুকু পরিবর্তনের মধ্য দিয়া নেয়, কিন্তু axisএর চারদিকে লাটিনের ঘূর্ণনের কোনও পরিবর্তন সে কারণে ঘটে না । আঙ্গিক গতির ইহাই কারণ । অবশ্য মূল কারণ দেখিতে হইলে সৃষ্টিতত্ত্বের আলোচনা করিতে হয়, তাহা এখনও Theory মাত্র ।

পৃথিবীর বাহ্যিক গতির কারণ সূর্য্যের আকর্ষণ । গতিবিজ্ঞানের একটা সিদ্ধান্ত এই যে যদি ক এবং খএর মধ্যে এমন একটা আকর্ষণ থাকে, যাহার পরিমাণ উভয়ের পদার্থসমষ্টির গুণফলকে উভয়ের দূরত্বের বর্গ দ্বারা ভাগ করিয়া প্রকাশ করা যাইতে পারে, এবং যদি ক পদার্থটি স্থির থাকে এবং খ পদার্থটি একটা স্থান হইতে কোনও বিশেষ বেগে (সেই বেগের পরিমাণ স্থির করা আছে) চলিতে আরম্ভ করে, তবে অল্প কোনও শক্তি ইহাদের উপর কাণ্ড না করিতে থাকিলে, খ একটা বৃত্তাভাস (ellipse) পথে চলিতে থাকিবে, ক হইবে তাহার focus বা কেন্দ্র । ক-কে সূর্য্য এবং খ-কে পৃথিবী বলিয়া ধরিলে এবং নিউটনের আকর্ষণ নিয়মের কথা মনে রাখিলেই, এই সিদ্ধান্ত হইতে পৃথিবীর বাহ্যিক গতি বোঝা যাইবে । মনে রাখিতে হইবে যে সূর্য্যের আকর্ষণের তুলনায় পৃথিবীর উপর অত্যাশ্রয় গহের বা নক্ষত্রের আকর্ষণ অতি সামান্য ।

চন্দ্রের দৈনিক গতি আছে । যতক্ষণে চন্দ্র পৃথিবীর চারদিকে একবার ঘুরিয়া আসে, ততক্ষণে তাহার মেরুদণ্ডের চতুর্দিকেও একবার ঘোরে । এইজন্য তাহার একদিকই সর্বদা পৃথিবীর দিকে থাকে । চন্দ্রও আকর্ষণ নিয়মের অধীন, তাহা হইতে মুক্ত নয় ।

শ্রীচুর্গেশনন্দিনী গুপ্ত ।

(১০০)

হাজিয়া ও জৌক

সরিসা-তেল ও চূণ একত্র মিশাইয়া তুলি দিয়া গায়ে লাগাইয়া জলে নামিলে জৌকের আক্রমণ হইতে রক্ষা পাওয়া যায় । তেল ও চূণ জলে ধুইয়া গেলে আবার লাগাইতে হয় ।

হাজিয়া হইলে মেড়ুরা নামক একপ্রকার গাছের ফল পোড়াইয়া তাহার ভস্ম লাগাইলে চুই এক দিনের মধ্যেই হাজিয়া আরোগ্য হয় । পূর্ব্ববঙ্গে মেড়ুরা-গাছে অভাব নাই ।

শ্রীপ্রমীলা চৌধুরী ।

ফেনাইল "হাজার" খুব ফলপ্রসূ ঔষধ ।

শ্রীহরিচরণ চট্টোপাধ্যায় ।

(১০১)

শুঁয়া পোকায় বিষ নিবারণের উপায়

শুঁয়া-পোকায় কাঁটা ছুঁটিয়া থাকিলে ধারাল ছুরী, অথবা কুমড়া বা শসা-পাতা দ্বারা কাঁটা তোলা আবশ্যিক । পরে সেই স্থানে চূন বা

সরিসা জলে গুলিয়া মত্তে মত করিয়া লাগাইয়া দিলে সত্ত্বর বিষনিবার উপশম হয় ।

শ্রীহুং শেখর ভট্টাচার্য্য ।

শসা-গাছের পাতা হনসংস্পৃষ্ট স্থানে লাগাইলে বিষনিবার উপশমিত হয় । চূন লাগাইলেও চলে । 'শুঁয়া'-গাছের পাতা দ্বারা ক্ষত স্থান মসিলা ফেলিলেও চলিতে পারে ।

শ্রীরাধাচরণ দাস ।

ধারাল ছুরি দ্বারা শুঁয়া-লাপা স্থান চাঁচিয়া ঢোলা-পাতার রস দিলে শীঘ্র উপশম হয় ।

শ্রীকালিদাস ভট্টাচার্য্য ।

শুকন গোবর (গেঠা বা গুঁটে) দ্বারা সেখানে ৩৭ বার ঘবিলেই সত্ত্বর বিষনিবার উপশম হয় ।

মহম্মদ সাদেক ।

শুঁয়া-পোকায় কাঁটা যেখানে লাগে সেখানে চূন ঘষে' দিলেই কাঁটা উঠে যায় । অথবা মোম গলিয়ে সেখানে ফেলে দিলে এবং মোম ঠাণ্ডা হয়ে শক্ত হয়ে গেলে তা ত দিলে তা হলে ফেলে কাঁটাও মোমের সঙ্গে উঠে যায় ।

চিটাগড়-মিশিত চূন অথবা খালি চূন দিয়ে প্রলেপ দিলে বিষনিবার উপশম হয় ।

চৌধুরী মহিউদ্দীন আহম্মদ ও
মোহাম্মদ আব্দুল বারি ।

নরম কচি কলাপাতা দিয়া সে স্থান রগুড়াইলে শুঁয়া-পোকায় কাঁটা উঠিয়া যাইবে । তারপর কিঞ্চিৎ সরিষার তেল ও লবণ একত্র মিশাইয়া ঐ স্থানে লাগাইলে, সমস্ত বিষনিবার অবসান হইবে । ইহা আমাদের পরীক্ষিত ।

শ্রীনলিনীকুমার চক্রবর্তী ।

১। যেখানে কাঁটা লাগে, সেই স্থানে কিঞ্চিৎ ধূনা গুঁড়া করিয়া লাগাইয়া একটি লোহা পরম করিয়া সেই ধূনা গুঁড়াগুলির উপর লাগাইলেই সমস্ত কাঁটাগুলি উঠিয়া আসিবে ।

২। কুমড়ার ডাঁটা সেই স্থানে ঘসিলেও বিষনিবার উপশম হয় ।

শ্রী ।

শরীরের কোন স্থানে শুঁয়া পোকা লাগিলে তথায় "মধু"-গাছের পাতার রস নিংড়াইয়া মাখাইয়া দিলে ভবিষ্যতে আর কোন অমঙ্গলের আশঙ্কা থাকে না । মধুগাছ খুব ছোট, ইহার ফুল হলুদে, ছেলেরা এই ফুল চুষিয়া মধু পান করে ।

শুঁয়া পাতা দ্বারা ঘর্ষণ করিয়া তথায় চূন লাগাইলেও হয় ।

শ্রীনীলমাধব ভট্টাচার্য্য ।

কচুপাতা ও চুমুরপাতা রগুড়াইয়া কাঁটা উঠাইয়া পরে তেলা-কাণ্ডের পাতা রগুড়াইয়া দিলে বিষনিবার উপশম হয় । পুঁইপাতার রস দিলেও ব্যথা কমে ।

নগেন্দ্র ভট্টাচার্য্য ।

[তালগাছের অস্বাভাবিক শাখা ও ফলধারণ সম্বন্ধে একটা প্রশ্নের উত্তর একজন লেখক আমাদের কাছে পাঠাইয়াছিলেন । হুং-খর বিষয়—আমরা সেটি হারাইয়া ফেলিয়াছি । লেখক অহুগ্রহ করিয়া উত্তরটি আর-একবার পাঠাইয়া দিলে আমরা আনন্দের সহিত ছাপিব ।—প্রবাসীর সম্পাদক ।]

বৈদিকযুগে ঘোড়দৌড়

শতপথব্রাহ্মণে (১) একটি গল্প আছে যে এক সময়ে কোন বিষয় লইয়া দেবতাদের মধ্যে ‘আমি লইব, আমি লইব’ এইরূপ বিবাদ উপস্থিত হয়। তখন তাঁহারা কোন উপায়ে ‘লটারি’ করিতে ইচ্ছা করিলেন। ঘোড়দৌড় করাইয়া এই ‘লটারি’ নির্ধারিত হইল। বৃহস্পতি দৌড়ে প্রথম হওয়াতে তিনি ঐ বাজি জিতিয়াছিলেন। এই কাহিনীর আভাস ঋক্-সংহিতায়ও পাওয়া যায় (২)।

ঋক্বেদেরও অনেক স্থানে (৩) ঘোড়দৌড় বা ‘আজি’র উল্লেখ আছে। এই ‘আজি’ সেকালের লোকের একটি প্রধান ক্রীড়া ছিল। ধাবনভূমি বা রেস-কোর্সকে ‘কাঠা’ (৪) বা ‘আজি’ (৫) বলা হইত। ইহা সম্ভবতঃ কতকটা গোলাকার ছিল (৬)। ঘোড়া একটি নির্দিষ্ট স্থানে (৭) পৌঁছিয়া

আবার ফিরিয়া আসিত। এই ধাবনক্ষেত্র বেশ চওড়া থাকিত এবং উহা মাপা হইত (৮)।

যিনি প্রতিযোগিতার জিতিতেন তাঁহাকে পুরস্কার [‘ধন’ (৯) বা ‘কার’ (১০) বা ‘ভর’ (১১)] দেওয়া হইত। ক্রতগামী ঘোড়াদেরই দৌড় করান হইত। দৌড়ের পূর্বে তাহাদিগকে উত্তমরূপে পরিষ্কার করিয়া অলঙ্কার পরান হইত।

এইরূপে একটি দৌড়ের ঘোড়ার নাম ঋক্বেদে ‘অমর’ হইয়া আছে। ইহার নাম ছিল—‘বিশ্‌পলা’। দৌড়ে ইহার একটি পা ভাঙিয়া যাওয়াতে অশ্বিদ্বয় ইহার লোহার পা করিয়া দেন (১৩)।

বৈদিকযুগের পরে এই ক্রীড়া একরকম লুপ্ত হইয়া গিয়া কেবল মাত্র রাজসূয় যজ্ঞের অনুষ্ঠানের মধ্যে রহিয়া গেছে (১৪)।

শ্রীশুকুমার সেন।

১। ২—৪—৩—৪ ইত্যাদি।

২। অভিশ্রাবং কৃশনৈত্তিরথং নকত্রৈতিঃ পিতরো

জামপিংশন।

রাত্র্যাং তঃমা অধুজ্যেগ্যতিরহন বৃহস্পতির

ভিনদজিৎবিদদ্ গাঃ ॥

১০—৬৮—১১ ॥

৩। ৫—৩৭—৭ ইত্যাদি।

৪। ঋক্ ৮—৮০—৮ ; অথর্ব ২—১৪—৬ ইত্যাদি।

৫। ঋক্ ৪—২৪—৮ ; অথর্ব ১৩—২—৪ ইত্যাদি।

৬। অথর্বসংহিতা ২—১৪—৬, ১৩—২—৪।

৭। এই নির্দিষ্ট চিহ্নকে ‘কাম্বন’ বলা হইত। যথা—

অসজি রথো যথা পবিজ্রে চঘোঃ স্ততঃ।

কাম্বন বাজী নি অক্রমোৎ ॥ ঋক্ ৯—৩৬—১ ॥

৮। মা সৌমবজ আ ভাগ্ উর্ধ্বী কাঠা হিতং ধনং ।

অপাবৃত্তা অরত্বয়ঃ ॥ ঋক্ ৮—৮০—৮ ॥

ঋক্ ১—৮১—৩ ইত্যাদি।

১০। ঋক্ ৫—২২—৮ ইত্যাদি।

১১। ঋক্ ৫—২২—৮ ইত্যাদি।

১২। ঋক্—১০—৬৮—১১, ৯—১০২—১০।

১৩। চরিত্রং বেরিবাচ্ছেদ্বি পর্ণমাজা খেলস্ত পরিতক্‌ম্যাম্।

সস্তো জজ্বামারসৌঃ বিশ্‌পলাঠৈ ধনে হিতে স্তব্ধে

প্রত্যধত্তম্ ॥ ১—১০৬—১৫ ॥

এই ঋক্ হইতে পিশেল এইরূপ অনুমান করেন।

১৪। বাজসনৈরি সংহিতা ১০—১২ ; শতপথব্রাহ্মণ

৫—৪—২, ৩ ; ইত্যাদি।

খোকার আধ’কথা

খোকার প্রথম ফুটে কথা,

পড়্‌চে সাধের ময়না,

স্বর মিঠা ওর সবটা মিঠা,

ঘরের গানের গয়না।

কুঞ্জ মধু গুঞ্জরি’

ভ্রমর ফিরে সঞ্চরি’—

নূতন হাওয়ার আগল গো পিক

নীরব ত কই রয় না !

যেথায় বত মিষ্ট আছে

সব ও গীতে বল্‌কার,

ক্ষীরসাগরের উৎলে’ যে ক্ষীর

চারিদিকেই চল্‌কার !

বিশ্বে প্রথম ওকার এ,

বর্ণা করে বন্ধারে,—

মানস-সরের মঞ্জু মরাল

; তিলেক বিরাম নয় না !

শ্রীচণ্ডীচরণ মিত্র।



দেওয়ালের মধ্যে দিয়া চলা —

বিলাতের সার্কাসে অনেক অদ্ভুত খেলা দেখান হয়। তার মধ্যে একটা ব্যাপার বড় অদ্ভুত বলে মনে হয়। একটা দেওয়াল—সত্যিকার ইঁট, চূণ, স্মর্কি ইত্যাদি দিয়ে, আপনার সামনে গাঁথা হবে। তারপর তার মধ্যে দিয়ে একজন লোক যেন অনায়াসে চলে যাবে—এবং একধারা দিয়ে প্রবেশ করে, অন্য দিকে গিয়ে দাঁড়াবে। লোকে একেবারে অশঙ্কিত হয়ে ভাবে এ কি অদ্ভুত কাণ্ড—একটা ১০ ফুট লম্বা, ৮ ফুট চওড়া আর ৯ ইঞ্চি মোটা, নিরেট-গাঁথা দেওয়াল, তা ভেদ করে মানুষ কেমন করে যেতে পারে! কিন্তু এ কাজটা বত অদ্ভুত বলে মনে হয়, ততটা নয়। দেওয়ালটা তৈরি হবার পর ষ্টেজের সামনে রাখা হয় এমন ভাবে, যাতে দর্শকগণ তার ছদ্মক বেশ ভাল

দিয়ে খুলে ষ্টেজের উপরে উঠে যায়। ষ্টেজের ছাদে চাপা কন্সলে তা বেশ শক্তভাবেই বন্ধ হয়ে যায়। উপর থেকে এই ছাদ কিছুর বোঝা যায় না। দর্শকরাও কেবল দেওয়ালই পরীক্ষা করে, অন্ধ কুঁচুর কথা তাদের মনে আসেনা।

মোম-কাগজের ছাতা—

রাস্তা দিয়ে, বা মাঠের ওপর হাঁটছি, এমন সময় বৃষ্টি করে বৃষ্টি এলো! কাপড়-চোপড় সব ভিজিয়ে চুপচুবে হয়ে গেল! তখন মনে হয় যে একটা যেমন-তেমন দেখতে, অথচ বৃষ্টি-আটকানো কম দামী ছাতা থাকলে মন্দ হত না। এই রকম খুব কম দামী



দেওয়ালের মধ্যে দিয়ে চলা।

করে দেখতে পার। তারপর একজন লোক দেওয়ালের গারে এসে দাঁড়ালে পর, তার চারদিকে পর্দা দিয়ে ঢেকে দেওয়া হয়। তার ঠিক উঁটাটিকেও এমনি আর একটা পর্দা থাকে। তারপর হটাৎ উঁটাটিকের পর্দা সরাইয়া দিবারাত্র দেখা যায় যে লোকটি দেওয়াল ভেদ করে উঁটাটিকে দাঁড়াইয়া আছে। দেওয়ালের নীচে অর্থাৎ ষ্টেজের কাঠের স্কেলের তলায় একটা প্ত্রিজের ছয়র আছে। লোকটি গারের চাপে এই ছয়র ফাঁক করে ষ্টেজের তলায় যায়, সেখানে একটা খুব শক্ত রবারের বঁত কার্পেট ঝোলানো থাকে;—লোকটি হানাপুড়ি দিয়া দেওয়ালের উঁটাটিকে পৌঁছায় এবং সে দিকের প্ত্রিজের ছয়র চাপ



মোম-কাগজের ছাতা।

অথচ বেশ দরকারী ছাতা তৈরী হয়েছে। ছাতার উপরে থাকে খুব ভাল করে তেল-চোবান এক রকম শক্ত কাগজ—তাতে বতই জল পড়ুক না কেন, সব পড়িয়ে যাবে। ছাতার হাতল খুব কম দামী কাঠের। এই ছাতার দাম এমন ছাতার চেয়ে অনেক কম।

আকের ছোবড়া—

আমাদের দেশে আকের রস বাহির করিয়া ছোবড়া আঁতাকুড়ে ফেলিয়া দেওয়া হয়। সে ছোবড়ার বিশেষ কোন প্রয়োজন তখন আর থাকে না—এক পোড়ানো আর ক্ষেতের সার করা ছাড়া। পশ্চিমের সোকেরা নেহাত সব বাজে জিনিষ হইতেও অতি দরকারী জিনিষ আবিষ্কার করিয়া পূর্ণমাত্রায় একটা জিনিষের রস বাহির করিয়া লয়। তাহাদের কাছে পৃথিবীর কোন কিছুই বাজে নয়। আকের ছোবড়া এতদিন পর্যন্ত কেবল পান্না করিয়া পোড়ানো হইত। তাহার ধোয়ার চারিদিকের আকাশ একেবারে অন্ধকার হইয়া যাইত। (একটা আকের শতকরা ১০ ভাগ ছোবড়া) তারপর এই আকের ছোবড়া জ্বলাইয়া আকের রস সিদ্ধ করিবার জন্ত কাজে লাগান হইত। এখন এই আকের ছোবড়া হইতে এমন একটা জিনিষ বাহির হইয়াছে বাহার দাম অনেক ক্ষেত্রে কাঠের অপেক্ষা চেয়ে


বেশী। এখন এই আকের ছোবড়া হইতে এক রকম তক্তার মত জিনিষ তৈয়ার হইতেছে। এই ছোবড়ার তক্তা করিবার কারখানা এখন নিউ-অরলিয়েন্স সহরে হয়। এই কারখানা বসাইতে মোট খরচ পড়ে ৫০০,০০০ ডলার। গত আগষ্ট মাস হইতে এই কারখানা কাজ আরম্ভ করিয়াছে। দুই বছরের পরীক্ষার পর এই কার্য সফল হইয়াছে।

চিনির কারখানা হইতে আকের ছোবড়া গাঁট গাঁট করিয়া আনা হয়। এই আকের ছোবড়া হইতে পচনশীল উদ্ভিদাণু সমস্ত নষ্ট করা হয়। তাহার পর ইহাকে "ওয়াটার-প্রফ" অর্থাৎ জল-সওয়া করিয়া লওয়া হয়। ছোবড়া জল সওয়া হইবার পর তাহাকে "বিটিং মেশিনে" (পেটা কলে) ফেলা হয়। সেখানে ইহাকে বেশ করিয়া ধুনিয়া মণ্ড বা কাই করিয়া ফেলা হয়। তারপর ইহাকে রোলারের নীচে ফেলা হয়। রোলারের চাপে পড়িয়া এই ছোবড়ার মণ্ড বায়ো ফুট চওড়া তক্তার মত হইয়া উ-টা দিক দিয়া বাহির হইতে থাকে। মৈর্দ্যের কোন সীমা নাই। ছোবড়ার তক্তা ক্রমাগত বাহির হইতেই থাকে। এই অবস্থায় ইহা খুব নরম থাকে—ব্যবহারে আনিবার পূর্বে ইহাকে বেশ করিয়া শুকাইয়া লইতে হয়। শুকাইবার ঘরটি হাজার ফুটেরও বেশী লম্বা। নরম ছোবড়ার তক্তাকে এইখানে ভয়ানকভাবে তাপ দেওয়া হয়। এই ঘরের মেঝের নীচে, পাকান নলের মধ্যে গরম বাষ্প রাখা হয়। এই ভয়ানক তাপের চোটে নরম তক্তা একেবারে ঠিক কাঠের তক্তার মত হইয়া যায়। এইখানে একটা তক্তা হয় ১২ ফুট চওড়া এবং ২০০ ফুট লম্বা। এই পরিমাণ তক্তা দিয়া তিন-চারখানি ৫ ঘর-ওয়ানা বাসুলো তৈয়ার হইতে পারে। এই তক্তাকে প্রয়োজন-মাকিক করাত দিয়া কাটিয়া লইতে হয়। তবে সাধারণত ১২ ফুট ৫ ফুট করিয়াই কাটা হয়। এই তক্তার মধ্যে খুব ছোট ছোট বায়ুকোষ থাকার জন্য ইহা খুব হালকা। ১ বর্গ-ফুটের ওজন হয় মাত্র আধ পাউণ্ড বা ১ পোন্ডারও কিছু কম। একজন লোক অনায়াসেই একখানা ২৪ ফুট লম্বা ৮ ফুট চওড়া তক্তা বহন করিতে পারে। এই তক্তাকে ঘরনির্মাণের কাজে তিতরে এবং বাহিরে বেশ লাগান হইতে পারে। তবে ঘরের আটাকা মেঝে, ছয়র জানালা ইত্যাদির কাজে চলে না। সেখানে খুব মজবুত কাঠের তক্তার ব্যবহার। ইহার উপর রঙ এবং প্রাঙ্গীর বেশ সহজে লাগান চলে। গরমকালে এই তক্তা-নির্মিত ঘর বেশ ঠাণ্ডা থাকে। শীতকালেও খুব বেশী ঠাণ্ডা হয় না।

এক টন ছোবড়া হইতে ৩০০০ ফুট লম্বা তক্তা হয়। আমাদের দেশে যত ছোবড়া নষ্ট হয়, তাহাতে কত লক্ষ ফুট তক্তা যে হইবে বলা যায় না। আমেরিকাতেও যে পরিমাণ ছোবড়া হয়, তাহার খুব সামান্য অংশমাত্র এই কারখানাতে আসিয়া তক্তায় পরিণত হয়। বাকি যাহা পড়িয়া থাকে তাহা এখনও নষ্ট হইতেছে বা আকের রস নিষ্কাশন করিবার সাহায্য করিতেছে।

বন্দুকের-গুলি-রোধকারী জামা—

নিউ ইয়র্কের পুলিশ এক নতুন ধরণের জামা ব্যবহার করিতে আরম্ভ করিয়াছে। এই জামা পরিয়া পুলিশের লোকে বেশ নির্ভয়ে বন্দুকের গুলির সামনে বুক ফুলাইয়া দাঁড়াইতে পারে— কারণ এই জামা ভেদ করিয়া বন্দুকের গুলি তাহার দেহে লাগিবে না। এই জামা ইপ্সাত, রেশম এবং ক্যান্টাস দিয়া তৈয়ারী হয়। ওজন হয় প্রায় ৩ পাউণ্ড অর্থাৎ আমাদের দেশীয়তে তিন সেরের কিছু কম। জামাটা হুতানে তাগ করা থাকে। এখন তাগ




"গোলা-খা-ডালা" বর্ণ।

একটা পেটির আকারে থাকে—তাহা কাঁধের কাছ হইতে কোমর পর্যন্ত ঢাকিয়া রাখে। দ্বিতীয় ভাগে তিনটি গ্রেট পর পর গলা হইতে কোমরবন্ধের কিছু নীচে পর্যন্ত ঢাকিয়া রাখে। ইহাতে দেহের সমস্ত মারাত্মক স্থানগুলি বেশ ভাল রকমে রক্ষিত হয়। এই জামা "ট্র্যাপ" বা দড়ির সাহায্যে শরীরের সঙ্গে বেশ করিয়া আঁটয়া বাঁধিয়া রাখা হয়। শরীরের মাপ অনুযায়ী ইহাকে ছোট বড় করিয়া পরিতে পারা যায়।

কুয়াসা পাখা—

কলিকাতার বোর গরমে ঘূর্ণিপাখা খুলিয়াও কিছুমান তৃষ্ণি পাওয়া যায় না, মনে হয় উহা ঘরের গরম হাওয়াটাকেই একটুখানি ষোলাইয়া দিল মাত্র। ঘূর্ণিপাখার সঙ্গে জলতরা কতগুলি এলুমিনিয়ামের খাঁঝা নল ঘুরাইবার ব্যবস্থা করিয়া দারুণ-প্রীমেও




কুয়াসা-পাখা।

ঘরের হাওয়াকে জলশীতকরিত শীতল করিবার এক উপায় উদ্ভাবিত হইয়াছে। বোরার বেগে এবং বাতাসের টানে খাঁঝা নলের মধ্য হইতে জল চোলাইয়া বাহির হইয়া খুব পাংলা কুয়াসার সৃষ্টি হয়, এবং ঘরের সমস্ত বাতাস সেই কুয়াসার স্পর্শে শিথল হইয়া থাকে।

• আগ্নেয়গিরির মধ্যে গোরস্থান—

হাওয়ারী ঘোঁষের লোকেরা বলে যে প্রাচীনকালে, বিক্রীপিত আগ্নেয়গিরি স্থালিয়োকালার গহ্বর, ঐ ঘোঁষের প্রধান প্রধান ব্যক্তিদের গোরস্থানরূপে ব্যবহৃত হইত। নৃত্যবিদগণ এখন এই কথা সত্য বলিয়া প্রমাণ করিয়াছেন। ঐ গহ্বরের মধ্যে দেওয়াল-ঘেরা তিনটি ক্রমশঃ সরু গর্ত পাওয়া গিয়াছে। আর-একটা নিকটবর্তী এই রকমের গর্তে একটি দ্বীলোকের কঙ্কাল পাওয়া গিয়াছে। আর-একটা জিনিষ পাওয়া গিয়াছে; বাহা দেখিতে অনেকটা মানুষ-বওয়ী দোলার মত। কুকুরের দাঁত, পাখীর পালক ইত্যাদি অনেক-কিছু জব্যও এইখানে পাওয়া গিয়াছে। স্থালিয়োকোলা পাহাড় ১০০৩২ ফুট উঁচু। ইহার গহ্বর ২০০০ ফুট গভীর। ইহার পরিধিও ২০ মাইল। এই গহ্বরের মধ্যে এই রকমের ফানেলের মত গর্ত অনেক আছে।

—হেমন্ত।




বিচিত্র যান—

হাওয়ারী চলা রেলগাড়ী।

ভাঙ্গায় রেল পাতিবার জায়গা নাই, তাই জার্মেনীর এলবারফেল্ডে রেলগাড়ী চলে বরাবর খালের জলের উপর দিয়া। একত্র খালের উপর অবশ্য বরাবর পুল বাঁধা প্রয়োজন হইয়াছে,

এসেরমাল্বের্গ, রেলওয়ের মাংশচলা পাহাড়ে, রেলগাড়ীগুলি সিঁড়ির মতন ধাপে ধাপে তৈরী। হলওর এ্যাপেলডূর্নে সাধারণ রাস্তাচলা গাড়ী তিন-চারটিকে জুড়িয়া



খালের উপর রেলগাড়ী।

কিন্তু রেলগাড়ী সেই পুলের উপর দিয়াও না চলিয়া, চলে নীচ দিয়া। কেমন করিয়া চলে? ঘরের শিলিং বাহিয়া পোকামাকড় যেমন করিয়া চলে,—নীচে হইতে রেল আঁকড়াইয়া ধরিয়া ঝুলিয়া।

এরোগেনের বাতাসঠেলা ছুটি দাঁড় ছুটিকে জুড়িয়া একটি বাতাসঠেলা রেলগাড়ী জার্মেনীর বালিন হইতে হামবুর্গে নিরমিত খাতারাত করে। গাড়ীটি ঘণ্টায় ২০০ মাইল চলে।


সোমী গাড়ী পাহাড় ঠেলিয়া উঠিতে চেষ্টা করিলে লোকজন লব্ধ জড়াজড়ি করিয়া গেহনে গড়াইয়া পড়া অবিসার্ভ। তাই

টেন তৈরী করা হয়, আর একটি সাধারণ মোটরকার ইঞ্জিনের স্থলা-ভিষিক্ত হইয়া সেই টেনকে টানে।


ক্যালিফোর্নিয়ার বুন্স্যাঙ্কে বৈজ্ঞানিক টাম বাতাসঠেলা দাঁড়ের সাহায্যে পথ চলে, কিন্তু কষ্ট করিয়া মাটিতে পা ঠেকায় না। উড়িতে পারে না বটে, তবু মাটির সঙ্গে যতটা সম্ভব দূরত্ব রক্ষা করিয়া ঝুলিয়া চলে। এই গাড়ীর নির্মাণও চমৎকার। ক্যালিফোর্নিয়ার ঝড়বাহলের উৎপাত নাই বলিলেই হয়, তাই এই গাড়ীগুলিতে ছাত কিবা প্রাচীর থাকে না।




দি'ড়ি-গাড়ী।



দোলনা-গাড়ী।



হাওলাগাড়ীর টেন।



ঝোলা-গাড়ী।

আলপস পর্বতের ওয়েটারহর্নের উপর দড়ি বাহিয়া গাড়ী ওঠা-
নামা করে। ওয়েটারহর্নের শিখর ১২০০০ ফুটেরও বেশী উচ্চ।

শাখা-ছেদনে ফল-বৃদ্ধি—


গাছের মায়ে জায়গার জায়গার শাখার ছাল ছাড়াইয়া কেবলিয়া দেখা গিয়াছে তাহাতে ফলের ফসল বাড়িয়া যায়, ফুল পাতা বেশী সতেজ হয়, আকারে বড় হয়। ইহার কারণ গাছের ছাল রসের যে অংশ শুবিয়া লইত ছাল ছাড়াইয়া ফেলার দরুণ সেই উৎকর্ষ রসের অংশ ফল ফুল পাতায় সঞ্চারিত হয়। ছাল ছাড়াইবার সময় খুব সাবধান হওয়া প্রয়োজন; যেন ছালের নীচে কাঠ কোথাও পত্তীর হইয়া না কাটিয়া যায়। কাঠে ক্ষত হইলে শাখাটি মরিয়া যাইবার সম্ভাবনা। ছাল ছাড়াইয়া তার ক্ষত ব্যাওজ করিয়া, না-শুকানো পর্যন্ত বাঁধিয়া রাখা রীতি। ইংলণ্ডের ব্রিষ্টলে এ্যাপ্টন-পরীক্ষাগারে এসম্বন্ধে নামা পরীক্ষার ফলে স্থির হইয়াছে যে একটু সতর্ক নিপুণতার সঙ্গে কাজ করিলে এই উপায়ে ফুল ও ফলের ফসল যথেষ্ট বাড়ানো যাইতে পারে।

অনিবর্বাণ স্মৃতিদীপ—

বিখ্যাত ইটালীয় গায়ক কারসোর নাম অনেকেরই হৃদয় শোলা আছে। ইনি একবার নিউইয়র্কের অনাধাশ্রমে দশহাজার ডলার দান করিয়াছিলেন। স্মৃতি ইহার যত্ন হইয়াছে। ধবর আসিয়াছে নিউ-ইয়র্কের অনাধ ইটালীয় ছেলেমেয়েরা তাহাদের এই প্রতিভাবান্ স্বদেশীয় গায়কের স্মৃতি চিরপ্রজ্জ্বলিত রাখিতে নেপলসের মাদোনা দি পোম্পিআই পির্জাকে একটি বাতি উপহার দিয়াছে। এই বাতিটি কারসোর প্রতি-জন্মদিনে ২৪ ঘণ্টা করিয়া জ্বলিবে এবং পাঁচ হাজার বৎসর জ্বলিবে। বাতিটির ওজন প্রায় পাঁচশ মণ। নিউ-ইয়র্কের কোনও প্রসিদ্ধ বাতিনির্মাণা একপরসাত না লইয়া অনাধ শিশুদের সম্মত এই বাতিটি তৈয়ার করিয়া দিয়াছেন।

তিমিঞ্জিল—

ক্রমোন্নতির ধারায় ধরিত্রীর জীববংশ সংখ্যার ও বৈচিত্র্যে বাড়িতেছে, কিন্তু আকারে কমিতেছে। পৃথিবীর এক বৃগু গিয়াছে যখন তাহার সম্ভান-মাত্রাই ছিল এখনকার চেয়ে অনেক গুণে বেশী বলিষ্ঠ ও বিপুলাকার। পলিমান্ন নামক পর্বত বংশপরম্পরাক্রমে আকৃতি ও আয়তন



সেকালের হাওরের হাঁ।


হিসাবে অবনতির স্তর হইতে স্তর-নিম্নে নামিতেছে বলিয়া অনেকের ধারণা। কিন্তু মানুষ পৃথিবীমায়েয় সেন্দিকার ছেলে। যে-সব জীব যুগযুগান্তর-ব্যাপী নানা অবস্থা-বিপর্যয়ের মধ্য দিয়াও পৃথিবীর কোলে টিকিয়া আছে, উপরোক্ত পরিণাম তাহাদের বেলাতেই হইয়াছে সবচেয়ে ভয়াবহ। ফ্লোরিডাতে পাওয়া কোটিবৎসরের প্রাচীন একটি হাওরের



হাওর, আধুনিক।

দস্তগঞ্জি মিউইয়র্কের বাহুধরে রক্ষিত আছে। হাওরটি লম্বায় একশত ফুটেরও নিম্ন অর্ধেক বেশী ছিল। আজিকার দিনের ছোটপাট একটি তিমিমাছকে এই হাওর সহজেই পিলিয়া খাইতে পারিত। তুলনার জন্য এই হাওরের দস্তগঞ্জি ও তাহার আধুনিক একটি বংশধরের ছবি একই মাপের অনুপাতে ছাপা হইল।

মিনিটে ১১০০ ঘনফুট বাতাসকে ঘণ্টায় ৬০ মাইল বেগে চর্কিপাকে উপরে ছুঁড়িয়া ছুঁড়িয়া অনৈসর্গিক উপায়ে বৃষ্টিপাত ঘটানো সম্ভব বলিয়া পণ্ডিতেরা অনুমান করিতেছেন। একটি ফ্রু-পাকের চোঙের তিতর



বৃষ্টি-যন্ত্র।

দিয়া, হাঁপরের সাহায্যে পৃথিবীর নিম্নস্তরের গরম বাতাসকে কিছুকাল উপরে চালান করিয়া বিতে থাকিলে তাহার স্থান ভরাইতে উপরের ঠাণ্ডা বাতাস নীচে নামিয়া আসিবার বেগে সেই স্থানে একটি কৃত্রিম ঘূর্ণীবাত্যার সৃষ্টি হইবে। এবং উপরে হালকা গরম বাতাস থাকার দরুণ বায়ুর চাপ কমিয়া গিয়া তলার বাতাস বৃষ্টি জন্মিবার অনুকূল হইবে। এই যন্ত্র নিগাণে এখন পর্যন্ত কেহ হাত দেন নাই, বরংটির একটি ছোট মডেল বা নমুনার ছবি আমরা ছাপিতেছি। পণ্ডিতদের অনুমানে হিসাবের কোনও ভুল না থাকাই সম্ভব, কিন্তু অল্প সময়ের মধ্যে কোটা কোটা টন বাতাস স্থানান্তরিত করিতে যে বিরাট শক্তিসম্পন্ন যন্ত্রের প্রয়োজন, মানুষের চেয়ার তাহা প্রস্তুত হওয়া সম্ভব এবং সুবিধাজনক হইবে কি না তাহা লইয়া অনেকে সন্দেহ প্রকাশ করিতেছেন।

—
আগুন-বাঁচানো জলের পর্দা—

শিকাগো পাবলিক লাইব্রেরীর বহুমূল্য ও গুণাগুণ বইগুলিকে আগুনের হাত হইতে রক্ষা করিবার জন্য লাইব্রেরীর কর্তৃপক্ষ চৎকার একটি উপায় অবলম্বন করিয়াছেন। যখনই কাছাকাছি কোথাও আগুন লাগে লাইব্রেরী বাড়ীর চারিপাশের হাতের কাঁপিশ বাহিরা চারিটি জল-ধারার পর্দা ঝরিয়া পড়ে। ছুটুকো আগুনের ফুলকি ছুটিয়া আসিয়া ঐ জলের পর্দার বাধাপ্রায় বলিয়া কিছুতেই আগুনের হোঁরাচ লাইব্রেরীর গারে লাগিতে পার না।




আগুন-বাঁচানো জলের পর্দা।

উভচর গাড়ী—


একরকম নৌকা-গাড়ী আবিষ্কৃত হয়েছে। এই গাড়ীর সুবিধা এই যে, এ যেমন চলে জলে, তেমনই চলে ডাক্তার। ডাক্তার থেকে জলে নামতে হলে বা জল থেকে ডাক্তার উঠতে হলে এর শক্তি বাড়াতে বা কমতে হয় না। এই গাড়ীর পিছনের চাকাতে জল কাটাবার উপযোগী প্যাডেল লাগান আছে। এই প্যাডেল থাকে চাকার ভিতরের দিকে। চাকাহুটি খুব শক্ত এবং চওড়া মাড়্‌গার্ডে ঢাকা থাকে। সমস্ত গাড়ীখানি দেখতে অনেকটা একটা নৌকার হালের মত। গাড়ীর সামনে, মোটর সাইকেলের মত একটা চাকা থাকে, সেটা নিরেট। এই চাকার সাহায্যে গাড়ীর গতি ঠিক করা হয়। চালক একটা চাকা (অনেকটা জাহাজের স্টয়ারিং হইলের মত) হাতে ধরে গাড়ীর মধ্যে বসে থাকে। হঠাৎ কল ধরাপ হয়ে গেলে সাইকেলের মত প্যাডেল করেও এই গাড়ীকে চালান যায়।

জলে চম্বার সময় নৌকার মত গাড়ীর কতকটা অংশ জলে ডুবে থাকে। সাধারণ মোটরকারগুলির তলাও অস্থায়ী পার্শ্ব খোলা থাকে, কিন্তু এই মোটরগুলির তলা থেকে উপর পর্যন্ত কেবল গ্যাস বের হয়ে যাবার জন্তু দু-এক জায়গায় ছাড়া সমস্ত অংশ পীলের পাতের আবরণে ঢাকা থাকে।


অলক।



উভচর গাড়ী।




উত্তর গাড়ী।



উত্তর মোটর-গাড়ী।

গাছে-তৈরী হাতী—

কয়েকটি গাছ কাছাকাছি বসাইয়া তারা বড় হইলে মাথার মাথার ছুড়িয়া ঝোপ বাঁধিয়া গেলে তাদের কাঁটা হাতীর আকারে তৈরী করা কঠিন নয়। ছবিটি দেখিলেই তাহা বোঝা যাইবে।



হাতীর আকারে হাঁটা গাছ।

দৌড়িয়া ফিরিবার গাড়ী—


লগনের মত বড় সহরে মোটরগাড়ী রাখা সব-চেয়ে বড় হাঙ্গামা, গাড়ী রাখিবার স্থান বা গারেজের অভাব। লগনের এক জন লোক এই গারেজ-হাঙ্গামা অনেকটা দূর করিয়াছেন। তিনি একটা খুব ছোট অথচ বেশ সুবিধাজনক গাড়ী তৈরী করিয়াছেন। এই গাড়ী দেখিতে অনেকটা মোটর সাইকেলের মত, অথচ মোটর সাইকেল রাখার এবং মেরামতের বড় হাঙ্গামা হয়, ইহাতে তা অনেক কম পরিমাণে জোপ করিতে হয়। *সহরের আলি-গলি, বড় রাস্তা, ভোড়ের মধ্যে দিয়া, এই "রান্ এবাউট" গাড়ী বেশ সহজে চলা-কেরা করে। বসিবার জায়গার নীচে দু-একটা বোঁচকাও লগ্না যায়। গাড়ীখানি আড়াই হর্স-পাওয়ার ইঞ্জিনের সাহায্যে চলে।

দশজন-চাপা বাইসাইকেল—

বাইসাইকেলে একজন লোকেরই বসিবার স্থান থাকে। আরোহীর সঙ্গে পিছন দিকে বা সামনে আর-একজন চাপিয়াও অনেক সময় যায়। সম্প্রতি



দৌড়িয়া ফিরিবার গাড়ী।



দশজন-চাপা বাইসাইকেল।

আমেরিকার একরকম প্রকাণ্ড লম্বা বাইসাইকেল তৈরী হইয়াছে। ইহার সামনে একটি চাকা ও পিছনে একটি, মাঝখানটার লম্বা লোহার ডাঙা। ইহাতে বসিবার দশটি জায়গা আছে। দশজন

লোক লইয়াও এই গাড়ী ঘণ্টায় বাট মাইল ছুটিতে পারে। দশজন লোককেই পাডেল ঘুরাইয়া গাড়ী চালাইতে হয়। ওয়াশিংটন, ওয়াশিংটন, মাসাচুসেট্‌স্—এই ঠিকানায় গাড়ীটি আছে।

ধর্মভীরু

সত্য তব ভীরু নাম ; কেন তবে বৃথা আপনারে
 “ধর্ম”-ভীরু বলি’ সুধু ভীরুতার গ্লানি মিটাবারে
 লোকের করুণা ঘাচি’ ফিরিতেছ ম্লান হাসি নিয়া
 সুকোমল সুবিনয়ে প্রাণপণে সবারে তুষিয়া
 কুড়িয়ে সবার ক্রুপা, অপরাধী অভাগার মত
 —হারেরে সুনাম-ভিক্ষু—নিতান্ত সঙ্কোচে ভয়ে নত।
 চেয়ে দেখ ফুল ধরা আনন্দের নির্বিরোধ টানে
 ছুটিয়া চলেছে বেগে, বাধা দ্বিধা দ্বন্দ্ব নাহি মানে ;
 শম্পত্ৰাম বসুন্ধরা আনন্দের বিপুল আবেগে
 তুলিছে রসের স্বর্গ। উচ্ছসিয়া উঠিতেছে বেগে
 পুলকিত রসের জোয়ার—স্নেহের পরশে নিত্য
 দিকে দিকে অন্তরে বাহিরে—এই ত জীবন-বিত্ত ;
 আপন শক্তির বলে এই রসভোগ ;—মহাপ্রাণ
 আপন শক্তির অহুত্বিত্তি ;—ধর্মীর মহাদান।

তুমি হেথা সাবধানে ভয়ে ভয়ে ফেলিছ পা-হুটি,
 পাছে হয় অপরাধ ; পাছে কোন হয়ে যায় ত্রুটি ;
 পরকালে—কে জানে কোথা সে পরকাল—সুসঞ্চিত
 পুণ্যের সঞ্চয় হতে কণামাত্র করেন বঞ্চিত
 তোমার “করুণাময়” পাছে ;—প্রকৃতির মুক্তদান
 প্রকৃতির শিল্প পাছে করিলে সঙ্কোচ, অপমান
 হয় বিধাতার। তাই আছ ভয়ে ত্রস্ত নিশিদিন,
 বহুযত্নে তিলে তিলে আপনারে করিয়াছ দীন।
 ওরে ঐশ্বর্যের অধিকারী ! চিনিলে না আপনারে
 ছায়ার ছলনে হায় ! অমৃতের অর্ঘ্য ভারে ভারে
 সাঙ্গায়ে রেখেছে এই রত্নময়ী রসময়ী ধরা
 তোমারি সেবার লাগি’ ; তোমার এ দেহ-মন-ভরা
 উদ্যম বাসনা-বেগে ঝাঁপিয়ে পড়িয়া তার বুকে
 দস্যবৃত লুক্ক মরশিত—বিপুল নির্দয় সুখে

গুণিয়া শূটিয়া লবে বলে'। ব্যর্থ করিয়াছ তাকে—
সেই সে অমৃতরূপ বিশ্বরূপ ভুবন-মাঝারে।
মাঝে মাঝে ববে কোন বসন্তের রঙিন সন্ধ্যায়
বীশরীর-মস্ত-সুন্দর অতিদূর শ্রাম নীলিমায়
রাখিয়া অলস আঁখি, ক্লেমে ওঠে আকুল বেদনা
বিরহী বুকের মাঝে— নিপীড়িত মূচ্ছিত চেতনা
প্রাণ পেয়ে উঠে কেঁদে নিরাকুল রক্ত হাহাকারে,
নিরস্তর উপবাসী ক্ষুধা তার চাহে মিটাবারে,
উন্মত্ত আবেগভরে স্নায়ু-শিরা করে কম্পমান,—
অপরাধ-ভয়ে তব আতঙ্কে শিহরি' উঠে প্রাণ।

এ কি ব্যর্থ—এই দেহ, এই তৃষ্ণা, এ জাগ্রত ক্ষুধা ?
এও ব্যর্থ—ধরণীর অকুরাণ পরিপূর্ণ সূধা ?
আপনারে ভয়ে ভয়ে বঞ্চিত করিয়া পলে পলে
মৃত্যুরে আনিলে বরি',—হতভাগা, ধম্ম তাকে বলে ?
কোথায় সে পরকাল "হঃ" য'র শূণ্য মবা'টিকা !
কোথা বা সে "দয়াময়" ধার্মিকের চির-নিভাসিকা !
ভুলিয়া "মানবধম্ম" তরাসে আকুল নিশিদিন
করণা-কাঙাল ভীর, ওরে ব্যর্থ, ওরে ধর্মহীন !

শ্রীজীবনময় রায়।

উপেক্ষিতা

পথে যেতে যেতেই তাঁর সঙ্গে আমার পরিচয়।

সে বোধ হয় বাংলা দুই কি তিন সালের কথা। নতুন কলেজ থেকে বার হয়েছি, এমন সময় বাবা মারা গেলেন। সংসারের অবস্থা ভাল ছিল না, স্কুল-মাষ্টারী নিয়ে গেলুম হুগলী জেলার একটা পাড়ারগায়ে। গ্রামটির অবস্থা একসময়ে খুব ভাল থাকলেও আমি যখন গেলুম তখন তার অবস্থা খুব শোচনীয়। খুব বড় গ্রাম, অনেকগুলি পাড়া, গ্রামের এক প্রান্ত থেকে আর-এক প্রান্ত বোধ হয় এক ক্রোশেরও ওপর। প্রাচীন আম-কাঁটালের বনে সমস্ত গ্রামটি অন্ধকার।

আমি ও-গ্রামে থাকতুম না। গ্রাম থেকে প্রায় এক মাইল দূরে সে গ্রামের রেলস্টেশন। স্টেশনমাষ্টারের একটি ছেলে পড়ানোর ভার নিয়ে, সেই রেলের P. W. D.এর একটা পরিত্যক্ত বাংলার থাকতুম। চারমিকে নির্জন মাঠ, মাঝে মাঝে ভাল-বাগান। স্কুলটি ছিল গ্রামের ও-প্রান্তে, গ্রামের মধ্যে নেমে হেঁটে যেতুম প্রায় এক ক্রোশ।

একদিন বর্ষাকাল, বেলা দশটা প্রায় বাজে, স্কুলে যাচ্ছি। সোজা রাস্তা দিয়ে না গিয়ে একটু শীঘ্র যাবার জন্য, পুড়ার ভেতর দিয়ে একটা রাস্তা নেমে গিয়েছে সেইটে দিয়ে যাচ্ছি। সমস্ত পথটা বড় বড় আম-

কাঁটালের ছায়ায় ভরা। একটু আগে খুব এক পসলা বৃষ্টি হয়ে গিয়েছিল। আকাশ মেনে ভরা ছিল। গাছের ডাল থেকে টপটপ করে বৃষ্টির জল ঝরে' পড়ছিল। একটা জীর্ণ-ভাঙ্গা-বাটি-ওয়াল প্রাচীন পুকুরের ধার দিয়ে রাস্তা। সেই রাস্তা বেয়ে যাচ্ছি, সেই সময় কে একজন স্ত্রীলোক, খুব টকটকে রংটা, হাতে বালি অনন্য, পরনে চওড়া লাল পাড় শাড়ী, বয়স ২৫ ২৬ হবে, পাশের একটা সরু রাস্তা দিয়ে বড়া নিয়ে উঠলেন আমার সামনের রাস্তার। বোধ হয় পুকুরে যাচ্ছিলেন জল আন্বার জন্যে। আমার দেখে ঘোমটা টেনে পথের পাশে দাঁড়ালেন। আমি পাশ কাটিয়ে জোরে চলে' গেলুম। আমার এখন স্বাকার করতে লজ্জা হয় কিন্তু তখন আমি ইউনিভার্সিটির সত্ত্বপ্রসূত গ্রাজুয়েট, বয়স সবে কুড়ি এবং অবিবাহিত। সংস্কৃত কাব্যসাহিত্যের পাতায় পাতায় যে-সব তরলিকা, মঞ্জুলিকা, বাসন্তী; যে-সব উজ্জয়িনীবাসিনী অগুরু-বাস-মোদিত-কেশা তরুণী অভিসারিকার দল, তারা আর তাদের সঙ্গে ইংরেজি কাব্যের কত Althea কত Genevieve কত Theosebia তাঁদের নীল নয়ন আর তুষার-ধবল কোমল বাহুবলী নিয়ে আমার তরুণ মনের মধ্যে রাতদিন একটা স্মৃষ্টি কল্পলোকের সৃষ্টি

করে' রেখেছিল। তাই সেদিন সেই সুশ্রী তরুণী আর তাঁর বালা-অনন্ত-পর্য্য অনাবৃত হাতছটির স্তম্ভ সৌন্দর্য্য আর সকলের ওপর তাঁর পরনের শাড়ী দ্বারা নির্দিষ্ট তাঁর সমস্ত দেহের একটা মহিমান্বিত সীমারেখা আমাকে মুগ্ধ এবং অভিভূত করে' ফেললে। আমার মনের ভিতর একপ্রকারের নূতন অসুভূতি আমার বুকের রক্তের তালে তালে সেদিন একটা নূতন স্পন্দন আমার কাছে বড় স্পষ্ট হয়ে উঠলো।

বিকাল বেলা রেল-লাইনের ধারে মাঠে গিয়ে চুপ করে' বসে' রইলুম। তাল বাগানের মাথার ওপর সূর্য্য অস্ত যাচ্ছিল। বেগুনী রংএর মেঘগুলো দেখতে দেখতে ক্রমে ধূসর, পরেই আবার কালো, হয়ে উঠতে লাগলো। আকাশের অনেকটা জুড়ে মেঘগুলো দেখতে হয়েছিল যেন একটা আদিম যুগের জগতের উপরিভাগের বিস্তীর্ণ মহাসাগর। বেশ কল্পনা করে' নেওয়া যাচ্ছিল যে সেই সমুদ্রের চারি-পাশে একটা গুট রহস্য ভরা অজ্ঞাত মহাদেশ, যার অন্ধকারময় বিশাল অরণ্যানীর মধ্যে প্রাচীন যুগের লুপ্ত অতিকায় প্রাণীরা সব ঘুরে বেড়াচ্ছে।

দিন কেটে গিয়ে রাত হল। বাসায় এসে Keats পড়তে শুরু করলাম। পড়তে পড়তে কখন ঘুমিয়ে পড়েছি, মাটির প্রদীপের বুক পুড়ে উঠে প্রদীপ কখন নিভে গিয়েছে। অনেক রাতে উঠে দেখলুম বাইরে টিপ টিপ বৃষ্টি পড়ছে, আকাশ মেঘে অন্ধকার।

তার পরদিনও পাড়ার ভেতর দিয়ে নেমে গেলুম। সেদিন কিন্তু তাঁকে দেখলুম না। আসবার সময়ও সেখান দিয়েই এলুম, কাউকে দেখলুম না। পরদিন ছিল রবিবার। সোমবার দিন আবার সেই পথ দিয়েই গেলুম। পুকুরটার কাছাকাছি গিয়েই দেখি যে তিনি জল নিয়ে ঘাটের সিঁড়ি বেয়ে উঠছেন, আমার দেখে ঘোমটা টেনে দিয়ে চুপ করে' দাঁড়িয়ে রইলেন। আমার বুকের রক্তটা বেন ছলে উঠল, খুব জোরে হেঁটে বেরিয়ে গেলুম। রাস্তার বাঁকের কাছে গিয়ে ইচ্ছা আর দমন করতে না পেরে একবার পিছন ফিরে তাকালুম, দেখি তিনি ঘাটের ওপর উঠে ঘোমটা খুলে কৌতূহল-নেত্রী আমার দিকেই চেয়ে রয়েছেন, আমি চাইতেই ঘোমটা আবার টেনে দিলেন।

ওপরের পথটা ছেড়েই দিলুম একেবারে। পুকুরের পথ দিয়েই রোজ যাই। দু'একদিন পরে আবার একদিন তাঁকে দেখতে পেলুম। আমার মনে হলো সেদিনও তিনি আমার একটু আগ্রহের সঙ্গে লক্ষ্য করলেন। এইভাবে পনেরো-কুড়ি দিন কেটে গেল। কোনদিন তাঁকে দেখতে পাই, কোনদিন পাই না। আমার কিন্তু বেশ মনে হতে লাগলো, তিনি আমার প্রতি দিনদিন আগ্রহান্বিতা হয়ে উঠছেন। আজ-কাল ততটা ত্রস্ত ভাবে ঘোমটা দেন না। আমারও কি হলো,—তাঁর গতি-ভঙ্গীর একটা মধুর স্ত্রী, তাঁর দেহের একটা শাস্ত কমনীয়তা, আমার দিন-দিন যেন অক্টোপাদের মত জড়িয়ে ফেলতে লাগলো।

একদিন তখন আশ্বিনমাসের প্রথম, শরৎ পড়ে' গিয়েছে, নীল আকাশে সাদা সাদা লবু মেঘখণ্ড উড়ে যাচ্ছে, চারিদিকে খুব রৌদ্র ফুটে উঠেছে, রাস্তার পাশের বন-কচু ভাঁট শেওড়া কুঁচলতার ঝোপ থেকে একটা কটুতিক্ত গন্ধ উঠছে। শনিবার আমি সকাল-সকাল স্কুল থেকে ফিরছি। রাস্তা নির্জন, কেউ কোন্দিকে নেই। পুকুরটার পথ ধরেছি, একদল ছাতারে পাখী পুকুরের ও-পারের ঝোপের মাথায় কিচ্‌কিচ্‌ করছিল, পুকুরের জলের নাল-ফুলের দলগুলো রৌদ্রতাপে মুড়ে ছিলো। আমি আশা করিনি এমন সময় তিনি পুকুরের ঘাটে আসবেন। কিন্তু দেখলুম তিনি জল ভরে' উঠে আসছেন। এর আগে চারপাঁচ দিন তাঁকে দেখিনি, হঠাৎ কি মনে' হলো, একটা বড় দুঃসাহসের কাজ করে' বসলুম। তাঁর কাছে গিয়ে বললুম, "দেখুন, কিছু মনে করবেন না আপনি। আমি এখানকার স্কুলে কাজ করি, রোজ এই পথে যেতে যেতে আপনাকে দেখতে পাই, আমার বড় ইচ্ছা করে আপনি আমার বোন হন। আমি আপনাকে বৌদিদি বলব, আমি আপনার ছোট ভাই। কেমন তো?" তিনি আমার কথা প্রথম অংশটার হঠাৎ চমকে উঠে কেমন জড়সড় হয়ে উঠছিলেন, দ্বিতীয় অংশটার তাঁর সে চমকানো ভাবটা একটু দূর হলো। বড়া-কাঁখে নীচু-চোখে চুপ করে' দাঁড়িয়ে রইলেন। আমি যুক্ত-করে প্রণাম করে' বললুম, "বৌদিদি, আমার এ ইচ্ছা আপনাকে পূর্ণ করতে হবে। আমাকে ছোট ভাইয়ের অধিকার দিতেই হবে আপনাকে।"

তিনি ঘোমটা অর্ধেকটা খুলে একটা স্থির শাস্ত দৃষ্টিতে আমার দিকে চাইলেন। সুশ্রী মুখ যে আমি কখনো দেখিনি তা নয়, তবুও মনে হলো তাঁর ডাগর কালো চোখদুটির শাস্ত ভাব আর তাঁর ঠোঁটের নীচের একটা বিশেষ ভাঁজ এই দুটিতে মিলে তাঁর সুন্দর মুখের গড়নে এমন এক বৈচিত্র্য এনেছে, যা সচরাচর চোখে পড়ে না।

খানিকক্ষণ ছুজনেই চূপ করে' রইলুম। তার পর তিনি জিজ্ঞাসা করলেন, "তোমার বাড়ী কোথায়?"

আনন্দে সারা গা কেমন শিউরে উঠলো। বললুম, "কলিকাতার কাছে, ২৪-পল্লী জেলায়। এখানে ষ্টেশনে থাকি।"

তিনি জিজ্ঞাসা করলেন, "তোমার নাম কি?"

নাম বললুম।

তিনি বললেন, "তোমার বাড়ীতে কে কে আছেন?"

বললুম, "এখন বাড়ীতে শুধু মা আর ছোট ছোট ছোট ভাই আছে। বাবা এই ছবৎসর মারা গিয়েছেন।"

তিনি একটু ঘেন্না আগ্রহের সুরে বললেন, "তোমার কোন বোন নেই?"

আমি বললুম, "না। আমার ছুজন বড় বোন ছিলেন, তাঁরা অনেকদিন মারা গিয়েছেন। বড়দি যখন মারা যান তখন আমি খুব ছোট, মেজদি আজ পাঁচ-ছ বছর মারা গিয়েছেন। আমি এই মেজদিকেই জানতুম, তিনি আমার বড় ভালবাসতেন। তিনি আমার চেয়েও ছয় বছরের বড় ছিলেন।"

তাঁর দৃষ্টি একটু ব্যথা-কাতর হয়ে এল, জিজ্ঞাসা করলেন, "তোমার মেজদি থাকলে এখন তাঁর বয়স হত কত?"

বললুম, "এই ছাব্বিশ বছর।"

তিনি একটু মুহূর্ত হাসির সঙ্গে বললেন, "তাই বুঝি ভাইটির আমার একজন বোন খুঁজে বেড়ান হচ্ছে, না?"

কি মিষ্টি হাসি! কি মধুর শাস্ত ভাব! মাথা নীচু করে' প্রণাম করে' তাঁর পারের ধুলো নিয়ে বললুম, "তা হলে ভাইয়ের অধিকার দিলেন তো আপনি?" তিনি শাস্ত হাসি-মাথা মুখে চূপ করে' রইলেন।

আমি বললুম, "বৌদি, আমি জানতুম আমি পাব। আগ্রহের সঙ্গে খুঁজলে ভগবান নাকি ধরা দেন, আমি

একজন বোন অনায়াসেই পাব। আচ্ছা এখন আসি। আপনি কিন্তু ভুলে যাবেন না যেন, বৌদি? আপনার ঘেন্না দেখা পাই। রবিবার বাদে আমি দুবেলাই এ রাস্তা দিয়ে যাব।"

আমার মাঠের ধারের তালবাগানটার পাখীগুলো রোজই সকাল বিকাল ডাকে। একটা কি পাখী তার সুর খাদ থেকে ধাপে ধাপে ভুলে একেবারে পঞ্চমে চড়িয়ে আনে; মন যেদিন ভারী থাকে সেদিন সে সুরের উদাস মাধুর্য্য প্রাণের মধ্যে কোন সাড়া দেয় না। আজ দেখলুম পাখীটার গানের সুরের সুরে সুরে হৃদয়টা কেমন লঘু থেকে লঘুতর হয়ে উঠছে। মনে হতে লাগল জীবনটা কেবল কতক-গুলো মিলি ছায়াশীতল পাখীর গানে ভরা অপরাহ্নের সমষ্টি, আর পৃথিবীটা শুধু নীল আকাশের তলায় ইতস্ততঃ-বর্জিত অযত্ন-সমৃদ্ধ তাল নারিকেল গাছের বন দিয়ে তৈরী—যাদের দ্রিষ্ট কল্পমান দীর্ঘ শ্যামল পত্রশীর্ষ অপরাহ্নের অবসন্ন রৌদ্রে চিক্‌চিক্‌ করছে।

তার পরদিন বৌদির সঙ্গে দেখা হলো দুটির পর বিকাল বেলা। বৌদি ঘেন্না চাপাধাসিব সুরে জিজ্ঞাসা করলেন, "এই যে, বিমলের বুঝি মাষ্ট্র খুব সকাল-সকাল খুলে যাওয়া হয়েছিল?"

আমি উত্তর দিলুম, "বেশ বৌদি, আমি ওবেলা তো ঠিক সময়েই গেলুম—আপনিই ছিলেন না, এখন দোঁ... বুঝি আমার খাড়ে চাপান হচ্ছে, না? আর বৌদি, বাটে ওবেলা আরও সব মেয়েরা ছিলেন।"

বৌদি হেসে ফেললেন, বললেন, "তাইতো! ভাইটির আমার ওবেলা তো বড় বিপদ গিয়েছে তা হলে?"

আমার কেমন একটু লজ্জা হলো, ভাল করে জবাব দিতে না পেরে বললুম, "তা নয় বৌদি, আমি এখানে অপবিচিত, পাড়ার মধ্যে দিয়ে পথ, পাছে কেউ কিছু মনে করে।"

বৌদির চোখের কোতুক-দৃষ্টি তখনও যায় নাই, তিনি বললেন, "আমি ওবেলা খাটের জলেচ ছলাম বিমল। তুমি ওই চটকা গাছটার তলায় গিয়ে একবার খাটের দিকে চেয়ে দেখলে, আমার তুমি দেখতে পাও নি।"

আমি জিজ্ঞাসা করলুম, "বৌদি, আপনার খাটের বাড়ী কোথায়?"

বৌদিদি উত্তর দিলেন, “খোলাপোতা চেন? সেই খোলাপোতার।” আমি ইতস্ততঃ করছি দেখে আমার আর-একটু বিশদ সংবাদ দিয়ে বললেন, “ওই যে খোলাপোতার রাস হয়?” বৌদিদির হাসি-ভরা দৃষ্টি বেন একটু গর্ভমিশ্রিত হয়ে উঠলো। কিন্তু বলা আবশ্যিক যে খোলাপোতা বলে কোন গ্রামের নাম এই আমি প্রথম শুনলুম। অথচ বৌদিদির বাপের বাড়ী, যেখানে এমন রাস হয়, সেই বিশ্ববিখ্যাত খোলাপোতার ভৌগোলিক অবস্থান সম্বন্ধে আমার অজ্ঞতা পাছে তাঁর মনে ব্যথা দেয়, এই ভয়ে বলে ফেললুম, “ও! সেই খোলাপোতার? ওটা কোন্ জেলায় ভালো—”

বৌদিদির কাছ থেকে সাচাষ্য পাবার প্রত্যাশা করেছিলুম কিন্তু দেখলুম তিনি সে বিষয়ে নির্বিকার। তাঁর হাসি-ভরা সরল মুখখানির দিকে চেয়ে আমার করুণা হলো, এ-সমস্ত জটিল ভৌগোলিক তত্ত্বের মীমাংসা নিয়ে তাঁকে পীড়ন করতে আর আমার মন সরল না।

বললুম, “আচ্ছা বৌদি, আসি তা হলে।”

বৌদিদি তাড়াতাড়ি ঘড়ার মুখ থেকে কলার-পাত-মোড়া কি বার করলেন। সেইটে আমার হাতে দিয়ে বললেন, “কাল চাপড়া-ঘড়ীর জন্তে ক্ষীরের পুতুল তৈরী করেছিলাম, আর গোটাকতক কগার বড়া আছে, বাসায় গিয়ে খেও।”

একদিন চার-পাঁচ দিন অর-ভোগের পর পথ্য পেয়ে স্কুলে যাচ্ছি। বৌদিদির সঙ্গে দেখা। আমার আস্তে দেখে বৌদিদি উৎসুক দৃষ্টিতে অনেকদূর থেকে আমার দিকে চেয়ে ছিলেন। নিকটে যেতে জিজ্ঞাসা করলেন, “এ কি বিমল, এমন সুখ শুকনো কেন?”

বললুম, “জ্বর হয়েছিল বৌদিদি।”

বৌদিদি উদ্বেগের সুরে বললেন, “ও, তাই তুমি চার-পাঁচ দিন আসনি বটে! আমি ভাবলাম বোধ হয় কিসের ছুটি আছে। আহা, তাইতো, বড় রোগী হয়ে গিয়েছ যে বিমল।”

তাঁর চোখের দৃষ্টিতে একটা সত্যিকারের-বাধা-মিশ্রিত স্নেহের আত্মপ্রকাশ বেশ বুঝতে পেরে মনের মধ্যে একটা নিবিড় আনন্দ গেলুম। হেসে বললুম, “যে দেশ আপনাদের বৌদি, একবার অতিথি হলে আপ্যায়নের চোটে একেবারে অস্থির করে তুলবে।”

বৌদিদি জিজ্ঞাসা করলেন, “আচ্ছা বিমল, ওখানে তোমার রেঁধে দেয় কে?”

আমি বললুম, “কে আর রাঁধবে, আমি নিজেই।”

বৌদিদি একটু চুপ করে রইলেন, তার পর বললেন, “আচ্ছা বিমল, এক কাজ কর না কেন?”

আমি জিজ্ঞাসা করলুম, “কি?”

তিনি বললেন, “মাকে এই পুজোর ছুটির পর নিয়ে এস। এ রকম করে কি করে বিদেশে কাটাবে বিমল? লক্ষ্মীটি, ছুটির পর মাকে অবিশ্রি করে নিয়ে এস। এই গাঁয়ের ভেতর অনেক বাড়ী পাওয়া যাবে। আমাদের পাড়াতেই আছে। না হলে অস্থখ হলে কে একটু জল দেয়?... আচ্ছা হ্যাঁ বিমল, আজ যে পথ্য করলে, কে রেঁধে দিলে?”

আমার হাসি পেলে, বললুম, “কে আবার দেবে বৌদি? নিজেই করলুম।” তিনি আমার দিকে যেন কেমন ভাবে ধানিকরণ চেয়ে রইলেন। তাঁর সেদিনের সেই সহানুভূতি-বিগলিত স্নেহ-মাখানো মাতৃমুখের জল-ভরা কালো চোখছটি পরবর্তী জীবনে আমার অনেকদিন পর্যন্ত মনে ছিল।

সেদিন স্কুল থেকে আসবার সময় দেখি, বৌদিদি যেন আমার জন্তেই অপেক্ষা করছেন। আমার দেখে কলার পাতায় মোড়া কি একটা আমার হাতে দিয়ে বললেন, “শরীরটা একটু না সারলে রাত্রে গিয়ে রান্না, সে পেয়ে উঠবে না বিমল। এই খাবার দিলাম, রাত্রে খেও।” বোধ হয় একটু আগেই তৈরী করে এনেছিলেন, আমি হাতে বেশ গরম পেলুম। বাসায় এসে কলার পাত খুলে দেখি, ধান-কতক রুটি মোহনভোগ আর মাছের একটা ডালনা মতো।

তার পরদিন ছুটির পর আসবার সময়ও দেখি বৌদিদি খাবার হাতে দাঁড়িয়ে রয়েছেন, আমার হাতে দিয়ে বললেন, “বিমল, তুমি তোমার ওখানে ছুধ নেও?”

আমি বললুম, “কেন, তা হলে ছুধও ধানিকটা করে দেন বুঝি? সত্যি বলছি বৌদি, আপনি আমার জন্তে অনর্থক এ কষ্ট করবেন না, তা হলে এ রাস্তায় আমি আর আসছি না।”

বৌদিদির গলা ভারী হয়ে এল, আমার ডান হাতটা আস্তে আস্তে এসে ধরে ফেললেন, বললেন, “লক্ষ্মী তাই, ছি ও-কথা বোলো না। আচ্ছা আমি যদি তোমার মেজদিই

হতাম তা হলে এ কথা কি আজ আমার বলতে পারতে ? আমার মাথার দিব্যি রইল, এ পথে রোজ যেতেই হবে।” সেই দিন থেকে বৌদিদি রোজ রাত্রে খাবার দেওয়া শুরু করলেন, সাত-আট দিন পরে রুটির বদলে কোনদিন লুচি কোনদিন পরেটা দেখা দিতে লাগলো। তাঁর সে আগ্রহভরা মুখের দিকে চেয়ে আমি তাঁর সে-সব স্নেহের দান ঠিক অস্বীকারও করতে পারতুম না, অথচ এই ভেবে অস্বস্তি বোধ করতুম যে আমার এই নিতা খাবার জোগাতে না-জানি বৌদিদিকে কত অসুবিধাই পোহাতে হচ্ছে। তার পরই আশ্বিন মাসের শেষে পূজোর ছুটি এসে পড়াতে আমি নিষ্কৃতি পেলাম।

সমস্ত পূজোর ছুটিটা কি নিবিড় আনন্দেই কাটল সেবার ! আমার আকাশ বাতাস যেন রাতদিন আফিমের রঙীন ধূমে আচ্ছন্ন থাকতো। ভোর বেলা আমাদের উঠানের শিউলী গাছের সাদা-কুল-বিছানো তলাটা দেখলে—হেমন্ত-রাত্রির শিশিরে-ভেজা ঘাসগুলোর গা যেমন শিউরে আছে, ওই রকম—আমার গা শিউরে উঠতো ; কার ওপর আমার জীবনের সমস্ত ভার অসীম নির্ভরতার সঙ্গে চাপিয়ে দিয়ে আমার মন যেন শরতের জল-ভার-নামানো হালকা মেবের মত একটা সীমাহারা হাওয়ার রাজ্যে ভেসে বেড়াতে লাগলো।

ছুটি ফুরিয়ে গেল। প্রথম স্কুল খুলবার দিন পথে তাঁকে দেখলুম না। বিকালে যখন ফিরি, তখন শীতের হাওয়া একটু একটু দিচ্ছে। পথের ধারের এক জাম্বুগায় খানিকটা মাটি কারা বর্ষাকালে তুলে নিয়েছিল, সেখানটার এখন বনকচু, কালকাসন্দা ধুতুরা কুঁচকাটা আর কুম্ভকো লতার দল পরস্পর জড়াজড়ি করে’ একটুখানি ছোট ঝোপ-মত তৈরী করেছে, শীতল হেমন্ত-অপরাহ্নের ছায়া সবুজ ঝোপটির ওপর নেমে এসেছে, এমন একটা মিষ্ট নিশ্চল গন্ধ গাছগুলো থেকে উঠছে, এমন সুন্দর শ্রী হয়েছে ঝোপটির, সমস্ত ঝোপটি যেন বনলক্ষ্মীর শ্রামল শাড়ীর একটা অঞ্চল-প্রান্তের মতো।

তার পরদিন তাঁকে দেখলুম।

তিনি আমার লক্ষ্য করেন নি, আপনমনে বাটের চাতালে উঠতে যাচ্ছিলেন। আমি ডাকলুম, “বৌদি ?” বৌদিদি কেমন হঠাৎ চমকে উঠে আমার দিকে ফিরলেন।

“এ কি, বিমল ! কবে এলে ? আজ কি স্কুল খুললো ?

কি রকম আছে ?” সেই পরিচিত প্রিয় কণ্ঠস্বরটি ! সেই স্নেহ-ঝরা শান্ত চোখ-ছটি ! বৌদিদি আমার মনে ছুটির আগে যে স্থান অধিকার করেছিলেন, ছুটির পরের স্থানটা তার চেয়ে আরও ওপরে। আমি সমস্ত ছুটিটা তাঁকে ভেবেছি, নানা মূর্তিতে নানা অবস্থায় তাঁকে কল্পনা করেছি, নানা গুণ তাঁতে আরোপ করেছি, তাঁকে নিয়ে আমার মুগ্ধ মনের মধ্যে অনেক ভাঙা-গড়া করেছি। আমার মনের মন্দিরে আমারই শ্রদ্ধা-ভালবাসায় গড়া তাঁর কল্পনা-মূর্তিকে অনেক অর্ধ-চন্দনে চর্চিত করেছি। তাই সেদিন যে বৌদিদিকে দেখলুম তিনি পূজার ছুটির আগেকার সে বৌদিদি নন, তিনি আমার সেই নিশ্চল, পূতহৃদয়া, পুণ্যময়ী মানসী প্রীতিমা, আমার পাখির বৌদিদিকে তিনি তাঁর মহিমা-খচিত দিব্য-বসনের আচ্ছাদনে আবৃত করে’ রেখেছিলেন, তাঁর স্নেহ-করণীর জ্যোতির্বাণ্ডে বৌদিদির রক্তমাংসের দেহটার একটা আড়াল সৃষ্টি করেছিলেন।

এ কাকে দেখলুম বলবো ?

আমাদের এই পৃথিবীর জীবনের বহু উর্ধ্বে যে অজ্ঞাত রাজ্যে অনন্তের পথের যাত্রীরা আবার বাসা বাঁধবে ; হয়তো যে দেশের আকাশটা রঙে’ রঙে’ রঙীন, যার বাতাসে কত সুর, কত গন্ধ, কত সৌন্দর্য্য, কত মহিমা, কীণ জ্যোৎস্না দিয়ে গড়া কত সুন্দরী তরণীরা যে দেশের পুষ্পসন্তার-সমৃদ্ধ বনে উপবনে ফুলের গায় বসন্তের হাওয়ার মতো তাঁদের কীণ দেহের পরশ দিয়ে বেড়াচ্ছেন, সেই অপার্থিব দিব্য সৌন্দর্য্যের দেনে গিয়ে আমাদের এই পৃথিবীর মা-বোনেরা যে দেহ ধারণ করে’ বেড়াবেন ;—এ যেন তাঁদের সেই সুদূর ভবিষ্যৎ রূপেরই একটা আভাস আমার বৌদিদিতে দেখতে পেলাম। আমার মাথা শ্রদ্ধায় সম্মুখে নত হয়ে পড়লো, আমি তাঁর পায়ের ধূলো নিয়ে প্রণাম করলুম। বৌদিদি বললেন, “এস, এস ভাই, আর নমস্কার করতে হবে না, আশীর্বাদ করছি এমনই রাজা হও। আচ্ছা, বিমল, বাড়ী গিয়ে আমার কথা মনে ছিল ?”

মনে এলেও বাইরে আর বলতে পারলুম না, কে তবে আমার মগ্ধচৈতন্যকে আশ্রয় করে’ আমার নিত্য স্মৃষ্টির মধ্যেও আমার সন্নিহিত ছিল, বৌদি ? শুধু একটু

হেসে চূপ করে' রইলুম। বৌদিদি জিজ্ঞাসা করলেন, “মা ভাল আছেন ?”

আমি উত্তর দিলাম, “হ্যাঁ, বৌদি, তিনি ভাল আছেন। তাঁকে আপনার কথা বললুম।”

বৌদিদি আগ্রহের সুরে বললেন, “তিনি কি বললেন ?”

আমি বললুম, “শুনে মার দুই চোখ জলে ভরে' এল, বললেন—একবার দেখাবি তাকে বিমল ? আমার নলিনীর শোক বোধ হয় তাকে দেখলে অনেকটা নিবারণ হয়।”

বৌদিদিরও দেখলুম দুই চোখ ছলছল করে' এল, আমার বললেন, “হ্যাঁ বিমল, তা মাকে এই মাসে নিয়ে এলে না কেন ?”

আমি বললুম, “সে এখন হয় না বৌদি।”

বৌদিদি একটু ক্ষুব্ধ হলেন, বললেন, “বিমল, জানো তো সেবার কি রকম কষ্টটা পেয়েছ! এই বিদেশে বিভূঁই, মাকে আনলে এই মিপো কষ্টটা তো আর ভোগ করতে হয় না ?”

আমি উত্তর দিলাম, “বৌদি, আমি ত আর ভাবি নে যে আমি বিদেশে আছি, যেখানে আমার বৌদি রয়েছেন সে দেশ আমার বিদেশ নয়। মা না থাকলেও আমার এখানে ভাবনা কিসের বৌদি ?”

বৌদিদির চোখে লজ্জা ঘনিয়ে এল, আমার দিকে ভাল করে চাইতে পারলেন না, বললেন, “হ্যাঁ, আমি ত সবই করছি। আমার কি কিছু করার জো আছে ? কত পরাধীন আমরা তা জানো ত ভাই ? ও-সব নয়, তুমি এই মাসেই মাকে আন।”

আমি কথাটাকে কোন রকমে চাপা দিয়ে সেদিন চলে' এলুম।

তার পরদিনও ছুটির পর বৌদিদির সঙ্গে দেখা। অন্তান্ত কথাবার্তার পর আন্বার সময় তিনি কলার পাতের মোড়া আবার কি একটা বার করলেন। তাঁর হাতে কলার পাত দেখলেই আমার ভয় হত, আমি শঙ্কিতভাবে বলে' উঠলুম, “ও আবার কি বৌদি ? আবার সেই—”

বৌদিদি বাধা দিয়ে বললেন, “আমার কি কোন সাধ নেই বিমল ? ভাই-ফোঁটাটা অমনি অমনি গেল, কিছু কি করতে পারলাম ?” কলার-পাত-মোড়া রহস্যটি আমার

হাতে দিয়ে বললেন, “এতে একটু মিষ্টিমুখ কোরো, আর এইটে নেও একখানা কাপড় কিনে নিও।”

কথাটা ভাল ক'রে শেখ না করে'ই বৌদি আমার হাতে একখানা দশটাকার নোট দিতে এলেন। আমি চমকে উঠলুম, বললুম, “এ কি বৌদি, না না এ কিছুতে হবে না ; খাবার আমি নিচ্ছি, কিন্তু টাকা আমি নিতে পারব না।” আমার কথাটার স্বর বোধ হয় একটু তীব্র হয়ে পড়েছিল, বৌদিদি হঠাৎ খতমত খেয়ে গেলেন, তাঁর প্রসারিত হাত-খানা ভাল করে' যেন গুটিয়ে নিতেও সময় পেলেন না, যেন কেমন হয়ে গেলেন। তারপর একটুখানি অবাক হয়ে আমার দিকে চেয়ে থাকবার পরই তাঁর টানা কালো চোখ-ছুটি ছাপিয়ে বাঁধ-ভাঙা বস্তার স্রোতের মত জল গড়িয়ে পড়লো। আমার বুকে যেন কিসের একটা খোঁচা বিধলো।

এই নিতান্ত সরলা পাড়ারগায়ের মেয়েটির আগ্রহ-ভরা স্নেহ-উপহার রূঢ়ভাবে প্রত্যাখ্যান করে তাঁর বুকে যে লজ্জা আর ব্যথার শূল বিদ্ধ করলুম, সে ব্যথার প্রতিঘাত অদৃশ্য-ভাবে আমার নিজের বুকেও গিয়ে বাজলো।

আমি তাড়াতাড়ি দুই হাতে তাঁর পায়ের ধুলো নিয়ে তাঁর হাত থেকে নোটখানা ও খাবার, দুই নিয়ে বললুম, “বৌদি, ভাই বলে' এ অপরাধ এবারটা মাপ করুন আমার। আর কখনো আপনার কথার অবাধা হব না।”

বৌদিদির চোখের জল তখনও খামেনি।

দুই চোখ জলে-ভরা সে তরুণী দেবী-মূর্তির দিকে ভাল করে চাইতে না পেয়ে আমি মাথা নীচু করে অপরাধীর মত দাঁড়িয়ে রইলুম।

বাড়ী এসে দেখলুম কলার পাতের মধ্যে কতকগুলো ছুঁকুল চন্দ্রপুলো, সুন্দর করে' তৈরী। সমস্ত রাত ঘুমের ঘোরে বৌদিদির বিষণ্ণ মুখের কাতর দৃষ্টি বারবার চোখের সামনে আসতে যেতে লাগলো।

মাস-খানেক কেটে গেল।

প্রায়ই বৌদিদির সঙ্গে দেখা হত। এখন আমরা ভাই-বানের মত হয়ে উঠেছিলুম, সেই রকমই পরস্পরকে ভাবতুম। একদিন আস্তি, ফ্লানেল-সার্টির একটা বোতাম আমার ছিল না। বৌদি জিজ্ঞাসা করলেন, “এ কি, বোতাম কোথায় গেল ?”

আমি বললুম, “সে কোথায় গিয়েছে, বৌদি, বোতাম পরাতে জানিনে কাজেই ঐ অবস্থা।”

তার পরদিন দেখলুম তিনি ছুঁচ-হুতো-বোতাম-সমেতই এসেছেন। আমি বললুম, “বৌদি, এটা ঘাটের পথ, আপনি বোতাম পরাতে পরাতে কেউ যদি দেখে তো কি মনে করবে। আপনি বরং ছুঁচটা আমার দিন, আমি বাড়ী গিয়ে চেষ্টা করব এখন।”

বৌদি'দ হেসে বললেন, “তুমি চেষ্টা করে যা করবে তা আমি জানি, নাও সরে এস এদিকে।”

বাধ্য হয়ে সরেই গেলুম, তিনি বেশ নিশ্চিত ভাবেই বোতাম পরাতে লাগলেন। ভয়টা দেখলুম তাঁর চেয়ে আমারই হলো বেশী। ভাবলুম, বৌদির তো সে কাণ্ডজ্ঞান নেই, কিন্তু যদি কেউ দেখে তো এর সমস্ত কষ্টটা ওঁকেই ভুগতে হবে।

একদিন বৌদি'দি জিজ্ঞাসা করলেন, “বিমল, গোকুল-পিটে খেয়েছ ?”

আমার মা খুব ভাল গোকুল-পিটে তৈরী করতেন, কাজেই ও-জিনিষটা আমি খুব খেয়েছি। কিন্তু বৌদি'দকে একটু আনন্দ দেওয়ার জন্য বললুম, “সে কিরকম বৌদি ?”

আর রক্ষা নেই। তার পরদিনই বিকাল বেলা বৌদি'দি কলার পাতে মোড়া পিটে নিয়ে হাজির।

আমায় বললেন, “তুমি এখানে আমার সামনেই খাও। ঘড়ার জলে হাত ধুয়ে ফেল এখন।”

আমি বললুম, “দক্ষিণাশ বৌদি। এই এতগুলো পিটে খেতে খেতে এ পথে লোক এসে পড়বে, সে হয় না, আমি বাড়ী গিয়েই খাবো।”

বৌদি'দ ছাড়বার পাত্রাই নন, বললেন, “না কেউ আসবে না বিমল। তুমি এখানেই খাও।”

খেলুম, পিটে খুব ভাল হয় নি। আমার মায়ের নিপুণ হাতের তৈরী পিটের মত নয়। বোধ হয় নতুন করতে শিখেছেন, ধারগুলো পুড়ে গিয়েছে, আনন্দও ভাল নয়। বললুম, “বাঃ বৌদি, বড় সুন্দর তো।

এ কোথায় তৈরী করতে শিখলেন, আপনার বাপের বাড়ীর দেশে বুকি ?”

বৌদি'দির মুখে আর হাসি ধরে না। হাসিমুখে

বললেন, “এ আমি, আমাদের গুরুমা এসেছিলেন, তিনি সহরের মেয়ে, অনেক ভাল খাবার করতে জানেন, তাঁর কাছে শিখে নিয়েছিলাম।”

তারপর সারা শীতকাল অগাণ্ড পিটের সঙ্গে সেই বিশ্বাদ গোকুলপিটের পুনরাবৃত্তি চললো। ঐ যে বলেছি আমার ভাল লেগেছে, আর রক্ষা নেই।

একটা কথা আছে।

বিছুদিন ধরে আমার মনের মধ্যে একটা আগ্রহ একটু একটু করে জন্মছিল, জীবনটাকে খুব বড় করে' অসুভব করার জ্ঞে। আমার এ কুড়ি-একশ বছর বয়সে এই ক্ষুদ্র পাড়াগাঁয়ে গাঁচার পাখীর মত আবদ্ধ থাকা ক্রমেই অসহ্য হয়ে উঠছিল। চলেও যেতাম এতদিন। এখানকার একমাত্র বন্ধন হয়েছিলেন বৌদি'দি। তাঁরই আগ্রহে, মেহ-যত্নে সে অশাস্ত ইচ্ছাটা কিছুদিন চাপা ছিল। এমন সময় মাব মাসের শেষের দিকে আমার এক আত্মীয় আমায় লিখলেন যে তাঁদের কারখানা থেকে কাচের কাজ শিখবার জ্ঞে ইউরোপ আমেরিকায় ভেলে পাঠানো হবে, যেতএব আমি যদি জীবনে কিছু করতে চাই, তবে শাস্র যেন মুরাদাবাদ গিয়ে তাঁর সঙ্গে মেথা করি। তিনি সেখানকার কাচের কারখানার মানেজাব।

পত্র পেয়ে সমস্ত রাত আশাব যুম হয় না। ইউরোপ, আমেরিকা! সে কত উর্ধ্ব সংগীত-মুখরিত শ্রাম সমৃদ্ধভট... কত অকুল সাগরের নীল জলরাশি..... দূরে সবুজবিন্দুর মত ছোট ছোট দ্বাপ, ঐ করিকা, ঐ সিসিলী। নতুন আকাশ, নতুন অনুভূতি.....ডোভারের সাদা খড়ির পাগড়... প্রশস্ত রাজপথে জনতার দ্রুত পাদচারণ. লাড্গেট সার্কাস, টটেন্গাম্ কোর্ট রোর্ডবার্চ্-উইলো-পপ্লাম-মেপ্ল্ গাছের সে কত শ্রামল পত্রসম্ভার, আমার কল্পলোকের সঞ্জিনী কনক-কেশিনী কত ক্লারা, কত মেরী, কত ইউজিনী, কত তুমার ধবল ললাট, কত হরিণীর মত ভাগব ভাগব নীল নয়নে সে কত চকি শৃষ্টি!

পরদিন সকালে পত্র লিখলুম আমি খুব শীঘ্রই রওনা হব। স্কুলে সেই দিনই নোটিশ দিলুম, পনেরো দিন পরে কাজ ছেড়ে দেবো।

মন বড় ভাল ছিল না, উপরের পথটা দিয়ে কয়েক দিন গেলুম। ১৪।১৫ দিন পরে নীচের পথটা দিয়ে যেতে যেতে একদিন বৌদিদির সঙ্গে দেখা। বৌদিদি একটু অভিমান প্রকাশ করলেন, “বিমল, বড় গুণের ভাই তৌ। আজ চারপাঁচ দিনের মধ্যে বোনটা বাছলো কি মলো, তা খোঁজ করলে না।”

আমি বললাম, “বৌদিদি, করলে সেটাই অস্বাভাবিক হতো! বোনেরাই ভাইয়েদের জন্যে কৈদে মরে, ভাইয়েদের দায় পড়েছে বোনদের ভাবনা ভাবতে। ছনিয়া সূত্র ভাই-বোনেরই এই অবস্থা।”

বৌদিদি খিলখিল করে হেসে উঠলেন। এই তরুণীর হাসিটি বালিকার মত এমন মিষ্ট নিশ্চল যে এ শুধু লক্ষ্মীপূর্ণিমার ঝাতের জ্যোৎস্নার মত উপভোগ করবার জিনিষ, বর্ণনা করবার নয়। বললেন, “তা জানি জানি, নাও, আর গুমর করতে হবে না, সে গুণ যে তোমাদের আছে তা কি আমরা ভেতরে ভেতরে বুঝি না? কিন্তু বুঝে কি করবো, উপায় নেই। হ্যাঁ, তা সত্যি সত্যি মাকে কবে আনছো?”

আমার কাজ ছেড়ে দেওয়ার কথা আমি বৌদিদিকে কিছু বলিনি। সে কথা বললে যে তিনি মনে অত্যন্ত আঘাত পাবেন, এ আমি বুঝতে পেরেছিলুম। একবার ভাবলুম, সেই তো জানাতেই হবে একদিন, বলে ফেল। কিন্তু অমন সরল হাসি-ভরা মুখ, অমন নিশ্চিন্ত শান্তির ভাব,—বলতে বড় বাধলো। ভাবলুম, এই অবোধ পাড়ারগায়ের মেয়েটি, এঁর সকাল-সাঁজের ছান্না-বিছানো পুকুরের ঘাট, বাশ-বাগান, চন্দনঘড়ী আর এয়ো-সংক্রান্তির ত্রুত দিয়ে তৈরী এর ক্ষুদ্র জগৎটিতে বেশ সুখে বাস করছিলেন। আমি যখন আমার চঞ্চল তরুণ হৃদয় নিয়ে হঠাৎ সেই কোমল প্রাণের বেড়া-ঘেরা ক্ষুদ্র জগৎটির মধ্যে এসে দাঁড়ালুম, তখন ইনি স্নেহচর্কল নারী-হৃদয়ের আন্তরিকতা নিয়ে, আমায় এঁর আঁচল দিয়ে ঘিরে নিয়েছিলেন, কিন্তু এই যে আমি আজ সে স্নেহ-বাঁধন নিশ্চয়ম ভাবে ছিঁড়ে পালিয়ে যেতে উদ্যত হয়েছি, আমায় বাধা দিতে এঁর কোন উপায় আছে? কিছুই না—ইনি তখন শুধু উপেক্ষিত স্নেহের চোখে নিয়ে আমায় দিকে চেরেই

রইবেন, নিতান্ত অসহায়, নিতান্ত নিরুপায় ভাবে। কিছুই করবার ক্ষমতা নেই এঁর।

ভাই বৌদিদির হাসি-ভরা মুখ দেখে করুণার আমার চোখে জল এল, মনে মনে বললুম, তোমরা কেবল বুঝি স্নেহ ঢেলে দিতেই জানো? তোমাদের স্নেহ-পাত্রদের বিদায়ের বাজনা যে বেজে উঠেছে, এ সম্বন্ধে এ রকম অজ্ঞান কেন?

জিজ্ঞাসা করলুম, “বৌদি, একটা কথা বলি। আপনি আমায় এই অল্পদিনে এত ভালবাসলেন কি করে? আচ্ছা, আপনারা কি ভালবাসার পাত্রাপাত্রও দেখেন না? আমি কে বৌদি, যে, আমার জন্যে এত করেন?”

বৌদিদির মুখ গম্ভীর হয়ে এল। তাঁর ওই এক বড় আশ্চর্য্য ছিল, মুখ গম্ভীর হলেই প্রায়ই চোখে জল আসবে, জল কেটে গেল তা আবার হাসি ফুটবে। শরতের আকাশে রোদ-বৃষ্টি খেলার মত। বললেন, “এতদিন তোমায় বলিনি বিমল, আজ এই পাঁচ বছর হলো আমারও ছোট ভাই আমার মায়া কাটিয়ে চলে গিয়েছে, তারও নাম ছিল বিমল। থাকলে সে তোমারই মত হতো এতদিন। আর তোমারই মত দেখতে। তুমি যেদিন প্রথম এ রাস্তা দিয়ে যাও, তোমায় দেখেই আমার মনের মধ্যে সমুদ্র উথলে উঠলো, সেদিন বাড়ী গিয়ে আপন মনে কত কৈদেছিলাম। তুমি এখান দিয়ে যেতে রোজ তোমাকে দেখতাম। সেদিন তুমি আপন হতেই দিদি বলে ডাকলে, সেদিন থেকে আজ পর্য্যন্ত যে কি সুখে আছি, তা বলতে পারি নে। তোমায় বন্ধ করে, তুমি যে বড় বোনের মত ভালবাস, তাতে আমি বিমলের শোক অনেকটা ভুলেছি। ওই এক ভাই ছিল আমার। তুলসী-তলায় রোজ সন্ধ্যাবেলা কত প্রণাম করি, বলি, ঠাকুর এক বিমলকে তো পায়ে টেনে নিয়েছ, আর-এক বিমলকে যদি দিলে তো এর মঙ্গল কর; একে আমার কাছে রাখ।”

চোখের জলে বৌদিদির গলা আড়ষ্ট হয়ে গেল। আমি কিছু বললুম না। বলবো কি?

একটু পরে বৌদিদি নিজে একটু সামলে নিয়ে জল-ভরা চোখটুকু তুলে আমার মুখের দিকে চাইলেন, কি সুন্দর যে তাঁকে দেখাচ্ছিল! কালো চোখটুকু ছিল ছল ছল করছে, টানা ভুরু যেন আরও নেমে এসেছে, চিবুকের ভাঁজটি আরও পরিষ্কৃত, যেন কোন নিপুণ প্রতিমা-কারক সফ্র বাঁশের পাত

দিয়ে কেটে তৈরী করেছে। পথের পাশেই প্রথম ফাস্তনের মুখ আকাশের তলার আঁকোড় ফুলের একটা ঝোপে কাঁটা-ওয়ারা ডালগুলিতে থোলো থোলো শাদা ফুল ফুটে ছিল; মনের ফাঁকে ফাঁকে নেশা জমিয়ে আনে, এমনি তার মিষ্টি গন্ধ।

হুজনে অনেকক্ষণ কথা বলতে পারলুম না। খানিক পরে বৌদিদি বললেন, “সেইজন্যেই বলছি ভাই, মাকে আনো। আমাদের পাড়ায় চৌধুরীদের বাড়ীটা পড়ে’ আছে। ওরা এখানে থাকে না। খুব ভাল বাড়ী, কোন অসুবিধা হবে না, তুমি মাকে নিয়ে এসো, ওখানেই থাকো, সে তাঁদের পত্র লিখলেই তাঁরা রাজি হবেন, বাড়ী তো এমনি পড়ে’ আছে। তোমার বোন পরাধীন, কিছু করবার তো ক্ষমতা নেই। তোমার সঙ্গে এ-সব দেখাশোনা, এ সব লুকিয়ে, বাড়ীর কেউ জানে না। তুমি ছুবেলা ঘাটের পথ দিয়ে যেও, দেখেই আমি শাস্তি পাবো ভাই। মাকে এ মাসেই আনো।”

কেমন করে’ তা হবে ?

আমি কিছু বললুম না। সমস্ত বুক উদ্বেল হয়ে উঠলো কিসের চেউয়ে। তাইতো, ওগো দ্রাভ-বিরহ-কাতরা লক্ষ্মী মেয়েটি, তুমি কি ধরে’ রাখতে পারবে তোমার ঐ দুর্বল হাত-দুটি দিয়ে এই অশাস্ত আর্হ্বান-চঞ্চল বিদ্রোহী হৃদয়কে ? আজ যে আমার ধমনীর মালা হলে উঠেছে, বাইরের বিশাল কর্মমুখর জগতের ঝটিকা-তরঙ্গ যে আমার প্রাণের বেলায় উদ্দাম হয়ে আছাঁড় খেয়ে পড়ছে, আমার সমস্ত মস্তিষ্ক তার উচ্ছ্বাস-ফেনিল মাদকতায় যে ভরে’ উঠলো ! ওই শোন কান পেতে আমার বকের মধ্যে তরুণ উত্তেজনার উন্নত সঙ্গীত, আমার শিরা-উপশিরার রক্তে রক্তে রোদ্দ উৎসাহের উদ্ভাস্ত মীড়-টান্।

একটু চুপ করে থেকে জিজ্ঞাসা করলুম, “বৌদি, আমি এখানে থাকলে কি আপনি খুব সুখী হন ?”

বৌদিদি বললেন, “কি বলবো বিমল। মাকে আনলে তোমার কষ্টটাও কম হয়, তা বৃক্ণও আমার সুখ। আর বেশ দুটি ভাই-বোনে এক জায়গায় থাকবে, বারো-মাস ছুবেলা দেখা হবে, কি বল ?”

আমি বললুম, “ভাই যদি কেউ গুরুতর অপরাধ করে আপনার কাছে, তাকে কমা করতে পারবেন ?”

বৌদিদি বললেন, “শোনো কথার ভঙ্গী ভাইটির আমার। আমার কাছে তোমার আগর অপরাধটা কিসের গুনি ?”

আমি জোর করে বললুম, “না বৌদি, ধরুন যদি করি তা হলে ?—”

বৌদিদি আবার হেসে বললেন, “না না, তা হলেও না। ছোট ভাইটির কোন-কিছুতেই অপরাধ নেই আমার কাছে, আমি যে বড় বোন।”

আব সামলাতে পারলুম না, কান্নার ঢেউ চোখ ছাপিয়ে পড়লো। বৌদিদির কাছে থেকে লুকোবার জগ্ন তাড়াতাড়ি নীচু হয়ে তাঁর পায়ে ধুলো নিতে গেলুম। আড়ষ্ট গলায় বললুম, “ঠিক ? বৌদি, ঠিক ?”

বৌদিদি অবাক হয়ে গেলেন, বললেন, “বিমল, কি হয়েছে ভাই ! অমন করছো কেন ?”

মুখ ফিরিয়ে আসতে উন্মত্ত হলুম, বললুম, “কিছু না বৌদি, এমনি বলছি।”

বৌদিদি বললেন, “বুও ভালো। ভাইটির আমার এখনও ছেলেমানুষী যায় নি। হ্যাঁ, ভাল কথা বিমল, তুমি ভালবাসো বলে’ বাগানের কলার কাঁদ আজ কাটিয়ে রেখেছি, থাকলে একদিন ভালো করে’ বড়া করে’ দেব এখন।”

সেদিন চলে’ এলুম।

বাড়ী এসে প্রাবলুম, “এই তো বেশ আছি। থাকিই না কেন এখানে ? এঁর এই বুক-ভরা স্নেহ ঠেলে কেলে দিয়ে কোণায় যাবো ?” তার পরই ভাবলুম, “—এই পাড়াগাঁয়ে, এরকম হবে ? সে হয় না—”

তার পরদিনই আমার নোজাশ অহুসারে স্কুলের কাজের শেষ দিন। গিয়ে শুনলুম আমার জায়গায় নতুন লোক নেওয়া ঠিক হয়ে গিয়েছে। স্কুলে সকলের কাছে বিদায় নিয়ে চলে’ এলুম।

শুধু একবার শেষ দেখা করবার জন্তেই তার পরদিনই পুকুরের ঘাটে ঠিক সময়ে গেলুম। তাঁর দেবা পেলে যে কি বলবো তা ঠিক করে’ দেখানে যাই নি, সত্য কথা সব খুলে বলতে বোধ হয় পারতুম সেদিন,—কিন্তু দেখা হলো না। সবদিন তো দেখা হত না, প্রায়ই দু-তিন দিন অন্তর দেখা হত, আবার কিছুদিন ধরে’ হয়তো রোজই দেখা হত।

সেদিন বিকালেও গেলুম, তার পরদিন সকালেও গেলুম, কিন্তু দেখা পেলুম না।

সেদিন চলে' আসবার সময় সেখানকার মাটি একটু কাগজে মুড়ে পকেটে নিলুম, যেখানে তাঁর সঙ্গে প্রথম পরিচয় হবার দিন তিনি দাঁড়িয়েছিলেন। সেদিনই বিকালে জিনিসপত্র গুছিয়ে নিয়ে চিরদিনের মত সে গ্রাম পরিত্যাগ করলুম।

মাঠের কোলে ছাতিমগাছের বনের মধ্যে কোথায় ঘুঘু ডাকছিল।

* * * *

সে-সব আজ ২৫।২৬ বছর আগেকারের কথা।

তার পর জীবনে কত ঘটনা ঘটে' গেল। ভগবানের কি অসীম করুণার দানই আমাদের এই জীবনটুকু! উপভোগ করে' দেখলুম, এ কি মধু! কত নতুন দেশ, নতুন মুখ, কত গন্ধ, কত রঙ, কত দুঃখসুখ, কত প্রীতি-ভালবাসা, কত জ্যোৎস্না রাত্রি, নতুন বন-ঝোপের কত নতুন ফুল, কত সুই ফুলের মত শুভ্র-নির্মল হাস্য, কান্না-জড়ানো কত দূর স্মৃতি!

কাকার কাছে মোরাদাবাদ কাচের কারখানায় গেলুম। বছর-খানেক পরে তারা আমার পাঠিয়ে দিলে জার্মানীতে কাচের কাজ শিখতে। তারপর কোলোয়ে' গেলুম, কাটা বেলোয়ারী কাচের কারখানায় কাজ শেখবার জন্তে। কোলোয়ে' অনেকদিন রইলুম। সেখানে থাকতে একজন আমেরিকান যুবকের সঙ্গে খুব বন্ধুত্ব হলো, তিনি ইলিনয় বিশ্ববিদ্যালয়ের গ্রাজুয়েট। “শিকাগো ইন্টার-ওশ্বান” কাগজের তিনি ফ্রান্সদেশস্থ সংবাদদাতা। কোলোয়ে' সব সময় না থাকলেও তিনি প্রায়ই ওখানে আসতেন। তাঁরই পরামর্শে তাঁর সঙ্গে আমেরিকায় গেলুম। তাঁরই সাহায্যে দু-তিনটা বড় বড় কাচের কারখানায় কাজ দেখবার সুযোগ পেলুম। পিট্‌সবার্গে কার্ণেগীর ওখানে প্রায় ছ-মাস রইলুম, নতুন ধরণের স্ট্রাট্‌ফোর্ণেসের কাজ ভাল করে বুঝবার জন্তে। মিড্‌ল-ওয়েস্টের একটা কাচের কারখানায় প্রভাত দে কি বন্দু বলে একজন বাঙ্গালী যুবকের সঙ্গে দেখা হলো, তাঁর বাড়ী ২৪-পর্গনা জেলায়। সে ভদ্রলোক নিঃসম্মলে জাপান থেকে আমেরিকায় গিয়ে মহা হাবুডুবু খাচ্ছিলেন।

তাঁরই মুখে শুনলুম, সেয়াট্‌ল-এ একটা নতুন কাচের কারখানা খোলা হচ্ছে। আমি জাপান দিয়ে আসবো স্থির করেছিলুম, কাজেই আসবার সময় সেয়াট্‌ল-এ গেলুম। তারপর জাপান ঘুরে দেশে এলুম। মা ইতিমধ্যে মারা গিয়েছিলেন। ভাই-দুটিকে নিয়ে গেলুম মোরাদাবাদে। বেশীদিন ওখানে থাকতে হলো না। তাঁরা ব্রিটিশ ইষ্ট-আফ্রিকার মোহাসায় একটা কাচের কারখানা খুলবেন ঠিক করে' আমার সেখানে পাঠিয়ে দিলেন। সেই থেকে মোহাসাতেই আছি। বসেতে বিয়ে করেছি, আমার শ্বশুর এখানে ডাক্তারি করতেন। সেই থেকে বসে অঞ্চলেরই অধিবাসী হয়ে পড়েছি।

* * * *

বহুদিন বাংলাদেশে যাইনি, প্রায় ১৬।১৭ বছর হলো। বাংলাদেশের জল-মাটি গাছপালার জন্তে মনটা তৃষিত হয়ে আছে। তাই আজ সন্ধ্যার সময় সমুদ্রের ধারে বসে' বসে' আমার সবুজ-শাড়ী-পরা বাংলা মাগের কথাই ভাবছিলুম। রাজাবাই টাওয়ারের মাথার উপর এখনও একটু একটু রোদ আছে। বন্দরের নীলজলে মেসাজেরী মারিতিম-দের একখানা জাহাজ দাঁড়িয়ে দাঁড়িয়ে ধোয়া ছাড়ছে, এখানা এখনি ছেড়ে যাবে। বাঁ-ধারে খুব দূরে এলিফ্যান্টার নীল সীমারেখা। ভাবতে ভাবতে প্রথম যৌবনের একটা বিস্মৃতপ্রায় ঝাপসা ছবি বড় স্পষ্ট হয়ে মনে এলো। ২৫ বছর শুরুর এমনি এক সন্ধ্যায় দূর বাংলাদেশের এক নিভৃত পল্লীগামের জীর্ণ-শান-বাঁধানো পুকুরের ঘাট বেয়ে উঠছে, আর্দ্রবসনা তরুণী এক পল্লীবধু। মাটির পথের বুকে বুকে লক্ষ্মীর চরণচিহ্নের মত তার জলসিক্ত পা-ছাণির রেখা আঁকা। আঁধার সন্ধ্যায় তার পথের ধারের বেণুকুঞ্জে লক্ষ্মীপেঁচা ডাকছে। তার স্নেহভরা পবিত্র বুকগানি বাইরের জগৎ সম্বন্ধে নিশ্চিত অজ্ঞানতার ভরা। আম-কাঁটালের বনের মাথার ওপরকার নীলাকাশে দু-একটা নক্ষত্র উঠে সরলা স্নেহদুর্কলা বধুটির ওপর স্নেহ কৃপাদৃষ্টিতে চেয়ে আছে। তারপর এক শান্ত আঙ্গিনায় তুলসী-মঞ্চমূলে স্নেহাম্পদের মঙ্গলপ্রার্থিনী সে কোন্ প্রণাম-নিরতা মাতৃস্মৃতি, করুণামাথা অশ্রুহলছল।.....

ওগো লক্ষ্মী, ওগো বেহময়ী পল্লীবধু, তুমি আজও কি আছো? এই সুদীর্ঘ ২৫ বছর পরে আজও তুমি কি সেই পুকুরের ভাঙ্গা ঘাটে সেই রকম জল আন্তে যাও? আজ সে কত কালের কথা হলো, তারপর জীবনে আবার কত কি দেখলুম, আবার কত কি পেলুম...আমার জীবনের সেই ফুল-ফোটা পাখী-ডাকা সকাল বেলাটিতে তুমি প্রাণে যে অমৃত সিঞ্চন করেছিলে, তার কথা অনেকদিন ভুলে গিয়েছিলুম...আজ কতদিন

পরে আবার তোমার কথা মনে পড়লো...তোমার আবার দেখতে বড় ইচ্ছে করছে, দিদিমণি, তুমি আজও কি আছো? মনে আম্চে অনেকদূরের যেন কোন্ খড়ের ঘর...মিটমিটে মাটির প্রদীপের আলো...মৌন সন্ধ্যা...নীরব বাথার অশ্রু...শান্ত সৌন্দর্য...স্নেহ-মাথা রান্না শাড়ির আঁচল.....

আরব সমুদ্রের জলে এমন করুণ সূর্যাস্ত কখনও হয়নি।

শ্রীবিভূতিভূষণ বন্দ্যোপাধ্যায়।

কথা

পথ চেয়ে কাটে বেলা :

শত পথিকের আনাগোনা-ভরা হাসিকান্নার মেলা
হেরি' বিশ্বয় লাগে,—

কোন্ গোপনের রঙিন স্বপ্ন মূর্তি ধরয়া জাগে
আজি দিনটির সব কোলাহলে, কলহে, কর্ণে, গীতে,
সব-মানুষের স্মৃতিতে-ভরা ভাবনা-নিবিড় হৃদয়ের নিভূতে।
প্রতিটি দিনের জীবনবেগের আবেগ-আকুল

আশা ও নিরাশাগুলি

কোটি বক্ষের কূলে কূলে চেউ তুলি'

পলক ফেলিতে কোথা হয়ে যায় হারা ;

কোনো ঘাটে গিয়ে লাগে না কি, ফিরে

তোলে না কি চেউ তারা ?

স্বদূরে চাহিয়া বিমনা বসিয়া রই,

পথিক জীবন বলে, 'ভালবাসো? বলো।বাসো, তবে

দাঁড়াইয়া কথা কই।'...

পথিকেরা চলে পথে,

খুলিধূসরিত চরণে কেহ বা, কেহ বা অশ্বে রথে।

চকিতের লাগি' ছায়াটি ফেলিয়া আমার দ্বারের পাশে

জানি না তাহার কোথা চলে' যায়,

কোথা হতে তারা আসে।

পলকের পথে মিলিয়া—অসীম বিরহে ছাড়িয়া যাই,

তবু মনের কথাটি বলিনি কারেও, শুনিনি কাহারো ঠাই।

আনমনে শুধু চোখে চোখে চেয়ে রই,

বলে চোখগুলি, 'ভালোবাসো? বলো ভালোবাসো, তবে
কানে কানে কথা কই।'...

অসীমের বুক জুড়ে

তারাগুলি আজ ফুটিয়া উঠিয়া ফাটিতে চাচ্ছে সুরে।

যত চাই, চোখ ফিরিতে চাহে না; শিহরণ জাগে প্রাণে;
সেই না-শোনা সুরের রেশ এসে বাজে

আমার বাঁশির তানে।

মনে হয় এক সুরের মিলনে বাঁধা এ নিখিল

জানা ও অজানা ব্যোপে,

তাই তারকা-লোকের পুনক-কম্প মোর বুকে ওঠে কেঁপে।

ছলছল চোখে শূন্যে চাহিয়া রই,

বলে তারাগুলি, 'ভালোবাসো? বলো ভালোবাসো, তবে
কাছে এসে কথা কই।'...

একটি কণিকা ধূলি,

এরই পানে চেয়ে ভয়ে বিশ্বয়ে আপনারে আজ ভুলি!

পথের পাশের জলটুকু ওই তরুগুলিতে ধরা,

সৃষ্টির যত রহস্য যেন ওরই বুকটিতে ভরা!

প্রতি তরুটিতে, প্রতি তৃণটিতে,

কুয়াসার প্রতি বারি-কণাটিতে ভেসে

জাগে নিখিলের মর্মকথাটি গোপন উদ্ভবেশে।

চাহিতে জানি না, তবু চেয়ে বসে' রই,

বলে সবে তারা, 'ভালোবাসো? বলো ভালোবাসো, তবে
মুখ খুলে কথা কই।'...

শ্রীসুধারকুমার চৌধুরী

কণ্ঠ পাথর



নব্যভারত (অগ্রহায়ণ)

স্বরাজ—শ্রীহিন্দুভূষণ সেন।

রুশদেশে আধুনিক অরাজক-সমাজ-বাদের জন্মভূমি। আজ পর্যন্ত কেবলমাত্র রুশদেশেই রাষ্ট্র মার্কস্- (Karl Marx)-প্রচারিত সমাজ-তন্ত্র-বাদ (State socialism) প্রকাশ্যে গ্রহণ করিয়া তদনুরূপ গণতন্ত্র (Democracy) সংস্থাপনের চেষ্টা করিতেছে। শক্তি-বিবর্তিত, প্রেম-প্রতিষ্ঠিত নিরুপদ্রব অসহযোগ দ্বারা রাষ্ট্রবিধ্বং উপস্থিত করিবার আধুনিক পদ্ধতিরও প্রচার রুশদেশেই।

কিন্তু বল বা শক্তি (Force) ও শক্তিমূলক শাসনের প্রয়োজন শুধু পাশ্চাত্য যবনসমাজে ছিল, আছে ও থাকিবে, তাহা নয়। এই পবিত্র আর্ধ্যাবর্ষেও ইহার প্রয়োজন ছিল, আছে ও বহুশতাব্দী যাবৎ থাকিবে। আজ নাকি ভারতে রাবণ-রাজত্ব, এককালে ভারতে রাবণ রাজত্ব ছিল না। কিন্তু রাবণ রাজাকে পরাস্ত করিয়া রাম-রাজত্ব প্রতিষ্ঠিত করিবার জন্ত পুণ্যাবতার রাম ও অতুল-সংযমী লক্ষ্মণকে কত না বিপুল বল বা শক্তি আহরণ ও প্রয়োগ করিতে হইয়াছিল। অহিংসা পরম ধর্ম যে দেশে প্রচারিত হইয়াছে, সে দেশেই বা পুণ্যগোক রাষ্ট্রপতি অশোক করদিন খীর রাষ্ট্রে অহিংসা ধর্ম পালন করিতে পারিয়াছিলেন।

শক্তি ও শাসনের প্রয়োজন আছে বলিয়াই যে রাষ্ট্র তথাকার সর্ব-সাধারণকে শুধু শাসনভয়ে চালিত করিবে ইহাও কাজের কথা নয়। মানুষ ভয়ে কাজ করে সত্য, আবার সেই মানুষই প্রেম প্রণোদিত হইয়া কাজ করে। ভয় যদি মানুষকে সংযত রাখে, প্রেম মানুষের কর্মের উৎস। যে রাষ্ট্র শুধু শাসনভয়ের কথাই বোঝে, কিন্তু মানব-মনের স্রীতির পূর্ণবিকাশের পথে অসুবিধা বা তাহার প্রতি উদাসীন, সে রাষ্ট্র কখনও সুরাষ্ট্র নহে। মানুষ লইয়াই রাষ্ট্র।

মানুষের আত্মরক্ষার অধিকার আছে। আত্মরক্ষার জন্ত যতটুকু প্রয়োজন, ঠিক ততদূর পর্যন্ত সে অপরের সম্পত্তি, এমন কি আণ পধ্যস্ত, বিনাশ করিতে পারে। ইহা করিবে না, উহা করিবে না—এই নিবর্তন-বিধি লইয়া মানুষ ও রাষ্ট্র এত ব্যস্ত হইয়া পড়ে যে, প্রবর্তনা যে রাষ্ট্রের কর্তব্য তাহা যেন লোকে বিস্মৃত হয়। আর এই বিস্মরণে শুধু আমাদের দেশেই—তাও নয়। স্বাধীনতায় মুখ। সুপের চেয়েও বড় কথা—স্বাধীনতায়ই আত্মবিকাশ।

সমাজের সকল লোকের অধিকারের একটা সামঞ্জস্য করিয়া সমাজ প্রত্যেকের স্বাধীনতার সীমা-রেখা টানিয়া দেয়। সমাজ যদি স্বাধীনতার সীমা-রেখা-পাত এমন করিয়া করে যে তাহাতে তোমার আমার বিকাশ থর্ক হয়, তবে সে সমাজ তোমার আমার গর্ফে কু সমাজ। সমাজের বেলায় যেমন, রাষ্ট্রের বেলায়ও তেমন। রাষ্ট্র আসিয়া আণার নূতন রেখাপাত করিয়া আমার স্বাধীনতার সীমা নির্দিষ্ট করিয়া দেয়। বাই সীমা অতিক্রম করিয়াছি, অমনই শাসন। শাসন অর্থ আমার অধিকার-হ্রাস।

"নেশান" ব্যাপারটা আমাদের দেশে ত খুবই নূতন, আধুনিক যুরোপেও নূতন। আমাদের জাতি ছিল, গোত্র ছিল, বর্ণ ছিল, দল ছিল, রাষ্ট্র ছিল; "নেশান" ছিল না। সমগ্র ভারতবাসী ত দূরের কথা,

আজও সব বাঙ্গালী ভাল করিয়া জমাট হইয়া এক নেশান হয় নাই। তবু যা হইয়াছে বাঙ্গালীই "নেশান" হইয়াছে। আধুনিক যুরোপেও নেশান-বাদ করানো রাষ্ট্রবিধ্বং হইতে শুরু হইয়াছে, আজও তাহার জের চলিয়াছে। আমরা জাতীয়তাবাদ বা "নেশান"-বাদ (Nationalism) পাইয়াছি কিছুটা ইংলও হইতে; কিছুটা ইটালীর মাট্‌সিনির নিকট হইতে।

কিন্তু এই "নেশান"-বাদ (Nationalism) যেমন উনবিংশ শতাব্দীতে প্রচারিত হইয়াছে, যুরোপের বড় বড় প্রবল রাষ্ট্রগুলি তেমনই আবার সাম্রাজ্যবাদ (Imperialism) প্রচার করিয়া নিজ-দের অস্তিত্ব রক্ষা ও প্রসারের ব্যবস্থা করিয়াছে। এই সাম্রাজ্যবাদের ভিত্তি যদিও বল বা শক্তি (Force), সভ্য-সমাজে প্রবল রাষ্ট্রগুলি সে কথা বলিতে লজ্জা বোধ করিয়াছে। তাহার "জোর যার মূলুক তার" এ কথা না বলিয়া, বলিয়াছে যে গৌরবর্ণ "নেশানের" কর্তব্য শ্রামবর্ণ ও কৃষকবর্ণ জাতির ভার বহন করা। এই সাম্রাজ্যবাদের প্রধান লোভাভূমি হইয়াছে আফ্রিকাতে; কারণ সেখানে বাহুবল পাশব-শক্তি জড়শক্তি প্রচুর থাকিলেও তাহাকে রাষ্ট্রশক্তিতে পরিণত করিবার মানুষ মেদেশে নাই ও আফ্রিকার মানুষগুলি সভ্যসমাজে তাহাদের মনের ছঃখ জোরের সহিত জাহির করিতে শেখে নাই।

রাষ্ট্রের প্রবর্তনাবিধি বা পোষণ-কার্যের কথা পূর্বে যে আলোচনা করিয়াছি, আমাদের দেশে তাহা কতটা সুসম্পন্ন করা সম্ভব তাহার বিচারের সময়ও এই জাতীয়তাবাদ (Nationalism) ও সাম্রাজ্যবাদের (Imperialism) কথা স্মরণ রাখিতে হইবে। মনে রাখিতে হইবে যে আমাদের শাসকসম্প্রদায় আর-এক "নেশানের", তাহাদের দেশ সাত সমুদ্র তের নদী পারে। শাসকসম্প্রদায় যে "নেশানের," সেই ব্রিটিশ "নেশানের" পৃথক স্বার্থ আছে। রাষ্ট্রের আত্মরক্ষা যদি তাহার সর্বপ্রধান কর্তব্য হয়, রাষ্ট্রের শাসকসম্প্রদায়ের স্বজাতিস্রীতি যদি স্বাভা-বিক, অনেক স্থলে এক "নেশানের" লাভ যদি অপর "নেশানের" লোকমান, তবে রাষ্ট্র কেমন করিয়া গঠনোন্মুখ "নেশানের" প্রতি তাহার প্রবর্তনাবিধি বা পোষণ-কর্তব্য সুসম্পন্ন করিবে? সত্যই বিশ্বয়ের বিষয় হইবে যখন আমরা এই ব্রিটিশ সাম্রাজ্যের অঙ্গীভূত হইয়া, এই রাষ্ট্র লইয়া, সন্তুষ্টচিত্তে কালঘাপন করিব। সত্যই বিশ্বয়ের বিষয় হইবে, যখন আমরা এই জাতীয়তাবাদী, সাম্রাজ্যবাদী যেতানের স্বক্কে মুখে সন্তুষ্টচিত্তে আরোহণ করিয়া শুধু আন্ধার করিব, "হাতে তুলে দাও আকাশের চাঁদ।"

সাম্রাজ্যই বল আর রাষ্ট্রই বল, উহা উপায় মাত্র। উদ্দেশ্য, সমষ্টিভাবে ইতিহাসে মানবের আত্মপ্রকাশ, ও ব্যষ্টিভাবে সামাজিক ও ব্যক্তিগত জীবনে মানবের দেহ মন ও আত্মার বিকাশ। মানুষ যত বড়, রাষ্ট্র তত বড় নয়। যতদিন কোন সাম্রাজ্য দ্বারা, সমষ্টি ও ব্যষ্টি উভয়তঃ মানবের বিকাশের সহায়তা হয়, ততদিন উহার আদর। তারপরে—সকল সাম্রাজ্যের ভাণ্ডা-বিধাতার অলম্ব্য নিয়মে যে সাম্রাজ্য তাহার উদ্দেশ্য সাধনে অসমর্থ, তাহার বিলয়; আবার তাহার স্থানে সেই ভাণ্ডা-বিধাতারই নিয়মে নূতন রাষ্ট্র বা সাম্রাজ্য আসিয়া উদ্দেশ্যসাধনে নিবৃত্ত হয়।

সুবর্ণবর্ণিক সমাচার (অগ্রহায়ণ)

কলিকাতার কথা—শ্রীপ্রমথনাথ মল্লিক ।

কলিকাতার বর্তমান টেক্সটাইল ইন্ড্রিস্ট্রি ও ইম্পিরিয়াল আফিসের মধ্যে এই ফেব্রুয়ারি ১৭৭৯ খৃঃ টমাস হিক সাহেব কলিকাতার “বাকিংহাম হাউস” লাট সাহেবের বাড়ীর ভিত্তি পত্তন করিয়াছিলেন। ঐখানে ওয়ারেন হেস্টিংস হইতে লর্ড ওয়েলেসলি পর্য্যন্ত বাস করিয়াছিলেন। ষোড়শোড়ের মাঠের সম্মুখে যে মিলটারি হাঁসপাতাল আছে, উহাই সেকালের সদর দেওয়ানি আদালত ছিল। এখন যেখানে স্ট্যাম্প স্টেশন-নারি আফিস আছে, সেখানে টাঁকশাল ছিল। ১৭৭০ খৃঃ উহাতে তামার পরমা তৈয়ারি আরম্ভ হইয়াছিল। ১৭৮৪ মার্চ মাস হইতে প্রথম সরকারি কাগজ “কলিকাতা গেজেট” বাহির হয়। কলিকাতার স্ট্রাট্ ও ডাইক কোম্পানি গাড়ীওয়ালার ও বরম্ কোম্পানি লোহাওয়ালার এই কাগজে বিজ্ঞাপন দিত এবং ষোড়শোড়েরও বিজ্ঞাপন দেখিতে পাওয়া যায়। তখন ঠাকুর-দেবতাকে কিছু দিবার আগে কোম্পানির ভেট আগে দিতে হইত। তীর্থযাত্রার উপর কর হওয়ার সাধু-কবিদেরাও বিদ্রোহী হইয়াছিল। কলিকাতার সেই সময়ে সাধক রামপ্রসাদ কাশী-মাতার গান গাহিয়া প্রসিদ্ধ হইয়াছিলেন, আর কোম্পানির এইসকল বেনিয়ান মহাপ্রভুরা মা কাশীর কাছে মনোভীষ্ট সিদ্ধ হইয়াছে বলিয়া জোড়া পাঠা বলিদান, কবির গান, ফুল আখড়াই প্রভৃতি বাড়ীতে দিয়া আশ্রয় করিতেন। ইহাদেরকে দেখিয়া লোকে তখন হিংস্র পশু অপেক্ষাও বেশী ভয় করিত। তখন লোকে ইহাদের সম্বন্ধে এইরূপ বলিত :—

“বাঘ ভাবুক নাই ভয়।
টেকি দেখলে প্রাণ যায় ॥”

হেস্টিংসের আমলে মুদ্রায়ত্ত্ব ও ইংরেজি ধরণের বিজ্ঞাচর্চা এদেশে আরম্ভ হইয়াছিল। মির্জাপুরের একটি বাগানবাড়ীতে জন স্টেনম্বর একটি স্কুল খুলিয়াছিলেন। ফিরঙ্গী বালকবালিকারা বুড়ি ও ত্রিশ টাকা মাসিক বেতন দিয়া ছুবেলা লেখাপড়া ছুঁচ ও লেশের কাজ শিখিত। প্রাচীন কলিকাতার উন্নতির জন্ত কলিকাতার একটি লটারি কমিটি হইয়াছিল। ১৭৮৪ খৃঃ হইতে ইহার দস্তুরমত কাজ আরম্ভ হইয়াছিল। এই লটারির টিকিটে লোকে রাতারাতি বড়মানুষ হইবার ফন্দি শিখিয়াছিল। সেই সময়ে লোকেরা বড় বেশী মদ খাইতে আরম্ভ করিয়াছিল, সেইজন্ত কলিকাতার দশ মাইলের ভিতর মদের ভাটি হওয়া বন্ধ হইয়াছিল। পাজী কিয়ারনওয়ার সাহেব কলিকাতার ট্যাক্স কোয়ারে একটি স্কুল খুলিয়াছিলেন।

নব্যভারত (পৌষ)

স্বরাজ-সাধনায় নারী—শ্রীশরৎচন্দ্র চট্টোপাধ্যায় ।

আজ যারা স্বরাজ পাবার জন্তে মাথা খুঁড়ে মর্ছেন—আমিও তাদের একজন। কিন্তু আমার অন্তর্ভাগী কিছুতেই আমাকে ভরসা দিচ্ছেন না। কোথাও কোন অলক্ষ্য থেকে যেন তিনি প্রতিমুহূর্তেই আভাস দিচ্ছেন, এ হবার নয়। যে চেষ্টায়, যে আয়োজনে দেশের মেয়েদের যোগ নেই, মহানুভূতি নেই, এই সত্য উপলক্ষি কনবার কোন জ্ঞান, কোন শিক্ষা, কোন সাহস আজ পর্য্যন্ত তাদের দিইনি, তাদের কেবল গৃহের আবরণে বসিয়ে গুরুমাত্র চর্কা কাটতে বাধ্য করেই এত বড় বস্ত্র লাভ করা যাবে না। গেলেও সে থাকবে না। মেয়েমানুষকে আমরা যে কেবল মেয়ে করেই রেখেছি, মানুষ হতে দিই নি, স্বরাজের আগে তার প্রারম্ভিক দেশের হওয়া চাই-ই।

আমার জীবনের অনেকদিন আমি Sociologyর (সমাজতত্ত্ব) ছাত্র ছিলাম। দেশের প্রায় সকল জাতিগুলিকেই আমার ঘনিষ্ঠভাবে দেখবার সুযোগ হয়েছে।—আমার মনে হয় মেয়েদের অধিকার যারা যে পরিমাণে ধর্ষ করেছে, ঠিক সেই অনুপাতেই তারা, কি সামাজিক, কি আর্থিক, কি নৈতিক সকল দিক দিয়েই ছোট হয়ে গেছে। এর উল্টো দিকটাও আবার ঠিক এমনি সত্য। অর্থাৎ, যে জাতি যে পরিমাণে তার সংস্র ও অবিধাস বর্জন করতে সক্ষম হয়েছে, নারীর মনুষ্যত্বের স্বাধীনতা যারা যে পরিমাণে মুক্ত করে দিয়েছে,—নিজেদের অধীনতার শৃঙ্খলও তাদের তেমনি ঝরে গেছে। ইতিহাসের দিকে চেয়ে দেখ। পৃথিবীতে এমন একটা দেশ পাওয়া যাবে না যারা মেয়েদের মানুষ হবার স্বাধীনতা হরণ কবোন অথচ তাদের মনুষ্যত্বের স্বাধীনতা অপর কোন প্রবল জাত কেড়ে নিয়ে জোর করে রাখতে পেরেছে। কোথাও পারেনি,—পা তে পারেনও না, ভগবানের বোধ হয় তা আইনই নয়। আমাদের আপনাদের স্বাধীনতার প্রযুক্ত আজ ঠিক এই আশংকাই আমার বুকের ওপর জাঁতার মত বসে আছে। মনে হয় এই শত্রু কাজটা সকল কাজের আগে আমাদের বাকি রয়ে গেছে, ইংরেজের সঙ্গে যার কোন প্রতিদ্বন্দ্বিতা নেই। কেউ যদি বলেন, কিন্তু এই এশিয়ায় এমন দেশও আছে যেখানে মেয়েদের স্বাধীনতা যারা একতিল দেয়নি; অথচ তাদের স্বাধীনতাও ত কেউ অপহরণ করেনি। অপহরণ কববেই এমন কথা আমিও বলিনি। তবুও আমি একথা বলি, স্বাধীনতা যে আজও আছে সে কেবল নিতান্তই দৈবাতের বলে। এই দৈববলের অভাবে যদি কখনও ও বস্ত্র যায়, ত আমাদেরই মত কেবল মাত্র দেশের পুরুষের দল কাঁধ দিয়ে এ মহাভার সুচ্যগ্রও নড়াতে পাববে না। শুধু আপাতঃ দৃষ্টিতে এই সত্যের ব্যত্যয় দেখি ব্রহ্মদেশে। আজ সে দেশ পরাধীন। একদিন সে দেশে নারীর স্বাধীনতার অবধি ছিল না। কিন্তু যেদিন থেকে পুরুষে এই স্বাধীনতার মর্যাদা জন্ম কতে আরম্ভ করেছিল, সেইদিন থেকে একদিকে যেমন নিজেরাও অকর্ম্মণ্য বিলাসী এবং হীন হতে লক্ষ্য করেছিল অল্পদিকে তেমনি নারীর মধ্যেও খেচ্ছাচারিতার প্রবাহ আরম্ভ হয়েছিল। আর সেইদিন থেকেই দেশের অধঃপতনের সূচনা। আমি এদের অনেক শহর, অনেক গাম, অনেক পলী অনেকদিন পুরে পুরে বেড়িয়েছি, আমি দেখতে পেয়েছি তাদের অনেক গেছে কিন্তু একটা বড় জিনিস তারা আজও হারায়নি। কেবলমাত্র নারীর সঙ্গীহটাকেই একটা ‘ফেটিস’ করে তুলে তাদের স্বাধীনতা গানের ভাল হবার পপটাকে কটকাকর্ষ করে তোলেনি। তাই আজও দেশের ব্যবসা-বাণিজ্য, আজও দেশের ধর্ম্ম-কর্ম্ম, আজও দেশের আচার ব্যবহার মেয়েদের হাতে। আজও তাদের মেয়েরা একশতের মধ্যে নব্বুই জন লিখতে পড়তে জানে, এবং তাই আজও তাদের দেশ থেকে আমাদের এই হস্তভাগ্য দেশের মত, আনন্দ জিনিসটা একেবারে নিপাতিত হয়ে যায় নি। আজ তাদের সমস্ত দেশ স্বচ্ছতা, জড়তা ও মোহের আবরণে আচ্ছন্ন হয়ে আছে সত্য। কিন্তু একদিন যেদিন তাদের মূন ভাবে, এই সমবেত নরনারী একদিন যেদিন চোপ মেলে জেগে উঠবে, সেদিন এদের স্বাধীনতার শৃঙ্খল, তা সে যত মোটা এবং যত ভারিই হোক, খসে পড়তে মুহূর্ত বিলম্ব হবে না : তাতে বাধা দেয় পৃথিবীতে এমন শক্তিমান কেউ নেই।

একটা বস্ত্রকে আমি তোমাদের চিরজীবনের পরম সত্য বলে অবলম্বন কবতে অনুরোধ করি। এ কেবল পরের অধিকারে হস্তক্ষেপ না করা। যার যা দাবী তাকে তা পেতে দাও। তা' দে যেখানে এবং যারই হোক। এ আমার বই-পড়া বড় কথা নয়, এ আমার ধার্মিক ব্যক্তির মুখে শোনা তত্ত্বকথা নয়,—এ আমার এই দরিদ্রজীবনের বার বার ঠেকে শেখা সত্য। আমি, কেবল

এইটুকু দিয়েই অত্যন্ত জটিল সমস্যার এক সুহৃৎ মীমাংসা করে কেলি। আমি বলি মেয়ে-মানুষ যদি মানুষ হয়, এবং স্বাধীনতার, ধর্ম, জ্ঞানে যদি মানুষের দাবী আছে স্বীকার করি, ত এ দাবী আমাকে মঞ্জুর করতেই হবে, তা সে কল তার যাই হোক। হাড়ি-ভোমকেও যদি মানুষ বলতে বাধ্য হই, এবং মানুষের উন্নতি করবার অধিকার আছে এ যদি মানি, তাকে পথ ছেড়ে আমাকে দিতেই হবে, তা সে যেখানেই গিয়ে পৌঁছোক। আমি বাজে কুকি ঘাড়ে নিয়ে কিছুতেই তাদের হিত করতে যাইনে। আমি বলিনে, বাছা তুমি জীলোক, তোমার এ করতে নেই, ও বলতে নেই, ওখানে যেতে নাই,—তুমি তোমার ভাল বোঝ না—এস আমি তোমার হিতের জন্ত তোমার মুখে পূন্দা এবং পায়ে দড়ি বেঁধে রাখি। ডোমকেও ডেকে বলিনে, বাপু, তুমি যখন ডোম তখন এর বেশী চলা-ফেরা তোমার মঙ্গলকর নয়, অতএব এই ডিঙালেই তোমার পা ভেঙে দেব। দীর্ঘদিন বর্ষা দেশে থেকে এটা আমার বেশ করে শেখা, যে, মানুষের অধিকার নিয়ে পায়ে পড়ে মেলাই তার হিত করবার আবশ্যক নেই।

আমি বলি, যার যা দাবী সে যোল আনা নিক। আর ভুল করা যদি মানুষের কাজেরই একটা অংশ হয়, ত সে যদি ভুল করে ত বিস্ময়েরই বা কি আছে, রাগ করবারই বা কি আছে! ছোটো স্থপারামর্শ দিতে পারি,—কিন্তু মেয়ে-ধরে হাত-পা পৌঁড়া করে ভাল তার করতেই হবে, এত বড় দায়িত্ব আনার নেই। অতখানি অধ্যবসায়ও নিজের মধ্যে খুঁজে পাইনে। বরঞ্চ মনে হয়, বাস্তবিক, আমার মত কুঁড়ে লোকের মত মানুষে মানুষের হিত-কাজ্জাটা যদি জগতে একটু কম করে' করতে ত তারাও আরামে থাকত এদেরও সত্যকার কল্যাণ হয়ত একটু-আধটু হবারও জায়গা পেত। দেশের কাজ, দেশের মঙ্গল করতে গিয়ে, এই কথাটা আমার তোমরা ভুলো না।

উপাসনা (পৌষ)

নারীর আর্থিক স্বাধীনতা—শ্রীমতী কান্ত গুপ্ত।

নারীর স্বাভাবিক স্বাধীনতা—ইহা উঠিতে থাকিলে তখনই যখন সে পাইবে আর্থিক (economic) স্বাধীনতা। প্রথমে অবশ্য চাই ভিতরের স্বাধীনতা, মনের মুক্ত, গঠনগতিক সংস্কার হইতে অভ্যাস হইতে অব্যাহতি, চাই অন্তরে এবং অন্তরের অন্তরে প'ত্র, ব্যক্তিত্বের উদ্বোধন; এ জন্ত প্রয়োজন শিক্ষা এবং শিক্ষারও বেশী দীক্ষা। কিন্তু ভিতরের জিনিস রূপ লইতে পারে বাহিরেরই আশ্রয় অবলম্বনে; বাহিরের একটা প্রতিষ্ঠা না পাইলে অন্তরের সত্য পাকা হয় না, প্রকাশের পথ পায় না। সুতরাং নারীর আশ্রয় ও মনের খাটঘাকে কাঙ্ক্ষিত করিয়া তুলিতে হইলে, তাহাকে লাভ করিতে হইবে শরীর ও প্রাণ-ধারণের স্বাভাবিকতা।

আমাদের দেশে মেয়েরা অল্পবস্ত্রের জন্ত পুরুষের যে কতখানি দাম তাহা বলাই বাহুল্য। বিবাহের মন্দের মধ্যেই—মস্ত একটা আধ্যাত্মিক-ভাবে মতিত করিয়া—বাবু দেওয়া হইয়াছে, পুরুষের তার নারীর ভরণপোষণ আর নারীর তার পুরুষের সেবা। স্বাধীন উপজীবিকার কথা দূরে থাকুক, দানস্বরূপ হটুক আর উত্তরাধিকার স্বরূপেই হটুক নারীর ধনসম্পত্তি গ্রহণে ও ভোগে ধর্মশাস্ত্রকারেরা যত সব আঁটখাট বাধিয়া দিয়াছেন তাহাতে তাহাদের এই উদ্দেশ্যটাই কেবল ফুটিয়া উঠিয়াছে—ন প্রা স্বাভাবিকতা।

আমাদের দেশে তথাকথিত ছোটলোকের ঘরের মেয়েদের ঘা-কিছু বা স্বাধীন উপজীবিকার প্রয়াস ও অবকাশ আছে; কিন্তু ভ্রমের মেয়েদের তাহা পর্যাপ্ত নাই। ভ্রম-ঘরের মেয়েদের পক্ষে রোজ্জ্বার করা একরকম অপমান। স্বত্বকে বয়ং বরণ করিয়া লইব, কিন্তু পুরুষের ধর্ম নিজের উপর লইব না। আপত্তি যে কেবল মেয়েদের দিক হইতেই তাহা নয়; সমাজের একটা সমবেত চাপ, মেয়েদের ইচ্ছা থাকিলেও, সে ইচ্ছাকে দাবিয়া চাপিয়া রাখে।

কথাটা কেবল জীবনধারণের কথা নয়। এই একান্ত পরবশতা, শুধু পুরুষের মুগ্ধপক্ষী হইয়া থাকা, ইহাতে নারীর অন্তঃকরণ কতখানি দীন হইয়া থাকে, সেই কথাটির উপরই বিশেষ দৃষ্টি দেওয়া দরকার। নারী যখন মনে অনুভব করে তাহার কিছুই নাই, আছে কেবল অভাব, আর সেই অভাব পূরণ করিয়া দিতেছে ও দিতে পারে কেবল পুরুষে তখন তাহার স্বভাব তাহার নারীত্ব অনেকখানি সঙ্কুচিত অনেকখানি আপন হারা হইয়া যায়। কি রকমে বলিতেছি।

আমাদের সমাজের বিশেষত্ব এই যে, নারীর এমন অকুণ্ঠিত আশ্রয় এমন অটুট একনিষ্ঠা আর কুত্রাপি দৃষ্টিগোচর হয় না; আমাদের নারীর নারীত্ব জগতে অতুলনীয়। বাহির হইতে যখন দেখি কথাটা যেন খুঁই সত্য বলিয়া মনে হয়; কিন্তু একটু তলাইয়া দেখিতে গেলে, ব্যাপারটার মধ্যে এমন সব জিনিষ ধরা পড়ে যাহাতে আমাদের সে মহত্ব সরল বিশ্বাসকে অনেকখানিই টলাইয়া দিয়া যায়। "নারীর স্বভাবে আমার কি উপায় হইবে"—মেয়েদের এই চলিত কথাটির মধ্যে যথার্থ প্রাণের অর্থাৎ অন্তরাঙ্গার সহিত অন্তরাঙ্গার মিলের টান কতখানি আর কতখানিই বা নেহাৎ আধিভৌতিক অর্থাৎ আশ্রয়ের অনবস্ত্রের আশঙ্কা লুকাইয়া আছে সে প্রশ্ন আমাদের আত্মভ্রমকে আঘাত দিতে পারে, কিন্তু সত্যকে ত বদলাইতে পারে না। আমাদের মেয়েরা পতিকে দেবতা মনে করিয়া ভক্তি করে কিন্তু সেই ভক্তির উৎস কতখানি যে ভয়—দেবতা হারাইতে পাচ্ছে দেবতার ভোগের প্রসাদ হইতে বঞ্চিত হই—এ কথাটা খুব ক্লট শুনাইতে পারে, কিন্তু জিজ্ঞাস্য ত তাই বলিয়া পশ্চাদ্দপ হওয়া চলে না।

মেয়েরা যে পোড়াতেই পুরুষদের কাছে, যাহাকে বলে, ভাতে মরিয়া রহিয়াছে। এই গোড়ার বন্ধনটি মুক্ত করিয়া দেখিতে হইবে নারীর স্বভাব স্বয়ং কি চায়, কি ভাবে চলে; পুরুষের সহিত তখন সে যে সম্বন্ধ স্থাপন করিলে তাহার মধ্যে আর কিছু না থাকুক দাতার ও গ্রহীতার, মনিবের ও দাসের যে একটা অধস্তিকর অপর্যায়ক সম্বন্ধ সেটির কোন ছায়া পড়িবে না—উভয়ের মধ্যে দুটি মুক্ত আশ্রয়-প্রতিষ্ঠা সত্তার সত্য সম্বন্ধ দাঁড়াইবার সুযোগ হইবে। আধ্যাত্মিক হিসাবে ইহাতে নারীরও মঙ্গল পুরুষেরও মঙ্গল; সমাজেরও ব্যবস্থা একটা নূতনতর স্বাভাবিকতর সত্যতর রূপকে ফলাইয়া ধরিতে পাইবে। আধিভৌতিক হিসাবেও বিশেষতঃ বর্তমানের অল্পকষ্টের দিনে সকলের সুবিধা হইবে। আমাদের হিন্দুসমাজের অসহায় বালিকাদেরও আর যেনতেন-প্রকারে বলিদান দিতে হইবে না, পুরুষদেরও যে তার ক্রমে দুর্বল হইয়া উঠিতেছে তাহার লাঘব হইবে,—সমাজের যে অর্দেকমঙ্গল এখন কেবল ধরচই করিয়া আনিতেছে তাহারাও জমার দিকে কিছু নজর দিলে পোটা সমাজ সমৃদ্ধতরই হইয়া উঠিবে।

নারীর স্বাধীন উপজীবিকার বিরুদ্ধে একটা হেতু দেখান হয়, তাহার মাতৃহের ভার। এই হেতু একটা ছুতা মাত্র, কারণ, আমরা চোখের সম্মুখে নিতাই দেখিতেছি নিম্নতর শ্রেণীর অশিক্ষিত ঘরের মেয়েরা এই মাতৃহের ভার সবেও কত উপায়ে কিছু না কিছু

উপার্জন করিতেছে। আর আমাদের ভ্রমের মেরে পরিষ্কার হিসাবে কি কিছু কম করিতে পারে, সে পরিষ্কার মধ্যে একটু কৌশল একটু সাজান গোছান একটু ইচ্ছা ও উজোগ থাকিলেই যে তাহাকে উপজীবিকার উদ্দেশ্যে খাটান যায় না তাহা নয়; আর বাহারা বসিয়া বসিয়া গালগল্প করিয়া গুইয়া গড়াইয়া বা বাজে কাজে সময় কাটান, তাহাদের ত কোন অজুহাতই নাই। তারপর এই মাতৃহের ভায় মেয়েদিগকে সারা জীবনের প্রতিদিন কিছু বহন করিতে হয় না—প্রয়োজনমত অবসর ত লওয়াই বাইতে পারে, এই অবসর ছাড়াও আরও যে যথেষ্ট সময় পাড়িয়া থাকে, সেটির সদ্ব্যবহার করজন করিতে চাহে বা পারে?

আমাদের দেশে মেয়েদের "ভোট" অর্থাৎ রাষ্ট্রনৈতিক অধিকার লইয়া একটা আন্দোলন সম্প্রতি বেশ উঠিয়াছে—বর্তমান যুগের হাওয়া আমাদের সনাতন সমাজের বুকের উপর দিয়া যে চলিতে শুরু করিয়াছে ইহা তাহারই প্রমাণ। কিন্তু রাষ্ট্রনৈতিক অধিকার তখনই সত্যিকার হইয়া উঠে যখন তাহার পিছনে থাকে অর্থনৈতিক অধিকার। তাই আমরা মনে করি, পলিটিক্যাল স্বাধীনতা অপেক্ষা ইকনমিক স্বাধীনতাই মেয়েদের পক্ষে বেশী জীবন্ত জিনিষ, এই বস্তুটিই নারীর প্রকৃত স্বতন্ত্রতার গোড়া বৈশিষ্ট্য চলিয়াছে। গাসা-চ্ছাদনের জন্ত যে পরমুখাপেক্ষী তাহার একটা স্বাধীন মতামত কুটিয়া উঠিবার সুযোগ পায় না, আর কোন স্বাধীন মতামত থাকিলেও তাহা প্রকাশ করিবার বা তদনুসারে কাব্য করাইবার পথ থাকে না—উথায় যদি লৌহস্তে দরিদ্রাণাং মনোরথাঃ। রাষ্ট্রে অথবা আরও বড়ভাবে সমাজে মেয়েদের যদি স্বাধীন স্বতন্ত্র স্থান করিয়া লইতে হয়, রাষ্ট্রের সমাজের ব্যবস্থার উপর নারীরও হস্ত-চিহ্ন থাকা যদি প্রয়োজন হয় তবে তাহাকে আপে অর্থ মথকে আশ্রয় বস্তু হইতে হইবে। সমাজের মধ্যে এই আন্দোলন আমরা আপে দেখিতে চাই। তাহা হইলে বুঝিব নারী-রাষ্ট্রনৈতিক অধিকারের আন্দোলনটিই কেবল যে পাটি হইয়া উঠিতেছে তা নয় নারীর সমগ্র জীবনের স্বতন্ত্রতাও সত্যিকার ভিত্তি পাইতেছে। পুরুষেরা এই আন্দোলনে কতখানি যোগ দেয় তাহা দোঁবরাই বুঝিতে পারিব, নারীর যথার্থ মুক্তির অধিকারের জন্ত পুরুষের প্রাণের সায় কতখানি আছে।

তাই বলিয়া নারীর অর্থাধিকারকেই যে আমরা সর্ব্ব-সর্ব্বা করিতেছি তাহা কেহ মনে করিবেন না। আরওই আমরা বলিয়াছি গোড়ার কথা হইতেছে মনের মুক্তি, অস্তরাত্মার উদ্বোধন—শিক্ষা ও স্বীকা। এই ভিতরের জিনিষ ব্যতিরেকে বাহরের সব আস-বাবই বিফল। বর্ধমান, আমাদের দেশে পাসিফাদের মধ্যে নারীর অর্থাধিকার যথেষ্টই আছে, কিন্তু তবুও তাহাদের সমাজ যে খুব সমৃদ্ধ বা উন্নত ধরণের তাহা মনে হয় না; কারণ সেখানে অর্থাৎ এই গোড়ার জিনিষটির। তবুও নারীর স্বতন্ত্র সমাজ পুঙ্খলায় অস্তরায় বাহারা বলেন, তাহাদের দৃষ্টি আমরা ঐ ঐ সমাজের প্রতি আকর্ষণ করিতে চাই—পুরুষের সর্ব্বময় কড়ৎ ছাড়া নারীর কর্তৃত্ব যে সমাজ গাঁথিয়া তুলিতে পারে, সমাজকে একটা ভিন্ন রকম মুক্তিই দিতে পারে তাহার কিঞ্চিৎ প্রমাণ ঐখানে পাওয়া বাইতে পারে।

প্রতীতি—(শীত সংখ্যা)

গান—শ্রীরবীন্দ্রনাথ ঠাকুর।

আকাশে আজ কোন্ চরণেই আসা-বাওয়া।
বাতাসে আজ কোন্ পরশের লাগে হাওয়া।

অনেক দিনের বিদায় বেলায় ব্যাকুল বাণী
আজ উদাসীর বাঁশির সুরে কে দেয় আনি,
বনের ছায়ায় তরুণ চোখের করুণ চাওয়া।
কোন্ কাণ্ডনে যে ফুল ফোটা হুগ সারা
মৌমাছীদের পাখায় পাখায় কাদে তারা।
বকুলতলায় কাজ ভোলা সেই কোন্ হুপুয়ে
যে-সব কথা ভাসিয়েছিলাম গানের সুরে
ব্যথায় ভরে ফিরে আসে সে গান গাওয়া ॥

নারায়ণ (পৌষ)

তামিল সাহিত্য—শ্রী বসন্তকুমার চট্টোপাধ্যায়, এম-এ।

দ্রাবিড়ী ভাষা সমূহের মধ্যে তামিলভাষাই সর্ব্বাপেক্ষা প্রাচীন এবং তামিল সাহিত্যই সমধিক সম্পন্ন। প্রাচীনকালে তামিল গ্রন্থকার মাত্রেই শব্দ রচনা অগস্ত্য ঋষির নামে চালানিয়া দিয়া আশ্র-গোপন করিয়া পরম পরিচয় গোপন করিতেন। তামিল সাহিত্যে অগস্ত্য ঋষি কোনও গল্প বচনা করিয়াছিলেন কি না তাহা এক্ষণে জানিবার কোনও উপায় নাই। কেবলমাত্র তদ্রূপিত ব্যাকরণের অংশ বিশেষ এখনও বর্তমান আছে বলিয়া তামিলভাষীগণ নির্দেশ করিয়া থাকেন। কিন্তু বর্তমান তামিল ভাষা সে ব্যাকরণের আইন মানে না। কারণ সেটা প্রাচীন ভাষার ব্যাকরণ।

অগস্ত্য ঋষির একজন শিষ্য ছিলেন; তাহার নাম এক্ষণে অশ্বিনিত। তাহার রচিত গল্পের নাম "তোল কাশ্মিরম্"। 'তোল' শব্দের অর্থ 'প্রাচীন' এবং 'কাশ্মিরম্'—কাব্য। গ্রন্থখানি কিন্তু কাব্য-গ্রন্থ নহে। গ্রন্থখানি ব্যাকরণ-শাস্ত্র অলংকার-শাস্ত্রও বলা বাইতে পারে, কারণ কাব্যের লক্ষণ ও কাব্য প্রায়শের রীতি ও পদ্ধতি এত প্রভেদে আলোচিত হইয়াছে। এই গ্রন্থে কাব্যরচনার উদাহরণস্বরূপ অসংখ্য প্রাচীন কাব্যের উদাহরণ আছে। সংস্কৃত কাব্যাদর্শ সাহিত্যদর্শনে যেমন উদাহরণস্বরূপ বহু প্রাচীন কবির রচনার আদর্শ দেখিতে পাওয়া যায়, এই গ্রন্থেও সেই প্রকার আছে। সুতরাং প্রাচীন তামিল সাহিত্যের কোনও উদাহরণ দেখিতে হইলে এই গ্রন্থে তাহার সন্ধান করিতে হইবে। ইহাতে যে-সকল গল্প তামিল গল্পের উল্লেখ দেখিতে পাওয়া যায় তাহার সুপ্রাচীনতা করিতে হইবে। আনুমানিক অক্ষরায় যুগে আদিয়া পৌঁছিতে হয়। সুতরাং গল্পের পূর্বে যে সাহিত্য ছিল, তাহার বিবরণ সংগ্রহ করা এখনও সম্ভব প্রকার অসম্ভব। সেই জন্ত 'তোল কাশ্মিরম্' গল্পকেই তামিল সাহিত্যের প্রাচীনতম গল্প বলা যায়।

খৃষ্টীয় অষ্টম শতক হইতে ষোল্ল শতক পর্যন্ত দক্ষিণাত্যে জৈনগণের সর্বিশেষ প্রাচুর্য্য হইয়াছিল। ইহাদের প্রভাবে পাণ্ডা বা তামিলদেশে চারিশতাধিককাল সাহিত্যরচনা চলিয়াছিল। প্রাচীনকালে মাদুরা সহরে একটি জৈন বিশ্ববিদ্যালয় স্থাপিত হইয়াছিল। এই বিশ্ববিদ্যালয় হইতে বহু তামিল কাব্য ও গল্প প্রচারিত হইয়াছিল। জৈন তামিল সাহিত্য সাধারণতঃ সংস্কৃত সাহিত্যের ছায়াস্বরূপ হইলেও একটা বিষয়ে তামিল সাহিত্যে তাহার প্রদর্শন করিয়াছে। সেটা তামিল নীতি-সাহিত্য। অতীত তামিল-সাহিত্যবিৎ ইন্দ্রোপাধ্যায় পণ্ডিতের মতে এই বিষয়ে তামিল সাহিত্যই সংস্কৃত সাহিত্য অপেক্ষা সম্পন্ন।

ত্রিকবচুবব্ব প্রণীত কুড়াল একখানি নীতিশাস্ত্র বা পুরুষার্থ বিষয়ক সুপ্রাচীন তামিল কাব্য-গ্রন্থ। ইহাতে ধর্ম্ম অর্থ ও কাম, এই ত্রিবিধ পুরুষার্থ বিষয়ে ১০০০ পঙ্ক্তি কবিতায় রচিত সূত্র আছে। ইহা অপেক্ষা প্রাচীন কাব্যগ্রন্থ তামিল সাহিত্যে পাওয়া যায় নাই। জৈন-

ধর্মের মূলমন্ত্র “অহিংসা পরমো ধর্মঃ” “সর্ব জীবে সম দয়া” এই গ্রন্থেরও মূল মন্ত্র। বৈষ্ণবচার্য্য রামানুজ বা বেদান্তচার্য্য শঙ্করাচার্য্যের দেশব্যাপী প্রভাব এই গ্রন্থে লক্ষিত হয় না বলিয়া তামিলভাষাবিৎ ইউরোপীয় পণ্ডিতগণ ইহাকে অতি প্রাচীন তামিল কাব্য বলিয়া মনে করেন। এবং কল্ডওয়েল বলেন খ্রীষ্টীয় দশম শতকের পূর্বেই এই গ্রন্থ রচিত হইয়াছিল।

‘নালড়িয়ার’ আর-একখানি প্রাচীন কবিতা-গ্রন্থ। ইহার ছন্দো-রূপে চতুস্পদী বৃত্ত ব্যবহৃত হইয়াছে বলিয়া ইহার নাম ‘নালড়িয়ার’ বা চতুস্পদী। ইহার গ্রন্থকারের বিষয় কিছুই জানা যায় নাই। ইহারও প্রতিপাত্ত বিষয় “ত্রিবিধ পুণ্যার্থ” বা ‘ধর্ম, অর্থ, কাম’।

‘চিন্তামণি’ একখানি অতি প্রাচীন জৈনসম্প্রদায়-রচিত তামিল কাব্য। ইহাতে ১৫০০০ চরণ বা কবিতার পঙ্ক্তি আছে। ইহারও প্রণয়ীর বিবরণ নাই। ইহারই অনুকরণে ইটালী দেশীয় ‘বেশ্চি’ নামক জনৈক তামিল কবি ‘তেম্বাবনি’ নামক একখানি কাব্য-গ্রন্থ রচনা করেন (১৫শ শতাব্দী)। ইনি চিন্তামণির অনামা রচয়িতাকে ‘তামিল কবির সম্রাট’ বলিয়াছেন।

জৈনধর্ম বহু কোষ-গ্রন্থ প্রণয়ন করিয়াছিলেন। ‘পবনন্তি’ নামক আর-একজন জৈন ‘নন্দন’ নামক বিখ্যাত তামিল ব্যাকরণ লিখিয়াছেন। বর্তমানকালের এইখানিই প্রামাণিক ব্যাকরণ।

তামিল রামায়ণ একখানি উপাদেয় মহাকাব্য। ইহার রচয়িতা ‘কম্বল’ রাজা রাজেন্দ্র চোলের রাজত্বকালে (দ্বাদশ শতাব্দী) জীবিত ছিলেন। বাম্বীকির রামায়ণ ও তামিল রামায়ণে যে সম্পর্ক তাহাতে কম্বলের মহাকাব্যকে বাম্বীকির রামায়ণের অনুবাদ না বলিয়া বাম্বীকির উপাখ্যান মাত্র লইয়া রচিত কাম্বলের জ্ঞান পাণ্ডিত্যে পরিপূর্ণ একখানি মহাকাব্য বলা যায়। কম্বলের রামায়ণের সর্বত্রই পাণ্ডিত্যের পূর্ণ বিকাশ, অলঙ্কারে ছড়াছড়ি, ছন্দোজ্ঞানের চরম নিদর্শন। বাম্বীকির রামায়ণ সাংভাবিক কাব্য, কম্বলের রামায়ণ সর্বত্রই পাণ্ডিত্যের কৃত্রিমতাপূর্ণ। বাম্বীকির কাব্য যেন স্বাভাবিক বনভূমি, কম্বলের রামায়ণ যেন সযত্ন-রক্ষিত কৃত্রিম পার্ক।

তামিল শৈব সাহিত্যের দুই ধারা। প্রথম ধারার প্রধান গ্রন্থ ‘মণিক বাশগর্’ (মাণিক্য-যাচক) বিরচিত ‘তিরু বাশগর্’ (শ্রীবাচক)। তামিলগণের মধ্যে এই গ্রন্থের যথেষ্ট প্রতিষ্ঠা। ইহার প্রতিপাত্ত বিষয় শৈব সিদ্ধান্ত বা শৈবদিগের দর্শন ও ধর্মতত্ত্ব। সিংহল হইতে আগত বৌদ্ধগণকে (ইহাদের বিচারে বৌদ্ধগণ বিধর্মী বা heretic) তর্ক-যুদ্ধে পরাজিত করিয়া মাণিক্য বাশগরের প্রতিষ্ঠা। ‘তিরুবাদূর পুরাণম্’ নামক একখানি গ্রন্থে এই তর্ক-যুদ্ধের বিবরণ লিপিবদ্ধ আছে।

শৈব সাহিত্যের দ্বিতীয় ধারার প্রধান কবি ‘ঞান সম্বন্ধর্’। এজন সম্বন্ধর্ প্রমুখ শৈব ভক্তগণের ধর্মের শক্তি জৈনগণ। ইহাদের তর্ক-যুদ্ধের বিবরণ ও ভক্তগণের জীবনী ‘তিরুতোওর্ পুরাণম্’ নামক গ্রন্থে বর্ণিত আছে। চিদম্বরম্ অঞ্চলে শীগারী গ্রামে এজন সম্বন্ধর্ জন্ম-গ্রহণ করেন। ইহার দুই শিষ্যও কাব্য রচনা করিয়া খ্যাতি অর্জন করিয়াছেন। তাহাদের নাম ‘সুন্দর’ ও ‘অপ্পর’। ইহাদের কবিতা-সমূহ সাধারণতঃ ‘দেবারম্’ (দেবাই) নামে পরিচিত (আর্ধ্যাবর্তে যেমন তুলসী, কবীর প্রভৃতি ভক্তগণের ‘দোহা’)। তামিল শৈবগণের মধ্যে এই তিনজন কবি ও ধর্মপ্রচারক এত সমাদৃত হইয়াছেন যে ইহাদের জীবনীর সহিত অসংখ্য অলৌকিক ঘটনার সমাবেশ হইয়াছে।

তামিল বৈষ্ণব সাহিত্য শৈব তামিল সাহিত্যেরই সমসাময়িক ও কিঞ্চিৎ উত্তরকালব্যাপী। রামানুজের স্থিতি-কাল দ্বাদশ শতক। তাহার দ্বাদশ শিষ্যই প্রধানতঃ তামিল বৈষ্ণব সাহিত্যের রচয়িতা। ইহারা তামিল ভাষায় ‘আড়্ভার’ বা বৈষ্ণব ভক্ত নামে পরিচিত।

ইহারা সকলে যে-সকল কবিতা রচনা করিয়াছিলেন তাহাদের একত্র সমাবেশে ‘নালারির ম্ভবকম্’ [চারি সহস্র কবিতা] বা ‘পোরম্ভ ম্ভবকম্’ (মহাগ্রন্থ) নামক বৈষ্ণব গ্রন্থ হইয়াছে। শৈব সাহিত্য অপেক্ষা বৈষ্ণব সাহিত্য কাব্যের হিসাবে অপকৃষ্ট। তবে শৈব সাহিত্যে তিরুবাসগম্ ও দেবারম্ সমূহ যেমন শৈবদিগের ‘বেদ’ স্বরূপ, বৈষ্ণবদিগেরও সেইরূপ নালারির ম্ভবকম্। ‘নালারির ম্ভবকম্’ের দুইটি খণ্ড ‘পেরিম্ব তিরু মোড়ি’ (শ্রীমহাবাক্য) ও ‘তিরু বার-মোড়ি’ (শ্রীমুখের বাণী) বৈষ্ণবগণের নিকট আমাদের গায়ত্রী-মন্ত্রের স্থায় পণ্ডিত।

খ্রীষ্টীয় ত্রয়োদশ শতাব্দীর পর হইতে প্রায় দুই শত বৎসরের মধ্যে তামিল সাহিত্যে কোনও উল্লেখযোগ্য সাহিত্য উদ্ভূত হয় নাই। এই কালের মধ্যে কোন বিখ্যাত সাহিত্যিকের আবির্ভাব হয় নাই। এই কালকে তামিল সাহিত্যের ক্ষয় যুগ বা নিষ্ক্রিয় যুগ বলা যায়। ইহার পরে খ্রীষ্টীয় ষোড়শ শতকে তামিল ভাষায় পুনরায় সাহিত্যচর্চা আরম্ভ হয়। এই যুগের বহু গ্রন্থই অতি-বীর রাম-পাণ্ডিয়ন নামক একজন পাণ্ড্যদেশের রাজার নামে প্রচারিত। ইহার প্রকৃত নাম ‘বল্লভ দেব’ এবং ইনি খ্রীষ্টীয় ১৫৬৫ সালে সিংহাসনে আরোহণ করেন। এইটি সাধারণতঃ তামিল সাহিত্যে অনুবাদের যুগ।

বল্লভ দেব বা অতিবীর-রাম-পাণ্ডিয়ন যে আমাদের বল্লালসেন বা ভোজরাজ বা বিক্রমাদিত্যের স্থায় বিজোৎসাহী নরপতি ছিলেন সে-বিষয়ে সন্দেহ নাই। তাহারই যুগে অস্তান্ত অনেক সংস্কৃত পুরাণ-গ্রন্থের অনুবাদ হইয়াছে; মহাভারতের অনুবাদ হইয়াছে; বেদান্ত দর্শন ও শৈবদর্শনের অনুবাদ হইয়াছে; এবং অনেক আধুনিক-গ্রন্থেরও অনুবাদ হইয়াছে। আদিরসাত্মক খণ্ড কাব্যও অসংখ্য রচিত হইয়াছে।

খ্রীষ্টীয় সপ্তদশ শতাব্দীতে শৈব ধর্মের তান্ত্রিকতার পরিণামে বহু সিদ্ধ (তামিল ‘শিবু’ বা ‘শিব’) তামিল দেশে আবির্ভূত হইয়াছিলেন। এই কালে আরবদেশ হইতে রসায়ন ও ইঞ্জিনিয়ারিং বিজ্ঞান তামিল দেশে আনীত ও আলোচিত হয়। ইহার পূর্বে রসায়নের আলোচনা হয় নাই। এইকালে সিদ্ধগণ ‘কবি’ মায়ে বিদিত হইতেন এবং হিন্দুধর্ম-বিষেবী মত প্রচার করিতেন।

খ্রীষ্টীয় অষ্টাদশ ও ঊনবিংশ শতকে আধুনিক তামিল সাহিত্যের কাল। বলা বাহুল্য, ঊনবিংশ শতকের পূর্বে গজ সাহিত্য ছিল না, এবং ইউরোপীয় প্রভাবেই এখানেও গদ্য সাহিত্য পঠিত হইয়াছে। আধুনিক সাহিত্যের প্রথম দিকে কয়েকখানি কাব্যের সৃষ্টি হইয়াছে। বীর শৈবদিগের অনুবাদ-গ্রন্থ ‘প্রভুলিজ-লীলা’ ও নীতি-বিষয়ক ‘নীতি-নেরি-বিলকম্’ (‘পটনতু পিলেই কৃত’) প্রধান। অষ্টাদশ শতাব্দীর দুইজন প্রধান কবি ‘তায়ুমান নর’ ও ‘বেশ্চি’। তন্মধ্যে ‘বেশ্চি’ একজন ইটালী দেশীয় ইউরোপীয়। এদেশে থাকিয়া তিনি তামিল শিখিয়া কুড়ালের অনুরূপ উৎকৃষ্ট মহাকাব্য ‘তেম্বাবনি’ লিখিয়াছেন। ইনি যে প্রকার তামিল ভাষা ও ব্যাকরণ অলঙ্কারাদির জ্ঞান লাভ করিয়াছিলেন তাহা প্রশংসার্য। ইনি গজ সাহিত্যও অনেক লিখিয়াছেন। নাটকাদি নানাবিধ সাহিত্য সৃষ্টি ঊনবিংশ শতাব্দীতে হইয়াছে। এ যুগের শ্রেষ্ঠ গজ-সাহিত্যিক ‘তাণ্ডব রায়-মুদলিয়ার’। পঞ্চতন্ত্র, রামায়ণ, মহাভারত প্রভৃতির ইনি গজ অনুবাদ করিয়াছেন। একালে অসংখ্য তামিল গ্রন্থ লিখিত হইয়াছে বটে, তবে উচ্চাঙ্গের সাহিত্য কিছুই নাই।

গান্ধী ও লেনিন—শ্রীকণিত্বষণ ঘোষ ।

গান্ধীবাদ ও বোলশেভিকবাদের প্রধান বৈষম্য হইতেছে লক্ষ্য-সাধনের প্রণালী নইয়া । গান্ধীবাদ বর্তমান সভ্যতার আবিষ্কৃত সর্বপ্রকার সামাজিক ব্যবহার বিরোধী ।

কল-কারখানার আত্মদানীতে শ্রমীবাণী সাধারণ শিল্পীগণ সহরের অস্বাস্থ্যকর পারিপার্শ্বিক অবস্থার মধ্যে আশ্রয় লইতে বাধ্য হইয়াছে এবং মূলধনীদের অর্থবলের নিকট পরাজিত হইয়া তাহাদের নিকট বস্ততা স্বীকার করিয়া নিজের জীবিকাউপার্জনের পথ দেখিতে বাধ্য হইতেছে ।

কল-কারখানাই বিলাসের সকল অঙ্গকে সহজলভ্য করিয়া তুলিয়াছে, ইহাতে সমাজে আলস্যের প্রণয় ঘটিতেছে এবং একদল লোক অলস্যের পরিশ্রমের ফল ফাঁকি দিয়া উপভোগ করিতেছে । এই দুর্নীতির উচ্ছেদ সাধন করিতে হইলে প্রয়োজনীয় জব্যাদির সংখ্যা কমাইয়া ফেলিতে হইবে, এবং কেহ নিজে অলস্য ও নিশ্চেষ্ট থাকিয়া অলস্যের পরিশ্রমের ফল ভোগ করিতে পারিবে না, এই নিয়ম প্রবর্তিত হওয়াও আবশ্যিক । সমাজে কেহই নিশ্চেষ্ট থাকিতে পারিবে না, কারণ অলস্য ও তস্যর একই পর্যায়ভুক্ত বলা যাইতে পারে ।

বোলশেভিজ্‌ম বলিবে, শ্রমজীবীগণকে চালনব্যাপারে স্বাধীনতা দাও, দেশের ধনরত্ন সমগ্র দেশবাসী তুল্যাংশে উপভোগ করুক, সাম্রাজ্যতন্ত্র ও অভিজাততন্ত্রের উচ্ছেদ সাধন কর, তাহা হইলেই তোমরা সুখী হইবে ।

গান্ধিবাদের মূলমন্ত্র হইতেছে চিত্তশুদ্ধি দ্বারা মানবসমাজের বর্তমান ভোগলিপ্সা ভ্রাস করা । বিলাস-বাসনাই যদি ত্যাগ করা গেল তাহা হইলে বিলাস-জব্য উৎপন্ন করিবার জন্ত শ্রমজীবী-নিয়োগও আবশ্যিক হইবে না এবং তাহাদের পরিশ্রমের এবং পারিশ্রমিকের ন্যূনত্ব লইয়া সমাজে অশান্তিরও সৃষ্টি হইবে না । একদিকে প্রভুত্বপূহা, অল্পদিকে ভয় যদি দূরীভূত হয় তাহা হইলে জগত হইতে যুদ্ধ-বিগ্রহ অন্তর্হিত হইবে ।

মোটের উপর দেখা যাইতেছে গান্ধী ও লেনিন উভয়েরই লক্ষ্য এক—সমাজ হইতে সর্বপ্রকার দুর্নীতির উচ্ছেদ সাধন, বিশেষতঃ দরিদ্রের দারিদ্র্যমোচন ও যথেষ্টাচারী প্রভুত্বের মূলোচ্ছেদ ।

গান্ধিজির মতে এ অবস্থার প্রতীকার আধুনিক সভ্যতা ও কল-কারখানার মূলোচ্ছেদ ; লেনিনের মতে প্রতীকার—আধুনিক সভ্যতার প্রধান ফল কল-কারখানার বিনাশ সাধনের প্রয়োজন নাই কিন্তু এই-সকল উপায়ে লক্ষ্য অর্থ জাতির অন্তর্গত সকলের মধ্যে তুল্যাংশে বন্টিত হউক ।

গান্ধির অসহযোগের আদর্শ প্রাচীন ভারতের চিন্তা-ও অভিজ্ঞতা-প্রসূত এবং পাশ্চাত্য ঋষি টলষ্টয়ের ভাবে অনুপ্রাণিত । আর লেনিন পাশ্চাত্য দার্শনিক কাল্‌ মার্ক্সের নিকট হইতে পাশ্চাত্যের স্বভাবানুযায়ী নিজ আদর্শ লাভ করিয়াছেন । একজনের কর্তৃত্বল সাম্রাজ্যবাদের কেন্দ্রস্থল রাশিয়া, অপরের কর্তৃত্বল আয়িক শক্তির জন্মভূমি ভারতবর্ষ ।

বেতাল (মাঘ)

গান— শ্রীরবীন্দ্রনাথ ঠাকুর ।

শীতের হাওয়ার লাগ্ন নাচন
আম্লকির এই ডালে ডালে ।
পাতাগুলি শিশিরিণে
ঝরিয়া দিল ডালে ডালে ।

উড়িয়ে দেবার মাতন এসে
কাঙাল ভারে করল শেবে,
তখন তাহার ফলের বাহার
রইল না আর অন্তরালে ॥

শুস্ত করে ভরে দেওয়া
বাহার পেলা
তারি লাগি রইল বসে
সকল বেলা ।

শীতের পরশ থেকে পেকে
যায় বৃষ্টি ঐ থেকে থেকে,
সব খোওয়াবার সময় আমার
হবে কখন কোন সকালে ॥

সিন্ধু-পাঞ্চজন্ম—শ্রীস্বধীরকুমার চৌধুরী ।

ডাকে সিন্ধু ডাকে ।

মাটির এ বৈলাঘরে তখন শৈশবে তার 'ভুলে ফেলে রেখে গেছে কাকে ;
সেই হতে চিরকাল ধরি'—

নীল নয়নের কোণে নিদ্র নাহি দিবস-শরীরী,
কল্লোলিয়া উচ্চ সিয়া মাটিরে ঘিরিয়া শত পাকে

তরঙ্গ-ইঙ্গিতে তারে ডাকে তারে ডাকে তারে ডাকে ডাকে ডাকে ।

মুকুতার কঠী সে কি, স্তম্ভিপুটে সিঁথির সিন্দুর ?
প্রবাল মুকুট ' কোটি গমনীজ সলিল বিন্দুর
মরম চোয়ালো নীলকান্তমণি ? কি সে হারাধন,

যার লাগি যুগে যুগে ধামিতে চাহে না তার উছলিত আকুল ক্রন্দন,
সমস্ত অস্তিত্ব বাহে মুগ্ধিত হাহাকাণ্ডে একপানি ঋষি-জলে গলি',
সৈকতে গুটিয়া পড়া বৃথা অক্ষ অক্ষনে ঘাও ঘাও ফিরে ঘাও বলি' ।

বৃষ্টি নীলাকল-ধরা পদমুখ উত্তপ্তা খুঁজি' খুঁজি' বধু তুমি দিন,
পরাণের সব ভাষা পরতে পরতে তার অনাহত নীরব নিগীন ।
হেথা নিরুপায় তব ভাষাতন সব ভাষা হরতীন সব তব শ্রম,
অশ্লষ্ট অক্ষুট শুধু প্রাণপণ প্রয়াসের সার্থক্যনি ব্যাকুল বিধুর ।
যে কথা বলিতে চাপ্ত কিছুই হয় না বলা, ডাকে যারে বোঝে না সে ডাক,
শিরোপরে নীলাকাশ নির্বিমেঘে চেয়ে রয় কাণাত্তর নিপল নিরীক ।

অদূরে ধরার গুকে নিশিদিন ছুঁবে সুখে যে উৎসব চলে,—

কহিতে পড়তে তার কত ফল-সম্ভার ভরে' গুঠে সবুজ অঞ্চলে,
কত ভুল কত দ্বন্দ্বি, কত যুদ্ধ কত শান্তি ; সংশয় বিধায় ভরা

মানব সংসার ;

যুগে যুগে অগ্রগণ্যে, চরিতার্থতার পথে ক্রান্তিহীন কি বিচিত্র

তার অভিসার ।

চকিত বিহঙ্গগীতে কি বারতা আসে চিতে, শুটছায়া কানে কানে

কি যে কথা বলে,

শত-কোটি মদ-নদী কি পরশ নিরবধি অকুরাগে বহে ঐ রুদয়ের তলে ?

নিঃসঙ্গ তুহিনবাসে কাটে দিন দীর্ঘবাসে, থেকে থেকে হারিবার

জাগে কোঁড়ুল,

তটের বাঁধন টুটি' কাছে যেতে চাও ছুটি', ফেনিল হত্যাশে কেরো ।

হল হল হল ।

ওগো সিদ্ধ, কারে ডাকো কিছু তার জানি নাকো,

তবু প্রাণ করে বাই বাই।

আমি ও আগল টুটি' পাগল হইয়া ছুটি' তোমা' পাশে বাহিরিতে চাই।

তট-কন্দরের মাঝে বাতাসে যে বাঁশি বাজে—জানি না কাহার নামে সাধা,

তবু কল-উত্তরোলে শোণিতের শ্রোত দোলে, খসে' পড়ে জড়তার বাধা।

হে সিদ্ধ, তোমার ডাকে জন্ম-মুহূ কোথা পাকে, বিপুল বিকোমলবেগ

বুকে এসে লাগে,

আপনার মাঝে চাহি' হেরি কোথা গুল নাহি, তিতরে বাহিরে এক

অন্তলতা জাগে।

এ বুকের মাঝ থেকে বাহিরিয়া আসে যে কে, সিদ্ধ আঁধারিন্দু সম তার,

কিরীটে কৌশলত ছালা, কণ্ঠে নীল অ-মাগা, ছুটি বাহ অসীম-বিস্তার।

বন্ধ পরাক্রমভরা পুরু কটিকায় পড়া দেহ পড়া মরীচি-নিচরে,—

যেন গো আমারই লাগি' যুগে যুগে আছ জাগি'—বাঁধা দৌছে দৌহা-সনে

চির-পরিচয়ে।

ভুলি সব ছোট কথা, অবহেলা বিমুখতা, দীনতা, রিক্ততা মোর যত,

তোমার পথের পরে কণেক স্পর্শের ভরে ভুলি শির দেবতার মত।

* * * *

নিজ বিপুলতায়েরে সপন জাগিয়া পড়ে, কণেক ধরিয়া তারে রাপো,

শুধা না কারে ডাকো, কার পথ চেয়ে থাকো, তুমি শুধু ডাকো সিদ্ধ,

ডাকো ডাকো ডাকো।

মোস্লেম ভারত (কার্তিক, ১৩২৮)

বিজ্রোহী—হাবিলদার কাজী নজরুল ইসলাম।

বল বীর—

বল উন্নত মম শির।

শির নেহারি আমারি, নহ-শির ওই শিরের হিমাজির।

বল বীর—

বল মহাবিখের মহাকাশ ফাড়ি',

চন্দ্র সূর্য্য গহ তারা ছাড়ি',

ভুলোক ছালোক গোলোক ভেদিয়া,

খোদার আসন 'হারশ' ছেদিয়া

উঠিয়াছি চির-বিস্ময় আমি বিশ্ব বিধাতুর।

মম ললাটে রক্ত ভণবান ঘলে রাজ-রাজ্যাকা দীপ্ত জয়শ্রীর।

বল বীর—

আমি চির উন্নত শির।

আমি চির হৃদয়, হৃদিনীত, নৃশংস,

মহা প্রলয়ের আমি নটরাজ, আমি সাইক্লোন, আমি ধ্বংস,

আমি মহাভয়, আমি অভিশাপ পৃথীর।

আমি হুম্মার,

আমি ভেঙ্গে করি সব চুর-মার।

আমি অনিয়ম, উচ্ছ্বাস,

আমি ধ'লে বাই যত বন্ধন, যত নিয়ম-কানুন, শৃঙ্খল।

আমি মানিনাক কোনো আইন,

আমি করি ভয়া-ভুলি, আমি টপে-ডা, আমি ভীম ভাসমান মাইনু।

আমি ধূর্জটী, আমি এলোকেশে নড় অকাল-বৈশাখীর,

আমি বিজ্রোহী, আমি বিজ্রোহী-হৃত বিশ্ব-বিধাতুর।

বল বীর—

চির- উন্নত মম শির।

আমি বঁধা, আমি ঘূর্ণি—

আমি পথ-সম্মুখে বাহা পাই বাই চূর্ণি'।

আমি মৃত্যু-পাগল ছন্দ,

আমি আপনার তালে নেচে বাই, আমি মুক্ত জীবনিন্দা।

আমি হাখীর, আমি ছায়ানট, আমি হিন্দোল,

আমি চল-চকল ঠমকি' ছমকি'

পথে যেতে যেতে চকিতে চমকি'

ফিং দিয়া দিই তিন দোল।

আমি চপলা চপল হিন্দোল।

আমি তাই করি ভাই যখন চাহে এ মন যা',

করি শক্রর সাথে গলাগলি, ধরি মৃত্যুর সাথে পঞ্জা,

আমি, উন্মাদ, আমি বঁধা।

আমি মহামারী আমি ভীতি এ ধরিত্রীর।

আমি শাসন জাসন, সংহার, আমি উফ চির অধীর।

বল বীর—

আমি চির-উন্নত শির।

আমি চির-ছরস্তু হৃদয়,

আমি হৃদয়, মম প্রাণের পেয়ালা হৃদয় হের হৃদয় ভরপুর মদ।

আমি হোম শিখা, আমি সাগ্নিক জমদগ্নি,

আমি যজ্ঞ, আমি পুরোহিত, আমি অগ্নি।

আমি সৃষ্টি, আমি ধ্বংস, আমি লোকালয়, আমি শ্মশান,

আমি অবসান, নিশাবসান।

আমি ইজ্রাণি-হৃত হাতে-চাঁদ ভালে-সূর্য্য,

মম এক হাতে বাঁকা বাঁশের বাঁশরী,

আর হাতে রণ-তুর্ধ্বা।

আমি কৃষ্ণ কণ্ঠ, মস্থন বিষ পিয়া বাধা-বারিধির।

আমি ব্যোমকেশ, ধরি বন্ধন হারা ধারা গঙ্গোত্রীর।

বল বীর—

চির- উন্নত মম শির।

আমি সন্ন্যাসী, সুর সৈনিক,

আমি যুবরাজ, মম রাজ-বেশ গ্লান গৈরিক।

আমি বেদুঈন, আমি চেঙ্গিস,

আমি আপনারে ছাড়া করি না কাহারে কুর্ণিশ।

আমি বজ্র, আমি শ্মশান-বিষণে শুকার,

আমি ইজ্রাফিলের শিঙ্গার মহা-ছকার,

আমি পিনাক-পাণির ডমরু জিশুল, ধর্ম্মরাজের দণ্ড,

আমি চক্র, মহাশঙ্খ, আমি প্রণব নাদ প্রচণ্ড।

আমি ক্যাপা ছকাসা, বিধামিত্র-শিখা,

আমি দাবানল দাহ, দাহন করিব বিশ্ব।

আমি প্রাণ খোলা হাসি-উল্লাস, আমি সৃষ্টি বৈরী মহাত্মাস,

আমি মহা-প্রলয়ের দ্বাদশ রবির রাহ গ্রাস।

আমি কভু প্রশান্ত, কভু অশান্ত দারুণ বেচ্ছাচারী,

আমি অরুণ ধূনের তরণ, আমি বিধির মর্প হানী।

আমি প্রভঞ্নের উল্লাস, আমি বারিধির মহাকলোল,

আমি উজ্জ্বল, আমি প্রোঙ্কল,

আমি উচ্ছল জল-হলহল, চল-উর্ধ্ব হিন্দোল্ দোল।

আমি উত্থান, আমি পতন, আমি অচেতন-চিত্তে চেতন,

আমি বিশ্ব তোরণে বৈজয়ন্তী, মানব-বিজয়-কেতন।

আমি বহুধা-বন্ধে আধেরাতি, বাড়ব বহি, কালানল,

আমি পাতালে মাতাল অগ্নি-পাথার-কলরোল-ফল-কোলাহল।

আমি তড়িতে চড়িয়া উড়ে চলি মোর তুড়ি দিয়া, দিয়া লক্ষ,
 আমি জাস সকারি ভুবনে সহসা সকারি' ভূমিকম্প !
 ধরি বাহকির কণা জাপটি,
 ধরি স্বর্গীয় দূত জিব্রাইলের আগুণের পাখা সাপটি' !
 আমি দেব-শিশু, আমি চঞ্চল,
 আমি ধৃষ্ট, আমি দাঁত দিয়া ছিঁড়ি বিশ্ব-মায়ের অঞ্চল !
 আমি অফিরাসের বাশরী,
 মহা- সিন্ধু উতলা ঘুম-ঘুম,
 ঘুম চুমু দিয়ে করে নিখিল বিধে নিবু-ঝুম,
 মম বাশরীর তানে পাশরি' !
 আমি শ্রামের হাতের বাশরী ।
 আমি রুমে উঠি' যবে ছুটি মহাকাশ ছাপিয়া,
 ভয়ে সপ্ত নরক, ছাবিয়া দোজখ নিভে নিভে যায় কাপিয়া !
 আমি বিদ্রোহ-বাহী নিখিল অখিল ব্যাপিয়া ।
 আমি শ্রাবণ-প্লাবন বস্থা,
 কতু ধরণীরে করি বংশীয়া, কতু বিপুলধ্বংস-ধস্থা ।—
 আমি হিনিয়া আনিব বিষ্ণু-বক্ষ হইতে যুগল কস্থা !
 আমি অস্ত্রায়, আমি উষ্ণা, আমি শনি,
 আমি ধনকেতু-জালা, বিষধর কাল-কণি ।
 আমি ছিন্নমস্তা চণ্ডী, আমি রণদা সর্বনাশী,
 আমি জাহান্নমের আগুনে বসিয়া হাসি পুষ্পের হাসি !
 আমি মুগ্ধায়, আমি চিহ্নায়,
 আমি অজর অমর অক্ষয়, আমি অব্যয় !
 আমি মানব দানব দেবতার ভয়,
 আমি বিশ্বের চির-ভূর্জয়,

অপদীঘর-ঈশ্বর আমি পুরুষোত্তম সত্য,
 আমি তাখিয়া তাখিয়া মখিয়া গিরি এ স্বর্গ পাতাল মর্ত্য !
 আমি উন্মাদ ! আমি উন্মাদ !!
 আমি চিনেছি আনাচে, আঙ্গিকে আমার খুলিয়া গিয়াছে সব বাধ !!
 আমি উদ্বাগ, আমি তুঙ্গ, ভয়াল, মহাকালা,
 আমি বিবসন আর ধরাতল নভ ছেয়েছে আমারি জটাজাল !
 আমি ধস্ত ! আমি ধস্ত !!
 আমি মুক্ত, আমি সত্য, আমি বীর, বিদ্রোহী সৈন্য ।
 আমি ধস্ত ! আমি ধস্ত !!
 আমি পরশুরামের কঠোর কুঠার,
 নিঃকজ্রিয় করিব বিব, আনিব শান্তি শান্ত উদার !
 আমি হল বলরাম-স্বপ্নে,
 আমি উপাড়ি' দেলিব অধীন বিশ্ব অবহেলে নব-সৃষ্টির মহানন্দে ।
 মহা- বিদ্রোহী রণ ক্রায়
 আমি সেইদিন হব শাস্ত
 যবে উৎপীড়িতের কন্দন-রোন আকাশে বাতাসে ধনিবে না,
 অত্যাচারীর পদ-পাপ জীম-ভূমে ধনিবে না,
 বিদ্রোহী রণ ক্রায়
 আমি সেইদিন হব শাস্ত !
 আমি বিদ্রোহী ভক্ত, ভগবান বুকে একে দিই পদ-চিহ্ন,
 আমি শ্রষ্টা-হৃদয়, শোক তাপ হানা পেয়ালী বিবিধ বক্ষ করিব ভিন্ন !
 আমি বিদ্রোহী ভক্ত, ভগবান-বুকে একে দেবো পদ-চিহ্ন !
 আমি পেয়ালী বিধির বক্ষ করিব ভিন্ন !
 আমি চির-বিদ্রোহী বীর —
 আমি বিব ছাড়ায়ে উঠিয়াছি একা চির-উন্নত শির ।

মানা

বিদায়ের বেলা সে ত কথা কহি' করে নাই মানা,
 বেড়ে নাই পথখানি তুলি' কল্প শীর্ণ হস্তখানা ;
 তবু কিছু ছিল না কি তার সেই নির্দীক অধরে,
 সক্রমণ মানা যাহে ফুটিয়া উঠেছে ধরে ধরে !
 কিছু ছিল না কি তার চলছিল আঁখি-প্রান্তে লেখা,
 মানারে ছাড়ায়ে যাহা দেগেছিল মরণের রেখা ?
 অক্ষুট আগ্রহভরা ভাষাহীন শব্দহীন বাণী
 হাজার মিনতি দিয়া রোধে নাই মোর পথখানি ?
 অনলের রেখা দিয়া যদি কেহ বিরে দিত পথ—
 সে বাধা কি তার চেয়ে হত কতু অলজ্ঞ বৃহৎ ?
 তবু তারে ছেড়ে গেছি, এমনি যে ছেড়ে যেতে হয় ;
 অগৎ দেখে না খুঁজি' কোথা কঁাদে বিরহী হৃদয় !
 বিরহী কোথায় কঁাদে খোঁজে তার নাহি অবসর,
 • অচ্ছেদ্য কর্মের গ্রন্থি সে শুধু গাঁথিছে পর পর ।

যে নিশ্বাস দুটি দেহ প্রাণ দিয়া প্রেম দিয়া কেনে,
 বিপুল বহুধা তারে দুই হতে দুই লয় টেনে ।
 দূর হতে দূরে লয়, তাই বলে' বার্ষিক হয় সে কি ?
 সে দেখা ত দেখা নহে নোয়া যাতা প্রতিদিন দেখি ;
 প্রাণের নন্দন-বনে এ নিশ্বাস রহে যে সঞ্চিত,
 রস ভরে বেড়ে উঠে, পুষ্পভারে হয় বিলম্বিত ।
 জগতের বাধা গণ্ডী কত দিন—রবে কত দিন ?—
 জানি তা অটুট নহে, একদিন জানি হবে ক্ষীণ ।
 জানি এ নিশ্বাস বাধা, অশ্রুপস এ নির্দীক মানা,
 এ জীবনে বার্ষিক হোক, চিরকাল বার্ষিক তা' হবে না ।
 অক্ষ এ ধরায় যাহা অনাদৃত উপেক্ষার ভাবে,
 স্বর্গে তাহা জমে আছে—উপেক্ষা সে করে নাই তারে'
 যে মানা করেছে বার্ষিক হেথা কাব বিচ্ছেদের বাধা,
 চির মিলনের নাকে স্বর্গে তার আছে সার্থকতা ।

— শ্রীহেমেন্দ্রলাল রায় ।

মালোচনা



বঙ্গের শেষ পাঠান বীর

অগ্রহায়ণ মাসে প্রকাশিত উক্ত প্রবন্ধে উল্লিখিত "পনুকিয়া" নদী সম্বন্ধে শ্রীযুক্ত আনেশচন্দ্র রায় মহাশয় বনগ্রাম (মৈমনসিংহ) হইতে লিখিয়াছেন :—

"মুঘলবাহিনী ব্রহ্মপুত্রতীরস্থ এগারসিন্দুর বন্দরে ছিল। সেখান হইতে সরাইল হইয়া শ্রীহটে যাইতে হইলে মেঘনায় যাইয়া পড়া আবশ্যিক। অধ্যাপক সরকার মহাশয় এইস্থলে অনুমান করিয়াছেন যে 'এগার-সিন্দুর হইতে ব্রহ্মপুত্র ভাটাইয়া বোধ হয় বর্তমান রামপুরহাট বেলাবো ও তৈরব-বাজারের পাশ দিয়া, মুঘল সৈন্য জঙ্গপথে মেঘনায় আসিয়া পৌছিল।' আমার মনে হয় এইখানেই একটু গোল রহিয়া গিয়াছে। এই প্রসঙ্গে তিনি মূল পারসী লিপিতে পনুকিয়া নামে নদীর উল্লেখ আছে বলিয়া পাঠ্যটিকায় লিখিয়াছেন। আমার কিন্তু মনে হয় এই পনুকিয়াই হয়ত নিয়ে বিবৃত 'পনুকড়িয়া' নদী।

এগারসিন্দুরের সন্নিকটে ব্রহ্মপুত্র হইতেই পনুকড়িয়া নদী বহির্গত হইয়া কিশোরগঞ্জ সবডিভিসনের পূর্ব-দক্ষিণ ভাগে যাইয়া মেঘনার সহিত সংযোগ সম্পন্ন নদীগুলির সহিত মিলিত হইত বলিয়া এতৎ-প্রদেশে জনশ্রুতি আছে।.....এই প্রদেশটি বহুকাল হইতে বৃহৎ বৃহৎ নদীনালায় সমাচ্ছন্ন, এবং সকলগুলিই বহুস্থলে পরস্পর মিলিত হইয়া দক্ষিণ ভাগে 'ঘোড়াউত্রা' নাম ধারণ করতঃ মেঘনায় যাইয়া প্রবেশ করিয়াছে।

এগারসিন্দুর হইতে পনুকড়িয়া ভাটাইয়া কিশোরগঞ্জ সবডিভিসনের কোণাকোণি মেঘনায় পড়িয়া সরাইলে উপস্থিত হওয়া যতটা সহজ, অধ্যাপক সরকার মহাশয়ের অনুমিত পথে ঘুরিয়া মেঘনায় যাইয়া পড়া ও তারপর উদ্ভান বাহিয়া সরাইলে পৌঁছা অপেক্ষাকৃত অনেকটা কঠিন বই সহজ নহে।"

এ সম্বন্ধে অধ্যাপক যজ্ঞনাথ সরকার লিখিয়াছেন—

"রেনেলের ১৭৭৫ খৃস্টাব্দে জরিপের মাপে স্পষ্টই দেখা যায় যে একটা নদী ব্রহ্মপুত্র হইতে রায়মহাশয়ের নির্দেশিত পথে ঘোড়াউত্রায় গিয়া পড়িয়াছে এবং তৎপরে মেঘনার সহিত মিলিত হইয়াছে। কিন্তু রেনেল উহার নাম দেন নাই। উহা মাপে বড় সঙ্কীর্ণ দেখায় বলিয়া আমি উহার উপরিয়া মুঘল যুদ্ধ জাহাজ চলা সম্ভব ভাবি নাই। রায়মহাশয়ের পত্র পড়িয়া এখন মনে হইতেছে যে এই নদী অর্থাৎ পনুকড়িয়া বাহিয়াই মুঘলসৈন্য ঘোড়াউত্রা এবং তৎপরে মেঘনায় পৌঁছিয়াছিল। আমার প্রবন্ধে অনুমিত পথে নহে।"

কোন মাসে কি খেতে হবে

গত কালিকের প্রবাসীতে শ্রীযুক্ত সত্যভূষণ দত্ত মহাশয় পূর্ববঙ্গের সাধারণ গিন্নি-মহলের চলিত কথা দিয়ে শিক্ষিতা গিন্নিঠাকুরদের পরীক্ষা করে দেখতে বলেছেন—“কোন মাসে কি খেতে হবে”। পশ্চিম বঙ্গের প্রাচীন গিন্নি-মহলের মধ্যেও অনুরূপ একটি ছড়া প্রচলিত আছে। ছড়াটি এখানে দেওয়া গেল—

চৈত্রে শ্রীকল মিঠা খেয়েছিলেন রাম ;
বৈশাখেতে শসা মিঠা শোল মাছে আম।
জ্যৈষ্ঠেতে পাকা আম, আবাচে কাঁঠাল ;
শ্রাবণেতে ধৈ দৈ, ভাদ্রে পাকা ভাল।
আশ্বিনেতে নারিকেল, কান্তিকেতে গুল ;
অগ্রহা'নে নবঅন্ন চিকুড়ি মাছের ঝোল।
পৌষমাসে মূলা মুড়ি খেতে লাগে মিঠা ;
ঘন আউটা ছুধের সাথে বাসি পোড়া পিঠা।
মাঘেতে মকর মিঠা তেলে ভাজা সীম ;
ফাল্গুনে দ্বিগুণ মিঠা বার্তাকুতে নিম।

পূর্ববঙ্গের "মায় বেল" কি ঠিক? অসময়ের ফল অপেক্ষা সময়ের ফল নিশ্চয় সুস্বাদু স্বাস্থ্য ও পুষ্টিকর।—মাঘের বেল কি সময়ের ঠিক ফল?

শ্রীউৎপলাকী দাসী।

কোন বিশেষের মন্দির ?

কানিংহামের উক্তি সম্বন্ধে যে খটকা লাগিয়াছিল তাহা দূরীভূত হওয়ায়, আমি তাহা প্রকাশ করা কর্তব্য বোধ করিতেছি। কানিংহাম বলিয়াছেন, কাশীর বিশেষের মন্দির উরাংজেবের দ্বারা ধ্বংস হয় নাই, হইয়াছে জাহাঙ্গীরের দ্বারা,—কিন্তু এই উক্তিতে ভ্রম আছে।.....

জাহাঙ্গীরের আত্মজীবনীতে দেখিলাম যে সত্ৰাট বলিতেছেন—“কাশীতে ৩৬ লাখ টাকা ব্যয়ে রাজা মানসিংহ এক মন্দির নির্মাণ করেন। [ইহার নাম 'আদি বিশেষের মন্দির'—বিখ্যাত বিশেষের মন্দির হইতে সম্পূর্ণ বিভিন্ন।] ঐ মন্দির ভাঙিয়া উহারই মালমসলা দ্বারা আদি সেই মন্দিরের উপর এক মসজিদ নির্মাণ করিয়া-ছিল। [জামি মসজিদ।] ভগবানের আশীর্বাদে তাহা স্বপ্নীদের দ্বারাই পূর্ণ করা আমার অভিলাষ।”.....অতএব দেখা যাইতেছে, কানিংহাম “আদি” কথাটা বাদ দেওয়াতেই যত ভ্রম উৎপন্ন হইয়াছিল।

—অরুণ দত্ত।

গত পৌষ মাসের প্রবাসীতে টমসন্ সাহেবের লিখিত “রবীন্দ্রনাথ ঠাকুরের সমালোচনার “শ্রী ক খ গ” ৩৮১ পৃঃ লিখিয়াছেন—

“টমসন্ সাহেবের বই পড়ে আমরা জানলাম নোবেল পুরস্কার পাবার ছয় বৎসর আগে আশুবাবু রবীন্দ্রনাথকে D. Litt. উপাধি দিবার প্রস্তাব করেন; কিন্তু সিনেট নাকি “He is not a Bengali scholar” বলে আপত্তি করার প্রস্তাব গ্রাহ্য হয়নি।.....কোন বৎসর কোন মাসের কোন তারিখে এই সভা হয়েছিল, মিঃ টমসন্ অনুগ্রহ করে মেনে নিয়ে দ্বিতীয় সংস্করণে লিপ্যন্তরে আশুবাবুর রবীন্দ্রনাথ-প্রাণী-প্রাণীতার একটা অকাটা প্রমাণ পাওয়া যাবে।”

আমি ছয় বৎসরের পূর্বেকার কথা যথার্থ জানি না; কিন্তু রবীন্দ্রনাথ নোবেল প্রাইজ পাইবার পূর্বে যে আশু-বাবু তাঁহাকে D. Litt. উপাধি দিবার প্রস্তাব করিয়াছিলেন এবং সিন্ডিকেটের মিটিংএ তাহা গৃহীত হইয়াছিল সে বিষয়ে বেশ স্পষ্ট প্রমাণ রহিয়াছে।

রবি-বাবুর নোবেল প্রাইজ পাইবার শুভসংবাদ ভারতবাসী ইং ১৯১৩, ১৩ই নভেম্বর তারিখে রয়টারের টেলিগ্রামে প্রথম জানিতে পারে।

কিন্তু ২৮শে অক্টোবর, ১৯১৩, তারিখে কলিকাতা ইউনিভারসিটি সিন্ডিকেটের একটি মিটিং হয়; সেই মিটিংয়ে ভাইনস্যান্সেলার স্তার আশুতোষ মুখোপাধ্যায় রবীন্দ্রনাথকে D. Litt. উপাধি দ্বারা সম্মানিত করিবার প্রস্তাব করেন; এবং সিন্ডিকেটে এই প্রস্তাব সকলের সম্মতিক্রমে গৃহীত হয়।

(p p. 2571, 2572, Minutes of 1913, Part VII দ্রষ্টব্য।)

এখন জানা যাইতেছে রবীন্দ্রনাথ নোবেল প্রাইজ পাইবার ১৫ দিন পূর্বে আশু-বাবু তাঁহাকে D. Litt. উপাধি দ্বারা সম্মানিত করিবার

প্রস্তাব করেন। ইহা যে আশু-বাবুর রবীন্দ্রনাথ-গুণগ্রাহিতার একটি অকাট্য প্রমাণ সে বিষয়ে সন্দেহ নাই।

শ্রীরামকিশোর রায়।

সম্পাদকের মন্তব্য। লেখক এরূপ প্রতিবাদ কেন করিয়াছেন, জানি না। কথা হইতেছে, রবীন্দ্রনাথ নোবেল প্রাইজ পাইবার ছয়বৎসর আগে তাঁহাকে D. Litt. উপাধি দিবার কথা সেনেটে উঠিয়াছিল কি না, সে সম্বন্ধে লেখক যখন কিছুই জানেন না, তখন তাঁহার কিছু না-লেখাই উচিত ছিল। যখন আশু-বাবু প্রস্তাব করেন, লেখকের মতে তাহা রবি-বাবুর নোবেল প্রাইজ পাইবার ১৫ দিন আগে। কিন্তু ইহাও স্মর্তব্য, যে, গীতাঞ্জলির ইংরেজী অনুবাদের জন্য রবি-বাবু পাশ্চাত্য দেশে বিখ্যাত হওয়ার পর সেনেটে তাঁহাকে D. Litt. করিবার এই প্রস্তাব হয়। সুতরাং ইহা দ্বারা প্রমাণ হয় না, যে, বিশ্ববিদ্যালয়ের কেহ স্বাধীন ভাবে তাঁহার গুণগ্রাহিতার পরিচয় দিয়াছিলেন। এই কারণে অল্প প্রমাণের প্রয়োজন। তাহা কেহ নিতে পারিলে তাহা মুদ্রিত হইবে। নতুবা বৃথা চিঠি লিখিবার প্রয়োজন নাই, তর্ক করিবারও প্রয়োজন নাই।

হৃদম জীবন

বন্ধের এ ক্ষুদ্র পাত্র ভরি' উপচিয়া

আজি বাহিরিয়া

ছুটিতে লুটিতে চায় বাধা-ভাঙা এ মোর জীবন

হৃদম ভীষণ!

আজি সে উদ্দাম মুক্ত আপনায় আপনি চঞ্চল

নৃত্যমান, প্রমত্ত প্রবল;

অস্তরের অন্তরাল টুটি'

চলে আজি ছুটি'

প্রবল হুর্কার

উচ্ছ্বসিত নদী সম বক্ষ মেলি' ছাড়িয়া হৃদয়,—

উর্ধ্ব পানে শূন্য পানে

চলে সে হৃদম দৃষ্ট ব্যাকুল সঙ্কানে

স্বপ্তি-স্কন্ধ বিমানের ল'তে পরিচয়।

আজি সে প্রলয়

দেখিতে শুনিতে চায়—বৈশাখ-গর্জন,

বজ্রে বজ্রে মেঘে মেঘে ভীম আফালন।

আজি মোর প্রাণ

আলোড়ি' বিমান

গ্রহ হতে গ্রহ পরে ছুটে যেতে চায়

প্রমত্ত লীলায়।

আজ সে হইতে চাহে উন্নত বাতাস—

ছড়াইয়া ত্রাস

ধরারে শূণ্ডেরে চাহে কাঁপাতে বিষম

সব স্থিতি নাড়া দিতে, দোলাতে' নিশ্চম।

মেঘের পতাকা কাঁধে লয়ে

তাপ-তপ্ত তপনেরে উপাড়ি' বিজয়ে,

কোণে কোণে রকে, রকে, মস্তক গোপন

এ বিশ্বে লুকায়ে আছে—করি' উদঘাটন

যুগ্ম-স্কন্ধ ভবনেতে নিয়োমিয়া বজ্রের বিষণ

বিশ্বেরে জ্বিনিত চায় ছরস্ত পরাণ।

জেনা, চেনা, জানা—

বিশ্বের গোপন দ্বারে আজি কর হানা


অবিরান;—

মৃত কথা, লুপ্ত রূপ, গুপ্ত ছবি চা'বে অক্ষরান

জ্বগে জ্বগে বৃথ পানে,

দৈত্য-দানবের মত আজি গোটা নিস্তক বিমানে।

শ্রীপ্যারীমোহন সেনগুপ্ত।



ইন্ডিপেট অহিংস অসহযোগ

আবেদন নিবেদনে কোনও শব্দ না হওয়াতে আদালত দল বিফল-মনোরথ হইয়া স্বদেশে প্রত্যাবর্তন করিলেন। তাহার পর মিশরের জাতীয় দলের নেতা জগন্মূল পাশা মিশরের মুক্তির জন্ত দেশবাসীকে মহাত্মা গান্ধীর প্রবর্তিত অহিংস অসহযোগ নীতি গ্রহণ করিতে আহ্বান করিয়াছেন। মিশরের অগ্রশত্রু রিফ্রাচে, মাহদী বিদ্রোহে মিশরের ক্ষাত্র-বলেরও যথেষ্ট পরিচয় পাওয়া গিয়াছিল। তথাপি রক্তের পথ ছাড়িয়া প্রবীণ দেশনায়ক মিশরের জন্ত এই অভিনব মুক্তির পথ গ্রহণ করিয়াছেন এইজন্ত, যে, তাঁহার বিশ্বাস মহাত্মা গান্ধীর আদর্শ বিধে নূতন যুগ আনিবে, যে যুগে

“উৎপীড়িতের ক্রন্দনরোগ আকাশে বাতাসে ধনিবে না,
অত্যাচারীর ঋণ রূপাণ ভীম রণভূমে রণিবে না।”



জগন্মূল পাশা।

জগন্মূল জাতিতে কপট, ধর্মে খুঁসিমান এবং বাবদায়ে ব্যবহারাজীবী। অথচ মুসলমানপ্রধান মিশরের জাতীয়দলের নেতার পদে মিশরবাসী মুসলমান খুঁসিমান সকলেই জগন্মূলকে বরণ করিয়া লইয়াছেন। দেশ-সেবায় হিন্দু মুসলমানের মিলন বাঁহারা সম্ভবপর মনে করেন না তাঁহারা মিশরের মুসলমান-খুঁসিমানের এই মিলনের বিষয় একবার চিন্তা করিয়া দেখিবেন কি :

জগন্মূল অসহযোগের বার্তা প্রচার করাতে ইংরেজ প্রতিনিধি লর্ড অ্যালেনবির জগন্মূলকে তাঁহার স্বগ্রামে অন্তরিত থাকিবার আদেশ করিলেন। জগন্মূল বলিলেন যে তাঁহার হস্তে তাঁহার দেশবাসী যে পবিত্র কার্যের সম্পাদন-ভার প্রদান করিয়াছেন তাহা হইতে দেশবাসীর আদেশ ভিন্ন তিনি কিছুতেই বিরত হইবেন না। ইংরেজ যদি তাঁহাকে জোর করিয়া অন্তরিত করেন তাহা হইলে তিনি কাইরো ত্যাগ করিবেন; নতুবা কিছুতেই তিনি কাইরো ত্যাগ করিবেন না। জগন্মূলের যে কয়েকজন অনুচর আদালত কার্য সমর্থন করিয়াছিলেন তাঁহারাও ইংলেণ্ডের প্রধান বস্ত্রী লয়েন্ড জর্জের নিকট জগন্মূলের নির্বাসন-

আদেশের বিরুদ্ধে তীব্র প্রতিবাদ করিয়া তার-বার্তা প্রেরণ করেন। কিন্তু অ্যালেনবির আদেশে জগন্মূল ও তাঁহার কতিপয় সঙ্গী ধৃত হইয়া সুয়েজে প্রেরিত হইলেন এবং তথা হইতে পরে আবদ্ধ হইয়া থাকিবার জন্ত সিংহলে প্রেরিত হইলেন। জগন্মূলের দলের কাহাকেও জাতীয়-দলের গচ্ছিত টাকা প্রদান করিতে নিষেধ করিয়া মিশরের ব্যাঙ্কগুলির উপর এক আদেশ জারি হইয়াছে। জগন্মূলের আরও কয়েকটি অনুচরের প্রতিও নির্বাসন-আদেশ জারি হইয়াছে। তাঁহারাও নিষ্ক্রিয়-প্রতিরোধ নীতি অবলম্বন করিয়া স্থানত্যাগ করিতে অস্বীকার করিয়াছেন। জগন্মূলের দল বেশ দীর্ঘ ও শান্ত ভাবে অসহযোগ মন্ত্র প্রচার করিতেছেন। কিন্তু অপর একদল উগ্রপন্থী লোক মিশর-বাসীকে বিদ্রোহী হইতে উত্থাইতেছেন। মিশরের বিদ্যালয়ের ছাত্রেরা হস্ততাল করিয়াছে এবং সরকারী-কর্মচারীদেরকেও ধর্মঘট করাইবার জন্ত চেষ্টা হইতেছে। পাঁচটা জবাবে ইংরেজও মার্শাল ল বা সামরিক আইন জারি করিয়াছে। এই-সকলের প্রতিবাদ-কল্পে মিশরের ব্যবহারাজীবী সম্প্রদায় আইন-আদালত বর্জন করিয়াছেন। বিচারকবর্গ সুলতানের নিকট ইংরেজের আচরণের তীব্র প্রতিবাদ জানাইয়া একটি আবেদনপত্র প্রেরণ করিয়াছেন। বিলাতী জিনিষ বর্জন আন্দোলনও পুরা বেগে চলিতেছে। শ্রমজীবীবর্গও চঞ্চল হইয়া উঠিয়াছে। নানাস্থানে ধর্মঘট হইয়াছে।

ইংরেজ প্রতিনিধি জগন্মূল-পত্নীকে স্বামীর নিকট থাকিতে অনুমতি দিয়াছিলেন, শ্রীমতী জগন্মূল বিদেশীর দয়ার দান প্রত্যাখ্যান করিয়া স্বামীর আরক্কাধায়ে নিজেকে নিয়োজিত করিয়াছেন। দেশবাসীর নিকট এক আহ্বান-পত্রে তিনি বলিতেছেন, “ইংরেজদিগকে অস্বীকার কর। তাহাদিগকে কোনও রকমে সাহায্য করিও না।” ভগবানের চরণে সমস্ত দেশবাসীকে এই প্রার্থনা জানাইতে তিনি অনুরোধ করিতেছেন যে—“হে সর্গশক্তিমান পরমেশ্বর, তুমি আমাদের পরম অন্তরঙ্গ নির্বাসিতদিগকে আনাদের নিকট প্রত্যর্পণ কর। তাঁহারা যেন মুক্ত দল উচ্ছল স্বাধীনতার আলোকের সঙ্গে শীঘ্রই স্বদেশে প্রত্যাবর্তন করেন।” সমস্ত মিশরবাসী শ্রীমতী জগন্মূলের সহিত একপ্রাণে এই প্রার্থনা ধর্মিত করিয়া তুলিয়াছে। সে প্রার্থনা পূর্ণ হইবেই।

*

অ্যাসোরা ও ইংরেজ

অ্যাসোরা-গভর্নমেন্টের আত্মপ্রতিষ্ঠার প্রচেষ্টাকে তলে তলে ধর্ষ করিয়া এমিয়ামাইনরে গ্রীক-প্রাধান্য স্থাপনের চেষ্টা যে ইংরেজ বরাবরই করিয়া আসিয়াছেন তাহা শ্রাবণ-সংখ্যা “প্রবাসী”তে বিবৃত হইয়াছে। কিন্তু ভারতের মুসলমান-জনসাধারণের বিরূপভাব হইবার সম্পূর্ণ সম্ভাবনা সত্ত্বেও এত বড় ব্যাপারটা ইংরেজ যে শুধু তুরস্কের পুঁঠান প্রজাদের মঙ্গল-সাধনের জন্ত করিয়া আসিতেছিলেন ইহা মনে হয় নাই; কিন্তু ইংরেজের সহসা-গ্রীক-প্রীতিরও একটা

সমস্ত কারণ আমরা খুঁজিয়া পাই নাই। ক্যানিং, পামার্টোন, ডিসরেলি প্রমুখ ইংরেজ রাজনীতিকগণ বারবারই বলিতেন, ধর্ম-যুদ্ধের (Crusade) যুগ অতিবাহিত হইয়াছে। খৃষ্টধর্ম রক্ষার অজুহাতে আনাতোলিয়া উপত্যকার খৃষ্টানে মুসলমান যুদ্ধ ইংরেজ যদি নির্বিঘ্নে সহ্য করেন তবে প্রাচ্যে ইংরেজ-সাম্রাজ্যের মূলে কুঠারাবতি হইবে। অথচ বর্তমানকালে ব্রিটিশ পররাষ্ট্র-বিভাগের কর্তারা হঠাৎ চিরন্তন নীতিকে পরিত্যাগ করিয়া বসিলেন। ইহার অন্তরালে নিশ্চয়ই কোনও গূঢ় রাজনৈতিক অভিসন্ধি আছে।

বিখ্যাত ফরাসী লেখিকা মাদাম গলিস্ (Madame Berthe Georges-Gaulis) ও তাঁহার সাহিত্য-সঙ্গী Jacques Bardoux, L'opinion পত্রিকার এ সম্বন্ধে তাঁহাদের যাহা ধারণা তাহা প্রকাশ করিয়াছেন। তাঁহাদের মতে গ্রীক-বাইজেন্টাইন সাম্রাজ্য এশিয়ামাইনরে স্থাপিত হইলে তথায় গ্রীক-বন্ধু ইতালীর প্রভাবের বিস্তার হইবে। ইতালীর সহিত ফরাসীজাতির নানাকারণে মনোমালিন্য ক্রমশই বাড়িয়া যাইতেছে। ইতালী ফ্রান্সের শত্রু হইয়াই দাঁড়াইয়াছে। কাজেকাজেই ইতালীর প্রভাব-প্রতিপত্তির বিস্তারে ফরাসীর প্রভাব কমিবেই। গ্রীকদিগকে সাহায্য করিবার চেষ্টার অন্তরালে ইংরেজের ফরাসী-শত্রুকে একপে ধরু করিবার অভিপ্রায় বর্তমান রহিয়াছে। নবীন তুরস্ক ইংরেজকে বড় ভাল চক্ষে দেখে না।

তুরস্ক-প্রভাব অক্ষুণ্ণ রাখিতে পারিলেই নিজের প্রতিপত্তি বজায় রাখিবার সুযোগ ও সুবিধা হইবে মনে করিয়া ফরাসী রাজনৈতিকগণ তুরস্কের প্রভাবকে অটুট রাখিতে চাহিতেছিল। ইংরেজ ও ফরাসীর মধ্যে বিরোধ ঘটতে কিস্ত তুরস্কের সুবিধাই হইল। ফরাসীজাতি তুরস্কের প্রীতি অর্জন করিবার জন্ত সিলিসিয়া (Cilicia) তুরস্ককে ফিরাইয়া দিলেন; খেম ও আইওনিয়ান দ্বীপপুঞ্জ পুনরুদ্ধারে গ্রীকের বিরুদ্ধে তুরস্ককে সাহায্য করিতে অস্বীকার করিলেন। ইংরেজের এই সন্ধিসন্ধি আপত্তি দেখা গেল। ম্যাগেট বা খবর্দারী-প্রাপ্ত রাজ্য জাতিসমূহের সংঘের অনুমতি না লইয়া ফেরৎ দেওয়ার অধিকার ফ্রান্সের নাই এই অজুহাতে ইংরেজ গওগোলের সূত্রপাত করিলেন। তুরস্কের খৃষ্টীয়ান প্রজাগণের জন্তও ইংরেজ সহসা ভাবিয়া আঁহল হইলেন।

প্রথম দৃষ্টিতে ইংরেজের এই আচরণ খুবই আশ্চর্যজনক মনে হইয়াছিল। কিন্তু যখন দেখা গেল যে জাতিসংঘকে উপেক্ষা করিয়া ফরাসী সিলিসিয়া প্রত্যর্পণ করিয়াছেন তখন তুরস্ক যদি প্রলুদ্ধ হইয়া মেসপটেমিয়া চাহিয়া বসেন তখন ত বিরূপভাবে ম্যাগেট-লক্ষ রাজ্য ইংরেজের ভোগ করা সম্ভব হইবে না। তাই পর ফরাসী যদি ইংরেজ-শত্রুকে ধরু করিবার অভিপ্রায়ে তুরস্ককে ক্রমাগত উত্থাইয়া প্রাচ্য ভূখণ্ডের পারশ্ব, আফগানিস্তান, আরব, তুর্কী-স্থান, বোখারা, ককেশস প্রভৃতি ক্ষুদ্র ক্ষুদ্র মুসলমান রাজ্যগুলিকে সংহতিবদ্ধ করাইয়া একটি পরাক্রান্ত ইসলাম (Pan-Islamic) সাম্রাজ্য স্থাপনে সহায়তা করেন তাহা হইলে ইংরেজের সাম্রাজ্য-লালসার বাধা পড়ে।

ফ্রান্সে-ইংলণ্ডে পরস্পরের এই হিংসা এবং পরস্পর-বিরোধী সাম্রাজ্য-লিপ্সা দুইজনকেই সন্দিক্ত করিয়া তুলিয়াছে। প্রত্যেকের প্রতিকার্যটিকেই অপরে সন্দেহের দৃষ্টিতে দেখিতেছে এবং প্রত্যেক কার্যের অন্তরালে কোনও গোপন অভিসন্ধি সন্দেহ করিয়া তাহার প্রতিকারের চেষ্টা করিতেছে। মাঝখান হইতে অ্যাঙ্গোরার ভাগ্য সূত্রসূত্র হইয়া উঠিতেছে।

ইংরেজও আজকাল খিলাফৎ-সমস্যা সমাধানের জন্য ব্যস্ত হইয়া উঠিয়াছেন। কিন্তু ফরাসী বা ইংরেজের কখনও বা মুসলমান-

প্রীতি আবার কখনও বা খৃষ্টীয়ান প্রীতির মূলে রহিয়াছে দুইজনেরই মতীর স্বার্থ। এই স্বার্থে স্বার্থে সংঘাতে অ্যাঙ্গোরার ভাগ্য সূত্রসূত্র হইয়া উঠিতেছে, প্রাচ্যের ইহাই পরম লাভ।

নিরস্ত্রীকরণ-দরবারে ডুবোজাহাজ

ওয়ারশিংটনের নিরস্ত্রীকরণ দরবারে ডুবোজাহাজের আলোচনার বৈঠক ভাড়াডুনি হইবার উপক্রম হইয়াছিল। ইহার মূলে ফরাসী ও ইংরেজের মধ্যে যে মনোমালিন্য ক্রমশ ঘনাইয়া উঠিতেছে তাহার প্রভাব পরিলক্ষিত হয়। ইংরেজ প্রতিনিধি ব্যালফুর দরবারের ২৪শে ডিসেম্বর তারিখের বৈঠকে প্রস্তাব করেন যে, যেহেতু আত্মরক্ষার্থে ডুবোজাহাজের মূল্য অত্যন্ত কম এবং যেহেতু ইহা হইতে এই ধারণাই হয় যে ডুবোজাহাজের নির্মাণ ও রক্ষণ যুদ্ধনীতিসম্মত নহে ও মনুষ্যজীবের পরিচায়ক নহে, সেই হেতু ইংরেজ প্রতিনিধিবর্গ ইচ্ছা করেন যে সকলে সম্মত হইয়া ডুবোজাহাজ নির্মাণ রক্ষণ এবং ব্যবহার নিষিদ্ধ করিবেন। বখারিসঙ্গে তিনি আরও বলেন যে ডুবোজাহাজ আত্মরক্ষার অস্ত্র না হইলেও আক্রমণের জন্ত খুবই কাঙ্ক্ষণীয়। জার্মানী যদি তাহার স্বলবাহিনী আবার শক্তিশালী করিয়া তুলিতে পারে তাহা হইলে সেই নবোদ্ভূত আক্রমণ গুলপথেই হইবে। জনপথে আক্রমণের সম্ভাবনা অতি অল্প। এবং জার্মান ডুবোজাহাজের আক্রমণ হইতে ফরাসী ডুবোজাহাজ আত্মরক্ষা করিতে পারিবে না। তখন ফ্রান্সকে ইংরেজের ডুবোজাহাজ-ধ্বংসকারী নৌবহরের সাহায্য লইতেই হইবে। কাজেকাজেই জার্মানীর ভবিষ্যৎ আক্রমণ হইতে আত্মরক্ষা করিবার জন্তই যে ফরাসী ডুবোজাহাজগুলি প্রস্তুত করিতেছেন তাহা মনে হয় না। ব্যাপার দেখিয়া মনে হয় যে এগুলি ইংরেজের জাহাজ বিনাশ করিবার সাহসসরঞ্জাম। ফরাসীর সহিত ইংলণ্ডের যেকোন ভৌগোলিক সংস্থান তাহাতে একরূপ মনে হওয়াই স্বাভাবিক। কেননা ডুবোজাহাজ যখন আক্রমণের অস্ত্র এবং ডুবোজাহাজ যখন বড়দূরে আক্রমণ করিতে যাইতে অসমর্থ তখন নিকটের কোনও শত্রুকে আক্রমণ করিবার বল সক্ষম করিবার জন্ত এই সরঞ্জাম। ইহা ব্যতীত ফ্রান্সের ডুবোজাহাজ তৈয়ারী করিবার আর কোনও সমস্ত কারণ ব্যালফুর খৃষ্টান পান নাই। সেইজন্য তিনি ডুবোজাহাজ নির্মাণ স্থগিত রাখার পক্ষপাতী। ইতালীর প্রতিনিধিরা বলিলেন যে আরও বড় বৈঠক না হইলে, অন্তিম রাজ্যের প্রতিনিধিরা না আসিলে এ বিষয়ের চূড়ান্ত নিষ্পত্তি সম্ভবপর নহে। অতএব এ বিষয়ের মীমাংসা আপাততঃ স্থগিত থাকুক।

ফরাসী তরফে নৌসেনাপতি দেবঁ (Debon) বলেন যে ডুবোজাহাজ কেবলমাত্র আক্রমণের অস্ত্র নহে; আত্মরক্ষার্থে ইহা অতি উত্তম অস্ত্র; ইহা ব্যতীত ভবিষ্যতে এক মহা বিপদ হইতে একমাত্র ডুবোজাহাজ রক্ষা করিতে পারিবে। মনে করা যাইতে পারে যে জার্মানী খুব বড় বড় উড়োজাহাজ নির্মাণ করিয়া ফ্রান্সের নৌবহরকে আক্রমণ করিল। তখন দুবিয়া থাকিতে পারে বলিয়া আত্মরক্ষা করিয়া সেইগুলিকে ধ্বংস করিবার জন্ত এক ডুবোজাহাজ লড়িতে পারিবে; অন্য কোনও জাহাজ উড়োজাহাজ ধ্বংস করিতে সমর্থ হইবে না।

এরূপ নানা কারণে ডুবোজাহাজ-নির্মাণ ফরাসী স্থগিত রাখিতে পারে না।

ব্যালফুর বলেন যে তাহা হইলে ডুবোজাহাজ হইতে আত্মরক্ষা করিবার জন্ত ছোট ছোট ক্ষুদ্রগামী জাহাজ নির্মাণ করিতে সকলকেই অনেক অর্থব্যয় করিতে হইবে। ফ্রান্স এত ছোট ক্ষুদ্রগামী জাহাজ

কোথা হইতে পাইবে? বিগত যুদ্ধে ফ্রান্স ২৫৭-খানি, ইতালী ২৮৮-খানি ও ইংলণ্ড ৩৮৭৮-খানি দ্রুতগামী ছোট জাহাজ যুদ্ধক্ষেত্রে প্রেরণ করিয়াছিল। ইংলণ্ড যদি এইরূপে সাহায্য না করিত তবে ফরাসী উপকূল জার্মানীর অবরোধ হইতে রক্ষা পাইত কিরূপে? ইংলণ্ডের যে দ্রুতগামী ছোট জাহাজের বহর আছে তাহাতে ইংলণ্ড ডুবোজাহাজ হইতে ভয় পায় না। তবে যুদ্ধের সহিত ইংলণ্ডের যুদ্ধ হইলে ডুবোজাহাজগুলি দিয়া ফ্রান্স ইংলণ্ডের বাণিজ্যের প্রভূত ক্ষতি করিতে পারে সেজন্য তাহারা ডুবোজাহাজের অবাধ নির্গমন কিছুতেই সমর্থন করিতে পারে না।

জাপানের প্রতিনিধি হারুহোনা বলেন যে তাঁহাদের দেশ বৈঠকে উপস্থিত অন্যান্য শক্তিবর্গের দেশ হইতে অনেক দূরে। কাজে কাজেই জাপানী ডুবোজাহাজ কাহারও বিরুদ্ধে আক্রমণের অল্পরূপে ব্যবহৃত হইতেই পারে না। জাপান কিন্তু আয়রনকার্ভ ডুবোজাহাজকে অতি উত্তম অস্ত্র বলিয়া বিবেচনা করে। সেইজন্য তাহারা ডুবোজাহাজ নির্মাণের একান্ত পক্ষপাতী। একরূপ বাকবিতণ্ডার সম্ভা পণ্ড হইবার জোগাড় দেখিয়া আমেরিকার প্রতিনিধি সিনেটর রুট প্রস্তাব করেন যে যুদ্ধে ডুবোজাহাজ আয়রনকার্ভ ও আক্রমণের অল্পরূপে ব্যবহৃত হইলেও পণ্যবাহী জাহাজের বিরুদ্ধে ব্যবহৃত হইতে পারিবে না। যদি কোনও নৌসেনানী এই নিয়ম ভঙ্গ করিয়া পণ্যবাহী জাহাজ আক্রমণ করেন তবে তিনি জলদগ্ধা বলিয়া বিবেচিত হইবেন এবং তাঁহার সেইরূপ শাস্তিও হইবে।

ফ্রান্স ও জাপান এই সর্কে স্বীকৃত হইয়াছেন। কেবল যুক্ত বলেম যে পণ্যবাহী জাহাজ যতক্ষণ পর্যন্ত আপনার স্তায়সম্মত কর্মে নিযুক্ত থাকিবেন ততক্ষণ আক্রমণের হাত হইতে অব্যাহতি পাইবেন। কিন্তু অন্তায় আচরণ করিলে তাহা নিস্তার পাইবে না। এই বিতণ্ডা হইতে স্পষ্টই বুঝা যাইতেছে যে ফ্রান্স ও ইংলণ্ডে অসন্তোষ বাড়িতেছে। কেহ কাহাকেও বিশ্বাস করে না এবং গোপনে নিজ শক্তিকে বাড়াইতে চাইছেনই প্রবাসী। শাস্তির পক্ষে ইহা বড় শুভ লক্ষণ বলিয়া মনে হয় না।

ইউরোপের অর্থনৈতিক সমস্যা ও কান্ন (Cannes) বৈঠক

মধ্য-ইউরোপের শোচনীয় দুর্দশা সমস্ত ইউরোপের আর্থিক অবস্থাকে এমনই আঘাত করিয়াছে যে মধ্য-ইউরোপের হস্তশ্রীর পুনরুদ্ধার না হইলে সমস্ত ইউরোপের দুর্দশার একশেষ হইবে। কাজে কাজেই জার্মানীর নিকট হইতে ক্ষতিপূরণ অর্থাৎ করিবার উপায় উদ্ভাবনের চিন্তা আজকাল আর মিত্রশক্তিবর্গের রাষ্ট্রনীতিবিদকে তত চিন্তিত করিয়া তুলিতেছে না—মধ্য-ইউরোপের আর্থিক উন্নতির উপায় বেরূপ কঠিন সমস্যা হইয়া দাঁড়াইয়াছে। ৬ই জানুয়ারি তারিখে সমস্যা-পূরণের উপায় উদ্ভাবনের জন্ত Cannes কান্ন সহরে এক বৈঠক বসিয়াছে। রাশিয়া ও জার্মানীকে এবাবৎকাল সমস্ত বৈঠক হইতে দূরে রাখা হইয়াছিল কিন্তু এখন উপায়ান্তর নাই দেখিয়া লয়েড জর্জের ইচ্ছায় তাহাদিগকেও এই বৈঠকে নিমন্ত্রণ করা হইয়াছে। বৈঠকে ইংরেজ এই প্রস্তাব উপস্থাপিত করিয়াছেন যে ইউরোপীয় বাণিজ্যের পুনরুদ্ধারের চেষ্টায় একটি সার্বজনীন অর্থ-ঋণদান সমিতি গঠিত হোক। এই সমিতিতে বৈঠকের নির্ধারিত অংশ প্রত্যেক দেশ ক্রম করিতে পারিবেন। এমন কি জার্মানীকেও অংশ ক্রমিতে দেওয়া হইবে এই সর্কে যে জার্মানী তাহার লাভের অর্ধেক অংশ নষ্টপ্রায় দেশগুলির উন্নতি-সাধনকল্পে ব্যয় করিবার জন্ত প্রতিসংঘের

হস্তে প্রদান করিতে বাধ্য থাকিবেন। এই কার্যবारे জার্মানী, ইংলণ্ড, আমেরিকা, ফ্রান্স ও ইতালীর সমান অংশ এবং অন্যান্য দেশের অংশ অল্প থাকিবে। বন্দর ও মাল-সরবরাহের পথ নির্মাণ এবং অন্যান্য উপায়ে বাণিজ্য-বিস্তারের সাহায্য করিবার জন্ত ঋণদান এই সমিতির প্রধান কার্য হইবে।

লয়েড জর্জ বলেন, জার্মানী ও রাশিয়া এই ব্যবসার-চুক্তি-সর্কে রাজী না হইলে ইউরোপকে বাঁচাইবার চেষ্টা করা বৃথা। কাজে-কাজেই জার্মানী ও রাশিয়াকে আর একঘরে করিয়া রাখা চলিবে না। তবে রাশিয়ার সঙ্গে ব্যবসাবাণিজ্য আরম্ভ করিবার পূর্বে রূপ ব্যবসায়ীগণ যে চুক্তি রক্ষা করিবেন এবং না করিলে চুক্তি বাহাতে রক্ষিত হয় তাহার জন্ত রূপ গভর্ণমেন্ট চেষ্টা করিবেন ইহা সোভিয়েটকে স্বীকার করিতে হইবে।

*

আইরিশ সমস্যা

আয়ারল্যান্ডের প্রতিনিধিবর্গ লণ্ডনের বৈঠকে ইংরেজ মন্ত্রীসভার সহিত তো একটা রক্ষানিপত্তি করিয়া আসিলেন। কিন্তু নে-সকল চুক্তি-সর্কে আইরিশ-পক্ষে ডেল আইরিয়েন ও ইংরেজ-পক্ষে বৃটিশ পার্লামেন্ট মঞ্জুর না করা পর্যন্ত তাহা কার্যকারী হইতে পারে না। ইহারা আবার এই নিপত্তি গ্রাহ্য করিতে বাধ্যও নহে। ডেল আইরিয়েনে কিন্তু চুক্তিকে স্বীকার করিয়া লওয়া সম্বন্ধে গোপনযোগ্য আরম্ভ হইয়াছে। আইরিশ সাধারণতন্ত্রের সমাপতি ডি ভ্যালেরার এই সন্ধি সর্কে বিশেষ আপত্তি দেখা যাইতেছে।

কর্কের আয়ত্তাপী মেয়র মৃত মহাশয় ম্যাক্সইনির ভগিনী কুমারী ম্যাক্সইনি এবং সুবিখ্যাত আইরিশ মহিলা নেত্রী কাউন্টেস্স মারকেভিচ এই সর্কগুলি আয়ারল্যান্ডের অপমানকর বলিয়া মনে করেন। তাঁহারা বলেন, আইরিশগণ এই সন্ধি গ্রহণ করিলেও তাঁহারা গ্রহণ করিবেন না এবং আইরিশগণ ভবিষ্যতে বাহাতে ইহাকে স্বীকার করিয়া পূর্ণ স্বাধীনতা কামনা করে তাহার চেষ্টায় নিজেদের শক্তি-সামর্থ্য নিয়োজিত করিবেন।

১৯শে ডিসেম্বর তারিখে ডেল আইরিয়েন সন্ধি-প্রস্তাব আলোচনা করিবার জন্ত আহূত হয়। গ্রিফিথ প্রস্তাব করেন যে আলোচ্য সন্ধি প্রস্তাব গৃহীত হউক। তিনি বলেন, “এ প্রস্তাব গ্রহণ করিলে আয়ারল্যান্ডের মধ্যদার হানি হইবার সম্ভাবনা নাই। আনুগত্য স্বীকারের অস্বীকারটি যে-কোনও আইরিশ আত্ম-বোধ অক্ষুণ্ণ রাখিয়া গ্রহণ করিতে পারে। আর এই প্রস্তাব গ্রহণ না করিলে সমস্ত জগতের সহানুভূতি হারাইতে হইবে; এবং আয়ারল্যান্ডে রক্তের প্রবাহ বহিবে। কোনও বিবেকবান ব্যক্তি আইরিশ রক্ত বৃথা বহিতে দিতে পারেন না।”

ডি ভ্যালেরা এই প্রস্তাবের বিরুদ্ধে বলেন, “আইরিশ জাতির স্তায়-সম্মত আকাঙ্ক্ষা এই সন্ধিসর্কে পূরে নাই এবং তৎক্ষণ এই রক্ষা-নিপত্তি দ্বারা ইংরেজ আইরিশদের চূড়ান্ত মীমাংসা কখনও সম্ভবপর হইবে না। এই রক্ষানিপত্তি জোর করিয়া লওয়া হইয়াছে। আইরিশগণ কখনও এই সন্ধি গ্রহণ করিবেন না।”

ডি ভ্যালেরা রক্ষানিপত্তির জন্ত যে সন্ধির খসড়া করিয়াছিলেন তাহাও ৪ঠা জানুয়ারিতে ডেল আইরিয়েন মহাসভার শেষ হইয়াছে। আনুগত্য স্বীকারের পরিবর্তে ডি ভ্যালেরা ইংলণ্ডেরকে বৃটিশ রাজ্য-সমূহের সংঘের অধীকর বলিয়া স্বীকার করিতে এবং এই সংঘের সহিত সকল বিষয়ে একবোনে কার্য করিতে প্রস্তাব আছেন। লণ্ডন

সর্বের অনুরূপ নৌবহরের স্থবিধা করিয়া দিতেও তিনি রাজি
আছেন। ইংলণ্ডের অনুরূপ না লইয়া ডুবোজাহাজ (Submarines)
প্রস্তুত করিবার অধিকার থাকিবে না এমন একটি সর্বত্র এই
নূতন খসড়াতে স্বীকার করিয়াছেন। কিন্তু নূতন খসড়ায় ইংরেজ
শাসনকর্তা (Governor General) থাকিবার সর্বত্রকে বাদ দেওয়া
হইয়াছে এবং কর্মচারী-নিয়োগ মাত্রই আইরিশ জাতির সভার অনুরূপ-
সাপেক্ষ করা হইয়াছে। ডি জ্যালেরা আইরিশ জাতির নিকট একটি
নিবেদন প্রকাশ করিয়াছেন তাহাতে তিনি আইরিশ জাতিকে আহ্বান
করিয়া বলিতেছেন—“স্বজাতীয় জাতবৃন্দ! আপনাদের সমূহ বিপদ;
মহামারী অপেক্ষা ভীষণ শত্রু আপনাদের মধ্যে প্রভাব বিস্তার
করিবার প্রয়াস পাইতেছে। সমস্ত আইরিশ জাতি এক মহাবিপদের
সম্মুখীন হইয়াছে। আপনাদের স্বস্তি ও শান্তির অভিক্রমিক জাগাইয়া
আপনাদের সর্বনাশের চেষ্টা চলিতেছে। আপনারা যদি হাল ছাড়িয়া
দেন তাহা হইলে আর রক্ষা নাই। আপনারা যাহা-কিছু জয় করিতে
সমর্থ হইয়াছেন তাহা সমস্তই নষ্ট হইবে। যাহারা শান্তি শান্তি করিয়া
চীৎকার করিতেছে তাহারা আপনাদিগকে শান্তি না দিয়া কৃতঘ্নের স্তম্ভ
আপনাদের সহিত বিশ্বাসঘাতকতা করিবে।” একপ নানা কথা বলিয়া
শেষে বলিতেছেন, “যাহারা বলেন যে শুধু চুলচেরা তর্ক এবং ফাঁকা
লম্বাচওড়া কথার আড়ালে শান্তির সম্ভাবনা আমরা নষ্ট করিতেছি,
আমাদের সহিত এই সন্ধি-সর্বত্রের শুধু কথার মারপ্যাচ লইয়া লড়াই,
তাঁহাদিগকে জিজ্ঞাসা করি যে ইংরেজ রাজা, মন্ত্রী ও মন্ত্রিসভার
প্রভুত্বকে আয়ারল্যান্ড হইতে বিদূরিত করা এবং ইংরেজ
সাম্রাজ্য-শাসন-বিভাগের কর্তাদিগের হুকুমে পরিচালিত ইংরেজ
শাসককে—যিনি ডাউনিং স্ট্রিটের টেলিফোনে কান দিয়া বসিয়া
আছেন বলিলেই চলে—চিরকালের জন্য বিদায় দেওয়ার ব্যবস্থা
কি শুধুই কথার ফের? ইংরেজ অধিকার হইতে আপনাদিগকে
মুক্ত করুন। আইরিশ নরনারীর স্বাধীনতা সম্পূর্ণ হউক।
এই-সব জন্মগত অধিকার চাওয়াটাকে কেহ কেহ বৃথা মায়া-
মরীচিকা বলিয়া প্রচার করিতেছেন। এবং সেই নিখাসেই
তাঁহারা বলিতেছেন যে আপনাদের পূর্ণ অধিকার চাহিলে লয়েড
জর্জ আপনাদের বিরুদ্ধে এইক্ষণেই এক ভীষণ যুদ্ধ ঘোষণা
করিবেন। এই ভয়ে আপনারা কখনই সত্য ও সত্যের পথ হইতে
বিচলিত হইবেন না। যদি আপনারা এত সহজেই ভয়ে কাঁপেন
তবে আপনাদের এই ভীতি দেখিয়া স্থবিধা পাইয়া পরে আপনা-
দিগকে সর্বত্র মর্পিয়া দিতে যে ভয়-প্রদর্শন করা হইবে না
তাঁহারা প্রমাণ কি?”

যাহা হউক অনেক তর্কাতর্কির পর দেখা যাইতেছে যে
ডেল আইরিয়েন লণ্ডনের রক্ষানিপত্তিকেই গ্রহণ করিলেন। মাইকেল
কলিন্স বলেন যে যদি কাহারও এই রক্ষানিপত্তিতে আপত্তি দেখা
যায় তবে তিনি রাষ্ট্রসম্মত প্রণালীতে আপনার মত প্রতিষ্ঠার
প্রয়াস করিতে পারেন। তাঁহার পক্ষে এখন এই নিপত্তি গ্রহণ করিতে
ডেলকে বাধা দেওয়া কর্তব্য নহে। তিনি এখন দেশে আন্দোলন
করিতে থাকুন এবং নূতন নির্বাচনে যাহাতে তাঁহাদের মত প্রবল হয়
তাঁহারা চেষ্টা করা উচিত। তখন আয়ারল্যান্ডকে সম্পূর্ণ স্বাধীন বলিয়া
ঘোষণা করিবার অধিকার তাঁহাদের থাকিবে। ডি জ্যালেরা বলিয়াছিলেন
যে এখন যদি তাঁহারা হারিয়া যান তবে সে প্রণালী তাঁহারা অবলম্বন
করিবেন। পরে সংবাদ আসিয়াছে ডি জ্যালেরা পদত্যাগ করিয়াছেন।
আবার নির্বাচনের জন্য তাঁহারা আসরে নামা সম্বন্ধে আপত্তি হইয়াছে।
৯ই জুলায়ারী ধর আসিয়াছে যে ডেল রক্ষা-নিপত্তি গ্রহণ
করিয়াছেন। প্রকৃতির পক্ষে ৯৯ জন এবং বিপক্ষে ৫৭ জন মত

দিয়াছিলেন। ডেলের মহিলা-সভায় সকলেই বিপক্ষে ছিলেন।
যেহেতু দেখা যাইতেছে আয়ারল্যান্ড এই সন্ধি-সর্বত্র বর্তমানে গ্রহণ
করিয়া একরূপ শান্তি স্থাপন করিলেও এই শান্তি বেশা দিন স্থায়ী
হইবার সম্ভাবনা অল্প।

শ্রীপ্রভাতচন্দ্র গঙ্গোপাধ্যায়।

বাংলা

গোঁরীসেনের টাকা—

“এমন দেশটি কোথাও খুঁজে পাবেনা ক’তুমি”

মার্কিন যুক্তরাজ্যের কলোরাডো স্টেট, আয়—৯ কোটি টাকা।
গবর্নরের মাসিক মাহিনা—১৫০০ টাকা।

মানাসুসেট্‌স স্টেট, আয়—৩৬ কোটি টাকা। গবর্নরের মাসিক
মাহিনা—৩০০০ টাকা।

আয়

বাংলাদেশের আয়—৯ কোটি টাকা, কিন্তু গবর্নরের মাসিক মাহিনা
—১০৬৬৬ টাকা।—হিন্দুস্থান।

স্বাস্থ্য-কথা—

বঙ্গালার স্বাস্থ্য—স্বাস্থ্য-বিভাগের রিপোর্ট থেকে দেখা যাচ্ছে যে
ডিসেম্বরের ৩রা থেকে ১০ই তারিখের মধ্যে বাংলাদেশের নানা
জেলায় কলেরা রোগে মৃত্যুর সংখ্যা বেড়েছে।

	পূর্বহার	বর্তমান হার
বর্ধমান	০	৩
মেদিনীপুর	৩	২২
হাওড়া	১৯	২২
মৈমনসিংহ	২০৯	২৫৪
ফরিদপুর	৪০	৬৭
বাধরগঞ্জ	১	২০
নোয়াখালি	৬৫	৭৪

—বিজলী।

বাংলার কৃষি—

কৃষি-কথা।—এ বৎসর বাংলাদেশে ২২০,৬০০ একর জমিতে
আকের চাষ হইয়াছে। বিগত বৎসর চাষ হইয়াছিল ২১০,৫০০
একর জমিতে। বর্তমান বর্ষে বঙ্গদেশে ৬৩,৩৭৭ একর জমিতে
তুয়ার চাষ দেওয়া হইয়াছে। গত বৎসর ৬৮,৪৪৮ একর জমিতে
দেওয়া হইয়াছিল। এ বৎসর বঙ্গদেশে শুাদই ধান ৬,৩২৩,৫০০
একর জমিতে বপন করা হইয়াছে। গত বৎসর চাষ হইয়াছিল
৫,২২৩,০০০ একর জমিতে। পাটের চাষ কমিয়া যাওয়ায় এবং খাদ্য-
ক্রয়ের মূল্য বৃদ্ধি হওয়ায় লোকে পূর্ব-বৎসর অপেক্ষা এবার অধিক
জমিতে ধান চাষ করিয়াছে। সাধারণতঃ যে পরিমাণ খাদ্য জন্মে
এবার উহার শতকরা ৮১ ভাগ উৎপন্ন হইয়াছে বলিয়া প্রকাশ।
এ বৎসর বঙ্গদেশে ১৫,১৮৭,০০০ একর জমিতে হেমন্তিক ধানের
ফসল দেওয়া হইয়াছিল। গত বৎসর ১৫,৩১২,৫০০ একর জমিতে
এই ধান বপন করা হইয়াছিল। বৃষ্টির অভাবে পশ্চিমবঙ্গে কয়টি
জেলায় শস্ত বপনে বিঘ্ন উপস্থিত হইয়াছিল। সাধারণতঃ যে পরিমাণ
শস্ত জন্মে এবার উহার শতকরা ৮০ ভাগ জন্মিবে বলিয়া অনুমিত
হয়।—সন্মিলনী।

বাজারী গৌরবের বিষয়—

জার্মানিতে রবীন্দ্রনাথের পুস্তক।—জার্মানিতে একশে শ্রীযুক্ত রবীন্দ্রনাথ ঠাকুরের পুস্তক এমন লোকপ্রিয় হইয়াছে যে পুস্তক-বিক্রেতা মিঃ আলফ্রেড, এ, নক রবীন্দ্রনাথের পুস্তকবলী ৩০ লক্ষ ছাপিবার জন্য ২ লক্ষ পাউণ্ড কাগজের অর্ডার দিয়াছেন। কবি রবীন্দ্রনাথের এই গৌরবে প্রত্যেক বাঙ্গালী নিশ্চয় গৌরব অনুভব করিবেন।—বঙ্গরত্ন।

বস্ত্র-সমস্যা-সমাধান—

কলের নুতন তাঁত।—কাটোরার এক ব্যক্তি এমন এক নুতন তাঁত তৈয়ার করিয়াছেন যে একজন লোক কেবল দড়ি টানিলেই যুগপৎ মাকু চলা, কাপড় বুনা ও কাপড় গুটান প্রভৃতি তাঁতের সব কার্যই সম্পন্ন হয়। এই তাঁতে একদিনে একজন ৭ জোড়া পর্যন্ত কাপড় বুনিতে পারেন। ইহা তৈয়ার করিতে প্রায় ৩ শত টাকা খরচ পড়িয়াছে।—সম্মিলনী।

বিরাট কারখানা—কলিকাতা হাতিবাগানে তাঁত ও চরকার একটি বিরাট কারখানা স্থাপিত হইয়াছে। এই কারখানায় ২৫০ চরকা ও ১৫০ তাঁত শীঘ্রই বসান হইবে।

চট্টগ্রাম জেলার চকোরিয়া থানার অধীন কাঁকড়া গ্রামে “কাঁকড়া স্পিনিং ও উইভিং ফ্যাক্টরী” নাম দিয়া একটি কারবার খোলা হইয়াছে। এই কারবারের মালিকগণ গ্রামের মেয়েদের দ্বারা চরকার সূতা কাটাইয়া থাকেন। মাসে ২০ মণের অধিক সূতা এখানে তৈরী হয়, সূতাও নাকি সূতার চিকণ, ৪০ নং মিলের সূতার জায়।—হিন্দুরঞ্জিকা।

বয়ন-কার্যালয়।—জয়নগর মঞ্জিলপুরে একটি বয়ন-কার্যালয় স্থাপিত হইয়াছে। এই বয়ন-কার্যালয়ের কর্তৃপক্ষ চরকার সূতার কাপড় প্রস্তুত করিতেছেন। কিন্তু চরকা-কাটা সূতা উপযুক্ত ও যথেষ্ট পরিমাণে না পাওয়ার বয়ন-কার্যের অসুবিধা হইতেছে। যাহারা চরকার সূতা কাটেন কিন্তু ক্রেতার অভাবে সূতা বিক্রয় করিবার অসুবিধা ভোগ করিতেছেন তাঁহাদের অবগতির জন্য জানান যাইতেছে যে উক্ত কার্যালয়ে প্রতি রবিবার চরকা-কাটা সূতা উপযুক্ত মূল্যে খরিদ করা হয়। যাহারা সূতা বিক্রয় করিতে ইচ্ছা করেন তাঁহারা ঐ দিন কার্যালয়ে গিয়া সম্পাদক শ্রীযুক্ত মণিভূষণ বসুর সহিত সাক্ষাৎ করিবেন।—২৪-পূর্ণিমা বার্তাবহ।

খুলনা জেলার ভালা থানার অন্তর্গত মৃজাপুর গ্রাম নিবাসী শ্রীযুক্ত ত্রৈলোক্যানাথ ঘোষ Weaver's Winding Machine নামক একটি সূতা-নাটান কল আবিষ্কার করিয়াছেন, এই কলে অনায়াসে দৈনিক ৮ ঘোড়া সূতা নাটান যায়। হাতেল ঘুরাইলে আপনা হইতে সূতা গুটাইয়া যায়। কলের জন্ত অর্ডার দিলে তিনি উহা প্রস্তুত করিয়া দিতে পারেন। মূল্য ১০ টাকা। কলের সম্বন্ধে বিস্তৃত জানিতে হইলে শ্রীত্রৈলোক্যানাথ ঘোষ, গ্রাম মৃজাপুর, পোঃ অঃ কুমিরা, জেলা খুলনা, ঠিকানায় জানা আবশ্যিক।—খুলনাবাসী।

স্বাধীনতার বৃদ্ধে নারা—

সরয্বালা দেবী প্রেণ্ডার।—গত ২০শে ডিসেম্বর শ্রীমতী সরয্বালা দেবী ও অন্যান্য কয়েকজন মহিলা ভালাটির পিরোজপুর গভর্নমেন্ট স্কুলে পিকেটিং করিতে গিয়াছিলেন। তাঁহারা সেই স্কুলের শিক্ষক-দ্বিগকে কার্যত্যাগ করিতে অনুরোধ করেন। সে স্থানে পিরোজপুরের সর্ভভিভিনাল অফিসারও উপস্থিত ছিলেন। মহিলারা তাঁহার পদতলে পড়িয়া তাঁহাকে কার্যত্যাগ করিতে অনুরোধ করেন। কিন্তু সর্ভভিভিনাল অফিসারের আদেশক্রমে শ্রীমতী সরয্বালা দেবী

প্রেণ্ডার হইয়াছেন। সেখানে যে-সকল লোক উপস্থিত ছিলেন, কেহই এই দৃশ্য দেখিয়া অশ্রুসংবরণ করিতে পারেন নাই।—প্রকাশক।

মহিলার আন্দোলন।—গারোরাতলীর প্রসিদ্ধ মহাজন-বংশের অশীতিপর বৃদ্ধ শ্রীযুক্ত নবীনচন্দ্র বিদ্যাসের সহধর্মিণী শ্রীমতী প্রাণকুমারী বিদ্যাস গত বৃহস্পতিবার নিজের মধ্যম হেলে শ্রীমান্ ধীরেন্দ্রনাথকে দেশের সেবার জেলে বাইতে পাঠাইয়া গবর্নমেন্টের বেচ্ছাসেবক-সংক্রান্ত বোষণা জানিয়াও নিজে বেচ্ছাসেবিকা-নামে নাম দিয়াছেন।—জ্যোতিঃ।

মোস্তফা মহিলার স্বদেশী-প্রচার।—মাদারিপুরের মৌলবী আব্দুল আজিজের পত্নী মোসাম্মৎ জবোনা-খাতুন স্বদেশী-প্রচার কার্যে ব্রতী হইয়াছেন। তাঁহার আস্থানে মাদারিপুরের ৩৫ জন চৌকিদার তাহাদের নিজ নিজ কাথ্য ছাড়িয়া দিয়াছে। বতদিন স্বরাজ লাভ না হয় ততদিন পর্যন্ত তিনি প্রচার-কার্যে নিযুক্ত থাকিবেন বলিয়া মত প্রকাশ করিয়াছেন।—সম্মিলনী।

তীর্থযাত্রী নেতা—

প্রেণ্ডার সংবাদ।—গত হরতালের দিন প্রাদেশিক কংগ্রেস কমিটির সম্পাদক শ্রীযুক্ত সাতকড়িপতি রায়, স্বামী বিধানন্দ ও সর্দার লহমন সিং প্রেণ্ডার হইয়াছেন। শ্রীযুক্ত শশাঙ্কজীবন রায় এইকণ কংগ্রেস কমিটির সম্পাদকরূপে কার্য করিতেছেন।—খুলনাবাসী।

সভ্যতার যুগে বর্ধরতা—

খিদিরপুর জেল।—খিদিরপুর ডক জেল স্বয়ং পরিদর্শন করিয়া রায় রাধাচরণ পাল বাহাদুর বন্দীর ব্যবস্থাপক সভার কার্যকরী সমিতির সদস্য সার আবার রহিমের নিকট যে পত্র লিখিয়াছেন তাহা বড়ই হৃদয়-বিদারক। তাঁহার পত্রের স্থূলমর্ম এইরূপ—“সেখানে হাসপাতালের বন্দোবস্ত মোটেই ভাল নয়। বায়ু চলাচলের উপযুক্ত পথশৃঙ্খল যেরূপ মেজের উপর রোগীদিগকে ফেলিয়া রাখা হইতেছে। গত তিন-চারিদিন যাবৎ বন্দীগণ একপ্রকার অনাহারেই আছেন। পানীয় জলেরও নিত্যন্ত অসুস্তাব এবং যাহা দেওয়া হয় তাহাও অপরিষ্কৃত। আর চারিহাজার কয়েদীকে একটি বসবাসের অনুপযুক্ত স্থানে বন্ধ করিয়া রাখা হইয়াছে। এই স্থানটির মেজ হইতে দুর্গন্ধ বাহির হয়। পায়খানার বন্দোবস্ত মোটেই ভাল নয়। রাজ্যে কাহারও পায়খানায় বাইবার দরকার হইলে তাহার উপায় নাই। বন্দীগণকে এই দারুণ শাতের দিনে মাত্র একখানি করিয়া কখন দেওয়া হইয়াছে।”—খুলনাবাসী।

সিভিল গার্ড ও পুলিশ—

সিভিলগার্ডের শাস্তি-রক্ষা।—সিভিলগার্ডদের কর্তৃত্বকাহিনী চারদিক খেঁচেই শোনা যাচ্ছে। যারা অসহযোগী, নীরবে সমস্ত অত্যাচার সহ্য করাই তাঁদের ব্রত; সূতরাং এসব বিষয় গবর্নমেন্টের নজরে এবে কোন প্রতিকারের প্রার্থনা তাঁরা করেন না; তবে দেশের লোকের ব্যাপারগুলো জেনে রাখা ভাল।

শ্রীযুক্ত শশাঙ্কশেখর মুখোপাধ্যায় “সার্ভেণ্ট” কাগজে লিখেছেন— “গত শুক্রবারে তিনজন বেচ্ছাসেবক নতুন বাজারে হরতাল প্রচার করছিলেন, এমন সময়ে একজন কিরিসি সিভিল-গার্ড আর একজন গেরা সার্ভেণ্ট সেখানে এসে বেচ্ছাসেবকদের লাঠি আর কল দিয়ে মারতে আরম্ভ করলেন। একজন বেচ্ছাসেবক পড়ে গেল। তার কত থেকে রক্তের ধারা ছুটে তার সমস্ত কাপড় ভিজে গেল আর মাটিকে রক্ত জমে গেল। আর দুজন বেচ্ছাসেবকের পা থেকেও

রক্ত পড়ছিল কিন্তু তারা পড়ে যায় নি। শেষে পুলিশ এসে তাদের হাস্পাতালে নিয়ে গেল।—বিজলী।

হুতালের দিন তিনজন লোককে অজ্ঞান অবস্থায় মেডিক্যাল কলেজে নিয়ে আসা হয়। প্রথম জনের মাথার ৩২ ইঞ্চি লম্বা একটা কত দেখা গিয়েছিল। দ্বিতীয় লোকটিকে একজন সিভিল-গার্ড ওয়েলিংটন কোয়ার্টারের কাছে মেরে অজ্ঞান করে দিয়েছিল আর তৃতীয় লোকটি ভিক্ষুক। একজন পোরার হাতে মার খেয়ে সে জ্বিয়ানি বাজারের কাছে পড়ে ছিল।

শান্তিরক্ষার এসব নমুনা!

গত রবিবার ইটলিতে দাঙ্গা হয়। পুলিশ আসবার পর একজন লোক মারা পড়ে আর ২৩ জন আহত হয়। বলা বাহুল্য হতাহত কেউ পুলিশের লোক নয়।

মেছুয়াবাজারের অভ্যুত্থান সন্দেহে একজন তত্ত্বলোক "সার্ভেণ্ট" কাগজের রিপোর্টারের কাছে এই কথাগুলি বলেছেন—“২৫ ডিসেম্বর রাত ২টা ২০ মিনিটের সময় বাড়ীতে যুঝিলাম, এমন সময় ৩জন সার্ভেণ্ট আর একজন পাহারাওয়ালার রিভলভার আর লাঠি নিয়ে আমার ঘরে ঢুকলো, আর আমাকে মেছুয়াবাজার স্ট্রীটে টেনে নিয়ে গিয়ে লাঠি দিয়ে মারতে লাগলো। আমার ভাইকেও তারা ঐ রকম মারতে লাগলো। আমার মাথার হাতে, কোমরে খুব চোট লেগেছে; আর ভাইয়ের মাথারও জখম হয়েছে। তার অবস্থা বড় খারাপ।”

—বিজলী।

দেশসেবকের শক্তি-বাণী—

দেশবন্ধুর বাণী।—দেশের নরনারীর প্রতি এই আমার শেষ আহ্বান। বিজয়লক্ষ্মী বিজয়মালা নিয়ে দ্বারে সমাগতা। আমরা এই বিজয়মালা পবতে পাব তখন, যখন আমরা দেখাতে পারব অদম্য সাহস, সর্বসংহা বহুকার মত অপূর্ব সহিষ্ণুতা। মনে রাখবেন বতদিন নিরুপদ্রব অসহযোগ মন্ত্র দিকে দিকে ধনিত হতে থাকবে ততদিন বিজয়লক্ষ্মী আমাদেরই। আর যেই নিরুপদ্রব মন্ত্রের স্থান এসে অধিকার করবে উপদ্রব, উচ্ছৃঙ্খলতা, তখনই দেশে মহাঅনর্ধের সৃষ্টি হবে; তখনই ব্যুরোক্রেতার হাতে পড়ে দেশজননীর দীপ্ত মুখচন্দ্রমা মসীলিপ্ত হয়ে পড়বে। দেশের একমাত্র আশা-কেউটি স্বরাজ-লাভও সেই সঙ্গে সঙ্গে মিথ্বে। স্বরাজই আমাদের লক্ষ্য, স্বরাজই আমাদের জীবন। খণ্ড স্বরাজ আমরা চাই না, পূর্ণ স্বরাজ লাভের জন্তই আমাদের এই জীবন-মরণ-সংগ্রাম। হয় স্বরাজ লাভ করব, না-হয় স্বরাজের জন্ত বুদ্ধ করতে করতে তিল তিল করে জীবন দান করব।

মটারেট ভ্রাতারা যে পথ অবলম্বন করেছেন, সে পথ অনুসরণ করে পৃথিবীর কোনও জাতি কি কখনও স্বাধীনতা পেয়েছে? যদি সত্য সত্যই আপনারা দেশ-মায়ের মুখে হাসির রেখা ফুটিয়ে তুলতে চান, যদি মায়ের শৃঙ্খল-মোচন আপনারদের উদ্দেশ্য হয়—তাহলে ভারতের পক্ষ হয়ে আপনারা লড়বেন, তা না হলে সময় থাকতে ব্যুরোক্রেতার শরণাপন্ন হোন!

তার পর তোমরা—যারা ভারতের ভবিষ্যৎ, যারা মায়ের আশা ও মৌরব, যাদের কীর্তিকলাপ দিয়ে ভারতের ভবিষ্যৎ ইতিহাস চিত্রিত হবে, তারা কেন আজও মায়ের ডাকে সাড়া না দিয়ে ক্ষুদ্র স্বার্থের আঁচল ধরে জীবনকে পঁজু করে ফেলছে? মায়ের এই আহ্বানে সাড়া যে তোমাদেরই দিতে হবে। যে শিক্ষার মোহে পড়ে তোমরা মায়ের আহ্বান শুনতে পাচ্ছ না, সে শিক্ষা শিন্দাই নয়। তাই বলছি এগিয়ে এস জীবন ও সাধনা দিয়ে। মায়ের কাছে জীবন দিয়ে জন্ম সার্থক ও পূর্ণ করে তোলা!

অন্তঃপুর হতে বিদায় নেবার সময় তিনি বলেছেন, যে, যদি আমাদের এই যুদ্ধ জয়যুক্ত হয়, তাহলে আমরা নিশ্চয় বিজয়ী হব, না হলে জয়ের আশা হৃদয়-পরাহত। আমাদের কোন নেতার দরকার নেই, ভগবানই আমাদের একমাত্র নেতা। ভগবানের উপর নির্ভর করে কার্য করতে পারলে সিদ্ধি আপনা হতেই আসবে।—নবসজ্জ্ব।

জিতেন্দ্রলালের উক্তি।—“প্রাণের পূর্ণ আবেগ তরে দেশের জন্ত স্বাধীনতা চাওয়া যদি পাপ হয়, তা হলে সে পাপ আমি করেছি। সে পাপের জন্ত আমি অনুতপ্ত নই, ক্ষমাও চাই না, অধিকতর সে পাপ করেছি বলে আমি উৎফুল্ল। যে দাসত্বের তরে আমাদের মনুষ্যত্ব ধ্বংস হতে আমার দেশবাসীকে বিদেশীর সে দাসত্ব-শৃঙ্খল ফেলে দেবার জন্ত অশুরোধ করা যদি অপরাধ হয়, তা হলে আমার মত অপরাধী আর কেউ নেই; আর ভগবান আমাকে সে অপরাধ করবার সাহস ও সামর্থ্য দিয়েছেন বলে আমি তাঁকে ধন্যবাদ দিচ্ছি। এভাবে দয়াময় ভগবান যেমন আমাকে সত্যকথা বলবার সাহস ও শক্তি দিয়েছেন, আশা করি ভবিষ্যতেও তিনি আমাকে এই অস্ত্র অত্যাচার গৃহ করবার সহিষ্ণুতা দেবেন।”—বিজলী।

বাঙালীর শক্তি ও সাধনা—

বঙ্গালী।—সকলে বলেছিল বঙ্গালী একেবারেই পেছিয়ে গেছে! আমরা তাতে কখনও বিশ্বাস করিনি। আমরা জানি, বাঙালীর যে শক্তি ও ভক্তি আছে, তা এখনও অস্ত্রাস্ত্র প্রদেশকে পেতে চের দেয়ী লাগবে। বঙ্গালী যে ত্যাগে কারও চাইতে কম হবে না তা ঠিক। অবশ্য বঙ্গালী প্রথম প্রথম তত গা করে নি। এখনও পুরাতন শক্তি কেহই কার্য-ক্ষেত্রে নামেন নি। সম্পূর্ণ এক নূতন শক্তি, নূতন মানুষ, মার আহ্বানে আজ সাড়া দিয়েছেন! সুরেন্দ্রনাথ আজ আত্মবিশ্রান্ত, বি। নচন্দ্র বুদ্ধিবিপর্ধ্যস্ত! তা'ছাড়া, বারীন্দ্র, পুলিন-চন্দ্র, অতুলচন্দ্র, অমরেন্দ্র আদি কেহই এই রাজনীতি-যুদ্ধে আজ নামেন নি। তবুও সমতাবে দেশে শক্তির খেলা মিথাক ভাবেই চলেছে! কবি পেরেছিলেন—

“অথবা কি হৃৎখে হায় মা জননী, মহ তুমি আর বীরশসবিনী?”—
তার আশা বৃদ্ধি আজ মিটেছে! শক্তি ও ভক্তি ইহা যে বাঙালীর সিদ্ধ সম্পত্তি!

মহাত্মা মনে করেছিলেন তাঁর দেশেই প্রথমে সিভিল ডিসোবিডিয়েন্স হবে; কিন্তু বাঙালী যেন গুজরাটের হাত থেকে এই ভাগ্যটা কেড়ে নিলে। ভগবানের মনে কি আছে কে তা জানতে পারে?—নবসজ্জ্ব।

আন্দোলন।—যে জাতি ক্রমাগত ১৭ বৎসর সর্বদ্য উৎসর্গ করে একটা আন্দোলন চালিয়ে আসতে পারে, তার পেছনে কি শক্তি খেলা কব্ছে তা বেশ বোঝা যায়। নেতাদের ধরলে এ আন্দোলন ধাম্বে না। দাস গেলে বাসন্তী দেবী দেশকে পরিচালিত করবেন। তিনি গেলে, আর-এক দেবী এসে তাঁর স্থান অধিকার করবেন, তার পর বাঙ্গালার কোন্ অজ্ঞাত পত্নী থেকে কোন্ মানুষ এসে জাতীয় জীবন-তরণীর কর্ণ ধারণ কবে কে জানে? প্রাণ যেখানে জেগেছে, জাতীয় আত্মার বখায় জাগরণ হয়েছে, মানুষ যেখানে চলতে চেয়েছে, সেখানে নেতার কখন অভাব হবে না। যার উপর দেশের আত্মা চাপবে সেই পাগল হয়ে ছুটবে ও সকলকে ছোটাবে। গাঙ্গীকে ঐ দেশ-আত্মাই অধিকার করেছে, চিত্তরঞ্জনকেও গ্রাস করেছে, চির-রঞ্জনেরও তাই ঐ আত্মার স্পর্শ পেয়ে জীবন ধস্ত হল।—ঐ অমানুষিক শক্তির হস্তেই যে মানুষ সত্যই এক-একটি ক্রীড়াপুত্তলি!—নবসজ্জ্ব।

শুশ্রূষা-শিক্ষালয়—

বহুদর্শী ও বিজ্ঞ ব্যক্তিগণ বীকার করেন যে আমাদের দেশে

চিকিৎসকের ও চিকিৎসার অভাব অপেক্ষা গুরুত্ব বা রোগী-পরিচর্যার অভাবেই অকাল-মৃত্যু ও শোচনীয় মৃত্যুর হার বেশী ও রোগীর যত্নাও হয় বেশী। প্রধান কারণ এই যে যাহারা রোগীর সেবা করেন, তাহারা অধিকাংশই গুরুত্বাতবে নিভান্ত অজ্ঞ। এই শিক্ষালয় বা সমিতির চেষ্টা, বাহাতে গৃহে থাকিয়াই এক প্রকার বিনা আয়াসে বিনা ব্যয়েই আমাদের দেশের লোক, বিশেষভাবে কুলমহিলাগণ, গুরুত্বা-শিক্ষা করিতে পারেন, তাহার ব্যবস্থা করা।

শিক্ষালয় বা সমিতির ব্যয়-নির্বাহের জন্ত এক টাকা মাত্র প্রবেশিকার চাঁদা দিলে ছাত্র- বা ছাত্রী-সভ্যরূপে নিৰ্ব্বাচিত হইতে পারা যায়। সমিতির নিৰ্ব্বাচিত পুস্তকাবলীই তাহাদের পাঠ্য হইবে। সমিতির পক্ষ হইতে যখন যাহাকে পরীক্ষা দিবার উপযুক্ত বিবেচনা করা হইবে, তখন তাহার নিকট প্রাপ্ত পাঠান হইবে ও তিনি উত্তরপত্র দিবেন। ছাত্র বা ছাত্রী নিজে লেখাপড়া জানেন বা অন্তের দ্বারা পাঠ লইয়া পরীক্ষা দিবেন, তাহাও নির্দিষ্ট সময়ের মধ্যে, জানাইবেন।

যোগ্য ছাত্রছাত্রীগণকে পুস্তক, পদক প্রভৃতি পুরস্কার দেওয়া হয়। কোন চাঁদা বা ফি দিতে হয় না। নাম, ধাম (ছাত্রীপক্ষে পিতা, স্বামী বা অভিভাবকের নামও দিতে হয়), কোন ধর্মাবলম্বী লিপ্ত করিয়া লিখিবেন।

সম্পাদক—(গুরুত্বা সমিতি) বিশ্বাস-ভবন,
আসানসোল, ই-আই-আর।

ভারতবর্ষ

সামরিক বিদ্যালয়—

দেৱাদুনে একটি সামরিক বিদ্যালয় প্রতিষ্ঠিত হইতেছে। আপাততঃ তাহার অনুষ্ঠান পত্র বাহির হইয়াছে। এই বিদ্যালয়টির নাম হইবে “প্রিন্স-অব-ওয়েল্‌স্‌ রয়েল ইণ্ডিয়ান মিলিটারী কলেজ” এবং কলেজটির তত্ত্বাবধান করিবেন ভারতের জঙ্গীলাট। যে-সমস্ত ছাত্র স্যাণ্ডহাষ্ট রয়েল মিলিটারী কলেজে পড়িয়া সামরিক বিভাগের উচ্চপদ আকাঙ্ক্ষা করেন তাহারা এই কলেজটিতে ভর্তি হইতে পারিবেন। যাহারা যুদ্ধকাৰ্য্যেই জীবন-ব্যাপন করিবেন বলিয়া স্থির করিয়াছেন এবং যাহাদের অভিভাবকদেরও তাহাতে আপত্তি নাই, এই বিদ্যালয়ে প্রবেশাধিকার কেবলমাত্র তাহাদেরই আছে। বিলাতি ধরণেই এখানে সামরিক বিজ্ঞা শিক্ষা দেওয়ার ব্যবস্থা করা হইয়াছে। আগামী ২০শে ফেব্রুয়ারী হইতে বিদ্যালয়ের কাজ আরম্ভ হইবে। এবংসর ছাত্র লওয়া হইবে মোটে ৪০ জন। প্রত্যেক ছাত্রকে ধরচের বাবদ বৎসরে ১৫০০ টাকা করিয়া দক্ষিণা দিতে হইবে। আবশ্যক হইলে ভবিষ্যতে এই দক্ষিণার পরিমাণ আরো বাড়িতে পারিবে, কর্তৃপক্ষ তাহারও একটা সর্ভ রাখিয়া দিয়াছেন।

কলেজ তো খোলা হইবে কিন্তু অত টাকা দিয়া সেখানে সামরিক বিজ্ঞা শিখিবার শক্তি ক’জন ভারতবাসীর আছে? তাহা যদি না থাকে তবে এ কলেজের সার্থকতা কি?

বয়নশিল্প-প্রদর্শনী—

পাটনার ভারত-বস্ত্র-বয়ন-শিল্পপ্রদর্শনী খোলা হইয়াছিল। এই ব্যাপারে লর্ড সিংহই ছিলেন সর্বাপেক্ষা বেশী উৎসাহী এবং উত্তোপী। কিন্তু শারীরিক অস্থিতার জন্ত তিনি ইহাতে যোগ দিতে পারেন নাই। তাহার অনুপস্থিতিতে পাটনা হাইকোর্টের

প্রধান বিচারপতি ইহার দায়িত্বভার গ্রহণ করিলেন। প্রদর্শনীতে বস্ত্র-বয়ন-সম্পর্কীয় অনেকরকম জিনিষেরই আন্দানী হইয়াছিল। কিন্তু ইহার সর্বাপেক্ষা সেরা আন্দানী হইতেছে শ্রীযুক্ত সঞ্জীব রাওএর তাঁত। এই তাঁতখানি নাকি সম্পূর্ণ অভিনব ও উন্নত ধরণে তৈরী। কিছুদিন পূর্বে মিঃ এস কে দে, অত্যন্তুষ্ণ তাঁতের উদ্ভাবককে এগারো শত টাকা পুরস্কার দিবেন বলিয়া ঘোষণা করিয়াছিলেন। শিল্পপ্রদর্শনীর কর্তৃপক্ষ সেই টাকা শ্রীযুক্ত সঞ্জীব রাওকে প্রদান করিয়াছেন। বয়ন-শিল্পই বর্তমানে কুটীরশিল্পের সর্বাপেক্ষা বড় শিল্প। ভারতে যত কাপড় লাগে তাহার প্রায় এক-চতুর্থাংশ তৈরী হয় তাঁতে। সুতরাং আশা করা যায় ইহার দ্বারা দেশের প্রভূত উপকার হইবে।

লোকমাগ্নের প্রতিমূর্তি—

আহমদাবাদের মিউনিসিপ্যালিটি লোকমাগ্ন বাল গঙ্গাধর তিলকের প্রতিমূর্তি তৈরী করার জন্ত ৩৫০০ টাকা মঞ্জুর করিয়া-ছিল। কিন্তু সেখানকার কলেজের ব্যাপারটি সর্বসাধারণের ব্যাপার নহে বলিয়া ঐ টাকা মঞ্জুর করিতে রাজী হন নাই। ইহার পর সেখানে মিউনিসিপ্যালিটির আর-একটি সভা হইয়া গিয়াছে। তাহাতে স্থির হইয়াছে, ১৯০১ সালে মহারাণী ভিক্টোরিয়ার প্রতিমূর্তি নির্মাণ করিবার জন্ত যখন গবর্নমেন্টের সম্মতি লইবার আবশ্যক হয় নাই তখন এক্ষেত্রেও আবশ্যক হইবে না। এটাকা মঞ্জুর করার ক্ষমতা মিউনিসিপ্যালিটির আছে।

এইরূপে নিজের স্থায়া অধিকার প্রতিষ্ঠার চেষ্টা লইয়া আহমদাবাদ মিউনিসিপ্যালিটি যে বিশেষভাবেই প্রাণসর্গ হইয়াছেন তাহাতে সন্দেহ নাই। এদেশ যদি ভারতবাসীর দেশ হয় তবে তিলকের প্রতিমূর্তি প্রতিষ্ঠা যে এদেশের সর্বসাধারণের ব্যাপার তাহাও অতি অনায়াসেই বলা চলে। কারণ লোকমাগ্নকে শ্রদ্ধা করে না এরূপ লোক ভারতবর্ষে খুব কমই আছে। দেখা যাইতেছে লোকমাগ্ন স্বর্গে গিয়াও আন্দানতন্ত্রের বিধেবের হাত এড়াইতে পারেন নাই।

রাউণ্ড টেবুল্ কনফারেন্স—

যুবরাজের বরকট ব্যাপার লইয়াই ব্রিটিশ গবর্নমেন্ট এবং অসহযোগ-পন্থীদের ভিতর প্রথম প্রকাশ্য বিরোধের সূত্রপাত হয়। সেই বিরোধের জের টানিতে টানিতে ব্যাপার এখন গড়াইয়াছে অনেকদূর। সভা করা, খেচ্ছাসেবক হওয়া, পিকেটিং চালানো আইন-বিপরীত বলিয়া গবর্নমেন্ট হুকুম জারি করিয়াছেন। অসহযোগ-দলের মুখপত্র অনেকগুলি সংবাদ-পত্রের প্রচারও বন্ধ করিয়া দেওয়া হইয়াছে। বলা বাহুল্য অসহযোগীরা এরূপ আদেশ অস্তায় বলিয়া মনে করিতেছেন এবং অস্তায় আদেশ বাহারই হোক তাহা মানিয়া চলা ভীকতা মনে করিয়া আদেশগুলি অমান্য করিতে কহুর করিতেছেন না। ফলে অসহযোগ-আন্দোলনের নেতা এবং খেচ্ছাসেবকদের দ্বারা ভারতবর্ষের সমস্ত এদেশের জেল একেবারে ভর্তি হইয়া গিয়াছে। এই অবস্থা এরূপ ভাবে চলিলে তাহার ফল কে দেশের পক্ষে গুণ হইবে না, এক তৃতীয় পক্ষ রাজনৈতিক দল তাহা বুঝিতে পারিয়া প্রতিকারের জন্ত অগ্রসর হইয়াছিলেন। এই দলের মুখপাত্র ছিলেন পণ্ডিত মদনমোহন মালবীর। তিনি বড়লাট লর্ড রেডিংএর সহিত সাক্ষাৎ করিয়া সমস্ত সম্প্রদায়ের প্রতিনিধিদের লইয়া একটি কনফারেন্সের প্রস্তাব পেশ করিয়াছিলেন। এই প্রস্তাবিত কনফারেন্সেরই নাম দেওয়া হইয়াছে রাউণ্ড টেবুল্ কনফারেন্স।

কনফারেন্স বসিবার সম্ভাবনা মধ্যপন্থী নেতাদের মনে যখন একরূপ

অনিশ্চিত তখনই লর্ড রেডিং মহা প্রস্তাবটি অগ্রাহ্য করিলেন। কারণ-স্বরূপ তিনি বলিয়াছেন এতদূর একটা কন্ফারেন্স বসিবার পূর্বে অসহযোগপন্থীদের সমস্ত কর্ম-তৎপরতা বন্ধ করা কর্তব্য। অসহযোগ-পন্থীদের মত যে লর্ড রেডিং-এর মতের সম্পূর্ণ বিপরীত তাহা হয় তো বিশেষ করিয়া উল্লেখ করিবার প্রয়োজন নাই। বাহা হউক, আমরা ভাবিয়াছিলাম কন্ফারেন্সের প্রস্তাব ঐখানেই শেষ হইয়া গিয়াছে। কিন্তু বস্তুতঃ যে তাহা হয় নাই পণ্ডিত মদনমোহন প্রমুখ কয়েকজন মধ্যপন্থীর পক্ষে সম্প্রতি তাহা স্থপষ্ট হইয়া উঠিয়াছে। তাঁহারা বোম্বাই হইতে নানা দলের নেতাদের কাছে একখানি চিঠি পাঠাইয়াছেন। এই চিঠিতে ১৪ই জাণুয়ারী বোম্বাই সহরে বিভিন্ন রাজনৈতিক সম্প্রদায়ের প্রতিনিধিদের লইয়া একটি বৈঠক বসিবার প্রস্তাব করা হইয়াছে। সার্ব শঙ্করণ নাগর তাহার সভাপতি মনোনীত হইয়াছেন।

কেন যে মধ্যপন্থী নেতারা মিটমাটের জন্ত এত ব্যস্ত হইয়া পড়িয়াছেন তাহার কারণ বোঝা কঠিন নহে। এবারকার কংগ্রেস এবং মোসলেমলীগের অধিবেশনের পর তাঁহারা বিশ্বাস করিতে পারিতেছেন না যে দেশ আর বেশীদিন নিকপত্রবের পথ ধরিয়া চলিতে পারিবে। কংগ্রেসের আইন-অমাত্যের নীতিটা তাঁহারা বেশ ভয়ের চক্ষেই নিরীক্ষণ করিতেছেন। কিন্তু তাহা হইলেও একথা তাঁহারা মনে করেন না যে, কংগ্রেস মিটমাটের অপক্ষপাতী বা তাঁহাদের কাণ্ড্যকলাপ মিটমাটের পরিপন্থী। বরং তাঁহারা মনে করেন, এ ব্যাপারে গবর্ণমেন্ট যে পথ ধরিয়া চলিয়াছেন তাহাই মিটমাটের পথ নহে, তাঁহারা দেশের শিক্ষিত ও শক্তিমান জনসাধারণকে কারারুদ্ধ করিয়া দেশের অবস্থা ক্রমে ক্রমে গুরুতর করিয়া তুলিতেছেন।

এই বোম্বাই কন্ফারেন্সের আলোচনার ফল কি হইবে তাহা বলা কঠিন। সমস্ত সম্প্রদায়ের নেতারা একমত হইতে পারিবেন কি না এবং পারিলেও গবর্ণমেন্ট তাঁহাদের পরামর্শ গ্রহণ করিবেন কি না সে বিষয়ে যথেষ্ট সন্দেহ আছে। কিন্তু তাহা হইলেও দেশের এই সঙ্গীন সময়ে সমস্ত বিভিন্ন সম্প্রদায়ের নেতাদের মিলিত হইয়া পরামর্শ করিবার প্রয়োজন আছে। ইহার ফলে যদি তাঁহারা একমত হইতে পারেন তবে তাহা একটা পরম লাভ। খণ্ড ভারতবর্ষকে উপেক্ষা করা ঘটটা সহজ, মিলিত ভারতবর্ষকে সেরূপ ভাবে উপেক্ষা করা গবর্ণমেন্টের পক্ষে যে ততটা সহজ হইবে না তাহা বলাই বাহুল্য।

লিবারেল ফেডারেশন —

'লিবারেল ফেডারেশন' কংগ্রেসের পাণ্ডা সভা—ভারতীয় মজারিট নেতাদের প্রতিষ্ঠান। কংগ্রেসের সহিত মজারিটের সংশ্লিষ্ট ভাগ করিবার পর গত চারিবৎসর হইতে ইহার অধিবেশন স্থগিত হইয়াছে। বড়দিনের বন্ধে এলাহাবাদে এবার এই ফেডারেশনের অধিবেশন হইয়া গিয়াছে। সভার সভাপতি নির্বাচিত হইয়াছিলেন—দেওয়ান বাহাদুর গোবিন্দ রাঘব আয়ার।

সভার নিম্নলিখিত প্রস্তাবগুলি গৃহীত হইয়াছে :—

(১) ফেডারেশন ভারতবর্ষে সংস্কার-আইনের বিস্তৃতি সাধন করিবার জন্ত গবর্ণমেন্টকে অনুরোধ করিতেছেন।

(২) অযথা গ্রেপ্তার এবং ফৌজদারী-আইন-সংস্কার বিধির দ্বারা সাধারণের সহানুভূতি নষ্ট হইয়া অশান্তি বৃদ্ধি পাইতেছে। সুতরাং গবর্ণমেন্টকে তাঁহাদের প্রবর্তিত নীতি সম্বন্ধে আবার বিবেচনা করিয়া নারিবার জন্ত অনুরোধ করা হইতেছে।

(৩) গবর্ণমেন্টের কাছে আদেশিক স্বায়ত্ত শাসনের পূর্ণ অধিকার আর্থনা করিয়া আবেদন পেশ করা হইতেছে।

(৪) সেনা-বিভাগ, বৈদেশিক ব্যাপার, সামন্ত রাজ্য-সংক্রান্ত ব্যাপার এবং ধর্মসংক্রান্ত ব্যাপার ছাড়া সেন্ট্রাল গবর্ণমেন্টের অস্তিত্ব যাবতীয় অধিকার সম্পূর্ণরূপে দেশীয়দের হস্তে স্থান করিবার জন্ত গবর্ণমেন্টকে অনুরোধ করা হইতেছে।

(৫) মোপ্লা হাঙ্গামা সম্পর্কে গবর্ণমেন্ট যে ব্যবস্থা অবলম্বন করিয়াছেন তাহার সমর্থন করিলেও "চলন্ত অন্ধকূপ" হত্যা ব্যাপারে যাহারা অপরাধী তাহাদিগকে উপযুক্ত শাস্তি দিবার জন্ত ফেডারেশন গবর্ণমেন্টকে অনুরোধ করিতেছেন।

(৬) পঞ্জাবের হত্যা সম্পর্কে সামরিক আইন প্রয়োগে যাহাদিগকে শাস্তি দেওয়া হইয়াছিল তাহাদের পুনর্বিচার সম্ভাষণক হয় নাই। সামরিক আইনের আন্দলে যাহারা খত্যাচার করিয়াছে তাহাদের শাস্তিও সত্যস্ত লঘু হইয়াছে।

(৭) প্রধান মন্ত্রী মুসলমানদের নিকট যে অধিকার করিয়াছেন তাহা রক্ষিত হয় নাই। সুতরাং তুরফের সক্রিয় সংশোধনের জন্ত গবর্ণমেন্টকে অনুরোধ করা হইতেছে।

(৮) দক্ষিণ আফ্রিকার ভারতবাসীদের অবস্থা ক্রমেই শোচনীয় হইয়া পড়িতেছে। দক্ষিণ আফ্রিকার ভারতবাসীগণের নাগরিক স্বত্ব সম্বন্ধে 'সাম্রাজ্য সভায়' যে প্রস্তাবটি গৃহীত হইয়াছে সে অনুসারে কাজ হইতেছে না। সেই প্রস্তাব অনুসারে যাহাতে কাজ হয় সেজন্ত ফেডারেশন ব্রিটিশ গবর্ণমেন্টকে ব্যবস্থা করিতে অনুরোধ করিতেছেন।

(৯) পূর্ব-মর্ডানুয়ারী রেল কোম্পানীগণের কার্যকাল শেষ হইলে গবর্ণমেন্ট সেগুলির ব্যবস্থাস্থার যাহাতে ধামে গ্রহণ করেন তজ্জন্ত গবর্ণমেন্টকে অনুরোধ করা হইতেছে।

মহিলা কন্ফারেন্স—

গত ৩০শে ডিসেম্বর আহমদাবাদে মহিলাদের এক কন্ফারেন্স হইয়া গিয়াছে। সভানেত্রী শাসন গ্রহণ করিয়াছিলেন খালিজাতাদের জননী। সভায় প্রায় ছয় হাজার মহিলা যোগদান করিয়াছিলেন। সভানেত্রী তাঁহার বক্তৃতায় বলিয়াছেন,—মুসলমানদের শাসন সময়ে হিন্দুমুসলমানে বেশ মিল ছিল কিন্তু ব্রিটিশ রাজত্বকালেই তাহা লোপ পাইয়াছে। এই দুই জাতির ভিতর পূর্বের সেই সৌহার্দ্য ফিখাইয়া আনিতে হইলে, ভারতকে মুক্তি দিতে হইলে রমণীদের চূপ করিয়া বসিয়া থাকিলে চলিবে না, তাঁহাদেরও কাজের আসরে নামিয়া পড়িতে হইবে।

ভারতের সমস্ত রমণীকেই স্বেচ্ছাসেবিকা হইতে অনুরোধ করিয়া স্বামী সত্যদেব সভায় একটি প্রস্তাব উপস্থাপন করিয়াছিলেন। সর্ব-সম্মতিক্রমে প্রস্তাবটি গৃহীত হইয়াছে।

বিচারে দেশী ও বিদেশী—

বিচার ব্যাপারে ইউরোপীয়দের সহিত ভারতবাসীদের আইনগত সমস্ত পার্থক্য তুলিয়া দিবার জন্ত ইতিপূর্বে ভারতীয় ব্যবস্থা-পরিষদে এক প্রস্তাব পেশ হইয়া গিয়াছে। সেই প্রস্তাব অনুসারে গণপরিষদ গবর্ণর জেনারেল একটি কমিটি গঠন করিয়া এ সম্বন্ধে তদন্ত করিবার জন্ত আদেশ প্রদান করিয়াছেন। স্থির হইয়াছে, বর্তমান ফৌজদারী কাণ্ড-বিধিতে ভারতীয় এবং ভারত-প্রবাসী বিদেশী আসামীদের সম্বন্ধে কিরূপ বর্ণগত ব্যবস্থা-বৈষম্য আছে কমিটি সে সম্বন্ধে আলোচনা করিয়া তাহাদের রিপোর্ট ভারতগবর্ণমেন্টের নিকট পেশ করিবেন। এই কমিটির সভাপতি হইয়াছেন ভারতগবর্ণমেন্টের আইন-সচিব ডাঃ তেজবাহাদুর সাঈফ; সদস্য হইয়াছেন—প্রাঃ উইলিয়াম ভিন্সেন্ট; শ্রীযুক্ত এন্স. আর. দাস; জজ মিঃ শঃ; মিঃ পি, ই, পার্শ্বাভ্যাস; রাও বাহাদুর টি, ভি, রঙ্গচরিয়্যার; শ্রীযুক্ত এন্স. সমর্থ; মিঃ ডব্লিউ, এল,

কেরী ; মিঃ আবুল কাসিম ; ডাক্তার শ্রীযুক্ত এইচ. এন. সৌর ; মিঃ মুন্সতান সৈয়দ আহমদ ; রায় বাহাদুর এল. এম. বন্দ্যোপাধ্যায় ; মিঃ ই. টুমার্ট রস্কে ; মিঃ ডব্লিউ. মুইর ম্যান্‌স্ ; মিঃ এক. মাককারটি ; কর্ণেল লেফটেন্যান্ট এইচ. এ. জে. গিভনি। বৈঠক বসিবার স্থান স্থির হইয়াছে দিল্লী। বৈঠকটি প্রকাশ্য হইলেও কমিটি প্রয়োজন বোধ করিলে কোনো কোনো দিনের বৈঠক গোপনেও করিতে পারিবেন।

ভারতবর্ষে বৈঠক বসে ছোট বড় মাঝারি সব ব্যাপারেই। কিন্তু হুঃখ এই, তাহাতে ভারতবাসীর কোনো অভাবই ঘোচে না—অন্ততঃ কোন অভাবটি যে ঘুচিয়াছে অনেক ভাবিয়া চিন্তিয়াও আমরা তাহা স্থির করিতে পারি নাই। লাভ হয় অর্থহানি ও মনস্তাপ।

পুলিশ কন্ফারেন্স—

হাওড়ার সম্প্রতি ব্রিটিশ ভারতের পুলিশ ও কর্মচারীদের কন্ফারেন্স বসিয়াছিল। রায় সাহেব পূর্ণচন্দ্র বিশ্বাস সভাপতির আমন গ্রহণ করিয়াছিলেন। সভাপতি তাঁহার বক্তৃতার বেশ নির্ভীক তেজস্বীতার পরিচয় প্রদান করিয়াছেন। তিনি সরকারী কর্মচারী হইয়াও স্পষ্ট ভাষায় সরকারের পক্ষপাতিত্ব এবং অবিচারের ঘৃষ্টাঙ্ক উল্লেখ করিতে কিছুমাত্র দ্বিধা করেন নাই। তিনি বলিয়াছেন—“বিপদের সময় পুলিশ প্রাণ দিয়া গবর্নমেন্টের সাহায্য করে। কিন্তু তাহার বিনিময়ে গবর্নমেন্ট বাহা দেন সে জিনিষটা একেবারেই ফাঁকা। খাঁ বাহাদুর শামসুল আলম, বসন্তকুমার চট্টোপাধ্যায়, যতীন্দ্রমোহন ঘোষ এবং আরো শতশত পুলিশ-কর্মচারী, যাহারা গবর্নমেন্টের কাজে জীবন পর্যন্ত উৎসর্গ করিয়াছেন, তাহারা যদি কথা বলিতে পারিতেন তবে নিশ্চয়ই এই কথা বলিতেন যে, গবর্নমেন্টের জন্ত প্রাণ দেওয়ার কিছুমাত্র লাভ নাই— তাহা একান্তই ভুল, তাহা নিতান্তই বোকামী। বস্তুতঃ যাহারা জাতীয় উন্নতির বিপক্ষে দাঁড়ায় তাহারা বাস্তবিকই হতভাগা—তাহাদের ভালো কিছুতেই হইতে পারে না। জগতের সমস্ত দেশেই পুলিশকে জন-সাধারণ শ্রীতির চোখে দেখে। কিন্তু ভারতবর্ষে পুলিশের অবস্থা স্বতন্ত্র। তাহারা জন-সাধারণের ঘৃণার পাত্র।—ইহার কারণ বোঝা অবশ্য কঠিন নহে। অস্ত্রাশ্রয় প্রায় সমস্ত দেশে প্রজারাই আইন তৈরীর কর্তা। পুলিশ আইন অনুসারে কাজ করিয়া তাহাদেরই আদেশ প্রতিপালন করে মাত্র। সুতরাং সে-সব স্থানে পুলিশের পক্ষে জনপ্রিয় হওয়া অনেকটা সহজ। কিন্তু ভারতবর্ষে আইন তৈরীর মালিক হইতেছেন গবর্নমেন্ট। সাধারণের বিশ্বাস সে-সব আইন তৈরী হয় জনসাধারণকে পীড়ন করিবার জন্ত, তাহাদের জাতীয় উন্নতির চেষ্টাকে সংঘত করিবার জন্ত। সুতরাং এদেশে পুলিশের অপ্রিয় হওয়াটা কিছুমাত্র বিচিত্র নহে।”

কিন্তু কেবলমাত্র সভাপতির অভিভাষণের জন্তই নহে, আরো একটি কারণে হাওড়ার এই পুলিশ কন্ফারেন্স লোক-সমাজের দৃষ্টি বিশেষ ভাবেই আকর্ষণ করিয়াছে। সেটি হইতেছে, বাংলার ইন্স্পেক্টর-জেনারেল মিঃ হাইডের ব্যবহার। সভাপতির সভার কাজ শেষ না হইতেই মিঃ হাইড তাঁহাকে সভা পরিত্যাগ করিয়া কর্মস্থানে ফিরিয়া যাইতে আদেশ দিয়াছিলেন। এরূপ আদেশ যতই অদ্ভুত হোক না কেন, ইহার কারণ বোঝা অত্যন্ত সহজ। ইহার কারণ, রায়-সাহেবের স্বাধীন সমালোচনা মিঃ হাইড বরদাস্ত করিতে পারেন নাই। কিন্তু মিঃ হাইডের অস্ত্রাশ্রয় আদেশও উর্দ্ধতন আদালতের রায়ে টেকে নাই। পুলিশ কন্ফারেন্সের লোকেরা সার্ হেনরী হইলারের দরবারে হানা দিয়াছিলেন। ফলে মিঃ হাইডকে তাঁহার আদেশ প্রত্যাহার করিতে হইয়াছে। রায়সাহেব তাঁহার সভার কাজ শেষ করিয়া তবে বহানে ফিরিয়া গিয়াছেন।

পুলিশ বিগড়াইলে তাহার কল বড় ভালো হইত না। সুতরাং সার্ হেনরী এ চালটি যে খুব ভালো চালিয়াছেন তাহাতে সন্দেহ নাই।

সমালোচনার অসহিষ্ণুতা গবর্নমেন্টের উর্দ্ধতন কর্মচারীদের পক্ষে এই নূতন নহে। এরূপ ঘটনা প্রায় হামেসাই ঘটতেছে। সম্প্রতি পোষ্টাল কন্ফারেন্সের সভাপতি শ্রীযুক্ত ভারাপদ মুখোপাধ্যায়ের প্রতিও অত্যন্ত অস্ত্রাশ্রয় করা হইয়াছে। কন্ফারেন্সে কয়েকটি অপ্রিয় মত কথা বলার অপরাধে ডিরেক্টর জেনারেল তাঁহাকে পদচ্যুত করিয়াছেন। সরকারী কর্মচারীরাও মাগুব। তাঁহাদেরও ব্যক্তিগত স্বাধীনতা আছে। সে স্বাধীনতাকে জবরদস্তির চাপে পিষিয়া নষ্ট করিয়া ফেলিবার অধিকার কাহারো আছে বলিয়া মনে হয় না।

ছোট-খাট জালিয়ানুওয়ালাবাগ—

পুলিশের গুলি এখন ভারতবর্ষের ঐতিহাসিক ঘটনা। ও জিনিষটা এ দেশবাসীর একরূপ গা-সওয়া হইয়া যাইতেছে। কতকটা সেইজন্ত এবং কতকটা বা প্রতিকার করার উপায় নাই বলিয়া ইহা লইয়া আন্দোলন-আলোচনাও বিশেষ হয় না। নতুবা ভারতবর্ষ ছাড়া অন্য কোনো মত দেশে এই ব্যাপারগুলি সংঘটিত হইলে তাহার সের গড়াইত অনেক দূর—তাহার ফলে পার্লামেন্ট হইতে রাজার তত্ত্ব পর্যন্ত যে নড়িয়া উঠিত তাহাতে সন্দেহ নাই।

এ মাসে যতগুলি স্থানে পুলিশের গুলিতে রক্তের ছাপ পড়িয়াছে তাহার দুই-একটার নাম করিতেছি।

কিরোজপুর স্থানটি গিরগাঁও জেলার অন্তর্গত। এখানকার হাজামার সম্পর্কে সরকারী ইস্তাহারে প্রকাশ, আমন সভার কতিপয় সদস্যকে প্রহার করার জন্ত পুলিশ কর্মকর্তার লোককে গ্রেপ্তার করে। একদল লোক পুলিশের হাত হইতে এই বন্দীদিগকে ছিনাইয়া লইবার চেষ্টা করার ফলেই দাঙ্গা বাধিয়াছিল। পুলিশের বিশেষ দোষ নাই। জনতা স্ত্রীদিগকে প্রহার করিয়া তাহারা গুলি চালাইতে বাধ্য হয়। ডেপুটি কমিশনার তদন্ত করিয়া জানাইয়াছেন এ হাজামার দাঙ্গাকারীদের চারিজন মারা গিয়াছে এবং ২৩ জন আহত হইয়াছে। সরকার পক্ষের আহতের সংখ্যা হইতেছে ১৭ জন।

এই তো গেল সরকারী ইস্তাহারের মর্ম ; কিন্তু বেসরকারী সংবাদেও স্তম্ভ হইয়া অপেক্ষা অনেক বেশী। এ সংক্ষে নাহোরের “বন্দেমাতরম্” পত্র লিখিয়াছেন :—গিরগাঁও জেলার কিরোজপুর সহরে ১৫ জন খেলাকতী স্বেচ্ছাসেবককে ধরা হয়। এই উপলক্ষে অনেক লোক তাহাদের চারিদিকে জমায়েৎ হইয়া তাহাদের উপর পুষ্প বর্ষণ করিতে থাকে। পুলিশ ভিড় ভাঙিবার জন্ত গুলি চালাইয়াছিল। গুলিতে ১৫ জন লোক মারা গিয়াছে এবং ২০০ জন লোক আহত হইয়াছে।

নীলফামারীর সরকারী ইস্তাহার বলিতেছে, নীলফামারীতে অশান্তির সূচনা হওয়ার গত ২৮শে ডিসেম্বর জলপাইগুড়ী হইতে ৩২ জন সশস্ত্র স্ত্রীদিগকে আশ্রয় করা হইয়াছিল। স্থানীয় কর্মচারীরা স্থির করেন, এই স্ত্রীদিগকে সহরের ভিতর দিয়া একবার ঘুরাইয়া আনা হোক। সুতরাং তাহাদিগকে বাজারের ভিতর লইয়া বাওয়া হয়। সেখানে একজন স্ত্রীদিগের সহিত একটি হিন্দুস্থানীর বচসা বাধে। সেই বচসা ক্রমে দাঙ্গার পরিণত হইয়াছিল। বাজারের লোকেরাই পুলিশের উপর ইট-পাটুকল ছুঁড়িয়াছিল। পুলিশের লোকেরা বিশেষ কিছু করে নাই, তাহারা কেবলমাত্র ভয় দেখাইবার জন্ত শূন্য গুলি ছোঁড়ে। এমিটিয়াণ্ট সার্জন পরীক্ষা করিয়া দেখিয়াছেন, সাধারণ লোকের ভিতর হুঃজন গুলিতে সাধারণ রূপ আঘাত পাইয়াছে। ইহা ছাড়া কুকুরীতে আহত হইয়াছে আরো দুইজন ; তাহাদের আঘাতই কিছু বাস্তবিক। এই

কুকুরীও তার বেখাইবার জন্ত শুবো ছোড়া হইয়াছিল কি না ইত্যাহারে তাহা লেখা নাই। পুলিশের পক্ষে আহত হইয়াছে ৮ জন।

এই তো পেন্স সরকারী ইত্যাহার। বাহিরের রিপোর্ট যে ইহার সঙ্গে মেলে না তাহা বলাই বাহুল্য। প্রত্যক্ষদর্শীরা বলিতেছেন, ২৮শে ডিসেম্বর যখন হাট বসিয়াছিল তখন একজন পুলিশের সাবইন্স্পেক্টর এবং ৩২জন গুর্খা হাটে গিয়া হাঙ্গির হয়। হাটের ভিতর একজন হিন্দুহানীর সঙ্গে একজন গুর্খার খাড়া লাগে। কেহ কেহ এই মারপিটের প্রতিবাদ করার গুর্খারা কুকুরী খুলিয়া তাহাদিগকে আক্রমণ করে। কলে ১০জন লোক আহত হয়। তাহার পর গুর্খারা ছুইচারি পা পিছাইয়া গিয়া গুলি চালাইতে আরম্ভ করে। গুলিতে একজন অন্তঃসর্বা স্ত্রীলোক এবং আরো তিনজন লোক আহত হইয়াছে।

যদি ধরিয়া লওয়া যায় সরকারী ইত্যাহার ঠিক তথাপি প্রমাণ আসে। যে-অশান্তির কথা সরকারী ইত্যাহারে উল্লেখ করা হইয়াছে অর্থাৎ বাহ্যিক জন্ত নীলকামারীতে গুর্খা পুলিশের আম্বানী করা হইয়াছিল তাহার স্বরূপ কি? বাহারা অশান্তি ঘটাইতেছিল সেই খেচ্ছাসেবকের দল কোনোরূপ দাঙ্গা-হাঙ্গামা করিয়াছে কি না? হাটের ভিতর যেখানে তিনচারি হাজার লোক জমিয়াছে সেখানে সশস্ত্র গুর্খা লইয়া কুচকাওয়াজ করা কেমনতর অশান্তি দমনের উপায়? শূন্ডে যদি গুলি ছোড়া হইয়া থাকে তবে এতগুলি লোক আহত হইল কিরূপে?

কংগ্রেস—

১৯২১ সালের কংগ্রেসের অধিবেশন বসিয়াছিল আহমদাবাদে। এবার কংগ্রেসের নির্বাচিত সভাপতি সভার যোগ দিতে পারেন নাই। কারণ কংগ্রেস বসিবার পূর্বেই তিনি কারারুদ্ধ হইয়াছেন। এবারকার কংগ্রেসের অনেকগুলি বিশেষত্ব ছিল যাহা অগ্ণাত্যবার চোখে পড়ে নাই। অত বড় সভামণ্ডপটি আগাগোড়া ধ্বংস এবং অগ্ণাত্য স্বদেশজাত দ্রব্যের দ্বারা সজ্জিত করা হইয়াছিল—কোথাও এতটুকু বিদেশী দ্রব্যের চিহ্নমাত্র ছিল না। মণ্ডপে বসিবার জন্ত কোনো চেয়ার বা বেঞ্চের ব্যবস্থা করা হয় নাই—ঢালা করাসে প্রায় বিশ হাজার মরনারী খাঁটি প্রাচ্য ধরণে গালিচার উপর সমবেত হইয়াছিলেন। বক্তৃতার বাজে কথার বহরও ছিল অত্যন্ত কম। যে-কেহ যাহা কিছু বলিয়াছেন তাহা কেবলমাত্র কাজের কথা।

সভাপতি চিত্তরঞ্জনের অনুপস্থিতিতে তাঁহার প্রতিনিধি হইয়া কাজ করিয়াছেন হাকিম আজমল খাঁ।

এবারকার কংগ্রেসে বিশেষভাবে আলোচনা চলিয়াছিল—সেচ্ছা-সেবক সংগঠন এবং ব্যাপক ও ব্যক্তিগতভাবে আইন-অমান্ত-বিধি—এই দুইটি প্রস্তাব লইয়া। প্রস্তাব দুইটি উত্থাপন করিয়াছিলেন মহাত্মা গান্ধী, জরও হইয়াছে তাঁহারই। সভার প্রস্তাব দুইটি গৃহীত হইয়াছে। খেচ্ছাসেবক-দল সংগঠন সম্বন্ধে হির হইয়াছে, মরনারী উত্তর সম্প্রদায়ের লোকই খেচ্ছাসেবক হইতে পারিবেন।

এতদিন সভার আরো দুইটি প্রস্তাব গৃহীত হইয়াছে। সেগুলি হইতেছে :—

(১) অসহযোগ আন্দোলনে বাহাদের বিশ্বাস নাই অথচ বাহারা খেলাকত ও পাঞ্জাবের অনাগার ও অবিচারের প্রতিকার চাহেন, এবং স্বরাজ লাভ বাহাদের বাঞ্ছনীয় এমন সব লোককে বিভিন্ন সম্প্রদায়ের ভিতর মিত্রতা স্থাপন, স্বদেশী প্রচার, যতপান বর্জন, অস্পৃশ্যতা দোষ নির্ধারণ প্রভৃতি হিতকর অনুষ্ঠানের জন্ত আহ্বান করা হইতেছে।

(২) মালবার হাঙ্গামা দমন করিবার জন্ত কর্তৃপক্ষ যে পথ অবলম্বন করিয়াছেন তাহা ভ্রান্ত ও নিন্দনীয়। মোগলানাও হিন্দুদিগকে বলপূর্বক মুসলমান করিয়া প্রভূত অস্ত্র করিয়াছে।

(৩) কামাল পাশা ও তুর্কীগণের মাকল্যে কংগ্রেস আনন্দিত হইয়াছেন।

(৪) বোম্বাইয়ের দাঙ্গার জন্ত কংগ্রেস আন্তরিক দুঃখিত। সকল সম্প্রদায়ের লোক তাহাদের নিজেদের অধিকারের পত্তীর ভিতর থাকিয়া বাহাতে কাজ করিতে পারে তাহাই সর্বতোভাবে বাঞ্ছনীয়।

(৫) পূর্বে নিয়ম ছিল ২১ বৎসরের কম কেহ কংগ্রেসের সভ্য হইতে পারিবেন না। নূতন নিয়মে ১৮ বৎসরের লোকও কংগ্রেসের সভ্য হইতে পারিবেন। কংগ্রেসের ভূতপূর্ব সভাপণের মধ্যে যদি কেহ কংগ্রেসের 'এল-অফিসিও মেম্বার' থাকিতে চান তাঁহাকেও কংগ্রেসের নিয়ম মানিয়া চলিতে হইবে।

(৬) বাবা গুরুদাস সিং প্রমুখ শিখ-জাতির যে-সব লোক ধর্মের জন্ত আয়োজন করিয়াছেন, ধরা দিয়াছেন এবং অসহযোগ নীতি অনুসরণ করিয়া কারাগৃহ বরণ করিয়া লইয়াছেন কংগ্রেস তাঁহাদের সংসাহস এবং কার্যপদ্ধতির অনুমোদন করেন।

মৌলানা হুমরু মোহানী বৈদেশিক প্রাধান্ত বর্জিত স্বরাজ বা পূর্ণ স্বাধীনতা লাভের প্রস্তাব কংগ্রেসে পেশ করিয়াছিলেন। প্রস্তাবটি কংগ্রেসের নীতির বিরোধী বলিয়া গৃহীত হয় নাই।

দুইদিন আগেই হোক আর পরেই হোক কংগ্রেসের অধিকাংশ কর্মীর বন্দী হইবার সম্ভাবনা আছে আশঙ্কা করিয়া কংগ্রেস, নিখিল-ভারত কংগ্রেস-কমিটির সম্পূর্ণ কর্তৃত্ব মহাত্মা গান্ধীর হাতে সমর্পণ করিয়াছেন। তিনি কংগ্রেস-কমিটির সমস্ত ক্ষমতা পরিচালন করিতে পারিবেন। মহাত্মা গান্ধী আবশ্যক মনে করিলে আবার অস্ত্র কোনো ব্যক্তিকে তাঁহার স্থলাভিষিক্ত করিতে পারিবেন। এই স্থলাভিষিক্ত ব্যক্তির হাতেও প্রয়োজনমত উত্তরাধিকারী নির্বাচনের ক্ষমতা থাকিবে।

কংগ্রেসের যাবতীয় ক্ষমতা মহাত্মা গান্ধী বা তাঁহার স্থলাভিষিক্ত ব্যক্তির হাতে সমর্পিত হইলেও দুইটি বিষয়ের অধিকার তাঁহাদিগকে দেওয়া হয় নাই।—

(১) যদি কখনো গবর্ণমেন্টের সহিত কোনোরূপ মিটমাটের কথা হয় তবে মহাত্মা গান্ধী বা তাঁহার স্থলাভিষিক্ত ব্যক্তি নিজের দায়িত্বে কিছু করিতে পারিবেন না। তাঁহাকে নিখিল ভারতীয় কংগ্রেস কমিটির মতামত লইতে হইবে।

(২) ভবিষ্যতে কংগ্রেসের মূল-নীতির পরিবর্তনের প্রয়োজন হইলে তাহা করিবার ক্ষমতাও ইত্যাহাদের হাতে থাকিবে না। সে ক্ষমতা কংগ্রেস কমিটি স্বাধিকারে রাখিয়াছেন।

কংগ্রেসের কার্যপদ্ধতি বাহারা এবার বিশেষভাবে লক্ষ্য করিয়াছিলেন, তাঁহারা হয় তো কংগ্রেসের এ দ্বিনিষটাও লক্ষ্য করিয়াছেন যে কংগ্রেসের একটি সম্প্রদায় অসহযোগ পন্থার পক্ষপাতী হইলেও নিরপজব অসহযোগ পন্থার বিশেষ পক্ষপাতী নহেন। ব্রিটিশ অধিকারের আওতার থাকিয়াই ভারতের স্বাধীনতা লাভের চেষ্টা করা সম্ভব কি না কংগ্রেসে এবার তাহা লইয়া বিশেষভাবেই তর্ক-যুদ্ধ হইয়া গিয়াছে। এবং যে দল ব্রিটিশ সম্পর্ক পরিবর্তনের পক্ষপাতী তাঁহারা পরাজিত হইলেও তাঁহাদের শক্তি ও সংখ্যা যে নিতান্ত কম নহে তাহাও এই তর্ক-যুদ্ধে প্রমাণিত হইয়া গিয়াছে।

বিদ্যার্থী মহাসভা—

এবার ভারতীয় ছাত্র কংগ্রেসের সভানেত্রীর আসন গ্রহণ করিয়াছিলেন শ্রীমতী সরোজিনী নাইডু। অভিজ্ঞভাবে তিনি বলিয়াছেন—“অন্যকোর্ড কেবলমাত্র ছাত্রেরা গত যুদ্ধে ‘টেক’ কাটিয়া যুদ্ধ করিয়াছে। আজ ভারতের ছাত্রদের সম্মুখেও মহাযুদ্ধ উপস্থিত। তাহাদিগকেও সাহসের সহিত এই যুদ্ধে যোগদান করিতে হইবে। তবে প্রাচ্য প্রতীচ্যের যুদ্ধের তফাৎ এই—প্রতীচ্যে যুদ্ধ জয় করিতে যেখানে রক্তক্ষরের প্রয়োজন হয় প্রাচ্যের যুদ্ধ জয় করিতে সেখানে প্রয়োজন হয় আত্ম গুণ্ডির। গত বৎসরও আমি ছেলেদের স্কুল কলেজ পরিভ্রমণ করিয়া রাজনৈতিক আন্দোলনে যোগদান করা অন্তায় মনে করিয়াছি কিন্তু আমার সে মত বদলাইয়া গিয়াছে। এখন আমি বিশ্বাস করি তাহাদের পক্ষে মহাযুদ্ধে পাক্ষীক শান্তিপূর্ণ সেনাদলে যোগদান করা ছাড়া আর অন্য পথ নাই। সেজন্য সর্বপ্রকারের দুঃখ কষ্ট এমন কি মৃত্যুকে পর্যন্ত বরণ করিবার জন্য তাহাদের প্রস্তুত হইতে হইবে। পথ দুর্গম। কিন্তু তাই বলিয়া বিচলিত হইলে চলিবে না। তাহারা যে পথ গ্রহণ করিয়াছে সেই পথ অনুসারে স্বাধীনতার পথে অগ্রসর হউক। এখন অসীম লাভ করিবে তখন আর কোনো কষ্টই থাকিবে না।”

সভায় নিম্নলিখিত প্রস্তাবগুলি গৃহীত হইয়াছে।

(১) পনেরো বৎসরের বেশী বয়স্ক সকল ছাত্রকে লেখা-পড়া পরিভ্রমণ করিয়া স্বেচ্ছাসেবকদের মতো নাম লেখাইতে হইবে।

(২) ছাত্র-সম্মিলনের প্রথম সভাপতি লালা লাজপত রায়কে তাহার অপূর্ব স্বার্থত্যাগের জন্য এই ছাত্র-কংগ্রেসে অভিনন্দন জ্ঞাপন করিতেছেন।

(৩) এই সম্মিলনের নাম নিখিল-ভারত ছাত্রসভা না রাখিয়া ‘বিদ্যার্থী মহাসভা’ রাখা হউক।

(৪) সকল ছাত্রকেই চরকা কাটিতে ও তাঁত বুনিতে শিখিতে হইবে এবং খাদ্য ব্যবহার করিতে হইবে।

মোশ্লেম লীগ—

কংগ্রেসের সঙ্গে সঙ্গে আহমদাবাদে মোশ্লেম লীগেরও চতুর্দশ বাৎসরিক অধিবেশন হইয়া গিয়াছে। মৌলানা হজরৎ মোহাম্মদী সভাপতির আসন গ্রহণ করিয়াছিলেন। মৌলানা সাহেব ১৯২২ সালের ১লা জানুয়ারী হইতেই ভারতবর্ষে গণতন্ত্র শাসন-পদ্ধতি ঘোষণা করিবার পক্ষপাতী ছিলেন। তিনি এই গণতন্ত্রের নাম রাখিয়াছিলেন The United States of India (ভারতের যুক্তরাজ্য)।

তিনি বলিয়াছেন গণতন্ত্র ঘোষণা করিলে ব্রিটিশ গবর্নমেন্টের পক্ষ হইতে সামরিক আইন জারি হইবার সম্ভাবনা আছে। সে ক্ষেত্রে স্বাধীনতা লাভ করিবার একমাত্র উপায় হইবে Guerilla war চালানো। যেকোনো হোক ভারতবর্ষে সম্পূর্ণ স্বাধীন গণতন্ত্র শাসন-পদ্ধতির প্রবর্তন করিতেই হইবে। মৌলানা সাহেবের সমস্ত কথা স্পষ্ট এবং নিষ্ঠুর—কোথাও কিছু ঢাকিয়া বলিবার চেষ্টা নাই।

মিঃ স্টোক্‌স্—

মিঃ স্টোক্‌স্‌ যেতান্স, কিন্তু যেতান্স হইয়াও তিনি সিমলার অসহযোগ আন্দোলনের নেতা। রাজনৈতিক অপরাধে তিনি কারাদণ্ডে দণ্ডিত


হইয়াছেন। তাঁহাকে বন্দী করিয়া রাখা হইয়াছে লাহোরের সেন্ট্রাল জেলে। বিচারের সময় মিঃ স্টোক্‌স্‌ বলিয়াছিলেন, তিনি ভারতবর্ষকে স্বাভূমি স্বরূপ গ্রহণ করিয়াছেন অতরাং তাঁহাকে বেন যেতান্স কয়েদী মহলে না রাখিয়া ভারতীয় কয়েদীর মধ্যে রাখা হয়। সম্প্রতি লাহোরের ‘ট্রিবিউন’ পত্রিকা জানাইয়াছেন মিঃ স্টোক্‌স্‌র অনুরোধ রক্ষিত হয় নাই, যেতান্স বিভাগেই তাঁহাকে রাখা হইয়াছে। কিন্তু ইহাই সব নত, ব্যাপারটার ভিতর আরো একটু রহস্য আছে। সম্প্রতি লাহোরের রাজনৈতিক কয়েদীদের জন্ত ব্যবস্থা করা হইয়াছে ভিন্ন রকমের। তাহাদিগকে সরাইয়া সাধারণ কয়েদীদের সংশ্রব হইতে আলাদা করিয়া রাখা হইয়াছে। এই নূতন নিয়মে কেবলমাত্র মিঃ স্টোক্‌স্‌ ছাড়া সব রাজনৈতিক বন্দী এক ভিন্ন ‘ওয়ার্ডে’ বাস করিতেছেন। তিনি সাধারণ কয়েদীদের সঙ্গে সেই যেতান্স কয়েদীর মহলেই আছেন।

এদেশের কালো লোক নিজেদের শত শত অসুবিধা সত্ত্বেও শাদার জন্ত সাধের সুবিধা করিয়া দিতে কুণ্ঠিত নয়, তাহার যথেষ্ট নজির আছে। কিন্তু শাদা নিজের শত সুবিধা পরিভ্রমণ করিয়া কালোর সহস্র অসুবিধা বরণ করিতে চাহিবে ইহা যেমন নূতন তেমনি অদ্ভুত। ইহার কোনোই নজির নাই। হয় তো সেইজন্মই মিঃ স্টোক্‌স্‌র নিজের মুখে কালো কয়েদীদের মহলে থাকিবার প্রার্থনা শুনিয়াও লাহোরের ডেপুটি কমিশনার তাহা বিশ্বাস করিতে পারেন নাই। নতুবা স্টোক্‌স্‌র প্রতি যেরূপ ব্যবস্থা করা হইয়াছে তাহার অন্য কোনো কারণ খুঁজিয়া পাওয়া যায় না।

হাতে লেখা ‘ইণ্ডিপেন্ডেন্ট’—

এলাহাবাদের ইণ্ডিপেন্ডেন্ট পত্রিকা গরম মলের কাগজ। অতরাং তাহার জন্য অনেক কোটি টাকা জামিন দিতে হইয়াছিল। গবর্নমেন্টের মন জোগাইয়া চলিতে না পারায় এই টাকা গবর্নমেন্ট বাজেয়াপ্ত করিয়া লইয়াছেন। পুনরীর জামিনের টাকা মা দিয়াই পত্রিকাখানি সাধারণের দুহায়ে আনিয়া হাজির করা হইয়াছে। কিন্তু এবারকার ‘ইণ্ডিপেন্ডেন্টের’ মূর্ত্তি সম্পূর্ণ নূতন ধরণের। এই নব কলেবরে সে আর ছাপাখানায় প্রবেশ করিবার অবসর পায় নাই। সে বাহির হইয়া আসিয়াছে হাতের লেখার অলঙ্কার পরিয়া। শ্রীযুক্ত মহাদেও দেশাই মহাশয় ইহাকে সাজাইবার ভার গ্রহণ করিয়াছিলেন এবং পণ্ডিত মতিলাল নেহেরুর বাড়ী ‘ধানন্দ ভবন’ হইতে ইহা প্রকাশিত হইতেছিল। কিন্তু গবর্নমেন্ট এত সহজে ‘ইণ্ডিপেন্ডেন্ট’-সমস্যার মীমাংসা হইতে দিতে রাজি নহেন। তাঁহারা দেশাই মহাশয়কে হাতে লেখা ‘ইণ্ডিপেন্ডেন্ট’ প্রকাশ ও প্রচার করার জন্য এক বৎসরের সশ্রম কারাদণ্ডে দণ্ডিত করিয়াছেন। তাহা ছাড়া তাঁহাকে একশত টাকা জরিমানাও দিতে হইবে কিন্তু এবারকার আন্দোলনের বিশেষত্ব এই—কোনো কাজের জন্য লোকের বড় অভাব হইতেছে না। দেশাই মহাশয়ের জেল হওয়ার সঙ্গে সঙ্গে ইহার সম্পাদনার ভার গ্রহণ করিয়াছেন শ্রীযুক্ত দেবদাস গাঙ্গী। দেবদাস মহাশয় গাঙ্গীর পুত্র। শোনা যাইতেছে, এই হাতে-লেখা ‘ইণ্ডিপেন্ডেন্ট’ পত্রিকা পড়িবার জন্য এলাহাবাদের জনসাধারণ একেবারে উন্মুখ উদ্‌গীৰ হইয়া থাকে।

শ্রীহেমেন্দ্রলাল রায়।



স্বাধীন দেশের তালিকা

পৃথিবীতে বর্তমান স্বাধীন দেশ কত আছে, তাহাদের নাম, লোকসংখ্যা, ও বর্গমাইলে আয়তন নীচের তালিকায় দেওয়া হইল।—

দেশের নাম	লোকসংখ্যা	আয়তন	দেশের নাম	লোকসংখ্যা	আয়তন
ইংলণ্ড	৩৪০৪৫২২০	৫০৮৭৪	একোয়াডর্	২০০৫০০০	১১৬০০০
ওয়েল্‌স্	২০২৫২০২	৭৪৬৬	এস্তোনিয়া	১৭৫০০০০	২৩১৬০
স্কটল্যান্ড্	৪৭৬০২০৪	৩০৪০৫	ফিনল্যান্ড্	৩৩৩১৮১৪	১২৫৬৮৯
আমেরিকার ইউনাইটেড্			ফিউমে (শহর)	৪২৮০৩	৮
ষ্টেট্‌স্	১১৭৮৫৭৫০২	৩৬২৫১০০	ফ্রান্স্	৬১৪৭৫৫২৩	২১২৬৫৯
আবিসিনিয়া	৭০০০০০০	৩৫০০০০	জর্জিয়া	৩০৫৩৩৪৫	৩২৭৬৯
আফগানিস্তান	৬৩৮০৫০০	২৪৫০০০	আর্মেনী	৬০৯০০১২৭	১৮৩৩৮১
আল্বানিয়া	৮৫০০০০	১১০০০	গ্রীস্	২৬৪৩১০৯	৪১৯৩৩
আর্জেন্টিনা	৭৮৮৫২৩৭	১১৫৩১১৯	গোয়াটিমালা	২০০৩৫৭৯	৪৮২৯০
অস্ট্রিয়া	৬১৩৯১২৭	৩০৭১৬	হাইটি	২৫০০০০০	১০২০৪
বেলজিয়াম্	৭৪২৩৭৮৪	১১৩৭৩	হাঙ্গারী	৬৩৭১১৪	৪৪২৭৫
বোশনিয়া	২৮৮৯২৭০	৫১৪১৫৫	ইটালী	৩৩০৯৯৬৭	১১০৬৩২
ব্রাজিল্	৩০৬৪৫২২৬	৩২৭৫৫১০	জাপান	৫৫৯৬১১৪০	২৬০৭৩৮
বুলগেরিয়া	৫০০০০০০	৪২০০০	লার্ভিয়া	১৫০৩১২৩	২৪৪৪০
চীলি	৪০৩৮০৫০	২৮৯৮২৯	লাইবেরিয়া	২০০০০০	৪০০০০
চীন	৩২০৬৫০০০০	৩৯১৩৫৬০	লাইক্টেনষ্টাইন্	১০৭১৬	৬৫
কোলোম্বিয়া	৫৮৪৭৪৯১	৪৪০৮৪৬	লাক্সেমবুর্গ্	৩৬৩৮২৪	৯৯৯
কোষ্টারিকা	৪৫৯৪২৩	২৩০০০	মেক্সিকো	১৫৫০১৬৮৪	৭৬৭১৯৮
কিউবা	২৮৯৮২০৫	৪৪২১৫	মোনাকো (শহর)	২২৯৫৬	৮
চেকো-স্লোভাকিয়া	২৯৪০৩৭৪	৫৪৪৩৮	নেপাল	৫৬০০০০০	৫৪০০০
ডাঙ্গিগ্ (শহর)	৩৫১৩৮০	৭০৯	নরুওয়ে	৬৮৩১২৩১	১২৫৮২
ডেনমার্ক্	২৯৪০৯৭৯	১৫৫৮২	নিকারাগুয়া	৭৪৬০০০	৪৯২০০
আইসল্যান্ড্	২২৮১৮	৩৯৭০৯	নরওয়ে	২৬৯১৮৫৫	১২৫০০১
			ওমান্	৫০০০০০	৮২০০০
			পানামা	৪০১৪২৮	৩২৩৮০
			পারাগুয়ে	১০০০০০০	৭৫৬৭৩

দেশের নাম	লোকসংখ্যা	আয়তন	লিখিলে আমাদের খুব জ্ঞান বাড়ে ও উপকার হয়।
পারস্য	১০০০০০০	৬২৮০০০	এক এক জনে ছই চারিটা বা অন্ততঃ একটা করিয়া
পেরু	৪৫০০০০০	৭২২৪৬১	দেশ দেখিয়া বৃত্তান্ত লিখিলে বেশ হয়।
পোল্যান্ড	২৪২৭২৩৪৯	১৪৯০৪২	সম্পূর্ণস্বাধীন দেশ ছাড়া দেশের আভ্যন্তরীণ বিষয়ে
পোর্টুগ্যাল	৫৯৫৭৯৮৫	৩৫৪৯০	স্বাধীন দেশও অনেক আছে; যথা—আয়র্ল্যান্ড,
রুমেনিয়া	১৭৩৯৩১৪৯	১২২২৮২	দক্ষিণ আফ্রিকার সম্মিলিত রাষ্ট্র, কানাডা, অষ্ট্রেলিয়া,
যুরোপীয় রুশিয়া	১৩৭৪২০৪০০	১২৫৩৫০৫	তিব্বত, গোগা, ইত্যাদি।
এসিয়ার রুশিয়া	২৯১৪১৫০০	৬২৯৪১১৯	পর্যায় স্বাধীন দেশসকলের মধ্যে ভারতবর্ষের মত প্রাচীন
আর্মেনিয়া	২১৫৯০০০	৮০০০০	সভ্যতা-বিশিষ্ট বিশাল ও বহুজনাকীর্ণ দেশ আর নাই। ইহা
আজের বৈজান	৪৬১৫০০০	৪০০০০	আমাদের সাতিশয় লক্ষের বিষয়। বস্তুতঃ, চীন দেশ বাদ
লিথুয়ানিয়া	৪৮০০০০০	৫৯৬৩৩	দিলে, আর কোন স্বাধীন দেশ নাই যাহা ভারতবর্ষের মত
উক্রাইন্	৪৬০০০০০০	৪৯৮১০০	এত বড় এবং যাহার লোকসংখ্যা এত অধিক।
সালভাদর	১৩৩৬৪৪২	১৩১৮৩	পর্যায় স্বাধীনতার লজ্জা, অপমান ও অসুবিধা আমরা সকলে
সান্তোডোমিঙ্গো	১০০০০০০	১৯১৩২	হৃদয়ঙ্গম করি, এবং কেন আমরা পর্যায় স্বাধীন তাহার
সার্ব, ক্রোট ও			কারণ নিরূপণ করিতে চেষ্টা করি।
স্লোভেন রাষ্ট্র	১১৩৩৭৬৮৬	৯৫৬২৮	ভারতবর্ষের বিস্তৃতি ১৮০২৬২৯ বর্গ মাইল এবং
শ্রাম	১৯৫০০০	৮৯২৪০০০	লোকসংখ্যা ৩১ কোটি ৯০ লক্ষের উপর।
স্পেন	১৯৯৫০৮১৭	১৯০০৫০	
সুইডেন	৫৮৪৭০৩৭	১৭৩০৩৫	
সুইজারল্যান্ড	৩৮৬১৫০৮	১৫৯৭৬	
তুরস্ক	৮০০০০০০	১৭৪৯০০	
উরুগুয়ে	১৪৬২৮৮৭	৭২ ৫৩	
ভেনিজুয়েলা	২৮৫২৬১৪	৩৯৮৫৯৪	

স্বাধীন দেশসমূহের এই তালিকায় কয়েকটি দেশের উল্লেখ নাই; যথা—আরব, ভূটান, মরোক্কো। আরব দেশের কোন্ কোন্ অংশ ঠিক স্বাধীন বলা যায় না। ভূটান নামে স্বাধীন হইলেও বস্তুতঃ ইংরেজের প্রভাবাধীন। নেপালও কিয়ৎপরিমাণে তদ্রূপ। মরোক্কোর অনেক অংশ স্পেনের ও ফ্রান্সের অধীন। তুর্কির মরোক্কোর সুলতান ১৯১২ সালের এক সন্ধি দ্বারা ফ্রান্সের রক্ষণাধীনতা স্বীকার করেন।

স্বাধীন দেশসকলের তালিকায় দেখা যায়, যে, স্বাধীন শব্দগুলি ছাড়িয়া দিলেও, ক্ষুদ্র ক্ষুদ্র অনেক স্বাধীন দেশ আছে। অবিখ্যাত স্বাধীন দেশগুলি দেখিয়া ভারতীয় পর্যটকেরা তৎসমুদয়ের বৃত্তান্ত

ভারতবর্ষের বিস্তৃতি ১৮০২৬২৯ বর্গ মাইল এবং লোকসংখ্যা ৩১ কোটি ৯০ লক্ষের উপর।

পর্যায় স্বাধীন দেশের তালিকা

স্বাধীন দেশসকলের তালিকা দিয়াছি। পর্যায় স্বাধীন দেশসকলের তালিকাও দিতেছি। বিস্তৃতি বা আয়তন বর্গমাইলে দেওয়া হইল —

দেশের নাম	আয়তন	লোকসংখ্যা
জিব্রাল্টার	১৬	২৫৩৬৭
মার্টা ও গোজো	১১৮	২২৮৫৩৪
এডেন, পেরিম, সোকোত্রা, ও কুরিয়ামুরিয়া	৯০০	৪৬১৬৫
বাহরীন্	—	১১০০০০
ব্রিটিশ-বোর্নিও	৩১১.৬	২০৮১৮৩
ক্রনেই	৪০০০	৩২.০০০
সারাওয়াক	৪২০০০	৬০০০০০
সিংহল	২৫৪৮১	৪১১০৩৬৭
সাইপ্রাস	৩৫৮৪	২৭৪১০৮
হংকং	৩৯১	৫৯৮১০০

দেশের নাম	আয়তন	লোকসংখ্যা	দেশের নাম	আয়তন	লোকসংখ্যা
ভারতবর্ষ	১৮০২৬২৯	৩১৯,০০০,০০০	সিয়েরালিওন	৪০০০	৭৫৫৭২
বালুচীস্থান	১৩৪৬৩৮	১৮৩৪৭০৩	টোগোল্যান্ড	৩৩৭০০	১০৩১৯৭৮
সিক্কিম	২৮১৮	৮৭৯২০	ক্যামেরুন	১৯১১৩০	২৫৪০০০০
আণ্ডামান ও নিকোবর	২২৬০	১৬৩১৬	মিশর বা জিজিট্	৩৫০০০০	১২৭৫০৯১৮
ষ্ট্রেট্‌স্‌ সেট্‌ল্‌মেন্ট্‌স্‌	১৬৬০	৭১৪০৬৯	সুদান	১০১৪৪০০	৩৪০০০০০
মিলিত মালয় রাষ্ট্রসমূহ	২৭৫০৬	১০৩৬৯৯৯	বাম্বুডাস্	১৯	২২০০০
জোহোর	৭৫০০	১৮১৪১৭	ফিলিপাইন্স্	১১৪৪০০	১০৩৫০৭৩০
কেডা	৩৬০০	২৪৫৯৮৬	কঙ্গো (বেল্‌জিয়ান্)	৯০৯৬৫৪	১১,০০০,০০০
কেলাংটান	৫৮৭০	২৮৬৭৫১	ফরাসী ভারত	১৯৬	২৬৩৮৬৮
পেল্‌স্	৩১৬	৩২৭৪৬	„ ইণ্ডো-চীন	২৫৬০০০	১৬৯৯০২২৯
ট্রেন্‌গু	৬১০০	১৫৪০৩৭	„ আল্‌জারিয়া	২২২১৮০	৫৫৬৩৮২৮
ওয়েহাইওয়ে	২৮৫	১৪৭,৭৭	„ কঙ্গো	১০৩৭১৩১	৮২৭০০০০
এসেমন্ দ্বীপ	৩৪	২৫০	„ মাডাগাস্কার	২২৮০০০	৩৫৪৫২৬৪
কেত্‌লা	২৪৬৮২২	২৮০৭০০০	বাহুল্যভয়ে আফ্রিকা, অস্ট্রেলিয়া ও আমেরিকায় ফ্রান্সের		
টাঙ্গানিকা	৩৮৪:৮০	৭৬৫৯৮৯৮	অধিকৃত ১৯টি দেশের উল্লেখ করিলাম না। তুনিয়,		
উগাণ্ডা	১১০৩০০	৩৩.৮০০০	ইটালীর অধিকৃত এরিট্রিয়া, সোমালিল্যান্ড ও ত্রিপলী,		
জাম্বিদার	১০২০	১৯৬৭৩৩	জাপানের অধিকৃত কোরিয়া, ফিলিপাইন্স, কোয়ান্টাং,		
মরিশাস্	৭২০	৩৭৭০৮৩	কিয়াউচাউ, প্রুতি, ফ্রান্সের অধিকৃত বোর্নিও প্রুতি,		
সামাল্যান্ড	৩৯৫৭৩	১২০২২০৮	পোর্টুগালের অধিকৃত গোয়া, এবং দক্ষিণের অধীন বোম্বাই		
সেন্টেহেলেনা	৪৭	৩৫২০	ও পৌর অয়তন ও লোকসংখ্যা দিলাম না। লিখিতে		
সীচেলিস্	১৫৬	২৪৬৫৩	অবশ্য করিবার সময় মনে হয় নাই, যে, পরাদীন দেশ-		
সোমালিল্যান্ড	৬৮০০০	৩০০০০০	সকলের সংখ্যা এত বেশী। লিখিতে গিয়া দেখি, যে,		
বাসুটোল্যান্ড	১১৭১৩	৪০৪৫০০	তালিকা কুরায় না। তাই সম্ভাব্য তালিকাট অসম্পূর্ণ		
বেচুয়ানালাণ্ড	২৭৫০০০	১২৫৩৫০	রাখিলাম।		
দক্ষিণ রোডেশিয়া	১৪৯০০০	৮০৮০০০	পরাদীন দেশসকলের মধ্যে মিশর, ভারতবর্ষ ও কোরিয়া		
উত্তর রোডেশিয়া	২৯১০০০	৯২৮০০০	প্রুতি ছাড়া আর কোন বৃহৎ দেশের প্রাচীন সভ্যতা বা		
গোয়াজিল্যান্ড	৬৬৭৮	৯৯৬৫৯	শিল্প ও সাহিত্য নাই। কিন্তু প্রাচীন কাল হইতে সভ্য		
দক্ষিণ আফ্রিকা	৪৭৩০৯৬	৭৩০৫০০০	এইসব দেশে আধুনিক জ্ঞান, বিশেষতঃ আধুনিক বিজ্ঞান		
উত্তরাংশ প্রদেশ	২৭৬৯৬৬	২৫৬৪৯৬৫	ও বহুনিয়োগ-শিল্প এবং অগ্রগত বৈজ্ঞানিক শিল্পের জ্ঞান,		
নেটাল	৩৫২৯১	১১৯৪০৪৩	বিস্তার লাভ করে নাই। ইহা এইসকল দেশের পরাদীনতার		
দক্ষিণ-পশ্চিম আফ্রিকা	৩২২৪০০	১০৫০০০	অগ্রতম কারণ। অথচ ইহা একমাত্র কারণ নহে।		
নাইজেরিয়া	৩৩২০০০	১৭,৫০০,০০০	অগ্রগত অনেক কারণ আছে।		
গাম্বিয়া	৪১৩৪	২৪৮০০০	আবিসিনিয়া, আফগানিস্তান ও নেপালে আধুনিক জ্ঞান-		
গোল্ডকোষ্ট্	৮০০০০	১৫০৩৩৬	বিস্তার ভারতবর্ষ অপেক্ষাও কম চইয়াছে। অথচ এইসব		

দেশ স্বাধীন। প্রাকৃতিক ভৌগোলিক সুবিধাবশতঃ কোন কোন দেশ স্বাধীন আছে।

স্বাধীনতা ও পরাধীনতার কারণ বাহাই হউক, আবার বলি, ইহা আমাদের ভাল করিয়া জ্ঞয়ঙ্গম করা উচিত যে ভারতবর্ষের মত বিস্তৃত, বহু কোটি লোকের অধ্যুষিত, এবং প্রাচীন কাল হইতে সভ্য অন্ত কোন দেশ এখন পরাধীন নাই। ইহা যে আমাদের কিরূপ লজ্জার কারণ তাহাও আমাদের জ্ঞয়ঙ্গম হওয়া উচিত।

স্বাধীনতার অর্থ

স্বাধীনতা কথাটি দুইরকম অর্থে সাধারণতঃ ব্যবহৃত হইয়া থাকে। যদি কোন দেশ অন্য কোন দেশের লোকদের দ্বারা শাসিত না হয়, তাহা হইলে তাহাকে স্বাধীন দেশ বলা হয়। যেমন আফগানিস্তান, আর্বিসোনিয়া, ও নেপাল স্বাধীন দেশ; কারণ এইসব দেশের রাজারা উহাদেরই বাসিন্দা। গত মহাযুদ্ধের পূর্বেও, যখন রুশিয়া সম্রাটের অধীন ছিল, তখনও উহা ঐ অর্থে স্বাধীন ছিল; কেননা রুশিয়ার সম্রাট রুশিয়ারই অধিবাসী ছিলেন। এই অর্থে গত শতাব্দীতে জাপানের সম্রাট কর্তৃক তথায় প্রজাতন্ত্র শাসনপ্রণালী প্রতিষ্ঠিত হইবার পূর্বেও জাপান স্বাধীন ছিল; কারণ, উহা কোন বিদেশী লোকের দ্বারা শাসিত হইত না। স্বাধীনতার এই অর্থকে আমরা পরে প্রথম অর্থ বলিয়া উল্লেখ করিব।

স্বাধীনতার আর-একটি অর্থ আছে, তাহা উৎকৃষ্টতর অর্থ। তাহাকে আমরা দ্বিতীয় অর্থ বলিয়া উল্লেখ করিব। যে দেশের লোকেরা নিজে বা তাহাদের নির্বাচিত প্রতিনিধিরা দেশের আইন প্রণয়ন বা রদ করে, ট্যাক্স বসায় বা উঠায়, কর্মচারী নিয়োগ ও বরখাস্ত করে, দেশের আয়-ব্যয়ের উপর কর্তৃত্ব করে, এবং যুদ্ধঘোষণা ও সন্ধি করে, তাহারা এই উৎকৃষ্টতর অর্থে স্বাধীন। রাজতন্ত্র এবং সাধারণতঃ, উভয় প্রকার শাসনপ্রণালীতেই এই প্রকার স্বাধীনতা থাকিতে পারে। ফ্রান্সে ও আমেরিকার ইউনাইটেড স্টেটসে সাধারণতঃ প্রতিষ্ঠিত, ইংলণ্ডে রাজা আছে। কিন্তু মোটামুটি বলিতে গেলে এই তিনটি দেশই সমান স্বাধীন।

বেসব দেশ এই উৎকৃষ্ট অর্থে স্বাধীন, তাহাদের অধিবাসীদেরও স্বাধীনতার হ্রাসবৃদ্ধি হইতে পারে। কয়েক বৎসর আগে পর্য্যন্ত ইংলণ্ডের অধিকাংশ লোকের অর্থাৎ শ্রম-জীবীদের কোন রাষ্ট্রীয় অধিকার ছিল না, তাহারা বাস্তবিক পরাধীন ছিল এবং প্যারলিমেন্টে প্রতিনিধি নির্বাচন করিতে পারিত না। এখন কিছুদিন হইতে তাহারা ঐ অধিকার পাইয়াছে, যদিও এখনও প্যারলিমেন্টের অধিকাংশ সভ্য শ্রমজীবীদের প্রতিনিধি নহে।

কিছুদিন আগে পর্য্যন্ত ইংলণ্ডে এবং আরও অনেক স্বাধীন দেশে নারীদের রাষ্ট্রীয় অধিকার ছিল না। অল্পকাল হইল তাহারা এই অধিকার পাইয়াছেন। বস্তুতঃ এত দিন তাহারা পরাধীন ছিলেন।

অতএব দেখা যাইতেছে, যে, কোন দেশ এক অর্থে স্বাধীন হইলেও দেশের সকল লোক কিম্বা অধিকাংশ বা কিয়দংশ লোক অন্য অর্থে পরাধীন থাকিতে পারে। কিন্তু কোন দেশ যদি তদেশজাত ও তদেশবাসী রাজার দ্বারা শাসিত হয়, অর্থাৎ প্রথম অর্থে স্বাধীন হয়, তাহা হইলে সেই দেশের লোকেরা সাধারণতঃ যত সহজে ও যত অল্পকালে দ্বিতীয় ও উৎকৃষ্টতর অর্থে স্বাধীন হইতে পারে, বিদেশজাত ও বিদেশবাসী লোকের দ্বারা শাসিত লোকেরা তত সহজে প্রথম ও দ্বিতীয় অর্থে স্বাধীনতা লাভ করিতে পারে না।

মুসলমান রাজত্ব ও ভারতবর্ষের পরাধীনতা

ভারতবর্ষ যখন মুসলমান রাজাদের অধীন ছিল, তখন তবর্ষ পরাধীন ছিল, এই ধারণা আমাদের প্রায় সকলেরই আ। অস্তুতঃ প্রায় সব হিন্দুরই আছে, বলা যাইতে পারে। ভারতবর্ষের ইতিহাস লেখক ইংরেজেরা ও অন্ত ইংরেজগণ এই ধারণা বন্ধমূল করিতে চেষ্টা করিয়াছেন। কিন্তু এই ধারণা সম্পূর্ণ সত্য নহে।

বিদেশাগত বা বিদেশজাত রাজার অধীন দেশমাত্রকেই পরাধীন বলা যায় কি? ইংলণ্ডের ইতিহাস হইতে ইহা বুঝিবার চেষ্টা করা যাক। রাজা আর্ক্বেডের আমলে ইংলণ্ড প্রথম অর্থে স্বাধীন ছিল, ইহা সকলেই বলিবেন। কিন্তু তাহার পূর্বপুরুষেরা ও তিনি বিদেশী আর্গোসিয়ান

জাতীয় ছিলেন। তাঁহাদের আগমনের পূর্বে ইংলণ্ডের অধিবাসীরা কেণ্টিক্ জাতীয় ছিল। তাহাদেরও আগে ইংলণ্ডে কালো চোখ ও কালো চুলওয়ালারা খুব বেশীসংখ্যক অশেত রঙ্গের লোক (সম্ভবতঃ জেতা রূপে) আগমন করে, এবং সেইজন্য আজও ইংলণ্ডের অর্ধেকের উপর লোকের চুল ও চোখ কালো।

বিজেতা উইলিয়ম্ একাদশ শতাব্দীতে ফ্রান্সের নর্ম্যান্ডি প্রদেশ হইতে আসিয়া ইংলণ্ড দখল করেন। বিগাতের বর্তমান রাজা পঞ্চম জর্জ সাক্ষাৎ তা পুরোক্ত ভাবে এই উইলিয়ামেরই বংশধর। অতএব যদি কোন দেশে বিদেশী বংশের রাজা থাকিলেই তাহাকে পরাধীন দেশ বলা হয়, তাহা হইলে ইংলণ্ড পরাধীন দেশ। কিন্তু বাস্তবিক ইংলণ্ড পরাধীন নহে। কারণ, ইংলণ্ডের রাজারা অনেকদিন হইতে ইংলণ্ডেই জন্মগ্রহণ করিতেছেন, তাঁহাদের মাতৃভাষা ইংরেজী, এবং তাঁহারা অপর ইংরেজদের মত ইংলণ্ডেরই অধিবাসী। আশ্রয়-একটি কারণ এই, যে, ইংলণ্ডে উহার অধিবাসীরাই প্রভু, তাহাদেরই শক্তি রাজ্যের শক্তিকে ক্রমশঃ কমাইয়া এখন প্রায় নাম মাঠে পর্য্যবসিত করিয়াছে।

বিজেতা উইলিয়ামই যে ইংলণ্ডের একমাত্র বিদেশজাত ও বিদেশাগত রাজা ছিলেন, তাহা নহে; স্টিফেন, তৃতীয় উইলিয়াম, এবং প্রথম জর্জও ইংরেজ ছিলেন না, এবং ইংরেজী তাঁহাদের মাতৃভাষা ছিল না। প্রথম জেম্‌স্‌ও ইংরেজ ছিলেন না, ছিলেন স্কট্। পঞ্চম জর্জের পিতামহ আলবার্ট জার্ম্যান ছিলেন।

দেশের অধিকাংশ লোক যদি একধর্মাবলম্বী হন, এবং রাজা বা রাণী হন অপরধর্মাবলম্বী, তাহা হইলেও দেশকে পরাধীন বলা চলে না। অষ্টম হেনরীর কন্যা মেরী ছিলেন রোম্যান কাথলিক, কিন্তু ইংলণ্ডের অধিকাংশ লোক ছিল প্রটেস্ট্যান্ট। তথাপি মেরীর সময়ে ইংলণ্ড পরাধীন ছিল, বলা চলে না। দ্বিতীয় জেম্‌স্‌ও রোম্যান কাথলিক ছিলেন।

প্রথম উইলিয়ামের বংশধরদের মধ্যে কাহার রাজত্বকাল হইতে ইংলণ্ডকে প্রথম অর্থে স্বাধীন বলা যায়, তাহা বলা কঠিন। এবিষয়ের আলোচনা ইংরেজরা করে নাই। কারণ, ইংলণ্ড যে কখনও পরাধীন ছিল, ইহা তাহারা ভুলিয়া যাইতে

এবং অন্য জাতিসকলকে ভুলিয়া রাখিতে চায়। অথচ স্বর্গের লিখিত আইভ্যানুহো উপন্যাস হইতেও বুঝা যায় যে, জন্ম এবং প্রথম রিচার্ডের রাজত্বকালেও বিজেতা নর্ম্যানদের বংশধরেরা দেশের এংলোসাক্সন্ অধিবাসীদিগকে অবজ্ঞার চক্ষে দেখিত। যখন ইউরোপ মহাদেশে ইংলণ্ডের রাজাদের রাজত্ব একেবারেই বা প্রধানতঃ রহিল না, এবং তাঁহারা ইংলণ্ডকেই মাতৃভূমি ও পিতৃভূমি এবং ইংরেজীকেই মাতৃভাষা জ্ঞান করিতে লাগিলেন, তখন হইতে ইংলণ্ডকে প্রথম অর্থে স্বাধীন দেশ বলা যাইতে পারে। দ্বিতীয় অর্থে অর্থাৎ প্রজার কর্তৃত্ব অর্থে স্বাধীনতার সূত্রপাত ইংলণ্ডে মাগনা-কার্টার সময় হইতে এবং সাইমন্ ডি মন্টফোর্টের সময় হইতে হয়।

এখন ভারতবর্ষের ইতিহাসের বিষয় আলোচনা করা যাক্।

পাঠান- ও মোগল-বংশের প্রথম রাজারা বিদেশজাত এবং বিদেশাগত বিজেতা ছিলেন। তাঁহারা ভারতবর্ষের ষতটুকু দখল করিয়াছিলেন তাহা পরাধীন দেশ নামে অভিহিত হইবার যোগ্য। ভারতবর্ষের সেই অংশের প্রথম বা দ্বিতীয় কোন অর্থেই স্বাধীনতা ছিল না। কিন্তু তাঁহাদের বংশধরেরা ভারতবর্ষে জন্মগ্রহণ করেন। এবং ভারতবর্ষেই সমস্ত সৌভাগ্য যাপন করিয়া এখানেই প্রাণত্যাগ করেন। তাঁহাদের প্রধান কীর্ত্তিও সমস্তই ভারতবর্ষে অবস্থিত। আকবর, জাহাঙ্গীর, শাহজাহান, প্রভৃতি বাদশাহ্ ভারতবর্ষীয় ছিলেন। মোগল বাদশাহদের অনেকে মাতৃকুল অনুসারে হিন্দুর স্তান ছিলেন। অতএব, তাঁহারা ভিন্নধর্মী হইলেও, মেরীর অধীন ইংলণ্ড যেমন প্রথম অর্থে স্বাধীন ছিল, তেমনি তাঁহাদের অধীন ভারতবর্ষও স্বাধীন দেশ ছিল। বস্তুতঃ সমুদয় পাঠান মোগল বাদশাহদের মধ্যে ২১ জন ছাড়া সকলেই ভারতবর্ষের লোক ছিলেন, সুতরাং তাঁহাদের আমলে ভারতবর্ষ প্রথম অর্থে স্বাধীন ছিল। বিদেশাগত কাহারো দ্বারা একবার কোন দেশ বিজিত হইলেই সেদেশ তাহার বংশধর সমুদয় রাজাদের সমগ্র রাজত্বকাল ব্যাপিয়া পরাধীন ছিল। একরূপ মনে করা হুল। তাহা হইলে স্বাধীন ইংলণ্ডকে অতীত বংশতাকী ব্যাপিয়া পরাধীন বিশেষণে কলঙ্কিত করিতে হয়।

মুসলমান বাদশাহ ও নবাবদের আমলে যদি, ইংলণ্ডের মত, এদেশে প্রজাদের রাষ্ট্রীয় অধিকার প্রতিষ্ঠিত এবং ক্রমে

ক্রমে বিধৃত হইত, তাহা হইলে এখনও ভারতে মুসলমান রাজত্ব থাকিলেও, ভারতবর্ষকে প্রথম ও দ্বিতীয় উভয় অর্থেই স্বাধীন বলা চলিত। ইংলণ্ডে হিন্দুজাতিভেদের মত জাতিভেদ না থাকায় এবং কেন্টিক্, এংলোসাক্সন ও নর্মান জাতীয় সকল লোকই খৃষ্টিয়ান থাকায়, বৈবাহিক আদান-প্রদান দ্বারা সকলে এখন একজাতি হইয়া গিয়াছে, এবং সকলের সম্মিলিত চেষ্টায় ইংলণ্ড প্রথম ও দ্বিতীয় উভয় অর্থেই স্বাধীন। আক্‌বর বাদশাহের প্রবর্তিত বা তদপেক্ষা উৎকৃষ্টতর কোন নীতির দ্বারা যদি হিন্দুমুসলমানের একজাতিত্ব উৎপাদিত ও বর্ধিত হইত, এবং এই সম্মিলিত ভারতীয় জাতির সমবেত চেষ্টায় যদি ক্রমে ক্রমে এদেশে প্রজার কর্তৃত্ব স্থাপিত হইত, তাহা হইলে ভারতবর্ষ এখন প্রথম ও দ্বিতীয় উভয় অর্থেই স্বাধীন দেশ বলিয়া অভিহিত হইতে পারিত। কিন্তু তাহা যখন হয় নাই, তখন তাহার জ্ঞ অশুশোচনা করিয়া কোন লাভ নাই।

আমরা যদি অন্ততঃ এইটুকু বুঝিয়া থাকি, যে, অধিকাংশ বাদশাহ ও নবাবদের আমলে ভারতবর্ষ প্রথম অর্থে স্বাধীন দেশ ছিল, তাহাও পরম লাভ। তাঁহাদিগকে বিদেশী মনে করা উচিত নয়। ইংরেজরা প্রথম উইলিয়মের পরবর্তী সেই-সব রাজা ও রাণীদিগকেও বিদেশী মনে করে নাই, যাহাদের আমল পর্য্যন্ত প্রজার অধিকার বিশেষভাবে স্থাপিত হয় নাই। সত্য বটে, ভারতের অনেক বাদশাহ ও নবাব অত্যাচারী ছিলেন; কিন্তু কৃষিয়ার জারেরাও ত অত্যাচারী ছিলেন, ইংলণ্ডের ও ফ্রান্সের অনেক রাজা ও রাণী অত্যাচারী ছিলেন। তজ্জন্ম তাঁহাদের অধীন ফ্রান্স, ইংলণ্ড ও কৃষিয়ারকে পরাধীন দেশ বলা হয় না। অনেক হিন্দু রাজাও অত্যাচারী ছিলেন। কিন্তু সে কারণে তজ্জন হিন্দুরাজার শাসিত ভারতকে পরাধীন বলা হয় না। সত্য বটে, মুসলমানেরা দেশের অধিকাংশ অধিবাসী ছিলেন না। কিন্তু তাই বলিয়া তাঁহাদের রাজত্বকে বিদেশীর রাজত্ব বলা যায় না। শিখেরা এখন বা পূর্বে কখনও পঞ্জাবের অধিকাংশ অধিবাসী ছিলেন না, কিন্তু পঞ্জাবে তাঁহাদের রাজত্বকালকে পঞ্জাবের পরাধীনতার কাল বলিয়া উল্লেখ করা হয় না। ইংলণ্ডের মেরী ও দ্বিতীয় জেম্‌স্‌ রোমান কাথলিক হইলেও এবং ইংলণ্ডের রোমান কাথলিকদের সংখ্যা প্রটেস্ট্যান্টদের

চের কম হইলেও, মেরী ও দ্বিতীয় জেম্‌সের রাজত্বকালীন ইংলণ্ড ইতিহাসে পরাধীন বলিয়া উল্লিখিত হয় না। সত্য বটে মুসলমান বাদশাহ ও নবাবেরা হিন্দু নৃপতিদের সহিত যুদ্ধ করিতেন; কিন্তু তজ্জন্মও মুসলমান রাজত্বকালকে বিদেশী রাজত্ব বলা চলে না। কারণ, তাঁহারা মুসলমান নৃপতিদের সহিতও যুদ্ধ করিতেন এবং হিন্দু নৃপতির হিন্দু নৃপতিদের সঙ্গেও যুদ্ধ করিতেন।

টডের রাজস্থান পাঠ করিয়া আমরা অনেকে সাতিশয় উপকৃত হইয়াছি, এবং ভবিষ্যতেও অনেকে উপকৃত হইবেন। কিন্তু ইহার দ্বারা অনিষ্টও হইয়াছে। হিন্দু-মুসলমানের পরস্পর বৈর ভাব জন্মাইবার বা জাগাইয়া রাখিবার একটি প্রধান কারণ এই গ্রন্থখানি। আমরা যেমন করিয়া এই গ্রন্থ পড়িয়া এবং এই গ্রন্থ অবলম্বনে লিখিত বহু কাব্য উপন্যাস নাটক পড়িয়া হিন্দুমুসলমানের অতীত ঝগড়া জাগাইয়া রাখি, ইংরেজরা তেমন করিয়া কোন গ্রন্থের সাহায্যে এংলোসাক্সন ও নর্মানের, ইংরেজ ও স্কচের, এবং রোমান কাথলিক ও প্রটেস্ট্যান্টের ঝগড়া জাগাইয়া রাখে না। আমরা অতীত ইতিহাসকে লুপ্ত বা বিকৃত করিতে বলিতেছি না; কিন্তু অত্র সকল দেশের ইতিহাস সেই সেই দেশের লোকেরা যেমন ভাবে লেখে ও পড়ে, আমাদের দেশের ইতিহাসও আমরা যাহাতে তেমনি করিয়া লিখি ও পড়ি, তাহারই জ্ঞ চেষ্টা করিতেছি।

অনেক মুসলমানের এবং অনেক হিন্দুরও এইরূপ ধারণা আছে, যে, মুসলমানেরা সকলেই বা অধিকাংশ বিদেশী-বংশোৎপন্ন ও বিজেতার জাতি। কিন্তু প্রকৃত কথা তাহা নহে। ইংলণ্ডে আজিও অনেক লর্ড পরিবার নিজেদের নম্যান রক্তের বড়াই করে, যদিও তাহাদের অনেকের কুলজী কল্পিত, এবং অনেকের ধমনীতে কেন্টিক্ ও এংলোসাক্সন রক্ত প্রবাহিত। বর্তমান ভারতীয় মুসলমানদের অধিকাংশ মুসলমানধর্ম-দীক্ষিত হিন্দু ও আদিমনিবাসীদের বংশধর। সমুদয় হিন্দু যেমন আর্য্যবংশীয় নহে, দেশীয় খৃষ্টিয়ানেরা যেমন বিজেতার জাতি নহে, অধিকাংশ মুসলমানও তেমনি আরব মোগল পাঠান তুর্ক আদি বিজেতার জাতি নহে। তা ছাড়া, কাহারও পূর্বপুরুষ গোলাও খাইত বলিয়া যেমন সেই স্বতিতেই তাহার কুখ্য নিবারণ হয় না,

কাহারও পূর্ব পুরুষ পণ্ডিত ছিলেন বলিয়া যেমন তাহাতেই তাহার অজ্ঞতা দূর হয় না, তেমনি কাহারও পূর্ব পুরুষ বিজ্ঞতা থাকিলেও, এখন সকল ভারতীয়েরই দশা এক। সবাই পরাধীন।

আর-একটা ভ্রান্ত ধারণাও দূর হওয়া আবশ্যিক। ইংরেজ যখন ছলে বলে কৌশলে ভারতবর্ষের রাজা হইল, তখন দেশে মুসলমানের প্রভু অধিকাংশ স্থানে লুপ্ত হইয়াছিল। পঞ্জাব ও তাহার নিকটবর্তী স্থানসমূহে শিখদের প্রভু স্থাপিত হইয়াছিল। অন্তত মরাঠারাই হয় প্রভু নতুবা সর্বাপেক্ষা শক্তিশালী জাতি বলিয়া স্বীকৃত হইয়াছিল। পানিপথের শেষ যুদ্ধ বাস্তবিক মরাঠাদের সহিত হইয়াছিল; দিল্লীর শেষ বাদশাহেরা মরাঠাদের নজরবন্দী ছিল।

পরাধীন হইলাম; কেন না বাঙ্গালী হিন্দুরা বাঙ্গালী মুসলমানদের চেয়ে সংখ্যায় কম হওয়া সত্ত্বেও রাজা হিন্দুসম্প্রদায়-ভুক্ত এবং অধিকাংশ উচ্চপদস্থ কর্মচারীও হিন্দু।” উত্তর-পশ্চিমসীমান্ত প্রদেশ আগেকার মত পঞ্জাবের সামিল হইলে এবং তথায় হিন্দু বা শিখ রাজত্ব স্থাপিত হইল তথাকার মুসলমানেরা, সংখ্যায় অধিক বলিয়া, ঠিক বাঙ্গালী মুসলমানদের মত কপাই বলিতে পারেন। অতএব বর্তমানে বা ভবিষ্যতে যে স্বরাজ হইবে, তাহা, হিন্দু মুসলমান, খৃষ্টিয়ান, বৌদ্ধ, জৈন, শিখ, ইহুদী, পার্শী, কাহারও রাজত্ব হইলে চলিবে না, প্রধানতঃ বা একমাত্র কাহারও প্রভুত্বকে স্বরাজ নাম দেওয়া যাইতে পারে না।

তবে স্বরাজ্য কেমন হইতে পারে ?

হিন্দু রাজত্ব ও মুসলমানের “পরাধীনতা”

অনেক মুসলমান যেমন মনে করেন, যে, স্বরাজ্য মানে মুসলমানপ্রভুত্বের পুনঃপ্রতিষ্ঠা, তেমনি অনেক হিন্দুও মনে করেন, স্বরাজ্য মানে হিন্দু রাজত্বের পুনঃস্থাপন। কিন্তু অতীতকালে বাহাই ঘটিয়া থাকুক, বর্তমানে ও ভবিষ্যতে আমরা হিন্দু রাজত্বও কামনা করিব না, মুসলমান রাজত্বও কামনা করিব না। তদুপ আবার খৃষ্টিয়ান, জৈন, শিখ, বৌদ্ধ, প্রভৃতি কাহারও রাজত্বও কামনা করিব না। আমরা ভারতবর্ষের সমুদয় ধর্মের, জাতির ও ভাষার লোকদের কর্তৃত্ব কামনা করি। অর্থাৎ আমরা একপ স্বরাজ্য চাই, যাহাতে জাতিধর্মভাষানির্কিশেবে প্রত্যেক প্রাপ্তবয়স্ক পুরুষ ও নারীর, নির্দিষ্ট যোগ্যতা থাকিলে, সমান রাষ্ট্রীয় অধিকার থাকিবে। তাহার কথা পরে বলিতেছি।

অতীতকালে যখন ভারতের অনেক প্রদেশে মুসলমান রাজত্ব ছিল, তখনকার কথা স্মরণ করিয়া হিন্দুরা মনে করিতে পারেন, “আমরা তখন ছিগাম সংখ্যায় বেশী, অপচ সংখ্যায় কম মুসলমান সম্প্রদায়ের ব্যক্তিবিশেষ হইতেন রাজা, এবং অধিকাংশ উচ্চপদে মুসলমান কর্মচারী অধিষ্ঠিত ছিলেন; এইজন্য মনে করি আমরা পরাধীন ছিলাম।”

বর্তমানসময়ে ধরুন যদি বঙ্গে হিন্দু রাজত্ব প্রতিষ্ঠিত হয়, তাহা হইলে মুসলমানেরাও ত মনে করিতে পারেন, “আমরা

স্বরাজ্যের প্রকৃতি

আমরা আগে বলিয়াছি, ইংলেণ্ডে রাজা থাকিলেও তথাকার বাসিন্দা লোকেরাই প্রভু, সূত্রাৎ তাহারা স্বাধীন, ও তথায় পূর্ণ স্বরাজ্য প্রতিষ্ঠিত হইয়াছে। ভারতবর্ষেও যদি সমুদয় আভ্যন্তরীণ ও বৈদেশিক রাষ্ট্রীয় ব্যাপারে সকল ভারতীয় জাতির লোকদের প্রভু হয়, এবং ধর্ম জাতি ভাষা নির্কিশেবে সকলেরই রাষ্ট্রীয় অধিকার থাকে, তাহা হইলে স্বরাজ্য রাজত্বসত্ত্বেও হইতে পারে, সাধারণতঃ হইতে পারে। ইংলেণ্ডের দৃষ্টান্ত দ্বারা ইহা বুঝিতে হইবে।

মুসলমান রাজত্বকালে হিন্দু মুসলমাননির্কিশেবে সকলে সকল পদ পাইতে পারিত; কিন্তু এক সময়ে ইংলেণ্ডে আর্পলকান্ (Arpalkan) খৃষ্টিয় সম্প্রদায়ের লোকদের যেসব রাষ্ট্রীয় অধিকার ছিল, রোমান কাথলিকদের ও ইহুদীদের তাহা ছিল না, কালে তাহাদের এই অধিকারশূন্যতা দূর হয়। সেইজন্য আমরা দেখিতে পাই, যে, যদিও ইংলেণ্ডের রাণী ও রাজারা আংলিকান খৃষ্টিয়ান, তথাপি ইহুদী ডিসব্রেলী ইংলেণ্ডের প্রধান মন্ত্রী হইয়াছিলেন, এবং রোমান কাথলিক লর্ড রিপন ভারতে রাজপ্রতিনিধি ও বড়লাট হইয়াছিলেন। বর্তমান সময়ে ইহুদী মর্টেণ্ড সাহেব ভারতসচিব এবং ইহুদী লর্ড-রোডং ভারতে বড়লাট, ও রাজপ্রতিনিধি। তেমনি যদি কেহ ভারতবর্ষের স্বাধীন রাজা হন এবং তাহার ভারতীয়

প্রজাদের পুরাশ্রয় সেই সব অধিকার থাকে, যাহা ইংলেণ্ডে ইংরেজদের আছে, তাহা হইলে ভারতবর্ষের এই স্বাধীন রাজার ধর্ম ও জাতি যাহাই হউক, তাহাতে আসিয়া যাইবে না।

যদি ইংলেণ্ডের রাজবংশোদ্ভূত কেহ ভারতবর্ষের স্বাধীন রাজা হইয়া আসিয়া এখানে পুরুষানুক্রমে স্থায়ীভাবে বসবাস করেন, যদি তিনি ইংলেণ্ডের রাজার অধীন না হন, এবং যদি তাঁহার ও তাঁহার বংশধরদের রাজত্বে ভারতীয় জাতির সেইরূপ রাষ্ট্রীয় অধিকার থাকে যেমন বিলাতে ইংরেজ জাতির আছে, তাহা হইলে একরূপ স্বরাজ বলা যাইতে পারে। ভারতীয় কোন হিন্দু বৌদ্ধ জৈন মুসলমান খৃষ্টিয়ান শিখ ইহুদী বা পার্শী রাজার রাজত্বে যদি ঐরূপ রাষ্ট্রীয় অধিকার আমাদের হয়, তাহা হইলে তাঁহাকে ত নিশ্চয়ই স্বরাজ বলা যাইতে পারিবে।

কিন্তু রাজা যে ধর্মের বা জাতির হন, তাহাতে যেন সেই ধর্মসম্প্রদায় বা জাতির একটু বেশী গৌরব হয়, সাধারণতঃ লোকের মনের ভাব এইরূপ হওয়ায়, এবং ভারতবর্ষে অতীত ও বর্তমান বিরোধস্বত্তির পোষণ নানা ধর্ম ও জাতির লোকের বাস থাকায়, ভারতবর্ষে পূর্ণ স্বরাজ সাধারণতঃ আকারের হওয়াই বাঞ্ছনীয়। তাহা হইলে, যোগ্যতা অনুসারে, ভিন্ন ভিন্ন সময়ে ভিন্ন ভিন্ন ধর্মের ও জাতির লোক প্রেসিডেন্ট অর্থাৎ দেশনায়ক বা দেশপতি নির্বাচিত হইতে পারিবেন; স্থায়ী রাজবংশ কোন ধর্মের বা জাতির হওয়ার জন্ত কাহারও অহঙ্কার বৃদ্ধি হইবে না, বা কাহাকেও দীর্ঘকাল মনক্ষুন্ন থাকিতে হইবে না।

উপরে যাহা লিখিত হইল, তাহা হইতে ইহাই বুঝিতে হইবে, যে, যে-কোন ধর্মসম্প্রদায় ও জাতি ভারতবর্ষের স্থায়ী বাসিন্দা, অথবা সব স্থায়ী বাসিন্দারা তাহাকে নিজেদের সমান ভারতীয় মনে করিলে, তবে আমরা পূর্ণ স্বরাজ অর্জন করিবার ও রক্ষা করিবার যোগ্য হইব। হিন্দু মনের নিভৃততম কক্ষেও এভাব পোষণ করিতে পারিবেন না, যে, তিনি মুসলমানের চেয়ে বেশী ভারতীয়; মুসলমানও ভাবিতে পাইবেন না, যে, ভারতবর্ষ অপেক্ষা পারস্য তুরস্ক বা আরব দেশ অধিক পরিমাণে তাঁহার স্বদেশ। কোন সম্প্রদায় অথবা কোন

সম্প্রদায়কে অবজ্ঞা বা ঘেব করিলে চলিবে না। পবম্পরকে সকলে সর্ববিধ অতীত ও বর্তমান অপরাধের জন্ত ক্ষমা করিয়া প্রীতির চক্ষে দেখিবেন।

এ পর্য্যন্ত ইহা দেখা গিয়াছে বটে, যে, মুসলমান-প্রধান পূর্ববঙ্গ হুর্ভিক্ষে জলপ্লাবনে বড়ো সান্ত্বনয় বিপন্ন হইলে মুসলমান অপেক্ষা হিন্দুরাই বেশী টাকা দিয়াছে ও খাটিয়াছে। কিন্তু তুরস্ক বিপন্ন হইলে বা আঙ্গোরার জন্ত টাকা তুলিতে হইলে মুসলমানেরা মুক্তহস্তে টাকা দিয়াছেন। আমরা একজন্ত মুসলমান-দিগকে দোষ দিতেছি না। মানুষ পরাধীন হইলে বা অথবা কোন প্রকারে ছরবস্থাপন্ন হইলে, স্বাধীন ও সুদশাপন্ন কাহাকেও আত্মীয় জ্ঞান করিতে পারিলে তৃপ্তি বোধ করে। মুসলমানের আধিপত্য এককালে এমিয়া আফ্রিকা ও ইউরোপে বিস্তৃত হইয়াছিল। বর্তমান সময়ে একমাত্র তুরস্কই প্রকৃত শক্তিশালী স্বাধীন মুসলমান দেশ ছিল, এবং মুসলমানের অতীত শক্তির গৌরবময় স্মৃতির ভগ্নাবশেষ রক্ষা করিতেছিল। তাহাকে আত্মীয়বোধে তাহার সাহায্য করিতে চেষ্টিত হওয়া মুসলমানের পক্ষে স্বাভাবিক। ভারত মহাসাগরে কোথায় ক্ষুদ্র বলী দ্বীপ আছে, তাহাতে এখনও হিন্দু আছে, তাহার অল্পকাল পূর্বে পর্য্যন্ত স্বাধীন ছিল বা এখনও আছে, মনে করিয়া আমরা সুখ পাই। অতএব মুসলমানের মনের ভাব বুঝা আমাদের পক্ষে কঠিন নহে। কিন্তু যখন অতীত কালে ভারতবর্ষে মুসলমানের প্রভুত্ব ছিল, তখন ভারতীয় মুসলমানেরা ও তাঁহাদের বাদশাহেরা গৌরবের জন্ত স্বাধীন পারস্যের বা তুরস্কের গাধেঁসা হওয়া আবশ্যিক মনে করিতেন না। কারণ তাঁহারা নিজেই স্বাধীন ও শক্তিশালী ছিলেন। ভবিষ্যতে ভারতবর্ষে আমাদের বাঞ্ছানুরূপ স্বরাজ প্রতিষ্ঠিত হইলে হিন্দুর মত মুসলমানও স্বাধীন এবং গৌরবমণ্ডিত হইবেন। তখন ভারতবর্ষের প্রতি তাঁহাদের মমতা আরও বাড়িবে। কিন্তু বুদ্ধিমান বিবেচক স্বাধীনতাপ্রিয় ও স্বদেশপ্রেমিক ভারতীয় মুসলমানদের মনের অবস্থা এখন হইতেই ভারতের প্রতি মমতায় পূর্ণ বলিয়া মনে করি। অথবা সকল মুসলমানের মনেও তাঁহারা ঐরূপ ভাব জন্মাইতে চেষ্টা করুন। ভারতীয় ভাষা

ও সাহিত্যের এবং ভারতীয় সভ্যতা ও শিল্পের চর্চায়, এবং ভারতের হিতকর সর্ববিধ প্রচেষ্টায় তাঁহারা অন্তসব সম্প্রদায়ের সহকারী হউন।

একটি সরকারী পত্রী

পৌষের প্রবাসী প্রকাশিত হইবার দুই দিন পরে আমরা বাংলা গবর্ণমেন্টের বাণিজ্যবিভাগ হইতে কয়েকটি ক্ষুদ্র পত্রী (leaflets) প্রবাসীতে প্রকাশার্থ প্রাপ্ত হই। নীচে তাহার একটি মুদ্রিত করিতেছি।—

হরতালে কি ক্ষতি হয় ?

হরতালে কি হয়?—তোমাকে তোমার কাজ করিতে দেয় না; তোমার একদিনের রোজ্গার নষ্ট হয়; আর বিশেষ কারণে, ২৩শে ডিসেম্বর তারিখে, দোকানদারেরা সমস্ত বৎসরের মধ্যে সব চেয়ে লাভের কাজ অর্থাৎ বড়দিনের বেচা-কেনা, করিতে পারিবে না।

হরতাল কে চায়?—কেবল গুণ্ডারা; কারণ তাহা হইলে তাহারা সাধু ও রাজভক্ত লোকদের ক্ষতি করিবার ও টাকা কড়ি লুট করিবার সুবিধা পায়।

হরতালের হুকুম কেন লোকে মানে?—কারণ যাহারা গুণ্ডাদের হুকুম না মানে, গুণ্ডারা তাহাদিগকে ভয় দেখায়, পৌড়ন করে ও মারে।

২৩এ ডিসেম্বর তারিখে কেন এ হুকুম মানা উচিত নয়?—কারণ যে সমস্ত সাধু ও গরীবলোক হরতাল চায় না, অথচ গুণ্ডাদের ভয় করে, তাহাদিগকে রক্ষা করিবার জন্ত বিস্তর সাধু ও রাজভক্ত ইংরাজ ও ভারতীয় সহরবাসী একজোট হইতেছেন।

অতএব গুণ্ডাদের ভয় করিবার দরকার নাই, তাহারা রাজার শত্রু। গরীবদের রক্ষা করা হইবে, কাহাকেও তাহাদের ক্ষতি করিতে দেওয়া হইবে না।

তোমাদের ভাবী রাজার আগমনের সময় তাঁহাকে সমাদর দেখাইবার জন্ত আসিতে ভয় পাইও না। তোমাদিগকে কেহ পৌড়ন করিতে পারিবে না।

ঈশ্বর সুবরাজকে নিরাপদে রাখুন।

ঈশ্বর রাজাকে নিরাপদে রাখুন।

এই পত্রীটির বিস্তৃত সমালোচনা অনাবশ্যক। ইহাতে যে অসত্যকথা আছে, তাহা সহজেই ধরা যায়।

“হরতাল কে চায়? কেবল গুণ্ডারা”; গবর্ণমেন্ট কি বাস্তবিক ইহা বিশ্বাস করেন? মহাত্মা গান্ধী হরতাল চাহিয়াছিলেন; তিনি কি গুণ্ডা? ভারতবর্ষের একরূপ লক্ষ লক্ষ লোক হরতাল চাহিয়াছিল ও করিয়াছিল, যাহারা চরিত্রে এবং শান্তিপ্রিয়তার গবর্ণমেন্টের উচ্চতম হইতে নিম্নতম কর্মচারী পর্য্যন্ত কাহা অপেক্ষাও গ্রীন নহে। “কেবলমাত্র গুণ্ডারা হরতাল চায়”, একরূপ বাজে ও অসত্য কথা প্রচার করার গবর্ণমেন্টেরই সম্মত নষ্ট হয়।

গবর্ণমেন্ট এইরূপ পত্রী বিতরণ এবং অজ্ঞান নানা উপায় অবলম্বন করা সবেও হরতাল হইয়াছিল। তাহাতে এই প্রমাণ হয়, যে, (১) গুণ্ডাদের উৎপৌড়ন ও ভয়প্রদর্শন

হরতালের একমাত্র বা প্রধান কারণ নহে, অধিকাংশ স্থলে উহা স্বেচ্ছাপ্রসূত; কিম্বা (২) ইহাই প্রমাণ হয়, যে, “গুণ্ডারা”, অর্থাৎ সরকারের মতে অসহযোগীরা, গবর্ণমেন্ট অপেক্ষা একরূপ শক্তিশালী, যে, গবর্ণমেন্ট লোকদিগকে অভয় দেওয়া সবেও তাহারা “গুণ্ডাদের” ভয়ে হরতাল করিতে বাধ্য হইয়াছিল।

শান্তিনিকেতনে বিশ্বভারতীর প্রতিষ্ঠা

বিশ্বভারতীর কার্য আগে হইতেই চলিতেছিল। গত ৭ই পৌষ শান্তিনিকেতনে আচার্য্য ব্রজেননাথ শীল মহাশয়ের সভাপতিত্বে উহার নিয়মাবলী সভাস্থ সকলের সম্মতিক্রমে গৃহীত হয়। ঐ সভায় আচার্য্য রবীন্দ্রনাথ ঠাকুর, অধ্যক্ষ্য সিন্ধুনাথ মেতি, ডাক্তার নীলরতন সরকার, প্রিন্সিপ্যাল শ্রীশীলকুমার রুদ্র, পণ্ডিত বিধুশেখর শাস্ত্রী, পণ্ডিত কিত্তিমোহন সেন, শ্রীযুক্ত নেপাল চন্দ্র রায়, অধ্যাপক প্রশান্তচন্দ্র মহলানবীস্ প্রভৃতি উপস্থিত ছিলেন।

জাতিধর্মনিবিশেষে সকলেই বিশ্বভারতীর সভ্য হইতে পারেন। ইহাতে ছাত্র ছাত্রী উভয়েরই অধ্যয়নের ব্যবস্থা করা হইয়াছে। ছাত্রীদের বাস ও অধ্যয়ন সম্বন্ধে বিজ্ঞাপন দ্রষ্টব্য। বিশ্বভারতীতে প্রাচীন ও আধুনিক সর্ববিধ বিদ্যাই শিক্ষা দেওয়া যাইতে পারিবে। অবশ্য, সকল বিদ্যা শিখাইবার বন্দোবস্ত এখন হয় নাই, কিম্বা অদূর ভবিষ্যতেও না হইতে পারে। কিন্তু কোন প্রকার বিদ্যাকেই বাস দেওয়া হয় নাই। কোন বিদ্যা শিখাইবার সামর্থ্য যখনই হইবে এবং উহা শিখিতে ইচ্ছুক ছাত্র-ছাত্রীও জুটিবে, তখনই উহা শিখাইতে আরম্ভ করা হইবে।

ভি-পি ডাকে প্রবাসীর মূল্য প্রদান

ডাক-বিভাগের বর্তমান ব্যবস্থা এই, যে, কোন বহি ডাকে পাঠাইতে হইলে উহার প্রত্যেক পাঁচ তোলা বা তাহা অপেক্ষা কম ওজনের জন্ত দু পয়সা করিয়া ডাকমাণ্ডল দিতে হয়। সংবাদপত্রের উপর, প্রথম আট তোলা বা তন্নূন ওজনের জন্ত এক পয়সা মাণ্ডল লাগে; তাহার উপর কুড়ি তোলা পর্য্যন্ত দুই পয়সা লাগে। কুড়ি তোলার উপর ওজনের জন্ত প্রত্যেক কুড়ি তোলা বা তন্নূন ওজনের নিমিত্ত আবার দু পয়সা করিয়া লাগে। প্রবাসীর সজন আঙ্কাল গড়ে পঁচিশ তোলা। সেইজন্ত এখন ইহার প্রত্যেকখানির উপর এক আনা করিয়া মাণ্ডল লাগে। আগে চল্লিশ তোলা পর্য্যন্ত দু পয়সা মাণ্ডলে যাইত। এই-জন্ত আঙ্কাল আমাদের ডাকব্যয় আগেকার দ্বিগুণ হয়। আগে রেভেট্টারী না করিয়াও ভ্যালুপেয়েবুল ডাকে জিনিষ



বিশ্বভারতীর উদ্বোধন।

আচার্য্য ব্রজেননাথ শাল উদ্বোধক, পার্শ্ব রবীন্দ্রনাথ, অধ্যাপক সিল্ভিয়া লেভি প্রভৃতি উপবিষ্ট।

পাঠান ঘাটত; কিছুকাল হইতে সমুদয় ভ্যালুপেয়েব্লু জিনিষ রেজিষ্টারী করিবার নিয়ম হইয়াছে। তাহাতে প্রত্যেক জিনিষে দুইআনা করিয়া খরচ বাড়িয়াছে। ইহার উপর বঙ্গের ডাকবিভাগ গত কয়েকমাস হইতে ভ্যালুপেয়েব্লু ডাকে সংবাদপত্র প্রেরণের ব্যয় আরও বাড়াইয়া দিয়াছেন। বঙ্গের পোষ্টমাষ্টার জেনারেল বলিতেছেন, যে, সংবাদপত্র ভ্যালুপেয়েব্লু করিয়া পাঠাইলে তাহার উপর বহির মত ডাকমাণ্ডল লাগিবে। অর্থাৎ ২৫ তোলা ওজনের প্রবাসীতে এক আনার টিকিট লাগাইলে উহা সাধারণ ডাকে যায়; কিন্তু উহা ভ্যালুপেয়েব্লু করিতে হইলে উহার ২৫ তোলা ওজনের অল্প প্রত্যেক পাঁচ তোলায় দুই পয়সা অর্থাৎ মোট দশ পয়সা মাণ্ডল লাগিতেছে। ২৫ তোলা উপর ৩০ তোলা পর্য্যন্ত তিন আনা, ৩০ তোলা উপর ৩৫ তোলা পর্য্যন্ত সাড়ে তিন আনা, ৩৫ তোলা উপরে ৪০ তোলা পর্য্যন্ত চারি আনা লাগিতেছে। বার্ষিক সাড়ে ছয় টাকা মূল্য লইয়া এইরূপ অতিরিক্ত মাণ্ডল দিতে হইলে আমাদের বিস্তর ক্ষতি হয়। গ্রাহকদের নিকট হইতে

ইহা আদায় করিতে গেলে তাঁহারাও অসন্তুষ্ট হইবেন, এবং অনেকে গ্রাহক না থাকিতেও পারেন। এইজন্য আমরা উভয় পক্ষের সুবিধার নিমিত্ত বার্ষিক চাঁদা আদায়ের অল্প অল্প একটি উপায় অবলম্বন করিব, স্থির করিয়াছি। তাহা এই—

আগামী ১৩২৯ সালের প্রবাসীর মূল্য সাড়ে ছয় টাকার একখানি করিয়া রসিদ আমরা গ্রাহকদিগকে খামের মধ্যে পুরিয়া ভ্যালুপেয়েব্লু ডাকে আগামী ১০ই চৈত্র পাঠাইব। ইহাতে গ্রাহকদিগের ছয় টাকা তের আনা লাগিবে। তাঁহারা টাকা দিয়া উহা গ্রহণ করিবার পর ঐ টাকা আমাদের হস্তগত হইলে আমরা তাঁহাদিগকে যথানিয়মে ও যথাসময়ে বৈশাখ হইতে চৈত্র পর্য্যন্ত প্রবাসী পাঠাইব। ইহাতে সুবিধা এই, যে, গ্রাহকদের ও আমাদের অতিরিক্ত খরচ হইবে না, অধিকন্তু গ্রাহকদের নিকট টাকা দেওয়ার প্রমাণস্বরূপ একটি রসিদ থাকিবে, বাহা ভ্যালুপেয়েব্লু কাগজ লইলে থাকে না।

কেহ যদি ভ্যালুপেয়েব্লু প্রবাসী লইয়া একবৎসরের

মূল্য দিতে চান, তাহা হইলে তাঁহাকে প্রবাসীর ওজন অনুসারে সাত টাকা পর্য্যন্ত লাগিতে পারে।

প্রবাসীর মূল্য দিবার সর্বাপেক্ষা সস্তা উপায় ছুটি।

(১) নিজে বা লোক-মাধ্যমে আমাদের আফিসে ৬০ জনা দেওয়া; ইহাতে অতিরিক্ত কোন ব্যয় নাই। (২) মনিঅর্ডার করিয়া ৬০ প্রেরণ; ইহাতে মোট ব্যয় ৬০/০। আমরা কসিকাতার গ্রাহকদিগকে প্রথম উপায়, এবং মফঃস্বলের গ্রাহকদিগকে দ্বিতীয় উপায় অবলম্বন করিতে অনুরোধ করিতেছি।

আগামী ১লা চৈত্রের পূর্বে যে-সকল গ্রাহকের নিকট হইতে ১৩২৯ সালের প্রবাসীর মূল্য কিম্বা নিষেধ-পত্র পাওয়া যাইবে না, তাঁহাদিগকে আমরা আগামী ১০ই চৈত্র পূর্ববর্ণিত উপায়ে খামের মধ্যে ভ্যালুপেয়েন্সে রসিদ পাঠাইব। তাঁহারা উগ ৬৬/০ দিয়া অগ্রহপূর্বক গ্রহণ করিবেন।

যাঁহারা বৈশাখ সংখ্যা ভ্যালুপেয়েন্সে পাঠাইতে বলিবেন, তাঁহাদিগকে ভ্যালুপেয়েন্সেই পাঠাইব। কিন্তু তাঁহারা জানিয়া রাখুন, যে, উহাতে সাত টাকা পর্য্যন্ত লাগিতে পারে।

শ্রীমতী প্রতিভা চৌধুরী

শ্রীযুক্ত আশুতোষ চৌধুরী মহাশয়ের পত্নী শ্রীমতী প্রতিভা চৌধুরী মহোদয়ার আকস্মিক মৃত্যুতে বঙ্গদেশের বিশেষ ক্ষতি হইল। তিনি মহর্ষি দেবেন্দ্রনাথ ঠাকুরের পৌত্রী ও স্বর্গীয় চেমেন্দ্রনাথ ঠাকুরের কন্যা ছিলেন। তিনি সঙ্গীত-বিদ্যায় বিশেষ পারদর্শিনী ছিলেন; তন্ত্রিত কয়েকটি ভাষা জানিতেন, এবং সাধারণতঃ লোকে যাহা শিখিয়া থাকে তাহাতেও সুশিক্ষিতা ছিলেন। সঙ্গীত শিক্ষা দিবার জন্ত তিনি “সঙ্গীতসংঘ” স্থাপন করিয়াছিলেন, এবং ঐ বিষয়ে যাহাতে ছাত্র-ছাত্রীরা সুশিক্ষা পায় তজ্জন্ত বিশেষ যত্নবতী ছিলেন এবং ব্যয় করিতেন। তিনি “আনন্দ-সঙ্গীতপত্রিকা” নামক সঙ্গীতবিষয়ক অগ্রতম বাংলা কাগজের সম্পাদক ছিলেন।

রাজবন্দীদের প্রতি শ্রদ্ধাজ্ঞাপন

বৈধ উদ্দেশ্য সাধনার্থ প্রকাশ্য নিরুপদ্রব সভা করিবার এবং তথায় মত ও ভাব প্রকাশ করিবার, এবং স্বেচ্ছাসেবক হইয়া নিরুপদ্রবে অত্র বৈধ কার্য করিবার অধিকার গবর্ণমেন্ট হরণ করিয়াছেন। স্বেচ্ছাসেবকেরা (দুষ্টান্তস্বরূপ) চাঁদপুরে প্রাণের মায়্যা ত্যাগ করিয়া ওলাউঠা রোগীদেরও সেবা করিয়াছিলেন। অথচ গবর্ণমেন্ট সকল স্বেচ্ছাসেবককে গুণাশ্রেনীভুক্ত করিয়া,

ঐ ঐ অধিকার হরণ করিয়াছেন। স্বেচ্ছাসেবকেরা গুণা, ইহা যাঁহারা মানিয়া লইতে প্রস্তুত নহেন, যাঁহারা কার্যতঃ ইহার প্রতিবাদ করিয়া গবর্ণমেন্টের ক্রোধভাজন হইতে ভীত নহেন, যাঁহারা জাতীয় আত্মসম্মান বজায় রাখিবার জন্ত সকল হুঃখ সহিতে প্রস্তুত ইচ্ছুক ও ব্যগ্র, তাঁহারা স্বেচ্ছাসেবক হইয়া দলে দলে জেলে গিয়াছেন ও যাইতেছেন। তাঁহাদের পূর্বেও অনেক লোক বৈধ কথা বলিবার ও বৈধ কাজ করিবার ব্যক্তিগত স্বাধীনতা রক্ষার জন্ত এবং নিজ নিজ বিশ্বাস অনুসারে জাতীয় অপমান অত্যাচারের প্রতীকারের নিমিত্ত চেষ্টা করিতে গিয়া কারারুদ্ধ হইয়াছেন।

আমরা তাঁহাদিগকে শ্রদ্ধার সহিত নমস্কার করিতেছি।

তাঁহারা বুদ্ধিমান বিবেচক ও প্রাজ্ঞ কি না

যাঁহারা কারারুদ্ধ হইয়াছেন, তাঁহারা বুদ্ধিমান বিবেচক ও প্রাজ্ঞ কি না, তাহার বিচার আমরা করিতেছি না, করিতে চাই না। এক্ষণ আশোচনা করা আমাদের পক্ষে হয়ত সুশোভনও হইবে না।

যাঁহারা জেলে গিয়াছেন, তাঁহারা বুদ্ধি বিবেচনা ও বিজ্ঞতার পরিচয় দিয়া থাকুন বা না দিয়া থাকুন, তাঁহাদের বিশ্বাস অনুসারে কাজ করিবার এবং তজ্জন্ত কষ্ট ও ক্ষতি সহিবার ক্ষমতার পরিচয় দিয়াছেন। যাঁহারা জেলে যান নাই, তাঁহারা তাঁহাদের বিশ্বাস অনুসারে কাজ করিতে গিয়া অত্রটুকু ক্ষতি ও হুঃখ সহিতে প্রস্তুত কি না, নিজ নিজ হৃদয় মন পরীক্ষা করিয়া স্থির করুন। আমরা অপরকে উপদেশ দিয়া নিশ্চিত হই নাই। আমরাও আত্মপরীক্ষা করিতেছি।

মোট কথা এই, জেলে যাওয়া বা না-যাওয়াটাই উদ্দেশ্য বা লক্ষ্য নহে; উহা একটা আত্মনৈতিক ঘটনা বা উপায় মাত্র। প্রধান বিচার্য্য এই, যে, আমরা স্বার্থপর ও কাপুরুষ হইয়া কেবল ব্যক্তিগত সুখ সুবিধা ও আরাম এবং ব্যক্তিগত স্বার্থকেই জীবনের নিয়ামক করিব, না শ্রেয়ের অন্বেষণে সুখ সুবিধা আরাম ও স্বার্থ বলি দিয়া মানুষের মত আচরণ করিব ?

“মহুয্যত্বের পথ যদি আমাদের কাছে কারাগারে বা মশানে লইয়া যায়, তাহাতে আমরা প্রস্তুত; মহুয্যত্বের পথ যদি আমাদের কাছে সেখানে লইয়া না যায়, তাহাতেও আমরা প্রস্তুত। আমরা যেমন আরামপ্রিয়তা স্বার্থপরতা ও কাপুরুষতা বশতঃ কারাগার ও মশানকে ভয় করিব না, তেমনি হুজুক, ধাতি বা তদ্বিধ কোন নিকট কারণে রাজদণ্ডের অভিলাষীও হইব না।” এইরূপ আন্তরিক বিশ্বাস ও তদনুযায়ী আচরণ যাঁহাদের, তাঁহারা ধর্ম।

সরকারী ও বেসরকারী গুণামি

অসহযোগী স্বেচ্ছাসেবকেরা অত্যাচার করে, ভয় দেখায়, জোর করিয়া টাকা আদায় করে, এক কথায় গুণামি করে, এই গুণামিতে গবর্ণমেন্ট স্বেচ্ছাসেবক হওয়াটাকেই বেআইনী কাজ বলিয়া ঘোষণা করিয়াছেন। দেশের মধ্যে কোথাও কোন অত্যাচার হয় নাই, ইহা আমরা বলিতে পারি না। চট্টগ্রামে ও অন্তর্গত লোককে অস্ত্রাঘাত, লোকের বাড়ীতে, গায়ে ও মুখে বিষ্ঠা নিক্ষেপ, ইত্যাদি হইয়াছে, খবরের কাগজে দেখিয়াছি। ইহা অত্যন্ত বর্বর ও গর্হিত আচরণ। কোন অসহযোগী স্বেচ্ছাসেবক এরূপ কাজ করিয়া থাকিলে তাহা সাধারণ গুণ্ডার এরূপ কাজ অপেক্ষা অনেক বেশী নিন্দনীয়। কিন্তু অসহযোগীদের দ্বারা এরূপ কাজ হইয়াছে বলিয়া আদালতে কয়টি মোকদ্দমা হইয়াছে, এবং কয়টিতে প্রমাণ পাওয়া গিয়াছে? আমাদের ধারণা, এরূপ মোকদ্দমার সংখ্যা এবং এরূপ প্রমাণের পরিমাণ এরূপ হয় নাই যাহাতে অসহযোগী স্বেচ্ছাসেবকদের বিরুদ্ধে সাধারণভাবে গুণ্ডার অভিযোগ আনা বাইতে পারে।

অপর দিকে ইংরেজী ও বাংলা খবরের কাগজে সরকারী পোরা-সৈনিক, সরকারী পুলিশ সার্জেন্ট ও পাহারাওয়ালার, এবং আধা-সরকারী সিভিল গার্ডদের দ্বারা মানুষকে প্রহারের এবং লুটতরাজের বহুসংখ্যক অভিযোগ, তারিখ, সময়, স্থান, ও অত্যাচারীদের নাম স্মেত, মুদ্রিত হইয়াছে। এরূপ বিস্তারিত বর্ণনাও বাহির হইয়াছে, যাহাতে সংক্ষেপেই ধরা যায়, যে, কে যা কাহারো অত্যাচার করিয়াছে। এই সব অত্যাচার কাহিনীর অধিকাংশের গবর্ণমেন্ট কোন তদন্ত করিয়াছেন বলিয়া শুনা যায় নাই।

কংগ্রেস

আগে আগে কংগ্রেসে যেখান হইতে যত ইচ্ছা প্রতিনিধি পাঠান চলিত। গত বৎসর স্থানের লোকসংখ্যা অনুসারে প্রতিনিধি পাঠাইবার নিয়ম হয়। তাহা সবেও এবার আহমদাবাদ কংগ্রেসে খুব প্রতিনিধির ভীড় হইয়াছিল। দর্শক ও প্রতিনিধির সংখ্যা বার হাজার হইয়াছিল। ভিন্ন ভিন্ন দিনে যত লোক কংগ্রেস পাণ্ডালে দর্শকরূপে গিয়াছিল, মহাত্মা গান্ধী বলেন, তাহাদের সংখ্যা ন্যূনতমে দুই লক্ষ হইবে।

সকলের মুখে বিশ্বাস ও আশার লক্ষণ দৃষ্ট হইয়াছিল। সকলে যেন অনুভব করিতেছিল, যে, দুঃখ সহিয়া জাতীয় স্বাধীনতা লাভ করা বাইবে।

কংগ্রেসের কাজ এবার খুব অল্প সময়ে হইয়াছিল, বক্তৃতাগুলি সংক্ষিপ্ত এবং প্রাসঙ্গিক হইয়াছিল।

মহাত্মা গান্ধী ইং ইণ্ডিয়ার দুর্লক্ষণগুলিরও উল্লেখ করিয়াছেন। দর্শকেরা মধ্যে মধ্যে উচ্ছ্বল হইয়াছিলেন, এবং দু-একবার জোর করিয়া কংগ্রেস মণ্ডপে ঢুকিয়াছিলেন। তিনি বলেন, আরো স্মৃষ্টিলা ও আত্মসংযমের প্রয়োজন। প্রতিনিধিরাও কেহ কেহ নিয়ম মানিয়া চলেন নাই, নিজ নিজ প্রদেশের জন্ত নির্দিষ্ট স্থানে বসেন নাই। কেহ কেহ তাঁহাদের বাসের ও আহারের ব্যয় দিতে চান নাই। গান্ধী মহাশয় বলেন, যে, ইহা অত্যন্ত দুঃখের বিষয়, যে, একজন গুজরাতি প্রাদেশিক কংগ্রেস কমিটির সভ্য একজন দর্শক-বন্ধুর টিকিট নিজের বলিয়া চালাইয়াছিলেন। মহাত্মা গান্ধী বলেন, আমাদের প্রচেষ্টা সাফল্যের জন্ত কেবল নৈতিক শক্তির, সাহিত্যিক শক্তির উপর নির্ভর করে। অতএব আমাদেরকে সর্বদা খুব সাবধান থাকিতে হইবে।

খাদি নগর ও মুসলিম নগর

কংগ্রেসের ও খিলাফৎ কন্ফারেন্সের প্রতিনিধিদের বাসস্থানকে খাদি নগর ও মুসলিম নগর নাম দেওয়া হইয়াছিল। মণ্ডপ ও তাঁবু নির্মাণ করিতে যত কাপড় লাগিয়াছিল, সমস্তই চরখায় কাটা সূতায় হাতের তাঁতে বোনা; ইহাই খাদি নগর নাম দিবার কারণ। সাড়ে তিন লক্ষ টাকার খাদি বা মর-বোনা কাপড় ব্যবহৃত হইয়াছিল। ইহা সমস্তই গুজরাতে নির্মিত এবং ইহা ব্যবহারের জন্ত অভ্যর্থনা-কমিটি পঞ্চাশ হাজার টাকা দিয়াছিলেন।

স্বেচ্ছাসেবকদের মধ্যে অনেক মহিলা ছিলেন। তাঁহারা পুরুষ স্বেচ্ছাসেবকদের মত স্বচ্ছন্দে স্বাধীনভাবে প্রতিনিধিদের পরিচর্যা করিয়াছিলেন। নারীদের কার্যে ও পতি-বিদিতে স্বাধীনতা লাভে সাহায্য করা সমাজসংস্কারকদিগের অন্যতম উদ্দেশ্য। কংগ্রেসের দ্বারা পরোক্ষভাবে এই উদ্দেশ্য নিয়ন্ত্রণপরিমাণে সিদ্ধ হইয়াছে।

খাদি নগরে স্বাস্থ্যরক্ষার ব্যবস্থার বিশেষত্ব ছিল। পায়খানার জন্য জুলি (trench) কাটা হইয়াছিল এবং প্রত্যেকবার ব্যবহারের পর তাহাতে পরিষ্কার মাটি চাপা দেওয়া হইত। এইজন্য কোন দুর্গন্ধ ও মাছির উপদ্রব হয় নাই। বেতনভোগী মেথর নিযুক্ত করিতে হয় নাই। সকল জাতি ও ধর্মের স্বেচ্ছাসেবক প্রয়োজনীয় কাজ স্বতঃ-প্রবৃত্ত হইয়া করিয়াছিলেন। প্রক্রিয়াটি এরূপ পরিষ্কার, সহজ ও শীঘ্রসম্পাদ্য, যে, কাহাকেও ময়লা বা মাটি স্পর্শ করিতে হইত না।

কংগ্রেসের ও মুসলিম লীগের কাজ

ব্রিটিশ সাম্রাজ্যের বাহিরে স্বাধীনতালাভ কংগ্রেসের বা মুসলিম লীগের উদ্দেশ্য, এরূপ প্রস্তাব গৃহীত হয় নাই; যদিও

ইহা বুঝা গিয়াছে যে, একপ প্রস্তাবের পক্ষপাতী লোকের সংখ্যা নিতান্ত কম নয়।

প্রয়োজন হইলে বলপ্রয়োগ অর্থাৎ যুদ্ধ করিয়া স্বরাজ ও স্বাধীনতা লাভ করিতে হইবে, একপ প্রস্তাবও গৃহীত হয় নাই।

ভারতবর্ষের স্বাধীনতালাভের জন্ত সশস্ত্র যুদ্ধ সম্বন্ধে আমাদের মত অনেকবার প্রকাশ করিয়াছি। কাহারো কাহারো ধর্মবিশ্বাস এইরূপ, যে, তাঁহারা কোন কারণে এবং কোন অবস্থাতেই বলপ্রয়োগ ও অস্ত্র ব্যবহার করিয়া মানুষকে আঘাত বা বধ করিতে চান না। তাঁহারা ভারতবর্ষকে স্বাধীন করিবার জন্ত যুদ্ধ করিবেন না। তাঁহারা অবস্থা বিশেষে যুদ্ধ করা বৈধ মনে করেন, তাঁহারা বিবেচনা করিলেই বুঝিতে পারিবেন, যে, ভারতবর্ষের লোকদের সশস্ত্র যুদ্ধ করিবার সামর্থ্য নাই, সুতরাং যুদ্ধ করিবার কথা পর্যন্ত তোলা উচিত নয়। সুখের বিষয়, প্রাণ দিতে রাজী লক্ষ লক্ষ লোক ভারতবর্ষে আছেন। কিন্তু প্রাণ দিতে রাজী থাকিলেই যুদ্ধে জয়লাভ করা যায় না; অস্ত্র চাই, শিক্ষা চাই। জলযুদ্ধের জন্ত আমাদের সশস্ত্র রণতরী কোথায়? ডুবন্ত জাহাজ বা সর্বমেরীন্ কোথায়? আকাশযুদ্ধের জন্ত এরোপ্লেন কোথায়? স্থলযুদ্ধের জন্ত নানাপ্রকার ছোট বড় কামান বন্দুক শেল্ গোলা গুলি বারুদ প্রভৃতি কোথায়? কুচকাওয়াজ শিখাইবার ময়দান, শিক্ষক, শিক্ষার্থী, এই-সব কোথায়? যেসকল যুদ্ধে গবর্ণ-মেন্টের সামর্থ্য ও আয়োজন বেশী, এবং আমাদের সামর্থ্য ও আয়োজন খুব কম, তাহাতে গবর্ণমেন্টকে আহ্বান করা মূর্থতা নহে কি?

কিন্তু তাহারও আগে জিজ্ঞাস্য এই, যে, শাস্তির পথে, নিরুপদ্রব পথে, যাহা কিছু করা যায়, গবর্ণমেন্টের বৈধ অবাধ্যতা করিয়া, গবর্ণমেন্টকে ট্যাক্স না দিয়া, গবর্ণমেন্টের সৈনিক অসৈনিক কোন বিভাগে কাজ না করিয়া, সর্ব-প্রকারে গবর্ণমেন্টের সহযোগিতা বর্জন করিয়া, সিদ্ধি-লাভের জন্ত যাহা যাহা করা উচিত, তাহা কি করা হইয়াছে, যে, তাড়াতাড়ি যুদ্ধের কথাটা তোলা হইল? মহাত্মা গান্ধীও বারবার বলিয়াছেন, যে, স্বরাজ লাভের জন্ত যাহা কিছু করা দরকার, এখনও তাহা করা হয় নাই।

অনেক অসহযোগী মুখে বলিতে না পারুন, কিন্তু মনে করেন, যে, অস্পৃশ্যতা দূর করা স্বরাজ লাভের জন্ত একান্ত আবশ্যিক নহে। অস্পৃশ্যতা দূর না করা যে ঘোরতর অধর্ম, এই অতি সত্য কথা না-হয় এখন নাই তুলিলাম। কিন্তু স্বরাজ লাভের জন্ত দেশের লোকদের মধ্যে এমন একটা একপ্রাণতা আবশ্যিক, যে, আমাদের বিরোধীরা আমাদের শত্রুত্ব করিবার জন্ত কোন প্রবল বা সংখ্যাবহুল দল পাইবেন না; ইহা যে একান্ত প্রয়োজনীয়, তাহা স্বীকার

করিতেই হইবে। ভারতবর্ষে অস্পৃশ্য ও অনাচরণীয় লোকদের সংখ্যা ৫-৬ কোটি। ইহাদের উপর শত শত বৎসর ধরিয়া একরূপ ব্যবহার করা হইয়াছে, যে, ইহাদের নিজের অবস্থা সম্বন্ধে যেখানেই ইহাদের জ্ঞান জন্মিয়াছে, সেখানেই ইহারা “উচ্চ” জাতিদের উপর মর্মান্তিক চটিয়া আছে। দক্ষিণভারতে মাদ্রাজ প্রেসিডেন্সীতে এই কারণে ঘোর বিবাদ ও বিরোধের অবস্থা উৎপন্ন হইয়াছে, এবং পুনঃ পুনঃ রক্তপাত হইয়াছে। বঙ্গে স্বদেশী আন্দোলনের সময় নমঃশুদ্ধের তাহাতে যোগ দেয় নাই; এখনও অসহযোগ আন্দোলনে তাহাদের সকলের বা অধিকাংশের যোগ নাই। অথচ সর্বত্র সকল শ্রেণীর ও জাতির লোকদের যোগ ব্যতীত স্বরাজ্য লাভ হইতে পারে না।

মহাত্মা গান্ধী আর যাহা যাহা করিতে বলিয়াছেন, যথা ঘর-বোনা কাপড় ব্যবহার, তাহাও অল্পই হইয়াছে। সরকারী চাকরী ত্যাগও সামান্যই হইয়াছে। সুতরাং তাড়াতাড়ি যুদ্ধের কথা পাড়া, তর্কের খাতিরে একাগ্রতা ও উৎসাহের পরিচায়ক বলিয়া স্বীকার করিলেও, ইহা হৌৎকামি তাহাতে সন্দেহ নাই।

প্রয়োজন হইলে নিরুপদ্রব সাহিত্যিকভাবে আইন লঙ্ঘন ও গবর্ণমেন্টের অবাধ্যতা করা যে বৈধ, তাহা আমরা অনেকবার বলিয়াছি ও দেখাইয়াছি। ব্যক্তিগতভাবে নিজের দায়িত্বে ইহা যে-কেহ ইচ্ছা করেন, করিতে পারেন। কিন্তু দলে দলে ইহা করিতে হইলে মহাত্মা গান্ধী যে-সব সঠক নির্দেশ করিয়াছেন, তাহা আগে পালিত হওয়া আবশ্যিক; এবং যথেষ্ট আত্মসংযমও চাই। অনেক সময়ে একা একা বেশ ঠাণ্ডাভাবে কাজ করা যায়। কিন্তু জনতার উৎসাহের এমন একটা মাদকতা আছে যে, উৎসাহের আতিশয্যে জনতার অস্বীভূত মানুষ অনেক সময়ে এমন অপকর্ম করিয়া ফেলে যাহা সে একা মনের ধীর শাস্ত অবস্থায় কখনও করিত না। এইহেতু নিরুপদ্রব সাহিত্যিক অবাধ্যতা করিবার জন্য খুব বেশী সাধনা ও সংযম চাই।

কংগ্রেসের একটি কাজের সমালোচনা কংগ্রেসের বিরোধীরা করিয়াছেন, এবং কোন কোন কংগ্রেসদলভুক্ত লোকেও করিয়াছেন। তাহা, মহাত্মা গান্ধীকে সর্বসর্বা করিয়া দেওয়া। একছত্র প্রভৃৎ গণতন্ত্রের মূলনীতির বিরুদ্ধ তাহাতে সন্দেহ নাই; এবং কোন মানুষ যত বুদ্ধিমান্ বিবেচক জ্ঞানী ও সাধু হউন না কেন, তাঁহার সিদ্ধান্ত যে বরাবর সকল স্থলে জনসাধারণের পরম্পরপরামর্শোদ্ভূত সিদ্ধান্ত অপেক্ষা বা তাহার সমান ভ্রমশূন্য হইবে, একরূপ আশা করা যায় না। সুতরাং যদি স্থায়ীভাবে গান্ধী মহাশয়কে সর্বসর্বা করা হইত, তাহা হইলে উহা নিশ্চয়ই ভুল হইত। কিন্তু যেমন যুদ্ধের সময় সর্বাপেক্ষা গণতান্ত্রিক দেশেও

একজন সেনাপতিকে সর্কসর্কা করা হয়, তেমনই বর্তমান সময়ে স্বরাজ-লাভের জন্য গবর্ণমেন্টের সহিত ভারতীয় জনসাধারণের নিরস্ত সংগ্রাম যে সফট অবস্থায় পৌঁছিয়াছে, তাহাতে কিছুকালের জন্য একনায়কত্বের আবশ্যক আছে মনে করি। মহাত্মা গান্ধীকে খুব ক্ষমতা দেওয়া হইয়া থাকিলেও তিনি কংগ্রেসের বিনা অনুমতিতে গবর্ণমেন্টের সহিত সন্ধিস্থাপন করিতে কিংবা কংগ্রেসের মূল উদ্দেশ্য ও নীতি পরিবর্তন করিতে পারিবেন না।

কাজ হওয়া উচিত। কাগজে দেখিলাম, রায় মহাশয় স্ব-বোনা কাপড়ের সর্কত্র প্রচলন জন্ত সামাজিক শাস্তি বিধানেরও, অর্থাৎ বাহারা ঐরূপ কাপড় ব্যবহার না করিয়া অন্তবিধ কাপড় পরিবে তাহাদের ধোপা লাগিত বন্ধ করা বা তাহাদিগকে একঘরো করার, সমর্থন করিয়াছেন। ইহা সত্য হইলে দুঃখের বিষয়। কোন প্রকার চাপ বা শাস্তি দিয়া মানুষকে সংকাষ্ঠ্য করানও সুনীতি নহে। ইহাতে সিদ্ধিলাভও হয় না।

বোম্বাইয়ে নেতাদের মন্ত্রণাসভা

গবর্ণমেন্টের বর্তমান নিগ্রহনীতির পুরাপুরি সমর্থন মিসেস এনী বেসান্ট ও তাঁহার অনুচরগণ ছাড়া দেশের আর কোন রাজনৈতিক দল বা নেতা বোধ হয় করেন না। এলাহাবাদে উদারনৈতিক সঙ্ঘের অধিবেশনে উহার অভ্যর্থনাকর্মীটির সভাপতি শ্রীযুক্ত হৃদয়নাথ কুঞ্জরু এবং সভাপতি শ্রীযুক্ত গোবিন্দরাঘব আইয়ার ইহার প্রতিবাদ ও নিন্দা করেন। অত্র দিকে, ব্রিটিশসাম্রাজ্য হইতে বিযুক্ত হইয়া স্বাধীনতা লাভ কংগ্রেসের উদ্দেশ্য বলিয়া গৃহীত না হওয়ার, দেখা যাইতেছে, যে, কংগ্রেসের উদ্দেশ্য ত্রিটেনের সহিত সংযুক্ত থাকিয়া স্বরাজলাভ। তদ্বিন্ন, কংগ্রেসের নেতা মহাত্মা গান্ধী মডারেটদিগের সঙ্গে ছাড়াছাড়ি এবং তাঁহাদিগকে উপহাস বিক্রপ আদি চান না, বরং ষতটা সম্ভব তাঁহাদের ও কংগ্রেসের সাধারণ উদ্দেশ্যসকল সাধনে তাঁহাদের সহযোগিতাই চান। কংগ্রেসের প্রস্তাব অনুসারে নিরুপদ্রব অবাধ্যতা আরক হইলে দেশে জনসাধারণের মধ্যেই ছুটা দলে অন্তবিবাদের সৃষ্টি হইয়া তাহা সর্কনাশের কারণ হইতে পারে, এরূপ লক্ষণও দেখা যাইতেছে।

এ-অবস্থায় প্রধানতঃ পণ্ডিত মদনমোহন মালবোয়ের চেষ্টায় বোম্বাইয়ে সকল দলের নেতাদের যে মন্ত্রণাসভার অধিবেশন অদ্য ৩০শে পৌষ হইবে, তাহা সর্কথা অনুমোদনীয়। ভারতীয় জনসাধারণের আত্মপমানের কোন লাভ না করিয়া গবর্ণমেন্টের সহিত কোন সন্ধি স্থাপিত হইতে পারে কি না, পারিলে উহার সর্ক কি কি, তাহা স্থির করা এই এই সভার উদ্দেশ্য।

খুলনা জেলার চরুখা ও তাঁত

আচার্য্য প্রফুল্লচন্দ্র রায় ও তাঁহার সহকর্মীগণ খুলনা জেলার নিরস্ত দরিদ্র লোকদের অন্নবস্ত্রের সংস্থানের জন্ত চরুখা ও তাঁত চালাইবার খুব চেষ্টা করিতেছেন। মানুষকে ভিক্ষাপত্রী বা রাখিয়া আত্মনির্ভরশীল করিবার চেষ্টা অতি প্রশংসনীয় ও সাধু চেষ্টা। সকল জেলাতেই এইরূপ

সমাজ-সংস্কার কনফারেন্স

অত্রাত্ত বৎসরের ত্রায় এবৎসরও কংগ্রেস-সপ্তাহে সমাজ-সংস্কার কনফারেন্সের অধিবেশন হইয়াছিল। ইঞ্জিয়ান্ সোশ্যাল রিফর্মার কাগজের সুযোগ্য সম্পাদক নটরাজন্ মহাশয় সভাপতি হইয়াছিলেন। তিনি তাঁহার অভিভাষণে অত্রাত্ত কথার মধ্যে বলিয়াছিলেন, যে, অস্পৃশ্যতা দূর না করিতে পারিলে আমরা স্বরাজের যোগ্য হইতে পারি না। কনফারেন্স জাতিভেদের কড়াকড়ির বিরুদ্ধে, সকল হিন্দু-জাতির একত্র পংক্তিভোজন ও বৈবাহিক আদান-প্রদানের সপক্ষে, এরূপ বিবাহের বৈধতাসম্পাদক আইনের সপক্ষে, অস্পৃশ্যতা দূরীকরণ ও অবনত জাতিদের উন্নয়নের সপক্ষে, কারখানা ও খনির শ্রমজীবীদের জন্ত স্বাস্থ্যকর বাসগৃহ নির্মাণ, তাহাদের পরিবেষ্টন সুনীতিবর্দ্ধক করা এবং তাহাদের সম্মাননের জন্ত স্কুল স্থাপনের সপক্ষে, সুরা ও মাদক দ্রব্য উৎপাদন, আমদানী ও বিক্রয় বিরুদ্ধে, বিধবা-বিবাহের সপক্ষে, এবং বিধবাদের অর্থের উন্নতির জন্য পরিচালিত সেবাসদন বনিতাবিশ্রাম প্রভৃতির সপক্ষে প্রস্তাব গাধ্য করেন।

স্ত্রীশিক্ষার বিরুদ্ধে কুসংস্কার অনেকটা হ্রাস পাওয়ার কনফারেন্স সম্বোধ প্রকাশ করেন, কিন্তু এখনও বালিকা ও প্রাপ্তবয়স্ক নারীদের সর্কাজ্ঞীন শিক্ষার জন্ত যথেষ্ট সুবিধা বিদ্যমান না থাকায় দুঃখ প্রকাশ করেন; এবং সমুদয় সার্কজনিক প্রতিষ্ঠানকে ও ধনীলোকদিগকে বালিকা ও নারীদের শিক্ষার জন্ত সর্কবিধ শিক্ষালয় স্থাপন করিতে অনুরোধ করেন। জাতীয় দৈহিক শক্তি ও স্বাস্থ্যের অবনতিতে কনফারেন্স ভীত হইয়াছেন। ইহার মতে এই অবনতির কারণ (১) বাল্য-বিবাহ, (২) দৈহিক উৎকর্ষসাধনে যথেষ্ট মনোযোগের অভাব, (৩) খেলা ও নির্দোষ কালক্ষেপের জায়গার অভাব, (৪) খাণ্ড-দ্রব্যের অপকৃষ্টতা ও মহার্ঘতা, (৫) অস্বাস্থ্যকর বাসগৃহ।

কনফারেন্স সর্কসাধারণকে এবং মিউনিসিপালিটি, লোক্যাল বোর্ড প্রভৃতিকে এইসব কারণ দূর করিতে অনুরোধ করেন। মুসলমান শাস্ত্রজেরা বলপূর্কক কাহাকেও মুসলমান ধর্মে দীক্ষিত করার বিরুদ্ধে সুস্পষ্ট মত প্রকাশ করার এবং হিন্দু পণ্ডিতেরা এরূপে দীক্ষিত লোকদের জাতি বা ধর্ম নাশ হয়

না বলার কনফারেন্স সম্বন্ধে প্রকাশ করেন। মালাবারে মোপ্লাদের দ্বারা দীক্ষিত একরূপ হিন্দুদিগকে জাতিতে লইতে অন্য হিন্দুরা প্রস্তুত থাকার কনফারেন্স সম্বন্ধে হইয়াছেন, মালাবারের উপদ্রবে বিপন্ন লোকদের সহিত জাতিধর্মনির্কিশেবে সমবেদনা প্রকাশ করিয়াছেন, এবং তাহাদের সাহায্যার্থ প্রতিষ্ঠিত ফণ্ডের সমর্থন করিয়াছেন। কনফারেন্স সর্বাস্তঃকরণে এই ইচ্ছা জানাইয়াছেন, যে, অপরাধপ্রবণ বা চৌর্যাদিভ্রমী জাতি (criminal tribes)-সমূহের সংশোধন, নিঃসম্বল ভিক্ষুকদের হুঃখ মোচন, পতিতা নারীদের জন্য স্থাপিত উদ্ধারশ্রম পরিচালন, প্রভৃতি সামাজিক প্রচেষ্টা ও প্রতিষ্ঠানের তাঁর যেন ভারতীয়দের উপর দেওয়া হয়; এইজন্য ভারতীয় পুরুষ ও নারীদেরকে এইসব প্রতিষ্ঠানের ভার লইবার, উপযুক্ত শিক্ষা দিবার বন্দোবস্ত অবিলম্বে করা কর্তব্য। কনফারেন্স নিম্নলিখিত প্রথা ও রীতিগুলি দূষণীয় বলিয়া মত প্রকাশ করেন :—
বাল্যবিবাহ, অন্নবয়স্ক বালিকাদের সহিত বৃদ্ধ পুরুষদের বিবাহ, বহুবিবাহ, বিবাহ ও অস্ত্যেষ্টিক্রিয়ার অতিরিক্ত ব্যয়, মৃত্যু উপলক্ষ্যে লোক-দেখান শোকাতিশয়া প্রকাশ। কনফারেন্স সর্বপ্রথমেই এই প্রস্তাব ধার্য্য করেন, যে, দেশে যেরূপ অধিক রাজনৈতিক প্রগতি হইয়াছে, তাহাতে আমাদের সামাজিক কর্মশক্তি ও কার্যক্ষমতা তদনুরূপ বাড়াইয়া জাতির সর্বাস্তঃকরণে বিকাশ সাধনার্থ একাগ্র ও আন্তরিক চেষ্টা করা একান্ত আবশ্যিক।

(“ In view of the immense political progress visible all round in the country, this conference is of opinion that in order to bring about a harmonious all-round national development, it is essentially necessary to make strenuous efforts to bring about higher social efficiency for the Indian Nation.”)

এলাহাবাদে উদারনৈতিক সংঘ

পঞ্জাবে অত্যাচারী সরকারী কর্মচারীদের সমুচিত দণ্ড দেওয়া হয় নাই, এবং ব্রিটিশ প্রধান মন্ত্রী মিঃ লয়েড জর্জ ভারতীয় মুসলমানদিগকে ত্বরক্বে যে প্রতিশ্রুতি দিয়াছিলেন, তাহা তিনি রক্ষা করেন নাই, এবং এই দুই বিষয়ে গবর্নমেন্টের কর্তব্য পালন উচিত, বলিয়া, উদার-নৈতিক সংঘ মত প্রকাশ করেন। সংঘ প্রাদেশিক সম্পূর্ণ আন্দোলন, এবং সমগ্রভারতীয় কতিপয় রাষ্ট্রীয় কাজ ও বিভাগে দায়ী ভারতীয় মন্ত্রী নিয়োগ চাহিয়াছেন। নিগ্রহনীতি সম্বন্ধে শ্রীযুক্ত কুঞ্জর ও গোবিন্দ রাঘব আইয়ারের মতের উল্লেখ উপরে করিয়াছি। প্রথমে উহার বিরুদ্ধে প্রতি-বাদপূর্ণ প্রস্তাব ধার্য্য করিবার এবং প্রকাশসভা ও বেআইনী

সমিতির নিবেদক আইন দুটি প্রত্যাহার করিতে গবর্নমেন্টকে অসুযোগ করিবার কথা হয়। কিন্তু মিসেস্ বেসাণ্টের জেদ, প্রভাব ও অসুচরবাহুল্যে তাহা হয় নাই। ইহাতে সংঘ নিন্দাভাজন হইয়াছেন।

আহমদাবাদে নারীদের কনফারেন্স

আহমদাবাদে নারীদের কনফারেন্সে সভাপতি ছিলেন মোলানা শৌকতআলী ও মোলানা মোহম্মদআলীর প্রদেয়া বয়ীরসী মাতা। ১৫০০০ নারী উপস্থিত ছিলেন। সভামণ্ডপে আলীভাতাদ্বয়ের জননীর বক্তৃতা তাঁহার উপযুক্তই হইয়াছিল। একরূপ বিরাট নারীসভার কথা ভাবিলে হৃদয় পুলকিত হয়।

একটি উপাধির গূঢ় অর্থ

ইংরেজী নও-রোজে দস্তুর-মত উপাধি-বর্ষণ হইয়া গিয়াছে। একটি উপাধি গভীর অর্থপূর্ণ। মালাবারে মালগাড়ীতে বন্ধ মোপ্লা বন্দীদের বাতাস অভাবে দম আটকাইয়া মৃত্যু ঘটে স্পেশাল কমিশনারের পদে অধিষ্ঠিত ক্রাপ (Knapp) নামক কর্মচারীর কার্যকালে। তিনি এ বিষয়ে দোষী কি না, বা কি পরিমাণে দোষী, তাহা নিরূপিত হওয়া উচিত ছিল। অথচ এই শোচনীয় ঘটনাটির তদন্ত করিবার ভারপ্রাপ্ত কমিটির সভাপতি তিনিই নিযুক্ত হন! এক্ষণে তাঁহাকে গবর্নমেন্ট একটা উপাধিও দিয়াছেন! কিন্তু এ পর্য্যন্ত মোপ্লাদের মৃত্যুর জন্ত কাহারও সাজা হয় নাই। ইংরেজ আমলাতন্ত্রের উপযুক্ত কাজই হইয়াছে। উহার রীতিই এই, যে, ভারতীয় জনমত যে-কর্মচারীকে দোষী মনে করে, বা বাহার কাজ সম্বন্ধে অসুসন্ধান চায়, জনমতের গালে চপেটাঘাত স্বরূপ উহা তাহাকে সাক্ষাৎ বা প্রকাশভাবে পুরস্কৃত করে।

সর্বভ্রম ও নিরক্ষর বিশ্ববিদ্যালয়

পঞ্জাব বিশ্ববিদ্যালয়ের উপাধি বিতরণ উপলক্ষে বক্তৃতা করিবার জন্ত আহূত হইয়া সার আন্তোষ মুখোপাধ্যায় লাহোরে এক বক্তৃতা করেন। খবরের কাগজে তাহার সংক্ষিপ্ত রিপোর্টে দেখিলাম, তাঁহার মতে বর্তমান রকমের ছাত্র যে-কোন বিদ্যা শিখিতে চায়, তাহা শিখাইবার বন্দোবস্ত করা বিশ্ববিদ্যালয়ের কর্তব্য। একরূপ লম্বাচোড়া কথা বলিতে ও শুনিতে বেশ। কিন্তু এহেন বিশ্ববিদ্যালয়

পৃথিবীতে সমৃদ্ধতম ও শিক্ষিততম কোন দেশেও নাই। গরীব ভারতবর্ষে বিশালতম হইবার উন্নত আকাজকা (megalomania) প্রকাশ না করিয়া দমন করিলেই ভাল হয় না? কলিকাতা বিশ্ববিদ্যালয়কে ত ডেউলিয়া করা হইয়াছে; উহার মূলভূত একবিধ উন্মাদ আবার অল্প বিশ্ববিদ্যালয়ের ঘাড়ে চাপাইবার চেষ্টা কেন?

ঐ বক্তৃতায় বিশ্ববিদ্যালয়ের আদর্শ সম্বন্ধে বলা হয়, যে, বিশ্ববিদ্যালয়ের কাজে বাধা দিবার শক্তিবিশিষ্ট বাহিরের কোন মানুষ, নিয়ম, ইত্যাদি থাকা বাঞ্ছনীয় নহে। একটু বলিতে বাকী থাকিয়া গিয়াছে। বলা উচিত ছিল, বিশ্ববিদ্যালয়ে একজন সর্কেসর্কা থাকা উচিত, এবং বিশ্ববিদ্যালয়ের ভিতরেও তাঁহার কাজে হস্তক্ষেপ করিবার কোন শক্তি, লোক বা নিয়মের বাধা যেন না থাকে।

বিশ্ববিদ্যালয়ের স্বায়ত্তশাসন-ক্ষমতা আমরাও চাই। কিন্তু উহা গণতন্ত্রের মূলনীতি অনুসারে লোকমত দ্বারা পরিচালিত হয়, ইহাই চাই। অধিকন্তু যদি বিশ্ববিদ্যালয় গবর্নমেন্ট বা আর কাহারও নিকট হইতে টাকা চান, তাহা হইলে অর্থদাতার নিয়মে ও সর্তে অবশ্যই আবদ্ধ থাকিতে হইবে, এবং তজ্জন্ত জবাবদিহিও থাকিবে। একেবারে নিরঙ্কুশ হইবার ইচ্ছা করা ভাল নয়।

মন্ত্রীদের বেতন

আগামী সপ্তাহে বঙ্গীয় ব্যবস্থাপক সভায় তিনজন মন্ত্রীর বেতন বাবতে বার্ষিক ১৯২০০০ টাকার অর্থাৎ প্রত্যেকের ৬৪০০০ টাকা বেতনের মঞ্জুরী চাওয়া হইবে। ইহা কমাইবার প্রস্তাব অনেকগুলি আছে। আমরা অনেক-বার বলিয়াছি, আপানী মন্ত্রীদের মত আমাদের মন্ত্রীদের মাসিক বেতন ১০০০ টাকা হওয়া উচিত। সত্য বটে, মন্ত্রীদের অধস্তন অনেক কর্মচারী ১০০০ অপেক্ষা অনেক বেশী বেতন পান; কিন্তু তাহার উপর আপাততঃ আমাদের হাত নাই। যেখানে হাত আছে, সেখানে হইতেই দেশের হিতকর ব্যবস্থার সূত্রপাত হউক। মন্ত্রীদের বেতন ও অন্যান্য কর্মচারীদের বেতন সম্বন্ধে মডার্ণ রিভিউ ও প্রবাসীতে অনেক আগে হইতে লেখা হইতেছে। দৈনিক হিন্দুস্থান এইরূপ কার্যে হয়ত আমাদের পরে হাত দিয়াছেন; কিন্তু এই কাজ হিন্দুস্থানের মত অধ্যবসায় ওধ্যবাহুল্য ও যুক্তিবলের সহিত কোন কাগজই করেন নাই। একত্র যুক্তকণ্ঠে হিন্দুস্থানের প্রশংসা করিতেছি।

আয়ারল্যান্ডের সহিত ব্রিটেনের সন্ধি

আয়ারল্যান্ডের সহিত ব্রিটেনের সন্ধি হইয়াছে বটে, কিন্তু সন্ধির সপক্ষে শিন-ফেন প্রতিনিধিসভায় ৬৪জন সত্য ভোট দিয়াছিল, বিপক্ষে ৫৭জন। মিঃ ডি ভ্যালেরাকে শিন-ফেন দলের পুনর্বার সভাপতি করার প্রস্তাব কেবল দুটি ভোটে নামঞ্জুর হইয়াছে। তিনি বর্তমান সন্ধির বিরোধী ছিলেন। সুতরাং এখনও বলা যায় না, যে, আয়ারল্যান্ডে শান্তি স্থাপিত হইয়াছে।

নিরস্ত্রীকরণ কনফারেন্স

যুদ্ধের আয়োজনের ব্যয় উত্তরোত্তর না বাড়াইয়া ইংরেজী-ভাষী জাতিদের সর্কাপেক্ষা যুদ্ধশক্তিমান থাকিবার ব্যবস্থা ওয়াশিংটন নিরস্ত্রীকরণ কনফারেন্সে কাগজে কলমে হইয়াছে। কাজে কি হয়, দেখা যাইবে। ভিন্ন ভিন্ন জাতির এরোপ্লেনের সংখ্যা নির্দেশ করা হয় নাই ত? উহা দ্বারাও খুব যুদ্ধ চালান যায়।

পুলিশ কনফারেন্স

হাবড়ায় পুলিশ কনফারেন্সের দ্বিতীয় অধিবেশনে সভাপতি রায়সাহেব পূর্ণচন্দ্র বিশ্বাস বি-এর অভিভাষণ খুব যোগ্যতার পরিচায়ক। পুলিশের কাজের গুরুত্ব ও দায়িত্ব হিসাবে নিম্নতন কর্মচারীদের বেতন বড় কম; উচ্চতম কর্মচারীদের বেতন সে অনুপাতে অত্যন্ত বেশী। পাহারা-ওয়াল ১৩ বা ১৫ টাকা বেতন পাইলে ইন্স্পেক্টর-জেনারেলের ৩০ টাকা পাইলে কোন ক্রমেই সঙ্গত নহে। ন্যূনতম বেতন ৩০, এবং উচ্চতম বেতন ১০০০এর অধিক হওয়া উচিত। নানা কারণে আমাদের দেশে পুলিশের বদনাম আছে। কর্মচারীদের অভাব-অভিযোগ দূর করিলে সে বদনাম দূর হইবে। সমাজস্থিতির পক্ষে পুলিশের কাজ অত্যাবশ্যক, এবং এই বিভাগে এখন আগেকার চেয়ে অনেক ভাল লোক কাজ করেন।

“শিশুর স্বর্গ”

বর্তমান সংখ্যায় প্রকাশিত বড় রঙীন ছবিটি শ্রীযুক্ত অবনীন্দ্রনাথ ঠাকুর মহাশয়ের অঙ্কিত। তিনি উহার নাম দিয়াছেন, “শিশুর স্বর্গ”। শিশু একটি সামান্য খেলনা পাইয়া কেমন তদগতচিত্তে আনন্দে বিভোর হইয়াছে, তাহাই তিনি স্ননিপুণ ভাবে, শিশুর সহিত, একহৃদয় হইয়া, দেখাইয়াছেন।



। বাবে বাবে জ্বালি বাতি, হয়ত বাতি জ্বলে ন

শিল্পী শ্রীমতী সমাধীনামাণ্ডাৰ গাৰুৰ সোহাগা ।



“সত্যম্ শিবম্ সুন্দরম্ ।”

নায়মাত্মা বলহীনেন লভ্যঃ ।”

২১শ ভাগ
২য় খণ্ড

ফাল্গুন, ১৩২৮

৫ম সংখ্যা

নাথপন্থ

নাথপন্থ নামে একটি বড় ধর্মসম্প্রদায় খৃষ্টীয় নবম শতকের শেষে * প্রথমে বঙ্গদেশে প্রভুত্ব বিস্তার করে। তার পর ক্রমশঃ পূর্বভারতে, পশ্চিম-, মধ্য- ও দক্ষিণ ভারতে নাথ-সম্প্রদায় ধর্ম প্রচার করিয়া শিষ্য-শাখার পুষ্টিসাধন করিয়াছিল। সাধারণতঃ পণ্ডিতদিগের ধারণা যে, নাথপন্থীদের প্রাচুর্য কবীর বা নানকের সময়েই হইয়াছিল †। ইহার পূর্বে যে নাথদের অস্তিত্ব ছিল, একথা পণ্ডিতমণ্ডলীর মধ্যে অনেকেই এতদিন মানিতে প্রস্তুত ছিলেন না। নাথদিগের মধ্যে গোরক্ষনাথের প্রভাব সর্বাপেক্ষা অধিক। তিব্বতীয় গন্য-মালার প্রমাণে কঙ্গদেশীয় পণ্ডিত ভাসিলীফ (Wasilief) স্থির করিয়াছেন যে, গোরক্ষনাথ খৃষ্টজন্মের আট শত বৎসরের পরবর্তী ছিলেন। তিব্বতীদের মতে গোরক্ষনাথ প্রাচীন ধর্মগুরু হইলেও, বস্তুতঃ এত প্রাচীন ছিলেন না। সকলেই

একবাক্যে স্বীকার করেন যে, মংশেক্স বা মচ্ছেক্সনাথের ২২জন (কাহারও কাহারও মতে ১২জন) শিষ্যের মধ্যে প্রধান ছিলেন গোরক্ষনাথ। মংশেক্সনাথ আদিনাথের শিষ্য ছিলেন। তার পর গুরুপরম্পরা লইয়াই গোলমাল। মচ্ছেক্সনাথের প্রধান শিষ্য গোরক্ষনাথ। তারপর ধর্মনাথ। ধর্মনাথ পেশওয়ার হইতে কাতিয়াবাড়ে আগমন করেন। অতঃপর ভূপ কবিবার জন্ম কঙ্গদেশে গমন করেন। তাঁহার সঙ্গে সরসনাথ নামে একজন সাধক ছিলেন। আরও একজন শিষ্য ছিলেন—নাম গরীবনাথ। কচ্ছপ্রদেশের অরণ্যতট বিনোদনের নাথপন্থীদের নিকট মচ্ছেক্সনাথের গুরুপরম্পরা পাওয়া যায়। তদনুসারে—

প্রথম গুরু	নিরঞ্জন নিরাকার
দ্বিতীয় „	অধিক সোমনাথ
তৃতীয় „	চেৎ সোমনাথ
চতুর্থ „	গুকারনাথ
পঞ্চম „	অচেৎনাথ
ষষ্ঠ „	আদিনাথ
সপ্তম „	মচ্ছেক্সনাথ

এই মচ্ছেক্স সমস্ত পৃথিবী ঘুরিয়া, বড় ভীর্ণে বাস করিয়া অনেক শিষ্য কবেন। নেপালীরা ইহাকে ও আর্ঘ্যা-

* মহামহোপাধ্যায় শ্রীযুক্ত হরপ্রসাদ শাস্ত্রী মহাশয় দেখাইয়াছেন যে, অষ্টম শতকের শেষে নাথধর্ম বঙ্গে প্রবর্তিত হয় (বঙ্গীয়-সাহিত্য-সম্মিলন, অষ্টম অধিবেশন, কার্যবিবরণ ২১-২২ পৃষ্ঠা)। পূর্বে তিনি লুইপাদের সময় নিরূপণ অনুসারে এইরূপ সিদ্ধান্ত করিয়াছিলেন। লুইপাদ যে সে সময়ের লোক নন, পরবর্তী কালের—তাহা তিনি পরে স্থির করিয়াছেন।

† Sir Charles Eliot [Hinduism and Buddhism (1921), Vol. II, p. 117] বলেন যে, চতুর্দশ শতকে নাথদের প্রাচুর্য হয়। হিন্দু ও বৌদ্ধ উভয়েই তাহাদিগকে সম্মান করিত।

বলোকিতেশ্বর পদ্মপাণি বোধিসত্ত্বকে অভিন্ন বলিয়া বিশ্বাস করে [Hodgson's Essays (Trubner's reprint), Vol. II, p. 40]।

পঞ্জাবে ও নেপালে সন্তুনাথের মন্দির আছে। এই দুই স্থানে ইঁহার পূজা হয়। ধরমনাথ সন্তুনাথ-সম্প্রদায়ভুক্ত ছিলেন। ইনি ১৪৩৮ খৃষ্টাব্দে যে বিদ্যমান ছিলেন, তাহার প্রমাণ আছে। ব্রীগ্রা নামক গ্রামে রাও ভারমলজী-নির্মিত মন্দিরগারে একটি লিপি আছে, তাহাতে লেখা আছে—

সংবৎ ১৬৬৫ না বরষে কারতক স্থব
১৯ পীর শ্রী
ভীয়ারীনাথ পীর হুমা পীরপস্থ
নাথনা চেলা পীর ভী-
ষগীনা চেলা পীর পরভাতনাথ
সধ খোরমনাথ না পীর আদ
নাথ আ পীর পরভাত রাজ শ্রী
বেঙ্গারজী হুত রাজ শ্রী
ভারতমলজী বায়ে পীর আয়া পায়
রায় বরাজত হুপত ধীনোধরজ
যে জে পদর—রাজ শ্রী বেঙ্গার-
জীয়ে সাদাবৃত হিন্দুআণে পায়ঠরকাণে
হু অর জে কোই এ গামনো
পচার করে তেহেনে গরীবনাথনা
ভবোভবনা পাপই রাজ শ্রী
ভীমনো ধরম জে, আয়ী দাগে
ধীনোধরনো জে.....

লেফনার্ড (Notes on the Kanphata Jogis— Indian Antiquary, Vol. VII, pp. 298-300) বলেন, যখন গোরক্ষনাথ ধরমনাথের সতীর্থ বলিয়া কচ্ছ-প্রদেশের লোকের ধারণা, তখন গোরক্ষনাথকে এই সময়ের বাক্তি বলিয়া স্বীকার করিতে হয়। পশ্চিম ভারতের মতে গোরক্ষনাথ খৃষ্টীয় চতুর্দশ শতকের বাক্তি। এইখানে একটা বিষয়ের বিচার আবশ্যিক। গরীবনাথ নামে ধরমনাথের এক শিষ্য তাঁহার সঙ্গে ছিলেন। এই গরীবনাথ জাটদিগকে বিভাড়িত করিয়া বরার-রাজ্যে রাঘবনকে ১১৭৫খৃঃ হইতে ১২১৫ খৃষ্টাব্দের মধ্যে কোন সময়ে সিংহাসনে প্রতিষ্ঠিত করেন (Ind. Ant., Vol. VII, p. 49)। কচ্ছভাষায়ও এ সম্বন্ধে প্রমাণ আছে *। দলপতরাম প্রাণজীবন ঠক্কর (Ind. Ant., Vol. VII, p. 49) তাহার উল্লেখ করিয়াছেন।

* "পরষো গরীব নাথ । আযো যুথ আবাজ ।

• কুজা জত কচি ডিয়ো রাঘবনকে রাজ ।"

এ হিসাবে আবার গোরক্ষনাথ দ্বাদশ শতাব্দীর হইয়া পড়েন।

রাইট সাহেব তাঁহার নেপালের ইতিহাসে লিখিয়াছেন, (১৪০-১৫২ পৃঃ) রাজা বলদেব বা বরদেবের সময় ৫ম বা ৬ষ্ঠ শতকে গোরক্ষনাথ নেপালে ছিলেন। Sylvain Levi (Le Nepal, i, 347) লিখিয়াছেন যে, খৃঃ ৭ম শতকে যখন রাজা নরেন্দ্র দেব নেপালে রাজা ছিলেন, সেই সময়ে গোরক্ষনাথ ছিলেন, এইরূপ প্রবাদ আছে।

উত্তরভারতের প্রচলিত মত অনুসারে ইনি কবীরের সমসাময়িক ও প্রতিদ্বন্দী। কবীর যখন ১৫শ শতকে বর্তমান ছিলেন, ইনিও এই সময়ে বিদ্যমান ছিলেন। উইলসন (H. H. Wilson) তাঁহার Religious Sects of the Hindus গ্রন্থ (Vol. I, p. 213) এই উক্তি প্রচার করিয়াছেন। গোরক্ষনাথের সময় সম্বন্ধে এইরূপ অনেক মত আছে। আর যেমন শঙ্কর একজন ছিলেন না, যিনি শঙ্কর-মঠের গদিতে বসিতেন সেই মহাত্মাই যেমন শঙ্কর হইতেন, সেইরূপ গোরক্ষনাথও একাধিক ছিলেন। সেইজন্তই এত গোল। তবে তিনি যে দ্বাদশ শতকের পরবর্তী হইতে পারেন না, তাহার বিশিষ্ট প্রমাণ আছে। মহারাষ্ট্রদেশে শ্রীমদ্ ভগবৎগীতার মরাতী ভাষায় বিশদ ভাষা-সম্বিত একখানি গ্রন্থ রচিত হয়—নাম "জ্ঞানেশ্বরী"। ব্রাহ্মণ সাধু ও কবি জ্ঞানেশ্বর ইহার রচয়িতা। জ্ঞানেশ্বরের জ্যেষ্ঠ ভ্রাতার নাম নিবৃত্তিনাথ, অপর ভ্রাতার নাম সোপানদেব। মুক্তাবাদী তাঁহার ভাগিনী ছিলেন। ইঁহারা সকলেই সাধু ও কবি ছিলেন। জ্ঞানেশ্বর জ্ঞানদেব নামেও পরিচিত। "জ্ঞানেশ্বরী"র রচনা ১২৯০ খৃষ্টাব্দে সম্পূর্ণ হয়। এই গ্রন্থে গোরক্ষনাথের নাম আছে এবং ইহাতে লিখিত আছে যে, জ্ঞানেশ্বর গোরক্ষনাথ হইতে শিষ্যপরম্পরায় চতুর্থ স্থান অধিকার করেন। দেখা যাইতেছে, গোরক্ষনাথ এ হিসাবে দ্বাদশ শতকে আসিয়া পড়িতেছেন। জ্ঞানেশ্বরীর রচনাকাল সম্বন্ধে কোনই সন্দেহ নাই। সুতরাং গোরক্ষনাথের সময় যে দ্বাদশশতকের পরবর্তী নয়, তাহা নিশ্চিতরূপে বলা যাইতে পারে। কেহ কেহ গোরক্ষ-নানক-সংবাদ, গোরক্ষ-কবীর-কথা পড়িয়া গোরক্ষনাথকে পঞ্চদশ শতকে আনিয়া ফেলিয়াছেন। এই-সমস্ত গ্রন্থ সম্প্রদায়ের মতবাদ জানা

যাইতে পারে, কিন্তু সময় জানা যায় না। কেন না, বহু ধর্মসম্প্রদায়ের মধ্যে একটা প্রথা দেখিতে পাওয়া যায় যে, প্রবল সম্প্রদায়ের সাধুরা দেখাইতে চান যে, তাঁহাদের নিজ সম্প্রদায় অপর সম্প্রদায়কে পরাস্ত করিয়াছে। সম্প্রদায়-বিশেষকে প্রতিষ্ঠিত করিবার উদ্দেশ্যেই এইরূপ আধ্যাত্মিক প্রধানতঃ রচিত হইয়া থাকে। এই উদ্দেশ্যের বশবর্তী হইয়াই নানক-পন্থীরা দেখাইয়াছেন, তাঁহাদের গুরু নানক, গোরক্ষনাথ প্রভৃতি নাথগুরুকে পরাস্ত করিয়াছেন। কবীর গোরক্ষনাথকে হারাইয়াছেন; মধ্বাচার্য্য শঙ্করাচার্য্যকে পরাস্ত করিয়াছেন; শঙ্কর ও মধ্ব একসময়ের ধর্মগুরু না হইলেও তাঁহাদের তর্কগুদ্ধের গ্রন্থ যেমন আছে, কবীর-গোরক্ষ, নানক-গোরক্ষের তর্ক-ব্যাপারগ্রন্থও সেইরূপ।

নাথপন্থীদের ধর্ম বৃদ্ধিবার দুইটি উপায় আছে। নাথ-, কবীর- ও নানক-পন্থীদের গ্রন্থে নাথদের মতের অনেক খবর আছে। সেইগুলি হইতে তাহাদের ধর্মমত উদ্ধারের একটি পথ আছে। ভারতের নানাস্থানে প্রচলিত পরম্পরাগত নাথমত সংগ্রহ, আর-একটি পথ। এই উভয়বিধ উপায়ের তুলনা ও সামঞ্জস্য নাথমতের বিবরণ ও ইতিহাসের উদ্ধার হইতে পারে বলিয়া আশা করা যায়।

নাথগুরু গোরক্ষনাথ কয়েকখানি গ্রন্থ রচনা করিয়াছিলেন। তাঁহার রচিত গ্রন্থগুলির নাম,—

(ভাষা-গ্রন্থ)

(১) গোরখবোধ, (২) দত্তগোরখসংবাদ, (৩) গোরখনাথ-জীরাপাদ, (৪) গোরখনাথজীকে ক্ষুটিগ্রন্থ, (৫) জ্ঞানসিদ্ধান্তযোগ, (৬) ষোগেশ্বরী সাতী, (৭) বিরাট পুরাণ, (৮) গোরখসার।

(সংস্কৃত-গ্রন্থ)

(৯) গোরক্ষশতক (জ্ঞানশতক), (১০) চতুরশীত্যাসন, (১১) জ্ঞানামৃত, (১২) যোগচিন্তামণি, (১৩) যোগ-মহিমা, (১৪) ষোগ-মার্গণ্ড, (১৫) যোগসিদ্ধান্তপদ্ধতি, (১৬) বিবেকমার্গণ্ড, (১৭) সিদ্ধসিদ্ধান্তপদ্ধতি।

ইহার রচিত আরও ২৭খানি ছোট ছোট গ্রন্থের নাম 'মিশ্রবন্ধুবিনোদ' পুস্তকের ৪৪ পৃষ্ঠায় আছে। ইহার একখানি গদ্যগ্রন্থ আছে। তাহার কিয়দংশ এইরূপ—

শ্রীশঙ্কর পরমানন্দ তিনকে দণ্ডবত হৈ। হৈ কৈসে পরমানন্দ আনন্দ
ধরূপ হৈ সরীর স্নিগ্ধি কো। স্নিগ্ধী কে নিত্য পঃঃ তে সরীর চেতরি

অরু আনন্দময় হোতু হৈ। হৈ জু হৈ গোরিব সে। মহন্দর নাথকো
দণ্ডবত করত হৈ। হৈ কৈ সে বৈ মহন্দর নাথ। সন্না জ্যোতি
নিশ্চল হৈ অন্তহকরন জিনি কো ষার তৈ ছহ চক্র জিনি নীকী তরহ
জানৈ।.....

পরোধী উপরাতি বন্ধন নাহী, হৃদ্যোধী উপরাতি মুক্তি নাহী,
চাহি উপরাতি পাপ নাহী, অগাহী উপরাতি পুনি নাহী, ক্রম উপরাতি
মল নাহী, নিহক্রম উপরাতি নিরমল নাহী, দ্রব উপরাতি কুবধি নাহী,
নিরদোষ উপরাতি সবধি নাহী, যোর উপরাতি মম্ব নাহী, নারায়ণ
উপরাতি ঈশট নাহী, নিরজন উপরাতি ধ্যান নাহী।

মরাঠী ভাষায় 'নবনাথ ভক্তিসার' নাথপন্থের একখানি
প্রকাণ্ড গ্রন্থ সাত বৎসর পূর্বে প্রকাশিত হইয়াছে। এই
গ্রন্থখানি সুপ্রাচীন নাথ মত-পরম্পরা হইতে সংগৃহীত হইয়া
১০৩ বৎসর পূর্বে ১৭৩১ শক জ্যৈষ্ঠ শুক্লা প্রতিপদে* সমাপ্ত
হয়। এই গ্রন্থে নবনাথের বিবরণ আছে। ইহাতে নাথ-
পন্থের কিছু কিছু পরিচয়ও পাওয়া যায়। "প্রাণ-সংগলী"
পঞ্জাবী ভাষায় লিখিত নানক-বিরচিত একখানি উৎকৃষ্ট
গ্রন্থ। ১৯১২ সালে এলাহাবাদ হইতে ইহা প্রকাশিত
হইয়াছে। ইহাতে প্রসঙ্গক্রমে নাথ-সম্প্রদায়ের মতবাদের
অনেক কথা আছে। মহামহোপাধ্যায় শ্রীযুক্ত হরপ্রসাদ
শাস্ত্রী মহাশয় "কৌলজ্ঞানবিশিষ্ট" নামে মৎস্যোক্তনাথের
একখানি তন্ত্রের পরিচয় দিয়াছেন। শাস্ত্রীমহাশয়-সম্পাদিত
"বৌদ্ধগান ও দোহাকোষে" নাথপন্থী মীননাথের একটি
কবিতা আছে। কবিতাটি বাঙ্গালায় লিখিত বলিয়া নিম্নে
উদ্ধৃত করিলাম—

কহন্তি গুণ পরমার্থের বাট
কর্ষ কুরঙ্গ সমাধিক পাঠ
কমল বিকসিল কহিহ প জমরা
কমল মধু পিবিবি ধোকে ম জমরা।

—(৩৮ পৃষ্ঠা)

স্কান্দাধায় লিখিত বৌদ্ধগান ও দোহাকোষে নাথ-
পন্থেরও একটু আধটু ইঙ্গিত আছে। উল্লিখিত গ্রন্থগুলি
বিশেষভাবে আলোচনা করিয়া বুঝিতে পারা যায় যে,
গোরক্ষনাথ প্রভৃতি প্রাচীন নাথদিগের মত ছিল "হঠযোগ"।
প্রথম প্রথম নাথেরা শিবের পূজা করিত, শিবকে তাহাদের
দেবতা বলিয়া মানিত। তারপর শৈব মত ভাঙ্গিয়া তাহাতে
সহজ্যান ও বহুবান মিশাইয়া নাথেরা একটি মতের প্রবর্তন
করে। মৎস্যোক্তনাথ কিছু বেশী শৈবভাবাপন্ন ছিলেন।

* "তরী সন্নাশে" একে চালিস। প্রমাণী নাম জ্যৈষ্ঠমাস।
শুক্লপক্ষ প্রতিপদে। গ্রন্থ সমস্ত জাইলা। ১৭।"

গোরক্ষনাথ ছিলেন বেশী বৌদ্ধভাবাপন্ন। পরে তিনি পুরা বৌদ্ধ হন। শেষে নামে শৈব—কিন্তু কাজে নয়। নাথদের কোন সময়ে কি মত ছিল, তাহা ঠিক জানিবার উপায় নাই। নাথধর্ম জানিতে হইলে নাথদিগের বর্তমান ও যতদূর সম্ভব অতীতকালের প্রথার আলোচনা আবশ্যিক। আপাততঃ দিগ্‌দর্শন হিসাবে আমরা নাথ সম্পর্কে কিছু আলোচনা করিব।

নাথ সন্ন্যাসী—বিশেষতঃ গোরখদেবীরা কর্ণ বিক্রি করিয়া স্ফটিক, বেগুয়ার, গণ্ডারের শিং অথবা হাতীর দাঁতের তৈয়ারি ভূষণ কর্ণে পরিয়া থাকে। এই কর্ণভূষণের নাম ‘মুদ্রা’। সাধারণতঃ বনস্থ পঞ্চমীতে ইহার কৰ্ণবেধ করিয়া থাকে। মস্ত পড়িয়া কানে মুদ্রা পরে। স্বীলোকের দর্শনে বা আহারের দোষে কান পাকিয়া যাইবে, এই ভয়ে কান ভাল না হওয়া পর্যন্ত ইহার কলাহার করে ও নির্জন গৃহে থাকে। নাথদের মধ্যে এই মুদ্রার একটি বিশেষ তত্ত্ব আছে। তাহা এই—জপত্রী উপদেশ করেন—

মুদ্রা সন্তোষ, সরস পত ঝোলি, ধিয়ান কী করে বিভূতি,
ধিহা অকাল কুয়ারি কারা, জগতি উণ্ডা পরতীত।
আমি পথী সগল জুমাতী, মনজীতে জগজীত।
আদেশ তিসৈ আদেশ,
আদি অনীল গনাদি অনাহতি, জুগ জুগ একো বেস।

“নাথ-যোগীদের সন্তোষই মুদ্রা বা কর্ণবেধস্বরূপ, অর্থাৎ ‘তর্কমসি’ মহাবাক্যের বিচারে স্থিতি হওয়াই যোগিগণের সন্তোষরূপী মুদ্রাস্বরূপ; লজ্জা অর্থাৎ জানে নহ্ন হওয়াই, যোগিগণের ভিক্ষার বুলি স্বরূপ; পরমাচার ধ্যান তাহাদের ভঙ্গলেপনস্বরূপ; কালপরিচ্ছেদ-রহিত, অর্থাৎ জন্মমরণাদি-রহিত কাণ্ড, তাহার আবরণ কথাস্বরূপ এবং পরমাচার সাক্ষাৎকারই তাহার আশ্রয়দণ্ডস্বরূপ। মনোজয়ের দ্বারা পঞ্চভূতাদির জয়, সকল ধর্মপণের ভিতর শ্রেষ্ঠ পথ, অর্থাৎ ব্রহ্মাকার বৃত্তি দ্বারা বিষয়াকার বৃত্তির জয়ের নামই মনের জয়; সেই মনের জয় করিতে পারিলেই সকল পথ জয় করা যায়। পরমাচারকে আমি বার বার নমস্কার করিতেছি, এবং আদি, নিগুণ, অনাদি, অক্ষয় এবং যুগ যুগান্তর ধরিয়া একভাবাপন্ন, সেই পরমাচারকে আমি নমস্কার করিতেছি।”

গোরক্ষনাথ-প্রণীত ‘সিদ্ধাসিদ্ধাস্তপদ্ধতি’ নামক গ্রন্থে

“আদেশ” একটি সংজ্ঞাত্মক শব্দরূপে গৃহীত হইয়াছে। গোরক্ষনাথ আদেশের এইরূপ অর্থ করিয়াছেন,—

“আশ্বেতি পরমাশ্বেতি জীবাশ্বেতি বিচারতঃ।

ত্রয়াণামেকসংভূতিরাদেশঃ পরিকীর্তিতঃ।”

ভূগতি গিয়ান্ দয়া ভগৱণ, ঘট ঘট বাজে নাথ, আপি নাথ, নঃখী সন্ত জাকি, রিক্তি সিদ্ধি ত্রয়া সনা। সংযোগ বিয়োগ দুইকার চলাবে লেখে আরে ভাগ আদেশ তিসৈ ইত্যাদি।

প্রত্যক্ষ অর্থাৎ সাক্ষাৎ অমুভূতি পরমাচার দয়ার ভাগৱস্বরূপ; এই অমুভূতি চরাচর প্রভৃতি সমুদয় বিশেষ বিধোষিত হইয়াছে। সেই পরমাচার স্বাক্ষিস্বরূপে, কখন বা এই বিশ্বের সৃষ্টিকর্তাস্বরূপে, কখনও বা ঋদ্ধিস্বরূপে, কখনও বা সিদ্ধিস্বরূপে বিরাজমান রহিয়াছেন। কিন্তু যোগীরা সংযোগ-বিয়োগরূপ দুই কর্মের নির্ণয় করিয়া উহাদের সত্য অংশ গ্রহণ করেন এবং পরে নিরালস্য হন। পরমাচারকে আমি নমস্কার করি।

একা মাই জুগতি বিয়াই, তিন চেনে পরবাম,
ইক সংসারী, ইক ভগৱী, ইক লায়ে দিবান।
জিব তিসু ভাবে, তিব চলাবে, জিব হোবে ফুরমাণ,
ওহ বেধে, ওনা নদরী ন আবে, রহতাএহ বিড়াণ।

আদেশ তিসৈ আদেশ।

এক মাতা স্বাক্ষিস্বরূপ হইয়া তিনজন অনুচরকে প্রমাণ-রূপে প্রকটীভূত করিয়াছেন; তাহার এক চেলার নাম সংসারী, একের নাম ভাগৱী এবং অপরের নাম বিচারকর্তী, অর্থাৎ প্রকৃতি পুরুষকে সাক্ষী করিয়া তিন গুণ প্রকাশ করিয়াছেন; তাহাদের মধ্যে একের নাম তমঃ, অস্তের নাম রজঃ এবং তৃতীয়ের নাম সত্র। যে ব্যক্তি যে গুণসম্পন্ন, সে সেই গুণের কাজ করে অর্থাৎ সেই গুণের দ্বারা সে সেইরূপ কার্য সম্পন্ন করিয়া থাকে। যে যে গুণপ্রধান, সে সেই গুণের সূখ্যাতি করিয়া থাকে। অত্র গুণের কার্য সে জানে না; এই প্রকারে সে খণ্ডন করিলেও তাহার কিছুই নিশ্চয় হয় না। আমি পরমাচারকে নমস্কার করি।

গোরক্ষনাথ বলিতেছেন—

ভাব তাহা—যাহা জ্ঞানের অতীত, অজ্ঞানের স্বপ্নেরও অগোচর, জ্ঞানও মাই, অজ্ঞানও নাই। জ্ঞান অজ্ঞান দুই তিরোহিত কর।

চর্পটনাথ ইহার ব্যাখ্যা করিয়াছেন। যেমন জল আর তরঙ্গ, প্রকৃত এক বস্তু, সেইরূপ সংসারে জ্ঞান

বলিয়াও কিছু নাই, অজ্ঞান বলিয়াও কিছু নাই, শুধু তাহাই আছে—যাহা জ্ঞান ও অজ্ঞান পরিহার করিয়া এক অপূর্ণ অবস্থায় অবস্থিত থাকে। যাহা আছে, তাহার প্রতিশব্দ নাই, চিহ্ন নাই, সংকেত নাই, যাহা দিয়া লোককে বুঝান যায়। যখন দ্বিত্ব কল্পনা তিরোহিত হয়, তখন জ্ঞান ও অজ্ঞান উভয়ই তিরোহিত হয়।

আমাদের কঠোপনিষৎও সেইজন্য উপদেশ করিয়াছেন,—

ইন্দ্রিয়েষ্যঃ পরং মনো মনসঃ সৰ্বমুত্তমম্ ।

সহাদপি মহানা গা মহতোব্যক্তমুত্তমম্ ॥

নাথসন্ন্যাসীরা ঔর্ণনির্মিত সূত্র ধারণ করিয়া থাকে। ইহাকে ইহার 'সেলী' বলিয়া থাকে। এবং অঙ্গুলিপরিমিত 'নাদ' নামক এক প্রকার কৃষ্ণ পদার্থ পরিয়া থাকে। যোগিসম্প্রদায় "মেখলা" "বিষ্টি" "সেলী" ও "বিশ্ণুতি" দেহে ধারণ করিয়া থাকে। তাহাদের দেহে যে মেখলা থাকে, তাহা ধারণের গৃঢ়ার্থ "গগন"। 'বিষ্টি' শব্দের ঐক্যার্থ নরক-দণ্ড হইতে রক্ষার উপায়। ছুরাচারী ব্যক্তি নরকে দণ্ডিত হইয়া থাকে। কিঞ্চিন্মাত্র ত্রলোভনবশতঃ যে ইন্দ্রিয় জাগ্রত হয়, তাহাকে দান্ত বা জন্ম রাখিবার জন্ত ইহাদের কোপীন ধারণ। কোন কোন উলঙ্গ সাধু তাম্র বা পিতলের চক্রদারা ইন্দ্রিয় বন্ধ করিয়া থাকে। ইহারই নাম 'বিষ্টি'। কোন কোন সাধু ফকীর বিশ্ণুতি বা বেড়ীর আকারের কাষ্ঠপাত্র রাখিয়া থাকে। কেহ বা হাতে খঞ্জর রাখিয়া থাকে। নাথপন্থীরা এইসব কারণে বলিয়া থাকে—

"গগন মেখলা ধরতি বিসর্টা ।

নরা সেলী হাথ কিসতী ॥"

নাথদের অনেক পরিভাষা আছে। ইহাদের সঙ্গে না মিশিলে সেগুলির অর্থ বোঝা যায় না। ইহার মর্যাদাকে 'বেলা' বলিয়া থাকে। গুরু শব্দে 'শব্দ' বুঝিয়া থাকে। চেলা বলিতে ইহার 'সুরতি' বুঝিয়া থাকে। ধ্যানকে ডিবি বলে। সন্তোষকে ভুক্তি বলে।

সন্ধ্যা ভাষাতেও ইহাদের অনেক উপদেশ আছে। একটি উদাহরণ হঠযোগ হইতে তুলিয়া দিলাম।

মন ধীরিতে পবন ধীর পবন ধীরিতে বিন্দু ধীর ।

বিন্দু ধীরিতে কন্দ ধীর বলে পোরক্ষ সকল ধীর ॥

ইহার বলে—

ধোগ দুগতি কো চীনতে, তিনকে লক্ষণ কোন ।

তজি নিদ্রা খুধা তজি, হুখ শোভা নিশি সৌণ ।

(প্রাণসংগলী)

এই উক্তি অনুসারে ইহার বলিয়া থাকে যে, সুখস্বরূপ শোভায়নানা রাত্রিতে যোগী শয়ন (মগ্ন) হইয়া থাকে। নাথপন্থীমতে ইহার অর্থ হইতেছে এই যে, রাত্রিতে যেমন দিবসের সমস্ত কার্যের অভাব হয়, সেইরূপ অসংপ্রপঞ্চের অভাব সম্পাদন করিয়া ভাবরূপী সত্তার উদয় হয়। আর শোভা প্রকাশের অর্গদ্যোতক, সেই প্রকাশ চেতন বস্তুর দ্যোতক এবং ইহাই সুখ বা আনন্দের অপর নাম। এই-জন্ত আনন্দস্বরূপী চিন্মাত্রসত্তায় ক্ষুধা ও নিদ্রা ত্যাগ করিয়া শয়ন করিয়া থাকে অর্থাৎ সচ্চিদানন্দ পরমধামে যোগী শয়ন করিয়া থাকে। এই অবস্থায় যোগী যোগযুক্তি চয়ন করিয়া থাকে।

হঠযোগ প্রদীপিকায়াও এইরূপ কথা আছে—

গজ বাধিয়া রাজা পবন বাধিয়া যোগী ।

ধাশ্ব বাধিয়া গৃহস্থ বিন্দু বাধিয়া ভোগী ।

(হঠযোগ)

নাথযোগীদের অনেকে নারীকেলের ভিক্ষাপাত্র বা কাঁসার ভিক্ষাপাত্র লইয়া বেড়ায়। ছোলির সময় ইহাদের গুণ্ডরা মাটির বড়ায় আশ্রয় রাখিয়া তাহা লইয়া ঘুরিয়া বেড়ায়। ইহাকে তাহারা 'খঞ্জর' বলে।

গোরখপন্থী ও নানকপন্থী সাধুরা মাথার পাগড়ীতে গৌহের বৃত্তাকার চক্র রাখিয়া থাকে। ইহার বলে, হাতের আঙ্গুলে ইহা ঘুরাইয়া শক্রর গলায় ফেলিয়া দেওয়া হইত। চক্র গলা কাটিয়া বাহির হইয়া চক্রের অধিকারীর নিকট পুনরায় ফিরিয়া আসিত। নাথ সন্ন্যাসীরা সাধারণতঃ ধূনা জালিয়া রাখে। গোকুল'ষ্টমী ও নবরাত্রির সময়ে ইহার খুব বেশী কাঠ দিয়া ধূনা জালাইয়া রাখে। এই সময় চিনি মিশাইয়া গমের আটা কড়ায় করিয়া তাহার রাঁধে ও খায়। ইহাকে তাহারা 'লাপ্সা' বলে। ইহাদের মঠে ছইবার করিয়া যাওয়া হয়। খিচুড়ি ভোগই ইহার বেশী পছন্দ করে। ইহাদের যাহারা শিষ্য হইতে চায়, তাহাদিগকে শূন্যনাদ পরিতে হয়। ইহা দিয়া গুণ্ডার উপদেশ, অ'নেশের কাণ্ড হইয়া থাকে। এখানে আদেশ শব্দের অর্থ মনস্কর, কোথাও কোথাও উপদেশ অর্থের ব্যবহৃত হয়। ইহাদের

“উপদেশ” ছইবার খাইবার সময় হইয়া থাকে। প্রত্যহ দেবতার নিকট ও গুরু নিকটও আদেশের ব্যবস্থা আছে। যদি ইহাদের স্বভাব ভাল হয়—তাহা হইলে যথাকালে তাহাদের ভৈরবের নিকট লইয়া যাওয়া হয়। সেখানে তাহাদের কর্ণবেধ হয়—এই ব্যাপারের নাম “দর্শন”। গুরু তখন কর্ণে মন্ত্র দেন এবং বলেন—“জ্ঞানী হও, ধর্ম প্রতিপালন কর, গুরুসেবারত হও।” শিষ্য তখন যোগী হয়—নাম হয় “নাথ”। শিষ্য গুরুর পুত্ররূপে বিবেচিত হয়। গুরু দেহ রাখিলে তাঁহাকে পুত্রিয়া ফেলা হয়। তারপর ১২ দিনের পর ভোজ দেওয়া হয়। শিষ্য অর্গাৎ পুত্র ভিক্ষা দিয়া থাকে, শিষ্য অশৌচ লইয়া থাকে, জুতা পরে না। তবে চাখুদি বা কাঠের জুতা পরিতে পারে।

নাথদের মধ্যে কয়েকটি গোত্র দেখিতে পাওয়া যায়। সাধারণতঃ নাথেরা আপনাদিগকে কশ্যপ, সত্য, মীন, গোরক্ষ, আই, আদি, ভৈরব, বীর গোত্রের বলিয়া থাকে। এ ছাড়া ইহাদের মধ্যে অন্ত ছই-একটি গোত্রের প্রচলনও দেখা যায়। বটুক গোত্রেরও নাথ জুনাগড়ে আছে। বাঙ্গালাদেশের নাথেরা অধিকাংশই কশ্যপ বা আই গোত্রের। সকল দেশের নাথদের মধ্যে নিজেদের উৎপত্তি সম্বন্ধে কিংবদন্তী আছে। অনেকগুলি কিংবদন্তীর মূলে কোনরূপ সত্য আছে বলিয়া মনে হয় না। যে প্রবাদগুলি প্রায় সকল দেশে একরূপ, আমরা কোন মন্তব্য না দিয়া সেইগুলির উল্লেখ নিম্নে করিতেছি :—

১। ইহাদের বিশ্বাস, সৃষ্টির আদিতে ব্রহ্মার মানস পুত্র মরীচির গুরসে ও কলার গর্ভে কশ্যপ মুনির জন্ম হয়। কশ্যপ দক্ষের এক কন্যাকে বিবাহ করেন। তাঁহার গর্ভে কৃষ্ণার জন্ম হয়। কশ্যপ-কন্যা কৃষ্ণা মহা-যোগী বিন্দুনাথে সমর্পিত হন। ইহাদের প্রথম সন্তান ষাঁহার, তাঁহারাই ‘নাথ’ বা যোগী।

২। এই নাথদের মধ্যে ষাঁহার যোগাচার অবলম্বন করেন, তাঁহাদের সমাধি হইয়া থাকে।

৩। সিদ্ধযোগী অবধূতনাথ হইতে যোগধর্ম প্রথম প্রবর্তিত হয়। ইনি সাক্ষাৎ শিবাবতার। ইং হইতেই যোগীবংশ উৎপন্ন হইয়াছে। ইহাদের কতকগুলি লক্ষণ আছে। ললাটে অর্ধচন্দ্র রেখা, ত্রিভুজ যোগপট্ট, অঙ্গ

বিভূতি, রক্তবস্ত্র পরিধান, সর্বদা পরমগুরুর ধ্যান ইত্যাদি লক্ষণের ইং হারা উল্লেখ করিয়া থাকেন।

৪। ঈশ্বর হইতে যোগিগণ এবং একাদশ রুদ্র উৎপন্ন হইয়াছে। মহাযোগী প্রধান পুত্র। ইং হার পুত্র বিন্দুনাথ। বিন্দুনাথের পুত্র আইনাথ। আইনাথ রুদ্রকুল প্রকাশ করেন। গুরুপুত্রের ৮৭ম অধ্যায়ে এবং রুদ্র-যামলের উত্তরখণ্ডে যে রুদ্রকুলের বিবরণ আছে, নাথেরা রুদ্রকুল বুঝিতে তাহারই দাবী করিয়া থাকে। যাহা হউক, এই আইনাথের পুত্র মীননাথ (ইং হার অপর নাম মছন্দরনাথ); তাঁহার পুত্র গোরক্ষনাথ ও ছায়ানাথ; ছায়ানাথের পুত্র সতানাথ। সতানাথের এক শিষ্য অর্জুন-নাথ শঙ্করাচার্যের সহিত বিচার করেন।

ভারতবর্ষের নানা স্থানের নাথদের মধ্যে নানারূপ প্রথা প্রচলিত আছে। নাথসম্প্রদায়ের বিষয় জানিতে হইলে বিভিন্ন স্থানের নাথদের আচারাদি সম্বন্ধে কিছু কিছু আলোচনা করা আবশ্যিক।

পঞ্জাবপ্রদেশে রোহতক জেলার মধ্যে দিল্লী হইতে ৪০ ক্রোশ উত্তর-পশ্চিমে বোহর নামে একটি স্থান আছে। এখানে একটি প্রকাণ্ড মঠ আছে। মঠটি শ্রীমন্তনাথের সমাধি-মন্দির। মঠাধিপতির নাম সন্তোষনাথজী। ইনি উত্তর-পশ্চিম প্রদেশস্থ অনেক রাজাদের কুলগুরু। ইং হার সম্পত্তি যথেষ্ট। এখানে প্রায় পাঁচ হাজার নাথ আছে। এখানকার মঠের নিয়ম এই যে, বার বৎসরের পর অধিপতি সমাধি লইয়া থাকেন। কাজে কিন্তু তাহা দেখা যায় না। এখানে প্রতি বৎসর ফাল্গুন মাসের শুক্লাপঞ্চমী তিথি হইতে নবমী তিথি পর্যন্ত একটি মেলা হয়। ১০০ বৎসর ধরিয়া এই অনুষ্ঠান হইয়া আসিতেছে। এই মেলায় ২ লক্ষ লোক আসিয়া থাকে। সম্ভ্রান্ত অসম্ভ্রান্ত, হিন্দু স্ত্রী-পুরুষ শ্রীমন্তনাথের সমাধির উপর পূজা মানসিক দিয়া থাকে। ওড়িশ্যায়ও অনেক নাথ বাস করিয়া থাকে। ইং হার বাঙ্গালা দেশের নাথদের মত নয়। ইহাদের উপনয়ন হইয়া থাকে। এখানকার নাথেরা কেহ চিকিৎসক, কেহ জ্যোতিষী, তবে অধিকাংশই চাকরী করিয়া থাকে।

কাঠিয়াবাড়ের নাথেরা আপনাদের ‘যোগী’ বলিয়া

পরিচয় দিয়া থাকে। ইহারা ধর্মের ওজুহাতে ভিক্ষা করিয়া বেড়ায়। ইহাদের কোন নির্দিষ্ট বাসস্থান নাই। ভিক্ষা ছাড়াও বাঁচিয়া থাকিবার ইহাদের আর-একটি উপায় আছে। দাঁতন, কাঁটা, মুন, ইকুনো, সুখিয়া ও জ্বীলোক-দের চুলে লাগাইবার জন্ত সেন্দোনী বেচিয়া যে ছপয়সা পায়, তাহা দিয়াই নিজেদের পরচ চালায়। ইহাদের মধ্যে কেহ কেহ ভূত ঝাড়ে, সাপ ধরে। এই রকম উপায়ে জীবিকা অর্জন করে। দেব-দেবীর পূজা না করিলেও তাঁহাদের প্রতি সম্মান দেখাইয়া থাকে। কাগরও মৃত্যু হইলে ইহারা দক্ষিণ চরণের বুদ্ধাস্ত্র কাটিয়া পুতিয়া ফেলে। বহুবিবাহের প্রথা ইহাদের মধ্যে বেশ প্রচলিত। বিবাহ-বন্ধন ছিন্ন করিবার নিয়মও মানিয়া চলে। রত্নগিরি বোম্বাই প্রদেশে। এখানকার যোগীরা অনেক রকমের। এখানকার যোগীরা লোকেদের ভবিষ্যৎ গণনা করিয়া থাকে। কেহ বা কোতুহলপ্রদ বিকৃত জন্তু দেখাইয়া বেড়ায়। অবশিষ্ট তাহার, তাহার কাণফট যোগী। ইহারা কানে কাঠের বা হাতীর দাঁতের বড় বড় গোলাকৃতি অলঙ্কার পরিয়া থাকে।

কঙ্কণ প্রদেশে আজকাল যোগীর সংখ্যা খুব কম। ইহাদের সম্বন্ধে বিশেষ কিছু বলিবার নাই। পর্তুগীজগণ যখন সালসেট অধিকার করে, তখন তাহার কানেড়ী (Kanheri) গুহাতে বহুসংখ্য যোগী দেখিয়াছিল। ইহাদের সম্বন্ধে পর্তুগীজগণ আশ্চর্যজনক বিবরণ লিখিয়া গিয়াছে। তাহার নাকি ৩০০০ গুহা দেখিয়াছিল। এই-সমস্ত গুহায় যোগচারী নাথেরা থাকিত। একজন যোগীর বয়স তাহার ১৫০ বৎসর বলিয়া উল্লেখ করিয়াছে।

দক্ষিণাত্যে নাসিকে যে-সমস্ত নাথ যোগীরা আছে, তাহার রত্নগিরির যোগীদের তায় অন্তর্গত করিয়া থাকে। তবে এখানে সকল জাতির লোকেরা নাথসম্প্রদায়ভুক্ত হইতে পারে। ইহাদের কেহ বিবাহ করে, কেহ করে না। এখানকার কাণফট যোগীরা বোণায়ন্ত্র বাজাইয়া প্রধানতঃ রাজা গোপীটারদের গান করিয়াই নিজেদের উদ্বৃত্তের ব্যবস্থা করে। ভোজ নগরে শিব্রা মণ্ডপে, ভোজের উত্তর-পশ্চিমে ধিনোধরে এবং বাগদে মনফরা নামক স্থানে কাণফট যোগীদের তিনটি আস্তানা আছে। এই তিনটির মধ্যে ধিনোধরের

আড্ডাই বেশ বড় ও বিখ্যাত। জন পঞ্চাশ কাণফট যোগী এখানে থাকে। ইহাদের আবার বালাধিয়া, আরাল ও মাথালে তিনটি শাখা আছে। ইহারা কর্ণবেধক্রিয়াকে 'দর্শন' বলে। দর্শনের পর ইহাদের পৃথক নাম হয়। অতঃপর তাহার সম্প্রদায়-প্রতিষ্ঠাতা ধরমনাথকে গুরু বলিয়া গ্রহণ করে। কচ্ছদেশীয় ইতিকথায় পাওয়া যায় যে, ধরমনাথ অনেক আশ্চর্য কার্য করিয়াছিলেন। তিনি প্রাচীন মান্দবী বা রায়পুর ধ্বংস করিয়াছিলেন, রান নদী শুষ্ক করিয়া ফেলাছিলেন। পূর্বে কাণফট যোগীরা খুব পরাক্রান্ত ছিল। প্রায় তিন শত বর্ষ পূর্বে পশ্চিমে কোটেখর এবং পূর্বাঞ্চলে আজপালে তাহাদের প্রধান আখড়া ছিল। জুনাগড়ের এক দল নাথ-সন্ন্যাসী ৩০০ শত বৎসর পূর্বে আসিয়া ইহাদের হাত হইতে আখড়া দুইটি কাড়িয়া লয়।

ধিনোধর যোগীদের বেশ ছপয়সা আছে। ইহারা ধিনোধর পাহাড়ের নীচে বেশ সুরক্ষিত মঠে বাস করে। মঠের আশেপাশে ইহাদের থাকিবার জায়গা ও মঠধারীর সমাধি আছে। মঠধারীকে ইহারা 'পার' বলে। ধরমনাথের মঠে ৭ বর্গফুট উচ্চ ধরমনাথের একটি মন্দির আছে। এই মন্দিরে ধরমনাথের একটি মার্বেল পাথরের ৩ ফুট উচ্চ মূর্তি আছে। এই মূর্তির কানে সম্প্রদায়ের অনুরূপ কর্ণভূষা আছে। তাহার পাশে ছোট ছোট শিবলিঙ্গ এবং পিতলের ও পাথরের অসংখ্য মূর্তি আছে। এইখানে ধরমনাথের সময় হইতে একটি দীপ জ্বলাইয়া রাখা হইয়া থাকে। পূজা দিনে দুইবার হয়। নিকটেই একটি আবৃত স্থানে সকল সময় হোমকুণ্ড প্রজ্জলিত থাকে।

সাপারগতঃ ইহাদের কর্ণভূষার ব্যাস সাত ইঞ্চি এবং ওজন ৬ তোলা হইয়া থাকে। ইহারা কোট ও লাল রঙের বস্ত্রাবরণ পরিয়া থাকে। যিনি গদিতে বসেন, তিনি জরির কাজ-করা নীল রেশমের পাগড়ী পরিয়া থাকেন। ইহারা গলায় একপ্রকারের পশমী সূতা পরিয়া থাকে। ইহার নাম শেলি। এটি ইহাদের বড়ই পবিত্র জিনিস। ইহারা অনেক পুরাণ ধরণের গহনা পরিয়া থাকে। ইহারা গলায় গণ্ডারের শিঙ্ বুলাইয়া রাখে। পূজার সময় তাহা বাজাইয়া থাকে।

বেরারে অনেক নাথ আছে। অধিকাংশই গৃহী—

তাহাদের নাম সংযোগী, যাহারা সন্ন্যাসী, তাহাদের নাম যোগী। সংযোগীদের সম্বন্ধ গোসাঁইদের সঙ্গে হয়। যোগীর সংখ্যা খুব কম।

নেপালে গোরক্ষনাথ ও মৎশ্বেজনাথের দুইটি মন্দির আছে। মন্দির দুটি বাগমাতী নদীর পূর্বতীরে পর্বতের উপর। ঐ পর্বতের অধিত্যকা হইতে উপত্যকা পর্য্যন্ত অর্থাৎ নদীতীর পর্য্যন্ত প্রস্তর দ্বারা ঘাট নির্মিত। ঐ ঘাট দৈর্ঘ্যে শঙ্খমূল খাপাতলি হইতে গোকর্ণ পর্য্যন্ত প্রায় তিন ক্রোশ বিস্তৃত। নদীর পশ্চিম তীরে পশুপতিনাথের মন্দির। মৎশ্বেজনাথ ভোগবিলাসে রত থাকিতেন বলিয়া তাঁহার শিষ্য গোরক্ষনাথের আদেশে নেপালাধিপতিকে আজও এক-একটি ব্রাহ্মণকন্যা মৎশ্বেজনাথের মঠের সহিত বিবাহ দিতে হয়। ঐ প্রথা মহারাজের কৌলিক নিয়ম হইয়া দাঁড়াইয়াছে। ঐ-সমস্ত বিবাহিতা কন্যা মঠে সতীক্ৰমে থাকিয়া সেবা-কার্য্যে জীবনাতিপাত করে। ইহারা নাগিনী।

নেপালে ব্রহ্মনাগজী ও ভিনকনাগজীর দুইটি আস্তানা আছে। জুনাগড়ে নাগদের খুব বড় মঠ আছে। আবুল ফজল পেশওয়ারে গোরক্ষক্ষেত্রের উল্লেখ করিয়াছেন। দ্বারকার নিকট আর-একটি গোরক্ষক্ষেত্র আছে। হরিদ্বারে একটি সুড়ঙ্গ নাগদের কীর্তির নিদর্শন।

কাশীতে ইহাদের একটি মঠ আছে। ৩০।৩২ বৎসর পূর্বে গয়ায় কপিলধারার নিকট গম্ভীরনাথের আশ্রম ছিল। ইনি অল্প কথা কহিতেন। একটু মাথা নাড়িয়া ইহিতে লোকদিগকে মুগ্ধ করিতেন। বাকীপুরে ইহার শিষ্যগণ আশ্রম রক্ষা করিতেছেন।

কলিকাতায় দমদমার নিকট নাথদের একটি আড্ডা আছে। ইহার নাম 'গোরখবাসলি', ইহাতে তিনটি মাহুয়ের মূর্তি এবং শিব, কালী ও হনুমানের মূর্তি আছে।

ত্রিপুরা ও চট্টগ্রামে অনেক নাথের বাস। বগুড়ায় ৩,৩১৮ জন নাথ আছে। ইহারা শব পুতিয়া ফেলে। বগুড়া থানার অন্তর্গত ও বগুড়া সহর হইতে প্রায় সাড়ে তিন ক্রোশ উত্তর-পশ্চিমে এবং মহাস্থানগড় হইতে প্রায় দুই ক্রোশ দক্ষিণ-পশ্চিমে "যোগীর ভবন" নামে একটি বিখ্যাত গ্রাম আছে। এখানে গোরক্ষনাথের একটি মন্দির আছে। গোরক্ষনাথ-মন্দিরের পূর্বোত্তর কোণে তিনটি সমাধি আছে। সর্বাপেক্ষা বড়টি গুরুর, দ্বিতীয়টি শিষ্যের এবং অপরটি গুরুর কুকুরের। মন্দিরের পূর্বদিকে একটি পুষ্করিণী আছে—নাম 'সিদ্ধপুকুর'।

(আগামীবারে সমাপ্য)

শ্রীঅমূল্যচরণ বিদ্যাভূষণ।

রবীন্দ্র-পরিচয়

২। শৈশব-রচনা—কাব্য-সাহিত্য।

এইবার ধারাবাহিকভাবে রবীন্দ্রনাথের তেরো হইতে আঠারো বছর বয়স পর্য্যন্ত লেখা শৈশব-কবিতার পরিচয় দিয়া পরে এই সময়ের গদ্যসাহিত্যের আলোচনা করিব।

কবিতা রচনারম্ভ

সাত আট বৎসর বয়সেই রবীন্দ্রনাথের কবিতা রচনা আরম্ভ হইয়াছিল। জীবন-স্মৃতিতে আছে :—

"আমার বয়স তখন সাত আট বছরের বেশি হইবে না। আমার এক ভাগিনের শ্রীযুক্ত জ্যোতিঃপ্রকাশ আমার চেয়ে বয়সে বেশ একটু বড়।...আমার মত শিশুকে কবিতা লিখাইবার জন্ত তাঁহার হঠাৎ কেন যে উৎসাহ হইল তাহা আমি বলিতে পারি না। একদিন ছপ্পর বেলা তাঁহার ঘরে ডাকিয়া লইয়া বলিলেন—তোমাকে

পদ্য লিখিতে হইবে। বলিয়া পরারহুদে চৌদ্দ অক্ষর যোগাযোগের রীতিপদ্ধতি আমাকে বুঝাইয়া দিলেন।

"পদ্য জিনিষটিকে এপর্য্যন্ত ছাপার বহিতেই দেখিয়াছি। ক্লাটাকুটি নাই, ভাষাচিন্তা নাই; কোনোখানে মর্ন্ত্যজনোচিত দুর্বলতার কোনো চিহ্ন দেখা যায় না। এই পদ্য যে নিজে চেষ্টা করিয়া লেখা যাইতে পারে এ কথা কল্পনা করিতেও সাহস হইত না।.....গোটা কয়েক শব্দ নিজের হাতে জোড়াভাড়া দিতেই যখন তাহা পরার হইয়া উঠিল, তখন পদ্য রচনার মহিমা সম্বন্ধে মোহ আর টিকিল না।"

"ভয় যখন একবার ভাঙিল তখন আর ঠেকাইয়া রাখে কে? কোনো একটি কর্তৃত্বকারী কৃপার একখানি নীল কাগজের খাতা জোগাড় করিলাম। তাহাতে যথেষ্ট পেন্সিল দিয়া ঋতকণ্ঠলা অসমান লাইন কাটিয়া বড় বড় কাঁচা অক্ষরে পদ্য লিখিতে শুরু

করিয়া বিলাস।... কাব্যগ্রন্থাবলীর বোকা তখন তারি হয় নাই। কবিতা কবির আখার পকেটেই তখন অনায়াসে ফেরে। নিজেই তখন লেখক, মুদ্রাকর, প্রকাশক, এই তিনে-এক একে-তিন হইয়া ছিলাম (১)।”

জীবন-স্মৃতিতে কবি বাল্যকালে কাব্যচর্চা সম্বন্ধে সেকৌতুক বর্ণনা করিয়াছেন—

“সেই নীল খাতাটি ক্রমেই বাঁকা বাঁকা লাইনে ও সরু মোটা অক্ষরে কীটের বাসার মত ভরিয়া উঠিতে চলিল। বাণকের আগ্রহপূর্ণ চকল হাতের পীড়নে প্রথমে তাহা কুঞ্চিত হইয়া গেল। ক্রমে তাহার ধারগুলি ছিঁড়িয়া কতকগুলি আঙুলের মত হইয়া ভিতরের লেখাগুলিকে বেন মুঠা করিয়া চাপিয়া রাখিয়া দিল। সেই নীল ফুলসুক্যাপের খাতাটি লইয়া করুণাময়ী বিলুপ্তদেবী কবে বৈতরণীর কোন্ তাঁটার শ্রোতে ভাসাইয়া দিয়াছেন জানি না। আহা, তাহার ভবভর আর নাই। মুদ্রায়ত্তের অঁঠর-বহুগার হাত সে এড়াইল (২)।”

এই সময়কার কবিতার দুইশতকটি নমুনাও কবি দিয়াছেন (৩)। বাল্যকালে ‘ঈশ্বর’-স্তব রচনাও বাদ পড়ে নাই, তাহাতে যথারীতি হৃৎকল্প ও ভবযন্ত্রণার উল্লেখ ছিল (৪)।

কাব্য-চর্চা

যাহা ছুটুক কাব্যচর্চা চলিতে লাগিল। রবীন্দ্রনাথের বয়স ষখন বার তেরো বছর তখনকার কথা লিখিয়াছেন—

“বাড়ীর লোকেরা আমার হাল ছাড়িয়া দিলেন। কোনোদিকে আমার কিছু হইবে এমন আশা, না আমার, না আর কাহারো মনে রহিল। কাজেই কোনো কিছুর ভরসা না রাখিয়া আপন-মনে কেবল কবিতার খাতা ভরাইতে লাগিলাম (৫)।”

রচনা প্রকাশ

আর ছ-এক বছরের মধ্যেই ১২৮২ সালে রচনা প্রকাশ প্রথম আরম্ভ হয়। রবীন্দ্রনাথের বয়স তখন চৌদ্দ বৎসর।

“এ পর্যন্ত যাহা কিছু লিখিতেছিলাম তাহার প্রচার আপনা-আপনি মধোই বন্ধ ছিল। এমন সময় জ্ঞানাকুর নামে এক কাগজ বাহির হইল। কাগজের নামের উপযুক্ত একটি অকুরোদ্যত কবিও কাগজের কর্তৃপক্ষেরা সংগ্রহ করিলেন। আমার সমস্ত পদ্যপ্রলাপ নিরীক্সিতারে তাঁহারা বাহির করিতে শুরু করিলেন। কালের দরবাবে আমার স্বকৃতি ছকৃতি বিচারের সময় কোনদিন তাহাদের তলব পড়িবে, এবং কোন্ উৎসাহী পেরাদা তাহাদিগকে বিম্বৃত কাগজের অন্দরমহল হইতে নিল্ল-এভাবে লোকসমাজে টানিয়া বাহির করিয়া আনিবে, জেনানার দোহাই মানিবে না, এ ভয় আমার মনের মধ্যে আছে (৬)।”

- (১) জীবন-স্মৃতি, (২৪-২৫ পৃঃ) প্রবাসী, ১৩১৮, আধুনিক, ৫৯৫-৫৯৬ পৃঃ।
- (২) জীবন-স্মৃতি (৩৪ পৃঃ) প্রবাসী, ১৩১৮, কার্তিক, ২ পৃঃ।
- (৩) জীবন-স্মৃতি (৩৪-৩৫ পৃঃ), প্রবাসী, ১৩১৮, কার্তিক, ৩ পৃঃ।
- (৪) জীবন-স্মৃতি (৩৮-৩৯ পৃঃ), প্রবাসী, ১৩১৮, কার্তিক, ৪-৫ পৃঃ।
- (৫) জীবন-স্মৃতি (৯৩ পৃঃ), প্রবাসী, ১৩১৮, ফাল্গুন, ৪১৩ পৃঃ।
- (৬) জীবন-স্মৃতি, (৯৬ পৃঃ) প্রবাসী, ১৩১৮, ফাল্গুন, ৪১৪-৪১৫ পৃঃ।

এই জ্ঞানাকুর পত্রিকার চতুর্থ খণ্ড (অগ্রহায়ণ, ১২৮২ - কার্তিক ১২৮৩) কবিতার “বনফুল” ও “প্রলাপ” এবং গদ্যে “ভুবন-মোহিনী প্রতিভা”র সমালোচনা বাহির হইয়াছিল।

বনফুল নামে কবিতার উপগ্রন্থস্থানি ছয় সংখ্যার ধারায় বাহিররূপে বাহির হইয়াছিল (১)। তিন বৎসর পরে ১২৮৬ সালে ইহা পুস্তকাকারে প্রকাশিত হয়।

পুস্তক-পরিচয়

বনফুল বইখানি সাড়ে ছয় ইঞ্চি লম্বা, চার ইঞ্চি চওড়া (৬ ১/২" x ৪"), ডিমাই ১২ পেজি, ৮ ফর্ম্যা ২ পৃষ্ঠা, ইংলিশ অক্ষরে ২০ এম্-এ কম্পোজ, প্রত্যেক পৃষ্ঠায় কুড়ি লাইন ছাপা। কাগজের মলাট, এক পৃষ্ঠা নামপত্র (title page) + এক পৃষ্ঠা অন্তঃসংশোধন + ৯৩ পৃষ্ঠা। উৎসর্গপত্র নাই। নাম-পত্র (title page) এইরূপ :—

বনফুল

ক্যালোপন্যান্স

“অনাব্রাতং পুষ্পং কিসলয়মল্লনং করকটৈঃ।”

শ্রীযুক্ত রবীন্দ্রনাথ ঠাকুর প্রণীত

শ্রীমতিলাল মণ্ডল কর্তৃক মুদ্রিত ও প্রকাশিত।

গুপ্ত প্রেস ;°

২২১, কর্ণওয়ালিস স্ট্রীট,—কলিকাতা

১২৮৬ সাল। (ক)

বনফুল বইখানি আট সর্গে বিভক্ত। ১ম, ২য়, ৭ম ও ৮ম সর্গের বিশেষ নাম আছে, বাকি সর্গের কোন নাম নাই। প্রত্যেক সর্গের পত্রাঙ্ক ও লাইনের সংখ্যা এইরূপ—

১ম সর্গ—“দীপ-নির্ক্ষাণ” ১—১০ পৃষ্ঠা, ১৭২ লাইন। জ্ঞানাকুর, ১২৮২, অগ্রহায়ণ, ৩৫—৩৮ পৃঃ।

২য় সর্গ—“যেওনা! যেওনা!” ১০—২২ পৃষ্ঠা, ২২৯ লাইন। জ্ঞানাকুর, ১২৮২, মাঘ, ১৩৫—১৩৮ পৃঃ।

৩য় সর্গ—২২—৪২ পৃঃ, ২৮৫ লাইন। জ্ঞানাকুর, ১২৮২, চৈত্র, ২২৮—২৩৪ পৃঃ।

৪র্থ সর্গ—৪২—৪৯ পৃঃ, ১০৮ লাইন। জ্ঞানাকুর ১:৮৩, জ্যৈষ্ঠ, ৩১৬—৩১৯ পৃঃ।

৫ম সর্গ—৪৯—৫২ পৃঃ, ৬৭ লাইন। জ্ঞানাকুর ১:৮৩, জ্যৈষ্ঠ, ৩১৬—৩১৯ পৃঃ।

(১) জ্ঞানাকুর, ৪র্থ খণ্ড, ১২৮২—১২৮৩।

৬ষ্ঠ সর্গ—৫২—৭০ পৃঃ, ৩১৪ লাইন। জ্ঞানাকুর, ১২৮৩, আশ্বিন, ৪২০—৪২৫ পৃঃ।

৭ম সর্গ—“শশান”—৭০—৭৯ পৃঃ, ১৬০ লাইন। জ্ঞানাকুর, ১২৮৩, ভাদ্র, ৪৫৭—৪৬১ পৃঃ।

৮ম সর্গ—“বিসর্জন”—৭৯—৯৩ পৃঃ, ২৪৭ লাইন। জ্ঞানাকুর, ১২৮৩, কার্তিক, ৫৬৭—৫৭১ পৃঃ। (১)

বনফুল বইখানি অনেকদিন হইল অপ্রচলিত (out of print) হইয়া গিয়াছে। পুরাণো কাপিও এখন ছুপ্রাপ্য। মোট ১৫৮২ লাইনের মধ্যে এক লাইনও পুনর্মুদ্রিত হয় নাই বা কাব্যগ্রন্থাবলীর কোন সংস্করণে স্থান পায় নাই।

১২৮২ সালে প্রথম বাহির হইলেও “বনফুল” লেখা হইয়াছিল আরো আগে। রবীন্দ্রনাথকে জিজ্ঞাস্য করার তিনি বলিয়াছেন—জ্ঞানাকুরে বাহির হইবার “বেশ কিছুদিন আগে” ইহা লেখা হয় (২)। যদি এক বছর পূর্বে লেখা হইয়া থাকে তবে, রবীন্দ্রনাথের বয়স তখন তেরো বছর। যাহা হউক বনফুল বইখানি মোটামুটি তেরো-চোদ্দ বছর বয়সের লেখা বলা যায়।

বনফুলের আখ্যানভাগ

কমলা শিশুকাল হইতে নির্জন কুটারে পালিত, শৈশবে মায়ের মৃত্যুর পরে সে তাহার পিতা ছাড়া আর কোন মানুষ দেখে নাই। বিজনকানের তরলতা পশুপক্ষীর সহিত তাহার ঘনিষ্ঠ সম্বন্ধ স্থাপিত হইয়াছে। কিন্তু ষ্ট্রোকালয়ের সে কিছু জানে না। কমলা যখন ষোড়শী বালিকা তখন তাহার পিতার মৃত্যু হয়, বিজয় নামে এক পণিক ঘুরিতে ঘুরিতে পর্ণকুটারে উপস্থিত হয় ও কমলাকে নিতান্ত অসহায় দেখিয়া তাহাকে লোকালয়ে লইয়া আসে ও পরে কমলাকে বিবাহ করে। কমলা বিবাহের কিছুই বোঝে না, সে মনে মনে বিজয়ের বন্ধু নীরদকে ভাল বাসিল। এই লইয়া ক্রমে নানাপ্রকার অশান্তির সৃষ্টি হয় ও শেষে বিজয় হিংসায় উত্তেজিত হইয়া নীরদকে হত্যা করে। কমলা ভয়ঙ্করমে বিজনকানে পলাইয়া আসে। কিন্তু সেখানে আসিয়াও শান্তি পাইল না, বনভূমির সহিত

(১) শ্রীমান প্রভাসচন্দ্র ঘোষ, বি-এ, অনেক উদ্ধৃত অংশ মূলগ্রন্থের সহিত মিলাইয়া দিয়াছেন, এইজন্য তাহার নিকট কৃতজ্ঞতা স্বীকার করিতেছি।

(২) শান্তিনিকেতনে কথাবার্তার, ১০ই ডিসেম্বর, ১৯২১।

তাহার সম্বন্ধ চিরদিনের জন্য বিচ্ছিন্ন হইয়া গিয়াছে, কাননেও তাহার কোন আশ্রয় রহিল না—ইহাই বনফুলের ট্রাজেডি।

ট্রাজেডির মূল সুর

বিশ্ব প্রকৃতির সহিত মানুষের নিগূঢ় সম্বন্ধ রবীন্দ্রসাহিত্যের একটি মূল সুর। এই তেরো-চোদ্দ বছর বয়সের লেখার মধ্যেও সেই সুর বাজিয়াছে। বিশ্ব প্রকৃতির সহিত মানব-মনের মিলন যেখানে পরিপূর্ণতা লাভ করে নাই সেইখানেই বিরোধ সেইখানেই ঘন্ব। বনফুলের মধ্যে বিশ্ব প্রকৃতির শাস্ত সহজ সরলতার সহিত মানবসমাজের ক্ষুদ্র ক্রান্তিম জটিলতার কোন সামঞ্জস্য হইল না, বনভূমির সহিত মানবসমাজের বিরোধ অত্যাগ্র আকার ধারণ করিল, কাননে মানুষের সঙ্গে প্রকৃতির যে স্নেহের সম্বন্ধটি সুন্দর হইয়া উঠিয়াছিল লোকালয়ের সংস্পর্শে তাহা চিরদিনের জন্য বিচ্ছিন্ন হইয়া গেল—ইহাই বনফুলের করুণগীতির মূল সুর।

বনফুলের মধ্যে অতিশয়োক্তি, কৃত্রিমতা ও অনেক ছেলে-মানুষি আছে, কিন্তু তাহাই তখন বাংলাসাহিত্যের প্রচলিত রীতি। বনফুলের লেখা কাঁচা, তেরো-চোদ্দ বছর বয়সের লেখা কাঁচা হইবারই কথা; কিন্তু বনফুলের মধ্যে এমন কিছু আছে যাহাতে রবীন্দ্রনাথের নিজস্ব প্রতিভার পরিচয় পাওয়া যায়।

মানুষের সুখঃখের পিছনে যে একটি বৃহৎ বিশ্ব প্রকৃতি শুদ্ধ হইয়া রহিয়াছে গল্পে ফাঁকে ফাঁকে আমরা তাহার আভাস পাই। প্রকৃতি-বর্ণনার মধ্যে কোন কৃত্রিমতা নাই, একটি সরল স্বাভাবিকতায় তাহা সৌন্দর্যমণ্ডিত। তেরো-চোদ্দ বছর বয়সের লেখার মধ্যেও রবীন্দ্রনাথের সহৃদয়তা ও মানব-হৃদয়জ্ঞানের পরিচয় পাওয়া যায়।

প্রথম সর্গ—“দৌপনির্বাণ”

গল্প আরম্ভ হইয়াছে হিমালয়ের প্রান্তে—

“ প্রদীপ্ত ভূবারচয়
হিমালয়-শিখর-দেশে পাইছে প্রকাশ
অসংখ্য শিখরমালা বিশাল মহান;
ঝরঝরে নির্ঝর ছুটে, শৃঙ্গ হতে শৃঙ্গ উঠে
দিগন্ত-সীমায় গিয়া যেন অবসান।

মানুষ বিষয়ে ভরে দেখে রয় শুদ্ধ হয়ে
অবাক হইয়া যায় সীমাবদ্ধ মন।

“

হিমালয়-শিখর শৈল করি আবরিত
গভীর জলদরাশি, তুষার-বিভার নাশি
স্থিরভাবে হেথা সেথা রয়েছে নিস্তিত।
পর্বতের পদতলে, ধীরে ধীরে নদী চলে
উপলরাশির বাধা করি অপগত,
নদীর তরঙ্গকুল, সিক্ত করি বৃক্ষমূল
নাচিছে পাবাগতট করিয়া গ্রহত (১)।”

তাহার পর দুই লাইনের মধ্যে অন্ধকার রাত্রির চিত্র—

“আজি নিশিধিনী কাদে, আঁধারে হারারে চাদে
মেঘ-ঘোমটার ঢাকি কবরীর তারা (২)।”

বিজনকুটারের বর্ণনা—

“চৌদিকে মানব-বাস নাহিক কোথায়
নাহি জন-কোলাহল, গভীর বিজন-স্থল
শান্তির ছায়ায় যেন নীরবে ঘুমায়।
কুম্ব-ভূষিত-বেশে, কুটারের শিরোদেশে
শোভিছে লতিকা-মালা এসারিয়া কর;
কুম্ব-স্তবকরাশি, ছুয়ার-উপরে আসি
উঁকি মারিতেছে যেন কুটার ভিতর।
কুটারের একপাশে, শাখা-দীপ ধুম্বাসে
স্তিমিত আলোকশিখা করিছে বিস্তার।
অস্পষ্ট আলোকে তায় আঁধার মিশিয়া যায়
গানভাব ধরিয়েছে গৃহ-ধর-দ্বার।
গভীর নীরব ঘর শিহরে যে কলেবর।
হৃদয়ে রুধিরোচ্ছ্বাস স্তব্ধ হয়ে রয়—
বিষাদের অন্ধকারে, গভীর শোকের ভারে
গভীর নীরব গৃহ অন্ধকারময় (৩)।”

মুমূর্ষু বৃদ্ধ পিতার মস্তক কোলে লইয়া কমলা বসিয়া
আছে। পিতা অচেতন, বলিকার মুখে কথা নাই, অবিচল
নেত্রে স্থির হইয়া বসিয়া আছে। কিছুক্ষণ পরে পিতার
জ্ঞান হইল, কমলাকে দেখিয়া তাঁহার হৃদয় বাকুল হইয়া
উঠিল। আসন্নমৃত্যু বৃদ্ধ কণ্ঠের নিকট বিদায় লইলেন—কিন্তু
বনে মানুষের সঙ্গে প্রকৃতির এমন ঘনিষ্ঠ সম্বন্ধ যে
কেবল কণ্ঠের নিকটে নহে, পর্বত উপত্যকা গিরিনদী
বিজনকাননের নিকটও বিদায় চাহিতে হইল—

“আজি রজনীতে মাগো! পৃথিবীর কাছে
বিদায় মাগিতে হবে এই শেষ দেখা ভবে
জানি না তোমার শেষে অদৃষ্টে কি আছে;
দিনকর, নিশাকর, গ্রহ তারা চরাচর
সকলের কাছে আজি লইব বিদায়।

(১) বনফুল, ১ম সর্গ (১-২ পৃঃ), জ্ঞানাকুর, ১২৮২, অগ্রহায়ণ, ৩৫ পৃঃ।

(২) বনফুল, ১ম সর্গ (৩ পৃঃ), জ্ঞানাকুর, ১২৮২, অগ্রহায়ণ, ৩৫ পৃঃ।

(৩) বনফুল, ১ম সর্গ (৩-৪ পৃঃ), জ্ঞানাকুর, ১২৮২, অগ্রহায়ণ, ৩৫-৩৬ পৃঃ।

গিরিরাজ হিমালয়, ধবল তুষারচর
অগ্নি গো কাকন-শৃঙ্গ মেঘ-আবরণ!
অগ্নি নির্ঝরিনী-মালা, শ্রোতধিনী শৈলবালা,
অগ্নি উপত্যকে! অগ্নি হিমশৈল বন!
আজি তোমাদের কাছে মুমূর্ষু বিদায় যাচে
আজি তোমাদের কাছে অন্তিম বিদায়।

এই এই শেষবার—কুটারের চারিদিক
দেখে লই! দেখে লই মেলিয়া নয়ান!
শেষবার নেত্র ভোরে—এই দেখে লই ভোরে
চিরকাল তরে আঁধি হইবে মুজিত!
হৃদে থেকো চিরকাল!—হৃদে থেকো চিরকাল!
শান্তির কোলেতে বালা থাকিও নিস্তিত (১)।”

কমলার পিতার মৃত্যু হইলে কমলা শোকাবেগে মুচ্ছিত
হইয়া পড়িল। এদিকে—

“গাইল নির্ঝর-বারি বিষাদের গান
শাখার এদীপ ধীরে হইল নির্ঝরণ (১)।”

এইরূপে প্রথম সর্গ শেষ হইল।

দ্বিতীয় সর্গ—“যে ওনা! যে ওনা!”

রাত্রি ভোর হইল। পথভ্রান্ত পথিক বিজয় আসিয়া
ছুয়ারে আঘাত করিতেছে, কমলা তখনও অচেতন—

“ছুয়ারে আঘাত করে কে ও পাশুবর?
'কে ওগো কুটারবাসী! দ্বার খুলে দাও আসি!
তবুও কেন রে কেউ দেয় না উত্তর'
আবার পথিকবর আঘাতিল ধীরে!
বিপন্ন পথিক আমি, কে আছে কুটারে?
তবুও উত্তর নাই, নীরব সকল ঠাই—
তটিনী বহিয়া যায় আপনার মনে!
পামল আপন মনে, প্রভাতের সমীরণে
হুলিছে, গাইছে গান সর সর মনে।
সমীরে কুটার-শিরে লতা হুলে ধীরে ধীরে
বিতরিয়া চারিদিকে পুষ্প-পরিমল (২)।”

পর্ণকুটারে কেবল তরুলতা নহে, বনের পাখীর সঙ্গেও
মানুষের একটি মধুর সম্বন্ধের পরিচয় পাই। বিজয় ষখন
কাহারো সাড়াশব্দ পাইতেছে না, তখন হঠাৎ শুনিল কে
কমলা কমলা বলিয়া ডাকিতেছে।

“পথিক চমকি আগে, দেখিল চৌদিক পানে
কুটারে ডাকিছে কে ও 'কমলা' 'কমলা'!

পথিক পাইয়া ভয়, চমকি দাঁড়ায় রয়
কুটারের চারিভাগে নাহি কোন জন।

(১) বনফুল, ১ম সর্গ (৭-৮ পৃঃ), জ্ঞানাকুর, ১২৮২, অগ্রহায়ণ, ৩৭ পৃঃ, ৩৮ পৃঃ।

(২) বনফুল, ২য় সর্গ (১০-১১ পৃঃ), জ্ঞানাকুর, ১২৮২, অগ্রহায়ণ, ১৩৫ পৃঃ।

এখনো অশুটখরে, 'কমলা' 'কমলা' করে
কুটীর আপনি যেন করে সম্ভাষণ।
কে জানে কাহাকে ডাকে, কে জানে কেন বা ডাকে,
কেমনে বলিব কেবা ডাকিছে কোথায় ?
মহসা পথিকবর, দেখে দণ্ডে করি ভয়
'কমলা' 'কমলা' বলি শুক গান গায় (১)।"

বিজয় দ্বার খুলিয়া তিতরে আসিয়া দেখিল কমলা অচেতন,
নিকটে নদী হইতে জল আনিয়া কমলার চৈতন্য সম্পাদন
করিল। কমলা কখনো অশু মানুষ দেখে নাই—

"মেলিয়া নয়নপুটে বালিকা চমকি উঠে
একদৃষ্টে পথিকেরে করে নিরীক্ষণ,
পিতা মাতা ছাড়া করে মানুষ দেখেনি হা রে
বিন্ময়ে পথিকে তাই করিছে লোকন।
জাঁচল গিয়াছে খ'সে, অবাক রয়েছে ব'সে
বিখারি পথিক পানে যুগল নয়ন (২)।"

শকুন্তলা ও মিরান্দার কথা স্বভাবতঃই মনে পড়ে।
বালক রবীন্দ্রনাথ ডেরো বছর বয়সে ইচ্ছা করিয়াই শকুন্তলা
ও মিরান্দার আদর্শ গ্রহণ করিয়াছিলেন কি না জানি না, কিন্তু
শকুন্তলা ও মিরান্দার সহিত তুলনা করিলে তবেই কমলার
বিশেষত্ব ফুটিয়া উঠিবে। কমলা মানুষের সঙ্গ কখনো পায়
নাই, মানুষের সখকে মিরান্দার সহিত তাহার সাদৃশ্য অধিক।
বনকুল লেখার অনেক বৎসর পরে শকুন্তলা ও মিরান্দার
পার্থক্য রবীন্দ্রনাথ নিজেই বিশ্লেষণ করিয়া দেখাইয়াছেন।

"মিরান্দা যে নির্জনতার শিশুকাল হইতে পালিত, শকুন্তলার
সে নির্জনতা ছিল না। মিরান্দা একমাত্র পিতার সাহচর্যে বড়
হইয়া উঠিয়াছে, সুতরাং তাহার প্রকৃতি স্বাভাবিকভাবে বিকশিত
হইবার আনুকূল্য পায় নাই। শকুন্তলা সমানবয়সী সখীদের
সহিত বহুত,—তাহারা পরস্পরের উত্তাপে, অনুকরণে, ভাবের আদান-
প্রদানে, হাস্য-পরিহাসে-কথোপকথনে স্বাভাবিক বিকাশ লাভ
করিতেছিল। শকুন্তলা যদি অহরহ কণ্ঠমূর্নির সঙ্গেই থাকিত, তবে
তাহার উদ্বেগ বাধা পাইত, তবে তাহার সরলতা অজ্ঞতার নামান্তর
হইয়া তাহাকে শ্রীকৃষ্ণাঙ্গ করিয়া তুলিতে পারিত। বস্তুতঃ শকুন্তলার
সরলতা স্বাভাবিক এবং মিরান্দার সরলতা অস্বাভাবিক। উভয়ের
মধ্যে অবস্থার যে প্রভেদ আছে তাহাতে এইরূপ সঙ্গত। মিরান্দার
দ্বায় শকুন্তলার সরলতা অজ্ঞানের দ্বারা চতুর্দিকে পরিরক্ষিত
নহে (৩)।"

কমলা মিরান্দারই গ্রাম সরলা, সে শ্রীকৃষ্ণাঙ্গের মতমই
বিজয়কে জিজ্ঞাসা করিল —

(১) বনকুল, ২য় সর্গ (১২ পৃঃ), জ্ঞানাকুর, ১২৮২, মাঘ, ১৩৬ পৃঃ

(২) বনকুল, ২য় সর্গ (১৪ পৃঃ), জ্ঞানাকুর, ১২৮২, মাঘ, ১৩৬ পৃঃ।

(৩) "শকুন্তলা" (প্রাচীন সাহিত্য, ৩২ পৃঃ), বঙ্গদর্শন, ১৩০৯,
আশ্বিন, ২৭৮-২৭৯ পৃঃ।

"সম্মল নন্দা মুছি ধীরে ধীরে কর,—
'কে তুমি জিজ্ঞাসা করি, কুটীরে এলে কি করি,
আমি যে পিতারে ছাড়া জানি না কাহারে !

কোথা হতে তুমি আজ আইলে পৃথিবীমাঝ ?
কি বলে তোমারে আমি করি সম্বোধন ?
তুমি কি তাহাই হবে, পিতা যাহাদের সবে
মানুষ বলিয়া আহা করিত রোদন ?
কিংবা জাপি প্রাতঃকালে, যাদের দেবতা বলে
নমস্কার করিতেন জনক আমার ?
বলিতেন যার দেশে, মরণ হইলে শেষে
যেতে হয়, সেখাই কি নিবাস তোমার (১)

এদিকে ক্রমে ভোর হইয়া আসিতেছে—

"নিশা হল অবসান, পাখীরা করিছে গান
ধীরে ধীরে বহিতেছে প্রভাতের বায় !
আঁধার ঘোমটা তুলি, প্রকৃতি নন্দন খুলি
চারিদিক ধীরে ঘেম করিছে বীক্ষণ—
আলোকে মিশল তারা, শিশিরের মুক্তাধারা,
গাছপাতা পুষ্পলতা করিছে বর্ণ (২) !"

বিজয় বৃদ্ধের মৃতদেহ শুভ্র তুষাররাশির মধ্যে রাখিয়া
আসিল। কাব্যের এইস্থলে বিশ্বপ্রকৃতির সহিত একটি সহজ
মিলনের মধ্যে শোকোচ্ছ্বাস সংঘত হইয়াছে, মৃত্যুর বিষাদ-
ছায়া শান্তি-ও সৌন্দর্যমণ্ডিত হইয়া উঠিয়াছে।

তাহার পর বনভূমি হইতে কমলার বিদায় দৃশ্যের।
এস্থলে শকুন্তলার কথাই মনে পড়ে, মিরান্দার সহিত
শকুন্তলার যে পার্থক্য কমলারও সেইরূপ।

"মিরান্দাকে আমরা তরঙ্গঘাতমুখর শৈলবঙ্গুর জনহীন ঘোণের
মধ্যে দেখিয়াছি; কিন্তু সেই ঘোণপ্রকৃতির সঙ্গে তাহার কোনো ঘনিষ্ঠতা
নাই। তাহার সেই আশৈশবধাত্রীভূমি হইতে তাহাকে তুলিয়া
আনিতে গেলে তাহার কোনো জায়গায় টান পড়িবে না। সেখানে
মিরান্দা মানুষের সঙ্গ পায় নাই, এই অভাবটুকুই কেবল তাহার
চরিত্রে প্রতিফলিত হইয়াছে; কিন্তু সেখানকার সমুদ্র-পর্বতের সহিত
তাহার অন্তঃকরণের কোনো ভাবায়ক যোগ আমরা দেখিতে পাই না।
নির্জন ঘোণকে আমরা খটনাচ্ছলে কবির বর্ণনায় দেখি মাত্র; কিন্তু
মিরান্দার দ্বিতর দিয়া দেখি না। এই ঘোণটি কেবল কাব্যের
আখ্যানের পক্ষেই আবশ্যিক, চরিত্রের পক্ষে অত্যাশঙ্কক নহে।"

"শকুন্তলা সখকে সে কথা বলা যায় না। শকুন্তলা তপোবনের
অঙ্গীভূত। তপোবনকে দূরে রাখিলে কেবল নাটকের আখ্যান-
ভাগ ব্যাঘাত পায়, তাহা নহে, বরং শকুন্তলাই অসম্পূর্ণ হয়।
শকুন্তলা মিরান্দার মত যতন নহে, শকুন্তলা তাহার চতুর্দিকের
সহিত একান্তভাবে বিজড়িত। তাহার মধুর চরিত্রখানি অরণ্যের
ছায়া ও মাধবীলতার পুষ্পমঞ্জরীর সহিত ব্যাপ্ত ও বিকশিত, পশু-
পক্ষীদের অকৃত্রিম সৌহার্দ্যের সহিত নিবিড়ভাবে আকৃষ্ট। কালিদাস

(১) বনকুল, ২য় সর্গ (১৭ পৃঃ), জ্ঞানাকুর, ১২৮২, মাঘ, ১৩৭ পৃঃ।

(২) বনকুল, ২য় সর্গ (১৮ পৃঃ), জ্ঞানাকুর, ১২৮২, মাঘ, ১৩৭ পৃঃ।

তাঁহার নাটকে যে বহিঃপ্রকৃতির বর্ণনা করিয়াছেন, তাহাকে বাহিরে ফেলিয়া রাখেন নাই, তাহাকে শকুন্তলাচরিত্রের মধ্যে উন্মেষিত করিয়া তুলিয়াছেন। সেইজন্য বলিতেছিলাম, শকুন্তলাকে তাহার কাব্যগত পরিবেষ্টন হইতে বাহির করিয়া আনা কঠিন।”

“... তাহার হৃদয়-লতিকা চেতন-অচেতন সকলকেই স্নেহের ললিত বেষ্টনে স্তম্ভ করিয়া বাঁধিয়াছে। সে তপোবনের তরুণলিকে জলসেচনের সঙ্গে সঙ্গে সোদর-স্নেহে অভিষিক্ত করিয়াছে। সে নবকুম্বমর্ষাবনা বনজ্যোৎস্নাকে স্নিক দৃষ্টির দ্বারা আপনার কোমল-হৃদয়ের মধ্যে গ্রহণ করিয়াছে। শকুন্তলা যখন তপোবন ত্যাগ করিয়া পতিগৃহে যাইতেছে, তখন পদে পদে তাহার আকর্ষণ, পদে পদে তাহার বেদনা। বনের সহিত মানুষের বিচ্ছেদ যে এমন মর্মান্তিক সঙ্করণ হইতে পারে, তাহা জগতের সমস্ত সাহিত্যের মধ্যে কেবল অভিজ্ঞান-শকুন্তলের চতুর্থ অঙ্কে দেখা যায়।... (বিসদৃশের মধ্যে) এমন প্রকাণ্ড মিলনের ভাব বোধ করি ভারতবর্ষ ছাড়া অন্য কোন দেশে সম্ভবপর হইত না।... দ্বীপ হইতে যাত্রাকালে প্রস্পেরো ও মিরান্দার সহিত এরিয়েলের স্নিক বিদায়-সম্ভাষণ হইল না।... টেম্পেস্টে প্রকৃতি মানুষ-আকার ধারণ করিয়াও মানুষের সহিত হৃদয়ের সন্ধকে বন্ধ হয় নাই—শকুন্তলায় পাছপালা-পশুপক্ষী আয়তনভাব রক্ষা করিয়াও মানুষের সহিত মধুর আশীষভাবে মিলিত হইয়া গেছে (১)।”

বিজন কাননের সহিত কমলারও ঠিক সেই এক সন্ধক ;

সেইজন্যই কবি কমলার নাম দিয়াছেন বনফুল।

তপোবন হইতে চলিয়া যাইবার সময়ে শকুন্তলা তরুলতা-মৃগ-পক্ষীর নিকট কাঁদিয়া কাঁদিয়া বিদায় লইয়াছে। বনভূমি পরিত্যাগ করিয়া চলিয়া যাইবার সময়ে শকুন্তলার মত কমলাও তাহার হরিণ তাহার পাখীর নিকট বিদায় লইল।

“হরিণ! সকালে উঠি কাছেতে আসিত ছুটি,
দাঁড়াইয়া ধীরে ধীরে আঁচল চিবায়
ছিঁড়ি ছিঁড়ি পাতাগুলি মুখেতে দিতাম তুলি
তাকায়ে রহিত মোর মুখপানে হায়!
তাদের করিয়া ত্যাগ রহিব কোথায়।”

আয় পাখী! আয় আয়! কার তরে রবি হায়
উড়ে যা উড়ে যা পাখি! তরুর শাখায়!
প্রস্রাবে কাহারে পাখি! জাগাবি রে ডাকি ডাকি
কমলা! কমলা! বলি মধুর ভাষায়।”

চলিহু তোদের ছেড়ে, যা শুক শাখায় উড়ে,
চলিহু ছাড়িয়া এই কুটারের দ্বার (২)।”

শকুন্তলা চলিয়া যাইবার সময়ে মুগেরা পশ্চাৎ হইতে তাহার কাপড় ধরিয়া টানিয়াছে, তরুলতাও বিষন্ন হইয়া পড়িয়াছে—

(১) “শকুন্তলা” (প্রাচীন সাহিত্য, ৩২-৩৪ পৃঃ), বঙ্গদর্শন, ১৩০৯ আশ্বিন, ২৭৯-২৮০ পৃঃ। “লতার সহিত ফুলের বৈকল্পিক সন্ধক, তপোবনের সহিত শকুন্তলার সেইরূপ বাস্তবিক সন্ধক।”

(২) বনফুল, ২য় সর্গ (১৯-২০ পৃঃ), জানাহুর, ১৩৮২, মাঘ, ১৩৮ পৃঃ।

‘মুগের গলি পড়ে মুখের তৃণ
মধুর নাচে না যে আর
ধসিয়া পড়ে পাতা লতিকা হাতে
যেন সে আঁখিজল ধার (১)।”

কমলা চলিয়া যাইবার সময়ে তাহার আসন্ন বিয়োগে সমস্ত বনভূমিও বিরহ-কাতর—

‘সমীরণ ধীরে ধীরে, চুখিয়া তটিনীনিরে
ছুলাইতেছিল, আহা, লতার পাতায়—
সহসা থামিল কেন প্রভাতের বার?
সহসা রে জলধর নব অরণের কর
কেন রে চাকিল শৈল অন্ধকার ক’রে?
পাপিয়া শাখার পরে, ললিত স্তম্ভীর স্বরে
তেমনি করনা গান, থামিলি কেন রে?”

কুটার ডাকিছে যেন যেওনা যেওনা!—
তটিনী-তরঙ্গগুলি ভিজায় গাছের মূল
ধীরে ধীরে বলে যেন ‘যেওনা! যেওনা!’—
বনদেবী নেত্র খুলি পাতার আঙুল খুলি
যেন বলিছেন আহা ‘যেওনা! যেওনা (২)।”

তৃতীয় সর্গ

লোকালয়ে আসিবার পর বিজয়ের এক সখী নীরজা কমলাকে নানাপ্রকারে ভুলাইয়া রাখিবার চেষ্টা করিয়াছে। যমুনার তীরে বাগানে দুই সখী বেড়াইতেছে, নীরজার সহিত কমলার বন্ধুত্ব হইয়া গিয়াছে, কিন্তু কমলার হৃদয় ভারাক্রান্ত। নীরজা কমলাকে বলিল—

“আয় আয় সখি! আয় হৃদয়
ফুল তুলে তুলে গাঁথি লো মালা
ফুলে ফুলে আলা বকুলের ওলা
হেথায় আয় লো বিপিনবালা!
* * * * *
আয় বলি তোরে, আঁচলটি তোরে,
কুড়ানা হোথায় বকুলগুলি,
মাধবীর ভায়ে লতা গুয়ে পড়ে,
আমি ঘরি ঘরি আনি লো তুলি।
পোলাপ কত যে ফুটেছে কমলা
দেখে যা দেখে যা বনের মেয়ে!
দেখসে হেথায় কামিনী-পাতায়
গাছের তলাটি পড়েছে ছেয়ে।
পারি না লো আর, আয় হেথা বসি
ফুলগুলি নিয়ে হৃদয়ে গাঁথি!
হেথায় পবন, খেলিছে কেমন
ওটিনীর সাথে আমোদে মাতি।

(১) শকুন্তলা (প্রাচীন সাহিত্য, ৩৬ পৃঃ), বঙ্গদর্শন, ১৩০৯, আশ্বিন, ২৮২ পৃঃ।

(২) বনফুল, ২য় সর্গ (২১ পৃঃ), জানাহুর, ১২৮২, মাঘ, ১৩৮ পৃঃ।

আর তাই হেথা, কোলে রাখি মাথা

শুই একটুকু বাসের পরে,

বাতাস মধুর বহে নুরু নুরু

আঁখি মুদে আসে যুগের তরে!

বসু বন-বালা এত কি লো জালা?

রাত দিন তুই কাঁদিস বসে!

আজ্ঞো সুমঘোর ভাবিল না তোর

আজ্ঞো মজিলি না স্থপের বসে (১)।"

কিন্তু কমলা কিছুতেই তাহার সেই বন, সেই পাহাড়, সেই গিরি-নদী, সেই পাখী ও হরিণের কথা ভুলিতে পারিতেছে না—

"ভুলিব সে বন? ভুলিব সে গিরি?

স্থপের আলয় পাতার কুঁড়ে?

মুগে ঘাষ ভুলে কোলে লয়ে ভুলে

কচি কচি পাতা দিতাম ছিঁড়ে।

হরিণের ছানা একত্রে ছুঁজন

খেলিয়ে খেলিয়ে বেড়াত স্থপে!

শিশু ধরি ধরি খেলা করি করি

আঁচল জড়িয়ে দিতাম মুখে (২)।"

কমলার মনে পড়ে—

"সরসী তিতরে কুটিলে কমল

তীরে বসি চেঁচ দিতাম জলে।

দেখি মুখ ভুলে কমলিনী ছলে

এ পাশে ও-পাশে পড়িতে চলে!

গাছের উপরে ধীরে ধীরে ধীরে

জড়িয়ে জড়িয়ে দিতাম লতা।

বসি একাকিনী আপনা-আপনি

কহিতাম ধীরে কত কি কথা (৩)।"

প্রকৃতির কোলে শৈশবের খেলার কথা মনে পড়ে—

"ভূষার কুড়ারে আঁচল ভরিয়ে

ফেলিতাম ঢালি গাছের তলে।

পড়িলে কিরণ কত যে বরণ

ধরিত; আমোদে যেতাম গলে!

দেখিতাম রবি বিকালে যখন

শিশুরের শিরে পড়িত চোলে;

করি ছুটাছুটি শিশুরেতে উট্ট

দেখিতাম দূরে গিয়েছে চলে!

আবার ছুটিয়ে যেতাম সেখানে

দেখিতাম আরো গিয়েছে সরে' (৪)।"

(১) বনফুল, ৩য় সর্গ (২২-২৪), জানাকুর, ১২৮২, চৈত্র, ২২৯ পৃ:।

(২) বনফুল, ২য় সর্গ (২৫ পৃ:), জানাকুর, ১২৮২, চৈত্র, ২২৯ পৃ:।

(৩) বনফুল, তৃতীয় সর্গ, (২৬ পৃ:), জানাকুর, ১২৮২, চৈত্র, ২২৯ পৃ:।

(৪) বনফুল, ৩য় সর্গ, (২৭ পৃ:), জানাকুর, ১২৮২, চৈত্র, ২২৯ পৃ:।

সরসীর জলে খেলা করিতে করিতে—

"তট-দেশে পুনঃ কিরি আদি পর

অভিমান করে ঈবৎ রাগি,

চাঁদের ছায়ার ছুঁড়িয়া পাথর

মারিতাম, জল উঠিত জাগি (১)।"

শকুন্তলা ও কমলা দুজনেই প্রকৃতির শিশু, বিশ্ব-প্রকৃতির সহিত উভয়ের সম্বন্ধ অতি নিবিড়, কিন্তু এক বিষয়ে শকুন্তলা ও কমলার মধ্যে কোন সাদৃশ্য নাই। শকুন্তলা চিরদিন মানুষের সঙ্গ পাইয়াছে, মানব-সমাজের প্রতি তাহার কোন বিতৃষ্ণা নাই। কমলা মিরান্দার ন্যায় লোকালয় সম্বন্ধে সম্পূর্ণ অজ্ঞ; সে মানুষের সঙ্গ কখনও পায় নাই, তাই মানবসমাজের প্রতি কমলার কোন টান নাই।

"চাহি না জ্ঞেমান,

চাহি না জানিতে

সংসার মানুষ কাহারে বলে।

বনের কুহুম

ফুটিতাম বনে,

শুকায়ে যেতাম বনের কোলে (২)।"

কিন্তু তাহা হইবার নহে, কমলাকেও মানুষের সংসারে আসিয়া পড়িতে হইল। মিরান্দাকে সংসারের আঘাত সহ্য করিতে হয় নাই, কিন্তু মিরান্দারই শ্রায় অসহায় বনফুল কমলাকে সংসারের আঘাত সহ্য করিতে হইল।

বিভিন্ন কমলাকে বিবাহ করিয়াছে, কিন্তু কমলা সংসারের কিছুই জানে না, বিবাহ কাহাকে বলে বোঝে না, সে বিজ্ঞের বন্ধু নীরদকেই ভালবাসিল। মানুষের সম্পূর্ণ হৃদয়বৃত্তির উদ্ভাপে বনের স্বাভাবিক সরলতা ঘুচিয়া গিয়াছে, কমলা এখন লোকালয়ে আসিয়া পড়িয়াছে—

"জেনেছি মানুষ কাহারে বলে!

জেনেছি হৃদয় কাহারে বলে!

জেনেছি রে হায় ভালবাসিলে

কেমন আশুনে হৃদয় হলে (৩)।"

কমলা ও নীরজা বাগানে বেড়াইতেছে, এমন সময়ে দূরে নীরদ গান ধরিল। বালক-কবি এই বয়সেই গীতি-কবিতায় কিরূপ সিদ্ধহস্ত নীরদের গানে তাহার নিদর্শন পাওয়া যায়। বালক-কবি বড় বড় ছন্দ কিরূপ অবলীলাক্রমে ব্যবহার করিয়াছেন তাহা দেখিলেও আশ্চর্য হইতে হয়—

"কি জানি লো বালা! কিসের তরে

হৃদয় আজিকে কাঁদিয়া উঠে!

(১) বনফুল, ৩য় সর্গ, ২৭ পৃ:। জানাকুর, ১২৮২, চৈত্র, ২২৯ পৃ:।

(২) বনফুল, ৩য় সর্গ, ২৮ পৃ:। জানাকুর, ১২৮২, চৈত্র, ২৩০ পৃ:।

(৩) বনফুল, ৩য় সর্গ, ২৯ পৃ:। জানাকুর, ১২৮২, চৈত্র, ২৩০ পৃ:।

কি জানি কি ভাব ভিতরে ভিতরে
জাগিয়া উঠেছে হৃদয়পটে !
অক্ষুট মধুর স্বপন যেমন
জাগি উঠে জ্বলে কি জানি কেমন
কি ভাব কে জানে কিসের লাগি !
বীশরীর ধনি নিশীথে যেমন
স্বধীরে গভীরে মোহিয়া শ্রবণ
জাগায় হৃদয়ে কি জানি কেমন
কি ভাব কে জানে কিসের লাগি !
দিয়াছে জাগারে ঘুমন্ত এ মনে
দিয়াছে জাগারে ঘুমন্ত স্মরণে
ঘুমন্ত পরাণ উঠেছে জাগি (১) !

কমলা মনের কথা বুকাইতে জানে না, নীরদকে যে সে
ভালবাসে নীরদের নিকট সহজেই তাহা প্রকাশ করিয়া
ফেলিল—

“আপনার ভাবে আপনি কবি
দুাত-দিন আহা রয়েছে ভোর !
সরল প্রকৃতি মোহন-ছবি
অবারিত স্নান মনের দোর ।
করে ভালবাসে ? কাঁদে কার তরে ?
কার তরে গায় বেদের গান ?
কার ভালবাসা পায় নাই ফিরে
সঁপিয়া তাহারে হৃদয়-প্রাণ ”
বসেছিল কাল ওই গাছ-তলে
বাদিতেছিলেম কত কি ভাবি—
যুবক তখন স্বধীরে আপনি
প্রাসাদ হইতে আইল নাবি ।

চাহিতে নারিল মুখপানে তাঁর
মাটির পানেতে রাখিয়ে মাথা
সরমে পাশরি বলি বলি করি
তবুও বাহির হ'ল না কথা !
কাল হতে ভাই ! ভাবিতেছি তাই
হৃদয় হৃদয়ে কেমন ধারা !
থাকি, থাকি, থাকি, উঠি লো চমকি,
মনে হয় ক'র পাইল মাড়া (২) ।”

চতুর্থ সর্গ

একদিন নিভৃত যমুনা-তীরে নীরদ-কমলার দেখা হইল ।
বালক-কবি ছই লাইনে সেই ছবি আঁকিয়াছেন—

“যেন দৌহে জান হত—নীরব চিত্রের মত
দৌহে দৌহা হেরে একমনে (৩) ।”

(১) বনফুল, ৩য় সর্গ ৩৫ পৃঃ ; জ্ঞানাকুর, ১২৮২, চৈত্র, ২৩২ পৃঃ ।

(২) বনফুল, ৩য় সর্গ ৩৩, ৪০-৪২ পৃঃ ; জ্ঞানাকুর, ১২৮২, চৈত্র, ২৩১-২৩৪ পৃঃ ।

(৩) বনফুল, ৪র্থ সর্গ ৪২ পৃঃ ; জ্ঞানাকুর, ১২৮৩, জ্যৈষ্ঠ, ৩১৬ পৃঃ ।

কমলা মুখ ফিরাইয়া লইল—

“মুখ ফিরাইল বালা, দেখিল জ্যোছনা-মালা
খসিয়া পড়িছে নীল যমুনার নীরে—
অক্ষুট কল্লোল খর উঠিছে আকাশ পর
অপিণ্ড গভীর ভাব রজনী গভীরে ।
দেবে শূন্যে নেত্র তুলি—খণ্ড খণ্ড মেঘগুলি
জ্যোছনা মাখিয়া গায় উড়ে উড়ে যায় ।
ফেঁথিছে লুটায় ডেউ, আবার লুটায়
দিগন্তে খেলায় পুনঃ দিগন্তে মিলায় ।
এক খণ্ড উড়ে যায়, আর খণ্ড আসে
ঢাকিয়া ঢাকের ভাতি—মলিন করিয়া রাতি
মলিন করিয়া দিয়া হনীল থাকে ।
পাখী এক গেল উড়ে নীল নভোতলে,
ফেনখণ্ড গেল ভেসে নীল নদীজলে,
দিবা ভাবি, অতি দূরে, আকাশ স্বধায় পুরে
ডাকিয়া উঠিল এক প্রমুগ পাখীরা ।
পিট, পিট, শূন্যে ছুটে, উচ্চ হতে উচ্চ উঠে,
আকাশ সে পূর্ণস্বরে উঠিল কাঁপিয়া ।

দেখি দেখি থাকি থাকি আবার ফিরায়ে আঁধি
নীরদের মুখপানে চাহিল সহসা—
আধেক মুদিত নেত্র—অবশ পলকপত্র
অপূর্ণমধুর ভাবে বালিকা বিবশা (১) ।”

কমলা মানুষের সংসার চিনিত না, শকুন্তলারই জায়
“তাহার হৃদয় অরক্ষিত অবস্থায় ছিল, অল্পকূল অবসরে এই
ভাবাবেশের আকস্মিক আবিভাবের জগৎ সে পূর্ণ হইতে
প্রস্তুত ছিল না । সে আপনাকে দমন করিবার—গোপন
করিবার উপায় করিয়া রাখে নাই ।” সে সহজেই নীরদের
নিকট আত্ম-প্রকাশ করিয়া ফেলিল ।

নীরদও কমলাকে ভালবাসে কিন্তু বন্ধুর প্রতি বিশ্বাস-
ঘাতকতা করিবে না বলিয়া কমলাকে অনেক বুঝাইতে
চেষ্টা করিল, বলিল যে—বিজয় তাহার স্বামী, এখন অপর
কাহারও কথা মনে করা পাপ । কিন্তু কমলা এসব কথা
কিছুই বুঝিতে পারে না—

“বিবাহ কাহারে বলে জানি না ত আমি—
কারে বলে পত্নী আর কারে বলে স্বামী ;
এইটুকু জানি শুধু এইটুকু জানি—
দেখিবারে আঁধি মোর ভালবাসে পারে,
মনিতে বাসি গো ভাল যার স্বধাবাণী—
ধনিব তাহার কথা দেখিব তাহারে (২) ।”

(১) বনফুল, ৪র্থ সর্গ ৪৩-৪৪ পৃঃ ; জ্ঞানাকুর, ১২৮৩, জ্যৈষ্ঠ, ৩১৬ পৃঃ ।

(২) বনফুল, ৪র্থ সর্গ (৪৬ পৃঃ) ; জ্ঞানাকুর, ১২৮৩ জ্যৈষ্ঠ, ৩১৭ পৃঃ ।

লোকনিন্দা কলঙ্ক সে কিছুই বোঝে না—

“ইহাতে পৃথিবী যদি কলঙ্ক রটার
ইহাতে হাসিয়া যদি উঠে সব ধরা
বল গো নীরদ আমি কি করিব তার ?
রটারে কলঙ্ক তবে হাহুক না তারা (১)।”

নীরদ যতই বুঝাইতে চেষ্টা করে, কমলার সেই এক কথা “আমি তা জানি না।” নীরদ তখন কমলাকে ভৎসনা করিয়া বলিল যে তাহাকে সে কোনমতেই প্রশ্রয় দিবে না এবং কমলার সহিত আর সাক্ষাৎ করিবে না। চোদ্দ বছর বয়সেও বালক-কবির মানব-হৃদয়-জ্ঞানের অভাব ঘটে নাই—

“ভৎসনা করিবে ছিল নীরদের মনে
আদরেতে স্বর কি হলে এল নত !
কমলা নয়নজল ভরিয়া নয়নে,
মুখপানে চাহি রয় পাগলের মত (২)।”

(১) বনফুল, ৪র্থ সর্গ (৪৭ পৃঃ) ; জ্ঞানাকুর, ১২৮৩, জ্যৈষ্ঠ, ৩১৭ পৃঃ।

(২) বনফুল, ৪র্থ সর্গ (৪৮ পৃঃ) ; জ্ঞানাকুর, ১২৮৩, জ্যৈষ্ঠ, ৩১৭ পৃঃ।

নীরদ অশ্রুসংবরণ করিয়া সবেগে সেখান হইতে প্রস্থান করিল, কমলা বসিয়া কাঁদিতে লাগিল।

মানুষের সঙ্গে মানুষের সম্বন্ধকে অনাবশ্যকরূপে জটিল করিয়া তুলিয়া মানুষ যে কত দুঃখ পায় বাল্যকালেই রবীন্দ্রনাথ তাহা বুঝিয়াছিলেন। বিবাহ-সম্বন্ধের মধ্যেও যে কৃত্রিমতা থাকিতে পারে তাহা এই বয়সেই রবীন্দ্রনাথের চোখে পড়িয়াছিল। পুরুষ ও নারীর সম্বন্ধের মধ্যে যেখানে একমাত্র প্রবৃত্তিই প্রবল হইয়া উঠিয়াছে সেখানে যে কত অশান্তির সৃষ্টি কত দুঃখ কত গ্লানি এবং সেখানে পরিণামে যে কি ভীষণ সর্বনাশ তাহা রবীন্দ্রনাথ পরেও অনেকবার দেখাইয়াছেন।

(ক্রমশঃ)

শ্রী প্রশান্তচন্দ্র মহলানবিশ।

বার্লিনের পথে

১। উত্তর ফ্রান্স ও দক্ষিণ বেল্জিয়াম

সেইনের জল পেটে পড়িতে না পড়িতেই প্যারিস ছাড়িতেছি। টিকেট কাটলাম বার্লিন পর্য্যন্ত। ভরা গরম চলিতেছে, আগষ্ট মাসের প্রায় শেষাংশে। বার্লিন প্যারিসের উত্তরপূবে, কাজেই গার-দু নর্ (Gare du Nord) অর্থাৎ উত্তরী ষ্টেশনের রেলে এসিতে হইল।

বিপ্লব-মুখো হইয়া বার্লিন চলিতেছি,—কেমনা জার্মান রাষ্ট্রের এক পাকা কর্ণধার এৎসবার্গার (Erzberger) গুপ্তঘাতকের হাতে মারা পড়িয়াছেন। ইনি ছিলেন সোশ্যালিষ্টপন্থীদের, বেশী গরম নয়, নরম-গরম-মেশানো একপ্রকার বড় মাতব্বর ব্যক্তি। ইহাকে খুন করিয়াছে বোধ হয় অ-সোশ্যালিষ্ট বা বুর্জোয়া ও ন্যাশন্যালিষ্ট এবং সমরপন্থী কোনো জার্মান ছোকরা।

জার্মানির স্বদেশ-সেবক মহলে এৎসবার্গারকে দেশ-দ্রোহী বিবেচনা করা হইত। ইহার দোষ, ইনি ফ্রান্সের সঙ্গে সন্ধি পাতাইবার সময় জার্মানির ইচ্ছাৎ বাঁচাইয়া চলিতে

পায়ে নাই। ফরাসীদের প্রত্যেক কথায় একপ্রকার সায় দিয়াই ইনি জার্মান-তরী চালাইতেছিলেন। কাজেই এৎসবার্গারের মরায় ফ্রান্সের স্বার্থে কিছু গোল বাধিবার সম্ভাবনা। ফরাসী কাগজগুলা একবাক্যে জার্মান ত্রাশতালিষ্ট-দেরকে গালাগালি করিতেছে।

চলিণ পঞ্চাশ মাইলের ভিতর লড়াইয়ের মাঠ শুরু হইয়াছে। সাঁক্যাঁটা (St. Quentin) শহরটা গুঁড়া হইয়া গিয়াছিল। জার্মানির নিকট হইতে ক্ষতিপূরণের বাবদ যে টাকা আজ পর্য্যন্ত ফ্রান্স পাইয়াছে তাহার অনেক পরিমাণ জুটিয়াছে সাঁক্যাঁটার কপালে। তাই শহরটা দেখিতেছি আবার নয়া জাঁকিয়া উঠিতেছে। বৃহৎ নগর বটে।

চাষ-আবাদে রেলপথের দুইধার শস্যশ্যামল। পার্কৃত্য উপত্যকাও মাঝে মাঝে চোখে পড়িতেছে। প্রায় সাড়ে তিন বা চার ঘণ্টার পর ফ্রান্সের সীমানা ছাড়াইয়া বেল্জিয়ামে পড়িলাম। গাড়ীর ভিতরই পাস্‌পোর্ট পরীক্ষা করা হইয়া গেল। কাষ্টম-অফিসের বাবুরা মাল খোলাখুলির



এং স্ফার্গ্যার ।

জন্ম তাগিদ করিল না কেন বুঝিতে পারিলাম না। সহস্রাব্দীরা সকলেই গাঁটুরি বোচ্কা খুলিয়া প্রস্তুত থাকিতে কসুর করিল না যদিও।

বেল্জিয়ামে দেখিতেছি পাহাড়ের পর পাহাড়। অনেক-গুলাই মরা আগ্নেয়গিরির ত্রায় ন্যাড়া-বোচা। ধাতুর ধনি সর্বত্রই বিস্তর। শহরে পল্লীতে কলকারখানার চিম্নি অগণিত। আগাগোড়া সমস্ত রেলপথটাই যেন ফ্যাক্টরি দ্বিগ্না বাঁধানো বোধ হইতেছে। লোহা-গলানো, ইম্পাতগড়া, কারখানার জন্ত যন্ত্র হাতিয়ার ইত্যাদি তৈয়ারি করা, এই সবই এই অঞ্চলের বিশেষত্ব। একটা বড় নামজাদা শহর পার হইলাম। নাম শার্লরোয়া (Charleroi)। এখানে কাঁচের কাজও বড় রকম চলিয়া থাকে। মোটের উপর এই শহরকে বেল্জিয়ামের শাক্টি বলিতে পারি।

ছোটখাট খালসদৃশ নদী-বা বরণাগুলায় যন্ত্র বসাইয়া তড়িৎ বা আগুনের শক্তি তৈয়ারি করা হইতেছে। নদীর উপর বহু স্টীমলঞ্চ বা কলে-চলা নৌকা ভাসিতেছে। কোথাও কোথাও ছিপে মাছ ধরার সখও দেখিতেছি প্রচুর।

ফ্রান্সে জানোয়ার চোখে পড়ে নাই। বেল্জিয়ামের

মাঠে মাঠে ভেড়া চরিতেছে পালে পালে। সেদিনকার লড়াইয়ে এই দেশের সকল পল্লী-নগরই খবরের কাগজে বিখ্যাত হইয়াছে। বস্তুতঃ উত্তর ফ্রান্স আর বেল্জিয়াম চিবু-কালই লড়াইয়ের মাঠ রূপে বিরাজ করিতেছে। নামুর ও লিয়েজ শহর দুইটার দুর্গ নামজাদা। পাহাড়ী দুর্গের ধ্বংসাবশেষের কিছু কিছু গাড়াতে বসিয়া বুঝা যাইতেছে।

লিয়েজে (Lieuze) মধ্যযুগের মন্দিরাদি অট্টালিকার নমুনা আজও দেখা যায়। বেল্জিয়ামের অগ্রাণু নগরের মন লিয়েজও শিল্প প্রধান।

বেল্জিয়াম নারীরা বাক বাড়ে করিয়া জল বহিতেছে। ইয়োরোপে বাকের রেওয়াজ এই প্রথম দেখিলাম। বাক বগটা তাহা হইলে বুঝিতেছি এশিয়ারই খাস আবিষ্কার নয়!

বহুসংখ্যক পাহাড়ে স্ফুঙ্গ ভেদ করিয়া রেল চলিতেছে। বেল্জিয়ামের যতটুকু চার পাঁচ ঘণ্টার ভিতর নজরে আসিয়া সবই হয় হাজারিবাগ রাঁচি, না হয় আলমোড়া দার্জিলিঙ। কথাটা খাটে প্রাকৃতিক বা ভৌগোলিক তরফ হইতে। কিন্তু আসল তফাৎ এই যে, বেল্জিয়ামের

প্রতি বর্গমাইলে লোকের বসত পাঁচশতেরও অধিক। অর্থাৎ এমন ঘনসন্নিবিষ্ট লোকালয় জগতের অতি অল্প জায়গায়ই দেখা যায়।

২। পরাধীন জার্মানী

বিকাল হইয়া আসিল। গাড়ী সকাল হইতে জোরে চলিয়াছে। এখন দেখিতেছি গাড়ী চলেও না জোরে, থাকেও প্রত্যেক ষ্টেশনে অনেকক্ষণ, এদিকে আবার প্লাটফর্মে প্লাটফর্মে বেলজিয়ান বা ফরাসী কৌজ। অগচ বাহিরের লোকজন কথা বলিতেছে জার্মান। খবরের কাগজ আর কেতাব বিক্রি হইতেছে জার্মান। মায় পল্লীর বাড়ীঘরগুলির গড়ন পর্য্যন্ত ঠেকিতেছে নূতন ধরণের অর্থাৎ পরাধীন জার্মানির মিতর দিয়া গাড়ী চলিতেছে।

দেখিতে দেখিতে আসিয়া পৌঁছলাম আথেন্ (Aachen) শহরে। এইটার ফরাসী নাম এ-লা-শাপেল (Aix la chapelle)। জার্মানে বিঘাটা জাহির করিবার জন্য এক জার্মান শিশুর সঙ্গে কথা পাড়িলাম। প্রথম বাকাটা বাহির হইল আধা জার্মান আধা-ফরাসী। খবরের কাগজে দেখিলাম জার্মানির জনসংস্কার ও কালিকটের ভারতীয় “বিদ্রোহের” খবর পাইয়াছে।

আথেন্ ইয়োরোপের এক প্রসিদ্ধ শহর। এখানে যুগে যুগে অনেক লড়াই হাঙ্গামা দাব্বাব ও রাষ্ট্রীয় জটলা ঘটিয়াছে। বর্তমান যুদ্ধের পর যেমন ভার্সাইয়ে বসিয়াছিল জেতাদের এক বড় কংগ্রেস, সেইরূপ নেপোলিয়ান সমরের পর ১৮১৮ সালে আথেনে বসে “সর্ব্বের ষ্ট্রয়” সম্মেলন।

আথেন্ আজ পরাধীন জার্মানির পশ্চিম সীমানা। এই শহরটা জার্মানির প্রতিরূপালনের বন্ধক স্বরূপ ফরাসি-বেলজিয়ান-ইংরেজের হাতে রহিয়াছে। যতদিন জার্মান-রাষ্ট্র সুদে আসলে লড়াইয়ের ক্ষতিপূরণের টাকা সম্মাটাইয়া না দেয়, ততদিন পর্য্যন্ত বিজেতাদের তাঁবে থাকিবে এই শহর। এই ধরণের আরও অনেক জার্মান শহর আজ পরহস্তগত বন্দী। বলিতে কি, গোটা রাইন-মাতৃক জনপদই এইরূপ পরাধীন।

ঐতিহাসিক তথ্য হিসাবে আথেন্ উত্তর-ইয়োরোপের এক দিল্লী বিশেষ। এইখানেই ছিল শার্লম্যাগ্নের (Charlemagne) রাজধানী। এই কেন্দ্র হইতে তখনকার ফ্রান্স ও

জার্মানি একতাবে শাসিত হইত। তখন উত্তর-ভারতে চলিতেছে ধর্ম্মপালের সাম্রাজ্য। আজকালকার খেলার “জাতীয়তা” বা স্বদেশিকতা তখন পৃথিবীর কোনো লোকের মগজেই গজায় নাই,—না ইউরোপে, না এশিয়ায়।


যাহা হউক,—কিছু দিন পর ফ্রান্সের ও জার্মানির জেলাগুলি ছাড়াছাড়ি হইয়া যায়। কিন্তু তখনও আথেনের গৌরব লুপ্ত হয় নাই। অন্ততঃ জার্মানভাষাভাষী জেলা-গুলির জোড়া-তালি-বেওয়া কথকিৎ-ঐক্যবিশিষ্ট এক তথ্য-কথিত সাম্রাজ্য ফ্রান্স ক্রাটা হইয়া চলিতে থাকে। সেই সাম্রাজ্যের সম্রাট-বাহাদুরদের রাজ্যান্তিমেষক হইত এই শহরে। সাড়ে তিনশ বৎসর আগে পর্য্যন্ত আথেনে এই ধরণের রাজদরবার বসিয়াছে। সাবেক কালের চিহ্ন প্রাসাদে কবরে গির্জায় দেখিতে পাওয়া যায় গুণিতেছি

আজ রবিবার। জার্মান পল্লীতে পল্লীতে নরনারীরা বিকালে সন্ধ্যা সন্ধ্যা বাহির হইয়াছে। কোথাও কোথাও খোলা উঠানে রেস্তোরাঁ জাতীয় দোকানে বসিয়া লোকেরা কাফি বা বিয়ার ইচ্ছা করিবার সঙ্গে সঙ্গে আড্ডা মারিতেছে। ভূমি সর্ব্বত্র দেখিতেছি তরীতরকারীর জন্ত চষা। স্বচ্ছন্দ সচ্ছল জীবনযাপনের প্রমাণ পাইতেছি।

মাঠে মাঠে গরুর পাল দেখিতেছি অনেক। গরুগুলা জটপুটেও বটে। জার্মান গাইয়ের রং বিচিত্র। আমরা ভারতে সাধারণতঃ এই ধরণের গরু দেখি না। প্রায় প্রত্যেকটাই এই রংয়ের, সাদাধ ও কালোর চিত্রিত। আর চামড়ার বর্ণসমাবেশটাও বিচিত্র। প্রায়ই মনে হয় যেন জেব্রাজাতীয় দুই রংয়ের রেখা বা লেপাওয়লা জানোয়ার বিশেষ দেখিতেছি। তবে জেব্রার গায়ে রেখাগুলো সরু এবং গুণ্টিতে অনেক। কিন্তু জার্মান গাভীর পিঠে অত বেশী দাগ নাই।

রাইনের কিনারায় গাড়ী আসিমা দাঁড়াইল। প্যারিস হইতে লাগিল বার ঘণ্টা। এইটাই প্যারিস-বার্লিনের সোজা পথ। রাত্রি এখন প্রায় নয়টা। শহরের নাম ইংরেজিতে কোলোন (Cologne), ফরাসী উচ্চারণ যার কোলোঞ্। খাঁটি স্বদেশী জার্মান নাম কোলন্ (Köln)।

জার্মান ভাষায় “o” ধরনের উপর দুই ছুটুকি থাকিলে



কোলনের এক নগর-দুয়ার।


“o”র দাম বদলাইয়া যায়। সাধারণতঃ ইংরেজিতে লিখিতে হইলে ছই-ফুট্ কওয়ালা “o”র বদলে লেখা হয় থাকে “oo”। উচ্চারণের সময় “oo”কারকে প্রায় “এ”কারে নামাইতে হয়। বলা বাহুল্য অ-জার্মান মাত্রেয় পক্ষেই এই ছরপ উচ্চারণ করা বিশেষ কষ্টসাধ্য।

হোটেলের ছোকরা ম্যানেজারকে জিজ্ঞাসা করিলাম—
“কি হে বাপু, এশিয়ার নাম শুনিয়াছ কি?” নিজকে কিছু অপমানিত বিবেচনা করিয়া তৎক্ষণাৎ সে বালিয়া উঠিল—“এদেশ কি ক্রশিয়া মনে করিতেছেন?” আমাদের দেশে ইঙ্কুল আছে।” আমি জিজ্ঞাসা করিলাম—
“স্নারে চটো কেন? ইংরেজিটা শিখিলে কোথায়?”
“কোলনের পাঠশালায়। আমার পরিবারের কেহ কেহ বহু বৎসর ধরিয়া নিউইয়র্কে বসবাস করিতেছে।”
নানা কথাবার্তার ভিতর যুবক বলিল—“আজকাল কোলন্ শহরটা, বানান করা হয় K দিয়া। এইটা বিপ্লবের ফল।” জিজ্ঞাসা করিলাম—“কোন্ বিপ্লব?”
জবাব—“১৯১৮ সালের ঘটনা,—যাহাতে কাইজার পলাইতে বাধ্য হইয়াছেন, হুয়াগো।” প্রশ্ন—“K

দিয়া বানান করার ভিতর এমন কি বিশেষত্ব আছে?”
“স্নারে মশায়, কাইজারটার বাতক ছিল সব K-ওয়ালা শব্দগুলোকে () দিয়া লেখানো। বাদশার আমলে এ শহরটার নাম বানান করা হইত Köln রূপে। কিন্তু জার্মানরা আবহমানকাল পছন্দ করিয়া আসিতেছে Köln, কাজেই কাইজারকে গাি হইতে তাড়াইবার মুহূর্ত্ত হইতেই জার্মান-রপারিক শব্দের বানানেও স্বরাজ কিরাইয়া আনিয়াছে।”

কোলন্ অনেকদিনের পুরাণা শহর। রোমান সাম্রাজ্যের আমলে এহটা ছিল “সভাতার” উত্তরপূর্ব সীমানা। রোমানরা রাইন পার হইয়া পূর্বদিকে— অর্থাৎ আজকালক’র জার্মানির বুকের উপর—রাজ্য কায়েম করিতে পারে নাই। শহরটার ল্যাটিন নাম ছিল কোলোনিয়া।

ষ্টেশনের নিকটেই বিরাট মন্দির দেখিলাম। কাগিডালকে জার্মানে বলে ডেম্ (Dom)। এটা মধ্যযুগের কাঁদি। গড়া সূত্র হইয়াছিল ত্রয়োদশ শতাব্দীর মাঝামাঝি। নির্যাপকাও শেষ করিতে



কোলনের ডোম।

লাগিয়াছে ছয়শত বৎসরের অধিক। শুনিতেনি ১৮৮০ সালে নাকি মন্দির গঠন সমাপ্ত হইয়াছে। এ এক বিপুল ব্যাপার—এপাশ ওপাশ যেদিক হইতেই দেখি, মনে হয় যেন পাহাড়ের পায়ে দাঁড়াইয়া আছি। বাস্তব্রীতি বিল্কুল গথিক,—যাহার প্রসিদ্ধ নিদর্শন প্যারিসের “নোৎর দাম”। তবে কোলনের ডোমের শিখরগুলি ছুঁচোলো পুরাপুরি আর ফরাসী-গথিকের প্রধান শিখর দুইটার মাঝে সাধারণ ছাদের মতন সমতল। কোলনের গির্জা এক অগভিখ্যাত ধর্মলৌধ সম্বন্ধ নাই।

গিরিপৃষ্ঠে বিলাসভবন বা শাটো (chateau) জাতীয় গ্রীষ্মকুটির বা ঐ ধরণের কিছু। গড়নরীতিতে এই সকল ঘর দেখায় মধ্যযুগের দুর্গজাতীয় হর্ম্য। নিকটেই বাদিকে রাইন।

রাইন-মাতৃক ক্ষেতগুলি লালচে মাটির ভূমি। বিশেষ শুকনা বোধ হইতেছে না। বিহার প্রদেশের মাটিই মোটের উপর লক্ষ্য করিতেছি। কপি শালগম কুমড়া আলু ইত্যাদির আবাদ সুপ্রচলিত। মাঝে মাঝে গ্যাঁদাফুলের হল্লে বাহারও ক্ষেত গুল্ফার করিয়া রাখিয়াছে।

রাস্তায় রাস্তায় ছেলেরা নিশান লইয়া ম্যাগোলিন বাজাইয়া গান করিয়া কিরিতোছে। সর্বত্র দেখিতেছি ইংরেজ পন্টনের গতিবিধি। কোলনু রহিয়াছে ইংরেজের দখলে। রাইন-ধৌত জনপদে কোলনুই জার্মানির সর্ববৃহৎ ও সর্বপ্রসিদ্ধ নগর। এত বড় বাণিজ্য-ক্ষেত্রও জগতে খুব অল্পই আছে। বাড়ীঘরগুলি নিরেট এবং ঐশ্বর্যের পরিচায়ক।

৩। কৈলনু হইতে কোব্লেন্স

পরদিন সকালে রেলে বসিলাম। গাড়ী চলিতেছে দক্ষিণে রাইনের ধারে ধারে নদী উজাইয়া;—ঠিক যেমন কায়রো হইতে গিয়াছিলাম নাইলের কিনারা দিয়া লুকসর—কার্গাক—আসোআনের দিকে। এখনো রাইন পার হই নাই,—অর্থাৎ নদীর বাঁদিকেই চলিতেছি। সমতল ভূমি, উর্বর ও চষা। কোথাও কোথাও লাঙ্গলে দেখিতেছি তিন তিন ঘোড়া জুতিয়া আবাদ চালানো হইতেছে। পল্লীকুটিরের গড়ন-ভঙ্গিমায় ত নূতনত্ব লক্ষ্য করিয়া আসিতেছি আথেনের অঞ্চল হইতেই।

একটা বড় শহরে আসিয়া পৌঁছিলাম। নাম বন (Bonn)। ফরাসী পন্টনের আওতা দেখিতেছি। জমিন এখানে সমতলই বটে, কিন্তু গাড়ী হইতেই দেখিতেছি শহরের সীমান্তে কিছু দূরে অল্লোচ্চ পাহাড়শ্রেণী আর



ডোমের ভিতরকার দৃশ্য।


লড়াইয়ের দাগ ফ্রান্সে দেখিয়াছি জমিনে ঘরবাড়ীতে।
জার্মানিতে দেখিতেছি লোকজনের ঘাড়ে কপালে নাকে
মুখে। জার্মান পুরুষদের একটা বিশেষত্ব ইতিমধ্যেই
নজরে পড়িয়াছে। ইগাদের চুল ছাঁটা হয় একদম মাথার
চামড়া ঠেকাইয়া। সুর দিয়া কামানো মাথাই যেন
দেখিতেছি অনেক,—অথবা মাথাগুলো আগাগোড়াই
কি ঢাক-পড়া? যাহোক একটা রহস্য বটে।

অনেক সহযাত্রীকে দেখিতেছি ঘাড়ে বোঁচকা বা বস্তা
বাঁধিয়া চলাফেরা করিতেছে। বোঁচকাগুলো ছেলেদের
হাতের কেতাवी ব্যাগের মতনই অনেকটা,—যাকে বলে
জাপ্তাক,—তবে কিছু বড়। ভাবিতেছি, মধ্যবিত্ত
জার্মান সমাজে এ একটা লড়াইয়ের স্মৃতি। লড়াইয়ের
সময়কার মোটবহা ও কষ্টস্বীকার করার অভ্যাসটা
দেশে রহিয়া গিয়াছে আজও। বাবু-সমাজকে ছরসু
করিবার পক্ষে লড়াইয়ের সমান সুগুর আর নাই। মাঝে
মাঝে লড়াইয়ের দেখা পাওয়া জগতের পক্ষে মঙ্গলকর।

বনু জার্মান কুন্স্টুরের এক বড় খুঁটা। প্রসিদ্ধ
সঙ্গীতগুরু বেঠোফেন (Beethoven) জন্মিয়াছিলেন

এই নগরে। বেঠোফেনের সঙ্গীতকলা ভারতবাসীকে
ভাষায় বুঝানো আজও সহজ নয়। ইহার রচিত সুরের
“রূপ”গুলোকে বলে সিম্ফনি। সিম্ফনি বস্তুর বাংলা
প্রতিশব্দ চুঁড়িতে বস। সময় নষ্ট করা মাত্র। কোনো
কোনো সিম্ফনি এত লম্বা যে অনর্গল একঘণ্টা লাগে
বাজাইয়া শেষ করিতে। ভারতসম্ভান পাশ্চাত্য সঙ্গীতে
প্রবেশ করিতে সচেষ্ট হইবে না কি? যদি রেডিও-
আকৃতিটি আর বোলশেভিক-তত্ত্ব পর্য্যন্ত ঝুঁকিতে
পারিলাম, তাহা হইলে সিম্ফনি-মাহাত্ম্য বশে আনিতে
অরাজি থাকিব কেন?

ঘণ্টা দু-একের ভিতর কোল্‌ন হইতে গাড়ী
কোব্‌লেন্স্‌ পৌঁছিল। মধ্যে অনেকক্ষণ ধরিয়া রাইনের
লাগাই রেল। এখানে এক বড় বন্দর রেমাগেন (Rema-
gen)। ল্যাটিন আমলেও এই বন্দর প্রসিদ্ধ ছিল। মধ্য
যুগের গির্জা পুনর্গঠিত হইয়া আজও দাঁড়াইয়া আছে।
বলা বাহুল্য রাইনধোত অঞ্চলের গির্জাগুলো সবই প্রায়
ক্যাথলিকপন্থী। বস্তুতঃ আধুনিক হইতে সূত্র করিয়া
ক্যাথলিক আওতাতেই আছি। নয়া প্রটেস্ট্যান্ট মতের



কাইজার ফ্রিগ্লেহ্ম ডেক্‌মাল (কোবলেন্‌ৎস)।

গির্জার সঙ্গে গোঁড়া ক্যাথলিক গির্জার সম্ভাব আজও গজাইয়া উঠে নাই।

কোব্লেন্‌ৎস (Koblenz) এই অঞ্চলের এক প্রয়াগ স্বরূপ। মোজেল ও রাইনের সম্মিলিত ইহার অবস্থিতি। পুল দেখিতেছি দুইটা দুই নদীর উপর। সম্মেলের কোণে এক বিরাট কাইজার-ফ্রিগ্লেহ্ম ডেক্‌মাল বা স্মৃতিস্তম্ভ। এই ধরণের বাদশাহী মনুমেন্ট আখেন, কোল্‌ন, বন্‌ ইত্যাদি সকল শহরেই আছে। কোব্লেন্‌ৎসের ডেক্‌মাল (Denkmal) টায় অখণ্ড কাইজার বাহাদুর নদীর অপর দিকে তাইয়া আছে। ওপারে এরেনব্রাইটষ্টাইন (Ehrenbreitstein) নগরের বিপুল গিরিভূমি পাহাড়ের উপর পাহাড়ের মতন দেখাইতেছে। স্মৃতিস্তম্ভে লেখা রহিয়াছে:—
“Nimmer wird das Reich zerstoret Wenn ihr einig seid und treu” (নিম্মার ফ্রিগ্লেহ্ম ডাম্‌ রাইখ্‌ ৎসার্গ্‌য়েট্‌, হেন্‌ ঙ্গের আইনিব্‌ জাইড্‌ উন্ট্‌ ট্রু)। অর্থাৎ “সাম্রাজ্যের সর্বনাশ হবে না কোনো দিন, থাকিস্‌ যদি দেশ-ভক্ত আর একাধীন।” জার্মান-সমাজে একতা ঐক্য ইত্যাদির দরদ ছিল খুব বেশী। কাজেই মূলুক জুড়িয়া (১৮৭০ সালে সাম্রাজ্য গঠনের পর অবশ্য) নগরে

নগরে বাদশাহী বয়েং আর হিতোপদেশ জারি করা হইয়াছে।

কোব্লেন্‌ৎসে দেখিতেছি ইয়াক্সি পন্টনের দৌরাখ্যা। যেখানে-সেখানে থাকি-পরা মার্কিন সৈনিক চলাফেরা করিতেছে। বড় বড় সর্বকারী অটালিকার উপর যুক্তরাষ্ট্রের নিশান উড়িতেছে। মাগ এরেনব্রাইটষ্টাইনের কেল্লার মাথায়ও অ'মেরিকান পতাকা। জার্মান নরনারীর চরম দুর্গতি সন্দেহ নাই। আর দেখিতে পাইলাম, মস্ত মস্ত মার্কিন মোটর-লরিগুলা এ-রাস্তা হইতে ও-রাস্তায় ছুটিতেছে, —যেন কাজে শশব্যস্ত। অথচ কাজটা যে কি বোধ হয় চুড়িয়া পাওয়া কঠিন। বোধ হয় জার্মান জাতকে এবং বিশেষতঃ জার্মান সরকারকে গোখে আঙ্গুল দিয়া বুঝানো হইতেছে—দেখিতেছ না আমাদেরকে কত খাটিতে হইতেছে? এইসকল খাটার মজুরি তোমাদের খাজাঞ্চিখানা হইতেই ত উমুল হইবে। ভাবিও না আমরা না খাটিয়া তোমাদের রাষ্ট্রকোষ ছহিতেছি। অর্থাৎ ভাবিইয়ের সন্ধিতে আমাদেরকে যত টাকা দিবার জগু তোমাদিগকে হুকুম করা হইয়াছে তাহার কড়াক্রান্তি পর্যন্ত গাযা।”

একটা রাইন-মিউজিয়াম কোব্লেন্‌ৎসে স্থাপিত হইয়াছে।

এই ধরনের মিউজিয়াম বোধ হয় রাইনের উপরকার প্রত্যেক শহরেই এক-আধটা আছে। কোব্লেন্স্ মিউজিয়ামের কর্তা ডাক্তার স্পীজ্ (Spies) একখানা কেতাব প্রকাশ করিয়াছেন। নাম Rhein Kunde (রাইন-কুণ্ডে) অর্থাৎ রাইন-তত্ত্ব। রাইন বিষয়ক তথ্য,— ভূ-তাত্ত্বিক, ভৌগোলিক, ঐতিহাসিক, শৈল্পিক, আর্থিক, সবই কিছু কিছু পুস্তিকায় পাওয়া যায়। এই আদর্শে গঙ্গা-কুণ্ডে বা গঙ্গাতত্ত্ব লইয়া কাশীতে একটা ছোট মিউজিয়াম তৈয়ারি করিতে হইলে প্রথম তলায় রাখা হইবে নানা প্রকার মানচিত্র নদীর প্রাকৃতিক অবস্থা ও গঠন বুঝাইবার জন্য। দ্বিতীয় তলায় রাখা হইবে নদীর উপর মানুষের কাজের নিদর্শন—অর্থাৎ যুগে যুগে ভারতসত্তান কবে কোথায় কিরূপ নগর বা পল্লী নির্মাণ করিয়াছে তাহার ছবি ও বিবরণ ইত্যাদি। তৃতীয় তলায় দেখিতে পাইব গঙ্গা লইয়া কোন্ শিল্পী বা কবি কিরূপ কারিগরি করিয়াছেন তাহার পরিচয়। রাইন-মিউজিয়ামে দেখিলাম কাব্যগ্রন্থ সংগ্রহ আর চিত্রে রাইনের দুইধারকার দৃশ্যাবলী। গঙ্গা-মিউজিয়ামে আরও দেখিতে হইবে শিল্প ও বাণিজ্যের ধারা, অর্থাৎ নৌকা, ষ্টামার, পুল, রেল, বন্দর ইত্যাদির ক্রমবিকাশ। আমাদের দেশে যাহারা গঙ্গামাহাত্ম্য, গোদাবরী মাহাত্ম্য ইত্যাদি গাহিয়া থাকেন তাঁহাদের কেহ কেহ রাইনমাহাত্ম্য কীর্তনের এই নয়া কাষদা হইতে কিছু নয়া কাষ্যপ্রণালী শিখিতে পারেন।

স্পীজ্ মহাশয় বলিলেন “কোব্লেন্স্‌সেও ভারত-বাদী? ব্যাপার কি?” ইনি ভারততত্ত্ব সম্বন্ধে জানেন— “ইণ্ডো-গার্মানিষে স্পাখে” (Indo-Germanische Sprache), যার সোজা প্রতিশব্দ “আর্য্য” ভাষ। ইহার বেশী ভারতকথা কোনো জার্মান জানে কি না তাহা “রিসার্চ” করিবার বস্তু!

৪। রাইন-বন্ধে

কোব্লেন্স্‌সে কাটাইলাম প্রায় চার ঘণ্টা। পারিসের প্রায় আধা দামে রেপ্তরাণ্টে খাওয়া গেল। আর কিছুক্ষণ রেলের থাকিলে পের্গিতাম রাইন-মাইন (Main) সঙ্গমে। সেই সঙ্গমের এলাহাবাদের নাম মাইন্স্ (Mainz), যে শহরটাকে ইংরেজিতে লেখা হয় Mayenceরূপে। মাইন্স্‌ও

জার্মান কুণ্টুরের এক প্রধান স্তম্ভ। এই শহরে জার্মান-ছিল্পেণ গুটেনবার্গ (Gutenberg) ১৪০০ খৃষ্টাব্দে। গুটেনবার্গ নব্যজগতের প্রথম মুদ্রাকর। মাইন্স্‌সের পূর্বদিকে অনতিদূরে হ্বিজ্‌বাডেন (Wiesbaden) শহর। এটা জার্মানির এক নামজাদা বিলাসনগর। স্বাস্থ্যোন্নতির জন্য পয়সাওয়ালা লোকেরা এখানে শকর করিতে আসেন। হ্বিজ্‌বাডেনের পূর্বে বোধ হয় আধঘণ্টার রেলপথে মাইন নদীর উপর ফ্রাঙ্কফোর্ট নগর (Frankfort) অবস্থিত। ফ্রাঙ্কফোর্ট গোটের জন্মভূমি। দেখা যাইতেছে রাইনের আশপাশ আগাগোড়াই জার্মান সমাজের গৌরবস্থল।

ভার্সাইয়ের সন্ধির কড়ার অনুসারে কোব্লেন্স্‌সের দক্ষিণ হইতে মাইন্স্ পর্য্যন্ত ফরাসীদের তাঁবে। কাজেই মাইন্স্‌সে ফরাসী ফৌজের ছড়াছড়িই দেখিতে পাইতাম। আরও দক্ষিণে মান্‌হাইম্ (Mannheim) শহরেও ফরাসীদের কর্তৃত্ব। মান্‌হাইম্ রাইন ও নেকারের (Necker) সঙ্গমস্থল। রাইন-মাহাত্ম্যে মান্‌হাইমের ইজ্জৎ খুব বড়— শিল্প ও বাণিজ্যের আসরে। ইহারই অল্প দূরে পূর্বদিকে নেকারের উপর হাইডেল্‌বার্গ (Heidelberg) শহর। হাইডেল্‌বার্গে জার্মানির সঙ্গ প্রাচীন বিশ্ববিদ্যালয় স্থবিদিত। হাইডেল্‌বার্গের উপর ফরাসী আওতা নাই। মান্‌হাইমের অনেক দক্ষিণে রাইনের এক বড় শহর ষ্ট্রাস্‌বুর্গ (Strasbourg)। এটা অবশ্য বড়ইয়ের ফলে আজ পুরাপুরি ফ্রান্সের অন্তর্গত।

এইসব দেখিতে হইলে রাইন-যাত্রায় বাহির হইতে হইত। তাহাতে প্রলুক না হইয়া কোল্‌নে ফিরিবার মতলবে কোব্লেন্স্‌সে ষ্টামার ধরিলাম। রাইনে স্রোত খুব জ্বর। ষ্টামার চলিতেছে উত্তর দিকে অর্থাৎ স্রোতের মুখে। আরোহীণ সংখ্যা অনেক, বোধ হয় দুই হাজারেরও বেশী। এক মোসাগির বলিলেন :—“এরেনব্রাইট্‌ষ্টাইনে পুরাণা মান্দর আছে কতকগুলো। তাঁর্গ-বাত্মীর ভিড় ওখানে খুব বেশী।” দুই কিনারায় পাহাড় দেখিতে দেখিতে ভাটাইয়া অগ্রসর হইতেছি।

রাইন ইয়াংসিকিয়াণের মতন রক্তদরিয়া নয়। অথবা সেইনের মতন নেহাৎ বর্ণহীনও নয়। অনেকটা গঙ্গার ঘোলা জলই এখানে চোখে পড়িতেছে। বিকালে ঘাটের

ধারে বেড়াইতে আসিয়া অনেকেই দেখিতেছি সঁতার কাটিতেছে। ষ্টীমারের ষ্টেশনে ষ্টেশনে হটাপুটি যুবর দল করিয়া আসিয়া জুটিতেছে। অনেকেই হাতে লাউটে, গিটার, মাণ্ডোলিন, ইত্যাদি তারের বাস্তব ; গান বাজনা চলিতেছে।

কোনো কোনো দলে “যুবক সমিতির” নিশানে লেখা আছে—“জয় যৌবনের জয়।” একদিন না একদিন এই যৌবন-পূজাই ভাসাই-সন্ধির প্রতিহিংসা লইয়া ছাড়িবে। যে ব্যক্তি জীবনে কখনো প্রতিহিংসা রাখে নাই সে নরাধম,—আর যে জাতি প্রতিহিংসা শব্দটা পর্য্যন্ত ভুলিয়া গিয়াছে সে জাতি বাঁচিয়া নাই। মানব-রক্তের এইটাই অতি প্রাথমিক কথা। ইংরেজ ফরাসী বেলজিয়ান মার্কিন ফোজের আওতার জার্মান সমাজ মুশড়িয়া রহিয়াছে, বেশ বুঝিতেছি; এই কর ঘণ্টাতেই কিন্তু জার্মান নরনারীর জীবনবৃত্তাও স্পষ্ট লক্ষ্য করা যায়। জার্মানি আবার উঠিবে, অল্প দিনের ভিতরেই; তবে কোন্ মূর্তিতে তাহা আন্দাজ করা কঠিন।

রাইনের দুই ধারের পাহাড়ে পাহাড়ে ছুর্গ মধ্যযুগের আমল হইতেই বিরাজ করিয়া আসিতেছে। ক্যোনিগ্জ্‌স্বিন্টার (Konigswinter) বন্দরের জিবেন্‌গেবির্গে (Sieben-gebirge) বা সাত-পাহাড় সমাজে সুপ্রতিষ্ঠিত। পুরাণা ছুর্গের ধ্বংসাবশেষ তরুহীন পাহাড়ের মাথায় পাথরের স্তম্ভের মতন বোধ হইতেছে। বলা বাহুল্য এইসকল অঞ্চলে ক্যাথলিক ছুর্গের গির্জাগুলি আজও জার্মান নরনারীর লৌকিক ধর্ম বাঁচাইয়া রাখিয়াছে।

দেখিতে দেখিতে বনে (Bonn) পৌঁছিয়াম। পথে পড়িল অজস্র ষ্টীমার বা ষ্টীম-চালিত নৌকার সারি। এই-গুলার অধিকাংশই মালের নৌকা। প্রায় অর্ধেকেরও বেশী হইবে ওলন্দাজ জাতীয় লোকের জলযান। চিম্নি এবং ফ্যাক্টরির ধোঁয়াও প্রায় প্রত্যেক বন্দরেই লক্ষ্য করিয়াছি। ইয়াংসি বা গঙ্গা ও পদ্মার উপর অবশ্য নৌকার ও ষ্টীমারে মাল চালান হয় কম না। কিন্তু কলিকাতার নিকটবর্তী গঙ্গা আর হ্যাংচাওয়ের নিকটবর্তী ইয়াংসি ছাড়া আর কোথাও কলকারখানার আওতা নাই। পরন্তু রাইন ব্যবসায় বাণিজ্যে যেমন চঞ্চল, শিল্পেও তেমন সক্রম।

বনে পুর্কেই দেখিয়া গিয়াছি ফরাসী কোজের তাঁবু ও কুচকাওয়াজ। অথচ এই অঞ্চলটা থাকা উচিত ইংরেজের অধীনে সন্ধির সর্ভ অহুসারে। এক ব্যক্তিকে কারণ জিজ্ঞাসা করিলাম। জবাব পাইলাম—“সিলে-শিয়ার আর আরল্যাণ্ডের হাদামার জন্ত ইংরেজকে এখন হইতে অনেক সৈন্য সরাইয়া লইতে হইয়াছে। তাহাদের স্থানে বসিয়াছে ফরাসী।”

সেনাপতি হিগেনবুর্গ আর লুডেনডোফের ছবিতে এই দুই জনের ভুঁড়ি দেখিয়া আমরা বুঝিয়া রাখিয়াছি যে জার্মানরা ভুঁড়িওয়াল জাত। কিন্তু ষ্টীমারের এতগুলো পুরুষের ভিতর সেই ছবিপ্রসিদ্ধ ভুঁড়ি চুঁড়িয়া পাইতেছি না। আর কাইজারি গৌফও নেহাৎ বিরল। বরং দেখিতেছি উন্টা। খাড়া উঠা গৌফের বদলে দেখিতেছি আধা-কামানো গৌফ। মোসাকিররা খুব আমোদে সময় কাটাইতেছে। বোতল বোতল বিয়ার (শরাব-বিশেষ, যদিও নেশা হয় না) উজাড় হইতেছে, তাসের জুয়া চলিতেছে। মাঝে মাঝে পুরুষেরা দল বাঁধিয়া গান ধরিতেছে, মেয়েরা কোনো দিকেই বিশেষ অগ্রণী নয়।

এক ব্যক্তিকে জিজ্ঞাসা করিলাম—“রাইন অঞ্চলে বিজেতাদের পন্টন বসিয়াছে সত্য কথা। কিন্তু ইহাতে জার্মানির টাকা খরচ ছাড়া আর কোনো লোকসান হইতেছে বলিয়া মনে হয় না।” সহযাত্রী বলিলেন—“তাহা হইলে আপনি কিছুই বুঝিলেন না। যে যে অঞ্চলে ইংরেজ ফরাসী মার্কিন বেলজিয়ানের এক্তিয়ার কায়েম হইয়াছে সেই সেই অঞ্চলের খবরের কাগজের উপর কড়া আইন। সভাসমিতি বক্তৃতা ইত্যাদি এক প্রকার রদ হইয়াছে। বিজেতাদের মঞ্জুর না হইলে কোথাও জনসমাগমের ব্যবস্থা হইতে পারে না। এমন কি ইস্কুল-গুলার পর্য্যন্ত ইহাদের হাত আসিয়াছে। স্বদেশী গান গাওয়ার বাধা পড়িয়াছে। ইতিহাস বিষয়ক কেতাবগুলি বাজেআপ্ত করা হইয়াছে অথবা বদলাইয়া দেওয়া হইয়াছে, ইত্যাদি।” শুনিলাম কোলনের এক গির্জায় ইংরেজ সিপাহীরা সশস্ত্র ষ্টুপূজা করিয়া থাকে। আর সেখানে “নেটিভ”দের অর্থাৎ জার্মান নরনারীর প্রবেশ নিষেধ।

একব্যক্তি বিলাতে বসবাস করিয়াছেন একপ্রকার

আজীবন; দ্বী তাঁহার ইংরেজ। বিলাতী ব্যবসায়-মহলে এই জার্মানের প্রতিপত্তি ছিল যথেষ্ট। ইনি বলিতেছেন— “ইংরেজে আর জার্মানে সামাজিক লেনদেনে রেঘারেষি বাড়াইয়া তুলিয়াছে লর্ড নর্থব্রুকের দুই কাগজ ‘ডেল মল’ আর ‘ঐভুনিং নিউজ’। লেড়াইয়ের সময় ষাট হাজার জার্মান নরনারীকে বিলাতের লাগালাগি ছোটখাটো ঘোপগুলায় নিকীসিত করা হয়। তাহাদের প্রত্যেকের সম্পত্তি বাজেআপ্ত করা হইয়াছে। আর্মিস্টিসের পর এই ষাট হাজার লোক কপর্দকহীন ভাবে জার্মানিতে ফিরিয়া আসিতে বাধ্য হইয়াছে।”

বনের নিকট রাইন অনেকটা প্রশস্ত, কলিকাতার গঙ্গার সমান যদিও নয়। এখান হইতে আর পাহাড় দেখিতেছি না। সমতল ভূমি দুইধারে কোল্ন্ পর্য্যন্ত। কোল্নের পুল জাঁকালো বটে।

রাইনের বিদেশী সৈন্যরা জার্মান নারী বিবাহ করিতেছে। ইংরেজ আর মার্কিনের সঙ্গে বিবাহ সহজেই নিষ্পন্ন হয়। কিন্তু ফরাসীদের সঙ্গে জার্মান সমাজ এখনো ঘনিষ্ঠতা চাহে না।

বিদেশী সৈন্য অতি উঁচু হারে বেতন পায়। গুনিলাম ইংরেজ সৈনিক পায় রোজ ছয় শিলিঙ্। অর্থাৎ ইহারা স্বদেশে কারখানায় খাটিয়া খাইতে হইলে যত মজুরি পাইতে পারে এই পরাধীন মুল্লুকের রক্ত শুষিতে আসিয়া তাহার অন্ততঃ চারগুণ বেশী ভোগ করিতেছে। পরাধীনতার অবস্থা জগতে সর্বত্রই একপ্রকার, কি এশিয়ায় কি ইয়োরোপে। এমন কি সাদাচামড়াওয়াল পরাধীন জাতির সঙ্গেও সাদাচামড়াওয়াল বিজেতার বিশেষ ভ্রাতৃত্বের সহিত ব্যবহার করিতেছে না। এশিয়ায় যাহারা রাষ্ট্রবিজ্ঞান আলোচনা করিতেছেন অথবা ইন্টারন্যাশনাল ল সঙ্ঘে গবেষণা চালাইতে ইচ্ছা করেন তাঁহারা পরাধীন জাতি সংক্রান্ত দলিলপত্র ঘাঁটাঘাঁটি করিলে নূতন আলোক পাইবেন।

৫। মধ্য জার্মানির উত্তর জনপদ

কোল্নে বার্লিনের রেলে বসিলাম। প্রথমেই পার হইতে হইল রাইন পুলের দুই মাথায় ইংরেজ পল্টন। দ্বিতীয় শ্রেণীর কামরার আধখানাই “রিজার্ভ্‌ড”। বিজেতা-


দের উচ্চ কর্মচারীর যাওয়া-আসার জন্ত এই ধরতলা মার্কামারা রহিয়াছে। অথচ কোনো ঘরেই বিদেশী সৈন্যসামন্তের টিকি দেখিতে পাইলাম না।

সমতল ভূমির উপর রেলপথ নিম্নিত। রাইনের কিনারায় ডিসেল্‌ডোর্ফ (Düsseldorf) এক প্রসিদ্ধ শিল্পবন্দর। আর এক বড় বন্দর ডুইজবুর্গ (Duisburg)। শহর দুইটায় আবার বেলজিয়ামের শার্লরোয়া অঞ্চলের লোহালকড়ের আওতা পাইলাম। ডিসেল্‌ডোর্ফ হায়নে (Heine) কবির জন্মভূমি। জার্মান পল্লী-শহরের নামে “ডোর্ফ” আর “বুর্গ” শব্দ অতি সাধারণ। এইগুলি আমাদের সুপরিচিত পুর গল্প ইত্যাদি। বস্তুতঃ ডোর্ফ শব্দের অর্থ গ্রাম, আর বুর্গ শব্দের অর্থ শহর।

ডুইজবুর্গ রুয় (Ruhr) রাইন সঙ্ঘমে অবস্থিত। অল্প দূর পূর্বে পাইলাম মুল্‌হাইম (Mulheim) শহর রুয়ের উপর। মুল্‌হাইমে জার্মান ক্রোড়পতি ষ্টিনেস্ (Stinnes) তাঁহার জগৎপ্রসিদ্ধ কারখানা কায়েম করিয়াছেন। ষ্টিনেসের নাম জানে না জার্মানিতে এমন লোক নাই। সমরপত্তা আর ন্যাশন্যালাইট লোকেরা ষ্টিনেসের ষ্টিল-ফ্যাক্টরিগুলোকে স্বদেশের লৌহবর্ষ বিবেচনা কবে। ঠিক এই কারণেই কমিউনিষ্ট আর ইন্টারন্যাশন্যা-লিষ্টরা এইগুলার উপর হাড়ে হাড়ে চটা। বলা বাহুল্য এইজন্তই ষ্টিনেস্ ফরাসী রাষ্ট্রেরও চক্ষুশূল।

অল্পক্ষণের ভিতরেই ষ্টিনেসের আওতা হইতে কুপের (Krupp) অধিকায় পৌঁছিলাম। শহরের নাম এস্‌সেন (Essen)। কুপ আর এক ক্রোড়পতি, পুরাণা কাই-জারের বন্ধু, ভিগেনবুর্গের এক-গেগাসের ইয়ার ইত্যাদি। কুপের নাম জানে জগতের সকল লোকেই। এস্‌সেনের তোপখানা ছিল যরা জার্মান-সাম্রাজ্যের আসল কেলা।

এস্‌সেনে শেব হইল রাইন প্রদেশের পূর্বসীমানা। বিজেতার ডিসেল্‌ডোর্ফ, ডুইজবুর্গ, মুল্‌হাইম আর এস্‌সেন—এই শহর কয়টা ভার্সাইয়ের সন্ধিতে স্ববশে আনিবার জন্ত ধ্বস্তাধ্বস্তি করিয়াছিল। ঘটনাচক্রে এই অঞ্চল জার্মানদের হাতছাড়া হয় নাই। তবে ফরাসীরা আজও যখন-তখন জার্মানিক শাসাইয়া থাকে—“বেশী বাড়াবাড়ি যদি কর, তাহা হইলে রুয় উপত্যকা দখল করিয়া বসিব।” মুল্‌হাইম



হান্নোফারের টাউন হল।

আর এস্মেনকে যদি চুরমার করিতে পারিত তাহা হইলে ইংরেজ-বেল্জিয়ান-ফরাসার সাধ মিটত। শুনিতেছি ইতি-মধ্যে এস্মেন ছাড়া অন্য শহর তিনটার করে ফ্রান্স ধরিয়া বিজ্ঞেতাদের নিশান উড়িতেছে।

রাইন জেলার পূর্ব হেস্ট্‌ফালিয়া (Westphalia) জেলায় গাড়ী পড়িল। দেখিবার নাই কিছুই। সমতল মাঠের পরে মাঠ, কিন্তু “মাঠের শেষে সূদূর গ্রামখানি” আর চোখে পড়িতেছে না। কদাচ এক-আধটা পল্লী-কুটির দেখা যায়।

সপ্তদশ শতাব্দীতে দেশ বৎসর ধরিয়া ইয়োৰোপে এক বিবর্ত লড়াই হয়। তাহাতে জার্মানির হাড় গুঁড়া হইয়া যায়। সেই যুদ্ধের সন্ধি স্থাপিত হইয়াছিল ১৬৪৮ খৃষ্টাব্দে হেস্ট্‌ফালিয়া প্রদেশে। শহরটার নাম মিন্‌স্টার। রেলপথের অনেক উত্তরে এই নগর অবস্থিত।

হেস্ট্‌ফালিয়ার পূর্ব সীমানায় হেস্ট্‌জার (Weser) নদী পার হইলাম। হান্নোফার জেলার ভিতর দিয়া গাড়ী চলিতেছে। এই জেলাই আজকালকার বিলাতী রাজাদের পূর্বপুরুষের জমিদারী ছিল। পাঠশালার শেখা গিয়াছিল

এই বংশের প্রথম দুই রাজা ইংরেজিতে কথা বলিতে পারিতেন না, তাঁহাদের ভাষা ছিল জার্মান।

হান্নোফার জেলার কেন্দ্রর নামও হান্নোফার। শহরটা অনেক দূর হইতেই বেলে বসিয়া দেখিতে পাইলাম। নানা রং-বেরঙের শিখর-ও গুহ্বজওয়লা ঘরবাড়ীর পরিচয় পাইতেছি। ফ্যাক্টরির চিম্নিও দেখা গেল অনেক। রাইনের কিনারায় হ্রীজ্‌বার্ডেন শহরে শুনিয়াছি সোনালী-চূড়া-সমধিচৌধ আছে। হান্নোফারেও এইরূপ হর্ম্য নজরে পড়িল। কিন্তু গোটা হান্নোফার জেলার মধ্যে রেলপথে একটা কুঁড়েও দেখিয়াছি বলিয়া মনে হয় না। কেবল অঙ্গল, পাইনগাছের বন বিশেষ, আর রেলপথের ধারে ধারে কাটা কাঠর স্তূপ।

কাম্রার ভিতরই খান্সায়া চা দিয়া গেল। সম্মুখে উপবিষ্ট এক ওলন্দাজ জা গীয় ইহুদি যুবক ও তাঁহারস্ত্রী। সদ্য বিবাহের পর ইঁহারা সফরে বাহির হইয়াছেন। যুবক গরুর ব্যবসা করে। ওলন্দাজ গাভীরদাম অনেক। দক্ষিণ আমেরিকার চিলি দেশে যেসকল গরু রপ্তানি করা হয় তাহার দাম এক হাজার হইতে তিনহাজার টাকা। রোজ আধরণ দুখ

হল্যাণ্ডের প্রায় প্রত্যেক গরু হইতেই পাওয়া যায়। যে গরুর দাম তিনহাজার টাকা এটার দুধ মাখন ও চ'র্ক হইতে সপ্তাহে আয় হয় অন্ততঃ ষাট টাকা ।

হাল্লোফার জেলার বন্দরের নাম ব্রেমেন (Bremen)। এই শহর হেল্জারের উপর ; সমুদ্রের কাছাকাছি অবস্থিত। সেই শহর অবশ্য পথে পড়িল না। বন-জঙ্গলের আওতা-ই আছি। মাঠের কোথাও কোথাও ছ'একটা কুঁড়ের সঙ্গে সঙ্গে বায়ুঘন বা বাতাসে নিয়ন্ত্রিত বল দেখা বাইতেছে। এইগুলো বায়ুঘনের পূর্বেকার অর্থাৎ মধ্যযুগের নিদর্শন। এশিয়ার বোধ হয় কোনো যুগেই এই ধরণের উইণ্ড-মিল উদ্ভাবিত হয় নাই।

স্যাক্সোনি (Saxony) জেলায় পড়িলাম। প্র কৃতিক ও ভৌগোলিক দৃশ্য যথাপূর্বং তথাপরম। চোখ বুজিয়া থাকিলেও কোনো ক্ষতি নাই। যাহা হউক চোখ খুলিয়াই এদিক ওদিক চিন্তা করা গেল। ভারতবাসী আজ ইয়োরা-আমেরিকান হইতে তফাৎ কিসে? পশ্চিমাদের মাথার জোর বেশী ইহা ত কখনো মনে করিতে পারি নাই। ইহারা চরিত্রবলে বড় তাহাও কোনো দিকে লক্ষ্য কর নাই। কর্তব্যজ্ঞানে আমরা ইহাদের চেয়ে ছোট তাহাও বিশ্বাস করি না। দলানাল হিংসা পরশ্রীকাতরতা (এমনকি বিদেশী শত্রুর মুখামুখি থাকিয়াও) পশ্চিমা পূর্বের চেয়ে কম নয়।

তবে পার্থক্য কোথায়? পশ্চিমারা যাঁচে বেশীদিন,— ইহারা খাইতে পায় পেট ভরিয়া,—আর ইহারা মেহনত করে যত খাইতে পায় তাহারই মাপে অর্থাৎ ভুতের মতন। মোটের উপর, ইয়োরাআমেরিকান যে-কোনো ব্যক্তির জীবন-ব্যাপী কাজের পরিমাণ ভারতসম্প্রদায়ের জীবনব্যাপী কাজের তুলনায় অনেক বেশী দাড়াইয়া যায়। আমাদের পঁয়ত্রিশ কোটি লোক কাজ করে ঠিক যেন পঁয়ত্রিশ লাখ নরনারীর মতন। আর পশ্চিমের যে-কোনো দেশের পঁয়ত্রিশ লাখ কাজ করে প্রায় আমাদের পঁয়ত্রিশ কোটি নরনারীর সমান। অনুপাতটার হয়ত অতুল্য রহিয়া গেল। কিন্তু কথাটা এই যে, গুণ হিসাবে বা মূল্য হিসাবে বর্তমান পাশ্চাত্য নরনারী বর্তমান ভারতসম্প্রদায় অপেক্ষা শ্রেষ্ঠ নয়। আমাদের ব্যক্তিগণের প্রত্যেকের কার্যক্ষমতা বাড়াইয়া

দিতে পারিলে,—অর্থাৎ সঙ্গে সঙ্গে প্রত্যেক নরনারীর আয়ুর মাত্রাটাও লম্বা করিয়া দিতে পারিলে, ভারতের নামেও বিভূবন কাঁপবে।

স্যাক্সোনি জেলায় হিল্বে (Hibe) নদীর উপর দিয়া রেলগাড়ী ছুটিয়া গেল। পূর্ন হইতে অদূরে একটা শিল্প-নগর দেখিতে পাইলাম। এদের মোহনার, অনেক উত্তরে জার্মানির সক্ষমতঃ সমুদ্রবন্দর হামবুর্গ (Hamburg)।

এদের একটা শাখানদী পার হইয়া ব্র্যান্ডেনবুর্গ (Brandenburg) জেলায় পড়িলাম। নদীর কিনারায় রাটেনো (Rathenau) এক শিল্প নগর বোধ হইল।

৬। “ভোজপুরয়ার দেশ”

মাঝে “নয়টার সময় রেলের বাসনা” ছ' মক্ষা হইয়া আসিল। সারাদিনের ভিতর ছ'একটা শহর ছাড়া মাত্র চোখে পড়িল বন জঙ্গল। ঠিক যেন আমেরিকার যুক্ত-রাষ্ট্রের মধ্য-পশ্চিম প্রদেশগুলার ভিতর দিয়া আসিলাম। একদম “ভোজপুরয়ার দেশ” আর কি! উত্তর চীনেরও কোনো কোনো অঞ্চল মনে পড়ে।

ঐতিহাসিক বা প্রাচীন সভ্যতাবিশয়ক কোনো বড় জনপদ এত পথে পাওয়া যায় না। রাইন প্রদেশের তুলনায় হেল্জারের হাল্লোফার, স্যাক্সোনির উত্তরাংশ আর ব্র্যান্ডেনবুর্গ এই চার জেলা বিন্ভুংগ অসভ্য, বন্দর বা অর্ধসভ্য বিবেচনা করা চলে। এই জেলা মাফাকার আনলে রোমান সাম্রাজ্যের বাহু হুঁত হিয়া। রাইন ছিল সেই যুগের সভ্যতা-মণ্ডলেব পূর্ব কিনারা। হুত্তরাং রাইনের অপর পারে বিরাড় করিয়া আসিতেছে “অনার্য” জাতির আবাস। ঠিক যেমন প্রাচীন ভারতের ইতিহাসে বাংলা দেশে ছিল বহুলাংশ পর্য্যন্ত “সদা” জাতীয় অর্থাৎ “ভোজপুরয়া” নবনারীব বাগান। অর্থাৎ উত্তর জার্মানি নেচাৎ অর্ধপ্রাচীন দেশ। এখানে পুরাণা সভ্যতার নিদর্শন, বানিয়াদি সমাজের ইট কাঠ চূড়িতে আসা উচিত নয়। এমন কি হাজার বৎসর পূর্বে এখানে খৃষ্টীয়ই প্রচলিত হয় নাই।

এই ভোজপুরয়ার আবহাওয়াতেই নবীন সভ্যতার এক নয় কর্মকেন্দু সঙ্কোরে মাথা তুলিয়াছে। সেই কেন্দ্রের নাম বার্লিন। স্বদেশী-জার্মান উচ্চারণ বের্লিন (ফরাসীতে বলে ব্যার্লী)।

রাত্রি প্রায় নয়টার সময় বার্লিনে পৌঁছলাম। পথে শহরের চার-পাঁচটা রেলওয়ে-স্টেশনে গাড়ী থামিল,—শার্লটেম্-বুর্গ (Charlottenburg), ফ্রিড্রিশ স্ট্রাসে (Friedrich-strasse) ইত্যাদি। কয়েকবার স্প্রে (Spree) দরিয়াও পার হওয়া গেল। শেষে আসিয়া ঠেকিলাম বার্লিনের পূর্বতম কিনারায়। গাড়ী হইতে নামিলাম বোধ হয় আমিই এক মোসাক্ফির! আর সকলেই অত্যাণ্ড স্টেশনে নামিয়া গিয়াছে।

স্টেশনে নাই মুটে! অনেক ধবস্তাধবস্তির পর ফরাসীতে জার্মানে বচসা করিয়া এক ছোকরার ঘাড়ে মাল চাপাইয়া দিলাম। এক ড্রোশ্কাতে (Droschke) বসা গেল। চলিল ঠিক একর মতন। গাড়ীটা যদি নূতন থাকে আর ঘোড়াটা যদি চলে ভাল, তাহা হইলে ড্রোশ্কাতে বসিব ল্যাগো। এক মিনিট চলিয়াই গাড়োয়ান বলিল—“বাবু, সম্মুখেই হোটেল, নিয়ে এস দশ মার্ক্ ড্রোশ্কাভাড়া। রাতে আর যাওয়া যায় কোথায়? যথাস্থানেই নামা গেল। পাঁচ মার্ক্ বাহির করিয়া দিলাম। গাড়োয়ান নাছোড়বন্দ। হট্টগোল সুরু হইল,—লোক জমিয়া গেল। মজাটা দেখিতেছে কে? উহারা, না আমি? গাড়োয়ানকে বলিলাম—“বিরক্ত করিলে ফোন্ করিয়া পুলিশ ডাকিব।” এই বলিয়া হোটেলওয়ালীকে টোলফোনের নম্বরওয়ালী ফোন্টা আনিতে বলিলাম। এমন কি একটা ফোনে কথা পর্যন্ত বলিয়া ফেলিলাম। জার্মান ভাষার একটা সুবিধা এই যে, যে শব্দটা জানি তাহার উচ্চারণ যে-কোনো লোকের মুখেই ধরিতে পার। কিন্তু ফরাসীতে বিপদ অনেক, বহু জানা শব্দও উচ্চারণের দৌরাত্ম্যে অবোধ থাকিয়া যায়।

এতক্ষণে ড্রোশ্কাওয়ালী বুঝিয়াছে যে এই মোসাক্ফির সহজে ছাড়িবে না। ঘর পর্যন্ত উঠিয়া আসিল। আর দুই মার্ক্ দিয়া বিদায় করিলাম। অতঃপর অণ্ড রজনী

(৩০ আগষ্ট) বার্লিনে প্রথম রাত্রি বাস। প্যারিস হইতে বার্লিন সোজাগথে প্রায় চব্বিশঘণ্টা দূর।

৭। উচ্চারণ-সমস্যা

প্রত্যেক ভাষায়ই উচ্চারণের মারপ্যাচ্ এক মহা হাঙ্গামা। জার্মানেও তাই। তবে জার্মানে বাধাবাধির জোর এত বেশী যে নিয়মগুলো জানা থাকিলে ভুল করা এক প্রকার অসম্ভব। তা ছাড়া নিয়মের ব্যতিক্রম গুণ্ভিতে খুবই কম। এই হিসাবে বাংলা ও ইংরেজি ভাষা বিদেশীভাষার পক্ষে উচ্চারণ হিসাবে যারপন্নাই কঠিন। জার্মানের মোটা নিয়মগুলো দেখান যাইতেছে।

স্বরবর্ণঃ—a=আ, e=এ, i=ই, o=ও, u=উ, ai=ei=আই, au=আউ, eu=অয়; Berlin=বের্লিন, Spree=স্প্রে, Auf recht=আউফ্ রেইট্, Eucken=অয়কেন, Reuter=রয়টার। ö=oe=—এ (ও); এখানে “ও” ধ্বনি এক প্রকার উঠিবেই না বলা যাইতে পারে। অথচ আওয়াজটা খাটি—“এ” নয়; “এ” উচ্চারণ করিতে করিতে ঠোঁট দুইটা পাকা যা গোলাকার করিয়া তুলিতে হইবে। u—ue—ই (উ); এখানে “উ” ধ্বনি এক প্রকার উঠিবেই না’ অথচ আওয়াজটা খাটি “ই” নয়। (ফরাসীতে rue শব্দ “কু” নয়,—অনেকটা “রী” ধরণের। অথচ “ই”কারটাও সুস্পষ্ট না হওয়া চাই।)

ব্যঞ্জনবর্ণঃ—d=ড অথবা ট (“দ” কখনো নয়), ch=শ অথবা খ, (ich=ইশ্, noch=নোখ্, nicht=নিষ্ট্), sch=শ্, g=গ, অথবা শ, অথবা ক (“জ” কখনো নয়), s=জ, v=ফ, w=ফ্, z=ৎস্ (zeitgeist=ৎসাইট্গাইষ্ট্)।

লেখায় বিশেষ্য শব্দগুলো সবই বড় অক্ষরে সুরু করা হয়—বাক্যের যে-কোনো স্থানেই এইসব ব্যবহৃত হউক না কেন।

শ্রীবিনয়কুমার সরকার।



রজনীগন্ধা

(২১)

সকাল বেলায় ডাকে গোটা দুই চিঠি পাইয়া ফণিকা তাহা লইয়াই বাস্ত ছিল। তাহার মাথের চিঠিতে বাড়ীর সব ক'জন মানুষের কুশল এবং পরিবারের আর্থিক স্বচ্ছলতার খবর পাইয়া নিশ্চিন্ত হইয়া যখন সে সবে লালুর চিঠিখানা শুরু করিতেছে, এমন সময় কদন আসিয়া বলিল, “দিদিমণি, বৌদিদি আপনাকে ডাকছেন একবার।”

ফণিকা চিঠি হইতে চোখ তুলিয়া বলিল, “যাচ্ছি, ডাক্তার-সাহেব চলে গিয়েছেন কি?”

কদম বলিল, “হ্যাঁ, এই মাত্র গেলেন।”

লালুর চিঠিখানা তাড়াতাড়ি শেষ করিয়া ফণিকা মনোজার ঘরের দিকে চলিল। মনোজার শরীর খারাপ হইতে হইতে এখন তাহাকে একেবারে শয্যাশায়ী করিয়া ফেলিয়াছে। বাড়ীর সকলের মনের উপর একটা আশঙ্কার ছায়া ক্রমেই ঘনাইয়া আসিতেছে, কিন্তু এখনও কেহ মুখের কথায় সেটা কাঁদারও কাছে স্বীকার করে না। অনাদি-নাথের স্বাভাবিক গম্ভীর মুখ আরও যেন বিষাদপারব্যাপ্ত হইয়াছে, আর তাঁহার মাতার মুখে ভাগোর আর বিষাতার নিন্দাবাদ ভিন্ন অণু কথা প্রায় শোনাই যায় না। এতদিন পরে যদি বা ছেলে বিবাহ করিল, তা অমনি কি বউকে রোগে ধরিতে হয়? বিষাতার ত্রাণবিচার কি ইতাকেই বলে? তাঁহার এ প্রশ্নের উত্তর বিষাতা একবারও দিতেন না, মায় হইতে তাঁহাকে শাস্ত করিবার বিফল চেষ্টায় ফণিকার মন অশান্তিতে ভরিয়া উঠিল।

মনোজার ঘরে তখন কেহই ছিল না। সকালের রোদ জানলার ভিতর দিয়া ঢুকিয়া ঘরের মেঝের উপর গড়াইয়া কৌতূহলের হাসি হাসিতেছে। ফণিকা ঘরে ঢুকিয়া বলিল “ওকি! রোদে মাথাটা দিবে শুয়ে আছেন কেন? এই জানুলাটা বন্ধ করে দিই?”

মনোজা বলিল, “থান বাপু, তোকে কিছু বন্ধ করতে হবে না, আমি মাথা সরিয়ে নিচ্ছি। কোথায় ভিলি এতক্ষণ? সকাল থেকে যে একবারও চুলের ডগাও দেখতে পেলান না।”

ফণিকা বলিল, “কাজের ভারি কন্ঠিত কি না, এতক্ষণ ত ঠাকুরের সঙ্গে যুদ্ধ ক'রেই কাটল। এখনও তবু বেণুর সন্ধানই করিনি। আমি প্রাচীলাম অনাদি-বাবু বুঝি ঘরে আছেন, তাই আসিনি। ডাক্তার আজ দেখে কি বললেন?”

“বলবে আর কি? নতুন কিছু বলবার ত আর বাকি নেই? চূপ ক'বে শুয়ে থাক, কপালে থাকে ত সেয়ে উঠবে, এ কথা আর মানুষ ক'ণ বার বলবে বল?”

ফণিকা বলিল, “তা কতদিন ঘ'রে রোগ জন্মিয়ে রাখলেন, সারাবার বেলা এত তাড়া দিলে কি চলে?”

মনোজা নিশ্বাস ফেলিয়া বলিল “আমার তাড়া কে শুনছে? কিন্তু তোদেরও কি কোনো তাড়া নেই? 'দনের পর দিন এই যে শুয়ে থাক, বাইরের জগতের মুখ দেখা বন্ধ, তোদের যে ক'টাকে সামনে পাঠি, জ্বালিয়ে খাই, এতে তোদের বিরক্ত লাগে না? ইচ্ছা করে না,—হয় একেবারে চিত্তাশ্রুত, ন হয় খাট ছেড়ে উঠে পাড়াক।”

ফণিকার মুখখানা লাগ হইয়া উঠিল। সে বলিল, “মনোজাদি, কি বলছেন আপনি যা তা? যে কথা মনেও আনতে নেই, এই রকম ক'রে আপনার মুখ দিয়ে তাই বেরয় কেমন ক'রে? আমাদের গাচে থাকলে কি আর এক মুহূর্তও আপনাকে আমরা শুভয়ে রাখতাম? আমরা কি চাই না যে আপনি সেয়ে উঠুন? কিন্তু দু দিন দেরি হলেই কি এর রকম কথা ভাবতে হয়?”

মনোজা বিরক্ত হইয়া পাশ ফিরিয়া বলিল, “যা, যা, বক্তৃতা করতে হবে না। ভাবা না-ভাবা নিজের হাতে, কিনা বড়? তুই কখনও অর্ছিত কিছু ভাবিসু না? তোদের না হয় সেবা ক'রে বিরক্ত নেই, আমার সেবা নিয়ে নিয়ে যে হাড়ে খুণ ঘ'রে গেল।”

ফণিকা ভাবিল আর কথা বলিয়া লাভ নাই, মনোজার মন তাহাতে আরও বিরক্ত হইয়া উঠিবে। সে নীরবে ঘরের জিনিষপত্র নাড়িয়া-ছাড়িয়া গুছাইয়া রাখতে লাগিল। মনোজার প্রশ্নটা যে নিতান্তই রাগের পোকে কথা তাহা বুঝিয়াও তাহার মনের ভিতর কেমন একটা ষা আসিয়া

লাগিল। বাস্তবিকই ত, অসুচিত ভাবনা ভাবিতে তাহার সমকক্ষ এই পৃথিবীর বুকে আছে ক'টা ?

এই যে দিনের পর দিন কাটিয়া চলিয়াছে ইহার ভিতর ক'টা ঘণ্টা এমন কাটিয়াছে যাহাতে সে এমন কথা চিন্তা করে নাই, সমাজ যাহাকে অসুচিত ত মনে করিবেই, অপরাধ বলিয়া ধরিতেও পারে। আসিবার মুখে সে মনোজ্ঞার প্রতি জ্বালাময়ী ঈর্ষা আর অভিশাপই মনে বহন করিয়া আসিয়াছিল। মনোজ্ঞাকেই সে তাহার সর্বস্ব-অপহরণ-কারিণী রূপে চিন্তা করিয়া তার ক্ষোভে অভিশাপ দিয়াছে। কিন্তু এখন আর সে ভাব তাহার আছে কি ? তাহার বালিকাজীবনের প্রীতির অর্থাৎ সে যাহাকে পূজা করিয়াছিল, সে মনোজ্ঞা ত এখনও মরে নাই ? ইহাকে অভিশাপ দিবার অভিশাপও তাহার নাই, অধিকারই বা কোথায় ? আজ সেই যে মনে মনে পরস্ব অপহরণের চিন্তা করিয়া নিজের কাছে নিজে অপরাধী আরও এমন কোনো ভাবনা কি তাহার মনে নিজের অজ্ঞানসারেই আসিয়া জোটে নাই, যাহার আবির্ভাবে সে নিজেই লজ্জায় ক্ষোভে আশঙ্কায় ভ্রমমাণ হইয়া গিয়াছে ?

সে পিছন ফিরিয়া জানুয়ার উপরকার ফুলদানী হইতে বাসি ফুলশাভাগুলা টানিয়া ফেলতোছিল। হঠাৎ শুনিল, “হাঁরে রাগ করুন ? আমি কি এখনও রাগের পাত্রী হবার উপযুক্ত আছি ?”

ক্ষণিকা তাহার খাটের কাছে আসিয়া তাহার পাশে বসিয়া বলিল, “রাগ করুন কেন ? আপনার দিন যে কেমন ক'রে কাটছে তা কি আমি বুঝতে পারছি না ? মানুষের ইচ্ছা যতটা হয় সাদ্যে যে তার একশ' ভাগের এক ভাগও কুলোয় না, এই ত দুঃখ। আমার সাদ্যে যদি থাকত, আমি যেমন ক'রে হোক আপনাকে ভাল ক'রে দিয়ে যেতাম।”

মনোজ্ঞা খানিকক্ষণ একদৃষ্টে তাহার দিকে চাহিয়া রহিল। তাহার পর বলিল, “তোমার ভার এখন নিম্নোইলান, সবাই আমাকে কত প্রশংসা না করোছিল। সবাইকার কথা শুনে শুনে আমিও কি এক এক সময় ভাবিনি যে আমার মত পরোপকারী মানুষ আর হয় না ? আমার ভাগ্যবিধাতা তখন কেমন ক'রে হেসেছিলেন বল্ দিখি ?

তখন কে জানত যে আমি তোমার জন্তে যা কিছু করেছি, তুই তার হাজারগুণ ক'রে তার শোধ দিবি ? এর পরের জন্মে আমাকে তোমার ঋণ শোধ করতে না জানি কি করতে হবে। এ জন্মে সময় হবে না আর। বোর্ডিংএ থাকতে জানতাম বটে যে তুই আমাকে ভালবাসিস, কিন্তু এতটা ভালবাসিস তা বুঝতে পারিনি। আমার মা থাকলেও এর চেয়ে বেশী কি করতে পারত ?”

ক্ষণিকা চুপ করিয়া রহিল। ইহার উত্তরে সে বলিবে কি ? যাহা তাহার বলিবার আছে, তাহা ত মনোজ্ঞাকে বলিবার নয়, ঈশ্বর ছাড়া কাহারও কাছে তাহা স্বীকার করা যায় না। সত্য বটে, মনোজ্ঞার ঋণ সে আজ প্রাণপণ সেবা করিয়া শোধ করিতেছে, কিন্তু সে কি কেবল তাহার অর্থের ঋণ ? আর এই যে তাহার গভীরতম বেদনা আর গোপন অশ্রুভর, ইহা কি কেবল ঋণ শোধই করিতেছে, জগতে কোথাও কি নূতন ঋণ সৃষ্টি করিতেছে না ? মানুষ হইয়া জন্মিবার যে মহাসম্মান, তাহার মূল্য নিঃশেষে চুকাইয়া দিয়াও কি তাহার এখনও কিছু পাওনা ঘটে নাই ?

বেণু বাহির হইতে চাঁৎকার করিয়া বলিল, “মাসিমা, আমার দুধ বিচ্ছিরি, আমি কক্ষনো খাব না।”

ক্ষণিকা তাড়াতাড়ি উঠিয়া পড়িয়া বলিল, ‘মনোজ্ঞাদি, আমি আসছি বেণুকে দুধটা খইয়ে। ও যা ছুটু, কদমের কাছে কিছুতেই খাবে না, এখুনি ওর দিদিমার কাছে গিয়ে টেঁচাতে আরম্ভ করবে।’

মনোজ্ঞা বলিল, “খা ভাই, একেই ত তিনি আমার উপর যা খুসি, তার উপর যদি তোকে ধ'রে রাখি আর তাঁকে নাত্নীর জালা পোয়াতে হয়, তা হলে আরও খুসি হবেন। এর পর তোমার সেবা করবে কে রে ? দশটা মানুষের খাটুনি ত একলা খাটাইস্।”

ক্ষণিকা বলিল, “কাউকেই আমার সেবা করতে হবে না। খাটা ত আমার কাছে নূতন জিনিষ নয় যে তার জন্তে এখন থেকে সেবার ব্যবস্থা করতে হবে ?”

মনোজ্ঞা বলিল, “এ জন্মে ধার দিয়ে রাখ, পরের জন্মে এত পাবি যে রাখবার জায়গা থাকবে না।”

ক্ষণিকা বলিল, “আপনার মাথায় আজ কেবল ঐ কথাই ঘুরছে দেখছি। আগের আর পরের জন্মের

ভাবনা মত না ভেবে যে জন্মটা চলছে তার কথাই একটু ভাবু-”

মনোজ্ঞা বলিল, “আচ্ছা, তাহ ভাবু, তুই যা বেণুকে ছুখ খাইয়ে আয়।”

ক্ষণিকা ঘর হইতে বাহির হইয়া গেল। বেণু ততক্ষণ ছুখের বাটি সমেত তাহার দিদিমার দরবারে হাজির হইয়াছে। তিনি ক্ষণিকাকে দেখিয়া অত্যন্ত ঝাঁঝিয়া বলিয়া উঠিলেন, “ছিলে কোন্ রাজ্যে, বুড়ো হাড়ে আমাকেই সব করতে হবে?”

ক্ষণিকা তাঁহার কথার উত্তর না দিয়া বলিল, “এই যে আমি খাইয়ে দিচ্ছি। এস ত বেণু আমার সঙ্গে, চল ছুখ ঠোঁতে গরম করে দিই, তা হলেই আর বিচ্ছিরি থাকবে না।”

গৃহিণী একটু শাস্ত হইয়া বলিলেন, “তুমিও গেলে বাছা খেটে খেটে। বোমা কেমন আছে, খেল কিছু? আমারও যা দশা হয়েছে, একটু যে দেখব কাউকে তারও ক্ষমতা নেই।”

ক্ষণিকা বলিল, “খনও খাননি, এই বেণুকে খাইয়ে যাচ্ছি, তাঁর বেদানার রস ক’রে নিয়ে।”

গৃহিণী বলিলেন, “বেদানাগুলো আর কাঁচের গেলাসটা আমার কাছে এগিয়ে দিয়ে যাও, আমি ব’সে ব’সে ক’রে দিচ্ছি। বোমারও কপাল, মা ত কবে গেছে তার ঠিকানাও নেই, শাপুড়ী হয়েছে এক খোঁড়া, না নড়বার সাধ্য আছে, না কিছু।”

মনোজ্ঞাকে পৃথিবীতে সৌভাগ্যবতীর শিরোমণি ভাবাই ক্ষণিকার অভ্যাস হইয়া গিয়াছিল, গৃহিণীর কথায় হঠাৎ তাহার মনটা যেন চম্কাইয়া গেল। তাই ত, কেবল একপাশ দিয়া দেখিলে ত চিত্রের সবটা দেখা যায় না। আলো-ছায়ার সম্মিলনেই যে চিত্রের সৃষ্টি তাহা ভুলিয়া থাকিলে চলিবে কেন? ক্ষণিকার কাছে যাহা জগতের সর্বাপেক্ষা প্রিয়, মনোজ্ঞা তাহা লাভ করিয়াছে, কিন্তু মনোজ্ঞা যে মনোজ্ঞাই, ক্ষণিকা নয়। ক্ষণিকা যাহা পাইলে নিজের জীবনকে সার্থক মনে করিত, যাহার অভাবে সে জগতের আর কোনো সম্পদের দিকে চাহিয়াও দেখে না, সেই অমূল্য ধন কিছুকালের কাছেই ততখানি মূল্যবান? আর সকল অভাব, সকল ছুখ যখন ভুলাইয়া রাখিবার ক্ষমতা সত্যি

কি অনাদিনাথের প্রেমের আছে, না ক্ষণিকা আপনার অন্তরলোকে যে প্রেমের দেবতাকে সৃষ্টি করিয়াছে সে সাধ্য কেবল তাহারই? মনোজ্ঞা যে সুখী নয় তাহা বুকিতে বিলম্ব হয় না, কিন্তু সে যে স্বামীব ভাবনাসা পরিপূর্ণরূপে লাভ করিয়াছে হহাও সত্য। তবে সত্যই হৃদয় সুখ কেবল মানুষের কল্পলোক ভিন্ন আর কোথাও নাই।

বেণুকে ছুখ খাওয়াইয়া, তাহাকে অনেক বুঝাইয়া-পড়াইয়া কদমের হাতে সমর্পণ করিয়া, সে কমলালেবুর রস আনিতে গৃহিণীর ঘরে ঢুকিল। রস করিয়া রাখিয়া তিনি তখন অন্ত কাছে মন দিয়াছিলেন। ক্ষণিকাকে দেখিয়া বলিলেন, “বোমাকে গোলো সবটা খায় যেন। এই ত জল পথা, তার আবার অর্কেক ফেলে রাখবে, তা সারবে কিসের জোরে? যত মাহেবী কাণ্ড, জর ছাড়ছে কতবার, মাছের ঝোল তাত খেলে এতদিনে গায়ে কত বল পেত।”

ক্ষণিকাকে সারাদিন এমন কঠোর পরিশ্রম করিতে হইত যে নৃপা কথা বলিবার শক্তি বা ইচ্ছা তাহার একেবারেই ছিল না। সে গেলাসটা উঠাইয়া লইয়া চলিয়া গেল।

গৃহিণীর ঘর হইতে মনোজ্ঞার ঘরে যাইতে হইলে অনেকখানি বারাগুা পার হইতে হয়। বাহির হইয়াই ক্ষণিকা দেখিতে পাইল, অনাদিনাথ মনোজ্ঞার ঘরের দরজার সামনে দাঁড়াইয়া আছেন।

সে একটুক্ষণ দাঁড়াইয়া ইতস্ততঃ করিল। ইদানিং পারতপক্ষে আর সে তাহার সন্মুখে পড়িতে চাহিত না। ছুখবহন করিবার শক্তি তাহার শেষ হইয়া আসিতেছিল, ছুখকে আর ঘরে ডুকিয়া আনিবার চেষ্টা তাই সে সম্বন্ধ পরিহার করিয়া চলত। অনাদিনাথ একদৃষ্টে বাহিরের দিকে চাহিয়া ছিলেন, ক্ষণিকাকে তিনি দেখিতে পান নাই, সে ইচ্ছা করিলেই ফিরিয়া বাহতে পারিত। কিন্তু মনোজ্ঞা সকাল হইতে কিছু মুখে দিতে চায় নাই, এখন একবার কিছু না খাওয়াইলেই নয়, অগত্যা সে অগ্রসর হইয়াই চলিল।

বারাগুার মাঝামাঝি আসিতেই তাহার পদধমে অনাদিনাথ তাহার দিকে ফিরিয়া তাকাইলেন। ক্ষণিকার দিকে একটু অগ্রসর হইয়া বলিলেন, “দিন আমাকে। আপনার ত কাজের অন্ত নেই, এমন কাউকে দেখছিও না যে আপনাকে একটুখানি relieve করতে পারে। কিন্তু

আপনার উপর এত চাপ দেওয়া কিছুতেই আমার উচিত হচ্ছে না।”

ক্ষণিকা বলিল, “না, না, আমার এমন বেশী কিছু খাটতে ত হচ্ছে না চাকরবাকররা ত সবই প্রায় করছে। বাবার অসুখের সময় আমাকে এর চেয়েও বেশী খাটতে হয়েছে।”

অনাদিনাথ বলিলেন, “আপনার বাবার জন্ত যতখানি আপনাকে করতে হয়েছে, অগ্র লোক ততটাতে ত দাবি করতে পারে না? বিধিদত্ত অধিকারের সঙ্গে আর কোনো জিনিষের তুলনা হয় না।”

ক্ষণিকা বলিল, “দাবি না করলেও যে মানুষ পায়, এইটুকু সুবিধা ভগবান এখনও রেখেছেন, তাই রক্ষা।”

কথাটা বলিয়াই সে সেখান হইতে চলিয়া গেল। কেবল এই এক সমস্যা লইয়াই কি তাহার জীবন কাটিবে? দিবার অধিকার আছে কি না, লইবার অধিকার আছে কি না? কিন্তু দেনা-পাওনাটা কবে এই সমস্যা-সমাধানের জন্ত অপেক্ষা করিয়া থাকে? মানুষ যাহা পাইবার তাহা না চাহিতেই পায়; যাহা দিবার তাহা অবাচিতভাবে দেয়,—না দিয়া তাহার উপায় নাই শাস্তি নাই বলিয়াই দেয়, তবে সুখ কেন এই মীমাংসার চেষ্টা? এই যে সে তাহার সর্বস্ব দান করিতেছে দিনে, দিনে মুহূর্ত্তে মুহূর্ত্তে, ইহা করিতে কেহ তাহাকে বাধা করিতে পারে না, কিন্তু জগতে কোন্ শক্তি আছে যাহা তাহার এই নিরন্তর দানকে বাধা দিতে পারে? তাহার যে প্রবল আবেগ এই সেবার রূপ ধরিয়া আত্মপ্রকাশ করিতেছে তাহাকে ঠেকাইয়া রাখিতে সে নিজেই বা পারিল কই? আর-একজন মানুষ যে তাহাকে হৃদয়ের শ্রেষ্ঠতম সম্পদ লইয়া নিশিদিন প্রার্থনা করিতেছে, সেই তপস্যার কি ক্ষণিকা উপযুক্ত? কিন্তু ইহা না ভাবিয়াও মানুষ পারে না কেন?

অনাদিনাথ ঘরে ঢুকিতেই মনোজা বলিল, “ও কি! তুমি যে! কণু গেল কোথায়?”

অনাদিনাথ একটু হাসিয়া বলিলেন, “এটা ঠিক আমাকে compliment দেওয়া হল না।”

মনোজা বলিল, “তোমাকে compliment দেবার জন্তে ত আমার ঘুম হচ্ছে না। সারারাত জেগে বসে রইলে, কোথায়

নেয়ে খেয়ে একটু ঘুমবে তা না complimentএর সন্ধান এলে। যাও, গেলাসটা রেখে নিজের কাজ সার গিয়ে।”

অনাদিনাথ তাহার কপালে হাত বুলাইতে বুলাইতে বলিলেন, “এই যে যচ্ছি। কিন্তু তুমি যে-মানুষটির সন্ধান করছ, তাঁকে ত আমার চেয়ে বেশী বই কম খাটতে হয় না, তবু তাঁর খাটনি একটুখানি বাড়িয়ে আমাকে নিষ্কৃতি দিতে চাও কেন? আমারই ত সব করবার কথা, উনি যা করছেন তাতে আমার দিন দিন বেশী ক’রে লজ্জা হচ্ছে।”

মনোজা বলিল, “মেয়েমানুষের স্বভাবই অম্মি। নিজের ভালবাসার জিনিষটিকে যে-কোন উপায়ে সে একটু বাঁচিয়ে চলতে চায়, তাতে পরের যা হবার হোক।”

অনাদিনাথ বলিলেন, “তা ঠিক নয়, পুরুষ জাতটা মুখের কথায় ছাড়া কাজে তোমাদের জন্তে কিছু করতে এলেই তোমাদের মহা অসোয়াস্তি ধরে। তুমি না-হয় আমাকে বাঁচাতে চাও, কিন্তু তোমার বন্ধুটিও যে আমাকে কিছু করতে দেখলেই ঘর থেকে বিদায় ক’রে তবে নিশ্চিন্ত হন। আমাদের কাজ করা তোমাদের চোখে কিছুতেই নয় না।”

মনোজা অনেকক্ষণ চুপ করিয়া রহিল, তাহার পর হঠাৎ অনাদিনাথের কোলের উপর মুখ রাখিয়া বলিল, “তোমার এত বুদ্ধি, তবু তুমি কিছু বোঝ না কেন?”

অনাদিনাথ বলিলেন, “বেশ কথা, কি না বুঝলাম?”

মনোজা বলিল, “যা বোঝোনি তা বুঝবেও না, যাও, দেরি হয়ে যাচ্ছে, স্নান কর গিয়ে।”

অনাদিনাথ বাহির হইয়া যাইতেই মনোজা বালিশে মুখ গুঁজিয়া উপুড় হইয়া পড়িল। রক্ত ক্রন্দনের আবেগে তাহার শরীর তুলিয়া উঠিতে লাগিল।

ঠিক এই সময় ক্ষণিকা আসিয়া নিঃশব্দে ঘরে ঢুকিল। বিস্মিতদৃষ্টিতে খানিকক্ষণ সে মনোজার দিকে চাহিয়া রহিল, তাহার পর ছুটিয়া গিয়া তাহাকে জড়াইয়া ধরিয়া বলিল, “মনোজাদি, অমন করছেন কেন? কি হয়েছে?”

মনোজা সবলে তাহাকে ঠেলিয়া দিল, অক্ষুটস্বরে বলিল, “তুই যা, আমার কাছে আর আসিস না।”

ক্ষণিকা বলিল, “কি হয়েছে শুনি, কি আমি দোষ করলাম যে আর আসব না?”

মনোজা মুখ তুলিয়া চাহিল, তাহার পর ক্ষণিকার হাতটা

চাপিয়া ধরিয়া বলিল, “তুই কেন আমার জন্তে এমন ক’রে মরুছিস বন্ দিখি ? সত্যি কথা বন্।”

ক্ষণিকা তাহার হাত ছাড়িয়া উঠিয়া পড়িল। মিনিট দুই চুপ করিয়া দাঁড়াইয়া থাকিয়া বলিল, “সত্যি কথাই বলছি। আপনার সেবা না ক’রে আমার উপায় নেই, তাই করছি। যা করছি তার বেশী করবার সাধ্য থাকলে করতাম। আমার বৃকের সব রক্ত দিয়েও যদি আপনাকে সুস্থ ক’রে তোলা যেত, তাও করতাম।”

মনোজ্ঞা বলিল, “আমাকে বাঁচিয়ে তোর কি হবে ?”

ক্ষণিকা বলিল, “আপনি বাঁচলে কি হবে জানি না, কিন্তু না বাঁচলে যে কি হবে তা ভাববারও আমার সাহস নেই।”

মনোজ্ঞা বলিল, “তুই যা, আম একটু একলা থাকতে চাই।”

(২২)

বিকালবেলার চায়ের ব্যাপার সারিয়া ক্ষণিকা উপরে আসিতেছিল। কোথা হইতে এক গা দলাকাদা মাথিয়া বেণু আসিয়া তাহার গায়ের উপর ঝাঁপাইয়া পড়িল। ক্ষণিকা একহাতে তাহাকে দূরে সরাইয়া দিবার চেষ্টা করিয়া বলিল, “আঃ বেণু, কি করছ, এখন আমার কাপড় চোপড়ে সব কাদামাখামাখি হয়ে যাবে। কোথায় ছিলে, এত কাদা জুটল কোথা থেকে ?”

বেণু বলিল, “আমি মালী হয়েছিলাম। বেশ করব, কাদা লাগিয়ে দেব, তুমি কেবল মামীমাকে ভালবাসবে কেন ?”

ক্ষণিকা বলিল, “আর তোমায় একটুও ভালবাসি না, না ?”

বেণু বলিল, “না বাসই না ত। তুমিও না, মামাবাবুও না, কেউ না। সবাই কেবল মামীমাকে ভালবাসে, তাকে খেতে দেয়, আর ফুল দেয়। আমি আবার স্বর্গে চলে যাব।”

ক্ষণিকা অবাক হইয়া বলিল, “আবার মানে ? তুমি আর-একবার গিয়েছিলে নাকি ?”

বেণু মাথা দোলাইয়া বলিল, “হ্যাঁ আমি জানি, আমার ওদের বাড়ীর লিলি বলেছে যে আমরা স্বর্গ থেকে এসেছি।”

ক্ষণিকা তাহাকে কোলে করিয়া বলিল, “না, না, তোমাকে সবাই ভালবাসে খুব, তোমায় কোথাও যেতে হবে না। মামীমার কিনা অসুখ, তাই সবাই তার কাছে বেশী যায়, আর ফুল দেয়।”

“তবে আমিও ফুল নিয়ে আসি” বলিয়া ক্ষণিকার কোল হইতে নামিয়া বেণু ছুটিয়া চলিয়া গেল। ক্ষণিকা আসিয়া মনোজ্ঞার ঘরে ঢুকিল।

তাহাকে চুকিতে দেখিয়া মনোজ্ঞা জিজ্ঞাসা করিল, “ছোট পুষিটির সঙ্গে কি এত গল্প হচ্ছিল ?”

ক্ষণিকা বলিল, “তার মান অভিমান চলছিল ; সবাই কেবল আপনাকে খেতে দেয় আর ফুল দেয়, তাকে কেউ দেয় না, তাই মহা রাগ হয়েছে তার।”

মনোজ্ঞা বলিল, “তা এমন গুরুতর অপরাধ, রাগ ত হতেই পারে। শিশু বলে ন্যায়ত: তার যাতে অধিকার, আমি রোগ বাড়িয়ে নকল শিশু সঙ্গে তার সে পাওনা বেদখল করছি। আমার এবং তোদের সকলেরই শাস্তি হওয়া উচিত।”

ক্ষণিকা বলিল, “শাস্তি অবদি সে সবই ঠিক ক’রে রেখেছে।” কথাটা বলিয়াই তাহার মনে হইল এ কথা না বলিলেই ছিল ভাল। শাস্তিটা ঠিক মনোজ্ঞাকে শুনাইবার মত ত নয় ?

মনোজ্ঞা তৎক্ষণাৎ বলিল, “কি শাস্তি শুনি ?”

ক্ষণিকাকে অগত্যা বলিতে হইল, “সে চলে যাবে।”

মনোজ্ঞা বলিল, “চলে যাবে ? কোথায় ?”

ক্ষণিকা বলিল, “কে এক ওর বন্ধু ওকে বলেছে যে সব নাগুব স্বর্গ থেকে আসে, তাই ওর মাথা গুলুছে। সে রেগে আবার স্বর্গেই ফিরে যাবার ব্যবস্থা করছে।”

মনোজ্ঞা বলিল, “মন্দ নয়, দুই উটেটা পশু, একই অবদান। কেউ ভাল না বাসলেও সেই স্বর্গ, আর সবাই বেশী ভাল বাসলেও সেই স্বর্গ। আমাকে যে সবাই এত ভাল বাসছে তাতে স্বর্গের পথে কাঁটা পড়ল কই ?”

ক্ষণিকা জিনিসটাকে হাঝা করিয়া তুলিবার আশায় বলিল, “তাই নাকি ? তা বলেন ত আমরা সবাই মিলে আপনাকে ছ চার ঘা’ দিতে শুরু করি তাতে যদি আপনার সেরে ওঠার সুবিধা হয় ত আমার কিছু আপত্তি নেই।”

মনোজ্ঞা বলিল, “গোড়ায় হলে কাজ হত, এখন আর ওতে কিছু হবে না। তা ছাড়া প্রাণ ছাড়তে রাজি আছি, কিন্তু ভালবাসা ছাড়তে পারব না। প্রাণ না থাকা যে কি তা ত জানিনা ভাই, কিন্তু ভালবাসা না পাওয়া যে কি তার এমন পরিচয় পেয়েছি যে আর আমি ওদিক দিয়ে যাচ্ছি না।”

ফণিকা ভাবিল, সে পরিচয় তাহারই বা পাইতে বাকি আছে কই? কিন্তু জীবনের ময়া কাটাইবার মত সম্মত তাহার একেবারেই জন্মে নাই। বরং এই নব নব বেদনার ভিতর দিয়া তাহার যেন নব নব জীবনই লাভ হইতেছে। তখন তাহাকে নিত্য দহন করিতেছে, কিন্তু শেষ করিতে পারিল কোথায়?

মনোজ্ঞা বলিল, “বেজায় যে গম্বীর হয়ে পড়লি?”

ফণিকা বলিল, “কিছু হাম্বার কথা ত বললেন না, তা হাসি কি করে বসুন?”

মনোজ্ঞা বলিল, “হাসির কথা নয় বটে, কিন্তু কথাটা সত্যি কথা। আজন্ম লোকের কাছে আদরই কেবল পেয়েছি, তাই ভাবতেও পারি না যে আদর পাচ্ছি না, তবু বেঁচে আছি।”

ফণিকা বলিল, “আমাকে ও জন্মাবদি” কেউ যে বিশেষ আদর করেছে বলে মনে পড়ে না। কিন্তু আমি যে পরিমাণে বেঁচে আছি, এমন খুব কম লোকই আছে।”

মনোজ্ঞা বলিল, “তোদের বাচাটাই আসল। আমরা গোড়ার থেকে parasite হয়েই শুরু করেছি, আমাদের তেমনই চলতে হবে। একটা না একটা কাটকে আঁকড়ে না থাকলে আমরা বাঁচতে পারি না। বাপ মা বেশীদিন সে অবসর দেন নি, কিন্তু কপালগুণে অল্প লোক ছুটে গেল। যে ক’টা দিন আছি তাকে আর আর একটা মানুষকে জালিয়েই কেটে যাবে।”

ফণিকা বলিল, “আচ্ছা থাক, ভারি ত জ্বালচ্ছেন, তার আবার কথা। ভারি যে এ জন্ম আর আর-জন্ম করেন, তা এখনই যদি আপনার আর-এক জন্ম হাজির হয়, তখন কে আপনার ভার নেবে শুনি? আমরা ত এখনকার মত বহুকাল এই ভাবেই নিশ্চিত হয়ে থাকব।”

মনোজ্ঞা বলিল, “লোক জুটে যাবে। কিন্তু যাকে-তাকে

আমার পছন্দ হলে বাঁচি। দেখ, এই আমার কর্তাটিকে প্রথম যখন দেখেছিলাম, তখন আমার বড় জোর সতেরো বৎসর বয়স, আঠারোও পোরেনি। তখন ত এর মত হল না, ওর মত হল না, সে মহা কাণ্ড। কিন্তু পছন্দও আমার আর কাটকে হল না, যদিও কটা রঙের গুণে বর জুটেছিল চের। এই আট বছর ওই ভগ্নে হাঁ করে বসে ছিলাম। তারপর তোর কথাই ধর, আমার ঘরকন্না দেখতে যতক্ষণ না তুই এলি, ততক্ষণ তরসা করে বিছানায়ও শুইনি, যাকৃতার হাতে কি সংসার ছাড়া যায়? তোরা দুজন না হলে যে পরের জন্মে কি করব তা ত জানি না।”

ফণিকা বলিল, “আমরা এখন কিছুতেই আপনার অল্প জন্মের ভার নিতে পারব না। আমাদের চাইলে এখন এখানেই থাকতে হবে।”

মনোজ্ঞা বলিল, “থাকাটা কি আমাদের হাতে নাকি? যাই হোক, আবার তোদের ফিরে পাব। আমি যাবার পর এ ভাটা-চোরা আবার নালি-জোড় দিয়ে রাখিস্ কোনো রকম করে। তোর হাতেই দিয়ে যাচ্ছি।”

ফণিকা বলিল, “থাক, তা আর না? আমার ঘুম হচ্ছে না। সেরে উঠে নিজের বোঝা নিজেই বইবেন এখন।”

মনোজ্ঞা হঠাৎ ফণিকার হাত ধরিয়া টানিয়া তাহাকে একেবারে নিজের কোলের কাছে আনিয়া ফেলিয়া বলিল, “আচ্ছা স্বপ্ন সত্যি করে বল, আমাকে ভুলোসনে, নিজেকেও ভুলোসনে, আমি বাঁচব না কি? বেঁচে থাকার সাধ আমার একেবারেই যায় নি।”

ফণিকা কাঁদিয়া তাহার হাত ছাড়াইয়া ছুটিয়া চলিয়া গেল। সত্য কথা তাহার অজানা নাই, কিন্তু সে বলিবে কি করিয়া? সে কি জানে না মনোজ্ঞার বাঁচিবার সাধ কতখানি? আর না হইবেই বা কেন?

বাগিরে আসিতেই সর্দপ্রথম সে চোখে পড়িল অনাদিনাথের। তাহার অশ্রুসিক্ত মুখের দিকে উদ্বিগ্নভাবে তাহাইয়া তিনি দ্রুতপদে নিকটে আসিয়া বলিলেন, “কি হয়েছে?”

ফণিকা তাড়াতাড়ি নিজেকে সামলাইয়া লইয়া বলিল, “কিছু না।”

অনাদিনাথ আর কোনো প্রশ্ন না করিয়া মনোহার ঘরের ভিতর চলিয়া গেলেন।

ক্ষণিকার তখন বিশেষ কোনো কাজ ছিল না। সে ধীরে ধীরে সামনের খোলা বার'ণ্ডায় আসিয়া দাঁড়াইল। সূর্য্য তখন পশ্চিমের কুন্দুম-সাগরে ডু ববার মুখে, লালিমার স্রোত চারিদিকে তরঙ্গ তুলিয়া চলিয়াছে, মধ্যে মধ্যে তাহার উপর উজ্জল আলোকোচ্ছ্বাস। কিন্তু কয়েক মুহূর্তের মধ্যেই এই বিচিত্র বর্ণনাট্যের উপর আঁধার-যবনিকা নামিয়া আসিল, কেবল তাহার বক্ষ ভেদ করিয়া ছোট একটি আলোকরশ্মি রক্তকমলের মত ফুটিয়া রহিল।

ক্ষণিকার মনে হইল এ যেন তাহারই জীবনের একটা প্রতিকৃতি। এই ত সবে সেদিন জগৎ তাহার চক্ষে কি অপক্লম মাবুরীতে আর সুসমাতে ভরিয়া উঠিয়াছিল। কিন্তু এখন স্মৃতি ছাড়া সেদিনের আর কিই বা অবশিষ্ট আছে? আরো যে কালিমা নিবিড়তর হইতে চলিয়াছে, তাহাও ত বুঝিতে সক্ষম হয় না। এই যে তাহার ক'দিন আগেকার পুলক-উদ্বেগ জীবন আর এই বেদনাভারাক্রান্ত বর্তমান দিন, ইহার মধ্যে এমন গভীর বিদারণ-রেখা টানিয়া দিল কে? যাহাকে ভাগ্যবিপাণী এমন নিঙ্গুর অস্ত্ররূপে ব্যবহার করিলেন, ক্ষণিকা ত তাহাকেই প্রথমে তাহার সকল দুঃখের মূল জানিয়াছিল। আজ আবার যখন সেই বিদ্যাতাই ক্ষণিকার জীবনের সেই মূর্তিমতী অভিলাষকে অজানা লে কে ডাক দিলেন, তখন আবার তাহারই জন্ত ক্ষণিকা চোখের জল ফেলে কেন? অনাদিনাথ আর তাহার মাঝের আড়াল যখন পূলিমাং হইতে চলিল, তখন সেই আড়ালকেই আজ কেন সে দুই হাতে ধরিয়া রাখিতে চায়?

তাহার জীবনে অমৃত ও হলাহলের দ্বারা এমনভাবে মিশিয়া গেল কেমন করিয়া? প্রথম জীবনে যাহাকে সে ভালবাসিল, দুদিন পরে তাহার কাছ হইতে তাহাকে দূরে টানিয়া ফেলিল কে? তাহার পর অতীতের সকল ভাল বাসার স্মৃতি যে বিপুল প্লাবনে ভাসিয়া গেল, তাহা কেবল ক্ষণিকার সর্বস্ব কাড়িয়া লইয়াই নিরস্ত হইল। শুধু তাহাই নয়, তাহার জীবনাকাশের ভোরের গুরুতারা, কেন তাহার ভাগ্যগুণনে প্রলয়-ধুমকেতুর রূপে পুনর্বার উদ্ভিত হইল? সংসার তাহাকে সকল দিক হইতে নিরস্তুর আঘাতই

করিয়াছে, যে অমৃত-উৎসে স্নান করিয়া সে নূতন উৎসাহে আবার এই আঘাতের ক্ষেত্রে আসিয়া দাঁড়াইত, সেই উৎসই কেমন করিয়া এমন বিবাক্ত হইয়া উঠিল?

পূর্বে সে য'হা লইয়া সমস্ত ছিল, যাহার অভাবে তাহার জীবন বিস্বাদ হইয়া উঠিয়াছিল, এখন তাহাতে তুষ্টি হইতে সে পারে না। যে স্নেহকণা একদিন তাহার কাছে সব ছিল, এখন তাহা কিছুই নয়। অথকে যেখানে অমৃতের ধারায় স্নান করিতে দেখে, মানুষ কেমন করিয়া সেখানে জলকণায় তৃপ্ত হয়? এককালে সে অনাদিনাথের প্রিয় মা হ'উক, তাঁহার কাছে মজীব মাপন ছিল, এখন ত সে ছায়াও নয়। মনোহার সেবা মূর্তি গ্রহণ করিয়াছে যে মানুষটির মধ্যে, তাহার প্রতি তাহার রক্তপ্রতার অস্ত্র নাই, কিন্তু তাহা ছাড়া ক্ষণিকা বলিতে আর যাগ কিছু বোঝায়, তাহাদের অনাদিনাথের জগতে কোনও অস্তিত্ব নাই।

এমন সময় বৃদ্ধা গৃহিণীর ঘরে তাহার ডাক পড়িল। ক্ষণিকাকে কাছে ডাকিয়া তিনি বলিলেন, “দেখ বাছা, বৌমার কাছে রাধে তুমি যদি আজ থাক ত ভাল হয়, ছেলে আমার না ঘুমিয়ে ঘুমিয়ে কেমন যেন হসে যাচ্ছে; পুরুষ-মানুষ, ওসব ত ওর অভ্যেস নেষ।”

তাহাকেই এমন অথও-অবসরসম্পন্ন মন করতে ক্ষণিকার একটা হাসি পাইল। সেটা গোপন করিয়া সে বলিল, “আচ্ছ, তাই শোব।”

অনাদিনাথ বাস্তবিকই সেদিন অসুস্থ ছিলেন বলিয়া মাত্র এই ব্যবস্থায় বিশেষ আপত্তি করিলেন না। কিন্তু ব্যবস্থাটা যে একান্ত সাময়িক তাগ ভাল করিয়া বুঝাইয়া দিবার জন্ত ডাক্তারের কাছে একজন নর্সের জন্ত তখনই চিঠি লিখিয়া পাঠাইলেন। দিনের বেলা রোগীর সেবা বাড়ীর সকলে না হয় জাগাজাগ করিয়া করিল, কিন্তু রাত্রির বিশ্রাম হইতে বঞ্চিত হইলে, দিনের বেলা তাহার ক্ষতিপূরণ করিবার চেষ্টা না করিলে, এমন মানুষ ম'সারে বড়ই বিরল।

ক্ষণিকাকে ঘরে বিছানা পাতিতে দেখিয়া মনোজ্ঞা অবাক হইয়া বলিল, “তুষ্টি যে বড় আজ এ ঘরে? আবার রাতে গুরুত্বাকারীর বদল হল কেন?”

ক্ষণিকা বলিল, “অনাদি-বাবুর শরীর তেমন ভাল নেই, তাই আমিই আজ থাকব।”

মনোজ্ঞা বলিল, “তোমার শরীর বেশ, কখনও ধারণা হতে জানে না, অন্ততঃ সকলে তাই ধরে নিয়েছে।”

ক্ষণিকা শুইয়া পড়িয়া বলিল, “একটু ঘুমোন না এখন? শেষ রাত্রে ত ঘুম হয়ই না, গোড়ার দিকটাও কেবল কথা ব’লে কাটিয়ে দেবেন? আমি আলো নিভয়ে দিচ্ছি।”

ঘরের আলো নিভিয়া যাইতেই, তারার মূহ আলো খোলা জানলার পথে ভিতরে আসিয়া পড়িল। দেবতার চিত্র-জাগ্রত নগ্নের মত তারার দল যেন এই মর্ত্যবাসিনী দুইটির দিকে চাহিয়া নীরবে বলিতে লাগিল, “কেবল মাটির ভ্রুঃ বহন করিয়াই দিন কাটাইবে? একবার আমাদের দিকে চাও।”

ঘরের ভিতরের নীরবতা অটুট দেখিয়া ক্ষণিকা ভাবিল মনোজ্ঞা হয় ত ঘুমাইয়া পড়িয়াছে। এখন একটু বাহির হইয়া ছাতে কি বারান্দায় ঘুরিয়া আসিলে হয় না? সারা দিনের পরিশ্রম তাহার দেহকে বতই অবসন্ন করুক, তাহার মনের ভিতরের বেদনাব তীক্ষ্ণ অনুভূতি এমন নিত্য জাগরুক থাকিত যে নিদ্রা তাহার ন্যনে প্রায়ই আসিত না। এক-একদিন শরীর যখন জবাব দিতে চাহিত, মন এই বলিয়া বুঝাইয়া তাহাকে খাড়া রাখিত যে কাঁদিবার আর দুমাইবার সময়ের অভাব হইবে না, সম্মুখের সমস্ত জীবনই ত পড়িয়া রহিয়াছে। যে ক’টা দিন আপনাকে দান করিবার সুযোগ রহিয়াছে, বৃথা কেন আর তাহার অমূল্য মুহূর্তগুলি অপব্যয় করা?

কিন্তু তাহার উঠিবার সামান্য শব্দেই মনোজ্ঞা বলিল, “তুই ঘুমুচ্ছিস ভেবে আমি এতক্ষণ জোর ক’রে চুপ ক’রে ছিলাম। ক’দিনই বা আর কথা বলতে পার? ওকে তাই রোজ রাত্রে আসাই। এত কথা বিয়ের আগে courtship-এর সময়ও বলিনি।”

ক্ষণিকা উঠিয়া বসিয়া বলিল, “আমরা দুজনেই পরোপকার করবার খাতিরে চুপ ক’রে রইলাম, কিন্তু উপকারটা কারুরই হল না।”

মনোজ্ঞা বলিল, “আকাশের দিকে চেয়ে কি ভাবছিলাম জানিস? কতকাল আগেকার যে কথা, তখন সবে নিজের সঙ্গে পরিচয় হয়েছে। মনে করলাম আগেকার দিনের মেথের মত আমার স্বামী যদি আগে মরে ত আমি সহমরণে

যাব। তাকে ছেড়ে বাঁচা যে কি ক’রে যায় তা আমার করনার আস্ত না। তখন স্বামী যে কি তা ত জানতামও না। কিন্তু এখন ভাবছি যে কেউ যদি আমার অধিকার দেয় ক্ষমতা দেয় ওঁকে সঙ্গে নিয়ে যেতে, উনি যদি যেতে চানও, তা হলেও কি আমি নিয়ে যাই? যাই না বোধ হয়। জীবন যে কত বড় জিনিষ তা জীবন শেষ হবার সময়ই বুঝলাম। ভালবাসার খাতিরেও এর অবসান কামনা করতেনেই। আমি গেলে ওঁর খুবই লাগবে বুঝতে পারি, কিন্তু সে ভ্রুঃ সময়ে সয়ে যাবে। মানুষের সঙ্গে সম্পর্ক ক’দিনের বা।”

ক্ষণিকা বলিল, “ভাই, বাইরের সঙ্গ অনেক কারণে যুচে যায়, কিন্তু মনের কাছে কি সহকের কখনও শেষ হয়?”

মনোজ্ঞা বলিল, “তুই এখনও তাই ভাবিস? তোমার মনে আছে ছেলেবেলায় একবার জন্মদিনে তোকে Ships That Pass In The Night বলে একখানা বই দিয়েছিলাম? তুই আরম্ভের আগে চার লাইন কবিতা প’ড়ে বললি—‘সমস্ত বইটার মধ্যে এই ক’টা লাইন সব চেয়ে সুন্দর’।”

ক্ষণিকা বলিল, “খুব মনে আছে; গল্পটা ভুলে গেছি, কিন্তু ওই লাইনগুলো আজও পরিষ্কার মনে আছে।”

মনোজ্ঞা বলিল, “আমিও ভুলিনি। এই ত—

“Ships that pass in the night, and speak each other in passing
Only a signal shown and a distant voice in the darkness.
So on the ocean of life, we pass and speak one another,
Only a look and a voice, then darkness again and silence.”

ঘরে আর শব্দ নাই। খানিক পরে মনোজ্ঞা বলিল, “ক্ষণি, কথা বলছি না যে?”

ক্ষণিকা অক্ষুটস্বরে বলিল, “কি বলব?”

মনোজ্ঞা বলিল, “কাঁদুচ্ছিস কেন? মনে রাখিস কাল-সাগর যতই বড় হোক, অনন্তকাল আমাদের প’ড়ে রয়েছে। যুতে যুতে আবার দেখা হবেই। কিন্তু তোমার ভ্রুঃ কেন

এত ? আমাকে জানার ফলে সুখ তুই আর কিই বা পেয়েছিস, কিন্তু আমার হাত দিয়ে বিধাতা তোকে যা আঘাত দেওয়ালেন, তা আমি অন্ততঃ বুঝেছি। বরং এই কামনা করু যে এর পর যে আঁধার তোর আর আমার মাঝে নেমে আসবে তা আর যেন না শেষ হয়।”

ক্ষণিকা বিছানা ছাড়িয়া উঠিয়া পড়িল। মনোজ্ঞার কাছে আসিয়া তাহার হাত দুখানা নিজের হাতের ভিতর লইয়া বলিল, “আপনি কি বুঝেছেন তা আমি জানতে চাই না ; কিন্তু এইটুকু কেবল জেনে রাখুন, যাদের ভিতর দিয়ে ভগবান্ আমাকে সব চেয়ে বাপা দিয়েছেন, তারাই আমার সব চেয়ে প্রিয়। আমি এই বিশ্বাস নিয়েই মরুব যে তাদের জন্তে আমি অত দুঃখ সয়েছি ব’লেই তাদের আমি আবার ফিরে পাব। সুখের দেনা-পাওনা অল্প দিনেই চুকে যায়, কিন্তু দুঃখের ঋণ অত সহজে শেষ হবে না।”

মনোজ্ঞা বলিল, “তুই আমায় বাঁচালি ভাই। যাকে আমি এ জীবনে সকলের চেয়ে ভালবেসেছি, তারও তা হলে আবার আমার কাছে ফিরে আসতে হবে। একদিন দুদিন নয়, আট বছর তার জন্ত আমার বুকে আগুন নিয়ে বেড়াতে হয়েছে। বাইরের সঙ্গে আমার সে তপস্যা কোনো দিন ধরা দেয়নি, কিন্তু মনের ভিতর তাকালে দেখতিস, সেখানে কি চেহারা ছিল।”

শেষের দিনটা বড় হঠাৎ আসিয়া দেখা দিল। মনোজ্ঞা যে তাহাদের ছাড়িয়া যাইবে এ কথা সবাই বুঝিত, কিন্তু কেহই তাহা নিজের কাছেও স্বীকার করিতে চাহিত না। কিন্তু চোখ বুজিয়া থাকিলেই যে অন্ধকারকে ঠেকাইয়া রাখা যায় না, তাহা মানুষ মাত্রকেই বুঝিতে বাধ্য হইতে হয়।

সকাল বেলা হইতেই সকলে সেদিন পরস্পরকে এড়াইয়া ফিরিতেছিল। কেহ কাহারও সহিত কথা বলে না, কেহ কাহারও মুখের দিকে তাকায় না। নিজের মনের আশঙ্কার ছায়া পাছে অণুর গোঁথেও প্রতিফলিত দেখে এই ভয়ে তাহারা গোধ ফিরাইয়া লয়।

দিন দুই তিন হইতে গোটা দুই নসের আবির্ভাব হওয়াতে রোগীর সেবার ভার বাড়ীর লোকের হাত হইতে সরিয়া গিয়াছে। অনাদিনাথ তবু সারাক্ষণই সেই ঘরের ভিতর, না হয় সামনের বারান্দাতে কাটাইয়া দেন। সকাল

হইতে বারান্দায় ঘুরিয়াই বেড়াইতেছেন, আহাঙ্গির কথা কেহ তোলে নাই।

ক্ষণিকা চুপ করিয়া নিজের ঘরে বসিয়া ছিল। মনোজ্ঞার মৃত্যুকালিমাচ্ছন্ন মুখ দেখতে আর তাহার ইচ্ছা ছিল না। তাহার অনিন্দ্যসুন্দর মুখই ক্ষণিকার স্বপ্নে চিরদিনকার মত আশ্রয় গ্রহণ করিয়াছে : মরণের বিভীষিকা তাহার উপর ছায়াপাত করে, ইহা সে চায় না। বেণুকে তাড়াতাড়ি তাহার এক পিঙ্গির বাড়ী পাঠাইয়া দেওয়া হইয়াছে।

কদম আসিয়া বলিল, “মা আপনাকে ডাকছেন।”

ক্ষণিকা উঠিয়া গেল। গৃহিণী সকাল হইতেই ঘরের মেঝের পড়িয়া মধ্য কান্নাকাটি জুড়িয়া দিয়াছিলেন। ক্ষণিকাকে দেখিয়া বলিলেন, “আমার একবার দ’রে ও ঘরে নিয়ে চল, শেষ দেখা দেখে আস।”

ক্ষণিকা নীরবে তাঁহাকে লইয়া চলিল। ঘরের দরজার সামনে আসিতেই তিনি চাঁৎকার করিয়া কাদিয়া উঠিলেন, “ওগো মাগো বুড়ীকে ফেলে কোথায় যাচ্ছিস্।”

অনাদিনাথ ঘর হইতে বাহির হইয়া আসিয়া তাঁহাকে দুই হাতে জড়াইয়া ধরলেন। বলিলেন, “মা চল, আমরা এখন থেকে যাই। আর ত দেখবার কিছু নেই।”

ক্ষণিকা দরজার চৌকাঠের উপর বসিয়া পড়িল। ঘরের ভিতর অনেক লোক, কাহাকেও যেন সে চিনিতে পারিল না। দর খাটের উপর ঐ কি মনোজ্ঞা ? এতদিনকার এত সুখ দুঃখ, আশা নিরাশা, এর শক্তি ইহাকে আশ্রয় করিয়াই কি ছিল ? আজ তাহাদের ভগ্ন পিঞ্জর ফেলিয়া তাহার কোথায় উধাও হইয়া গেল ? যাহাকে ভালবাসা নিরন্তর পরিয়া রাখিত, আজ সে কেবল ভয়ই উদ্বেক করিতেছে।

কক্ষণ যে সে এইভাবে বসিয়া ছিল, তাহার ঠিকানা নাই। একজন নস আসিয়া তাহাকে উঠাইয়া লইয়া গেল।

নিজের ঘরে অনেকক্ষণ অভিভূতের মত বসিয়া থাকিয়া হঠাৎ সে বারান্দায় আসিয়া দাঁড়াইল। কে যেন শব্দহীন ভাষায় তাহাকে জানাইয়া দিল যে তাহার এতদিনের সঙ্গিনী আজ চিরদিনের মত বিদায় লইতেছে।

বাহিরে তখন লোকে লোকারণ্য। আপাদমস্তক পুষ্পাভরণভূষিতা মনোজ্ঞার মুখ হইতে মরণ জীবনের সব

বিক্ষোভ-যন্ত্রণার চিহ্ন মুছিয়া লইয়াছে। নববধূর মত তাহার মুখ প্রীতিপ্রফুল্ল।

শববাহীদল ফটক পার হইয়া গেল। হঠাৎ কে যেন বুকফাটা চীৎকার করিয়া উঠিল, “দি’দি, দি’দিমাণি আমার!”

ক্ষণিকা চাহিয়া দেখিল, মনোজার একটি ভাই সিঁড়ির সামনে দাঁড়াইয়া। আর-একজনের সন্ধানে তাহার চক্ষু চারিদিকে ঘুরিয়া আসিল, তাহাকে পাইল না।

ঘরের ভিতর ঢুকিয়া সে মাটিতে লুটাইয়া পড়িল। এতদিন পরে তাহার কাঁদিবার অবসর মিলিয়াছে। শুধু এই মৃত্যুশোকের জঘ্ন নয়, নিজের জীবনের যত দুঃখ, যত ব্যথা, যত নিরাশার বেদনা, যত রিক্ততা, সকলে যেন আজ ভীড় করিয়া তাহার কাছে আসিয়া দাঁড়াইল। আজ আর অণু কাজ নাই, আজ এই অশ্রুর ধারণা শোধ করিতেই দিন যাক।

(আগামীবারে সমাপ্য)

শ্রীসীতা দেবী।

বুদ্ধির মাপকাঠি

(পূর্বসংস্কৃত)

১১ ও ১২ বৎসরের প্রশ্ন—

(১) ৪০টি অপেক্ষাকৃত দুর্বোধ্য শব্দের অর্থ জিজ্ঞাসা করিতে হইবে।

(২) দয়া কাহাকে বলে? প্রতিহিংসা কি? বদান্যতা কাহাকে বলে? ঈর্ষ্যা কি? গ্রামপরতা কিরূপ?

(৩) ৮ বৎসর বয়সের ১নং প্রশ্ন দেখ।

(৪) নীচের বাক্যগুলি ঠিক ভাবে বল :—

(ক) হাতে দেয়ী বাড়ীর আমাদের হ’ল বাড়ির।

(খ) আমার সংশোধন বলিলাম বাবাকে

চিঠিখানার করিতে।

(গ) শিশু আপনার প্রাণপণে কাজ বুদ্ধিমান করে।

(৫) ‘পুঁতু শৃগাল ও বাঘন’; ‘কৃষক ও সারস’; ‘লাজুলহীন শৃগাল’; ইত্যাদি প্রকারের গল্প বালককে শুনাইতে হইবে। প্রত্যেক গল্প হইতে কি উপদেশ পাওয়া গেল তাহাকে জিজ্ঞাসা করিতে হইবে।

(৬) শুন—(ক) ৩—১—৮—৭—৯; এইবার উল্টা দিকে বল।

শুন—(খ) ৬—৯—৪—৮—২; এইবার উল্টা দিকে বল।

শুন—(গ) ৫—২—৯—৬—১; উল্টা দিকে বল।

(৭) চারিখানি ছবি একে একে দেখাইয়া জিজ্ঞাসা করিতে হইবে—ছবিগুলিতে কি দেখান হইতেছে? ছবির উদাহরণ—গগনেন্দ্রনাথের—পুলিসমান ও আম-চোর, ‘হুত্মস্ত ও শকুন্তলা’।

(৮) (ক) সর্প, গাভী, শালিক।

(খ) পুস্তক, শিকক, সংবাদপত্র।

(গ) পশম, তুলা, চামড়া।

(ঘ) ছুরী, পয়সা, তার।

(চ) গোলাপ, আলু, গাছ।

তিন তিনটির মধ্যে কি বিষয়ে ঐক্য বা সাদৃশ্য আছে— জিজ্ঞাসা করিতে হয়।

মন্তব্য :—

(১) এই প্রশ্নে ভাষা-পরিচয়ের পরীক্ষা লওয়া হইতেছে। জিজ্ঞাস্য হইতে পারে কোন্ ৪০টি কথার অর্থ বালকের অবশ্যজ্ঞেয়। এবং এই ৪০টি কথার অর্থ জানিলেই বালকের ভাষার সহিত উত্তমরূপে পরিচয় হইয়াছে কিরূপে জানা যাইবে? মনে করুন জ্ঞানেন্দ্র-বাবুর বাঙ্গালা ভাষার ‘অভিধানে’ সর্বমুদ্র ৮০০০০ কথার আছে। তাহাদের মধ্য হইতে সুবিবেচনার সহিত ১০০ কথার নির্বাচিত করা হইয়াছে। এই কথাস্থলি অভিধানের ভিন্ন ভিন্ন অংশ হইতে গৃহীত হইয়াছে। এখন . ঘুরিয়া লওয়া

বাউক, যে বালক এই ১০০টি কথা জানে তাহার এই ৮০০০০ কথার সহিত পরিচয় আছে। তাহা হইলেই দেখিবেন যে বালক ৪০টি প্রচলিত অথচ হ্রস্বোধ্য কথার অর্থ জানে তাহাব ৩২০০ কথা জানা আছে। এই প্রশ্নটি তত সন্তোষজনক মনে হয় না।

(২) এখানে গুণ বা অবস্থাবাচক শব্দ সম্বন্ধে ষপার্থ জ্ঞান জন্মিয়াছে কি না তাহা দেখাই উদ্দেশ্য। বালকের নিকট নিম্নলিখিত রকমের উত্তর আশা করা হইয়া থাকে। ষপা—দয়া = কাহারও দুঃখ দূর করিবার ইচ্ছা। প্রতিহিংসা = অপকারীর অপকার করা। ইত্যাদি। বালকের সাধারণতঃ বলিবে দয়া মানে কৃপা বা অনুগ্রহ। তখন পুনশ্চ জিজ্ঞাসা করিতে হইবে—‘কৃপা’ কাহাকে বলে? উদাহরণ দিয়া বুঝাইয়া দাও। অত্যাচার শব্দের সম্বন্ধেও এইরূপ করিতে হইবে।

(৪) এই প্রশ্নে কতকগুলি এলোমেলো ভাবে সাজানো শব্দকে একত্র করিয়া অর্থযুক্ত বাক্যের গঠন করিতে হইবে। মনোবিজ্ঞানের Completion test এইরূপেই করিতে হয়। এই ধরনের পরীক্ষা প্রথমে এবিংহাউস (Ebbinghouse) করিয়াছিলেন। বিনেও বলেন যে তিনি এই প্রশ্নটির জন্ত এবিংহাউসের নিকট গাণী। ভিন্ন ভিন্ন পরীক্ষক দেখিয়াছেন যে ১২ বৎসর বয়সে শতকরা ৬৫ জনের অধিক বালক এই প্রশ্নটির সন্তোষজনক উত্তর দিতে পারে না।

(৫) অনেক সময় বালকেরা তাহাদের ‘কথামালায়’ এই গল্পগুলি পড়িয়া থাকে। পুস্তকে লিখিত ‘উপদেশ-গুলি’ও গলাধঃকরণ করিয়া থাকে। সুতরাং তাহারা ‘নীতিটি’ হৃদয়ঙ্গম না করিয়াও গল্পের উদ্দেশ্য বলিয়া দিতে পারে। এইজন্য পরীক্ষকের উচিত যেন বালকের পঠিত কোন গল্প হইতে তাহাকে নীতি সংগ্রহ করিতে না বলেন।

(৬) এই প্রশ্নে স্মরণশক্তির পরীক্ষা হইতেছে।

(৭) ছবিগুলি এমন হওয়া চাই—যাহা বালকের পরিচিত ঘটনা চিত্রিত করিবে। অবশ্য একরূপ আশা করা যায় না যে দ্বাদশ বর্ষীয় বালক একজন কদাচিদের মত চিত্রের ব্যাখ্যা করিবে।

(৮) এখানে পার্থক্যসম্বন্ধে সাদৃশ্য নির্দেশ করিতে

বলা হইতেছে। ‘পুস্তক, শিক্ষক ও সংবাদপত্র’ এই তিনের এক বিষয়ে মাত্র সাদৃশ্য আছে, ষপা—প্রত্যেকটিই শিক্ষালাভের উপায়। বালক হয় ত বলবে তিনই আমাদের উপকারে আসে। তখন জিজ্ঞাসা করিতে হইবে—কি রকমের উপকার? অত্যাচারগুলির সম্বন্ধেও এইরূপ।

১৩।১৪ বৎসর বয়সের প্রশ্ন (এক-একটি প্রশ্ন ৪ মাস বয়সের পরিমাপক)।

(১) পঞ্চাশটি ‘কথার’ অর্থ জিজ্ঞাসা করিতে হইবে।

(২) ছয়খানি পাতলা কাগজ (৮½" x ১১") লইয়া নিম্নলিখিত পরীক্ষা করিতে হয়। একখানি কাগজ লইয়া একবার ভাঁজ করুন। বালকের মনোযোগ আকর্ষণ করিয়া ভাঁজের উপর হইতে একটু কাগজ কাটিয়া লউন। তাহা হইলে ভাঁজের উপর একটি ছিদ্র হইবে। এখন ঠাঁজ খুলিয়া বালককে দেখাইলে বালক দেখিতে পাইবে যে একটি ছিদ্র হইয়াছে। এইবার দ্বিতীয় কাগজখানি লউন, বালকের সম্মুখে কাগজটিকে দুই ভাঁজ করুন। আগেকার মত ভাঁজের লাইনের উপর হইতে কাগজ কাটিয়া লউন। ভাঁজ খুলিয়া বালককে দেখাইলে কয়টি ছিদ্র হইয়াছে সে বলিতে পারিবে। তৃতীয় কাগজটি তিনবার ভাঁজ করিয়া পূর্কোক্তরূপে ছিদ্র করিয়া বালককে ছিদ্রগুলি দেখিতে দেন। চতুর্থ কাগজখানিকে চারিবার ভাঁজ করিয়া আগেকার মত ছিদ্র করিয়া বালককে দেখাইতে হইবে। পঞ্চম কাগজখানিকে পাঁচ বার ভাঁজ করিয়া পূর্কোক্তরূপে ছিদ্র করিতে হইবে। এবার জিজ্ঞাসা করিবেন—‘বল দেখি কয়টি ছিদ্র হইবে?’ ষষ্ঠ কাগজখানিকে ছয় বার উপরি উপরি ভাঁজ করিয়া ছিদ্র করিয়া জিজ্ঞাসা করুন—‘এবারে কয়টি ছিদ্র হইবে?’ দেখিতে হইবে বালক কোন নিয়মের আবিষ্কার করিতে পারিয়াছে কি না। পাঠাগণিত বা বীজগণিত একটি শ্রেণীপর্যায়ের কতকগুলি রাশি (term) দেখিয়া কোন বিশিষ্টরাশি (term) বাহির করিতে বলার অধুরূপ প্রক্রিয়া করিতে বালক আদিষ্ট হইতেছে।

(৩) ইংলণ্ডের রাজা আর যুক্তরাজ্যের সভাপতির মধ্যে কোন্ কোন্ বিষয়ে পার্থক্য আছে বল। বা রাজতন্ত্র ও প্রজাতন্ত্র শাসনরীতি কাহাকে বলে বুঝাইয়া দাও।

(৪) (ক) এক ভদ্রলোক সহরের এক বাগানে বেড়াইতেছিলেন। একটি গাছের কাছে আসিয়া তিনি থমকিয়া দাঁড়াইলেন। তৎক্ষণাৎ দৌড়িয়া গিয়া নিকটের থানায় সংবাদ দিলেন—বল দেখি কি সংবাদ দিলেন?

(খ) একজন সাঁওতাল সবে মাত্র সহরে আসিয়াছিল। কিছুকাল রাত্তার পারে দাঁড়াইয়া থাকিবার পর বলিয়া উঠিল—‘সহরে এমন লোকও আছে যারা বসে বসে ছুটতে পারে।’ বল দেখি সাঁওতাল কি দেখেছিল?

(৫) (মুখে মুখে উত্তর দিতে হইবে)

(ক) একজন লোক সপ্তাহে ১০ টাকা রোজগার করে। কিন্তু সে ১৪ টাকা খরচ করে। বল দেখি কতদিনে সে ১০০ টাকা সঞ্চয় করতে পারবে?

(খ) ডুট পেন্সিলের দাম ৫ পয়সা হইলে কয়টা পেন্সিলের দাম ৫০ পয়সা হবে?

(গ) ১৫ পয়সায় ১ গজ কাপড় পাওয়া যায়। বল দেখি ৭ ফুট কাপড়ের দাম কত?

(৬) মনে কর ঘড়িতে ৬টা বেজে ২৪ মিনিট হয়েছে। মনে মনে ভাব কোন্ কাঁটা কোথায় আছে। তার পরে মনে কর ছোট কাঁটাটি বড় কাঁটার জায়গায় গেছে আর বড় কাঁটাটি ছোট কাঁটার জায়গায় এসেছে। তা হলে তখন ঘড়িতে কটা বেজেছে বল দেখি?

এইরূপ আরও দুইটি প্রশ্ন করিতে হইবে।

অথবা :—

শুন, তারপর উল্টা দিক হইতে বলিয়া যাও—

(ক) ২—১—৮—৩—৪—৬—৯।

(খ) ৯—৭—২—৮—৪—৭—৫।

মন্তব্য :—

(১) এই প্রশ্নে পূর্বেকার মত ভাষা-জ্ঞানের পরিচয় লওয়া হইতেছে।

(২) এই প্রশ্নের উদ্দেশ্য পূর্বেই লিখিত হইয়াছে।

(৩) ইউরোপ ও আমেরিকার বালকবালিকাগণের

পক্ষে রাজতন্ত্র ও প্রজাতন্ত্রের মধ্যে পার্থক্য বলা সহজ। ভারতীয় বালকগণের জন্য অল্প প্রশ্ন নির্দিষ্ট হওয়া উচিত। যেমন জন আর ম্যাড্রিষ্ট্রেট এ দু'জনের মধ্যে কি তফাৎ।

(৪) এখানে পরস্পর-সম্বন্ধ কতকগুলি ঘটনার মধ্যে কয়েকটির মাত্র উল্লেখ করিয়া অবশিষ্ট ঘটনাটি বালক বুঝিতে পারে কি না তাহাই দেখা যাইবে। ইহাও এক প্রকারের Completion test.

(৫) মানস-ক্ষমতায় প্রত্যেকটির উত্তর এক এক মিনিটে দেওয়া চাই। মানস-ক্ষমতার দ্বারা বুদ্ধিমত্তার পরীক্ষা সব দেশেই প্রচলিত আছে।

(৬) এখানে চক্ষুশ্রুতির পরীক্ষা করাই উদ্দেশ্য। যখন শ্রুত সংখ্যাগুলির পুনরাবৃত্তি করিতে বলা হয় তখন ‘শ্রুতিশ্রুতি’ পরীক্ষা করা হয়।

১৯১৬ বৎসর বৎসরের প্রশ্ন :—(প্রতি প্রশ্ন ৫ মাস বয়সের মাপক)

(১) ৬৫টি কথার মানে জিজ্ঞাসা করিতে হয়।

(২) ‘কথা:মালা’ বা ‘আখ্যানমঞ্জরী’ অথবা এতদনুরূপ পুস্তক হইতে গৃহীত উপাখ্যানের তাৎপর্য জিজ্ঞাসা করিতে হয়।

(৩) নিম্নলিখিত শব্দগুলির মধ্যে অর্গের প্রভেদ বল—

(ক) অলস, নিষ্কর্মা; (খ) শিল্প ও ক্রমবিকাশ;

(গ) হৃৎক ও দারিদ্র্য; (ঘ) চরিত্র ও খ্যাতি।

(৪) (ক) একটি বড় বাক্যের মধ্যে; দুটি ছোট ছোট বাক্য আছে। আবার এই ছোট বাক্যের প্রত্যেকটির মধ্যে এক-একটা খুব ছোট বাক্য আছে। বল দেখি সব-স্বত্ব ক'টি বাক্য আছে?

(খ) একটি বড় বাক্যের মধ্যে দুটি মাঝারি বাক্য আছে। এই মাঝারি বাক্যের প্রত্যেকটির ভিতর দুটি ক'রে বাক্য আছে। সব স্বত্ব ক'টি বাক্য আছে?

(গ) একটি বড় বাক্যের মধ্যে তিনটি মাঝারি বাক্য আছে। আবার এই মাঝারি বাক্যের প্রত্যেকটির মধ্যে তিনটি ক'রে ছোট বাক্য আছে। সব স্বত্ব ক'টি বাক্য আছে?

(৪) একটি বড় বাক্যের মধ্যে চারটি মাঝারি বাক্য আছে। মাঝারি বাক্যগুলির প্রত্যেকটির ভিতর

চারটি করে' ছোট বাক্য আছে। সবস্বত্ব ক'টি বাক্য আছে ?

(৫) (ক) শুন—৪—৭—১—২—৫—২ ; উর্টা দিক হ'তে বলে যাও।

(খ) শুন— ৫—৮—৩—২—৯—৪ ; উর্টা দিকে বলে যাও।

(গ) শুন— ৭—৫—২—৬—৩—৮ ; উর্টা দিকে বল।

(৬) (ক) প.....ফ
চ.....ছ

উপরের চিত্রটি দেখাইয়া বলিতে হইবে :—মনে কর 'প—ফ' রেখাটি একটি কামান, 'চ—ছ' রেখাটি একটি সোজা সমতল রাস্তা। কামান হ'তে গোলা ছাড়া গেল। গোলাটি কি রকম ভাবে এসে জমিতে পড়বে, একটি পেন্সিল দ্বিগ্নে এঁকে দেখাও।

(খ) সব ভাবী জিনিষ জলের ভিতর হাক্বা বোধ হয় তা ত জান ? মনে কর একটি দাঁড়িপাল্লার একদিকে এক বালুটি জল রাখা গেল ; তার ওজন হল ১৫ সের। ২ সের ওজনের একটি মাছ জলের মধ্যে রাখা গেল। এখন ওজন কত হ'বে ?

(গ) মনে কর একটি বন্দুকের গুলি ১০০ গজ যেতে পারে। যদি এই বন্দুক নিয়ে ৫০ গজ দূরে লক্ষ্য করা যায়, তবে লক্ষ্য-বেধ করা সহজ হবে কি শক্ত হ'বে ?

মন্তব্য :—

(১) এই প্রশ্নে পূর্ববৎ ভাষা-পরিচয়ের পরীক্ষা হইতেছে।

(২) পঠিত বিষয়ের তাৎপর্য গ্রহণের শক্তির পরীক্ষা লওয়াই এই প্রশ্নের উদ্দেশ্য। এই পরীক্ষা দ্বারা মনোযোগ ও মানসিক বিশ্লেষণী ও সংশ্লেষণী ক্ষমতার পরিচয় পাওয়া যাইবে।

(৩) এই প্রশ্নের উত্তরে পার্থক্যগুলি উদাহরণ দ্বারা বুঝাইতে পারা চাই।


(৪) এখানে মনশক্ত দ্বারা বস্তুর স্বরূপ দর্শন করিবার শক্তির (Power of imagery) পরীক্ষা লওয়া হইতেছে।

(৫) এই প্রশ্নে স্মৃতিশক্তির (Memory Span) পরীক্ষা লওয়া হইতেছে।

(৬) (ক) এই প্রশ্নের উত্তরে গোলার পথটি যে ক্রমশঃ জঁয়ৎ বক্র হইবে—তাহা দেখান চাই। অনেকে মনে করিতে পারেন যে, যে ব্যক্তি গতি-বিজ্ঞান পড়ে নাই তাহার পক্ষে ইহার উত্তর দেওয়া শক্ত। বাস্তবিক তাহা নয়। সকলেই বাল্যকাল হইতে চিল ছুড়িয়াছে।

(খ) অনেকেই বলিয়া থাকে যে ওজন হইবে ১৭ সের অপেক্ষা কম। যাহারা উত্তরে বলে যে ১৬ সেরই হইবে তাহাদিগকে একটু জেরা করিয়া দেখিতে হইবে।

(গ) যদি উত্তর পাওয়া যায় যে ৫০ গজ দূরে লক্ষ্যবেধ সহজ হইবে, তৎসংগত এইরূপ অনুমানের কারণ জিজ্ঞাসা করিতে হইবে। কারণ এইরূপ দর্শাইতে হইবে :— ৫০ গজ দূরে লক্ষ্য-বেধ করিতে যে পরিমাণ ভুল হইবার সম্ভাবনা ১০০ গজ দূরে তদপেক্ষা ভুল বেশী হইতে পারে।



উপরের প্রশ্নগুলির দ্বারা 'সাধারণ জ্ঞানের'ই পরীক্ষা লওয়া যাইতেছে।

১৬ বৎসরের অধিক বয়সের প্রশ্ন (প্রতি প্রশ্ন পাঁচ মাস বয়সের পরিমাপক) :—

(১) পঁচ'ত্বটি নিরীক্ষিত শব্দের অর্থ জিজ্ঞাসা করিতে হয়।

(২) (একখানি কাগজের টুকরা লইয়া বলিতে হইবে) এই দেখ আমি কাগজটি একবার ভাঁজিলাম। এই বার ফের ভাঁজিলাম। (এখন যে দিকে মাত্র একটি ভাঁজ দেখা যাইতেছে—সেদিক হইতে কাঁচি দ্বারা একটি টুকরা কাটিয়া লইয়া) তুমি একখানি কাগজে আঁকিয়া দেখাও কি রকম ভাবে ভাঁজ করা হইয়াছে। কাটিবার পর যদি কোথাও কোন ছিদ্র হইয়া থাকে তাহাও আঁকিয়া দেখাও।

(৩) শুনিয়া উর্টা দিকে বলিয়া যাও—

(ক) ৭—২—৫—৩—৪—৮—৯—৬

(খ) ৪—৯—৮—৫—৩—৭—৬—২

(গ) ৮—৩—৭—৯—৫—৪—৮—২

(৪) নিম্নলিখিত অংশগুলি শুনাইয়া, সারসংগ্রহ করাইতে হইবে—

(ক) আমরা সম্প্রতি যে-সকল পরীক্ষা লইতেছি, তাহাদের দ্বারা বিজ্ঞানের উন্নতি সাধিত হইবে, এবং পরীক্ষিত ব্যক্তিও বিশেষ উপকৃত হইবে। এক ব্যক্তির সহিত অপর ব্যক্তির পার্থক্য কিরূপ, এবং এই পার্থক্যের কারণ কি তাহা জানিতে পারা বিজ্ঞানের পক্ষে বিশেষ আবশ্যিক। বংশানুগত দোষগুণ ও পারিপার্শ্বিক অবস্থা ব্যক্তিবিশেষের উপর কিরূপ প্রভাব বিস্তার করে, তদ্বিষয়ে সম্যক জ্ঞান থাকিলে মানবের উন্নতির পথ সুগম হইবার সম্ভাবনা আছে।

(খ) জীবন সুখময় না দুঃখময়, এই বিষয়ে মতভেদ আছে। কেহ বলেন—জীবন সুখময়, আবার কেহ মনে করেন—ইহা দুঃখময়। কিন্তু বোধ হয়, জীবনকে সুখ-দুঃখময় বলিলেই যথার্থ কথা বলা হয়; কারণ, আমরা যত সুখ চাই, তত সুখ পাই না; আবার যে পরিমাণে দুঃখ পাইলে আমাদের শত্রুর মনে সুখ হইবে সে পরিমাণ দুঃখও পাই না। বাস্তবিক সুখ-দুঃখ-সম্বন্ধিত বলিয়াই জীবন সহনীয় হয়।

(৫) শুনিয়া উল্টা দিক হইতে বলিতে হইবে—

(ক) ৪-১-৬-২-৫-৯-৩। (খ) ৩-৮-২-৬-৪-৭-৫।

(গ) ৯-৪-৫-২-৮-৩-৭।

(৬) মুখে মুখে উত্তর দিতে হইবে;—

(ক) একটি ছপের ঘড়া হাতে ৭ সের দুধ নিতে হবে। তোমার কাছে ৬টি ঘড়া আছে,—একটিতে তিন সের দুধ ধরে, অপরটিতে পাঁচ সের দুধ ধরে! এই দুটি ঘড়ীর সাহায্যে ৭ সের দুধ মাপিতে হইবে। অত্র কোন ঘড়া-বাটি পাইবে না। প্রথমে পাঁচ-সেরী ঘড়ীতে দুধ ঢালিতে হইবে।

(খ) মনে কর, তোমাকে একটি পাঁচ-সেরী আর একটি সাত-সেরী ঘড়া দেওয়া গেছে। এই দুটি ঘড়ীর সাহায্যে আট সের দুধ মাপিতে হইলে কি কর? প্রথমে দুধ পাঁচ-সেরী ঘড়ীতে ঢালিতে হইবে।

(গ) মনে কর, একটি চার-সেরী ঘড়া আর একটি নয়-সেরী ঘড়ীর সাহায্যে ৭ সের দুধ মাপিতে

হইবে। বড় ঘড়ীতে প্রথমে না ঢালিয়া, কি উপায়ে ৭ সের দুধ মাপিতে পার?

মন্তব্য:—

(১) এই প্রশ্নে ভাষা-পরিচয়ের পরীক্ষা লওয়া হইতেছে।

(২) 'কাগজ-কাটা' পরীক্ষার উদ্দেশ্যে মনশ্চক্ষে দর্শন করিবার ক্ষমতার (Power of Visual Imagination) পরীক্ষা করা। এই প্রশ্নের যথার্থ উত্তর দিতে চেষ্টা করিয়া পাঠক আপনার এই শক্তির পরীক্ষা লইতে পারেন।

(৩) কতকগুলি সংখ্যা এক সেকেণ্ডে অঙ্কর শুনিয়া বা দেখিয়া বিপরীত দিক হইতে আবৃত্তি করিতে হইলে বিশিষ্ট স্মরণশক্তির (Visual or Auditory Memory) আবশ্যিক।

(৪) একবার মাত্র পাঠ করিয়া, পাঠিত বিষয়ের সারাংশ গ্রহণ করিতে পারা বুদ্ধিমত্তার পরিচায়ক। এই প্রশ্নের উত্তরে মাত্র সারাংশ দিলেই যথেষ্ট হইবে না। যে কয়টি বিষয়ের কিছু না কিছু বলা হইয়াছে, তাহাদের উল্লেখ করা চাই।

(৫) তৃতীয় প্রশ্নের আটটি সংখ্যার পরিবর্তে এখানে সাতটি সংখ্যা দেওয়া হইয়াছে; উভয় প্রশ্নের উদ্দেশ্য একই; দেখা গিয়াছে, এই দুই প্রশ্নের যথার্থ উত্তর কোন বয়সের লোকের শতকরা পঞ্চাশ জনেরও নিকট হইতে পাওয়া দুষ্কর।

(৬) এই প্রশ্নের উদ্দেশ্য,—মনঃসংযোগ ও মানস-পটে চিত্র-অঙ্কনের শক্তির (Power of mental imagery) পরীক্ষা লওয়া। এইজন্য কাগজ-পেন্সিলের সাহায্য লইতে দেওয়া উচিত নয়। প্রত্যেক অঙ্কটির জন্য পাঁচ মিনিটের বেশী সময় দেওয়া হইবে না।

যাঁহারা উপরোক্ত প্রশ্নাবলীর সাহায্যে বুদ্ধির মাপ লইয়াছেন, তাঁহারা বলেন—যোল বৎসরের জন্য নির্দিষ্ট প্রশ্নগুলির উত্তর অনেক বয়স্ক লোকেও সম্পূর্ণভাবে দিতে পারে না। সর্বশেষে উল্লিখিত প্রশ্নগুলির উত্তরও বয়স্ক লোকদিগের অল্প সংখ্যকের নিকট হইতে পাওয়া যায়। এইজন্য তাঁহারা ধরিত্তা লইয়াছেন যে সাধারণতঃ যোল বৎসর বয়সের

পর মাসের বুদ্ধি আর বাড়ে না। সুতরাং যাহার বয়স বতই অধিক হউক না কেন তাহার মানসিক বয়স হিসাব করিবার জন্য তাহাকে ষোল বৎসরের বালক ধরিয়া লইতে হয়। যদি সে ব্যক্তি ষোল বৎসরের জন্য নির্দিষ্ট প্রশ্নগুলির উত্তর দিতে পারে, তাহা হইলে তাহার মানসিক বয়সও ষোল ধরিয়া লওয়া যাইবে। এখন মনে করুন এই ব্যক্তি, বয়স্ক ব্যক্তি-দিগের জন্য নির্দিষ্ট ছয়টি প্রশ্নের মধ্যে ছটি প্রশ্নের উত্তর দিতে পারে; তাহা হইলে তাহার মানসিক বয়স হইবে ১৬বৎসর ১০মাস। তাহার বুদ্ধির অঙ্ক বা I. Q. হইবে (১৬বৎ ১০মা + ১৬বৎ) × ১০০ বা—১০৫৩। পক্ষান্তরে যদি কোন বয়স্ক ব্যক্তি চৌদ্দ বৎসরের জন্য নির্দিষ্ট সমুদায় প্রশ্নের উত্তর দিতে পারে; এবং ষোল বৎসর বয়সের জন্য নির্দিষ্ট প্রশ্ন ছয়টির মধ্যে চারটির মাত্র উত্তর দিতে পারে, তাহার মানসিক বয়স হইবে ১৪বৎসর + ৪ × ৫মাস বা ১৫বৎসর ৮মাস। এ স্থলে I. Q. = (১৫বৎসর ৮মাস + ১৬বৎ) × ১০০ = ৯৮ (প্রায়)। •

ষোলবৎসরের বয়সের পর মাসের বুদ্ধি বাড়ে না—এ কথা গুনিয়া বিস্মিত হইবার কারণ আছে। কিন্তু বুদ্ধি ও বিদ্যার মধ্যে পার্থক্য আছে এ কথা মনে রাখিলে, হয়ত বিস্ময়ের উদ্বেগ না হইতে পারে। বাস্তবিক মৃত্যুকাল পর্যন্ত আমরা বিদ্যালভ করিতে পারি, কিন্তু আমাদের বুদ্ধিমত্তা চিরকাল সমান থাকে।

বিনের ধারণা ছিল—বুদ্ধি পনেরো বৎসর পর্যন্ত বাড়ে; তাহার পরবর্তী মনস্তত্ত্ববিদগণের কেহ কেহ মনে করেন ষোল বৎসর পর্যন্ত বুদ্ধি বাড়িতে পারে। কিন্তু সম্প্রতি এই ক্ষেত্রমারী মাসে British Psychological Societyর গত অধিবেশনে একজন বলিয়াছেন যে তিনি পরীক্ষা দ্বারা প্রতিপন্ন করিয়াছেন যে বুদ্ধির বৃদ্ধি তের বা চৌদ্দ বৎসর পর্যন্ত চলিতে থাকে। যাহা হউক বুদ্ধির মাপকাঠির দ্বারা এ বিষয়ের তথ্য নিরূপণে কিছু সাহায্য লাভ হইলেও হইতে পারে।

Binet-Simon Intelligence Scale কিরূপে প্রযুক্ত হইতে পারে, এবং প্রয়োগের কালে কিরূপে উপকার হইতে পারে তাহার কিঞ্চিৎ আভাস পূর্বে দেওয়া হইয়াছে।

এই মাপকাঠির বিষয়ে বর্তমানে মতবৈধ নাই বলিলেও

অত্যাঙ্কি হয় না। যদি বহুসংখ্যক একই বয়সের বালকদিগের মানসিক বয়সের পরিমাণ স্থির করা যায়, তাহা হইলে স্পষ্টই দেখা যাইবে যে আমরা এই মাপকাঠির উপর নির্ভর করিতে পারি। আমাদের সাধারণ জ্ঞানে আমরা জানি যে একই বয়সের বালকদের মধ্যে কতকগুলি সাধারণ-বুদ্ধির, কতকগুলি অল্পবুদ্ধির এবং কতকগুলি সুবুদ্ধির। তন্মধ্যে সাধারণ-বুদ্ধির বালকের সংখ্যাই সর্বাধিক। আর মোটামুটি হিসাবে বলিলে বলা যাইবে যে ষতগুলি অল্পবুদ্ধির বালক আছে প্রায় ততগুলিই সুবুদ্ধির আছে, নচেৎ প্রকৃতির সামঞ্জস্য রক্ষা হয় না। এই মাপকাঠির সাহায্যে বুদ্ধির মাপ কারলেও ঠিক তাহাই দেখা যায়।

কোন স্থলে একই বয়সের অনেক বালক ভিন্ন ভিন্ন শ্রেণীতে পড়িতেছে দেখা যায়। তাহাদের বুদ্ধির অঙ্ক বাহির করিয়া দেখিলেও বুঝা যাইতে পারবে যে, যে বালক উচ্চ শ্রেণীতে পড়িতেছে তাহার বুদ্ধির অঙ্ক সাধারণতঃ অল্প শ্রেণীর অল্পবয়স্ক বালকের অপেক্ষা বেশী। অবশ্য মানিয়া লওয়া হইতেছে যে সকলেই যথাসময়ে বিদ্যারস্ত করিয়াছে; যে স্থলে তাহা হয় নাই সে স্থলে এক্ষণে তুলনার মূল্য নাই। এই দুই উপায়ে মাপকাঠির যথাযথ পরিচীত হইতে পারে। আরও একটি উপায় আছে। অনেক সময় দেখা যায় কোন বালক এক ক্লাস হইতে অপর ক্লাসে প্রবেশন পাইতেছে না। অপচ সে নিতান্ত নিস্কোষ নয়। এখন মনে করা যাইক যে তাহার I. Q. (বুদ্ধির অঙ্ক) বেশ উচ্চ। তাহাকে উপরের ক্লাসে প্রবেশন দেখা যাইতে পারে। যদি সে উপরের ক্লাসে বেশ চলিতে পারে— তাহা হইলে আমাদের 'মাপকাঠির' যথাযথ সম্বন্ধে কিছুই সন্দেহ থাকবে না। এষ্ট উপায়ে সত্য-সত্যই এই মাপকাঠির পরীক্ষা প্রতিপন্ন হইতেছে। ইউরোপ-আমেরিকায় বাহা হইতেছে, ভারতে তাহার পরীক্ষা করিতে স্কুলের হেডমাস্টারগণ চেষ্টা করিবেন কি ?

বিনের মাপকাঠি সম্বন্ধে একটি খুব সাধারণ আপত্তি উঠিতে পারে; সেটা এই—কেহ কেহ বলিতে পারেন কতকগুলি প্রশ্নের উত্তর লইয়া মানসিক বয়স ও বুদ্ধির অঙ্ক নির্ধারিত হইতেছে; সুতরাং যে বালক লেখা-পড়া শিখিবার সুযোগ পাইয়াছে তাহার বুদ্ধির অঙ্ক হয়ত বাড়িয়া যাইবে, কারণ সে বেশী প্রশ্নের উত্তর দিতে পারিবে। প্রথম দৃষ্টিতে

এই আপত্তিটা বড় রকমের মনে হইতে পারে, কিন্তু প্রশ্নগুলির আলোচনা করিয়া দেখিলে বোধ হইবে যে ইহাদের মধ্যে এমন কোন প্রশ্ন নাই যাহার উত্তর বিনা লেখা-পড়ার দেওয়া যাইতে পারে না। এমন কতকগুলি বিষয়ে প্রশ্ন আছে যাহার সম্বন্ধে কখনকালেও কাহাকেও শিক্ষা দেওয়া হয় না।

বালক স্বভাবতঃ যে-সকল বিষয়ে জ্ঞানলাভ করিতে পারে তাহাদের উপরই প্রশ্ন করা হইয়াছে। এই স্বৈচ্ছায় জ্ঞানলাভের আগ্রহ ভিন্ন ভিন্ন বালকের ভিন্ন ভিন্ন মাত্রায় আছে। এই পার্থক্যের কারণ যাহাই হউক না কেন, ইহার সহিত বুদ্ধিমত্তার পার্থক্যের যে বিশেষ সম্বন্ধ আছে তাহা নিঃসন্দেহে বলা যাইতে পারে।

আর-একটি কথা মনে রাখিতে হইবে যে বিদ্যালয়ের জন্ত মানসিক বয়স না বাড়িতেও পারে। সুতরাং বুদ্ধির অঙ্কের বাড়িবার সম্ভাবনা না থাকিতেও পারে। স্বল্পবুদ্ধি (Feeble-minded) বালকগণের উপর পরীক্ষা দ্বারা জানা গিয়াছে যে বিদ্যালয় সত্ত্বেও বুদ্ধির অঙ্ক বাড়ে না [Journal of Educational Psychology, Vol. 3, 1917, pages 85-96 and 151-165]।

যাহাই হউক ব্যাপারটি পরীক্ষণীয়। এই প্রবন্ধ পাঠ করিয়া যদি কাহারও মনে এতদ্বিষয়ে ঔৎসুক্যের উদ্রেক হয় তাহা হইলে প্রবন্ধের উদ্দেশ্য সফল হইবে।

পরিশেষে বলিয়া যে, এই মাপকাঠি পাশ্চাত্য বালক-

বালিকাগণের বুদ্ধি মাপিবার জন্ত উদ্ভাবিত হইয়াছে। এই মাপকাঠির সাহায্যে ভারতীয় বালক-বালিকাগণের বুদ্ধির মাপ করা যাইতে পারিবে কি না—কিংবা এইপ্রকারের অন্য মাপকাঠির আবশ্যক হইবে, তাহা পরীক্ষা করিয়া দেখিবার বিষয়।

বুদ্ধিমত্তার সম্বন্ধে অনেক কথা বলা হইয়াছে সত্য, কিন্তু বুদ্ধিমত্তার স্বরূপ স্পষ্টরূপে নির্দেশ করা হয় নাই। নির্দেশ করাও দুঃসাধ্য। তবে বুদ্ধিমত্তার সহিত ভিন্ন ভিন্ন মানসিক শক্তির সম্বন্ধ (Correlation) থাকিতে পারে। স্মৃতি, কল্পনাশক্তি, ইচ্ছাশক্তি, অনুভূতি প্রভৃতি মানসিক শক্তির সহিত বুদ্ধিমত্তার কি প্রকারের সম্বন্ধ আছে, তাহার সম্বন্ধে মনোবিজ্ঞানবিদগণ পরীক্ষা করিয়াছেন ও করিতেছেন। ইহাদের পরীক্ষার ধারা ও পরীক্ষার ফল মনোবিজ্ঞানের ছাত্রগণ অবগত আছেন। সাধারণ পাঠকের অবগতির জন্য প্রবন্ধান্তরে এই বিষয়ের আলোচনা করা যাইবে।

[এই প্রবন্ধ লিখিতে নিম্নলিখিত পুস্তক হইতে যথেষ্ট সাহায্য পাইয়াছি—

(১) Measurement of Intelligence—
Terman.

(২) Brightness and Dullness of Children
—Woodrow.

বেণুপদ কর।

ব্যথার পূজা

ওগো জগতের নিদয় বিধাতা

তোমারে নমস্কার।

এই বিশ্বের ব্যথা অঞ্জলি দিয়ে

তোমারে নমস্কার।

সারা নিশিদিন তোমার ভুবনে

যে রোদন রাজে গগনে গগনে,

তাহারি করুণ সুরের রণনে

তোমারে নমস্কার।

কুসুমের শাখে কুসুম শুকায়,

মিলনের তাসি বিরহে লুকায়,

জননীর বুকে শিশু রেখে যায়

উত্তরোল হাহাকার।

এই জগতের শত আঁধিজল

শত করপুটে করে টলমল ;


নিবেদি' তোমার সে মধু-গরল

তোমারে নমস্কার।

শ্রীকবীন্দ্রনাথ ঝার।

আহমদাবাদের কংগ্রেসের ছবি

[চিত্রস্বত্বাধিকারী—গোর্স ই ডিও, বারাণসী]



কংগ্রেস মণ্ডপের সজ্জা।



কংগ্রেস ময়দান।



কংগ্রেস এগ্জিভিভন অর্থাৎ জাতীয় শিল্প-প্রদর্শনী।




কংগ্রেস বাহ্যিক সংগঠন।



কংগ্রেস প্রদর্শনীতে আত্মমহিলার চরকা-কাটা।




কংগ্রেস-উল্লাসিতারদের বৃচ-কাণ্ডরাজ।



শবরমতী নদীর তীরে খাদি-নগর অর্থাৎ খাদি কাপড়ের অতিবিশালা ও কংক্রিটমণ্ডপ।



কংক্রিটের উদ্বোধন।



কংগ্রেসের শোভাযাত্রা ও মিছিল।



কংগ্রেসের অধ্যক্ষ-সমিতি



কংগ্ৰেচের মহিলা উদ্যোগ-দল।




কংগ্ৰেচের বিধাননির্বাহী সভা।



কংগ্রেসের মুসলিম-সংগর অর্থাৎ মুসলমান অতিথিদের আশ্রয়।




কংগ্রেস-সম্মেলনের অন্তর্গত বাজার।




কংগ্রেস-মণ্ডপের প্রধান ভৌরগ।



কংগ্রেসের অধিবেশন।



•কংগ্রেস-মণ্ডলের নৈশ দৃশ্য।



কংগ্রেসের মুসলিম-কমরের পোর্ট আফিস।



কংগ্রেসের ময়দানে কোয়ার্টার।



কংগ্রেসের সভাপতি হাকিম আজমল খাঁ সাহেব বক্তৃতামুখে ।



কংগ্রেসের বক্তৃতামুখে শ্রীমতী গরোজিনী বাইডু




কংগ্রেসের বক্তৃতামুখে শ্রীমতী তারাবতী পারশুভাষার ভাতীর সঙ্গীত গান করিয়া কংগ্রেসের উদ্বোধন করিতেছেন ।

সার্থকতা

আজকে বাহা হৃদয়-মাঝে অবহেলার পাই
ছ'দিন বাদে কোথায় যাবে দূরে,
আজকে বাহা আমার কাছে অতি সুলভ তা'
মিলবে না আর সকল বিশ্ব ঘুরে ।

বেগুর বনে রঙ্গ-ভরে এই যে গলাগলি,
আলোর কাঁপন তরঙ্গিনীর জলে ;
প্রাণের কথা মিষ্টি সুরে এই যে বলাবলি,
চঞ্চলতা কাজল চোখের কোলে ;

জ্যোছনা রাতে মাতাল হাওয়ার ফুল-ফুলের দোত
লুটিয়ে-পড়া প্রণয়মাথা বাজে ;
নীল আকাশে আপন মনে শুভ্র মেঘের চলা,
চাঁদের হাসি উৎসবেরি মাঝে ;



কংগ্রেসের বক্তৃতা দিচ্ছে মহাত্মা গান্ধী ।

এই যে যারা সদর পথে যাচ্ছে দলে দলে
কলস্বরে গগন পূর্ণ করি' ;
আবার যারা গোপন পথে আসছে নানান ছলে
হৃদয়-মারে এগর স্বধা ভরি,

আজ নিশীথে আনন্দেতে সবাই মোরে বিরে'
তুলছে রচে কি বিচিত্র গান ;
হয়ত কহু এমন মধু আর পাব না ফিবে,
সকল সুরের বটবে অবসান ।

যে আনন্দে চিত্ত আমার পূর্ণ হয়ে আছে,
হয় ত হবে শূণ্য নিবাসতা ;
আজকে যারা আপনা-লোনা আছে আমার কাছে,
বিশ্ব-মারে পালিয়ে বাবে কোথা !

তাইত আজি সংসারেতে যতক ক্ষুদ্রতম
আমার চোখে অসীম যেন লাগে ;
সকল কথাই হৃদয়-মারে আঘাত করে মম,
সকল সুরেই গভীর আবেগ জাগে ।

বিশ্বমারে নানান স্থানে আমার আপন পর
চলার বেগে বাস্তব সদাই যারা ;
আমার মাঝে বাধছে যারা হৃদয়-ভরি স্বর,
তাদের পানে চাই যে নিমেষ হারা ।

মুক্ত প্রাণে সবায় নিয়ে দীর্ঘকরি দিন,
সার্থকতার সময় পূর্ণ করি' ;
উৎসবেরি আনন্দেতে মাতি বিরামহীন,
দিবস ভালোবাসায় সদা ভরি ।

শ্রীগণেশচরণ বসু ।

সাত্তিক প্রতিরোধে কর্ম্মী-চতুষ্টয়



শ্রীমতী সত্যজিৎ দেবী



শ্রীমতী বাসন্তী দেবী



শ্রীমতী সত্যজিৎ দেবী




শ্রীমতী সত্যজিৎ দেবী

সারণ-প্লাবনের ছবি




বস্তার হস্তা ।



জলে অগম্য ।



বাড়ী ঘর জলে ভাসমান ।





বন্যাতাড়িত লোকদের পলায়ন।



বন্যাপ্রাণিত পরিত্যক্ত গ্রামের দুর্দশা।

গত সেপ্টেম্বর মাসের ১৫ই ও ১৬ই তারিখে বিহারে সারণ জেলার ভীষণ বন্যা হইয়াছিল। সে বন্যার বহুলোক গৃহহীন হয়। বন্যার জন্ত হাজার হাজার লোককে—অল্পকষ্টে ভুগিতে হয়, এবং বন্যাজনিত রোগে তাহারা আজ পর্যন্ত বিপর্যস্ত। কতকগুলি মাড়বারী ভ্রমলোক দুর্ভিক্ষ সাহায্য সমিতি গঠন করিয়া অর্থ ও অন্ন লইয়া বন্যাপীড়িত স্থানে গিয়া হাজির হন। এই সহায় ভ্রমলোকরা কাপড়, কবল, ঔষধ,

সাপ্ত প্রভৃতি প্রায় সাত হাজার টাকার জিনিষ বন্যাক্রিষ্ট লোকদের মধ্যে বিতরণ করিয়াছেন। এই সমিতি অনুগ্রহ করিয়া বন্যাপীড়িত স্থানের কয়েকটি ছবি আমাদের নিকট পাঠাইয়া দিয়াছেন। বাহারা বন্যাক্রিষ্টদের সাহায্য করিতে, ইচ্ছা করেন তাহারা ৭১১ জনমোহন মল্লিক লেন, কলিকাতা, এই টিকানার যথাসাধ্য পাঠাইতে পারেন।

কণ্ঠ পাথর



ভারতবর্ষ (মাঘ)

সেনরাজগণের কুল-পরিচয়—অধ্যাপক শ্রীরমেশচন্দ্র মজুমদার,
এম-এ, পি-আর-এস, পি এইচ-ডি।

দাক্ষিণাত্যের কতকগুলি শিলালিপিতে 'সেন' উপাধিধারী এক জৈন আচার্য্য-সম্প্রদায়ের উল্লেখ দেখিতে পাওয়া যায়। ইহাদের বংশ সেন-বংশ বলিয়া উল্লিখিত হইয়াছে। বর্তমান ধারওয়ার্ড জেলা ও তৎসম্বন্ধিত ভূভাগে খৃষ্টীয় নবম শতাব্দীর মধ্যভাগে 'সেনবংশ' প্রসিদ্ধি লাভ করিয়াছিল।

কতকগুলি কারণে এই সেনবংশের সহিত বাংলার সেনরাজবংশের ঘনিষ্ঠ সম্বন্ধ কল্পনা করা যাইতে পারে।

১। প্রথমতঃ, সেনরাজগণের শিলালিপিতে স্পষ্ট উল্লিখিত হইয়াছে যে, কর্ণাটে তাঁহাদের আদি বাস ছিল। বর্তমান ধারওয়ার্ড জেলা এই কর্ণাট প্রদেশের জন্মভূমি।

২। দেওপাড়া লিপির পঞ্চম শ্লোকে সামন্তসেন 'সেনাধ্বার' ও ব্রহ্ম-কত্রিয় কুল হইতে সমুদ্ভূত বলিয়া বর্ণিত হইয়াছেন। জৈনাচার্য্য কনকসেন 'সেনাধ্বার'-সমুদ্ভূত বলিয়া বর্ণিত হইয়াছেন। ধারওয়ার্ডের নিকটবর্তী স্থানে যে ব্রহ্ম-কত্রিয়ের বাস ছিল, তাহার যথেষ্ট প্রমাণ পাওয়া যায়।

৩। সেনরাজগণের শিলালিপিতে স্পষ্টই ইঙ্গিত করা হইয়াছে যে, তাঁহাদের পূর্বপুরুষগণ ধর্ম্মাচার্য্য ছিলেন।

প্রথমে উঠিতে পারে যে, সেনরাজগণ শৈব ছিলেন; সুতরাং দাক্ষিণাত্যের জৈনাচার্য্যগণের সহিত কিকপে তাঁহাদের সম্বন্ধ স্বীকার করা যায়। ইহার উত্তরে বলা যাইতে পারে যে, একাদশ ও দ্বাদশ শতাব্দী দাক্ষিণাত্যে ধর্ম্মবিপ্লবের যুগ। এই বিপ্লবের ফলে যে কর্ণাটের অনেক জৈন-সম্প্রদায় বীর-শৈব অথবা লিঙ্গায়ত সম্প্রদায়ে পরিণত হইয়াছিলেন ইহা সুবিদিত ঐতিহাসিক সত্য। পশ্চিম চালুক্য-রাজ, জগদেকমল উপাধিধারী, দ্বিতীয় জয়সিংহ (রাজ্য-কাল ১০১৮—১০৪২ খৃঃ অঃ) জৈনধর্ম্ম ত্যাগ করিয়া শৈবধর্ম্ম গ্রহণ করেন। অসম্ভব নহে যে, রাজার দৃষ্টান্তে কর্ণাট অঞ্চলস্থ অনেক জৈনসম্প্রদায় ও সেনবংশও জৈনধর্ম্ম ত্যাগ করিয়া শৈবধর্ম্ম গ্রহণ করিয়াছিলেন।

বল্লাল নামটি আর্ধ্যাবর্ত্তে প্রচলিত নাই। কিন্তু বল্লাল সেনের জন্মের অনতিকাল পূর্বেই ধারওয়ার্ডের নিকটবর্তী স্থানে হৈমলরাজ বল্লাল রাজত্ব করিতেন।

স্বল্প কর্ণাটের সেনবংশ কি প্রকারে বাংলার রাজ-সিংহাসন লাভ করিল, তাহা এখন আমরা সহজেই বুঝিতে পারিব। বিক্রমাদিত্য-চরিতে উক্ত হইয়াছে যে, পশ্চিম চালুক্য-রাজ দ্বিতীয় বিক্রমাদিত্য যুবরাজ অবস্থায় গৌড় ও কামরূপ আক্রমণ করেন। বিক্রমাদিত্যের রাজত্বের শেষ ভাগে তাঁহার সামন্ত অচ কর্কুক বঙ্গ ও কলিঙ্গের পরাজয়ের বিষয় শিলালিপিতে দেখিতে পাওয়া যায়। আমরা নেপালের শিলালিপি ও ঐতিহাসিক গ্রন্থাবলী হইতে জানিতে পারি যে, কর্ণাটবাসী নাগদেব একাদশ শতাব্দীর শেষভাগে

ত্রিহত ও নেপালে স্বীয় অধিকার প্রতিষ্ঠা করেন। সুতরাং ইহা সহজেই অনুমান করা যাইতে পারে যে, সামন্তসেন বিক্রমাদিত্যের সহিত উত্তরাপথ অভিযানে বহির্গত হইয়া, মাদ্রাজ নান্দদেবের স্তার বাঙ্গালাদেশে স্বীয় অধিকার প্রতিষ্ঠা করিয়াছিলেন।

উপসংহারে বক্তব্য এই যে, সেনরাজগণের সম্বন্ধে যে মতবাদ উপরে লিখিত হইয়াছে, তাহা এখনও অনুমান মাত্র,—প্রতিষ্ঠিত সত্য নহে। যে কয়েকটি নূতন প্রমাণ আমি উপস্থিত করিয়াছি, তাহার বলে এইরূপ অনুমান করা অসম্ভব নহে; এবং সেনরাজগণের আদিম ইতিবৃত্ত সম্বন্ধে বর্তমানের যে কয়েকটি মতবাদ প্রচলিত আছে, তাহার মধ্যে, আমাদের হাতে এখন যে-কিছু প্রমাণ আছে, তাহার সহিত ইহার সামঞ্জস্য ও সুসঙ্গতি সর্ব্বাঙ্গেকা অধিক—কেবলমাত্র ইহাই আমার প্রতিপাদ্য।

ছন্দ ও অবয়ব—শ্রীচারুচন্দ্র মিত্র।

বিধ-বিশ্রুত কলা-কুশলী ষ্টুডেন্টস্ বিদ্যালয়ের অধ্যাপক ডাক্তার অসুওয়াল্ড সাইরেন প্রণীত Essential in Art পুস্তক সম্প্রতি প্রকাশ হইয়াছে। তন্মধ্যে "Rhythm and Form" অধ্যায়ের সার মর্ম্ম সংকলন করিয়া দিলাম।

যে চিত্রকর কেবল মাত্র প্রকৃতির অনুরণন করে, তাহার চিত্র যথাযথ নকল হইতে পারে, কিন্তু তাহার তিতর প্রাণের স্পন্দন বা সাড়া পাওয়া যায় না। সুবু অবয়বের দিকে লক্ষ্য রাখিলে, প্রাণহীন পুত্রলিকা নির্ম্মিত হইবে। চিত্র বা মূর্ত্তিকে প্রাণবন্ত করিতে হইলে, কলাবিদকে যে শক্তি সঞ্চারিত করিতে হইবে তাহাই ছন্দ। কলার ছন্দ আর মানের তাল একই। গান আবৃত্তি করিলে তাহা ক্রমক্রমাই হয় না; পুর সংযোগে তালের বলে গীত হইলে, ক্রমে ভাবের কঙ্কার উঠিয়া থাকে—ক্রমের পরতে-পরতে স্পন্দন অনুভূত হয়। তালকে যেমন দেখিতে পাওয়া যায় না, ছন্দকেও সেরূপ দেখিতে পাওয়া যায় না। তাল কনপাত্রে স্বকৃত হইয়া ক্রমে ভাবের বস্তা বেরূপ ছুটাইয়া থাকে, ছন্দও সেইরূপ দর্শনোদ্রয়ে আঘাত করে। ভাবের গহর ছুটায়।

এই ছন্দের দ্বারা ভাবের গতি, পতাংকতা ও প্রসার বুঝিতে পারা যায়। ছন্দ বাহ্য ও অন্তর উভয় প্রকার ভাবের স্ফোটক। জন্ম ও নষ্টনে ছন্দ আছে; কাব্যে ও অসমানে ছন্দ আছে। ছন্দ হইতে বুঝিতে পারা যায়, কোনও শক্তিধর পুরুষ চিত্রের ভিতর আপনার শক্তি সঞ্চারিত করিয়া দিয়াছেন।

ছন্দ উৎপাদন করাই কলাবিদের অশ্রুতম লক্ষ্য। এই ছন্দ চিত্রের অবয়বের উপর নির্ভর করে না। অবয়বগুলির সংস্থান অকৃতির অনুসারী হইলে যে বেশী ছন্দ উৎপন্ন হইবে, তাহা সকল সময়ে বলিতে পারা যায় না। অবয়বের ভিতর দিয়া শক্তি সঞ্চারণেই ছন্দের উৎপত্তি।

চিত্রে রেখার (line) ও তুলিকার কোমলতা (tone) ছন্দের উৎপাদন করিতে পারা যায়। সরলভাবে বলিবার জন্য দুইটি উপায়ের নাম করা হইয়াছে। বাস্তবিক উপায় দুইটি অচ্ছজ বন্ধনে আবদ্ধ। আর দ্বিতীয় উপায়টি হইতেছে আলো ও আঁধারের (light and shade) নিরমবশে তুলিকার সাহায্যে কোমলতা উৎপাদন করা। গাঢ় রং বা বিভিন্ন রংএর মিশ্রণে ইহা উৎপন্ন হয় না। এই

উপায় দ্বারা বাহারা হ্রদ উৎপাদন করিয়া যশস্বী হইয়াছেন, তাঁহারা অনেকস্থলেই এক রং ব্যবহার করিয়াছেন।

ভারতী (মাঘ, ১৩২৮)

নির্বাণ ও জন্মান্তরবাদ (বৌদ্ধমত)—শ্রী যোগেশচন্দ্র ভট্টাচার্য্য।

বৌদ্ধমতে পুনর্জন্মবাদ ও নির্বাণ :—বৌদ্ধমতে মৃত্যুতে বাসনা ও কর্মফল বিমষ্ট হয় না। আমার বাসনা হইতে একটি নুতন জীব জন্মগ্রহণ করিয়া আমার কৃতকর্মের ফলভোগ করে; কর্মফল অপরিহার্য্য। আমার বর্তমান জীবন ও আমার মৃত্যুর পর আমার বাসনা-সম্বৃত্ত জীবের জীবন একই জীবনের পূর্ববর্তী ও পরবর্তী অবস্থা মাত্র।

কোন ঐশ্বর্য্যসম্পন্ন অবিদ্যা আত্মার স্থান বৌদ্ধধর্মে নাই। কোন কোন পাঠক আত্মার অভাবে পুনর্জন্ম ও কর্মফল-ভোগ সম্পূর্ণ নিরর্থক মনে করিতে পারেন। তাঁহাদের নিকট আমার উত্তর এই—আত্মার দ্বারাও পুনর্জন্মের সীমাংসা হয় না; কারণ স্মৃতিবোগেই ব্যক্তিত্বের একত্ব। স্মৃতির অভাবে ব্যক্তিত্বের একত্ব ভিত্তিহীন কল্পনামাত্র। রাম পূর্বজন্মে পাপ করিয়া এ জীবনে হরি-রূপে জন্ম হইয়া জন্মগ্রহণ করিয়াছে। এ স্থলে হরির পূর্বস্মৃতির অভাবে ছুই ভিন্ন ব্যক্তির একত্ব অনুমান করা অসম্ভব, রাম করিল পাপ আর শান্তি পাইল হরি? ইহা যোর অবিচার। এজন্ত পরবর্তী বৌদ্ধদিগের মধ্যে 'জাতিস্মরণ' কল্পনা প্রবর্তিত হইয়াছিল। বৌদ্ধমতে রামের বাসনা-জাত হরি পূর্বজীবনের অর্থাৎ রামের পাপের ফলে জন্ম হইয়াছে। হরি রাম হইতে ভিন্ন হইয়াও অভিন্ন। যেমন বীজ হইতে উৎপন্ন বৃক্ষ বীজ হইতে ভিন্ন হইয়াও অভিন্ন। কার্য্য এবং কারণ একই বস্তুর ভিন্ন বিকাশ মাত্র। হরির জীবন রামের বাসনা ও কর্ম দ্বারা বৃক্ষ হইয়া রামের সহিত এক হইয়াছে। এই অর্থে রামের পুনর্জন্ম বৌদ্ধমতে স্বীকৃত হইয়াছে। আমার কর্মফলে এক নির্দোষ ব্যক্তি শান্তি পাইবে ইহা ভাবিতেও হৃদয়ে ভীতির সঞ্চার হয়। এই ভয়েই মানব পাপ হইতে বিরত হইবে; নরকের ভয়ে নহে। ইহাই বৌদ্ধনীতির শ্রেষ্ঠত্ব ও বিশেষত্ব। "নির্বাণ" লাভ করিলে আর পুনর্জন্ম হয় না। নির্বাণ লাভের অর্থ বাসনার বা তৃষ্ণার বিনাশ দ্বারা পুনর্জন্ম হইতে নিষ্কৃতিলাভ এবং স্বীয় অন্তরের বিশুদ্ধি-সাধন ও প্রকৃত জ্ঞান দ্বারা ইহ জীবনেই প্রকৃত শান্তিলাভ।

নারায়ণ (মাঘ)

হিন্দু দর্শনশাস্ত্রের বিশেষত্ব—শ্রী অতুলচন্দ্র দত্ত।

আর্য্য-হিন্দুদর্শন আসলে মোক্ষশাস্ত্র। পাশ্চাত্য দর্শনশাস্ত্রের উদ্দেশ্য কেবল-মাত্র জ্ঞান লাভ। পক্ষান্তরে হিন্দু মোক্ষশাস্ত্রের উদ্দেশ্য ইহাপেক্ষা স্তরীতর। আদি বিধান কপিল, মহর্ষি বাহরারণ, পতঞ্জলি, কনাদ, সৌতম, শাক্যসিংহ বুদ্ধ প্রভৃতি মহা মহা তত্ত্ববিৎরা যে-সব মোক্ষশাস্ত্রের প্রচলন করিয়া যান তাহার মূল উদ্দেশ্যই ছিল ছুঃখ হইতে জীবকে মুক্তি দিবার ইচ্ছা। প্রধানঃ ছুঃখ বাহই হিন্দুদর্শনের সোড়ার কথা, মধ্যের কথা ও শেষের কথা। এইটাই পাশ্চাত্যদর্শন হইতে হিন্দুদর্শনের প্রধান ভেদলক্ষণ।

ইংরেজী দর্শনশাস্ত্র is a science of the ultimate principles of Being জীবাত্মা পরমাত্মা ও জগৎ ইহাদের অস্তিত্ব ও সম্বন্ধ বিচার পাশ্চাত্য দর্শনের উদ্দেশ্য। ধর্ম হইতে ইহার ভেদ বিস্তর। পশ্চিমে

ধর্ম revealed তত্ত্ব, উহাতে বিশ্বাস জীবের পক্ষে অবশ্য-কর্তব্য। ইহা বিচার-বিতর্কের মধ্যে নহে। ভারতবর্ষে দর্শনতত্ত্বে ও ধর্মতত্ত্বে মূলতঃ ভেদ নাই। পরন্তু দর্শনের সীমাংসিত তত্ত্বের উপরই প্রচলিত ধর্ম-মতের ভিত্তি। হিন্দুর দর্শনশাস্ত্র যে ধর্মশাস্ত্র হইতে ভিন্ন নহে তাহার প্রধান প্রমাণ উহার নাম "মোক্ষশাস্ত্র"। ব্রহ্মপ্রাপ্তি কৈবল্যলাভ নির্বাণলাভ এই-সব কথার বুঝা যায় দর্শনের উদ্দেশ্য জীবকে পরমপদ লাভ করান; যে পদ লাভ করিলে মানুষের সংসার-পতাগতি শেষ হয়। ইহা ধর্মশাস্ত্রেরও কি উদ্দেশ্য নয়? পরন্তু দর্শনশাস্ত্র যদি ধর্মশাস্ত্র না হইবে তবে দার্শনিকেরা শ্রুতিকে কেন এত মাস্ত্র করিয়াছেন? শ্রুতি সর্ব ধর্মশাস্ত্রের মহা আশ্রয়স্থল। সেই শ্রুতির অনুমোদন ও সম্মতিলাভের জন্ত দার্শনিকদের এত চেষ্টা কেন?

যে উপনিষদে ও দর্শনে তথাৎ এই বেদ উপনিষদ শ্রুতি, উহার দর্শিত পন্থা যেন দিব্যদৃষ্টিতে লক্ষ, আর দর্শনের দর্শিত পন্থা বুদ্ধি বিতর্কিত যুক্তির দ্বারা লক্ষ। বেদের সহিত দর্শনের, বিশেষ সাংখ্যের, তথাৎ এই যে, বেদ ক্রিয়াকাণ্ড যাগযজ্ঞাদির ভিতর দিয়া যুক্তি নির্দেশ করেন; সাংখ্যকার কপিল দেবদেবতার উদ্দেশ্যে যজ্ঞাদির অগুষ্ঠানকে মিথ্যা উপায় বা অপূর্ণ উপায় বলিয়া যুক্তির দ্বারা আত্মানাত্ম বিবেক দর্শন করান। উভয়েরই উদ্দেশ্য ভবরোগের চিকিৎসা; ঔষধ নির্ণয় কেবল ভিন্ন।

বিকাশ (পৌষ)

ইংল্যাণ্ড ও ভারতবর্ষের চরুকা ইত্যাদির তুলনা—

ইংল্যান্ডের চরুকা সংখ্যা আমাদের চেয়ে ৮।০ লক্ষ, তাঁতের সংখ্যা ৭ লক্ষ এবং কলের সংখ্যা ৭।০ লক্ষ বেশী।

বিভিন্ন দেশে মস্তুর ও গবর্ণরের মাহিনা।—

দেশের নাম	লোকসংখ্যা	আয় মস্তুর মাহিনা	গবর্ণরের মাহিনা
বঙ্গদেশ	৪।০ কোটি	৯ কোটি টাকা	৫৩৩৩, ১০, ৬৬৬
হল্যান্ড	৬।০ লক্ষ	৫০ কোটি টাকা	১৮৭৫
নিউইয়র্ক ষ্টেট	প্রায় ৭।০ লক্ষ	৩৮ কোটি টাকা	৩০০০
নিউজিল্যান্ড	১২ লক্ষ	৩০ কোটি টাকা	১২৫০—১৩২৫
মার্কিন যুক্তরাজ্য	১১।০ কোটি	২০০০ কোটির উপর	প্রায় ৩৫০০
অস্ট্রেলিয়া			প্রায় ২০০০
ওয়েস্ট অস্ট্রেলিয়া		৮ কোটি টাকা	৫০০০
ক্যানাডা			প্রায় ২০০০
দক্ষিণ আফ্রিকা		প্রায় ৫ কোটি	৩১২৫
জাপান	৫।০ কোটির উপর	১৫৮, ২৫, ১২, ৫০০	১২০০০— ১৮৭৫০

ভারতে সামরিক ব্যয়।—দরিদ্র ভারতের সামরিক ব্যয় কি ভাবে বৎসর বৎসর বাড়িয়া চলিয়াছে, তাহা নিম্নলিখিত দশবৎসরের হিসাব দেখিলেই বুঝিতে পারা যাইবে :—

১৯১২—১৩	খুটাকে ১৯ লক্ষ পাউণ্ড,	১৯১৩—১৪	খু: ১৯ লক্ষ পাউণ্ড,
১৯১৪—১৫	খু: ২০ লক্ষ পাউণ্ড,	১৯১৫—১৬	খু: ২২ লক্ষ পাউণ্ড,
১৯১৬—১৭	খু: ২৪ লক্ষ পাউণ্ড,	১৯১৭—১৮	খু: ২৯ লক্ষ পাউণ্ড,
১৯১৮—১৯	খু: ৪৪ লক্ষ পাউণ্ড,	১৯১৯—২০	খু: ৫৮ লক্ষ পাউণ্ড,
১৯২০—২১	খু: ৪৯ লক্ষ পাউণ্ড,	১৯২১—২২	খু: ৪৪ লক্ষ পাউণ্ড।

অর্থাৎ ১৯১২—১৩ খুটাকে মোটামুটি কিছু কম তিন কোটি টাকা সামরিক বিভাগে ব্যয় করা হইয়াছিল। বর্তমান বৎসরে সেই ব্যয় প্রায় ৭ কোটিতে আসিয়া দাঁড়াইয়াছে। পাঠক স্মরণ রাখিবেন, যুদ্ধের সময়কার ব্যয়ের কথা ইহার মধ্যে ধরা হয় নাই।



রাশিয়ান কমিউনিজ্‌মের ভিত্তি

রাশিয়ার বিপ্লব যে সে দেশের জাতীয় আত্মার জাগরণের সাড়া—সেটা যে কতকগুলি রক্তপিপাতু নরখাদকের নিজ স্বার্থসাধনের উদ্দেশ্যে হয় নাই, তা আজ আমাদের কাছে কতকটা পরিষ্কৃত হইয়া উঠিয়াছে। কারণ এতদিন আমাদের 'ভারতবন্ধু' দলের কাগজ-গুলিতে ও পত্ৰপত্র সাফল্যে বর্ণিতদের যে মুষ্টি দাঁড় করান হইয়াছিল তাহাতে মনে হইত যে উহারা সেকালের নরখাদকদের কাছাকাছিই একটা কিছু। এর তীব্র প্রতিবাদ করিয়া সর্বপ্রথম বই লেখেন—বোধ হয়—আমেরিকার বিখ্যাত রাষ্ট্রনীতিবিদ আলবার্ট রাইস্‌ উইলিয়াম্‌। ইনি বিপ্লবের পূর্বে হইতে শেষ পর্যন্ত রাশিয়াতে ছিলেন এবং লেনিনের সাথে নানা জায়গায় ঘুরিয়া সমালোচকের ভীষণদৃষ্টিতে সমস্ত পরীক্ষা করিয়াছেন। হুতরাং ইহার অধিকাংশ কথাই বিশ্বাসযোগ্য।

অনেকে মনে করেন যে লেনিন, ট্ৰট্‌স্কি প্রভৃতি কয়েকজন নেতার প্ররোচনাতেই নিরক্ষর জনসাধারণ ক্ষেপিয়া উঠিয়াছিল। তার উত্তরে উইলিয়াম্‌ বলিতেছেন—

রাশিয়ার বিপ্লবকে একটি বা জনকয়েক লোকের সৃষ্টি মনে করিলে অত্যন্ত ভুল করা হইবে। যে জনমত হইতে ইহার উৎপত্তি, তার উপরেই এর ভবিষ্যৎ নির্ভর করে। যে-সমস্ত অর্থনৈতিক কারণে জনসাধারণ সচেতন হইয়া উঠিয়াছে তার ভিতরেই এর সমাধান রহিয়াছে। কয়েক শতাব্দী ধরিয়াই ইহার নিঃশব্দে দুঃখদারিত্বা সূচ্য করিয়া আসিয়াছে। মস্কোর মাঠে—ট্ৰেণের পাহাড়ে—সাইবেরিয়ার বিশাল নদীগুলির তীরে তীরে, দারিদ্র্যের অক্ষতানার আর কুসংস্কারে শৃঙ্খলিত হইয়া ইহার প্রাণপাত করিয়া খাটিয়াছে,—তপু ছুঁবেলার অর জোটে নাই—অবস্থা তাদের এমন পণ্ডর চেয়ে ছীন ছিল। কিন্তু তার পর এমন দিন আসিল যেদিন হতভাগ্য দরিদ্রেরও ধৈর্য সীমা অতিক্রম করিল—সমস্ত স্বপ্নের অবসান হইল। ১৯১৭ সালের মার্চমাসে বিরাট হুঙ্কারে সমস্ত জগৎকে সচেতন করিয়া জনসাধারণ তাহাদের যুগযুগান্তের বন্ধন ছিন্ন করিয়া বাহির হইয়া আসিল।

তারপর শীতল তুষারের উপর উষ্ণ রক্তের স্রোত বহাইয়া রাশিয়ার কমিউনিজ্‌ম্—তাদের সোভিয়েট গবর্নমেন্ট—প্রতিষ্ঠিত হইল। দেশে বিদেশে এই কমিউনিজ্‌মের মূলশক্তি Proletariatদের (দরিদ্র জনসাধারণ) বর্ণনা হইতে বোঝা যায় যে তারা চলৎশক্তিহীন, অলস, নিরক্ষর ও কাণ্ডজ্ঞানহীন প্রাণীবেশে। তাদের সম্বন্ধে তাদের নিজেদের ধারণাও ইহা অপেক্ষা বেশী উচ্চ ছিল না। ইহার বিরুদ্ধে দাঁড়াইলেম লেনিন তাঁর অসীম বিশ্বাস আর শক্তি লইয়া—তাদের ভিতরকার হুপশক্তিকে জাগাইয়া তুলিতে। তিনি বুঝাইলেন এই নিরক্ষর জনসাধারণকে—তাদের কর্ণের দৃঢ়তা কত স্থায়ী, সহ্য ও আত্মোৎসর্গ করিবার শক্তি কত প্রবল, বড় বড় রাষ্ট্রতন্ত্রগুলি আয়ত্ত করার শক্তি কত বেশী, আর তাহাদের ভিতরে যে স্বজীবনিত্তি নিহিত আছে তা কত বিরাট।

ইহার পরেই আমরা দেখিতে পাইলাম জনসাধারণের প্রাণের প্রবল বিকাশ—তাদের অদ্ভুত কাৰ্য্যকরী ক্ষমতা। উইলিয়াম্‌স্‌ বিপ্লবের এক বৎসর পরের যে বর্ণনা দিয়াছেন তাহা সত্যই বিস্ময়কর। অর্থনৈতিক ক্ষেত্রে এই নিরক্ষর জনসাধারণই বস্ত্র ও দেয়াশলাই প্রস্তুত করিবার নব পন্থা আবিষ্কার করিয়াছে, এবং রাশিয়ার বড় বড় বনগুলিকে নিজেদের কাজে খাটাইয়া লইবার নূতন উপায় বাহির করিয়াছে। ইঞ্জিনিয়ারিং বিভাগেও ইহাদের দক্ষতা কম নয়,—বাষ্প-ও তড়িৎশক্তিকে তারা তাদের অল্প কয়েক নিয়োজিত করিয়াছে,—বর্টিক সাগর ও ভঙ্গনা নদীর মধ্যবর্তী প্রকাণ্ড খাল কাটিয়াছে আর হাজার মাইল জুড়িয়া রেল-লাইন পাতিয়াছে।

সৈন্যবিভাগে এই কৃষক এবং মজুররাই নিজেদের সংঘের পথে পরিচালিত করিয়া যে Red Army-লাল পল্টনের সৃষ্টি করিয়াছে তাহা আজ জগতের ভিতর যুদ্ধকৌশলে শ্রেষ্ঠ আসন পাইবার দাবী করে।

কিন্তু এই "লালমুণ্ডো" জনসাধারণের সর্বাঙ্গের বড় কৃতকাৰ্য্যতা হইয়াছে কালচারের রাজ্যে। হওয়া উচিতও তাই; কারণ মানব-মনের ধর্মই হইতেছে এই যে স্বাধীনতা পাওয়ার সঙ্গে-সঙ্গেই তার সৃষ্টিকার্য্য আরম্ভ হয়। এই নবজীবনের তড়িৎপক্ষে দশটা নূতন যুনিভার্সিটি, অসংখ্য রঙ্গমঞ্চ, হাজার হাজার লাইব্রেরী আর লক্ষাধিক নূতন স্কুলের সৃষ্টি হইয়াছে। এই অদ্ভুত কৃতকাৰ্য্যতাই সোভিয়েট গবর্নমেন্টের যৌর শত্রু ম্যাগিষ্ট্রম পার্কিকে কমিউনিজ্‌মের দলে টানিয়া আনিয়াছে। তিনি গিখিয়াছেন—কালচারের ক্ষেত্রে রুশ-গবর্নমেন্ট যে অত্যাশ্চর্য্য স্বজনশক্তি দেখাইয়াছেন তাহা মানব-ইতিহাসে নূতন পন্থা নির্দেশ করিয়া দিয়াছে। ভবিষ্যতের ইতিহাসিককে এই বিরাট সত্যের সম্মুখে মাথা নত করিয়া দাঁড়াইতেই হইবে।

যুদ্ধে তাহাদের বিশলক্ষ লোক মরিয়াছে—ত্রিশলক্ষ আহত ও পঙ্গু হইয়া আছে। তাহাদের আশ্রয় রেলওয়ে চুরমার হইয়াছে,—খনিগুলি ভাসিয়া গিয়াছে ও দুর্ভিক্ষের করালমূর্তি নগরে নগরে দেখা দিয়াছে। ইংরেজ, আমেরিকান, জাপানী, ফরাসীরা সকলে মিলিয়া উত্থ্রেন আর সাইবেরিয়া হইতে তাহাদের শত্রু আত্মদানী বন্ধ করিয়াছে। বিদেশের সহিত ব্যবসা-বাণিজ্য ও জ্ঞানের আদান-প্রদান বন্ধ; তার উপরে বিপক্ষল ভয় দেখাইয়া, উৎকোচ দিয়া, গুপ্তহত্যা করিয়া সকলপ্রকারে তাহাদের ধ্বংসের পথ খুলিতেছে। এই-সমস্ত প্রতিকূল অবস্থার ভিতর দিয়াও ইহারাজ আজ সাহিত্যে, বিজ্ঞানে, রাষ্ট্রে, অর্থনীতিতে, ক্ষাত্রশক্তিতে যে উন্নতি দেখাইতেছেন ও দেখাইয়াছেন তাহা ভাবিলে স্তম্ভিত হইতে হয়।

সকল দিক দেখিয়া শুনিয়া এই প্রশ্নটা সাধারণতাই মনে আসে—কোন বলে এই সোভিয়েট গবর্নমেন্ট এত বলীয়ান যে শত বাধাবিঘ্নের মাঝখান দিয়া পথ কাটিয়া চলিয়াছে? ইহার উত্তর পাই আমরা কর্ণেল রেমণ্ড রবিলের "My Story" বইখানাতে। রবিলের নাম অনেকের কাছেই সুপরিচিত; ইনি আমেরিকান রেড ক্রস মিশনের নেতা হইয়া রাশিয়ার গিয়াছিলেন। হুতরাং রুশ-বিপ্লব সম্বন্ধে ইহার বক্তব্য জানিবার সুযোগ হইয়াছিল অতেরও ততটা

হওয়া সম্ভব নয়। রাশিয়ান কমিউনিজ্‌মের উন্নতির বিষয়ে তিনি বলিয়াছেন যে, সমস্ত দেশ তাকে ঠিক ভাবে প্রকাশ করিতে পারিয়াছে,—ইহাই তার উন্নতির মূল। কারণ, সোভিয়েট গণতন্ত্রের প্রতিষ্ঠিত হইয়াছে অর্থনৈতিক ভিত্তির উপর—অস্তান্ত দেশের মত রাষ্ট্রনৈতিক ভিত্তির উপর নয়। লেনিনও এই কথাটার উপরেই বেশী জোর দিয়াছেন। কর্ণেল রবিন্সকে বর্তমান জগতের সর্বপ্রধান গণতন্ত্র আমেরিকার দোষ দেখাইয়া তিনি বলিয়াছেন—

“আমেরিকার গণতন্ত্রের বাস করিতেছে অতীত যুগের রাষ্ট্রনীতিতে—টমাস জেফারসনের যুগে। বর্তমান অর্থনৈতিক ভিত্তির উপর ইহা দাঁড়ায় নাই। এর মধ্যে অভাব রহিয়া গিয়াছে সার্বভৌমিক দুরদৃষ্টি। * * * আপনার নিউইয়র্ক আর পেন্সিলভেনিয়ার কথাই ধরা যাক্। নিউইয়র্ক আপনাদের ব্যাঙ্কিং এর কেন্দ্র আর পেন্সিলভেনিয়া ইম্পাতের ব্যবসার প্রধান গদী। ব্যাঙ্কিং আর ইম্পাত এ দুইটি হইয়াছে আপনাদের অত্যন্ত প্রয়োজনীয় ব্যবসার মধ্যে; এদের জোরেই আপনারা বর্তমান জগতে এত বড় আসন লইয়াছেন। যদি এই ব্যাঙ্কিং এর উপর আপনাদের প্রকৃত বিশ্বাস ও শ্রদ্ধা থাকে তবে আপনারা মিঃ মর্গ্যানকে যুক্ত-রাজ্যের মন্ত্রণালয় পাঠান না কেন? ইম্পাতের কারখানার উপর এতই যদি আপনাদের আস্থা, তবে মিঃ সোয়াথকে সেনেটে পাঠান না কেন? যারা ব্যাঙ্ক আর ইম্পাত সম্বন্ধে অতি অল্পই ধর রাখেন, কেন আপনারা তাঁদের সেখানকার প্রতিনিধি করিয়া পাঠান? ইহা অত্যন্ত কঠিন—এইটাই হইতেছে এর প্রধান দুর্বলতা। আপনারা এই কথাটাই বুঝিতে চান না যে আজকার শাসনের ভিত্তি রাষ্ট্র নৈতিক নয়। এইজন্যই আমাদের প্রণালী আপনাদের প্রণালীর চেয়ে শ্রেষ্ঠ আর ঠিক এইজন্যই ইহা আপনাদের প্রণালীকে ধ্বংস করিবে।

“আমাদের সমাজতান্ত্রিক শাসন বর্তমানকালের ভিত্তিকে মানিয়া চলে;—আমরা জানি যে আজকার প্রধান শক্তি হইতেছে অর্থনৈতিক। সুতরাং সমাজতান্ত্রিক শাসনপ্রণালীও অর্থনৈতিক ভিত্তির উপর স্থাপিত হইবে।

“আমাদের বাকু জেলাটা হইতেছে তেলের দেশ—এই তৈল-বাণিজ্যই তাকে প্রতিষ্ঠিত করিয়াছে এবং এই তৈলবাণিজ্যের জোরেই এ চলিতেছে। সুতরাং এই তৈলবাণিজ্যের দ্বারা সেখানকার প্রতিনিধি নির্বাচিত হইবে—সে ব্যবসার শ্রমিকেরাই এ কাজ করিবে। আপনি জিজ্ঞাসা করিতে পারেন—শ্রমিক কারা? আমি বলিব পরিদর্শক, ইঞ্জিনীয়ার, শিল্পী আর কুলীমজুর, অর্থাৎ যারা পায়ের জোরে অথবা মাথার জোরে আসলে ব্যবসা চালাইতেছে তাঁরাই শ্রমিক। যারা ব্যবসার মধ্যে লিপ্ত নয় অর্থাৎ যারা Speculation করে, royalties দেয় অথবা টাকা ধার দেয় তাদের শ্রমিক বলা যায় না;—তাঁরা তেলের সম্বন্ধে কিছু ভাবিতেও পারে, নাও পারে। এবং অধিকাংশ সময়েই তাঁরা জানে না। যাই হোক, মোটের উপর তাঁরা তৈল উৎপাদনের কার্যে আসে না। কিন্তু আমাদের প্রজাতন্ত্র হইতেছে উৎপাদকের (producers) প্রজাতন্ত্র।

এই রকম করিয়া আমরা করলা-বাণিজ্যের হিসাবে ভোনেটজ্‌ হইতে প্রতিনিধি পাঠাইব। সেখানকার প্রতিনিধি হইবে করলা-বাণিজ্যের প্রতিনিধি। আবার কৃষিপ্রধান জেলা হইতে যাইবে কৃষকদেরই প্রতিনিধি। কারণ শস্য উৎপাদন করে তারা, সুতরাং কৃষিকার্যের কথা বলিতে পারিবে তাঁরাই সব চেয়ে ভাল। আমাদের এই প্রণালী আপনাদের চেয়ে প্রবল, কারণ, বাস্তবের সঙ্গে এর মিল আছে। মানুষের দৈনিক কার্যের মূল্য কি ও মূল কোথায় তা ইহা খুঁজিয়া বাহির করিয়াছে এবং সেই মূলকেই ভিত্তি করিয়া এই প্রণালী গড়িয়া তুলিবে সমাজতান্ত্রিক শাসনব্যবস্থা। আমাদের গণতন্ত্র হইবে অর্থনৈতিক সমাজতন্ত্রের শাসন—এই অর্থনৈতিক যুগে। এই প্রণালীই জয়ী হইবে, কারণ ইহাতে আছে বর্তমান জগতের বাণীর উপলক্ষি।”

পারীর ১২১৯ এপ্রিলের তাঁ পত্রিকায় প্রকাশিত লেনিনের সহিত নাভিগ্যানের বিখ্যাত সাক্ষাৎকারের কথা এইখানে আমাদের মনে পড়িতেছে;—সেখানে পাই সোভ্যালিজ্‌মের উপর লেনিনের অসীম বিশ্বাস। লেনিন বলিয়াছিলেন—“জগতের ভবিষ্যৎ?—আমি মহাপুরুষ নই। কিন্তু এই পর্যন্ত আমি বলিতে পারি যে মূলধনমূলক (capitalistic) স্টেট—ইংলণ্ড যার দৃষ্টান্ত,—ধ্বংস পাইবে। পুরাতন প্রণালীর দিন গিয়াছে; মহাযুদ্ধ হইতে যে সমস্ত অর্থনৈতিক সমস্তা উদ্ভূত হইয়াছে—তাঁহা নতুন প্রণালীর দিকেই অগ্রসর হইতেছে। মানবের বিবর্তন তাঁহাকে নিশ্চয় সমাজতন্ত্রে (Socialism) আনিয়া পৌঁছাইবে।

“কয়েক বৎসর পূর্বে কে ভাবিয়াছিল যে আমেরিকার রেলওয়ে জাতির করায়ত্ত (Nationalised) হওয়া সম্ভবপর? * * * প্রত্যেক জাতি বিভিন্ন পথে যাত্রা করিতে পারে,—কিন্তু সকলকেই আনিয়া সমাজতন্ত্রে মিলিতে হইবে।”

লেনিনের হির বিশ্বাস যে ফরাসীবিপ্লব যেমন ইয়োরোপের সমস্ত অভিজাততন্ত্র শাসনকে ধ্বংস করিয়াছে—তেমন রুশ-বিপ্লব বর্তমানের এই রাষ্ট্রনৈতিক প্রজাতান্ত্রিক শাসনের অনিবার্য ধ্বংসসাধন করিবে, তার জায়গার প্রতিষ্ঠিত করিবে অর্থনৈতিক প্রজাতান্ত্রিক সামাজিক শাসন (economic democratic Socialism)।

যুদ্ধের পর বিলাতে এবং ইয়োরোপের অস্তান্ত জায়গার শ্রমিকের হাজার হাজার হইল, তখন সেখানকার বড় বড় কাগজওয়ালারা উর্দ্ধবাহ হইয়া সমস্ত দোষ চাপাইলেন বস্তুশক্তিজ্‌মের ঘাড়ে। এর উত্তর লেনিন আগেই দিয়াছেন—তিনি বলেন—“বিপ্লব কোথাও প্রচারের (propaganda) উপর নির্ভর করে না। যদি আসলেই কোন কারণ না থাকে তবে শত প্রচারেরও সাধ্য নাই যে বিপ্লব জাগায়। বিশ বৎসরের জন্ত রাশিয়াকে সমুদ্রের অতল জলে ডুবাইয়া দাও—তাতে ইংলণ্ডের শ্রমিকের এক শিলিং অথবা এক ঘণ্টার দাবীও কমিবে না।” (Russia in 1919—by Arthur Ransome)।

ঐপ্রবোধচন্দ্র বসু।



আমেরিকার চিত্র ও মূর্তি-শিল্পের নমুনা—

আমেরিকা বলিতে এখন বুঝায় যুরোপ হইতে সমাগত উপনিবেশী আমিনাদের দেশ। এই হিসাবে আমেরিকা নিতান্ত আধুনিক দেশ। কিন্তু নূতন দেশে নূতন অবস্থায় নূতন আবেষ্টনের ভিতর যুরোপ ওঁচা লোকদের ভিতর যে উদ্যম ও কর্মপ্রেরণা প্রাপ্ত হইয়াছিল, তার মলে আমেরিকানরা শিক্ষার শিল্পে বাণিজ্যে উদ্ভাবনায় আবিষ্কারে চাদের পিতৃভূমি যুরোপেরই সমকক্ষ হইয়া উঠিয়াছে। আমেরিকানরা বৈয়াক্ত লোক বলিয়া তাদের একটা কুখ্যাতি আছে। বিষয়ী লোকেরা



• আমেরিকার লাল লোক।

অর্থ উপার্জনের ধান্দাতেই এত জড়িত থাকে যে তাদের স্বকুমার চিত্তবৃত্তির অশুশীলনের অবসর ঘটে না। তাই আমেরিকার এখন পর্যন্ত কোনো নাম করিবার মতন বৃদ্ধদের কবির আবির্ভাব ঘটে নাই;—নাৎকেলো কবিতার মিল করিতে পারিয়াছিলেন, কিন্তু গভীর ভাব জুটাইতে পারেন নাই; হইটম্যান গভীর ভাবের ব্যাপারী ছিলেন কিন্তু তাঁর কবিতার সবই পরমিল; এমাসন কবিতা লিখিয়া কবিগণ অর্জন করিতে পারেন নাই। স্বকুমার চিত্তবৃত্তি আপনাকে প্রকাশ

করে কাব্যে ও কলার। কাব্যে আমেরিকানরা বেশী কিছু করিতে না পারিলেও, চিত্রে ও ভাস্কর্যে তারা আপনাদের সৌন্দর্যবোধকে আকার দিতেছে মন্দ না।

আমেরিকান ভাস্কর্যের পথপ্রদর্শক শ্রেষ্ঠ শিল্পীরূপে সম্মানভাজন হইতেছেন জন রোজাস। রোজাস আমেরিকার জীবনযাত্রার সঙ্গে সম্পর্কিত বিষয়কে মূর্তি দিয়া যশস্বী হইয়াছেন। তাঁর ভাস্করমূর্তির মধ্যে কতকগুলি খুব নামকরা—দাস-বাজার, গেরো হাড়ড়ে ডাক্তার, রিপ্‌ভান্‌ উইল্‌স্, আমেরিকার লাল লোক, গৃহঘৃষ্ণের সৌন্দর্য, ইত্যাদি। রোজাস ভাস্করশিল্পের প্রবর্তক গুরু হইলেও এ পর্যন্ত মাত্র দুজন

শিষ্য গুরুর অনুপ্রেরণা লাভ করিতে সক্ষম হইয়াছেন—ফ্রেড্‌ রেমিংটন ও মিস্‌ এবাল্‌। ফ্রেড্‌ রেমিংটনের আর্টের পরিচয় কিছুদিন আগে প্রবাসীতে দেওয়া হইয়াছিল।

চিত্রবিদ্যায় আমেরিকানদের মধ্যে নাম করিয়াছেন সার্জেট্‌। বহুতনে একটি স্বকুমার শিল্পের মিউজিয়াম আছে। সেই মিউজিয়ামের পোলঘর চিত্রভূষিত করিয়াছেন সার্জেট্‌। তাতে স্বকুমার শিল্পের সংগ্রহ-গৃহ সুসজ্জিত হইয়া স্বকুমার শিল্প আধের ধারণের উপযুক্ত আধার হইয়াছে। বহুতনের সাধারণ পাঠাগারের দেওয়ালেও সার্জেটের আঁকা ছবি আছে। সার্জেট্‌ নিতান্ত আধুনিক দেশের আধুনিক লোক হইলেও তাঁর তুলির আনন্দ অতীতে ও পুরাণে; এই নিতান্ত আধুনিকতার যুগে তাঁর আধুনিকতাস্পৃষ্ট পুরাণচিত্র সকলকে আনন্দ দান করিতেছে। সমসাময়িকেরা বলিতেছেন যে সার্জেট্‌ পৌরাণিক বিষয় চিত্র করিতেও নূতন অনুপ্রেরণার, খতন কল্পনার, মৌলিক সমাবেশের, উদ্ভাবনায় প্রাচুর্যের ও পুরাতন বিষয়ে নূতন রসোদ্ভেকের শক্তির পরিচয় দিয়াছেন। তাঁর চিত্রের বিষয়ের মহিমা,

চিত্ররীতির বিশুদ্ধতা, রচনার সম্পূর্ণতা, বিশ্বাস ও প্রশংসা আকর্ষণ করে। এই ছবিগুলিতে চিত্রকলা, মূর্তিভাস্কর্য ও স্থাপত্যশিল্প একত্র সম্মিলিত হইয়াছে এবং একে অস্তুর সাহায্যে নিজের সৌন্দর্য বর্ধিত করিয়াছে; এই ত্রিশিল্প সমাবেশে ছবিগুলিতে একটি শৃঙ্খলা শাস্তি সমন্বয় ঘটিয়াছে যাহা কেবলমাত্র একপ্রকার শিল্পে হুলস্থল। এই ত্রিশিল্প-সমন্বয় দর্শকের মনে একটি আনন্দময় শাস্ত্যভাবের উদ্ভেক করে। একটা ঘরের দেয়ালের, কাকের নানা আকার ছবি দিয়া



গৃহযুদ্ধের ধোকা।

ভরাইয়া সুসঙ্গত সৌন্দর্য্য সৃষ্টি করা অত্যন্ত কঠিন কাজ; সেই কঠিন কাজকে সুসম্পন্ন করিয়া মার্জেট্ আপনার প্রতিভার বিচক্ষণতা সমঞ্জসতা ও মানসিক ঐশ্বর্যের আচুর্ঘ্যের পরিচয় দিয়াছেন।

১৯১৬ হইতে ১৯২১ সাল পর্যন্ত পাঁচ বৎসর একান্ত সাধনায় এই আনন্দ সৌন্দর্য্য ও ভাবের আলেখ্য চিত্রিত হইয়াছে। এই চিত্রগুলিকে সম্বন্ধারেণা—superb masterpiece of modern mural work—আধুনিক দেয়ালচিত্রের অত্যাশ্চর্য্য শ্রেষ্ঠ রচনা বলিয়া প্রশংসা করিয়াছেন।

এই চিত্রগুলির বর্ণ-বৈচিত্র্য্য নীল বেত ও স্বর্ণের সংমিশ্রণে ও সন্নিবেশে সম্পাদিত; বর্ণস্বয়মা তরল বহু আনন্দিত স্বাধীন উচ্ছল বলিয়া মনে হয়।

দেয়ালের গারে তোলা-ছবি (bas-reliefs) আছে চারটি—মদন ও রতি (Cupid and Venus), ত্রিদেবী (Three Graces), রতি ও মানসী (Venus and Psyche), এবং নর্তন (Dancing Figures)। চারদিকের চার দেয়ালে বড় বড় চারটি রঙে আঁকা ছবি আছে—উত্তর দেয়ালে ভিখারুটি ক্রেনের মধ্যে অঙ্কিত হইয়াছে



কালের আক্রমণ হইতে মিনার্ভা কর্তৃক হাপতা, ভাঙ্গা ও চিত্রকে রক্ষা



ফিক্স ও কিমেরা।

মিনার্ভা-দেবীর অকলাশ্রয়ে কালের আক্রমণ হইতে রক্ষিত হাপতা ভাঙ্গা চিত্র। হাপতা সবুজ শিল্পকলার মাতা, মধ্যস্থলে বসিয়া দক্ষিণে ভাঙ্গা চিত্রকে ও বামে চিত্রকে অবলম্বন করিয়া আছে। ফিক্স



এপোলো ও নয় মিউজ।

তার কাছে নিড়ানি উঁচাইয়া উচ্ছেদ করিতে বুকিয়াছে, তাকে আড়াল করিয়া শিল্প ত্রিমূর্তিকে অঞ্চলাশ্রয়ে রক্ষা করিতেছেন দেবী মিনার্তা।

দক্ষিণ-দেয়ালেও একটি ডিখাকৃতি ফ্রেমের মধ্যে অঙ্কিত হইয়াছে—The Sphinx and the Chimera, ফিক্স্ ও কিমেরা। ফিক্স্ ও কিমেরা গ্রীক পুরাণের দুই কল্পিত রাক্ষস—ফিক্স্‌দের দেহ সিংহের, মস্তক নারীর, পিঠে দুটি ডানা, সে থীব্‌স্‌ নগরে গিয়া লোককে হেঁয়ালি বলিত ও সমস্তা পূরণ করিতে না পারিলেই তাকে মারিয়া খাইয়া ফেলিত, ইডিপাস সমস্তা পূরণ করিতে সে পাহাড় হইতে नीচে পড়িয়া আত্মহত্যা করে। ইজিপ্টে এই মূর্তি নারীর কল্পিত স্বভাবের রূপরূপে গঠিত হইত; কিমেরা মানে কল্পনা, তার পা সাপের লেজ; কল্পনার সঙ্গে কল্পনার মিলন এই ছবিটির তাৎপর্য। এই ছবিটি বিশেষ জোরালো ও প্রভাবপূর্ণ হইয়াছে। কিমেরার পক্ষধর মূর্তি সার্জেন্টের দক্ষতার পরিচায়ক। কল্পনা ডানায় ভর করিয়া উড়িয়া আসিয়া অসীম রহস্যের ধ্যানস্তিমিত স্মিত মুখের অজানা অজ্ঞেয় তত্ত্বের সন্ধান করিতেছে। এ ছাড়াও এই ছবির আরো হাজার রকম তাৎপর্য দর্শক আবিষ্কার করিতে পারে—এ চিত্রখানি এমনি অর্থপূর্ণ।

পশ্চিম দেয়ালে ডিম ফ্রেমে ছবির বিষয় এপোলো ও নয় মিউজ। এপোলো সঙ্গীতের গ্রীক দেবতা এবং নয় মিউজ শিল্প সঙ্গীত কাব্য প্রভৃতির দেবতা, এক কথায় কলাবিতা। এই বিষয়টি দেশে দেশে কালে কালে কত চিত্রকরের তুলিকাকে ধস্ত করিয়াছে, কিন্তু এমন গতিচ্ছন্দে নৃত্যপরা কলাবিতাদের ছবি কোনো চিত্রকর নাকি আঁকিতে পাবেন নাই—সঙ্গীত-দেবতাকে বিরিয়া কলাবিতাদের স্নানস্নান হৃৎকর হৃৎকর গতিহিম্মানে ছন্দাধর্য হইয়াছে।

পূর্ব দেয়ালে আছে Classical and Romantic Art—পৌরাণিক ও অবাস্তব ভাবময় আর্ট। এখানেও এপোলো মধ্যমূর্তি; তাঁর দক্ষিণে প্যান—পঞ্চপতি, ও অফিউস্—পশুসম্মোহনকারী সঙ্গীত-দক্ষ দেবতা; এপোলোর বামে অপর দুই দেবতা। এঁদের পশ্চাতে স্বর্ণাভ বিছাৎবিকাশে আকাশ উদ্ভাসিত।



সঙ্গীত।

এরটি ছোট ছোট গোলা ছবিতে খুব উঁচুনের মৌলিকতা প্রকাশ পাইয়াছে। সেই চিত্রখানি ছবির বিষয়—সঙ্গীত, জ্যোতিষ, শকুনাক্রান্ত।

এমিউল, ইপলরপী জুস কর্তৃক পানীভীত হয়। এই সব পতীর তাব-
ব্যক্তক ছবি অল্পপরিমিত জায়গায় মধ্যে আঁকিয়া চিত্রকর বিশেষ
বক্তার পরিচয় দিয়াছেন।

কেশপূত তোলা-ছবি কতকগুলি আছে, তার বিষয়—সেটর
চিরম কর্তৃক একিলেসকে শিকা দান, সন্ন্যাসীবিশায়ক একিরন—
জুসের বসন্ত পুত্রের অস্ত্রতন, স্ত্রীটির ও বীনাড এবং বশ।

এতগুলির মধ্যে কোনো ছবিতে এতটুকু জড়তা আড়ষ্টতা বা
ভারীর ভাব নাই; কোথাও চেটার চিত্রমাত্র নাই। মোটের উপর
এর মধ্যে স্বাধীনতার আনন্দ বহু উচ্ছলভাবে দেখা যায়। —কয়ালী।

পকেট-কাটার সর্কনাশ—

পকেটকাটার ধরবার অস্ত্রে সম্প্রতি আমেরিকার এক রকম
বৈজ্ঞানিক বয় আবিষ্কৃত হয়েছে। যন্ত্রটি কোটের বা প্যাটালুনের
পকেটে রাখা হয়। এর সঙ্গে কয়েকটি খুব সরু বৈজ্ঞানিক তার
লাগানো থাকে। তারগুলি জামার হাতের সঙ্গে এমনভাবে সেলাই
করা থাকে যে বাইরে থেকে ধরতে পারা যায় না। আর এই
তারগুলি গিরে যুক্ত হয়েছে পলার একটি বোতাম পরাবার কীকে।




পকেটকাটার সর্কনাশ।

সেখানে একটি কৌটা আছে। তার ভিতর চার রকমের আলো
থাকে। পকেটকাটা পকেটে হাত দিলেই যন্ত্রটির মুখ বন্ধ হয়ে যায়
আর আলো অগ্নে' ওঠে। তখন যার পকেটে হাত পড়েছে তিনি
সজাগ হন আর তৎক্ষণাৎই চোরকে ধরতে পারেন। হে বড়বাজারের
পকেটদৌরী, সাবধান!

অদ্ভুত মাছ—

প্রকৃতির রাজ্যে অদ্ভুত বিচিত্র জীবের অভাব নেই। এক-এক
জাতের জানোয়ারের মধ্যেই কত রকম বৈচিত্র্য। কিন্তু মাছের মধ্যে
কে-রকম বৈচিত্র্য দেখতে পাওয়া যায় এমন আর কোন জীবের মধ্যে
কোথা যায় না। দেশভেদে মনোভেদে সমুদ্রভেদে মাছের রান্না বৈচিত্র্য।
কতক মাছ আবার এমন অদ্ভুত দেখতে হয় যে তাদের দেখে অবাক
হতে হয়। এই রকম কয়েকটি অদ্ভুত মাছের আয়ত্তা এখানে পরিচয়
দিয়েছি।

ট্যাগা মাছ।—এ মাছ আনাঘের দেশেও প্রচুর দেখতে পাওয়া
যায়। সাধারণতঃ একে রোগা রোগা দেখতে। কোনো শত্রু ভেঙে
এলে এই মাছ পেটটা ফুগিয়ে একেবারে বেগুনের বত হয়ে ওঠে।
শত্রুকে ভয় দেখাবার অস্ত্রেই এর এই বীভৎস আকার।



মদা ষোড়ামাছের নকশা।


আলো মাছ।—এ মাছও শত্রুর হাত থেকে বাঁচবার অস্ত্রে আশ্চর্য
উপায় অবলম্বন করে। এর দেহ অনেকটা পাকাল মাছের মতন।
মাথার ছুপাশে দুটো শিংএর মত আছে। তার ওপরে সোল সোল
দুটো চোখ। চোখ দুটো থেকে বিদ্যুতের আলোর মত আলো
বেরোর। সেই আলোতেই মাছটা শত্রু আছে কি না এখার ওখার
দেখতে দেখতে যায়।



সাপরথরে ষোড়ামাছ।

মৌকোনুখো মাছ।—এ মাছের শরীর রোগা-রোগা শিঙি মাছের
মত। কিন্তু এর হাঁ অতি প্রকাণ্ড। ধনঞ্জয় নামে ঠোটসর্কন একরকম
পাখী আছে, তাদের মতনই এর হাঁ। এর মুখে অব্যবহৃতভাবে অল্প
খাবার চলে' যায়, তবুও এর খেতে কোন আগতি নেই। কেবল
মাঝে মাঝে ঠোটের ডাকুনা টিপে খাবার গিলতেই বা কষ্ট।

পেটসর্কন মাছ।—এ মাছ দেখতে খুব অদ্ভুত নয়, তবে এর পেটটা



LONGER FISH
TO REACH THE
MOUTH OF THE
SHARK ALONG HIS
SIDES

THE FEMALE
SLA HORSE
HAS AN
EASY
TIME

THE MALE
CARRIES
THE EGGS
ON THE
FRONT AND
KICKS THEM
FROM THE
PUNCH THAT
HELD THEM

THE ARCHER FISH STUNS
INSECTS WITH A JET
OF WATER


THE PILOT FISH GETS
FREE RIDES BY CLINGING
FAST TO A SHARK WITH
THIS SUCKER MOUTH

THE BLACK SWALLOWER HAS
AN ELASTIC STOMACH THAT
WILL HOLD A FISH TWICE
AS LARGE AS HIMSELF

PUFFER FISH WILL
SWELL UP INTO A
PRICKLY BALLOON
WHEN ENEMIES
APPROACH

THE BLACK GULPER HAS A
MOUTH THAT SUGGESTS THE
PELICAN'S BEAK

HIS EYES ARE AT THE END OF FEELERS—THEIR
PHOSPHORESCENCE IS NECESSARY IN THE
DARKNESS OF THE OCEAN DEPTHS



যোড়ামাছ (মাছি)


মন্দা যোড়ামাছ—পেটের খলি সমুচিত, প্রসারিত ও খলি হইতে বাচ্চাদের নিষ্করণ।

যেন একটি নৌকার খোল। এ পেটে প্রচুর খাদ্য ধরে। মাছটির চেহারা যা তার চেয়ে বিগুণ প্রিনিস এই পেটে স্থান পেতে পারে।

হাঙর-সখা মাছ।—ইনি হাঙরের পরম বন্ধু। বিনা পরসার হাঙরের পিঠে চেপে বেড়ানোই এর কাজ। হাঙর যখনই কোন শিকার করে তখনই ইনি দৌড়ে এসে শিকারের তত্ত্বাবধান করেন, আর প্রসাদ পাবার প্রভূত চেষ্টা করেন। এর মুখের নীচের দিকে কতকগুলো কাঁটার মত হাড় আছে। তাই দিয়ে সে হাঙরের পিঠ আঁকড়ে থাকে।

ভীরন্দাজ মাছ।—এই মাছ পাড়ের ধার দিয়ে খার ঘিরে ঘুরে বেড়ায়, আর কোন কীটপতঙ্গ দেখলে মুখ দিয়ে পিচকিরি ছোড়ার মত জল ছুঁড়ে পতঙ্গকে জঙ্গ ও আহত করে। তার পর আহত পতঙ্গ খেয়ে নেয়।

যোড়া-মাছ।—সবচেয়ে অদ্ভুত দেখতে এই যোড়া-মাছ। এর মুখটা যোড়ার মত, পেটটা সাধারণ মাছের মত, আবার একটা লাজ আছে, সেটার ওপর ভর দিয়ে এরা দাঁড়ায়। আমাদের দেশে যারা পুরী, ওয়ালটেরার, মাজাজ প্রভৃতি জায়গায় সমুদ্রের ধারে বেড়াতে গেছেন তাঁরাই এই যোড়া মাছ বা সাগর-যোড়া দেখে থাকবেন। যোড়া-মাছ আকারে এক ফুটের বেশী হয় না। এরা সমুদ্রের এমন জায়গায় থাকে যেখানে খুব গাছপালা আছে। গাছপালার মধ্যে এরা লুকিয়ে থাকতে ভালবাসে, কেননা আত্মরক্ষা করার মত শক্তি এদের কম। যোড়া-মাছের চোখ খুব উজ্জ্বল। আর টিকটিকির মত এরা একটা চোপকে আলাদাভাবে এখার ওখার ঘোরাতে পারে। এদের মাথার দুদিকে ছোট ছোট দুটো পাখা আছে। এরা যখন চলতে থাকে তখন পাখা-দুটো খুব নড়ে, আর দাঁড়ালে পাখা-দুটো খাড়া হয়ে থাকে। এরা দাঁড়িয়ে লাজটা কোন আপাতায় আটকে দেয় যেন নৌকা নড়র ফেলে আছে। আর লাজ আটকে রেখে ঝড়ের আশায় এখার ওখার শরীর দোলাতে থাকে। এদের মুখ সরু। মুখের গঠন দেখে বোধ হয় এরা ছোট ছোট জলের পোকা খেয়ে থাকে। এদের গায়ে আঁশ নেই। মন্দা যোড়া মাছের পেটের ভেতর কান্ডাকর মত একটি খলি আছে। তার মধ্যে সে ডিম বহন করে বেড়ায়। আবার বাচ্চার বাপের পেটের এই খলিতে লুকিয়ে থাকে। আশ্চর্য্য এই যে যোড়া-মাছের পুরুষকেই ডিম ও বাচ্চাদের বহনের কষ্ট সমস্তই পোহাতে হয়।




চিল্কা হ্রদের যোড়ামাছ।

চিল্কা হ্রদেও এক রকম যোড়া-মাছ আছে। তাদের আকার সাধারণ যোড়া-মাছের আকারের চেয়ে কিছু ভিন্ন। এরা একটু মোটামোটা ও ভারি ভারি দেখতে।

কল্পিত হোটেল—

“রাধতে সর বাড়তে সর না” একথাটা অবস্থা-বিশেষে সব মানুষের পক্ষেই খাটে। তারপর যখন পাঠার কোর্স চাহিবার আশ্বস্তা পর আলুর চচ্চড়ি আসিরা মোটে, তখন তাহা সব সময় হাসির উদ্রেক করিরা পরিপাক-রস নিঃসরণে সূহারতা করে না, ইহাও নিশ্চিত।




কলতরু হোটেল।

এই-সব উপক্রমের হাও হইতে পরিষ্কার পরিষ্কার এক উপায় আমেরিকার এক হোটেলে সম্প্রতি হইয়াছে। হোটেলে চুকিয়া স্থবিধামত কোথাও একটা টেবিলে বসিয়া গেলেই ঘরজোড়া সাজানো খাবারের স্তূপ ঘেসিয়াসেই টেবিল ঘুরিতে আরম্ভ করে, চলিতে চলিতে হাত বাড়াইয়া যেটা খুসি তুলিয়া লইলেই হইল। সারি সারি টেবিল ভাড়িত-চালিত হইয়া সারাক্ষণ সমস্ত বাড়ীসর ঘুরিয়া বেড়ায়, প্রত্যেক টেবিলের মাঝখানে সোডা ও জলের ফোয়ারা, বৈদ্যুতিক আলো ও চর্কি পাখার বজ্রাবলম্ব। একবার ঘুরিয়া আসিতে নিজের মনের মতো খাবারটি কোনো কারণে যদি হাত এড়াইয়া যায় ত আরেকবার ঘুরিয়া সেটিকে খুঁজিয়া লওয়া চলে। এই আহার-ব্যবস্থার পরিবেশক মোটে লাগে না বলিলেও চলে, আহারকারীদেরও আহার ও জন্ম দুইই একসঙ্গে করা হইয়া যায়।

সাঁকো খেয়া—


নদীর উপর লোক-যাতায়াতের সাধারণ পুল জাহাজের চলাচল ব্যাহত করে, হয়ত তার অন্ত পুলের মাঝখানটার কোথাও খুলিয়া পথ করিয়া দিতে হয়—সে সময়টা লোকজন গাড়ীঘোড়ার চলাচল ব্যাহত হয়। এই-সমস্ত অস্থবিধার হাত এড়াইতে ইংলণ্ডের নিউ-পোর্টে উক্ত নদীর উপরে একটি নূতন রকমের পুল নির্মিত হইয়াছে বাহা নদীর উপর নৌকাচলাচলের পথ জুড়িয়া বিরাজ করে না—নিজেই খেয়া-নৌকার মতো নদীর এক তীর হইতে অন্য তীরে লোক পরিাপার করিয়া বেড়ায়। পুলটিকে তাই সাঁকো খেয়া বা খেয়া সাঁকো বলা চলিতে পারে। নদীর দুই পারে খুব উঁচু দুইটি খামের মাথার মাথার জোড়া কড়ি বাহিয়া খুলিয়া একটি দোলনা এপার-ওপার যাতায়াত করে, পথে নৌকা বা জাহাজ পড়িলে খামিয়া দাঁড়াইয়া পথ করিয়া দেয়, নদী পার হইতে সময়ও লাগে কম, লোকও কম ধরে না।




সাঁকোর খেয়া।



বাচাল মোটর।



The Large Tower Showing the Signal Amplifier (Voice Magnifier) in the Center. The Signal Amplifier is the Large Tower in the Center. The Signal Amplifier is the Large Tower in the Center. The Signal Amplifier is the Large Tower in the Center.



The Large Tower Showing the Signal Amplifier (Voice Magnifier) in the Center. The Signal Amplifier is the Large Tower in the Center. The Signal Amplifier is the Large Tower in the Center. The Signal Amplifier is the Large Tower in the Center.

স্বরবির্ভক যন্ত্র।

স্বরবির্ভক যন্ত্র—

পথের ধারে একট আরোহীহীন শুল্ক মোটর হ্যাং যদি চীৎকার করিয়া গান গাহিতে শুরু করে অথবা হাসির ত'ওবে চারিদিক কাঁপাইয়া তোলে ত' তাহা এই বিংশ শতাব্দীর বাস্তবিক miracle বা অষ্টন-বটন-পরতার দিনও লোককে একটু ভাক্ লাগাইয়া দেয়। কিন্তু এই ব্যাপারটিই আমেরিকার শহরবাজারের পথে আজকাল ঘটতেছে শোনা গেছে। শুল্ক মোটর ঠিক গান না গাহিলেও চীৎকার করিয়া নিজের গুণবাখ্যা ও বৎস-পরিচয় পথের লোকদের চাকিয়া ফুলিতেছে।

ইহা কনোগ্রাফের কলে হইতেছে না। Voice Amplifier বা স্বরবির্ভক নামক যন্ত্র মোটরের মধ্যে কোথাও লুকাইয়া রাখিয়া ছুর আড়াল হইতে কাঁপা নলের সাহায্যে তার মধ্যে কথা কহিলেই সেই কথার শব্দ বহুগুণে বৃদ্ধি পাইয়া বৃদ্ধি-বস্ত্রের মধ্যে বাজিয়া ওঠে, পথের লোক বহুদূর হইতেও তাহা স্পষ্ট শুনিতে পায়।

পরীক্ষা করিয়া দেখা গিয়াছে এই বৃদ্ধি-বস্ত্রের সাহায্যে একজন লোক চার বর্গমাইল স্থান জুড়িয়া নিজের চীৎকার-শব্দ প্রতিধ্বনিত করিতে পারে, এমন কি নিজে চীৎকার না করিয়াও সেই চারি বর্গমাইলের অধিবাসী আবাদবৃদ্ধ সমস্ত নরনারীকে কোনো আসন্ন বিপদবার্তা এক মিনিটের মধ্যে জানাইয়া দিতে পারে। এমনতর প্রতি একমাইল বা

এরোজক-সত হুরে হুরে এক-একটি বিরাট বৃদ্ধির স্থাপিত করিতে হয়, তাদের পরস্পরের সঙ্গে টেলিকোর যোগ থাকে। তারপর তার বে-কোন একটির মধ্যে কথা কহিলেই সেই কথা অস্ত বরগুলির মধ্যে ঘোর চীৎকার-শব্দে বাজিয়া ওঠে। হয়ত চার বাইল হুরে নদীর বাঁধ ভাঙিতে শুরু হইয়াছে, আধ ঘণ্টার মধ্যে স্থানত্যাগ করিয়া না গেলে বস্তা আসিয়া সকলকে ভাসাইয়া লইয়া যাইবে, তখন এই বস্ত্রের সাহায্যে সেই বিপদের বার্তা পলকে সকলের কাছে পৌঁছাইয়া দিয়া সহজেই কতকগুলি অমূল্য জীবনকে মৃত্যুর হাত হইতে রক্ষা করিবার ব্যবস্থা হওয়া সম্ভবপর হইবে। আমেরিকাতে প্রধানত এইদিক দিয়াই বস্ত্রটির পরীক্ষা হইয়াছে, এবং প্রধানত এই উদ্দেশ্যেই ইহার ব্যবহারও হইবে। আমাদের দেশে বৎসর বৎসর বস্তা হইয়া কত সহস্র সহস্র লোকের ধনপ্রাণ নষ্ট হয় তাহার ইয়ত্তা নাই। আমরাও স্বরাজ অর্জন করিবার পর আমাদের দেশের ধনপ্রাণ রক্ষার কাজে এই বস্ত্রটি নিয়োগ করিতে পারিব।

স।


সেই গাড়ীতে—একে গাড়ী না বলিয়া একখানা তক্তা বলিলে টিক হয়—একজন লোক দাঁড়াইয়া থাকে, এবং একটা কুকুর তা বেশ সহজেই টানিয়া লইয়া যায়। জিনিষপত্র এক স্থান হইতে অস্ত স্থানে চালান করিবার সময় বড় গাড়ী থাকে—আর তা কয়েকটা কুকুরে টানিয়া লইয়া যায়। পরমকালেও অস্ত বরক সকর করিয়া রাখা হয়—তাও আবার এই কুকুরটানা গাড়ীতে করিয়া নির্দিষ্টস্থানে পহুঁচান হয়। এই বরকের উপরে চলা গাড়ীর তলা খুব মসৃণ, তাহার অস্ত বরকের উপর টানিতে কুকুরকে খুব বেশী ঘোর দিতে হয় না।

মুরগী-কাওয়াজ—

সৈন্তদলের দ্বারা এবং বিজ্ঞানজ্ঞের ছাত্রদের দ্বারা কুচকাওয়াজ করাইয়া অনেক সময় নানা রকমের অক্ষর প্রস্তুত করা হয়। এই



মুরগী-কাওয়াজ।



কুকুর-টানা গাড়ী।

কুকুর-টানা গাড়ী—

কুইবেকের নিকটে স্যানকোর্ড জাংসান নামক স্থানে শীতকালে কুকুর গাড়ী টানার কাজে লাগে। শীতকালে সেখানকার পথবাট বরকে চাকিয়া যায়। তখন চাকাওয়াজ গাড়ী চলা সম্ভবপর নয়।

রকমে মানুষকে সারি সারি বিশেষ বিশেষ অক্ষরের আকারে বসান বা সাজান খুব আশ্চর্যের কথা নয়। কিন্তু মুরগীদের এই রকম অক্ষরের আকারে কিছুক্ষণ স্থিরভাবে বসাইয়া রাখিয়া তাহার ছবি তোলা খুব সহজ কাজ নয়, এবং এ রকম কথা বোধ হয় খুব কম লোকেই শুনিয়াছেন। পেনসিলভেনিয়াতে একটি মুরগী-খোঁজাড়া আছে। কিছুদিন আগে ঐ খোঁজাড়ের কর্তারা একদল শাদা মুরগীকে P. P. F. এই তিনটি অক্ষরের আকারে সাজাইয়া বসাইয়াছিলেন এবং তাহার পর তাহার ছবি তুলিয়াছিলেন। ব্যাপারটা বোধ হয় নিম্নলিখিত উপায়ে করা হইয়াছিল। প্রথম দাপ কাটির ঐ অক্ষর তিনটি লিখির তাহার উপর দানা ছড়াইয়া দেওয়া হয়। তারপর মুরগীদের ঐখানে চাড়া দেওয়া হয়। মুরগীরা একটু স্থির হইয়া পাইতে আরম্ভ করিবারাত্র তাহাদের ছবি তোলা হয়। কিন্তু খাবার ছড়াইয়া মুরগীদের এমন ভাবে বসানও বড় শক্ত ব্যাপার। কারণ তাহারা এক জায়গায় স্থির থাকিয়া থাকিতেই ভালবাসে। তাই বাহারা এই ছবি তুলিয়াছেন তাহাদের যথেষ্ট বাহাদুরী আছে।

হেমন্ত।



অতীতের ব্রাহ্মসমাজ—অনেকগুলি প্রতিকৃতি সহিত।
শ্রীমৈলোক্যানাথ দেব প্রণীত। কলিকাতা, ১৪নং এন্ট নিবাগান লেন।
১৯২১ সাল। মূল্য এক টাকা।

ইহাতে প্রবাসীর পৃষ্ঠার অর্ধেক আয়তনের ১৪৪ পৃষ্ঠা লেখা আছে।
অতিরিক্ত ব্রাহ্মসমাজের রামমোহন রায় প্রমুখ প্রধান কর্মীদের, পরমহংস
রামকৃষ্ণের, এবং ভারতপ্রবাসিনী মহিলাদের ছবি ইহাতে আছে।
ইহার বাঁধাই সুন্দর। ছাপা ও কাগজ ভাল। দাম সস্তা।

গ্রন্থকার পুস্তকখানিকে অতীতের ব্রাহ্মসমাজের ইতিবৃত্ত বলিয়াছেন।
ইহা যদিও তাহা নহে, তথাপি ইহাতে পরগোকগত বহুদংখ্যক বিখ্যাত
ব্রাহ্মের এবং রামকৃষ্ণ পরমহংসের জীবনের অনেক আখ্যায়িকা ও
উপদেশ আছে বলিয়া ইহা পড়িলে পাঠকগণ উপকৃত হইবেন এবং
অনেক নূতন কথা জানিতে পারিবেন। এই সংস্করণে ভুল ত্রুটি বাহা
আছে, তাহা ভবিষ্যতে সংশোধিত হইতে পারিবে। শুভ উদ্দেশ্যে
বহু মহাপ্রবন্ধের কীর্তিকলাপ বর্ণনা প্রদানে বধিরমুক বিদ্যালয় প্রতিষ্ঠা,
সিটি স্কুল ও কলেজের জন্ম তাহার পরিচয়, প্রভৃতির উল্লেখ থাকিলে
ভাল হইত। এগুলি বাস্তবিক তাহার অক্ষয় কীর্তি।

মনোবিজ্ঞান—(সাহিত্যপরিষৎ গ্রন্থাবলী, সং ৩৭),
শ্রীমলিনাক ভট্টাচার্য্য বিরচিত। ২৪৩।১ অংকার সাকুলার স্কোড
হইতে শ্রীরামকমল সিংহ কর্তৃক প্রকাশিত। পৃঃ ৪+৩৩০+১৭।
মূল্য ১।০।

এই গ্রন্থে ১১টি অধ্যায়। এই কয়েকটি অধ্যায়ে—মন, শরীর ও মন,
স্বপ্ন, মনোবৃত্তি বিভাগ, মনঃসংযোগ, সংবেদন, উপলব্ধি, স্মৃতি ও
সংস্কার, ভাবনা, অহং বা আমি, বেদনা ও রম, এবং ইচ্ছা—এই-সমুদয়
বিষয় আলোচিত হইয়াছে।

বহুভাষায় মনোবিজ্ঞান-বিষয়ক গ্রন্থের বিশেষ অভাব। এই গ্রন্থ
প্রকাশিত হওয়ার এই অভাব আংশিকরূপে বিদূরিত হইল। গ্রন্থ-
খানির একটি বিশেষত্ব আছে, ইহাতে যে কেবল পাশ্চাত্য পণ্ডিতগণের
মতামতই বিবৃত হইয়াছে তাহা নহে, পাঠকগণ ইহা পাঠ করিয়া ভারতীয়
দর্শনশাস্ত্রের মতামতও জানিতে পারিবেন।

বহুভাষায় দার্শনিক গ্রন্থ লেখা সহজ ব্যাপার নহে। অনেক স্থলে
নূতন শব্দের সৃষ্টি করা আবশ্যিক হইয়া পড়ে; ইহাতে আবার পুস্তকের
ভাষা ছুর্কাখা হইয়া উঠে। কিন্তু এই পুস্তকে সে প্রকার আশঙ্কা
নাই। বিষয়ের তুলনায় ভাষা প্রাজ্ঞ।

পরিশিষ্টে এই পুস্তকে ব্যবহৃত পরিভাষা ও তাহার ইংরেজী প্রতিশব্দ
সেওয়া হইয়াছে। বাংলা ব্যাখ্যা দিলে পুস্তক আরও সুখবোধ্য হইত।

এই গ্রন্থ পাঠ করিয়া আমরা প্রীত হইয়াছি। ইহার বহুল প্রচার
হওয়া আবশ্যিক।

মহেশচন্দ্র ঘোষ।

গীতাধর্ম—শ্রীহরিশনাথ পণ্ডিত প্রণীত। ভিক্টোরিয়া প্রেসে
মুদ্রিত। ১৩০ পৃষ্ঠা; কাগজে বাঁধা মলাট—মূল্য একটাকা চারিআনা।

সমগ্র গীতা গ্রন্থখানি সরল বাংলা পদ্যে ভাষান্তরিত হইয়াছে, ও শেষ
ভাগে গীতা-মাহাত্ম্য মুদ্রিত হইয়াছে। ১৮৮৪ পুস্তক হইতে এ পর্যন্ত

বহুদেশে গীতার নানাবিধ সংস্করণ টীকা-টীপনো ব্যাখ্যা ও অনুবাদ
প্রকাশিত হইয়াছে। এই গ্রন্থখানির বিশেষত্ব এই যে পদ্যে যে অনুবাদ
সেওয়া হইয়াছে তাহা অতি সরল ও সুখবোধ্য। বইখানি সুন্দর করিয়া
ছাপিবার জন্ত গ্রন্থকার অনেক অর্থব্যয় ও পরিশ্রম করিয়াছেন।

শ্রীবিষ্ণুচন্দ্র মজুমদার।

রাজনীতি—শ্রীমৎ বামী প্রজ্ঞানানন্দ সরস্বতী প্রণীত। পৃঃ
১৩০+৩১৬। মূল্য ১।০। প্রকাশক শ্রীঅরুণচন্দ্র গুহ, বি-এ, সরস্বতী
পুস্তকালয়, ৯ নং রমানাথ মজুমদারের লেন।

প্রকাশকের নিবেদনে লিখিত আছে যে "গ্রন্থকার সন্ন্যাসী,
রাজনৈতিক কারণে তিনি চার বৎসর আবদ্ধ ছিলেন। এই সময়
লিখিত পুস্তক-সমূহের মধ্যে ইহা অস্তুতম।" শ্রীবুদ্ধ প্রথমমাধ
বন্দোপাধ্যায় একটি ক্ষুদ্র ভূমিকা লিখিয়া দিয়াছেন। স্বয়ং গ্রন্থকারেরও
একটি ভূমিকা আছে। গ্রন্থকার ভূমিকায় লিখিয়াছেন, "ইউরোপীয়
রাজনৈতিক আদর্শের সহিত ভারতীয় আদর্শ তুলনা করিবার জন্তই
বর্তমান প্রবন্ধ লিখিত হইয়াছে।" ইউরোপীয় ও ভারতীয় রাজনীতি-
লেখকদের সঙ্গে গ্রন্থকারের যথেষ্ট পরিচয় আছে বলা যায়। কিন্তু
একটা ভুল তিনি করিয়াছেন বলিয়া মনে হয়। ইউরোপীয়
বা ভারতীয় রাজনৈতিক আদর্শ একটা নয়। ঐতরদেশেই বিভিন্ন
রাজনৈতিক আদর্শ দেখা গিয়াছে। ইউরোপের মত ভারতেও
রাজতন্ত্র, গণতন্ত্র, কুলতন্ত্র প্রভৃতি বিদ্যমান ছিল। রাজশক্তির
উদ্ভব সম্বন্ধে ইউরোপীয় পণ্ডিতদের মত ভারতীয় শাস্ত্রকারদের
মধ্যে মতভেদ ছিল; এবং যে চুক্তিবাদ সম্বন্ধে গ্রন্থকার স্বেচছবর্ণ
করিয়াছেন এবং বাহা শুধু ইউরোপেই সম্ভাব্য বলিয়া মনে করিয়াছেন
তাহাও মহাভারতের শাস্ত্রপুর্বে ভারতীয় মনোবী ভীষ্মদেব যুধিষ্ঠিরের
নিকট তাহার রাজনীতি-ব্যাখ্যায় ভারতীয় মত বলিয়াই ব্যাখ্যা
করিয়াছেন।

এরিষ্টটস্, প্লেটো, রুশো প্রভৃতি ইউরোপীয় বহু রাজনৈতিকের
মতই গ্রন্থকার আলোচনা করিয়াছেন। আমাদের মতে কিন্তু গ্রন্থকার
তাঁহাদের অনেকের সম্বন্ধেই নায়-বিচার করেন নাই। তাঁহার
বিচারের মধ্যে অনেকটা অসংলগ্ন চিন্তা রহিয়া গিয়াছে, এবং অনেক
স্থলেই এক কথার আর-এক কথা আনিয়া কেলিয়াছেন। প্রকৃতপক্ষে
তিনি তুলনামূলক সমালোচনা করিতে গিয়া যে পন্থা অবলম্বন করিয়াছেন
তাহা প্রকৃষ্ট পন্থা নহে। রাষ্ট্রীয় শক্তির উদ্ভব, রাষ্ট্রের স্বরূপ ও কাজ,
রাষ্ট্র ও সমাজের সম্বন্ধ প্রভৃতি বিষয়গুলি ধরিয়া ইউরোপীয় ও ভারতীয়
মতবাদগুলির আলোচনা করিলে বিষয় সহজ ও সুন্দর হইত। তিনি
তৃতীয় অধ্যায়ে ভারতীয় মতের বিশেষত্ব বলিগা বাহা বাহা লিখিয়াছেন
তাহা ভারতীয়ের কিরূপ বিশেষত্ব বুঝিলাম না। বৃহৎ সমাজীয় আন্তর্জাতিক
নিয়ম, রাজ্যীয় ব্যক্তিগত নিয়ম, চর প্রভৃতির সম্বন্ধে বাহা লেখা হইয়াছে
ইউরোপেও হুবহু প্রায় তাহাই আছে।

আমাদের মতে, রাজনৈতিক মতবাদ সম্বন্ধে ভারতের বাহা বিশেষত্ব
তাহাই পরিষ্কাররূপে গ্রন্থে উল্লিখিত হয় নাই—তাহা হইতেছে রাষ্ট্রের
(state) সহিত ব্যক্তির (individual) সম্বন্ধ বিষয়ক। এ বিষয়

ভারতের-যাহা প্রধান মতবাদ তাহা অনেকটা বর্তমান ইউরোপীয় গিল্ড সোশিয়ালিজমের (Guild Socialism) মত। প্রাচীন ভারতে ব্যক্তিগণ এক-একটা স্বার্থে (interest) সংঘবদ্ধ হইয়া, জাত পড়িয়া উঠিতেন। তাহাদের নিয়ম-কানুন—তাহা আচার-ব্যবহার সম্বন্ধীয়ই হউক বা জীবিকা-উপার্জন সম্বন্ধীয়ই হউক—ছিল তাহাদের নিজ নিজ সংঘের হাতে। রাজা ছিলেন শাসনকর্তা বা রক্ষক বা পরিদর্শক। সংঘগুলি রাষ্ট্রের মধ্যে আবদ্ধ ছিল না। একই সংঘের লোক বিভিন্ন রাজ্যে বাস করিতেন। স্থানভেদে তাহাদের মধ্যে কিছু কিছু বিভিন্নতা দেখা যাইত মাত্র। এই সংঘগুলির ভিন্ন ভিন্ন সংঘপাতও ছিল এবং তাহাদের ক্ষমতাও নহাৎ কম ছিল না। ব্যক্তির সম্বন্ধ ছিল এই সংঘগুলির সঙ্গেই বেশী ঘনিষ্ঠ। ভারতের রাস্তার তরফে জীবন আক্ষেপনা কারণে হইলে এই সংঘের দিকটাই বেশী করিয়া নজরে আনা উচিত।

গ্রন্থকারের ভাষা অনেক সময় বড় দুর্বোধ হইয়া পড়িয়াছে। একে ত এই-সমস্ত বিষয়ে বাঙালী পাঠক বিবল, তাহার উপর যদি আবার এরূপ দুর্বোধ ভাষায় লিপিত হয় তবে সে ফল কিরূপ দাঁড়াইবে তাহা শু বুঝাই যাইতেছে। যাহা হউক গ্রন্থকারকে ধন্যবাদ যে তিনি এরূপ বিষয়ে হস্তক্ষেপ করিয়া বাংলা ভাষাকে সম্পন্নশালী করিবারই প্রয়াসী হইয়াছেন।

গ্রন্থী।

পায়ের ধূলো—শ্রীহেমেন্দ্রকুমার রায় প্রণীত। ইন্ডিয়ান পাবলিশিং হাউস, ২০১ কর্ণওয়ালিস্ স্ট্রীট, কলিকাতা। মূল্য বোধান। দুই টাকা।

উপন্যাসটি উদ্দেশ্যমূলক। গ্রন্থকার দেশের সর্বাপেক্ষা ভয়াবহ অশ্রায়কে আমাদের সামনে হাজির করেছেন, তাঁর আদর্শের সঙ্গে আমাদের আত্মিক সহানুভূতি আছে। আমাদের সকলেরই আশা আছে দেশের সামনে যে সমস্তকে গ্রন্থকার এগিয়ে দিতে চাচ্ছেন বাঙালীর সহায় নরনারীর সহানুভূতি সে সমস্তাপূরণের সাহায্য কব্বে। বইটি যে উদ্দেশ্যমূলক তা অর্গেই বলেছি: এটি চারজনকও বটে। সুখের বিষয় এই, যে, চরিত্রগুলি কোথাও উদ্দেশ্যের তলায় একেবারে চাপা পড়েনি। নাগক সমাজের উন্নতির জন্য নিজের জীবনটিকে উৎসর্গ করেছিল, জীবনের সমস্তই হারিয়েছিল, কেবল কয়েকটি নারীর মেহ-প্রেম পেয়েছিল; আর তাঁর জীবনের সংকল্প কতক পরিমাণে সফল হয়েছিল। গ্রন্থকার তাঁর হৃদয়ের সমস্ত সহানুভূতি দিয়ে একে তৈরী করেছেন। দেশপুণে সে মানুষ মত মানুষই হয়ে উঠেছে, পুতুল হয়ে ওঠেনি। তাঁর শক্তি অপরিমিত, আনন্দও অপরিমিত, ভালবাসাও অগাধ, আবার রাগও প্রচণ্ড,—সে ভালবাসে কিংগ তাঁর ভালবাসার আবেশে অশ্রায়কর ভাবপ্রবণতা নেই। আলোককে আমাদের ভালই লেগেছে। মুকুল আর রাধারাণী খুব ভালই ফুটেছে। রাধারাণী আগুনে পুড়ে বিগল হয়ে উঠেছিল। “রমণীর দয়া জননীর মেহ কুমারীর নব নীরব স্বীতি” তাকে পুত করে ফুলেছিল। এই বুদ্ধিমতী মেয়েটি সহানুভূতির শক্তিতে আর অসাধারণ কর্মোৎসাহের গুণে দেশের অনেক কল্যাণ করতে পেরেছিল।

চরকার উৎসব—শ্রীমরনীবালা বসুর রচিত উপন্যাস। কমলিনী সাহিত্য-মন্দিরের এক টাকা সংস্করণ। ১১৪ নং আহিরীটোলা স্ট্রীট, কলিকাতা।

মহাশয় গাধীর প্রবর্তিত এই উৎসবে আজ গৃহ গৃহ নরনারী বিবিধ শুভকর্মে রত হইয়াছেন, তাহারা তুচ্ছ মান অপমানের কথা

আজ ভুলিয়া গিয়াছেন, আজ দেশের হৃদয় এক হইয়াছে। লেখিকা এই পুণ্য উৎসবের ছবি অতি সুন্দর ভাবে চিত্রিত করিয়াছেন।

শিবানী—গ্রন্থকারী শ্রীমরনীবালা বসু। শিশিরপাবলিশিং হাউসের উপন্যাস-সমিঞ্জের ২৩ সংখ্যা। মূল্য এক টাকা। কলেজ স্ট্রীট মার্কেট, কলিকাতা।

সরল স্বচ্ছ ভাষায় পড়ীর সহায়তা দিয়া তিনি বাংলার পল্লীজীবনের কয়েকখানি চিত্র আঁকিয়াছেন, বর্তমান সমাজের সমস্ত তাহার হৃদয়কে স্পর্শ করিয়াছে। তাহার গল্পে আর্ট নই; কিন্তু তাহার মমতার ভরা হৃদয়খানি উপন্যাসটিকে মূল্যবান করিয়াছে, বইখানি আমাদের ভাল লাগিয়াছে। ইহাতে মনোবিজ্ঞানের প্রবলেম নাই, সুন্দর তর্কবিচারের আশির্গা নাই, কেবল আছে একটু সুন্দর কথন মূর আখ্যায়িকা। উপন্যাসের পাঠশায়ীর জীবন্ত, বশেষতঃ তেঠাইনার ছবি খুব ভাল ফুটিয়াছে।

ছায়াবাজি—নুতন ধরণের গল্পের বই। বর্তমান সমাজের কতকগুলি সমস্তা বাধোকাপের ছবি মত পাঠকের সামনে ধরা হইয়াছে। মূল্য আট আনা। যুগশযা—যুগোপযোগী প্রবন্ধ। তিন আনা। স্পষ্টকথা—কতকগুলি প্রবন্ধ। পাঁচ আনা। উটোকথা—সাহিত্য, শিল্প, সমালোচনা, ভাষা, রাজনীতি—ইত্যাদি বিষয়ে বিবিধ প্রবন্ধ। আট আনা। লেখক—শ্রীহেমেন্দ্রকুমার সরকার। প্রকাশক ইন্ডিয়ান বুক ক্লাব, কলেজ স্ট্রীট মার্কেট।

বাংলা দেশের অবস্থা আজ শোচনীয়। “দৈন্ত-জীর্ণ কক্ষ ভাঙ্গ, মলিন শীর্ণ আশা, জাসন্ধ চিত্র তার, নাহিনাতি ভাষা”—ছায়াবাজিতে গ্রন্থকার সেই চর্চিত আঁকিয়াছেন। এই আখ্যায়িকাগুলির বিষাদ আমাদের হৃদয়কে স্পর্শ কবে। স্পষ্টকথায় ও যুগশয্যে কতকগুলি সাময়িক প্রচার (Propaganda) প্রবন্ধ আছে, দেশের মঙ্গলকাজে গ্রন্থকার দেশের যুবকদের ডাক দিয়াছেন। প্রবন্ধগুলির যুক্তিমত্তা ও সহায়তা প্রশংসনীয়। এই গ্রন্থপাঠে আমাদের যুবকদের হৃৎকোষ রক্ষণশীলতা একটু নাড়া পাইলে আমরা সুখী হইব। উটোকথায় বই-চারিপানির মধ্যে সর্বাপেক্ষা উল্লেখযোগ্য। প্রবন্ধগুলিতে গ্রন্থকার সাহিত্য আদি বিষয়ে সাধারণভাবে আলোচনা করিয়াছেন। তাহার আদর্শ অতিশয় উচ্চ, বাংলার সাহিত্য সে আদর্শের নিকটেও দাঁড়াইতে পারে না বলিয়া ওতস্ব অধিক তিরস্কৃত হইয়াছে। পাঠকেরা বইখানি পাড়িয়া দেখিতে পারেন।

বীণারী—শেখ হবিবর রহমান প্রণীত। এক টাকা। এ.এ. কলেজ প্রেস, কলিকাতা। সুবহুমু লাইব্রেরী। কতকগুলি গীতি কবিতার সমষ্টি।

সুন্দামা—শ্রীকিরণচাঁদ দরবেশ প্রণীত। এক টাকা। মেসার্স গুবদাস চাটার্জী এণ্ড কোং। ২০১ কর্ণওয়ালিস্ স্ট্রীট, কলিকাতা।

কাব্যপুস্তক—গ্রন্থকারই কতকগুলি ধর্মমূলক কবিতা। “বিদায়-মিলন” গল্পের ১০ মণ্ডল ৯৫ সূত্র, পুস্তকবা ও উর্দুশীর আখ্যায়িকা অবলম্বনে লিপিত। ছন্দ-বেশ গম্ভীর হইয়াছে। শেষে কতকগুলি বিবাহমঙ্গল ও শিশুমঙ্গল এবং কতকগুলি হাসির কবিতাও রহিয়াছে।

আধুনিক ইউরোপ—শ্রীমনোরঞ্জন বন্দ্যোপাধ্যায়, এম.এ. প্রণীত। বারো আনা। কন. জুমদার এণ্ড কোং, কর্ণওয়ালিস্ বিল্ডিং।

এই বইখানি পড়িয়া আমরা আনন্দিত হইয়াছি। কবিগুরু রবীন্দ্রনাথের একটি কথা মনে পড়িতেছে, “আসল কথা আধুনিক

শিক্ষা তার বাহন পায় নাই। তার চলাফেরার পথ খোলসা হইতেছে না। ... তার সাঁ করিয়া এটুকু কোলোদিন বলিতে পারিব না যে উচ্চশিক্ষাকে আমাদের দেশের ভাষায় দেশের ভিনিষ করিয়া লইতে হইবে। পশ্চিম হইতে যা-কিছু শিখিবার আছে জাপান তা দেখিতে দেখিতে সমস্ত দেশে ছড়াইয়া দিল, তার প্রধান কারণ সেই শিক্ষাকে তার দেশী ভাষায় আধারে বাঁধাই করিতে পারিয়াছে। ... এখন কথাটা এই, এই যে-সব বাঙালীর ছেলে স্বাভাবিক বা আকস্মিক কারণে ইংরেজী ভাষা দখল করতে পারিল না, তারা কি এমন কিছু মারাত্মক অপরাধ করিয়াছে যেজন্য তারা বিজ্ঞানমন্দির হইতে যাবজ্জীবন আণ্ডামানে চালান হইবার যোগ্য? ... আনি জানি তর্ক এই উঠিবে—তুমি বাংলা ভাষায় যোগে উচ্চ-শিক্ষা দিতে চাও কিন্তু বাংলা ভাষায় উঁচুদের শিক্ষা-গ্রন্থ কই?" (শিক্ষার বাহন, সবুজপত্র, পৌষ, ১৩২২।) কবিগুরু যে শ্রেণীর শিক্ষাগ্রন্থের কথা বলিয়াছেন সে শ্রেণীর কয়েকখানি গ্রন্থ প্রকাশিত হইতেছে। বাস্তবিকই ইংরেজী ভাষায় যোগে যখন শিখি তখন প্রায়ই মনে হয় তেমন মুঠা করিয়া কিছু ধরিতে পারিতেছি না। বাংলা ভাষায় যোগে শিখিলেই ঠিক শেখা হয়। গ্রন্থকার আধুনিক ইউরোপের ইতিহাস বিষয়ে যে শিক্ষাগ্রন্থট আমাদেয় দিয়াছেন তাহাতে ছোটগাট ভুলচুক আছে বটে, তথাপি ইহাকে আমরা সাদরে অভ্যর্থনা করিয়া লইলাম। বাংলাভাষায় সরল শিক্ষাগ্রন্থ যত প্রকাশিত হয় আমাদের ততই মঙ্গল।

রহমান খাঁর দুর্গোৎসব -- শ্রীমুবেশ চক্রবর্তী প্রণীত। মূল্য দেড় টাকা। প্রকাশক—বিনোদিনী সাহিত্যমন্দির, ১১নং মহেশ্বর গোখামীর লেন।

কতকগুলি ছোট গল্পের সংষ্টি। গল্পগুলি মোটের উপর ভাল লাগিয়াছে। ছাপা বাধাই ও কাগজ সবই সুন্দর।

ভাগ্যলেখা বা লালী গোলকচাঁদ—উপস্থাপ। কলিকাতা ৬নং গোপাল বসু লেনস্থ শ্রীমুরেলীচন্দ্র বসু (ভিখারী নীরানন্দ) কর্তৃক প্রণীত ও প্রকাশিত। মূল্য দুই টাকা মাত্র।

লেনিন—শ্রীক্ষিপিতৃষণ ঘোষ। চার আনা। ইণ্ডিয়ান বুক ক্লাব, কলেজ ষ্ট্রীট মার্কেট।

ইউরোপে মহাজনে মজুরে লড়াই বড়ই ভয়ঙ্কর হয়ে উঠেছে। অনেকের মত এই যে বর্তমান বণিকৃত সমাজের সর্বনাশ করেছে, সমাজতন্ত্রই দেশের কল্যাণসাধন করবে। সমাজতন্ত্রের আদর্শকে সামনে রেখে লেনিন প্রমুখ অনেক কর্মী বহু বৎসর অক্লান্ত পরিশ্রম করে এসেছিলেন; রক্তপাতের দ্বারা আকস্মিক বিদ্রোহের দ্বারা সমাজের অবস্থা পরিবর্তন করতে চাননি; সর্বসাধারণের মধ্যে জ্ঞানবিস্তার করাই তাঁদের জীবনব্রত; যুক্তির দ্বারা, অতিনিবেশের দ্বারা তাঁরা সত্যকে লাভ করতে চেপ্টা করেছেন। লেনিন স্বয়ং আদর্শ জ্ঞানতপস্বী। Wilcox বলেন, "Like Karl Marx he was never happier than when exploring the treasures of the British Museum"। লেনিন যে সত্যকে লাভ করেছিলেন সে সত্যকে আমরা সকলে মানতে রাজী না হতে পারি। তিনি যে নিঃস্বার্থ কর্মী, তিনি যে অকৃত্রিম স্বদেশপ্রেমিক, তিনি যে অসাধারণ প্রতিভাবান পুরুষ সে কথা সকলেই স্বীকার করবে। বিখ্যাত যুদ্ধ রাশিয়ার সর্বনাশসাধন করেছিল। ১৯১৭ সালে তার অবস্থা অতি শোচনীয় হয়ে দাঁড়িয়েছিল। লেনিন রাশিয়াকে বাঁচিয়েছেন, তিনি মানবজাতির প্রভাব পাত্র। তাঁর জীবনচরিত সকলেরই পড়া উচিত। বইটির দামও খুবই কম। সমালোচক।

গাছপালা—শ্রীজগদানন্দ রায়, ইণ্ডিয়ান প্রেস লিমিটেড এলাহাবাদ। ৩০৫ + ৮০ + ১০ পৃষ্ঠা, সচিত্র। মূল্য আড়াই টাকা।

ছোট ছেলেমেয়েদের উপযোগী উদ্ভিদবিদ্যার বই। বাংলাদেশে যেসব গাছপালা ছেলেমেয়েদের পরিচিত তাদেরই পত্র পুষ্প কাণ্ড মূল স্বভাব বিশিষ্টতা প্রভৃতির পরিচয় সহজ ভাষায় সরল করিয়া বলা হইয়াছে। বইখানি ছেলেমেয়েদের পড়িতে ভালো লাগিবে ও তারা গাছপালার ঘনিষ্ঠ পরিচয় পাইয়া জ্ঞানের সঙ্গে আনন্দ লাভ করিবে। বইখানির কাগজ ছাপা বাঁধা ছবি সবই সুন্দর—ইণ্ডিয়ান প্রেসের সুনামের উপযুক্ত।

বায়ুগুহা ও রামগড়—শ্রীঅসিতকুমার হালদার। ইণ্ডিয়ান প্রেস লিমিটেড এলাহাবাদ, ডিমাই আট-পেজি ৭৭ পৃষ্ঠা, সচিত্র। কাগজ ছাপা ছবি বাঁধা অতুত্তম। দেড় টাকা।

বায়ুগুহা গোয়ালিয়র রাজ্যে অবস্থিত পর্বতের গা খুঁদিয়া তৈরি। এই গুহার মধ্যে বৌদ্ধগুপের কিছু চিত্র আছে। চিত্রগুলি অজটগুহা-চিত্রাবলীর ধরণের, এই গুহার সঙ্গে ভারতের বৌদ্ধগুপের ধর্ম ও শিল্পের ইতিহাস সংযুক্ত আছে। একজন শিল্পী স্বচক্ষে ঐ গুহা দেখিয়া উহার বর্ণনা এই পুস্তকে লিপিবদ্ধ করিয়াছেন; সুতরাং বর্ণনা মনোরম ও মূল্যবান হইয়াছে।

রামগড় মধ্য-ভারতের হরগুজা রাজ্যে। সেখানেও এক গিরিগুহা আছে। সেই গুহাতেও কিছু চিত্র আছে। তারও বর্ণনা প্রত্যক্ষদর্শী শিল্পী ছবির ভাষায় ও তুলির রেখায় দিয়াছেন। বর্ণনা সুন্দর ও কৌতূহলোদ্দীপক হইয়াছে। বেশকি জিনিবার জন্ত এ বই সকলের পড়া উচিত।

হোঁদের গল্প—শ্রীঅসিতকুমার হালদার। ইণ্ডিয়ান প্রেস লিমিটেড, এলাহাবাদ। ৩৯ পৃষ্ঠা, সচিত্র। ছাপা কাগজ ছবি মলাট সুন্দর। দাম এক টাকা।

ছোটনাগপুরের আদিম অধিবাসীদের অন্যতম হোঁ। হোঁদের কতকগুলি উপকথা সংগ্রহ করিয়া অসিত বাবু প্রকাশ করিয়াছেন। এই কৌতুককর গল্পগুলি ছেলেমেয়েদের শ্রীতিজনক ত হইবেই, অধিকন্তু ইহাদের দ্বারা তাদের কাছে অসত্য এক জাতির মনস্তত্ত্বের সংবাদ প্রকাশিত হইবে। এইজন্য এই বইখানি নৃতত্ত্ববিদগণের কাছেও সমাদৃত হইবে।

ছোটদের গল্প--শ্রীসুভদ্রালাল গুপ্ত। বেঙ্গল প্রিন্টিং ওয়ার্কস, ৬৬ মাণিকতলা ষ্ট্রীট, কলিকাতা। ১২৬ পৃষ্ঠা। দশ আনা।

মোট আটটি গল্প আছে—নানা বিষয় ও রসের, ছোট ছেলেমেয়েদের পড়ার উপযোগী। শেষের ছুটি গল্প নাটকের ধরণে কবিতায় লেখা, আবৃত্তির উপযোগী।

ভারত-পরিচয়--শ্রীপ্রভাতকুমার মুখোপাধ্যায়। বেঙ্গল বুক কোম্পানী, ৩০ কলেজ ষ্ট্রীট মার্কেট, কলিকাতা। ৫৭৫ + ১০ + ১১০। কাপড়ে বাঁধা। ২৮/০।

এই বই ভারতের প্রাকৃতিক অবস্থা, জলবায়ু, উদ্ভিদ, প্রাণী, মানব, গ্রাম-নগর, স্বাস্থ্য, উপজীবিকা, ধর্ম, জ্ঞান, শাসনপ্রণালী ইত্যাদি বাবতীয় জাতব্য তথ্যের ধারাবাহিক ইতিহাস, সংখ্যা, প্রকার, বিস্তৃতি ইত্যাদি সংগ্রহ করিয়া দেওয়া হইয়াছে। ইংরেজীতে যেমন Almanac বা Year Book আছে, এখানিও সেই শ্রেণীর বিবিধতথ্যপূর্ণ reference book। সংবাদপত্রপরিচালক, শিক্ষক, ছাত্র, প্রভৃতির সহচর হইবার যোগ্য। যারা স্বদেশকে ভাল করিয়া চিনিতে চান তাঁদেরও পড়া উচিত।

পর্ণপুট—শ্রীকালিদাস রায়, গুরুদাস চট্টোপাধ্যায় এও সঙ্গ কলিকাতা। ১২৪ পৃষ্ঠা।

কালিদাস বাবু লক্ষ্যপ্রতিষ্ঠ কবি। তাঁর এই কাব্যগ্রন্থও অধিত্যগণ। এর তৃতীয় সংস্করণ হইয়াছে, সুতরাং নূতন পরিচয় অনাবশ্যক। অনেক সুন্দর কবিতা এই পুস্তকে আছে। কাব্যমোদী যারা এখনো এই পর্ণপুটের অমৃত আবাদ করেন নাই, তাঁরা এইবার তাহা করিবেন আশা করি।

ভারতবাণী—শ্রীজ্ঞাননাথকর সান্ত্বাস। সংস্কৃত প্রেস ডিপজিটারী, ৩০ কর্ণওয়ালিস স্ট্রীট, কলিকাতা। কাপড়ে বাঁধা। এক টাকা।

কবিতার বই, অনেকগুলি পণ্ডিতের সমষ্টি। কবিতায় কোনো বিশেষত্ব নাই, ছন্দ পঙ্কু, মিল মন্দ, ভাব সাধারণ।

বেহার-চিত্র—শ্রীযতীন্দ্রমোহন গুপ্ত। রায় চৌধুরী এও কোম্পানী, ৬৮, ৫ রন' রোড নর্থ কলিকাতা। ১৪৯ পৃষ্ঠা, পাঁচ সিকা।

কথার রং কৌতুকরসে গুলিয়া লেখনীর মুখে বেহারীদের কতকগুলি চিত্র আঁকা হইয়াছে। সে চিত্রে হুজুর, রায়সাহেব, গরিব পরবর, মাগুর প্রভৃতির হাস্যকর কপগুলি চমৎকার কুটরাছে। বইখানি পরম উপদেশ ও উপভোগ্য হইয়াছে। কলমের মুখে কথার ছবি বড় সুন্দর মুদ্রিত আঁকা হইয়াছে।

জ্ঞান-বিজ্ঞান-যোগ—শ্রীমৎ স্বামী জ্যোতিষানন্দ ব্রহ্মচারী। কোলা, বসন্তমাধব আশ্রম, পোষ্টা পিস হমরমপুর। চার আনা।

ব্রাহ্মসূত্র হইতে অপর ব্রাহ্মসূত্র পাশ্চাত্য হিন্দুর কর্তব্য এই গ্রন্থে শাস্ত্র ও শাস্ত্রীয়-আধুনিক বিজ্ঞানসম্মত করিয়া নির্দিষ্ট হইয়াছে। এই খণ্ডে মুখ ধোওয়া ও জিহ্বা শোধন পধ্যস্ত আছে।

জাতি সংস্কার বা চক্ষুদান—বাকুলনিবাসী রাধাকৃষ্ণ-পাণ্ডিক কবিরাজ শ্রীচন্দ্রশেখর দেবশর্মা কবিদ্বয়।

চক্ষুদানে মুষ্টিযোগপত্র—৩

এই চটি বই ছয়ানিতে নানা শাস্ত্রাচরণ করিয়া প্রমাণ করিবার চেষ্টা আছে যে বৈদ্যরা অশুভ ব্রাহ্মণ।

বিধবা-বিবাহ ও হিন্দুধর্ম—শ্রীগণপতি সরকার বিদ্যারত্ন। ইণ্ডিয়া প্রেস, মিডিল রোড, ইটালি, কলিকাতা।

এই বই প্রমাণ করিবার চেষ্টা আছে যে বিধবা-বিবাহ হিন্দু-শাস্ত্রের ও হিন্দুধর্মের অন্তর্ভুক্ত নহে। এবং এই হুজুরে বিদ্যাসাগর মহাশয়ের ভুল সংশোধনেরও চেষ্টা আছে। আমরা জাতিভেদ মানি না; শাস্ত্র মানি না; আমরা মানি মাংস ও মানুষের যুক্তিসঙ্গত কালোচিত সর্বলোকের সামান্যতঃ ব্যবস্থা এবং সকলের চিন্তা ও আচরণের স্বাধীনতা। কিন্তু সরকার মহাশয় হিন্দুধর্মের পরিভ্রাণের জন্য অবতারণা, তাই জানিতে ইচ্ছা হয় সরকার মহাশয় কোন জাতি। যদি ব্রাহ্মণ না হন তবে হিন্দুশাস্ত্রানুসারেই শাস্ত্র আলোচনা তাঁর অনধিকারচর্চা। অতএব তাঁর কথা কেই বা শুনবে? মিছামিছা তিনি এক দিকে শাস্ত্র লঙ্ঘন ও অপর দিকে মানবযুক্তির মর্মা দা লঙ্ঘন করিয়া কেন পাপ সাধন করিতেছেন জানি না। এখনও এইসব কুতর্ক করিবার ও শুনিবার লোক বেশ আছে বলিয়াই ত আমাদের এমন হীন দশা। বিধবাবিবাহে সন্তান সন্তান ও ব্রাহ্মণ্য ব্যবস্থা করিবার লোকের ত অভাব হয় না; বিপত্রীকরণে সন্তান অসংখ্য ব্যবস্থা করা হয় না কেন? ব্যর্থকর্তারা পুরণ বানিয়া?

মুতারাক্ষস।

মানসী—শ্রীহরেশ চক্রবর্তী প্রণীত। প্রকাশক অন্নদা বুক-ষ্টল, ২২০ কর্ণওয়ালিস স্ট্রীট, কলিকাতা। দ.ম. ১০।

একটি গল্প আর একটি ভ্রমণ-কাহিনী আছে। গল্পের নাম মানসী। গল্পের গল্পের মধ্যে কোন নূতনত্ব নাই। চলিত কথায় লেখা হইলেও ভাষার মধ্যে সালিস্তা নাই। মাঝে মাঝে কবিই একটু ফুটিয়াই মুসড়িয়া পড়িয়াছে। কবিই করিবার কথা চেষ্টা না করিলে বইখানি আরো একটু ভাল হইত—'পুরাতন দিনকলেক'—ভ্রমণকাহিনী বর্ণনা করিতে চেষ্টা করা হইয়াছে। দুঃস্থান এবং ভ্রমণের তালিকা দেওয়া হইয়াছে। ভাষা একই রকমের, তবে এটি লেখ্যভাষায় লেখা।

৩।

সহজ প্রেম

(কবীর)

নীরে মাঝে মীনের মত তোমার প্রেমই বই—

প্রেমের অতুল আদর লভি, প্রেমের আঘাত সহি।

জানি না ক' তোমার বরণ,

তোমার স্বরূপ, তোমার ধরণ,

বুঝি শুধু তোমার প্রেমের যায় না পা-য়া থই।

সইতে নারি গোমের জাল,

জাপি না ক' তুলসী-মালা,


যাই না কোথাও, তর্পণের পথিক আমি নই।

ও প্রেম ছাড়া আর কি পেতে

হবে আমার গুণায় যেতে?

জানি না আর কাম্য কি বা তোমার ও প্রেম বই

বেতালভট



জিজ্ঞাসা

(১১৬)

কেহ কেহ বলেন, ভাস্করাচার্যের যুগে ঘড়ি প্রভৃতির প্রচলন ও সূচিকা-সংযোগে শিয়ার মধ্যে ঔষধ প্রবেশ করা ইবার কথা ছিল। বাস্তবিক ঐ যুগে ঐ-সকল ব্যবহার প্রচলনের সময়ে কোন ঐতিহাসিক প্রমাণ আছে কি না ?

শ্রীকীর্ত্তিকুমার দাস।

(১১৭)

বাংলা সাহিত্যে মঙ্গলগ্রন্থ উপন্যাস-লেখিকা কে " এবং পুস্তক-খানির নাম কি ? কোথায় পাওয়া যায় ?

শ্রীমঙ্গলকাম্য সামন্ত।

(১১৮)

আখের উপায় উই ধর কেন " উহা নিবারণের কোন বৈজ্ঞানিক উপায় আছে কি না ?

শ্রীবিজয়কুমার বড়ুয়া।

(১১৯)

আমরা প্রাচীন সংস্কৃত গ্রন্থে বৈবর্তন, দৈত্য, রত্ন বয় ইত্যাদি নামের উল্লেখ আছে দেখিতে পাই ; ঐ-সকল ব্যক্তিগণ পিতার নামানুসারে পরিচিত না হইয়া মাতার নামানুসারে হইত কেন ?

শ্রীপারশুরাম সেনগুপ্ত।

(১২০)

পঞ্জাব প্রদেশে সাপুড়িয়াকে "বাঙ্গালী" বলে—ইহার কোনও ঐতিহাসিক ভিত্তি আছে কি না ?

শ্রীশিশিরকুমার দত্ত।

(১২১)

একখণ্ড দড়িতে গুড় মাখাইয়া তাহা ঘরের মধ্যে টাঙ্গাইয়া রাখিলে তাহাতে মাছি বসে। দুই-তিন মাস পরে এই দড়ি সরস মাটিতে পুড়িয়া রাখিলে তাহা হইতে পুঁদনার পাচ গন্ধে, এইরূপ প্রবাদ শুনা যায়। ইহা সত্য কি না " যদি সত্য হয় তবে এইরূপ হইবার বৈজ্ঞানিক কারণ কি ?

মহম্মদ খলিলুররহমান।

(১২২)

লোকের হাত ও পায়ের আঙ্গুল ফাটে কেন ? ইহার বৈজ্ঞানিক কারণ কি ?

শ্রীনীলগোবিন্দ গোস্বামী।

(১২৩)

দেবীচৌধুরাণীতে তামা-তুলসী স্পর্শ করিয়া কিম্বা পুত্রের মস্তক স্পর্শ করিয়া শপথ করার কথা দেখিতে পাওয়া যায়।

ঐ দুইপ্রকার শপথের গুরুত্ব ও তাৎপর্য কি ?

শ্রীসুব্রহ্মণ্য রাহা।

(১২৪)

কোন কোন গ্রন্থে ভারতবর্ষের অন্তর্গত কছোড় নামক একটি স্থানের

উল্লেখ দৃষ্ট হয়। উহা কি এবং কোথায় অবস্থিত ? বর্তমানে কোন চিহ্ন আছে কি ?

শ্রীজগদীশচন্দ্র ভট্টাচার্য।

(১২৫)

শুনা যায় ধূম শোণ, করিবার একটি যন্ত্র আবিষ্কৃত হইয়াছে, ইহা কি সত্য ? কলিকাতায় ধূম নিবারণের কোন উপায় আছে কি না ?

শ্রীকেশবশঙ্কর রায়।

(১২৬)

এক চোখ দেখালে বা এক চোখে হাত দিলে দু চোখে হাত দিতে বলে কেন ? সমস্ত কারণ কি ?

শ্রীপুণ্ড্রচন্দ্র চট্টোপাধ্যায়।

(১২৭)

পিপারমেন্ট গাঁত এদেশে যথেষ্ট পরিমাণে পাওয়া যায়। কিন্তু তাহা হইতে পিপারমেন্ট তৈয়ারী করিতে কেহই জানেননা। প্রবাসীর পাঠ্যপুস্তকের মধ্যে যদি কাহারও জানা থাকে তবে প্রবাসীতে প্রকাশিত করিলে অনেকেরই উপকার হয়।

শ্রীমণিমোহন রায়চৌধুরী।

(১২৮)

মুখে ব্রণ ও স্বেচ্ছতার বিস্তৃতি দাগ নিবারণ করিবার উপায় কি ?

শ্রীকিরণময়ী গুহ।

(১২৯)

কাঞ্চি দেশ কোথায় ছিল ? ইহার ঐতিহাসিক তথ্য কি ?

শ্রীকুমারচন্দ্র চট্টোপাধ্যায়।

(১৩০)

রেখাক্ষর-বিদ্যা (Short hand) পদ্ধতি সর্বপ্রথম আবিষ্কার করেন কে ?

নগেন্দ্র ভট্টাচার্য।

(১৩১)

কপূর জলে দিলে ঘুরিয়া থাকে কেন ? ইহার বৈজ্ঞানিক কারণ কি ?

শ্রীভারগীচরণ দাস।

(১৩২)

১। কবিকঙ্কণ চৈতন্য-পারিবারের নামের মধ্যে লিখিয়াছেন—
রাম লক্ষ্মী পুনর্ধর গৌরী বাহু পূর্বন্দর। লক্ষ্মী কে ও তার পরিচয় কোথায় পাওয়া যায় ?

২। শিা যে শিক্ষা ডমক ও সর্প ধারণ করেন ও ধূতুরা ভাং খান তার শাস্ত্র-প্রমাণ কোথায় ?

৩। শপ দিতে নন্দী কুশ লৈলা হাতে। কোন শাস্ত্রে আছে যে শাপ দিবে কুশ-হস্ত হইয়া ?

চারু বন্দ্যোপাধ্যায়।

মীমাংসা

(৫৭)

পোকার উপদ্রব হইতে ডালিম রক্ষা।

পোকার উপদ্রব হইতে ডালিম রক্ষা করিবার জন্য আসি কয়েক বৎসর চেষ্টা করিয়া অবশেষে নিম্নলিখিত উপায় অবলম্বনে কৃতকার্য হইয়াছি।

ডালিম ফুলের লাল লাল পাপড়িগুলি ঝরিয়া পড়িবার কয়েকদিন পরে যখন সেই ফুলের উর্দ্ধভাগ ফলের আকার ধারণ করিয়া বৃদ্ধি প্রাপ্ত হইতে থাকে, সেই সময় নিম্নাংশের ফুলটি খাতাল ছুরি দ্বারা কাটিয়া দিতে হইবে, এই কাজটি অতি সাবধানতার সহিত সম্পন্ন করিতে হইবে; পরে সমস্ত ডালিমটিতে, আঙ্গা করিয়া কাপড় জড়াইয়া দিতে হইবে। যেন কোন স্থান দিয়া কীট প্রবেশ না করে। একপক্ষেত্র কাপড়ের খাল ব্যবহার করাই কর্তব্য। ইহাতে ফলের বৃদ্ধির পক্ষে কোন বাধা জন্মিতে পারে না; অবিকল্প খনির মুখ ফলের বেঁটার সহিত হৃদয়কণে সংবন্ধ রাখা যায়। পরে একটি ছোট কাপড়ের টুকরায় দুই-এক কোঁটা কেরোসিন তৈল দিয়া দী কেরোসিন-মিশ্রিত কাপড়টি সহিয়া সমগ্র অঙ্গর এক একবার ডালিমটি মুছিয়া দিতে হইবে। এই প্রণালী অনুসারে ডালিম পোকার উপদ্রব হইতে রক্ষা করা যায়।

সর্বোপরি ভূমি নির্বাচন করিয়া চাষ করিতে পারিলে পোকার হস্ত হইতে রক্ষা পাওয়া যায়। ডালিম শুষ্ক অংশুগুণ্ডা ও বস্কাময় উচ্চভূমির কমলা। নিম্নাংশে ইহার আবাদ করিতে হইলে নৈবো প্রস্থে ৪ হাত জায়গা ২ হাত পভার করিয়া খুঁড়িতে হইবে, ৭২ ই গর্ভে টালি বা ইট বিছাইয়া তার মধ্যে বাগি, গোয়ালের আবর্জনা খৈন ও হাড়ের গুঁড়া দ্বারা পর্জট পূর্ণ করিতে হইবে। পরে একটি ডালিম-চারার মূল্য শিকড়ের কিয়দংশ কাটিয়া উক্ত স্থানে রোপণ করিতে হইবে; ইহাতে রসের প্রাচুর্য্য-হেতু পোকা লাগিবার কোন সম্ভাবনা থাকে না।

শ্রীরামচান্দ গুহাইত।

(৭২)

বেঙ্গলা।

মহাভারতে, সভাপর্বে ৩০ অধ্যায়ে—“বেণা-তটের” নাম পাওয়া যায়:—

“কোশলাধিপতিঃ তথা বেণা-তটধিপনু

কান্তারকাংশ সমবে তথা প্রাক্কোশলমূ নৃপানু।”

এই বেণা নদীর বর্তমান নাম “বেনগঙ্গা”। নগপুরের পূর্ব দিক হইতে উৎপন্ন হইয়া, এ নদীটি পোনাগরিতে পড়িয়াছে। আমার মনে হয়, এ বেন-গঙ্গার তীব্রতা স্থানই “বেঙ্গলা”।

নগেন্দ্র ভট্টশালী।

(৮০)

পুকুর কাটার নিয়ম।

শাস্ত্রে এ বিষয়ে কিছু বলি না তা আমার জানা নাই। এ সম্বন্ধে স্থপতিক ঐতিহাসিক অক্ষয়কুমার মৈত্রেয় ও মিষ্টার রাভেন্দ্রনার মত এই—গোড়ের ধ্বংসাবশেষের মধ্যে যে-সকল উদ্ভূত দক্ষিণে দীর্ঘ পুরাতন দীঘি ও পুকুর দেখা যায়—তা হিন্দু-বৌদ্ধ শাসনকালের পরিচয়। অক্ষয়বাবুর মতে—আমরা প্রায়-সকল দীঘি ও পুকুর অঙ্কন করিয়া আজকাল উত্তর দক্ষিণে দীর্ঘ পুকুর ও দীঘি কাটাইয়া থাকি।

নগেন্দ্র ভট্টশালী।

(৮৫)

কলিঙ্গদেশের স্থান নির্ণয়।

অতি প্রাচীন কাল হইতেই কলিঙ্গদেশের বর্ণনা অনেকেই করিয়াছেন। অশোকের কলিঙ্গ বিজয় প্রসঙ্গে শ্রীকৃষ্ণ চাকচক্র বহু (অশোক, অষ্টম অধ্যায়) ইহার নানা বর্ণনা উদ্ধৃত করিয়াছেন। “মহাভারত হরিবংশ ও কালিদাসের বর্ণনা হইতে স্পষ্টই অসুচিত হয় যে একসময় সমগ্র উৎকল প্রদেশ কলিঙ্গদেশের অন্তর্গত ছিল, কিন্তু কাল সহকারে এই সীমা ক্রমশই সরি হইতেছিল।”

“ভারতপৌরব ডাক্তার রাজেন্দ্রলাল মিত্র ত্রিকলিঙ্গ অর্থে তিনটি কলিঙ্গ নির্ণয় করিয়াছেন, যথা—কলিঙ্গ, মধ্য কলিঙ্গ ও উৎকলিঙ্গ। উৎকলিঙ্গের অপর্যাপ্ত উৎকল।”

“প্রসিদ্ধ চীন পরিব্রাজক হুয়েনসং খৃষ্টীয় সপ্তদশ শতাব্দীতে ভারত-ভ্রমণকালে কলিঙ্গদেশে আগমন করিয়াছিলেন। ইনি কোনবোধ প্রদেয় আত্মনুপেক্ষ কলিঙ্গরাজ্যে প্রবেশ করিয়াছিলেন। অনেকেই বর্তমান সঞ্জাম প্রদেশকে কোনবোধ রাজ্য বানিয়া অত্মন করেন।”

শ্রীহাসিনী শাম।

(৮৭)

গাছের অস্বাভাবিক শাখা ও ফল।

ইহা প্রকৃতির একপ্রকার খেলা। ইহাতে অল্প কোন প্রকার পথাপ্ত কারণ নাই। তবে এট মাত্র বলা যাইতে পারে যে, যে-সমস্ত উপকরণ (elements) লইয়া এই প্রকার কলি বৃক্ষের স্তিতরে প্রস্তুত হয়, তাহা, কোন প্রকারে নিম্নদিকে চলিয়া আসিয়াছিল, এবং তাহা যেখানে আসিয়া পৌঁছিয়াছে, সেখানে হইতেই আবার আলাহিদা নুতন কাঁদি বাহির করিয়া দিয়াছে। শাখা মধ্যম ও ঐ এক কথা।

শ্রীবলাইচাঁদ বৃজু।

এই উদ্ভব বিজ্ঞানসম্মত ভাবে অল্প একজন বালায় ও ইংরেজিতে পাঠাইয়াছিলেন, সেট হারাইয়া গিয়াছে তিনি অল্পগ্রহ করিয়া সেটি পুনরায় পাঠাইলে ভাপা হইবে।

—প্রবাসীর সম্পাদক।

(৮৯)

প্রাচীন ভারতে দ্রোলোকের জুতা।

প্রাচীন ভারতে দ্রোলোকের জুতা ব্যবহার করিবার কথা ‘শব্দক’ কবির ‘শব্দকটিক’ নামক রূপকে পাওয়া যায়। চতুর্থ অঙ্কেও বিষক বসন্তসেনার প্রাসাদ দেবতা দেবিতা দাসীকে জিজ্ঞাসা করিতেছেন “ভবতি! যথা পুনঃ কা ক্রমপ্রাধিক-প্রাবৃত্তা উপান্দ-যুগলনিকি পুত্রনচিক্যাভাং পাবাভাশুচামনে উপবিষ্টা তিষ্ঠতি।” অর্থাৎ ‘ভাগা, ঐ যে উঁচু আসনে ক্রমা কাপড়ে পা ঢেকে, তেজা পা ছুখানা জুতার মধ্যে দিয়ে দ্রোলোকটি বসে রয়েছেন, উনি কে?’ এই দ্রোলোকটি বসন্তসেনার বৃদ্ধা মাতা।

শ্রীচিন্তাহরণ চক্রবর্তী।

(৯০)

চিনি প্রস্তুত প্রণালী।

চিনি প্রস্তুত করিবার দেশী প্রণালী নানা রকমের আছে। ইহারের ইচ্ছা হয় “The Sugar Industry of the United Provinces of Agra & Oudh” by S. M. Hadi, M. R. A. C., M. R. A. S. পড়িয়া দেখিবেন। প্রক্রিয়াটি সংক্ষিপ্তভাবে Wattএর “Commercial Products of India”তে বর্ণিত হইয়াছে।

শ্রীতুপেন্দ্রকুমার শর্ম।

(৯৫)

কাগজ।

কাগজের প্রথম আবিষ্কার হয় চীন দেশে ১০৫ খ্রীষ্টাব্দে। চতুর্দশ বা পঞ্চদশ শতাব্দী পর্যন্ত কোন লেখক ভারতে কাগজের ব্যবহার সম্বন্ধে বিশেষ কিছু লিখিয়াছেন বলিয়া জানা যায় নাই। ৬৩০ বৎসর পূর্বে শিরালকোটে কাগজ প্রস্তুত হইত বলিয়া স্থির হইয়াছে। Nicotia Conti পঞ্চদশ শতাব্দীর প্রথম ভাগে ভারত ভ্রমণ করিয়াছিলেন; তিনি বলেন এক কাণ্ডে ব্যতীত আর কোথাও তখন কাগজের ব্যবহার ছিল না।

শ্রীভূপেন্দ্রকুমার শ্যাম।

(১০২)

বিক্রমপুরের ধানুকা গ্রামের ইতিহাস।

চাঁদ রায় ও কেনার রায়ের সময় দক্ষিণ বিক্রমপুর নানা বিষয়ে ক্রিয়ণ উন্নত ছিল, তা ইতিহাসিকদের নিকট অজ্ঞাত নহে। স্থাপত্য শিল্পে ও বাবদায়-বাগিচা তখনকার সময়কে বিক্রমপুরের “গৌরবদয় যুগ” বলিয়া ইতিহাসিকগণ অভিহিত করিয়াছেন।

চাঁদ রায় ও কেনার রায় প্রভৃতির কীর্তি কিছু কিছু এখনও দক্ষিণ বিক্রমপুরের স্থানে স্থানে মুক্তিকাগর্ভে গুপ্তাবশ্য আছে। ধানুকার মাটির নীচের দালান প্রভৃতি ঠাঁহ'নের সময়কার বলিয়াই মনে হয়।

নগেন্দ্র শট্টাঙ্গী।

(১০৩)

নারিকেল তৈল পস্তুত প্রণালী।

কার্তিক মাসের শেষ ও অগ্রহায়ণ মাসের প্রথম ভাগে গাছ হইতে “কাটগুনো” নারিকেল পাড়াইয়া যে সমস্ত নারিকেলের ভিতর জল আই বুঝা যাইবে সেইগুলিকে কুড়ুল দিয়া চিরিয়া উত্তমরূপে রোঁজে শুকাইতে হইবে। পরে “মালা” হইতে নারিকেল টুকরা টুকরা ঠাঁইয়া বঁটতে ষণ্ড ষণ্ড করিয়া কাটিয়া পুনরায় রোঁজে উত্তমরূপে শুকাইতে হইবে। বাহাতে রাজে শিশির লাগিয়া নরম না হইয়া যায় সে বিষয়ে দৃষ্টি রাখিতে হইবে। একমাস রোঁজে ভাল করিয়া শুকাইবার পর যানিচে ভাঙ্গাইয়া আনিতে উৎকৃষ্ট তৈল হয়।

ঐ তৈলকে সুগন্ধি করিতে ইচ্ছা থাকিলে যানিতে ভাঙ্গাইবার পূর্বে নিয়মিত দুই মাস প্রতিদিন সন্ধ্যা হইতে সকাল পর্যন্ত, নারিকেল-খণ্ডগুলির সহিত কোনকিছু মিশ্রিত ফুল মিশাইতে হয়। যখন যানি হইতে চিরিয়া আসে তখন তৈলে ঐ ফুলের সমপ্রক্ষুটিত গন্ধ কুস্তল-রাজির মধ্যে আমোদ করিতে থাকে।

শ্রীনীহারিকা দেবী।

শ্রীশরৎকান্ত সান্যাল।

প্রথমে নারিকেলের শাঁস উত্তমরূপে বাটিয়া লইতে হয়, পরে যে কোনও পাত্রে শানিকটা জল অগ্নির উত্তাপে বোধ করিয়া ফুটাইয়া উহাতে পূর্বেই নারিকেল-বাটা মিশ্রিত করিতে হয়। পূর্বেদিন রাজে ঠাঁইখিত উপায়ে নারিকেল ও জল মিশ্রিত করিয়া রাখিলে পরদিন প্রাতে উহা বেশ জ্বরিয়া থাকে। অতঃপর ঐ জমাটবাধা অংশটি অগ্নিতে জ্বালিয়া উহার জলীয় অংশ শুকাইয়া লইলেই উত্তম তৈল প্রস্তুত হয়। নারিকেলপাতা আমের পাতা, কিম্বা তুব দ্বারা সুস্থ জ্বাল দেওয়া উচিত। ইহা আমাদের নিজের পরীক্ষিত।

শ্রীবিনয়কিশোর গুপ্ত।

শ্রীমোহিতমোহন রায়চৌধুরী।

নারিকেল ভালরূপে কুঁড়িয়া পরে শিলে বাটিয়া শক্ত কাগজের দ্বারা তাহা হইতে দুধ নিংড়াইয়া বাহির করিতে হয়। পরে দুধ জ্বাল দিবার নিয়মে সেই দুধ জ্বাল দিলে সহজে নারিকেল তৈল পাওয়া যায়। জ্বাল দিবার পর আর-একবার ছাঁকিয়া লওয়া কর্তব্য।

শ্রীকালিদাস ভট্টাচার্য।

শ্রীবিজয়কৃষ্ণ রায়।

শ্রীস্বধাংশুভূষণ পুরকায়স্থ।

শ্রীকরণামর মণ্ডল।

শ্রীভগ্ননাথ দাস।

শ্রীবলাইচাঁদ কুণ্ডু।

(১০৪)

চোখের খুব কাছে বই পড়া।

আমাদের চক্ষুর পঠন অনেকটা ফটোগ্রাফের ক্যামেরার মত। ক্যামেরাতে একটা বা দুইটা লেন্সের সাহায্যে দর্শনীয় বস্তুর প্রতিবিম্ব আসিয়া পিছনে একটা কাচের পর্দার উপরে পড়ে—এই পর্দাটি ঘষা কাচের। ঘষা কাচের পর্দার উপরে প্রতিবিম্ব যে অবস্থায় (স্পষ্ট বা অস্পষ্ট) আসিয়া পড়ে তাহারই উপরে ফটোগ্রাফের চিত্রের উৎকৃষ্টতা বা অপকৃষ্টতা নির্ভর করে। সাধারণ ক্যামেরাতে ঘষা কাচের পর্দা হইতে লেন্সের দূরত্ব ইচ্ছানুসারে বাড়ান বা কমান যায়। ঘষা কাচে যে-কোন একটা নির্দিষ্ট বস্তুর প্রতিবিম্ব ফেনিতে হইলে লেন্সটা এদিকে ওদিকে সরাইয়া এমন একটু স্থান পাওয়া যায় যেখানে লেন্সটা থাকিলে প্রতিবিম্বটি সবচেয়ে স্পষ্ট হয়। এই অবস্থাকে ঐ নির্দিষ্ট বস্তুর ফোকাস বলে, ফোকাস করা অবস্থা হইতে লেন্স সম্মুখে বা দূরে সরাইলে প্রতিবিম্ব আবার ক্রমেই অস্পষ্ট হইতে থাকে। একটু চিন্তা করিলেই বুঝিতে পারা যায় যে দূরত্ব হিসাবে ভিন্ন ভিন্ন বস্তুর ফোকাসও বিভিন্ন স্থলে হইবে। এই-সব ক্যামেরাতে ছবি তুলিবার সময় প্রত্যেক দর্শনীয় বস্তু বা দৃশ্যের ফোকাস নির্ণয় করিয়া লইতে হয়। আর-এক রকম ক্যামেরা আছে তাহার নাম Fixed Focus Camera অর্থাৎ তার বন্দাবস্তই এমনি যে কোন একটা নির্দিষ্ট দূরত্বের (দুই তিন ফুট বা এমনি কিছু) বাহিরের যে-কোন বস্তু হিসাবে ক্যামেরা ফোকাস করাই আছে, অর্থাৎ ঐ দূরত্বের বাহিরের যে কোন বস্তুর প্রতিবিম্ব সর্বদাই স্পষ্ট হয়—লেন্স এদিকে ওদিকে সরাইয়া লইয়া আবার ফোকাস করিবার আবশ্যিক হয় না। কিন্তু ঐ নির্দিষ্ট দূরত্বের ভিতরের কোন বস্তু উহাতে প্রতিবিম্বিত হইবে না, তাহার ছবিও এই ক্যামেরাতে উঠিবে না, লেন্স সরাইবার বন্দোবস্তও এই ক্যামেরাতে নাই। আমাদের চক্ষু ঠিক এই স্থিরনির্দিষ্ট-ফোকাস ক্যামেরার (Fixed Focus Camera) মত। চক্ষুর তারকা হইল লেন্স, চক্ষুর পর্দা (Retina) হইল ঘষা কাচের পর্দা। এ স্থলেও ঘষা কাচের পর্দা হইতে লেন্সের দূরত্ব নির্দিষ্ট হইয়া আছে। ফোকাস স্থিরনির্দিষ্ট হওয়ার কারণ একটা নির্দিষ্ট দূরত্বের বাহিরের যে-কোন বস্তু আমরা স্পষ্টরূপেই দেখিতে পাই, কিন্তু স্থিরনির্দিষ্ট-ফোকাস ক্যামেরার মতই ঐ নির্দিষ্ট দূরত্বের ভিতরের বস্তু আমরা দেখিতে পাই না। কাজেই অত্যন্ত সম্মুখের বস্তু আমরা দেখিতে পাই না। সেইজন্যই “কোনও লেখা চোখের যতই সামনে আনিয়া পড়িতে চেষ্টা করা যায়, উহা ততই অস্পষ্টতর হইয়া উঠে।” প্রথকর্তার বলা উচিত ছিল “একটা নির্দিষ্ট দূরত্ব হইতে যতই সামনে।”

শ্রীসত্যভূষণ সেন।

শ্রীদুর্গেশমন্দিরী গুপ্ত।

আমরা যে জিনিষ দেখি, চোখের তিষ্ঠনে তার ছায়া পড়ে বলিয়া তাহা দেখা যায়। জিনিষট ও চক্ষুর ব্যবধানের দূর-বৃদ্ধির অনুসারে ছায়া স্থান-পরিবর্তন করে এবং ঐ ব্যবধানের উপরই ছায়ার স্পষ্টত্ব নির্ভর করে। সেইজন্য কোন নির্দিষ্ট পরিমাণ দূরে লেখা ধরিলেই আমরা ভাল পড়িতে পারি। সেই দূরত্ব বাড়াইলে বা কমাইলে লেখা ক্রমশঃ অস্পষ্ট হইয়া উঠে। উক্ত নির্দিষ্ট দূরত্ব তির তির চোখের পক্ষে পৃথক। সেইজন্য দেখা যায়, কোন বাস্তব চোখের খুব কাছে আনিয়া বই পড়েন আবার কেহ বা অপেক্ষাকৃত দূরে রাখিয়া ভালরূপ পড়িতে পারেন। প্রত্যেকের পক্ষেই একটা আনান্য দূরত্ব আছে, যেখানে লেখা ধরিলে তার পক্ষে পড়া সব চেয়ে সুবিধা, তার চেয়ে দূর বেশী বা কম হইলেই লেখা অস্পষ্ট হয়। এই কারণে লেখা চোখের খুব কাছে আনিতে পড়া যায় না।

শ্রীনিশিকান্ত সেন।

(১০৫)

বিজয় গুপ্তের মনসামঙ্গলের সমগ্র নির্ঘণ্ট।

ছায়' = ২ ; শূণ্য = ১ ; বেন = ৪ ; শশী = ১। অক্ষয়্য বামা গতি—এই নিয়মে পড়িলে দাঁড়াইল ১৪১২ শক।

শ্রীঊষাবালা দেবী।

সাংস্কৃতিক অক্ষ লেখার প্রধান নিয়ম "অক্ষয়্য বামা গতি" অর্থাৎ অক্ষ দক্ষিণ হইতে আরম্ভ করিয়া ক্রমশঃ বামদিকে অগ্রসর হইবে।

ছায়া আলোকের অভাব। একজন্ত ছায়া শব্দ অভাব অর্থাৎ শূণ্য, বুঝাইতেছে। অতএব অক্ষটির সর্বদক্ষিণে শূণ্য, তার বামে শূণ্য, তার বামে "বেন" অর্থাৎ "চারি", তার বামে "শশী" অর্থাৎ "এক"। সুতরাং ১৪০০ শক স্মৃতি হইতেছে।

ছায়া সূর্যের দ্বিতীয় পত্নী। একজন্ত ছায়া শব্দে দুই ধরিয় লওয়া যায়। সেক্ষেত্রে ১৪০২ শক বুঝাইবে।

উক্ত সাংস্কৃতিক বাক্যের একটি পাঠান্তর আছে তাহা "৪১ শূণ্য বেন শশী পরিমিত শক" সেক্ষেত্রে ৪১ অর্থে ৪১ ধরিতে হইবে; এবং ১৪০৬ শক বুঝাইবে।

শ্রীনিশিকান্ত সেন।

(১০৬)

শান্তিপুত্রের প্রকৃত নাম।

শান্তিপুত্রের নাম ছিল শান্তিপুর। অষ্টোত্তাচার্যের সময় ইহার নাম হয় শান্তিপুর।

শ্রীবিধমোহন সাম্রাণ।

(১০৭)

বাংস্যা-গোত্রীয় ছান্দড়ের পদবী।

বাংস্যা, মাঘর্গ, কাশ্যপ, ভরদ্বাজ, এবং শান্তিগোত্রীয়—মোট ৫ গোত্রীয়—৫জন ব্রাহ্মণকে মহারাজ আদিশুর কাশ্যকুঞ্জ হইতে 'শৌড়ে' আনয়ন করেন। আদিশুরের পুত্র ভূশুর উপরোক্ত পাঁচ গোত্রীয় পঁচজন বংশধর, তুর্ধ্ব'ৎ 'ছান্দড়', 'বেদগর্ভ', 'দক', 'শ্রীর্ধ্ব' ও 'ভট্টনারায়ণ'কে রাত্রে পাঠাইয়া দেন। তখন পর্যন্ত পদবীর সৃষ্টি হয় নাই।

রাত্রে পশুপতি ছান্দড়দির ৫২ পুত্র জন্মে। ভূশুরের পুত্র ক্ষিতিশুর তাঁহাদের বসবাসের জন্ত ৫২খানি গ্রাম দেন। ক্ষিতিশুরের পুত্র ধরাশুর, এই ৫২-গ্রামী ব্রাহ্মণদিগকে—মুখাকুলীন, গৌণকুলীন ও শ্রোত্রীয় এই তিন শ্রেণীতে বিভাগ করিয়া, মুখৈটি, বন্দ্য, চট ইত্যাদি উপাধিতে সূচিত করেন। সেই সময়কার মুখৈটি, বন্দ্য, চট,

ইত্যাদি পদবীই আজকাল মুখোপাধায়, বন্দ্যোপাধায় ও চটোপাধায়ে পরিণতি লাভ করিয়াছে। "শৌড়ে ব্রাহ্মণ" পুস্তক পাঠে, এসম্বন্ধে আরও অনেক খবর জানা যায়।

নগেন্দ্র ভট্টশালী।

(১০৮)

বেতের জিনিষে পাকা বঃ।

পচ-পাঁচ-পূর্ণ পুকুরের জলে বেত ভিজাইয়া রাখিলে তাহাতে পাকা বঃ হয়।

শ্রীনিহুতন দত্ত।

(১০৯)

নিব তৈয়ারীর কল।

নিম্নের ঠিকানায় অনুসন্ধান করিলে, নিব তৈয়ারীর কল ইত্যাদির সব খবর জানা যায়।

The Bengal Small Industries, Co.

91, Durga Charan Mitter Street, Calcutta.

নগেন্দ্র ভট্টশালী।

নিব তৈয়ারীর কলের গুচ্ছ, ইউ পো. ৩২১১ বিভিন্ন স্ট্রীট কলিকাতা বা মিশ্রী রাম খেল ওয়ারী, ছাপরা, ঠিকানায় অনুসন্ধান করুন। Cover (envelope) খাম কাটিবার কল গুরিএটাল মেসিনারি সাপ্রাই কোং, ২০১১ লাগবাজার, কলিকাতা (Oriental Machinery Supply, Co., 2011 Lal Bazar St., Calcutta) বা Set Dass & Co., 74 Bechoo St., Calcutta) বা Baldeo Lal, Taylor Road, Gaya ঠিকানায় পাইবেন।

শ্রীপ্রমথনাথ সাম্রাণ।

(১১০)

পদার্থে-পদার্থে ঘর্ষণে শব্দের কারণ।

বায়ুমণ্ডলে একপ্রকার তরঙ্গ উৎপন্ন হইয়া আমাদের কর্ণপটেই আঘাত করিলে শব্দ ঐত হয়। পদার্থে-পদার্থে আঘাত কিম্বা ঘর্ষণ দ্বারা বায়ুমণ্ডলে তরঙ্গসম্পাত হয় বলিয়াই শব্দ হইয়া থাকে। এবং বিভিন্ন পদার্থের আঘাতজনিত তরঙ্গ বিভিন্ন প্রকার হইয়া থাকে। একজন্ত শব্দও বিভিন্ন প্রকারের হয়।

শ্রীনিশিকান্ত সেন।

কোনও পদার্থকে অস্ত্র কিছু দ্বারা আঘাত করিলে বা ঘর্ষণ করিলে তাহার অণুতে অণুতে কম্পন উপস্থিত হয়; এই অণুকম্পন প্রথমে সংলগ্ন বায়ুস্তরে, তাহা হইতে স্তরান্তরে, এইরূপে বায়ুমণ্ডলের অনেকদূর অংশি পরিব্যাপ্ত হয় এবং শ্রোতার কর্ণপটেই আঘাত করিয়া শব্দসৃষ্টির সৃষ্টি করে। যে স্রুটি উৎপন্ন হয় তাহা প্রতিমূহুর্তে কম্পন-সংখ্যার উপর নির্ভর করে এবং তাহার quality নির্ভর করে উৎপত্তিস্থানের উপর। নারীকণ্ঠে প্রথম সপ্তকের 'সা' আর পুরুষকণ্ঠের প্রথম সপ্তকের 'সা' বা লে'হার তারের 'সা' এবং পিওলের তারের 'সা' সুরে এক, কিন্তু qualityতে এক নহে।

শ্রীহুর্গেশনন্দিনী গুপ্ত।

(১১১)

দেবতার কাছে ধরা বা হত্যা।

দেবতার সম্মুখে 'ধরা' বা 'হত্যা' দেওয়ার অর্থ—মুতাপণ করিয়া ভূমিশস্যের দেবতার সম্মুখে পড়িয়া থাকা। ইহার অর্থ—আমার প্রার্থনা পূরণ না করা পর্যন্ত আমি দেবতার চরণ 'ধারণ' করিব।

পড়িয়া থাকিব এবং দেবতার দয়া না হইলে তাঁহার সমুখে 'হত্যা' হইব।

শ্রীমুখাং তত্ত্বষণ পুরকাইত।
শ্রীকরণাময় মণ্ডল।

(১১২)

বঙ্গভাষার সর্বপ্রথম নাটক।

"কলিকাতার যাত্রা" নামক একখানি বাংলা নাটক ১৮২১ খৃষ্টাব্দে প্রথম অভিনীত হয়, এবং উহাই বোধ হয় বঙ্গভাষার প্রকাশিত সর্বপ্রথম নাটক।

শ্রীমুনির্মল বসু।

স্বর্গীয় রমেশচন্দ্র দত্ত ও রামগতি স্মারকভবর মতে:—বাংলা ভাষার সর্বপ্রথম নাটকের নাম—"কুগীন-কুল-নবধা"। উহার রচয়িতার নাম রামনারায়ণ তর্কভট্ট। স্বর্গীয় মহারাজা যতীন্দ্রমোহন ঠাকুরের অনুবোধে এ নাটকখানা ১৮৫৬ খৃষ্টাব্দে গবর্নমেন্টের সেমিনারী গৃহে অভিনীত হয়।

নগেন্দ্র ভট্টশালী।

(১১৪)

সূতার পাকা রং।

লাল, নীল অথবা যে কোন রং জলে গুলিয়া তাহাতে সূতা ভিজাইতে হইলে এবং তাহাতে পরিমাণমত খানিকটা দুধ মিলা কিছুকণ ফুটাটয়া পুকাইয়া লইলে রং উঠিব না। জ্বালব সময় একটু খায়র দিলে রং আরও পাকা হয়। এখানে রাজসাহীর কোন গায়ে নতুন তাঁতশালায় শুধু লাল রং দিয়া সূতা রঞ্জিত করিয়া পাট বুনা হইত কিন্তু তাহা উঠিয়া যাউত, এখন আমার কথা মত সূতা রং করিয়া কাপড় বুনিয়া বেশ ফল পাওয়া গিয়াছে। সূতরং ইহা পরীক্ষিত। নীলরঙে সূতা ভিজাইয়া তাব মরো কয়েকট ভালা গোঁচো করিয়া দিয়া একরূপ দুধ মিলা ফুটাটয়া লইবেন। সূতা ফুটাটয়া লইলে শকও হয়। ১৩২০ সালের "বাবসা ও বাণিজ্য" পত্রের অগ্রহারণ পৌষ ও মাঘ সংখ্যার চতুর্থক রাসায়নিকের লিখিত "সূতা রঞ্জন প্রণালী" প্রবন্ধ দেখুন। তাহাতে বৈজ্ঞানিক প্রণালীতে সূতা রং বরিবার উপায় লিখিত হইয়াছে।

শ্রীশরচ্চন্দ্র সান্নাল।

সূতা রঞ্জিত করিবার উপায়। আজকাল বাস্তবিক দিশি কাপড়ের পাড়ের রঙ খুব শীঘ্র উঠিয়া যায়। সূত্রে বিশেষ পাকা রঙ করিবার জন্য অনেকে অনেক প্রকার চেষ্টা করিতেছেন। গত পৌষ ও মাঘ মাসের 'ভারতবর্ষে' শ্রীকৃষ্ণ বিশ্বকর্মা তাহার বিশেষ আলোচনা করিয়াছেন। আমরা দুই-একটি পরীক্ষা করিয়া ইহার সত্যতা নির্ণয় করিয়াছি। তৎসময়ে আমরা আর অধিক বিবরণ দিতে ইচ্ছা করি না। প্রবন্ধটি উক্ত দুই সংখ্যার ভারতবর্ষে শ্রীকৃষ্ণ বিশ্বকর্মার "ইতিহাস" পৃষ্ঠা ১৩৩-১৩৪-এ বিবরণ দেখিতে পাইবেন।

শ্রীলাইট দ কুণ্ডু।

পৌষের প্রবাসীর বেশবিশেষের কথায় (বাংলা) আছে যে, পোষ্টে চকররং—জেলা চট্টগ্রাম নিবাসী এক এন্ চৌধুরীর নিকট এক প্রকার পাকা রংএর সূতা পাওয়া যায়। এই সূতা একরকম পাখাড়ের গাছ হইতে প্রস্তুত হয়। সূতার রং স্বাদী। কাপড়ের পাড়ে এই সূতা দেওয়া চলে। তাঁহার নিকট পত্র দিলে নমুনা পাওয়া যায়।

নগেন্দ্র ভট্টশালী।

পাকা রঙের প্রস্তুত-প্রণালী শিথিবার জন্য Dyeing of Cotton Fabrics by Beach এবং Dyeing Textile Fabric by Owen—এই বই-দুখানি পড়িতে পারেন। T. N. Chackravartyর পাকারং প্রণালী, মূল্য ৯/০, প্রাপ্তির ঠিকানা Homeo Research Hall—P.O. Brahmanagan, Dacca—বইখানা পড়িতে পারেন। Pure Soda—১, Alum (ফিটকিরি) ১০, Plumby Acilas ৯, Dist. Water ১৫, এই অনুপাতে প্রথমে রং পাকা করিবার আরক প্রস্তুত করিয়া লইয়া রংয়ের সহিত মিলাইয়া লইলেই পাকা হইবে। এই ভাবে অনেক প্রকারের formula আছে; অনেকগুলি পরীক্ষায় বেশ ভাল হইয়াছে, প্রয়োজন বোধ করিলে আমাকে লিখিলে জানিতে পারিবেন।

শ্রী প্রমথনাথ সান্নাল।

Dumkal, মুর্শিদাবাদ।

(১১৫)

বান্দ্রিকির মাতার নাম।

বান্দ্রিকির মাতার নাম স্মৃতি।

শ্রী।

উপনিষৎ

দ্বিতীয় খণ্ড, শ্রীসীতানাথ তত্ত্বষণ সম্পাদিত, তৃতীয় সংস্করণ, মূল্য ১/- একটাকা।

শ্রীযুক্ত সীতানাথ তত্ত্বষণ মহাশয় সুপ্রসিদ্ধ। আমাকে তাঁহার পরিচয় দিতে হইবে না। তাঁহার উপনিষদের আলোচনাও খেদাখতর, তৈত্তিরীয়া, ঐতরেয় ও কৌশীতকি এই চারখানা উপনিষদের মূল সংস্কৃত, এবং তাঁহারই রচিত একটি ক্ষুদ্র সংস্কৃত টীকা ও বঙ্গানুবাদের আছে।

উপনিষদের আলোচনা দেশে ক্রমশই বাড়িতেছে ইহা আমাদের বিবরণ। এখন ইহার নানারূপ ভাষাভাষা সংস্করণের প্রয়োজন হইয়াছে। ইহার চেষ্টাও লক্ষিত হইয়াছে বটে, কিন্তু পর্যাপ্ত নহে। যাহার বাহুল্যের মধ্যে যাইতে চান না, বা তাঁহার জন্ম সময় পান না,

একরূপ পাঠকগণের অনুকূল সংস্করণ বাঙ্গলার খুব কমই আছে। তত্ত্বষণ মহাশয়ের আলোচ্য সংস্করণটি এই অভাবের খানিকটা দূর করিলে ইহা অসম্বোধে বলিতে পারা যায়।

সংস্করণ ক্ষুদ্রই হউক, আর বৃহৎই হউক, সাধারণেরই জন্য হউক বা বিশেষজ্ঞেরই জন্য হউক, তাহা সুবিশুদ্ধ হওয়া আবশ্যিক। টীকা না অনুবাদ বাহাতে মূলকেই অনুসরণ করে,—মূল কি বলিতেছে তাহা ব্যাখ্যাতভাবে প্রকাশ করে, এবং মূলের অতিরিক্ত বাহা কিছু ব্যাখ্যার জন্য আবশ্যিক হয় তাহা বাহাতে মূলের সহিত মিশিয়া না যায়, কোন্টা মূল, আর কোন্টাই বা মূলের বাহিরের কথা, ইহা বাহাতে পাঠক সুস্পষ্টরূপে বুঝিতে পারে, টীকাকারের ও বিশেষত

অনুবাদের সৈনিক বিশেষ দৃষ্টি রাখা বরকর। মূলে বাহা নাই অনুবাদে তাহা দেওয়া ঠিক নহে। মূল বুঝিবার জন্য যে ব্যাখ্যার প্রয়োজন তাহা সংস্কৃত পাঠকের জন্য টীকার ও অন্তরের জন্য পাদটীকার দেওয়া যাইতে পারে। অনুবাদের মধ্যে ইহার স্থান হইতে পারে না, কারণ পাঠক ইহাতে ভ্রম হইতে পারেন যে, ঐ ব্যাখ্যার অংশও মূল উপনিষদেরই অন্তর্গত। যদি বা অনুবাদের মধ্যে কোনো অতিরিক্ত কথা বসাইতে হয় তবে তাহা একপভাবে চিহ্নিত করা উচিত বাহাতে মূল ও মূলের অতিরিক্ত কথাটা সহজেই বুঝা যাইতে পারে। তত্ত্বভূষণ মহাশয়ের সংস্করণে অনেকস্থানেই ইহা করা হয় নাই। আলোচ্য পুস্তকখানির প্রথমেই যেতাৎপর উপনিষৎ। দুইস্তম্ভরূপে তাহার প্রথম শ্লোকটি তত্ত্বভূষণ মহাশয়ের অনুবাদের সহিত উদ্ধৃত করিতেছি:—

মূল
কিং কারণং ব্রহ্ম কৃতঃ স্ম জাতা
জীবাম যেন ক চ সম্প্রতিষ্ঠাঃ ।
অধিষ্ঠিতাঃ কেন মুখ্যতরেষু
বর্তমানহে ব্রহ্মবিদ্যা বাবস্থাম্ ॥
অনুবাদ

ব্রহ্ম কি কারণ? অথবা পরগোকে উক্ত কালাদি? আমরা কোথা হইতে জন্মিয়াছি? কি হেতুতে জীবন ধারণ করিতে সক্ষম হইতেছি? প্রলয়কালে কোথায় থাকি? কি হেতুতে আমরা মুখ্যতর বিষয়ে ব্যবস্থা করিয়া বর্তমান থাকি?

এখানে 'অথবা পরগোকে উক্ত কালাদি' ও 'প্রলয়কালে' মূলে নাই, তাই অনুবাদের মধ্যে ইহা দেওয়া সঙ্গত হয় নাই।

যদি "কালঃ যতাবো নিযতির্ষদৃচ্ছা" ইত্যাদি পরগোকের সহিত আলোচ্য প্রথম শ্লোকটির অর্থ থাকে তাহা সলেই হইতে পারিত। টীকাকারদের অনেকে অনেকরূপে এই শ্লোকটি ব্যাখ্যা করিয়াছেন। তত্ত্বভূষণ মহাশয় ঐসব ব্যাখ্যার একটিকে অনুসরণ করিয়াছেন, ইহাতে তাহাকে দোষ দিই না; কিন্তু আমার মনে হয়, যতদূর সম্ভব মূলকেই অনুসরণ করিতে পারিলে ভাল হইত। মূলের অনুসারে আলোচ্য অংশটুকুর 'কারণ কি ব্রহ্ম?' এইমাত্র অনুবাদ করিলেই পর্যাপ্ত হয়। 'ব্রহ্ম কি কারণ?' 'কারণ কি ব্রহ্ম?' ইহাদের মধ্যে ভেদ আছে। 'ব্রহ্ম কি কারণ?'—বলিলে বুঝাইতে পারে 'ব্রহ্ম কারণ অথবা কারণ নহে' ইহাতে বুঝাইতে পারে 'ব্রহ্ম কিরূপ কারণ, উপাদান কারণ বা নিমিত্ত কারণ?' আর 'কারণ কি ব্রহ্ম?'—ইহা বলিলে বুঝায় 'কারণ কি ব্রহ্ম অথবা ব্রহ্ম ছাড়া আর কিছু?' আলোচনা করিলে স্পষ্টই বুঝা যায় এখানে এই শেষোক্ত প্রশ্নই অভিপ্রেত।

প্রথম শ্লোকে (জগতের) কারণ ব্রহ্ম কি না এই প্রশ্ন হইলে দ্বিতীয় শ্লোকেরও সহিত ইহার সামঞ্জস্য পাওয়া যায়। দ্বিতীয় শ্লোকের পূর্বাঙ্কে বলা হইতেছে কাল-যতাব প্রভৃতি যে কারণ (বলিয়া কথিত হয় তাহা) চিন্তা করিয়া দেখিতে হইবে।

'জীবাম কেন' ইহার অনুবাদ 'কহা দ্বারা জীবন ধারণ করি' এইরূপ করিলেই বোধ হয় পর্যাপ্ত ও পরিষ্কার হইত। "কি হেতুতে..." বলার অঙ্গটি থাকিয়া গিয়াছে। এই শ্লোকের মূলের 'অধিষ্ঠিতাঃ' পদটি আলোচ্য টীকা ও অনুবাদ উভয়স্থলেই বাদ পড়িয়া গিয়াছে।

চতুর্থ শ্লোকের টীকা ও অনুবাদে মূলের 'নেসি' শব্দের অর্থ করা হইয়াছে 'চক্রাভি' (পৃ-৩)। ইহা ঠিক নহে। নেসি বলিতে চাকার গোলা ধারুটা (Circumference or ring of a wheel.)

বুঝায়, নাভি (navel) নহে। অন্তর (কৌশী ৩,৮; পৃ-১১০,১১১) এই দুই শব্দের অর্থ ঠিকই করা হইয়াছে।

তৈত্তিরীয় উপনিষৎ (১-২; পৃ ৩৪-৬৫) "বাধুঃ সন্ধানম্" ইত্যাদি স্থলে 'সন্ধান' শব্দের অর্থ লিখিত হইয়াছে 'সংযোগকর্তা', কিন্তু বস্তুত ইহার অর্থ হইতেছে যাহা দ্বারা সন্ধি বা সংযোগ করা যায় (সন্ধোর্তে অনেক ইতি সন্ধানম্—ভাষ্যকার)। অতএব 'সন্ধান' শব্দের অর্থ সংযোগের কর্তা নহে, সংযোগের কারণ। অনুবাদে কয়েকস্থলে অবার 'সংযোগের কারণ' লিখিত হইয়াছে। কারণ ও করণ ঠিক এক নহে।

"যথাপঃ প্রবতায়ন্তি" (১১, পৃ: ৬৮,৬৯) ইহার টীকা ও অনুবাদে মিল নাই; টীকা ঠিকই হইয়াছে, অনুবাদটা ঠিক হয় নাই। 'জল যেক্রপ নিম্ন স্থানে যায়' না হইয়া 'জল যেক্রপ নিম্ন স্থান নিয়া যায়' হইবে।

৬৮শ পৃষ্ঠায় ফুটনোটের ভাষ্যকারের বাক্যটি উদ্ধৃত করিতে ভুল হইয়াছে। "অহানি কস্মিন্ জীবায়ন্তি" হইবে।

'ভূতি' শব্দের অর্থ (৭৮ পৃ:) ভাসো ও 'বিভূতি' করা গিয়াছে, কিন্তু আলোচ্য পুস্তকে লিখিত হইয়াছে 'মহত'। ইহার সমর্থক কিছু দেখা যায় না। এইরূপ 'শ্রী' ('শ্রীয়া') শব্দের (পৃ: ৭৯) অর্থ 'বৃদ্ধি', এবং 'আবৃত্ত' (পৃ: ৮০) শব্দের অর্থ 'অতঃ' কেন করা হইয়াছে জানিতে পারা যায় না।

ব্রহ্মানন্দবন্দীর প্রথমে "সহ নাববঃ" ইত্যাদি শাস্তিমন্ত্রে (পৃ: ৮২-৮৩) কিছু আলোচনা করিবার আছে। তত্ত্বভূষণ মহাশয়ও বলিবেন তিনি এখানে ভাষ্যকারকে অনুসরণ করেন নাই। ইহাতে কোনো ক্ষতি নাই। আলোচ্য শাস্তির

"সহ বীধ্যং করবাবহৈঃ। তেজসি নাবধীতমস্ত। মা বিদ্বিষাবহৈঃ।" এই অংশের অনুবাদ করা গিয়াছে—

'আমরা উভয়ে যেন সামর্থ্য লাভ করি। আমাদের দুজনকার জ্ঞান বর্ধিত হউক। আমরা দুজনে কলহ করিব না।'

'বীধ্য' শব্দে আমার মনে হয় এখানে 'উজম' 'উৎসাহ'। আচার্য্য ও শিষ্য উভয়েই বলিতেছেন, আমরা উভয়েই একসঙ্গে উজম করি। কেবল আচার্য্যের বা কেবল শিষ্যের উজমে হইবে না, উভয়েরই একসঙ্গে উজম করা চাই। তবুই আচার্য্যের অধ্যাপন ও শিষ্যের অধ্যয়ন ঠিক হইতে পারে। ভাষ্যও সামর্থ্য-করারই কথা আছে ('সামর্থ্যং করবাবহৈঃ'), সামর্থ্য লাভ করার কথা নহে। সামর্থ্য-করা হইল সাধন, আর সামর্থ্য-লাভ হইল ফল। এখানে সাধনেরই কথা বলা হইতেছে, ফলের নহে।

'আমাদের দুজনকার জ্ঞান বর্ধিত হউক।' এ অনুবাদটা মোটেই হইতে পারে না। ভাষ্যকারও এখানে কষ্টকরনা করিয়াছেন। "তেজসি নাবধীতমস্ত"। তেজসি নো আবয়োঃ তেজসিনোঃ অধীতং অধীতম্ অস্ত।" ইহার অর্থ—তেজসী আমাদের দুজনের অধ্যয়ন অ-অধ্যয়ন হউক। ইহার উপর টীকা নিম্নরূপ। তত্ত্বভূষণ মহাশয় ব্যাখ্যা করিয়াছেন— "তেজসি জ্ঞানম্ নো আবয়োঃ অধীতম্ বর্ধিতম্।" অর্থাৎ 'তেজসি' শব্দের অর্থ 'জ্ঞান' (!), 'নো' শব্দের অর্থ 'আমাদের দুজনের', আর 'অধীতম্' শব্দের অর্থ 'বর্ধিত' (!)। এখানেও টীকা নিম্নরূপ। পাঠকেবা সহজেই বুঝিতে পারেন। আমার মনে হয় সাদাসিধে যে অর্থটা পাওয়া যাইতেছে, তাহাই অতি সুন্দর—'আমাদের অধ্যয়নটা যেন তেজসী হয়!'

"মা বিদ্বিষাবহৈঃ" এখানে তত্ত্বভূষণ মহাশয় 'বিদ্বিষ' অর্থে 'কলহ' করিয়াছেন, কিন্তু বিদ্বিষ ও কলহ এক নয়।

কৌশীতকি-উপনিষৎ (২-৩; পৃ: ১৫৩) আছে "বাঃ তেঃ মরি

সুহোমাসৌ বাহা। প্রাণং তে মরি সুহোমাসৌ বাহা।...” ইত্যাদি। এখানে “সুসৌ” শব্দের অর্থ করা হইয়াছে “অমর কামঃ।” কিন্তু বস্তুত ইহার অর্থ হইতেছে ‘অমুক’; অর্থাৎ যাহার (যে পুরুষের বা যে স্ত্রীর) প্রিয় হইবার জন্য আজোর আহতি দেওয়া হয় তাহারই নামটি এখানে উল্লেখ করিতে হইবে। বৈদিক কৰ্মকাণ্ডে একরূপ অনেক স্থানে আছে।

“বৎ তে সুসৌমং হৃদয়মধি চন্দ্রমসি স্থিতম্” (ঐ, ২-৫; পৃ: ১৫৯); “বৎ তে সুসৌমে হৃদয়ে” (২ ৬; পৃ: ১৬৩)।—এখানে ‘সুসৌম’ বস্তুত ‘সুশৌম’, ইহার অর্থ ‘শৌভল’; ‘শৌভনাকার’ বা ‘সুন্দর’ নহে।

এই পৃষ্ঠাতেই “অস্তং যন্তং (...আদিতাম্) [উপতিষ্ঠেৎ],” এখানে উপতিষ্ঠেৎ লেখা উচিত ছিল, উপতিষ্ঠেৎ হয় না।

“ন বাচং বিজিজ্ঞাসীত” (ঐ ৩-৮; পৃ: ১২০-১২১), ইত্যাদি স্থলে ‘বিজিজ্ঞাসীত’ শব্দের অর্থ ‘জানিতে চেষ্টা করিবে’ না লিখিয়া ‘জানিতে ইচ্ছা করিবে’ লেখা উচিত ছিল।

“জনকো জনক ইতি বা উ জনা ধাবন্তীতি” (ঐ ৪-১; পৃ: ১২৪)। এখানে প্রথম ‘জনক’ শব্দের অর্থ ‘রাজা জনক’ ঠিকই হইয়াছে। দ্বিতীয় ‘জনক’ শব্দের অর্থ করা হইয়াছে ‘পালয়িতা’। তত্ত্বভূষণ মহাশয় টীকাকারকে অনুসরণ করিয়াছেন। কিন্তু যাহাই হউক, দ্বিতীয় ‘জনক’ শব্দও-রাজা জনককেই বুঝাইতেছে। এ কথাটা যে বৃহদারণ্যক (২-১-১) হইতে ঠিক তোলা হইয়াছে তাহাতে কোনো সন্দেহ নাই।* কথাটার আসল অর্থ হইতেছে “লোকেরা ‘জনক! জনক!’ এই বলিয়া (তাহার নিকটে) ধাবিত হয়।” তাৎপৰ্য্য এই যে, জনক রাজা ব্রহ্মতত্ত্ব শুনিতেও খুব উৎসাহী, আর দান করিতেও

খুব উৎসাহী, তাই লোকেরা ব্রহ্মতত্ত্ব আলোচনার জন্য অস্ত্র কাহারো নিকটে না বাইরা তাহারই নিকটে ধাবিত হইত।

স্থানে স্থানে ছাপার ভুল থাকিয়া গিয়াছে। অনবধানতার একই অংশে একটি শব্দ বহুবার অশুদ্ধভাবে মুদ্রিত হইয়াছে। কৌণ্ডিকিতে (৩-৫; পৃ: ১৮৩-১৮৫) মূলে আছে ‘উদুগ্ধং’ (উদুগ্ধং)। ইহা সেখানে ৭ বার প্রযুক্ত হইয়াছে। কিন্তু আলোচ্য সংস্করণে মূল ও টীকায় সর্বত্র তাহা মুদ্রিত হইয়াছে ‘অদুগ্ধং’।

তত্ত্বভূষণ মহাশয় শব্দার্থটিকে অনুসরণ করিয়া নিজের টীকা লিখিয়াছেন, তাই তাহার নাম দিয়াছেন শব্দর-কৃপা। কিন্তু দেখা যায় তিনি তাহা সর্বত্র অনুসরণ করেন নাই। ইহাতে পাঠকদের মনে শব্দের ব্যাখ্যা সম্বন্ধে ভ্রান্ত বিধান হইবার সম্ভাবনা আছে। একটা দৃষ্টান্ত দিই:—

তৈত্তিরীয় উপনিষদ (২:১) আছে—“সোহগ্নুতে সর্কান্ কামান্ সহ। ব্রহ্মণা বিপশ্চিতা।” তত্ত্বভূষণ মহাশয় ইহার যে ব্যাখ্যা করিয়াছেন তাহা হইতেই পারে না, ইহা বলি না, কিন্তু তাহা শব্দের মতে হয় না। শব্দের ভাষ্যের তাৎপৰ্য্য—যিনি ব্রহ্মকে জানেন, তিনি সর্বত্র ব্রহ্মরূপে যুগপৎ (সহ) সমস্ত কাম (কাম্য বস্তু) ভোগ করেন। শব্দ “সহ” শব্দকে ধরিয়াছেন “অগ্নুতের” সঙ্গে, আর তত্ত্বভূষণ মহাশয় ধরিয়াছেন “ব্রহ্মণা” পদের সঙ্গে। ইহাতে শব্দের মতের মহান্ বিরোধ করা হইয়াছে, এবং সেইজন্যই টীকাটিকে শব্দর-কৃপা বলিতে পারা যায় না।

এই জাতীয় ত্রুটিগুলি সংশোধিত হইলে পুস্তকখানি বিশেষভাবে আদৃত হইবে।

* “বা উ” স্থানে বৃহদারণ্যকের পাঠ “বৈ”।

শ্রীবিধুশেখর ভট্টাচার্য্য।

নিমন্ত্রণ

মোর বাগানের রোশ্‌নি-ফোটা

ফুলের বাসরে,

ও মেনকা, আর না নেমে

নাচের আসরে!

পাপুড়িতে তোর চরণ ফেলে

নাচের টানে পড়্‌ না গলে’,

বুকখানি তোর উথলে উঠুক

নেশার আতরে!

মোর বাগানের আবেগ-তোলা

গন্ধ-গোলাপে,

তিলোত্তমা, আর না নেমে

গানের আলাপে।

হাওয়াতে তোর আঁচল তুলে

ঘুঙুর বাজাস্‌ ছলে ছলে,

মৌমাছিদের গুঞ্জরণে

বায়ুর প্রলাপে!

মোর বাগানের রোশ্‌নি-ফোটা

ফুলের বাসরে,

উর্কশী, তুই আর না নেমে

নাচের আসরে!


রূপ-মরিয়ার তুফান-তোলা,

ফাগুন-হোলির আবীর-গোলা,

চুম্‌ বুলা নী ফুলের পাতে

গভীর আদরে।

শ্রীনীহারিকা দেবী।



প্রকৃতির পাজি

এটি বসন্ত ঋতুর প্রথম মাস। শীত কেটে যাওয়ার সঙ্গে সঙ্গে দক্ষিণ দিক থেকে মিষ্টি হাওয়া বইতে আরম্ভ করেছে। পাছে পাছে পুরানো পাতা ঝরে গিয়ে হালকা সবুজ রংএর রাশিরাশি নতুন পাতা কুয়াসাহীন বসন্তের খেলা আলোয় চিকচিক করে জলছে। কলকাতার মতো নীরস ইট-পাথরের তৈরি সহরেও ছোটো একটা কোকিল এসে পড়ে ডাকতে শুরু করে দিয়েছে, পল্লীগ্রামের ত কথাই নেই। প্রায় সব আমগাছগুলিতেই বোল ধরেছে। খেজুরের রস শেষ হয়ে এলো, কিন্তু আকের ফসল কাটা হচ্ছে, তার রস নিঃড়ে এবার নতুন গুড়ের ভিমান চড়বে। কলাই, মুগ প্রভৃতি রবিশস্ত এখন থেকে কাটা হতে আরম্ভ হবে। এ মাসের তরিতরকারীর মধ্যে নতুন পটল, আলু, ফুট, তরমুজ নাম করবার যোগা, তার সঙ্গে ছোটো একটা কাঁচা আমও কখনো কখনো জুটতে পারে।

চশমা।

*

জন্ ড্যানিয়েল

উপরে যে নাম রহিয়াছে তাহা একটি বনমানুষের, মানুষের নয়। জনের বাপ-মার আদি-নিবাস আফ্রিকার একটা কোনো অন্ধকার জঙ্গলে ছিল। কিন্তু জন্ তার বাপ-মার বাসভূমি ত্যাগ করিয়া আসিয়া পুরাতন্ত্রায় সভ্য হইয়া উঠিয়াছিল। টেবিলে খাওয়া আর মশারি খাটানো খাটে শোওয়া আর তোয়ালে দিয়া মুখ ধোওয়া, এ-সব তাহার না হইলে চলিত না। সে অবশ্য জঙ্গল হইতে বাহিরে আসিয়াই এই-সব একদিনেই আয়ত্ত করিয়া ফেলে নাই। এই-সব শিখাইবার জন্ত তাহাকে এবং তাহার শিক্ষকদের যথেষ্ট ক্লেশ এবং পরিশ্রম স্বীকার করিতে হইয়াছিল। তাহাকে খুব ছোট অবস্থায় জঙ্গল হইতে ধরিয়া আনেন একজন করাসী

জাহাজের কাপ্তেন। তারপর তাহাকে কিনিয়া আনিয়া ইংলেণ্ডে এক চিড়িয়াখানায় রাখা হয়। মেজর রুপার্ট পেনি জীবজন্তুর সম্বন্ধে নূতন তথ্য আবিষ্কার করিতে বড় ভাল-বাসিতেন। তিনি ১৯১৮ সালে জনকে ক্রয় করিয়া তাঁহার বাড়ীতে আনেন। বাড়ীর একটা ছোট কামরার চারিদিকে লোহার গরাদ দিয়া খাঁচার মত করিয়া তাহার থাকিবার স্থান হইল। বিছাতের সাহায্যে ঘরটাকে সব সময় বেশ গরম রাখা হইত এবং ঘরের হাওয়া যাহাতে সব সময় বেশ পরিষ্কার থাকে তাহারও উপযুক্ত বন্দোবস্ত ছিল।

সমস্ত দিন বাড়ীর ছেলেমেয়েরা তাহার খাঁচা-ঘরের সামনে দিয়া আসা-যাওয়া করিত—গোলমাল করিত। তাহাতে জন্ সাহেব অনেকটা নিজের আত্মীয়দের মধ্যেই আছে মনে করিত। কিন্তু রাত্রে যখন সবাই আপন আপন ঘরে চলিয়া যাইত এবং বাড়ী অন্ধকার এবং নিস্তরু হইয়া উঠিত, তখন জন্ ভয়ানক কান্নাকাটি আরম্ভ করিত। এই সময় বোধ হয় তাহার বাবা-মার জন্ত মন কেমন করিত, অথবা ভূতের ভয় করিত। কোনটা যে ঠিক তা বলতে পারি না। তাহার কান্না ক্রমশ বাড়িয়া উঠিতে লাগিল। পাড়া-প্রতিবেশী এবং বাড়ীর লোকজনদের ঘুমের বড় অশুবিধা হইতে লাগিল। তখন বাড়ীর একজন লোক জনের খাঁচার সামনে বিছানা করিয়া রাত্রে ঘুমাইতে আরম্ভ করিল। সেই দিন হইতে জন্ নির্ভয়ে ঘুমাইতে লাগিল। অন্ধকারের মধ্যে সে আর নিশ্চিন্তে একলা মনে করিত না। ইহার পর হইতে তাহার ওজন বাড়িতে লাগিল এবং তাহার স্বাস্থ্যও বেশ ভাল হইতে লাগিল।

জন্ খাওয়া-দাওয়া সম্বন্ধে বেশ সৌখিন ছিল! এক রকম খাবার সে উপরিউপরি তিন দিন খাইতে পারিত না। গরম দুধ তাহার সবচেয়ে প্রিয় খাদ্য ছিল এবং এই একটি জিনিসে তাহার কোনদিন বিকৃষ্ণ দেখা যায় নাই। সে



পোষা বনমানুষ—মিঃ জন্ ড্যানিয়েল।

নিজের খাবার নিজেই বাছিয়া লইতে বড় ভালবাসিত। তাহার সামনে নানা রকমের ফল রাখা হইত, সে তাহা হইতে ইচ্ছামত যাহা ইচ্ছা তুলিয়া লইত। টাটকা ফলের প্রতি তাহার বড় লোভ ছিল। জঙ্গলে বাসি ফল খাইতে হয় না, আর পাওয়াও যায় না, সেইজন্ত বাপ-ঠাকুরদাদার আমলের এই বনিয়াদি অভ্যাসটি জন্ তাগ করিতে পারে নাই। ঘরের একটা খুব উঁচু স্থানে একটা তাকের উপর নানা রকমের ফল থাকিত। জন্ মধ্যে মধ্যে সেখান হইতে ছ'একটা ফল চুরি করিত। চুরি-করা দ্রব্য সে এত আনন্দে খাইত যে বলা যায় না। চুরি করিয়া কিছু খাইবার পর তাহার মন হঠাৎ খুসী হইয়া উঠিত। ফুলদানে গোলাপফুল রাখিবার জো ছিল না, জনের চোখে পড়িবারাত্র সে তাহা দিব্য আরামে এবং মনের আনন্দে ভোজন করিত। গাছের কচি কচি ডগাও তাহার বড় ভাল লাগিত। সভ্যতার আলোক লাভ করিয়াও জনের মন হইতে আফ্রিকার জঙ্গলের অন্ধকারের মোহ একেবারে কাটিয়া যায় নাই। জন্কে মধ্যে মধ্যে নারিকেল দেওয়া হইত। সে জানিত নারিকেল কামুড়াইয়া খাওয়া যায় না, সে তখন হতাশভাবে বাড়ীর কোন লোকের হাতে নারিকেলটি তুলিয়া দিত। তারপর তাহার হাতে একটা হাতুড়ি দেওয়া হইলে সে হাতুড়ি দিয়া

নারিকেল ভাঙিতে চেষ্টা করিত, যদি না পারিত তবে আবার কাহারো কাছে গিয়া চোখের ভাবায় করণ শুরে বলিত, “কেন কর জালাতন—দাঁও না ভেঙে।” হাতুড়ি বাটালি ইত্যাদির ব্যবহার ছ'একটা সে শিখিয়াছিল, কিন্তু সব রকম ব্যবহার তাহাকে শেখানো হয় নাই। তাহাতে বাড়ীর ঘর-ছয়ারের যথেষ্ট কল্যাণ হইয়াছিল।

বাড়ীতে যেদিন কোন নূতন লোক বা অতিথি জন্কে দেখিতে আসিত সেদিন জনের আনন্দ আর ধরিৎ না। সে বাড়ীর চারিদিকে ঘুরিয়া ঘুরিয়া বাড়ীর কোথায় কি আছে সবাইকে দেখাইয়া দিত। কেহ যদি জন্কে দেখিয়া একটু বাবুড়াইয়া যাইত তবে জন্ তাহার পায়ে ঠোকর দিয়া বুঝাইয়া দিত—“আবার যদি আমার ভয় কর তবে ঠোকর আরো ছোরে হবে।”

জন্ ঘরের মধ্যে অন্ধের ভাণ করিয়া লাফালাফি করিয়া খেলা করিত, তাহার লাফালাফিতে ঘরের টেবিল চেয়ার আলমারি ইত্যাদি সবাই যোগ দিত, এবং কিছুক্ষণ পরে তাহার সবাই ক্লান্ত হইয়া চিৎপাত হইয়া পড়িয়া থাকিত—ঘরের প্রায় সমস্ত নিশ্চল দ্রব্যগুলি কিছুকালের জন্ত সাল হইয়া স্থান পরিবর্তন করিয়া বসিয়া থাকিত। আর একটা কাজ সে :প্রায়ই করিত—বাজে-কাগজ-ফেলিবার ঝুড়িটাকে লইয়া সে হঠাৎ উপরে ছুড়িয়া দিত। ঘরের চারিদিকে কাগজপত্র ছড়াইয়া পড়িত। তারপর তাকে ধমক দিলে সে তার অমন সুন্দর মুখখানাকে যতদূর পারা যায় গভীর করিয়া আবার এক-একটি করিয়া সব কাগজ কুড়াইয়া ঝুড়ি ভর্তি করিত। সে মাঝে মাঝে ঘরের যেখানকার বা দ্রব্য সেখানেই সাজাইয়া রাখিতে পারিত।

টেবিলে বসিয়া খাইবার সময় তাহার ব্যবহার বড় শান্ত দেখাইত। সে একখানা চেয়ার টানিয়া নিজের স্থানটিতে গিয়া গভীরভাবে বসিত। বেশী কিছু খাইত না। গেলাস হইতে জল পান করিতে তাহার ইচ্ছা বড় ঘন ঘন হইত।

বিকালে জন্-সাহেবের চা না হইলে চলিত না। সে চায়ের সঙ্গে একটুকুরা ক্রটিতে প্রচুর পরিমাণে জ্যাম মাখাইয়া খাইত। খাওয়ার সময় সে কোনদিন কিছু কাড়াকাড়ি করিত না। আন্তে আন্তে নিজের মনে খাইয়া যাইত। পেটকের মত গবাগব্ যাতা ক্রমাগত পেটে

পূরিত না। সে মাঝে মাঝে জলের কল খুলিয়া জল গেলাসে ভরিত, এবং পান করা শেষ হইলে কল বন্ধ করিতে ভুলিত না।

জনের মনে ধারণা ছিল যে সবাই তাকে দেখিলে বড় খুশী হয়। তাই সে প্রায়ই জানলার ছিটকিনি খুলিয়া রাস্তার দিকে গিয়া দাঁড়াইত। রাস্তার লোকে যখন তার দিকে হাঁ করিয়া চাহিয়া দেখিত, সে আনন্দে হাততালি দিত। ছোট ছেলেমেয়েদের সঙ্গে খেলা করিতে জন্ সবচেয়ে বেশী ভালবাসিত।

জন্ মাঝে মাঝে খুব বুদ্ধির পরিচয় দিত। একদিন বাড়ীর কর্তা কোথায় বেড়াইতে যাইবেন বলিয়া ভাল পোষাক পরিয়া বসিয়া আছেন, এমন সময় জন্ আসিয়া তাঁহার কোলে বসিতে গেল। পোষাক ময়লা হইবার ভয়ে কর্তা তাহাকে কোলে বসিতে দিলেন না। জন্ রাগে অভিমানে মাটিতে পড়িয়া এক মিনিট কাঁদিল, তারপর হঠাৎ ঘরের কোণে গেল, সেখান হইতে একটা পাবরের কাগজ আনিয়া কর্তার কোলে তাহা বিছাইয়া তার উপর সে বসিল। চোখে না দেখিলে জন্দের যে আবার এত বুদ্ধি হইতে পারে, তা বিশ্বাস হয় না।

জন্ রোজ রাত আটটার সময় ঘুমাইতে বাইত। সে তাহার ছোট ঘরে স্প্রিংয়ের খাটে উঠিয়া কঞ্চল ঢাকা দিয়া নিদ্রা দিত। রাত্রে উঠিবার প্রয়োজন হইলে, কাহাকেও বিরক্ত করিত না। এই-সমস্ত ব্যাপারে সে একেবারে মানুষের মত ব্যবহার করিত। তাহাকে কোনোদিন জোর করিয়া কিছু শেখানো হয় নাই। সে নিজেই দেখিয়া শুনিয়া সব শিখিয়াছিল। রেলগাড়ীতে সে বাড়ীর লোকদের সঙ্গে যাইত। তাহাকে শিকল দিয়া বাঁধিবার কোনো প্রয়োজন হইত না। খেলা মাঠ সে একেবারেই পছন্দ করিত না, তবে বাগানে থাকিতে খুবই ভালবাসিত।

তাহার অনেক কু-অভ্যাস সে ক্রমে ক্রমে ত্যাগ করিল, কিন্তু একটা বিষয়ে তাহার ভয় কোনদিন যায় নাই। সে তার খাঁচা-ঘরে কখনও একলা থাকিতে পারিত না। তাকে দেখিবার জন্য মাঝে মাঝে লোক রাখা হইত, কিন্তু মেজর পেনি তাকে যেমন চোখে দেখিতেন, আর

কেহই তেমন ভাবে তাকে দেখিতে পারিত না। তার রক্ষক ঠান্ডার সাহায্যে তাহাকে বশ করিবার চেষ্টা করিত। লাঠি হাতে কাহাকেও দেখিলে জন্ চীৎকার করিয়া একটা বীভৎস কাণ্ড করিয়া বসিত। সে কোনো দোষ করিলে তাহাকে মাঝে মাঝে বকুনি দেওয়া হইত। তখন সে খানিকক্ষণ ঘরের কোণে চূপ করিয়া মাটিতে গড়াগড়ি দিত, তারপর অন্ততপ্ত হইয়া বাড়ীর লোকদের পায়ে মাথা খুঁড়িয়া ক্ষমা প্রার্থনা করিত।

জন্কে পালন করা যখন আর বাড়ীর পক্ষে সম্ভবপর হইল না, তখন তাহাকে বিক্রয় করিবার কথা হইল। ফ্লোরিডাতে একটা বাগানে তাহাকে রাখা হইবে স্থির করিয়া জন্কে আমেরিকা পাঠাইয়া দেওয়া হইল। যাহাকে জন্দের সঙ্গে আমেরিকা পাঠানো হইল সেও একেবারে আনাড়ি। জন্ ফ্লোরিডাতে গিয়া নিজেকে বড় একলা মনে করিতে লাগিল। তাহার মন ক্রমশ ধারাপ হইয়া গেল। অবশেষে মেজর পেনির বাড়ীতে জরুরি 'তার' আসিল, "জন্দের অবস্থা বড় ধারাপ।" মেজর পেনির বাড়ী হইতে যখন মিস ক্যানিংহাম ফ্লোরিডা পহুছিলেন, তখন জন্-গরিলা মানুষের বন্ধন-পাশ হইতে মুক্তিলাভ করিয়াছে।

শ্রীহেমন্ত চট্টোপাধ্যায়।

আইনুদের গল্প

জাপানের মধ্যেই একটা জায়গা আছে, তার নাম হোক্কাইদো। এই হোক্কাইদো দেশে বাস করে জাপানের আদিমকালের অধিবাসী আইনুরা। যারা আইনুদের দেশে দু-একবার ভ্রমণের জন্য যান, তারা ফিরিয়া আসিয়া বলেন—যে আইনুরা রস-কষ-তান এবং বড় মনমরা জাতি; কিন্তু এই কথাটা সকল আইনুর প্রতি প্রয়োগ করিলে অবিচার করা হইবে। কারণ এমন আইনু অনেক আছে বাহাদের মনে রসের সঞ্চার খুব বেশী পরিমাণেই আছে। অনেক বলেন আইনুরা অসভ্য। হইতে পারে, কারণ তাহারা এখনো আমাদের মত সকল বিষয়ে এত শিক্ষা এবং জ্ঞানের আলোক পায় নাই। কিন্তু তাই বলিয়া তাহাদের বুনো, অসভ্য ইত্যাদি বলাটা একেবারেই ঠিক হইবে না। কর্তমানে

জাপান-রাজসরকার তাহাদের শিকার অস্ত্র বণ্টন বন্ধোবস্ত করিয়াছেন এবং করিতেছেন। তাহারা বোকা নয়; তাহাদের যে-কোন বিষয় শিখাইলে তাহার বেষ সহজেই তাহা শিখিতে পারে। তাহারা অভিধির সেবা করিতে পিছুপা হয় না। মন তাহাদের সরণ এবং স্বভাব তাহাদের খুবই মিষ্ট ভাবে তাহাদের সঙ্গে খারাপ ব্যবহার করিলে তাহাদের মনের মধ্যে স্পৃহ, আদিম-কালের রুদ্ধ মূর্ত্তিটি জাগিয়া উঠে। রাগের মাথায় এমন কাণ্ড নাই যে তাহারা করিতে পারে না।



আইনু মেয়ের অভিবাদন-রীতি।

পথ চলিতে চলিতে যদি কারো সঙ্গে কোনো আইনু রমণীর দেখা হয়, তবে সে হাত দিয়া মুখ ঢাকে। এই ব্যবহারটাই তাহাদের অভিবাদনের রীতি। যদি কোনো অচেনা পথিকের সঙ্গে দেখা হয়, তবু আইনু রমণী এই ভক্ততা করিতে ভুলিয়া যায় না। সে মুখে হাত দিয়া পথের একপাশে সরিয়া দাঁড়ায়। (ছবিতে অভিবাদনের কার্যদা দেখানো হইয়াছে)। কোন রমণীর সঙ্গে যদি কোন পুরুষ

কথা বলে তবে সে মুখ হইতে হাত নামায় না, কিন্তু মাথায় কোন ঢাকা রাখে না। মাথায় ঢাকা দিয়া কারো সঙ্গে কথা বলিলে আইনু মতে তাহার অসম্মান করা হয়। তুমি কেমন আছ—এই কথা বলিতে হইলে মুখে না বলিয়া একজন আইনু তাহার তর্জনী বাম হাতের তালুর উপর হইতে বাহুর উপর দিয়া আঙুলে আঙুলে মুখ পর্য্যন্ত লইয়া যায়। তবে আইনু মেয়েরাই এই প্রথাতে কুশল জিজ্ঞাসা করে।

আইনুরা দেখিতে মাঝারি আকারের। পুরুষরা ৫ ফুট ৫ ইঞ্চি, আর মেয়েরা ৫ ফুটের বেশী লম্বা হয় না। তাহাদের শরীর বেশ সুস্থ এবং সবল। তাহাদের গায়ের রঙ, জাপানীদের অপেক্ষাও ফব্বসা। তবে আইনুদের মধ্যেও এমন অনেক আছে যাহাদের গায়ের রঙ কতকটা আমেরিকার লাল-লোকদের মতো তামাটে। একবার একজন আইনু আমেরিকার আলাস্কাতে শীকার করিতে গিয়া সেখানকার রাঙা-মানুষদের কথা শুনিয়া বলে যে তাহাদের ভাষা অনেকটা আইনুদের মতই। আইনুদের হাত-পা বেশ ছোট ছোট—তবে তাহাদের পায়ের তলা এবং হাতের তালু বেশ বড়। বুক তাদের খুবই চওড়া—আর মাথায় চুলও তেমনি প্রচুর এবং ঝাঁকড়া। চুলের রঙ কালো। তাদের নাক সোজা, ডগার দিকে একটু চ্যাপটা। তাদের চোখ গোল গোল, ক্র বেষ লম্বা এবং ঘন। আইনুদের সঙ্গে জাপানীদের প্রধান তফাৎ এই চোখে। পুরাকালে ইজদীরা যেমন নিজের জাতির কোনো লোকের কথা বলিতে হইলে বলিত, “আমার হাড়ের হাড় এবং মাংসের মাংস”—তেমনি এই আইনুরা বলে—আমার চোখের লোক—“সাইন্ সিক্-পুই কোরো গুরু”। আইনুরা মাথায় চুল খুব বড় করিয়া রাখে। অনেক আইনু নারীর চুল খুলিয়া দিলে একেবারে মাটিতে গিয়া লুটায়। যে-সব নারীদের চুল অসাধারণ লম্বা তাহারা নাকি বড় ভাগ্যবতী—তাহারা নাকি “কামুই-ওতোপ্-উস-গুরু”—অর্থাৎ দেবীর চুল লইয়া মানুষী হইয়াছে। আইনুরা যখন কথা বলে তাহাদের গলার স্বর বড় মিষ্টি বলিয়া মনে হয়। তবে তাহারা যখন রাগিয়া কথা বলে তখন তাহাকে বীণার ঝঙ্কার বলিয়া মনে হয় না। তাহাদের মুখের হাসি বড় ভালো লাগে।

অনেক লেখক আইনুদের লোমশ বলিয়া বর্ণনা করিয়াছেন। কথাটা খাঁটি সত্য নয়। ইয়োয়োরোপীয়ান্ এমন অনেক দেখা যায়, বাহাদের লোম বনমানুষদের চেয়েও বেশী, তা বলিয়া ইয়োয়োরোপীয়ান হইলেই তাহাকে বনমানুষ বলা ঠিক হইবে না। অনেক বলেন আইনুরা খুব দাড়ি রাখে। এটাও ঐ রকমের কথা। তবে অনেক আইনুর বেশ বড় বড় দাড়ি আছে। কারো কারো এক ফুট লম্বা দাড়িও আছে। দাড়ি যখন বেশ পাকা শগের মতো হয় তখন বৃদ্ধ আইনুকে দেখিতে বেশ এক গুরুগম্ভীর প্রকৃতির সর্দার সর্দার বলিয়া মনে হয়। অনেক লম্বা-দাড়ি-ওয়াল আইনু দাড়ি রক্ষা করিবার কোন ঔষধ পাইলে বড় সুখী হয়। অনেক আইনু বেশ ইয়া-লম্বা-লম্বা গোঁপ রাখে। ঝোল বা কোন পানীয় মুখে লইবার সময় তাহারা গোঁপ কানের সঙ্গে টানাইয়া রাখে।

আইনুর কাছে তাহার চুল বড় সাবধানে রক্ষার ও যত্নের জিনিষ। একটা চুল যদি কোনরকমে ছিঁড়িয়া যায় তবে আইনুর মনে বড় গভীর দুঃখের ঝড় আসে।—তাই সে তাহার চুলের ভাবনায় সব সময় অস্থির থাকে। মারামারির সময় শত্রু যদি কোন রকমে তাহার কয়েকটা চুল ছিঁড়িয়া লইতে পারে, তবে আইনুর আর রক্ষা নাই! শত্রু সেই চুলকে যদি কবরে দেয়, তবে চুলের মালিক দিন দিন রোগা হইবে এবং এমন একদিন তাহার কপালে আসিবে যেদিন সে হাজার চেষ্টা করিয়াও আর বাঁচিয়া থাকিতে পারিবে না, তাহাকে মরিতে হইবেই। তাহারা কোন দোষ করিয়া জেল খাটে, আইনুদের মতে তাহাদের দুঃরকমে শাস্তি ভোগ হয়। প্রথমত কারাগারের কষ্ট; দ্বিতীয়তঃ তাহার চুল ছাঁটা হয়, তাহার জন্য আয়ুষ্কালের কষ্ট।

পুরাকাল থেকেই আইনুদের চুলের প্রতি একটা ভয়ানক মায়ী আছে। তাহারা মন্ত্রশক্তিতে খুবই বিশ্বাস করে, এবং চুলের উপর মন্ত্র পড়িয়া চুলের মালিককে যে হাজার রকমে আলাতন করা যায়, এমন কি শেষে তাহার প্রাণকে পর্য্যন্ত শরীর হইতে দূর করা যায় এ বিশ্বাস আইনুদের মন হইতে কেহ দূর করিতে পারিবে কি না সন্দেহ। আইনুদের দেশে অনেক কাল আগে, তোকুগায়োয়ীর রাজত্বের সময়, একজন শাসনকর্তা

আইনুদের চুল কাটিয়া ফেলিতে হুকুম করেন। তখন আবাগ-বৃদ্ধ-বনিতা সকল আইনু একজোট হইয়া বলে—“ধর্ম্মাবতার, আমাদের চুল কাটিয়া ফেলিতে বলিবেন না। তাহা হইলে আমাদের এবং আপনার সর্বনাশ হইবে। যে মুহূর্ত্তে আমরা চুল কাটিয়া ফেলিব, সেই মুহূর্ত্তে জগতের সমস্ত দেবতার এবং অপদেবতার অভিশাপ আমাদের এবং আপনার ঘাড়ে আসিয়া স্ফুট করিয়া পড়িবে। অতএব আমাদের রক্ষা করুন।” সুখের বিষয় তাহাদের চুল কাটিবার আজ্ঞা রদ হইয়াছিল। জেল বাইবার সময় আইনুদের যে চুল কাটা হয়, তাহাতে আইনুদের মহা আপত্তি আছে। জেল হইতে ফিরিবার পর সেইজন্যই নাকি অনেক আইনু আরো পীকা-বদ্‌মাইস হইয়া যায়।

তবে আইনু গল্পশাস্ত্রে চুল কাটিবার একটা ব্যবস্থা পাওয়া যায়। যদি কোনো লোকের স্ত্রী মারা যায়, সে সেইক্ষণেই তাহার চুল কাটিয়া ফেলিবে এবং মুখ যতদূর-পারা-যায় দুঃখপূর্ণ করিবে। কিন্তু তাহার মাথাধ কোনো রকমের ঢাকা থাকিবে না। মাথাধ ঢাকা দিয়া দেবতা বা মানুষের সামনে যদি কেহ যায়, তবে তাহার অকলাপ হয়। কিন্তু যদি কেহ তাহার চুল কাটে অথচ দেখা যায় তাহার স্ত্রী মরে নাই, তবে তাহাকে এত ভয়ানক কষ্ট ভোগ করিতে হইবে যে বলা যায় না। হয় সে মরিবে, নয় তাহার নিকট বন্ধু কেহ মরিবে।—দেবতারা এই কথা বলিতেছেন। অতএব হে আইনু সাবধান।—তারপর এই গল্পশাস্ত্রেই পাওয়া যায়—যদি কোনো নারীর স্বামী মরে, তবে সেই নারীকে মাথাধ চুল কাটিয়া ফেলিতে হইবে। তাহার মুখ গম্ভীর করিতে হইবে, এবং মাথাধ ঢাকা দিতে হইবে। কিন্তু তাহাকে সকলের কাছে কাছে থাকিতে হইবে। বিধবার মাথাধ চুল যেন কখনো বড় না হয়। এবং একবার তাহার স্বামী বা স্ত্রী মরিয়াছে, সে যেন আবার বিবাহ না করে, কারণ পরলোকে তাহাদের মিলন হইবে। অসভ্য আইনুরাও পুরুষ এবং নারীর আসন সমান রাখিয়াছিল, যাচা লাভের জন্য সমস্ত সভ্যদেশের নারী-নর এখন চেষ্টা করিতেছেন।

আইনুদের মধ্যেও মাঝে মাঝে বেশ রসবোধের পরিচয় পাওয়া যায়। একবার এক ভয়লোক আইনুদের

একটা বিষয়ে বক্তৃতা দিতে দিতে উটের কথা বলেন। শ্রোতারা হঠাৎ বক্তৃতার আগল কথা ভুলিয়া উটের কথা শুনিতে বাঞ্ছা হইল। উটের প্রাণ আছে, সে ডাল-পালা খাইয়া আবার জলও যে খায় তাহাদের কাছে এও অদ্ভুত লাগিল। ভদ্রলোক বক্তৃতা দিতে না পারিয়া হয় ত মনে বড় দুঃখ পাইয়াছিলেন, কিন্তু আইনুরা উট সম্বন্ধে এত নূতন কথা শুনিয়া বড় আনন্দিত হইয়াছিল। উটের পা লম্বা—এই কথা শুনিয়া আইনুরা বড় হাসিয়াছিল। আইনুদের সম্বন্ধে আর-একটা বেশ মজার গল্প শোনা যায়—একবার একজন সাহেব শীকারী ইয়োজা জঙ্গলে একজন আইনু পথপ্রদর্শকের সঙ্গে শীকার করিতে যান। তিনি একটা ঝোপে একটা জানোয়ার দেখিয়া গুলি করিলেন। জানোয়ারটা লফ দিয়া দৌড় দিল। আইনু সেই ঝোপে গিয়া আধখানা খরগোস দেখিতে পাইল। সে সেই আধখানা খরগোস পাইয়া বড় খুসী হইয়া সহরে গেল। সেখানে এক হোটেলওয়াল আধখানা খরগোস আনার কারণ জিজ্ঞাসা করায় সে বলিল—‘আমার প্রভু ভয়ানক টিপওয়াল লোক। বন্দুকধারী লোকদের মধ্যে তিনি একজন নামজাদা বন্দুকধারী। আর এই খরগোস পশুজাতির মধ্যে সব চেয়ে বেশী মজবুত ফাঁকি দিয়া পলায়ন করিতে। আমার প্রভু কখনো গুলি হাওয়াতে মারেন না বা লক্ষ্যভ্রষ্ট হন না, আর খরগোসও গুলি খাইয়া মরিতে পারে না।—এ ক্ষেত্রে আর কি হইবে? আমার প্রভু যেমনি গুলি করিলেন, অমনি খরগোসও পণ্ডিতের মতন তাহার আধখানা ত্যাগ করিয়া দৌড় দিল। কাহারো পূর্ণ জয় বা পূর্ণ হার হইল না।’ হোটেলওয়াল এই ব্যাখ্যা শুনিয়া খানিকক্ষণ অবাক হইয়া থাকিল। তাহার পর চায়ের জল গরম করিতে গেল।

কিছুদিন আগে পর্য্যন্ত সমস্ত অঙ্গে উকি পরা এদের একটা প্রধান সখ ছিল। মেয়েদের উকি না হইলে তাহারা সুন্দরী বলিয়া গণ্য হইত না। তবে আজকাল এই প্রথা ক্রমে ক্রমে কমিয়া আসিতেছে। উকি পরা এখানে বড় কষ্টকর ব্যাপার। গায়ের চামড়া ছুরি দিয়া কাটিয়া এরা উকি পরে। এখানের উকির রঙ বন নীলবর্ণ। যে প্রথায় এরা উকি পরে, তা যেমন সহজ তেমনি কষ্টকর।—একটা

হাঁড়িতে করিয়া একরকম গাছের ছাল জল দিয়া সিদ্ধ করিতে হয়। তারপর যখন সেই ছাল জলে বেশ সিদ্ধ হইয়া যায় এবং হাঁড়ির তলায় ঝুল পড়ে তখন একজন একটা ভোঁতা বা ধারাল ছুরি লইয়া উকি-পরিতে ইচ্ছুক ব্যক্তির অঙ্গে কয়েকটা ফালি কাটিয়া দেয়। তারপর হাঁড়ির তলা হইতে খানিকটা ঝুল লইয়া তাহর সেই ক্ষতস্থানে ষাটয়া দেয়। ষাট হইয়া গেলে পর হাঁড়ির সেই ছাল-সিদ্ধ জলে একটা ছেঁড়া আকড়া ভিজাইয়া ক্ষতস্থান বেশ করিয়া ধুইয়া দেয়। ছেলেমেয়েদের



ঠোটে উকিপর্য আইনু মেয়ে।

উপরের ঠোটে প্রথম উকি পরান হয়, দেখিতে দেখিতে সেই উকি ক্রমশ নীচের ঠোটে এবং দুই কান পর্য্যন্ত আসিয়া পৌঁছে।

আইনু-মেয়েরা উকি পরে, তাহা বিনা কারণে নয়, তাহারও শাস্ত্র ব্যাখ্যা আছে। আইনু-শাস্ত্রে বলে যে প্রত্যেক মেয়ের শরীরে অনেক বদরক্ত আছে। এই বদরক্ত বাহির না হইলে মঙ্গল নাই। তাই উকি পরিবার আগে ছুরি দিয়া অঙ্গ কাটিয়া তাহার বদরক্ত বাহির করিয়া দেয়। তাহার

তাহাদের মুখে এবং হাতে উকি পরিবার যথেষ্ট কারণ দেখায়।—স্বর্গে দেবতাদের স্ত্রী এবং কন্যাদের মুখে এবং হাতে উকি পরা থাকে। শরতানের বাচ্চারা বড় ভাল লোক নয়। তারা মাঝে মাঝে ফুসসং পাইলেই স্বর্গের কলের বাগান হইতে আম, লেবু, কলা, কচু ইত্যাদি চুরি করিতে যায়, আর সেইসঙ্গে সুবিধা পাইলে সেখানকার অধিবাসীদের গায়ে চিম্টি কাটিতেও ছাড়ে না। তবে সামনে যদি এই উকি-পরা দেবী আসিয়া পড়ে, তবে তাহারা সেখান হইতে উর্দ্ধ্বাসে দৌড় বেয়। এই-সমস্ত শরতানের বাচ্চারা পৃথিবীর লোকদের পিছনে সব সময় লাগিয়াই আছে। তাহাদের তাড়ানোর একমাত্র উপায় মেয়েদের উকি পরানো। উকি-পরা মেয়ে দেখিলে তাহারা স্বর্গের দেবী মনে করিয়া পালায়। বৃদ্ধাদের চোখে যখন ছানি পড়ে তখন তাহারা বার বার উকি পরে। তাহাদের চোখ ইহাতে হারানো দৃষ্টি-শক্তি লাভ করে, এই তাহাদের বিশ্বাস। এই প্রথার নাম “পাশ-কা-ওইনগারা” (উকির উপর ভর করিয়া দেখা)। গ্রামে যখন কোনো সংক্রামক ব্যাধি আসে তখন গ্রামের সমস্ত মেয়েদের উকি পরিবার ধুম পড়িয়া যায়। উকির ভয়ে মহামারীও গ্রাম ত্যাগ করিয়া পালায়।

না-উকিপরা মেয়েরা কোনো প্রকার উৎসবে যোগদান করিতে পারে না। তাহা হইলে সর্বনাশ হইবে। আকাশের দেবতাদের কোপ সমস্ত পৃথিবীর উপর আগুনের শিলাবৃষ্টি করিবে। আইনু-মেয়েরা বাগ্দ্ভতা হইবার পূর্বে তাহাদের ঠোঁটের দুই পাশের কান পর্য্যন্ত উকি শেষ করে না। যেদিন তাহার কাহারো সঙ্গে বিবাহ ঠিক হইয়া যায়, সেই দিনই সে তাহার ঠোঁট হইতে কান পর্য্যন্ত উকি পরা শেষ করে। ব্যাণ্ডের পায়ে এবং মুখের কাছে একরকম উকির মত দাগ দেখিতে পাওয়া যায়। তাহার কারণ এদেশে কাহারো বোধ হয় জানা নাই।—পুরাকালে এক গৃহস্থ ছিল। তার স্ত্রীর সঙ্গে তার বনিবনা হইত না। একদিন এই নারী তাহার স্বামীকে এবং বাবা-মাকে কেমন করিয়া মাম্ব-মুঞ্চ করিয়া হত্যা করিল। তারপর সে ছয়বার বিবাহ করে এবং ছয়জন স্বামীকেই এমনিভাবে হত্যা করে। ভগবান আকাশ হইতে এই সমস্ত দেখিয়া বড় রাগ করিলেন। তিনি আর সহিতে না পারিয়া হঠাৎ আকাশ হইতে নামিয়া আসিয়া ঐ

ছটা নারীকে একটা মোটা লাঠির ঘায়ে একটা ধ্যাব্ড়া-নাক-ওলা বাণ্ড করিয়া দিলেন। তারপর তাহার একটা ঠ্যাঙ ধরিয়া তুলিয়া বলিলেন—‘তোমার বাস এখন হইতে জল-কাদার মধ্যে হইবে—যদি কখনো কোনদিন মানুষের ঘরে যাও তবে তাহারা ঠ্যাঙ ধরিয়া তোমায় রাস্তার কাদায় ফেলিয়া দিবে। অতএব সাবধান, মানুষের ঘরে কখনো প্রবেশ করিও না।’ ভগবান দয়া করিয়া তাহার উকির দাগ তুলিয়া দেন নাই, তাই আজ পর্য্যন্ত ব্যাণ্ডের গায়ে উকির দাগ রহিয়াছে। ব্যাণ্ডকে আইনুরা বলে “তেরেকি-ইরে”। আইনুদের মধ্যে উকি পরা এবং ব্যাণ্ড সম্বন্ধে আরো অনেক ছোট ছোট গল্প চলিত আছে।

আজকাল উকি পরা ক্রমে ক্রমে বন্ধ হইয়া আসিতেছে। অনেক আইনু-মেয়ে তাহাদের শরীর হইতে উকির দাগ উঠাইয়া ফেলিতে চায়, যদিও তাহা সম্ভবপর নয়। উকিকে আইনুরা বলে, “আঞ্চি-পিরি”। আর কয়েক বছর পরে উকি পরার প্রথা আইনুদের মধ্যে হয়ত একেবারেই বন্ধ হইয়া যাইবে।

পুরাকালে জাপানীরা যেমন দাঁত মিশ্মিশে কাঠো করিত, বর্তমান আইনুরা তাদের দাঁত তেমনি কালো করে। তাদের মতে যার দাঁত যত কালো হইবে, সে নাকি তত বেশী সুন্দর।

আইনুদের ছোট ছোট ছেলেমেয়েরা অনেকটা ইউরোপীয় জীপ্সিদের মত দেখিতে। তাহাদের মধ্যে অনেককে আবার আরব দেশের লোক বলিয়াও মনে হয়। আরব ছেলেমেয়েদের সঙ্গে এই আইনু ছেলেমেয়েদের চেহারার বেশ একটা সাদৃশ্য আছে। আইনুমেয়েরা গহনা পরিতে বড় ভালবাসে। তাহাদের বয়স পনেরো পার হইতে না হইতে তাহারা কানে নানা রকমের ইয়ারিং পরিতে আরম্ভ করে। একরকমের সাদা ধাতু-নির্মিত ইয়ারিং এরা বড় বেশী পছন্দ করে। ইয়ারিং না জুটলে কানে টুকটুক লাল কাপড়ের ফালি ঝুলাইয়া রাখে। অনেকে আবার ইয়ারিং পরিয়াও তাহাতে খানিকটা লাল কাপড়ের টুকরা বাঁধিয়া দেয়।

ছোট ছোট আইনু ছেলেদের দেখিতে অনেকটা জাপানী শিশুদের মতো। তাহার দুইটা কারণ আছে। অনেক

আপানী পুরুষ আইহু-নারী বিবাহ করে। তাহাদের সন্তানেরা আপানীদের মতো দেখিতে হয়। আর অনেক আইহু-নারীর কোনো সন্তান না হওয়ার দরুণ তাহারা আপানী অর্থাৎ ছেলেমেয়ে পালন করে। পরে বড় হইলে তাহারা জনসমাজে নিজাদের আইহু জাতির লোক বলিয়াই পরিচয় দেয়। আইহুদের মধ্যে জনসংখ্যা আন্তে আন্তে কমিয়া আসিতেছে। তাই দেখিয়া মনে হয় পৃথিবীতে খাঁটি আইহু আর বড় বেশীদিন বাঁচিয়া থাকিবে না।

শ্রীহেমন্ত চট্টোপাধ্যায়।

পরিশ্রমের পুরস্কার

[Frances Julia Melchior এর একটি গল্প হইতে]

কোন এক পল্লীগ্রামে একটি ধনী লোক বাস করত। তার রাজাদের মত সুন্দর বড় বাড়ী, আর তার চারিদিক খুব বড় মাঠ দিয়ে ঘেরা।

মাঠের মাঝখানে দিয়ে একটি সরু রাস্তা একে বঁকে অপর গ্রামের দিকে চলে গেছে। রাস্তার আশেপাশে কতদিনের পুরানো বড় বড় গাছ, আর মাঝে মাঝে লতা-পাতার ঝোপ।

ধনী লোকটির মন উঁচু ছিল। সে গ্রামের গরীব লোকদের ডেকে এনে প্রত্যেক রবিবার দিন মাঠের মাঝখানে একটা বড় গাছের নীচে নিজেরা বেঁধে সকলে মিলে আমোদ করে খেতো। বাড়ী ফিরে যাবার সময় কিন্তু যে যার বরাতের ওপর দোষ চাপিয়ে বলত, “আমাদের অবস্থা আর ফিরবে না। এই রকম কুঁড়ে ঘরের ভিতর থেকে, আর বন্ধুটির পয়সায় ভোজ খেয়েই দিন কাটাতে হবে।” ধনী লোকটি লজ্জায় ঘাড় হেঁট করে থাকতো।

একদিন খুব ভোরে উঠে ধনী লোকটি একটা মস্ত

বড় পাথর রাস্তার মাঝখানে ঝনিয়ে রেখে ঘুরে একটা ঝোপের পাশে চূর্ণ করে বসে রইল।

সমস্তদিন ধরে কত চাষা, কত লোক, সেই রাস্তা দিয়ে চলে গেল। প্রত্যেকে ঐ পাথরটির জন্তে কত রাগ করলে, কত রকম কথা বলে, কিন্তু কেউ কষ্ট করে ওটাকে রাস্তা থেকে সরিয়ে ফেলে দিলে না।

সন্ধ্যার সময় এক কামারের ছেলে নিজের মনের আনন্দে শিব দিতে দিতে সেই পথ দিয়ে যাচ্ছিল। সমস্তদিন লোহা গিটে গিটে তার হাত দুখানা ও দেহটা হয়ে গেছে বড়ই দুর্বল, কিন্তু রাস্তার ওপর অত বড় একখানা পাথর দেখে সে আর এক পাও নড়ল না। সে অতি কষ্টে পাথরটাকে টানতে টানতে আপন মনে বলে যাচ্ছিল, “কোন লোক হয়ত রাত্রিতে হটাৎ এটা পায়ে লেগে ছম্ভি ধরে পড়ে যেতে পারে, কোন ঘোড়া হঠাৎ হয়ত ভয় পেয়ে ছুটে পালাতে পারে। ওঃ এটা বড় ভারী। তবুও আমি একে টেনে রাস্তার এক পাশে ফেলব।”

কিছুক্ষণ টানাটানি করবার পর পাথরটিকে গড়িয়ে নিয়ে এসে যখন রাস্তার একপাশে ফেলল, তখন সে দেখে যে যেখানে ঐ পাথর ছিল সেইখানে এক-থলে টাকা রয়েছে, আর এক-টুকরো কাগজে বড় বড় করে কি লেখা। কামারের ছেলে ঐ টাকার খলির সঙ্গে কাগজ-খানা কুড়িয়ে নিয়ে পড়তে লাগল, “এই টাকার খলি তার, যে বড় পাথরটা সরাবে।” কামারের ছেলেটি আনন্দে খুব জোরে শিব দিতে দিতে নিজের বাড়ীর দিকে চলে গেল।

ধনী লোকটি ঝোপের আড়াল থেকে বসে বসে এই-সব দেখছিল। তার মনেও আজ খুব আনন্দ! সে এতদিন বাদে এমন একটু ছেলে দেখতে পেল, যে পরিশ্রমে ভয় পায় না, আর পরের ভালর জন্তে কিছু করতে পারে।

শ্রীমুশীলকুমার রায়।



“বঙ্গের শেষ পাঠান বীর”

গত অগ্রহায়ণ মাসে প্রকাশিত এই প্রবন্ধ সম্বন্ধে বিষ্ণুপুর-গ্রাম-বাসী (পোস্ট মুনশীওয়ালার, শ্রীহট্ট) শ্রীযুক্ত ঈশানচন্দ্র রায়চৌধুরী বিজ্ঞাবিনোদ মহাশয় লিখিয়াছেন—

“প্রতিভার” প্রকাশিত ‘বঙ্গের ওসমান খাঁ ও শ্রীহট্টের খাজে ওসমান’ শীর্ষক প্রবন্ধের জন্ত যে আপনি উপেন্দ্রচন্দ্র গুহ মহাশয়কে “সর্বপ্রথম” আবিষ্কার মনে করিয়াছেন, ইহা অতি বড় ভুল কথা। এ প্রবন্ধ উপেন্দ্রবাবু ১৩২০ সনের জ্যৈষ্ঠ মাসে প্রকাশ করিয়াছিলেন। ১৩১৫ সনে ‘আনন্দবাজার পত্রিকার’ একটি সুদীর্ঘ প্রবন্ধে আমি লিখি—কতলু খাঁর পুত্র পাঠানবংশীর ধোয়াজ ওসমানই যে দক্ষিণ শ্রীহটে রাজা হুবিদ-নারায়ণের রাজধানী রাজনগর বিজেতা তাহাতে সন্দেহ কি?

১৩১৮ অগ্রহায়ণের ‘অবসর’ নামক মাসিক পত্রে আমি ‘ধোয়াজ ওসমান’ প্রবন্ধ লিখি; তাহার এক হলে বলিয়াছি—শ্রীযুক্ত মৌজার প্রায় তিন মাইল বায়ুকোণে লাখাটা ছড়ার [নদীর] পশ্চিমে ও দঙ্গলা বিলের পূর্বে আদমপুরে এই যুদ্ধ [অর্থাৎ মুঘল সৈন্য কর্তৃক উসমানের পুরাতত্ত্ব] হয়। সৈয়দ আদম বারা সম্রাট জাহাঙ্গীরের সৈন্তের দক্ষিণ পার্শ্বরক্ষক সেনানী ছিলেন।

উপেন্দ্র-বাবু ১৩২০ সনের গ্রীষ্মের বঙ্গের সময় আমার বাড়ীতে আসিয়া ধোয়াজ ওসমান সম্বন্ধে আমার মতসম্বলিত প্রবন্ধাবলী পাঠ করেন এবং কানিহাটির সুনন্দ ও অজ্ঞান্ত বিবরণ আমা হইতে নিম্নাই জ্যৈষ্ঠ মাসের প্রতিভার প্রকাশ করেন।...এ নগণ্য কর্তৃকই ওসমানের নিধন-স্থান জগতে প্রথম প্রকাশিত হইয়াছে।”

[এই পত্র পড়িয়া অধ্যাপক মহুনাথ সরকার ঈশানবাবুর উক্তি মানিয়া লইয়াছেন। কিন্তু উসমান কতলু খাঁর পুত্র নহেন, মন্ত্রীপুত্র।]

উবট সায়ণ ও মহীধরাদির

বেদ-ব্যাখ্যা রক্ষণ

পৌষ মাসের “প্রবাসীতে” শ্রীযুক্ত পণ্ডিত উমেশচন্দ্র গুপ্ত বিজ্ঞানতন্ত্র মহাশয়, উবট সায়ণ মহীধরাদির বেদব্যাখ্যার ভ্রম ও প্রমাদ দেখাইয়া বীর-ব্যাখ্যার প্রাধান্ত ঘোষণা করিয়াছেন। এবং তাঁহাদের মতাবলম্বী হিন্দুদের উবট সায়ণ ও মহীধরাদির বেদব্যাখ্যা রক্ষা করিবার জন্ত আহ্বান করিয়াছেন। আমি একাকী হিন্দু-সমাজের পক্ষ হইতে, উবট সায়ণ ও মহীধরাদির সম্মান রক্ষা করিবার জন্ত তাঁহাদের সহিত বিচারার্থে প্রস্তুত আছি। (টাকার জন্ত নহে।)

শ্রীমদ্রথ ভট্টাচার্য্য।

৩৪।১ বহুবাজার ষ্ট্রীট, কলিকাতা।

বেদ-ব্যাখ্যা

শ্রীযুক্ত উমেশচন্দ্র বিদ্যারত্ন মহাশয় বেদ ব্যাখ্যা সম্বন্ধে গত পৌষ মাসের প্রবাসীতে বাহা লিখিয়াছেন তাহা কতকটা ঠিক। সারণাঙ্গির ভাষ্যের সাহায্যে অনেকস্থলেই প্রকৃত অর্থ সুদয়সম করা যায় না। আমিও বেদ-ব্যাখ্যার নূতন পদ্ধতি অবলম্বনের পক্ষপাতী*। “পৃথিবীর পুরাতত্ত্ব” তাহার যথেষ্ট পরিচয় দিগাছি*। সর্বত্রই উমেশবাবুর মত সমর্থন করিতে পারি না।

শ্রীবিনোদবিহারী রায় পুরাতত্ত্ব-বিশারদ।

আচার্য্য প্রফুল্লচন্দ্র ও ঘর-বোনা কাপড়

গত মাসের “প্রবাসীতে” দেশে তাঁ-চরকা প্রচলন সম্বন্ধে আচার্য্য প্রফুল্লচন্দ্রের বক্তৃতার উল্লেখ করিয়া সম্পাদক মহাশয় এই মন্তব্য প্রকাশ করিয়াছেন যে আচার্য্য প্রফুল্লচন্দ্র বলিতে চাহেন “বাহারী প্রকরণ (ঘরবোনা) কাপড় ব্যবহার না করিয়া অন্তবিধ কাপড় পরিবে, তাহাদের ধোণা নাপিত বন্ধ করা—বা তাহাদিগকে একঘরে করা” উচিত। আচার্য্যের আদেশানুসারে আমার স্বগ্রাম কাটীপাড়াত্তে তাঁ-চরকার প্রচলনের জন্ত চেষ্টা করিতেছি, ও আমি সেই সত্তার উত্তোস্তা এবং সেই সত্তাতে উপস্থিতও ছিলাম। তিনি বাংলা ভাষার বক্তৃতা করেন। তিনি সমাজচ্যুতি সম্বন্ধে কিছুই বলেন নাই। তিনি এমন একটা ভাবের শ্রোত প্রবাহিত করাইতে চাহেন যাহাতে সকলেই নিজের হাতের চরকাকাটা-সত্তার কাপড় পরিধান করেন এবং বিদেশী ও বিলাতী কাপড় পরিধান করিতে লজ্জা বোধ করেন। এবং যে এইরূপ করিতে অনিচ্ছুক, তাহাকে লোকে যেন স্বদেশত্যাগী বলিয়া বিবেচনা করে। জনসাধারণ বোধ হয় জ্ঞাত আছেন যে আচার্য্য প্রফুল্লচন্দ্র সামাজিক অত্যাচার কখনই পছন্দ করেন না। জবরদস্তি করিয়া লোককে নিজমতাবলম্বী করা তাঁহার মূলমন্ত্র (persuasion not coercion, is his motto) নহে।

শ্রীকুলদাস ঘোষ।

সম্পাদকের মন্তব্য।—লেখক আমাদের প্রতি অবিচার করিয়াছেন। আমরা বাহা ইংরেজী দৈনিকে পড়িয়াছিলাম, তাহাই লিখিয়া, তাহা সত্য হইলে ত্ত্বের বিবরণ, ইহাই বলিয়াছিলাম। আচার্য্য রায় মহাশয় প্রবাসী বাহির হইবার পর আমরা লোককে বলিয়াছেন, যে, লোককে বুঝাইয়া কাজ করানই তাঁহার অভিপ্রেত, কোনপ্রকারে বলপ্রয়োগের তিনি বিরোধী। তিনি চান যে, এক্রূপ লোকমত পণ্ডিত হউক যেন কেহ ঘরবোনা কাপড় না-পরিয়া লোকসমাজে বাহির হইতে লজ্জা বোধ করে।

* পৃথিবীর পুরাতত্ত্ব, মেকতত্ত্ব, ১২০ পৃষ্ঠা ও ৩নং চিত্র ত্রষ্টব্য।



মেয়েদের দেহচর্যা ও বেশভূষা

এদেশে মেয়েদের বেশভূষা সাধারণতঃ বিলাসিতা বর্ণিতা ঘণা ও অবজ্ঞার চক্ষেই দেখা হইয়া থাকে। অবশ্য এই বিষয়েই আবার তাঁহারা অল্প সকল বিষয় অপেক্ষা সকল দেশেই বেশী ছাড়া পাইয়া আদিতেন সন্দেহ নাই। ইহা যখন এতই সর্বত্র-প্রচলিত ও মেয়েদের স্বাভাবিক সৌন্দর্য-প্রিয়তার উপর প্রতিষ্ঠিত তখন ইহাকে একেবারে অবজ্ঞা ও ঘণা করা সম্ভব হইতে পারে না। বাস্তবিক আমাদের সকল স্বাভাবিক প্রবৃত্তিই যেমন ঘণার বস্তু নহে, কেবল তাহার অপব্যবহারেই দোষের হইয়া উঠে, ইহাও সেইরূপ।

মমের শ্রম দেহের সৌন্দর্য্যবৃদ্ধির চেষ্টাও স্ত্রী পুরুষ সকলেরই করা উচিত। মেয়েদের সম্বন্ধে তাহা বিশেষ-রূপেই খাটে। তাঁহারা সাজিয়া-গুজিয়া পুতুল বা গৃহসজ্জার একটি অংশ হইয়া থাকেন, ইহা যেমন অনুচিত তেমনি ঘণার্হ। বাস্তবিক অনেক আড়ম্বরপূর্ণ বেশভূষায় সজ্জিত মেয়েদের অনেকের মধ্যে যে একটি আত্মসন্ত্রিস্তা কিম্বা অর্থশূন্য চাহনি ও আড়ষ্টভাব ফুটিয়া উঠে তাহা দেখিলে ঐগুলি দূরে ফেলিয়া দিতেই ইচ্ছা করে। দেখিলে মনে হয় মেয়েগুলিকে যেন পৃথিবীর সমস্ত সার পদার্থ হইতে বঞ্চিত করিয়া খেলনা দিয়া ভুলাইয়া রাখা হইয়াছে। ঐরূপ সজ্জায় সৌন্দর্য্যবৃদ্ধি হইতে পারে না, অধিকন্তু উজ্জল বস্তুরাশির মধ্য হইতে অন্তরের দৈন্ত আঁড়ও পরিষ্কৃত হইয়া দেখা দেয়। বাস্তবিক দেহচর্যা ও বেশভূষায় রুচিজ্ঞান ও শিক্ষাসাপেক্ষ; মনের সম্পদ তাহার মধ্য দিয়া প্রকাশ না পাইলে তাহাতে কখনই প্রকৃত সৌন্দর্য্য প্রকাশ পাইতে পারে না। এই কথাটি মনে রাখিয়া মেয়েদের মানসিক ও শারীরিক উন্নয়নবিধ সৌন্দর্য্যবৃদ্ধির চেষ্টাই একসঙ্গে করা উচিত। ভাবিলে আশ্চর্য্য বোধ হয়, মানুষের জ্ঞানের পরিধির যতই বিস্তার হইতেছে, আগে যেগুলিকে পরম্পরবিরোধী বোধ হইত তাহার পরম্পর সম্বন্ধে ততই প্রকাশ হইয়া পড়িতেছে। তাই পূর্বে যাহারা মনের সম্পদ বৃদ্ধি করিবার প্রয়াস পাইতেন, দৈহিক সৌন্দর্য্যের প্রতি তাঁহাদের ঘণা ও অবজ্ঞার ভাব থাকিত। সেইজন্য

মেয়েদের মধ্যেও যাহারা মানসিক উন্নতির চেষ্টা পাইতেন, তাঁহাদেরও দৈহিক সৌন্দর্য্য ও বেশভূষায় ঔদাসীন্য দেখা যাইত। বিদুষীদের লোকের নিকট অপ্রিয়-হইবার ইহাও একটি কারণ। এদিকে মার্জিতরুচি, যথার্থ সৌন্দর্য্যবোধ ও বুদ্ধির উজ্জল্যে বঞ্চিত হইয়া মেয়েদের দৈহিক সৌন্দর্য্য ও বেশভূষা মলিন হইয়া থাকিত। বিদুষীরা তাহাই দেখিয়া ঘণাভরে ঐসকল পরিত্যাগ করিতেন। কিন্তু এখন ক্রমেই লোকে বুদ্ধিতে আরম্ভ করিয়াছে যে বাস্তবিক দেহ ও মনের মধ্যে কোন বিরোধ নাই। একটির দৃষ্টিতে অপরটির অবনতি ব্যতীত উন্নতি হইবার সম্ভাবনা নাই। যাহা হউক আপাততঃ আমরা যখন দেহচর্যা ও বেশভূষার কথাই বলিতে বসিয়াছি, তখন তাহাই আরম্ভ করা যাক। তবে মনের বিকাশ ব্যতীত যে তাহার চেষ্টা বৃথা, তাহাই কেবল বলিয়া রাখিতে ইচ্ছা করি।

আমাদের দেশে মেয়েদের দেহচর্যায় ও বেশভূষায় সৌন্দর্য্যচর্চার চেষ্টা অল্প সকলপ্রকার শিক্ষার মত যথার্থভাবে আরম্ভ হই হয় নাই, বলা বইতে পারে। অল্পসংখ্যক শিক্ষিতারা বেশভূষার অনেকটা উন্নতি করিয়াছেন, এবং অপর সকলে তাহার যথেষ্ট নিন্দা করিতে করিতেও অমুকরণ করিতেছেন দেখা যাইতেছে। কিন্তু বেশভূষার শোভনতার আগেও দেহচর্যায় প্রয়োজন; তাহার সুযোগ শিক্ষিতারাও অল্পই পাইয়াছেন। বাস্তবিক মেয়েদের সৌন্দর্য্যবৃদ্ধির সর্বাপেক্ষা প্রধান উপায় যে স্বাস্থ্যলাভ তাহাতে এ পর্য্যন্ত কেহই ভালরূপে মন দেওয়ার চেষ্টা করেন নাই। সেইজন্য আমাদের দেশের মুষ্টিমেয় শিক্ষিতাদেরও স্বাস্থ্যহীনতার অপবাদ শোনা যায়। কিন্তু স্বাস্থ্যরক্ষার ঠিকমত সুযোগ তাঁহারাও যে প্রায় কিছুই পান না, অধিকন্তু মানসিক পরিশ্রমে দেহের ক্ষয়মাত্র সার হয় তাহা কেহই ভাল করিয়া ভাবিয়া দেখিতে চেষ্টা করেন না। ইহার জন্য বর্তমান শিক্ষাপ্রণালী কতকটা দায়ী সন্দেহ নাই; কিন্তু প্রধান কারণ স্বাস্থ্যরক্ষার নিয়মলঙ্ঘন। মানসিক পরিশ্রমের সহিত যেরূপ পুষ্টিকর

আহার, মুক্তবাতাসে অবস্থান, মনের প্রকৃষ্ণতার সহিত সকল অঙ্গের যথাযথ সঞ্চালন আবশ্যিক, তাহা তাঁহাদের এ পর্য্যাপ্ত হওয়ার ভালমত সুযোগ ঘটে নাই। বাস্তবিক মানসিক পরিশ্রম ঠিকমত করিলে স্বাস্থ্যহানির কোন কারণ নাই। অনেক সময় মানসিক পরিশ্রমের পরে মনের, বিশেষ ক্ষুধা ও শারীরিক পরিশ্রম, আমোদ-আহ্লাদ করিতে স্বভাবতঃ ইচ্ছা হয়। সেই স্বাভাবিক ইচ্ছা ঠিকমত পথে পরিচালিত হওয়া উচিত, নতুবা স্বাস্থ্যহানি অবশ্যস্বাবী।

শারীরিক পরিশ্রমে সকল অঙ্গের সঞ্চালনের সহিত মনের ক্ষুধা একান্ত আবশ্যিক। সুতরাং সাধারণতঃ ঘরের কাজে যে পরিশ্রম হয়, তাহাই পর্য্যাপ্ত হইতে পারে না। কারণ আমাদের প্রকৃতি সর্বদা কাজ চাহে না, অনেক সময় তাহাকে নিছক আনন্দ-খেলাতেও ছাড়িয়া দেওয়া দরকার। বিশেষতঃ বালিকাদের সম্বন্ধে ইহা যে কত সত্য তাহা ত বলাই বাহুল্য। মানসিক পরিশ্রম যাহাদের কুরিতে হয়, তাহাদের ইহা আরও আবশ্যিক। সুতরাং মেয়েরা স্কুল হইতে আসিলেই সংসারের সব কাজ তাহাদের ঘাড়ে চাপানো ঠিক নহে। তখন তাহাদের উপযুক্ত আহারের পর হাসিখেলা করিতেই ছাড়িয়া দেওয়া উচিত। ইহাতে তাহারা মনে করেন—মেয়েরা ঘরের কাজ কিছুই শিখিবে না, তাঁহাদের কথাই সায় দেওয়া কঠিন। রাতারাতি সকল বিদ্যায় পারদর্শী করিতে গেলে কিছুই হইয়া উঠে না; সকল বিষয়ে রহিয়া সহিয়া করিলেই পরিণামে হিতকর হয়। গৃহকর্ম ও প্রথম হইতেই মেয়েদের ঘাড়ে না চাপাইয়া খেলাচ্ছলে ক্রমে ক্রমে শেখানো যাইতে পারে, তাহাতে তাহাদের উহাতে আগ্রহ ও ক্ষুধা জন্মিবে। বাস্তবিক মেয়েদের শরীর-মন সুস্থ থাকিলে গৃহকর্ম ও তাহাদের স্বভাবতঃ অনুরাগ আদিত দেখা যায়। তাহার পর আর-একটি কথাও না বলিয়া পারা যায় না, যে, গৃহকর্মে বালিকাদের তেমন অপকার হইতে পারে না, কিন্তু সর্বদা শিশুদের কোলে লইয়া থাকিলে তাহাদের শরীর বৃদ্ধির যথার্থ ব্যাঘাত ঘটে। কিন্তু ঘরের কাজ বিশেষ কিছু না করিলেও অল্পবয়স্ক মেয়েদের সর্বদা ছোটছোলে কোলে লইয়া রাখিয়া থাকা আমাদের দেশের সাধারণ দৃশ্য। ইহার পরিণামে মেয়েদের যে কত অপকার

হইয়া থাকে ও তাহারা ঠিকমত বাড়িতেই পার না, ইহা মনে রাখা উচিত। এখানেও মেয়েদের সম্মান-পালন শিক্ষার কথা উঠিতে পারে জানি, কিন্তু ঐ শিক্ষাটি একপভাবে না হইলেও কোন ক্ষতি হয় না। মেয়েরা ছোট ছোট ভাই-বোনদের লইয়া আমোদ প্রমোদ খেলা করিতে করিতেই, তাহাদের শিশুদের প্রতি ভালবাসা বেশী হইবার সম্ভাবনা। আমরা অনেকস্থলেই দেখিয়াছি, সর্বদা ছেলে লইতে লইতে তাহাদের ভাইবোনদের প্রতি দ্রবতার ভাব আসিয়া থাকে, এবং বাড়ীতে ঐরূপ নূতন প্রাণীর আগমন-সম্ভাবনাও তাহারা আশঙ্কার চক্ষেই দেখিয়া থাকে। তাহা অপেক্ষা সংসারের কাজ তাহারা অনেক পছন্দ করে।

কথা হইতে পারে—মেয়েরা ঘরের কাজ, ছেলেদের রাখা কিছুই না করিলে গৃহস্থলোকের কেমন করিয়া চলিতে পারে; সকলের ত আর বেশী দাসদাসী রাখিবার ক্ষমতা নাই; আর তাহা রাখাও ক্রমেই কঠিন ও ব্যয়সাধ্য হইয়া পড়িতেছে। ইহাতে বলিতে হয় যে মেয়েটি বড় হইতে না হইতেই যদি এত কাজের প্রয়োজন হয়, তাহা হইলে আর-একটু বড় হইয়া সম্পূর্ণ কাজের উপযুক্ত হইলে যখন বিবাহিতা হইয়া স্বস্তরবাড়ী যাইবে তখন চলিবে কি করিয়া? তাহা হইলে ত বিবাহ দেওয়াও বন্ধ করিতে হয়। বাস্তবিক ঘরসংসারের গঠনপ্রণালী যথেষ্টচারতন্ত্র (Autocratic)। অধিকাংশ পরিবারেই অবস্থা যেমনই হউক—কর্তা হইতে বাড়ীর ছেলেরা পর্য্যাপ্ত “বাবু”। কাজ কিছু করা দূরে থাকুক—তাঁহারা নবাব বাদশার মত পান, তামাক, খাবার চান; আর বাড়ীর মেয়েদের হাড়ভাঙ্গা খাটিয়া তাহা হাতে হাতে জোগাইতে হয়। এই বিষয়ে কলিকাতা ও তাহার আশপাশের বাবুদের ব্যবহারই অধিকতর প্রসিদ্ধ। ইহার উপর পূর্ক-আভিজাত্যের এতটুকু গন্ধ থাকিলে ত আর রক্ষা নাই। অনেকে বলিবেন—কর্তাদের অর্থোপার্জন ও ছেলেদের পড়াশুনার জন্ত এমনই অনেক খাটিতে হয়, তাঁহারা তাহার উপর ঘরের কাজ কখন করিবেন? ইহাতে বলিতে হয়—তাঁহারা ঐ-সকল এবং পরিমিত বিশ্রামাদি করিয়াও যেটুকু করিতে পারেন তাহাও সকলে করিয়া থাকেন কি?—তাঁহারা অধিক অংশ তাঁহাদের কাছে কেহ চাহিতেছে না। তাঁহারা বুঝিয়া

সংঘত হইয়া চলিলেই যে বাড়ীর কাজ অনেক কমিয়া বাইতে পারে। অবস্থা বুঝিয়া খাওয়া-দাওয়ার অন্তর হাদামা ইত্যাদি ছাড়িয়া বাড়ীর প্রত্যেকে আপন আপন কাজ নিজ হাতে করিতে থাকিলেই কেবল মেয়েদের উপর অতটা চাপ পড়িতে পারে না। বাস্তবিক ইহাতে কেবল মেয়েরাই যে কষ্ট পান তাহা নহে, শিশুরাই অধিকতর দণ্ড ভোগ করে। মায় প্রধান কাজ সন্তান পালন না হইয়া তাঁহার অধিকাংশ সময় বাড়ীর পুরুষদিগের রসনার তৃপ্তিসাধন ও তাঁহাদের পরিচর্যাতেই অতিবাহিত হওয়ার সন্তানদের চর্চনার সীমা থাকে না। ইহাতে শিশু-মৃত্যুর হারও যে কতটা বাড়াইতেছে বলা যায় না। তাহার পর শিশুরা যেরূপ দারিদ্রশূন্যভাবে আমাদের এই অনটনের সংসারে “জাসিতেই” থাকে, তাহা আর আজকালকার দিনে চলিতে পারে না। এ বিষয়ে আমাদের কুসংস্কার, অজ্ঞতা ও দারিদ্রশূন্যতার পরিমাণ দেখিয়া অবাক হইতে হয়। বিষয়টি এতই গুরুতর যে এখানে উল্লেখ মাত্র ভিন্ন আর কিছুই বলা সম্ভব নহে। এই-সকল বিষয়ে দৃষ্টি আসিলে সন্তানপালন ও গৃহকর্ম এত বিরাট ব্যাপার অথচ এত কুপরিচালিত হইতে পারিবে না।

এখন আমাদের আসল কথায় ফিরিয়া আসা যাক। আমাদের মেয়েদের আর-একটি অভাব তাঁহারা সকল অঙ্গ অবলীলাক্রমে ও শোভনভাবে সঞ্চালন করার কৌশল কিছু শেখেন না। ইহাতেও তাঁহাদের সৌন্দর্যের অনেক হানি হইয়া থাকে। ইহা ঠিকমত আয়ত্ত করিতে হইলে উপযুক্ত ব্যায়ামের সহিত কয়েকটি নৃত্যকলাও শেখা উচিত। ইহাতে অনেকেই হয়ত বিরুদ্ধ হইয়া উঠিবেন, অথবা হাসি রাখিতে পারিবেন না আমি, তথাপি মেয়েদের ব্যায়াম ও সহবৎশিক্ষার দ্বারা নৃত্যকলার উপযোগিতা স্বীকার করিতেই হইবে। পাশ্চাত্যদেশে ইহার প্রতি যেরূপ মনোযোগ দেওয়া হয়, আমাদের অবস্থা তাহার প্রয়োজন নাই। কিন্তু কয়েকটি দেশী বিলাতী নৃত্যকলা ও শোভনভাবে মেহসঞ্চালন করিবার কৌশল মেয়েদের শেখানো দরকার। এ বিষয়ে ইসাবেলা ডানকান যে মেয়েদের নৃতন প্রণালীতে নৃত্যকলা শিখাইতেছেন তাহার বিস্তৃত বিবরণ আলাইয়া আমাদের দেশের মেয়েদের পক্ষে তাহা কতটা উপযোগী হয় পরীক্ষা করিয়া দেখা উচিত। কেবল মাংসপেশীর পুষ্টির উপর এখন সকল

বিশেষজ্ঞরাই বিশ্বাস হারাইতেছেন; সুতরাং মেয়েদের বাহ্যিকতার দ্বারা ডায়েট ইত্যাদি অপেক্ষা বাহ্যতে মনের ফুর্টির সহিত সকল মনের চালনা হয় তাহাই বাছিয়া লইতে হইবে। মুক্তবাতাসে খেলা ও নৃত্যকলার চর্চা ইহার সবিশেষ উপযোগী বলিয়াই বোধ হয়। সাতার শিকার আর-একটি উৎকৃষ্ট ব্যায়াম। ইহা শেখাও যেমন অবশ্য-কর্তব্য, ব্যায়ামের কাজও তেমনি। Swiss drill ও জিউজিৎসুও মেয়েদের শেখানো মন্দ নহে। তবে সকল ব্যায়ামই যে প্রত্যেক বালিকার শক্তি ও প্রকৃতি বুঝিয়াই করা উচিত তাহা অবশ্য সকল সময়েই মনে রাখিতে হইবে।

এইবার বেশভূষার কথা কিছু বলিতে ইচ্ছা করি। ইহাতে শিক্ষিতারা অনেকটা উন্নতি করিয়াছেন এবং অপর সকলে নিন্দা করিলেও তাহাই গ্রহণ করিতেছেন—তাহা আগেই বলিয়াছি। কিন্তু জাতিহিসাবে বলিতে গেলে আমাদের বাঙ্গালী মেয়েদের বড়ই অভাব ও উদাসীনা দেখা যায়। প্রকৃত পরিচ্ছন্নতার তাঁহারা হয়ত অপর প্রদেশ অপেক্ষা পশ্চাদ্ভর্তা নহেন, কিন্তু সৌন্দর্য্যপ্রিয়তার অভাব তাঁহাদের যথেষ্টই আছে। বাঙ্গালী মেয়েদের সাধারণ বেশ যে শোভনতা শালীনতা কিছুর পক্ষেই পর্যাপ্ত নহে তাহা বলাই বাহুল্য। তবে ইহাতে যে উন্নতির লক্ষণ দেখা যাইতেছে, ক্রমেই তাহা বিস্তৃত হইবার আশা আছে।

এই প্রসঙ্গে দারিদ্র্যের কথা উঠিতে পারে, কিন্তু ইচ্ছা করিলে অনেকেই কি অবস্থানুযায়ী চলিয়াও পরিষ্কার-পরিচ্ছন্নতা ও শোভনতার দিকেও কতকটা দৃষ্টি রাখিতে পারেন না? ইহাতেই ত আরও বুদ্ধিকৌশলের পরিচয় দেওয়া যাইতে পারে। অবস্থা ভাল নহে বলিয়া পরিষ্কার-পরিচ্ছন্নতার চেষ্টাও ছাড়িয়া না দিয়া তাহার মধ্যেই যতটা পারা যায় করিতে চেষ্টা করাই উচিত নহে কি? ভূষণের প্রতি আমাদের যে অহুসার, তাহা বসনের দিকে আর-একটু যাওয়া উচিত। অনেকে বলিতে পারেন গহনার কিছু স্থায়ী মূল্য আছে, এবং আমাদের মেয়েদের যখন তাহাই একমাত্র সঞ্চল, তখন তাহাতে হস্তক্ষেপ করা উচিত নহে। বর্তমান অবস্থায় ইহার সত্যতা কতকটা স্বীকার করিতে হয়। কিন্তু এই অবস্থাই কি চিরকাল চলিতে থাকিবে?

বর্তমান অবস্থা জানিয়া সইয়াই কেবল যদি চলিতে হয়, তাহা হইলে ত কোন উন্নতির কথা বলাই সম্ভব হয় না।

তাহার পর আর-একটি কথা বলাও আবশ্যিক। আমাদের পোষাকী ও আটপোরে পরিচ্ছদের বেক্সপ আকাশ-পাতাল পার্থক্য তাহা আর-একটু কমাইলে ক্ষতি নাই। এই ছইরকম পরিচ্ছদের কতকটা ভেদ রাখা প্রয়োজন হইলেও পোষাকী পরিচ্ছদের অবস্থা ব্যয়বাহুল্য ঠিক নহে। বাড়ীতেই যখন অধিকাংশ সময় কাটাইতে হয় তখন একেবারে কুবশে থাকাও ঠিক নহে। বাড়ীতে মোটা কাপড়ও শোভনভাবে পরিবার ভঙ্গী ও রীতি শেখা উচিত, এবং তাহার মধ্যেও পরিচ্ছন্নতার সহিত যতটা সম্ভব সৌন্দর্য্য ও সামঞ্জস্যের দিকেও দৃষ্টি রাখা যাইতে পারে। তাহার পর বাহিরের পরিচ্ছদও অবশ্য স্থান কাল ও উপলক্ষ্যভেদে উপযোগিতা বিচার করিয়া ব্যবহার করা উচিত। শীতের দিনে বা সমুদ্রের ঝড়ো বাতাসের মধ্যে পাতলা কাপড় পরিয়া বেড়ানো, কিম্বা রেলগাড়ীতে যাতায়াতে হালকা রংয়ের কাপড়, যাহা সহজে ময়লা হইয়া যাইতে পারে তাহা ব্যবহার করা সুবুদ্ধির পরিচয় নহে। স্থান-কালভেদে ভিতরের কাপড়ও ঠিক-মুত ব্যবহার করিতে জানা চাই। বাহিরে হাঁটুরা বেড়ানো, ও গাড়ীতে নিমন্ত্রণে যাইবার কাপড় এক রকম হইতে পারে না। এই-সকল ঠিক রাখিতে খুব অতিরিক্ত ব্যয়বাহুল্যের প্রয়োজন হয় না। আমাদের সচ্ছল অবস্থার মধ্যবিত্ত লোকেও আজকাল মেয়েদের বেশভূষায় বেক্সপ ধরচ করেন তাহাতে ত সব গুছাইয়া করাই যায়, অপেক্ষাকৃত অল্পসৌভাগ্যশালীরাও আপনাদের পরিচ্ছদ প্রস্তুত করিতে শিখিলে সহজেই অনেকটা সুবেশে থাকিতে পারেন। ইহার সহিত অবশ্য ইহাও বলা উচিত—আজকাল মেয়েদের বেক্সপ মূল্যবান পরিচ্ছদের উপর আসক্তি দেখা যায়, তাহা সৌন্দর্য্যপ্রিয়তার পরিচয় হইলেও সমর্থনযোগ্য নহে। বেশভূষা প্রয়োজনীয় হইলেও তাহাকে অতিরিক্ত বাড়াইয়া তোলা বা তাহাতে অধিক অর্থব্যয় করা কিছুই ভাল নহে। এ বিষয়ে পাশ্চাত্যদেশের অবস্থা দেখিয়া আমাদের চৈতন্য হওয়া উচিত। তাঁহাদের মেয়েদের ঐ ব্যসনটি না থাকিলে তাঁহারা বোধ হয় আরও অনেক উন্নতি করিতে পারিতেন। তবে তাঁহাদের সমস্ত

সমাজের গতিই তাঁহাদের ঐ দিকে চালাইতেছে, সুতরাং একা তাঁহাদেরও সমস্ত দোষ দেওয়া চলে না। যাহা হউক আমাদের যখন সে বালাই নাই, তখন অন্তের দোষ ডাকিয়া আনিয়া কাজ নাই। তাহাতে আমাদের অর্থ সামর্থ্য কোন বিষয়েই তাঁহাদের সহিত তুলনা হইতে পারে না। বসন-ভূষণ ব্যতীত আর-একটি জিনিষও মেয়েদের সৌন্দর্য্য অনেক পরিমাণে বৃদ্ধি করিয়া থাকে, তাহা যথোপযুক্ত কেশরচনা। ইহাতেও অনেক শিখিবার আছে।

মেয়েদের মধ্যে স্বাস্থ্য প্রফুল্লতা সৌন্দর্য্যচর্চা ও সুবেশের যোগ হইলে তাঁহারা বাড়ীঘরও অপরিচ্ছন্ন ও কুদৃশ্য করিয়া রাখিতে পারিবেন না, ছোট ছেলেমেয়েরাও এখনকার ন্যায় আগাছার মত কোনমতে বাড়িয়া চলিবে না, তাহাদেরও স্বাস্থ্য সৌন্দর্য্য পরিচ্ছন্নতার প্রতি তাঁহাদের দৃষ্টি না পড়িয়া যাইবে না। তাহা হইলে আমাদের নিরানন্দ সংসারের কতটা যে শ্রী ফিদিয়া যাইতে পারে, তাহা সকলে ভাবিয়া দেখিলেই বুঝিতে পারিবেন। "বঙ্গনারী"।

শ্রমিক-বন্ধু মহিলা

মিসেস্ সিড্‌নৌ ওয়েব তাঁর স্বামীর সহিত শ্রমিকদের অবস্থার উন্নতির জন্য বহু গ্রন্থ রচনা করিয়া বর্তমানযুগের চিন্তাধারা একেবারে ওলটপালট করিয়া তুলিয়াছেন। শ্রীমতী ওয়েবের পিতা রিচার্ড পটার প্রসিদ্ধ দার্শনিক হার্বার্ট স্পেন্সারের বন্ধু ছিলেন এবং দার্শনিক পণ্ডিত তাঁর বন্ধুত্বা বিয়াটিসকে এমন ভালোবাসিতেন যে যত্নশষায় পড়িয়া তিনি ইচ্ছা প্রকাশ করিয়াছিলেন যে পরিবার সময় বিয়াটিস যেন তাঁর কাছে থাকেন। বিবাহের পূর্বেই বিয়াটিস বার্জাশাস্ত্র ও অর্থনীতিতে সুপণ্ডিত হইয়াছিলেন এবং চার্লস্ বৃথ যখন ইংরেজ শ্রমিকদের জীবনযাত্রার তথ্য সংগ্রহ করিতেছিলেন তখন তাঁকে সাহায্য করেন। শ্রমিকদের আঁট ঘণ্টায় রোজ, শ্রমিকসভা, শ্রমিকসমবায়, পানদোষ প্রভৃতি সম্বন্ধে বহুতথ্যপূর্ণ বই ইনি লিখিয়াছেন। দারিদ্র্য-সমস্যা সম্বন্ধে এই ওয়েব-দম্পতির অভিমত সমস্ত দেশকে চিন্তা করিতে প্রবৃত্ত করিয়াছে। এঁরা শ্রমিকদের অবস্থার উন্নতির পথনির্দেশ করিয়া দিয়াছেন—শ্রমিকেরা সেই পথের সন্ধান পাইয়াছে, ধনিকেরাও সেই পথ ছাড়িয়া দিতে বাধ্য হইতেছে। তথাকথিত ছোটলোকের জন্য এই উদ-দম্পতির চেষ্টা সজদয়তার সরস, যুক্তিতে অকাটা, তথ্যে অবশ্যস্বীকার্য। তাই এঁদের কথা বল অপরিসীম, বেগ চাকর বন্দোপাধ্যায়।

গন্ধর্ষকুমার

(উপাখ্যান)

সাত সমুদ্রে তেরো নদীর পারে দিগন্তের একেবারে শেষ সীমায় মানুষের অশ্রু সমুদ্র। তার ওপারে, সেই সমুদ্রেরই জলের জমাট ফেনার মতো, স্বপ্নে গড়া গন্ধর্ষদের দেশ। পৃথিবীর কোনো মানুষ নাবিক আজ পর্যন্ত সে দেশে পৌঁছবার পথ খুঁজে পায়নি, কেবল মাঘী পূর্ণিমার রাতের প্রথম প্রহরে সমুদ্রের গাঢ় নীল জল যখন রূপালি আলোর ঝকমক করে ওঠে, তখন সেই আধ-আলেয় আধ-কুমার একেবারে পশ্চিম দিগন্তের কোল ঘেসে সে দেশের অশ্রুট একটুখানি আভাস পাওয়া যায়।

সেই যে দেশ, এই মাটির পৃথিবীর সঙ্গে তার নাড়ীর যোগ আছে এমন কথা কবি আর পাগলে ছাড়া আর কেউ বলে না; তবু এই মাটির পৃথিবীরই জন্তে সে দেশের এক তরুণ গন্ধর্ষকুমারের প্রাণ কাঁদত। তার খেলার সাথী অস্ত্র ছেলেরা বাঁশীর সুরে তাকে ডেকে ডেকে, কত মাঠ পেরিয়ে, কত পাহাড় ডিঙিয়ে দূর-দূরান্তে খেলতে চলে যেত, তাদের ক্লাস্ত বাঁশীর ডাক একটু একটু করে আর শুনে পাওয়া যেত না। সে তখন চুপিচুপি অশ্রু-সমুদ্রের এক নির্জন পাড়ে এসে বসে থাকত। ওপারের ব্যথা হাওয়ার ভেসে এসে, চেউয়ের কলোচ্ছ্বাসে ছুটে এসে তাকে বেন তার নিজেই কত জন্মজন্মান্তরের ব্যথার কথা শ্রবণ করিয়ে দিত। তার চোখে জল ভরে আসত।

গন্ধর্ষদের দেশে কথা দিয়ে কেউ কথা কর না, সে দেশের সব কথাই গানে। গন্ধর্ষকুমার গায় :—

নয়নের জল জলধির কোন্ পারে
জন্ম আমার লুটায় নমস্বারে।
কোথা সেইখানে দুঃখ-মাণিক জ্বালা,
দাহনের জ্যোতি জিভুবন করে জ্বালা।
স্বর্গেরে কে সে লজ্জিল হাহাকারে !
এতটুকু বুকে অসীম বেদনা বয়,
বিষে একাকী যুঝিয়া মরণ নয়।
বন্ধ রক্ত কিয়র সুর মাঝে
মানুষ মানুষ, তব জয়গান বাজে ;
... নমো নমো বীর দুঃখী মরণ-জয়ী,
মরণ-বিহীন দেবতার বিনয় !

গানের সুরের শেষ বেশটুকু সাত সমুদ্রের চেউয়ের ওপর দিয়ে, গাংচিলদের ঝাঁকের মতো, তরতর করে নেচে চলে যায়; সুরের চেউ জলের চেউয়ের সঙ্গে মেশামেশি হয়ে মানুষের ঘাটে গিয়ে আছড়ে পড়ে, প্রতিধ্বনি হাহাকার হয়ে ফিরে আসে। গন্ধর্ষকুমার শোনে, তার চোখ জলে ভরে আসে। এমন রোজ হয়।

গন্ধর্ষকুমারের হিতার্থীদের ভাবনায় আহার-নিদ্রা বন্ধ। সে দেশে এমনতর অঘটন কখনো ঘটেনি। চোখে জল! চোখ দিয়ে দেখা ছাড়া আর যে কোনো কাজ হয় একথা চাক্ষুষ না দেখলে বিশ্বাস করাই তাদের পক্ষে কঠিন হত। তাই অগত্যা এই নূতনতর ব্যাধির স্বরূপ নির্ণয় করতে রাজ্যের যত নামজাদা ওঝাবাদীদের ডাক পড়ুল। ওঝা-বাদিরা এক এক করে এসে কুমারকে দেখলে, দেখে শুনে বললে,— গন্ধর্ষমুলকের চিকিৎসাশাস্ত্রে এমনতর অসুখের কথা ত লেখে না, তাছাড়া স্বরবিপর্যায়, স্ববৃত্ত, তালবিভ্রম প্রভৃতি কোনোরকম অসুস্থতার লক্ষণই কুমারের মধ্যে দেখা যাচ্ছে না। অতএব তাকে নিয়ে কিছুদিন একটু ভাল রকম নৃত্যগীতবাদা করা হোক। তাতেও যদি কোনো ফল না হয় তবে সাগর-পারের গুহা-বাসী সেই যে বুড়ো তার কাছে যাওয়া ছাড়া আর উপায় নেই।

ছয়দিন ছয়রাত কুমারকে ঘিরে গন্ধর্ষমুলকের বাছাবাছা সুন্দরীরা প্রজ্ঞাপতির মতো চপল নৃত্যে রঙিন স্বপ্নবাহ রচনা করে রইল, তারও ওপর রইল বেগবান্ নিরবচ্ছিন্ন সুর-প্রবাহের পরিখা। কিন্তু চোখের জল এত সাবধানতারও বাধা মান্লে না!

তখন সাগর-পারের সেই বুড়োর কাছে বাওয়াই ঠিক হলো।

সেই যে বুড়ো, সে সত্যিকারেরই বুড়ো। তার কাশ-ফুলের মত গোছা গোছা জটপাকানো পাকা দাড়ি-চুলকে ঘোবনের ছয়বেশ মনে করবার কিছুমাত্র কারণ ছিল না, কেননা ঘোবন তার, কোনোকালে ছিলই না। গন্ধর্ষ-

মুলুকের ইতিহাস বহুদিন ধরে' লেখা হচ্ছে ততদিন সেই ইতিহাসের অধ্যায়ের পর অধ্যায়ে ক্রমাগত খুড়খুড়ো বুড়ো বলে'ই তার উল্লেখ দেখতে পাওয়া যায় ; তাই লোকে বলত সে 'অন্নে' অবধিই' বুড়ো। সমুদ্র-পারে গন্ধর্ষ-মুলুকের সীমানার বাইরে ছোট একটি পাহাড়ে' দ্বীপের এক গহ্বরে সে থাকত। সেই গহ্বরের গা বেয় সারাক্ষণ টসটস করে' ফোঁটা ফোঁটা ঠাণ্ডা হিম বায়ু বয়ে' পড়ত, আর সমুদ্রের অশ্রান্ত কলোচ্ছাস তার ছোট-বড় হাজারো ফুকরের মধ্যে কত বিচিত্র সুরে যে বাজত—খুব পাকা ওস্তাদরাও তার মানে বুঝত না। গন্ধর্ষরা সকলবলে সেইখানে এসে উপস্থিত হলো।

সাগর-পারের বুড়ো খানিকটা শুনেই বলে' উঠল, 'আরে এও জানো না ? ওকে নিশ্চয় মানুষে পেয়েছে।'

সকলে খুব ভয় পেয়ে গেল। মানুষের নাম তারা কোনোদিন শোনেও নি, ভয়টা সেইজন্মেই আরো বেশী হলো। কিন্তু মানুষে পেলে কি হয়, মানুষ কাকে বলে ? সকলে বুড়োর চারদিকে আগ্রহে শঙ্কায় কোতুহলে নিবিড় হয়ে যেসে বসল। বুড়ো বলতে আরম্ভ করলে।—

'মানুষেরা দেশে' ঠিক তোমাদেরই মতো, এককালে তোমরা ভাই ছিলে। কিন্তু জায়গার দখল নিয়ে তোমাদের মধ্যে কলহ হত, তাই তোমাদের আলাদা করে' দেওয়া দরকার হলো। সুরের পুরোপুরি দখল নিয়ে সুরের দেশে তোমরা রইলে, আর সেই সুরকে ভেঙে ছুটুকুরা করে' মানুষ পেলে—হাসি আর কান্না, আর তাই নিয়ে সাত সমুদ্রের পারে মাটির দেশে সে বাস করতে গেল। কিন্তু হলে কি হয় ? যে বাঁধন নাড়ীর, ছিঁড়লেই কি আর একেবারে সে ছেঁড়ে ? আজও সেই নাড়ীর টানে তোমাদের কারও নাড়ীতে থেকে থেকে টান পড়ে, আর তোমাদের সকল সুর হাসি-কান্নায় ছুটুকুরা হয়ে ভেঙে পড়তে চায়, তোমরা সেইটেকেই অবটন মনে করে' ভয় পাও। ওদিকে মানুষের দেশেও হাসিকান্না কেবলি চায় জুড়ে উঠতে ; হাসি চায় কান্না হয়ে, কান্না চায় হাসি হয়ে সুর হয়ে ফেটে পড়তে ; মানুষেরাও যেখানেই সেই ব্যাপার দেখে, —'বলে ব্যাধি, বলে পাগুলামো, বলে কুবিন্দ, আর অবটন মনে করে' ভয় পায়। তা তোমাদের কিছু ভয় নেই, রোগীকে তোমরা কিছুদিনের মধ্যে

আমার কাছে পাঠিয়ে দাও গে, আমি সব ঠিক করে' দেব।'

তখন সকলে আশ্বস্ত হয়ে বাড়ী ফিরল।

কিন্তু বাড়ী ফিরে কুমারকে কেউ কোথাও দেখতে পেলো না। সকলের অল্পস্থিতির কোন্ এক ফাঁকে, দিন-শেষের এক পুরবো গানের নোকোয় দীর্ঘবাসের পাশ তুলে পূর্বাঙ্গস্তের পারে মানুষের দেশের সন্ধান সে বেরিয়ে পড়েছে।—তার এর চেয়ে বেশী সন্ধান কেউ দিতে পারলে না।

সমস্ত গন্ধর্ষপুরীকে স্তব্ধ সজ্জিত করে' সেদিন দেবালয়ে দেবালয়ে অসময়ে বেহাগ বাজতে লাগল। সাগরপাড়ে কাতারে কাতারে জীপুরুষ এসে জমা হলো, সকলে মিলে সুরে ইশরায় সুরের মিনতিতে সুরের সন্ধানে অনেক রাত ধরে কুমারকে ডেকে ডেকে, সেধে সেধে, খুঁজে খুঁজে বাড়ী ফিবে গেল, কুমারের সাড়া মিলল না।

ভোরের সোনালি আলা তখন সবেমাত্র পূবআকাশের গায়ে সোনার বীণার তারের মতো কোন্ জ্যোতির্দীপ্ত ভৈরবী আলাপের জন্ত বাঁধা হচ্ছে। তারই মূহ কম্পনে উপলশয়নে জল জেগে উঠছে, গাছের পাতা ঝির ঝির করে' কাঁপছে, শাখানীড়ে পাখীরা চঞ্চল হয়ে উঠেছে। গন্ধর্ষ-কুমারের নোকা, জাগরণের তীরে রাত্রিশেষের শেষ অগ্নটির মতো, স্তব্ধগতিতে মানুষের ঘাটে এসে লাগলো। শিথিল উত্তরাঙ্গটি টেনে গায়ে জড়িয়ে গন্ধর্ষকুমার করজোড়ে মাটিতে এসে নামলেন। 'পাখীরা' একসঙ্গে জয়ধ্বনি করে' উঠল।

প্রভাতের প্রথম আলোর বহুজীবধাত্রী ফলশয়ালিনী শ্রামকার্ত্ত সুন্দর পরিদ্রীকে প্রণাম করে' কুমার গাইলেন,

তোমায় আমার কেবল দিতে আসা,

মাগো আমার !

দুঃসময়ের আকুল কান্না হাসা,

মাগো আমার !

চিরকালের পরিচয়ের পারে

পথের মাঝে কুড়িয়ে পেলাম যারে,

এক নিমেষে দিলাম একেবারে

পাথের মোর সকল ভালোবাসা,

মাগো আমার !

তোমায় ছেড়ে চলব আমি যবে

মৃত্যুদূতের রথে,

কি লয়ে' মোর যাত্রা সুর হবে

চিরকালের পথে ?

পারের কড়ি সেই বিদায়ের রাতে
 রইবে না গো রইবে না আর হাতে,
 অন্ধকারে কোন্‌ সে অজানাতে
 রিক্তবুকে বাঁধন গিয়ে বাসা,
 মা গো আমার !...

মানুষের দেশে পথে পথে তখন লোকের চলাচল শুরু হয়েছে। কাজে অকাজে স্ত্রীপুরুষ বালকবৃদ্ধ, কেউ ছেলে কোলে করে' কেউ বোঝা কাঁধে নিয়ে, কলরব করতে করতে চলেছে। তারা কেউ কুমারকে দেখে অবজ্ঞায় মুখ ফিরিয়ে চলে' গেল, কেউ মুখভঙ্গি করে' হেসে টিটুকিরি দিলে, কেউ বা ভিড় ঠেলে কাছে এসে খামকা এমন যা তা কটুতিলক কথা শোনাতে লাগল যে কুমারের কর্ণমূল আরক্ত হয়ে ত উঠলই, তাঁর এমনও মনে হতে লাগল—নৌকোর গলুই অস্তদিগন্তের মুখে ফিরিয়ে আবার তাঁর সেই স্বপ্নে ছাওয়া নিভৃত মনোরম সুরের দেশটিতে ফিরে যান! কিন্তু এ সঙ্কল্প ছাড়তে হলো। একসঙ্গে অনেকগুলো সেতার কোমল নিখাতে বাজিয়ে দিয়ে পাশ থেকে আফশোষের সুরে কে বললে, 'চলে' যাচ্ছ ?'

কুমার দেখলেন, ভোরের শিশিরসিক্ত একগোছা কচি আত্র-পল্লবের মতো সতেজ স্নিগ্ধকান্তি পৃথিবীর এক তরুণী জ্বিতা, দুখানি আঁধি-পল্লবে দুটি বিন্দু অশ্রু মুক্তাফলের মতো টলটল করছে। কুমার বাস্তব হয়ে সুর খুঁজতে লাগলেন। কিন্তু এই মায়াবিনী মানবীর গভীর চোখদুটির রহস্যদৃষ্টির অতলতায় সব সুর কোথায় নিখোঁজ হয়ে তলিয়ে গেছে, সুরহীন সাদা কথায় জড়িয়ে জড়িয়ে কুমারকে বলতে হলো, 'তুমি কে গো ?'

সে বললে, 'আমি এই গাঁয়েরই মেয়ে গো বিদেশী! বাগানের ফলমূল তরিতরকারী এই পথ দিয়েই রোজ আমি শহরের হাটে বেচতে নিয়ে যাই, তুমি আমার সঙ্গে যাবে ?'

কুমার বললেন, 'শহরের হাটে? কি নিয়ে যাব? আমার সঙ্গে ত বেসারি কিছু নেই!'

'নেই বা থাকল। তুমি কিছু কাজ জানো?'

'আমি গাইতে জানি, কিন্তু সুরও আমার সব হারিয়ে গেছে।'

তরুণী হেসে গড়িয়ে পড়ল, বললে, 'তা সুর অমন কত হারায়। তুমি এসো আমাদের বাড়ী!'

ছোট একটি আমূলকি-বনের ধারে, গাঁয়ের একেবারে শেষ সীমান, তরুণীর শাস্ত স্তব্ধ ছোট ছায়াশিখ কুটীরটি। বানামী রংএর উলুখড়ের ছাউনীর ওপর কত রাজ্যের বিচিত্র লতাপাতা জড়াজড় করে' উঠে গেছে, আর সেই-সব লতার গিঁঠে গিঁঠে রংবেরংএর গোছা গোছা কত ফুল! লতার পর্দা সারিয়ে তরুণী তার তকতকে করে' নিকানো ঘরটিতে কুমারকে নিয়ে গিয়ে বসালো, থালাতে করে' বাগানের শসা পেয়ারা কিছু আতা আনারস, বাটিতে বাটিতে বেলের পাণা তরমুজের সাবৎ, সদা দোয়ানো ফেনোচ্চল উষ্ণ দুধ এনে তাঁকে খেতে দিলে, তারপর কুলুঙি থেকে ময়ূরপুচ্ছের পাখাখানি পেড়ে নিয়ে তাঁর পাশে তাঁচল বিছিয়ে বসে' পড়ে' তাঁকে হাওয়া করতে লাগল।

বিজ্ঞাতের মতো তার শুভ্র হাতটির লীলাচপল দোলানির সঙ্গে সঙ্গে বলয়-কঙ্কণ মুখের হৃদে বাজে, আর তারই ছোঁয়াচে কুমারের গলার কাছে সুর কেবলি আকুলবিকুলি করে' ওঠে; তাঁর খাওয়া আর হয় না। তরুণী চুপ করে' দেখে' দেখে' হঠাৎ বলে' উঠল, 'তুমি খাচ্ছ না যে? তুমি ভারী লাজুক!'

কুমার তাঁর সুরের ব্যথা কথা দিয়ে বোঝাতে পারেন না।...

তবু দিন যায়। তরুণীর পরমাত্মা স্বর মতো আদরে আপায়নে কুমার তাঁর সাগরপারের সুরের দেশটির কথা এতদিনে একরকম ভুলেই গেছেন। কিন্তু এইখানে এই মানুষের দেশেই দুগুণসঞ্চিত দুঃখ, তার লোকলোক-বিশ্রুত চিরঅধুরন্তু কারা, তাঁর প্রতিদিনের নিশ্চিত নিরাকুল জীবনযাত্রার বুকের মধ্যে ফ্যাপা হাওয়ার ব্যাপটের মতো এসে পড়ে' মাঝে মাঝে বড় বেসুর বেছে ওঠে; কুমারের মনটা উড়ুউড়ু করতে থাকে।

একদিন এক স্তব্ধ জ্যোৎস্নারাত্রে নিদ্রাতুর আমূলকি বনের এক নিরালা কোণে তরুণীকে নিয়ে বসে' কথায় কথায় কুমার জিজ্ঞাসা করলেন, 'আচ্ছা, এতদিন একসঙ্গে আচ্ছ, আজ পর্যন্ত একটি কথা তোমার কাছ থেকে শোনা হলো না।'

আশায় উৎকর্ষায় তরুণীর গণ্ডমূল আরক্তিম হয়ে উঠল। একটি করবৌফলের পাপড়ি নখের আগায় করে কাটতে কাটতে সে বললে, 'কি?'

কুমার আর-একটু তার কাছে সরে' বসে' বললেন, 'শোনা হলো না, তোমার কিসের ছুঃখ !'

বার্থ আশার আবেগে তরুণীর মুখখানি রৌদ্রনগ্ন ধাতুশীর্ষের মতো কালো হয়ে উঠল। হাতের ফুলটাকে ছুঁড়ে ফেলে' দিয়ে, উঠে দাঁড়িয়ে সে বললে, 'আমার আবার



তরুণীর যাওয়ায় পথের দিকে চেয়ে কুমারের বুকটা একটা দীর্ঘশ্বাসে ভরে' এল।
(চিত্রকর শ্রীমদেবীপ্রসাদ দ্বারা চৌধুরী।)

কিসের ছুঃখ ? বালাই, আমি বেশ আছি।' তারপর তাড়াতাড়ি সে জায়গা ছেড়ে চলে' গেল। তার যাওয়ার পথের দিকে চেয়ে চেয়ে কুমারের বুকটা একটা দীর্ঘশ্বাসে ভরে' এল।

সেদিন অনেক রাত অবধি কুমার সেখানে বসে' কাটালেন। গাছের শাখায় পাখীরা কয়েকবার অস্থিরভাবে পাখা ঝটপট করে' চূপ করল, একটি শিশু নিদ্রাভঙ্গ অকস্মৎ একবার চীৎকার করে' কেঁদে উঠে আবার তেননি অকস্মৎ ঠাণ্ডা হয়ে গেল; তারপর অনাহত জ্যোৎস্নারাত্রি, স্রোতোবেগের কলকলের মতো, অপ্রান্ত বিল্লীমুখরতার একটানা স্তরগতিতে বয়ে চলে' লাগল।

রাতের যখন আর অল্পই বাকী, আমূলকি-বনের পাশ দিয়ে নেমে ধুবু মাঠের ওপারে সাগরজলে বিলিক দিয়ে ঘাটশীর্ষ চাঁদ অস্ত গিয়েছে, কুমার তখন গা—ঝাড়া দিয়ে উঠে

পথের বেথা ঠাহর করে' আমূলকি-বন থেকে নিঃশব্দে বেরিয়ে চললেন। কিছু পথট ছফলা হয়ে যেখানে বাড়ীর দিকে মোড় ফিরেছে সেই দিকে না ফিরে, সেই ব্রাত্মিশেষের কুয়াসাজ্জর অন্ধকারে একলা চললেন, দূর শহরের হাটের দিকে, সেইখানে যদি ম হুমের ছুঃখের সন্ধান পাওয়া যায়।... তরুণীর মুখটি একবার মনে পড়ল, তার পরেই আর পড়ল না।

যেতে যেতে যেতে শহরে গিয়ে প্রহরেক বেলা হলো। এরই মধ্যে শহরের পথে লোক ধরে না, গাড়ী-খোড়ার দাপটে কোথাও একদণ্ড স্থির হয়ে দাঁড়ায় কার সাধি ? তবু চলার যাদের তাগিদ আছে তারা ভিড় ঠেলেঠেলে কোনোরকম করে' চলতে পার, ঠিকানা যাদের ঠিক আছে পথ খুঁজে পেতে তাদের দেরি হয় না। কুমার যাকেই বলেন, ওগো একটু শুন্বে ? সেই বলে, না না, এখানে কিছু হবে না। চলতে চান, পথের নিশানা ঠিক করতে না পেরে দিবে ফিরে আবার আগের জায়গাটিতেই এসে হাজির হন।

সমস্তদিন এমনিদার, তাঁতির হাতের মাকুর মতো, শহরের প্রমাণা থেকে ওমাথায় লোফালুফি হয়ে শেষটা ক্লান্ত অবসন্ন পরীরে, একটা পুরানো কালো মস্তবড় ভাঙা বাড়ীর সিংদরজার সামনে এসে, ধুলোর উপর একটুখানি জায়গা করে' নিয়ে তিনি বসে পড়লেন। একটু দূরেই, মাথা-ভরা জট-পাকানো চুল, এক আশাবছরের বুড়ি একখানা ছেঁড়া কাঁথা গারে জড়িয়ে জড়সড় হয়ে বসে' ছিল। কুমারকে দেখে শুধুশুধু মুখ বৌকয়ে সে বুরে বসল। তাকে দেখে' কুমারেরও কি মনে হলো, আগে আগে উঠে এসে তার স্নমুখে দাঁড়িয়ে বললেন, 'খাঁ গা, তোমার কি অনেক ছুঃখ ?'

বুড়ি মুখনাড়া দিয়ে বলে, উঠল, 'আমার ছুঃখ আছে বা নেই তা নিয়ে তোর মাথাব্যথা কেন রে মুখপোড়া ?'

স্বরের দেশে বাস করে' ষষ্ঠ রকম সুরের সঙ্গে এত বয়স পর্যন্ত কুমারের পরিচয় ঘটেছিল তার প্রত্যেকটির সঙ্গে তিনি বুড়ির এই কথাব্যটিকে মিলিয়ে মিলিয়ে দেখতে লাগলেন। কোনোটার সঙ্গেই যখন মিলল না তখন ভাবলেন,—এবার নিশ্চয় একেবারে খাঁটি, মাহুষের মতো একজন মাহুষের সন্ধান পাওয়া গেছে। এর কোথাও সুরের

তেজাল নেই। ছঃখের সন্ধান এ নিশ্চয় বলতে পারবে। মুখে বললেন, 'না অমনি জিজ্ঞাসা করছিলাম। অবশ্য বলতে যদি তোমার কোনো বাধা না থাকে। আমি কিনা মানুষের ছঃখের সন্ধান নিতে বেরিয়েছি।'

বুড়ি দাঁত মুখ ঝিঁচিয়ে কি একটা বললে। সে যত রোগে জলে' ওঠে, কুমার তত ভাবেন, এইবার ঠিক-মানুষের মাগাল পাওয়া গেছে, আর তত তিনি নাছোড় হয়ে তাকে সেঁটে ধরেন। হাড় জ্বালাতন হয়ে তাঁর হাত থেকে রেহাই



মাথাভরা জটপাকানো চুল, আশী বছরের এক বুড়ি।

(চিত্রকর শ্রীদেবীশমাদ রায়চৌধুরী।)

পাবার জন্তে বুড়িকে বলতে হলো, 'কি জানি বাপু, আমরা ত এই ভাঙা বাড়ীটাকেই ছেলেবেলা থেকে ছঃখের বাড়ী বলে' শুনে আসছি। এও যদি না জানো ত এ দেশে এসেছিলে কোন্ মুখে?'

কুমার মহা খুসি হয়ে উঠে পড়লেন, বললেন, 'তোমার ভালো হোক বুড়ি মা, কিন্তু এই বাড়ীতে আমার ঢুকতে দেবে ত?'

বুড়ি ফোকলা দাঁতে মাড়ি বার করে' হেসে উঠল। একটা ভাঙা কাঁসার বাটিকে কে যেন পর পর' কয়েকবার

লাঠি দিয়ে বিষধ ঠুকে দিলে। কুমার আর-কোনো কথা না বলে' সেই কালো অন্ধকার প্রকাণ্ড জীর্ণ পুরীটার মধ্যে ঢুকে পড়লেন। পুকুরের মধ্যে ছোট্ট একটা টিগ পড়লে যেমন হয়, পুঞ্জ পুঞ্জ নিতল স্তরতা ঠিক তেমনি করে' ছুটে এসে কুমারকে চার'দিক থেকে ঘিরে ধরে' নিজের মধ্যে নিখোঁজ করে' ডুবিয়ে নিলে।

কুমারের সারা গাটা কেমন ছমছম করতে লাগল। বাড়ীটার ফাট-ধরা চাতালে চাতালে কত নিদারুণ বিপ্লবের অটুট ইতিহাস, অন্ধকার শ্রাণ্ডার ছোপ ধরা স্যাংসেতে কক্ষগুলিতে কত বেদনার যুগযুগব্যাপী অশ্রুনিষেক, জীর্ণ কঙ্কালসার দেয়ালগুলিতে শোচনীয় দৈনহুর্দশার কত অক্ষয় কাহিনী। কুমারের মনে হতে লাগল, গলা ছেড়ে এঃবার গেয়ে নিতে পারলে একটু স্তস্ত বোধ করবেন। কিন্তু তাঁর ক্ষীণ গলার সুরটুকুকে টিপে মারবার জন্তে চারদিককার স্তরতাটা যেন উদ্গ্রীব উন্মাত হয়ে আছে। গলা তাঁর শুকিয়ে উঠল, গাইতে গিয়ে সুর আটকে গেল। মনে মনে দেবতাকে ডেকে বললেন, ওগো অন্তর্যামী, ছঃখে স্তখে মানুষের দেশে সুরের এ কি লাজনা! আমাকে এখানে পাঠালে কি মুখ গুঁজে পড়ে' মরে' থাকবার জন্তেই?

কুমারের চোখহুটিতে জল ছলছল করে' উঠল। সেই চোখের জলের মধ্যে দিয়ে তাকিয়ে প্রকাণ্ড অজগরের মতো কালো ভয়ঙ্কর সেই বাড়ীটাকে তাঁর একটু একটু বরে' কেমন পরিচিত, কেমন যেন আপনার বলে' মনে হতে লাগল। সাহসে বুক বেঁধে মন্ত্রমুগ্ধের মতো আবার তিনি অগ্রসর হতে লাগলেন।

কত চত্বরের পর চত্বর, কত দালানের পর দালান, কত মহলের পর মহল তিনি পার হয়ে গেলেন, কিন্তু কোথাও জন-মানবের চিহ্ন দেখতে পেলেন না। এত বড় বিরাট বাড়ীটাতে একটিও মানুষের বাস নেই! যারা গেছে তারা তাদের শেষ দিনের সম্বলটুকু পর্য্যন্ত নিঃশেষ করে' ফুরিয়ে বা সঙ্গে করে' নিয়ে তবে গেছে। কোথাও একটা পুরানো কালিমাখা হাঁড়ি, ছেঁড়া পাটি বা ভাঙা পেট্রাও পড়ে' নেই। কোণে কাণাচে কুলুঙিতে সর্বত্র খা খা শূন্যতার একাধিপত্য। ভাঙা চূড়া-খসে-পড়া দেওয়ালে দেওয়ালে ছঃখের দেবতারা সারি সারি স্তর হয়ে বসে' আছেন, তককাল

কেউ তাঁদের পূজা করেনি, প্রদীপের বুক থেকে সন্তের ছাইটুকু পর্যন্ত উড়ে গেছে। কুমার ঘুরে ঘুরে সব দেখে' হতাশ হয়ে আবার সিংদরজার সামনে সেই বুড়ীর কাছে ফিরে এলেন। তাঁর একপাশে গিয়ে দাঁড়িয়ে বললেন, 'হ্যাঁ বুড়ী মা, এই বাড়ীতে ত কই কিছু দেখতে পেলাম না!'

বুড়ি চোঁচিয়ে উঠে বললে, 'কিছু ত দেখতে পেলেন না, কিন্তু সুখ দেখতে পেয়েছ?'

কুমার কিছুই বুঝলেন না, বললেন, 'বুড়ি মা, তুমি আর-জন্মে আমার মা ছিলে। আমার অনেক উপকার করলে। আর একটি কথা কেবল বলে' দাও, খুসি হয়ে চলে' যাচ্ছি।'

বুড়ি কোটরের মধ্যে চোখজুটো ঘুরিয়ে বললে, 'আর-জন্মে আমি তোমার মা ছিলাম, সেই পাপেই আমার এ জন্মে এত দুর্দশা, না? এই কাটারি দেখছিস, আজ তোমাই একদিন কি আমারই একদিন।'

কুমার 'আর দ্বিরুক্তি না করে' সেখান থেকে সরে' পড়লেন। সন্ধ্যার আবছায়ায় পথে এক বাউল নিজের মনে গান গেয়ে চলেছিল; কুমার ভাবলেন, এ নিশ্চয় আমার মনের কথা বুঝবে। কাছে গিয়ে ডাকলেন, 'ও বাউল!'

বাউল ফিরে দাঁড়িয়ে বললে, 'কি গো বিদেশী, কি চাই তোমার!'

কুমার বললেন, 'না, এমন কিছু না। এই যে হুঃখের বাড়ী, এর লোকজন সব গেল কোথায় জানতে চাই।'

বাউল বললে, 'ও! তা ও-বাড়ীতে ত আমিও একদিন ছিলাম। মন ওখানে বসল না, তাই সারেঙা নিয়ে পথে বেরিয়ে পড়েছি।'

কুমার বললেন, 'তা মন ওখানে না বসে কিছু আশ্চর্য্য নয়। কিন্তু এত বড় বাড়ীতে ত আর তুমি একলা ছিলে না; আর যারা ছিল তারা সব গেল কোথায়?'

বাউল বললে, 'তারা সবাই ত আর আমার মতো লক্ষ্মীছাড়া নয়। তারা গেছে তাদের পুঁজিপাটা ভেঙে

'তীর-ধনুক গড়িয়ে খেয়ালকাটার মাঠে।'

'সেখানে কি হয়?'

'লড়াই হয় গো বিদেশী!'

বাউল যেখানে গান শেষ করেছিল আবার সেইখান থেকে সুরু করে সারেঙায় ঝঙ্কার দিতে দিতে চলে' গেল।

তখন রাত বেশ অনেকটা হয়েছে। নিশীথে নগরীর স্তব্ধতা পল্লীস্তব্ধতার চেয়েও অনেক বেশী নিখাঁজ নিঃসাড়, একটা ঝাঁঝপোকাও ডাকে না, একটা পাকীও পাখা ঝাড়ে না। কুমার বাউলের গাওয়া সুরের সঙ্গে হ্রস্ব মিলিয়ে শুন শুন করে' গাইতে গাইতে চললেন, পথের শেষে মস্ত লাল এক উৎসব বাড়ীতে সে রাত্তিরের মতো আশ্রয় নিতে।

দেখলেন, একটিও লোক চলেছে না, তবু পথের দুধারে কাতারে কাতারে অজস্র আলো জ্বলেছে, আশে-পাশে কেয়ারি-করা চমৎকার চমৎকার কুলের বাগান খোঁচা-তোলা কদাকার শিকের বেড়ার ফাঁক দিয়ে উঁকঝুকি দিচ্ছে। সিংদরজার সামনে গিয়ে দাঁড়াতেই হৃদকের সার-দেওয়া সাজ্জারা বর্ষার সঙ্গে বর্ষা ঠোকয়ে পথ আড়াল করে' দাঁড়িয়ে রইল, কুমারের হাজারো প্রণের জ্বাবে কেট টু' শব্দটি পর্যন্ত করলে না।

কুমার দাঁড়িয়ে দাঁড়িয়ে ক্লান্ত হয়ে ফিরে যাচ্ছেন, হঠাৎ একটা লোক, তার একটা চোখ কানা, একটা কান কাটা, পেছন থেকে কুমারের কাঁধে হাত রেখে টাপা গলায় বললে, 'এটা সুখের বাড়ী, এ বাড়ীতে চুকবার পথ এ নয়। চুকতে চাও ত আমার সঙ্গে এসো।' বলে' তাঁর হাত ধরে' টেনে নিঃশব্দে বাড়ীর এক পাশে পুকুরের ধারে একটা লিচুগাছের তলায় নিয়ে গিয়ে হাজির করল। বললে, 'গাছে চড়তে জানো?'

কুমার বললেন, 'আগে কখনো দরকার হয়নি।'

সে বললে, 'আজ্ঞা রোসো।' টপটপ করে ডালের পর ডাল বেয়ে উঠে একটা লম্বা ডাল ধরে' ঝুলে পড়ে' সে পাঁচিলের ওপাশে বাড়ীর মধ্যে লাফিয়ে পড়ল। একটু পরে পাঁচিলের ওপাশে একটা দড়ির সিঁড়ি নেমে এল। সিঁড়ি বেয়ে উঠে কুমার আবার সেই সিঁড়ি ঘুরিয়ে ফেলে'ই নীচে নামলেন। সুখের বাড়ীর ঐশ্বর্য্যের দ্রুতিতে তাঁর চোখ ঝলসে গেল। তিনি থমকে দাঁড়ালেন।

তাঁর চোখে একটু সরে' গেলে লোকটা তাঁকে সঙ্গে করে' কক্ষের পর কক্ষ দেখিয়ে নিয়ে বেড়াতে লাগল। সে কি ঐশ্বর্য্য, তাঁর সংখ্যা হয় না! সোনা রূপো হীরে

অহরতের গহনা দিয়েই কেবল কত ঘর ঠাসা। কত নীল-কান্ত, চন্দ্রকান্ত, অরুণকান্ত, সূর্য্যকান্ত মণির স্তূপ; কত কৌস্তভরত্ন, কত গজমোতি, কত বৈদূর্য্যমণি তার লেখা-ঝোখা নেই। কুমার ঘুরে ঘুরে সব দেখলেন, দেখে' দেখে' তাঁর তৃপ্তি হলো না। সঙ্গে লোকটিকে বললেন, 'আচ্ছা, এ বাড়ীর মালিক কেউ নেই ?'

সে বললে, 'থাকবে না কেন ? তাদের কি আর কাজ নেই ভেবেছ ? তারা কেউ আছে বাইরে পাহারায়, আর বাড়িবাকী সব খেয়ালকাটার মাঠে।'

কুমার বললেন, 'এই রাষ্ট্রধর্ম্য ফেলে খেয়ালকাটার মাঠে ? তারা সেখানে কি করতে গেছে ?'

লোকটা বললে, 'নাঃ, তুমি ভারি নেকা। তোমার সঙ্গে আমার পোষাল না। আমি চলুম, আমার কাজ আছে।'...

অত বড় স্নেহের বাড়ীতে কুমার তখন একলা পড়লেন। একলা বসে' বসে' কি আর করেন, ভাবলেন, একটা গান গাই, মনটা একটু ঠাণ্ডা হবে। কিন্তু যে গানই ধরতে যান অত্যন্ত খেলো মনে হয়। মণিমাণিক্যের চটকের পাশে স্থর যেন নিজের নিরাভরণতার লজ্জায় শুকিয়ে মরতে চায়। নিরুপায় হয়ে তখন অকাজে আনমনে প্রাঙ্গণ থেকে প্রাঙ্গণে চত্বর থেকে চত্বরে মহল থেকে মহলে স্বপ্নাহতের মতো ঘুরে বেড়াতে লাগলেন। দেখলেন, বাক্স সিন্দুক বোঝাই করা টাকা থাক থাক করে' সাজানো রয়েছে—একটিও তার খরচ করা হয়নি! স্তূপাকার রত্নখচিত মণিময় উজ্জল মণ্ডলের পোষাক, তার একটিকে কেউ পাট ভেঙে গায় পরেনি! সোনার শামাদানে ফটকের বাতিতে ঘিয়ের সলুতেয় আগুন জ্বলার চিহ্ন নেই! কক্ষ কক্ষ রূপার পালকে ছুগুফেননিভ শয্যার বহুমূল্য শালের আস্তরণ কোথাও মানুষের স্পর্শে এতটুকু একটু কুঁচড়েও যায়নি। অগ্নিকি অঙ্গরাগের পাত্র কানায় কানায় ভরাই আছে! কুমার দেখলেন, সবই আছে কেবল স্নেহ নেই।—ক্ষোভে তাঁর চোখে জল এল। তখন সেই প্রাসাদের পাবাণ-প্রাচীরগুলো হঠাৎ যেন দেখতে দেখতে স্বচ্ছ হয়ে গেল। কুমার অবাক হয়ে দেখলেন, সেই স্বচ্ছতার মধ্য দিয়ে যতদূর চোখ যায় কেবল কক্ষের পর কক্ষ, তোষাখানার পর তোষাখানা,

রত্নখনির পর রত্নখনি, কোথাও তার আর শেষ নেই! সে-সমস্তের উপরে শুক্রিপুটের মর্ষরাগের মতো উজ্জল আলোর ঢেউ, আবর্তে আবর্তে, তরঙ্গে তরঙ্গে, ছলে ছলে কেঁপে কেঁপে বয়ে চলেছে। তার ওপর দিয়ে রাশি রাশি প্রজাপতি রংবেরং এর পাখার পাল তুলে উড়ে আসছে, সারি সারি জোনাকীরা মশাল হাতে করে' ছুটে চলেছে, আর সকলের পেছনে আসছেন লাল নীল সোনালি রং এর পদ্ম-পাখনার মাছে টানা পদ্মপাপড়ির নৌকায় চড়ে' এক বিহ্ববরণী জ্যোতিরাভরণা দেবী, মাথায় তাঁর ধাতু-মঞ্জরীর মুকুট কোন্ আকাশে গিয়ে যে ঠেকেছে তার ঠিক নেই। কুমার পথ আড়াল করে' দাঁড়িয়েছিলেন, অলকা-পুরীর শোভাযাত্রা বাধা পেয়ে থেমে গেল।

দেবীকণ্ঠে প্রশ্ন হলো, 'আমার পথ আটকায় কে ?'

কুমার বললেন, 'আমি গন্ধর্বাদেয় ছেলে, তুমি কে মা ?'

'আমি মা-লক্ষ্মী গো বাছা! আমার এক লহমা সময় নেই, লক্ষ্মীটি পথ ছেড়ে দাও!'

'দাঁচি, কিন্তু দয়া করে' যখন দেখা দিয়েছ, তখন একটা বর দাও মা-লক্ষ্মী!'

'কি বর চাই ?'

'আমি তিনটি প্রশ্ন জিজ্ঞাসা করব, ঠিক ঠিক উত্তর দেবে।'

'এক বরে কি তিন প্রশ্নের উত্তর দেওয়া চলে বাছা ? তোমাকে তিনটি বর চাইতে হবে।'

আচ্ছা তবে তিন বরই চাইছি।'

'বল কি জানতে চাও।'

'মা, তোমার এই যে ঐশ্বর্য্যপুরী, এর শেষ কোথায় ?'

'নেই। এই পুরীর চাবিকাঠিটি যাদের হাতে, দরজায় যাদের এত সতর্ক পাহারা, তারাও তার এক-কণিকার খোঁজ জানে না।'

'মানুষ আর কাকেও বঞ্চিত না করে'ও কতটুকু নিতে পারে তোমার এই ভাঁড়ার থেকে ?'

'তুমি কত নেবে ? কত নিতে পারো ?'

'মা, মানুষের সৃষ্টৈশ্বর্য্য 'দেখে' দেবতাদের কি ঈর্ষ্যা হয় ?'

'না বাছা, স্নেহে দেবতাদের লোভ নেই।'

‘মাতুষ কেন তাহলে কাড়াকাড়ি কাটাকাটি করে’
মরে ?’

‘তুমি তিনটি বর চেয়েছিলে, তিন বরে তিনটি প্রশ্নের
জবাব আমি দিয়েছি; আর পারব না, এবার পথ ছেড়ে দাও।’
কুমার বললেন, ‘আচ্ছা দিচ্ছি। তুমি কেবল বলে’
দিয়ে যাও, এই পুরী থেকে পালিয়ে বেরিয়ে যাবার পথ
কোন দিকে। আমি চলব খেয়ালকাটার মাঠে, আমার
শেষ প্রশ্নের জবাব জানতে।’

মা-সম্মী তখন প্রজাপতিদের পাখায় হাত বুলিয়ে
দিলেন, জোনাকীদের উস্কে দিলেন, দিয়ে, গজদন্তের
দণ্ডটিকে তিনবার মেজের গায় ঠেকে চক্ষের পলকে
কোথায় উধাও হয়ে গেলেন। কুমার দেখলেন, সেই
কালো অজগরের মতো প্রকাণ্ড জীর্ণ অন্ধকার বাড়ীটার
মাঝখানে তিনি দাঁড়িয়ে আছেন। বাইরে থেকে সেই
বুড়ির কলহের শব্দ কানে আসছে। ভোর হয়েছে।
গাড়ী ঘোড় লোকজনের চলাচল শুরু হয়েছে। পথে বেরিয়ে
কুমার গাইলেন,

ওরে তোর ভরসা যে নেই,
রয়েছিমু ছঃখ মেনেই

• ‘আপুর্লি’ মাত পুরুষের ছপোটা মুক্তাণীরে।

আকুরাগ রত্নখান চাসু যদি ত চল বাহিরে।

ও তোর এই ভয়ের পারে,

তোর এই সংশয়ের পারে

অসীমের তোষাখানার ছয়ার খোলা,

ওরে ও আপনা ভোলা, একবার দেখ্ চাহি’ রে।

ছখী তোর ভাই ভিখারী,

কড়ি তার কাড়াকাড়ি

অসীমের রাজপুরীতে :

ছি ছি তোর কাংলা-রীতে

দেখাতে নারি যে মুখ, এ লাজের পার নাহি রে।

শহরের পথে গান গেয়ে কুমারের সেদিন ক’গুণ্ডা
পয়সা জুটল। তারই কিছু ভেঙে খরচ করে’ খেয়ে,
বাকী চাদরের খুঁটে বেঁধে কুমার বেরলেন, খেয়ালকাটার
মাঠের উদ্দেশে। পথের লোক যে শুনল, মাথার দিব্যি
দিয়ে বারণ করলে।—তিনি কারও কথাই শুনলেন না।
যেতে যেতে যেতে খেয়ালকাটার মাঠের ধারে এক বনের
মধ্যে এসে রাত হলো। কুমার শ্রান্ত হয়েছিলেন, একটা
বরগা থেকে আঁজলা করে’ জল খেয়ে একটা গাছের
কোটরের মধ্যে ঢুকে ঘুমিয়ে পড়লেন।

তিন-তিনবার কুমারের ঘুম ভাঙল, তিন-তিনবার হাজার
হাজার পাখী কলরব করে’ উঠে থেমে গেল, রাত আর
ফুরায় না। ব্যাপার কি দেখবার ভণ্ডে বাইরে বেরিয়ে এসে
কুমার দেখেন, অস্ত্রে অস্ত্রে ঠেকাঠিক হয়ে আকাশ
অন্ধকার। আশেপাশে ডাইনে-বায়ে সে অস্ত্র ক্রমাগত এসে
ছুটে ছুটে ঠিকরে ঠিকরে পড়ছে। তার কোনোটা বা নিশিত
বজ্রপাথরের তৈরী, কোনোটা বা কেবল মর্ন্তভেদী কথার;
কোনোটা চোখে দেখা যায়, কোনোটা বা যায় না। সে
অস্ত্র কে ছুঁড়ছে, কোথা থেকে ছুঁড়ছে, কাকে ছুঁড়ছে
তার কিছু ঠিক নেই।

একটা ফুলভরা টাপা-গাছের তলায় একটা লোক
রক্তাক্ত ক্ষতবিক্ষত দেহে পড়ে’ ছিল, ছুটে গিয়ে তার
মাথাটিকে হুহাতে কোলে তুলে নিয়ে কুমার বললেন,
‘আহা, কে তোমার এ দশা করলে!’

লোকটি শ্বান হেসে বললে, ‘আমার নিজেরই অস্ত্রে আমি
কাটা পড়েছি গো বিদেশী।’

কুমার বললেন, ‘কি করে’ এমন অঘটন ঘটল?’

লোকটি বললে, ‘আকাশে যে অস্ত্র ছুড়ে দিয়েছিলাম
ফিরে এসে তা আমারই গায়ে লেগেছে। ডান হাতের
আঙুল-ক’টা একেবারে গেছে; বাঁ পাটা নাছোড়, শরীরের
সঙ্গে তিন আঙুল সদৃশ বজায় রেখে আছে এখনো।’

নিজের উত্তরীয় দিয়ে তার গায়ের ক্ষত জড়াতে জড়াতে
কুমার বললেন, তোমার ‘অস্ত্রে কাকে তুমি মারতে চাও?’

সে বললে, ‘কাউকেই না। এ কি গেলা পেয়েছ? এ
লড়াই, কে মরল, না মরল, সে খোঁজ নেবার কি অবকাশ
আছে এখানে?’

তার মাথাটিকে কোল থেকে আন্ত্রে আন্ত্রে নামিয়ে
রেখে কুমার নিঃশব্দে উঠে পড়লেন। পাথরের দৃষ্টিতে
সুস্থের দিকে কিছুক্ষণ তাকিয়ে থেকে থেকে হঠাৎ টাপা-
গাছের একটা ফুলভরা নীচু শাখা মড়মড় করে ভেঙে
নিয়ে একপাশে ঘুরে গড়িয়ে পড়লেন। নিরক্ষের পথ
দিয়ে ছুটে মর্ত্যালোকের মন্থাস্তিক এক জাবাত এই প্রথম
এক গন্ধর্বকুমারের বুকে এসে লাগল। বনের পাখী
সব হায় হায় করে’ উঠল। হিংস্র পশুদের মুখে সেদিন
আর রক্ত কচল না।

বুকের রক্ত ছহাত দিয়ে চেপে, পড়তে পড়তে টলতে টলতে কুমার আবার সেই শহরের হাটে ফিরে এলেন। এবার মানুষের দেশের ওঝাবড়িরা এসে তাঁকে দেখে' গেল, দেখে' শুনে বলে' গেল, কুমারের এখনই প্রাণ হারাবার কোনো সম্ভাবনা নেই বটে, কিন্তু বেশীদিন বেঁচে থাকাও আর তাঁর অদৃষ্টে নেই। বুকে তাঁর বিষ-শায়কের ঘা, এর চিকিৎসা হয় না। দিনে দিনে পলে পলে অলক্ষ্যে তাঁর প্রাণশক্তিকে এই বিষ হরণ করবে।...তখন কুমার আবার এক স্তব্ধ গভীর রাত্রে, মানুষের সঙ্গে সব দেহ-পাওনা চুকিয়ে, মানুষের পৃথিবীর কাছ থেকে চির-বিদায় নিয়ে, এক করুণ বাগেশ্রীর গানের নোকোয় হাহাকাণের পাল তুলে শরহত সারসের মতো উধাও হয়ে বেরিয়ে পড়লেন, সাত সমুদ্র তেরো নদী পেরিয়ে মানুষের অশ্রু সমুদ্রের ওপারে গানে ঘেরা স্বপ্নে গড়া গন্ধর্ষদের নিভৃত মনোরম দেশটির সন্ধানে। সাগরপাড়ের তাঁর সেই প্রথম পরিচয়ের তরুণী মানবীর লজ্জানন্দ মুখখানি চকিতের মতো একটিবার তাঁর মনে পড়ল, কিন্তু তখনি প্রাণপণ করে' মন থেকে তাকে তিনি সরিয়ে দিলেন।

* * * *

কুমার চলেন চলেন, সাত দিন সাত রাত পর তাঁর নোকোর পাশে যে গন্ধর্ষদের দেশের আরেকখানি গানের নোকো। তার মাস্তুলের ডগায় ডগায় পিলু বারোয়ার কত শত রঙিন নিশান, কত সাহানার পাল, কত ইমণ-কল্যাণের ক্ষেপণী! কুমার দেখেন দেখেন, তাঁর বুকের বিষক্ষতের কথা ভুলে' যান। বাতায়নে মুখ বাড়িয়ে গেয়ে ওঠেন, 'একলা পথের গানের সাথী, তুমি কে গো?'

সাহানার নোকোর গবাক্ষে ঝিলমিলি খুলে যায়। মেঘ-বরণ চুল, কুচবরণ এক কণ্ঠা সারা আকাশের গায় রূপ-জ্যোৎস্নার লহর তুলে, হাসিভরা চোখে তাঁর দৃষ্টির স্রুমে এসে দাঁড়িয়ে গেয়ে ওঠে, 'আমি যে গন্ধর্ষদের এক মেয়ে! আমার মনের মানুষটিকে খুঁজতে বেরিয়েছি। চোখদুটি তোমার স্বপ্ন ছেকে তৈরি, কণ্ঠে তোমার সুরসরস্বতীর আসন পাতা; তুমিই কি সেই মানুষ?'

কুমার কি জবাব দেবেন ভেবে পান না। বাগেশ্রীর নোকো আর সাহানার নোকো পাশাপাশি চলে। যতক্ষণ

না অন্ধকারে দৃষ্টি জড়িয়ে যায় ছুটি গবাক্ষে ছোড়া চোখে পলক পড়ে না। সুরের ভাষার গানের আলাপনে ছুটি মনের আনাগোনা চলতে থাকে। কুমারের খোলা বাতায়নে যে তাঁদের আলোটুকু এসে পড়ে, রাতবিরাতে কন্যাকে ঘুম থেকে জাগিয়ে গানের মধ্যে করে' সেই আলোটুকুকে তিনি তার কাছে উপহার পাঠিয়ে দেন। কণ্ঠার ফুলের মধ্যে যে ফুল লুকিয়ে ফুটে ওঠে, তার স্রুসটুকুকে হাসিটুকুকে চুরি করে' গানের মধ্যে দিয়ে কুমারকে তিনি প্রতিউপহার পাঠান। এমনি করে' দিনের পর দিন কেটে যায়।

এক মাঘী পূর্ণিমার রাত্রে, গন্ধর্ষদের দেশ যখন পশ্চিম দিগন্তের কিনারায় স্বপ্নের আবছায়ার মতো চোখে পড়ছে, কুমার তখন সেই ভরা তাঁদের আলোয় রূপসী গন্ধর্ষকণ্ঠার দিকে তাকিয়ে ভরা মনে গেয়ে উঠলেন,—

কোন জীবনের সব-হারানোর হাটে
সর্বস্বান্ত
এসেছি ওরে ফেলে,
চির-জনমের ঐ চেনা মুখটিকে,
অচেনা পায়,
কুড়িয়ে কোথায় পেলে? . . .

তখন সেই কণ্ঠা যে জ্যোৎস্নার আলোয় লম্বাট জ্যোৎস্নার মতো শুভ্র পেলব হাতখানি ছুঁয়ে ধরা যায়-বা-না-যায় মতো করে' ইসারায় কুমারকে ডাকে। কুমার স্বপ্রাহতের মতো তার দিকে ছহাত বাড়িয়ে এগিয়ে যেতে চান আর তাঁর বুকের স্তনে রক্তস্রোত গল্গল্ করে' ওঠে, বেদনার সারা দেহ কালো হয়ে যায়, ছ পা যেতে না যেতেই মুখ খুঁড়ে মুচ্ছিত হয়ে তিনি পড়ে' যান।

তখন কুমার গানের সুরে তাঁর বুকের বেদনার কথা কণ্ঠাকে জানাতে বসেন। কিন্তু মানুষের দেশের বিষশায়কের মর্মান্তিক ক্ষত, সুরের সাধ্য কি তাকে বোঝানো, গন্ধর্ষকণ্ঠার সাধ্য কি তাকে বোঝা? কুমার যতরকম করে'ই বলেন, কণ্ঠা ভাবেন—রূপক! ভাবেন, কুমার তাঁর অন্তরের প্রণয়ব্যাথাকেই গানের সুরে গোপন করে' ঢেকে বুলছেন! কুমার যত মিনতি করে' ডাকেন, 'অচেনা পথিক, অচেনা পথিক, চিরকালের ছাঁড়াছাড়ির আগে একটিবার' ভালো করে' তোমার কেবল দেখ, তুমি কাছে এসো। তোমার ঐ পদকলির মতো হাতদুটির নখমুক্তাপঙ্ক্তি

যে আমার দেখা হয়নি, তোমার পালের কাছে চোখের পাতার নীচে ওটি কি তিল না আমার চোখের ভুল? গানের সাথী, একটিবার কেবল কাছে এসো।' কঙ্কার তত শ্লেষের হাণ্ডিতে মুখ ভরে' ওঠে, গানের সুরে বিক্রপের বান ডেকে যায়, বলেন, 'গানের সাথী, গানের সাথী, তুমি না পুরুষ? জয় করে' নেওয়াই না তোমার স্বভাব? ছি ছি, তোমার এই নিরুপায়ের কান্না শুনে আমি স্নান যে লাঞ্জে মরে' যাই। ভিখারীর স্বভাব পেলে কোথায়?' সাহানার নোকো বাগেশীর নোকোকে পেছনে ফেলে গর্কে অবজ্ঞায় এগিয়ে চলে যায়, পৌরুষের এই অপমান বিষশায়কের আঘাতের চেয়েও কুমারের বুকে বেশী মন্যাস্তিক হয়ে বাজে।

শেষে একদিন, সাহানার নোকো ছোট হতে হতে যখন দিগন্তের সীমায় আড়াল পড়ে' যায়-যায়, তখন আর না পেরে, এক অন্ধকার ঝড়ের রাত্রে বাগেশীর নোকোর পালের রশ্মিখুলে দিয়ে, হালের দড়ি ছিঁড়ে ফেলে গন্ধর্ব-কুমার মনের হৃৎখে অশ্রুর সমুদ্রে ঝাঁপ দিয়ে পড়লেন। ঝড়ের মুখে ছুটতে ছুটতে শূণ্যবুকতরা হাঠাকার নিয়ে বাগেশীর নোকো গন্ধর্বদের দেশে এসে ঠেকল। গন্ধর্ব-রাজ্যের দেবালয়ে দেবালয়ে তিনদিন তিনরাত ধরে' মহা সমারোহে অস্তোষ্টির বাজনা বাজল। কত গান লেখা হলো, কত ছড়া বাঁধা হলো তার আর গোনাগুনুতি নেই।

* * * *

এখন সেই যে অশ্রুর সমুদ্র, তার একটি স্রোতরেখা মানুষদের দেশের এক গোপন নিভৃত ঘাটের গায়ে গিয়ে ঠেকেছে। মানুষের দেশে গন্ধর্বকুমারের সেই প্রথম-পরিচয়-দিনের তরুণী, গন্ধর্বকুমার চলে' যাওয়ার পর থেকে, চিরস্মৃতির পাথর-বাঁধা সেই ঘাটে বসে' সকালসন্ধ্যা চোখের জল ফেলে। স্রোতের টানে ভাসতে ভাসতে গন্ধর্বকুমার সেই ঘাটে এসে লাগলেন।.....

একুশদিনের দিন আবার এক ফাল্গুনীপূর্ণিমার রাত্রে কুমার চেতন পেয়ে চোখ খুলে চাইলেন। লতার ঝালর ঘোলানো খোলা বাতায়নে চেয়ে দেখলেন, আমলকি বনের স্বচ্ছ মন্থ পাতার আড়াল ভেদ করে' আকুল জ্যোৎস্না বিদ্যুতর হয়ে বুরে' পড়ছে। • শিয়রে তাকিয়ে দেখলেন,

সেখানে ছট অতল চোখের নিমেষহীন দৃষ্টির থেকে যা বুরে' পড়ছে তার আর তুলনা নেই! একখানি স্নেহতপ্ত কমনীয় হাতকে নিজের হাতের মুঠোর মধ্যে তুলে নিয়ে কুমার বললেন, "আমি তোমার মনে বাঁধা দিয়ে চলে' গিয়েছিলাম; কিন্তু আমার বুকের বাঁধা কে এমন করে' হরণ করে' নিলে!"

তরুণী নতমুখে উত্তর দিলে, "সে আমি তোমার সঙ্গে ভাগাভাগি করে' নিয়েছি। তোমার বুকে যে বিষটুকু ছিল, একটি প্রাণকে নষ্ট করতে তাই পর্যাপ্ত হত, কিন্তু ছটি প্রাণের পক্ষে তা কিছুই নয়।"

কুমার বললেন, "আমার বাঁধা এত করে'ও কাউকে বোঝাতে পারিনি। তুমি নিজে থেকেই এমন অনায়াসে বুকে কেমন করে'?"

তরুণীর লজ্জারাঙা মুখখানি তার হয়ে উত্তর দিল।

কুমার তখন ছটি হাতকে জোড় করে' কপালে ঠেকিয়ে বলে' উঠলেন, "এই পৃথিবীকে নমস্কার, এই স্নেহে স্নিগ্ধ করণায় করুণ মাটির পৃথিবীকে! ওগো তরুণী, তোমার চোখের দৃষ্টিতে স্নান করে' এই পৃথিবীকে বড় সুন্দর মনে হচ্ছে আজ। এর আঘাতকে, এর বেদনাকে, এর হৃৎখেকে, এর নির্গাতনকে, এর সমস্ত-কিছুকে আজ আমার সুন্দর মনে হচ্ছে। আজ আমার আশা হচ্ছে।— আমার নিজের জন্মে কেবল নয়; এই পৃথিবীর জন্যে, এই পৃথিবীর মানুষের জন্মে আমার আশা হচ্ছে। এই পৃথিবী যে এত সুন্দর, এই পৃথিবীর মানুষ যে এত সুন্দর, এই আমার আশা গো তরুণী!"

গলার সুরে মধু ঢেলে তরুণী বললে, "আচ্ছা, তুমি চুপ করো ত এখন একটু।"

কুমার সুবোধ শিশুর মতো তার সেই স্নেহের শাপন মেনে কিছুক্ষণ চুপ করে' রইলেন, তারপর বললেন, "বাঁপ-মা আমার নাম রেখেছিলেন অশাস্ত, কিন্তু তুমি আমার হার মানিয়েছ। তোমার নামটি কি গো তরুণী?"

তরুণী বললে, "শান্তি!"

কুমারের মুখে হাসি ফুটে উঠল, বললেন, "কোন গুডলায়ে আমাদের নামজটির ঘন বিয়ে হয়ে গেছে, আমরা তার খবরও জানি না।"

তরুণী নত হতে হতে মাটির সঙ্গে যেন মিশে যেতে
চাইল।

আবার একটুকুণ চূপ করে' থেকে কুমার বললেন,
"মামুষের যুগযুগসঞ্চিত ছঃখের সঙ্গে আমি পরিচয় করে'
এলাম, কিন্তু তোমার একফোঁটা চোখের জলকে
তার চেয়ে কত বেশী মনে হচ্ছে। মামুষের ভাঁড়ারভরা
সুখেশ্বৰী, কিন্তু তোমার মুখের একটুখানি হাসিকে তার
চেয়ে কত বেশী মনে হচ্ছে। মামুষ সুখ কাকে বলে চিন্ত
না, ছঃখ কাকে বলে চিন্ত না গো তরুণী!"

আনন্দাক্রমে চোখ ভরে' তরুণী কুমারের গলায় দিলে
পাঁচমিখালী বনফুলের একটি মালা। কুমার তার গলায়
নিজের হাতছাখানি জড়িয়ে দিয়ে তার মুখটিকে কাছে টেনে
এনে তার ফুলের পাপড়ির মতো ছোট্ট ছোট্টহুটিতে দিলেন
অনুরাগ-ভরা ধ্যান-ভরা নিবিড় একটি চুম্বন। পূর্ণিমায়
চাঁদ অলক্ষ্যে কখন বাতায়নের তলায় নেমে এসেছিল, লতার
ঝালর সরিয়ে হঠাৎ ঘরের মধ্যে উঁকি দিয়ে পরম কোঁতুকে
হেসে উঠল।

শ্রীসুধীকুমার চৌধুরী।

মৌন

আমার গোলাপ-গাছটিরে ঘিরে
জানি না কখন উঠেছিল ধীরে
বনের একটি লতা,
বাজেনি সাহানা—আলোর বাহার
হয়নি কিছুই মিলনে তাহার,
উঠেনিক কল-কথা!
বনের একটি লতা,
নীরবে গোপনে মিটেছিল তার
পরানের আকুলতা!

তা'পরে যখন বাগানের মালী
বনলতাটিরে দিয়ে শত গালি
ছিঁড়ে ফেলে দিল দূরে,
তখনও গভীর বেদনা তাহার
উঠিল না করি' কোনো হাটাকার
বিরহ-করণ সুরে!
বনের একটি লতা
তধু মনে মনে সহিল গোপনে
বুক-জোড়া তার বাধা!

"বনফুল"

অচিন পাখী

(লেখক ওকাকুরা)

এ কোন্ নূতন পাখী মোর জানালায়?
বহিয়া তারার আলো আঁখি তারকায়?
শাণিত দৃষ্টির তেজ অন্তর ভেদিয়া
আঁধারের করে অবসান, বিচ্ছেদিয়া
রুদ্ধ প্রাণ রহস্যের করে আবিষ্কার!
অগ্নি ছাতি-সমুজ্জল পক্ষ দুটি তার
দক্ষিণের আকাশের হিরণ্য-প্রভায়,
কণ্ঠস্বরে রাগিনীর মুচ্ছনা ছড়ায়!
আমার নিরালা ঘর ভরি উঠে গানে,
বিফল জীবন ভরে আনন্দের দানে।
নাহি জানি নাম তার, এল কোথা হতে,
অবারিত-আলো-ভরা আকাশের পথে,
কি ব্যর্থতা নিয়ে এল দূর অজানার!
স্বপ্নে যেন ফিরে আসে জীবনে আবার
অতীত নিদাঘস্মৃতি, ফিরে আসে ধীরে
বসন্তের সঞ্জীবনী হেমন্তের তীরে!
উড়িয়া পলাবে পাখী সে ভয়ে দুর্বল
রুদ্ধখাসে বসে আছি, বিষয়ে নিশ্চল!
জানি যাহুকর-জালে পড়িয়াছি ধরা,
মায়ায় আলোকে ধার স্বর্গ আজি ধরা!

শ্রীপ্রিয়বলা দেবী



বাংলা

দরিদ্র দেশের অর্থের অপব্যয়—

বাঙ্গালার মস্তুরী পাঁচহাজারি রইলেন, লুঠ বন্ধ হইল না। বাঙ্গালার ব্যবস্থাপক সভা এ বৎসর বাঙ্গালার মস্তুরীদের মাস মাহিনা ৫০০০ টাকাই বাহাল করিলেন। এক পাইও কমিল না। দেশমাতৃকার জাগার সমান ভাবেই লুঠ হইতে চলিল।

আমেরিকা হইতে দাস-প্রথা উঠাইয়া দিবার পূর্বে ক্রীতদাসদিগকে জিজ্ঞাসা করা হইয়াছিল—তোমরা মুক্তি চাও কি না? তাহাতে অধিকাংশ দাসই বলিয়াছিল,—আমরা এককাল বন্ধ অবস্থাতেই আছি, এই অবস্থার থাকাই আমাদের অভ্যাস দাঁড়াইয়াছে, আমরা মুক্তি বুঝি না, তাই মুক্তি চাইও না।

আমাদের ব্যবস্থাপক সভার সবস্ত্র ও মস্তুরীদেরও এই দাসদিগেরই মত অবস্থা হইয়াছে। দরিদ্র, নিরস্ত্র, অজ্ঞ, কপ, দুর্দল দেশবাসীর অর্থ লুঠনে ইহারা এমন অত্যাচার হইয়াছেন যে, সে যুগিত অভ্যাস ত্যাগ করিতে ইহারা পারিতেছেন না।

দেশবাসী চিরকাল অজ্ঞতা, দারিদ্র্য, অনাভাবে, রোগে, দুর্দলতার আচ্ছন্ন থাকুক—মস্তুরী ৫০০০ টাকা লইবেনই। স্বয়ং লজ্জা ইহাদের কার্য দেখিয়া লজ্জার মুখ লুকাইতেছেন!—হিন্দুস্থান।

স্বাস্থ্যের কথা—

স্বাস্থ্যসমাচার। বাংলা দেশের অনেক জায়গায় কলেরা থেকে মৃত্যুর হার বাড়ছে।

	জানুয়ারীর প্রথম সপ্তাহ	দ্বিতীয় সপ্তাহ
দিনাজপুর	০	২
মালদহ	০	৫
কলিকাতা	৫	১২
বদায়ী	৫	৭
২৪ পরগণা	৩১	৮৬
মুর্শিদাবাদ	৭	১০
ধুলনা	১৯	২৭
বগুড়া	১	৪
পাবনা	৩	৯
ফরিদপুর	১১	১৯

—বিজলী।

হলধর রূপে ম্যালেরিয়া তাড়াও।—বাংলার সাড়ে চারকোটি লোকের মাঝে তিনকোটি লোকই ম্যালেরিয়ার ভোগে আর দশলক্ষ করে লোক বছর বছর মারা যায়। ম্যালেরিয়া নিবারণ করার জন্য কত লোক কত কথাই বলেছেন, দেশের পরীষ লোকদের কত উপদেশই দিয়েছেন; কিন্তু কিছুতেই ম্যালেরিয়ার বিধর্ষিত একটিও ভাঙেনি, সে অপ্রতিহত ভাবেই নরক গুল্মের করছে।

স্বাস্থ্য-বিভাগের বেটলি সাহেব টাকা উড়িয়ে, মশা ঘেরে, কুজির বাণ ছুটিয়ে, কুইনিন বিলিয়ে ম্যালেরিয়ার সঙ্গে লড়াই করছিলেন; শত্রুর বিরুদ্ধে দেখে তিনিও ভড়কে গেলেন। তিনি দেখলেন পানামা হতে ম্যালেরিয়া তাড়াবার জন্য অস্ত্রাস্ত্র খরচ ছাড়া মাথা পিছু চার টাকা খরচ করা হয়েছিল। বাংলা দেশে ততটুকু কাজ করতে হলেই বছরে লাগে আঠার কোটি টাকা। গ্রীষ্মের অধিকরণে কুইনিন বিলি করতে হলে আড়াই কোটি হতে চার কোটি টাকা লাগে। মশারীর ব্যবস্থা করতে হলে আরো বেশী টাকা লাগে; আর পরীর স্বাস্থ্য ভাল করতে হলে বাংলা দেশে কম করেও চয়কোটি টাকা ব্যয় করতে হয়। এত ব্যয়, অথচ বাংলাস্বকারে রেভিনিউ হতে আর মোটে আট কোটি টাকা।

বেটলি বলতে চান যে কুজির উন্নতি করতে হলে পাল খনন করতে হবে এবং জমির ওপর দিয়ে যাতে প্রয়োজনমতে জলের স্রোত বইয়ে দেওয়া যায়, তা ও ব্যবস্থা করতে হবে।

বেশ কথা। কিন্তু এই খাল কাটা ও বান বহাবার টাকা বাংলা পূর্ণমেটের আছে কি? বেটলি সাহেব তাও চিন্তা করে দেখেছেন। কুজির উন্নতি হলে দেশের লোক বেশী স্বাস্থ্য দিতে পারবে। তাহলেই পূর্ণমেটের আয় বাড়বে। আর তার ফলে দেশ ধন-ধান্ডে সুস্থলোকে পরিপূর্ণ হয়ে উঠবে। আমরা কিন্তু বার বার এমন—“কেবলি স্বপ্নন করেছি বপন বাতাসে।”

—বিজলী।

বস্ত্রের কথা—

ভারতে বিদেশী কাপড় বর্জননের ফলে বিলাতের ব্লাকবার্ণ সহরে ২৪০০০ তাঁত বন্ধ রয়েছে। শীঘ্রই আরও তাঁত বন্ধ হবার যোগাড়।

—নবসজ্জ।

বিলাতে কাপড়ের কলের অবস্থা।—বিলাতের লাকেশারারে ৭৫টা কাপড়ের কল আছে। তাহার মূলধন ১২ কোটি ৯০ লক্ষ টাকা। ১৯২১ সালের জুলাই হইতে সেপ্টেম্বর—এই ৩ মাসে—৪৩টা কলে কোন লাভ হয় নাই। দুইটা কল বার্ষিক শতকরা ৫%, একটা ৭%, ১৫টা ১০%, একটা ১১%, দুইটা ১১%, দুইটা ১০%, একটা ১৫%, আটটা ২০% ও একটা শতকরা ২৪% লাভ বিয়াছে। ব্লাকবার্ণ সহরের ২৪০০০ আটাণ হাটার তাঁত অর্থাৎ শতকরা ৩১ ভাগ বরনবস্ত্রগুলি কাজের অভাবে বন্ধ হইয়া গিয়াছে। ১৭ই ডিসেম্বর সংখ্যায় “লাকেশার গার্সিয়ান” বলেন,—বড়দিনের মধ্যেই মেথানকার শতকরা ৫০ ভাগ তাঁত বন্ধ হইয়া গাইবে।—সিম্বলনী।

ভারতের কার্পাস, সূতা ও বস্ত্র।—১৯২১ খৃষ্টাব্দের অক্টোবর মাসের মধ্যে এ দেশে পাঁচ কোটি মস্তুর লক্ষ পাউণ্ড ওজনের সূতা কাটা হইয়াছে এবং তিন কোটি ষাট লক্ষ পাউণ্ড ওজনের বস্ত্র প্রস্তুত হইয়াছিল। পূর্ববর্তী বৎসর এই মাসে সূতা প্রস্তুত হইয়াছিল, পাঁচ কোটি পঞ্চাশ লক্ষ পাউণ্ড ও বস্ত্র হইয়াছিল তিন কোটি বিশলক্ষ পাউণ্ড। সূতরায় দেখা যাইতেছে, সূতা বৃদ্ধি পাইয়াছে শতকরা ২৪, আর কাপড় বাড়িয়াছে শতকরা ১২.৬।

১৯২১ খৃষ্টাব্দের এপ্রিল হইতে অক্টোবর পর্যন্ত সাত মাসে চলিয়া
কোটি ত্রিশ লক্ষ পাউণ্ড সূতা তৈয়ার হইয়াছে, আর বস্ত্র হইয়াছে
চলিয়া কোটি বিশ লক্ষ পাউণ্ড। পূর্ববর্তী বৎসর ঐ সময়ে সূতা
হইয়াছিল তিন লক্ষ ছিদ্দান্তর হাজার একশত ছিব্টি পাউণ্ড, আর বস্ত্র
হইয়াছিল দুই লক্ষ ১৫ হাজার ছয় শত উনশতর পাউণ্ড।

ভারতীয় কার্পাসের রপ্তানি ১৯২১ খৃষ্টাব্দের এপ্রিল হইতে
অক্টোবর পর্যন্ত সাত মাসে হইয়াছে পাঁচ কোটি বাট লক্ষ পাউণ্ড।
১৯২০ ও ১৯২১ খৃষ্টাব্দের ঐ সময়ে তার চেয়ে ঢের কম।

এই যে এত শীঘ্র আমাদের দেশে শিল্প এত উন্নতি লাভ করিয়াছে,
আর তাহার রপ্তানিও অসম্ভাবিত রূপে বাড়িয়া চলিয়াছে, ইহা
বাস্তবিকই আশার কথা, আনন্দের কথা। অস্বাভ্য বিত্তাগেও দেশ-
বাসীদের দৃষ্টি আকৃষ্ট হওয়া উচিত। —এডুকেশন গেজেট।

তুলা ও তুলা বীজ।—আজকাল ভারতের সর্বত্রই তুলাগাছের
চাষ হইতেছে। বাহারি চাষ করিতেছেন তাঁহার উক্ত গাছের উপর
তুলা হইতে বস্ত্র-সমস্তার সমাধান করিবেন ইহাই উদ্দেশ্য। উক্ত ফলের
বীজের সঞ্চয়, বহার বোধায় অনেকই জানেন না। বীজ ঘানির সাহায্যে
পেষণ করিলে যথেষ্ট পরিমাণে তৈল নিঃসৃত হয়। উক্ত তৈল আলো
জালিতে, সাবান প্রস্তুত করিতে এবং আহাধ্য জ্বোর উপকরণ স্বরূপ
সর্বপ তৈলের ও স্থান-বিশেষে যুতের পরিবর্তে নিরাপদে ব্যবহার করা
বাইতে পারে। তা ছাড়া উহার বইল ময়না ও আটার সহিত মিশাইয়া
কুটি, লুচি প্রস্তুত করিয়া খাইলে মাংসের স্তর পুষ্টি ও বল প্রদান
করে। উক্ত-খইল জমিতে উৎকৃষ্ট সারেরও কাণ্ড করে। তুলা-
চাষকারীগণ যেন মনে রাখেন যে তুলা-বীজ নষ্ট করা কর্তব্য নহে, কারণ
অল্প অল্প সংগ্রহ করিয়া রাখিলে উহা তাঁহানিককে একদিন প্রচুর অর্থ
প্রদান করিবে।

শ্রীহর্গাচরণ দাস।
—মেদিনী-বান্দব।

প্রকাশ,—আচার্য্য প্রফুল্লচন্দ্র মহাশয়ের পদাঙ্কানুসরণ করিয়া
চরকা-প্রচারে ত্রুতি হইয়াছেন। তিনি বলেন, আমাদের দেশে চরকাই
একমাত্র মুক্তির উপায়। যদি গ্রামবাসীগণ ৬ মাসের মধ্যে নিজের
হাতে কাটা সূতায় হাতেবোনা কাপড়ে আপনাদের বস্ত্রাভাব দূর
করিতে পারেন, তবে তাঁহার আনন্দের সীমা থাকিবে না। তিনি
সকলকে চরকা ব্যবহার করিতে উপদেশ দেন। তিনি আরও বলেন,
গ্রামের মনোভাব এমন করিতে হইবে যে বিলাতী কাপড় পরিতে
গ্রামবাসীগণ যেন লজ্জা ও অপমান বোধ করে। —বীরভূমবাণী।

দেশবাসীর দৃঢ়তা—

বিলাতী লবণ পরিত্যক্ত।—৩০০ বস্তা লিবারগুলের লবণ পাবনা
জাহাজ-ঘাটে পড়িয়া আছে। কুলী বা গাড়ীওয়ালা কেহই তাহা স্পর্শ
করিতে চাহে না। ধনীরা স্বরাজতাপ্তারে পাঁচ টাকা ও ভবিষ্যত
বিলাতি লবণ আনিবে না বলিয়া ১০০ টাকার বণ্ড দিতে খীকার
করিয়াছিল যদি তাহারাই এইবারের জন্ত মালগুলি উঠাইয়া দেয়।
কুলিরা তজ্জন্ত এক সভা করিয়া স্থির করিয়াছে, যে-কোন-প্রকারেই
হউক না কেন, তাহারাই আর বিলাতি মাল স্পর্শ করিবে না।—জ্যোতিঃ।

উল্লেখযোগ্য দান—

নীরব দান।—আচার্য্য প্রফুল্লচন্দ্র সংবাদ দিয়াছেন, ২২শে জানুয়ারী
কোনও বাঙ্গালী ধনকুবের চরকার উন্নতিকল্পে তাঁহার হস্তে ১৫০০
দান করিয়াছেন। দাতা তাঁহার নাম প্রকাশ করিতে নিষেধ
করিয়াছেন। তাঁহার রাজপ্রাসাদোপম ঘরে পুরমহিলারা চরকা
কাটিতেছেন, সূতা তৈয়ারী করিতেছেন। এসকল সম্রাস্ত ও পদস্থ

ব্যক্তিরা এইভাবে যদি নীরবে দেশের কাজ করেন, তাহা হইলে দেশের
গঠন-কার্য্য অসম্পন্ন হইবার আশা থাকে, পরন্তু দেশবাসী শক্তিসংকর
করিবার ক্ষমতা অর্জন করিবেন। —এডুকেশন গেজেট।

স্তর আশুতোষের দান।—দরিদ্র হিন্দু বিধবাদের সাহায্যের জন্ত
স্তর আশুতোষ চৌধুরী মহোদয় তাঁহার বর্ষীয়া সহধর্মিণী প্রতিভা
দেবীর নামে দুই সহস্র টাকা প্রদান করিয়াছেন। —হিন্দুস্থান।

ব্যবসায়ের নূতন পথ—

খেজুর গুড় ও চিনি তৈয়ারী প্রণালী।—আমাদের এতদধিকলে প্রচুর
খেজুর গুড় তৈয়ারী হয়, কিন্তু চিনি তৈয়ারী প্রণালী সাধারণে জানে
না। সম্প্রতি প্রকাশিত বঙ্গীয় শিল্পবিভাগের “ভাল খেজুর গুড় ও
দোলো চিনি তৈয়ারী করিবার উপায়” শার্কক বিবরণী প্রদত্ত হইল :—

“বাতাসের সঙ্গে নান্য রকম জীবাণু সকল সময় উড়িয়া বেড়ায়।
খেজুরের রস খুব সাবধানে রাখিতে না পারিলে এসকল জীবাণু তাহার
উপর পড়িয়া অনেক ক্ষতি করিয়া দেয়। এজন্য রস হইতে ভাল গুড়
পাওয়া যায় না এবং চিনির ভাগ কম হয়। কয়েকটি উপায়ে এই
ক্ষতি বন্ধ করা বাইতে পারে।

১। প্রত্যেক দিন সন্ধ্যাবেলা রসের কলসী ঝুলাইবার আগে
গাছের কাটা অংশ পরিষ্কার ভাল দিয়া ধুইয়া ফেলিতে হইবে।
করমালিন্ নামক আরকের কয়েক ফোঁটা ঐ জলের সঙ্গে মিশাইয়া
লইতে পারিলে আরও ভাল হয়। ডাক্তারখানার খোঁজ করিলে
এই আরক পাওয়া বাইবে।

২। রসের কলসী আগুনে তাতাইয়া লইবার যে নিয়ম আছে
তাহা না করিয়া কলসীর ভিতরটা মাঝে মাঝে চূণ লেপিয়া
লইলে খুব ভাল ফল পাওয়া বাইবে। এমন কি এরূপ কলসীতে
দিনের বেলায় ওলা রস জড় থাকিলে তাহা হইতেই ভাল গুড়
করিতে পারা বাইবে।

৩। গাছে কলসী ঝুলাইবার সময় তাহার ‘মুখ’ যতটা সম্ভব
সরা বা আর-কিছু দিয়া ঢাকিয়া দেওয়া দরকার। কেবল নল
হইতে কলসীতে রস পড়িবার জন্ত একটু পর্ন্ত রাখিলেই যথেষ্ট।

৪। রস জাল দিবার লোহার কড়াইগুলি খুব পরিষ্কার রাখিতে
হইবে। কোন রকম পোড়া গুড় বা চিনি তাহার গায়ে লাগিয়া
থাকিলে জাল দেওয়া রসের রং কাল হইয়া যায়।

৫। রস জাল দিবার সময় অল্প করিয়া তেঁতুল-গোলা জল তাহার
উপর ছিটাইয়া দিলে খেজুর-গুড় দেখিতে ঠিক কাঁচা সোনার মত
হইবে। কয়েকদিন অভ্যাস করিলেই বুঝা বাইবে কোন্ রসে কতটা
তেঁতুল-জল দেওয়া দরকার।

৬। পাটা-সেওয়া দিয়া চিনি পরিষ্কার করিতে অনেক সময়
লাগে। আজকাল এই কাজের জন্ত একরকম কল পাওয়া যায়
তাহাতে হাড়ের কয়লা ইত্যাদি কিছু ব্যবহার না করিয়াও অতি শীঘ্র
ও অতি সহজে পরিষ্কার চিনি বাহির করা যায়। একজন খণ্ডসারির
পক্ষে এই কল কেনা দুঃসাধ্য হইলেও পাঁচজনে মিলিয়া সম্ভাব্যবস্ত
ভাবে কিনিলে সকলেরই বিশেষ সুবিধা হইতে পারে। এ সম্বন্ধে
বিস্তারিত বিবরণ কলিকাতার ৮৭এ পার্ক স্ট্রীটে ডিরেক্টর অফ
ইণ্ডাস্ট্রিয়াল নিকট লিখিলে জানা যাইবে।

ডি, বি, মীক, ডাইরেক্টর, ৪০এ স্ক্রী স্কুল স্ট্রীট, কলিকাতা।

—নীহার।

বয়ন শিক্ষালয়—

মহিলাদিগকে বয়ন-শিক্ষা শিখা দিবার জন্ত ৪১১ রমানাথ কবি-
রাজের লেব মেমোরিয়ার একটি বিভাগর খোলা হইয়াছে। বাঙ্গালদিগকে

শিকা দিবার জন্য ২১ নং অফিস বস্তুর লেন, ২৫,১ পড়পার রোড, ২৩ নং মুক্তার বাবুর ৪র্থ লেন, ৪১ নং মুকিয়া ট্রিট, ১৪৬ নং বারাগসী ঘোষের ট্রিট ও ৩ নং নিবেদিতা লেনে কেন্দ্র স্থাপিত হইয়াছে।

—আনন্দ-পত্রিকা।

শক্তিমান গণিতজ্ঞ—

শ্রীযুক্ত সোমেশচন্দ্র বসু, উমেশচন্দ্র বসু মহাশয়ের পুত্র। উমেশ বসুর বাড়ী, ঢাকা জেলার বঙ্গবংশীগনী গ্রামে। অকশান্ত্রে সোমেশ-বাবুর অসাধারণ রকমের অধিকার। বড় বড় অঙ্কগুলি ইনি ৫১৭ মিনিটের মধ্যে মুখে মুখে নির্ভুলভাবে করিয়া ফেলেন। কয়েক মাস হইল আচার্য প্রফুল্লচন্দ্র সোমেশ-বাবুকে ইউনিভার্সিটি ইনস্টিটিউটে অঙ্ক বিষয়ে পরীক্ষা করেন। একটি গুণ অঙ্কের সংখ্যা ছিল ৩০টি, সোমেশ-বাবু এ অঙ্কটিকে মুখে মুখে করিয়া, কল যা বলেন তা এই :—

১২১২৩০.৭৫২৮৩৪৩৫১৭৯.৫৩৩.৮০৮.৭৪৮৭৮৯.৯০.৫০.৪৯৫৮৬১

৭৪৬৬২৭৪.৯৩৩৪৪৮

এত বড় অঙ্কটিকে শেষ করিতে সোমেশ-বাবুর সময় লাগিয়াছিল মাত্র ২০ মিনিট। শুদিকে ঠিক এ অঙ্কটিকে শেষ করিতে পাঁচজন প্রশিক্ষিত অঙ্কশাস্ত্রের অধ্যাপকের সময় লাগে, ৪ ঘণ্টা !!

শ্রীমৎস্য ভট্টশালী।

দমন নীতি—

বঙ্গীয় ব্যবস্থাপক সভায় দমন-নীতির দমনের প্রস্তাব গ্রাহ্য হইয়াছে। বঙ্গীয় ব্যবস্থাপক সভায় গতকল্যকার অধিবেশনে অধ্যাপক সতীশচন্দ্র মুখোপাধ্যায়ের দমন-নীতি দমনের প্রস্তাব পরিগৃহীত হইয়াছে। তবে মূল প্রস্তাবটির সংশোধন করিয়া দিয়াছিলেন—কুমার শিবশেখরের রায়। সংশোধিত প্রস্তাবটির মর্ম এই :—বাংলা গবর্নমেন্ট ইস্তাহার জারি করিয়া প্রকাশ্যভাবে সভা করা বে-আইনী বলিয়াছিলেন, এবং কলিকাতার পুলিশ-কমিশনার তাঁহার এলেকায় প্রকাশ্য সভা করা ও মিছিল করা বন্ধ করিয়াছিলেন। গবর্নমেন্টের ও পুলিশ-কমিশনারের এই আদেশ প্রত্যাহার করা হটক। উক্ত দুই আদেশ অমান্ত করিয়া যাহারা কারাধিক হইয়াছে তাহাদিগকে অনিলখে মুক্তি দেওয়া হটক।

এই প্রস্তাবটি ব্যবস্থাপক সভায় ভোটে ফেলা হয়, তখন ৫০ জন ইহার পক্ষে এবং ৩৬ জন ইহার বিপক্ষে ভোট দিয়াছিলেন। গাঁহার বিপক্ষে ভোট দিয়াছিলেন, তাঁহাদের মধ্যে মন্ত্রী সুরেন্দ্রনাথ বন্দ্যোপাধ্যায় ও মন্ত্রী প্রতাপচন্দ্র মিত্র আছেন।—হিন্দুস্থান।

ছেলে ঠাকুরার টাকা দাও। গত সোমবারে বাংলা ব্যবস্থাপক সভায় কর্তৃপক্ষের আবেদন ধরেছিলেন—‘পুলিশের খরচের জন্তে আরও ২,৪২,৪৬২ টাকা চাই। অসহযোগীরা ভীম ভৈরব হাজার ছাড়ছে, শোভাযাত্রা করছে, মিটিং করছে, বস্ত্র তা করছে—রাজ্য প্রায় অরাজক হবার যোগাড় হয়েছে। অতএব হে রাজতন্ত্র নাগরিকগণ! গাঁটের পয়সা খরচ করে আড়াই লক্ষ টাকা তুলে দাও, অসহযোগীদের মাথা ফাটিয়ে শাস্তি রক্ষা করবার জন্তে পুলিশের সংখ্যা বাড়িয়ে দাও, বোড়সওয়ার পুলিশের যোড়া কিনে দাও, তোমাদের ছেলেদের জেলে পাঠাবার জন্তে পুলিশকে মোটর গাড়ি কিনে দাও, মিডিল-গার্ডদের জন্তে চুখিকাঠি কিনে দেওয়া হয়েছে তার দাম দাও।’

রায় হরেন্দ্রনাথ চৌধুরী বললেন—‘এই সেদিন পুলিশের পেটে ২০ লাখ টাকা হয়েছে; আবার এখনি আরও টাকা ঢালতে পাড়া যায় না। নেহাৎ নী ছাড় কিছু কম করে দাও।’

শ্রীযুক্ত ইন্দুভূষণ দত্ত বললেন—‘সরকার বাহাদুরের ঘেন মনে থাকে যে যুধু পুলিশ আর পন্টনের জোরে কোন গবর্নমেন্টই টিতে পারে না। ক্যাম্বলগের ব্যাপার দেখে এটা কি আমরা

শিখিনি যে সন্ন্যাস আর বন্দুকের জোরে শান্তির শৃঙ্খলা স্থাপন করা চলে না?’

সরকার বাহাদুর যে তা শেখেননি তা ত দেখতেই পাওয়া যাচ্ছে। অধিকন্তু আমাদের দেশের ব্যবস্থাপকেরাও তা শেখেন নি। কেন না ভোটেই সময় বেধা গেল যে সরকারী জিন্দই বজায় রয়েছে।—বিজলী।

নারীর উপর অত্যাচার।—সেদিনকার ভবানীপুরের সভায় শ্রীযুক্তা হেমনলিনী দেবী সাংঘাতিকরূপে আহত হন। দেশীয় খবরের কাগজে খবর বাহির হয়, যে পুলিশের ডেপুটি কমিশনার মিঃ কিড এই অত্যাচারের পাণ্ডা। তিনিই তাঁহার হাতের লাঠির দ্বারা ভদ্রমহিলাটিকে ঘায়েল করেন। এই খবর যেই বাহির হওয়া,—সঙ্গে সঙ্গে সরকারী ইস্তাহারেরও আবির্ভাব! সরকার পক্ষ বলেন—‘কিড সাহেব মারেন নি; আর কে যে মেরেছে, তারও কোন পাণ্ডা পাওয়া যাচ্ছে না।’

কি জানি, আমরা অংশ্য জানিনে যে, শ্রীযুক্তা হেমনলিনী দেবীর মাথায় কোন ঘা বা ফুঙ্গুরী ছিল কি না,—তা হলে তা থেকেও রক্ত পড়তে পারে তো।’

‘সার্ভেণ্টে’ বয়েকজন সাক্ষীর জবানবন্দী বেরিয়েছে। তাঁরা শুধু যে প্রত্যক্ষদর্শী তা নয়,—এ ব্যাপারের রসগ্রহণ পর্যন্ত করেছেন। তাঁরা সকলেই একবাক্যে বলেছেন—এ কাণ্ড কিড সাহেবেরই নিজের হাতে সম্পন্ন করা।

আমরা কি আর বলবো—

‘Bid a man go to the কিড।’—বিজলী।

কিড সাহেব সার্ভেণ্ট ও আবৃতবাজার পত্রিকার নামে মানহানির নালিশ করিয়াছেন।

শ্রীমতী হেমপ্রভা আহত।—হরদয়াল নাগ মহাশয়ের পাকাশয়ের প্রদাহ গ্যাঙ্গ্রাইটিস হওয়ায় তাঁহাকে ক্যাথল হাসপাতালে পাঠান হইয়াছে। গত মঙ্গলবার কংগ্রেস আফিস হইতে সত্তর জনকে গ্রেপ্তার করা হইয়াছে।

গত বুধবার পঁচিশ জন খেচ্ছাসেবককে সভা করিতে পাঠান হইয়াছিল। গোলদীঘিতে প্রায় তিন-চার হাজার লোকের ভিড় হইয়াছিল। দুইজনের বক্তৃতা হইবার পর পুলিশ পঁচিশজন খেচ্ছাসেবককে গ্রেপ্তার করে। কিছুক্ষণ পরে শ্রীমতী হেমপ্রভা মজুমদার ও অন্যান্য কয়েকজন মহিলা সভায় উপস্থিত হন। ইহাদের সহিত একজন গুপ্তা মহিলা আসিয়াছিলেন। মহিলারা বক্তৃতা দিতে আরম্ভ করা মাত্র সার্জেণ্টরা সাধারণের উপর লাঠি চালাইতে থাকে। দুই-তিন জন লোক আহত হইয়াছে। শ্রীমতী হেমপ্রভা মজুমদার একটি বালককে রক্ষা করিতে গিয়া বা হাতের কড়িতে লাঠির আঘাত পাইয়াছেন।—হিন্দুস্থান।

গত ২৭শে জানুয়ারী সিরাজগঞ্জের সন্নিহিত সালঙ্গা হাটে খেচ্ছাসেবকেরা পিকেটিংএ গিয়েছিল। পুলিশ আগে থেকেই রণসাজে সজ্জিত হয়ে সেখানে হাজির ছিলেন। বেলা দেড়টার সময় পুলিশ তিনজন খেচ্ছাসেবককে গ্রেপ্তার করে। আর রাইফেলের কুঁদার দিক দিয়ে এই তিনজনকে মারে। ব্যাপার দেখে অনেক লোক সেখানে জমায়েত হয় ও সকলে পুলিশদের এই অশ্রয় আচরণের প্রতিবাদ করে। ফলে আবার কুঁদার প্রয়োগ। ইতিমধ্যে পুলিশদের পায়ে একটি টিল পড়ায়—পুলিশ রাইফেল চালাতে শুরু করে। প্রথমতঃ ফাঁকা আওয়াজ, তার পর গুলী। সঙ্গে সঙ্গে পাঁচ জন মারা গেছে আর ২০০ উপর লোক ঘায়েল হয়েছে। হতাহতের মধ্যে মাত্র সাতজনকে হাসপাতালে নিয়ে যাওয়া হয়েছে। বাধবাকী সব হাটের মধ্যেই পড়ে। খেচ্ছাসেবকেরা তাঁদের সেবাসুপ্রাণা করছেন।

এখানকার মহকুমা ম্যাজিস্ট্রেট চাঁদপুরের কলেঙ্কারী ব্যাপারের সেই বনামধস্ত শ্রীযুক্ত হুশীলকুমার সিংহ। অর্থাৎ লর্ড সিংহের পুত্র।—বিজলী।

টিটাগড় কলে হাস্যামা।—গত বৃহস্পতিবার টিটাগড় ট্যাণ্ডার্ড (পাটের) মিলে গুরুতর হাস্যামা হইয়া গিয়াছে। পুলিশ জনকয়েক কুলি সর্দারকে গ্রেপ্তার করিতে যাওয়াই মূল কারণ। সর্দারদের গ্রেপ্তারে কুলিরা উত্তেজিত হইয়া উঠে এবং তাহার ফলে পুলিশ গুলি চালাইতে আরম্ভ করে। সংবাদে প্রকাশ যে মিলের দুইজন সাহেব সশস্ত্র পুলিশের হস্ত হইতে দুইট রাইফেল্ কাড়িয়া নেন এবং মিলের পায়খানার ছাদে উঠিয়া পলায়মান জনতার উপর গুলি ছুড়িতে থাকেন।

প্রায় ১৫ মিনিট গুলি চলে। তাহার ফলে একজন গুলি খাইয়াই পঞ্চদশ লাভ করে। সাতজন সাংবাদিক আঘাত প্রাপ্ত হয়, তন্মধ্যে একজন বিকালেই মারা যায়। ৪৭ জন হাসপাতালে আছে, ২০০ গর দূরবর্তী পথিকেরাও গুলির আঘাত পাইয়াছে। এই হাস্যামার এক সরকারী তদন্ত হইতেছে। শুক্রবার সকালে হাসপাতালে পুলিশ পাহারা মোতায়েন থাকে। কাহাকেও প্রবেশ করিতে দেওয়া হয় নাই। বাহিরের রোগীরা পর্যাপ্ত ঔষধ পায় নাই।—জনশক্তি।

জেলে অত্যাচার।—ফরিদপুর জেলে যে-সমস্ত রাজনৈতিক বন্দী আছেন, তখায় তাঁহাদের উপর জেলাকর্তৃপক্ষ ও জেল-কর্তৃপক্ষের বড়ই কুনজর পড়িয়াছে। বন্দীদের উপর ভীষণ অত্যাচার চলিতেছে। সম্প্রতি ডাক্তার যতীন্দ্রনাথ মৈত্র, এম-এলসি, স্বয়ং এসম্বন্ধে তদন্ত করিয়া সংবাদপত্রে যে রিপোর্ট প্রেরণ করিয়াছেন, তাহা পাঠ করিলে অশ্রুসংবরণ করা যায় না। যে-সমস্ত পদেশপ্রেমিক আজ দেশের স্বাধীনতা রক্ষা করিতেছেন, তাঁহাদের কাহাকে বহু কয়েদির সামনে প্রায় উলঙ্গ অবস্থায় হাত বাঁধিয়া বেত মারা হইয়াছে। ইহার মধ্যে একজন বিশ্ববিদ্যালয়ের উপাধিকারী আছেন। কাহাকে কাহাকে সন্ধ্যা ছয়টা হইতে প্রাতের ছয়টা পর্যন্ত হাতকড়ি লাগাইয়া রাখা হয়। একরূপ বহু অত্যাচার-অনিচারের কথা ডাক্তার মৈত্রের রিপোর্টে প্রকাশ পাইয়াছে। সরকার পক্ষ এসম্বন্ধে এক ইস্তাহার জারি করিয়া আজ্ঞাপক্ষ সমর্থন করিবার চেষ্টা করিয়াছিলেন। তাহাতে বলা হইয়াছে, এইসমস্ত কয়েদীগণ জেলের নিয়ম ভঙ্গ করিয়াছিল, "সরকার সেলাম" বলিয়া ম্যাজিস্ট্রেট সাহেবকে সেলাম দেয় নাই ইত্যাদি, তাই ইহাদিগকে জেল-আইন অনুসারে শাসন করা হইয়াছে মাত্র। কিন্তু শিক্ষিত রাজনৈতিক বন্দীদের প্রতি বাছিয়া বাছিয়া কেন একরূপ করা হইল তাহার কোন কৈফিয়ৎ সরকার দিতে পারেন নাই। তাই দেশময় নহা অসন্তোষের সৃষ্টি হইয়াছে। ভারতবাসী কেন স্বরাজ চাহে ইহা তাহার প্রমাণ; সুতরাং এসম্বন্ধে অধিক মণ্ডব্য প্রকাশ অনাবশ্যক।—নোয়াখালী-সংবাদিনী।

স্বাধীনতা কামীর জয়বাঁড়া—

শ্রীমতী সাবিজী দেবীর তিন মাস কারাদণ্ড।—গত ২৯শে তারিখে শিলিগুড়িতে দশজন গুর্খা খেচ্চাসেবককে গ্রেপ্তার করা হয়। ইহাদের প্রত্যেকের ছয় মাস কারাদণ্ড সশ্রম কারাদণ্ড হইয়াছে।

শ্রীমতী সাবিজী দেবীর তিন মাস কারাদণ্ড হইয়াছে। সাবিজী দেবী গুর্খা মহিলা।—হিন্দুস্থান।

কামিনীকুমারের পত্নী খেচ্চাসেবিকা।—শিলচরের ২১শে জানুয়ারীর সংবাদে প্রকাশ, এখানে এক সপ্তাহের মধ্যে দশ হাজার লোক খেচ্চাসেবক-শ্রেণীভুক্ত হইয়াছে। শ্রীযুক্ত কামিনীকুমার চন্দ্রের পত্নী খেচ্চাসেবিকা-শ্রেণীভুক্ত হইয়াছেন।—হিন্দুস্থান।

কলিকাতার গ্রেপ্তার।—১৩ই ডিসেম্বর ১৩০ জন ধৃত, ১৭ই তারিখ

১০২ জন গ্রেপ্তার ২৩ জন ধৃত, ১৮ই তারিখ ৪৭০ জন গ্রেপ্তার ৩১০ জন ধৃত, ১৯শে তারিখ ৪০৬ জন গ্রেপ্তার ২৫৫ জন ধৃত, ২০শে তারিখ ৪০৯ জন গ্রেপ্তার ৩২০ জন ধৃত, ২১শে তারিখে ৪০৯ জন গ্রেপ্তার ২২৫ জন ধৃত, ২২শে তারিখ ৪১০ জন গ্রেপ্তার ২৭০ জন ধৃত, ২৩শে তারিখ ৫৫৮ জন গ্রেপ্তার ৪০ জন ধৃত, ২৪শে তারিখ ২৪০ জন গ্রেপ্তার এবং ১২ জন ধৃত হইয়াছেন।—জনশক্তি।

গ্রেপ্তার।—জাতীয় শিক্ষা সঙ্ঘের সেক্রেটারী শ্রীযুক্ত কিরণশঙ্কর রায় বি-এ, বার-এটল মহাশয়কে পুলিশ ১২৪ (ক) ধারার অভিযোগে গ্রেপ্তার করিয়াছে। বাঙ্গালার কথায় বর্ষশেষ নামক একটি প্রবন্ধ লিখাই নাকি তাহার গ্রেপ্তারের কারণ।—বীরভূমবাসী।

পুলিশ এবারে কংগ্রেস কমিটিতে বেড়াইয়া ফলে অধিকাংশ নেতৃস্থানীয় সভ্যদের গ্রেপ্তার করে' নিয়ে গেছে। তাঁদের মধ্যে আছেন—শ্রীযুক্ত হরদয়াল নাগ, শ্রীযুক্ত শশাকজীবন রায়, শ্রীযুক্ত বীরেন্দ্রনাথ সেনগুপ্ত প্রভৃতি। হোমরাচোমরা নেতাদের রেখে খুচরো কর্মীদের ছেড়ে দেওয়া হয়েছে।—বিজলী।

শ্রামস্বন্দরের এক বৎসর।—প্রসিদ্ধ দেশনায়ক শ্রীযুক্ত শ্রামস্বন্দর চক্রবর্তীর বিরুদ্ধে যে নূতন অভিযোগ আনা হইয়াছিল তাহার বিচার-ফলে তিনি এক বৎসরের জন্ত জেলে গিয়াছেন।—খুলনাবাসী।

খেচ্চাসেবক বন্দীদের আটক রাখবার জন্তে দুটো নতুন অস্থায়ী জেলখানা তৈরী হচ্ছে। একটা কাঁকনাড়ার আর একটা চিংড়িখাল দুর্গে। বোধ হয় কেরকারীর প্রথম সপ্তাহ থেকেই বন্দীদের এখানে আনা হবে।—বিজলী।

আইন ভঙ্গ গ্রেপ্তার, বাঙ্গালার ৬৮৪ জন।—ব্যবস্থাপক সভার বৈঠকে হেনরী হইলার প্রকাশ করিয়াছেন যে, কলিকাতা সহরে আইন-ভঙ্গের অপরাধে এ পর্যন্ত ৫,২০৯ জন গ্রেপ্তার হইয়াছে। এবং ৭টি জেলা হইতে ১,৬০২ জন গ্রেপ্তার হইয়াছে।—হিন্দুস্থান।

শিলিগুড়ি ডিসোবিডিংস।—কলিকাতার সিভিল ডিসোবিডিংস আরম্ভ হয়েছে। রাজা যখন প্রচার কন্লেস কেউ ভলেন্টিয়ার সমিতি গড়ে তুলতে পারবে না, তখন দেশের দিক থেকে তার প্রত্যুত্তর স্বরূপে দলে দলে লোকে খেচ্চাসেবক হতে দুটে এল—এখন সহস্র সহস্র লোকে এইজন্ত কারাগার-যন্ত্রণা ভোগ করছে। রাজা আরও প্রচার করেছিলেন কলিকাতায় কেহ সভা-সমিতি করতে পারবে না—তার প্রত্যুত্তরে আজ দেশবাসী প্রতি পার্কে মিটিং করতে আরম্ভ করেছে। গুর্খা, পুলিশ, সার্জেন্ট দলে দলে এই মিটিং ভাঙ্গবার প্রচেষ্টা করলেও মিটিং সর্বত্রই হচ্ছে। একজন বেই বক্তৃতা দিতে দাঁড়ান, অমনি তাঁকে গ্রেপ্তার করা হয়, কিন্তু তারপরে আবার একজন উঠে দাঁড়ান—শেষে মেয়েরা পর্যন্ত একে একে উঠে দাঁড়াতে আরম্ভ করেছেন। এই অজুহাতে প্রায় দুই তিন শত লোককে গ্রেপ্তার করা হয়েছে।

—নবসঙ্গ।

ঢাকার আইনভঙ্গ।—২৯শে জানুয়ারী বেলা প্রায় ৪টার সময়ে ঢাকার করোনেশন পার্কে সভা হইবে বলিয়া সহরময় ঢেঁড়া পিটাইয়া দেওয়া হয়। পুলিশ-পূর্ব হইতেই পার্কের কটক বন্ধ রাখিয়াছিল। একজন পার্কের দক্ষিণ পশ্চিমে নদীর ধারে সভা হইয়াছিল। প্রায় ১৫ হাজার লোক সভায় যোগ দিয়াছিল। প্রথমে সভাপতি শ্রীযুক্ত অবনীমোহন বল্লোপাধ্যায় একটি কাঠের বাস্তুর উপর দাঁড়াইয়া বক্তৃতা আরম্ভ করেন। তখনই ম্যাজিস্ট্রেট সহলবলে সেখানে গিয়া তাঁহাকে সভা ভঙ্গ করিতে বলেন। কিন্তু তিনি অস্বীকার করিলে তাঁহাকে গ্রেপ্তার করা হয়। তাহার পর দুইজন বক্তাকে গ্রেপ্তার করা হয়। পরে প্রত্যেক বক্তা বক্তৃতা করিতে উঠিতে গেলে জোর করিয়া বসাইয়া দেওয়া হয়। ইতিমধ্যে কংগ্রেসের নির্দিষ্ট সময়

শেষ হওয়ার সভ্য বন্ধ হয়। সার্কেটরা করেকজন জোতাকে জোর করিয়া সভ্যত্ব হইতে বাহির করিয়া দিয়াছিল। —হিন্দুস্থান।

তেজপুরে আইন জঙ্গ, খাজনা দিব না।—কংগ্রেসের কার্যকারী সমিতির নির্দেশ অমুসারে আসাম প্রদেশকে আইন-অমান্তকারী প্রদেশসমূহের মধ্যে ধরা হয় নাই। কিন্তু স্থানীয় অসহযোগীগণের উদ্যোগে জনসাধারণের মধ্যে আইন অমান্তের ভাব বিস্তার লাভ করিতেছে। তাহারা সরকারী টেক্স বন্ধ করিয়া দিতে উদ্যত হইয়াছে। মৌজাদারগণের উপর টেক্স আদায়ের ভার। কিন্তু হলেখর মৌজাদার মৌজাদারগণ প্রজাগণের নিষ্কট নানারূপ কাকুতি-মিনতি করিয়াও টেক্স আদায় করিতে পারে নাই। এখন তাহারা এবিষয়ে কতৃপক্ষকে জানায়। বিভাগীয় কমিশনার মিঃ এলেন ঐসকল প্রদেশে গমন করিয়া দেখেন, অবস্থা বড় সুবিধা নহে। তিনি রায়তগণকে আইন-অমান্তের পরিণাম বুঝাইয়া দেন, কিন্তু জনসাধারণ তাহার কথায় জ্রাক্ষেপ না করিয়া অচল অটল থাকে। এখন কমিশনার গুর্খা ফৌজ পাঠান। গুর্খা কুচকাওয়াজ করিয়া হলেখর মৌজাদার ভিতরে পরিভ্রমণ করে। কিন্তু গুর্খাদের এসব কুচকাওয়াজে লোকে ভীত হয় নাই।—হিন্দুস্থান।

সংসাহসের নিদর্শন—

সিরাজগঞ্জের বড় দারোগা মৌলবী আবুল হোসেন গবর্নমেন্টের পৌড়ন-নীতির প্রতিবাদ স্বরূপ তাঁর কাছে ইন্তুখা দিয়েছেন। মহকুমা ম্যাজিস্ট্রেটের হুকুমে যদিও সভা হয় নি, কিন্তু সিরাজগঞ্জবাসী আপন আপন ঘর-বাড়ী আলো দিয়ে মাজিরে মৌলবী সাহেবকে অভিনন্দিত করেছিলেন।—বিজলী।

দেশহিতকর সম্মোপযোগী অনুষ্ঠান—

জনসাধারণ রক্ষা সমিতি :—শ্রীযুক্ত ব্যোমকেশ চক্রবর্তীর তত্ত্বাবধানে ঐ সমিতি গঠিত হয়েছে। দেশে বত মার-ধর, অবিচার অত্যাচার হয় সে-সম্বন্ধে সভ্য সংবাদ প্রচার করা আর তার প্রতিকার করবার চেষ্টা ঐ সমিতির উদ্দেশ্য। সমিতির অনুরোধ, যেন সকলে পুলিশ, পণ্টন, নিউজ-পার্ট বা জেলের কর্মচারী, যে কেউ অত্যাচার ও অবিচার করবে সে-কথা সমিতির সম্পাদক শ্রীযুক্ত এন, সি, সেনকে জানান। সমিতির কার্যালয়ের ঠিকানা ৯৮ নং বেলতলা রোড, কালীঘাট।—বিজলী।

সেবক।

ভারতবর্ষ

মালবীর কনফারেন্স—

গত ১৪ই এবং ১৫ই জানুয়ারী বোম্বাইসহরে সমন্বয় বৈঠকের অধিবেশন হইয়া গিয়াছে। এই সভায় বিভিন্ন প্রদেশের নানা সংপ্রদায়ের প্রায় ৩০০ নেতাকে আহ্বান করা হইয়াছিল। তাঁহাদের ভিতর প্রায় ২৫০ জন সভার যোগদান করিয়াছিলেন। সভার উদ্দেশ্য ছিল গবর্নমেন্ট এবং অসহযোগপন্থী এই উভয়দলের সম্মান বজায় রাখিয়া দেশের রাজনৈতিক সমস্যা সমাধানের উপায় নির্দেশ করা। সভাপতির আসন অলঙ্কৃত করিয়াছিলেন শ্রী শঙ্করন নাথার। কিন্তু মহাত্মা গান্ধীর সর্বসমূহ মিটমাটের পরিপন্থী মনে করিয়া সভার কাজ শেষ হইবার পূর্বেই তিনি সভা ত্যাগ করেন। তাহার পর সভাপতির আসন গ্রহণ করিয়াছিলেন শ্রী বিবেকরায়রায়।

সভার নিম্নলিখিত প্রস্তাবগুলি গৃহীত হইয়াছে—

(১) কত্রেক সভা হ ধরিয়া গবর্নমেন্ট দেশের মানা স্থানে ফৌজদারী

সংসার আইন এবং সভ্যবন্ধ আইন জারি করিয়াছেন; তাহার কলে দলে দলে লোক জেলে প্রেরিত হইতেছে। বহু সম্মানিত জন-নায়কেরাও বাদ পড়িতেছেন না। ইহাতে লোকের ন্যায়িক স্বাধীনতা সংবাদপত্রের স্বাধীনতা, বক্তৃতা দিবার এবং সভা করিবার অধিকার প্রভৃতি ব্যাপারে হস্তক্ষেপ করা হইয়াছে। তাহা ছাড়া যে উদ্দেশ্যে এই দমননীতি অবলম্বন করা তাহাও ব্যর্থ হইয়াছে। গবর্নমেন্ট দেশবাসীর সহায়ভূতি হারাইয়াছেন এবং লোকের অসংখ্য ঝুঁকি পাইতেছে। সুতরাং অবিলম্বে গবর্নমেন্টের এই দমননীতি পরিহার করা কর্তব্য।

(২) যতদিন একথা নিঃশব্দে গুমিতে পারা না যাইবে যে দেশ-বাসীর অভাব-অভিযোগের প্রতিকার এবং পূর্ণ দায়িত্বমূলক শাসন-পদ্ধতি লাভের আর কোন উপায় নাই, ততদিন আহ্বানবাদ কংগ্রেসের পরিকল্পিত আইন-অমান্ত নীতি গ্রহণ করা কিছুতেই সম্ভব হইবে না।

(৩) গত ২১শে ডিসেম্বর লর্ড রেডিং কলিকাতার বক্তৃতায় যে মনোভাব প্রকাশ করিয়াছিলেন তাহার প্রতি লক্ষ্য রাখিয়া কাজ করিতে হইলে পাঞ্জাবের অত্যাচার, খেলাফৎ-সমস্যা এবং স্বরাজ—এই বিষয়-গুলি সম্বন্ধে সামঞ্জস্য ও সম্মান-সহকারে মীমাংসার উপায় উদ্ভাবন করিতে হইবে। সেজন্য দেশবাসীর প্রতিনিধিদের সহিত গবর্নমেন্টের মিলিত হইয়া পরামর্শের প্রয়োজন আছে। আলোচ্য বিষয় সম্বন্ধে ধীর ও স্থিরভাবে বিচার করিতে হইলে দেশের অবস্থা উত্তেজনাহীন হওয়া আবশ্যিক। সুতরাং সেজন্য ফৌজদারী সংস্কার এবং রাজস্ব-হজনক-সভ্য-বন্ধ আইন অমুসারে যে সব আদেশ প্রদত্ত হইয়াছে গবর্নমেন্টকে তাহা প্রত্যাহার করিতে হইবে। তাহা ছাড়া উক্ত আইনের বলে যাঁহারা দণ্ডিত অথবা অভিযুক্ত হইয়াছেন তাঁহাদিগকে মুক্তি দিতে হইবে। ফতোয়া-সংক্রান্ত ব্যাপারে যাঁহারা কারারুদ্ধ হইয়াছেন তাঁহাদিগকেও বন্দী করিয়া রাখা চলিবে না। গবর্নমেন্টের পক্ষের একজন এবং এই পরামর্শ বৈঠকের মনোনীত একজন সদস্য এই দুইজন লইয়া এক বৈঠক বসিবে। এই বৈঠক মামলা সংক্রান্ত কাগজপত্র আলোচনা করিয়া যে-সমস্ত কয়েদীকে ছাড়িয়া দিতে বলিবেন তাহাদিগকে ছাড়িয়া দিতে হইবে। অপরপক্ষে কংগ্রেসের দিক হইতে এই কমিটি শেষ সিদ্ধান্ত প্রকাশ না করা পর্যন্ত হস্তান্তর পিকেটিং এবং আইন-অমান্ত বন্ধ রাখিতে হইবে।

(৪) দেশের বর্তমান অবস্থার গুরুত্ব বোঝাপ তাহাতে মিটমাটের বিলম্ব হওয়াটা কিছুতেই বাঞ্ছনীয় নহে এবং অনতিবিলম্বেই পরামর্শ-সভা বসি আবশ্যিক। সেজন্য সম্মোপযোগী গবর্নমেন্ট যেন রাজপ্রতিনিধিকে যথাযোগ্য অধিকার প্রদান করেন।

(৫) পাঞ্জাবের অত্যাচার, খেলাফৎ সমস্যা এবং স্বরাজের সম্বন্ধে দেশবাসী কোন্ কোন্ দাবী পেশ করিবেন সে বিষয়ে বিস্তারিত আলোচনা না করিয়া এই কনফারেন্স প্রস্তাবিত পরামর্শসভার আয়োজনের জন্ত একটি কমিটি গঠন করিতেছেন। তাহারা উভয় পক্ষের প্রতিনিধিদের সংখ্যা, অধিবেশনের দিন ইত্যাদি ঠিক করিবেন, এবং গবর্নমেন্ট ও দেশের প্রধান প্রধান রাজনৈতিক প্রতিষ্ঠানসমূহের সহিত পরামর্শসভার পরিচয় করিবেন। এই কমিটির উপর আবশ্যিকীয় সকল কার্যের ভার থাকিবে। নিম্নলিখিত ব্যক্তিগণ কমিটির সদস্য নির্বাচিত হইয়াছেন—শ্রী বিবেকরায়রায়, পণ্ডিত মনমোহন মালবীর, শ্রীযুক্ত শেখগিরি আমার, শ্রী প্রফুল্লচন্দ্র রায়, শ্রীযুক্ত জিমা, শ্রীযুক্ত জয়াকর, শ্রী দীনশ্যাম এম্ পেটিট, শ্রী এইচ ওয়াদিয়া, মিঃ সি আর রেডিং, শ্রীযুক্ত এস সত্যমূর্ত্তি, অধ্যাপক এস সি মুখোপাধ্যায়, মিঃ জোসেফ ব্যাপ্টিস্টা, শ্রীযুক্ত রায়জানা ভাটরাম, শ্রীযুক্ত ভার্গবী, শ্রীযুক্ত বি চক্রবর্তী, মিঃ এইচ এম গৌর, পণ্ডিত এইচ কৃষ্ণক, শ্রীযুক্ত কে নটরাজন, মিঃ হাসান ইমাম, এবং পণ্ডিত মোকর্নাথ মিশ্র।

যে উদ্দেশ্য লইয়া এই বৈঠক বসিয়াছিল, ইহার কর্তৃ-পক্ষটিকে বিশ্লেষণ করিয়া দেখিলে তাহা ব্যর্থ হইয়াছে একমুখে পরিবার কোন কারণ নাই। আমরা মাঘমাসের 'প্রবাসী'তে বলিয়াছিলাম, গবর্নমেন্ট এই পরামর্শ-সভার উপদেশ গ্রহণ না করিলেও এই কনফারেন্সের ফলে সমস্ত বিভিন্ন রাজনৈতিক দলের নেতারা যদি একমুখে হইতে পারেন তবে তাহাই পরম লাভ। দেশের নেতাদের মতের ভিত্তর যে খণ্ডে একা প্রতিষ্ঠিত হইয়াছে তাহা অস্বীকার করা যায় না। স্মরণ শঙ্করন নাথার পথভ্রাণের দ্বারাও তাহা স্মরণ হয় মাই। কারণ এই পদভ্রাণ যেমন আকস্মিক তেমনি অর্থোক্তিক। ইহার পর স্মরণ শঙ্করন নাথার আমলাতন্ত্র ছাড়া আর কোনোদলের প্রতিনিধি একথা হয়তো আর কোনো সপ্রদায়ই স্বীকার করিবেন না। স্মরণ শঙ্করন নীর্বপত্র লিখিয়া আপনাকে সমর্থন করিলেও তিনি আজ ভারতের সকল সপ্রদায়ের জনসাধারণের সহানুভূতি হইতে বঞ্চিত হইয়াছেন। বিভিন্ন সপ্রদায়ের প্রায় সমস্ত প্রতিনিধিই একথা একবাক্যে স্বীকার করিয়াছেন যে, গবর্নমেন্টের পৌড়ননীতির কোনো কৈফিয়ৎ নাই। তাহা সমগ্র জাতির পক্ষে অপমানকর এবং তাহাই দেশের মাথার উপর অকল্যাণ ও বিপদের মেঘ গাঢ় ও আসন্ন করিয়া তুলিতেছে। গবর্নমেন্ট নেতাদের এই অত্যন্ত অস্পষ্ট কথায় কান দিবেন কি না তাহা আমরা জানি না, তবে দিলে যে ভালো করিবেন তাহাতে সন্দেহ নাই। এই যে মতের ঐক্য ইহাকে কোনমতেই উপেক্ষা করা চলে না।

কংগ্রেস কমিটি—

বোম্বাইয়ের সমন্বয়-বৈঠকের পরিগৃহীত প্রস্তাবগুলি সম্বন্ধে আলোচনা পরিবার জন্ম গত ১৭ই জানুয়ারী বোম্বাই সহরেই নিখিল ভারত কংগ্রেস কমিটির কাযনির্বাহক সমিতির এক অবিবেচন হইয়া গিয়াছে। মহাত্মা গান্ধী এই অবিবেচনে সভাপতির আসন গ্রহণ করিয়াছিলেন। সভার নিম্নলিখিত প্রস্তাবটি গৃহীত হইয়াছে।—

বর্তমান সমস্তা সম্বন্ধে আলোচনা করিবার ক্ষমতা দেশের বিভিন্ন রাজনৈতিক সপ্রদায়ের নেতাদিগকে লইয়া সভা করার জন্ম এই সমিতি পণ্ডিত বদনমোহন মালবীর এবং উহার অধ্যক্ষ উদ্যোগীদিগকে ধন্যবাদ প্রদান করিতেছেন। পরামর্শ-সমিতির প্রস্তাব অনুসারে আগামী ৩১শে জানুয়ারী পর্যন্ত আইনসভার কংগ্রেসের পরিকল্পিত আইন-অমাত্ত-নীতি অবলম্বিত হইবে না। কিং 'রাউণ্ড টেবুল কনফারেন্স' সফল করিতে হইবে—

(১) জলাধিকার দলকে বে-আইনী বলিয়া গবর্নমেন্ট যে আইন জারি করিয়াছেন তাহা তুলিয়া লইতে হইবে, সভাসভার আইন প্রত্যাখ্যান করিতে হইবে, এই-সমস্ত আইন অনুসারে বাহারা কারাদণ্ডিত হইয়াছেন তাহাদিগকে ছাড়িয়া দিতে হইবে।

(২) ধৃতোয়া বাহির করার অপরাধে বাহারা দণ্ডিত হইয়াছেন, অর্থাৎ অলিভাতায় এবং তাহাদের সঙ্গীগণকে মুক্তি দিতে হইবে।

(৩) নিরুপদ্রব অসহযোগ বা অস্ত্রাশ্রয় নির্দোষ কাজের জন্ম বাহাদিগকে অস্ত্রযুক্ত করিয়া হাজতে রাখা হইয়াছে অথবা বাহাদিগকে ইতিপূর্বেই কারাদণ্ডে দণ্ডিত করা হইয়াছে তাহাদের সকলকেই ছাড়িয়া দিতে হইবে।

(৪) গবর্নমেন্ট যদি এই-সকল ব্যবস্থা মানিয়া লন এবং 'রাউণ্ড টেবুল কনফারেন্স' যদি আহত হয় তবে কনফারেন্স শেষ না হওয়া পর্যন্ত হস্তান্তর, পিকিটিং ও অস্ত্রাশ্রয় আইন-অমাত্ত নীতির অনুসরণ বন্ধ রাখা হইবে।

কংগ্রেসের দাবী সবক্কে বাহাতে কোনরূপ ভুল ধারণা জন্মিতে না

পারে সেজন্য এই কার্য-নির্বাহক-সমিতি মালবীর পরামর্শ-বৈঠকের দ্বারা নিযুক্ত কমিটির দৃষ্টি খেলাফৎ-সমন্বয়, পাঞ্জাব-অস্ত্রাশ্রয় এবং বরাজ, এই তিনটি বিষয়ের প্রতি আকর্ষণ করিতেছেন। এই বিষয়গুলির সম্পর্কে কংগ্রেস যে কি চাহেন তাহা ইতিপূর্বেই মাঝে মাঝে কংগ্রেসের বক্তৃতামঞ্চ হইতে প্রকাশ্য-ভাবে বলা হইয়াছে।

কংগ্রেস যে মিটমাটের অপক্ষপাতী নহেন কংগ্রেস কমিটির উপরোক্ত প্রস্তাবটি হইতেই তাহা বোঝা যায়। অন্ততঃ মিটমাটের জন্ম কংগ্রেস তাহাদের কার্যপদ্ধতি অনেকটা সঙ্কুচিত করিয়া আনিয়াছেন তাহাতে সন্দেহ নাই। সুতরাং দেশের এংগ্রেস ইন্ডিয়ান কাগজগুলি এবং আমলাতান্ত্রিকেরা কংগ্রেসের বেপরোয়া দাবীর যে ধূমটি ধরিয়াছেন তাহা একেবারেই ভিত্তিহীন। পণ্ডিত হৃদয়নাথ কুঞ্জর স্বচ্ছাসেবক সংগ্রহের কার্যটি বন্ধ থাকিবে না এই অজুহাতে সমন্বয়-সমিতির সহিত সংগ্রব পরিহার করিয়াছেন। মোট কথা, কংগ্রেস নিজের সম্মান বজায় রাখিয়া যে সর্বগুলি উপস্থিত করিয়াছেন এবং মীমাংসার জন্ম কংগ্রেস যতটা তাগ স্বীকার করিয়াছেন, বিভিন্ন সপ্রদায়ের নেতারা তাহা অস্ত্রায় বলিয়া মনে করেন নাই;—সম্ভবতঃ কোনো নিরপেক্ষ লোকই তাহা করিবেন না। অন্ততঃ কংগ্রেস যেটুকু করিয়াছেন গবর্নমেন্টের তরফ হইতে সেটুকুও পাওয়া যায় নাই একথা জোর করিয়াই বলা চলে।

মাদ্রাজের হাঙ্গামা—

ইংলণ্ডের যুবরাজের মাদ্রাজ-পরিদর্শন-ব্যাপার নির্বিবাদে শেষ হয় নাই। সেখানেও বোম্বাই হাঙ্গামার একটা পুনরুত্থান হইয়া গিয়াছে। এই হাঙ্গামার পাঁচ-ছয়জন লোক নারা পড়িয়াছে এবং আহত হইয়াছে অনেকে। আর্থিক ক্ষতি খুব বেশী হয় নাই। ইংলণ্ডের যুবরাজকে অভ্যর্থনা পরিবার জন্য যে সমস্ত ভোরণ নির্মিত হইয়াছিল দাস্তা-কারীরা তাহার কঠকগুলি ভাঙ্গিয়া পোড়াইয়া তচনচ্ করিয়া দিয়াছে। তবে অধিকাংশ স্থলেই কাঁচের দরজা-জানালা ভাঙ্গার উপর দিয়াই ব্যাপারটির পরিসমাপ্তি ঘটয়াছে।

এই হাঙ্গামার উৎপত্তি সম্বন্ধে খণ্ডে মন্তব্য আছে। এক দল বলিতেছে এটা অসহযোগীদেরই ব্যাপার। তাহারাই ইংলণ্ডের যুবরাজের অভ্যর্থনা পণ্ড করিবার জন্য যাহারা অভ্যর্থনার আসরে যাইতে-ছিল তাহাদের উপর টিল ছুড়িতে থাকে এবং তাহার পর হইতেই দাস্তা শুরু হয়। আর এক দল বলিতেছেন, এই ব্যাপারের সহিত অসহযোগ আন্দোলনের কোনই সম্পর্ক নাই। রাস্তার ছোট ছোট বালকেরা নিজেদের স্বভাবসুলভ চপলতা-বশতঃ ইট-পাটকেল ছুড়িয়াছিল—তাহারাই জের আসিয়া পড়াইয়াছে এতখড় একটা হাঙ্গামার। স্মরণ শের রবিন্দ্রন ইংলও হইতে যুবরাজের সহিত ভারতবর্ষে আসিয়াছেন। তিনি বলিয়াছেন, "যতটা সংবাদ পাওয়া গিয়াছে তাহাতে প্রকাশ দাস্তাকারীদের প্রায় সকলেই বালক এবং আমি নিজে এই বালক দাস্তাকারীদের দেখিয়াছি।"

বালকদের পক্ষে একমুখে চপলতা প্রকাশ কিছুমাত্র অস্বাভাবিক নহে। এই কলিকাতা সহরেও অত্রেক সময় দেখা যায়, একমুখে সার্জেন্ট পুলিশ রাস্তা দিয়া যখন চলিয়াছে হঠাৎ তাহাদের ভিত্তর ছুই চারিটা টিল আসিয়া পড়ে। এ টিল ছোড়ে বালকের দল অস্ত্রাশ্রয় লুকায় থাকিয়া। এই টিল ছোড়ার ফল সমস্ত-বিশেষে সঙ্গী হইয়া উঠা কিছুমাত্র বিচিত্র নহে। সার্জেন্টরা যদি এই-সব ব্যাপার উপেক্ষা না করিয়া পথের লোককে ধরিয়া ঠেসানো শুরু করিয়া দেয় তবে তাহা দাস্তার পরিণত হইতে বিশেষ সময়ের প্রয়োজন হয় না। মাদ্রাজের হাঙ্গামাও হয়তো সেই রকমের ধারণার হইতে উদ্ভূত।

সে বাহাই হটক, দেশের সব লোককে নিজেদের বলভুক্ত করিয়া লওয়া যদি অসহযোগীদের পক্ষে একান্তই সম্ভবপর না হয় তবে বাহারা বিপক্ষ-মলভুক্ত তাহাদের উপর বাহাতে কোনরূপ অত্যাচার না হয় তাহার ব্যবস্থা আত্মনির্গত করিতেই হইবে।

ইংলণ্ডের বুবারাজের আগমনের দিনই মাদ্রাজে আরো একটি বড়-রকমের দাঙ্গা হইয়া গিয়াছে। এ হাঙ্গামা বাধিয়াছিল আদি-জাতিদের সহিত উচ্চাভিমানী হিন্দুদের। হাঙ্গামা খামাইবার অস্ত্র পুলিশকে মস্তান ব্যবহার করিতে হইয়াছিল। মস্তানের গোঁচার ছয়জন লোক আহত হইয়াছে। এ হাঙ্গামার কারণ সম্বন্ধেও মতভেদ আছে।

মাদ্রাজের পঞ্চম জাতিরাই বর্তমানে আদি-জাতি নাম পরিগ্রহ করিয়াছে। এই পঞ্চম জাতির উপরে হিন্দু-সমাজ এতদিন ধরিয়া যে অত্যাচার করিয়াছে তাহা যেমন অমানুষিক তেমন অপমানকর। কেবলমাত্র মাদ্রাজে নহে, অন্যান্য নামে অপমানিত জাতির প্রতি হিন্দুজাতির এই অনুরোধ ব্যবহার হিন্দুস্থানের সর্বত্রই সুপরিষ্কৃত। সুতরাং উচ্চাভিমানী হিন্দুদের প্রতি এই অনুরোধ সম্প্রদায়ের একটা বিষয় ও অবিখ্যাস সর্বগত হইয়া পড়িয়াছে। ফলে, ভালোই হোক আর মন্দই হোক কোনো ব্যাপারেই এই এতবড় একটা সম্প্রদায়ের সাহায্য এবং সহানুভূতি লাভ করা হিন্দুদের পক্ষে তেমন সহজ হয় না। কংগ্রেস অবশ্য এই অস্পৃশ্যতার দোষটা দূর করিতে চেষ্টা করিতেছেন। কিন্তু সে চেষ্টা আরো আন্তরিক—আরো ব্যাপক হওয়া উচিত। নতুবা একপ দাঙ্গা-হাঙ্গামা হামেশাই হইবে এবং দেশবাসীর ভিতর একতা না থাকিলে তাহার যে অবশ্যপ্রার্থী দুঃখ তাহাও আমাদিগকে ভোগ করিতেই হইবে।

কর-বন্ধের আয়োজন—

গুটরে কংগ্রেসের নির্দেশানুসারে আইন-অমান্য-নীতি অনুসৃত হইতেছে। সেখানকার অধিবাসীরা হির করিয়াছেন, তাহার খাজনা জলকর প্রভৃতি দিবেন না; পঞ্চায়েৎ প্রভৃতি গ্রাম্য কর্মচারীর পদও তাহার পরিত্যাগ করিতেছেন। গত ১৪ই জানুয়ারী পঞ্চাশত সেখানে যে টাকা আদায় হইয়াছে তাহারও একটা হিসাব কংগ্রেস কমিটির সেক্রেটারী খবরের কাগজে প্রকাশ করিয়াছেন। আমরা হিসাবটা এখানে তুলিয়া দিলাম।

বাপটিল তালুক—খাজনা দুই লক্ষ টাকা; আদায় মাত্র এক-হাজার চারিশত টাকা।

নরসারা তুপেট তালুক—খাজনা দেড় লক্ষ; আদায় মোট একহাজার একশত।

সাটেন পল্লী তালুক—দেড় লক্ষের স্থানে দেড় হাজার টাকা আদায়।

রোপালী তালুক—দুই লক্ষ টাকা খাজনার ভিতর মাত্র ছয় হাজার টাকা আদায়।

পবনেন্ট নানা উপায়েই ইহার প্রতিকারের চেষ্টা করিতেছেন। বাহারা কর দেওয়া বন্ধ করিবে তাহাদের সম্পত্তি চটপট নীলামে চড়াইবার নুতন আইনের ব্যবস্থা করা হইতেছে। তাহা ছাড়া যে-সমস্ত স্থানে আইন-অমান্য-নীতি অনুসৃত হইবে সেইসব স্থানে প্রজাদের খরচে অতিরিক্ত পুলিশ মোতায়েন করা হইতেছে। সম্পত্তি বাজেয়াপ্তের অস্ত্র একটা দিন হির করা হইয়াছে। সেই দিনের ভিতর খাজনা বাহারা দিবে তাহাদিগকে অতিরিক্ত পুলিশের ব্যয়ভার বহন করিতে হইত না। কর-অনাদায়ী প্রজার যে-সব সম্পত্তি সরকারে বাজেয়াপ্ত হইবে তাহা নীলামে ধরিত্ত করিবার লোক যদি পাওয়া না

যায় তবে পবনেন্ট সেই-সব সম্পত্তি খাসে আনিয়া পতিতমস্ত জাতিদের ভিতর তাহা বিতরণ করিবেন। গুটরে গোরামৈস্ত, সিপাহী, রিজার্ভ-পুলিশ, 'মেশিন গান' আমদানী করা হইয়াছে।

সীতামাটী—মঙ্গলপুর জেলার সীতামাটী থানার এলাকাভুক্ত স্থানগুলিতে ছয় মাসের অস্ত্র পিটুনি পুলিশ নিগূহ করা হইয়াছে। এই অতিরিক্ত পুলিশ রাখিবার অস্ত্র প্রায় পঁচিশ হাজার টাকা খরচ পড়িবে। এ খরচ আদায় করা হইবে সীতামাটী থানার অধিবাসীদের নিকট হইতেই। এই ব্যবস্থার কৈফিয়ৎ স্বরূপ পবনেন্ট ঘোষণা করিয়াছেন, সীতামাটীর অধিবাসীরা অসহযোগ ব্রত গ্রহণ করিয়া কর্তৃপক্ষকে মানিতেছে না, জন-সাধারণকে পবনেন্টের কর বন্ধ করার অস্ত্র উৎসাহিত করিতেছে, অনেকে চৌকিদারী টোয়া দেয় নাই, বিচারাধীন আসামীরা ম্যাজিস্ট্রেটকে অপমান করিতে কিছুমাত্র কসুর করিতেছে না, দণ্ডপ্রাপ্ত অসহযোগীরা জেলে অস্ত্র বন্দীদের ভিতর অবাধ্যতা প্রচার করিতেছে; ফলে জেলের মধ্যে নিয়মানুভূতি থাকিতেছে না। এই একস্থানে পিটুনি পুলিশ বসাইয়া যদি ফল না হয় তবে অস্ত্রাস্ত্র থানাতেও এই ব্যবস্থা অবলম্বিত হইবে।

রংপুর—রংপুরেও নাকি রায়তেরা চৌকিদারী টোয়া দিতে চাহিতেছে না। তাহা ছাড়া জমীর খাজনা ভিন্ন জমিদারদিগকে তাহার উঠবন্দী আবওয়াব প্রভৃতি বাবদ এক পরমাণু দিবে না, একথাও নাকি স্পষ্টভাবেই বলিয়া দিয়াছে। অসহযোগীরা বলিতেছেন, তাহার সকলরকমের টোয়াই বন্ধ করিতে চান—এসব তাহারই আয়োজন।

আসামের তেজপুর হইতেও পবর পাওয়া গিয়াছে। এই ধরণের বিদ্রোহ প্রজাদের ভিতর অত্যন্ত সুস্পষ্ট হইয়া উঠিয়াছে।

বরদলীতেও আইন অমান্যের আয়োজন চলিতেছে।

এই শক্তি-পরীক্ষার ব্যাপারটাতে ভুল হওয়া অসম্ভব নয়। কারণ উত্তেজনার মুহূর্তে নিজের শক্তিকে বড় করিয়া দেখা মানুষের পক্ষে একান্তই স্বাভাবিক। সুতরাং এই ভুলটা যাহাতে না হয় সেজন্য এই বহুবিপদের পথটায় পদাঙ্গণ করিবার যুগ্ম নেতাদের একবার মহে হাজারবার করিয়া আপনাদের সংগম শক্তি সহিষ্ণুতা প্রভৃতি খাটাই করিয়া লওয়া উচিত।

রাজনৈতিক বন্দীদের প্রতি বেত্রাঘাত—

'হাকিকত' নামক সংবাদপত্র পবর দিয়াছেন, লাক্ষৌএর ডেপুটি কমিশনার কয়েকজন কয়েদীকে এমনভাবে বেত্র মারাইয়াছিলেন যে তাহাতে দুইজনের মৃত্যু হইয়াছে। এই খবরের প্রতিবাদ করিয়া সম্প্রতি সরকারী ইন্ডাস্ট্রি বাহির হইয়াছে। তাহাতে প্রকাশ, জেলের সুপারিন্টেন্ডেন্ট জেলা ম্যাজিস্ট্রেটের সম্মতিক্রমে তাহারই সম্মুখে কয়েদীদের উপর বেত্রাঘাতের ব্যবস্থা করিয়াছিলেন সত্য, কিন্তু কয়েদীদের অপরাধও ছিল গুরুতর। তাহার জেলের নিয়ম ভঙ্গ করিয়াছিল এবং অস্ত্রাস্ত্র কয়েদীদিগকে ধরানট করিয়া কাজ বন্ধ করিতে উত্তেজিত করিয়াছিল। এই কয়েদীদের কেহ রাজনৈতিক বন্দী নহে—এবং মারাও কেহ যায় নাই।

সরকারের এই কৈফিয়ৎ হইতেই বোঝা যায় যে তাহারও রাজনৈতিক অপরাধীদের প্রতি বেত্রাঘাতের দণ্ডটাকে অস্ত্র বলিয়াই মনে করেন। কিন্তু তাহা সত্ত্বেও রাজনৈতিক বন্দীদের উপর যে বেত্র চালানো হয় তাহার প্রমাণের অভাব নাই। সম্প্রতি ফরিদপুরেই দুইজন রাজনৈতিক বন্দীকে বেত্র মারা হইয়াছে। রাজনৈতিকই হোক আর সাধারণই হোক কোনো প্রকার অপরাধীর উপরেই বেত্র চালানো বর্করোচিত, অমানুষিক, অনাবশ্যক এবং অস্ত্র। সমস্ত সত্য দেশ

হইতেই উহা পরিত্যক্ত হইতেছে। কিন্তু বিচিত্র এই, অস্তান্ত দেশে যে জিনিষটা অস্তায় বলিয়া পরিত্যাপ করা হয়, ভারতগবর্নমেন্ট তাহাই বিশেষ করিয়া আঁকড়াইয়া ধরেন। রাজনৈতিক বন্দীদের প্রতি অত্যাচার অস্তান্য সত্য দেশের আইনে নিষিদ্ধ। কিন্তু এখানে তাহা ক্রমেই চরমে উন্নীত হইতেছে। নাইনো গেল হইতেও বেদাঘাত এবং অস্তান্ত অত্যাচারের সংবাদ পাওয়া গিয়াছে। 'মাদারলাণ্ড' পত্রিকা শিহলিয়া, চন্দ্রপুর, ভারীটোয়া প্রভৃতি স্থানের অত্যাচারের কথা বর্ণনা করিতে গিয়া বলিয়াছেন, অখারোহী পুলিশ সেখানকার প্রধান রাজকর্মচারী এবং কারখানার ম্যানেজার সকলে নিসিয়া রীতিমত লুট আরম্ভ করিয়াছিলেন। গ্রাম-কয়েকটির অপরাধ যে গ্রামবাসীরা বেপার দিতে অস্বীকার করিয়াছিল। আত্মবিহারী শরণ একজন কংগ্রেস-কর্মী। তাহাকে চারপাইতে বাধিয়া রাখা হয়। * * * প্রত্যেকটি ভলাটি-য়ারকে বেত্রাঘাত করা হইয়াছিল। এই সংবাদের প্রতিবাহ গবর্নমেন্ট তরফ হইতে এখনো হইতে দেখি নাই।

এইরূপ আরও বহু অত্যাচারের অভিযোগের দৃষ্টান্ত উদ্ধৃত করা যায়। এইরূপ অত্যাচার যখন এক তরফ হইতে অগুপ্তিত হয়, অস্ত পক্ষ তখন ইচ্ছাতেই হোক আর অনিচ্ছাতেই হোক অত্যাচারের আশ্রয় গ্রহণ করিতে বাধ্য হয়। খবর পাওয়া গিয়াছে, হৃদয়ের পুলিশ সুপারিন্টেন্ডেন্টের উপর গুলি চলিয়াছিল এবং এই গুলির সহিত রাজনৈতির সংশয় আছে। কর্তৃপক্ষ এখন যত-কিছু সমস্ত ব্যাপারই রাজনৈতির সহিত ুড়িয়া দিতে চেষ্টা করিবেন ইহা জানা সত্ত্বেও এ সংবাদটা আমাদের কাছে অবিখ্যাত বলিয়া মনে হয় না। কারণ মানুষ দীর্ঘকাল নিরুচ্ছ অত্যাচার বিনা বাধায় সহ্য করিতে চায় না—পাবেও না। শ্রমজীবী কলকারেগে মিঃ বাপ্টিষ্টা স্পষ্ট করিয়াই বলিয়াছিলেন, "মহাত্মা গান্ধীর নিরুপদ্রব অসহযোগ আন্দোলন ব্যর্থ হইলে দেশের ভিতর দশ সহস্র গুপ্ত সমিতি প্রতিষ্ঠিত হইবে।" মিঃ বাপ্টিষ্টার এই কথাটির ভিতর সত্য আছে অনেকখানি। তাহার ফল দেশের পক্ষে অবশ্য বিশেষ ভালো হইবে না। কিন্তু গবর্নমেন্টের পক্ষেও যে তাহার ফল শুভ হইবে এরূপ মনে করিবারও কোনো কারণ নাই।

টেনে রাজনৈতিক বন্দী—

গত ৯ই জানুয়ারী রাজ্যে একদল রাজনৈতিক বন্দীকে এলাহাবাদ হইতে আগ্রায় পাঠানো হয়। বন্দীদের সংখ্যা ছিল প্রায় ৪০ জন। শ্রীযুক্ত দেশাই, শ্রীযুক্ত কৃষ্ণকান্ত মালব্য প্রভৃতি এই দলের ভিতর ছিলেন। গাড়ীতে যেরূপভাবে বন্দাবন্দী করিয়া তাঁহাদিগকে পাঠানো হইয়াছে তাহা বর্ণনা করিয়া পণ্ডিত গবর্নমেন্ট কুঞ্জক এলাহাবাদের 'লীডার' পত্রিকায় একখানি পত্র-প্রকাশ করিয়াছেন। পত্রখানির সার মর্ম হইতেছে এই যে, তিনি টেশনে গিয়াছিলেন কয়েকটি বন্দুকে বিদায় দিতে। যেসব রাজনৈতিক বন্দী সেদিন আগ্রায় প্রেরিত হইতেছিলেন তাহাদের ভিতরেই তাহার এই বন্ধুগণ ছিলেন। তিনি গিয়া দেখেন একটি কামরার ভিতর ৩৮,৩৯ জন বন্দীকে, পর ছাপল তেড়া প্রভৃতি জানোয়ারকে যেমনভাবে গাধা করিয়া রাখা হয়, তেমনি করিয়া রাখা হইয়াছে। গাড়ীখানি এতই ছোট যে তাহাতে ইহাদের বসিবার স্থানটুকুও নাই, অতি কষ্টে তাহাদিগকে দাঁড়াইয়া বাইতে হইতেছে। গাড়ীর ভিতর বাতিরও কোনোরূপ ব্যবস্থা নাই। তাহা ছাড়া পানীয় জলও তাহাতে ছিল না। পিপাসাতুর হইয়া কয়েকটি বন্দী জলের প্রার্থনা করিতেই তাহাদের বন্ধুরা দৌড়াইয়া গিয়া কয়েক গ্লাস জল লইয়া আসে। কিন্তু যে সাবইন্স্পেক্টরটি বন্দীদের খবরদারী করিতেছিলেন তিনি জল খাইতে তো কেনই নাই, উপরন্তু গ্লাসগুলি

আছড়াইয়া চূর্ণ করিয়া ফেলিয়াছিলেন। মিঃ কুঞ্জক কামিশনারের কাছে গাড়ীর এই বিশৃঙ্খলার কথা টেলিফোঁ করিয়া জানাইয়াছিলেন। কিন্তু কামিশনার ইহার প্রতিকারের কোনো উপায় খুঁজিয়া পান নাই।

কয়েক মাসের কথা মাত্র—মালাবারে চম্পু টেনের ভিতর অকুপ-হত্যার অভিনয় হইয়া গিয়াছে। তাহা ত আকস্মিক দুর্ঘটনা মাত্র বলিয়া সংবৃত্ত হইল। কিন্তু তাহার স্মৃতি দেশের লোকের বুকের উপর ভারী পাতাঘের মত বহুকাল চাপিয়া বসিয়া থাকিবে। স্মরণে আবার বাহাতে সেরূপ কোনো ব্যাপার না ঘটে তাহার উপর কর্তৃপক্ষ বিশেষভাবেই দৃষ্টি রাখিবেন, সত্য গবর্নমেন্টের নিকট হইতে এইটাই সকলে আশা করেন। কিন্তু দেখা যাইতেছে, মালাবার টেন-দুর্ঘটনা এ দেশের আন্দোলনের গানের ভিতর কোনোরূপ দাগ ফেলিতে পারে নাই। তাহা পারিলে সেই টেন-সংশ্লিষ্ট ব্যাপারেই আবার এরূপ একটা সঙ্গীন রকমের অভিযোগ কিছুতেই উঠিতে পারিত না। এ দেশের গবর্নমেন্ট যে এ দেশের জনসাধারণের জীবন সম্বন্ধে, সুখ-সুবিধা সম্বন্ধে কতটা উদাসীন তাহা এইসমস্ত ব্যাপার হইতেই স্পষ্টরূপে ধরা পড়ে। মালাবারের মোপ্লা বন্দীদিগকে টেনের গুদামজাত করিবার সময় কতজন লোক গাড়ীখানিতে ধরিতে পারে তাহার সম্বন্ধে কর্তৃপক্ষ কোনো গোঁজ-খবর লন নাই। সেইখানেই তাহারা কর্তব্যের একটা মস্তবড় অবহেলা করিয়াছিলেন। যদি ধরিয়াই লওয়া যায় তাহারা ভুল করিয়াছিলেন, তবে ভুল ধরা পড়া মাত্রই তাহাদের এরূপ সতর্ক হওয়া উচিত ছিল যে আর কখনো দেকপ ভুল করিবার অবকাশ না আসে। কিন্তু এলাহাবাদের এই ব্যাপারটা পড়িলেই বোঝা যায় কোনো দারিদ্র্যজনশীল স্কারী কর্মচারীই তদন্ত করিয়া দেখেন নাই, যতগুলি বন্দীকে আগ্রা পাঠাইবার হুকুম দেওয়া হইয়াছে একখানি গাড়ীতে তাহাদের স্থানের সংকুলান হইতে পারে কি না। যে গবর্নমেন্টের প্রজ্ঞার প্রতি দরদ থাকে তাহারা এইকপই করিয়া থাকেন। কিন্তু আমাদের দরদী গবর্নমেন্ট তাহা তো করেনই নাই, উপরন্তু টেনের বিশৃঙ্খলার সম্বন্ধে একজন তৃতীয় ব্যক্তি কামিশনারকে জানাইলেও তিনি তাহার কোনোরূপ প্রতিকার করেন নাই। প্রতিকারের পথ যে ছিল না তাহা নহে। কারণ সব বন্দীকে একসঙ্গে না পাঠাইয়া ছুইখানি ভিন্ন গাড়ীতে পাঠানো চলিত, একদিনে না পাঠাইয়া দুইদিনে পাঠানো যাইত, অথবা একসঙ্গে এবং একদিনেই পাঠানোর যদি প্রয়োজন ছিল তবে সে দিনের মত যাওয়াটা স্থগিত রাখিরা পরের দিন বৃহত্তর গাড়ীতে পাঠানোর ব্যবস্থাও কামিশনার করিতে পারিতেন।

সব দেশেই রাজনৈতিক অপরাধীদের ব্যবস্থা সাধারণ কর্মীদের অপেক্ষা অনেক ভালো। সত্য ব্রিটিশ গবর্নমেন্টেও হয় তো সে ঠাট্টুকু বজায় আছে। তাহাই যদি হয় তবে সাধারণ বন্দীদের সম্বন্ধে ব্যবস্থা যে কিরূপ তাহা বলাই বাহুল্য।

বালকদের কারাগারে গুলি—

গত ১৯শে ডিসেম্বর যুক্তপ্রদেশের বেরিলী সহরে বালকদের কারাগারে (Juvenile Jail) গুলি চলিয়াছিল। এই ঘটনা সম্বন্ধে গবর্নমেন্ট নিম্নলিখিত সংবারটি প্রকাশ করিয়াছেন :—

চন্দ্রবল নামক একজন রাজনৈতিক বালক-বন্দী অসুস্থ হইয়া পড়ায় তাহাকে হাসপাতালে পাঠানো হইয়াছিল। এই লোকটিকে স্থানান্তরিত করার জন্য বেরিলীর বালক-কারাগারের কমেদীরা সুপারিন্টেন্ডেন্টের আদেশকে অগ্রাহ করিয়া বসে। কেবলমাত্র তাহাই নহে, ওয়ার্ডারের আলমারী ভাঙ্গিয়া বত্রপাতি বাহির করিয়া

কারাগারের বরজা এবং তালা-চাবিও তাহারা জাঙ্গিয়া ফেলিয়াছিল। তাহার পর তাহারা প্রাচীর ডিঙ্গাইয়া পলায়নেরও চেষ্টা করে। কারাগারের ভিতর ভীষণ বিশৃঙ্খলার সৃষ্টি হওয়ার অবশেষে অহরীদেব শরণাপন্ন হইতে হইয়াছিল। তাহারা আসিয়া ১৩ বার গুলি ছোড়ে। অধিকাংশ গুলিই শুল্লে ছোড়া হইয়াছিল। এই ব্যাপারে ৮জন বালক গুলির আঘাতে এবং ৯জন বালক বেটনের আঘাতে আহত হইয়াছে। ১৯০জন বালক নানা দিকে ছুটিয়া প্রাচীর লঙ্ঘনের চেষ্টা করিতেছিল। সতরাং লাঠির সাহায্যে দুই-চারিজন ওয়ার্ডারের দ্বারা তাহাদিগকে সংযত করা সম্ভবপর ছিল না। কাহারো জখম তেমন গুরুতর হয় নাই। রাজনৈতিক বন্দীদের প্রভাবই বালকদের অসংযত হইয়া উঠিবার কারণ।

সরকারী ইস্তাহার—সতরাং অভ্যন্তরীণ সরকারী ইস্তাহারের অপ্রাপ্ততা সম্বন্ধে সন্দেহ করিয়া সার্ভিস ও অমৃতবাজার-পত্রিকা মানহানির দায়ে পড়িয়াছেন।

বাধ্যতামূলক প্রাথমিক শিক্ষা—

বোম্বাই এর ব্যবস্থাপক সভায় বাধ্যতামূলক প্রাথমিক শিক্ষা প্রবর্তনের প্রস্তাব উঠিয়াছিল। এ সম্বন্ধে কিরূপ ব্যবস্থা বাস্তবায়ন করা যায় তাহার আলোচনা করিবার জন্য ব্যবস্থাপক সভা একটি কমিটি নিযুক্ত করিয়াছেন। সার নারায়ণ চন্দ্রাবরকর হইয়াছেন উহার সভাপতি। কমিটি বোম্বাইয়ে বিভিন্ন স্থানে বিশেষ বিশেষ লোকের মত গ্রহণ করিয়া গিয়াছে। সভাপতি বেলগাঁয়ে এই কমিটির অধিবেশন বসিয়াছিল। প্রায় ২৫জন লোকের সাক্ষাৎ সেখানে গৃহীত হইয়াছে। একজন ব্যতীত আর সকলেই বালকদের সহিত বালিকাদেরও প্রাথমিক শিক্ষা বাধ্যতামূলক হওয়া উচিত বলিয়া মত প্রকাশ করিয়াছেন। বে-সরকারী সাক্ষীদের প্রায় সকলেই বলিয়াছেন যে, এই শিক্ষার ব্যবস্থার পৌকাল বোর্ড অথবা অন্য কোন বিশেষ শিক্ষা-বোর্ডের তত্ত্বাবধানে থাকা উচিত। কিন্তু শিক্ষা ও রাজস্ব বিভাগের কর্মচারীরা এই মত সমর্থন করেন নাই।

অনুন্নত সম্প্রদায়ের শিক্ষার ব্যবস্থা কিরূপ করা যায় সে সম্বন্ধেও প্রশ্ন উঠিয়াছিল। কেহ কেহ বলিয়াছেন, অনুন্নত সম্প্রদায়ের চাহিদা-দিগকেও সাধারণ স্কুলেই গ্রহণ করা চলিবে। কিন্তু গ্রাম হইতে যাহারা সাক্ষাৎ দিতে আসিয়াছিলেন তাহারা যে মত প্রকাশ করিয়াছেন তাহা ইহার সম্পূর্ণ বিপরীত। তাহারা বলিয়াছেন, অনুন্নত সম্প্রদায়ের ছেলেরদের জন্য স্বতন্ত্র বিদ্যালয় স্থাপন না করিলে চলিবে না। এই কমিটি মতবৃত্ত: কেরকারী মাসেই তাহাদের রিপোর্ট ব্যবস্থাপক সভায় পেশ করিবেন।

প্রাথমিক শিক্ষা বাধ্যতামূলক করিবার এই যে প্রচেষ্টা ইহা বিশেষভাবেই প্রশংসনীয়। অন্যান্য সকল প্রশ্নেরও এ বিষয়ে বোম্বাইয়ের পদাঙ্ক অনুসরণ করা মঙ্গল। তবে শিক্ষার প্রধান ও প্রথম উদ্দেশ্য হইতেছে মনকে উদার ও বৃহৎ করিয়া তোলা। অনুন্নত জাতিকে যাদ লেখাপড়ার ক্ষেত্রেও অন্যান্য জাতির সহিত একত্র মিশিবার সুযোগলা দেওয়া হয় তবে সে উদ্দেশ্য ব্যর্থ হইবে, ইহাই আমাদের বিশ্বাস।

ভারতীয় ব্যবস্থা-পরিষৎ—

এবার ভারতীয় ব্যবস্থা-পরিষদে আলোচনার পক্ষে সব চেয়ে গুরুতর বিষয় ছিল শ্রীযুক্ত পুষ্কর শরণের দমননীতি সম্পর্কীয় প্রস্তাবটি। প্রস্তাবটিতে শ্রীযুক্ত পুষ্কর শরণ গবর্ণমেন্টের দমননীতির

প্রতিবাদ করিয়াছিলেন। এই প্রস্তাবটি লইয়া স্যার উইলিয়াম ভিন্সেন্ট যে বক্তৃতা করিয়াছেন, বিস্তারিত বহরের দিক দিয়া তাহা বিপুল হইলেও যুক্তির দিক দিয়া তাহার ভিতর অনেক গলদ আছে। দেশের প্রতিনিধিরা যদি সত:সতাই দেশের প্রতিনিধি হইতেন তবে স্যার ভিন্সেন্টের এতবড় লড়াই-চড়াই বক্তৃতা সম্বন্ধে শ্রীযুক্ত পুষ্কর শরণের পরামর্শ হইত না। কারণ দেশের চারিদিকে গবর্ণমেন্ট যেভাবে পৌড়নের জাল বিস্তার করিয়াছেন, তাহার সমর্থন কোন দেশের কোন প্রতিনিধিই করিতে পারেন না। বক্তৃত: দেশের প্রতিনিধিদের ভোটার দ্বারাও প্রস্তাবটি ব্যর্থ হয় নাই। মূল প্রস্তাবটির পক্ষে ভোট দিয়াছিলেন ৩৩ জন এবং বিপক্ষে ভোট দিয়াছিলেন ৫৩ জন। প্রস্তাবটির বিরুদ্ধে তাহারা মত দিয়াছেন তাহাদের প্রায় সকলেই কমবেশী গবর্ণমেন্টের পক্ষের লোক। ৩৩ জন ভো গবর্ণমেন্টের বেতনভোগী কর্মচারী, তাহা ছাড়া কয়েকজন হইতেছেন গবর্ণমেন্টের পেন্সনভোগী লোক। বাদবাকীর বেশীর ভাগই ইচ্ছাপাখান। সতরাং এ অবস্থায় যাহা একান্ত স্বাভাবিক, ব্যবস্থাপক সভার পক্ষে তাহাও পূর্ণ হইয়াছে—অন্তত: এ ব্যাপারে বিস্তৃত হইবার কিছুই নাই।

ডাঃ গৌরের বিবাহ-বিলা—

নাগপুরের ডাক্তার গৌর সর্দার ভারতীয় ব্যবস্থা-পরিষদে অসম্বর্ণ-বিবাহ-বিলায়ের উত্থাপন করিয়াছিলেন। সম্মেলনের সংস্কারের দিক হইতে এই বিলটির প্রয়োজন অত্যন্ত অধিক হইলেও ভোটারদের পক্ষে এটি গৃহীত হয় নাই। ব্যবস্থা-পরিষদে বিলটির আলোচনা এই প্রথম নহে। আরো দুইবার ডাঃ সর্দার উহা পেশ করা হইয়াছিল। প্রথমবার পেশ করিয়াছিলেন ১৯১২ সালে শ্রীযুক্ত ভূপেন্দ্র-নাথ বসু। তখন যে বিলটি প্রস্তাব হইয়াছিল তাহাতে আশ্চর্য হইবার বিশেষ কিছু ছিল না। কারা তখনকার এনমমেন্টের মনোর অস্থা ঠিক সংস্কারের উপযোগী কিং একাধ মনে করিবার কোনো কারণ নাই। তাহার পর ১৯২০ সালে আবার ইহাকে পেশ করেন মিঃ পাটেল। সেবারে প্রস্তাবটি অগ্রাহ হইয়াছে ঠিক একথা বলা যায় না। বরং নতুন সংস্কারের আবেগে প্রস্তাবটি সম্বন্ধে ভালো ভাবে আলোচনা করা চলিবে মনে করিয়াই তখনকার মত উহা মুলতুবি রাখা হইয়াছিল। তখনকার ঠিক কথা বলা হয়। সুতরাং নতুন সংস্কারের আসন্ন পরিপ্রেক্ষিতে ডাঃ গৌর প্রস্তাবটি ব্যবস্থাপক-সভায় উত্থাপন করিয়াছিলেন। কিন্তু বিলটির ভাবগোচর প্রায় ৩ জন সাধারণের প্রতিনিধি-দের অনুমোদন লাভ ঘটে নাই। এবার বিলটিকে অগ্রাহ হইতে দেখিয়া আমরা বাস্তবিক দীর্ঘত হইয়াছি। রাজনীতি-ক্ষেত্রের মত সামাজিক ক্ষেত্রেও সংস্কারের প্রবর্তন বিশেষ আবশ্যিক এক ভিন্ন অপরের স্বার্থের মিশ্রণ না ছলিয়া হইবেই হইবে। এইমত দেখিয়াই মনে হয়, সেহমত লোকের কাতিমতে চুকিয়াছেন দেশের হিতাহিত সম্বন্ধে তাহাদের কোনোমত গভীর চিন্তা ও অতিষ্ঠতা নাই।

শিল্পনেতাদের যুক্তি—

অনুন্নত সম্প্রদায়ের সাহায্যের চাবির-ব্যাপারে গুরুত্ব-প্রবন্ধক কমিটির অনেকগুলি সদস্য এবং নেতা কারাদেও দণ্ডিত হইয়াছিলেন। সভাসমিতি এবং বক্তৃতা করাটী ছিল তাহাদের অপরাধ। এই ব্যাপারের স্মরণ রহস্য এই, তাহারা অনুন্নত সম্প্রদায় লইয়া আন্দোলন করিলেও তাহাদিগকে দণ্ড দেওয়া হইয়াছিল। রাজস্বোৎসাহক সভা-আইন অনুসারে। সভাপতি পঞ্জাবের ব্যবস্থাপক-সভায় এ সম্বন্ধে প্রশ্ন তোলা হইলেও তাহা হইয়াছিল। কিন্তু তাহার পূর্বেই ইহাদিগকে

মুক্তি দেওয়া হইয়াছে। ইহাদের অন্তর্ধানের জন্য শিখ জনসম্মত বিপুল আয়োজন করিয়াছিলেন। কিছুদিন হইতে দেখা যাইতেছে, পবর্নমেট যাহাদিগকে লক্ষিত করিতেছেন তাহারা ই জনসাধারণের বিশেষ অঙ্গার পাত্র। এইসব ব্যাপার হইতেই বোঝা যায় যে পবর্নমেট আর বাহাই হোন না কেন জনপ্রিয় ইহারা কিছুতেই নহেন।

সিরাঙ্গগঞ্জের রক্তারক্তি—

সম্প্রতি সিরাঙ্গগঞ্জ মহকুমায় সঙ্গ্রাম হাটে পুলিশের গুলিতে অনেকগুলি লোক মারা পড়িয়াছে ও জখম হইয়াছে। এ সম্বন্ধে এসোসিয়েটেড প্রেসের কাছে পাবনার জেলা ম্যাজিস্ট্রেট যাহা বলিয়াছেন তাহার মর্ম্ম হইতেছে এই,—হাটের লোকেরা পুলিশের ডেপুটি সুপারিন্টেন্ডেন্টকে প্রহারের চোটে অজ্ঞান করিয়া ফেলিয়াছিল এবং তিনি নিজে ও পুলিশ সুপারিন্টেন্ডেন্টও প্রহৃত হইয়াছিলেন; সুতরাং বাধ্য হইয়াই পুলিশকে গুলি ছুড়িতে হইয়াছিল, তাহা ছাড়া আর কোন পথ ছিল না। গুলি ছোড়ার ফলে লোক মারা গিয়াছে চারিজন ও আহত হইয়াছে ছয়জন মাত্র।

একই ঘটনার তিন ভিন্ন রিপোর্টের ভিত্তর যে তফাৎ প্রকাশ-পাতাল হইতে পারে, সম্প্রতি অনেকগুলি বাপারের সংস্কারী ও বে-সংস্কারী রিপোর্টের দ্বারা তাহা বিশেষতঃ বেই প্রমাণিত হইয়া গিয়াছে। এ ব্যাপারটাতেও এই দুই রিপোর্টের ভিত্তর মোটেই মিল নাই। বে-সংস্কারী একটি রিপোর্ট বলিতেছে, সিরাঙ্গগঞ্জের ডেপুটি সুপারিন্টেন্ডেন্ট হাটে উপস্থিত হইয়াই ভাড়াটিয়াদের উপর অত্যাচার করিতে থাকেন। একটি ভাড়াটিয়াকে তিন হাটের ভিত্তর এমন প্রহার করেন যে, উপস্থিত জনগণের পক্ষে তাহা বিনা-প্রতিবাদে সহ্য করা কঠিন হইয়া পড়ে। সুতরাং কয়েকটি লোক আসিয়া তাহাকে বলে, “এই লোকটি যদি কোন অপরাধ করিয়া থাকে, তাহাকে আপনি গ্রেপ্তার করিতে পারেন—কিন্তু মারিবার অধিকার আপনার নাই।” সাধারণ লোকের এতবড় স্পন্দার কথা সহ্য করিতে না পারিয়া পুলিশ-সাহেব সঙ্গের সশস্ত্র পুলিশদিগকে বন্দুকের কুঁদা ব্যবহার করিতে শুরু করেন। হাটের জনতার ভিত্তর কুঁদার ব্যবহার! একদিক হইতে পলায়নের চেষ্টা, অন্তর্দিক হইতে কৌতূহলপরবশ লোকগুলির উৎসুক জনতার ভিড় আবার বাড়াইয়া তোলে। এই দুইটিতে মিলিয়া একটি হট্টগোলের সৃষ্টি করিতেই জনতাকে স্থানত্যাগ করিবার আদেশ দেওয়া হয় এবং সেজন্য তাহাদিগকে নাকি সময় না দিয়াই গুলি চালানো হয়। কতগুলি লোক এ পথান্ত হতাহত হইয়াছে, তাহা এখনো স্থির হয় নাই। তবে ইহাদের সংখ্যা দুইশতের কম কিছুতেই হইবে না। পুলিশ যে সম্মান ব্যবহার করিয়াছিল, তাহারও চিহ্ন পাওয়া গিয়াছে। আমরা পবর্নমেটকে এবং বে-সংস্কারী তদন্ত কমিটিকে এই বে-সংস্কারী রিপোর্টের সত্যতা বা অসত্যতা সম্বন্ধে অনুসন্ধান করিতে অনুরোধ করিতেছি। ক্রুর বিপদের সম্ভাবনায় পুলিশ গুলি চালাইতে পারে এবং সঙ্গ্রাম হাটে এই বিপদের সম্ভাবনা কতটা ছিল তাহার উপরই এই গুলি চালানো ব্যাপারটার সমস্তি অসমস্তি নির্ভর করিতেছে। ইংরেজের নিজের দেশের ইতিহাস হইতে দেখা গিয়াছে, পুলিশ বিশেষ বিপন্ন নাচার বা-জখম না হইলে গুলি ছোড়ে না। এ ক্ষেত্রে পুলিশের কতজন লোক জখম হইয়াছিল, এবং পুলিশ-সাহেবের যে আঘাতের কথা জেলা-ম্যাজিস্ট্রেট বলিয়াছেন, তাহা ডাক্তারের দ্বারা পরীক্ষিত হইয়াছে কি না ও পরীক্ষিত হইয়া থাকিলে তাহার স্বরূপ কি, তাহাও জনসাধারণ জানিতে চাহিবে—তাহা জানিবার অধিকারও তাহাদের আছে। এইসব তথ্য-নির্ণয় করিয়া প্রকাশ করা পবর্নমেটের কর্তব্য।

আমরা স্থানটা নিজে দেখিবার আশিয়াছি। স্থানটার প্রায় তিন

মিকেই বর, একটা দিক খোলা আছে, কিন্তু ঘটনার দিন সেখানে নাকি পাঁচ-ছয় লক্ষ গোমহিষ বিক্রয়ার্থে নীত হইয়াছিল, সুতরাং কোনো দিকই খোলা ছিল না, একথা বলিলেও অভ্যুক্তি হয় না। এই চারিদিক-বেরা স্থানটি হইতে জনতাকে সরিয়া যাইতে কতটুকু সময় দেওয়া হইয়াছিল, তাহাও সকলে জানিতে চাহে। তাহা ছাড়া, আরও একটি কথা আছে, জনসাধারণ যদি উত্তেজিত হইয়াই থাকে, তবে তাহাদিগকে উত্তেজিত করার ভিত্তর পুলিশের হাত ছিল কি না, অর্থাৎ উৎপীড়নের দ্বারা তাহাদিগকে চঞ্চল করিয়া তোলা হইয়াছিল কি না, ইহাও বিশেষভাবে নির্ণয় করিবার বিষয়।

এ সম্বন্ধে জনস্বাক্ষর-সমিতি এবং কংগ্রেস, বে-সংস্কারী তদন্ত-কমিটি বসাইয়াছেন। এই দুইটি কমিটির রিপোর্ট পাইলে সমস্ত বিষয় বিস্তারিত ভাবে জানা যাইবে। সুতরাং সেই রিপোর্ট বাহির না হওয়া পর্যন্ত এ সম্বন্ধে কোনরূপ মন্তব্য প্রকাশ সম্ভব মনে করি না। তবে এই সম্পর্কে পুলিশের বিরুদ্ধে আর-একটা নৃশংসতার অভিযোগ শোনা গিয়াছে, অনুসন্ধানের জন্য সেটা উল্লেখ করা প্রয়োজন বোধ করিতেছি। সঙ্গ্রাম হইতে সিরাঙ্গগঞ্জ বোল মাইল পথ। পুলিশ সেই রাত্রিতেই কয়েকটি যুতবেহ এবং কয়েকজন জখমি ব্যক্তিকে নাকি সিরাঙ্গগঞ্জে চালান দিয়াছিল। মাঘ মাসের দারুণ শীতের ভিত্তর সমস্ত রাত্রি ধরিয়া যুতকর আহত ব্যক্তিদের পক্ষে বিনা আচ্ছাদনে প্রায় নগ্নদেহে বোল মাইল পথ গো-শকটে অতিক্রম করা যে কি ব্যাপার, তাহা কলিকাতার উপর বসিয়া অনুভব করা যায় না। কিন্তু গো-শকটের ঝাঁকুনি এবং উত্তর বঙ্গের শীতের সহিত যাহাদের পরিচয় আছে, তাহারা নিঃসঙ্কেচে স্বীকার করিবেন, ইহা হইয়া একান্ত অস্বাভাবিক ও অমানুষিক হইয়াছিল। অধিকন্তু পুলিশ মরার সহিত আহত জ্যান্ত মানুষকেও একই পাড়ীতে চালান দিয়াছিল বলিয়া শোনা গিয়াছে। সমস্ত রাত্রি যুতদেহের সঙ্গে দেহ লাগাইয়া যাপন করা জীবিতের পক্ষে বিশেষতঃ গুরুতম আহতের পক্ষে যে কিরূপ দুঃসহ ব্যাপার তাহা বোঝা কঠিন নহে। এই দুটি সংবাদের মত্যা সম্বন্ধে পবর্নমেট অনুসন্ধান করুন।

শ্রীহেমেন্দ্রলাল রায়।

বিদেশ

মুক্তিপথে মিশর—

জগন্মূল পাশাকে ভারতমহাসাগরস্থ সিসেল্‌স দ্বীপে নজরবন্দী করিয়া রাখা হইয়াছে। জগন্মূলের নির্ধারিত আশ্রয় আরও জলিয়া উঠিল। আব্দুল দলের অনেকেই জগন্মূলের দলের সহিত একযোগে অহিংস অসহ-যাগ মন্ত্র প্রচারে ত্রুতী হইলেন। জাতীয়-দল এক ঘোষণাপত্র জারি করিয়া দেশবাসীকে ইংরেজের সহিত সকলপ্রকার সম্বন্ধ ছিন্ন করিতে অনুরোধ করিলেন। সমস্ত দেশবাসীকে নিম্নলিখিত সর্ভগুলি পালন করিতে ইহারা আহ্বান করিলেন :—(১) কোনও মিশরী জন-নায়েক বর্তমান সময়ের সমাধান না হওয়া পর্যন্ত মর্যাদা গঠন করিবেন না এবং সংস্কারী কাজ করিবেন না। (২) কোনও ইংরেজ কর্মচারীর নিকট কোনও কাজে কেহ যাইবেন না। (৩) ইংরেজ ব্যাঙ্কে গচ্ছিত টাকা সমস্ত কেবল লইতে হইবে। (৪) ইংরেজের জাহাজে কেহ মাল আমদানী রপ্তানী করিবেন না। (৫) ইংরেজ জাহাজে কেহ করলা বিক্রয় করিবেন না এবং মাল ওঠা-নামার কাজে সাহায্য করিবেন না। (৬) ইংলণ্ডে প্রস্তুত জিনিস কেহ ব্যবহার করিবেন না। (৭) এই ঘোষণাপত্র অত্যন্ত তীব্র ভাষায় ইংরেজদিগকে আক্রমণ করা

হইয়াছে। তাই লর্ড অ্যালেনবিকের আদেশে স্বাক্ষরকারীদের মধ্য হইতে বাহিরা আটজন নেতাকে গ্রেপ্তার করা হয়। এবং এই ঘোষণাপত্র প্রকাশ করার জন্য চারিটি খবরের কাগজ প্রকাশ বন্ধ করিয়া দেওয়া হয়। পরে সংবাদ আসিয়াছে যে গ্রেপ্তারী নেতাদিগকে মুক্তি দেওয়া হইয়াছে এবং সংবাদপত্রগুলিকে আবার প্রকাশ করিবার অনুমতি দেওয়া হইয়াছে। ইজিপ্টের গণপেগে চকল হইয়া একদল ইংরেজ রাষ্ট্রনীতিবিদ 'ইংলণ্ডে ইজিপ্টের বন্ধুসভা' নামে একটি সভা স্থাপন করিয়াছেন। লর্ড মিলনার এই সভার সভাপতি। লর্ড কার্জন, স্যার ভ্যালেন্টাইন চিরল, ফ্রাঙ্ক মরেল, এডুতি আফ্রিকা সম্বন্ধে অভিজ্ঞ বহু ব্যক্তি এই সভা স্থাপনের প্রধান উত্তেগী। ইহারা মিশরবাসীদের আকাঙ্ক্ষা স্থান্য মনে করিয়া তাহাকে সফল করিয়া তুলিবন্ধ তত্ত্ব ইংলণ্ডে আন্দোলন আরম্ভ করিয়াছেন। তাই ইংরেজ পররাষ্ট্র-বিভাগের তরফ হইতে লর্ড অ্যালেনবিকে মিশর-সংক্রান্ত সকল খবরাখবর পত্রিকার বুঝাইয়া দিবার জন্ত দপ্তরের কাগজপত্র সমেত ইংলণ্ডে উপস্থিত হইতে তদব করা হইয়াছে। ইংরেজ পররাষ্ট্র-বিভাগ বলিতেছেন যে ইংরেজ গভর্নমেন্ট অভিভাবকরূপে ইজিপ্টের রক্ষণাবেক্ষণ ও মঙ্গলসাধনের ভার লইয়াছিলেন, তাহা হইতে মিশরবাসীদেরকে মুক্তি দিতে রাজী আছেন। তাহারা মিশরকে খরচ বলিয়া স্বীকার করিতে এবং পররাষ্ট্র-বিভাগে অব্যাহত ক্ষমতা দিতে প্রস্তুত আছেন। কিন্তু তাহার পূর্বে মিশরকে একান্ত প্রয়োজনীয় কতকগুলি এক্সারনামা স্বাক্ষর করিতে হইবে। যথা (১) প্রাচ্যে ইংরেজ-অধিকারভুক্ত দেশসমূহে প্রভুত্ব অব্যাহত রাখিবার জন্ত সৈন্যগতিবিধির পথসমূহ ইংরেজ সৈন্যের জন্ত উন্মুক্ত রাখিতে মিশর বাধ্য থাকিবেন। (২) বিদেশী লোকেরা মিশরে বাসকালীন ইংরেজের নিকট অস্ত্র পাইয়া পেরুপ নিরপহ্রবে ও নিশ্চিন্তমনে বাসাস করিয়া আসিয়াছে এখনও তাহারা ইংরেজের নিকট সেইরূপ অস্ত্র প্রত্যাশা করে, সেইরূপ তাহাদের রক্ষণাবেক্ষণের জন্ত ইংলণ্ডের খে কর্তব্য আছে তাহা ইংলণ্ড ছাড়িবেন না। (৩) বিদেশী রাষ্ট্রশক্তির হস্ত হইতে মিশরকে মুক্ত রাখিতে ইংরেজ সর্বদা চেষ্টা পাইবেন। ইংলণ্ডের অনুমতি না লইয়া মিশর অথ কোনও শক্তির সহিত কোনও সম্পর্ক স্থাপন করিতে পারিবেন না।

ইংরেজের এই দয়ার দান গ্রহণ করিতে মিশর নারাজ। আদালীর দলও যখন ইংরেজের অনুকূলে আসিতে রাজি হইল না তখন বাধ্য হইয়া ইংরেজ শাসনকর্তা যাহাদের বরাবর ইংরেজের খোসামুদে বলিয়া জানিয়া আসিয়াছেন এইরূপ শেখীর খয়েরপাদিগকে হাত করিয়া মঙ্গীমতা গঠনের চেষ্টা করিতে লাগিলেন। ইংরেজসৈন্যদের নেতা সরওয়ার্ড পাশাফে মঙ্গীমতা গঠন করিবার জন্ত আহ্বান করা হইল। কিন্তু মিশরের আবহাওয়া সম্পূর্ণ বদলাইয়া গিয়াছে। যে-কয়েকটি সর্ভে সরওয়ার্ড প্রধান মন্ত্রী হইতে প্রস্তুত আছেন জানাইয়াছেন তাহা ইংরেজ সহজে গ্রহণ করিবেন বলিয়া মনে হয় না। ইহারা দাবী আদালীর দাবী হইতে কিছু কম নহে। সরওয়ার্ডের প্রধান দাবীগুলি এই :—

- (১) ইজিপ্ট শাসনের জন্ত লর্ড কার্জন যে প্রণালীর নির্দেশ করিয়াছেন তাহা গ্রহণ করা হইবে না।
- (২) মিশরে ইংরেজ-অভিভাবকত্বের শেষ করিয়া মিশরকে খরচ বলিয়া স্বীকার করিতে হইবে।
- (৩) মিশরের পররাষ্ট্র-বিভাগ আবার স্থাপন করিতে হইবে।
- (৪) ব্যবস্থাপক সভার নির্বাচন সম্পূর্ণ স্বাধীনভাবে হইবে।
- (৫) অর্থনৈতিক এবং বিচার সম্বন্ধীয় মঙ্গলদাতা ভিন্ন অন্যত্র বিভাগে ইংরেজ মন্ত্রণালয় (advisor) থাকিবে না।

(৬) বৈদেশিক কর্মচারীদেরকে বরখাস্ত করিয়া তৎস্থলে মিশরী কর্মচারী নিয়োগ করিতে হইবে।

(৭) সামরিক আইন প্রত্যাহার করিতে হইবে।

(৮) স্বাধীনভাবে নির্বাচিত মিশরী গণসভা কর্তৃক প্রেরিত প্রতিনিধিগণ ইংরেজের সহিত ব্রিটিশ-স্বার্থ-রক্ষা সম্বন্ধে আলোচনা করিবেন।

মিশরের নরমপন্থীদের দৃষ্টান্তে আমাদের দেশের নরমপন্থীদের দৃষ্টি খুলিবে কি—

পশ্চিম-প্রান্তিক প্রাচ্যে ইংরেজ ও ফরাসী—

আঙ্গোরা প্যালেষ্টাইন নেসপটেমিয়া ও সিরিয়া সংক্রান্ত বিবাদ লইয়া ইংরেজ ও ফরাসীর মধ্যে যে মতান্তর ও মনান্তর চলিতেছে তাহাতে প্রত্যেকে অপরের প্রস্তাবগুলিকে মনেহের-চক্ষে দেখিতেছেন এবং উভয়ের মধ্যে মনোমালিগ্ন ক্রমশই বাড়িয়া চলিতেছে। আঙ্গোরা লইয়াই বিবাদটি সব চেয়ে বেশী জমিয়া উঠিয়াছে। ইংরেজ তরফ হইতে লর্ড কার্জন সমস্যার নিরাকরণ মানসে কতকগুলি প্রস্তাব পাঠাইয়াছেন। গ্রীসকে বিনাশ হইতে রক্ষা করিবার জন্ত ইহারা তুরস্ক গ্রীক যুদ্ধ বন্ধ করিবার পক্ষপাতী; এমন কি প্রয়োজন হইলে জোর জবাব্দস্তি করিতেও ইহারা রাজী। স্মার্টা তুরস্ককে ফিরাইয়া দিতে ইংরেজ প্রস্তুত আছেন, এবং গ্রীক সৈন্য বাহাতে স্মার্টা পরিত্যাগ করেন তাহার বন্দোবস্ত তখনই করিবেন, যখন তুরস্ক-পক্ষ খুঁটান প্রজাদিগের অধিকারের প্রতি দৃষ্টি রাখিতে অস্বীকার করিবেন। তবে স্মার্টার প্রাদেশিক শাসনকর্তা তুরস্কের খুঁটানখাম্বাখাম্বী প্রজাদিগের মধ্য হইতে নির্বাচিত হওয়া উচিত বলিয়া ইংরেজ মনে করেন। খেসের অধিকাংশও তুরস্ককে ফেরৎ দেওয়া যাইতে পারে। লর্ড কার্জন কুকসাগরের উপকূলস্থ মিডিয়া সহর হইতে আরম্ভ করিয়া খবাবুর মধ্য দিয়া রডোষ্টো পর্যন্ত একটি রেখা টানিয়া খেসকে বিজিত করিয়া তুরস্ককে ফিরাইয়া দিতে প্রস্তুত আছেন। কিন্তু এই সীমা-রেখাটি রাষ্ট্রনৈতিক কারণে খুব সমীচীন বলিয়া ফরাসী দ্বারা মনে করেন না।

তাঁ পাঁজকা ফরাসী রাষ্ট্রনীতিবিদদের মতের প্রতিধ্বনি করিয়া বলিতেছেন যে এই কয়েকটি দর্শে পশ্চিম-প্রান্তিক প্রাচ্যের সমস্যার মীমাংসা হইতে পারে :—

(১) ইংরেজ ও ফরাসীর মধ্যে প্রাচ্য সম্বন্ধে রক্ষানিপত্তির সঙ্গে গ্রীক ও তুরস্কের মধ্যে শান্তি স্থাপনার কোনও সম্পর্ক থাকিবে না। গ্রীক ও তুরস্কের যুদ্ধ নিরপেক্ষ হইয়া এই রক্ষানিপত্তি করিতে হইবে।

(২) যুদ্ধ বন্ধ রাখিবার জন্ত তুরস্ক বা গ্রীসের প্রতি কোনও প্রকার সামরিক বা নৌসংক্রান্ত চাপ দেওয়া হইবে না।

(৩) খুঁটান প্রজাদিগের জন্ত কোন বিশেষ শ্রমণ নির্দিষ্ট করিয়া দেওয়া হইবে না। একরূপ বিশেষ একটি স্থান নির্বাচন করলে তুরস্কের সহিত খুঁটান প্রজাদিগের বিবাদ বাড়িয়াই চলিবে। তবে খুঁটান প্রজাদিগের স্ব স্ব সংরক্ষণের চেষ্টা অস্ত্রপ্রকারে দেখা যাইতে পারে।

(৪) এশিয়ানাইনের সমস্তটাই তুরস্ককে ফিরাইয়া দিতে হইবে।

তাঁ আরও বলেন যে রডোষ্টো গ্রীকদিগের অধীনে রাখার প্রস্তাব অত্যন্ত অস্বাভাবিক ও অনিষ্টকর। বুল্গেরিয়া ও তুরস্কের মধ্যে একটুখানি গ্রীক-অধিকৃত স্থান রাখিতে বুল্গেরিয়া ও তুরস্ক উভয়েই গ্রীসের বিরোধী হইবেন। ফলে গ্রীস ও সার্বভৌম

সহিত তুরস্ক ও বুলগেরিয়ার বিবাদ ক্রমশঃ বাড়িয়া আর-একটি ইউরোপীয় মহাসমর আরম্ভ হওয়ার সম্পূর্ণ সম্ভাবনা রহিয়া যাইবে।

ইংরেজ কিস্ত ইহার পরও বলিতেছেন তুরস্ক ও গ্রীস কাহারও ক্ষতি না করিয়া তুরস্ক-গ্রীস যুদ্ধ থামাইয়া দেওয়া অবশ্যকর্তব্য। ইতিমধ্যে গ্রীস কিস্ত তুরস্ককে আবার আক্রমণ করিয়া বসিয়াছে। তাহার এন্সিসের (Eski-Sher) আক্রমণ করিয়াছিল, কিস্ত বহুসৈন্য কম হওয়ার পর যুদ্ধক্ষেত্র হইতে প্রত্যাবর্তন করিয়াছে। যুদ্ধে হারিলে গ্রীসকে রক্ষা করা অসম্ভব মনে করিয়া গ্রীসকে বাঁচাইবার জন্ত ইংরেজ প্রাণপণ চেষ্টা করিতেছেন; এবং তুরস্ক প্রত্যাব বাড়াইতে পারিলে ফরাসীর প্রতিপত্তি বাড়িয়া উঠিবে, তাই ফরাসী তুরস্কের প্রত্যাব বাড়াইতে সর্বদা চেষ্টা পাইতেছেন।

সন্দেহ-দোনাঙ্ক ইউরোপ—

তথু প্রাচ্যসম্রাজ্য লইয়াই যে ইংরেজ ও ফরাসীর মহাসমর মনোমুগ্ধ হইয়া উঠিয়াছে তাহাই নহে; নান্য কারণে রণক্ষেত্র ইউরোপ পরম্পরের প্রতি সন্দেহ হইয়া উঠিয়াছে। কান্টনবৈঠকে ভিন্ন ভিন্ন রাজ্যের প্রতিনিধিবর্গ যে নীমাংসায় উপস্থিত হইয়াছিলেন তাহা কিস্ত তাহাদের দেশের লোক নির্দিষ্টগরে গ্রহণ করে নাই। ফ্রান্স ও ইটালীর প্রমাণধারণ এই নীমাংসা তাহাদের স্বার্থের বিরোধী বলিয়া মনে করেন। ফ্রান্সের প্রধান মন্ত্রী (Blanc) রিয়ী কান্টনবৈঠকে গৃহীত প্রস্তাবাবলী যখন ফরাসী রাষ্ট্রীয় মহাসমগ্রায় উপস্থিত করেন তখন চূড়ান্তক হইতে মহাপ্রতিশ্রুতি শুনা হইতে লাগিল। রিয়ী উপস্থিত সভ্যবর্গকে কান্টন প্রস্তাবাবলী গ্রহণ করিতে অনুরোধ করিয়া এক দীর্ঘ বক্তৃতা করিয়া পরে নিবেদন করেন যে ইহা গৃহীত না হইলে তিনি পদত্যাগ করিবেন। রণক্ষেত্রের সমাপ্তি মিলেরী প্রিয়ীর পদত্যাগপত্র গ্রহণ করেন এবং ফরাসী জাতীয়দলের নেতা পোয়াঁকারে মন্ত্রিসভা গঠনের জন্ত আহ্বান করেন। পোয়াঁকারে প্রধান মন্ত্রীর পদ গ্রহণ করিতে সন্মত হইয়াছেন। প্রিয়ীর পদত্যাগ ইংরেজদিগের বিশেষ ক্ষতির কারণ হইয়াছে। ফরাসীগণ কান্টনবৈঠকের সিদ্ধান্ত গ্রহণে অস্বীকৃত হওয়াতে কান্টনবৈঠক বৃথা হইয়া গিয়াছে। রাজনৈতিক সমস্যার পূরণের চেষ্টা করিবার জন্ত জেনোয়া সহরে ইউরোপীয় শক্তিবর্গের যে বৈঠক হইবার কথা ছিল তাহাতেও ফরাসীগণ উপস্থিত থাকিতে নারাজ হইয়াছেন। পোয়াঁকারে বলেন যে ইংরেজ জাতিগণের নিকটে কৃত্রিম যুদ্ধের ক্ষতিপূরণ এখন যে স্থগিত রাখিতে চাহিতেছেন ফ্রান্সের পক্ষে তাহা মানিয়া লওয়া অসম্ভব। জয়ী ফ্রান্স নিজেদের তাহার ধ্বংসপ্রায় সহরগুলি পুনর্নির্মাণ করিবেন আর পরাজিত জাতিগণ যুদ্ধ হারিয়াও অর্থনৈতিক অস্থ-স্থবিধা ভোগ করিতে থাকিবেন, ইহা হইতে ঘোর অবিচার আর কি হইতে পারে? অর্থাৎ দেখা যাইতেছে যে ফ্রান্সের জাতীয়ধন নিঃশেষিতপ্রায়, কিন্তু জাতিগণের লক্ষ্যশীল দিনে দিনে বৃদ্ধি পাইতেছে। সেখানকার প্রজা-সাধারণ ফ্রান্সের অল্পপাতে কম খাজনা দেয়; সেখানকার কল-কারখানা পুরাদমে চলিতেছে এবং যৌথ কারখানগুলি অংশীদার-দিগকে মোটা হারে লাভ দিতেছে, আর ফ্রান্সের ঘরে ঘরে হাটাকার লাগিয়াই আছে। এই বৈষম্য ও অস্থায়ের প্রতিকার করিতে ইংরেজ যদি সত্যসত্যই ইচ্ছুক থাকেন তাহা হইলে ফরাসীগণ জেনোয়া-বৈঠকে উপস্থিত থাকিবেন, নতুবা তাহারা যাইতে প্রস্তুত নহেন। তুবো জাহাজ লইয়া যে বিতণ্ডা চলিতেছিল তাহা আরও তীব্রতার সহিত চলিতেছে।

এদিকে লয়েড জর্জের শাসনপ্রণালী লইয়া ইংলণ্ডেও তীব্র আন্দোলন উঠিয়াছে। রক্ষণশীল দলের নেতা রবার্ট সিমিল সম্মিলিত-দলের সহিত একযোগে কাজ করিতে প্রস্তুত নহেন। শাসনের

ব্যয়ধিক্য প্রভৃতি নিরাকরণ করে রক্ষণশীল দল পুনর্গঠন করিবার প্রয়োজন বোধ করিয়া তিনি রক্ষণশীল নেতাদিগকে আহ্বান করিয়াছেন। অপর দিকে লর্ড স্যাডলটন উদারনৈতিকদলকে সম্মিলিত দল হইতে মুক্ত করিয়া স্বাধীন উদার দল গঠন করিবার চেষ্টা করিতেছেন। সম্মিলিত দল ওয়েষ্টমিনিস্টার হলে নিজেদের সংহতি বৃদ্ধির উপায় চিন্তা করিবার জন্ত এক সভা আহ্বান করেন। স্যাক্সনামারা ও ক্যাপ্টেন গেট্ট এই সভায় বর্তমান জগতের শ্রেষ্ঠ রাজনীতিবিদগণ বলিয়া লয়েড জর্জকে অভিনন্দিত করেন। ক্যাপ্টেন গেট্ট আরও বলেন যে লয়েড জর্জের বিরুদ্ধবাদীপণ ইংরেজ রাজনীতি-মাগরে দুই-একটি ঢেঁলা কেলিয়া সামান্য একটু চঞ্চলতা তুলিয়াছেন, তাহা সহজেই খানিয়া যাইবে। এই আন্দোলনকে সমুদ্রবিক্ষোভ বলিয়া মনে করিবার কারণ নাই। রক্ষণশীলদলেরও উপযুক্ত নেতার অভাব, কাজেকাজেই তাহাদিগকে লয়েড জর্জের নেতৃত্ব বাধ্য হইয়া স্বীকার করিতে হইবে। আর উদারনৈতিকদলের সহিত সম্মিলিতদল তর্ক-যুদ্ধে প্রবৃত্ত হইতে প্রস্তুত আছেন।

পাল্টা জবাবে লণ্ডন সহরে উদারনৈতিক দলের পক্ষ হইয়া স্যাড-টোন বলিলেন "লয়েড জর্জের সহিত সন্দেহ অবতীর্ণ হইবার জন্ত আমরা যুদ্ধক্ষেত্রে উপস্থিত হইয়াছি।" লর্ড গ্রে রাজনীতি-ক্ষেত্র হইতে অবসর গ্রহণ করিয়াছিলেন এবং অ্যাস্কুইথ সাহেব এতকাল নীরব ছিলেন। তাহারাও আবার রাজনীতি-ক্ষেত্রে আবির্ভূত হইয়া এই সভায় বক্তৃতা দিয়াছেন। সম্মিলিত দলের কবল হইতে ইংরেজ রাজনীতিকে মুক্ত করিয়া সতেজ সবল দলাদলি স্বজন করা যে একান্ত প্রয়োজনীয় তাহাই ইহাদের বক্তব্যের প্রধান বিষয় ছিল। সম্মিলিত দল সুবিধাচারের সৃষ্টি, তাহা নিজের বিশ্বাস অনুসারে সব সময়ে চলিতে পারে না। প্রয়োজনের নিকট নিজের মতবিশিষ্টাকে বলি দিতে ইহাকে অনেক সময় বাধ্য হইতে হয়। সেইজন্য মতপার্থক্যকে স্বীকার করিয়া দুইটি দল যদি নিজের বিশিষ্টতাকে রক্ষা করিবার চেষ্টা পায় তাহা দেশের পক্ষে অধিক কল্যাণপ্রব। দক্ষিণ আফ্রিকার ভূতপূর্ব শাসনকর্তা লর্ড ব্যাটলন বলেন যে 'লয়েড জর্জ এতকাল ভাল খেলোয়াড়ের মত না খেলিয়া বরাবর খারাপ খেলিয়া আসিয়াছেন; এখন আঁগান নূতন করিয়া খেলিয়া সুনাম অর্জন করিতে চান; সমস্ত-পুরণ বৈঠকগুলিতে ভুল করিয়া আবার নূতন বৈঠকের উদ্যোগ করিতেছেন। আমার বিশ্বাস আর-একজন নূতন প্রধান মন্ত্রী না পরিবর্তন করিলে বৈঠকে কোনও ফল হইবে না।' লর্ড গ্রে বলেন যে, লয়েড জর্জ গঙ্গা করিয়াছেন, যে, তাহার আমলে ইংরেজ রাষ্ট্রনীতি এক ধারা বহিরাই চলিতেছে, এপথ ওপথে ঘুরিয়া বেড়ায় নাই, তাহা সম্পূর্ণ অস্বীক। এক বস্তুসম্মিলিতদের সহিত লয়েড জর্জ নানাপ্রকার ব্যবহার করিয়াছেন। ফরাসীদিগের সহিত মতান্তর ঘটাইয়া লয়েড জর্জ যে অস্থায়ী স্বজন করিয়াছেন, তাহাতে ইউরোপকে পুনর্গঠন করিবার প্রয়াস অদূরপর্যন্ত হইয়াছে। ইংলণ্ডের প্রতি বিশ্বাস না ফিরাইয়া আনিতে পারিলে ইউরোপের উদ্ধারের চেষ্টা বিফল হইবে। সুবিধাচার ও খেলার এলোমেলো পথে চলিয়া সম্মিলিত দল ইংলণ্ডের যে বিপদ বনাইয়া আনিতেছেন তাহার প্রতিবাদ করিয়া অ্যাস্কুইথ সাহেব এই সভায় এক তীব্র বক্তৃতা করেন। যেরূপ দেখা যাইতেছে উদারনৈতিকদল বর্তমান শাসকসম্প্রদায়কে পরাজিত করিয়া নিজেদের মন্ত্রিসভা গঠন করিবার চেষ্টা নীচুই বিপুল উদ্যমে আরম্ভ করিবেন।

ইটালীর রাষ্ট্রপদগণেরও বড়ের পূর্বাভাস দেখা দিয়াছে। সাম্যবাদী দলের তীব্র আক্রমণ সহ্য না করিয়া বনোদী মন্ত্রী-সভার পদত্যাগ করিয়াছেন। গণতন্ত্রদলের নায়ক ডেসিকোলা

মরীসতা গঠনের ভার পাইয়াছেন। ডেসিকোলা সাম্রাজ্যবাদীগণকেও তাঁহার সহিত একত্রে কাজ করিতে আহ্বান করিয়াছেন। রোমান ক্যাথলিক সম্প্রদায়ের ধর্মগুরু পোপের মৃত্যুর পর নব পোপ নির্বাচন ব্যাপার লইয়াও অশান্তি ও অসন্তোষ ফুটিয়া বাহির হইয়াছে। কার্ডিনাল গ্যাস্পেরির দল ইটালী-গবর্নমেন্টের সহিত বনিবনাও রাখিয়া চলিতে চাহেন, কিন্তু কার্ডিনাল সেরিভিভ্যাল মোহন্তগিরির সম্পূর্ণ স্বাধীনতা বজায় রাখিয়া চলিতে চান। তাই নির্বাচন লইয়া এইবার বুক-মলাদলি হইয়াছিল। কার্ডিনাল গ্যাস্পেরির দলই জয়যুক্ত হইয়াছে। ইহাদের দলের কার্ডিনাল রাটি (Ratti) পোপ নির্বাচিত হইয়া একাদশ পায়াস নাম গ্রহণ করিয়াছেন। পূর্বে রাটি মিলানের প্রধান ধর্মযাজক ও পোপের পুস্তকাগারের রক্ষক ছিলেন।

জার্মানযুদ্ধ ঋণদান প্রভৃতি ব্যাপারে মঙ্গোলসভার সহিত মতানৈক্য হওয়াতে জার্মান প্রধান মন্ত্রী হান্ ভির্থ (Wirth) পদত্যাগ করিয়াছেন। তাঁহার স্থানে কাউন্ট রাটেনো প্রধান মন্ত্রী নির্বাচিত হইয়াছেন। ইহার জায় অর্থনীতি বিশারদ পণ্ডিত ইউরোপে ছলিত। বিপ্লবপ্রায় জার্মানী ইহার চেষ্ঠায় এত শীঘ্র আবার নূতন বলে বলীয়ান হইয়া উঠিয়াছে। তাই সমস্ত জার্মান জাতি একান্ত নিভয়ে জাতির ভাগা ইহার হাতে সঁপিয়া দিয়াছেন।

জেকোশোভাকিয়া অষ্ট্রিয়া স্পেন হলান্ড প্রভৃতি সর্বত্রই অশান্তি জাগিয়াছে।

সৌম্যরেখা নির্দেশ লইয়া উত্তর ও দক্ষিণ আয়ারল্যাণ্ডে বিবাদ বাধিয়াছে।

স্কটল্যান্ড যুগযুগান্তের নিস্তকতা ভঙ্গ করিয়া স্বায়ত্ত শাসনের দাবী করিয়াছেন।

সমস্ত ইউরোপ এখন সন্দেহ-মোলায় ঢুলিতেছে। এই বে মাতামাতি, ইহা ইউরোপের জাগরণের বুলন, না মরণের দোলা।

অচিনপথের যাত্রী—

গতমাসে তিনটি বিশ্ববিখ্যাত ব্যক্তি ইহখাম ছাড়িয়া অজানা পথে মহাযাত্রা করিয়াছেন।

সমস্ত রোমান ক্যাথলিক সম্প্রদায়কে ব্যথিত করিয়া তাঁহাদের ধর্মগুরু পোপ ২১শে জানুয়ারী তারিখে মহাপ্রয়াণ করিয়াছেন।

সুবিখ্যাত ভূপ্রদক্ষিণকারী পঞ্চাটক আব্দনেই, স্যাক্সটনের মৃত্যু হইয়াছে। দক্ষিণমেরু আবিষ্কার করিবার জন্য ইনি যেকোন কষ্টস্বীকার করিয়াছেন তাহা অবর্ণনীয়। বিজ্ঞানের শ্রীবৃদ্ধি করিবার জন্য ইনি বহুবার অনেক বিপাক বৈজ্ঞানিকদিগকে লইয়া দক্ষিণমেরুপথে যাত্রা করিয়া অনেক নূতন তথ্য সংগ্রহ করিয়া যশস্বী হইয়াছিলেন।

বিগত ৬ই ফেব্রুয়ারী বিখ্যাত ব্যারবার কন্টান ডি ওয়েটের মৃত্যু হইয়াছে। জেনারেল ক্রি বন্দী হইলে পর ব্যারবের সেনাপতিরূপে ডি-ওয়েট যে অদ্ভুত বীরত্ব এবং অপূর্ণ কৌশলের পরিচয় দিয়াছিলেন তাহাতে শক্তিজ্ঞ ব্যক্তিগণ তাঁহাকে নেপোলিয়ানের সঙ্গে তুলনা করিতে কুণ্ঠিত হন নাই। যুদ্ধে হারিয়া যখন ব্যারবের জাতি ইংরেজের সহিত মিলনস্থলে আবদ্ধ হইলেন, তখন স্বদেশবাসীর এই ব্যবহারকে ঘৃণা মনে করিয়া ডি ওয়েট লজ্জায় মরিয়া গিয়াছিলেন। দেশকে পুনরায় স্বাধীন করিবার বাসনা ইনি কোনওদিন ত্যাগ করেন নাই; তাই ইংরেজবন্দ জেনারেল স্যাট্‌স তাঁহার চক্ষুশূল ছিলেন। ১৯১৪ সালের বিশ্বযুদ্ধে ইংরেজকে বিব্রত দেখিয়া স্বযোগ বুঝিয়া ইনি বিদ্রোহী হইয়া স্বাধীনতা ঘোষণা করেন। কিন্তু ইংরেজসম্রাজ্য ব্যারবের চলাস্ত্রে ধরা পড়িয়া ছয় বৎসরের জন্ত কারাবাসে প্রেরিত হন। কারাগৃহের পর আর অধিক দিন তাঁহাকে স্বাধীনতাশুভল পরিয়া থাকিতে হইল না। মুক্তিপ্রাপ্ত এই মহাপ্রাণ অন্যতপে মহাতীর্থ-যাত্রা করিয়াছেন। স্বাধীন পথের এই তীর্থযাত্রীর প্রতি লজ্জায় আমরাদিগের মাথা নত হউক। ইহার জীবনের খালোক আমরাদিগের তীর্থযাত্রার সম্মল হউক।

শ্রী প্রভাতচন্দ্র গঙ্গোপাধ্যায়।

কারণ কি ?

Slave mentality বা দাসমূলভ মনোভাব—কথাটা আজকাল খুব চলতি। এ মনোভাব আমরা অর্জন করেছি কোথা থেকে এবং কিরূপে? কারো কারো মতে ইংরেজের প্রতিষ্ঠিত শিক্ষা প্রণালীই এর মূল কারণ। কথাটা অনেকটা সত্য, তবে সম্পূর্ণ নয়। আমাদের ইস্কুলে সাধারণত খে-সব পাঠ্য কেতাব চলে তা একটু মন দিয়ে পড়লেই দেখি তাতে নিজেকে খাটো কোরে পদে পদে ইংরেজেরই স্তুতিগান ধ্বনিত হয়েছে। এইরূপে শিশুকাল থেকেই আমাদের মন আত্ম-অবিশ্বাস ও আত্মগ্লানিতে ভোরে ওঠে। নিজেকে আমরা শ্রদ্ধা করতে শিখিনে, শিখি যে আমরা নিতান্ত অক্ষম দুর্বল এবং অশ্রদ্ধের। শিখি যে ইংরেজের কল্যাণেই টাম

মোটর ও রেলগাড়ী চড়ি, ডাকে চিঠি পাঠাই, গরমের দিনে ইলেক্ট্রিক পাখার বাতাসে দেহ ঠাণ্ডা করি এবং গ্যাস ও বিদ্যুতের আলোগ্য রাস্তাকে প্রায় দিন কোরে জুলি। প্রতিদিন প্রভাতে বিমলানন্দে চা পান করতে করতে খবরের কাগজে দেশবিদেশের বে খবর গড়ি তাও নিঃসন্দেহ ইংরেজেরই কল্যাণে! আর শিখি ইংরেজ যদি ভারতবর্ষে না থাকতো আর আমাদের তেত্রিশকোটিকে নাকে দড়ি দিয়ে অহরহ না ঘোরাতো তাহলে আমরা পরস্পরের গলা কাটাকাটি কোরে দেশে স্বল্পসংখ্যক সৃষ্টি করতুম। ইত্যাদি ইত্যাদি।

কংগ্রেসের কাজে নেমে গত কয়েক মাসে কিছু

অভিজ্ঞতা অর্জন করেছি। তা থেকে আমাদের দাসত্বমুক্ত মনোভাবের অন্তিম কারণ কতকটা নির্দেশ হতে পারে।

কংগ্রেসের সভ্যসংগ্রহের চেষ্টায় পথের ছন্দে দোকান-পসারে ঢুকছিলুম। একটা আড়তের গদিতে জনকয়েক লোক বোসে ছিলেন। সবায়ের হাতে একখানি কোরে ভারত রাষ্ট্রীয় মহাসভার অঙ্গীকারপত্র দিয়ে ব্যাপারটি বিশদভাবে বুঝিয়ে বললুম। কর্তা সই করলেন। তাঁর পাশের লোকটি সই না করেই অঙ্গীকারপত্রখানি ফিরিয়ে দিচ্ছেন দেখে বললুম, আপনি ?

তিনি বলেন, আমি আর কেন ?

আমি বললুম, সে কি! এ তো সবায়েরই কাজ! নিশ্চয় সই করুন।

তখন তিনি কর্তার দিকে ঘাড় হেলিয়ে বলেন, উনি করেছেন, তাহলেই হবে। উনি আমার দাদা!

একথা যিনি বলেন তাঁর বয়স পঞ্চাশের কম নয়।

আর-একদিন প্রভাতে পাকপাড়ার ছায়াশীতল গ্রাম্যপথে ঘুরতে ঘুরতে দেখি, রাস্তার কলে এক যুবক স্নান করছেন। বয়স ত্রিশের কাছাকাছি। আমাদের একজন সঙ্গী তাঁকে চিন্তেন। তিনি বলেন, ওহে! কল ছেড়ে একবার এসে এই কর্মে সই কোরে দাও দেখি।

ব্যাপার কি?—বোলে যুবক এগিয়ে এসে সবিশেষ শুনে বলেন, তা আমার কাছে কেন? বাবা বাড়ীতে আছেন, তাঁর কাছে যাও না।

আমাদের সঙ্গী বলেন, বাবার কাছে তো যাবোই। এখন তোমার কাছে এসেছি। সইটা দাও।

যুবক ঈর্ষ হেসে বলেন, হুঁ আমি আবার—

অনেক আড়তেই কর্মচারীরা বলেন, আজ্ঞে কর্তা এখন নেই। তিনি না সই করলে আমরা কেমন করে করি!

একদিন সন্ধ্যায় রুধ মনীষী ক্রপটকিন লিখিত 'নারীর অধিকার সম্বন্ধে আলোচনা' হচ্ছিল। মেয়েরা চিরদিন যে কেবল household drudge হয়ে থাকবে অর্থাৎ সংসারের বাদি-গিরি করবে এটা যে শুধু অশোভন তা নয়, এটা একটা দারুণ অবিচার। নিত্যনৈমিত্তিক গৃহকর্ম থেকে অব্যাহতি

লাভ কোরে ঘরের বাহিরে মানুষের বৃহত্তর কর্মক্ষেত্রে তাঁদের নিযুক্ত হতে হবে। তবেই মানুষের কল্যাণ। আমেরিকার অধুনা স্বল্পপাতির সাহায্যে গৃহকর্ম অনেক সরল ও সহজসাধ্য হয়েছে বলে মেয়েরা অনেকটা সময় নিজেদের মানসিক ও শারীরিক উন্নতির চেষ্টায় পাঠে ভ্রমণে বা ক্রীড়াকৌতুকে এবং সামাজিক নানা হিতকর কাজে ব্যয় করতে পারেন।

দলের একজন সভ্য কথাটা শুনে বড়ই বিচলিত হলেন। মেয়েরা যদি ঘরের বাইরে গেলো তো সংসার দেখবে কে? তারপর যখন কথাটা জ্বলো কোরে তাঁকে বুঝিয়ে দেওয়া গেলো, তখন বলেন, যাক! মার্কিনের সাংসারিক-পরিশ্রম-কমানো কলঙ্কলো যখন এখনো এদেশে পৌছায়নি, তখন সনাতন প্রথায়ে মেয়েরা আপাতত সকাল সন্ধ্যা কলতলা আর রান্নাঘর করুক, তারপর স্বল্প ভবিষ্যতে যদি কোনোদিন সে-সব কল বাংলা দেশে পৌছয় তখন সেকথা ভাবলেই চলবে!

এই না বোলে তিনি একটা স্বপ্নের নিখাস ফেলেন। বলা বাহুল্য সেদিন থেকে তিনি আমাদের সঙ্গে বর্জন করেছেন।

অনেক স্থানে গিয়ে দেখেছি রবিবার সকালের নিশ্চিন্ত অবসর পুরুষেরা বঙ্গুর বৈঠকখানায় তবলা বা তাস পিটে বা গাছতলায় কৌচার খুট গায়ে জড়িয়ে জটলা কোরে কাটাচ্ছেন। তাঁদের মধ্যে কেহ কেহ সভ্যও হলেন। কিন্তু যখন শুনলেন একুশ বৎসর বয়স হলে মেয়েরাও কংগ্রেসের সভ্য হতে পারেন, তখন অনেকে কথাটা যেন কানেই যায়নি এমনি ভাব দেখালেন, আর কারো মুখে ঈর্ষ একটু বিদ্রূপের হাসির আভাস ফুটে উঠলো।

ছাত্রদের মেসে গিয়ে দেখেছি তক্তপোষের উপর গোল হয়ে বোসে জোর তাসখেলা চলেছে। টেবিলের উপর দেখলুম প্রসাধন-সম্ভারের ছড়াছড়ি। তাঁদের সভ্য হবার জন্ত অনুরোধ করা হল। ক্ষণকাল স্তব্ধতার পর একজন একটা ঢোক গিলে বলেন, আমরা তো সভ্য হয়েছি। সেদিন একজন ভদ্রলোক এসে সই করিয়ে নিয়ে গেছেন।

কে সে ভদ্রলোক এবং বোনু কমিটি থেকে এলেন জিজ্ঞাসা করতে সবাই বোবা হয়ে গেলেন।

এখন ভারতীয় কথা, আমাদের দেশে মানুষ পঞ্চাশ বৎসর বয়সেও শিশুর মত অসহায় থাকে কেন ? স্ব-ইচ্ছায় কর্ম না কোরে অধিকাংশ লোক 'কর্তার ইচ্ছায় কর্ম' করে কেন ? আমরা মিলে বা চাই পারতপক্ষে পরকে তা দিতে চাই না কেন ? নারীকে কেন তুচ্ছ ভাবি, কেন তাঁকে অবজ্ঞা করি ?

কারণ, কলিকাতার সেনেট-হাউস অপেক্ষা বাংলার পরিবার এবং সমাজ ঢের বড় গোলাম-খানা। সে পরিবারে স্বাধীন কেবল কর্তা, অবশিষ্ট সকলেই পরাধীন। এই পরাধীনতা যারা মেনে নিয়েছেন তাঁদের মধ্যে যারা পুরুষ তাঁরা অলস ভীকু কর্মকূঠ ও আত্মমর্গ্যাদা-জ্ঞানহীন, আর যারা নারী তাঁরা একেবারেই অসহায় দুর্বল ও অশিক্ষিত। কর্তা পরিবারের যেকোনো চালচলন ব্যবস্থা করেন সকলকেই তা মানতে হয়। বাড়ীর মেয়েরা ইস্কুলে লেখাপড়া করবে কি গণ্ডমূর্থ হয়ে গৃহকোণে বোসে থাকবে তা স্থির করবেন কর্তা। শিক্ষিত ছেলেরা বিবাহে পণ গ্রহণ করবে কি না এবং দশম বর্ষীয়া বা ততোধিক-বয়স্ক স্ত্রীর পাণিগ্রহণ করবে কি না তাও নির্দেশ করবেন কর্তা। মেয়েরা কতটুকু জোরে হাসবে বা হাসবে না, তারা জামা-সেমিজ অঙ্গে ধারণ করবে, না, একবস্ত্রে থাকবে, তাও নির্ভর করে কর্তার ইচ্ছার উপর। মেয়েরা যখন গাড়ীতে বাড়ার বার হবেন তখন গাড়ীর জান্না খোলা হবে, না, দরজা খোলা হবে, বা খোলা হলেও কোন্ দিককার দরজা-জান্না কতটুকু খোলা হবে তা নির্ভর করে সেই গাড়ীতে যিনি অভিভাবক আছেন তাঁর ইচ্ছার উপর, তা তিনি অজাতশত্রু বালকই হোন না কেন। কারণ, শাস্ত্রে আছে নারী কোনো কালেই স্বাতন্ত্র্য লাভ করতে পারে না। সারাজীবনই তাঁরা অধীন থাকবেন, হয় পিতার, নয় পুত্রের, নয় পুত্রের ! সেই নজিরেই তো 'ধর্মপুত্র' যুধিষ্ঠির দ্রৌপদাকে পাশার পণে বসিয়েছিলেন, 'পিতৃভক্ত' পরশুরাম

মাতৃরক্তে ধরণী রঞ্জিত করেছিলেন, আর 'প্রজারঞ্জম' রামচন্দ্র সন্তানসন্তবা মহিষী সীতাকে বনবাসে পাঠিয়েছিলেন !

এই যে সাধারণ বাঙালীঘরের আবহাওয়া, এর মাঝে বর্দ্ধিত হয়ে যদি কেউ মানুষের মত উচ্চশিরে না দাঁড়িয়ে সরীসৃপের মত আপনাকে অহরহ ধূলিলুণ্ঠিত করে, তাতে বিশ্বয়ের কি কারণ আছে ? আমাদের 'গৃহলক্ষ্মী' মেয়েরা যদি সংসারের ভক্তি ও আদরযত্নের মাত্রা সহ করতে না পেরে প্রতিদিন তিলে তিলে অন্তরের আগুনে দগ্ধ হন বা নিমিষে কেরোসিনের আগুনে অকালে জীবননাট্যের উপর যবনিকা পাত্ত করেন, তাতেই বা বিচলিত হই কেন ? সংসার ও সমাজের বর্তমান অবস্থায় এর বিপরীত ঘটনাই অসম্ভব।

আসল কথা, আমাদের দেশ অধীনতার দেশ— ইংরেজীতে যাকে বলে Country of Slaves। "সর্বপ্রকার অধীনতা ইহাতে বীজমাত্রে অঙ্কুরিত হইয়া উর্বরা ভূমি পাইয়া বিশেষ বৃদ্ধিলাভ করিয়া থাকে। এখানে প্রজা যেমন রাজার নিতান্ত অধীন, অগ্নত্র তেমন নহে ; এখানে অশিক্ষিত যেমন আজ্ঞাবহ, অগ্নত্র তেমন নহে ; এখানে শূদ্রাদি যেমন ব্রাহ্মণের পদানত, অগ্নত্র কেহই ধর্মযাজকের তাদৃশ বশবর্তী নহে। এখানে যেমন দরিদ্র ধনীর পদানত, অগ্নত্র তত নহে। এখানে স্ত্রী যেমন পুরুষের আজ্ঞাবর্তিনী, অগ্নত্র তত নহে। এখানে রমণী পিঞ্জাবন্ধা বিহঙ্গিনী ; যে বুলি পড়াইবে, সেই বুলি পড়িবে ; আহার দিলে খাইবে, নচেৎ একাদশী করিবে ; পতি অর্থাৎ পুরুষ দেবতা স্বরূপ ; দেবতা স্বরূপ কেন, সকল দেবতার প্রধান দেবতা বলিয়া শাস্ত্রে কথিত আছে ; দাসীহ এতদূর যে, পত্নীদিগের আদর্শস্বরূপা দ্রৌপদী সত্যভামার নিকট বলিয়াছিলেন যে, তিনি স্বামীর সন্তোষার্থে সপত্নীগণেরও পরিচর্যা করিয়া থাকেন।" (বঙ্কিমচন্দ্রের "সাম্য" ।)

আষাঢ়, ১৩২৮

সুরেশচন্দ্র বন্দ্যোপাধ্যায় ।

পরমাণুর গঠন এবং আকৃতি

পদার্থ-বিজ্ঞানের সূত্রপাত হইতে আরম্ভ করিয়া এতাবৎ অনেক দার্শনিক ও পদার্থবিদ পণ্ডিত জড়ের পরমাণুর (Atom) গঠন ও আকৃতি লইয়া অনেক গবেষণা করিয়া আসিতেছেন, কিন্তু কেহই একটা নির্দিষ্ট সিদ্ধান্ত করিতে পারেন নাই। বিজ্ঞানের উন্নতির সঙ্গে সঙ্গে আমাদের দৃষ্টি বতই সূক্ষ্ম হইতেছে, এই প্রণের মীমাংসাও ক্রমে আরও জটিল হইয়া আসিতেছে; কিন্তু ব্রহ্মাণ্ডের এই আদি সূত্রের মীমাংসা ব্যতীত বিজ্ঞান আর একপদও অগ্রসর হইতে পারিতেছে না। পদে পদে কত নূতন নূতন ঘটনা আসিয়া পড়ে, সে-সকলের মধ্যে একটা সামঞ্জস্য রাখিয়া তাহাদের রহস্য উদ্ঘাটন করিতে গেলেই এইখানে আসিয়া সকলকে ঠেকিতে হয়। এই ঘটনাস্রোতে পড়িয়া পরমাণুর কত সংস্করণ এবং কত পরিবর্তন হইল তাহার ইয়ত্তা নাই। শেষে এখন পরমাণু জড়দেহ ছাড়িয়া এক অভেদ্য শক্তিময় পদার্থে পরিণত হইতে চলিয়াছে। আধুনিক বিজ্ঞান পরমাণুতে শক্তির পরিচয় পাইয়াছে, তাই উহাকে এখন আর সামান্য জড় না বলিয়া এই বিশ্বনিয়ন্তা সর্বশক্তিময়ের অংশ রূপে তাহার পূজা আরম্ভ করিয়া দিয়াছে। আজ আমরা এই জটিল প্রশ্নের মীমাংসার মোটামুটি কিছু বলিতে চেষ্টা করিব।

প্রায় বিংশাধিক শতাব্দী পূর্বে, ইউরোপে যখন সবে-মাত্র বিজ্ঞানের আলোক প্রবেশ করিতেছে, হিন্দুস্থানের প্রাচীন দার্শনিক জড়জগতের উৎপত্তি নির্ণয় করিতে গিয়া বলিয়া গিয়াছেন 'পরমাণুভো বিশ্বম্ উৎপাশ্বতে'। সৃষ্টির প্রথম অবস্থায় জড়জগৎ ছিল 'গূঢ়ম্ অব্যক্তম্ অলিঙ্গম্'। ইহাই সাংখ্যদর্শনের 'প্রকৃতি' এবং বেদান্তের 'মায়া'। পরিণাম-ক্রমের (evolution) সঙ্গে সঙ্গে এই অব্যক্ত অঙ্কুর অলিঙ্গ ভূতাদি 'প্রকৃতি' রূঃ (শক্তি) প্রভাবে ভাঙ্গিয়া গড়িয়া পরিস্পন্দনশক্তিবৃদ্ধ এক অতি সূক্ষ্ম পদার্থে পরিণত হইল। এই সূক্ষ্ম পদার্থের নাম 'তন্মাত্র'। শব্দ, স্পর্শ, রূপ, রস, গন্ধ গুণবিশিষ্ট তন্মাত্র পাঁচ প্রকার। এই তন্মাত্র আবার আদিপ্রকৃতি হইতে এতটু একটু করিয়া আরও জড়ত্ব (তমঃ) লাভ করিয়া

অবয়ববৃদ্ধ পরমাণুতে পরিণত হইল। এইরূপে প্রাচীন হিন্দু দার্শনিক বলিয়া গিয়াছেন এই পরমাণুই আমাদের পরিদৃশ্যমান জড়জগতের শেষ পরিণতি। পরমাণুও তন্মাত্রের গুণভেদে ক্ষিতি, অপ, তেজ, মরুৎ, ব্যোম, পাঁচ প্রকার। এই পাঁচ প্রকার পরমাণুর সংমিশ্রণেই মহাভূত জড়ের সৃষ্টি। বৈশেষিক গ্রন্থের মতে পরমাণু চার প্রকার; ব্যোম (আকাশ) নিরবয়ব এবং নিষ্ক্রিয়, ইহার গঠন পরমাণবিক নহে। জড়পদার্থের উত্থাপ, আলোক, শব্দ প্রভৃতি গুণ কোথা হইতে আসিল তাহা নির্দেশ করিয়া বৈশেষিক নৈসর্গিক কণা বলিয়া গিয়াছেন যে পরমাণু নিত্য পরিস্পন্দনশীল এবং ইহার এই পরিস্পন্দন হইতেই জড়ের ভৌতিক ব্যাপারের সৃষ্টি, ইহার সকল প্রকার ক্রিয়া এবং গুণ এই পরিস্পন্দন হইতেই আসে।

এইরূপে হিন্দু দার্শনিক যখন জড়জগতের পরমাণবিক গঠন নির্দেশ করিলেন, তাহার কিছুকাল পরে, পূর্ব-ইউরোপের প্রাচীন সভ্য দেশ গ্রীসে কয়েকজন দার্শনিক পণ্ডিত প্রচার করেন যে জড়পদার্থ কতকগুলি অণুর (molecule) সমষ্টি মাত্র। জড়পদার্থটি যদিও দেখিতে নিশ্চল, অণুগুলি কিন্তু নিশ্চল নহে, তাহারা প্রতিক্ষণই বেগে স্পন্দিত হইতেছে; এই স্পন্দনের বেগে কতকগুলি অণু জড়পিণ্ডের বাহিরে চলিয়া গেলেও অধিকাংশই পরস্পরের সহিত ধাক্কাধাক্কি করিয়া একেবারে উহাকে ছাড়াইয়া চলিয়া যাইতে পারে না।

ইহার পর কত বৃগ কাটিয়া গিয়াছে, পৃথিবীর কত পরিবর্তন হইয়া গিয়াছে, কত জাতির অভ্যুদয়ের সঙ্গে সঙ্গে কত মতের প্রচার হইল, আবার তাহা কালক্রমে বিশ্বস্তির গর্ভে লীন হইল, কিন্তু প্রাচীন দার্শনিক পদার্থবিজ্ঞানের এই প্রথম সূত্রের যেরূপ আবৃত্তি করিয়া গিয়াছেন তাহা আজ পর্য্যন্ত ঠিক একই ভাবে চলিয়া আসিতেছে। অষ্টাদশ শতাব্দীর প্রারম্ভে বিখ্যাত বৈজ্ঞানিক ড্যান্টন ইহাকে আরও কিছুদূর অগ্রসর করিয়া লইয়া গেলেন। তিনি দেখাইলেন যে জড়পদার্থের অণুগুলি মৌলিক নহে অর্থাৎ

সোনা রূপা তামা প্রভৃতির জ্বর কোনও এক পদার্থে গঠিত নহে, উহার মিশ্র পদার্থ; এবং এই অণুই জড়ের শেষ পরিণাম নহে, অণুকে ভাগ করিলে তাহা অপেক্ষা ছোট কতকগুলি পরমাণু পাওয়া যাইবে। প্রত্যেক জড়পদার্থের পরমাণু ভিন্ন প্রকারের এবং উহার অখণ্ডনীয় ও অবিভাজ্য, জড়পদার্থের রাসায়নিক পরিবর্তনকালেও পরমাণুগুলি আপন আপন সত্তা বজায় রাখিয়া নূতন পদার্থের সৃষ্টি করে। জলের একটি অণুতে দুইটি হাইড্রোজেন এবং একটি অক্সিজেন পরমাণু আছে। এখন তাড়িত-সংযোগে জলের এক-একটি অণুকে যদি বিচ্ছিন্ন করা যায়, তাহা হইলে প্রত্যেকবারই একটি একটি পূর্ণ অক্সিজেন কিম্বা হাইড্রোজেন পরমাণু খসিয়া যাইবে, পরমাণুর আর কোনও-রূপ আংশিক পরিবর্তন হইবে না। ড্যান্টনের এই মত তৎকালে বৈজ্ঞানিক জগতে নবযুগের আবির্ভাব করিল। রাসায়নবিজ্ঞানকে পরমাণুর ব্যুৎপত্তি ও সমষ্টি রূপে দেখাইয়া উহাকে আরও সরল এবং আরও দৃঢ় ভিত্তির উপর স্থাপন করিয়া দিল।

ড্যান্টনের ঐ অবিভাজ্য পরমাণু (indivisible atom) সকলেই স্বীকার করিয়া লইলেন বটে, কিন্তু অনেকেই শুদ্ধ এই পর্য্যন্ত আসিয়া নিশ্চেষ্ট হইয়া থাকিতে পারিলেন না। পরমাণুর স্বরূপ কি? এই প্রশ্নের মীমাংসা ইহাতেই একেবারে চূড়ান্ত হইল—এরূপ আশা অনেকেই করিতে পারিলেন না। তবে কিছুদিনের জ্ঞান সকলই নিশ্চিত হইলেন সত্য।

আবার যখন ভিন্ন ভিন্ন মৌলিক পদার্থের (element) পরমাণুর ভার (atomic weight) পরীক্ষা করা হয়, তখন দেখা যায় যে কতকগুলির ভার অণুগুলির সহিত প্রায় সমান ভাবে প্রভেদ এবং এই সমান কমবেশিটুকু ঠিক চারিটি হাইড্রোজেন পরমাণুর একত্র যে ভার হয় ঠিক তাহাই। ইহা দেখিয়া প্রাউট বলিলেন যে আর কিছুই নহে, কেবল ইহার দ্বারা এই প্রমাণ হয় যে জড়ের পরমাণু কতকগুলি পূর্ণসংখ্যক অতি-পরমাণুর (Proto-atoms) সমষ্টি মাত্র এবং ঐকই প্রকার অতি-পরমাণুই সকল মৌলিক পদার্থের মূল। তিনি আরও বলিলেন যে এই সনাতন অতি-পরমাণু অণু কিছু নহে কেবল একটি একটি হাইড্রোজেন

পরমাণু কিম্বা উহার অল্পক ওজনের আর কোনও পদার্থের পরমাণু হইবে। তিনি এইরূপে ড্যান্টনের মতের প্রতিবাদ করিলেন এবং আরও কিছুদূর অগ্রসর হইয়া পরমাণু অপেক্ষাও ক্ষুদ্রতর পদার্থের কল্পনা করিয়া গেলেন। কিন্তু প্রাউটের এই সরল এবং অতিস্বাভাবিক মত তৎকালে যথেষ্ট প্রমাণের অভাবে বেশীদিন টিকিতে পারিল না। আধুনিক বৈজ্ঞানিকের নিকট এই পুরাতনের আদর আবার বাড়িয়াছে। প্রাউট কেবলমাত্র কল্পনার সাহায্যে বাহা বলিয়াছিলেন অধুনিক বিজ্ঞান নানা স্থান হইতে তাহার প্রত্যক্ষ প্রমাণ সংগ্রহ করিয়া আবার নূতন করিয়া উহারই কীর্তি ঘোষণা করিতে আরম্ভ করিয়াছে।

একটি কাচের গোলকের ভিতরকার কতকটা বাতাস যদি পাম্প করিয়া বাহির করিয়া লইয়া তাহার দুইদিকে দুইটি প্লাটিনাম ফলক লাগাইয়া উহার ভিতর তাড়িত সঞ্চালন করা যায়, তাহা হইলে দেখা যায় যে-ফলকটি দিয়া তাড়িত গোলক হইতে বাহির হইয়া যাইতেছে (kathode) সেইটি হইতে একপ্রকার রশ্মি বাহির হয়। গোলকের ভিতর অবশিষ্ট মেটুকু বাতাস থাকে তাহার ভিতর দিয়া এই রশ্মি যতদূর যায় সমস্তটাই আলোকিত করে। আবার ঐ গোলকের নিকট একটি চুম্বক লইয়া গেলে দেখা যায় যে ঐ রশ্মির সোজা পথ চুম্বকের আকর্ষণে বাঁকিয়া গিয়াছে। এই কাচের গোলকের খানিকটা অংশে যদি কাচের পরিবর্তে একটা পাতলা এলুমিনিয়ামের পাত দেওয়া যায় তাহা হইলে ঐ কাথোড-রশ্মিকে এলুমিনিয়াম ভেদ করিয়া বাহিরে আনিতে পারা যায়। অধ্যাপক সার জে জে টমসন্ প্রভৃতি অনেকে দেখাইলেন যে এই অদ্ভুতগুণসম্পন্ন রশ্মি বাস্তবিক অতি হৃদয় তাড়িত-কণিকার সমষ্টি মাত্র, এইসকল কণিকা কাথোড-ফলক হইতে বিকর্ষিত হইয়া গোলকের ভিতর ভীষণ বেগে চলিতে থাকে এবং উহার অবশিষ্ট বাতাসকে আলোকিত করে। এই তাড়িত-কণিকার নামকরণ হইল ইলেক্ট্রন। এইরূপে উনবিংশ শতাব্দীর মধ্যভাগে স্যার উইলিয়ম ক্রুকস্, অধ্যাপক জে জে টমসন্ প্রভৃতি কয়েকজন নববিজ্ঞানের ভিত্তি স্থাপন করিলেন। এই ইলেক্ট্রন পদার্থবিজ্ঞানকে নূতন আলোকে

আলোকিত করিয়া বৈজ্ঞানিক জগতে নবযুগের আবির্ভাব করিয়াছে।

তাহার পর মানবের স্মৃষ্টিচরম উৎকর্ষ হইল যখন এই অদৃশ্য ইলেক্ট্রনের ভার এবং তাহার তাড়িতের পরিমাণ মাপা হইল। এইরূপে দেখা গেল যে এক-একটি ইলেক্ট্রনের ভার সবচেয়ে হালকা একটি হাইড্রোজেন-পরমাণু অপেক্ষা অনেক কম, প্রায় উহার ১০০০০ ভাগ হইবে।

উপরিউক্ত গোলক হইতে বিকর্ষণী তাড়িত-যুক্ত (negatively charged) ইলেক্ট্রন ছাড়া আকর্ষণী তাড়িত-যুক্ত (positively charged) আরও একপ্রকার তাড়িত-কণিকা পাওয়া যায়, গোলকের ভিতর ইহার ইলেক্ট্রনের বিপরীত দিকে ধাবিত হয়। ইহার ইলেক্ট্রনের অপেক্ষা অনেক বড় এবং ইহাদের ভার প্রায় একটি হাইড্রোজেন-পরমাণুর সমান হইবে। বিকর্ষণী তাড়িতকণা পরে আরও অগাঢ় স্থান হইতে আবিষ্কৃত হইয়াছে। বেকেরেল দেখাইলেন ইউরেনিয়াম ধাতু হইতে এইরূপ কণিকা নির্গত হয়। এবং স্বনামধন্য মাদাম কুরী এক-প্রকার গ্রন্থের ভিতর হইতে যে অদ্ভুতশক্তিসম্পন্ন রেডিয়াম আবিষ্কার করিয়া যশস্বিনী হইয়াছেন তাহার ভিতর হইতেও অবিশ্রান্তভাবে এইরূপ তাড়িতকণিকা নিঃসৃত হইতেছে। এইরূপ ধাতুনিঃসৃত তাড়িতকণা ঠিক ইলেক্ট্রনের তায় গুণসম্পন্ন হইলেও ইহাদের নাম দেওয়া হইল বিটা পার্টিকুল। রেডিয়াম ও ইউরেনিয়াম প্রভৃতি হইতেও বিকর্ষণী তাড়িতযুক্ত বিটা পার্টিকুলের সহিত আকর্ষণী তাড়িতযুক্ত কণিকাও নির্গত হয়, ইহাদের নাম আলফা পার্টিকুল। এইসকল তাড়িতকণিকার জড়ের সহিত কোনও সংঘর্ষ নাই, ইহার তাড়িতশক্তির অংশ মাত্র; তবে জড়ের তায় ইহাদের ভার কোথা হইতে আসিল তাহা পরে বলিব।

বিভিন্ন প্রকারের তাড়িতশক্তিসম্পন্ন এইরূপ অতি ক্ষুদ্র ক্ষুদ্র কণিকা আবিষ্কৃত হইবার পর পরমাণুর গঠন লইয়া অনেক পরীক্ষা চলিতে লাগিল। ইলেক্ট্রন যখন পরমাণু অপেক্ষা অনেক ছোট, তখন স্বভাবতঃ ইহাই মনে হয় যে ইহা পরমাণুর অংশ হইতে পারে। অনেকেই এই সিদ্ধান্ত করিয়াছেন যে একটি মৌলিক পরমাণু কতকগুলি ইলেক্ট্রনের সমষ্টি, কেবল ধানিকটা তাড়িত মাত্র, ইহার জড়ের

কোনও বাস্তব সত্তা নাই। পরমাণুর গঠন কতকটা আমাদের সৌর জগতের তায়। সৌর জগতের কেন্দ্রস্থলে যেরূপভাবে সূর্য্য বর্তমান, সেইরূপ একটা আকর্ষণী তাড়িতযুক্ত আলফা পার্টিকুল পরমাণুর কেন্দ্রস্থল, এই আকর্ষণী তাড়িতকণিকা হইতেই পরমাণুর প্রায় সমস্ত ভারটাই আসে। সূর্য্যের চতুর্দিকে গ্রহ-উপগ্রহ-সকল যেমন ঘুরিতেছে এই আকর্ষণী তাড়িতকণিকার চতুর্দিকে সেইরূপ কতকগুলি ইলেক্ট্রন ঘুরিতেছে।

অধ্যাপক রাদারফোর্ড সম্প্রতি এ বিষয়ে অনেক পরীক্ষা করিয়াছেন এবং এখনও করিতেছেন। তিনি পরমাণুকে ভাঙ্গিয়া চুরিয়া তাহার ভিতরকার গঠন সম্বন্ধে অনেক তথ্য বাহির করিয়াছেন। বড় বড় অট্টালিকা প্রভৃতি ভাঙিতে হইলে কামানের সাহায্যে যেমন বড় বড় গোলা ছুড়িতে হয়, সেইরূপ এই অদ্ভুতশক্তিশালী ও বেগবান একটা আলফা পার্টিকুল কিম্বা একটা ইলেক্ট্রনকে যদি কোনও জিনিষের ধানিকটা মোটা পাতের ভিতর দিয়া যাইতে দেওয়া হয় তাহা হইলে অনায়াসে তাহার উহা ভেদ করিয়া যাইবে এবং হয় ত কতকগুলি পরমাণুকে ভেদ করিয়া ভাঙ্গিয়া চুরিয়া যাইবে। এইরূপে রেডিয়াম হইতে নির্গত আলফা পার্টিকুলের সাহায্যে রাদারফোর্ড, নাইট্রোজেন ও অক্সিজেনের পরমাণুকে ভাঙ্গিয়া উহাদের উভয়ের ভিতর হইতে হাইড্রোজেন-পরমাণু এবং একটি হাইড্রোজেন পরমাণুর ভারের তিনগুণ ভারী আর-একপ্রকার পরমাণু পাইয়াছেন। ইহা সহজেই অনুমান করা যায় যে এই দুই প্রকার পদার্থই অক্সিজেন ও নাইট্রোজেন-পরমাণুর ভিতর হইতে আসিল। এইরূপে আলফা পার্টিকুলের সাহায্যে খুবই অল্পসংখ্যক পরমাণুকে চূর্ণ করা যায়; বোধ হয় দশ হাজারের মধ্যে একটা পার্টিকুল একটা পরমাণুর ভিতর দিয়া যায় কি না সন্দেহ। উপরিউক্ত পরীক্ষার রাদারফোর্ড এক-একটি পরমাণুর ফটো লইয়া তবে তাহাদের সংখ্যা নির্ণয় করিতে পারিয়াছিলেন। আরও বিশদভাবে নিজের সাহায্যে চূর্ণ পরমাণুখণ্ডকে ওজন করিয়া দেখিতে হইলে পৃথিবীর সমস্ত রেডিয়াম একত্র করিলেও কয়েকবৎসর কাটিয়া যাইবে।

এইরূপে আরও কয়েকটা মৌলিক পদার্থ লইয়া পরীক্ষা করিয়া সকলগুলি হইতেই হাইড্রোজেন পাওয়া গিয়াছে।

তথু হাইড্রোজেন কিম্বা হাইড্রোজেন ও ইলেক্ট্রন যে সকল প্রকার পরমাণুর মূল তাহা এই পরীক্ষা হইতে বেশ স্পষ্ট বুঝা যাইতেছে। ইহাই প্রাউটের কল্পিত অতিপরমাণু।

এখন প্রশ্ন হইতে পারে, যে পরমাণু যদি খানিকটা তাড়িতশক্তি মাত্র, তাহা হইলে তাহার ভার আসিল কোথা হইতে? ইংরেজিতে যাহাকে weight বলে তাহাকেই বাঙ্গালায় আমরা ভার বলিয়াছি; ইংরেজিতে mass শব্দের অর্থ quantity of matter (জড়ের পরিমাণ), বাঙ্গালায় কেহ কেহ উহাকে 'বস্তু' আখ্যা দিয়াছেন। এখন কোনও একটা জিনিষ হাতে করিয়া উঠাইলেই আমরা একটা ভার বা চাপ অনুভব করিয়া থাকি; এই ভার ঐ জড় পদার্থের নিজস্ব নহে—পৃথিবী সকল পদার্থকেই তাহার কেন্দ্রের দিকে টানিতে থাকে, সুতরাং আমরা উহা উঠাইতে গেলেই পৃথিবী বাধা দিবে, এই বাধাকেই আমরা ভার বলিয়া থাকি। জড়পদার্থের যে জিনিষটা নিজস্ব সেটাকে আমরা 'বস্তু' বলিয়া থাকি। পৃথিবী টানুক আর নাই টানুক জড়ের 'বস্তু' থাকিবেই; অতএব বস্তুই জড়ের জড়ত্ব। তাহা হইলে দেখা যাইতেছে জড় থাকিলেই তাহার বস্তু থাকিবে এবং বস্তু থাকিলেই তাহার ভারও থাকিবে। জড়ের ধাক্কা খাইবার ক্ষমতা হইতে আমরা তাহার বস্তুর পরিমাণ করিয়া থাকি। দুইটা পদার্থ পরস্পর ধাক্কাধাক্কি করিয়া বিপরীতদিকে ছুটিয়া যায়, যেটির বস্তু কম সেইটি অপরটি অপেক্ষা বেশী দূরে গিয়া পড়ে, দুইটাই সমান হইলে সমান দূরে গিয়া পড়িবে, এইরূপে বস্তুর কমবেশি বুঝা যায়। নিস্ত্রিয় সাহায্যেও আমরা একটা জিনিসের বস্তু অপর একটার সহিত তুলনা করিয়া থাকি; পাঁচ ভরি ওজনের সোনা বলিতে আমরা বুঝি ঐ সোনার বস্তুর পরিমাণ পাঁচ ভরি। এতদিন আমরা জানিয়া আসিয়াছি যে ঐ সোনাটুকু সকল অবস্থাতেই পাঁচ ভরি থাকিবে, উহা গলাইয়া অলঙ্কার করিলেও পাঁচ ভরি থাকিবে, উহাকে বাঁকান বন্ধ করিয়া রাখিলেও পাঁচ ভরি থাকিবে, আবার উহাকে তাড়িতযুক্ত করিলেও পাঁচ ভরি থাকিবে। ইহা পরীক্ষালব্ধ সত্য হইলেও, এতদিন ইহাকে আমরা স্বতঃসিদ্ধ সত্য বলিয়া মনে করিয়া আসিয়াছি এবং এই-রূপে একদিনও আমাদের কাছে কোথাও ঠকিতে হয় নাই। আজ-

কাল অনেকে বলেন এবং প্রকৃত পরীক্ষাধারা দেখাইয়াছেন যে ঐ তাড়িতযুক্ত পাঁচভরি সোনাটা যতক্ষণ নিশ্চল কিম্বা আন্তে আন্তে চলিতে থাকে ততক্ষণ উহা পাঁচ ভরি থাকে বটে, কিন্তু যখন উহা একটা ইলেক্ট্রনের স্তায় ঘণ্টায় ৬০ কোটি মাইল বেগে ছুটিতে থাকে তখন উহার ওজন প্রায় ১:৫ ভরি হইবে। সোনাটা তাড়িতযুক্ত না হইলেও তাহার ওজন এইরূপে বাড়িয়া যাইত কি না তাহা কেহ দেখান নাই, তবে উহা না বাড়িবারও কোন কারণ নাই। যাহাই হউক, তাঁহারা বলেন ভীষণ বেগে গতিই তাড়িতের ওজন বা বস্তুর অসুমান করাইয়া দেয়। সুতরাং ইলেক্ট্রন বাস্তবিক তাড়িতকণিকা হইলেও তাহার সমস্ত ওজন বা বস্তুটাই কেবল তাহার এই অতি ভীষণ গতি হইতেই উদ্ভূত। ইহার গতি যদি আরও বেশী হয়, ইহার ওজনও আমাদের নিকট আরও বেশী বলিয়া বোধ হইবে; শেষে যখন উহা আলোকের ন্যায় ভীষণ বেগে ছুটিবে তখন উহার ওজন আর আমরা মাপিয়া কুলাইতে পারিব না, এমন কি কল্পনাতেও আনিতে পারিব না, উহা তখন অপরিমেয় (infinite); তবে একটা সুবিধার বিষয় এই যে আলোকের ন্যায় ভীষণ গতিতে আলোক ছাড়া আর কিছুই ছুটিতে পারে না।

তাহা হইলে এখন আমরা দেখিলাম ইলেক্ট্রন তাড়িত-কণিকা হইলেও তাহার বস্তু কিস্তি কিরূপে আসিল। বস্তু থাকিলেই তাহার ভারও থাকিবে এবং এই ইলেক্ট্রনের সমস্ত পরিমাণও ভার থাকিবে।

এই ত গোল পরমাণুর গঠন, এখন উহার আকৃতি কিরূপ? অধ্যাপক অস্‌বর্ন, রেনল্ড্‌স্‌ বহুদিন আগে পরমাণুকে সমুদ্রতীরের স্তূড়ি পাথরের স্তায় গোল বলিয়া গিয়াছেন। তিনি বলেন যে সমুদ্রতীরের ছোট ছোট পাথরগুলি যেমন বহুকাল ধরিয়া সমুদ্রতীরের দ্বারা আলোড়িত হইয়া পরস্পর ঠোকাঠুকি ধাক্কাধাক্কি করিয়া ক্রমশঃ গোল হইয়া যায়, তেমনি পরমাণুও আগে ত্রিকোণ কিম্বা চতুষ্কোণ যাহাই থাকুক, এখন এতদিন ধরিয়া পরস্পর ধাক্কাধাক্কিতে ঘষিয়া গোল হইয়া গিয়াছে। রেনল্ড্‌স্‌ের কল্পিত এই গোলাকার পরমাণুর কেহ কোনও বিশেষ প্রতিবাদ করেন নাই। আধুনিক বিজ্ঞানও পরমাণুর

আকৃতির কোনও চাক্ষুণ্য প্রমাণ না পাইলেও ইহাকে গোলাকার বলিয়া সাব্যস্ত করিয়াছে। পরমাণুর কেন্দ্রে যে আকর্ষণী তড়িতযুক্ত হাইড্রোজেন পরমাণুটা আছে সেটা গোল, ইহা কতকগুলি ফাঁপা গোলকের ভিতর (ঠিক যেরূপ ভাবে একটা বড় কোটার ভিতর আর-একটা কোটা থাকে সেই ভাবে) আছে। বাহিরের এই ফাঁপা গোলকগুলি আর কিছুই নহে কেবল ঘূর্ণায়মান ইলেক্ট্রন। তবে একটা পরমাণুতে এইরূপ কয়টা স্তর ইলেক্ট্রন আছে তাহা তাহাদের সংখ্যার উপর নির্ভর করে এবং ইহা সকল মৌলিক পরমাণুতে সমান নহে, যাহার যেরূপ ওজন তাহার ইলেক্ট্রনের সংখ্যাও সেই অনুসারে কমবেশি।

পরমাণুকে এইরূপে শক্তির ছাঁচে গঠন করিয়া আধুনিক বিজ্ঞান জড়কে একবারে বিজ্ঞানশাস্ত্র হইতে নির্বাসন করিতে চাহে এবং জড়ের পরিবর্তে শক্তি নামক পদার্থকে বসাইয়া তাহাকেই পূজা করিতে চাহে। জড়পদার্থের স্বতন্ত্র অস্তিত্ব মোটেই স্বীকার করিতে চাহে না। অষ্টাদশ শতাব্দীর বিজ্ঞানশাস্ত্র যে জড়কে অবিনাশী বলিয়া এতদিন তাহারই শ্রীচরণে পুষ্পচন্দন দিয়া আসিয়াছে, উনবিংশ শতাব্দীর বিজ্ঞানশাস্ত্র সেই জড়ের সর্বনাশ সাধন করিয়া শক্তির অবিনাশিতা প্রতিপন্ন করিয়া তাহারই জয়ধ্বজা তুলিয়াছে।

শ্রীসত্যবান রায়।

হলুধবনি


উলু উলু উলু উলু কি মধুর কল্লোল !
নন্দন হতে এলো উল্লাস-হিল্লোল।
মখন-রব শো নো, সুধা ওই উঠছে ;
বাঁধুলী ও কুন্দ যে একসাথে ফুটছে।
কিন্নরী ছড়াইছে কুবেরের বিস্ত,
কুড়াইতে ভুলে যায় আনন্দনা চিত্ত।
পিনাকীর জটাজালে সুরধুনী আসছে,
বাঁশী হাসি ফাগে রাগে কুঞ্জ যে ভাসছে,
বেজে উঠে রয়ে রয়ে শঙ্খা কি জন্ত,
বরে লাজ মুক্তার, ধন্য গো ধন্য।
জাগে সুর নৃত্যের মঞ্জীর-গুঞ্জন
অনুরাগে পরীদের ফুল-সুধা ভুঞ্জন।
কৈলাস হিমালয়ে কি তুফান উঠলো,
মিথিলায় সরযুর কি জোয়ার জুটলো,
ছকুলে ও বাঁধাছালে একি মধুগ্রাসি—
কল্যাণ হলো আজ আদরেতে বন্দী !
পুলকের বেদে ও যে প্রণবের শব্দ,
বরে' লয় দিক্‌বধু দিক্‌পাল স্তব্দ।

শ্রীকুমুদরঞ্জন মল্লিক।

অন্ধ

আমাদের আর-সব সকলের মত
দেখিতে পাও না তুমি কিছুই হয়ত !
আমাদের আকাশের শশী ও তপন
হয়ত তোমার কাছে সুদূর স্বপন !
আমাদের তরুণীর রূপের পরশ
তোমার নয়ন-মন করে না সরস।
তাহলে কি এই দীর্ঘ জীবন তোমার
আলোহীন স্নিবিড় আঁধার অমার ?
আমাদের মুখে শুনে অ'গোর মহিমা,
রূপসীর কুসুমিত রূপের গরিমা,
কল্পনায় সৃষ্টি কি গো কিছুই করনি
আর একটা সুন্দর মধুর ধরণী ?
সেখানে যে আলো আছে—হয়ত অমন
স্বপনেও দেখেনিক শশী ও তপন !
হয়ত যে রঙ সেখা করেছে বাহার
রামধনু একটাও দেখেনি তাহার !
সেখাকার অপরূপ রূপসীর ছবি
ভাবেনি হয়ত কভু হেথাকার কবি !
বাস্তব জগত 'পরে হুদিয়া নয়ন
কল্পনার দেশে কি গো দেখিছ স্বপন ?

'বনফুল'



প্রবাসীর মূল্য দিবার সর্বাপেক্ষা ভাল উপায়

গত ১লা ফেব্রুয়ারী হইতে ডাকবিভাগের ডিরেক্টর-জেনারেল এট নিয়ম করিয়াছেন, যে, ডাকবিভাগের রেজিষ্টারী-ভুক্ত সংবাদপত্রসমূহ তাহাদের দ্রুত নির্দিষ্ট ন্যূন মাপেই পূর্ববৎ ভি-পি ডাকে পাঠান চলিবে।

এই কারণে, আমরা মাথের প্রবাসীর ৫৭৮ পৃষ্ঠায়, “আগামী ১৩২৯ সালের প্রবাসীর মূল্য সাড়ে ছয় টাকা একখানি করিয়া রসীদ আমরা গ্রাহকদিগকে খামের মধ্যে পুরিয়া ভ্যালুপেয়েবল্ ডাকে আগামী ১০ই চৈত্র পাঠাইব,” বলিয়া যে ইচ্ছা প্রকাশ করিয়াছিলাম, তাহা পরিত্যাগ করিলাম।

কিন্তু ডাকবিভাগের পূর্বেকার নিয়ম আবার প্রচলিত হওয়া সত্ত্বেও, ভ্যালুপেয়েবল্ ডাকে প্রবাসী লইয়া উহার বার্ষিক বা ষাণ্মাসিক মূল্য পদান, মূল্য দিবার অত্র দুটি-উপায় অপেক্ষা অধিক ব্যয়সাধ্য রহিল।

প্রবাসীর মূল্য দিবার সর্বাপেক্ষা সস্তা উপায়—

নিজে বা লোক মারফত আমাদের আফিসে সাড়ে-ছয় টাকা জমা দেওয়া।

ইহাতে অতিরিক্ত কোন ব্যয় নাই। কলিকাতার গ্রাহকদিগকে এই উপায় অবলম্বন করিতে অনুরোধ করিতেছি।

যাহারা এই উপায় অবলম্বন করিতে পারিবেন না, তাহারা মনি-অর্ডার দ্বারা ৩১০ পাঠাইলে মোট খরচ ৩১০ হইবে।

ভ্যালু পেয়েবলে প্রবাসী লইলে সর্বাপেক্ষা অধিক, অর্থাৎ ৬৮%, ব্যয় পড়িবে।

গ্রাহকগণ অনুগ্রহ করিয়া তাহাদের গ্রাহক-নম্বর টুকিয়া রাখিবেন। উহা প্রবাসীর মোড়কে গ্রাহকের নামের উপর

হাতের অক্ষরে লেখা থাকে। টাকা দিবার সময় এবং অত্র চিঠিপত্রে গ্রাহক-নম্বরের উল্লেখ বাঞ্ছনীয়।

প্রবাসীর ১৩২৯ সালের মূল্য আগামী ১৫ই চৈত্রের মধ্যে আমাদের হস্তগত হইলে ভাল হয়।

আইন-অনুযায়ী দণ্ড ও বেআইনী অভ্যুত্থান

যে-কোন দেশে বাহারা দেশ শাসন করে, সেই দেশের আইন প্রয়োগ করিবার অধিকার তাহাদের আছে। আইনটা ভাল কি মন্দ, উহা ধর্মনীতি-সঙ্গত, না তাহার বিকৃত, তাহার বিচার স্বতন্ত্র। কিন্তু কোন আইন থাকিলে, তাহার প্রয়োগের জন্ত শাসকদিগের নিন্দা করা চলে না। গর্হিত আইন যাহাতে না হয়, তাহার চেষ্টা করা জনসাধারণের কর্তব্য। সেরূপ কোন আইন বিধিবদ্ধ করিবার প্রস্তাব হইয়াছে, বা তাহা বিধিবদ্ধ হইতে যাইতেছে, জানিবামাত্র উহা যাহাতে বিধিবদ্ধ না হয়, তাহার চেষ্টা করা উচিত। বিধিবদ্ধ হইয়া বহিবার পর, উহা রদ করাইবার চেষ্টা যাহাতে চলিতে থাকে, তাহার প্রতিও দৃষ্টি থাকা চাই। সঙ্গে সঙ্গে সর্বদা দেখা চাই, যে, ঐ আইনের অপপ্রয়োগ হইতেছে কি না। উপরে বলিয়াছি, উহার প্রয়োগের জন্ত শাসকদের নিন্দা করা চলে না; কিন্তু অপপ্রয়োগের নিন্দা করা একান্ত কর্তব্য। অপপ্রয়োগের শুধু প্রতিকূল সমালোচনা করিয়াই নিশ্চিত থাকা উচিত নয়; উহার প্রতিরোধ করাও বৈধ এবং কর্তব্য।

খারাপ আইনের প্রয়োগ ও অপপ্রয়োগ সম্বন্ধে জনসাধারণের কর্তব্য সাধারণভাবে উল্লিখিত হইল। খারাপ আইন নানা রকমের আছে। এখানে আমরা বিশেষভাবে সেইসব আইনের কথাই বলিতেছি যাহার দ্বারা সভ্য রাষ্ট্রের ভিত্তিভূত জনসাধারণের স্বাধীনতা ও অধিকার লোপ বা খর্ব হয়। লিখিয়া ছাপিয়া বা মুখের কথা দ্বারা মত চিন্তা ও ভাব

প্রকাশের অধিকার ও স্বাধীনতা, এক প্রকাশ সভা করিয়া সার্বজনিক বিষয়ের আলোচনা করিবার অধিকার সভ্য রাষ্ট্রের মানুষদের থাকে। ভারতবর্ষে এই স্বাধীনতা ও অধিকার গোপ বা হ্রাস করিবার যে যে আইন আছে, তাহা খারাপ আইন। বর্তমান সময়ে এইরূপ খারাপ আইনের প্রয়োগ ও অপপ্রয়োগের দ্বারা ইতিমধ্যেই কয়েক হাজার লোককে জেলে পাঠান হইয়াছে। অপপ্রয়োগের নিন্দা আমরা করিতেছি। যে যে আইনের প্রয়োগ দ্বারা এতগুলি লোকের স্বাধীনতা লুপ্ত হইয়াছে, সে রূপ আইন জনসাধারণের মতের বিরুদ্ধে কখনও বিধিবদ্ধ হওয়া উচিত ছিল না। জনসাধারণের মতের বিরুদ্ধে এরূপ আইন করিবার ক্ষমতা কোন গবর্নমেন্টের থাকা উচিত নয়। যে-রকমের গবর্নমেন্ট দ্বারা এরূপ আইন বিধিবদ্ধ হয় ও হইতে পারে, তাহার আমূল পরিবর্তন হইয়া অগুবিধ শাসনপ্রণালীর প্রতিষ্ঠা একান্ত আবশ্যিক।

খারাপ আইনের প্রয়োগে ও অপপ্রয়োগে মানুষের শাস্তি অপেক্ষা বেআইনী অত্যাচার অধিকতর ভীষণ, নিন্দনীয় ও গর্হিত। আইন যতই খারাপ হউক তাহা গুপ্ত নহে, এবং তাহার প্রয়োগ ও অপপ্রয়োগ যেরূপ হউক, তাহা অপ্রকাশিত থাকে না। তাহার প্রয়োগ ও অপপ্রয়োগের ফলস্বরূপ লোকের যে দুঃখ ও ক্ষতি হয়, তাহার একটা সীমা ও পরিমাণ আছে। কিন্তু বেআইনী অত্যাচারের প্রণালী প্রকার সীমা পরিমাণ কিছুই নির্দিষ্ট নাহি, এবং তাহা অনেক সময় গুপ্ত ও অপ্রকাশিত থাকে। বর্তমান সময়ে অনেক সরকারী কর্মচারী যে নানা স্থানে নানা প্রকার লোকের উপর অত্যাচার করিতেছে, তাহাতে সন্দেহ নাই। সকল প্রদেশের বিস্তর খবরের কাগজে প্রত্যহ এবিধ নানা অত্যাচার-কাহিনী বাহির হইতেছে। রাস্তাঘাটে বাজারে দোকানে প্রকাশ্য জনসভায় লোকে-এ অপমান ও প্রহার সহ করিতেছে; অনেকের রক্তপাত হইতেছে; গুলিতে কাহারও কাহারও প্রাণ যাইতেছে; গ্রাম ও ঘরবাড়ী কোথাও কোথাও লুট হইয়াছে; জেলে অনেক রাজনৈতিক কয়েদীর সাময়িক অনাহার, অন্নাহার, অখাদ্য আহার, শীতবস্ত্রাভাব, চূর্ণক মলিন কীটাকীর্ণ ছিন্ন বস্ত্র ও শয্যা ব্যবহার, নগ্নীকৃত দেহে বেত্রাঘাত দণ্ডভোগ, হাতে বঁড়া ও পায়ে বেড়ি প্রভৃতি শাস্তিভোগ, ইত্যাদি নানা

অত্যাচারকাহিনী বহু সংবাদপত্রে দৃষ্ট হইতেছে। ইহার অধিকাংশের কোন সরকারী প্রতিবাদ ও অনুসন্ধান হইতেছে না। সংবাদগুলিতে আংশিক ভুল ও অত্যাঙ্কি থাকিতে পারে, কিন্তু মূলে সত্য আছে বলিয়া আমাদের বিশ্বাস। এইরূপ অত্যাচার অত্যাচারী সরকারী কর্মচারীরা নিজে ক্রোধপ্রযুক্ত ও প্রতিশোধ লইবার ইচ্ছা বশতঃ করিতেছে, না তাহারা উপরওয়াল কর্তৃপক্ষের আদেশে বা জ্ঞাতসারে করিতেছে, তাহা নির্ণয় করা অসম্ভব বা দুঃসাধ্য। কেবল এইমাত্র বলা যায়, যে, এরূপ অত্যাচার কোন দেশেই তদেশের গবর্নমেন্টের জ্ঞাতসারে বা আদেশে হওয়া অসম্ভব নহে। কারণ, সকল দেশের গবর্নমেন্টই কতকগুলি মানুষের সমষ্টির নাম, এবং এই মানুষগুলি বুদ্ধিব্রংশ ভ্রম ক্রোধ প্রতিহিংসা আদির অতীত নহে। আয়ারল্যান্ডে এরূপ অত্যাচার সরকারী কর্মচারীরা আদেশে ও জ্ঞাতসারে হইয়াছে, তাহার প্রমাণ ইংরেজদের কোন কোন কাগজে বাহির হইয়াছে।

জনতার দ্বারা অত্যাচার

সরকারী লোকেরা অত্যাচার করে বলিয়া বেসরকারী জনতার বা বেসরকারী ব্যক্তিবিশেষের দ্বারা অত্যাচার মার্জ্জনীয় বা কম নিন্দনীয় নহে; পক্ষান্তরে বেসরকারী জনতার বা ব্যক্তিবিশেষের দ্বারা অত্যাচার হয় বলিয়া সরকারী লোকদের অত্যাচার মার্জ্জনীয় বা কম গর্হিত নহে।

জনতার দ্বারা ভীষণ পৈশাচিক অত্যাচার গত তিন বৎসরের মধ্যে কয়েক জায়গায় হইয়াছে, ব্যক্তিগতভাবে অত্যাচারও বেসরকারী কোন কোন লোক নানা স্থানে করিয়াছে। জনতার দ্বারা ভীষণ পৈশাচিক অত্যাচার কয়েকদিন পূর্বে গোরখপুর জেলার চওরী-চওরা গ্রামে হইয়া গিয়াছে। জনতা তথাকার থানা পুড়াইয়া দিয়াছে এবং বাইশ-জন পুলিশ কর্মচারীকে মারিয়া ফেলিয়াছে। ইহার মধ্যে কয়েকজনকে বধ করিবার পর পুড়াইয়াছে, এবং কয়েকজনকে পুড়াইয়া মারিয়াছে, তাহা বলা যায় না। থানা লুটও জনতা করিয়াছে।

এইরূপ ব্যবহার পৈশাচিক। সাধারণ জনতা দ্বারা ইহা হইয়া থাকিলে, ইহা পৈশাচিক; কিন্তু ইহা যদি

অসহযোগী স্বেচ্ছাসেবকদের নেতৃত্বে হইয়া থাকে, বা যদি জনতার অধিকাংশ বা কিয়ৎংশ অসহযোগী স্বেচ্ছাসেবক ছিল, তাহা হইলে ইহা আরও অধিকতর গর্হিত এবং পৈশাচিক। কারণ, মহাত্মা গান্ধী প্রমুখ অসহযোগী নেতারা পুনঃপুনঃ বলিয়াছেন, যে, অসহযোগীদিগকে সম্পূর্ণরূপে অহিংসাপন্থী হইতে হইবে। মহাত্মা গান্ধীর ইহা একটা ভান, এংলো-ইণ্ডিয়ান কাগজওয়ালারা এইরূপ বলে ও লেখে; আমাদের দেশী লোকদেরও কাহারও কাহারও এরূপ ধারণা থাকা সম্ভব। কিন্তু মহাত্মা গান্ধীর সত্যবাদিতা ও সরলতা সম্বন্ধে আমাদের কোন সন্দেহ নাই। তিনি অন্তরের সহিত অহিংসা চান। অসহযোগী স্বেচ্ছাসেবকদের যে সম্পূর্ণ অহিংসাপন্থী হওয়া উচিত, তাহা কংগ্রেস কর্তৃপক্ষও একটি প্রতিজ্ঞা (resolution) দ্বারা নির্দেশ করিয়াছেন। তাহাতে নির্ধারিত হইয়াছে, যে, সম্পূর্ণ অহিংসাপন্থী না হইলে কেহ স্বেচ্ছাসেবক হইতে পারিবে না। সুতরাং অহিংসাতন্ত্র গ্রহণ করিবার পর যে-কেহ গৃহদাহ ও নরহত্যায় লিপ্ত হয়, সে ত অমানুষ বটেই, অধিকন্তু মিথ্যাবাদী এবং ভণ্ডও বটে।

কখন কখন সরকারী কর্মচারীদের অত্যাচারে বা গুপ্তচরদের প্ররোচনাবশতঃ উদ্বেজনার বেসরকারী জনতা অত্যাচারী হয়, ইহা বলিলে দোষস্থানন হয় না। অত্যাচার যে কারণে যেক্রমেই ঘটুক, তাহা নিন্দনীয়। অন্তর্দেশের পন্থা বা নজীর বাহাই হউক, আমরা খুব অত্যাচারিত হইলেও অত্যাচার করিব না, ইহা আমাদের আদর্শ হইলে তবে আমরা স্বরাজ স্থাপন করিতে পারিব।

মহাত্মা গান্ধীর দায়িত্ব এবং দেশের কর্তব্য

বেসরকারী সমুদয় অত্যাচারের জন্য মহাত্মা গান্ধীকে পরোক্ষভাবে দায়ী অনেকে করিতেছে, সাক্ষাৎভাবে দায়ীও কেহ কেহ করিতেছে। এই প্রকারে তাঁহার ঘাড়ে দায়িত্বের ও দোষের বোঝা চাপান খুব সোজা। কিন্তু প্রথম দোষ কে করিয়াছে, প্রথমে কে ছিল ছুড়িয়াছে, তাহাও নির্ণীত হওয়া উচিত।

আমরা অনেকে এখন ঘরে বসিয়া কখন গবর্নমেন্টকে কখন গান্ধী মহাশয়কে, কখন বা উভয়কে দোষ

দিতেছি। কিন্তু বহু বৎসর ধরিয়া, জীবন তুচ্ছ করিয়াও, গান্ধী গবর্নমেন্টের সহযোগিতা করিয়াছেন, গত মহাযুদ্ধেও গান্ধী গবর্নমেন্টের জন্ত সৈন্ত সংগ্রহ করিয়াছিলেন (আমরা অনেকবার বলিয়াছি যে ইহা তাঁহার করা উচিত হয় নাই); তিনি বরাবর অসহযোগী ছিলেন না। এরূপ সহযোগী গান্ধী অসহযোগী কেন হইলেন, তাঁহার সমালোচকদের তাহা জানা উচিত, বিশেষতঃ সেইসব সমালোচকদের জানা উচিত যাহারা কখন তাঁহার মত গবর্নমেন্টের সহযোগিতা করেন নাই। গান্ধী কেন অসহযোগী হইয়াছেন, তাহা তিনি নিজেই ইং ইণ্ডিয়াতে লিখিয়া-ছিলেন, এবং তাহা নানা সংবাদপত্রে উদ্ধৃত হইয়াছিল। তাহার মর্ম্ম এই, যে, সহযোগিতা দ্বারা ইংরেজদের নিকট হইতে স্বরাজ জিনিয়া লওয়া যাইবে না; যুদ্ধে মানুষ যেমন সাহস দেখায় এবং কষ্ট ও ক্ষতি সহ করে, অস্ত্রহীন নিকরপন্থ বরুপাতহীন সংগ্রামে সেইরূপ সাহস দেখাইয়া এবং কষ্ট ও ক্ষতি সহ করিয়া আমরা ইংরেজদের নিকট হইতে

এ বিষয়ে মতভেদ আছে এবং থাকিতে পারে। কেহ কেহ মনে করেন, ভারতসংস্কার আইন অনুসারে গবর্নমেন্টের সহযোগিতা করিয়া স্বরাজ পাওয়া যাইবে এবং ইহার প্রমাণ স্বরূপ তাঁহার ব্যবস্থাপক সভার বেসরকারী সভ্যদের ও গবর্নমেন্টের কোন কোন কাজের উল্লেখ করিয়া বলেন, এই দেখ কতটা অগ্রসর হওয়া গিয়াছে। কিন্তু এই অগ্রগতি সম্পূর্ণ বা আংশিক স্বরাজ প্রাপ্তি নহে, কেন না কর্তা ইংরেজই থাকিতেছে। তা ছাড়া ইংরেজ আমলারা ষাটটা বিষয়ে যে “মিষ্ট যুক্তিমার্গানুসারিতা” (sweet reasonableness) দেখাইতেছে, তাহা অসহযোগ প্রচেষ্টার বিঘ্নমানতাবশতঃ কি না, “সংস্কারপন্থী”রা তাহা ভাবিয়া দেখিতে পারেন।

যাহা হউক, গান্ধী মহাশয়ের মত আমরাও মনে করি, যে, কেবল “সহযোগিতা” দ্বারা স্বরাজ প্রাপ্তি ঘটতে পারে না; সম্পূর্ণ হউক, বা কোন কোন বিষয়ে হউক অসহযোগের প্রয়োজন।

অসহযোগ আন্দোলনে দেশে খুব অশান্তির আবির্ভাব হইয়াছে, ইহা অসহযোগীরাও স্বীকার করিবেন। তবে,

তাঁহারা বলিবেন এই, যে, গবর্ণমেন্ট দেশমত অনুসারে চলিলে দেশের দাবী গ্রাহ্য করিলে কোন অশান্তি ত হইত না; গবর্ণমেন্ট তাঁহার পরিবর্তে, দেশমতে অবজ্ঞা দেখাইয়া নিগ্রহনীর অহুসরণ করায় অশান্তি হইয়াছে। অসহযোগীদের জবাব না হয় নাই শুনিলাম; কিন্তু জিজ্ঞাসা করি, প্রথম টিল ছুড়িয়াছিল কে? একজন প্রবীণ ও সুপরিচিত শ্রদ্ধের উদারপন্থী আমাদিগকে বলিয়াছিলেন, “প্রথম টিল ছুড়িয়াছিলেন গবর্ণমেন্ট এবং সেই টিলটি হইতেছে রোলট আইন।” দেশের সব রাজনৈতিক দলের মতের বিরুদ্ধে গবর্ণমেন্ট এই আইন পাস করিয়া দেশের লোকের প্রতি অবজ্ঞা প্রদর্শন করেন, এবং পরোক্ষভাবে দমন-ইচ্ছা জ্ঞাপন করেন। সুতরাং খুব মডারেটরাও আশা করি স্বীকার করিবেন, যে, বর্তমান অশান্তির জন্ত গবর্ণমেন্টেরও কিছু দায়িত্ব ও দোষ আছে।

যেমন কান টানিলে মাথা আসে, তেমনি অসহযোগের সঙ্গে সঙ্গে আসে অবাধ্যতা। “বর্তমান গবর্ণমেন্ট, ভারতীয় জাতির হিতসাধন ও সম্মানরক্ষার জন্য যাহা মর্কার, তাহা করে না, বরং, ইহার দ্বারা ভারতীয় জাতির চূড়ান্ত অপমান হইয়াছে, এবং ইহা জাতীয় মতের বিরুদ্ধে কার্য্য করার জাতীয় অধিকার ও আত্মকর্তৃত্ব ইহা অস্বীকার করিয়াছে, অতএব ইহার সহিত সহযোগিতা করা অধর্ম্ম,” এইরূপ বিশ্বাস যদি কাহারও হয়, তাহা হইলে তাঁহার কর্তব্য কি? তিনি শুধু ইহা বলিয়াই ক্ষান্ত থাকিবেন না, যে, আমি এই গবর্ণমেন্টের সহিত সহযোগিতা করিব না; তাঁহাকে বলিতে হইবে যে, এই গবর্ণমেন্টের আজ্ঞা মানিব না, ইহাকে ট্যাক্স দিব না, ইহার কাজ অচল করিব, এবং ইহার স্থানে একরূপ শাসনপ্রণালী প্রতিষ্ঠিত করিব, যাহা জাতীয় আত্মকর্তৃত্ব কার্য্যতঃ মানিয়া চলে। কিন্তু বর্তমান গবর্ণমেন্টের আজ্ঞা না মানা, বর্তমান গবর্ণমেন্টকে অচল করা, এবং তাহার স্থানে জাতীয়-আত্মকর্তৃত্ব-স্বীকারকারী শাসনপ্রণালী প্রতিষ্ঠিত করিবার চেষ্টা করা, প্রধানতঃ দুই প্রকারে হইতে পারে। এক হইতে পারে, সশস্ত্র বিদ্রোহ দ্বারা এবং আর এক রকম হইতে পারে নিরস্ত্র নিকৃপদ্রব অবাধ্যতা ও প্রতিরোধ দ্বারা। মহাত্মা গান্ধী অহিংসাপন্থী ও আত্মিক শক্তিতে বিশ্বাসী। এই-জন্ত তিনি দ্বিতীয় পথ অবলম্বন করিয়াছেন।

এমন অনেক লোক আছেন, যাঁহারা মনে করেন, কোন অবস্থাতেই কাহারও কোন-গবর্ণমেন্টের কোন আজ্ঞা লঙ্ঘন, কোন আইন লঙ্ঘন, কোন প্রকার অবাধ্যতা করা উচিত নহে; অথবা কোন গবর্ণমেন্টকে অচল করিয়া তৎপরিবর্তে শ্রেষ্ঠতর অন্তবিধ গবর্ণমেন্ট প্রতিষ্ঠিত করিবার চেষ্টা করা উচিত নহে। যাঁহাদের মত এপ্রকার, তাঁহারা যে ভ্রান্ত তাহার প্রমাণ বহুদেশের প্রাচীন ও আধুনিক ইতিহাসে লেখা রহিয়াছে। সম্ভবতঃ আমাদের দেশের মডারেট দলের নেতারা এই শ্রেণীর লোক নহেন। তাঁহাদের আন্তরিক মত সম্ভবতঃ তিন রকমের হইতে পারে :—(১) বর্তমান গবর্ণমেন্ট এত খারাপ নহে যে ইহার আজ্ঞা লঙ্ঘনাদি করিয়া ইহার পরিবর্তে অন্য রকমের গবর্ণমেন্ট প্রতিষ্ঠিত করা আবশ্যিক, কেননা ইহারই ক্রমপরিবর্তন ও ক্রমোন্নতি দ্বারা জাতীয় কর্তৃত্ব প্রতিষ্ঠিত হইতে পারে। (২) ভারতীয় জাতির অবস্থা ও চরিত্র বর্তমানে একরূপ যে ইহার মধ্যে বর্তমান গবর্ণমেন্ট অপেক্ষা শ্রেষ্ঠ গবর্ণমেন্ট গঠনের মালমশলা নাই, সুতরাং নূতনবিধ গবর্ণমেন্ট স্থাপিত হইলেও তাহা টিকিবে না বা তাহা অন্তঃশত্রু ও বহিঃশত্রু হইতে দেশরক্ষা করিতে সমর্থ হইবে না। (৩) বর্তমান গবর্ণমেন্টের জায়গায় শ্রেষ্ঠ অন্তবিধ গবর্ণমেন্ট প্রতিষ্ঠিত করা আবশ্যিক বটে, কিন্তু বর্তমান শাসকদম্প্রদায় ও জাতি এমন শক্তিমান যে তাহাদিগকে ক্ষমতাচ্যুত করিবার শক্তি ভারতীয় জাতির নাই।

এই তিন প্রকার মতের কোনটিকেই হাসিয়া উড়াইয়া দেওয়া যায় না, স্বীকার করি। কিন্তু ইহাও স্বীকার করা যায় না, যে, এই তিনটি মতের কোনটিই সম্পূর্ণ সত্য বা অবিসংবাদিত ক্রম সত্য। বোধ হয়, ইহা বলিলে কোন দিকেই বেশী বলা হইবে না, যে, এই মতগুলি সম্বন্ধে মতভেদ হইবে। তাহা হইলে ইহার বিপরীত মত সত্য হইতেও পারে।

অতএব দেখা যাইতেছে, যে, বর্তমান গবর্ণমেন্টের জায়গায় অন্য রকম গবর্ণমেন্ট স্থাপনের ইচ্ছা ও চেষ্টা একান্ত ভ্রমগ্রস্ত ও অনাবশ্যিক না হইতেও পারে। অন্য রকম গবর্ণমেন্ট স্থাপনের মত শক্তি ভারতীয় জাতির আছে, এবং এই জাতির মধ্যে একরূপ গবর্ণমেন্ট গঠনের উপযোগী

উপাদান আছে, এরূপ বিশ্বাসও নিতান্ত ভ্রান্ত না হইতে পারে। উল্লিখিতরূপ ইচ্ছা, চেষ্টা ও বিশ্বাস মহাত্মা গান্ধীর থাকায় তিনি অতি বঠিন ব্রত গ্রহণ করিয়াছেন।

তিনি ভারতের একচ্ছত্র সম্রাট বা প্রভুত্বশক্তিসম্পন্ন ব্যক্তি ছিলেন না ও নহেন। কেহ তাঁহার কথা শুনিতে আইনতঃ বা ধর্মতঃ বাধ্য নহে। লোকে তাঁহার কথা শুনে তাঁহার যুক্তি শুনিয়া এবং জীবন দেখিয়া। তিনি বলপ্রয়োগ দ্বারা কাহাকেও তাঁহার অনুবর্তী হইতে বাধ্য করেন না। গবর্ণমেন্ট ও গবর্ণমেন্টপক্ষভুক্ত লোকেরা বলেন, গান্ধীর দলের লোকদের উৎপোড়নে ও ভয়ে লোকে তাহাদের কথা শুনিতে বাধ্য হয়। তাহা হইলে এই প্রশ্নের উত্তর আমরা চাহিতে অধিকারী, যে, গান্ধী কি প্রকারে এত সংখ্যাবহুল ও শক্তিমান দলের নেতা হইলেন যাহার ভয়ে গবর্ণমেন্টের ভয় অনুগ্রহ ও প্রলোভন অগ্রাহ করিয়া লোকে তাঁদের কথা শুনিতে বাধ্য হয়? গান্ধী লোককে ধন মান পদ কিছু দেন না, দিতে পারেন না; তিনি লোককে গরীব হইতে বলেন ও এমন কাজ করিতে বলেন যাহাতে লাঞ্ছনা, প্রহার, কারাদণ্ড, সর্বস্বাস্ত ও মৃত্যু ঘটতে পারে।

মোটের উপর ইহা বলা যাইতে পারে, যে, গান্ধী নিজে যাহা বিশ্বাস করেন, অতীত ও তাহা বিশ্বাস করিতে ও তদনুযায়ী কাজ করিতে বলেন। তাঁহার বিশ্বাস অনুযায়ী কাজ করিতে গেলে যে দুঃখ ও ক্ষতি সহ করিতে হয়, তাহার জন্ত তিনি সর্বদা প্রস্তুত, ইহা লোকে জানে ও দেখিয়াছে; ইহা তাঁহার অসামান্য প্রভাবের অন্যতম কারণ।

ইহা সকলেই স্বীকার করিবেন, যে, কেহ যদি কাহারো উপর বল প্রয়োগ না করিয়া, কেবল নিজে দুঃখ ও ক্ষতি সহ করিতে প্রস্তুত থাকিয়া নিজের মত ও বিশ্বাস প্রচার করেন, তাহা হইলে তাহা করিবার অধিকার তাঁহার আছে। গান্ধী এই প্রকারের মানুষ, সুতরাং তাঁহার এই অধিকার আছে। এখানে আপত্তি এট উঠিবে, যে, "গান্ধীর মত শাস্ত্র ও সংঘত মানুষ ত জনসাধারণ নহে; সুতরাং তাঁহার মতানুযায়ী কাজ শাস্ত্র ও সংঘত ভাবে করিতে না পারিয়া তাহারা উত্তেজনাবশে ভীষণ অত্যাচার করিতেছে। অনেকের অভিপ্রায়ই নহে তাঁহার মত অনুসারে কাজ করা, তাহারা গুণ্ডা-প্রকৃতির লোক, কেবল লুট-তরাসের জন্ত

অবাধ্যতা-প্রচেষ্টার দল পুরু করিতেছে। গান্ধী জানেন, যে, দেশে এই ছরকম লোক আছে। অতএব এহেন দেশে তাঁহার মত ও বিশ্বাস প্রচার করা ও লোককে তদনুযায়ী কাজ করিতে বলা তাঁহার উচিত হয় নাই।"

ইহার উত্তরে কিছু বক্তব্য আছে।

যাহা কিছু অত্যাচার গর্হিত অর্থাৎ ধর্মবিরুদ্ধ, তাহার প্রতিকারের চেষ্টা করা মানুষের কর্তব্য। অর্থনীতি, সমাজনীতি, রাজনীতি, ধর্মনীতি, আধ্যাত্মিক বিষয়—সব ক্ষেত্রেই প্রতিকারের প্রয়োজন হইতে পারে। কোন কোন ক্ষেত্রে প্রতিকার-চেষ্টা আবশ্যিক ও কর্তব্য, অতীত কোন কোন ক্ষেত্রে তাহা নয়, ইহা স্বীকার করা যায় না। এইরূপ প্রতিকার-চেষ্টা বুদ্ধ, ঈশা, মোহাম্মদ, শঙ্কর, চৈতন্য, নানক, প্রভৃতি জগতের ধর্মগুরুরা করিয়াছিলেন। তাঁহাদের দলের লোকদের বা তথাকথিত দলের লোকদের কাহারও কাহারও দ্বারা পৃথিবীতে অন্যায়ের অন্যায় পৈশাচিক ব্যবহার সংঘটিত হইয়াছে; তাঁহাদের মত ও বিশ্বাস প্রচারিত হওয়ায় জগতের উপকারও হইয়াছে। অত্যাচার অন্যায় আদি হইয়াছে বলিয়া কেহ এমন বলে না যে বুদ্ধ ঈশা শঙ্কর প্রভৃতি তাঁহাদের ধর্মমত প্রচার করিয়া ভাল করেন নাই। তাঁহারা যেমন কাহাকেও গর্হিত কাজ করিতে বলেন নাই, গান্ধীও তদ্রূপ কাহাকেও গর্হিত কাজ করিতে বলেন না, বরং বার বার নিষেধ করিয়া আসিতেছেন। সুতরাং গান্ধীর মত প্রচারের বিরুদ্ধে কেন আপত্তি হইতেছে?

অনেকে ধর্ম প্রচারের সঙ্গে রাষ্ট্রীয় সংস্কারের তুলনা অসঙ্গত মনে করিবেন। কিন্তু, যদিও গান্ধীর মত ও প্রচেষ্টা কেবলমাত্র রাষ্ট্রীয় সংস্কার বিষয়ক নহে, তথাপি আমরা রাষ্ট্রীয় সংস্কার প্রচেষ্টার অতীত ও আধুনিক দৃষ্টান্ত সকলই ধরিব। অনেক জাতি স্বাধীন হইতে গিয়া রক্তপাত ও নানা অত্যাচার করিয়াছে; অনেক অত্যাচার নেতাদের আদেশের বিরুদ্ধে ও অজ্ঞাতসারেও হইয়াছে। কিন্তু এইসব হওয়া সত্ত্বেও স্বাধীনতা লাভের চেষ্টাকে ঐতহাসিকেরা অত্যাচার বলেন নাই। আমাদের যুক্তি এ নয়, যে, বেহেতু অত্যাচার দেশে স্বাধীনতা লাভের চেষ্টার সঙ্গে রক্তপাত ও অত্যাচার জড়িত ছিল, অতএব আমাদের দেশে তদ্রূপ কিছু ঘটাই যের

বিষয় নহে। আমরা ইহাই বলিতে চাই, যে, অতীতের অভিজ্ঞতা হইতে জ্ঞান লাভ করিয়া, আমরা একদিকে যেমন স্বাধীনতার চেষ্টা করিব অতীতকে সঙ্গে সঙ্গে তেমনি রক্তপাত অত্যাচারাদি পরিহার করিবার অন্তরিক চেষ্টা করিব; এবং রক্তপাত ও অত্যাচারাদি হইবার সম্ভাবনা যেখানে, সেখানে সে চেষ্টা আরম্ভ করিব না। দেখিতে হইবে, যে, গান্ধী রক্তপাত ও অত্যাচার পরিহার ও নিবারণের জন্য অন্তরিক চেষ্টা করিয়াছেন কি না, এবং বাঁহারা নিরুপদ্রব অবাধ্যতা করিতে চান, শান্তিভঙ্গ নিবারণার্থ তাঁহাদিগকে কঠিন সত্রে আবদ্ধ করিয়াছেন কি না। আমাদের বিশ্বাস এই দু'রকম কাজই তিনি করিয়াছেন। কোন স্থানের অধিবাসীরা নিরুপদ্রব অবাধ্যতা করিতে ইচ্ছুক হইলে, তাঁহাদিগকে তৎপূর্বেই যে যে বিষয়ে কৃতিত্ব দেখাইতে হইবে ও যে যে সত্রে পালন করিতে হইবে, তাহা কঠিন; বঙ্গের কোন স্থানে সেরূপ কৃতিত্ব দেখা যায় নাই। অত্যাচার প্রদেশের দু' একটি স্থান হয় ত এই কঠিন পরীক্ষায় উপযুক্ত বলিয়া গৃহীত হইবে। সমষ্টিগত নিরুপদ্রব অবাধ্যতা (mass civil disobedience) করিতে এইজন্য গান্ধী লোকদিগকে ভ্রয়োভ্রমঃ নিষেধ করিতেছেন। তাঁহার নিজের পরিচালনা ও নেতৃত্ব ব্যতীত ট্যাঙ্ক না দেওয়া রূপ অবাধ্যতা যাহাতে কোথাও করা না হয়, তজ্জন্যও অনেক অসুযোগ করিয়াছেন।

তাঁহার উপদেশ অনুসারে, কংগ্রেস স্বেচ্ছাসেবক হইতে ইচ্ছুক লোকদিগকে যে প্রতিজ্ঞা-পত্রে স্বাক্ষর করান, তাহাও কঠিন প্রতিজ্ঞা।

এসকল সত্রেও যদি অসুপযুক্ত লোকদের দ্বারা অবাধ্যতা হয়, তাহা হইলে গান্ধীর দায়িত্বের পরিমাণ নির্ধারণ বিশেষ বিবেচনা করিয়া করা উচিত।

সরকারী কর্মচারীরা এবং গবর্ণমেন্টের দলভুক্ত লোকরা স্বীকার করিবেন যে, নরহত্যা, প্রহার, অত্যাচার উৎপীড়ন, এবং লুণ্ঠন করিবার জন্য গবর্ণমেন্ট কোন শ্রেণীর কর্মচারী নিযুক্ত করেন না। কিন্তু গবর্ণমেন্টের নানা আইন, নিয়ম ও নিষেধাজ্ঞা সত্রেও, সরকারী কোন কোন লোকদের দ্বারা নরহত্যা প্রহার লুণ্ঠন প্রভৃতি সময় সময় হইয়া আসিতেছে, ইহা প্রমাণিত তথ্য। কিন্তু এরূপ ঘটনা

ঘটে বলিয়া গবর্ণমেন্ট কি নিজের বৈধ কাজ করিতে ক্ষান্ত হইয়াছেন, না আইনাদি ভঙ্গীভূত করিয়াছেন? তাহা করেন নাই। তাহা হইলে দলের কোন কোন লোক বা অল্প লোক গর্হিত কাজ করে বলিয়া, গান্ধীকে নিজের বৈধ কাজ হইতে কেন ক্ষান্ত হইতে বলা হয়? আমরা তাঁহার কাজকে ধর্ম অনুসারে অবৈধ মনে করি না। আইন অনুসারেও উহা বৈধ; কারণ উহা অবৈধ হইলে গবর্ণমেন্ট এতদিনে নিশ্চয়ই উহা বন্ধ করিয়া দিতেন। কেহ কেহ অবশ্য বলিতে পারেন, যে, উহা আইন অনুসারে অবৈধ হইলেও গবর্ণমেন্ট গৃহ রাষ্ট্রনীতি অনুসারে তাঁহার কাছে, অর্থাৎ তাঁহার মত ও বিশ্বাসের প্রচারে, বাধা দেন নাই। তাহা হইলে কথাটা দাঁড়ায় এইরূপ, যে, গবর্ণমেন্ট, যে-কোন কারণেই হউক, গান্ধীকে এমন একটা অবৈধ কাজ করিতে দিয়া আসিয়াছেন যাহার ফলে দেশে নানা অত্যাচার হইয়া আসিতেছে। জিজ্ঞাসা করি, তাহা হইলে শুধু গান্ধীকেই দোষ দেওয়া হয় কেন? গবর্ণমেন্টকেও ত দোষ দেওয়া উচিত। আমরা কাহাকেও দোষ দিবার জন্য উৎসুক নহি। আমরা বলি, গবর্ণমেন্ট জানিয়া শুনিয়াও যে প্রকাশ্য কাজে বাধা দেন না, তাহা গবর্ণমেন্টের আইন অনুসারে বৈধ।

উপরে যাহা লিখিয়াছি, তাহা হইতে দেশে বর্তমান সময়ে অশান্তি, উপদ্রব, অত্যাচার সংঘটিত হওয়ার জন্য মহাত্মা গান্ধী কি পরিমাণে দায়ী, তাহা স্থির করিবার পক্ষে সাহায্য হইবে। ইহা সত্যানুসন্ধিৎসু ব্যক্তি মাত্রেই স্বীকার করিবেন, যে, গান্ধী মহাশয়কে যদি খুব দোষী বলিয়াও মানিয়া লওয়া যায়, তাহা হইলেও স্বীকার করিতে হইবে, যে, একমাত্র তাঁহার প্রভাবে দেশে এত অশান্তি ও উপদ্রব হইতে পারিত না, যদি অন্যান্য যথেষ্ট কারণ না থাকিত। কৃষকেরা দরিদ্র ও ঋণগ্রস্ত। যথেষ্ট অন্ন ও বস্ত্র তাহাদের অধিকাংশের নাই। তাহাদের বাস-গৃহ অস্বাস্থ্যকর, সংকীর্ণ ও জীর্ণ। তাহারা অশিক্ষিত ও অজ্ঞ। রোগে তাহাদের চিকিৎসা হয় না। তাহাদের অধিকাংশ সম্বন্ধে এই কথা সত্য। কারখানার ও রাস্তা ঘাটের শ্রমীরা তাহাদের শ্রমের বিনিময়ে আগে খুব সামান্য পারিশ্রমিক পাইত; এখনও যথেষ্ট পায় না। জ্ঞান, শিক্ষা, স্বাস্থ্যকর

গৃহ, রোগে চিকিৎসা, প্রভৃতি বিষয়ে তাহাদের অবস্থা কৃষকদের চেয়ে ভাল নয়। অধিকন্তু, তাহারা নিজ গ্রাম্য-সামাজিক এবং পারিবারিক জীবন হইতে বিচ্ছিন্ন হইয়া জন্মস্থান হইতে 'দূরে' বাস করে বলিয়া তাহাদের চরিত্রের উপর এমন কোন প্রভাব থাকে না যাহা তাহাদিগকে দুর্গতি হইতে রক্ষা করিতে পারে। এই সব কারণে এবং আব্গারী-বিভাগের কৃপা-ব্যবহৃত সুরা-সুলভ তায় তাহারা সহজেই পানাসক্ত ও পাশব-ভাবাপন্ন হয়।

ইহা ব্যতীত, কৃষকদের উপর ভূস্বামীর (অর্থাৎ খাস-মহল-সকলে রাজস্ব-সংগ্রাহক রাজকর্মচারীদের, এবং অন্ত্র জমীদারদের) উৎপীড়ন, অবমাননা এবং অন্যায় আদায় আছে। কৃষক, গাড়োয়ান, কুলী-মজুর, অনেককে অধস্তন পুলিশের অপমান ও উৎপীড়ন সহ্য করিতে হয়। অশান্তি ও উপদ্রবের কারণ নির্ণয় করিতে হইলে এই-সব কথা ভুলিলে চলিবে না।

সর্বশেষে একটি প্রধান কারণের উল্লেখ করিতে হইতেছে। গত মহাযুদ্ধে যেসব দেশ ও জাতি এক বা অন্য পক্ষ অবলম্বন করিয়াছিল, তাহাদের মধ্যে এবং অন্ত্রও, এক মহা সামাজিক আলোড়ন এবং বিপ্লবের সূত্রপাত হইয়াছে। সাধারণ নিম্নশ্রেণীর লোকেরা বুঝিয়াছে, তাহারা কেউ-কেটা নয়। যুদ্ধে জয়ের জগু তাহাদের সাহায্য যে কি পরিমাণে আবশ্যিক হইয়াছিল, তাহা তাহারা বুঝিয়াছে। যুদ্ধে প্রাণ দিয়াছে, রক্ত দিয়াছে, কিম্বা কোন না কোন অঙ্গ দিয়াছে অধিকতম সংখ্যায় তাহারা; যুদ্ধক্ষেত্রে শ্রমীর কাজ করিয়াছে কেবল-মাত্র তাহারা; এবং যুদ্ধের জগু আবশ্যিক অস্ত্র-শস্ত্র, গোলা-গুলি, বারুদ, জাহাজ, অর্গবযান এবং সর্বপ্রকার যুদ্ধ-সম্ভার (munitions) প্রস্তুত করিয়াছে অধিকতম সংখ্যায় তাহারা। এই প্রকারে তাহারা নিজেদের গৌরব ও প্রয়োজনীয়তা বেশ ভাল করিয়াই বুঝিয়াছে। তাহার উপর কৃশিয়ার বিপ্লবে যে শ্রমীরাই সর্বসর্কা হইয়াছে, সে খবরটা আমাদের মত অজ্ঞ নিরক্ষর দেশের নিরক্ষর শ্রেণীর লোকদের কাছেও পৌঁছিয়াছে। সমগ্র মানব-জাতির মধ্যে আর-একপ্রকারের সামাজিক আলোড়ন ও উলটুপালটের সূত্রপাতও হইয়াছে। যুদ্ধজয়ের গৌরব

এবং লাভ প্রধানতঃ শ্বেতজাতির ও জাপান পাইলেও আফ্রিকার ও আমেরিকার কৃষকসম্প্রদায় এবং ভারতের অশ্বেত লোকেরা ইহা বুঝিয়াছে যে তাহাদেরও সাহায্য ব্যতিরেকে যুদ্ধে জয়লাভ সম্ভব হইত না।

এই-সব কারণে পৃথিবীর সর্বত্র নিম্নশ্রেণীর লোকদের মধ্যে এবং অশ্বেত পরাধীন দেশ ও জাতির সকল লোকদের মধ্যে মনুষ্যোচিত অধিকতর মর্যাদা গৌরব ধন সুখ সুবিধা ও আত্মকর্তৃত্ব লাভের আকাঙ্ক্ষা জন্মিয়াছে। অথচ সব দেশেই প্রভুত্বশক্তি-বিশিষ্ট শ্রেণীর লোকেরা ও ধনীরা অন্য-সকলকে এখনও তাহাদের ন্যায্য প্রাপ্য পূর্ণমাত্রায় দিতে সম্পূর্ণ ইচ্ছুক নহে, তাহারা নাচে পড়িয়া আছে তাহাদিগকে নাচে ফেলিয়া রাখিবার প্রবৃত্তি এখনও সতেজ রহিয়াছে। শ্বেতেরা অশ্বেত জাতি-সকলকে এখনও ছলে বলে কৌশলে দাবাইয়া রাখিতে বণ্ণ।

সুতরাং অসন্তোষ ও অশান্তি অবশ্যস্থাবী হইয়াছিল। এমন অবস্থায় গান্ধীর মত সাহসী শক্তিশালী সাধু পুরুষ যখন নিরক্ষর দরিদ্র মানুষদেরও মনুষ্যত্ব, চরিত্রে, লক্ষ্যস্থানে পৌঁছিবার শক্তির অস্তিত্বে, বিশ্বাস প্রকাশ করিলেন, তখন তাহাদের মধ্যে সৃষ্ট মনুষ্যত্ব যে জাগিয়া উঠিবে তাহা আশ্চর্যের বিষয় নহে। কিন্তু শক্তি ও শক্তিবোধ জাগাই যথেষ্ট নহে; সংযম, দায়িত্ববোধ, এবং সাফল্য-লাভের জগু শক্তি-প্রয়োগ-প্রণালী সম্বন্ধে জ্ঞান ও অভিজ্ঞতা উৎপন্ন হওয়াও আবশ্যিক। ইহা যথেষ্ট পরিমাণে ও যথাসময়ে না জন্মায় অনেক অঙ্গল হইয়াছে।

গান্ধী মহাশয়ের দায়িত্ব সম্বন্ধে কিছু আলোচনা করিয়াছি। এক্ষণে দেশের অর্থাৎ দেশবাসীদের কর্তব্য সম্বন্ধেও কিছু বলিতে চাই।

গান্ধী নিজের জ্ঞান-বুদ্ধি অনুসারে কাজ করিতেছেন। তিনি লাভ হইতে পারেন, মধ্যে মধ্যে তাঁহার অসঙ্গতি দোষ এবং বিবেচনার ত্রুটিও হইয়া থাকিবে; কিন্তু তিনি সর্বস্বপণ ও প্রাণপণ করিয়া কাজ করিয়াছেন। তাঁহার প্রকৃত অন্তঃকরণেও সর্বস্বপণ ও প্রাণপণ করিয়া কাজ করিতেছেন। গান্ধীর উদ্দেশ্য না বুঝিয়া যদি অনেক লোক তাঁহার দলভুক্ত হইয়া থাকে, তাহা হইলে তজ্জগু কেবলমাত্র তাঁহাকে

করা চলে না ; শুণ্ডা বদমায়েস অর্থগৃধ্ৰু লোকেরা যদি স্বার্থসিদ্ধির উদ্দেশ্যে তাঁহার দলে প্রবিষ্ট হইয়া থাকে, তাহার জ্ঞান কি তিনি দায়ী ? বত্রিশ কোটি লোকের বাসভূমি এই বিশাল দেশের সর্বলোকের নাড়ী-নক্ষত্র জানা কি একজন লোকের পক্ষে সম্ভব ? তিনি নিজের সাধু উদ্দেশ্য ও একপ্রাণতার দ্বারা চালিত হইয়া যদি দেশের সর্বসাধারণের চরিত্র ও সাধু অভিপ্রায় সম্বন্ধে উচ্চ ধারণা পোষণ করিয়া থাকেন, তাহা হইলে আরামে চেয়ারে বসিয়া তাঁহার সমালোচনা করিলেই কি আমাদের কর্তব্য করা হইয়া যাইবে ? তিনি দেশবাসী সকলকে যতটা নিম্নল স্বদেশপ্রেমিক সাধুচরিত্র ও সংযত মনে করেন, ততটা ভাল হইবার এবং সকলকে সেইরূপ ভাল করিবার জ্ঞান আমাদের কি কোন চেষ্টা করিবার নাই ? সেইরূপ চেষ্টা কি আমরা করিয়াছি ও করিতেছি ?

গান্ধী যাহা বুঝিয়াছেন, তাহা করিতেছেন। অপবাদ, বন্ধু-বিচ্ছেদ, গৃহবিচ্ছেদ, সর্বনাশ, প্রাণনাশ, অশুচরিত্রের বিরাগ-বিদ্বেষ, কিছুতেই তিনি বিচলিত ভীত হন নাই। যাহারা তাঁহাকে ভ্রান্ত মনে করেন, কিম্বা কপট ভানকারী অভিনেতা মনে করেন, তাঁহারা তাঁহার প্রচেষ্টাকে বলহীন ও স্বার্থ করিবার চেষ্টা করিতে অধিকারী। কিন্তু এই চেষ্টা কাহাদের দ্বারা এবং কি আকারে হইতেছে ?

হাজার হাজার বৎসর ধরিয়া পৃথিবীতে ইগাই দেখা যাইতেছে, যে, মানুষ মনুষ্যবৎ হইয়া চরিত্র জীবন হৃদয় সমবেদনা দেখিয়া। বুদ্ধ, যশু, মোহাম্মদ, শঙ্কর, আসিসির সেন্ট্ ফ্রান্সিস্, নানক, কবীর, চৈতন্য, প্রভৃতি অপেক্ষা ধনী মানী প্রভুত্ববান্ পণ্ডিত তাঁহাদের সমসাময়িকদের মধ্যে ছিল। কিন্তু মানুষের হৃদয়ের উপর রাজত্ব এইসব লোকদের অধিগত হয় নাই ; হইয়াছিল সর্বত্যাগী, দারিদ্র্যব্রতী, গরীব হুঃখী পাপীর ব্যথার ব্যথী সাধুদের। যাহারা গান্ধীর দৃষ্ট আলোককে আলেয়া বা কল্পনা মনে করেন, তাঁহারা চোস্ট্ ইংরেজী লিখিয়া ও বলিয়া, ভাল পোষাক উচ্চপদ মোটরগাড়ী প্রাসাদ রাজাসুগ্রহ পাণ্ডিত্য প্রতিভা প্রভৃতির বলে দেশের হৃদয় দূর করিতে পারিবেন না, যদি তাঁহারা ত্যাগী না হন, গরীব হুঃখী পাপীর ব্যথার ব্যথী না হন, যদি তাঁহারা সর্বস্ব-পক্ষ ও প্রাণপণ না করেন।

দেশী মন্ত্রী বা বার্ষিক চৌষটি হাজারের এক পরমা কম, স্ব-ইচ্ছায় বা লোকমতের খাতিরে, লইতে রাজী নন। তাঁহারা গান্ধীর প্রচেষ্টাকে ব্যর্থ করিবেন ? যে-সব উদারনৈতিক অর্থায় মডারেট নেতা রাজপদ গ্রহণ করেন নাই, তাঁহাদেরও জীবনে সাধু চরিত্রের, গরীবের প্রতি সমবেদনা ও রাজঅবিলাসিতার, এবং রাজভয়কে অগ্রাহ করিবার প্রমাণ না থাকিলে তাঁহাদের চেষ্টা সফল হইবে না। চাঁদপুরে কুলিদের জ্ঞান মডারেট নেতাদের মধ্যে যিনি যিনি প্রাণ দিয়া খাটিয়াছেন, টাকা দিয়াছেন, তাঁহাদের সকলেরই প্রশংসা করিয়াছি ও করি ; তাঁহাদের কোন চেষ্টাই ব্যর্থ হইবে না। কিন্তু ভগবানের দাবী সবটার উপর। নিজের জ্ঞান একটু কিছুও কেহ রাখিলে, তাঁহার জীবন ও চেষ্টা সেই পরিমাণে বিফল হইবে। গান্ধীরও হৃদয়ের কোণে যদি নিজের জন্য একটুমাত্র জায়গা থাকে, তাহা হইলে তিনিও অব্যাহতি পাইবেন না।

সরকার ও ঘটকদের মত যাহারা খবরের কাগজের পাতায় গান্ধীর প্রচেষ্টার বিরুদ্ধে যুদ্ধ ঘোষণা করিতেছেন, তাঁহারা গরীব হুঃখী অত্যাচারিত অস্পৃশ্য অজ্ঞ অপমানিতদের জ্ঞান গান্ধীর সমবেদনার কিম্বদংশেরও অধিকারী কি না, আত্মপরীক্ষা দ্বারা স্থির করুন। তাঁহারা দেশের দারিদ্র্য অজ্ঞতা অসুস্থতা, অবনত অত্যাচারিত অবস্থা ও পরাধীনতার প্রতিকারের নিমিত্ত সর্বস্বপণ ও প্রাণপণ চেষ্টা করুন, শুধু গান্ধীকে ব্যাহত করিবার চেষ্টা করিলেই হইবে না। তাহাতে দেশে কেবল অন্তর্বিবাদ বাড়িবে, এবং সরকার ও ঘটক প্রমুখ ব্যক্তিদের ইংরেজদের বাহু অনুগ্রহ ও আন্তরিক অবজ্ঞা লাভ ঘটিবে।

প্রকৃত কথা এই, যে, এখন যদি কেহ দেশের প্রকৃত হিত করিতে চান, তাহা হইলে শুধু নির্দোষচরিত্র, হিতসাধক, ও দাতা হইলেই চলিবে না ; গান্ধী যে সাহস একপ্রাণতা একনিষ্ঠতা ও ত্যাগের দৃষ্টান্ত দেখাইয়াছেন, সেই আদর্শের মাপকাঠিতে হীন হইলে চলিবে না। যাহা খাঁটি তাহাকে সমগ্র ব্রিটিশ সাম্রাজ্যের বা মানবজাতির শক্তিও চূর্ণ করিতে পারিবে না ; যাহা পুরা খাঁটি নহ্ন তাহাকে ব্রিটিশ সাম্রাজ্যের সমগ্র শক্তি বা সমুদয় মানবের বল খাঁটির বিরুদ্ধে প্রতিষ্ঠিত করিতে পারিবে না।

কংগ্রেসের দাবী

অনেকে কংগ্রেসের দাবী বা গান্ধীর দাবীকে অত্যন্ত বেশী মনে করিতেছেন, কেহ কেহ বা ইহাকে আত্মপক্ষের আতিশয্য প্রসূত মনে করিতেছেন।

গান্ধীর কথা এতক্ষণ বলিতেছিলাম বলিয়া এই কথাটারও কিছু আলোচনা করা আবশ্যিক।

প্রথম দাবী, এশিয়া মাইনর ও থেস্ প্রভৃতি দেশ ফিরাইয়া দিয়া তুরস্কের প্রতি ঋণ্য ব্যবহার, সুলতানকে খলিফার সম্মান-ও ক্ষমতায় বাস্তবিক প্রতিষ্ঠিত করণ, মুসলমান তীর্থস্থানসকল হইতে অমুসলমান শক্তিমানের সরিয়া দাঁড়ান এবং তথায় মুসলমান প্রভাবকে অব্যাহত করা, ইত্যাদি। এত দিন ইংরেজ এবং “জয়কেতে” ইংরেজ-পক্ষাবলম্বী ভারতীয়েরা বলিতেছিল, ইহা করা ব্রিটিশজাতির একলার ক্ষমতাবহির্ভূত ও অসাধ্য, অসম্ভব, ইত্যাদি। তাহার পর আসিল মুস্তাফা কামাল পাশার জয়শ্রীমণ্ডিত অভিযান সকল। তখন, আন্তে আন্তে ‘অসম্ভব’-বাদ পরিবর্তিত হইতে লাগিল। তুরস্ককে কিছু ফিরাইয়া দিতে হইবে, ইত্যাকার কথা শোনা যাইতে লাগিল। তখন লর্ড নর্থক্লিফ্, আঠার লক্ষ বর্গমাইল পরিমিত ব্রিটিশ কোটি লোকের অধুষিত আমাদের এই দেশের নাড়ীনক্ষত্র ও মনের ভাব দশদিনে জানিবার জন্ত আসিলেন। তিনি বলিলেন, মুসলমানকে খুশি করা চাই। কেমন করিয়া খুশি করিতে হইবে? আশ্চর্যের বিষয় এই, যে, কংগ্রেস বা গান্ধী যাহা চাহিয়াছেন, ঠিক তাহাই দিয়া। জিজ্ঞাসা করি, অসম্ভবটা এখন হঠাৎ সম্ভব বোধ হইতেছে কেমন করিয়া? যাহা একা ব্রিটিশ শক্তির অসাধ্য ছিল, তাহা একজন ব্রিটিশ চাইয়ের মুখ হইতে উচ্চারিত হইল কেমন করিয়া? ইংরেজরা তুরস্কের বিরুদ্ধে গ্রীসকে সাহায্য করিতেছিল। তথাপি মুস্তাফা কামাল পাশার নেতৃত্বে তুর্কদের জয় হওয়ায়, এবং মহাযুদ্ধের ফলস্বরূপ ব্রিটেন ও গ্রীস বেশী লাভবান হওয়ায় ফ্রান্স ও ইটালীর মন ক্ষুব্ধ হওয়ায় ও ঈর্ষা জন্মায় ইংরেজ বুঝিয়াছে, যে, তুর্কসাম্রাজ্য, তুর্কশক্তি, ও তুর্কপ্রভাব কিয়ৎপরিমাণে যুদ্ধের আগেকার সময়ের মত হইবেই। সুতরাং এখন বাধ্য হইয়া সাধু, ঋণ্যবান্ ও মুসলমানের মনোরঞ্জক সাক্ষিতে হইবে।

তাহার মধ্যে অবশ্য কূটনীতির চালও আছে। লর্ড নর্থক্লিফের কথায় এবং প্রধান প্রধান ব্রিটিশ খবরের কাগজের কথায় কেবল তুরস্ক সম্বন্ধে কিছু করিয়া মুসলমানকে খুশি করার চেষ্টাই আছে, পঞ্জাবে অত্যাচার ও ভারতীয় জাতির অপমানের কর্তাদের শাস্তি দেওয়া কিম্বা ভারতের স্বরাজ্য লাভের কোন উল্লেখ নাই। ইহার কারণ দুটি; (১) শক্তির উপর ভক্তি, (২) হিন্দু-মুসলমানের বর্ধমান ঐক্য বাধা জন্মান। মুসলমান জাতিসকলের মধ্যে এখনও যে শক্তি লোপ পায় নাই, মহাযুদ্ধের সময় ইংরেজ গালিপলিতে বিফলপ্রসন্ন হইয়া এবং এশিয়া মাইনরের কূট শহরে সেনাপতি টাউনসেন্ডের আত্মসমর্পণে তাহার প্রথম পরিচয় পায়; মুস্তাফা কামাল পাশার জিতে তাহার দ্বিতীয় প্রমাণ পাইয়াছে। অতএব শক্তির ভক্ত ইংরেজের পস্থা নির্বাচনে বিলম্ব হয় নাই। হিন্দু মুসলমানের ঐক্য হইলে ইংরেজ প্রভুত্বের লোপ এবং ভারতীয় জাতির আত্মকর্তৃত্ব প্রতিষ্ঠা অনিবার্য, ইহা ইংরেজ জানে; ইহাও জানে যে, অনেক দাঙ্গা-হাঙ্গামা বৈতনিক ও অবৈতনিক চাকরীর ঈর্ষ্যা, মোপ্লা-বিদ্রোহ, জাতিভেদ আচারভেদ, প্রভৃতি সম্বন্ধে হিন্দু-মুসলমানের ঐক্য ক্রমশঃ বাড়িতেছে; ইহাও জানে যে, মহাত্মা গান্ধী ও অনুবর্তী কংগ্রেস মুসলমানদের অসন্তোষের তুরস্কসম্পৃক্ত কারণটিকে পূর্ণমাত্রায় অমুসলমানদেরও অসন্তোষের কারণ বলিয়া গ্রহণ করিয়াছেন। সুতরাং কূটনীতিবিশারদ চালিয়াতেরা এখন কেবলমাত্র মুসলমানদের অসন্তোষের কারণ দূর করিয়া তাহাদিগকে ভারতীয় জাতীয় প্রচেষ্টা হইতে বিচ্ছিন্ন করিতে চাহিতেছে। ইহাতে দিল্লীর হাকিম আজমল খানের মত প্রকৃত স্বদেশ-প্রেমিক মুসলমান নেতা ও তাহাদের সহকর্মীরা ভুলেন নাই।

কংগ্রেসের দ্বিতীয় দাবী, পঞ্জাবে অত্যাচার ও জাতীয় অপমানের কর্তা মাইকেল ওডোয়াইয়ার, ডায়ার, প্রভৃতির পেন্সান বন্ধ করা। তাহারা আমাদের উপর চূড়ান্ত অত্যাচার করিল, আমাদের জাতভাইবোনদিগের চূড়ান্ত অপমান করিল, অগতঃ আমাদেরই টাকায় পেন্সান পাইতে থাকিবে, এবং তাহাতে পুষ্ট হইয়া ভারতীয়দের বিরুদ্ধে বক্তৃতা করিতে এবং খবরের কাগজে প্রবন্ধ লিখিতে

থাকিবে, ইহা আশঙ্কিত নহে। ইহার প্রতিকার হওয়া চাই। আইনের মার্প্যাচের জন্ত তাহাদের পেন্সন বন্ধ করা যায় না, ইহা আমরা বিশ্বাস করি না। বিনা দোষে বিনা বিচারে ভারতীয় দেশী কর্মচারীর পেন্সান্ বন্ধ হওয়ার নজীর আছে। যদি সত্য সত্যই আইনের বাধা থাকে, তাহা হইলে এইসব "ব্রিটিশ সাম্রাজ্য-রক্ষক"দের পেন্সান্ ব্রিটিশ্ রাজকোষ হইতে দেওয়া হউক। আমরা গুলি লাঞ্ছিত থাকিব, নাকে খত দিব, আমাদের মা-ভগিনীরা অপমানিত হইবে, অথচ অত্যাচারী ও অপমানকারীদের সুখস্বচ্ছন্দ্য বিধানার্থ টাকা দিতেও আমরা রাজী থাকিব, ইহা হইতে পারে না। -

কংগ্রেসের তৃতীয় দাবী, কানাডা প্রভৃতির মত পূর্ণ স্বরাজ। ইহাতে সম্মত হওয়া ব্রিটিশজাতি ও পার্লামেন্টের পক্ষে কেন অসম্ভব, তাহা বুঝিতে পারি না। আমাদের স্বরাজ প্রাপ্তিতে তাহাদের অসম্মতির দুটি কারণ থাকিতে পারে। প্রথম কারণ, আমাদের অযোগ্যতা; দ্বিতীয় কারণ, ইংরেজদের অপ্রবৃত্তি। স্বায়ত্তশাসনের যোগ্য কে এবং অযোগ্যই বা কে, তাহার বিচার আমরা পূর্বে পূর্বে প্রবাসীতে অনেক বার করিয়াছি। জগতে যত স্বাধীন জাতি আছে, তাহারা সকলেই নিজ নিজ দেশের কাজ চালাইতে আমাদের চেয়ে অধিকতর সমর্থ ও দক্ষ, ইহা সত্য নহে। কোন জাতিই নিজের দেশের সব কাজ নিখুঁতভাবে চালাইতেছে না, চালাইতে পারে না। স্বাধীনতার যোগ্যতার একটা নির্দিষ্ট পরখ আছে, বাহাতে বিস্তর স্বাধীন জাতিও উত্তীর্ণ হইবে না। সে পরখ হইতেছে, স্বাধীনজাতিটি বিদেশীর আক্রমণ হইতে দেশ রক্ষা করতে সমর্থ কিনা। গত মাসে আমরা স্বাধীন দেশসকলের যে তালিকা দিয়াছিলাম, তাহার মধ্যে ছোট ছোট অখ্যাতনামা দেশসকলের কথা ছাড়িয়া দিয়া বিখ্যাত দেশসকলের কথাই বলি। ফ্রান্স তাহার মিত্রদের সাহায্যে দেশ রক্ষা করিয়াছে, নতুবা পারিত না; বেলজিয়ম্ও তাহাই করিয়াছে; ব্রিটেনও তাহাই করিয়াছে; কেন না, সবাই জানে আমেরিকা আসরে না নামিলে ব্রিটেন, ফ্রান্স, বেলজিয়ম্, সব জাতিই জার্মেনীর দ্বারা পরাজিত হইত। অতএব ভারতবর্ষ বর্তমান সময়ে অত্রের সাহায্য ব্যতীত বৈদেশিক আক্রমণ প্রতিরোধ করিতে অক্ষম বলিয়া তাহার স্বাধীনতা

থাকা উচিত নয়, একরূপ কথা অসার ও মূল্যহীন। পৃথিবীর আরো গণ্ডা গণ্ডা দেশের নাম করা যায়, বাহারা একরূপ অক্ষমতা সত্ত্বেও স্বাধীনতা ভোগ করিতেছে। ভারতের ধনে ধনী হইবার লোভই ব্রিটিশ জাতিকে ভারতবর্ষকে অধীন রাখিবার সপক্ষে নানা যুক্তি আবিষ্কার ও প্রয়োগ করিতে প্রবৃত্ত করে। সেইজন্যই ভারতবর্ষের স্বরাজ লাভে ইংরেজের সম্মত হইতে একরূপ প্রবল অপ্রবৃত্তি দেখা যায়। কিন্তু আমরা যদি ঐক্যের সহিত যথেষ্ট অধ্যবসায় দৃঢ়তা ও সাহস দেখাইতে পারি, তাহা হইলে ইংরেজের এই অপ্রবৃত্তি ক্রমশঃ কমিতে কমিতে শেষে লোপ পাইবে। আয়ারল্যাণ্ডের সহিত ইংলণ্ডের সন্ধিস্থাপনার্থ দীর্ঘকালব্যাপী কথাবার্তার মধ্যে ইংলণ্ড বহুবার বলিয়াছেন, আমরা এর বেশী স্বাধীনতা ও কর্তৃত্ব আয়ারল্যাণ্ডকে দিতে পারি না; কিন্তু আইরিশদের দৃঢ়তা, সাহস, এবং নিজের দাবীর আঘাতাতে বিশ্বাস বশতঃ ইংলণ্ডকে ক্রমেই বেশী দিতে সম্মত হইতে হইয়াছে। শেষে যে যে সর্তে সন্ধি হইয়াছে, তাহাতেও আইরিশদের দৃঢ়তম নেতা ও দল সম্মত হয় নাই, এবং ইংরেজ-পক্ষের বিশেষজ্ঞ একজন ইতিমধ্যেই বলিয়াছেন, যে, দু তিন বৎসরের মধ্যেই আয়ারল্যাণ্ড সাধারণতন্ত্র স্থাপিত হইবে। আয়ারল্যাণ্ড ছোট দেশ এবং উহার লোক সংখ্যা কয়েক লক্ষ মাত্র। উহার আয়তন ৩২৫৮৬ বর্গ মাইল, এবং লোকসংখ্যা ৪৩৯.২১৯, অর্থাৎ আশ কোটিও নহে। ভারতবর্ষের আয়তন ১৮.০২৬২৯ বর্গমাইল এবং লোকসংখ্যা প্রায় বত্রিশ কোটি। কিন্তু আয়ারল্যাণ্ড ছোট দেশ এবং আইরিশরা সংখ্যায় কম হইলে কি হয়, মানুষগুলা খুব ঐক্যসম্পন্ন, জেদী, সাহসী, দৃঢ়, এবং নিজদের দাবীর আঘাতায় পূর্ণ-বিশ্বাসী। তাহাদের একতা, জেদ, সাহস, দৃঢ়তা, এবং নিজদের দাবীর আঘাতায় বিশ্বাসের অর্দেকও যদি আমাদের হয়, তাহা হইলে কাহার সাধ্য আমাদের দাবীকে দাবাইয়া রাখে? এই অর্দেক আমাদের অবশ্যই হইবে, তদপেক্ষা বেশী হইবে।

—
আব্দুল বাহা আব্বাস

গত ২৮শে নবেম্বর বাহাজী ধর্মসম্প্রদায়ের গুরু ও নেতা আব্দুল বাহা আব্বাসের মৃত্যু হইয়াছে। ইনি এই



আবুল বাহা আব্বাস।

সম্রদায়ের তৃতীয় গুরু। এই ধর্ম ইহুদী, খৃষ্টিয়ান ও মুসলমানদের ধর্মের সমন্বয় সাধনের চেষ্টা হইয়াছে। পারস্য দেশের শিরাজ নগরে একজন পশুবিজ্ঞানের পুত্র ১৮৪৪ খৃষ্টাব্দে গোঁড়া মুসলমান ধর্ম সম্প্রদায় ত্যাগ করিয়া বিশ্বজনীন শান্তি ও ভ্রাতৃত্ব প্রচার করিতে আরম্ভ করেন। তিনি “বাবু” নামে অভিহিত। এইজন্য এই ধর্মসম্প্রদায়ের অন্য নাম “বাবী”। ছয় বৎসর ধর্মপ্রচারের পর বাবু তাঁহার ধর্মবিশ্বাসের জন্য নিহত হন, এবং তাঁহার শিষ্যেরা উৎপীড়িত হইতে থাকেন। তাহার পর নূর-নিবাসী মিজা হোসেন আলি তাঁহাদের ধর্মনেতা হন। তিনি বাহা উল্লা, অর্থাৎ “ঈশ্বরের মহিমা”, নামে পরিচিত হন। তিনি স্বদেশ হইতে চল্লিশবৎসরব্যাপী নির্বাসন ও কারাদণ্ড ভোগ করেন। আবুল বাহা

আব্বাস তাঁহার পুত্র। পৃথিবীর স্তানাংশে তাঁহার বহু লক্ষ্য শিষ্য আছে। তাঁহারা সকলেই পৃথিবীব্যাপী শান্তি ও ভ্রাতৃত্বসম্মত স্থাপনের প্রয়াসী।

মালবীয়ার আহুত মন্ত্রণাসভা

জগতের ঘটনাস্রোত, কোনও দেশ বা প্রদেশের ঘটনার স্রোত, কাহারো জন্য এক জায়গায় দাঁড়াইয়া থাকে না। একই বিষয়ে নিম্নত ঘটনার পর ঘটনা ঘটিতেছে, নানা অবস্থার পরিবর্তন হইতেছে। দৈনিক খবরের কাগজে, দিন বা রাত্রির একটা নির্দিষ্ট ঘণ্টা পর্যন্ত যে সংবাদ পাওয়া যায়, তাহা মুদ্রিত হয়, এবং খুব উদ্যোগী ও তৎপর সম্পাদকেরা সংবাদ খুব গুরু হইলে তাহার উপর মন্তব্যও সঙ্গে সঙ্গে ছাপেন। যে দৈনিক কাগজ যত টাটকা খবর দিতে ও তাহার সঙ্গে তাহার উপর মন্তব্য ছাপিতে পারে, তাহার কৃতিত্ব তত বেশী। এইজন্য ইউরোপে ও আমেরিকায় কখন কখন কোন কোন দৈনিক দিনের মধ্যে চারি পাঁচটা সংস্করণ বাহির করে। দৈনিক কাগজের সুবিধা এই, যে, তাহাতে আজ কোন বিষয়ে যাহ বাহির হইল, অবস্থার পরিবর্তন হইলে ও নূতন ঘটনা ঘটিবে কাল তাহা মন্তব্য সহ প্রকাশিত হইতে পারে। মাসিক কাগজে এরূপ হইবার যো নাই। আজ ২৮শে মার্চ যাহা লিখিতেছি, তাহা পরন্তু ১লা ফাল্গুনের আগে কোন পাঠকের হাতে পৌঁছবে না; অধিকাংশ পাঠকের হাতে পৌঁছবে ২রা ও ৩রা ফাল্গুন। ঐ তারিখ নাগাদ অবস্থা বহু পরিবর্তন হইতে পারে, নূতন ঘটনা ঘটিতে পারে। এবিধ কারণে আমাদের পক্ষে অনেক বিষয়ে মন্তব্য প্রকাশ করা কঠিন এবং কখন কখন অনুচিত। প্রধানত পণ্ডিত মদননোহন মালবীয়ার উদ্যোগে, গবর্ণমেন্ট জনসাধারণের মধ্যে একটা বুঝাপড়া ও মিটমাট করিবার জন্য গত জানুয়ারী মাসে যে মন্ত্রণাসভা হয়, তাহার সম্বন্ধে অনেক কথা লিখিবার ইচ্ছা ছিল। কিন্তু সেই মন্ত্রণাসভা অধিবেশন হইয়া যাইবার পর আরও এমন অনেক-কি ঘটিয়াছে, বাহাতে মন্ত্রণাসভার আসল কাজের আলোচন এখন অনাবশ্যক হইয়া পড়িয়াছে।

মন্ত্রণাসভার নিযুক্ত কমিটি তাঁহাদের নির্ধারণগুলি বড়লাটকে জানান। বড়লাট, ঐ নির্ধারণ অনুসারে সক্রিয় সর্ব সঙ্ক্ষে কথাবার্তা কহিবার নিমিত্ত, গবর্ণমেন্টের প্রতিনিধিদের এবং জনসাধারণের প্রতিনিধিদের সভা আহ্বান করিতে অসম্মত হন। কমিটি তাঁহাকে পুনর্বিবেচনা করিবার নিমিত্ত আবার অনুরোধ করেন। এইসব চিঠি লেখালেখির বিষয় কমিটি গান্ধী-মহাশয়কেও যথাসময়ে জানাইয়া আসিতেছিলেন। কমিটি তাঁহাকে এই অনুরোধ করেন, যে, বড়লাটের নিকট হইতে তাঁহাদের শেষ চিঠির জবাব না-আস পর্য্যন্ত তিনি যেন অপেক্ষা করেন এবং গুজরাটের বন্দোবস্তে তাঁহাদের সংকল্পিত নিরুপদ্রব অবাধ্যতা আরম্ভ না করেন। গান্ধী মহাশয় তাহা আরম্ভ করেন নাই বটে, কিন্তু কমিটিকর্তৃক বড়লাটকে প্রেরিত শেষ অনুরোধের শেষ জবাবের জন্য অপেক্ষা না করিয়া তিনি স্বয়ং বড়লাটকে একটি চিঠি লিখিয়া তাঁহাকে জানান, যে, গবর্ণমেন্ট তদনুসারে কাজ না করিলে তিনি বন্দোবস্তে তাঁহাদের সংকল্পিত নিরুপদ্রব প্রতিরোধ ও অবাধ্যতা আরম্ভ করিবেন। মহাত্মা গান্ধীর এই চিঠিটি সঙ্ক্ষে আমাদের মত এই, যে, তিনি কমিটির অনুরোধ অনুসারে আর নির্দিষ্ট করেকদিন অপেক্ষা করিয়া তৎপরে প্রয়োজন থাকিলে উহা লিখিলে ভাল হইত। তাহা না-করায় তাঁহাদের বিরুদ্ধে যে অতিবাস্ততার দোষ আরোপিত হইয়াছে, তাহা আমরা অস্বীকার করিতে পারি না। চিঠিটি লিখিবার ও পাঠাইবার সময় সঙ্ক্ষে আমাদের এই মন্তব্য। কিন্তু চিঠিটিতে আমরা কোন আপত্তির কারণ দেখিতেছি না। এংলো-ইণ্ডিয়ান কাগজওয়ালারা এই চিঠি লেখার জন্য গান্ধীকে ধুষ্ট, বেয়াদব, ইত্যাদি বলিতেছে। আমরা তাহা মনে করি না। জনসাধারণের নেতা ও প্রতিনিধি গবর্ণমেন্টের উচ্চতম কর্মচারী ও প্রতিনিধি অপেক্ষা নিম্নস্থানীয় লোক নহেন। সুতরাং তিনি গবর্ণমেন্টের সহিত সমানে সমানে পত্রব্যবহার করিতে ও কথাবার্তা করিতে অধিকারী।

গান্ধী বড়লাটকে যে চিঠি লিখিয়াছেন, গবর্ণমেন্ট তাহার জবাবে একটি কমিউনিকে অর্থাৎ জাপন-পত্র বাহির করিয়াছেন। ইহাতে গান্ধীর চিঠির কতকগুলি ভুল দেখাইবার চেষ্টা করা হইয়াছে। আমাদের বিবেচনায় সে

চেষ্টা সফল হয় নাই। গান্ধী তাঁহার প্রত্যুত্তরে তাহা দেখাইয়াছেন। উত্তর পক্ষের চিঠি হইতে বাহ্যপ্রতিবাদের কোন কোন অংশ উদ্ধৃত করিয়া আমাদের কথার সত্যতা অনায়াসে প্রমাণ করিতে পারিতাম, কিন্তু সময় ও স্থানের অভাবে তাহা পারিলাম না।

ভারতীয় ব্যবস্থাপক সভায় এইসব উত্তর-প্রত্যুত্তরের কথা উত্থাপিত হওয়ার গবর্ণমেন্টের পক্ষ হইতে স্যার উইলিয়ম ভিন্সেন্ট জবাব দেন। সেই জবাবের নানা কথার মধ্যে বলা হইয়াছে, দর্প ও দস্তুর সহিত বলা হইয়াছে, যে বে-আইনী সভা ও জনতা ভঙ্গ করিবার জন্য গবর্ণমেন্ট বল প্রয়োগ করিবেন, ইহা স্পষ্ট ভাষায় গবর্ণমেন্ট জানাইতেছেন। এবিষয়ে কিছু বক্তব্য আছে। বে-আইনী সভা ও জনতা ছরকমের আছে। গবর্ণমেন্ট প্রকাশ্য সভা করার বিরুদ্ধে যে আইন জারী করিয়াছেন, তাহার দ্বারা সভা করার অধিকার লোপ করা হইয়াছে। এই অধিকার প্রতিষ্ঠিত রাখিবার জন্য নানা স্থানে যে-সকল সভা হইতেছে, তাহার কোনটিরই উদ্দেশ্য দাঙ্গা-গাঙ্গামা করা, উপদ্রব করা, কাহারও অনিষ্ট করা, বা শাস্তিভঙ্গ করা, নহে; উদ্দেশ্য কেবল সভা করিয়া বক্তৃতা ও গান করিয়া শান্তির সহিত স্বস্থানে চলিয়া যাওয়া। বলপ্রয়োগ করিয়া একরূপ সভা ভঙ্গ করিবার প্রয়োজন নাই, তাহা করা উচিতও নহে; কিন্তু সভাস্থ সকলকে গ্রেপ্তার করিয়া আইনসম্মত শাস্তি দিবার অধিকার গবর্ণমেন্টের আছে।

আর এক প্রকারের জনতা আছে, যাহার কাজ বা উদ্দেশ্য শাস্তি ভঙ্গ করা, উপদ্রব করা, দাঙ্গা করা, লুট করা, ইত্যাদি। একরূপ জনতা ভাঙ্গিয়া দিবার জন্য বল প্রয়োগের আবশ্যক হইতে পারে।

যাহা হউক, প্রথম ও দ্বিতীয় উভয় প্রকারেরই সভা ও জনতা ভাঙ্গিয়া দিবার জন্য যদি গবর্ণমেন্ট বল-প্রয়োগ করিতে চান, তাহারও অর্থ, প্রকার, প্রণালী, সুনির্দিষ্ট থাকা উচিত। একান্ত আবশ্যক না হইলেও লাঠি চালাইতে হইবে ও মাথা ভাঙিতে হইবে, কিম্বা ধাঁ করিয়া গুলি চালাইয়া মানুষ মারিতে হইবে, ইহাই যেন এদেশের গবর্ণমেন্টের কর্মচারীদের অনুমোদিত নিয়ম বলিয়া মনে হয়। ব্রিটেনে কিছু পুলিশ নিতান্ত বিপন্ন, নাচন্ন, বা, কেহ

কেহ ভখন, হইবার পূর্বে গুলি চালান না। এখানে মাদ্রুকের প্রাণটা সস্তা বলিয়া অকারণে, সামান্ত কারণে, দারিদ্র্যবিহীন ভাবে অনেক সময় গুলি চালান হইয়া থাকে। ইহা নিবারণ করিবার জন্য মাননীয় শ্রীনিবাস শাস্ত্রী আইন করাইতে চাহিয়াছিলেন। তাহার কি হইল ?

বড়লাটের সহিত উত্তর-প্রভুতর চলিবার মধ্যে এদিকে গোরখপুরের চৌরীচৌরা গ্রামে যে ভীষণ পৈশাচিক নরহত্যা ও গৃহদাহ বেসরকারী জনতা দ্বারা হইয়াছে, তাহার উল্লেখ আগে করিয়াছি। তাহার জন্য পণ্ডিত মদনমোহন মালবীন্দ্র-মহাশয় গান্ধী-মহাশয়কে অনুরোধ করিয়াছেন, যে, আপাততঃ বারদৌলিতে নিরুপদ্রব অবাধ্যতার আরম্ভ স্থগিত থাকুক, এবং কর্তব্য নির্ধারণ অন্য ১১ই ফেব্রুয়ারী (২৮ শে মার্চ), অর্থাৎ অদ্য, বারদৌলিতে কংগ্রেসের কর্মী-কমিটির এক অধিবেশন হউক। তদনুসারে অদ্য তাহার অধিবেশন হইবে। ফল কি হয়, জানিবার জন্য সকলে উৎসাহিত থাকিবেন ?

গান্ধী-মহাশয়ের দৃঢ়তা ও সাহস খুব প্রশংসনীয়। তিনি যদি একা কিছু করিতেন, তাহা হইলে যখন বাহা ইচ্ছা করিলে তাঁহাকে দোষ দেওয়া চলিত না; কারণ ফলভাগী প্রধানত তিনিই হইতেন। কিন্তু তাঁহাকে দেশের লোককে সঙ্গে লইয়া অগ্রসর হইতে হইবে। তিনি দশ জনের সহিত মিলিত হইয়া নিরুপদ্রব আইনলঙ্ঘনের ও গবর্ণমেন্টের অবাধ্যতার যে দৃষ্টান্ত দেখাইবেন, তাহা দেশের অন্তান্ত লোক অনুসরণ করিবে, তিনি ত ইহাই চান? তাহা হইলে, অত্যাচারিত হইলেও, খুব উত্তেজনার কারণ জন্মিলেও, নিরুপদ্রব ভাবে আইনলঙ্ঘন করিবার যোগ্যতা দেশের কতটা জন্মিয়াছে, তাহা বিবেচনা করা তাঁহার কর্তব্য। তিনি নিজে ত বলিয়াছেন যে দেশ এখনও প্রস্তুত হয় নাই। অতএব ধীরভাবে কর্তব্য নির্ণয় করিতে হইবে।

পার্লমেন্টে চোখ-রাঙানী

বিলাতে ভারতবর্ষের দিকে লক্ষ্য রাখিয়া ব্রিটিশ পার্লামেন্টে কোন কোন নামজাদা সভ্য চোখ রাঙাইয়াছেন। এ দেশে খুব কড়া শাসন চালাইবার, আন্দোলকদিগকে

শ্রেণীর আদি করিবার, সংবাদপত্রসকলের দ্বারা রাজ-দ্রোহের বিষ ছড়ান বন্ধ করিবার, ভয় দেখান হইয়াছে;—যেন এরূপ কিছু এ পর্য্যন্ত প্রভুরা করেন নাই! আরও বলা হইয়াছে, যে, ব্রিটিশ গবর্ণমেন্ট বিপ্লব বা অন্ত-কিছুর ভয়ে ভীত হইবেন না, তাঁহারা ভারত শাসন সংস্কার আইন অনুসারে দৃঢ়ভাবে কাজ করিবেন।

ভয়ে কোন পক্ষেই কিছু করা উচিত নয়, - জনসাধারণেরও নহে, শাসকদেরও নহে। জনসাধারণের ও তাঁহাদের নেতাদের উচিত ধীরভাবে কর্তব্য নির্ধারণ করিয়া তাহাতে বজ্রের মত দৃঢ় থাকা। মনে রাখা উচিত, যে, আমরা এখন পরাধীন বলিয়াই যে আমাদের সংঘমশক্তি, হুঃখ সহিবার শক্তি, সাহস, দৃঢ়তা, অধ্যায়সার, ও একতা, অন্য কোন জাতি অপেক্ষা বরাবর কম থাকিবেই, তাহা নহে। এইসব গুণে ও যোগ্যতার আমরা যে-কোন জাতির সমকক্ষ হইতে পারি। আমাদের দাবী জ্ঞান্য। ঈশ্বর জ্ঞান্য দাবীর সহায়। ভয় নাই। আমাদের বিশ্বাস এই, যে, যদিও বেসরকারী জনতা কয়েকস্থানে পাশব ও পৈশাচিক ব্যবহার করিয়াছে, তথাপি ভবিষ্যতে সংঘত ও শান্ত ভাবে ধারণ অসম্ভব হইয়া যায় নাই। যখন সংঘত ও শান্ত ভাবে অহিংসার পথে নিরুপদ্রবে সমবেত ভাবে কাজ করিবার ক্ষমতা দেশব্যাপী হইবে, তখন যদি নিরুপদ্রব অবাধ্যতার প্রয়োজন থাকে, তাহা করা সম্পূর্ণ বৈধ হইবে।

শাসকেরা বিপ্লবের, দাঙ্গার বা শাস্তিভঙ্গের ভয়ে কিছু করিবেন না বলিয়াছেন। এই কথাটা বলাই অন-বশ্যক এবং বোধ হয় এটা একটা অভিনয়ের ভঙ্গী। কারণ, শাসকেরা ভাল করিয়াই জানেন যে, উপদ্রব করিবার, বল প্রয়োগ করিবার, ক্ষমতা, প্রবৃত্তি, ও আয়োজন তাঁহাদের যেমন আছে, আমাদের তেমন নাই। তাঁহারা ইহাও জানেন যে, উচ্ছৃঙ্খল জনতা কয়েকজায়গায় বাহাই করিয়া থাকুক, অসহযোগ-প্রচেষ্টা উপদ্রববান্ধক নহে, এবং ইহার নেতা ও একত অহুচরেরা হৃদয়ের সহিত অহিংস-পন্থী। সুতরাং ভয় বা বিপ্লবের কথাটা উঠে কেন ?

বাহাই হউক, আমরাও বলি, শাসকেরা ভয়ে কিছু করিবেন না। অনেক সময় লোকে হঠাৎ ভীত হইয়া ভয় ঢাকিবার জন্য ও সাহসের অভিময় করিবার জন্য

ভীষণ কাণ্ড করিয়া বসে। শাসকেরা যেন তাহা না করেন। পৃথিবীর ইতিহাস তাহাদের ভাল করিয়া জানা আছে; জানা আছে যে, অতি দুর্বল ও অবজ্ঞায় বলিয়া যাহারা বিবেচিত, তাহারাও কোথা হইতে শক্তি লাভ করিয়া অসাধ্য সাধন পৃথিবীর ইতিহাসে নানা যুগে নানা স্থানে করিয়াছে। এ দেশেও তাহা ঘটতেছে; ভবিষ্যতে আরও ঘটবে। ভারতীয় জাতি “অসাধ্য সাধন” করিবে, সম্পূর্ণ আত্মকর্তৃত্ব লাভ করিবে। ইহাতে অণুমানও সন্দেহ নাই। ইহাতে বাধা দিবার সাধ্য কাহারও নাই। শাসকেরা ধর্ম-পথে থাকিয়া ভারতের ও জগতের সেই শুভদিনের আগমনের সহায় হউন।

সচল অন্ধকূপে মোপ্লাদের মৃত্যু

বন্ধ মালগাড়ীতে মোপ্লাদের দম বন্ধ হইয়া মৃত্যু সম্বন্ধে তদন্ত করিবার নিমিত্ত যে কমিটী বসিয়াছিল, তাহার সিদ্ধান্ত বাহির হইয়াছে। তাহাকে বিলাতের ডেলিনিউস্ ভগামি এবং ময়লা ঢাকিবার নিমিত্ত চুন-কাম বলিয়াছেন। এদেশের “ইংলিশমান” পর্যাস্ত সম্বন্ধে হন নাই। কমিটীর মতে যত দোষ রেল কোম্পানীর! মাকড় মারিলে ধোকড় হইয়াই থাকে! অষ্টাদশ শতাব্দীর অন্ধকূপ হত্যার ঔপন্যাসিক বা ঐতিহাসিকদের প্রেতাঙ্গারা এখন সিরাজুদ্দৌলার নিন্দাটা অল্প স্বল্প নরম করিতে পারিবেন কি? তদন্তের ফল যে এইরূপ হইবে, তাহা অনুমিত হইয়াছিল। কারণ, যাহাদের দোষ আছে কি না নির্ণীত হওয়া উচিত ছিল, তাহাদের কেহ বা কমিটী নিষুক্ত করিল, কেহ বা কমিটীর সভাপতি বা সভ্য হইল। কাঠগড়ার আসামী কখন কখন বেকসুর খালাস পায়; সুতরাং বিচার-ফল প্রকাশিত হইবার আগেই কোন আসামীকে প্রকৃত অপরাধী মনে করা উচিত নহে। কিন্তু বিচারার্থীন আসামীরূপে কাঠগড়ায় যাহাদের স্থান হওয়া উচিত ছিল, তাহারা বিচারকের নিয়োগকর্ত্তা বা স্বয়ং বিচারক হইলে অত্যন্ত অসঙ্গত রকমের ব্যাপার হয় বুটে।

অনেক মোপ্লা, বৃদ্ধ নর, অন্য অবস্থার, অনেক মানুষ

খুন করিয়াছে, কাহাকেও কাহাকেও পৈশাচিক ভাবে মারিয়াছে, অনেক হিন্দুকে হোর করিয়া মুসলমান করিয়াছে, জ্বালোকের উপর অত্যাচার করিয়াছে; এসব সত্য। কিন্তু মালগাড়ীতে বোঝাই বন্দী মোপ্লারাই এইরূপ কাজ করিয়াছে, তাহা প্রমাণিত হয় নাই। যদি তাহারা করিয়াই থাকে, তাহা হইলেও বিচারের পর তাহাদের আইনানুযায়ী শাস্তি হওয়া উচিত ছিল। দম আটকাইয়া মারা সে শাস্তি নহে। আমরা ইহা মনেও করি না, যে, গবর্ণমেন্ট ইচ্ছাপূর্বক জ্ঞাতসারে তাহাদিগকে এই ভাবে মারিয়া শাস্তি দিয়াছেন। সিরাজুদ্দৌলাও জানিয়া শুনিয়া অন্ধকূপের কয়েদীদিগকে বধ করেন নাই (যদি অন্ধকূপ হত্যা ঘটয়া থাকে)। আমরা এত কথা লিখিতেছি এইজন্য, যে, কাহারও কাহারও মনের ভাব এরূপ থাকিতেও পারে, যে, যেহেতু মোপ্লারা ভীষণ অত্যাচার করিয়াছে, অতএব যে-কোন প্রকারেই তাহাদের মৃত্যু হউক, তাহার জন্ত মাথা ঘামাইবার প্রয়োজন নাই।

আমরা বাল, খুব প্রয়োজন আছে। নৃশংস ব্যবহার যাহার উপরই হউক, তাহা গণিত, এবং তাহার দমন ও নিবারণ না হইলে মানব মাত্রেরই আত্মার এবং তৎপরে জীবনের অধোগতি হয়। সেইজন্য আমরা, একদিকে যেমন মোপ্লাদিগকে, যাহারা আপনাদিগকে ধর্মযোদ্ধা বলে, তাহাদের কথার দূত প্রতিবাদ ও নিন্দা করি, তেমনি অপরদিকে চাই যে, তাহাদের অনেকের দম বন্ধ হইয়া মৃত্যু হইয়াছে যাহাদের দোষে তাহারা আবিষ্কৃত ও দণ্ডিত হউক।

ইহা সম্বোধের বিষয়, যে, বহুসংখ্যক মুসলমানশাস্ত্রজ্ঞ উলেমা হোর করিয়া কাহাকেও মুসলমান করার বিরুদ্ধে একটি ফতোয়া বা ব্যবস্থা প্রণয়ন করিতেছেন।

নারীর রাষ্ট্রীয় অধিকার

ভারতীয় ব্যবস্থাপক সভায় স্থির হইয়াছে, যে, মাদ্রাজ ও বোম্বাই প্রদেশে আইনানুযায়ীযোগ্যতাযুক্ত নারীগণ এই সভার সভ্য নির্বাচনে ভোট দিতে পারিবেন। এই দুই প্রদেশের নারীদের প্রাদেশিক ব্যবস্থাপক সভায় সভ্য নির্বাচনে ভোট দিবার অধিকার আছে। উত্তর

ভারতে যখন পর্দা ও অবরোধ প্রথা আছে, দক্ষিণে ততটা নাই; কোথাও কোথাও এবং কোন কোন শ্রেণীর হিন্দুদের মধ্যে মোটেই নাই। ইহা খুব স্বাভাবিক, যে, যেখানে নারীদের সামাজিক স্বাধীনতা আছে, রাষ্ট্রীয় অধিকারও নারীরা সেখানে আগেই পাইয়াছেন। উর্দা দিক দিয়া ধরিলে, ইহাও নিশ্চিত, যে, বঙ্গের নারীসমাজে রাষ্ট্রীয় অধিকার ও স্বাধীনতার জন্য যেরূপ সাহস, দৃঢ়তা ও উৎসাহ দেখা যাইতেছে, তাহাতে বঙ্গের নারীদের সামাজিক স্বাধীনতার পথও খুলিয়া যাইতেছে। বাস্তবিক একদিক দিয়া দেখিলে বাংলার নারীরা, যুবকেরা ও বালকেরা বঙ্গের মুখ রক্ষা করিতেছেন, কিন্তু নারীরাও পুলিশ কর্তৃক প্রহৃত ও আহত হওয়ার উত্তেজনার সঞ্চার হইতেছে।

নারীকে আঘাত

কিন্তু ১৯৩৭ ৬ লক্ষ্যার বিষয় এই, যে, নারীদিগকে সভাস্থলে ইংরেজ পুলিশ আঘাত করায় যেরূপ দেশব্যাপী বিক্ষোভ হওয়া উচিত ছিল, তাহা হয় নাই। নারীরা “বে-আইন” সভা করিলে তাঁহাদিগকে গ্রেপ্তার করিতে পার, কিন্তু তাঁহাদিগকে আঘাত করা অতি ঘৃণ্য কাপুরুষতা।

নারীধর্ম রক্ষা

ভারতীয় ব্যবস্থাপক সভায় স্থির হইয়াছে, যে, যেকোন বোল বা তন্ত্রান বৎসর বয়স্কা কোন নারীকে কুপথগামী হইতে প্রবৃত্ত, বা বাধ্য, বা তজ্জগত ক্রয় বিক্রয়াদি করিতে তাহার দণ্ড হইবে। পাশ্চাত্য অন্তর্জাতিক একটি নিরীকারণ অনুসারে এই বয়স ২১। আমাদের ব্যবস্থাপক সভাতেও কোন কোন সভ্য এই ২১ বৎসর বয়সের সীমা চাহিয়া ছিলেন। তাহা হইলে ভাল হইত।

ভারতীয় বজেটের সব অংশের আলোচনা

ভারতীয় বজেটের, অর্থাৎ বার্ষিক আয়-ব্যয়ের আনুমানিক বিবরণের, কোন কোন অংশের আলোচনা ব্যবস্থাপক

সভার সভ্যেরা করিবার দাবী করিতে পারেন না। এবার মিঃ জিন্‌ওয়ানা নামক দেশী সভ্যের প্রস্তাবে সমুদয় বজেটটি আলোচিত হইতে দিতে ও ভোটে দিতে গবর্নমেন্ট রাজী হইয়াছেন। ভারতের সৈনিক বায় আজুগুবি রকমের। ব্যবস্থাপক সভা তত বায়ে রাজী না হইলেও গবর্নমেন্ট তাঁহাদের নিরীকারণ অগ্রাহ্য করিতে পারিবেন। তাহা হইলেও, আলোচনাটা মনের ভাল। দেখাই যাক না, কি হয়।

নিগ্রহ-আইন জারী বন্ধ করিবার দাবী

আগ্রা-অযোধ্যা, বিহার-ওড়িশা, ও বাংলা, এই তিন প্রদেশের ব্যবস্থাপক সভা-ত্রয়ে নিগ্রহআইন ছটির জারী বন্ধ করিবার সপক্ষে প্রস্তাব ধার্য হইয়াছে; কিন্তু গবর্নমেন্ট কর্তৃক জারী বন্ধ হয় নাই। ইহাতে সভাগুলির মুরাদ বুঝা যাইতেছে।

আচার্য্য রায় ও চরুখা

আচার্য্য প্রফুল্লচন্দ্র রায় ঘরে ঘরে তুলার চাষ ও চরুখা চালাইবার যে চেষ্টা করিতেছেন, তাহা প্রশংসনীয়। তিনি শ্রীযুক্ত সত্যশচন্দ্র দাশগুপ্তের এতদ্বিষয়ক পুস্তিকার যে ভূমিকা লিখিয়া দিয়াছেন, তাহা সকলের পড়া উচিত।

চাউল রপ্তানী

বাবু অমূল্যধন আঢ্য একজন চাউলের আড়তদার ও বাংলার ব্যবস্থাপক সভার সভ্য। তিনি প্রস্তাব করেন, যে, গবর্নমেন্ট এখন চাউল রপ্তানীর নিষেধ তুলিয়া লউন, রপ্তানী অবোধে চলিতে থাকুক। প্রস্তাব অগ্রাহ্য হওয়ার ভালই হইয়াছে। চালের দর কিছু নাশিয়াছে বটে, কিন্তু ষথেষ্ট নামে নাই। বাংলার পেট ভরিবার পক্ষে ষথেষ্ট চাল যখন দেশে জন্মে না, তখন রপ্তানী বন্ধ থাকাই উচিত। যদি এমন হইত, যে, অবোধ রপ্তানী হইলে তজ্জাত দরবৃদ্ধির সুবিধা চায়ীরা পাইত, তাহা হইলে বরং অবোধ রপ্তানীর সমর্থন করা যাইত। কিন্তু দরবৃদ্ধির সুবিধাটা পার মহাজন ও আড়তদারেরা, কৃষকদের কাছ পর্যন্ত উহা পৌছে কি না সন্দেহ।

আয়ারল্যান্ড

আয়ারল্যান্ডে আবার অশান্তি ও খণ্ডযুদ্ধ আরম্ভ হইয়াছে। সম্ভবতঃ সাধারণতন্ত্র স্থাপিত হইবার আগে উহা থামিবে না।

ওয়াশিংটনে রণতরী হ্রাস সভা

রণতরী হ্রাস করিবার জন্য ওয়াশিংটনে যে অন্তর্জাতিক মন্ত্রণাসভা বসিতেছিল, তাহার বৈঠক শেষ হইয়াছে। উহার উদ্দেশ্য সম্পূর্ণ সিদ্ধ না হইলেও কিছু সফল হইয়াছে। আপানের সঙ্গে চীনের শাংটাই প্রদেশ সম্বন্ধে মিটমাট এবং ক্রিটনের নিকট হইতে চীনের ওয়েহেইওয়ে পুনঃপ্রাপ্তি, তাহার অন্ততম।

শ্রীযুক্ত হরিসিং গোড়ের বিবাহ-সম্বন্ধীয় বিল

ভিন্ন ভিন্ন জাতীয় বরকত্তার মধ্যে বিবাহ আইন-সম্বন্ধে করিবার জন্য শ্রীযুক্ত ভূপেন্দ্রনাথ বসু, শ্রীযুক্ত বিঠলভাই পটেল, এবং শ্রীযুক্ত হরিসিং গোড় পরে পরে ভারতীয় ব্যবস্থাপক সভায় বিল উপস্থিত করেন; কিন্তু কোনটিই পাস হয় নাই। আবার কাহাকেও সংশোধিত আকারে উহা উপস্থিত করিতে হইবে। উহা একান্ত আবশ্যিক।

গান্ধীকে গ্রেপ্তার করিবার প্রস্তাব

এদেশে ও বিলাতে জবরদস্ত-নীতির পক্ষপাতী অনেক গান্ধীকে গ্রেপ্তার করিয়া জেলে বন্ধ করিতে বা নির্বাসিত করিতে পরামর্শ দিতেছেন। তাঁহারা জানেন না: যে-যে কারণে ভারতবর্ষে উপদ্রব রক্তারক্তি অশান্তি চরমসীমায় পৌঁছে নাই, মহাত্মা গান্ধীর স্বাধীন ক্রিয়ালীলতা তন্মধ্যে প্রধান।

বাঁকুড়ায় স্বাস্থ্যপ্রদর্শনী

বাঁকুড়ার ন্যাভিষ্টেট শ্রীযুক্ত গুরুসদর দত্তের উদ্যোগে যে স্বাস্থ্য ও হিতসাধন প্রদর্শনী হইতেছে, আচার্য্য প্রকৃষ্ণচন্দ্র রায় তাহার দ্বারা উদ্ঘাটন ও প্রারম্ভিক বক্তৃতা করেন।

এরূপ প্রদর্শনীর খুব প্রয়োজন ও সার্থকতা আছে। কিন্তু ইহা এসব বিষয়ে কল্পিততার প্রারম্ভ বলিয়াই যেন বিবেচিত হয়, শেষ বলিয়া নহে। কৃষি ও শিল্পের দ্বারা জেলার ধনবৃদ্ধি, এবং উপযুক্ত ব্যবস্থা দ্বারা জেলার স্বাস্থ্যবৃদ্ধি, উভয়ের জন্য সর্বদা অবহিত চিন্তে পরিশ্রম করিতে হইবে। রায় মহাশয় যে আলস্যকে অধোগতির অন্ততম মূল কারণ বলিয়াছেন, তাহা ঠিক। “বাঁকুড়াপ্রদর্শনী” হইতে তাঁহার বক্তৃতার তাৎপর্য্যের কিয়দংশ নীচে উদ্ধৃত করিতেছি।

“রায় মহাশয় জেলার ছুরবহা ও তাহার প্রতিবিধানে জেলাবাসীর কর্তব্য, কৃষকগণের প্রতি জমিদারদের অমনোযোগিতা, নিরীহ কৃষকগণের কষ্টলব্ধ অর্থে বিলাসী জমিদারদের সহরে আরামে বাস, প্রভৃতি নানা বিষয়ে হৃদয়গ্রাহী বক্তৃতা করেন। তিনি বলেন, দেশের ছুরবহার প্রতিকার করিতে হইলে যেরে যেরে রায়কাপাস কি বুদ্ধিকাপাসের চাব এবং চরকার প্রচলন হওয়া একান্ত প্রয়োজন। বাঁকুড়ার মাটি কাপাস চাবের পক্ষে বিশেষ অনুকূল। বাঁকুড়াবাসী যদি তাহাদের প্রয়োজনীয় কাপড় স্ব স্ব গৃহে তৈয়ার করিতে পারে, তবে বাঁকুড়ার অন্ন ও বস্ত্র উভয় সমস্যার সমাধান হইবে। বাঁকুড়া জেলার লোকসংখ্যা দশ লক্ষ। এ জেলাবাসীর জন্য অন্তত ৫০ ৬০ লক্ষ টাকার কাপড় আবশ্যিক। বাহির হইতে যদি কাপড় না আনিতে হয়, তবে প্রতিবর্ষে এই টাকা বাঁকুড়া জেলায় থাকিবে। তিনি আরও বলেন, এ জেলার সকল বিষয়েই একটি অবসাদ আমিরাজে। মবার আলিবর্দি খাঁ বাহা করিতে পারেন নাই, বিকুপুরের মহারাজা তাহা করিয়াছিলেন। আলিবর্দি খাঁ ভাস্কর পণ্ডিতের নিকট পরাজিত হইয়াছিলেন, আর বিকুপুররাজ ভাস্কর পণ্ডিতকে সসৈন্তে তাঁহার রাজ্য হইতে বিতাড়িত করিয়াছিলেন। এ জেলার লা, আক, খেজুর প্রভৃতির চাব অনারামেই হইতে পারে। কিন্তু কাহারও এ বিষয়ে চেষ্টা নাই। এ জেলার বহু কুষ্ঠরোগী আছে। আমরা হেলার তাহাদিগকে ত্যাগ করিয়াছি। কখনও কাহারও অনুকম্পা হইলে ২১টি পরমা দিই মাত্র। কিন্তু এই সভার এক ইংরেজ মিশনারী ভদ্রলোক রহিয়াছেন, ইহারা স্বদেশ হইতে অর্থ সংগ্রহ করিয়া আমাদেরই জাততাই কুষ্ঠরোগীদের সেবার ভার লইয়াছেন। আপান ও বোম্বাই আমাদের কি সর্বনাশ করিতেছে তাহারা দেখিতেছেন কি? বোম্বাই ও আহমদাবাদের কলগরালারা আমাদের কাপড় বিক্রয় করিয়া একশত টাকা মূল্যবনের উপর বৎসরে এক হাজার টাকা লাভ করিতেছে, আর আমরা ছুর্ভিক্ষের তাড়নার অনাহারে প্রাণত্যাগ করিতেছি।”

মন্ত্রীদের বেতন

মন্ত্রীদের বেতন, গবর্নমেন্টের, তাঁহাদের ও উক্ত উভয় কর বন্ধুদের চেটার বার্ষিক ৬৪০০০ ই রহিল। কিন্তু প্রাপ্তির সঙ্গে সঙ্গে তাঁহারা দেশের লোকের কাছে উপতি পুনঃ-প্রতিষ্ঠিত করিবার শেষ সুযোগ হারাইলেন। বজায় রাখল, কিন্তু কার্যকারিতা গেল।

কলিকাতার গৌরী সেন

কলিকাতা মিউনিসিপ্যালিটির ডাইস্-চেয়ারম্যানের পদ ল হইয়াছিল। ৪৩ টাকা বেতনের চাকরী ব'লগা উহা পিত হইয়াছিল, নিযুক্ত ব্যক্তিকে নিয়োগের পর পেক্ষা অনেক বেশী বেতন দিবার প্রস্তাব ধাৰ্য হইয়াছে। বেতন স্থান জাপানের মন্ত্রীদের বেতন মাসিক এক হার টাকা অপেক্ষা অধিক। কলিকাতায় যে খুব নোংরা ন, অলিগাল, খাপ রাস্তা বিস্তর আছে, তাহা কেনা নে? কিন্তু তথাপি মিউনিসিপ্যালিটির পরের টাকায় বী চা'লটা আছে।

নারীশিক্ষার স্বতন্ত্র ব্যবস্থা

স্যার আশুতোষ চৌধুরী প্রমুখ কয়েকজন পুরুষ ও মহিলা নারীদের শিক্ষার জন্য বঙ্গীয় শিক্ষাবিভাগ ও কলিকাতা

বিদ্যালয়ের প্রবর্তিত প্রণালী হইতে ভিন্ন অন্য কোন পদ্ধতির প্রয়োজন আছে কি না, তাহার আলোচনা আরম্ভ করিয়াছেন। তাঁহারা বাংলাভাষার সাহায্যে শিক্ষা চান।

নূতন প্রণালীর প্রয়োজন আছে। কিন্তু তাহা প্রতিষ্ঠা করিয়া চালাইতে হইলে পুনর অধ্যাপক চোণ্ডা কেশব কার্বের মত অনন্তকক্ষা, একাগ্র ও অধ্যবসায়শীল একটি মানুষ চাই।

আল দেবর জননী

আলৌল্লাতাদের পূজনীয় বর্ষীয়সী জননী দেশময় বেড়াইয়া সভা করিয়া অর্থসংগ্রহ করিয়া বেড়াইতেছেন। ধন্য তাঁহার উৎসাহ ও স্বজাতি-প্রেম!

পূর্ব আফ্রিকায় ভারতীয়

যে চার্লিস তাঁহার এক বহিতে লিখিয়াছিলেন, যে, পূর্ব-আফ্রিকা ইংরেজ অপেক্ষা ভারতীয়দিগের দ্বারাই সভ্য মানুষের বাসযোগ্য হইয়াছে, তিনিই অন্ততম ব্রিটিশ মন্ত্রীরূপে ভারতীয়দিগকে প্রকারান্তরে তথা হইতে তাড়াইবার কিছা হীন অবস্থায় রাখিবার ব্যবস্থা করিতেছেন। কৃতজ্ঞতা বটে!

সাক্ষর্যে ফসলের উন্নতি

এক জাতীয় পুং-পুষ্পের পরাগ অন্য জাতীয় স্ত্রী-পুষ্পের কেশরে প্রয়োগ করিলে যে এক উৎকৃষ্ট ফলের উৎপত্তি হইতে পারে, তাহা ভাবিলে বিস্মিত হইতে হয়।

গত বৎসর পৌষ মাসে আমাদের দেশোৎপন্ন বৈতাল ড়ার ক্ষেত্রে Suttons Etamps জাতীয় কুম্ভার যকটি বীজ বপন করি। বীজগুলি বেশ সুপুষ্ট ছিল, দেখিতে বড় কড়ির স্তায়, রং শাদা। শীতের সময় গাছগুলি শ সতেজ ছিল, কিন্তু বসন্তসময়গে দেশী কুম্ভার হগুলি যখন সতেজে বাড়িতেছিল তখন পূর্বোক্ত বিলাতী ড়ার গাছগুলি ক্রমশঃই নিস্তেজ হইয়া পড়িতেছিল।

অন্তিম দশা নিকট বৃষ্টি গাছগুলির ফলের আশা ত্যাগ করিলাম। পরে ইহার পুং-পুষ্পের পরাগ দেশীয় কুম্ভার স্ত্রীপুষ্পের গর্ভকেশরে প্রয়োগ করিলাম। এ বৎসর সেই বীজোৎপন্ন গাছে কুম্ভার প্রকৃতি পরিবর্তিত হইয়াছে। ফলগুলি নীরেট—ভিতার ঠিক বেগের মত, মোটেই ফাঁক নাই। ওজন পূর্বোপেক্ষা প্রায় দ্বিগুণ অধিক। আশ্বাষ অতি মধুর, ফলের সংখ্যাও বৃদ্ধিপ্রাপ্ত হইয়াছে। প্রত্যেক গ্রন্থিতেই গার দুইটি করিয়া ফল ধরিয়াছে। এক সপ্তাহ কাল মধ্যে এক-একটি ফল ওজনে প্রায় ১/৬ ছয় সের পর্যন্ত হইয়াছে। প্রকৃতপক্ষে উহা সাক্ষর্যের বিষয় নয় কি?



৮৯

আমেরিকার "ভারতের স্বাধীনতার বন্ধু" সমিতির এক অধিবেশন। ইহার মধ্যে বাঙালী মহিলা শ্রীমতী কমলা দেবী আছেন।

আরও আশ্চর্য্য এই যে, উক্ত কুম্ভার বাজগুলি পূর্বোক্ত Suttons Stamps-এরই অনুরূপ হইয়াছে।

এই উপায়ে শস্যের স্ত্রীপুষ্পে খরমুঙ্গ বা সাঁচি লাউএর পরাগ মিশ্রিত করিলে এক নূতন জাতির ফল উৎপন্ন হইবে এবং ঐ উৎপন্ন শস্যে উভয় ফসলেরই ন্যূনাধিক গুণ-বর্তমান থাকিবে।

এই সমস্ত বিষয়ে আজকাল আমেরিকা আমাদের আদর্শস্থল। আমাদের দেশেরই বেগুন-বীজ হইতে

সাক্ষর্যের দ্বারাই আমেরিকাবাসীগণ কি অপূর্ব বেগুন উৎপন্ন করিতেছেন। আমাদের দেশে কুত্রাপি বেগুন ১২। আড়াই সেরের অধিক দৃষ্ট হয় না, আমেরিকায় সেই বেগুন নানাবিধ কৃত্রিম উপায়ে ১৬ ছয় সের পর্য্যন্ত হইয়াছে। সুতরাং এই ভীষণ অর্থ-সমস্যার দিনে সাক্ষর্য্য এবং ক্রমোন্নতি দ্বারা শস্য বৃদ্ধির চেষ্টা করা কর্তব্য। মাস্কাতা-আমলে নিয়মাদি ধরিয়া চলিলে হইবে না।

শ্রীমানসীবন গুহাইত।





“সত্যম্ শিবম্ সুন্দরম্ ।”

“নায়মাত্মা বলহীনেন লভ্যঃ ।”

২১শ ভাগ
২য় খণ্ড

চৈত্র, ১৩২৮

৬ষ্ঠ সংখ্যা

নাথপন্থ

নাথসম্প্রদায়ের যুগীরা রাজা গোপীচন্দ্রের গান, বিক্রমচাঁদের গান, গোরকনাথ ও মীননাথের কীটিকাহিনী দেশ-দেশান্তরে গিয়া গাইয়া বেড়াইত। সাধুদের মুখে মুখে প্রচারিত গীতের ফলে বাঙ্গালার ও বাঙ্গালার বাহিরে নাথসম্প্রদায়ের ধর্মের কয়েকখানি পুস্তক পাওয়া গিয়াছে। রঙ্গপুর হইতে সংগৃহীত গ্রীয়াসর্ন সাহেবের সম্পাদিত “মাণিকচন্দ্র রাজার গান”, ছল্লভ মল্লিকের “গোবিন্দচন্দ্রের গীত”, বিবেকানন্দ-ভট্টাচার্য্য-সংগৃহীত “ময়নামতীর গাথা”, ভবানীদাস-লিখিত “ময়নামতীর পুঁথি”, “ময়নামতীর গান”, মহদেব চক্রবর্তীর “ধর্মমঙ্গল”, শ্যামদাস সেনের ‘মীনচেতন’, সেখ ফয়জুল্লা প্রণীত ‘গোরকবিজয়’ ও রমাই পণ্ডিতের শূতপুরাণে নাথদের কিছু কিছু কথা আছে। ময়নামতীর গান-গুলিতে কতকগুলি সিদ্ধার নাম পাওয়া যায়। একখানি গানে আছে,—

তবে সিদ্ধা চলি গেলা যার যেই ঘরে ।
প্রথমে হাড়িকা গেল মৈনামতির ঘরে ॥
ভরিত গমনে গেল মৈনামতির পুরি ।
তথা গিয়া রহিলেক হাড়িকরূপ ধরি ॥
কানকা চলিয়া গেল অববির ঘরে ।
গাবুর চলিয়া গেল আপনা বাসরে ॥

গোকর্নাথ চলি গেল বঙ্গ নিকেতন ।
কদম্বিতে চলি গেল মিন মহাজন ॥
বাম হাতে যতিনাথে মাদলে দিল ঘাত ।
সর্বপুত্রী মোহিত করিল গোকর্নাথ ॥
নন্দ মহানন্দ ছই চেলায় পুরে তাল ।
ঝমকে ঝমকে ভাল উঠে শব্দ তাল ॥

মহামহোপাধ্যায় পণ্ডিত শ্রীযুক্ত হরপ্রসাদ শাস্ত্রী মহাশয় প্রাচ্যবিদ্যামহার্ণব শ্রীযুক্ত নগেন্দ্রনাথ বসুর Modern Buddhism নামক পুস্তকের এবং বৌদ্ধগান ও দোহার ভূমিকায় নাথধর্ম সম্বন্ধে কিছু কিছু আলোচনা করিয়াছেন।

পহুমাবতীর যোগীথণ্ডে আছে—

জউ ভল হোত রাজ অউ ভোণ্ড ।
গোপিচন্দ নহিঁ সাধত জোণ্ড ॥
উহ-উ সিঁসিটি জউ দেখা পরেবা ।
তজা রাজ কজরী-বন সেবা ॥

বাঙ্গালার বাহিরে গোপীচন্দ্রের কথা এইরূপ—

গোপীচন্দ্র বাঙ্গালার এক রাজা ছিলেন। ভর্তৃহরির ভগিনী মৈনাবতী ইহার মাতা। গোরকনাথ যখন ভর্তৃহরিকে জ্ঞানোপদেশ দিয়াছিলেন, তখন মৈনাবতীও গোরকনাথের নিকটে দীক্ষা লইয়াছিলেন। গোরকনাথের

কৃপায় তিনি বুঝিছিলেন যে, সংসারের বিষয়বাসনাতে বদ্ধ হইলে জীবের আর নিস্তার নাই। বাঙ্গালার রাজার সঙ্গে মৈনাবতীর বিবাহ হইয়াছিল। তাঁহার এক পুত্র গোপীচন্দ্র ও কস্তা চন্দ্রাবলী। সিংহলদ্বীপের রাজা উগ্রসেনের সঙ্গে চন্দ্রাবলীর বিবাহ হয়। পিতার মৃত্যুর পর গোপীচন্দ্র বাঙ্গালার রাজা হন এবং বিলাসে মত্ত হন। একদিন পুত্রকে দেখিয়া মৈনাবতী ভাবিলেন, ছেলে এই ভাবে বিষয়ে মাতিলে সমস্তই নষ্ট হইবে। তিনি পুত্রকে ডাকিয়া বলিলেন, পুত্র, যদি অমর হইতে চাও, জীবনমুক্ত হইতে চাও, তাহা হইলে জলকরণাথের নিকট দীক্ষা গ্রহণ কর, এবং দীক্ষান্তে কদলীবনে চলিয়া চাও। গোপীচন্দ্র নিজে সিদ্ধ হইলেন এবং ভাগিনী চন্দ্রাবলীকেও সিদ্ধা করিলেন। গোরখ-পন্থীদের মধ্যে একটি প্রথা আছে যে, নুতন যোগী হইবার সময় গুরুর আজ্ঞা লইয়া নিজ ঘরে গিয়া যোগীকে আপনার স্নানকে “মাতা” বলিয়া সম্বোধন করিতে হইবে এবং স্ত্রী তাহাকে “পুত্র, ভিক্ষা লও” এই কথা বলিয়া অন্ন ভিক্ষা দিলে যোগী তাহা লইয়া গুরুর নিকট গমন করে। গুরু তখন বিশ্বাস হয় যে শিষ্য যোগসাধনে সমর্থ হইবে।

তখন যোগী মেখলা, শূঙ্গা (নাদ), সেলী, কছা, ঝপ্পর, কর্ণমুদ্রা, কোপীন, কমণ্ডলু, ভস্ম, বাবাম্বর, খোলা ইত্যাদি ধারণ করে। গোপীচন্দ্র পাটরাণী পাটম দেবীর নিকট ভিক্ষা লইতে গেলেন। এই সময় তাঁহার সহিত পাটরাণীর যে যে কথা হইয়াছিল, তাহা অবলম্বন করিয়া যোগীরা নানা প্রকার গীত গাইয়া বেড়াইত। নানা স্থানে গীত হইয়া এই গানগুলির অনেক পরিবর্তন ঘটিয়াছে।

খ্রীস্টাব্দ ১৮৭৮ সালে “মাণিকচন্দ্র রাজার গান” ছাপেন। এই গানের সঙ্গে পুরনো সালের ছাপা “গোপীচন্দ্র কী কথা”র অনেক পার্থক্য। খ্রীস্টাব্দ ১৯০৬ সালে রাজ-পুতানা ও মালবপ্রান্তে এই আখ্যায়িকার যথেষ্ট প্রচলন আছে। যাহা হউক, গোপীচন্দ্র যখন দেখিলেন যে, এই সংসার পক্ষি-সদৃশ, তখন তিনি কদলীবনে চলিয়া গেলেন। খ্রীস্টাব্দ ১৯০৬ সালে দেখাইয়াছেন, ডেরাডুন হইতে আরম্ভ করিয়া ক্রমশঃ বদরিকাশ্রম এবং ইহার উত্তরে হিমালয়-প্রান্ত পর্য্যন্ত সমস্তই কদলীবন। এই স্থানটিকে এই অঞ্চলের লোক কদলীবন বলিয়া থাকে।

এখানে কদলীবন যথেষ্ট আছে, হাতীও অনেক। ইহা সিদ্ধদিগের থাকিবার স্থান। সিদ্ধ না হইলে এই বনে কেহ প্রবেশ করিতে পারে না। আজ পর্য্যন্ত এই বনে ক্রীহনুমান স্মৃতি বিস্ময় করিতেছেন এইরূপ প্রবাদ আছে। খ্রীস্টাব্দ ১৯০৬ সালে নিয়োগ শ্লোক উদ্ধার করিয়া বলেন যে, দ্রৌপদীকে লইয়া পাণ্ডবগণ বদরিকাশ্রমে যাইবার পথে ছয়দিন এইখানে বিশ্রাম করিয়াছিলেন। ভীমসেনের সঙ্গে এইখানে হনুমানের সাক্ষাৎ হয়। এইখানে মহাভারতে আছে,—

স ভীমসেনস্তচ্ছূতা স প্রহৃষ্ট-তনুকঃ ।

শব্দ প্রভবমদ্বিচ্ছংস্চগার কদলী-বনম্ ॥

কদলীবন-মধ্যস্থমথ পানে শিলাতলে ।

দদর্শ স মহাবাহুর্কানরাধিপতিং তদা ॥

বনপর্ব—১৪৫, অঃ—৭৫-৭৯ ।

হনুমান বলিলেন—আগে এ বনে সিদ্ধ ব্যতীত অপর কেহ আসিতে পারিত না।

অতঃপরমগমোহয়ং পর্বতঃ সত্বরঃকৃহঃ ।

বিনা সিদ্ধগতিং বীর গতিরহ ন বিদুতে ॥

দেবলোকস্ত মার্গেহয়ং অগমো মানুৈঃ সদা ।

কারুণ্যং ত্বামহং বার বারমসি নিবোধ মে ॥

১৪৬ অঃ—শ্লোক ৯২-৯৩ ।

মালিক মুহম্মদ ১৩৭ সালে হিন্দীভাষায় “পদ্মাবত” নামক পুস্তক রচনা করেন। সম্ভবতঃ ১৪৫ সালে বাঙ্গালী কবি সৈয়দ আলাওল এই পুস্তকের ভাষান্তর করেন। ইহাতে মঙ্গলনাথ, গোরখনাথ ও গোপীচন্দ্রের কথা আছে।

লক্ষ্মণদাস তাঁহার হিন্দীগীতে গোপীচন্দ্রের কথা লিখিয়াছেন। ইহাতে গোপীচন্দ্রের বাপের নাম তিলক-চন্দ্র, মাতার নাম মৈনাবতী, ভাগিনীর নাম চম্পা। গন্ধর্বসেন গোপীচন্দ্রের মাতামহ।

এ ছাড়া লাহোর হইতে গঙ্গারাম-কৃত ‘সিহরফী গোপী-চন্দ’, কবি কাশীরামকৃত ‘বারামাহ গোপীচন্দ’, বোম্বাই হইতে “সঙ্গীত গোপীচন্দ-কা”, প্রহ্লাদীদাস পুরোহিত-কৃত “গোপীচন্দ-রাজা-কো খাল”, আগরা হইতে ‘গোপীচন্দ ভরথরী’ [বোম্বাই হইতে খেমরাজ শ্রীকৃষ্ণদাসও

“সংগীত গোপীচন্দ ভরপরী” নামে এই একই গ্রন্থ প্রকাশ করিয়াছেন], কটক হইতে “গোবিন্দচন্দ্র গীত” নামক কথখানি গ্রন্থে নাথদিগের অনেক কথা আছে। প্রায়ই দেখা যায়, কোন পুস্তকের সহিত কোন পুস্তকের ঘটনা সম্বন্ধে ঐক্য নাই। তবে সেগুলি হইতে সত্য বাহির করিতে পারা যায়। তিলকচন্দ্র, গোপীনাথ, ময়নামতীর সম্পর্ক সম্বন্ধে বিচার করিয়া নাথগুণ-সম্বন্ধ সম্প্রতি শ্রীযুক্ত বসন্তরঞ্জন রায় বিদ্যরত্ন মহাশয় সাহিত্য-পরিষৎ-পত্রিকায় একটি সুন্দর প্রবন্ধ লিখিয়াছেন। তাহাতে এ সম্বন্ধে বিশেষ আলোচনা থাকায় পুনরায় আলোচনা করিলাম না। অহুসন্ধিৎসু ব্যক্তি তাহা পাঠ করিবেন। ভর্তৃহরি ও গোপীচাঁদের কথা প্রায় সকল দেশেই আছে। রাজেন্দ্র-চোড় ১০২৩ খৃষ্টাব্দে বঙ্গবিজয় করেন। গোবিন্দচন্দ্রও পরাভূত হন। কল্যাণীর চালুক্য বিক্রমাদিত্য এই সময়ের রাজা ছিলেন। ক্ষেমেন্দ্র ইহার কয়েক বৎসর পরে ভর্তৃহরি শতকের শ্লোক তুলিয়াছেন। কাজেই ভর্তৃহরি বিক্রমের সমসাময়িক। “নবনাথ ভক্তিসারে” দেখা যায়, ভর্তৃহরির সহিত বিক্রমের বনিচ সম্বন্ধ। ভর্তৃহরি বিক্রমের ভ্রাতা বা পুত্র। মহামহোপাধ্যায় শাস্ত্রী মহাশয় বলেন, “ভর্তৃহরিকে, যদি বিক্রমাদিত্যের ভাই ধরা যায় এবং তাঁহার সংসার-ত্যাগের কথা সত্য হয়, তবে গোপীচাঁদ তাঁহার ভাগিনেয় ভগ্ন ও সন্ন্যাস গ্রহণ করা বিচিত্র নয়।”

মহারাষ্ট্রপ্রদেশে গোপীচাঁদ নামে এক সন্ন্যাসী-রাজার সম্বন্ধে অনেক রকমের প্রবাদ আছে। ছ’একটি প্রবাদ অবলম্বন করিয়া কয়েকখানি গ্রন্থও রচিত হইয়াছে। তন্মধ্যে ‘সন্তুলীলামৃত’ ও ‘গোপীচাঁদ নাটক’ সমধিক প্রসিদ্ধ। সন্তুলীলামৃত প্রায় দুই শত বৎসরের প্রাচীন পুস্তক। ইহার রচয়িতা মরাঠী কবি মহীপতি ১৭১৫ হইতে ১৭৯০ খৃষ্টাব্দ পর্য্যন্ত জীবিত ছিলেন। গোপীচাঁদ নাটক বেশী দিনের গ্রন্থ নয়, ৫২ বৎসর পূর্বে আপ্রাজী গোবিন্দ ইনামদার রচনা করিয়াছেন। মরাঠী প্রবাদ অনুসারে গোপীচাঁদের কথা এইরূপ—

ত্রৈলোক্যচাঁদ রাজার পুত্র রাজা গোপীচাঁদ গোড়বর্গের রাজধানী কাঞ্চননগরে রাজত্ব করিতেন।

“গোড় বংগাল দেশী” নিশ্চিত
কাঞ্চননগর অসে কী।
তে থেঁ ত্রৈলোক্যচন্দ্রাচ্য স্মৃত।
গোপীচন্দ মো রাজা নিশ্চিত ॥”

রাজমাতা মৈনাবতী গবাঞ্চ দিয়া দেখিলেন—এক দিব্যমূর্ত্তি সন্ন্যাসী বিক্রমের জন্তু ম’থায় করিয়া কাঠের বোঝা লইয়া যাইতেছেন। সন্ন্যাসীর নাম জলন্দর। তাঁহার মূর্ত্তি দেখিয়া রাজমাতা তাঁহার শিষ্য হইয়া পড়িলেন।

তারপর একদিন রাজা মহিলাগণের সহিত প্রমোদ করি তছেন, এমন সময় দেখেন যে, তাঁহার শরীরে উষ্ণ জলবিন্দু পতিত হইল। ইহা তাঁহার মাতার অশ্রুবিন্দু জানিতে পারিয়া তিনি তাঁহার নিকটে গেলেন। মাতা পুত্রকে আশ্রয় উদ্ধারের জন্তু জলন্দরের শিষ্য হইয়া গ্রহণ করিতে বলিলেন। রাজা ক্রুদ্ধ হইয়া গোপনে তাঁহাকে স্তম্ভীকৃত গোময়ের মধ্যে পুঁতিয়া ফেলিতে আজ্ঞা করিলেন।

এদিকে জলন্দরের এক প্রিয় শিষ্য ছিলেন—নাম কণিকা। গুরুর অধেষণে তিনি এই রাজ্যে আসিয়া পড়িলেন। মৈনাবতী তাঁহাকে গুরুর অদর্শনের কথা জিজ্ঞাসা করিলেন। কণিকা রাগিয়া বলিলেন,—তোমার ছেলেই তাঁহাকে গোময়ে পুঁতিয়া রাখিয়াছে। মৈনাবতী পুত্রকে সকল কথা জানাইলে, গোপীচাঁদ ভীত হইয়া সন্ন্যাসীর শরণ লইলেন। সন্ন্যাসী তাঁহাকে ক্ষমা করিলেন।

কিছুদিন পরে সেই নগরে মাছেন্দ্রনাথ ও গোরক্ষনাথ আসিলেন। কণিকা তাঁহাদের সঙ্গে রাজার পরিচয় করিয়া দিলেন। মাছেন্দ্রনাথ রাজা ও রাজমাতার অহুনেরে জলন্দরনাথের ক্রোধ হইতে তাঁহাকে বক্ষা করিতে স্বীকার করিলেন। স্বর্ণ, রৌপ্য ও লৌহের তিনটি অবিকল রাজ-মূর্ত্তি নির্মাণ করাইয়া গোময়স্তূপের নিকট রাখিলেন। তারপর উহাদের পিছনে থাকিয়া জলন্দরকে ডাকিতে রাজাকে আদেশ করিলেন। রাজার তিনবার আহ্বানে তিনটি মূর্ত্তি ভস্মীভূত হইয়া গেল। চতুর্থবার ডাকিতে রাজার আর সাহস হইল না। অথচ মাছেন্দ্রনাথের আদেশও অবহেলা করিতে পারেন না। শেষে সাহসে তর করিয়া আহ্বান করিতেই জলন্দর বলিলেন, এখনও বাঁচিয়া আছ ? রাজা বলিলেন, ইহা তাঁহারই আশীর্ব্বাদে।

সন্ন্যাসী তাঁহাকে চিরজীবী হইতে আশীর্বাদ করিলেন ।
রাজা সন্ন্যাসীকে উঠাইয়া তাঁহার শিষ্য হইলেন ।

পূর্ণ অমৃতাপীও লখোনি চিহ্ন ।

বৈরাগ্য দিখলে ত্যাগ কাণ ॥

মৈলী মজা কহা লেবোন ।

বিভূতি চর্চন সর্বাঙ্গী ॥

সন্ন্যাসী রাজা প্রথমে বড় রাণীর নিকট গিয়া মাতৃ-
সম্বোধন করিয়া ভিক্ষা চাহিলেন । রাণী অবাক হইলেন ।
অনুরোধ উপরোধে কিছু হইল না । তিনি —

“ভিক্ষা মাগঠা নগরাস্তরী । গেলা মৈনাবতীচা ঘরী ।

ক্ষণে মাতে দুখভাত নিধারী । ভোজন সত্তরী ঘালাবে ॥

দুখভাত খাইয়া তার পরদিন তীর্থযাত্রা করিলেন । পথে
ভগিনীপতির রাজ্যে উপস্থিত হইলেন । তাঁহার ভগিনী
চম্পাবতী, ভদ্রাবতী নগরাধিপের মহিষী ।

“ঘাটী ভগিনী চম্পাবতী । ভদ্রাবতী নগরী হোতী ।”

কিন্তু তিনি সেখান থেকে গিয়া ১২ বৎসর ভারতের
৫৬ প্রদেশ ঘুরিলেন । শেষে কাঞ্চননগরে ফিরিলেন ।
সেখানে মাতা ও গুরু সঙ্গে দেখা হইল । গুরু তাঁহাকে
আশীর্বাদ করিয়া রাজ্য শাসন করিতে অনুজ্ঞা করিলেন ।
হাজার বৎসর রাজ্যশাসন করিয়া তিনি বেহ ত্যাগ করেন ।

সপ্তগীলামৃত আছে যে, গোরক্ষনাথ মংশেজনাথকে
স্ত্রীরাজ্যে বেথিতে পান । সেখানে মংশেজনাথ সর্ষেপর্ষী
হইয়া রাণী প্রেমনাকে লইয়া মাতিয়া ছিলেন । মহীপতি,
গোরক্ষ ও মংশেজকে বিষ্ণুর অবতার বলিয়া বুঝাইতে চেষ্টা
করিয়াছেন ।

মহেন্দরনাথ বা মংশেজনাথের প্রধান শিষ্য গোরখনাথ ।
প্রবাদ, গোরখনাথ শিষ্য হইয়া তপ করিবার জন্ত
বনগমন করেন এবং বহু বর্ষ পরে ফিরিয়া আসেন ।
ইতিমধ্যে মহেন্দর বিষয়-বাসনায় লিপ্ত হইয়া যোগদষ্ট
হন । এই সময় গোরক্ষ গুরুদেবের গৃহস্থে আসিয়া
উপস্থিত হন । গুরু তখন বেণ্ডার নাচ দেখিতেছিলেন ।
দেখিয়াই গোরখনাথ নিম্ন সিদ্ধিবলে এমনই লীলা করিলেন
যে, বাণাস্থ ধ্বনি করিতে লাগিল—“মহেন্দর জাগ, গোরখন
আসিয়াছে ।” শুনিতে শুনিতে মহেন্দরের জ্ঞান হইল—
গোরখনকে ডাকিয়া বলিলেন—এখন তুমি আমার গুরু ।

হঠযোগপ্রদীপিকার লিখিত আছে যে, চৌদজন নাথ
ছিলেন । ইহার প্রথম উপদেশে পাঁচটি শ্লোকে ইহাদের
নাম এইরূপ,—

শ্রীআদিনাথ-মংশেজ-শাবরানন্দভৈরবাঃ ।

চৌরঙ্গী-মীন-গোরক্ষ-বিক্রপাক্ষ-বিলেশনাঃ ॥

মহানো ভৈরবো যোগী সিদ্ধিবৃক্ষশচ কহতিঃ ।

কোরণ্টকঃ সুরানন্দঃ সিদ্ধপাদশচ চর্পটিঃ ॥

কানেরী পূজাপাদশচ নিত্যানাথো নিরঞ্জনাঃ ।

কপালী বিন্দুনাথশচ কাকচগুণ্ডরাহবঃ ॥

অল্লামঃ প্রভুদেবশচ ঘোড়াচোলী চ টিটিণিঃ ।

ভানুকী নরদেবশচ খণ্ডঃ কাপালিকশুখা ॥

ইত্যাদয়ো মহাসিকা হঠযোগ-প্রভাবতঃ ।

খণ্ডস্থিত্য কালগুণ্ড ব্রহ্মাণ্ডে বিচরিত্যস্তি তে ॥

ইহাদের বিশ্বাস, গোরখন অনাদি অনন্ত পুরুষ । ইহারই
ইচ্ছায় ব্রহ্মা, বিষ্ণু, মহাদেবের জন্ম । ইনি ভিন্ন ভিন্ন
সংসারে নবনাথরূপে অবতীর্ণ হন ।

গোরক্ষপত্নীরা নবনাথের উল্লেখ করিয়া থাকে ।
তাহাদের মতে নবনাথের নাম—১। একনাথ, ২। আদিনাথ,
৩। মংশেজনাথ, ৪। উদয়নাথ, ৫। দণ্ডনাথ, ৬। সত্যনাথ,
৭। সন্তোষনাথ, ৮। কুর্খনাথ, ৯। জালন্ধরনাথ ।

কিন্তু “নবনাথভক্তিসার” নামক মরাঠী গ্রন্থে নবনাথের
একটি শ্লোক আছে । শ্লোকটি এই—

“নব নাথীচা শ্লোক”

গোরক্ষজালন্ধরচর্পটীশচ অড্‌বন্ধকস্বীপ-মচ্ছিন্দরাঢাঃ ॥

চৌরঙ্গিরেবাণকভক্তিঃসংজ্ঞা ভূম্যাং বভূবন বনাথসিদ্ধাঃ ॥

এ ছাড়া ৮৪ জন সিদ্ধ পুরুষের নাম পাওয়া যায় ।
সুধাকরচন্দ্রিকার উল্লেখ আছে—

নবইনাথ চলি আবহী, অউ চউরাসী সিদ্ধ ।

অছটি বজর জর ধরতী, গগন গরুর অউ সিদ্ধ ॥

৮৪ জন সিদ্ধের নাম নিম্নে প্রদত্ত হইল । নাথপত্নীরা এই সিদ্ধ-
গণকে স্বীকার করিয়া থাকেন ।

১। সিদ্ধনাথ । ২। বক্রপয়নাথ । ৩। দৃঢ়নাথ । ৪। ধীরনাথ ।
৫। পবনশূকনাথ । ৬। ধীরনাথ । ৭। বাসনাথ । ৮। পশ্চিমতান-
নাথ । ৯। বাতায়ননাথ । ১০। ময়ূরনাথ । ১১। মংশেজনাথ ।
১২। কুকটনাথ । ১৩। ভদ্রনাথ । ১৪। অর্কপাদনাথ । ১৫। পূর্ণপাদ-
নাথ । ১৬। দক্ষিণনাথ । ১৭। শবনাথ । ১৮। অক্ষনাথ । ১৯।
ধনুশনাথ । ২০। পাবনিরানাথ । ২১। দ্বিপাবনিরানাথ । ২২।
হিরনাথ । ২৩। বৃক্ষনাথ । ২৪। অর্ধবৃক্ষনাথ । ২৫। চক্রনাথ ।

২৬। ভাঙ্গনাথ। ২৭। উদ্ধবসুধনাথ। ২৮। বামসিদ্ধনাথ। ২৯।
 যন্ত্রিকনাথ। ৩০। হিতবিবেকনাথ। ৩১। উখিতবিবেকনাথ। ৩২।
 দক্ষিণচর্কনাথ। ৩৩। পূর্বচর্কনাথ। ৩৪। নিঃশাসনাথ। ৩৫।
 অর্ধকূর্ণনাথ। ৩৬। গরুড়নাথ। ৩৭। বায়নাথ। ৩৮। বামত্রিকোণ-
 নাথ। ৩৯। আর্ধনানাথ। ৪০। দক্ষিণসিদ্ধনাথ। ৪১। পূর্বত্রিকোণ-
 নাথ। ৪২। বামভূষণনাথ। ৪৩। ভয়করনাথ। ৪৪। অসুষ্ঠনাথ।
 ৪৫। উৎকটনাথ। ৪৬। বামাসুষ্ঠনাথ। ৪৭। জ্যোতিকানাথ। ৪৮।
 বামার্দ্ধগণনাথ। ৪৯। বামভূষণপাদনাথ। ৫০। ভূষণপাদনাথ।
 ৫১। বামবক্রনাথ। ৫২। বামভ্রামুনাথ। ৫৩। বামশাপনাথ।
 ৫৪। ত্রিসুভনাথ। ৫৫। বামপাদাপাননাথ। ৫৬। বামহস্তচতুষ্টয়-
 নাথ। ৫৭। গৌমুদনাথ। ৫৮। গর্ভনাথ। ৫৯। একপাদবৃক্ষনাথ।
 ৬০। মুক্তহস্তবৃক্ষনাথ। ৬১। হস্তবৃক্ষনাথ। ৬২। দ্বিপাদপাৰ্শ্ব-
 নাথ। ৬৩। কন্দপোড়ননাথ। ৬৪। প্রোঁটনাথ। ৬৫। উপধান-
 নাথ। ৬৬। উর্ধ্বমংসুপাদনাথ। ৬৭। অর্ধগণনাথ। ৬৮। উত্তানকূর্ণ-
 নাথ। ৬৯। সর্বাঙ্গনাথ। ৭০। অপাননাথ। ৭১। যোনিনাথ।
 ৭২। মণ্ডুকনাথ। ৭৩। পর্বতনাথ। ৭৪। শলভনাথ। ৭৫।
 কোকিলনাথ। ৭৬। লোলনাথ। ৭৭। উটুনাথ। ৭৮। হংসনাথ।
 ৭৯। প্রাণনাথ। ৮০। কামূকনাথ। ৮১। আনন্দমন্দিরনাথ।
 ৮২। খঞ্জনাথ। ৮৩। গ্রন্থিভেদননাথ। ৮৪। ভূজঙ্গনাথ।

নাথদের মধ্যে কেহ কেহ বলিয়া থাকেন যে, আসন নিরূপণ তত্ত্ব
 এই নামগুলির কল্পনা হইয়াছে।

নবনাথদিগের মধ্যে গোরক্ষনাথই বিশেষরূপে প্রসিদ্ধ।
 তাঁহার সম্বন্ধে ভারতের সর্বত্রই অদ্ভুত অদ্ভুত প্রবাদ
 আছে। প্রসিদ্ধ প্রবাদগুলি নিম্নে প্রদত্ত হইল—

গোরক্ষরাজ্যের তিনি মঙ্গল-দেবতা ছিলেন, পরে
 নেপাল-রাজ্যের প্রতিদ্বন্দ্বী হইয়া নেপালরাজ্য মংশ্রেঞ্জের
 অধিকার হইতে চ্যুত করেন।

ভারনাথ বলেন (*Geschichte des Buddhismus
 in Indien*, pp. 171, 255, 323), তিনি বৌদ্ধ ছিলেন।
 তিনি খুব ভাল যাহা জানিতেন। ইহার কানকট শিষ্যও
 বৌদ্ধ ছিল। ইহারা ষাটশ শতকের শেষভাগে সেনবংশের
 পতনের পর বৌদ্ধ হয় (*Sylvain Levi, Le Nepal*,
 i, pp. 355-56)।

গোরক্ষনাথ সম্বন্ধে বহু-স্থানে নানা প্রবাদ আছে—

(১) রাইট সাহেব তাঁহার নেপাল-ইতিহাসে (পৃঃ ১৪০)
 লিখিয়াছেন, নেপালে প্রবাদ যে, গোরক্ষনাথ জলের
 সমস্ত উৎপত্তিস্থান বন্ধ করিয়া দিয়া ১২ বৎসর অনাবৃষ্টির
 সৃষ্টি করিয়াছিলেন। হিন্দু ও বৌদ্ধ প্রবাদ একই রকম।
 তবে জলের মুখ ছাড়িয়া দিয়া পদ্ধতি অল্পরূপে
 (*Sylvain Levi, Le Nepal*, i, p. 348, 351)।

(২) রাজা রসালু পঞ্জাবের একজন বীর।

গিয়ালকোটের রাজা শালবাহন দুইটি বিবাহ করেন। এক
 পত্নী রাণী লোনান সপত্নীপুত্র পুরণের প্রতি আগ্রহ হন।
 কিন্তু পুরণ তাঁর অভিলাষ পূর্ণ না করার রাণী তাঁর
 শাস্তিবিধান করেন। তাহাতে পুরণের হাত-পা কাটিয়া
 ফেলা হয়। কিন্তু গোরক্ষনাথের কৃপায় পুরণ সারিয়া
 গিয়া ফকীর হন। গোরক্ষের প্রসাদে রসালুও জন্ম হয়।
 রসালু ও শ্রীসিয়ালপতি একবাক্তি বলিয়া প্রমাণিত হইয়াছে
 (*R. C. Temple—Punjab Legends*, 1. ed.,
 p. 247)।

(৩) গুঁগা পীর। গুঁগাপীরের বাপ তাঁহার পত্নীকে
 তাড়াইয়া দেন। পত্নী গোরক্ষনাথের নিকট কয়েকটি
 মরিচ পান। গোরক্ষনাথ তাহা ছুধের সঙ্গে মিশাইয়া
 খাইতে বলেন। তাহা খাইয়া গুঁগার জন্ম হয়, ইহার
 পিতার ঘোটকীও ছুধ ও মরিচের পাত্র লেহন করিয়া
 গর্ভবতী হয়।

(৪) গুঁগার মানীও দুইটি ষব পাইয়াছিলেন। তাহাতে
 দুইটি পুত্র প্রসব করেন। (*North Indian Notes
 and Queries*, iii 96 par 205 ; *Elliot, N. W.
 Provinces*, i. p. 256 ; *Crooke, F. I. N. I.*
 i. 211)

মংশ্রেঞ্জের শিষ্য হইয়াও গোরক্ষনাথ গুরুকে পুণ্যে
 অতিক্রম করিয়াছিলেন। ভারতের সর্বত্র গোরক্ষনাথ
 পূজিত। অনেক তীর্থস্থানে গোরক্ষনাথের মন্দির আছে।
 কাটিয়াবাড়ী “গোরক্ষ-মন্দির” নামে একটি ছোট মন্দির
 আছে। এখানে ইহার পূজা হয়। তবে হরিদ্বারের
 নিকট গোরক্ষপুরে, নেপালে ও পঞ্জাবে ইহার পূজা বেশী
 হইয়া থাকে। ইনি নেপালের গোরখালিদের দেবতা।
 ইনি কচ্ছোও আসিয়াছিলেন। এই প্রদেশে ধমকদার
 নিকট ইহার নামে একটি কূপ আছে। সেখানে ইনি
 চিরঞ্জীবী বলিয়া লোকের বিশ্বাস।

(৫) নেপাল তরাইএ একটা প্রবাদ আছে।
 যুধিষ্ঠির পঞ্চ ভ্রাতার সঙ্গে যখন মহাপ্রস্থান করিতেছিলেন,
 তখন সকলেই মরিয়া যান, কেবল ভীম জীবিত থাকেন।
 ইহাকে গোরক্ষনাথ রক্ষা করেন ও নেপালের রাজা
 করেন (*Grierson*, p. 138)।

(৬) সিদ্ধ গোরখনাথ যখন কামাখ্যায় গিয়াছিলেন, তখন এক ছুঁটা স্ত্রী ভিক্ষা মাগিতে মাগিতে গোরখনাথের এক গরীব চেলার নিকট আসিয়া উপস্থিত হয় এবং তাহাকে নিজের কাছে আটকাইয়া রাখে। গোরখনাথ রাগিয়া সেই রাজ্যের সকলকে পাথর করিয়া দিলেন। শেষে সেখানকার রাজা কাঁদিয়া তাঁহার চরণে পতিত হইলে কৃপা করিয়া সকলকে উদ্ধার করিলেন।

কুক্স অনেকগুলি আখ্যানিকার অবতারণা করিয়া বলিয়াছেন যে, প্রবাদ অনুসারে তিনি সর্দারশক্তি সম্পন্ন ছিলেন। এমন কি, তিনি ব্রহ্মার প্রতিদ্বন্দ্বী হইয়া মানবের ভাগ্যও পরিবর্তন করিতে পারিতেন। গ্রিয়ার্সন বলিয়াছেন যে, কখনও কখনও তাঁহাকে শিবের চেয়েও বড় বলিয়া দেখান হইয়াছে (J. A. S. B. pt. i, 1878 p. 139)। বুকানন হামিল্টন গোরখনাথের অলৌকিক শক্তির উদাহরণ দিয়াছেন | Mont Martin's Eastern India, ii, p. 484 |

সত্যযুগে গোরখনাথ পঞ্জাবে বাস করিতেন, ত্রেতাযুগে গোরখপুরে, দ্বাপরে হরমুঞ্জে এবং কলিতে কাঠিয়াবাড়ে “গোরখমড়ি”তে অবস্থিতি করিতেছেন।

নেপালের অধিষ্ঠাতৃদেব মচ্ছীন্দ্রনাথের একটি উৎসব নেপালে অনুষ্ঠিত হইয়া থাকে। বোগমতী গ্রামে মচ্ছীন্দ্রনাথের একটি মন্দির আছে—সেই মন্দিরে তাঁহার বিগ্রহও আছে। বৈশাখের প্রথম দিবসে উৎসবের অনুষ্ঠান আরম্ভ হয়। ঐ দিন মচ্ছীন্দ্রনাথকে পবিত্র জলে স্নান করান হয় এবং রাজার তরবারিও তাঁহাকে দেওয়া হয়। তারপর বিগ্রহটিকে প্রকাণ্ড রথে আরোহণ করাইয়া পাটনে লইয়া যাওয়া হয়। রথমধ্যে একটি সুন্দর আসন পত্রপুষ্প সজ্জিত করা হয়। তাহার উপর বিগ্রহটিকে বসাইয়া দেওয়া হয়। এইরূপে অলঙ্কৃত করিয়া রথটিকে টানিয়া লইয়া যাওয়া হয়। পথে নির্দিষ্ট স্থানে বিগ্রহটি একদিন করিয়া বিশ্রাম করিয়া থাকেন। যে স্থানে মচ্ছীন্দ্রনাথ বিশ্রাম করেন, সেইখানকার অধিবাসীদের বায়ে সহযাত্রীদের ভোজনাদি নিষ্পন্ন হয়। সাধারণতঃ সাত দিন রথযাত্রা হইয়া থাকে। মচ্ছীন্দ্রনাথ পাটনে এক মাস থাকেন, পরে কোন শুভদিনে তাঁহাকে বোগমতীতে ফিরাইয়া আনা হয়। নেপালে এই

শুভদিনের একটি বিশেষ নাম আছে—ইহাকে তাহারা “শুদ্রিঝাড়” বলিয়া থাকে। শুদ্রি শব্দের অর্থ কঞ্চল। ঐ দিন সকলের সম্মুখে মচ্ছীন্দ্রনাথের কঞ্চল কাড়া হইয়া থাকে। কঞ্চল কাড়িয়া তাহারা দেখাইতে চায় যে, মচ্ছীন্দ্র কিছই সঙ্গে করিয়া লইয়া যাইতেছেন না। ইহার অর্থ এই যে, মচ্ছীন্দ্র সর্দারশক্তি হইয়াও সস্তর।

ঠাকুরীবংশের প্রথম রাজা অংশুবর্ণা। ইহার রাজত্বকালে কলিযুগের ৩০০০ বৎসর অতীত হয়। ইহার বংশের ৫ম রাজা বীরদেবের সময় কলিযুগের ৩,৪০০ বৎসর অতীত হয়। অতঃপর চন্দ্রকেতু রাজা হন। ইহার পর তৎপুত্র নরেন্দ্রদেব ৭ বৎসর রাজত্ব করেন। তারপর নরেন্দ্রের পুত্র বরদেব রাজা হন। ইহার সময়ে গোরখনাথ নেপালে শুভাগমন করেন। এখানে আসিয়া ইনি এইরূপে ধ্যান করিতে থাকেন,—“এই বিশ্বে সচ্চিদ-রূপী নিরঞ্জন ও অত্যাগ্ণ বুদ্ধগণ লোক সৃষ্টি করিবার জন্ত পঞ্চতন্মের সৃষ্টি করেন এবং পঞ্চবুদ্ধের রূপ ও নাম গ্রহণ করেন। অমিতাভ-পুত্র চতুর্থ বুদ্ধ—ইহার নাম—পদ্মপাণিবোধিসত্ত্ব। ইনি তাঁহার মন হইতে উৎপন্ন হইয়া ‘লোকসংসর্জন’ নামক সমাধিতে সমাসীন হন। আদি বুদ্ধ তাঁহাকে ‘লোকেশ্বর’ নামে অভিহিত করিয়া তাঁহার উপর লোকসৃষ্টির ভার দিলেন। তারপর তিনি ব্রহ্মা ও অত্যাগ্ণ দেবের সৃষ্টি করিলেন; ব্রহ্মা ও অত্যাগ্ণ দেবের সংরক্ষণে নিরত হইয়া ‘সুখাবতীভুবনে’ উপবিষ্ট বলিয়া ইহার নাম হইল—‘আর্য্যাবলোকিতেশ্বর পদ্মপাণিবোধিসত্ত্ব’। এই বুদ্ধ সুখাবতী হইতে ‘বঙ্গ’ নামক স্থানে আসেন। এইখানে শিব তাঁহার নিকট হইতে ‘যোগজ্ঞান’ শিক্ষা করেন। ইহার ফলে যোগী গভীর ধ্যানের দ্বারা পরমপুরুষের সঙ্গে মিলিত হয়। শিব যোগজ্ঞান শিক্ষা করিয়া পার্শ্বতীর সহিত গৃহে ফিরিতে ফিরিতে একরাত্রি সমুদ্রতীরে অবস্থান করেন। শিব বাহা শিক্ষা করিয়াছেন, তাহার পুনরাবৃত্তি করিবার জন্ত পার্শ্বতী এই সময় শিবকে অমুরোধ করেন। শিব বলিয়া যাইতে লাগিলেন, কিন্তু পার্শ্বতী অনিতে অনিতে ঘুমাইয়া পড়েন। আর আর্য্যাবলোকিতেশ্বর পদ্মপাণিবোধিসত্ত্ব মীনারুতি ধারণ করিয়া পার্শ্বতীর হইয়া ‘হ’ দিয়া যাইতেছিলেন। এ দিকে পার্শ্বতী জাগিয়া বেকরূপ ভাব দেখাইলেন, তাহাতে

শিব বুলিলেন, পার্শ্বতী সব শোনে নাই। ইহাতে শিবের সন্দেহ হইল, নিশ্চয়ই অপর কেহ শুনিয়াছে। তখন তিনি চীৎকার করিয়া বলিলেন—‘যে শুনিয়াছে, বাহির হও, নতুবা আমি অভিশাপ দিব।’ ইহা শুনিয়া লোকেশ্বর তাঁহার প্রকৃত আকার ধারণ করিলেন। তাঁহাকে দেখিয়া শিব তাঁহার চরণে পতিত হইয়া বার বার ক্ষমা প্রার্থনা করায় লোকেশ্বর তাঁহার প্রতি কৃপাপরবশ হন। এই দিন হইতে মৎস্যাকৃতি গ্রহণের জন্ত লোকেশ্বর মৎস্যোক্তনাথ নামে পরিজ্ঞাত হন।’

তারপর গোরক্ষনাথ জানিতে পারিলেন যে, মৎস্যোক্তনাথ প্রত্যহ ‘কামণি’ পর্কত বাইতেন। কিন্তু এটুকুও বুলিলেন যে, সেই স্থানে উপস্থিত হওয়াও বড় কষ্টকর। কিন্তু যিনি সমস্ত দেবতাদের গুরু এবং লোকের সৃষ্টিকর্তা, তাঁহাকে দেখিবার ইচ্ছা এতই বলবতী হইল যে, তিনি আর থাকিতে পারিলেন না। ভাবিতে লাগিলেন যে, মৎস্যোক্তনাথকে না দেখিতে পাইলে তাঁহার জীবন থাকা না থাকা সমান। এইরূপ ভাবিতে ভাবিতে মৎস্যোক্তনাথকে তাঁহার সম্মুখে আনিবার এক মতলব ঠিক করিলেন। তিনি নবনাথকে ধরিয়া আবদ্ধ করিয়া রাখিবেন কাজেই তাহারা আর বৃষ্টি দিতে পারিবে না। এইরূপ অনাবৃষ্টি হইলে লোকে হাঙ্গার করিবে—তাহা হইলে নিশ্চয়ই মৎস্যোক্তনাথকে তাহাদের হৃৎসমোচনের জন্ত আসিতেই হইবে।

এই আভিপ্রেয়ে গোরক্ষনাথ নবনাথকে একটি পাহাড়ে আকৃষ্ট করিলেন, এবং নিজে তাহার উপরে বসিলেন। ফলে দ্বাদশবর্ষব্যাপী অনাবৃষ্টি হইল। লোকদের কষ্টের একশেষ হইল; রাজা বরদেব উপায়ান্তর না দেখিয়া আকুল হইয়া পড়িলেন। এই হুঃখ হইতে মুক্ত পাইবার আশায় তিনি দেশের বৃদ্ধদের কথা শুনিবার জন্ত প্রচলিতভাবে বেড়াইতে লাগিলেন। একদিন রাত্রে তিনি দ্বিভ্রতবিহারে যান। সেখানে আচার্য্য বৃদ্ধবস্ত থাকিতেন। তিনি শুনিতে পাইলেন, বৃদ্ধবস্ত তাঁহার স্ত্রীর সঙ্গে নানা কথা কহিতেছেন। কথায় কথায় তাঁহার স্ত্রী অনাবৃষ্টির কথা জিজ্ঞাসা করায় বৃদ্ধবস্ত বলিলেন, ‘কাপোতল-পর্কতবানী আৰ্য্যাবলোকিতেশ্বরের কৃপা ব্যতীত বৃষ্টি হইবার কোন সম্ভাবনাই, কিন্তু রাজার প্রার্থনা হিন্ন তিনি আসিবেন

না। রাজা এ দিকে নির্যোধ, পিতা নরেন্দ্রদেবের সহিত তাঁহার মতের মিল হয় না বলিয়া তাঁহার পিতা বিহারে বাস করিতেছেন।’ এই কথা শুনিয়া রাজা ফিরিলেন এবং বৃদ্ধ পিতাকে লইয়া আসিয়া বৃদ্ধ আচার্য্যকে অনাবৃষ্টি নিবারণের জন্ত অনুরোধ করিলেন। বৃদ্ধবস্ত স্বীকৃত হইয়া রাজাকে লইয়া অনুষ্ঠান আরম্ভ করিয়া দিলেন। তিনি যোগাধর-জ্ঞান-ডাকিনীকে সোধোন করিয়া পুরস্চরণ করিলেন। কোর্টা মন্ত্র জপের পর তিনি প্রীত হইলেন। আচার্য্য তখন গোরক্ষনাথের কবল হইতে কর্কট নাগকে মুক্ত করিলেন এবং কাপোতল পর্কতের দিকে অগ্রসর হইলেন।

নাথদিগের মধ্যে গোরক্ষনাথের নামই বিশেষ প্রসিদ্ধ। তিনি ভিন্ন অত্যাচার কয়জন নাথের মতবাদও নাথপন্থীদের মধ্যে বেশ প্রসিদ্ধি লাভ করিয়াছে। দৃষ্টান্তস্বরূপ এইরূপ কয়জন নাথের নাম করা যাউতে পারে।

ঈশ্বরনাথ একজন বড় সংযমী নাথ ছিলেন। ইনি সকলকে সংযম-শিক্ষা দিতেন এবং পরম তত্ত্ব সংস্করণ ঈশ্বরকে ভজনা করিতে উপদেশ দিতেন।

চরুপটনাথ নাথগুরু ছিলেন। ব্রহ্মচর্যা বাতীত কোন সাধনাই সিদ্ধ হয় না, ইহাই তাঁহার প্রধান মত। ষড়রিপু বশীভূত করিবার প্রণালী ইনি শিক্ষা দিতেন।

নাথযোগী ভর্তৃহরি বা ভরথরী কতকগুলি মুদ্রা সাধন করিতেন। তিনি সাধারণতঃ বলিতেন ত্রিকুটার মণ্ডলের উপর যে চৈতন্যপুঞ্জ বিরাজিত আছে তাহা উন্টাইয়া দিয়া লাভ কি? উর্ককে অচল স্থির করিয়া দেওয়াই পরম কার্য্য। পিণ্ডব্রহ্মাণ্ডের সন্ধিস্থানে (ইহাদের সাক্ষাতিক শব্দ “অর্ক উর্ক”) নিরঞ্জন বাস করে। ইড়া পিণ্ডলার একীকরণরূপ গ্রন্থি স্থির করিতে হইবে। এটি প্রধান সাধন। ইড়াপিণ্ডলাকে ইহার “চন্দ্র সূর্য্য” বলিয়া থাকে।

যুগুনাথের প্রধান উপদেশ এক সমস্তার মধ্যে ছিল। তিনি বলিতেন—

“যুগুন থ পায়বো, জতীন কহায়বো।

সিদ্ধান নাথবো, বোলবো পকড়াইবো ॥

জদ অনহদ ভরম সুনায়বো।

সম একংকার খেলবে, শিবশক্তিম মেলবো ॥

• ধ্যানন ধরায়বো। উর্চ নীচ কহায়বো।”

চন্দ্রনাথ যুযুনাথের বিপরীত উপদেশ দিয়া বলিতেন যে, যাহা বক্তব্য তাহা বলিবে, যাহা শ্রোতব্য তাহা শুনিবে, যাহা কর্তব্য তাহা করিবে। কোনরূপ বিচার করিবে না। সকল সময় কিস্তি হৃদয়ে ধ্যান লগাইয়া থাকিবে।

বিষ্ণুনাথ সাম্যবাদ প্রচার করিতেন। আর 'শব্দ-বিচার' উপদেশ করিতেন।

ধর্মনাথ সিদ্ধোপাসনার পক্ষপাতী ছিলেন। ইনি গুরুসেবা শিক্ষা দিতেন।

ধর্মনাথ 'প্রণব' সাধন বিশেষ করিয়া প্রচলন করেন। ইহার অন্ত্যন্ত মত গৌরকপহীদের জার।

প্রাণনাথ একজন বড় সাধক—ইহার প্রধান উপদেশ ছিল—

"নাম ভগতা সত্ত জুগতা, দৃঢ়তা রহিতো অরোগ।

শ্রীতি লক্ষণ উপদেশ অচ্ছন্ন, প্রেম পায়বো জোগ ॥"

শ্রীঅমূল্যচরণ বিদ্যাভূষণ।

যাত্রী

সন্ধ্যা বনিয়ে আস্চে!—এই জীবনের সন্ধ্যা—তার পরে? তার পরে কি আছে গো আমার, তার পরে কি আছে? অন্ধকার রাত্রি কি? অথবা তিমিরাবসানে দীপ্তার্কিকরীটি বিচিত্র-বর্ণচ্ছটা-বিভাসিত সপ্তবর্ণানুরঞ্জিত আলোর আলোময় নব প্রভাত! কি আছে এই নিবিড় অঁধার-ঘোরের ওপারে?

এ সন্ধ্যা কেবল আমারই আসেনি,—আমি এই জীর্ণ কুটীরতলে খোলা জানলার কাছে শুয়ে প'ড়ে যে মরণের প্রতীক্ষা করছি এ তো শুধু আমারই আস্চে না! কত রাজ-রাজ্যেশ্বর, কত সম্রাট সুখ-ঐর্ষ্যের সিংহাসন আঁকড়ে প'ড়ে থেকেচেন, তবু এই কাল-সন্ধ্যার কালো আবরণ তাঁদের ঢেকে দিতে কসর করে নি। আমার তো এ মুক্তি!

মরণ! মরণ! ওগো এর চেয়ে ভীষণ সুন্দর আর কিছু যে নেই! এই যে পলে পলে নীরব পা ফেলে এ আমার কাছে এগিয়ে আস্চে! জীবনে কখনো তো কারুর অভয়-বাহুর আশ্রয়তলে এই লতার সঙ্গে উপমের নারীজীবন বিশ্রাম পায় নি! তাই আজ প্রিয়তমের সর্কসস্তাপহর গভীর ঘন আলিঙ্গনের মত মৃত্যু আমার দিকে হুহাত বাড়িয়ে আস্চে! এস, এস! আমার প্রাণ বল্ছে—

“অসতো মা সঙ্গময়ো
তমসো মা জ্যোতির্গময়ো
মৃত্যোর্মামৃতং গময়ো।”

নিশ্চয় বাও গো, আমাকে মৃত্যু উত্তীর্ণ ক'রে অমৃতে নিশ্চয় যাও।

সুবৃহৎ একটা নিদ্রাঘ-দিনের মত বিশ্বদাতী রুদ্র জ্বালাভরা, আগুনভরা আমার জীবনটা ব'য়ে গেছে,—সে যে কি জ্বালা, তা আর এই সন্ধ্যার কোলে এলিয়ে-পড়া শ্রান্তিভরা বিকৃত বিবর্ণ জ্যাস্ত-মরা দেহটা দেখে কতটুকু বোঝা যাবে বল!

একদিন এই দেহখানিই সুন্দর ছিল। আজ যার রংয়ের সঙ্গে চাম্চিকে বা বাহুড়ের সঙ্গে তুলনা চলতে পারে, তারই তুলনা একদিন বসোরা গোলাপের পল্লবের সঙ্গে চলতো।

বিশ্বাস করা না-করাতেও আজ আমার কিছু যায়-আসে না, কিন্তু তবু এ কথা সত্যি কথাই যে, সে রূপ থাকতেও আমি তার জন্তে কখনো গৌরব মনে করিনি, বরং তাকে অত্যাঙ্গা আপদই মনে ক'রে এসেছি।

ছায়োর খুলে আস্তে আস্তে ঘরে ঢুকলো ছোট ছেলে মণি, তার মুখ শুকনো, চোখ ব'সে গেছে, সেই সকালে ঘর ছেড়ে বেরিয়েছিল, এখন ছেলের বাড়ী মনে পড়লো!

অভিমনে আমার গলা ধেন বুজে আস্ছিল। বলবো না তো কথা। আমি এমন ক'রে আধমরা হয়ে ঘরে প'ড়ে আছি, আর ওদের এমন কাণ্ড! মণি আমার পায়ের গোড়ার ব'সে প'ড়ে রল্লে, “আজ কেমন আছ মা, আর যখন বাড়েনি তো?”

কথা বল্লাম না।

সে বললে, “রাগ করেছ বুঝি মা, কিন্তু আমি যদি কথা বলি তো কাঁঠ হয়ে যাবে, যে ছদ্মদিন বাঁচতে, তাও হয়ত টিকবে না—”

উঠে বসতে চেষ্টা করলুম, পাবলুম না, এলিয়ে গুয়ে প’ড়ে হাঁপাতে হাঁপাতে বললুম, “সে কি কথা রে? এমন কি কথা?”

“মেজদার আর সেজদার আজ জেল হয়ে গেল, চ’মাস ক’রে।”

“এ্যা!”

“সত্যি মা।”

“কি অপরাধে? না, না, অপরাধ তো তেরই ছিল, তা এ ধরা পড়লো কিসে?”

“সেই নেকলেস চুরি!”

“ও! তা বেশ হয়েছে।”

প্রকাণ্ড বড় একটা মিথাস ফেলে গুয়ে পড়লুম। চোখের স্রমুখে আমার দুটি ছেলের মুখ যেন অসহায় ভাবে কুটে উঠতে লাগলো। তারা জেলে গেল। না গিয়ে উপায় কি ছিল? চুরি করলে তার শাস্তি ভোগ তো করতেই হবে!

হায় অন্ধ মাতৃমমতা! এ ভলে যায় যে সন্তান পণিত তস্কর।

হলই বা তারা আমার পেটের ছেলে। ভগবানের পাবন রূপাবারি এমনি ধারাবর্ষণেই লোকের পাপের ঘানি ধুয়ে শুচি ক’রে ছায়। আমি যাদের মানুষ করতে পারি নি, সর্বলোকের ঈশ্বর যিনি, তিনি তাদের ঠিকমত চালিয়ে নেবেন বই কি!

বড় ছেলেকে তো মানুষ করতে পারবো না ব’লেই নিঃস্বস্ত হয়ে পরের ঘরে পোষাপুত্র দিয়েছিলুম, ভেবেছিলুম যে মানুষ হবে। তা বড়লোকের ঘরের পোষাপুত্রররা যা হয়ে থাকে সে তাই হয়েছে! আর বেশী খুলে কি ভাবা যায়?

আমি তার মা, আমার গর্ভে তাকে স্থান দিয়েছিলুম, মনে করলেও লজ্জা করে যে! হায় সন্তান!

সন্তানের প্রার্থনা না করতেই সন্তান পেয়েছিলুম, তাই কি ছেলেরা আমার মুখ পুড়িয়ে আমাকে এমন ক’রে দাগা

দিলে! হায় মরতে তো বসেইছি। এই মরণ যদি আরও ছদ্মদিন আগে আসতো!

(২)

আমার বোন-ঝি বা সতীন-ঝি বীণা এসে ডাকলে “কেমন আছ গো, ছোট মাসী?”

বললুম “কে, বীণা? আয় মা আয়,— আজও মরণ হচ্ছে না তাই বেঁচেই আছি।—ওট কে? বা চমৎকার মেয়েটি তো!”

বীণার সঙ্গে একটি তরুণী মেয়ে এসে দরোজার কাছেই লাড়িয়ে পড়েছিল,—বোধহয় আমার পায়ের কাছে মণি ব’সে ছিল ব’লেই সে সন্দোচ ক’রছিল।

আমি মা, আমার মণি আমার কাছে বালক থাকতে পারে; কিন্তু তার উনিশ কুড়ি বছর বয়সের একটা নেশা আছে তো! দেখলুম মণিরও অবনত মুখখানি লাল হয়ে উঠেছে।

বীণা বললে, “ওটি আমার দেওরের মেয়ে, ওর মামার বাড়ী এসেছে। আয় না লতি, লজ্জা কি,—আয়!”

“আমার কাছে? না, না, ওই ওখানেই বসো মা, আমার যে ছাই রোগ, আমার কাছে কি কাক আসতে আছে?”

বীণা একটু ক্ষুণ্ণ গলায় বললে, “এখনো রক্ত ওঠে কি?” “ওঠে বৈ কি,— তা উঠুক, যত শীগগির শেষ হয় ততই ভাল আমার নিকর আর অতুলের কথা তুই শুনেছিস তো!”

“শুনেছি,—তা দেখো এবারে তারা গুপ্তে আসবে।”

“কিন্তু কি লজ্জা!”

“তা আর কি করবে বল। আচ্ছা ছোট মাসী, মনুপুরে আমার খড়রের একখানি বাড়ী খালি প’ড়ে আছে, তুমি দিন কতক হাওয়া বদলে এস না কেন? যাবে?”

হাসলুম। “যাবই তো! যেতে বসেচি যখন তখন যেতেই হবে। তবে পৃথিবীর হাওয়া আর নয়, এবারে লোকান্তরে হাওয়া খেতে থাকি।”

“যাও, কি করার যে কি উত্তর দাও।”

“ঠিক উত্তর, বীণা। আমার মণি অসময়ে পড়া ছেড়ে দিয়ে যে সানাত চাকরীটুক জুটিয়েছে সেই তো সর্গল! এর

ওপর আর কি চাপ দিতে পারি? ছেলে বলতে তো এখন ওই একটাই?”

বীণা এক চমকে মণির ছলছলে মুখখানি চেয়ে দেখলে। মণি তার কোঁচান কাপড় গায়ে জড়িয়ে নিয়ে উঠে চলে গেল। যাবার সময়ে দেখলুম, আমার এ মায়ের চোখ নিশ্চয়ই মিথ্যা দেখেনি, আমি ভালো ক’রেই দেখলুম মণির মুখের চাপা হাসির ছটা লেগে তরুণী লতিকারও নত চোখে এক ঝলক বিহ্বল খেলে গেল।

তবে কি এরা পরস্পর পরিচিত?

আর এই যে নত নয়নের তলে গোপন দৃষ্টির মিলন-খেলা, এ তো কেবল মাত্র পরিচয়েরই চিহ্ন নয়

ওহো! বুঝেছি,—তাই বুঝি মণি আমার এমন কোমল, এমন কর্তব্যানষ্ঠ, এত ধীমান্ন! প্রেমের আলো লেগেই তার প্রাণের দেবতার ছায়ার খুলে গিয়েছে।

কিন্তু ওরে ছঃখিনীর ধন, এ তুই কোন্ ফাঁদে পা দিয়েছিস্ রে,—ওর যে বিভবের অহঙ্কার করে, তোক কি বরণ করবে ওরা? আমি বুঝেছি লতিকা কবিরাজ গণেশের ভাগ্নী, মণি তো নিতাই আমার ওষধপত্রের জন্তে সে বাড়ী যাওয়া-আসা করে।

লতিকা মুখ না’বয়ে ব’সে ছিল। দেখলাম মেয়েটি সুন্দরী, অত্যাগ্র বৌ-ছটা তার গা ঠিকরে বেরুচ্ছিল। টগটলে মধুভরা ফুল যেমন পাপড়ী মেলে’ ফুটে থাকে, তেমনি একটি মিষ্টি স্নিগ্ধ শ্রীতে তাকে বৃকে টেনে নিতে ইচ্ছে করে। কিন্তু ছরাকাজ্জা লোকের মেটে না, তাই আমারও তা মিটল না।

এই জীবনষ্টির আধখানা অঙ্গ চিরদিনই ফুলের সঙ্গে লতার সঙ্গে উপমিত হয়ে এসেছে, এই নিয়েই তো পূর্ক পশ্চিম সকল দিক্কার কল্পনা-জগৎ মাতোয়ারা।

কোন আদিযুগের প্রতিভাকুশল কবিকল্পনা এই ফাঁদে মেখেই মনোভবের ভূণের পঞ্চবাণ ফুলে ফুলে ভরিয়ে রেখেছিলেন। সে যদি ঈশানের চোখের আঙুনে ভগ্ন হয়েই শেষ হয়ে যেত, তা হলে সৃষ্টির এত সত্যি নিয়ে লুকোচুরি কি ক’রে চলতো কে জানে!

ফুল সে ফুটবেই। তার বর্ণ গন্ধ সে তো ইন্দ্রিয়কে আকর্ষণ করবারই জন্তে। এই অতি পুরাতন তথ্যই

না যুগে যুগে চিরনূতন হয়ে কাব্যকে অলঙ্কার পরিবে আসচে!

বীণাকে আমার মা মানুষ করেছিলেন। বিয়েও মা-ই দিয়েছিলেন। আমার স্বামী তখন তাঁর দ্বিতীয় পক্ষের স্ত্রীকে নিয়ে বিব্রত;—তিনি মেয়ের বিয়েতে উপস্থিত হতেও পারেন নি।

বিয়ের অন্ন কিছুদিন পরে বিধবা হয়ে বীণা তার স্বপুত্র-বাড়ীতেই কর্ত্রী হয়ে থেকে আসচে—আমরা কোনো দিনই তার গৌজ খবর বিশেষ নিতে পারিনি। এখন সে তার জায়ের বাপের বাড়ী এসেছিল, তার জায়ের ব্যারাম শুনে তাকে দেখতে!

আমাকে মধুপুরে যাবার জন্তে বার কতক ব’লে বীণা উঠে চলে গেল।

অবসর পেয়েই আমার হতভাগা ছেলেজুটোকে মনে পড়ল। সেখানে সেই নিদ্রুর মনুষ্যত্বগীন প্রহরীগুলো তাদের মানুষ ব’লে জ্ঞান করছে না। এই কুমাতার নামাশ্রম্যাদাকে আক্রমণ ক’বে তারা তাদের গালাগালি করছে, এ আমার কত পাপের শাস্তি ভগবান!

জীবনের সেই প্রথম প্রভাত থেকে আরম্ভ ক’রে এই দে চিরদিন মাথা পেতে সব বাধাগৎ সহ্য ক’রে আস’ছি, হিন্দুর মেয়ের অ’জন্ম সংস্কারের চাপে মাথা তুলে দাঁড়াতে পারিনি, আজ এ পাচ্ছি কি আমার সেই পুণ্যের ফল?

নব যৌবনে আমিও অমান পল্লবে প্রভাত-রৌদ্রের শুভ্রতা মেখে ফুটেছিলুম, কিন্তু আমার সে বর্ণডালাতে আঙুন লেগে গিয়েছিল।

কৌমার জীবন অস্ত্রে আমার দ্বিতীয় অঙ্গে হ’তে হ’ল চতুর্থ পক্ষের স্ত্রী,—থাক সে কথা আর নূতন ক’রে তুলে কি হবে? ব্যর্থতার বেদনা? তা সে তো এই ঘুচ্তে বসেছে—শেষ হ’য়ে এল ব’লে!

বড় ছেলেকে পুঁথিপুস্তক দিয়েছি। শুন্তে পাই লোকে যখন তার খোসামোদ করে তখন বলে রাজপুত্র, আর আড়ালে গাণ দেবার সময়ে বলে “আরে সেই তো ঘুঁটে-কুড়ুনি যে লোকের বাড়ী ধান ভেনে খায়, তারই ছেলে। ও আর কত ভালো হবে!”

হার লোকে তো বোঝে না যে, স্বজন পালন, এ’বড়

সোজা কথা নয়! একটুখানি বুকে দেখার ভুলে জাতীয় জীবনে কি কলঙ্কের নিশানই তৈরী হয়ে দাঁড়ায় মানুষের মনুষ্যত্ব বিকৃত হয়ে!

(৩)

সারারাত কেটে গেল। একটি মিনিটের জন্তেও ঘুম এসে এই যাতনার এতটুকু বিরাম হতে দেয়নি। আকাশ-ভরা তারার দিকে চেয়ে চেয়ে রাত ভোর হয়ে গেল।

কাশিতে এ কি যাতনা! বুকের ভিতর গেন বিষ-কোড়া টাটিয়ে আছে।—এই যন্ত্রাণা—উঃ! কতদিনে এ যন্ত্রণার শেষ হবে, এই দুচোখ জুড়ে চিরনিদ্রা নেমে আসবে, সে কবে? অন্তহীন ঘুম! আঃ—সে কতদিনে ঘুমতে পাবো, কবে?

এই রোগ,—ধরতে গেলে এ আনার নিজের হাতে তৈরি করতে হয়েছে, চব্বিশ ঘণ্টা যে হাড়ভাঙ্গা খাটনি খেটেছি—দেহের যন্ত্রপাতিগুলোকে এতটুকু বিশ্রাম দিইনি, —ছেলেদের মানুষ করতে হবে বলে নিজের আহাৰ নিদ্রা গ্রাহ্যই করিনি,—এ আমার তারই ফল।

তবু পারলুম না গো, পারলুম না,—মণি ছাড়া সব ছেলেগুলো মানুষ নামের কলঙ্ক হল, মানুষ হল না।

সন্তানকে মানুষ করতে না পারা,—এ যে মা-বাপের কি দুঃখ তা মা বাপ না হলে আর কে বুঝবে?

মণি আমার রাত্তিরের যাতনা দেখে ভোর না হতেই বেরিয়ে গিয়েছিল, কাবিরাজ-মশাইকে সঙ্গে ক'রে ফিরে এল। কাবিরাজ নিজাকার মত একটু হাত দেখলেন, আর হুঁচারটে বাধাগত গাউড়ে চ'লে গেলেন। মণিকে একা পেয়ে আনি ডাকলুম, “মণি!”

“কি মা?”

“ওই মেয়েটিকে তুই চিন্তিস্ মণি—?”

“চিন্তুন,—কেন সে কথা?”

“কি ক'রে চিন্তি বাবা, ও তো এখানকার মেয়ে নয়?”

“এখানে ও অনেক দিন থেকে আছে। তাই হোক তা দিয়ে কি হবে?”

একটু ইতস্ততঃ করছিলুম। যদি কাঁচা থাকে তো কেন আমি ঘাঁটাঘাঁটি ক'রে সেটা পাকাতে যাই! কিন্তু মণির বিপন্নভাবে কথা বলার ভঙ্গী দেখে বেশ বুঝতে

পারা যায়, যে, সে এ প্রসঙ্গ এড়িয়ে যেতে পারলে বাঁচে!

ছেলে মনে করলে আমি যাতে আর না এগিয়ে যাই তাই করা যাক্, তাই সে বললে, “মা, বড় দাদা তো আজকাল বড় বেশী বাড়াবাড়ি করচে শুনিচি।”

“করুক গে বাবা, ও কথায় কান দিয়ে তো কিছু করতে পারবো না—”

“আমার ভারি কষ্ট হল শুনে।”

“কি হবে তার জন্তে কষ্ট ক'রে? তাকে তো আমি পরকেট দিয়েছি, তারা ছেলের দাম ধ'রে কিছু টাকাও আমাকে দিয়েছিল, তবে আর তার কথা কেন?”

“হুঁ—”

মণি চুপ ক'রে রইল। আমিও আর কথা তুলবার সুবিধে পেয়ে উঠছিলুম না। অনেকক্ষণ পরে আবার কথা তুললুম, বললুম, “ওই মেয়েটিকে আমার ভারি পছন্দ হয়েছে মণি, ওদের আমি ব'নাবো?”

“তুমি পাগল হয়েছ মা!”

“না বাবা, আমি পাগল-টাগল কিছু হইনি যে—”

“কি বল মা, তোমার এ ঘরে লোকে মেয়ে দিতে পারে কি দেখে? ওইসব বাজে কথা ছেড়ে দিয়ে এখন একটু ধুমোবার চেষ্টা কর দেখি, কাল সারা রাত্রি তুঁগি ধুমোওনি।”

“এই তো আর দুদিন বাদে একবারেই ঘুমবো বাবা, আর জাগতে হবে না, তুই ছাড়া আর কার সঙ্গে দেখাও হবে না, তবু যদি দাবার সময় দেখে যেতে পারতুম যে—”

“ছি, মা!”

মুখে বললে মণি “ছি মা” কিন্তু ওই যে তার অধর-কোণের হাসি-টুকু আমার চোখে ধরা প'ড়ে গেল।

ওরে, এ যে প্রথমতঃ বিকশিত চিত্তগগনের বিচিত্র ফুলের রং,—এ রং বুকের রক্ত ফেনিয়ে ফোটে,—এ তো অবহেলার ধন নয়।

এই ক্ষয়-রোগ-জীর্ণা ভীষণ আকৃতির বৃদ্ধা আমি,— একখানা আয়না সামনে ধরলে হৃৎকোষে নিজের রূপের শ্রী দেখে নিজেই আর্জনাৎ ক'রে উঠতে পারি। একখানা

হাত যদি কষ্টেহুটে চোখের স্রমুখে তুলে ধরি, তা হ'লেই যে শিউরে উঠি।

তবু একদিন তো আমিও তরুণ ছিলাম। তবে কিনা গাছ থেকে কঁড়ি তুলে এনে ফুলদানীতে সাজিয়ে রাখলে যেমন সে মুকুল ফোটেও না ঝরেও না, শুকিয়ে কাঠ হ'য়ে থাকে, তবু থাকে, আমারও হয়েছিল তাই।

এখন এই মৃত্যুর চূড়নে যদি এই কাঠখানার মাঝেও শেষ একবার প্রাণের স্পন্দন জাগে!

সমস্ত হাত পা জালা ক'রে জ্বর বেড়ে গেল। রোজই তো জ্বর বাড়ে, কিন্তু এদিনের মত টেম্পারেচার এত বেশী ওঠে না, আর তো বেশী দেবী নেই কিনা?

রোজই যখন দিনের আলো অস্তচূড়ায় নিবতে শুরু করে, তখনই আমার মন আর রোগ দু'টু নিশাচরের মাতামাতি আরম্ভ হয়! সময় সময় ভাবি—রোগের জাগার জ্ঞান হারানোও বুঝি এর চেয়ে ঢের ভালো!

এ আর পারা যায় না,—পারা যায় না।

মৃত্যুর মত ভীষণ সুন্দর যে, যে প্রিয়তমের মত হ'য়ে চূড়নস্পর্শে সকল দাহ জুড়িয়ে দিতে আসে,—মায়ের মত যে অভয় অঙ্গে হলে নিয়ে আমায় খুম পাড়িয়ে দেবে, এ তাঁরই প্রতীক্ষা, এই যা আশা!

আমি বড় ছটফট করছি দেখে মণি ডাক্তার ডাকতে ছুটে গেল। একা প'ড়ে আছি,—এমন ক'রে ছটফট করছি কেন কি জানি; বড় যন্ত্রণা হচ্ছে!

শেষ হবে কি আজই? অন্ততঃ বেশী দেবী আর হবে না। তাহা মণিকে ভাবী হুখ দিতে হচ্ছে, আমি মরে গেলে ও বেচারী হাঁক ছেড়ে দাঁচে।—

৪

চুপুর বেলা বাণী এসে বসল, বললে, "মাণ চল, আমি আজ তোকে খাইয়ে দিইগে।"

মণি গেল না। ঘাড় নেড়ে বললে, "না, আমি চিঁড়ে ভিজিয়ে ফলার খেয়েছি, আর কিছু খাব না।"

বাণীর সঙ্গে আজও সেই লতিকা ছিল। সে মণির কথা শুনে একটুখানি চোখ তুলে চাইলে,—তরুণী নারীর চোখের কবণ মধুর চাহনি সে!

আমি ঠিক করলুম যে, এই মৃত্যুশয্যার প'ড়ে মরণের আগে আমি আমার সন্তানের জন্মে এই প্রথম একটা ভিক্ষা স্বীকার ক'রে যাব, পাই না-পাই সে আলাদা কথা।

বাণী বললে, "কাল তো কব্জের-মশায় বলছিলেন বড় নাকি যতনা গিয়েছে। আজ কেমন আছ, ছোট মাসী?"

"তেমনি। তুলসী-তলায় নামাতে যেটুকু দেবী। আমার সামনে ভাল ক'রে না বললে কি হয়, আমি শুনেচি যে, অজ্ঞকের সন্ধাই আমার শেষ সন্ধা।"

"না,—তা কেন হ'তে যাবে।"

"তা আমি নিজের শরীর দিয়েই বেশ বুঝতে পারছি, বাতাস যে ছাপ্পা ধন মনে হচ্ছে। নিখাস টানতে এমন কষ্ট আর তো কোনোদিন হয় না।"

মণি আমার মাথার কাছে ব'সে বাতাস করছিল, লতিকা আস্তে আস্তে সেখানে এসে দাঁড়াতেই তার হাতে পাখাখানি তুলে দিয়ে মণি আম র পায়ের গোড়ায় এসে বসলো।

ছেলের মুখ পানে চেয়ে আমি কিছু বুঝতে পারলুম না, সে নত চোখে একটা কাঠি দিয়ে ঘরের মাটিতে আঁচড় কাটছিল।

আমি বাণীকে বললাম, "দ্যাখ বাণী, আমার মণির জন্মের উনিশ বছর পরে আমার এই রোগ হয়েছে, তাও কিছু বংশগত রোগ নয়,—আতরিক্ত দেহমনের খাটুনিতেই হয়েছে, ডাক্তারেরাও তাই বলেচে। তবে আমার মণির সঙ্গে লোকে এজন্মে মেয়ের বিয়ে দেবে না কেন?"

"কেন,—কে বলেছে তোমাকে একথা?"

"তা বেই বলুক।"

আবার ভয়ানক কাণ্ডে আঁগু ক'রে দিলাম। কাশি আর তার যতনা খামতেই আধগণ্টা কেটে গেল। ঘামে সারা গা ভিজ়ে উঠলো।

মণি মলিন মুখে বললে, "কেন তুমি কথা বলতে যাও মা, কথা বোলো না।"

খানিক বাদে দম নিয়ে বললুম, "বক্তৃকণ পারি বলি বাবা। আজ বাণী, তা হলে মণির বিয়ে আমার রোগের জন্মে আট্কাই না তো।"

“তোমার কথা যে আমি বুঝতে পারছিনে মাসীমা। মণি যে বলছিল চাকরীতে প্রমোশন না পেলে বিয়ে এখন করবে না।”

“তা বলুক। আচ্ছা তোকে বুঝিয়ে বল্চি শোনু—”

বলতে গিয়েও আবার অনেকক্ষণ ভেবে দেখলুম, এ ভিক্ষা চাইব কি না? লতিকা বীণার নিজের সন্তান তো নয়, সে আমাকে আশ্বাস দিতে পারবে না; তবু, একটু চেষ্টা করবে বললেও এই সুদূর যাত্রাপথে ওই দুটি তরুণ মুখে আমি তাঁদের আলোর মত আনন্দের স্নিগ্ধ মধুর দীপ্তি দেখে চোখ মুদতে পারি।

অনেকক্ষণ কথা কইলুম না। সমস্ত শরীর যেন স্নগভীর শ্রান্তিতে আচ্ছন্ন হয়ে আসছিল। হটাত একটা কোথাকার ঘড়ির টং টং আওয়াজে তন্দ্রা টুটে গেল। চমকে বললুম, “কটা বাজলো?”

মণি বললে, “চারটে।”

বীণা বললে, “মুখ শুকিয়ে উঠ্লে, — একটু ছব খাবে?”

“না।”

“কেন খাওয়া একটু, দে মণি একটু ছব।”

“না, না, শোনু বীণা, আমি মরবার আগে আজ ভোর কাছে একটা ভিক্ষে চাইব।”

আন্তর্গলায় ব্যথাবিবর্ণ-মুখে মণি চোঁচিয়ে উঠে বললে, “মা!”

“চুপ কর মণি, আমি প্রলাপ বক্চিনে আমাকে একটু বলতে দে বাবা।”

আমার গলার স্বর বড় ক্ষীণ হয়ে এসেছিল। আমি প্রাণপণে চোঁচিয়ে যা বলতে চাই, ওরা তা শুনতে পায় না, আমার কর্ণরোধ হয়ে আসছে!

আমার মুখের কাছে কান নাবিয়ে এনে বীণা বললে “কি বলবে মাসীমা, বল।”

“আগে বল রাখবি কথা?”

দেখলুম, বীণা একটু শিউরে কেঁপে উঠলো! মণি মুখ ফিরিয়ে বসে ছিল, আমি তার মুখ দেখতে পেলুম না, চারিদিক কেমন ঝাপসা মনে হচ্ছিল।

বললুম, “বীণা, আমার মণির জন্তে যদি এই লতি—”

“ওঃ বুঝেছি মাসীমা, কিন্তু ওর যে সখক সব ঠিক হয়ে গেছে, আর তো ভাঙ্গা চলবে না—পাকা দেখা সব হয়ে গেছে।”

প্রবল একটা নিশ্বাস পাজরের হাড় কাঁপিয়ে বেরিয়ে গেল।

“ঠিক হয়ে গিয়েছে? সে পাস্তুর কি—”

“ভেজবরে, কিন্তু বড়লোক, খুব—”

শুনতে চাইনে, শুনতে চাইনে, আর আমি চাইনে শুনতে!

পায়ের আর মাথার দিকে চেয়ে দেখলুম, উঃ, কি বিবর্ণ মোমের মত সামা ছথানি তরুণ মুখ! হায় লতিকা,—সুখের কাম্যধন মন্দারতরু ছেড়ে কি পোড়া-কাঠের আশ্রয় নিয়ে ব্যর্থ হ’তেই জন্মেছিলে!

দেহের সমস্ত বাধন যেন পটপট ক’রে ছিঁড়ে আলাসা হয়ে গেল। আমার চারিদিক বেড়ে যেন সন্ধ্যা-তিনিয় ছেয়ে আসছে।

দূর,—অতীতের থেকে যেন কানে এসে বাজছে—“তলসী-তলায়,—ওরে গুণসাতলায়!”

শুনীহারবালা দেবী।

করুণাময়

জলধি হইত যদি কালির দোহাত,
কাগজ এ বসুধা শ্রামল;
চঞ্চল কলম প্রতি বেতসের শাখা,
প্রতি নর লিপিকা-কুশল।

তব রূপা?—তার কথা লিপিতে লিপিতে
মাগর শুধায়ে যেত প্রহু!
কুরাত কাগজ, ওগো অসমাপ্ত রত
করুণার কাহিনীটি তবু।

শ্রীচণ্ডীচরণ মিত্র।

তিব্বতে মৃতের সংকার

(বিখ্যাতক D: Sven Hedin-এর ভ্রমণবৃত্তান্ত অবলম্বনে ।)

তিব্বতে লামাধর্ম প্রচলিত। বৌদ্ধধর্মই অগ্ৰ ইহার মূল ভিত্তি। কিন্তু নানাপ্রকার বাহ্যিক আচার অনুষ্ঠান আসিয়া ইহাকে বিকৃত করিয়া ফেলিয়াছে। ধর্ম বাহ্যিক হইতে, ধর্মের আচার অনুষ্ঠান ইহাদের ব্যক্তিগত এবং সামাজিক জীবনের সঙ্গে একরূপ ওতপ্রোতভাবে জড়িত যে, এমন আর কোনও দেশে দেখা যায় না—হিন্দুদের মধ্যেও নয়। ইহাদের তাসি-লামা, দলই লামা, ভিক্ষুসম্প্রদায়, মন্দির, তীর্থস্থান, ধর্মগ্রন্থ ইত্যাদি তা আছেই, তার উপরে প্রার্থনাচক্র, মন্ত্রস্তম্ভ, তাবির্জীতকুমারও অস্ত নাহি। সারাটা জীবন ও এসব নিয়মই কাটে, মৃত্যুতেও তার জের চলে অনেকদূর পর্যন্ত।

যখন ইহাদের কাহারও মৃত্যু নিকটবর্তী হইয়া আসে বুঝিতে পারে, তখন তাহার আত্মার স্বর্গের তাহার শরীর চারিদিক ঘিরিয়া প্রার্থনার মন্ত্র পড়িতে থাকে। যখন মৃত্যু হইল বুঝিতে পারে, অমন আবার বিশেষভাবে প্রার্থনা করা হয় যাহাতে মৃত ব্যক্তির আত্মা সহজে শরীরের বন্ধন হইতে মুক্তিলাভ করিতে পারে এবং ইহজীবনের পরবর্তী সেই অজ্ঞাত পথেরও কতকটা পর্যাপ্ত শান্তিতে অগ্রসর হইতে পারে। মৃত্যুর পর একজন ভিক্ষুর মৃতদেহ তিনদিন তাহার ঘরে রাখা হয়, সাধারণ লোকের মৃত দেহ পাঁচদিন এবং মঙ্গলি অনুসারে আরও অধিকদিনও রাখা হয়, ইহার উদ্দেশ্য যাহাতে মৃতের জন্ত প্রার্থনা ও নির্দিষ্ট আচার অনুষ্ঠান প্রভৃতি সমাক্রমে পালন করা যায়।

মৃত্যুর পর দেহটিকে সাধারণ ব্যবহারের পোষাকের মতই একটা মৃতন পরিচ্ছদে ভূষিত করা হয়, পরে একটা কাপড়ে জড়াইয়া সংকারভূমিতে লইয়া যাওয়া হয়। ভিক্ষুদের মৃতদেহ তাহারই সহযোগী দুই-একজনে বহিয়া লইয়া যায়। সাধারণ লোকের শব বহিব্যয় জন্ত একশ্রেণীর লোক আছে তাহাদিগকে লাগ্‌বা (Lagbas) বলে। এই লাগ্‌বাদের একটু পরিচয় দেওয়া আবশ্যিক। ইহারা

একপ্রকার ঘনিত জাতি। ইহাদের সঙ্গে আর কাহারও সামাজিক বন্ধন নাই। ইহারা নিজের মধ্যেই বিবাহ করিতে বাধ্য হয় এবং ইহাদের মধ্যে কেহ অল্প কোন কাজ বা ব্যবসায় গ্রহণ করিতে অনধিকারী বলিয়া ইহাদের জাত-ব্যবসাতেই ইহারা আবদ্ধ। ইহাদিগকে নগরের একপ্রান্তে স্থান দিয়া অত্যন্ত হীন অবস্থায়, মাত্র বাস করিতে দেওয়া হয়। এই হীন অবস্থার দৃষ্টান্ত স্বরূপ বলা যাইতে পারে যে ইহাদের ঘরের দরজা-জানালায় কপাট নাই—কপাট লাগাইবার তুকুই নাই! তিব্বতের মত শীত-বাত্যার দেশে ইহা যে কিরূপে সাংখ্যাতিক ব্যাপার তাহা অনুমান করাও দুঃসাধ্য। ইহাদের মধ্যে যদি কেহ বিশেষভাবে কাজে দক্ষতাও দেখাইতে পারে অথবা যদি তাহার মঙ্গলভোগে কুলায় তবুও তাহার ভাল বাড়ীঘর বাসার অধিকার নাই। বলা বাহুল্য মঠ বা মন্দিরের চতুষ্পাশ্বের মধ্যে ইহাদের প্রবেশ নিষেধ। ধর্মসংক্রান্ত কোন আচার-অনুষ্ঠানে ইহাদের কোন অধিকার আছে বলিয়া বোধ হয় না। নিজের আত্মার সদগতি সম্বন্ধে মনে কোন অনিশ্চয় ভাব থাকিলে ইহারা কোন লামাকে কিছু অর্থ প্রদান করিয়া তাহা দ্বারা নিজের আত্মার জন্ত প্রার্থনা করাইয়া লয়। মৃত্যুর পরে তাহাদের আত্মা সাধারণতঃ পশু পক্ষী লগ্নবা ছুটি প্রকৃতির মানুষের দেহ আশ্রয় করে; এইরূপ দুঃখ কষ্ট সহ্য করিতে করিতে জন্মজন্মান্তর পরে অবশ্যই তাহারাও নির্কারণের পথে অগ্রসর হয়।

মৃত ব্যক্তিকে সংকারভূমিতে আনা হইলে তাহার অঙ্গের সমস্ত আবরণ পোষাক পরিচ্ছদ উন্মুক্ত করা হয়। মৃত ব্যক্তি ভিক্ষুসম্প্রদায়ের হইলে তাহার সহযোগী বাহারা তাহাকে বহন করিয়া আনিয়াছে পোষাক পরিচ্ছদ তাহারাই ভাগাভাগি করিয়া লয়, হয়ত পরদিনই তাহারা মৃত ব্যক্তির পোষাক পরিচ্ছদ অঙ্গে ধারণ করিয়া বসে, ইহাতে তাহাদের একটুও সন্দেহ দেখা যায় না। মৃত ব্যক্তি সাধারণ লোক

হইলে তাহার পোষাক পরিচ্ছন্ন এমন কি স্ত্রীলোকের অলঙ্কার ইত্যাদিও লাগবাদেরই প্রাপ্য হয়। সঙ্গতিশালী লোকেরা ভিন্ন ব্যবস্থাও করিয়া থাকেন।

বোধে প্রদেশের পাশীদের Tower of Silence আছে; সেখানে মৃতদেহট ফেলিয়া আসা হয় এবং দলে দলে শকুন আসিয়া তাহার সদগতি করে—উদ্দেশ্য যে মৃত্যুর পরেও মানুষের শরীরটা যেন বৃথাই অপব্যয়িত না হয়। তিব্বতেও ঠিক তাই; তবে পাশীরা Tower of Silence পর্য্যন্ত বহন করিয়া লইয়া গিয়া মৃতদেহটা আস্ত ফেলিয়া আসে, আর তিব্বতীয়েরা শরীরটাকে খণ্ড খণ্ড করিয়া শকুনীদের ভোগের আয়োজন করিয়া দেয়। এইখানেই লাগুবাদের কাজ।

মৃতদেহ সাধারণ লোকের হইলে তা কপাই নাহ; ভিক্ষুর মৃতদেহও তাহার সহযোগীরা সংকারভূমিতে লইয়া আসিয়া পোষাক পরিচ্ছদের বিল ব্যবস্থা করিয়া এই লাগুবাদের জিন্সায়ই ফেলিয়া যায়। এই কাজের জন্ত লাগুবারা প্রান্ত শবের জন্ত প্রায় বার আনা হইতে এক টাকার বার আনা পর্য্যন্ত মজুরী পায়। পুরাতন পোষাক পরিচ্ছদের কিছু কিছু অংশও পাঠিয়া থাকে। মৃতদেহ ইহাদের দেওয়া হইলে ভিক্ষুসম্প্রদায়েরা তৎক্ষণাত্ সরিয়া পড়ে—বোধ হয় এই দৃশ্য দাহাতে দেখিতে না হয় এইজন্য অথবা হয়ত সে স্থানের দুর্গন্ধেও তাহারা পলায়ন করিতে বাধ্য হয়।

সংকারভূমিতে একটি খুঁটির গায়ে রশি বাঁধা থাকে। শবদেহ লাগুবাদের জিন্সায় আসিলে সেই রশি শবের গলায় বাধিয়া তাহারা শবের পা ধারণা টানাটানি করিয়া সমস্ত দেহটাকে সোজা করিয়া ফেলে। লামাদের মধ্যে অনেকেই বিশেষ ভিক্ষুরা ধ্যানস্থ বুদ্ধমূর্তির অনুরূপ আসন করিয়া মৃত্যুর প্রতীক্ষা করে। মৃত্যুর পরেও তাহাদিগকে এই অবস্থায়ই রাখা হয়। ঐসব স্থলে তিন দিন বা ততোধিক পুরাতন শব্দ দেহটাকে টানিয়া সোজা করিতে লাগুবাদিগকে খুবই বেগ পাইতে হয়। এই প্রক্রিয়া হইয়া গেলে দেহের সমস্ত চর্ম্মাবরণ ছাড়াইয়া লইয়া শরীরের মাংস উন্মুক্ত করিয়া দেওয়া হয় এবং সাধারণতঃ মস্তকটিও দেহ হইতে ছিন্ন করিয়া দেওয়া হয়। তখন লাগুবাদের চীৎকারে শকুনের দল আসিয়া ভোজে প্রবৃত্ত হয়। লাগুবারা ঐখানেই বসিয়া অপেক্ষা করে।

বেশীক্ষণ অপেক্ষাও করিতে হয় না, শকুনীদের ভোজের প্রথম অধ্যায় সমাপ্ত হইলে উহারা আবার কাজে লাগিয়া যায়। ভোজের অবশিষ্ট থাকে শরীরের হাড়গুলি, সেগুলি পাথরে গুঁড়া করিয়া মস্তিস্কপদার্থের সচিত্ বেষণ করিয়া দলিয়া মাখাইয়া সেগুলি ডেলা ডেলা করিয়া আবার পাখীদের খাবার জন্ত দেওয়া হয়। হাড়ের গুড়ার সঙ্গে মস্তিস্কপদার্থ না মিশাইয়া দিলে নাকি শকুনীরা তাহা পচাও করে না—বোধ হয় এজন্যই আমাদের দেশে শকুনীরা শবের মাংস খাইয়া গেলে ভুক্তাবশিষ্ট হাড়গুলি পড়িয়া থাকে। লাগুবারা এই কালে এতই অস্তমিত যে তাহারা কাজের অবসরে বিশ্রাম করিয়া সময় সময় চা পান করিয়া লয় অথবা খাবারও খায়, ইত্যাদি তাহাদের বিকিৎসমতঃ অপ্রবৃত্তি হয় না। হয়ত ইহারা সারাজীবন এসব কাজ করা সত্ত্বেও কখনও জ্ঞানের আবশ্যকতা অনুভব করে না।

কোন কোন ক্ষেত্রে শবের চামড়া না ছাড়াইয়া দেহ হইতে মস্তক হিঁচ করা হয়; পরে শরীরটা মেরুদণ্ডের সোজাখোঁজ ছই ভাগে চিরিয়া লইয়া সেগুলি আরও ছোট ছোট টুকরা টুকরা করিয়া ফেলিয়া তবে শকুনীদের আহ্বান করা হয়। বলা বাহুল্য আদালতকবিতা সকলের মৃতদেহই এইরূপ পার্থক্য লাভ করে।

তিব্বতীয়েরা আত্মার সম্পত্তির জন্ত এতই চিন্তিত বসিয়া বোধ হয় যে মৃত্যুর পরে তাহাদের দেহাবশেষের কোন কিছু পোচনীয় পরিণাম হইবে সে বিষয়ে বিশেষ ভাবনা অনুভব করে না। মৃত্যুর পরে আত্মীয়-স্বজনেরা আত্মার সম্পত্তির জন্ত প্রার্থনা ইত্যাদি অকৃত্যন করিয়া দেহটাকে লাগুবাদের জিন্সায় ছাড়িয়া দেয়—সংকারভূমি পর্য্যন্ত যাওয়াও তাহারা আবশ্যক মনে করে না।

লামাদের মধ্যে তাহারা পুণোর জোরে বিশিষ্ট ব্যক্তি বলিয়া খ্যাত হয়, মৃত্যুর পরে তাহাদের দেহ অধিসংস্কৃত করিবার নিয়ম আছে। যিনি এত বড় পুণ্যাত্মা তিনি অবশ্যই ধ্যানস্থ হইয়াই অন্তঃ আসন করিয়া বসিয়াই মৃত্যুলাভ করেন। মৃত্যুর পরে তাহার আত্মীয়-স্বজনেরা—বলা বাহুল্য ভিক্ষুসম্প্রদায়ই একরূপ ব্যক্তির আত্মীয়-স্বজন—তাহার চিতাগ্নির জন্য কাণ্ড সংগ্রহ করিয়া সেগুলি চেলা

চেলা করিয়া কাটিয়া তাহার উপরে প্রার্থনা অথবা মন্ত্র-
তন্ত্র লিখিয়া রাখে। কেহ কেহ একখানা বড় কাগজের
উপরে ধর্মসম্বন্ধে আচার-অনুষ্ঠান সংক্রান্ত নানারূপ চিত্র
আঁকিতে থাকে। আর কেহ কেহ—হয়ত মৃতব্যক্তির
ভৃত্যরা—কাগজের উপরে কাঁচনির্মিত মোহর দ্বারা লাল
কালিতে নানাপ্রকার প্রার্থনার মন্ত্র ইত্যাদি ছাপাইতে
থাকে। এইরূপ সাত শত কাগজের টুকরা প্রস্তুত
করিতে হয়। এদিকে ঘরের ভিতরে যেখানে মৃতব্যক্তি
উপবিষ্ট, সেখানে চারিজন হিফু বসিয়া তাঁহার আত্মার
জন্ম প্রার্থনা করেন—এই প্রার্থনা তিন দিন তিন রাত্রি
পর্যন্ত চলে। মৃতব্যক্তি একটি সুন্দর সুসজ্জিত খাটিয়ার
উপরে উপবিষ্ট, তাহার গায়ে চিত্র বিচিত্র পরিচ্ছদ, পায়ে
পাদুশা, মুখের উপরে একখানা পাতলা খদখ (Kadakh)
কাপড় (আমাদের দেশী খদখ নয় ত ?), মস্তকে লাল
নীল বর্ণের এক আবরণ—অনেকটা মুকুটের মত। বিছানার
উপরে এই মূর্তির সম্মুখে একখানি কাষ্ঠাসনের উপরে
কয়েকটি প্রতিমূর্তি এবং বাসনপত্র এবং দুইটি জলস্ত
মোমবাতি। সংস্কারের পূর্বে একটা দান্দা জামা পরান
হয়। হাঁটুর উপরে একখণ্ড সমচক্রাকার কাপড় বিছাইয়া
দেওয়া হয়। এই কাপড়খানার উপরে একটি বৃহদাকার
বৃত্ত এবং অত্রাণ চিত্র আঁকিত থাকে, মাথার উপরে
একটি কাগজের টুপি পরান হয়। শাশানভূমিতে এই
সব পরিচ্ছদে উপবিষ্ট অবস্থায় তাহাকে অগ্নিসংস্কৃত
করা হয়। অগ্নি উৎপাদনের জন্ত সেইসব কাঠের
চেলা, কাগজ ইত্যাদি সমুদয়ই আলতি প্রদান করা হয়—

উদ্দেশ্য যে ঐসব প্রার্থনা ইহজগতের পরেও আত্মার
অনুসরণ করিবে। অগ্নিসংস্কারের পরে দেহাবশিষ্ট ভস্ম
একজন লামা কৈলাস পর্বতে * লইয়া গিয়া সেখানে
প্রস্তরনির্মিত একটা পবিত্রস্থানে রাখিয়া দেয়।

তিব্বতের প্রাধান ব্যক্তি তাসি-লামা ;—মৃত্যুর পরে
তাঁহার দেহ সমাহিত হয়। সেই উদ্দেশ্যে তাসি-লামার
রাজধানী শিগাজীতে একটা নির্দিষ্ট স্থান আছে, সেখানে
প্রত্যেক তাসি-লামার সমাধির উপরে একটি সৌধ নির্মিত।
সেই সমাধিস্থানে এ পর্যন্ত পাঁচটি সৌধ নির্মিত
হইয়াছে। এই হিসাবে বর্তমান তাসি-লামা—ষষ্ঠ তাসি-লামা।
তৃতীয় তাসি-লামা যিনি ছিলেন তিনি একবার
(১৭৭৯ খৃষ্টাব্দে) মাপুরাজের আমন্ত্রণে চীন-রাজধানী
পিকিনে গাইতে বাধ্য হন ; ঘটনাক্রমে সেখানেই তাঁহার
দেহান্ত ঘটে। সেখানে এক স্বর্ণনির্মিত শবাধারে তাঁহার
দেহ রক্ষা করিয়া তিন মাস পর্যন্ত প্রার্থনা ইত্যাদি ধর্ম্যানুষ্ঠান
করা হয়। পরে পিকিন হইতে শিগাজীতে তাসি-লামাপোর
সমাধিস্থান পর্যন্ত সমস্তটা পথ তাঁহার পবিত্র দেহ
মানুষের স্কন্ধে বচন করিয়া আনা হয়। এই সুদূর পথ
অতিক্রম করিতে সাত মাস সময় লাগিয়াছিল।

একই দেশে একই জাতির ভিতরে মৃতদেহের
সংস্কারে ব্যক্তিবিশেষে একরূপ বিভিন্ন ব্যবস্থা বোধ হয়
আর কোনও দেশে নাই।

শ্রীসত্যভূষণ সেন।

* কৈলাস পর্বত তিব্বতীয়দের দেশেরই অন্তর্গত। এই পর্বতের
উচ্চতা : ১৮১৮ ফুট।

নির্জন অভিষার

[মৌমিনের উর্দু হইতে]

মূল

তুম্ মেরে পাস্ হোতে হো গোয়া
নব কোই হুস্‌রা নহিঁ হোতা।

অনুবাদ

আছ যেন কাছে, হে প্রিয় আমার,
আর কেহ কাছে নাহিঁ যবে আর।

শ্রীনরেন্দ্রনাথ সেন।

‘মরণ হ’লে বাঁচি’

[জওকের উর্দু হইতে]

মূল

অব্ তো দব্‌রাকে’ কহ্‌তে হৈঁ কি “মব্‌ যাবেজে !”
মব্‌কে’ ভি চৈন্‌ ন-পায়্‌ তো কিধব্‌ যাবেজে ?

অনুবাদ

হৃৎথে এখন বল্‌ছ বটে “মরণ কবে হ’বে !”—
ম’লেও যদি শাস্তি না পাও কোথায় যাবে তবে ?

শ্রীনরেন্দ্রনাথ সেন।

রবীন্দ্র-পরিচয়

বনফুল

পঞ্চম সর্গ

পঞ্চম সর্গে সংসারের জটিলতা আরও ঘনাইয়া উঠিল। বনফুলের সরল স্বাভাবিকতা কোথায় মিলাইয়া গিয়াছে— মানুষের সংসার এক সম্পূর্ণ স্বতন্ত্র ব্যাপার, এখানে মানুষে মানুষে কত ভুল বোঝা কত বিরোধ কত বিক্ষোভ। কেবল নীরদ-কমলাকে লইয়া নহে, চারিদিকে আরও কত অশান্তি কত জটিলতার সৃষ্টি হইল। সমস্ত ঘটনার মধ্যে কাননের সহিত লোকালয়ের পার্থক্য ফুটিয়া উঠিল।

নীরজা বিজয়কে ভালবাসে, কিন্তু বিজয় তাগ বৃদ্ধিতে পারে নাই, তাহার সুখ দুঃখ আশা নিরাশার কথা সে নীরজাকে ডাকিয়াই বলে। নীরজা বুদ্ধিল যে বিজয়ের ভালবাসা পাইবার কোন সম্ভাবনা নাই, তাহার হৃদয় ভাঙিয়া গেল, কমলার প্রতি তাহার মন বিমুখ হইল।

বিজয়ে নিকট নীরজা সমীচীন, বিজয়ের নিকট নীরজার নারীমর্গাদা কিছুই নাই, সে অসঙ্কোচে নীরজার নিকট তাহার প্রেমকাহিনী ব্যক্ত করিয়াছে। কাদম্বরী-কাহিনীতে পত্রলেখার সহিত যুবরাজ চন্দ্রাপীড়ের যে সম্বন্ধ, নীরজার সহিত বিজয়েরও সেই এক সম্বন্ধ। কাদম্বরী সমালোচনায় রবীন্দ্রনথ বলিয়াছেন যে পত্রলেখা অনাদৃত কাব্য উপেক্ষিতা, পত্রলেখার প্রথমতমার্গ চিরবঞ্চিত নারী-হৃদয়ের কথা বাণভট্ট বিশ্বিত হইয়াছিলেন। (১)

বালক রবীন্দ্রনাথ কিন্তু নীরজার কথা ভুলেন নাট, পঞ্চম সর্গে নীরজার কোমল নারীহৃদয়ের বাণিত শোক বেদনায় সক্রমণ হইয়া উঠিয়াছে। বিজয় ঘুমাইয়া ঘুমাইয়া সুখস্বপ্ন দেখিতেছে, নীরজা পাশ হইতে তাকে টুকি মারিয়া দেখিয়া অশ্রুভারাক্রান্ত হৃদয়ে প্রস্থান করিল।

বিজয় ঘুমাইতেছে, এ স্থলে আকাশের একটি অদ্ভুত বর্ণনা আছে :—

“বিজয় নীরবে ঘুমায় শয়ান,
ঝরু ঝরু ঝরু বহিতেছে বায়,
নক্ষত্রনিচয় খোলা জানালায়
উঁকি মারিতেছে মুখের পানে ॥

(১) ভারতী, ১৩০৭ জ্যৈষ্ঠ, ১১১ পৃঃ।

১৪—৩

ধুলিয়া মেলিয়া অসংখ্য নয়ন
উঁকি মারিতেছে যেন বে পপন,
জাপিয়া ভাবিয়া দেখিলে তখন
অবশ্য বিজয় উঠিত কাপি !
ভয়ে ভয়ে ধীরে মুদিত নয়ন
পৃথিবীর শিশু ক্ষুদ্র প্রাণ মন—
অনিমেঘ আঁপি এড়াতে তখন
অবশ্য হৃদয় ধরিত কাপি ।” (১)

Weird চিত্র বর্ণনাধ বালাক-কাহিনী ক্ষমতার পরিচয় পাওয়া যায়। পরিণত বয়সে ক্ষুধিত-পাষণের ছবি যিনি আঁকিয়াছেন, বালাকালে তাহার দ্বারাই ক্ষুধিত আকাশের ছবি আঁকা সম্ভবপর হইয়াছিল।

ষষ্ঠ সর্গ

এদিকে কমলা বসিয়া বসিয়া ভাবিতেছে যে তাহার সেই কাননের জীবন এবার ভুলিতে হইবে, মানুষের সংসারে ভাল করিয়া নিজেকে মিলাইয়া দিতে হইবে; এমন সময়ে সে নীরজাকে দেখিতে পাইল, নীরজাকে দেখিয়া তাহার হৃদয় উচ্ছ্বসিত হইয়া উঠিল—

“ওই যে নীরজা আসে পরাণ-স্বজনী,
একমাত্র বন্ধু মোর পৃথিবী মাঝার !
হেন বন্ধু আছে কি রে, নির্দয় ধরণী !
হেন বন্ধু কমলা কি পাইবেক আর ?” (২)

কিন্তু নীরজা মুখ ফিরাইয়া চলিয়া গেল, কমলা ডাকিয়া বলিল—

“ওকি মণি কোথা যাও ? তুলিবে না ফুল ?
নীরজা, আঁকিকে সেই পাপিবে না মালা ?
মুখ ফিরাইয়া কেন মুছ আঁধিজল,
কোথা যাও, কোথা সেই, যেও না যেও না।
কি হয়েছে ? বসুধিনে—বলু সখী বলু !
কি হয়েছে কে দিচ্ছে কিসের বাতনা ?” (৩)

নীরজা চলিয়া গেল, পাইবার সময়ে বলিয়া গেল—
“জালালি ! জালালি !” নীরজার এই প্রত্যাখ্যান কমলার পক্ষে বড় ক্রমবড় করণ, অথচ ইহার জন্ত নীরজাকে কোন

(১) বনফুল, ৫ম সর্গ, ৫১ পৃঃ জানাঙ্কর, ১২৮৩ জ্যৈষ্ঠ, ৩১৮ পৃঃ।

(২) বনফুল, ৬ষ্ঠ সর্গ, ৫৪ পৃঃ। জানাঙ্কর, ১২৮৩ জ্যৈষ্ঠ, ৪২১ পৃঃ।

(৩) বনফুল, ৬ষ্ঠ সর্গ, ৫৫ পৃঃ। জানাঙ্কর, ১২৮৩ জ্যৈষ্ঠ, ৪২১ পৃঃ।

দোষ দেওয়া যায় না, সংসারে প্রতিনিয়ত এইরূপ ঘটতেছে এবং তাহার জন্ত দায়ী কেবল মানুষের স্বভাব।

কমলা চুপ করিয়া বসিয়া ভাবিতে লাগিল—“জ্বালালি! জ্বালালি!”—

“কমলা চাহিয়া রয় নাহি বহে বাস।
হৃদয়ের পুড়দেশে অশ্রুমাশি মিলি
ফাটিয়া বাহির হতে করিল প্রয়াস,
কমলা কহিল ধীরে—জ্বালালি জ্বালালি!” (১)

কিন্তু বড় ছুঃখের সময়েও কমলার দৃষ্টি আবার প্রকৃতির দিকেই ফিরিল, একমাত্র প্রকৃতির কোনেই বনফুলের সাধনা—

“আবার কহিল ধীরে, আবার হেরিল নীরে,
যমুনা-তরঙ্গে খেলে পূর্ণ শশধর,
তরঙ্গের ধারে ধারে রঞ্জিয়া রঞ্জতধারে
সুনীল সলিলে ভাসে রঞ্জয় কর।
হেরিল আকাশ পানে, সুনীল জসদযানে
ঘুমায়ে চন্দ্রিমা চালে হাদি এ নিশীথে।
কতক্ষণ চেয়ে চেয়ে পাপল বনের মেয়ে
আকুল কত কি মনে লাগিল ভাবিতে!” (১)

নীরদের কথা মনে পড়িল, কমলা কিছুতেই বুঝিতে পারে না যে নীরদকে ভালবাসায় দোষ কোথায়। সে বিজয়কে বলিয়াছে—

“বিজয়েরে বলিয়াছি প্রাতঃকালে কাল,
একটি শব্দে নাই দুঃখের স্থান।
নীরদেই ভালবাসা দিব চিরকাল,
প্রণয়ের করিব না কভু অপমান।” (২)

কমলা বুঝিতে পারে না যে বিজয়কে বিবাহ করিয়াছে বলিয়া সে কেন নীরদকে ভালবাসিতে পারে না—“এ ত পাপ নম্ব বিধি! পাপ কেন হবে?”—কমলা বসিয়া বসিয়া নীরদের কথা ভাবিতে লাগিল।

কমলার সরলতা এরূপ স্বাভাবিক যে সংসারের মাপ-কাঠিতে যাহা কলঙ্ক তাহা কমলাকে স্পর্শ করিতে পারে নাই।

“ঘরের ভিতর যে কৃত্রিম ফুল সংজাইয়া রাখা যায়, তাহার ধূলা প্রত্যহ না ঝাড়িলে চলে না, কিন্তু বৃষ্টি ফুলের পূলা ঝাড়িবার জন্ত লোক রাখিতে হয় না—সে অনাদৃত থাকে, তাহার গায়ে ধূলাও লাগে, তবু সে কেমন সহজে আপনার নির্মলতাটুকু রক্ষা করিয়া চলে! শকুন্তলাকেও ধূলা লাগিয়াছিল, কিন্তু তাহা সে নিজে জানিতেও

পারে নাই—সে সরলা অরণ্যের যুগীর মত, নির্মলের জলধারার মত মলিনতার সংস্রবেও অনায়াসেই নির্মল।” (১)

কমলাও অতি সহজে আপনার স্বচ্ছ নির্মলতাটুকু রক্ষা করিয়াছে—কোন মলিনতা তাহাকে স্পর্শ করিল না।

কিছুক্ষণ পরে কমলা দেখিতে পাইল নীরদ চলিয়া যাইতেছে—

“মুখপানে চাহি রয় বালিকা বিবশা
হৃদয় শোণিতরাশি উঠে উথলিয়া।” (২)

কিন্তু—

“যুবা কমলাকে দেখি ফিরাইয়া লয় আঁখি
চলিল ফিরিয়ে মুখ দীর্ঘবাস ফেলি।
যুবক চলিয়া যায়, বালিকা তবুও হায়!
চাহি রহে একদৃষ্টে আঁখি ছুই মেলি।”
“যুম হতে যেন জাগি, সহসা কিসের লাগি
ছুটিয়া পড়িল পিয়া নীরদের পায়

কোথা বাও—কোথা বাও—নীরদ! যেও না!
একটি কহিব কথা শুন একবার।
মুহূর্ত্ত—মুহূর্ত্ত রও—পুরাও কামনা!
কাতরে ছুপি নী আঞ্জি কহে বার বার!”

কমলা নীরদের নিকট আপনার হৃদয়ের কথা জানাইল। নীরদ বলিল, যে-বিজয়ের জন্ত সে এতদিন সমস্ত সহ্য করিয়া আছে এখন সেই বিজয় তাহাকে চলিয়া যাইতে বলিয়াছে, নীরদ চিরদিনের জন্ত সে স্থান পরিত্যাগ করিয়া চলিয়া যাইবে; কমলার নিকট সে বিদায় চাহিল।

নীরদের প্রতি বিজয়ের ব্যবহারের কথা শুনিয়া কমলা উত্তেজিত হইয়া উঠিল—

“কমলা তোমারে আহা ভালবাসে বোলে
তোমারে করেছে দূর নিষ্ঠুর বিজয়!
প্রেমেরে ডুবাব আজ বিশ্বাসিতর জলে
শিশুতর জলে আঞ্জি ডুবাব হৃদয়!
তবুও বিজয় তুই পাবি কি এ মন
নিষ্ঠুর! আমারে আর পাবি কি কখন?
পদতলে পড়ি মোর, দেহ করু ক্ষয়—
তবু কি পারিবি চিত্ত করিবারে জয়?” (৩)

চোদ্দ বছর বয়সেই রবীন্দ্রনাথ জানিতেন যে এরূপ স্থলে জোর করিয়া কোন লাভ নাই। “ঘরে বাইরে”তে নিখিলেশ সন্দীপকে কেন তাড়াইয়া দিল না বলিয়া বাঁহারা বিরক্ত

(১) “শকুন্তলা”—(প্রাগৈন সাহিত্য, ৩০ পৃঃ) বঙ্গদর্শন, ১৩০৯ আখিন, ২৭৮ পৃঃ।

(২) বনফুল, ৬ষ্ঠ সর্গ, ৬১ পৃঃ। জ্ঞানাকুর, ১২৮৩ আখণ, ৪২৩ পৃঃ।

(৩) বনফুল, ৬ষ্ঠ সর্গ, ৬৩-৬৪ পৃঃ। জ্ঞানাকুর, ১২৮৩ আখণ, ৪২৪ পৃঃ।

(১) বনফুল সর্গ, ৬৬ পৃঃ। জ্ঞানাকুর, ১২৮৩ আখণ, ৪২১ পৃঃ।

(২) বনফুল, ৬ষ্ঠ সর্গ, ৫৪ পৃঃ। জ্ঞানাকুর, ১২৮৩ আখণ, ৪২১ পৃঃ।

হইয়াছেন, এ কথা তাঁহাদের স্মরণ রাখা উচিত। বিজয়ের ব্যবহারে কমলার মন সম্পূর্ণ বিমুগ্ধ হইল, সে নীরদকে স্পষ্ট বলিল—

“নীরদ ! তোমার পদে লইবু শরণ—

লয়ে যাও যেথা তুমি করিবে গমন।” (১)

এমন সময়ে বিজয়ের ছুরিকায় অতর্কিতভাবে আহত হইয়া নীরদ অজ্ঞান হইয়া পড়িল।

“যুবকের ক্ষতস্থানে বাঁধিয়া আঁচল

কমলা একেলা বসি রহিল তথায়,

একবিন্দু পড়িল না নয়নের জল

একবারো বহিল না দীর্ঘশ্বাস-বায়।” (২)

নীরদ একবার মাত্র চেতনা পাইয়া বন্ধুর কথা স্মরণ করিল, বন্ধুর বিধাসঘাতকতা শাণিত ছুরি অপেক্ষাও তাহাকে বেশী আঘাত করিয়াছে, তথাপি তাহার বিধাস অটুট যে— “একদিন অশ্রুজল ফেলিবে বিজয়, একদিন অভিশাপ দিবে ছুরিকারে।” কমলার নিকট বিদায় লইয়া নীরদ মারল।

হাতে যতক্ষণ কাজ ছিল কমলার দৈর্ঘ্যচাতি হয় নাই, সে স্থিরচিত্তে নীরদের শুশ্রূষা করিয়াছে; কিন্তু কাজ যখন ফুরাইল তখন সে আর সহ্য করিতে পারিল না, চাংকার করিয়া উঠিল—

“অলস্ত জগৎ ! ওসো চন্দ্র হৃদয় তারা !

দৌধিতেছ চিরকাল পৃথিবীর নগে।

পৃথিবীর পাপ-পুণ্য, হিংসা, রক্তধারা

তোমরাই লিপে রাখ অলদু অক্ষরে !

সাক্ষী হও তোমরা গো, কবিও বিচার !—

তোমরা হও গো সাক্ষী পৃথী চরাচর।

ব'হে যাও !—ব'হে যাও যমুনার ধার,

নিষ্ঠুর কাহিনী কহি সবার গোচর :

এখনই অস্তাচলে বেগ না তপন।

ফিরে এসো—ফিরে এসো তুমি দিবাকর,

এই—এই রক্তধারা করিয়া শোষণ—

লয়ে যাও—লয়ে যাও স্বর্গের গোচর।

অবাক হউক পৃথী সন্তয়ে, বিজয়ে।

অবাক হইয়া যাক আঁধার অরক।

পিশাচেরা লোমাকিত হউক সন্তয়ে।

প্রকৃতি মুহুক ভয়ে নয়ন-পলক !” (৩)

বিজয়কে নীরদ ক্ষমা করিয়াছিল, কিন্তু কমলা ক্ষমা করিতে পারিল না—

(১) বনফুল, ৬ষ্ঠ সর্গ, ৬৪ পৃঃ। জ্ঞানাকুর, ১২৮৩ আবেণ, ৮২৪ পৃঃ।

(২) বনফুল, ৬ষ্ঠ সর্গ, ৬৪ পৃঃ। জ্ঞানাকুর, ১২৮৩ আবেণ, ৮২৪ পৃঃ।

(৩) বনফুল, ৬ষ্ঠ সর্গ, ৬৭-৬৮ পৃঃ। জ্ঞানাকুর, ১২৮৩ আবেণ, ৮২৫ পৃঃ।

“রক্তে লিপ্ত হয়ে যাক বিজয়ের মন !

বিমৃতি ! তোমার ছায়ে রেখো না বিজয়ে :

শুকালেও হৃদয়িত এ রক্ত যেমন

চিরকাল লিপ্ত থাকে পাষণ-জরয়ে !

বিবাদ ! বিলাসে তার মাখি হলাহল

ধরিও সংশুপে তার নরকের বিা !” (১)

এইখানেই কমলার পরাজয়, তপোবনের গান্ধীর্ঘ্য তাহার চরিত্রকে স্পর্শ করে নাই, শকুন্তলার স্তম্ভতা তাহার নাই। “মিরান্দার সরলতার অগ্নিপরীক্ষা হয় নাই, সংসার-জ্ঞানের সাহিত তাহার আঘাত দাটে নাই ;—আমরা তাহাকে কেবল প্রথম অবস্থার মধ্যে দেখিয়াছি, শকুন্তলাকে কবি প্রথম হইতে শেষ অবস্থা পর্য্যন্ত দেখাইয়াছেন।” কমলাকেও শেষ অবস্থা পর্য্যন্ত দেখিলাম, কিন্তু সংসারের অগ্নিপরীক্ষায় সে উত্তীর্ণ হইতে পারিল না। মানুষের সঙ্গ হইতে সম্পূর্ণ দূরে বিজন কাননের মধ্যে কমলা তাহার চরিত্রে এমন কিছু সন্দেহ করিবার সুযোগ পায় নাই যাহা তাহাকে তপোবন-ভুক্তিতা শকুন্তলার নামের ঘেরা অক্ষয় কল্যাণে স্থির রাখিতে পারে।

সপ্তম সর্গ—শ্মশান

সপ্তম সর্গে শ্মশানের ভয়ঙ্কর দৃশ্য বর্ণনা, বালক কবির

অসাধারণ ক্ষমতার নিদর্শন—

“গভীর আঁধার রাত্রি, শ্মশান ভীষণ !

ভয় বেন পাতিয়াছে আপনার আঁধার গাশন !

সবদর মরমরে স্রুদীনে তটিনী বহে যায়,

প্রাণ সাপলিখা বহে বসময় শ্মশানের বার !

গাছপালা নাহি কোথা প্রান্তুর গভীর !

শাখাপত্রান বুক এক দা উঁচু করি শির

পিঁড়িহিয়া দূরে—

শ্মশানে আঁধার ঘোর ঢালিয়াছে বুক

হেথা হোথা আঁধারানি ভঙ্গ মাঝে গুকাইয়া মুখ !

পরশিমা অস্তিতানা তটিনী আবার সরি যায়

অশ্রুমাখি পুষে মুখে, নিস্তাইয়া অস্তার-শিখায়।

বিকট দর্শন নেলি মানব কপাল

স্বপ্নের ভয়ঙ্কর প, গড়া-ভিঁ দেপিতে ভয়াল !

গভীর আঁধার কোটর, আঁধারেই দিয়েছে শাবাস,

বেলিয়া দর্শনপীতি পৃথিবীরে কবে উপহাস !” (২)

নীরদের চিত্তা অলিতেছে—

“ভয় দেখাইয়া যাহা নিশার তামসে—

একটি আলিতে চিত্তা, গাঢ় ঘোর গমরাশি ধসে।

(১) বনফুল, ৬ষ্ঠ সর্গ, ৬৭-৬৮ পৃঃ। জ্ঞানাকুর, ১২৮৩ আবেণ, ৮২৫ পৃঃ।

(২) বনফুল, ৭ম সর্গ, ৭০-৭১ পৃঃ। জ্ঞানাকুর, ১২৮৩ আবেণ, ৮৫৮ পৃঃ।

একটি অনলশিখা জলিতেছে বিশাল প্রায়রে,
অসংখ্য ফুলিকণা নিকেপিরা আকাশের পরে !' (১)

"তটিনী চলিয়া যায় কাঁদিয়া কাঁদিয়া !

নিশীথ-শ্মশান-বায়ু শনিছে উচ্ছ্বাসে !

আলোরা ছুটিছে হোথা মাথার ভেদিয়া !

অস্থির বিকট শব্দ নিশার নিখাসে !

শূন্যল চলিয়া গেল সমুচ্ছে কাঁদিয়া !—

নীরব শ্মশানঘর তুলি প্রতিপন্নি !

মাথার উপর দিয়া পাশা কাপটিয়া

বাহুড় চলিয়া গেল করি ঘোরধ্বনি !" (২)

চিতার পাশে কমলা নিস্তকভাবে দাঁড়াইয়া আছে—

"এ হেন ভীষণ স্থানে দাঁড়ায় কমলা !

কাঁপে নাই কমলার একটিও কেশ !

শূন্য নেত্র, শূন্য হৃদয়ে চাহি আছে বালা

চিতার অনলে করি নয়ন নিবেশ ।" (৩)

কিছু কমলার মন ফিরিয়া যাইতেছে সেই বিজন
কাননে—

"স্বধাময়ী বীণাধারিণী লোয়ে কোল পরে—

সমুচ্চ হিমাজি শিরে বসি শিলাসনে—

বীণার বন্ধার দিয়া মধুময় স্বরে

প্রাহিতিসু কত গান আপনার মনে !

হরিণেরা বন হোতে শুনিয়া শে স্বর—

শিখরে আসিত ছুটি হাহার ভুলি !

শুনিত ঘিরিয়া বসি ঘাসের উপর—

বড় বড় আঁধি ছুটি মুখ পানে তুলি !" (৪)

কমলার ইচ্ছা করিতেছে সেই বিজন কাননে ফিরিয়া

যায়—

"আর তবে ফিরে যাই বিজন শিখরে,

নির্ধর ঢালিছে যেন ফটকের জল

তটিনী বহিছে যেন কল-কল স্বরে,

স্বাস নিশ্বাস ফেলে বনফলদল ।" (৫)

চিতা যতক্ষণ জলিতেছিল, কমলা স্থির হইয়া দাঁড়াইয়া
ছিল ; কিন্তু চিতা যখন নিভিয়া আসিল, তখন সেও মুচ্ছিত
হইয়া পড়িল। ক্রমে চিতা সম্পূর্ণ নিভিয়া গেল, রাত্রি
ভোর হইয়া আসিল—

"ওই রে কুমারী উবা বিলোল চরণে

উঁকি মারি পূর্বাশার স্ববর্ণ তোরণে,

রক্তিম অধরখানি হাসিতে ছাইয়া

সিঁদুর প্রকৃতি ভালো দিল পরাইয়া ।" (৬)

(১) বনফুল, ৭ম সর্গ, ৭২-৭৩ পৃঃ। জ্ঞানান্দুর, ১২৮৩ ভাগ, ৪৫৯ পৃঃ।

(২) বনফুল, ৭ম সর্গ, ৭৪ পৃঃ। জ্ঞানান্দুর, ১২৮৩ ভাগ, ৪৫৯-৪৬০ পৃঃ।

(৩) বনফুল, ৭ম সর্গ, ৭৫ পৃঃ। জ্ঞানান্দুর, ১২৮৩ ভাগ, ৪৬০ পৃঃ।

(৪) বনফুল, ৭ম সর্গ, ৭৬-৭৭ পৃঃ। জ্ঞানান্দুর, ১২৮৩ ভাগ,

৪৬০-৪৬১ পৃঃ।

(৫) বনফুল, ৭ম সর্গ, ৭৮ পৃঃ। জ্ঞানান্দুর, ১২৮৩ ভাগ, ৪৬১ পৃঃ।

সকালবেলা কমলা শ্মশান হইতে উঠিয়া মানুষের
লোকালয় পরিত্যাগ করিয়া চলিয়া গেল।

অষ্টম সর্গ—বিসর্জন

কমলা তাহার সেই পর্ণকুটীরে ফিরিয়া আসিয়াছে।

বহিঃপ্রকৃতির কিছুই পরিবর্তন হয় নাই—

"আজিও পড়িছে ওই সেই সে নির্ধর !

হিমাজির বুক বুক শূন্য শূন্য ছুটে স্বপ্নে,

সরসীর বুক পড়ে স্বর স্বর স্বর।

* * * *

কুটীর তটিনীতীরে, লতারে ধরিয়া শিরে

মুগ্ধায়া দেখিতেছে সলিল-দর্পণে !

হরিণেরা তর-ছায়ে, খেলিতেছে গায়ে গায়ে,

চমকি হেরিছে দিক পাদপ-কম্পনে ।" (১)

কমলা লোকালয়ে যে দাক্ষণ আঘাত পাইয়াছে তাহা
তুলিবার স্থান আর কোথায় সে পাইবে ?—

"মুচ্ছিতে লো অণুবারি এসেছি হেথায়।

তাই বলি পাপীয়ারে ! গান কর স্বধাধারে

নিবাইয়া সদয়ের শনলশিখায় !

তটিনী বহিয়া যাও আপনার মনে !

কিছু সেই ছেলেবেলা যেমন করিতে খেলা

তেমন করিয়া খেলো নির্ধরের মনে !

* * * *

তেমনি খেলিয়ে চল, হুই লো তটিনীজল !

তেমনি বিতরি স্বপ্ন নয়নে আমার।

নির্ধর তেমনি কোরে কাঁপিয়া সরসী পরে

পড়্ লো উগরি ওত্র ফেনরাশিভার !" (২)

কিন্তু মনের ভিতর সমস্তই পরিবর্তন হইয়া গিয়াছে—

"নির্ধরের স্বরস্বরে হৃদয় তেমন কোরে

উল্লাসে হৃদয় আর উঠে না নাচিয়া !

কি জানি কি করিতেছি, কি জানি কি ভাবিতেছি,

কি জানি কেমনধারা শূন্যপ্রায় হিয়া !

* * * *

জুড়িয়ে হৃদয়বাথা তুলিবে না পুষ্পলতা

তেমন জীবন্তভাবে বহিবে না বায় !

প্রাণহীন যেন সব—যেন রে নীরব ছবি

প্রাণ হারাইয়া যেন নদী বহে যায় !

* * * *

দেখিয়া লতার কোলে, ফুটন্ত কুম্ম দোলে,

কুঁড়ি লুকাইয়া আছে পাতার ভিতরে—

হৃদয় নাচে না ত গো তেমন উল্লাসে !

তেমন জীবন্ত ভাব নাই ত অন্তরে ।" (৩)

(১) বনফুল, ৮ম সর্গ, ৭২-৮০ পৃঃ। জ্ঞানান্দুর, ১২৮৩
কার্তিক, ৫৬৭ পৃঃ।

(২) বনফুল, ৮ম সর্গ, ৮১ পৃঃ। জ্ঞানান্দুর, ১২৮৩ কার্তিক, ৫৬৭ পৃঃ।

(৩) বনফুল, ৮ম সর্গ, ৮৩-৮৪ পৃঃ। জ্ঞানান্দুর, ১২৮৩ কার্তিক, ৫৬৭ পৃঃ।

পাখীদের কথা মনে পড়িল—“ছানাকুঞ্জে শুনি গিয়া
শুকদের গান”; কিন্তু পাখীর গানও বদলাইয়া গিয়াছে—

“শুক আর গাবে না কো খুলিয়ে পরাণ !
সেও যে গো ধরিয়াছে বিধাতের তান।” (১)

কিন্তু—

“তবুও বাহাতে হোক নিবাত্তে হইবে শোক,
তবুও মুহুরিতে হবে নয়নের জল !
তবুও ত আপনারে ভুলিতে হইবে হা রে !
তবুও নিতান্তে হবে হৃদয়-অনল !” (২)

হরিণের কথা মনে পড়িল—

“মালা গাঁথি ফুলে ফুলে, জড়াইব এলো চুলে,
জড়ায়ে ধরিব গিয়ে হরিণের গল !
বড় বড় ছুটি আঁখি, মোর মুখ পানে রাখি
এক দৃষ্টে চেয়ে যবে হরিণ বিহ্বল !” (৩)

কমলা হরিণের সকানে কাননে প্রবেশ করিল, কিন্তু হায়

তাহারাও কমলাকে ভুলিয়া গিয়াছে—

“হরিণ নিঃশব্দ মনে গুরে ছিল ছায়া-বনে
পদশব্দ পেয়ে তারা চমকিয়া উঠে।
বিস্তারি নয়নধর মুখপানে চাহি রয়
সহসা স্তম্ভ প্রাণে বনাস্তরে ছুটে।
ছুটিছে হরিণচয়, কমলা অবাক হয়,
নেত্র হতে ধীরে ধীরে ঝরে অশ্রুজল,—
ওই যায়—ওই যায়—হরিণ হরিণী হায়—
যায় যায় ছুটে ছুটে মিলি দলে দল।” (৪)

কমলা তাহাদের ফিরাইবার জন্য কত ডাকিল—

যাসুনে—যাসুনে তোরা, আর ফিরে আর,
কমলা—কমলা সেই ডাকিতেছে তোরে !
সেই যে কমলা সেই থাকিত কুটারে,
সেই যে কমলা সেই বেড়াইত বনে !
সেই যে কমলা পাতা ডিড়ি ধীরে ধীরে
হরমে তুলিয়া দিত তোদের খাননে !

• কোথা যাসু—কোথা যাসু—আর ফিরে আর !
ডাকিছে হোদের আজি সেই সে কমলা !
কারে ভয় করি তেরা যাসু রে কোথায় ?
আয় হেথা দীর্ঘশ্বাস ! আয় লো চপলা !” (৫)

কিন্তু তাহারা কমলাকে ভুলিয়া গিয়াছে—

“এলিনে—এলিনে—তোরা এখনো এলিনে—
কমলা ডাকিছে যে রে তবুও এলিনে !
ভুলিয়া গেছিস্ তোরা আজি কমলারে ”
ভুলিয়া গেছিস্ তোরা আজি বালিকারে ?” (৬)

(১) বনভূমি, ৮ম সর্গ, ৮২ পৃ: । জানান্দুর, ১৮৮০ কার্তিক, ৫৬৮ পৃ: ।

(২) বনভূমি, ৮ম সর্গ, ৮৩ পৃ: । জানান্দুর, ১২৮৩ কার্তিক, ৫৬৮ পৃ: ।

(৩) বনভূমি, ৮ম সর্গ, ৮২ পৃ: । জানান্দুর, ১২৮৩ কার্তিক, ৫৬৮ পৃ: ।

(৪) বনভূমি, ৮ম সর্গ, ৮৫-৮৬ পৃ: । জানান্দুর, ১২৮৩ কার্তিক, ৫৬৮-৫৬৯ পৃ: ।

লোকালয়ের চিহ্ন সে সম্পূর্ণ ঘুচাইয়া দিয়া আবার
ডাকিল—

“খুলিয়া ফেলিগু এই কবরী বকন,
এখনও ফিরিবি না হরিণের দল ?
এই দেখ—এই দেখ—ফেলিয়া বসন
পরিগু সে পুরাতন গাছের বাকল !” (১)

কিন্তু কিছুতেই কিছু হইল না, বিজন কাননে কমলার
আর প্রবেশাধিকার নাই। শকুন্তলা সমালোচনায় রবীন্দ্র-
নাথ বলিয়াছেন—

“তাহার পূর্বপরিচিত বনভূমির সহিত তাহার পূর্বের মিলন আর
সম্ভবপর নহে। কপালগ্রহ হইতে যাত্রাকালে উপোষনের সহিত
শকুন্তলার কেবল বাণী চ্ছেদনমাত্র ঘটয়াছিল, হৃৎস্বভবন হইতে
প্রত্যাখ্যাত হইয়া সে বিচ্ছেদ সম্পূর্ণ হইল—সে শকুন্তলা আর রহিল না,
এখন বিণের সহিত তাহার সম্বন্ধ পরিবর্তন হইয়া গেছে, এখন তাহাকে
তাহার পুরাতন সম্বন্ধের মধ্যে স্থাপন করিলে অসামঞ্জস্য উৎকট
নির্ভরভাবে প্রকাশিত হইত।” (২)

কমলার পক্ষেও তাহাই ঘটিল, সে কাননে ফিরিয়া
আসিল বটে কিন্তু আশ্রয় পাইল না। কমলা তাহার শিশু-
কালে যে স্বপ্নে ছিল, তাহা সুন্দর তাহা সম্পূর্ণ, কিন্তু তাহা
শূন্য। জ্ঞানবৃক্ষের ফল ভক্ষণের পর সেখানে আর ফিরিয়া
বাইবার উপায় নাই। লোকালয়ের জন্য কমলা বনভূমি
পরিত্যাগ করিয়াছিল, সংসারের জটিলতা প্রকৃতির উন্নততা
হিংসার দাবদাহে বিক্ষুব্ধ গোপন বন্ধতায় কমলাকে জ্বাসে
বিস্ময়ে বেদনায় বিহ্বল করিয়া দিল, সে বাণীত পদমে তাহার
শৈশব-স্বর্গে ফিরিয়া আসিল, কিন্তু সংসারের কঠিন স্পর্শে
তরুণতাপশুপথীর সহিত কমলার সেই মেহের সম্বন্ধ সেই
মাধুর্য্যের যোগ কোথায় বিলুপ্ত হইয়া গিয়াছে, বিজন কানন
আজ আর তাহাকে আশ্রয় দিতে পারিল না। বনভূমির
এই কঠিন নিদারুণ প্রত্যাখ্যান বেদনা-কাতর কমলার
পক্ষে কি মন্থাস্তিক সঙ্করণ! বনভূমির টাজেডি এই-
খানেই চরম সীমায় পৌছিয়াছে—নীরদের মৃত্যু একটি
দুঃখাবহ ঘটনামাত্র, মৃত্যু শোক সকলকেই সহ্য করিতে হয়,
কিন্তু কমলার ত্যায় এইরূপ স্ফূর্তঃসহ দুঃখ বেদনা ত সকলকে
বহন করিতে হয় না।

যুরোপীয় কাব্যরীতি অনুসারে বনভূমির করুণ গীতি
দুই স্থলে খামিতে পারিত। সপ্তম সর্গে যদি গল্প শেষ

(১) ৮ম সর্গ, ৮৫-৮৬ পৃ: । জানান্দুর, ১২৮৩ কার্তিক, ৫৬৯ পৃ: ।

(২) “শকুন্তলা”, প্রাচীন সাহিত্য, ৫২-৫৩ পৃ: । বঙ্গদর্শন, ১৩০৯
আবিন, ২৮৫ পৃ: ।

করা হইত তবে জলন্ত চিত্র পাশে মুচ্ছিত কমলার
চিত্র পাঠকের মনকে অসমাপ্ত বেদনার চিরদিন ব্যথিত
করিয়া রাখিত। বাহিরের দিকে সেইখানেই ট্রাজেডি অভ্যুত্থ
হইয়া উঠিয়াছিল। কিন্তু আমরা দেখিয়াছি নীরদের মৃত্যু
কমলার পক্ষে চরম দুঃখ নহে, তাহা অপেক্ষা কঠিন
আঘাত কমলাকে সহ্য করিতে হইয়াছে, ভিতরের দিক
দিয়া করুণ-গীতি এখানেও সমাপ্ত হইতে পারিত। ইহার পরে
কমলা যে মরিল, ট্রাজেডির পক্ষে তাহা অত্যাবশ্যক নহে।

কিন্তু ভারতবর্ষের কবি সেখানেও কাব্য শেষ করিলেন
না। মৃত্যুর মধ্যে কমলা যে পরম শান্তি লাভ করিল
কবি তাহা দেখাইলেন। কাব্যের শেষভাগে হৃদয়বেগের
উচ্ছ্বাস সংযত হইয়া আসিয়াছে, বর্ণনার অত্যুজ্জলতা শেষ
হইয়া গিয়াছে—কমলার মৃত্যুদৃশ্য প্রশান্ত গাভীর্যো পরিপূর্ণ।

কমলা হিমালয়ের শিখর আরোহণ করিতেছে—

“এত বলি ধীরে ধীরে উঠিল শিখর !
দেখে বালা নেত্র তুলে—
চারিদিক গেছে খুলে
উপত্যকা বন সুমি বিপিন ভূধর !
তটিনীও ওল রেখা—
নেত্রপথে দিন দেখা—
বৃক্ষচায়া ঢলাইয়া বাহে ব হে যায় !
ছোট ছোট গাছপালা
সঙ্কীর্ণ নিগরমালা
সবি যেন দেখা যায় রেখা-রেখা-প্রায় ।
গেছে খুলে দ্বিধিদিক—
নাহি পাওয়া যায় ঠিক—
কোথা কুঞ্জ— কোথা বন—কোথায় কুটার !
শ্রামল মেঘের মত—
হেথা হোথা কত শত
দেখায় কোপের প্রায় কানন পতির !

কুঞ্জ সুন্দর রেখা রেখা
হেথা হোথা যায় দেখা,
কে কোথা পড়িয়া আছে কে দেখে কোথায় !
বন গিরি লতা পাতা আঁধারে মিশায় !

অনন্ত তুমার মাঝে দাঁড়িয়ে সুন্দরী !
মোহ স্বপ্ন গেছে ছুটে—
হেরিল চমকি উঠে—
চৌদিকে তুমাররাশি শিখর আবারি !
উচ্চ হোতে উচ্চ গিরি—
জলদে মলুক গিরি,
দেবতার সিংহাসন করিছে লোকন !

অনন্ত আকাশ মাঝে একেলা কমলা !
অনন্ত তুমার মাঝে একেলা কমলা !
আকাশে শিখর উঠে—
চরণে পৃথিবী লুটে
একেলা শিখর পরে বালিকা কমলা !” (১)

এইরূপে মৃত্যুর মধ্যে প্রকৃতির সতীত মিলন চরম পরি-
পূর্ণতা লাভ করিল।

কালিদাস ও রবীন্দ্রনাথ

তেরো চোদ্দ বছর বয়সে বালক রবীন্দ্রনাথ যে এই আধ্যা-
য়িকাটি নির্বাচন করিয়াছিলেন ইহা আমরা একটি আকস্মিক
ব্যাপার বলিয়া মনে করি না। বিশ্বপ্রকৃতির সঙ্গে মানুষের
সুগভীর সম্বন্ধ রবীন্দ্রসাহিত্যের নানাস্থানে ফুটিয়া উঠিয়াছে।
তপোবনকে আশ্রয় করিয়া মানুষ ও প্রকৃতির সম্মিলন যে
এই ভারতবর্ষেই একদিন চরম সার্থকতা লাভ করিয়াছিল
এ কথা কবির মনকে চিরদিন নাড়া দিয়াছে। বাল্যকালেও
কাব্যের বিষয় নির্বাচন করিবার সময়ে তিনি প্রকৃতিকে
উপেক্ষা করিতে পারেন নাই। বালকসুলভ কল্পনায় তিনি
বিজন কাননের মধ্যে প্রকৃতির সঙ্গে মানুষের মিলন ঘটাইতে
চেষ্টা করিলেন, প্রথম সর্গে তরুণতা পশুপক্ষীর সঙ্গে কমলার
ধনিষ্ঠ সম্বন্ধ সুন্দররূপে ফুটিয়া উঠিল—কিন্তু এই একান্ত
স্বভাবগত সম্বন্ধের মধ্যে পরিপূর্ণতার অভাব ছিল—ইহা
লোকালয়ের সম্পর্শমাত্র সহ্য করিতে পারিল না, অষ্টম সর্গে
কমলার সহিত বিজন কাননের সম্বন্ধ সম্পূর্ণ বিচ্ছিন্ন হইয়া
গেল।

“বনফুলের” মধ্যে বিজন কানন ও তপোবনের পার্থক্য
সুস্পষ্ট ফুটিয়া উঠিয়াছে। “তপোবন সমাজের একেবারে
বহির্ভর্তা নহে, তপোবনেও গৃহধর্ম পালিত হইত”; সেখানে
কেবল ব্যক্তিগতভাবে নহে, সমাজগত ভাবে মানুষের সঙ্গে
প্রকৃতির মিলন সম্পূর্ণ হইয়া উঠিতে পারিত। কথাশ্রমের
পরিপূর্ণতা শকুন্তলার চতুর্দিকে এমন একটি অক্ষয় কবচ
নির্মাণ করিয়া দিয়াছিল যাহা সংসারের সমস্ত দুঃখ-আঘাতেও
বিনষ্ট হয় নাই এবং যাহা সকল বিপদ-বিক্ষোভের মধ্যেও
শকুন্তলাকে রক্ষা করিয়াছে। কেবল তাহাই নহে অল্প
আরেকটি আশ্রয়, মরীচির তপোবন “শকুন্তলার অপমানিত
বিচ্ছেদ-দুঃখকে অতি বৃহৎ শান্তি ও পবিত্রতা দান”

(১) বনফুল, ৮ম সর্গ, ৮৭-৮৮, ৯১-৯২ পৃঃ। জানাঙ্কর, ১২৮৩
কার্তিক, ৫৬৯-৫৭১ পৃঃ।

করিয়াছিল। বিজনকানন মানব-সমাজের সম্পূর্ণ বহিবর্তী, সেইজন্য সেখানে পরিপূর্ণতার অভাব ঘটিয়াছে, বিজনকানন কমলার চরিত্রে এমন কোন শক্তিসঞ্চার করিয়া দেয় নাই যাহা সংসারের আঘাত হইতে তাহাকে রক্ষা করিতে পারে। অষ্টম সর্গে কমলা যে বনভূমিতে কোন আশ্রয় লাভ করিতে পারিল না তাহারও ঐ একই কারণ— বনভূমি তপোবন নহে।

বনভূমি ও তপোবনের পার্থক্য বালক কবি ইচ্ছা করিয়া দেখাইয়াছেন একথা বলিতেছি না, কিন্তু নিজের অজ্ঞাতসারেও বালক রবীন্দ্রনাথ ভারতবর্ষের চিরন্তন আদর্শকে বরণ করিয়া লইয়াছিলেন বলিয়া মনে হয়। কমলার পরাজয়ের ভিতর দিয়া বিজনকাননের ব্যর্থতা এবং সেই সঙ্গে সঙ্গে তপোবনের সার্থকতা ও শকুন্তলার জয় ধ্বনিত

হইয়াছে। কালিদাসের সহিত রবীন্দ্রনাথের নিগূঢ় সহানুভূতির ইহাও একটি নিদর্শন।

অগ্ন্যাগ্ন কবির প্রভাব

বনভূলের ভাষা ও ছন্দ রূপের আলোচনা করা হয় নাই। সংক্ষেপে বলা যাইতে পারে যে কবি বিহারীনাথ ও রবীন্দ্রনাথের বড়দাদা দ্বিজেন্দ্রনাথের প্রভাব এই সময়ের অনেক লেখার মধ্যেই দেখা যায়। “কবি-কাহিনী”, “ঐশ্বর্য-তরী” প্রভৃতি গাথা ও অগ্ন্যাগ্ন গীতি-কবিতার পরিচয় দিয়া তাহার পরে এসময়ে কিছু বলিবার দৃষ্টি আছে। সেই সময়কার বাংলা কবিতায় রবীন্দ্রনাথ কি নূতন সুর যোগ করিলেন তাহাও পরে আলোচনা করিবার ইচ্ছা রহিল।

শ্রী প্রণব, কবি মহানানবিশ।

রজনীগন্ধা

(২৩)

ঘরের ভিতর চারিদিকে জিনিষ ছড়ানো। ছেঁড়া কাগজ, দড়ির টুকরা, ময়লা চট স্তূপাকার হইয়া রহিয়াছে। জান্না দরজা অধিকাংশই বন্ধ। বাড়ীতে যে মানুষ আছে তাহার একমাত্র পরিচয় একটি শিশুর গলার স্বরে পাওয়া যাইতেছে।

“মাদিমা, আমরা কি আবার গিরিডি যাব ?”

কনিকা বেগুর দিকে মুখ না ফিরাইয়াই মৃদু স্বরে বলিল, “না বেগু, গিরিডি যাবে না, তুমি তোমার পিসিমার বাড়ী যাবে।”

“আর তুমি কোথায় যাবে ? দিদিমা কোথায় যাবে ? মামাবাবু কোথায় যাবে ?”

কনিকা বাক্সে কাপড় গুছাইতে গুছাইতে বলিল, “আমরাও সকলে বেড়াতে যাব।”

“কোথায় বেড়াতে যাবে বলনা ? মামামার কাছে যাবে বুঝি ? বেও না, মামীমা ছুট্ট, কেন রাত্তির বেলা চ'লে গেল ?”

কনিকা বলিল, “যাও বেগু, বাইরে লিপি তোমায় ডাকছে। খেলা কর গিয়ে, আঁধার ঘরে ব'সে ব'সে কি করবে ?”

বেগু ছুটিয়া চলিয়া গেল। কনিকা আবার নিজের কাজে মন দিল। একটার পর একটা করিয়া গোটা পাঁচ-ছয় বাক্স গোছান হইয়া যাইবার পর সে উঠিয়া দাঁড়াইল। ঘরের ভিতরের ঘান আলোতে বুঝিবার কোনো উপায় নাই যে বেলা কতখানি হইয়াছে। সামনের জান্নাটা খুলিয়া সে বাহিরের দিকে চাহিল। রোদ তখনও বেশ প্রখর, বেলা সাড়ে তিনটা হইবে। আবার নোচে নামিয়া বৈকালিক আহারের ব্যবস্থা করিতে হইবে। জান্নাটা বন্ধ করিয়া দিয়া কনিকা ঘরের বাহিরে আসিয়া দাঁড়াইল। সামনের কাজটার চিন্তামাত্রই তাহার সারা মনটা যেন বিরক্তিতে ভরিয়া উঠিল। কি দরকার এই তুচ্ছ অভিনয়ের ? সংসার যেখানে নাই, সেখানেও কেন জোর করিয়া এই সংসারের খেলা ?

কনিকা কদমকে ডাকিয়া বলিল, “কদম, যাও ঠাকুরকে

দলে এসো একেবারে রামা চড়াতে। চা আজ আর হবে না। বাবু কি ফিরেছেন ?”

“না দিদিমণি। বেণুদেবির ছুধ কি আমি খাইয়ে দেব, না আপনার কাছে নিয়ে আসব ?”

“না যদি কঁাদে, তা হলে তুমিই দাও গিয়ে খাইয়ে।”
কদম নাগিয়া চলিয়া গেল।

গৃহিণীর ঘরের দরজা খোলা, ক্ষণিকা একবার ভিতরে চাহিয়া দেখিল। তিনি সেই একইভাবে খাটের উপর পড়িয়া আছেন। মনোজার মৃত্যুর পর আর কেহ তাঁহাকে উঠাইয়া বসাইতে পারে নাই। এ পাশের ঘরের কপাট বন্ধ, উহা খুলিয়া দেখিবার সাহস এ পর্য্যন্ত কাহারও হয় নাই।

গেটের সামনে দরোয়ান বসিয়া গুট ছই-তিন স্বদেশী লোকের সহিত গল্প করিতেছে। পথে লোকজন বিশেষ নাই, মাঝে মাঝে আরোহীহীন এক-একটা গাড়ী ধীর মন্থর গতিতে চলিয়াছে, কোনো রকম তাড়া তাহাদের নাই, পৃথিবীতে কাজ বলিমা যেন জিনিষই নাই, যেমন খুসি চলে পথ চলিলেই হইল।

“বাড়ীর সকলে কোথায় ?”

ক্ষণিকা সচকিতভাবে ফিরিয়া তাকাইল। তাহার পিছনে একজন মহিলা দাঁড়াইয়া, তাঁহাকে ইতিপূর্বে আর কখনও দেখিয়াছে বলিয়া সে মনে করিতে পারিল না। কিন্তু মুখের মধ্যে, দাঁড়ানোর ভঙ্গীতে কোথায় যেন একটু পরিচিত ভাব। এ কাহাকে স্বরণ করাইয়া দেয় ? যে অনিন্দ্য রূপের এখন পৃথিবীতে আর ছায়ামাত্রও অবশিষ্ট নাই, কোথা হইতে এই মানুষটি তাহার আভাস লইয়া আসিয়া দাঁড়াইল ?

ক্ষণিকা তাঁহাকে অভ্যর্থনা করিয়া বলিল, “বাড়ীর লোক আর আছে কে ? মাসিমা ঐ ঘরে আছেন। আপনি কোথা থেকে আসছেন ?”

মহিলাটি গৃহিণীর ঘরের দিকে অগ্রসর হইতে হইতে বলিলেন, “আমাকে আর চিন্বে কি ক’রে ? আমাকে দেখনি আগে কখনও। যাকে খুব চিন্তে আমি তারই বড় বোন। অনাদি কোথায় ?”

ক্ষণিকা বলিল, “জানি না, খেয়ে বেরিয়ে গিয়েছেন, এখনও ফেরেননি।”

এমন সময় বৃদ্ধা গৃহিণী ঘরের ভিতর হইতে উচ্চকণ্ঠে বলিয়া উঠিলেন, “কে কথা কইছে গা ? এ দিকে এস, দেখি একবার।”

আগন্তুক মহিলাটিকে সঙ্গে লইয়া ক্ষণিকা তাঁহার ঘরে ঢুকিল। গৃহিণী তাঁহাকে চিনিবামাত্র ডাক ছাড়িয়া কাদিয়া উঠিলেন। ক্ষণিকার চোখের সম্মুখে ঘরখানা ঝাপসা হইয়া উঠিল, সে তাড়াতাড়ি ঘর হইতে বাহির হইয়া গেল।

এরকম করিয়া আর কতদিন কাটিবে ? ভবিষ্যৎ জীবন সম্বন্ধে ভাবিয়া কোনো লাভ নাই, কারণ ভবিষ্যতের বিধান যিনি করেন তিনি মানুষের ভাবনার ধার ধারেন না। কিন্তু না ভাবিয়াও যে মানুষ পারে না ? ক্ষণিকার জীবনের ষেটুকু পথ সে অতিক্রম করিয়া আসিল, তাহাতে পদে পদে কাঁটা মাড়াইয়া তাহাকে চলিতে হইয়াছে, কিন্তু তবু ত তাগা চলা। এমন করিয়া গভীর অন্ধকারের কারণ বন্দিনী হইয়া সে থাকিবে কেমন করিয়া ?

মনোজার মৃত্যুর পর কয়েকদিন বাড়ীর সকলেই কেমন যেন অভিভূতের মত হইয়া পড়িয়াছিল। কিছু ভাবিবার বা কিছু করিবার ক্ষমতা তাহাদের ছিল না। প্রতিবেশীদের সহজ সেবার গুণে সে ভাবটা কাটিয়া গেল বটে, কিন্তু মানুষ কয়টি কেমন যেন পরস্পর হইতে দূরে চলিয়া গেল। সংসারের ভার তাহার উপর ছিল, কাজেই বাধ্য হইয়া ক্ষণিকাকে চাকরবাকরের সঙ্গে কথা বলিতেই হইত। বেণু তখনও আসে নাই, গৃহিণীর সঙ্গে কথা বলিয়া কোনো লাভ ছিল না। আর অনাদিনাথ ?

মনোজার মৃত্যুর পর হইতে পরিচিত-জগৎ যে-অনাদিনাথকে জানিত, তাহাকে আর খুঁজিয়া পায় নাই। সত্য বটে, সেই আকারের এবং সেই নামধারী একজন মানুষ তখনও লোকের চোখে পড়িত, কিন্তু তাহাকে পূর্বের পরিচিত বলিয়া দাবি করিতে কেহ সাহস করিত না। তাঁহার কাজকর্ম আগে যে নিয়মে চলিত, এখনও তাই চলে, তাহার কোনো ব্যতিক্রম হয় না। কিন্তু এইসকল কর্মের মধ্যে যে প্রাণবান মানুষের সংস্পর্শ আছে তাহা আর মনে হয় না। ক্ষণিকা আর তাঁহার মুখের দিকে একবারও চাহিয়া দেখে নাই। কথা বলিবার প্রয়োজনও ছিল না, স্মৃষ্টিও মিলিত না। অনাদিনাথ তাহার মনোজগতে এখন

আছেন কি নাই, এ চিন্তাকে সে প্রাণপণ শক্তিতে বাধা দিয়া ঠেকাইয়া রাখিত। আর এখন সে কথা ভাবিবার উপায় নাই। জীবিতলোকে যাহাকে প্রতিদ্বন্দ্বী বলিয়া ঋণিকা মনে মনেও সম্বোধন করিয়াছিল, আজ মৃত্যুর পরপার হইতে তাহার অপরাধের আধিপত্য সে অবনতমস্তকে স্বীকার করিয়া লইল। তাহার অমুভূতির সঙ্গে যাহা এমন ভাবে মিশিয়া আছে তাহাকে দূর করিতে হয় ত সে পারিবে না, কিন্তু আর তাহাকে মানিয়া লইবার উপায় নাই।

গৃহিণীর কান্নার শব্দ খামিয়া গিয়াছে, ঋণিকা আবার ধীরে ধীরে তাঁহার ঘরে ফিরিয়া গেল। ঘরের ভিতর পদাৰ্পণ করিয়াই সে প্রথম কথা শুনিল—“অনাদি কি করবেন ঠিক করেছেন?”

গৃহিণী অশ্রুবিকৃতস্বরে বলিলেন, “সে ত কাজ ছেড়ে দিল। বেড়াতে বেরবে বলছে, জানি না মা কোথায় যাবে। সবাই ত ছেড়ে গেল, তবু আমার মরণ হয় না বাছা! এমন কপাল নিয়ে আর কেউ জন্মাননি।”

মনোজ্ঞার দিদি বলিলেন, “আপনার খুব ভাল ব্যবস্থা না ক’রে কি আর যাবেন? মন এখন খারাপ, তাই বেরিয়ে পড়তে চাচ্ছেন, কিন্তু মানুষের মন সময়ে আবার ত বদলায়।”

গৃহিণী বলিলেন, “আমার আবার ব্যবস্থা! একেবারে মুখাণ্ডিটা ক’রে যেত, তাহলে সব চেয়ে ভাল ব্যবস্থা হত। নাতনীটা কাছে ছিল, তাকেও ত পিসি নেবার জন্তে ছুই হাত বাড়িয়ে আছে। আমি যাচ্ছি ভাইয়ের ঘাড়ে জাঁততে, অ্যুর যাব কোন্ চুলোয়?”

আর কোনো কথা হইল না। অল্পক্ষণ পরেই আগন্তুক মহিলা বিদায় লইয়া উঠিয়া পড়িলেন। ঋণিকা তাঁহার সঙ্গে সঙ্গে বাহির হইয়া আসিল। গৃহিণীর ঘর হইতে খানিকটা দূরে আসিয়া তিনি বলিলেন, “তোমাকে দেখিনি, কিন্তু জানি খুব ভাল ক’রেই। যা আমার করবার ছিল সে কাজ তুমিই করেছ, হয় ত আমার চেয়ে ভাল ক’রেই করেছ।”

ঋণিকা বলিল, “আমার কাজই আমি করেছি, তাও যতটা করবার ছিল তা করতে পারিনি।”

মনোজ্ঞার দিদি খানিকক্ষণ চুপ করিয়া রহিলেন, তাহার পর বলিলেন, “তুমি কি এর পরেও কাজ করবে?”

ঋণিকা বলিল, “করতে হবে বই কি। আমার শক্তি হয় ত শেষ হয়ে আসছে, কিন্তু প্রয়োজনের শেষ ত কোথাও দেখছি না।”

ঋণিকার ছুই হাত ধরিয়া তিনি বলিলেন, “আমার কাছে আসবে? ওর আর কোনো চিহ্ন আমার কাছে নেই, তোমাকে সে ভালবাসত তা আমি জানি। তুমি চল আমার সঙ্গে।”

ঋণিকার বুকের ভিতরটা তাঁর বেদনার শিহরিয়া উঠিল। মনোজ্ঞার স্মৃতিচিহ্ন হইয়া কিনা শেষে তাহাকেই বাঁচিয়া থাকিতে হইবে? নিয়তির তাহাকে লইয়া পরিহাসের এখনও কি অবসান হয় নাই?

নবাগতা বলিলেন, “কি বল? আসবে?”

ঋণিকা হাত ছাড়াইয়া লইয়া বলিল, “এখন কিছুদিন ত পারব না, পরে হবে দেখব।”

“আচ্ছা, আমি গিয়েই তোমায় চিঠি লিখব, ঠিকানাটা রেখো। কখনো যদি আসতে ইচ্ছা হয় এসো।” তিনি সিঁড়ি দিয়া নামিয়া চলিয়া গেলেন।

ঋণিকা সেই ধূলিময় সিঁড়ির উপর বসিয়া নিজের চিঠিকে একেবারে রাশ ছাড়িয়া দিল। ভাবনাকে অত ঠেকাইয়া রাখিবারই বা প্রয়োজন কি? একবার শেষ অবধি ভাবিয়া দেখা যাক না, কতদূর ভাবা যায়? ভাবনা বা কল্পনার অতীত দুঃখও যদি কিছু থাকে ত থাক। সম্প্রতি যাহাদের ধারণার গভীর ভিতর আনা যায় তাহাদের লইয়া নাড়াচাড়া করিয়া দেখা যাক।

বিদায়ের ক্ষণ ত আসিয়া পড়িল। আজ নাই হোক, দু তিন দিনের মধ্যেই। ইহা যে চিরদিনের মত বিদায় সে বিষয়ে বিধাতা এবার আর কোনো সন্দেহ রাখেন নাই। আবার যদি শতবারও ঋণিকাকে এই পৃথিবীতে নারীজন্ম গ্রহণ করিতে হয়, তাহা হইলেও যে জীবনকে সে আজ বিদায় দিতেছে তাহার ভিতর ফিরিয়া যাইতে পারিবে না। পারিবে ত নাই, যাইতে চাহিবার অধিকারও তাহার থাকিবে না। কিন্তু ইহার পর সে বাঁচিবে কেমন করিয়া? তাহার অগতঃ সংসার সকলই ত এক চিতায় ভস্ম হইয়া গেল, কিন্তু সে যে বাঁচিয়া আছে এবং থাকিবেও? স্বর্গ সে চায় না, পৃথিবীকে ভগবান তাহার

পায়ের তলা হইতে সরাইয়া দিলেন। এখন তবে কোন্ শূন্যতার মধ্যে মাটির মানুষ সে আশ্রয় পাইবে? তাহার প্রাণ যায় নাই, কিন্তু প্রাণ ধারণের উপায় কোথায়? পাওয়ার দিকে সে কিছুই পায় নাই, কিন্তু দিবার সুযোগ তাহার ছিল, ভাবিবার সুযোগ তাহার ছিল। কিন্তু এখন ত সংসারে এমন কেহ রহিল না যে তাহার দান গ্রহণ করিবে, পরলোক হইতে যাহার দিকে এমন বাকুল আকাঙ্ক্ষা বাহু বিস্তার করিয়া রহিয়াছে, তাহার ভাবনা ভাবিবার মত সাহস ক্ষণিকার নাই। জীবিতের ধন অপহরণ করা যায়, কিন্তু দেহত্যাগ করিয়া যে চলিয়া গিয়াছে তাহার অধিকারে হস্তক্ষেপ ত চিন্তাত্তেও করা যায় না। আর কাহাকেই বা সে কামনা করিবে? মনোজ্ঞা না, কিন্তু অনাদিনাথই বা আছেন কোথায়? যে মানুষকে তাহার দুঃখে ভালবাসিয়াছিল, একজন যাহাকে মনোমন্দিরে অশ্রুর অর্ঘ্যে নিরন্তর পূজা করিয়াছে, আর একজন যাহাকে আপনার দেহ মন হৃদয়ের সকল সম্পদ দিয়া ধন্য হইয়াছে, তিনি আজ কোথায়? মনোজ্ঞার চিন্তায় কি ক্ষণিকার পরিচিত অনাদিনাথও ভয় হইয়া যান নাই? মনোজ্ঞার প্রিয়তম ঘনিষ্ঠ ছিলেন, সে তাঁহাকে ছাড়িয়া থাকিতে পারিবে না বলিয়াই হয়ত সন্দেহ করিয়া লইয়া গিয়াছে। এখন যাহাকে দেখা যায়, ক্ষণিকার সঙ্গে তাঁহার পরিচয় নাই, সে তাঁহার দিকে তাকাইতেও পারে না।

নীচে কাহার পদধ্বনি শুনিয়া সে সিঁড়ি ছাড়িয়া উঠিয়া পড়িল। কাজ এখনও তাহার সূর্যাস নাই। তাহার এতকালের সেনা সংসারকে বিদায় দিবার আয়োজন ত তাহাকেই করিতে হইবে? কিন্তু সে আয়োজন ত একলা সে করিতে পারিবে না। এই বিসর্জনের ব্যাপারে আর-একটি অন্ততঃ মানুষের সাহায্য তাহার দরকার। ক্ষণিকা তাঁহারই সন্ধান নীচে নামিয়া আসিল।

নীচের তলায় সর্বত্র সন্ধ্যার অন্ধকার জমাট হইয়া উঠিয়াছে। একটা ঘরের দরজার ফাঁকে ফাঁকে আলোর রেখা বাহরের আধারের গায়ে স্থির বিছাতের মত হাসতেছে। ক্ষণিকা ঘরের বাহিরে দাঁড়াইয়া জিজ্ঞাসা করিল, “ঘরে আসুবো?”

অনাদিনাথ চেয়ার ঠেলিয়া উঠিয়া দাঁড়াইয়া বলিলেন, “আমুন।”

ক্ষণিকা ভিতরে ঢুকিয়া বলিল, “মাসিমা যাবার পর ত আমি থাকতে পারুব না, সেই কথা বলতে এলাম।” ইহাও তাহাকে বলিয়া দিতে হইল! তাহার ভাবনা অতটুকু ভাবিবারও যে কেহ নাই!

অনাদিনাথ বলিলেন, “তা ত বটে! আমার মনে ছিল না। বেণুকে পরন্তু তার পিসিমা নিয়ে যাবেন, আপনিও তা হলে তার পরই যাবার বন্দোবস্ত করবেন। আমার দ্বারা কিছু সাহায্য হয় ত জানাবেন।”

ক্ষণিকা দরজার দিকে যাইতে যাইতে বলিল, “মাসিমা কবে যাবেন?”

অনাদিনাথ বলিলেন, “ঠিক নেই, আমি বেরবার আগে তাঁকে আমার মামার কাছে রেখে যাব।”

ক্ষণিকা বাহির হইয়া আসিল। আর দুইটা দিন মাত্র। তাহার পর কি হইবে তাহা ভাবিয়া কি স্থির করা যায়? কই, যতখানি বেদনা সে অনুভব করিবে মনে করিয়াছিল, ঠিক তেমন ত বোধ হইতেছে না, তাহার বাধার অনুভূতিও কি মারয়া গেল? কিন্তু দুঃখ গেলে তাহার থাকিবে কি? জীবনের পথে সন্ধ্যার ঘরে এই বেদনার ধন ছাড়া তাহার কিছুই জমে নাই। তাহাও যদি আজ হারায় তাহা হইলে যে রিক্ততার মধ্যে তাহাকে পড়িতে হইবে তাহাকে সে করনাও করিতে পারে না।

সন্ধ্যার ছায়া ক্রমে স্বাক্ষর বিপুল অন্ধকারে অবলুপ্ত হইয়া গেল। নিঃশব্দ ঘরের ভিতর বসিয়া বসিয়া ক্ষণিকা এতদিনের সংকল্পে সজ্জিত নীড়কে আপন হাতে টানিয়া ভাঙিতে লাগিল। এই ঘর থাকিবে, এই সব তুচ্ছ জিনিষ-গুণ্যও এখনই ধরার পৃষ্ঠ হইতে লুপ্ত হইয়া যাইবে না, কিন্তু ক্ষণিকার ঘর কি আবার কোথাও আকার গ্রহণ করিবে? যে মনোভাব হইতে মানুষের গৃহ জন্মলাভ করে, তাহা কোথায় কোন্ শূন্যে এখন উড়িয়া বেড়াইতেছে। ধরণীর কাষ্ঠ-লোহের বন্ধনে আর কি তাহার কোনোদিনও বাঁধা পড়িবে?

অনেক রাত অবধি জাগিয়া থাকিয়া ক্ষণিকা এই বিনাশের স্বপ্নে আত্মত্যাগ দিল। ক্লান্ত হইয়া ঘুমাইয়া পড়ার

পরেও তাহার অতন্ত্রিত বেদনা বন্ধ হৃদয় এই গৃহেরই প্রতি কোণে বিচরণ করিয়া ফিরিতে লাগিল। সারারাত স্বপ্নের ঘোরে সে এই গৃহের মধ্যে, তাহার চিরদিনের জন্ম স্থানে বিগত জীবনের মধ্যে ঘুরিয়া বেড়াইল। জাগরণ-লোকে যাহা আর থাকিবে না, স্বপ্নের করুণাময় লোকে তাহাই যেন তাহার কাছে সকলের চেয়ে সত্য হইয়া উঠিল।

ভোরবেলা ঘুম ভাঙিয়া সে বাহিরে আসিয়া দাঁড়াইল। আর একটিমাত্র রাত্রির অবসানে সে এই স্থানে আসিয়া দাঁড়াইয়া উদয়ানুখ সূর্যকে দেখিতে পাইবে। তাহার পর অসংখ্য রাত্রি অসংখ্য অবসান লইয়া ত তাহার সম্মুখের জীবন পরিব্যাপ্ত করিয়া রহিয়াছে, কিন্তু কোন্ দেশে তাহাদের আবির্ভাব হইবে ?

নীচে নামিতেই অনাদিনাথের দরওয়ান তাহার হাতে একখানা খাম দিয়া বলিল, “বাবু ভোরেই বেরিয়েছেন, এইটা আপনাকে দিতে ব’লে গিয়েছেন।”

ক্ষণিকার হৃদয় কি যেন একটা আশায় চকিত হইয়া উঠিল। কিন্তু পরমুহূর্ত্তেই সে আপনাকে তীব্র তিরস্কার করিয়া কঠিন হস্তে খামখানা খুলিয়া ফেলিল। ভিতরে কয়েকখানা নোট, আর কিছু নাই।

ক্ষণিকার মুখে হাসি দেখা দিল। এই ত ঠিক। ইহার চেয়ে উপযুক্ততর বিদায়বাণী আর কিছু হইতেই পাবে না। তাহার দিকে যাহাই থাক, অন্য দিকে টাকার পরিবর্তে কাজ—এ ছাড়া আর কিছু ছিল না।

ক্ষণিকার টাকার প্রয়োজন কোনওদিন কম থাকিত না। কিন্তু তবু এ টাকা সে প্রয়োজনের জন্ত গ্রহণ করিতে কিছুতেই পারিল না। দরওয়ানকে ডাকিয়া বলিল, “আমার একশ টাকার মধ্যে একটা ছোট সোনার হার কিনে এনে দিতে পার ?”

এ বাড়ীতে আসিয়া খেয়ালী মনিবের পাল্লায় পড়িয়া তাহাকে অনেকরকম অচিন্তনীয় ব্যাপার করিতে হইয়াছে, অগত্যা সে স্বীকার করিল।

সেদিন ভাত খাইবার সময় বেণুকে ক্ষণিকা লাল শাড়ী পরাইয়া, ভাল করিয়া চুল আঁচড়াইয়া সোনার হারটা তাহার গলায় পরাইয়া দিল। বেণুর ত আনন্দ ধরে না। ক্ষণিকা তাহাকে কোলে করিয়া খাওয়াইতে বসিল, ইহা দেখিয়া সে

জিজ্ঞাসা করিল, “আমার বুঝি আজ জন্মদিন মাসিমা ? ও মাসের জন্মদিনে ত সোনার হার দাও’ন ?”

ক্ষণিকা চোখ মুছিয়া বলিল, “এই মাসের জন্মদিনেই সোনার হার পরে। আচ্ছা বেণু, মাসিমাকে তোমার মনে থাকবে ?”

বেণু সজোরে মাথা নাড়িয়া বলিল, “হঁৎ। আমি তোমাকে ভুলবই না, আবার পাঁচ দিন পরে পিসিমার বাড়ী থেকে পালিয়ে আসব।”

দিনটা দেখিতে দেখিতে চলিয়া গেল। শুইতে ঘাটবার আগে বৃদ্ধা গৃহিণীর কাছে গিয়া তাঁহাকে প্রণাম করিয়া ক্ষণিকা বলিল, “মাসিমা, কাল আমি যাচ্ছি। অনেকদিন আপনার কাছে ছিলাম, দোষ অনেক হয়েছে, কিছু মনে রাখবেন না।”

গৃহিণী তাহাকে কোলের ভিতর টানিয়া আনিয়া আবার কান্না জুড়িয়া দিলেন। ক্ষণিকার চোখের জলও অবাধে ঝরিতে লাগিল। যাহা বলিবার তাহা ভাষায় ত আর কুলায় না, চোখের জলের ভিতর দিয়াই এক বলা চল।

বেণু পরদিন সকালেই চলিয়া গেল। ঘাইবার সময় সকলের চোখের জল তাহার ক্ষুদ্র হৃদয়কে কেমন যেন ভয়চকিত করিয়া তুলিল। সে ক্ষণিকার গায়ে মাথা গুঁজিয়া কেবলি বলিতে লাগিল, “মাসিমা, আমি পরশু চ’লে আসুক।” ক্ষণিকা তাহাকে ছোর করিয়া তাহার পিসির বাড়ীর ঝিয়ের কোলে তুলিয়া দিয়া ছুটিয়া পলাইল।

ইহার পর তাহার নিজের বিদায়ের পালা। ব্যাসাধ্য ব্যাপারটাকে সংক্ষেপে সারিবার চেষ্টায় সে ঘটা করিয়া কাহারও কাছে বিদায় লইতে গেল না। তবু অনাদিনাথের মাসের হাতে পড়িয়া তাহাকে আর-একবার কাঁদিতে হইল। অনাদিনাথকে তাঁহার ঘরে ঢুকিয়া সে একবার প্রণাম করিয়া আসিল। তিনি একবার শূন্যদৃষ্টিতে চাহিয়া দেখিয়া প্রতি-নমস্কার করিলেন। ক্ষণিকা তাঁহাকে কথা বলিবার অবসর না দিয়াই বাহির হইয়া আসিয়া গাড়ীতে উঠিল।

ক্ষণিকালই তাহাকে ট্রেনে তুলিয়া দিতে আসিয়াছিল। গাড়ী ছাড়িয়া দিতেই ক্ষণিকা একবার দৃখ রাহির করিয়া চাহিয়া দেখিল। এই ত শেষ দেখা। আর-একবার সে ছাড়িয়া গিয়াছিল, কিন্তু ভাগ্য তাহাকে ছাড়ে নাই।

কিন্তু আর ত এ সংসার রহিল না, আর তাহাকে কিরিতে হইবে না।

গেট পার হইয়াই কৃষ্ণলাল জোরে গাড়ী চালাইয়া দিল। মুহূর্তের জন্ত সেই সুপরিচিত গৃহ পথ বাগান ঋণিকার চোখের উপর বিদ্যাতের মত খেলিয়া গিয়া মিলাইয়া গেল।

তাহার মাথাটা আপনা-হইতেই গাড়ীর কোণে চলিয়া পড়িল। তাহার সমস্ত অন্তঃকরণ যেন চাঁৎকার করিয়া কাঁদিয়া বলিল, “আমাকে নূতন জীবন দাও। এই চোখে এ পৃথিবীকে আর আমি দেখতে পারব না। এর সঙ্গে বা-কিছুর ভিতর দিয়ে আমার পরিচয়, আজ সব শেষ হয়েছে, তবে তোমার সৃষ্টিকে আবার নূতন ক’রে সৃষ্টি কর।”

(২৪)

লালু স্কুল হইতে ফিরিবার পথে মহা ক্ষুধিত্তিতে শিষ দিতে দিতে চলিতেছিল। আজ তাহাদের ডিবেটিং ক্লাবে তাহার লেখাটার ‘স্মার’ খুব প্রশংসা করিয়াছেন। স্কুলের লক্ষ-প্রতিষ্ঠ লেখক নীলমেশের মুখ একেবারে চুন! বাহির হইতে না হইতেই সে লালুকে চাপিয়া ধরিয়া জিজ্ঞাসা করিল, “কিসের থেকে টুকেছ বাছাধন?”

ইহাতে লালুর উল্লাস বাড়িয়াছে বই কমে নাই। লেখাটা তাহা হইলে এমনই ভাল হইয়াছে যে লালুর রচনা বলিয়া কেহ কল্পনাও করিতে পারে না। বিপক্ষের দৃষ্টি পাত্র হওয়া ত কম সুখের বিষয় নয়? আঃ, আজ যদি দিদিটা থাকিত! বাড়ীতে ত থাকিবার মধ্যে এক মা। বাবার কথা ছাড়িয়াই দাও, আর দাদাকে লেখার কথা বলাও যা—মাতালকে হারি নাম শোনানও তা। এমন একটা মানুষ নাই ঘরে, বাহাকে তাহার এই মহা আনন্দের ভাগ দেওয়া যায়। ছোড়্দি থাকিলেও হইত। বুঝুক, নাই বুঝুক, তাহাকে ক্যাপাইতে ত অন্তত পারা যায়? কিন্তু দিদি থাকিলে সব দিক দিয়া ভাল হইত।

এমন সময় ঠিক তাহাদেরই গলির সম্মুখে একখানা গাড়ী আসিয়া দাঁড়াইল। লালু অবাক হইয়া দেখিল যে-দিদির জন্ত সে এতক্ষণ এক-মনে কামনা করিতেছিল, সে-ই গাড়ী হইতে নামিল।

অতিরিক্ত বিস্ময়ে তাহার কথা স্কন্ধ যেন লোপ পাইয়াছিল। কোথাও কিছু নাই, না বলা, না কওয়া,

হঠাৎ আসিয়া উপস্থিত। এ যেন আরব্য-উপত্যাসের গল্পের মত। একটা আংটি হাতে করিয়া দুনিয়ার বাহা-কিছু ইচ্ছা-কর, অমনি তা আসিয়া হাজির!

গাড়ীর উপর হইতে বাস-বিছানা নাগাইয়া সহস্রটা গলির ভিতর চলিল। লালুর লুপ্তশক্তি এতক্ষণে ফিরিয়া আসিল। গাড়ীর ভিতরে একটা ছোট বেতের বাস তখনও পড়িয়া ছিল, সেটা চট করিয়া উঠাইয়া লইয়া সে উল্লসাসে বাড়ীর দিকে চলিল।

ঋণিকা সদর দরজা পার হইয়াই তাহার মাকে দেখিতে পাইল। তিনি অকস্মাৎ মেয়েকে সম্মুখে দেখিয়া অবাক হইয়া জিজ্ঞাসা করিলেন, “কি রে, কোনো খবর না দিয়ে হঠাৎ এলি যে? কেউ আনতে গেল না, কিছু না!”

ঋণিকা বলিল, “মা, পিছনে গাড়ীর লোকটা জিনিষ নিয়ে আসছে, তার হাতে ভাড়ার আট-আনা পয়সা দিয়ে দিও।” বলিয়াই ঘরের ভিতর ঢুকিয়া একটা মাত্র কোনোরকমে মেঝের উপর টানিয়া ফেলিয়া, তাহার উপর উপুড় হইয়া শুইয়া পড়িল।

লালু ততক্ষণে বেতের বাস হাতে করিয়া আসিয়া পৌছিয়াছে। তাহার মা তাহাকে দেখিয়াই, “গাড়োয়ানের ভাড়াটা চুকিয়ে দে, বালিশের তলায় পয়সা আছে। দেখি আমি মেয়ের কি হল!” বলিয়াই একরকম ছুটিয়া ঘরে চলিয়া গেলেন।

লালু মায়ের কথামত ভাড়া চুকাইয়া দিয়া ঘরের দরজার কাছে আসিয়া দাঁড়াইল। তাহার মা ততক্ষণ মেয়ের মাথা কোলে তুলিয়া চুলের উপর হাত বুলাইতে বুলাইতে বলিতেছেন, “এ রকম জর নিয়ে একলা এতটা পথ এলি? তারাই বা ছেড়ে দিল কি ব’লে? বাড়ীতে বিপদ তা না-হয় বুঝলাম, কিন্তু তাই ব’লে কি মানুষের দিকে একেবারে তাকাতে নেই?”

ঋণিকা মাথাটা তুলিয়া একবার চারিদিকে তাকাইয়া দেখিল, তারপর বলিল, “জর পথে হয়েছে, তারা কি ক’রে জানবে?”

লালু বলিল, “মা, দিদির জন্তে কিছু কিনে আনব ফল-টল? আজ ত আর ভাত খাবে না?”

তাহার মা বলিলেন, “হ্যাঁ, আজ আবার ভাত খাবে,

কবে খাব দেখ এখন। গা ত আগুনের মত গরম। বাই,
ছুখটা গরম ক'রে আনি। তুই বোস্ একটু দিদির কাছে।”

লালু দিদির পাশে আসিয়া বসিল। বলিবার কথায়
ত তাহার আকর্ষণ ভরিয়া উঠিয়াছে, কিন্তু দিদির অবস্থাটা
ঠিক তাহার কথা শুনিবার মত নয়। সে যে একটাও
কথা বলে না?

অনেকক্ষণ চুপ করিয়া থাকিয়া সে জিজ্ঞাসা করিল,
“দিদি, তোমার কি খুব মাথা ব্যথা করছে? টিপে দেব?”

কণিকা বলিল, “দে।”

লালু মাথায় হাত দিয়া দেখিল গা খুবই গরম। তাহার
শ্রবণ সঙ্কে বিজয়গর্ভটা খানিকটা যেন ম্লান হইয়া গেল।
ভাগ্যের উপর রাগও হইল, সেই দিদি আসিলই যদি,
ত সুস্থ শরীরে আসিলেই ত চলিত? কিন্তু এখন সে কথা
বলাও ত উচিত হয় না। এমন সময় মা আসিয়া তাহাকে
মুক্তি দিলেন।

লালু ঘর হইতে বাহির হইয়া যাইতে যাইতে বলিল,
“মা, দিদির বোধ হয় ভয়ানক মাথা ধরেছে। বালিশটা
ত ভিজে গিয়েছে, কাঁদছে বোধ হয়।”

তাহার মা বলিলেন, “তুই যা, খাবার রেখে এনেছি,
নিরে খেগে যা। আমি দেখছি ওকে।”

তিনি আসিয়া নীরবে মেয়ের পাশে বসিয়া রহিলেন।
দারুণ রোগযন্ত্রণাও যে নীরবে সহ করিত, সে যে সামান্য
মাথাধরার জন্ত কাঁদিতোছে না, তাহা তিনি বুঝিতে
পারিলেন। মেনকা হইলে না-হয় কথা ছিল, অল্প একটু-
কিছুতেই কাঁদিয়া-কাটিয়া সে হাট বসাইয়া দেয়। কিন্তু
কণিকার মুখ হইতে রোগে শোকে একটু কাতরোক্তিও
ত কেহ কখনও শোনে নাই? পারিবারিক বিপদে তিনি
নিজে যখন অধীর হইয়া পড়িয়াছেন, তখনও ত কণিকা
তাহাকে আগুলাইয়া রাখিয়া, সংসারের সব ভার নিজেই
বহন করিয়াছে। ছুখ-বিপদে এতদিন যে ধৈর্য্য তিনি
অবিচলিত দেখিয়াছেন, আজ কিসের আঘাতে তাহা
টুটিয়া গেল? মনোজার মৃত্যু-সংবাদ তিনি শুনিয়াছিলেন,
কিন্তু সে ত অনেকদিন হইয়া গেল!

অনেক পরে তিনি জিজ্ঞাসা করিলেন, “ওখামের কাজে
কি একেবারে জবাব দিবে এলি?”

কণিকা বলিল, “সে কাজ ত ভগবানই চুকিয়ে দিলেন,
আমাকে আর জবাব দিতে হয়নি।”

মা বলিলেন, “তা যাক। এখন কিছুদিন আর তোকে
কোথাও যেতে দেবো না। এক-একবার গিয়ে কি যে
হয়ে আসিস্। সংসার যেমন ক'রে হোক চলবে।”

কণিকা কোনো উত্তর দিল না। তাহার মা খানিক
পরে আবার বলিলেন, “কেঁদে আর কি করবে বাছা?
সংসার করতে হলেই এসব সহিতে হয়। সুখ কপালে
থাক বা না থাক, ছুখের হাত থেকে কারু নিষ্কৃতি নেই।”

কণিকা হঠাৎ উঠিয়া বসিল। মায়ের মুখের দিকে
চাহিয়া বলিল, “মা, সংসারে কি আমি আসতে চেয়েছিলাম?
তোমরা বল ভগবান গ্রামবান্, কিন্তু এই কি গ্রাম? যে
জীবনের জন্তে আমি কোনও অংশে দায়ী নই, তার জন্তে
এত ছুখ আমাকে সহিতে হবে? একবারও বলতে পাব
না যে আমি সহিব না? কপালে লেখা যে থাকে, সে
কার লিখন? যেমন খুসী লিখলেই কি হল? আমাদের
ইচ্ছা অনিচ্ছা, কিছুই কি তিনি দেখবেন না? শাস্তি
পাবার উপযুক্ত, কি সুখ পাবার যোগ্য, তাও দেখবার
দরকার নেই? যিনি আমাদের কোনো নিয়ম মানেন না,
কেন আমরা কেবলই তাঁর নিয়ম মেনে চলব? আমরা
সামান্য মানুষ মা, কিন্তু এমন অবিচার করতে পারতাম
না।”

কণিকার মা শঙ্কিত দৃষ্টিতে মেয়ের মুখের দিকে
তাকাইলেন। ইহারও মুখে এমন কথা? এ কি রোগীর
প্রলাপ? তিনি তাহাকে তাড়াতাড়ি আবার ধরিয়া
শোয়াইয়া বলিলেন, “থাক মা, এখন কথা বোলো না অত,
ওতে জ্বর বাড়তে পারে। দেখি প্রবোধ আসুক, একবার
ডাক্তার-বাবুকে খবর দিতে বলি।”

কণিকা বলিল, “ডাক্তারে আমার দরকার নেই মা,
থাক এখন।”

তাহার মা বলিলেন, “তোমর না থাক, আমার ত আছে?
আগে ছেলের মা হও, তার পর বুঝবে যে দরকার
কতখানি।”

কণিকা পাশ ফিরিয়া গুইল। জগতের সব বহন
তাহার এখনও ছিন্ন হয় মাই। যে মাটিতে সে জন্মলাভ

করিয়াছিল, এতদিন আকাশের নীলিমায় মুগ্ধ হইয়া তাহাকে ভুলিচাই গিয়াছিল। কিন্তু ঘোর অন্ধকারে আজ দিগন্ত পর্য্যন্ত ঢাকা, আজ তাই আবার তাহার শৈশবের স্মরণীড়ের দিকে দৃষ্টি পড়িল। দিনের আলো নিবিয়া গিয়াছে, কিন্তু রাত্রির অন্ধকারে তাহাকে পথে দাঁড়াইতে হয় নাই, একটি আশ্রয় এখনও তাহার আছে। না চাহিতেই, না জানিয়াই যাহাদের ভালবাসা সে পাইয়াছিল, তাহাদের প্রেম এখনও সে হারায় নাই। ভগবান অস্বাচিন্তভাবে দুঃখ তাহাকে দিয়াছেন সত্য, কিন্তু কেবল দুঃখই দেন নাই। চাহিয়া সে যাহা পায় নাই, শুধু তাহাই কি মনে রাখিবে? না-চাহিয়া যাহা পাইয়াছে, তাহাও কি মনে রাখিবার নয়? সংসারে আসিবার মুহূর্ত্তে ভাবকে ভীষণ যন্ত্রণার ভিতর দিয়াই আসিতে হয়; কিন্তু সেইটুকুকে পরবর্তী জীবনের সকল আনন্দের সঙ্গে মিলাইয়া দেখিলে কি তাহার রূপ অল্পপ্রকার দেখায় না? আমাদের একই জীবনে আমাদের কতবার যে নূতন জন্ম লাভ করিতে হয়, তাহার ত ঠিকানা নাই, কিন্তু সে-সকল জন্মের পূর্বে মুহূর্ত্তও ত বেদনার পরিব্যাপ্ত? খণ্ড খণ্ড করিয়া দেখিলে দুঃখকে ষত বিরাট দেখায়, অখণ্ডভাবে সমগ্র জীবনকে যদি দেখি, তাহা হইলেও কি দুঃখ তেমনিই অসীম থাকে?

সন্ধ্যাবেলা প্রবোধ আসিল। মায়ের কাছে সব খবর শুনিয়া খানিক বকাবকি করিল, বাড়ীর লোকের বুদ্ধি-বিবেচনা সম্বন্ধে অনেকপ্রকার মন্তব্যও প্রকাশ করিল। কিন্তু তাহার পরে ডাক্তারও ডাকিতে গেল।

ক্ষণিকার মা ঘরে আলো দিতে আসিয়া দেখিলেন, ক্ষণিকা বালিশে ঠেস দিয়া আবার উঠিয়া বসিয়া আছে। আলোটা নামাইয়া রাখিয়া জিজ্ঞাসা করিলেন, “আবার বসলি যে? একটু ঘুমতে চেষ্টা করনা?”

ক্ষণিকা ক্লান্তকণ্ঠে বলিল, “ঘুম একেবারেই আসছে না। আচ্ছা জ্যাঠাইমারা এখন কোথায়?”

“তিনি ত এখানেই আছেন। চোখে অঙ্গ ক’রে চোখ ত খোয়ালেন, বুড়ো-বয়সে দুর্ভোগ দেখ একবার। চিন্ময় ত কল্কাতাতেই আছে, কেন তোর সঙ্গে দেখা করেনি?”

ক্ষণিকা মাথা নাড়িয়া জানাইল যে চিন্ময়ের সঙ্গে তাহার দেখা হয় নাই। ক্ষণিকার মা বলিয়া চলিলেন, “মানা

হপসামে থাকে, তাই বোধহয় দেখা করতে পারেনি। দেশ থেকে কে এক পিস্তুতো বোনকে এনে রেখে গেছে, সেই বুড়ী-মায়ের দেখাশুনো করছে। হিরণ্যটা ত কোনো কাজেরই নয়, আর বেটা-ছেলে কত কাজেরই বা হবে? সেদিন দি’দিকে দেখতে গিয়ে ছলাম, বেচারী কাঁদতে লাগল, বলল, ‘বোন, একটা মেয়ে যদি থাকত, তা হলে কি আর এত খোয়ার হত?’ আমি আর কি বলব বল? বললাম, ‘ছেলের বিয়ে দাও, বো এসে সেবা করবে।’ তা বলে ‘ছেলে ত আর আমার কথা শোনে না, সে বিয়ে করবে না।’”

ক্ষণিকার মা যাহা বলিবার ছিল শেষ অবধি বলিয়া গেলেন। ক্ষণিকা কোনো কথাই বলিল না। প্রবোধ ডাক্তার লইয়া আসিল। তিনি পাঁচ মিনিটের মধ্যে তাঁহার পরীক্ষা, প্রশ্ন করা, ব্যবস্থা দেওয়া সব সমাপন করিয়া আবার বাহির হইয়া গেলেন। ক্ষণিকা জিজ্ঞাসা করিল, “মা, ডাক্তার-বাবুকে ভিজিটের টাকা দিলে না?”

ক্ষণিকার মা বলিলেন, “উনি নেন্ন মা, প্রবোধের বন্ধু কিনা? তা না হলে কি আর যখন-তখন ডাকা চলত?”

ক্ষণিকা হাসিয়া জিজ্ঞাসা করিল, “মা, যাকে কিছু দিতে হয় না, তাকেই কি যখন-তখন ডাকা যায়?”

মেয়ের হাসি দেখিয়া একটু আশ্চর্য হইয়া মা বলিলেন, “এখন একটু ভাল বোধ করছিস, না রে? আলোটা আড়াল ক’রে দিচ্ছি, দেখনা একটু ঘুমতে পারিস কি না।” আলোর সামনে একখানা পুরাতন মাসিকপত্র আড়াল করিয়া দিয়া তিনি আপনার কাজে চলিয়া গেলেন। ক্ষণিকা শুইয়া পড়িয়া ঘুমাইবার চেষ্টা করিল, কিন্তু মনের ভিতর হাজার রকম ভাবনা তোলপাড় করিয়া ঘুমকে তাহার চোখ হইতে দূর করিয়া দিল।

যাহাদের ভিতর দিয়া বিধাতা তাহার জীবনে আঘাত আর বেদনা অজস্রধারে ঢালিয়া দিলেন, ক্ষণিকা এতদিন কেবল তাহাদের ভাবনাই ভাবিয়াছে। কিন্তু আঘাতের অঙ্গরূপে তাহাকেও কি কোথাও ব্যবহার করা হয় নাই? কগতে এমন মানুষ কি কেহই নাই যে তাহাকে সকলের চেয়ে ভালবাসিয়া, সকলের চেয়ে কঠিন আঘাত তাহারই কাছ হইতে পাইয়াছে? এমন কি কেহ নাই যাহার কাছে

ক্ষণিক চিরজীবন অসম্বোধে দান গ্রহণ করিয়াছে, প্রতিদানে কিছুই দেয় নাই? আপনাকে কিছুই দিতে হয় নাই বলিয়া কি তাহাকে সময়ে অসময়ে ডাকিতে কোনোদিন তাহার বাধে নাই? আলো-বাতাসের মত বাহাকে আঁত সহজে চিরদিন পাইয়া আসিয়াছে, সেও যে মানুষ, সেও যে দানের বদলে প্রতিদান চায় তাহা ক্ষণিক মনে রাখে নাই।

সত্য বটে চিন্ময় তাহার নিকটে বাহা চাহিয়াছিল, তাহা দিবার ক্ষমতা ক্ষণিকার ছিল না। কিন্তু ঋণ-পরিশোধের আর কি অন্য উপায় নাই? প্রাণপণ সেবায় কি ভালবাসার ঋণ অল্প পরিমাণেও শোধ হয় না? চিন্ময়ের শ্রেষ্ঠদান যাহা তাহা না-হয় ঋণরূপেই আমরণ থাকিয়া গেল, কিন্তু চিরদিন তাহার কাছে যে অক্লান্ত সহায়তা সে লাভ করিয়া আসিল, এখন ত তাহার কিছু প্রতিদান দিবার দিন আসিয়াছে।

নানা ভাবনা ভাবিতে ভাবিতে কখন সে ঘুমাইয়া পড়িল। ঘুমের রাজ্যেও কিন্তু তাহার ভাবনার দল তাহাকে একেবারে অব্যাহতি দিল না। সারারাত স্বপ্নে সে তাহাদেরই মধ্যে ঘুরিয়া বেড়াইল, যাহারা জাগরণের লোকে তাহার সংসার জুড়িয়া ছিল। পরলোক হইতেও তাহার হৃদয় কাহার যেন সাড়া পাইয়া চকিত হইয়া উঠিতে লাগিল।

ভোরের কোলা ছঃস্বপ্নের মধ্যই তাহার ঘুমের অবসান হইল। ঘর তাহার সত্যই ভাঙ্গিয়াছিল তাই স্বপ্নেও সে ছঃখ তাহার মনে লাগিয়া ছিল। কোথাকার বাসা ছাড়িয়া যেন তাহারা পথে বাহির হইতেছে। জিনিষ-পত্র সোছানোর একটা অক্ষুট কোলাহল, কোথায় যেন প্রচণ্ড হাতুড়ির শব্দ করিয়া কে ক্রমঃগতই বাক্সের গায়ে পেরেক মারিয়া চলিয়াছে, তাহার আঘাতটা যেন ক্ষণিকার বৃকে ঠিক সমান জোরেই বাজিতেছে। ইহারই শব্দে তাহার ঘুম ভাঙ্গিয়া গেল।

চাহিয়া দেখিল তখনও ভোরের আলো স্পর্শিত হয় নাই। যে স্বপ্নলোকের মাঝ হইতে সে জাগিয়া উঠিল, তাহারই মত সমস্তই যেন আবছায়া, বাপসা। ঘরের ভিতর তাহার মা আর লালু আর-একপাশে ঘুমাইয়া আছেন, আন্দাজে বুঝিতে পারিল।

দিনের বেলাটা জরের ঘোরে তক্রাজ্জ্বলভাবে কেমন করিয়া, কোথা দিয়া যে কাটিয়া গেল, তাহা সে বুঝিতে

পারিল না। এক-একবার চকিত হইয়া চাহিয়া দেখিতেছিল, তাহার মা অথবা ভাই পাশে বসিয়া তাহারই মুখের দিকে চাহিয়া আছে। একবার দ্বারের কাছে আর-একজন কাহাকে বেন দেখিল, যে তাহার পরিচিত, অথচ বাহাকে সে তখন কিছুতেই চিনিতে পারিল না। সন্ধ্যার সময় কে তাহাকে ডাকিয়া বলিল, “দিদি, তোমার একখানা চিঠি এসেছে।”

ক্ষণিক ফিরিয়া তাকাইল। লালু চিঠিখানা তাহার হাতে গুঁজিয়া দিয়া, আলোটা কছে অনিমা রাখিয়া চলিয়া গেল। চিঠির হস্তাক্ষর তাহার পরিচিত নয়। খুলিয়া পড়িয়া দেখিল। মনোজার বিদি মুখে যাহা বলিয়াছিলেন, তাহাই লিখিয়া পাঠাইয়াছেন।

এমন সময় ক্ষণিকার মা ঘরে ঢুকিয়া বলিলেন, “মাথায় এত যন্ত্রণা, আবার পড়ছিস কেন? কে তোকে চিঠি লিখেছে?”

ক্ষণিকা বলিল, “রেখে দাও মা ঠিকানাটা, হয়ত যেতে হবে।”

মা বলিলেন, “কোথাও এখন তোমার যেতে হবে না, একেবারে যেতে হয় নিজের ঘরে যেও। পরের বাড়ী ঘুরে ঘুরে আর তোমায় আধুমরা হয়ে আসতে হবে না।”

ক্ষণিকা বলিল, “ঘর সকলের জন্তে ভগবান রাখেন না, তবু ত তাদের পৃথিবীতে থাকতে হয়?”

তাহার মা বলিলেন, “এখন বক্বক না করে ঘুমোও। ষতদিন আমাদের একটা মাথা গুঁজ্বার কুঁড়েঘর থাকবে, ততদিন পরের দরজায়, দায়ে পড়ে অন্ততঃ, তোমাকে দাঁড়াতে হবে না।”

ক্ষণিকা আবার পাশ ফিরিয়া শুইল। কয়েকটা দিন তাহার যেন অপ্রত্যাশিতসারেই কাটিয়া গেল। দিন-রাত্রির প্রভেদও সব সময় মনে থাকে না। কখন একসময় চাহিয়া দেখে, মা আলো হাতে করিয়া ঘরে ঢুকিতেছেন, না-হয় দাদা ঘরের জানলা-দরজা খুলিতেই সকালের আলো নূতন দিনের দূতরূপে হাসিয়া ছুটয়া আসিয়া দাঁড়াইতেছে। আবার কখন দেখিতে দেখিতে দিনের আলো ম্লান হইয়া আসে, জানলার ভিতর দিয়া আকাশের যে টুকরাটি দেখা যায়, তাহার উজ্জ্বল নীলিমা, কালিমায় ঢাকা পড়িয়া যায়।

কপালের উপর কাহার বেন হাতের শীতল স্পর্শ পাইয়া সে একবার চোখ খুলিয়া তাকাইল। জিজ্ঞাসা করিল, “চিন্ময়দা, তুমি কখন এলে? তুমি না কলকাতায় ছিলে?”

চিন্ময় তাহার খাটের কাছে দাঁড়াইয়া বলিল, “তিন দিন হল এসেছি। কাল পরন্তু, দুদিনই তোমায় দেখতে এসেছিলাম, তুমি ঘুমুচ্ছিলে।”

ক্ষণিকা বলিল, “ঘুমইনি, একবার মনে হয়েছিল বেন তোমায় দেখলাম, কিন্তু ঠিক চিন্তে পারিনি। তোমায় মা কেমন আছেন?”

চিন্ময় বলিল, “ভীর অবস্থায় যতটা ভাল থাকা সম্ভব। আমার কাজ কলকাতায়, অথচ মাকে যে কার কাছে রেখে যাব, বুঝতে পারি না। আমার পিস্তুতো বোন কিছুদিন এসেছিলেন, তিনিও চ’লে গেলেন, এখনই হয়েছে বিপদ। যাক, তোমায় কাছে ওসব কথা তোলা উচিত নয়।”

ক্ষণিকা একটু হাসিয়া বলিল, “চিরকালটা আমার ঐরকম কথা শুনেই কেটেছে, আরো যদি বাঁচি ঐরকম কথাই শুন্ব। আমার এখন আর মনেও হয় না যে পৃথিবীতে সুখের কথা কিছু আছে, যদি থাকে তা আমি কখনও শুন্ব না।”

চিন্ময় চুপ করিয়া রছিল। কথা বলিল না, কিন্তু ঘর ছাড়িয়াও গেল না। খানিক পরে ক্ষণিকা জিজ্ঞাসা করিল, “চিন্ময়দা, তুমি এখন কি করছ?”

চিন্ময় বলিল, “অনেক কিছু করবার চেষ্টা করছি, কিন্তু কতখানি পাব জানি না। তুমি উঠে বসলে পর একদিন এসে সব বলব। আজ আর তোমায় বেশীক্ষণ বকাব না।” সে ঘর হইতে বাহির হইয়া গেল।

কয়েকদিনের মধ্যেই ক্ষণিকা উঠিয়া বসিল। দাঁড়াইতেও তাহার বেশী দেরী হইল না। তাহার মা বলিলেন, “মা হোক বাপু, এ যাত্রা খুব বাঁচন বাঁচলে। গাড়ীর থেকে মা মুখ ক’রে নামলে, আমার বেন বুকের ভিতর কেমন করছিল। জর নিয়ে ভাগ্যে কলকাতায়ই বসে থাকনি।”

ক্ষণিকা মুখে কিছু বলিল না। মনের ভিতর তাহার কিন্তু এই কথাই জাগিয়া উঠিল যে তাহার দিন দুরাইয়া গেলে অন্তত দিন কাটাইবার ভাবনা নিজেকে ভাবিতে

হইত না। কিন্তু সে কথা মাকে বলিয়া ব্যথিত করিতে তাহার ইচ্ছা করিল না।

বিকালের দিকে লালু আসিয়া বলিল, “একটু বাইরে বেড়িয়ে বসবে চলনা? বেশ grand sunset হচ্ছে। তোমায় একটা জিনিষ দেখাবো কতদিন থেকে ভাবছি, তা তুমি এমন জর ব্যথিয়ে বসলে।”

ক্ষণিকা বলিল, “কি জিনিষ? সূর্যাস্ত? সে ত রোজই হয়।”

লালু বলিল, “আরে না। সূর্যাস্তের জন্যে ত আমার ঘুম হচ্ছে না। আমার একটা লেখা, এবার ডিবেটিং ক্লাবে পড়েছিলাম।”

ক্ষণিকা বলিল, “তা চল, বাইরে বসে শোনা যাক। তোমায় অত সাধের লেখা এই আঁধার ঘরের কোণে শোনাতে তোমায় মন উঠবে না।”

দুজনে বাহিরে আসিয়া বসিবার আয়োজন করিতে লাগিল। উঠানের মাঝে একটা ভাঙ্গা তক্তপোষ প্রায়ই পড়িয়া থাকিত, তাহারই উপরে একটা শক্তজি বিছাইয়া লালু তাহার সাহিত্য-সভার স্থান করিতে লাগিল। তাহার মা বলিলেন, “বালিশ গোটা-দুই এনে দে, দিদি কি এখন খাড়া হয়ে অমনি বসে থাকতে পারে? আবার পিঠে কোমরে ব্যথা ধ’রে যাবে।”

লালু বালিশ আনিতে ঘরে ঢুকিল। এমন সময় সদর দরজার কাছ হইতে কে উচ্চকণ্ঠে চীৎকার করিয়া ডাকিল, “প্রবোধ-দা! প্রবোধ-দা বাড়ী আছ? লালু আছিস?”

ক্ষণিকার মা বলিয়া উঠিলেন, “ও কে হিরণ্ময় না? অমন করে চেঁচাচ্ছে কেন? দেখ ত রে লালু।”

লালু আসিবার আগেই ক্ষণিকা দরজার কাছে দ্রুতপদে গিয়া ব্যগ্র হইয়া জিজ্ঞাসা করিল, “কি হয়েছে হিরণ্ময়? দাদা ত বাড়ী নেই!”

হিরণ্ময়ের মুখ তখন আশঙ্কায় বিবর্ণ হইয়া আসিতেছে। সে কোনরকমে ঢোক গিলিতে গিলিতে বলিল, “পুলিশ এসেছে, দাদাকে arrest করেছে, এখনি নিয়ে যাবে। আপনারা আসুন।”

তাহারা গিয়া কি করিবে, ক্ষণিকার যাওয়া সম্ভব কি না, সে সব কথা আর কেহই ভাবিল না। হিরণ্ময়ের

পিছন পিছন সকলে আসিয়া তাহাদের বাড়ীতে উপস্থিত হইল।

চিন্ময় মা তখন মুচ্ছিত হইয়া পড়িয়াছেন। নীচের তলায় পুলিশের লোক, পাড়ায় লোক, রাস্তার লোক মিলিয়া ভীড় করিয়া তুলিয়াছে।

ক্ষণিকা চারিদিকে চাহিল, চিন্ময় কোথায়? হিরণ্ময় বলিল, “উপরে মায়ের কাছে।”

তাহার দুর্বল শরীর তখনও আপনার ভার যেন বহিতে চায় না। কিন্তু সেকথা ভাবিবার অবসর কোথায়? উপরে উঠিয়া ক্ষণিকার মা ছুটিয়া গিয়া মুচ্ছিতা বৃদ্ধার মস্তক নিজের কোলে টানিয়া লইলেন। হিরণ্ময়কে বলিলেন, “বাতাস কর, এখনি সামূলে যাবেন। বেটা-ছেলে এতেই কি কেঁদে খুন হতে হয়? তুমিই ত এখন মায়ের ভরস।”

চিন্ময় মায়ের পাশ হইতে সরিয়া ক্ষণিকার কাছে আসিয়া দাঁড়াইল। বলিল, “ক্ষণিকা চললাম। আমার এখন কতদিনের জন্তে বাইরের জগতের কাছ থেকে বিদায় নিতে হল জানি না। চিরদিনের মতও হতে পারে।”

ক্ষণিকার কণ্ঠস্বর যেন হারাইয়া গিয়াছিল। অক্ষুণ্ণকণ্ঠে সে জিজ্ঞাসা করিল, “তোমাকে কি intern করছে? কোথায়?”

চিন্ময় বলিল, “জানি না। প্রবোধকে বোলো, একটু যেন দেখে মাকে।”

ক্ষণিকা বলিল, “কাউকে বলতে হবে না, আমিই দেখব। কেন বেঁচে উঠলাম বুঝতে পারিনি, এখন পারছি। আমার সব-চেয়ে বড় কষ্টব্য বাকী ছিল। চিরদিন তুমি আমার সব দুঃখের ভার বয়েছ, আজ আমার পালা।”

(২৫)

বর্ষার সন্ধ্যা যেন অকালে রাত্রিকে ডাকিয়া আনিয়াছে। পথে হুচারকের বেশী লোক নাট, দুইধারের বাড়ীগুলির দরজা-জান্না অধিকাংশই বন্ধ। নিতান্ত প্রয়োজন যাহাদের তাহারা ছাড়া কেহ ঘরের বাহির হয় নাই। একটা ঝোড়ো হাওয়া গৃহের দ্বারে দ্বারে আর্ন্তকণ্ঠে কাহাকে যেন ডাকিয়া ফিরিতেছে।

রাষ্ট্রীয় উপরের একটা বড় বাড়ীর প্রায় অধিকাংশ

ঘরই আলোকহীন, কেবল একটি ঘরে আলোর আভাস পাওয়া যাইতেছে।

বিরল-পথিক পথ দ্রুতগতিতে অতিক্রম করিয়া একটি মানুষ এই বাড়ীর দরজায় আসিয়া দাঁড়াইল। সদর দরজাটা ভেজানো। একবার কড়া ধরিয়া সজোবে নাড়া দিল। কোন সাড়া-শব্দ নাই। চীংকার করিয়া ডাকিল, “হিরণ্ময়!” কেহ উত্তর দিল না। তখন সে ধাক্কা দিয়া দরজা খুলিয়া ফেলিয়া ভিতরে প্রবেশ করিল।

নীচের তলায় জনমানবের সাড়া নাই। উপরে উঠিয়া সে আলোকিত কক্ষের সম্মুখে আসিয়া দাঁড়াইল।

ভিতরে একটিমাত্র মানুষ বসিয়া ছিল। সে আগ-স্ককের পাধুর শব্দে মুখ তুলিয়া চাহিয়া উঠিয়া পড়িল। দরজার কাছে আসিয়া বলিল, “ভিতরে এসো।”

চিন্ময় বলিল, “আমার আসাটা তোমার একটুও কি surprise মনে হচ্ছে না?”

ক্ষণিকা বলিল, “ওগবান আর আমার কিছুতেই অবাঞ্ছিত হবার দিন রাখেননি। তবে আনন্দের জিনিষ আমার ভাগ্যে নূতন বটে।”

চিন্ময় অল্পক্ষণ পরে জিজ্ঞাসা করিল, “মা কেমন আছেন?”

ক্ষণিকা বলিল, “যেমন রেখে গিয়েছিলে, হুবহুরে কিছুই বদলান নি। চল তাঁর কাছে।”

চিন্ময় বলিল, “যাচ্ছি! তুমি আমার কাছে যা, তা যদি না হতে, তাহলে মুখের কথায় তোমাকে জানাতে হত যে আমি কতখানি কৃতজ্ঞ। কিন্তু তোমার কাছে তার কিছু দরকার আছে?”

ক্ষণিকা এতক্ষণ পরে হাসিল। হাসিয়া বলিল, “জন্মাবধি তোমার কাছে যা নিয়েছি, কবে তার জন্তে মুখের কথায় কৃতজ্ঞতা জানাতে গিয়েছি? কিন্তু মুখে যা না বলেছি, কবে তোমার তা বুঝতে ভুল হয়েছে? এখন শুধু এইটুকু বল যে তুমি সন্তুষ্ট হয়েছ। যে সংসারের ভার আমার হাতে দিয়ে গিয়েছিলে তা নিজের হাতে নাও। আমাকে শুধু বল যে আমি ছুটি পাবার দাবি অর্জন করেছি।”

চিন্ময় অগ্রসর হইয়া আসিয়া ক্ষণিকার দুই হাত ধরিয়া বলিল, “এই আমাকে বলতে হবে? আমার

সংসার কোথায় যে আমি তার ভার নেব? আমার জন্মবার আগেকার যে সংসার, যার সৃষ্টি আমার আনন্দের ভিতর দিয়ে হয়নি, তারি ভগ্নাবশেষের মধ্যে দাঁড় করিয়ে দিয়ে আমাকে, তুমি এখন সরে যেতে চাও? আমার এতকালের বন্দী-জীবনের অসহ্য দুঃখ কি এরই জগ্গে তপস্বী করছিল?”

ক্ষণিকা বলিল, “কি চ’ও তুমি বল? আমার দেবার যা দাখ্যাতীত নয়, এমন কিছুই এখন তোমায় দিতে আমার আপদ নেই।”

চিন্ময় বলিল, “আমার চাওয়ার কোনো বল হয়নি। তোমায় উত্তর কি এখনো বদলাবার দিন আসেনি?”

ক্ষণিকা বলিল, “হয়ত এসেছে। কিন্তু আমার অতীত জীব-কে তুমি আমারই থাকতে দিও। তার সু-দুঃখ যা তা শুধু ভগবান আর আমার মধ্যেই থাক। আমার বর্তমানকে, আমার ভবিষ্যৎ জীবনকে তুমি নাও।”

(সমাপ্ত)

শ্রীসীত দেবী।

বাকুড়া শিল্প প্রদর্শনী উদযাটন*

আপনারা আজ আমাকে আপনাদের প্রদর্শনীর ষারোদযাটন করতে আহ্বান করেছেন বলে আমি আপনাদের ধন্যবাদ না দিয়ে থাকতে পারছি না। আমি একজন ক্ষণজীবী ভগ্নস্বাস্থ্য, তা আমার চেহারা দেখেই বুঝতে পারছেন; তবে বিধাতার কৃপায় কোনরূপে জীবনধারণ ক’রে আছি। এইরূপ ভগ্নশরীর সত্ত্বেও যে কোন কাজে আহুত হই তা উপেক্ষা করতে পারি না। আমার বাকুড়া আগমন শিক্ষণীভাবে, উপদেষ্টাভাবে নয়—আজ আমি আপনাদের কাছ থেকে অনেক জিনিষ শেখবার সুযোগ পেয়েছি। প্রথমেই আপনাদের ম্যাজিষ্ট্রেট শ্রীযুক্ত গুরুসদয় দত্ত মহাশয়কে আমার আন্তরিক কৃতজ্ঞতা জানাচ্ছি। খুলনা জেলার আমার বাড়ী। অনেকদিন আগে খুলনার তখনকার ম্যাজিষ্ট্রেট মিঃ হার্ট খুলনার প্রদর্শনীর জন্ত আমাকে আহ্বান করেছিলেন। কিন্তু আমরা বাঙ্গালী ম্যাজিষ্ট্রেটকে সুন্দরবনের Royal Bengal Tiger কেঁদো বাঘের চেয়েও বেশী ভয় পাই, আমাদের কাছে ম্যাজিষ্ট্রেট ও পুলিশ বাঘের অপেক্ষাও ভীষণ বলে মনে হয়,—আমরা বাঘের সামনে যেতে প্রস্তুত আছি, কিন্তু ম্যাজিষ্ট্রেটের সামনে যেতে প্রস্তুত নই। জেলার কর্মকর্তা মানে ধর-পাকড় নয়, জেলে দেওয়া নয়, জরিমানা করা নয়; তাঁর ইচ্ছায় একটা জেলার হাওয়া বদলে যেতে পারে। স্থানীয় স্বায়ত্তশাসন হচ্ছে, কাউন্সিল বা মন্ত্রীপরিষৎ হচ্ছে,

কিন্তু কর্মকর্তা যদি ভাল না হন তবে সবই পণ্ডশ্রম মাত্র। কিন্তু এখানের শ্রেষ্ঠ কর্মকর্তার কার্য সত্যিই সুন্দর। ইনও গভর্নমেন্ট চাকরে, এমব না করলেই পারতেন, সরকারের চাকরী বড় সুখের—বসে থাক, প্রমোশন বা উন্নতি ধাপে ধাপে আসবেই, সময়ক্রম-মোতাবেক (Time Scale) তাঁদের পদ (Grade) বাড়বেই, এক কথায় They are simply kicked upstairs—লাথিয়ে তাঁদের উঁচিয়ে দেওয়া হবে! কেবল মাঝে মাঝে বড়সাহেবকে সেলাম দিয়ে আসতে হবে। কিন্তু এখানে দস্ত-সাহেব যা করছেন তা একটা আদর্শ—এই রকম তা চাইই। তাঁর কর্মপ্রণালী অতি প্রশংসনীয়। আমি রাজনীতি চর্চা করছি না, কোন দলের হয়েই আমি কিছু বলছি না—আমি ঠিক বলতে পারছি না দস্ত-সাহেব দেশের প্রকৃত হিতসাধন করছেন কি না; কেননা তাঁর জিন্মায় যে জেলা দেওয়া হয়েছে তার মঙ্গল-কামনার জন্ত একাগ্র চেষ্টায় তিনি ননকো-অপারেশানের বিষদীত ভেঙে দিচ্ছেন। সকল জেলার কর্তা এরকম হলে অসহযোগ উড়ে যাবে।

এখন কথা হচ্ছে বাকুড়াতে ছুর্ভিক্ষ হয় কেন? এখানকার ছুর্ভিক্ষ ও খুলনা-যশোরের ছুর্ভিক্ষ অনেক প্রভেদ আছে। খুলনার ছুর্ভিক্ষ এখনও শেষ হয়নি, এ বছরেও অগ্রন্যা; কি হবে, লোকগুলো কি করে বাঁচবে জানি না।

* মৌখিক বক্তৃতার সারাংশ।

তবে খুলনার দুর্ভিক্ষ সমগ্র-জেলা-ব্যাপী হয় না—যতদূর নদীর নোনা জল যায়, ততদূর অজন্ম হয়; তার ফলেই দুর্ভিক্ষ। আগে নদীতে মিঠা জল এসে চাষ-আবাদের সুবিধা করে' দিত। কিন্তু এখন সে-সব নদীতে চড়া পড়ে' গেছে, সে-সব নদী কেটে জল আনা এখন বহুবায়সাধ্য। তাই বনুছিলাম খুলনাকে নদীর উপর নির্ভর করুতে হয় বলেই তার দুর্ভিক্ষ বৈবায়ত। কিন্তু বাঁকুড়ার দুর্ভিক্ষ সহজে নিবারণীয়।

এই বাঁকুড়া বিষ্ণুপুর ১৫০ বছর আগে গৌরবের স্থান ছিল—মহারাজ্য দুর্ভয় বীর ভাষ্কর পণ্ডিত বিষ্ণুপুর-রাজাদের কাছে পরাজয় স্বীকার করেছিলেন—সে-সব গৌরব আজ কোথায়? ১০০। ৫০ বছর আগে আপনাদের বিষ্ণুপুর কত সমৃদ্ধিশালী ছিল—পলাশীর যুদ্ধের সময় বিষ্ণুপুরের কি গৌরবই ছিল! আর আজ বাঁকুড়া বাংলার মধ্যে দরিদ্রতম নিঃস্বতম জেলা। ১০ বৎসরে ১১ লক্ষ লোকের মধ্যে ১ লক্ষ লোক কমে গিয়েছে—এ যেন মরণ-অভিশপ্ত দেশ! কর্ণেল উপেন্দ্রনাথ মুখোপাধ্যায় দেখিয়েছেন—আমাদের চোখে আসুল দিয়ে দেখিয়েছেন—যে, আমরা মরণানুষ্ঠ জাতি, লুপ্ত হবার পথের পথিক। বাঙালী যে কেন মরণীপন্ন জাতি, তার কারণ বাংলার সংস্থান, জল-হাওয়া, ব্যবসাবাণিজ্য, অর্থনৈমিত্য প্রভৃতি আলোচনা করে আমাদের নির্ণয় করতে হবে।

বাঁকুড়া বিষ্ণুপুর পূর্বে যে এত সমৃদ্ধিশালী ছিল তার কারণ কি?—প্রধান কারণ এখানকার ক্ষেতে জল-সেচনের বিশেষ বন্দোবস্ত। যারা ক্ষেতে জল-সেচনের ব্যাপারটি বুঝেন বা জানেন তাঁরা বলেন যে হিন্দু ও মুসলমান রাজাদের সময়ে জল-সেচনের নিখুঁত ব্যবস্থা ছিল।—তখন এ জেলায় ৩০।৪০ হাজার দীঘি বাঁধ প্রভৃতি ছিল; এখন সে-সব দীঘি পুকুর সব শুকিয়ে গেছে, অনেক মজ্জা গিয়ে ধান্যক্ষেত্রে পরিণত হয়েছে। আজ যদি এইসব বাঁধ দীঘি ভাল অবস্থায় থাকতো, তাহলে এখানকার দুর্ভিক্ষ অর্ধেক নিবারণ হতো।—এখন পুরাতন মজ্জা বোজা পুকুর বাঁধ দীঘি আবার ঝাণিয়ে কাটিয়ে সজ্জা করে' তুলতে হবে।—এইসমস্ত দীঘির পুনরুদ্ধার করতে হবে। বাঁকুড়া এখন দুর্ভিক্ষের লীলাভূমি হয়েছে। ১৮৬৬ খৃঃ অব্দে উড়িষায় দুর্ভিক্ষ হয়;—

বাঁকুড়াতেও তার ভীষণ প্রকোপ দেখা গিয়েছিল। ১৮৭৪ সালে এখানে আবার দুর্ভিক্ষ হয়। তার পর ১৮৮৫ ও ১৮৯৭ সালের দুর্ভিক্ষের কথা আমরা সকলেই জানি। ১৯০৪।১৫ সালের উপর্যুপরি দুর্ভিক্ষে যে ভীষণ অবস্থা হয়েছিল তা এখনও আমাদের চোখের সামনে রয়েছে। আবার ১৯১৯ সালেও দুর্ভিক্ষ হয়েছে। ইচ্ছা করলেই আমরা এই দুর্ভিক্ষ বন্ধ করতে পারি; এইসব বাঁধ দীঘি পুকুর কাটিয়ে আবার জলের সুবন্দোবস্ত করতে পারি। বাঁধ দিয়ে জল ধরে' রেখে সেই জল যেদিকে ইচ্ছা নিয়ে গিয়ে কাজে লাগাতে পারা যায়। এই-সমস্ত বাঁধ বাঁধার জন্ত সমবেত চেষ্টা-চাই। ২৫টা গ্রামের লোক মিলে সেই গ্রামের জল সর্ব্বরাহের জন্ত বাঁধ তৈয়ারী করতে হবে। সকলের স্বার্থ সেই বাঁধে থাকবে। এইসমস্ত কাজের জন্ত সমবায় ব্যাঙ্ক চাই। খুলনার প্রথম আমাদের বাড়ীতে একটা ব্যাঙ্ক হয়। যামিনী-বাবু অধিক হয়ে তার কাজ আরম্ভ করেন। আমার মধ্যম ভ্রাতা রায় সাহেব নলনীকান্ত তাঁর সহায়তা করেন। এখন সেই ব্যাঙ্কের অধীনে প্রায় ১০০টা ছোট ছোট ব্যাঙ্ক হয়েছে—এখন ক্রমেই এর সংখ্যা বেড়ে যাচ্ছে। এখানে যাতে এরকম ব্যাঙ্ক ছড়িয়ে পড়ে তার চেষ্টা করা উচিত।

খুব সুখের বিষয়, আপনাদের এখানে সমবায় প্রথায় ২৪টি বাঁধ হয়েছে ও কাজও ভাল চলছে। উপকার বুঝতে পেরে প্রসারী আন্দলের সহিত টাকা দিতে রাজী হয়েছে। শালসাঁদের যে বাঁধ তৈরী হচ্ছে তাতে ২৭ খানা গ্রামের ৮০০০ হাজার বিঘা জমি উদ্ধার হবে। আমাদের একটা দোষ যে আমরা সব কাজেই গভর্নমেন্টের দিকে চেয়ে থাকি। অবশ্য গভর্নমেন্ট আমাদের কাছ থেকে যখন ধাক্কা আনায় করেন তখন আমাদের সমস্ত অভাব পূরণ করতে তাঁরা বাধ্য হন; ধন্য হে। কিন্তু গভর্নমেন্ট যদি কিছু না করে দেয়, তবে কি আমরা চিরকাল শিশুর মত অসহায় থাকবো; নিজের পায়ে ভর দিয়ে দাঁড়াতে শিখবো না? আমরা তবে কি করে আর্থনির্ভরতা শিখবো?—আমরা সবাই যেন এক-একটি ঝিকুকে-হুধ-থাওয়া খোকা!

আমার মনে হয় বাংলা দেশের বুদ্ধি ও বল পক্ষাঘাতে পঙ্গু হয়ে গেছে। মল্লভূমি, বীরভূমি,—আজ মল্লশূত্র বীরশূত্র। আর বাঁকুড়ার বোক—সাঁওতাল বলুন—বাউরী বলুন—ম্যাংগেরিয়াগ্রস্ত ও কফালসার। খাণ্ডের অভাবই ম্যালেরিয়ার কারণ। ডাক্তার বেণ্টলী বলেন—Malaria is a hunger disease—ম্যালেরিয়া ক্ষুধার ব্যাধি।

এখানে আসবার আমার আর-একটা বিশেষ উদ্দেশ্য আছে—চরুকা ও তাঁতের প্রচলন করাই আমার এখন অভিপ্রায়। এখানে যে-রকম কার্পাস চাষ আছে আর সহরেও অনেক চরুকা চলতে দেখেছি, তাতে এখানে আর চেষ্টাতেই কার্পাস চাষ বাড়তে পারা যায়। বাঁকুড়ায় ১০ লক্ষ লোকের অন্ততঃ এক কোটি টাকার কাপড় লাগে; ঐ টাকা যদি বাঁকুড়াতেই থাকে তা হলে কি হয় ভাবুন দেখি।

আমি একজন ব্যবসায়ী, ১৭টি ব্যবসায় আমি লিপ্ত আছি; তার মূলধন প্রায় ৫০ লক্ষ টাকা। আমি ব্যবসায়ীভাবেই কথা বলছি। আজ যদি বাঁকুড়ায় প্রত্যেক ঘরে ১০।১৫টা রাম-কাপাসের গাছ থাকে, আর দিনে প্রত্যেক ঘরে ৪।৫ ঘণ্টা করে চরুকা চালান যায়, তাহলে আমরা আমাদের বস্ত্রসমস্যার সমাধান করতে পারি। মেয়েরা চরুকা না ধরলে চরুকা চলবে না। ছেলেরা প্রথমে চরুকা কেটে মেয়েদের লজ্জা দেবে, মেয়েদের শেখাবে। আমি এই যে কাপড় পরে আছি, এ আমার গ্রামবাসীর দান—দেশের কার্পাসে দেশের মেয়েদের হাতে ঘরের চরুকায় কাটা সূতায় দেশের তাঁতীর দেশী তাঁতে তৈয়ারী। কাপড়খানা খুব মোটা সত্যি, কিন্তু এ কাপড় আমি মাথায় করে রেখেছি—রজনীকান্তের কথায় “এ যে মায়ের দেওয়া মোটা কাপড়—মাথায় তুলে নে রে তাই”। আমার দেশবাসী এই কাপড়ের পরিবর্তে যদি কাপড়ের ওজনে সোনা দিতেন তাতে আমি তৃপ্ত হতুম না। মোটা কাপড়ে দোষ কি? আমরা যতই সভ্য হচ্ছি ততই অধঃপাতে যাচ্ছি। আমার এই কথা শুনে মনে করবেন না যে আমি একেবারে পশ্চিমের সম্পর্কই বর্জন করতে চাচ্ছি। ভারত যদি “নিখাস রূখে

হুচক্ষু যুদে” পশ্চিমের দিকে পিছন ফিরে বসে ও পশ্চিমের জ্ঞানবিজ্ঞানশিল্পচর্চার সম্পর্ক ত্যাগ করে, তবে ভারতের পক্ষে সে হৃদ্বিন হবে; কিন্তু কচের স্তায় বিজ্ঞা অর্জন করতে হবে শুক্রাচার্যের কাছে, স্বদেশে স্বদেশীর হিতসাধনের জন্তেই। দৈনিক ৫।৬ ঘণ্টা চরুকা চালালে অল্পবয়সে জয়েরই সংস্থান হয়। ডাঃ প্রফুল্ল ঘোষ ইত্যাদি অনেকে এই চরুকা নিয়ে মাথা ঘামাচ্ছেন। তিনি লিখেছেন যে একজন বৃদ্ধা একদিনে ৩ ছটাক পর্যন্ত সূতা কেটে দিয়েছেন। তিনি এত সূতা কাটছেন যে তার লাভে মহাজনের কিছু কিছু ঋণও শোধ হচ্ছে। আমাদের দেশের হৃদ্বিন হয় অর্থের অভাবে, খাণ্ডের অভাবে নয়। যদি চরুকায় প্রচলন হয় তবে একটা লোক ৭।৮টা পয়সা দিন উপায় করতে পারে, আর ৪ পয়সায় আধসের চালে একটা লোকের পেট ভরে যেতে পারে। বাঙ্গালার সাড়ে চার কোটি লোকের বাস। তার মধ্যে সাড়ে তিন কোটি লোক ছেড়ে দিয়ে এক কোটি লোক চরুকা চালাবে, এই যদি আমরা ধরি, আর প্রত্যেকে দিন ২ পয়সা যদি আয় করে, তাহলে বৎসরে আমরা ১২ কোটি টাকা বাংলার রাখতে পারি। তাই যদি আমরা পারি, তাহলে আমাদের ভাবনা কি? এখন আর কেবল ম্যাংগেরিয়ার লাঞ্চারিয়ার নয়,—জাপান বোম্বাই আমাদের মনে ধনী হচ্ছে। নিজেরা খেতে পাই না, বা কিছু আছে তাও পরকে তুলে দিচ্ছি। আপনারা বলতে পারেন—বোম্বাই তো আমাদের নিজের দেশের লোক। আমি এরকম স্বদেশী হতে চাই না যে বাংলা না খেতে পেয়ে বোম্বাইকে ধনী করবে। যদিও বোম্বাই খুলনার হৃদ্বিন্ধুর সময় আমাকে যথেষ্ট সাহায্য করেছে, তবু আমি এ সহ্য করব না যে বাংলার অর্ধশোষণ করে বোম্বাই ধন সঞ্চয় করবে, ফিরে মুষ্টিভিক্ষা দেবার জন্তে। মিলের কাপড়ের দাম ৩।৪ গুণ বেড়েছে। ৫০।৬০ বৎসর আগে যখন মিল ছিল না, তখন কি আমরা উলঙ্গ দিগম্বর হয়ে ছিলাম, তখন কি আমাদের কাপড় ছিল না? আজ যদি আমাদের ঘরে ঘরে চরুকা থাকতো, আমি জোর করে বলতে পারি, তাহলে একটা লোকও না খেতে পেয়ে মারা পড়তো না। তাই আমি নিবেদন করি—

সকলেই দৃঢ় পথ করুন যাতে তুলার চাষ বাড়ে ও চরকা প্রচলন হয়। এখানে এমন কে আছেন যার বাড়ীতে ১০।১৫টা কার্পাস গাছ লাগাবার উপযুক্ত জমি নেই? আগে আমি চরকার পক্ষপাতী ছিলাম না; কিন্তু এখন আমি বুঝতে পেরেছি এর উপকারিতা; চরকা সহজে ছোট একটা পুস্তিকা লিখেছি। তাই এত জোর করে বলছি বাংলার অন্তঃসব জেলা আপনাদের কাছ থেকে শিক্ষা করুক কেমন করে গ্রামে গ্রামে ঘরে ঘরে তুলা তুলে চরকা চালিয়ে তাঁত বুনে নিজের পায়ে ভর করে দাঁড়িয়ে ধনী হতে হয় ও দুর্ভিক্ষ ও দারিদ্র্য রাক্ষসকে বধ করতে হয়।

আর একটা বিশেষ কথা। কৃষির উন্নতি চাই। জমির উৎপাদিকা শক্তি ক্রমেই কমে যাচ্ছে; সারের প্রচলন করতেই হবে। গোবরসার আমাদের প্রধান সার। কিন্তু এই সারটা আমরা যেভাবে রাখি ও ব্যবহার করি তাতে সেটা অসার হয়ে যায়। একটা গর্ত করে গর্ভের উপর একটা ছাওনি দিয়ে যদি গোবরটা রাখা যায় তাহলে আমরা সারের ফল পাই। এ ছাড়া ধনুচে সবুজ সার আমরা সহজেই প্রচলন করতে পারি—এতে জমির উর্বরতা যথেষ্ট বাড়ে।

তারপর নানারকম নূতন ফসলের প্রচলন করতে হবে। ফরিদপুরে যখন গিছলুম তখন কৃষি-বিভাগের দেবেন্দ্র-বাবু আমাকে এক রকম আঁক দেখিয়েছিলেন তার নাম টানা আঁক—শিরালে শুরোরে এ আঁক খায় না, ফলন অনেক বেশী। চিনির বাজার যে রকম, তাতে আঁকের চাষ বাড়তেই হবে, আর টানা আঁকের চাষ দেশে যথেষ্ট ধনাগম হবে। আলু আর-একটি লাভবান ফসল। যত্ন করে সার সেঁচ দিয়ে আলুর চাষ করলে এক এক বিবা থেকে ১০০ মন পর্যন্ত আলু পাওয়া যেতে পারে। চীনাবাদামের চাষ ডাঙ্গা জমিতে বেশ হয়। এ ছাড়া খেজুর-গাছ লাগিয়ে গুড় তৈরী করে, কুল পলাশ গাছে গাঙ্গার চাষ করে, কত না অবস্থার উন্নতি করতে পারা যায়। এসব সহজ কাজ, অল্প চেষ্টাতেই হয়। কিন্তু আমরা করব না—কি ভীষণ কুঁড়ে আমরা তাই ভাবি। গণিতারের ভ্রমণকাহিনীতে পড়েছিলাম যিনি একটা

ঘাসের স্থানে দুইটি ঘাস জম্মাতে পারেন তিনি দেশের বড় বড় রাজনীতিকের চেয়ে বেশী কাজ করেন। আগে অল্প বয়স, তারপর স্বরাজ। দেবেন্দ্র বাবু এখানে রয়েছেন। তিনি উদ্যমশীল উৎসাহী। আপনারা তাঁর ও অন্ত অন্ত কৃষিবিভাগের কর্মচারীদের পরামর্শ নিয়ে কৃষির উন্নতি করুন—কৃষিকাজই দেশের প্রকৃত কাজ—চাষকে আর চাষার কাজ বলে বুলি করলে চলবে না—কিরে কর চাষ আর কিরে ধর চরকা—এখন এই হচ্ছে আমার মন্ত্র।

এই বাঁকুড়া-বিষ্ণুপুরে তসর, রেশম ও সূতার কাপড় যথেষ্ট হতো; পিতল কাঁসার জিনিষ, গালা প্রভৃতির জন্য এই জেলা প্রসিদ্ধ ছিল। ১৯৩৪ সালে কেবল সোনামুখী থেকেই পাঁচ হাজার মন গালা কলকাতার রপ্তানী হয়েছিল। ১৭৬৫ খৃষ্টাব্দের হলোওয়েলের লেখা থেকে দেখা যায় যে এই বিষ্ণুপুর থেকেই ইস্ট ইণ্ডিয়া কোম্পানীর সমস্ত গালা সর্বস্বরাহ হতো। এখন তার অবস্থা কি হয়েছে ভাবলে কান্না পায়। এসব শিল্পের পুনরুদ্ধার করুন।

আমাদের দেশের কৃষকের মাসিক আয় গড়ে ২০ টাকা—রমেশ দত্ত ঠিক করেছিলেন ২০ টাকা, লর্ড কর্জন অনেক হিসাবপত্র দেখিয়ে ভারতবাসীকে ধনী প্রতিপন্ন করার জন্য বলেছিলেন ২০ টাকা নয়—২৫০ টাকা! সুতরাং কৃষিকাজের উন্নতি করে, চরকার সূতো কেটে শিল্পের পুনরুদ্ধার করে আমরা যদি দৈনিক ৪৫ পয়সাও আয় বাড়াতে পারি তাহলে কত না কাজ হয়। দেশের আয় দ্বিগুণ হয়।

আমরা ম্যালেরিয়া ও অন্যান্য ব্যাধিতে আক্রান্ত হয়ে পড়ছি। এইসব রোগের একটা কারণ হচ্ছে আমাদের বাসস্থান বাড়ীটাকে আমরা সিন্ডুকের মত করে রাখি, আলো বাতাস আঙ্গার পথ রাখি না—কুকুর, কুকুর জল, রোগ শোক সূতার নিদান। আমি একজন রাসায়নিক; অক্সিজেন গ্যাসের প্রতি আমার মমতা ও বিশ্বাস আছে—তাই বলছি একটু বাতাস-আলোর পথ রাখতে হবে। পুকুরগুলোকে আমরা কি করে ব্যবহার করি? যেন আঁতড়া হুড়! পুকুরগুলোকে মলমূত্র থেকে নিরাপদ করতে হবে। এইমাত্র আমি এখানকার কলেজে গিয়েছিলাম—কলেজের অধ্যক্ষ মিঃ টম্পসন এখানে রয়েছেন—আমি সেখানে কি দেখলাম? কেমন পরিষ্কার পরিচ্ছন্ন! পরি-

ছন্নতা মোক্ষের সোপান—ওঁরাই বোধেন, আর সেই ভাবে কাজ করেন। আর আমরা হিন্দুজাতি কেবল মুখে বলে বেড়াই আমরা পবিত্র, আমরা শুদ্ধ জাতি; কাজে আমরা স্লেচ্ছেরও অধম। আমি বিপ্লবপর্যন্ত বিদ্রোহী—পলিটিক্সে নয়—সামাজিক ও শিক্ষার ক্ষেত্রে। যুবকদের তাই বসুঁছি সামাজিক উন্নতি করতে হবে। আমরা আধ্যাত্মিক জাতি বলে গর্বি করি; আর ওদের বলি বিষয়ানুক্ত বস্তুতন্ত্র।—যথা, বিলেত থেকে টাকা এনে এখানে কুষ্ঠাশ্রম প্রতিষ্ঠা করেছেন বিদেশী লোক, আর আমরা কুষ্ঠরোগগ্রস্ত লোকদের স্পর্শ করি না, এমন কি তাদের ছায়াও মাড়াই না—যামানের তা হলে পাপ হয়—আমরা বলি, ওরা পাপ করেছিল কর্তৃকৃত্য ভোগ করছে, আমরা কি করবো। মায়ের কার সোজা নয়, বাহবা নেওয়া উদ্দেশ্য নয় সেবাবর্মে দীক্ষিত হতে হবে, সেই হচ্ছে আসল দেশ-সেবা। এর চেয়ে মহত্তর কাজ আর কিছুই নেই।

বাকুড়ার ছুভাগা যে এখানকার বেশীর ভাগ জমিদারই প্রবাসী। নিজের জমিদারীতে তাঁরা বাস ত করেনই না, পদার্পণও কখনো করেন কি না সন্দেহ। তাঁরা এখান থেকে যতদূর সম্ভব আদায় করে নিচ্ছেন, কিন্তু এখানকার মঙ্গলের কাজ কিছুই করেন না। এইসমস্ত প্রবাসী জমিদারদের দিকার দিতে ইচ্ছা হয়; জমিদারদের আমি গ্লোর গলায় জানাতে চাই যে যদি তাঁরা আমার বন্ধু মহারাজাধিরাজ

বর্জনাধিপতির মতন নিজের জমিদারী থেকে গ্রহণ করেন প্রচুর ও জমিদারীর ও প্রজাদের উন্নতির জন্য অর্থাৎ মোচনের জন্য ব্যয় করেন সামান্য, তা হলে প্রজাদের মধ্যে বসুঁশেভিক মত প্রচার করার বিরুদ্ধে বলবার সুখ কোথায়? জমিদারেরা প্রজার কষ্টার্জিত অর্থ শোষণ করে কলকাতায় বসে বিলাস ঐশ্বর্যে ডুবে পরের ধনে পোদারী করবেন—এ আর চলবে না; এরকম করার অধিকার জমিদারদের নেই—এ প্রকারান্তরে পরদ্রব্য অপহরণ—লুণ্ঠন। আমি বিজ্ঞানসেবী—সত্য আমার সেবনীয় বন্দনীয়; কাজেই আমাকে অনেক সময় অনাবৃত খোলাখুলি সোজা সত্য কথা বলতে হয়—অপ্রিয় হলেও আমি বিপ্লবের সম্ভাবনা জেলার ম্যাজিস্ট্রেট ও অগ্ন্যস্ত কৰ্মচারীদের সামনে স্পষ্ট ভাষায় উচ্চকণ্ঠে বলছি।

যাই হোক এখন আমাদের প্রধান কাজ গ্রামে গ্রামে সমবায় কৃষি ও হিতসাধন সমিতি করে দেশের উন্নতি করা। আপনাদের ম্যাজিস্ট্রেট দত্ত-সাহেব এ বিষয়ে হস্তক্ষেপ করেছেন, খুবই সৌভাগ্যের বিষয়। এইসমস্ত সমিতি করেই দেশের পরম মঙ্গল সাধন করা যাবে—চাই একাগ্রতা কঠোরতা আর স্বদেশপ্রেমিকতা। হিংসা, ঘেঁষ, পরশী-কাতরতা তাগ করে দেশের সেবার আত্মনিয়োগ করুন—এই আমার বিনীত অনুরোধ।

শ্রী প্রফুল্লচন্দ্র রায়।

যামিনীনাথ বন্দ্যোপাধ্যায়

৪ঠা জ্যৈষ্ঠ, ১৮৬৯ খৃষ্টাব্দে অধ্যক্ষ যামিনীনাথ বন্দ্যোপাধ্যায় ঢাকা জিলায় বিক্রমপুরের অন্তর্গত কেয়টখালী গ্রামে জন্মগ্রহণ করেন। আর্থিক অবস্থা অত্যন্ত হীন হওয়ার যামিনীনাথকে শিক্ষালাভের জন্য বিশেষ বেণ পাইতে হয়। যখন বি-এ পড়েন তখন সংসার এরূপ অচল হইয়া পড়িল যে তাঁহাকে পাঠ পরিত্যাগ করিয়া কৰ্মের অমুসন্ধানে কলিকাতায় আসিতে হয়।

১৮৯২ খৃঃ যামিনীনাথ কলিকাতায় আসেন। সেই সময়ে পটলডাঙ্গার বিখ্যাত বঙ্গ বংশের স্বর্গীয় গিরীন্দ্রনাথ

বঙ্গ মহাশয়ের সহিত তাঁহার পরিচয় হয়। গিরীন্দ্র-বাবু তাঁহার দুইটি মুকবির পুস্তকে কথা বলিতে শিক্ষা দিবার জন্য একজন শিক্ষকের অমুসন্ধানে করিতেছিলেন। মুকবিরদিগের শিক্ষাপ্রণালী সম্বন্ধে সম্পূর্ণ অনভিজ্ঞতা সত্ত্বেও সহায়ত্ব ও অমুসন্ধানের বশবর্তী হইয়া যামিনীনাথ শিক্ষকতার কার্য গ্রহণ করেন।

গিরীন্দ্র-বাবু তাঁহাকে ডাক্তার টমাস আর্নল্ড (Dr. Thomas Arnold) লিখিত মুকবিরদিগের শিক্ষা সম্বন্ধে একটি পুস্তক দেন। বিষয়টি সম্পূর্ণ নূতন বলিয়া যামিনী-

বাবু পুস্তকখানা সম্যকরূপে আরম্ভ করিতে সমর্থ না হওয়ায় নিজের অধ্যাপনায়ুগে মুক-বধিরদিগকে শিক্ষা দিবার জন্ত নূতন প্রণালী উদ্ভাবন করেন। উহার ফল অত্যন্ত আশাপ্রদ হইয়াছিল।

১৮৯৩ খৃঃ মে মাসে স্বর্গীয় শ্রীনাথ সিংহ সিট কলেজের একটি প্রকোর্টে একটি ক্লাব স্থাপন করেন। যামিনী-বাবু অন্তর্বিদ্যে তাঁহার সহিত যোগদান করেন। এইখানে বর্তমান কলিকাতা মুক-বধির-বিদ্যালয় প্রতিষ্ঠা হয়।

১৮৯৪ খৃঃ ১১ই সেপ্টেম্বর যামিনী-বাবু দ্বারে দ্বারে অর্থ ভিক্ষা করিয়া বিলাত যাত্রা করেন। তথায় তিনি The Training College for the Teachers of the Deaf বিদ্যালয়ে ভর্তি হন। এবং সমগ্রানে প্রথম বিভাগে পরীক্ষায় উত্তীর্ণ হন।



যামিনীনাথ বন্দ্যোপাধ্যায়।

যামিনী-বাবু ইহাতে সন্তুষ্ট না হইয়া আমেরিকা যাইবার মনন করেন। ১৮৯৫ খৃঃ অগষ্ট মাসে ডব্লীন সহরে The British Deaf & Dumb Association এর চতুর্থ বার্ষিক অধিবেশন হইতেছিল। যামিনী-বাবু তথায় নিমন্ত্রিত হইয়া গমন করেন, এবং তাঁহার বন্ধুদিগের

সাহায্যে আমেরিকা গমনের জন্ত যথেষ্ট পাথের অর্থ সংগ্রহ করেন। তথায় তিনি ওয়াশিংটনের গ্যালাণ্ডেট কলেজে (Gallandet College, Washington), ভর্তি হন। তথায় তিনি ইউনাইটেড স্টেট্‌স গবর্নমেন্টের নিকট হইতে একটি বৃত্তি লাভ করেন; তাহাতে তাঁহার আমেরিকা-প্রবাসের সমস্ত খরচ কুলাইয়া যায়।

গ্যালাণ্ডেট কলেজের পরীক্ষায় উত্তীর্ণ হইবার সময় তাঁহার অধ্যাপক পরলোকগত ডঃ গর্ডন (Dr. Gordon) তাঁহাকে কোনও একট বিশিষ্ট আমেরিকান মুক-বধির-বিদ্যালয়ের অধ্যক্ষের পদ দিবার প্রস্তাব করেন। নিজের দেশের মুক-বধিরদের স্বরণ করিয়া যামিনী-বাবু ডঃ গর্ডনকে বিশেষ ধন্যবাদ দিয়া তাহা প্রত্যাখ্যান করেন।

যামিনী-বাবু আমাদের দেশে মুক-বধিরদিগের শিক্ষা বিষয়ে প্রথম উত্তোঙ্গী পুরুষ। মুক-বধিরগণ কানে শুনিতে পারেন না বলিয়াই বোবা হয়। আমরা অপরের কথা শুনিয়া এবং তাহার অনুকরণ করিবার চেষ্টা করিয়া কথা বলিতে শিখি। যে বধির, পরের কথা শুনিতে পারেন না, সে কথা বলিতেও শিখে না। কাজেই বধিরের মুক হওয়া অবশ্য-স্বাভাবী। মুক-বধিরদিগের বাক্যবহুলি সমস্তই সাধারণ লোকের ন্যায়। তাহারা হাদে, কঁদে, চীংকার করে। কাজেই তাহাদের কণ্ঠে স্বর আছে। কিন্তু কান নাই বলিয়া এই স্বরকে নিঃস্বিতভাবে চালাইবার শক্তি হয় না, এবং ফলে সে বোবা হয়। আজকাল বৈজ্ঞানিক উপায়ে মুক-বধিরদিগকে আমাদের মত কথা বলিতে শিক্ষা দেওয়া হইতেছে। আমাদের বর্ণমালায় প্রত্যেকটি বর্ণ উচ্চারণ করিবার সময় ওষ্ঠ, জিহ্বা, মুখের মাংসপেশীর বিভিন্ন আকার হয়। মুক বধির বালকগণ শিক্ষকের মুখে ইহা লক্ষ্য করে এবং শিক্ষকের ও নিজের গলা বুক প্রভৃতি স্থানে হাত দিয়া সেই স্থানের কম্প ও আকৃষ্টন অনুভব করিয়া কথা বলিতে শিখে। তাহারা অপরের ওষ্ঠ ও মুখ দেখিয়া তাহাদের কথাও বুঝিতে পারে। যে ছাত্রগণ বুদ্ধির হীনতা, কোন পেশীর অভাব বা অথ কোন কারণে কথা বলিতে সমর্থ হয় না, তাহারা অসুখী সঞ্চালন করিয়া মনের ভাব প্রকাশ করিতে পারে। এই শ্রেণীর মুক-বধিরদিগের জন্ত যামিনী-বাবু এক প্রকার অসুখী-

সঞ্চালন-প্রণালী (Finger or Manual Alphabet) আবিষ্কার করিয়া গিয়াছেন।

যামিনী-বাবু একজন কর্মবীর ছিলেন। ১৮৯৩ খৃঃ সিটি কলেজের একটি প্রকোষ্ঠে মাত্র ছুইটি ছাত্র লইয়া যে কলিকাতা মুক-বধির-বিদ্যালয়ের প্রতিষ্ঠা হয়, তাঁহার অধ্যবসায় ও আগ্রহের গুণে আজ এই বিদ্যালয় ভারতের মধ্যে শ্রেষ্ঠস্থান অধিকার করিয়াছে। এই বিদ্যালয়ে এখন ৮৫ জন ছাত্র হইয়াছে। গভর্ণমেন্ট, মিউনিসিপালিটি, এবং গণ্যমান্য ব্যক্তিগণ সকলেই ইহার পৃষ্ঠপোষক। ইহার প্রায় ৫ লক্ষ টাকার ভূ-সম্পত্তি হইয়াছে।

১৯০৫ খৃঃ যখন স্যার রবার্ট কার্ণাইল (Sir Robert Carlyle) কলিকাতা মুক-বধির বিদ্যালয়ের সভাপতি ছিলেন, তখন কোনও দৈনিক ইংরেজী সংবাদ-পত্র গভর্ণমেন্টকে বিদ্যালয়টিকে হস্তে লইবার জন্য অনুরোধ করেন। স্যার রবার্ট যামিনী-বাবুকে তাঁহার মতামত জিজ্ঞাসা করেন। তিনি উত্তর দেন, “এ বিষয়ে কার্য্যকারী সভা যাহা ইচ্ছা হয় করিতে পারেন। তবে আমি এই হস্তান্তর ব্যাপারে যথাসাধ্য বাধা দিব। আমি তোমাঙ্গিকে দেখাইতে চাই যে আমরাও কোন নূতন জিনিষ গড়িতে পারি।” যামিনী-বাবু তাঁহার এই বাক্য

প্রতি অক্ষরে অক্ষরে পালন করিয়া গিয়াছেন। আমাদের নব জাতীর ইতিহাসে আমাদের কার্য্যকুশলতা সর্বত্র এক অনন্ত দৃষ্টান্ত রাখিয়া গিয়াছেন।

১৯১০ খৃঃ ভারত সর্কার কাইজার-ই-হিন্দ (Kaiser-i-Hind) মেডেল দিয়া যামিনীবাবুর নানাবিধ গুণগাণিত সম্মান করেন।

বহু বৎসর যাবৎ তিনি বিক্রমপুর সম্মেলনীর সম্পাদকরূপে বিক্রমপুরের অশেষ উন্নতিসাধন করিয়া গিয়াছেন। প্রথম সর্বস্বায় তিনি উক্ত সম্মেলনীর প্রাণস্বরূপ ছিলেন।

যামিনী-বাবু অত্যন্ত অসাময়িক প্রকৃতির লোক ছিলেন। জীবনে তাঁহাকে কোনও দিন ক্রোধ করিতে দেখি নাই। কর্তব্যনিষ্ঠা তাঁহার এত প্রবল ছিল যে তাঁহার বিদ্যালয়ের উন্নতিকল্পে অসাময়িক পরিশ্রম করিয়া অকালে স্বীয় স্বাস্থ্যহানি করেন। তাঁহার মৃত্যুরিবস পর্য্যন্ত বিহানার শুইয়া স্কুলের কাজ করিয়া গিয়াছেন। ১৯২১ খৃঃ ২২শে ডিসেম্বর শেষরাত্রি চারি ঘটকার সময় মাত্র ৫৩ বৎসর বয়সে সজ্জানে মহাপ্রস্থান করেন।

শ্রীশরচ্চন্দ্র বন্দ্যোপাধ্যায়।

প্রাচীনভারতে মনুষ্যগণনা

বৃটিশ-অধিকৃত সভ্য ভারতে আজকাল সেন্সস বা - মনুষ্য-গণনা হইয়া থাকে। বহু প্রাচীনকালেও ভারতবর্ষে এই মনুষ্য-গণনার রীতি প্রচলিত ছিল এবং ষথাসময়ে সুনিয়মে এই কার্য্য সম্পাদিত হইত। প্রাচীন ধর্মগ্রন্থাদি ও ইতিহাস ইহার সাক্ষ্য দিতেছে।

দুই সহস্র বৎসর পূর্বের গ্রসিক ইতিহাসকার মেগাস্থেনীস লিখিয়াছেন,—“মনুষ্যগণের জন্ম-মৃত্যু সঙ্কে অমুসন্ধান ও অন্বেষণ করা এবং কত মনুষ্য কোন্ তিথিতে কি কারণে মৃত্যুমুখে পতিত হইল তাহা লিপিবদ্ধ করা, তৃতীয় শ্রেণীর কর্মচারীগণের প্রধান কর্তব্য কার্য্য ছিল। সকল সম্প্রদায়ের জন্ম-মৃত্যু-বিবরণ বাহাতে সাধারণে

অবগত হইতে পারে, এই উদ্দেশ্যই মনুষ্য গণনা করা হইত, ইহাতে রাজস্ব গ্রহণেরও বিশেষ সুবিধা হইত।”

কোটিস্যের অর্থশাস্ত্রেও এ বিষয়ে ষথেষ্ট প্রাণ পাওয়া যায়। মনুষ্যগণনা সম্রাট চন্দ্রগুপ্তের রাজ্য-শাসন-প্রণালীর একটি প্রধান অঙ্গ ছিল। যদিও বর্তমানে মনুষ্যগণনা-রীতির সহিত প্রাচীনকালের মনুষ্যগণনার প্রভেদ বিস্তর, তবুও প্রাচীনকালে ভারতবর্ষে মনুষ্যগণনা করা যে রাজকর্মচারীগণের প্রধান কর্তব্য ছিল, তাহা নিঃসন্দেহ। চন্দ্রগুপ্তের শাসনকালে কোন নির্দিষ্ট সময়ে মনুষ্যগণনা করা হইত না, রাজসভায় প্রধান প্রধান ব্যক্তিগণের মতামতসারে যে-কোন সময়ে এই কার্য্য আরম্ভ হইত।

ঐ সময়ে মনুষ্যগণনা করিবার জন্ত একটি স্বতন্ত্র স্থায়ী বিভাগ ছিল এবং অসংখ্য কর্মচারী এই বিভাগে কার্যকর্তারূপে নিযুক্ত ছিলেন। এই বিভাগের সর্কাপেক্ষা ক্ষমতামালী (সুপারিন্টেন্ডেন্ট) কর্মচারীকে সমাহর্তী বলা হইত। সমাহর্তীর অধিকৃত প্রদেশ চারি ভাগে বিভক্ত থাকিত, এবং প্রত্যেক ভাগের ক্ষমতামালী কার্যকর্তী 'স্থানিক' নামে অভিহিত হইতেন। স্থানিকের নীচে কতকগুলি কর্মচারী কার্য করিতেন, ইহাদের প্রত্যেকের উপর ১০টি বা ৫টি গ্রামের মনুষ্যগণনা করিবার ভার থাকিত, ইহাদের উপাধি ছিল 'গোপ'। এইসকল কর্মচারী ব্যতীত, আর-একপ্রকার কর্মচারী ছিল, ইহাদের 'প্রদেষ্টার' বলা হইত।* স্থানিক ও গোপগণ নিজ নিজ কার্য যথাযথ পালন করিতেছে কি না, এইসকল কর্মচারী তাহা দেখিয়া বেড়াইতেন, এক কথায় ইহারা এই বিভাগের ইন্সপেক্টর ছিলেন।

নির্দিষ্ট গ্রাম বা নগরের মনুষ্যগণনা করা, কোন ব্যক্তি কি কার্য করিয়া জীবিকানির্ভাহ করে তাহা লিপিবদ্ধ করা, প্রত্যেকের আয়-ব্যয় ও চরিত্র কিরূপ তাহা নিরূপণ করা, প্রত্যেক গৃহস্থের পালিত পশুর সংখ্যা লিপিবদ্ধ করা, গোপগণের প্রধান কার্য ছিল।

কার্য যথাযথ হইতেছে কি না তাহা দেখিবার জন্ত সমাহর্তী গুপ্তচর নিযুক্ত করিতেন, ইহারা গুপ্তভাবে স্থানিক গোপ ও প্রদেষ্টারগণের কার্যাবলি পরিদর্শনান্তর, যেসকল ত্রুটি দেখিতেন তাহা সমাহর্তীর নিকট জ্ঞাপন করিতেন।

প্রত্যেক নগরের মনুষ্যসংখ্যা লিপিবদ্ধ করা, প্রত্যেক

নগরে সর্বসমেত কতগুলি বাড়ী আছে, বাড়ীর কর্তী কে, প্রত্যেক ব্যক্তির জাতি ও সে কি কার্য করে ও প্রত্যেক গৃহস্থের আয় ব্যয়ের তালিকা প্রস্তুত করিয়া গুপ্তচরগণ সমাহর্তীর নিকট প্রেরণ করিতেন। নগরে নূতন গৃহস্থের আগমনের এবং পুরাতন অধিবাসিগণের নগর ত্যাগের কারণ অনুসন্ধান ও মন্দচরিত্র ব্যক্তিগণের অন্বেষণ করাও গুপ্তচরগণের অন্ততম কার্য ছিল। এই শ্রেণীর চরগণ নিজ নিজ উদ্দেশ্য সিদ্ধির জন্ত নানা প্রকার বেশ ধারণ করিতেন ও নানা স্থানে গুরিয়া চোর প্রভৃতি দুষ্টব্যক্তিগণের সন্ধান লইতেন।

যেসকল কর্মচারী রাজধানীর মনুষ্য-গণনা করিতেন,— তাঁহাদের 'নাগরিক' বলা হইত। ইহারাও কতকগুলি কর্মচারীর সাহায্যে এই কার্য সম্পাদন করিতেন। পথিক এবং নবাগত নরনারীগণের সংখ্যা নির্দ্ধারিত করিবার জন্ত পান্থশালাধ্যক্ষগণ প্রত্যেক নবাগত ব্যক্তির গমনাগমন-সংবাদ স্থানিককে দিতেন,—প্রত্যেক গৃহস্থও তাঁহার বাটীতে নবাগত ব্যক্তিগণের সংবাদ কর্মকর্তাগণের নিকট জ্ঞাপন করিতেন। এই নিয়মের অবহেলা করিলে রাজদ্বারে দণ্ডিত হইতে হইত। উদ্যান, দেবালয়, শ্মশান প্রভৃতি স্থানের তালিকা প্রস্তুত করাও এই বিভাগের কর্তব্য কার্য ছিল।

অনেকের বিশ্বাস,— বৃটিশ গভর্নমেন্টের দ্বারা এই দেশে মনুষ্য-গণনা প্রচলিত হইয়াছে। কিন্তু প্রাচীন গ্রন্থাদি অনুসন্ধান করিলে, জানিতে পারা যায় বহু প্রাচীনকালে ভারতে মনুষ্যগণনারীতি প্রচলিত ছিল। ভারতবর্ষের ঞায় চীন, ইতিপূর্বে প্রভৃতি দেশেও প্রাচীনকালে মনুষ্যগণনা করা হইত।

বিশুদ্ধ নরেন্দ্রনাথ লাহা লিখিত "প্রাচীন ভারতে সমাহার (সেন্সাস)" প্রবন্ধ দ্রষ্টব্য—উপাসনা শ্রাবণ ১৩২৮, ও প্রবাসী আশ্বিন ১৩২৮, ৮৭৯ পৃষ্ঠা।

শ্রীবিমলকান্তি মুখোপাধ্যায়।

* "সমাহর্তী চতুর্ধা জনপদং বিভক্ত্য, ত্যেষ্ঠ মধ্যম কনিষ্ঠ বিভাগেন গ্রামাগ্রং পরিহারকম্ আবুধীরং ধান্স-পশু-হিরণ্য-কুপাবিষ্টিকর-প্রতিকরম্ ইদম্ এতাবদ্ ইতি নিবধয়েৎ। এবং চ মনপদ চতুর্ভাগং স্থানিকশ্, চিন্তয়েৎ। গোপ স্থানিক স্থানেষু প্রদেষ্টারঃ কার্যকরণং বলিপ্রগ্রহং চ কুর্য্যঃ।"—সমাহর্ত প্রচারঃ।



অধিকার

শিব যিনি মহেশ্বর তিনি অর্ধনারায়ণ,
ভেদাভেদ নাই তাঁর কাছে,—
জীবজন্তু নরনারী অধিকার সবাকারি,
সমানের পুরো দাবী আছে !
করে সবে বসবাস ধরণীতে বারো মাস,
এক বায়ু আলো পেয়ে বাঁচে !
পুরুষ রমণী কিবা— এক নিশি, এক দিবা,
কেহ আগে, কেহ নয় পাছে !
আছে তাই অবসর ছুজনে বাঁধিতে বর,
করিতে ছুজনে মিলে কাজ,
সম সুখ দুঃখ ব্যথা, অসুরূপ আকুলতা,
ভিন্ন নয় পুণ্য ভয় লাজ !
পাপের সমান জাল!— একের অমিষ্টা-ঢালা,
অপরের নয় শিরে বজ্র !
পুরুষের বুদ্ধি-গড়া বেদনাব গাঁট-ছড়া,
মানবের পন্থা সমাধ !
সেখানে নারীর বেলা! যত বিধানের মেলা
নিয়ম নিষেধ যত কিছু ;
সুযোগ সুবিধাগুলি পুরুষে নিয়েছে তুলি',
নারীভাগ্যে যত আগু-পিছু !
তারি পদে পদে বাধা, আগলে শিকলে বাঁধা,
তারি পথে যত উঁচু নীচ !
আজ হাতে নাই যার কাজ, কোথা পাবে আর,
ফিরে মরে অতীতের পিছু !
অতীতের বোঝা বয়ে চলিয়াছে ভয়ে ভয়ে,
ভূত-কথা ভূত-পত্নী যত,
ভাঙা চোরা ঠেকে দিয়ে টানিয়া মানিয়া নিয়ে,
আসে আর যার অবিরত !
পুরুষ ভাঙিয়া ফেলে, ঠেলে দেয় অবহেলে,
ছারখার করে বিধিভ্রত !

তাহাতে গৌরব বাড়ে, ষশোগাথা চারিধারে,
পুণ্যলোক বীর শত শত !
নারীর যত না ফাঁদ, পদে পদে অপরাধ,
বাঁধা আছে মরা-গিরে দিয়ে,
গরদে গরাদে-ঘেরা পরদায় ঘোরা ফেরা
তাহার বালাই যত নিয়ে,
রোব বায়ু দূরে থাকে, আড়াল করিয়া রাখে,
পাছে আঁচ লাগে মুখে গিয়ে !
সংহিতার হিতকথা মুনি বলে যথা তথা
পেট ভরে' সোমরস পিয়ে !
দেবী করিবার লাগি সবে কত অহুরাগী,
নারী হলে কমে যায় মান,
তাই ব্রত উপবাস ত্রিশ দিন বারো মাস,
বাগ যজ্ঞ সারা দিনমান !
আগুনে পুড়িয়া মর' ; পুরুষে করিয়া দড়
জড় করি যতেক পাষণ
সতীস্থূপ রচি দিবে, দীপ যাহে-নাহি নিভে,
সদা ওড়ে যশের নিশান !
পুরুষে পোকষ থাক্, নারী শুধু ফিরে পাক
বিধি যাগ দিল স্নেহ মানি,
আলো আর বাতাসর, ধরণীর আকাশের,
যে আধেক অধিকারখা ন।
যা খুসী করিতে পারো, আগাদের পথ ছাড়,
আমরা যেমন সবে জানি
গড়ে নেব পথ বাট, ঘরের এ রাজপাট
সাজাব রতন নগি আনি !
তোমাদের অধিকারে লোভ নাই একেবারে,
ভাঙো চোরো যাহা ইচ্ছা করে,
বিধিভ্রত অধিকার কেড়ে নিতে সাধ্য কার,
ঠেকিয়া শিথিলে এর পবে !
মানুষ গড়িতে হলে, হয় কোন্ মন্ত্রবলে,
জানি মোরা যুগ যুগ ধরে',

মাতা হয়ে এল যারা,

পরিমাণ জানে তারা,

হাত পেকে গেছে ছেলে গড়ে'!

শ্রীপ্রিয়দর্শনা দেবী।

মহিলা মেয়র

গত নভেম্বর মাসের নির্বাচনে ডাক্তার এমী কান্-কোনেন আমেরিকার ওহিও রাষ্ট্রের ফেয়ারপোর্ট শহরের মেয়র বা সিউনিসিপালিটির অধ্যক্ষ নিযুক্ত হইয়াছেন। আমেরিকার অন্যান্য শহরেও মহিলা মেয়র আছেন; তবে এমী কান্-কোনেন সর্বাপেক্ষা কনিষ্ঠ—তাঁর বয়স এই সবে ২৩ বৎসর। ইনি ফিলাডেল্ফিয়ার মেডিক্যাল কলেজ হইতে ডাক্তারী পাশ করিয়া আমেরিকার যুক্তরাষ্ট্রের সৈন্যবিভাগে ডাক্তার নিযুক্ত ছিলেন। ইনি মাদক-নিবারণের প্রতিজ্ঞাবদ্ধ দলের নির্বাচিত; একত্র ইনি ফেয়ারপোর্ট শহরে মাদক নিবারণের ব্যবস্থা করিতেছেন ও আইন প্রচলন করিতে চেষ্টা করিতেছেন। এঁর এই উদ্যম ও মেয়র পদে নির্বাচনের জন্য রাষ্ট্রনায়ক দেশমুখ হার্ডিঙের পত্নী এঁকে অভিনন্দন করিয়া পত্র লিখিয়াছেন।

সোম।

বেল্জিয়ামে নারী-প্রগতি

বেল্জিয়ামে বহু মহিলা শহরের মেয়র নিযুক্ত হইয়াছেন। এবং এই প্রথম একজন মহিলা বেল্জিয়াম পার্লামেন্টের মেম্বর নিযুক্ত হইয়াছেন—তাঁর নাম মাদাম স্পাআক, তিনি সমাজপন্থী দলভুক্ত।—*La Francaise*.

চারু বন্দ্যোপাধ্যায়।

মহিলা-কবি

জাপান-সম্রাট মিকাদো প্রতিবছরই প্রতিযোগিতায় সর্বশ্রেষ্ঠ দশজন কবিকে পুরস্কৃত করিয়া থাকেন। ১৯২১ সালের পুরস্কৃত দশজন কবির মধ্যে বিখ্যাত মহিলা-কবি চার্লস্ বাবুনেট-পল্লোর নাম বিশেষভাবে উল্লেখযোগ্য। ইহার বাড়ী আমেরিকায়। আমেরিকার কবি-মহলে ইনি খুব সম্মানিত। ১৯২১ সালের কবিতার বিষয় ছিল—“প্রাতঃকালে আইসি-মন্দির-দ্বারে।”

প্রতিযোগী কবিতার সংখ্যা ছিল—১৭০০০!

কবিতাগুলি জাপানী ভাষায় লিখিত। একজন বিদেশিনী মহিলার পক্ষে হুজুহ জাপানী ভাষা শিক্ষা করিয়া, কবিতা লিখিয়া, প্রতিযোগিতায় কৃতকার্য হওয়া কম কৃতিত্বের পরিচয় নহে। বিদেশীর ভাগ্যে এ সম্মানার্হ পুরস্কার লাভ ইতঃপূর্বে ঘটে নাই।

নগেন্দ্র ভট্টশালী।

আবেস্তা সাহিত্যে রমণীর অধিকার

অতি প্রাচীনকাল হইতেই স্ত্রীজাতি পুরুষের অধীন। কেবল অধীন বলিলেই হয় না, স্ত্রীজাতি সৃষ্টির প্রারম্ভ-কাল হইতেই অবজ্ঞাত ও অনাদৃত। বাইবেলের সৃষ্টিকাণ্ডে পুরুষের অস্থি লইয়া স্থানোক্তের সৃষ্টি করিত হইয়াছে; স্ত্রী-লোকের স্বাধীন সত্তা স্বীকৃত হয় নাই। আদম ও ইভার উপাখ্যানে নিষিদ্ধফলের ফল ভোজন করিয়া ইভাই ইডেন-উদ্যানে সকল অনিষ্টের হেতু হইয়াছিলেন। গ্রীক সুন্দরী পান্দোরাই মনুষ্যজাতির যাবতীয় আপদ-বালাইএর সৃষ্টি করিয়াছিলেন। ভারতবর্ষে কোনও রমণী এ-প্রকার আপদ-বালাইএর হেতু বলিয়া কল্পিত হয়েন নাই বটে, কিন্তু আমরা দেব স্মৃতিশাস্ত্রকারগণ রমণী জাতিকে স্বাধীনতা দেন নাই, তাঁহারা বানো পিতা, যৌবনে স্বামী ও বার্ককো পুত্রের অধীন,—পূর শিশু হইলেও বৃদ্ধা তাঁহারই অধীন। রমণীর স্বাধীনতা আমাদের পৌকিক সংস্কৃতির (Classical Sanskrit) বৃন্দেও অল্পনোদিত ছিল না।

বহুকাল আন্দোলনের ফলে আমেরিকার ও ইউরোপের কোন কোন দেশে রমণীগণের ভোট দিবার অধিকার হইয়াছে। আমেরিকার শাসন সংক্রান্ত ব্যাপারে রমণীগণ পুরুষের সমকক্ষতা লাভ করিবানাত্ৰই পুরুষগণের চোখ ফুটাইয়া দেখাইয়া দিয়াছেন যে এতকাল পুরুষগণের হাতে তাঁহারা নিতান্তই উপেক্ষিত হইয়া আসিতেছিলেন। কারণ স্মৃতিকিৎসার অভাবে আমেরিকার জায় স্বাধীন দেশে প্রসব-কালে রমণীগণ নাথৈ লাগে প্রাণত্যাগ করিতেছিলেন; রাজকার্যে স্ত্রীলোকদিগের অধিকার গ্রাণ্ডের পূর্বে পুরুষগণ ইহার প্রতিকারের জন্য কোনও চেষ্টাই করেন নাই। রমণীগণ পুরুষগণের সমকক্ষতা লাভ করিবার পুরেই

দেশের মধ্যে নানা স্থানে অসংখ্য আঁতুড়-চিকিৎসালয় (Labour hospitals) স্থাপিত হইয়াছে। দেশের অন্তঃপত্তনা রমণীগণ এই স্থানে থাকিয়া বিনা ব্যয়ে চিকিৎসিত হইতে পারিবেন। প্রসবের পর প্রসূতি ও প্রসূত সন্তান সবল হইলেই গৃহে প্রত্যাবর্তন করিবেন। ইংলণ্ড, ফ্রান্স ও অন্যান্য ইউরোপীয় স্বাধীন দেশের রমণীগণও পুরুষের সমকক্ষতা লাভ করিবার জন্ত দলবদ্ধ হইয়া সভাসমিতি গড়িয়াছেন। কিন্তু এ পর্য্যন্ত তাঁহারা তেমন সফলতা লাভ করিতে পারেন নাই। স্থানে স্থানে মহিলাগণ ওকাপতি করিবার অধিকার পাইতেছেন।

আর্যাদিগের প্রাচীন সভ্যতার বিষয়ে কোনও অনুসন্ধান করিতে হইলে কেবল ভারতীয় সাহিত্য খুঁজিলে চলে না। কারণ আর্যজাতি যখন দ্বিধা বিভক্ত হইয়া ভারত ও ইরান এই দুইদেশে বাস করিয়াছেন এবং উভয় জাতিরই এক-একটা বিরাট প্রাচীন সাহিত্য ছিল, তখন উভয় অংশের কোনও একটিকে বাদ দিলে আলোচনা ও অনুসন্ধান অসম্পূর্ণ হইবেই হইবে। আমাদের দেশে এককাল পর্য্যন্ত আমাদের প্রাচীন সভ্যতার অনুসন্ধান হইয়াছে কেবলমাত্র ভারতীয় সাহিত্যের সাক্ষ্য হইতে। কিন্তু ইরানীয় সাহিত্যের সন্ধান না থাকায় আমাদের প্রত্ন-তাত্ত্বিকদিগের অনেক অনুসন্ধান অসম্পূর্ণ রহিয়া গিয়াছে। আমাদের সভ্যতা যে এককালে অন্যান্য সকল জাতির সভ্যতা অপেক্ষা অগ্রসর ছিল তাহা আমরা সংস্কৃত ও আবেস্তা সাহিত্যের তুলনামূলক আলোচনার বৃত্তিতে পারি। আবেস্তা সাহিত্য প্রায় আমাদের বৈদিক সাহিত্যের স্থায় প্রাচীন এবং আমাদের পূর্বপুরুষগণের সহিত ইরানের অরথুষ্ত্র-ধর্মী যে-প্রাচীন জাতির এককালে ধর্ম লইয়া বিরোধ ঘটয়াছিল তাঁহাদের বংশধরগণও এক্ষণে বাঁচিয়া আছেন এবং অনেকেই পারশ্ব ছাড়িয়া ভারতবাসী হইয়াছেন। সুতরাং প্রাগৈতিহাসিক যুগে তাঁহাদের সহিত আমাদের বিরোধবশতঃ তাঁহাদের ও আমাদের সভ্যতা যতটুকু বিভিন্ন-মুখী হইয়াছিল তাহার বিষয় তাঁহাদের আধুনিক রীতিনীতি ও প্রাচীন সাহিত্য হইতে অনুসন্ধান করা যায়। সুতরাং আমাদের প্রাচীন সভ্যতা বা প্রাচীন রীতিনীতির বিষয়ে প্রত্নতাত্ত্বিক গবেষণার একটা নূতন প্রণালী হইল এই যে

আমাদের বাহা-কিছু তাহাই ঐ পার্সীদিগের সহিত মিলাইয়া তুলনামূলক আলোচনা করিতে হইবে।

উদাহরণ স্বরূপ আমাদের প্রাচীনকালের মহিলাদিগের সামাজিক ও রাষ্ট্রনৈতিক অধিকার কতখানি ছিল তাহা জানিবার জন্ত মনু-পরামর্শ প্রভৃতি স্মৃতিশাস্ত্র ও আমাদের দেশের পুরাণ-ইতিহাস ঘাঁটিলেই চলিবে না। বৈদিক সাহিত্যেও হয়ত কুলাইবে না। আমাদের বিদেশীয় মজ্জা-যগীর জাতির রীতিনীতি ও সাহিত্য ঘাঁটিতে হইবে।

বেদে আমরা আমাদের প্রাচীন মহিলাদিগের বিষয় এই পর্য্যন্ত জানিতে পারিয়াছি যে পুরুষের ছায় কোনও কর্ম করিতে তাঁহাদের বাধা ছিল না। অনেক স্ত্রী-ঋষি বেদমন্ত্র রচনা করিয়াছেন। তা ছাড়া তাঁহারা অধ্যাপনাকার্য্যও করিতেন। একটা সামান্য শব্দের সাক্ষ্য হইতেই সেটা জানা যায়। আমাদের সংস্কৃত ব্যাকরণের আইনে ‘আচার্য্য’ শব্দের স্ত্রীলিঙ্গে দুইটি রূপ—‘আচার্য্যাণী’ ও ‘আচার্য্যা’। যিনি আচার্য্যের পত্নী তিনি আচার্য্যাণী, কিন্তু যিনি স্বয়ং আচার্য্যের কার্য্য করিতেন তিনি আচার্য্যা। সুতরাং আধুনিক যুগে মহিলাগণের জন্ত যে-সকল কার্য্য নিষিদ্ধ হইয়াছে, প্রাচীন কালে তাহা নিষিদ্ধ ছিল না।

ইরানীয় আবেস্তা সাহিত্যে দৃষ্টিপাত করিলেই আমরা দেখিতে পাই যে পুরুষ ও স্ত্রীলোকে কোনও প্রভেদ নাই। উভয়েরই সকল কার্য্যে সমান অধিকার। পার্সীদিগের আধুনিক রীতিনীতি ও আচার-ব্যবহারও সেই প্রাচীন কালের অনুরূপ। ইহাদের অরোধ-প্রথা ত নাইই; অধিকন্তু কি ধর্ম্মানুষ্ঠান, কি সামাজিক ব্যবহার সর্বত্রই পুরুষ ও রমণীতে অধিকারের চুল-চেরা ভাগ; কম-বেশী হইবার উপায় নাই। আবেস্তা-সাহিত্যের প্রথমেই আমরা দেখিতে পাই যে পার্সীদিগের সর্বপ্রধান দেবতা ‘অহুর মজ্জদার’ একটা সভা বা পরিষদ আছে। সেখানে পরিষদ সাতজন। প্রথমে ‘অহুর মজ্জদার’কে লইয়াই তাঁহারা ছিলেন সাতজন। পরে একজন অভিনব পারিষদ ঐখানে স্থান লাভ করায় ইহারা অহুর মজ্জদারকে ছাড়িয়াই সাতজন হইয়াছেন। আধুনিক যুগের পুলিস-কমিচারীর সহিত তুলনা করিলে নবাগত পরিষদকে পুলিস-ডিপার্টুমেণ্টের নায়ক বা ইন্স্পেক্টর-জেনারেল বলা যায়। কারণ ইহার কার্য্য

হইতেছে শিষ্টের পালন ও ছুষ্ঠের দমন। চোর-ডাকাইতের শাস্তির ভার ইনিই লইয়াছেন। ইহার নাম 'অহুরি' (সং 'শ্রদ্ধা' শব্দের জাতি)। ইনি পুরুষ। কিন্তু নবাগত বলিয়া ইহাকে ছাড়িয়া দিলে পারিষদ-সংখ্যা হয় ছয়জন। এই ছয়জনের তিনজন পুরুষ, তিনজন রমণী। কুম্ভ-বেশী হইবার যো নাই। ইহারাই পার্সীদিগের সর্বোচ্চ দেবতা এবং জরথুষ্ট্র ইহাদিগকেই দেবতা বলিয়া স্বীকার করিয়া গিয়াছেন। নিম্নে অহুর-মজদার পারিষদগণের নাম প্রদত্ত হইল।

অহুরো মজদা

পুরুষ	মহিলা
বোহ মনো (সাধুচিত্তের দেবতা) ১	৪ শপেস্ত আর্নাইতি (পবিত্র ধর্ম)
অম-বহিব্ত (সর্বোত্তম পবিত্রতার দেবতা) ২	৫ হোর্তাৎ (বাহ্য)
থুথু-বইর্ধো (সর্বোত্তম রাজ্যের দেবতা) ৩	৬ আমরেতাৎ (অমরতা)

৭ শগযো (রক্ষক)

ইহারাই পার্সীদিগের স্বর্গবাসী দেবতা। ইহাদিগের নাম "অমেস শপেস্তা" অর্থাৎ "মঙ্গলময় বা পবিত্র অমর"। ইহার সন্ধুর্শীদিগের (অর্থাৎ জরথুষ্ট্রীয়গণের) মঙ্গল বিধান করেন এবং কুধর্মীবলয়গণের দণ্ডবিধান করেন। জরথুষ্ট্রীয় ধর্মের সৃষ্টির দুইটি উপাদান—'সু' ও 'কু'। সারা জগতে কেবল 'সু' আর 'কু' আছে। 'সু' হইতে উদ্ভূত ইহাদের স্বর্গের দেবতা 'অমেস শপেস্তা' এবং জরথুষ্ট্র মতাবলম্বী মানবগণ। 'কু' হইতে উদ্ভূত অমেস-শপেস্তগণের শত্রুপক্ষ 'অঙ্গু মৈম্ব্য' (বদ্রাগী Ahriman) বা 'জুঞ্জ' ও তাঁহার পারিষদবর্গ এবং তাঁহাদের উপাসকগণ। 'অহুরো মজদা' (Ormazd) এবং তাঁহার পারিষদগণ 'অহুর' (= অমুর) নামে পরিচিত এবং 'অঙ্গু মৈম্ব্য' ও তাঁহার পারিষদবর্গ 'দএব' (= দেব) নামে পরিচিত। আমাদের ভাষায় 'অমুর' ও 'দেব' শব্দের বিপরীত অর্থ। এটা আমাদের সহিত তাঁহাদের ধর্মগত বিরোধেরই পরিচয়। তাঁহাদের 'দএব'-গণ আমাদেরই দেবতা। জরথুষ্ট্রীয় ধর্মের মতে অহুরগণের চিরশত্রু দএবগণ। মানুষ জন্মমাত্রই উভয় শক্তির অধীন হইবে এবং অহুরগণের প্রভাবে যেমন ধর্ম রত হইবে, দএবগণের প্রভাবে তেমনি পাপে রত হইবে; কিন্তু অন্তিমকালে দএবগণের পরাজয় ও অহুরগণের জয় হইবে। ইহাদের

অমেস-শপেস্তগণের ত্রায় দএবগণেরও পরিষদ আছে। তাহাতেও অঙ্গু মৈম্ব্য ছাড়া ৬ জন পারিষদ। তাঁহাদের মধ্যেও তিনজন পুরুষ, তিনজন দএব-মহিলা।

অঙ্গু মৈম্ব্য

পুরুষ	মহিলা
অকমনো (অসচ্চিত্ত) ১	৪ নাওর্ হেধা (অধর্ম)
ইল্ল (অস্বাভাবিকতা) ২	৫ তউক (ব্যাধি)
শৌর (পাপ) ৩	৬ জেরো (দুঃস্বপ্ন)

৭ শগযো (রক্ষক)

আবেস্তা-সাহিত্যের এইসকল বিবরণ হইতেই দেখা যায় যে আর্গ্য-সভ্যতার একটি প্রধান উপাদান ছিল মহিলাগণের স্বাধীনতা। তাই তাঁহাদের সমাজের চিত্র তাঁহাদের দেবসমাজে অঙ্কিত হইয়াছে। প্রাচীনকালের মানবজাতির ধর্মের আলোচনা করিলে দেখা যায় যে সৃষ্টির প্রারম্ভিকাল হইতেই মানবগণ নিজেদের চরিত্রের চিত্র হইতেই দেবতার চরিত্র করনা করিয়াছে। মানবজাতির মধ্যে যাহা উৎকৃষ্ট তাহাই দেবচরিত্রের অঙ্গীভূত হইয়াছে। তবে দেবচরিত্র করনা করিতে যাহা প্রাচীনকালের মানবগণ অনেক স্থলেই মানবচরিত্রের নিকট অংশও দেবচরিত্রের সহিত মিশাইয়া ফেলিয়াছেন। তাই আমরা গ্রীক দেবী জুনোর চরিত্রে সাধারণ রমণীর ত্রায় দীর্ঘা ধেষ প্রভৃতি অসদৃশ্যের সমাবেশ দেখিতে পাই। সে যাহাই হউক যে জাতির দেবগণের মধ্যে পুরুষের ত্রায় রমণীরও ভোট দিবার সমান অধিকার, তাঁহাদের সমাজে মনুষ্যগণের মধ্যেও যে রমণীগণের সেইপ্রকার অধিকার ছিল তাহাতে সন্দেহ কি? আবার তাঁহারা এ পর্য্যন্ত সেইপ্রকার অধিকার যখন পাইয়া আসিতেছেন, তখন সে বিষয়ে সন্দেহের লেশমাত্রও থাকিতেছে না।

আমাদের বালিকাগণের উপনয়ন নাই, বালকগণেরই সে সংস্কার হইয়া থাকে। কিন্তু পার্সীদের বালকের ত্রায় বালিকাগণেরও নবজ্যোত-সংস্কার হইয়া থাকে। এই সংস্কারের জন্ম নির্দিষ্ট বয়স ৭ বৎসর হইতে ১০ বৎসর পর্য্যন্ত। আমাদের যেমন বালকগণের যজ্ঞোপবীত সেইরূপ ইহাদের বালক বালিকাগণের 'কুষ্টি'। আমরা যজ্ঞোপবীত গলায় পরি, ইহার যজ্ঞোপবীত, ঘূন্মির ত্রায় কোমরে পরিয়া থাকেন।

আমাদের যজ্ঞোপবীত সূত্র-নির্মিত, ইহাদের পণ্ডলোম নির্মিত। ইহা ছাড়া বড় বেশী প্রভেদ নাই।

যশ গ্রন্থে অরথুষ্ত্রের কনিষ্ঠা কন্যা পৌরুষবস্ত্র বিবাহের বিবরণ আছে। ইহা হইতেই অরথুষ্ত্রীয়গণের প্রাচীনকালের বিবাহপদ্ধতি বুঝা যাইবে। নিম্নে তাহার কিয়দংশের অনুবাদ দিলাম।

গৃহপতির উক্তি—

“অগ্নি স্পিতমৌ (পবিত্রতম) ও হএচদশ্পিৎ (হএচৎ-শ্প-বংশীয়া) পৌরুষবস্ত্রি ! ইহারই হস্তে তোমাকে প্রদান করা হইবে। তুমি অরথুষ্ত্রের কন্যাগণের মধ্যে কনিষ্ঠা। ‘বোহমনো’, ‘অব’ ও ‘মজ্জা’র কার্যে তুমি ইহার প্রধান সহায় ও রক্ষয়িত্রী হইবে। আরমৈতৌর (সঙ্কর্ষের) ভায় দানশীল ও সাধু অন্তঃকরণ লইয়া তোমরা পরস্পর পরামর্শ করিবে এবং সর্বদা সাধুতার সহিত আচরণ করিবে।”

পৌরুষবস্ত্রির উক্তি—

“আমার পিতার নিকট হইতে যখন তাঁহাকে পাইলাম, তখন আমি তাঁহাকে অবশ্য ভালবাসিব এবং সর্ববিষয়ে তাঁহার সমকক্ষ হইব।” *—যশ। ৫৩।৩—৪।

এই বিবাহ-বিবরণে দেখা যায় যে পত্নী স্বামীর সমকক্ষ এবং পত্নীর সহিত সর্ববিষয়ে পরামর্শ করা স্বামীর কর্তব্য। স্বামীকে অধর্ম হইতে রক্ষা করাও পত্নীর কর্তব্য।

একটা কথা। কেহ কেহ আপত্তি করিতে পারেন যে পার্সীদিগের ধর্ম বা ধর্মগ্রন্থে যাহা পাওয়া যায় তাহাই আর্ধ্যসভ্যতা বলিয়া গ্রহণ করিবার হেতু কি? ইহার

উত্তরে আমরা এই বলিব যে আর্ধ্যদিগের যখন দুই শাখা, তখন এক শাখার আচারব্যবহার ও সাহিত্যে যাহা পাওয়া যায় তাহা অল্পশাখার প্রাচীন সাহিত্যের বিরোধী না হইলে তাহাকেই উত্তর শাখার সাধারণ আচারব্যবহারের নিদর্শন বলিয়া গ্রহণ করিতে হইবে। কেননা, বেদে মহিলাগণের স্বাধীনতার বিরুদ্ধে কিছুই পাওয়া যায় না। অবরোধ-প্রথা তা ছিলই না। সুতরাং উত্তরকালে ভারতবর্ষে আর্ধ্যরমণীগণের যে পরিণতি ঘটিয়াছে তাহা আর্ধ্যসভ্যতার মৌলিক উপাদান নহে। পার্সীগণের আচারব্যবহারই এ বিষয়ে সুপ্রাচীন।

ইংরেজীভাষায় পত্নীশব্দের প্রতিশব্দ আছে “better half”; কিন্তু ইহাদের সমাজে যে-ভাবে রমণীগণ রাষ্ট্রীয় অধিকার হাতে বঞ্চিত, তাহাতে ও-নামটা কেবল মিষ্ট কথা মাত্র। আবার কথায় ও কার্যে ঐক্য না থাকায় কেমন-একটা বিদ্বেষের গন্ধ উহাতে লাগিয়া আছে। আমাদের আর্ধ্য ঋষিগণের সমাজে এ-প্রকার বিদ্বেষাত্মক ভাষার প্রয়োগ পাওয়া যায় নাই। সংস্কৃত ভাষায় সহধর্মিণী ‘অর্দ্ধাঙ্গিনী’ প্রভৃতি পত্নীবাচক শব্দ আছে। শব্দগুলি অধর্ম। ইহাদের মৌলিক অর্থ ষাণ্ড, তাহাই ইহাদের সমাজে প্রযুক্ত অর্থ। আমাদের আর্ধ্য-পূর্বপুরুষগণের কথায়-কাজে ভেদ ছিল না। আর নারী যে সর্ববিষয়ে পুরুষের সমকক্ষ ছিলেন তাহা আবেস্তা-সাহিত্যের সাক্ষ্য হইতেই সপ্রমাণ।

শ্রীবসন্তকুমার চট্টোপাধ্যায়।

চিত্রপ্রদর্শনী

গবর্ণমেন্ট আর্টস্কুলে এবার যে চিত্রপ্রদর্শনী বসেছিল তার মধ্যে সবচেয়ে বড় সুখ্যাতির কথা হচ্ছে এই, যে, এখানকার ছবিগুলি সব চর্চিত হয়েছিল কাব্যও হয় নি, সঙ্গীতও হয় নি। তাই বলে অবশ্য এমন কথা বলছি না যে চিত্রের সঙ্গে কাব্য ও সঙ্গীতের কোন যোগসূত্র নেই; তা খুবই আছে এবং এই তিনটি মার-পেটের বোন হাত ধরাধরি করে দাঁড়াবার ক্ষেত্রে যে সদাই উন্মুখ হয়ে রয়েছে এবং

এমন একজন সাম্যবাদী শিল্পীর প্রতীক্ষা করে বসে আছে যিনি এদের মিলন ঘটিয়ে দিতে পারেন, সে বিষয়ে এতটুকুও সন্দেহ করার মাঝে নেই। তবে কিনা কথা হচ্ছে, এই মিলন ঘটবার পরও চিত্র থাকবে চিত্র, সঙ্গীত থাকবে সঙ্গীত, আর কাব্য থাকবে কাব্য, এবং এইখানেই এদের বিশেষত্ব। ছবির মধ্যে কাব্য থাকবে, কিন্তু নিজেকে প্রচার করবার ক্ষেত্রে নয়, ছবির ভিতর দিয়ে নিজের সত্যকে

সার্থক ক'রে তোলবার জন্তে। কিন্তু যেখানে দেখা যায় চিত্রের মধ্যে কাব্য এসে উৎপাত আরম্ভ ক'রে দিচ্ছে এবং চিত্রকে ছাপিয়ে উঠে নিজেই গলাবাজী শুরু ক'রে দিচ্ছে, সেখানে চিত্র ত কাঁদতে বসবেই, কাব্যও যে ঠিক হেসে যেতে পারবে সে বিষয়ে যথেষ্ট সন্দেহ আছে। কাব্যকে চিত্র ফুটিয়ে তুলুক চিত্র হয়ে—কাব্য চিত্রকে ফুটিয়ে তুলুক কাব্য হয়ে। চিত্র কাব্যকে ফুটিয়ে তুলুক তার রেখা এবং রংএর রঙ্গীন শ্রীতির আবেশ দিয়ে, আর কাব্য ফুটিয়ে তুলুক চিত্রকে তার ছন্দ এবং মুছনার লীলায়িত বাহুবৈষ্ণবের নিবিড়তার ভিতর দিয়ে।



নমাজ

চিত্রকর শ্রীযামিনীরঞ্জন রায়।

আমরা এইবার একে একে গোড়া থেকে নমাজ ধরে ছোটখাটোর মধ্যে একটা মোটামুটি চিত্রপরিচয় দেবার চেষ্টা করবো। : বলা বাহুল্য, সব ছবির পরিচয় দিতে আমরা পারবো না; কেবল সেইসব ছবির পরিচয় দেবো যার মধ্যে রসবস্তুর নিজেকে ধরা দিয়েছে। প্রায় পাঁচশত ছবির

মাধ্যে উল্লেখযোগ্য কয়খানি ছবির সম্বন্ধে হুঁচকার কথা আমরা বলতে চাই।

আমরা প্রথমেই পাচ্ছি শ্রীযুক্ত যামিনীরঞ্জন রায় মহাশয়ের ছবি। প্রথম সাতটি ছবিই তাঁর। এই শিল্পী সম্বন্ধে অনেক কথা বলবার আছে। আমাদের মনে হয় এংরকার চিত্র প্রদর্শনীর মধ্যে যতগুলি ছবি দেখা গেছে তার মধ্যে প্রকৃত আর্ট হিসাবে যামিনী-বাবুর ছবি সকলকে ছাপিয়ে উঠেছে। এমন অনাড়ম্বর সহজ সরল অথচ মনোজ্ঞ এবং সংযত ছবি বড় একটা দেখা যায় না। এঁর ছবিতে রং আছে, কিন্তু রংএর জন্যে নয়—বিষয়বস্তুকে রংএর সুরে সুরময় ক'রে তোলবার জন্যে। তাই এঁর নমাজ-পড়ার ছবি শুধু একটিমাত্র মুসলমান ভক্তের ঘাড় হেঁট ক'রে দাঁড়িয়ে থাকার নত ভাবটিকে সার্বজনীন এবং শাশ্বত করে তুলেছে, পটভূমিকার (Backgroundএর) উদাস রংটির ভিতর দিয়ে—বেলা শেষের উদাস অগটুকুর করণপ্রণীর মত আবেশময় ক'রে। এই শিল্পীর রং দেবার



বে-ওয়ারিস

চিত্রকর শ্রীযামিনীরঞ্জন রায়।

কায়দা ঠিক ওস্তাদ গাইয়ের গাইতে গাইতে মাঝে মাঝে তাকমাফিক্ হু-একটি টুকরো তান নেবে দেওয়ার মত, ঠিক তেমনি সংযত এবং ঠিক তেমনি ইঙ্গিতপূর্ণ। ইনি সবস্বচ্ছ চান খানি ছবি দিয়েছেন। আমার মনে হয় সবক'খানিই উচ্চতরের আর্ট-সৃষ্টি হয়েছে—বিশেষতঃ বেওয়ারিস

নামক ছবিখানি। একটিমাত্র শীর্ণ ভগ্নস্বাস্থ্য পরিত্যক্ত গরুর কর্ণ একখানি ছবি এবং তারই মতন পরিত্যক্ত এবং কর্দমাক্ত খানিকটা জমি আর তারই উপরে কর্ণ এক ধূসর বিষাদমাখা উগ্ৰুত আকাশ—এই তিনের সমাবেশে যে একটি অখণ্ড কর্ণ এবং বিদায়ের সুর বেজে উঠেছে তা শিল্পীর সমস্ত চাতুর্য্যকে আড়াল করে একটিমাত্র অশ্রু-কোঁটার মত টলটল করতে থাকে। তার পর একটি বৃদ্ধা বিধবার ছবি। সারা জীবনব্যাপী ঝড়ঝাপটার পর সব-খোয়ানো এই বিধবাটির মুখে বিষাদের সুরটুকুর সঙ্গে একটি নির্ভরতা এবং আত্মনিবেদনের কর্ণ অথচ ক্ষীণ এবং সূক্ষ্ম সুর কোন্ এক অদৃশ্য পুরুষের চরণের দিকে পুষ্পাঞ্জলির মত উন্মুখ হয়ে রয়েছে। মোট কথা এই নিপুণ শিল্পীর



স্বাস্থ্য পানী

চিত্রকর শ্রীসতীশচন্দ্র সিংহ।

হাত আছে এবং সঙ্গে সঙ্গে একটি সূক্ষ্ম এবং সরস দরদী অন্তঃকরণও আছে যার অভাব চিত্রকে করে তোলে

ফটোগ্রাফ, কাব্যকে করে তোলে ছড়া, আর সঙ্গীতকে করে তোলে গ্রামোফোন।

যামিনী-বাবুর ছবির পরই আমরা পাচ্ছি গুটিকতক চেহারার ছবি। চেহারার ছবি জিনিষটা ফটোগ্রাফ নয়। ব্যক্তিবিশেষের অবিকল একটা নকলমূর্ত্তি খাড়া করে তোলাই চেহারা আঁকার সব কাজ নয়। সেই ব্যক্তিবিশেষের বিশেষ চিত্তবৃত্তিটির দিকে নজর রেখে শিল্পীকে অতি সাবধানে এই কাজে অগ্রসর হতে হয়। আর্টের এই বিভাগটি ফটোগ্রাফের মত শুধু নকল নয়,



শ্রীযুক্ত জ্যোতিঃপ্রকাশ গঙ্গোপাধ্যায়

চিত্রকর শ্রীযামিনীপ্রকাশ গঙ্গোপাধ্যায়।

এর মধ্যে সৃষ্টিশক্তি প্রচুর পরিমাণে থাকা চাই। এক কথায় চেহারার ছবি আঁকার মধ্যে অনুকরণ-শক্তি এবং সৃষ্টিশক্তি এই দুয়েরই সমাবেশ দরকার করে এবং যে চেহারা-ছবির মধ্যে এই দুই শক্তির সম্যক মিলন ঘটেছে তাঁকেই ভালো চেহারা-ছবি বলবো। এই হিসাবে আমার মনে হয় শ্রীযুক্ত অতুল বসুর আঁকা রবীন্দ্রনাথের চেহারা সবচেয়ে ভালো হয়েছে। এই ছবিখানি রবি-বাবুর বাইরের



গানের টহল

চিত্রকর শ্রী টি. ও. ড. ।

চেহারা কে যেমন দর্শকের চোখের সুমুখে ছবছ ধ'রে দেয়, মনের চেহারাখানাকেও তার চাইতে কিছু কম এনে দেয় না। বিশেষ করে' রবি-বাবুর চোখের স্বপ্নময় ভাবটুকু মরসী কবির পক্ষে খুব বেশী ইঙ্গিতময় হয়েছে। এই চেহারা-ছবি এক কথায় প্রকৃত ছবি হয়েছে এবং এইখানেই শিল্পীর কৃতিত্ব।

এর পরেই পাচ্ছি আমরা কালো-ধলো (Black and White) বিভাগ। এই বিভাগের বিশেষ উল্লেখযোগ্য ছবি হচ্ছে শ্রীযুক্ত সতীশচন্দ্র সিংহের বনরানী এবং আহত-পাখী ছবি দুখানি। সতীশ-বাবুর মণ্ডন-শিল্প বাস্তবিকই প্রশংসার। মণ্ডন অলঙ্করণ হিসাবে এই শিল্পীর আঁকা ছবিগুলি শুধু কেবল ভালো হয়েছে বলেই যথেষ্ট বলা হয় না—চমৎকার হয়েছে। অলঙ্করণ শিল্পের একটা মস্ত বড় বিশেষত্ব হচ্ছে এই যে এর মধ্যে সত্য এবং শিব অপেক্ষা স্মারকের সাধনাই অধিক পরিস্ফুট। তাই আর্টের এই

বিভাগটি সত্য এবং শিব এই দুয়ের রাজত্ব ছাড়িয়ে নিজের বিশ্ববস্তুর সন্ধানে ছুটতে থাকে পরীর দেশে—রূপকথার রাজ্যে যেখানে গাছে ফোটে সোনার ফুল, সাপের মাথায় জ্বলতে থাকে সাতরাজার ধন এক মাণিক এবং দুধ-ধবল হাতীর গলায় জ্বলতে থাকে তারই মত ধবধবে শুভ্র গজমতির সাতনরী হার। শিল্পের এই বিভাগটির মধ্যে সুন্দর সবচেয়ে বেশী আপনাকে ধরা দেয়। কিন্তু একটা কথা বলে রাখা দরকার—রূপকথার রাজকুমারীর মত এই মণ্ডন-শিল্পের নামক-নামিকা দর্শকের চোখে এমন একটা সৌন্দর্য্য ছুটিয়ে তোলে যার সঙ্গে নিত্যনৈমিত্তিক প্রয়োজন-পশু জীবনের কোন সম্পর্ক নেই। এ সৌন্দর্য্য শুধু কেবল সৌন্দর্য্যই; আর্টের জন্তই আর্ট চর্চা (Art for art's sake) কথাটা খুব বেশী খেটে যায় এই মণ্ডন-শিল্পের বেলায়। কালো-ধলো বিভাগের আর-একটি ছবি আমাদের খুব ভাল লেগেছে এখানি মিস্ এণ্ডার্সন

অঙ্কিত একটি সাহেবের ছবি। ভঙ্গলোকটি চুকট মুখে ক'রে ব'সে আছেন—এই হচ্ছে ছবিটির বিষয়বস্তু। কোন কাজ যখন মানুষের হাতে নেই, মনটা যখন একেবারেই খালি, কেবল পেঁজা-তুলোর মত হালকা সৌখিন এবং অলস চিন্তা একটা-আধটা মাঝে মাঝে খেয়ালের মত চোখের সামনে দিয়ে ভেসে বেড়ায়, সেই সময় মানুষের চোখে মুখে একটা যে অর্থহীন অলস-ভাব ফুটে ওঠে সেই ভাবটি এই লোকটির মুখে খুব চমৎকার ফুটে উঠেছে।



ধ্বংসের পূর্ব

চিত্রকর শ্রীঅতুলচন্দ্র বসু।

এর পরেই আমরা পাচ্ছি শ্রীযুক্ত আৰ্য্যকুমার চৌধুরীর তোলা কতকগুলি ফটো। এই ফটোগুলি এতই সুন্দর হয়েছে যে সহসা দেখলে ফটো ব'লেই ধরা যায় না, মনে হয় যেন কোন শিল্পীর আঁকা ছবি থেকে ফটো তোলা হয়েছে। আৰ্য্য-বাবুর আঁকা কতকগুলি অলো-ব'হুর

ছবিও আমরা দেখলাম। এই ছবিগুলির মধ্যে "মকং" ব'লে ছবিটি আমাদের খুব ভাল লেগেছে।

এর পরে আমরা এ ঘরে প্রকৃতপক্ষে উল্লেখযোগ্য ছবি আর পাই নি, তবে এনায়েৎউল্লা অঙ্কিত ছএকখানা ছবি আমাদের মন লাগেনি। এ'র ছবির বিশেষত্ব এই যে এগুলি সিঁদ্বের উপর আঁকা।



মা

চিত্রকর শ্রীযোগেশচন্দ্র শীল।

এর পরেই দ্বিতীয় কক্ষে এসে আমরা প্রথমেই শ্রীযুক্ত অতুলচন্দ্র বসুর আঁকা স্যার জগদীশচন্দ্র বসুর একখানি



ভজরাটের পোয়ালিনী
চিত্রকর শ্রী রাম রাও ।

তৈলচিত্র পাচ্ছি। এই তৈলচিত্রখানি চেহারা হিসাবে চমৎকার হয়েছে। যেমন অঙ্কন-রীতি, তেমনি রং মেশাবার কায়দা, তেমনি আবার মুখ চোখ দিয়ে ভিতরকার আসল মানুষটিকে দর্শকের চোখের সামনে মেলে ধরবার নিপুণতা।

এবার আমরা ওস্তাদ শিল্পী শ্রীযুক্ত যামিনী প্রকাশ গঙ্গোপাধ্যায় মহাশয়ের কয়েকখানি ভূচিত্র পাচ্ছি। তাঁর ছবি সবক্কে অধিক কিছু বলে আমরা ধৃষ্টতা প্রকাশ করতে চাই না। তবে এ পর্য্যন্ত বলতে পারি যে তাঁর ছবিগুলি তাঁরই উপযুক্ত হয়েছে।

এর পরে আমরা পাচ্ছি শ্রীযুক্ত যামিনীরঞ্জন রায়ের একখানি তৈলচিত্র। একটি চাষা মাঠে লাঙ্গল চম্ছে— এই হচ্ছে ছবিখানির বিষয়বস্তু। চাষার লাঙ্গল চম্বার সময়কার পরিশ্রম ও কষ্ট এবং তারই সঙ্গে গরু ছটির হুম্ড়ি খেয়ে প'ড়ে যাবার সম্ভাবনা থেকে নিজেদের বারে বারে বাঁচিয়ে নিয়ে অতি কষ্টে লাঙ্গল টানার ভাবটুকু এবং তারই উপর ক্ষান্তবর্ষণ এক বর্ষ-প্রভাতের মেঘ ও রৌদ্রের আলিকাটা করুণ আকাশ—এই-সমস্ত ব্যাপার একত্র হয়ে অতি চমৎকার একখানি ছবি সৃষ্টি করেছে।

এর পরেই আমরা পাচ্ছি শ্রীযুক্ত হেমেন্দ্রনাথ মজুমদার

মহাশয়ের একখানি ছবি। একটি যুবতী ভিজে কাপড়ে স্নান ক'রে ফিরছে এই হচ্ছে ছবিখানির বিষয়বস্তু। ভিজে কাপড় অঙ্গের ভাঁজে ভাঁজে লেপ্টে বসলে যেমনটি দেখায় চিত্রকর খুব নিপুণতার সঙ্গে সেটি আমাদের দেখিয়েছেন। কিন্তু কথা হচ্ছে, এই ভিজে ভাবটি শুধু কেবল ভিজে কাপড়ের ভিতর দিয়ে ফুটবে ক্ষান্ত না হয়ে পটভূমিকার এবং অত্যান্ত পারিপার্শ্বিক ব্যাপারের ভিতর দিয়েও ফুটিয়ে তোলার দিকে নজর করলে চিত্রকর বোধ হয় চিত্রটিকে সর্বাঙ্গসুন্দর ক'রে তুলতে পারতেন। এক কথায় এই ছবিখানি শিল্পীর কলা অপেক্ষা কোণলের পরিচয়ই বেশী দেয়।

এবার আমরা একজন খুব শক্তিশালী চিত্রকরের একখানি বড় ছবি পাচ্ছি। এই চিত্রকরের নাম এ এক্স ট্রিগ্গাড্ । একটি প্রৌঢ় রমণী অর্ধশায়িতা অবস্থায় বিশ্রামস্থল অহুতব করছেন এই হল ছবিখানির বিষয়বস্তু। ছবিখানির বিষয়নির্কাচনে চিত্রকরের কৃতিত্ব কিছুই নেই। কিন্তু বিষয় ষ'ই সামান্য হোক, সেই সামান্য জিনিষটিকে মানুষ যে কত মিথু'ৎ নিপুণতার সঙ্গে আঁকতে পারে চিত্রকর তা আমাদের খুব ভাল ক'রে চোখে আঙ্গুল দিয়ে



ঘড়ী-সারা মিন্ত্রী
শিল্পী শ্রীকঙ্কে ।

দেখিয়ে দিয়েছেন। এই ছবিখানি শক্তির দিক থেকে বোধ হয় এবারকার প্রদর্শনীতে সেরা ছবি হয়েছে।

এর পরই আমরা পাচ্ছি শ্রীযুক্ত অতুলচন্দ্র বসুর “ধ্বংসের সুর”। এই ছবিখানি আমাদের খুব ভাল লেগেছে। এই ছবিখানির আগাগোড়া সমস্তটার মধ্যেই আংশিক এবং সমগ্রভাবে ধ্বংসের একটা সুর আপন হতে বেজে উঠছে। কি বর্ণবিছাশে, কি রেখার টানে, সমস্তর ভিতর দিয়েই সেই একই সুর বেজে উঠেছে।

এর পর হোসেনবক্সের আঁকা আঙ্গুরের ছবি আমাদের ভাল লেগেছে। এই ছবির মধ্যে ধৈর্য্য এবং শক্তির পরিচয় পাওয়া যায়। আঙুরগুলি একবারে রসে ভরা উজ্জল স্বচ্ছ টলটলে।

এবারকার প্রদর্শনীতে একজন প্রকৃত শক্তিশালী চিত্রকরের ছবি আমরা পেয়েছি—এই চিত্রকরের নাম শ্রীযুক্ত

রামরাও। এঁর আঁকা প্রায় সমস্ত ছবিই সুন্দর হয়েছে। এঁর অধিকাংশ ছবিই ভূচিত্র। এই চিত্রকর খুব আগের মধ্যে এবং খুব কম পরিশ্রমে এক-একটি গোটা দৃশ্য আমাদের চোখের সন্মুখে এনে খাড়া করে তোলেন। এঁর আঁকার আর-একটি বিশেষত্ব এই যে ছবিগুলির যেটুকু মাজা (finish) দরকার ঠিক সেইটুকু দিয়েই শিল্পী ছবিগুলিকে ছেড়ে দিয়েছেন—কোথাও অতিমার্জিত (over-finished) করে তোলেন নি। রংএর উপর খুব বেশী দখল থাকে এবং এই সংঘম বড় সোজা কথা নয়। এই চিত্রকর বাস্তবিকই শক্তির পরিচয় দিয়েছেন।

হোসেনবক্সের আঁকা নিজের মেয়ের চেহারাটি আমাদের বেশ ভাল লেগেছে। ছোট কচি মেয়েটির ছেলেমানুষি ভাবটি খুব চমৎকার কুটে উঠেছে এই ছবিখানির ভিতর দিয়ে।

আমরা এইবার শ্রীযুক্ত যোগেশচন্দ্র শীল অঙ্কিত একখানি বেশ ভালো ছবি পাচ্ছি। একটি স্ত্রীলোক তার ছোট একটি ছেলেকে কোলে ক'রে রাস্তা দিয়ে চলেছে, আর একটি ছেলে চলেছে তার হাতখানি ধ'রে। ছবিখানিতে মা এবং ছেলেছটির পশ্চাৎদিকমাত্র দেখান হয়েছে। মানুষের পিছন দিকও যে মানুষের মনের ভিতরকার অনেক কথা এক নিখাসে ব'লে যেতে পারে তা চিত্রকর খুব নিপুণতার সঙ্গে আমাদের এঁকে দেখিয়েছেন। বিশেষতঃ স্ত্রীলোকটির ঘাড়ের নতভাবটুকুর ভিতর দিয়ে মায়ের স্নেহটুকু এমন সুন্দর এবং সরলভাবে ফুটে উঠেছে যা অনেক চিত্রকর চোখের ভঙ্গিতেও সহসা ফুটিয়ে তুলতে পারেন না। ছবিখানি আমাদের খুব ভাল লেগেছে।

এইবার শ্রীযুক্ত সতীশচন্দ্র সিংহের একখানি খুব চমৎকার ছবির উল্লেখ ক'রে আমরা চিত্রের পালা শেষ করবো। চিত্রকর ছবিখানির নাম দিয়েছেন, "গেয়ো মেলা"। সাঁওতালদের কালো কালো দুটি ছেলে ততোধিক কালো একগোড়া মোষে চ'ড়ে একটা জলাভূমির কর্দমাক্ত নোংরা জমিতে দাঁড়িয়ে ছুনিয়াটাকে বেমালুম ভুলে গিয়ে পরস্পরের সঙ্গে মনের প্রাণের কথা বলছে, এই হচ্ছে ছবিখানির বিষয়বস্তু। চিত্রকর খুব নিপুণতার সঙ্গে এই সরল ভাবটিকে ফুটিয়ে তুলেছেন। ছেলেছটির সহজ সরল চাহনির মধ্যে এমন একটি অসঙ্কোচ ভাব ফুটে উঠেছে যা সাঁওতালদের

ছেলেমেয়ের মধ্যেই সম্ভব। সতীশ-বাবুকে আমরা কালো-ধলো ছবি আঁকাতেই ওস্তাদ ব'লে জানতুম্; তিনি যে আবার এমন সুন্দর রং কলাতেও পারেন তা এই প্রথম জানতে পারা গেল।

এইবার মূর্তি-শিল্প বিভাগের উল্লেখযোগ্য মূর্তিগুলির উল্লেখ ক'রে আমরা প্রবন্ধ শেষ করবো। এই বিভাগের সবচেয়ে সেরা জিনিষ হচ্ছে মিঃ ফড়্‌কের গড়া একটি ষড়্‌সারণ মিস্ত্রীর মূর্তি। এখানি একটি অদ্ভুত জিনিষ হয়েছে। মানুষটির একাগ্রতা এবং কৰ্ম্মকুশলতা যেন চোখে মুখে কপালের কুঞ্জে প্রত্যেক রেখার ভিতর দিয়েই মূর্তিমান হয়ে ফুটে উঠেছে। এমন নিখুঁৎ মূর্তি বড় একটা দেখা যায় না। তার পরই আমরা মিঃ কৰ্ম্মকারি মহাশয়ের উল্লেখযোগ্য কখানি মূর্তি পাচ্ছি। এঁর গড়া স্বপ্নাবেশ নামক স্ত্রীমূর্তিখানি আমাদের খুব ভাল লেগেছে। স্বপ্নাবিষ্ট যুবতীটির চোখে স্বপ্নের আভাসটুকু বেশ ঘোরালো হয়ে উঠেছে।

বে-ওয়ারিশ ছবিখানি কিনেছেন শ্রীযুক্ত হরেন্দ্রনাথ বসু, এবং আহত-পাখী ছবিখানি কিনেছেন মহামান্ত্র লর্ড রোনাল্ড্‌শে বঙ্গদেশের গভর্নর; ছবি দুখানি স্বত্বাধিকারীদের সৌজন্যে এই প্রবন্ধের সঙ্গে ছাপা হল।

শ্রীবিষ্ণুপতি চৌধুরী।

কাকের অহঙ্কার

চীৎকারে চিল কহে "মোর মত বলো বলবান কেবা ?

সব হতে আমি উর্ধ্বে উঠিয়া করি সবিতার সেবা।"

শিখী কহে "সখা, আমার মতন সুন্দর কেহ নাই,

ভুবন-ভুলানো নৃত্যে আম র মুগ্ধ কে নহে ভাই ?"

কোকিল কহিল "রূপ নাই মোর, নৃত্য করি না বটে,

আমার মতম মধুর কণ্ঠ কাহার ভাগ্যে ঘটে ?"

কাক কহে "আমি নহি মুকণ্ঠ, নাহি রূপ, নাহি জোর,

বিষবিজয়ী কোকিলে পেলোছি ইহাই গর্ব মোর।"

চকোর কহিল "গান গেয়ে আমি জাগ ইয়া নিশা-নাথে

আলোকিত করি বিশ্বভূবন কৌমুদীসম্পাতে।"

চাতক কহিল "বিশ্ব যখন গৌঃশ্বর দ'হে মরে

মম আহ্বানে জলদপু জ শীতল জীবন ধরে।"

কোকিল কহিল "গান গেয়ে আমি হিম ঘুম-ঘোর হরি'


বিশ্বের মাঝে আনি ঋতুরাজে বর্ষে বর্ষে বরি'।"

কাক কহে "আমি জানিনাক গান, অরুণ উঠার আগে

আমার রুক্ষ ভাড়নে ভুবন বিভূ-নামে নিতি জাগে।"

বেতাগভট্ট।

কবি পাথর



আবেস্তা সাহিত্য

আবেস্তা বা জেন্দ-আবেস্তা অগ্নি-উপাসক পার্সিদিগের ধর্মগ্রন্থ বা বেদ। অতি প্রাচীন কালে ইরান বা পারস্য দেশের পূর্বাঞ্চলে (বা তৎসন্নিহিত কোনও অজ্ঞাত দেশে) জরথুষ্ট্র (Zoroaster) এই জরথুষ্ট্রীয় ধর্ম প্রচার করিয়াছিলেন। পার্সিদিগের আবেস্তা অপৌরাণিক। জরথুষ্ট্র নামের অর্থ লইয়া নানা মত। পাশ্চাত্য পণ্ডিতগণ জরথ (জরাপ্রাপ্ত) ও উষ্ট্র (সং উষ্ট্র) লইয়া জরথুষ্ট্র শব্দের অর্থ করিয়াছেন 'বৃদ্ধ-উষ্ট্র-রক্ষক'; বা 'জরথ' (সং হরিত) শব্দের 'পীত' বা 'হরিত' অর্থ করিয়া 'পীত-উষ্ট্র-রক্ষক'। পার্সি পুরোহিতগণ 'উষ্ট্র' শব্দ উষ্ট্র দীপ্তো ধাতু হইতে নিষ্পন্ন করিয়া অর্থ করেন, 'ঐহার দীপ্তি হরিত বা সূৰ্য্য বর্ণ'; ৬ ল্যাসেন ও উইগ্‌স্মান 'সূৰ্য্য-বর্ণ-তারকা' বলিয়া জরথুষ্ট্র শব্দের অনুবাদ করিয়াছেন।

অতি প্রাচীনকালে সাইরস্, দারিয়স্, জরাক্সিস্ প্রভৃতি আকিমিনীয় নরপতিগণ এই জরথুষ্ট্রীয় ধর্মে দীক্ষিত ছিলেন; কিন্তু খৃষ্টপূর্ব চতুর্থ শতাব্দীতে বলদর্পী সিকন্দর অগ্নি-উপাসক পার্সিদিগের ধর্ম-গ্রন্থের অসংখ্য পাণ্ডুলিপির অগ্নিসংস্কার করিয়াছিলেন। মুসলমান ধর্মের আক্রমণের ভয়ে জম্মভূমির মোহ ত্যাগ করিয়া ধর্মপ্রাণ জরথুষ্ট্রীয়গণ ভারতবর্ষের সুরাট ও বোম্বাই অঞ্চলে আশ্রয় গ্রহণ করিলেন। সেই অবধি তাঁহারা ভারতবর্ষে। বর্তমানকালে তাঁহাদের সংখ্যা ৩০,০০০ হইবে। ঐহারা মুসলমানদিগের নিখাতন সূত্র করিয়া অব্যাপি ইরান দেশে বাস করিতেছেন, তাঁহাদের সংখ্যা হইবে আন্দাজ ১০,০০০।

'আবেস্তা' শব্দের অর্থ 'জ্ঞান, বিদ্যা, বা বেদ গ্রন্থ।' আসল গ্রন্থের নাম আবেস্তা ও তাহার পঞ্চমী টীকার নাম জেন্দ। টীকা না থাকিলে 'সাদা' শব্দ বিশেষণ-রূপে ব্যবহৃত হয়, যেমন 'ভেন্দিদাদ্ সাদা'। গ্রীক ও লাতিন ভাষায় লিখিত ইতিহাসগ্রন্থে এবং খৃষ্টীয়গণের বাইবেল গ্রন্থে আবেস্তা ও আবেস্তা-ধর্মগ্রন্থের স্থানে স্থানে উল্লেখমাত্র আছে। হেরোডোটস্ (৪৫০ খৃঃ পূঃ) তাঁহার ইতিহাস-গ্রন্থে পারস্যবাসিদিগের সংক্ষিপ্ত বিবরণ সর্বপ্রথম লিপিবদ্ধ করেন। প্লুটার্ক, প্লিনি ও অগথিয়সের সময় (৫০০ খৃঃ পূঃ) পর্যন্ত ইরানীয়গণের বিষয়ে এই প্রকার সামান্ত সামান্ত উল্লেখমাত্র হইয়াছে। কেইরেবরী সহরে ১৬৩৩ খৃষ্টাব্দ হইতে 'যগ্ন' গ্রন্থের একখানি পাণ্ডুলিপি সংগৃহীত ছিল। জর্জ বৌচ্‌শামক একজন ইংরেজ সুরাটে পার্সিদিগের নিকট একখানি 'ভেন্দিদাদ্ সাদা' সংগ্রহ করিয়া ১৭২৩ খৃষ্টাব্দে অক্সফোর্ডের বোড্‌লিয়ান লাইব্রেরীতে ছাপাধ্য বস্ত্র বলিয়া রাখিয়া দেন। আঁকেতিল ছুপের নামক একজন উচ্চোগী ফরাসী যুবক বিচিত্র উপায়ে ভারতবর্ষে আসিয়া সাত বৎসর থাকিয়া মূল আবেস্তা পাঠ করিতে শিক্ষা করেন। অনুবাদাদি কার্যে দশ বৎসর কাটাওয়া ১৭৭১ খৃষ্টাব্দে তাঁহার এই অনুল্য পরিচ্রমের ফল, মূল জেন্দ-আবেস্তার অনুবাদ প্রকাশ করেন। ক্লেকের (Kleuker) নামক একজন জর্মন পণ্ডিত আগ্রহ ও অনুরাগের সহিত ১৭৭৬ খৃষ্টাব্দে ছুপের গ্রন্থের জর্মন ভাষায় অনুবাদ করিয়া জর্মনীতে প্রচার করেন।

১৮২৫ খৃষ্টাব্দ হইতে ইউরোপীয় সংস্কৃত পণ্ডিতগণ মূল আবেস্তা অধ্যয়ন করিতে আরম্ভ করেন। সংস্কৃত ভাষা ও আবেস্তার ভাষার নৈকটা ইতিপূর্বেই পণ্ডিতগণ কর্তৃক লক্ষিত হইয়াছিল; কিন্তু ১৮২৬ খৃষ্টাব্দে ডেন্‌মার্কের ভাষাতত্ত্ববিৎ পণ্ডিত রাস্ক প্রতিপন্ন করেন যে, ইহার ভাষা অতি প্রাচীন এবং সংস্কৃত ভাষার সহিত ইহার অত্যন্ত নিকট-সম্বন্ধ হইলেও ভাষা-ভুইটি এক ভাষা নহে, পরস্পর সম্পূর্ণ পৃথক। ফরাসীদেশীয় সংস্কৃত পণ্ডিত ইউজিনি বর্নুফ (Eugene Burnouf) আঁকেতিল-কৃত বহু ভ্রম-প্রমাদের সংশোধন করেন।

এই প্রাচীন আবেস্তা সাহিত্য ও আবেস্তা-ভাষার সাহায্যে বেদের ভাষা ও সাহিত্যের বহু রহস্যের তুলনামূলক সমাধান হইতেছে। ১৮০২ খৃষ্টাব্দে গ্রেটফেণ্ড (Grotefend), বর্নুফ, ল্যাসেন, স্যর হেনরী রলিন্সন (Sir Henry Rawlinson) প্রভৃতি পণ্ডিতগণ কর্তৃক পারস্যবেশে ক্ষোদিত লিপির আবিষ্কার হইয়াছে। এই-সকল লিপির ভাষা এবং বিষয় আবেস্তার ভাষা ও বিষয়ের অনুরূপ।

আবেস্তা-সাহিত্য ছয় ভাগে বিভক্ত :—১ যগ্ন। ২ জীবপেরেদ। ৩ যশ্ত। ৪ ফোরদা আবেস্তা। ৫ বেন্দিদাদ। ৬ নাস্ক-সমূহ (হাধোপ্ত নাস্ক, প্রভৃতি)। প্রথম পাঁচ বিভাগের আঁকার দুই ভাগ। প্রথমভাগে বেন্দিদাদ, জীবপেরেদ, ও যগ্ন এবং দ্বিতীয়ভাগে ফোরদা আবেস্তা ও যশ্ত। বেন্দিদাদ, জীবপেরেদ ও যগ্ন লইয়াই প্রকৃত আবেস্তা। যজ্ঞ ও ধর্মগ্রন্থে এই তিন গ্রন্থের একান্ত প্রয়োজন।

প্রথম গ্রন্থ যগ্ন। যগ্ন শব্দ ও সংস্কৃত যজ্ঞ শব্দ অভিন্ন। সর্ব-প্রধান দেবতা অহুরো মজ্‌দার আস্থান দ্বারা প্রথম ভাগের আরম্ভ। তৎপরে জরথুষ্ট্র ধর্মের অস্তিত্ত্ব দেবগণের বন্দনা ও আস্থান, তৎপরে 'জ ও থ' বা জল-শুদ্ধির প্রক্রিয়া, তৎপরে 'ররেশ' বা ইকন-শুদ্ধি প্রক্রিয়া, তৎপরে 'হ ও ম' বা সোম রস প্রস্তুত প্রণালী ও তাহা উৎসর্গ করিবার প্রণালী এবং তৎপরে পিষ্টক ও মাংস উপহার দিবার প্রণালী প্রথম ভাগে আছে। দ্বাদশ যগ্ন পরোক্ষভাবে মাত্র যজ্ঞের জন্ত ব্যবহৃত হয় এবং ১৯—২১ যগ্ন নবদীক্ষিতগণের শিক্ষার জন্ত প্রশ্নোত্তর-মূলক উপদেশ। দ্বিতীয় ভাগে গাথা বা মন্ত্র বা গান। জরথুষ্ট্রের প্রাণস্পর্শী উপদেশ ও ভবিষ্যদ্বাণীসমূহ এই অংশে সংগৃহীত আছে। এইখানে জরথুষ্ট্র 'কু' ত্যাগ করিয়া 'সু' গ্রহণ করিবার বা অক্ষকার ত্যাগ করিয়া আলোক আশ্রয় করিবার উপদেশ দিয়াছেন। এই গাথা-সমূহ অত্যন্ত প্রাচীন এবং ইহার ভাষা সর্বত্রই ব্যাকরণের-শাসন মানে। তৃতীয় অংশে দেবগণের স্তব ও তাঁহাদের প্রতি কৃতজ্ঞতা প্রকাশ প্রভৃতি আছে।

দ্বিতীয় গ্রন্থ জীবপেরেদ। যাবতীয় দেবগণের স্তবস্ততি ও আস্থান গীতি আছে। জীবপে রতবো—সর্ব দেবগণ।

তৃতীয় গ্রন্থ যশ্ত। যেশ্‌তি (সং ইষ্টি) শব্দে 'স্তোত্র দ্বারা পূজা' বুঝায়। এই গ্রন্থে অসংখ্য দেবতা বা দেবদূতগণের (যজ্ঞভ,—পূজার্থ) স্তব-গান আছে। এইগুলি পড়ে লেখা এবং উৎকৃষ্ট কাব্যরস-সম্পন্ন। পুরাণ ও ইতিহাস বিধরক বহু কথা এই গ্রন্থে আছে। যশ্ত-সমূহের প্রধান—অর্ধি সূর-যশ্ত, জল-দেবী তিব্র্য, তারকা সির বা

সত্যদেব কুম্বী বা পরলোকগত সাধুগণের আত্মা বিজয় বা জেরেখুয় এবং রাজ-সহিবা বা কজ।

চতুর্থ গ্রন্থ প্রকীর্ত বা ক্ষুদ্র ক্ষুদ্র মূল কবিতা। জাইব, গাহ, শিরোজ, আকিসন প্রভৃতি প্রতিদিন বা নির্দিষ্ট উৎসবের দিনে আবৃত্তি করিবার ক্ষুদ্র ক্ষুদ্র স্তব, কবিতা বা আশীর্ষচন।

পঞ্চম গ্রন্থ বেদবিদ্য। 'দেব' বা দৈত্যগণের বিরুদ্ধবাদী বিধান। (বী-দ-এব দাত)। পুরোহিতগণের আচার-ব্যবহার ও 'দ-এব' পুত্রার কুফল বর্ণনা। প্রথম পরিচ্ছেদে সৃষ্টিপ্রকরণ, সাংখ্যের দ্বৈত-বাদ-মূলক সৃষ্টি বর্ণনা। দ্বিতীয় পরিচ্ছেদে বিমের রাজত্ব বা স্বর্গযুগ (সত্যযুগ); এই পরিচ্ছেদে প্রলয়, ইরাণীয় বস্তাবিশেষ বা সৃষ্টিসংসকারী শীত-কালের বিবরণ আছে। তৃতীয় পরিচ্ছেদে কৃষকর্ম। চতুর্থ পরিচ্ছেদে স্মৃতি বা আইন-কাণ্ড। পঞ্চম হইতে দ্বাদশ পর্যন্ত পরিচ্ছেদে মৃত্যুশোচের কথা। ত্রয়োদশ হইতে পঞ্চদশ পর্যন্ত পরিচ্ছেদে কুকুরের কথা। ষোড়শ, সপ্তদশ ও অষ্টাদশের প্রথমার্শ পর্যন্ত নানাবিধ অশৌচ হইতে শুদ্ধি বা মুক্তির কথা (অশৌচান্ত)। উনবিংশ পরিচ্ছেদে জরথুষ্ট্রের ভবিষ্যদ্বাণী। বিংশ হইতে দ্বাবিংশ পর্যন্ত চিকিৎসা-বিষয়ক।

ষষ্ঠ গ্রন্থ বিচ্ছিন্ন খণ্ডসমূহ বা ধ্বংসাবশেষ। এই খণ্ডসমূহকে নাশক বা গ্রন্থ বা কোষ বলা হয়। ইহাতে হ্রদোক্ত নাশক হইতে দু একটি কাণ্ড, লুপ্ত নাশক-সমূহের সৃষ্টি, নানাবিধ লুপ্ত গ্রন্থের অংশ, এবং জন্ম-পলায়ী শব্দাবির সৃষ্টি আছে। সমগ্রই আবেস্তা ভাষায় লিখিত এবং এককালীন বিরাট আবেস্তা সাহিত্যের ধ্বংসাবশেষ।

প্লিনী (Pliny) বলিয়াছেন যে, জরথুষ্ট্রের সাহিত্যে বিশ লক্ষ শ্লোক বা কবিতা ছিল। আরব ঐতিহাসিক তবরি (Tabari) বলেন, জরথুষ্ট্রের লেখা ১২০০০ গোচর্শে লিপিবদ্ধ হইয়াছিল।

পার্সীগণের কিম্বদন্তী সাধারণত দুইখানি গ্রন্থে লিপিবদ্ধ আছে—রিবারৎ ও ডিংকার্ড। আমাদের পারস্যীমতের স্তায় পার্সীদিগেরও তিনটি অতি পবিত্র কাণ্ড বা মন্ত্র আছে—(১) যথা 'অহু বৈধো' বা 'অহুনা বৈধো' (যগ ২৭।১৩), (২) 'অঃষম্ জোহু' (যগ ২৭।১৪), এবং (৩) 'যেওহে হাতাম্' (যগ ৪৭।৪)। 'অহুনা বৈধো' মন্ত্রে একবিংশতি শব্দ। সেই একবিংশতি শব্দের এক-একটি লইয়া একবিংশতি নাশক গ্রন্থের প্রথম শব্দ হইয়াছে।

একবিংশতি নাশকের প্রতিপাত্ত বিষয় যথাক্রমে ১। (২২ অংশ) ধর্ম ও পুণ্য। ২। (২২ অংশ) ধর্মাসুষ্ঠান পদ্ধতি। ৩। (২১ অংশ) মজদা-যগ্নের ধর্ম এবং তাহার উপদেশ। ৪। (৩২ অংশ) ইহলোক ও পরলোক। ৫। (৩৫ অংশ) গণিত ও জ্যোতিষ শাস্ত্র। ৬। (২২ অংশ) যজ্ঞকর্ম ও তাহার ফল। ৭। (আলেকজন্দরের পূর্বে ৫০ অংশ, বর্তমানে ১৩) রাজনীতি ও সমাজনীতি। ৮। (আলেকজন্দরের পূর্বে ৬০ অংশ, বর্তমানে ১২) ব্যবহার। ৯। (আলেকজন্দরের পূর্বে ৬০ অংশ, বর্তমানে ১৫) ধর্মাসুষ্ঠান ও মানবের সহিত তাহার সম্পর্ক। ১০। (আলেকজন্দরের পূর্বে ৬০ অংশ, বর্তমানে ১০) নৃপতি ও স্বকামের রাজত্ব এবং জরথুষ্ট্রের প্রস্তাব। ১১। (আলেকজন্দরের পূর্বে ২২ অংশ, বর্তমানে ৬) ধর্মাসুষ্ঠান ও মানবের সহিত তাহার সম্পর্ক। ১২। (২২ অংশ) আধিত্যৈতিক ও আধ্যাত্মিক। ১৩। (৬০ অংশ) পুণ্যকর্ম ও জরথুষ্ট্রের বাল্যজীবনের চিত্র। ১৪। (১৭ অংশ) অহুরো মজদা ও তাহার অমাত্যবর্গ। ১৫। (৫৪ অংশ) ব্যবহার-বাণিজ্যে ধর্মবুদ্ধি, ওজর ও মাপ। ১৬। (৬৫ অংশ) নবানন্দদত্ত বিবাহ, অর্থাৎ বেদিত্ত জাতিবর্গের মধ্যে সীমাবদ্ধ বিবাহ। ১৭। (৬৪ অংশ) ভবিষ্যতে প্রাণ্য দত্ত বা কর্মফল; ফলিত জ্যোতিষ। ১৮। (৫২

অংশ) রাজশক্তি-পরিচালনে ধর্মবুদ্ধি, নির্বাণ ও পাপের ধ্বংস। ১৯। (২২ অংশমাত্র আছে) বেদবিদ্য, শৌচাশৌচবিদ্য। ২০। (৩০ অংশ) মঙ্গল। ২১। (৩৩ অংশ) অহুরোমজদা ও তাহার অমাত্য-বর্গের স্তব।

(ভারতী, মাঘ) শ্রীবসন্তকুমার চট্টোপাধ্যায়, এম্-এ।

শিক্ষার আলোচনা কেন আবশ্যিক ?

মানুষের মধ্যে ক্রমোন্নতি হইতেছে; আজকার শিক্ষিত মানুষটি তাহার এক পুরুষ আগেকার শিক্ষিত মানুষ অপেক্ষাও বেশী জানে; সে তাহার পিতা-পিতামহের সঞ্চিত জ্ঞান ত পাইয়াছেই, তাহার উপর নিজে বর্তমান সময়ের জ্ঞানও লাভ করিয়াছে। এই প্রণালীতেই মানবজাতির সভ্যতার অভিযাত্রি হয়, সমস্ত জাতিটাই ক্রমোন্নতি লাভ করে; এবং তাহার ফল বর্তমান যুগের একজন সভ্য সাধারণ মানুষ হাজার বৎসর আগেকার খুব ঢালোক লোক হইতেও বেশী বিদ্বান, বেশী কাধীনক্ষ।

প্রত্যেক পশুকে কিম্ব (কয়েকটি বংশগত সহজ সংস্কার ছাড়া) সব জ্ঞান সব সভ্য নিজে নিজে অর্জন করিতে হয়। তাহার পুঙ্খপুঙ্খের অভিজ্ঞতার ভাণ্ডার হইতে বঞ্চিত।

মানুষ ও পশুর মধ্যে এই যে পার্থক্য আছে, ইউরোপীয় ও ভারতীয় মানুষের মধ্যে সেই পার্থক্য দেখা যায়। এই যেমন, একজন ভারতীয় কবিরাজ নিজ প্রতিভার বলে বা দৈবক্রমে কুঠ রোপের অপবা সাপের বিষের ঔষধ পাইলেন, তিনি তাহা গোপন করিয়া নিজ হাতে বা নিজ বংশে রাখিলেন। ইহার ফলে, হয় সেই ঔষধ তাহার মৃত্যুর সহিত লোপ পাইল, না-হয় একজনমাত্র লোকদ্বারা পরীক্ষিত হওয়ায় তাহার কোন উন্নতি হইল না। ইউরোপে একদু একদু সেই ঔষধের আবিষ্কারক তৎক্ষণাত তাহার স্বরূপ ও কিরূপে প্রচার করিয়া দেন, শত শত চিকিৎসালয়ে তাহা রোগীর উপর পরীক্ষা করিয়া দেখা হয়, শত শত রসায়নাগারে তাহার দোষগুলি বাব দিবার এবং গুণগুলি সতেজ করিবার চেষ্টা হইতে থাকে; ইহার ফলে ঔষধটি চরম উৎকর্ষ লাভ করে, মানবজাতির হিতসাধন হয়। মহাপ্রতিভাশালী একজন মানব যাহা করিতে না পারেন সহস্র সহস্র সাধারণ মানবের সমবেত চেষ্টায় তাহা সাধিত হয়। এই সমবেত চেষ্টাই সভ্যতার উন্নতির মূল, এইজগতই উদ্যোগ এসিয়াকে পরাজিত করিয়াছে। ফরাসী বচনটা সভ্য—“নেপোলিয়ন অপেক্ষাও ক্ষমতাশালী একজন লোক আছেন, তালেরী অপেক্ষাও দৃষ্ট একজন লোক আছেন;—সেই লোকটার নাম মানবজাতি!”

শিক্ষাক্ষেত্রেও আমাদের জাতীয় দুর্বলতার, নিষ্ফলতার, এবং ইউরোপের সহিত প্রতিদ্বন্দ্বিতায় পরাভবের কাবণ এই। আমাদের মধ্যে অনেক দক্ষ শিক্ষক দেখা দেন, নিজ জীবনে তাহারা চূড়ান্ত সফলতা লাভ করেন; কিন্তু তাহা তাহাদের মৃত্যুর সঙ্গে সঙ্গেই লোপ পায়, শিক্ষকজাতি তাহাদের অভিজ্ঞতার দক্ষতার ফল হইতে বঞ্চিত হয়। কারণ আমাদের কর্মীদের মধ্যে ভাবের বিনিময় নাই, সমবেত চেষ্টা নাই; শিক্ষা সম্বন্ধে নূতন নূতন আবিষ্কার, মত (theory), আদর্শ বা পরীক্ষার ফল (experiment) আমাদের শিক্ষকমণ্ডলী আলোচনা করেন না, জানিবার চেষ্টাও করেন না। সকলেই চোখ বুজিয়া, নিজের কাজ করিয়া যান। কেন, ভাল করেন, কেহ মন্দ করেন; কিন্তু কাহ্নে এই পার্থক্য

উর্ধ্বাধের বাতাবিক বুদ্ধির বা ইন্দ্রদত্ত প্রতিভার ফল,—সজ্ঞান
বহুত উন্নতি-চেষ্টার ফল নহে।

আমল কথা, দেশে জাবিবার, সঙ্গীত অবিচ্ছিন্ন সমবেত উন্নতি-
চেষ্টা করিবার মেতা ও কর্মীর অভাব। আমাদের শিক্ষকগণকে
সম্মত গঠিত করিতে এবং শিক্ষার "মুক্তি কোন্ পথে" তাহা উর্ধ্বাধের
দেখাইয়া দিতে, ত্যাগী শ্রমী দূরদর্শী প্রকৃত দেশবন্ধু "শিক্ষাওক"
কবে আবিষ্কৃত হইবেন?

(শিক্ষক, মাঘ) অধ্যাপক শ্রীযত্ননাথ সরকার, এম্-এ।

বাণী-বিনিময়

মা, যদি তুই আকাশ হতিসু,
আমি টাঁপার পাছ,
তোর সাথে মোর বিনি-কথার
হ'ত কথার নাচ।
তোর হাওয়া মোর ডালে ডালে
কেবল থেকে থেকে
কত রকম নাচন দিবে
আমার যেত ডেকে।
মা বলে' তার সাড়া দেব
কথা কোথায় পাই,
পাতার পাতার সাড়া আমার
নেচে উঠত তাই।
তোর আলো মোর শিশির-ফোঁটার
আমার কানে কানে
টলমলিয়ে কি বলত যে
বঙ্গুলানির গানে।
আমি তখন ফুটিয়ে দিতাম
আমার হত কুঁড়ি,
কথা কইতে গিয়ে তারা
নাগ্ন দিত জুড়ি'।
উড়ো মেঘের ছায়াটি তোর
কোথায় থেকে এসে'
আমার ছায়ার বনিরে উঠে'
কোথায় যেত ভেসে'।
সেই হ'ত োর বারল বেলায়
রূপকথাটির মত ;
রাজপুত্রের ঘর ছেড়ে যায়
পেরিয়ে রাজ্য কত ;
সেই আমারে বলে' যেত
কোথায় আলেখলতা,
সাগরপারের দৈত্যপুত্রের
রাজকন্যার কথা ;
দেহেতে পেতেম দুমোরাপীর
চক্ষু তর-তর,
শিউরে উঠে' পাতা আমার
কাঁপ্ত ধরধর।
হঠাৎ কখন বৃষ্টি তোমার
হাওয়ার পাছে পাছে

সাম্ত আমার পাতার পাতার
টাপুর-টুপুর নাচে ;
সেই হ'ত তোর কাঁদন হুরে
স্বামরণের পড়া,
সেই হ'ত তোর গুণ্ণুনিরে
আবণ দিনের ছড়া।
মা, তুই হতিসু নীলবরণী,
আমি সবুজ কাঁচা ;
তোর হ'ত, মা, আলোর হাসি,
আমার পাতার নাচ।
তোর হ'ত, মা, উপর থেকে
নয়ন মেলে' চাওয়া,
আমার হ'ত আঁকুধাকু
হাত তুলে' গান গাওয়া।
তোর হ'ত মা, চিরকালের
তারার মণিমালা,
আমার হ'ত দিনে দিনে
ফুল ফোটাবার পালায়।

(বঙ্গবাণী, ফাল্গুন)

শ্রীরবীন্দ্রনাথ ঠাকুর।

শিল্পে অনধিকার

যোগ সাধন কর্তে হয় শুনেছি চোখ বুজে, বাসীপ্রথাস দমন
ক'রে ; কিন্তু শিল্প-সাধনার প্রচার অন্ত—চোখ ধুলেই রাখতে
হয়, প্রাণকে আগ্রত রাখতে হয়, মনকে শিল্পের খোলা পাখীর মতো
মুক্তি দিতে হয়—কল্পনালোকে ও বাস্তব জগতে সুখে বিচর্য কর্তে।
প্রত্যেক শিল্পীকে স্বপ্ন-ধরার জাল নিজের মতো করে' বুনে নিতে হয়
প্রথমে, তারপর বসে' থাকে—বিষের চলাচলের পথের ধারে নিজের
আসন নিজে বিচিহ্নে, চূপটি করে নয়—সজাগ হয়ে। এই সজাগ সাধনার
গোড়ায় প্রান্তিকে বরণ কর্তে হয়—Art is not a pleasure trip,
it is a battle, a mill that grinds. (Millet.)

Art has been pursuing the chimera attempting to
reconcile two opposites, the most slavish fidelity to
nature and the most absolute independence, so
absolute that the work of art may claim to be a
creation. (Braqueumont.) আমাদেরও পতিতেরা Artকে
'নিরতিকৃত নিয়মরহিতা' বলেছেন।

শিল্পের একটা মূলমন্ত্রই হচ্ছে নালমতিবিস্তরণ। অতি
বিস্তরে যে অপৰ্যাপ্ত রস থাকে, তা নয়। 'আদানে কিপ্রকারিতা
প্রতিদানে চিরায়ুতা'—শিল্পীর উপরে শাস্ত্রকারের এই হুকুমটার
একটা মানে হচ্ছে সব জিনিষের কৌশল আর রস চটপট
আদায় কর্তে হবে ; কিন্তু সেটা পরিবেষণ করবার বেলায় ভেবে-
চিন্তে চলবে। খোঁজাতেই শিল্পীর মজা। যারা এই শিল্পের
পথে আমার অগ্রগামী, তাঁদেরই উপদেশ আমি সবাইকে স্মরণে
রেখে চলতে বলি—'ধীরে ধীরে পথ ধরো মুসাকির, সীড়ী হৈ
অধবনী !'—দুর্গম সোপান, হে যাত্রী, ধীরে পা রাখ। মনের ফুল
বনের ফুলের সাথী হয়ে ফুটলো,—এর বেশী শিল্পীর দিক থেকে চাওয়ার
প্রয়োজন নেই। মধুকর মধু নিরে তৃপ্ত হন ; এতে ফুলের বসতুকু
আনন্দ, তার চেয়ে শিল্পীর সজীব আত্মা সমস্তদার পেলে আর-একটু

খামি আনন্দ বেশি পায় সত্য, কিন্তু সেটা তার উপরি-পাওনা—হলেও হয়, না হলেও চলে। শিল্পীর যথার্থ আনন্দ হচ্ছে কোটার গৌরবে। মৌল্যপ সৌরভ ছড়িয়ে রাঙা হয়ে ফুটলো, শিমুলও ফুটলো রাঙা হয়ে—খালি তুলোর বীজ ছড়াতে,—কিন্তু রসিক বে, সে তো সেই ছুই ফুলেরই কোটার গৌরব বেখে খুসি হয়। এই কোটার গৌরব দিয়ে ওস্তাদ খাঁরা, তাঁরা শিল্পীর কাজের তুলনা ক'রে থাকেন—'দিবস চারকে হুরংগ ফুল ওহি লখ মননে লাগল শুল'!—ছুপেওর জীবন ফুটলো, রসিকের এই দেখেই মন বলে—মরি মরি! এইখানেই শিল্পীতে আর কারিগরে তফাৎ; শিল্পের মধ্যে শিল্পীর মন ফুটন্ত হয়ে দেখা দিলে, আর কারিগরের গড়া অতি আশ্চর্য্য কাগজের ফুল ফুটন্ত ফুলকেও হার মানালে কিন্তু মনের রস সেটাকে সজীব করে দিলে না। অগতে কারিগরেরই বাহবা বেশি শিল্পীর চেয়ে, কেননা কারিগর বাহবা পেতেই গড়ে, শিল্পী গড়ে' চলে নিজের কাজের সঙ্গে নিজেকে ফুটতে বোধ কর্তে-করতে। এই কারণেই শিল্পচর্চার গোড়ার পাঠ হচ্ছে শিল্পবোধ রসবোধই নেই—রসশাস্ত্র পড়তে চলার যে ফল, শিল্পবোধ না নিয়ে শিল্পচর্চার আর ততটা ফলই পাওয়া যায়। মৌচাকের গোপনতার মধ্যে কি উপায়ে ফুলের পরিমল নিয়ে পৌঁছচ্ছে তা দেখতে পাওয়া যায়; কিন্তু মধুর সৃষ্টি হচ্ছে একটা প্রকাণ্ড রহস্যের আড়ালে। তেমনি মানুষের রসবোধ কি উপায়ে হয় কেমন করে, অলঙ্কার-শাস্ত্রে রস-শাস্ত্রে তারি জল্পনা যেমন দেখি, তেমনি এও তো দেখি যে রসশাস্ত্র নিংড়ে পান ক'রেও কমই রসিক দেখা দিচ্ছে। এই যে আলো-মাখা রামধনুকের রঙে বিচিত্র বিখচরাচরের অফুরন্ত রস, এ তো মাটি থেকে প্রস্তুত রঙের ব্যঙ্গর ধরা পড়ে না, কালীর ঘোরাতেও নয়, বীণার খোলটার মধ্যেও নয়। এ বাঁধা পড়ে মনে;—এই হলো সমস্ত রসশাস্ত্রের প্রথম ও শেষ পাঠ। মৌচাক আর বোলতার চাক—সমান কৌশলে আশ্চর্য্যভাবে দুটোই গড়া। গড়নের জন্তে বোলতার আর মৌচাকের পার্থক্য করা হয় না, কিংবা মৌচাককে মধুকরও নাম দেওয়া হয় না—অতি চমৎকার তার চাকটার জন্তে। মৌচাকের আদর, তাতে মধু ধরা থাকে বলেই তো! তেমনি শিল্পী আর কারিগর দুয়েরই গড়া সামগ্রি, নিপুণতার হিসেবে কারিগরেরটা হয়ত বা বেশী চমৎকার হলো, কিন্তু রসিক দেখেন শুধু তো গড়নটা নয়, গড়নের মধ্যে রস ধরা পড়লো কি না।

শিল্পীর কাজকে এইজন্তে বলা হয় নির্মিত্তি অর্থাৎ রসের দিক দিয়ে যেটি মিত্ত হলো অপরিমিত। আর কারিগরের কাজকে বলা হয় নির্মাণ অর্থাৎ নিঃসেবভাবে পরিমাণের মধ্যে সেটি ধরা। একটা নির্মাণের মতো ঠিক, আর একটা নির্মাণ সম্ভব কিন্তু শিল্পীর নির্মিত্তিকে কৌশলের কলে ফেলে বাইরের হাঁচটা নকল ক'রে নিলেও তিতরের রসের অভাব কিংবা তারের বৈষম্য থাকবেই। এইজন্তেই শিল্পীর শিল্পকে বলা হয়েছে "অনন্তপরতন্ত্রা"। আমার শিল্প এক, আর তোমার শিল্প আর-এক, আমার দেশের শিল্প এক, তোমার দেশের অন্য,—এ না হলে মানুষের শিল্পে বিচিত্রতা থাকত না। Tradition বা লেখা—অনন্তকালের সঞ্চিত ধনের মতো এর মোহ; একে অতিক্রম ক'রে যাবার কৌশল জানা হলে তবে শিল্পলোকের হাওয়া এসে মনের পাল ভরে' তোলে, ডোববার আর ভয় থাকে না। শিল্পলোকের যাত্রাপথে এই যে একটা মোহপাশ রয়েছে—চিরাগত-প্রকার অনুসরণপ্রিয়তা,—সেটাকে কাটিয়ে যাবার শিল্পশাস্ত্র বৈদিক-কবিরা আমাদের দিয়ে গিয়েছেন—'মানুষের নির্মিত্ত এই-সমস্ত খেলানার সামগ্রী, এই হস্তী, কাংস, বস্ত্র, হিরণ্য, অম্বতরীযুক্ত রথ প্রভৃতি যে শিল্প সমূহই দেবশিল্পের অনুকরণমাত্র—এক শিল্প বলা চলে না, এ তো দেব-শিল্পীর দ্বারা করা হয়ে গেছে, মানুষের কৃতিত্ব এর মধ্যে

কোথায়? এ তো শুধু প্রতিকৃতি (নকল) করা হলো মাত্র! যে যজমান শিল্পী, দেবশিল্পীর পরে এলেম আমরা, হুতরাং আমাদের করাটা নামে মাত্র অনুকৃতি বলে ধরা যায়, কিন্তু আমাদের কাজে সৃষ্টির কৃতিত্ব যেখানে, সেখানে মানুষের শিল্পের সঙ্গে দেবশিল্পের রচনার উপায়ের মধ্যে পার্থক্য কোথাও নেই, শুধু সেটি পরে করা হয়েছে—অনুকৃত হয়েছে মাত্র—এই রহস্য জানো! এ যে জানে সকল শিল্পই তার অধিকারে আসে, শিল্প তার আত্মার সংস্কারসাধন করে। এই যে শিল্প, এমন যে শিল্পশাস্ত্র, কেবল তারি দ্বারা যজমান নিজের আত্মাকে চন্দোময় ক'রে যথার্থ্যে সংস্কৃতি তাই লাভ করে এবং প্রাণের সঙ্গে বাক্যকে, চক্ষুর সহিত মনকে, শোত্রের সহিত আত্মাকে মিলিত করে।

যেদিন শিল্পকে মানুষ জানলে, সেই মুহূর্তেই তার মন চন্দোময় বেদময় হয়ে উঠলো, রহস্যের দ্বারে পিঠে সে খাচ্ছিল দিলে—সবলে। এই শিল্পকে জানা, মানুষের সব-চেয়ে যে বড়-শক্তি—সৃষ্টিকরার কৃতিত্ব,—তাকেই জানা। এই বিরাট সৃষ্টির মধ্যে এতটুকু মানুষ কেমন করে বেঁচে থাকতো যদি এই শিল্পকে সে লাভ না করত! শিল্পই তো তার অভ্যন্তরীণ, এই তো তার সমস্ত নথতার উপরে অপূর্ণ রাজবেশ। আত্মার গৌরবে আপনি সঙ্গে নিজের প্রস্তুত করা পথে সে চলো—খরচিত রচনার অর্থাৎ বয়ে—মানুষ নিজেরই যার রচনা তার দিকে! মানুষের গড়া আনন্দ সব তো এতেই শেষ! সে জানাতে পাবলে আমি তোমার কৃতি সন্তান! শিল্পের সাধনা মানুষ ক'রেই চলো পৃথিবীতে এসে অবধি, তবেই তো সে নানা কৌশলে নানা যন্ত্রপাতি আবিষ্কার করলে; সাত-সমুদ্র তের নদী, এমন কি চন্দ্রলোক স্বর্ঘ্য-লোকের উদ্দেশ্যে তার শরীর ও মনের গতি, চলার সব বাধাকে অতিক্রম ক'রে, কতক সমাধা হলো, কতক বা সমাধা হবার মতো হলো। মানুষ তার আত্মাকে রূপ, রং, ছন্দ, হর, গতি, মুক্তি সব দিয়ে ছড়িয়ে দিলে বিশ্বরাজ্যে। এমন যে শিল্প, এত বড় যে শিল্প, তারই অধিকার খয়রা বলছেন নাও; কোনো শিল্প নেই, কোনো রস নেই—এটা মেকালের লোক কল্পনা করতে পারেনি; তাদের শিল্প-সামগ্রীগুলোই তার প্রমাণ।

শিল্পের অধিকার আমাদের পেতেই হবে, না হলে কিছুই পাব না আমরা। ভারতবর্ষের প্রাচীন জ্ঞানভাণ্ডার, শিল্পভাণ্ডার অতুল ঐশ্বর্যে কালে-কালে ভক্তি হলো সত্যি, কিন্তু আমাদের আমাদের হালচাল দেখে কেউ কি বলবে আমরাই সেই অফুরন্ত ভাণ্ডারের যথার্থ উত্তরাধিকারী? এই হতশ্রী, নিরানন্দ, অত্যন্ত অশোভনভাবে নিঃস্ব, কেবলি হাত-পাতা আর হাত-জোড় ছাড়া হাতের সমস্ত কাজ যারা ভুলে বসেছি, স্মৃতির কথা দিয়ে গড়া কোণার্ক মন্দির, প্রেমের স্বপন দিয়ে ধরা তাজ—এগুলো কি আমাদেরই? ভারতবাসী বলেই কি এগুলো আমাদেরই হলো? তা তো হতে পারে না। এই সব শিল্পের নির্মিত্তি, এদের নিজের বলবার অধিকার স্বর্জন করবো শুধু সেইদিন, যেদিন শিল্পকে আমরা লাভ করবো, তার পূর্বে তো নয়। শিল্প যেদিন আমাদের হবে, সেদিন জগৎ বলবে এসবই তো আমাদের! —আমাদের শিল্পও আমাদের! আমাদের দেশের রসিকরা বলছেন শিল্পকে 'অনন্তপরতন্ত্রা'। শিল্পের সাধনা যে করে, কি দেশের কি বিদেশের প্রাচীন নতুন সব শিল্পের ভোগ তারই কপালে ঘটে। কালাপাহাড় ভেঙে গেছে রাগে আর আমরা ভাঙছি নিরাগে—এই মাত্র তফাৎ। কাব্যকলা, শিল্পকলা, গীতিকলা—এ সবাইকে 'রস-কচিরা' বলে কবিরা বর্ণন করেছেন এবং তিনি প্রাদৈকময়ী—আনন্দের সঙ্গে ওতপ্রোত হয়ে আছেন; আর তিনি অনন্তপরতন্ত্রা—যেমন-তেমন যার-তা-কাজে ত তিনি বাঁধা পড়েন না; রসিক, কবি—এদেরই তিনি

বরণ করেন এবং এদেরই তিনি সহচরী সঙ্গিনী সবই। অলসসূস কুতো শিল্পঃ অসিগ্নসূস কুতো ধনঃ।

অর্জন করলেম না, শিল্প-*inspiration* আপনি এলো ভিক্ষকের কাছে রাজত্বের স্বপ্নের মতো, এ হবার ঘো নেই। এখনকার ইউরোপের মহাশিল্পী রোদা কি বলেছেন দেখ—

"Inspiration! Ah, that is a romantic old idea void of all sense. Inspiration will, it is supposed, enable a boy of twenty to carve a statue straight out of the marble block in the delirium of his imagination: it will drive him one night to make a masterpiece straight off because it is generally at night that these things occur, I do not know why. Craftsmanship is everything; craftsmanship shows thoughtful work, all that does not sound as well as inspiration, it is less effective, it is nevertheless the whole basis of art!"

শিল্পের অধিকার নিজেকে অর্জন করতে হয়। পুরুষানুক্রমে সঞ্চিত ধন যে আইনে আমাদের হৃদয় তেমন করে শিল্প, আমাদের হয় না; কেননা শিল্প হলেন 'নিয়তিকৃত নিয়মরহিতা'। বিধাতারও নিয়মের মধ্যে ধরা দিতে চায় না সে। নিজের নিয়মে যে নিজে চলে, শিল্পীকেও চালায়, দায়ভাগের বোহাই তো তার কাছে খাটবে না।

যুগের পর যুগ ধরে আকাশ ঘনঘটার আয়োজন ক'রেই চলো— কবে মেঘের-কবি আসবেন তারই আশায়। শতাব্দীর পর শতাব্দী লগুন সহরের উপরে কুহেলিকার মায়াজাল জমা হতেই রইলো—কবে এক হইস্কার এসে তার মধ্যে থেকেই আনন্দ পাবেন বলে। পাথর জমা হয়ে রইলো পাহাড়ে-পাহাড়ে—এক ফিডরাস, এক মাইলোস্, এক রোদা, এক সেন্টে'ডফ ব্রেজেল্। এমন জানা এবং দেশের বিদেশের অজানা *artist* দর জন্তে। মোগল-বাদশার রত্নভাণ্ডারে তিন পুরুষ ধরে জমা হতে লাগলো মণি-মাণিকা সোনারূপো—এক রাজশিল্পীর ময়ূরসিংহাসন আর তাজের স্বপ্নকে নিশ্চিহ্ন দেবে বলে! তেমনই এই যে আমরাও আয়োজন ক'ছি, চেষ্টা ক'ছি: শিল্পের পাঠশাল, শিল্পের হাট, কারুছত্র, কলাভবন—এটা-ওটা বসাজি, সব সেই একটা আর্টিস্টের একটি রসিকের জন্তে—যে হয়তো এসেছে কিম্বা হয়তো আসবে।

(বঙ্গবাণী, ফাল্গুন)

ডাঃ অরুনীন্দ্রনাথ ঠাকুর।

স্বরাজ

যতদিন রাষ্ট্রের বাহিরে শত্রু আছে ও সেই শত্রু সুর্যোগ পাইলে রাষ্ট্রের বিনাশ সাধনে প্রস্তুত, যতদিন রাষ্ট্রের ভিতরে ও রাষ্ট্রের বাহিরে মানুষ জাহার অস্থানিহিত শিকার-প্রবৃত্তিকে সম্পূর্ণ আয়ত্ত করিতে অক্ষম, ততদিন শাসনব্যবস্থা এমন হওয়া চাই যে প্রয়োজন হইলেই অল্প কয়েকজনকে সম্মতিতে যথেষ্ট পূর্ণবেগে চালান যাইতে পারে। আশ্রয়কার জন্ত যতটা বল বা শক্তির প্রয়োগ আবশ্যিক, ততটা বল বা শক্তি চালকের হৃদয়মত ও অবিলম্বে যাহাতে ঐ যন্ত্র হইতে পাওয়া যায় তাহার ব্যবস্থা চাই-ই চাই। এক কথায় রাষ্ট্রশক্তি সমবেত, হৃদয়বদ্ধ, একলক্ষ্য ও এক কেন্দ্র হইতে চালিত হওয়া চাই (centralised organisation)। নতুবা রাষ্ট্র ও শাসনের অস্তিত্বের সার্থকতা থাকে না। প্রাচীনকালে যুরোপে ও এশিয়াতে সময়ে সময়ে কতকগুলি সুদারতন রাষ্ট্র দেখা দিয়াছিল। সে-সকল রাষ্ট্রের জনগণ অল্প-পুত্রিসর

হানে বাস করিত। প্রয়োজন হইলে সে-সকল রাষ্ট্রের জনগণ হই-চারি ঘণ্টা সময়ের মধ্যে একত্র হইয়া তাহাদিগের সমিতির নির্ধারণ হির করিতে ও তৎক্ষণাত কাল আয়ত্ত করিতে পারিত। যুরোপে এথেন্স, স্পার্টা ও রোমে একসময়ে এইরূপ নগর-রাষ্ট্র (city-state) ছিল। চীনদেশে ও আমাদের দেশেও এইরূপ নগর-রাষ্ট্র ছিল। সমবেত, হৃদয়বদ্ধ, একলক্ষ্য রাষ্ট্রশক্তিকে এক কেন্দ্র হইতে পরিচালিত করিবার ভার কোটি লোকের হাতে না দিয়া কয়েক শত প্রতিনিধির হাতে দেওয়া হয়। আর সেই কয়েকশত পরিচালক প্রতিনিধিকে নির্বাচিত করিবার অধিকার (vote) দেওয়া হয় কোটি লোকের হাতে। আর প্রতিনিধিগণ যাহাতে নির্বাচকদিগের ইচ্ছানুযায়ী কাজ করে তাহার জন্ত নির্বাচকদিগের নিকট প্রতিনিধিগণকে দায়ী রাখা হয় (responsible)।

জনসমাজে সাম্য সংস্থাপনের চেষ্টার বল বা শক্তির (Force) হানে ব্যবহার বা আইনের (Law) প্রাধান্য সমাজের পক্ষে মঙ্গল; কিন্তু আইন এ সম্পর্কে সত্যতার শেষ বা সর্বোচ্চ সোপান নহে। এ স্থলে বলিতেছি যে রাজার (King) ও রাজসভার (Court) শাসন অপেক্ষা নির্বাচিত দায়ী প্রতিনিধি দ্বারা শাসন (Responsible and Representative Government) মানবমনের অধিকতর তৃপ্তি সাধন করে বটে; কিন্তু ইহাও রাষ্ট্রীয়-বৃত্তি-বিকাশ-চেষ্টার শেষ কথা নহে।

প্রতিনিধিদ্বারা শাসন-ব্যবহার আর-একটি কথা আছে। পূর্বেই বলিয়াছি যে ইহা কোনও রাষ্ট্রের সমগ্র জনগণের মতানুযায়ী শাসন নহে, প্রত্যেকের সম্মতি লইয়া শাসন নহে। অধিকাংশের মতানুযায়ী শাসন হইবে, ইহাই তাহার তিষ্ঠি। প্রতিনিধিদ্বারা শাসন-ব্যবহার অনেক স্থলে কিন্তু অধিকাংশের মতানুযায়ী শাসনও হয় না। ইংলণ্ড, ফ্রান্স, আমেরিকার যুক্তরাজ্য প্রভৃতি স্বাধীন রাষ্ট্রেও অনেক সময়ে প্রতিনিধিদ্বারা শাসনকাণ্ডে অধিকাংশের মতানুযায়ী শাসন নহে। অল্পাংশ অধিকাংশের সহিত একই রাষ্ট্রে বাস করে। তাই বলিয়া অল্পাংশের অধিকার যে একেবারে নগণ্য, তুচ্ছ, এরূপ মনে করিবার কোনও সুযুক্তি নাই। অধিকাংশ বাহ্য বলিবে অল্পাংশকে সর্বদা সকল ব্যাপারে তাহাই মানিয়া চলিতে হইবে, এরূপ বিধান হইলে, অল্পাংশের লোকের স্বাধীনতা একেবারে লোপ পায়। রাষ্ট্রের অধিকারের সহিত যেমন প্রজার ব্যক্তিগত অধিকারের সামঞ্জস্য হওয়া প্রয়োজন, তেমনই অধিকাংশের রাষ্ট্রীয় অধিকারের সহিত অল্পাংশের রাষ্ট্র-সম্পর্কিত অধিকারের সামঞ্জস্যসাধন চাই। নতুবা রাষ্ট্রপতির অত্যাচারের স্থায় অধিকাংশের অত্যাচার স্বাধীনতাকে বিপন্ন করিবে।

আজ পর্যন্ত পৃথিবীতে যত শাসন-ব্যবস্থা দেখা গিয়াছে তাহার মধ্যে জনগণদ্বারা শাসন বৃহদায়তন রাষ্ট্রে বৈশীল্য চলে নাই। আজ যদি ভারতবর্ষ পূর্ণ রাষ্ট্রীয় স্বাধীনতা লাভ করে ও বৃটিশ সাম্রাজ্যের বাহিরে আসিয়া দাঁড়াইতে সমর্থ হয়, কাল আমরা এই প্রতিনিধি-দ্বারা-শাসন-ব্যবস্থা এদেশে চালাইবার প্রয়াস পাইব। আমরা স্বরাজ প্রতিষ্ঠিত করিবার জন্ত এই প্রতিনিধি দ্বারা শাসন ব্যবহারই শরণাপন্ন হইব। পৃথিবীর স্বাধীন রাষ্ট্রগুলি তথাকার জনগণের রাষ্ট্রীয় বৃত্তি বিকাশের ইহাপেক্ষা প্রকৃষ্টতর উপায় আজ পর্যন্ত খুঁজিয়া পায় নাই। কোনও কালে পাইবে না, একথা আমি বলিতেছি না। শতাব্দীর পর শতাব্দী সংগ্রাম করিয়া ইংলণ্ড, ফ্রান্স, যুক্তরাজ্য, জার্মানী বা অপর কোনও রাষ্ট্র আজও নূতন পথ বাহির করিতে পারে নাই। রুশদেশ নূতন পথে চলিবার চুরন্ত প্রয়াস করিয়াছে। সেও আজ বৈরাজ্যের পথ পরিত্যাগ করিয়া রাষ্ট্র ও প্রতিনিধিদ্বারা রাষ্ট্রশাসনের ব্যবহার অভিমুখে অগ্রসর হইতেছে, পথে নরশোণিতের নদীতে আজও হাবুডুবু খাইতেছে।

বাধীনতা আজ সেখানে সুসুঁ অধহার উন্মুক্ত আকাশ ও বিস্তৃত বাতাসের মত অপেক্ষা করিতেছে।

আমরা স্বরাজ-সাধনার পথে সবে পা দিরাছি। সে পথ দেখে তুচ্ছজন করিয়া শুধু মন ও আত্মা লইয়া ব্যস্ত থাকিলে চলিবে না। আমাদের স্বরাজসাধনার পথে কখনও অসহযোগ, কখনও বিরুদ্ধাচরণ। কিন্তু সহযোগিতা সে পথে নিত্য সাধনার বিনয়। পুঞ্জীকৃত অজ্ঞান ঘুর করিবার অস্ত্র বিনাশ-চেষ্টাও সে পথে চাই; কিন্তু গঠনচেষ্টা তথায় নিত্য কর্তব্য। আত্মনির্ভর সে পথে পরম সফল, কারণ আত্মশক্তিবোধ না হইলে সে পথে এক পা অগ্রসর হওয়া যায় না। কিন্তু হঠকারিতা সে পথে বিঘ্ন অন্তরায়। যেমন চাই নিজের শক্তি ও পুরুষকারে পূর্ণ আত্মা, তেমনই চাই প্রতিদ্বন্দীর শক্তি ও পুরুষকারের পরিমাণ নিকৃপণ। জাতীয়তাগঠন তথায় আপাততঃ অবশ্য-বর্তব্য। কিন্তু বিধমানবে প্রেম সে সাধনা হইতে নিরাকৃত হইলে তাহারও শান্তিভোগ আমাদিগকেই করিতে হইবে। প্রতিদ্বন্দ্বীকে বাদ দিয়া বিধমানব নয়। প্রতিদ্বন্দ্বীও বিধমানবের অন্তর্ভুক্ত ইহা সর্বদা মনে রাখিতে হইবে। গঠনের পথ বা বিনাশের পথ, সহযোগের পথ বা অসহযোগের পথ, যে পথেই সাধনা কর সর্বত্র চরিত্রবল চাই। আর চরিত্রবল শুধু সংযম, স্বার্থনাশ, সহিষ্ণুতা, অহিংসা, ধৈর্য্য নহে। স্বাবলম্বন, অধ্যবসায়, অমান্যাস, কর্তব্যনিষ্ঠা, বিশ্বসিদ্ধিতে নিপুণতা, দেশের সহিত সমবেত উত্তোপে উৎসাহ, দৈনিক জীবনের প্রতি ক্ষুদ্র বাপারে সততা ও সুশৃঙ্খলা ও সর্বোপরি স্বদেশপ্রেম—এ-সকলই চরিত্রবলের উপাদান। শুধু অস্তাব্যক্ত গুণগুলিতে সিদ্ধ হইলে হইবে না। ভাবাত্মক গুণের সাধনা চাই। আর স্বদেশপ্রেম ত শুধু স্বদেশের আকাশ ও বাতাস, ধূলি ও জল, জীবজন্তু ও উদ্ভিদের প্রতি টান নয়; স্বদেশের মানুষের প্রতি প্রেম। স্বদেশের মানুষের অধিকার প্রতিদিন সম্মান করিতে হইবে। শুধু ধনীর অধিকার নয়, নির্ধনের অধিকারও মানিয়া চলিতে হইবে। শুধু মানীর প্রতি সম্মান নয়, অমানীর প্রতিও সম্মান দেখাইতে হইবে। শুধু পুণ্যবানকে নয়, পাপীকেও ভালবাসিতে হইবে। আমার স্বরাজের আদর্শ যে পদতলিত করিতেছে তাহাকেও প্রেম করিতে হইবে। শুধু অস্তাব্যক্ত “অহিংসা” (Non-violence) সাধনে স্বদেশপ্রেম সাধনা হইবে না। চাই ভাবাত্মক প্রেম (Love) সাধনা। এ বিশাল, মহান আদর্শের যোগ্য সাধক কয়জন? আমি ত নই। তবুও “স্বরাজ” “স্বরাজ” বলিতেছি। নিজের নগণ্য ক্ষুদ্র শক্তি নিয়োগ না করিয়া পারিতেছি না। তোমরা দশজন তোমাদের শক্তি নিয়োগ করিলে আমার স্বায় দুর্বল সেবকও হৃদয়ে বল পাইবে। “নারম্ আত্মা বলহীনেন লভ্যঃ” ॥

(নব্য ভারত, মান)

শ্রী হিন্দুভূষণ সেন।

বৈদিক বিষ্ণু ও কৃষ্ণ

• বিষ্ণু ও কৃষ্ণ এখন এদেশে ঈশ্বররূপে পূজিত। কিন্তু এই সম্রাণের পদ পাইতে ঠাহাদের অনেক শতাব্দী, অনেক বৃগ, লাগিয়াছে। বিষ্ণু বেদে, বিশেষতঃ সর্বলোচ্য ও সর্বশ্রেষ্ঠ ঋগ্বেদে, অপেক্ষাকৃত ক্ষুদ্র দেবতা। ঋগ্বেদের প্রধান দেবতা অগ্নি, ইন্দ্র ও বরুণ। বিষ্ণু “ইন্দ্রস্ত বৃজাঃ সখা” (ঋগ্বেদ, ১ম মণ্ডল, ২৩শ সূক্ত)—ইন্দ্রের বৃক্ত বা উপযুক্ত সখা। তাহা তো হইবেনই। বৈদিক বিষ্ণু আর কেহই নহেন, তিনি সূর্য্য। আর ইন্দ্র সূর্য্য ও বিহুতের দেবতা। সূর্য্য বাস্পাকারে জল আকর্ষণপূর্ব্বক মেঘ সৃষ্টি করিয়া ইন্দ্রের সহায়ত করেন “ত্রিবিক্রম” আকাশ সূর্য্যের তিনটি সংস্থান মাত্র। বামনান্যের বৈদিক পন্থা গুরুত্ববোধের পতপথ-ত্রাক্ষণে আছে। ঋগ্বেদের “তৎ

বিষ্ণোঃ পরমং পদম্”—বিষ্ণুর সেই পরমপদ—যার অর্থ উপনিষদে দাঁড়াইয়াছে—ব্রহ্মের বিখ্যাত নিপুণ পদম—তাহা আর কিছু নহে—মধ্যাকালে সূর্য্যের অগ্রগাম মাত্র। গায়ত্রীতেও (১১৬৪.৪৩) তাঁহার স্থান খুব উচ্চ যদিও পাদত্রীর বৈদিক অর্থ তখনও কল্পিত হয় নাই। হংসবতী বৃক্ (৪৪.১৫) সূর্য্য-বিষয়িনী কি না সন্দেহ, কিন্তু যদি তাহাই হয় তবে বোঝা যায় যে কোন কোন মন্ত্রচরিতা বিষ্ণুকে পূজ্যতম দেবতা বলিয়া গ্রহণ করিয়াছিলেন। কিন্তু মহাভারত ও বৈষ্ণব পুরাণসমূহে তাঁহার যে স্থান, তাহা প্রাপ্ত হইতে কেবল অনেক সময় নহে, অনেক সংগ্রামও লাগিয়াছিল। সেই সংগ্রামের কথা বেদ পুরাণ উভয়েই আছে। কলতঃ অবতারবাদ কল্পিত হইবার পূর্বে এবং বিষ্ণুর প্রধান অবতার কৃষ্ণ আবিষ্কৃত না হওয়া পর্য্যন্ত তিনি সে স্থান প্রাপ্ত হন নাই। অবতারবাদ বৈদিক সময়ের অনেক পরে কল্পিত হয়, কিন্তু বিষ্ণু যেমন বৈদিক, যিনি পুরাণে বিষ্ণুর প্রধান অবতাররূপে আবিষ্কৃত হইলেন সেই কৃষ্ণও বৈদিক।

মহাভারত ক পুরাণের এক ধারাচাধা ও যোদ্ধা দুইই। বেদে দুই কৃষ্ণ, একজন মন্ত্রচরিতা কৃষ্ণ, আর একজন যোদ্ধা। মহাভারত ও পুরাণে এই দুই বৈদিক কৃষ্ণ মিলিত হইয়াছেন মহাভারতের কৃষ্ণ কষ্টিয়, কিন্তু অন্যথা পোপকুলে প্রতিপালিত। বেদের ঋষি-কৃষ্ণ আঙ্গিরস অর্থাৎ সুপ্রসিদ্ধ আঙ্গরা ঋষির বংশোদ্ভূত, কিন্তু যোদ্ধা কৃষ্ণ অন্যথা। পৌরাণিক কৃষ্ণের সহিত ইন্দ্রের সদ্ভাব নাই, নানা স্থানে উভয়ে কলহ ও যুদ্ধ। বৈদিক অন্যথা কৃষ্ণ ইন্দ্রের ঘোর শত্রু। কিন্তু বেদে ইন্দ্রের নিকট কৃষ্ণ পরম্পর পুরাণে সেই পরাক্রমের যথেষ্ট প্রতিশোধ,—প্রতিপদই ইন্দ্র কৃষ্ণের নিকট পরাজিত ও অপমানিত। কৃষ্ণ এবং তৎপূর্ব্ব বিধকার বৈদিক দেবতা অধিন্বেয়ের উপাসক ছিলেন। বিধকারের পুত্র বিধাপুরসূত্ৰ হইলে অধিন্বেয় তাহাকে পুনর্জীবিত করেন। কৃষ্ণ পুরাণে ঐশ্বরী শক্তি সহ পুনর্জীবিত হইয়া নিজ গুরু সান্নিধ্যনি সখ্যে এই দৈব কাণ্ডের অত্বকরণ করিয়াছিলেন। ছান্দোগ্যে তিনি “দেবকী-পুত্র” এবং আঙ্গিরস নামে ঘোরনামক ঋষির শিষ্য।

ঋগ্বেদে একটি যুক্ত বর্ণিত আছে। তার এক পক্ষে ইন্দ্র, অপর পক্ষে অন্যথা যোদ্ধা কৃষ্ণ। স্থান অ-শ্রমতী নদীর তীর। “অ-শ্রমতী” বোধ হয় কাবুল নদীর প্রাচীন নাম। কৃষ্ণ মন সহস্র দৈন্ত লইয়া যুক্ত করিতে আসেন। এই দৈব দে অন্যথা ছিল তার প্রমাণ এই যে ইহাকে ঋগ্বেদে “আদেবীঃ” অর্থাৎ দেবপুত্র-বর্জিত বলিয়া বর্ণনা করা হইয়াছে। ইন্দ্র বৃহস্পতির সাহায্যে এই সেনাকে বিনষ্ট করেন। এই বেদোক্ত ইন্দ্র-কৃষ্ণের যুদ্ধই পুরাণে ইন্দ্র ও কৃষ্ণের সমুদায় বিবাদের মূল। পৌরাণিকেরা বৈদিক দেবপুত্রের স্থলে কৃষ্ণপুত্র প্রতিষ্ঠিত করিতে প্রয়াস পান। কারণই কৃষ্ণকে অশ্রুতঃ কতক পরিমাণে বৈদিক প্রধান দেবতা ইন্দ্রের বিরোধী না করিলে হয় না। দুটিমাত্র বিরোধের সংক্ষিপ্ত উল্লেখ কর। প্রথমটি বৃন্দাবনে গোবর্দ্ধন-পূজা-উপলক্ষে। পৌরাণিক কৃষ্ণের মধ্যে যে অন্যথা উপকরণ আছে তাহা স্পষ্টই বোঝা যায়। কোনও খাটি আর্থা নেতা দেবরাজ ইন্দ্রের পূজার বিরোধী হইতে পারেন না। যাহা হইক দ্বিতীয় বিবাদ পারিজাত-হরণ উপলক্ষে। জয় অস্ত্র কৃষ্ণপক্ষেই হইল। যে সময়ে বিষ্ণু অস্ত্র বৈদিক দেবত হইতে বড় হইবার চেষ্টা করেন তখন ইন্দ্রের হাঙ্গ ত বিষ্ণুর শিরচ্ছেদ হইল। সেই পরে আদি পুত্র অর্থাৎ

ন

গান্ধী ও রবীন্দ্রনাথ

মহাত্মা গান্ধী রাজনৈতিক ক্ষেত্রে এক মহা সংগ্রাম আনয়ন করিয়াছেন। সহযোগিতা বর্জন, বা নিষ্ক্রিয় অবাধ্যতা (Passive Resistance) নূতন কথা নহে। অতি প্রাচীনকাল হইতে এই প্রণালী সাধুদিগের অনুমোদিত। জগতে কোন ভাষা, সভা, প্রেমের বিধি কখনও প্রতিষ্ঠিত হইতে পারিত না, যদি ইহা না থাকিত। সমাজ ও ধর্মের মধ্যে এই নিষ্ক্রিয় অবাধ্যতা সর্বদা দেখিতেছি। খৃষ্টজগতে সৈন্য সর্বপ্রথম এই নিষ্ক্রিয় অবাধ্যতার দৃষ্টান্ত। যাহা অস্তায় মনে করি তাহা করিব না, সমাজশক্তি রাজশক্তি বাহা ইচ্ছা কর, বলিয়া অটলভাবে চিরদিন সাধুগণ কার্য করিয়াছেন। খৃষ্ট-জগতে যাহারা সত্যের জন্ত, ধর্মের জন্ত প্রাণ দিয়াছেন তাহাদের জীবনের মূগ্য কত! সফ্রেটস্, পেলিগিও এই পথ ধরিয়া সত্যকে জয়যুক্ত করিয়াছেন। যেখানে বিবেচ, যেখানে পর-পীড়ন সেখানে সাধুজন কখনও যাইতে পারেন না। ব্রাহ্মসমাজ এই নিষ্ক্রিয় অবাধ্যতার পথ ধরিয়াই শক্তিশালী হইয়াছেন। রামমোহন পৌণ্ডলিকতা বর্জন করিতে বাইরা এই পথ ধরিয়াছিলেন। শিবনাথ এই পথ ধরিয়াই পৈতা ফেলিয়া পিতামাতা ও মহাজনের অবাধ্য হইয়া ব্রাহ্মসমাজে আসিলেন। যাহা সত্য তাহা সকল বিষয়েই অক্ষুণ্ণ রাখিতে হইবে। সমাজ ও ধর্ম-নিয়ম অবৈধ হইলে তাহার বিষয়ে সহযোগিতা বর্জন যদি বৈধ হয় তবে অবৈধ রাষ্ট্রীয় আইনের সঙ্গে সহযোগিতা বর্জন কেন করিতে পারিব না? সমাজ-শক্তির সঙ্গে সংগ্রাম করিয়া মানুষ থাকিতে পারে, রাজশক্তির সঙ্গে সংগ্রাম করিয়া তাহার ভাগ্যে কারাগার, মৃত্যু প্রভৃতিই জীবনের সম্মল করিতে হইবে। বৈধ ও অবৈধ এই জ্ঞান যদি উজ্জল হয়, আর অবৈধ বর্জন যদি সত্য বোধ হয় তবে দুঃখ দারিদ্র্যকে কি ভয় করিবে? এখন বৈধ ও অবৈধ নির্ধারণ করা কর্তব্য। প্রথম ইংরেজি শিক্ষা:— ইহার অবৈধতা প্রমাণিত হইয়াছে বলিয়া মনে করি না। তাই এই বিষয়ে বর্জন সম্ভব নহে। অস্তায় আদেশে সভা-ভঙ্গ, অস্তায় আদেশে লোকের কারাগারে নিক্ষেপ এই-সকল অবৈধ আদেশের নিষ্ক্রিয় অবাধ্যতার ফল ভোগ করিতে প্রস্তুত থাকা কর্তব্য। রাষ্ট্রীয় অবৈধ কার্যে, মহাত্মা গান্ধীর সহযোগিতা ধর্ম ও নীতির পক্ষে অসম্ভব নহে।

রবীন্দ্রনাথ জগতের প্রথম অতি উচ্চ ভূমি হইতে দর্শন করিয়া যে কথা বলিতেছেন, ধর্মবুদ্ধি তাহার কথা মাথায় করিয়া লইবেন। তাহার কথার সার—সকল মানুষ একজাতীয়, সামাজিক বিস্তারিতা-সকল কৃত্রিম। মানুষ মানুষকে জানিলে এই ভেদ, এই বৈষম্যাব দূর হইয়া যাইবে। মানুষকে জানিতে হইলে সহযোগিতা চাই—দূরে দূরে জানা হয় না। ইংরেজ, ফরাসী, ভারতবাসী পরস্পরের ভাষা, শাস্ত্র, ভাব অবগত হইয়া একভাবাপন্ন হইবে।

যাহারা একসঙ্গে বসিতে চায়, শিক্ষা করিতে চায়, শিক্ষা দিতে চায়, তাহাদের সঙ্গে এই সহযোগিতা নিশ্চয় সম্ভব। কি হু যে চাবুক হাতে লইয়া বলে আমার পাতের কুড়াইয়া ভোজন কর, আমাদের মেনে চল, তাহার সঙ্গে কি সহযোগিতা সম্ভব? সেখানে কি নিষ্ক্রিয় অবাধ্যতার প্রয়োজন নাই? আমি যদি বলি, তোমার পাতের কুড়াইয়া খাইব না, বরং উপবাস থাকিব; তোমার অবৈধ আদেশ মানিব না, বরং দুই ঘা বেজাঘাত খাইব; তবে কি অস্তায় হয়? রবীন্দ্রনাথের উচ্চ ভূমিতে বসিয়া জগতের মহাসত্য ব্রাহ্মসমাজ সর্বদা এই আদর্শ হৃদয়ে পোষণ করেন। মহাত্মা রামমোহন প্রথমে বেদ, বাইবেল ও কোরাণকে এক সঙ্গে মিলিত করিবার কথা বলিয়াছেন। ব্রাহ্মসমাজ প্রথমে পূর্ব পশ্চিমের মিলনের শঙ্কুধ্বনি করিয়া উত্তরকে আলিঙ্গন করিতে বলিয়াছেন। রবীন্দ্রনাথ ব্রাহ্মধর্মের এই মহা দিশার জগতের ঘায়ে

উন্নীত করিয়া সকলকে বলিতেছেন, এই মহাদিশারের নিম্নে আসিয়া সকল অহংকার, অত্যাচার, বিবেক, যুগা বর্জন কর। আর বলিও না (The East is East, the West is West and the twain shall never meet) পূর্ব দিক পূর্ব দিক, পশ্চিম পশ্চিম, এই দুই কখন মিলিবে না। জাতীয় যুগা-বিবেক ছাড়িয়া সকলে মিলিত হও। রবীন্দ্রনাথের এই আহ্বান হৃদয় ভরিয়া গ্রহণ করি। তাহার এই নিশানের নিম্নে সকলে দাঁড়াই।

এই ডাকের সঙ্গে গান্ধীর ডাকের প্রকৃত বিবাদ নাই। অবৈধ বর্জন নিষ্ক্রিয় অবাধ্যতা চাই। আমাদের দেশের লোকেরা এই বীরত্ব ও শক্তি লাভ করুক এই প্রার্থনা।

[পূর্ববঙ্গ ব্রাহ্ম-সম্মিলনীর মুখপত্র "সেবকে" সাধারণ ব্রাহ্মসমাজের অগ্রতম প্রচারক শ্রীযুক্ত গুরুদাস চক্রবর্তীর লিখিত।]

স্বাধীনতার স্বরূপ

স্বাধীনতার অর্থ কি? ইহা সেই অবস্থা ও সেই সর্ত যাহা কোন জাতিকে স্বাভাব্য উপলব্ধি করিতে এবং বীর ভাষা গঠন করিতে সমর্থ করে।

আমাদের চরম লক্ষ্য স্বাধীনতা, কেননা জাতীয় ধারার অনুযায়ী করিয়া আমরা আমাদের স্বাভাব্য ফুটাইয়া তুলিবার এবং জাতির ভাষা গঠন করিবার অধিকার দাবি করিতেছি। আমরা চাই না ইহাতে পাশ্চাত্যের আরোপিত অসুষ্ঠানগুলি আমাদের প্রতিবন্ধকতা করে, অথবা পাশ্চাত্য সভ্যতা তাহার শিক্ষা দ্বারা আমাদের উদ্ভ্রান্ত করিয়া তুলে।

ভারতীয় জাতীয়তাকে বাচিতে হইলে অস্তায় জাতির সম্পর্ক আসিতেই হইবে। পাশ্চাত্য শিক্ষা ও সভ্যতাকে বরণ করিবার পূর্বে ভারতীয় শিক্ষা ও সভ্যতাকে তাহার আশ্রয়রূপ উপলব্ধি করিতে হইবে। স্বাধীনতা না আসিলে প্রকৃত মিলন অসম্ভব, যদিও অন্ধ দাসোচিত অনুকরণ হইতে পারে। যখন ভারতে জাতীয় জীবনের অন্তর-স্পন্দন অনুভূত হইবে, কেবল তখনই উত্তম সভ্যতার সম্মেলনের কথা উদ্ভিত্তে পারে।

(নারায়ণ, কান্ধন)

শ্রীচিত্তরঞ্জন দাশ।

দ্রবিড়-জাতির ধর্মাত্মান

আর্ষধর্মের প্রধান উপাদান সূর্য, চন্দ্র, আপোদেবতা, অগ্নি, বায়ু, মরুৎ, দেবী, প্রভৃতি প্রাকৃতিক দৃশ্য বা বস্তু হইতে দেবতা-কল্পনা; কতিপয় নরনারীর (অবতারভূত) দেবতাকল্পনা; এবং দেবতা ও নরজাতির মধ্যবর্তী একটি বংশগত পুরোহিত প্রণীর সৃষ্টি। এই-সকল মৌলিক উপাদান যে ধর্ম লক্ষিত হইবে, অনুসন্ধান করিলেই দেখা যাইবে যে হয় সে ধর্ম আর্ষধর্ম হইতে উৎপন্ন, না হয় আর্ষধর্মের প্রভাবে প্রভাবিত।

সাইবিরিয়া, মোঙ্গোলিয়া, তুর্কী, হাঙ্গারী, কিন্নলও, লাপলও প্রভৃতি স্থর-স্থানে যে-সকল জাতি বর্তমান যুগে বসবাস করিতেছেন তাহারাই শক (Scythian) জাতি বা তুরাণীয় জাতি। এই শক জাতি ও দ্রাবিড় জাতির একমূলক মতবাদ সত্য হউক আর নাই হউক, ভাষা ও ধর্ম বিষয়ে উত্তরজাতির মধ্যে বিলক্ষণ অনুরূপতা আছে সন্দেহ নাই। শকজাতি ও দ্রাবিড় জাতির ধর্মে চারিটি অনুরূপ উপাদান লক্ষিত হয়—

(১) বংশগত পুরোহিত-শ্রেণী ইহাদের নাই। দেবতা ও মনুষ্যের মধ্যে দালালি করিবার ক্ষমতা পুরোহিত বা পাণ্ডার আধিক্য ইহাদের হয় নাই। ইহাদের গৃহস্থানী বা কর্তা আধিক্য হইলে পুরোহিত ও ঐন্দ্রজালিকের কার্য করেন। ইচ্ছা করিলে যে-কেহ এ কার্য করিতে পারেন, একত্র বর্ণবিচার নাই। সময়ে সময়ে বা প্রদেশ-বিশেষে গ্রামের মৌড়ল পুরোহিতের কার্য করেন। যখন তিনি এ কর্ম করেন তখন তিনি তাঁহাদের উপাস্ত দৈত্য বা ভূতের প্রতিনিধি ও মুখবরণ।

(২) তাঁহারা অধিতীয় ভগবানের সত্তা স্বীকার করেন, কিন্তু তাঁহারা পূজা বা উপাসনা করেন না। কারণ ইহাদের মতে ভগবান্ এত 'ভালমানুষ' যে ভাল বা মন্দ তিনি কিছুই করিতে পারেন না।

(৩) ভগবানের অর্চনা না করিলেও ইহারা দৈত্য বা ভূতের পূজা করেন। কারণ ভূত বা দৈত্য নিষ্ঠুরতার অবতার প্রতিিংসা-পরায়ণ এবং অব্যবহিতচিত্ত। সুতরাং ইহার ইষ্ট বা অনিষ্ট করিবার যথেষ্ট শক্তি আছে। শোণিতাণির দ্বারা অর্চনা ও তাণ্ডব নৃত্যে ইনি পরিতুষ্ট হইবেন।

(৪) জন্মান্তরবাদ ইহাদের নাই। ইহারা "ভ্রাতৃত্ব দেহস্থ পুনরাগমনং কৃতঃ ?" মতবাদী।

(নারায়ণ, ফাল্গুন)

শিবসন্তকুমার চট্টোপাধ্যায়।

প্রাচীন ভারতে গণতন্ত্র

কোনও একটি বিশেষ কার্যের ক্ষমতা কতকগুলি লোক সর্বসম্মতিক্রমে সমবেত হইয়া কোনও কার্যে নিযুক্ত হইলে সেই জনবৃন্দের সমবায়কে "সংঘ" অথবা "গণ" বলা যাইতে পারে। কথা দুইটি পাণিনির সময়েও, খৃষ্টপূর্ব সপ্তম শতাব্দীতেও, প্রচলিত ছিল। মহাপরিনির্বাণ-সূত্রে আছে বুদ্ধের সমসাময়িক পুরাণকাণ্ড প্রভৃতি নামে সাতজন 'সংঘিনো' অর্থাৎ 'সংঘপতি' ছিলেন, তাঁহাদেরকে "গণিনো" অর্থাৎ 'গণপতি' এবং "গণাচরিয়" অর্থাৎ গণাচার্য বলা হইয়াছে। 'Craft guild'কে বা ব্যবসায়-সমবায়কে কোটিল্য 'শেণী' নামে অভিহিত করিয়াছেন।

রাজ্য পরিবর্তে কোনও কোনও স্থলে এইপ্রকার সংঘের দাবী কোন কোনও প্রদেশে শাসিত হইত। জৈনদিগের আচারসূত্র নামক প্রসিদ্ধ পুস্তকে এবং বৌদ্ধগণের অবদানপত্রে (৮৮ সংখ্যা) আছে কতকগুলি প্রদেশ রাজশাসিত এবং অপর কতকগুলি স্থান গণতন্ত্রাধিকারিত ছিল। কাভ্যারনের সময়ে সংঘ অথবা গণশাসিত প্রদেশ ছিল। কোটিল্যের অর্থশাস্ত্রের মতে তিন প্রকার 'সংঘ' অথবা 'গণ' ছিল। প্রথমে ৫.৬৩৬ "স্বরাজ্য" পদের প্রয়োগ আছে। সাধারণ 'স্বরাজ্য' পদের ব্যাখ্যায় 'স্বরাটহ' পদের প্রয়োগ করিয়াছেন। স্বরাজ্যশাসনকে স্বরাটহ বলা যাইতে পারে। ঐতরেয় ব্রাহ্মণেও 'স্বরাট' পদের প্রয়োগ আছে। মহাভারত, অর্থশাস্ত্র, ওজনোতি প্রভৃতি পুস্তক হইতে এ সম্বন্ধে যথেষ্ট প্রমাণ পাওয়া যায়।

পতঞ্জলির মহাভাষ্যে ৪।১।৮৪ "রাষ্ট্রপতি ও গণপতি" শব্দের প্রস্তাব দেখান হইয়াছে। পাণিনিও ৪।১।৮৪ "গণপতি" শব্দের প্রয়োগ করিয়াছেন। মহাভারতের শান্তিপর্বে (১০৭এর অধ্যায় ৩৯৫৬ হইতে ৩৯৬২এর শ্লোক) 'গণ' প্রজাশাসিত প্রদেশ বুঝাইতে প্রযুক্ত হইয়াছে। বরাহমিহির 'গণপুস্তক', 'গণপ' প্রভৃতি পদের প্রয়োগ করিয়াছেন এবং কথাসরিৎসাগরেও 'গণশাসকের' উল্লেখ আছে। গৌতম গণ ও গণতন্ত্র সূত্রে লিখিয়াছেন (১৫।২।১৮)। মনু (৩।১৫৪), যাজ্ঞবল্ক্য (১।১৩)

গণতন্ত্রের উল্লেখ করিয়াছেন। বরাহমিহির 'গণপুস্তক' ও গণতন্ত্রের (বৃহৎসংহিতা লেঃ ১৬ অঃ ৩৩) উল্লেখ করিয়াছেন। প্রজাতন্ত্রাধিকারিত কতকগুলি রাজ্যের মুদ্রা পাওয়া গিয়াছে।

পুরাকালীন ভারতে সময়ে সময়ে রাজনৈর্বাচন কার্যও প্রজাদের দ্বারা পরিচালিত হইত। এই-সকল নির্বাচিত রাজা কখনও যথেষ্টাচার্য হইতে পারিতেন না, কারণ তাঁহাদের ভয় থাকিত যে প্রজাদের প্রতি অত্যাচার করিলে তাঁহারা অপসারিত হইবেন।

উত্তরভারতে বিশেষতঃ পঞ্জাব ও সিন্ধুদেশে যে পুরাকালে সেকেন্দরের আক্রমণের পূর্বে ও পরে প্রজাতন্ত্র ছিল সে বিষয়ে গ্রীক লেখকগণের পুস্তকে অনেক প্রমাণ পাওয়া যায়।

চন্দ্রগুপ্তের রাজতন্ত্র গ্রীক দূত মেগাস্থেনিস তাঁহার বিবরণে লিখিয়া গিয়াছেন, মগধে তিনবার প্রজাতন্ত্র প্রতিষ্ঠিত হইয়াছিল। আরিয়ান লিখিয়া গিয়াছেন যে Abasir, Kathaioi এবং Arohiton প্রভৃতি জনবৃন্দ স্বাধীন ছিল অর্থাৎ তাহারা রাজশাসিত ছিল না।

কার্টিয়াস কৃতক জাতিকে স্বাধীন এবং নায়ক (প্রেসিডেন্ট) দ্বারা শাসিত বলিয়া বর্ণনা করিয়াছেন। Sabinus নামে আর-এক কমতাসাল জাতি ছিল, তাহারা রাজশাসিত ছিল না এবং তাহাদের মধ্যে গণতন্ত্র প্রতিষ্ঠিত ছিল। Crotosik জাতি স্বাধীন ছিল এবং বিশেষ বিশেষ ঘটনার আলোচনা করিবার ক্ষমতা তাহাদের একটি স্থায়ী সভা ছিল (Permanent Council) (Mc. Crindle "Ancient India", pp. 197-9, 202-4)।

প্রাচীন গ্রীসদেশে অনেক City-state অর্থাৎ নগর-রাজ্য ছিল; এই-সকল নগর প্রজাদের দ্বারা স্বাধীনভাবে শাসিত হইত। ডিয়োডোরাস City-state এর উদাহরণ স্বরূপে পাতালনগরের উল্লেখ করিয়াছেন। এই City-state এর যুদ্ধ বিষয়ে সমস্ত ক্ষমতা বংশাধিকারিত দুই রাজবংশের হস্তে স্থিত ছিল; তাঁহাদের অপরসকল বিষয়ে "বৃদ্ধ সভাই" (Council of Elders) প্রকৃতপক্ষে রাজশাসক ছিল। [Mc. Crindle, pp. 202, 203, 204, 205, 206, 207, 208, 209, 210, 211, 212] এই দুই প্রজাতন্ত্রাধিকারিত রাজ্য বাস্তবিক প্রজাধিপতিরও আর একটি স্বাধীন রাজ্য ছিল। Sarnus জাতির বিরুদ্ধে বুদ্ধকালে সেকেন্দরকে ব্রাহ্মদিগের দ্বারা শাসিত একটি নগর আক্রমণ করিতে হইয়াছিল এ কথা ডিয়োডোরাস স্পষ্ট লিখিয়া গিয়াছেন। ব্রাহ্মদিগের এই প্রজাতন্ত্র রাজ্যের কথা আরিয়ানও উল্লেখ করেন। সেকেন্দর প্রজাবর্জনকালে সিন্ধুদেশস্থ উপত্যকার মধ্য দিয়া গমন করিবার সময় তৎপ্রদেশস্থ গণতন্ত্র স্থানসমূহের অধিবাসিগণের দ্বারা আক্রমণ হইয়াছিলেন। বাক্যসমূহ এইসকল জাতিকে উৎসাহিত করিয়া স্বাধীনতা রক্ষার জন্য শেখ পর্দাস্ত বুদ্ধ করাইতে সমর্থ হইয়াছিলেন। গ্রীক লেখকগণ আরও লিখিয়াছেন যে স্বাধীন প্রজাবৃন্দ যাহাতে স্বাধীনতার বিনিময়ে সেকেন্দরের সঙ্গে সন্ধি না করে তদ্বিষয়ে একমাত্র প্রস্তাবগণই উদ্যোগী ছিলেন।

খৃষ্টীয় চতুর্থ শতাব্দীতে পঞ্জাব, পূর্ব রাজপুতানা এবং মালবদেশে প্রচুর কমতাসালী কয়েকটি প্রজাতন্ত্র রাজ্য ছিল। মল্লকুণ্ড পঞ্জাবের মধ্য অংশে স্বাধীনভাবে বাস করিত। বৌদ্ধধর্ম শতাব্দীর উত্তর ভাগে বিস্তৃত রাজ্য স্থাপন করিয়াছিল।

খৃষ্টীয় জন্মের পূর্বে ষষ্ঠ হইতে চতুর্থ শতাব্দী পর্যন্ত গণতন্ত্রের প্রভাব ভারতে খুব বেশী ছিল।

সেকেন্দরের আক্রমণকালে প্রজাদের দাবী শাসিত স্থানের সংখ্যা বড় কম ছিল না এবং অনেক প্রদেশই "স্বরাজ্য" প্রতিষ্ঠিত ছিল।

বর্তমান বিহার প্রদেশের নিকটবর্তী স্থানসমূহে পূর্বে অনূন দশটি প্রজাতন্ত্র ছিল। এই দশ স্থানের অধিবাসিগণের মধ্যে মধ্যমশ্রেণী

কমতালী কপিলবাসুর শাক্যপণ, মিথিলার বিদেহপণ এবং বৈশালীর লিচ্ছবীপণ। পরবর্তীকালে গেবে দুই জাতি একত্র হইয়া বৃজ্জ নামে পরিচিত হইয়াছিল। রাজ্যশাসন ও বিচার স্বকীয় ব্যবস্থার বিষয়ে সূচর মীমাংসা করিবার জন্ত তাহাদের একটি হারা সাধারণ সভা ছিল। দেশের শাসনকার্যে বৃদ্ধ ও যুবক সকলেই সমভাবে আগ্রহ প্রদর্শন করিত এবং দেশের অধক্ষ সকল অধিবাসীর দ্বারা নির্বাচিত হইতেন। অধ্যক্ষের উপাধি ছিল 'রাজা'।

বৃজ্জদিগের মধ্যে প্রচলিত প্রজাতন্ত্র কতকটা আনেকিকার যুক্ত-রাজ্যের ধরণে গঠিত হইয়াছিল। আটটি বিভিন্ন স্থানের সমবায় ইহাদের রাজ্য গঠিত হইয়াছিল এবং প্রত্যেক প্রদেশ পরস্পর অনেক বিষয়ে স্বাধীন ছিল।

(ইতিহাস ও আলোচনা, ফাল্গুন) শ্রীরাধহরি চট্টোপাধ্যায় বি-এ।

আলঙ্কারিক-পঞ্চক

কাশ্মীরে,—মন্ত্রটম্ভট

কাশ্মীরী গণিত রাজ্যনক মন্ত্রট "কাব্যপ্রকাশ" এবং "শব্দব্যাপার-বিচার"এর রচয়িতা। অলঙ্কার বিষয়ে কাব্যপ্রকাশ সমগ্র ভারতে প্রথম-শ্রেণীর গ্রন্থ। ১২শ শতাব্দীর প্রারম্ভের কিছু পূর্বে বা পরে তাহার স্থান।

বঙ্গদেশে,—বিখনাথ কবিরাজ

সাহিত্যদর্পণ, অলঙ্কারশাস্ত্রে সর্বাঙ্গপেক্ষা সুবিদিত গ্রন্থ; ইহার রচয়িতার নাম বিখনাথ কবিরাজ। বিখনাথের মৌলিকতা নাই; তিনি মূলে সংগ্রহকার মাত্র। বিখনাথ নিজেকে বলিয়াছেন, তিনি আঠারটি ভাষার গণিত। বিখনাথ বাঙ্গলার অধিবাসী—তাহার পূর্বপুরুষ ছিলেন চণ্ডীদাস। তিনিও কবি। বঙ্গসাহিত্যগৌরব চণ্ডীদাস কিম্ব পঞ্চদশ শতাব্দীর প্রথমেই জীবিত ছিলেন। দুই চণ্ডীদাস যদি একই ব্যক্তি হন, তবে চণ্ডীদাসের পৌত্র বিখনাথকে পঞ্চদশ শতাব্দীর মাঝামাঝি স্থান দেওয়া যাইতে পারে।

উৎকলে,—বিজ্ঞানাপ

বিজ্ঞানাপ 'প্রতাপরুদ্রযশোভূষণ' নামে অলঙ্কার গ্রন্থ রচনা করিয়াছেন, সংক্ষিপ্ত নাম প্রতাপরুদ্রীয়। গ্রন্থে যে-সব উদাহরণ দেওয়া হইয়াছে সেগুলি উৎকলরাজ মহাদেবের পুত্র প্রতাপ-রুদ্রের (ইহার অন্য নাম বীররুদ্র বা রুদ্র) প্রশাস্তপুত্রক। দক্ষিণ ভারতে আজও ইহা অতি প্রচলিত, সমস্ত চতুর্পাণ্ডিতেই ইহার অধ্যাপনা হইয়া থাকে। সাহিত্যদর্পণের স্থায় ইহাও সংগ্রহমাত্র। বিজ্ঞানাপ চতুর্দশ শতাব্দীর প্রথমভাগে জীবিত ছিলেন; কারণ তাহার আশ্রয়দাতা প্রতাপরুদ্রের রাজত্বকাল ১২৯৪—১৩১৮।

বিদর্ভে,—জয়দেব

মহাদেব ও হরিদ্রার পুত্র জয়দেব দুই বিখ্যাত গ্রন্থের রচয়িতা— "চন্দ্রালোক" নামে অলঙ্কার-গ্রন্থ, আর "প্রদত্তরাম" নাটক। ছন্দো-নিয়ম সম্বন্ধে লিখিতে গিয়া কাব্যদর্শনকার দত্তের স্থায় জয়দেবও অষ্টমস্তরের আশ্রয় লইয়াছেন এবং দৃষ্টান্তগুলি তাহার নিজের রচনা। তিনি বিদর্ভের অধিবাসী, সম্ভবতঃ ত্রয়োদশ শতাব্দীর লোক।

দক্ষিণে,—অপ্পন্ন দীক্ষিত

অপ্পন্ন দীক্ষিত দক্ষিণী, শৈবধর্মের এক মনুভূ পণ্ডিত। ইনি অলঙ্কারশাস্ত্রে তিনখানি গ্রন্থ রচনা করিয়া গিয়াছেন, কুবলয়ানন্দ, চিত্রমীমাংসা, বৃত্তিব্যাক্তিক। অপ্পন্ন পূর্বাচাৰ্য্যদের মাসব্যং অনুকরণ করিয়াই সম্ভব, এইজন্ত তাহার কোনও রচনাই উৎকৃষ্ট হইতে পারে নাই।

বিজয়নগরের প্রথম বেঙ্গটপতির রাজত্বকালে দক্ষিণদেশে সাহিত্য-চর্চার একটা প্রবল উৎসাহ দেখা গিয়াছিল। বেঙ্গটপতির সময় ১৫৮৫—১৬১০। অপ্পন্ন ভেলোরের নারকের আশ্রিত ছিলেন, এবং এই নারক ছিলেন বেঙ্গটপতির সামন্ত। সুতরাং অপ্পন্ন দীক্ষিতের সময় সুনিরূপিত হইয়াছে।

(ইতিহাস ও আলোচনা, ফাল্গুন) শ্রীপ্রিয়রঞ্জন সেন, বি-এ।

ভারতীয় চিত্রকলা

আমলে Art একটা স্বজন-চেষ্টা; কেহ বলেন সৌন্দর্য্য-স্বজন-চেষ্টা; কেহ বলেন ভাব-সৃষ্টির চেষ্টা; কাহারো মতে রসানুভূতি ঘটাইবার চেষ্টা। মানুষের, বিশেষতঃ সভ্যমানুষের দৈবী বা অধ্যাত্ম প্রকৃতি (higher nature) উদ্বুদ্ধ না হইলে এই চেষ্টা জাগে না; যে মানুষের বা জাতির এই অধ্যাত্ম বিকাশ যত বেশী, সে বা সেই জাতি ততই সভ্য এবং সেই পরিমাণে তার আর্ট-সৃষ্টি বা রসবোধ বাড়িয়াছে। কাজেই দাঁড়াইতেছে এই যে মানুষের যে-সব অধ্যাত্মিক চেষ্টা তাহার চিত্তরঞ্জিনী বৃত্তিকে অবলম্বন করিয়া ভাবের বা রূপের সৃষ্টি করিয়া রসানুভূতি ঘটায় তাহাই art। Art মানুষের সুপ্ত-দৈবীপ্রকৃতির ক্রমবিকাশের বাহ্য চেষ্টা। দৈবী প্রকৃতির পুষ্টি হয় রস উপলব্ধিতে, ভূমা আনন্দ বা লোকোত্তর আনন্দ এই রসের অনুভূতিফল। Artএ এই লোকোত্তর আনন্দের সঞ্চার করে রসসৃষ্টির দ্বারা।

মানুষের অন্তর্নিহিত চিত্তরঞ্জিনী বৃত্তি যে ভাব সৃষ্টি করিয়া আনন্দের ভিতর দিয়া রসানুভূতি ঘটায় তাহাকে আর্ট বলে। সেই বৃত্তি হয় ভাষা, রেখা, বর্ণ, তক্ষণ ও স্থাপত্য সাহায্যে এই ভাবে মুক্তি দান করে। এই ভাব-স্বজনের, মুখ্য উদ্দেশ্য আনন্দ বা লোকোত্তর আনন্দ দান, আর গৌণ উদ্দেশ্য শিক্ষা দান। যাহাকে ইংরেজীতে বলে fine art, তাহার প্রধান লক্ষ্য ভাবের উদ্বোধন; এ ছাড়া যে-সব art বাহ্য জীবনের প্রয়োজনীয় বস্তুকে কেবলমাত্র সৌন্দর্য্য দান করে তাহা minor arts বা ব্যবহারিক শিল্প, ইহা শুধু চিত্তরঞ্জন করে মাত্র।

শিল্পকলাকে প্রধান দুই ভাগে বিভক্ত করা যায়, প্রথম ভাবশিল্প, দ্বিতীয় শোভাশিল্প বা Decorative arts। ভাবশিল্প বা সুকুমার-কলা আবার তিন জাতীয়, যথা:—চিত্রশিল্প (painting), তক্ষণ-শিল্প (sculpture) ও স্থাপত্য-শিল্প (architecture)।

তক্ষণ ও চিত্রশিল্প, বিষয় ভেদে তিন শ্রেণীর। মূর্তিচিত্র (portrait), দৃশ্যচিত্র (landscape), ভাব বা তত্ত্বচিত্র (idea) ও ঘটনাচিত্র (events)। হিন্দু ও বৌদ্ধদিগের আদর্শ ভারতীয় তক্ষণ ও চিত্রকলা প্রধানতঃ ভাবাত্মক (idealistic)। পরবর্তী রাজপুত ও মোগল যুগে মূর্তি ও দৃশ্য, শিল্পের বিষমীভূত হইয়াছিল।

উচ্চাঙ্গের ধর্ম ও দার্শনিক তত্ত্বগুলিকে ধ্যানযোগে প্রথমে রূপক রূপে কল্পিত করিবার পরে রেখাপাতে ও তক্ষণে প্রকটিত করিয়া মানুষের মনে আনন্দ ও শিক্ষা দেওয়াই আদর্শ ভারত শিল্পের প্রধান কাজ ছিল।

বৈদিক ও প্রাক-বৌদ্ধযুগে শিল্পের এ মহান উদ্দেশ্য কল্পিত হয় নাই। তখন শিল্পীর প্রধান কাজ ছিল ব্যবহারিক চিত্তরঞ্জন। শিল্পীও ছিল সাধারণ কারিগর-শ্রেণীভুক্ত। কাজেই তাহার সেরূপ সমাজ-সম্বন্ধা ছিল না। ভগবান মনু এইসব ব্যবহারিক শিল্পীকে হীনপদর বলিয়া নির্দেশ করিয়াছেন। শিল্পশাস্ত্র যে মানুষের উচ্চজীবন লাভের কোনো সহায়তা করিতে পারে ইহা তখনো স্বীকৃত হয় নাই।

বৌদ্ধধর্মের অভ্যুত্থানের পর শিল্পকলার আদর ও সম্মান বাড়িতে থাকে; সাধারণের মধ্যে তথ্যগতের পবিত্র ধর্মতত্ত্বের বহুল প্রচারের জন্য চিত্র ও তক্ষণের সাহায্য লওয়া হইতে থাকে। আর ধর্ম-আরাধনা ও ধর্মোচিত সাধনের জন্য মন্দির, চৈত্য, বিহার, ত্ত্ব প্ৰভৃতির গঠনের সঙ্গে সঙ্গে স্থাপত্যকলার শ্রীবৃদ্ধি হইতে থাকে। কিন্তু বৌদ্ধযুগ হইতে শিল্পের সমধিক আদর ও চর্চা হইতে থাকিলেও ইহার পূর্ববর্তী যুগ হইতেই চিত্রকলার অস্তিত্ব ছিল। সুতরাং ভারতীয় শিল্পকলার ঐতিহাসিক যুগ বিভাগ করিলে আমরা নিম্নলিখিত কয়েকটি বিভাগ পাই।

স্থাপত্য ও তক্ষণ শিল্প—

- | | | |
|---|--------------------------|------------|
| { | ১। অশোক ও অশোকাস্ত | খ মধ্য যুগ |
| | ২। গাঙ্গার যুগ | গ আধুনিক |
| | ৩। কুশান যুগ, গুপ্ত যুগ, | |

চিত্র শিল্প—

- ১। প্রাকবৌদ্ধ যুগ
- ২। বৌদ্ধ যুগ
- ৩। হিন্দু যুগ

- ৪। রাজপুত-মোগল যুগ
৫. আধুনিক নব্যযুগ
বা জাগরণযুগ

শিল্পচর্চার ইতিহাসের শ্রেণীবিভাগ করিতে গিয়া দেখিতেছি, ভারতবর্ষের রাষ্ট্রীয় চিন্তার ধারার ইতিহাসের কাল যেমন প্রচলিত ধর্মের নামানুসারে বিভক্ত হয়, আর্টের ইতিহাসেও তেমনি প্রধানতঃ ধর্মের নামেই যুগ বিভাগ হইতেছে। তাহার কারণ ভারতবর্ষের জাতীয় জীবনের সহিত ধর্ম এমনভাবে জড়িত, ধর্মের সঙ্গে এমন নিবিড় ভাবে সংবন্ধ যে ধর্ম ছাড়িয়া উহার কোনো কথাই আলোচনা হয় না। ভারতবর্ষের প্রধান তিন ধর্ম—বৈদিক, বৌদ্ধ ও জৈন সমগ্র ভারতের জাতীয় জীবনের ক্রমবিকাশে এই তিন ধর্ম যোলো আনা প্রভাব বিস্তার করিয়াছে; কাজেই হিন্দুর আট দশ সাহিত্য, কিছুই ধর্মের আলোক ও উত্তাপ ও রস ছাড়িয়া গলাইতে পারে নাই। কাজেই আর্টের কালবিভাগ প্রধানতঃ ধর্মের নামানুসারে করা হইয়াছে।

শিল্পকর্মের ধারাভেদেও ইহার নামকরণ হইয়াছে; যেমন গাঙ্গার শিল্প, ইত্যাদি।
(প্রভাতী, বসন্ত সংখ্যা) শ্রীঅতুলচন্দ্র দত্ত, বি-এ।

ধূলার নিধি

পথের ধারে ওই যে বসে' ভূটা মটর নিয়ে
কালো মতন, হরিণ-আঁখি বালা,—
দেখতে ওরে রোজ সকালে যাই যে ওপথ দিয়ে
ওরি গলায় দিইছি প্রণয়-মালা।

লুটিয়ে পড়ে পিঠের উপর রুক্ষ চুলের রাশি,
বক্ষ 'পরে ছিন্ন বসনখানি;
অধর-মাঝে একটুখানি মিষ্টি মধুর হাসি
বলতে কি চায় সরম-ভরা বাণী।

আকাশ যেন বুঝতে পারে বাহুর নিবিড়তা,
বাতাস বাসে পরাণ ভ'রে ভালো;
জানতে পারে ফুলের কাল যেন প্রাণের কথা,
মুগ্ধ দেখে নরন-ভরা আলো।

হঠাৎ যদি পথের পাশে শুনি মধুর হাসি,
মিলন ঘটে স্নিগ্ধ আঁখির সনে,
একটি কথাই জাগে কেবল,—“তোমায় ভালোবাসি,”
থাকেনাক' আর ত কিছুই মনে!


ওরি প্রাণের প্রেম-জমানো গুল নিরেট ফুল
দেয় গো তুলে যখন করতলে :
আমার কাছে এগিয়ে আসে গুচ্ছ-ভ্রমক চুল,
না-জানি কোন্ রঙ্গভরা ছলে!

লতার মতন অঙ্গখানি দেখতে ভালো লাগে,
যত্নবিহীন একটি মুঠা ফুল;
এমন পূর্ণ সার্থকতায় একটুখানি জাগে
কোন্ দেবতার এক-নিমেষের ভুল।

ইচ্ছে করে কানের কাছে গুণ্ণনিমেষে বলি—
তোমায় কত্ব এমন স্থানে সাজে ?
কুঞ্জবনের বক্ষমাণি কুন্দফুলেব কলি
মক্‌ভূমির ওপু বাপূর মানে ?

পথের পাশে যাহার মুখে একটুখানি হাসি,
রুক্ষকেশী সূর্যামুখী বাণী;
তরুণ হৃদি উজাড় ক'রে ওরেই ভালোবাসি,
ওরি গলায় দিইছি প্রণয়-মালা।

শ্রীগণেশচরণ বসু।



জিজ্ঞাসা

(১৩৩)

ভগলী জেলার বন্দীপুর গ্রামের সিংহরায়গণ চিতোরের রাণা লক্ষ্মণ সিংহের বংশধর বলিয়া খ্যাত। এ সম্বন্ধে কোন ঐতিহাসিক প্রমাণ আছে কি ?

শ্রীবিজয়কৃষ্ণ রায়। শ্রীকালিদাস দেববর্মা।

(১৩৪)

শ্রীহট্ট জিলার করিমগঞ্জ মহকুমার অন্তর্গত বরপুর ঘাট স্টেশন হইতে প্রায় হাজার ফুট উত্তর দিকে বরাক নদীর তীরে, একটি ইষ্টক-নির্মিত দুর্গের ভগ্নাবশেষ বর্তমান আছে। এই দুর্গ সম্বন্ধে কোন ঐতিহাসিক তথ্য কেহ জানাইলে বিশেষ উপকৃত হইব।

শ্রীনবকুমার দত্ত।

(১৩৫)

একদৃষ্টে কিছুক্ষণ চাহিয়া থাকিলে চক্ষুর সম্মুখে অতি ক্ষুদ্র স্বেত কীটের মত কি যেন উড়িতে দেখা যায়। উহা কি ?

শ্রীধীরেন্দ্রনাথ সাহা।

(১৩৬)

'টোল' শব্দটি কোন্ ভাষা হইতে বাঙ্গালার আসিয়াছে এবং কতদিন যাবৎ উহা বাঙ্গালা সাহিত্যে ব্যবহৃত হইতেছে ?

শ্রীচিন্তাহরণ চক্রবর্তী।

(১৩৭)

রবি হইতে শনি ও Sunday হইতে Saturday বার-সকল এবং বৈশাখ হইতে চৈত্র ও January হইতে December মাস-সকল কোন্ সময় হইতে আরম্ভ হইয়াছে ?

শ্রীসৌরেশচন্দ্র চৌধুরী।

(১৩৮)

স্বস্ত ছোট ছেলে ঘুমিয়ে ঘুমিয়ে হাসে ও বাঁদে কেন ?

শ্রীসুভাষিনী মাইতি।

(১৩৯)

অক্ষর গৃহে রাত্রিকালে চক্ষু মুদ্রিত করিয়া বসিয়া থাকিলেও গৃহমধ্যে নিঃশব্দে আলোক সঞ্চারিত হইলেও মুদ্রিত চক্ষুও আলোকের অনুভূতি পাইয়া থাকে, ইহার কারণ কি ? মুদ্রিত চক্ষু কিরূপে আলোক-সঞ্চার অনুভব করিতে পারে ?

শ্রীশ্রেয়স সান্যাল।

(১৪০)

বেলপাতা, তুলসী ও ছর্কা হিন্দুদিগের নিকট পবিত্র ও দেবার্চনার অর্থাক্রমে পরিগণিত হইল কিরূপে, কেন এবং কোন্ সময় হইতে ?

শ্রীনলিনীকান্ত দাস।

(১৪১)

'Human magnetism' কি ? প্রত্যেক মানবে ইহা বর্তমান আছে কি না ? ইহার উপকারিতা কি ও কিরূপে ইহার উৎকর্ষ সাধন করা বাইতে পারে ?

শ্রীঅর্ণবচরণ সোম।

(১৪২)

বৃটীশ গভর্নমেন্ট ভারতে কখন হইতে এমিশরি নোট প্রচলন করেন ? পূর্বে ভারতে কোন প্রকার নোট বা তথৎ অস্ত্র কিছু, বৃত্তার পরিবর্তে প্রচলিত ছিল কি না ? আর কোন্ কোন্ সম্রাজ্যে এই নোটের প্রচলন আছে ?

শ্রীযোগেন্দ্রকুমার পাল।

(১৪৩)

হস্তী-ব্যবসায়ী এক বঙ্গুর মুখে শুনিলাম আসামের মাহতেরা হস্তী চালাইবার যে-সব 'বুলি' ব্যবহার করে ভারতবর্ষের অন্যান্য প্রদেশের মাহতেরাও প্রায় সেইসব 'বুলি'ই ব্যবহার করিয়া নিজ নিজ হস্তী চালনা করিয়া থাকে। আসামে ব্যবহৃত 'বুলি' এইরূপ—

"মাগেট্"—সামনে যাও। "পিচ্চু"—পেছনে যাও। "চেই"—ঘুর। "মাইল্"—যাও, চল। "মাইল্ হচিয়ার," "মাইল্ খুপি"—সামনে যাও, পা টিপিয়া চল। "খেত্"—থামো, থাড়া হও। "বিরি"—করিনো না। "বইঠ্"—বস, পড়িয়া যাও। "ঝোক্"—সামনের দুই পা পাড়িয়া বস। "খোল"—খুলিয়া দাও। "পিচ্চু খোল"—পেছনের পা পাড়িয়া বস। "পা জুর"—দুই পা কাছাকাছি রাখ। "ডালে"—উপরের দিকে। "খোর"—ধর। "মার"—মার ইত্যাদি।

ভিন্ন ভিন্ন দেশের ভিন্ন ভিন্ন জাতীয় মাহতের ভাষা অনুসারে "বুলি"-গুলো একটু এদিক ওদিক হইলেও "বুলির" মূল ভাষা একটাই ছিল বলিয়া মনে হয়। শুনিলাম মাদ্রাজের মাহতও আসামের "বুলিতে" হস্তীকে চালাইয়া থাকে এবং গুজরাটী মাহতও বঙ্গদেশের "বুলিতে" হস্তীর দ্বারা কাজ সহজে করাইয়া লয়।

সেই মূল ভাষাটি কি ? উপরোক্ত আদেশ-জ্ঞাপক শব্দগুলি মূলে কি ছিল ?

শ্রীআদ্যনাথ শর্মা।

(১৪৪)

বনফার (Nitrogen) ভস্ম (Potash) ব্যতীত, কফরিক এসিড (Phosphoric Acid) উদ্ভিদের অস্বতম খাদ্য। হাড়ের গুঁড়া, গুঁড় মৎস্য ব্যতীত দেশীয় কোন্ জিনিষে কত পরিমাণ কফরিক এসিড আছে ?

শ্রীরামজীবন গুহাইতি।

(১৪৫)

কাঁচ তৈয়ারি কোথায় বাইয়া শিথিতে হয় ? ভারতবর্ষে কোন্ কোম্পানী কাঁচ প্রস্তুত করিতেছেন ?

শ্রীস্বধাংশুকুমার রায়।

(১৪৬)

রেশমী, পশমী বা হস্তী কাপড়ে লোহার দাগ লাগিলে উঠাইবার, এবং উৎকৃষ্ট উপায়ে পরিষ্কার করিবার উপায় কি ?

শ্রীনটবর সান্না।

মীমাংসা

(৩১)

দুর্গোৎসব প্রচলনের ইতিহাস।

সম্রাট আকবরের সময়ে বর্তমান রাজসাহী জেলার অন্তর্গত জাহিরপুরের রাজা কংশনারায়ণ বাঙ্গলাদেশের সুবেদার এবং দেওয়ান ছিলেন। তিনি বৈদিক কোন মহাযজ্ঞ করিতে মনন করিলে বহু পণ্ডিত সমবেত হইয়া অভিপ্রায় ব্যক্ত করেন যে কলিতে যজ্ঞ শাস্ত্রনিষিদ্ধ। নাটোরের নিকটবর্তী বাহুবলপুরের ভট্টাচার্য্য-বংশোদ্ভব পণ্ডিতপ্রবর রমেশ শাস্ত্রী রাজা কংশনারায়ণের পুরোহিত, বাঙ্গালা ও বেহারের মধ্যে একজন বড় পণ্ডিত ছিলেন। দুর্গোৎসব বৈদিক মহাযজ্ঞের সমান ফলপ্রসূ বলিয়া ইনি রাজাকে শারদীয় দুর্গোৎসব করিতে পরামর্শ প্রদান করিলে তাহাতে সমবেত পণ্ডিতমণ্ডলীও সম্মতি জ্ঞাপন করেন। তদনুসারে রাজা কংশনারায়ণ ১৬৮০ খৃষ্টাব্দে শরৎকালে সাড়ে আট লক্ষ টাকা ব্যয় করিয়া বাঙ্গালা দেশে সর্বপ্রথম দুর্গোৎসব করেন। সেই সময় হইতেই বাঙ্গালা দেশে দুর্গোৎসবের প্রচলন হইয়াছে। অতএব রাজা কংশনারায়ণই বঙ্গ শারদীয় দুর্গোৎসবের প্রবর্তক। বর্তমান দুর্গাপূজা-পদ্ধতি পণ্ডিত রমেশ শাস্ত্রী ঐ সময় প্রণয়ন করিয়াছিলেন। কাশী হইতে প্রকাশিত দ্বাদশ বর্ষের ৯ম সংখ্যা "ত্রিগুন" পত্রিকাতে "বঙ্গ শারদীয় দুর্গোৎসব" প্রবন্ধ দ্রষ্টব্য।

শ্রীবৈকুণ্ঠনাথ দেব।

(৩২)

প্রাচীনকালে মেয়েদের পাহুকা ব্যবহার।

পত্নী মাঘ মাসের বেতালের বৈঠকে আধুনিকদিগের মধ্যে পাহুকায় ব্যবহার সম্বন্ধে মীমাংসায় আমার একটু ভুল রহিয়া গিয়াছে। কখনও হইতে যেটুকু ভুলিয়া দিয়াছিলাম উহা কখনও গৃহবর্ণনা বা হইয়া সন্ন্যাসিনী মহাশয়ের গৃহবর্ণনা হইবে। কখনও বনবাসিনী সন্ন্যাসিনী নহেন।

শ্রীঅমল্যরতন গুপ্ত।

(৩৩)

প্রাচীনকালে বিচারে পক্ষ-সমর্পন।

রায় গুণাকর তাঁহার অগ্রবাসসঙ্গে বাদশাহী দরবারের বর্ণনা-প্রসঙ্গে লিখিয়াছেন—

"উকীল আছিল যারা, কীল খেয়ে হ'ল সারা।"

এখনকার এই "উকীল" অর্থ—যে ব্যক্তি কুমতাপ্রাপ্ত হইয়া অস্ত্রের সাহায্যার্থে প্রতিনিধিবরূপে বিচারালয়ে ব্যবহারকার্য্য সম্পন্ন করে। মোগল বাদশাহদিগের দরবারে জমিদারদিগের পক্ষসমর্পন জন্ত প্রতিনিধি থাকিতেন, তাহার উকীল নামে পরিখ্যাত ছিলেন। এবং মুসলমানের বিবাহ-সময়েও উকীলের প্রয়োজন হয়। সুতরাং মোগল বাদশাহদিগের সময়েই বিচারালয়ে পক্ষসমর্পক উকীল ছিল। হিন্দুর সর্বপ্রধান ধর্মশাস্ত্র মনুসংহিতার ৮ম অধ্যায়ে ব্যবহারদর্শন-বিধি আছে, কিন্তু তাহাতে এরূপ পক্ষসমর্পনের বিধান বা উল্লেখ নাই। সুতরাং মুসলমানদিগের পূর্বে হিন্দুদিগের ব্যবহার-শাস্ত্রে আদালতে পক্ষসমর্পন ছিল না বোধ হয়।

শ্রীবৈকুণ্ঠনাথ দেব।

(৩৪)

ধামুকার বিবরণ।

ধামুকার আচার্য্যপরিবার পূর্ববঙ্গের বিখ্যাত গুরুবংশ এবং প্রভুতসম্পত্তিশালী; উহাদেরই পূর্বপুরুষ ৮ বলরাম বাচস্পতি মহাশয়

তপস্যার জন্ত ভূ-গৃহ নির্মাণ করেন। শাস্ত্রে সাধকগণের জন্ত এইরূপ ভূগৃহের উল্লেখ দেখিতে পাওয়া যায়। প্রায় আড়াই শত বর্ষ পূর্বে এই গৃহ নির্মিত হয় বলিয়া অনুমান। কারণ উক্ত বাচস্পতি মহাশয়ের বহু কীর্তির মধ্যে একটি মন্দিরে দুইটি শোক খোদিত আছে—

শাকে পক্ষ সমুদ্রতর্ক-রজনীনাথে ধরিত্রীতলে
 দুর্গাপাদবলাভিবাম-বলরামে'হং ভাঙ্কাজ্ঞা জনঃ।
 কৃষ্ণা ঘটপূরমন্দিরং মণিগুণ্ডে শ্রীপার্বতী-সম্মতং
 শ্রীকাশীধরমর্পয়ামি নিত্যাং তাতস্ত নিঃশ্রেয়সে।
 আজ্ঞায়-সকিঞ্চ-তপঃ-ফলমেতদেব
 যশ্মকিমন্যু-স্বরহরো মম মন্দিরে'হপি।
 যাচে বহু-তদাপি লো-সুখাং দেব
 পাদারবিন্দ-বসতি-শিষ্টরমত্ প্রয়াৎ ॥

ইহা দ্বারা জানা যায় যে ১৬৪৫ খৃষ্টাব্দে উক্ত গৃহ নির্মিত হয়। কথিত আছে এই মন্দির প্রতিষ্ঠা করিয়াই তিনি ৮ কাশীধামে গমন করেন। কাশীতে শালিসপুরায় মণিগুণ্ডে তাঁহার নির্মিত বাড়ী "ধামুকার বাড়ী" নামে পরিচিত।

শ্রীকালীপদ ভট্টাচার্য্য।

(৩৫)

চোখের কাজে বই পড়া।

আমাদের চক্ষুতীর্যক পিঠনে একখানা কনক্স লেন্স (Convex lens) আছে। দ্রষ্টব্য বস্তুর আলোকরশ্মি লেন্স অতিক্রম করিয়া অক্ষিপর্দায় (Retina) পতিত হয়। লেন্স অতিক্রম করিবার কালে আলোকরশ্মি পরাবর্তিত (Refracted) হইয়া অক্ষিপর্দায় দ্রষ্টব্য বস্তুর একটি স্পষ্ট প্রতিকৃতি পাত করে। অক্ষিপর্দায় কোনও বস্তুর স্পষ্ট প্রতিকৃতি পতিত হইলেই আমরা সেই বস্তুটিকে দেখিতে পাই। কনক্স লেন্সের (Convex lens) বিশেষত্ব এই যে দূরের বস্তুর পতিকৃতি লেন্সের খুব নিকটে পতিত হইয়া থাকে। কিন্তু বস্তুটিকে যদি ক্রমশঃ লেন্সের নিকটে আনা যায় তাহা হইলে ইহার প্রতিকৃতি ক্রমশঃ লেন্স হইতে দূরে সরিয়া যায়। আমাদের চক্ষু দূরের বস্তুর স্পষ্ট প্রতিকৃতি সব সময়ই আমাদের অক্ষিপর্দাতে পতিত হইয়া থাকে। আবার চক্ষু লেন্স যদি কাঁচের ভার কোনও কঠিন পদার্থে তৈয়ারী হইত তাহা হইলে আমরা দূরের বস্তু ছাড়া নিকটের কোনও বস্তু দেখিতে পারিতাম না। কারণ নিকটের বস্তুর প্রতিকৃতি অক্ষিপর্দাতে পতিত হইত না। অক্ষিপর্দাতে স্পষ্ট প্রতিকৃতি পতিত না হইলে আমরা সেই জিনিষটিকে স্পষ্টভাবে দেখিতে পারি না। কিন্তু আমাদের চক্ষুর লেন্স এইরূপভাবে তৈয়ারী যে দ্রষ্টব্য বস্তু ক্রমশঃ নিকটে আনিলে ইহার বক্র ধার দুইটি এমনভাবে আরও বাঁকিয়া যায় যে দ্রষ্টব্য বস্তুর প্রতিকৃতি সব সময়ই অক্ষিপর্দায় পতিত হয়; তাই আমরা দূরের এবং নিকটের বস্তু দেখিতে পারি। চক্ষু লেন্সের ধার বক্র হইবারও একটি সীমা আছে। দ্রষ্টব্য বস্তু চক্ষুর খুব নিকটে আনিলে চক্ষু-লেন্সের ধার বক্র হয় না। ইহার দূরত্ব স্বাভাবিক চক্ষু হইতে ১০ ইঞ্চি। সুতরাং কোনও বস্তু চক্ষুর খুব নিকটে ধরিলে, তাহার প্রতিকৃতি অক্ষিপর্দায় পতিত না হইয়া দূরে পতিত হয় এবং ক্রমশঃ নিকটে আনিলে প্রতিকৃতি আরও দূরে সরিয়া যায় এবং সেইজন্যই আমরা ইহা ক্রমশঃই স্পষ্ট দেখিতে পাই।

শ্রীরাইমোহন দে মজুমদার।

(৩৬)

বিজয়চণ্ডের বনসা-মঙ্গলের সময় নির্ণয়।

বিজয়চণ্ডের বনসামঙ্গলের তারিখ সম্বন্ধে অনেক আপোচনা

হইয়াছে কিন্তু সঠিক কিছুই নির্ধারিত হয় নাই। "ছায়াশূভ বেদ শশী পরিমিত শক" আমরা ১৪০৬ শকাব্দ বা ১৪৮৪ খৃষ্টাব্দ পাই। পৌড়ের স্থপতি হোসেন শাহ, Stewart সাহেবের যতে ১৪২২-১৪২০ খৃষ্টাব্দ পর্যন্ত রাজত্ব করেন; বর্তমানে প্রাচীন মুদ্রা ও শিলালিপি পাঠে হোসেন শাহের রাজত্বকাল ১৪২০ হইতে ১৪২২ খৃষ্টাব্দ পর্যন্ত নির্ধারিত হইয়াছে (রাখালদাস বন্দ্যোপাধ্যায়ের বাংলার ইতিহাস, বিভাগ ৩, ২২৮ পৃঃ)। কিন্তু ইহার কোন তারিখই উপরোক্ত ১৪০৬ খৃষ্টাব্দের সঙ্গে মেলে না। Stapleton সাহেব বিজয়গুপ্তের বাসস্থান পৈন্যগামের এক পুরাতন হস্তলিখিত পুথিতে "বহুশশী বেদশশী" পাঠ দেখিয়াছেন; তাহাতে ১৪১০ শকাব্দ বা ১৪৯৪ খৃষ্টাব্দ হয় এবং রাখালদাস বন্দ্যোপাধ্যায়ের প্রমত্ত তারিখ অনুসারে তাহা হইলে হোসেন শাহের সিংহাসন প্রাপ্তির পর বৎসরই মনসামঙ্গল রচিত হয়। উপরোক্ত হস্তলিখিত পুথির পাঠ গ্রহণ করা ব্যতীত বর্তমানে এ সমস্যাপূরণের অস্ত্র উপায় নাই। এ বিষয়ে ডাঃ শ্রীযুক্ত দীনেশচন্দ্র সেন মহাশয়ের বঙ্গসাহিত্যপরিচয়, প্রথম খণ্ডের ভূমিকা ২৮-২৯ পৃঃ দ্রষ্টব্য।

শ্রীঅমূল্যরতন গুপ্ত।

"ছায়া শূভ বেদ শশী পরিমিত শক" এই সাক্ষেতিক শকের অর্থ ১৪০৮ শক। "অক্ষয় বামা গতিঃ"। সুতরাং ছায়াপদে ৮ (রবি হইতে রাহু অষ্টম গ্রহ এবং রাহু শব্দের অর্থ 'ছায়া' ইতি অমরকোষ), শূভ = ০, বেদ = ৪, এবং শশীপদে ১। এখন দক্ষিণ হইতে বাম দিকে ক্রমে শব্দের অঙ্ক বসাইলেই ১৪০৮ শক হইবে।

ছায়াপদে আবার '২' অঙ্কও বৃদ্ধিতে পারা যায় (স্বল-বাবুর অভিধানের পরিশিষ্ট ভাগে রাগ-রাগিণী জাতিভেদে দ্রষ্টব্য)।

শ্রীনিশিকান্ত চক্রবর্তী।

৪ স্থলে বেদ ও ১ স্থলে শশী ব্যবহৃত হয়। ছায়া-শূভ শশী বোধ হয় পূর্ণ শশী (বোল কলা) অর্থে ব্যবহৃত হইয়াছে। সুতরাং ছায়াশূভ স্থলে ১৬ ধরা যায় তৎপর "অক্ষয় বামা গতিঃ"র নিয়মানুসারে উহা ১৪১৬ শক অর্থাৎ ১৪৯৪ খৃঃ হয়। পৌড়ের হোসেন শাহ ১৪২৪ হইতে ১৫২৫ খৃঃ পর্যন্ত রাজত্ব করিয়াছিলেন। সুতরাং এই শকাব্দ (১৪১৬) বোধ হয় মনসামঙ্গল রচনার ঠিক তারিখ।

সৈয়দ মর্ত্ত্বা আলী।

ছায়া = ০, শূভ = ০, বেদ = ৪, শশী = ১, এই অর্থে ০০৪১ সংখ্যা হয়, কিন্তু "অক্ষয় বামা গতিঃ" এই নিয়ম অনুসারে ১৪০০ পরিমিত শকে বিজয় গুপ্তের মনসামঙ্গল রচিত হয়।

শ্রীটপেল্লনাথ ভট্টাচার্য।

(১০৬)

শান্তিপুত্রের নাম নির্ণয়।

পূর্বের শান্তিপুত্রের অস্ত্র কোন নাম ছিল কি না জানা যায় না; তবে খৃষ্টীয় পঞ্চদশ শতকেও যে শান্তিপুত্র নামই প্রচলিত ছিল সে প্রমাণ আমরা বৈষ্ণব সাহিত্যে পাই। অষ্টোত্তাচার্য পঞ্চদশ শতকে শান্তিপুত্র বাস করিতেন।

শ্রীঅমূল্যরতন গুপ্ত।

(১০৭)

আদিশুর কর্তৃক আনীত ব্রাহ্মণের পরিচয়।

আদিশুর যে পাঁচজন ব্রাহ্মণকে বাংলাদেশে আনয়ন করেন তাঁহাদের নাম সম্বন্ধে মতভেদ দৃষ্ট হয়। প্রাচীন কুল্যাচার্য হরিসিঙ্গের যতে আদিশুর কোলাক দেশ হইতে শান্তিলাগোত্রীয় কিতৌশ, ভরদ্বাজগোত্রীয় মেধাতিথ্য, কান্তপগোত্রীয় সৌভাগ্য, বাৎসগোত্রীয় সুধানিধি এবং সাবর্ণগোত্রীয় সৌভাগ্য এই পাঁচজন ব্রাহ্মণকে আনয়ন করেন। কিন্তু

আধুনিক কোন কোন ব্যয়েঞ্জ কুলপত্রিকার কিতৌশ, মেধাতিথি, সৌভাগ্য, সুধানিধি ও সৌভাগ্য নামে ব্রাহ্মণের নাম উল্লেখ করা হইয়াছে, বক, হাকড় ও বেদগর্ভের নাম দেখা যায়।

যখন ব্রাহ্মণেরা এখানে আসেন তখন তাঁহাদের কোন পদবী ছিল না; তাঁহারা সোত্র দ্বারা পরিচিত হইতেন। ব্রাহ্মণাধ্যায়, সুধোপাধ্যায়, কান্তিলাল, সার্বাল প্রভৃতি পদবী কালক্রমে বাসস্থান ভেদে ও অন্তর্ভুক্ত কারণে তাঁহাদের বংশধরগণের নামের সহিত যুক্ত হইতে থাকে। উদাহরণস্বরূপ বাৎসগোত্রীয় সুধানিধির অন্ততন বঁঠ পুরুষে আমরা ব্যয়েঞ্জ লক্ষ্মীধর সার্বাল ও রাঢ়ী ভরদ্বাজ, এই বিভিন্ন পদবীযুক্ত নাম দেখিতে পাই। এই বিষয়ের বিস্তৃত বিবরণের জন্য বিবেকোদে 'আদিশুর' ও 'কুলীন' এই দুই প্রস্তাব দ্রষ্টব্য।

শ্রীঅমূল্যরতন গুপ্ত।

মহারাজ আদিশুর ব্রাহ্মণ্য-ধর্মের সংকোচের জন্য কান্তকূজ হইতে পঞ্চগোত্রের পাঁচজন গাণ্ডিক ব্রাহ্মণ আনয়ন করেন। তাঁহাদের নাম— সুধানিধি (কান্তপ), তিথিবোধ (ভরদ্বাজ), সৌভাগ্য (বাৎস), সৌভাগ্য (সাবর্ণ্য) ও কিতৌশ (শান্তিলা)।

শ্রীরাইমোহন দে বঙ্গবন্দার।

(১০৯)

নিব প্রভৃতি তৈরীর কারখানা।

(১) পিতল, তামা প্রভৃতি পাতের নিব তৈরারি করিবার কলের খবর শ্রীযুক্ত কে এম ব্যানার্জী, ২৩ শ্রামবাজার রোড ঠিকানায় পাইবেন।

(২) ছাঁচ আল্পিন প্রভৃতির জন্য কল বিক্রয়ার্থে যুক্ত আছে, নিম্নলিখিত ঠিকানায় পত্র লিখুন—

Mohamad Ali and Chistee,
Old Fort,
Jupundhur City.

(৩) Cover, খাম কাটিবার যন্ত্র সর্বত্র পাওয়া যায়, ইহার মূল্য (অধিক মূল্যেরও পাওয়া যায়)।

প্রাপ্তিস্থান—

(১) The Oriental Machine Supplying Agency Limited, 20-1, Lal Bazar Street, Calcutta :

(২) Sham Narain & Co. Ambala City.

শ্রীবিক্রমচন্দ্র রায়।

Joyful Co. Nagpur City, C. P. এই ঠিকানায় খাম কাটিবার যন্ত্র (Envelope making machine) পাওয়া যায়।

সৈয়দ মর্ত্ত্বা আলী।

(১১২)

বাংলা ভাষার প্রথম নাটক।

বাংলার নাটক অনেক কাল হইতেই প্রচলিত ছিল। চৈতন্যদেব তাঁহার পার্শ্বদর্শনের সহিত চন্দ্রশেখরের গৃহে কুলসৌন্দর্য অভিনয় করিয়াছিলেন। যখন শ্রীলোকেশ্বর এই অভিনয়ে উপস্থিত ছিলেন তখন ইহা অবশ্য ভাষার রচিত হইয়া থাকিবে। খৃষ্টীয় বৌদ্ধ ও সপ্তদশ শতকে কতকগুলি সংস্কৃত নাটক বাংলার অনুরূপ হইয়াছিল; যথা,— লোচনদাস কর্তৃক রামানন্দ রায়ের জনস্বার্থবন্ধ নাটক, যদুন্দন দাস কর্তৃক রূপ গোবিন্দীর বিদগ্ধবোধ, প্রেমদাস কর্তৃক কবিকর্ণপুরের চৈতন্যচন্দ্রোদয় নাটক, ইত্যাদি। অষ্টাদশ শতকে ও উনবিংশ শতকের প্রথমার্ধে ব্যক্তির বহু প্রচলন হয় এবং তৎসঙ্গে বহু ব্যক্তিগণের অবশ্যই রচিত হইয়া থাকিবে।

১৮৩১ খৃষ্টাব্দের পূর্বে General Assembly স্কুলের পণিতশিক্ষক তারার্টার শিকদার 'ভদ্রার্জুন' নামে নাটক রচনা করেন; এই নাটক অল্প কোম নাটকের অনুবাদ বা হইলেও ইহার বিবরণ মৌলিক নহে। ইহার পরে রামগতি কবিরত্ন (১৮৪২ খৃষ্টাব্দে) মহানাটক ও (১৮৫২ খৃষ্টাব্দে) নলদরভাটী রচনা করেন—এতদ্ব্যতিরিক্ত ই বিবরণ সংস্কৃত সাহিত্য হইতে গৃহীত। ইহার পরে ১৮৫৪ খৃষ্টাব্দে রামনারায়ণ তর্করত্ন মৌলিক বিবরণে বাংলা ভাষায় প্রথম মৌলিক নাটক "কুলীনকুলসর্কব" রচনা করিয়া বর্ণনা করেন।

শ্রীঅমূল্যরতন গুপ্ত।

বঙ্গভাষায় প্রকাশিত সর্বপ্রথম নাটক 'রত্নাবলী'। ইহা রামনারায়ণ তর্করত্ন কর্তৃক সংস্কৃত হইতে অনুবাদিত হয়। ১৮৫৮ খৃঃ অব্দের ৩১শে জুলাই তারিখে ইহার প্রথম অভিনয় হয়।

কিন্তু বঙ্গভাষায় প্রথম বিরোধিতা নাটক 'বিধবা-বিবাহ'। ইহার রচয়িতা উদ্বেগচন্দ্র মিত্র। ১২৬৮ সালে ইহার প্রথম অভিনয় হয়।

শ্রীনিশিকান্ত চক্রবর্তী।

"কুলীনকুলসর্কব"। রচয়িতা বর্ণগত সুপণ্ডিত রামনারায়ণ তর্করত্ন। নিবাস ২৪ পরগণা জেলার অন্তর্গত হরিনাতি গ্রামে ছিল।

অমিরকান্ত দত্ত।

বঙ্গভাষায় প্রকাশিত সর্বপ্রথম নাটক "ভদ্রার্জুন"। প্রণেতা তারার্টার শিকদার। ১৮৫২ খৃঃ প্রকাশিত।

সৈয়দ মর্সুদ আলি।

১৭৪৫ শকে রামনারায়ণ তর্করত্ন 'পতিব্রতোপাখ্যান', 'কুলীনকুলসর্কব', ও 'নবনাটক' রচনা করেন। 'পতিব্রতোপাখ্যান' তাঁহার প্রথম নাটক। তাঁহাকেই বাঙ্গালীভাষায় প্রথম নাটক-রচয়িতা বলা হয়।

শ্রীকীর্ত্তিচন্দ্র মজুমদার।

"চৈতন্যচন্দ্রোদয়, নাটক"। ১৭৩৪ শকে পুরুষোত্তম (প্রেমদাস সিদ্ধান্তবাণীশ) মূল সংস্কৃত নাটক হইতে বাঙ্গালীর পদ্যানুবাদ করিয়াছিলেন।

শ্রীঅবন্তীভূষণ পাল।

(১১৪)

পাকা রং।

দেবী গাছ-গাছড়ার কয়ের সাহায্যে সূতার বা কাপড়ে সব রকমেরই পাকা রং করা যায়। শ্রীব্রহ্মলোকনাথ চক্রবর্তীর "পাকা রং প্রণালী" নামক পুস্তকে সূতা বা কাপড় পাকাভাবে রঙ্গাইবার সহজ উপায় বিস্তারিতভাবে লেখা আছে। পুস্তকখানার নাম মাত্র ৯/০ হই আনা। পাইবার ঠিকানা :—

হোমিও রিসার্চ লেবরেটরী।

পোঃ ব্রাহ্মণগাঁও। জেলা ঢাকা।

মহিউদ্দীন আহমদ চৌধুরী।

রংএর সহিত কিকিৎ ফিটকারীর জল মিশ্রিত করিয়া সূতা সহ কিছুক্ষণ আঙনের তাপ দেওয়ার পর সূতাকে হারার শুকাইলে রং স্থায়ী হয়।

মোহাম্মদ খোরশেদ আলম চৌঃ।

(১১৫)

বাঙ্গালীর বাতা।

"শ্রীমদ্ভাগবত-মতে ভৃগু ও বাঙ্গালী বঙ্গের পুত্র। চর্ষণী নারী পত্নীর গর্ভে এই পুত্রদ্বয়ের জন্ম হয়।"—চরিতাভিধান।

সৈয়দ মর্সুদ আলি।

মহামুনি বাঙ্গালীর মাতার নাম 'সুকান্তা'। ইনি শর্যাপতি রাজার কস্তা। চ্যবন মুনির একাধিক দায় পরিগ্রহের প্রমাণ পাওয়া যায় না।

শ্রীনিশিকান্ত চক্রবর্তী।

বাঙ্গালী চ্যবন মুনির পুত্র ইহা মূল রামায়ণে কোথায়ও নাই। ইহা কৃত্তিবাসের কবিকল্পনা কিম্বা তখনকার কিম্বদন্তী হইতে গৃহীত। মহাভারতের আদিপর্বে (৫-৮ অধ্যায়) এক চ্যবন মুনির উল্লেখ আছে, কিন্তু তাঁহার সহিত বাঙ্গালীর কোন সম্বন্ধ নাই। তিনি ভৃগুমুনির ঔরসে পুত্রোৎপত্তি করিয়া জন্মগ্রহণ করেন এবং তাঁহার প্রমতি নামে এক পুত্র ছিল। মূল রামায়ণের উত্তরাকাণ্ডে বাঙ্গালীর আশ্রয়-পরিচয়ে আছে যে তিনি প্রচেতাঋষির বংশে জন্মগ্রহণ করেন এবং প্রচেতা হইতে তিনি অধস্তন দশম পুরুষ,—

প্রচেতসোহং দশমঃ পুত্রো রামবনন্দন।

ন স্মরামানুতং বাক্যামিসৌ তু তব পুত্রকৌ।

উত্তরাকাণ্ড, ১০২ সর্গ, ১৮ শ্লোক।

শ্রীঅমূল্যরতন গুপ্ত।

(১১৬)

ভাস্করাচার্যের যুগে সূচিকা-ভরণ ইত্যাদি।

আয়ুর্বেদ শাস্ত্রে শলাচিকিৎসা ও সূচিকাভরণ শব্দ দৃষ্ট হয়; তাহাতে বুঝা যায় পূর্বে সূচিকা দ্বারা ঔষধ শিরার মধ্যে প্রয়োগ করার ব্যবস্থা ছিল।

শ্রীকরণীন্দ্র মণ্ডল।

ভাস্করাচার্যের যুগে সূচিকা-প্রচলন ছিল বলিয়া বোধ হয় না। কারণ প্রবাদ আছে ভাস্করাচার্যের কস্তা লীলাবতীর বিবাহসময় নিরুপণের জন্য একটি জলপূর্ণ পাত্রে একটি একছিন্ন পাত্র রাখা হইয়াছিল; এই ছিন্নপত্রে জল প্রবেশ করিয়া পাত্রটি জলমগ্ন হইলেই বিবাহসময় সমুপস্থিত হইবে ভাস্করাচার্যের এইরূপ ধারণা ছিল। লীলাবতী কৌতুহলাক্রান্ত হইয়া বারংবার পাত্রটি দেখিতে বান এবং তাঁহার অজ্ঞাতসারে সমস্ত হইতে একটি ক্ষুদ্র মুক্তা পাত্রমধ্যে পতিত হইয়া জলপবেশ-পথ রোধ করে। অসুস্থিত সময় অতিক্রান্ত হইলে ভাস্করাচার্য অসুস্থদানে শেষে সর্বেশেষ কারণ অবগত হইয়া নিচতির প্রভাব অশ্রুতীয় বলিয়া স্বীকার করিয়াছিলেন। অতএব যদি সূচিকা-প্রচলন থাকিত তবে সময় নিরুপণের জন্য একরূপ পদ্ধতি অসুস্থরণ করিয়াছিলেন কেন? তবে এই সূচিকা-পাত্রকে যদি বলা যায় কি না তাহা সূচিকা-প্রচলনের চিহ্ননয়।

শ্রীরামকৃষ্ণ বিদ্যানির্ধা।

(১১৭)

বঙ্গসাহিত্যে সর্বপ্রথম উপন্যাস-লেখিকা।

বঙ্গসাহিত্যে সর্বপ্রথম উপন্যাস-লেখিকা শ্রীমতী মুলেন্দ্র, তাঁহার সর্বপ্রথম উপন্যাসখানির নাম "সুলভা ও করুণা"।

শ্রীসুনির্মল বসু।

শ্রীমুক্তা স্বর্ণকুমারী দেবী বাংলা সাহিত্যে সর্বপ্রথম উপন্যাস-লেখিকা। পুস্তকখানির নাম দীপনিকরণ।

শ্রীমদ্রথনাথ চৌধুরী।

বঙ্গের মহিলালিখিত প্রথম উপন্যাস 'দীপনিকরণ' ১৮৭২ খৃষ্টাব্দে প্রণীত হইয়াছিল।

শ্রীসরোজপ্রসন্ন রায়। শ্রীপ্রথনাথ বর্দন।

(১১৮)

আখের উপায় উই বিবরণ।

আখের পোড়ার দিকটা মজ, উই ধরিতে সুবিধা পায় না। উপায় দিক অপেক্ষাকৃত নরম, সেইজন্য উই সহজে ছিন্ন করে। আখের

নোড়ার দিকে আধ হাত উপরে লবণ-জল বা তামাক-জল তুলিয়া দিয়া সপ্তাহে একবার করিয়া লাগাইলে উই ধরিতে পারে না। বর্ষাকালে তুলা ঐ লবণ- বা তামাক-জলে ভিজাইয়া জড়াইয়া বেণের কর্তব্য।

শ্রীকরণামর মণ্ডল।

আখের ডগা হাপর দিবার সময় কিনাইলের জল দিয়া হাপর দিতে হইবে এবং পরে ডগা অমিতে বসাইবার সময় পদ্মপাতা রৌদ্রে শুকাইয়া চূর্ণ করিয়া আখের খুণিতে দিয়া ডগা বসাইলে উই ধরে না।

শ্রীরাজেন্দ্রনাথ সিংহরায়।

(১১৯)

প্রাচীনকালে মাতার নামে পুত্রের নাম।

পুরাণোল্লিখিত দৈত্য, বৈনতের প্রভৃতি ব্যক্তির পিতার নামানুসারে পরিচিত না হইয়া মাতার নামানুসারে হইয়াছিলেন। বৈনতের অর্থাৎ বিনতানন্দন গরুড়; দৈত্য অর্থাৎ দিত্তিপুত্র অশুর; ইত্যাদি। তাহার কারণ, ইহাদের সকলেরই পিতার নাম কশ্যপ। কশ্যপের অপত্য কাশ্যপের। দেবতা, দৈত্য, গরুড়, নাগ প্রভৃতি সকলকেই কাশ্যপের বলা যায়। কিন্তু ঐসকল ব্যক্তি পরস্পর সম্পূর্ণ বিভিন্ন জাতি বলিয়া শুধু কাশ্যপের বলিলে সে ব্যক্তি দেবতা কি দৈত্য কি গরুড় তাহা স্থির করা অনেক সময়ে কঠিন হইবে। এইরূপ শাস্ত্রকার কশ্যপের সন্তানগণকে পৃথক পৃথক চিহ্নিত করিবার জন্ত তাঁহাদিগকে তাঁহাদের স্ব স্ব মাতার নামানুসারে পরিচিত করিয়াছেন। এইরূপ ঐহাদেরই অনেক বৈমাত্রেয় ভ্রাতা ছিল, তাহারা সকলেই স্ব স্ব মাতার নামানুসারে পরিচিত হইয়াছেন।

শ্রীমুখাঃ শুভ্রয় পুরকাইত। শ্রীঅমিরকান্ত দত্ত।

বৈদিক যুগের প্রভাতকালে বা মানবের আদিম অংশের যখন মানবসমাজে বিবাহপ্রথা প্রচলিত হয় নাই, তখন কে কাহার সন্তান তাহা কেহ স্থির করিতে পারিত না। সুতরাং জন্মদাতা পিতার অনিশ্চিততা নিবন্ধন উহার পিতৃনামে পরিচিত না হইয়া মাতৃনামে পরিচিত হইত। পরবর্তী যুগে বিবাহপ্রথা প্রচলিত হইলেও এই আদিম কথানুসারে দক্ষরাজকন্যা ও বশুপপত্নী দিত্তি, অদিত্তি, মনু, বিধা, মিনতা, কক্র এবং মনু ইত্যাদির গর্ভজাত সন্তানগণ দৈত্য, আদিত্তা, দানব, বিদ্যময়, বৈনতের, কাশ্যপের এবং মানব প্রভৃতি নামে (মাতার নামানুসারে) পরিচিত হইলেন। তাই বায়ুপুরাণে বর্ণিত আছে— “দিত্তিকস্য সর্গ এব প্রোচ্যতে মাতৃনামতঃ” অর্থাৎ এই যে দেবতাদের উৎপত্তিবিবরণ বিবৃত হইতেছে ইহার মাতৃনামে পরিচিত। কালে এই রীতির কিছু পরিবর্তন হয় এবং সন্তানগণ পিতৃনামে পরিচিত হইতে থাকেন। যেমন গর্গের পুত্র গার্গ্য, কক্রা নামী এবং ভৃগুর পুত্র ভার্গব, ইত্যাদি। আরও অপেক্ষাকৃত পরবর্তী যুগে এই পিতৃনামে পরিচয় প্রদান প্রথা হইতেই ভারতীয় আৰ্যসমাজে “বংশগত উপাধির” প্রচলন হয়। এতৎ সম্বন্ধে বিস্তৃত বিবরণ—মদ্ রচিত “প্রাচীন আৰ্যসমাজে বিবাহের উৎপত্তি ও প্রসার” (অর্চনা, কালীন ১৩২৫) ও “উপাধিরহস্ত” (নব্যভারত, ভাদ্র ১৩২৮) এবং পণ্ডিতশ্রবর বেদাচার্য্য শ্রীউমেশচন্দ্র দাশ শর্মা বিদ্যারত্ন পরিচিত “মাতা মনু” শীর্ষক প্রবন্ধে দ্রষ্টব্য।

শ্রীমলিতমোহন রায়, বিদ্যালয়নিবাসী।

কক্র, দিত্তি, বিনতা ইহারা জিম্ভনই প্রজাপতি দক্ষের কন্যা এবং কশ্যপ ঋষির স্ত্রী। দিত্তির গর্ভজাত সন্তান (দিত্তি + ক্য অপত্যার্থে) দৈত্য। ঐ রূপ বিনতার সন্তান বৈনতের (অরুণ ও গরুড়)। কক্রর সন্তান কাশ্যপের (অপত্যার্থে কের) নাগগণ। ইহারা পিতৃনামে

পরিচিত হইলে “কাশ্যপের” বলিয়া আখ্যাত হইতেন। কিন্তু কাহার গর্ভজাত তাহা বিশদভাবে বোধগম্য হইত না।

শ্রীরামজুলাল বিদ্যালয়নিবাসী।

(১২০)

পঞ্জাবে সাপুড়ির “বান্দালী” নাম কেন।

পূর্ববঙ্গের একজন বীরভূঁয়া রাজা কয়েকজন সাপুড়িয়াকে পঞ্জাব প্রদেশের রাজনৈতিক তথ্য সংগ্রহে প্রেরণ করেন। তাহারা সেখানে অনেক লোককে সর্পবাহুবিদ্যা শিক্ষা দিয়া রাজনৈতিক সংবাদ সংগ্রহকরতঃ দেশে ফিরিয়া আসে। ঐসকল সাপুড়িয়া পঞ্জাবে আপনাদিগকে বান্দালী বলিয়া পরিচয় দিত। তদবধি সেখানে তাহাদের শিষ্য-প্রশিষ্যগণ সেই বান্দালী নামে খ্যাত হইতেছে।—Old History of Panjab by Dr. Howard.

শ্রীকরণামর মণ্ডল।

(১২৩)

তামা তুলসী স্পর্শ করিয়া শপথ।

পূর্বকালে লোকে তিল তামা তুলসী গঙ্গাজল স্পর্শ করিয়া শপথ করিত; কারণ তিলের এক নাম পবিত্র, কারণ

বিকোর্ দেহসমুদ্ভূতাঃ কুশাঃ কৃকাসু তিলসু তথা।—মৎস্কপুরাণ ২২.৮৯।

তুলসীর এক নাম পাবনী ও অপস নাম পবিত্রা, যেহেতু তুলসী—

কলাংশেন মহাতাগে স্বয়ং নারায়ণপ্রিয়া।—ব্রহ্মবৈবর্তপুরাণ।

তুলসীং স্বকরে বৃদ্ধা স্বীকারং যো ন ব্রহ্মতি।
স যাতি কালক্রমঞ্চ যাবচ্ চন্দ্র-দিবাকরৌ।
করোতি মিথ্যা শপথং তুলস্যা যো হি মানবঃ।
স যাতি কুণ্ডীপাকঞ্চ যাবদ্ ইন্দ্রাশ্ চতুর্দশ।
—ব্রহ্মবৈবর্তপুরাণ, প্রকৃতিপুঃ।

তথা গঙ্গোদকং তত্রঃ গোময়ং পোরজসু তথা।
সত্যং বা যদি বাসত্যং যদি দিব্যং করোতি যঃ
কর্তা চ রৌরবং বাতি তথা কারয়িতা প্রিয়ে।
—পারত্রীতহ ১ম পটল।

নারদ সংহিতায় এইসব বস্তুকে “সত্যবাহন-শস্ত্রাণি” বলা হইয়াছে।

চারু বন্দ্যোপাধায়।

হিন্দুধর্মের নিকট তামা তুলসী গঙ্গাজল বিষ্ণুর সমান। উহা স্পর্শ করিয়া শপথ করা আর বিষ্ণুর নিকট শপথ করা একই। এইরূপ শপথের অপলাপ হইলে নিজের অমঙ্গল। নিম্নপুত্র প্রাণাধিক প্রিয়। তাহার মস্তক স্পর্শ করিয়া শপথ করিলে যদি শপথের অপলাপ হয় তবে প্রাণাধিক পুত্রের অমঙ্গল হইতে পারে।

শ্রীকরণামর মণ্ডল।

শপথকালে পুত্রের মস্তক স্পর্শ করা শাস্ত্রসম্মতঃ—

“নৈব ব্রাহ্মণ-পাদাংশু পুত্র দার-শিরাংসি চ।
এতে তু শপথাঃ প্রোক্তাঃ মনুনা ব্রহ্মকারণে।”
মিথ্যা শপথ করিলে পাপগ্রস্ত হইতে হয়। প্রমাণ—
“বৃথা হি শপথং কুর্দান্ প্রেত্যা চেহ চ মশ্চতি।”

(ব্যবহারতত্ত্ব)

“তথা গঙ্গোদকং তত্রঃ গোময়ং পোরজসু তথা।
সত্যং বা যদি বাসত্যং যদি দিব্যং করোতি যঃ।
কর্তা চ রৌরবং বাতি তথা কারয়িতা প্রিয়ে।”

(পারত্রীতহ)

শ্রীবিজয়কৃষ্ণ রায়।

(১২৪)

কাছোজ দেশ ।

প্রাচীন ভারতে কাছোজের অবস্থান নিম্নোক্ত নোকাটি হইতে জানিতে পারা যায় :—

“কাছোজ-দেশো দেবেশি বাজিরাশিপরাগঃ ।

বৈবর্তদেশাৎ উর্দ্ধক ইন্দ্রপ্রহাচ দক্ষিণে ।”

(শক্তিঙ্গবতঃ)

শ্রীবিজয়কৃষ্ণ রায় ।

“ভারতের ভূগোলে এক সময়ে দুইটি কছোজ লিখিত হইয়াছিল,— একটি বর্তমান ভারতের উত্তর-পশ্চিমে, অপরটি পূর্ব-দক্ষিণে অবস্থিত। প্রথমটি মুসলমান অধিবাসী কর্তৃক অধ্বাষিত, অপরটি হাবিশাল হিন্দু ও বৌদ্ধ কীর্তিতে পরিপূর্ণ। * * * * * প্রথমোক্ত কছোজই আমাদের প্রাচীন গ্রন্থে বর্ণিত হইয়াছে। মুসলমান গ্রন্থকারেরা ইহাকে কছোজ নামে অভিহিত করিয়াছেন। আজকাল কেহ কেহ তিস্তকে কছোজ নামে নির্দেশ করিতেছেন।”

—সাহিত্য, কাছুন ১৩১৯ ।

শ্রীমহেন্দ্রকিশোর গুপ্ত ।

কছোজ বর্তমান ক্যাম্বোডিয়া (Cambodia) শ্যামরাজ্যের দক্ষিণে অবস্থিত। ইহা ঠিক ভারতবর্ষে নহে। তখনকার ভারতবর্ষ এখন অপেক্ষা দৈর্ঘ্যে ও প্রস্থে অনেক বড় ছিল, কিন্তু এখন ক্যাম্বোডিয়া কিংবা কছোজ ভারতবর্ষে আছে বলিলে ভ্রমে পড়িতে হয়।

মহাধনাথ চৌধুরী ।

হরিবংশ হইতে জানিতে পারা যায় যে রাজা সগর রাজ্যে অনুপস্থিত থাকার কালে কতকগুলি বহির্ভারতীয় জাতি তাঁর রাজ্য আক্রমণ করিয়াছিল ; রাজা কিরিয়া আসিয়া তাদের পরাজিত ও দণ্ডিত করেন—

অর্দ্ধং শকানাং শিরসো মুণ্ডয়িত্বা ব.সর্জ্জয়ৎ ।

অন্যান্য শিরঃ সর্জ্জং, কাছোজানাং তথৈব চ ।

ইহা হইতে এই জানা যায় যে যদিকে শক ও যবনদের দেশ, সেই দিকে কাছোজ ; ও সেই দেশের লোকেরা সমস্ত মাথা নেড়া করে।

রঘুবংশে দেখা যায় যে রঘু দিগ্বিজয়ে বাহির হইয়া সিন্ধুতীর দিয়া কাশ্মীর আক্রমণ করিয়া ছগ দেশ জয় করেন ও তার পর কাছোজে যান এবং কাছোজ হইতে হিমালয়ে উপস্থিত হন (রঘুবংশ ৪র্থ সর্গ ৩৭-৭১) । কালিদাসের যেরূপ নিভুল ভূগোল-জ্ঞান ছিল দেখা যায়, তাতে এই জানা যায় যে কাছোজ দেশ কাশ্মীরের উত্তরের কোনো দেশ।

প্রাচ্যবিদ্যামহার্ণব শ্রীযুক্ত নগেন্দ্রনাথ বসু অনুমান করিয়াছেন যে কাছোজ মধ্য এশিয়ার বর্তমান পারস্তের নিকট ছিল ; পরে সেখানকার লোক ভারতের দক্ষিণ-পশ্চিমে কাছে উপসাগরের সন্নিহিত জনপদে আসিয়া বাস করে ও সেই দেশ কাছোজ নামে খ্যাত হয়।

পণ্ডিত শ্রীযুক্ত উমেশচন্দ্র বিজয়ারত্ন মহাশয়ের মত আঙ্গানিস্তানই কাছোজ ।

বাগ্মণিক ও তৎসাময়িক বৃত্তান্ত পুস্তকে প্রমুখচন্দ্র বন্দ্যোপাধ্যায় কাছে প্রদেশকেই কাছোজ বলিয়াছেন।

হিন্দুকুশ ও কারাকোরাম পর্বতমালায় কাছে কৌমজি কামতেজী ও কামোজ নামে শিরাপোষ জাতি বাস করে ; তাদের মধ্যে জনশ্রুতি আছে যে ঐ জাতির মুসলমানদের ভয়ে কান্দাহার-সন্নিহিত দেশ হইতে পলাইয়া হিন্দুকুশ ও কারাকোরাম পর্বতে আশ্রয় লইয়াছে। নামসাদৃশ্য হইতে কেহ কেহ অনুমান করেন এরাই প্রাচীন কাছোজ জাতি, কাছোজ দেশের লোক।

অশোক-অনুশাসন হইতে জানা যায় যে অশোক প্রচারক পাঠাইয়া হিমালয় সন্নিহিত বহু দেশে বৌদ্ধধর্ম প্রচার করেন ; সেইসব দেশের

অন্ততম কাছোজ। নেপালের লোকেরা এখনও তিস্তকে কাছোজ বলে (Foucher, Iconographie bouddhique, p. 134) । সেইজন্য ভিন্সেন্ট স্মিথ তিস্তকেই কাছোজ বলিয়া স্বীকার করিয়াছেন (Vincent A. Smith, Early History of India, p. 173: 2nd ed.) ।

ভারতের বাহিরে ভারত যখন উপনিবেশ স্থাপন করিয়া বহির্ভারত বা বৃহত্তারত বিস্তার করিতেছিল, তখন বর্তমান ক্যাম্বোডিয়া কাছোজ নামে পরিচিত হইত।

চার বন্দ্যোপাধ্যায় ।

রঘুবংশে রাজা রঘুর দিগ্বিজয়ে তাঁহার নিকট কছোজ-নরপতি-বিগের পরাজয়ের কথা উল্লেখ আছে। রঘু পারস্যবিজয়ের পর সিন্ধুনদীর তীর দিয়া উদীয় নরপতিদিগকে পরাজয় করিবার মানসে ক্রমশঃ উত্তরাতিমুখে অগ্রসর হইয়া কছোজ প্রদেশে উপস্থিত হন। পূর্বে পারস্যদেশ ভূমধ্যসাগর হইতে সিন্ধুনদীর পশ্চিমতীর পর্য্যন্ত বিস্তৃত ছিল। মহাবীর আলেকজান্ডারের ভারত আক্রমণের সময়েও পারস্য রাজ্যের সীমা এইরূপ ছিল। সুতরাং বুঝা যাইতেছে যে পারস্য রাজ্যের পূর্বসীমায় সিন্ধু নদীর তীর দিয়া উত্তর দিকে যাইলে ভারতবর্ষের উত্তর-পশ্চিম কোণে আসা যায়। রঘু সিন্ধুতীরস্থ হুনদিগকে পরাস্ত করিবার পর কছোজ আক্রমণ করেন। ইহা হইতে দেখা যাইতেছে যে কছোজ ভারতবর্ষের সীমার পরপারে ঠিক উত্তর-পশ্চিমে অবস্থিত ছিল। কছোজ মহাবীর আলেকজান্ডারের সময়েই বাস্তীয়া প্রদেশ নামে অভিহিত ছিল এবং ঐ প্রদেশ আলেকজান্ডার অধিকার করিয়াছিলেন। তাঁহার মৃত্যুর পর ঐ প্রদেশ সেলুকাসের শাসনাধীন হইয়াছিল। সেলুকাসের সহিত মৌর্যবংশীয় রাজা চন্দ্রগুপ্তের যে সন্ধি হইয়াছিল তাহাতে সেলুকাস চন্দ্রগুপ্তকে পঞ্জাবস্থিত গ্রীক অধিকার ও কাবুলপ্রদেশ ছাড়িয়া দেন এবং কাবুলপ্রদেশের উত্তর পশ্চিমস্থ বাস্তীয়া প্রদেশ নিজে প্রাপ্ত হন। মহাভারতের সময়ে এই প্রদেশের নাম বাহ্লিক রাজ্য ছিল। আবু'নক নাম “বলুক” এবং আক্গান রাজ্যের অন্তর্ভুক্ত। বাহ্লিক, কছোজ, বাস্তীয়া ও বলুক একই রাজ্য, তবে বিভিন্ন সময়ে উপরোক্ত বিভিন্ন নামে অভিহিত হইয়াছিল, এবং এই প্রদেশ যে সকল সময়েই একই সীমার ভিতর আবদ্ধ ছিল এরূপ কথা বলা যায় না,—সময়ভেদে আরতনের হ্রাস বৃদ্ধি অনুসারে সীমার পরিবর্তন ঘটাইতে পারে।

শ্রীমহেন্দ্রনাথ সিংহরায় ।

(১২৬)

এক চোখে দেখানো ।

এক চোখে হাত দিলে দুই চোখে হাত দিতে হয় শাস্ত্রে আছে—

পানিভ্যাং ন স্পৃশেচ্ চক্ষুশ্ চক্ষুযৌ নৈক পানিনা ।

চক্ষুঃ পরাহিতাকাজী ন স্পৃশেদ্ একপানিনা ।

(কর্ণলোচনম্)

শ্রীবিজয়কৃষ্ণ রায় ।

(১২৮)

মুখের ত্রণ নিবারণের উপায় ।

সোহাগা দুই-তিন দিন জলে রাখিয়া সেই জল মুখে দিলেই মুখের তৈল-পদার্থ কমিয়া যায় এবং তাহাতেই ত্রণ কমিয়া মুখের দাগ ক্রমশঃ উঠিয়া যায়। ইহাতে আমি নিজে ফল পাইয়াছি।

শ্রীমহেন্দ্রকুমার গুহ ।

১। মুখে ত্রণ ও মেচেতার রিখি দাগ নিবারণ করিতে হইলে যেতন্দ্রন কিছদিন নিয়মিতরূপে মর্দন করা উচিত।

২। ডাবের জলে সোমরাজ ভিজাইয়া সেই জল করেকদিন ব্যবৎ দিনের মধ্যে অনেকবার করিয়া লাগাইতে হইবে। ঐ জল শুকাইয়া গেলে প্রত্যেক বারেই এক টুকরা পাতলা নেকড়া দিয়া ধীরে মর্দন করিতে হইবে।

৩। ত্রণগুলি অপেক্ষাকৃত বড় হইলে একটি প্রস্তরে ২ঃ৪টি মরিচ ঘর্ষণ করিয়া প্রলেপ দিলে বেশ কাজ হয়। কাগজী নেবুর রস মর্দনেও বিশেষ ফল পাওয়া যায়।

৪। ত্রণ আদৌ না টেপা ত্রণের সর্কাপেক্ষা মনোবধ।

ঐউপেলেকিপোর সামন্তরায়।

১। মস্তুরী ভাল ঘূতে ভাজিয়া জলে বাঁটিয়া প্রলেপ দিলে মুখের ত্রণ সারিয়া যায় এবং মুখের সৌন্দর্য্য বৃদ্ধি হয়।

ঝুনা নারিকেলের জল দ্বারা প্রতিদিন ২ঃ৩ বার মুখ ধুইলে মুখের কাল দাগ এমন কি বসন্তের দাগ পর্য্যন্ত উঠিয়া যায়। ("বুদ্ধিবোগ-রহস্য"—প্রাণবন্ধু রায় কাব্যরত্ন)।

মোহাং খোর্শেদ আলম চৌঃ।

খাঁটি শরিষার তৈল আন্দাজ একপোয়া জ্বালে চড়াইতে হইবে এবং ভাল গোলমরিচ ২ তোলা শুঁড়াইয়া রাখিবে, বড় এলাইচ ৩ তোলা শুঁড়াইবে ও তেজপত্র ৩ তোলা আন্দাজ শুঁড়াইবে, শুঁট ২ তোলা শুঁড়াইবে; যখন ঐ তৈল খুব ফুটতে থাকিবে তখন উক্ত শুঁড়া ঝবাসকল তাহাতে কেলিয়া দিবে এবং যখন উহা সিদ্ধ হইয়া তৈলের রং জাল হইবে তখন তৈল নামাইবে। যেতলে কিম্বা শিশিতে রাখিয়া দিয়া প্রত্যাহ রাতে এবং প্রাতে স্নানের পর একটু একটু বেশ মালিশ করিয়া রাখিতে হইবে। ২ সপ্তাহ মধ্যে মুখের সকল বিক্রী দাগ ঘুচিয়া যাইয়া মুখ অপূর্ণ ঐ ধারণ করিবে। ইহা আমার একান্ত পরীক্ষিত। তবে বসন্তের দাগ বাইতে পারে কি না জানি না।

ঐশক্তিপদ কর।

মুখত্রেণে মোহাং চূর্ণ ও মরদা যসিয়া দিলে উপকার হয়। সিমুলের কাঁটা, যসিয়া মেছেতার প্রতিদিন ২ঃ৩ বার লাগাইলে উপকার হয়।

ঐরামদুলাল বিদ্যানিধি।

ভীক্ষ সিমুলের কাঁটা কাঁটা ছুখের সহিত বাঁটিয়া মুখে প্রলেপ করিলে মুখের ত্রণের দাগ নিবারিত হয়।

ঐনির্মল বহু।

এক গ্রাম ফুটন্ত জলের উপর (অবশ্য গ্রাসটি যেন সম্পূর্ণরূপে ভরা না হয়) একখানা ন্যাকড়া দিয়া তাহার উপর কিছুক্ষণ নীচু করিয়া মুখ পাতিয়া রাখিলে ক্রমে ক্রমে সম্পূর্ণ মুখমণ্ডল যামিয়া উঠে এবং ২ঃ৩ দিন এইরূপ করিলে মুখের বিক্রী দাগ সহ সমস্ত ত্রণ নষ্ট হইয়া যাইবে। আরি নিজে ইহা পরীক্ষা করিয়া দেখিয়াছি।

ঐমনোরঞ্জন সেনগুপ্ত।

রক্তচন্দনের সঙ্গে পাতিলেবুর রস মিশাইয়া মুখে প্রলেপ দিলে ঐ দাগ উঠিয়া যায়। আর যখন গরু ঘোরা হয় তখন ছুখে যে কেনা হয় সেই কেনা মুখে মাখিলে সব দাগ উঠিয়া যায়।

ঐনির্মলা বহু।

ভাল শাঁখের চূর্ণ সাবানের ফেনার সহিত মিশাইয়া প্রত্যাহ ছুইবার দিলে ত্রণ নষ্ট হইয়া যায়। ফেনা ও চূর্ণ ভালমত মিশাইয়া মুখে ১ঃ১৫ মিনিট বেশ করিয়া মালিতে হইবে। এইরূপ করিলে ২ঃ দিনেই বেশ উপকার পাওয়া যায়। অনেক লোক এইরূপ করিয়া বেশ উপকার পাইয়াছে।

ঐমোহিতমোহন রায়চৌধুরী।

মুখে ত্রণ হইলে তাহাতে উপযুক্তি করেকবার নিজের খুঁ

লাগাইলে ত্রণ সারিয়া যায়। বিবস্ত্র বিমমৌবধ। যেচেতা সারাইতে mercolised-wax ব্যবহার করা বাইতে পারে, ডাক্তারখানার উহা পাওয়া যায়। মোহাং ও যেতচন্দন জলে যসিয়া লাগাইয়া প্রত্যেক উপকার পাইয়াছি।

ঐকরণায়র মণ্ডল।

ঝুনা বা শণবীর জলে বাঁটিয়া প্রলেপ দিলে মুখের ত্রণ আরোগ্য হয়। বাধান বাঁটিয়া অথবা অথগড়া পাতার রসের প্রলেপ দিলে, যেচেতা, ত্রণ, ছুলি প্রভৃতি আরোগ্য হয়। (পরীক্ষিত)।

ঐকালিদাস ভট্টাচার্য্য।

একটা নেবু ছুই খণ্ড করিয়া, পাখর কিম্বা কাচ পাতে রস নিড়াড়িয়া লইবে। এক আনি পরিমাণ মোহাংগার খৈ চূর্ণ এই রসের সাথে মিশাইবে। পরে একটু চিনি ঐ রসে কেলিয়া, একটি পরিষ্কার শিশিতে করিয়া এ ঔষধ রাখিয়া দিবে। ২ঃ৩ দিন পর, এ ঔষধ হাতে করিয়া প্রত্যাহ মুখে যসিয়া মালিশ করিবে। এই প্রকারে এ আরক করেকদিন মালিশ করিলে, যেচেতা ও ত্রণের দাগ আর থাকে না। প্রত্যাহ ঝুনা নারিকেলের জলে মুখ ধুইলে, এসব বিক্রী দাগ মিলাইয়া যাইয়া মুখের সৌন্দর্য্য বৃদ্ধি করে।

নগেন্দ্র ভট্টশালী।

পাতি নেবুর রস স্নানের পূর্বে বেসনের সহিত মিশ্রিত করিয়া মুখে মাখিতে হয় এবং কিছুক্ষণ পরে পরম জলে কতকগুলি পাতি নেবুর (খোসা সমেত) রস বাহির করিয়া মিশ্রিত করিয়া ঐ জল দিয়া মুখ ধোত করিতে হইবে। করেকদিন এইরূপ করিলেই দাগ অদৃগ হইবে।

ঐব্রহ্মেন্দ্রনাথ সিংহরায়।

(১২৯)

কাঞ্চীদেশের ইতিহাস।

কাঞ্চীর বর্তমান নাম কাঞ্চিভরাম (Conjecveram), সংস্কৃত নাম কাঞ্চীপুরম্। খৃঃ পূঃ ৩০০ শত বৎসর পূর্বে হইতেই কাঞ্চীসহর ইতিহাসে নামাধি অংশ গ্রহণ করিয়া দাক্ষিণাত্যে প্রসিদ্ধি লাভ করিয়াছিল। তারপর, খৃষ্টীয় ৫ম শতাব্দীতে চীন পরিব্রাজক ফাহিয়েন কাঞ্চী নগরের ঐশ্বর্য্যাদি দর্শন করিয়া একেবারে মুগ্ধ হইয়া যান এবং কাঞ্চীকে পৃথিবীর মধ্যে সর্বশ্রেষ্ঠ নগর বলিয়া অভিহিত করেন। ৭ম শতাব্দীতে হিউয়েন সাংও কাঞ্চীর খুব প্রশংসা করেন। সেই সময়ে দাক্ষিণাত্যের রাজা ছিলেন চালুক্যবংশীয় গঙ্গবেরা। ১১শ শতাব্দীর শেষভাগে দাক্ষিণাত্য হইতে পল্লবগণের শক্তি ও আধিপত্য ক্রমে ক্রমে হোপ পাইতে থাকে।

কাঞ্চিভরাম মাল্লাজ হইতে ৫০ মাইল। এই মাথের "ভারতবর্ষের" সম্পাদকের বৈঠকে কাঞ্চীর বিস্তৃত ইতিহাস দেওয়া হইয়াছে।

নগেন্দ্র ভট্টশালী।

কাঞ্চীর বর্তমান নাম কাঞ্চিভরাম। সংস্কৃত নাম কাঞ্চীপুরম্। উহা মাল্লাজ প্রদেশস্থ চেঙ্গলপট জেলার প্রধান সহর। এই সহর হিন্দুগণের চক্ষে অতীব পবিত্র।

১১শ শতাব্দীতে চোলরাজগণ এই নগরটি অধিকার করেন। ১৩১০ খৃঃঅব্দে মুসলমানগণ ইহা জয় করেন। তৎপর ইহা বিজয়-নগরের অধীন হয়। ১৩৪৫ খৃষ্টাব্দে ইহা মারহাটীগণ কর্তৃক অধিকৃত হয় এবং ১৬৪৭ খৃষ্টাব্দে মুসলমানগণের হাতে যায়। তারপর আবার মোগলগণের হাতে যায়। ১৭৫২ খৃষ্টাব্দে ইহা ক্রাইব কর্তৃক ইংরেজ-রাজ্যভুক্ত হয়।

ঐপ্রবন্ধনাথ বর্দন।

(১৩০)

রোখাফণ-বিভা (Short-hand) ।

রোখাফণ-বিভা অতি প্রাচীনকাল হইতেই মিশরে, গ্রীসে ও রোমে প্রচলিত ছিল। আধুনিক রোখাফণ ১৭ শতাব্দীর আরম্ভে আবিষ্কৃত হয়, যদিও ইহার অনেক পূর্বে (১৫৮৮ খৃঃ) Dr. Timothy Bright ইত্যাদি অনেকেই এই বিভা প্রচলিত করিবার চেষ্টা করিয়াছিলেন; কিন্তু সেগুলি আরম্ভ করা এক রকম দুঃসাধ্য। আঙ্গলকার ইংরেজী রোখাফণের আবিষ্কর্তা John Willis, ইনি ১৬০২ খৃঃ Art of Stenographie নামে একটি পুস্তক বাহির করেন। ইহার পরে যদিও রোখা-লেখা অস্তাবধি অনেক পরিবর্তিত হইয়াছে, তথাপি এগুলি সবই উইলিসের মতানুযায়ী।

৩ শ্রীসৌরেন্দ্রনাথ পান্ডুলী।

এ্যাপোলোনিয়ার জনৈক সাক্ষেতিক-চিহ্ন-লেখকের নিকট শিক্ষা-নবীণ নিয়োগের একখানি চুক্তিপত্রে ১৫৫ খৃঃ পূঃ প্রচলিত বর্ণমালার ব্যবহারের পরিবর্তে সংক্ষিপ্ত সাক্ষেতিক চিহ্নের ব্যবহারের আদর্শ পাওয়া যায়। ঐ আদর্শ পত্রখানি মিশর দেশে পাওয়া গিয়াছিল এবং তুর্কপত্রাদির স্তায় কোন বঙ্গবিশেষের উপর লিখিত ছিল। শর্ট-হাণ্ড (Shorthand) শব্দকে Note Tyronianæ (Tyronian Note—বা টাইরোর সঙ্কেত)—যাহা এখনও রোমান (Roman) প্রণালীর নমুনা বলিয়া খ্যাত তাহা—সিসিরোর জনৈক মুক্তিপ্রাপ্ত কৃত্যাস (Tyro) কর্তৃক প্রবর্তিত হইয়াছিল। উহা কবি এনিয়াসের প্রথার উৎকর্ষ বলিয়া অনেকে মনে করেন। ইরি কারপেন্টারারের (Alphabetum Tironianum) আলফাবেটাম টাইরোনীয়ানাম (১৭৪৭ খৃঃ) (Louis the Pous) লুইএর কয়েকখানি (charter) দলিলের নমুনা আছে। তাহা (Tironianum) টাইরোর আদর্শে লিখিত। এই প্রণালী নবম শতাব্দী পর্যন্ত প্রচলিত ছিল। ১৫৮৮ খৃঃ ইয়র্কশায়ারের মেথিলির রেজ্টার টিমোথি চারাক'রেচ, An Art, Shorte, Swifte এবং Secrete Writing by Character মুদ্রিত করিয়া Shorthandএর পুনঃ প্রবর্তন করেন। ১৬০২ খৃঃ John Willis সম্পূর্ণ বর্ণমালার ভিত্তির উপর নির্ভর করিয়া Arte of Stenographie প্রকাশ করেন। এই সময়ে শর্টহাণ্ডের Brachygraphy, Phonography, Stenography ইত্যাদি অনেক নাম ও orthographic, phonetic ইত্যাদি বিভিন্ন প্রকার নির্দেশ করা হইয়াছে। ১৬৩০ খৃঃ (Thomas Shelton) টমাস শেলটনের Orthographic System প্রচলিত হয়। তাহার পর এই মত Theophilus Metcalfe, Jeremiah Rich ও অন্যান্য কয়েকজন কর্তৃক অনুসৃত হয়। ১৬৭২ খৃঃ (William Mason) উইলিয়াম মেসনের প্রথার ১৭৫০ খৃঃ (Thomas Gurney) টমাস গার্নী কর্তৃক উন্নতিসাধন হয়। Phonetic System শব্দকে (John Willis) জন উইলিস ১৬০২ খৃঃ বর্ণমালার পরিবর্তে উচ্চারিত শব্দানুসারে—এবং (Silent) অনুচ্চারিত উহা অক্ষর বাহ দিয়া লিখিবার উপদেশ দেন। ১৭৫০ খৃঃ (William Tiffin) উইলিয়াম টিফিন সম্পূর্ণ শব্দোচ্চারণ মূলে প্রথম এখা প্রবর্তিত করেন। তৎপরে (Davide Lyle) ডেভিড লাইল ১৭৬২ খৃঃ, (Holdsworth) হল্ডসওয়ার্থ, এবং (Aldridge) এলড্রিজ, ১৭৬৬ খৃঃ, (Richard Roe) রিচার্ড রো ১৮০২ খৃঃ এবং (Thomas Towndrow) টমাস টাউন্ড্রো ১৮৩১ খৃঃ (Phonetic) শব্দোচ্চারণ প্রথার নিজ নিজ মত প্রচলন করেন। এই প্রথার অত্যাবশ্যকীয় মত (Bath) বাথ বীমরের (Isaac Pitman) আইজাক পিটম্যান কর্তৃক প্রথম ১৮৩০ খৃঃ Stenographic Soundhand প্রকাশিত করেন। তিনি

(Tylar) টাইলারের স্বরবর্ণ প্রকাশের (Vowel representationএর) উন্নতি করিবার চেষ্টায় ইহা আবিষ্কার করেন। ১৮৪০ খৃঃ Phonography or Writing by Sound বা শব্দ-লেখ প্রকাশিত হয়। ইহাতে বাস্তববর্ণের চিহ্ন সম্বন্ধে ১৮৩৭ খৃঃ মতের কিছু পরিবর্তন করা হয়। বর্তমানের প্রচলিত স্বরবর্ণের চিহ্নসম্বন্ধীয় নিয়ম ১৮৫৮ খৃঃ হিরোকৃত হয়। Geometrical Script, Detached Vowel System, Joined Vowel System ইত্যাদি বিভিন্ন প্রকার মতের প্রবর্তন ও তাহাদের বিশেষ উপস্থিত আলোচ্য বিষয় নয়।

শ্রীব্রজেন্দ্রনাথ সিংহ রায়।

(১৩১)

কপূর জলে দিলে ঘুরিয়া বেড়ায় কেন।

পদার্থ যাত্রই চতুর্দিকস্থ বায়ু দ্বারা বেষ্টিত। কপূর একটি উষ্ণ পদার্থ; অর্থাৎ কপূর ক্রমাগতই বাষ্পাকারে পরিণত হইয়া থাকে। এই বাষ্প ও শূন্যের বায়ু ইহাকে সর্বদাই বেষ্টন করিয়া আছে। এই হেতু উহা জলে পড়িলে ঠিক জলের সহিত স্পর্শে (contact) আসে না, কপূর ও জল এই দুয়ের মধ্যে বায়ু ও কপূরবাষ্পের ব্যবধান থাকিয়া যায়। কপূর অতি লঘু পদার্থ; জলের সহিত তুলনায় ইহার আপেক্ষিক গুরুত্ব (specific gravity) অতি সামান্য হওয়ার এবং জলের উত্তোলক শক্তি বা force of buoyancy থাকায় ইহা বাষ্পবেষ্টিত হইয়া জলে ভাসিতে থাকে। জলের এই উত্তোলকশক্তিই পৃথিবীর মাধ্যাকর্ষণ-শক্তিকে উহার উপর কাৰ্য্য করিতে বাধা দিয়া থাকে, অর্থাৎ উহাকে ভূকেন্দ্রের দিকে আকৃষ্ট হইতে দেয় না। কলে, এই দুইটি বিতিরশক্তি পরস্পরের বিপরীত দিকে কাৰ্য্য করার কোনটাই প্রকৃত কাৰ্য্যকারী হইতে পারে না, কারণ শক্তিদ্বয়ের প্রায় সমাবস্থা (equilibrium) ঘটয়া থাকে। এইরূপে এই দুই শক্তির নিকট হইতে একরূপ নিষ্কৃতি পাওয়ার এবং বাষ্প দ্বারা জল হইতে বিচ্ছিন্ন থাকায়, অপর একটি তৃতীয় শক্তি দ্বারা উহা সহজেই চালিত হইতে পারে। বৈজ্ঞানিকতত্ত্বে জানা যায় যে পদার্থ যাত্রই পরস্পর পরস্পরকে আকর্ষণ করিয়া থাকে; এই আকর্ষণের নাম universal attraction—ইহা জাগতিক সকল পদার্থেরই ধর্ম। এই ধর্ম হেতু একটি পদার্থ নিঃসৃত অপর একটি লঘুতর পদার্থকে সর্বদা আকর্ষণ করিয়া থাকে। এক্ষণে, যে পাত্রের মধ্যে জল রাখা হইয়াছে, সেই পাত্রটি কপূরখণ্ড অপেক্ষা অত্যধিক গুরু হওয়ার, পাত্রের চতুর্দিকস্থ অংশগুলি কপূরকে আকর্ষণ করিতে থাকে। অতঃপর জলও কপূরখণ্ডটিকে আকর্ষণ করিতে ছাড়ে না। কিন্তু জলের আকর্ষণ ও পাত্রাংশের আকর্ষণ এই দুই শক্তির কাৰ্য্যের একটি resultant force নিঃসৃত শক্তি দ্বারা কপূরখণ্ড চালিত হইতে থাকে। জল ও পাত্রাংশ কপূরখণ্ডের চতুর্দিকে বর্তমান থাকায়, বিতিরশক্তি বহুসংখ্যক নিঃসরণশক্তি উহার উপর ক্রমাগত কাৰ্য্য করিতে থাকে এবং কপূরখণ্ডও ইতস্ততঃ বিকিণ্ড হইয়া থাকে।

শ্রীঅধিনীকুমার মহুসদার।

যে কারণে কপূর জলের উপর ঘুরে বেড়ায় বৈজ্ঞানিকেরা তার নাম দিয়েছেন surface tension। একপত্র পাতলা রবার দিবে কোন সেলাসের মূণ টেনে বেঁধে দিলে সেই রবারের যা দশা হয়, এক-সেলাস জলের উপরকার অবস্থাটাও সেইরকম। তার উপর কোন জিনিষ—যা ডুবে যায় না—ছেড়ে দিলে চারদিক হতেই তার উপর টানাটানির ধুম পড়ে' যায়। জোর যদি সব দিকেই সমান হয় তবে লাউকেই অবহেলা করা চলে না, কাজেই জিনিষটা স্থির থাকে। কিন্তু একদিককার জোর কোন রকমে কমে গেলে ভাসমান বস্তু তার

উপোদিককে চলতে থাকবে। কপূর যখন জলে ছেড়ে দেওয়া হয় তখন প্রথমে তার উপর চারদিক থেকেই সমান টান পড়ে। কিন্তু কপূর জলে গুলে যায়। পরিষ্কার জলের চেয়ে এই কপূর-গোলা জলের টান কম। কাজেই যে দিককার কপূর বেশী ক্ষয়ে যায় সে দিকে টানও কম হয়। এই কারণে কপূর চলতে থাকে। এক-এক সময় এক-এক দিক বেশী ক্ষয় হয়ে যায়, কাজেই বরাবর এক দিকে না চলে কপূরটি ঘুরে বেড়ায়। তা ছাড়া পেলাসের কাঁটার ধাক্কা খেয়েও দিক বদলে যেতে পারে। একটি ছোট কার্টে হালকা নৌকার সঙ্গে একখণ্ড কপূর বেঁধে দিলে তার একদিকই ক্ষয় হয়, নৌকাও একদিকেই চলতে থাকে।

ঈদকিণেশ্বর বন্দী। ঈসৌরেন্দ্রনাথ সুখোপাধ্যায়। ঈনবকুমার চক্রবর্তী। চৌধুরী মহি-উদ্-দীন আহমদ।

(১৩২)

রায় লক্ষ্মী পদাধর, পৌরী বাহু পুরন্দর।

এখানে "লক্ষ্মী" কোন পৃথক ব্যক্তি নয়। বৈকুণ্ঠ পদাধরকে লক্ষ্মীর শক্তির প্রকাশ বলিয়া জানেন। সুতরাং ঐ লক্ষ্মী শব্দটি পদাধরেরই দ্যোতক। লক্ষ্মীর অংশসম্বৃত পদাধর ইতি লক্ষ্মীপদাধর, অধ্যাদেশোপী কর্ণধারর সম্বাস।

ঈরামহলাল বিভাণিধি।

ধরাপড়া

ওগো গোপন, তোমার গোপন কথার পেয়েছি খোঁজ,
আজিকে পড়েছে ধরা—

হার, যে গান তোমার বকের ছন্দে লিখেছো রোজ
—গোপন-অশ্রুভরা,—

ববে নিরালস্য তব নিদ্রাচারী ছুটি চোখের পরে,
ফাগুন-রাতির অমুরাগ-ফাগ পড়েছে বারে ;
বকের কুলারে বুলায়ে কে তার কৃজনখানি
—স্বপন-নিঝর-ঝরা—

ওরে, ঢেলে দিল কার নিপুণ-নুপুর-মুখর বাণী—
সে কথা পড়েছে ধরা !

আজ সকাল পড়েছে ধরা !

ওগো মন-বনে তব বন-মল্লিকা উঠেছে ফুটি'
মানস-বৃষ্টি দিয়ে ;

কোন্ নির্জনে নীড় রচিল তোমার নয়ন ছুটি,
ধরা সে পড়েনি কি রে !

আজ্ঞে ধরা সে কি পড়েনি রে ?

ওই বকের গোপন অবগুণ্ঠন চকিতে খুলি
কে আজ তোমার বাতায়নে এসে বসেছে ভুলি ;
নিমেষের লাগি সলাজ চোখের সজল চাওয়া
চেয়েছে চেয়েছে ফিরে ;

তাই সুখা-সাগরের সলিলে যে মোর হয়েছে নাওয়া—
—অমৃত-সাগরনীয়ে :-

তব লীল'-চঞ্চল লতাবিতানের ললিত রাগ
ছুরেছে ছুরেছে মোরে,

ওই হাসিকান্নার মেঘ-রৌদ্রের রঙীন ফাগ
মর্মে রেখেছি ধরে' ;

রচ নিতি নব মাল', বকের আঁচলে কুড়ায়ে ফুল—
সে মালা তোমারি হিরার কণ্ঠ দোলে দোহুল,
সে গন্ধ তব মন-মালঞ্চ রেখেছে ঢাকি'।
গীতমঞ্জরী ভারে'—

হার নিখিল ধরারে চিরকাল তুমি দিয়েছ ফাঁকি
না জানি কেমন করে !


তব গোপন কথার গুঞ্জন মোর বকের কাছে
শিহরিল বার বার,

হার ধরা পড়ে' পেছে, হে কবি, নিখিল ভুবন মাঝে
গোপন পুলকভার !

আজ বেদন-মগন বাঁশিটি তোমার পড়েছে ধরা,
—একা কোণে বসি' রঙীন স্বপন বয়ন করা—
আল্পনা রচি' কল্পলোকের কুহেলিকার
রজনী কেটেছে'কার,

হার নিখিল হয়েছে কোন্ উতরোল উত্তলা বায়
বকের বসন তার,
এই বকের বসন-তার !

সুরেশচন্দ্র ঘোষ।



প্রকৃতির পাঁজি

চৈত্র মাস বসন্তের শেষ, বসন্তের শেষ,—একদিকে যেমন ফুল থেকে ফল হয়ে উঠছে, অন্য দিকে তেমনি গ্রীষ্ম আসছে ফলগুলিকে পাকিয়ে তোলবার জন্তে।

চৈত্র মাস থেকেই পদ্ম চাঁপা জুঁই প্রভৃতি গ্রীষ্মের ফুল ফুটতে শুরু করবে। আমের বোল ঝরে গিয়ে গুটি বড় হয়ে প্রকাশ পাবে। লকেট ফল এই মাসের শেষাংশে পাকবে। ফুটি তরমুজ পটল প্রভৃতিও এখন প্রচুর হবে। এখন আমড়া-গাছে বোল ধরেছে, নেড়া গাছে পাতাও গজাতে আরম্ভ করেছে।

চৈত্র মাসে রবিশস্য আঁক সব কাটা হয়ে মাড়া শেষ হয়ে যাবে।

এখন ভোরবেলা কোকিল বুলবুল দোয়েল পাখী উদ্যাকালকে মধুরস্বরে মধুরতর করে তোলে।

এখন পাখীরা বাসা বাঁধতে শুরু করেছে, শীঘ্রই তারা ডিম পাড়তে শুরু করবে।

চশমা।

প্রকৃতির পাঠশালা

তেলে জলে মেশে না কেন?—যখন ছোটো তরল পদার্থ মিশে যায়, তখন বুঝতে হয় যে ঐ ছোট পদার্থের অণু পরস্পরে মিলে মিশে পাশাপাশি থাকতে পারে। এক-রকমের পদার্থ যেমন মেশে, ছ'রকমের পদার্থ তেমন বেমালুম হয়ে কিছুতেই মেশে না; জলে জল যেমন মেশে, জলে আর ফলের রসে ঠিক তেমনটি মেশে না। কিন্তু জল আর ফলের রস পরস্পরে যতটা সদৃশ, জল আর তেল তেমন সদৃশ পদার্থ নয়, উভয়ের অণুর আকার ও অবস্থান সমান নয়—জলের এক-একটি অণুতে তিনটি তিনটি পরমাণু

থাকে, আর সেই পরমাণুর আকার ও আবার অতি ক্ষুদ্র; কিন্তু তেলের অণুতে থাকে অনেক পরমাণু ও সেগুলি আকারেও বেশ বড় বড়। তাই জলে তেলে মিশিয়ে রেখে দিলেও জলের অণুর সঙ্গে জলের অণু সহজে মিশে তেল থেকে পৃথক হয়ে পড়ে; আর তেলের অণুর সঙ্গে তেলের অণু সহজে মিশে জল থেকে পৃথক হতে যায়; আর জলের চেয়ে তেলের আপেক্ষিক গুরুত্ব কম হওয়াতে তেল জলের উপরে ভেসে ওঠে—জলে তেলে কিছুতেই মিশ খায় না। যে তেল যত ঘন, তার না মেশবার শক্তি তত বেশী—কেরোসিন তেলের চেয়ে সর্ষের তেল ঘন, আবার রেডির তেল আরো ঘন; তাই কেবোসিন তেল জলে যতটুকু গুলে যায়, সর্ষের তেল বা রেডির তেল ততটুকুও মেশে না।

দুধ ওৎলালে জল দিলে ওৎলানো গামে কেন?—দুধ ডাল আতের ফেন ওৎলালে আমাদের নায়েরা হয় তাই দিখে নেড়ে দেন, নয় একটু জল ঢেলে দেন, আর অমনি ওৎলানো ধেন যায়। দুধ প্রভৃতি যখন জ্বলে চড়ানো হয়, তখন তার উপরে পরিমাণ আঁচ লাগে উপরে সে পরিমাণ তাপ লাগে না। তবল পদার্থের গায়ে তাপ লাগলে সেই তরল পদার্থের অণুগুলি উপরে উঠে যায় আর অপেক্ষাকৃত ভারী পদার্থগুলি নাচে নেমে আসে; এইরকম ওৎলালে ওৎলাতে থাকে। তা ছাড়া তরল পদার্থের মধ্যে অণু কীভাবে কীভাবে বাতাস মিশে থাকে; তাপ পেলে তেল বাতাস পাক হয়ে ওপরে উঠে যায় আর তরল পদার্থের বাতাস ভেদ করে বাইরের বাতাসের সঙ্গে ক্রমাগত মিশে পড়ে। এই অণুর ওঠা-নামা আর বাতাসের বহির্গমন বাহির্গমনকে আমরা বলি সেই তরল পদার্থের কুটিল বহির্গমন, আর বাতাসের বহির্গমন-

চেষ্ঠা আমরা দেখতে পাই—তরল পদার্থের বৃদ্ধির আকার ধারণে ও পরস্পরেই সেই বৃদ্ধিগুলি ফেটে ফেঁশে যাওয়ার। বিশুদ্ধ জল জ্বাল দিলে, জলের উপর-নীচের অণু-চলাচলে কোনো বাধা পড়ে না; কিন্তু ডাল ভাত ছুখ জ্বাল দেবার বেলা ডালের কোল, ভাতের ফেন বা মাড়, ও ছুখ জ্বলের চেয়ে ঘন হওয়াতে, এবং নীচের চেয়ে উপরের স্তর অপেক্ষাকৃত শীতল থাকতে, উপরে একটা পাতলা স্তর জমে' সর পড়ে; তার পর যখন নীচের অণুগুলি ও বাতাস উপরে ঠেলে ওঠে তখন মাথার উপরে সর থাকতে বাধা পায়, বাতাস আর বেরুবার পথ পায় না, গরম হাওয়া বাতাসের উঁচু দিকে উঠে যাওয়াই ধর্ম হওয়াতে সে ক্রমাগত সরের স্তর ঠেলে থাকে পথ করবার জন্য; বাতাসের ঠেগার চেয়ে সরের সংহতি যদি বেশী হয় তবে সর ফাটে না, সর বাতাসের ঠেগায় ফেঁপে ফুলে ওঠে। তখন হাতা দিয়ে ঘেঁটে দিলে উপরের সরটা ছিঁড়ে যায়, বাতাস পথ ছাড়া পেয়ে পালিয়ে বাঁচে, ওংলানোও বন্ধ হয়; জল ঢেলে দিলেও ঠিক এই কাজই হয়, সর ফেটে বাতাসের পথ হয়, জল দেওয়া পদার্থটার ঘনত্ব একটু তরল হয় আবার পানি সঞ্জন সর কমা বন্ধ থাকে। ডাল ওংলালে তেল দিলেও ঠিক এই কাজই হয়—তেল পড়তে সর তা ছিঁড়ে যায়, তা ছাড়া তেল সর্বদা জলের মাথায় থাকতে ডালের মণ্ড তার সঙ্গে ফুটে বাধা হয়, আর জন্মার অবনতিই পায় না। আমাদের মায়েরা কৃতকর্মের অভিজ্ঞতার যে কৌশল আবিষ্কার করেছেন, বৈজ্ঞানিকরা তার কারণ আবিষ্কার করেছেন। এইরকম সকল বিষয়ে প্রশ্ন তুলে অধুসকান করা বুদ্ধমানের কাজ।

সর্দার পোড়ো।

সুলতান ও সংলোক।

একবার এক সুলতানের একজন সংলোকের দরকার হয় তাঁর খাজনাপত্র আদায় করবার জন্যে। কিন্তু ভালো লোক তিনি খুঁজে আর পান না। যে-সে লোককে কাজে লাগালে টাকা চুরি করে' নেবে—এই তাঁর ভয়। শেষে তিনি একজন জানী লোককে ডেকে বলেন—আপনি বলতে পারেন একজন সংলোক কোথায় বা কিরকম করে' পাওয়া যাবে?

জানী লোকটি বলেন—আপনি বিজ্ঞাপন দিয়ে লোক ডাকান্ আর তারা এক জায়গায় জড়ো হলে তাদের নাচতে বলবেন, তাহলেই বগে' দেব কোন্ লোকটি সং।

জানী লোকটির কথা-মত সুলতান বিজ্ঞাপন দিয়ে লোক ডাকালেন। তারা এলে একজন গ্রহরী একটা অন্ধকার বড় দালানের মধ্যে দিয়ে তাদের রাজ-দরবারে যাবার পথ দেখিয়ে দিলে। তারা একে একে সব সুলতানের কাছে গিয়ে হাতির হল। সুলতান তাদের বললেন—তোমাদের সবাইকে নাচতে হবে, তবেই কাজ পাবে কি না জানাবো।

লোকগুলির কেউই তাতে রাজী হল না। কেবল একজন সুলতানের কথামত নাচতে শুরু করে' দিলে। জানী লোকটি বলে' উঠলেন—একেই কাজ দিন, এই লোকটি সং।

জানী লোকটির কথামত অল্প লোকগুলির জামা-কাপড় পরীক্ষা করে' দেখা গেল তারা দালান দিয়ে আসতে আসতে টাকা চুরি করে' পকেটে পুরেছে, তাই তারা নাচতে সাহস করে নি। সং লোকটি কিছুই নেয়ান, তাই তার নাচতেও ভয় হয় না।

শুধু।

হাঁড়িটাটা পাখী

এক গৃহস্থের সাত ভাই, তাদের সাত বউ। বউদের কেউ কুড়ে, কেউ বগড়াটে, কেউ বা বৃথা বেড়িয়ে বেড়ায়। কেবল ছোটবউ কশ্মিঠে, সেই রাঁধে, সেই বাঁড়ে। বড় বউদের স্বামীর বড় বড় চাকুরে, দিবা লেখাপড়া জানে; ছোটবউর স্বামী বেশী কিছু জানে না, তাই তার গল্পনা। বড়বউরা কেবল বকে, নয় তো গালি দেয়।

একদিন ছোটবউ রেঁধেছে, তাতে ভাত কিছু বেশী হয়েছে; বড়বউরা অমনি বললে, "ওমা, এত ভাত রাঁধা, এত ভাত অপচয়, একি প্রাণে সর। তোমাদের তো রোজ্গার করতে হয় না, যাদের করতে হয়, তাদের বুক মাটি ঠেকে।"

তখনই ছোটবউর চোখের জলে ছনয়ন ভেসে গেল।

আর একদিন অমনি ছোটবউ কিছু ঠিক না পেয়ে

ভাত কম রোধেছিল। নিজে আধ-পেটা খেয়ে শাকুড়ী নন্দ ও আঁদের ভরপুর খাইয়েছিল। তাতেও তারা বললো, “ও মা! এমনি করে আমাদের না খেতে দিয়ে মেরে ফেলবার চেষ্টা।”

এমনি ভাবে স্নেহে চুখে কিছু দিন কেটে গেল।

বার বার তিনবার; আবার একদিন হঠাৎ ছোটবউর হাত ফসকে একটা বাটি পড়ে ভেঙে গেল। এই আর বাবি কোথা? তখন ছয় বাবনী ভেঙে এসে ছোটবউকে কিল চাপড় লাগি মারল। বাঁর হাতের গোড়ায় যা ছিল, সে তাই দিয়ে মারলো। বাঁর মনে যা এল সে তাই বলে গাল দিতে লাগলো। এই দেখে মনের চুখে ছোটবউ আস্তে আস্তে হাঁড়ি টেচে, হাঁড়ির কাণা-ঝুল গারে মেখে খিড়কী দিয়ে বনে পালিয়ে গেল। তখন তাকে দেখলে গৃহস্থদের ছোটবউ বলে চেনা যেত না। সে সেখানে গিয়ে হাতজোড় করে ও আকাশের দিকে মুখ করে বলতে লাগলো, “হা বিধাতা! মানুষ-জন্মে খুব স্নেহ করলাম, এখন এ অবস্থায় যদি কিছু স্নেহের থাকে, তবে তাই দাও দয়াময়!”

তার কষ্ট দেখে দেবতার মনে বড়ই কষ্ট হলো। তিনি নিজে এসে বললেন, “মা, তুমি কেঁদ না। তোমায় বর দিলাম, যাও তুমি পাখী হয়ে উড়ে যাও। এই ভাবে থেকে তুমি এ নরকধনুগার প্রায়শ্চিত্ত কর।”

সেই থেকে সে হাঁড়িচাঁচা নাম ধরে গাছে গাছে খপ খপ করে উড়ে বেড়ায়।

শ্রীরমেশচন্দ্র ভট্টাচার্য্য ও শ্রীজগদ্বন্ধু পাল।

চন্দ্রভায়ার পদ্মাপার

চন্দ্রভায়া তজ্জাঘোরে স্বপ্ন দেখেন রাতে,

পার হচ্চেন বর্ষাকালে পদ্মানদী সাত্তরে।

চিংসাত্তারে ডিগ্বাজী ধান; উঃ কি ভীষণ স্পর্ধা!

(যদিও সাত্তার জানেন না ক,—দেখেন নি ক পদ্মা।)

হাত-পা তুলে মাঝ পদ্মায় করেন আবার নৃত্য,

মিজাই বলেন: “সাবাস্ তায়্যা!” নির্ভীক তাঁর চিত্ত।

গন্ গন্ গন্ গর্জে দেয়া,—ঝন্ ঝন্ ঝন্ ঝন্টি,—

চন্দ্রভায়া সাত্তরে চলেন নাই ক তাতে দৃষ্টি।

আত্মীয়েরা ওপার হতে লাগিয়ে দিলে কারা

“ওরে চন্দ্র আয় ফিরে আয়, চের হয়েছে আয় না।

আয় ফিরে আয় ওরে চন্দ্র—করিস কি যে, দূর ছাই—”

পিতামাতার ঘন ঘন লাগল হতে মুচ্ছাই।

বন্ধু সবে বাক্য-বিহীন, অশ্রু ঝরে চক্ষে,

ভাবে,—এবার চন্দ্রভায়ার কিছুতে নাই রক্ষে।

বুক ফুলিয়ে চন্দ্রভায়া উক্টে তুলি হস্ত

বসেন, “মিছে স্নেহ কোরো না, গরো না ক ব্যস্ত।”

এই রকমে স্বপ্ন দেখে কেটে গেল রাত্র,

কখন প্রভাত হয়ে গেছে জ্বলস নাই তাঁর মাত্র।

চন্দ্রভায়ার ঘুম ভাঙেনি (তখন বেলা সাতটা),

জননী তাঁর জাগন এসে ঠেলে তাঁর হাতটা।

চন্দ্রভায়া ভাবেন, হঠাৎ ধবন তাঁর হাত কে?

“ওরে বাবা কুম বা!” বলে গুঠনাতনি আঁকে।

প্রাণের ভয়ে লক্ষ্য দিয়ে জেগে দেখেন—সজ্জায়,

পার হয়েছেন পদ্মানদী গুয়ে গুয়ে শয্যায়।

শ্রীসুনির্মল বসু।

রাজভাণ্ডারের সেরা মানিক

রাজার ছেলে আর মালীর ছেলে—দু'জনে ভারী ভাব। রাজার ছেলে থাকে সাতমহল রাজপুরীর সাততলার উপরে আর মালীর ছেলে থাকে রাজপুরীর সাত যোজন দূরে, এক কুঁড়ে ঘরে। তবু একজনের আর-একজনকে না দেখলে চলে না। তাই, রাজার ছেলে, রাজা রাণী দাস দাসী সবাইকে, নুঁকিয়ে, ঘোড়ায় চড়ে সাত-সাত-দিন বাদে মালীর ছেলের সাপে দেখা করতে যায়; এক-একদিন মালীর ছেলে মালীর ছেড়ে এসে, রাজবাড়ীর বাইরে দাঁড়িয়ে, রাজপুরীর ঘরের জানুলার দিকে চেয়ে থাকে—রাজপুরীতে ঢুকতে সাহস পায় না।

আটদিনের দিন যেদিন রাজপুরীর আসার কথা, সেদিন মালীর ছেলে এক যোজন পথ এগিয়ে এসে কান পেতে থাকে—ঘোড়ার খুরের টগবগ শব্দ শুন্তে পেলেই ঘরে ছুটে গিয়ে, বাপের শোওয়ার পাটিমাথানা বকুলগাছতলায় পেতে রাখে। তারপর, রাজার ছেলে এলে, হ-বন্ধুতে মিলে হেসে-খুঁলে সাতদিনের জমানো কত কথাই না হয়।

মনের কথা কইতে না-কইতে বেলা পড়ে আসে, রাজার ছেলের খিদে পায়, মালীর ছেলে বাগান থেকে ধ্বংবে শাদা কেশুর তুলে রাজপুত্রকে খেতে দেয়। রাজবাড়ীতে শুধু দুধ-মীর মেঠাই-মোড়া, আর—কেওড়া-নেওয়া মিষ্টি সরবৎ,—গরমের দিনে কেশুরের কাছে তা?—খিদে-তৃষ্ণার মুখে টাটকা-তোলা রসালো কেশুর খেয়ে' রাজপুত্রের সাধ আর মেটে না।

যায়—এ ভাবে ক'বছর যায়। রাজার ছেলে ডাগর হয়েছে, মালীর ছেলেরও বয়স হয়েছে। এর মধ্যে বুড়ো রাজা মরেচেন, বুড়ো মালীও মারা গেছে। রাজপুত্র এখন নিজেই রাজ্যের রাজা, আর মালীর ছেলে মালধের সর্দার মালী। রাজ্যে 'খে' রাজার সমর হয় না, মালধের কাজে মালীরও ফুরাস নেই; কাজেই এখন কে মার কার খোঁজ নয়! কিন্তু ছুঁনারই মনে মাঝে মাঝে ছেলেবেলার কথা জেগে ওঠে; আর গরমের দিনে সন্ধ্যাবেলা খেত-পাথরের ঘাটিলায় ব'দে পদ্মপুকুরের ফটিক-জলে সাদা হাঁসের মেলা দেখে ছাঁৎ করে' রাজার মনে পড়ে—এই তো কেশুরের দিন!

মালীর বো প্রত্যাহই বলে—“হলোই বা রাজা—ছেলে-বেলাকার আলাপ তো। ...একবার রাজার কাছে গেলে আর দোষটা কি? ...এই যে আট পহর গতির খাটিয়েও পেট চলচে না,—রাজার ভাঁড়ার-ঝাড়া খুদ-কুঁড়ো পেলেও যে আশাদের চের চের।” মালী বলে, “দূর পাগলী। রাজার কি আর ছেলে-বয়সের—সেই কবেকার কথা মনে আছে!

মালী-বো তবুও ছাড়ে না—দিন-রাত কানের গোড়ায় প্যান্ প্যান্ ঐ এক কথা!—শুনে মালী অস্থির। শেষে সহিতে না পেরে, একদিন বাগানের মাটি খুঁড়ে, বেছে বেছে সবার-সেরা কেশুর নিয়ে সে রাজার বাড়ী চললো।

রাজবাড়ীর সিংহদরজার কাছে গিয়ে মালীর পা কিন্তু আর এগোয় না,—গায়ের ময়লা চাদরে কেশুরগুলি ঢেকে সে দরজার পাশে চূপ ক'রে দাঁড়িয়ে রইলো।

পাত্র মিত্র লোক লঙ্কর নিয়ে রাজা মৃগয়ায় চলেচেন, ঐরাবত হাতীর পিঠে সোনার হাওদায় চড়ে বাইরে আসতেই দেখেন—দরজার গোড়ায় জড়সড় কে ঐ? চেয়ে চেয়ে ঠাওর ক'রে রাজা চিন্তে পারলেন,—ছেলে-

বেলাকার বন্ধু মালী যে! তড়াক ক'রে হাওদা থেকে লাফিয়ে পড়ে' রাজা ছুটে গিয়ে মালীর গলা জড়িয়ে ধরলেন। আচম্কা চম্কে উঠতে মালীর কাপড়-ঢাকা কেশুর মাটিতে প'ড়ে গেল। রাজা নিজ হাতে তাড়াতাড়ি দুটি কেশুর তুলে নিলেন। এই কেশুর তিনি চেয়ে চেয়ে কত খেয়েছেন, মালী ছোটবেলাকার সাধের জিনিষ যত্ন ক'রে তাঁর জন্তে বয়ে এনেছে—আনন্দে রাজার চোখে জল এলো। তিনি মালীর হাত ধ'রে রাজসভায় ফিরে এলেন। তারপর মহা আদরে কেশুর-দুটো রূপোর থালায় তুলে অন্তর মহলে রেখে দিলেন।

কাজকর্ম সকল ছেড়ে, সেদিন মালীর সাথে রাজার কথা আর ফুরায় না! পরদিন যাওয়ার বেলা মালীকে সাত-ঘড়া মোহর দিয়ে বিদায় দিলেন।

রাজার কোটালটি ছিল ভারি হিংস্রটে। এ-সব দেখে শুনে তার মনে বড় ক্ষোভ হলো—ঈস! সামান্য দুটো গাছের মূল দিয়ে কোথাকার কে সাত-সাত-ঘড়া ধন মেরে নিলে রে!—

শোওয়া নেই বস নেই, কোটাল সারারাত পাড়ায় ঘুরে ঘুরে বিস্ময় ছুধ জোগাড় করলে; তারপর সাত দিন ধ'রে তা জাল দিয়ে দিয়ে সরের ছেঁটা ডেলায় তৈরী করলে—মস্ত এক ক্ষীরের কেশুর। পরদিন টিয়ের মত বুঝিয়ে-পড়িয়ে নিজের কোলের ছেলের হাতে সেই কেশুর দিয়ে রাজাকে ভেট পাঠালে। ননী সর রাজার নিত্যকার খাবার, তবু এ নূন রকমের কেশুর পেয়ে রাজা মহাখুসি। তিনি কোটালের ছেলেকে আদর ক'রে কোলে তুলে সরের ডেলা ভেঙ্গে ভেঙ্গে খাওয়াতে লাগলেন।

আড়াই পহর বেলায় রাজসভা ভাঙ্গে ভাঙ্গে, কোটালের ছুধের ছেলে এখনও নড়ুচে না। কোটাল মনে মনে ঠাকুর-দেবতাদের ডাক্চে—সাত-ঘড়া ধন যেন না ফস্কার। কিন্তু সভা ভেঙ্গে সিংহাসন ছেড়ে সত্যিই যখন রাজা উঠছেন, তখন আর থাকতে না পেরে, কোটাল দৌড়ে গিয়ে, ছেলেকে চিম্টি কেটে ব'লে উঠল—‘বিদায় চা রে, ভেড়ের ভেড়ে।’ কোটালের কাণ্ড রাজার চোখ এড়াল না! তিনি সিংহাসনে ফের ক'রে পাত্রমিত্র সভাসদকে ডেকে বললেন—‘আমার মস্ত মূল হয়ে গেছে—কোটালের ছেলে আমার



সরের কেণ্ডর খাওয়ারো তুমি তো কিছুই দেওয়া হলো না।'

এ বলে 'এটা দিন' ও বলে—'সেটা দিন'; কারু কথাই রাজার মনে লাগে না। কিছুক্ষণ পরে হঠাৎ কি মনে ক'রে নিজেই অন্তর-মহলে ছুটে গেলেন; আবার তখনি সোনার ঝালর দেওয়া রেশমী কাপড়ে ঢাকা একখানি রূপোর থালা নিয়ে এলেন; কোটালের ছেলের হাতে তা দিয়ে বললেন—'বাছা, আমার মহা আদরের জিনিষ তোমায় দিচ্ছি—সাত-ষড়া সোনারও এর মূল্য হয় না,—এ আমার রাজ-ভাণ্ডারের সকল ঝাণিকের সেরা।'

খুসি হয়ে কোটালের ছেলে থালাখানি হাতে নিতেই কোটাল লাফিয়ে এসে তা লুফে নিলে। খুলে দেখে—সোনার ঝালর আঁটা রেশমী কাপড়ের তলে রূপোর থালায় সেই মালীর দেওয়া একটি কেণ্ডর, কিন্তু সাতদিন ঘরে থেকে, তা চিমুড়ে কাঠ হয়ে আছে।

শ্রীকান্তিকচন্দ্র দাশগুপ্ত।

কামারের স্বর্গারোহণ

আজ তোমাদের এক ছুঁই, কামারের গল্প বলছি শোন।

তোমরা নিশ্চয়ই যীশু খ্রীষ্টের নাম শুনেছ। এক সময় ছিল যখন তিনি তাঁর দু-একজন সঙ্গী-সাথী নিয়ে পৃথিবীতে মানুষকে দয়া প্রেম ক্ষমা ও করুণা শেখাবার জন্য ও আর্ন্তজনদের সাহায্য দেবার জন্যে নানা জায়গায় ঘুরে বেড়াতেন। এমনভাবে তিনি ও তাঁর সঙ্গী সেন্টপিটার একবার সমস্তদিন ঘুরে পরিশ্রমের অবসাদে ক্ষুধার্ত ও তৃষ্ণার্ত হয়ে সন্ধ্যাবেলায় এক গ্রামের বাইরে আশ্রয় পাবার আশায় এসে দাঁড়ালেন। তাঁদের প্রথমেই দৃষ্টি পড়ল রাস্তার ধারে কামারের কুঁড়ে ঘরটির ওপর। এই কামারটি মধ্যবিত্ত অবস্থার লোক ছিল। তাকে গ্রামের সবাই বেশ মান্ত আর তার উপদেশও সবাই বেশ আগ্রহে শুনত। খোলা ছয়ারের ধারে যেখানে কামার আর তার সঙ্গী-ছজন কঠিন পরিশ্রমে ব্যস্ত ছিল, পথিক ছজন এসে সেখানে দাঁড়ালেন। কামারের বয়স হবে ষাটেরও ওপর—কিন্তু সুস্থ ও সবলকার থাকায় সে ত্রিশ বছরের যুবকের মত কাজ করতে প্রস্তুত। তার দৃষ্টি পথিক-ছজনের ওপর

পড়তেই জর্বে এসে সে তাঁদের সামনে দাঁড়াল আর টুপী খুলে জিগ্গেস করলে যে সে তাঁদের কোনও কাজে লাগবে কি না। যীশু বললেন যে তাঁরা রাত্রিটুকু থাকতে পারেন এরকম একটি আশ্রয় খুঁজছেন।

কামার বললে, "ওঃ! আপনারা কোনও রকম দ্বিধা না করে' ভেতরে চ'লে আছেন, আমার অনেক ঘর পড়ে' আছে। আমার স্ত্রীও এখন রান্না করছেন, এইসঙ্গে আপনাদের জন্যে আর-কিছু করতে তাঁর আর কোনই কষ্ট হবে না। তা আপনারা প্রথমে বেশ করে' হাত মুখটা ধুয়ে ফেলুন; এতে বেশ আরাম পাবেন আর আহায়েও তৃপ্তি হবে।"

যীশু আর তাঁর সঙ্গী রান শেষ করে' এসে ভেতরে বসলেন, কামারের স্ত্রীলা স্ত্রী এসে তাঁদের অভিবাদন করে' গরম গরম খাবারের থালাগুলি সামনে রেখে গেলেন তাঁরা সবাই খুব তৃপ্তির সঙ্গে তা খেলেন।

প্রায় ষটা-খানেক কামারের নানারকম গল্প শুনে সবাই তাঁরা সমস্তদিনের কাজের পুরস্কার-স্বরূপ শান্তিময়ী নিদ্রার আশ্রয় নিলেন। পরদিন সকলেই খুব ভোরে উঠলে পর যীশু ও তাঁর সঙ্গী গৃহস্থের সম্বন্ধে-প্রস্তুত প্রাতিরাশে তৃপ্ত হয়ে যাত্রার আয়োজন করলেন। কামার আর তার স্ত্রী তাঁদের দোর পর্যন্ত এগিয়ে দিল। বাবার মুহুর্তে যীশু তাঁদের বললেন, "তোমরা আমাদের প্রতি বড়ই সদয় ব্যবহার করেছ, এরকম দয়ার প্রতিদান অবশ্যই দিতে হয়। আচ্ছা তোমরা প্রত্যেকেই নিজেদের ইচ্ছামত তিনটি ইচ্ছা প্রকাশ কর আমি তা পূর্ণ করে' দেবো।"

যুঁড়ো কামার কি চাইবে তা ভেবে না পেয়ে টুপীটি খুলে ফেলে তার টাক মাথাটিতে হাত বুলোতে লাগল। শেষে অনেক করে' ভেবে বলল, "আচ্ছা এই যে আপেল গাছটি দেখছেন, আমার প্রথম ইচ্ছা এই, যে-কেউ যখনই এ গাছে চড়বে আমার অনুমতি না নিয়ে সে নামতে পারবে না।"

সেন্টপিটার তার এ ইচ্ছার কথা শুনে অবাক হয়ে চেয়ে রইলেন। কিন্তু যীশু কেবল বললেন, "তথাস্তু! তারপর তোমার দ্বিতীয় অভিলাষটি কি?"

কামার বললে, "এই বে দেওয়ালে ঝোলান পিপেটি রয়েছে, আমার দ্বিতীয় ইচ্ছা এই যে, যখনই কেউ এ পিপের

মধ্যে ঢুকবে, আমার অসুস্থতা না পাওয়া পর্যন্ত সে এর ভেতর থেকে বেরোতে পারবে না।”

সেন্টপিটার তার এরকম অদ্ভুত অদ্ভুত ইচ্ছের কথা শুনে আর চুপ করে থাকতে পারলেন না—তিনি বলে উঠলেন, “কার দায় পড়েছে বাপু এর মধ্যে যেতে?”

কিন্তু যীশু কেবল বললেন, “তথাস্তু। তারপর তোমার তৃতীয় অভিলাষ?”

“হঁ। আমার তৃতীয় অভিলাষ এই যে, যখনই আমি আমার এ টুপী পেতে বসব তখন স্বর্গ মর্ত্য পাতালে কারুর সাধ্য হবে না যে আমাকে নড়ায়।”

সেন্টপিটার আর সহ করতে পারলেন না—কিন্তু সাধু-মহাত্মাদের কুবাক্য বলতে নিষেধ থাকার কেবল কামারের নৈতিক চরিত্রের ও বুদ্ধিহীনতার তীব্র সমালোচনা করেই ধেম্বে গেলেন। কিন্তু যীশু “তথাস্তু” বলেই স্ত্রীলোকটির দিকে ফিরে বললেন, “তারপর তোমার অভিলাষ তিনটি কি?”

স্ত্রীলোকটি বলল, “মহাশয়, আপনি বড়ই সদাশয় ব্যক্তি। আমার প্রার্থনা করবার আর কি আছে? তবে এই পর্যন্ত বলতে পারি যেন আমি সুস্থ শরীরে বেঁচে থাকি, যেন আমি খুমিয়ে পড়ার মত সহজে মরতে পারি, আর আমার আত্মাকে যেন দেববালারা স্বর্গে নিয়ে গিয়ে অনন্ত সুখের অধিকারী করে দেয়।”

যীশু বললেন, “সুশীলে! তোমার ইচ্ছা পূর্ণ হবে। বিধাতার আশীর্বাদ তোমার উপর বর্ষিত হোক।”

সেন্টপিটার এ দেখে বলতে লাগলেন, “আমার স্ত্রীকে ও শাপুড়ীকে দেখে মনে যে অভিজ্ঞতা জন্মেছে তাতে ধারণা ছিল যে মেয়েরা বুদ্ধি-বিবেচনার পুরুষের সমকক্ষ কিছুতেই নয়; কিন্তু এখন দেখছি এ বুড়ো আমার ধারণা বদলে দিল।”

তারপর যীশু ও সেন্টপিটার তাঁদের গন্তব্য পথে অগ্রসর হলেন।

বৃদ্ধা আরও বেশ বৎসর তার আড়ম্বরহীন জীবন কাটিয়ে মৃত্যুর শাস্তিময় ক্রোড়ে আশ্রয় নিলে, একদিন দেববালা তার আত্মাকে অনন্ত শান্তিধামে নিয়ে গেল। আর বুড়ো কামারকে তার কষ্টসাধ্য

কাজ করতে আরও কড়ি বছর বেঁচে থাকতে হল। কিন্তু দারুণ গ্রীষ্মের শেষে একটি সুন্দর দিনে যখন সে তার কাজে বাস্ত ছিল, যম এসে তার দোরে দাঁড়াল। যম এসে তাকে বাইরে খাস্তে ইসারা করার সে ঘর থেকে বেরিয়ে জিজ্ঞাসুভাবে তার দিকে চেয়ে রইল, যেন সে কিছুই বুঝতে পারেনি। যম বলে বসল, “ভাল, তুমি ত অনেককাল বাঁচলে, এখন চল তোমার নিয়ে যাও।”

কামার বলল “সে কি! আমি এখন তোমার সঙ্গে কি করে যাই? দেখছ না আমার কাপড়-চোপড় কিংকম ময়লা! আর হাত-পাগুলো ঝুলকালীতে মাখা। তুমি আমার দয়া করে আধ ঘণ্টার ছুটি দাও যাতে আমি চট করে পরিষ্কার পরিচ্ছন্ন হয়ে তোমার মত সুবেশী ভদ্রলোকের সামনে এসে দাঁড়াতে পারি। আচ্ছা, তোমাকে দেখে মনে হচ্ছে যেন অনেকদিন কিছু খাওনি। বরং তুমি ততক্ষণ এই টুকটুকে পাকা আপেলগুলি চেখে দেখো।”

যম ত এদিকে আপেল-গাছটির দিকে তাকিয়ে আর লোভ সামলাতে না পেরে বলে বসল, “বেশ ত! কিন্তু তুমি বেশী দেবো ক’রো না—জানই ক আমি কি রকম বাস্ত! সত্যি বলতে কি, দিনে রাত্রে আমার মুহূর্তেরও বিশ্রাম নেই।”

তারপর যম ত তার হাতের কাঁচি ছোড়া দেয়ালে হেলিয়ে রেখে অতিকষ্টে গাছের নীচের ডালটিতে গিয়ে বসে মনের সুখে আপেল খেতে লাগল। কারণ এর আগে সে আর এরকম সুস্বাদু ফল কখনও পায়নি। এদিকে বুড়ো কামার ত স্থান করতেই ঘণ্টা-খানেক লাগিয়ে দিলে। ততক্ষণে যম ত অধীর হয়ে তাকে তাড়াতাড়ি কাজ সারবার জন্তে তাড়া দিতে লাগল। শেষকালে বুড়ো তার সব-চেয়ে ভাল পোষাকটা পরে দোর-গোড়ায় এসে দাঁড়াল। সেখান থেকে সে দেখতে পেলে যে যম তার প্রাণপণ চেষ্টায়ও এক পা নড়তে পারছে না। এই না দেখে সে তার বর পাবার কথা ভেবে খুব হাসতে লাগল। যম ত চোঁচিয়ে উঠল, “এ আবার কি বাস্তবিত্তে? আমাদের যে একুনি রঙন হবে হবে।

আমি ত দেখছি ঘণ্টা-খা-সকেই বেনী ঘেরী করে' ফেলেছি।"

কামারও অমনি বলে উঠলো, "তা তুমি ঘণ্টা ছেড়ে একশ বছর চেঁচা কর না কেন দেখবে যে ঠিক সেই গাছের ওপরই বসে আছে। এ ঠিক জেনো যে আমি ওখান থেকে নাবতে তোমার একটুও সাহায্য করব না।"

যম ত মুস্কিলে পড়ে কাকুতি মিনতি করতে লাগল; কিন্তু সবই মিথো। শেষকালে বেচারী যম জিজ্ঞাসা করল, "আচ্ছা কি পেলো তুমি আমার ছেড়ে দাও?"

বুড়ো উত্তর করল, "জান, আমি লোভী নই; তবে তুমি যদি প্রতিজ্ঞা কর যে আমার আশেপাশে আর কখনও আসবে না, তবে তোমার ছেড়ে দি।"

অগত্যা মৃত্যু সকলরকম পবিত্র এবং অপবিত্র জিনিষের নামে শপথ করে' বললে, "ভাল, তাই সই।"

বুড়ো তাকে ছেড়ে দিলে। যাক, এমনি ভাবে বুড়ো আরও কুড়ি বছর বেঁচে রইল। কিন্তু আবার একদিন যখন সে সঙ্গীদের নিয়ে ঘোড়ার নাল তৈরী করছিল—এমন সময় সে শুনতে পেলো যেন উঠানে কেউ ভয়ানক গোলমাল করছে। সে শব্দ শুনে মনে হল যেন ড্রাগন অজগর সিংহ নেকড়ে আর গাধা মিলে 'ঐশ্যতান বাদন' করছে। যাহোক বুড়ো জানালা দিয়ে তাকিয়ে একটি আকৃতি দেখেই বুঝতে পারলে যে এ নিশ্চয়ই কোনও শয়তানের অনুচর তাকে নিতে এসেছে। যাক তার জন্ত বুড়ো একটুও হুঃখিত হ'ল না। সে দিবা বলে উঠল, "আরে ভায়া একটু আস্তে। আমরা এখানে বেনী লোক নেই। তোমার যদি গানের বৈঠক দেবার ইচ্ছে হয় থাকে ত গ্রামের সরাইখানার নাচঘরখানা গিয়ে ঠিক করনা কেন?"

শয়তান অমনি বলে উঠল, "আচ্ছা আর ঠাট্টা করতে হবে না—তোমার সঙ্গে আমার বিশেষ কথা আছে। তোমার ত দিন ফুরিয়েছে—কিন্তু মৃত্যু ত তোমার নিতে নারাজ, কাজেই আমার ওপর তোমাকে নিয়ে বাবার স্ত্রীটা পড়েছে। শোন, তোমার আমি এমন জায়গায় নিয়ে যাবো যেখানে আগুনে পুড়িয়ে লোহা পেটবার কথা বেশ ভাল করে' মনে থাকবে।"

"ও তাহলে তুমি বলতে চাও যে তুমি শয়তান?"

"হ্যাঁ, আমি তাদেরই একজন। আমার জাতটাই ত অনেক।"

"ভাল, যে কেউ ত বলতে পারে' যে সে শয়তান। ভারি ত ছাগলের মাথার একটা খুলি নিজের মাথায় দিয়ে আর বাঁড়ের একটা লেজস্ক চামড়া পিঠের ওপর সটান ঝুলিয়ে আর বড় জোর চামারকে বলে' খুরের মত চেঁচা একটি জুতো তৈরী করিয়ে পায়ে দিয়েই ত বেশ শয়তান সাজা যায়। ওঃ আমি গ্রামের মেলাতে এ রকম চের চের শয়তান দেখেছি। আমি কেমন করে' বুঝব যে তুমি সত্যি শয়তান?"

"ভাল পরীক্ষা করে'ই একবার দেখ মা! তুমি যা করতে বলবে আমি তাই করে' দেবো।"

"আচ্ছা, তুমি এই লোহার পিপেটার ভেতর হামা দিয়ে ঢুকে যেতে পারো?"

"ওহে,—তুমি এই করতে বলছ? আমি ভেবেছিলাম না-জানি কিই করতে বলবে। এ ত খুব সোজা।"

"বেশ তুমি যদি এ কাজ বেশ সহজেই করতে পার ত বুঝব যে সত্যিই তুমি শয়তান আর পাতাল থেকেই এসেছ।"

শয়তান তৎক্ষণাৎ ক্ষীণ হতে ক্ষীণতর হয়ে শেষে পিপের মধ্যে অদৃশ্য হয়ে গেল। যাহাতক শয়তানের পিপের মধ্যে যাওয়া, ছুট্ট, কামারও অমনি পিপেটাকে উন্টিয়ে আগুনের ওপর ঠেসে ধরলে আর খুব জোরে হাপরে বাতাস করতে লাগল। শেষে যখন পিপেটা আগুন-তাতে লাল হয়ে উঠল, তখন সে তার সবচেয়ে বড় সাঁড়াশী দিয়ে সেটাকে নেহাইএর উপর রেখে সঙ্গীদের ডেকে বললে, "ওহে তোমরা যত জোরে পার এটাকে পিটুতে আরম্ভ কর ত।" তারাও অমনি আচ্ছা করে' পিটুতে আরম্ভ করে' দিলে। সে কি পিটুনী! শয়তান বেচারী ত চেঁচাতে আরম্ভ করল। শেষে বেচারী এত জোরে চেঁচাতে আরম্ভ করল যে ঘরের ভিত অধি কাঁপতে লাগল, আর যারা সে চীৎকার শুনতে পেলো তাদের ত মরণের দিন পর্যন্ত গায়ে কাঁটা দিয়েছিল। আর তারা ভাবছিল বুঝি বা পৃথিবী এবার রসাতলেই যাবে। শয়তান আর সহ করতে না

পেরে বলে' উঠল, "ওরে হতভাগা, আমার এর ভেতর থেকে বের করে দে। আমি দেখছি তুই আমাদের মত বদলোকের চেয়েও বদ।"

কামার বললে, "ভাল, যদি প্রতিজ্ঞা করিস যে তুই কিছা তোর জাতভাই কেউ আমার কুঁড়ের পকাশ মাইলের ভেতরও মাড়াবি না তবে তোকে ছেড়ে দি।"

তখন সম্রতান তাদের রাজার নাম করে' বলল, "আচ্ছা তাই সই।" তারপর ছাড়া পেরে সে ঘুরী ঝাতাসের মত, পৃথিবীর সেরা বরফঢাকা পাহাড়ে নিজের গায়ের জলুনী জুড়োতে ছুটে গেল।

ধাক্, এমনভাবে যমকে আর সম্রতানকে নাকাল করে' বুড়ো আরও কুড়ি বছর কাটিয়ে দিলে। শেষে আবার একদিন যখন সে তার কুঁড়ে ঘরখানির সামনে বসে হাওয়া খাচ্ছিল, সে যেন পাখার পত্ পত্ শব্দ শুন্তে পেলো। তাকিয়ে দেখলে যে স্বর্গের দূত এসে তার সামনে দাঁড়িয়েছে।

দূত তাকে বলল, "তোমার ত কাল ফুরিয়েছে, এখন চল আমার সঙ্গে।"

বুড়ো দেখল যে এবার আর এর হাত থেকে নিস্তার পাবার যো নেই, তখন সে দূতের অহুমতি নিয়ে তার কাপড়-চোপড় বদলে এসে বললে, "চল যাচ্ছি।"

কিন্তু টুপীটা মাথায় দিয়ে নিতে ভুলল না। দূত তাকে তখন বলল, "তুমি ত প্রত্যেক রবিবারে কখনও ধর্ম-মন্দিরে যাওনি—আর স্বর্গে যা বলে না এরকম কুকথাও অনেক বলেছ, কাজেই আমাকে তোমায় এমন জায়গায় নিয়ে যেতে হবে যেখানে ধর্মের কোনও রকম অনুষ্ঠান নেই আর যেখানে লোকেরা মন্দ কথা বললেও পুরস্কৃত হয়।"

কাজেই তারা একটি বাঁধান সুন্দর রাস্তা দিয়ে ক্রমশঃ নীচের দিকে যেতে লাগল। শেষকালে কিছুদূর এসে তারা দেখতে পেলো যে একটা খুব উজ্জল লাল আলো জল-জল করছে। দেখে' মনে হল যেন গ্রামে একশ উনুন একসঙ্গে জলছে। আর সেখানে এমন একটা বিশী গন্ধ বাতাসে ভেসে আসছিল যে তাদের মম বন্ধ হবার জোগাড়। এখন হয়েছে কি, সেই যে সম্রতান যাকে বুড়ো বেশ করে নাকাল করে' ছেড়েছিল, সেই আবার সেদিন দ্বাররক্ষকের পদে নিযুক্ত ছিল। সে নরকের প্রকাণ্ড খোলা দরজার

সামনে দাঁড়িয়ে নতুন লোকের আসছিল তাদের ভেতরে নিয়ে যাচ্ছিল। কিন্তু যেমনি সেই বুড়োকে দেখা—ছুটে গিয়ে ধড়ানু করে দরজা বন্ধ করে' দিয়ে সে চীৎকার করে বলে উঠল, "তোমার মত লক্ষীছাড়ার এখানে ঠাই হবে না। এখানে যদিও সম্রতানের ছুঃখ নই, কিন্তু তুমি এলে হবে সকলের বাড়া—আর এসেই সকলকে জালিয়ে মারবে।—না না বাপু, তোমার এখানে এসে কাজ নেই।"

দূত বলল, "তা হ'লে এখন উপায়? এরা ত দেখছি তোমায় নিতে নারাজ, কিন্তু তোমায় ত আর পৃথিবীতে ফিরিয়ে নিয়ে যেতে পারি না?"

"ভাল, আমার কেন তা হ'লে স্বর্গে নিয়ে যাও না?"

"হ্যাঁ, যেমন করে হোক একবার তারই চেষ্টা দেখতে হচ্ছে—" এই বলে' দেবদূত থামল। কাজেই আবার তারা সেই সুন্দর রাস্তাটি ধরে ফিরে গেল আর ওপরে শেষ সীমানায় এসে একটা সরু দরজা পার হয়ে এগোতে লাগল। যতই তারা সেই সরু পথটা ধরে ওপরে উঠতে লাগল ততই সেটা খাড়া হ'তে লাগল। শেষকালে তারা স্বর্গের সোনার দরজার সামনে এসে পৌঁছাল। নীল আকাশের মিষ্টি বাতাসের সঙ্গে ভেসে আসা দেবকন্যাদের মধুর গানের শব্দ তারা সেখান থেকে শুন্তে পেলো। স্বর্গের ছমার খোলাই ছিল, আর দেখা গেল যে সেন্টপিটার নতুন লোকদের অভ্যর্থনা করে নেবার জন্তে খোলা জায়গায় দাঁড়িয়ে আছেন। তিনিও যাই বুড়োকে দেখলেন, অমনি চট করে দরজা বন্ধ করে দিয়ে বলে উঠলেন, "ওরে বোকা, তোর এখানে আসবার সুন্দর সুযোগ থাকতেও তুই তা অবহেলায় হারিয়েছিস, এখন আর তোকে আমি ভেতরে আনছি না।"

বুড়ো বেচারি কষেক ঘণ্টা অপেক্ষা করে' শেষে দরজায় আস্তে আস্তে ধাক্কা মেরে বলতে লাগল, "ও ভাই পিটার, যদি তুমি আমার ভেতরে যেতে একান্তই না দেও, অত্যন্ত দয়া করে' একবার আমার ফটকের ফাঁক দিয়ে ভেতরটা দেখতে দাও।"

সেন্টপিটার ভাবলেন, 'ভালই হল, বুড়ো একবার স্বর্গের স্মৃৎল সৌন্দর্য দেখে' বুঝুক যে ও কি জিনিষ হারিয়েছে। এই ওর উপযুক্ত শাস্তি হবে।'

৬ষ্ঠ অধ্যায়।

এই ভেবে পিটার কটকের একটা আনন্টা খুলে দিলেন আর বুড়োও অমনি তাতে মাথা গলিয়ে বেশ ক'রে চারিদিক দেখতে লাগল। পুনিক পরে যেন অতর্কিতভাবে টুপটা পড়ে গিয়েছে এই ভান করে' মাথা থেকে টুপটা কটকের ভেতর দিক্ মাটার ওপর ফেলে' দিয়ে ব'লে উঠল, "ও পিটার, দেখ আমার টুপটা ওদিকে প'ড়ে গিয়েছে। ভাট, বুড়ো মানুষ আমি, যদি এ বাতাসের মধ্যে খালি মাথায় থাকতে হয় ত ঠাণ্ডা লেগে অমনিই সর্দি হবে।"

সেন্ট পিটার বুড়োর তৃতীয় অভিলাষের কথা বেমানুম ভুলে গিয়েছিলেন। কাজেই তিনি ব'লে উঠলেন, "কে বাপু তোমার ও মরলা তেন্টিটে টুপটা ছুঁতে যাবে? যাও না, নিজে গিয়ে নিয়ে এসো। দরজা খুলে দিচ্ছি।"

বুড়োও ত তাই চায়। তাই যেই দেখল যে সেন্ট পিটার দরজা খুলে দিয়েছেন, অমনি গিয়ে সে টুপী পেতে চেপে বসল। আর তাকে পায় কে? সে ত আর নড়বার নামটিও করে না—এই না দেখে সেন্ট পিটার গিয়ে উপর-ওয়ালার কাছে নালিশ করলেন। কিন্তু ফল হলো এই যে ধীশু বললেন, "যাই

বল পিটার, বুড়ো যখন পৃথিবীতে ছিল, তখন নেহাৎ মন্দ ছিল না। সেখানে বেশ সাধুতার সঙ্গেই কাজ করেছে, কাউকে ঠকায়নি। লোকটা যদিও বড় বেশী বক্বক্ব করত কিন্তু কখনও মিথো কিছু বলেনি। তাই বলি ওকে স্বর্গে রাখতে আর মানা কি? তা ছাড়া বুড়ো তার সুশীলা স্ত্রী বেচারীকে স্বর্গে দেখলে বড়ই খুসী হবে। কারণ সে বেচারীও তার স্বামীর আশাপথ চেয়ে এই সুদীর্ঘকাল বড়ই উদ্বিগ্নে কাটিয়েছে।"

উপর থেকেই যখন এ কথা মঞ্জুর হয়ে গেল তখন পিটার তাকে স্বর্গে রাখতে বাধ্য হলেন। আর কামারও এমনি করে' দিকিব তার স্বর্গারোহণ পর্ক শেষ করল।

শ্রীরেণুকণা দেবী।

* Bruhl সাহেব লিখিত Three Old German Folk-tales হইতে Village Blacksmith এর ভাবানুবাদ। (Vide Calcutta Review, January 1922.)

দ্বিধাতু-পরিমাণ ও গ্রেস্‌হামের নিয়ম

আদর্শ ও নিদর্শক মুদ্রা।

প্রত্যেক দেশেই একট বা একাধিক প্রধান ধাতুমুদ্রার সঙ্গে সঙ্গে কতকগুলি অপ্রধান ধাতুমুদ্রাও (Subsidiary Coins) চলিয়া থাকে। যেমন ইংলণ্ডে প্রধান ধাতুমুদ্রা গিনী এবং অপ্রধান ধাতুমুদ্রা শিলিং পেন্স ইত্যাদি। প্রধান ধাতুমুদ্রাগুলি অধিক মূল্যের হয় বলিয়া অল্প মূল্যের বিনিময় ছই-চার পরসার কাজ সুবিধামত চ'লাইবার জন্য কতকগুলি অল্পমূল্যের অপ্রধান ধাতুমুদ্রার প্রয়োজন। স্বার্থনীতির ভাষায় প্রধান ধাতুমুদ্রাকে বলে 'আদর্শমুদ্রা' (Standard Coin) এবং অপ্রধান ধাতুমুদ্রার নাম 'নিদর্শকমুদ্রা' (Token Coin)। আদর্শমুদ্রার মুদ্রামূল্য এবং উহার মধ্যে যতটা ধাতু থাকে তাহার মূল্য এই দুই-এর মধ্যে সমতা থাকে। এই সমতা বজায় রাখিবার জন্য পূর্নমেন্ট এরকম ব্যবস্থা করেন যাহাতে আদর্শমুদ্রার জোগান নির্ভর করে দেশবাসীর প্রয়োজন ও ইচ্ছার

উপর। এই ব্যবস্থানুসারে যে-কেহ টাকশালে ধাতু পাঠাইয়া সেই মূল্যের মুদ্রা পাইতে পারে। ইহাতে ফল হয় এই যে, আদর্শমুদ্রার মধ্যে যতটা ধাতু আছে তাহার বাজার-দরের সঙ্গে মুদ্রামূল্যের যদি বেশ-কম হয় তাহা হইলে ঐ মুদ্রার জোগানও বাড়ে বা কমে। গিনী ইংলণ্ডে আদর্শমুদ্রা। উহার মধ্যে বিস্তৃত সোনা আছে ২৩.২২ গ্রেণ। মনে করুন, কোনো কারণবশতঃ যদি সোনার দর এতটা চড়িয়া যায় যে, গিনীর ভিতর যতটা সোনা থাকে তাহার মূল্য গিনীর মুদ্রামূল্যের চেয়েও বেশী হয়, তাহা হইলে লোকে তখন গিনী অর্থহিসাবে ব্যবহার না করিয়া গলাইয়া ওজন-দণে সোনা হিসাবে বিক্রয় করিতে আরম্ভ করিবে। ইহাতে গিনীর জোগান কমিয়া যাইবে। অন্ত্য বস্তুর মতো মুদ্রার জোগানও যদি প্রয়োজনের চেয়ে কমে তবে উহার মূল্য বাড়িয়া যায়। ঐ অবস্থায় গিনীর জোগানও হঠাৎ কমিয়া যাওয়ায় গিনীর মূল্য আবার

বাড়িবে; এবং গিনীর মুদ্রামূল্য ও ধাতুগুলোর মধ্যে শীঘ্রই সমতা স্থাপিত হইবে।

নিদর্শকমুদ্রা (Token Coin) প্রধান বা আদর্শ মুদ্রার অংশ-বিশেষের মূল্যজ্ঞাপক। নিদর্শকমুদ্রার মূল্য উহার মধ্যে যে-পরিমাণ ধাতু থাকে তাহার মূল্যের চেয়ে বেশী। সিকি আমাদের দেশে একটি নিদর্শক মুদ্রা উহার মধ্যে যে পরিমাণ রূপা আছে তাহার মূল্য চারি আনার কম, অথচ সিকি কাজ চালায় চারি আনার।

চলতসিকা (Legal Tender Money)।

সাধারণতঃ এই প্রধান বা আদর্শ ধাতুমুদ্রার মধ্য হইতেই একট বা একাধিক ধাতুমুদ্রা চলতসিকা (Legal Tender Money) বলিয়া চলে। কাগজের অর্থ (Paper Money) যে চলতসিকা হয় না, তাহা নহে। কিন্তু সকল প্রকার কাগজের অর্থ সব দেশে সব সময়ে চলতসিকা বলিয়া চলে নাই, চলেও না। যাহা হটক, সে-সব বিস্তৃত আলোচনা অন্তর্ভুক্ত করা যাইবে। এখন চলতসিকার প্রকৃতি কি তাহাই বুঝা যাউক। যে অর্থে চলতসিকা (Legal Tender Money) তাহা দ্বারা যদি ঋণ পরিশোধ করা যায়—সে ঋণ যত বেশী পরিমাণেরই হউক না কেন—তাহা হইলে ওই ঋণ-পরিশোধ আইন অনুযায়ী চূড়ান্ত বলিয়া বিবেচিত হইবে। মনে করুন, আপনার নিকট হইতে আমি এক লক্ষ টাকা ধার করিয়াছি। এখন শুধু এক-আনি দিয়া যদি আমি এই এক লক্ষ টাকার ঋণ শোধ করিতে চাই তাহা হইলে আপনি উহা গ্রহণ করিতে অস্বীকার করিতে পারেন, এবং দেশের আইনও তজ্জন্ত আপনাকে দণ্ড দিতে পারে না। কারণ এক-আনির যোগে দায়-আদায়ের অসীম হুকুম (unlimited tender) নাই। কাজেই বাধ্য হইয়া আমাকে টাকা অথবা গিনী অথবা গবর্নমেন্ট নোট দ্বারা ওই ঋণ পরিশোধ করিতে হইবে। নিদর্শকমুদ্রা যদি ব্যবহার করিতেই হয়, তাহা হইলে আমাদের দেশে একটাকা মূল্যের পর্যন্ত এই-সকল মুদ্রা দিতে পারা যায়; একটাকার অধিক নিদর্শকমুদ্রা লইতে কেহ আইন অনুসারে বাধ্য নহে। তাহাতে খাতক বা মহাজন কেহই আপত্তি করেও না এবং করিলেও সে আপত্তি টিকিবে না, আইন অনুযায়ী

প্রধান মূল অর্থ (Standard Money) দ্বারা যে-কোন পরিমাণ ঋণ পরিশোধ করা যায়; কিন্তু নিদর্শক-মুদ্রা দ্বারা (Subsidiary Coins) কেবল নির্দিষ্ট পরিমাণ দেনা-পাওনাই মিটান যায়। যেমন আমেরিকায় যুক্তরাষ্ট্রে স্বর্ণমুদ্রা ও রৌপ্য ডলার দ্বারা অনির্দিষ্ট পরিমাণ ঋণ পরিশোধ করা যায়; কিন্তু অর্ডডলার প্রভৃতি নিদর্শকমুদ্রা দ্বারা কেবল ১০ ডলার পর্যন্ত দেনা-পাওনা আইন অনুসারে মিটান যাইতে পারে। উহা দ্বারা তদপেক্ষা বেশী ঋণ পরিশোধ করিতে গেলে মহাজন তাহা গ্রহণ করিতে আইনত বাধ্য নহে। ইংলণ্ডে সোভারেন্ বা গিনী দিয়া যে-কোন পরিমাণ ঋণ পরিশোধ করা চলে; কিন্তু সিলিং প্রভৃতি মুদ্রা কেবল দুই পাউণ্ড পর্যন্ত নিতে লোকে বাধ্য। আমাদের দেশেও গিনী চলতসিকা। বর্তমান সময়ে আমাদের দেশে টাকা আদর্শমুদ্রা নহে, কারণ উহার মধ্যে রূপা থাকে প্রায় দশ-আনি, কিন্তু প্রত্যেকটি টাকা কাজ চালায় ষোল আনার। আদর্শমুদ্রা না হইলেও টাকা ও আধুলি এই দুইটি রৌপ্যমুদ্রা আমাদের দেশে চলতসিকা। সিকি, ছয়ানি, এক-আনি, পয়সা ইত্যাদি নিদর্শকমুদ্রা।

দ্বি-ধাতু-পরিমাণ (Bimetallism)।

যদি কোনও দেশে দুই ধাতুর মুদ্রাই একই সময়ে চলতসিকারূপে আইন অনুসারে প্রচলিত থাকে তাহা হইলে তাহাকে দ্বি-ধাতু-পরিমাণ (Bimetallism) বলে। কোনও দেশে দ্বি-ধাতু-পরিমাণ প্রচলিত থাকিলে দেশবাসী যে-কেহ টাকশালে রূপা অথবা সোনা পাঠাইয়া তাহার পরিবর্তে সেই মূল্যের মুদ্রা পাইতে পারে, এই ব্যবস্থা অনুসারে একজন টাকশালে রূপা দিয়া যেমন তাহার পরিবর্তে সেই মূল্যের মুদ্রা পাইতে পারে তেমনি স্বর্ণের মালিকও টাকশালে সোনা দিয়া তাহার বিনিময়ে মুদ্রা আনিতে পারে। আর স্বর্ণমুদ্রাই হউক, অথবা রৌপ্যমুদ্রাই হউক, দুই ধাতুর মুদ্রাই চলতসিকা বলিয়া গণ্য হয়; অর্থাৎ যত বেশী পরিমাণেরই ঋণ হউক না কেন, উহার যে-কোন একটি অথবা উভয় মুদ্রা দ্বারা সে ঋণ পরিশোধ করা আইনসম্মত হইবে। স্বাধীনভাবে টাকশালে রূপা অথবা সোনা পাঠাইয়া মুদ্রা তৈয়ার করাইয়া আনিতে পারা এবং উভয়বিধ ধাতুমুদ্রাই

পুরা চলতসিকা বলিয়া গণ্য হওয়া এই দুইটি বিধাতু-পরিমাণের বিশেষত্ব।

বিধাতু-পরিমাণের প্রচলন হইলেই একটা প্রশ্ন মনে জাগে, যে, বাজারে সোনা ও রূপার দামের মধ্যে যে তারতম্য, ঠিক সেই অল্পপাতেই টাঁকশালে সোনা ও রূপার বিনিময়ে স্বর্ণমুদ্রা ও রৌপ্যমুদ্রা নির্মিত হয় কি না? টাঁকশালে ১৬ আউন্স রূপা দিলে যতগুলি মুদ্রা পাওয়া যায়, এক আউন্স সোনার পরিবর্তেও যদি ঠিক সেই মূল্যের মুদ্রাই মিলে; আবার ধাতু-হিসাবে, বাজারে ১৫ আউন্স রূপা ও এক আউন্স সোনার দাম যদি সমান হয়, তাহা হইলে কেহই আর টাঁকশালে রূপা দিয়া মুদ্রা চাহিবে না। রূপা তখন মুদ্রা হিসাবে বেশী মূল্যবান না হইয়া ধাতু-হিসাবে অধিকতর মূল্যবান হইবে। এই অবস্থায় টাঁকশালের কাছে রূপার মূল্য কম হইল, এবং সোনার দর বাড়িল, কিন্তু বাজারে তখন রূপার দামই বেশী, সোনা সস্তা। আবার, টাঁকশালে যখন রূপা ও সোনার সম্বন্ধ ১৬ : ১ অর্থাৎ ১৬ আউন্স রূপা দিলে যতগুলি মুদ্রা পাওয়া যায়, ১ আউন্স সোনার বিনিময়েও ঠিক সেই পরিমাণ মুদ্রা পাওয়া যায়, তখন যদি বাজারে ১৭ আউন্স রূপার দর এক-এক আউন্স সোনার মূল্যের সমান হয়, তাহা হইলে সেই সময়ে কেহ আর টাঁকশালে সোনা দিয়া মুদ্রা চাহিবে না; কারণ, তখন টাঁকশালের হিসাবে সোনার চেয়ে রূপার দাম বেশী হইলেও বাজারদর অনুসারে রূপাই সস্তা এবং সোনার দাম বেশী। এই অবস্থায় আমি যদি টাঁকশালে ১ আউন্স সোনা দেই তাহা হইলে উহার পরিবর্তে যতগুলি মুদ্রা পাইব, ১৬ আউন্স রূপা দিলেও ঠিক ততগুলি মুদ্রাই পাইতে পারিব। কিন্তু, সেই এক আউন্স সোনা টাঁকশালে না দিয়া আমি যদি তাহা বাজারে বিক্রয় করি তবে উহার পরিবর্তে ১৭ আউন্স রূপা পাইব! আমি তখন এই ১৭ আউন্স রূপা টাঁকশালে দিয়া ১৬ আউন্স রূপা দিয়া যতগুলি মুদ্রা পাইতাম তাহার চেয়ে কিছু বেশী মুদ্রা নিশ্চয়ই পাইব। এই যে কিছু বেশী মুদ্রা পাইলাম, এইটাই আমার লাভ। এইরকম প্রায় সকলেই লাভ-লোকসানের হিসাব খতিয়ান করিয়া সোনা বিক্রয় করিবে বাজারে, আর রূপা কিনিয়া আনিয়া

টাঁকশালে দিবে মুদ্রা তৈয়ারী করিয়া দিতে। তাহার ফলে এই দাঁড়াইবে যে, দেশের অর্থের মধ্যে স্বর্ণমুদ্রা আর তখন খুঁজিয়া পাওয়া যাইবে না—রৌপ্যমুদ্রাই হইবে প্রাধান্ত। এইরূপে আমরা দেখিতে পাই, যখন কোনো দেশে দুই ধাতুর মুদ্রা একসঙ্গে চলতসিকরূপে প্রচলিত থাকে, তখন টাঁকশালে ঐ দুই ধাতুর মূল্য যে হারে নির্দিষ্ট হয়, সে মূল্য যদি উহাদের বাজারদরের সঙ্গে না মিলে, তাহা হইলে, বাজারদরে যে-ধাতুটি সস্তা সেই ধাতুর মুদ্রাই দেশে চলিতে থাকে, আর অপর ধাতুর মুদ্রা ক্রমশঃ সরিয়া পড়ে।

গ্রেস্‌হামের নিয়ম।

রাণী এলিজাবেথের বাণিজ্যবিষয়ক পরামর্শদাতা স্তর টমাস গ্রেস্‌হাম (Sir Thomas Gresham) ঐ-সকল ঘটনা হইতে একটি নিয়ম আবিষ্কার করেন। ইহাকে গ্রেস্‌হামের নিয়ম (Gresham's Law) বলে। ইহা তাঁহারই আবিষ্কৃত নিয়ম মনে করিয়া তাঁহার নামের সঙ্গে সংযুক্ত হইয়া চলিতেছে। কিন্তু প্রকৃতপক্ষে এই নিয়ম আবিষ্কারের প্রশংসা তাঁহার প্রাপ্য নহে। তাঁহার বহুপূর্বে পণ্ডিতগণ এই নিয়মের সঙ্গে পরিচিত ছিলেন, তিনি কেবল সুস্পষ্ট করিয়া বৈজ্ঞানিকভাবে লিপিবদ্ধ করিয়া যান এইমাত্র।

গ্রেস্‌হামের নিয়মটি এই—

যে দেশেই দুই ধাতুর মুদ্রা একসঙ্গে চলতসিকা বলিয়া প্রচলিত সেই দেশেই মানুষ ঐ দুইরকম মুদ্রার মধ্যে যেটি অপেক্ষাকৃত মন্দ সেই অর্থ দ্বারা বিনিময়ের কাজ চালায়, আর ভাল অর্থ ক্রমশঃ অপচলিত হইয়া অদৃশ্য হইয়া পড়ে।

এখানে “মন্দ অর্থ” ও “ভাল অর্থ” দ্বারা আদর, ওজন, ও মূল্য এই তিনের যেকোনটির হিসাবে ভাল বা মন্দ বুঝিতে হইবে।

হঠাৎ শুনিতে এই নিয়মটি একটি ধাঁধা বলিয়া মনে হয়। অনেকেই হয়তো বলিবেন, চিরকালই তো শুনিয়া আসিতেছি এবং দেখিতেছিও যে, লোকে মন্দ জিনিষটি ত্যাগ করিয়া ভালটি দ্বারা কাজ চালায়, উৎকৃষ্ট যেটি সেইটিই আদর করিয়া রাখে। আপনি আবার এ কি ছনিয়া-ছাড়ি নিয়মের কথা আরম্ভ করিলেন। বর্তমানকালে

সমাজে শ্রমের স্বাধীনতা ও অবাধ প্রতিযোগিতা আছে। এখন সমাজের ভিত্তি এই স্বতন্ত্র সত্যের উপর প্রতিষ্ঠিত যে, মানুষ সকল অবস্থাতেই তাহার অভাব মন্দরূপে পূরণ করিতে পারে এমন সর্বোৎকৃষ্ট জিনিষ পছন্দ করিয়া থাকে। তবে অর্থের বেলা কেন মানুষ উল্টা ব্যবহার করিবে ?

অর্থ ও ভোগ্য ধনের মধ্যে পার্থক্যটা মনে রাখিলে এই ধাঁধা পরিষ্কার হইবে। দুইটি কমলালেবুর মধ্যে যেটি অপেক্ষাকৃত মিষ্ট তাহাই লোকে ব্যবহার করিতে চাহে, এবং টক লেবুটি পরিত্যাগ করে, ইহা সত্য। কিন্তু অর্থ আমার সোজামুজি তাবে ভোগের জন্ত নহে। তবে উহা ব্যবহার করি কেন ? হয়তো বিনিময়ের জন্ত দোকানদারকে অথবা বণিককে দিব বলিয়া, নচেৎ ঋণ পরিশোধের জন্ত মহাজনকে দিব মনে করিয়া। কাজেই ভাল ও খারাপ এই দুই প্রকার অর্থের মধ্যে যেটা দ্বারাই কাজ সম্পন্ন করি না কেন তাহাতে আমার কিছু আসে যায় না। তবে ভাল অর্থ দ্বারা যে কাজটি চলে সেটি যদি খারাপ অর্থ দ্বারাও ঠিক একই ভাবে চলিয়া যায়, এবং সে অবস্থায় মন্দ অর্থ দ্বারা অর্থের কাজ চলাইলে যদি কিছু লাভ হয়, তাহা হইলে খারাপ অর্থ ব্যবহার না করিয়া ভাল অর্থ ব্যবহার করাটা মূর্খতা ছাড়া আর কি ? সুতরাং একরূপ স্থলে মানুষ ভাল অর্থ হাতে রাখিয়া খারাপ অর্থ দ্বারাই কাজ চলাইয়া থাকে। এখানে একটি কথা মনে রাখা দরকার যে, ভাল ও খারাপ এই দুই প্রকার অর্থই সমভাবে কাজ সম্পন্ন করিবার ক্ষমতা থাকা আবশ্যিক অথবা মহাজন ভাল ও খারাপ এই দুই প্রকার অর্থই গ্রহণ অস্বীকার করিতে না পারে একরূপ হওয়া প্রয়োজন। অর্থাৎ এই দুই প্রকারের অর্থই চলতসিক্কা (legal tender) হওয়া দরকার।

এখানে প্রশ্ন উঠিতে পারে এই যে, চলতসিক্কার মধ্যে ভাল ও মন্দ দুইরকম থাকিলে ভাল অর্থের পরিবর্তে খারাপটা দিয়া কাজ চলে ইহা না-হয় বুলিলাম। কিন্তু ভাল অর্থ যে অর্থরূপে ব্যবহৃত না হইয়া ক্রমশঃ সরিয়া পড়ে, তাহা যায় কোথায় ? ইহা তিন উপায়ে অপ্রচলিত হইয়া পড়ে—

১। সঞ্চয় (Hoarding)।

২। বিদেশে প্রেরণ (Payments abroad)।

৩। ওজন করিয়া বিক্রয়।

১। সঞ্চয়।—মানুষ যখন ভবিষ্যতে বিপদের সময়ে ব্যবহারের জন্ত, অনাগত প্রয়োজনীয় কার্যের জন্ত অর্থ সঞ্চয় করিয়া রাখে, তখন বাছিয়া ভাল অর্থ ভবিষ্যতের জন্ত সঞ্চয় করে আর খারাপ অর্থ দিয়া বর্তমানের কাজ চালায়। ফরাসী-বিপ্লবের সময় ফরাসী দেশে বাহারা সম্মুখে বিপদ দেখিয়া অর্থসঞ্চয়ে মনোনিবেশ করিয়াছিল তাহারা স্বর্ণমুদ্রাই সংগ্রহ করিতে আরম্ভ করিয়াছিল। তখনকার 'দেশের' হত্যাদর কাগজের অর্থ—আসিগ্না (assignat) সঞ্চয় করে নাই। এই যুরোপীয় মহাসমর আরম্ভ হইবার পর আমাদের দেশেও লোকে টাকা বা গিনি হাতছাড়া করিতে চাহে নাই, গভর্নমেন্ট-নোট দিয়াই কাজ চলাইয়াছে। আর বাহারা বেশী হিসাবী তাহারা প্রথম হইতেই টাকার বিনিময়ে স্বর্ণমুদ্রা বা গিনি সঞ্চয় করিয়া রাখিয়াছেন। কিন্তু ভাল অর্থের অর্থরূপে ব্যবহৃত না হইবার এই কারণটি ক্ষণস্থায়ী।

২। বিদেশে প্রেরণ।—দেশের অভ্যন্তরে ঋণ পরিশোধ খারাপ অর্থ দ্বারাও যেমন চলিতে পারে, ভাল অর্থ দ্বারাও ঠিক তেমনি ভাবে চলে। কিন্তু বিদেশের বণিক বা মহাজনকে যদি ধাতুমুদ্রা দিতে হয় তাহা হইলে সে তো আমার জাতীয় মুদ্রা গ্রহণ করিতে বাধ্য হইবে না। সে তখন মুদ্রাতে বতটা ধাতু আছে, বাজার-দর অনুসারে তাহার যাগা মূল্য হয় সেই হিসাবে উহা গ্রহণ করিবে। কাজেই, যে-সকল মুদ্রা ব্যবহার করিতে করিতে অভ্যস্ত হালকা হইয়া গিয়াছে - তাহাদিগকে দেশের অভ্যন্তরে কাজ চলাইবার জন্ত রাখিয়া নূতন ভারি মুদ্রা দ্বারা বিদেশের বণিকের বা মহাজনের ঋণ পরিশোধ করাই লাভজনক। এইরূপে ভাল মুদ্রাগুলি দেশের টাকার বাজার হইতে সরিয়া পড়ে।

৩। ওজন করিয়া বিক্রয়।—যুদ্ধের পূর্বে যখন পুরানো বড় কাগজের দর ছিল সের-প্রতি দুই আনা, তখন কলিকাতা প্রভৃতি সহরে দৈনিক সংবাদপত্রের কোনো কোনো হিসাবী গ্রাহক তাড়াতাড়ি কাগজখানি পড়িয়া সেই দিনই অর্ধমূল্যে কোনো সংবাদপত্রের ফেরিওয়ালার নিকট

বিক্রয় করিয়া দিতেন, ওজন করিয়া পুরানো কাগজ হিসাবে বিক্রয় করিতেন না। কারণ তখন 'সংবাদপত্র' হিসাবে কাগজখানা বিক্রয় করাই লাভজনক ছিল, কাগজ হিসাবে নহে। এখন পুরানো বড় কাগজের দর চড়িয়া প্রায় সের-প্রতি পাঁচ আনা হইয়াছে। কাজেই এখন আবার সংবাদপত্রখানা প্রতিদিন সংবাদপত্র হিসাবে বিক্রয় করা অপেক্ষা পুরানো কাগজ হিসাবে বিক্রয় করাই লাভজনক। কলিকাতার অনেকে এখন এইরূপই করিয়া থাকেন। অর্থের বেলাও ঠিক তাহাই। আমাদের দেশের রূপার টাকার ভিতরে রূপা থাকে প্রায় দশ-আনি, কিন্তু প্রত্যেকটি টাকা দেশে কাজ চালায় যোল আনার। মনে করুন, কোন কারণ বশতঃ যদি রূপার দর এতটা চড়িয়া যায় যে, টাকার ভিতরে ষ্ঠটা রূপা থাকে তাহার মূল্য যোল আনার চেয়েও বেশী হয়, তাহা হইলে লোকে তখন টাকা—টাকা-হিসাবে ব্যবহার না করিয়া, গলাইয়া ওজন-দ্বারা রূপা হিসাবে বিক্রয় করিতে আরম্ভ করিবে। গলাইয়া ওজনদ্বারা টাকা বিক্রয় করিবার বেলা লোকে সাধারণতঃ ব্যবহার করিতে করিতে যে সকল টাকা অত্যন্ত হাল্কা

হইয়া গিয়াছে তাহা না গলাইয়া, নূতন ভারি টাকাই গলাইয়া থাকে। এরূপে অনেক ভাল টাকা অদৃশ্য হইয়া পড়ে।

নিম্নলিখিত তিন-অবস্থাতে গ্রেস্‌হামের নিয়ম পরিমিত হয় :—

(ক) ব্যবহার করিতে করিতে ক্ষয় হইয়া গিয়াছে এরূপ মুদ্রার সহিত দেশে যখন নূতন মুদ্রা চলিতে আরম্ভ করে, তখন দেখিতে পাওয়া যায় যে, নূতন মুদ্রা ক্রমশঃ অদৃশ্য হইয়া পড়িতেছে।

(খ) যখন হতাদর কাগজের অর্থের (Depreciated Paper Money) সহিত ধাতুমুদ্রা চলে, তখন দেশের ভিতরে অর্থের কাজ চালাইবার জন্য কাগজের অর্থই খুঁজিয়া পাওয়া যায় ; ধাতুমুদ্রা ধীরে ধীরে সরিয়া পড়ে।

(গ) যখন হাল্কা মুদ্রার সঙ্গে ঠিক ওজনের মুদ্রা, অথবা শেযোক্র মুদ্রার সচিত তদপেক্ষা ভারি মুদ্রা চলিতে আরম্ভ করে, তখন হাল্কা মুদ্রা ভারি মুদ্রাকে তাড়াইয়া দেয়। যে দেশে দ্বি-ধাতু-পরিমাণ (Bimetallism) আছে সেই দেশে আমরা এই অবস্থার প্রকৃষ্ট উদাহরণ দেখিতে পাই।

শ্রীমতেন্দ্রনাথ রায়।

স্বপন

স্বপ্নের তিমির তুবুড়ি থেকে

ঝরঝর আলোর ফুলঝুরি,

ফুটুচ তুমি, কালোপাতার

আব্দালে লাগ কুল-কুড়ি !

বন-মেহেদির মন-গোপনে

ফাগ-ফুল্লুর তুই ধার,

কাজল-পরা সাঁঝের চোখে

উঠিস্ জলে' তুই তার' !

স্বপন তুমি ফাগুন-মায়া

লুকিয়ে থাকো চূপ করে'

কোন ভাষারে কুছাটিকার,—

হঠাৎ হাসো রূপ ধরে' !

স্বপন তুমি সাগরিকা,

নিশীথ-সাগর-জল-তলে

ঘুমিয়েছিলে,—জাগলে পরী,

প্রবাল-পাখা জল্জলে !

স্বপন তুমি সোনার স্বপন,—

স্বপন তুমি সুখ-রাণী,—

ছটার দীপ্ত কর

বন্ধ-দ্বার বুকখানি !

শ্রীরাধাচরণ চক্রবর্তী



ধ্বংসাত্মক ইউরোপ

বিংশ শতাব্দীর কুফলক্ৰমের পর প্রায়শই মেলিহান জিহ্বা ইউরোপের ধ্বংসাত্মক ও কাণ্ডশিল্পী প্রায় সবটুকুই গ্রাস করিয়াছে। ধ্বংসের তাণ্ডালীকার অবশ্যে বাধা-কিছু থাকি রহিয়া গিয়াছে তাহাকে বাড়াইয়া ইউরোপে নবজীবন স্কাবের যে বিপুল প্রয়াস চলিয়াছে তাহা সার্থক না হইলে ভবিষ্যতে জনতের ভাগ্যে কত দুঃখ-ছদ্দিশাই যে আছে তাহার সন্ধান কে বলিবে? ইউরোপের ভাগ্য-কাণ্ডের এক কোণে যেমন আশার অরুণ-রেখা দেখা যাইতেছে তেমনিই অন্য কোণে কালো মেঘ বনাইয়া উঠিতেছে। একদিকে নূতন পথে নব যাত্রার আয়োজন যেমন নব উত্তমে বিপুল বেগে চলিতেছে, অন্যদিকে যেহে হিংসা পরশ্ৰীকণ্ঠের জাগিয়া অস্তকে হীন করিয়া নিঃস্ব-প্রতিষ্ঠার চেষ্টা ইউরোপের রাজ্যান্তিক হিংস্রতার জ্বালায় উত্তপ্ত করিতেছে। নূতন চিন্তা, ও নব প্রচেষ্টা নবশক্তির স্কাবেরে যেমন ইউরোপকে সূতসঞ্জীবনী সুখা পান করাইয়া সূত্ৰমুখ হইতে বাঁচাইয়া তুলিতে চাহিতেছে তেমনি শক্তি পিণ্ডসার স্বার্থ রাজ্যলোভন বার্ষিক ইউরোপ বিমুচ্ত হইয়া যে হসাহস পান করিতেছে তাহাতে সূত্ৰবিধে ইউরোপের সর্বদেহ জর্জরিত হইয়া উঠিয়াছে। ফান ও ইংলও মধ্য-ইউরোপকে বস্কাণিভূত (Balkanized) করিয়া রাখিতে চাহিয়াছিলেন; অর্থাৎ পরস্পরবিরোধী বস্কাণ-রাজ্যসমূহ নিজের ভাল রাখিতে না পারিয়া বেরাণ বেতালা (Unstable) হইয়া আছে, মধ্য-ইউরোপকে সেইরূপ বেতালা করিয়া রাখিতে চাহিয়াছিলেন। যুগোস্লাভিয়া, জেকোস্লাভিয়া, অষ্ট্রিয়া, হাঙ্গেরি ও পোলাণ্ডের মধ্যে সীমারেখা এবং খনিজ ধনসম্পদের অধিকার লইয়া নানা গুণগোলের অবকাশ রহিয়া যাইবার সুযোগ রাখিয়া বেগুতে ইহাদের হ্রস্বত্ব জিয়া উঠে নাই। যেদব রাজনীতিধুরুর শাস্তি স্থাপনের উদ্দেশে এত সন্ধি সর্ভ ও এত আলোচনা-সভা গড়িয়া তুলিলেন তাহাদের দুটি কি এইগুলি এড়াইয়াছিল, না স্থায় ও সত্যের মৰ্যাদা রক্ষা করিবার অজুহাতে নিজের লাভের গুণটির গতি যৌক এ সব মীমাংসার মূলে থাকার এত গুণগোলের কারণ রহিয়া গিয়াছে? চতুর্ধুরের সভা (Council of Four), দশপ্রধান সভা (Council of Ten), দেশপ্রেষ্টের প্রধান মন্ত্রণা-সভা (the Supreme Council), অমাত্য-মন্ত্রণা-সভা (the Conference of Ambassadors), শক্তিবর্গের প্রধানমন্ত্রীবর্গের সভা, আতিসমূহের সংঘ প্রভৃতি কত সভা, ভাসাই, সেন্ট জার্মেন (St. Germain), নিউলি, সেভাস প্রভৃতি কত সন্ধিসর্ভ, ম্যাণ্ডেট বা ধবরদারী, স্বসংকল্প (Self determination), গণমত (Plebiscite) প্রভৃতি কত রাজনৈতিক আদর্শ—এ সকলকে ব্যর্থ করিয়া দিতেছে কোন্ বিধে? ইহা বুঝিতে হইলে বুঝাবসানের পর হইতে যে-সকল রাষ্ট্রীয় ব্যাপার ইউরোপে ঘটনাছে তাহাকে একবার ভাল করিয়া বুঝিয়া লইতে হইবে। আবার বিবক্রিয়াকে ধর্ম করিয়া যে-সকল সূতসঞ্জীবনী সুখা ইউরোপকে অক্ষয় যৌবনে পূর্ণবিকশিত করিয়া তুলিতে চাহিতেছে, সেই বিপুল প্রয়াসের অন্তরালে যে-সকল শক্তির প্রবাহ বহিতেছে তাহার পরিচয়টা মাল্লইলেও বর্তমান যুগসমস্তা বুঝা যাইবে না। তাই ধ্বংসাত্মক ইউরোপকে ভাল করিয়া বুঝিতে

হইবে। ইউরোপ আয়ত্যা করিয়াছে বলিয়া এক কথার সকল উড়াইয়া দিলেও চলিবে না, বা নব জাগরণের সাড়া দেখা দিয়াছে বলিয়া স্তোকবাকে। আপনাকে ডুলাইয়া পরম নিশ্চিত মনে বস্তির নিখাস ফেলিলেও চলিবে না। এই সমস্তা সম্মুখে রহিয়াছে; সাধ্য মত ইহাফে বুঝিয়া পরখ করিয়া দেখিতে হইবে।

রাষ্ট্রপতি উইলসনের মহাবাণী চৌদ্দ দফার যৌবিত হইল। বিক্রশক্তিবর্গ সেই আদর্শ সূক্ষ্মরূপে গ্রহণ করিয়াছেন বলিয়া যৌবনা করিতে সহজে সন্ধি হওয়া সম্ভবপর হইল। কিন্তু বুঝাবসানে কোনও দফাকেই আক্ষয় দেওয়া হয় নাই।

উড্রো উইলসন যৌবনা করিলেন—“বসংকল্প রাজনৈতিক স্বীকা আওয়াজ নহে। ইহা এমনই একটি অবশ্যপ্রতিপালনীয় রাষ্ট্রনৈতিক মূলত্ব যে রাজনীতিবেত্তাগণ ইহাকে অস্বীকার করিলে নিজের সর্বনাশ সাধন করিবেন। এই যুদ্ধ সম্প্রকিত রাজ্যসম্বন্ধীর সকল গোলযোগের মীমাংসা অধিবাসীবর্গের স্বার্থের দিকে দৃষ্টি রাখিয়া করিতে হইবে। বিরোধী রাজ্যসমূহের মধ্যে একটা রক্ষা-নিষ্পত্তি বা সন্ন্যাসি মীমাংসা দ্বারা ইহার শেষ নিষ্পত্তি সংসাধিত হইতেই পারে না।”*

কিন্তু কাণ্ডিকালে দেখা গেল রাজনৈতিক সুবিধাচারের অনুবর্তন করিয়া প্রায় সকল সীমারেখা নির্দেশিত হইয়াছে। জার্মান সাম্রাজ্যের অ্যালেনষ্টাইন, মারিয়েনবারডার, আপার সাইলিসিয়া, সেল্ফউইগ, ইউপেন ও ম্যাগমেডিও ও অষ্ট্রিয়ার ক্রাগেনফুর্ট প্রদেশের অধিবাসীবর্গের মতামত লইয়া তাহাদের ভাগ্য স্থির করা হইয়াছিল বটে কিন্তু আপার সাইলিসিয়া ভিন্ন অন্যান্য প্রদেশগুলির প্রভাব বড়ই অল্প। বড় বড় রাষ্ট্রনৈতিক পরিবর্তনগুলি কিন্তু অধিবাসীবর্গের মতের অপেক্ষা রাখিয়া হয় নাই; বিক্রশক্তির সুবিধার দিক দেখিয়াই সেই পরিবর্তনগুলি সংসাধিত হইয়াছে। আলসেস-লরেন, পশ্চিম প্রাসিয়া, পসেন, ড্যান্জিগ, টাইরল, স্কাভাকিয়া, টালিস্লেভেনিয়া প্রভৃতি স্থানসমূহ এইরূপ উদ্দেশেই ভিন্ন ভিন্ন রাজ্যের সহিত যুক্ত করা হইয়াছে। (Not only were the plebiscites few, but with the one exception of upper Silesia they were unimportant. The greater territorial changes and decisions, Alsace-Lorraine, West Prussia, Posén and Danzig, the whole reorganization of the Austrian Empire, the assignation of Tyrol to Italy, of Slovakia to the new Czech state, of Transylvania to Hungary were carried through by other methods—J. W. Headlam Morley.)

* Self-determination is not a mere phrase. It is an imperative principle which statesmen will henceforth ignore at their peril. Every territorial settlement involved in this war must be made in the interest and for the benefit of the population concerned, and not as a part of mere adjustment or compromise of claims amongst rival states.—Woodrow Wilson.

টাইবল ও সাল্জবর্গের, অধিবাসীবর্গ অষ্ট্রিয়ান সাম্রাজ্যের স্বতন্ত্র পূর্ব জার্মানীর সঠিক সম্মিলিত হইবার বাসনা জানাইয়াছিল। কিন্তু টাইবলকে ইটালীর সহিত জুড়িয়া দেওয়া হইল। সোভাকিয়ায় জার্মানজাতির আবাদ; তাহার জার্মানীর সহিত যুক্ত হইতে চাহে। কিন্তু জার্মান শক্তির পূর্ব-অভিযান বন্ধ করিতে হইলে জেক জাতিকে শক্তিশালী করা দরকার। তাই সোভাকিয়াকে জেক রাজ্যের সহিত জুড়িয়া দেওয়া হইল। আনসেস প্রদেশে জনমত গ্রহণ করিলে জার্মানীর স্বপক্ষে বেশী ভোট হইবার সম্ভাবনা। কিন্তু ফ্রান্সকে সন্তুষ্ট করিতে হইলে সমগ্র আনসেস-লরেন প্রদেশ ফ্রান্সের পাওয়া চাই। তাই সেইখানে জনমত গ্রহণ করা হইল না। কিন্তু মিত্র-শক্তিবর্গের তরফ হইতে সবচেয়ে অবিচার করা হইয়াছে মণ্টিনিগ্রো রাজ্যের প্রতি। মণ্টিনিগ্রো মিত্রশক্তির সহিত একযোগে যুদ্ধ করিয়া প্রায় সর্ব্বাঙ্গ হইয়াছিল তবুও আশ্চর্য্য নীরত্বের সহিত এই ক্ষুদ্র রাজ্যটি গ্রীসের অধিমুখে জার্মান অভিযান বন্ধ করিয়া প্রাণভূষণকে রক্ষা করে। কিন্তু যুগোস্লাভিয়া রাজ্যকে পরাক্রান্ত শক্তিতে পরিণত করা মিত্র-শক্তিবর্গের পক্ষে সুবিধাজনক বোধ হওয়াতে সেই উদ্দেশ্য সাধনের জন্য জোর করিয়া মণ্টিনিগ্রোকে যুগোস্লাভিয়া রাজ্যের সহিত জুড়িয়া দেওয়া হইল (The compulsory termination of their independence and arbitrary abrogation of their national entity)। উড্রো উইলসন তাঁহার দশম দফার বলিয়াছিলেন যে অষ্ট্রিয়া হাঙ্গেরীর অধিবাসীবর্গের স্বাধীনভাবে বাড়িয়া উঠিবার সকল উপায় উন্মুক্ত রাখা হইবে (The peoples of Austria Hungary should be accorded the freest opportunity of autonomous development)। কিন্তু তাহা হইলে মধ্য ইয়ুরোপে একটি শক্তিশালী স্থায়ী গুডমেন্ট গড়িয়া উঠে; তাহাকে বেতলা করিয়া বস্কানরাজ্যসমূহের সামিল করা চলে না। আর অষ্ট্রিয়া-হাঙ্গেরী জার্মানীর বন্ধ। জার্মান শক্তিকে খর্ব্ব না করিলে পরম নিশ্চিন্তে পূর্ব-ভূখণ্ড ভোগদখল করা চলে না। পশ্চিম-শান্তির এনিয়া ও জার্মান-অধুষিত রাজ্যসমূহের মধ্যে একটি বেড়া তোলা চাই। কাজে

কাজেই বর্তমান আকারে যুগোস্লাভিয়া ও জেকোসোভাকিয়া রাজ্যের সৃষ্টি হইল। আপাতদৃষ্টিতে মনে হয় যে অধিবাসীবর্গের জাতি অনুসারে এই রাজ্যগুলিকে সৃজন করা হইয়াছে। কিন্তু একটু তলাইয়া দেখিলেই দেখা যায় যে মিত্রশক্তির জার্মান-শক্তিকে খর্ব্ব করিবার মতলব সিদ্ধ করিবার উদ্দেশ্যই ইহাদের সৃষ্টি করিয়াছেন। এবং জার্মান-শক্তিকে প্রতিহত করিবার উদ্দেশ্যে ইহাদিগকে পরাক্রান্ত করা প্রয়োজন হওয়াতে অনেকটা ভূখণ্ড ইহাদিগকে অস্তায় করিয়া দেওয়া হইয়াছে। (There was a necessity for establishing a barrier between Germany and the Near East. Czecho-Slovakia and Jugo-Slavia were created apparently on the basis of nationality but really to play their part in support of an anti-German policy, even if that basis carried with it infringements of some of the tenets enunciated during the war. They were rewarded in a way not strictly justified by the avowed objects for which war was fought.—H. Charles Woods in The Truth about the Balkans" in the Quarterly Review.)

জার্মানীর শক্তিকে খর্ব্ব করিবার উৎসাহে মিত্রশক্তিবর্গ যে অস্তায়ের প্রস্তর দিলেন তাহা ফিরিয়া মিত্রশক্তিবর্গকেই আহত করিয়াছে। উৎসাহের কোঁকে ফসফল বিচার না করিয়া যে সব মীমাংসা করা হইয়াছিল তাহা বন্দন মিত্রশক্তিবর্গের কাহারো কাহারো লাভ আরও কাহারো কাহারো ক্ষতির কারণ হইয়া দাঁড়াইল তখন তাহাদের মনের মিল আর থাকে কি করিয়া? অবিধান ও সন্দেহ জাগিয়া পরস্পরের বিচ্ছেদ বাড়াইয়াই তুলিতেছে। নিজকৃত অস্তায়ের বিবে আজ মিত্র-শক্তিবর্গ জর্জরিত। তাই কান্ কনফারেন্স, জেনোয়া কনফারেন্স সকলই বার্থ হইতে চলিল। কিন্তু মুতাবিহ হইতে আপনাকে রক্ষা করিবার বিপুল উত্তোপও ইয়ুরোপে চলিতেছে।—সে সকলের পরিচয় ক্রমশঃ দিবার ইচ্ছা রহিল।

শ্রীপ্রভাতচন্দ্র গঙ্গোপাধ্যায়।

অভিসার

অন্ধকারের রক্ষে, রক্ষে, মরি,
কি মোহন সুর ধনিয়া উঠিল ঐ !
আকাশ পাথার সুরের মায়ায় ভরি'
কে ভাসায়ে চলে অলক্ষ্য মায়াতরী,
কি জানি কাহারো নীল আকাশের গায়
করে কানাকানি উজলি' কনকবাতি,
অমৃত-পরশী অকল ধ্বনিয়া বার
মোর কেশে বেশে কেন করে মাতামাতি !
পরানের কুল ছা পয়া উছলি' যার
আকুল বাসনা নিখিল ভুবনে হায়,
আমা, ডতলা পরাণ উদাস করি'
কি বিরহ-গীত রণিয়া উঠিল ঐ !
কোথা আছ তুমি কোন্ অচেনার পারে,
তারার আলোকে পাঠালে কি নিজ বাণী ?

কোন্ ছায়াপথে কোন্ আলোকের দ্বারে,
দিবস-রজনী খুঁজিয়া ফিরিছ কারে ?
আমি ত দেখায় তোমারি আশায় চাহি'
আঁধারে বিজনে প্রান্তরে বনে ফিরি ;
ফেপার মতন চলিয়াছি গান গাহি'।
—ছাইল আঁধারে কানন গগন গিরি।
উতলা আজিকে আকাশের যত তারা—
খুঁজে খুঁজে যার ফিরেছিল দিশাহারা—
কি বারতা লাভি' আজি তারা সারে সারে
ঝলছে পুলকে নীল আকাশে; পারে ?
দাঁখনা বাতাস ব্যাকুল সূর্য্যভ-ভারে,
তারার আলোকে পাঠালে কি নিজ বাণী ?
তাই বুঝি ঐ আঁধার-সিন্ধু-পারে
নিখিল ভুবন করে আজি কাণাকাণি !
শ্রীজীবনময় রায়।



থিয়েটারে আগ্নেয়গিরি ও ভূমিকম্পের অভিনয় —

সম্প্রতি আমেরিকার এক অভিনয়মঞ্চে এক অদ্ভুত কাণ্ড হইয়া গিয়াছে। সেখানে আগ্নেয়গিরির অগ্ন্যুৎপাত ও সঙ্গে সঙ্গে ভূমিকম্পের অভিনয় করা হইয়াছিল। এই অভিনয়ের জন্য একটি বৃহৎ রঙ্গমঞ্চ নির্বাচিত করা হয় এবং তাহার এককোণে একটি ছোট পাহাড় তৈরী করা হয়। এই পাহাড়ের মুখে আবার আগ্নেয়গিরির গহ্বরের মত একটি গহ্বরও তৈরী করা হয়। তারপর তাহার আশেপাশে ও উপরে নানা রকম বস্ত্রপাতি বসানো হয়। দর্শকদের বসিবার স্থান কিছু দূরে করা হয়। এবং বসিবার জায়গাগুলিতে ঢাকা দেওয়া ছিল; যখন আগ্নেয়গিরির অভিনয় হয় তখন সেগুলিকে বৈজ্ঞানিক উপায়ে সরাইয়া লওয়া হয়। মঞ্চের একপাশে কতকগুলি কৃত্রিম বাড়ী তৈরী করিয়া রাখা হয়।

অভিনয় হইতেছে এমন সময় বঠাৎ দর্শকদের চেয়ারগুলি কিছু ভাঙিয়া আসিল, এবং চারিদিক কাঁপিয়া উঠিল। মাটি জায়গায় জায়গায় হাঁ হইয়া গেল, যেন ভূমিকম্প আরম্ভ হইয়াছে। তার পরেই ভীষণ আগুয়ান এবং আগ্নেয়গিরির মুখ হইতে পাথর, ধূলা, ধোঁয়া ও গলিতধাতু নিস্রবণ। সঙ্গে সঙ্গে কৃত্রিম বাড়ীগুলির পতন। এই-সমস্ত মিলিয়া ব্যাপারটাকে একেবারে স্বাভাবিক করিয়া তুলে, গলিতধাতু বাহির হয় কতকগুলি পাইপের মধ্য ভিত্তিতে বাষ্পের কলের সাহায্যে।


অনেকে বোধ হয় ভাবিয়া ছাপিত হইবেন যে, গলিতধাতু চুবনোলা মল মাত্র। কৃত্রিম বাড়ীগুলি ভূমিকম্পে পড়িয়া গিয়া আগ্নেয়গিরির আন্তবে আবার অলিতে থাকে। মোটের উপর ব্যাপারটি অদ্ভুত



থিয়েটারে আগ্নেয়গিরি ও ভূমিকম্পের অভিনয়।

ছবিয় বা দিকে উপরকার কোণে দেখানো হইতেছে, বড় বড় মাটির চাওড় টানিয়া সরাইয়া লইয়া কিরূপে ভূমিকম্পের সময়ের মত মাটি হাঁ করিয়া দেওয়া হয়।

বা দিকে নীচেকার কোণে কৃত্রিম বাড়ী দেখা যাইতেছে। তাহাতে আগ্নেয়গিরির গলিত ধাতুশ্রোত আসিয়া কেমন করিয়া পুড়াইতেছে তাহাও দেখানো হইতেছে।



ডাক্তার রসের যন্ত্রে দৃষ্টিশক্তির পরীক্ষা।

যটে। আমাদের দেশে একদম অভিনয় হইলে দর্শক খুব অল্পই জুটিত, কেননা শৈল্পিক প্রোগ্রাম উপরে আমাদের মনো অসাধারণ।

মানুষের পারের মাংসপেশীর অনুকরণে রবারের মতো সফোচনশীল পদার্থের টানায় ও অল্প কলকল্পের কৌশলে একরকম কৃত্রিম পা তৈরি হইয়াছে, ইহার সাহায্যে হাঁটুহীন লোকেরাও হাঁটুওয়াল লোকদের মতো স্বচ্ছন্দ সহজ গতিতে চলিতে পারিবে। এই কৃত্রিম

চোখের দৃষ্টির রহস্যশক্তি—

মানুষের সমস্ত অঙ্গপ্রত্যঙ্গের মধ্যে চোখগুলিই সবচেয়ে বিস্ময়াবহ। পৃথিবীর সঙ্গে আমাদের বনিষ্ঠতম পরিচয় এই চোখের দৃষ্টির মধ্যে দিয়া; আবার আমাদের নিজেদের মনের কত গভীর পরিচয় এই চোখ-দৃষ্টিতে প্রতিফলিত হইয়া থাকে। চোখের যে স্বাভাবিক একটা জ্যোতি আছে, কবিত্বের মোহাই না দিয়াও একথা বলা চলিতে পারে; চোখের সম্মোহন-শক্তির পরিচয় লাভও হয়ত সকলেই ভাগ্যে কখনো না কখনো ঘটিয়াছে। কিন্তু এসমস্ত ছাড়াও মানুষের চোখের দৃষ্টির মধ্যে এমন এক আশ্চর্য অচিন্তিতপূর্ব শক্তির পরিচয় সম্প্রতি পাওয়া গিয়াছে, যে অদৃশ্য শক্তির প্রভাবে একটি জড় বস্তুকে স্থানচ্যুত করাও সম্ভব। ডাক্তার চাল'স্ রস নামক এক বৃটিশ বৈজ্ঞানিক তাঁহার নিজের উদ্ভাবিত একটি যন্ত্রের সাহায্যে এবিধে পরীক্ষা করিয়া চোখের এই অদ্ভুত শক্তিমত্তা প্রতিপন্ন করিয়াছেন। কাচের বয়েসের মধ্যে স্বরক্ষিত, রেশমের স্তরের ঝুলানো বিদ্যুৎস্পৃষ্ট ধাতুকলকের দিকে দৃষ্টি হির করিয়া দেখা গিয়াছে, ধাতুকলক পলক না পড়িতে বড়িয়া ওঠে।



হাঁটুওয়াল কৃত্রিম পা।

হাঁটুওয়াল কৃত্রিম পা—


হাঁটুর নীচে পা কাটিয়া গেলে কৃত্রিম পা পরিয়া সাধারণ লোকদেরই মতো চলাফেরা করা চলে, কিন্তু হাঁটুহীন পা খোঁরা গেলে কৃত্রিম হাঁটুওয়াল পা পাইবার এককাল কোনো ব্যবস্থা ছিল না; সম্প্রতি

পারের উপর হইতে শরীরের ভার তুলিয়া লইলেই সফোচনশীল টানার টানে ভার মাঝখানটা হাঁটুর মতন করিয়া বড়িয়া মাটি হইতে উঠিয়া আসিবে, ভারপর মাটিতে আবার কেঁদিয়া ভার দিতে গেলেই স্বল্প-ও কঠিন হইয়া উঠিবে। Bureau of Information,

Popular Mechanics Magazine, Chicago, U. S. A. — এই
টিকানার চিঠি লিখিলে অব্যাহার পাঠকেরা এই কৃষ্ণিক পারের
বুনা ও আশিহান প্রকৃতি বিবরের সবত সংবাদ জানিতে পারিবেন।

টেবিল-পালক—

আজকালকার দিনে বড় বড় সহরগুলিতে লোকে হানাতার
বিশেষ করিয়া বোধ করিতেছে। যরের মধ্যে তৈজসপত্রেরই বর এক



টেবিল-পালক।


রকম বোঝাই হইয়া থাকে—আর নড়িবার চড়িবার স্থান বড় থাকে না।
এক রকমের টেবিল-পালক আবিষ্কৃত হইয়াছে, ইহাতে কুঠরির মধ্যে
অনেক স্থান বাঁচানো যাইতে পারে। টেবিলখানি দেখিতে একখানা
এমনি টেবিলের মতই, তবে ইহার প্রত্যেক পারায় মধ্যে আর-একটি
করিয়া পায়া লুকানো থাকে। শুইবার ইচ্ছা হইলে লুকানো পায়াগুলি
সমেত এই টেবিলের ডালাখানিকে একটা কলের সাহায্যে উপরে
তুলিয়া দিতে পারা যায়। তাহাতে টেবিলের উপরের জিনিষপত্র
স্থানান্তরিত করিতে হয় না। তারপর টেবিলের মধ্য হইতে আর-এক-
খানা ভাঁজ-করা তক্তা টানিয়া বাহির করিয়া তার উপরের গুটানো
বিহান্না বেলিয়া আরায়ে নিজা দেওয়া যায়।

পৃথিবীর পুচ্ছ—

স্বর্গান্তের পর কিছুকাল ধরিয়া অন্ধকার পূর্বাকাশের গার কখনো
কখনো এক রকমের দীপ্তির ছটা দেখিতে পাওয়া যায়; আধুনিক
জ্যোতির্বিদরা অনুমান করিতেছেন, ইহা এই পৃথিবীরই এক জ্যোতির্গর
পুচ্ছ-বিশেষ হইতে পারে! সাধারণতঃ এই জ্যোতির্বিদ্যের পরিধি
১২টি চন্দ্র-পরিধির সমান, কিন্তু আকাশের ও বায়ুমণ্ডলের স্বচ্ছতা
অনুসারে ইহার নানাধিক্য হইয়া থাকে। এই পুচ্ছের নামকরণ
হইয়াছে গেগেনশাইন্ (Gegenshein), গগনহ্রাতি। ইহার স্বরূপ সম্বন্ধে
মতভেদ হইয়াছে। কেহ কেহ বলিতে চাহিতেছেন, ইহা আর কিছুই
নহে, স্বর্গালোকের চাপে পশ্চাতে চিটিকাইয়া পড়া বায়ুমণ্ডলের অন্তর্গত
সবচেয়ে ছাঁকা প্যাস হেলিয়াম ও হাইড্রোজেনের পিও মাত্র। অপর
দল বলিতেছেন, আমাদের বায়ুমণ্ডলের সর্বোচ্চ স্তরগুলির নিজস্ব
একপ্রকার দীপ্তি আছে, এই দীপ্তির আন্তরণে এই পৃথিবী আবৃত।
কোন অজাত সৌরক্রিয়া এই দীপ্তির হেতু হইতে পারে; ধূমকেতুর
পুচ্ছদীপ্তিরও তাহাই হেতু। হুডরাং ইহার অনুমান করেন,
আমাদের এই পৃথিবীও একটা জ্যোতির্গরপুচ্ছসম্বিত ধূমকেতু,
পূর্বাকাশের পূর্বাভাস রহস্যদীপ্তি এই পুচ্ছেরই দীপ্তি বার।

রবারের কাগজ—

বহু বছরের পরীক্ষার ফলে কাগজ নির্মাণে রবারের বিশল
বিবার পদ্ধতি আবিষ্কৃত হইয়াছে, যবর আসিয়াছে। রবার-মিশ্রিত
কাগজ সাধারণ কাগজ হইতে বেশী টেকসই স্বচ্ছ ও চুড় হইবে
আশা করা যায়।



পূব আকাশে পৃথিবীর পুচ্ছ-দীপ্তির ছটা।

এই পুচ্ছদীপ্তি কোথা হইতে আসে? কেহ কেহ বলিতেছেন, আমাদের পৃথিবীর চতুর্দিকে লক্ষ লক্ষ চন্দ্রপিণ্ড প্রতিনিরত ঘুরিয়া বেড়াইতেছে। আকারে ইহারা এক-একটি মার্কেলের চেয়ে বড় নহে। খালি চোখে ইহাদিগকে দেখিতে পাওয়া যায় না, কিন্তু বীক বীক এই চন্দ্রপিণ্ডে সূর্যালোক প্রতিফলিত হইয়া যখন পৃথিবীতে

আগ্নিশিখা পড়ে এবং পৃথিবীর বায়ুস্তরকে প্রদীপ্ত করিয়া তোলে, তখন সেই দীপ্তি আমাদের দৃষ্টিগোচর হয়। কিন্তু এই ব্যাখ্যা সকলের মনঃপুত হয় নাই। অনেকের মতে সকলের চেয়ে সমস্ত ও সমীচীন ব্যাখ্যা বাহা, তাহা এই:—

জলের গেলাসে পেন্সিল ডুবাইলে পেন্সিলের ডোবানো অংশ বেকিয়া যায়, ইহার কারণ পরাবর্তিত সূর্যকিরণ। চন্দ্রগ্রহণের সময় চন্দ্রের গ্রহগ্রস্ত অংশও পাত্তর ভাঙ্গাটে রংএর হইয়া চোখে পড়ে; ইহার কারণও আর কিছুই নহে, সূর্যকিরণ পৃথিবীর বায়ুস্তরের দ্বারা পরাবর্তিত হইয়া বেকিয়া ছারার সঙ্গে সঙ্গে চন্দ্রের উপর পিয়া পড়ে ও ছারাগ্রস্ত অংশকে স্নানভাবে আলোকিত করে। পৃথিবীর পুচ্ছদীপ্তিও এই পরাবর্তিত সূর্যকিরণেরই কোনো অজ্ঞাত লীলা। বাহাই হটক, এ সবকে আরও অনেক তথ্য সম্বন্ধে শীঘ্রই আমরা জানিতে পারিব। আপাতত, আমরা একটি সপুচ্ছ ধূমকেতুতে চড়িয়া অনীমশূন্তে ছুটিয়া বেড়াইতেছি, ইহা ভাবিতে মন্দ লাগিতেছে না। সহসা এই পুচ্ছের আরোপ মাতা বহুদূরার কেমন লাগিতেছে তাহা কে জানে?

উত্তর, রেলগাড়ী—

আফ্রিকার কঙ্গোনাতে বারোমাস নৌ-চলাচল করা চলে না। নদীতে চরা পড়িয়া বা শুকাইয়া প্রতি বৎসরের কতক সময় উহা বড় রকমের সব জলযানের অগম্য হইয়া পড়ে। একজন বেঙ্গলিয়ার লক্ষপতির গড়া একটি জোড়া-নৌকা তখন চরার বালির উপর রোদে পিঠ নিয়া হতাশভাবে পড়িয়া না থাকিয়া ডাঙ্গার উঠিয়া গড়গড়াইয়া চলা স্বর করে। জোড়া-নৌকাটির মাঝখানে একসারি চাকা লাগানো থাকে, জলের পাল্লা শেষ হইয়া গেলে জলঠেলা দাঁড়-কল খুলিয়া ফেলিয়া একসারি সেই চাকার একসারি তোলা রেলপথ বাহিয়া ইহা চলে। এই রেলপথ বরাবর নদীর ধার বাহিয়া তৈরি, কাজেই নদীতে বান আসা মাত্রই সেই নূতন জলে খাঁপাইয়া পড়িতে ইহার কিছুমাত্র দেরি হয় না।


ফোটো ভাস্কর্য—

আলো-ছারার তারতম্যে আলোককণ্ঠ কাগজের উপর ফোটোগ্রাফের ছবি আঁকা হইয়া থাকে। সম্প্রতি লণ্ডনের এক ফোটো-



জোড়ানৌকার রেলগাড়ী।

স্রোতের একটি বস্তুর উদ্ভাবনা করিয়া ব্যক্তি অর্জন করিয়াছেন। যন্ত্রটিকে কোটো-ভাংঘের বস্ত্র বলা যায়। ইহার সঙ্গে সংলগ্ন একটি বাটালি, আলোছায়ার ব্যক্তিক্রম অনুধারী পতীর বা অগভীর করিয়া কাটরা, বেকোসো জিনিঘের তোলা-ছবি বা রিলিফ প্রতিমূর্তি মাটি বা আর কিছু উপর আপনা হইতে পড়িয়া তুলিতে পারে। কোটোগ্রাফের কল আবিষ্কৃত হওয়ার পর রঙের তুলিতে অতিকৃতি আঁকিবার বেওয়ারজ কিছু কমিরাছে; কোটো-মূর্তিও এর পর ভাংঘাশিল্পের সঙ্গে প্রতियোগিতা বাধাইয়া দিতে পারে। কিন্তু রসজ্ঞ রসিক শিল্পীর পৃথিবীতে যতদিন অভাব না ঘটিবে ততদিন বস্তুর প্রতিচ্ছিত্তার সত্যকার শির পরাজিত হইবে না, এ ভরসা আমাদের আছে।



কোটো-ভাংঘা।

ডাঙায় চলা মোটর-নৌকা।

আমরা কিছুদিন আগে জলেচলা মোটরগাড়ীর ছবি ও বিবরণ ছাপিয়াছি। আমেরিকার নিউ জার্সি হইতে নূতন ধরণের একটি বামের খবর পাওয়া গিয়াছে। এই যানটিও উত্তর এবং মোটরে



ডাঙায় চলা মোটর-নৌকা।

চলে, কিন্তু দেখিতে চাকাওয়ারা নৌকার মতো বলিয়া ইহাকে জলেচলা মোটরগাড়ী না বলিয়া ডাঙায়-চলা মোটর-নৌকা বলিলেই বেশী ঠিক বলা হইবে।

মানুষের কাজে প্রকৃতি—

পৃথিবীতে কয়লা এবং পেট্রল দিন-দিন কমিয়া আসিতেছে। অনেকের মনে ভয় হইতেছে—এমন একটা দিন আসিবে যখন আর একটুকরা কয়লা বা একটিন পেট্রলও পাওয়া যাইবে না। সেইজন্য

এখন হইতেই চেষ্টা হইতেছে কেমন করিয়া প্রকৃতির অশান্ত জ্বালা হইতে মানুষের কার্যকরী শক্তি উৎপাদন করা যায়। সূর্যের প্রচণ্ড শক্তিকে মানুষের কাজে লাগাইবার চেষ্টাও হইতেছে। পৃথিবীর চারিদিকে যে অসীম শূন্যতা রহিয়াছে তাহার মধ্যেও নানা রকমের শক্তি বিদ্যমান। তাহাদের কেমন করিয়া মানুষের প্রয়োজনে বাঁধা যায় তাহার চেষ্টাও চলিতেছে। মানুষের দূরবীণ বস্তুর সাহায্যে ৪০০০০০০০ নক্ষত্র দেখা যায়, ইহারা শূন্যপথে ভীষণ বেগে দৌড়াইয়া ফিরিতেছে; তাহাতেও যে কি ভীষণ একটা শক্তির লীলা চলিতেছে তাহার ইয়ত্তা নাই। কালে হয়ত সে শক্তিকেও কাজে লাগাইবার চেষ্টা হইতে পারে।

ডুবো জাহাজ—

এতকাল মানুষ ডুবোজাহাজকে কেবল ধ্বংসের কাজে লাগাইয়াছে। এখন ইহাকে নূতন সৃষ্টির কাজে লাগাইবার চেষ্টা করা হইতেছে। এই চেষ্টা সফল হইবার খুবই আশা রহিয়াছে এবং তাহাতে মানুষের উপকারও হইবে অনেক। পৃথিবীর চারভাগের তিন ভাগ জল। এই সমুদ্রের জলের তলার নানা প্রকারের রত্ন আমাদের চোখের আড়ালে বুধাই পড়িয়া আছে। মণি, মুক্তা, প্রভৃতি কত রকমের অমূল্য রত্নই যে রহিয়াছে তাহা বলা যায় না। অনেক জাহাজও ইহাতে ডুবিয়া গিয়া নানা রকমের জ্বালাদি লইয়া জলের নীচে পড়িয়া থাকে। ডুবোজাহাজের সাহায্যে এই-সমস্ত তলার বন্দোবস্ত হইতেছে। তাঁরের কাছাকাছি অগভীর জলেই এই-সমস্ত রত্নাদি পড়িয়া আছে। ডুবোজাহাজ এই-সমস্ত স্থানে খুব ভাল করিয়াই কাজ করিতে পারিবে।

মাছের চাষ—

চাষ বলিতে আমরা ধান, যব ইত্যাদির চাষ বুঝি। কিন্তু সমুদ্রে যে-সমস্ত মাছ আছে সেখানের লোকেরা একরকম চাষ করে, তাহা আমাদের কাছে নূতন। তাহার নাম মাছের চাষ করে। তাহার সমুদ্রে হইতে মাছ ধরিয়া আসে এবং বহু জলে তাহাদের পালন করে। ধানের ক্ষেতে যেমন মাটির আল থাকে, তেমনি ইহাদের মাছ-পালনের



পায়ে হাঁড়িয়া নদী পার হইবার যন্ত্র।

জলে আল থাকে প্রবালের। এরোজন-মত তাহার, মাহ বিক্রম করে
বা খাদ্য রূপে ব্যবহার করে।

পদব্রজে নদী পার—

স্থপায়ে দুটি ধাতুর পাতের হালকা নৌকার জুতা পরিয়া কালিকোণিয়ার এক কুবক পদব্রজে জলক্রমণ করিয়া বেড়াইতেছেন। প্রতি পদক্ষেপে নৌকা দুটি জল হইতে ওঠাকে অবশ্য টানিয়া তুলিতে হয় না, নৌকার পায়ে সারিসারি হাঁসের পায়ের আকারের দাঁড় লাগানো আছে, পা ঠেলিলেই সেই দাঁড়গুলি যুড়িয়া গিয়া নৌকাটি আগাইয়া যায়; পেছনের দিকে থাকা লাগিলে দাঁড় মেলিয়া গিয়া জল আটকায় বলিয়া অল্প পাটি তখন একই জায়গায় স্থির থাকে।

কলহীন এরোরপ্লেন—

পাখীর মতো পাখা মেলিয়া বাতাসে উড়িয়া বেড়ানো বোধহয় মানুষের আদিমতমকাল হইতে সাধ। বহুকাল নানা রূপক ও কল্পনার মধ্যে তার এই সাধ আত্মপ্রকাশ করিয়া আসিতেছিল, তারপরে বেগুন উদ্ভাবিত হইল অষ্টাদশ শতাব্দীর শেষভাগে—এই সেদিন বলিলেও চলে। কিন্তু এই অল্প সময়ের মধ্যেই যন্ত্রবিত্তার কল্যাণে বিমান-বিহার যে কি দ্রুতগতিতে বিকাশলাভ করিয়া চলিয়াছে সে কথা কাহারও অজানা নাই। কিন্তু যন্ত্রের উপর নির্ভর করার বিপদ যথেষ্ট, যন্ত্র বিগড়ায়। তাই মানুষ চাহিতেছে, পাখী যেমন করিয়া নিজের ডানা দুটি মাত্র সঞ্চল করিয়া দ্বিবিম্বিকহীন বাতাসের সাগরে ভাসে, তেমনিভাবে নিজের হাত দুটির উপর নির্ভর করিয়া বায়ুসমুদ্রে ভাসিতে; এক কপাল বাতাসের সমুদ্রে সঁতার কাটিতে কতকটা এইরকম, আর কতকটা যুখে

পরাজয়ের কলে যথেষ্ট। এরোরপ্লেনের ব্যবহার যন্ত্র হইয়া যাওয়ার দ্বারা ঠেকিয়া, জার্মানদের এই সাধ অনেকটা বিচিবার পথে আসিয়াছে। কলহীন ছোট ছোট এরোরপ্লেনে হাতের বেগে পাখা বাপটাইয়া উড়িবার উপায় সেখানে উদ্ভাবিত হইয়াছে। এখনো এই উপায়ে ঠিক যথেষ্ট যতদূর খুসি উড়িয়া বেড়ানো সম্ভব হইয়া উঠে নাই, কিন্তু ১৫ মাইল পর্যন্ত উড়িতে পারা গিয়াছে, উঁচুর দিকেও উঠিতে পারা গিয়াছে, ৪০০ ফুট। গুলুতি হইতে গুলি যেমন করিয়া ছোটে, এই এরোরপ্লেনকেও প্রথমটা তেমনি করিয়া রবারের দড়ির টানে পেছনে টানিয়া "ছুঁড়িয়া" দেওয়া হয়। এরোরপ্লেন তারপর সেই থাকার গতি, উর্দ্ধমুখী বাতাসের স্রোত এবং পাখার কাপট—এই তিনটি জিনিষকে কাজে খাটাইয়া শূন্যপথে চলিতে থাকে। ইহাতে হাল আছে, হুতরাং মোড় করাও চলে।

পায়ের জোর—

লুই সিডিজার নামে একজন করাসী রুটিওয়ালা কিছুদিন পূর্বে এক প্রদর্শনীতে ২৪০০ পাউণ্ড বরদার বস্তা পায়ের উপর তুলিয়াছিলেন। এই লোকটির মেহে খুব শক্তি আছে এবং নানা রকম খেলাতেও ইনি ওস্তাদ। এই বস্তাগুলির উপর আবার সাতজন লোকও



কলহীন এরোরপ্লেন।



পায়ের জোর।

ধাঁড়াইরাছিল। কাজটি একেবারেই সোজা নয়, কারণ কোন রকমে একটু নড়চড় বা এদিক-ওদিক হইলেই মরদার বস্তার ভীষণ চাপে মরণ। সিঁড়িয়ার বলেন যে তার উত্তোলন করা পায়ের জোরের উপরেই বেশী নির্ভর করে—বুকের বা হাতের জোর খুব কমই প্রয়োজন হয়। তিনি পায়ের উপর প্রায় ৩০০০ হাজার পাউণ্ড বা ৩৭৪ মণ ওজন পাঁচ মিনিট রাখিতে পারিরাছিলেন। ইহা তাঁহার অসাধারণ মেহের শক্তির এবং মনের জোরের পরিচয় দিয়াছে।

চিনি-গাছ—

আমেরিকার যুক্তরাষ্ট্রের কৃষিবিভাগ একরকম নতুন গাছ হইতে চিনি আবিষ্কার করিরাছেন। এই গাছ দেখিতে অনেকটা সাধারণ সূর্যমুখী ফুলের গাছের মত দেখিতে। যুক্তরাষ্ট্রে ইহাকে কেরনালেন্স আর্টিচোক বলে। আকের মত যে পরিমাণ চিনি পাওয়া যায়, এই গাছের মত তাহা অপেক্ষা শতকরা ৩০ ভাগ বেশী চিনি পাওয়া যায়। এই ফুলের গাছ জন্মাইতে কোন কষ্ট পাইতে হয় না বা বিশেষ করিরা চাব করিতে হয় না। যেখানে-সেখানে যে-রকম সে-রকম ভাবে গাছ লাগাইলেই হইবে। কোন কোন স্থানে

ইহা আবিষ্কার করাই অসম্ভব। এই আবিষ্কার হইয়াছে, তাহার মত একমত করা যায় না, মায়মায় বিদ্যানে ইহা হইতে চিনি বাহির করা সুবিধার হইবে কি না। উত্তর আমেরিকাতে এই গাছ খুব বেশী পরিমাণে লাগিয়া যায়। পূর্বেকালে ঐ স্থানের আমেরিকার লোকের ইহা খাদ্য রূপে ব্যবহার করিত। আমাদের দেশেও আর্টিচোক চাষ হয়; আমাদের দেশের চাষীরা এর নাম রাখিরাছে হাজীচোক।

মুখের দাগ-তোলা মুখোস—

বয়সের সঙ্গে সঙ্গে মানুষের মুখে নানা রকমের দাগ পড়ে। এই সমস্ত দাগে মানুষের মুখের সৌন্দর্য্য ধারাপ হইয়া যায়। ব্রিটিশ ইন্সটিটিউট অব সায়েন্স হইতে একপ্রকার রবারের মুখোস আবিষ্কার হইয়াছে। ইহা পরিমে ক্রমে ক্রমে মুখের সব দাগ উঠিরা যায়, এবং মুখের লুপ্ত সৌন্দর্য্য আবার কিরিয়া আসে। কয়েকজন লোকের মুখে পরাইয়া ইহাতে চমৎকার ফল পাওয়া গিরাছে। এই রবার ডাক্তারখানাতে বিশেষভাবে এই কার্যের জন্মই তৈরিয়া করা হয়। কাজ করিবার সময় বা ঘুমাইবার সময় বন্ধন ইচ্ছা পরা চলে। তখন



মুখের বাড়াবার মুখোস।

রাতে পরাই ভাল, কারণ দিনে পরিমে, পাড়া-প্রতিবেশীর ছোট ছোট হাসিখুসী ছেলেমেয়েরা কাঁদিয়া উঠিতে পারে। কারণ মুখোসটা দেখিতে খুব অদৃশ্য নয়। মুখের উপর এই মুখোস লাগাইতে বিশেষ কোন কষ্ট হয় না।

রেডিয়ো-ফোন—

ভারহীন বা রেডিও-টেলিফোন ইতিমধ্যেই আমেরিকাতে খুব আদর এবং প্রসার হইয়াছে। কথা উঠিরাছে, সমস্ত ইউনাইটেড স্টেটস এই ভারহীন টেলিফোন মাঝে ছাইয়া ফেলা হইবে।—ইউনাইটেড স্টেটসের সমস্ত নরনারীই তাহা হইলে ইহার সুবিধা সন্ধান করিতে পারিবে। ইতিমধ্যেই নানা সূত্রাণী পীতবাণী আবৃত্তি, অপেরার অভিনয়, গির্জার উপাসনা, বিখ্যাত ব্যক্তিবিশেষের বক্তৃতা এবং অন্ত অসংখ্য প্রকারের খবরবার্তা প্রভৃতি ভারহীন টেলিফোনে যুক্তরাষ্ট্রের সীমা হইতে সীমাত্তে প্রেরিত হইয়া কিরিতেছে। শীঘ্রই সেখানকার প্রতি গৃহস্থালীতে উহা কোনোপ্রকার কলের মতো বরোয়া ও অপরিহার্য্য বস্তু হইয়া উঠিবে। তখন সমস্ত নার্কিন শিশুরা অত্যন্ত টেলিফোনে রূপকথার রাজপুত্রের পর শুনিতে শুনিতে ঘুমাইবে, যেনশয্যা

তাই। ইতিহাসের সত্যতা পোষা চম্বিনে, সত্যের ভিত্তি হইবে না,
ঠেসাঠেসি থাকিবে না, থাকিবে যদিও সবসময় গৃহকর্মের
সিয়ারি-কর্মসমাপ্তি ওকিতে পাওয়া যাইবে, আরো কত কি।

পাকা তলোয়ারী—

দায়িত্বের বেলায় এগেটন নামে একজন ব্রিটিশ সামরিক কর্মচারী
এক নারীর বাড়ির উপর আলু রাখিয়া তাম্র খারালো তলোয়ার দিয়া
কাটতে পারেন। তিনি যখন এই আলু কাটেন, তখন তাঁহার চোখ



তলোয়ারের তাক।

বাঁধিয়া দেওয়া হয়। এগেটন একজন পাকা তলোয়ারী। হাতের
আন্দাজ তাঁর, দেখিবার মত তিনিই।



সাপ ও বিছার আকারের ফুলকপি।

প্রকৃতির খেয়াল---

আমাদের সজ্জিবগোনে এই ছুটি ফুলকপি ফুটিয়াছিল। প্রকৃতির
খেয়ালে তার একটি সাপের মতন, অপরটি বৃশ্চিকের মতন দেখিতে
হইয়াছে!

শ্রীকাশীপ্রসাদ জরসওয়াল।

উদাসী

(বাউল)

দিক্‌হারারে এমন করে'

যে জন কঁদার বারে বারে,

ও-সেই পথ-উদাসী বন-ফেরারে

কেমনে বাঁধি বীণার তারে।

আজ কলাবনের বাবুরি নাড়ি'

উত্তরে বাও দ্যায় রে পাড়ি

সাগর-বাড়ি,

ও-তার নুপুর-ছোঁয়া শীতের কঁদন

আঁধার নে যায় কোন্‌ পাথারে।

আজ সন্ধ্যে ক্ষেতের ঝরার বাধা

লুটিয়ে পড়ে বালুর চরে,

ও-তার বৃকের মালা মটরশুঁটির

সিঁহুর-বৃকে আবির্ভবে।

বোঝাখানের আসার ভাষা

নদীর কূলে আঁকতে চাষা—

স্বর্কনাশা

গান দিয়ে মোর মনপাথারে

উড়িয়ে দিল বিজন পারে।

জসীমউদ্দীন।



রামায়ণ-মহাভারতে বঙ্গদেশের উল্লেখ

মহাভারতের অনেক স্থলে বঙ্গদেশের উল্লেখ পাওয়া যায় (সভাপর্ক ৩০ অধ্যায় ২৩-২৫ শ্লোক)। বাম্পীকি-রামায়ণ সম্বন্ধে খুঁজিয়াও তাহাতে বঙ্গদেশের নাম পাই নাই। পরন্তু ভাজ্ঞ মনের প্রবাসী পক্ষে “বাম্পীকীর ইতিহাস” প্রবন্ধে দেখিলাম শ্রীযুক্ত অমূল্যচরণ বিদ্যাতৃষণ মহাশয় বলিয়াছেন, “বাম্পীকি-রামায়ণে বঙ্গদেশের যে উল্লেখ আছে তাহাতে বঙ্গকে ছোট জাতি বলিয়া মনে হয় না; কেমনা সেখানে বিদেহ, মালয়, কাশী, কোশল প্রভৃতি বড় বড় জাতির সহিত ইহার উল্লেখ থাকার এরূপ সিদ্ধান্ত করিতে (বঙ্গকে ছোট জাতি বলিতে) পারা যায় না।” এই কথাটির সমর্থন নিমিত্ত তিনি বাম্পীকি-রামায়ণের কিক্কিাকাণ্ডের ১০ অধ্যায়ের (রামায়ণে “অধ্যায়” শব্দ নাই “সর্গ” শব্দ আছে) এক শ্লোকও উদ্ধৃত করিয়াছেন। কিন্তু বিদ্যাতৃষণ-মহাশয়ের নির্দেশমত রামায়ণের ঐ-সংখ্যক শ্লোকে একটি দেশেরও উল্লেখ নাই। তবে ঐ সর্গের ২২ শ্লোকের ২য় এবং ২৩ শ্লোকের ১ম পাদে করটি দেশের উল্লেখ আছে বটে কিন্তু তাহাতেও বঙ্গদেশের নাম ত নাই-ই, পরন্তু বিদ্যাতৃষণ-মহাশয়ের উদ্ধৃত শ্লোকের অনেক দেশের নামও উহাতে নাই।

বিদ্যাতৃষণ-মহাশয় বঙ্গদেশের নাম আছে বলিয়া মহাভারতের যে-সকল শ্লোক নির্দেশ করিয়াছেন সেই-সকল শ্লোকেরও অনেক-গুলিতেই বঙ্গদেশের নাম নাই। যথা:—আদিপর্ক ১০৪ অঃ ৫১ ও সভাপর্ক ৫২ অঃ ১৯ শ্লোক এবং ৩০ অঃ ২৪ শ্লোক। উদ্যোগপর্কের ৪০ অধ্যায়ের ২০ শ্লোকে ত নাই-ই, এই অধ্যায়েই বঙ্গদেশের নাম নাই। সম্ভবতঃ অনবধানে পর্ক অধ্যায় এবং শ্লোকের সংখ্যা নির্দেশ করিতে ভুল হইয়াছে। ইতিহাস লিখিতে এতটা অনবধানতা সমীচীন নয়। বিদ্যাতৃষণ-মহাশয়ও তাহা অস্বীকার করিবেন না।

শ্রীবৈকুণ্ঠনাথ দেব।

এই পত্র সম্বন্ধে আমার কোন বক্তব্য নাই। রামায়ণ বা মহাভারতের শ্লোক তুলিতে আমি আদৌ অনবধান হই নাই। Gaspare Gorresio ১৮৪৮ খৃষ্টাব্দে প্রাচীন পুথি মিলাইয়া সম্বন্ধে বাম্পীকি রামায়ণের সংস্করণ প্রকাশ করেন। আজ পর্যন্ত ইহা অপেক্ষা রামায়ণের ভাল সংস্করণ বাহির হয় নাই। এই বিশেষ প্রামাণ্য সংস্করণের রামায়ণ হইতে শ্লোক আমার প্রবন্ধে উদ্ধৃত হইয়াছে। পত্রলেখক-মহাশয় মিলাইয়া দেখিতে পারেন। মহাকাব্যের লক্ষণে রামায়ণের সর্গ-বিভাগ নয়। রামায়ণ কাণ্ডে বিভক্ত। কাণ্ডের উপরিভাগ অধ্যায় বা সর্গে হইতে পারে। ‘অধ্যায়’ যুক্ত সংস্করণও আছে। ‘লেখক-মহাশয় লিখিয়াছেন, ‘সম্বন্ধে খুঁজিয়াও’ রামায়ণে বঙ্গের নাম পান নাই। সম্বন্ধে খুঁজিলে অন্তরও পাইতেন। অম্বোধ্যাকাণ্ডের দশম সর্গ বা ‘অধ্যায়ের ১৭ সংখ্যক শ্লোকে সকল সংস্করণেই বড় বড় জাতির সহিত বঙ্গের উল্লেখ আছে। শ্লোকটি এই—

“আবিড়া: সিন্ধুসৌবীরা: সৌরাষ্ট্রা দক্ষিণাপথা:।

বঙ্গাঙ্গ-মগধা বংগা: সমুদ্রা: কাশিকোশলা:।”

তারপর মহাভারতের যে-সমস্ত শ্লোকের উল্লেখ করিয়াছি তৎসম্বন্ধেও কোথাও ভুল নাই। কেবল শেষের শ্লোকের ঠিকানার ছাপার ভুলে ৪০ অধ্যায় হইয়াছে—৪৯ হইবে। মহাভারতের ‘শ্লোকগুলি এসিয়াটিক

সোসাইটির বিশিষ্ট প্রামাণ্য সংস্করণ হইতেই বেওয়া হইয়াছে। পত্রলেখক মহাশয় মিলাইয়া দেখিতে পারেন।

শ্রীঅমূল্যচরণ বিদ্যাতৃষণ।

বাংলা ভাষার প্রথম সংবাদপত্র

পূত মাস মাসের প্রবাসীতে বাংলা ভাষার প্রথম সংবাদপত্র সম্বন্ধে কিঞ্চিৎ আলোচনা হইয়াছে; কেহ কেহ ১৮১৩ খৃষ্টাব্দে প্রকাশিত গঙ্গাধর ভট্টাচার্য্য সম্পাদিত বেঙ্গল গেজেটকে প্রথম সংবাদপত্র বলিয়াছেন, আবার কেহ কেহ বা ১৮১৮ খৃষ্টাব্দে শ্রীরামপুর হইতে খৃষ্টীয় পত্রোৎপাদন কর্তৃক প্রকাশিত সমাচারদর্পণকে প্রথম সংবাদপত্রের আসন দিয়াছেন।

শ্রীযুক্ত শ্যামল বন্দ্য মহাশয় “উনবিংশ শতকের বঙ্গসাহিত্য” প্রবন্ধে S. K. De's History of Bengali Literature in the 19th Century পুস্তকের আলোচনা প্রসঙ্গে বাংলা ভাষার প্রথম সংবাদপত্র সম্বন্ধে তাঁহার অভিমত ব্যক্ত করিয়াছেন। তিনি লিখিয়াছেন—“বাংলা বেঙ্গল গেজেট কোনদিন বাহির হয় নাই। প্রথম বাংলা সংবাদপত্র সমাচারদর্পণ। যাহারাই বেঙ্গল গেজেট সম্বন্ধে আলোচনা করিয়াছেন, তাহাদের কেহ কখনও বেঙ্গল গেজেট চক্ষে দেখেন নাই” (প্রবাসী, ৫০৫ পৃ.)। তাঁহার সিদ্ধান্তের তিনি তিনটি কারণ উল্লেখ করিয়াছেন—(১) ১৮১৬ সালে প্রেস আইনের খুব কড়াকড়ি ছিল সুতরাং তখন নূতন পত্রিকা বাহির হওয়া সম্ভব ছিল না। লর্ড হেলিংস তাঁহার শাসনের শেষভাগে censor তুলিয়া দেন ও সংবাদপত্রের সম্পাদকদের জন্ত মিঠেকড়া আইনের ব্যবস্থা করেন। এবং তৎপরেই শ্রীরামপুর হইতে সমাচারদর্পণ প্রকাশিত হইতে থাকে। (২) বেঙ্গল গেজেট একখণ্ডও আজকাল দেখা যায় না, এমন কি তখনকার কোন সাময়িক কাগজেও ইহার উল্লেখ নাই। (৩) রাজনারায়ণ বসু “বঙ্গভাষা ও সাহিত্যবিষয়ক প্রস্তাব” বক্তৃতায় যে বলিয়াছিলেন গঙ্গাধর ভট্টাচার্য্য ১৮১৬ খৃষ্টাব্দে বেঙ্গল গেজেট প্রকাশ করিতে আরম্ভ করেন এবং উহাতে সচিত্র বিজ্ঞানন্দর, বেতালপঞ্চবিংশতি প্রভৃতি কাব্য বাহির হইয়াছিল, ইহা ভুল; কারণ বন্দ্য মহাশয়ের নিবন্ধ গঙ্গাধর-প্রকাশিত ১৮১৬ সালের ছবিওয়াল বই আছে, কিন্তু তাহার কোথায়ও বেঙ্গল গেজেটের ছাপ নাই।

বন্দ্য মহাশয়ের যুক্তিগুলি সবই নেতিবচক (negative), সুতরাং তাহা হইতে কোন স্থির সিদ্ধান্ত করা যায় না। (১) প্রেস আইনের কড়াকড়ি ১৮১৬ কেন ১৮১৮ খৃষ্টাব্দে সমাচারদর্পণ প্রকাশের সময়ও ছিল। তখনও press censor ছিলেন, তখনও অনেক পত্রিকার সম্পাদকীয় মন্তব্যের স্থান অসংখ্য-তারকা-চিহ্নিত হইয়া বাহির হইত; কারণ অনেক সম্পাদকীয় মন্তব্য পত্রিকা মুদ্রণের পূর্বেই censor কাটিয়া দিতেন। এইসব কারণে কেহও সাহেব পঞ্চম এই পত্রিকা প্রকাশের খুব বিরোধী ছিলেন, কিন্তু মার্শম্যান ও ওয়ার্ড সাহেবদের আগ্রহাতিশয্যে পত্রিকাটির প্রকাশ হয়। এই পত্রিকা ২৩শে মে, (১০ই জ্যৈষ্ঠ, ১২২৫) শনিবার দিন প্রথম বাহির হয়। কিন্তু লর্ড হেলিংস censorship তুলিয়া দেন ১৯শে আগষ্ট তারিখে; সুতরাং সমাচারদর্পণের পরেও আর তিনমাস প্রেসের

উপর পূর্নসম্প্রদায়ের খুব কড়া মজর ছিল। এবং বর্ষা মহাশয়ের কথিত সম্পাদকের জন্ত “বিরোধী” আইনেরও সৃষ্টি হয় এই ১৯শে আগষ্ট তারিখে। Censorship তুলিয়া দেওয়ার ও বিরোধী আইনের বিস্তারিত বিবরণ ও তারিখের জন্ত Marshman প্রণীত Life & Times of Carey, etc, Vol. II, pp. 183—4 উল্লেখ্য। হুতরাং এত কড়াকড়ির মধ্যেও কাগজ বাহির করিবার সাধ শুধু গঙ্গাধর ভট্টাচার্য্য কেন, মিশনারী সাহেবরাও করিয়াছিলেন। (২) বেঙ্গল গেজেট আজকাল দেখা যায় না এবং সমসাময়িক কাগজেও ইহার উল্লেখ নাই সত্য, কিন্তু তদ্বারা কি ইহার অন্তিহ প্রমাণ হয়? পাত্রী লঙ্কা সাহেব ১৮৫৫ খৃষ্টাব্দে যে বাংলা বই ও সংবাদপত্রের এক তালিকা প্রস্তুত করেন তাহাতে বেঙ্গল গেজেটের নাম উল্লেখ করিয়াছেন এবং ইহাকে বাংলা ভাষার প্রথম সংবাদপত্র বলিয়াছেন। তিনি বেঙ্গল গেজেটের নাম পাইলেন কোথা হইতে? ইহা কি তাহার স্বকপোলকল্পিত? স্বল্পকাল-প্রচলিত বলিয়াই হয়ত ইহার উল্লেখ তৎকালীন কোন কাগজে নাই। আমাদের মনে হয় এই বিষয়ে আরও অনুসন্ধান আবশ্যিক। (৩) গঙ্গাধর ভট্টাচার্য্য সম্পাদিত বিজ্ঞানস্বর প্রকৃতি কাব্যে বেঙ্গল গেজেটের ছাপ নাই। হয়ত এইগুলি বেঙ্গল গেজেটে প্রকাশিত না হইয়া পৃথকভাবে পুস্তকাকারে প্রকাশিত হইয়াছিল, অথবা হয়ত বেঙ্গল গেজেটে ক্রমশঃ প্রকাশিত হইয়া শেষে পুস্তকাকারে প্রকাশিত হইয়াছিল; হুতরাং ঐগুলিতে বেঙ্গল গেজেটের ছাপ না থাকায় বেঙ্গল গেজেট ছিল না ইহা প্রমাণ হয় না।

একপক্ষে বর্ষা মহাশয়ের যুক্তিগুলি যেমন বেঙ্গল গেজেটের অন্তিহ প্রমাণ করে না, অন্যপক্ষে লঙ্কা সাহেব, রাজনারায়ণ বসু ও রামগতি স্মারক মহাশয়ের উক্তি বেঙ্গল গেজেটের অন্তিহ স্বক্কে সাক্ষ্য প্রদান করে। আজকাল আমরা কেহ বেঙ্গল গেজেট দেখি নাই ইহা সত্য, কিন্তু তাহা হইতে গাঁহার বেঙ্গল গেজেট স্বক্কে আলোচনা করিয়াছেন, তাহাদের কেহই দেখেন নাই এরূপ অসুমান কোনক্রমেই করা যাইতে পারে না। বেঙ্গল গেজেট না দেখিয়া থাকিলে “Descriptive Catalogue of 1400 Bengali Books and Pamphlets”এ উহার উল্লেখ করার কোন প্রয়োজনই লঙ্কা সাহেবের ছিল না। শুধু বিদ্যাসুত্র-প্রণোদিত হইয়াই লঙ্কা সাহেব উক্ত তালিকা প্রণয়ন করিয়াছিলেন এবং তিনি যে ইহাতে খুব সাবধান হইয়া কাজ করিয়াছিলেন তাহার প্রমাণও আমরা পাইয়াছি। ১৮৫০ খৃষ্টাব্দের Calcutta Reviewতে লঙ্কা সাহেব বাংলা সাহিত্য ও সংবাদপত্র স্বক্কে একটি প্রবন্ধ লেখেন; তাহাতে তিনি সমাচার-দর্পণকেই প্রথম সংবাদপত্র বলিয়াছেন (Calcutta Review, Vol. XIII, p. 145)। কিন্তু পাঁচ বৎসর পরে এই তালিকা প্রণয়নের সময় তিনি অধিকতর গবেষণার ফলে তাহার পূর্বমত পরিত্যাগ করিয়া বেঙ্গল গেজেটকেই বাংলাভাষার প্রথম সংবাদপত্রের আসন দিয়াছেন। ইহা হইতে আমরা এই সিদ্ধান্তে আসিতে পারি বোধ হয় যে ১৮৫০ খৃষ্টাব্দেই বেঙ্গল গেজেট খুব বিরল ও আয়াসলব্ধ হইয়া আসিতেছিল এবং তখন হইতেই সাধারণের মতে সমাচারদর্পণ প্রথম সংবাদপত্র বলিয়া গ্রাহ্য হইতে আরম্ভ করে। বেঙ্গল গেজেট যে খুব ক্ষণস্থায়ী ছিল তাহার প্রমাণও আমরা লঙ্কা সাহেবের A Return of Names and Writings of 515 Persons Connected with Bengali Literature নামক তালিকায় পাই; উহাতে লিখিত আছে যে বেঙ্গল গেজেট মাত্র এক বৎসর প্রচলিত হইয়াছিল। ইহাতে পারে যে প্রেস-আইনের কঠোরতার জন্তই কাগজখানি অচিরে বন্ধ হইয়া যায়।

*রাজনারায়ণ বসু এবং রামগতি স্মারক উভয়েই তাহাদের বাংলা

সাহিত্য বিষয়ক পুস্তকে গঙ্গাধর ভট্টাচার্য্যের বেঙ্গল গেজেটকে প্রথম সংবাদপত্র বলিয়াছেন; কিন্তু তাহাদের উক্তির আমরা কোন আলোচনা করিলাম না, কারণ লঙ্কা সাহেবের সাক্ষ্য ইহাদের আগেকার বলিয়া অধিকতর প্রামাণ্য এবং সে সাক্ষ্য-কোনমতেই উড়াইয়া দেওয়া চলে না।

এখন বাংলা সংবাদপত্রের ইংরেজী নাম (Bengal Gazette) কেন হইল তাহা একটু খটকার বিষয়, এবং সেইজন্যই বোধ হয় বর্ষা মহাশয় লিখিয়াছেন “বাংলা” “বেঙ্গল গেজেট কোনদিন বাহির হয় নাই।” আমাদের মনে হয় ১৭৮০ খৃষ্টাব্দে (Hickey) সাহেবের প্রকাশিত ভারতবর্ষের প্রথম ইংরেজী সংবাদপত্র Bengal Gazette-এর অন্তর্করণে গঙ্গাধর প্রথম বাংলা সংবাদপত্রের নামও বেঙ্গল গেজেট রাখেন।

ইহা অত্যন্তই স্কোভের বিষয় যে প্রথম সংবাদপত্রের একখানিও আজকাল দেখা যায় না। এ বিষয়ে আরও অনেক অনুসন্ধান আবশ্যিক। কলিকাতাবাসী কোন পঠক একবার Imperial Library, Asiatic Society Library, ও Bengal Library খুব ভাল করিয়া খোঁজ করিয়া দেখিবেন কি? বেঙ্গল লাইব্রেরীতে একটা কিনারা হওয়ার আশা আমরা করি, কারণ উক্ত লাইব্রেরী স্থাপিত হওয়ার সময় লঙ্কা সাহেবের তালিকা (অবশ্য উপরোক্ত Descriptive Catalogue নহে, বাংলা বইএর অল্প এক তালিকা) দৃষ্টে পুস্তক সংগ্রহের চেষ্টা ছোটলাট বীডনের আমলে হইয়াছিল।

শ্রীঅমল্যরতন গুপ্ত।

সুনীল-বাবু বেঙ্গল গেজেটকে প্রথম সংবাদপত্র বলিয়া স্থির করিয়াছেন সত্য, কিন্তু তিনি যে তাহার এক সংখ্যাও দেখেন নাই তাহা তিনি তাহার পুস্তকের ২৩২ পৃষ্ঠার পাদটীকায় স্বীকার করিয়াছেন। আমাদের বিশ্বাস লঙ্কা সাহেব প্রথমে এই ভুলটি করিয়াছিলেন। তাহার পর তাহাকে অনুসরণ করিয়া মনোমী রাজনারায়ণ বসু প্রমুখ স্ববীরন্দ নানাভাবে উহারই পুনঃস্থিতি করিয়া আসিতেছেন। অবশ্য প্রতিবাদকারী বলিয়াছেন, বেঙ্গল গেজেটের অন্তিহ এখনও পর্য্যন্ত নাই বলিয়া যে তাহা পূর্বে ছিল না তাহা প্রমাণিত হয় না। আমরা তাহা স্বীকার করিয়া লইতেছি; কিন্তু একথাটাও মনে রাখিতে হইবে যে, অভাবান্তরক কোন-কিছু ভাবান্তরক কোন-কিছুর দ্বারা সপ্রমাণ হইতে পারে না। আর সুনীল বাবু যে সমাচার দর্পণকেই প্রথম সংবাদপত্র বলিয়া ইঙ্গিত করিয়াছেন তাহা তাহার গ্রন্থের ১৮ পৃষ্ঠায় নিয়োক্ত ছত্র হইতেও দেখা যায়—

“The Srirampur Missionaries could not land or settle anywhere in Bengal except under the protection of the Danish flag, and when they had set up there a printing press or planned the first vernacular newspaper, they were afraid of Government interference, and had to obtain special permission from Lord Wellesley.”

আর Bengal Gazette এর বিজ্ঞানস্বর স্বক্কে যিনি প্রমাণ করিতে চান, আইনের মতে প্রমাণের ভার (Onus of proof) তাহারই উপর। এখন দেখা যাউক, সুনীল-বাবু বা প্রতিবাদকারী এই কার্য্যে কতদূর কৃতকার্য্য হইয়াছেন। সুনীল-বাবু যে কৃতকার্য্য হন নাই তাহা পূর্বেই ১৮ পৃষ্ঠার উক্ত অংশ হইতেই বেশ বুঝিতে পারা যায়। এক্ষণে ১৮৫৫ সালে প্রকাশিত তথাকথিত লঙ্কা সাহেবের তালিকার একটু বিচার করা যাউক। লঙ্কা সাহেবের তালিকা যে সম্পূর্ণ নহে ও তাহাতে যে, যথেষ্ট ভুল আছে তাহার প্রমাণ সুনীল-বাবুও দিয়াছেন

এবং সাহিত্য-পরিষৎ পুস্তকাগারে, Imperial Library, Board of Examiners, প্রভৃতি স্থানে রক্ষিত করে রাখা পুস্তকের প্রথম মুদ্রণকাল দেখিলেই স্পষ্ট প্রতীয়মান হইবে। লঙ্কাসাহেব "বিদ্যাসুন্দর-প্রণোদিত হইয়া" যে ঐ তালিকা প্রণয়ন করিয়াছিলেন তাহাতে সন্দেহ করিবার কোন কারণ নাই। কিন্তু তিনি যে খুব সাবধানতার সহিত কার্য করিয়াছিলেন প্রতিবাদকারী তাহার প্রমাণ পাইলেও আমরা সকল সময় খাই নাই। Calcutta Reviewর প্রবন্ধের পাঠ বৎসর পরে প্রকাশিত তালিকার বেঙ্গল গেজেটের নাম দেখিয়াই বুঝিতে হইবে যে "তিনি অধিকতর গবেষণার কলে তাহার পূর্বমত পরিত্যাগ করিয়া বেঙ্গল গেজেটকে বাঙ্গালার প্রথম সংবাদপত্রের আসন দিয়াছেন," তাহার "কোন যুক্তিযুক্ত কারণ" আমরা বুঝিতে পারিলাম না। ১৮২৬ সালের Friend of India (July) সংবাদপত্র স্পষ্ট করিয়াই লিখিয়াছেন,—"The first in print of age is the 'Sumachar Darpan.' published at the Serampore press, of which the first number appeared on the 23rd May, 1818.....The next two papers are the 'Sumbad Koumudi' and the 'Sumbad Chandrika'.....The youngest of the papers is the 'Teemer Nau-suck—The Destroyer of Darkness.'" ১৮২৬ সালের Asiatic Journal (Aug., p. 217) পত্র লিখিত আছে—"The number of newspapers published in the languages of India, and designed solely for native readers, has increased, in the course of seven years, from one to six. Four of these are in Bengalee and two in Persian." দেখা যাইতেছে ১৮১৮ হইতে ১৮২৫ সালের ভিতর মোটে চারিখানি বাঙ্গালা কাগজ বাহির হইয়াছিল। ১৮১৬ হইতে ধরিলে সাত বৎসর না হইয়া নয় বৎসর হইয়া যায়। Friend of India ও Asiatic Journal-এর নির্দেশে বেঙ্গল গেজেটের নামগন্ধ নাই। তথাকথিত বেঙ্গল গেজেটের দশ বৎসর পরে প্রকাশিত বিবরণকে প্রামাণ্য বলিয়া স্বীকার করিব, না ৩৯ বৎসর পরে প্রকাশিত লঙ্কাসাহেবের তালিকাকে প্রামাণ্য বলিয়া ধরিব? প্রতিবাদকারীর মতে ১৮৫০ খৃষ্টাব্দের বেঙ্গল গেজেট খুব বিরল ও আয়ামলক হইতে পারে, কিন্তু ১৮২৬ খৃষ্টাব্দে উহা হইবার বি ততটা সম্ভাবনা। আমরা আমাদের পূর্বপ্রকাশিত প্রবন্ধের আর-একটা অভাবাত্মক প্রমাণ এস্থলে দিতে চাই। Oriental Heraldএ নবপ্রকাশিত পুস্তকের পরিচয় থাকিত। নগণ্য বইও বাদ পড়িত না। Asiatic Journal প্রভৃতিরও থাকিত। কিন্তু ১৮১৬, ১৮১৭, ১৮১৮ সালের ঐ-সমস্ত পত্র নূতন পুস্তক বা পত্রের পরিচয় স্থলে বেঙ্গল গেজেটের নাম কোথাও নাই। ১৮১৬ সালে কলিকাতার Ferris & Co.র ছাপাখানা ছিল। ইহাদের ছাপাখানার প্রকাশিত পুস্তকের তালিকা তখনকার কাগজে বাহির হইয়াছিল। বেঙ্গল গেজেট ছাপা হইলে এইখানেই হওয়া সম্ভব; কিন্তু ইহাদের তালিকায় বেঙ্গল গেজেটের নাম নাই। গঙ্গাকিশোরের অন্ত্যস্ত বই এইখানেই ছাপা হইয়াছিল।

গঙ্গাধর ভট্টাচার্য্য নামে কোন প্রাচীন লেখকের নাম অর্বাচীন আমরা জানি না। গঙ্গাকিশোর ভট্টাচার্য্যকে জানি। লঙ্কাসাহেব তাহার তালিকায় (পৃ: ৬৬) লিখিয়াছেন—"In 1816, the Bengal Gazette was started by Gangadhar Bhattacharjea, who had gained much money by popular editions of the Vidyasundar, Betal and other works, illustrated with wood-cuts, the paper was short-lived". এই উক্তি সত্য

বলিয়া ধরিয়া লইলে বলিতে হয় বিদ্যাসুন্দর বেতাল প্রভৃতি পুস্তক বেচিয়া ছাপসে করিবার পর ভট্টাচার্য্যের Bengal Gazette বাহির হয়। দেখা যাক ছবিওয়াল বিদ্যাসুন্দর কবে বাহির হয়। গঙ্গাকিশোর (গঙ্গাধর নয়) ভট্টাচার্য্যের পুস্তকের পরিচয়-পত্র (Title page) লেখা আছে—

"OONODAH MONGUL,
Exhibiting
Tales
of
Biddah and Soondar
To which is added
the
memoirs
of
Rajah Prutapadityu
—
Embellished
with six Cuts.
Calcutta
from the press of Ferris & Co.
1816."

পত্রিকাস্থরের বিজ্ঞাপনে জানা যায় যে ১৮১৬ সালের শেষে ইহা ছাপা হয়। লঙ্কাসাহেবের তালিকায় ৭০ পৃষ্ঠায় বেতালপঞ্চবিংশতির মুদ্রণকাল ১৮১৮ দিয়াছেন এবং তাহাই ঠিক। এখন লঙ্কাসাহেব বলিতেছেন যে, বেতালপঞ্চবিংশতি ও বিদ্যাসুন্দর প্রভৃতি প্রকাশ করিয়া যথেষ্ট অর্থোপার্জনের পর তিনি বেঙ্গল গেজেট প্রকাশ করিয়াছিলেন। যদি বেতালপঞ্চবিংশতির প্রথম প্রকাশকাল ১৮১৮ সাল হয়, তবে ১৮১৬ সালে গঙ্গাকিশোর কি করিয়া বেঙ্গল গেজেট প্রকাশ করিবেন? পূর্বেকৃত গ্রন্থ দুইখানির প্রকাশকাল ১৮১৬ সাল মানিয়া লইলেও তাহা বিক্রয় করিয়া খ্যাতি ও অর্থ উপার্জন করিতে তাহার কিছু সময় লাগিয়াছিল। অতএব এক্ষেত্রেও ১৮১৬ সালে বেঙ্গল গেজেট প্রকাশ করা ততদূর সম্ভবপর বলিয়া মনে হয় না। লঙ্কাসাহেব নানা স্থানে নানা কথা বলিয়াছেন। তাহার কোনটি ছাড়িয়া কোনটি গ্রহণ করিব?

১৮১৮ সাল পর্য্যন্ত যদি যায়, তাহা হইলে ছাপসে জমাইয়া বেঙ্গল গেজেট কি ১৮১৬ সালে ছাপা যায়? লঙ্কাসাহেবের ব্যাকরণেরও বিষয় ও সাল দেখে ভুল করিয়াছেন তাহা স্থানীয় বাবুর পুস্তকের ১৩৩ পৃষ্ঠার ২ সংখ্যক পাদটীকা এবং ১৩২৪ বঙ্গাব্দের সাহিত্য-পরিষৎ-পত্রিকায় ১৫৪ পৃ: দেখিলেই বোঝা যাইবে। রাজনারায়ণ বসু মহাশয় বেঙ্গল গেজেটকে পুস্তিকা (pamphlet) বলিয়া জাহির করিয়াছেন।

প্রতিবাদকারীর শেষ উপদেশ সম্বন্ধে আমার বক্তব্য আমি কলিকাতা-বাসী। Imperial Library ও Asiatic Societyতে আমার খুবই গতিবিধি আছে। এ দুই স্থানে তাহার Bengal Gazette নাই। Bengal Libraryতেও বহুবার অনুসন্ধান করিয়াও বিফলপ্রসূ হইয়াছি। শ্রীরামপুর লাইব্রেরী, উত্তরপাড়া লাইব্রেরী প্রভৃতি বিশিষ্ট লাইব্রেরীতেও আজ ২০২২ বৎসরের অনুসন্ধানও Bengal Gazette-এর গৌজে পাই নাই। আমার শেষ কথা—যে-সব সিদ্ধান্তে লেখক মহাশয় কেবল অনুমান-বলে উপস্থিত হইয়াছেন সেগুলির কোন উত্তর দিলাম না।

বাংলার প্রথম সংবাদপত্র

মাঘ মাসের "প্রবাসী"তে (১২৩ ও ১০৫ পৃষ্ঠায়) "বাংলা ভাষার প্রথম সংবাদপত্র" সম্বন্ধে আলোচনা ও সমালোচনা পড়িলাম। "বেঙ্গল গেজেট" নামক বাংলা ভাষার কোন সংবাদপত্র ১৮১৬ হইতে ১৮২২ এর মধ্যে নিয়মিতরূপে প্রকাশিত হইয়াছিল কি না, তাহা সন্দেহহীন, কারণ তখন তৃতীয় মারাঠা যুদ্ধ ও "Regulation III"র আমল; রাজনীতি আলোচনা করিতে হইলে রাজপুরুষদিগের বিষয়সমূহ পড়িবার সম্ভাবনা ছিল।

শ্রীশ্যামল বর্মা বলেন, "প্রথম বাঙ্গালা সংবাদপত্র সমাচার-দর্পণ।" এই "সমাচার-দর্পণ" ১৮১৮ খ্রীষ্টাব্দের "মে" মাসে প্রকাশিত হয়। এই সাপ্তাহিক সংবাদপত্রখানি রেভারেন্ড ডাক্তার কেনী মার্শম্যান প্রভৃতির দ্বারা পরিচালিত হইলেও, উহার পাণ্ডুলিপি গভর্নর-জেনারেলের অনুমোদনার্থে পাঠান হইয়াছিল। তখন "বেঙ্গল গেজেট" বর্তমান থাকিলে, হাতে লেখা "সমাচার-দর্পণ" কেন বেচ্ছায় অগ্রি-পরীক্ষায় অগ্রসর হইবে? এই "সমাচার-দর্পণে" রাজনীতি বা "সমাচার" থাকিত কি না তাহাও সন্দেহহীন, কারণ, সে সময়ের পাত্রীর্ণ ধর্মী লোচনা ও ধর্মতত্ত্ব লইয়াই ব্যস্ত, অতঃপর ঐ ধর্মমূলক সংবাদপত্রে "সংবাদ" থাকিত না, বলিলে হয় ত ভুল হইবে না। আমার বোধ হয় সংবাদপত্র হিসাবে দেখিতে গেলে "সংবাদকৌমুদী"কে প্রথমস্থান দিলে ভুল হয় না। "আলালের ঘরের দুলাল"কে প্রথম বাংলা উপন্যাস বলিলে হয় ত অত্যাধিক বলিয়া কেহ প্রতিবাদ করিবেন না। তাহার কি "সংবাদকৌমুদী"কে সে গৌরব-মুকুট পরাইতে কাতর? "সংবাদকৌমুদী"র সম্পাদক ছিলেন রাজা রামমোহন রায়—বলা বাহুল্য মাত্র। জনৈক লক্ষপ্রতিষ্ঠ, কৃতী, সুপণ্ডিতের ভাষায় বলিতে গেলে, রাজা রামমোহন রায়ই "The father of Bengali journalistic literature"।

শ্রীমুসিংহচন্দ্র বন্দ্যোপাধ্যায়।

চোখের খুব কাছে বই পড়া

যায় না কেন?—এই প্রশ্নের উত্তর শ্রীমতাজুবর্ণ সেন, শ্রীদুর্গেশ-নন্দিনী গুপ্ত ও শ্রীনিশিকান্ত সেন কাগজ মাসের প্রবাসীতে দিয়াছেন। পড়িয়া দেখিলাম, তিনজনের মধ্যে একজনও বাণীরটার সঠিক মীমাংসা করিতে পারেন নাই।

শ্রীমতাজুবর্ণ সেন ও শ্রীদুর্গেশনন্দিনী গুপ্তের মতে "আমাদের চক্ষু-ঠিক fixed focus cameraর মত।" শ্রীনিশিকান্ত সেন এইরূপ ক্যামেরার কথা উল্লেখ না করিলেও তাহার মতটাও তাই। এই তিনজনের মধ্যে একজনও বলিতে পারেন নাই যে ক্যামেরাতে যেরূপ নিকট অথবা দূরের জিনিস ফোকাস করিবার ব্যবস্থা আছে, আমাদের চক্ষুতেও সেইরূপ একরকম ফোকাস করিবার ব্যবস্থা আছে। তা যদি না থাকিত তাহা হইলে কেবল আমরা একটা নির্দিষ্ট ব্যবধানের জিনিস দেখিতে পাইতাম—তাহার চেয়ে কাছের জিনিস দেখিতে পাইতাম না, দূরের জিনিসও অস্পষ্ট মনে হইত। Fixed focus cameraতে লেন্সের (focal depth) ফোকাল ডেপ্থটাকে কাজে লাগান হয়। ফোকাল ডেপ্থ কাছাকে বলে তাহা বুঝাইতে গেলে এ আলোচনা দীর্ঘ হইয়া পড়িবে। একখানি Light বা আলোক-বিজ্ঞানের পুস্তক পুঁজিয়া দেখিলেই বুঝিতে পারিবেন। চোখের খুব কাছে কেন লেখা অস্পষ্ট মনে হয় তাহার কারণ এই :—কোন জিনিস যত দূর থাকিবে তাহার ছায়া লেন্সের তত নিকট হইবে। এই

নিকট অথবা দূর লেন্সের ফোকাল ডেপ্থ এর উপর নির্ভর করিতেছে। Focal length ফোকাল ডেপ্থ যদি বড় হয় তাহা হইলে কটা নির্দিষ্ট ব্যবধানে অবস্থিত বস্তুর ছায়া লেন্সের দূরে থাকিবে, ফোকাল দূর ছোট হইলে সেই ব্যবধানেই অবস্থিত বস্তুর ছায়া লেন্সের আরও নিকটে হইবে। কিন্তু যদি লেন্সের ফোকাল দূর একরকমই থাকে যেমন ক্যামেরার, তাহা হইলে নিকট অথবা দূরের জিনিসের ছায়াটাকে স্পষ্ট করিতে হইলে লেন্স ও বস্তুর মধ্যে যে ব্যবধান আছে সেটাকে বাড়াইতে অথবা কমাইতে হইবে, অর্থাৎ লেন্সটাকে আঁচ অথবা পাছ করিতে হইবে। ইহাই ক্যামেরার মূলতত্ত্ব, ইহারই নাম ফোকাস করা। কিন্তু মানুষের চোখে এইরকম লেন্সটাকে আঁচপাছ করিয়া ফোকাস করা হয় না। এখানে লেন্সের ফোকাল দূরটাকে বাড়াইয়া অথবা কমাইয়া ছায়াটাকে স্পষ্ট করিয়া রেটিনার উপর ফেলা হয়। চোখের মধ্যে লেন্সটাকে পাতলা অথবা মোটা করিয়া এই কার্য সাধিত হইয়া থাকে। ইহার নাম accommodation অবস্থানুযায়ী করিবার ক্ষমতা। খুব দূরে কোন জিনিস থাকিলে স্বাভাবিক (normal) চোখ স্থির (at rest) থাকিয়া সেই জিনিসটাকে দেখিতে পার, অর্থাৎ তাহার ছায়া রেটিনায় স্পষ্টভাবে পড়ে। কাছে কোন জিনিস থাকিলে চোখকে accommodate অবস্থানুযায়ী করিয়া ফোকাল দূরটাকে ছোট করিতে হয়—তাহা হইলেই দৃশ্যবস্তুর মূর্তিটা স্পষ্টভাবে রেটিনা বা চক্ষুর পর্দায় পড়ে। কিন্তু চোখের এই একমোড়েশনের ক্ষমতার একটা সীমা আছে। কিছু দূর পর্যন্ত accommodate করিয়া তাহার বেশী আর চোখ ধারণ করিতে পারে না। সব-চেয়ে বেশী accommodate করিয়া চোখ বর্ত কাছের বস্তু স্পষ্টভাবে দেখিতে পার—তাহার নাম নিকট লক্ষ্য (near point)। এই নিকট লক্ষ্যের চেয়েও কাছে অবস্থিত বস্তুর ছায়া রেটিনায় স্পষ্টভাবে পড়ে না, কারণ চোখ আর তখন accommodate করিতে পারে না। কাজেই জিনিসটি অস্পষ্ট বলিয়া মনে হয়। বয়স যত বাড়িতে থাকে, এই ধারণ-শক্তি তত কমিতে থাকে, অর্থাৎ নিকট লক্ষ্য তত দূরে সরিয়া যাইতে থাকে। সেইজন্য বৃদ্ধ লোকেরা বই পড়িবার সময় বইটাকে দূরে ধরিয়া পড়েন; কাছে আনিলে তাহার অক্ষরগুলি স্পষ্ট দেখিতে পান না। দশ বৎসরের বালকের নিকট লক্ষ্য চক্ষু হইতে ৭ সেন্টিমিটার দূরে অবস্থিত। ২০ বৎসরে ১০। ৩৫ বৎসরে ১৮। ৫০ বৎসরে ২২ (ইহার বাংলা নাম "চল্লিশে ধরা")। ৬০ বৎসরে ১০০। ৭৫ বৎসরে অনন্ত (Infinity)। অর্থাৎ অক্ষ।

শ্রীমুসিংহচন্দ্র বন্দ্যোপাধ্যায়।

বাংলা ভাষার প্রথম নাটক

গতমাসের প্রবাসীতে শ্রীযুক্ত নগেন্দ্রচন্দ্র ভট্টাচার্য মহাশয় লিখিয়াছেন যে বাঙ্গালা ভাষার প্রথম (?) নাটক 'কুলীনকুলসর্বস্ব' ১৮৫০ খ্রীষ্টাব্দে ওরিয়েন্টাল সেমিনারীতে প্রথম অভিনীত হয়। কিন্তু সুবলচন্দ্র মিত্র মহাশয়ের সরল বাঙ্গালা অভিধানে (২য় ভাগ) হইতে জানা যায় যে ইহা সর্বপ্রথম কলিকাতা চড়কডাঙ্গা সেনের ভয়রাম বসাকের বাটতে অভিনীত হইয়াছিল। ইহাদের মধ্যে কাহার কথাটি ঠিক এ বিষয়ে কাহার কিছু জানা থাকিলে, "প্রবাসীতে" উল্লেখ করিবেন।

শ্রীমরোজপ্রসন্ন রায়।

বেদব্যাখ্যা

কাশা, হাবড়া ও কলিকাতা হইতে বেদ বাহির হইতেছে। প্রত্যেক স্থলের ব্যাখ্যাই স্বতন্ত্র। বেদ দ্বার্থ বা ত্রার্থ কাব্য মতে যে উহার দুই বা ততোধিক অর্থ হইবে। কাশীর দল সাধারণ পক্ষপাতী; হাবড়ার দল আধ্যাত্মিক অর্থের পক্ষপাতী; এবং আমি কলিকাতা হইতে স্বাধীনভাবে বেদের যে নূতন ব্যাখ্যা করিতেছি, আমার সেটীকার নাম একুত্বার্থবাহিনী। আমি সর্বজন নহি; পক্ষান্তরে যাক, সাধারণ উষট ও দয়ানন্দ প্রভৃতির ব্যাখ্যাও সমীচীন বলিয়া মনে হয় না। আর ত্রৈলোক্যবিষয়বহুল বেদের সকল মন্তব্যই যে আধ্যাত্মিক ব্যাখ্যা হইবে, ইহাও বিবেক ও যুক্তি বিহীন কথা। বেদ-সকল প্রাক্তন ইতিহাস, প্রাক্তন ভূগোল, প্রাক্তন সাহিত্য ও প্রাক্তন ধর্মগ্রন্থ। স্বতরাং যে মন্তব্য যে বিষয় লইয়া বিরচিত, সেই মন্তব্যের অর্থ তদনুরূপ হইবে।

এই সত্য স্বাক্ষর করিয়া আমি "হিতবাদী" পত্র (২৭ আবেণ গুরুবার) বেদ বিষয়ে বিচার প্রার্থনা করি। চারি মাস পরে শ্রীযুক্ত মনমথনাথ ভট্টাচার্য্য "হিতবাদীতে" এক পত্র লিখিয়া জানিতে চাহেন, আমি কি কি বিষয়ে বিচার প্রার্থনা করি, কে কে মধ্যস্থ হইবেন এবং বিচারের স্থান ও সময় কি হইবে। আমি সেই দিনই অগ্রহারণের "হিতবাদীতে" মন্ত্রণের জন্য একখানি পত্র সম্পাদক-মহাশয়ের নিকট পাঠাইয়া দিই।

তাহার সার মর্ম এই—আমি শ্রীযুক্ত মনমথনাথ ভট্টাচার্য্য মহাশয়ের সহিত বেদবিষয়ে বিচার করিতে প্রস্তুত। বিচার-সভার সভাপতি—পূজ্যপাদ সার শ্রীযুক্ত আশুতোষ মুখোপাধ্যায়।

মধ্যস্থ—মহামহোপাধ্যায় যাদবেন্দ্র তর্করত্ন, মহামহোপাধ্যায় প্রমথনাথ তর্কভূষণ; মহামহোপাধ্যায় কালীধরময় ভট্টাচার্য্য; শ্রীযুক্ত ভাগবতকুমার শাস্ত্রী; মহামহোপাধ্যায় গঙ্গানাথ ঝা, এম-এ,

পি-এইচ-ডি; শ্রীযুক্ত বনমালী বেনারসীচর্চ, এম-এ; শ্রীযুক্ত চন্দ্রোদয় বিজ্ঞাবিনোদ; মহামহোপাধ্যায় শ্রীযুক্ত গঙ্গানাথ সেন, এম-এ বিজ্ঞানিধি; এবং শ্রীযুক্ত কোকিলেশ্বর ভট্টাচার্য্য এম-এ।

স্থান—ইউনিভার্সিটি ইনস্টিটিউট হল।

সময়—প্রতি রবিবার ৪টা হইতে ৮টা পর্যন্ত।

বাহারা ইংরেজী জানেন না, তাহারা মধ্যস্থ হইতে পারিবেন না। ভট্টাচার্য্য মহাশয় আপনার মনোমত অন্য মধ্যস্থের নাম নির্দেশ করিতে পারেন।

বিচার্য্য বিষয়—(১) বেদের উৎপত্তি; বেদ পৌরুষের কি না? নিত্য কি অনিত্য। (২) বেদের ভাষা ও নির্বচন সমীচীন কি না; উহার কোন পরিবর্তন, পরিমার্জন প্রয়োজনীয় কি না। (৩) বেদের উৎপত্তিস্থান ও পৌরুষার্থ্য। (৪) শব্দ, মেধাতিথি, কুল্ক প্রভৃতির ব্যাখ্যার সংস্কার হওয়া উচিত কি না।

হিতবাদীর সহকারী সম্পাদক আমার পত্র না ছাপাইয়া মনমথনাথ ভট্টাচার্য্য মহাশয়ের নিকট পাঠাইয়া দেন। ভট্টাচার্য্য মহাশয় আমাকে উত্তর লেখেন যে, জামুয়ারী মাসে আমার পত্রের উত্তর দিবেন। কিন্তু তিনি আমাকে উত্তর না লিখিয়া অবাসীতে পত্র লিখিয়াছেন। আমি তদনুরূপে সাদরে জানাইতেছি যে ভট্টাচার্য্য মহাশয় সভাপতি, মধ্যস্থ, স্থান ও সময় স্থির করিয়া আমাকে পত্র লিখিলেই আমি উপস্থিত হইব। ভট্টাচার্য্য মহাশয় হিতবাদীতে আপনার বক্তব্য বিজ্ঞাপন করুন। সত্য বাহির হউক।

শ্রীউমেশচন্দ্র বিহার্য্য।

৩১১ শব্দ হালদারের লেন,

আহিরোটোলা, কলিকাতা।

সম্পাদকের মন্তব্য—এ সম্বন্ধে আর কোন বাদানুবাদ অবাসীতে প্রকাশিত হইবে না।

বিরাট

শুক্ল গভীর রাত্রি-বেলা দাঁড়িয়ে যখন একা
চৌদিকেরি আকাশখানা হেরি—
বুকখানা মোর চমকে ওঠে!—কেবল চেয়ে দেখা
বিপুল নভে তারারা রয় ঘেরি'।
নেইক হাওয়া, নেইক ধ্বনি, কেউ চলে না ধরে,
পাষণ সম আঁধার রহে চাপি'—
বিরাট বিশাল মৃত্যু যেন তারার চোখে চেয়ে,
শিউরে আমি ধরুথরিয়ে কাঁপি!

কে আমি কে?—এই সৌম্যহীন বিপুল নভতলে
দাঁড়িয়ে আছি একটা ছোট প্রাণী?
আকাশ জুড়ে বিশ্ব জুড়ে যে মহাপ্রাণ চলে
তার পাশে এ আমিই কতখানি!—
একটু নিশাস, একটু ভাষা, একটু চলাচলি,
একটুখানি মিট্‌মিট্‌য়ে চাওয়া,
তার পরেতে চূর্ণ হয়ে শূন্যে মিশাই চণি';—
এমন আমার স্পর্ক, বেগে ধাওয়া!

চক্ষু মুদে যুঝছি যখন নিবিড় গভীরতা,
বুকের গতি আসছে মম খেমে,
এই আমি কি হামি, খেলি, হর্ষে কহি কথা?—
তলিয়ে যে যাই যাচ্ছি কোথা নেমে!
দানব অসীম রুদ্ধ অসীম প্রবল বেগে ঘিরে—
আপ্নাকে আজ হারাই পারাবারে!
কোন্ সাহসে বড়াই করি, বেড়াই উঁচু শিরে,
এই ত আমি তুচ্ছ একেবারে!

নই কিছু নই বিখে অসীম; ধার-কন্না এ প্রাণ
একটু পেয়ে চলছি নেচে হেসে,
আজ নিজনে শক্তিশালী বিশ্ব-প্রাণের বান
গর্জে' আসে, স্পর্কি গেল ভেসে!
চৌদিকে মোর সাগর সম প্রাণের অভিযান
ঘিরে ঘিরে আঁকড়ে বেন ধরে—
ভাসিয়ে নিল, ভাঙল বুঝি, দিচ্ছে ঘন টান,
কঁপুছে হৃদি, অঙ্গ ধরধরে!

শ্রীপ্যারীমোহন সেনগুপ্ত।



ভারতবর্ষ

চৌরী-চৌরী—

অসহনীয় ভিতরেই পুলিশের সহিত জনসংঘের করেকবার সংঘর্ষ হইয়া গিয়াছে। তাহার ফলে প্রাণহানিও কম হয় নাই। চৌরী-চৌরীর ব্যাপারটিও পুলিশের সঙ্গে জন-সংঘের সংঘর্ষ ছাড়া আর কিছু নহে। তবে পূর্বেকার ব্যাপারগুলির সহিত এই ব্যাপারটির তফাৎ আছে অনেকখানি। পূর্বেকার ব্যাপারগুলিতে যাহারা মরিয়াছে তাহাদের ভিতর প্রায় গোল আনাই ছিল জনসাধারণের লোক— পুলিশের লোক বিশেষ ছিল না। কিন্তু চৌরী-চৌরীতে যাহারা মারা গিয়াছে তাহাদের ভিতর আবার পুলিশের লোকই বেশী—জন-সাধারণের লোক ছিল খুব কম।

এ সম্পর্কে যে সরকারী ইস্তাহার বাহির হইয়াছে তাহাতে প্রকাশ, ব্যাপারটিতে পুলিশের সর্বসমেত ২১জন লোক মারা গিয়াছে এবং জনসাধারণের পক্ষে মারা গিয়াছে দুইজন মাত্র। তাহা ছাড়া জন-সাধারণের মধ্যে কতদূর পক্ষ-বস্তাব হইতে পারে এই ব্যাপারটিতে তাহারও একটা প্রমাণ পাওয়া গিয়াছে। কিন্তু এ সম্বন্ধে খবরও যথেষ্ট পরিমাণে পাওয়া যায় নাই—অনেক ব্যাপারই এখনও রহস্যের যবনিকায় আচ্ছন্ন।

মহাত্মা গান্ধীর পুত্র শ্রীযুক্ত দেবদাস গান্ধী সংবাদ পাইয়াই ঘটনা-স্থলে গিয়াছিলেন। তিনি লিখিয়াছেন:—“ঘটনার প্রকৃত বিবরণ হয়ত কখনো প্রকাশিত হইবে না। তবে সত্য নির্ণয়ের জন্ত যথা-সাধ্য চেষ্টা করা হইতেছে। গান্ধীদের এজাহারে এ কথা স্পষ্ট করিয়াই প্রমাণিত হইয়াছে যে, পূর্বে হইতে কোনোকণ বড়বন্দ ছিল না। জন-সাধারণের কৃত কার্যের গুরুত্ব লক্ষ্য করিয়া তুলিবার ইচ্ছা আমার অণু-মাত্রও নাই। কিন্তু তথাপি আমি একথা বলিতে বাধ্য যে, বাজারে পিকেটিং করিবার সময় সব ইনস্পেক্টর দুইজন ভুলটিয়ারের উপর মারপিট করিয়া খুব খারাপ কাজ করিয়াছিলেন। শাস্তভাবে পিকেটিং করিবার সময় অকারণে যে-সব মারপিট চলিতেছিল সেই সম্বন্ধে আলোচনা করিবার জন্ত ৪ঠা ফেব্রুয়ারী শনিবার একটি বৈঠক বসিয়াছিল। এই সভাটিও অসফলকর। উক্ত সভার সম্ভবত সাব-ইন্স্পেক্টরের কাজের প্রতিবাদ করিয়া তীব্র ভাষায় বক্তৃতা করা হইয়াছিল এবং জনসাধারণকে মারপিট, এমন কি গুলি চালানো পর্যন্ত সহ্য করিবার জন্ত প্রস্তুত হইতে অনুরোধ করা হইয়াছিল। গান্ধীদের এজাহারে জানা গিয়াছে ভুলটিয়ারগণ দলবদ্ধ হইয়া বাজার অভিমুখে অগ্রসর হয়। তাহাদের সঙ্গে কোঁতুলক্রান্ত লোক-জনেরও অভাব ছিল না। থানার লোকেরা তাহাদিগকে ছত্রভঙ্গ করিবার জন্ত চেষ্টা করি নাই। কিন্তু লোকেরা তাহাদিগকে অগ্রাহ করিয়াই অগ্রসর হইতে থাকে। এই জনসংঘের ঠাট্টা-বিক্রম এবং আনন্দধ্বনিতে পুলিশের লোকেরা উত্তেজিত হইয়া উঠে। উত্তর পক্ষ একই বৈধ্বান্য করিলেই এ দুর্ঘটনা ঘটবার অবকাশ আসিত না।

কিন্তু দুর্ভাগ্যবশতঃ ব্যাপার অশুভকণ হইয়া দাঁড়াইল। পুলিশ জনতার সম্মুখের লোকদিগকে লাঠিঘায়া আক্রমণ করে, তারপর তাহাদিগকে লক্ষ্য করিয়া টিলও ছুড়িতে থাকে। জনতার ভিতর হইতেও অনেকে টিল ছুড়িয়া তাহার প্রত্যুত্তর দেয়। ইহার পর টোটা নিঃশেষ না হওয়া পর্যন্ত গুলি চালানো হয় এবং টোটা ফুরাটলে পুলিশ পলায়ন করে। তাহার পর এই দুর্ঘটনা। * * সর্বত্র পুলিশ অত্যন্ত উত্তেজিত হইয়া রহিয়াছে। খলিলাবার বস্তি হইতে পুলিশ-অত্যাচারের লোমহর্ষণ-কর বিবরণ পাওয়া গিয়াছে। * * পুলিশ এইরূপ অত্যাচার করিয়া চৌরীচৌরীর প্রতিশোধ লইতে সমর্থ হইবে না।”

শ্রীযুক্ত দেবদাস গান্ধীর মত আমরাও চৌরী-চৌরীর ব্যাপারটার গুরুত্ব লক্ষ্য করিতে চাহি না—বরং দেখানে যে দুর্ঘটনা ঘটয়া গিয়াছে তাহার জন্ত অসংগত জনসাধারণকেই আমরা দায়ী করিতেছি—ইহা-নিগকে উত্তেজিত করিয়া তুলিবার পক্ষে পুলিশের হাত কতটা ছিল তাহার বিচার না করিয়াই। কিন্তু আমরা যাহাই বলি—কেন মানুষের ভিতর একটা পণ্ড আছে তাহাকে স্বীকার করিতেই হয়। এবং সুযোগ পাইলেই ভিতরকার মানুষের সমস্ত বাধা-নিষেধকে উপেক্ষা করিয়া এই পণ্ডটা গা ঝাড়া দিয়া ওঠেই। পুলিশের কর্তব্য এই পণ্ডটাকে স্থলাসন ও সুরচিকিৎসার দ্বারা সংযত করিয়া রাখা। কিন্তু তাহা না করিয়া অজ্ঞায়ের দ্বারা পুলিশ ইহাকে কিভাবে ক্ষিপ্ত করিয়া তুলিয়াছে তাহার দৃষ্টান্তের অভাব নাই। চৌরীচৌরীর ব্যাপারেও তাহা প্রমাণিত হইয়াছে, এবং তাহার পরেও সম্প্রতি পুলিশ এবং জনসাধারণের ভিতর যে কয়টি দাঙ্গা-হাঙ্গামা হইয়া গিয়াছে তাহাতেও এই কথাটাই ধরা পড়িয়াছে। এই দাঙ্গার সবগুলির সঙ্গে যে অসহযোগ আন্দোলনের যোগ আছে তাহাও নহে। সেই-সব ঘটনাগুলির উপর একবার চোখ বুলাইয়া লইলে এ সব দাঙ্গা-হাঙ্গামার জন্ত অসহযোগ আন্দোলনকে যে আর তেমন ভাবে ধোঁষ দেওয়া চলে না তাহা বলাই বাহুল্য।

বন্দোবস্তি বৈঠক—

মহাত্মা গান্ধী ঘোষণা করিয়াছিলেন, ১২ই ফেব্রুয়ারি বন্দোবস্তি ভাঙ্গার সমস্ত লোক দলবদ্ধ হইয়া গবর্নমেন্টের খাজনা বন্ধ করিবে এবং এইখানকার ফল দেখিয়া অস্তান্ত স্থানে আইন-অমান্য-নীতি গ্রহণ করা হইবে কি না তাহা স্থিরীকৃত হইবে। বন্দোবস্তিতে আইন অমান্যের আয়োজনও সব প্রস্তুত ছিল। ৪ঠা এমনি-সময় চৌরী-চৌরীর দাঙ্গা সমস্ত ব্যবস্থা উটাইয়া দিয়াছে। চৌরীচৌরীর সংবাদ শুনিয়াই মহাত্মা গান্ধী কর্তব্য-নির্ধারণের জন্ত কংগ্রেসের কার্ধ্য-নির্দেশক সভা আহ্বান করিয়াছিলেন। গত ১১ই এবং ১২ই ফেব্রুয়ারী বন্দোবস্তিতে এই সভার বৈঠক বসিয়াছিল। সভার নিম্নলিখিত প্রস্তাব-গুলি গৃহীত হইয়াছে:—

(১) চৌরীচৌরীর জনসংঘ থানার কন্টেবলদিগকে হত্যা করিয়া এবং থানা পোড়াইয়া দিয়া যেকোন মূখ্যস্বত্বের পরিচয় দিয়াছে

সেজন্য এই কংগ্রেস-কমিটি অর্ন্ততপ্ত হইয়াছেন এবং স্ত্রুত ব্যক্তিবের আশ্রয়বন্ধনের শোকে তাঁহারা সমবেদনা প্রকাশ করিতেছেন।

(২) জনসঙ্ঘকে বারবার সতর্ক করিয়া দেওয়া সবেও আইন-অমাত্ত-নীতি পরিগ্রহের ঠিক পূর্বমুহূর্ত্তেই তাহারা অশান্তির সৃষ্টি করিয়া বসিয়াছে। ইহার দ্বারা বোঝা যায়, ব্যাপকভাবে আইন-অমাত্ত নীতি চালাইতে হইলে দেশের অবস্থা যেরূপ নিকপত্রব হওয়া দরকার তাহা হয় নাই। চৌরীচৌরার ভীষণ দুর্গটনা তাহার আর-একটি নূতন দৃষ্টান্ত। এই-সকল কারণে কংগ্রেসের কার্যনির্বাহক সমিতি সঙ্কল্প করিয়াছেন, বরদোলা এবং অন্যান্য স্থানে ব্যাপকভাবে আইন-অমাত্ত-নীতি চালাইবার যে কল্পনা করা হইয়াছিল তাহা আপাততঃ স্থগিত রাখা হইবে। অতঃপর গবর্নমেন্টের খাজনা এবং ট্যাক্স দিবার জন্ত প্রাদেশিক কংগ্রেসকমিটিগুলি যেন প্রজাসাধারণকে পরামর্শ দিতে সক্ষম না করেন। উদ্বেজনায় সৃষ্টি হইতে পারে এমন কোন কার্যে কেহই আপাততঃ হস্তক্ষেপ করিতে পারিবেন না।

(৩) গোরক্ষপুরের মত অত্যাচার এবং বোম্বাই ও মাদ্রাজের মত হাঙ্গামা ঘটনিন না একেবারে অসম্ভবের কোটার আসিয়া দাঁড়াইতেছে অর্থাৎ ঘটনিন না দেশ সম্পূর্ণরূপে নিরুপত্রব ব্রত গ্রহণের উপযোগী হইতেছে ততদিন পর্যন্ত ব্যাপকভাবে আইন অমাত্তের কাজ বন্ধ রাখা হইবে।

(৪) দেশের ভিতর শান্তির অবস্থা ফিরাইয়া আনিবার উদ্দেশ্যে কার্য-নির্বাহক সমিতি কংগ্রেসকমিটিগুলিকে অস্বরূপ উপদেশ না দেওয়া পর্যন্ত কারা-বরণের নিষিদ্ধ কল্পিত কার্যসকল বন্ধ রাখিবার উপদেশ দিতেছেন। কেবল মাত্র যে-সকল স্থানে শান্তি বজায় থাকিবে বলিয়া নিশ্চিত জানা যাইবে সেইসকল স্থানে যেচ্ছার হস্তাল ইত্যাদি কার্য এবং সাধারণভাবে অস্বরূপ কংগ্রেস সম্প্রদায় কার্য চলিতে পারিবে। মদের দোকানে যাহারা মত্তপানের জন্ত গমন করে তাহাদিগকে মত্তপানের অপকারিতা সম্বন্ধে শাস্ত্রভাবে সতর্ক করিয়া দেওয়া ছাড়া অস্বরূপ সকল রকমের পিকেটিং বন্ধ রাখা হইবে। মদের দোকানে যাহারা পিকেটিং করিবে তাহারা সচরিত্র এবং কংগ্রেস কমিটি দ্বারা বিশেষভাবে বাচাই-করা লোক হওয়া চাই।

(৫) ভলাটিয়ারদের শোভাযাত্রা এবং সভাবন্ধের লুক্স অমাত্তের উদ্দেশ্যেই যে সব সভার অধিবেশন হইতেছিল, সেই সব অধিবেশন অস্বরূপ আদেশ না দেওয়া পর্যন্ত বন্ধ থাকিবে। কিন্তু কংগ্রেসের নিষিদ্ধ কার্য নির্বাহের জন্ত প্রকাশ সভা আহ্বান করার প্রয়োজন হইলে তাহা বন্ধ থাকিবে না। এই প্রস্তাবের দ্বারা কংগ্রেস বা অস্বরূপ কমিটির মিটিংও বন্ধ করিতে বলা হইতেছে না।

(৬) কংগ্রেসের কার্যনির্বাহকসমিতি সংবাদ পাইয়াছেন, রায়তপণ জমিদারদিগকে খাজনা দেওয়া বন্ধ করিয়াছে। এই ব্যাপারটা যে দেশের পক্ষে অনিষ্টকর এবং কংগ্রেসের গৃহীত প্রস্তাবসমূহের বিরোধী তাহা জনসাধারণকে বুঝাইয়া দিবার জন্ত এই সমিতি কংগ্রেসকমিটি ও কংগ্রেস-কর্মীদিগকে অনুরোধ করিতেছেন।

(৭) কংগ্রেস জমিদারদের আইনসম্মত অধিকার নষ্ট করিতে ইচ্ছা করেন না। যদি রায়তদের কোনো অভিযোগ থাকে তবে আপোষে বা সালিসী আদালতে তাহার নীমাংসা করিয়া দেওয়া সম্ভব।

(৮) ভলাটিয়ার-দল গঠনের জন্ত যেচ্ছাসেবকদিগকে বাছাই করিবার কার্যে নিয়মের শৈথিল্য হইতেছে। হাতে-তৈরী স্ত্রুতার দ্বারা হাতে-বোনা ধন্দর দ্বারা পরিধান করে না, যে-সকল হিন্দু অস্পৃশ্যতা দূর করে নাই, যাহারা কংগ্রেসের প্রস্তাব অনুযায়ী চিন্তায়

ও কার্যে নিরুপত্রব নীতি অবলম্বন করে নাই তাহাদিগকে ভলাটিয়ার-দলভুক্ত করা হইয়া থাকে। স্ত্রুতাং কার্যনির্বাহক সমিতি কংগ্রেসকমিটিসমূহকে আদেশ করিতেছেন, তাঁহারা ভলাটিয়ারদের তালিকা সংশোধন করুন। ভলাটিয়ারদের প্রতিজ্ঞাপত্র অনুসারে যাহারা কাজ না করে তাহাদের নাম তালিকা হইতে বাদ দিতে হইবে।

(৯) কংগ্রেসের দলভুক্ত লোকেরা যদি কংগ্রেসের বিধি-বিধান এবং অনুপত্রবনীতি ইত্যাদি বিষয়ে কার্যপরিচালক সমিতির প্রস্তাবসমূহের অনুসরণ করিয়া না চলেন, এবং কংগ্রেসের উপদেশ অমাত্ত করিয়া যদি অনুপত্রব লোকদিগকে ভলাটিয়াররূপে গ্রহণ করেন, তাহা হইলে কংগ্রেসের উদ্দেশ্য তাড়াতাড়ি সিদ্ধ হওয়া সম্ভবপর হইবে না এবং কখনো সিদ্ধ হইবে কি না সে সম্বন্ধেও বিস্তর সন্দেহ থাকিবে।

(১০) নিখিল-ভারত-কংগ্রেসকমিটির বিশেষ সভায় এই-সকল বিষয়ের যে পর্যন্ত আবার বিবেচনা করা না হইবে সে পর্যন্ত এই প্রস্তাব-সমূহের অনুযায়ী কাজ চলিবে। কংগ্রেসের সেক্রেটারী হাকিম আজমল খাঁর সহিত পরামর্শ করিয়া বত শীঘ্র সম্ভব নিখিল-ভারত-কংগ্রেসকমিটি আহ্বান করিবেন।

নূতন ব্যবস্থা—

গোরক্ষপুরের ঘটনায় কংগ্রেস প্রমাণ পাইয়াছেন, সভ্যগ্রহের প্রধান অংশ অনুপত্রবনীতির মাহাত্ম্য জনসাধারণ এখনও সম্পূর্ণরূপে বুঝিতে পারে নাই—এই নিরুপত্রবনীতি ভিন্ন দলবদ্ধভাবে আইন অমাত্ত করা অসম্ভব। তাহা ছাড়া, যে-সে লোককে ভলাটিয়ারদের দলভুক্ত করা হইয়াছে। কংগ্রেসের নিয়ম-সকল অবহেলা করার জন্তই জাতীয় উদ্দেশ্য সিদ্ধি হইতে বিলম্ব হইতেছে। স্ত্রুতাং কংগ্রেসকমিটিগুলিকে নিয়মিত কাজগুলিতে আগ্রনিয়েোগ করিতে বলা হইয়াছে।

(ক) অনূন এক কোটা লোককে কংগ্রেসের সদস্য হইতে হইবে। অহিংসা ও সত্যপ্রিয়তা কংগ্রেসের মূল মন্ত্র। স্ত্রুতাং যাহারা এই দুটি জিনিষে বিশ্বাস করেন না তাহাদিগকে সভ্য করা হইবে না। যে-সকল কর্মী বার্ষিক চাঁদা দিবেন না তাহারাও সভ্য থাকিতে পারিবেন না। অতএব পুরাতন সভ্যদিগকেও নূতন করিয়া সভ্যশ্রেণীভুক্ত হইতে হইবে।

(খ) কংগ্রেস কর্মীদিগকে ঢাকায়-কাটা স্ত্রুতা এবং হাতে-বোনা ধন্দর পরিধান করিতে হইবে। তাহাদের সকলেরই স্ত্রুতা কাটায় অভিজ্ঞতা থাকা চাই।

(গ) গবর্নমেন্ট স্কুলসমূহে পিকেটিং করা হইবে না। জাতীয় বিদ্যালয়ে শিক্ষার ব্যবস্থা ভালো করিয়া ছাত্রদিগকে আকৃষ্ট করিতে হইবে।

(ঘ) অবনত শ্রেণীর লোকদের সামাজিক মানসিক ও নৈতিক উন্নতিবিধান করিতে হইবে। তাহাদের সন্তানদিগকে জাতীয় বিদ্যালয়ে আনিবার চেষ্টা করিতে হইবে। আর আর সকল শ্রেণীর লোকের মত তাহাদিগকেও সাধারণ সুবিধাগুলি প্রদান করিতে হইবে। যে-সব স্থানে অস্পৃশ্যতা দোষ অত্যন্ত প্রবল, সে-সব স্থানে অবনত শ্রেণীর জন্ত কংগ্রেসের অর্থে পৃথক বিদ্যালয় স্থাপন ও পৃথক কুপ খনন করিয়া দেওয়া হইবে। জনসাধারণ তাহাদের কুপ যাহাতে অবনত শ্রেণীর লোকদিগকে ব্যবহার করিতে দেয় সেজন্য তাহাদিগকে উদ্বুদ্ধ করিতে হইবে।

(ঙ) মদের দোকানে পিকেটিং করা অপেক্ষা পানান্দক

লোকদের বাড়ীতে গিয়া মাঝক ভ্রব্য বর্জনের আন্দোলন চালাইতে হইবে।

(চ) পঞ্চায়তের দ্বারা বিবাদ মিটাইবার চেষ্টা করিতে হইবে। যাহারা পঞ্চায়তের দ্বারা বিবাদ মিটাইতে নারাজ তাহাদিগকে সামাজিক দণ্ডের ভয় দেখানো হইবে না।

(ছ) সকল শ্রেণীর লোকের ভিতর একতা স্থাপনের জন্ত সেবা-ধর্মের আশ্রয় গ্রহণ করিতে হইবে। এ ব্যাপারে জাতিধর্ম বিচার করা চলিবে না। প্রয়োজন হইলে ইংরেজের সেবা করিতে হইবে।

(জ) কংগ্রেসের প্রত্যেক সভ্য ও সহানুভূতিকারীকে তাহার ১৯২১ সালের আগের শতাংশের এক অংশ তিলক স্বরাজ্য-ভাণ্ডারে দান করিবার জন্ত আহ্বান করা হইবে। প্রাদেশিক তিলক স্বরাজ্য-ভাণ্ডারের শতকরা ২৫ নিখিল-ভারত-কংগ্রেসকমিটিতে দান করিতে হইবে।

(ঝ) এই প্রস্তাবগুলি নিখিল-ভারত-কংগ্রেসকমিটির অধিবেশনে অনতিবিলম্বেই উপস্থিত করা হইবে। যদি প্রয়োজন হয় তাহারা এগুলি সংশোধন করিতে পারিবেন।

(ঞ) যাহারা গবমেণ্টের চাকুরী ছাড়িয়া দিবেন তাহাদের ভরণপোষণের একটা ব্যবস্থা করিয়া দেওয়া আবশ্যিক। বঙ্গভঙ্গ এই কমিটি যিগা মহম্মদ হাজি, জ্বান মহম্মদ ছোটানি, শ্রীকৃষ্ণ যমুনাধাস বাজাজ এবং জীবুজ ডি জে পটেলের উণ্ডর একটি স্মিম তৈরী করিবার ভার দিতেছেন। এই স্মিম কংগ্রেসকমিটির অধিবেশনে পেশ করা হইবে।

কাৰ্য্যনির্বাহক সমিতির এই প্রস্তাবগুলি দেখিয়া অনেকেই মনে করিতেছিলেন, চৌরীচৌর্য্যর পরে কংগ্রেসের কাৰ্য্যপদ্ধতি একেবারেই খদলাইয়া যাইবে—এ আন্দোলন যে ধারা ধরিয়া চলিতেছিল তাহার চিহ্নমাত্রও থাকিবে না। অর্থাৎ অনেকেই মনে করিতেছিলেন, এ আন্দোলন একেবারেই ব্যর্থ হইল। যাহারা এরূপ মনে করিতেছিলেন তাহারা দেখিয়া খুসী হইবেন, নিখিল-ভারত-কংগ্রেসকমিটির দিল্লীর বৈঠক এই প্রস্তাবগুলিকে ঠিক এইভাবে গ্রহণ করেন নাই। কর-বন্ধের প্রস্তাব সেখানে গৃহীত না হইলেও কংগ্রেসের পূর্বের কাৰ্য্যপদ্ধতি অনেকটাই অক্ষুণ্ণ রাখা হইয়াছে।

নিখিল-ভারত-কংগ্রেসকমিটি—

বন্দোবস্ত প্রস্তাবগুলি সম্বন্ধে আলোচনা করিবার জন্ত গত ২৪শ ফেব্রুয়ারী দিল্লীতে নিখিল-ভারত-কংগ্রেসকমিটির এক বৈঠক বসিয়াছিল। হাকিম আব্দুল হক সভাপতির আসন গ্রহণ করিয়াছিলেন। মহাত্মা গান্ধী এই সভাতে এক দীর্ঘ প্রস্তাব পেশ করেন। দুই-একটি সামান্য বিষয়ে সংশোধিত হইয়া সভায় মহাত্মা গান্ধীর প্রস্তাবটিই গৃহীত হইয়াছে। যদিও ব্যাপক ভাবে আইন-অমান্য নীতি সম্বন্ধে বন্দোবস্তের সিদ্ধান্তই কংগ্রেস মানিয়া লইয়াছেন, তথাপি সভাপনের ব্যক্তিগত আইন-ভঙ্গের অধিকার একেবারে লুপ্ত করিয়া দেওয়া হয় নাই। তবে স্থির হইয়াছে নিখিল-ভারতীয় কংগ্রেসকমিটি আইনভঙ্গের জন্ত যে-সব সর্ব নিষ্ঠুরিত করিয়া বিদ্রোহিত হইয়াছেন সেই-সমস্ত সর্ব পূর্ণ না করিলে কোনক্রমেই আইনভঙ্গের আদেশ দান করা হইবে না। বন্দোবস্ত প্রস্তাবে যে যে সর্ব মন্য বিক্রম, সম্বন্ধে পিকেটিং করিতে দেওয়া হইয়াছে, সেই সেই সর্ব নিখিল-ভারতীয় কংগ্রেসকমিটি বস্ত্র সম্বন্ধেও পিকেটিং চালাইতে অনুমতি দিয়াছেন।

সহযোগবর্জিত বা আইনভঙ্গ ব্যাপার সম্বন্ধে কংগ্রেসের মূল কাৰ্য্য-

প্রণালীর কোন অংশ পরিত্যক্ত হয় নাই, কেবলমাত্র অহিংস নীতি লঙ্ঘনসাধ্য করিয়া তুলিবার জন্ত বন্দোবস্ত প্রস্তাবিত গঠননীতিমূলক কাৰ্য্যপ্রণালী পরিগ্রহের জন্ত কংগ্রেস সভাপনকে অনুরোধ করিয়াছেন। অসহযোগ ব্যাপারের কোন অংশ ব্যর্থ হইয়াছে একথা কংগ্রেস কমিটি একেবারেই মনে করেন না।

তাহা ছাড়া যখনই রাষ্ট্রশক্তি জনসাধারণের ইচ্ছাশক্তির পরিপন্থী হইবে, নিখিল-ভারতীয় কংগ্রেসকমিটি তখনই আইন ভঙ্গ করা সম্ভব বলিয়া রায় দিয়াছেন। ব্যক্তিগত আইনভঙ্গ বলিতে কি বুঝায় কংগ্রেস-কমিটি দৃষ্টান্তের দ্বারা তাহারও অর্থ নির্দেশ করিতে কষ্ট করেন নাই। যদি একটি নিখিল সাধারণ সভায় প্রবেশাধিকার টিকিটের দ্বারা নিয়ন্ত্রিত হয় তবে তাহা হইবে ব্যক্তিগত আইনভঙ্গ; আর যদি কোন নিয়ন্ত্রিত সাধারণ সভায় জনসাধারণের যোগদান সম্বন্ধে কোনরূপ বিধি নিষেধ না থাকে তবে সেইখানেই সেটা হইবে সাধারণ আইনভঙ্গ। কোনো সাধারণ কাৰ্য্য সম্পাদনের জন্ত নিখিল সভা আশ্রিত হইলে তাহার ফলে যদি গ্রেপ্তারও চলে তবে তাহাকে আত্মরক্ষামূলক আইনভঙ্গ বলা হইবে; আর যদি গ্রেপ্তার হওয়া বা কারাগারে যাওয়ার উদ্দেশ্যেই নিখিল সভার অধিবেশন করা হয় তবে তাহা হইবে প্রতিদ্বন্দিতামূলক আইনভঙ্গ।

মহাত্মা গান্ধী সহজে কংগ্রেসের 'পাসপোর্ট' পান নাই। দুই দিন ধরিয়া তুমুল তর্কবিতর্কের পর প্রস্তাবটি গৃহীত হইয়াছে। বন্দোবস্ত প্রস্তাবগুলিতে দেশ যে বিরূপ হইয়া পড়িয়াছিল এই তর্কবিতর্কের বহরই তাহার প্রমাণ।

উত্তেজিত জন-সম্মত —

আমাদের অন্তর্গত নগরীর ডিষ্ট্রিক্ট কংগ্রেস-কমিটির পাবলিসিটি বোর্ড গত ১৭ই ফেব্রুয়ারী নিম্নলিখিত মর্মের একটি সংবাদ প্রেরণ করিয়াছেন:—

গত ১৫ই তারিখ যমুনামুখ নামক স্থানে একটি গুরুতর কাণ্ড ঘটয়া গিয়াছে। পুলিশ ছয়জন স্ত্রীলোককে গ্রেপ্তার করিয়াছিল। ডেপুটি কমিশনার বিচার করিয়া তাহাদিগকে ছয়মাস হিসাবে সশ্রম কারাদণ্ড দণ্ডিত করিয়াছিলেন। তাহাতে প্রায় পাঁচ শত লোক উত্তেজিত হইয়া সব-ডেপুটি কালেক্টরকে প্রহার করিয়াছে। ডেপুটি কমিশনার পলাইয়া টেশনে আসিয়া উপস্থিত হন। টেশন পন্থায় ধাওয়া করিয়াও ডেপুটি কমিশনারকে ধরিতে না পারিয়া জনতা অবশেষে রেল লাইন ভাঙিয়া ফেলিতে চেষ্টা করিয়াছিল। কিন্তু সেই সময় মেল টেন আসিয়া পড়ায় তাহাদের সে চেষ্টা ফলশ্রুতি হয় নাই। ইহার পর অনন্ত জনতা পুলিশ থানা হইতে তাহাদিগকে ছিনাইয়া লইয়া প্রস্থান করিয়াছে।

আমরা জনতার এ ব্যাহার বিচক্ষণ মর্মণ করি না। কিন্তু সভ্য কথা বলিতে হইলে এই কথাটি বলিতে হয়, এগুলি কর্তৃপক্ষের রক্ত-কর্মের অবশ্যপ্রাপ্ত ফল। আমাদের জনসাধারণের প্রতি যত্নপূর্ণভাবে আত্মচার চলিতেছে তাহাতে জনসম্মত উত্তেজিত হইয়া উঠা কিছুমাত্র বিচিত্র নহে। আমরা এখানে আত্মচারের কয়েকটি নমুনা তুলিয়া দিতেছি। পবনগুলি অনেকদিন প্রকাশিত হইয়াছে। এপন্থ্য কর্তৃপক্ষ তাহার কোনো প্রতিবাদ করেন নাই—অর্থাৎ কোনো প্রতিবাদ আমাদের গোথে পড়ে নাই।

শিবসাগরের ডিষ্ট্রিক্ট কংগ্রেস কমিটির পাবলিসিটি বোর্ড খবর দিয়াছেন, একজন শেতাঙ্গ ও একজন দেশীয় ম্যাজিস্ট্রেট প্রায় চারিশত সশস্ত্র গুণ্ডা লইয়া রামানু-পুখুরিয়া হইয়া শিবসাগরে আসেন। পথে পথে তাহারা নাকি কংগ্রেস ও পঞ্চায়ত আফিসগুলি টানিয়া

ভাঙ্গিয়া তাহাতে আগুন ধরাইয়া দিয়া আনিয়াছেন। রাত্তার ঊর্ধ্বাধি বারধরও চলাইয়াছিল।

শোড়হাটের অন্তর্গত ঊর্ধ্বাধি কংগ্রেস পাবলিসিটি বোর্ডের সেক্রেটারী সংবাদ দিয়াছেন—পত ১৭ই তারিখ আসাম জ্যালি রাইফেল নামক সেনাদলটি ঊর্ধ্বাধিতে আসিয়া উপস্থিত হয়। পরদিন উহারো আমশুরী ও ঊর্ধ্বাধি চা বাগানে যায়। এই দুই বাগানের কুলীরা ধর্মঘট করিয়াছিল। ১৮ই তারিখ বৈকালে দুই ডজন সৈন্তকে লিমুঙ্গুরী মৌজার পাঠানো হয়। তাহার প্রথমে খেচ্চাসেবক-দলের কাপ্তেন শ্রীযুক্ত রামেশ্বর ভট্টাচার্যের বাড়ী ঘেরাও করিয়া তাহার ভাইয়ের নিকটে ৫০ টাকা দাবী করে। ভট্টাচার্য মহাশয় বাড়ীতে ছিলেন না। তাহার জাতা টাকার পরিবর্তে একশত টাকা মূল্যের এক জোড়া সোনার কেউর ও একটা সোনার আংটি দিয়া অব্যাহতি লাভ করিয়াছেন। এই উপায়ে দুই ঘণ্টার ভিতর ৩৪খানা বাড়ী হইতে ৫৮০ টাকা সংগৃহীত হইয়াছে। কয়েকজন টাকা দিতে অস্বীকৃত হইয়াছিলেন। তাহাদিগকে ধরিয়া বেঙনেটখারী সৈন্তদলের ভিতর লইয়া ধাওয়া হয়। সৈন্তেরা তাহাদের প্রতি সন্দেহ খাড়া করিয়া রাখে। আশ্রয়েরা তখন টাকা দিয়া ইহাদিগকে খালাস করিয়া আনিয়াছেন। তারপর কংগ্রেস ও পঞ্চায়েৎ আফিস ভাঙ্গিয়া তাহাতে প্রবেশ করা হয়। সমস্ত ভগাটিয়ারের মাথার টুপী সৈন্তেরা কাড়িয়া লইয়াছিল। শ্রীযুক্ত কুশদেব গোস্বামী সকলের প্রত্যা-ভাঙ্গন ব্যক্তি। তাহাকে দিয়া জোর করিয়া সেলাম আদায় করানো হইয়াছে। তিনি সেলাম করিলে একজন অফিসার উপস্থিত জনগণকে সম্বোধন করিয়া বলেন, 'দেখো, তোমাদের গোস্বামী পর্য্যন্ত বিটপ রাজকে সেলাম করিল। তোমরা মনে রাখিও, এখন পর্য্যন্ত গান্ধী-রাজত্ব প্রতিষ্ঠিত হয় নাই।'

জনসাধারণের প্রতি যখন এই ধরণের অত্যাচার চলিতে থাকে তখন তাহাদের পরিণামের কথা ভাবিয়া কাজ করিবার মত মেজাজ থাকে না—কেবল এদেশের নহে, কোন দেশের জনসাধারণের তাহা নাই। অর্থসমস্যা ও অশান্তি নানা রকমের দুঃখ-দুর্দশার জনসাধারণের মর্নি তাতিয়াই আছে। এই বাকদের স্তূপে অত্যাচারের অগ্রিমুলিস্ত নিক্ষেপ করিলে তাহার ফল কি হয় তাহা বোঝা একান্তই সহজ। ভারতবর্ষের বর্তমান অশান্তি-উপদ্রবগুলির জন্ত পূর্ব্বমেটের দায়িত্ব-জ্ঞানহীন কর্তৃপক্ষীরা যতটা দায়ী জনসাধারণ ততটা নহে, ইহাই আমাদের বিশ্বাস।

'ত্রৈক্য' পঞ্চায়েৎ—

অযোধ্যার সাগুলা তহশিলে মাদারী পাশি নামক এক ব্যক্তি 'ত্রৈক্য' নামে একটি পঞ্চায়েৎ গঠন করিয়াছে। মাদারীর বাড়ী সাগুলা হইতে আট মাইল দূরে মোহনক্ষীরা নামক গ্রামে। মাদারীর অধীনে পাঁচছাত্রের ধুক-নড়-কোথারী অস্থচর আছে, সে এই-সব লোকদিগকে সঙ্গে লইয়া গ্রামে গ্রামে কথকতার প্রণালীতে 'ত্রৈক্য' মত প্রচার করিতেছে; এবং এক-একটি করিয়া পঞ্চায়েৎ বসাইতেছে। এই পঞ্চায়েৎ গ্রামের সকল বিবাদের মোমাংসা করে, মামলা করিবার জন্ত কাহাকেও আদালতে বাইতে দওয়া হয় না। ব্যয়নির্ব্বাহার্য গ্রামবাসীদের নিকট হইতে চারি আনা করিয়া চাঁদা আদায় করা হয়। কেহ তাহার দলভুক্ত হইতে অস্বীকার করিলে সে নাকি তাহার উপর নানা রকমের অত্যাচার সূত্র করিয়া দেয়। তাহার ক্ষেতের ফসল পাশিতে না পাকিতে কাটিয়া লইয়া যায়, ঘর জালাইয়া দেয়, কুপসকল অপবিত্র করে, হিন্দু ব্রাহ্মণের বাড়ীতে গরুর হাড় নিক্ষেপ করে। সে প্রজাদিগকেও

জমিদারের বিরুদ্ধে খাজনা বন্ধ করিবার জন্ত উত্তেজিত করিতেছে। এই সকল কারণে গত ২৪শে ফেব্রুয়ারী অযোধ্যার নিয়মতান্ত্রিক সভার তালুকদার সভাপন হরদোই জেলার সদরে এক সভা আহ্বান করিয়াছিলেন। তাহার বক্তব্য, ত্রৈক্য আন্দোলনকারীরা কেবল-মাত্র জমিদারদেরই বিরোধী নহে, তাহারো অত্যন্ত বিপ্লববাদী। সুতরাং গবর্নমেন্ট এই সময় মাদারীকে দমন করিতে না পারিলে তাহাদেরও বিপদের সীমা-পরিমীমা থাকিবে না। মাদারী জমিদার ও তালুক-দারদের বিশেষ ভয়ের কারণ হইয়া দাঁড়াইয়াছে। অনেক জমিদার ইতিমধ্যে ভয়ে গ্রাম পরিত্যাগ করিয়া অন্তর চলিয়া গিয়াছেন।

মাদারীকে খেপ্তার করিবার জন্ত বিশেষ চেষ্টা চলিতেছে। এই নিমিত্ত গবর্নমেন্ট একশত সশস্ত্র পুলিশ পাঠাইয়া দিয়াছেন। তাহাকে হানাস্তরিত করিবার জন্ত একখানি স্পেশাল ট্রেনও ট্রেনে সর্ব্বদা বজুত আছে। কিন্তু মাদারীকে বন্ধ করিবার জন্তও নাকি ২০,০০০ লোক প্রস্তুত হইয়া আছে। কেবলমাত্র সাগুলা তহশিলেই ৫০,০০০ লোক 'ত্রৈক্য' পঞ্চায়েৎ গ্রহণ করিয়াছে। আরো অনেক গ্রামে ইহার প্রভাব বিস্তারলাভ করিতেছে। 'ইংলিশম্যানের' সংবাদদাতা সংবাদ দিয়াছেন,—খেলাকৎ ভগাটিয়াররাও নাকি এই সব গ্রামে যাতায়াত করিতেছে। সংবাদদাতা লিখিয়াছেন—আন্দোলনকারীদের চেষ্টায় টিকারী-রাজের জমিদারীর ভিতর অত্যন্ত বিশৃঙ্খলার সৃষ্টি হইয়াছে। ছোট তরফের একজন পাটোয়ারী এই ব্যাপারে নিহত হইয়াছেন। আন্দোলনকারীরা রায়তদের কাছে ঘোষণা করিয়াছে, তাহারো যদি জমিদারদের খাজনা দিতে অস্বীকার করে তবে কয়েক-মাসের ভিতরেই খরাজ পাইবে। জমিদারদের কর্তৃত্ব অগ্রাহ করিবার জন্ত ও খরাজনাগ্রহে জন্ত সমিতিও গঠিত হইয়াছে। আন্দোলন-কারীরা প্রজাদের বুঝাইয়া দিচ্চেন, খরাজ পাওয়া গেলে জমিদারী প্রথা আর থাকিবে না—কাহাকেও খাজনা বা ট্যাক্সও দিতে হইবে না। এসমস্তই কিন্তু মাদারীর বিপক্ষ-পক্ষের কথা।

ইষ্ট ইণ্ডিয়া রেলওয়ে ধর্মঘট—

গত ২রা ফেব্রুয়ারী টুওলায় ইষ্ট ইণ্ডিয়া রেলওয়েতে যে ধর্মঘট সূত্র হইয়াছে এতদিনেও তাহার জের ঘেটে নাই। বরং ধীরে ধীরে তাহা এই দীর্ঘ রেল-লাইনের সর্ব্বত্র ছড়াইয়া পড়িয়াছে। অণ্ডাল, এলাহাবাদ, গয়া, নোগল-সরাই, অখালা, আসানসোল, বর্ধমান, বাঙল, গাজিয়াবাদ, পাটনা, মধুপুর, এক কথায় এই বহুবিধৃত রেল-লাইনটির দুই-চারিটা স্টেশন ছাড়া শ্রায় সব স্টেশনেই ইহার ডেউ গিয়া পৌঁছিয়াছে—সে ডেউ যেমন প্রবল তেমনি উত্তেজনার দ্বারা আছিল।

হঠাৎ যে কারণে এই ব্যাপারটা এমন করিয়া আত্মপ্রকাশ করিল তাহা রহস্যবৃত্ত। ধর্মঘটীরা বলিতেছে, গত ১লা ফেব্রুয়ারী একজন ইউরোপীয় 'ফোরম্যান' ও একজন ইউরোপীয় 'সাপ্টার' রামলাল নামক একটি 'কার্যমান'কে নির্দয়ভাবে প্রহার করে। কর্তৃপক্ষকে সে কথা জানানো হইয়াছিল। কিন্তু তাহারো ইহাদের অভিযোগের দিকে কোনো রকম নজর দেন নাই। সুতরাং ধর্মঘটীরা প্রতিকারের ব্যবস্থা আন্দোলনের হাতেই গ্রহণ করিয়াছে। কর্তৃপক্ষ বলিতেছেন, ধর্মঘটীন্দ্র এ অভিযোগ সর্ব্বৈব মিথ্যা। ডাক্তারের দ্বারা রামলালকে পরীক্ষা করানো হইয়াছিল। কিন্তু প্রহারের কোনো চিহ্নই তাহার দেহে আবিষ্কৃত হয় নাই। রামলাল মারা গিয়াছে বলিয়া যে গুজব উঠিয়াছে তাহাও একেবারে মিথ্যা।

এ ব্যাপারে কাহার কথা সত্য, কাহার কথা মিথ্যা তাহা ঠিক করিয়া বলা কঠিন; কিন্তু যাহার কথাই সত্য হোক না কেন, ইষ্ট ইণ্ডিয়া রেলওয়ের ধর্মঘট যে দেশের ভিতর বধেই অস্থবিধার সৃষ্টি করিয়াছে

তাহাতে সন্দেহ নাই—কেবলমাত্র জনসাধারণের বাতায়নের অস্থবিধা নহে, এই ব্যাপারে আরো অনেক রকমের অস্থবিধার সৃষ্টি হইয়াছে। কয়লার মর্হাৰ্ঘতা অসম্ভব রকম বাড়িয়া গিয়াছে এবং অত্যন্ত একান্ত প্রয়োজনীয় জিনিষের দামও অনেক স্থলেই আর পূর্বের অবস্থায় নাই। তাহা ছাড়া ইহা লইয়া দাক্তাহাস্যনাও কম হইতেছে না এবং সে দাক্তার ফলে কতকগুলি নির্দোষী লোককে ইতিমধ্যেই প্রাণ হারাইতে হইয়াছে।

এই ধর্মঘটের সম্পর্কে ভারতীয় শ্রমিকসঙ্ঘের সম্পাদক গত ২৭শে তারিখ আসানসোল হইতে লিখিয়াছেন—“ইষ্ট ইণ্ডিয়া রেলের আর সমগ্র লাইনটাতেই ধর্মঘট রহিয়াছে, অথচ মিটমাটের কোন চেষ্টাই হইতেছে না। প্রধান প্রধান রেলওয়ে-কর্মচারীরা সকলেই নিজ নিজ খেয়াল অনুসারে কাজ করিতেছেন। এজেন্ট ২০শে তারিখ যে বিজ্ঞাপন জারী করিয়াছেন, তাহা হইতে বোঝা যায় যে, ধর্মঘট সম্বন্ধে তিনি সম্পূর্ণ স্বতন্ত্র ধারণা পোষণ করিতেছেন। বর্তমানে ভারতীয় কর্মচারীদিগকে যে পারিশ্রমিক দেওয়া হয়, তাহাতে তাহাদের ব্যক্তিগত ব্যয়ও সঙ্কুলান হয় না। একথা বলিলে কিছুমাত্র অত্যাঙ্কি হয় না। ভারতীয় কর্মচারীদের দাবীও তেমন বেশী নহে অথবা তাহা অযৌক্তিকও নহে। কোনো কোনো এ্যাংলো-ইণ্ডিয়ান কাগজ, এমন কি কোনো কোনো উচ্চপদস্থ রেল-কর্মচারী ধর্মঘটের সমস্ত দায়িত্ব কংগ্রেস ও খেলাফতের ঘাড়ে চাপাইতে চেষ্টা করিতেছেন। কিন্তু প্রকৃত কথা আপনাই প্রকাশ পাইবে। আমাদের এখন আর কিছু বলিবারও প্রয়োজন নাই। আমরা খবরের-কাগজগুলাদিগকে অনুরোধ করিতেছি তাহারা যেন পবমেন্ট ও রেলওয়ে-কর্তৃপক্ষের মনে ধর্মঘটীদের সম্বন্ধে ভ্রান্ত ধারণা জন্মাইয়া দিতে চেষ্টা না করেন। জনসাধারণ অনতিবিলম্বেই সভ্য কথা সমস্তই জানিতে পারিবেন।”

শ্রমিকসঙ্ঘ ধর্মঘটের নিপত্তির জন্ত নিম্নলিখিত দাবীগুলি পেশ করিয়াছেন:—

- (১) রেল-কর্মচারীদিগকে এই সমিতির প্রতিনিধিত্ব স্বীকার করিতে হইবে।
- (২) ভারতীয় রেলওয়ে কর্মচারীদের মাহিনা শতকরা ২৫ টাকা হারে বাড়াইয়া দিতে হইবে।
- (৩) টুওলার অভিযোগের প্রতিকার করিতে হইবে এবং জাতিগত বৈষম্য দূর করিতে হইবে।
- (৪) বাঁঝার ব্যাপারে সম্বন্ধে রেলওয়ে কর্তৃপক্ষের সিদ্ধান্ত প্রকাশ করিতে হইবে।
- (৫) ধর্মঘটের জন্ত কর্মচারীদের চাকরীর সময়ের যে ধারাবাহিক ভাব রূপে হইল ও ধর্মঘটীদের যে আর্থিক ক্ষতি হইল, রেলওয়ে বোর্ডকে সেজন্ত শ্রমিকদের অনুকূলে বিচার-বিবেচনা করিতে হইবে।

ধর্মঘটের বাহিরের কারণ যাহাই হোক, ভিতরের কারণ যে অন্ন-সমস্তা, আত্মসম্মান-সমস্তা তাহাতে কিছুমাত্র সন্দেহ নাই। এই দুইটি সমস্তার সীমানার জন্ত মনের ভিতর তাগিদ আসাও একান্তই স্বাভাবিক। ভারতীয় ও ইউরোপীয়গণ একই মনিবের অধীনে একই প্রকারের কাজ করে; অথচ ইউরোপীয়গণ যেসব সুখ সুবিধা ভোগ করিতেছে তাহার কণামাত্রও ভারতবাসীরা পায় না। ইহাতে জাতি-বিষেবের সৃষ্টি হওয়া কিছুমাত্র অস্বাভাবিক নহে। কর্তৃপক্ষ কংগ্রেস ও খেলাফতের ঘাড়ে দোষ চাপাইয়া খালাস হইতে চাহেন—হয়ত কুটনীতির সাহায্যে এবারকার ধর্মঘট মিটিয়াও বাইতে পারে কিন্তু তাহাতে ভবিষ্যতের কঠিনতর বিপদের সম্ভাবনা দূর হইবে না—এ কথাই এইবার এইখানেই বুঝিবার সময় আসিয়াছে।

শ্রীহট্টে গুলি—

শ্রীহট্টের কানাইয়ের হাটে গুলি চালানোর সম্বন্ধে যে সরকারী ইত্তাহার বাহির হইয়াছে তাহাতে নিম্নলিখিত ধবরটি প্রকাশিত হইয়াছে।—

গত ১৫ই ফেব্রুয়ারী কানাইয়ের হাটে একটি সভা আহ্বান করা হইয়াছিল। উদ্ঘোক্তাদিগকে পূর্নাক্রমেই বলিয়া দেওয়া হয় তাহারা বিনা অনুমতিতে যেন সভা না করেন। তবে তাহারা যদি প্রতিশ্রুতি দেন সভার কোনোরূপ রাজনৈতিক আলোচনা হইবে না তাহা হইলে তাহাদিগকে সভা করিবার অনুমতি দেওয়া হইবে। ইহা সম্বন্ধে কেহই কর্তৃপক্ষের অনুমতি গ্রহণ করেন নাই। বেলা ১০টা হইতে লোক জমিতে আরম্ভ হয়; স্থানীয়তালির কমিশনার তখন কানাইয়ের হাটে তাগুতে ছিলেন, সংবাদ পাইয়াই তিনি সভাস্থলে উপস্থিত হন—তাহার সঙ্গে ছিলেন এক্স্ট্রা-এ্যাগিষ্ট্যান্ট কমিসনার মৌলবী মহম্মদ চৌধুরী এবং ৩০ জন মশয় পুলিশ ও ১২ জন নিরস্ত্র পুলিশ। তিনি ঘটনাস্থলে উপস্থিত হইয়াই জনসাধারণকে স্বকারণে আদেশের মর্মে বুঝাইয়া দেন। জনতাকে ছত্রভঙ্গ হইবার জন্ত ৭ মিনিট সময় দেওয়া হইয়াছিল। এই সময় অতিবাহিত হইবার পর পুলিশ জনতাকে ঘিরে ঘিরে ঠেলিয়া দিতে থাকে। অর্ধহু জনতা তখন বাণ লইয়া পলায়ন হইতে আরম্ভ করে এবং তিল মিক্ষেপ করিতে থাকে। তখন পুলিশকে বলপূর্বক জনতা ছত্রভঙ্গ করিয়া দিবার আদেশ দেওয়া হয়। এই সময় কমিশনার চারিদিক হইতে লাঠির দ্বারা আক্রান্ত হন। এই অবস্থায় পড়িয়া তিনি বাধ্য হইয়াই গুলি চালাইতে হুকুম দিয়াছিলেন। জনতা তখনকার মত ছত্রভঙ্গ হইয়া যায় বটে, কিন্তু পুলিশ যখন খানায় ফিরিয়া আসিতেছিল তখন তাহাদিগকে আবার আক্রমণ করে। তখন পুলিশ বাধ্য হইয়া আবার গুলি চালাইয়াছিল। জনতার লোকেরা একজন কন্ঠেবলের হাত হইতে বন্দুক কাড়িয়া লয়, তাহা ছাড়া দুই-জন কন্ঠেবল দল হইতে বিচ্ছিন্ন হইয়া যখন নদী পার হইতে চেষ্টা করিতেছিল তখন তাহাদিগকে প্রহারের চোটে হত্যা করে। সন্ধ্যার সময় জনতা আপনাই ছত্রভঙ্গ হইয়া যায়। মোট তিনজন কন্ঠেবল এবং আটজন গ্রামবাসী এই ব্যাপারে নিহত হইয়াছে—আহত হইয়াছে কয়েকজন।

এই রিপোর্ট পড়িলে মনে হয়, পুলিশ অত্যন্ত অস্বাভাবিক শাস্ত্র সুশীল বালক, কোনোরূপ ছুরতপনা তাহারা করিতে জানে না—করাও তাহাদের পক্ষে সম্ভবপর নহে। বলা বাস্তব্যে সরকারী রিপোর্টটির সহিত বেসরকারী রিপোর্টটির মধ্যেই প্রভেদ আছে। কিন্তু এই পার্থক্য জিনিষটা কিছুমাত্র নুতন নহে। ইতিপূর্বেও এই ধরণের প্রায় প্রত্যেকটি ব্যাপারে এ পার্থক্য দেখা গিয়াছে এবং তাহা লইয়া আমরা আলোচনাও করিয়াছি বিস্তর। হুহুরাং সেই বহু আলোচিত বিষয়টি লইয়া আবার নুতন করিয়া আলোচনা করা নিয়োজন বলিয়াই মনে করি।

ভারত-গবর্ণমেন্টের বাজেট

গত পরলা মার্চ দিল্লীতে ভারতীয় ব্যবস্থাপক-সভার ভারত-সরকারের রাজস্ব-সচিব সার মঞ্জুম হেল ১৯২২-২৩ সালের বাজেট উপস্থিত করিয়াছিলেন। গত বৎসর গবর্ণমেন্টের আর্থ অপেক্ষা ব্যয় হইয়াছে ৩৪ কোটি টাকা বেশী। ২০ কোটি টাকার উপর রাজস্ব কম আদায় এবং ১৪ কোটি টাকার উপর খরচ বাড়িয়া যাওয়াই ইহার কারণ। তিনি হিসাব খতাইয়া দেখাইয়া দিয়াছেন, শুধু সওয়া চার কোটি টাকা, আরকর ও লবণ-স্বকের প্রত্যেকটিতে ১০ লক্ষ টাকা, আফিংএ ৭০ লক্ষ টাকা এবং ডাক ও টেলিগ্রাফে দেড় কোটি টাকার রাজস্ব কম আদায় হইয়াছে। রেলের খরচের জন্ত বাজেটে

যত টাকা ধরা হইয়াছিল, তাহা হইতে বেশী ধরচ হইয়াছে ৭১০ কোটি টাকা, এবং বাটার জন্ম ধরচ হইয়াছে পৌনে চার কোটি টাকা। ইহা ছাড়া ওয়াশিংটনের সামরিক অভিযানের ধরচ অতিরিক্ত পৌনে তিন কোটি টাকা লাগিয়াছে।

বর্তমান বৎসরের জন্ম বে বাজেট তৈরী করা হইয়াছে তাহার অবস্থাও বিশেষ ভালো নহে। নূতন বাজেটে রাজস্ব ধরা হইয়াছে ১১০৥ কোটি টাকা কিন্তু ব্যয়ের পরিমাণ অনুমান করা হইয়াছে ১৪২৥ কোটি টাকা। সুতরাং আয়-ব্যয়ের হিসাব-নিকাশের শেষে তহবিলে আর ৩২ কোটি টাকা কম পড়িবে বলিয়া মনে হইতেছে।

এই কমতি টাকা পূরণের জন্ম স্থার ম্যাল্কম হেলী নিম্নলিখিত ব্যবস্থাগুলির প্রস্তাব করিয়াছেন।—

রেলযাত্রীদের ভাড়া শতকরা ২৫ টাকা হারে বাড়ানো হইবে।

এক পয়সার পোস্টকার্ডকে দুই পয়সা করা হইবে। খামের চিঠির ডাকমাণ্ডল বাড়াইয়া চারি পয়সা করা হইবে, দুই পয়সা ও তিন পয়সার ডাক-টিকট থাকিবে না।

সাধারণ আন্দানী পণ্যের আনুমানিক দামের অনুপাতে শুষ্ক শত-করা ১১ টাকা হইতে ১৫ টাকা এবং তুলার বাণিজ্য-শুষ্ক সাড়ে তিন টাকা হইতে সাড়ে সাত টাকা করা হইবে। চিনির কর শত-করা ১৫ হইতে বাড়িয়া ২৫এ উঠিবে এবং আন্দানী স্থতার উপর শতকরা ৫ টাকা হিসাবে কর বৃদ্ধি করা হইবে।

কলকজা, যমুপাতি, লৌহ, ইস্পাত এবং রেলওয়ের আবশ্যকীয় জব্যাদির শুষ্ক আড়াই টাকা হইতে শতকরা দশ টাকা বাড়ানো হইবে।

বিয়ার, লিকার ও স্পিরিটের শুষ্ক শতকরা কুড়ি টাকা বাড়িবে।

বেশলাহ ও লবণের শুষ্ক বাড়িয়া দ্বিগুণ হইবে।

বিলাসদ্রব্যে ২০ টাকার স্থলে ৩০ টাকা হিসাবে কর দিতে হইবে।

কেরোসিন, পেট্রোলিয়াম, আয়কর, স্থপার-ট্যাক্স প্রভৃতির উপরেও কর বৃদ্ধি করা হইবে। এই উপায়ে ২০ কোটি টাকা রাজস্ব বাড়াইবার এক ফার্মাণ্ড স্থার ম্যাল্কম হেলী ভারতীয় ব্যবস্থাপক-সভায় পেশ করিয়াছেন।

স্থার ম্যাল্কম হেলী বলেন, নূতন ব্যবস্থায় সকলপ্রকার খরচের মাত্রাই বিশেষ পারমাণে কমানিয়া দেওয়া হইয়াছে। সমগ্র জগতের টাকাকড়ির বাজারের বর্তমান অবস্থাই ভারতের এই গোলযোগের কারণ। ব্যবসার বাজার যে এমন মন্দা পড়িবে সে অনুমান পূর্বে কিছুতেই করতে পারা যায় নাই। ব্যয়ের অনুপাতে রাজস্ব বৃদ্ধি করাই এ অবস্থার প্রাণকায়ের একমাত্র উপায় এবং ভারত এই উপায় অবলম্বনে দ্বিধা করিতে পারে না।

একপ অদ্ভুত রকমের বাজেট এই দেশেই সম্ভবপর। ব্যয়-সঙ্কোচের দিকে যে-সংগমেটের দৃষ্টি নাই তাহার আয়ের একে শূন্য পড়াই স্বাভাবিক এবং ঋণ ভার পাহাড়-প্রমাণ বাড়িয়া উঠিয়া তাহার দেউলিয়া হইয়া পড়া কিছুমাত্র বিচিত্র নহে। লাট-বেলাট হইতে আরম্ভ করিয়া, সেক্রেটারী আওয়ার-সেক্রেটারী, জন্ম ম্যাজিস্ট্রেট, পুলিশের ছোট-সাহেব বড়-সাহেব সকলের মাহিনা ইহাকে যেভাবে বহন করিতে হয় তাহা অদ্ভুত, ইহার সৈন্তাভাগের ব্যয়ভার অদ্ভুত। ইহার হিসাবনিকাশ খরচের রাত-পাকাত অদ্ভুত। কয়েকটি নমুনা দিতেছি।

ভারতবর্ষের সরকারী অর্থভাণ্ডারের অবস্থা যখন 'গল্পভুক্ত কপিখের' স্থার তখনই দিল্লীতে রাজধানী তৈরীর ব্যবস্থা চলিতেছে। এই রাজধানী তৈরী ব্যাপারের রিপোর্টগুলিতে খরচের যে অঙ্ক এ পর্যন্ত প্রকাশিত হইয়াছে তাহা দেখিলে চম্পাশ্বর হইয়া যায়।

এবারকার এই অসম্ভব বাজেট তৈরী করিবার সময়ও একজন দুই কোটি টাকা ধরা হইয়াছে।

প্রত্যেক জেলার একজন করিয়া ম্যাজিস্ট্রেট থাকি সবেও ইহার শাসনের জন্ম প্রত্যেক বিভাগের উপর আবার একজন করিয়া কমিশনার আছেন। তাহার মাহিনা মাসে আর ৩০০০ টাকা অর্থাৎ বৎসরে ৩৬,০০০ টাকা। এ ব্যাপারটা বে কিরূপ, এক বাংলার দৃষ্টান্ত হইতেই তাহা বুখাইয়া দিতেছি। বাংলার পাঁচটি বিভাগ আছে। সুতরাং কমিশনারদের মাহিনা-বাবদ তাহাকে ব্যয় করিতে হয় বৎসরে ৩৬×৫=১৮০ অর্থাৎ একলক্ষ আশী হাজার টাকা। অথচ এই কমিশনারের পদটি বে একেবারে নিরর্থক তাহা বলাই বাহুল্য।

নূতন ব্যবস্থায় প্রত্যেক প্রদেশে চারিটি করিয়া একজিকিউটিভ কাউন্সিলারের পদ স্থষ্টি হইয়াছে, তাহার মাহিনা পান প্রত্যেকে মাসে ৫,৩৩৩ টাকা। মন্ত্রী নির্বাচিত হইয়াছেন তিনজন করিয়া, তাহাদেরও প্রত্যেকের মাহিনা মাসে ৫,৩৩৩ টাকা। তাহা ছাড়া সেক্রেটারী আওয়ার-সেক্রেটারীর ত অভাবই নাই। কিন্তু এই যে এত টাকার নূতন ব্যবস্থা, ইহা সেকালের লেফটেন্যান্ট গবর্নরের আমলের সেক্রেটারী আওয়ার-সেক্রেটারী, মন্ত্রী, কাউন্সিলারের বাহ্যামুখ গবর্নমেন্ট অপেক্ষা স্থানমানে এবং প্রজার সুখসোয়াস্তি-বিধানে যে বেশীদূর আগাইয়া গিয়াছে তাহা মনে করিবার কোন কারণ নাই। দুর্দুর্লভতা এবং দারিদ্র্যের হাহাকার এখন যেভাবে বাড়িয়া উঠিয়াছে সে সময় কখনো বে তেমন ভাবে আত্মপ্রকাশ করিয়াছে ইতিহাস তাহার সাক্ষ্য প্রদান করে না।

এখনকার শাসনের দণ্ডমুণ্ডের কর্তাদিগকে সংগ্রহ করা হয় বেশীর ভাগই বিলাত হইতে। তাহার চাকরী যখন করেন তখন হাতীর খোরাক শ্রাঘ্য পাওনা বলিয়াই গ্রহণ করেন এবং কর্তব্যসানে বিলাতে বসিয়া আমাদের আক্কেলসেলামী তাহাদের পেন্সনের টাকাকুলি পকেটস্থ করিতে কিছুমাত্র ইতস্তত করেন না। দেশবাসীকে শাসন-যন্ত্রের কাণ্ডখানা-ঘরে প্রবেশ করিতে অনুমতি দিলে এই পেন্সনের টাকাকুলি, অন্ততঃ বিদেশে চড়িয়া যাইবার অবকাশ পাইত না।

সৈন্ত-বিভাগের ব্যয়ভারের সম্বন্ধে কোনো কথা না বলাই ভালো, কারণ তাহাতে অবাক হইবার যতটা মাল-মশলা আছে কথা বলিবার তেমন কিছু নাই। তবে দুঃখ এই, এত টাকা ব্যয় করিয়াও আমাদের সীমান্ত-শীতি, চীন-জাপান-রাশিয়া-শীতি সেকালের বাংলার বর্গী-শীতির মতই প্রবল হইয়া আছে।

স্থার ম্যাল্কম হেলী যে ব্যয়সঙ্কোচের কথা বলিয়াছেন, তাহার স্বরূপ কি—এই ধরণের অনংখ্য নমুনাই তাহার দৃষ্টান্ত।

কিন্তু এ সঙ্কোচের নমুনা যতই অদ্ভুত হোক না কেন, তাহা অপেক্ষাও বেশী অদ্ভুত হইতেছে ইহাদের করবৃদ্ধির ব্যবস্থাটা। দরিদ্রের অস্থায়ী বর্তমানে যথেষ্ট রকম শোচনীয়। এই ব্যবস্থায় সে দারিদ্র্য আরো দুঃসহ আরো দুর্বহ করিয়া তোলা হইবে। অনেকে হুন-স্তাত ধাইয়া দিন-গুজরান করিত, অতঃপর সে হুনও তাহাদের ভাগ্যে জুটিবে না। কাপড়ের অভাবে লোচ ইতিমধ্যেই আর দিগম্বর হইয়া উঠিয়াছে, ইহার পরেও যদি কাপড়ের দাম বাড়ি তবে লোকের অবস্থা কি হইবে বোঝা কঠিন নহে। এইরূপ এই নূতন বাজেটের অনেক ব্যাপার হইতেই দেখানো যায় কর বাড়াইবার সময় রাজস্ব-সচিব এদেশে জনসাধারণের সুখদুঃখের প্রতি কিছুমাত্র মনন দেন নাই। নন-কো-অপারেশনের নেতারা গবর্নমেন্টের কর বন্ধ করিবার চেষ্টা করিয়া বার বার বার্ষ হইয়াছেন। কিন্তু এবার তাহাদের বিনা চেষ্টায়, বাধ্য হইয়া জন-সাধারণ কর বন্ধ করিবে, তাহার সম্ভাবনা দেখা দিয়াছে। নূতন

হইরাছে। আরে ৭০ লক্ষের উপর কম পড়িয়াছে। তন্মধ্যে ৫২ লক্ষ টাকা খাজনা, আবগারী ও ট্যাক্সে কম হইয়াছে। ব্যয়ের দিকে ৬৮ লক্ষ টাকা খরচ কম হইয়াছে। আগামী বৎসরের জন্য যে বজেট হইতেছে তাহাতে আয়ের দিকে কিছু উন্নতি হইবে এবং খরচের দিকে আরও কমান হইবে। ফলে ১২০ লক্ষ টাকা মোট কম পড়িবে। এই টাকা গভর্নমেন্ট ট্যাক্স বসাইয়া উঠাইতে চাহেন।

কিন্তু গভর্নমেন্ট আশা করেন ইহার পর অর্থের অন্তরায় অন্য বেগ পাইতে হইবে না। যদি কাউন্সিল ট্যাক্স-বিল পাশ করেন তবে ভবিষ্যতে খরচ বাদে কিছু টাকা বাঁচিয়া যাইবে। কিন্তু উক্ত বিল এখনও পাশ হয় নাই। সেকারণ উক্ত বিল পাশ হওয়ার পর কাউন্সিলে একটি অতিরিক্ত বজেট উপস্থিত করা হইবে। সেই সময় গভর্নমেন্ট দেখাইবেন বাড়তি টাকা তাহার কিস্তি ভাবে ব্যয় করিবেন। নিলেক্ট কমিটির পরিবর্তিত প্রস্তাব অনুসারে ১৪০ লক্ষ পাওয়া যাইতে পারে। তাহাতে ২০ লক্ষ বাড়তি থাকিবে।—মোহাম্মদী।

আয়বৃদ্ধি।—বাঙ্গলা-গভর্নমেন্ট ব্যয় হ্রাস করিয়া ৯০ লক্ষ টাকা বাঁচাইয়াছেন। ভারত-গভর্নমেন্টের নিকট হইতে ৬০ লক্ষ টাকা পাওয়া গিয়াছে। পিয়েটার, যোড়-দৌড় প্রভৃতির উপর ট্যাক্স স্থাপন করিয়া ২৫।৩০ লক্ষ ও স্ট্যাম্পের হার বেশী করিয়া ৪০ লক্ষ এবং কোর্ট-ফি বৃদ্ধি করিয়া ৮০ লক্ষ টাকা আয় বৃদ্ধি করার প্রস্তাব হইয়াছে। ঐ তিন প্রকার ট্যাক্স হইতে ১।০ কোটি টাকা আয় হইবার সম্ভাবনা। ব্যয় হ্রাস করিয়াও ৯০ লক্ষ টাকা ও ভারত-গভর্নমেন্টের নিকট হইতে প্রাপ্ত ৬০ লক্ষ টাকা অর্থাৎ ১ কোটি ৫০ লক্ষ টাকা আয় হইবে। সুতরাং ৩ কোটি ৩ লক্ষ টাকা গভর্নমেন্টের হস্তগত হইবে। আয় অপেক্ষা ব্যয় প্রায় ২।০ কোটি টাকা বেশী হইবে বলিয়া অনুমান করা হইয়াছিল। ব্যয় সংক্ষেপ, ট্যাক্স স্থাপন ও ভারতগভর্নমেন্টের প্রদত্ত অর্থ, এই তিন উপায়ে ব্যয় নির্বাহ হইয়া গভর্নমেন্টের হস্তে ৫০ লক্ষের বেশী টাকা মজুত থাকিবে।

—সঞ্জীবনী।

স্বাস্থ্য-কথা—

স্বাস্থ্য-বিভাগের বেন্টলি সাহেব কিছুদিন আগে বলেছেন যে, বাংলার সাড়ে চারকোটি নর-নারীর মাঝে তিন কোটি লোকই ম্যালেরিয়ায় ভুগে। তিনি বলেছেন, যে প্রাণী অবলম্বন করে পানামা হতে ম্যালেরিয়া তাড়ান হয়েছে, বাংলা দেশে সেই উপায়ে ম্যালেরিয়া তাড়াতে হলে কম করে'ও আঠার কোটি টাকা লাগে। ম্যালেরিয়া সংক্রমে বেন্টলি সাহেব বহু গবেষণা করেছেন, অনেক খড়-কাঠ পুড়িয়েছেন; কিন্তু তবু একটা হিন্দিস পাননি—অথচ পপুলার মিনিষ্টার সুরেন্দ্রনাথ এক বক্তৃতায় স্পষ্ট সীমাংসা করে' দিলেন। হাওড়ায় টাউনহলে তিনি বলেছেন, আমোদপ্রমোদের ওপর যে নৃতন কর স্থাপন করা হবে, তা' থেকে আর অন্য উপায়ে দুই কোটি টাকা পাওয়া যাবে। সরকার তার কিছু অংশ রেখে দিয়ে বাকী টাকা জেলা-বোর্ডকে কর্ত্ত দেবেন। জেলা-বোর্ড এই টাকার সুদ দেবেন, আর আসলও কিছু কিছু শোধ ক'বেন—আর এই টাকা দিয়ে পানীর জলের আর ড্রেনের সুব্যবস্থা ক'বেন। বাপের সুপুত্র হয়ে ম্যালেরিয়া দেশ ছেড়ে পালাবে। বাংলার বসনদে বসবার সময় লর্ড রোনাল্ডশেও বলেছিলেন, বাংলা দেশ হতে ম্যালেরিয়া তাড়িয়ে দেবেন। তাঁর শাসন-কাল পূর্ণ হবার সময়ই বেন্টলি সাহেব যোষণা ক'লেন যে বাংলার সাড়ে চার কোটি লোকের মাঝে তিন কোটি লোকই ম্যালেরিয়ায় ভোগে আর ৮০ লক্ষ করে' লোক বছর বছর মরে।

বক্তৃতায় যদি দেশোদ্ধার হয়, লোকের প্রাণে যদি সাত্বিক ভাব গলার, তা হলে ম্যালেরিয়াই বা বিদূর হ'বে না কেন?—বিজলী।

হাসপাতালের রোগীর সংখ্যা।—১৯২০ সালে হাসপাতালের হাজার রোগীর মধ্যে ৩১৭ জন ম্যালেরিয়া দ্বারা আক্রান্ত হইয়া চিকিৎসার জন্য হাসপাতালে গিয়াছিল। ১৯১৯ সালে ১৯,৭২,৩০০ ম্যালেরিয়া-রোগী হাসপাতালে গিয়াছিল, কিন্তু ১৯২০ সালে ঐ রোগীর সংখ্যা ২২,৭০,০০০ হইয়াছিল। বসন্ত-রোগীর সংখ্যা ১৫০৫ হইতে ১৮৪৮, পেগ-রোগীর সংখ্যা ১১৮ হইতে ১০৬৭, উপদংশ-রোগীর সংখ্যা ৬৪,২১১-এর স্থলে ৭০,৬১৬, বন্স-রোগীর সংখ্যা ৫০৪৭ হইতে ৫৮২৪, কালাজ্বরের রোগীর সংখ্যা ৩১২৮ হইতে ৫৫০১, কুষ্ঠরোগীর সংখ্যা ৯৭৪ হইতে ১০১৬ হইয়াছিল। কেবল ইনফ্লুয়েঞ্জা-রোগীর সংখ্যা আলোচ্য বর্ষে হ্রাস হইয়াছে। তবুও ৭১৭১০ জন রোগী হাসপাতালে গিয়াছিল। যত লোক ব্যাধিগ্রস্ত হয় তাহার অল্পসংখ্যকই চিকিৎসার্থ হাসপাতালে যাইয়া থাকে।—সঞ্জীবনী।

বস্ত্রের কথা—

খন্দর-প্রচার সমিতি।—অন্ত আমরা "খন্দর-প্রচার সমিতির" স্থাপন কার্য সম্পন্ন করিলাম। শ্রীযুক্ত অন্নদাচরণ দাস, যিনি বরিশাল ধর্মঘটের সভাপতি ছিলেন তিনি এই সমিতির কার্যাব্যক্ষ হইতেছেন। তাহার যত্নে এই সমিতি স্থাপিত হইল। ইহাতে খন্দর সূতা ও তুলা ইত্যাদি পাওয়া যাইবে। চট্টগ্রামের প্রস্তুত কাপড় এবং বিক্রমপুর বয়ন বিভাগের প্রস্তুত কাপড় এই সমিতিতে পাওয়া যাইবে। আশা করি দেশ-বাসীগণ এই সমিতির প্রতি সহানুভূতি প্রদর্শন করিবেন। ইতি ১৮/২/২২

শ্রীহরদয়াল দাস—সভাপতি বঙ্গীয় প্রাদেশিক কংগ্রেস কমিটি,

শ্রীস্বর্ধাকুমার সোম, শ্রীযতীন্দ্রমোহন সেনগুপ্ত, শ্রীসাতকড়িপতি রায়।

সমিতির ঠিকানা

১৭২, গারিসন রোড, শিয়ালদহ, ঢাকা।

—মোহাম্মদী।

সদনুষ্ঠানে দান—

রায়সাহেব শ্রীযুক্ত গৌরনিতাই শাহা মহাশয় সম্প্রতি তাহার কস্তার বিবাহ উপলক্ষে নিম্নলিখিত প্রতিষ্ঠানগুলিতে নিম্নলিখিতরূপ অর্থ দান করিয়াছেন। আমরা ধনী মাত্রকেই রায়সাহেবের এরূপ সংদৃষ্টান্ত অনুকরণ করিতে অনুরোধ করি:—১। অনাথ আশ্রম ৫০, ২। ইডেন হাই স্কুল ৫০, ৩। পাগলা কাটক ১০০, ৪। সেবাস্রম ২৫, ৫। রামকৃষ্ণ মিশন ২৫, ৬। জ্ঞানজ্ঞান ফি বোর্ডিং ২৫, ৭। বোবাস্কুল ৫০, ৮। রামমোহন লাইব্রেরী ২৫।—ঢাকাপ্রকাশ।

বরিশালের মুকুন্দ দাসের যাত্রাগানের টিকিট বিক্রয় করিয়া যে টাকা উঠিয়াছে, তন্মধ্যে একহাজার টাকা ত্রিপুরা কংগ্রেস কমিটির হস্তে চরকা বিতরণের জন্য প্রদত্ত হইয়াছে।—ঢাকাপ্রকাশ।

সাহিত্য-সংবাদ—

বঙ্গীয় সাহিত্য-সম্মিলন।—আগামী বৎসর বৈশাখ মাসে মেদিনীপুর সহরে ইষ্টারের ছুটিতে বঙ্গীয় সাহিত্য-সাম্মিলনের অধিবেশন হইবে। প্রধান সভাপতি হইবেন সত্যেন্দ্রনাথ ঠাকুর মহাশয়। ইতিহাস শাখার পণ্ডিত অমূল্যচরণ বিভাভূষণ, বিজ্ঞান শাখার ডাক্তার চুণীলাল বহু এবং দর্শন শাখার পূর্ণেন্দুনারায়ণ সিংহ মহাশয় সভাপতির আসন গ্রহণ করিবেন। প্রকাশ, যদি বার্কিকা-প্রযুক্ত সত্যেন্দ্র-বাবু সভাপতির আসন গ্রহণ করিতে স্বীকার না করেন, তবে অক্ষয়কুমার মৈত্রেয় মহাশয়কে ঐ পদে অভিযুক্ত করা হইবে। বশোহরের ভূতপূর্ব জেলা ম্যাজিস্ট্রেট স্বর্ধাকুমার অগস্তী মহাশয় অধ্যক্ষনা সভার সভাপতি নির্বাচিত হইয়াছেন। রায় বতীন্দ্রনাথ চৌধুরী, হীরেন্দ্রনাথ দত্ত প্রভৃতি মনীষীগণ সম্মিলনে প্রবন্ধ পাঠ

৬ষ্ঠ সংখ্যা]

করিবেন। লেখকলেখিকাগণ মেদিনীপুরে প্রবন্ধ, কবিতা ইত্যাদি পাঠাইতে পারেন।—হিন্দুস্থান।

অধঃপতিত হিন্দুসমাজ—

আনন্দময়ী বোল বছরের এক গৃহস্থবধূ। বড় সাধ করে' অনেক আশা নিয়ে সে স্বামীর ঘর করতে আসে। স্বামী নগেন্দ্র ভাঙ্গুড়ী রোজ রোজই তার কাছে টাকা দাবী করে। আনন্দময়ী টাকা দিতে না পেয়ে পতি-দেবতার পীড়ন নীরবে সহ করে। নগেন্দ্র পত্নীর কাছে টাকা না পেয়ে তারি চটে যায় এবং তার মা ও বোনের সঙ্গে যুক্তি করে' আনন্দময়ীকে ছাড়ের ওপর এক চালা-ঘরে বন্ধ করে রাখে এবং দিনান্তে একশুঠা করে' ভাত দেবার ব্যবস্থা করে।

আনন্দময়ীর বাপ মেয়ের খবর না পেয়ে নিজে এসে উপস্থিত হন। তাঁকে বলা হয় যে, তাঁর মেয়ের স্বাস্থ্য ভালো নয় বলে' তাকে হাওয়া বদলাবার জন্ত স্থানান্তরে পাঠানো হয়েছে। পিতা তাতেই আশ্বস্ত হয়ে কিরে' যান। এদিকে মারপিট অভ্যাসের মাত্রা এত বেড়ে ওঠে যে, পাড়ার লোকেরা তা জানতে পেয়ে আনন্দময়ীর পিতাকে চিঠি লেখেন। কিন্তু ভুললোক এসে মেয়ের সঙ্গে দেখা কবতে তো পাবলেনই না, অধিকন্তু তাঁকে বাড়ী থেকে তাড়িয়ে দেওয়া হোলো।

আনন্দময়ীর বাপ তখন পুলিশের সাহায্যে ছাড়ের ওপরকার ঘর হতে কত্থাকে উদ্ধার করেন। আনন্দময়ী রক্তধার চালা-ঘরে অজ্ঞানের মত পড়ে ছিল—তার সারা গায়ে ক্ষতচিহ্ন প্রকাশ। তাঁকে তখনই হাসপাতালে পাঠানো হয়। তার অবস্থা নাকি সঙ্কটজনক।

বাংলার নারীদের তপ্তাশ্রু পৈরিক ধারার মত বাংলার সুখশান্তি সবই পুড়িয়ে দেবে।—বিজলী।

ঘটনাবলী সহিত আরো অনেক বিশী ব্যাপার জড়িত আছে বলিয়া প্রকাশ। এ ঘটনাটি কোনক্রমে বাহির হইয়া পড়িয়াছে। ইহা ছাড়াও লোকচক্ষুর অর্গোচরে আমাদের সমাজে বধূর প্রতি বাগুড়ী বা ননদের অনেক ছোট-বড় অভ্যাসের সাধিত হইয়া থাকে। এ-সমস্তের প্রতিকারের একমাত্র উপায় শ্রী-শিক্ষার প্রসার ও শ্রীলোকের আর্থিক স্বাধীনতা লাভ। শিক্ষাই শাস্ত্রী ননদের অভ্যাস-ইচ্ছাকে সুবিবেচনার পরিণত করিতে পারে এবং আর্থিক স্বাধীনতা পীড়িতাকে আশ্র-পোষণের ক্ষমতা দিতে পারে।

হিন্দুসমাজের ঔদার্য্য—

মুসলমানকে হিন্দুধর্মে গ্রহণ।—মোপ্‌লারা যে সমস্ত হিন্দুকে জোরপূর্ব্বক মুসলমান ধর্মে দীক্ষিত করিয়াছে তাহাদিগকে পুনরায় দীক্ষা দেওয়া যায় কি না এবং হিন্দুসমাজে তাহারা পুনরায় হিন্দুধর্মে গৃহীত হইতে পারে কি না তাহার সম্বন্ধে ভারতের শ্রেষ্ঠ স্মার্ত্ত পণ্ডিতগণের মতামত গ্রহণ করিয়া ভারত-ধর্ম্ম মহাসঙ্ঘল জানাইয়াছেন যে, স্মৃতিশাস্ত্রানুসোদিত ব্যবস্থানুসারে যথারীতি প্রারম্ভিত করিলে হিন্দুসমাজে পুনরায় তাহাদিগকে গ্রহণ করা বাইতে পারে।—হিন্দুস্থান।

স্বাদেশিকতার প্রসার—

অসহযোগ ও আইনভঙ্গ সম্বন্ধে ব্যবস্থাপক সভায় আলোচনা।— বঙ্গীয় ব্যবস্থাপক সভায় হেনরী হইলার উত্তর করেন, সারা বঙ্গদেশেই অসহযোগ আন্দোলনের প্রভাব বিস্তার হইয়াছে, তন্মধ্যে রঙ্গপুর, চট্টগ্রাম, বোরাখালী, ঢাকা, ফরিদপুর, বাগেরগঞ্জ, হাওড়া, পাবনা ও বীরভূম জেলার বেশী; মেদিনীপুর, হুগলী এবং বীরভূম জেলার ইউ-নিয়নের হার তুলিতে বেগ পাইতে হইয়াছে এবং রঙ্গপুর, রাজসাহী, বোরাখালী, ত্রিপুরা, ময়মনসিংহ, মেদিনীপুর, বীরভূম প্রভৃতি জেলার

মৌকীদারী ট্যাক্স আদায় করিতে বেগ পাইতে হইয়াছে। এ-সমস্ত অসহযোগ ও আইনভঙ্গ আন্দোলন প্রচারেরই ফল।—হিন্দুস্থান।

আশ্চর্য্য এই, কিছুদিন আগে যে গবর্ণমেন্ট অসহযোগ আন্দোলনকে অল্প লোকের আন্দোলন বলিয়া কথার কাগসাতিতে উড়াইয়া দিবার চেষ্টা করিতেছিলেন এবং এখনও মাঝে মাঝে করেন, সেই গবর্ণমেন্টকেই অসহযোগের বিপুল প্রসার ও তাহার সাফল্য বাধ্য হইয়া স্বীকার করিতে হইতেছে।

দমন ও পীড়ন-নীতি—

এ পর্য্যন্ত কংগ্রেসের কাজ করার জন্তে কতজন লোককে সাজা দেওয়া হয়েছে, কংগ্রেসের প্রকাশ-বিভাগ, তার এক হিসাব ব্যয় করেছেন।—

বরিশাল	...	৩৭২
কলিকাতা	...	৫৬০০
চট্টগ্রাম	...	৪৪৮
খুলনা	...	২৫
পাবনা	...	৩৭
নদীয়া	...	৫০
ত্রিপুরা	...	৭২
ফরিদপুর	...	৩২৫
যশোহর	...	৮
বর্ধমান	...	২৮
ঢাকা	...	১০২
ময়মনসিংহ	...	২৫০
শ্রীহট্ট	...	১২
রঙ্গপুর	...	৩২৪
দার্জিলিং	...	৮৩
রাজসাহী	...	১৪

—নবমস্তম্ভ।

জননেতৃগণের প্রতি অজুতপূর্ব্ব ব্যবহার।—গত ২২শে জানুয়ারী আসামের চরজন পরমসম্মানিত জননাথককে পুলিশ হাতে হার্টকড়ি ও কোমরে দড়ি দিয়া পরস্পরের সঙ্গে শিকলি গাঁগিয়া গৌহাটি হইতে পদব্রজে আড়াই মাইল দূরবর্তী টীয়ার ঘাটে লইয়া যায় ও তথা হইতে তেজপুর জেলে তাহারিগকে স্থানান্তরিত করে। তাহার কি ভীষণ প্রকৃতির দৃশ্য তথ্যর এবং তাহাদের কি পুলিশকে মারিয়া পলাইয়া যাওয়ার সম্ভাবনা অতাবিক হইয়া পড়িয়াছিল যে কর্তৃপক্ষ এই ব্যবস্থা করিতে বাধ্য হইয়াছিলেন তাহা বলিতে পারা যায় না। তবে পথে যে কেহ তাহারিগকে দেখিয়াছে, বশেষ-হেতু নির্যাতিত এই মহাপ্রাণগণের প্রতি ভক্তি ও অশ্রয় তাহারই অন্তর অবনত হইয়া পড়িয়াছে, সন্দেহ নাই।—জ্যোতিঃ।

মৌলানা ওয়াজেদ আলী খাঁ পনি ওরফে টাদ মিঞা—জমিদার করটির, "স্বরাজ-আন্দোলন" ১৮ মাস।—মৌলবী ওয়াজেদ আলী খাঁ পনি অসহযোগ আন্দোলন হওয়ার পরে নিজের পরিচালিত হাই স্কুলটিকে জাতীয় বিদ্যালয়ে পরিণত করিয়াছিলেন। তিনি কিছুদিন পূর্ব্ব বঙ্গীয় প্রাদেশিক খেলাফৎ কমিটির সহ-সভাপতির এবং ময়মনসিংহ জেলা কংগ্রেস কমিটির প্রেসিডেন্ট নির্বাচিত হইয়াছিলেন। সরকারি স্বেচ্ছাসেবক-সমিতি বে-আইনী বলিয়া ঘোষণা করিলে তিনি ডিষ্ট্রিক্ট কংগ্রেস-কমিটির সেক্রেটারীকে তাহার নাম স্বেচ্ছাসেবক-শ্রেণীতে ভুক্তি করিয়া লইতে পত্র লিখেন। কয়েক মাস পূর্ব্ব তিনি দেশবন্ধু দাশ মহাপ্রাণকে নিমন্ত্রণ করিয়া করটির

লইয়া যান এবং নিজের স্কুলটিকে জাতীয় বিদ্যালয়ে পরিণত করিয়া বহু ভূম্পত্তি সহ প্রায় দুই লক্ষ টাকা মূল্যের সম্পত্তি তিলক স্বরাজ্য কণ্ঠে দান করেন। খেচ্ছাসেবক হওয়ার তাহার নামে মকদ্দমা উপস্থিত করা হয়। তাহাকে ১০,০০০ নলই হাজার টাকা জামিন দিতে বলা হয়, অথবা ১৮ মাসের বিনাপ্রমে কারাদণ্ডের আদেশ দেওয়া হয়। তিনি জামিন না দিয়া কারা বরণ করিয়া লইয়াছেন।

—মোহাম্মদী।

শ্রীহটে বে-আইনী সভা।—শ্রীহটের ১৭ই তারিখের সংবাদে প্রকাশ, সহরের কাছে কানাইর ঘাট নামক স্থানে এক সভা হয়। সভায় কয়েক হাজার লোক উপস্থিত ছিল। সভা-বন্ধী আইন অমান্য করিয়া এই সভা হয়। কমিশনার একদল সশস্ত্র পুলিশ জইয়া সভা ভাঙ্গিতে যান। লোকে সভা ভাঙ্গিয়া যাইতে অস্বীকার করিতে গুলি চালান হয়। গুলিব যে গুলিতে ৫জন খুন এবং ২৭জন জখম হইয়াছে; এখন হতাহতের সঠিক খবর পাওয়া যাইতেছে না। কানাইর ঘাটের আশেপাশে লোক যাতায়াত বন্ধ করা হইয়াছে।

—হিন্দুস্থান।

আসামে ভীষণ অত্যাচার।—শিবসাগরের জেলা কংগ্রেস কমিটি গত ২৩শে ফেব্রুয়ারী তারিখে সংবাদ দিয়াছেন যে, প্রায় পাঁচশত অস্ত্রধারী গুর্খা শিবসাগর ও বামুণপুকুরী ভিতর দিয়া চলিয়া গিয়াছে। ইহাদের সহিত একজন ইউরোপীয়ান ও একজন দেশীয় ম্যাজিষ্ট্রেট ছিলেন। প্রকাশ যে, তাহারা যে পথ দিয়া চলিয়া গিয়াছে সেই পথে তাহাদের সম্মুখে যত কংগ্রেস ও পঞ্চায়ত আফিস পড়িয়াছিল তাহারা সেগুলি ভাঙ্গিয়া তাহাতে আগুন ধরাইয়া দিয়া গিয়াছে। পথে তাহারা অনেক লোকের উপর অত্যাচারও করিয়াছে।

—হিন্দুস্থান।

আবার গুলি চালানোর অভিযোগ।—উলিপুর হাটে ভীষণ কাণ্ড।—রংপুর জেলায় কুড়িগ্রাম হইতে কাজী ইমদাতুল হক লিখিয়াছেন:—কয়েকজন গুর্খা লইয়া ৩০জন সশস্ত্র পুলিশ ২৩শে ফেব্রুয়ারী তারিখে কুড়িগ্রামে উপস্থিত হয়। তাহারা ১২ মাইল হাঁটিয়া উলিপুর গ্রামে আসে এবং দুই মাস পূর্বে স্থাপিত একটি হাট ভাঙ্গিয়া দিতে যান। পূর্বে উক্ত হাট কাশিমবাজারে মহারাজার জমিতে বসিত। কিছু মহারাজার কর্মচারীগণের অত্যাচারে তাহারা উহা ত্যাগ করে। মহারাজার কর্মচারীগণের দরখাস্ত অনুসারে জনসাধারণকে নতুন স্থানে হাট বসাইতে নিষেধ করিয়া ১৪৪ ধারার একটি নোটিশ বাহির করা হয়। জনসাধারণ উহার প্রতিবাদ করিয়া বলে, তাহাদের যেখানে ইচ্ছা সেখানে হাট বসাইবার অধিকার আছে, কিন্তু কর্তৃপক্ষ তাহাদিগকে ভয় দেখাইয়া বশীভূত করিবার জন্ত সশস্ত্র পুলিশ ও গুর্খা পাঠাইয়াছিলেন। সাধারণ লোক শাস্তভাবে আইনসম্মত কার্যের জন্ত সমবেত হয়; সুতরাং তাহারা চলিয়া যাইতে অস্বীকার করে এবং ফলে গোলমাল উপস্থিত হয়। অতঃপর পুলিশ গুলি চালায় এবং কতকগুলি লোক সাংঘাতিকরূপে আহত হইয়াছে বলিয়া সংবাদ পাওয়া গিয়াছে। বিস্তৃত বিবরণের অভাব। সত্বর তদন্ত আবশ্যক।—মোহাম্মদী।

খেচ্ছাসেবককে গুলি।—২৯শে ফেব্রুয়ারী এখানে দুইটি রোমাঞ্চকর মকদ্দমা ডেপুটী কমিশনার মিঃ এ, ডে, লিলের অনুমতিক্রমে মিটিয়া গিয়াছে। তাহার একটিতে সোনাডোল চা স্টেটের ম্যানেজার মিঃ টি, এস, সি ক্রনহেল্‌ম্ একজন জাতীয় খেচ্ছাসেবককে গুলি করিয়া আঘাত করিবার অভিযোগে অভিযুক্ত হন। অপরটিতে তিনজন খেচ্ছাসেবক বে-আইনী সভার সদস্য হওয়ার জন্ত অভিযুক্ত হন। অভিযোগে প্রকাশ, গত ১লা জানুয়ারী কয়েকজন খেচ্ছাসেবক

সোনাডোল চা বাগানে দিয়া জনসাধারণকে ও গাড়ীওয়ালাদিগকে বাগানে হাটে যাইতে নিষেধ করে। মিঃ ক্রনহেল্‌ম্ সংবাদ পাইয়া ঘটনাস্থলে উপস্থিত হন। পরে পরস্পরে কলহ উপস্থিত হয় এবং ক্রনহেল্‌ম্ গুলি করিয়া একজন খেচ্ছাসেবককে সামান্য আঘাত দিয়াছেন। পুলিশ তদন্ত করিয়া ক্রনহেল্‌ম্-এর বিরুদ্ধে আঘাত করার অভিযোগ সভা বলিয়া রিপোর্ট দিয়াছে। তিনজন খেচ্ছাসেবকও বে-আইনী সভার সদস্য বলিয়া পুলিশ রিপোর্ট দিয়াছেন। উভয় মামলাই ডেপুটী কমিশনারের এজলাসে শুমানির জন্ত উঠিলে আপোষের দরখাস্ত দাখিল করা হয়। খেচ্ছাসেবকগণ অসহযোগ আন্দোলনে যোগ দিবে না—এই প্রতিশ্রুতি দেওয়ার মীমাংসার অনুমতি দেওয়া হয়।—মোহাম্মদী।

শ্রীমতী হেমনলিনীকে প্রহারের বে-সরকারী তদন্ত।—গত ৫ই ফেব্রুয়ারী শ্রীমতী হেমনলিনী ঘোষকে কে প্রহার করিল তাহার জন্ত বে-সরকারী অনুসন্ধান-কমিটিতে সাক্ষ্য প্রদান কালে ডাক্তার প্রভাতচন্দ্র সেন বলিয়াছেন, পুলিশের ডেপুটী কমিশনার কীডের সহিত গত ২১শে জানুয়ারী বেলা ২-৩০ মিনিটে আমার সাক্ষাৎ হইয়াছিল। আমি কীডকে জিজ্ঞাসা করিলাম যে, তিনি সে-সভায় উপস্থিত ছিলেন কি না। তাহাতে কীড সম্মতিস্বক উত্তর দিলেন। আমি তাহাকে জিজ্ঞাসা করিলাম যে, তিনি সভা ভাঙ্গিবার জন্ত বলপ্রয়োগ করিয়াছিলেন কি না। তিনি সম্মতিস্বক উত্তর দেন। আমি তাহাকে জিজ্ঞাসা করিলাম, বলপ্রয়োগ করিতে কে অগ্রণী হইয়াছিল? তিনি বলিলেন, "আমি"। এই বলিয়া তিনি বলিলেন, পুলিশের কর্তা হুকুম না দিলে কনষ্টেবলদের সাধ্য কি যে তাহারা সভা ভাঙ্গিতে প্রবৃত্ত হয়? তিনি আমাকে আরও বলেন যে গত ১৯শে জানুয়ারী গবর্নমেন্ট লে কমিউনিক প্রকাশ করিয়াছেন তাহা তাহারই প্রদত্ত রিপোর্টের উপর নির্ভর করিয়া লিখিত।—হিন্দুস্থান।

জলপাই গুলিতে গুলি—

বাক্সালা গবর্নমেন্ট জলপাইগুড়ি হইতে একটি ভীষণ হান্সামার সংবাদ পাইয়াছেন। প্রকাশ যে গত ১২ ফেব্রুয়ারী তারিখে মাদারী-হাট নামক স্থানে এক হাটে দুইখানি বস্তার দাম লইয়া এক সাঁওতাল মুটের সহিত এক মাদোরারী দোকানদারের ঝগড়া বাধে। মাদোরারী মুটেকে প্রহার করে। সাঁওতালী এই প্রহারের প্রতিশোধ লইবার জন্ত তাহার জাত-ভাইদের লইয়া আসে, কিন্তু তাহাদের শাস্ত করা হয়। কিছু পরে তাহাদের মধ্যে কেহ কেহ ফিরিয়া আসিয়া সেই মাদোরারীর দোকানে ইট ছুড়িতে আরম্ভ করে। তাহাদিগকে আবার শাস্ত করিয়া ফিরাইয়া দেওয়া হয়। সেখান হইতে ফিরিয়া যাইবার সময় তাহারা দেখে যে, মাদোরারীর দোকানটি অরক্ষিত অবস্থায় রহিয়াছে। ইহা দেখিয়া তাহারা দোকান লুট করে। এই সম্পর্কে এক মামলা রুজু করা হয় এবং সেই কুলীনের ভিতর তদন্ত চলিতে থাকে। গত ২১শে ফেব্রুয়ারী মাদারীহাট থানায় একজন পুলিশ কর্মচারী একদল অস্ত্রধারী কনষ্টেবল লইয়া কালাকাটা পুলিশ-থানার এলাকাজুক্ত শালকুমার গ্রামে দিয়া কয়েকখানি বাড়ী খানাতলাসী করেন এবং চারজন সাঁওতালকে গ্রেপ্তার করেন। প্রকাশ, ইহাদিগকে গত ১২ই তারিখে লুটপাট করিতে দেখা গিয়াছিল। যখন এইসব ব্যাপার চলিতেছে তখন গান্ধীটীপী-পরিহিত একদল লোক (কাহারও মতে ১৫০, কাহারও মতে ৪০০) কিছু দূরে এক বাগঝাড়ের বিকট জড় হয়। প্রকাশ, তাহারা সেখানে এক সভা করিবার জোগাড় করিতেছিল। তাহাদিগকে সেখান হইতে সরাইয়া দিবার চেষ্টা করা হয়, কিন্তু তাহারা

সে কথার কান দেয় নাই। পুলিশ সেখান হইতে ফিরিয়া গেলে তাহার পুলিশকে ধৃত-বাতিদিগকে ছাড়িয়া দিতে বলে। তাহার বলিতে থাকে যে, গান্ধী-মহারাজের টুপী মাথার আছে বলিয়া তাহাদের সঙ্গে গুলি লাগিবে না। তাহার ক্রমেই উত্তেজিত হইতে থাকে। পুলিশ বন্দীদিগকে লইয়া দেড় মাইল পথ অগ্রসর হওয়ার পর লোকেরা পুলিশকে ঘিরিয়া ফেলে এবং পুলিশের কবল হইতে বন্দী ছিনাইয়া লইবার চেষ্টা করে। তাহার পুলিশের কর্মচারীকে প্রহার করিয়া ফেলিয়া দেয় এবং একজন কন্টেবলের পাগুড়ী কাড়িয়া লয় ও একজনের নিকট হইতে বন্দুক কাড়িয়া লইবার চেষ্টা করে। এই সময়ে কয়েকজন লোক বন্দীদিগকে টানিতে সুরু করে। তখন পুলিশ গুলি ছাড়ে, কলে ভিড় সরিয়া যায়। সর্বসমেত তিনটি লোক হত হইয়াছে। একটি মৃতদেহের মাথার গান্ধী টুপী ছিল। টুপীতে লেখা ছিল—“কালাকাটা স্বরাজ ৯ নম্বর ১৪৬।” ডেপুটি কমিশনার এই সম্বন্ধে তদন্ত করিতেছেন।—হিন্দুস্থান।

ধর্মণ-নীতি নিবারণের উপায় কি?—

মহাত্মা গান্ধী গুজরাটী “নবজীবন” পত্রে লিখিতেছেন, “এখন আর আমার জেলে যাওয়ার আশা ইচ্ছা নাই; আমি গুলির আঘাতে মরিতে চাহি। এবং অধিকাংশ গুজরাটী এইরূপ ইচ্ছা করেন, ইহাই আমার বাসনা। অনেক সময় আমি ঈশ্বরের নিকট প্রার্থনা করিয়াছি যে, এই সরকারের হস্তে যেন আমার মৃত্যু হয়।

“আজ ভারতের বিভিন্ন প্রদেশে ভারতবাসী যে-প্রকার দুঃখ ভোগ করিতেছে তাহা দেখিয়া সহ্য করা কষ্টকর হইয়া পড়িতেছে। কাহারও সম্পত্তি লুণ্ঠিত হইতেছে, কাহাকেও বেআধার করা হইতেছে। সরকার পক্ষ হইতে মারপিট করিয়া মৃত্যু ভাঙ্গিয়া দেওয়া হইতেছে। এসব দেখিয়া কিরূপে স্থির থাকা যাইতে পারে?

“এসকলের প্রতিকারের উপায় জেল নহে; জালিয়ান্‌ওয়ালাবাগ সৃষ্টির দ্বারা ইহাবু প্রতিকার হইবে। সরকার যদি তাহাদের অসুস্থিত এই উপদ্রব শান্ত বন্ধ না করেন তবে গুজরাটেই জালিয়ান্‌ওয়ালাবাগের পুনরাবৃত্তি হউক, আমি ইহাই চাই।

“আমরা দৃঢ় সঙ্কল্প সহিয়া গুলির আঘাত সহ্য করিব। তোমরা এখন যেমন শান্ত হইয়া বসিয়া আছ, তেমনি শান্তর সহিত গুলিবৃষ্টির মধ্যেও বসিয়া থাকিতে সক্ষম হও; তোমাদের কর্ণ আমার (বাক্যের) দিকে বর্জিত হোক, তোমাদের পৃষ্ঠ আমার দিকে ফিরিয়া থাকুক, কিন্তু তোমাদের বক্ষ ও নয়ন গুলির আঘাত গ্রহণ করিবার জন্ত সেই দিকে ফিরিয়া থাকুক, আর কম্বল পক্ষে গুলি চলিতে থাকুক, গুজরাটের পক্ষে ইহাই প্রার্থনার যোগ্য।” (—“হিন্দী কাম্বল”)—মোহাম্মদী।

বাঙালার প্রতি মহাত্মার উপদেশ—

বর্তমান আন্দোলনে বাঙালীরা অনেক কার্য করিয়াছেন। বঙ্গদেশে বলিতে গেলে অনেকে অসাধ্য সাধন করিয়াছেন, অনেকে দুঃখ ভোগ করিয়াছেন, এখনও করিতেছেন এবং এক নিঃশ্বাস সবেও আপনাকে অবিচল ধৈর্যের প্রাচীরে আবদ্ধ করিয়াছেন। আমি বাঙালার নেতৃগণকে অনুরোধ করি, তাহারা কিছুকাল স্থিরভাবে অবস্থান করুন। এখনও কোন নূতন কাণ্ডে হস্তক্ষেপ করিবেন না। স্বাধীনভাবে কথা-বলা ও স্বাধীনভাবে সভা-সমিতি করা বিষয়ে দেশবাসিগণের যে সাধারণ আশঙ্কা, তাহারা শুধু সেই আশঙ্কা-গুলির পরিচালনা করিতে থাকুন। কিন্তু সার্বজনীন আইন লঙ্ঘনের কাণ্ড বা সরকারের রাজস্ব বন্ধ করা (যাহা ঐ সার্বজনিক আইন-

লঙ্ঘনেরই প্রকার-ভেদ) প্রভৃতি কার্যে তাহারা এখন হস্তক্ষেপ করিবেন না। আপনারা প্রজাপণকে বর্তমান কিস্তির খাজানা দাখিল করিতে পরামর্শ দান করুন। ইহা হইতেই তাহাদের যথেষ্ট পরিমাণে সংযম শিক্ষা হইবে।—স্বোক্তিঃ।

চিন্তার বিষয়—

বর্তমান অসহযোগ আন্দোলনের পরিণাম কি হবে না হবে, দেশের জনসাধারণ কখনো মহাত্মার সাত্ত্বিক আদর্শ সম্পূর্ণ ভাবে গ্রহণ করিতে পারবে কি না, বর্তমান আন্দোলন স্থগিত করা গোল-টেবিলের বৈঠক বসিবার একটা কৌশলমাত্র কি না—সে-সমস্ত বিচার করা এখন নিষ্পয়োজন। উদ্দেশ্য বা আদর্শ আর যাই হোক, সকলেই এখন সাহস, ধৈর্য ও অধ্যবসায় অবলম্বন করে দেশের মধ্যে ঐক্য আর সামর্থ্য সৃষ্টির সহায় হতে পারেন। যারা শুধু উচ্ছ্বাল চাকলা চান, তাঁদের এ কাণ্ড-প্রাণী ভাল লাগবে না তা জানি, কিন্তু এই সংযম আর শৃঙ্খলার মধ্যে গড়ে ওঠা তাঁদেরই সব-চেয়ে বেশী দরকার।—বিজলী।

সেবক।

বিদেশ

মুক্তিপথে মিশর

সর্বপাশের দলও যখন সম্পূর্ণ স্বাধীনতা চাহিয়া বসিলেন, তখন ইংরেজ-মন্ত্রিসভা একটু বিপর হইয়া উঠিলেন। মন্ত্রীসভাকে অবস্থা বুঝাইয়া দিবার জন্ত লর্ড আলেনবি ইংলণ্ডে গমন করিলেন। এদিকে মিশরের উগ্রপন্থীদের আইনসম্মত আন্দোলনে কোনও ফল না পাইয়া বিক্ষুব্ধ হইয়া উঠিলেন এবং উত্তেজনার বশে গুপ্তহত্যার করিয়া প্রতিহিংসা বৃত্তিকে চরিতার্থ করিতে লাগিলেন। মিশরে বিপ্লবের চিহ্ন দেখা যাইতে লাগিল। শিক্ষা-বিভাগীয় ব্যয় বিভাগের কর্তা আলফ্রেড ব্রাউন ও মাইকেল জডন নামে একজন ব্যবসায়ী গুপ্তহত্যাকার হস্তে নিহত হইলেন। সরকার পক্ষ হইতে মিশর-বাসীদিগের অগ্রব্যবহার নিষিদ্ধ করিয়া অস্ত্র-আইন জারী করা হইল। অগ্রব্যবহারের অধিকারপত্র (license) সকলের নিকট হইতে কাড়িয়া লওয়া হইল এবং গুপ্ত অস্ত্র পুঞ্জিয়া বাহির করিবার জন্ত সর্বস্থানে অবাধ প্রবেশের অধিকার পুলিশকে দেওয়া হইল। সরকার সকল অস্ত্র বাজেয়াপ্ত করিয়া লইলেন এবং কাহারও নিকট হইতে গুপ্ত অস্ত্র বাহির হইলে প্রাণদণ্ডের ব্যবস্থা হইবে বলিয়া ঘোষণা করিলেন। কিন্তু অসম্মত প্রজাকে কেবল আইনের বলে নমাইয়া রাখা চলে না। তাই আবার অস্ত্র দিকে মিশরবাসীকে সশস্ত্র করিবারও আয়োজন চলিতেছে। ইংরেজ-সরকার মিশরের স্বপ্তানের নিকট নিম্নলিখিত প্রস্তাবগুলি প্রেরণ করিয়াছেন—

(১) মিশরে ইংরেজ অভিভাবকত্ব শেষ করিয়া মিশরকে স্বরাষ্ট্র বলিয়া স্বীকার করিতে ইংরেজ-সরকার প্রস্তুত আছেন।

(২) মিশর-সরকার ক্ষতপূরণ-আইন পাশ করিলেই ইংরেজ-সরকার ১৯১৪ সালের ২রা নভেম্বর যে সামরিক আইন ঘোষণা করিয়াছিলেন তাহা প্রত্যাহার করিবেন।

(৩) ইংরেজ-ও মিশর-সরকারের মধ্যে একটা স্বাভাবিকবস্ত হইবার সম্ভাবনা হওয়ার পূর্বে পদাঙ্ক, প্রাচ্যে ইংরেজ-সাম্রাজ্যের স্বারিধুর জন্ত প্রয়োজনীয় পথসমূহ, ইংরেজ প্রজার রক্ষণাবেক্ষণ, বহিঃশত্রুর আক্রমণ হইতে মিশরকে রক্ষা করা এবং স্থানীয় স্বার্থরক্ষা করার ভার ইংরেজ-সরকারের হস্তে পূর্বের স্থায় থাকিবে।

এই সর্বজনিক পাঠাইবার সময় লর্ড অ্যালেনবি যে পত্র লেখেন তাহাতে তিনি ফ্রান্সকে জানান যে মিশর-সরকারের তরফ হইতে পররাষ্ট্রবিভাগ পুনর্গঠনে আর ইংরেজ-সরকারের কোনও বাধা নাই। এবং ক্ষতিপূরণ আইন পাশ করিতে যদি কিছু দেরি হয় তবে মিশর-সরকার ইচ্ছা প্রকাশ করিলেই ততদিন পর্যন্ত সামরিক আইনের ব্যবহার স্থগিত রাখিতে লর্ড অ্যালেনবি প্রস্তুত আছেন।

ইংরেজের যে সনতিপ্রাপ্ত ইহা ঘাটা প্রকাশিত হইতেছে তাহা বুঝিয়া মিশর ইংরেজ-সরকারের সহিত একযোগে কাজ করেন ইহাই অ্যালেনবির আন্তরিক ইচ্ছা। লর্ড অ্যালেনবির পত্র পাইয়া সর্বত্রের দল অনেকটা শান্ত হইলেন। সর্বত্র পাশা বলিলেন যে বিগত নভেম্বর মাসে ইংরেজ-সরকার মিশর-শাসনের যে ব্যবস্থা করিয়াছিলেন তাহা হইতে এ ব্যবস্থা সম্পূর্ণ ভিন্ন। পূর্বের ব্যবস্থা মিশরবাসীর গ্রহণের অযোগ্য ছিল, কিন্তু এই নূতন ব্যবস্থা বর্তমানে স্বীকার করিয়া লওয়া যাইতে পারে। সর্বত্র পাশা নূতন মন্ত্রিসভা গঠন করিয়া নবনির্দিষ্ট শাসনসংস্কারকে কার্যকরী করিয়া তুলিবার প্রয়াস পাইতেছেন। তিনি প্রজাসাধারণের সাধারণ স্বত্ব বজায় রাখিবার জন্ত নূতন নির্বাচন-নিয়মাবলী প্রণয়ন করিয়া মিশরে নিয়মতন্ত্র-প্রণালীর প্রতিষ্ঠা করিবেন বলিয়া ঘোষণা করিয়াছেন। সামরিক আইন তুলিয়া দিতেও তিনি অস্বীকার করিয়াছেন।

আইরিশ সমস্যা

ডেল আইরিয়ন লীগনের রক্ষা-নিষ্পত্তিকে স্বীকার করিয়া লওয়াতে আরার্ল্যাণ্ডে কিছুদিনের জন্ত একটা শান্তি দেখা দিয়াছিল। কিন্তু ডিভ্যালেরার দল ডেলের সিদ্ধান্তকে চূড়ান্ত বলিয়া গ্রহণ করিতে প্রস্তুত নহেন। বিগত ১২ই ফেব্রুয়ারী ডাবলিন সহরে প্রজাতন্ত্রপ্রাণী-স্থাপন-প্রয়াসী দলের এক সভা ডাকিয়া ডিভ্যালেরা গ্রিকিণের তথাকথিত স্বাধীন-আইরিশ দলের বিরুদ্ধে আন্দোলন আরম্ভ করেন। এই সভাতে বক্তৃতা দিবার সময় ডিভ্যালেরা বলেন যে লীগন-নিষ্পত্তি আরার্ল্যাণ্ডে খরট বলিয়া স্বীকার না করাতে আইরিশ জাতি এই নিষ্পত্তি চূড়ান্ত বলিয়া গ্রহণ করিতে পারেন না। আইরিশ জাতির পক্ষ হইয়া এই নিষ্পত্তি গ্রহণ করিবার কোনও অধিকার ডেলের না থাকার আইরিশ সন্ধি সম্পূর্ণ মূল্যহীন বলিয়া এই সভা ঘোষণা করেন। এবং সভাস্থ সকলে আইরিশ প্রজাতন্ত্র স্থাপন করিবার জন্ত আশ্রয় যত্ন করিতে স্বীকার করেন। ডেল আরার্ল্যাণ্ডের স্বাধীনতাকে ক্ষুণ্ণ করিয়া আইরিশ জাতির সহিত বিধাসংঘাতকতা করিয়াছেন বলিয়া একটি প্রস্তাব এই সভায় ধাধা হয়। এদিকে আলস্টারের সহিত বিবাদও নানা সূত্রে ঘনীভূত হইয়া উঠিয়াছে। কতকগুলি সিনফিন ফুটবল-খেলাগার ডুটবল খেলিবার জন্ত আলস্টারে গিয়াছিলেন। আলস্টার কর্তৃপক্ষ সন্দেহের বশে তাহাদের গ্রেপ্তার করেন। সিনফিন দল ইহার প্রতিকার কল্পে কুড়িজন আলস্টার পুলিশ-কর্মচারীকে হুমোপ পাইয়া বন্দী করিয়া লইয়া গেলেন। এই ব্যাপার লইয়া উভয় দলের মনোমালিন্য অত্যন্ত তীব্র হইয়া উঠে এবং উভয় দলই যুদ্ধের জন্ত প্রস্তুত হইতে থাকেন। তাহার পর সংবাদ আসিয়াছে যে দুই পক্ষই বন্দীদেরকে মুক্তি দিয়াছেন এবং দুই দলের বিরোধ আপাতত স্থগিত আছে। দক্ষিণ আরার্ল্যাণ্ডের আন্তরিক দলদলি মিটিঙেপারে কি না তাহা দেখিবার জন্ত ২১শে ফেব্রুয়ারী তারিখে ডাবলিনের ম্যান্সন হাউসে দুই দলের একটি

বৈঠক হয়। এই বৈঠকে ডিভ্যালেরা আইরিশ প্রজাসাধারণকে সন্ধি-প্রস্তাব প্রত্যাখ্যান করিতে এবং নবনির্বাচনের সময় যে-সকল ব্যক্তি ইংরেজ সন্ত্রাসের আত্মগত্যা স্বীকার করেন কেবল মাত্র তাহাদিগকে নির্বাচন করিতে অস্বীকার করিয়া এক প্রস্তাব উত্থাপন করেন। গ্রিকিণ প্রস্তাব করেন যে আইরিশ নিয়মতন্ত্রে এই সন্ধি গ্রহণ করিবার বাধা নাই, কাজেকাজেই ইহাকে গ্রহণ করা হউক এইজন্ত যে ইহা আইরিশ জাতির স্বদেশের শাসন নিয়ন্ত্রণ হইবার প্রথম দফা। তিনি এই প্রস্তাব উপস্থিত করিবার সময় বলেন যে যদি আইরিশ জাতি এই প্রস্তাব গ্রহণ না করেন তাহা হইলে তিনি জাতির সেই সিদ্ধান্ত শিরোধার্য করিবেন; কিন্তু আইরিশ জাতি যদি ইহাকে গ্রহণ করিতে প্রস্তুত থাকে তাহা হইলে আইরিশজাতির অর্থনৈতিক এবং রাষ্ট্রনৈতিক উন্নতিকে বাধা দিবার অধিকার অপর পক্ষের নাই এবং সন্ধিসন্ধি বাধা দিবার চেষ্টা করা অপর পক্ষে সম্ভব হইবে না। অনেক তর্কাতর্কির পর আইরিশ মহাসভার নির্বাচনে কিছুদিনের জন্ত স্থগিত রাখিতে উভয় পক্ষ রাজী হন। কিছুদিনের জন্ত স্বাধীন-আইরিশ দলের বিপক্ষে আন্দোলন স্থগিত রাখিতে গ্রিকিণের দল ডিভ্যালেরাকে অস্বীকার করেন। ডিভ্যালেরা কিন্তু তাহাতে সন্তুষ্ট হন নাই। ইহার পর ডিভ্যালেরা চতুর্দিকে খুব তীব্র আন্দোলন করিতেছেন। স্বাধীন-আইরিশ দলের প্রধান ভরসা ছিল আইরিশ সৈন্যদল। কারণ তাহাদের নায়ক মাইকেল কলিন্স স্বাধীন-আইরিশ দলের নেতা, এবং আইরিশ সেনাদলের উপর কলিন্সের খুব প্রবল প্রভাব ছিল। কিন্তু সেখানেও বিদ্রোহের সূচনা দেখা গিয়াছে। আইরিশ গণতন্ত্র-সৈন্যদলের সাউথ টিপারারি নামক সৈন্যদল এক ঘোষণাপত্র জারি করিয়া ডেল আইরিয়ন ও সামরিক কর্তৃপক্ষের ব্যবহার দেশের পক্ষে অনিষ্টজনক বলিয়া ঘোষণা করিয়াছেন। পূর্বে লিমাটিকের সৈন্যদলও উক্ত মর্মে ঘোষণাপত্র জারি করিয়াছেন। ডিভ্যালেরার দল ক্রমশই যেন প্রতিপত্তি লাভ করিতেছেন। আইরিশ আকাশ আবার মেঘাচ্ছন্ন হইয়া উঠিতেছে। কিন্তু এই দারুণ বিপ্লবের মধ্যেও আইরিশ জাতির ভাগ্যান্বেষণ চির-সারথির গুণ শঙ্কুধ্বনি বাজিয়া উঠিতেছে। এরিন-ভাগ্যবিধাতার অঙ্গুলিনির্দেশে স্বাধীনতার অরণ-কিরণ-স্পর্শে নিমিত্ত আরার্ল্যাণ্ড ধীরে ধীরে জাগিতেছে।

গেডিস ব্যয়ভার-হরণ-কমিটি

বিধ যুদ্ধের বিষয় ফলস্বরূপ প্রত্যেক দেশের আর্থিক অবস্থা অত্যন্ত শোচনীয় হইয়া উঠিয়াছে। তাহার উপর সাম্রাজ্য-শাসন-ব্যয় অত্যধিক বাড়িয়া উঠাতে এই অতুতপূর্ব ব্যয়ভার বহন করা সকলের পক্ষেই অসহনীয় হইয়া উঠিয়াছে। ইংরেজ-সরকার ব্যয়ভারে বিব্রত হইয়া তাহা নিবারণকল্পে স্মার এরিক গেডিসকে সভাপতি করিয়া একটি ব্যয়ভার-হরণ-কমিটি নিযুক্ত করেন। কিরূপে শাসনব্যয় সঙ্কোচ করা সম্ভবপর তাহা স্থির করিবার ভার এই কমিটির উপর অর্পিত হয়। ভারতবর্ষের সহিত যৌবনে স্মার এরিকের সম্বন্ধ ছিল, তিনি ভারতীয় রেল বিভাগে কাজ করিতেন। তাহার পর যুদ্ধের সময় সর্বব্রাহ বিভাগের সর্বময় কর্তা হইয়া (Inspector General of Transportation) খুব দক্ষতার পরিচয় প্রদান করেন। পুরস্কার স্বরূপ ইংরেজ নৌবিভাগের কর্তৃত্ব পদ (First Lord of Admiralty) ইহাকে দেওয়া হয়। গেডিস কমিটির রিপোর্ট প্রকাশ হইতে দুই খণ্ডে সম্প্রতি প্রকাশিত হইয়াছে। মোটামুটি তাহার সিদ্ধান্তগুলি নিম্নে প্রদত্ত হইল।

গেডিস-কমিটির মতে ইংলণ্ডের শিক্ষা, স্বাস্থ্য, শ্রমিক ও বৃদ্ধবয়সে কর্মীর পুরস্কার প্রভৃতির ব্যয় অত্যধিক মাত্রায় বাড়িয়াছে। পূর্বে এইসকল বিভাগের ব্যয় সর্ব্ব হুজু আট কোটি পঁয়ষাট লক্ষ পাউণ্ড ছিল, এখন তাহা চৌত্রিশ কোটি পঁচিশ লক্ষ পাউণ্ড বাড়িয়াছে। ইহাদের মতে দেশ যতটুকু শিক্ষার জন্য সক্ষমভাবে ব্যয় করিতে সক্ষম তাহা অপেক্ষা বহুগুণ বেশী ব্যয় শিক্ষা-বিভাগের জন্য ইংরেজ-রাজকোষকে বহন করিতে হয়। তাই কমিটি ব্যয় সঙ্কোচের জন্য মধ্যমশ্রেণীর অবৈতনিক স্কুলগুলিকে কমাইয়া ফেলিতে অনুরোধ করিয়াছেন। ইংলণ্ডে তিন বৎসর বয়স হইতেই শিশুদিগের স্কুলে পড়িবার বন্দোবস্ত আছে। সেইসব স্কুলে খেলাই বেশী হয়। তদন্ত-কমিটির মতে ছয় বৎসরের অল্পবয়স্ক শিশুদিগের স্কুলে পড়িবার বন্দোবস্তের প্রয়োজন নাই। স্বাস্থ্যবিভাগ হইতে যে-সকল আশ্রয় নিবাস প্রস্তুত করা হইয়াছে তাহাতে রাষ্ট্রীয় অর্থ বন্ধ না রাখিয়া সেগুলিকে ব্যবসায়ীসমিতির নিকট বেচিয়া ফেলিতে অনুরোধ করা হইয়াছে। খনিজতৈল সংরক্ষণার্থ যে ব্যয় হয় তাহাও অনেক পরিমাণে কম করা প্রয়োজন, কিন্তু সবচেয়ে সঙ্কোচ সম্ভবপর সৈন্ত- ও নৌ-বিভাগে। গেডিস-কমিটি বলেন যে ইংরেজ-রাজত্বসমূহে খেতকার সৈন্তের পরিবর্তে দেশীয় কৃষকবর্গ সৈন্ত নিয়োগ করিলেই যুদ্ধব্যয় অনেক কমিয়া যাইবে। উত্তরচীন, পারস্য ও তুরস্কে যে ইংরেজবাহিনী আছে তাহা রাখিবার কোনও প্রয়োজন নাই বলিয়া কমিটি অভিমত প্রকাশ করিয়াছেন। মাল্টা, জিব্রাল্টার, সিঙ্গাপুর, ইজিপ্ট ও সিংহলেও সেনানিবাসের অনেক পরিবর্তন ঘটানো যাইতে পারে বলিয়া কমিটি সিদ্ধান্ত করিয়াছেন। ভারতবর্ষেও দেশী সৈন্ত বেশ দক্ষতার সহিত সাম্রাজ্য সংরক্ষণ কার্যে নিয়োজিত হইতে পারে, সুতরাং ইংরেজ সৈন্ত কম রাখা অতি সহজেই হইতে পারে। নৌ-বিভাগেও দুই কোটি মশ লক্ষ পাউণ্ড খরচ বৎসরে কম করা সহজসাধ্য বলিয়া কমিটি সিদ্ধান্ত করিয়াছেন। সমুদ্রপার-বাণিজ্য-বিভাগ (Department of Overseas Trade) থাকিবার প্রয়োজন নাই বলিয়া ইহারা অভিমত প্রকাশ করিয়াছেন। কয়েকটি সার্ট বিক্রয় বা দুই চারিখানি জাহাজ ফুর ধার দেওয়া প্রভৃতি সামান্ত সামান্ত সুবিধা এই বিভাগের দ্বারা হয় সত্য, কিন্তু তাহার জন্য যে ব্যয়ভার রাষ্ট্রের উপর পড়ে তাহাতে এই বিভাগের উপযোগিতা দ্বীকার করা চলে না। আর ব্যবসায়ীরা নিজেদের ব্যবসায় প্রসারের চেষ্টা আপনা হইতেই করিবে। অতএব এত খরচ করিয়া এই বিভাগ না রাখিয়া ইহাকে তুলিয়া দিবার প্রস্তাব কমিটি করিয়াছেন। মন্ত্রীসভার পক্ষ হইতে স্যার এল্. ওয়ার্ডিংটন ইভাল বলেন যে গেডিস-কমিটি ৩৫০০০ লোক সৈন্ত বিভাগ হইতে কমাইতে বলিয়াছেন; কিন্তু গভর্নমেন্ট ৩৩০০০ লোক কমাইতে প্রস্তুত আছেন। চক্ষিণ দল পদাতিক, শাচল্লিশ দল কামানবাহী ও পঁচিশল' অশ্বারোহী সৈন্ত উঠাইয়া দেওয়া হইবে।

কুড়ি কোটি পাউণ্ড খরচ কম করিবার কথা গেডিস-কমিটি বলিয়াছেন। কিন্তু গভর্নমেন্ট যোল কোটি পঞ্চাশ লক্ষ পাউণ্ড খরচ কম করিতে প্রস্তুত আছেন। নৌবিভাগের কর্তারাও বলিতেছেন যে দুই কোটি পাউণ্ড খরচ কমাইতে গেডিস-কমিটি অনুরোধ করিয়াছেন বটে কিন্তু নৌবিভাগের দক্ষতার হানি না করিয়া মোট এক কোটি চল্লিশ লক্ষ পাউণ্ড খরচ কম করা যাইতে পারে। ইংলণ্ডের চ্যান্সেলার স্যার রবার্ট হর্ন পালিয়ামেন্ট-সভায় ঘোষণা করিয়াছেন যে গেডিস-কমিটির স্কুল-সংক্রান্ত অনেকগুলি অভিমত গভর্নমেন্ট গ্রহণযোগ্য মনে করেন না। শিক্ষকদিগের বেতন হ্রাস করিবার প্রস্তাব ও ছয় বৎসরের নিম্নে কোনও শিশুকে স্কুলে ভর্তি না করিবার প্রস্তাব সরকারপক্ষ

গ্রহণ করিতে পারেন না। স্কুলে ছাত্রদিগের যেরূপ যত্ন লওয়া হয় এবং ছাত্রদিগের যেরূপ চিকিৎসার বন্দোবস্ত হয় তাহাতে স্কুলে আসিয়া বালকদিগের স্বাস্থ্য পূর্ণাঙ্গীকরণ অনেক ভাল হইয়াছে। ভারতের বর্তমান অশান্তির কথা স্মরণে রাখিয়া ভারত-সরকার সেখানকার খেতকার সৈন্তের সংখ্যা কম করিতে প্রস্তুত নহেন। তাই ইংলণ্ড-গভর্নমেন্ট ভারতীয় সৈন্ত সম্বন্ধে গেডিস-প্রস্তাব গ্রহণযোগ্য বলিয়া বিবেচনা করেন না। বিমান-বহরের ব্যয় এক কোটি পঁচিশ লক্ষ পাউণ্ডের পরিবর্তে এক কোটি পঁচিশ লক্ষ পাউণ্ড করা হইবে। স্যার রবার্ট হর্ন স্বাস্থ্য শ্রমিক এবং বৃদ্ধবয়সের পুরস্কার বিভাগে গেডিস-কমিটির নির্দারিত ব্যয়-সঙ্কোচ-প্রস্তাব ইংরেজসরকারের তরফ হইতে গ্রহণ করিয়াছেন, কিন্তু অস্ট্রেলিয়া- ও ম্যানিলা সরকারের অনুরোধে সমুদ্রপার-বাণিজ্য-বিভাগ তুলিয়া দিবার প্রস্তাব গৃহীত করিয়াছেন।

গেডিস-রিপোর্ট পাঠে জানা যায় যে ইংলণ্ডে স্বাস্থ্য ও শিক্ষা সম্বন্ধে ব্যয় অত্যন্ত অধিক হইতেছে বলিয়া ব্যয় সঙ্কোচের জন্য সেখানে আন্দোলন হইতেছে। আর আমাদের দেশে শিক্ষা ও স্বাস্থ্য-বিভাগে অত্যন্ত বিভাগের তুলনায় ব্যয় মোটেই হয় না বলিলেও হয়। আমাদের শিক্ষাসচিব ও অর্থসচিবের ভাণ্ডার শূন্য। "Our feeding bottle" of education is almost dry and sanitation is sucking its thumbs.—Rabindranath." তবুও আমাদের দেশের ব্যয়ভার এত অধিক যে হিসাব নিকাশে ৩০ কোটি টাকা কম পড়িয়াছে। তাহা এই দারিদ্র্য-নিপীড়িত দেশে নূতন নূতন কর বসিতেছে। আর ব্যয়-সঙ্কোচের প্রস্তাব শুনিবে কে? আমাদের শাসকসম্প্রদায়ের সহিত আমাদের প্রাণের যোগ যে নাই। বিভাগীয় ব্যয়ভার কম করিবার উপায় স্থির করিতে ঢাকা বিভাগে বাঙ্গলা গভর্নমেন্ট কর্তৃক এক কমিটি নিযুক্ত হইয়াছিল। ঢাকা বিভাগের কমিশনার ঢাকা ম্যাজিস্ট্রেট ও বঙ্গীয় ব্যবস্থাপক সভার সভ্য শ্রীযুক্ত আক্.জাল ও শ্রীযুক্ত আজাম এই কমিটির সভ্য নিযুক্ত হইলেন। কমিটি একবাক্যে স্থির করেন যে ঢাকায় যে পঞ্চাশজন ইউরোপীয় সার্জেন্ট পুলিশ বিভাগে কাজ করে, তাহাদিগকে রাখিবার কোনও প্রয়োজন নাই। সেই স্থানে দেশী সিপাহী রাখিলেই কাজ উত্তমরূপে চলিয়া যাইবে এবং ব্যয়ও অনেক কমিবে। সেই রিপোর্ট বাংলা সরকার গ্রহণ করিলেন না এবং বজেট আঙ্গোচনার সময় সরকার তরফ হইতে পরিষ্কার বলা হইয়াছে যে যদিও আর হইতে শাসনব্যয় চের বেশী তথাপি ব্যয় সঙ্কোচ সম্ভবপর নহে। (Retrenchment is not possible.)

*

সন্দেহদোলায় ইউরোপ

লর্ড গ্রে প্রভৃতি স্বাধীন উদারনৈতিক নেতৃবর্গ উদারনৈতিক দলকে সম্মিলিত-দল হইতে সম্পূর্ণ পৃথক করিয়া পুনরায় স্বতন্ত্রবলরূপে গড়িয়া তুলিবার যে উদ্যোগ করিতেছিলেন তাহাতেই সম্মিলিতদলের স্থিতি সম্বন্ধে অনেকেই সন্দেহান হইয়া উঠিয়াছিলেন। এদিকে নবীন রক্ষণশীলদলের নেতা স্যার জর্জ ইয়ঙ্গার স্যার রবার্ট সেসিলের পক্ষ লইয়া সম্মিলিত-দলের কার্যপ্রণালীকে তীব্রভাবে আক্রমণ করিয়া এক বক্তৃতা দেন। তাহাতে ক্ষুব্ধ হইয়া ও আপনায় শক্তির প্রকৃত পরিচয় লইবার জন্য লয়েডজর্জ সম্মিলিত-দলের নেতৃবর্গের নিকট পদত্যাগের অভিপ্রায় জ্ঞাপন করেন। স্যার এল. ডব্লু. ইভাল সেই কথা কলচেষ্টার সহরে বিগত ৩রা মার্চ বক্তৃতা করিবার সময়

প্রকাশ করিয়া লয়েডজর্জের কার্যাবলীর সমর্থন করিয়া এক দীর্ঘ বক্তৃতা করেন। অন্ততম রক্ষণশীল নেতা অষ্টেন চেম্বারলেনও লয়েডজর্জের পক্ষে বক্তৃতা করিয়াছেন। কিন্তু ইতালি অথবা চেম্বারলেনের পোষকতায় লয়েডজর্জ সম্মুখে হইতে পারেন নাই। ব্যাল্ফোর প্রভৃতি রক্ষণশীলনেতাদের নিকট হইতে তাঁহার কার্যাবলীর সম্পূর্ণ সমর্থন ও ইয়ঙ্গারের বক্তৃতার স্পষ্ট প্রতিবাদ না পাইলে তিনি প্রধানমন্ত্রী হইতে অবসর গ্রহণ করিবার সম্ভব প্রকাশ করেন। জেনোয়ার বৈঠকে ইউরোপের সমস্ত আলোচনা হইবে; সেই স্থানে লয়েডজর্জের উপস্থিতি প্রয়োজনীয় বোধ হওয়াতে জেনোয়া-বৈঠক অবধি পদত্যাগ করিবেন না বলিয়া তিনি স্বীকার করেন। ইহার পর ৬ই মার্চ লর্ড বার্কেনহেডের গৃহে যে ভোজ হয় তাহাতে মন্ত্রীসভার সকলেই লয়েডজর্জের নীতির পূর্ণ সমর্থন করিতে স্বীকার করেন। কিন্তু রক্ষণশীলদের সাধারণ সভ্যদের পক্ষ হইয়া কোনও প্রকার প্রতিশ্রুতি দেওয়া সম্ভবপর না হওয়াতে সেইরূপ প্রতিশ্রুতি লইবার চেষ্টা আপাতত স্থগিত আছে। এইরূপে কোনও রকমে জোড়াতালি দিয়া কাজ চালাইবার চেষ্টা হইতেছে। কিন্তু বতপূর দেখা যাইতেছে লয়েডজর্জ এবং সম্মিলিত দলভুক্ত উদারনৈতিক নেতৃবৃন্দের পদত্যাগ করিবার সম্পূর্ণ সম্ভাবনা রহিয়াছে। ইংলণ্ডে অচিরেই যে নব নির্বাচন হইবে তাহাতে কোনও সন্দেহ নাই। সেই নির্বাচনে বর্তমান সম্মিলিত দলের কোনও প্রকারে জয়ী হইবার সম্ভাবনা নাই। রক্ষণশীলদল, উদারনৈতিকদল ও শ্রমিকদলের মধ্যে তুমুল প্রতিযোগিতা চলিবে। তবে উদারনৈতিক দল ও শ্রমিকদলের মধ্যে রক্ষা নিষ্পত্তি হইয়া আবার একটি নতুন সম্মিলিত-দল (Liblab Coalition) হইবার সম্ভাবনা আছে। শ্রমিকদের নেতা হেগার্সন, ক্রাইনিস, স্টিফেনওয়াল্ড ও জন হেজ এইরূপ সম্মিলনের পক্ষপাতী। রাষ্ট্রীয় সমস্তা লইয়া ইংলণ্ডে ও ফ্রান্সে যে গুরুতর মনোমালিন্য বাধিয়া উঠিয়াছিল তাহাতে ফ্রান্স জেনোয়া-বৈঠকে উপস্থিত হইতে একপ্রকার অস্বীকার করিয়াছিল। কিন্তু জেকো-মোস্তাকিয়র প্রধানমন্ত্রী বেনীসের প্রচেষ্টায় লয়েডজর্জের সহিত ফ্রান্সের প্রধানমন্ত্রী পোঁয়াকারের দেখা সাক্ষাৎ হইয়া জেনোয়া-বৈঠক সম্বন্ধে একটা রক্ষা নিষ্পত্তি হইয়াছে। স্থির হইয়াছে যে ইউরোপে দশ বৎসর যাহাতে কোনও যুদ্ধ বিগ্রহ আর না ঘটিতে পারে এমন কোনও বন্দোবস্ত জেনোয়া-বৈঠকে করিতে হইবে। উপস্থিত জাতি সমূহ এই দশ বৎসর বর্তমান সীমা-রেখা মানিয়া চলিবেন এবং প্রচলিত সন্ধিসম্বন্ধগুলিকেও স্বীকার করিয়া চলিবেন। যাহাতে ইউরোপে অর্থনৈতিক সাম্য স্থাপিত হয়, মুদ্রার মূল্য যাহাতে স্থায়মন্ত্রত উপায়ে ধার্য হইয়া স্থির থাকে তাহার ব্যবস্থাও এই বৈঠকে করিবার চেষ্টা হইবে। আমেরিকা, রাশিয়া ও ইটালী কিন্তু জেনোয়া-বৈঠকে উপস্থিত থাকিতে স্বীকার পাইতেছেন না, কিন্তু প্রাচ্য সমস্তা লইয়া ও জাৰ্মান ক্ষতি-পূরণ লইয়া যে মনোমালিন্য তাহা কমে নাই। *Matin* পত্রিকার বিখ্যাত ফরাসী পণ্ডিত ফ্রাঙ্কলিন বাউলিন প্রাচ্য সমাজের সীমাংসা করিবার জন্ত কতকগুলি প্রস্তাব উপস্থাপিত করিয়াছেন। তাহা এই—

(১) স্তাম্বুল তুরস্ককে ফিরাইয়া দিতে হইবে।

(২) তুরস্ক প্রণালীর মধ্য দিয়া জাহাজ যাতায়াত করিবার অধিকার স্থির করিবার জন্ত তুরস্ক, বেসারাবিয়া, বুলগেরিয়া রুমেনিয়া প্রভৃতি কৃষ্ণোপসাগরের উপকূলস্থ নদীমাড়কদেশসমূহ এবং মিত্রশক্তিবর্গের প্রতিনিধিবর্গের এক সম্মিলিত বৈঠক স্থির করিতে হইবে।

(৩) গ্রীসের প্রস্তাব হইতে সম্পূর্ণরূপে মুক্ত করিয়া থেসের অধিবাসী-বৃন্দের স্বাধীন মত লইয়া থেসের শাসনব্যবস্থা স্থির করিতে হইবে।

(৪) গ্রীস এসিয়া-মাইনর তুরস্ককে ফিরাইয়া দিবে। গ্রীসের যুদ্ধরূপ মিত্রশক্তিবর্গ ছাড়িয়া দিবে এবং সাইপ্রাসদ্বীপের অধিকাংশ অধিবাসী গ্রীক বলিয়া ইংরেজ সাইপ্রাসদ্বীপ গ্রীসকে ছাড়িয়া দিবে।

(৫) তুরস্কের খৃষ্টান প্রজাদিগের স্বার্থের প্রতি জাতিসমূহের সংঘ লক্ষ্য রাখিবেন।

এইসকল প্রস্তাবে স্তকাল ইংরেজ কর্ণপাত করেন নাই। কিন্তু এখন নানা কারণে ইহার অধিকাংশই মানিয়া লইতে ইংরেজ প্রস্তুত আছেন। ফরাসীর অপ্রীতি, অ্যাঙ্গোরার বাহবল ও মুসলমান প্রজার অসন্তোষের ভয়ে ইংরেজের হঠাৎ স্থায়বুদ্ধি জাগিয়া উঠিয়াছে। ইংরেজ-সরকার এনসমিডিয়া সীমারেখা পর্য্যন্ত থেস প্রদেশ তুরস্ককে প্রত্যর্পণ করিতে প্রস্তুত আছেন বলিয়া জানাইয়াছেন। এসিয়া-মাইনর ও স্তাম্বুল ফেরৎ দিতেও তাঁহার স্বীকৃত আছেন বলিয়া বোধ হইতেছে। খিলাফত-সমস্তায় ভারত-সরকারের কিছু করণীয় নাই বলিয়াই ভারত-সরকার বরাবর ঘোষণা করিয়া আসিয়াছেন। কিন্তু হঠাৎ দেখা যাইতেছে যে তুরস্ক-সমস্তা সম্বন্ধে ভারত-সরকার ইংলণ্ডের মন্ত্রীসভার নিকট প্রকাশ্য মস্তব্য প্রেরণ করিয়া তুরস্কের দাবীকেই সমর্থন করিয়াছেন। অ্যাঙ্গোরার প্রতিনিধি ইউসুফ কামাল এবং তুরস্কের প্রতিনিধি ইজ্জতপাশা রক্ষা নিষ্পত্তি করিবার জন্ত ইংলণ্ড অভিমুখে রওনা হইয়াছেন। একটি ফরাসী জাহাজ আটকাইয়া গ্রীস এদিকে ফরাসীর বিরাগভাজন হইয়া উঠিয়াছেন। ইতালীর রাজনৈতিক গগনের মেঘ এখনও কাটে নাই। ডেসিকোলা মন্ত্রীসভা গঠনে অপারগ হওয়াতে সত্রাট ব্যানোমি ও অর্লোণ্ডকে মন্ত্রীসভা গঠনের ভার প্রদান করেন। তাঁহার এই কার্যে অস্বীকৃত হওয়াতে ইতালীর ভূতপূর্ব অর্থসচিব সিনর ফ্যাক্টা (Facta) কে এই ভার দেওয়া হইয়াছে। তিনি সিনর জিওলোটির সহিত একযোগে এই ভার সম্পাদনের প্রয়াস পাইতেছেন। কিন্তু ইতালীতে যেরূপ ফরাসীবিদ্বেষ দিন দিন বর্ধিত হইতেছে তাহাতে মনে হয় না যে মিত্রশক্তির অনুকূলে কোনও মন্ত্রীসভা অধিক দিন কার্য সম্পাদনে সমর্থ হইবেন। ইতালীর ভূতপূর্ব প্রধানমন্ত্রী সেনর নিট্টি (Nitti) "শান্তিহীন ইউরোপ" (Peaceless Europe) বলিয়া একটি পুস্তক সম্প্রতি প্রকাশিত করিয়াছেন। তাহাতে জার্মানি-সন্ধিসম্বন্ধ লইয়া ফরাসী ও ইংরেজ নিজেদের স্বার্থ বজায় রাখিতে গিয়া মনোমালিন্যের বিরূপ পথ সৃজন করিয়াছে তাহা দেখাইবার চেষ্টা পাইয়াছেন। নিট্টির পুস্তকের আদর দেখিয়া মিত্রশক্তিবর্গের প্রতি ইতালীর মনোভাব বুঝা যাইতেছে। সন্দেহবিধ ইউরোপকে কোন্ যত্নের মুখে লইয়া যাইবে কে জানে?

শ্রীপ্রভাতচন্দ্র গঙ্গোপাধ্যায়।

আমার মালী

("রেডেন্‌ব কলেজ মেগেজিন" হইতে অনুবাদিত, লেখক অধ্যাপক শ্রীযোগেশচন্দ্র রায় ।)

বেশ লোকটি ছিল, আমার মালী। গেল বৈশাখমাসে একদিন সকাল বেলা সে বললে, "আজ্ঞে, আমি আর এখানে থাকতে পারছি না, বয়স তিন কুড়ি পাঁচ হল। এখন ছুটি নেবার সময় হয়েছে।"

আমি তখন পড়ছিলাম, তার অর্ধেক কথাও শুনতে পাইনি। মাথা না তুলেই বললাম, "কেন?"

বেচারি আমার ভাব দেখে আর-একটি কথা না কয়ে তার বাগানে চলে' গেল।

বাগানটি তারই ছিল। তার যা খুসী সে গাছ সে লাগাত। আমার পড়বার ঘরের সামনে বাগান। জান্না দিয়ে সবটা দেখা যেত। কিন্তু বাগান দেখবার আমার সময় হত না।

তার বয়স দেখলে, সে খুব খাটুত। যখন সে আমার কাছে চাকরি করতে আসে, তখন কেউ তাকে রাখতে চায়নি। সে বুড়ো; বুড়ো কি কাজ করবে! আমি তার মুখের ভাব দেখে রেখেছিলাম। তাকে ভাল মনে হয়েছিল। পরেও দেখেছি, আমার ভুল হয়নি।

আমি তার নাম জানতুম না। বাড়ীর কেউ জানত না। আমরা তাকে "বুঢ়া" বলে ডাকতুম।

সে দিন সে গেল, বোধ হয় দুঃখ পেয়ে।—আর-একদিন সুযোগ বুঝে, আবার সে সেই কথা তুললে। এবার আমি বললাম, "লোকে কি শুধু-শুধু চাকরি ছাড়তে চায়? তুমি কেন যেতে চাও?" বা পার তাই কর, তা হলেই হবে।"

"আজ্ঞে, আমার প্রভুর সেবা যে এখনও বাকি আছে। যে কটা দিন আছে, তাঁর সেবা করতে চাই।"

উত্তরটা আমার ভারি নূতন ঠেকল। আমি তাকে ভাল রকমই জানতুম, কিন্তু কখনও ভাবি নাই, সে এতদূর করবে। আমি তাকে ছাড়তে চাই না। বললাম, "আচ্ছা, বুঢ়া, এখানে থেকেই তোমার প্রভুর সেবা চলে না কি?"

"তা কেমন করে' চলবে? এক মনে কেমন করে' হবে?"

তবু সে জাতিতে বাউরী। অপর চাকরে তাকে ছুঁতো না। সে যদি কোনো জিনিষের এক ধার ধরত, তারা অন্য ধার ধরত না। আমার বোধ হয়, ওড়িয়া ভাগবতের একাদশ স্কন্ধের সবটা তার কণ্ঠস্থ ছিল। সে সময়ে সময়ে ভাগবতের পদ আওড়াত। আমার আশ্চর্যা বোধ হত। সে লেখা-পড়া শেখে নাই, অথচ এত জ্ঞান!

"কিন্তু, বুঢ়া, আমি ত জানি, স্বর্ঘ্য উঠবার আগে আর রাত্রে শোবার আগে, তুমি ভগবানের নাম অনেকক্ষণ কর। কাজ করবার সময়েও মাঝে মাঝে নাম কর। আর কি চাও?"

আমার কথা শুনে সে যেন বিসম্বল হ'ল। হয়ত ভাবলে আমি তাকে বিশ্বাস করি না। তাকে প্রসন্ন করতে বললাম, "আচ্ছা দেখা যাবে।"

বেচারি আমার অনুমতি না নিয়েই অন্যত্র চাকরি ছাড়তে পারত। কিন্তু সে তেমন লোক নয়।

"দেখ, তোমার ছেলেকে দিয়ে যাও না? জান ত একজন ভাল লোক পেতে সময় লাগবে। তত দিনে তোমার হাতের বাগান বন হয়ে উঠবে।"

"আমার ছেলে পারবে কি? এখনও সে কুড়িতে পড়েনি। যে বছর তার জন্ম হল, সে বছর আমাদের গাঁয়ের মহাস্তীরা আমার জমির পাশের ১০ বিঘা জমি নিয়েছিল।"

"আমি ত তার কাজ দেখেছি। তোমার অস্থখের সময় সেই ত মালী হয়েছিল।"

কিন্তু বুঢ়া অবুঝ। সে জানে না, পূর্ক্বে তোমার ছেলে কি কর্ম করেছিল, এজন্যে কি ফল ভোগ করবে।

"আচ্ছা, তুমি কি জানো পূর্ক্বে কি করেছিলে?"

"না জানলে উনিশ বছর থেকে মালী হলাম কি করে?"

আমার তর্কের সময় ছিল না। থাকলেও তাকে বোঝাতে পারতুম না।

কিছু দিন গেল। একদিন বাগানের মাঝ দিয়ে বাড়ী ফিরছিলাম। সে, আমার একটা পায়ের দেখলে। কি

বলবে, বুঝতে পারলুম না। কিন্তু সে আর কিছুই বললে না, শুধু বললে, “আজ্ঞে আমারি ছুটি দেন।”

আমি অবাক হয়ে গেলুম। এই কথার অল্প পাথর দেখানো কেন, বুঝতে পারলুম না। কিন্তু মনে হ’ল, পাথরটা সেখানে ছিল না। কোনও দেবী পাথরটাতে এসে তাকে চাকরি ছাড়তে বলেছেন নাকি? তাকে কথটা বলতে সাহস হ’ল না, কি জানি তার মনে কি হয়। আমি শুধু বললুম, “পাথরটা ত এখানে ছিল না?”

“না; আমি সকাল বেলা ব’য়ে এনেছি। বড় ভারী লাগল।”

আমি হাঁফ ছাড়লুম। কেউ পাথরটা আনতে ব’লে থাকবে, বুঢ়ার কষ্ট হয়ে থাকবে। তাই আমি বললুম, “কে আনতে বলেছিল? যদি ভারী লাগল, আর কাকেউ ধরতে ধ’লে না কেন?”

“আমি ভোরেই না সরিয়ে করি কি? এই পাথর! এর অল্প লোক ডাকব?”

আমার আবার মনে হ’ল হয়ত কোনও দেবী রাত্রে স্বপ্ন দিয়ে পাথরটা সরাতে বলেছিলেন। নইলে, এত তাড়াতাড়ি কেন? সেও ত আমাদের মতন কত কি মানে।

“যদি কেউ বলে নাই, তবে সরাতে গেলে কেন?”

“সে আশ্চর্য্য হ’য়ে রইল। কারণ পূর্কদিন সন্ধ্যার পর এক ভদ্রলোক সেই পথ দিয়ে আমার কাছে এসেছিলেন। তিনি অন্ধকারে দেখতে পাননি, পাথরে হৌচট খেয়ে পড়ছিলেন। মালী দেখেছিল।

“মহাপ্রভু রক্ষা করেছেন। নইলে হানি হ’ত।”

“যদি বা হ’ত, তোমায় কেউ দোষ দিত না।”

“আমায় না দিয়ে আর কাকে দিত? আপনার সময় নাই, বাড়ীতে কি হয়, না হয়, তা অপরে দেখে না। আমি যদি না দেখি, আমি আছি কেন? আমার পশু-জন্ম না হয়ে মানুষ-জন্ম হ’ল কেন?”

তার এই শেষের বৃক্তি আমার বেশ জানা ছিল। ইহার খণ্ডন ছিল না।

“বুঢ়া, তুমি ভালই করেছ, পাথরটা সরিয়েছ। কিন্তু, যেতে চাও কেন?”

আমার কথায় সে অবাক হয়ে গেল। বোধ হয়, মনে

মনে আমার বৃক্তির নিন্দাও করেছিল। কিন্তু শুধু বললে, “পাথরটা বড় ভারী লেগেছিল।”

“হ্যাঁ, পাথরটা বড়। এত তাড়াতাড়ি না ক’রে কাকেও ডাকলে হ’ত।”

ব’লেই মনে হ’ল কেউ তার সঙ্গে পাথরটা ধরত না। তারা জাতিতে উঁচু। তারা মনে করত ভগবান তাদেরই; বাউরীর নয়। বোধ হয়, মালী তাদের এই অবিশ্বাস টের পেয়ে হুঃখ পেত।

কিন্তু আমি আবার লুল করলুম।

“কি? কুড়ি বছর আগে এক জোড়া ভারী জাঁতা চারি ক্রোশ ব’য়ে এনেছি; এখন কিনা ছোট একটা পাথর ভারী লাগল।”

বুঢ়া কান্দতে লাগল। তার শুখনা গাল বেয়ে চোখের জল পড়তে লাগল। আমার হুঃখ হ’ল; তোলাবার তরে বললুম, “তা সত্যি। কিন্তু সে ত কুড়ি বছর আগের কথা। তখন তোমার বল ছিল।”

“সেই কথাই ত আপনাকে জানাচ্ছি।”

কিন্তু কি লজ্জা! আমি তার মনের ভাব মোটে ধরতে পারিনি। তার মুখের পানে চেয়ে রইলুম, যদি কিছু বলে। কিন্তু সে তেমন লোক নয়, এক কথা ছবার বলবার নয়।

“তার পর?”

“আর কি চাই? বুড়ো হয়েছি, জানতে বাকি কি?”

এখনও তার চোখ ছল-ছল করছিল।

“যদি এই কথা, তা হ’লে পাথর-টাথর আর তুলতে যেও না।”

হায়! সে কথাই নয়। সে যে বুড়ো হয়েছে, মহাপ্রভু প্রথমে আমার বড়ুর পায়ে হৌচট লাগিয়ে, পরে বুঢ়াকে দিয়ে পাথরটা সরিয়ে স্পষ্ট জানিয়ে দিয়েছেন।

আমি তার যুক্তির মর্ম্ম বুঝলুম। কিন্তু তাকে ছাড়তে চাই না। তেমন বীর, তেমন বিশ্বাসী, তেমন টানের লোক সহজে মেলে না। তারই কথায় বলি, সে মানুষ হয় জন্মেছিল। পশু কেবল খাওয়া শোওয়া জানে। এই কথা সে কতবার অল্প চাকরদের বলত। শীত, গ্রীষ্ম, বর্ষা,—যখন তারা দুপুর বেলা স্বচ্ছন্দে ঘুমিয়ে সারা বিকালটা কাটাত, তখন সে বুঢ়ার ঘুম থাকত না।

তারি বৈশানে-সেখানে পাতা-টাতা ফেলত, বুঢ়া সেন্সব একবার বুঢ়াকে একটু অমুযোগও করেছিলুম—“বুঢ়া, খুঁটিয়ে তুলে বেড়াত। আমি তার মাইনে বাড়িয়ে দিতে চাইলুম, তার কুটুখ-পোষোর কথা তুলুম। কিন্তু সে অবুর। খাবার পর্ব্বার ভাবনা মহাপ্রভুর, তার ভাবনা কি আছে ?”

ভাল লোকটি, এতও জানত। সে অপর চাকরদের শেখাত। তারি তাকে “বুঢ়া-পো” (বুড়া-ছেলে) বলে ডাকত। কত বাহিরের লোক তার পরামর্শ চাইত। তাকে তারি “মহাস্ত্রী” (মহাজন) বলে ডাকত। আগে যে মালী ছিল, সে ফুলগাছের যত্ন করত না। বুঢ়া ঢুকেই মল্লিকা ও তুলসী লাগিয়ে দিলে। দূরে নয়, আমার পড়ুবার ঘরের জানলার ঠিক সামনে, যেন আমি ভগবানের দয়ার ভাগ প্রত্যক্ষ করি। কি দয়া! আমরা না চাইলেও তিনি স্নগন্ধি সর্জনা করেছেন আমাদের উপভোগের নিমিত্তে। মানুষ নিকোঁধ; বিনা মূল্যে পায়, তবু নিতে চায় না।

বুঢ়ার কিন্তু একটা দোষ ছিল। কোনও গাছ কাজের মনে করলে, সেটা কিছুতেই সরাত না। কতবার তার সঙ্গ আমার তর্ক হয়েছে। আমি ধরতুম যেখানকার গাছ সেখানেই সাজে; সে ধরত সেখানকার না হলে সেখানে জন্মিবে কেন? অত কথা কি, প্রভুর ইচ্ছা না হলে ঘাসও জন্মে না।

একদিন দেখি, বুঢ়া বাগান নিড়াচ্ছে, কতকগুলো ঘাস উপড়িয়েছে। আমি স্মৃযোগ বুধে ধরলুম। কিন্তু সঙ্গে সঙ্গে উত্তরও পেলুম—“সেগুলো কাজের ঘাস নয়।”

এই উত্তরে আমি খুসী হলুম, মনে করলুম এবার বুঝিয়ে দোব আমার, কথাই ঠিক। কিন্তু বুঢ়াকে পারবে কে? বিনা প্রয়োজনে ভগবান কিছুই গড়েননি। কিন্তু যখন সে প্রয়োজন আমাদের জানাননি, তখন তুলে ফেলতে দোষ নাই।

ভাল ফুল, ভাল শাগ-পালা জন্মাবার তরে বাগান রাখা হয় নাই। বাড়ীটা পরিস্কৃত থাকবে বলে বাগান করা হয়েছিল। বুঢ়ার যা খুসী তাই কইতে পেত। কখনও সে সারি সারি ধোঁড়শ লাগাত, কখনও শিমের কল করত, কখনও বা মেঠো কশল ‘মাণ্ডিয়া’ চাষ করত।

একবার বুঢ়াকে একটু অমুযোগও করেছিলুম—“বুঢ়া, তুমি এত এত লাগিয়েছ কেন? হুই চারিটা করে লাগালেই ত হ’ত। তা ছাড়া এটা কি মাঠ যে মাণ্ডিয়া বুনবে?”

“এতে কার কি ক্ষতি হচ্ছে? ইন্দ্র জল দেন, পৃথিবী ফল দেন।”

পূরে শুনলুম, পাড়ার কেমট ও অত্যাচ্ছ হুখী জন বাগানের ফলের ভাগ পায়। ইন্দ্র আর পৃথিবীর এত দান একলা ভোগ করলে পাপ হয়। ইহার পর আমি আর তাকে কিছু বলতুম না।

তার মতন বন্ধু-বৎসল আমি আর দেখি নাই। বাহির-বাড়ীর একচালায় সে খেত, শুত। কিন্তু এমন দিন প্রায় দেখিনি, যেদিন সন্ধ্যার পর একজন ছজন কেহ-না-কেহ বুঢ়ার বন্ধু (কুটুখ) না এসেছে। মনে হ’ত বুঢ়ার কাছে বসুধেবকুটুখকম্। সে তার জন্তে রান্ধত বাড়ত, কত কথা কইত, কত হাসত। জানি না, তার অল্প মাইনে থেকে কি ক’রে এত খরচ জোগাত। একবার আমার এক ছোট ‘পূজারী’ পাচক বলেছিল, বুঢ়া বাগানের সব জিনিষ বেচে চাল ভাল মাছ কেনে। সে দেখেছিল, বুঢ়ার বন্ধু-ভোজনে ভাল ভাল ব্যয়ন হ’ত। আমারও সন্দেহ হয়েছিল, কিন্তু ধরিনি। বাড়ীটা পরিষ্কার রেখেছিল।

সময়ে সময়ে পাঁচ-ছ-জন বন্ধু গ্রাম থেকে এসে তার কাছে খেত। পূজার সময় ঠাকুর দেখতে দশ-বারজনও আসত। সত্য কথা বলতে কি, বুঢ়ার এই বন্ধু-বৎসল্য আমার ভাল লাগত না। একদিন বন্ধুরা চলে গেলে আমি বুঢ়াকে ধরলুম—“দেখ, বাড়ীতে হোটেল খোলা ঠিক নয়।” কিন্তু যে উত্তর পেলুম, তাতে আর কথা বলতে হল না। “এটা হোটেল কি? খাওয়ানার জন্তে সে পরমা নয় কি? না, তা নয়। ভগবান্ তাকে মানুষ-জন্ম দিয়েছেন; সে চাকরী করে বটে, কিন্তু সারাজীবন মানুষ ছাড়া আর কি হবে। পশুর দয়া মায়ী নাই। মানুষ ত পশু হ’তে পারে না। লোকগুলি শহরের অপর বাড়ীতে ঘায় না কেন? আমাদের ভাগ্য যে তারি এ বাড়ীতে আয়ে।”

বুড়ার সঙ্গে তর্ক করা বৃথা।

একদিন দেখি সকালে বুড়া ও পূজারী বকাবকি করছে। এত ঘোরে যে আমার পড়া বন্ধ করতে হ'ল। বুড়া জালানার সামনে এসে পূজারীর নামে নালিশ করলে। পূজারী বুড়াকে চোর বলেছে।

“কেন? কি হয়েছে?”

“কাল রাত্রে জনকতক বন্ধু এসে পড়ল। ব্যয়নের কিছুই ছিল না। তাই বাগানের কাঁচকলা দিয়ে ব্যয়ন করি। একি চুরি হ'ল?”

আমি কষ্টে হাসি চেপে রেখে বললাম, “নিশ্চয়ই না। কলাগাছ তুমিই রুয়েছ, ফল নিশ্চয়ই তোমার।”

“না, না। তা ঠিক নয়।”

কি বলব, বুঝতে পারলুম না। ভয়ে ভয়ে বললাম—“তা যদি ঠিক নয়, তা হ'লে পূজারীর কথাই ঠিক।”

“কিন্তু আমি কি নিজে কলা খেয়েছি? পূজারীর কথা ঠিক হবে কি ক'রে? লোকে কি যার-তার বাড়ীতে যায়? তারা এখানে আসে কেন?”

“কারণ তারা বা চোর, বোধহয় তা পার।”

“ঠিক। পূজারী বায়ন হলেও ধর্ম জানে না।”

বুড়া কেবল যে তার ধর্ম রাখত, তা নয়, আমারও ধর্ম রাখত। লোকে এসে ধর্ম পালিবার সুযোগ দিত। আমরা করা করিনি, তারা করত।

বোধহয়, বুড়া ঠিকই বলেছিল। কারণ যখনই বাগান দিয়ে বাই, তখনই তাকে মনে পড়ে। জানি না, বাড়ীতে গিয়ে ধর্ম সে কেমন রাখছে। যেমনই রাখুক, তেমন মানুষের মতন মানুষ আর পাব কি?

শ্রীভূপতিভূষণ মুখোপাধ্যায়।

আরবী ছন্দ

আরবী ছন্দ যেমন ছরুহ তেমনি তড়িৎচঞ্চল।
প্রত্যেকটি ছন্দের গতি বিভিন্ন রকমের, কেমন যেন
চম্কে-ওঠা-ওঠা ভাব। অনেক জায়গায় ধ্বনি এক
রকম শুনাগেও সত্যি সত্যিই এক রকমের নয়,—তা
একটু বেশ মন দিয়ে দেখলে বা পড়লেই বোঝা শক্ত
নয়। অনেক জায়গায় তাল এক, কিন্তু মাত্রা আর
অনুমাত্রার বিচিত্র সমাবেশের জন্য তার এক আশ্চর্য
রকমের ধ্বনি-চপসতা ফুটে উঠেছে।

আরবীছন্দ-সূত্রের যেখানে যেখানে × বা + চিহ্ন দেওয়া
আছে, সেখানে দীর্ঘ উচ্চারণ করতে হবে।

(১) ইজয়্।

সূত্র :— { “মফা[×] আর[×]লুন্ মফা[×] আর[×]লুন্
মফা[×] আর[×]লুন্ মফা[×] আর[×]লুন্।”

কটির কিঙ্কিণ্

চুড়ীর শিঞ্জিন্

বাজায় রিণ্ বিন্

ঝিনিক্ রিণ্ রিণ্।

কাঁকণ্-কম্পন্

আকুল কনুকন্

নাচায় মোর মন,

অধীর দিন দিন।

(২) রযজ্।

সূত্র :— { “মসৃতফ্ আলুন্ মসৃতফ্ আলুন্
মসৃতফ্ আলুন্ মসৃতফ্ আলুন্।”

বিলকুল্ নদীর

মনু আজ অধীর,

ছলছল হু তীর

চঞ্চল্ আধর।

বর্ষার মাতন

প্রাণ্ উন্মাদন্,

ঝঞ্জার কাঁদন

শনশন গতির।

(৩) রমল্ ।

সূত্র :—

$$\begin{array}{cccc} \times & \times & \times & \times \\ \text{ফা এলাতুন্} & \text{ফা এলাতুন্} & & \\ \times & \times & \times & \times \\ \text{ফা এলাতুন্} & \text{ফা এলাতুন্} & & \end{array}$$

হাম্বা হাঁসফাঁস
 দীর্ঘ নিশ্বাস,
 নাই রে নাই আশ
 মিথ্যা আশ্বাস ।
 হাস্তে প্রাণ চায়,
 অম্বনি হায় হায়
 বাজলো বেদনার
 ক্রন্দন-উচ্ছ্বাস ।

(৪) মোতা কারেব্ ।

সূত্র :—

$$\begin{array}{cc} \times & \times \\ \text{ফাউলুন্} & \text{ফাউলুন্} \\ \times & \times \\ \text{ফাউলুন্} & \text{ফাউলুন্} \end{array}$$

কলস-জল !
 আবার বল—
 ছলাৎ ছল্
 ছলাৎ ছল্ !
 ঝিক্ ঝিক্
 ঝিক্ ঝিক্
 বলুক ফিন্
 ক্লাকণ মল ।

(৫) সরীএ ।

সূত্র :—
$$\begin{array}{cccc} & & & \times \\ \text{মস্তফ্ আলুন্} & \text{মস্তফ্ আলুন্} & \text{মফ্ উলাতুন্} & \\ & & & \end{array}$$

লোকজন বেবাক্
 একদম অবাক্
 এম্বনি গান গায় !
 কঠোর গমক্
 চম্কার চমক্
 বিজলি বজায় ।

(৬) খফীফ্ ।

সূত্র :—
$$\begin{array}{cccc} \times & \times & & \times & \times \\ \text{ফা এলাতুন্} & \text{মোস্তাফ্ আলুন্} & \text{ফা এলাতুন্} & & \\ & & & & \\ \text{আসলো ফাধ্বন} & \text{আসমান জমীন} & \text{হাসলো বিলকুল্} & & \\ \text{গাইল বুলবুল্} & \text{শোন্ ওই অলস} & \text{ওঠ্ রে খিল খুল} & & \end{array}$$

(৭) ময্তস্ ।

সূত্র :—
$$\begin{array}{cc} + & + \\ \text{মস্তফ্ আলুন্} & \text{ফা এলাতুন্} \\ + & + \\ \text{মস্তফ্ আলুন্} & \text{ফা এলাতুন্} \end{array}$$

সই তুই শুধাস্—কেমনে কই হায়,
 প্রাণ্ মন্ উদাস কোন্ সে বেদনার !
 উন্নন্ হিয়ার ক্লাস্ত ক্রন্দন্
 কোন্ মোর পিয়ার বন্ধ-পুট চায় ।

(৮) মোজার-া ।

সূত্র :—
$$\begin{array}{cc} + & + & + \\ \text{মফাআয়লুন্} & \text{ফা এলাতুন্} & \\ + & + & + \\ \text{মফাআয়লুন্} & \text{ফা এলাতুন্} & \end{array}$$

ডাগর চোখ তোর বিজলী চঞ্চল
 কাহার চিন্তায় কারা ছল্ছল্ ?
 হিঙল-লাল্ গাল পাংশু পাঞ্জুর,
 অধর নীল রং, সিক্ত অঞ্চল ।

(৯) কামেল্ ।

সূত্র :—
$$\begin{array}{cc} + & + \\ \text{মোতাফাআলুন্} & \text{মোতাফাআলুন্} \\ + & + \\ \text{মোতাফাআলুন্} & \text{মোতাফাআলুন্} \end{array}$$

কুহতান মদির
 করে প্রাণ অধীর,
 জেগে ওঠ অলস
 চেয়ে দ্যাখ্ বধির !

মন্-আগুন দ্বিগুণ
 এ যে সেই ফাগুন,
 এ যে সেই বাসর
 মদন আর রতির ।

(১০) ওয়াফের ।

সূত্র :— $\begin{matrix} + & + \\ \text{মোফাআলতুন্} & \text{মোফাআলতুন্} \\ + & + \\ \text{মোফাআলতুন্} & \text{মোফাআলতুন্} \end{matrix}$ ।

কানের তার ছল্ দোছল্ ছল্ ছল্
কোথায় তার তুল্ কোথায় তার তুল্ ?
হলের লালচার্ গালের লাল ছায়
শরম পায় গাল নধর তুলতুল্ ।

(১১) মোতদারিক্ ।

সূত্র :— $\begin{matrix} + & + \\ \text{ফাএলুন্} & \text{ফাএলুন্} \\ + & + \\ \text{ফাএলুন্} & \text{ফাএলুন্} \end{matrix}$ ।
তোর অখই
মন যতই
জিন্তে চাই
সই ততই

পাইনে খই
পাইনে খই !
মন শুধায়
কই সে কই ?

(১২) তবীল ।

সূত্র :— $\begin{matrix} + & + \\ \text{ফউলুন্} & \text{মোফাআলুন্} \\ + & + \\ \text{ফউলুন্} & \text{মোফাআলুন্} \end{matrix}$ ।

চোখের জল !
আবার আয় ভাই,
হিয়ার মোর
সোহাগ তোয় চাই ।
তুহার তুল্
দরদ বুঝ্‌বার
আপন জন
এমন কেউ নাই ।

(১৩) মদীদ ।

সূত্র :— $\begin{matrix} + & + & + \\ \text{ফাএলাতুন্} & \text{ফাএলুন্} & \\ + & + & + \\ \text{ফাএলাতুন্} & \text{ফাএলুন্} & \end{matrix}$ ।

হায় এ কামার

নাইক শেষ,

কই মা শান্তির

কোন্ সে দেশ ?

কোন্ সে দূর পথ

অন্তে হায়

পাছ-বাস যা'য়

নাই মা ক্লেশ ।

(১৪) বসীত্ ।

সূত্র :— $\begin{matrix} + & + \\ \text{মোস্তাক্আলুন্} & \text{ফাএলুন্} \\ + & + \\ \text{মোস্তাক্আলুন্} & \text{ফাএলুন্} \end{matrix}$ ।

কোন্ বন্ এমন

শ্যাম-শোভায়

প্রাণ্ মন্ জুড়ায়,

চোখ ডুবায় ?

বুলবুল্ ভোময়

বন-বিহগ

চঞ্চল এমন

আর কোথায় ?

(১৫) মন্সরহ্ ।

সূত্র :— $\begin{matrix} + & + \\ \text{মফউলাতুন্} & \text{মস্তফআলুন্} \\ + & + \\ \text{মফউলাতুন্} & \text{মস্তফআলুন্} \end{matrix}$ ।

বাদলা-ধম্‌ধম্

তায় ঘোর নিশীথ,

মেঘলা মাঘ্‌ মাস

হায় হায় কি দীত !

শূত্র ঘন্ মোর

নাই কেউ দোসর—

বুঝ্‌ছে বায় হায়—

অন্তর তৃষিত !

(১৬) করাব ।

সূত্র :— “মফাআলুন্ মফাআলুন্ ফাএলাতুন্ ।”
জীবন-সাধন,
প্রাণের বাধন—
হায় সে কান্নাই ।
পেলেম আদর
পেলেম সোহাগ,
যনুটি পাই নাই ।

(১৭) যদিদ ।

সূত্র :— “ফাএলাতুন্ ফাএলাতুন্ মফাআলুন্ ।”
রক্ত-লাল বুক,
সিক্ত চোখ মুখ
হাসায় লোক ভাই ।

ছিন্ন-কণ্ঠের

কান্না শুন্বার

ধরায় কেউ নাই ।

(১৮) মশাকেল ।

সূত্র :— “ফাএলাতুন্ মফাআলুন্ মফাআলুন্ ।”

আজকে শেষ গান,

বিদায় তারপর

বিদায় চাই ভাই!

বেদনা সঠাতেই

জনম যন্ত্র, নাই

শান্তি তার নাই।

কান্না নঙ্কল ইমশাম ।

অভিমানিনী

(১)

শিশুর নাম ছিল অমিয়। যখন সবে তাহার বয়স চার বৎসর, তখন একদিন তাহার মা তাহার কচি হাতের নিবিড় বাধন ছাড়াইয়া রহস্যময় জগতে প্রস্থান করিলেন। পিতা নরেশ-বাবু শিশুহৃদয়কে এই বলিয়া প্রবোধ দিলেন যে তার মা ঐ আকাশে চলিয়া গিয়াছে—তবে শীঘ্রই ফিরিয়া আসিবে। শিশু পিতাকে প্রশ্নের উপর প্রশ্ন করিয়া বাপিত করিয়া তুলিল—‘বাঁবা আচ্ছা মা কোন্‌খানটার আছে? ঐ ঘোষানে টাঙ্গা মামা বসে’ আছে তার কোন্‌ দিকে? সে আমাদের দেখতে পাচ্ছে? তবে আসছে না কেন বাবা?’

অশ্রুসিক্ত পিতার উত্তর শিশুর নিকট প্রায়ই তর্কোচ্চা হইয়া উঠিত; তখন সে অবুঝ বেদনার আবল-তাবল বকিতে বকিতে ঘুমাইয়া পড়িত।

(২)

সেদিন ভোর হইতে উঠিয়াই অমিয়ার ক্ষুধিত অর্ন্তিময় বাড়িয়া গেল। সে শুনিয়া—আজ তাহার মা আসিবে। তাহার স্মরণে পুলকবস্ত্রা ছুটিল। তাহার বিশ্বস্ত প্রায়

মাতৃস্নেহের স্মৃতি আজ আবার স্মৃতিয়া উঠিল। সে পেলা করে—আবার মধো মধো ছুটিয়া আসিরা জিজ্ঞাসা করে—‘তাইত, বাবা, মা কখন আসবে? আর কত মেরী? কোন্‌ পথ দিয়ে আসবে?’

পিতার চক্ষে অশ্রু ভরিয়া উঠিল। এই শিশুহৃদয়ে কি নৈরাশ্রের প্রচণ্ড আঘাত সঞ্চিত? তাহার মাতৃস্নেহের যে অপূর্ণ আশ্রয় সে পাইয়াছিল নববয়সে তাহাকে ততখানি দিতে না পারে—সবে? শিশুহৃদয় কি ভাবিয়া পড়িবে না! উহারই ক্ষুদ্র ত আবার এই বিবাহ—বা বিবাহের অভিনয়! শিশুর এই অকৃত্য লালসা—মাতার আনার সম্ভাবনার এই অনাবিল আনন্দের উৎসধারা শিশুহৃদয়ে যোরতর আশ্রয় সঞ্চার করিয়া দিল। তাহার একবার সান্দহও হইল যে পুনরায় বিবাহ করা হয়ত ভাল। কিন্তু এখন ত আর ফেরা যায় না। সব বে স্থির হইয়া গিয়াছে।

পিতার নিকট উত্তর না পাইয়া অমিয় ছুটিয়া তাহার দিদিমার নিকট উপস্থিত হইল। এই নবাগতা বৃদ্ধাকে সে

মোটাই দেখিতে পারিত না। তিনি এই বিবাহের সব ভার লইয়াছেন ও মাত্র তিনদিনের রুড়ারে আসিয়াছেন। অপরিচিতের ব্যবধান আজিও তাহাদের মধ্যে যুচে নাই। তবুও অমিয় আজ তাঁহারই নিকট ছুটিয়া গেল। এ খবর যে তাহার চাই। সে জিজ্ঞাসা করিল—‘দিদিমা, মা কখন আসবে?’

দিদিমার মুখের হাসি মিলাইয়া গেল। একটু অপ্রস্তুতের ছায় তিনি জবাব দিলেন—‘আর দেবী নেই রে। কালই আসবে।’

অমিয়ের মন দমিয়া গেল—‘এ্যা—এত দেবী—তবে যে বলে আজ’, তাহার আর দেবী সহিতেছিল না। ষতদিন মায়ের আসার দিনের স্থিরতা ছিল না ততদিন সে আশায় সান্ত্বনায় প্রতীক্ষা করিতেছিল। কিন্তু এখন আলোর স্থানে কাল তাহার নিকট অসহ হইয়া উঠিল। কাল—সে যে বড় দেবী।

সে জামা কাপড় সব রাগ করিয়া খুলিয়া ফেলিল—পরে আকাশের পানে চাহিয়া দেখিল—ইচ্ছা কোন্ পথে মা ফিরিবে সেটা আবিষ্কার করা। কিন্তু চোখের জলে তাহার দৃষ্টি বাপুসা হইয়া গেল। সে প্রতিজ্ঞা করিল—‘আমি কিছুতেই মার কোলে যাব না—কেন সে শুধু-শুধু এত দেবী করে?’

(৩)

নরেশ-বাবু বিবাহ করিয়া যখন ফিরিয়া আসিলেন তখন অভিমানের হৃদয় কানায় কানায় ভরা থাকিলেও মাকে দেখার আশায় সকলের আগে গাড়ীর পাশে ছুটিয়া গেল অমিয়! মাতার নিকট ধরা দিবে না বলিয়া সে যে প্রতিজ্ঞা করিয়াছিল তাহার সবটাই আনন্দের স্রোতে ভাসিয়া গেল।

পিতার মুখ পাংশু হইয়া গেল। শিশু কিন্তু পিতার দিকে ফিরিয়াও চাহিল না। নববধুর আঁচল ধরিয়া টানিতে টানিতে সে বলিল—‘ওমা, তুই এমন হয়ে গেলি যে—এত দেবী করলি কেন?’ সে হাত বাড়াইয়া কোলে উঠিতে গেল।

লজ্জাশীলা নববধু সরমজড়িত হস্তে তাহাকে কোলে নিতে দেবী করার অমিয় ছুটিয়া উধাও হইয়া গেল। দিদিমা একবার ফিরিয়া দেখিয়া সজল চক্ষে বধু বরণ করিতে লাগিলেন।

আচার শেষ হইয়া গেলে নরেশ-বাবু অবকাশ পাওয়া মাত্র পুত্রের সন্ধানে ছুটিলেন। দেখিলেন—সে এক প্রজাপতির পিছনে তাহাকে তাড়া করিয়া ছুটিতেছে—তাহার চোখের কোলে অশ্রুচিহ্ন সুস্পষ্ট। তিনি ডাকিলেন—‘খোকা।’

সে উত্তর দিল—‘না বাবা, মা ভাল না—আমায় কোলে নিলে না কেন?’

পিতা গাঢ় আলিঙ্গনে পুত্রকে ঘিরিয়া ভাবিতে বসিলেন।

(৪)

নূতন বধু লীলা প্রথম হইতেই বিস্মৃত হইয়া পড়িল। এ কি? স্বামী উদাসীন—কোন কথা নাই। তবে তাহাকে বিবাহ করিয়া আনার কি প্রয়োজন ছিল? সংসারে স্ত্রীলোক আর কেহ নাই। বাড়ীতে যাহারা আছে—সকলেই তাহার উপর বিচারকের সন্দেহ দৃষ্টি রাখিয়াছে। সে গৃহিনী—শুধু ঘর-ঘরের অধিকারে। পাষণ-প্রাচীর ত তাহাকে সান্ত্বনা দিতে পারে না—তাহার অন্তরের ক্ষুধা মিটাইতে পারে না। সে যে করু আশা করিয়াছিল—কিন্তু সে কি পাইল? স্বামী সেই বিবাহদিনে চাবীর গোছার রিং দিয়া তাহাকে গৃহে প্রতিষ্ঠিত করিয়াছেন, —তাহাতেই যেন তাঁহার সব কর্তব্য শেষ হইয়া গেছে।

সত্য বটে অর্থের অভাব তার নাই। কিন্তু অর্থ কি অনাশ্রয়তার বেদনা মুছাইতে পারে—ক্ষতে প্রলেপ দিতে পারে? না—তাহা পারে না। এতখানি যোগ্যতা তাহার নাই।

লীলা লক্ষ্য করিয়া দেখিল, স্বামী তাহার সহিত কথা কহিবার সময় যেন অপরাধী হইয়া পড়েন—কেমন একটা সঙ্কোচ আসিয়া তাহাকে যেন চাপিয়া ধরে। সময়ে সময়ে তাহার মুখ বিবর্ণ হইয়া যায়। কিন্তু তাহাদের কথা—সেও ত কেবল—কোন্ দ্রব্য আনিতে হইবে—কি অভাব পড়িয়াছে—এই মাত্র। কোনো প্রাণের যোগ ত তাহাতে নাই। নিত্যপ্রয়োজনীয় দ্রব্যাদির অভাব-অভিযোগের প্রশ্ন—তাহার মধ্যে কিসের সঙ্কোচ? সে কি তবে এতই অনাবশ্যক?

সে বেশ বুঝিল, তাহার স্বামীর ভিতরে কোথায় একটা গোপন বাধা আছে, যাহার সাময়িক যন্ত্রণায় তিনি

মধ্যে মধ্যে অস্থির হইয়া পড়ে। কিছুদিন যাইতে সে দেখিল—সে যখন স্বামীর সহিত নিত্যব্যবহার্য্য দ্রব্যের কথা বলিতে যায় তখন যদি খোকা সেখানে আসিয়া পড়ে—তবে স্বামীর মুখ কালো হইয়া যায়, কে যেন তাঁহাকে কশাঘাত করে।

স্বামীর অবহেলার কথা লীলার মনে আর ততটা আধিপত্য করিতে পারিল না। সে যে স্বামীকে সুখী করিতে পারিতেছে না ইহারই তীব্র অনুভূতি তাহাকে নিজের ব্যবহারের প্রতি সজাগ দৃষ্টি রাখিতে শিখাইল। অক্ষমতার বেদনার লীলা মধ্যে মধ্যে কাঁদিয়া ফেলিত ও সংকল্প করিত যে—সে প্রাণপণে দেখিবে—ইহার শেষ কোথায়।

সে শুনিয়াছিল—তাহার মৃত সন্তান সরযু রূপে গুণে অতুলনীয় ছিল। তাই সে স্থির করিল যে স্বামীহৃদয়ের গুণত্ব সে পূর্ণ করিবেই। সে মৃত্যুর উদ্দেশ্যে কহিল—‘দিদি, স্বর্গ থেকে আশীর্বাদ করো—যেন তোমার উপযুক্ত বোন হ’তে পারি। স্বামীহৃদয়ের সকল গ্লানি যেন মুছে ফেলতে পারি।’

(৫)

নরেশ চাহিত—লীলা সরযু হোক। কিন্তু সে বুঝিত না যে একটা লোক সম্পূর্ণ আর-একটার সমান হইতে পারে না। লীলাকে সে সরযুর আদর্শে বিচার করিত—বুঝিতে চাহিত না যে সরযুর মৃত্যু-ঘটনিকার অন্তরালে তাহার সব দোষ ঢাকিয়া গিয়া সে অল্পময় সৌন্দর্য্য ও সর্বাঙ্গীন পূর্ণতার মধ্যে তাহার চোখে ফুটিয়া উঠিয়াছে। কল্পনার জিনিস বাস্তব জীবনে প্রতি অঙ্গে সমানভাবে পাওয়া যাইবে কেন? নরেশ কিন্তু তাহা স্বীকার করিত না। তাহার ধ্যানের প্রতিমাকে সে সংসারেই পাইতে চাহে।

যেখানে ভালবাসার নিবিড়তাই একমাত্র সম্পদ—সেখানে সবই ভালবাসার অভাবে শুকাইয়া উঠে। তাই নরেশ ও লীলার মধ্যে সম্পর্কটা দিনে দিনে ঝাপছাড়া হইয়া উঠিতেছিল। যে চোখ রাতদিন দোষ খোঁজে—সে চোখে সামান্য ক্রটিগুলিও বড় হইয়া উঠে। তাই লীলার ক্ষুদ্র বিচ্যুতিও নরেশের কাছে মহা অপরাধ বলিয়া গণ্য

হইত। এসকলের উপরে তাহার হৃদয়ে আর একটা ধারণা উকি দিত যে অমিয়কে লীলা অধিক করিবেই—সেইজন্তেই যেন তাহার আসা।

সোদিন অপরাহ্নে নরেশ যখন অন্তরে আসিল—তখন তাহার অসম্ভব গভীর মুখে বিষাদরেখা দেখিয়া লীলা স্থির থাকিতে পারিল না। ভালবাসার দিক দিয়া না হইলেও—কর্তব্যের দিক হইতে কে যেন তাহাকে জানাইয়া দিল—স্বামীর হৃদয়ভার লঘু করার চেষ্টা দ্রুত করা কর্তব্য।

তাহার কথা বলা স্বামী পছন্দ করেন না জানিয়াও সে প্রশ্ন করিয়া ফেলিল—‘তোমার কি কোন অসুখ করেছে—এত রুগ্ন দেখছি কেন?’

নরেশ অস্বাভাবিক জোরে বলিল—‘না’।

লীলা পুনরায় কি বলিতে যাইতেছিল কিন্তু মধ্যপথে বাধা দিয়া নরেশ বলিল—‘তুমি হয়ত জান না—তোমার সঙ্গে কথা বলা আমার পক্ষে কত বড় বেশী কষ্ট—বুঝি বা পাপও—’

লীলা আর দাঁড়াইল না। সে যে জ্বীলোকের কতখানি অভিমান বিসর্জন দিয়া যাঁচিয়া স্বামীর সহিত কথা কহিয়াছে তাহা যখন স্বামী বুঝিলেন না তখন সে আর কি করিতে পারে! নারীস্বের আত্মসম্মানের উপর যে এতখানি নিয়ম আঘাত করিতে পারে—সমাজ তাহাকে তাহার প্রভু করিয়া দিলেও—সে তাহার কেহ নয়—স্বামী—বন্ধু—না—অপরিচিতের চেয়েও অপরিচিত সে।

তবে সে এট লোহ নিগড়ে আবদ্ধ থাকিবে তাহার খাতিরে—কিদের প্ররোচনায়? তাহার মধ্যে তীব্র ইচ্ছা জাগিয়া উঠিল—সে স্বামীকে জানাইয়া দেয়—‘তুমি আমার কেহ নও—আজ আর আমি তোমাকে বা তোমার সুখ-দুঃখকে একটুও গ্রাহ্য করি না।’

কিন্তু তাহার কর্তব্য ত এখনও শেষ হয় নাই। এই নীরব পুরীর নিভৃত কোণে যে তাহার এখনও একটি বন্ধন বহিয়াছে—তাহাকে সে ত ছাড়িতে পারে না। অমিয় যে বড় আশ্বাসে—বড় নির্ভরতার সহিত তাহাকে জুড়াইয়া ধরিয়াছে, তাহাকে সে কোন প্রাণে বলিবে—‘ওগো স্নেহের কাঙাল, আমি তোমার না নই?’ সে যে একান্ত ভাবিবে তাহাকে না বলিয়া জানিয়াছে—শিশুহৃদয়ে এত বড় আঘাত সে করিবে

কোন প্রাণে। তাহার নারীত্বের স্বভাবস্বভাবত কমনীয়তা—
স্নেহপ্রবণতা ইহাতে সম্পূর্ণ বিদ্রোহী হইয়া উঠিল। নারীর
কোমল প্রাণ যে অতি অল্পেই ব্যথিত হইয়া উঠে।

(৬)

মানবজন্ম যখন সারা পৃথিবীর মধ্যে নিতান্ত নিঃসঙ্গ
হইয়া পড়ে যখন সে নিজেকে বিশাল পৃথিবীর বুকে একান্ত-
ভাবে উপেক্ষিত মনে করে—তখন ভগবান তাহাকে একটি
আশ্রয় জুটাইয়া দেন। প্রথম হইতেই লীলার সঙ্গীর
প্রয়োজন ছিল—শুধু লীলার বলিয়া নহে—প্রত্যেক মানবই
সঙ্গীলাভের নিমিত্ত ব্যাকুল। যখন কোন সঙ্গীই মেলে
না, তখন সে আর সঙ্গীর দোষগুণ বিচার করিবার অপেক্ষা
করে না—আগ্রহের ব্যাকুলতায় সঙ্গুথের প্রত্যেক জিনিস-
কেই জুটাইয়া ধরিতে চাহে।

লীলারও ঠিক তাহাই হইয়াছিল। ঠিক এই নিমিত্তই
তাহার সপত্নীপুত্রের প্রতি বিদ্রোহিত হৃদয়ের কথা—বরং
তাহাকে আপনার করিয়া লইবার প্রবৃত্তি জাগিয়া
উঠিয়াছিল। অমিয়েরও চিরতৃষিত হৃদয় নায়ের কোলে
মাথা রাখিবার জুটাই যেন বাঁচিয়া ছিল। আজ ভগবানের
করণায়—প্রকৃতির নিয়মে—হইটি বৃহুকু হৃদয়ের তৃষ্ণা
পরস্পরকে দিয়াই মিটিয়াছিল।

(৭)

স্বামীর উপেক্ষায় লীলা যখন কর্তব্য স্থির করিতে ব্যস্ত
ছিল ও অমিয়কেই একান্ত বাবা বলিয়া জানিতেছিল—
তখন তাহার পাড়িত হৃদয়ের সকল তাপ দূর করিয়া অমিয়
আসিয়া তাহাকে জুটাইয়া ধরিল। লীলার সব চিন্তা—সব
কর্তব্য ভাসিয়া গেল। সে হাসিমুখে তাহাকে চুমা খাইয়া
কহিল 'কি রে—এখন কি? এখনও তোমার খাবার সময়
হয় নি,—'

অমিয় বলিল—'তা' না হোক—তুমি চল'—বলিয়াই সে
তাহাকে হাত ধরিয়া টানিতে লাগিল।

লীলা দু-এক পদ অগ্রসর হইয়া কহিল—'কোথায় রে—'
শিশু উত্তর করিল—'বাবার কাছে—সে তোমায়
ডাকছে—'

এক মুহূর্তে লীলা কঠিন হইয়া দাঁড়াইল। তাহার
চোখে বিদ্রোহ খেলিয়া গেল। মায়ের এই অস্বাভাবিক ভাব

দেখিয়া অমিয় মাকে খোঁজ বের করিয়া জুটাইয়া ধরিল—
বুঝি সে বুঝিয়াছিল মাকে আবার হারাইতে হইবে।

লীলা তখন শিশুকে কোলে করিয়া গুম হইয়া মেঝের
বসিয়া পড়িল। তাহার চোখ হইতে প্রথমে আগুন পরে
জল বাহির হইয়া ধারার পর ধারার গাত্রাঙ্গ সিক্ত করিতে
লাগিল।

আজ তাহার পক্ষে পৃথিবী শূন্য—তাহা না হইলে তাহার
একমাত্র-নির্ভর পুত্রের মুখে এ কাহার কথা? নিতান্ত
অসহ হইলেও তা' ইহা সহিতে হইবে। তাহার মন
বলিতেছিল, শিশু সব ভুলিয়া যাক। জগতের মধ্যে তাহাদের
আপনার বলিতে যাহা সব চূর্ণ হইয়া যাক। শুধু পুত্র
মায়ের কোড়ে বসিয়া থাক। বাঁচিয়া থাক—মা ও ছেলে।

আজ যে তাহার বিবাহদিনের আশার রঙীন কাচ ভাঙিয়া
গেছে। যে প্রেমের অঞ্জলি চোখে দিয়া সে এই পৃথিবীকে
রূপে রসে ভরা, গন্ধে বিচিত্র, শব্দে সঙ্গীতময়ী বলিয়া ধারণা
করিয়াছিল—আজ চোখের জলে তাহার সে অঞ্জলি ধুইয়া
গেছে। সাদা চোখের সঙ্গুথে যাহা ভাসিয়া উঠিয়াছে—
তাহা নিতান্তই কুশ্রী।

জগৎ আজ রূপহারা গন্ধহারা। সে এ জগৎ চাহে
না। সব পুড়িয়া থাক হইয়া যাক। কিন্তু—অমিয়—না—
সে এ কি ভাবিতেছে! সংযত হইয়া সে উঠিয়া দাঁড়াইল।

(৮)

নরেশ বেশ একটু অপ্রস্তুত হইয়াছিল। অতখানি
আধাত কি কেহ হঠাৎ সহ্য করিতে পারে—না কাহারও
করা উচিত? কিন্তু এ ভাবটা তাহার মনে বেশীক্ষণ স্থান
পাইল না। সরযু হইলে কি এসন করিয়া চলিয়া যাইতে
পারিত? সে যে ইহার চেয়েও বড় দুর্ভাবহার হাসিমুখে
সহ্য করিয়াছে।

নরেশ একটু ভুল করিয়াছিল—সরযুর রূপ-গুণ তাহার
প্রাণ-মন যে ভরপুর করিয়া রাখিয়াছে, তাহাতে অন্য
কাহারও স্থান করা যে কতখানি শক্ত ব্যাপার তাহা সে
বুঝিত না। সে আরও বুঝিত না যে সরযু একদিনেই
সরযু হয় নাই। বিবাহের পর হইতে প্রেমের নিবিড়তায়
তাহাদের স্বামী-স্ত্রীর সম্বন্ধ স্থপিত হইয়াছিল। কিন্তু যেটা
প্রকৃত বিবাহ—অন্ততঃ বিবাহের উদ্দেশ্য ও স্বাধিক যে প্রেমে

—তাহা যে তাহার ও লীলার মধ্যে অসঙ্গতি হইতে পারে নাই—আর সেটাও যে তাহার দোষে—তাহা সে জানিত না বা জানিতে চাহিত না। কে জানে লীলা সরযু হইতে পারিত কি না—অন্ততঃ তাহার গুণগুলির সত্তা যে লীলার অন্তরে নিহিত ছিল তাহাতে সন্দেহ নাই। কিন্তু তাহার সব প্রবৃত্তি সার্থক হইতে পারিল না যে—তাহাকে বুদ্ধিবান্ধব চেষ্টা পর্য্যন্ত নরেশ যে করে নাই।

সন্ধ্যার অন্ধকার গাঢ় হইতেই হঠাৎ নরেশ দেখিতে পাইল অমিয় তাহার নিকট আসিতেছে। একরূপ ব্যাপারে সে একটু বিস্ময় বোধ করিল। কই এ সময় ত অমিয় তাহার নিকট আসে না। এ যে তাহার নিদ্রার সময়। সে অগ্রসর হইয়া অমিয়কে কোলে লইয়া পরম স্নেহে জিজ্ঞাসা করিল—‘কি বাবা, কি চাই? এ কি চোখে জল দেখছি যে—হাঁরে তুই কাঁদছিস কেন? কি হয়েছে তোর?’

পিতার এই প্রশ্ন বালকের চোখের জল দ্বিগুণবেগে ঝরিতে লাগিল। নরেশ ভাবিল—‘না জানি আবার এ কি! লীলা কি নিজের অপমানের শোধ ইহার উপর দিয়া তুলিয়াছে? এত বড় স্পর্ধা তার হবে?’

স্নেহাঙ্ক সে মানবহৃদয়ের এত নীচ স্তরে পৌঁছিয়াছিল যে সে কল্পনাতেও আনিতে নাহস করিল এই নীচ প্রতিহিংসার কথা। অমিয় যে লীলার সপত্নীপুত্র—সুতরাং তাহার পক্ষে বিদ্বেষের বস্তু, তাহা ত সে ভালরূপেই জানে। তবে কেন সে তাহার উপর শিশুর ভার গুস্ত করিয়া ভুল করিয়া বসিল।

সে পুনরায় জিজ্ঞাসা করিল—‘কি বাবা, কি হয়েছে? মা কি মেরেছে?’

‘না, বাবা, মা আকাশে ঐ আকাশে চলে যাবে কেন?’

অকস্মাৎ কে যেন তঁর অগ্নিতে শীতল জল ঢালিয়া দিল। শিশুর এই একটি কথায় নরেশ লজ্জায় মরমে মরিয়া গেল। কত নীচ সে। কত বেশী নীচ সন্দেহ সে এই মহিমময়ী নারীর উপর করিয়াছে। সে বলিল—‘না বাবা, সে চলে যাবে না। আমরা তাকে ধরে রাখব—যাও তুমি গুস্তে যাও।’

শিশু নাচিতে নাচিতে বাহির হইয়া গেল। অন্ততঃ

হৃদয়ে নরেশ মনে মনে তাহার অন্তর্যামীর নিকট ক্ষমা প্রার্থনা করিল। হয় এত নীচ সে কেমন করিয়া হইল!

(৯)

পরদিন প্রভাতে নরেশ অনেক মানসিক দ্বন্দ্বের পর লীলার নিকট গিয়া ক্ষমা চাওয়াই স্থির করিল। দিবসের আলোর সহিত লজ্জা নূতনভাবে তাহাকে চাপিয়া ধরিল। কিন্তু সে তাহা কাটাইয়া অগ্রসর হইয়া লীলার নিকট পৌঁছিল। লীলা তখন সবে অমিয়ের পোষাক পরানো শেষ করিয়া উঠিয়া দাঁড়াইয়াছে। চোখোচোখি হইতেই নরেশের সব দৃঢ়তা সব সংকল্প উধাও হইয়া গেল। তাহার অন্তরাগ্না বিদ্রোহী হইতে চাহিল—কিসের জ্ঞান ক্ষমা? সে ত ঠিক কথাই বলিয়াছিল।

অনেক দ্বিগুণ-দ্বন্দ্বের পর সে যেন নিজের অস্বাভাব্য হইয়া ফেলিল—‘লীলা আমি তোমার উপর বড় খুসী হয়েছি—’ বলিয়াই সে কথাটার অসঙ্গতি বুঝিতে পারিল।

লীলা একটু বিজ্ঞপের সুরে কহিল—‘সত্যি? নাকি? কেন?’—তাহার শিরার ভিতর তখন উষ্ণ রক্তশ্রোত চঞ্চল হইয়া উঠিয়াছিল—কানে বাজিতেছিল স্বামীর সেই বিবশল্যা—‘তোমার সহিত আমার কথা কওয়া তাও বুঝি পাপ।’

নরেশ এই বিজ্ঞপের কথায় উন্মত্ত হইয়া উঠিল। সে লীলার নিকট হইতে এ যাবৎ যাহা পাইয়াছে—তাহা কোমলতা স্নেহপ্রবণতা নব্রতা। এ মূর্ত্তি তাহার একান্তই অপরিচিত। ইহাকে সে সহ করিতে রাজী নহে।

সে পক্ষমর্থে কহিল—‘এত স্পর্ধা স্বীলোকের শোভা পায় না লীলা। তবে অমিয়ের খাতিরে তোমার ক্ষমা কবুলুম।’

লীলা বেশ একটু কঠিন হইয়াই উত্তর দিল—‘ক্ষমা করার অধিকার যে তোমার হয়নি—সেটা ভুলে গেলে চলবে কেন? সকল অধিকারই যে অর্জন করে’ নিতে হয়। তোমার খুসী—তোমার রাগ—তাতে আমার এমন কি আসে যায়?’

সে এ কথা বলিল বটে—কিন্তু তাহার এই দৃঢ় উক্তি ভিতর হইতেও বে কুটিয়া বাহির হইতেছিল—তাহার অক্ষমতা—তাহার বিবাহিত নারীজীবনের অসম্পূর্ণতা, ধর্মতা।

নরেশ ধৈর্য হারাইল—উচ্চ কর্তে কহিল—‘শুধু অমিয়ের

জন্ম—তা না হ'লে তোমার আমার কোনও প্রয়োজন ছিল না। শুধু অমিয়ের জন্ম এত ধূর্ততা তোমার সহ করছি—কিন্তু আজ শেষ—এর পরে আর তোমার বিশ্বাস করতে পারিনে।—'

লীলা কল্পিত অথচ শাগিত কণ্ঠে উত্তর দিল—'তবে অমিয়ের সহকে আমার আর কোনও দায়িত্ব রইল না—ঠিক বলছ?' এত জোরের সহিত এ কথা বলিলেও ইহা যেন করুণ বিলাপের স্তায় শুনাইল। যেন তাহার সর্ব্ব্ব্ব কেউ কাড়িয়া লইতেছে—এমনই আর্ন্ত সেই স্বর। নিজের স্বরে লীলা নিজেই চমকিয়া উঠিল।

'হ্যাঁ—এই আমার শেষ কথা। অমিয় এখন থেকে আমার কাছেই থাকবে।'

নরেশ চলিয়া গেল। লীলা কাঁপিতে কাঁপিতে মেঝের বসিয়া পড়িল। 'ওগো অশ্রুযামী—তুমি কি এত নিষ্ঠুর! আমার মুক্তির পথে বাধা বলে ক্ষণেকের তরেও অমিয়কে দোষী করেছিলাম—তাই বুঝি তাকে এমন ভাবে আমার কাছ থেকে বিচ্ছিন্ন করে' নিলে।'

সে বসিয়া রহিল—ঘণ্টার পর ঘণ্টা—কিন্তু কই অমিয় ত তাহার কাছে একবারও আসিল না—তাহাকে মা বলিয়া ডাকিল না। সে হতশাবক পক্ষিণীর মত লুটাইয়া পড়িল। সে ত ইহা চাহে নাই। একবার চকিতের তরে ভাবিলেও তাহার মন ত ইহা চাহে নাই। তবে এ কি শাস্তি—আজ আর তাহার আপনার বলিতে কিছু নাই—আজ সব শূন্য, তাহার এ গভীর আঁধারে শেষ আলোকরশ্মিও নিভিয়া গিয়াছে।

(১০)

লীলা স্থির করিল যে সে পিতৃপ্রদত্ত পাঁচ হাজার টাকা লইয়া কাশীবাস করিবে। সে টাকা তুলিতে যে কয়দিন দেবী তাহার একদিনও বেশী সে-আর পরের গৃহে নিজের অস্বীকৃত অধিকারের লজ্জা বহন করিয়া থাকিবে না।

সুদীর্ঘ তিন দিন তাহার কাটিয়া গেল—ইহার মধ্যে অমিয় একবারও তাহার নিকট আসিতে পার নাই। সময়ে সময়ে সে বেশ দেখিতে পায় যে অমিয় তাহার নিকট আসিতে যৌক ধরিত্তাছে—কিন্তু নরেশ তাহাকে আটকাইয়া

রাখিতেছে। সেই ক্ষণিকের কারণ স্বর শুনিতে পায়। আকাশ বাতাস সব যুহ মর্ম্মরে মর্ম্মবাতনা তাহার বুকে ঢালিয়া দিয়া যায়। সে স্থির থাকিতে পারে না।

যাইবার দিন সে শুনিল—খোকায় বড় অসুখ। তাহার সেদিন বাওয়া স্থগিত রহিল। ডাক্তারের আনা-গোনা যত বেশী বাড়িতে লাগিল—লীলার যাইবার আগ্রহ ততই কমিয়া যাইতে লাগিল। স্তব্ধ নিশীথে আগরণক্রান্ত চিন্তাক্রিষ্ট সে শুনিতে পায় অমিয় চীৎকার করিতেছে—'মা—আমি মার কাছে বাব।'

অসহ যন্ত্রণায় বুক ফাটিতে চাহিলেও সে খোকাকে দেখিতে যায় নাই। সে তাহার বিষাদমলিন কক্ষে প্রসূর-শয্যায় শুইয়া বিন্দ্র রজনী যাপন করিত। তাহার পদধর মধ্যে মধ্যে বিশ্বাসঘাতকতা করিয়া যখন খোকায় শয্যাপার্শ্বে লইয়া যাইত তখন তাহাকে সজাগ করিয়া দিত স্বামীর কথা—'তোমার আর কোনও প্রয়োজন নাই।'

(১১)

নরেশ দুইদিন তিনদিন অপেক্ষা করিল। ডাক্তার দেখাইলেই রোগ সারিয়া যাইবে। কিন্তু যেদিন ডাক্তার বলিয়া গেল যে মানসিক ব্যাধির ঔষধ চাই, নতুবা রোগ সারিবে না সেদিন নরেশ আর অভিমানকে ধরিত্তা রাখিতে পারিল না। তাহার পিতৃহৃদয়ে সম্মানস্নেহই জয়ী হইল।

পঞ্চম দিনে লীলা দ্বার খুলিয়া বাহিরে আসিয়াই দেখিল স্বামী-পুত্র। তাহার কর্তব্য স্থির করিতে কিছু বিলম্ব হইল, কিন্তু নরেশই প্রথমে কথা কহিল।

সে বলিল 'লীলা, যা হয়েছে তা' আর ফিরবে না। তোমার হৃদয়ে ছেলের প্রাণ ভিক্ষে করতে এসেছি, দেওয়া না দেওয়া তোমার হাত।'

স্বামীর বিষাদ-মূর্ত্তি দেখিয়া লীলা চোখে জল আসিল। তাহার মনে হইল—এই পুত্রস্নেহই একদিন তাহাকে পথ দেখাইয়াছিল—আজ তাহার স্বামীও সেই পুত্রস্নেহের কাছে নিজের জেদ পৌরুষ বলি দিয়াছেন।

সে কথা বলিল না—অতি সন্তর্পণে অমিয়কে স্বামীর নিকট হইতে লইয়া তাহার এবাবৎ অব্যবহৃত শয্যার উপর উপবেশন করিল। নরেশ রুপ্তির দীর্ঘনিঃশ্বাস ত্যাগ করিয়া নিশ্চিন্ত মনে ডাক্তার ডাকিতে গেল।

খোকা জ্ঞান পাইয়াই চাহিয়া দেখিল— মা। হাসিতে তাহার অধর রঞ্জিত হইয়া উঠিল। ডাক্তার আসিয়া জানাইলেন— রোগীর জীবনের আশা করা বাইতে পারে।

(১২)

খোকা সারিয়া উঠিতেই লীলার যাওয়ার আগ্রহ বাড়িয়া উঠিল। সে যে এ গৃহের অনাবশ্যক বোঝা মাত্র— তাহার যে কেমন প্রয়োজনই নাই। তবে সে থাকিবে কিসের অধিকারে? অপরিচিতের গৃহে একরূপ অতিথিভাবে থাকা যায়— কিন্তু বেখানে সব চাইতে বড় সম্বন্ধ সেখানে অনাআয়ের মত বাস কেবল অশোভন নহে—পরন্তু অপমান।

নরেশ যখন পুনরায় কেমন সুখের সহিত ধরকরণা আরম্ভ করিবে স্থির করিতেছিল তখন তাহাকে দ্রুত করিয়াই লীলা আসিয়া চরণে প্রণাম করিল। নরেশ স্নিগ্ধ হাস্যের সহিত জিজ্ঞাসা করিল— ‘কি?’

লীলা সোজা উত্তর দিল— ‘আজ আমি যাচ্ছি। এত দিন খোকার অসুখের জন্তে যেতে পারিনি, আজ সময় হয়েছে।’

নরেশ রীতিমত চমকিয়া উঠিল— তাহার মুখ হইতে রক্ত সরিয়া গিয়া সাদা হইয়া উঠিল। সে বলিল— ‘কেন লীলা— তোমার কি সব কর্তব্য শেষ হয়েছে? কিছু বাকী নেই?’

লীলা নতমুখে উত্তর দিল— ‘হাঁ, আমার ত তুমি মুক্তি দিয়েছ। কর্তব্য?—তা’ এমন কিছু দেখুইনে— ধার জন্তে আমার এখানে থাকার দরকার হ’তে পারে।’

নরেশ আর্তস্বরে কহিল— ‘ভেবে দেখ লীলা, অত

কঠিন হয় না। বিচারকের দৃঢ়তা ছেড়ে দাও। আমার জন্তে—না—খোকার জন্তেও কি তুমি থাকতে পার না?’

লীলা অকুণ্ঠিত চিন্তে কহিল— ‘আমার ভাবা-চিন্তার অবসর বা প্রবৃত্তি নেই— আমি জানি— আজ আমি মুক্ত। খোকার দায়িত্ব নেওয়া আর আমার সঙ্গে না—তবে শেষ একটা অশুরোধ রইল— যদি খোকার অসুখ হয়— আমাকে খবর দিতে দিখা করো না।’

লীলা অগ্রসর হইল। পুনরায় নিজের ঘরে গিয়া দেখিল অমিয় তখনও ঘুমাইতেছে। সে আর না চাহিয়া বাহির হইয়া গেল। রাস্তায় গাড়ী অপেক্ষা করিতেছিল।

গাড়ীতে উঠিতে গিয়াই সে দেখিল পার্শ্বে স্বামী। নরেশ বলিল— ‘ফেরো, লীলা ফেরো -’

লীলা ক্রুদ্ধকণ্ঠে কহিল— ‘আর তার সময় নেই—আমি আজ মুক্ত— কিন্তু তোমার বুঝার ক্ষমতা হবে না যে কত বেশী দামে আমি আমার এই মুক্তি ক্রয় করেছি—’ সে স্থির পদে গাড়ীতে প্রবেশ করিল। গাড়ী চাড়িয়া দিল।

নরেশ দেখিল লীলা চোখের জল মুছিতেছে। তাহার বাড়ীর দিকেই তাহার দৃষ্টি নিবদ্ধ।

সে দীর্ঘনিঃশ্বাস ফেলিয়া চেয়ারে বসিয়া পড়িতেই অমিয় আসিয়া জিজ্ঞাসা করিল— ‘বাবা, মা কই?’

গভীর মেহে তাহাকে বুকে চাপিয়া ধরিয়া নরেশ কহিল— ‘চলে গেছে রে—অভিমান করে’ গেছে—’

বালকের আর্ত চাঁৎকারে আকাশ বাতাস ভারী হইয়া উঠিল।

শ্রীকৃষ্ণনাথ মুখোপাধ্যায়।

কবি

সে চলেচে গভীর গতি-রঙ্গে—
মানব-মনের রহস্যময় অন্তরে ;
সে চলেচে নীরবে, নিঃসঙ্গে,
গভীর হতে গভীরেরি অন্তরে !
মন্-রহস্যের কোথায় রে শেষ কোন্‌খানে,
সে ধার গোপন সেই সীমানা-সন্ধানে।

কে রহস্যময়ি—অয়ি ! কোন্ অ-শেষের আব্দালে:
লুকিয়ে রচো বিশ্ব-জোড়া আবছায়া সব ভাব-জাগে !
কে গুপ্তিতা,—ভালের ভূষণ লুকিয়ে জলে কোন্ হীরে ?
সে যে তোমার করবে হরণ সেই রহস্য-ধনটিরে !
সে যে তোমার আনবে ধরে’ সাধ করে’,
মুখের ঢাকা মুক্ত করে’ এই বাহিরে—হাত ধরে’ !

শ্রীরাধাচরণ চক্রবর্তী।



পুস্তক পরিচয়

জীবনের ডুল—শ্রীবিষ্ণুবিহারী সেনগুপ্ত। প্রকাশক কর মজুমদার এণ্ড কোং, কলিকাতা। দাম ১১০ টাকা।

একখানি উপস্থাপন। লেখকের হাত জায়গার জায়গার কাঁচ। প্রতিটি মামুলি। তাহা হইলেও দুই-একটি চরিত্র বেশ কুটির আছে। ভাষা সরল সরল ও আড়খরহীন। মধ্যে মধ্যে অসঙ্গতি থাকিলেও লেখকের চরিত্র-অঙ্কনে হাত আছে। গল্পে তাঁহার হাত খুলিবে—এরূপ আশা করা যায়। বইটির ছাপা বাঁধাই কাগজ বেশ ভাল।

মঙ্গলমঠ—শ্রীশৈলবালা ঘোষজায়া। প্রকাশক কর মজুমদার এণ্ড কোং, কলিকাতা। দাম তিন টাকা। পৃষ্ঠা ৪০২। ছাপা ও বাঁধাই সুন্দর।

উপস্থাপন। সুদূর বোম্বাই সহরের এক প্রান্তে রাজস্থানীদের মঠ ইত্যাদির মধ্যে দুই-এক ঘর বাঙ্গালীর বাস। ইহাই ঘটনাস্থল। আর একটি রাজস্থানী ব্রাহ্মণ যুবক তাঁহার বইটির নায়ক। একটি বাঙ্গালী কিশোরীকে কয়েক বার দেখিয়া সুদৃঢ়মনা কন্যা যুবকের সমস্ত জীবন ব্যর্থ হইয়া গেল। আট বৎসর ধরিয়া সে নিজের চিত্তের সঙ্গে লড়াই করিল। উপযুক্ত গুরুর কাছে দীক্ষিত হইয়া এবং ভগবানের ধ্যান করিয়াও সে একান্তিহীন হইতে পারিল না। তাঁর জীবন লক্ষ্যহীন উচ্চার মত হইয়া গেল। কিশোরীরও সেই দশা। বইটির সবটাই কেমন অস্বাভাবিক। রাজস্থানী অনেকটা বাঙালী হইয়া গিয়াছে। ভাষাও সরল হয় নাই। লেখিকার "সেব আন্দু" প্রভৃতির পাশে এ বইটি দাঁড় করানো যায় না।

শ্রীঅরবিন্দ - বিষ্ণু ভাস্কর সরস্বতী প্রণীত। ইণ্ডিয়ান বুক ক্লাব, কলেজ স্ট্রীট মার্কেট, কলিকাতা। পাঁচ আনা।

কন্যা ও যোগী অরবিন্দ ঘোষের সংক্ষিপ্ত জীবনী। অল্পের মধ্যে তাঁহার জীবনের অনেক তথ্য ইহাতে আছে। যাহারা অরবিন্দকে বুঝিতে চান এই পুস্তিকাখানি তাঁহাদিগকে সহায়তা করিবে।

চিতোর-গৌরব নাটক—শ্রীবিষ্ণুচন্দ্র দাশগুপ্ত। যোগেন্দ্র পাবলিশিং হাউস, ১২৮ গ্র্যাণ্ডট্রাফ রোড, শালিখা, হাওড়া। আট আনা।

একখানি দুই অঙ্কের নাটক। কৃতিত্ব কিছুই নাই। তবে ভাষা সরল ও জীবনের ভূমিকা নাই বলিয়া স্কুলের ছাত্রদের অভিনয়ের পক্ষে বইটি মন্দ নয়।

ভারতবর্ষের শাসনপ্রণালী ও স্বায়ত্তশাসন বা

স্বরাজ—শ্রীঅক্ষয়কুমার চট্টোপাধ্যায়। ১১২ নং আমহার্ট স্ট্রীট হইতে শ্রীবিভূতিভূষণ মুখোপাধ্যায় কর্তৃক প্রকাশিত। দাম চারি আনা।

পুস্তিকা। ইহাতে অস্ত্রান্ত দেশের রাজনীতির তুলনার আমাদের দেশের বর্তমান রাজনীতি ও শাসনপদ্ধতির সংক্ষিপ্ত বিবরণ আছে। অল্পশিক্ষিত লোকদের দেশের অবস্থা বুঝিবার পক্ষে বইটি সম্পূর্ণ উপযোগী। তবে লেখক মধ্যপন্থী; তাঁহার সমস্ত কথা দেশের বর্তমান আবহাওয়ার সঙ্গে বেশ খাপ খায় বলিয়া মনে হয় না।

কলেরা চিকিৎসা—শ্রীবিষ্ণুকৃষ্ণ সেনগুপ্ত। প্রকাশক শ্রীবিষ্ণুবিহারী সেনগুপ্ত, জামালপুর, মুর্শের। দাম একটাকা।

বইটিতে কলেরা রোগের লক্ষণ, পূর্বাভূতনা ও পরিণতি এবং প্রত্যেক অবস্থার হোমিওপ্যাথি মতে চিকিৎসা-ব্যবস্থা প্রদত্ত হইয়াছে। ভাষা সরল। বইখানি প্রত্যেক গৃহস্থেরই গৃহে রাখিবার উপযোগী। সকলেরই পঠনীয়।

বৈষ্ণব-কবিতা—খ্যাতনামা বৈষ্ণব কবিদের পদ-সংগ্রহ। শ্রীতপনমোহন চট্টোপাধ্যায় কর্তৃক সংগৃহীত ও সম্পাদিত। প্রকাশক শ্রীহেমেন্দ্রনাথ দত্ত, ৩৬ মাণিকতলা স্ট্রীট, কলিকাতা। দাম আট আনা।

বইটিতে নানা বৈষ্ণব কবির পঞ্চাশটি বাছাই পদ সংগৃহীত হইয়াছে। সংগ্রহকারের উদ্দেশ্য সাধু ও প্রশংসনীয়। অল্পের মধ্যে বৈষ্ণব কবিদের সহিত পরিচিত হইতে ইহা সহায়তা করিবে। তবে আরো কতকগুলি শব্দের টীকা দেওয়া থাকিলে সাধারণ পাঠকের পক্ষে সুবিধা হইত। ছুঃখের বিষয়—বইটিতে ছাপার ভুল অনেক আছে।

গুপ্ত।

চরিত্র—শ্রীশরৎকুমার রায়। প্রকাশক ইণ্ডিয়ান প্রেস লিমিটেড, এলাহাবাদ। দশ আনা।

বইখানির ছাপা ও বাঁধাই ভাল। এই বইখানির মধ্যে কয়েকটি চরিত্র বেশ সহজ ভাবে এবং ভাষায় ফুটাইয়া তোলা হইয়াছে। দেশী এবং বিদেশী কতকগুলি মহৎ চরিত্রের সমাবেশে বইখানি সুখপাঠ্য হইয়াছে। গ্রন্থকার ভূমিকায় পুস্তকখানির উদ্দেশ্য ব্যক্ত করিয়াছেন। বালক-বালিকাদের এই পুস্তক পাঠে উপকার হইবার আশা করা যায়। পুস্তকে কয়েকখানি ছবি আছে। ছবিগুলি সব জায়গায় ঠিক বসান হয় নাই। ছবি আরো ভাল হওয়া উচিত ছিল। ছবির সংখ্যা কিছু বেশী হইলে ছেলে-মেয়েদের কাছে বইখানি অধিকতর প্রিয় হইত। মোটের উপর বইখানি আমাদের কাছে বেশ লাগিয়াছে এবং আমরা ইহার প্রচার কামনা করি।

উচ্ছ্বাস—শ্রীশচীভূষণ মিত্র। দাম এক টাকা। আপিস্থান ৪নং তেলকল ঘাট রোড, হাওড়া।

কবিতার বই—লেখক অন্তত তাই বড়েন। চেষ্টা বুধা হইয়াছে।

চন্দ্রহাস—শ্রীপ্রবোধেন্দ্রনাথ ঠাকুর। দাম বারো আনা। চক্রবর্তী চ্যাটার্জি এণ্ড কোং, ১নং কলেজ স্কোয়ার, কলিকাতা।

ছোট ছেলের লেখা; প্রথম চেষ্টা হিসাবে বইখানি মন্দ হয় নাই। তবে বইএর ভাষা চলিত সহজ ভাষায় লিখিলেই ভাল হইত। ছাপা, মলাট, বইএর ভিতরকার ছবি, বেশ ভালই হইয়াছে। লেখকের সমবয়স্ক বালকদের ইহা পড়িতে ভাল লাগিতে পারে।

তমাল-বিতান, অমিয়া—শ্রীরাজেন্দ্রনাথ কর। দাম ছয় আনা। সাং বিষ্ণুপুর, জেলা বাঁকড়া।

ছুখানি কবিতার বই। প্রথম পুস্তকখানি মলাট বাদে সবই ভাল কাগজের উপরে সবুজ কালিতে ছাপা।

গাফি ও চিত্তরঞ্জন—শ্রীসত্যেন্দ্রনাথ বসুসদায়। সর্বস্বতী লাইব্রেরী, ২নং রমানাথ বসুসদায়ের স্ট্রীট, কলিকাতা।

দেশের ছুইটি উজ্জ্বল চরিত্রের আলোচনা করা হইয়াছে। বইখানি পড়িতে অনেকের ভাল লাগিবে। ভাষা জোরালো, কিন্তু স্থানে স্থানে ভাষা বড় বেশী ফেঁসাইয়া উঠিয়াছে। মোটের উপর বইখানি আমাদের ভাল লাগিয়াছে।

মোহাম্মদ আলী—মোহাম্মদ ওয়াজেদ আলী সফিক্ত। প্রাচীন জিরাউর রহমান খাঁ, ২২নং আপার সার্কুলার রোড, কলিকাতা।

মৌলানা সাহেবের জীবনী বর্ণিত হইয়াছে। যাহারা এই দেশ-সেবকের জীবনী সংক্ষেপে কিছু জানিতে ইচ্ছুক, তাহারা এই বই পড়িয়া

আনন্দ লাভ করিবেন। বইখানির ছাপা ও কাগজ আর-একটু ভাল করা উচিত ছিল।

ব্রহ্মচর্যা-শিক্ষা—শ্রীকালীপদ রায়। দাম দশ আনা। প্রাচীন লেখকের নিকটে সিরাজগঞ্জে এবং কলিকাতার প্রধান প্রধান পুস্তকালয়।

শুণ-উপদেশ-পূর্ণ পুস্তক। বাহাদের জন্ত লেখা হইয়াছে, তাহাদের ভাল লাগিবে বলিয়া মনে হয় না। চন্দ্রনাথ বসুর সংঘ-শিক্ষার অনেক কিছু এই পুস্তকে উৎকৃষ্ট মারিতেছে দেখা যায়। এই ধরণের উপদেশ-পুস্তকে লেখকের গুরুগরি হইয় মন নয়, তবে যদি কোন উদ্দেশ্য থাকে তাহা সফল হয় না। ছাপা ও কাগজ একরকম হইয়াছে।

প্রসূকীট।

ফাগুন পূর্ণিমা

গান

(১)

ফাগুনের সুর হতেই
শুকনো পাতা ঝরল যত -
তা'রা আজ কেঁদে শুধায়
"সেই ডালে ফুল ফুটল কি, হাস,
সেই ডালে ফুল ফুটল কত ?"
তা'রা কয় "ঠাৎ হাওয়ায়
এল ভাসি'
মধুরের সুদূর হাসি,
উতল হাওয়ায় আকুল হয়ে
ঝরে' গেলেম শত শত।"
তা'রা কয়, "আজ কি তবে
এসেছে সে
নবীন বেশে ?
আজ কি তবে এতক্ষণে
জাগল বনে
যে গান ছিল মনে মনে ?
সেই বাঁজা কানে নিয়ে
যাই চলে' এইবারের মত।"

(২)

এনেছে ঐ শিরীষ বকুল
আঁমর মুকুল,
সাজিখানি তাতে করে'।
কবে যে সব ফুরিয়ে দেবে
চলে' যাবে দিগন্তরে।

"পথিক তোমায় আছে জানা,
করব না গো তোমায় মানা,
যাবার বেলায় যেয়ো যেয়ো
বিজয়মালা মাথায় পরে'।


তবু তুমি আছ যতক্ষণ
অসীম হয়ে উঠবে হিয়ায়
তোমারি মিলন।
যাবে যখন তখন পাণে
বিরহ মোর ভাবে গানে,
বাঁজে সুরে দূরের কথা
সকল বেলা বাথায় ভরে'।

(৩)

রাতে রাতে আলোর শিখা
রাখি জ্বলে'
ঘরের কোণে আসন মেলে'।
বুঝি সময় হ'ল এনার
আমার প্রদীপ নিবিয়ে দেবার,
পূর্ণিমা চাঁদ তুমি এলে।

এতদিন সে ছিল তোমার
পথের পাশে
তোমার দরশনের আশে।
আজ তারে যেই পরিশিবে,
যাক সে নিয়ে যাক সে নিবে,
যা আছে সব দিক সে ঢেলে।

শ্রীরবীন্দ্রনাথ ঠাকুর।



মহাত্মা গান্ধী গ্রেপ্তার

গত ২৬শে ফাল্গুন মহাত্মা গান্ধী রাজদ্রোহ অপরাধে গ্রেপ্তার হইয়াছেন। তাঁহার দলের হাজার হাজার লোক তাঁহা অপেক্ষা কম শক্ত কথা বলার অল্প কারাদণ্ড ভোগ করিতেছেন; সুতরাং তাঁহার গ্রেপ্তারে বিশ্বের বিষয় কিছুই নাই। কিন্তু, ইংরেজের আইন অনুসারে যাহা রাজদ্রোহ, সে রূপ কথা তিনি কয়েক বৎসর ধরিয়া বলিয়া আসিতেছেন। সুতরাং তাঁহাকে ইতিপূর্বে গ্রেপ্তার না করিয়া এখন গ্রেপ্তার করিবার কোন যুক্তিসঙ্গত কারণ দেখা যাইতেছে না; বিশেষতঃ তিনি যখন অনির্দিষ্ট কালের জন্ত আইন অমান্ত করিবার ও করাইবার সংকল্প পরিত্যাগ করিয়াছিলেন। যে-কারণ সকলেই জানে ও বুঝে, তাহা সত্য- বা যুক্তি-মূলক নহে, তাহা কেবল কূট রাজনীতি মাত্র।

গ্রেপ্তারে বা কারাদণ্ডে মহাত্মা গান্ধী বিন্দুমাত্রও বিচলিত হইবেন না, ইহা বলা বাহুল্য মাত্র। তাঁহার অল্প ভাবিবার বা দুঃখ করিবার কিছু নাই। তাঁহার গ্রেপ্তারের বা কারাদণ্ডের ফল কি হইবে, বলা যায় না; কিন্তু কি হওয়া উচিত তাহা মোটামুটি বলা যাইতে পারে।

তিনি সাধু ব্যক্তি; দেশের কল্যাণের জন্ত সর্ব্বদা পণ ও প্রাণপণ করিয়া তিনি কাজ করিয়া আসিতেছেন। তাহাতে তিনি স্বার্থের লেশও রাখেন নাই। সম্যক জ্ঞানের অভাব, বিবেচনার ত্রুটি, প্রকৃত বৃত্তান্ত না জানার জন্ত ভ্রান্ত ধারণা পোষণ, প্রভৃতি দোষ তাঁহার মধ্যে মধ্যে হইয়াছে। মানুষ মাত্রেরই, অসম্পূর্ণতা বশতঃ, এইরূপ দোষ হইতে পারে। কিন্তু এইসকল দোষ-ত্রুটি তাঁহার চরিত্রের বিশুদ্ধতা এবং জীবনের মহৎ উদ্দেশ্য ও চেষ্টাকে আচ্ছন্ন বা ম্লান করিতে পারে নাই। তিনি দেশের লোককে কেবল রাষ্ট্রীয় স্বাধীনতা লাভ করিতে উদ্বুদ্ধ করিতে চান নাই। তিনি তাহাদিগকে নির্মল, শুদ্ধান্তঃকরণ, সংযত, হিংসারহিত,

স্বাধীন, ও পরিশ্রমী হইতে উপদেশ দিয়াছেন। যাহারা তাঁহার দলের লোক নহেন, তাঁহারাও তাঁহার এইসকল উপদেশ মনে রাখিয়া চলিলে উপকৃত হইবেন। "সহযোগী" বা "অসহযোগী" কাহারও নিয়মিত কার্যগুলি সম্বন্ধে আপত্তি থাকিতে পারে না।

(১) হিন্দু-মুসলমানের আন্তরিক মিলন সাধন।

(২) "অস্পৃশ্যতা" দূর করিয়া সকল হিন্দুর আন্তরিক মিলন সাধন।

(৩) স্বদেশজাত কার্পাস ও স্বত্র হইতে নির্মিত বস্ত্র ব্যবহার, এবং তাহা উৎপাদনে যথাসাধ্য চেষ্টা ও সাহায্য করা।

(৪) মদ্য ও অস্ত্র সকল প্রকার মাদক দ্রব্য ব্যবহার করিতে স্বয়ং বিরত থাকা এবং অন্তর্কেও, যুক্তি ও পরামর্শ দ্বারা, বিরত রাখা।

(৫) পরস্পর বিবাদ বিসর্বাদ হইতে বিরত থাকা, এবং যথাসাধ্য নির্বিবাদ জীবন যাপন করিবার চেষ্টা সম্বন্ধে কোন বিবাদ ঘটিলে, আদালতের আশ্রয় না লইয়া, সালিসীর দ্বারা তাহার নিষ্পত্তির চেষ্টা করা।

মহাত্মা গান্ধী সত্যগ্রহ-আশ্রম ছাড়িয়া সবারমতি হেঁচক অভিমুখে যাইবার পূর্বে আশ্রমবাসীদিগকে শেষ যে-কয়টি কথা বলেন, তাহাতে এই অনুরোধ করেন, যে, যাহারা ভারতবর্ষকে ভালবাসেন তাঁহারা যেন সর্ব্বপ্রযত্নে ভারতের সর্ব্বত্র সকল সম্প্রদায়ের মধ্যে শান্তি ও সম্ভাব উৎপাদন ও বিস্তারের চেষ্টা করেন। জেলে তাঁহার সহিত সাক্ষাৎকারের সময় তিনি তাঁহার স্বদেশবাসীদিগের উদ্দেশে কথা বলেন, এক কথায় "খন্দর" তাহার চুম্বক। তাঁহার মতে খন্দর অহিংসা, হিন্দু-মুসলমানের ঐক্য, এবং অবনত শ্রেণীসমূহের বন্ধনমোচন সুনিশ্চিত করিবে। তিনি অসহযোগপন্থীদিগকে মডারেটদিগের সহিত বন্ধুতাব বন্ধন করিতে সনির্ব্বন্ধ অনুরোধ করেন।

মহাশয় গান্ধী এ পর্যন্ত স্বদেশবাসীদিগকে যাহা করিতে বলিয়া আসিয়াছিলেন তাহার কোন কোন কাজ বা প্রণালী সন্থকে মতভেদ আছে ও হইতে পারে; কিন্তু মানবের কল্যাণ সাধনার্থে যে আমাদের সকলের হিংসা-ও স্বার্থশূন্য, নির্ভীক, অনলস ও একাগ্র হওয়া উচিত তাহাতে মতভেদ হওয়া উচিত নহে।

মহাশয় গান্ধীর মহৎ জীবন হইতে আমরা যেন তাঁহারই মত মহান্ ব্রত গ্রহণ ও তাহার উদ্দেশ্য পূরণ করিতে উদ্বুদ্ধ হই, এই প্রার্থনা করিতেছি।

আগামী বৎসরের প্রবাসী

বর্তমান বৎসরের প্রবাসীর কোন কোন সংখ্যা ফুরাইয়া যাওয়ার কয়েকমাস হইতে নূতন গ্রাহকদিগকে সমুদয় সংখ্যা দিতে পারিতেছি না। প্রতি বৎসরই বৎসরের আরম্ভে কতকগুলি গ্রাহক কাগজ লওয়া বন্ধ করেন, এবং অনেকে নূতন করিয়া গ্রাহক হন। সন্থসর ধরিয়া গ্রাহকবৃদ্ধি চলিতে থাকে। সেইজন্য একটা অনুমান করিয়া নির্দিষ্টসংখ্যক কাগজ বৎসরের প্রথম মাস হইতে আমরা ছাপিয়া থাকি। কিন্তু এই অনুমান সকল বৎসর ঠিক হয় না। ১৩২০, ১৩২১, ১৩২২, ও ১৩২৭ সালে কিছু কাগজ উদ্বৃত্ত ছিল। ১৩২৩, ১৩২৪, ১৩২৫, ১৩২৬, বর্তমান ১৩২৮ সালে কাগজ কম পড়িয়াছে। কাগজ উদ্বৃত্ত থাকিলে তাহাতে আমাদের ক্ষতি হয়, কাগজ ফুরাইয়া গেলে গ্রাহকবৃদ্ধি কিয়ৎ পরিমাণে স্থগিত থাকে। এই উভয় অনুবিধার মধ্যে আমরা কাগজ উদ্বৃত্ত না থাকাই শ্রেয়ঃ মনে করি। সেইজন্য আমরা আগামী বৎসরে বর্তমান বৎসর অপেক্ষা কেবলমাত্র ৫০০ কাগজ বেশী ছাপাইব। বর্তমান বৎসরে মাসে মাসে সাত হাজার ছাপান হইয়া আসিয়াছে। আগামী বৎসরে ৭৫০০ ছাপা হইবে। সম্ভবতঃ বৈশাখের এবং শারদীয় দুইটি সংখ্যার কাগজ আরও দুই একশত ক্রমিক ছাপা হইবে।

কয়েকমাস হইতে প্রবাসী যে কাগজে ছাপা হইতেছে, তাহা চিকণ ও পুরু; কিন্তু ছাপিবার পক্ষে উহা মন্দ না হইলেও, উহার রং কিছু লাগ্চে ছিল। মডার্ন রিভিউ এবং প্রবাসীর জন্য তেইশশত ব্রীম কাগজ কেনা ছিল।

উহা এখন প্রায় নিঃশেষ হইয়াছে। বৈশাখের প্রবাসী উৎকৃষ্টতর সাদা কাগজে ছাপা হইবে; উহাতে বিজ্ঞাপনও ঐরূপ উৎকৃষ্ট কাগজে ছাপা হইবে।

প্রবাসী বৃহৎ কাগজ এবং উহা অনেক হাজার ছাপা হয় বলিয়া বৎসরের গোড়ায় নূতন অক্ষরে ছাপিতে আরম্ভ করিলেও বৎসরের শেষ নাগাদ অক্ষরগুলি ভোঁতা হইয়া ও ভাঙ্গিয়া যায়। এই কারণে বৈশাখ হইতে প্রবাসী আবার নূতন অক্ষরে ছাপা হইবে। লিনোটাইপ ও মনোটাইপ নামক দুই রকম কল আছে। তাহাতে প্রতিবারই ছাপিবার জন্য নূতন অক্ষর ঢালাই হইয়া ছাপা হয়। এইজন্য ঐ দুটির মধ্যে কোন এক রকম কল যে-সব ছাপাখানায় আছে, তাহার বরাবর বেশ পরিপাটি ছাপিতে পারে। কিন্তু ঐ দুই কলে বাংলা ছাপা হয় না।

আগামী বৎসরে প্রবন্ধ আদির উৎকর্ষ রক্ষা ও বৃদ্ধি করিবার চেষ্টা করা হইবে।

পুরাতন ও নূতন গ্রাহকগণ মনিঅর্ডার দ্বারা কিম্বা লোক মার্ফৎ আমাদের আফিসে বার্ষিক মূল্য সাড়ে ছয় টাকা ১৫ই চৈত্রের মধ্যে পাঠাইয়া দিলে ভাল হয়। ড্যানু-পেয়েন্স ডাকে কাগজ পাঠাইয়া টাকা আদায় করিতে হইলে অনেক সময় আমাদের টাকা পাইতে বহু বিলম্ব ঘটে, এবং কখন কখন টাকা পাওয়াই যায় না। ডাকঘর কখন কখন একজনের টাকা অন্তের প্রদত্ত বলিয়া আমাদের দেওয়ার তাহাতেও অনেক গোলযোগ ঘটে। মনি-অর্ডার দ্বারা বা লোকমার্ফৎ টাকা পাঠাইলে এক্ষণে কোন অনুবিধা হয় না।

পুরাতন গ্রাহকগণের টাকা পাঠাইবার সময় গ্রাহক-নম্বর উল্লেখ করা আবশ্যিক।

পরলোকগত বিহারীলাল সরকার

বঙ্গবাসীর সম্পাদক শ্রীযুক্ত বিহারীলাল সরকারের মৃত্যু হইয়াছে। তিনি দীর্ঘকাল বঙ্গবাসীর সংগ্রহে কাজ করিয়া সংবাদপত্র পরিচালন কার্যে দক্ষতা লাভ করিয়াছিলেন। ইংরেজের জয়, শকুন্তলারহস্য, বিন্যাসাগর-চরিত, প্রভৃতি বহি তাঁহার লিখিত। গুনিয়াছি, অক্ষয়পত্রের ঐতিহাসিকতা সন্থকে তিনিই প্রথমে সন্দেহ প্রকাশ করেন, এবং

কালিদাসের শকুন্তলায় মূল যে মহাভারতে ও পদ্মপুরাণে, তাহাও তিনি প্রথম নির্দেশ করেন। তিনি অনেক গানও রচনা করিয়াছিলেন।

বার্ষিক ক্ষতিলাভ গণনা

ব্যবসাদারেরা যেমন বার্ষিক ক্ষতিলাভ গণনা করেন, তেমনি রাজ্য সাম্রাজ্য সাধারণতঃ, মিউনিসিপালিটি জেলা বোর্ড, বিশ্ববিদ্যালয়, প্রভৃতিও বার্ষিক ক্ষতি-লাভের হিসাব করিয়া থাকেন। সাধারণ ধনী, মধ্যবিত্ত, ও গরীব গৃহস্থেরাও অনেকে এইরূপ আয়-ব্যয়ের হিসাব করেন।

আর্থিক ক্ষতিলাভ ছাড়া অল্প প্রকার ক্ষতি-লাভও আছে। অনেক ধার্মিক লোক প্রাতঃকালে ঈশ্বরের নিকট এই রূপা ভিক্ষা করেন, যে, সমস্ত দিবসের কার্যে, কথায় ও চিন্তায় যেন এমন কিছু করিয়া না ফেলেন, যাহাতে অপরাধ এবং আধ্যাত্মিক ক্ষতি হয়। দিবালয়ে তাহারা সমস্তদিনের আচরণ স্মরণ করিয়া স্থির করিতে চেষ্টা করেন, যে, তাহাদের আধ্যাত্মিক লাভ বা ক্ষতি হইয়াছে। এইরূপ ধার্মিক ব্যক্তিগণের দৈনিক হিসাবের মত হিসাব জাতিসকলও বর্ষশেষে করিতে পারেন।

জাতীয় ক্ষতি লাভ গণনা ছরকমের হইতে পারে। সাংসারিক ও আর্থিক ক্ষতি লাভ, এবং মানসিক, চারিত্রিক ও আধ্যাত্মিক ক্ষতিলাভ।

যে-সব জাতি স্বাধীন, তাহাদের গবর্ণমেণ্টের আয়-ব্যয়ের হিসাবে যে ক্ষতি লাভ, তাহাকে অনেকটা সেই জাতিরও ক্ষতি লাভ মনে করা যাইতে পারে। তা ছাড়া, সেই জাতি বৎসরের মধ্যে কত ফল শস্য পশু পক্ষী পণ্যাদ্রব্য উৎপাদন ব্যবহার ও দেশবিদেশে বিক্রয় করিল, অল্প দেশ হইতে কত আমদানী ও ক্রয় করিল, তাহা দ্বারাও ক্ষতি লাভ গণিত হইতে পারে। পূর্ব পূর্ব বৎসরের এই প্রকার হিসাবের তুলনা করিলে ক্ষতি লাভ আরও ভাল করিয়া বুঝা যায়।

জাতির মানুষ কমিলা বাড়িল, তাহার দ্বারা জাতীয় ক্ষতি লাভ আর-একপ্রকারে অনুমিত হইতে পারে। এই অনুমান করিতে হইলে বৎসরের মধ্যে কত মানুষ জন্মগ্রহণ করিয়াছে ও কত মানুষ মরিয়াছে, তাহার হিসাব দেখা দরকার। মানুষ লইয়াই জাতি, মানুষই জাতির প্রধান

সম্পদ। একটা দেশে যদি লক্ষ লক্ষ মণ সোনা রূপা হীরা থাকে, কিন্তু যদি উহা জনশূন্য হয়, তাহা হইলে সে দেশটা অল্প দেশের অধিবাসী জাতিদের ধনসম্পদের কারণ হইতে পারে, কিন্তু তাহার নিজের কোন জাতি না থাকায় সেই দেশের জাতীয় ধন বলিয়া কিছু উল্লেখ করিবার সার্থকতা থাকে না। কোন দেশ জনশূন্য না হইলেও যদি ক্রমাগত তাহার লোকসংখ্যা কমিতে থাকে, তাহা হইলে তাহা যে দরিদ্রতর হইয়া বাইতেছে, তাহার প্রধান ধন মানুষ যে কমিয়া বাইতেছে, তাহাতে কোন সন্দেহ থাকে না। কেবল আর্থিক হিসাবেও সে দেশ দরিদ্রতর হইতেছে বলা যায়। কারণ, দেশের মানুষ কমিয়া গেলে ধন উৎপাদন কে করিবে, সম্ভোগই বা কে করিবে?

প্রত্যেক জাতির প্রধান সম্পদ মানুষ বটে; কিন্তু যে দেশের লোকসংখ্যা যত বেশী, তাহার প্রধান সম্পদ অর্থাৎ মনুষ্যরূপ সম্পদ তত বেশী নির্বিচারে বলা যায় না। ভারতবর্ষের লোক-সংখ্যা ইংলণ্ডের লোক-সংখ্যা অপেক্ষা অনেকগুণ বেশী, কিন্তু ভারতবর্ষ মনুষ্যসম্পদে ইংলণ্ড অপেক্ষা ধনী নহে। কেবল মাথাগুস্তি দ্বারা মনুষ্যসম্পদের পরিমাণ নির্ণীত হইতে পারে না। দেখিতে হইবে, প্রথমতঃ মানুষগুলা স্তম্ভ সবল বটে কি না, অর্থাৎ দৈনিক হিসাবে মানুষ নামের যোগ্য কি না। দ্বিতীয়তঃ দেখিতে হইবে, এই মানুষগুলির দেহ স্তম্ভ সবল হইলেও তাহাদের জ্ঞান আছে কি না, বুদ্ধিবৃত্তি মার্জিত ও সবল কি না, হৃদয়মন মানবের উৎকৃষ্ট গুণসকলে অলঙ্কৃত কি না, এবং তাহাদের আধ্যাত্মিক সম্পদ আছে কি না। কোন জাতি যদি সংখ্যাবহুল হয়, অথচ উহার লোকেরা দেহ মন আত্মায় স্তম্ভ সবল না হয়, তাহা হইলে সে জাতিকে মনুষ্যসম্পদে ধনী বলা যায় না।

বার্ষিক ক্ষতি লাভ কি কি প্রকারে গণনা করিতে হইবে, তাহা মোটামুটি বুঝা গেল। আমাদের দেশের ক্ষতি লাভ গণনা কিরূপে হইতে পারে দেখা যাক। আমরা পরাধীন জাতি; সুতরাং আমাদের গবর্ণমেণ্টের গত বৎসরে কত টাকা আয় হইয়াছে ও কত ব্যয় হইয়াছে, তাহার দ্বারা আমাদের জাতির ধনশালিতা বা দারিদ্র্য পরিমিত হইতে পারে না। কারণ, আমরা সমুদয় জাতি যে আগেকার চেয়ে ধনী হইতেছি তাহার কোন প্রমাণ নাই,

অথচ আমাদের উপর নূতন ট্যাক্স বসাইয়া গবর্ণমেন্ট নিজের আর বাড়াইতেছেন। স্বাধীন দেশের মত এদেশে জাতির ও গবর্ণমেন্টের আংশিক বা সম্পূর্ণ অভিজ্ঞ নাই।

গবর্ণমেন্টের আর-বার ছাড়িয়া দিয়া আমরাগকে দেখিতে হইবে, যে, আমাদের জাতির ধন বাড়িতেছে কি না। তাহা হইলে স্থির করিতে হইবে, যে, আমরা সম্বৎসরে ফল শস্য পশু পক্ষী মৎস্য আদি কত উৎপাদন ব্যবহার ও বিক্রয় করিয়াছি, এবং তাহা পূর্ব পূর্ব বৎসর অপেক্ষা অধিক বা কম কি না। ধনি হইতে, অরণ্য হইতে, নদী ও সমুদ্র হইতে আমরা কি কি দ্রব্য কি পরিমাণে সংগ্রহ করিয়াছি ও তাহা পূর্ব পূর্ব বৎসর অপেক্ষা অধিক কি না, তাহা দেখিতে হইবে। তাহার পর দেখিতে হইবে, আমরা বিদেশ হইতে যত টাকার জিনিষ আমদানী করিয়াছি, বিদেশে তাহার সমান, তাহা অপেক্ষা বেশী, বা তার চেয়ে কম টাকার জিনিষ রপ্তানী করিয়াছি। টাকা ও জিনিষ দুই জড়াইয়া যদি আমরা রপ্তানী অপেক্ষা আমদানী বেশী করিতে পারি, তবে আমরা আর্থিক হিসাবে ধনী হইতেছি বুঝিতে হইবে। কিন্তু অত্র দেশকে দরিদ্র করিয়া নিজেরা ধনী হইবার ইচ্ছা কণাটা ধর্ম্মসঙ্গত নহে। নিজের অभाव নিয়ে মোচন করিয়া, যে দেশে যে জিনিষ হয় না বা হইতে পারে না, সেদেশে তাহা বিক্রয়ের জন্ত প্রেরণ করা ধর্ম্মসঙ্গত। কাপাস আমাদের দেশে প্রচুর পরিমাণে হয়, এবং আরও বেশী হইতে পারে। অনেক দেশে উহা হয় না। অতএব কাপাস ও তাহার সুতার কাপড় আমাদের ব্যবহারের পক্ষে যথেষ্ট উৎপাদন করিয়া ঐসব দেশে বাকী উৎপন্ন কাপাস সুতা ও কাপড় প্রেরণ করা অন্ত্যস্ত নহেই, বরং প্রেরণ না করিলে কর্তব্যের জটিল হয়।

ধনি প্রভৃতি হইতে সংগৃহীত দ্রব্যের হিসাবে দেখিতে হইবে, যে, ঐসব দ্রব্যের কত অংশ বিদেশীরা সংগ্রহ করিয়া আপনাদিগকে বা আপনাদের দেশকে সমৃদ্ধ করিতেছে, কত অংশই বা ভারতীয়েরা সংগ্রহ করিয়া ভারতবর্ষকে সমৃদ্ধ করিতেছে। আমরা যতদূর জানি, ভারতবর্ষের খনিজ অরণ্য ও জলজ ধনের অধিকাংশ বিদেশীরা দ্বারা সংগৃহীত হইয়া ভারতবর্ষের বাহিরের বহু দেশকে সমৃদ্ধ করিতেছে। অরণ্য ও জলজ সম্পদ পুনঃ পুনঃ সঞ্চারিত ও নবীভূত হইতে

পারে, কিন্তু খনিজ দ্রব্যসকল একবার সংগৃহীত হইয়া গেলে ছ এক বৎসরে বা হাজার বা দশ হাজার বৎসরে আবার উৎপন্ন হয় না। সুতরাং তৎসমুদয় বিদেশীদের দ্বারা সংগৃহীত ও আত্মসাৎ হইতে থাকিলে কেবল ভারতবর্ষের দরিদ্রতাই বৃদ্ধি পায়। দেশী লোকের টাকার ও পরিশ্রমে পরিচালিত সকল রকমের কারখানা ও কারবার বাড়িতেছে কি না, দ্রষ্টব্য।

ভারতবর্ষের উদ্ভিজ্জ, প্রাণিজ, ও খনিজ সম্পদের বার্ষিক উৎপাদনের পরিমাণাদির হিসাব গবর্ণমেন্ট কর্তৃক প্রকাশিত হয়; কিন্তু তাহা অনেক বিলম্বে প্রকাশিত হয়। বিলম্ব হইলেও, আমাদের সংবাদপত্রসমূহে তাহার যেরূপ আলোচনা হওয়া বাঞ্ছনীয়, দুঃখের বিষয় তাহা হয় না।

আমাদের মনুষ্যসম্পদ বাড়িতেছে কি না, তাহার গণনা গবর্ণমেন্টের প্রকাশিত মাসিক ত্রৈমাসিক ও বার্ষিক জন্ম-মৃত্যুর সংখ্যাসমূহ হইতে স্থির করা যায়। সমুদয় ভারতবর্ষ ধরিলে ভারতবর্ষের মনুষ্যসংখ্যা সামান্য বাড়িতেছে বলিতে পারা যায়, যদিও এই বৃদ্ধি অল্প অনেক সত্য দেশ অপেক্ষা কম। শুধু বাংলাদেশ ধরিলে বিস্তর জেলার বৃদ্ধি অপেক্ষা হ্রাসই দেখিতে পাওয়া যায়। এ বিষয়ে কোন সন্দেহ নাই, যে, বাংলাদেশের মনুষ্যসম্পদ বৃদ্ধি পাইতেছে না। শুধু মাথাগুস্তির দিক্ দিগাই যে দেশের মনুষ্যসম্পদ বাড়িতেছে না, তাহা নহে। বাংলা দেশে যে শিশু যুবা প্রৌঢ় ও বৃদ্ধ মানুষগণ জীবনধারণ করিতেছে, তাহাদের অধিকাংশেরই দেহ সুস্থ ও সবল নহে। ম্যালেরিয়া ও অন্যান্য অরু ত ছিলই, তা ছাড়া বসন্ত, ওলাউঠা, রক্তামাশয়, ক্ষয়কাশ প্রভৃতিও ছিল; তাহার উপর ইনফ্লুয়েঞ্জা আসিয়া লক্ষ লক্ষ লোকের প্রাণ সংহার করিয়াছে। নানা রোগে যাহাদের প্রাণ গিয়াছে, কেবলমাত্র তাহাদের মৃত্যুতেই যে দেশ মনুষ্যসম্পদে দরিদ্রতর হইয়াছে তাহা নহে; যাহারা আক্রান্ত হইয়াছিল অথচ মরে নাই, তাহারা অসুস্থ ও ভগ্নদেহ হইয়া জীবনান্ত হইয়া আছে। তাহাদের দ্বারা জাতীয় মনুষ্যসম্পদ সংরক্ষিত হইতেছে না।

সদয়-মনের ও আত্মার সম্পদ জাতীয় প্রধান সম্পদ এই সম্পদে আমরা অত্যন্ত হীন। নিরক্ষরতা ও অজ্ঞতা এক নহে, তাহা আমরা বুঝি। জগতের এমন দু-চারজন

লোকের নাম করা যায়, যাঁরা নিরক্ষর বা প্রায় নিরক্ষর ছিলেন, অথচ বুদ্ধিতে বা জ্ঞানে বা সাহসে বা হৃদয়ের নানা গুণে মানব-সমাজের অগ্রণীদের সমকক্ষ ছিলেন। ইহাও জানি, যে, আমাদের দেশের নিরক্ষর লোকদের মধ্যে অনেকে সংলোক এবং সম্পূর্ণ অজ্ঞও নহে। তথাপি মোটের উপর ইহা বলা ভুল নহে, যে, যে-জাতির প্রায় সব লোক নিরক্ষর সে জাতি অজ্ঞ। আমরা সেইরূপ একটি নিরক্ষর অজ্ঞ জাতি। এই অজ্ঞজাতির পুরুষদের চেয়ে আবার নারীরা আরও বেশী অজ্ঞ। আমাদের দেশের মানসিক সম্পদ বাড়িতেছে কি না, স্থির করিতে হইলে প্রথমেই দেখিতে হইবে, যে, দেশের নিরক্ষরতা দূর হইতেছে কি না। কয়েক বৎসরের ছাত্রছাত্রীর সংখ্যা তুলনা করিলে দেখা যায়, ছাত্রছাত্রীর সংখ্যা ক্রমশঃ সামান্য বাড়িতেছে বটে। কিন্তু সঙ্গে সঙ্গে লোকসংখ্যার বৃদ্ধিও হইতেছে। এইজন্য আগে শতকরা ষত লোক নিরক্ষর ছিল, এখনও প্রায় তাহাই থাকিরা যাইতেছে। ১৯২১ সালের মার্চ মাসে যে সেন্সস লওয়া হয়, তাহার রিপোর্ট প্রকাশিত হইলে বুঝা যাইবে, ১৯১১ সালের সেন্সসে নিরক্ষরের অনুপাত যাহা ছিল, তাহাই আছে, না বাড়ি আছে বা কমিয়াছে।

নিরক্ষরতা অল্পে অল্পে দূর হইলে চলিবে না। উহা খুব শীঘ্র দূর করা আবশ্যিক।

কিন্তু অল্পে অল্পে বা দ্রুত নিরক্ষরতা দূর হইলেই আমরা মনে করিতে পারিব না, যে, আমরা মানসিক সম্পত্তিশালী একটি জাতি হইতে পারিয়াছি। মানসিক সম্পত্তিশালিতার অজ্ঞাত প্রকৃষ্ট প্রমাণ চাই। দেখিতে হইবে, দেশের কত লোক উচ্চ শিক্ষা পাইতেছে। কত লোক শিক্ষা পাইয়া লেখাপড়ার চর্চা রাখে, তাহা জানিতে পারিলে জাতির জ্ঞানপ্রিয়তার পরিমাণ স্থির করা যায়। ভাল পুরাতন বহির নূতন সংস্করণ কত হয়, প্রত্যেক সংস্করণে কত শত বা হাজার ছাপা হয়, নূতন বহি কি কি বিষয়ক ও কত বাহির হয়, এবং সে সব বহি কতগুলি করিয়া ছাপা হয়, ত্রৈমাসিক, মাসিক, পাক্ষিক, সাপ্তাহিক ও দৈনিক কাগজ কতখানি বাহির হয় ও সেগুলি মোট কত ছাপা হয়, জানিতে পারিলে জাতীয় জ্ঞানলিপ্সা ও কৌতূহলের মাপ ঠিক হইতে পারে। আমরা পাশ্চাত্য সভ্য জাতিদের চেয়ে

বহি ও কাগজ লিখি ছাপি কিনি ও পড়ি অনেক কম। তাহার একটা কারণ অবশ্য জাতীয় নিরক্ষরতা। দরিদ্রতাও আর-একটা কারণ বটে। কিন্তু জ্ঞানলিপ্সা ও কৌতূহলের অল্পতাও অগ্রতম কারণ। ইহা মানসিক দরিদ্রতার পরিচায়ক।

অসহযোগ আন্দোলন সাক্ষ্য ও পরোক ভাবে শিক্ষা-বিস্তার ও জ্ঞান-বিস্তারের পরিপন্থী হইয়াছে। ইহা অত্যন্ত দুঃখের বিষয়।

যে কোন রকমের কতকগুলি বহি ও কাগজ বাহির হইলেই তাহা জাতীয় মানসিক ঐশ্বর্যের পরিচায়ক হয় না। যদি কোন দেশে উৎকৃষ্ট গল্প ও পঞ্চ কাব্য, নানাবিধ দার্শনিক বৈজ্ঞানিক ও ঐতিহাসিক গ্রন্থ, জীবনচরিত, ধর্ম ও সমাজতত্ত্ব বিষয়ক গ্রন্থ, রাষ্ট্রনীতিবিষয়ক গ্রন্থ, এবং নানাবিধগিনী সন্দর্ভমালা রচিত ও প্রকাশিত হয়, তাহা হইলে ঐ দেশের অধিবাসীদের মানসিক শক্তি সম্পদ জ্ঞানলিপ্সা ও কৌতূহলের প্রমাণ পাওয়া যায়। কিন্তু এইসকল গ্রন্থ প্রধানতঃ বা সমস্তই অল্প দেশের গ্রন্থ হইতে সংকলিত বা অনুবাদিত হইলে সংকলক ও অনুবাদক জাতির জ্ঞানলিপ্সা ও কৌতূহলের প্রমাণ বতটা পাওয়া যায়, তাহাদের মানসিক শক্তি ও সম্পদের প্রমাণ ততটা পাওয়া যায় না। যে জাতি জগতের চিন্তা ভাব ও জ্ঞানের ভাণ্ডার প্রতিভা ও গবেষণা দ্বারা যে পরিমাণে পূর্ণ করিতে পারে, সে জাতির মানসিক শক্তি ও সম্পদ তত অধিক বিবেচিত হইবে। এদিকে আমরা এপর্যন্ত কিম্বা কেবল মাত্র গতবৎসরে কিছুই করি নাই, এমন নয়। কিন্তু আমাদের দেশ যেকোন বড়, এবং আমাদের জাতির লোকসংখ্যা যেকোন বেশী, তাহার তুলনায় আমরা আধুনিক কালে জগতের চিন্তা ভাব ও জ্ঞানের ভাণ্ডারে অল্পই রত্ন সঞ্চয় করিয়া দিয়াছি।

আমাদের মানসিক যে দরিদ্রতাবশতঃ আমরা পরাধীন হইয়া আছি, সেই দরিদ্রতা কি পরিমাণে দূর হইয়াছে, তাহারও হিসাব নিকাশ আবশ্যিক। এই দরিদ্রতা নানা গুণের অভাবের সমষ্টি। আমাদের মধ্যে যথেষ্ট একতার অভাব দৃষ্ট হয়। হিন্দু-মুসলমানে একতার অভাব তন্মধ্যে প্রধান, কারণ, ভারতবর্ষের অধিবাসীদের মধ্যে এই ছুটি সম্প্রদায়ই সংখ্যায় প্রধান। কিন্তু খৃষ্টিয়ান, জৈন, বৌদ্ধ, শিখ, পার্শি,

ইহনী; আৰ্যসমাজী, ব্রাহ্ম, প্রভৃতিদের মধ্যেও যথেষ্ট একতা দৃষ্ট হয় না। এই একতার মানে এ নয়, যে, সকলে নিজের বিশেষ বিশেষ বিশ্বাস, মত, অনুষ্ঠান আদি ত্যাগ করিয়া একাকার হইয়া যাইবে; ইহার মানে এই, যে, সকলে পরস্পরকে ভারতীয় বলিয়া ও প্রতিবেশী বলিয়া অন্তরে ও বাহিরে স্বীকার করিবে, পরস্পরের প্রতি প্রীতি- ও শ্রদ্ধাবিত হইবে, এবং দেশের কল্যাণসাধনে একপ্রাণ হইবে।

হিন্দুসমাজ নানা জা'তে বিভক্ত। ইহাদের মধ্যে যথেষ্ট একতা নাই, হিংসা ঘেব ও অবজ্ঞা আছে। বিশেষ করিয়া অবজ্ঞা ও অত্যাচার আচরণ আছে, “অস্পৃশ্য” ও “অনাচরণী” জাতিদের প্রতি। ভিন্ন ভিন্ন ধর্মসম্প্রদায়ের মধ্যে এবং হিন্দুসমাজের ভিন্ন ভিন্ন জা'তের মধ্যে—বিশেষতঃ “স্পৃশ্য” ও “অস্পৃশ্য”দের মধ্যে—মিলন ব্যতিরেকে ভারতীয় জাতি কখন আত্মকর্তৃত্ব পাইবে না। এই বিবিধ মিলন অল্প কিছু অগ্রসর হইয়াছে স্বীকার করি, কিন্তু যথেষ্ট হয় নাই।

সাহসের অভাব আমাদের আন্তরিক দরিত্রতার আর-একটি রূপ। সাহস যে অনেকটা বাড়িয়াছে, ইহা আফ্রিকার বিষয়, কিন্তু দেশের আরও বেশীসংখ্যক লোকের খুব সাহসী হওয়া আবশ্যিক। যাহারা মানবের অধিকার প্রতিষ্ঠিত করিতে বা রাখিতে, সত্যের ও জ্ঞানের মর্যাদা রক্ষা করিতে,—সম্পত্তিনাশ, কারাদণ্ড, প্রহার, নিষ্ঠুর নির্যাতন, বা প্রাণনাশের—ভয় করেন না, তাঁহারা সম্মানার্থ। এইরূপ অনেক লোকের আবির্ভাবে প্রাণে উৎসাহ ও আশার সঞ্চার হইয়াছে। এইরূপ লোক আরো শত সহস্রগুণ বেশী চাই।

একপ্রাণতার সহিত দলবদ্ধ হইয়া কাজ করিবার শক্তি আমাদের অত্যন্ত কম ছিল। ইহা ক্রমশঃ বাড়িতেছে। আরও বাড়ি দরকার।

রাষ্ট্রীয় উদ্দেশ্য সাধনার্থ যাহারা অহিংসার পথ অবলম্বন করিয়াছেন, তাঁহারা দুই শ্রেণীতে বিভক্ত। এক শ্রেণীর লোক মনে করেন, যে, বর্তমান অবস্থায় ভারতীয়দের যুদ্ধ দ্বারা সিদ্ধি লাভের সম্ভাবনা নাই; সেইজন্য তাঁহারা অহিংসাপন্থী। অন্য এক শ্রেণীর লোক মনে করেন, যে, ক্ষমতা থাকিলেও এবং সাফল্যের সম্ভাবনা থাকিলেও, হিংসা অধর্মমূলক বলিয়া, হিংসার পথ অবলম্বন করা উচিত নহে; এইজন্য

তাঁহারা অহিংসাপন্থী। যিনি যে-কারণেই অহিংসাবাদী হউন, দুই দলের লোকেরই অন্তরের সহিত অহিংসাতে বিশ্বাস করিয়া তদনুরূপ আচরণ করা কর্তব্য। দেশের লোক যে যথেষ্ট পরিমাণে অহিংসাপরায়ণ হয় নাই, পরন্তু কয়েক জায়গায় অনেকে পৈশাচিক হিংসার পরিচয় দিয়াছে, তাহা সকলেই জানেন। ইহা অত্যন্ত লজ্জা ও পরিতাপের, এবং নিকংসাহ হইবার বিষয়। কিন্তু তথাপি নিরাশ না হইয়া আমাদেরকে অধিকতর অহিংসাপরায়ণ হইতে হইবে। আমাদের দেশ যেরূপ বড় এবং তাহাতে অশান্তি ও উত্তেজনার কারণ ও প্রকোপন বেরূপ বিদ্যমান আছে, তাহাতে নিরাশ হইবার কারণ নাই। এইরূপ বিস্তৃত ও বহুজনাকীর্ণ পাশ্চাত্য কোন ভূখণ্ডে এইরূপ কারণ থাকিলে আমাদের দেশের চেয়ে কম হিংসা, ও রক্তপাত হইত না। আত্মদোষ কাননের জন্য ইহা বলিতেছি না; অতিরিক্ত নৈরাশ্য ও অবসাদ নিবারণার্থ বলিতেছি। নতুবা, দোষ বাগ, তাহা পৃথিবীর অন্য সব দেশের লোকের থাকিলেও দোষ, না থাকিলেও দোষ।

আমাদের জাতীয় চরিত্রে আর একটি গুণের অভাব দৃষ্ট হয়, তাহাকেও আমরা আন্তরিক দারিদ্র্য মনে করি। আমরা অনেকে হুজুকে পড়িয়া খুব কষ্ট সহ্য করিতে পারি, এমন কি প্রাণটাও দিতে পারি। এই ক্ষমতার অগৌরব করিবার ইচ্ছা আমাদের নাই; বরং দেশের কল্যাণার্থ এরূপ আচরণের ক্ষমতাকে প্রশংসাই মনে করি। কিন্তু সঙ্গে সঙ্গে, উত্তেজনাবিহীন, বাহবাবিহীন পরিশ্রম দেশের কল্যাণার্থ করিবার ক্ষমতাও থাকা আরো অনেক বেশী দরকার। যে হাজার হাজার লোক সম্প্রতি জেলে গিয়াছেন, তাঁহারা প্রশংসাহী। কিন্তু এই হাজার হাজার লোক কংগ্রেসের জাতিগঠনমূলক কাজগুলি, অর্থাৎ স্বদেশী সূতা ও বস্ত্র উৎপাদন, অস্পৃশ্যতা নিবারণ, হিন্দু মুসলমানের মিলনসাধন, প্রভৃতি উত্তেজনাবিহীন কাজ যদি লোকচক্ষুর অন্তরালে করিতে পারেন, এবং অধিকতর যদি তাঁহারা গ্রামসকলের অজ্ঞতাদূরীকরণ, স্বাস্থ্যসম্পাদন, কৃষিশিক্ষাদির উন্নতিসাধন, বিবাদভঞ্জন, প্রভৃতি করিতে পারেন, তাহা হইলে তাঁহারা আরও প্রশংসাহী হইবেন।

জাতীয় কতিলাভ-গণনার চারিত্রিক ও আধ্যাত্মিক

উন্নতি ও অবনতিকে গণনার মধ্যে আনিতে হইবে। যাহারা একপাক্ষিক বিষয়ে মন দিতে সমর্থ, তাহারা অল্প সর্বপ্রথমে নিজের চরিত্রই পরীক্ষা করিবেন। তাহার পর আদালতে যে-সব অপরাধের বিচার হয়, এবং যে-সব ঘটনা আদালতের গোচর হয় না কিন্তু সমাজের লোকের গোচর হয়, তৎসমুদয়ের প্রতি মনোনিবেশ পূর্বক জাতীয় উন্নতি অবনতি কতদূর হইতেছে তাহা স্থির করিয়া বিহিত কার্য্য করিবেন।

জাতীয় আত্মকর্তৃত্ব লাভের দুই পথ

অসহযোগ-পন্থার অন্তর্গত অন্ততম অনুষ্ঠান সমষ্টিগতভাবে নিরস্ত্র অবাধ্যতা আপাততঃ বন্ধ আছে, মহাত্মা গান্ধীকে গ্রেপ্তার করিয়া তাহার বিচার করা হইতেছে, ভারত শাসন আইন সংস্কারের প্রধান কর্ম্মী এবং পুনর্গঠিত ব্যবস্থাপক সভাগুলির প্রধান প্রতিষ্ঠাতা মণ্টেগু সাহেব পদ ত্যাগ করিতে বাধ্য হইয়াছেন; এইরূপ নানা কারণে লোকের মনে স্বভাবতই স্বরাজ বা জাতীয় আত্মকর্তৃত্ব লাভের উপায় ও পথ সম্বন্ধে নানা চিন্তা উদ্ভিত হইতেছে। এইজন্য এবিষয়ে আমরা আগে আগে যে-সব কথা অনেকবার বলিয়াছি, তাহারই পুনরাবৃত্তি করিতেছি। ইহা মূল নীতির কথা; কিন্তু ভিন্ন ভিন্ন কি কি কাজের অনুষ্ঠান করিতে হইবে, তাহা বিবেচন্য নহে।

যিনি নিজেই নিজের রাজা, স্বরাজ তাহার হস্তগত হইয়াছে। নিজেই নিজের রাজা হইতে হইলে নির্ভীক হইতে হইবে, ত্রায়বানু হইতে হইবে, মানবপ্রেমিক হইতে হইবে। নির্ভীক হইতে হইবে এইজন্য, যে, যদি কেহ তাহাকে বলে, “আমার হুকুম শোন, আমার আইন মান;” তিনি বলিবেন, যে-আদেশ আমার বিবেকবিরুদ্ধ তাহা গুনিব না, যে-আইন আমার কিম্বা আমার প্রতিনিধির প্রণীত নহে, তাহা আমি মানিতে বাধ্য নই,—তাহা আমি মানিতে পারি, না-মানিতেও পারি। তাহাতে যদি কেহ বলে, “তোমার জরিমানা করিব, তোমাকে বেত মারিব, জেলে বন্ধ করিব;” তিনি বলিবেন, জরিমানা দিব না, বেত খাইব ও জেলে যাইব, কিন্তু তোমার কথা গুনিব না। যদি কেহ ট্যাক্স চায়, তিনি বলিবেন, যে-ট্যাক্স স্থাপনে আমার বা আমার প্রতিনিধির সম্মতি ছিল না,

তাহা দেওয়া বা না-দেওয়া আমার ইচ্ছাধীন। তাহার পর জরিমানা, বেত্রাঘাত ও জেলের ভয়ের পূর্ববৎ উত্তর। অবশ্য ইহার পর যাবজ্জীবন কারাবাস বা নির্বাসন এবং আইনসম্মত বা বেআইনী প্রাণদণ্ডও আছে। তাহাতে যাহার ভয় হইবে না, তাহার স্বরাজ্যসিদ্ধি হইয়াছে।

কিন্তু এই নির্ভীকতা আসিবে কোথা হইতে? দৈহিক সুখ-দুঃখের বশ হইলে, প্রবৃত্তির দাস হইলে, প্রলোভনের বশ হইলে, স্বার্থের অধীন হইলে, সাংসারিক ও পারিবারিক মায়ামোহের বন্ধনে জড়িত থাকিলে, মৃত্যুর বিভীষিকা প্রাণকে অভিভূত করিলে, এই নির্ভীকতা আসিতে পারে না। সত্য ও ত্রায়ের অবশ্যম্ভাবী জয়ে বিশ্বাসী, অমরত্বে বিশ্বাসী ও পরব্রহ্ম বিশ্বাসী হইলে অভয়পদপ্রাপ্তি ঘটে।

ত্রায়বানু কেন হইতে হইবে? আপনি অপরের ত্রায়া পাওনা ও অধিকারে হস্তক্ষেপ করিলে তাহারাও আপনার স্বাধীনতায় হস্তক্ষেপ করিবে; এবং তখন আপনি ত্রায়বানু নহেন বলিয়া অমুরে সেই সাহসিক বল ও সাহস পাইবেন না, বাহা কেবল ত্রায়বানুদেরই আছে।

মানবপ্রেমিক না হইলে আপনি অপরের প্রতি হিংসার ভাব পোষণ করিবেন, তাহাতে আপনার চিত্তের ধৈর্য্য, শাস্ত বিচার ক্ষমতা, এবং সাহসিক শক্তি নষ্ট হইবে, এবং অপরে আপনার অনিষ্ট করিবার বৈধ কারণ পাইবে।

ব্যক্তিগত স্বরাজ্যসিদ্ধি যাহার হইয়াছে, একরূপ একজন মানুষও জাতীয় স্বরাজ্যসিদ্ধির দৃঢ় ভিত্তি স্থাপন করিতে সমর্থ। যদি কোন জাতির মধ্যে একরূপ মানুষ অনেকগুলি থাকেন, তাহা হইলে ত সেই জাতিটি স্বরাজ্যের পথে অনেক দূর অগ্রসর হইয়াছে মনে করা যাইতে পারে।

আমাদের দেশের রাজনৈতিকমতিবিশিষ্ট (politically minded) লোকেরা এখন কয়েকটি দলে বিভক্ত। আমাদের বিশ্বাস প্রত্যেক দলেই অকপট স্বদেশপ্রেমিক লোক আছেন, স্বার্থসিদ্ধিপ্রিয় লোকও আছে। এইজন্য কে কোন দলের লোক তাহা ভাবিয়া কাহারও মত বা কার্য্যের আলোচনা করিতে আমরা অনিচ্ছুক। ব্যক্তিগত সমালোচনা না করিয়া সব দলগুলির মধ্যে কেবলমাত্র দুটি দলের রাজ্যীয় চিন্তার “ধারার আলোচনা করা যাইতে পারে।

একদল মনে করেন, আমরা যদি দেশের কোন কোন কাজ করিবার ভার পাইয়া ও লইয়া তাহাতে যোগ্যতা দেখাইতে পারি, তাহা হইলে ক্রমশঃ অন্যান্য কাজের ভারও আমরা পাইব, এবং শেষে সব কাজই আমাদের হাতে আসিবে। এ সম্বন্ধে নানা বক্তব্য আছে। কিছু বলিতেছি।

যে-সব বিষয়ে আমাদের যোগ্যতা প্রমাণিত হইয়া গিয়াছে, তাহারও পূরা ভার আমরা পূর্বে কখন পাই নাই, এখনও পাইতেছি না। সুতরাং দাতাদের ন্যায়বুদ্ধি ও সদাশয়তায় আমাদের পূর্ণ আস্থা নাই। সকলের চেয়ে দয়াকারী যেসব বিভাগ এবং জাতীয় স্বাধীন জীবনযাপন ও আত্মকর্তৃত্বের জন্য যে-সব কাজ ও বিভাগ একান্ত আবশ্যিক, সেগুলি সব ভারতগবর্ণমেন্টের হাতে আছে। তাহার কোনটির দায়িত্ব আমরা এখনও পাই নাই, তাহা দিবার কোন অঙ্গীকারও গবর্ণমেন্ট করেন নাই। সকলের চেয়ে আবশ্যিক শক্তি দুটি,—(১) সামরিক শক্তি এবং (২) আর্থিক শক্তি। সামরিক শক্তি ইংরেজের হাতে চিরকাল থাকিবে, প্রকৃত বাবস্থা ত এইরূপ—মুখের স্তোক বাক্য যাহাই হউক; এশানু কমিটির রিপোর্ট অনুসারে কাজ হইলে ভারতগবর্ণমেন্ট পর্যাপ্ত ভারতের অর্থে পোষিত সৈন্যদলের কর্তা থাকিবে না। কারণ, কি-জানি যদি কখন ভারতগবর্ণমেন্টে ভারতীয়দের সংখ্যা প্রভাব ও ক্ষমতা বেশী হয়, তাহা হইলে ত সামরিক শক্তি ভারত-গবর্ণমেন্টের হাতে থাকা ব্রিটিশ জাতির প্রভুত্বের পক্ষে নিরাপদ না হইতে পারে। আমরা যেরূপ ক্ষমতাই পাই, আমরা বেয়াদব হইলে ও অবাধ্য হইলে আমাদের উপর গুলি চালাইয়া আমাদেরকে সার্বভৌম করিবার ক্ষমতা ইংরেজের হাতে থাকা চাই। সামরিক ক্ষমতা ইংরেজের হাতে রাখিবার দুটা ওজুহাত দেখান হয়। প্রথম, উহাদের হাতে তাহা না থাকিলে আমরা নিজেদের মধ্যে মারামারি কাটাকাটি করিয়া মরিব; দ্বিতীয়, বাহিরের শত্রু আসিয়া আমাদেরকে পদানত করিবে। এমন কোন দেশ নাই, যেখানকূর লোকেরা এখনও কিম্বা অদূর অতীত কালে পর্যাপ্ত নিজেদের মধ্যে মারামারি কাটাকাটি করিত না। তাহার পরীক্ষা না হইয়াও নিজেদের মধ্যেই

আপোসে মিটমাট করিয়া সভাবে বাস করিতে শিখিয়াছে। আমরা এখনও শিখি নাই, বা কোন কালেই শিখিব না, তাহার প্রমাণ কি? ইংরেজরা আসিবার আগে আমরা ইউরোপের দেশ-সকলের লোকদের চেয়ে বেশী অস্ত্রযুদ্ধ-ও অস্ত্রবিবাদ-পরায়ণ ছিলাম না; এবং যেরূপই ছিলাম, তাহাতে আমরা এত সমৃদ্ধ হইয়াছিলাম, যে, ইউরোপের নানা জাতি অর্থলোভে আমাদের দেশে বাণিজ্য ও প্রভুত্ব করিতে আসিয়াছিল। অনেক দেশে এখনও অস্ত্রযুদ্ধ চলিতেছে। ইংরেজ বা অন্য কোন জাতি ত তাহাদের পরিত্রাতা রক্ষাকর্তা হন নাই? আর যদি ইংরেজের পক্ষপুটের আশ্রয় ব্যতিরেকে আমরা আহাশ্বকের মত নিজেদের মধ্যে মারামারি করিয়াই মরি, তাহা হইলে পশুর মত গরাদীন থাকা অপেক্ষা ধরাপৃষ্ঠ হইতে আমাদের লুপ্ত হওয়াই কি বাঞ্ছনীয় নহে? বাহিরের শত্রুর আক্রমণের আশঙ্কা সব দেশকেই এখনও করিতে হয়। অতীতে ত সকলকেই ওরূপ আক্রমণ সহ্য করিতে হইয়াছে। অতীত কালে যেমন ইংলও বার বার গেরমান, এঙ্গল, স্প্যান, জুট, ডেন, নর্ম্যান প্রভৃতি কর্তৃক আক্রান্ত ও বিজিত হইয়াছিল, আমাদের দেশও তেমনি আক্রান্ত ও বিজিত হইয়াছিল। মুসলমান জেতারার ভারতের স্থায়ী বাসিন্দা হইয়া যাইবার পর এবং ইংরেজরা ভারতের প্রভু হইবার পূর্বে কোন বহিঃশত্রু স্থায়ী ভাবে ভারত জয় করে নাই। ইংরেজ ও অন্যান্য বহিঃশত্রু যখন ভারতে আসিয়াছিল, তখনও আমরা তাহাদের সঙ্গে অনেকদিন পর্যাপ্ত সমানে সমানে লড়িয়াছিলাম; তখনও ভারতীয় বড় বড় দক্ষ সেনাপতি ছিল। ঐষ্ট ইণ্ডিয়া কোম্পানীর আমলে পর্যাপ্ত ভারতীয় 'কালী' সেনাপতির অধীনে ইংলণ্ডীয় 'গোরা' সৈনিক যুদ্ধ করিয়াছে। ইংরেজ আমাদেরকে পদানত করিবার পূর্বে ভারতবর্ষের সৈন্যদারা আফগানিস্থান বিজিত হইয়াছিল, মানসিংহ তাহার সুবেদার ছিলেন। তাহার পর শিখু আমলে হরিসিং নালুয়া আফগানিস্থান জয় করিয়া আফগানদিগকে এমন ভয়বিহ্বল করিয়াছিলেন, যে, এখনও পাঠান মায়েরা হরিসিংএর নাম করিয়া ছেলেকে জুজুর ভয় দেখাইয়া থাকে। আর এখন এই সভ্যতার যুগে সভ্য ইংরেজের অধীনে দেশত বৎসরেরও উপর

থাকিয়া আমাদেরকে আফগান আক্রমণের ভয় করিতে হইতেছে। খুব উন্নতি হইয়াছে বটে। ইহা সত্য, যে, আমরা নব্য বিজ্ঞান শিখিতেছি, নূতন কলকারখানা ব্যবহার করিতে শিখিতেছি, পৃথিবীর খবর রাখিতেছি, এবং অল্প কোন কোন দিকে কিছু উন্নতি আমাদের হইয়াছে। কিন্তু সর্বপ্রধান বিষয় যে দুটি, তাহাতে আমাদের অধোগতি হইয়াছে। সে দুটির কথা লিখিতেছি।

(১) আমরা অতীত কাল অনেকবার বহিঃ-ক্রমণ করিয়াছি, শত্রু কখন কখন আমাদের দেশে এসে স করিয়া আমাদের ভাই প্রতিবেশী হইয়া গিয়াছে ও ভ্রত্ব বা প্রভুত্ব করিয়াছে। কিন্তু আমরা অতীত কালে বহিঃ-শত্রুকে যতবার তাড়াইয়া দিতে পারিয়াছি, কিস্তি দেশেরই স্থায়ী বাসিন্দায় পরিণত প্রভুর অধীনতা-শৃঙ্খল ভগ্ন করিয়াছি, তখনই তাহা আমাদের নিজদের অন্তর্নিহিত শক্তি দ্বারা করিয়াছি; মুক্তির জন্ত, স্বাধীনতার জন্ত, পবের, বিদেশীর, মুখপেক্ষা করি নাহ, পরের, বিদেশীর, সাহায্য চাই নাহ, পাহ নাহ, লই নাহ। এই যে স্বাধীনতার ভাব ও স্বাভাবিকতার কাজ, এই যে বাস্তব জুষ্টিত হওয়া ও নিজের জোরে খাড়া হইয়া দাঁড়ান ও দাঁড়াইবার শক্তিতে আত্মবিশ্বাস, এই অমূল্য জিনিষটি আমরা ইংরেজ রাজত্বে হারাষ্টয়াছি। এখন আমরা পদের হাত হইতে অমুগ্রহের দান স্বরূপ “স্ব-অধীনতা” পাইব বলিয়া আশা করিতেছি। এইরূপ আশাটাই একটা স্ববিরোধী জিনিষ। কেন না, চাহিতেছি স্বাধীনতা, অথচ স্ব-অধীনতার আশাটা স্বাধীনতার কল্পনাটা পর্যন্ত পরাশ্রয়, পরানুগ্রহাবলম্বী হইয়া গিয়াছে। আশা ও কল্পনা পর্যন্ত পরাধীন হইয়া বাস্তব মত অধোগতি ও গোলামী অতীত কোন যুগে আমাদের হইয়ছিল কি না, তাহা ঐতিহাসিকেরা বলেন। ইহাই প্রকৃত এবং সর্বাপেক্ষা বজ্রাকর ও ক্ষোভজনক slave mentality, গোলামী ভাব, বা দাসসুলভ মতিগতি; দুই চারিটা চাকরার প্রার্থী হওয়া ইহার মত গোলামী ভাব নহে।

(২) দ্বিতীয় যে অমূল্য জিনিষটি হারাষ্টয়াছি, তাহা আত্মরক্ষার ক্ষমতা। ইংরেজ যখন প্রথম ভারতে আসে, তখন সব প্রদেশের লোকেরাই সৈনিক হইত ও হইতে পারিত, যুদ্ধ করিতে পারিত। সেই ইতিহাস কোম্পানীর

আমলেও সব প্রদেশ হইতে দরকার-মত কোম্পানী সৈন্য লইয়াছে। তাহার পর ইংরেজশাসনভুক্ত প্রদেশগুলি ক্রমশঃ পৌরুষহীন ও নির্বীণ্য হইয়া গিয়াছে; এবং দেশী রাজ্যগুলি, নেপাল, আফগান সীমান্তের পাঠানের বাসভূমি, প্রভৃতি স্থান হইতেই প্রধানতঃ সিপাহী সংগৃহীত হইতেছে। এইরূপে ভারতবর্ষের লোকেরা আত্মরক্ষার অনভ্যস্ত ও অসমর্থ হইয়াছে ও হইতেছে।

বিদেশী পর যতদূর আমাদেরকে রক্ষা করিতেছে, ততদিন ত উগ “আত্ম-রক্ষা নহ; উহাও ত আমাদেরকে সেইরূপ রক্ষা করিতেছে, যেমন ভেড়ার মালিক নেকড়ে বাঘ হইতে মেষ রক্ষা করে। আত্মরক্ষার মানে নিজের জোরে নিজেকে রক্ষা করা। তাহা যদি আমরা না পারি, তাহা হইলে “মেঘ আমরা, নহি ত মালুম”; তাহা হইলে নরদেহধারী মেঘদিগের ভূভার বৃদ্ধি করিবার কোন প্রয়োজন আছে কি?

অতএব ইংরেজলেখক অধ্যাপক স্যার জন সীলি তাঁহার এক্সপ্যানশন অব ইংল্যান্ড (Expansion of England) নামক বহিতে যে লিখিয়াছেন, “Subjection for a long time to a foreign yoke is one of the most potent causes of national deterioration”, “দীর্ঘকালের জন্য বিদেশীর অধীনতা জাতীয় অধোগতির বা অপকর্ষের প্রথম বলবন্তম কারণ,” তাহা ভারতবর্ষের সম্পর্কে অতি সত্য।

মনে করুন, একটা ঘরবাড়ী আছে ও তাহার সংলগ্ন কিছু জমী আছে। ছলে বলে কৌশলে যাহারা উহার মালিক হইয়াছে, তাহার যদি উত্তরাধিকারসূত্রে-অধিকারী-দিগকে বলে, “তোমরা নর্দমা সাফ কর, পাঠশালে গুরুশ্রম নিযুক্ত কর, খুব ভাল করিয়া চাষ বাস কর, পরে ক্রমে তোমরাই মালিক হইবে; কিন্তু আপাততঃ প্রধান প্রধান পথঘাট, টাকাকড়ির আমানতের প্রধান প্রধান উপায়, এবং সর্বোপরি, দারোগ্যান চৌকিদার লাঠিয়াল বরুকন্দাজগুলা আমাদের তাঁবে থাকুক,” তাহা হইলে উত্তরাধিকারীদের পৈত্রিক ঘরবাড়ী ও জমীজমার মালিক হইবার সম্ভাবনা ও আশা যতটা হয়, ইংরেজদের নিকট হইতে ভারতশাসন-আইনের বলে আমাদের দেশের

মালিক হইবার সম্ভাবনা ও আশা ভদ্রপেক্ষা বেশী বা তাহার সমান, পাঠকেরা ভাবিয়া দেখুন।

রাষ্ট্রীয় চিন্তার ধারা আর-এক প্রকারের আছে। তাহা এই, যে, আমরা নিজের পৌরুষের দ্বারা নিজের দেশের মালিক হইব; মালিক হইবার পর নর্দমা সাক্ষর, গুরুমহাশয় নিয়োগ প্রভৃতি সহজই হইতে পারিবে; পরানুগ্রহে জাগীৰ আত্মকর্তৃত্ব পাইবার গোলামী আশা ও কল্পনাকেও মনে স্থান দিব না। কিন্তু এই পৌরুষ আমাদের পূৰ্বপুরুষেরা যে-প্রকারে দেখাইয়াছিলেন, সে পথ আমাদের নয়। কেন নয়, তাহার উত্তর নানা জনে নানা রূপ দিবেন। কেহ বলিবেন, যুদ্ধ অপেক্ষা সত্যগ্রহ ও সাহসিক প্রতিরোধ শ্রেষ্ঠ উপায়, অধিকতর ধর্মমন্ত্র উপায়; কেহ বলিবেন, ভারতের বর্তমান অবস্থার মুক্ত করিবার স্বাধীনতা লভের কোন সম্ভাবনা নাই, অতএব সত্যগ্রহ ও সাহসিক প্রতিরোধ অবলম্বনীয়; কেহ বা সম্মিলিত এই উভয় কারণে এই নিরস্ত্র পস্থা অবলম্বন করিবার পক্ষে। কারণ যাহাই হউক, ইহাই পস্থা। কিন্তু ইহাও যে যুদ্ধের মত একান্ত ভাগ্য, একান্ত কষ্টসহিষ্ণুতা, চূড়ান্ত সাহসের পস্থা, তাহাতে সন্দেহ নাই; কেহ এই পথের পথিক হইতে চাহিলে ইগ জানিয়া হইতে হইবে। বুঝিতে হইবে, যুদ্ধে ও এই পথে প্রভেদ এই, যে, যুদ্ধে অপরকে হুঃখ দিতে হয়, নিজেও হুঃখ পাইতে হয়, এই পথে কেবল নিজেই হুঃখ সহিতে হয়, অপরকে বধ করা, অপরকে আঘাত করা, অপরের ঘেঁষ করা এই পথে নিষিদ্ধ।

ভারতের বার্ষিক আয় ব্যয়

এখন সমগ্র ভারতের এবং ভিন্ন ভিন্ন প্রদেশের আগামী বৎসরের আয়-ব্যয়ের আলোচনা চলিতেছে। পাঠকেরা মোট কথাটা বুঝিয়া রাখুন, যে, ইংরেজের প্রভুত্ব সরকার জ্ঞাত বাহ্য আবশ্যক, তাহাতে গবর্ণমেন্ট একাতরে অর্ধ বায়ের ব্যবস্থা করিয়াছেন। এইজন্ত দেশের জন্ত বায় খুব বেশী ধরা হইয়াছে, সব প্রদেশেই পুলিশের খরচের বরাদ্দ পূর্ণমাত্রায় করা হইয়াছে। আর একটা কথা বুঝিয়া রাখুন, যে, ইংরেজের প্র কিরীড়ীর সুখসমৃদ্ধি স্বাস্থ্য ও শিক্ষার জন্ত যাহা

দরকার, তাহার জন্তও খুব অর্থব্যয় করা হইবে। এইজন্ত মোট মাহিনা আগে মোটা হইয়াছে। বুদ্ধিহীন চাকরদিগকে সমুদ্রে ধরা দরকার বলিয়া দেশী চাকর অধ্যাপক উচ্চশ্রেণীর শিক্ষক প্রভৃতির বেতন বৃদ্ধি হইয়াছে। ইংরেজ ও দেশী যে-সব সরকারী চাকরের অন্তর্গত হয় নাই, তাহাদের বেতন আগে বাড়িয়াছে; কিন্তু সর্বমন্ত্রশ্রেণীর চাকরদের বেতন সর্বশেষে সামান্য বাড়াইবার কথা উঠিয়াছে, কাহারও বাড়িয়াছে, কাহারও এখনও বাড়ে নাই; কারণ, ইহাদের যে অন্তর্গত হইয়াছিল! গীতাতে আছে, “দরিদ্রান্ ভব কোত্তেব, মা প্রযচ্ছেথরে ধনম্;” অভিনব গীতার মন্ত্র “দৈবদান্ ভব কোত্তেব মা প্রযচ্ছ দৌনে ধনম্”! তদনুসারে দেশের লোকের শিক্ষা, স্বাস্থ্য রক্ষা, চিকিৎসা, কৃষি শিল্পাদির উন্নতি, প্রভৃতির জন্ত অতি ক্ষুদ্র টাকার বরাদ্দ হইয়াছে।

ভারতবর্ষীয় বা কোনও একটি প্রাদেশিক বজেট এত বড় জিনিস, যে, তাহার বিস্তারিত আলোচনা, প্রবাসীর বিবিধ প্রসঙ্গে করা সম্ভবপর নহে। এইজন্ত বজেটের আয়-ব্যয়ের সঙ্গে গৃহস্থের আয়-ব্যয়ের তুলনা করিয়া আমাদের দেশের বজেটটি যেকি রূপে অস্বাভাবিক, আমরা প্রধানতঃ তাহাই দেখাইতে চেষ্টা করিব। এরূপ চেষ্টা আমরা আরও কয়েকবার করিয়াছি, অপর এখনও তাহার প্রয়োজন আছে; সেই-জন্ত পুনরুক্তি অপরিহার্য।

সব গৃহস্থ সমান বিয়য়বুদ্ধিমত্তায়, সমান গোছাল, সমান বুদ্ধিমান নহেন। সব গৃহস্থীও ঘরকন্নার কাজে সমান দক্ষ নহেন। কিন্তু সবাই নিজের গৃহস্থালি নিজে করেন। এক জন গৃহস্থ বেশী বুদ্ধিমান বা বেশী গোছাল বলিয়া আর-এক জনের কষ্টের লুপ্ত করিয়া তাহার আয়ব্যয় কিরূপ হইবে, নিজের সুবিধার জন্ত, তাহার ব্যবস্থা করিতে পান না। কিন্তু জাতির বেলায় পৃথকভাবে বহুকাল হইতে অন্তরূপ ব্যবস্থা চলিয়া আসিতেছে। এক জাতি অন্য জাতকে বলিতেছেন, “তোমরা নাবালকের মত, তোমরা কাঙ্ক্ষিত আয়ব্যয় বুঝ না। আমরা তোমাদের ব্যবস্থা করিব।” একজাতি অণ্ডের গৃহস্থালির ব্যবস্থা অবৈতনিক বা নিঃস্বার্থ ভাবে করেন না। তাহা হইতে “বলক্ষণ হু-পরসা” রোজ্জীর করেন; অধিকন্তু “নাবালক” জাতির কৃতজ্ঞতাও দাবী করেন।

এক জাতি যখন অন্য জাতির আন্বয়ের ব্যবস্থা করেন, তখন তাহাতে যে অনেক খুঁত থাকিবে, তাহা আশ্চর্যের বিষয় নয়। আমাদের বাহা দৃষ্টি, তাহা অন্তরা কি ঠিক বুঝিতে পারে? যতটা বা বুঝিতে পারে, কাজের বেলায় তাহার উপরও সম্পূর্ণ দৃষ্টি রাখিতে পারে না। কারণ, হুজুর মাহুযের যখন স্বার্থের সংঘর্ষ হয়, তখন কখন কখন উন্নতমনা কেহ কেহ নিজের স্বার্থ ছাড়িয়া দিয়াছেন, একরূপ দেখা গিয়াছে; কিন্তু একটা জাতি নিজের সুবিধা লাভের পথ ছাড়িয়া দিয়া স্বৈচ্ছাক্রমে আর-একটা দুর্বল জাতির মঙ্গল করিয়াছে, এপর্যন্ত একরূপ দৃষ্টান্ত জগতের ইতিহাসে প্রায় দেখা যায় নাই;—পরে বেশী দেখা যাইতে পারে।

ভারতবর্ষের সরকারী কাজ চালাইবার ভার ইংরেজের উপর। কি পরিমাণে কোন্ ট্যাক্স বসাইয়া কত টাকা রাজস্ব আদায় করিতে হইবে, এবং সেই রাজস্ব কি কি বাবতে খরচ করা হইবে, তাহা স্থির করা ইংরেজের কাজ। এ বিষয়ে দেশের ২।৫ জন লোকের ২।৪ কথা কেবল বলিবার অধিকার আছে। কিন্তু তাহাতে বেশী কিছু পরিবর্তন হয় না; মোটের উপর ইংরেজের ব্যবস্থাই ঠিক থাকে। তাহা হইলেও সামান্য সামান্য বিষয়েও যদি দেশের পক্ষে হিতকর কিছু পরিবর্তন বক্তৃতা ও যুক্তি দ্বারা করান যায়, তা ভালই। কিন্তু আমাদের প্রধান চেষ্টার বিষয় হওয়া উচিত যে আমরা নিজেই কেমন করিয়া নিজের দেশের আন্বয়ের ব্যবস্থা করিতে পারি। কাহারও যুক্তি অকাটা হইতে পারে, কাহারও বাগিতা আকাশভেদী ও পাষণ্ডাবক হইতে পারে; কিন্তু ক্রমতা ও স্বার্থ যদি অগ্রপক্ষে সন্ধিবন্ধন করিয়া থাকে, তাহা হইলে তিনি কি করিতে পারেন? তথাপি যদি আন্দোলন করিতে হয়, মূল কথাটা লইয়াই সর্বসময় খুব বেশী পরিমাণে লেখাপড়া ও চীৎকার করা ভাল।

গৃহস্থের যদি কোন কারণে কোন বৎসর অবস্থা অসচ্ছল হয়, তাহা হইলেও, জীবনমরণের ব্যাপারে তাহাকে যেমন করিয়াই হউক যথেষ্ট ব্যয় করিতে হয়। ছেলেটির কলেরা হইয়াছে; তখন ত গৃহস্থ বলিতে পারেন না, "এটা বড় ছবৎসর, আসুছে বৎসর হাতে বেশী টাকা হ'লে ডাক্তার ডাকব"। কারণ, তৎপূর্বেই ছেলেটির পরলোক চলিয়া

যাইবার সম্ভাবনা। যেহেতু ম্যালেরিয়ার পুনঃ পুনঃ ভুগিতেছে। তাহারও চিকিৎসা ফেলিয়া রাখা চলে না। ফেলিয়া রাখিলে গীহা ও বক্রৎ এত বড় হইতে পারে যে তখন আর চিকিৎসা চলিবে না। পাঁচ বৎসর বা দশ বৎসর পরে আমার আর বেশী হইবে, তখন আমি মেয়ে বা ছেলের হাতে খড়ি দিব, একরূপ চিন্তা কোন বুদ্ধিমান পিতামাতা করেন না; কারণ সময় চলিয়া গেলে আর কিরিয়া আসে না; এবং শিক্ষার সময়ে শিক্ষা না দিলে পরে শিক্ষালাভের যোগ্যতা কমিয়া যায়। মার্টী যখন ভিজা ও নরম থাকে, কুমার তখনই তাহা হইতে নানা রকম পাত্র ও মূর্ত্তি গড়ে; ধাতু যখন দ্রব বা নরম থাকে, তখনই তাহাতে ঢালাই বা পেটাই হয়। কৃষিই যদি গৃহস্থের মঙ্গল হয়, তাহা হইলে তাহাকে যথাসময়ে বাধ বাধিতে হয়, লাঙ্গল দিতে হয়, বীজ বপন করিতে হয়, শস্ত্র পোকা লাগিলে তাহা মারিবার উপায় করিতে হয়। এসব কাজে দেবী সয় না; দেবী করিলে সে বৎসর আর আর হয় না, কিম্বা কম আর হয়।

এক একটা জাতির কাজ এক একটা গৃহস্থের কাজের মত। তফাৎ এই, যে, আমাদের দেশে এমন লক্ষ লক্ষ গৃহস্থ আছে, যাহাদের গৃহ না থাকার মধ্যে, যাহাদের অবস্থা তাহাদের জীবিতকালে কখন ভাল ছিল না, হইবারও আশা কম; এবং তজ্জন্য তাহাদের বাড়ীতে কলেরা হইলেও তাহারা ডাক্তার ডাকিতে পারে না, ছেলেমেয়েরা চিরজীবন মিরকর থাকিলেও পাঠশালায় পাঠাইতে পারে না, এবং লাঙ্গল দিবার কোন জমীও তাহাদের নাই। কিন্তু একরূপ হৃদশাগ্রস্ত, নিঃস্বল, ভূমিশূন্য জাতি পৃথিবীতে একটিও নাই। আমাদের জাতি ত স্বভাবতঃ নিশ্চয়ই একরূপ দরিদ্র নয়, যদিও আমরা পৈত্রিক সম্পত্তি হইতে বঞ্চিত হইয়া আছি। পুরা কাল হইতে আজ পর্যন্ত কত বিদেশী জাতি ভারতবর্ষের সমৃদ্ধিতে ঐশ্বর্যশালী হইয়া আসিতেছে। আমরা যে দরিদ্র তার একটা প্রধান কারণ এই যে আমাদের দেশের সরকারী গৃহস্থালির কর্তা আমরা নই, কর্তৃত্ব অন্য হস্তে গিয়া পড়িয়াছে। সেইজন্য জাতির মঙ্গলের জন্য আমরা বাহা একান্ত আবশ্যক মনে করি, তাহার জন্য যথেষ্ট টাকা আগেও ইংরেজ জনজুতোর (Public Services)

কখন খরচ করেন নাই, আগামী বৎসরের জন্ম ও পরিবার ব্যবস্থা হয় নাই।

দেশের স্বাস্থ্যের উন্নতির জন্ম, পানীয় জলের সুব্যবহার জন্ম কর্তৃপক্ষ কখন যথেষ্ট টাকা ব্যয় করিবেন, জানি না; কিন্তু গত সালে যত জন ইন্ফ্লুয়েঞ্জার, কলেরার, জ্বরে এবং আর্থ্রিক ক্রান্ত নিবার্য রোগে মরিয়াছে, এবং প্রতিবৎসর মরিতেছে, তাহারা ত আর ফিরিয়া আসিবে না। সকল বালকবালিকা যুবকযুবতীর শিক্ষার ব্যবস্থা কখন হইবে জানি না; কিন্তু এখন যাহারা মূর্খ-অবস্থায় বড় হইতেছে, তাহাদের শৈশব, কৈশোর, যৌবন, শিক্ষার বয়স, আর ত ফিরিয়া আসিবে না। কত মানুষ জানে বক্ষিত থাকিয়া বার্ককো পৌছিল ও মারা গেল, তাহাদের ব্যর্থ জীবনের জন্ম কে দায়ী হইবে? দেশের কৃষি ও শিল্পের সুব্যবস্থা কখন হইবে, জানি না। কিন্তু এ পর্য্যন্ত যে কত লক্ষ লোক হৃর্ভিক্ষে, অর্ধাশনে, দারিদ্র্যজনিত রোগে, প্রাণ হারাইয়াছে, তাহারা ত আর ফিরিয়া আসিবে না। কত লোক দারিদ্র্যের জন্ম চুরি-ডাকাতি করিয়া, দারিদ্র্যনিবন্ধন শিক্ষার অভাবে দুর্নীতি-পরায়ণ হইয়া, নিজের ও দেশের অবনতি করিয়াছে, তাহার জন্ম কি কর্তৃপক্ষ দায়ী নহেন?

স্বাস্থ্য, শিক্ষা, প্রভৃতি বিষয়ে যথেষ্ট ব্যয়ের ব্যবস্থা হইতেছে না, কিন্তু সিবিলিয়ানদের পাওনা বাড়িয়াছে, এবং পুলিশের জন্ম অর্থের ব্যবস্থা পুরা মাত্রায় আছে। আমরা চোরডাকাতকে নিশ্চয়ই ভয় করি, এবং খুনীদের হাতে প্রাণটা যায়, এরূপ ইচ্ছাও করি না। কিন্তু খুব সহজেই বুঝা যায় যে নিবার্য রোগে দেশে যত লোক মরে, খুনীদের হাতে তাহার হাজার ভাগের এক ভাগও মরে না। কিন্তু গবর্নমেন্ট পুলিশের জন্ম যত ব্যয় করেন, এবং পুলিশকে যত দয়াকারী মনে করেন, স্বাস্থ্যবিভাগের জন্ম তত ব্যয় করেন না, এবং স্বাস্থ্যকর্মচারীদেরকেও তত দয়াকারী মনে করেন না। স্বাস্থ্যের জন্ম পুলিশের ব্যয়ের বর্ধাংশ ও ব্যয় করেন কিনা সন্দেহ।

অবশ্য খুন নিবারণ বা খুনের তদন্ত করাই পুলিশের একমাত্র কর্তব্য নয়। চুরি-ডাকাতি নিবারণ, চোরডাকাত ধরা, ইত্যাদিও পুলিশের কর্তব্য। কিন্তু চুরি-ডাকাতিতে জাতীয় বর্ধ টাকা নষ্ট হয়, নিবার্য রোগে লক্ষ লক্ষ

উপার্জনক্ষম লোকের মৃত্যুতে এবং তাহার অনেকগুলি বংশী লোকের রুগ্নতা ও দুর্বলতা বশতঃ উপার্জনক্ষমতার হ্রাসে তদপেক্ষা হাজারগুণ আর্থিক ক্ষতি হয়। কিন্তু গবর্নমেন্ট চুরি-ডাকাতি নিবারণার্থ পুলিশের ব্যয় যত করেন, রোগজাত ক্ষতি নিবারণার্থ তাহার সিকিও খরচ করেন না।

এই যে রোগজাত প্রভূত আর্থিক ক্ষতি, ইহার কথা ভাবিলেই স্তম্ভিত হইতে হয়। উপার্জন-শক্তি ছাড়া আরো কত উচ্চতর শক্তি যে রোগে নষ্ট হইতেছে, কে তাহার ইয়ত্তা করিবে?

ভাল করিয়া শিক্ষা দিয়া মানুষকে নীতিমান ও উপার্জনক্ষম করিলে দেশে আইনভঙ্গ অপরাধ কম হয়, পুলিশের প্রয়োজনও কম হয়। ইংরেজীতে একটা কথা আছে, যে একটা স্কুল খোলে, সে একটা জেল বন্ধ করে। অতএব শিক্ষা ও উপার্জনের পথ, উভয়ই করিয়া দেওয়া চাই।

যাহা হউক, বহুতে এইরূপ এক-একটি বিষয়ের সমালোচনা করা সম্পূর্ণ ব্যর্থ না হইলেও, আমাদের জাতীয় গৃহস্থালির আয়ব্যয়ের উপর আমাদের নষ্ট কর্তৃত্ব কেমন করিয়া ফিরিয়া আসিতে পারে, অর্থাৎ আমরা কি প্রকারে স্বরাজ লাভ করিতে পারি, অধিকতর ফলপ্রদ ও আবশ্যিক।

ভারতের ১৯২২-২৩ সালের আয়ব্যয় •

আগামী ১৯২২-২৩ সালের (অর্থাৎ ১৯২২ সালের ১লা এপ্রিল হইতে ১৯২৩ সালের ৩১শে মার্চ পর্য্যন্ত এক বৎসরের) আয় নূতন ট্যাক্স না বসাইয়া ১১০।০ কোটি টাকা হইবে অনুমান করা হইয়াছে। ব্যয় হইবে ১৪২।০ কোটি টাকা। কমতি পড়িবে ৩১।০ কোটি টাকা। তন্মধ্যে নূতন ট্যাক্স বসাইয়া ২৯ কোটি ৫ লক্ষ টাকা তোলা হইবে। তাহা হইলেও প্রায় ২ কোটি ৭৫ লক্ষ টাকা কম থাকিবে। আগের আগের বৎসরেও আয় অপেক্ষ ব্যয় বেশী হইয়াছে। চারি বৎসরে ৯০ কোটি টাকা ঘাটতি পড়িয়াছে। তজ্জন্ম আগামী বৎসরে ৫২।০ কোটি টাকা ধার করিতে হইবে।

১৯২২-২৩ সালের ১১০।০ কোটি আয়ের মধ্যে সৈনিক বিভাগের ব্যয় হইবে ৬২ কোটি ১৮ ৮

টাকা। সোজা কথা বলিতে গেলে ইহার মানে এই যে, গৃহস্থের আর ১১০।।০ টাকা তাহাকে বরুকন্দাজ চৌকিদার প্রভৃতি রাখিবার জন্য ব্যয় করিতে হইবে ৬২ টাকা। এরূপ গৃহস্থ কেহ দেখিয়াছেন কি? এরূপ গৃহস্থের কথা কেহ শুনিয়াছেন কি? বাড়ীর ছেলেমেয়েরা পেট ভরিয়া খাইতে পার না এবং শুষ্ক কাপড়ী রূপ থাকিয়া সহজেই মহানারী ত মারা পড়ে; কাপড়ের অভাবে প্রায় নগ্ন থাকে, শীতে কষ্ট পায়; ভাল বস্ত্রের ক্রয় না থাকায় ভাল কাপড় কুড়ো ঘরে বা পথে ঘাটে থাকিয়া শীতে গ্রীষ্মে বর্ষায় কষ্ট পায়; রোগ হইলে চিকিৎসা ঔষধ পথের অভাবে খুব ভোগে বা মারা যায়; খাইবার নাইবার ভাল জলের অভাবে এবং বাড়ীর, গ্রামের, ও সহরের নর্দমা আদি ভাল না হওয়ার প্রায়ই অনেকে বার বার পৌড়াগ্রস্ত হয়; লেখাপড়া শিখিবার সুবিধা ও অধিক সামর্থ্য না থাকায় মুর্থ থাকে, স্ত্রীর নানা উপায়ে ধন উপার্জন ও করিতে পারে না; কৃষক উন্নতি করিবার মত শিক্ষা ও সঙ্গতি না থাকায় জমী হইতে অল্প দেশের লোকদের মত ফল শস্য মূল পায় না; শিক্ষাণিজোর শিক্ষা যথেষ্ট না পাওয়ার, এ বিষয়ে রাষ্ট্রীয় কর্তৃপক্ষের সাহায্য বা উৎসাহ না পাওয়ার এবং কল-কারখানা চালাইবার মত সঙ্গতি না থাকায়, দেশে লোকদের প্রয়োজনীয় দ্রব্য-সমুদয় উৎপন্ন করিতে পারে না ও তাহাতে বিদেশী জিনিষ দেশ ছাড়া যাইতেছে; এবং দারিদ্র্য ও শিক্ষাভাব বশতঃ গৃহস্থের সন্তানেরা কখন কখন আইনবিরুদ্ধ কাজও করিয়া ফেলে;—এবধি নানা দুর্গতি নিবারণের দিকে সম্যক দৃষ্টি না দিয়া ১১০।।০ টাকা আরো গৃহস্থ যদি বরুকন্দাজ ও চৌকিদার রাখিতে ৬২ টাকা ব্যয় করে, তাহা হইলে তাহাকে কি বিজ্ঞ বা কর্তব্যপরায়ণ বলা চলে?

ভারতবর্ষের লোকসমষ্টি এইরূপ গৃহস্থ। কিন্তু নিজের আয়ব্যয়ের উপর এই গৃহস্থের কোন হাত নাই; আয়ব্যয় সমস্তই বেহাত হইয়া পড়িয়াছে। বেহাত হইতে দেওয়া গৃহস্থের পক্ষে সাতিশয় দোষের বিষয় হইয়াছে। পুনর্বার আয়ব্যয়ের উপর কর্তৃত্ব স্থাপন তাহার অবশ্য কর্তব্য। এখন আয়ব্যয়ের মালিক যাহারা তাহাদের নাম ভারত-গবর্নমেন্ট।

১৯২২-২৩ সালের সামরিক ব্যয়

আমরা দেখাশুনা, ভারত-গবর্নমেন্টের আয়ের অর্ধেকেরও উপর সৈনিক বিভাগের ব্যয়ের অল্প বরাদ্দ করা হইয়াছে। এরূপ ব্যয়ের সমর্থনে বলা হইবে, সর্বপ্রথমে দেশরক্ষা, তারপর তোমার শিক্ষা, চিকিৎসা, স্বাস্থ্যের উন্নতি, প্রভৃতি। কিন্তু একথা কি সত্য, যে, ভারতবর্ষের ব্যয়ে যত গোরা ও সিপাহী রাখা হয়, ভারতবর্ষে শান্তি-রক্ষার জন্য, ভারতবর্ষকে আত্মশরীরী বিদ্রোহ ও বিপ্লব এবং বহিঃশত্রুর আক্রমণ হইতে রক্ষা করিবার নিমিত্ত তত সৈন্তের প্রয়োজন আছে? ইহা কি সত্য, যে, ভারতবর্ষের রক্ষার জন্য আধুনিকতম সেই-সব অস্ত্র ও সরঞ্জামের প্রয়োজন যে-সব ইউরোপে যুদ্ধের জন্য আবশ্যক হইয়াছিল এবং পুনর্বার আবশ্যক হইতে পারে? "তোমরা ভারতীয়, এবং ইংরেজ-গবর্নমেন্টের চিরশত্রু", ইহা বলিয়া যদি কেহ আমাদের কথা উড়াইয়া দিতে চান, সেইজন্য বর্তমান ১৯২২ সালের ১১ই মার্চের গ্রেটস্ম্যান কাগজের মত উক্ত করিতে চাই। গ্রেটস্ম্যান বলেন, যে, গত মহাযুদ্ধের আগে ভারতবর্ষে যত ইংরেজ সৈন্ত ছিল তার চেয়ে বেশী সৈন্ত রাখিবার প্রয়োজন নাই, এবং গোরা ও সিপাহীদের অস্ত্রশস্ত্র এবং যুদ্ধের সরঞ্জাম ইউরোপীয় যুদ্ধের জন্য যাহা আবশ্যক তাহার সমতুল্য করিবার প্রয়োজন নাই; যদি করিতে হয়, তাহা হইলে তাহার ব্যয় বিলাতী ব্রিটিশ গবর্নমেন্টের দেওয়া কর্তব্য। গ্রেটস্ম্যান ভারতবর্ষের হিতের জন্যই এ-সব কথা বলিতেছেন, এ বিশ্বাস আমাদের নাই; অত্যাধিক যে-কারণে ইহা বলিতে পারেন, তাহা অনুমান করিতে আমরা সমর্থ। কিন্তু তাহার আলোচনা এখন না করিয়া গ্রেটস্ম্যানের কতকগুলি মন্তব্য উক্ত করিতেছি।

In the Legislative Assembly there are many men of intelligence and good sense who are just as keenly alive to the importance of maintaining law and order as the COMMANDER-IN-CHIEF himself. Granted, then, that the British garrison must not be reduced by a single man, they ask what the present strength of that garrison is, whether there has been any increase in it as compared with the pre-War establishment, and, if so, the reason for such increase. Next

as to the equipment of these and other Indian troops with the latest devices of modern scientific warfare, there surely is need for a little clear thinking. It requires no expert tactician to tell us that armoured cars and machine-guns—relatively inexpensive weapons which economize men and enable a few to do the work of many—are eminently suited to the purposes of the Indian Army; whereas tanks and heavy artillery—both very costly—are almost as little likely to be required for fighting on the North-West Frontier as for quelling a riot in the Indian bazaars. Obviously, therefore, the Indian Army should be well supplied with the cheaper weapons, and may dispense altogether with the others....

If heavy artillery, tanks, poison-gas appliances, and so forth are required in order that the British garrison may learn to use them against some possible European foe, the cost of all such weapons should be borne by the Home Government and not by the Indian. In a word, India does not require an army brought to a "high state of modern military efficiency" as measured by European standards, but one which will maintain order within her borders and protect her frontiers against aggression. Such an army should not cost anything approaching 62 crores per annum—possibly not one half that sum.

ঢাকা ও কলিকাতা—তুলনায় আলোচনা

আগামী বর্ষের বজেটে ঢাকা বিশ্ববিদ্যালয়কে নয় লক্ষ টাকা এবং কলিকাতা বিশ্ববিদ্যালয়কে একলক্ষ একচল্লিশ হাজার টাকা বঙ্গের রাজস্ব হইতে প্রদান করিবার প্রস্তাব হইয়াছে। ইহাতে কলিকাতা বিশ্ববিদ্যালয়ের উৎসাহগণ ঢাকার প্রতি পক্ষপাত করা হইয়াছে বলিয়া ক্রন্দন করিতেছেন। কিন্তু প্রকৃত অবস্থা কি ?

(প্রথমতঃ) কলিকাতা বিশ্ববিদ্যালয় আজ প্রায় ৬৫ বৎসর ধরিয়া ক্রমগত বঙ্গের রাজস্ব পুট হইয়া বর্তমান সময়ে আর্থিক স্বাধীনতা প্রাপ্ত হইয়াছে। কিন্তু ঢাকা বিশ্ববিদ্যালয় সদ্যজাত, ইহাকে অনেক বৎসর ধরিয়া সাধারণ ধনভাণ্ডার হইতে পোষণ করিলে তবে ইহা কলিকাতার মত স্বাধীন আয়ে উপনীত হইতে পারিবে।

১৯২২ সালের ঢাকা বিশ্ববিদ্যালয়ের অবস্থা ১৯২২ সালের কলিকাতা বিশ্ববিদ্যালয়ের সমান নহে, ১৮৬০ বা ১৮৭০ সালের মত। নচেৎ আশ্চর্যজনক তুলনা হয় না।

ঐতিহ্য—

(দ্বিতীয়তঃ) অর্ধশতাব্দী ধরিয়া কলিকাতা বিশ্ববিদ্যালয় কী লইয়া শুধু ডিগ্রী বেচিয়া ভাণ্ডার পূর্ণ করিয়াছে, আর ঢাকা বিশ্ববিদ্যালয় ইহার কীবনের প্রথম দিন হইতে শিক্ষা দিতেছে; এইরূপ শিক্ষাদাতা বিশ্ববিদ্যালয়ের বরচ বেশী, এবং পুঁজি (অর্থ, গৃহ, পুস্তকাগার, ইত্যাদি) জমাইয়া না রাখিলে বেশী অভাবে পড়িতে হইবেই।

(তৃতীয়তঃ) কলিকাতা বিশ্ববিদ্যালয়ের দুই বিভাগ, ডিগ্রী বেচা ও শিক্ষা দেওয়া। সমগ্র বঙ্গ, পূর্ববঙ্গ ও আসাম (এং এ' ক'য়ক বৎসর পূর্বে পর্যন্ত ব্রহ্ম এং বিহারও) ইহার ডিগ্রী বক্রয় বিভাগের অধীনে; এই সমস্ত প্রদেশ-বাসী অযুত অযুত ছাত্র ইহার পরীক্ষার ফী দিতেছে, এবং সেই ফীর এক-তৃতীয়াংশ ঢাকা কলিকাতার পোষ্টগ্রাজুয়েট (অর্থাৎ শিক্ষা) বিভাগ পুট করিতেছে; কিন্তু ঢাকাতে শুধু শিক্ষা দিবার বিশ্ববিদ্যালয় আছে, ইহার এলাকা ঢাকা শহর ও তাহার দুটি কলেজ ও এক মধ্য আন্দাজ ছাত্রের মধ্যে নিবদ্ধ; সুতরাং ফী হইতে ঢাকা বিশ্ববিদ্যালয় কলিকাতার শতাংশ মাত্র উপার্জন করে। এক্ষণে কেহো রাজস্ব হইতে ঢাকাকে অধিক টাকা দিয়া এই অসমান অবস্থা দূর করিলে তবেই ঋণ বিচার হয়। মনে রাখিতে হইবে যে ফী এবং রাজস্ব উভয়ই সাধারণের টাকা। কলিকাতা বিশ্ববিদ্যালয় বঙ্গ আসামের অযুত অযুত ছেলের বাপকে পোষণ করিয়া যে আয় করিতেছে, তাহার সহিত এই এক লাখ একচল্লিশ হাজার যোগ করিয়া দিলে ঢাকার নয় লাখ ও ফীকে (লাখখানেক) অতিক্রম করিয়া উঠিবে।

(চতুর্থতঃ) ঢাকা শহরের কলেজ-দুটি তথাকার বিশ্ববিদ্যালয়ের অধীভূত, কিন্তু ঢাকার বাহিরের এত সরকারী কলেজের একটও কলিকাতা বিশ্ববিদ্যালয়ের নিজস্ব বলিয়া হিসাবে দেখান হয় না, এমন কি প্রেসিডেন্সী কলেজও নহে। তাহাদের জন্ম রাজস্ব হইতে যাহা ব্যয় হয়, তাহা পরোক্ষভাবে কলিকাতা বিশ্ববিদ্যালয়ের গুণ্ঠই ব্যয়, যদিও বজেটে এই লক্ষ লক্ষ টাকা কলিকাতা বিশ্ববিদ্যালয়কে দান বলিয়া লেখা হয় না।

আজ যদি ঢাকাকে affiliating university ঘোষণা করা হয় এবং সমস্ত পূর্ববঙ্গের ও আসামের (সম্ভবত উত্তর বঙ্গেরও) স্কুলকলেজগুলিকে ঢাকার বিশ্ববিদ্যালয়ে

অধীনে আনা হয়, তবে টাকা বিশ্ববিদ্যালয়ের জন্য রাজস্ব হইতে নয় লক্ষের অনেক কম টাকা দিলেই চলিবে।

গোলদিঘির প্রতিনিধি কি ইহাই চান ?

কলিকাতা বিশ্ববিদ্যালয়ে আয়ব্যয় ও কার্যপ্রণালী

বঙ্গের শিক্ষা-সচিব প্রভাসচন্দ্র মিত্র মহাশয় তাঁহার বজেট বক্তৃতার দেখাইয়াছেন যে আশুবাবুর অধীনে কলিকাতা বিশ্ববিদ্যালয় অত্যন্ত শোচনীয় অবস্থায় পৌঁছিয়াছে—“the financial management of the Calcutta University in the past was deplorable”। প্রকৃত হিসাবী বিবেচক লোকে ভবিষ্যৎ দেখিয়া আয় অনুসারে ব্যয় করে, আর আশুবাবুর দল বিশ্ববিদ্যালয় বাড়াইবার নেশায় মত্ত হইয়া “দোষাবহ খেরাল-পন্থীর মত” কাজ করিয়াছে (“almost criminal thoughtlessness”)।

সমস্ত প্রদেশের শিক্ষা-সচিবও যখন একরূপ বলিতে বাধ্য হইয়াছেন, তখন কলিকাতা বিশ্ব-বিদ্যালয়ের শোচনীয় অবস্থা আর লুকাইয়া রাখা যায় না। প্রভাসবাবু জনসাধারণের কর-আদায় হইতে অর্জিত ভাণ্ডারের সদ্যবহারের জন্য দায়ী। তিনি নিজের কর্তব্য, সাধারণের অভাব হুঃখ জানেন, সুতরাং তিনি রাজস্ব হইতে লক্ষ লক্ষ টাকা আশু-বাবুর অতলম্পর্শ গছবরে ঢালিয়া দিবার আগে এই বিশ্ববিদ্যালয়ের বর্তমান অবস্থার কারণ এবং অতীতের খামখেয়ালীর ইতিহাস পরীক্ষা করিতে বাধ্য। তিনি বুঝিয়াছেন যে ভবিষ্যতে রাজস্ব হইতে প্রদত্ত টাকার সদ্যবহার এবং ঠিকমত হিসাব রাখা হইবে, একরূপ প্রতিজ্ঞা ও ব্যবস্থা না হইলে কলিকাতা বিশ্ববিদ্যালয়কে সাহায্য করিলে তাঁহার নিজের কর্তব্য-চ্যুতি ঘটিবে। বঙ্গের ব্যবস্থাপক-সভার অনেক সভ্যও নিজদের এই কর্তব্য বুঝিতে পারিয়াছেন। তাঁহারা চান, যে, কলিকাতা বিশ্ববিদ্যালয়ের সংস্কার হউক, আশুবাবুর মস্তিষ্কের শোথের (megalomania) উপশম হউক, এবং পোর্টগ্রাডুয়েট আর্ট বিভাগকে সংযত হিসাবী এবং মিতব্যয়ী করা হউক। তবেই বঙ্গের প্রজাবর্গের কাছে অর্জিত লক্ষ লক্ষ টাকা এই বিশ্ব-

বিদ্যালয়কে দিলে তাঁহারা কর্তব্যব্রত হইবেন না, নিজ নিজ নির্দোষকর্মগুলোর প্রতি কর্তব্য করিতে পারিবেন।

একত্র ৩১শে আগষ্ট ১৯২১ বঙ্গের ব্যবস্থাপক সভা ফলির বিক্রমাদিত্যের হিসাব দেখিবার জন্য এক কমিটি নিযুক্ত করেন। তাহার পর প্রায় সাত মাস হইয়া গেল, এখনও আশুবাবু এই প্রস্তাবের উত্তর দেন নাই। দিবেন কি না সন্দেহ। অর্থাৎ বাহারা সাধারণের নিকট রাজস্ব ব্যয় করিবার জন্য দায়ী, তাহাদের হিসাব দেখাইবেন না, তাহাদের চোখে ঠুলী দিয়া ঢাকিয়া তাহাদের নিকট টাকা আদায় করিবেন! গোমস্তা তাঁহার জমিদারকে কাছারী-ঘরে ঢুকিতে দিবেন না। রোগী কবিরাজকে ঘখল দিবেন না।

ব্যবস্থাপক সভার সভ্যগণ যে এই চালের অর্থ বুঝিতে পারিবেন না তাঁহারা একরূপ মুগ্ধ নহেন, যদিও তাঁহাদের মধ্যে একজনও Ph. D. বা “রিসার্চার” নাই। তাঁহাদের কর্তব্যের পথ পরিষ্কার; তাঁহারা বঙ্গের জনসজ্জ্বের নিকট দায়ী; তাঁহারা অর্থের অপব্যবহার, অজ্ঞাত ব্যবহার হইতে দিবেন না। তাঁহাদের মধ্যে বাহারা উকীল নন, তাঁহারাও জানেন যে দেউলিয়া হইয়া আদালতের আশ্রয় লইতে হইলে প্রথমে নিজের সব আয়ব্যয় অকপটে আদালতে দাখিল করিতে হয়, জজের সমস্ত প্রশ্নের সত্য ও সম্পূর্ণ উত্তর দিতে হয়। যদি কেহ জজকে চোক রান্না, the insolvent shows *cheek* but does not show his *accounts* তবে আইনে তাহার রক্ষার উপায় নাই! আবার disqualified proprietor যদি কোর্ট অব্ ওয়ার্ডের আশ্রয় পাইতে চান, তবে তাঁহাকে আদালতের হুকুম মানিয়া চলিতে হয়; ক্রমাগত অমিতব্যয় অগাধ দেনা করিবার ক্ষমতা আদালত হইতে কাড়িয়া লওয়া হয়।

M. L. C.-গণ কি ইহার অনুমোদন করিবেন, আর করিলেই কি প্রজাবর্গ তাহা সহ্য করিবেন? বৎসর বৎসর এইরূপ বজেট পাশ হইবে?

এক যাত্রায় ভিন্ন ফল

কলিকাতা বিশ্ববিদ্যালয়ের পোর্টগ্রাডুয়েট বিভাগের ১৯২০ সালের রিপোর্টের ৩১৫ পৃষ্ঠার নূ-তম্বের অধ্যাপক-

দিয়ের মধ্যে শ্রীযুক্ত অনাথনাথ চাট্টোয়ার নাম দেওয়া হইয়াছে। তাঁহার উপাধি M. B. B. S., কিন্তু তাঁহাকে সর্বত্রই ডাক্তার বলিয়া বর্ণনা করা হইয়াছে। ঐ পৃষ্ঠার ছইবার, ৩৩৭ পৃষ্ঠার একবার, ইত্যাদি। সকলেই জানেন যে যদিও প্রত্যেক হাতুড়ে চিকিৎসক নিজের সাইনবোর্ডে নিজকে ডাক্তার উপাধিতে ভূষিত করে, প্রত্যেক বাজীকর, পালোয়ান ইত্যাদি নিজেকে প্রফেসার বলিয়া বিজ্ঞাপন দেয়, কিন্তু বিদ্যৎসমাজের চিঠি-পত্রে এবং বিশ্ববিদ্যালয়ের রিপোর্টে যাহারা কোন বিশ্ববিদ্যালয় হইতে ডাক্তার উপাধি পান নাই তাঁহাদের ডাক্তার বলিয়া স্বীকার করা হয় না।

বিশ্ববিদ্যালয়ের শিক্ষকমণ্ডলীতে ঠিক অনাথবাবুর মতই M. B. পাশ করা [তৎকালে] “ডাক্তার”-উপাধি-হীন গিরীন্দ্র-শেখর বসু আছেন; তাঁহাকে কিন্তু “বাবু” নাম দেওয়া হইয়াছে (৪৭ পৃষ্ঠা), ‘ডাক্তার বসু’ বলিয়া উল্লেখ করা হয় নাই।

নোটের আদর

১। পোর্টগ্রাডুয়েট বিভাগের কার্যাবিবরণীর মধ্যে ৩৫৫ পৃষ্ঠায় এই সংবাদটি আছে—

The Secretary reported that Babu Pramathanath Banerji, M. A., Lecturer in History, had got *type-written copies of his lecture-notes* prepared at his own expense and had them *distributed among his students* of the last Sixth-year class and requested payment of Rs. 70 (the cost borne by him). Resolved that the amount be paid [by the University.]

গোলদিবির বিশ্ববিদ্যালয় যে চমৎকার মৌলিক গবেষণা-প্রণালী শিক্ষা দিতেছেন, ইহা তাহার একটি সুন্দর দৃষ্টান্ত। চারিদিকে সংস্কারকরণ, ইউরোপায় বিদ্বন্মণ্ডলী, নোট ডিস্ট্রিট করা এবং নোট মুখস্থ ও নোট উদ্বিগরণ করা ভারতীয় অধ্যাপক ও ছাত্রদের দোষ বলিয়া চীৎকার করিতেছেন, আর স্বয়ং সরস্বতী ছেলেদের নোট পড়ার প্রসঙ্গ ত দিতেছেনই, তাহার উপর নিঃসংশয় নোট

লেখার পরিশ্রম এবং [কিঞ্চিৎ] শিক্ষা হইতে অব্যাহতি দিতেছেন এবং সেটা বিশ্ববিদ্যালয়ের ধরতে।

যদি ছাপান নোটই ছেলেদের দিতে হইবে তবে সে শিক্ষক এত মাস ধরিয়া বেতন লইয়া কি লেকচার দিলেন? এ হেন বিশ্ববিদ্যালয় দেউলিয়া না হইলে প্রকৃতির নিয়মের বিপর্যয় হইত।

মণ্টেগু সাহেবের পদ ত্যাগ

ফ্রান্সের সেয়াত্ত্ৰ সহরে যে সন্ধিপত্র রচিত হয়, তাহাতে তুরস্কের প্রতি খুব অবিচার হয়, এবং মুসলমানদের খলিকা তুরস্কের সুলতানের ক্ষমতা, প্রভাব ও কার্যশক্তির হ্রাস হয়। ইহাতে ভারতবর্ষের মুসলমানেরা অত্যন্ত অসন্তুষ্ট হইয়া আছেন। তাঁহাদিগকে সন্তুষ্ট করিবার নিমিত্ত, ভারত-গবর্ণমেন্ট প্রাদেশিক গবর্ণমেন্ট-সকলের সহিত পরামর্শ করিয়া ও ভারতসচিবের সম্মতি লইয়া বিলাতী ব্রিটিশ-গবর্ণমেন্টকে ঐ সন্ধি কতকগুলি বিষয়ে পরিবর্তিত করিতে আহ্বোধ করেন। যথা—তুরস্কের রাজধানী কনষ্টান্টিনোপল্ ত্যাগ, তুরস্ককে স্বাধীন পুনরর্পণ, আফ্রিকানোপল্ সহর ও তুরস্কের অধুষিত থেস্ পুনরর্পণ, মুসলমানদের তীর্থস্থান-গুলির উপর তুরস্কের সুলতানের ক্ষমতা ও প্রভাব পুনর্বার প্রতিষ্ঠিত করণ। এই আহ্বোধ-পত্র ভারত-গবর্ণমেন্ট ভারত-সচিব মণ্টেগু সাহেবের সম্মতিক্রমে কিন্তু ব্রিটিশ মন্ত্রী-সভার বিনা অনুমতিতে প্রকাশ করেন। তৎকাল প্রধান মন্ত্রী লয়েড জর্জ মন্ত্রীসভার মত লইয়া মণ্টেগু সাহেবকে পদত্যাগ করিতে বলেন। তদনুসারে মণ্টেগু পদত্যাগ করিয়াছেন।

কিছুদিন হইতে মণ্টেগু সাহেবকে তাড়াইবার জন্ত পার্লামেন্টের গোঁড়া রক্ষণশীল দল খুব চেষ্টা করিতেছিল। ইহা কতকটা নিশ্চিত, যে, এই দলকে সন্তুষ্ট করিবার প্রয়োজন না থাকিলে লয়েড জর্জ কখনই মণ্টেগুকে ইস্তফা দিতে বলিতেন না। সুতরাং সেয়াত্ত্ৰ সন্ধিপত্র সম্বন্ধে ভারত-গবর্ণমেন্টের আহ্বোধপত্র মন্ত্রীসভার বিনা অনুমতিতে প্রকাশ একটা উপলক্ষ্য মাত্র। যখন ঔপনিবেশিক সচিব চার্লস সাহেব মন্ত্রীসভার সম্মতি না লইয়া আফ্রিকার কেন্যা (Kenya) দেশে ভারতীয়দের রাজনৈতিক অধিকারাদি

বিষয়ে অনেক গুরুতর কথা পূর্ব-আফ্রিকা ভোজের বক্তৃতার প্রকাশ করেন, তখন ত তাঁহাকে পদত্যাগ করিতে বলা হয় নাই? তা ছাড়া মণ্টেগু বলিতেছেন, যে, তিনি মন্ত্রীসভাকে, বিশেষতঃ লর্ড কার্জনকে জানাইয়াছিলেন, যে, অমুরোধপত্রটি প্রকাশিত হইবে; উহার প্রকাশ বন্ধ করিবার যথেষ্ট সময় ছিল, অথচ বন্ধ করা হয় নাই। সুতরাং মণ্টেগু যদি মৌনং সন্ন্যস্তিলক্ষণম্ নীতি অনুসারে মন্ত্রীসভার মনোভাব বুঝিয়া কাজ করিয়া থাকেন, তাহা হইলে তাঁহাকে ইচ্ছা দিতে বলা উচিত হয় নাই।

মন্ত্রীসভা মুখ গম্ভীর করিয়া বলিতেছেন, যে, তুরস্ক সম্বন্ধে শীঘ্র ব্রিটনশক্তিদের যে কনফারেন্স (The Near East Conference) হইবে, ভারত-গবর্ণমেন্টের অমুরোধ আগে হইতে প্রকাশ করিয়া দেওয়ার তাহাতে ব্রিটিশ-শক্তির সব দিক্ দিয়া সম্পূর্ণ স্বাধীনভাবে বিচার করিয়া কাজ করিবার ক্ষমতা ও সুবিধার হ্রাস করা হইয়াছে। কিন্তু বাস্তবিক ব্রিটনশক্তিদের কাহারও মর্জি বা বিবেচনার বেশী ক্ষেত্র বা অঙ্গসর তুরস্কবর্তিত সব বিষয়ে এখনও আছে কি? কামাল পাশার প্রত্যাপে স্মার্টা, থ্রেস, আড্রিয়ানোপল্ আবার ত তুর্কদের হাতে আসিয়াছে বা প্রায় হস্তগত; মুসলমান তীর্থ-স্থানগুলিতে ইংরেজ বে-সব সাক্ষীগোপাল রাজা বা গবর্ণমেন্ট প্রতিষ্ঠিত করিয়াছেন, তাহারা পদত্যাগোশুধ বা টল্টলার-মান। সুতরাং অমুরোধপত্র প্রকাশ করিবার অমুমতি দিয়া মণ্টেগু ব্রিটিশ মন্ত্রীসভাকে বেশী কিছু মুন্সিলে ফেলিয়া-ছেন বলিয়া মনে হয় না।

ভারতগবর্ণমেন্ট ঐ কাগজটি ছাপিবার নিমিত্ত মণ্টেগুর অমুমতি চাহিয়াছিলেন। লর্ড রেডিং অবশ্য জানেন, যে, সব কাজ দস্তুরমত করিতে হইলে সমগ্র মন্ত্রীসভার অমুমতি চাই। অথচ তিনি অমুমতি চাহিলেন শুধু মণ্টেগুর। প্রকাশে যদি অপরাধ হইয়া থাকে, তাহা হইলে মণ্টেগুর নীচেই তিনিও অপরাধী। অতএব, তাঁহাকেও ইচ্ছা দিতে বাধ্য করা উচিত। লরেড্ জর্জ্ তাহা করিবেন কি না সন্দেহ। শুনিয়াছি, ব্রিটিশ গবর্ণমেন্টের টাকার দরকার হইলে যদি বিলাতেই টাকা ধার করিতে হয়, তাহা হইলে লণ্ডনের ইহুদী মহাজনদের শরণ লইতে হয়। একজন ইহুদীকে পদচ্যুত করার এই মহাজনদের মনের ভার কিরূপ

হইয়াছে জানি না; ছদ্মনকে পদচ্যুত করিলে তাহারা যে নিশ্চয়ই চটিবে, তাহাতে সন্দেহ নাই। লরেড্ জর্জের যদি সস্ত সস্ত টাকা কড়ির দরকার না থাকে, তাহা হইলে তিনি চটাইতে সাহসী হইতে পারেন; দরকার থাকিলে কিন্তু তিনি লর্ড রেডিংকে নিশ্চয়ই কিছু বলিবেন না। তা ছাড়া, ইহাও শুনা যায়, যে, মার্কোনি-শেরার্স্ বটত ব্যাপারে লর্ড রেডিং লরেড্ জর্জের সহায় থাকার লরেড্ জর্জের সুবিধা হইয়াছিল। উপকারী ব্যক্তিকে লরেড্ জর্জ্ কি এখন সহজে ত্যাগ করিবেন?

মণ্টেগু সাহেব সম্বন্ধে এখন ভারতবর্ষে ইংরেজ ও দেশী নানা দলের লোক নানাবিধ প্রশংসা নিন্দা সমালোচনা করিতেছেন। গোঁড়া মডার্নেটদের কয়েক ব্যক্তি, “বেঙ্গলী” মণ্টেগু সম্বন্ধে, উচ্চ প্রশংসার সঙ্গে সঙ্গে, কিছু নিন্দার কথা বলার, উহার সম্পাদকের উপর খাপ্পা হইয়াছেন এবং সম্পাদক তাঁহাদিগকে দস্তষ্ট করিতে চেষ্টা করিতেছেন কিন্তু সত্য কথাগুলো প্রত্যাহার করিতে পারেন নাই। এই বিষয়ে “বেঙ্গলী”তে শ্রীযুক্ত সুধীরকুমার লাহিড়ী ধীরভাবে নিরপেক্ষতার সহিত চিঠি লিখিয়াছেন। অসহযোগী ও চরম-পন্থী সম্পাদকেরা মণ্টেগু সাহেবের কোন গুণ দেখিতে বা প্রশংসা করিতে ইচ্ছুক নহেন, বাধ্য ত নহেনই। এংলো-ইণ্ডিয়ান কাগজ-সকলের মতের আলোচনা করিবার আমাদের প্রয়োজন নাই।

আমরা মনে করি, মণ্টেগু সাহেবের ভারতবর্ষের হিত করিবার আন্তরিক ইচ্ছা ছিল। তাঁহার বুদ্ধিমত্তা ও কার্যপটুতা প্রশংসনীয়। কিন্তু নূতন ভারতশাসন-আইন দ্বারা প্রকৃত ক্ষমতা অতি অল্পই ভারতবাসীদের হস্তগত হইয়াছে। অল্প দিকে, রাষ্ট্রীয় কার্য পরিচালনের ব্যয় অত্যন্ত বৃদ্ধি পাইয়াছে। তাহার একটা কারণ, শাসনযন্ত্রটা হইয়াছে পাশ্চাত্য ধরণের অথচ অভূতপূর্ব ও অশ্রুতপূর্ব রকমের। এরূপ ব্যয়-সাপেক্ষ শাসনযন্ত্র আমাদের গরীব দেশের উপযোগী নয়। দ্বিতীয় কারণ, মণ্টেগু, তাঁহার ভারতশাসন আইনের বিরোধিতা কমাইবার জন্য, ইংরেজ কর্মচারীদের সব রকম অন্যান্য দাবী ও আবদার গ্রাহ্য করার বেতন, পেন্সান, ছুটির সময়ের পাওনা, ইত্যাদি গুরুতর বাড়িয়া গিয়াছে। তাহাতে গবর্ণমেন্ট দেউলিয়া হইতে বসিয়াছে, এবং ট্যাক্স

ও ধনী বাড়িতেছে। অর্থনৈতিক বিষয়ে মন্টেগুর কৃষ্ণ ভারতের প্রভূত ক্ষতির কারণ হইয়াছে। রিভার্স কোম্পানী দ্বারা ভারতবর্ষের ৫ কোটি টাকা ক্ষতি পালে-মন্টেই স্বীকৃত হইয়াছিল।

মন্টেগু অপেক্ষা অধিক ভারতহিতৈষী বা রাজনীতিজ্ঞ বুদ্ধিমান ও কার্যদক্ষ আর-কোন ব্যক্তি ভারতসচিব হইবেন বলিয়া আমরা মনে করি না। কিন্তু তাঁহার পদত্যাগে ভারতের সর্বনাশ হইল, ইহাও মনে করি না। ভারতবর্ষের সর্বনাশ চিরকাল হইয়াছে—আমাদের গৃহবিবাদে, স্বাধীনতার, দেশের লোক অপেক্ষা বিদেশীকে বেশী বিশ্বাস করায়, এবং দেশের লোকের সমবেত শক্তির উপর নির্ভর না করিয়া পরমুখাপেক্ষিতা অবলম্বন করায়। এই মনোভাব থাকিতে দেশের কল্যাণ কোথায়? পরাধীন ভারতবর্ষে দেশরক্ষা কথাটার মানেও ভাল করিয়া বুঝিয়া লওয়া ভাল। ষ্টেটসম্যান কাগজে “ব্রিটিশ গ্যারিসন্” কথা ছুটার ব্যবহার হইতে বুঝা যায়, ভারতবর্ষ রক্ষার মানে ইংরেজরা বুঝেন “ভারতবর্ষের ইংরেজাধীনতা রক্ষা।” আমরা দেশরক্ষার মানে বুঝি, প্রথমতঃ নিজের দেশের মালিক পুনর্কীর নিজেদের হওয়া, এবং তৎপরে তাহাকে কোনও বিদেশীর অধীন হইতে না-দেওয়া। অবশ্য, তাহা হইতে আপাততঃ এই মানেও আসে, যে, যতদিন না আমরা নিজেদের স্বদেশের মালিক হইতে পারিতেছি, তত দিন পর্যন্ত ভারতবর্ষ যেন ইংরেজ ছাড়া অন্য কোন বিদেশীর হস্তগত না হয়।

অন্য দেশের ও জাতির এবং ভারতবর্ষের সামরিক ব্যয়ের উদ্দেশ্য

স্বাধীন দেশ-সকলের সামরিক ব্যয়ের উদ্দেশ্য প্রধানতঃ একটি বা দুটি :—(১) নিজের দেশের স্বাধীনতা ও সম্পদ রক্ষা, (২) অন্য দেশের স্বাধীনতা নাশ ও সম্পত্তি লুণ্ঠন। ভারতবর্ষ অন্য কোন দেশের স্বাধীনতা হরণ করিতে চাহে না ও পারে না, এবং অন্য কোন দেশের ধনও চুরি করিতে চায় না ও পারে না। সুতরাং, ভারতবর্ষের সামরিক ব্যয়ের প্রধান উদ্দেশ্য নির্দেশ করিতে হইলে, বাকী থাকে কেবল প্রথমটি। স্বাধীনতার স্বাধীনতা নাই, তাহাদের

স্বাধীনতা রক্ষার কথা তুলিলে কেবল উপহাস করা হয় মাত্র। আমাদের স্বাধীনতা ও সম্পদ পরের আয়ত্ত। অতএব, ভারতবর্ষের যুদ্ধের আয়োজন ছোট বা বড় বাহাই হউক, তাহা আমাদের স্বাধীনতা ও সম্পদ রক্ষার জন্য নহে। ইহার উদ্দেশ্য, ভারতবর্ষের ইংরেজাধীনতা রক্ষা, এবং ভারতবর্ষকে ইংরেজ জাতির কামধেনুরূপে রক্ষা। তর্কের অনুরোধে ইহা স্বীকার করা বাউক, যে, ইংরেজের অধীনতা পৃথিবীর অন্য যে-কোন জাতির অধীনতা অপেক্ষা শ্রেষ্ঠ, এবং ইংরেজ ভারতবর্ষ কামধেনুকে যত প্রকারে যে পরিমাণে দোহন করে, অন্য কোন জাতি ভারতবর্ষের প্রভু হইলে তাহা অপেক্ষাও অধিক প্রকারে ও পরিমাণে দোহন করিত। কিন্তু ইহা কোন প্রকারেই স্বীকার করা যায় না, যে, ইংরেজাধীনতা স্বাধীনতার সমান বা তাহা অপেক্ষা শ্রেষ্ঠ, কিম্বা দেশের ধন দেশে থাকা অপেক্ষা ইংরেজের দ্বারা অতিশয় আইনসম্মত উপায়েও শোষিত হওয়া ভাল, যা উত্তর অবস্থা সমতুল্য। এইজন্য ইংরেজের অধীনতার সপক্ষে যত প্রকার গুণের দাবী করা যাইতে পারে, তাহা স্বীকার করিলেও, কথাটা এইরূপ দাঁড়ায়, যে, ভারতবর্ষ ইংরেজের অধীন থাকার ইংরেজেরও লাভ এবং ভারতের লোকদেরও লাভ; এ কথা মিথ্যাবাদী ভিন্ন কেহ বলিতে পারিবে না, যে, এই অধীনতার কেবলমাত্র ভারতবর্ষেরই লাভ, এবং ইংরেজ শুধু পরহিতৈষণাপ্রণোদিত হইয়া ভারতবর্ষকে নিজের অধীন করিয়া রাখিয়াছে। সুতরাং ভারতবর্ষ বাহাতে ইংরেজের অধীন থাকে, তৎজন্য সমুচিত যুদ্ধের আয়োজন রাখার ব্যয় ইংলণ্ডেরও দেওয়া উচিত, ভারতবর্ষেরও দেওয়া উচিত।

ইহার একটা উত্তর কোন কোন ইংরেজ দিয়া থাকে। তাহারা বলে, ভারতবর্ষ ও ভারতবর্ষের বাণিজ্য রক্ষার জন্য ইংলণ্ডকে বিস্তর যুদ্ধসাহায্য রাখিতে হয়। যদি ইংলণ্ডকে ভারতবর্ষের যুদ্ধবিভাগের আংশিক ব্যয় দিতে বল, তাহা হইলে ইংলণ্ডের রপতরী বিভাগেরও আংশিক ব্যয় ভারতবর্ষের দেওয়া উচিত। উত্তরে যাহা বলিবার আছে, বলিতেছি। রপতরী দ্বারা সামুদ্রিক বাণিজ্য রক্ষিত হয়। ভারতবর্ষের সামুদ্রিক বাণিজ্য সমস্তই বিদেশীর প্রায় সমস্তই ইংরেজের হাতে। সুতরাং সামুদ্রিক বাণিজ্য

রক্ষার জন্য ভারতবর্ষ ভারতঃ কিছুই দিতে বাধ্য নহে। ভারতবর্ষকে বহিঃশত্রু হইতে রক্ষা করিবার জন্য ইংলণ্ড কর্তৃক যুদ্ধ-জাহাজ ভারত-মহাসাগর, বঙ্গোপসাগর, আরব-সাগর প্রভৃতি সমুদ্রে রাখেন, জানি না। যদি কিছু রাখেন, তাহা হইলে সেই কর্তৃক আংশিক ব্যয় আমরা ভারতঃ দিতে বাধ্য,—যদি অন্য সব বন্দোবস্তও ভারসমত হয়—“যদি অন্য সব বন্দোবস্ত ভারসমত হয়” বলিবার কারণ বলিতেছি। কেবল ভারতকারীই ভারসমত ব্যবহারের দাবী করিতে পারে, অন্য পারে না। এইজন্য ইংলণ্ড যদি ভারতবর্ষের কাছে কোন ভাষা দাবী উপস্থিত করিতে চান, তাহা হইলে তাঁহাকে দেখাইতে হইবে, যে, ভারতবর্ষের প্রতি তাঁহার সব রকমের ব্যবহার ভারসমত, এবং ইংলণ্ড নিজের রণতরী-বিভাগ ও যুদ্ধ-বিভাগ হইতে যতপ্রকার সুবিধা ও লাভ পাইতেছেন, ভারতবর্ষও তাহা পাইতেছেন বা পাইতে পারেন। ভারতবর্ষের সহিত ইংলণ্ডের সব-রকম ব্যবহারের সত্যতা পরীক্ষা না করিয়া এখন শুধু যুদ্ধবিভাগ ও রণতরী-বিভাগের কথাই আলোচনা করি।

ইংলণ্ডের নিজের যত সৈন্য ও সৈনিক কর্মচারী আছে, তাহারাই সবাই ইংরেজ। (গ্রেটব্রিটেন ও আয়ারল্যান্ডের সব লোককেই আমরা একত্রে সংক্ষেপতঃ ইংরেজ বলিব।) ইহারি যত বেতন ও ভাতা পায়, তাহাতে ইংরেজজাতির ধনক্ষয় হয় না; এবং ইহাদের রণদক্ষতা ও যুদ্ধের অভিজ্ঞতাও ইংরেজদেরই সম্পত্তি থাকে। তদ্বারা ইংরেজ জাতি দেশবিদেশে প্রবল থাকে। যুদ্ধের সবরকম অস্ত্র ও সরঞ্জাম ইংরেজরা নিজদের কারখানায় প্রস্তুত করিয়া, ধন উপার্জন করে। শিল্পনৈপুণ্যও তাহাদেরই থাকে। যুদ্ধজাহাজ নির্মাণ তাহারাি করে, এবং তাহার লাভ এবং দক্ষতা তাহাদেরই থাকে। যুদ্ধজাহাজ দ্বারা তাহাদের পৃথিবীব্যাপী বাণিজ্য রক্ষিত হয় এবং তদ্বারা দেশ স্বথসমৃদ্ধিতে পূর্ণ হয়। রণতরীর সামান্য মাঝিমালা হইতে উচ্চতম নৌসেনাপতি পর্যন্ত সবাই ইংরেজ। তাহাদের বেতন ও ভাতা ইংরেজ জাতির ধনসমষ্টির অঙ্গীভূত হয়। তাহাদের রণনৈপুণ্য ইংরেজ জাতিকেই প্রবল রাখে। মতোযুদ্ধ-বিভাগ সবক্কে এই সমস্ত কথাই থাকে। তজ্জন্য পুনরুক্তি করিব না। এখন ভারতবর্ষের কথা বলি

যুদ্ধবিভাগে ভারতীয়রা, বলিতে গেলে, কেবল সিঁপাহী হইতে সুবাহার-মেজর পর্যন্ত হইতে পারে; গোলন্দাজী (artillery) বিভাগে ভারতীয়ের প্রবেশ নিষিদ্ধ বলিতেও চলে। কেবলমাত্র যুদ্ধিমের লোকে লেফটেনেন্ট, কাপ্তেন, আদি হইয়াছে। লেফটেন্যান্ট হইতে কীডমার্শ্যাল পর্যন্ত সব উচ্চ কাজ কার্যতঃ ইংরেজের একচেটিয়া। ইহাদের বেতন ভাতা ইত্যাদি ভারতবর্ষের জাতীয় ধনভাণ্ডার হইতে গৃহীত হইয়া ইংরেজের ধনভাণ্ডার পুষ্ট করে। ইহাদের রণদক্ষতা ও অভিজ্ঞতা ভারতবর্ষের অর্থে অর্জিত হইয়া ইংরেজ জাতিকে শক্তিশালী ও প্রবল করে। ভারতবর্ষের বোদ্ধারা সংখ্যায় যত বেশী ও সাহসে যত প্রশংসনীয়ই হউক, তাহাদের জন্য ভারতবর্ষ প্রবল ও শক্তিশালী দেশ বলিয়া পৃথিবীতে গণিত হয় না। ভারতবর্ষের বোদ্ধারা নিয় পদে থাকিয়া ও কেবলমাত্র পরিচালিত হইয়া কখনও নেতৃত্বের যোগ্যতা লাভ করিতে পারে না; পরন্তু ক্রমাগত অধীনস্থ থাকায়, যাহাদের কিয়ৎপরিমাণে স্বাভাবিক নেতৃত্ব-শক্তি থাকে, তাহাদেরও তাহা নষ্ট হইয়া যায়। ভারতবর্ষে সকল রকম যুদ্ধাস্ত্র ও যুদ্ধের সরঞ্জাম প্রস্তুত হয় না। যাহা প্রস্তুত হয়, তাহার কারখানাসমূহ ভারতবর্ষীয় লোকদের সম্পত্তি নহে। এইসকল কারখানার কেবলমাত্র মজুর ও নিয়ন্ত্রণকারিগর ভারতীয়; উচ্চপদস্থ কর্মচারী ও পরিচালকগণ ইউরোপীয়। সুতরাং কারখানা-সমূহের আর্থিক লাভ ভারতকে ধনশালী করে না। কারখানাগুলিতে লক্ষ অভিজ্ঞতা প্রধানতঃ ইংরেজের অভিজ্ঞতা। তদ্বারা ইংলণ্ডের লাভ হয়, ভারতবর্ষের অভিজ্ঞতা ও শিল্পনৈপুণ্য তদ্বারা বৃদ্ধি পায় না। রণতরী-বিভাগের দিকে দৃষ্টি দিলে দেখা যায় যে ভারতের নিজের কোন যুদ্ধজাহাজ নির্মাণ করিবার কোন ডক (Dock) ভারতবর্ষে নাই। ভারতবর্ষের লোকেরা কোন যুদ্ধজাহাজে সামান্য নৌসৈনিক হইয়াও প্রবেশ করিতে পারে না। যুদ্ধজাহাজ থাকিলে যে জাতীয় প্রতিপত্তি ও পরাক্রম বাড়ে, ভারতবর্ষের ভাগ্যে তাহা ঘটে না। ভারতীয়দের নিজের এমন কোন সামুদ্রিক বাণিজ্য নাই, যাহার রক্ষার জন্য রণতরীর প্রয়োজন। রণতরীর জন্য আমরা টাকা দি বা মা দি, উহা হইতে যাবীম দেশ-সকলের যতপ্রকার লাভ

সুবিধা হয়, আমাদের তাহার কিছুই হইতে পারে না। নতোধূতের কোন আয়োজন এ দেশে নাই বলিলেই চলে। যদি ভবিষ্যতে সেরূপ আয়োজন হয়, তাহা হইলেও তাহার নেতৃত্ব ইংরেজের হইবে, সুতরাং তাহার দক্ষ আর্থিক লাভ, অভিজ্ঞতা, প্রতিপত্তি, পরাক্রম ইংরেজের হইবে। নতোধূতের জন্য এরোপ্লেন প্রভৃতি নির্মাণের কারখানাও ইংরেজের কর্তৃত্বে স্থাপিত হইবে; উহা সরকারী বা বেসরকারী বাহাই হউক ইংরেজেরই হইবে। সুতরাং কারখানার আর্থিক লাভ, অভিজ্ঞতা ও নৈপুণ্য ইংরেজকেই ধনশালী অভিজ্ঞ, নিপুণ ও প্রবল করিবে।

এই-সমুদয় বিষয় বিবেচনা করিলে বুঝা যাইবে, যে, যে-সকল কারণে ইংলও প্রভৃতি স্বাধীন দেশ যুদ্ধের আয়োজনের জন্য বিস্তর টাকা খরচ করেন, ভারতবর্ষের সেরূপ খরচ করিবার একটিও কারণ নাই। ভারতবর্ষের আত্মকর্তৃত্ব থাকিলে, ভারতবর্ষের লোকদের দেশের সমুদয় বিভাগের সমুদয় কাজে অধিকার থাকিলে ও নিয়োগ হইলে, এবং তাহাদের সকল রকম কারখানা থাকিলে, তাহারা স্বচ্ছন্দে রাজস্বের যত অংশ ইচ্ছা যুদ্ধের আয়োজনের জন্য ব্যয় করিতে পারে। এখন তাহাদের ঘাড়ে যে গুরুতর বোঝা চাপান হইতেছে, তাহা সকল প্রকারেই অত্যাচার, এবং তাহা জোর করিয়া চাপান হইতেছে।

ভারতীয় বজেট সম্বন্ধে মন্তব্য।

ভারতীয় বজেটের বিস্তারিত আলোচনা পশ্চম। তাহা করিব না। গরীবের পক্ষ হইতে ছএকটা কথা কেবল বলি। প্রস্তাব হইয়াছে—(১) রেলের ভাড়া টাকার চারি আনা বাড়িবে। এই বৃদ্ধিটা গরীব খার্ড-ক্লাসের যাত্রীদের পক্ষে অত্যন্ত কষ্টকর হইবে। অপেক্ষাকৃত সম্পন্ন লোকেরা যে বোঝা সহজে বহিতে পারে, গরীবেরা তাহা পারে না। (২) লবণের উপর শুদ্ধ মণকরা ১।০ হইতে ২।০ টাকা হইবে। লবণ গরীবদের আহারের ও স্বাস্থ্যের জন্য, এবং গবাদি পশুর স্বাস্থ্যের জন্য, একান্ত আবশ্যিক। লবণের উপর কোন শুদ্ধই থাকা উচিত নয়। (৩) পোস্টকার্ডের দাম দু পয়সা এবং থাকের চিঠির ন্যূনতম মাপুল এক আনা হইবে।

ডাকমাপুল খুব সস্তা রাখা সভ্যতার একটা লক্ষণ ও কারণ। সুতরাং ডাকমাপুল বাড়ান উচিত নয়। একান্ত বাড়াইতে হইলে পোস্টকার্ডের দাম এক পয়সাই রাখিয়া চিঠির ন্যূনতম মাপুল এক আনা করা কর্তব্য। (৪) কেরোসীনে তেলের ও দিয়াশলাইয়ের উপর ট্যাক্স বসান উচিত নহে। ইহাতে গরীব লোকের কষ্ট হইবে।

স্বদেশী মেলা

আগামী ২০শে চৈত্র হইতে কলিকাতার ওয়েলিংটন স্কোয়ারে একটি স্বদেশী মেলা খুলিবার প্রস্তাব হইয়াছে। আগে আগে স্বদেশী মেলা দ্বারা দেশের উপকার হইয়াছিল। এইজন্য এই প্রস্তাবের সমর্থন করিতেছি। কিন্তু একজন রাজকর্মচারীকে সভাপতি এবং দুজন রাজকর্মচারীকে অন্যতম সহকারী সভাপতি মনোনয়নের অমুমোদন আমরা করিতে পারি না। যদিও সার সুব্রহ্মনাথ বন্দ্যোপাধ্যায়, নবাব নবাব আলী চৌধুরী এবং শ্রীযুক্ত প্রভাসচন্দ্র মিত্র বাঙালী, তথাপি তাহারা ইংরেজ-রাজের কর্মচারী; স্বদেশী মেলা সম্পূর্ণ স্বদেশী হওয়া উচিত।

সুব্রহ্ম-বাবু প্রভৃতি তিনজন মন্ত্রীর মত ও কাজ কয়েকটি গুরুতর বিষয়ে লোকমতের বিরোধী হওয়ার আমাদের আপত্তি প্রবলতর হইয়াছে।

বাংলাদেশের বজেট

সমগ্র ভারতবর্ষের বজেটের মত বাংলা দেশের বজেট সম্বন্ধেও বিস্তর কথা বলা যায়। কিন্তু বলিয়া লাভ কি স্বরাজ অর্থাৎ জাতীয় আত্মকর্তৃত্ব না পাইলে বাক্যব্যয় বৃথা। অথচ বাক্যব্যয় না করিলেও লোককে বুঝান যাইবে না, যে, ভারতশাসন-আইনের সংস্কার দ্বারা দেশের লোক যথেষ্ট অধিকার প্রাপ্ত হন নাই। আর অপেক্ষা ব্যয় বেশী দেখিয়া আমরা নূতন ট্যাক্সের ব্যবস্থা হইল। ব্যয়সংক্ষেপের চেষ্টা একেবারেই হয় নাই পাছে বলা হয়, তজ্জন্য সামান্য কিছু ব্যয়সংক্ষেপ করা হইয়াছে। কিন্তু ব্যয়বৃদ্ধি যাহা হইয়াছে, তাহার তুলনার উহা কিছুই নয়। ব্যয়সংক্ষেপ খুব ভাল করিয়া করিবার ক্ষমতাই ব্যবস্থাপক সভার নাই। যে-যে বিভাগে সর্বাপেক্ষা বেশী ব্যয় হয়, সে-সব বিভাগের ব্যয়ের উপর সভ্যদের গুণ ক্ষমতা নাই।

দেশের লোকদের অজ্ঞতা দূর করিবার জন্ত শিক্ষাবিভাগের নিমিত্ত যথেষ্ট ব্যয়ের ব্যবস্থা নাই। লোকদের অজ্ঞতা দূর না করিলে স্বাস্থ্যের উন্নতিও হইতে পারে না। অজ্ঞতা দূরীকরণ ভিন্ন দেশের স্বাস্থ্যের উন্নতির জন্ত আর যে-সকল উপায় অবলম্বন করা কর্তব্য, তাহার জন্তও যথেষ্ট টাকা-বরাদ্দ করা হয় নাই। বাহাতে দেশের লোকের আয় বাড়ে, এরূপ নানা উপায় অবলম্বন করিবার নিমিত্ত যথেষ্ট টাকা বজেটে ধরা হয় নাই। সর্ববিধ উন্নতি পরস্পরসাপেক্ষ। দারিদ্র্য দূর না হইলে মানুষ স্বাস্থ্যরক্ষা করিতে পারে না, নিজে শিক্ষালাভ করিতে বা সন্তানদিগকে শিক্ষা দিতে পারে না। অতীতকালে আবার যদি কেহ স্বস্থ-সবল না থাকে, তাহা হইলে পরিশ্রম দ্বারা অর্থ উপার্জন করিয়া দারিদ্র্য দূরও করিতে পারে না। অর্থ উপার্জন করিতে হইলে, তাহার নানা উপায় জানা থাকা চাই। তাহা শিক্ষাসাপেক্ষ। কিন্তু শিক্ষাও সঙ্গতি এবং স্বাস্থ্যের উপর নির্ভর করে।

বঙ্গীয় ব্যবস্থাপক সভার অনেক সভ্য শ্রমশীলতা, নির্ভীকতা, ও জ্ঞানবত্তার সহিত বজেটের আলোচনা করিয়াছেন। তাঁহাদের বক্তৃতা হইতে দেশের লোকে বুঝিতে পারিবেন, যে, রাজনৈতিক জ্ঞান আমাদের দেশের অনেক লোকের আছে, কিন্তু ভারতশাসন-আইন অনুসারে ব্যবস্থাপক সভার সভ্যদের যথেষ্ট ক্ষমতা না থাকায় যথোপযুক্ত ফললাভ হইতেছে না।

নিগ্রহ

কয়েকটি প্রাদেশিক ব্যবস্থাপক সভায় তত্তৎ প্রদেশের গবর্নমেন্টের নিগ্রহনীতির বিরুদ্ধে অধিকাংশ সভ্যের মতে প্রস্তাব ধার্য হইয়াছে। এই সভ্যেরা মডারেট দলের লোক। তাঁহাদের নির্ভীকতা ও সত্যবাদিতা প্রশংসনীয়। তাঁহাদের কথা হইতে বুঝা যায়, যে, গবর্নমেন্ট তাঁহাদের সম্মতিক্রমে দেশ শাসন করিতেছেন না। গবর্নমেন্টের কার্য যে সংখ্যাভূমিষ্ঠ অসহযোগীদের অনুমোদিত নহে, তাহা বলাই বাহুল্য। সুতরাং গবর্নমেন্টের তিতি এখন লোকমতের উপর নহে, জোরের উপর।

মৌলানা হসরত্ মোহানী

মৌলানা হসরত্ (হজরত্) মোহানী কংগ্রেস-সপ্তাহে আহমদাবাদে মহাত্মা গান্ধীর সহিত কি তর্কবিতর্ক করিয়া-

ছিলেন; তাহার একটি বক্তৃত্ত গোরখপুরের এক উর্দু কাগজে হইতে অনুবাদিত হইয়া কোন কোন ইংরেজী কাগজে বাহির হইয়াছে। এই বক্তৃত্ত প্রকৃত কিনা জানি না। মহাত্মা গান্ধী যদি স্বাধীন থাকিতেন ও ইহার সম্বন্ধে মতব্য প্রকাশ করিতেন, তাহা হইলে ভাল হইত; কারণ তাহা হইলে বক্তৃত্তটি কি পরিমাণে সত্যমূলক তাহা বুঝা যাইত।

আমরা মোহানী সাহেবের সব কথাই আলোচনা করিব না, কারণ তিনি যে-সব বিষয়ের অবতারণা করিয়াছেন, তদ্বিষয়ে আমাদের জ্ঞান নাই;—আমরা জানি না, রাজনৈতিক বন্দীদের মধ্যে হিন্দু কয়জন, মুসলমান কয়জন, সরকারী-চাকরী-ত্যাগীদের মধ্যে কয় জন কোন ধর্মাবলম্বী, ওকালতী-ব্যক্তিগণের মধ্যে কয়জন বা কয়জন কোন ধর্মাবলম্বী, ইত্যাদি।

মৌলানা সাহেব নাকি বলিয়াছিলেন, যে, গান্ধী গবর্নমেন্টের প্রচ্ছন্ন বন্ধু, যেহেতু তখন পর্যন্ত গবর্নমেন্ট তাঁহাকে গ্রেপ্তার করেন নাই। আশা করা যায়, এখন মোহানী সাহেব মহাত্মা গান্ধীর গ্রেপ্তারের পর সন্তুষ্ট হইবেন ও স্বীকৃতি করিবেন, যে, গান্ধী সরকারী গুপ্তচর নহেন! মোহানী সাহেব স্বয়ং ত বক্তৃতা করিয়াছিলেন, যে, খণ্ডযুদ্ধ করিয়া ইংরেজ গবর্নমেন্টকে তাড়াইয়া দিয়া ভারতবর্ষকে স্বাধীন করা উচিত। এরূপ রাজদ্রোহসূচক বক্তৃতা করাতেও ত এপর্যন্ত গবর্নমেন্ট তাঁহাকে গ্রেপ্তার করেন নাই। ইহার কারণ কি? কেহ যদি এই কারণে সন্দেহ করে, যে, তাঁহার সহিত গবর্নমেন্টের গোপনীয় সন্ধি আছে, তাহা হইলে তাঁহার উত্তরে তিনি কি বলিতে চান, জানিতে ইচ্ছা করি।

তিনি নাকি বলিয়াছেন, যে, তিনি খিলাফৎ চান, স্বরাজ চান না, এবং এই খিলাফৎ কমাল পাশা তলোয়ারের জোরে প্রতিষ্ঠিত করিবেন। এবিষয়ে তিনি ঠিক সংবাদ পান নাই। তুরস্কের সুলতান মুসলমানদিগের খলিফা। তিনি কন্সটান্টিনোপলে “খলিফা” করেন। কিন্তু কমাল পাশা ও তুরস্কের সুলতান একযোগে কাজ করিতে-ছেন না। কমাল পাশা আন্দোলনের স্বতন্ত্র গবর্নমেন্ট স্থাপিত করিয়াছেন। সুতরাং ইহা মনে করা ও বলা ভুল, যে, কমাল পাশা খিলাফৎ পুনঃ প্রতিষ্ঠিত করিবেন।”

মোহাম্মদী সাহেব স্বরাজ চান না, খিলাফৎ চান, ইহার মানে বুঝিলাম না। স্বরাজ এবং খিলাফৎ উভয়ই স্বধর্মনিষ্ঠ ভারতীয় মুসলমানদের আবশ্যিক। তাঁহারা মনে করেন, যে, তাঁহাদের ধর্ম্মাধুষ্ঠানসকল নির্কিয়ে করিবার নিমিত্ত খিলাফতের প্রয়োজন। কিন্তু স্বরাজ অর্থাৎ জাতীয় আত্মকর্তৃত্ব না পাইলে দেশের কোন সম্প্রদায় ধনশালিতায়, শিক্ষায়, স্বাস্থ্যে, শক্তিতে অগ্রসর হইতে পারেন না। এই জন্ত স্বরাজ চাই। যখন তুরস্কের সুলতানের ক্ষমতা অপ্রতিহত ছিল, যখন তিনি নামে ও কাজে বাস্তবিক খলিফা ছিলেন, তখনও ত ভারতীয় মুসলমানেরা শিক্ষা স্বাস্থ্য ও সম্পত্তিশালিতা বিষয়ে এখনকার চেয়ে উৎকৃষ্টতর অবস্থাপন্ন ছিলেন না। সুতরাং তুরস্কের সুলতান পুনর্বার নামে ও কাজে খলিফা হইলেও ভারতীয় মুসলমানদের ঐহিক উন্নতির নিমিত্ত স্বরাজের আবশ্যিক হইবে।

স্কুলকলেজের দীর্ঘ ছুটি

ছাত্রদের প্রধান কাজ জানে ও চরিত্রে মানুষ হইয়া উঠা। তাহার পর তাঁহারা জনসেবা করিবেন। কিন্তু জানলাভ করিতে ও চরিত্রবান হইতে হইলেও মানবের সংস্পর্শে আসিবার ও মানবের সেবা করিবার প্রয়োজন আছে।

সাধারণতঃ অল্প অনেক লোকদের চেয়ে ছাত্রদের অবসর কম। তথাপি তাঁহারা যে নানা সংকাজ করেন, ইহা তাঁহাদের প্রশংসার বিষয়, এবং তাঁহাদের নিজের মঙ্গলেরও কারণ। ছুটির সময় ছাত্রদের বেশী অবসর থাকে। এই সময়ে তাঁহারা দেশমধ্যে সাক্ষাৎ জানলাভ করিতে পারেন। দেশের স্বাস্থ্য কেন খারাপ ও কিরূপ খারাপ; দেশের গরীবেরা কেমন ঘরে থাকে, কতটুকু ঘরে কতজন থাকে; কি খায়; কি পরে; দেশের লোকদের শিক্ষার বন্দোবস্ত কি আছে; কোন্ গ্রামের কতগুলি বালকবালিকার শিক্ষার বন্দোবস্ত আছে, কতগুলির নাই, ও কেন নাই; অনেক বালকবালিকা কেন লেখাপড়া শিখিতে পারে না; গ্রামের স্নানের ও পানীয়-জলের ব্যবহার কিরূপ; কি প্রকারে তাহার উন্নতি হইতে পারে; রোগীর চিকিৎসার কি উপায় আছে; নিঃস্ব রোগীর বিনোদ্যে চিকিৎসার কি উপায় আছে; গোচারণের

কি ব্যবস্থা আছে; গ্রামের বালকবালিকাদের ও প্রাপ্ত-বয়স্ক লোকদের খেলা ও আমোদের কি উপায় আছে; গ্রামে পাঠাগার আছে কি না; কথকতা হয় কি না; নানা বিষয়ে জ্ঞান দিবার জন্ত গ্রামে মাজিকলঠান সহযোগে বক্তৃতা হয় কি না; প্রাপ্তবয়স্ক অসুঃপুত্রিকাদের শিক্ষার কোন বন্দোবস্ত আছে কি না; পাণ্ডবয়স্ক নিরক্ষর পুরুষ-দিগকে লেখাপড়া শিখাইবার জন্ত নৈশবিদ্যালয়াদি আছে কি না; চাষের উন্নতির জন্ত ভাল ভাল বীজ জোগাইবার ব্যবস্থা আছে কি না; যৌথ ঋণদান-সমিতি গ্রামে আছে কি না;—ছাত্ররা এইরূপ নানা বিষয়ের ঠিক খবর নিজে দেখিয়া শুনিয়া সংগ্রহ করিতে পারেন, এবং নিজের সাধ্যমত গ্রামের কোন কোন অভাব মোচনের চেষ্টাও করিতে পারেন।

আমাদের দেশের বিস্তর সম্পন্ন পুরুষ ও স্ত্রীলোক আলস্তে কাল কাটান। মধ্যবিত্ত পরিবারেও ইহা দেখা যায়। কিন্তু সর্বাঙ্গের পরিতাপের বিষয় এই, যে, গরীবেরাও অলস জীবন যাপন করেন। সময় ও কার্যশক্তি ভগবানের অমূল্য দান, উহা আমাদের নিজের নহে। উহার সদ্যবহার করা ধনী নির্ধন সকলেরই উচিত। আলস্য কেবল যে অসুচিত তাহা নহে, উহা হইতে নানা কুঅভ্যাস ও পাপেরও উৎপত্তি হয়। গরীবদের ত মানুষের মত বাঁচিয়া থাকিবার জন্তই শ্রম করা দরকার। তাঁহারা যদি নিজ নিজ গ্রামে থাকিয়া রোজ দুই-চারি'পয়সাও রোজগার করিতে পারেন, তাহাও লাভ। সামান্য ২৪ দিনের চেষ্টায় ও অল্প মূলধনে রোজগারের এবং সময় ও শক্তির অপচয় নিবারণের প্রকৃষ্ট উপায় চর্খার প্রচলন। ছাত্রেরা দীর্ঘ গ্রীষ্মের ছুটিতে চর্খা ও হাতের তাঁত প্রচলিত করিবার এবং নেতাদের সহযোগে তদুৎপন্ন দ্রব্য বিক্রয়ের চেষ্টা করিলে সফল হইতে পারে।

চর্খার দেশময় প্রবর্তনের জন্ত বিজ্ঞানার্চাধ্যক্ষ প্রফুল্ল-চন্দ্র রায় মহাশয় যে অক্লান্ত চেষ্টা করিতেছেন, তাহা অতীব প্রশংসনীয়।

বঙ্গ বিজ্ঞানমন্দিরে গবেষণা

কলিকাতায় ধানের বাড়িতে তেতলা চারি তলায় জলের কল আছে, তাঁরা জানেন; যে, কলিকাতা মিউনিসিপালিটির মোটা মোটা বেতনের এঞ্জিনীয়ার এবং বহু লক্ষ টাকার

থাকা সত্ত্বেও অনেক সময় উপরতল্যর জল পাওয়া যায় না। কিন্তু উচ্চতম গাছের উচ্চতম ডালের শেষ পাতাটির ডগা পর্যন্ত মাটি হইতে জল উঠে এবং তাহাকে সরস রাখে। কোন কোন গাছ তিনশত হাতেরও বেশী উঁচু হয়। কিন্তু কলিকাতার পাঁচতলা বাড়ীগুলোও ৫০ হাতের বেশী উঁচু নয়। তিন শ হাত উঁচু গাছের উচ্চতম কুসপাতাটিতেও জল তুলিবার রস জোগাইবার জন্ত লোকালয়ে বা অরণ্যে কোন এক্সিকিউটর নাই, ওয়াটার-ওয়ার্কসও নাই। আছেন স্বয়ং বিশ্বকর্মা। কিন্তু তিনি কি কৌশলে জল তোলেন, শত বৎসরেরও অধিক কালের চেষ্টায় বৈজ্ঞানিকেরা তাহা স্থির করিতে পারেন নাই। আচার্য্য জগদীশচন্দ্র বসু তাঁহার বিজ্ঞান-মন্দিরে স্ব-উদ্ভাবিত যন্ত্রের সাহায্যে প্রকৃষ্টি উদ্ভেদ করিয়াছেন। তাঁহার আবিষ্কার শীঘ্র করেকটি ইউরোপীয় ভাষায় প্রকাশিত হইবে।

তুণ্ডপুন্ বা বর্ষা দ্বারা কিম্বা বড় পেরেক মারিয়া যদি খেজুর গাছে ছিদ্র করা যায়, তাহা হইতে রস বাহির হয় না। যদি গাছটাকে করাং বা কুঠার দিয়া কাটিয়া ফেলা যায়, তাহা হইলেও রস পাওয়া যায় না। কিন্তু আশ্চর্য্যের বিষয়, গাছটির মথার কাছে তুক হইতে আরম্ভ করিয়া টাছিয়া টাছিয়া পুনঃ পুনঃ কাটিলে রস বাহির হয়। বাছুর যেমন গাভীর স্তনে চুঁ মারিয়া দুধ বাহির করে, ইহা যেন কতকটা সেইরূপ। তাল গাছের ফুলের গোছার বোটার পুনঃ পুনঃ চা মারিলে তবে রস বাহির হয়। ইহার সহিতও বাছুরের চুঁ মারার সাদৃশ্য আছে। আচার্য্য বসু তাঁহার সিজ্বেডিয়া-স্থিত পরীক্ষা-উদ্যানে বৈজ্ঞানিক গবেষণা দ্বারা খেজুর ও তালের রস নির্গমন সম্বন্ধে তত্ত্ব নিরূপণ করিয়াছেন।

কলিকাতা বিশ্ববিদ্যালয়ের একটি কমিটি।

গত ২৯শে ফাল্গুন কলিকাতা বিশ্ববিদ্যালয়ের সেনেটের একটি বিশেষ অধিবেশনে ডাক্তার বিধানচন্দ্র রায়ের নিম্ন-যুক্ত প্রস্তাব দুটি বিবেচিত হইবার কথা ছিল।

(1) "That the Senate consider it 'deplorable' that the Hon. the Minister, Department of Education, Government of Bengal, should have adopted the tone he did in his speech delivered before the Legislative Council on March 1, while discussing the educational policy hitherto adopted by the University."

(2) "That the Senate herewith records its opinion that under the Act, this body is the sole authority for outlining the educational policy of the University; although it is the duty of the Senate to submit audited accounts of the money made over to the University by donors, for the purpose of carrying into effect the above policy."

এই দুটি প্রস্তাব বিবেচিত হইবার পরিবর্তে ডাক্তার স্যার নীলরতন সরকারের নিম্নলিখিত দুটি প্রস্তাব গৃহীত হয়।

(1) "That a Committee of seven members be appointed to draw up a statement on the points

arising in connection with the speech on the resolution proposed by Dr. B. C. Ray."

(2) "That such statement be submitted to the Senate within one month from this date a consideration of Dr. Ray's motion be pending the receipt of such statement."

ডাক্তার সরকারের প্রস্তাব সুস্থায়ী কমিটি নাম—স্যার আণ্ডতোষ মুখোপাধ্যায় (সভাপতি), তোষ চৌধুরী, প্রিন্সিপাল হেরবর্ডেন মৈত্র, স্যার হার, ডাক্তার হাউয়েল্‌স, ডাক্তার বিধানচন্দ্র রায় নীলরতন সরকার।

ডাক্তার নীলরতন সরকারের প্রস্তাব ছুটি ভা কমিটির সভ্যানির্বাচনে সেনেট সুবিবেচনার পরিচ বোধ হইতেছে না। কারণ, শিক্ষাসচিব বিশ্ববিদ্যালয়ের বেক্রপ ক্রটির উল্লেখ করিয়া স্যার আণ্ডতোষ মুখোপাধ্যায় এবং স্যার সরকার উভয়েরই ভাইস্-চ্যান্সেলরত্বকালে ঘটয়া শিক্ষিতসাধারণের ধারণা; স্যার প্রফুল্লচন্দ্র রায় ও হেরবর্ডেন মৈত্র বিশ্ববিদ্যালয়ের বেতনভোগী এবং

ডাক্তার হাউয়েল্‌সকে চরনিকার জন্ত বিস্তর টাকা বিশ্ববিদ্যালয় দিয়া উক্ত পাঁচজন সভ্যের সম্বন্ধে যাহা বলা যায়, যাহাদে সেক্রপ কোন কথা বলা যায় না, এরূপ লো নর্বাচিত হইলে ভাল হইত।

ছাত্রহিতসাধক কমিটি

কলিকাতা রিভিউ পত্রিকার বর্তমান মার্চ দেখিলাম—

"the Calcutta University under the Vice-ship of our distinguished physician Sir Sircar, undertook the responsible duty of examining the 40,000 students reading under the University of finding out ways and means to improve the of our young men. The Student's Welfare Co began its actual work from 28th March, 1928, since then with very limited resources in both and money, have examined more than 3800 stu

ছাত্রদের কল্যাণের জন্ত তাহাদের এই স্বাস্থ্য ব্যবস্থা করাইয়া স্যার নীলরতন ও বিশ্ববিদ্যালয় প্রয়োজনীয় ও প্রশংসনীয় কাজ করিয়াছেন সুসম্পন্ন হইতে থাকিলে ও অসুস্থ ছাত্রদের প্রতিকার হইলে, এই ব্যবস্থা ডাক্তার সরকার ও বিশ্ববিদ্যালয়ের স্থায়ী কীর্তি হইবে।

প্রবাসীর ষাণ্মাসিক সূচী

গত কার্তিক হইতে বর্তমান চৈত্র পর্যন্ত ছ প্রবাসীর সূচী আগামী বৈশাখ সংখ্যার সহিত হইবে। যাহারা এখন গ্রাহক আছেন কিন্তু বৈশাখ থাকিবেন না, তাঁহারা বৈশাখ মাসেই পরসান তা পাঠাইলে উহা বনা মূল্যে পাইবেন।

